

BS
335
519886
1887
50A

O LE

TUSI PAIA.

O LE FEAGAIGA TUAI


MA

LE FEAGAIGA FOU LEA,

UA

FAASAMOAINA.

Bible, Samoan. 1887



LONDON:

PRINTED FOR THE

BRITISH AND FOREIGN BIBLE SOCIETY,
BLACKFRIARS.

MDCCCLXXXVII.

O IGOA FAASOLOPITO O TUSI PAIA UMA I LE FEAGAIGA TUAI MA LE FEAGAIGA FOU,

ATOA MA MATAUPU O I AI.

O LE FEAGAIGA TUAI.

<i>O mataupu o i ai</i>		<i>O mataupu o i ai</i>	
O le Kenese. O le tusi muamua a Mose . . .	50	O le tusi a le Failauga	12
O le Esoto. O le tusi e lua a Mose . . .	40	O le Pese a Solomona	8
O le Levitiko. O le tusi e tolu a Mose . .	27	O le tusi a Isaia	66
O le Numera. O le tusi e fa a Mose . . .	36	O le tusi a Ieremia	52
O le Teuteronome. O le tusi e lima a Mose	34	O le Auega a Ieremia	5
O le tusi a Iosua	24	O le tusi a Esekielu	48
O le tusi i Faamasino	21	O le tusi a Tanielu	12
O le tusi ia Ruta	4	O le tusi a Hosea	14
O le tusi muamua a Samuelu	31	O le tusi a Ioelu	3
O le tusi e lua a Samuelu	24	O le tusi a Amosa	9
O le uluai tusi i Tupu	22	O le tusi a Opetaiā	1
O le tusi e lua i Tupu	25	O le tusi a Iona	4
O le tusi muamua o tala i nofoaiga a tupu	29	O le tusi a Mika	7
O le tusi e lua o tala i nofoaiga a tupu .	36	O le tusi a Nauma	3
O le tusi a Esera	10	O le tusi a Sapakuka	3
O le tusi a Neemia	13	O le tusi a Sefanaia	3
O le tusi ia Eseta	10	O le tusi a Hakai	2
O le tusi a Iopu	42	O le tusi a Sakaria	14
O le tusi o Salāmo	150	O le tusi a Malaki	4
O Faataoto	31		

O LE FEAGAIGA FOU.

<i>O mataupu o i ai</i>		<i>O mataupu o i ai</i>	
O le evagelia na tusia e Mataio	28	O le uluai tusi a Paulo ia Timoteo	6
O le evagelia ne tusia e Mareko	16	O le tusi e lua a Paulo ia Timoteo	4
O le evagelia na tusia e Luka	24	O le tusi a Paulo ia Tito	3
O le evagelia na tusia e Ioane	21	O le tusi a Paulo ia Filemoni	1
O le tala i le galuega a le au Aposetolo . .	28	O le tusi a Paulo ia Eperu	13
O le tusi a Paulo i Roma	16	O le tusi a Iakopo	5
O le tusi muamua a Paulo ia Korinito . .	16	O le tusi muamua a Peteru	5
O le tusi e lua a Paulo ia Korinito . . .	13	O le tusi e lua a Peteru	3
O le tusi a Paulo ia Kalatia	6	O le tusi muamua a Ioane	5
O le tusi a Paulo ia Efeso	6	O le tusi e lua a Ioane	1
O le tusi a Paulo ia Filipi	4	O le tusi e tolu a Ioane	1
O le tusi a Paulo ia Kolose	4	O le tusi a Iuta	1
O le tusi muamua a Paulo ia Tesalonia . .	5	O le Faaliga	22
O le tusi e lua a Paulo ia Tesalonia . . .	3		

O LE KENESE.

O LE

TUSI MUAMUA A MOSE.

Ua faia le lagi ma le lalolagi.

- 1 NA faia e le Atua le lagi ma le lalolagi i le amataga.
- 2 Sa soona nunumi le lalolagi ma ua gaogao, sa *ufitia* foi le moana i le pouliuli; na fegacioia i foi le
- 3 Agaga o le Atua i le fogātai. Ua fetalai mai le Atua, Ia malamalama; ona malamalama ai lea. Ua silasila
- 4 atu le Atua i le malamalama, ua lelei; ona tuu esese ai lea e le Atua o le malamalama ma le pouliuli.
- 5 Ua faaigoa e le Atua le malamalama, O le ao; a ua faaigoa e ia le pouliuli, O le po. O le afaifi ma le taeao o le uluai aso lea.
- 6 Ua fetalai mai foi le Atua, Ia i le va o vai le va nimonimo, e va a'i isi vai ma isi vai. Ua faia e le Atua
- 7 le va nimonimo, ua va a'i vai i lalo o le va nimonimo ma vai i luga o le va nimonimo; i le ua faapea lava.
- 8 Ua faaigoa e le Atua le va nimonimo, O le lagi. O le afaifi ma le taeao o le aso lua lea.
- 9 Ua fetalai mai foi le Atua, Ia potopoto i le mea e tasi o vai i lalo o le lagi, ia iloa foi le elelee matutu;
- 10 i le ua faapea lava. Ua faaigoa e le Atua le elelee matutu, O le elelee; a ua faaigoa e ia le faapotopotoga o vai, O le sami; ua silasila atu i
- 11 ai le Atua, ua lelei. Ona fetalai mai lea o le Atua, Ia tupu le vao mu'a mai le elelee, ma le laau afu e tupu ma ona fua, ma le laau e 'aina ona fua, e fua mai e taitasi ma lona

uiga, o ia te ia lava o ona fatu i luga o le elelee; i le ua faapea lava. Ona tupu mai lea i le elelee le vao 12 mu'a ma le laau afu e fua mai, e taitasi ma lona uiga, ma le laau e 'aina ona fua, o ia te ia lava ona fatu, e taitasi ma lona uiga; ua silasila atu i ai le Atua, ua lelei. O le afaifi ma le taeao o le aso tolu 13 lea.

Ua fetalai mai foi le Atua, Ia i 14 ai i le va nimonimo o le lagi o mea e malamalama a'i, e iloga ai le ao ma le po; ia fai foi ma faailoga, ma tau, ma aso, ma tausaga. Ma ia fai 15 ma mea e malamalama a'i i le va nimonimo o le lagi, e faamalamalama a'i le lalolagi; i le ua faapea lava. Ona faia lea e le Atua o 16 malamalama tetele e lua; o le malamalama tele e pule i le ao, a o le malamalama itiiti e pule i le po; *ua na faia* foi fetu. Ua tuu ai e le 17 Atua i le va nimonimo o le lagi e faamalamalama a'i le lalolagi; e 18 pule foi i le ao ma le po, ma ia iloga ai le malamalama ma le pouliuli; ua silasila atu i ai le Atua, ua lelei. O le afaifi ma le taeao o le aso fa 19 lea.

Ua fetalai mai foi le Atua, Ia tele 20 ona tutupu mai i le sami o mea ola e fetolofi, ia lele foi le manu lele i luga o le laueleele i le va nimonimo o le lagi. Ua faia foi e le Atua o 21 tanimo tetele ma mea ola uma e fetolofi, ua tele ona tutupu mai i le sami, e taitasi ma lona uiga, ma

- manu felelei e taitasi ma lona uiga; ua silasila atu *i ai* le Atua, ua lelei.
- 22 Ona faamanuia atu i ai lea e le Atua, ua faapea atu, Ia uluola, ma ia tupu tele, ma ia tumu ai le sami; ia tupu tele foi manu felelei i le laueleele. O le afiafi ma le taeao o le aso lima lea.
- 24 Ua fetalai mai foi le Atua, Ia tutupu mea ola mai le laueleele, e taitasi ma lona uiga, o manu vaefa fanua, ma mea fetolofi, ma manu vaefa o le vao, e taitasi ma lona uiga; i le ua faapea lava. Ua faia foi e le Atua o manu vaefa o le vao, e taitasi ma lona uiga, ma manu vaefa fanua, e taitasi ma lona uiga, atoa ma mea fetolofi uma i le eleele, e taitasi ma lona uiga; ua silasila
- 26 atu *i ai* le Atua, ua lelei. Ona fetalai ane lea o le Atua, Ina tatou faia ia o le tagata i lo tatou faatusa, ia foliga ia i tatou; ia pule foi i latou i ia i le sami, ma manu felelei, ma manu vaefa, ma le laueleele uma, atoa ma mea fetolofi uma e
- 27 fetolofi i le eleele. Ona faia lea e le Atua o le tagata i lona faatusa, o le faatusa o le Atua na ia faia ai o ia; na faia e ia o i laua o le tane
- 28 ma le fafine. Ua faamanuia foi e le Atua ia te i laua, ma ia fetalai atu le Atua ia te i laua, Ia fanafanau ia, ma ia uluola, ma ia tumu ai le lalolagi, ia faatoilalo i ai, ma ia pule i ia i le sami, ma manu felelei, atoa ma mea ola uma e fetolofi i le eleele.
- 29 Ua fetalai atu foi le Atua, Faauta, ua ou foai atu ia te oulua o laau afu uma e tutupu ma o latou fua o i le fogaleelele uma lava, atoa ma laau uma ua i ai le fua o le laau e tupu ma ona fatu; e ia te oulua ia e fai ma mea e 'ai. O manu vaefa uma foi o le vao, ma manu felelei uma, atoa ma mea fetolofi uma i le eleele, o i ai le ola, *ua ou foai atu i ai* o laau afu uma lauolaola e fai ma
- 31 mea e 'ai; i le ua faapea lava. Ua silasila atu le Atua i mea uma na faia, faauta foi, ua matuā lelei lava. O le afiafi ma le taeao o le aso ono lea.
- O le uluai aso sa; o le faatoaga i Etena; o le tala i le uluai fafine.*
- 2 UA uma lava ona faia o le lagi ma le lalolagi, atoa foi ma mea uma o i ai. Ua faauma e le Atua i le aso fitu lana galuega na faia e ia; ona malolo ai lea o ia i le aso fitu i lana galuega uma na faia e ia. Ona faamanuia atu lea e le Atua i le aso fitu, ma na faasaina ai; auā na malolo ai o ia i lana galuega uma lava na faia e le Atua ma na saunia.
- O le tala lenei i le lagi ma le lalolagi ina o faia ia, i le aso na fai ai e Ieova le Atua le lalolagi ma le lagi. A o leai lava ni vao. Ii uma o le fanua i le laueleele, ua le tutupu foi laau afu uma o le fanua; auā e lei faatotōina le ua e Ieova le Atua i le eleele, ua leai foi se tagata e galue i le laueleele. A na alu ae le ausa i le eleele, ua sūsū ai le fogaleelele uma. Ona faia lea e Ieova le Atua o le tagata i le efuefu o le eleele, ma ua mānava i ona pogaiisu o le mānava ola; ona avea ai lea o le tagata ma tagata ola. Ua faia foi e Ieova le Atua o le faatoaga i Etena i sasae; ona ia tuuina lea i lea mea o le tagata na na faia. Ua faatutupuina foi e Ieova le Atua i le fanua o laau uma e matagofie i le vaai, e lelei foi pe a 'aina; ma le laau o le ola i totonu o le faatoaga, ma le laau e iloa ai le lelei ma le leaga. Na tafe atu foi le vaitafe mai Etena e faasūsū ai le faatoaga, ona ala eseese ai lea, ua avea ma vaitafe e fa. O le igoa o le tasi o Pisona; e faataamilomilo lea i le nuu uma o Hāvila, e i ai auro; e lelei foi auro o lea nuu; e i ai petala ma maa soama. O le igoa foi o lona lua o vaitafe o Kaiona; e faataamilomilo lea i le nuu uma o Kuso. O le igoa foi o lona tolu o vaitafe o Hitekelu; e tafe atu lea i sasae i Asuria. O lona fa o vaitafe o Eufirate lea. Ua ave foi le tagata, e Ieova le Atua, ma ua tuu ia te ia i le faatoaga i Etena e galue ai ma leoleo ai. Ua fetalai atu foi Ieova le Atua i le tagata, o loo faapea atu, O laau uma o i le faatoaga e te 'ai ai. A o le laau e iloa ai le lelei ma le leaga, aua e te 'ai ai; auā o le aso e te 'ai ai e te oti ai lava.
- Ua fetalai mai foi Ieova le Atua, E le lelei ina toatasi o le tagata; ou te faia sona fesoasoani e tatau ma ia. Na faia e Ieova le Atua i le

eleele o manu vaefa uma lava, ma manu felelei uma lava; na ia aumaia ia Atamu ia iloa pe ni a *ni igoa* na te faaigoa ai; o le *igoa* ua faaigoaina ai e Atamu i mea ola uma
 20 o lona igoa lea. Ona faaigoaina atu lea e Atamu o igoa i manu vaefa fanua, uma, ma manu felelei, atoa ma manu vaefa uma o le vao; a o Atamu, e lei maua se fesoasoani e
 21 tatau ma ia. Ua faamoegaseina o Atamu e Ieova le Atua, i le ua moe lava; ona toina lea e ia le tasi ona ivi asoaso, ma na faasoo ane le aano
 22 e sui ai. O le ivi asoaso foi na toina e Ieova le Atua ia Atamu ua na fai ai le fafine, ona ia aumaia lea
 23 o ia ia Atamu. Ona faapea ai lea o Atamu, O le ivi lava leni o o'u ivi, ma le aano o o'u aano; e ta'ua o ia o le fafine, auā na toina atu o ia ai
 24 le tane. O le mea lea e tuua ai e le tane lona tamā ma lona tinā, a e faatasi ma lana avā; ona avā ai lea
 25 o i laua ma tino e tasi. Sa le lavalavā i laua o Atamu ma lana avā, a ua le mamā lava.

O le agasala muamua a le tagata.

3 UA sili le atamai o le gata i manu uma o le vao na faia e Ieova le Atua. Ua fai mai o ia i le fafine, E moni ea, na fetalai mai le Atua, lua te le
 2 aai i laau uma o le faatoaga? Ona tali atu ai lea o le fafine i le gata, O fua o laau o le faatoaga ma te aai
 3 ai lava; a o le fua o le laau o i tonu o le faatoaga na fetalai mai ai le Atua, Aua ma te aai ai, aua foi
 4 ma te papai atu i ai, ne'i ma oti. Ona fai mai lea o le gata i le fafine,
 5 Lua te le oti lava; auā ua silafia e le Atua, o le aso lua te aai ai, e pupula ai o oulva mata; ona avea ai
 6 lea o oulva e pei ni atua o loo iloa le lelei ma le leaga. Ona vaai atu lea o le fafine i le laau e lelei lava
 7 pe a 'ai, ma ua matagofie mai, o le laau foi e aoga e maua ai le potō, ona tago ai lea o ia i lona fua, ma
 8 'ai ai; na ia avatu foi i lana tane faatasi ma ia, na 'ai ai foi o ia. Ona pupula ai lea o laua mata, ua la
 9 iloa ua le lavalavā i laua; ona la fatu ai lea o lau o le mati ua fai mo
 10 laua titi. Ua faalogo i laua i le siufofoga o Ieova le Atua o loo

savali i le faatoaga i le itu aso e agi malie mai ai le matagi; ona lalafi ai lea o Atamu ma lana avā ai luma o Ieova le Atua i laau o le faatoaga.
 9 Ona valaau atu lea o Ieova le Atua ia Atamu, ua faapea atu ia te ia, O fea o i ai oe? Ona tali mai lea o ia, Na ou faalogo atu i lou siufo-
 10 foga i le faatoaga, ona ou fefe ai lea, auā ua ou le lavalavā; ona ou lafi lea. Ua fetalai atu o ia, O ai
 11 ea ua na ta'u atu ia te oe ua e le lavalavā? Ua e 'ai ea i le laau na ou fai atu ai ia te oe, e aua e te 'ai ai?
 12 Ona faapea mai lea o Atamu, O le fafine na e au mai ia te au, ua na au mai ia te au *le fua* o le laau, ona ou 'ai ai lea. Ona fetalai atu
 13 lea o Ieova le Atua i le fafine, Se a lena mea ua e faia? Ona tali mai lea o le fafine, Na faasese mai le gata ia te au, ona ou 'ai ai lea. Ona fetalai atu lea o Ieova le Atua i le gata, E sili lou malaia i manu
 14 vaefa fanua uma, ma manu vaefa uma lava o le vao, ina ua e faia lena mea; e te sosolo i lou manava, o le efuefu e te 'ai ai i aso uma o lou
 15 ola; ou te faatupuina le feitagai ia te oulva ma le fafine, o lau fanau foi ma lana fanau; na te tu'imomomoina lou ulu, a o oe e te tu'imomomoina lona mulivae.

Ua fetalai atu o ia i le fafine, Ou
 16 te matuā faateleina le tiga o lou mati to; e te fanau mai tama ma le tiga; e vai atu lou manao i lau tane, e pule foi o ia ia te oe.

Ua ia fetalai atu foi ia Atamu,
 17 Ua e usiuitai i le upu a lau avā, ma ua e 'ai i le laau na ou fai atu ai ia te oe, na faapea atu, e aua e te 'ai ai; o le mea lea ua malaia ai le lauelele ona o oe; e te 'ai ai ma le tiga i aso uma o lou ola; e tutu-
 18 pu mai ai o laau tuitui ma laau talatala ia te oe; e te 'ai foi laau afu o le fanua; e te 'ai foi au mea
 19 e 'ai ma le afu o ou mata, seia e toe foi atu i le eleele; auā na faia ai lava oe; auā o le efuefu oe, e te toe foi atu lava i le efuefu. Ua faaigoa-
 20 ina e Atamu le igoa o lana avā o Eva; auā o le tinā o ia o tagata ola uma. Ua faia foi ofu pa'u e Ieova
 21 le Atua mo Atamu ma lana avā, ua faaofu ai ia te i laua.

- 22 Ua fetalai ane foi Ieova le Atua, Faauta, ua avea le tagata e pei o so tatou, ua iloa ai le lelei ma le leaga; o lenei, ne'i aapa atu lona lima, ma tago atu foi i le laau o le ola, e 'ai ai, ma ola e faavavau; ona tulia ai lea o ia e Ieova le Atua ai le faatoaga o Etena, ia galue i le eleele na
- 24 faia mai ai o ia. Ua ia tuli atu lava ia Atamu; ua ia tofia foi kerupui e nonofo i le itu i sasae o le faatoaga o Etena, ma le pelu afi mumū, o loo feliuliuai e leoleo ai le ala i le laau o le ola.
- O le tala ia Kaino, ma Apelu, ma Lameko.*
- 4 UA iloa e Atamu lana avā o Eva; ona to ai lea o ia, ona fanau mai lea e ia o Kaino, ua ia faapea ane foi, Ua ou maua le tagata mai ia
- 2 Ieova. Ua toe fanau mai foi e ia o lona uso o Apelu. O Apelu foi, o le leoleo mamoe o ia; a o Kaino,
- 3 o le galue fanua ia. Ua oo ina atoa o aso, ona avatu ai lea e Kaino o le fua o le fanua o le taulaga ia Ieova.
- 4 A o Apelu, ua ia avatu foi 'uluai tama a lona lafu, o e pepeti ai lava. Ua silasila mai Ieova ia Apelu, atoa
- 5 ma lana taulaga; a e peitai o Kaino ma lana taulaga, ua ia le silasila i ai. Ona ita tele ai lea o Kaino, ua
- 6 faaūū lava ona mata. Ona fetalai atu lea o Ieova ia Kaino, Se a le mea ua e ita ai? Se a foi ua faaūū ai ou mata? Pe afai e te amio lelei e te le maua ea le fiafia? a e afai e te le amio lelei o loo taoto i le faitotoa le agasala. E uai atu lona manao ia te oe, e te pule foi oe ia te ia.
- 8 Ua fai mai foi Kaino ia Apelu lona uso, ua i ai foi i laua i le fanua, ona tulai atu lea o Kaino ia Apelu
- 9 lona uso, ma fasioti ia te ia. Ua fetalai atu Ieova ia Kaino, O fea o i ai Apelu lou uso? Ona tali mai lea o ia, Ou te lei iloa; o a'u ea le leoleo o lo'u uso? Ua fetalai atu o ia, Se a le mea ua e faia? O loo alaga mai ia te au mai le eleele le
- 11 leo o le toto o lou uso. O lenei, ua malaia oe mai le eleele, ua faamaga mai lona gutu e tali a'i le toto o lou uso mai lou lima. A ē galue i le eleele, e le toe fua lelei mai ona fua
- ia te oe; e avea oe ma maumausolo ma faasevasevaloaia i le lalolagi. Ona tali mai lea o Kaino ia Ieova, 13 Ua sili la'u agasala, ou te le lavatia. Faauta, ua e tulia a'u i le aso nei ai 14 le fogāelele; o le a lilo a'u ai ou fofoga; o le a avea a'u ma maumausolo ma faasevasevaloaia i le lalolagi; ai se maua a'u e fasiotia a'u e ia. Ua fetalai atu Ieova ia te ia, O 15 lenei, ai se fasioti ia Kaino e tauia faafitu o ia. Ona tuuina lea e Ieova le faailoga ia Kaino, e le fasiotia o ia e se maua o ia. Ona alu 16 atu lea o Kaino ai luma o Ieova, ua mau foi o ia i le nuu o Nota, i le itu i sasae o Etena. Na iloa e Kaino 17 lana avā; ona to ai lea o ia, ona fanau mai lea e ia o Enoka. Ua faia e ia le aai, ua faaigoa atu foi e ia o le igoa o le aai i le igoa o lona atalii, o Enoka. Ua fanaua e Enoka 18 o Irata; ua fanaua e Irata o Mekualala; ua fanaua e Mekualala o Metusaeli; ua fanaua foi e Metusaeli o Lameko. O Lameko foi ua fai ana 19 avā e toalua; o le igoa o le tasi o Ata, o le igoa foi o le isi o Sela. Ua fanau foi e Ata o Iapalu; o le 20 tupuga ia o e mau i fale ie, ma ua fai lafu manu. O le igoa o lona 21 uso o Iupalu lea; o le tupuga ia o i latou uma o e fai kitara ma faaili. O Sela foi na fanau e ia o Tupalu- 22 kaino, o le tufuga ia e fai mea uma lava ua faia i 'apa memea ma uamea; o le tuafafine foi o Tupalu-kaino o Naama lea. Na fai atu Lameko i 23 ana avā, Ata ma Sela e, faalogologo mai ia i lo'u leo; avā e a Lameko, uai mai ia o oulua taliga i la'u upu; auā na ou fasioti le tagata ona o lo'u manua, o le taulealea foi ona o lo'u fasiga; afai e faafitu ona tauia 24 o se fasiga o Kaino, e faafitugafulu ma le fitu o se tauia o se fasiga o Lameko.
- Ua toe iloa e Atamu lana avā; 25 ua fanau foi e ia lana tama tane, ma ua faaigoa ia te ia o Setu; auā na faapea ia, Ua tofia mai e le Atua ia te au le tasi tama o le sui o Apelu, o le na fasiotia e Kaino. Ua fanaua 26 foi e Setu lona atalii, ua faaigoa foi ia te ia, o Enosa. O ona po iana amata ai cna valaau tagata i le suafa o Ieova.

*O gafa ma tausaga o tupuga, e afua
mai ia Atamu e oo ia Noa.*

- 5 O LE tusi lenei i le gafa o Atamu.
O le aso na faia ai e le Atua le
tagata na ia faia o ia ua faatusa i le
2 Atua. Na ia faia i laua, o le tane
ma le fafine, na ia faamanuia foi ia
te i laua, ma na faaigoaina ai o la
igoa o Atamu, i le aso na faia ai i
3 laua. Na ola Atamu i tausaga e
tasi le selau ma le tolugafulu, ona
fanaua lea e ia o *lona atalii* e foliga
ia te ia ma faatusa i ai; ma ua
4 faaigoaina e ia lona igoa o Setu. O
aso lava o Atamu talu ina fanauina
e ia o Setu e valu selau o ona tau-
saga, ma ua fanaua ai e ia o atalii
5 ma afafine. O aso uma foi na ola
ai Atamu, e iva selau ma le tolu
gafulu, o ona tausaga ia; ona oti ai
lea.
- 6 Na ola Setu i tausaga e tasi le
selau ma le lima, ona fanaua lea e
7 ia o Enosa. O le olaga foi o Setu
talu ina fanauina e ia o Enosa, o
tausaga e valu selau ma le fitu ia,
ma ua fanaua ai e ia o atalii ma
8 afafine. O aso uma foi o Setu e iva
selau ma le sefulu ma le lua, o ona
tausaga ia; ona oti ai lea.
- 9 Na ola Enosa i tausaga e iva-
gafulu, ona fanaua lea e ia o Kai-
10 nano. O le olaga foi o Enosa talu
ina fanauina e ia o Kainano, o tau-
saga ia e valu selau ma le sefulu ma
tausaga e lima, ma ua fanaua ai e
11 ia o atalii ma afafine. O aso uma
foi o Enosa e iva selau ma le lima,
o ona tausaga ia; ona oti ai lea.
- 12 Na ola Kainano i tausaga e fitu-
gafulu, ona fanaua lea e ia o Ma-
13 laelu. O le olaga foi o Kainano
talu ina fanauina e ia o Maalaelu, o
tausaga ia e valu selau ma le faga-
fulu, ma ua fanaua ai e ia o atalii
14 ma afafine. O aso uma foi o Kai-
nano e iva selau ma le sefulu, o ona
tausaga ia; ona oti ai lea.
- 15 Na ola Maalaelu i tausaga e onoga-
gafulu ma le lima, ona fanaua ai lea
16 e ia o Iareto. O le olaga foi o
Maalaelu talu ina fanauina e ia o
Iareto, o tausaga ia e valu selau ma
le tolugafulu, ma ua fanaua ai e ia
17 o atalii ma afafine. O aso uma foi
o Maalaelu e valu selau ma le ivaga-

fulu ma le lima, o ona tausaga ia;
ona oti ai lea.

Na ola Iareto i tausaga e tasi le 18
selau ma le onogafulu ma tausaga
e lua, ona fanaua ai lea e ia o
Enoka. O le olaga foi o Iareto talu 19
ina fanauina e ia o Enoka, o tau-
saga e valu selau ia. ma ua fanaua
ai e ia o atalii ma afafine. O aso 20
uma foi o Iareto e iva selau ma le
onogafulu ma le lua, o ona tausaga
ia; ona oti ai lea.

Na ola Enoka i tausaga e onoga- 21
fulu ma le lima, ona fanaua ai lea e
ia o Metusela. Na la feooai foi o 22
Enoka ma le Atua talu ina fanauina
e ia o Metusela, i tausaga e tolu
selau. ma ua fanaua ai e ia o atalii
ma afafine. O aso uma foi o Enoka 23
e tolu selau ma le onogafulu ma le
lima, o ona tausaga ia. Na la feooai 24
foi o Enoka ma le Atua; ua le *iloa*
foi e ia, auā na avea o ia e le Atua.

Na ola Metusela i tausaga e selau 25
ma le valugafulu ma tausaga e fitu,
ona fanaua ai lea e ia o Lameko.
O le olaga foi o Metusela talu ina 26
fanauina e ia o Lameko, o tausaga
ia e fitu selau ma le valugafulu ma
tausaga e lua, ma ua fanaua ai e ia
o atalii ma afafine. O aso uma foi 27
o Metusela e iva selau ma le onoga-
fulu ma le iva, o ona tausaga ia;
ona oti ai lea.

Na ola Lameko i tausaga e selau 28
ma le valugafulu ma tausaga e lua,
ona fanaua ai lea e ia lona atalii, ma 29
ua faaigoaina e ia lona igoa o Noa,
o loo faapea, E faamafanafanaina i
tatou e ia i la tatou galuega ma le
tiga o tatou lima, ona o le laueleele
ua malaia ia Ieova. O le olaga foi 30
o Lameko talu ina fanauina e ia o
Noa, o tausaga ia e lima selau ma
le ivagafulu ma tausaga e lima, ma
ua fanaua ai e ia o atalii ma afafine.
O aso uma foi o Lameko e fitu selau 31
ma le fitugafulu ma le fitu, o ona
tausaga ia; ona oti ai lea.

Ua lima selau tausaga o Noa, ona 32
fanaua ai lea e Noa o Semu, ma
Hamo, ma Iafeta.

*O le amio leaga a tagata. O le vaa
o Noa.*

UA oo ina amata ona faatoateleina 6
o tagata i le fogāleelele, ma ua

2 fauauina e i latou o afafine, ona
 vaavaai lea o atalii o le Atua i
 afafine o tagata, ua lalelei lava i
 latou; ona fai avā ai lea o i latou i
 3 fafine uma ua latou loto i ai. Ona
 fetalai ane lea o Ieova, E le faava-
 vau ona finau o lo'u Agaga ma
 tagata, auā ua na o tagata i latou;
 a o latou aso e selau ma le luafulu
 4 o tausaga ia. Sa i le lalolagi i ia
 ona aso o tagata maualuluga; e
 faapea foi i ona tua mai, ina ua o
 ane o atalii o le Atua i afafine o
 tagata, ma ua fananau ai ia te i
 latou, o tagata malolosi ia ma le
 ta'ua ananua.
 5 Ua silafia e Ieova ua leaga tele
 lava tagata i le lalolagi, o manatu
 uma ua mafaufau ifo ai i o latou
 loto ua na ona leaga ia i aso uma
 6 lava. Ua salamo foi Ieova ina ua
 faia e ia tagata i le lalolagi, ma ua
 7 tiga ai lona finagalo. Ona fetalai
 ane lea o Ieova, Ou te soloiesina i
 le fogāleelele tagata na ou faia; o
 tagata, ma manu vaefa, ma mea
 fetolofi, atoa ma manu felelei; auā
 ua ou salamo ina ua ou faia i latou.
 8 A o Noa, ua alofagia o ia e Ieova.
 9 O le tala lenei ia Noa; o Noa o
 le tagata amiotonu ia ma le sao i e
 tupulaga ma ia; sa la feooai o le
 10 Atua ma Noa. Ua fanaua foi e
 Noa ona atalii e toatolu, o Semu,
 11 ma Hamo, ma Iafeta. Ua leaga
 lava le lalolagi i luma o le Atua, ma
 12 ua tumu le lalolagi i le sauā. Ua
 silasila mai le Atua i le lalolagi,
 faauta foi, ua leaga lava; auā o
 tagata uma ua leaga ia i latou a
 latou amio i le lalolagi.
 13 Ua fetalai atu le Atua ia Noa,
 Ua oo mai i o'u luma le iuga o
 tagata uma; auā ua tumu le lalo-
 lagi i le sauā ona o i la'ou; faauta
 foi, o a'u lava, ou te faaumatia i
 14 latou atoa ma le lalolagi. Ia e faia
 se vaa mo oe i le laau o le kofa; e
 te faia ni ana i le vaa, e te puluti ai
 15 foi i le liu ma tua i pulu. Ia faapea
 foi ona e faia; e tolu selau o kupita
 o le umi lea o le vaa, e limagafulu
 o kupita lona lautele, e toluagafulu
 16 o kupita foi lona maualuga. E te
 faia se faamalama i le vaa, o le
 kupita foi e te faaumaina i luga; e
 te faia foi se faitotoa o le vaa i

lona itu; e te faia ni ona *fogavaa*,
 o le aupito i lalo, ma lona lua,
 ma lona tolu. Faauta, o a'u foi, 17
 ou te faaooina atu le lolo i luga
 o le laueleele, e faaumatia ai mea
 ola uma ua i ai le mānava o le ola
 o i lalo o le lagi; e faauma ai le ola
 o mea uma i le lalolagi. A e ou te 18
 faatumaaina la'u feagaiga ma oe;
 e te ulu atu foi i le vaa, o oe, ma
 ou atalii, ma lau avā, atoa ma avā a
 ou atalii faatasi ma oe. E te ave i 19
 le vaa mea ola ia tailua i mea uma,
 ia faaolaina faatasi ma oe; ia i ai le
 manu poa ma le manu fafine; o 20
 manu felelei e taitasi ma lona uiga,
 ma manu vaefa e taitasi ma lona
 uiga, o mea fetolofi uma o i le elelee
 e taitasi ma lona uiga, ia tailua ona
 o atu ia te oe i mea uma, ia faaolaina.
 O oe foi e te ave ma oe ni mea e 'ai 21
 i mea uma e 'aina, e te faaputuina
 ia te oe; e fai foi ma mea e 'ai mā
 oe atoa ma i latou. Na faia foi e 22
 Noa e faapei ona poloai atu ai le
 Atua ia te ia i mea uma, sa faapea
 lava ona fai e ia.

O le lolo.

UA fetalai atu Ieova ia Noa. Ina 7
 ulu atu ia o oe atoa ma lou aiga
 uma i le vaa; auā ua ou iloa oe o
 le amiotonu i o'u luma i lenei tupu-
 laga. Ia e ave e taifitu i manu vaefa 2
 uma e mamā, o le manu poa ma le
 manu fafine; a o manu vaefa e le
 mamā e tailua ia, o le manu poa ma
 le manu fafine. O manu felelei foi 3
 e taifitu, o le manu poa ma le manu
 fafine, ia ola mai ai a latou fanau i
 le fogāleelele uma. Auā e toe fitu 4
 aso ona ou faatotoina ifo ai lea o le
 ua i le lalolagi e fagafulu ona ao e
 fagafulu foi ona po; ou te soloiesea
 foi i le fogāleelele o mea ola uma ua
 ou faia. Na faia foi e Noa e tusa 5
 ma mea uma na poloai atu ai Ieova
 ia te ia. O le ono selau o tausaga 6
 o Noa na oo ai le lolo i le lalolagi.
 Ua ulu atu Noa, ma ona atalii, ma 7
 lana avā, ma avā a ona atalii faatasi
 ma ia i le vaa ona o le lolo. O 8
 manu vaefa e mamā, ma manu vaefa
 e le mamā, ma manu felelei, atoa
 ma mea uma e fetolofi i le elelee,
 ua tailua ona ulu atu i latou ia Noa 9
 i le vaa, o le manu poa ma le manu

fafine, e faapei ona poloai atu ai le
 10 Atua ia Noa. Ua oo foi i le aso
 fitu, ona oo ai lea o le vai o le lolo i
 11 le lalolagi. O le tausaga e ono
 selau o le olaga o Noa, o le masina
 e lua, o le aso e sēfulu ma le fitu o
 le masina, o le aso lava lea na lepeti
 ai o punāvai uma o i le moana sau-
 12 sau, ma ua faaavanoaina pupuni o
 le lagi. Sa i ai le uaga i le lalolagi
 i ao e fagafulu ma po e fagafulu.
 13 O le aso lava lea na ulu atu ai Noa,
 ma atalii o Noa, o Semu, ma Hamo,
 ma Iafeta, ma le avā a Noa, ma avā
 e toatolu a ona atalii, e faatasi ma i
 14 latou, i le vaa; o i latou nei, ma manu
 o le vaouma e taitasi ma lona uiga, ma
 manu vaefa fanua uma e taitasi ma
 lona niga, ma mea fetolofi uma e fetolofi
 i le eleele e taitasi ma lona uiga,
 ma manufelelei uma e taitasi malo: a
 15 uiga, o mea felelei uma e taitasi ma
 uiga esese, ua latou ulu atu foi ia
 Noa i le vaa, e tailua i mea ola uma
 16 o i ai le mānava ola. Ua latou ulu
 atu, o le poa ma le fafine i mea ola
 uma, ua latou ulu atu, e faapei ona
 poloai atu le Atua ia te ia; ona
 17 pupuni ai lea e Ieova ia te ia. Sa i
 ai foi le lolo i le lalolagi i ona aso e
 fagafulu; ua faatuputeleina le vai,
 ma ua opeopea ai le vaa, ua neetia
 18 foi i luga o le eleele. Ua malo lava
 le vai, ma ua matuā faateleina i le
 lalolagi; ua alu foi le vaa i le fogā-
 19 vai. Ua matua malo tele lava le
 vai i le lalolagi; ma ua ufitia ai
 mauga maualuluga uma o i lalo o
 20 le lagi uma. E sēfulu ma le lima
 kupita na malo ai le vai i luga, ma
 21 ua ufitia ai mauga. Ona faauma ai
 lea o le ola o mea ola uma na feoi
 i le lalolagi, o manu felelei, ma
 manu vaefa fanua, ma manu feai,
 ma mea fetolofi uma na fetolofi i le
 22 eleele, atoa ma tagata uma; na
 faauma le ola o mea uma sa i ai le
 mānava o le ola i o latou pogaiisu i
 23 mea uma sa i le eleele matutu. Na
 faaumatia o mea ola uma sa i le
 fogāelele, o tagata, ma manu vaefa,
 ma mea fetolofi, atoa ma manu
 felelei; na faaumatia i latou ai le
 lalolagi; na o Noa, i le ma i latou
 24 sa i le vaa ma ia ua totoe. Samalo
 le vai i le lalolagi i ona aso e selau
 ma le limagafulu.

*Ua mavae le lolo; ua tuua le vaa e
 Noa ma mea ola uma.*

UA manatua e le Atua Noa, ma 8
 mea ola uma, ma manu vaefa uma
 sa i le vaa ma ia. Ua faaagi atu e
 le Atua le matagi i le lalolagi; ona
 2 mau ai lea o le vai; ua punitia foi
 punāvai o le moana, ma pupuni o
 le lagi; ua taofia foi uaga mai le
 3 lagi. Ua mau atu le vai ai le lalo-
 lagi, ua saga mauui lava; ua mavae
 āso e selau ma le limagafulu ona
 faaitiiti lea o le vai. O le fitu o 4
 masina, ma lona aso e sēfulu ma le
 fitu, ua tū ai le vaa i luga o mauga
 o Ararata. Ua saga mauui pea le 5
 vai ua oo i le masina e sēfulu; ua
 oo i le masina e sēfulu, o le aso
 muamua o lea masina, ua mānu ai
 tumutumu o mauga. Ua oo ina 6
 atoa o aso e fagafulu, ona tatala lea
 e Noa le faamalama o le vaa na ia
 faia; ua ia tuu atu ai le oreva; ua 7
 lele atu ia, ma fefoifoiai ua oo ina
 mate o le vai ai le lauelele. Ua ia 8
 tuuina atu foi le lupe nai ia te ia,
 ia iloa ai po ua papau le vai i le
 fogāelele. A ua le maua e le lupe 9
 se mea e mapu ai ona vae, ona toe
 foi mai lea o ia ia te ia i le vaa;
 auā sa i ai le vai i le fogāelele
 uma. Ona aapa atu lea o lona 10
 lima, ma tago i ai, ma au mai ia te
 ia i le vaa. Ona toe faatalitali lea
 o ia i nisi aso e fitu, ona toe tuuina 11
 atu lea e ia o le lupe ai le vaa; ua
 toe foi mai ia te ia o le lupe i le
 afiafi; faauta foi, o i lona gutu le
 lau olive mata; ona iloa ai lea e
 Noa ua papau le vai i le lalolagi.
 Ona toe faatalitali lea o ia i nisi 12
 aso e fitu, ona tuuina atu lea e ia o
 le lupe; a ua le toe foi mai lava ia
 ia te ia. Ua oo i le tausaga e ono 13
 selau ma le tasi, o le uluai masina,
 o le uluai aso o le masina, ua mate
 ai le vai i le lauelele; ona toe ese
 lea e Noa le ufi o le vaa, ma ua
 vaai atu faauta foi, ua matutu le
 fogāelele. O le masina e lua ma 14
 le aso e luafulu ma le fitu o lea
 masina na matutu ai le eleele.

Ua fetalai atu le Atua ia Noa, o 15
 loo faapea atu, Ina ulufaso ia i le 16
 vaa, o oe, ma lau avā, mā ou atalii,
 ma avā a ou atalii, faatasi ma oe.

- 17 Ina aumaia i fafo faatasi ma oe o manu uma o ia te oe, i mea ola uma, o manu felelei, ma manu vaefa, atoa ma mea fetolofi uma e fetolofi i le eleele; ina ia latou tutupu tele lava i le lalolagi, ia fanafanau ma ia uluola i le lalolagi.
- 18 Ona ulufafo lea o Noa, ma ona atalii, ma lana avā, ma avā a ona atalii faatasi ma ia. Ona ulufafo lea i le vaa, o manu vaefa uma, o mea fetolofi uma, ma manu felelei uma, atoa ma mea uma e feoi i le laueleele e taitasi ma lona uiga.
- 20 Ona faia lea e Noa o le fata faitaulaga ia Ieova; ua avea foi e ia nisi manu i manu vaefa uma e mamā, ma manu felelei uma e mamā, ua ia fai a'i taulaga mu i le fata. Ua lagona foi e Ieova le manogi lelei, ona faapea ifo lea o Ieova i lona finagalo, E ui lava ina leaga o manatu o loto o tagata e afua mai ina o tama iti, ou te le toe faaoo le malaia i le laueleele ona o tagata; ou te le toe taia mea ola uma e pei
- 22 ona ou faia. O aso uma o le lalolagi e le toe utuva ai o tausaga e lulu ai, ma tausaga e selesele ai, o le maalili foi ma le vevela, o le vaifoelau ma le vaipalolo, o le ao foi ma le po.

O le faamanuaina o Noa; ua vaioa le fasioti; o le feagaiga ua faia e le Atua ma Noa.

- 9 UA faamanuia atu e le Atua ia Noa ma ona atalii, ma ua faapea atu ia te i latou, Ia outou fanafanau, ma ia uluola, ma ia tumu le lalolagi
- 2 ia te outou. O le mata'u ia te outou ma le fefe ia te outou e oo i manu vaefa uma o le lalolagi, ma manu felelei uma, ma mea uma e feoi i le eleele, atoa ma i'a uma o le sami; ua tuuina atu ia i o outou
- 3 lima. O mea ola uma e feoi, e a outou ia e fai ma mea e'ai; ua ou foaiina atu ma outou o mea uma, e
- 4 pei o laau afu e tupu lauolaola. A o le aano o manu o i ai le ola, o lona toto foi lea, aua tou te aai ai.
- 5 E moni lava, ou te tau i atu lo outou toto o lo outou ola; ou te tau i atu i manu uma; o le tagata foi, ou te tau i atu le ola o le tagata i le tagata
- 6 lona uso. O se na te faamaligiina

le toto o le tagata, e faamaligiina lona lava toto e le tagata; auā o le faatusa o le Atua na fai ai e ia le tagata. O outou foi, ia outou fanafanau, ma ia outou uluola; ia outou tuputupulaina i le lalolagi, ma ia outou uluola ai.

Ua fetalai atu foi le Atua ia Noa, ma ona atalii faatasi ma ia, o loo faapea atu, Faauta foi, o a'u, ou te faatumauina la'u feagaiga ma outou, ma a outou fanau pe a mavae outou; atoa foi ma mea ola uma o ia te outou, o manu felelei, o manu vaefa fanua, ma manu o le vao uma o ia te outou, o mea uma ua ulufafo i le vaa e oo i manu uma o le lalolagi. Ou te faatumauina lava la'u feagaiga ma outou; e le toe faaumatia lava mea ola uma i le vai o se lolo; e leai foi se toe lolo e faaumatia ai le lalolagi. Ua fetalai atu foi le Atua, O le faailoga leni o le feagaiga ou te faia ma outou, atoa ma mea ola uma o ia te outou, e autupulaga lava; ua ou tuuina la'u nuanua i le ao, e fai ma faailoga o le feagaiga a le lalolagi ma a'u. A ou faamalumuina ifo le lalolagi i se ao, ma ua iloa le nuanua i le ao; ona ou manatua lea o la'u feagaiga ua ou osia, ma outou, ma mea ola eseese uma lava; e le toe avea le vai ma lolo e faaumatia ai mea ola uma. E i ai foi le nuanua i le ao, ou te vaai foi i ai, e manatua ai le feagaiga e faavavau ua osia e a'u o le Atua ma mea ola eseese uma lava o i le lalolagi. Ua fetalai atu le Atua ia Noa, O le faailoga leni o le feagaiga ua ou faatumauina e a'u ma mea ola uma o i le lalolagi.

O atalii foi nei o Noa e na ulufafo i le vaa, o Semu, ma Hamo, ma Iafeta; o Hamo foi o le tamā ia o Kanana. O atalii nei e toatolu o Noa; o i latou foi na āina solo ai le lalolagi uma. Ona amata lea e Noa ona galue i le eleele, ua ia fai foi le tovine. Ua inu foi o ia le uaina, ma ua onā ai; ua le lavalavā foi o ia i lona fale ie. Ona ilo atu lea e Hamo le tamā o Kanana le le lavalavā o lona tamā, i le ua ta'uina atu e ia i ona uso e toalua i fafo. Ona fetagofi lea o Semu ma Iafeta i le ofu, ma faae ai i o la tau'au, ma la

savavali tuumuli i tua, ma ufufi ai le le lavalavā o lo la tamā; ua faasaga ese foi o laua mata, uā le ilo atu foi e i laua le le lavalavā o lo la tamā. 24 Ua ala Noa i lana uaina, ua iloa foi e ia le mea ua faia ia tē ia e 25 lona atalii aupito ititi; ona fai ane lea o ia, E malaia Kanana; e matuā 26 fai o ia ma pologa i ona uso. Ua fai ane foi o ia, Ua faafetaia Ieova le Atua o Semu; e fai foi Kanana mona pologa. E faalateleina Iafeta e le Atua, e mau foi o ia i fale ie o Semu; e fai foi Kanana mona pologa. 28 Na ola foi Noa talu mai le lolo i tausaga e tolu selau ma le 29 limagafulu. O aso uma foi o Noa e iva selau ma le limagafulu, o ona tausaga ia; ona oti ai lea.

O gafa o Semu, ma Hamo, ma Iafeta.

10 O GAFA foi nei o atalii o Noa, o Semu, o Hamo, ma Iafeta; na fananau foi ia tē i latou o atalii 2 a ua mavae le lolo. O atalii nei o Iafeta; o Komeri, ma Makoku, ma Metai, ma Iavana, ma Tupalu, ma 3 Meseko, ma Tirasi. O atalii foi nei o Komeri; o Asekeneso, ma Rifata, 4 ma Tokaremo. O atalii foi nei o Iavana; o Elisa, ma Tasesa, o 5 Kitimo, ma Totanimo; o i latou nei na āina solo ai o nuu tumatafaga o nuu ese, i o latou laueleele, e taitoatasi ma lana gagana, i o latou aiga, 6 i o latou nuu. O atalii foi o Hamo; o Kuso, ma Misaraimo, ma Futu, 7 ma Kanana. O atalii foi o Kuso; o Sepa, ma Havila, ma Sapeta, ma Ragama, ma Sapeteka; o atalii foi o Ragama; o Seepa, ma Titana. 8 Na fanaua foi e Kuso o Nimarota; o ia foi na amata ona fai ma alii 9 malosi i le lalolagi; o lē malosi foi o ia i tuli manu i luma o Ieova; o le mea lea ua faapea ai le upu, E pei o Nimarota lē malosi i tuli manu 10 i luma o Ieova. O le pogai foi o loza malo o Papelu, ma Areka, ma Akata, ma Kalene, i le nuu o 11 Senara. O le nuu lava lea na alu atu ai Asura, ma ia faia Nineva, ma 12 le aai o Reopo, ma Kala, ma Resena e i le va o Nineva ma Kala; o le 13 aai tele lea. Na fanaua foi e Misaraimo o tagata Luti, ma tagata Anama, ma tagata Leapi, ma tagata

Nafatui, ma tagata Pateruse, ma 14 tagata Kaselui, (sa tutupu ai Filitisia,) ma tagata Kafatori.

Na fanaua foi e Kanana o Saitonu, 15 o lana ulumatua lea, ma Heti, ma 16 sa Iepusē, ma sa Amori, ma sa Kirekasē, ma sa Hivī, ma sa Arekī, ma 17 sa Senī, ma sa Aratī, ma sa Semari, 18 ma sa Hamatō; mulimuli ane ua faasalalau atu aiga o sa Kananā. O 19 le tuasi foi o sa Kananā na afua lea i Saitonu, ona oo lea i Kasa, i le ala e ui atu ai i Kira; ona ui lea i 20 Sotema, ma Komoro, ma Atama, ma Sepoima, e oo atu i Lasa. O atalii 20 ia o Hamo i o latou aiga, ma a latou gagana, i o latou laueleele, ma o latou nuu.

O Semu foi na fanaua ona atalii, 21 o le tupuga o le fanau uma a Eperu, o le uso o Iafeta le matua. O atalii 22 nei o Semu; o Elama, ma Asura, ma Afasata, ma Luti, ma Arama. O atalii foi nei o Arama; o Usa, ma 23 Hulo, ma Kiteru, ma Mase. Na 24 fanaua foi e Afasata, o Selaa; na fanaua foi e Selaa, o Eperu. Na 25 fanaua foi e Eperu ona atalii e toalua; o le igoa o le tasi o Peleko; auā o ona aso ia ua vaevaeina ai le lalolagi; o le igoa foi o lona uso o Ioketana. Na fanaua foi e Ioketana 26 o Alemotata, ma Salefo, ma Asamoveta, ma Iaraa, ma Aturamo, ma 27 Usala, ma Tikelu, o Upalu foi, ma 28 Apimalu, ma Seepa, ma Ofeira, ma 29 Havila, ma Iopapo; o i latou uma nei o atalii o Ioketana. O le mea na 30 latou mau ai na afua i Mesa ua oo i Sefara, o le mauga lea i sasae. O 31 atalii ia o Semu, i o latou aiga, ma a latou gagana, i o latou laueleele, i o latou nuu. O aiga ia o atalii o 32 Noa, e tusa ma o latou gafa i o latou nuu; o i latou ia foi na āina solo ai atu nuu i le lalolagi ina ua mavae o le lolo.

Ua faia Papelu; o le faavigaesema o gagana; o gafa o tupuga.

SA tasi lava le gagana e tasi foi 11 le tautala a le lalolagi uma. Ua oo 2 foi ina latou o mai mai sasae, ona maua lea e i latou le fanua laugatasi i le nuu o Senara, ona latou mau ai lea. Ona latou fetautalatalai 3 lea o le tasi ma le tasi, Sau ia, ina

- tatou faia ia o maamea, ma matuā
tunu ai i le afi. Ona fai lea o maamea
mo latou maa, ua fai foi le
4 *pulu* emeri mo latou panisina. Ona
latou fai ane lea, O mai ia, ina tatou
fai ia o se aai, ma se 'olo, ia oo lona
tumutumu i le lagi, ia tatou faia foi
se mea e ta'ua ai i tatou, ne'i faata-
apeapeina, itatou i le fogāleeleuma.
5 Ona afio ifo lea o Ieova e silasila i
le aai ma le 'olo ua faia e tagata.
6 Ona fetalai ane lea o Ieova, Faauta,
ua tasi le nuu, e tasi foi le gagana
ia te i latou uma; ua amata foi i
latou ona fai o lenei mea; o lenei
foi, e le toe taofia i latou i se mea e
7 tasi ua latou maratu i ai e fai. O
mai ia, ina tatou o ifo ia, ma ia
tatou faaeseeseina i lea mea a latou
gagana, ina ia le lagona e le tasi le
8 gagana a le tasi. Ona faataapeape
lea e Ieova ia te i latou ai lea mea i
le lalolagi uma; ona tuua lea e i
9 latou ona faia o le aai. O le mea
lea ua igoa ai ia o Papelu; auā na
faaeseeseina i lea mea e Ieova o le
gagana a le lalolagi uma; na faata-
apeape foi e Ieova ia te i latou ai lea
mea i le lalolagi uma.
10 O le gafa lenei o Semu; na ola
Semu i tausaga e selau, ona fanaua
lea e ia o Afasata i le lua o tausaga
11 talu mai le lolo; ona ola lea o Semu
talu ina fanauina e ia o Afasata i
tausaga e lima selau, ma ua fanaua
ai e ia o atalii ma afafine.
12 Na ola Afasata i tausaga e tolu-
fulu ma le lima, ona fanaua lea e
13 ia o Selaa; ona ola lea o Afasata
talu ina fanauina e ia o Selaa i
tausaga e fa selau ma le tolu, ma ua
fanaua ai e ia o atalii ma afafine.
14 Na ola Selaa i tausaga e tolu-
fulu, ona fanaua lea e ia o Eperu;
15 ona ola lea o Salaa talu ina fanauina
e ia o Eperu i tausaga e fa selau ma
le tolu, ma ua fanaua ai e ia o atalii
ma afafine.
16 Na ola Eperu i tausaga e tolu-
fulu ma le fa, ona fanaua lea e ia o
17 Peleko; ona ola lea o Eperu talu
ina fanauina e ia o Peleko i tausaga
e fa selau ma le tolu, ma ua
fanaua ai e ia o atalii ma afafine.
18 Na ola Peleko i tausaga e tolu-
19 fulu, ona fanaua lea e ia o Reu; ona
ola lea o Peleko talu ina fanauina e
ia o Reu i tausaga e lua selau ma le
iva, ma ua fanaua ai e ia o atalii ma
afafine.
Na ola Reu i tausaga e tolu-
fulu, ona fanaua lea e ia o Nakori;
ona ola lea o Seruka talu ina fanau-
ina e ia o Nakori i tausaga e lua
selau, ma ua fanaua ai e ia o atalii
ma afafine.
Na ola Nakori i tausaga e lua
sefulu ma le iva, ona fanaua lea e ia
o Tara; ona ola lea o Nakori talu
ina fanauina e ia o Tara i tausaga
e selau ma le sefulu ma le iva, ma
ua fanaua ai e ia o atalii ma afafine.
Na ola Tara i tausaga e fitugafulu,
ona fanaua lea e ia o Aperamo, ma
Nakori, ma Arana. O gafa foi nei
o Tara; na fanaua e Tara o Aperamo,
o Nakori ma Arana; na fanaua
foi e Arana o Lota. Ua oti foi
Arana, a o nofo mai lona tama o
Tara, i le nuu na fanau ai o ia, o
Uro lea i Kaletaia. Ona fai avā lea
o i laua o Aperamo ma Nakori; o
le igoa o le avā a Aperamo o Sarai
lea; a o le igoa o le avā a Nakori o
Meleka, o le afafine o Arana, o le
tamā o ia o Meleka, o le tamā foi o
Iseka. O Sarai foi ua pa ia, ua leai
sana tama. Na ave foi e Tara lona
atalii o Aperamo, ma Lota le atalii
o Arana, o le atalii lea o lona atalii,
o Sarai foi le avā a lona atalii, o
le avā lea a lona atalii o Aperamo;
ona latou o atu lea ma i latou ai
Uro i Kaletaia, o le a o atu i le nuu
o Kanana; ona latou oo lea i Karana
ma nonofo ai. O aso foi o Tara e
lua selau ma le lima, o ona tausaga
ia; ona oti lea o Tara i Karana.
*O le valaauina o Aperamo, ma ana
malaga i Kanana ma Aikupito.*
UA fetalai mai Ieova ia Aperamo,
12 Ia tuua e oe o lou nuu, ma tagata o
lou nuu, ma le aiga o lou tamā, a e
a'u atu i se nuu ou te faasino atu
ai ia te oe. Ou te faia oe ma nuu
2 tele, ou te faamanuia foi ia te oe,
ou te matuā faamamaluina lou igoa;

- 3 e manuia foi oe. Ou te faamanuia
atu ia te i latou o e faamanuia ia te
oe, ou te faamalaia atu foi ia te i
latou o e fetuu ia te oe; e manuia
foi ia te oe o aiga uma o le lalolagi.
- 4 Ona alu ai lea o Aperamo e faapei
ona fetalai mai o Ieova ia te ia; na
la o foi ma Lota; na alu atu Ape-
ramo nai Karana i lona tausaga e
- 5 fitugafulu ma le lima. Ua ave foi
e Aperamo lana avā o Sarai, ma
Lota le atalii o lona uso, ma o latou
oloa uma lava na latou maua, ma
tagata na latou maua i Karana; ona
latou o atu lea o le a o i le nuu o
- 6 Kanana; ua oo foi i latou i le nuu
o Kanana. Ua ui atu foi Aperamo
i lea nuu ua oo i le mea e i ai Se-
kema, i le aluna o Morē. Sa i ai sa
- 7 Kananā i lea nuu i ia ona po. Ua
faaali mai Ieova ia Aperamo, ma ua
faapea mai, Ou te foaiina atu lenei
lava nuu mo lau fanau; ona faia lea
e ia i lea mea o le fata faitaulaga ia
- 8 Ieova, sa faaali mai o ia ia te ia. Ua
tuua foi e ia lea mea, a e alu atu i
le mauga i le itu i sasae o Peteli,
ma faatu ai lona fale ie, e i lona itu i
sisifo o Peteli, a e i lona itu i sasae o
- 9 Ai; ua ia faia foi le fata faitaulaga
ia Ieova i lea mea, ma ua valaau atu i
le suafa o Ieova. Ua aga atu Ape-
ramo, ma alu atu pea i le itu i toga.
- 10 Sa i ai foi le oge i lea nuu; ona
alu ifo lea o Aperamo i Aikupito e
aumau ai; auā sa vale le oge i le
nuu. Ua latalata ina oo i Aikupito,
- 11 ona fai atu lea o ia i lana avā o
Sarai, Faauta mai ea, ua ou iloa o
oe o le fafine lalelei; a vaai ia te oe
tagata Aikupito, ona latou faapea
- 12 ane lea, O lana avā lena; ona latou
fasioti lea ia te au, a e faaolaina oe.
Se'i e fai atu o lo'u tuafafine oe, ina
ia ou saogalemu ai ona o oe; e ola
- 13 ai foi a'u ona o oe. Ua oo foi Ape-
ramo i Aikupito, ona vaai mai lea
e tagata Aikupito o le fafine ua la-
lelei tasi lava ia. Ua ilo atu foi o
- 14 ia e alii sa ia Farao, ma ua vivii ia
te ia ia Farao; ona avane ai lea o le
fafine i le fale o Farao. Ona agale-
lei atu lea o ia ia Aperamo ona o
- 15 ia; sa ia te ia foi o mamoe, ma povi,
ma asini poa, ma auaina fane,
ma auaina fafine, ma asini fafine;
ma kamela. A ua faatigaina e Ieova
- o Farao ma lona aiga i mala tetele
ona o Sarai le avā a Aperamo. Ona 18
valaau ai lea o Farao ia Aperamo,
ua faapea atu, Se a lenei mea ua e
faia ia te au? Pe se a le mea na e
le ta'u mai ai ia te au o lau avā ia?
- O le a le mea na e faapea mai ai, O 19
lo'u tuafafine ia? Na fai a'u mao
avea o ia e fai ma'u avā; o lenei foi,
faauta, o lau avā lea, ina ave ia, ma
lua o. Ona poloai atu lea o Farao i
- 20 ona tagata ia te ia; ona latou tuuina
atu ai lea o ia la te o ma lana avā,
atoa ma ana mea uma.
- O le toe foi o Aperamo ma Lota nai
Aikupito; o le te'a eseese o i laua.*
- UA alu ae Aperamo nai Aikupito, 13
o ia, ma lana avā, ma ana mea uma,
o Lota foi faatasi ma ia, e o i le itu
i toga. Ua mauoa tele lava Ape- 2
ramo i manu, ma ario, ma auro.
- Ua alu foi o ia i lana malaga nai le 3
itu i toga ua oo i Peteli, i le mea
lava sa muai i ai lona fale ie, i le va
o Peteli ma Ai; o le mea na i aile 4
fata faitaulaga sa na muai faia i lea
mea; ua valaau atu ai foi Aperamo
i le snafa o Ieova. O Lota foi, sa 5
la o ma Aperamo, sa ia te ia o ma-
moe, ma povi, ma fale ie. Ua le 6
mafai lava ona la mau faatasi i le
nuu, auā sa tele lava a laua mea, ua
le mafai ai ona la mau faatasi. Ua 7
femisai foi leoleo o manu a Ape-
ramo ma leoleo o manu a Iota; o
ona po foi ia sa mau ai sa Kananā
ma sa Perisē i le nuu. Ona fai atu 8
lea o Aperamo ia Lota, Aua lava
ne'i femisa'i i taua, po o a taua leo-
leo manu; auā o le uso i taua. E 9
le o i ou luma ea le lauelelele uma?
Se'i e te'a ese ma a'u. Afai e te
alu i le itu tauagavale, ona ou alu
ai lea i le itu taumatau; a ē alu i
le itu taumatau, ona ou alu ai lea i
le itu tauagavale. Ua vaavaai Lota, 10
ona ilo atu ai lea e ia i le fanua
laugatasi uma ua i ai Ioritana, ua
lafulemu uma lava, e oo i Soara, e
pei o le faatoaga a Ieova, e pei o le
lauelelele o Aikupito, a o lei faa-
umatia e Ieova o Sotomama Komoro.
Ona filifilia lea e Lota mona o le 11
fanua laugatasi uma ua i ai Iori-
tana; ua aga'i atu foi Lota i sasae;
ona la te'a eseese ai lea o le tasi ma

12 le tasi. Ua mau Aperamo i le nuu o Kanana, a o Lota ua mau ia i aai o le fanua laugatasi, ma ua faatuina ai lona fale ie, ua oo atu i Sotoma.
 13 A o tagata o Sotoma ua leaga i latou, ma ua matuā agasala lavā i luma o Ieova. Ua fetalai atu foi Ieova ia Aperamo, ina ua te'a eseese o Lota ma ia, Se'i é vaavaai ia, ma ilo atu i le mea e te i ai na, i le itu i matu, ma le itu i toga, ma sasae, ma sisifo; auā o le laueleele uma ua e ilo atu nei, ou te foaiina atu mo oe ma lau fanau e faavavau. Ou te faia foi lau fanau e pei o le efufu o le eleele; afai e mafaia e se tagata ona faitauna o le efuefu o le eleele, ona mafai lea ona faitaulia o lau lava fanau. Ina tulai ia, ina fealualuai i le nuu i lona umi ma lona lautele; auā ou te foaiinaatua mo oe. Ona ave lea e Aperamo lona fale ie, ua alu atu ua mau i aluna o Mamere, o i Heperona lea, ua ia faia foi i lea mea le fata faitaulaga ia Ieova.

O le taua o tupu, ma tala ia Mekisateko.

14 O ONA po o Amarafile le tupu o Senara, o Arioka le tupu o Alasara, o Kitalaoma le tupu o Elama, ma Titalu le tupu o nuu; na latou sii atu ai le taua ia Pira le tupu o Sotoma, ma Piresa le tupu o Komoro, ma Senapo le tupu o Atama, ma Semepo le tupu o Sepoima, atoa ma le tupu o Pala, o Soara lea. Ua faapotopoto i latou nei uma i le vanu o Setima, o le sami oona lea.
 4 E sefulu ma le lua o tausaga sa nofo pologa ai i latou ia Kitalaoma, ua oo i le tausaga e sefulu ma le 5 tolu ona latou fou ai lea. O lea tausaga foi e sefulu ma le fa ua o mai ai Kitalaoma, ma tupu sa 'au faatasi ma ia, ma latou fafasi i tagata o sa Rafā i Aserota Karenaima, ma tagata Susema i Hamo, ma tagata Emema i Save Kiriataima, ma sa Horī i lo latou mauga o Seira, e oo atu i Eleparana, e latalata lea i 7 le vao. Ua latou toe foi mai, ua oo i Enemisipata, o Katesa lea, ma latou fafasi i le nuu uma o sa Amalekā, atoa foi ma sa Amori sa nonofo i Haseso Tamara. Ua o atu foi

le tupu o Sotoma, ma le tupu o Komoro, ma le tupu o Atama, ma le tupu o Sepoima, ma le tupu o Pala, o Soara lea; ma latou tau ai le taua ma i latou i le vanu o Setima; o i latou, o Kitalaoma le tupu o Elama, ma Titalu le tupu o nuu, ma Amarafile le tupu o Senara, ma Arioka le tupu o Alasara; o tupu na e toafa ma ia tupu e toalima. Sa i ai foi i le vanu o Setima o lua o pulu emeri e tele lava; na sosola foi le tupu o Sotoma ma le tupu o Komoro; ma pauu i lea mea; a o e na totoo ua sosola i latou i le manga. Ona latou vetea lea o oloa uma o Sotoma ma Komoro, atoa ma a latou mea e 'ai uma, ona o ai lea o i latou. Ua latou avea foi Lota le atalii o le uso o Aperamo, atoa ma ana oloa, o ia foi sa nofo i Sotoma, ona o ai lea o i latou. Ua alu atu foi le tasi na sao ma ta'uatua ia Aperamo le Eperu, o lē sa mau i aluna o Mamere o sa Amori, o le uso o Esekolo, o le uso foi o Aneri; o i latou na osi feagaiga ma Aperamo. Ua faalogo Aperamo ua avea lona uso i le taua, ona saunia lea e ia ona tagata ua a'oa'o'ina, e na fananau i lona aiga, e toatolu selau ma le toasefulu ma le toavalu, ma ua tuliloa ia te i latou e oo i Tanu. Ua ia tofia foi o 'au a ona tagata i le po e tau ma i latou, ua fafasi foi ia te i latou, ma tuli mulia ia te i latou ua oo i Hopa, e i le itu tauagavale lea o Tamaseko. Ua toe maua mai foi e ia o le oloa uma lava; ua ia toe maua mai foi Lota lona uso, ma ana oloa, o fafine foi, atoa ma le nuu. Ua alu atu foi le tupu o Sotoma e faafetaiai ia te ia i le vanu o Savee, e ta'ua foi lea o le vanu o le tupu, ina ua toe foi mai i le taua ma Kitalaoma, ma tupu sa 'au faatasi ma ia. A o Mekisateko le tupu o Salema ua avane e ia areto ma uaina; o le faitaulaga foi o ia a le Atua silisili ese. Ua ia faamanuia foi ia te ia, ua faapea atu, Ia manuia Aperamo i le Atua silisili ese, e ona le lagi ma le lalologi; ia faafetaia foi le Atua silisili ese, o le na tuuina mai ou fili i ou lima. Ua foai atu foi e Aperamo ia te ia o mea e sefulu afi o mea uma. Ua fai mai foi

le tupu o Sotoma ia Aperamo, Tuu
mai ia ia te au o tagata, a e ave ma
22 oe le oloa. A ua tali atu Aperamo
i le tupu o Sotoma, Ua sii lo'u lima
ia Ieova, le Atua silisili ese, e ona le
23 lagi ma le lalolagi, ou te le *avea* lava
sina manoa po o sina nonoa seevae,
ou te le avea lava sina mea i au mea
uma, ina ne'i faapea a oe, Ua mauca
24 Aperamo ia te au. Tau lava o mea
ua uma ona aai e taulelea, ma vae-
gāoloa a tagata na matou o ma a'u,
o Aneri, ma Esekolo, ma Mamere,
ia latou ave a latou vaegāoloa.

*O mea ua toe folafolaina e le Atua
ia Aperamo.*

15 Ua mavae ia mea, ona tūlei mai
lea o le afioga a Ieova ia Aperamo i
le faaaliga, ua faapea mai, Aperamo
e, aua e te fefe; o a'u nei o lou
talita, o lou tau i e matuā tele lava.
2 Ona tali atu lea o Aperamo, Le Alii
e, Ieova, se a se mea e te foi mai
ia te au, auā e leai sa'u fanau, o le
e ona le tofi i lo'u aiga o Elisara lea
3 le Tamaseko? Ua faapea foi a
Aperamo, Faauta, ua e le foi mai
ia te au sa'u fanau; faauta foi, e
fai mo'u suli le tagata ua fanau i
4 lo'u aiga. Faauta foi, *ua tūlei mai*
lē afioga a Ieova ia te ia, ua faapea
mai, E le fai lea *tagata* mou suli;
a o le e fanaua e oe lava e fai o ia
5 mou suli. Ua ia aumaia foi o ia i
fao, ma faapea atu, Ina e vaavaai
ae ia i le lagi, ma e faitauina fetu, pe
afai e mafaia ona e faitauina; ua ia
faapea atu foi ia te ia, E faapea lava
6 lau fanau. Ua faatuatua foi o ia ia
Ieova, ona ia ta'uamiotonuina mai
ai lea ia te ia. Ua ia fetalai mai foi
7 ia te ia, O a'u o Ieova, o le na
aumaia oe ai Uro i Kaletaia, ina ia
foaiina atu ai ia te oe lenei lava nuu
8 e fai mou tofi. Ona tali atu lea a
ia, Le Alii e, Ieova, se a se mea ou
te iloa ai e fai mo'u tofi lenei *nuu*?
9 Ona fetalai mai lea o ia ia te ia, Au
mai ia ia te au se povi fafine ua tolu
ona tausaga, ma se 'oti fafine ua
tolu ona tausaga, ma se mamoe poa
ua tolu ona tausaga, ma se manu-
10 tagi, ma se tamai lupe. Ona avane
lea e ia o ia mea uma, ua ia taiisilua-
ina i latou, ma tuu faafesagai tai-
tasi le itu ma le tasi ona itu; a o

manu felelei ua ia le isiluaina. Ua 11
felelei ifo foi manu feai i tino o
manu mamate, ona tutuli lea e
Aperamo ia te i latou. Ua tāli 12
goto le la, ona oo lea ia Aperamo o
le moe gase; faauta foi, o le mata'u
o le pouliuli tele lava ua oo ia te ia.
Ona fetalai mai lea o ia ia Aperamo, 13
Ia e iloa lelei e āumau lau fanau i
le nuu ese, e nofo pologa foi i latou
ia te i latou, e faatigaina foi i latou
e i latou, o tausaga ia e fa selau; o 14
le nuu foi latou te nofo pologa ai ou
te faasalaina; mulimuli ane latou
te o mai ai ma le oloa tele. A o oe, 15
e te alu atu ma le filemu i ou tamā,
e tanumia oe pe a e matuā toeaina
lava. A o lona fa o tupulaga latou 16
te toe foi mai ai iinei; auā ua le
atoatoa le agasala a sa Amorī i nei
ona po. Ua oo foi ina goto o le la, 17
ma ua pouliuli, faauta foi, o le
ogāumu ua alu ae ai le asu, ma le
lamepa ua mu ua ui i le va o na
mea sa vaeluaina. O le aso lava lea 18
na osi ai le feagaiga e Ieova ma
Aperamo, ua faapea ane, Ua ou
foaiina mo lau fanau lenei lauelecle,
e afua i le vaitafe o Aikupito e oo
atu i le vaitafe tele, o le vaitafe o
Eufirate lea; o sa Kenī, ma sa 19
Kinasā, ma sa Katemonī, ma sa 20
Hetī, ma sa Perisē, ma sa Rafā, o 21
sa Amorī foi, ma sa Kananā, ma sa
Kirekasē, ma sa Iepusē.

O le tala ia Akara.

A O SARAI le avā a Aperamo, 16
ua le fanau ia ia te ia; sa ia te ia
foi le auauna fafine, o le Aikupito,
o Akara lona igoa. Na fai atu foi 2
Sarai ia Aperamo, Faauta mai ea,
ua finagalo Ieova ia ou le fanau;
se'i e alu ane i la'u auauna fafine;
atonu ou te maua ai nei tama ia te
ia. Ua usiusitai foi Aperamo i le
upu a Sarai. O Sarai foi le avā a 3
Aperamo, na ia ave ia Akara, o le
Aikupito, o lana auauna fa ne, ma
tuuina atu ia Aperamo lana tane, e
fai mana avā, ina ua mavae o tau-
saga e sefulu sa nofo ai Aperamo i
le nuu o Kavana. Ona alu ane lea 4
o ia ia Akara, ona to ai lea o ia; ua
iloea e ia ua to o ia, ona faaleagaina
lea e ia o lona matai fafine. Ona 5
fai atu lea o Sarai ia Aperamo, Ia i

- luga ia te oe lo'u agaleagaina; o
a'u nei foi, na ou tutina a u la'u
auauna fafine ia te oe; ua iloa foi
e ia ua to o ia, ona faaleagaina ai
lea o a'u e ia; ia faamasino mai
6 Ieova ia te i taua. Ona tali mai lea
o Aperamo ia Sarai, Faaute, o ia te
oe le pule i lau auauna fafine, fai-
talia lava oe se mea e te faia ia te
ia. Ua agaleaga foi Sarai ia te ia,
ona sola ese ai lea o ia i ona luma.
7 Ua maua foi o ia e le agelu a Ieova
i le vaipuna i le vao, o le vaipuna i
8 le ala i Sura. Ona faapea atu lea
o ia, Akara e, le auuana a Sarai,
maifea oe? O fea ea a e alu i ai?
Ona tali mai lea o ia, Ua ou sola
9 mai ia Sarai o lo'u matai. Ona
faapea atu lea o le agelu a Ieova ia
te ia, Ia e foi atu i lou matai ma e
10 faamaulalo atu ia te ia. Ua fetalai
atu foi le agelu a Ieova ia te ia, Ou
te matuā faatoateleina lava lau
fanau, e le mafai lava ona faitau
11 ina ua toatele. Ua fetalai atu foi
le agelu a Ieova ia te ia, Faaute,
ua e to, o le a e fanau mai se tama
tane, e te faaigoa foi ia te ia o
Isamaeli; auā ua faafogaina o
12 Ieova lou tiga. E fai o ia ma tagata
e tusa ma le asini o le vao; e fai
tagata uma mona fili, e fai foi o ia
ma fili o tagata uma; e mau foi o
13 ia i luma o ona uso uma. Ona
faaigoaina lea e ia le suafa o Ieova
o le na fetalai mai ia te ia, O oe
le Atua le ua faaali mai ia te au;
auā ua faapea ana, Ua ou vaai atu
ea iinei i tua o loo silasila mai
14 ia te au? O le mea lea ua faa-
igoaina ai le vaieli, o Pere-laroi,
faaute, o loo i le va o Katesa ma
15 Pareta. Ua fanau mai foi Akara le
atalii ia Aperamo; ua faaigoaina
foi e Aperamo lona atalii na fanau
16 mai ia Akara, o Isamaeli. O le
valu sefulu ma le ono o tausaga o
Aperamo na fanau mai ai Akara o
Isamaeli le atalii o Aperamo.
- O le feagaiga ua faailogaina i le
peritome.*
- 17 O LE iva sefulu ma le iva o tau-
saga o Aperamo, na faaali mai ai
Ieova ia Aperamo, ua faapea mai foi
ia te ia, O a'u o le Atua e o'u le
malosi uma lava; ia e savali i o'u
luma, ma ia sao lau amio. Ta te
osia le feagaiga ma oe, ou te matuā
faatoateleina lava au fanau. Ona
faapaū fao lea o Aperamo; ona
fetalai mai lea o le Atua ia te ia,
ua faapea mai, O a'u nei, ou te fai
atu, faaute, o ia te i taua le fea-
gaiga, e fai foi oe ma tupuga o
nuu e tele. E le toe valaauia lou
igoa o Aperamo, a o le a igoa oe o
Aperaamo, auā ua ou faia oe ma
tupuga o nuu e tele. Ou te matuā
faaululaina oe, ou te faia oe ma
tupuga o nuu; e tupuga mai foi ia
te oe o tupu. Ou te faatumauna
foi o la ta feagaiga ma oe, ma lau
fanau, i a latou tupulaga, pe a mavae
atu oe, e fai ma feagaiga e faavavau;
ia fai a'u ma Atua ia te oe ma au
fanau pe a mavae atu oe. Ou te
foai foi ia te oe, ma au fanau, pe a
mavae atu oe, o le nuu o loo e
āumau ai, o le nuu uma lava lea o
Kanana, e fai mo latou e faavavau;
e fai foi a'u mo latou Atua. Ua
fetalai mai foi le Atua ia Aperaamo,
A o oe, ia e tausi i la ta feagaiga, o
oe, ma lau fanau, i a latou tupulaga,
re a mavae atu oe. O la tatou
feagaiga lenei ma outou, atoa ma
lau fanau, pe a mavae atu oe, tou
te tausia; e peritomeina tane uma
o ia te outou. Tou te peritomeina
foi pa'u o outou tino, e fai ai foi ma
faailoga o la tatou feagaiga ma
outou. O le ua valu ona po o ia te
outou ia peritomeina ia, o tane uma
i a outou auga tupulaga; o le ua
fanau i le aiga, ma le ua faatauina
mai i tupe i tagata ese uma lava, e
le o sau fanau ia. Ia peritomeina
lava o le ua fanau i lou aiga, ma le
ua faatauina i au tupe; e i o outou
tino la tatou feagaiga o le feagaiga
e faavavau. A o le tane foi ua le
peritomeina, o le ua le peritomeina
i le pa'u o lona tino e vavaeeseina
lea tagata i lona nuu; ua tuuma-
vaega ia i le feagaiga.
- Ua faapea mai foi le Atua ia
Aperaamo, O Sarai lau avā, aua e
te toe valaauia lona igoa o Sarai, a
o Sara o lona igoa lea. Ou te faa-
manuia foi ia te ia, ma ou foaiina
atu foi se atalii mo oe mai ia te ia;
ou te faamanuia lava ia te ia, e fai
foi o ia ma tupuga o nuu; e tupuga

- 17 mai foi ia te ia o tupu o nuu. Ona faapaū fao lea o Aperaamo, ua 'ata-
'ata, ma faapea ifo i lona loto, E fanau mai ea *se atalii* i le tagata ua selau ona tausaga? O Sara foi e fanau ea ia ua iva sefulu ona tausaga? Ua faapea atu foi Aperaamo i le Atua, E, ou te manao ia ola
19 Isamaeli i ou luma! Ua fetalai mai le Atua, E moni lava, e fanau mai sou atalii ia Sara lau avā, e te faaigoa foi ia te ia o Isaako; ou te faatumauina foi la ma feagaiga ma ia, atoa ma ana fanau, pe a mavae atu o ia, o le feagaiga e faavavau. I le
20 ma Isamaeli foi, ua ou faalogo ai ia te oe; faauta, ua ou faamanuia ia te ia, ou te faauluola ia te ia, ou te matuā faatoateleina lava; e fanaua foi e ia o alii e toasefulu ma le toalua; ou te fai foi o ia ma *tupuga* o
21 le nuu tele. A e peitai o la'u feagaiga ou te faatumauina lea ia Isaako, o le a fanau mai e Sara ia te oe i le faapenei lava i le tausaga atali. Ua faaiu foi e ia o la la tautalaga ma ia, ona afio ae lea o le
23 Atua nai ia Aperaamo, Ona tago lea e Aperaamo i lona atalii o Isamaeli, ma i latou uma na fananau i lona aiga, atoa ma i latou uma na faatauina i ana tupe, o tane uma lava i le aiga o Aperaamo, ma ua peritomeina e ia o pa'u o latou tino i lea lava aso, e pei ona fetalai mai ai le Atua ia te ia. O le iva sefulu
24 ma le iva o tausaga o Aperaamo na peritomeina ai o ia i le pa'u o lona tino. A ua sefulu ma le tolu tausaga o lona atalii o Isamaeli ina ua peritomeina ai o ia i le pa'u o lona
25 tino. O lea lava aso e tasi na peritomeina ai Aperaamo ma lona atalii
26 o Isamaeli; o tane uma foi i lona aiga, e na fananau mai i le aiga, atoa ma e na faatauina i tupe i tagata ese, na peritomeina i latou faatasi ma ia.

Ua talia agelu e Aperaamo.

- 18 UA faaali mai Ieova ia te ia i aluna o Mamere, a o nofo o ia i le faitotoa o lona fale ie i le aoauli; ua tepa ae foi o ia ma ilo atu, faauta foi, o loo tutū mai ia te ia tagata e toatolu; ua ia ilo atu, ona momo'e atu ai lea nai le faitotoa o lona fale
ie e faafetaiai ia te i latou, ona ifo toele lea o ia. Ua faapea atu foi o ia, Le alii e, afai ua alofaina mai nei a'u e oe, aua ne'i e maliu loa ia *te au* lau auauna; se'i aumaia sina vai e mulumulu ai o outou vae, ma outou malolo i lalo o le laau; ou te au mai foi sina mea e 'ai ia faamalosai ai o outou loto, ona outou o ai lea; auā o le mea lea ua outou o mai ai i la outou auauna. Ona latou tali mai lea, E te faia lava pei ona e fai mai na. Ona vave ane lea o Aperaamo i le fale ie ia Sara, ma faapea atu, Ia vave ona ave sea o falaoa, o falaoa lelei, se tolu, ia palu ma fai a'i ni potoi areto. Ona momo'e lea o Aperaamo i lona lafu povi, ua au mai ai le tamai povi, e mu'amufa ma le lelei, ua avatu i le taulealea; ona ia faavave lea ona gaosia. Ua na ave foi o suāsusu to'a, ma suāsusu, ma le tamai povi sa gaosia e ia, ua laulauina atu ai i o latou luma; a o ia ua tu ane ia te i latou i lalo o le laau, ona latou aai lea. Ua latou fai atu ia te ia, O fea o i ai lau avā o Sara? Ona tali mai lea o ia, Faauta, o loo i falē lava. Ona faapea atu lea o ia, Ou te toe foi mai lava ia te oe i lela tausaga; faauta foi, e fanau mai lau avā o Sara o le tama tane. A o faalologo ane foi o Sara i le faitotoa o le fale ie, sa i ona tua. O Aperaamo foi ma Sara ua matutua i laua, ua tele o la tausaga; ua mavae foi ia Sara le tu o fafine. Ona 'ata'ata lemu lea o Sara, ua faapea, Ua ou loomatua, e ia te au ea le fiafia, o la'u alii foi ua toaina ia? Ona fetalai atu lea o Ieova ia Aperaamo, Se a le mea ua 'ata'ata ai Sara, o loo faapea, E moni ea, a ou toe fanau o a'u le loomatua? E ai ea se mea e faigata ia Ieova? O ona po ua tuupoina ou te toe foi mai ai ia te oe, i lela tausaga, e maua mai ai e Sara le tama tare. Ona faafiti mai lea o Sara, ua faapea mai, Ou te lei 'ata'ata lava, auā ua fefe ia. Ona tali atu lea o ia, E leai, na e 'ata'ata lava. Ona tulai lea o ia tagata nai lea mea, ma faasaga atu i Sotoma; ua latou o foi ma Aperaamo na te molimolia i latou. Ona fetalai ane lea o Ieova, Ou te natia

ea ia Aperaamo le mea a ou faia?
 18 Auã foi o Aperaamo o le a fai o ia
 ma *tupuga* o le nuu tele ma le ma-
 losi; e manuia foi ia te ia o nuu
 19 uma o le lalolagi. Auã ua ou iloa
 o ia na te poloai atu i ana fanau
 ma lona aiga pe a mavae atu o ia;
 latou te tausia le ala o Ieova, i lo
 latou fai amiotonu ma faamasinoga,
 ina ia faataunuuina e Ieova ia Ape-
 raamo le mea na ia fetalai atu ai ia
 20 te ia. Ona faapea lea a Ieova, O le
 alaga mai Sotoma ma Komoro ua
 tele, ma ua matuã tele lava a latou
 21 agasala; o le mea lea ou te alu ifo
 ai, ia iloa po ua faia lava e i latou e
 pei o le alaga ua oo mai ai ia te au;
 22 afai foi ua leai, ou te iloa lava. Ona
 tuua lea o lea mea e nei tagata, ua
 o atu i Sotoma; a o Aperaamo ua
 23 tu pea o ia i luma o Ieova. Ona
 faalatalata atu lea o Aperaamo, ua
 faapea atu, E te faaumatia ea e ua
 amiotonu faatasi ma e amio leaga?
 24 Pe afai o i le aai tagata e toalima-
 gafulu o e amiotonu, e te faaumatia
 ea a e le faasaoina le nuu ona o le
 toalimagafulu o e amiotonu o i ai?
 25 Ia mamao lava ia te oe ona e faia
 faapea e fasioti i e amiotonu faatasi
 ma e amio leaga; ma ona faagatusa
 e amiotonu ma e amio leaga, ia ma-
 mao lava lea ia te oe. O le na te
 faamasinoina le lalolagi uma, e le
 faia ea e ia le faamasinoga tonu?
 26 Ona faapea mai lea o Ieova, Afai
 ou te maua i Sotoma tagata amio-
 tonu e toalimagafulu i le aai, ona
 ou faasao ai lea o le nuu uma ona o
 27 i latou. Ona tali atu lea o Ape-
 raamo, ua faapea atu, Faauta mai,
 o a'u nei o le efuese ma le lefulefu,
 ua ou faamalosi e tautala atu i le
 28 Alii; afai ua toe toalima e faaatoa
 ai le toalimagafulu o tagata amio-
 tonu, e te faaumatia ea le aai uma
 ona o le toalima? Ona tali mai lea
 a ia, Afai ou te maua ai se toafaga-
 fulu ma le toalima ou te le faaumati-
 29 tia lava. Ona toe fai atu lea o ia
 ia te ia, ua faapea atu, Pe afai ua
 maua ai le toafagafulu e a ea? Ona
 fetalai mai lea o ia, *Afai ou te maua*
ai le toafagafulu ou te le faia lava
 30 ona o i latou. Ona fai atu lea a ia,
 Aua ne'i toasa mai le Alii, a se'i ou
 toe fai atu, Afai ua maua ai se toa-

tolugafulu e a ea? Ona fetalai mai
 lea o ia, Afai ou te maua ai se toa-
 tolugafulu ou te le faia lava. Ona 31
 fai atu lea o ia, Faauta mai, ua ou
 faamalosi e tautala atu i le Alii,
 Afai e maua ai se toluafulu e a ea?
 Ona fetalai mai lea o ia, *Pe a o i ai*
 le toluafulu ou te le faaumatia lava
 ona o i latou. Ona fai atu lea o ia 32
 Aua ne'i toasa mai le Alii, a se'i ou
 fai atu le toe upu lea, Afai e maua
 ai se toasefulu e a ea? Ona tali mai
 lea a ia, *Pe a o i ai* le toasefulu ou
 te le faaumatia lava ona o i latou.
 Ona afio lea o Ieova ina ua faaiu 33
 ana fetalaiga ia Aperaamo; ona toe
 foi lea e Aperaamo i le mea e mau ai.

*O le mu o Sotoma; o le malaia o le
 avã a Lota.*

UA oo atu agelu e toalu i Sotoma 19
 i le afiafi, a o nofo Lota i le faitotoa
 o Sotoma; ua ilo atu e Lota, ona
 tulai lea e faafetaiai ia te i laua;
 ona ifo toele lea o ia; ua fai atu foi 2
 o ia, Alii e, faauta mai, se'i oulua
 afe mai i le fale o la oulua auauna,
 ma tofa ai, se'i mulumulu foi o
 oulua vae; i le ala usu ai la oulua
 malaga. Ona tali mai lea o i laua,
 Soia, auã ma te momoe pea i fafo.
 Ona pulunaunau atu lava lea o ia ia 3
 te i laua; ona la o ane lea ma ia,
 ma ulufale atu i lona fale; ona
 saunia lea e ia o le mea e 'ai ma i
 laua, ma ua tunu areto e le faafefe-
 teina, ona la aai ai lea. A o lei 4
 taotoo i laua ua siomia le fale e
 tagata o lea aai, o tagata lava o
 Sotoma, o taulelea atoa ma toeaina,
 o le nuu uma lava mai itu uma; ua 5
 latou valaau ia Lota, ua faapea atu,
 O ifea ea tagata na o mai ia te oe i
 le po nei? Tuu mai ia i laua ia te
 i matou nei, ina ia matou iloa i 6
 laua. Ona ulufafo lea o Lota i le
 faitotoa ia te i latou, ua pupuni le
 faitotoa i ona tua, ua faapea atu, 7
 O'u uso e, aua lava tou te agaleaga.
 Faauta mai, o ia te au o'u afafine e 8
 toalu, e lei iloa tane e i laua; se'i
 ou tuuina mai i laua ia te outou, e
 faitalia lava outou ia te i laua; a o
 na tagata, aua tou te faia se mea ia
 te i laua, auã o le mea lava lea na o
 mai ai lalo ifo o lo'u fale. Ona 9
 faapea mai lea o i latou, Alu ese ia;

- ua faapea ane foi i latou, Ua sau
lena tagata e taase, a o le a fai o ia
ma faamasino; o lenei, o le a sili le
leaga matou te faia ia te oe a e
itiiti ia te i laua. Ua latou matuā
fetuleni mai lava ia Lota, ma ua
faalatala:ata mai e sofai i le faitotoa.
- 10 A ua fetagofi atu ia tagata ia Lota,
ua au mai i le fale o i ai i laua, ona
11 la pupuni lea o le faitotoa. A o
tagata sa i le faitotoa o le fale, ua
la faatauaso ia te i latou o tama
atoa ma e matutua; ona lailoa ai
12 lea o i latou i saili le faitotoa. Ona
fai atu lea o ia tagata ia Lota, O ai
ea nisi o lou aiga o iinei? o se tane
a sou afafine, po o sou atalii, po o
sou afafine, atoa ma i latou uma e
ua ia te oe o i le aai, ina ave ese ia
13 i le mea nei; auā o le a ma faa-
umatia lenei mea, auā ua telelolaou
alaga i luma o Ieova; ua auuina
mai foi i maua e Ieova e faaumatia
14 ai. Ona alu atu lea o Lota, ma
tautala atu i tane a ona afafine, o e
ua fai avā i ona afafine, ua faapea
atu, Ina tutū ia, ina outou o ese i
lenei mea, auā o le a faaumatia e
Ieova lenei aai. A o ia ua pei se
tagata faianaga i le manatu o tane
15 a ona afafine. Ua malamae le taeao
ona nanati lea o agelu ia Lota, o loo
faapea atu, Ina tulai ia, ave lau avā
ma ou afafine e toalua, o loo iinei,
ina nei malaia oe i le sala a le aai.
- 16 Ua faatuatuai o ia, ona fetagofi lea
o ia tagata i lona lima, ma le lima o
lana avā, ma lima o ona afafine e
toalua, ina ua alofaina o ia e Ieova;
ua la ta'ita'i atu foi ia te ia, ma tuu
17 atu ia te ia i tua o le aai. Ua
ta'ita'iina i latou e i laua i tua, ona
faapea atu lea o ia, Ina sola ia e te
ola ai, aua e te tepa i tua aua foi e
te tu i se mea o le fanua laugatasi;
a ia sola lava i le mauga ina nei
18 malaia oe. Ona tali mai lea o Lota
ia te i laua, Le Alii e, aua lava;
19 faauta mai, ua alofagia lau auuina
e oe, ua e faateleina mai foi lou
alofa ua e alofa mai ai ia te au, i
lou faaola mai ia te au; ou te le lavā
sola i le mauga, nei maua a'u i le
20 leaga, i le ou oti ai. Faauta mai
ea, o le aai lela e lata mai, ou te
sola i ai, o si aai itiiti foi lea; se'i
ou sola ane i ai, e le o si aai itiiti
- ea? ona ola ai lea o a'u. Ona faapea 21
atu lea o ia, Faauta, ua ou talia foi
lou manao i lena mea, ou te le faa-
umatia lena aai ua e fai mai ai.
Ina e sola atu ia i ai, ia vave; auā 22
ou te le mafaia ona fai o se mea
seia e oo atu i ai. E i ai ona faa-
igoa ai o lea aai o Soara. Ua alu 23
ae le la i luga o le lalolagi ina ua oo
Lota i Soara. Ona faatotō faaua 24
ifo lea e Ieova i Sotoma ma Komoro
o le teiō ma le afi mai ia Ieova mai
le lagi; na ia faaumatia o ia lava 25
aai, ma le fanua laugatasi uma, ma
i latou uma sa mau i ia aai, atoa ma
mea na tutupu i le elelee. Ua tepa 26
i tua lana avā sa mulimuli atu ia te
ia, ona liua lea o ia ma tupua ma-
sima. Ua ala uia Aperaamo i le 27
taeao i le mea sa tu ai o ia i luma o
Ieova; ua ia vaai atu i Sotoma ma 28
Komoro, ma le fanua laugatasi uma,
ua ilo atu faauta foi, ua alu ae le
asu o le nuu e pei o le asu o se umu.
Ua faaumatia e le Atua o aai o le 29
fanua laugatasi, ona manatua lea e
le Atua o Aperaamo, ma ona auina
o Lota ai le malaia, ina o faaumatia
e ia o aai sa mau ai Lota.
- Ua alu ae foi Lota nai Soara, ona 30
mau ai lea o ia i le mauga, faatasi
ma ona afafine e toalua; auā ua
fefe o ia i mau i Soara; ua mau foi
i le ana, o ia ma ona afafine e
toalua. Ona fai atu lea o lē matua 31
i le itiiti, Ua toaina lo taua tamā,
e leai foi se tane i le nuu e sau ia te
i taua e pei o le masani a le lalolagi
uma. Sau ia, se'i ta faainua lo ta 32
tama i le uaina, ona tatou taoto ai
lea ma ia, ina ia tutupu ai ia te i
taua ni fanau ai lo ta tamā. Ua 33
faainua e i laua lo la tamā i le uaina
i lea lava po; ona ala ane ai lea o
lē matua, ma la taoto ma lona
tamā; a ua le iloa e ia ona taoto o
ia, ma ona toe tulai. Ua oo i le 34
taeao, ona fai atu ai lea o lē matua
i le itiiti, Faauta mai, o anapo na
ma taoto ai ma lo ta tamā; se'i ta
toe faainu ia te ia i le uaina i le po
nanei, i le e alu ane ai foi lua te
taoto ma ia, ina ia tutupu ai ia te
i taua ni fanau ai lo ta tamā. Ua 35
la toe faainua foi lo la tamā i le
uaina i lea po, ona tulai ane lea o le
itiiti, ma la taoto ma ia; ua le iloa

foi e ia ona taoto o ia, ma ona toe
36 tulai. Ona totō ai lea o afafine e
37 toalua o Lota, i lo la tamā. Ua
fanau e lē matua o le tama tane,
ma ua faaigoā ia te ia, o Moapi; o
ia o le tupuga o sa Moapi; ua oo
38 mai i nei ona po. O le iūiti foi, na
fanau o ia o le tama tane, ma ua
faaigoā ia te ia o Pename; o ia o le
tupuga o le fanauga a Amoni ua oo
mai i nei ona po.

Ua ave Sara e Apimeleko.

20 UA alu atu Aperaaamo ai lea mea
i le nuu i le itu i toga, ona mau ai
lea o ia i le va o Katesa ma Sura,
2 ua āumau foi i Kira. Ua fai atu e
Aperaaamo, o lana avā o Sara o lona
tuafafine ia; ona aami atu lea e
Apimeleko le tupu o Kira ia Sara,
3 ma au mai ai. A ua afio mai le
Atua ia Apimeleko i le miti i le po,
ua faapea mai ia te ia, Faauta, o le
a e oti ona o le fafine ua e atū mai,
4 auā o le nofo tane lava ia. A o
Apimeleko o lei alu ane ia ia te ia;
ua faapea atu foi o ia, Le Alii e, pe
5 te fasiotia foi le nuu amiotonu? E
le ua fai mai ea o ia ia te au, O lo'u
tuafafine ia? O ia foi, ua fai mai
lava o ia O lo'u tuagane ia? O le
manatu tonu o lo'u loto ma o'u lima
6 mamā ua ou fai ai lenei mea. Ona
fetalai mai lea o le Atua ia te ia i le
miti, Ua ou iloa lava, o le manatu
tonu o lou loto ua e fai ai lenei mea,
ua ou taofia foi oe nei e agasala
mai ia te au; o le mea lea ua ou le
7 tuuina atu ai ia te oe e tago atu ia
te ia. O lenei foi, ia toe tuuina atu
le avā a lela tagata, auā o le perofeta
ia, e tatalo foi o ia mo oe, e te
ola ai; a e afai e te le toe tuuina
atu, ia e iloa o le a e oti lava, o oe,
atoa ma i latou uma ua ia te oe.
8 Ona ala tulai lea o Apimeleko i le
taeao, ua valaau atu i ana auaua
uma, ma ta'u atu ia te i latou nei
mea uma, ona matuā fefefe ai lea o
9 ia tagata. Ona aami atu lea e
Apimeleko ia Aperaaamo, ua faapea
atu ia te ia, O le a lenei mea ua e
faia ia te i matou? Pe se a sa'u
amio leaga ia te oe, ua e faaee mai
ai ia te au ma lo'u malo le agasala
tele? O mea e le tusa ona faia, ua
10 e faia ia te au. Ua fai atu foi

Apimeleko ia Aperaaamo, Pe se a se
mea ua e iloa na e fai ai lenei mea?
Ona tali mai lea o Aperaaamo, Auā 11
na ou faapea ifo, Ai lava ua leai se
mata'u i le Atua i le nuu nei; latou
te fasioti ia te au ona o la'u avā.
A e moni lava, o lo'u tuafafine ia, o 12
le afafine o lo'u tamā, a e le se tama
a lo'u tinā; ua fai foi o ia ma'u
avā. Na faataasēina a'u e le Atua 13
nai le aiga o lo'u tamā, ona ou fai
atu lea ia te ia, O lenei lou alofa
mai ia te au, o mea uma ta te o i ai
ia e faapea atu, O lo'u tuagane o ia.
Ona ave lea e Apimeleko o mamoe 14
ma povi, ma auaua tane ma auaua
fafine, ma foaiinatua ia Aperaaamo;
ua ia toe tuuina atu foi ia te ia o
lana avā o Sara. Ua fai atu foi 15
Apimeleko, Faauta mai, o i ou luma
lo'u laueleele; faitalia lava oe se
mea e te fia mau ai. Ua fai atu foi 16
o ia ia Sara, Faauta, ua ou foaiina
atu i lou tuagane o tupe e afe; e
fai ia mou ufiufi mata, ia i latou
uma o ia te oe, atoa ma *nisi* uma;
ua faapea ona acaiiina o ia. Ona 17
tatalo lea o Aperaaamo i le Atua;
ona faamalolo ai lea o le Atua ia
Apimeleko, ma lana avā, ma ana
auaunafafine; ona latou fananau lea.
Auā sa matuā faapapāina e Ieova o 18
fafine uma o le aiga o Apimeleko,
ona o Sara le avā a Aperaaamo.

*Ua fanau mai Isaako; ua tulia
Akara ma Isamaeli.*

UA asiasi Ieova ia Sara e pei ona 21
ia fetalai mai, ua faia foi e Ieova
ia Sara e pei ona ia fetalai mai. Ua 2
to foi Sara, ua fanau e ia se atalii
mo Aperaaamo, ina o toaina o ia, i
ona lava po sa fetalai mai ai le Atua
ia te ia. Ua faaigoā foi e Aperaaamo 3
lona atalii na fanau mai ia te ia, o
le na fanau mai e Sara ia te ia, o
Isaako. Ua peritomeina foi e 4
Aperaaamo lona atalii o Isaako i
lona aso valu, e pei ona poloi mai
o le Atua ia te ia. O le selau o 5
tausaga o Aperaaamo na fanau ai
lona atalii o Isaako. Ua fai ane foi 6
Sara, Ua faa'ata'ataina a'u e le Atua,
o i latou uma o e faalogo mai latou
te taufaiata faatasi ma a'u. Ua 7
faapea foi o ia, Na fai e fai atu ea
se tasi ia Aperaaamo, O le a faasusu

se tama e Sara? auā ua ou fanauina
lona atalii ina ua toeaina o ia.
8 Ua tupu le tama, ua te'a foi ma
le susu; ua faia foi e Aperaaomo le
tausamiga tele i le aso na te'a ai
9 Isaako ma le susu. Ua vaai foi
Sara i le tama a Akara le Aikupito
na fanauina e ia ia Aperaaomo, o loo
10 tauemu ia. Ona fai atu lea o ia ia
Aperaaomo, Ina tuli ese ia o lena
fafine pologa ma lana tama; auā e
le tofia faatasi le tama a lena fafine
11 pologa ma la'u tama o Isaako. Ua
tiga lava Aperaaomo i lenei mea ona
12 o lona atalii. A ua fetalai mai le
Atua ia Aperaaomo, Aua e te tiga
ona o le tama, atoa ma lou fafine
pologa; o mea uma ua fai atu ai
Sara ia te oe ia e usiusitai i ai i
lana upu, auā e valaauina lau fanau
13 ia Isaako. O le tama foi a le fafine
pologa ou te fai o ia ma *tupuga* o se
14 nuu, auā o lau fanau ia. Ona ala
tulai lea o Aperaaomo i le taeao, ua
tago i mea e 'ai ma le fagu pa'u
vai, ma avatu ia Akara, ma faaee i
ai i lona fuatāua, *ua tuu atu* foi le
tama, ua aueseina o ia; ona alu lea
o ia, ma feseai i le vao o Peresepa.
15 Ua uma foi le vai sa i le fagu pa'u,
ona tuu atu lea e ia le tama i lalo
16 ifo o le tasi laau itiiti. A ua alu
atu o ia, ua nofo mamao mai, e pei
o le mea e pa'u atu i ai le u pe a
fana atu; auā ua faapea ane o ia, E
aua ne'i ou vaai i le oti o le tama.
Ua ia nofo mai foi, ma tagi leo tele
17 lava. Ua faafogaina foi e le Atua
le leo o le tama; ona valaau mai
lea o le agelu a le Atua ia Akara
mai le lagi, ua faapea mai ia te ia,
Akara e, ua faapefea ea oe? Aua
e te fefe, auā ua faafogaina e le
Atua le leo o le tama i le mea o i
18 ai o ia. Ina tulai ia, ina tago i le
tama, ma talitali ae ia te ia i ou
lima, auā ou te fai o ia ma *rupuga* o
19 le nuu tele. Ua faapupulaina e le
Atua ona mata, ona iloa ai lea e ia
o le vaieli; ona alu lea o ia, ua utu
ai le fagu pa'u i le vai, ma faainu ai
20 le tama. Sa i ai le Atua i le tama;
ua tupu foi o ia, ua ia mau foi i le
vao, ma ua avea ma tagata fanafana
21 u. Sa mau foi o ia i le vao o
Parana; ua au mai foi e lona tinā
se avā ma ia mai le nuu o Aikupito.

O ona po ia na fai mai ai Apime- 22
leko ma Fikolu o le alii e pule i ana
'au, ia Aperaaomo, ua faapea mai,
Ua ia te oe le Atua i mea uma e te
faia; o lenei, ia e tauto mai iinei ia 23
te au i le Atua, e te le pepelo mai
ia te au, po o lo'u atalii, po o le
atalii o lo'u atalii; a ia pei o lo'u
alofa atu ia te oe, ia e faapea mai
foi ia te au, atoa ma le nuu ua e
āumau ai. Ona tali atu lea o Ape- 24
raamo, Ou te tauto lava. Ua aoai 25
atu foi Aperaaomo ia Apimeleko
ona o le vaieli, na fao e aumau a
Apimeleko. Ona faapea mai lea o 26
Apimeleko, Ou te le iloa po o ai ua
na faia lena mea; na e le ta'u mai
foi ia te au, o a'u nei foi, ou te
faatoa faalogo i ai i le asō. Ona 27
ave lea e Aperaaomo o mamoe ma
povi, ma foai atu ma Apimeleko;
ona la osia lea o la la feagaiga. Ua 28
vavae ese e Aperaaomo o tamai
mamoe fafine e fitu. Ona fai mai 29
lea o Apimeleko ia Aperaaomo, E
faapefea na tamai mamoe fafine e
fitu ua e vavae ese? Ona tali atu 30
lea o *Aperaaomo*, Ia e ave ma oe o
na tamai mamoe fafine e fitu, e fai
ma faailoga ia te au, na a'u elia
lenei vai. O le mea lea na faaigoa 31
ai e ia o lea mea o Peresepa, auā na
la tauto ai. Ua la osia foi la la 32
feagaiga i Peresepa; ona tulai lea o
Apimeleko ma Fikolu le pule i ana
'au, ma la toe foi atu i le nuu o
Filisitia. Ua totō foi e *Aperaaomo* 33
le ulu laau i Peresepa, ma ua valaau
atu i lea mea i le suafa o Ieova, o
le Atua e faavavau. E tele foi aso 34
sa āumau ai Aperaaomo i le nuu o
Filisitia.

Ua ave Isaako e fai ma taulaga.

UA mavae ia mea, ona tofotofa 22
lea o le Atua ia Aperaaomo, ua
faapea mai ia te ia, Aperaaomo e;
ona tali atu lea o ia, O a'u lenei.
Ona fetalai mai lea o ia, Ia e ave 2
lou atalii, o lou *atalii* e toatasi, o le
ua pele ia te oe, o Isaako lava, ma e
alu i le nuu o Moria; ma avatu ia
te ia e fai ma taulaga mu i lea mea
i le tasi mauga ou te fa'uiua atu ai
ia te oe. Ona ala tulai lea o Ape- 3
raamo i le taeao, ma faanofoa lana
asini, ua ave foi e ia ni ona taulelea

e toalua, ma Isaako lona atalii; ma na taisi fafie e fai a'i le taulaga mu, ona tulai lea o ia ma alu i le mea na ta'uina mai ai e le Atua ia te ia.

4 Ua oo i le aso tolu ona tepa ae lea o Aperaaamo, ma ua iloa lea mea a e

5 mamao. Ua fai atu foi Aperaaamo i ona taulelea, Tali atu ia iinei ma le asini, a o a'u ma le tama ma te o i o e tapuai ai, i lo ma toe foi mai

6 ia te oulua. Ua ave foi e Aperaaamo le fafie e fai a'i le taulaga mu, ma faaee ai ia Isaako lona atalii, ua ave foi e ia i ona lima le afi ma le polo;

7 ona o ai lea o i laua. Ona fai atu lea o Isaako i lona tamā o Aperaaamo, ua faapea atu, Lo'u tamā e; ona tali mai lea o ia, Lo'u atalii e, o a'u lenei. Ona fai atu lea o ia, Faauta, o le afi ma le fafie; a o ifea se tamai mamoe e fai a'i le taulaga

8 mu? Ona tali mai lea o Aperaaamo, Lo'u atalii e, e au mai e le Atua se tamai mamoe māna e fai a'i le taulaga mu; ona o faatasi ai lea o i

9 laua. Ua oo atu i laua i le mea na ta'uina mai ai e le Atua ia te ia; ona faia lea e Aperaaamo o le fata faitaulaga i lea mea, ma faaafu le fafie; ua na fusifusi foi lona atalii o Isaako, ma faaee ia te ia i le fata

10 i luga o le fafie. Ona aapa atu lea o Aperaaamo lona lima i le polo, o le a fasioti lona atalii. Ona valaau i'fo lea o le agelu a Ieova ia te ia mai le lagi, ua faapea mai, Aperaaamo, Aperaaamo e; i le ua tali atu o ia, O a'u lenei. Ona fetalai mai lea

12 o ia, Soia le oo lou lima i le tama, aua foi e te fai se mea e tasi ia te ia; auā ua ou iloa nei ua e mata'u i le Atua, ina ua e le taofia lou atalii, o lou atalii e toatasi, a ua e tuu mai

13 ia te au. Ona tepa ae lea o Aperaaamo, ua iloa atu, faauta, o le mamoe poa i ona tua ua lavelavea ona nifo i le laau filifili. Ona alu lea o Aperaaamo, ma au mai le mamoe poa, ua osi ai le taulaga mu e sui a'i lona

14 atalii. Ona faaigoā ai lea e Aperaaamo o lea mea o Ieova-irae; e pei ona fai mai ai i nei ona po, E iloa

15 Ieova i le mauga. Ua toe valaau i'fo le agelu a Ieova ia Aperaaamo mai le lagi, ua faapea mai, O loo faapea a Ieova, Ua ou tauto a'u ia

16 te au; ua e faia lava lenei mea, ua

e le taofia lou atalii, o lou atalii e toatasi; o le mea lea ou te matuā faamanuia ai ia te oe, ma ou matuā faatoateleina lava lau fanau e pei o fetu o le lagi, e pei o le oneone foi i le matafaga; e maua foi e lau fanau faitoota o e ita ia i latou; o lau fanau foi e manuia ai atu nuu uma lava o le lalolagi; auā ua e usiusitai i la'u upu. Ua toe foi

19 Aperaaamo i ona taulelea; ona latou tulai lea, ma latou o faatasi i Peresepa; ua mau ai foi Aperaaamo i Peresepa.

Ua mavae foi ia mea, ona ta'ua mai lea ia Aperaaamo, ua faapea mai, Faauta mai, ua fanau foi e Meleka ana tama i lou uso o Nakori; o lana ulumatua o Usa, ma lona uso o Pusa, ma Kimueli le tamā o Arama, ma Kiseta, ma Haso, ma Pilitaso, ma Itelaso, ma Petueli. Ua fanaua foi e Petueli o Repeka; o i latou nei e toavalu na fanau mai e Meleka ia Nakori le uso o Aperaaamo. O lana palake foi, o Reuma lona igoa, ua fanau mai foi e ia o Tepa, ma Kaamo, ma Taaso, ma Maaka.

O le oti o Sara.

O TAUSAGA o Sara e selau ma le luafulu ma tausaga e fitu; o tausaga ia o le ola o Sara. Ona oti lea o Sara i Kiriata-arapa; o Heperona lea i le nuu o Kanana; na alu atu ai foi Aperaaamo e tagitu'i ona o Sara, ma tagi ai. Ona tulai lea o Aperaaamo ai luma o lana avā ua oti, ma tautala atu i le fanauga a Heti, ua faapea atu, O a'u o le tagata ese, ma le āumau ia te outou; ina tuu mai ia mo a'u se mea e fai ma tuugamau i lo outou nuu, ina ia ou tanu ai la'u avā ua oti, ia ou le toe vaai i ai. Ona tali mai lea o le fanauga a Heti ia Aperaaamo, ua faapea mai ia te ia, Le alii e, faafofoga mai ia ia te i matou; o le alii tele oe o ia te i matou; ia e tanu lou faletua ua maliu i so matou tuugamau e lelei; e leai so matou e vavao sona tuugamau, a e tuu atu ia te oe e tanu ai lou faletua ua maliu. Ona tu lea i luga o Aperaaamo, ma i'fo atu i tagata o lea nuu, o le fanauga a Heti. Ona fai atu

lea o ia ia te i latou, ua faapea atu, Afai o lo outou finagalo ou te tanumia la'u avā ua oti, ia ou le toe vaai i ai, ia outou faafofoga mai ia te au, ma ia outou fautua ai ia Eferona le atalii o Soaro mo a'u, ina ia tuuina mai e ia ia te au le ana o Makapelu, o loo ia te ia, i le tuaoi o lona fanua; na te tuuina mai ia te au i lo outou nuu e fai ma tuugamau, *a e ou tavi atu* i tupe la te tatau. Sa nofo mai foi Eferona faatasi ma le fanauga a Heti; ua fai mai foi Eferona o lo sa Heti ia Aperaaamo i luma o le fanauga a Heti, o i latou uma o e ulu mai i le faitotoa o lana aai, ua faapea mai, Le alii e, soia; se'i e faafofoga mai ia te au; ou te foaiina atu ia te oe le fanua, atoa ma le ana o i ai, ou te foaiina atu ai ia te oe, ou te foaiinatua lava ia te oe i luma o lo'u nei nuu; ina e teu ai ia lou faletua

ua maliu. Ona ifo ai lea o Aperaaamo i luma o tagata o le nuu. Ua ia fai atu foi ia Eferona i luma o tagata o le nuu, ua faapea atu, Afai o lea, ina se'i e faafofoga mai ia te au; ou te avatu lava tupe e tau a'i le fanua; ina e talia mai ia, ona ou tanu ai lea o la'u avā ua oti. Ona tali mai lea o Eferona ia Aperaaamo, ua faapea mai ia te ia, Le alii e, ia e faafofoga mai ia te au; e tusa le fanua ma sekeli ario e fa selau, o le a lea ia te i taua? teu pea ia o lou faletua ua maliu. Ua faalogo atu Aperaaamo ia Eferona; ona fuaina lea e Aperaaamo o ario mā Eferona sa ta'u mai ai e ia i luma o le fanauga a Heti, o sekei ario e fa selau, o tupe e masani ai o e faatau. O le fanua o Eferona i Makapelu, i luma o Mamere, o le fanua, ma le ana o i ai, ma laau uma i le fanua, i ona tuaoi uma e soo ai, ua faato, e fai mo Aperaaamo, i luma o le fanauga a Heti, i luma o i latou uma o e ulu mai i le faitotoa o lana aai. Ua mavae lea mea, ona tanumia lea e Aperaaamo o Sara lana avā i le ana o i le fanua o Makapelu, i luma o Mamere; o Heperona lea i le nuu o Kanana. Ua faato lava e le fanauga a Heti le fanua ma le ana o i ai ia Aperaaamo e fai ma tuugamau.

O le faatasia o Isaako ma Repeka.

UA toeaina lava Aperaaamo, ua tele ona tausaga; ua faamanuia foi Ieova ia Aperaaamo i mea uma. Ona fai atu lea o Aperaaamo i lana auaina o le toeaina o le aiga, sa pule i ana mea uma, Se'i sulu mai ia lou lima i lalo o lo'u aloivae; ma ia e tauto mai ia te au ia Ieova, o le Atua o le lagi, ma le Atua o le lalolagi, e te le au mai se avā a lo'u atalii i fafine o Kanana, o le nuu ou te nofo ai nei. A ia e alu atu i lo'u nuu ma lo'u aiga, ma e au mai ai se avā mā lo'u atalii o Isaako. Ona tali mai lea o le auaina ia te ia, Pe afai e le mafai le fafine ona ma o mai i le nuu nei, ma te matuā o atu ea ma lou atalii i le nuu na e sau ai? Ona fai atu lea o Aperaaamo ia te ia, Ia oe, ne'i e ave lava lo'u atalii i lea mea. O Ieova, o le Atua o le lagi, o le na aumaia a'u mai le aiga o lo'u tamā, ma le nuu o lo'u aiga, o le na fetalai mai foi ia te au, ma na tauto mai ia te au, na faapea mai, Ou te foaiina lenei lava nuu mo lau fanau; e auina atu e ia lava o lana agelu e muamua ia te oe; e te au mai foi se avā mā lo'u atalii ai lea mea. A e afai e le mafai le fafine ona oulua o mai ma ia, ona e magalo ai lea ai lau tautoga nei; a e aua lava lua te o atu ma lo'u atalii i lea mea. Ona sulu ai lea e le auaina o lona lima i lalo o le aloivae o Aperaaamo lona matai, ma tauto atu ia te ia i lea mea. Ona ave lea e le auaina o kamela e sefulu, ai kamela a lona matai, ua alu foi o ia ma mea lelei uma a lona matai i lona lima; ua tulai foi o ia, ma alu atu i Mesopotamia i le aai o Nakori. Ona fai atu lea o ia ia tootuli kamela i tua o le aai, e lata aue i le vaieli, i le afiafi, i le itu aso e o atu ai fafine e utu vai. Ona faapea atu lea o ia, Ieova e, le Atua o lo'u matai o Aperaaamo, ia e faamanuia lava ia te au i le asō, ma e alofa mai foi i lo'u matai o Aperaaamo. Faauta, o a'u nei, ou te tu i luga o le vaipuna; o le a o mai foi afafine o tagata o le aai e utu vai; ia faapea ona fai, o le teine ou te faapea atu i ai, Se'i e tuutuu ifo lau kate so'u inu ae; ona

- faapea mai lea o ia, Ina inu ia, ou
te faainua foi au kamela; o le teine
lea ua e tofia mā lau auaua o
Isaako; ou te iloa foi i lea mea ua
15 e alofa mai i lo'u matai. Faauta foi,
e lei uma atu lana upu, a ua sau
Repeka, o le afafine o Petueli, le
tama tane lea a Meleka, le avā a
Nakori, o le uso o Aperaaamo, sa i
16 lona ua lana kate. O le teine e
matuā lalelei lava, o le taupou, e
lei iloa e ia tane; ua alu ifo o ia i le
vai, ua utu ai lana kate, ma toe alu
17 ae. Ona momo'e atu lea o le au-
auna e faafetaiai ia te ia, ua faapea
atu, So'u inu ae sina vai ai lau kate.
18 Ona faapea mai lea o ia, Le alii e,
taumafa ia; ona vave tuu ifo lea e
ia o lana kate i lona lima, ma tuu
19 atu ia te ia e inu ai. Ua uma ona
avatu ia te ia e inu ona faapea atu
lea o ia, Ou te utufia foi ma au
kamela, seia latou feinu ai ia malilie.
20 Ona faataalise lea o ia ma sasaa lana
kate i le umete, ona toe momo'e ifo
lea o ia i le vai e utu ae, i le ua utu
21 ae e ia ma ana kamela uma. O le
tagata foi, ua ofo o ia ia te ia; ua
faalologo i le fia iloa po ua faama-
nuia e Ieova lana malaga pe leai.
22 Ua uma ona feinu o kamela, ona
avatu lea e le tagata o le mama
auro, o le vaeluagalemu o le sekeli
lona mamafa, ma taulima auro e lua
mo ona lima, e sefulu *sekeli* o lo la
23 mamafa lea; ua faapea atu foi o ia,
Se'i e ta'u mai ia te au, pe se afafine
oe o ai? Pe ai ea se mea i le fale o
24 lou tamā matou te api ai? Ona tali
mai lea o ia ia te ia, O a'u o le afa-
fine o Petueli o le tama ia a Meleka,
25 na fanau e ia ia Nakori. Ua faapea
mai foi o ia ia te ia, O ia i matou
'au o saito, ma mea e 'ai e tele a
manu, atoa ma le mea e api ai.
26 Ona punou lea o le tagata, ma ifo
27 atu ia Ieova. Ua faapea atu foi o
ia, Ia faafetaia Ieova, o le Atua o
lo'u matai o Aperaaamo, o le ua le
tuua lona alofa ma lona faamaoni i
lo'u matai; na ou i le ala, ona ta'i-
tā'ina ai lea o a'u e Ieova i le fale o
28 uso o lo'u matai. Ona momo'e lea
o le teine, ma ta'u atu ia mea i le
29 aiga o lona tinā. Sa ia Repeka le
tuagane o Lapana lona igoa; ua
momo'e mai foi Lapana i le tagata
i le vaipuna. Ua iloa e ia o lē 30
mama auro, ma taulima i lima o lona
tuafafine, ua faalogo atu foi i upu
a lona tuafafine o Kepeka, ua faapea
mai, Na faapea ona tautala mai o le
tagata ia te au, ona alu lea o ia i le
tagata, faauta foi, ua tu o ia ma
kamela i luga o le vaipuna. Ona 31
faapea mai lea o ia, Maliu mai ia o
oe ua faamanuia e Ieova; se a le
mea ua e tu ai i fafo? Auā ua uma
ona ou teuteua o le fale, ma le mea
e ave i ai kamela. Ona ulufale lea 32
o le tagata i le fale; ona tatalaina
lea e *Lapana* o kamela, ma avane
'au o saito ma mea e 'ai mā kamela,
ma vai foi e mulumulu ai ona vae,
ma vae o tagata na o mai ma ia.
Ona laulauina mai ai lea ia te ia o 33
mea e 'ai; a ua faapea atu o ia, Ou
te le 'ai lava, a seia uma ona ou
ta'u atu o la'u feau. Ona faapea
atu lea o ia, Ina ta'u mai ia. Ona 34
faapea mai lea o ia O a'u o le
auauna a Aperaaamo. Ua faamanuia 35
tele lava e Ieova lo'u matai; ua
mamalu lava o ia; ua foaiina foi e
ia ia te ia o lafu mamoe, ma lafu
povi, ma ario, ma auro, ma auaua
tane, ma auaua fafine, ma kamela,
atoa ma asini. O Sara foi le avā a 36
lo'u matai na fanau e ia le atalii o
lo'u matai ina o loomatua ia; ua
foaiina atu foi e ia ia te ia o ana
mea uma. O a'u foi, na ou tauto 37
ina ua fai mai ai o lo'u matai, ua
faapea mai, E te le au mai se avā
mā lo'u atalii i fafine o Kanana, o le
nuu ou te nofo ai nei. A ia e alu 38
atu i le aiga o lo'u tamā, ma lo'u
aiga, ma au mai ai se avā mā lo'u
atalii. Ona ou tali atu lea i lo'u 39
matai, Atonu e le mafai le fafine
ona ma o mai. Ona faapea mai lea 40
o ia ia te au, O Ieova, o loo, savali
a'u nei i ona luma, e auina atu e ia
lana agelu lua te o faatasi ma ia, na
te faamanuia ai lau malaga; e te au
mai foi se avā mā lo'u atalii mai lo'u
aiga, ma le aiga o lo'u tamā. E te 41
magalo i lau tauto, pe a e oo i lo'u
aiga; afai foi latou te le tuuna mai
se tasi ia te oe, ona e magalo ai lea
i lau tauto. Na ou sau foi i le aso 42
nei i le vaipuna, ma ou faapea atu,
Ieova e, le Atua o lo'u matai o
Aperaaamo, afai e te faamanuia lava

43 la'u malaga ua ou sau ai; faauta, o
a'u nei, ou te tu i luga o le vaipuna,
ia faapea ona fai, o le taupou e sau
e utu vai, ma ou faapea atu i ai, se'i
au mai sina vai, so'u inu ae ai lau
44 kate; ona tali mai lea o ia ia te au,
Ina inu ia oe, ou te utufia foi ma au
kamela; o le avā lea ua tofia e
45 Ieova mā le atalii o lo'u matai. Na
le uma foi ona ou faapea ifo i lo'u
loto, faauta, ua sau Repeka, ua
faafuata mai lana kate; ona alu ifo
lea o ia i le vaipuna ma utu ae ai;
ona ou faapea atu lea ia te ia, So'u
46 inu ae. Ona vave tuu ifo lea e ia o
lana kate, ma faapea mai, Ina inu
ia; ou te faainua foi au kamela;
ona ou inu lea; na faainua foi e ia
47 o kamela. Ona ou fesili atu lea ia
te ia, Pe se afafine oe o ai? Ona
tali mai lea o ia, O le afafine o
Petueli le atalii o Nakori, sa fanau
ia te ia e Meleka; ona ou tuu atu
lea o le mama i lona fofoga, ma tau-
48 lima i ona lima. Ona ou punou lea,
ma ifo atu ia Ieova, ma faafetai atu
ia Ieova le Atua o lo'u matai o
Aperaamo, o le na ta'ita'i ia te au i
le ala tonu, e au mai le afafine o le
uso o lo'u matai e fai ma avā a lona
49 atalii. O lenei foi, tou te ta'u mai,
pe tou te alofa ma faamaoui i lo'u
matai; a e afai e leai, ta'u mai ia te
au, ina ia ou faasaga i le itu tauma-
50 tau po o le itu tauagavale. Ona tali
mai lea o Lapanā ma Petueli, ua
faapea mai, Ua tupu mai ia Ieova
lena mea; ma te le mafai ona fai
atu ia te oe i sona lelei po o sona
51 leaga. Faauta, o Repeka o i ou
luma ia; ina o ia oulua ma ia, ia fai
o ia ma avā a le atalii o lcu matai, e
52 pei ona feta'ai mai ai o Ieova. Ua
faalogo atu le auauna a Aperaamo i
a la upu, ona ifo toele lea e ia ia
53 Ieova. Ona au mai lea e le auauna
o teuga ario, ma teuga auro, atoa
ma ofu, ma avatu ia Repeka; ua ia
foai atu foi i lona tuagane ma lona
54 tinā o oloa tāua. Ona latou aai ai
lea ma inu, o ia ma tagata na latou
o mai ma ia, ona latou momoe ai
lea; ua latou tulai foi i le taeao, ona
faapea atu lea o ia, Tuu mai ia te
55 au ia ou alu atu i lo'u matai. Ona
tali mai lea o lona tuagane ma lona
tinā, Se'i matou nonofo ma le teine

i ni aso pe toe sēfulu; a mavae mai
ia, i le alu ai o ia. Ona faapea atu 56
lea o ia ia te i laua, Aua lua te taofi
ia te au, auā ua faamanuia mai e
Ieova la'u malaga; tuu mai ia te au
ia ou alu atu i lo'u matai. Ona tali 57
mai lea o i laua, Se'i ma valaauina
ane le teine, ma fesili atu pe se a
lona loto. Ona valaau ane lea o i 58
laua ia Repeka, ua faapea atu foi ia
te ia, Lua te o ea ma le alii nei? Ona
tali mai lea o ia, Ma te o. Ona 59
latou tuuina atu lea o Repeka lo
latou tuafafine, ma le na tausii ia te
ia, ma le auauna a Aperaamo, atoa
ma ona tagata. Ua latou faama- 60
nuia atu foi ia Repekā, ua faapea
atu ia te ia, O oe o lo matou tuafa-
fine, ia avea oe ma tinā o afe e
mano, ia maua fci e lau fanau o
faitotoa o e ita mai ia te i latou.
Ona tulai lea o Repeka, ma ona 61
teine, ma latou tietie i kamela, ma
mulimuli atu i le tagata; ua au
mai Repeka e le auauna a Aperaamo,
ona latou o ai lea. Ua sau fci 62
Isaako i le ala e ui i Pere laaroi, auā
sa mau o ia i le nuu i le itu i toga.
Ua alu atu foi Isaako i le fanua i le 63
afiafi e mafaufau ai; ua tepa ae foi
o ia ma ilo atu, faauta foi, o ka-
mela ua o mai. Ua tepa ae foi 64
Repeka ua na ilo atu ia Isaako, ona
alu ifo lea o ia i le kamela. Auā na 65
ia fesili atu i le auauna, O ai lena
tagata lē savali mai i le fanua e
faafetaiai ia te i tatou? Na tali
mai foi le auauna, O lo'u matai ia.
Ona tago ai lea o ia i le ufiufi mata,
ma ufi ifo ai ia te ia. Ua faama- 66
talaina atu foi e le auauna ia Isaako
mea uma lava na faia e ia. Ona 67
ta'ita'i atu lea e Isaako ia te ia i le
fale ie o lona tinā o Sara, ua ave e
ia o Repeka, ua fai foi o ia ma ana
avā; ua fiafia foi o ia ia te ia; ona
faatoa faamafanafanaina ai lea o
Isaako talu ona oti o lona tinā.

*O le oti o Aperaamo ma Isamaeli;
ua fanau Esau ma Iakopo.*

UA toe faia foi e Aperaamo le avā, 25
o Kitura lona igoa. Ua fanau foi o 2
ia ia te ia o Semerana, ma Iokasana,
ma Metana, ma Mitiana, ma Isepaka,
ma Saa. Ua fanaua foi e Iokasana 3
o Seepa, ma Titana. O atalii foi o

- Titana o Asurimo ia, ma Letusimo,
4 ma Leumemo. O atalii foi o Mitiana, o Efa, ma Efara, ma Eaoka, ma Apita, ma Eletaa. O i latou uma ia o le fanau a Kitura.
- 5 Ua foaiina atu e Aperaaamo ana
6 mea uma lava ia Isaako. A o tama a palake sa nonofo ia Aperaaamo, na foaiina atu ai e Aperaaamo o mea alofa, ma aaiina atu ia te i latou, ina o ola o ia, i sasae, i le nuu sasae, ia te'a eseeae ai ma lona atalii o
7 Isaako. O tausaga foi nei o le olaga o Aperaaamo, sa ola ai o ia, e selau ma le fitugafulu ma le lima, o ona
8 tausaga ia. Ua to foi le mānava a Aperaaamo, ua oti o ia o matuā toeaina; o le tagata ua matua lava, ua tuu tulufi lona ola; ua faatasiina
9 atu foi o ia i lona nuu. O ona atalii foi o Isaako ma Isamaeli na la tanu ia te ia i le ana o Makapelu, i le fanua o Eferona le atalii o Soaro, o
10 lo sa Heti, i luma o Mamere; o le fanua sa faatauina e Aperaaamo i le fanauga a Heti. Na tanu i lea mea o Aperaaamo, ma lana avā o Sara.
- 11 Ua mavae le oti o Aperaaamo, ona faamanuia mai lea e le Atua lona atalii o Isaako; sa mau foi Isaako e lata ane i Pere-laaroi.
- 12 O le gafa foi lenei o Isamaeli le atalii o Aperaaamo sa fanau mai e Akara le Aikupito, o le auaua fafine a Sara, ia Aperaaamo. O igoa foi nei o atalii o Isamaeli, o latou igoa, e tusa ma o latou auga tagata; o le ulumatua a Isamaeli, o Nepaiota ia; ma Kitara, ma Atepeelu,
14 ma Mepesama, ma Mesema, ma Tuma, ma Mase, o Hatata, ma Tema, o Ietura, o Nafiso, ma Katera.
16 O atalii ia o Isamaeli, o latou igoa foi ia, e taitasi ma lana aai, e taitasi foi ma lona 'olo; o alii ia e toasefulu ma le toalua i o latou
17 nuu. O tausaga foi nei o le olaga o Isamaeli, e selau ma le tolugafulu ma le fitu, o ona tausaga ia; ua to foi lana mānava ua oti o ia; ua faatasiina atu foi o ia i lona nuu.
- 18 Sa mau foi i latou e gata mai i Havila e oo i Sura, e feagai ma Aikupito, i le ala e ui atu ai i Asuria. Sa mau o ia i luma o ona uso uma.
- 19 O le gafa foi lenei o Isaako, le atalii o Aperaaamo; na fanaua e

Aperaaamo o Isaako. Sa fagafulu o 20
tausaga o Isaako ina o fai mana avā o Repeka le afafine o Petueli, o le Suria, mai Patanarama, o le tuafafine foi o ia o Lapana le Suria. Ua 21
faatoga atu Isaako ia Ieova mo lana avā, auā ua pa o ia; ua faafofoga foi Ieova ia te ia, ona to ai lea o lana avā o Repeka. Ua feuuai foi 22
tama i totonu ia te ia; ona faapea lea o ia, Afai e faapea, sē a le mea ua ou faapea ai? Ua alu foi o ia e fesili atu ia Ieova. Ua tali mai foi 23
Ieova ia te ia, E lua nuu o loo i totonu ia te oe, e lua lava nuu e fanau mai ia te oe; e sili ona malosi o *le tasi* nuu i *le isi* nuu; e nofo pologa foi le ulumatua i le uii. Ua oo i le 24
aso e fanau ai o ia, faauta, o le masaga ua i totonu ia te ia. O le na muai fanau mai ua enaena mūmū 25
ua pei se ofu fulufulu ua liloa ai o ia; na latou faaigoa ai ia te ia o Esau. Mulimuli ane ua fanau mai 26
ai lona uso, ua 'u'u atu foi lona lima i le mulivae o Esau; ua faaigoa foi ia te ia o Iakopo; o le onogafulu o tausaga o Isaako na fanau ai i laua.

Ua tutupu nei tama; o Esau foi 27
o le tagata ia ua poto i tuli manu, o le tagata a vao, a o Iakopo o le tagata agamalu o ia, ua mau i fale ie. Na 28
alofa Isaako ia Esau, auā ua ia 'ai i ana manu; a o Repeka, na alofa o ia ia Iakopo. Na tunu foi e Iakopo 29
o mea e 'ai; ua sau foi Esau nai le vao, ua lailoa foi o ia; Ona faapea 30
ātu lea o Esau ia Iakopo, Se'i au mai sina na mea mūmū so'u 'aina ae, auā ua ou vaivai. O le mea lea 31
ua faaigoa ai o ia o Etoma. Ona tali mai lea o Iakopo, Faatau mai ia ia te au o lou tofi o le ulumatua i le 32
aso nei. Ona faapea atu lea o Esau, Faauta, o le a ou oti; pe se a le aoga o lenei tofi o le ulumatua ia te au? Ona tali mai lea o Iakopo, Ina 33
e tauto mai ia te au i le aso nei; ona tauto atu ai lea o ia ia te ia; ua ia faatau atu foi lona tofi o le ulumatua ia Iakopo. Ona avatua lea e 34
Iakopo o areto ma atasema tunu ia Esau; ona 'ai lea o ia ma inu, ona tulai lea o ia, ma alu; o lea na faaleaogaina ai e Esau le tofi o le ulumatua.

*Ua alu ifo Isaako i Kira. Ua toe
foi mai i Peresepa.*

- 26** NA i ai foi le oge i le nuu, a e ese le uluai oge sa i ona po o Aperaaamo. Ona alu ai lea o Isaako i Kira ia Apimeleko le tupu o tagata o Filisitua.
- 2** Ua faaali mai Ieova ia te ia, ua faapea mai, Aua e te alu ifo i Aikupito, a ia e nofo i le nuu ou te fai atu ai ia te oe, ia e nofo faaāumau i lenei nuu, ou te i ai foi ia te oe, ma ou faamanuia ia te oe, auā ou te foai atu ia te oe ma au fanau ia nuu uma lava; ou te faataunuina foi le tautoga na a'u tauto ai ia Aperaaamo
- 4** lau tamā; ou te faatooteleina foi au fanau pei o fetu o le lagi, ma ou foaiina atu i au fanau ia nuu uma, o lau fanau foi e manuia ai nuu uma o le lalolagi; auā na faalogo Aperaaamo i a'u upu, ma na tausi i a'u sauniga, *ma a'u poloaiga, ma a'u faatonuga, ma a'u tulafono.*
- 6** Ona nofo ai lea o Isaako i Kira; ona fesili mai ai lea o tagata o le nuu i lana avā, ona fai atu ai lea o ia, O lo'u tuafafine ia; auā na fefe ia e fai atu, O la'u ava ia, *sa faapea o ia*, Ne'i fasia a'u e tagata o le nuu ona o Repeka; auā o ia ua lalelei.
- 8** Ua loa ona nofo ai o ia, ona vaai atu ai lea o Apimeleko le tupu o Filisitua i le faamalama, faauta foi, ua iloa, ua taaalo Isaako ma Repeka
- 9** lana avā. Ona valaau atu ai lea e Apimeleko ia Isaako, ua faapea atu, Faauta ea, o lau avā lava ia, pe se a foi le mea na e fai mai ai, O lo'u tuafafine ia? Ona fai mai ai lea o Isaako ia te ia, Auā na a'u faapea,
- 11** Ne'i ou oti ona o ia. Ona faapea atu ai lea o Apimeleko, Se a lenei mea ua e faia ia te i matou? ana mao atu se tasi o le nuu i lau avā, po ua oo mai ia te i matou le agasala ona o oe. Ona fetalai atu ai lea o Apimeleko i le nuu uma, ua faapea atu, O se papai atu i lenei tagata po o lana avā e matuā oti lava ia.
- 12** Ona luluina lea e Isaako o saito i lea nuu, na maua ai foi le taiselau i fua i lea tausaga; na faamanuia
- 13** foi e Ieova ia te ia. Ua tagata ola lenei tagata, ua tupu pea lava, ua atili ai ua oo ina matuā tagata ola
- 14** lava ia: auā sa ia te ia lafu mamoe,

ma lafu povi, ma auauna e toatele; na mataua foi Filisitua ia te ia. **O 15** vaieli uma foi na eli e auauna a lona tamā i ona po o Aperaaamo lona tamā, na tatanu e Filisitua, ma faatutumu i eleele. Ua fai atu foi **16** Apimeleko ia Isaako, Ia e alu ese ia te i matou; auā ua sili lava oe ia te i matou. Ona alu ese ai lea o **17** Isaako, ua to lona fale ie i le vanu o Kira, ua nofo ai. Ua toe eli foi **18** e Isaako o vaieli na latou eli i ona po o Aperaaamo lona tamā, auā na tatanu e Filisitua iua ua oti o Aperaaamo; ua ia faaigoaina i igoa na faaigoa a'i e lona tamā. Ua eli **19** auauna a Isaako i le vanu, ona maua ai lea o le vaipuna. Ona fe- **20** finauai ai lea o e leoleo manu a Kira ma leoleo manu a Isaako, ua faapea ane, O lo matou vai lea; ua ia faaigoale vaieli, o Eseki, auā na latou fefinauai ma ia. Ua latou toe eli **21** le tasi vai, ona latou toe fefinauai ai lea; ua ia faaigoa ai o Setani.

Ua tuua e ia lea mea, ua eli le **22** tasi vai; ua latou le fefinauai ai, ona ia faaigoa ai lea o Reopo, ua faapea ana, Auā ua faalauteleina nei e Ieova *se mea* e nonofo ai, tatou te uluola ai i le nuu.

Ona ia alu ae ai lea ai lea mea i **23** Peresepa. Ona faaali mai ai lea o **24** Ieova ia te ia i lea lava po, ua faapea mai, O a'u o le Atua o Aperaaamo lou tama; aua e te fefe, auā ou te ia te oe, ou te faamanuia foi ia te oe, ma faatooteleina lau fanau, ona o la'u auauna o Aperaaamo. Ua **25** ia fai ai le fata faitaulaga, ma valaau i le suafa o Ieova; ua ia to ai foi lona fale ie, ua eli ai foi e auauna a Isaako le vaieli.

Ona alu atu ai lea ia te ia o Api- **26** meleko mai Kira, o i latou ma Aasata o le tasi o ana uo, atoa ma Fikolu le alii e pule i ana'au. Ona **27** fai ane ai lea o Isaako ia te i latou, Se a le mea ua outou o mai ai ia te au, auā ua outou 'ino'ino ia te au, ua outou tulia foi a'u? Ona latou **28** fai atu ai lea, Ua matou matuā iloa ua ia te oe Ieova, ona matou faapea ai lea, ia tatou faia nei le tautoga o i matou lava ma oe, ia tatou faia foi la tatou mavaega ma oe; e te le **29** agaleaga mai lava ia te i matou, pei

- ona matou le tagofia oe, pei ona
matou faia foi ia te oe na o le lelei,
ma matou tuu atu ia te oe e alu ma
le filemu; ua faamanuia nei oe e
10 leova. Ua ia sauni se taumafataga
31 mo i latou, ua latou aai mainu. Ua
latou tulai i le taeao, ua tauto le
tasi i le tasi, ona tuuina atu lea o i
latou e Isaako, ona latou o ese ai lea
32 ia te ia ma le filemu. O lea lava
aso ua o mai ai auauna a Isaako, ua
ta'u mai ai ia i le vaieli na la-
tou elia, ua faapea mai ia te ia, Ua
33 matou maua le vai. Ua ia faaigoa
ai o Sepa, o le mea lea ua igoa ai le
aai o Peresepa, ua oo i lenei aso.
- 34 Ua oo Esau i ona tausaga e faga-
fulu, ona fai avā ai lea ia Iubiti le
afafine o Peeri, o le sa Heti, ma
Pasemeta le afafine o Aluna, o le sa
35 Heti. Ua fai i lana ma faatiga loto
ia Isaako ma Repeka.
- Ua'olegia Isaako e Iakopo. Ua faa-
manuia Isaako ia Iakopo ma Esau.*
- 27 UA toeaina Isaako, ua puaoa foi
ona mata ua le mafai ai ona vaai,
ona ia valaau ai lea ia Esau lona
atalii e matua, ma fai atu ia te ia,
Lo'u atalii e; ona fai mai ai lea o
2 ia, O a'u lenei. Ona ia fai atu ai
lea, Faauta ea, ua ou toeaina a'u,
3 ou te le iloa le aso ou te oti ai; o
lenei, ina ave ia ou auupega, o lau
utu ma lau aufana, ma e alu i le
vao e tuli se manu o le vao ma a'u.
4 Ia e fai ai sina mea e 'ai e manogi
ma a'u, pei o le mea ou te manao
ai, ma au mai ia te au, ou te 'ai ai,
ina ia ou faamanuia atu ia te oe
5 manū ou te lei oti. Ua faalogo foi
Repeka i le upu a Isaako ia Esau
lona atalii. Ua alu atu foi Esau i
le vao e tuli se manu, e au mai ai.
6 Ona fai atu lea o Repeka ia Iakopo
lana tama, ua faapea atu, Faauta,
na ou faalogo i le upu a lou tamā ia
7 Esau lou uso, ua faapea, Au mai ia
te au se manu mai le vao, ma fai ai
sina mea e 'ai e manogi ma a'u, ou
te 'ai ai, ma ou faamanuia atu ia te
oe i luma o leova, manū ou te lei
8 oti. O lenei, la'u tama e, ia e
faalogo mai i la'u upu i le mea ou
9 te fai atu ai ia te oe. Ia e alu i le
fagaga, ma au mai ai ia te au tamai
'oti lelei se lua, ou te fai ai se mea
e 'ai e manogi ma lou tamā, pei o le
mea e manao ai o ia; ona e avatu 10
ai lea i lou tamā, e 'ai ai o ia, ina ia
faamanuia mai o ia ia te oe manū o
lei oti o ia. Ona fai mai ai lea o 11
Iakopo ia Repeka lona tinā, Faauta,
o le tagata taufulufulu lo'u uso o
Esau, a o a'u ou te se tagata lamo-
lemole. Atonu e tagotago lo'u 12
tamā ia te au, ona avea ai lea o a'u
ia te ia ma tagata faa'ole'ole, ona
oo mai ai lea ia te au se fetuu, a e
le o se manuia. Ona fai atu ai lea 13
o lona tinā ia te ia, La'u tama e, ia
ia te au lou fetuu, tau lava ina e
faalogo mai i la'u upu, ma e alu e
au mai ai tamai 'oti ia te au. Ona 14
alu ai lea o ia, ma pupū mai, ua au
mai i lona tinā, ona fai ai lea e lona
tinā mea e 'ai e manogi, pei ona
manao ai lona tamā. Ua ave foi e 15
Repeka ofu lelei o lana tama e
matua o Esau, sa ia te ia i le fale,
ua na faaofu ai ia Iakopo lana tama
aupito iiti; ua ia tuu ai foi pa'u o 16
tamai 'oti i ona lima, atoa ma le
lamolemole o lona ua; ua ia tuu 17
atu le mea e 'ai e manogi ma le
areto na ia saunia i le lima o lana
tama o Iakopo.
- Ona alu atu ai lea o ia i lona 18
tamā, ua fai atu, Lo'u tamā e; ona
ia fai mai ai lea, O a'u lenei, lo'u
atalii e, o ai ea oe? Ona fai atu ai 19
lea o Iakopo i lona tamā, O a'u o
Esau o lau ulumatua, ua ou faia le
mea na e fai mai ai ia te au; ina
noso ia i luga, ia noso ma 'ai i la'u
manu ina ia e faamanuia mai ia te
au. Ona fai mai ai lea o Isaako i 20
lona atalii, Lo'u atalii e, pe faapefea
ona e vave maua? Ua ia fai atu,
Auā na aumaia i o'u luma e leova
lou Atua. Ona fai mai ai lea o 21
Isaako ia Iakopo, Lo'u atalii e, soso
mai ia, ina ia ou tagotago ia te oe,
po o oe lo'u lava atalii o Esau pe
leai. Ua soso atu Iakopo ia Isaako 22
lona tamā; ona ia tagotago mai ai
lea ia te ia, ua fai mai, O le leo o le
leo lea o Iakopo, a o lima o lima ia
o Esau. Ua ia le iloa o ia, auā ua 23
taufulufulu ona lima, pei o lima o
Esau lona uso; ona faamanuia ai
lea e ia ia te ia. Ona fai mai ai lea 24
o ia, O oe ea o lo'u lava atalii o
Esau? Ona fai atu ai lea o ia, O

25 a'u lava lenei. Ona fai mai ai lea o ia, Au mai ia ia te au, ou te 'ai ai le manu a lo'u atalii, ina ia 'ou faamanuia ia te oe. Ona ia avatu ai lea ia te ia, na ia 'ai ai, ua na au mai foi ia te ia le uaina, ona ia inu ai lea. Ona fai mai ai lea o Isaako lona tamā ia te ia, Lo'u atalii e, soso mai ia, se'i e sogi mai ia te au.

26 Ona ia soso atu ai lea, ma sogi atu ia te ia; ua ia lagona le nanamu o ona ofu, ma faamanuia ia te ia, ua faapea mai, Faauta, o le manogi o lo'u atalii, e pei o le manogi o le fanua ua faamanuia e Ieova; ia foai atu e le Atua ia te oe le sau mai le lagi, ma le lelei o le fanua, ma saito ma uaina e tele. Ia auauna nuu ia te oe, ia ifo foi tagata ia te oe, ia fai oe ma alii i ou uso, ia ifo foi tama a lou tinā ia te oe; ia fetuuina sē fetuu ia te oe, ia manuia foi sē faamanuia ia te oe.

27 Ua uma ona faamanuia e Isaako ia Iakopo, na se'i alu atu foi Iakopo ai lumā o Isaako lona tamā, ona sau ai lea o Esau lona uso i lona tuligāmanu. Na faia foi e ia le mea e 'ai e manogi, ma avatu i lona tamā, ua faapea atu i lona tamā, Lo'u tamā e, ia e nofo i luga, ma 'ai i le manu a lou atalii, ina ia e faamanuia mai ia te au. Ona fai mai ai lea o Isaako lona tamā ia te ia, O ai ea oe? Ona fai atu ai lea o ia, O a'u o lou atalii, o lau ulumatua o Esau. Ona tetemu ai lea o Isaako, ua matuā tele lava lona tetemu, ua fai mai, O ai lava lea na tuli manu, ma au mai ia te au, ua uma ona ou 'ai ai a e te lei sau oe, ua ou faamanuia foi ia te ia, e manuia lava ia? Ua faalogo Esau i upu a lona tamā, ona tagiaue ai lea o ia i le aue faalotulotu, ua faapea atu i lona tamā, Lo'u tamā e, ia e faamanuia mai atoa foi ma a'u nei. Ona fai mai ai lea o ia, Na sau faa'ole'ole lou uso, ua na ave lou manuia. Ona fai atu ai lea o ia, E le o lea ea ua igoa ai o ia o Iakopo? auā ua atu lua lona sisio mai ia te au, na ia fao le tofi o a'u le ulumatua, faauta foi, ua ia fao nei lo'u manuia. Ua ia fai atu foi, E lei ea se manuia o totoe ia te oe mo a'u? Ona tali mai ai lea o

Isaako, ua faapea mai ia Esau, Faauta, ua ou tofia o ia e fai ma alii ia te oe, ua ou tuu atu foi ia te ia ona uso uma e fai ma auauna, ua ou faamalosia ia i le saito ma le uaina, se a foi se mea ou te toe fai ma oe, lo'u atalii? Ona fai atu lea o Esau i lona tamā, E' tasi e le manuia ua ia te oe, lo'u tamā e? Ia e faaamanuia ia te au, o a'u lava, lo'u tamā e. Ona tagi ai lea o Esau ma le leo tele. Ona tali mai ai lea o lona tamā o Isaako, ua fai mai ia te ia, Faauta, o le fanua lafulemu le mea e te pofa ai, e toto'i ifo foi le sau mai le lagi i luga. O lau pelu e te ola ai, e te auauna foi i lou uso; a oo foi ina faasaoloto o oe, ona e gausia ai lea o lana amo nai lou ua.

Ua ita tele Esau ia Iakopo ona o le manuia na faamanuia atu ai e lona tamā ia te ia; ona faapea lea o Esau i lona loto, Ua latalata aso e faanoanoa ai ona o lo'u tamā, ona ou fasioti ai lea lo'u uso o Iakopo. Ua talaina atu ia Repeka upu a Esau lana tama e matua, ona ia feau atu ai lea e sau lana tama au'ito ititi o Iakopo, ua fai atu ia te ia, Faauta, o lou uso o Esau, o loo faamafanafana ia i lona loto ia te oe, o le a fasioti ia te oe. A o lenei, la'u tama e, ia e faalogo mai i la'u upu; ina tu ia i luga, ma e sola atu i lo'u tuagane o Lapana, i Karana, ma e nofo ai nai aso, seia mavae atu le ita o lou uso; seia mavae atu le ita o lou uso ia te oe, seia galo foi ia te ia le mea ua e faia ia te ia; ona ou feau atu ai lea, e aami ia te oe i lea mea; e aveeseina i se a oulua ia te au i le aso e tasi?

Ona fai atu ai lea o Repeka ia Isaako, Ou te fiu i lo'u ola ona o fafine o sa Heti, afai e fai avā Iakopo i se fafine o sa Heti, pei o ia fafine o le nuu, pe se a le toe aoga o lo'u ola ia te au?

Ua alu malaga Iakopo i Patanarama ua faaali mai le Atua ia te ia.

ONA valaau atu ai lea o Isaako ia Iakopo, ua na faamanuia ia te ia, ma fai atu ia te ia, ua faapea atu i ai, Aua e te fai avā i se fafine o

- 2 Kanana. Tu ia i luga, ina alu i Patanarama, i le aiga o le tamā o lou tinā, o Petueli, ma ia e fai avā ai i se afafine o Lapana le tuagane
3 o lou tinā. Ia faamanuia ia te oe e le Atua e ona le malosi uma lava, ia uluola oe ia te ia, ia faatoateleina oe e ia, ma ia avea oe ma faapoto-
4 potoga o nuu; ia na avatu foi ia te oe le manuia o Aperaaamo, o oe lava ma au fanau faatasi ma oe; ina ia fai mou tofi le nuu ua e āumau ai, na foaiina mai ai o le Atua ia Ape-
5 raamo. Ua auina atu Iakopo e Isaako; ona alu atu ai lea, o ia i Patanarama ia Lapana le atalii o Petueli le Suria, le tuagane o Rep-
6 peka le tinā o Iakopo ma Esau. Ua iloa e Esau ua faamanuia e Isaako ia Iakopo, ma auina atu ia te
7 ia i Patanarama, e fai avā ai, o lana faamanuia foi ia te ia na ia fai atu ai ia te ia, ua faapea atu, Aua e te
8 fai avā i se fafine o Kanana; ma ua faalogo Iakopo i lona tamā ma lona tinā, ma ua alu atu i Patanarama;
9 ua iloa foi e Esau ua leaga fafine o Kanana i le manatu o lona tamā o Isaako; ona alu ai lea o Esau ia
10 Isamaeli ma fai avā ia Maalata le afafine o Isamaeli, le atalii o Aperaaamo, le tuafafine foi o Nepaiota,
11 e faaopoopoina ai i avā na ia te ia. Ona tuua lea e Iakopo, o Pere-
12 sepa, a e alu i Karana. Ua oo i le tasi mea, ua moe ai, auā ua goto le la; ua ia ave foi ni maa nai lea mea,
13 ua fai mona aluga, ua taoto ai i lea mea. Ua fai lana miti; faauta foi, o le afeai ua faatuina i le elelee, ua
14 oo lona iu i le lagi; faauta foi, o agelu a le Atua ua a'ea'e ma ifoifo ai. Faauta foi, ua tu ai Ieova i ona
15 luga, ua fetalai mai, O a'u o Ieova le Atua o Aperaaamo lou tamā, ma le Atua o Isaako, o le fanua e te
taoto ai ou te avatu ai ia te oe ma au fanau; e avea foi au fanau pei o le efuefu o le elelee, e faasala-
lauina solo foi oe i sisifo, ma sasae, ma le itu i matu, atoa ma le itu i toga, o oe foi ma au fanau e manuia
ai aiga uma o le lalolagi. Faauta foi, ou te i ai ia te oe, ou te tausi foi ia te oe i mea uma e te alu i ai, ou
te toe faafoisia mai oe i le nuu nei;

auā ou te le tuua oe, seia ou faia le mea ua ou fai atu ai ia te oe.

Ona ala lea o Iakopo na moe, ua 16
ia faapea E moni lava e i ai Ieova i le mea nei, a e ou te lei iloa. Ua 17
fefe ai o ia, ua faapea, O le mea ma-
tautia lava lenei, e le se mea ese lenei, na o le fale lava o le Atua, o le faitotoa lava lenei o le lagi. Ua 18
tulai Iakopo i le taeao lava, ua tago i le maa na ia aluga ai, ua faatuina ai ma faailoga, ua liligi ifo i ona luga le suāuu. Ua ia faaigoa lea 19
mea o Peteli, sa muai faaigoaina lea aai o Lusa. Ona faia lea e Iakopo 20
lana tauto, ua faapea atu, Afai e ia te au le Atua, ma tausi ia te au i lenei ala ou te alu ai, ma foai mai mea e 'ai ou te 'ai ai, ma ofu ou te ofu ai, ina ia ou toe foi ma le ma-
nuia i le aiga o lo'u tamā, ona fai ai lea o Ieova mo'u Atua; o lenei maa 22
foi, ua ou faatuina ma faailoga, e fai lea ma fale o le Atua; o mea uma foi e te foai mai ia te au ou te avatu lava ia te oe mea e sefulu a'i.

Ua oo atu Iakopo i Patanarama; o mea na tutupu ia te ia.

ONA alu ai lea o Iakopo i lana 29
malaga, ua oo atu i le laueleele o le nuu i sasae. Ua ia vaai, ona iloa 2
lea, o le vaieli i le fanua, faauta foi, ua taoto latalata i ai o lafu mamoe e tolu; auā o lea vaieli na latou faainu ai lafu; ua i ai foi le maa tele i le gutu o le vaieli. A faapotopo- 3
toina foi lafu uma i lea mea, ona latou fuli ese ai lea o le maa i le gutu o le vaieli, ma faainu mamoe; ona latou toe tuu ai lea o le maa i le gutu o le vaieli, i lea mea e tuu ai. Ona fai atu ai lea o Iakopo ia 4
te i latou, O'u uso e, maifea outou? Ona latou fai mai ai lea, O i matou nei mai Karana. Ona fai atu ai lea 5
o ia ia te i latou, Ua outou iloa ea Lapana le atalii o Nakori? Ona latou fai mai ai lea, Ua matou iloa lava. Ona fai atu ai lea o ia ia te i latou, O malolo ea ia? Ona latou 6
fai mai ai lea, O malolo lava. Faauta foi, o loo sau lona afafine o Rasela ma mamoe. Ona fai atu ai 7
lea o ia, Faauta, e maualuga pea le la, e lei oo i le itu la e faapotopotoina ai manu, ia outou faainu mamoe, i

8 le outou o e fafaga ai. Ona latou
fai mai ai lea, Matou te le mafaia,
seia faapotopotoina lafu uma, *seia*
latou fuli ese foi le maa i le gutu o
le vaieli, ona matou faainu ai lea o
mamoe.

9 O loo latou tautala ma ia, a e sau
Rasela ma mamoe a lona tamā, auā
na ia leoleo ai. Ua iloa e Iakopo o
Rasela le afafine o Lapana le tua-
gane o lona tinā, ma mamoe a La-
pana le tuagane o lona tinā, ona
soso atu ai lea o Iakopo, ua fuli ese
le maa i le gutu o le vaieli, ma
faainu mamoe a Lapana le tuagane
o lona tinā. Ona sogi atu lea o
Iakopo ia Rasela, ua tagi foi ma le
leo tele. Ona ta'u atu ai lea e
Iakopo ia Rasela o ia o le uso o lona
tamā, o le tama foi a Repeka, ona
momo'e ai lea o ia e ta'u atu ai i
lona tamā. Ua faalogo Lapana i le
tala ia Iakopo le tama a lona tua-
fafine, ona momo'e ai lea o ia e faa-
fetaiai ia te ia, ua fusi ia te ia, ma
sogi ia te ia, ua au mai foi ia te ia i
le fale; ona tala atu ai lea e ia o na
mea uma ia Lapana. Ona fai mai
ai lea o Lapana ia te ia, O o'u lava
ivi oe ma o'u aano. Ua la nonofo
foi ma ia i le masina atoa.

15 Ona fai mai ai lea o Lapana ia
Iakopo, A ē auaua fua mai ea ia te
au auā o ce o lo'u uso? ia e fai mai
ia te au pe se a lou totogi. Na ia
Lapana o afafine e toalua, o le igoa
o le matua o Lea, o le igoa, foi o le
17 itiiti o Rasela. O Lea ua leaga ona
mata, a o Rasela ua lalelei le tino,
ua lalelei foi ma ona mata. Ua
manao Iakopo ia Rasela, ua fai atu
ia, Ou te auaua ia te oe i tausaga
e fitu ona o Rasela lou afafine aupi-
to itiiti. Ona fai mai ai lea o La-
pana, E lelei ona ou avatu ai o ia ia
te oe, a e leaga ona ou avatu i se
tasi tagata; ina ta nonofo ia ma
a'u. Ona auaua ai lea o Iakopo i
tausaga e fitu ona o Rasela, ua pei-
seai o nai aso itiiti ia i lona manatu,
auā o lona manao tele ia te ia.

21 Ona fai atu ai lea o Iakopo ia
Lapana, Au mai ia la'u avā; auā
ua atoa o'u aso, ina ia ou alu atu ia
te ia. Ona faapotopotoina lea e
Lapana o tagata una o le nuu, ua
23 fai le tausamaaga. Ua oo i le afasi,

ona ave ai lea e ia o lona afafine o
Lea, ua aumaia ia te ia; ona alu atu
ai lea o ia ia te ia. Ua avatu e 24
Lapana i lona afafine o Lea o lana
auauna fafine o Selepa, e fai mana
auauna. Ua oo i le taeao, faauta 25
mai, o Lea; ona fai atu ai lea o ia ia
Lapana, Se a lenei mea ua e faia ia
te au? ou te lei auaua ea ia te oe
ona o Rasela? se a foi le mea ua e
faa'ole'ole mai ai ia te au? Ona 26
fai mai ai lea o Lapana, E le faapea
le tu i lo matou nuu, ona muai avatu
le itiiti a e mulimuli le matua. Ia 27
faaatoa ona aso e fitu, ona avatu ai
foi lea ia te oe atoa ma lenei, ona
o le galuega e te auaua mai ai ia
te au i isi tausaga e fitu.

Ua faia lava lea e Iakopo, ua 28
faaatoa ona aso e fitu; ona au mai
ai lea e ia o lona afafine o Rasela e
fai mana avā. Ua avatu e Lapana 29
i lona afafine o Rasela o lana au-
auna fafine o Pila e fai mana auaua.
Ona alu atu ai lea o ia ia Rasela foi, 30
ua sili foi lona alofa ia Rasela i lona
alofa ia Lea; ona auaua lea o ia
ia Lapana i isi tausaga e fitu. Ua 31
silasila e Ieova ua inosia Lea, ona
faagaaufanauina lea o ia e ia, a o
Rasela ua pa ia. Ona to ai lea o Lea, 32
ua fanau lana tama tane, ua na faa-
igoa ia te ia o Reupena; auā ua
faapea ana, Ua silasila mai Ieova i
lo'u tiga; o lenei, e alofa mai ai la'u
tane ia te au. Ua toe to foi o ia, 33
ua fanau lana tama tane, ua faapea
ana, Auā ua faafofoga e Ieova ua
inosia a'u, o le mea lea ua na au
mai ai ia te au lenei tama foi; ua
ia faaigoa ia te ia o Simeona. Ua 34
toe to o ia, ua fanau lana tama tane,
ua faapea o ia, O lenei, a sosoo nei
o ma loto ma la'u tane, auā ua ou
fanau ia te ia tama tane e toatolu;
o le mea lea na ia faaigoa ai ia te ia
o Levi. Ua toe to foi o ia, ua fanau 35
lana tama tane; ua faapea o ia, O
lenei ou te vivii ia Ieova; o le mea
lea ua ia faaigoa ai ia te ia o Iuta,
ona pa ai lea o ia.

*Ua avatu e Rasela ma Lea a la auaua
ia Iakopo.*

UA iloa e Rasela e lei fanau ia 30
ia Iakopo, ona mataua lea o Rasela
i lona uso, ua fai mai ai ia Iakopo,

- Au mai ia ni tama ia te au, a leai
 2 ona ou oti ai lea. Ona ita tele ai
 lea o Iakopo ia Rasela, ua na fai atu
 ai, O a'u ea le sui o le Atua, o le ua
 3 le avatu ia te oe ni fanau? Ona
 fai mai ai lea o ia, Faauta, o la'u
 auuna o Pila, ia e alu atu ia te ia,
 ona ou fai tama ai lea ia te ia, ia ou
 4 maua ni fanau mai ia te ia. Ona
 au mai ai lea e ia o lana auuna
 fafine o Pila ia te ia e fai mana avā,
 ona alu atu ai lea o Iakopo ia te ia.
 5 Ona to ai lea o Pila, ua fanau ai ia
 6 Iakopo le tama tane. Ona faapea
 lea o Rasela, Ua faamasinoina a'u e
 le Atua, ua ia faafofoga mai foi i
 lo'u leo, ma na au mai ia te au le
 tama tane, o le mea lea ua ia faaigoa
 7 ai ia te ia o Tanu. Ua toe to foi
 Pila le auuna a Rasela, ua fanau ai
 ia Iakopo lona toalua o tama tane.
 8 Ona faapea lea o Rasela, O fagatu-
 aga tetele ua ou fagatua ai ma lo'u
 uso, ua ou manumalo ai foi; ua ia
 faaigoa ai foi ia te ia o Nafatali.
 9 Ua iloa e Lea ua pa o ia, ona ave
 ai lea e ia o Selepa lana auuna, ua
 avatu ia Iakopo e fai ma ana avā.
 10 Ona fanau ai lea e Selepa le auuna
 11 a Lea le tama tane ia Iakopo. Ona
 faapea lea o Lea, O loo sau le 'au;
 12 ua na faaigoa ai ia te ia o Kato, Ua
 toe fanau foi e Selepa le auuna
 a Lea lona toalua o tama tane ia
 13 Iakopo. Ona faapea lea o Lea,
 Amuia a'u auā e faaamua mai
 fafine ia te au; ua na faaigoa ai ia
 te ia o Asera.
 14 O ona po e selesele ai saito na alu
 atu ai Reupena, ua maua foi tutaima
 i le vao, ua au mai ai i lona tinā o
 Lea. Ona fai atu ai lea o Rasela ia
 Lea, Se'i au mai ia te au nai tutaima
 15 a lau tama. Ona fai mai ai lea o ia
 ia te ia, Se mea māmā ea ina ua e
 fao la'u tane? a ē fao ea foi ma
 tutaima a la'u tama? Ona fai atu
 ai lea o Rasela, O lea foi, lua te
 momoe ai ma ia i le po nanei, ona
 16 o tutaima a lau tama. Ua sau
 Iakopo ai le vao i le afafi, ona alu
 atu ai lea o Lea e faafetaiai ia te ia,
 ua faapea atu, E te alu ane ia te
 au, auā ua ou faatauina lava oe i
 tutaima a la'u tama. Ona la momoe
 17 ai lea ma ia i lea po. Ua faafofoga
 le Atua ia Lea, ona to ai lea o ia,
 ua fanau e ia ia Iakopo le tama
 tane, o lona toalima lea. Ona 18
 faapea lea o Lea, Ua foai mai e le
 Atua lo'u tau, auā na ou avatu la'u
 auuna i la'u tane; ua na faaigoa
 ai ia te ia o Isakara. Ua toe to foi 19
 Lea, ua fanau ai le tama tane ia
 Iakopo, o le toaono lea. Ona faapea 20
 lea o Lea, Ua foaiina mai e le Atua
 ia te au le oloa lelei; o lenei, o le a
 ma mau ma la'u tane auā ua ou
 fanau tama tane e toaono ia te ia;
 ua na faaigoa ai ia te ia o Sepulona.
 Ua muli ai fanau e ia se tama teine, 21
 ua faaigoa ia te ia o Tina.
 Ua manatua foi Rasela e le Atua, 22
 ua faafofoga le Atua ia te ia, ua
 faafanauina ia. Ona to ai lea o ia, 23
 ua fanau le tama tane, ua faapea
 ai, Ua aveesina e le Atua lo'u
 luma. Ua na faaigoa ia te ia o 24
 Iosefa, ua faapea, E faapoopo mai
 e Ieova ia te au se tasi tama tane.
 Ua fanau e Rasela o Iosefa, ona 25
 fai atu ai lea o Iakopo ia Lapana,
 Tuu mai ia o a'u, ina ia ou alu i
 lo'u nuu ma lo'u lauelele. Tuu 26
 mai ia o a'u avā ma a'u fanau, sa
 ou auuna ai ia te oe, a ou alu; auā
 ua e iloa la'u galuega ua ou auuna
 ai ia te oe. Ona fai mai ai lea o 27
 Lapana ia te ia, Afai e te alofa ia
 te au, *ia e nofo mai pea, auā* ua ou
 matuā iloa ua faamanuia mai a'u e
 Ieova ona o oe. Ua faapea mai foi 28
 o ia, Ia e ta'utino mai ia te au sou
 totogi; ou te avatua lava ia te oe.
 Ona fai atu ai lea o ia ia te ia, Ua 29
 e iloa le uiga o la'u auuna atu ia
 te oe, ma au mea ua ia te au. Auā 30
 sa itiiti mea ia te oe a ou te lei sau,
 a ua tupu, ua matuā tele, ua faa-
 manuia oe e Ieova ona o a'u; a o
 lenei, o afea ea ou te sauni ai mea
 ma lo'u lava aiga? Ona fai mai ai 31
 lea o ia, Se a le mea ou te avatu ia
 te oe? Ona fai atu ai lea o Iakopo,
 Aua e te au mai se mea ia te au;
 afai e te fai le mea nei ma a'u, ou
 te toe fafaga lou lafu ma leoleo ai;
 ou te fealualuai i lou lafu uma i le 32
 aso nei, e tuu ese ai o mamoe uma
 e ilaila solo ma pulepule; o mamoe
 efuefu uma i le lafu, ma 'oti pule-
 pule uma, ma e ilaila solo; e fai ia
 mo'u totogi. O le mea lea e iloa ai 33
 la'u amiotonu i se aso, pe a oo mai

- lo'u totogi i ou luma; o 'oti uma e le ilaila solo pe pulepule, ma mamoe uma e le efuefu, e ta'ugaopia a'u i
- 34 mea. Ona fai mai ai lea o Lapana, Ou te manao ina ia faia le mea ua e fai mai ai. O lea aso foi na ia tuu ese ai o 'oti poa sa tusitusi ma pulepule, ma 'oti fafine uma sa ilaila solo ma pulepule, atoa ma 'oti uma lava ua i ai se ila sinasina, ma mamoe uma ua efuefu, ona tuu
- 36 atu ai lea i ona atalii. Ua ia tuu foi le va i ala e po tolu le sayaliga i lo la va ma Iakopo; a e leoleoina e Iakopo le toe lafu o Lapana.
- 37 Ona ave ai lea e Iakopo o tatupu o le lipene mata, ma le lusa, ma le aremoni, na ia fofoe ai le pa'u ia
- 38 pulepule sisina laau. Ua ia faatu-tuina laau na na fofoe i mea faaliu, o mea ia e inu ai vai, i luma o le lafu, ina ua o atu le lafu e feinu ai, ina ia ofi ai le lafu pe a o atu e
- 39 inu. Ona ofi ai lea o le lafu i luma o laau, ua fananau ai o manu tusitusi, ma ilaila solo, atoa ma e pulepule. Ua tuu ese e Iakopo tamai mamoe, ua na faasaga atu foi mata o le lafu i manu tusitusi, ma manu efuefu uma i le lafu o Lapana; ona tuu ese ai lea e ia lona lava lafu, a e lei tuu faatasi ma le lafu o Lapana.
- 41 Ua oo ina a ofi manu malolosi ona tuu ai lea e Iakopo o laau i mea e inu ai i luma o manu, ina ia, ofi ai i
- 42 luma o laau. A e peitai o manu ua vaivai, ua ia le tuu ai laau, ona fai ai lea o manu vaivai ma Lapana, a o e malolosi ua fai ia mā Iakopo.
- 43 Ua matuā faateleina lava mea a lea tagata, na ia te ia mamoe e tele, ma auauna fafine, ma auauna tane, ma kamela, atoa ma asini.
- Ua tuua e Iakopo le aiga o Lapana e toe foi atu i Kanana.*
- 31 UA faalogo foi o ia i upu a atalii o Lapana, ua faapea ane, Ua aveesea e Iakopo o mea uma na i lo tatou tamā; o mea foi sa i lo tatou tamā ua maua ai e ia lena tamao-aiga uma. Ua ilo atu foi e Iakopo mata o Lapana, faauta foi, ua le fiafia mai ia te ia pei o anamua.
- 3 Ua fetalai mai foi Ieova ia Iakopo, Ina toe foi atu ia i le nuu o ou tamā, ma lou aiga, ou te i ai foi ia te oe. Ua aami foi e Iakopo Rasela ma Lea, la te o mai ia te ia i le vao i lona lafu. Ua faapea atu foi o ia ia te i laua, Ua ou iloa nei o mata o lo oulua tamā, ua le fiafia mai ia te au pei o anamua; a o le Atua o lo'u tamā ua ia te au ia. Ua oulua iloa foi ua ou auauna i lo oulua tamā i lo'u malosi uma lava. Ua faa'ole'ole mai foi lo oulua tamā ia te au, ua faasefulu ona feliuai e ia o lo'u totogi; a ua le tuuina atu e le Atua ia leaga ai a'u ia te ia. A faapea mai o ia, O manu ilaila solo o lou totogi lea, ona fananau mai lea o manu uma i e ilaila solo; a faapea mai o ia, O e tusitusi o lou totogi lea, ona fananau mai lea o manu uma i e tusitusi. O lea ua aveeseina ai e le Atua o manu a lo oulua tamā, ma ua foaiina mai ia te au. Na oo foi i ona po e ofi ai manu, na ou vaai atu i la'u miti, faauta foi, o manu poa e na feosofi i luga o manu, ua tusitusi, ma ilaila solo, ma pulepule i latou. Ua faapea mai foi le agelu a le Atua ia te au i la'u miti, Iakopo e; ona ou tali atu, lea, O a'u lenei. Ona faapea mai lea o ia, Ina vaai atu ia, ma e iloa atu, o manu poa uma e feosofi i luga o manu e tusitusi, ma ilaila solo, ma pulepule i latou; auā, ua ou vaai i mea uma lava ua faia e Lapana ia te oe. O a'u o le Atua o Peteli, o le mea na e uuina ai le maa e fai ma faailoga, o le mea na e tauto ai le taotoga ia te au; o lenei, ina tulai ia, ina e tuua ia o lenei nuu, a e foi atu i le nuu o lou aiga. Ona tali mai lea, o Rasela ma Lea, ua faapea mai ia te ia, E ai ea se toe vaegāloa po o se tofi mai maua i le aiga o lo maua nei tamā? E le ua avea ea i maua ma tagata ese ia te ia? auā ua faatauina i maua e ia, ua matuā faaumatia foi e ia a maua ario. O le oloa uma foi ua aveeseina e le Atua na i lo maua tamā, o a maua ia, ma a maua fanau; o lenei, o mea uma ua fetalai mai e le Atua ia te oe, ina faia ia o lea.
- Ona tulai lea o Iakopo, ua ia faatietie foi ona atalii ma ana avā i luga o kamela; ua ia aveesea foi ana manu uma, ma ana oloa uma ua na

- maua, o manu na maua e ia, na na maua i Patanarama, o le a alu i lona tamā o Isaako i le nuu o Kanana.
- 19 Ua alu foi Lapana e sele fulufulu o ana mamoe; ua gaoi foi e Rasela o
- 20 tupua a lona tamā. Ua sola faa-gaoi Iakopo ia Lapana le Suria, auā na ia le ta'u atu ia te ia o le a sola
- 21 ia. Ua sola lava ia, ma ana mea uma; ua ia tulai, ma laasia i le vai-tafe, ma aga'i atu i le mauga o Kili-ata. Ua o'i le aso tolu ona ta'u atu ai lea ia Lapana, ua sola Iakopo.
- 23 Ona latou o lea ma ona uso, ua tuliloa ia te ia i aso e fitu; ona maua atu lea ia te ia i le mauga o
- 24 Kiliata. Na afo'ane foi le Atua ia Lapana le Suria i le miti i le po, ua faapea mai ai ia te ia, Ia oe, ne'i e tautala ia Iakopo i se lelei po o se leaga.
- 25 Ua maua atu foi e Lapana o Iakopo. Sa faatuina foi e Iakopo lona fale ie i le mauga; ua faatuina foi e Lapana ma ona uso o *latou fale*
- 26 i le mauga o Kiliata. Ua fai atu Lapana ia Iakopo, Se a lena mea ua e faia, ina ua e sola faagaoi ia te au, ma ua e au mai o'u afafine faataga-taotana? Se a le mea na e sola faalilolilo ai, ma e alu faagaoi ai ia te au; ia e le ta'u mai ia te au, ia o tuuina atu foi oe ma le olioli, ma
- 28 pese, ma le topa, ma le kitara; ma e le tuu mai ia te au se'i matou taufegasogi ma o'u atalii ma o'u afafine? O lenei, ua e faavalea ina ua e faia *lenei mea*. E mafai ia te au ona faaoo ia te outou se leaga; a ua fetalai mai le Atua o lo'ou outou tamā ia te au i le po anapo, ua faapea mai, Ia oe, ne'i e tautala ia
- 30 Iakopo i se lelei po o se leaga. O lenei foi, ua e fia alu lava, auā ua e matuā manao i le aiga o lou tamā; a o le a le mea ua e gaci ai i o'u
- 31 atua? Ona tali mai lea o Iakopo ia Lapana, ua faapea mai, *Na ou sola* ina ua ou fefe; auā na ou faapea, ina ne'i e fao ou afafine ia te au. O le e te maua ua i ai ou atua, aua le ola ia; ia e silasila i luma o tatou uso nei i āu mea ua ia te au, ma e ave e oe. Auā ua le iloa e Iakopo ua gaoia e Rasela. Ona ulufale atu lea o Lapana i le fale ie o Iakopo, ma le fale foi o Lea, atoa ma fale o
- aaua fafine e toalua, a ua le maua e ia. Ona sau lea o ia nai le fale o Lea, ma ulufale atu i le fale o Rasela. Na ave foi e Rasela tupua, 34 ma tuu ai i le nofoa o le kamela, ua ia nofo ai foi i o latou luga. Ua susesue foi e Lapana i le fale uma, a ua le maua. Ua fai mai foi o ia i 35 lona tamā, Aua ne'i toatamai lo'u alii iua ua le mafai ona ou tulai i ou luma; auā o loo ia te au le uiga o fafine. Ua ia saililili lava, a ua le maua tupua.
- Ona ita lea o Iakopo, ua ia finau 36 atu ia Lapana; ua fai atu Iakopo ia Lapana, ua faapea atu, Se a lo'u leaga? Se a lo'u agasala ina ua e matuā tulituliloa mai ai ia te au? O lenei, ua uma ona e susesue i a'u 37 mea uma, o ifea se mea o mea uma a lou aiga ua e maua? Tuu mai ia iinei i luma o o'u uso ma ou uso, ina ia latou faamasino mai ia te i taua. E luafulu tausaga na ou i ai 38 ia te oe; ua le papā au mamoe fafine ma au 'oti fafine, ua ou le 'ai foi i mamoe poa o lou lafu. O le na 39 saeia ou te lei avatua ia te oe; na ou tauia lava; o le na gaoia i le ao po ua gaoia i le po na e sue mai ia te au. Na faapea ai a'u; na pua-puagatia a'u i le vevela i le ao, ma le maalili i le po; na le iloa foi sina moe e o'u mata. Ua faapea ona i 41 ai a'u i lou aiga i ona tausaga e luafulu; na ou auauna ia te oe i tausaga e sefulu ma le fa mo ou afafine e toalua, a e ono foi tausaga mo au manu ia; ua faasefulu foi ona e feliuai lo'u totogi. Ana le ia 42 te au le Atua o lo'u tamā, o le Atua o Aperaamo, ma lē ua mata'u i ai Isaako, po ua e a'fua'ina mai lava a'u. Ua silasila e le Atua lo'u pua-puaga ma le galuega a o'u lima, i le ua ia aoai atu ia te oe i le po anapo. Ona tali mai lea o Lapana ia Iakopo, 43 ua faapea mai, O fafine nei o o'u afafine ia, o tama nei foi o o'u atalii ia, o manu nei foi o a'u manu ia, o mea uma foi ua e iloa atu nei o a'u lava ia mea; o o'u afafine nei foi, se a se mea ou te faia ia te i laua i le aso nei, po o a la fanau ua fananau ai i laua? O lenei, sau ia, ina fai ia 44 sa ta mavaega; ia fai foi lea ma molimau ia te i taua. Ona tago lea 45

o Iakopo i le maa, ma faatu ai e fai
 46 ma faailoga. Ua fai atu foi Iakopo
 i ona uso, Ina faapotopoto mai ia o
 maa; ona au mai lea e i latou o maa,
 ma fai ai le faupuega; ona latou aai
 47 ai lea i luga o le faupuega. Ua
 faaigoa ai e Lapana o Ikasetuta; a
 ua faaigoa ai e Iakopo o Kaleta.
 48 Ua fai atu foi e Lapana, E fai lenei
 faupuega ma molimau ia te i taua i
 le aso nei; o le mea lea na faaigoa
 49 ai lona igoa o Kaleta; ma Mesepa,
 auā na faapea ana, Ia silasila mai
 Ieova ia te i taua, pe a ta te'a esee
 50 o oe ma a'u. Afai e te agaleaga atu
 i o'u afafine, pe faapoopo i o'u afa-
 fine nisi au ava, ua lei se tagata ia
 te i taua, faauta mai ea, o le Atua e
 51 sisila ia ia te i taua ma oe. Ua
 faapea atu foi Lapana ia Iakopo,
 Faauta mai, o lenei faupuega, faauta
 mai foi, o lenei faailoga, ua ou faa-
 52 tuina ia te i taua; ia fai lenei fau-
 puega ma molimau, ia fai foi lenei
 faailoga ma molimau, ou te le laasia
 atu lenei faupuega ia te oe, e te le
 laasia mai foi lenei faupuega ma
 lenei faailoga ia te au, e fai ai se
 53 mea leaga. O le Atua o Aperamo,
 o le Atua foi o Nakori, o le Atua o
 lo lau tamā, ia faamasino mai o ia
 ia te i taua. Ona tauto ai lea o
 Iakopo i lē ua mata'u i ai lona tamā
 54 o Isaako. Ona fasi lea e Iakopo ni
 manu i le mauga, ua fai atu foi i ona
 uso e o mai e aai; ona latou aai ai
 lea, ua latou nonofo pea foi i le
 55 mauga i lea po. Ona tulai lea o
 Lapana i le taeao lava, ma tau-
 feasogi ma ona atalii ma ona afafine,
 ua ia faamanuia atu foi ia te i latou;
 ona alu lea o Lapana ma toe foi atu
 i lona nuu.

*Ua sauni le mea alofa a Iakopo
 mā Esau.*

32 UA alu Iakopo i lana malaga, ua
 2 fetaiai ma ia agelu a le Atua. Ua
 faapea foi a Iakopo ina ua iloa atu
 ia te i latou, O le 'au a le Atua lenā;
 ona faaigoa atu lea o ia i lona mea o
 Maanaima.
 3 Ua aauina atu foi e Iakopo ni e
 muamua atu i le feau i lona uso o
 Esau, i le nuu o Seira, o le nuu o
 4 Etoma. Ua ia fai atu foi ia te i
 latou, ua faapea atu, Ia outou faa-

pea atu i lo'u alii o Esau, O loo faa-
 pea mai lau auauna o Iakopo, Ua
 ou āumau ma Lapana, ma ou nofo
 ai ua oo mai i nei ona po; ua ia te
 5 au foi o povi, ma asini, ma mamoe,
 ma auauna tane, ma auauna fafine;
 ua ou aauina atu foi e ta'u atu ai i
 lo'u alii, ina ia alofagia a'u e oe. Ua
 6 foi mai ia Iakopo e na aauina e ia,
 ua faapea mai, Na matou oo atu i
 lou uso o Esau, o loe ua maluu mai
 foi o ia ma tagata e toafagalau ma
 ia, e faafetaiai ia te oe. Ona mata'u
 7 tele ai lea o Iakopo, ma ua atuatu-
 vale; ona vaeluaina lea e ia o tagata
 sa ia te ia, atoa ma lafu mamoe, ma
 lafu povi, ma kamela, i vaega e lua;
 ua faapea foi o ia, Afai e sau Esau
 8 i le tasi vaega, ma fasa'i ai, ona sao
 lea o le isi vaega ua totoe. Ua faa-
 9 pea foi a Iakopo, Ieova e, le Atua o
 lo'u tamā o Aperamo, o le Atua foi
 o lo'u tamā o Isaako, o le na faapea
 mai ia te au, Ina e toe foi atu i lou
 nuu, ma lou aiga, ou te agalelei atu
 foi ia te oe; ou te le aoga lava i mea
 10 alofa uma ma le faamaoni uma ua e
 faia i lau auauna; auā na ou laasia
 mai i Ioritana nei, na o a'u ma lo'u
 tootoo; a o lenei, ua ou sau ma
 vaega e lua. Ou te aioi atu, ia e
 11 laveai mai ia te au ai le lima o lo'u
 uso, o le lima lava o Esau; auā ou
 te fefe ia te ia, ina nei sau ia ma
 fasia a'u, ma tinā, atoa ma fanau.
 Na e faapea mai foi, Ou te agalelei
 12 atu lava ia te oe, ou te faia foi lau
 fanau ia pei o le oneone i le sami, e
 le mafaitaulia ina ua tele. Sa nofo
 13 ai foi o ia i lea po; na ia ave foi ni
 mea na ia te ia e fai ma mea alofa i
 lona uso o Esau; o 'oti fafine e lua
 14 selau, ma 'oti poa e luafulu, o ma-
 moe fafine e lua selau, ma mamoe
 poa e luafulu, o kamela fananau e
 15 toluafulu ma a latou tama, o povi
 fafine e fagafulu, ma povi poa e
 sefulu, o asini fafine e luafulu, ma
 16 tamai asini e sefulu. Ona tuuina
 atu lea e ia o lafu taitasi i lima o
 ana auauna; ua faapea atu foi i ana
 auauna, Ia muamua atu outou i o'u
 luma, ma ia va a'i lea lafu ma lea
 lafu. Ua ia fai atu foi i le a mua-
 17 mua atu, ua faapea atu, Pe a lua
 fetaiai ma lo'u uso o Esau, a fesili
 mai ia te oe, e faapea mai, Se, so sa

- aí ea oe? A ē alu ifea? O aí ea e ana ia mea e muamua mai ia te oe?
- 18 Ona e tali atu aí lea, O mea a lau auaua o Iakopo ia; o mea alofa ua au mai i lo'u alii o Esau; faauta foi, o loo mulimuli mai o ia ia te i matou.
- 19 Ua faapea fci ona fai atu o ia i lona toalua, ma lona toatolu, ma e mulimuli atu uma lava i lafu, ua faapea atu, Ia faapea lava ona outou tautala atu ia Esau, pe a outou fetaiiai ma ia.
- 20 Ia outou faapea atu foi, Faauta, o loo mulimuli mai lau auaua o Iakopo ia te i matou. Auā na faapea a ia, Ou te faalaulelei ia te ia i le mea alofa o loo o muamua atu ia te au, mulimuli ane foi ou te iloa atu i ona fofoga; atonu e tali lelei
- 21 mai o ia ia te au. Ona muamua atu lea ia te ia o le mea alofa; a o ia ua nofo lava o ia i le toagālauapi i lea
- 22 po. Ua ia tulai foi i lea po, ma ave ana avā e toalua, ma ana auaua fafine e toalua, ma ona atalii e toasefulu ma le toatasi ma laasia atu i le
- 23 asaga o Iapoka. Ua ia ave ia te i latou, ma momoli atu ia te i latou i le tasi itu o le alia, ua aveina atu
- 24 foi i ai o ana mea. Ua tuua foi Iakopo e toatasi; ua la fagatua foi ma le tasi tagata ua oo ina aoina.
- 25 Ua iloa foi e ia ua le malo ia ia te ia, ona pa'i atu lea o ia i le fa'iga o lona suilapalapa, ona see lea o le fa'iga o le suilapalapa o Iakopo ina
- 26 o la fagatua ma ia. Ua faapea mai foi o ia, Tuu mai ia o a'u a ou alu, auā ua ao. A ua tali atu ia, Ou te le tuuina atu lava oe seia e faa-
- 27 manuia mai ia te au. Ona faapea mai lea o ia ia te ia, O aí ea lou igoa? Ona tali atu aí lea o ia O a'u
- 28 o Iakopo. Ona faapea mai lea o ia, E le toe ta'ua lou igoa o Iakopo, a o Israelu, auā e pei o se alii ua e finau i le Atua atoa ma tagata, ma
- 29 ua e manumalo. Ua fesili atu foi Iakopo, ua faapea atu, Ina ta'u mai ia o lou igoa. Ona tali mai lea o ia, Se a le mea ua e fesili mai ai i lo'u igoa? Ona faamanuia lea o ia ia te
- 30 ia i lea mea. Ona faaigoa atu lea e Iakopo lea mea o Penieli; auā ua faapea a ia, Na ou iloa aí le Atua ua ma fesagai lava, a ua laveaiina a'u.
- 31 Na alu ae le la o ui ane o ia i
- 32 Penieli, ua setusetu foi lona vae. O le mea lea ua le aai aí le fanauga a Israelu i le ua na memei, o loo i le fa'iga o le suilapalapa, ua oo mai i nei ona po; auā na pa'i atu o ia i le fa'iga o le suilapalapa o Iakopo i le ua na memei.
- O le fetaiia'ga o Iakopo ma Esau.*
- UA tepa ae Iakopo ua iloa atu, 33
faauta foi, o Esau ua sau ma tagata e toafa selau ma ia. Ona vavae atu lea e ia o le fanau ia Lea, ma Rasela, ma auaua fafine e toalua. Ona 2
tuumua atu lea e ia o auaua fafine ma a laua fanau, ma Lea ma ana fanau e aupito ane i ai, ma Rasela ma Iosefa e aupito mulimuli i laua. Ona muamua atu lea o ia ia te i 3
latou, ua faafitu ona ifo tcele, ua oo ina latalata atu i lona uso. Ona 4
momo'e mai lea o Esau e faafetaiai mai ia te ia, ua fusi ia te ia, ma punou i lona ua, ma feasogi ma ia; ona la fetagisi ai lea. Ona tepa ae 5
lea o Esau, ua iloa atu fafine ma le fanau; ona faapea mai lea o ia O aí ea i latou na ua ia te oe? Ona tali atu lea o ia, O a'u fanau ua foaiina mai e le Atua i lona alofa i 6
lau auaua. Ona faalatalata mai lea o auaua fafine, o i lava ma a la fanau, ona ifo lea o i latou. Ua 7
faalatalata mai fci Lea ma ana fanau, ua ifo foi i latou; mulimuli ane ona faalatalata mai lea o Iosefa ma Rasela, ua ifo foi i laua. Ona 8
faapea mai lea o ia, E faapefea lena vao manu ua matou fetaiiai? Ona tali atu lea o ia, O au manu ia alofaina ai a'u e lo'u alii. Ona faapea 9
mai lea o Esau, Lo'u uso e, e tele a'u nei mea; tuu pea ia au mea ia te oe. Ona tali atu lea o Iakopo, 10
Aua lava, afai e te alofa mai ia te au, ia e talia mai lava la'u mea alofa; auā o lenei, ua ou iloa atu ou fofoga, e peiseai ua ou iloa atu fofoga o le Atua, ma ua e finagalo malie mai ia te au. Ia e talia lava 11
lo'u alofa ua avatu nei ia te oe; auā ua alofaina a'u e le Atua, auā fci ua ia te au mea uma; ua ia uunai atu ia te ia, ona talia lea e ia. Ona faapea 12
mai lea o Esau, Se'i sauni la tatou malaga, ina tatou o ia, ou te muamua fci ia te oe. Ona tali atu lea 13
o ia, Ua silafia e lo'u alii ua faale-

lavā le fanau, o lafu mamoe foi ma lafu povi ma a latou tama, ua ia te au ia; afai foi e tulituliteteleina i latou i le aso e tasi, ona mamate ai
 14 lea o le lafu uma. Ia maliu atu lava lo'u alii e muamua i lana auauna; a o a'u, ou te savali lemu e faatatau i manu e muamua ia te au, atoa ma le fanau, seia ou oo
 15 atu i lo'u alii i Seira. Ona faapea mai lea o Esau, Se'i ou tuuina atu ia te oe ni o matou tagata nei. Ona tali atu lea o ia, Ai se a foi? Ia
 16 alofaina a'u e lo'u alii. Ona toe foi atu lea o Esau i lea aso i lana malaga i Seira. Ua alu atu foi
 17 Iakopo i Sukota, ua fai ai foi lona fale, ua fai ai foi fale a'itaga o ana manu; o le mea lea na faaigoaina ai lea mea o Sukota.
 18 Ua saogalemu atu foi Iakopo i le aai o Sekema, o i le nuu o Kanana lea, ina ua sau o ia mai Patanarama; ua ia faatuina foi lona fale ie i luma
 19 o le aai. Ua ia faatau foi se fasi fanua i le mea sa faatuina ai e ia lona fale ie, nai le fanauga a Hamoro, le tamā o Sekema, i ni tupe e selau.
 20 Ua ia faatuina foi i lea mea le fata faitaulaga, ua ia faaigoa ai foi o Eleloisaraelu.

Ua leaga Tina ia Sekema, ma ua fasiotia ai o sa Sekemā.

34 UA alu atu Tina le tama teine a Lea, sa fanau mai e ia ia Iakopo, e maimoa i fafine o le nuu. Ua iloa foi o ia e Sekema le atalii o Hamoro, o lo sa Hivī, o le tamaalii o le nuu, ua ia ta'ita'i foi ia te ia, ua la momoe,
 3 ua ia faaleaga ia te ia. Ua matuā manao o ia ia Tina le afafine o Iakopo, ua loto lava i le teine, ua tautala foi ma le alofa lava i le
 4 teine. Ua fai atu foi Sekema i lona tamā o Hamoro, ua faapea atu, Ia e maua mai lenei teine e fai ma'u avā.
 5 Ua lagona foi e Iakopo, ua faaleagaina e ia Tina lona afafine; o ona atalii foi sa i le vao i latou ma ana manu, ona faalologo ai lea o Iakopo
 6 seia latou o mai. Ua sau foi Hamoro le tamā o Sekema ia Iakopo e tautala ma ia. Ua o mai foi atalii o
 7 Iakopo mai le vao ina ua latou faalogo i ai; ua tiga foi i latou, ua matuā ita lava, ina ua faia e ia le

mea leaga ia Isaraelu, ina ua ia momoe ma le afafine o Iakopo; auā o le mea lea e le tatau lava ona fai.
 3 Ua tautala mai foi Hamoro ia te i latou, ua faapea mai, O lo'u atalii o Sekema, o loo ua manao tele lava o ia i lo outou teine; se'i outou tuu mai ia o ia ia te ia e fai mana avā.
 9 Ia fetaiai o tatou gafa, ma au mai o outou afafine mā matou, a e avatu o matou afafine mā outou. Tatou te
 10 mau foi ma i matou; faitalia outou i le laueleele; tou te mau ai, ma fefaatauai ai, ma ia outou mau fanua i ai. Ua faapea mai foi
 11 Sekema i lona tamā ma ona tuagane, Ia alofagia mai a'u nei e outou; o mea foi tou te fai mai ai ia te au, ou te avatu lava. Ta'u
 12 mai ia ni oloa ia tele lava ma ni mea alofa, ou te avatu lava mea tou te fai mai ai ia te au; a ia tuu mai lava le teine ia te au e fai ma'u avā.
 13 Ona tali atu lea o atalii o Iakopo ia Sekema ma Hamoro lona tamā ma le pepelo, ua tautala atu ai, ina ua faaleagaina e ia o Tina lo latou tuafafine; ua faapea atu ia te i
 14 laua, Matou te le mafaia lena mea ona avatua o lo matou tuafafine i se tagata ua le peritomeina; auā e fai ma luma lea mea ia i matou; e
 15 tasi lava le mea matou te usiusitai ai ia te outou; pe afai tou te faapei o i matou, ia peritomeina o outou tane uma; ona matou avatua lea o
 16 matou afafine ia te outou, o outou afafine foi matou te au mai ai mā matou, tatou te mau foi ma outou, e avea foi i tatou ma nuu e tasi. A
 17 e afai tou te le usiusitai mai ia te i matou, ia peritomeina outou, ona matou au mai ai lea o lo matou teine, ma matou o. Ua lelei foi a
 18 latou upu i le manatu o Hamoro ma Sekema le atalii o Hamoro. Ua le faatuai foi le taulealea ona faia o lea mea, auā na fiasia o ia i le afafine o Iakopo; sa sili foi lona agafaata-
 19 maalii i tagata uma o le aiga o lona tamā. Ona o ai lea o Hamoro ma Sekema lona atalii i le faitotoa o la
 20 la aai, ua tautala atu i tagata o la la aai, ua faapea atu, O tagata ia ua filemu i latou ia te i tatou; o lenei, ia latou mau i le nuu, ma fefaatauai ai; auā o le laueleele, faata, ua

lautele lava ia, e mafai ona latou mau ai; ia tatou au mai o latou afafine e fai ma a tatou avā, ia tatou avatu foi o tatou afafine e
 22 fai ma a latou avā. E tasi le mea e mafai ai ia tagata ona usiusitai mai ia te i tatou ia mau ai ma i tatou, ia fai ma nuu e tasi, ia peritomeina o tane uma o ia i tatou, e
 23 pei ona peritomeina o i latou. O a latou mea, ma a latou oloa, ma a latou manu uma, e le fai ea ma a tatou ia? Tau ina tatou usiusitai ia te i latou, ona mau lea o i latou
 24 ma i tatou. Ua usiusitai foi ia Hamoro ma lona atalii o Sekema o i latou uma e na o atu i le faitotoa o lana aai; na peritomeina foi o tane uma, o i latou uma e na o atu
 25 i le faitotoa o lana aai. Ua oo foi i le aso tolu, ina ua mālosi i latou, ona tago lea e atalii e toalua o Iakopo, o Simeona ma Levi, o tuagane o Tina, taitasi i lana pelu, ona ulu atu lea i le aai ma le le mata'ū,
 26 ma fasioti i tane uma. Ua la fafasi foi ia Hamoro ma lona atalii o Sekema i le pelu, ua ave foi ia Tina ai le fale o Sekema, ma latou o.
 27 Ua o atu foi atalii o Iakopo i e na fasia, ma latou vete le aai, auā na latou faaleagaina lo latou tuāfafine.
 28 Ua latou avefa foi a latou mamoe, ma a latou povi, ma a latou asini, ma mea sa i le aai, ma mea sa i le fanua, ma a latou oloa uma, o latou tama iti uma foi, ma o latou fafine
 29 ua latou avefa faatagataotaua, ua latou vetea foi mea uma lava sa i fale. A ua fai atu Iakopo ia Simeona ma Levi, Ua oulua faatiga mai ia te au, e inosia ai a'u e i latou o e mau i le nuu, o se Kananā ma sa Perisē; o i tatou nei foi ua toaitiiti,
 30 e faapotopoto faatasi i latou e laga mai ia te au, ma fasioti ia te au, e faaumatia foi a'u, o a'u atoa ma lo'u aiga. Ona faapea lea o i laua,
 31 E faapea ea ona fai o ia i lo matou tuāfafine e peiseai o se fafine talitane?

Ua auina Iakopo e le Atua i Peteli.

35 UA fetalai mai le Atua ia Iakopo, Tulai ia, ina e alu ae i Peteli ma nofo ai; ma e fai ai le fata faitaulaga i le Atua na faaali ia te oe ina

ua e sola ese ia Esau lou uso. Ona fai ane lea o Iakopo i lona aiga ma i latou uma sa ia te ia, Tuu ese ia o atua ese o loo i ai ia te outou, ma ia outou faamamā ia te outou, ma fesui i o outou ofu; ina tatou tulai ia, ma tatou o ae i Peteli, ou te fai ai le fata faitaulaga i le Atua na tali mai ia te au i le aso na ou puapuaga ai, sa ia te au foi i le ala na ou ui ai. Ona latou avane lea ia Iakopo o latou atua ese uma lava sa ia te i latou, ma a latou mama sa i o latou taliga, ua nana ai e Iakopo i lalo o le aluna e lata ane i Sekema. Ua latou o ese ai, sa i ai le mata'ū mai le Atua i aai uma na vagavagai ia te i latou, ua latou le tulituliloa i le fanau a Iakopo.

Ua oo Iakopo i Lusa i le nuu o Kanana, (o Peteli foi lea,) o ia atoa ma tagata uma sa ia te ia. Ua ia fai ai le fata faitaulaga, ma na faaigoā lea mea o Elipeteli, auā na faaali mai ai le Atua ia te ia ina ua sola ese i lona uso. Ona oti lea o Tepora le na tausi ia Repeka, na tanu ai o ia i lalo ifo o Peteli, i lalo o le aluna, ua faaigoā ai o Alunapakata.

Ua toe faaali mai le Atua ia Iakopo ina ua sau nai Patanarama, ua faamanuia foi ia te ia. Ua fetalai mai le Atua ia te ia, O Iakopo lou igoa; e te le toe igoa a'i ia Iakopo, a o Isaraelu e te igoa ai; ua na faaigoā ia te ia o Isaraelu. Ua fetalai mai le Atua ia te ia, O a'u le Atua e o'u le malosi uma lava; ia faatoateleina oe, ma ia uluola; o le nuu ma le vao nuu e tutupu mai ai ia te oe; e fanaua foi e oe o tupu. O le lauelele na ou foaiina atu ia Aperaamo ma Isaako, ou te foai atu ai ia te oe, o lau fanau foi pe a mavae atu oe ou te foai atu ai le lauelele. Ua afio ae le Atua nai ia te ia ai le mea sa fetalai mai ai ia te ia. Ona faatu lea e Iakopo le faailoga i le mea na fetalai mai ai o ia ia te ia, o le faailoga maa; na ia liligi ifo i ona luga le taulaga i mea e inu, ma liligi i ai le suāuu. Ua faaigoā e Iakopo le mea na fetalai ai le Atua ia te ia, o Peteli.

Ua alu ese o ia nai Peteli, ua tāli oo atu i Efarata, ona faatiga lea o

Rasela, ua faigata lona fanauga.
 17 Ua oo iua faigata lona fanauga, ona
 fai mai lea ia te ia o le na faentosaga
 le fanauga, Aua le fefe, auā e ia te
 18 oe foi lenei tama. Ua oo ina a ma-
 vae atu lona agaga, (auā ua oti ai o
 ia,) ua ia faaigoa ia te ia o Penani;
 a o lona tamā na ia faaigoa ia te ia
 19 o Peniamina. Ua oti Rasela, ua tanu
 i le ala i Efarata, o Peteleema foi lea.
 20 Ua faatu e Iakopo le faailoga i lona
 tuugamau; o le faailoga lea o le
 tuugamau o Rasela ua oo i le aso nei.
 21 Ona alu ai lea o Isaraelu ua to
 lona fale ie i tala atu o le 'olo o
 22 Eteru. Sa nofo Isaraelu i lea nuu,
 ona alu ai lea o Reupena ua momoe
 ma Pila le palake a lona tamā; ua
 lagona ai e Isaraelu *le tala*. O atalii
 o Iakopo ua toatinoagafulu ma le
 23 toalua i latou. O tama a Lea; o le
 ulumatua a Iakopo, o Reupena, ma
 Simeona, ma Levi, ma Iuta, ma
 24 Isakara, ma Sepulona. O tama a
 25 Rasela; o Iosefa ma Peniamina. O
 tama a Pila le auuuna fafine a
 26 Rasela; o Tanu ma Nafatali. O
 Tama a Selepa le auuuna fafine a
 Lea; o Kato ma Asera; o atalii ia
 o Iakopo na fanaua ia te ia i
 Patanarama.
 27 Ua oo atu Iakopo ia Isaako lona
 tamā i Mamere i Kiriatarapa, (o
 Heperona lea,) sa āumau ai Aper-
 28 amo ma Isaako. O aso *na ola ai*
 Isaako, ua selau tausaga ma le
 29 valugafulu. Ona to lea o le mānava
 a Isaako, ua oti o ia, ma ua faatasi
 atu i lona nuu, ua toeaina, ua tuu
 tulu'i lona ola; na tanu foi o ia e
 Esau ma Iakopo ona atalii.

O le tala i gafa o Esau.

36 O GAFA nei o Esau, o Etoma
 2 foi ia. Na fai ana avā e Esau, o
 fafine Kanana; o Ata le afafine o
 Ailona o lo sa Heti, ma Alipama le
 tamafafine a Eua, le afafine ia o
 3 Sepeono o lo sa Hivi; ma Pasemeta
 le afafine o Isamaeli, le tuafafine o
 4 Nepaiota. Ua fanau mai Ata ia
 Esau, o Elifasa; ua fanau mai foi
 5 Pasemeta o Reuelu. Ua fanau Ali-
 pama o Iuso, ma Ialama, ma Kara;
 o atalii ia o Esau na fanau ia te ia i
 le nuu o Kanana.
 6 Ua ave e Esau ana avā, ma ona

atalii, ma ona afafine, ma tagata
 uma o lona aiga, ma ana lafu, ma
 ana manu uma, atoa ma ana mea
 uma ua ia maua i le nuu o Kanana,
 na ia alu atu i le *tasi* nuu ai lona
 uso o Iakopo; auā ua tele a la mea
 e le mafai ona nonofo faatasi i laua;
 7 ua le mafai foi ona la mau faatasi i
 le nuu na la āumau ai, ona *o le tele*
 o a la manu. Ua nofo Esau i le
 8 mauga o Seira; o Esau o Etoma
 lava lea.

O gafa nei o Esau le tupuga o
 9 Etoma i le mauga o Seira. O igoa
 10 nei o atalii o Esau; o Elifasa le
 tama a Ata le avā a Esau; o Reuelu
 le tama a Pasemeta le avā a Esau.
 O atalii nei o Elifasa; o Timanu, o
 11 Amara, o Sefo, ma Katamo, ma
 Kinasa; o Timena sa fai o ia ma
 12 palake ia Elifasa le atalii o Esau;
 na fanau o ia ia Elifasa, o Amaleka;
 o tama lava ia a Ata le avā a Esau.

O atalii nei o Reuelu; O Nakata
 13 ma Sera, o Sama ma Misa; o i latou
 nei o tama a Pasemeta le avā a
 Esau. O i latou nei o tama a Ali-
 14 pama le tamafafine a Eua, le afafine
 o Sepeono, le avā a Esau, na fanau o ia
 ia Esau, o Iuso, ma Ialama, ma Kara.

O matai i latou nei, o atalii o
 15 Esau; o atalii o Elifasa le ulumatua
 a Esau, o le matai o Timanu, o le
 matai o Amara, o le matai o Sefo,
 o le matai o Kinasa, o le matai o
 16 Kara, o le matai o Katamo, o le
 matai o Amaleka; o i latou nei o
 matai o sa Elifasā i le nuu o Etoma,
 o i latou nei o tama a Ata. O i
 17 latou nei o atalii o Reuelu le atalii
 o Esau; o le matai o Nakata, o le
 matai o Sera, o le matai o Sama,
 o le matai o Misa; o i latou nei o
 matai o sa Reuelū i le nuu o Etoma,
 o i latou nei o tama a Pasemeta le
 avā a Esau. O i latou nei o tama a
 18 Alipama le avā a Esau; o le matai
 o Iuso, o le matai o Ialama, o le matai
 o Kara; o matai i latou nei, o *fanau*
 a Alipama le tamafafine a Eua, le
 avā a Esau. O i latou nei o atalii o
 19 Esau, o i latou nei foi o latou matai;
 o Etoma foi ia.

O i latou nei o atalii o Seira, o lo
 20 sa Hori, ē sa nonofo ai i le nuu; o
 Lotana, ma Sovala, ma Sepeono, ma
 21 Eua, ma Tisono, ma Eseri, ma Tisano,

o i latou ia o matai o sa Horī, o atalii
 22 o Seira i le nuu o Etoma. O i latou
 nei o atalii o Lotana; o Hori ma
 Aimamu; o le tuafafine o Lotana o
 23 Timena ia. O i latou nei o atalii o
 Sovala; o Aluana, ma Manaka, ma
 24 Epalu, o Sefo, ma Onama. O i
 latou nei o atalii o Sepeono, o Aia
 atoa ma Ena; o Ena lea ua maua
 iamina i le vao ina o fafaga e ia o asini
 25 a Sepeono lona tamā. O i laua nei
 o fanau a Ena; o Tisono ma Alipama
 26 le afafine o Ena. O i latou nei o
 atalii o Tisono; o Amatana, ma Ese-
 27 pana, ma Itirana, ma Karana. O i
 latou nei o atalii o Eseri; o Pileana,
 28 ma Savana, ma Akana. O i laua nei
 o atalii o Tisano; o Usa ma Arana.
 29 O i latou nei o matai o sa Horī;
 o le matai o Lotana, o le matai o
 Sovala, o le matai o Sepeono, o le
 30 matai o Ena, o le matai o Tisono, o
 le matai o Eseri, o le matai o Tisano;
 o i latou ia o matai o sa Horī, e
 taitasi o i latou ma lona matai i le
 nuu o Seira.
 31 O i latou nei o tupu sa fai ma
 tupu i le nuu o Etoma, a o leai se
 32 tupu i le fanauga a Isaraelu. Sa fai
 ma tupu i Etoma o Pala le atalii o
 Peora; o le igoa o lona aai o Tine-
 33 ava. Ua oti Pala, ona soloai ane
 lea o Iopapa le atalii o Sera o le Po-
 34 sara e fai ma tupu. Ua oti Iopapa,
 ona soloai ane lea o Kusamu mai le
 35 nuu o sa Timanū e fai ma tupu. Ua
 oti Kusamu, ona soloai ane lea o
 Atata le atalii o Petata e fai ma
 tupu; o ia na fasi ia Mitiana i le
 nuu o Moapi; o le igoa o lona aai
 36 o Avita. Ua oti Atata, ona soloai
 ane lea o Samelu o le Maseraka e
 37 fai ma tupu. Ua oti Samelu, ona
 soloai ane lea o Saulo o le Reopo i
 tala ane o le vaitafe e fai ma tupu.
 38 Ua oti Saulo, ona soloai ane lea o
 Paalaanana le atalii o Akapora e fai
 39 ma tupu. Ua oti Paalaanana le
 atalii o Akapora, ona soloai ane lea
 o Atara e fai ma tupu; o le igoa o
 lona aai o Pagu, o le igoa o lana avā
 o Meatapala le tama fafine a Mata-
 rata, le tama fafine ia a Maisaava.
 40 O igoa nei o matai o sa Esaū, e
 taitasi o i latou ma lona itu aiga, e
 taitasi foi ma lona nuu i o latou
 lava igoa; o le matai o Timena, o le

matai o Aleva, o le matai o Ieteta,
 o le matai o Alipama, o le matai o 41
 Ele, o le matai o Pinona, o le matai 42
 o Kinasa, o le matai o Timanu, o
 le matai o Mepesara, o le matai o 43
 Maketialu, o le matai o Irama; o
 i latou ia o matai o Etoma, e taitasi
 ma lona nuu e nofo ai na maua mo
 i latou; o ia o Esau le tupuga o sa
 Etomā.

*Ua inosia Iosefa ma faatauina e
 ona uso.*

SA nofo Iakopo i le nuu na āumau 37
 ai lona tamā, o le nuu lea o Kanana.
 O tala nei i gafa o Iakopo. E sefulu 2
 ma le fitu tausaga o Iosefa, sa i ai
 o ia i ona uso ua leoleo i le lafu, o
 ia foi o le tama, sa i ai i tama a Pila
 ma tama a Selepa, o avā ia a lona
 tamā; na tala mai e Iosefa le tala
 i a latou amio leaga i lo latou tamā.

Sa sili le alofa o Isaraelu ia Io- 3
 sefa i ona atalii uma, auā na fanau
 o ia ina o toeaina ia; ua ia fai se 4
 ofu talaloa mona. Ua iloa e ona
 uso ua sili le alofa o lo latou tamā
 ia te ia a e itiiti i ona uso uma, ona
 latou 'ino'ino ai lea ia te ia, ma ua
 le mafai ona tautala filemu ia te ia.
 Na fai le miti a Iosefa, ua faaali i 5
 ona uso, ua atili ai ona latou 'ino-
 'ino ia te ia. Ua ia fai atu ia te i 6
 latou, Faalogologo mai ia i la'u nei
 miti. Faauta, sa tatou fusifusia fusi 7
 saito i le fanua; faauta foi, na tulai
 la'u fusi saito, ua tu lava ia i luga;
 faauta foi, na si'osio i ai a outou fusi
 saito, ma latou ifo i la'u fusi saito.
 Ua fai mai ona uso ia te ia, E te fai 8
 ma tupu ea ia te i matou? E te
 pule foi ea ia te i matou? Ua atili
 ai ona latou 'ino'ino ia te ia ona o
 ana miti ma ana upu.

Ua toe fai le tasi ana miti, ua 9
 ta'uina atu ai i ona uso, ua fai atu,
 Faauta, ua toe fai la'u miti; faauta
 foi i le la, ma le masina, ma fetu e
 sefulu ma le tasi ua latou ifo mai ia
 te au. Ua ia ta'u atu ai i lona tamā 10
 ma ona uso; ona aoai ai lea o lona
 tamā ia te ia, ua faapea mai ia te ia,
 O le a ea lau miti na fai? matou te
 o mai ea, o a'u, ma lou tinā, ma ou
 uso, inatou te ifo toele ia te oe? Ua 11
 matataua ona uso ia te ia, a o lona
 tamā ua ia taofi i le upu.

12 Na o atu ona uso e leoleo i mamoe
 13 a lo latou tamā i Sekema. Ua fai
 atu Isaraelu ia Iosefa, E le o leoleo
 mamoe ea ou uso i Sekema? Sau
 ia, ou te auina atu oe ia te i latou.
 Ua fai mai o ia ia te ia. O a'u lava
 14 lenei. Ua fai atu ia ia te ia, Alu ia,
 ina asiasi po ua saogalemu ou uso,
 ma saogalemu o mamoe, ona e foi
 mai ai lea ma se tala. Ua ia auina
 o ia ai le vanu o Heperona, ua oo ia
 15 i Sekema. Ua iloa o ia e le tasi taga-
 ta, faauta, ua feseai o ia i le vao.
 Ua fesili le tagata ia te ia ua faapea
 16 mai, Se a ea e te saili na? Ua fai
 atu o ia, Ou te sailia o'u uso; se'i e
 ta'ua mai po o fea o latou leoleo ai
 17 mamoe? Ua fai mai le tagata, Ua
 o ese i latou i le mea nei, auā na ou
 faalogo o loo faapea ane i latou, Ta-
 tou o ia i Totana. Ona alu lea o
 Iosefa ua mulimuli atu i ona uso, ua
 18 maua i latou i Totana. Ua latou
 iloa mamao ia te ia, a o lei latalata
 o ia ia te i latou, ua latou taupule-
 19 pule e fasioti ia te ia. Ua fetauta-
 latalai i latou, Faauta, o loo sau lena
 20 alii fai miti; o lenei, o mai ia, ina
 tatou fasioti ia te ia, ma lafo i se
 tasi lua, ma tatou faapea ane, Ua
 'aina o ia e se manu feai; ona tatou
 21 iloa lea pe iu i ni a ana miti. Ua
 faalogo ai Reupena, ma na laveai ia
 te ia ai o latou lima, ua fai atu foi,
 22 aua le fasioti ia te ia. Ua fai atu
 foi Reupena ia i latou, Aua le faa-
 maligia le toto; tuu ia ia te ia i
 lenei luo o loo i le vao, a e aua le oo
 se lima ia te ia. *Sa, faapea ia*, ina
 ia na laveai ia te ia ai o latou lima,
 ma faafoi atu ia te ia i lona tamā.
 23 Ua oo atu Iosefa i ona uso, ona
 latou tatala lea o lona ofu ia Iosefa,
 24 o lona ofu talaloa lea. Ua latou ave
 ia te ia, ma tuu ai i le lua, sa le sua
 25 le lua, e le i ai se vai. Ona nonofo
 lea o i latou ma fai le 'ava; ua te-
 tepa ae, ua vaai, faauta, o le malaga
 a sa Isamaeli ua o mai mai Kiliata
 ma a latou kamela, o loo ave pulu
 seturo, ma pulu pasama, ma pulu
 latano, o le a o i latou e ave ifo ai i
 26 Aikupito. Ua fai ane Iuta i ona
 uso, Se a le aoga pe a tatou fasioti
 lo tatou uso, ma ufiufi lona toto?
 27 O mai ia, ina tatou faatauina ia i sa
 Isamaeli, a e aua le oo o tatou lima

ia te ia, auā o lo tatou uso ma lo
 tatou lava tino ia; ua faalogo ai
 ona uso *ia te ia*. Ona o ane lea o 28
 tagata Mitiana, o e faatauoa, ona
 latou sisi lea ma avae ia Iosefa ai le
 lua, ma latou faatau ia Iosefa i sa
 Isamaeli i tupe e luafulu; ona latou
 avatua lea o Iosefa i Aikupito.

Ua foi mai Reupena i le lua; 29
 faauta, ua le i ai Iosefa i le lua;
 ona saei lea e ia ona ofu. Ona foi 30
 atu lea o ia i ona uso, ua fai atu ai,
 E leai se tama! a o a'u, ou te alu
 nei ifea? Ua latou ave le ofu o 31
 Iosefa, ua fasi se 'oti, ma fufui ai le
 ofu i le toto. Ua latou ave le ofu 32
 talaloa, ma avatu i lo latou tamā,
 ua faapea ane, Ua matou maua le
 mea nei, se'i e iloiloiloina, po o le ofu
 lenei o lou atalii pe leai? Ua ia 33
 iloiloiloina, ua fai ane, O le ofu o lo'u
 atalii lava, ua 'aina ia e se manu
 feai, ua saeia lava Iosefa. Ona saei 34
 lea e Iakopo ona ofu, ua ia lavalava
 i le ie talatala, ma ua faanoanoa pea
 ia i aso e tele ona o lona atalii. Ua 35
 tutū i luga ona atalii uma ma ona
 afafine uma e faamafanafana ia te
 ia; a e le mafai ona faamafana-
 fanaina o ia, ua fai ane, Auā ou te
 alu ifo ma le faanoanoa i le tuiga-
 mau i lo'u atalii; ona tagi lea o lona
 tamā ia te ia. Ua faatau sa Miti- 36
 anā ia te ia i Aikupito ia Potifara o
 le auauna sili a Farao, o le pule i le
 'au e faafeao.

O tala ia Iuta ma ana fanau.

O ONA po lava ia, na alu ifo ai 38
 Iuta na i ona uso, ua afe ane i le
 tagata o Atulama, o Eira lona igoa. 2
 Ua iloa ai e Iuta le afafine o le
 tagata Kanana, o Sua lona igoa, na 3
 ia ave ia te ia, ua fai mana avā. Ua
 to o ia, ua fanau mai o le tama tane, 4
 ua faaigoa ia te ia o Eru. Ua toe
 to, ua fanau mai o le tama tane, ua 5
 faaigoa ia te ia o Onani. Ua toe
 fanau ia o le tama tane, ua faaigoa 6
 ia te ia o Sila; na fanau mai o ia
 ina o i Kasepa lona tamā.

Ua saili e Iuta se avā ma Eru 6
 lana ulumatua, o lona igoa o Tamara.
 A o Eru le ulumatua a Iuta, sa leaga 7
 o ia i le silafaga a Ieova, ona fasioti
 lea o Ieova ia te ia. Ua fai atu 8
 Iuta ia Onani, Alu ane ia oe i le avā

- a lou uso, e fai mau avā, ma faatupu
 9 ai se gafa o lou uso. Uailoa Onani
 e le fai mana le fanau; ua oo ina
 ua alu atu i le avā a lona uso, ua ia
 faamaumau i le eleele, ina ne'i faa-
 10 tupu e ia se gafa o lona uso. Ua
 leaga lava i le silafaga a Ieova le
 mea na ia faia, ona fasioti foi lea ia
 11 te ia. Ua fai atu Iuta ia Tamara
 le avā a lona atalii, Ina nofo fua ia
 oe i le aiga o lou tamā, seia matua
 Sila lo'u atalii; auā sa faapea ia,
 Ne'i oti foi o ia, pei o ona uso. Ona
 alu lea o Tamara, ua nofo i le aiga
 o lona tamā.
- 12 Ua tele aso, ona oti lea o le afa-
 fine o Sua le avā a Iuta; ua faama-
 fanafanaina Iuta, ona alu ae lea o ia
 i e sele fulufulu o ana mamoe i
 Timenata, o i lau ma Eira lana uo
 13 le Atulama. Na ta'uina atu ai ia
 Tamara, o loo faapea, Faauta, o le
 tamā o lau tane ua alu ae ia i Time-
 nata e sele ai fulufulu o ana mamoe.
- 14 Ua ia tuu ese ofu o lona nofo fua sa
 ofu ai o ia, ua ufufu ia te ia i le ie
 ufufu mata, ua pulupulu ia, ua nofo
 i le faitotoa o Aināima o i le ala i
 Timenata, auā va vaai ia ua matua
 Sila, a e le tuuina o ia ia te ia e fai
 15 mana avā. Ua iloa o ia e Iuta, fa
 te ia o ia le fafine talitane, auā sa
 16 na ufufu ona mata. Ua afe ane ia
 ia te ia i le au ala, ua fai atu ai, Ou
 te alu atu ea ia te oe? auā na te
 lei iloa o le avā ia a lona atalii. Ua
 fai mai o ia, Se a se mea e te aumaia
 17 ia te au ina ia e sau ia te au? Ua
 fai atu, Ou te avatu ia te oe se
 tamai 'oti ai le lafu. Ua fai mai o
 ia, E te aumaia ea se mea e fai ma
 18 faamaoni seia au mai ai *le mea*? Ua
 fai atu o ia, Se a se mea ou te avatu
 ai ia te oe e fai ma faamaoni? Ua
 fai mai o ia, O loo faamaufaaailoga,
 ma lou asoa, ma lou tootoo o loo i lou
 lima. Ua avatu ai ia te ia, ona alu
 ane ai lea o ia ia te ia; ua to foi o
 19 ia ia te ia. Ua tulai le fafine, ua
 alu, ua tuu ese le ie sa ufufu ai ona
 mata, ua ofu i ofu o lona nofo fua.
- 20 Ua avatu e Iuta le tamai 'oti i le
 lima o lana uo le Atulama e au mai
 ai mea na fai ma faamaoni i le lima
 21 o le fafine, a ua le iloa ia. Ua fesili
 o ia i tagata o le nuu, o loo faapea,
 O fea o i ai le fafine talitane sa i
 Aināima i le au ala? Ua fai mai i
 latou, E leai se fafine talitane i le
 mea nei. Ua foi mai o ia ia Iuta, 22
 ua fai mai ai, Ua ou le iloa ia, mona
 ua fai mai tagata o le nuu, e leai se
 fafine talitane i lea mea. Ua fai 23
 ane Iuta, Ave peaia mana, ne'i inosia
 i taua; faauta, na ou avatua lenei
 tamai 'oti, a ua e le iloa ia.
- Po ua atoa ea ni masina se tolu, 24
 ona ta'uina atu ai lea ia Iuta, ua
 faapea, Ua faitaaga Tamara le avā
 a lou atalii, faauta foi, o loo ua to ia
 i ana faitaaga. Ona fai atu lea o
 Iuta, Au mai ia o ia, ina susunu. O 25
 loo ta'ita'ina atu o ia, na ia auina
 atu i le tamā o lana tane, o loo faa-
 pea atu, O le tagata e ana nei mea
 ua ou to ai; ua faapea foi o ia, Se'i
 e iloilo po o ai e ana nei mea, o le
 faamaufaaailoga, ma le asoa, ma le
 tootoo. Ua iloa lava e Iuta, ona fai 26
 ane lea, Ua sili ona tonu lana amio
 i la'u, ona ua le avatua o ia ia Sila
 lo'u atalii; ua la le toe feiloa'i.
- Ua oo i le aso e fanau ai, faauta, 27
 o le masaga ua i lona manava. Ua 28
 oo i lona fanauga, ua tuu mai le
 lima, ua tago i ai le na faatosaga le
 fanauga, ma fusi le *mea* mūmū i
 lona lima, o loo faapea, Ua muamua
 ona alu ifo lenei. Ua toe foi atu 29
 lona lima, faauta foi, ona alu ifo lea
 o lona uso; ona fai atu lea o ia, Se
 a le mea ua e oso mai ai? E ia te
 oe lenei oso *vale*; ua faaigoa ai o ia
 o Faresa. E mulimuli ane ua alu 30
 ifo lona uso o i lona lima le *mea*
 mūmū, ua faaigoa ia te ia o Sera.

O le faaososoina o Iosefa.

UA ave ifo Iosefa i Aikupito, ua 39
 faatauina ia e Potifara le auauna
 sili a Farao, o le pule i le 'au e faa-
 feao, o le tagata Aikupito, ai lima o
 sa Isamaeli, na latou avatu ai o ia i
 lea mea. Sa i ai Ieova ia Iosefa, o
 le tagata manuia lava ia; sa i le
 fale o lona alii o le Aikupito. Ua 3
 iloa e lona alii ua ia te ia Ieova, o
 mea uma foi sa na faia ua faamanuia
 e Ieova i lona lima. Sa alofagia 4
 Iosefa e ia, ua ia auauna ia te ia, ua
 na tofia ai o ia e pule i lona aiga, o
 mea uma foi sa ia te ia ua tuu atu
 i lona lima. E afua mai i ona aso 5
 na ia tofia o ia e pule i lona aiga ma

ana mea uma, na faamanuia ai e
 Ieova le aiga o le Aikupito ona o
 Iosefa, na manuia ia Ieova ana mea
 6 uma i le fale atoa ma le fanua. Ua
 ia tuu ana mea uma i le lima o
 Iosefa, ua na le iloa sana mea na o
 le mea e 'ai sa 'ai ai o ia. Sa au-
 lelei le tino o Iosefa, ma ona mata e
 lalelei ia.
 7 E mulimuli ane i nei mea, ua tepa
 ane le faletua o lona alii ia Iosefa,
 8 ua fai mai, Ta te momoe. A e le
 mafai o ia, ma ua fai atu i le faletua
 o lona alii, Faauta, e le iloa e lo'u
 alii se mea ua ia te au i le fale, o
 ana mea uma foi ua ia tuu mai ilo'u
 9 lima. E leai se sili ia te au i le fale
 nei, ua na le taofi sina mea ia te au,
 ua na o oe, auā o oe lona faletua;
 pe faapefea ona ou faia lenei mea
 leaga tele ma ou agasala ai i le
 10 Atua? Ua tautala o ia ia Iosefa i
 lea aso ma lea aso, a e le faalogo o
 ia ia te ia ina ia la momoe faatasi
 ma ia, *pe* nofo faatasi ma ia.
 11 Ua oo i le tasi aso, ua alu atu ai o
 ia i le fale e fai ai lana galuega, e
 leai se tasi tagata o le aiga sa i le
 12 fale. Ona tago atu lea o ia i lona
 ofu, o loo faapea, Ta te momoe; ona
 tuu lea e ia o lona ofu i lona lima
 13 ua sola, ua alu i fafo. Ua iloa e ia
 ua tuu lona ofu i lona lima, ma ua
 14 sola i fafo, ona valaau atu lea o ia i
 tagata o lona aiga, ua fai atu ia te
 i latou, ua faapea, Faauta, ua ia au
 mai ia te i tatou le tagata Eperu e
 ula ia i tatou; na sau ia ia te au ma
 te momoe ma ia, ona ou alaga lea
 15 ma le leo tele; ona faalogo lea o ia
 ua ou leo tele ma alaga, ona tuua
 lea e ia lona ofu ia te au, ua sola, ua
 16 alu i fafo. Ua teu lona ofu e ia
 17 se'ia sau lona alii i lona fale. Ona
 tautala atu lea o ia ia te ia i nei
 upu, o loo faapea, Na sau ia te au le
 auauna Eperu na e au mai ia te i
 18 matou, e ula mai ia te au. Ona ou
 leo tele ai lea ma ou alaga, ona tuu
 lea e ia o lona ofu ia te au, a e sola
 19 ia i fafo. Ua faalogo lona alii i upu
 a lana avā sa tautala ai ia te ia, o loo
 faapea, Ua faia nei mea ia te au e
 lau auauna; ona ita tele ai lea o ia.
 20 Ua tago atu lona alii ia Iosefa, ua
 tuu ia te ia i le fale puipui, o le
 mea ua fusifusia ai e ua fusifusia

e le tupu; sa i ai o ia i le fale
 puipui.

Sa ia Iosefa Ieova, ua ia alofa ia 21
 te ia, ua na faatupuina le alofa o le
 alii o le fale puipui ia te ia. Ua tuu 22
 atu e le alii o le fale puipui i le pule
 a Iosefa o e na fusifusia uma sa i le
 fale puipui; o mea uma na latou
 faia i lea mea, o ia lava na faia. E 23
 lei vaavaai le alii o le fale puipui i se
 mea e tasi ua i lana pule; auā sa
 ia te ia Ieova, o mea foi sa na faia
 ua faamanuia lea e Ieova.

*O le tala i auauna sili e toalua a
 Farao na tuuina i le fale puipui.*

UA mavae na mea, ona amio 40
 leaga lea o le tautu uaina a le tupu
 o Aikupito atoa ma le na fai ana
 mea e 'ai i lo laua alii le tupu o
 Aikupito. Ona ita ai lea o Farao i 2
 le toalua o ana auauna, o le ua sili i
 e tautu uaina ma le ua sili i e fai
 mea e 'ai. Ua na tuu atu ia te i 3
 laua ia leolecina i le fale o le alii e
 pule i le 'au e faafeao, i le fale pui-
 pui, o le mea ua noanoatia ai Iosefa.
 Ua tuuina atu i laua e le alii e pule 4
 i le 'au e faafeao ia Iosefa, ua ia
 auauna atu ai ia te i laua. Na la i
 ai foi isi aso i le fale puipui.

Ona fai ai lea o a la miti, o le 5
 tagata ma lana miti i le po e tasi, e
 taitasi e tusa ma le faamatalaga o
 lana miti, o le tautu uaina atoa ma
 le fai mea e 'ai a le tupu o Aikupito,
 e na noanoatia i le fale puipui. Ua 6
 ulufale atu Iosefa ia te i laua i le
 taeao, ua vaai atu i ai, faauta, ua la
 faanoanoa. Ona fesili atu ai lea o 7
 ia i auauna a Farao na puipuia ma
 ia i le fale o lona alii, ua faapea atu
 ai, Se a le mea e faanoanoa ai oulua
 i le aso nei? Ona la tali mai ai lea 8
 ia te ia, Ua fai a ma miti, a e leai se
 na te faamatalaina mai. Ona fai
 atu ai lea o Iosefa ia te i laua, E le
 o ile Atua ea faamatalaga? ina tala 9
 mai ia ia te au. Ona tala mai ai lea
 e le ua sili i e tautu uaina o lana
 miti ia Iosefa, ua faapea mai ia te
 ia, O la'u miti, faauta, sa i o'u luma
 le vine. Na i ai foi i le vine o la e 10
 tolu, e peiseai ua fotu mai foi ia, ua
 tutupu mai ona fuga, ua fua mai foi
 ona fuifui o vine otatā. Na i lo'u 11
 lima foi le ipu a Farao, na ou tago

foi i vine, ma a'u taulia i le ipu a Farao, ona ou tuu atu ai lea o le ipu
 12 i le aao o Farao. Ona fai atu ai lea o Iosefa ia te ia, O lona faamatalaga
 13 lenei; o la e tolu e tolu ia aso. A o lei mavae aso e tolu ona faaea lea e
 Farao i lou ulu, ma toe tofia oe i lou faiva, e te tuu atu ai foi le ipu a
 Farao i lona aao, faapei o anamua
 14 ina o e tautu uaina ia te ia. A ia e manatua mai a'u pe a oo le manuia
 ia te oe, ma ia e alofa mai ia te au, ma ia e ta'ua a'u ia Farao, ma ia
 15 aveina atu a'u i lenei fale; auā na gaioia mai lava a'u ai le nuu o Eperu;
 ou te lei faia foi iinei se mea e tasi e tatau ai ona ia latou tuuina o a'u
 16 i le lua. Ua iloa e le ua sili i e fai mea e 'ai ua lelei le faamatalaga, ona
 fai mai ai lea o ia ia Iosefa, O a'u foi na ou iloa i la'u miti, faauta, na
 17 faae'e ato mea e 'ai sinasina e tolu i lo'u ulu, na i ai foi i le ato aupito-
 aluga mea e 'ai eseese ua tao mā Farao; na aai ai foi manu felelei i
 18 le ato na i luga o lo'u ulu. Ona tali atu ai lea o Iosefa, ua faapea atu, O
 lona faamatalaga lenei; o ato e tolu e tolu ia aso. A o lei mavae aso e
 19 tolu ona va'e ai lea e Farao o lou ulu mai ia te oe, na te faatautau foi
 ia te oe i luga o se laau; ona aai ai lea o manu felelei i lou tino.
 20 Ua oo foi i le aso tolu, o le faamanatuga lea o le aso na fanau ai
 Farao, na ia fai ai le tausamiga ma ana auaua uma; ona faaea ai lea e
 ia le ulu o le ua sili i e tautu uaina ma le ulu o le ua sili i e fai mea e
 21 'ai i luma o ana auaua. Ona ia toe tuu atu ai lea i le ua sili i e tautu
 uaina o lona faiva, na na tuuina atu ai le ipu i le aao o Farao. Ua na
 22 faatautau foi le ua sili i e fai mea e 'ai, faapei ona faamatala atu ai e
 23 Iosefa ia te i lona. A ua le manatua Iosefa e le ua sili i e tautu uaina,
 a ua galo lava ia te ia.

O le tala i miti e lua a Farao; atoa ma le manuia o Iosefa.

41 UA mavae tausaga e lua, ona fai ai lea o le miti a Farao; faauta foi,
 2 ua tu ia i le auvai o le vaiatafe. Faauta foi, ua o ae i le vaiatafe povi e fitu
 3 foi le vaofali. Faauta foi, o isi povi

e fitu ua tino leaga ma le pae'e ua mulimuli ona o ae ia te i latou i le
 vaiatafe, ua latou tutū i tafatafa o isi povi i le auvai o le vaiatafe. Ua aai
 4 foi e povi tino leaga ma le pae'e i povi e fitu ua tino lelei ma le pepeti.
 Ona ala mai lea o Farao. Ua toe
 5 moe foi o ia, ona fai ai lea o le isi ana miti; faauta foi, o 'au saito e
 fitu ua tutupu mai i le 'au e tasi, ua soona puputa ma le tino lelei mai.
 Faauta, ua muliai tutupu ia te i
 6 latou o 'au saito e fitu e tino leaga ma le mamae i le matagi mai sasae.
 Ua 'aina foi e 'au saito tino leaga o
 7 'au saito e fitu e tino lelei ma le matutua. Ona ala mai ai lea o Farao;
 faauta, o le miti lava.

Ua oo i le taeao, ona atuatuva'e ai lea o lona loto, ona amiami ai lea i taulaitu uma o Aikupito, atoa ma
 tagata popoto uma na i ai. Ona tala atu ai lea e Farao o lana miti ia
 te i latou; a e leai se na te faamatalaina mai ia Farao.

Ona fai mai ai lea o le ua sili i e
 9 tautu uaina ia Farao, ua faapea mai, Ou te manatua i le aso nei lo'u sese.
 Na toasa mai Farao i ana auaua,
 10 ua tuu atu ai ia te au ia leoleoina i le fale o le alii e pule i le 'au e faa-
 feao, o a'u nei atoa ma le ua sili i e fai mea e 'ai. Ona fai ai lea o a ma
 11 miti i le po e tasi, o a'u lava ma ia, ua taitasi ma fai lana miti e tusa ma
 le faamatalaga. Na matou i ai foi
 12 ma le tasi taulealea, o le Eperu, o le auaua a le alii e pule i le 'au e faa-
 feao, na ma tala atu ia te ia, ona faamatala mai ai lea e ia ia te i
 maua o a ma miti, o le tagata ma
 13 lana miti na ia faamatala mai. Na taunuu lava faapei ona ia faamatala
 mai ia te i maua; na na faafoi ia te au i lo'u faiva, a ua na faatautau ia
 te ia.

Ona feau atu lea e Farao, ua aami
 14 ia Iosefa, ua faavaevave foi ona latou au mai ia te ia ai le lua, ua na tafi i
 lana 'ava, ma sui ona ofu, ona alu atu ai lea ia Farao. Ona fai mai ai
 15 lea o Farao ia Iosefa, Ua fai la'u miti, a e leai se na te faamatalaina
 mai ia te au; ua ou faalogo foi i le tala ia te oe, pe a e faalogo i se miti
 e te iloa ona faamatalaina. Ona
 16 tali atu ai lea o Iosefa ia Farao, ua

faapea atu, E le o a'u, a o le Atua
na te avatu se tali lelei ia Farao.
17 Ona tala mai ai lea e Farao ia
Iosefa, Faauta, o la'u miti na a'u tu
18 ai i le auvai o le vaitafe. Faauta
foi, na o ae i le vaitafe o povi e fitu
e tino lelei ma le pepeti, na latou
19 aai i le vaofali. Faauta foi, e muli-
mululi ia te i latou ona o ae o isi
povi e fitu e matuā tino leaga lava
ma le paece, ou te le iloa lava ni e
faapea ona leaga i le nuu uma o
20 Aikupito; na 'aina foi e povi tino
leaga ma le paece o povi pepeti e
21 fitu na muamua. Ua oo i o latou
manava, a e le iloa lava po ua oo i
o latou manava, a e peitai ua tino
leaga pea faapei o anamua. Ona ou
22 ala ai lea. Faauta foi, na ou iloa i
la'u miti na fua mai o 'au saito e
fitu i le 'au e tasi, e soona puputa
23 ma le tino lelei mai. Faauta, na
mulimuli ona tutupu mai ia te i
latou o isi 'au saito e fitu e laiti, e
tino leaga, ma le mamae i le matagi
24 mai sasae. Ona folo ai lea e 'au
saito tino leaga o 'au saito lelei e
fitu. Na ou talaina atu foi i le au
taulāitu, a e leai se na te mafaia ona
faamatalaina mai ia te au.
25 Ona fai atu ai lea o Iosefa ia
Farao, Eta faatasi faalepo a Farao;
ua faaali atu ai e le Atua ia Farao
26 o le mea o le a na faia. O povi
lelei e fitu, o tausaga ia e fitu, o 'au
saito lelei e fitu, o tausaga foi ia e
27 fitu; e tasi lava le faalepo. O povi
foi e fitu e paece ma le tino leaga
na mulimuli ona o ae ia te i latou,
o tausaga ia e fitu; o 'au saito foi e
fitu e leaga ma le mamae i le ma-
tagi mai sasae, o tausaga oge ia e
28 fitu. O le upu lava lea ua ou fai
atu ai ia Farao, ua faaali atu e le
Atua ia Farao o le mea o le a na
29 faia. Faauta, o le a oo mai tausaga
e fitu e matuā tele ai le mau i le
30 nuu uma o Aikupito. Ona muliai
oo mai ai lea o tausaga oge e fitu, e
galo ai le mau uma lava i le nuu o
Aikupito; e faaumatia ai le nuu i le
31 oge. E le toe iloa foi le mau i le
nuu ona o le oge e mulimuli i ai;
32 auā e velavela lava ia. Na foi faa-
lua mai le faalepo ia Farao; auā o
le mea ua matuā faamauina e le
Atua, e vave foi ona faataunuui mai

e le Atua. O lenei, ia faaii e Farao 33
se tagata mafaufau ma le poto, ma
ia tofia o ia e pule i le nuu o Aiku-
pito. Ia fai *lea mea* e Farao, ia to- 34
fia foi matai i le nuu, ma ia avae
lona lima o *fua* o le fanua o Aiku-
pito i tausaga mau e fitu. Ia latou 35
faaputu foi i le mea e 'ai uma i ia
tausaga lelei o le a oo mai, ma ia
tuu ai saito i le pule a Farao, ma ia
latou teua mea e 'ai i aai. E fai 36
foi lea mea e 'ai ma mea e teu mā
le nuu i tausaga e fitu o le oge e i
ai i le nuu o Aikupito, ina ia le fano
le nuu i le oge.

Ua lelei foi lea upu i le manatu o 37
Farao ma le manatu o ana auauna
uma. Ona fai ane ai lea o Farao i 38
ana auauna, Pe tatou te mana ea se
tusa ma lenei tagata, o le ua i ai le
Agaga o le Atua? Ona fai mai ai 39
lea o Farao ia Iosefa, Ua faaali atu
e le Atua lea mea uma ia te oe; o
le mea lea e leai ai se tusa ma oe i
le mafaufau ma le poto. E te pule 40
oe i lo'u aiga, o lau lava upu foi e
pulea ai lo'u nuu uma, na o le
nofoālii ou te sili ai ia te oe. Ona 41
fai mai ai lea o Farao ia Iosefa,
Faauta mai, ua ou tuu atu ia te oe
le pule i le nuu uma o Aikupito.
Ona to ese ai lea e Farao lana 42
mama i lona lima, ua tuu mai i le
lima o Iosefa, ua na faaofu foi ia te
ia i ofu ie vavae, ua faaasoā foi le
filifili auro i lona ua; ua na faatietie 43
foi ia te ia i le lua o ona nofoa
faataavalevale, ona latou alalaga
lea i ona luma, Ifo ia. Ua na tuu
atu foi ia te ia le pule i le nuu uma
o Aikupito. Ua fai mai foi Farao 44
ia Iosefa, O a'u o Farao, e le sii e se
tasi lona lima po o lona vae e aunoa
ma oe i le nuu uma o Aikupito. Ua 45
faaigoā foi e Farao ia Iosefa o
Sapenapaenea; ua avane foi ia te
ia o Asenati e fai mana avā. O le
afafine ia o Potifere le ositaulaga i
Onu; ona alu atu ai lea o Iosefa i
le nuu uma o Aikupito.

O le tolugafulu foi o ona tausaga 46
na tu ai Iosefa i luma o Farao le
tupu o Aikupito. Ona alu atu ai
lea o Iosefa nai luma o Farao, ua ui
ane i le nuu uma o Aikupito. Ua 47
pesi tele mai le fua o le fanua i tau-
saga mau e fitu. Ona ia faaputuina 48

- ai lea o mea e 'ai uma i tausaga e fitu na i ai i le nuu o Aikupito, ua na tuuina atu le mea e 'ai i aai; o le mea e 'ai o le fanua na vagavagaia le aai na ia tuuina atu i 49 totonu o lea lava aai. E tele lava saito na faaputuina e Iosefa pei o le oneone i le sami, ua iu ina tuua o le faitau, auā ua le masino lava.
- 50 Na fanaua foi e Iosefa ona atalii e toalua a o lei oo mai tausaga oge, na fanau ai ia te ia e Asenati le afafine o Potifere le ositaulaga i 51 Onu. Ua faaigoa e Iosefa lana ulumatua o Manase, auā ua faapea ane ia, Ua faia e le Atua ina ia galo ia te au lo'u tiga uma atoa ma le aiga 52 uma o lo'u tamā. Ua ia faaigoa foi i le aupito ane i ai, o Efaraima, ua faapea ane ia, Auā ua faaululaina a'u e le Atua i le nuu na puapua-gatia ai a'u.
- 53 Ua mavae foi le fitu o tausaga 54 mau na i le nuu o Aikupito. Ona amata ai lea ona oo mai o tausaga e fitu o le oge, faapei ona fai atu ai o Iosefa; ua i ai foi le oge i nuu uma, a o le nuu uma o Aikupito sa i ai mea e 'ai. Ua mātelaina le 55 nuu uma o Aikupito, ona alalaga mai ai lea o le nuu ia Farao i le mea e 'ai; ona fai atu ai lea o Farao i tagata uma o Aikupito, Ia outou o atu ia Iosefa; o le mea e fai atu ai o ia ia te outou, ia outou 56 faia. Ua i ai foi le oge i le nuu uma, ona tālai ai lea e Iosefa o mea uma na faaputuina ai saito, ma na faatau atu i tagata Aikupito; sa velavela foi le oge i le nuu o Aiku- 57 pito. Ua o mai foi nuu uma i Aikupito e faatau saito ia Iosefa; auā sa velavela le oge i nuu uma lava.
- O le tala i le malaga a atalii o Iakopo i Aikupito e faatau ai saito.*
- 42 UA iloa e Iakopo ua i Aikupito saito, ona fai atu ai lea o Iakopo i ona atalii, Se a le mea tou te 2 fevaai i ai? Ua na fai atu foi, Faauta, ua ou faalogo e i ai saito i Aikupito; ia outou o ifo i ai, ma faatau mai ai ma tatou, ina ia tatou 3 ola ai, a e aua le oti. Ona o ifo ai lea o uso o Iosefa e toatinoagafulu e faatau saito i Aikupito. A o 4 Peniamina le uso o Iosefa, na le auina ia e Iakopo faatasi ma ona uso, auā na faapea o ia, ina nei oo ia te ia se mea leaga.
- Na o foi atalii o Isaraelu e faatau 5 faatasi ma e na o e faatau; auā na i ai le oge i le nuu o Kanana. Ua 6 pule foi Iosefa i le nuu, o ia lava na faatau atu i tagata uma o le nuu; ona o mai lea o uso o Iosefa, ua latou ifo toele ia te ia. Ua vaai 7 atu Iosefa i ona uso, ona iloa lea o i latou, a ua fai ia faatagata ese o ia ia te i latou, ma ua tautala faasiasia ia te i latou, ua fai atu ia te i latou, Maifea outou? Ona latou tali mai ai lea, Matou te o mai i le nuu o Kanana e faatau mea e 'ai. Ua iloa lava e Iosefa ona uso, 8 a ua latou le iloa o ia. Ona manatua lea e Iosefa o ana miti na fai ia te i latou; ua na fai atu foi ia te i latou, O tagata agaga outou, ua outou o mai lava e vaavaai i se mea e saogofie ai le nuu. Ona latou tali 10 mai ai lea, Le alii e, e leai lava, o le o mai nei au auauna e faatau i mea e 'ai. O i matou uma o atalii o le 11 tagata e toatasi, e faamaoni lava i matou, e le ni tagata agaga au auauna. A ua na fai atu ia te i 12 latou, E leai lava, a e peitai ua outou o mai i le fia iloa se mea e saogofie ai le nuu. Ona latou fai 13 mai ai lea, O au auauna o le uso e toasefulu ma le toalua i matou, o atalii o le tagata e toatasi i le nuu o Kanana; faauta foi, o ona po nei o i ai le uii ma lo matou tamā, a o le tasi ua leai. Ona fai atu ai lea o 14 Iosefa ia te i latou, O le upu lava lea na ou fai atu ai ia te outou o loo faapea, O outou o tagata agaga. O le mea nei e iloa ai lo outou 15 faamaoni, O loo soifua Farao, tou te le o ese i le mea nei se'i ilo a e sau iinei lo outou uso aupito itiiti. Ina auina atu ia so outou na te 16 amia lo outou uso, a e noanoatia outou ina ia tofotofa ai a outou upu po ua moni a outou; a e afai e leai, o loo soifua Farao, e moni o tagata agaga lava outou. Ona ia 17 tuu lea ia te i latou faatasi i le fale puipui i aso e tolu. O le aso tolu 18 foi na fai atu ai Iosefa ia te i latou,

- Ia faia e outou le mea nei tou te
ola ai; *auā* o a'u ou te mata'u i le
19 Atua. Afai e faamaoni outou, ia
noanoatia so outou uso i le fale
puipui, a e o pea ia outou e ave
20 saito i le oge o outou aiga. Ia
outou au mai foi ia te au lo outou
uso aupito itiiti, ona faamaonia ai
lea a outou upu, ona outou le oti ai
lea. Ua faapea foi ona latou faia.
21 Ona latou fetautalatala'i ai lea, E
moni lava, ua tatou sala ona o lo
tatou uso, na tatou iloa le puapuaga
o lona loto, ina ua aioi mai o ia ia
te i tatou, a e tatou te lei mafafai
lava; o le mea lea ua oo mai ai ia
22 te i tatou lenei puapuaga. Ona
tali atu ai lea o Reupena ia te i
latou, ua faapea atu, Ou te lei fai
atu ea ia te outou, faapea, Aua ne'i
outou agaleaga atu i le tama, a ua
outou le faalogo mai lava? faauta
23 foi, ua tauia mai lona toto. A ua
latou le iloa ua lagona e Iosefa a
latou upu; *auā* na ia te i latou ma
ia lē faamatala upu. Ona alu ese
24 lea o ia ia te i latou, ma tagi; ua
toe foi atu ia te i latou, ua tautala
ma i latou, ua na ave ese foi
Simeona ia te i latou, ua noanoa ia
te ia i o latou luma.
25 Ona polcai ai lea o Iosefa e
faatutumu i a latou taga i saito,
ma ia toe avatu a latou tupe ia
taitasi i lana taga, ia avatu foi ia te
i latou ni oso mo la latou malaga.
Ua faapea ona faia e ia ia te i
26 latou. Ua latou faaee saito i a
latou asini, ona latou o ese ai lea i
27 lea mea. Ua tatala foi e le tasi
lana taga e fafaga lana asini i le
mea e moe ai, ona iloa ai lea e ia o
ana tupe, faauta, ua i le gutu o
28 lana taga. Ona fai atu ai lea o ia i
ona uso, Ua toe au mai a'u tupe,
faauta foi, e i ai lava i la'u taga.
Ona segia ai lea o latou mauili, ua
atuatuvale, ua faapea ane le tasi i
le tasi, Pe se a lenei mea ua faia e
le Atua ia te i tatou?
29 Ona latou oo atu ai lea ia Iakopo
lo latou tamā i le nuu o Kanana,
ua latou tala atu ia te ia i mea uma
na oo ia te i latou, ua faapea atu,
30 Ua tautala faasiasia mai ia te i
matou le tagata e aliitai le nuu, ma
ua masalo mai o tagata agaga i
matou. Ona matou fai atu ai lea 31
ia te ia, Matou te faamaoni lava; e
le ni tagata agaga i matou. O le 32
uso e toasefulu ma le toalua i
matou, o atalii o lo matou tamā; o
le tasi ua leai, a o le uii, o i ai i ona
po nei ma lo matou tamā i le nuu
o Kanana. Ona fai mai ai lea ia te 33
i matou le tagata e aliitai le nuu, O
le mea lea ou te iloa ai e faamaoni
outou, tuu mai ia so outou uso ia te
au, ma ave *mea* e '*ai* i le oge o
outou aiga, i le outou o ai; a e au 34
mai ia te au lo outou uso e aupito
itiiti, ona ou iloa ai lea e faamaoni
outou, e le ni tagata agaga; ona ou
tuu atu ai lea o lo outou uso ia te
outou, ona outou faatau lea i le
nuu. Ua latou saai foi a latou 35
taga, faauta foi, ua taitasi le tagata
ma lana ofuofu tupe i lana taga;
ua iloa e i latou ma lo latou tamā
a latou ofuofu tupe, ona latou fefefe
ai lea. Ona fai atu ai lea o lo latou 36
tamā o Iakopo ia te i latou, Ua
outou ave ese a'u fanau ia te au; o
Iosefa ua leai, o Simeona ua leai; o
le a outou ave ese foi ia Peniamina;
o ia mea uma ou te leaga ai. Ona 37
fai mai ai lea o Reupena i lona
tamā, ua faapea mai, Ia e fasiotia
o'u atalii e toalua pe afai ou te le
au mai o ia ia te oe. Tuu mai ia o
ia ia te au, ou te toe au mai o ia ia
te oe. A ua ia fai atu, Tou te le o 38
ifo ma lo'u atalii; *auā* i a oti lona
uso, na o ia lava e toe, pe a oo se
mea leaga ia te ia i le ala o le a
outou o ai, ona outou aveina ifo lea
o'u lauulu sinā i le tuugamau ma le
faanoanoa.
- Ua iu ina tuuina atu Peniamina e
Iakopo, ia alu i le malaga.*
- UA tele lava le oge i le nuu. Ua 43
uma foi ona latou asi i saito na 2
latou aumaia i Aikupito, ona fai
atu ai lea o lo latou tamā ia te i
latou, Ina toe o ia e faatau mai sina
mea e '*ai* ma tatou. Ona fai mai 3
ai lea o Iuta ia te ia, ua faapea mai,
Na matuā fai mai le tagata ia te i
matou, ua faapea mai, Pe afai tou te
le o mai ma lo outou uso, tou te le
iloa lava o'u mata. Afai e te auuina 4
i matou ma lo matou uso, matou te
o ifo e faatau i mea e '*ai* ma oe. A 5

- e afai e te le tuuna mai o ia, matou te le o ifo; auā na fai mai le tagata ia te i matou, Tou te le iloa o'u mata pe afai tou te le o mai ma lo outou 6 uso. Ona faapea atu ai lea o Israelu, Se a le mea ua outou agaleaga mai ai ia te au i lo outou ta'u atu i le tagata ua toe lo outou uso?
- 7 Ona latou fai mai ai lea, Na matuā fesili mai le tagata i lo tatou aiga, ua faapea mai, Po ua ola mai ea lo outou tamā? Pe ai se isi o outou uso? Ona matou tala atu ai lea ia te ia e tusa ma ia upu; na matou iloa ea a fai mai o ia, Au mai ia lo 8 outou uso? Ona fai mai ai lea o Iuta ia Israelu lona tamā, Tuu mai ia le tama ia te au, ona matou tulai ai lea ma o, ina ia tatou ola a e le oti, o i matou, ma oe, atoa ma o 9 matou tama iti. E fai a'u mona moni; e te saili mai o ia ia te au; afai ou te le toe au mai o ia ia te oe, ma tuu ia te ia i ou luma, ona ou nofo sala ai lea ia te oe i aso uma 10 lava. Auā ona matou le faatuai, po o pe na, ona aso ia ua matou foi 11 faalua mai ai. Ona fai atu ai lea o Israelu lo latou tamā ia te i latou, Afai lava o lea, ia outou faia lenei mea, ina ave ia ni mea o le fanua e sili ona lelei i a outou ato, ia aveifo ai se mea alofa i le tagata, o sina pulu pasama, ma sina meli, *ma* pulu seturo, ma pulu latano, ma petuni, 12 ma sekati. Ia outou ave lua foi tupe i o outou lima; o tupe foi na toe au mai i gutu o a outou taga, ia toe ave ia i o outou lima; ai lava o 13 le sese. Ave foi lo outou uso, ina tutū ia i luga, ina toe o i le tagata. 14 Ia foaiina foi ia te outou e le Atua e ona le malosi uma lava ona ia alofaina outou e le tagata, ia na tuuna mai foi ia te outou le isi o outou uso atoa ma Peniamina; a o a'u, afai e aveeseina a'u fanau ia te au, ua aveeseina lava.
- 15 Ona ave ai lea e le nuu ia mea alofa, ma tupe ave lua i o latou lima, atoa foi ma Peniamina; ona latou tulai ai lea, ma o ifo i Aikupito, ma latou tutū i luma o Iosefa. 16 Ua iloa e Iosefa o Peniamina ma i latou, ona fai atu ai lea o ia i le na pule i lona aiga, Au mai ia o na tagata i le fale, ma ia fasi *ni manu*,
- ma ia sauni; auā matou te aai mā ia tagata pe a oo i le aoauli. Ona 17 faia foi lea e le tagata faapei ona fai atu ai Iosefa, ua na au mai le nuu i le fale o Iosefa. Ona matatau ai 18 lea o le nuu ina ua aumaia o i latou i le fale o Iosefa, ua faapea, Ai ua aumaia i tatou ona o tupe na toe tuuina i a tatou taga ina ua tatou muai o *mai*, ina ia na oso mai ai ia te i tatou, ma pupue mai ia te i tatou ma a tatou asini, ia fai foi i tatou ma pologa. Ona latou soso 19 atu ai lea i le tagata ua pule i le aiga o Iosefa, ma tautala atu ia te ia i le faitotoa o le fale. Ua latou faapea atu, Le alii e, faafofoga mai ia, na matou muai o mai lava e faatau ni mea e 'ai. Na oo foi i matou i le mea e moe ai, ona matou talai ai lea o a matou taga, faauta foi, taitasi le tagata ma ana tupe i le gutu o lana taga, o a matou tupe atoa lava; ua matou toe aumaia foi i o matou lima. Ua matou aumaia 22 foi isi tupe i o matou lima e faatau ai ni mea e 'ai, *a e* matou te lei iloa po o ai na na tuu a matou tupe i a matou taga. Ona fai mai ai lea 23 o ia, Ia ffilemu outou, aua ne'i fefefe; o lo outou Atua ma le Atua o lo outou tamā ua avane e ia le oloa ia te outou i a outou taga; na ia te au a outou tupe. Ona ia au mai ai lea o Simeona ia te i latou.
- Ona aumaia lea o i latou e le taga 24 gata i le fale o Iosefa, ma ua tuu atu ia te i latou le vai, ona latou mulumulu ai lea o latou vae; ua na fafaga foi a latou asini. Ona latou 25 sauni lea le mea alofa, a o lei sau Iosefa i le aoauli, auā na latou faalogologo o le a latou aai i lea mea. Ua 26 sau Iosefa i le fale, ona latou au mai ai lea ia te ia i le fale le mea alofa nai o latou lima, ma latou ifo toele mai ia te ia. Ua na ofo alofa 27 atu foi ia te i latou, ua fai atu, Po o malolo ea lo outou tamā, le toeaina na outou fai mai ai? po o ola mai pea ia? Ona latou tali mai ai 28 lea, O malolo lau auauna lo matou tamā, o loo ola mai lava ia; ona latou punonou ai lea, ma ifo ia te ia. Ua ia tepa atu, ona iloa ai lea Penia- 29 mina lona uso, le tama a lona tinā; ona fai atu ai lea, O lo outou uso

- aupito itiiti ea lea, na outou fai mai ai ia te au? Ua na fai atu foi, Lo'u atalii e, ia alofa atu le Atua ia te oe.
- 30 Ona faataalise ai lea o Iosefa, auā na mutimutivale lona alofa i lona uso, ua na saili *se mea* e tagi ai, ona ulu atu ai lea o ia i lona afeafe, ua
- 31 tagi ai. Ua mulumulu ona mata, ona alu ane lea o ia, ua oono, ma fai
- 32 atu, Laulau mai ia o mea e 'ai. Ona latou laulau mai ai lea o ana mea, na o ia; a e *laulau* a latou mea, na o i latou; a e *laulau* mea a tagata Aikupito, e na aai ma ia, na o i latou lava; auā e le aai faatasi tagata Aikupito ma tagata Eperu; auā o le mea lea e 'ino'ino ai tagata
- 33 Aikupito. Ua latou nonofo i ona luma, o le ulumatua i le *mea e nofo ai* le ulumatua, ma le uii i le *mea e nofo ai* le uii; ona ofo ai lea o le nuu, *ua fctepai* o le tasi i le tasi.
- 34 Ua ia avatu foi tufaaga ia te i latou i *mea* na i ona luma; a o le tufaaga o Peniamina ua faasili i o latou uma, ua lima. Ua latou feinu, ma ua malilie ai faatasi ma ia.
- O le togafiti a Iosefa e taofi i ona uso, ma le faatoga atu o Iuta ia te ia.*
- 44 UA ia fai atu foi i le na pule i lona aiga, ua faapea atu, Ia faatumu taga a ia tagata i mea e 'ai, ia tungataina i latou; ia tuu foi tupe a le tagata taitasi i le gutu o lana
- 2 taga. Ia tuu foi la'u ipu faaofuofu, le ipu ario, i le gutu o le taga a le aupito itiiti, atoa ma tupe o lana saito. Ona faia lea e ia faapei ona fai atu ai e Iosefa.
- 3 Ua malama ae le taeao, ona aauna atu lea o ia tagata, o i latou
- 4 atoa ma a latou asini. Ua tuanai e i latou le aai, a e lei mamao foi, ona fai atu ai lea o Iosefa i le ua pule i lona aiga, Tuia i luga, tuliloa atu ia i na tagata; pe a e maua atu foi ia te i latou, ia e fai atu i ai, Se a le mea ua outou tau mai ai le lelei i
- 5 le leaga? E le o le mea ea lena e inu ai lo'u alii, ma ua iite ai lava? ua outou agaleaga mai i le mea ua
- 6 outou faia. Na ia maua atu foi ia te i latou, ona fai atu ai lea ia te i
- 7 latou ia lava upu. Ona latou fai mai ai lea ia te ia. Se a ea le mea e faapea mai ai ia upu e le alii? e
- mamao ma au auauna ora latou fai se mea faapena. Faauta ea, o tupe
- 8 na matou maua i gutu o a matou taga na matou toe au mai ia te oe ai le nuu o Kanana; se a le mea a matou gaosi ai ario po o auro i le maota o lou alii? O so *matou o au*
- 9 auauna e maua ai le mea, ia oti lava ia; e fai foi i matou ma pologa *ia te oe* lo matou alii. Ona fai atu ai lea
- 10 o ia, O lena lava, ia faia a outou upu; o le ua i ai le mea ia fai lea mo'u pologa, a e magalo outou. Ona latou taitasi ai lea ma vave tuu
- 11 i lalo lana taga i le eleele, ua taitasi foi ma tatala lana taga. Ona ia
- 12 suesue ai lea, ua amata i le aupito matua, ua oo i le aupito itiiti, ua maua foi le ipu i le taga a Peniamina.
- Ona latou saei ai lea o latou ofu,
- 13 ua taitasi ma faaee le avega i lana asini, ma latou foi atu i le aai. Ua
- 14 o ma Iuta ma ona uso i le fale o Iosefa, auā na i ai pea ia; ona latou faapauu fao mai ai lea i ona luma. Ona fai atu ai lea o Iosefa ia te
- 15 i latou, Se a lenei mea ua outou faia? po ua outou le iloa ea e mafai lava e le tagata faapei o a'u nei ona
- 16 iite? Ona tali mai lea o Iuta, Se a se mea matou te fai atu i lo matou alii? se a sa matou upu? pe faapefea ona matou faatonuina atu o i matou? Ua faaalila e le Atua le
- agasala a au auauna; faauta, o auauna i matou *ia te oe* lo matou alii, o i matou atoa ma le ua maua ua i ai le ipu. Ona fai atu ai lea o
- 17 ia, E mamao ia te au ona ou fai lea mea; o le ua maua ua i ai le ipu, e fai lea ma'u auauna, a o outou, o pea ia outou ma le manuia i lo outou tamā.
- Ona soso mai ai lea o Iuta ia te
- 18 ia, ua faapea mai, Le alii e, tuu mai ia i lau auauna se'i fai atu se upu e faafofoga i ai oe le alii, aua foi ne'i e toatamai ai i lau auauna; auā o oe e faapei o Farao lava. Le alii e,
- 19 na e fesili mai i au auauna, ua faapea mai, Pe ai so outou tamā, po o so outou uso? Ona matou fai atu
- 20 ai lea *ia te oe* lo matou alii, O lo matou tamā lava, o le toeaina, ma le tama na *fanaua* e ia ina ua toeaina, o le tama itiiti; ua oti foi lona

uso, o le toe tama foi ia a lona tinā,
 e faapelepele lava lona tamā ia te
 21 ia. Ona e fetalai mai lea i au au-
 auna, Ia au mai o ia ia te au, ou te
 22 matamata i ai. Ona matou fai atu
 ai lea i lo matou alii, E le mafai ona
 tuua e le tama lona tamā; auā *pe*
 23 *afai* na te tuua lona tamā e oti lava
 lona tamā. Ona e fetalai mai ai lea
 i au auaua, Afai tou te le o mai ma
 lo outou uso aupito itiiti, tatou te
 24 le toe fesilafai. Ua o ae i matou i
 lau auaua o lo matou tamā, ona
 matou ta'u atu ai lea ia te ia le fe-
 25 talaiga a lo matou alii. Ua fai mai
 foi lo matou tamā, Toe o ia e faatau
 26 mai sina mea e 'ai mā tatou. Ona
 matou fai atu ai lea, E le mafai ona
 matou o ifo; a e afai matou te o ma
 lo matou uso aupito itiiti, ona ma-
 tou o ifo ai lea; auā e le mafai ona
 matou iloa o fofoga o le alii pe afai
 e le i ai ia te i matou lo matou uso
 27 aupito itiiti. Ona fai mai ai lea o
 lau auaua, o lo matou tamā, ia te
 i matou, Ua outou iloa na fanau
 mai la'u avā ia te au o *atalii* e toa-
 28 lua. Na alu ese foi le tasi ia te au,
 ona ou faapea ane ai lea, Ai lava ua
 saeia lava ia, ou te lei toe iloa foi ia
 29 talu ai. Afai tou te aveeseina foi
 lenei ia te au, a oo atu i fo i te ia
 se leaga, tou te aveina ifo ai o'u
 lauulu sinā i le tuugamau ma le
 30 faanoanoa. O lenei, pe a a'u alu
 atu i lau auaua o lo'u tamā, a e le
 o ia te i matou le tama, (auā o le
 31 ola o le tama e ola ai o ia,) pe a
 iloa e ia e le o i ai le tama, ona oti
 ai lea; ona aveina ifo ai lea e au
 anauna o lauulu sinā o lau auaua,
 o lo matou tamā, i le tuugamau ma
 32 le faanoanoa. Auā na fai lau au-
 auna ma moni o le tama i lo'u tamā,
 ua faapea atu, Afai ou te le toe
 aumaia o ia ia te oe, ona ou nofo
 sala ai lea i lo'u tamā i aso uma.
 33 O lenei, ou te aioi atu, ia nofo a'u
 o lau auaua e fai ma pologa i lo'u
 alii e sui a'i le tama, a ia alu ae le
 34 tama faatasi ma ona uso; auā ou
 te mafaia faapefea ona alu ae i lo'u
 tamā, a e le o ia te au le tama? ne'i
 ou iloa le leaga e oo i lo'u tamā.

*Ua ta'ut'no atu e Iosefa i ona uso o
 ia o lo latou uso, ma ua aami atu
 lona tamā.*

ONA le mafai ai lea e Iosefa ona **45**
 oono i luma o latou uma na tutū
 mai i ona luma, ona alaga ai lea o
 ia, Ia o ese tagata uma ia te au. E
 lei tu mai foi se tasi ia Iosefa ina
 ua faaali o ia i ona uso. Ua na 2
 tagi foi ma le leo tele; ona lagona
 ai lea e tagata Aikupito, ua lagona
 foi e le aiga o Farao. Ua fai atu 3
 Iosefa i ona uso, O a'u o Iosefa; o
 ola mai pea ea lo'u tamā? Ona le
 mafai ai lea e ona uso ona tali mai
 ia te ia; auā ua matuā atuatuvaile
 i ona luma. Ona fai atu ai lea o 4
 Iosefa i ona uso, Ina soso mai ia ia
 te au. Ona latou soso mai ai lea.
 Ona fai atu ai lea o ia, O a'u o lo
 outou uso o Iosefa, na outou faa- 5
 tau mai i Aikupito. O lenei, aua
 ne'i tiga outou, pe fai ma mea leaga
 i o outou manatu ina ua outou faa-
 tau mai ia te au i le mea nei; auā
 na auina mai a'u e le Atua e mua- 6
 mua ia te outou e fai ma faaola;
 auā o ia tausaga e lua ua i ai le oge
 i le nuu, o loo totoe foi tausaga e
 lima e le i ai se galuega i le suasolo 7
 po o se seleselegāsaito. Na auna
 mai foi a'u e le Atua e muamua ia
 te outou e faasaoina outou i le la-
 lolagi, e faaola foi ia te outou i le
 faaolatara tele. O lenei, e le o 8
 outou na auna mai a'u iinei, a o le
 Atua; ua ia fai foi a'u ma tamā o
 Farao, ma alii i lona aiga uma, ma
 pule i le nuu uma o Aikupito. Ia 9
 outou vave ona o ae i lo'u tamā, ma
 outou fai atu ia te ia, O faapea mai
 lou atalii o Iosefa, Ua fai a'u e le
 Atua ma alii o Aikupito uma; ia e
 sau ia te au, aua e te tuai mai. E 10
 te nofo foi i le nuu o Kosena, e te
 latalata mai ia te au, o oe, ma au
 fanau, ma fanau a au fanau, ma au
 mamoe, ma au povi, ma au mea
 uma; ou te tausī foi ia te oe i lea 11
 mea, auā e toe lima tausaga o le
 oge, ina ne'i faamativaina ai oe, ma
 lou aiga, ma mea uma ua ia te oe.
 Faaata, ua iloa mai o outou mata, 12
 ma mata o lo'u uso o Peniamina, o
 lo'u lava gutu o lē tautala atu nei
 ia te outou. Ia outou ta'u atu foi 13

i lo'u tamā lo'u mamalu uma i Aikupito, ma mea uma ua outou vaai i ai; ia outou faataalise foi ona au mai o lo'u tamā iinei. Ona fusi ai lea o ia ia Peniamina lona uso, ma tagi i lona ua; ua tagi foi Peniamina i lona ua. Ua taufegasogi foi ma ona uso uma, ma tagi ia te i latou. Mulimuli ane ona fetautalatalai lea ona uso ma ia.

16 Ua logoa foi le tala i le maota o Farao, ua faapea, Ua o mai uso o Iosefa; ua fiafia ai Farao ma ana auauna. Ona fetalai mai lea o Farao ia Iosefa, Ia e fai atu i ou uso, Ia outou faia le mea nei; faace mea i a outou manu, ma ia outou o i le nuu o Kanana, ia outou au mai ai lo outou tamā ma o outou aiga, ma ia outou o mai ia te au; ou te avatu ia te outou le lelei o le nuu o Aikupito; tou te aai ai mea e sili ona lelei o i le nuu. A o oe, ua oo ia te oe le poloaiga, ia outou fai le mea nei, ia ave fata faataavalevale ai le nuu o Aikupito mo a outou fanau, ma a outou avā, ma outou au mai lo outou tamā, i le o mai ai.

20 Aua foi ne'i manatua a outou mea; auā e ia te outou le lelei o le nuu uma o Aikupito.

21 Ua faapea ona faia e atalii o Israelu; ua avatu foi e Iosefa o fata faataavalevale ia te i latou, faapei o le fetalai o Farao; na ia avatu foi ia te i latou o oso o le malaga. Na ia avatu foi ia te i latou uma e taitasi ma lona ofu; a o Peniamina, na ia avatu i ai tupe e tolu galau ma ofu e lima. A o lona tamā, ua ia aveina atu i ai nei mea; o asini e sefulu ua ave ai mea lelei a Aikupito, ma asini fafine e sefulu ua ave ai saito, ma areto, atoa ma mea e 'ai mā lona tamā i le malaga.

24 Ona ia aauina atu lea o ona uso, ona latou o ai lea; ua na fai atu foi ia te i latou, Aua ne'i outou femisai i le ala.

25 Ua latou o ae ai Aikupito, ua o mai i le nuu o Kanana ia Iakopo lo latou tamā. Ona latou ta'u atu lea ia te ia, ua faapea atu, O loo ola Iosefa, ua pule foi o ia i le nuu uma o Aikupito. Ona vaivai ai lea o lona loto, auā ua na le talia a latou

27 upu. A ua latou tautala atu ia te

ia i upu uma a Iosefa na ia tautala mai ai ia te i latou; ua ia iloa foi fata faataavalevale na aauina mai e Iosefa e aami ia te ia, ona toe malos i ai lea o le loto o Iakopo lo latou tamā. Ona faapea mai ai lea 28 o Israelu, Soia, o loo ola mai pea lo'u atalii o Iosefa; ou te alu, ma te feiloai ma ia manū ou te lei oti.

Ua alu atu Iakopo ia Iosefa i Aikupito.

ONA alu atu lea o Israelu ma 46 ana mea uma, ua oo atu foi i Peresepa; ua fai ai foi o taulaga i le Atua o lona tamā o Isaako. Ona fetalai mai lea o le Atua ia Israelu i le faaaliga i le po, ua faapea mai, Iakopo, Iakopo e! cna tali mai ai lea o ia, O a'u lenei. Ona fetalai 3 mai lea o ia, O a'u nei o le Atua, o le Atua o lou tamā; aua e te fefe i alu ifo i Aikupito, auā ou te faia ce ma nuu tele. O a'u nei ta te o ifo 4 ma oe i Aikupito, ou te toe avcina ae ai foi ia te oe; e tuu foi e Iosefa ona lima i luga ou mata. Ona tu'ai 5 atu lea o Iakopo i Peresepa, ua avea foi e atalii o Israelu lo latou tamā o Iakopo, ma o latou tama iti, ma a latou avā i fata faataavalevale na aauina mai e Farao e ave ai o ia. Ua latou avea foi a latou manu ma 6 a latou oloa sa maua e i latou i le nuu o Kanana, i loo ua latou oo atu i Aikupito, o Iakopo atoa uma ma ana fanau faatasi ma ia; o ona 7 atalii ma atalii o ona atalii faatasi ma ia, o ona afafine foi atoa ma afafine o ona atalii, ma lana fanau uma lava, ua latou o atu faatasi ma ia i Aikupito.

O igoa nei o atalii o Israelu o e 8 na o atu i Aikupito, o Iakopo ma ona atalii; o le ulumatua a Iakopo o Reupena; o atalii o Reupena; o 9 Enoke, ma Falu, ma E-arona, atoa ma Karame. O atalii foi o Simeona; 10 o Iemuelu, ma Iaminu, ma Oata, ma Iakinu, ma Soaro, atoa ma Saulo, o le tama lea a le fafine Kanana.

O atalii foi o Levi; o Keresoma, 11 o Koato, atoa ma Merari. O atalii 12 foi o Iuta; o Eru, ma Onari, ma Sila, ma Faresa, atoa ma Sera; (a ua oti Eru ma Onari i le nuu o

- Kanana; o atalii o Färesa; o
 13 Esarona ma Hamulu. O atalii o
 Isakara; o Tulaga, ma Pua, ma
 14 Iopu, atoa ma Semarona. O atalii
 foi o Sepulona; o Seretu, ma
 15 Aluna, ma Ialelu. O tama tane
 lava i latou a Lea, na ia fanau ia
 Iakopö i Patanarama, atoa ma lona
 afafine o Tina; o ona atalii atoa ia
 ma ona afafine ua toatolugafulu ma
 le toatolu.
- 16 O atalii o Kato; o Sefiono, ma
 Haki, ma Suni, ma Eseponu, ma
 17 Eri, ma Aroti, atoa ma Areli. O
 atalii foi o Asera; o Iemina, ma
 Iesiva, ma Iesivi, atoa ma Peria, i le
 ma lo latou tuafafine o Sera; o
 atalii foi o Peria; o Kaveru ma
 18 Mekielu. O tama nei a Selepa, o
 le na avatua e Lapana i lona afafine
 o Lea, na ia fanau mai i latou ia
 Iakopo, o tama e toatinoagafulu ma
 le toaono.
- 19 O tama a Rasela, le avā a Iakopo;
 20 o Iosefa ma Peniamina. Na fanau
 foi ia Iosefa i le nuu o Aikupito, o
 e na fanau ia te ia ia Asenati o le
 afafine lea o Potifere le ositaulaga
 21 i Onu; o Manase ma Efaraima. O
 atalii foi o Peniamina; o Pela, ma
 Pekaru, ma Asepelu, o Kira, ma
 Naamanu, o Aki, ma Roso, o
 Mepimu, ma Hupimo, atoa ma
 22 Aratu. O tama tane ia a Rasela
 na ia fanau ia Iakopo, o i latou
 atoa, o tagata e toatinoagafulu ma
 le toafa.
- 23 O le atalii foi o Tanu; o Husimo.
 24 O atalii o Nafatali; o Iasielu, ma
 Kuni, ma Iesaru, atoa ma Selimo.
 25 O tama nei a Pila, o le na avatua e
 Lapana i lona afafine o Rasela, na
 ia fanau mai i latou ia Iakopo, o
 ona atoa ia o tama e toafitu.
- 26 O tagata uma na o mai ma
 Iakopo i Aikupito, e na tutupu mai
 ia te ia, a e le faitaulia avā a atalii
 o Iakopo, o ona atoa o tagata uma
 27 e toaonogafulu ma le toaono. O
 atalii o Iosefa e na fanau ia te ia i
 Aikupito, o tama e toafitu; o tagata
 atoa uma o le aiga o Iakopo e na o
 mai i Aikupito e toafitugafulu lava
 i latou.
- 28 Ua ia auina atu foi Iuta e mua-
 mua atu ia te ia ia Iosefa, ina ia
 faasino e ia ia te ia o Kosenā; ona
- oo atu lea o i latou i le laueleele o
 Kosenā. Ona sauni lea e Iosefa o
 lona nofoa faataavalevale, ua alu ae
 foi i Kosenā ia te fetaiai ai ma
 lona tamā o Isaraelu; ua na iloa
 atu ia te ia, ona fusi ai lea ia te ia,
 ma tagi pea lava i lona ua. Ona
 fai atu lea o Isaraelu ia Iosefa, Ia
 a'u oti nei lava, ina ua ou iloa atu
 ou mata, auā ua e ola pea lava.
 Ona fai atu lea o Iosefa i ona uso
 ma le aiga o lona tamā, Ou te alu
 ae ma ou ta'u atu ia Farao, ou te
 fai atu ia te ia, Ua o mai ia te au
 o'u uso ma le aiga o lo'u tamā o e
 sa i le nuu o Kanana; o leoleo
 mamoe i latou, auā o tagata faga
 manu i latou; ua au mai a latou
 lafu mamoe, ma a latou povi, ma
 mea uma lava o loo ia i latou. A
 aami mai foi Farao ia te outou, ma
 fesili ia te outou, Se a lo outou
 faiva? Ona outou fai atu ai lea,
 O tagata faga manu au auauna talu
 ina o taulelea i matou ua oo mai i
 ona po nei, o i matou atoa ma o
 matou tamā; *tau te faapea atu*, ina
 ia nofo outou i le laueleele o
 Kosenā; auā ua inosia lava e le
 nuu o Aikupito o leoleo mamoe
 uma lava.
- Ua ta'ita'iina e Iosefa lona tamā i
 luma o Farao.*
- ONA alu ane lea o Iosefa ia
 Farao ma na ta'u atu ia te ia, o loo
 faapea atu, Ua o mai mai le nuu o
 Kanana o lo'u tamā, ma o'u uso, ma
 a latou lafu mamoe, ma a latou
 povi, ma mea uma lava o loo ia i
 latou; faauta foi, o loo i le lau-
 eleele o Kosenā i latou. Ua ave foi
 e ia ni ona uso o tagata e toalima,
 ma tuu atu i latou i luma o Farao.
 Ona fai mai lea o Farao i ona uso,
 Se a ea lo outou faiva? Ona tali
 atu lea o i latou ia Farao, O leoleo
 mamoe au nei auauna, o i matou
 nei atoa ma o matou tamā. Ua
 latou fai atu foi ia Farao, Ua matou
 o mai, matou te āumanu i le nuu nei,
 auā ua leai ni mea e faga ai lafu
 mamoe a au auauna, ina ua velavela
 le oge i le nuu o Kanana; o lenei,
 pe te finagalo ia nonofo au auauna
 i le laueleele o Kosenā. Ona fai
 mai lea o Farao ia Iosefa, o loo

- faapea mai, Ua o mai ia te oe lou
6 tamā ma ou uso; o loo i ou luma
lava le laueleele o Aikupito; ia e
tuuina atu lou tamā ma ou uso e
nonofo i le fanua e sili ona lelei; ia
nonofo i latou i le laueleele o
Kosena; afai foi ua e iloa ni o
latou ua malolosi, ia fai i latou ma
7 leoleo sili i a'u manu. Ona au mai
lea e Iosefa o lona tamā o Iakopo,
ma ua tuu atu ia te ia i luma o
Farao; ona faamanuia lea e Iakopo
8 ia Farao. Ona fai mai lea o Farao
ia Iakopo, E fia ea tausaga o lou
9 olaga? Ona fai atu lea o Iakopo
ia Farao, O tausaga ua ou āumau
ai, o tausaga ia e tasi le selau
ma le tolugafulu; ua ititi ma ua
leaga tausaga o lo'u nei olaga, e
lei oo i tausaga o olaga o o'u tamā
i o latou aso na latou āumau ai.
10 Ona faamanuia lea e Iakopo ia
Farao, ona alu ese lea o ia i luma o
11 Farao. Ona tuu atu lea e Iosefa *le
nuu* e mau ai lona tamā ma ona
uso, ma na avatu ai e fai mo latou
i le nuu o Aikupito i le fanua ua
sili ona lelei, o le nuu o Ramese;
12 faapei ona poloai i ai o Farao. Ua
fagaina foi e Iosefa lona tamā, ma
ona uso, ma le aiga atoa uma o lona
tamā i le mea e 'ai ua oo lava i o
latou tama iti.
13 Sa leai foi sina mea e 'ai i le nuu
atoa, auā ua matuā velavela le oge,
ua lailoa foi le nuu o Aikupito ma
14 le nuu o Kanana ona o le oge. Ona
faapotopotoina lea e Iosefa o tupe
uma lava na maua i le nuu o Aiku-
pito ma le nuu o Kanana mo le
saito na faatauina e i latou; ua ave
foi e Iosefa o tupe i le fale o Farao.
15 Ua uma foi tupe i le nuu o Aiku-
pito ma le nuu o Kanana, ona o
ane lea o Aikupito uma ia Iosefa,
ua faapea mai, Ia e au mai ia te i
matou ni mea e 'ai. Ai lava a
matou oti i ou luma, auā ua uma
16 tupe. Ona fai atu lea o Iosefa,
Ina au mai ia a outou manu, ou te
faatauina a outou manu i mea e 'ai
mā outou, pe afai ua uma tupe.
17 Ona latou avane lea a latou manu
ia Iosefa; ona avatu lea e Iosefa ia
te i latou o mea e 'ai e faatau a'i
solofanua, ma lafu mamoe, ma lafu
povi, atoa ma asi; i; na ia fagaina
foi i latou i lea tausaga *o le totogi
lea* o a latou lafu uma. Ua mavae 18
foi lea tausaga, ona o ane lea o i
latou ia te ia i lona lua o tausaga,
ma latou fai mai ia te ia, Matou te
le nanā i lo matou alii, ua uma
tupe; o i lo matou alii foi a matou
lafu manu; ua le toe lava sina mea
ia i matou i luma o lo matou alii,
ua na o matou tino ma o matou
fanua. Ai lava a matou oti i ou 19
luma, o i matou lava, a e *tuufua* lo
matou fanua. Ia e faatauina atu i
matou ma lo matou fanua i mea e
'ai, ona fai lea o i matou ma auaua
a Farao, o i matou ma lo matou
fanua; ma ia e foaiina mai ni mea
e toto ina ia ola i matou, ne'i oti i
matou a e le āina le fanua. Ona 20
faatauina lea e Iosefa le fanua uma
lava o Aikupito mo Farao; auā na
faatauina atu e Aikupito e taitoa-
tasi ma lona fanua; auā sa manu-
malo le oge ia i latou; i le ua avea
le fanua mo Farao. O le nuu foi 21
na aumaia i latou e ia i aai, e gata
mai i le tasi tuaoi o Aikupito e oo
atu lava i *le tasi* tuaoi. Na o fanua 22
o le au ositaulaga, e lei faatauina e
ia; auā sa i ai i ositaulaga o le vaega
o mea e 'ai mai ia Farao; na latou
aai foi i o latou vaega o mea e 'ai
na foaiina atu ia i latou e Farao; o
le mea lea latou te lei faatauina ai
o latou fanua. Ona fai atu lea o 23
Iosefa i le nuu, Faauta, ua ou faa-
tauina mai outou i le asō atoa ma
outou fanua ma Farao; faauta, o le
saito lenei ma outou, tou te luluina
i le fanua. A oo ina tupu, tou te 24
avatua ia Farao o lona vaega e
lima; a o vaega e fa ua totoe e a
outou lava ia, e fai ma saito e lulu
ma mea e 'ai mā outou, atoa ma i
latou ua i o outou aiga, ma mea e
'ai ma a outou fanua. Ona latou 25
tali mai lea, Ua e faaola mai lava ia
te i matou; ia alofagia i matou e lo
matou alii, e fai foi i matou ma
auauna a Farao. Ua fai ai foi lea 26
e Iosefa ma tulafono i le nuu o
Aikupito na oo mai lava i ona po
nei, *ia avatu* ia Farao le vaega e
lima; na o le fanua lava o ositau-
laga ua le faia lea mo Farao. Ona 27
nonofo lea o sa Israelū i le nuu o
Aikupito i le laueleele o Kosena,

- ma latou fai fanua ai; ua uluola
foi i latou, ua faatoateleina lava.
- 28 Sa nofo Iakopo i le nuu o Aiku-
pito i tausaga e sefulu ma le fitu, o
aso foi o ona tausaga uma na ola ai
Iakopo, ua tasi le selau ma le faga-
fulu ma tausaga e fitu. Ua tau
lata mai foi aso e maliu ai Isaraelu,
ona aami lea e ia o lona atalii o
Iosefa, ua faapea atu ia te ia, Afai
ua alofagia a'u e oe, ia e sulu mai
lou lima i lalo o lo'u aloivae, ma ia
e alofa mai, ma faamaoni mai ia
te au, aua lava e te tanu ia te au i
- 29 Aikupito; a ou te taoto faatasi ma
o'u tamā, ia e avae a'u ai Aikupito,
ma e tanu ia te au i lo latou tuuga-
mau. Ona tali mai lea o ia ia te ia,
Ou te faia lava e pei ona e fai mai
- 30 ai. Ona fai atu ai lea o ia, Ia e
tauto mai ia te au; ona tauto ai lea
o ia ia te ia; ona ifo ai lea o
Isaraelu i le ulu o le moega.
- O le faamavae o Iakopo ina o oti.*
- 48 E MULIMULI ane foi i ia mea, ua
tala atu ia Iosefa, Faauta, ua mai
lou tamā; cna ave ai lea e ia ona
atalii e toalua, o Manase ma Efarai-
ma. Ona ta'u atu lea ia Iakopo, o
loo faapea atu, Faauta, o loo sau ia
te oe lou atalii o Iosefa; ona faa-
malosi lea o Isaraelu, ua nofo i luga
i le moega. Ona fai atu lea o Iak-
po ia Iosefa, Na faaali mai ia te au
o le Atua e ona le malosi uma lava
i Lusa i le nuu o Kanana, ma na faa-
manuia mai ia te au. Na ia fetalai
mai ia te au, Faauta, ou te faaulu-
olaina oe, ma ou faatoateleina oe, ou
te faia foi oe ma faapotopotoga o
nuu; ou te avatu foi lenei nuu i lau
fanau pe a mavae atu oe, e fai mo
- 5 latou e faavavau. O lenei foi, o ou
atalii e toalua na fanau ia te oe i le
nuu o Aikupito, a o lei sau o a'u ia
te oe i Aikupito, e o'u lava i laua, o
Efaraima ma Manase, e fai mo a'u
e faapei o Reupena ma Simeona.
- 6 O lau fanau foi e te fanaua e muli-
muli ane ia i laua, e ou i latou, e
ta'ua i latou i le igoa o latou uso i
o la tofi. O a'u foi, na ou sau nai
Patana, ona oti ai lea o Rasela o la-
talata ane ia te au i le nuu o Kanana,
i le a'a ina ua tali oo i Efarata, na
ou tanumia o ia i lea mea i le ala i
- Efarata, o Peteleema lava lea. Ona 8
iloa atu lea e Isaraeltu i atalii o Ic-
sefa, ua faapea ane, O ai ea i laua
nei? Ona tali atu lea o Iosefa i 9
lona tamā, O o'u atalii lava i laua
nei ua foaiina mai ia te au e le Atua
i lenei nuu; ona ia fai atu lea, Ina
au mai ia ia te au, ou te faamanuia
ia te i laua. Sa faasegosego foi 10
mata o Isaraelu, auā ua toeaina, sa
le mailoa lenei; ona ia faalatala-
taina lea o i laua ia te ia, ona tau-
feasogi lea o ia ma i laua, ma na
fusi ia i laua. Cna fai atu lea o 11
Isaraelu ia Iosefa, Fa ita ou te le
toe iloa atu ia te oe, faauta foi ua
faailoa mai e le Atua ia te au au
fanau. Ona aumaia lea e Iosefa o 12
i laua nai le va o ona vae, ua ifo
toele foi o ia. Ona ave lea o i 13
laua e Iosefa, o Efaraima i lona lima
taumatau e feagai ma le lima tau-
agavale o Isaraelu, o Manase foi i
lona lima tauagavale e feagai ma le
lima taumatau o Isaraelu, ona faa-
latalata atu lea o i laua ia te ia.
Ona faaloaloa atu lea e Isaraelu o 14
lona lima taumatau, ma faaee ai i
le ulu o Efaraima, a o le uii lava ia;
a ua faaee lona lima tauagavale i le
ulu o Manase, ua na fai faautauta i
ona lima, auā o Manase o le uluma-
tua lava lea. Cna faamanuia atu 15
lea o ia ia Iosefa ua faapea atu ai,
O le Atua lava o le na savali ai i
ona luma o'u tamā o Aperamo ma
Isaako, o le Atua lava o le na fa-
gaina a'u talu ina fanau o a'u, ua
oo mai lava i le aso nei; o le Age'u 16
lava o le na laveaina mai a'u ai le
leaga uma lava, ia faamanuia atu
lava o ia i tama nei; ia faaigoa foi
i ai i lo'u nei igoa ma igoa o o'u
tamā o Aperamo ma Isaako, ma ia
matuā faatoateleina i laua i le lalo-
lagi. Ua iloa e Iosefa, ua faaee e 17
lona tamā lona lima taumatau i le
ulu o Efaraima, ua leaga lea ia te
ia, ona sii lea e ia i luga le lima o
lona tamā ina ia ave nai le ulu o
Efaraima i luga o le ulu o Manase.
Ua faapea atu foi Iosefa i lona 18
tamā, Lo'u tamā e, aua le faapea,
auā o le ulumatua lenei; se'i faaee
lou lima taumatau i luga i lona ulu.
A ua le mafai lona tamā, ua ia fai 19
mai, Ua ou iloa, lo'u atalii e, ua ou

sacia; o le taeao e 'ai ai e ia le mea ua maua; o le afiasi e vavaeina ai e ia o mea ua faoa.

- 28 O i latou atoa nei, o itu aiga e sefulu ma le lua o Isaraelu; o upu foi ia a lo latou tamā ia i latou, ua ia faamanuia ai foi i latou, e taitoa-tasi ma lona manuia ua ia faamanuia ai i latou. Ua fai atu foi o ia ia te i latou, o loo faapea atu ia te i latou, O le a faaopoopoina atu a'u i lo'u nuu; ia outou tanu lava a'u faatasi ma o'u tamā i le ana o loo i le fanua o Eferona o le sa Heti; o le ana lea o loo i le fanua o Makapelu, o loo i luma o Mamere, i le nuu o Kanana, sa faatauina lea fanua e Aperaamo mai ia Eferona o le sa Heti e fai ma tuugamau. O le mea lea na latou tanumia ai Aperaamo ma lana avā o Sara, o le mea foi lea na latou tanumia ai Isaako ma lana avā o Repeka, o le mea foi lea na ou tanumia ai Lea. O le faatauga o le la fanua atoa ma le ana o loo i ai, mai le fanauga a Heti lea. Ua uma atu foi le mavaega a Iakopo i ona atalii, ona faapupu ae lea ona vae i lona moega, ona to lea o lana mānava, ua faaopoopoina o ia i lona nuu.

Ua tanumia Iakopo. O le mavaega ma le oti o Iosefa.

- 50 ONA faapaū atu lea o Iosefa i fofoga o lona tamā, ua tagi ai i ona luga, ma sogi ia te ia. Ona poloai lea o Iosefa i ana auauna fomai ia latou atualala i lona tamā; ona atualalaina lea o Isaraelu e fomai.
- 3 Ua atoa ona aso e fagafulu, auā o loo faapea ona faaatoa o aso o e ua atualalaina; ua tagi foi Aikupito ia te ia e fitugafulu ona aso. Ua mavae aso na taufaitagi ai, ona fai atu lea o Iosefa i le aiga o Farao, o loo faapea atu, Afai ua outou alofa mai ia te au, ia faapea ona outou fetalai ane ia Farao; Na fai mai lo'u tamā ia te au ou te tauto atu ia te ia, ua faapea mai, Faatau, o a'u nei o le a'u oti; o le tuugamau na ou elia mo'u i le nuu o Kanana, o le mea lava lea e te tanumia ai a'u; o lenei, sei tuu mai ia a ou alu ae e tanu i lo'u tamā, ona ou foi mai lava lea. Ona fai mai lea o Farao,

Ina alu ae ia, ma tanu lou tamā, pei ona e tauto atu ia te ia.

- Ona alu ae lea o Iosefa ina ia tanu lona tamā; na o ae foi faatasi ma ia o auauna uma a Farao, o toeaina o lona aiga, ma toeaina uma lava o le nuu o Aikupito; atoa ma le aiga uma o Iosefa, ma ona uso, ma le aiga o lona tamā, na o tama iti, ma lafu mamoe ma povi, na tuua ia e i latou i le nuu o Kosena. Na o ae foi faatasi ma ia o nofoa faataavalevale ma e tietie i solo-fanua, sa matuā toatele lava. Ua latou oo i le fale e soli ai saito o Atatu, o loo i tala atu i Ioritana; ona latou taufaitagitui ai lea i le tagitui matuā tele lava; ua fai ai le faanoanoa ona o lona tamā e fitu ona aso. Ua iloa foi e na nonofo i le nuu o Kanana le faanoanoa i le fale e soli ai saito o Atatu, ona faapea ane lea o i latou, O le faanoanoa lenei o Aikupito e matuā tele; o le mea lea ua ta'ua ai lea mea Apelamisarima, o loo i tala atu o Ioritana. Ua faia e ona atalii ia te ia, e faapei ona ia fetalai atu ia i latou. Auā ua ave ia e ona atalii i le nuu o Kanana, ma latou tanumia o ia i le ana i le fanua o Makapelu, na faatauina mai e Aperaamo, atoa ma le fanua, e fai ma tuugamau mai ia Eferona o le sa Heti, o loo i luma o Mamere. Ona foi atu lea o Iosefa i Aikupito, o ia, ma ona uso, ma i latou uma o e na o ae ma ia e tanu i lona tamā, ina ua uma ona tanu o lona tamā.

- Ua iloa e uso o Iosefa ua oti lo latou tamā, ona faapea ai lea, Anei e faalotoloto mai Iosefa ia i tatou, ma na matuā tau mai ia te i tatou o mea leaga uma na tatou faia ia te ia. Ona latou avatu lea o le feau ia te ia, ua faapea atu, Na poloai mai lou tamā, ina o lei maliu o ia, ua faapea mai, Ia faapea ona outou fai atu ia Iosefa, Ou te aioi atu ia te oe, ia e faamagaloina le agaleaga a ou uso ma la latou agasala, auā na latou agaleaga atu lava ia te oe; o lenei, matou te aioi atu, ia e faamagaloina le agaleaga a auauna nei a le Atua o lou tamā. Ona tagi lea o Iosefa i a latou upu ia te ia; ua o atu foi ona uso, ma faapauu i ona

- luma, ma fai atu i latou ia te ia, Faauta, o au auauna i matou nei.
- 19 Ona fai mai lea o Iosefa ia te i latou, Aua ne'i outou matatau; pe la o a'u o le sui o le Atua. A o outou, na fai togafiti e outou ia leaga ai a'u; a o le Atua, na finagalo ia ia iu i le lelei, ina ia oo ina faaolaina o le nuu e toatele, pei ona taunuu ai i ona po nei. O lenei, aua ne'i matatau outou; o a'u nei ou te tausi lava ia te outou ma a outou fanau; ona faamatalaloto mai lea o ia ia te i latou, ma tautala lelei mai ia te i latou.
- 22 Sa nofo foi Iosefa i Aikupito, o ia atoa ma le aiga o lona tamā; o le ola o Iosefa ua selau ma le sefulu o tausaga; sa iloa foi e Iosefa le
- fanau a Efaraima ua oo i le tupulaga e tolu; o le fanau foi a Makiro o le atalii lea o Manase na sapaapaia i luga o tulivae o Iosefa. Ona fai atu lea o Iosefa i ona uso, O a'u nei o le a a'u oti; a o le Atua, e asiasi mai lava o ia ia te outou, ma aveina ae outou ai le nuu nei i le nuu na tauto ai o ia ia Aperamo, ma Isaako, atoa ma Iakopo. Ona fai atu ai lea o Iosefa ia tauto mai le fanauga a Isaraelu, ua faapea atu, E asiasi mai lava le Atua ia te outou; tou te avae foi o'u ivi ai le mea nei. Ona oti lea o Iosefa ina ua atoa ona tausaga e selau ma le sefulu; na atualaina foi o ia e i latou, ma tuu i le atolaau i Aikupito.

O LE ESOTO.

O LE

TUSI E LUA A MOSE.

O le faasaua o Farao i tagata o Isaraelu.

- 1 O IGOA nei o atalii o Isaraelu e na o atu i Aikupito faatasi ma Iakopo, e taitasi ma lona aiga na o atu ai; o Reupena, o Simeona, o 2 Levi, ma Iuta, o Isakara, o Sepulona, 3 ma Peniamina, o Tanu, ma Nafatali, 4 o Kato, ma Asera. O tagata uma na fanaua e Iakopo e toafitugafulu i latou, a o Iosefa sa i ai o ia i Aikupito. Ua oti foi Iosefa, ma ona uso uma, atoa ma lea lava tupulaga uma; 5 a ua fanafanau le fanauga a Isaraelu, ua matuā faatoateleina, ua uluola, ma ua faasilisili ona toatele, ua tumu lava le nuu ia te i latou.
- 8 Ona nofo mai lea i le malo o Aikupito o le tupu fou na te lei iloa Iosefa. Ua ia fai atu i lona nuu, Faauta, o le nuu o le fanauga a Isaraelu ua sili ona toatele ma le 9 malosia ia i tatou; ina o mai ia, 10 ina tatou togafiti poto ia i latou, ne'i tupu tele, ona iu ai lea, pe a oo se taua, ina 'au faatasi i latou ma e 'ino'ino mai ia i tatou, ma latou tau mai ia i tatou, ma o ese i le nuu nei. Ona latou tofia ai lea o e pule i galuega ia te i latou, ina ia latou faatiga ia te i latou i a latou avega mamafa; ua latou faia foi mo Farao o aai e tuu ai oloa, o Pitoma ma Ramese. Ua latou faatiga ia i latou, ua atili ai ona faatoateleina, ua atili ai foi ona tutupu; ua atuatuvaile i latou i le fanauga a Isaraelu. Ua faapologaina e Aikupito le fanauga a Isaraelu i le faasaua. Ua latou faafiufu foi ia i latou i le galuega mamafa, i le omea, ma maaomea, ma galuega uma i fanua; o a latou galuega uma lava na latou faapologaina ai i latou, ua faia ma le faasaua.
- Ua fai atu foi le tupu o Aikupito i e na faatosaga i fanauga o fafine

Eperu, o le igoa o le tasi o Sepela,
 16 o le igoa foi o le tasi o Pu'a, ua
 faapea atu, Pe a oulua faatosaga i
 fanauga o fafine Eperu, a oo ina a
 fanau, afai o se tama ia fasioti ia te
 17 ia, a e afai o se teine ia ola ia. A
 ua matatau i le Atua e na faatosaga
 i fanauga, e lei faia foi le mea na
 fai atu ai le tupu o Aikupito ia te i
 laua, a ua la faaola lava i tama tane.
 18 Ona aami atu lea e le tupu o Aiku-
 pito e na faatosaga i fanauga, ma
 fai atu ia te i laua, Se a ea le mea
 ua oulua fai ai lenei mea ina ua lua
 19 faaolaina o tama tane? Ona fai
 mai lea e na faatosaga i fanauga ia
 Farao, Auā e le pei o fafine o Aiku-
 pito o fafine Eperu; auā e malolosi
 lava i latou, ua uma ona latou fanau
 mai, a o lei oo atu ai lava lē faa-
 20 tosaga i fanauga. Ua agalelei le
 Atua i e na faatosaga i fanauga;
 ua faatoateleina le nuu, ua malolosi
 21 lava i latou. Ua matatau i le Atua
 e na faatosaga i fanauga, o le mea
 22 lea na ia fai ai aiga mo i laua. Ua
 fai atu foi Farao i lona nuu uma
 lava, o loo faapea atu, O tama uma
 lava e fanau mai ia outou lafo i le
 vaitafe, a o teine uma lava ia outou
 faaolaina.

*Ua fanau mai Mose; ua faasaoina
 e le afafine o Farao.*

2 UA alu ane foi le tasi tagata o le
 aiga o Levi ua fai *avā* i le afafine o
 2 Levi. Ona to lea o le fafine, ua
 fanau mai le tama tane; ua ia iloa
 o ia ua lalelei, ona ia nā lava lea ia
 3 te ia i masina e tolu. Ua le toe
 mafai ona nā ia te ia, ona ia ave lea
 mo ia o le ato kome, na ia puluti ai
 i le *pulu* emeri, ma le *pulu* safeta;
 na ia tuu ai le tama, ona tuuina ai
 lea i le vao utuutu i le auvai o le
 4 vaitafe. A ua tu mamao atu lona
 tuafafine ina ia iloa pe iu ina faape-
 5 fea o ia. Ona alu ifo lea o le afafine
 o Farao e taele i le vaitafe, o sava-
 vali ane foi lona galu teine i le
 auvai o le vaitafe; ua iloa atu e ia
 le ato o loo i le vao utuutu, ona au
 6 te aumaia. Ua ia tatalaina, ua iloa
 ai le tama, faauta foi, ua tagi le
 tama; ona alofa lea i ai, ua faapea
 ane, O so le fanau a sa Eperū lenei.

Ona fai mai lea a lona tuafafine i le 7
 afafine o Farao, Ou te alu ea e aami
 se fafine failele o sa Eperū e sau ia
 te oe, na te tausia le tama ma oe?
 Ua fai atu le afafine o Farao ia te 8
 ia, Ina alu ia; i le ua alu ane le
 teine ma valaau i le tinā o le tama.
 Ona fai atu lea o le afafine o Farao 9
 ia te ia, Ia e ave lenei tama ma
 tausii i ai ma a'u, ou te avatu ai foi
 ia te oe le tofogi; ona ave lea o le
 tama e le fafine, ma na tausia. Ua 10
 matua le tama, ona ia avatu lea i le
 afafine o Farao, i le ua fai ai mana
 tama; ua ia faaigoa ia te ia, O
 Mose, o loo faapea ana, Auā na ou
 toina ae o ia nai le vai.

Ua oo i ona po na matua ai Mose, 11
 ona alu atu lea o ia i ona uso, ua na
 vaai atu foi i a latou avega mamafa;
 ua ia iloa foi le tagata Aikupito ua
 fasi le tagata sa Eperū o so lona ua
 uso. Ua ia fevaavaai i lea itu ma 12
 lea itu, ua iloa e ia e lei se tagata,
 ona fasi lea e ia le Aikupito, ma ua
 natia i le oneone. Ona alu atu lea 13
 o ia i le aso a taeao, faauta, o tagata
 sa Eperū e toalua o loo femisai;
 ona fai atu lea o ia i le ua sese, Se
 a ea le mea e te fasi ai i le lua te
 toalua? Ona fai mai lea o ia, O ai 14
 ea na tofia mai oe e fai ma alii ma
 faamasino ia te i matou? Ua e
 manatu ea e fasioti ia te au faapei
 ona e fasiotia le Aikupito? Ona
 fefe ai lea o Mose, ua faapea ana,
 E moni lava ua iloa lea mea. Ua 15
 faalogoa Farao i lena mea, ona fia
 fasioti lea o ia ia Mose; ona sola ese
 lea o Mose ia Farao, ua nofo i le
 nuu o Mitiana; ua ia nofo foi i luga
 o le vaieli. Sa i le ositaulaga i 16
 Mitiana o afafine e toafitu; na latou
 o e utu ai vai, ua faatutumuina foi
 o mea e inu ai e faainu ai le lafu
 mamoe o lo latou tamā; A ua o mai 17
 leoleo mamoe, ma tutuli ia te i
 latou; ona tulai lea o Mose, ma
 laveai ia te i latou, ma faainu lo
 latou lafu mamoe. Ua latou o atu 18
 i lo latou tamā o Reuelu, ona fai
 mai lea o ia, Se a ea le mea ua
 outou vave mai ai i lenei aso? Ona 19
 latou fai atu lea, O le tagata Aiku-
 pito na laveai mai ia i matou i lima
 o leoleo mamoe, ma na utu mai le
 vai mā matou, ma na faainu le lafu

- 20 mamoe. Ona fai mai lea o ia i ona afafine, Po o fea o i ai o ia? Se a le mea ua outou tuuna ai le tagata? Ina valaau lava ia te ia, ina ia 'ai
- 21 sina ana mea. Ua lelei foi ia Mose la te nonofo ma lea tagata; ua ia avatu foi lona afafine o Sepora ia
- 22 Mose e fai mana avā. Ua ia fanauina ai le tama tane; ua faaigoā e Mose ia te ia, o Keresoma, auā sa faapea ana, Ua ou āumau i le nuu ese.
- 23 Ua mavae atu ia aso e tele, ona oti lea o le tupu o Aikupito; a ua mapuitiga le fanauga a Isaraelu ona o le galuega; ua alalaga foi, ua oo ae lava i le Atua lo latou alaga ona
- 24 o la latou galuega Ua faafofoga foi le Atua i lo latou feoi, ua manatua foi e le Atua lana feaga'iga na na faia ma Aperamo, ma Isaako, atoa ma Iakopo. Ua silasila mai foi le Atua i le fanauga a Isaraelu, ma ua silafia i latou e le Atua.

Ua auina atu Mose e le Atua na te faaolaina Isaraelu.

- 3 SA leoleo Mose i le lafu mamoe o le tamā o lana avā, o Ietero le ositaulaga i Mitiana; ua ia ta'ita'ina ane le lafu mamoe i ona tala atu o le vao, ua oo lava i le mauga
- 2 o le Atua, o Horepa. Ua faaali mai ai ia te ia le agelu a Ieova i le afi mumū i totonu o le laau talatala; ona vaai atu lea o ia, faauta, o loo mu lava le laau talatala i le afi, a e lei faaumatia le laau talatala. Ona faapea lea o Mose, Ou te afe atu, ma a'u maimoa i lenei mea ou te vaai ua ese lava, pe faapefea ona le susunuina o le laau talatala. Ua silafia e Ieova ua afe ane ia e maimoa, ona valaau mai lea o le Atua ia te ia nai totonu o le laau talatala, ua fetalai mai, Mose, Mose e! Ona fai atu lea o ia, O a'u lenei.
- 5 Ona fetalai mai lea, Aua e te faalatalata mai iinei; ina to ese ia ou seevae i ou vae, auā ua sa lava le
- 6 eleele o loo e tu ai nei. Ua ia faapea mai foi, O a'u o le Atua o lou tamā, o le Atua o Aperamo, o le Atua o Isaako, o le Atua foi o Iakopo. Ona ufitia lea e Mose o ona mata, auā ua fefe i vaai atu i le
- 7 Atua. Ona fetalai mai lea o Ieova,

Ua ou matuā vaai atu i le puapuaga o o'u nuu o loo i Aikupito, ua ou faalogoa foi i lo latou alaga ona o e pule faasaua ia i latou, ua ou iloa foi lo latou tiga. O lenei, ua ou 8 alu ifo, ou te laveai mai ia te i latou ai lima o Aikupito, ma ou aveina ae i latou ai lea nuu i le nuu lelei ma le lautele, o le nuu o tafe ai le suā-susu ma le meli, o le mea e i ai sa Kananā, ma sa Heti, ma sa Amori, ma sa Perisē, ma sa Hivī, atoa ma sa Iepusē. O lenei, faauta, ua oo 9 mai ia te au le alaga o le fanauga a Isaraelu, ua ou vaai atu lava i le sauaga o loo faasaua ai Aikupito ia te i latou. O lenei, ina sau ia, ou 10 te auina atu oe ia Farao, ina ia e au mai lo'u nuu o le fanauga a Isaraelu mai Aikupito. Ona fai atu lea o 11 Mose i le Atua, O ai ea a'u nei, ou te alu atu ai ia Farao, ma a'u aumaia le fanauga a Isaraelu mai Aikupito? Ona fetalai mai lea o ia, Ou te ia te 12 oe lava; o lenei foi le faailoga ia te oe ua ou auina atu oe, pe a e au mai le nuu mai Aikupito, tou te auauna ai i le Atua i lenei manga. Ua fai atu Mose i le Atua, Faauta, 13 pe a a'u alu i le fanauga a Isaraelu, ma a'u fai atu ia i latou, Ua auina mai a'u ia te outou e le Atua o outou tamā; ona latou fai mai lea ia te au, O ai ea lona suafa? Se a ea sa'u e fai atu ai ia te i latou? Ona fetalai mai lea o le Atua ia 14 Mose, o a'u o LĒ OLA, o loo OLA LAVA; ua ia fetalai mai foi, E te fai atu i le fanauga a Isaraelu, ia faapea o a'u o LĒ OLA, o ia na auina mai a'u ia te outou. Ua toe fetalai mai 15 foi le Atua ia Mose, Ia faapea ona e fai atu i le fanauga a Isaraelu, Ua auira mai a'u ia te outou e Ieova, le Atua o outou tamā, o le Atua o Aperamo, o le Atua o Isaako, o le Atua foi o Iakopo, o lo'u igoā lena e faavavau, o la'u faamanatuga lena i lea tupulaga ma lea tupulaga. Alu ia, ma e faapotopoto i toeaia 16 o Isaraelu, ma fai atu ia te i latou, Ua faaali mai ia te au o Ieova, le Atua o outou tamā, o le Atua o Aperamo, ma Isaako, ma Iakopo, o loo faapea mai, Ua ou matuā asiiasi atu lava ia te outou, atoa ma le mea ua faia ia te outou i Aiku-

- 17 pito. Ua ou faapea, Ou te aveina
ae outou ai le puapuaga o i Aikupito
e o atu i le nuu o sa Kananā, ma sa
Hetī, ma sa Amorī, ma sa Perisē,
ma sa Hivī, ma sa Iepusē, o le nuu
o loo tafe ai le suāsusu ma le meli.
- 18 E faalogo lava i latou i lau upu ;
tou te o foi, o oe ma toaina o
Israelu i le tupu o Aikupito, tou
te fai atu foi ia te ia, Ua fetaiiai ma
i matou o Ieova, o le Atua o sa
Eperū ; o lenei, se'i e tuu mai matou
te o malaga e tolu ona aso i le vao,
matou te fai ai taulaga ia Ieova lo
matou Atua. A ua ou iloa lava e
le tuuina mai outou e le tupu o
Aikupito ina ia o, se'i iloga o le
20 lima malosī ; a ou te faaoo atu lo'u
lima ma ou taia Aikupito i o'u
vavega uma lava ou te faia i ai ;
mulimuli ane na te tuuina atu outou
21 e o. Ou te faatupuina foi le alofa o
Aikupito i lenei nuu, a oo ina outou
22 o, tou te le o fua, e a taitasi le
fafine ma ole atu i le o tuaoi ma ia,
ma le o nofo i lona fale, i mea ario,
ma mea auro, ma ofu, tou te faaofu
a'i i o outou atalii ma outou afafine,
tou te faamativaina ai Aikupito.

*Ua tofia Arona e fesoasoani ia Mose,
Ua alu Mose i Aikupito.*

- 4 ONA tali atu lea o Mose, ua
faapea atu, Faauta, latou te le talia
mai a'u, latou te le faalogo mai foi
i la'u upu, auā o le a fai mai i latou,
- 2 E lei faaali mai Ieova ia te oe. Ona
fetalai mai lea o Ieova ia te ia, Pe
se a lena mea i lou lima? Ua fai
3 atu ia, O le tootoo. Ua ia fetalai
mai, Ina lafo ia i le eleele ; ona lafo
lea e ia i le eleele, ua liu gata ; ona
4 sola ese ai lea o Mose. Ona fetalai
mai lea o Ieova ia Mose, Ina aapa
atu ia o lou lima, ma tago i lona iu.
Ona aapa atu ai lea o lona lima, ua
pue atu ai, ona liu tootoo lea i lona
5 lima ; ina ia latou talia mai ai, na
faali ia te oe o Ieova le Atua o
latou tamā, o le Atua o Aperaaamo,
o le Atua o Isaako, o le Atua foi o
Iakopo.
- 6 Ua toe fetalai mai Ieova ia te ia,
Ia e tuu lou lima i lou fatafata ; ona
tuu ai lea o lona lima i lona fata-
fata ; ona to mai ai lea, faauta, o
lona lima ua lepela e pei o le kiona.
- Ua fetalai mai o ia, a toe tuu
ia lou lima i lou fatafata ; ua toe
tuu lona lima i lona fatafata, ona
toe to mai lea nai lona fatafata,
faauta foi, ua toe liliu, ua tusa ma
lona lava tino. Afai foi latou te
le talia mai oe, ma lē faalogo i le
leo o le uluai faailoga, latou te talia
lava le leo o le faailoga mulimuli.
Pe afai foi latou te le talia o nei
faailoga e lua, e le faalogo mai foi
i lau upu, ona e asu ai lea sina vai
nai le vaitafe, ma sasaa i le eleele
matutu, ona liu toto ai lea i le
eleele matutu, o le vai e te asuina
mai le vaitafe. Ona fai atu lea o
Mose ia Ieova, A ē alofa, le Alii e,
o a'u o le tagata e le iloa fai lauga,
talu anamua, ma ona po nei ua e
fetalai mai ai i lau auaua ; ua le
matala lo'u gutu, ua le matala foi
lo'u laulaufaiva. Ona fetalai mai
lea o Ieova ia te ia, O ai ea na na
faia le gutu o le tagata, po o ai na
te faia le gūgū, po o le tutuli, po o
le vaai, po o le tauaso? E le o a'u
ea o Ieova? O lenei, alu ia oe ; o
a'u foi ou te faatasi ma lou gutu, ou
te a'oa'o atu foi ia te oe i upu e te
tautala atu ai. A ua fai atu o ia,
A ē alofa, le Alii e, ia e auina atu
se tasi e tatau ora e auina atu ai.
Ona tele lea o le toasa o Ieova ia
Mose, ua fetalai mai, E le o lou uso
ea o Arona o le sa Levī? ua ou
iloa e fai lauga lelei lava ia ; faauta
foi, o loo sau o ia e faafetaiai ia te
oe ; a iloa mai foi oe, ona fiafia ai
lea o lona loto. E te tautala atu
lava ia te ia, ma tuu atu ai ia upu i
lona gutu ; ou te faatasi foi ma lou
gutu atoa ma lona gutu, ou te a'oa'o
foi ia te oulua i mea lua te faia. E
tautala atu ia mo oe i le nuu, e fai
foi o ia ma gutu mo oe, e fai foi
oe ma Atua mo ia. O lena tootoo
foi e te ave i lou lima, e te fai ai
faailoga.
- Ona alu lea o Mose, ua foi atu i
le tamā o lana avā, o Ietero, na ia
fai atu ia te ia, Se'i ou alu, ou te foi
atu i o'u uso o i Aikupito, ia ou iloa
pe ola mai i latou. Ona fai mai lea
o Ietero ia Mose, Ina alu ia oe ma
le manuia.
- Ona fetalai mai lea o Ieova ia
Mose i Mitiana, Ina alu ia, ia e foi

- 20 atu i Aikupito, auā ua oti tagata uma e na fa fasioti ia te oe. Ona ave lea e Mose o lana avā ma ona atalii, na ia faatietie i latou i luga o le asini, ua foi atu i le nuu o Aikupito; ua ave foi e Mose le tootoo o le Atua i lona lima. Ua fetalai mai foi Ieova ia Mose, Pe a e alu e foi atu i Aikupito, ia e faautauta i vavega uma lava ua ou tuuina atu ia te oe, ma ia e faia lava i luma o Farao; a o a'u, ou te faamaaa i lona loto, e le tuuina mai e ia le nuu e
- 21 O. E te fai atu foi ia Farao, O loo faapea ona fetalai mai Ieova, O lo'u atalii Isaraelu, o la'u ulumatua; ou te fai atu ia te oe, ia e tuu mai lo'u atalii ia auauna mai o ia ia te au; a ē le mafai ona tuu mai, faauta, o a'u nei ou te fasiotia lou atalii, o lau lava ulumatua. Sai le ala o ia, ona fetalaia lea o Ieova ma ia, ina o i le mea e moe ai, ua fia fasioti ia te ia. Ona tago lea e Sepora i le fatu, ua tipi ese ai le pa'u o le tino o lana tama, ua lafo atu i ona vae, ua faapea atu E moni, o le tane toto lima lava oe ia te au.
- 22 Ona tuu atu lea o ia ia te ia; ona faapea atu ai lea o le *fafine*, O le tane toto lima lava *oe*, ona o le peritomega.
- 23 Ua fetalai mai Ieova ia Arona, Ina alu ia oe, lua te fetalaia ma Mose i le vao. Ona alu lea o ia, ua la fetalaia ma ia i le mauga o le Atua, ona lafeasogi ai lea ma ia. Ona ta'u atu lea e Mose ia Arona upu uma lava a Ieova o le na auina mai o ia, atoa ma faailoga uma lava na ia fetalai mai ai ia te ia. Ona o lea o Mose ma Arona, ua la faapotopotoina tocaina uma lava o le fanauga a Isaraelu. Ona talatala atu lea o Arona i upu uma lava na fetalai mai ai Ieova ia Mose, ua ia faia foi faailoga i luma o le nuu. Ona talia lea e le nuu, ina ua latou faalologo ua asiasi mai Ieova i le fanauga a Isaraelu, ua na silasila mai foi i lo latou puapuaga; ona latou punonou lea ma ifo.
- E lei mafai e Farao ona tuuina o Isaraelu ia o.*
- 5 MULIMULI ane i le o atu ai Mose ma Arona, ua la fai atu ia Farao, O loo faapea ona fetalai mai o Ieova le Atua o Isaraelu, Ia e tuuina mai lo'u nuu ia latou fai se tausamiga ia te au i le vao. Ua tali mai Farao, O ai ea Ieova ou te faalogo ai i lana upu, ma ou tuuina atu ai o Isaraelu e o? Ou te lei iloa Ieova, ou te le tuuina atu foi Isaraelu e o. Ona la fai atu lea, Na fetalaia ma i maua le Atua o sa Eperū; sei e tuu mai, matou te o malaga i ni aso e tolu i le vao, matou te fai ai taulaga ia Ieova lo matou Atua, nei taia mai i matou e ia i le faamai po o le pelu. Ua fai mai le tupu o Aikupito ia te i lana, Ouluā na, o Mose ma Arona, se a ea le mea lua te faamānava ai le nuu i a latou galuega? Ina o ia i a outou avega. Ua fai mai foi Farao, Faauta, o lenoi, e toatele lava le nuu; a ua oulua faamānava ia te i latou i a latou avega. Ua fai atu foi Farao i lea lava aso i e na pule i galuega a le nuu ma o latou matai, ua ia faapea atu, Aua nei outou toe avatu 'au o saito i le nuu e fai ai' maaomea faapei o anamua; a ia latou o ma faaputu 'au o saito mo i latou; a o le atoa o maaomea na latou faia anamua, ia totogi atu pea ia te i latou, aua lava le faaitiitia; auā ua paie i latou, o le mea lea o tagi mai ai i latou, ua faapea mai, Sei matou o, matou te fai taulaga i lo matou Atua; ia mamafale galuega i tagata na, ma ia latou faia lava; aua foi nei latou faalogo i upu pepelo. Ona o aue lea o e na pule i galuega a le nuu, ma o latou matai, ua latou fai atu i le nuu, ua faapea, O loo faapea ona fetalai mai o Farao, Ou te le avatu ia te outou ni 'au o saito. Ina o ia outou, ina saili 'au o saito i se mea tou te maua mai ai, auā e le faaitiitia lava la outou galuega. Ona taapeape lea o le nuu i le lauleele uma o Aikupito e faaputu ai tagutugutu o saito e fai ma 'au o saito. Ua nanati atu foi e na pule i le galuega, ua faapea atu, Ina faatoa ia a outou galuega, o le aso ma lana galuega, faapei ona outou faia a o i ai 'au o saito. Ona sasaina lea o matai o le fanauga a Isaraelu, sa tofia e pule ia i latou e i latou e na pule mai ia Farao, o loo faapea ane,

Se a ea le mea na outou le faaatoa ai i le asō ma ananafi le *galuega* i maaomea na tofia ia te outou, pei o 15
 15 aso anamua? Ona o atu lea o matai o le fanauga a Isaraelu, ua tagi atu ia Farao, o loo faapea, Se a le mea e te faapea ai ona fai i au auauna? 16
 16 E lei au mai ni 'au o saito i au auauna, a e fai mai i latou ia te i matou, Ina faia o maaomea; faauta foi, ua sasaina au auauna, a o i lou 17
 17 lava nuu le sese. A ua fai mai o ia, Ua paie, ua paie lava outou, o le mea lea tou te fai mai ai, Se'i matou o, 18
 18 matou te fai taulaga ia Ieova. O lenei, o ia outou, ina galulue, e le avatu ni 'au o saito ia te outou, a e 19
 19 tou te au mai pea le atoa o maaomea. Ona iloa lea e matai o le fanauga a Isaraelu ua pagatia i latou, ina ua fai mai, Aua tou te 20
 20 faaititia lava maaomea i lea aso ma lea aso. Ua latou fetaiai ma Mose ma Arona, o tutū mai i laua i le ala, 21
 21 ina ua latou o i fafo na ia Farao. Ona latou fai atu lea ia te i laua, Ia sisila mai Ieova ia te oulua, ma faa- 22
 22 masino mai, auā o oulua ua inosia ai i matou i luma o Farao ma ana auauna, e tuu ai le pelu i o latou 23
 23 lima e fafasi a'i i matou. Ona foi atu lea o Mose ia Ieova, ma fai atu, Le Alii e, se a le mea ua e agaleaga ai i lenei nuu? Se a foi le mea na e auina atu ai a'u? Auā talu ina ou alu atu ia Farao e tautala atu ai i lou suafa, ua agaleaga mai lava o ia i lenei nuu; e te lei laveai lava i lou nuu.

Ua toe osi le feagaiga a le Atua ma Isaraelu.

6 ONA fetalai mai lea a Ieova ia Mose, O le a ē iloa le mea ou te faia ia Farao; auā o le lima malosi na te tuuina atu ai i latou e o, o le lima malosi foi na te tuli ai ia te i 2
 2 latou ai lona nuu. Ua fetalai mai foi le Atua ia Mose, o loo faapea 3
 3 mai ia te ia, O a'u nei o Ieova; na iloa a'u e Aperaaamo, ma Isaako, ma Iakopo i *lō'u igoa* o le Atua e ona le malosi uma lava; a e peitai o lō'u igoa o IEOVA, na lei iloa ai a'u e i 4
 4 latou. Ua ou faatumauiina foi la'u feagaiga ma i latou, e avatu ia te i latou le nuu o Kanana, o le nuu sa

latou faatagataese ai, sa latou āu- 5
 mau ai. O a'u foi na ou faalogo i le feoi o le fanauga a Isaraelu, o e ua faapologaina e Aikupito, ua ou manatua foi la'u feagaiga. O lenei, 6
 6 fai atu i le fanauga a Isaraelu, O a'u o Ieova, ou te aumaia outou i lalo o avega mamafa a Aikupito; ou te laveai mai foi ia te outou ai a latou galuega, ou te faaolaina mai foi outou i le lima faaloaloa ma sala tetele. Ou te faia outou mo'u nuu, 7
 7 e fai foi a'u mo outou Atua; tou te iloa foi o a'u lava o Ieova, o lo outou Atua, o le aumaia outou i lalo o avega mamafa a Aikupito. 8
 8 Ou te faaoina atu foi outou i le nuu na ou siitia ai lo'u lima, ou te avatu ia Aperaaamo, ma Isaako, ma Iakopo, ou te avatu ai ia te outou ma tofi; o a'u nei o Ieova.

Ua faapea lava ona tautala atu 9
 Mose i le fanauga a Isaraelu, a e lei faalogo i latou ia Mose ona o lo latou loto tiga ma le galuega mamafa. Ua fetalai mai foi Ieova ia 10
 10 Mose, o loo faapea mai. Alu ia, 11
 11 atu ia Farao le tupu o Aikupito, ia tuu mai e ia o le fanauga a Isaraelu e o ese i lona nuu. A ua fai atu 12
 12 Mose i luma o Ieova, ua faapea atu, Silasila mai ia, e lei faalogo mai ia te au le fanauga a Isaraelu, pe faapefea ona faalogo mai o Farao ia te au, o a'u foi ua le matala la'u gaga- 13
 13 gana? Ua fetalai mai foi Ieova ia Mose ma Arona, ma aauina atu i laua i le fanauga a Isaraelu atoa ma Farao le tupu o Aikupito, ina ia la aumaia le fanauga a Isaraelu mai le nuu o Aikupito.

O tupuga nei o aiga o latou tamā. 14
 O atalii nei o Reupena, o le ulu- matua lea a Isaraelu; o Enoka, ma Falu, ma Esarona, ma Karame; o aiga ia o Reupena. O atalii nei o 15
 15 Simeona; o Iemuelu, ma Iaminu, ma Oata, ma Iakinu, ma Soaro, ma Saulo, o le tama lea a le fafine Kanana; o aiga ia o Simeona.

O igoa nei o atalii o Levi i o latou 16
 16 tupulaga; o Keresoma, ma Koato, ma Merari. O tausaga foi na ola ai Levi, e tasi le selau ma le toluga- fulu ma le fitu. O atalii nei o Kere- 17
 17 soma i o la aiga; o Lepeni ma Semi. O atalii foi nei o Koato; o Ama- 18

ramo, ma Isara, ma Heperona, ma Usialu. O tausaga foi na ola ai Koato, e tasi le selau e tolugafulu ma le tolu. O atalii foi nei o Merari; o Maali ma Muse; o ilatou nei o aiga o Levi i o latou lava tupulaga. Ua fai avā foi Amaramo ia Iokapeta, o le tuafafine lea o lona tamā; na ia fanau mai foi ia te ia o Arona ma Mose. O tausaga foi ia na ola ai Amaramo, e tasi le selau e tolugafulu ma le fitu.

O atalii foi nei o Isara; o Koru, ma Nefeku, ma Sekari. O atalii foi nei o Usialu; o Mesalu, ma Elisafano, ma Seteri. Ua fai avā Arona ia Elisapeta, o le afafine o Aminatapu, o le tuafafine o Naasona; na ia fanau mai ai foi ia te ia o Natapu, ma Aviu, o Eleasaro, ma Itamaro.

O atalii nei o Koru; o Asiro, ma Elekana, ma Aviasafo; o aiga ia o sa Korū. Ua fai avā foi Eleasaro le atalii o Arona i le tasi afafine o Potialu; na ia fanau mai foi ia te ia o Fineaso. O tupuga nei o tamā o sa Levī i o latou aiga. O Arona ma Mose ia na fetalai mai i ai Ieova, la te aumaia le fanauga a Isaraelu nai le nuu o Aikupito i a latou lava 'au.

O i laua nei na fai atu ia Farao le tupu o Aikupito, la te aumaia le fanauga a Isaraelu nai Aikupito; o Mose lenei ma Arona.

Ua oo i le aso na fetalai mai ai Ieova ia Mose i le nuu o Aikupito; ua fetalai mai ai Ieova ia Mose, o faapea mai, O a'u nei o Ieova; fai atu ia i le tupu o Aikupito o Farao, o mea uma lava ou te fai atu ai ia te oe. Na fai atu foi Mose i luma o Ieova, Silasila mai, o a'u e le matala la'u gagana; pe faapefea ea ona faalogo mai o Farao ia te au?

O vavega na faia i le tootoo ma le vaitafe.

UA fetalai mai Ieova ia Mose, faauta mai, ua ou tofia oe e fai ma Atua ia Farao, o lou uso foi o Arona, e fai o ia ma perofeta ia te oe. E te fai atu mea uma lava ou te fai atu ai ia te oe; e tautala atu foi lou uso o Arona ia Farao, ina ia tuu atu e ia o le fanauga a Isaraelu e o ese i lona nuu. O a'u foi ou te faamaaa i le loto o Farao, ou te

faatele foi o'u faailoga ma o'u vavega i le nuu o Aikupito; a e le faalogo mai Farao ia te oulua; ona ou faaoo lea o lo'u lima i Aikupito, ou te aumaia foi o a'u 'au, o lo'u nuu lava o le fanauga a Isaraelu, mai le nuu o Aikupito i sala tetele. E iloa foi e Aikupito, o a'u lava o Ieova, pe a ou faaloaloa lo'u lima i luga o Aikupito; ou te aumaia foi le fanauga a Isaraelu ai totonu ia i latou. Ona faia lea e Mose ma Arona e pei ona fetalai mai ai o Ieova ia te i laua, sa faapea lava ona fai e i laua. O tausaga o Mose ua valugafulu; o tausaga foi o Arona ua valugafulu ma le tolu, ina ua tautala atu i laua ia Farao. Ua fetalai mai foi Ieova ia Mose ma Arona, ua faapea mai, A fai mai Farao ia te oulua, ua faapea mai, Ina faia se vavega e oulua; ona e fai atu lea ia Arona, Tago ia i lou tootoo, ma lafo i luma o Farao, ona liu gata ai lea. Ona o atu lea o Mose ma Arona ia Farao, ua la faia faapei ona fetalai mai ai o Ieova; ua lafo e Arona lona tootoo i luma o Farao ma ana auaua, ona liu gata ai lea. Ona valaau atu lea e Farao i le au popoto ma taulaitu; ua faapea foi ona fai e taulaitu a Aikupito i a latou togafiti faataulaitu. Auā ua latou taitasi ma lafo lona tootoo, ona liu gata ai lea; a ua folo o latou tootoo e le tootoo o Arona. A ua faamaaaina le loto o Farao, e lei faalogo foi o ia ia i laua, faapei ona fetalai mai ai o Ieova.

Ua fetalai mai foi Ieova ia Mose, Ua maaa lava le loto o Farao, e le mafai e ia ona tuu atu o le nuu e o. Ina alu ia oe ia Farao i le taeao; faauta, o le a alu atu o ia i le vai; e te tu atu foi lua te fetai ai ma ia i le auvai o le vaitafe; o le tootoo foi sa liu gata e te ave i lou lima. E te fai atu foi ia te ia, Ua auina mai a'u ia te oe e Ieova le Atua o sa Eperū, o loo fetalai mai, Ia e tuu mai lo'u nuu e o, ina ia latou auaua mai ia te au i le vao; faauta foi, ua e le āu faalogo mai lava. O loo faapea ona fetalai mai Ieova, O le mea nei e te iloa ai, o Ieova lava a'u; faauta, ou te ta i lenei tootoo ua i lo'u lima i le vai o le vaitafe.

18 ona liu toto ai lea; e mamate ai i'a o i le vaitafe, e elo foi le vaitafe; ona 'ino'ino ai lea o Aikupito ona inu i le vai mai le vaitafe.

19 Ua fetalai mai foi Ieova ia Mose, Ia e fai atu ia Arona, Ina tago ia i lou tootoo, ma faaloaloa lou lima i luga o vai o Aikupito, i o latou vaitafe, ma o latou vaita'i, ma o latou vailepa, ma mea uma lava e i ai o latou vai, ina ia liu toto; ina ia i ai toto i le nuu uma lava o Aikupito, i

20 *ipu* laau atoa ma *ipu* maa. Ua faapea ona fai e Mose ma Arona, pei ona fetalai mai o Ieova; ua ia sii i luga foi le tootoo, ma ta le vai o le vaitafe i luma o Farao ma ana auaua; ona liu toto ai lea o le vai

21 uma lava o le vaitafe. Ona mamate ai lea o i'a sa i le vaitafe, ua elo foi le vaitafe, e le mafai e Aikupito ona inu i le vai o le vaitafe, sa i ai le toto i le nuu uma lava o Aikupito.

22 Ona faapea lea ona fai e taulaitu o Aikupito i a latou togafiti faataulaitu; ona faamaaaina ai lea o le loto o Farao, ua le faalogo foi ia te i laua, faapei ona fetalai mai ai o

23 Ieova. Ona lilii ai lea o Farao, ua alu i lona fale, e lei mafanufau foi

24 o ia i lenei mea. Ona eli lea o Aikupito uma i tafatafa o le vaitafe ia maua le vai latou te inu ai; auā e le mafaia e i latou ona inu o le

25 vai nai le vaitafe. Ua faaatoa foi ona aso e fitu, talu ona taia e Ieova o le vaitafe.

O rane, ma 'utu, ma le vao garova na faatigaina ai Aikupito.

8 Ua fetalai mai Ieova ia Mose, Ina alu ia ia Farao, ma fai atu ia te ia, O loo faapea ona fetalai mai o Ieova; ia e tuu mai lo'u nuu e o, ina ia latou auaua mai ia te au.

2 Afai foi e te le mafai ona tuu mai o i latou e o, fauta, ou te taia lou

3 nuu uma lava i rane. E tutupu tele mai o rane i le vaitafe; e ae mai, ma ulufale i lou fale, i lou afeafe moe, ma lou moega, ma le mea e te taoto ai, o fale foi o au auaua, atoa ma lou nuu, o au ogaumu foi, ma au mea e palu ai

4 falaoa; e o ae rane i luga ia te oe, ma luga o lou nuu, ma luga o au auaua uma lava.

Ua fetalai mai foi Ieova ia Mose, E te fai atu ia Arona; ina faaloaloa ia lou lima e i ai lou tootoo i luga o vaitafe, ma vaita'i, ma vailepa, ma ia faaae mai rane i le nuu o Aiku-

pito. Ona faaloaloa lea e Arona o lona lima i vai o Aikupito, ona ae mai ai lea o rane, ua lilo ai lava le

7 nuu o Aikupito. Ua faapea ona fai foi e taulaitu i a latou togafiti faataulaitu; ua faaae foi e i latou o rane i le nuu o Aikupito. Ona

8 valaau lea o Farao ia Mose ma Arona, ua fai mai, Ina faatoga ia oulua ia Ieova ia ave ese e ia o rane ia te au ma lo'u nuu, ona ou tuu

9 atu lea o le nuu e o, ina ia latou fai taulaga ia Ieova. Ua tali atu Mose ia Farao, Ia e faatonu mai ia te au, po o afea ou te faatoga atu ai mo

10 oe, ma au auaua, ma lou nuu, ia faaumatia ai rane o ia te oe ma ou fale, ina ia gata i le vaitafe ona i ai? Ua fai mai o ia, O a taeao; ona fai

11 atu lea o Mose, *E faia* faapei o lau afioga, ina ia e silafia, e lei se tasi e tusa ma Ieova lo matou Atua; e

12 mavae atu rane o ia te oe, ma ou fale, ma au auaua, ma lou nuu, na o le vaitafe e gata ai. Ona o i fafo

13 lea o Mose ma Arona nai ia Farao; ua alaga atu foi Mose ia Ieova ona o rane ua ia tuuina atu ai ia Farao. Ona faia lea e Ieova e tusa ma le

14 upu a Mose; ua mamate ai rane nai o latou fale, ma faoa aai, atoa ma fanua. Ua latou faapotopoto ai foi

15 i faupuegārane, ua elo ai le nuu. Ua iloa e Farao, ua na maua sina mapu, ona faamaaa ai lea e ia o lona loto, ma na le faalogo ia te i

16 laua, faapei ona fetalai mai ai o Ieova. Ona fetalai mai lea o Ieova ia Mose, Ia e fai atu ia Arona, faaloaloa ia lou tootoo, ma ta a'i le efuefu o le fanua, ina ia liu 'utu i le nuu uma lava o Aikupito. Na la faia foi

17 faapea, na faaloaloa e Arona lona lima sa i ai lona tootoo, na ia ta i le efuefu o le fanua, i le, ua fai ma 'utu i tagata atoa ma manu; ua liu 'utu o le efuefu uma lava o le fanua i le nuu uma lava o Aikupito. Ua

18 faapea ona fai foi e taulaitu i a latou togafiti faataulaitu, ina ia tutupu ae o 'utu, a e le mafaia; sa

- i ai foi o 'utu i tagata atea ma manu.
- 19 Ona fai atu lea o taulaitu ia Farao, O le aao lenei o le Atua; a ua maa pea le loto o Farao, e lei faalogo o ia ia te i lava, faapei ona fetalai mai ai o Ieova.
- 20 Ua fetalai mai foi Ieova ia Mose, Ia e ala usu atu i le taeao, ma ia e tu i luma o Farao; faauta, o le a alu ane o ia i le vai, ma ia e fai atu ia te ia, O loo faapea ona fetalai mai o Ieova, tuu mai ia lo'u nuu e o, ina ia latou auaina mai ia te au; auā a ē le mafai ona tuu mai lo'u nuu e o, ona ou auina atu lea ia te oe, ma au auaina, ma lou nuu, ma ou fale, o le vao garova; e tutumu foi fale o Aikupito atoa ma le lauleleele o i ai latou i garova. Ou te vavae ese foi i lea lava aso o le lauleleele o Kosea e i ai lo'u nuu, ina ia le oo i ai ni garova, ina ia e iloa ai o a'u lava o Ieova *le pule* i le
- 23 lalolagi. Ou te tuu ai foi se tuaoi i le va o lo'u nuu ma lou nuu; e fai lava lenei faailoga a taeao.
- 24 Ona faapea lava lea ona fai e Ieova, ua oo mai ai garova e tele lava i le fale o Farao, ma fale o ana auaina, ma le nuu atoa uma o Aikupito; ua leaga le nuu ona o le
- 25 vao garova. Ona valaau lea o Farao ia Mose ma Arona, ua fai mai i ai, Ina o ia outou, ma fai taulaga i lo
- 26 outou Atua i le nuu na. A ua fai atu Mose, E le tatau ona matou faia faapea; auā o mea e inosia e Aikupito, o le a matou fai a'i taulaga ia Ieova lo matou Atua; faauta, a matou fai a'i taulaga i mea e inosia e Aikupito i o latou lava luma, latou te le fetogi mai ea ia te
- 27 i matou i maa? Matou te o malaga i aso e tolu i le vao, matou te fai taulaga ai ia Ieova lo matou Atua, faapei ona fetalai mai ai o ia ia te i
- 28 matou. Ona fai mai lea o Farao, Ou te tuuina atu outou e o, ma ia outou fai taulaga ia Ieova lo outou Atua i le vao; tau lava ina nei outou o mamao; ia oulua faatoga
- 29 mo a'u. Ua tali atu Mose, Faauta, ou te alu ese nei ia te oe, ou te faatoga atu foi ia Ieova ina ia aveesea le vao garova ia Farao, ma ana auaina, ma lona nuu o a taeao; tau lava ina nei toe peelo Farao i lona le tuuina mai le nuu e o e fai taulaga ia Ieova. Ona alu ese lea o Mose ia Farao, ua na faatoga atu foi ia Ieova. Ua fai foi e Ieova tusa ma le upu a Mose, ua ave e le vao garova ia Farao, ma ana auaina, ma lona nuu, ua le toe ai se tasi. A ua toe faamaaa e Farao lona loto i lenei mea, ua na le tuuina mai lava le nuu e o.
- O le faamai i manu, o le mati i tino o tagata, ma le uato'a.*
- UA fetalai mai Ieova ia Mose, Ina ulufale atu ia oe ia Farao, ma fai atu ia te ia, O loo faapea ona fetalai mai o Ieova le Atua o sa Eperū, Ia e tuu mai lo'u nuu e o, latou te auaina mai ia te au. Auā afai e te le mafai ona tuu mai i latou e o, a e taofi pea i latou, faauta, o le aao o Ieova e oo i au manu i le fanua, o solofanua, ma asini, ma kamela, ma povi, ma mamoe, o le faamai matuā mamafa lava. A e vavaeeseina e Ieova manu a Isaraelu ma manu a Aikupito; e le mate lava se mea e tasi i mea uma a le fanauga e Isaraelu. Ona tuupo ai lea e Ieova, ua fetalai mai, A taeao e faia e Ieova lenei mea i le nuu. Ona faia lea e Ieova o lea mea i le aso taeao, ua mamate ai o manu uma lava a Aikupito, a e lei mate lava se manu e tasi a le fanauga a Isaraelu. Ona auina atu lea e Farao, faauta, e lei mate se manu a Isaraelu, ua leai lava se tasi; a ua maa pea lava le loto o Farao, e lei tuuina mai e ia o le nuu e o.
- Ona fetalai mai lea o Ieova ia Mose ma Arona, Ia faatutumu oulua lima uma i lefulefu mai le umu, ma ia saaluu solo ai i luga e Mose i luma o Farao. Ona liu efuefu ninii ai lea i le nuu uma lava o Aikupito, e avea foi i luga o tagata atoa ma manu ma ma'i fulafula e tupu ai le manunu i le nuu uma lava o Aikupito. Ona la ave lea o lefulefu nai le umu, ua la tutū atu i luma o Farao, ona saaluu solo ai lea i luga e Mose, ona avea lea ma ma'i fulafula e tupu ai le manunu i tagata atoa ma manu. Ua le lavā taulaitu ona tutū i luma o Mose, ona o le

ma'i fulafula; auā sa i ai le ma'i
fulafula i taulāitu atoa ma Aikupito
12 uma lava. A ua faamaaa e Ieova
le loto o Farao, e lei faalogo foi o ia
ia te i laua, e pei o le afioga a Ieova
ia Mose.
13 Ona fetalai mai lea o Ieova ia
Mose, ia e ala usu i le taeao lava,
ma ia e tu i luma o Farao, ma fai
atu ia te ia, O loo faapea ona fetala
mai o Ieova le Atua o sa Eperū,
Ia e tuu mai lo'u nuu e o, ina ia
14 latou auauna mai ia te au; auā o
ona po nei lava ou te tuuina atu ai
a'u mala uma lava i luga ia te oe,
ma au auauna, ma lou nuu, ina ia e
iloa ai e leai lava se tasi e tusa ma
15 a'u i le lalolagi uma lava. Auā o le
a a'u faaloaloa nei lo'u lima, ou te
taia oe ma lou nuu i le faama'i, ina
16 ia fano ai oe i le nuu. E moni lava,
o le mea lava lea ua ou faatuina ai
oe, ina ia ou faaali ai lo'u mana ia
te oe, ma ia ta'uua lo'u igoa i le lalo
17 lugi uma lava. E te faamaualuga
pea ea oe i lo'u nuu, ina ua e le
18 tuuina mai i latou e o? Faauta, o
le aso taeao, e faapenei le itu la, ou
te faatotō ifo ai le uato'a tetele
lava, e leai sona tusa i Aikupito
19 talu ona faatoa āina, ua oo mai lava
i nei ona po. O lenei, ia e aami atu
ia tuu i se mea e malu ai au manu,
ma au mea uma lava o loo i le vao;
o tagata uma lava atoa ma manu e
maua i le vao e le faapotopotoina i
fale, e alu ifo i luga ia i latou le
20 uato'a, latou te fano ai. O se na
fefe i le afioga a Ieova i auauna a
Farao, ua ia fai atu ia sosola ana
21 auauna ma ana manu i fale; a o le
na le manatu i le afioga a Ieova, ua
ia tuu pea ana auauna ma ana manu
22 i le vao. Ona fetalai mai lea o
Ieova ia Mose, Ina faaloaloa ia o
lou lima i luga, ona to ifo ai lea o le
uato'a i le nuu uma lava o Aikupito,
i luga o tagata, ma manu, ma laau
afu uma lava o le fanua i le nuu o
23 Aikupito. Ona faaloaloa ae lea e
Mose lona tootoo i luga, ona tuuina
mai lea e Ieova o faititili ma le
uato'a, ua sosolo foi le afi i le elelee.
ua faatotō ifo foi e Ieova le uato'a i
24 le nuu o Aikupito. Sa i ai le uato'a
ma le afi e fefiloi ma le uato'a, ua
mamafa tele lava, e leai lava sona

tusa i le nuu uma lava o Aikupito
talu ina āina. Ua toia le lauelee'e 25
uma lava o Aikupito i le uato'a, o
mea uma lava sa i le vao, o tagata
atoa ma manu, ma laau afu uma
lava o le fanua ua uma ona toia i
le uato'a; ua gāugau ai foi o laau
uma lava o le vao. Na o le nuu o 26
Kosena sa i ai le fanauga a Isaraelu,
ua le i ai lava se uato'a. Ona fe- 27
auina lea e Farao ua aami ia Mose
ma Arona, ua fai mai ia te i laua,
Ua ou agasala i lenei mea; o loo
amiotonu Ieova, a e peitai a'u nei
ma lo'u nuu, ua amio leaga i matou;
ina faatoga atu ia oulua ia Ieova, 28
ia soia le toe faititili tetele mai ma
le uato'a, ona ou tuuina atu ai lea o
ontou e o, tou te le toe nonofo lava.
Ua fai atu Mose ia te ia, A a'u alu 29
i tua pa o le aai, ona ou faaloaloa
atu lea o o'u lima ia Ieova, ona
mavae ai lea o le faititili, e leai foi
se toe uato'a; ina ia e silafia ai, o
loo ia Ieova lava le lalolagi. A o 30
oe ma au auauna ua ou iloa lava,
tou te le matatau ai nei lava ia
Ieova le Atua. Sa toia le lino atoa 31
ma le karite; auā sa fua le karite,
ma ua fuga le lino; a o le saito 32
atoa ma le kaseme, e lei toia ia,
auā ua le tutupu ae.

Ona alu lea o Mose nai ia Farao i 33
tua pa o le aai, ua faaloaloa atu ona
lima i luma o Ieova, ona mavae ai
lea o le faititili ma le uato'a; ua le
toe to mai foi le ua i luga o le lau-
elelee. Ua iloa e Farao, ua mavae 34
le ua, ma le uato'a, ma le faititili,
ona atili ai lea ona agasala o ia, ua
faamaaa lona loto, o ia atoa ma ana
aauauna. Ona faamaaaina ai lea o 35
le loto o Farao, e lei tuuina atu
lava le fanauga a Isaraelu e o, faa-
pei ona fetalai mai ai o Ieova ia
Mose.

O se akerise, ma le pouliuli.

UA fetalai mai Ieova ia Mose, 10
Ina ulufale atu ia ia Farao, auā ua
ou faamaaa i lona loto ma lo'o o
ana auauna, ina ia ou tuuina atu a'u
nei faailoga i ona luma; ina ia e 2
ta'u atu i taliga o lau fanau atoa
ma le fanau a lau fanau, o mea na
ou faia i Aikupito, ma a'u faailoga
na ou tuuina atu ai ia te i latou, ina

- ia outou iloa ai, o a'u lava o Ieova. 13
- 3 Ona ulufale atu lea o Mose ma Arona ia Farao, ua la fai atu ia te ia, O loo faapea ona fetalai mai o Ieova le Atua o sa Eperū; e te le mafai ea seia afea ona e faamaulalo i o'u luma? Tuu mai ia lo'u nuu e o, ina ia latou auauna mai ia te au.
- 4 Auā pe afa'i e te le mafai ona tuu mai o lo'u nuu e o, faauta, a taeao ou te auina mai ai o sē akerise i lou nuu; e lilo ai le fogāleelele, e le mafai ai ona iloa le elele, e 'aina ai foi toe mea na sao ma totoe mā outou i le uato'a; e uma foi ona 'aina o laau uma o loo tutupu mo
- 6 outou i le fanua. E tutumu ai foi ou fale, ma fale o au auauna uma lava, atoa ma fale o Aikupito uma lava; na le iloa se mea faapea e ou mātua, po o mātua o ou mātua, talu le aso na latou nonofo ai i le nuu e oo i le aso nei. Ona liliu ai lea o ia ua ulufafo atu nai ia Farao.
- 7 Ona fai ane lea o auauna a Farao ia te ia, E fai ma mailēi lenēi tagata ia te i tatou seia afea? Ia e tuu atu ia tagata e o, ina ia latou auauna ia Ieova lo latou Atua; e te le āu silafia ea ua faaumatia
- 8 Aikupito? Ona toe faafoisia lea o Mose ma Arona ia Farao, ona fai mai lea o ia ia te i laua, Ina o ia outou, auauna atu ia Ieova lo outou Atua; a o ai ea ma ai tou te o?
- 9 Ua tali atu Mose, Matou te o ma o matou taulelea, ma o matou toe-aina, ma o matou atalii, ma o matou afafine, matou te o atu foi ma a matou lafu mamoe, atoa ma a matou lafu povi; auā o le a fai lo
- 10 matou tausamiga ia Ieova. Ona fai mai lea o ia ia te i laua, Ia faapea ona i-ai o Ieova ia te outou, pe afa'i ou te tuuina atu outou e o ma a outou fanau; ia outou, auā o loo
- 11 humanāi le leaga ia te outou. E le faapea lava; o atu ia outou tane, ma auauna ia Ieova auā o le mea lea na outou mananao i ai. Ona tulia lea o i laua nai luma o Farao.
- 12 Ona fetalai mai lea o Ieova ia Mose, Faaloaloa ia lou lima i luga o le laueleele o Aikupito i le sē akerise, ia o ae i luga o le laueleele o Aikupito; e 'aina ai foi o laau afu uma o le fanua, o mea uma
- lava ua totoe i le uato'a. Ona faa- 13
- loaloa lea e Mose o lona tootoo i luga o le laueleele o Aikupito, ona faaagi mai lea e Ieova o le matagi mai sasae i le laueleele i lea lava ao uma ma lea lava po uma; ua oo i le taeao, ona au mai ai lea o sē akerise e le matagi mai sasae; ua 14
- o ae foi o sē akerise i luga o le laueleele uma lava o Aikupito, ua nonofo foi i nuu uma lava o Aiku- pito, ua tele lava; sa leai lava ana- mui ni sē akerise e tusa ma ia sē akerise, e le toe faapea lava. Ua 15
- ufitia ai le fogāleelele uma lava, ua faapouliuligia ai foi le nuu; ua 'aina ai foi o laau afu uma o le nuu, atoa ma fua uma lava o laau na totoe i le uato'a, e lei toe lava sina lau i se lasu po o se laau afu i le fanau i le nuu atoa uma o Aikupito.
- Ona faataalise lea o Farao ona 16
- aami ia Mose ma Arona; na ia fai mai foi i ai, Ua ou agasala ia Ieova lo outou Atua, atoa foi ma oulua; a o lenēi, ia aveeseina la'u agasala, 17
- na o lenēi lava, ma ia oulua faatoga atu ia Ieova lo outou Atua, iua ia aveeseina e ia ia te au, na o lenēi lava mala. Ona alu ese lea o ia ia 18
- Farao, ma faatoga atu ai ia Ieova. Ona faaliliuina lea e Ieova o le ma- 19
- tagi mai sisifo e malosi lava, ua siitia ai o sē akerise, ma lafoia i le sami Ulaula; ona le toe ai lea o se sē akerise e tasi i le nuu uma lava o Aikupito. A ua faamaaaina e 20
- Ieova le loto o Farao, e le tuuina mai lava le fanauga a Isaraelu e o.
- Ona fetalai mai lea o Ieova ia 21
- Mose, Ina faaloaloa ia lou lima i le lagi, ina ia pouliuli le nuu o Aiku- pito, o le pouliuli e mafai ona tago- fia. Ona faaloaloa lea e Mose o 22
- lona lima i le lagi, ona pouliuli tele lava lea o le nuu atoa uma o Aiku- pito, e tolu aso. Ua le felioai i 23
- latou, e lei tulai se tagata i le mea sa nofo ai, e tolu aso; a o le fanauga uma lava a Isaraelu, ua malama- lama mea uma sa latou nonofo ai. Ona valaau mai lea o Farao ia Mose, 24
- ma ia fai mai, Ina o ia outou, teu te auauna ia Ieova; na o outou lafu mamoe ma o outou lafu povi tuu pea ia, a e tou o ma a outou fanau. A ua tali atu Mose, Ia e tuu mai 25

foi ia i matou o taulaga ma taulaga
mu, ina ia matou osi *taulaga* ai ia
26 Ieova lo matou Atua; e ave lava a
matou manu, e le tuuna se atigivae
e tasi; auā o mea ia e ave matou te
aauauna ai ia Ieova lo matou Atua,
matou te le iloa foi mea matou te
aauauna ai ia Ieova seia matou oo
27 atu ai. A ua faamaaa e Ieova le
loto o Farao, e le mafai foi o ia ona
28 tuuina mai o i latou e o. Ona fai
mai lea o Farao ia te ia, Alu ese ia
oe ia te au, ia oe lava, ne'i ta toe
feiloai ma oe; auā o le aso ta te
feiloai ai ma oe, e te oti ai lava.
29 Ona tali atu lea o Mose, E moni
lava lau fetalaiga, ta te le toe feiloai
ma oe.

O le sauniga o le toe mala.

11 ONA fetalai mai lea o Ieova ia
Mose, E toe tasi le mala ou te
faaooina atu i luga o Farao, i luga
foi i Aikupito, e mulimuli ane e
tuuina mai e ia o outou e o ese i
lenei mea; a oo ina tuuina mai e
ia, e matuā tutuli ese lava o ia ia te
2 outou i lenei mea. Ia e fai atu i le
nuu ia *latou* lagona, Ia taitasi ma
ole atu o le tane i lē la te tuaoi, ma
le fafine i lē la te tuaoi i mea ario
3 ma mea auro. Ua faatupuina e
Ieova le alofa o Aikupito i le nuu.
O lenei tagata o Mose, na sili ona
mamalu lava o ia i le nuu o Aiku-
pito, i le manatu o auauna a Farao,
4 ma le manatu o le nuu. Ona fai
atu lea o Mose, O loo faapea ona
fetalai mai o Ieova, A lata i le tūlua
o po ma ao, ona ou alu atu lea i
5 totonu o Aikupito, ona oti ai lea o
ulumatua uma lava i le nuu o Aiku-
pito, e afua i le ulumatua a Farao,
o lē tietie i lona nofoālii, e oo lava i
le ulumatua a le auauna fafine o loo
i tua o le maaolo, atoa ma ulumatua
6 uma lava a manu. Ona fai ai lea
o le auega tele i le nuu atoa uma o
Aikupito, e lei faapea *anamua*, e le
7 toe faapea lava. A o le fanauga
uma lava a Israelu, e lei se uli e
faagaoioi lona laulaufaiva i se ta-
gata po o se manu; ina ia outou
iloa ua faailogaina e Ieova ia Aiku-
pito ma Israelu. E o ifo foi o au
8 nei auauna uma lava ia te au, latou
te ifo ia te au, e faapea mai, Ina alu

ia oe ma le nuu uma lava o loo
mulimuli ia te oe; a mavae nei
mea, ona ou alu ai lea. Ona alu
lea o ia nai luma o Farao, ua ita
tele.

Ua fetalai mai foi Ieova ia Mose, 9
E le faalogo Farao ia te oulua, ina
ia faatele ai o'u vavega i le nuu o
Aikupito. Na faia foi e Mose ma 10
Arona o ia vavega uma i luma o
Farao, a ua faamaaa e Ieova leoto
o Farao, e lei tuuina mai e ia o le
fanauga a Israelu e o ese i lona
nuu.

*Ua faatuina le paseka; ua oti ulu-
matua i Aikupito.*

ONA fetalai mai lea o Ieova ia 12
Mose ma Arona i le nuu o Aiku-
pito, o loo faapea mai, E avea lenei 2
masina ia te outou ma uluai masina,
o le masina muamua lava lea ia te
outou i le tausaga. Ia oulua fai atu 3
i le faapotopotoga uma o Israelu,
ia faapea atu, O le aso e sefulu o
lenei masina ia taitasi ai i latou ma
lana tamai mamoe i aiga o *latou*
tamā, o le aiga ma le tamai mamoe.
Pe afai foi e toaititi le aiga, e le 4
mafai *ona uma* sa latou tamai ma-
moe, ona la faatasi ai lea ma le ua
tuaoi o la aiga, e tusa ma le faitau
aofai o tagata; ia faatatau le tamai
mamoe ma tagata latou te aai ai.
Ia sao ona lelei la outou tamai ma- 5
moe, o le poa, e tasi lona tausaga,
tou te au mai ai i le lafu mamoe,
po o le lafu 'oti. Tou te tausi i ai 6
seia oo atu i le aso e sefulu ma le
fa o lenei masina; ona fasi ai lea
e le faapotopotoga atoa uma o
Israelu i le afasi. Ia latou ave foi 7
nisi toto, ma avatu i pou e lua o le
faitotoa ma ona faalava i luga i o
latou fale latou te aai ai. Latou te 8
aai foi le tino i lea lava po, ua tunu
i le afi, atoa foi ma areto e le faa-
feteina, ma laau oona latou te 9
ina'i ai. Aua tou te aai ai e faa-
levela po o tunua i le vai, a ia tunua
lava i le afi, o lona ulu, ma ona vae,
ma ona tōtōga. Aua foi ne'i ai se 10
mea e toe, e oo i le taao; a o se
mea e toe, e oo i le taao, ia susunu
lava ia i le afi. Ia faapea foi ona 11
outou aai ai, o outou sulugatiti ia
fusia, ma o outou sec i o outou vae,

- ma o outou tootoo i o outou lima,
 tou té aai ai faataalise; o le paseka
 12 lava lea ia Ieova. Auã o le po
 nanei, ou te ui ane ai i le nuu o
 Aikupito, ma ou taia ulumatua uma
 lava i le nuu o Aikupito, o tagata
 atoa ma manu; ou te faasala foi i
 atua uma lava o Aikupito; o a'u
 13 lava o Ieova. E fai foi le toto ma
 faailoga ia te outou i fale tou te i
 ai, ou te vaai atu foi i le toto, ona
 ou sosopo ai lea ia te outou; e le
 oo foi ia te outou le mala e fano ai,
 14 pe a ou taia le nuu o Aikupito. E
 fai foi lenei aso ma faamanatuga ia
 te outou, tou te fai ai foi le tau-
 samiga ia Ieova; e faia i a outou
 tupulaga amuli le tausamiga, o le
 15 tulafono e faavavau. E fitu aso tou
 le aai ai areto e le faafefeteina; o
 le aso muamua lava tou te ave ese
 ai mea e faafefete a'i i o outou fale;
 auã ai se 'ai le areto ua faafefeteina
 e afua i le aso muamua e oo i le
 aso fitu, e vavaeseina lea tagata i
 16 Israelu. Tou te faia foi le faapoto-
 potoga paia i le aso muamua, ma le
 faapotopotoga paia i le aso fitu; aua
 le fai ai se galuega e tasi, tau lava
 o mea e 'ai a tagata uma, na o lea
 17 tou te faia. Ia outou tausi foi i le
 tausamiga o areto e le faafefeteina,
 auã o lenei lava aso ua ou au mai ai
 a outou 'au nai le nuu o Aikupito,
 o le mea lea tou te tausi ai lenei aso
 i a outou tupulaga amuli, o le tula-
 18 fono lea e faavavau. O le uluai
 masina, o le aso e sefulu ma le fa o
 le masina, o le afiafi, tou te aai ai
 areto e le faafefeteina, seia oo i le
 afiafi o le aso e luafulu ma le tasi o
 19 le masina. O ona aso ia e fitu aua
 ne'i iloa ai i o outou fale se mea e
 faafefete a'i; auã ai se 'ai le areto
 e faafefeteina, e vavaeseina lea
 tagata nai le faapotopotoga o Isa-
 20 raelu, o le tagata ese atoa ma le
 tama a le eleele. Aua ne'i outou
 aai sina areto e faafefeteina; ia
 outou aai areto e le faafefeteina i
 mea uma tou te nonofo ai.
 21 Ona aami lea e Mose le au toeaina
 uma o Israelu, ma na fai atu ia te
 i latou, Ia outou pupue ma ave ma-
 22 ai lea o le paseka. Tou te ave foi
 se fusi isopo, ma fufui i le toto ua
 i le ipu, ma ta a'i le laau faalava i
 luga ma pou e lua o le faitotoa i le
 toto ile ipu; aua foi ne'i ai so outou
 e ulufafo atu i le faitotoa o lona
 fale seia oo i le taeao. A afio ane 23
 foi Ieova na te fasia Aikupito, pe a
 silafia e ia le toto i le laau faalava i
 luga ma pou e lua o le faitotoa, ona
 sosopo ane lea o Ieova i lea faitotoa,
 na te le tuuina atu le na te fasiotia
 e ulu atu i o outou fale e fasi ia te
 outou. Tou te tausia foi lenei mea, 24
 o le tulafono ia te oe atea ma au
 fanau e faavavau lava. A outou oo 25
 atu i le nuu e foaiina mai e Ieova ia
 te outou, faapei ona ia fetalai mai,
 ona outou fausia lava lea lenei sau-
 niga. Pe a fai mai foi a outou 26
 fanau ia te outou, O le a ea le uiga
 ia te outou o lenei sauniga? Ona 27
 outou tali atu ai lea, O le taulaga o
 le paseka lenei ia Ieova, o le na
 sosopo ane i fale o le fanauga a
 Israelu i Aikupito, ina ua fasia e ia
 o Aikupito, a ua faasao mai e ia i o
 tatou aiga. Ona punonou lea o le
 nuu, ma ifo. Ona o atu lea o le 28
 fanauga a Israelu, ma latou faia e
 pei ona poloai Ieova ia Mose ma
 Arona; sa faapea lava ona latou
 faia.
 Ua oo i le tulua o po ma ao, ona 29
 fasi ai lea e Ieova o ulumatua uma
 lava i le nuu o Aikupito, o le ulu-
 matua a Farao, o le na tietie i le
 nofoalii, atoa ma le ulumatua a le
 ua faatagataotauaina ile fale puipui,
 atoa uma ma ulumatua a manu.
 Ona tulai lea o Farao i le po, o ia 30
 ma ana auauna uma lava, atoa ma
 Aikupito uma, sa tele foi le tagiaue
 i Aikupito; auã sa leai lava se fale
 e aunoa ma le oti. Ona ia aami 31
 atu lea ia Mose ma Arona i le po,
 ua ia fai atu i ai, Ina tutu ia, o ese
 atu ia i lo'u nuu, oulua atoa ma le
 fauanga a Israelu, o atu ia outou,
 ma auauna ia Ieova, faapei ona
 oulua fai mai na. Ia ave foi o 32
 outou lafu mamoe ma o outou lafu
 povi, pei ona oulua fai mai na, ma
 ia outou o; ia oulua faamanuia mai
 foi ia te au lava. Ua nanati foi 33
 Aikupito i le nuu, ina ia vave ona
 tuuina atu i latou e o ese i le nuu;
 auã ua latou faapea ane, O le a uma
 lava i tatou i le oti. Ona ave ai lea 34

e le nuu o a latou palugāfala³⁵oa, a o lei faafefeteina, atoa ma a latou mea e palu ai fala³⁶oa ua affi i o latou ofu i luga i o latou ua. Ua fai foi e le fanauga a Isara³⁷elu faapei ona fai mai ai Mose, ua latou fai atu ia Aikupito i mea ario, ma mea auro, atoa ma ofu. Ua faatupuina e Ieova le alofa o Aikupito i le nuu; ua latou aumaia mea na fai atu ai; ua latou faamatitivaina ai Aikupito.

37 Ona ō malaga lea o le fanauga a Isara³⁸elu nai Ramese i Sukota, pe atoa le ono galau o afe o tagata malolosi o savavali, e lei faitaulia tama. Ua o ae foi faatasi ma i latou tagata ese e toatele, atoa ma lafu mamoe ma povi, o mea e tele lava. Ua latou tunu foi le palugā-³⁹fala⁴⁰oa na latou aumaia nai Aikupito, o potoi areto e le faafefeteina; auā e lei faafefeteina, auā na tulia i latou nai Aikupito, e le mafai ona faatuatuai, e lei saunia foi sa latou oso.

40 O ona po foi sa nonofo ai le fanauga a Isara⁴¹elu i Aikupito, ua fa galau ma le tolugafulu o tausaga. Ua oo ina ua atoa o tausaga e fa galau ma le tolugafulu, o lea lava aso, na o ese atu ai o 'au uma lava a

42 Ieova nai le nuu o Aikupito. O le po lava lea e tausiusia mo Ieova, ina ua na au mai ai i latou nai le nuu o Aikupito; o le po lava lenei e tausiusia mo Ieova e le fanauga uma lava a Isara⁴³elu i o latou tupu-⁴⁴laga amuli.

43 Ua fetalai mai foi Ieova ia Mose ma Arona, O le tulafono lenei i le paseka; aua le a'i ai se tagata ese.

44 A o auauna uma lava a tagata ua faatauina i tupe pe a peritomeina

45 so latou, ona 'ai ai lava lea o ia. O lē āumau ma lē galue i le tofogi, aua

46 ne'i aai ai. E tasi le fale e aai ai, aua ne'i ave i fafo sina tufaaga nai le fale; aua foi ne'i outou gagau

47 sona ivi. E fai lava lenei mea e le faapotopotoga atoa uma o Isara⁴⁸elu.

48 Pe afai foi e āumau ia te oe se tagata ese, a manao ia e fai le paseka ia Ieova, ia peritomeina o tane uma lava ua ia te ia, ona faalatalata ane lea o ia e fai ai; e tusa foi o ia ma tama a le eleele; a e

aua ne'i 'ai ai se tasi e le perito-
meina. E tasi le tulafono mo le 49
tama a le eleele, ma le tagata ese na
te āumau ia te outou. Ona fai lea e 50
le fanauga uma lava a Isara⁵¹elu faa-
pei ona poloai mai ai Ieova ia Mose
ma Arona, ua faapea ona latou faia.
O lea lava aso na au mai ai e Ieova 51
o le fanauga a Isara⁵²elu nai le nuu o
Aikupito i a latou lava 'au.

Ua tunu Aikupito e Isara⁵³elu.

ONA fetalai lea o Ieova ia Mose, 13
o loo faapea mai, Ia faasaina mo a'u 2
o ulumatua uma lava, e taitasi uma
lava e muai fanau mai i le fanauga
a Isara³elu, o tagata atoa ma manu,
e fai lava ia mo a'u. Ua fai atu foi
Mose i le nuu, Ia manatua lenei aso,
ua outou o mai ai nai Aikupito o le
mea sa nofo pologa ai; auā o le aao
malosi ua au mai ai outou e Ieova;
aua ne'i 'aina ai se mea e faafe-
feteina. O le aso nei ua outou o 4
mai ai i le masina o Apipa. A uma 5
ona faaootia oe e Ieova i le nuu o sa
Kananā, ma sa Heti, ma sa Amori,
ma sa Hivi, ma sa Iepusē, na ia
tauto ai i ou tamā, e avatu ia te oe,
o le nuu o loo tafe ai le suāsusu ma
le meli, ia e auauna mai lava i lenei
sauniga i lenei lava masina. O aso 6
e fitu e te 'ai ai areto e le faafe-
feteina; o lona aso e fitu foi e te fai
ai le tausamiga ia Ieova. Ia 'aina 7
le areto e le faafefeteina i aso e fitu;
a e aua ne'i iloa ia te oe se mea e
faafefeteina, aua foi ne'i iloa ia te
oe sina mea e faafefete a'i i lou nuu
uma lava. E te faaali atu foi i lou 8
atalii i lea aso, e faapea atu, *E fai*
lenei mea ona o le mea na faia e
Ieova ia te au, ina ua ia aumaia a'u
nai Aikupito. E fai foi ma faailoga 9
ia te oe i lou lima, ma faamanatuga
i le va o ou mata, ina ia i ai i lou
gutu le tulafono a Ieova; auā o le
aao malosi na taita'iina mai ai oe e
Ieova nai Aikupito. Ia e tausiusi 10
foi i lenei sauriga i ona aso ua tofia
i lea tausaga ma lea tausaga.

A uma ona faaootia oe e Ieova i 11
le nuu o sa Kananā, e tusa ma le
mea na ia tauto ai ia te oe ma ou
tamā, e avatua ia te oe; ona e 12
tuuina atu lea ia Ieova o i latou
uma o e muai fanau mai, atoa uma

- ma le muai fanau mai i au manu; o
 13 tane lava e tuuina atu ia Ieova. A
 o le uluai fanauga a asini uma, ia e
 sui a'i i se tamai mamoe; afai foi e
 te le suia, ia e vavae lona ua; o ulu-
 matua uma lava a tagata i lau
 fanau, ia e avatu ai sona sui.
- 14 A fesili mai lou atalii ia te oe i
 se aso, e faapea mai, Se a ea lenei?
 Ona e tali atu lea ia te ia, O le aao
 malosi na ta'ita'iina mai ai i matou
 e Ieova nai Aikupito, o le mea sa
 15 nofo pologa ai. Auā na le mafai e
 Farao ona tuuina mai i matou e
 o; ona fasiotia lea e Ieova o ulu-
 matua uma lava i le nuu o Aiku-
 pito, o le ulumatua a tagata atoa
 ma ulumatua a manu; o le mea lea
 ou te fai ai le taulaga ia Ieova i
 manu poa uma lava e muai fanau
 mai, a o ulumatua uma lava a la'u
 16 fanau ou te avatu ai se sui. E fai
 foi ma faailoga i lou lima, ma pale
 i le va o ou mata; auā o le aao
 malosi na ta'ita'iina ai tatou e
 Ieova nai Aikupito.
- 17 Na tuuina mai e Farao le nuu e
 o, ona le ta'ita'iina lea o i latou e le
 Atua i le ala o le nuu o Filisitā, e
 ui lava ina latalata lea; auā na
 fetalai ane le Atua, nei salamo le
 nuu pe a latou iloa le tana, ona
 18 latou toe foi atu lea i Aikupito. A
 ua faataamiloina le nuu e le Atua i
 le ala e ui ai i le vao i le sami
 Ulaula; na o ae foi le fanauga a
 Isaraelu nai le nuu o Aikupito
 faa'au o taua.
- 19 Ua ave foi e Mose o ivi o Iosefa,
 auā na matuā tauto le fanauga a
 Isaraelu, ina ua fai atu ai o ia, o
 loo faapea mai, E asiasi mai lava le
 Atua ia te outou, tou te avae foi
 20 o'u ivi ai le mea nei. Ona latou o
 lea i la latou malaga nai Sukota, ua
 21 to lauapi i Etama i le pito vao. Ua
 afio Ieova i o latou luma i le ao
 faaniutu i le ao, e ta'ita'iina ai i
 latou i le ala, a o le afi faaniutu i le
 po e faamalamalama a'i i latou, ina
 ia savavali i le ao atoa ma le po.
 22 E lei aveesea e ia le ao faaniutu i
 le ao, ma le afi faaniutu i le po i
 luma o le nuu.

O le tuliloaga o Isaraelu e Aikupito.

UA fetalai mai foi Ieova ia Mose, **14**
 o loo faapea mai, Ia e fai atu i le **2**
 fanauga a Isaraelu, ia latou liliu
 ane ma to lauapi e feagai ma Peai-
 rota, i le va o Mekatala ma le sami,
 e feagai ma Paalasefona, tou te to
 lauapi i ona luma e lata ane i le
 sami. A e fai ane Farao i le fanauga **3**
 a Isaraelu, Ua fememeai i latou
 i le nuu, ua punitia i latou i le vao.
 Ou te faamaaa le loto o Farao, na **4**
 te tuliloa mai ai ia i latou, e fai ai
 so'u viiga ia Farao atoa ma lana itu
 taua uma lava; ona iloa ai lea e
 Aikupito, o a'u nei lava o Ieova.
 Ua faapea lava ona latou faia.

Ona ta'uina atu lea i le tupu o **5**
 Aikupito, ua sosola le nuu; ona toe
 liliuina lea o le loto o Farao, ma
 ana auauna i le nuu; ua latou fai
 ane foi, Se a le mea ua tatou fai ai
 lenei mea, ina ua tatou tuuina atu
 o Isaraelu e o, ia le auauna mai ia i
 tatou? Ona sauni lea o lona kari- **6**
 ota, ua latou o ma lona nuu. Ua **7**
 ia ave foi kariota ua sili ona lelei, e
 ono selau, ma kariota uma lava o
 Aikupito, e taitasi ma ona tagata
 totoa. Ua faamaaa e Ieova le loto **8**
 o Farao le tupu o Aikupito, ua ia
 tuliloa mai le fanauga a Isaraelu;
 ua o atu foi le fanauga a Isaraelu
 ma le lima malosi. A ua tuliloa **9**
 mai Aikupito ia i latou, ua latou
 maua mai foi i latou, o loo to lauapi
 e lata ane i le sami, (o solofanua
 uma ma kariota o Farao, ma ana itu
 taua,) e lata ane i Peairota, e feagai
 ma Paa'asefona.

Ua faalatalata i ai Farao, ona **10**
 tepa ae lea o le fanauga a Isaraelu,
 faauta, o Aikupito o loo mulimuli
 mai ia i latou; ona latou matuā
 matatau ai lea, ua alalaga foi le
 fanauga a Isaraelu ia Ieova. Ua **11**
 latou fai mai foi ia Mose, Ona ua
 leai ea ni tuugamau i Aikupito, na
 e aumaia ai i matou ina ia matou
 oti i le vao? Se a le mea na e fai
 ai lenei mea ia i matou, ina ua e
 aumaia i matou nai Aikupito? E **12**
 le o le mea ea lenei na matou fai
 atu ai ia te ce i Aikupito, o loo
 faapea atu, Ia e tuu pea ia i matou,

- ina ia matou auauna ia Aikupito ;
 auā e lelei ana matou auauna ia
 Aikupito, a e leaga ona matou oti i
 13 le vao. Ona tali atu lea o Mose i
 le nuu, Aua tou te fefefe, a ia outou
 laulau tutū ma vāai atu i le olataga
 mai ia Ieova, o le a faia e ia mo
 outou i le aso nei; auā o Aikupito
 ia tou te vāai atu i ai i le aso nei,
 tou te le toe iloa lava i latou e
 14 faavavanu. O le a tau Ieova mo
 outou, a e faalologo outou.
 15 Ona fetalai mai lea o Ieova ia
 Mose, Se a le mea ua e alaga mai
 ai ia te au? Fai atu i le fanauga a
 16 Isaraelu, ia latou o atu *pea* ia ; a o
 oe, ia e sii i luga lou tootoo, ma
 faaloaloa lou lima i luga o le sami,
 ma e vaeluaina ai ; e o atu ai le
 fanauga a Isaraelu i totonu o le
 17 sami, i le *iliti tai* matutu. O a'u
 foi, faauta, ou te faamaaaina loto o
 Aikupito, latou te mulimuli atu foi
 ia te i latou, e viia foi a'u ona o
 Farao, ma lana itu taua uma lava,
 ma ona kariota, atoa ma ana 'au e
 18 tietie i solofanua. Ona iloa lea e
 Aikupito, o a'u lava o Ieova, pe a
 viia a'u ona o Farao, ma ona kariota,
 atoa ma ana 'au e tietie i solofanua.
 19 Ona alu ane lea o le agelu a le
 Atua, o le na muamua atu i 'au a
 Isaraelu, ua alu ane, ua mulimuli
 atu ia te i latou ; o le ao faaniutu
 foi ua alu ane nai o latou luma, ua
 20 tu i o latou tua. Ua ia ui ane foi i
 le va o 'au a Aikupito ma 'au a
 Isaraelu, ua fai ma ao ma le pouliuli
 i tua, a o le malamalama i le po i
 luma ; o le mea lea na le faalata-
 lata ai le tasi i le tasi i lea po atoa.
 21 Ona faaloaloa lea e Mose o lona
 lima i luga o le sami, ona faatafe-
 eseina lea e Ieova o le sami i le
 matagi tele mai sasae i lea po atoa ;
 ua ia faia foi le sami ma eleele
 matutu, ua vaeluaina lava le sami.
 22 Ona ui atu lea o le fanauga a
 Isaraelu i totonu o le sami i le *iliti*
tai matutu ; ua fai foi le sami ma
 aupā ia te i latou i lo latou itu
 taumatau, ma lo latou itu tauagavale.
 23 Ona tuliloa mai lea o Aikupito,
 ua mulimuli mai ia te i latou i
 totonu o le sami o solofanua uma
 lava a Farao, ma ona kariota, ma
 24 ana 'au e tietie i solofanua. Ona

oo lea i le leoleoga o le taeao, ua
 silasila ifo Ieova i 'au a Aikupito
 nai le a'i ma le ao faaniutu, ua ia
 faaatuatuvaileina 'au a Aikupito.
 Ua ia tuu ese foi o mea e taavale- 25
 vale a'i o latou kariota, ona toso
 gata ai lea ; ona fai ane lea o Aiku-
 pito, Ina tatou sosola ese ia ia
 Isaraelu ; auā o Ieova o loo tau
 ma Aikupito mo i latou.

Ona fetalai mai lea o Ieova ia 26
 Mose, Ina faaloaloa ia lou lima i
 luga o le sami, e foi atu ai lona
 suāsami i luga o Aikupito, i luga o
 ona kariota, ma ana 'au e tietie i
 solofanua. Ona faaloaloa lea e 27
 Mose o lona lima i luga o le sami,
 ona foi atu lea o le sami i le vave ao
 i lona tūga tuai ; ua sola ese ai
 Aikupito i lona fetāiaiga ; a ua lafo-
 ina e Ieova o Aikupito i totonu o le
 sami. Ua foi le suāsami, ua ufitia 28
 ai kariota, ma 'au na tietie i solo-
 fanua, o le itu taua atoa uma a
 Farao, e na mulimuli atu ia te i
 latou i le sami ; e leai se tasi na toe
 o i latou. A o le fanauga a Isa- 29
 raelu, na latou savavali i le *iliti tai*
 matutu i totonu o le sami ; ua fai
 foi le suāsami ma aupā ia te i latou
 i lo latou itu taumatau ma lo latou
 itu tauagavale. Sa faaola e Ieova 30
 i lea aso ia Isaraelu nai lima o
 Aikupito ; ua iloa foi e Isaraelu
 tagata Aikupito i le matafaga, ua
 oti. Ua iloa foi e Isaraelu le vavega 31
 na faia e Ieova ia Aikupito, ona
 matatau lea o le nuu ia Ieova ; ua
 latou faatuatua foi ia Ieova, atoa
 ma lana auauna o Mose.

*O le pese a Isaraelu e vivii atu ai i
 le Atua.*

ONA pepese ai lea o Mose ma le 15
 fanauga a Isaraelu i lenei pese ia
 Ieova, ua latou fai ane, o loo faapea,
 Ou te pese ia Ieova, auā ua matuā
 manumalo o ia ; o le solofanua atoa
 ma le na tietie ai, ua ia lafoina i le
 sami. O Ioa, o lo'u malosi ia, ma 2
 la'u pese, ua fai foi o ia mo'u ola-
 taga ; o lo'u Atua lenei, ou te faa-
 neenee i ai ; o le Atua o lo'u tamā,
 ou te vivii lava ia te ia. O Ieova, 3
 o le toa lava ia, o Ieova o lona suafa
 lea. O kariota o Farao ma lana itu 4
 taua ua ia lafoina i le sami ; o ona

toa silisili foi ua gogoto i le sami
 5 Ulaula. O le moana ua ufitia ai i
 latou, ua latou o ifo i le mea loloto
 6 pei o se maa. Ieova e, ua mamalu
 lou aao taumatau i le malosi;
 Ieova e, o lou aao taumatau ua
 7 nutipalaina ai le ua ita mai. O le
 tele o lou malosi ua e lepetia ai e
 na tulai mai ia te oe; ua e tutuina
 atu lou toasa, ua 'aina ai i latou pei
 8 o le tagutugutu o saito. O le savili
 foi mai lou fofoga na faupue ai le
 sami; na tulai ona tafe pei o se
 mea mautietie, na to'a le moana i
 9 totonu lava o le sami. Sa faapea
 ane le na ita mai, Ou te tuliloaina,
 ou te maua atu; ou te tufatufa le
 vete, e mälle ai lava lo'u loto; ou
 te to ae la'u pelu, e fasiotia i latou
 10 i lo'u lima. Na e faaagi mai lou
 matagi, ona ufitia ai lea o i latou i
 le sami; ua gogoto i latou pei o le
 11 pulu i le moana sausau. Ieova e, o
 ai ca se uatusa ma oe i le vao atua?
 O ai se ua tusa ma oe, o le silisili
 ona paia, o le matautia i viiga, o le
 12 fai vavega? Na e faaloaloa lou aao
 taumatau, na foloia i latou e le
 13 eleele. O lou alofa ua e ta'ita'iina
 mai ai lenei nuu, ua e togiolaina ai
 lava; o lou malosi ua e ta'ita'iina ai
 14 i latou i lou afioaga paia. E faa-
 logologo i ai le vao nuu, e gatete
 ai; o e nonofo i Filisitia e maua i
 15 latou i le tiga. Ona atuatuva lea
 o matai o Etoma; o alii o Moapi e
 maua i latou i le gatete; e faavai-
 vaia lava o i latou uma ua nonofo i
 16 Kanana. E oo ia i latou le fefe tele
 lava ma le mata'u; o l u aao ma-
 losi e le gaoioi ai i latou, pei o le
 maa; seia o ane lou nuu, Ieova e,
 seia o ane lenei nuu ua e faatauina.
 17 E te faaoo atu, ma e totōina i latou
 i le mauga o lou tofi, Ieova e, o le
 mea ua e saunia, e te afio ai; o le
 mea paia, le Alii e, ua e faatumauina
 18 i ou aao. E fai Ieova ma tupu e
 19 faavavau faavavau lava. Auā na
 alu le solofanua a Farao, ma ona
 kariota, ma ana 'au e tietie i solo-
 fanua i le sami, ona faafoisia lea e
 Ieova o le suā-sami i luga ia i latou;
 a o le fanauga a Israelu na sava-
 vali i latou i le *ilili tai* matutu i
 totonu o le sami.
 20 O Miriama, o le perofeta fafine, o

le tuafafine o Arona ua ave e ia le
 topa i lena lima, ua o atu foi fafine
 uma lava ua mulimuli atu ia te ia
 ma topa ma siva. Ua tali atu
 21 Miriama ia te i latou, Ia outou pe-
 pese ia Ieova, auā ua matuā ma-
 numalo o ia; o le solofanua ma le
 na tietie ai, ua ia lafoina i le sami.

Ona tuua lea e Mose ma Israelu
 22 le sami Ulaula, ua latou co atu i le
 vao o Sura; ua aso tolu la latou
 malaga i le vao, a e lei maua se vai.
 Ua latou oo foi i Mara; a e lei
 23 mafai ona latou inu i le vai i Mara,
 auā ua oona; o le mea lea na igoa
 ai lea mea o Mara. Ona muimui ai
 24 lea o le nuu ia Mose, o loo fai mai,
 Se a se mea a matou inu ai? Ona
 25 ia alaga atu lea ia Ieova, ona faaali
 lea e Ieova ia te ia o le laau; ua na
 lafoina i le vai, ona magalo ai lea o
 le vai; ua ia tuuina atu i lea mea o
 le tulafono ma le faamasinoga ia te
 i latou, ua ia tofotofa foi ia te i
 latou i lea lava mea. Ua ia fetalai
 26 mai foi, Afai e te matuā faalogo i
 le leo o Ieova lou Atua, ma e fai le
 amio tonu i ona luma, ma e uai mai
 ou taliga i ana poloaiga, ma e tausi
 i ana sauniga uma lava, ou te le
 tuuina atu ia te oe se tasi o ia ma'i
 na ou tuuina atu ia Aikupito; auā
 o a'u o Ieova, o le na te faamaloloina
 oe. Ona latou oo lea i Ailima, ua i
 27 ai vaipuna e sefulu ma le lua, ma
 pama e fitugafulu; ua latou to
 lauapi e lata ane i le atu vai.

*Ua fagana Israelu e le Atua i
 le vao.*

ONA latou o lea nai Ailima, ua
 16 oo foi le faapotopotoga atoa uma o
 le fanauga a Israelu i le vao o
 Sina, o i le va o Ailima ma Sinai, i
 le aso e tasi le sefulu ma le lima o
 lona lua o masina talu ona latou
 tuua le nuu o Aikupito. Ona mui-
 2 mui lea o le faapotopotoga atea
 uma o le fanauga a Israelu ia
 Mose ma Arona i le vao. Ua fai
 3 atu foi le fanauga a Israelu ia te i
 laua, E! ana oti i matou i le aao o
 Ieova i le nuu o Aikupito, a o
 matou nonofo latalata i ulo e *tunu*
 ai tufaaga, na matou aai foi le mea
 e 'ai ma maoona ai; auā ua oulua
 au mai i matou i lenei vao ina ia

- fasiotia lenei faapotopotoga atoa uma i le fia 'ai.
- 4 Ona fetalai mai lea o Ieova ia Mose, Faauta, ou te faatotōina ifo le mea e 'ai mai le lagi mā outou, e o atu foi le nuu ma latou faaputuna, o le aso ma ana mea e tusa ai; ina ia ou tofotofa ai ia te i latou, pe latou te savavali i la'u tulafono pe leai. A oo foi i le aso ono, latou te sauni le mea e au mai ai, e tailua mea i mea e faaputu ai i lea aso ma
- 5 lea aso. Ona fai atu lea o Mose ma Arona i le fanauga uma a Israelu, A afiati tou te iloa ai, o Ieova lava na aumaia outou nai le nuu o Aikupito. A taeao foi, tou te vaai atu i le pupula o Ieova, ina ua faafogoga o ia i lo outou muimui ia Ieova; o ai ea foi i maua nei, tou te muimui
- 6 mai ai ia te i maua? Ua fai atu foi Mose, A afiati e foai mai ai e Ieova ia te outou o manu tou te aai ai, o le taeao foi e foai mai ai le mea e 'ai tou te maona ai lava; ina ua faafogogaina e Ieova lo outou muimui tou te muimui ai ia te ia; auā o ai ea i maua nei? e le o i maua, a o Ieova tou te muimui i ai.
- 7 Ua fai ane foi Mose ia Arona, Ia e fai atu i le faapotopotoga atoa uma o le fanauga a Israelu, Ia outou faalatalata mai i luma o Ieova, auā ua ia faafogoga i lo outou muimui. Ua oo foi ina o tautala atu Arona i le faapotopotoga atoa uma o le fanauga a Israelu, ua latou vaai atu i le vao, faauta, o le pupula o Ieova ua faaali mai i le ao.
- 8 Ona fetalai mai lea o Ieova ia Mose, ua faapea mai, Ua ou faalogo i le muimui o le fanauga a Israelu; ina fai atu ia ia te i latou, ia faapea atu, O le afiati tou te aai ai manu, o le taeao foi tou te maona ai i le mea e 'ai, i le tou te iloa ai, o a'u
- 9 lava o Ieova lo outou Atua. Ua oo foi i le afiati ona ae mai lea o salu, ua ufitia ai le togālanapi, o le taeao foi ua totō ai le sau, ua siaina ai le togālanapi. Ua alu ae foi le sau sa totō, faauta, o le fogāleclele, ua i ai ni mea iti faalapopototo, e la iti pei
- 10 o le sauto'a i luga o le elele. Ua iloa e le fanauga a Israelu, ona latou fai ane lea o le tasi i le tasi, Se a ea lenei? Auā latou te lei iloa po o le a lea. A ua fai atu Mose ia te i latou, O le mea e 'ai lenei, ua foaiina mai e Ieova ia te outou e aai ai. O le mea lava lenei 16 ua poloai mai ai Ieova, Ia faaputu i ai e taitasi le tagata e tusa ma lana e 'ai ai, o le omera mā le tagata, e tusa ma o outou tagata ua faitauina, ia outou taitasi ma ave e faataatai i e o i lona fale ie. Ua faapea lava 17 ona faia e le fanauga a Israelu, ua latou faaputu lava, ua tele a isi, a ua itiiti a isi. Ona latou fuaatia lea 18 i le omera; o le ua tele ana mea e leai sana mea e toe, o le ua itiiti ana mea, e le faalelava foi ana mea, ua latou taitasi ma faaputu e tusa ma lana mea e 'ai ai. Ona fai atu 19 lea o Mose ia i latou, Aua ne'i tuu e se tagata sina toe mea i le taeao. A e lei faalogo i latou ia Mose, ua 20 tuu e nisi tagata toe mea i le taeao, i le ua tupu ai ilo, ua elosia; ona ita ai lea o Mose ia te i latou. Ua 21 latou faaputu ai foi i lea taeao ma lea taeao, e taitasi le tagata e tusa ma lana e 'ai ai; a revelā foi le la, ona usi ai lea. Ua oo foi i le aso 22 ono, ona latou faaputu ai lea e lua mai a latou mea e 'ai, e tailua omera mā le tagata e toatasi; i le ua o ane ai o matai uma o le faapotopotoga, ma faaali atu ai ia Mose. Ona fai atu lea o ia ia te i 23 latou, O le mea lava lenei ua fetalai mai ai Ieova, O le aso taeao o le malologa lea o le sapati paia ia Ieova; o mea tou te fia tao, ina tao ia, o mea foi tou te fia tunuina, ina tunu ia; o mea uma foi ua toe ia outou tuu lea mā outou, ma teu ai seia taeao. Ua latou tuua foi i le 24 taeao, pei ona poloai mai ai o Mose; a e lei elosia lava, e leai lava se ilo o i ai. Ona fai atu lea o Mose, Tou 25 te aai lea i le asō, auā o le sapati le aso nei ia Ieova, tou te le maua se mea i le vao i le asō. O aso e ono 26 tou te faaputu ai, a o le aso fitu, o le sapati lea, e le i ai se mea. Ona oo lea i le aso fitu, ua o ane 27 ai nisi tagata latou te faaputu, a e lei maua se mea e i latou. Ona fetalai mai lea o Ieova ia Mose, Tou te le mafafai seia afea ona tasi i a'u poloaiga ma a'u tulafono? Faauta 28 ea, ua tuuina mai e Ieova le sapati 29

ia te outou, o le mea lea ua ia foaina mai ai i le aso ono o le mea e 'ai mo aso e lua, ina ia outou nonofo e taitasi i le mea e nofo ai, aua le alu i fafo se tagata i le mea e nofo ai i le aso fitu. Ona malolo lea o le nuu i le aso fitu.

31 Ua faaigoa lea mea e le aiga o Israelu, o le manai; e pei o le fatu koriano foi ia, e sinasina, e tusa foi lona manogi ma le faapāpā areto ua palu ma le meli. Ua fai atu foi Mose, O le mea lenei ua fetalai mai Ieova, Ia outou faatumuina ai se omera, ina ia teu mo o outou tupulaga amuli, ina ia latou iloa le mea e 'ai na ou faaina ai outou i le vao, ina ua ou aumaia outou nai le nuu o Aikupito.

33 Ua fai ane foi Mose ia Arona, Ia e ave se ato, ma tuu i ai le tumu o le omera o le manai, ma ia e tuuina i luma o Ieova, ina ia teu mo outou tupulaga amuli. Faapea ona fetalai mai Ieova ia Mose, ua faapea lava ona tuuina e Arona i luma o le atolaau o le tulafono, ina ia teu ai.

35 Ua aai foi le manai e le fanauga a Israelu i ona tausaga e fagafulu, ina seia latou oo atu i le nuu āina, ua oo i tuaoi o le nuu o Kanana ua latou aai ai le manai. O le omera, o lona vaega e sefulu lea o le efa.

Ua tafe le vai mai le papa. O le taua ma Amaleka.

17 ONA o lea o le faapotopotoga uma lava o le fanauga a Israelu nai le vao o Sina, ua savavali i latou e tusa ma le afiga a Ieova, ua latou to lauapi i Refiti, a e leai se vai e inu ai le nuu. Ona finau mai lea o le nuu ia Mose, ua latou fai mai ia te ia, Au mai ia se vai ia te i matou, matou te inu ai. Ona tali atu lea o Mose ia te i latou, Se a ea le mea tou te finau mai ai ia te au? Se a foi le mea tou te tofotofa ai ia Ieova? Ona fia inu lea o le nuu i lea mea; ua latou muimui foi ia Mose, ua fai mai, Se a le mea na e avae ai i matou nai Aikupito, e fasioti ai ia te i matou, ma a matou fanau, atoa ma a matou manu i le 4 fia inu? Ona alaga lea o Mose ia Ieova, ua faapea atu, Se a se mea ou te faia i lenei nuu, e toe ina

latou fetogi mai ia te au i maa? Ona fetalai mai lea o Ieova ia Mose, Ia e alu atu i luma o le nuu, tou te o ma nisi toeaina o Israelu; ia e ave foi i lou lima lou tootoo na e taia ai le vaitafe, ma e alu. Faauta, ou te tu ai i ou luma i luga o le papa i Horepa; e te taia le papa, ona puna mai ai lea o le vai, e feinu ai le nuu. Ona faapea lea ona faia e Mose i luma o toeaina o Israelu. Ua ia faaigoa foi lea mea o Mase, i le ma Meripa, ona o le finau o le fanauga a Israelu, ma lo latou tofotofa ia Ieova, o loo faapea ane, Ua ia i tatou ea Ieova, pe leai?

Ona o mai lea o Amaleka e tau ma Israelu i Refiti. Ona fai ane lea o Mose ia Iosua, Ina filifili ia mo i tatou tagata, tou te o e tau ma Amaleka; o a taeao ou te tu ai i le tumutumu o le mauga ma le tootoo o le Atua i lo'u lima. Ua fai foi e Iosua faapei ona fai ane o Mose ia te ia e tau ma Amaleka; ua o ae foi o Mose, o Arona, ma Huro i le tumutumu o le mauga. A sii i luga e Mose lona lima, ona malo atu ai lea o Israelu; a tuu foi i lalo lona lima, ona malo mai ai lea o Amaleka. Sa mamafa lima o Mose, ona la ave lea o le maa, ma tuu ai i ona lalo, ona tietie ai lea o ia; a o Arona ma Huro na la tao'i i luga ona lima, o le tasi i lea itu, ma le tasi i lea itu; ua mau ai ona lima ina seia goto le la. Ua lafoia foi Amaleka ma ona tagata e Iosua i le pelu.

Ona fetalai mai lea o Ieova ia Mose, Ina tusi ia lenei mea i le tusi e fai ma faamanatuga, ma ia faamatalaina i taliga o Iosua; auā ou te matuā soloiesea le faamanatuga ia Amaleka i le lalolagi. Ona faatu ai lea e Mose le fata faitaulaga, ma faaigoa ai O IEOVA-NESE. Ua ia fai ane foi, Auā na sii lona lima i le nofoāli o Ioa, e tau e Ieova le taua ma Amaleka i lea tupulaga ma lea tupulaga.

Ua o mai ia Mose o Ietero le tamā o lana avā, ma lona aiga.

UA faalogo Ietero, o le ositaulaga a Mitiana, o le tamā foi a le avā a Mose, i mea uma ua faia e le Atua

ia Mose ma Isaraelu lona nuu, ina
ua aumaia e Ieova o Isaraelu nai
2 Aikupito ona ave lea e Ietero le
tamā o le avā a Mose, o Sepora le
avā, a Mose, *auā* na ia muai faafoi
3 atu ia te ia, ma ana tama tane e
toalua, o le igoa o le tasi o Kere-
soma, *auā* ua faapea ana, Ua ou
4 āumau i le nuu ese ; o le igoa foi o
le tasi o Elisara, *auā*, (*sa faapea a*
ia), O le Atua o lo'u tamā, o lo'u
fesoasoani lea, na ia laveai mai ia
5 te au ai le pelu a Farao. Ua o ane
foi Ietero, le tamā o le avā a Mose,
ma ona atalii, ma lana avā ia Mose
i le vao, i le mea ua ia to ai le
6 lauapi i le mauga o le Atua. Ua ia
fai atu foi ia Mose, O a'u o Ietero
le tamā o lau avā, ua matou o mai
ia te oe, o a'u, atoa ma lau avā, ma
7 ana tama tane e toalua ma ia. Ona
alu atu lea o Mose e faafetaiai i le
tamā o lana avā, ua ifo i ai, ua la
feasogi foi ma ia ; ua la fealofani,
8 ona o ane lea i le fale ie. Ona tala-
tala atu lea e Mose i le tamā o lana
avā o mea uma lava na faia e Ieova
ia Farao ma Aikupito, ona o Isa-
raelu, ma lo latou tiga uma lava i le
ala, o Ieova foi ua laveai ia i latou.
9 Ona olioli lea o Ietero i mea lelei
uma lava ua faia e Ieova ia Isaraelu,
ina ua laveai mai ia i latou nai lima
10 o Aikupito. Ua faapea ane foi Ie-
tero, Faafetai lava ia Ieova, o le ua
laveai mai ia te outou nai lima o
Aikupito ma le lima o Farao, o le
ua laveaina le nuu nai lima o Aiku-
11 pito. O lenei, ua ou iloa e silisili
lava Ieova i atua uma lava ; *auā* o
le mea na latou faamaualuga ai, na
12 ia manumalo ai ia i latou. Ua faia
foi e Ietero, le tamā o le avā a Mose,
le taulaga mu ma taulaga i le Atua ;
ona o ane ai lea o Arona ma toeaina
uma lava o Isaraelu, latou te aai
faatasi ma le tamā o le avā a Mose
13 i luma o le Atua. Ua oo foi i le
taeao, ona nofo lea o Mose e faa-
masino i le nuu ; ua laulaututū foi
le nuu i luma o Mose, e afua mai i
14 le taeao ua oo i le afafi. Ua iloa
foi e le tamā o le avā a Mose, mea
uma na ia faia i le nuu, ona fai mai
ai lea o ia, Se a lava lenei mea o loo
e faia i le nuu ? O le a le mea ua
e nofo toatasi ai, a e laulaututū mai

o le nuu uma i ou luma, e afua mai
i le taeao, ua oo lava i le afafi ?
Ua tali atu foi Mose i le tamā o 15
lana avā, *Auā* o le nuu e o mai i
latou ia te au, latou te saili i le
Atua. Ai se mea ia te i latou, 16
latou te o mai ia te au ; ou te faa-
masino i le tasi ma le tasi, ma ou
faailoa atu i ai o faatonuga a le
Atua ma ana tulafono. Ona fai 17
mai lea o le tamā o le avā a Mose
ia te ia, E le lelei le mea o loo e
faia. O le a matuā tigaina oe atoa 18
ma lenei nuu o loo ia te oe ; *auā* e
mafatia oe i lenei mea, e te le lavā
ona e faia toatasi. O lenei, ia e faa- 19
logo mai ia te au, ou te faatonu atu
ia te oe, ona ia te oe lea o le Atua ;
ia fai oe ma tautuu upu mo le nuu
i luma o le Atua, ina ia e tauologo-
logoina mea i le Atua. Ia e faa- 20
malamalama atu foi ia te i latou i
faatonuga ma tulafono, ma faailo
atu ia i latou le ala latou te sava-
vali ai, ma mea e fai, latou te faia.
Ia e filifili foi ai le nuu atoa ni 21
tagata o loto tetele, o e matatau i
le Atua, o tagata faamaoni, ma e
'ino'ino i le manumanu ; ma ia e
tofia i latou e pule ia i latou, e fai
ma alii o taitoaafe, ma alii o taitoa-
selau, ma alii o taitoalimagafulu,
ma alii o taitoatinoagafulu ; ma ia 22
latou faamasino atu i le nuu i aso
uma lava ; o mea tetele uma lava e
au mai ia ia te oe, a o mea iti uma
ia latou faamasinoina ; ona faa-
māmā ai lea ia te oe, latou te feso-
soani foi ia te oe. Afai e te faia 23
lena mea, a fetalai mai foi le Atua
ia te oe faapena, ona e lavā tumau
lea ; o lenei nuu uma foi, latou te
maua atu le mea latou te nonofo ai
ma le manuia.

Ua faalogo Mose i le tamā o lana 24
avā, ua ia faia foi o mea uma lava
na ia fai mai ai. Ona filifili lea e 25
Mose o tagata loto tetele, mai Isa-
raelu uma, ua ia tuuina atu i latou
e pule i le nuu, o alii o taitoaafe, ma
alii o taitoaselau, ma alii o taitca-
limagafulu, ma alii o taitoatino-
gafulu. Ua latou faamasino atu 26
foi i le nuu i aso uma lava ; o mea
faigata ua latou avane ia Mose, a o
mea māmā uma, ua latou faamasi-
noina e i latou. Ona tuuina atu lea 27

e Mose le tamā o lana avā e alu; ona alu atu lea o ia i lona lava nuu.

O le sauniga o tulafono na tuuina ia Isaraelu.

- 19 O ONA masina e tolu talu ona tuua e le fanauga a Isaraelu le nuu o Aikupito, o lea lava aso na latou oo ai i le vao o Sinai. Auā na latou o ese i Refiti, ma latou oo atu i le vao o Sinai; ona latou to lauapi lea i le vao, ua to lauapi ai Isaraelu i le laulata o le mauga. Ona alu ae lea o Mose i le Atua; ona valaau mai lea o Ieova ia te ia ai le mauga, ua faapea mai, E te fai atu i le aiga o Iakopo, ma e faaali atu i le fanauga a Isaraelu, ia faapea atu, Na outou vaai atu i mea na ou faia i Aikupito, na ou avaa ia te outou i luga o apaa o aeto, na ou au mai foi ia te outou ia te au nei. O lenei foi, afai tou te matuā faalogo mai i lo'u leo, ma tausiusi i la'u feagaiga, ona fai lea outou ma oloa tāua mo'u, e sili i nuu uma; auā o lo'u lava le lalolagi uma. E fai foi outou ma malo o ositaulaga, ma nuu paia mo a'u; o upu ia e te tautala atu ai i le fanauga a Isaraelu.
- 7 Ona alu lea o Mose, ua ia aami atu toeina o le nuu, ua ia tuuina atu foi i o latou luma o upu nei uma lava na fetalai mai ai Ieova. Ona tali faatasi mai lea o le nuu uma, Matou te faia lava mea uma ua fetalai mai ai Ieova; ona momoli atu lea e Mose o le upu a le nuu ia Ieova. Ona fetalai mai lea o Ieova ia Mose, Faauta, o le a a'u alu atu ia te oe i le ao uliuli, ina ia lagona mai e le nuu pe a ou tautala atu ia te oe, ma ia latou falitounu pea lava ia te oe. Ua ta'u atu foi e Mose o upu a le nuu ia Ieova.
- 10 Ua fai mai foi Ieova ia Mose, Ina alu atu ia oe i le nuu, ma ia e faapaiaina i latou i le asō ma taeao, ma ia latou ta o latou ofu; ma ia latou nofo sauniuni i le aso i e luā; auā o le aso i e luā e alu ifo ai Ieova i luma o le nuu atoa uma i luga o le mauga o Sinai. E te faia foi le tuaoi mo le nuu, e faasiosioina ai, ma ia e fai atu, Ia outou, ne'i tou o a i le mauga, ne'i outou papai atu foi i ona vae mauga; ai se papai atu

i le mauga, e matuā oti lava ia. Aua ne'i papai ia te ia se lima; a e fetog'a lava o ia i maa, pe fanaia i le u, po o se manu po o se tagata, e le ola lava ia. Pe a faalevave le pu ona ili, i le o ae ai i latou i le mauga.

- Ona alu ifo lea o Mose nai le mauga i le nuu, ua ia faapaiaina foi le nuu, ua latou ta foi o latou ofu. Ua ia fai atu foi i le nuu, Ia outou nofo sauniuni i le aso i e luā; aua ne'i outou o ane i a outou avā. Ona oo lea i le aso tolu i le taeao, ua i luga o le mauga o faititili, ma uila, ma le ao uliuli, o le leo foi o le pu ua matuā tele; ona gatete ai lea o le nuu uma lava sa i le togālauapi. Ona au mai lea e Mose o le nuu nai le togālauapi, latou te fetaiai ma le Atua; ona latou laulaututū ai lea i lalo o le le mauga. O le mauga o Sinai foi ua pusa atoa uma; auā na afio ifo ai Ieova i le afi, ua alu ae foi ona asu pei o le asu o se umu; ua luluteleina lava le mauga atoa uma. O le leo o le pu ua alualu ona tele lava; ua tautala atu Mose, ona talia mai lea e le Atua ia te ia i le siufofoga. Ona afio ifo lea o Ieova i luga o le mauga o Sinai, i le tumutumu o le mauga; ua valaau foi Ieova ia Mose e alu ae i le tumutumu o le mauga, ona alu ae ai lea o Mose. Ona fetalai lea o Ieova ia Mose, Ina alu ia oe i lalo, fai atu lava i le nuu, ne'i latou sofaia mai e maimoa ia Ieova, ona oti ai lea o i latou e toatele. O ositaulaga foi e faalatalata ia Ieova, ia faapaiaina i latou e i latou, ne'i osofai atu Ieova ia i latou. A ua tali atu Mose ia Ieova, E le mafai le nuu ona ae mai i le mauga o Sinai, auā o oe na e fetalai mai ia te i matou, ua faapea mai, Ia outou fai le tuaoi, ma ia tapu le mauga ia te outou. Ona fetalai lea o Ieova ia te ia, Ina alu ia i lalō, i le o mai ai oulua ma Arona faatasi ma oe; a o faitaulaga ma le nuu, aua ne'i sofaia mai i latou e ae mai ia Ieova, ne'i osofai atu o ia ia te i latou. Ona alu ifo lea o Mose i le nuu, ma na fai atu ai ia te i latou.

O tulafono a Ieova.

- 20 ONA fetalai mai lea o le Atua i
 2 nei upu uma lava, ua faapea mai, O
 a'u o Ieova lou Atua, o le na aumaia
 oe nai le nuu o Aikupito, o le mea
 sa nofo pologa ai;
 3 Aua ne'i e fai mo oe ni atua ese i
 o'u luma.
 4 Aua e te fai mo oe se tupua ua ta,
 po o se faatusa lava o se mea o i le
 lagi i luga, po o i le fanua i lalo, po
 5 o i le sami o i lalo o le fanua; aua e
 te ifo i ai, aua foi e te auauna i ai;
 auā o a'u o Ieova lou Atua, o le
 Atua fuā, o lē tau'i atu i fanau o le
 amioletonu a o latou mātua, e oo i
 le *tupulaga* e tolu ma le fa o e 'ino-
 6 'ino mai ia te au; a ou te alofa i afe
 o *tupulaga* o e alofa mai ia te au,
 ma tausi mai i a'u poloaiga.
 7 Aua e te ta'u fua le suafa o Ieova
 lou Atua; auā e le faasaoina e
 Ieova o lē ta'u fua i lona suafa.
 8 Ia e manatua le aso sapatu e te
 9 faapaiaina. O aso e ono e te galue
 ai, ma fai ai au galuega uma lava;
 a o le aso fitu o le sapa'ti lea ia
 10 Ieova lou Atua; aua e te fai ai se
 galuega e tasi, o oe, ma lou atalii,
 ma lou afafine, o lau auauna tane,
 ma lau auauna fafine, o au manu foi,
 ma le tagata ese o lo mau ma oe.
 11 Auā na faia e Ieova i aso e ono o le
 lagi ma le lalolagi, atoa ma le sami,
 ma mea uma lava o i ai, ona malolo
 ai lea o ia i le aso fitu; o le mea foi
 lea na faamanuia ai e Ieova le aso
 sapatu, ma na faapaiaina ai.
 12 Ia e ava i lou tamā ma lou tinā,
 ina ia faalevaleva ai ou aso i le nuu
 o le a foaiina mai e Ieova lou Atua
 ia te oe.
 13 Aua e te fasioti tagata.
 14 Aua e te mulilua.
 15 Aua e te ga'oi.
 16 Aua e te molimau pepelo i lē lua
 te tu'oi.
 17 Aua e te manao i le fale o lē lua
 te tua'oi, aua e te manao i le avā a
 13 lua te tua'oi, po o lana auauna
 tane, po o lana auauna fafine, po o
 lana povi, po o lana asini, po o se
 tasi mea a lē lua te tua'oi.
 18 Ua iloa e le nuu uma lava le
 faititili, ma le uila, ma le taalili o
 le pu, ma le mauga ua pusa, ona

fefefe lea o le nuu ua gatete lava i
 latou ma tutū mamao atu. Ua 19
 latou faapea mai foi ia Mose, Ia e
 tautala mai oe ia te i matou, matou
 te faalogo i ai; a e aua le fetalai mai
 le Atua ia te i matou, ne'i matou
 oti. Ua tali atu Mose i le nuu, 20
 Aua tou te fefefe; auā ua afio mai
 le Atua ina ia tofotofa ia te outou,
 ina ia matautia foi o ia e outou, ina
 ne'i outou agasala. Ona tutū ma- 21
 mao atu lea o le nuu, a o Mose ua
 ia faalatalata atu i le mea pogisa ua
 i ai le Atua.

Ua fetalai mai foi Ieova ia Mose, 22
 Ia e fai atu i le fanauga a Isaraelu,
 ia faapea atu, Ua outou iloa ua ou
 tautala atu ia te outou mai le lagi;
 aua tou te faia atua ario e faaopopo 23
 mai ia te au, aua foi ne'i faia atua
 auro mo outou. Ia e faia le fata 24
 elele e fai a'i *taulaga* ia te au, ma
 ia e fai taulaga i ona luga, o au
 taulaga mu, ma au taulaga faafetai,
 o au mamoe, ma au povi; o mea
 uma lava ou te faailoa atu ai lo'u
 igoa, ou te alu atu ai ia te oe, ma
 ou faamanuia ai ia te oe. Afai foi 25
 e te faia se fata maa e fai a'i *tar-*
laga ia te au, aua le faia i maa
 talai; auā pe a e talai i se to'i, ona
 leaga ai lava lea ia te oe. Aua foi 26
 e te alu ae i se ala faaapefai i lo'u
 fata faitaulaga, ne'i aliali ai lou
 tino.

O tulafono i auauna, ma le fasi tagata.

O NEI upu foi e faamasino ai, e 21
 te tuuina atu ia te i latou. Pe a e 2
 faatau se auauna Eperu, e auauna o
 ia ia te oe i tausaga e ono; a o le
 fitu o tausaga, e te faasaoloto fua ia
 te ia. Pe afai na sau toatasi o ia, 3
 ia alu foi e toatasi; a e peitai afai
 ua fai avā, ia o i laua ma lana avā.
 Pe afai na avatu e lona matai se 4
 avā ia te ia, ma ua fanau mai ni ona
 atalii po o afafine, ia tuu pea i lona
 matai le avā ma ana fanau, ua na o
 ia e alu ese e toatasi. Pe afai foi e 5
 matuā fai ane le auauna, Ou te
 alofa lava i lo'u matai ma la'u avā,
 ma la'u fanau, ou te le alu ese lava
 a'u; ona ta'ita'iina ane lea o ia e 6
 lona matai i faamasino; e ta'ita'iina
 foi e ia i le puipui, po o le pou o le

- faitotoa; ona tui lea o lona matai i
lona taliga i le au, ona auaua pea
lava lea o ia ia te ia.
- 7 A e afai e faatau e se tagata i
lona afafine e fai ma auaua fafine,
aua le alu ese ia, pei ona alu o
- 8 auaua tane. Afai e leaga ia i le
manatu o lona matai na faufautane
ai, ia *tuu atu* ia toe faatauina ia; e
le toe pule ia i ai ona faatau i se
nuu ese, auā ua ia 'ole'ole ia te ia.
- 9 Pe afai foi na te faufautane ia te ia
i lona atalii, na te faia ia te ia o
- 10 mea e tusa i afafine. Pe afai e toe
fai se fasi *ava*, ia avatu pea lana
mea e 'ai, ma ona ofu, ma le tu e
- 11 tatau a le tane ma le avā. Pe afai
foi na te le faia o nei mea e tolu ia
te ia, ona alu fua lava lea o ia, e le
avane ni tupe.
- 12 O le na te fasi se tagata e oti ai o
13 ia, ia fasiotia lava o ia. A e afai e
lei lamalama o ia i ai, a ua tuuina
atu o ia e le Atua i lona lima; ou
te tofia mo oe se mea e sola i ai o
- 14 ia. A e afai e faamaualuga se
tagata i le tasi, ma fasioti ia te ia i
se togafiti, e te ave ese lava ia te ia
i lo'u fata faitaulaga ia oti o ia.
- 15 O se fasi i lona tamā, po o lona
tinā, ia fasiotia lava o ia.
- 16 O se gaioi foi i se tagata, ma faa-
tauina o ia, po ua iloa o ia o loo ia
te ia, ia fasiotia lava o ia.
- 17 O se fetuu foi i lona tamā, po o
lona tinā, ia fasiotia lava o ia.
- 18 Afai e femisai tagata, ona fasi lea
o le tasi i le tasi i se maa, po o lona
lima; a le oti o ia, a e taoto i lona
- 19 moega; pe a toe tulai o ia, ma fe-
alualuai i fafo ma lona tootoo, ona
sao lea o le na fasi ia te ia, a e tau
atu e ia ia te ia i ona *aso* ua taoto
ai, ma faamalolo lava ia te ia.
- 20 Pe afai e fasi se tagata i lana
auaua tane, po o lana auaua fafine
i le tootoo e oti loa ai o ia i lona
lima, ia matuā faasalaina lava o ia.
- 21 A e peitai a ola ia i se aso e tasi, po
o aso e lua, aua le faasalaina o ia;
22 auā o ana tupe lava ia. Pe afai e
femisai tagata, ona lavea ai lea o se
fafine ua to, ona le au ai lea o lana
tama, a e lei afaina ai o ia, ia matuā
au mai lana sala, e faitalia le tane a
le fafine ona faatatau atu i ai; e
avane lava e ia *le tologi*, e faitalia
- faamasino. A e afai e tigaina ai *le* 23
fafine, ia e sui atu le oti i le oti; o 24
le mata e sui a'i le mata; o le nifo
e sui a'i le nifo; o le lima e sui a'i
le lima; o le vae e sui a'i le vae; o 25
le mu e sui a'i le mu; o le manua e
sui a'i le manua; o le ta e sui a'i le
ta. Pe afai foi e ta e le tagata le 26
mata o lana auaua tane, po o le
mata o lana auaua fafine, e mole
ai *le mata*, ia tuu saoloto ia te ia e
sui a'i lona mata. Pe afai foi e ta 27
e ia *le gutu*, ua paū ai le nifo o lana
auaua tane, po o le nifo o lana
auaua fafine, ia tuu saoloto ia te
ia e sui a'i lona nifo.
- Pe afai e sua e se povi i se tane, 28
po o se fafine e oti ai o ia, ia fetogia
i maa ia mate lea povi; aua foi le
'aina lona tino, a ia sao lē ana *le*
povi. A e afai ana masani lea povi 29
ona sua i aso ua mavae, ma ua
faailoa atu i lē ana *le povi*, a e lei
leoleoina e ia; a oti ai se tane, po o
se fafine, ia fetogia i maa ia mate
lea povi, ia oti foi lē ana *le povi*. A 30
e afai e tuuina ia te ia e *au mai* se
togiola, ona avatu lea e ia se togi-
ola, e tusa ma mea atoa uma e
tuuina atu ai ia te ia. Afai o se 31
atalii e suatia, po o se afafine e
suatia, ia faia lava ia te ia e tusa
ma lenei faamasinoga. Afai e sua- 32
tia e le povi se auaua tane, po o se
auaua fafine, ona avatu ai lea e ia
i lona alii o sekeli ario e tolugafulu,
a ia fetogia i maa ia mate le povi.
Pe afai foi e susue e se tagata se 33
lua, pe eli e se tagata se lua, a e le
ufitia, afai foi e paū i ai se povi, po
o se asini; ona tau i ai lea e lē ana 34
le lua, e avatu tupe i lē ana *le manu*,
a e fai māna le *manu* ua mate. Afai 35
foi e lavea e le povi a le tasi tagata
o le povi a le tasi, e mate ai ia; ia
faatauina atu le povi ola, ma ia ia
vaeluaina tupe, ia la vaeluaina foi
le povi ua mate. A e afai ua iloa 36
ua masani lea povi ona sua i aso ua
mavae, a e lei leoleoina e lē ana *le*
manu, ona tau i ai lava lea o le
povi e sui a'i le povi, a e fai māna
le povi ua mate.
- O tulafono i le gaioi ma nisi mea.*
- PE afai e gaioi se tagata i se povi 22
po o se mamoe, ma fasi, pe faatau

- ai, ia toe tau mai e ia e lima povi e
sui a'i le povi, e fa foi mamoe e sui
2 a'i le mamoe. Pe afai e maua se
gaoi a o eli e ia i *le pa o le fale*, a e
fasia o ia ma oti ai; aua le *sasaa* se
3 toto e *sui a'i* o ia. A e afai ua alu
ae le la, a o i ai o ia, e *sasaa* ai le
toto e sui a'i o ia; ia matuā avatu
se totogi e ia; a leai sana mea, ia
faatauina o ia e sui a'i lona gaoi.
4 Pe afai e maua lava, o loo ia te ia
le mea na ia gaoia, o se povi, po o
se asini, po o se mamoe, o loo ola,
ia totogi ane ai e ia tailua.
5 Pe afai e faasaunoa e se tasi le
fanua po o le tovine, ma tuu atu ai
lana manu, ma faasaunoa le fanua
o se tasi, ia totogi atu e ia i mea e
sili ona lelei i lona fanua, ma le
mea e sili ona lelei i lona tovine.
6 Pe afai e mu se afi, e maua ai
laau tuitui e susunu ai le faupuegā-
saito, po o le saito o loo tu, po o le
fanua; ia totogi atu lava e le na
mu ai le afi.
7 Pe afai e tuuina atu e se tagata
ni tupe po o oloa i le la te tuaoi, na
te tausia, a e gaoia nai le fale o lea
tagata; a iloa le na gaoi, ia totogi
8 atu lava e ia ia tailua. Afai e le
iloa le gaoi ia alu ane le matai o le
fale i faamasino, *ina ia iloa* po ua
tago atu o ia i le oloa a lē la te
tuaoi.
9 O mea uma lava e *tupu ai* le aga-
leaga, po o se povi, po o se asini, po
o se mamoe, po o se ofu, po o se
tasi mea ua le iloa, e fai ane ai se
tasi o lana lava lea, e avatu ai le
upu a laua i faamasino, i le o le ua
faasalaina e faamasino, ia totogi atu
lava e ia i lē la te tuaoi e tailua.
10 Pe afai e tuuina atu e se tagata se
asini, po o se povi, po o se mamoe,
po o se tasi manu i le la te tuaoi,
na te tausia, a mate, pe gau, po ua
avea, a e lei iloa e se tasi; ona fai
11 lea e ia o le tauto ia Ieova, na ia le
tago atu i le mea a lē la te tuaoi, ia
talia lea e lē ana le manu, aua le
12 tauia. A e afai ua gaoia lava nai ia
te ia, ia totogi atu i lē ana le manu.
13 Afai ua saeia lava, ia au mai e ia e
faamaoni ai; o le mea na saeia e le
14 tauia lea. Pe afai e nono e se tasi
se mea mai lē la te tuaoi, a gau lea
mea, pe mate, a o le i ai lē ana le

manu, ia totogi lava lea. Afai o i 15
ai lava lē ana le *manu*, aua le totogi
ia te ia; afai *na au mai* ina ia fai se
totogi, ua oo mai ia te ia i lona *fai*
totogi.

Pe afai e faaoleole se tasi i se 16
taupou, e lei faufautane, ua la mo-
moe foi ma ia; ia avatu lava e ia le
oloa e faatau ai ia te ia e fai mana
avā. A e afai e le mafai lava lona 17
tamā ona avatu o ia ia te ia, ia
avatu i ai e ia tupe e tusa ma le
oloa e avatu ai i le taupou.

Aua lava ne'i ola se taulāitu 18
fafine.

Ai se tasi la te momoe ma se 19
manu, ia fasioitia lava ia.

O se fai taulaga i se isi atua, ia 20
fano lava ia; ua na o Ieova lava e
fai taulaga i ai.

Aua le agaleaga, pe faasana i se 21
tagata ese; auā sa fai ma tagata
ese outou i le nuu o Aikupito.

Aua le agaleaga i se fafine ua oti 22
lana tane, po o se mātuaoti. Afai e 23
te agaleaga lava i ai, ona alaga mai
lea o ia ia te au, ou te faalogo lava
i lona alaga mai. E matuā tupu ai 24
lo'u ita, ou te fasioiti ai foi ia te
outou i le pelu, e avea foi a outou
avā o fafine ua oti a latou tane, o la
outou fanau foi e mātuaoti.

Pe afai e te avatu tupe i se tagata 25
mativa o lo'u nuu lua te felatai;
aua e te tagi ia te ia i se totogi
faasili; aua foi e te fai atu ai ia te
ia i se totogi faasili.

Pe afai ua ia te oe le ofu o lē lua 26
te tuaoi na tuu faafaatanu, ia e toe
avatu lava ia te ia, a o lei goto le
la; auā o lona pulupulu lava lea, o 27
le ofu o lona lava tino; se a se mea
a afu ai o ia? pe a alaga mai o ia ia
te au ou te faalogo i ai; auā ou te
alofa lava a'u.

Aua e te faifai i faamasino, pe 28
fetuu i le alii sili o lou nuu.

Aua e te faatua mai le faapolo- 29
polo o le fua o *lou fanua*, atoa ma
lau suāvine; o le ulumatua i ou
atalii e te tuuina mai mo'u. E te 30
faia faapea foi i lau povi ma lau
mamoe, e tuu pea ia i le aumatua i
aso e fitu; a o le aso valu e te au
mai ai ma'u.

E fai outou ma tagata paia mo 31
a'u; aua foi tou te aai se manu

na saeia i le vao; ia lafo lava lea i uli.

O faamasinoga ma tausamiga.

- 23 AUA e te sii le tala fatu fua; aua foi le 'au faatasi ma le tagata amio leaga, ne'i fai oe ma molimau
2 faasaua. Aua e te mulimuli atu i le toatele e fai le amio leaga; aua foi e te tali atu i se finauga, e 'au ma le toatele e faapiopio ai le faamasinoga. Aua e te ava i le tagata
3 mativa i lana finauga.
4 Pe afai lua te fetai'ai ma le povi a lē lua te masesei, po o lana asini ua sē, ia e toe faafoi mai ai lava ia
5 te ia. Pe afai e te iloa le asini a le ua ita mai ia te oe, o loo tao'o i lalo o lana avega; ia oe ne'i e tuua lava o ia, a ia oulua tatalaina lava faatasi ma ia.
6 Aua e te faapiopioina le faamasinoga o le tagata mativa lua te
7 felatai i lana finauga. Ia e taumamao ma le upu pepelo, aua foi le fasioti le tagata e le sala ma le ua amiotonu; auā ou te le ta'uamiotonuina le tagata amio leaga. Aua
8 le talia se mea alofa; auā o le mea alofa e faatauaso a'i o e vaavaai, e faasescina ai foi upu a e amiotonu.
9 Aua foi e te faasaua i se tagata ese, auā ua outou iloa lava le loto o le tagata ese, auā sa fai outou ma tagata ese i le nuu o Aikupito.
10 E ono tausaga e te lulu ai saito i lou fanua, ma faaputu mea e tutupu
11 ai; a o le tausaga e fitu, e te tuu ia ma ia tuu ai pea lava, ina ia aai ai o e matitiva i lou nuu; o mea foi e toote ia te i latou e aai ai o manu o le vao; ia faapea foi ona e fai i lau tovine ma lau toolive.
12 E ono aso e te fai ai au galuega, a o le aso fitu e te malolo ai, ina ia malolo ai lau povi ma lau asini, ia mapu foi le tama a lau auaina
13 fafine, ma le tagata ese. O nei mea uma foi ua ou fai atu ai ia te outou, ia outou tausi i ai; aua foi ne'i tou ta'uta'u le igoa o atua ese, aua lava ne'i faalogo i ai i lou gutu.
14 E tai atu tolu i tausaga ona e fai
15 o tausamiga ia te au. Ia e fai le tausamiga o areto e le faafefeteina; e fitu aso e te 'ai ai areto e le faafefeteina, faapei ona ou poloai atu ai

ia te oe, i ona po na atofaina i le masina o Apipa; auā na e sau ai nai le nuu o Aikupito; aua foi ne'i iloa se isi i o'u luma ua leai sana mea; ma le tausamiga o le selesele-
gāsaito; ma le uluai fua o lau galuega na e totoina i le fanua; ma le tausamiga o le faaputuga o mea e 'ai ina a uma le tausaga, pe a uma ona faaputuina o au mea mai le fanua. E tai atu tolu i tausaga
16
17
18
19
20
21
22
23
24
25
26
27
28

Aua le fai taulaga i le toto o la'u taulaga faatasi ma le areto ua faafefeteina; aua foi ne'i tuu pea seia taeao ga'o o la'u taulaga.

O le faapolopolo o le uluai fua o lou laueleele, ia e au mai lea i le fale o Ieova lou Atua. Aua le tunu se tamai 'oti i le suāsusu o lona tinā.

Faauta, ou te auina atu le agelu i ou luma, na te tausia oe i le ala, na te faaoo atu foi ia te oe i le mea ua ou saunia; ia e faaeteete oe ia te oe i ona luma, ma ia e faalogo i lona leo, aua le faaonono ia te ia, auā na te le faamagaloina o outou solitulafono; auā foi o loo ia te ia lo'u nei igoa. A e afai e te matuā faalogo i lona leo, ma fai mea uma lava ou te fai atu ai, ona fai ai lea mo'u fili o e ua fai oe mo latou fili, ou te faatiga atu foi i e faatiga mai ia te oe. Auā e muamua atu la'u agelu i ou luma, ma faaoo atu ia te oe i le nuu o sa Amori, ma sa Heti, ma sa Perisē, ma sa Kananā, ma sa Hivī, ma se Iepusē; ou te faaumatia foi i latou. Aua e te ifo i o latou atua, aua foi le auaina ia i latou, aua foi le fai e tusa ma mea latou te faia; a ia e matuā lepeti, ma matuā tu'ininiia o latou tupua. A ia outou auaina ia Ieova lo outou Atua, ona faamanuia lea e ia lau mea e 'ai atoa ma lou vai; ou te faatea ese foi ma'i ia te oe. E leai sē papā sana tama, e le pa foi se tasi i lou nuu; ou te faatoaina lava ou aso. O lo'u matautia ou te auina atu e muamua ia te oe, ou te tulia foi nuu uma e te alu atu i ai; ou te tuuina atu foi i e ita ia te oe uma lava ia latou liliu mai o latou tua ia te oe. Ou te auina atu foi e muamua atu ia te oe o lagomumu,

e tuli ai sa Hivī, ma sa Kananā, ma
 29 sa Hetī ai ou luma. Ou te le tulia
 i latou ai ou luma i le tausaga e
 tasi, ne'i gaogao le fanua, ma tupu
 30 tele ai o manu feai e tiga ai oe. A
 e taitoaitiiti ma taitoaitiiti ou te
 tulia ai i latou i ou luma, ina seia e
 tupu tele ai, ma ia e maua le fanua.
 31 Ou te tuu foi ou tuaoi e gata mai i
 le sami Ulaula, e gata mai foi i le
 sami o Filisitia, e gata mai foi i le
 vao, e gata mai i le vaitafe; auā ou
 te tuuina atu i o outou lima i latou
 o e nonofo i le nuu; e te tulia foi i
 32 latou ai ou luma. Pua e te osi se
 feagaiga mai i latou, po o latou atua.
 33 Aua ne'i latou nonofo pea i lou nuu,
 ne'i latou faatupu ai lau agasala ia
 te au; auā po a e auaua i o latou
 atua, e fai lava ia ma mailēi ia te oe.

*Ua faamauina le feagaiga a le Atua
 mā Isaraelu.*

24 UA ia fetalai mai foi ia Mose,
 Ina outou o mai i luga nei ia Ieova,
 o oe, ma Arona, ma Natapu, ma
 Aviu, atoa ma toeaina o Isaraelu e
 toafitugafulu, ma ia outouifo mamao
 2 mai. Na o Mose e faalatalata toa-
 tasi o ia ia Ieova, a o i latou, aua
 ne'i faalatalata mai; aua foi ne'i o
 3 ae le nuu faatasi ma ia. Ona alu
 lea o Mose ma na faailo atu i le
 nuu o afioga uma lava a Ieova ma
 faamasinoga uma. Ona tali mai
 lea o le nuu uma ma le leo gatasi,
 ua faapea mai, O mea uma lava ua
 fetalai mai ai Ieova, matou te
 4 faia lava. Ona tusi lea e Mose o
 afioga uma lava a Ieova; ona tulai
 lea o ia i le taeao lava, ma na faia le
 fata faitaulaga i lalo o le mauga,
 atoa ma faailoga maa e sefulu ma le
 lua moitu aiga o Isaraelu e sefulu ma
 5 le lua. Ua ia auina atu foi taule-
 lea o le fanauga a Isaraelu, ua latou
 avatu taulaga mu, ma latou faia
 taulaga faafetai, o povi ia, ia Ieova.
 6 Ona ave lea e Mose le tasi vaega o
 le toto, ma ua liligi i ipu; o le tasi
 vaega o le toto ua ia sausuina i
 7 luga o le fata faitaulaga. Ua ia
 ave foi le tusi o le feagaiga, ma na
 faitaula i luma o le nuu; ona latou
 fai mai ai lea, O mea atoa uma ua
 fetalai mai ai Ieova matou te faia
 8 lava, ma faalogi i ai. Ona ave lea

e Mose o le toto, ma na sausuina
 ai le nuu; ua ia faapea atu foi,
 Faauta i le toto o le feagaiga ua
 osia e Ieova ma outou i nei mea
 uma lava.

Ona o ae lea o Mose, mā Arona, 9
 ma Natapu, ma Aviu, atoa ma toe-
 aina o Isaraelu e toafitugafulu; ua 10
 latou vaai atu foi i le Atua o Isara-
 elu; sa i lalo ifo o ona aao pei o le
 mea ua faia i maa safaira, e pei o le
 lagi lava ona pupula. Ua ia le faa- 11
 oo atu foi lona aao i alii o le fanauga
 a Isaraelu; ua latou ilo atu i le
 Atua, ma latou aai ma inu.

Ua fetalai mai foi Ieova ia Mose, 12
 Ina sau ia oe i luga nei ia te au i le
 mauga, ma e nofo ai; ou te avatu
 ai ia te oe papamaa, ma le tulafono,
 ma poloaiga na ou tusia, e a'oa'o ai
 ia te i latou. Ona tulai lea o Mose 13
 ma lana auaua o Iosua; ona alu ae
 lea o Mose i le mauga o le Atua.
 Ua ia fai atu foi i toeaina Ia outou 14
 tali atu i maua iinei, seia ma foi
 mai ia te outou; faauta, o Arona
 ma Huro o ia te outou i laua; ai se
 tasi ua i ai se mea e faamasino ai ia
 alu atu o ia ia i laua. Ona alu ae 15
 lea o Mose i le mauga, ona ufitia lea
 o le mauga i le ao; ua tumau foi le
 pupula o Ieova i luga o le mauga o
 Sinai, e ono foi aso na ufitia ai i le
 ao; o le aso fitu foi na ia valaau
 mai ai ia Mose ai totonu o le ao. 16
 O le tino mai foi o le pupula o
 Ieova, sa pei o le afi maamaai i le
 tumutumu o le manga i luma o le
 fanauga a Isaraelu. Ua alu foi 17
 Mose i totonu lava o le ao, ua alu
 ae foi i le mauga; sa i ai Mose i
 le mauga i ao e fagafulu ma po e
 fagafulu.

O le sauniga o le fale fetafai.

UA fetalai mai foi Ieova ia Mose. 25
 ua faapea mai, Ia e fai atu i le fa- 2
 nauga a Isaraelu, ia latou au mai le
 taulaga ia te au, e taitasi le tagata
 ma le mea ua manatu fua i ai i lona
 loto, tou te talia mai ai le taulaga
 ia te au. O le taulaga foi lenei tou 3
 te talia mai ia i latou, o le auro, ma
 le ario, atoa ma le 'apa memea; ma 4
 ie uli, ma le pauli, ma le mūmū,
 ma le ie vavae, ma fulufulu 'oti,
 ma pa'u mamoe poa ua faalanu 5

6 ulaula, ma pa'u takesa, ma le laau
 o le setima; o le suāuu e mu a'i le
 afi, o mea manogi e manogi a'i le uu
 e uu a'i, e fai a'i foi le mea manogi
 7 lelei e mu; o maa soama, ma maa
 e teu ai i le efota, atoa ma le ufi-
 8 fatafata. Ia latou faia foi mo a'u
 se malumalu, ou te nofo ai faa-
 9 tasi ma i latou; e tusa ma mea
 uma lava ou te faaali ai ia te oe, pei
 o le faatusa o le malumalu, ma le
 faatusa o ana mea uma lava; ia
 faapea ona outou faia.
 10 Ia latou fai foi le atolaau i le
 laau o le setima; e lua kupita ma
 le vaeluagalemu o le kupita lona
 umi, o le kupita ma le vaeluagalemu
 o le kupita lona lau, o le kupita foi
 ma le vaeluagalemu o le kupita lona
 11 maualuga. Ia e ufiufi foi i ai i le
 auro lelei, i totonu ma tua e te
 ufiufi ai; ia e fai foi i ona luga o le
 12 pale auro e siosioina ai. Ia e tunu
 le auro i le fai a'i o mama e fa, ma
 ia e tuuina i ona tuli ato e fa, e lua
 mama i le tasi ona itu, e lua foi
 13 mama i le tasi ona itu. Ia e fai
 foi amo o le laau o le setima, ma ia
 14 e ufiufi ai i le auro; ona e sulu atu
 lea o amo i totonu o mama i ona itu
 o le atolaau, e amo a'i le atolaau.
 15 Ia tuu pea lava amo i mama o le
 16 atolaau, aua le aveeseina ai. Ia e
 tuu foi i totonu o le atolaau le tula-
 fono ou te avatu ai ia te oe.
 17 Ia e fai foi le nofoa o le alofa i le
 auro lelei; e lua kupita ma le vae-
 luagalemu o le kupita lona umi, o le
 kupita foi e tasi ma le vaeluagalemu
 18 o le kupita lona lau. Ia e fai foi
 kerupi auro e lua ia e togitogi faa-
 manauira i pito e lua o le nofoa
 19 o le alofa. Ia e fai le tasi kerupi i
 le tasi pito nofoa, o le tasi foi kerupi
 i le tasi pito nofoa; o le mea e fai
 a'i le nofoa o le alofa tou te fai ai
 foi kerupi i ona pito nofoa e lua.
 20 E fālō foi e kerupi o la apaau i luga,
 ia faamalumalu ifo le nofoa o le
 alofa i o la apaau; o fesagai foi o
 la mata; ia faasaga foi o mata o
 21 kerupi i le nofoa o le alofa. Ia e
 faaee foi le nofoa o le alofa i luga
 o le atolaau; e te tuu foi i le atolaau
 o le tulafono ou te avatu ai ia te
 22 oe. Ta te fetai ai ma a'u i lea mea,
 ma ou tautala atu ia te oe ai luga o

le nofoa o le alofa, ai le va o keru-
 pi e lua i luga o le atolaau o le
 tulafono, i mea uma lava ou te fai
 atu ai ia te oe, e te fai atu ile fanau-
 ga a Isaraelu.

Ia e fai foi le laoi i le laau o le 23
 setima; e lua kupita lona umi, o le
 kupita e tasi lona lau, o le kupita
 ma le vaeluagalemu o le kupita lona
 maualuga. E te ufiufi ai foi i le 24
 auro lelei, ma fai ai le pale auro e
 siosioina ai. E te fai ai foi o lona 25
 tafatafa i lalo e siosioina ai, o le
 lautele o le alofilima e tasi lona lau;
 ma ia e fai le pale auro mo le tafa-
 tafa i lalo e siosioina ai. Ia e fai ai 26
 foi mama auro e fa, ma tuu tai asi
 mama i ona tuli laoi e fa, i ona
 vae e fa; ia felatai mama ma le 27
 tafatafa i lalo, e fai ma mea e tuu
 ai amo, e amo a'i le laoi. E te fai 28
 ona amo i le laau o le setima, ma
 ufiufi ai i le auro, e amo a'i le laoi.
 E te fai foi ona tanoa salalafa, ma 29
 ona ipu, o ona tanoa, ma ona ipu e
 asu a'i, e liligi i ai; e te faia ia mea
 i le auro lelei. E te laulauina foi i 30
 luga o le laoi o le areto e laulauina
 i luma, ia le aunoa i o'u luma.

E te fai foi le tuugālamema i le 31
 auro lelei, e te fai ai le tuugālamema
 e togitogi faamamauina; e faia i
 lea lava mea o lona 'au, ma ona
 maga, ma ona ipu faaofuofu, o
 ona pona, ma ona fuga. E o atu 32
 maga e ono i ona itu, e tolu maga
 o le tuugālamema i le tasi itu, e
 tolu foi maga o le tuugālamema i le
 tasi itu. E tolu ipu faaofuofu e pei 33
 o sekati, o le pona foi atoa ma le
 fuga i le maga e tasi; e tolu foi ipu
 faaofuofu e pei o sekati i le tasi
 maga, o le pona ma le fuga; ia
 faapea i maga e ono e o atu nai le
 tuugālamema. E i le tuugālamema 34
 foi o ipu faaofuofu e fa e pei o
 sekati, o ona pona atoa ma ona
 fuga; o le pona i lalo o isi ona 35
 maga e lua, ma le pona i lalo o isi
 ona maga e lua, ma le pona i lalo o
 isi ona maga e lua; e faatatau i
 maga e ono e o atu nai le tuugāla-
 mema. O lea lava mea e fai a'i ona 36
 pona ma ona maga; e faia atoa
 uma i le auro lelei e tasi e togitogi
 faamamauina. E te fai ai foi ona 37
 lamepa e fitu, na te faaee i luga foi

ona lamepa e faamalamalama a'i i
 28 ona lava luma. *E fai* foi ona sele-
 lamepa ma ona tuugāmatapa'u o le
 39 afi i le auro lelei; e fai ai i le taleni
 o le auro lelei, atoa ma ia mea uma
 40 lava. Ia oe lava, ia e faia e pei o le
 faatusa sa faaali atu ia te oe i le
 mauga.

O mea a le malumalu.

26 **E TE** faia le malumalu i ie puipui
 e sefulu, o le ie vavae ua milo *ona*
manoa, e lanu uli, ma le pāuli, ma
 le mūmū; o kerupi, o le galuega a
 le tufuga potō, e te fai ai ia mea.
 2 O le umi e taitasi o ie puipui, e lua-
 fulu ma le valu ona kupita; o le lau
 e taitasi o ie puipui, e fa ona kupita;
 3 e tasi le fua o ie puipui uma. *E*
 faasooina ie puipui e lima, ia faa-
 tasi; e faasooina foi o ie puipui e
 4 lima, ia faatasi. *E te* faia foi o faa-
 maufaalave i le ie uli i le tafatafa o
 le ie puipui e tasi, i le tafatafa e soo
 ai; e te fai faapena foi i le tafatafa
 lava o le *tasi* ie puipui i le mea e
 5 soo ai ma le tasi. *E* limagafulu
 faamaufaalave e te faia i le tasi ie
 puipui, e limagafulu foi faamaufaa-
 lave e te faia i le tafatafa o le ie
 puipui i le mea e soo ai ma le tasi, ina
 ia faafeagai o faamaufaalave le tasi i
 6 le tasi. *E te* faia foi faamau auro e
 limagafulu, ma fesaasooai o ie puipui
 i faamau, e fai ma malumalu e tasi.
 7 *E te* faia foi o ie puipui i fulufulu
 'oti, e fai ma ufi i luga o le malu-
 malu; e sefulu ma le tasi ie puipui
 8 e te faia; e tolugafulu kupita le
 umi o le ie puipui e tasi; e fa foi
 kupita le lau o le ie puipui e tasi;
 e tasi lava le fua o ie puipui ia e
 9 sefulu ma le tasi. *E te* faasoo foi
 o ie puipui e lima, ia faatasi, ma ie
 puipui e ono, ia faatasi; e te gau-
 luaina foi lona ono o ie puipui i
 10 luma o le fale fetafai. *E te* faia
 foi faamaufaalave e limagafulu i le
 tafatafa aupito i fafo o le tasi ie
 puipui i le mea e faasooina ai; e
 limagafulu foi faamaufaalave i le
 tafatafa o le tasi ie puipui i le mea
 11 e soo ai ma le tasi. *E te* faia foi
 faamau 'apa memea e limagafulu,
 ma sulu ia faamau i faamaufaalave
 e faasoo ai le fale fetafai, ina ia
 12 tasi. O le toe pito ie puipui o le

fale fetafai, o le toe vaeluaga o le ie
 puipui, ia tautau lea i tua o le malu-
 malu. O toe mea i le umi o ie pui- 13
 pui o le fale fetafai, o le kupita i le
 tasi itu, o le kupita foi i le tasi itu, e
 tautau lava ia i itu o le malumalu i
 lea *itu* ma lea *itu* e ufiufi ai. *E te* 14
 faia foi le ufiufi mo le fale fetafai i
 pa'u mamoe poa faalanu ulaula, ma
 le ufiufi o pa'u takesa e laualuga.

E te faia foi laupapa o le laau o le 15
 setima mo le malumalu, e faatutū;
 o le umi o laupapa taitasi e sefulu 16
 ona kupita; o le lau o laupapa e
 tasi le kupita ma le vaeluagalemu o
 le kupita. *E* lua foi mea faanifo i 17
 laupapa taitasi, e faafeagai le tasi i
 le tasi; e faapea ona e faia lava o
 laupapa uma lava o le malumalu. *E* 18
 te faia laupapa e luafulu mo le
 malumalu i le itu i toga; e feagai
 lea ma le itu i toga. *E te* faia foi 19
 lago ario e fagafulu i lalo o ia lau-
 papa e luafulu, e lua lago i lalo o le
 tasi laupapa e faatatau i mea faanifo
 e lua; e lua foi lago i lalo o le tasi
 laupapa e faatatau i mea faanifo e
 lua. O i le tasi foi itu o le malu- 20
 malu, o le itu i matu lea, e luafulu
 o laupapa. *E* fagafulu foi o latou 21
 lago ario; e lua lago i lalo o le tasi
 laupapa, e lua foi lago i lalo o le tasi
 laupapa. O itu i sisifo foi o le 22
 malumalu e te fai ai laupapa e ono.
E lua foi laupapa e te faia i tuli-
 manu o le malumalu i ona itu e lua. 23
E faasooina fci ia, ia faagatasi i lalo,
 24 e faasooina foi i luga i le faamau-
 mama e tasi; e faapea lava mo ia
 mea e lua i ona tulimanu e lua. O 25
 laupapa ia e valu, ma o latou lago
 ario, o lago e sefulu ma le ono, e lua
 lago i lalo o le tasi laupapa, e lua foi
 lago i lalo o le tasi laupapa. *E te* 26
 faia foi faalava i le laau o le setima,
 e lima mo laupapa i le tasi itu o le
 malumalu, e lima foi faalava mo 27
 laupapa i le tasi itu o le malumalu,
 e lima foi faalava mo laupapa o le
 itu o le malumalu i ona itu e lua i
 sisifo. O le faalava vaeloto i totonu- 28
 galemu o laupapa, ia gata mai i le
 tasi pito *fale*, e gata atu i le tasi pito
fale. *E te* ufiufi foi laupapa i le 29
 auro, e fai foi o latou faamaumama i
 le auro, e sulu ai faalava; e te ufiufi
 foi o faalava i le auro. Ia e faatu 30

- foi le malumalu e pei o le faatusa
na faaali atu ai ia te ce i le mauga.
- 31 E te faia foi le puipui *ie* uli, ma
le pāuli, ma le mūmū, o le ie vavae
ua milo *ona manoa*; na te faia i ai
kerupi i le galuega a le tufuga potu.
- 32 E te tautauina ai i pou setima e fa
e ufitia i le auro; e faia foi o latou
faamau i le auro i luga o lago ario e
- 33 fa. E te tautau foi le ie puipui i
lalo o faamau, ma ia e avatu ai le
atolaau o le tulafono i totonu i tala
atu o le ie puipui; e pupuni atu foi
le ie puipui i le va o le mea paia ma
- 34 le mea e sili ona paia. E te faaee
foi le nofoa o le alofa i luga o le
atolaau o le tulafono, i le mea e sili
- 35 ona paia. E te tuuina foi le laoi i
le itu mai o le ie puipui; o le tuugā-
lamepa foi e feagai ma le laoi i le
itu i toga o le malumalu; o le laoi
- 36 foi e te tuuina i le itu i matu. E te
faia foi le puipui tautau mo le faito-
toa o le fale fetafai i le *ie* uli, ma le
pāuli, ma le mūmū, ma le *ie* vavae
ua milo *ona manoa*, o le galuega a le
- 37 tufuga fai ie lanu eseese. E te faia
foi mo le puipui tautau o pou setima
e lima, ma ufiufi ai i le auro; e *fai*
foi o latou faamau i le auro; ia e
tunu le 'apa memea e fai a'i o latou
lago e lima.

O mea a le malumalu.

- 27 E TE faia foi le fata faitaulaga i
le laau o le setima, e lima kupita
lona umi, e lima foi kupita lona lau,
ia fai faatāfafa le fata faitaulaga, e
- 2 tolu foi kupita lona mauulaga. E
te faia foi ona nifo i luga o ona tuli
fata e fa, e fai foi i lea lava mea ona
nifo, ma ia ufiufi ai i le 'apa memea.
- 3 E te faia foi ona tanoa e tali ai ona
lefulefu, ma ona suo, ma ona ipu,
ma ona tui, ma ona salefu, o ana
mea uma lava e te fai ai i le 'apa
- 4 memea. E te fai ai foi lona taigaafi,
e fai faamataupega i le 'apa memea;
o i luga foi o le mea faamataupega,
e te fai ai o mama 'apa memea e fa
- 5 i ona tuli *taigaafi* e fa; ma ia e
tuuina i lalo ifo o le tafatafa i
totonu o le fata faitaulaga, ina ia
oo le mea faamataupega i le totonu-
- 6 galemu o le fata faitaulaga. E te
faia foi amo mo le fata faitaulaga,
o amo o le laau o le setima, ma ia

ufiufi ai i le 'apa memea. E sulu 7
atu foi amo i mama, e i itu e lua
o le fata faitaulaga o amo e amo a'i.
Ia e faia i laupapa, ia faaōō; pei 8
ona faali atu ia te ce i le mauga, ia
faapea lava ona latou faia.

E te faia foi le lotoā o le malu- 9
malu, i le itu i toga, o loo faasaga
lea i le itu i toga, o ie puipui mo le
lotoā, o le ie vavae ua milo *ona*
manoa, e tasi le selau o kupita le 10
umi o le itu e tasi; o ona pou foi e
luafulu ma o latou lago e luafulu e
fai i le 'apa memea; a o faamau o
pou, ma lo latou amo pou e *faia* i le
ario. E faapea foi i le itu i matu 11
i lona umi, o ie puipui e tasi le
selau o *kupita* lona umi, ma ona pou
e luafulu, ma o latou lago e lua-
fulu, e *fai* i 'apa memea; a o faa-
mau o pou, ma lo latou amo pou e
faia i le ario. O le lautele foi o le 12
lotoā i le itu i sisifo, o ie puipui e
limagafulu kupita *lona umi*, o latou
pou e sefulu, ma o latou lago e
sefulu. O le lautele foi o le lotoā i 13
le itu i sasae, e faasaga i sasae, e
limagafulu ona kupita. O ie puipui
foi mo le tasi itu o le *faitotoa*, e
sefulu ma le lima kupita ia; o latou
pou foi e tolu, ma o latou lago e
tolu. O i le tasi foi itu o ie puipui e 15
sefulu ma le lima o *kupita*, o latou
pou e tolu, ma o latou lago e tolu;
mo le faitotoa foi o le lotoā o le ie 16
puipui e luafulu o kupita *lona umi*,
o le *ie* uli, ma le pāuli, ma le mūmū,
ma le ie vavae ua milo *ona manoa*, o
le galuega a le tufuga fai ie lanu
eseese; o latou pou e fa, ma o latou
lago e fa. O pou uma lava e 17
siosioina ai le lotoā *ia fai* o latou
amo pou i le ario, e *faia* o latou faa-
mau foi i le ario, a o latou lago o le
'apa memea lea. E tasi le selau o 18
kupita le umi o le lotoā, o lona
lautele foi e limagafulu i mea uma,
e lima foi kupita lona mauulaga, o
le ie vavae ua milo *ona manoa*; o
latou lago foi e *fai* i le 'apa' memea.
O ipu uma lava o le malumalu, e fai 19
ai ona sauniga uma, ma ona faamau
uma lava, ma faamau uma lava o le
lotoā e *faia* i le 'apa memea.

Ia e fai atu foi i le fanauga a 20
Israelu, ia latou au mai ia te oe le
suānu olive lelei e tu'ia, mo le afi, e

21 mu ai pea le lamepa. i le fale fetafai o le faapotopotoga i le itu mai o le ie puipui, i luma o le atolaau o le tulafono; ia teua e Arona ma ona atalii, e afua mai i le afiasi seia oo i le taeao i luma o Ieova; e fai ma tulafono e faavavau i o latou tupulaga amuli i le fanauga a Isaraelu.

Ua tofia Arona ma ona atalii e fai ma faitaulaga.

28 IA e faalatalata mai foi ia te oe o lou uso o Arona atoa ma ona atalii faatasi ma ia, ai le fanauga a Isaraelu, ina ia fai ma ositaulaga ia te au, o Arona, o Natapu, ma Aviu, o Eleasaro, ma Itamaro, o atalii o 2 Aroua. E te faia foi ofu sa mo lou uso o Arona e mamalu a'i ma mata- 3 gofie a'i. E te tautala atu i tagata popoto uma lava, o e ua ou faatumuina i le loto e poto, ia latou faia ofu mo Arona e faapaiaina ai o ia, ina ia fai o ia ma ositaulaga ia te 4 au. O ofu nei latou te faia, o le uffatafata, ma le efota, ma le ofu talaloa, ma le ofu tino faalalelei, ma le pulou ie, ma le fusi; ia latou faia foi ofu sa mo lou uso o Arona, atoa ma ona atalii, ina ia fai ma 5 ositaulaga ia te au. Ia latou ave le auro, ma le ie uli, ma le pāuli, na le 6 mūmū, ma le ie vavae; ia latou faia le efota i le auro, ma le ie uli, ma le pāuli, ma le mūmū, ma le ie vavae ua milo ona manoa i le galuega a le 7 tufuga poto. Ia faasooina ona tau'au e lua i ona tafatafa, ia faatasia. 8 O le fusi faa'anu esee se foi o le efota o i ona luga, e pei o le galuega e i ai, e faia i ia lava mea, o le auro, ma le ie uli, ma le pāuli, ma le mūmū, ma le ie vavae ua milo ona 9 manoa. Ia e ave foi maa soama e lua, ma togitogi ai igoa o atalii o 10 Isaraelu; e ono o latou igoa i le tasi maa, ma igoa o le isi toaono i le tasi maa, e faataata i o latou 11 fanau mai. O le galuega a le tufuga togitogi maa, e pei o le togitogiga o le maa o faamaufaaailoga, e te togitogiina igoa o atalii o Isaraelu i ia maa e lua; ia e faia, ia faamau 12 i taai auro. E te tuu foi maa e lua i tau'au o le efota, o maa e manatuina ai le fanauga a Isaraelu; e ave foi e Arona o latou igoa i luma

o Ieova, i ona lava tau'au e lua e manatuina ai i latou. E te faia foi 13 taai auro. E lua foi filifili auro lelei 14 e te faia ia tutusa i le galuega faafilifili uamea, ia faamauina foi o filifili auro i taai.

E te faia foi le uffatafata o le 15 faamasinoga i le galuega a le tufuga poto, e pei o le galuega i le efota e te fai ai; e te faia i le auro, ma le ie uli, ma le pāuli, ma le mūmū, ma le ie vavae ua milo ona manoa. E 16 faia faatafata ma faasautualua; o le āga lona umi, o le āga foi lona lau. E te tuuina foi i tuugāmaa 17 o atu maa e fa; o le uluai atu maa, o le salikea, ma le topasi, ma le pereketa, o le atu maa muamua lea. O lona atu lua, o le nofeka, ma le 18 safaira, ma le ialoma. O lona atu 19 tolu foi, o le lesema, ma le sevo, ma le aselama. O lona atu fa foi, 20 o le tasesa, ma le soama, ma le iasepi; ia faamauina lava ia i totonu o le taai auro i o latou tuugāmaa. Ia i ai i na maa o igoa o atalii o 21 Isaraelu e sefulu ma le lua, e faata- tau i o latou igoa, pei o le togitogiga o le faamaufaaailoga, e taitasi ma lona igoa, e tusa ma itu aiga e sefulu ma le lua. E te faia foi i 22 luga o le uffatafata, o filifili auro lelei ia tutusa, o le galuega faafilifili uamea. E te faia foi i luga o le 23 uffatafata o mama auro e lua, ma ia e tuu ia mama e lua i pito e lua o le uffatafata. E te tuu foi fili- 24 fili auro e lua i mama e lua i pito o le uffatafata. E te tuu foi isi pito 25 e lua o filifili auro e lua i taai e lua, ma tuu i tau'au o le efota i ona luma. E te faia foi mama auro e 26 lua, ma e tuuina ai i pito e lua o le uffatafata i ona tafatafa lava, o loo faasaga i le efota i totonu. E lua 27 foi mama auro e te faia, ma tuu ai i itu e lua i lalo o le efota, e lata anie i lona itu i luma, e felatai ma le mea e faasooina i luga o le fusi faalanu esee se o le efota. Ia latou 28 nonoa foi le uffatafata i ona mama i mama o le efota i le manoa uli, ina ia i luga ae o le fusi faalanu esee se o le efota, ina ne'i te'a ese le uffatafata i le efota. E ave foi e 29 Arona o igoa o atalii o Isaraelu i le uffatafata o le faamasinoga i lona

fatafata, pe a ulu atu ia i le mea
 30 paia, e fai ma faamanatuga e le
 foi le Urima ma le Tumena i le
 uffatafata o le faamasinoga, ina ia
 i luga lava o le fatafata o Arona, pe
 a ulu atu o ia i luma o Ieova; e ave
 foi e Arona le faamasinoga mo le
 fanauga a Isaraelu i luga o lona
 fatafata i luma o Ieova e le aunoa.
 31 E te faia le ofu talaloa o le efota,
 32 ia atoatoa i le ie uli. E faia foi se
 ua i lona pito i luga i totonu, e fai
 ai se mea lalagaina e afei faataa-
 33 liolio ai i le ua, e pei o le ua o le
 ofutau ina ia le masae. E te faia
 foi i ona tafatafa o rimoni i le ie
 34 uli, ma le pāuli, ma le mūmū, e
 faataaliolioina ai ona tafatafa; ma
 tagitagi auro e vava a'i e faataa-
 35 liolioina ai; o le tagitagi auro ma
 le rimoni, o le tagitagi auro ma le
 rimoni, i tafatafa o le ofu talaloa e
 faataaliolioina ai. E ofu ai Arona
 pe a auaua o ia, ina ia lagona lona
 tagitagi pe a ulu atu ia i le mea
 36 paia i luma o Ieova, pe a toe alu foi
 i fafo, ne'i oti o ia.
 37 E te faia foi le mea pupula i le
 auro lelei, ma e togitogi ai, *pei o le*
 38 *togitogi i le faamaufaaologia, o lenei*
 39 *upu, E PAIA IA IEOVA.* E te tuuina
 foi i le manoa uli, ia i ai lava i le
 pulou ie, i luma lava o le pulou ie.
 40 Ia i ai foi i le muaulu o Arona, ia
 ave e Arona le agasala i mea sa, e
 faasaina e le fanauga a Isaraelu i a
 latou taulaga sa uma lava, ia i ai
 pea lava i lona muaulu, ina ia alo-
 41 fagia i latou i luma o Ieova.
 42 E te lalaga manui foi le ofu tino
 i le ie vavae, e te faia le pulou i le
 ie vavae, e te fai foi le fusi i le
 galuega a le tufuga fai ie lanu
 43 esee. Ia e faia foi ofu tino mo
 atalii o Arona; e te faia foi mo i
 latou o fusi, atoa ma pulou e te faia
 mo i latou, ina ia mamalu ai ma
 44 matagofie ai. E te faaofu ai: foi
 lou uso, o Arona, ma ona atalii
 faatasi ma ia; e te faaau foi ia i
 latou, ma e tofia i latou, ma faapa-
 45 iaina i latou e fai le faiva o ositau-
 laga ia te au. E te faia foi mo i
 latou o ofu vae i le vavae, e ufiufi ai
 o latou tino, e gata mai i o latou
 sulugatiti ia oo i o latou ogāvae;

e ofu ai Arona ma ona atalii, pe a 43
 latou ulufale i le fale fetafai o le
 faapotopotoga, pe faalatalata atu i
 le fata faitaulaga e auaua i le mea
 paia, ina ne'i nofo sala i latou, ma
 oti ai; e fai lea ma tulafono e faa-
 vavau ia te ia, atoa ma ana fanau
 pe e mavae atu o ia.

*O le taulaga e fai pe a tofia Arona
 ma ona atalii i le faiva o faitaulaga.*

O LENEI foi le mea e te faia e 29
 faapaiaina ai i latou, ina ia latou
 auaua mai ia te au i le faiva o le
 ositaulaga; e te ave le povi poa
 taanoa e tasi, ma mamoe poa e lua
 e sao ona lelei; ma le areto e le 2
 faafefeteina, ma potoi areto e le
 faafefeteina, e palua ma le uu, ma
 areto manifiini e le faafefeteina, ua
 nini i le uu; e le falaoa o le saito e
 te fai ai ia mea. E te tuuina foi ia 3
 mea i le ato e tasi, ma e au mai ai
 ma le ato, atoa ma le povi poa
 taanoa, ma mamoe poa e lua. O 4
 Arona foi ma ona atalii, e te faala-
 talatana mai i latou i le faitotoa o
 le fale fetafai o le faapotopotoga, ma
 ia e faataele ia i latou i le vai. E 5
 te ave foi ofu, ma faaofuina ai
 Arona i le ofu tino, ma le ofu tala-
 loo o le efota, ma le efota, ma le
 uffatafata, ma e fusi ia te ia i le
 fusi faalanu esee o le efota. E 6
 te faapulou foi ia te ia i le pulou
 ie, ma e fusi le pale paia i le pulou
 ie; ona e ave lea le uu e faaau ai, 7
 ma liligi i luga o lona ulu, ma ia e
 faauiina ai o ia.

E te faalatalata mai foi ona 8
 atalii, ma faaofuina i latou i ofu
 tino. E te fusi ia te i latou i fusi, 9
 o Arona atoa ma ona atalii, ma
 faamau o latou pulou; e fai foi mo
 latou le faiva o ositaulaga, o le
 tulafono e faavavau; e te tofia foi
 Arona ma ona atalii. E te ta'ita'iina 10
 mai foi le povi poa taanoa i luma o
 le fale fetafai o le faapotopotoga;
 e faace foi e Arona ma ona atalii o
 latou lima i luga o le ulu o le povi
 poa taanoa. Ona e fasi lea o le 11
 povi poa taanoa i luma o Ieova i le
 faitotoa o le fale fetafai o le faapo-
 topotoga. Ona e ave lea nisi toto 12
 o le povi poa taanoa, ma tuuina i
 luga o nifo o le fata faitaulaga i lou

- tamatamai lima; a o le toto uma e te sasaaina lea i lalo o le fata faitaulaga. E te ave foi le ga'o alo uma lava, atoa ma le ga'o punipu o i luga o le finagalo, ma ona fatuga'o e lua, ma ga'o o i ai, ma ia e susunu ai i luga o le fata faitaulaga; a o le aano o le povi poa taanoa, ma lona pa'u, ma lona otatota, ia e susunuina lava i le afi i tua o le toagālauapi; o le taulaga lea mo le agasala. Ona e ave lea o le tasi mamoe poa; e faaee foi e Arona ma ona atalii o latou lima i luga o le ulu o le mamoe poa. E te fasi foi le mamoe poa, ma ave lona toto, ma sausau ia soo ai i le fata faitaulaga. E te pena foi le mamoe poa i ona tufaaga, ma ia e mulumulu ona tōtōga ma ona alaga, ona tuuina ane lea i ona tufaaga, ma lona ulu. Ia e susunu foi le mamoe poa atoa uma i le fata faitaulaga; o le taulaga mu lea ia Ieova, o le mea manogi lelei, o le taulaga e *fai* i le afi ia Ieova.
- 19 E te ave foi lona lua o mamoe poa; e faaee foi e Arona ma ona atalii o latou lima i luga o le ulu o le mamoe poa. E te fasi le mamoe poa, ma ia ave sina ona toto, ma tuu i le tumutumu o le taliga taumatau o Arona, ma le tumutumu o taliga taumatau o ona atalii, o lima matua foi o latou lima taumatau, ma vae matua o latou vae taumatau, ma ia sausau ia soo le fata faitaulaga i le toto. E te ave foi nisi toto o i luga o le fata faitaulaga, ma nisi uu e faauu ai, ma ia e sausau ai i luga o Arona ma ona ofu, atoa ma ona atalii ma ofu o ona atalii faatasi ma ia; ona faapaiaina lea o ia, ma ona ofu, ma ona atalii, atoa ma ofu o ona atalii faatasi ma ia.
- 22 Ia e ave foi *tufaga* o le mamoe poa, o le ga'o, ma le iu, ma le ga'o alo, ma le ga'o punipu i luga o le finagalo, ma ona fatuga'o e lua, ma ga'o o i ai, ma le alaga taumatau; auā o le mamoe poa ia o le tofiga; ma le areto e tasi, ma le potoi areto e tasi e *fai* i le uu, ma le areto manifiini e tasi mai le ato o le areto e le faafefeteina o i luma o Ieova. E te faaee foi ia mea uma i alofilima o Arona ma alofilima o ona atalii; ma ia e luluina, o le taulaga lulu lea i luma o Ieova. E te talia foi ia mea ai o latou lima, ma e susunuina i le fata e fai ai taulaga mu, e fai ma mea manogi lelei i luma o Ieova; o le taulaga lea e *fai* i le afi ia Ieova. Ia e ave foi le fatafata o le mamoe poa i mea e tofia a'i Arona, ma e luluina, o le taulaga lulu lea i luma o Ieova; e fai foi lea ma ou tufaaga. E te faapaia foi le fatafata o le taulaga lulu, ma le alaga o le taulaga sii, o loo luluina ma siitia, o *tufaga ia* o le mamoe poa i mea e tofia a'i Arona atoa ma ona atalii; e fai ia mo Arona ma ona atalii, mai le fanauga a Isaraelu o le tulafono e faavavau; auā o le taulaga sii lea; e fai foi lea ma taulaga sii, mai le fanauga a Isaraelu ai o latou taulaga faafetai, o la latou taulaga sii lea ia Ieova.
- O ofu sa foi o Arona, e fai mona atalii pe a mavae atu o ia, ina ia faauuina ai i latou, ma tofia ai i latou. O sona atalii e sui a'i o ia i le faiva o ositaulaga, e ofu ai o ia e fitu ina aso, pe a alu ia i le fale fetafai o le faapotopotoga e auauina ai i le mea paia.
- E te ave foi le mamoe poa o le tofiga, ma tunu lona tino i le mea paia. E aai foi Arona ma ona atalii le tino o le mamoe poa, ma le areto ua i le ato, i le faitotoa o le fale fetafai o le faapotopotoga. Latou te aai foi ia mea ua fai a'i le togiola, e tofia ai ma faapaiaina ai i latou; a e auā le 'ai ai se tagata ese, auā e paia lava ia mea. Pe afai foi e toe sina aano i *taulaga* o le tofiga, po o le areto, e oo i le taeao, ona e susunu ai lea o le mea e toe i le afi; e le 'aina, auā e paia lava lea mea. Ia e fai faapea lava ia Arona ma ona atalii, e pei o mea uma lava na ou fai atu ai ia te oe; o aso e fitu ia e fai ai le tofia o i latou. Ia e saunia foi le povi poa taanoa i lea aso ma lea aso, e fai ma taulaga ona o le agasala e togiola a'i; ia e faamamā foi le fata faitaulaga, pe a e faia le togiola i ona luga, e te faauu ai ia faapaiaina a'i. E fitu aso e te fai ai le togiola i le fata faitaulaga, ma faapaiaina ai, e fai ai ma fata faitaulaga e sili ona

paia; o mea uma foi e papai ane i le fata faitaulaga e paia lava ia.

38 O lenei foi le mea e te faia i luga o le fata faitaulaga, e tailua tamai mamoe e tasi lo la tausaga i lea aso

39 ma lea aso, e le aunoa. O le tasi tamai mamoe e te saunia i le taeao, o le tasi foi tamai mamoe e te saunia i le afiafi. O le tamai mamoe e

40 tasi ma le omera e tasi o falaoa lelei, e palua ma lona vaega e fa o le sinu o uu ua tufia; o lona vaega e fa foi o le sinu c uaina mo le taulaga i mea e iuu. O le tasi foi

41 tamai mamoe e te saunia i le afiafi, e tusa ma le taulaga i mea e a'fi i le taeao, e tusa foi ma le taulaga i mea e inu e te faia; o le mea manogi lelei lea, o le taulaga e fai i le

42 afi ia Ieova. *E faia lenei* ma taulaga mu e le aunoa i o outou tupulaga amuli i le faitotoa o le fale fetafai o le faapotopotoga i luma o Ieova, o le mea tatou te fetai ai

43 ma outou, ina ia ou tautala atu ia te oe i lea mea. Tatou te fetai ai ma le fanauga a Israelu i lea mea; e faapaiaina ai foi i lo'u mamalu.

44 Ou te faapaiaina foi le fale fetafai o le faapotopotoga ma le fata faitaulaga; o Arona foi ma ona atalii ou te faapaiaina i latou e fai le

45 faiva o ositaulaga ia te au. Ou te nofo faatasi ma le fanauga a Israelu; e fai a'u mo latou Atua; latou te iloa foi, o a'u o Ieova o lo

46 latou Atua, o le na aumaia i latou nai le nuu o Aikupito, ina ia ou nofo ma i latou; o a'u o Ieova lo latou Atua.

O le fata e mu ai mea manogi; o le taulaga a Israelu.

30 E TE faia foi le fata faitaulaga, o le fata e mu ai mea manogi; e te

2 faia i le laau o le setima. O le kupita e tasi lona umi, ma le kupita e tasi lona lau, e fai faatāfafa, o kupita e lua lona mauaulaga; e fai

3 ona nifo i lea lava mea. E te ufiufi foi ia i le auro lelei, o lona ufi, ma ona itu e soo ai, ma ona nifo; e te fai ai foi le pale auro e faataaliolio

4 ai. E te faia ona mama auro e lua, i lalo o lona pale, i ona tuli fata, i ona itu e lua e te faia; e fai ma

5 mea e sulu ai amo e amo a'fi. E te

faia foi o ia amo i le laau o le setima, e te ufiufitia i le auro; e te tuuina ai i luma o le ie puiipu, o loo i luma i le atolaau o le tulafono, i luma o le nofoa o le alofa, o i luga o le atolaau o le tulafono, o le mea

6 lea ta te fetai ai ma oe. E faamu foi e Arona i ona luga o mea manogi i taeao uma lava, pe a teuteu e ia o lamepa, ia faamu ai le mea

7 manogi. Pe a tūtū foi e Arona o lamepa i le afiafi, ia faamu ai e ia o mea manogi; o le mea manogi i luma o Ieova e le aunoa i o outou

8 tupulaga amuli. Aua tou te faamu ai mea manogi ese, po o taulaga inu, po o taulaga i mea e 'ai; aua foi tou te sasaa i ai ni taulaga i mea e inu. E faia foi e Arona i

9 luga o nifo o le fata o le togioia i le toto o taulaga mo le agasala e togioia a'fi, ia taitasi i tausaga; e faia e ia o le togioia i o outou tupulaga amuli, ia taitasi i tausaga; e sili ona paia lea mea ia Ieova.

Ua fetalai mai foi Ieova ia Mose, 11

ua faapea mai. A ē faitau i le 12 fanauga a Israelu, e faatatau i e ua tatau ona faitauina, ia latou taitasi ma au mai o latou togioia ia Ieova, pe a faitauina i latou, ne'i o se mala ia te i latou pe a faitauina i latou. O lenei *le mea* latou te taitasi ma au mai, o e ua faitaulia, o le vaeluaga o le sekeli, o le sekeli lea o le malumalu; (e luafulu o kire o le sekeli lea;) o le vaeluaga o le sekeli o le taulaga lea ia Ieova. E 14

taitoatasi uma o e faitaulia, e afua mai i e ua luafulu o latou tausaga, atoa ma e ua matutua ai, e avatu e i latou o le taulaga ia Ieova. Aua 15

le faatele e le tagata mauoa; aua foi le faaitiitia e le tagata mativa, na o le vaeluaga o le sekeli lava, pe a latou avatu le taulaga ia Ieova, e fai mo outou togioia. Ia e ave foi 16

tupe e togioia a'fi le fanauga a Israelu, ma ia e aumaia e fai a'fi sauniga i le fale fetafai o le faapotopotoga; ina ia faia i le fanauga a Israelu ma faamanatuga i luma o Ieova, e fai a'fi o outou togioia.

Ua fetalai mai foi Ieova ia Mose, 17

ua faapea mai, E te faia le tanoa 18

'apa memea, ma lona tulaga i le 'apa memea, e mulumulu ai; e te

19 tuuina foi i le va o le fale fetafai o
 le faapotopotoga ma le fata faitau-
 laga; e te sasaa i ai le vai; e mulu-
 20 mulu ai Arona ma ona atalii o latou
 lima atoa ma o latou vae. A latou
 o i le fale fetafai o le faapotopotoga
 ia latou mulumulu i le vai, ne'i
 latou oti; pe a latou faalatalata foi
 i le fata faitaulaga, latou te auuna
 ai e susunu ai le taulaga e fai i le
 21 afi ia Ieova. Ia latou mulumulu foi
 o latou lima ma o latou vae, ne'i
 latou oti; e fai foi ma tulafono e
 faavavau ia i latou, o ia ma lana
 fanau i o latou tupulaga amuli.
 22 Ua fetalai mai foi Ieova ia Mose,
 23 ua faapea mai, O oe foi ia e ave
 mea manogi e sili ona lelei, o le
 muro lelei e lima selau o *sekeli*, o le
 kinamomi manogi foi o le vaeluaga
 o lea mea, e lua selau ma le limaga-
 fulu o *sekeli* ia; o le kani manogi
 foi e lua selau ma le limagafulu o
 24 *sekeli*; o le kesia foi e lima selau o
sekeli, e tusa ma le sekeli o le malu-
 malu; e tasi foi le sinu o le uu
 25 olive. E te fai ai foi o le uu paia
 e faauu a'i, o le uu palu fefiloi i le
 faiva o le fai mea manogi, e fai ma
 26 uu paia e faauu a'i. E te faauu ai
 le fale fetafai o le faapotopotoga,
 27 ma le atolaau o le tulafono; o le
 laoi foi ma ana mea uma; o le
 tuuga lamepa foi ma ana mea; ma
 28 le fata e mu ai mea manogi; ma le
 fata e fai ai taulaga mu ma ana
 mea uma; ma le tanoa ma lona
 29 tulaga. E te faapaiaina ia mea,
 ina ia fai ma mea e sili ona paia; o
 mea uma lava e papai ane i ai, e
 30 paia lava ia. Ia e faauu foi ia
 Arona ma ona atalii, ma ia e faa-
 paiaina i latou, ina ia latou faia le
 31 faiva o ositaulaga ia te au. E te
 tautala atu foi i le fanauga a Isa-
 raelu, ia faapea atu, E fai lenei mea
 ma uu e paia ia te au e faauu a'i, e
 32 oo i o outou tupulaga amuli. Aua
 ne'i liliigiina i tino o tagata; aua
 foi ne'i outou faia se mea faapea, e
 tusa ma lenei mea; e paia lea mea,
 33 e paia pea lava ia te outou. O se
 na te palu fefiloi se uu faapea, pe
 faauuina ai se tagata ese, ia vavae-
 escina lava ia i lona nuu.
 34 Ua fetalai mai Ieova ia Mose, Ia
 e ave ni mea manogi, o le pulu

natafa, ma le sekeleta, ma le pulu
 kalipana, o mea manogi lelei, ma le
 pulu lipano lelei; ia tutusa uma
 lava ia mea. E te fai ai le mea 25
 manogi, o le mea palu fefiloi i le
 faiva o le fai mea manogi, e faa-
 masaimaina, e lelei, e paia. E te 26
 matuā tu'iinini foi nai isi mea, ma
 tuuina atu ai i luma o le atolaau o
 le tulafono, i le fale fetafai o le
 faapotopotoga, i le mea ta te fetai-
 ai ai ma oe; ia sili ona paia lea mea
 ia te outou. O le mea manogi foi 37
 e te faia, aua lava le faia se mea
 faapea mā outou; e paia lava lea
 mea ia te oe mo Ieova; o se na te 38
 faia se mea faapea e sogisogi i ai, ia
 vavaeescina lava ia i lona nuu.

O sauniga o le fale fetafai.

ONA fetalai mai lea o Ieova ia 31
 Mose, ua faapea mai, Faauta, ua ou 2
 valaauina i lona lava igoa, o Pesa-
 leli le atalii o Auri, o le atalii lea o
 Huro, o le itu aiga o Iuta. Ua ou 3
 faatumuina foi o ia i le Agaga o le
 Atua, i le potu, ma le faautauta, ma
 le iloa lelei e fai ai galuega uma
 lava; ina ia mafaufau o ia i galu- 4
 ega faigata; ina ia galue o ia i le
 auro, ma le ario, atoa ma le 'apa
 memea; e togitogi foi i maa, e 5
 faamau ai, e togitogi foi i laau, e
 fai ai galuega uma lava. Faauta 6
 foi, ua ou tuuina atu ia te ia, o
 Aliavu le atalii o Aisamako, o le
 itu aiga o Tanu; ua ou tuu foi le
 potu i loto o le popoto uma lava, ina
 ia latou faia o mea atoa uma ua ou
 fai atu ai ia te oe; o le fale fetafai 7
 o le faapotopotoga, ma le atolaau o
 le tulafono, ma le nofoa o le alofa
 e i ona luga, ma mea uma o le fale
 fetafai; o le laoi ma ana mea uma, 8
 o le tuugā lamepa auro lelei ma ana
 mea uma, ma le fata e mu ai mea
 manogi; o le fata e fai ai taulaga 9
 mu ma ana mea uma lava, o le ta-
 elega ma lona tulaga; ma ie o mea 10
 e fai ai tapuaiga, ma ofu sa o le
 ositaulaga o Arona, o ofu foi o ona
 atalii e fai ai le faiva o ositaulaga;
 o le uu foi e faauu a'i, ma le mea 11
 manogi lelei e mu mo le mea paia;
 faapei o mea uma ua ou fai atu ai
 ia te oe, ia latou faia lava.

Ua fetalai mai foi Ieova ia Mose, 12

13 ua faapea mai, Ia e fai atu i le fanauga a Isaraelu, ia faapea atu i ai, Tou te tausila lava i o'u sapati, auā o le faailoga lea ia te au ma outou, e ooi a outou tupulaga amuli, ina ia iloa ai, o a'u nei o Ieova, o lē faapaiaia outou. Ia outou tausila i le sapati, auā e paia lava ia ia te outou; o le na te solia, ia fasiotia lava o ia; auā ai se tasi e fai ai se galuega, ia vavaeeseina lea i lona nuu. E ono aso e fai ai galuega, a o le aso fitu o le sapati lea e malolo ai, e paia ia Ieova; ai se tasi e fai ai sana galuega i le aso sapati e fasiotia lava o ia. Ia tausila e le fanauga a Isaraelu i le sapati, e fai ma sapati i a outou tupulaga amuli, o le feagaiga e faavavau. O le faailoga lea e faavavau ia te au atoa ma le fanauga a Isaraelu; auā o aso e ono na fai ai e Ieova le lagi atoa ma le lalolagi; a o le aso fitu na ia malolo ai, ma mapu ai. Ua uma atu ana fetalai ia Mose i le mauga o Sinai, ona avatu ai lea e ia ia te ia o papa e lua o le tulafono, o papa maa lava na tusia e le aao o le Atua.

Ua fai e Isaraelu le tupua auro.

32 UA i'oa e le nuu ua faatuatua i ona alu ifo o Mose nai le mauga, ona faapotopoto mai lea o le nuu ia Arona, ma latou fai atu ia te ia, Tu ia oe i luga, ia e faia se atua mo i tatou, na te muamua atu ia i tatou; auā o le na Mose, o le tagata na aveina ae i tatou nai le nuu o Aikupito, tatou te lei iloa pe se a se mea ua oo ia te ia. Ona fai mai lea o Arona ia i latou, Ia outou motusi ese o mama auro o i taliga o a outou avā, ma o outou atalii, ma o outou 2 afafine, ma aumaia ia te au. Ona motusi ese lea e le nuu uma o mama auro sa i o latou taliga ma avatu ia 4 Arona. Ua talia e ia nai ia te i latou, ua na gaosi ai i le tofi, ua fai ai le tamai povi auro, ona ia fai atu lea ia i latou, Isaraelu e, o lou atua lenei, o le na aveina ae oe nai le 5 nuu o Aikupito. Ua vaai atu i ai Arona, ona ia faia lea o le fata faitaulaga i ona luma; ona alaga atu lea o Arona, ua faapea atu, *O le a fai le tausamiga ia Ieova a taeao.*

Ua latou tulai i le taeao lava, ua 6 fai taulaga mu, ma latou avatua taulaga faafetai; ona nonofo lea o le nuu i lalo e aai ma inu, ona tutū lea i luga e sisiva. Ona fetalai mai 7 lea o Ieova ia Mose, Alu ia oe i lalō; auā o lou nuu, na e aveina ae nai le nuu o Aikupito, ua leaga lava i 8 latou; ua vave ona latou o ese i le ala na ou poloai atu ai ia te i latou, ua latou faia le tamai povi auro mo i latou, ua latou ifo i ai, ma fai taulaga i ai; o loo faapea ane foi i 9 latou, Isaraelu e, o lou atua lenei, o le na aveina ae oe nai le nuu o Aikupito. Ua fetalai mai foi Ieova ia Mose, Ua ou vaai atu i lenei nuu, faauta foi, o le nuu ua maaa lava le 10 ua; o lenei, tuu mai ia o a'u, ina ia tupu tele lo'u ita ia te i latou, ina ia ou faaumatia i latou; a ou te faia oe ma nuu tele. A ua matuā faa- 11 toga o Mose i lona Atua o Ieova; ua ia fai atu i ai, Ieova e, se a le mea e tupu tele ai lou toasa i lou nuu na e au mai nai le nuu o Aiku- 12 pito i le mana tele ma le aao malosi? Se a le mea e tautala ai Aikupito, e faapea ane, Na ia aveina atu i latou ina ia malaia, ma ia fasioti ia te i latou i mauga, ma ia faaumatia ia i latou ai le fogieelele? Ia e liliueseina lou toasa tele, ma ia e salamo i le leaga nei oo i lou nuu. Ia e manatua Aperamo, ma Isaako, 13 atoa ma Isaraelu au auauna, na e tauto ai o oe ia te oe lava, ma e faapea atu ia te i latou, Ou te faa- 14 toateleina a outou fanau, pei o fetu o i le lagi, o lenei nuu atoa foi na ou fai atu ai, ou te avatua i a outou fanau e fai mo latou tofi e faavavau. Ona salamo ai lea o Ieova i le leaga na fai a faaoo atu i lona nuu.

Ona liliu lea o Mose, ma ua alu 15 ifo nai le mauga, ma papa maa e lua o le tulafono i lona lima, o papa maa na tusia i o la itu e lua, o lea itu ma lea itu ua tusia ai. O ia 16 papa maa foi, o le galuega a le Atua ia; o le mea foi ua tusia, o le tusi lea a le Atua na togitogiina i papa maa. Ua faalogo atu Iosua i le leo 17 o le nuu o loo alalaga, ona fai atu lea o ia ia Mose, O le vāvāo o le taua o i le togālauapi. A ua tali 18 mai o ia, E le o le leo o e alalaga ina

- ua malo ; e le o le leo foi o e alalaga
ina ua lafoia ; a o le leo o le pese
19 lava ou te faalogo i ai. Ua faalata-
lata atu o ia i le togālauapi, ona iloa
ai lea e ia o le tamai povi ma le siva ;
ona tupu tele ai lea o le ita o Mose,
ua lafo ifo papa maa nai ona lima,
20 ua nuti ai i lalo o le mauga. Ona
tago ai lea o ia i le tamai povi na
latou faia, ua susunu i le afi, ua olo
ai ua fai ma efuefu, ua sasaa ai foi
i le vai, ma faainu ai le fanauga a
21 Isaraelu. Ona fai atu lea o Mose
ia Arona, O le a le mea na faia e
lenei nuu ia te oe ina ua e faaoo ai
22 lenei agasala tele ia te i latou? Ua
tali mai Arona, Aua ne'i tupu tele
mai le toasa o lo'u alii ; ua e silafia
le nuu nei, ua leaga lava i latou.
23 Ua latou fai mai ia te au, Ina faia
mo i tatou se atua e muamua atu ia
i tatou ; auā o lena tagata o Mose
na na aveina ae i tatou nai le nuu
o Aikupito, tatou te le iloa pe se a
24 se mea ua oo ia te ia. Ona ou fai
atu lea ia te i latou, O e o i ai auro
ia motusi ese, ma ia latou aumaia ia
te au ; ona ou lafo ai lea i le afi, i
le ua sau ai lenei tamai povi.
25 Ua vaai atu Mose ua salalau le
nuu, auā ua faasalalauvaleina e
Arona e faalumaina ai i latou i e
26 laga mai ia te i latou ; ona tulai lea
o Mose i le faitotoa o le togālauapi,
ma faapea atu, O ai se 'au ma
Ieova? ina sau ia ia te au. Ona
faapotopoto mai lea ia te ia o le
27 fanauga a Levi uma lava. Ona fai
atu lea o ia ia te i latou, O loo faa-
pea ona fetalai mai Ieova, o le Atua
o Isaraelu, Ia taitasi ma tuu lana
pelu i lona itu, ina feoai ia i lea
faitotoa ma lea faitotoa i le togā-
lauapi, ma ia taitasi ma fasioti i
lona uso, ma lana uo, ma le la te
28 tuaoi. Ona faia lea e le fanauga a
Levi faapei ona fai atu ai o Mose,
ua fasia le nuu i lea aso pe toatolu
29 gaafe o tagata. Ua faapea atu foi
Mose, Ia tofia outou e outou i le asō
mo Ieova, e taitoatasi i lona atalii ma
lona uso, ina ia tuuina mai i le asō
se manuia ia te outou.
30 Ua oo i le taeao, ona fai atu lea
o Mose i le nuu, Ua outou faia le
agasala o le agasala tele ; o lenei, o
le a afu alu ae ia Ieova, pe mafai
ona ou faia se toriola ona o a outou
agasala. Ona foi atu lea o Mose ia 31
Ieova, ma na fai atu ai, Aue! ua
agasala le nuu nei i le agasala tele,
na fai mo i latou le atua auro. O 32
lenei, pe mafai ona e faamagalo la
latou agasala ; a leai, ia soloiesea
a'u i le tusi ua e tasi. Ona fetalai 33
mai lea o Ieova ia Mose, O le ua
agasala mai ia te au, ou te soloiesea
lava lea i la'u tusi. O lenei, alu ia 34
oe, ta'itai atu ia le nuu i le mea na
ou fai atu ai ia te oe ; faauta, e
muamua atu la'u agelu i ou luma ;
o le aso foi ou te asiasi ai, ou te
asiasi lava ia i latou ona o la latou 35
agasala. Ona taia lea e Ieova o le
nuu, ona ua latou faia le tamai
povi, na faia e Arona.
- Ua faatu ese e Mose o lona fale.*
- UA toe fetalai mai Ieova ia Mose, 33
Ina alu ia, ma ia outou o ae ai lenei
mea, o oe ma le nuu na e aveina ae
nai Aikupito, i le nuu na ou tauto
atu ai ia Aperaamo, ma Isaako, ma
Iakopo, ua faapea atu, Ou te tuuina
atu ai i lau fanau. Ou te auina 2
atu foi i ou luma le agelu ; ou te
tuli ese atu foi o sa Kananā, ma sa
Amorī, ma sa Hetī, ma sa Perisē,
ma sa Hivī, ma sa Iepusē ; o le nuu 3
lea o loo tafe ai le suāsusu ma le
meli ; auā tatou te le o ae ma outou,
auā o le nuu outou ua maaa le ua ;
ne'i ou faaumatia outou i le ala.
- Ua faalogo le nuu i lenei tala 4
leaga, ona latou faanoanoa ai lea, e
le teuteu foi se tasi i ana teuga ;
auā na fetalai mai Ieova ia Mose, 5
Fai atu ia i le fanauga a Isaraelu, O
le nuu ua maaa le ua outou, o le
emo o le mata ou te alu ae ai i
totonu o outou, ma ou faaumatia
outou ; ina tuu ese ia o a outou
teuga ia te outou, seia ou iloa, pe
se a se mea ou te faia ia te outou.
Ona to ese lava lea e le fanauga a 6
Isaraelu o a latou teuga i le mauga
o Horepa. A o Mose, ua ave e ia le
fale ie, ua faatu ai e ia i tala atu o
le togālauapi, e vava mamao ma le
togālauapi ; ua ia faaigoa ai foi, le
fale ie o le faapotopotoga ; ona o
ai lea o i latou uma e na saili ia
Ieova i le fale ie o le faapotopotoga
i tala atu o le togālauapi. A oo ina 8

- alu atu Mose i le fale ie, ona tutū
lea i luga o le nuu atoa uma, ua
taitasi ma tu mai i le faitotoa o
lona fale ie, ua latou tulimata'i ia
Mose, ina seia ulu atu ia i le fale ie.
- 9 Ua ulu atu Mose i le fale ie, ona
ifoifo ai lea o le ao faaniutu, ua tu
foi i le faitotoa o le fale ie; ona
- 10 fetalai mai lea o *Ieova* ia Mose. Ua
iloa e le nuu atoa uma o le ao faa-
niutu, o loo tu i le faitotoa o le fale
ie, ona tulai lea o le nuu uma, ma
ifo atu ai, e taitoatasi i le faitotoa
- 11 o lona fale ie. Ua fetalai mai foi
Ieova ia Mose, o loo fesagai lava,
faapei o le tagata ona tautalatala
ma lana uo; ua foi atu *Mose* i le
togālauapi, a o lana auauna o
Iosua, o le atalii o Nuno, o le tau-
lealea, e lei alu ese lava o ia i le
fale ie.
- 12 Ua fai atu foi Mose ia *Ieova*,
Silasila mai, ua e fatalai mai ia te
au ia ou aveina ae le nuu nei, a e te
lei faailoa mai, po o ai e te auina
mai ma te toalua, a ua e fetalai mai
faapea, Ua ou iloa oe i *lou* lava
igoa, ua alofagia foi oe e a'u. O
lenci, afai ua alofagia a'u e oe, ia e
faailoa mai ia te au lou ala, ina ia
ou iloa oe, ina ia alofagia a'u e oe,
ma ia e manatu o ou tagata le nuu
- 14 nei, Ona fetalai mai lea o *Ieova*, Ta
te o atu lava ma a'u; ou te avatua
15 foi le mapusaga mo oe. Ona tali
atu lea o ia ia te ia, Pe afai ta te le
afo atu ma oe, aua le aveina ae i
16 matou nai le mea nei. Se a lava le
mea e iloa ai ua alofagia a'u e oe, o
a'u atoa ma lou nuu, na o lea, ina
ua e afio atu faatasi ma i matou?
ona vavaeeseina lea o i matou, o a'u
ma lou nuu ai nuu uma lava i le
- 17 fogāelelele. Ona fetalai mai lea o
Ieova ia Mose, O le mea ua e fai
mai ai na, ou te faia lava, auā ua
alofagia oe e a'u; ua ou iloa foi oe i
18 *lou* lava igoa. Ona fai atu lea o
Mose, Ia e faaali mai ia te au lou
mamalu. Ona fetalai mai lea o ia,
Ou te faaui atu lo'u lelei uma i ou
luma; ou te ta'u atu foi le igoa o
Ieova i ou luma; ou te alofa atu
foi i e ou te fia alofa atu i ai, ma ou
alofa mutimutivale i e ou te fia
20 alofa mutimutivale i ai. Ua ia
fetalai mai foi, E te le mafaia ona
- vaai mai i o'u mata; auā e le mafai
ona vaai mai lava se tagata ia te au,
ma ola *pea* ia. Ua fetalai mai
21 *Ieova*, Faauta i le mea e latalata
ane ia te au, e te tu ai i luga o le
papa; a ui ane ai lo'u mamalu, ou
22 te tuuina oe i le māvaevae o le papa,
ou te ufitia oe i lo'u lima seia mavae
ane a'u; a a'u ave ese lo'u lima, ona
23 e iloa mai lea o lo'u tua; a o o'u
mata e le vaaia lava ia.

Ua toe tusia tulafono i papa maa.

ONA fetalai mai lea o *Ieova* ia 34
Mose, Ia e ta mai ni papa maa se
lua, pei o *papa* muamua; ou te tusi
foi i ia papa o upu sa i ai i papa
muamua, na e tacia; ma ia e saunia
2 i le taeao, ma alu ae i le taeao i le
mauga o Sinai, e te tu mai ai i o'u
luma i le tumutumu o le mauga.
Aua foi ne'i lua o ae ma se tasi;
3 aua ne'i iloa se tagata e toatasi i le
mauga uma; o lafu mamoe foi ma
povi, aua ne'i tataa i luma o lea
mauga.

Ona ta lea e ia o papa maa e lua, 4
e pei o *papa* muamua; ua tulai foi
Mose i le taeao lava, ua alu ae i le
mauga o Sinai, faapei ona fetalai
mai ai o *Ieova* ia te ia, ua ave foi i
lona lima o papa maa e lua. Ona
5 afio ifo lea o *Ieova* i le ao, ua la
tutū foi ma ia i lea mea, ua ia ta'u
mai foi le suafa o *Ieova*. Ua afio
6 ane foi *Ieova* i ona luma, ma na ta'u
mai, O *Ieova*, o *Ieova*, o le Atua
alofa mutimutivale ma le alofa fua,
e telegese lona toasa, a e tele le
alofa ma le faamaoni; o lē tausi le
7 alofa e oo atu i afe o *tupulaga*; o lē
faamagalo foi i le amioletonu ma le
solitulafono ma le agasala, a e le
faasacina lava e ia o e *agasala*; a e
taui atu e ia le agasala a mātua i a
latou fanau ma le fanau a latou
fanau, e oo i le tolu ma le fa o
tupulaga. Ona faataalise lea o 8
Mose, ua punou i le ēelele, ma ifo.
Ua ia fai atu foi, Le Alii e, afai e te
9 alofa mai ia te au, le Alii e, ina
tatou afio atu ma oe; auā o le nuu
lenci ua maaa le ua, ia e faamagalo
foi a matou amioletonu, ma a matou
agasala, ia avea foi i matou mou
tofi. Ona fetalai mai lea o ia, 10
Faauta, ou te osia le feagaiga; ou

te faia vavega i luma o lou nuu uma, e lei faia lava i le lalolagi uma, po o nuu ese uma; e vaaia foi le galuega a Ieova e le nuu uma e te i ai oe; auā o le mea matautia o le 11 a ou faia ia te oe. Ia e tausi i le upu ou te fai atu ai ia te oe i le asō; faauta, ou te tuli ese atu i ou luma o sa Amori, ma sa Kananā, ma sa Heti, ma sa Perisē, ma sa Hivī, ma 12 sa Iepusē. Ia oe, ne'i e osi le feagaiga ma e o nonofo i le nuu o le a e alu atu i ai, ne'i avea ai ma mailei 13 ia te oe; a ia outou sofaia o latou fata faitaulaga, ia nutipala i o latou tupua, ma vavae i lalo o latou tupua 14 o Asaira. Auā e te le ifo i se tasi atua; auā o Ieova, o le Fuā, o lona lea suafa, o le Atua fuā lava o ia. 15 Ne'i e osi le feagaiga ma e o nonofo i le nuu, e mulilulua ai foi i latou i o latou atua, ma fai taulaga i o latou atua; e valaau foi i latou ia te oe, ona e 'ai lea i a latou taulaga. 16 Ne'i e au mai foi o latou afafine *ma avā* a ou atalii, e mulilulua foi o latou afafine i o latou atua, e mulilulua ai foi ou atalii i o latou atua. 17 Aua ne'i e fai mo oe ni atua uamea. 18 Ia e tausi i le tausamiga o le areto e le faafefeteina. E fitu aso e te 'ai ai le areto e le faafefeteina, na ou fai atu ai ia te oe, i ona po na atofaina i le masina o Apipa; auā o le masina o Apipa na e sau ai nai 19 Aikupito. O ulumatua uma lava e fai lava ia mo a'u; o poa uma o au manu, o le ulumatua a le povi atoa 20 ma le mamoe; a o le ulumatua a le asini, e te sui a'i i se tamai mamoe; afai foi e te le suia, ia e vavae lona ua; e te suia o ulumatua uma a ou atalii. Aua foi ne'i iloa mai se tasi i o'u luma ua leai sana mea. 21 E ono aso e te galue ai, a o le aso fitu ia e malolo ai; ia e malolo ai lava i le tau e suo ai, ma le tau e selesele ai. E te faia foi le tausamiga o vaisapati, o le faapolopolo o le seleselegāsaito, atoa ma le tausamiga o le faaputugāfua ina a uma le 23 taulaga. E tai atu tolu i tausaga ia iloa ai tane uma lava ua ia te oe i luma o le Alii o Ieova, o le Atua o 24 Isaraelu. Auā ou te tuli ese nuu ese i ou luma, ma ou faalatele lou lau-

eleele; e le manao foi se tagata i lou fanua pe a e alu ae faatolu i tausaga, ina ia iloa ai oe i luma o Ieova lou Atua. Aua ne'i e fai 25 taulaga i le toto o la'u taulaga ma le areto ua faafefeteina; aua ne'i aoina le taulaga i le tausamiga o le paseka. O le faapolopolo o le uluai 26 fua o lou lauelele e te aumaia i le fale o Ieova lou Atua. Aua ne'i e tunu le tamai 'oti i le suāsusu o lona tinā.

Ona fetalai mai lea o Ieova ia 27 Mose, Ia e tusi nei upu, auā ua ou osia le feagaiga ma oe atoa ma Isaraelu e tusa ma ia lava upu. Sa i 28 lea mea foi i laua ma Ieova e fagafulu ona ao, e fagafulu foi ona po; e lei 'ai ai o ia, e lei inu ai foi; na tusi foi e ia i luga o papa *maa* o upu o le feagaiga, e sefulu upu. Ua oo 29 ina alu ifo Mose nai le mauga o Sinai ma papa e lua o le tulafono i le lima o Mose, na alu ifo o ia nai le mauga, e lei iloa e Mose ua pupula le pa'u o ona fofoga, a o fetalai i laua ma ia. A ua iloa atu e Arona, 30 ma le fanauga a Isaraelu uma lava ia Mose, faauta, o loo pupula mai le pa'u o ona fofoga; ona latou fefefe lea i faalatalata ia te ia. A ua 31 valaau atu Mose ia te i latou, ona toe foi atu lea ia te ia o Arona ma alii uma o le faapotopotoga; ona tautala atu lea o Mose ia te i latou. E mulimuli ane foi ua faalatalata 32 mai le fanauga uma a Isaraelu, ona fai atu ai lea o ia ia te i latou upu uma lava na fetalai mai ai Ieova ia te ia i le mauga o Sinai. Ua uma 33 atu upu a Mose ia te i latou, ona tuuina lea e ia o le ufufi i ona fofoga. A ulu atu Mose i luma o 34 Ieova, ina ia la tautalatala ma ia, ona tuu ese ai lea o le ufufi, ina seia toe ulufafo, ona alu atu lea o ia, ma fai atu i le fanauga a Isaraelu le mea na fetalai mai ai. Ua iloa e 35 le fanauga a Isaraelu fofoga o Mose, ua pupula mai le pa'u o fofoga o Mose, ona tuu lea e Mose o le ufufi i ona fofoga, ina seia toe ulufale atu la te tautalatala ma ia.

O poloaiga i le sapati; o taulaga mo le malumalu.

- 35 ONA faapotopototo mai lea e Mose o le faapotopotoga uma o le fanauga a Isaraelu, ua fai atu ia te i latou, O mea nei ua pololai mai ai Ieova ia
- 2 faia. E ono aso e fai ai galuega, a o le aso fitu e paia lea ia te outou, o le sapati e malolo ai ia Ieova; ai se fai galuega ai e fasiotia lava ia.
- 3 Aua ne'i mu se afi i so outou fale i le aso sapati.
- 4 Ua fai atu foi Mose i le faapotopotoga uma o le fanauga a Isaraelu, ua faapea atu, O le mea lenei, ua pololai mai ai Ieova, ua faapea mai,
- 5 Ina fai ia e outou se taulaga ia Ieova, e taitoatasi o lē manatu i ai i lona loto, ia au mai e ia le taulaga ia Ieova, o le auro, ma le ario, ma le
- 6 'apa memea, ma le *ie* uli, ma le pāuli, ma le mūmū, ma le ie vavae,
- 7 ma fulufulu 'oti, ma pa'u mamoe poa faalanu ulaula, ma pa'u takesa,
- 8 ma le laau o le setima; o le suauu foi e *mu* a'i le afi, o mea manogi e *manogi* a'i le uu e faauu a'i, e *fai*
- 9 a'i foi le mea manogi lelei e mu, o maa soama, ma maa e teu ai i le
- 10 efota ma le uffatafata. O i latou uma foi o ia te outou ua popoto, ia latou o mai, ma latou faia mea uma
- 11 lava ua pololai mai ai Ieova; o le malumalu, o lona fale fetafai, ma lona ufufi, o ona faamau, o ona laupapa, o ona faalava, o ona pou,
- 12 ma ona lago; o le atolaau, ma ona amo, o le nofoa o le alofa, ma le ie
- 13 puipui; o le laoi, ma ona amo, ma ana mea uma lava, ma le areto e
- 14 laulauina i luma; ma le tuugā-lamepa, e mu ai le afi, ma ana mea, ma ona lamepa, ma le suāuu e *mu*
- 15 a'i le afi; ma le fata e *mu* ai mea manogi, ma ona amo, ma le uu e faauu a'i, ma le mea manogi lelei e mu, ma le ie puipui o le faitotoa e
- 16 pupuni ai le malumalu; o le fata e *fai* ai taulaga mu, ma lona taigaafi 'apa memea, o ona amo, ma ana mea uma; o le tanoa e mulumulu
- 17 ai ma lona tulaga; o ie puipui mo le lotoā, o ona pou, ma ona lago, ma le ie puipui mo le faitotoa o le
- 18 lotoā; o faamau mo le malumalu, ma faamau mo le lotoā, ma ona

maea; o ie o mea e *fai* ai tapuaiga 19 e auaua ai i le mea paia, o ofu sa mo le faitaulaga o Arona, ma ofu o ona atalii, e fai ai le faiva o ositaulaga.

Ona tuua lea o le faapotopotoga 20 uma o le fanauga a Isaraelu nai luma o Mose; ona latou o mai lea, 21 o i latou uma o e ua uai i ai o latou loto, ma i latou uma o e ua manatu i ai o latou loto, ua latou aumaia le taulaga ia Ieova mo le galuega o le fale fetafai o le faapotopotoga mo ona sauniga uma, atoa ma ofu sa. Ua latou o mai, o tane atoa ma 22 fafine; o i latou uma lava o e na manatu i ai o latou loto, ua latou aumaia o mama, ma mama o taliga, ma mama o lima, ma asoa auro, ma mea auro uma, e taitoatasi uma lava o e na fai taulaga, ua fai ai le taulaga auro ia Ieova. E taitoatasi mea 23 foi ua i ai se *ie* uli, ma le pāuli, ma le mūmū, ma le ie vavae, ma fulufulu 'oti, ma pa'u mamoe poa faalanu ulaula, ma pa'u takesa, ua latou aumaia. E taitoatasi uma o e 24 na faitaulaga i le ario, ma le 'apa memea, ua au mai e ia le taulaga ia Ieova; e taitasi uma foi na i ai laau o le setima e aoga i se mea o le galuega, ua aumaia. O fafine taitoatasi uma foi ua atamamai, ua milo i o latou lima, ma au mai o mea na milo, o le *ie* uli, ma le pāuli, ma le mūmū, ma le ie vavae. O fafine 26 uma foi na uai i ai o latou loto ma le poto, ua milo e i latou fulufulu 'oti. O alii foi, ua au mai e i latou 27 o maa soama, ma maa e teu ai i le efota ma le uffatafata; ma le mea 28 manogi, ma le suāuu e *mu* a'i le afi, ma le uu e faauu a'i, atoa ma le mea manogi lelei e mu. E taitoatasi uma 29 o tane atoa ma fafine e na manatu i ai i o latou loto, ua aumaia mea e fai a'i galuega uma lava na pololai mai ai Ieova ia Mose ia faia; ua aumaia ma le loto e le fanauga a Isaraelu ia Ieova.

Ona faapea atu lea o Mose i le 30 fanauga a Isaraelu, faauta, ua valaauina e Ieova i lona lava igoa o Pesaleli, o le atalii o Auri, o le atalii lea o Huro, o le itu aiga o Iuta; ua 31 faatumuina foi o ia i le Agaga o le Atua i le poto, ma le faautauta, ma

le iloa lelei, e *fai* ai galuega uma
 32 lava ; ina ia mafaufau o ia i galuega
 faigata, e galue o ia i le auro, ma le
 33 ario, ma le 'apa memea ; e togitogi
 foi i maa e faamau ai, e togitogi foi
 i laau, e fai ai galuega faigata uma
 24 lava. Ua ia tuuina i lona loto ia
 mafai ona a'oa'o atu, o ia atoa ma
 Aliavu, o le atalii o Aisamako, o le
 35 itu aiga o Tanu. Ua na faatumuina
 foi i laua i le pota e fai galuega uma
 a le tufuga togitogi mea, ma *le*
galuega a le tufuga pota, ma lē
 lalaga ie lanu eseese, o le *ie* uli, ma
 le pāuli, ma le mūmū, ma le ie
 vavae, atoa ma *le galuega* a ē lalaga
 mea, ma mata galuega eseese, ma
galuega a e mafaufau i galuega
 faigata.

Ua faia mea a le malumalu.

36 ONA galulue lea o Pesaleli, ma
 Aliavu, ma tagata popoto uma lava,
 o e na avatu i ai e Ieova le pota ma
 le mafaufau, ina ia iloa ai e galulue
 i le galuega uma lava mo le sauniga
 o le malumalu e tusa ma mea uma
 2 lava na poloi mai ai Ieova. Ua
 valaau Mose ia Pesaleli, ma Aliavu,
 ma tagata popoto uma lava e na
 avatu i ai e Ieova le pota i o latou
 loto, e taitoatasi uma ua uai i ai o
 latou loto e o mai i le galuega ina
 3 ia faia. Ua latou ave foi nai luma
 o Mose le taulaga uma lava ua au-
 maia e le fanauga a Isaraelu mo le
 galuega o le sauniga o le malumalu
 e fai ai ; na latou au mai ai pea ia
 te ia ma le loto i lea taeao ma lea
 4 taeao. Ona o mai lea o tagata po-
 poto uma lava e ua faia le galuega
 uma o le malumalu, e taitasi ma sau
 5 mai lana galuega ua latou faia. Ua
 latou fai mai ia Mose, ua faapea
 mai, Ua tele lava mea ua au mai e
 le nuu e sauni ai le galuega na po-
 loi mai ai Ieova ia faia, o le a totoe.
 6 Ona poloi lea o Mose, ia latou faa-
 salalauna le upu i le togālauapi, o
 loo faapea, Soia le toe faia e se tane
 po o se fafine se galuega mo le tau-
 laga i le malumalu. Ona vaoia lea
 7 o le nuu, ua le toe au mai ai ; auā
 o mea ua faia ua lava ia i galuega
 8 uma e fai ai, e totoe lava. O e
 popoto uma lava i e ua faia le
 galuega o le malumalu, ua latou

faia ie puipui e tasi le sefulu i le ie
 vavae ua milo *ona manoā*, ma le *ie*
 uli, ma le pāuli, ma le mūmū ; ua
 ia fai i ai kerupi i le galuega a le
 tufuga pota. E luafulu ma le valu 9
 o kupita le umi o le ie puipui e tasi,
 ma le lau o le ie puipui e tasi e fa
 ona kupita ; ua gatasi le fua o ie
 puipui uma. Ona faasoooso lea e 10
 ia o ie puipui e lima, o le tasi i le
 tasi ; ua na faasoooso foi *le isi* lima
 o ie puipui, o le tasi i le tasi. Ua 11
 ia faia foi faamaufaalaave i le *ie* uli
 i le tafatafa o le tasi ie puipui i le
 tafatafa e soo ai ; ua ia fai faapena
 foi i le tafatafa lava o *le tasi* ie pui-
 pui i le mea e soo ai ma le tasi.
 Ua ia faia faamaufaalaave e limaga- 12
 fulu i le tasi ie puipui, ma faamau-
 faalave e limagafulu i le tafatafa o
 le ie puipui i le mea e soo ai ma le
 tasi ; o faamaufaalaave ia ua faa-
 mauina le tasi i le tasi. Ua ia faia 13
 foi faamau auro e limagafulu, ma
 na faasooina ai ie puipui o le tasi i
 le tasi i faamau ; i le ua fai ma
 malumalu e tasi.

Ua ia faia foi ie puipui i fulufulu 14
 'oti e fai ma ufi i luga o le malu-
 malu ; ua ia faia ie puipui e sefulu
 ma le tasi ; e tolugafulu kupita le 15
 umi o le ie puipui e tasi ; e fa foi
 kupita le lau o le ie puipui e tasi ;
 e tasi le fua o ia ie puipui e sefulu
 ma le tasi. Ua ia faasooina ie pui- 16
 pui e lima, ia faatasi, ma ie puipui
 e ono, ia faatasi. Ua ia faia foi 17
 faamaufaalaave e limagafulu i le ta-
 fatafa o le ie puipui i le mea e soo
 ai ; ua ia faia foi faamaufaalaave e
 limagafulu i le tafatafa o *le tasi* ie
 puipui i le mea e soo ai ma le tasi.
 Ua ia faia foi faamau 'apa memea 18
 e limagafulu e faasooina ai le fale
 fetafai, ina ia tasi. Ua ia faia foi 19
 le ufiufi o le fale fetafai i pa'u
 mamoe poa faalanu ulaula, ma le
 ufiufi o pa'u takesa e laualuga. Ua 20
 ia faia foi laupapa mo le malumalu
 i le laau o le setima, ua faatutū.
 E tasi le sefulu o kupita o le umi 21
 lea o le laupapa e tasi, o le kupita e
 tasi foi ma le vaeluagalemu o le
 kupita o le lau lea o le laupapa e
 tasi. E lua mea faanifo i le lau- 22
 papa e tasi, ua faafeagai le tasi i le
 tasi, ua faapea ona faia e ia o lau-

23 papa uma lava o le malumalu. Ua
ia faia foi laupapa mo le malumalu,
o laupapa e luafulu mo le itu i toga,
24 e feagai lea ma le itu i toga; e fa-
gafulu foi lago ario ua faia e ia i
lalo o laupapa e luafulu; e lua lago
i lalo o le laupapa e tasi, e faatatau
i mea faanifo e lua; ma lago e lua
i lalo o le tasi laupapa, e faatatau i
25 mea faanifo e lua. Ua ia faia foi
laupapa e luafulu mo le tasi itu o le
malumalu, o loo i le itu i matu lea.
26 E fagafulu foi o latou lago ario; e
lua lago i lalo o le tasi laupapa, ma
lago e lua i lalo o le tasi laupapa.
27 Ua ia faia foi laupapa e ono mo itu
28 i sisifo o le malumalu. E lua foi
laupapa ua faia e ia i tulimanu o le
29 malumalu i ona itu e lua. Ua faa-
sooina foi ia *papa* ua faagatasi i lalo,
e faasoina foi i luga i le faamau-
mama e tasi; ua faapea ona faia ia
30 mea e lua i tulimanu e lua. O lau-
papa ia e valu, ma o latou lago ario
e tasi le sefulu ma le ono, o lago ia
31 ua tailua i lalo o laupapa. Ua ia
faia faalava e lima i le laau o le
setima, mo laupapa i le tasi itu o le
32 malumalu; e lima foi faalava mo
laupapa i le isi itu o le malumalu;
e lima foi faalava mo laupapa o le
malumalu i ona itu e lua i sisifo.
33 Ua ia faia foi le faalava vaeloto ina
ia sulu i totonugalemu o laupapa, e
gata mai i le tasi pito *fale*, e gata
34 atu foi i le tasi pito. Ua ia ufiufi
foi laupapa i le auro; ua na faia foi
o latou faamaamama i le auro, e
sulu ai faalava, ma na ufiufi faalava
35 i le auro. Ua ia faia foi le puipui
ie uli, ma le pāuli, ma le mūmū, ma
le ie vavae ua milo *ona manoa*; ua
ia fai i ai kerupi i le galuega a le
36 tufuga potu. Ua ia faia foi mo lea
mea o pou setima e fa, ma na ufiufi
ai i le auro, o le auro foi ona faamau;
ua ia tunu le ario ua fai a'i ona lago
37 e fa. Ua ia faia foi le puipui tatau
mo le faitotoa o le fale fetafai i le *ie*
uli, ma le pāuli, ma le mūmū, ma
le ie vavae ua milo *ona manoa*, o
le galuega a le tufuga fai ie lanu
38 cseese; ma ona pou e lima, ma o
latou faamau; ua na ufiufi foi o
latou pito i luga ma le amo pou i le
auro; a o latou lago e lima, o le 'apa
memea ia.

*Ua faia le atolaau ma nisi mea a le
malumalu.*

UA faia foi e Pesaleli le atolaau 37
i le laau o le setima, e lua kupita
ma le vaeluagalemu o le kupita o
lona umi; o le kupita e tasi ma le
vaeluagalemu o le kupita lona lau; o
le kupita e tasi ma le vaeluagalemu
o le kupita lona maua luga. Ua ia 2
ufiufi foi i ai i le auro lelei i totonu
ma tua, ua ia fai foi i ai le pale auro
e siosioina a'i. Ua ia tunu le auro, 3
ua fai a'i mama e fa, e tūuina i ona
tuli ato e fa; e lua mama i le tasi
ona itu, e lua foi mama i le tasi ona
itu. Ua ia faia foi amo i le laau o 4
le setima, ma na ufiufi ai i le auro.
Ua na sulu atu amo i mama i itu 5
o le atolaau, e amo a'i le atolaau.
Ua ia faia foi le nofoa o le alofa 6
i le auro lelei; e lua kupita ma le
vaeluagalemu o le kupita lona umi,
ma le kupita e tasi ma le vaeluaga- 7
lemu o le kupita lona lau. Ua ia faia
foi kerupi auro e lua; ua ia faia ua to-
gitogi faamamanuina, o i pito e lua 8
o le nofoa o le alofa; o le tasi kerupi
i le tasi pito *nofoa*, o le tasi foi keru-
pi i le tasi pito *nofoa*, na ia faia kerupi
ia i le nofoa o le alofa i ona pito e lua 9
i le mea e fai a'i. Ua fālō e kerupi
o la apaau i luga, ua faamalumu
foi i o la apaau i le nofoa o le alofa;
o la mata foi ua fesagai, ua faasaga
mata o kerupi i le nofoa o le alofa.
Ua ia faia foi le laoi i le laau o 10
le setima, e lua kupita lona umi, o
le kupita e tasi lona lau, o le kupita
ma le vaeluagalemu o le kupita lona
maualuga. Ua ia ufiufi ai foi i le 11
auro lelei, ma na fai ai le pale auro
e siosioina a'i. Ua ia fai ai foi lona 12
tafatafa i lalo e siosioina a'i, o le
lautele o le alofilima e tasi lona lau;
ua ia fai foi le pale auro mo le tafa-
tafa i lalo e siosioina a'i. Ua ia 13
tunu foi le auro ua fai a'i mama e
fa, ua ia tuuiua *taitasi* mama i ona
tuli laoi e fa, ua i ona vae e fa.
Ua felatai mama ma le tafatafa i 14
lalo, e fai ma mea e sulu ai amo, e
amo a'i le laoi. Ua ia faia foi amo 15
i le laau o le setima, ma na ufiufi ai
i le auro, e amo a'i le laoi. Ua ia 16
faia foi mea mo le laoi, o ona tanoa
salalafa, ma ona ipu, ma ona tanoa,

- ma ona ipu e asu a'i e liligi ai ; o le auro lelei *na fai a'i* ia mea.
- 17 Ua ia faia foi le tuugālamēpa i le auro lelei, ua na faia le tuugālamēpa, ua togitogi faamamanuina, o lona 'au, ma ona maga, o ona ipu faaofuofu, o ona pona, ma ona fuga, ua faia *uma* i lea lava mea. Ua o atu maga e ono i ona itu, e tolu maga o le tuugālamēpa i le tasi itu, e tolu foi maga o le tuugālamēpa i le tasi itu. E tolu ipu faaofuofu e pei o sekati i le tasi maga, o le pona foi atoa ma le fuga ; e tolu foi ipu faaofuofu e pei o sekati i le tasi maga, o le pona foi atoa ma le fuga ; ua faapea foi ona maga e ono e o atu i le tuugālamēpa. Ua i le tuugālamēpa foi o ipu faaofuofu e fa, e pei o sekati, ona pona atoa ma ona fuga ; ma le pona i lalo o isi ona maga e lua, ma le pona i lalo o isi ona maga e lua, ma le pona i lalo o isi ona maga e lua, e faatatau i maga e ono ua o atu ai ; ua faia i le mea e tasi ona pona ma ona maga, ua faia uma lava i le auro lelei, ua togitogi faamamanuina.
- 23 Ua ia faia foi ona lamēpa e fitu, ma ona seletamēpa, ma ona tuugāmatapa'u o le afi, i le auro lelei. Ua ia faia i le taleni o le auro lelei, atoa ma ana mea uma lava.
- 25 Ua faia foi e ia le fata e mu ai le mea manogi i le laau o le setima ; o le kupita e tasi lona umi, o le kupita e tasi foi lona lau ; ua faatāfafa ; ua lua kupita lona maualuga ; ua fai ai ona nifo i lea lava mea.
- 26 Ua ia ufiufi ai foi i le auro lelei, i ona luga ma ona itu ua soo ai, atoa ma ona nifo ; ua ia fai ai foi le pale auro e siosioina a'i. E lua foi mama auro ua ia fai ai i lalo o lona pale i ona tuli fata e lua, i ona itu e lua ; o mea ia e sulu ai ona amo e amo a'i. Ua ia faia foi ona amo i le laau o le setima, ma na ufiufi ai i le auro.
- 29 Ua ia faia foi le uu paia e faauu a'i, ma le mea manogi lelei e mu, *ua faia* i mea manogi lelei i le faiva o le fai mea manogi.
- O le fata faitaulaga ; o le taelega ; o le puipui.*
- 38 UA ia faia foi le fata faitaulaga e *fai* ai taulaga mu, i le laau o le setima, e lima kupita lona umi, e lima foi kupita lona lau, ua faatāfafa, ua tolu foi kupita lona maualuga. Ua ia faia foi ona nifo i ona tuli fata e fa, *ua fai* i lea lava mea ona nifo ; ua ia ufiufi ai i le 'apa memea. Ua ia faia foi mea uma mo le fata faitaulaga, o ona tanoa *e tali ai ona lefulefu*, ma ona suo, ma ona ipu, ma ona tui, ma ona salefu ; o ana mea uma ua na faia i le 'apa memea. Ua ia faia foi mo le fata faitaulaga o le taigaafi, ua faamatauēga ona fai i le 'apa memea, i lalo ifo o lona tafatafa i totonu, ua oo lava i le totonugalemu. Ua ia faia foi mama e fa mo tuli taigaafi 'apa memea e fa, e sulu ai amo. Ua ia faia foi amo i le laau o le setima, ma na ufiufi ai i le 'apa memea. Ua ia sulu atu foi amo i mama i itu o le fata faitaulaga e amo a'i ; ua ia faia foi i laupapa, ua *ōō*.
- Ua ia faia foi le tanoa 'apa memea e mulumulu ai ma lona tūlaga 'apa memea i faaata o le galu fafine e na faapotopoto ane i le faitotoa o le fale ie o le faapotopotoga.
- Ua ia faia foi le lotoā i le itu i toga, e faasaga lea i le itu i toga, o ie puipui mo le lotoā, o le ie vavae ua milo *ona manoa*, e tasi le selau kupita o lona umi ; e luafulu o latou pou, ma o latou lagona 'apa memea e luafulu ; a *ua faia* i le ario o faamau o ona pou ma lo latou amo pou. O le itu foi i matu e tasi le selau o ona kupita o *ie puipui*, e luafulu o latou pou, e luafulu foi o latou lagona 'apa memea ; *ua faia* foi i le ario o latou faamau ma lo latou amo pou. Mo le itu foi i sisifo o ie puipui e limagafulu kupita o lona umi, e tasi le sefulu o latou pou, mo latou lagona e sefulu, a o faamau o pou, ma lo latou amo pou *ua faia* i le ario. Mo le itu foi i sasae, e faasaga i 13 sasae, e limagafulu kupita o *le ie puipui*. O ie puipui o le tasi itu 14 o *le faitotoa* e sefulu ma le lima o kupita, o latou pou e tolu, ma o latou lagona e tolu. O le tasi foi itu 15 o le faitotoa, o i lea itu ma lea itu o le lotoā o ie puipui e sefulu ma le lima kupita, o latou pou e tolu, ma o latou lagona e tolu. O ie puipui 16 uma lava ua siosioina ai le lotoā, ua

38 UA ia faia foi le fata faitaulaga e *fai* ai taulaga mu, i le laau o le

- faia i le ie vavae ua milo *ona manoa*.
- 17 O lago o pou o le 'apa memea ia; o faamau o pou ma lo latou amo pou o le ario ia; o ufi foi o latou pito i luga o le ario ia; ua i ai foi i pou uma lava o le lotoā o amo pou ario.
- 18 O le ie puipui o le faitotoa o le lotoā, ua faia i le galuega a le tufuga fai ie lanu eseese i le ie uli, ma le pāuli, ma le mūmū, ma le ie vavae ua milo *ona manoa*; o lona umi e luafulu o kupita, o lona maualuga foi o lona lau lea o kupita e lima, e tusa ma ie puipui o le lotoā; e fa o latou pou, e fa foi o latou lago 'apa memea, a o latou faamau o le ario ia; o ufi foi o latou pito i luga ma lo latou amo pou o ario lava ia. O faamau uma o le malumalu, atoa ma le lotoā i ona itu uma, o 'apa memea ia.
- 21 O ona atoatoa ia o mea o le malumalu, o le malumalu lea ua i ai le tulafono, na faitauina e tusa ma le upu a Mose, e fai ai galuega a sa Levi, i le lima o Itamaro le atalii o le faitaulaga o Arona. O mea uma lava na poloai mai ai Ieova ia Mose, na faia ia e Pesaleli le atalii o Auri, o le atalii o Huro lea, o le itu aiga o Iuta. Sa faatasi foi ma ia o Aliavu le atalii o Aisamako, o le itu aiga o Tanu, o le tufuga togitogi mea, o le tufuga pototo, ma le lalaga ie lanu eseese i le ie uli, ma le pāuli, ma le mūmū, ma le ie vavae.
- 24 O le auro atoa uma na fai ai le galuega, o le galuega uma lea a le malumalu, o le auro o le taulaga, ua luafulu ma le iva o taleni, ma sekeli e fitu galau ma le tolu sefulu, e faatatau i le sekeli o le malumalu.
- 25 O le ario foi o e na faitaulia i le faapotopotoga, e tasi le selau o taleni, ma sekeli e tasi le afe e fitu galau ma le fitu sefulu ma le lima, e faatatau i le sekeli o le malumalu.
- 26 E taitasi ma lana peka, o le vaeluagalemu o le sekeli lea, e faatatau i le sekeli o le malumalu; e taitoatasi uma o e na faitaulia, ua luafulu o latou tausaga, atoa ma e ua matutua ai; o ona atoa o ia tagata, e ono selau o afe ma afe e tolu, e tolima galau ma le tolimagafulu. O le selau o taleni ario na tunu e fai ai lago o le malumalu, ma lago foi o le ie puipui; e tasi le selau o lago na faia i taleni e selau, o le taleni e tasi i le lago e tasi. O *sekelē* foi ia e tasi le afe e fitu galau ma le fitu sefulu ma le lima, na ia fai ai o faamau mo pou; na ia ufiufi ai foi i o latou pito i luga, ma faamau ai i latou. O le 'apa memea o le tau-laga e fitugafulu taleni, ma ona sekeli e lua afe ma le fa galau; na ia fai ai foi o lago o le faitotoa o le fale fetafai o le faapotopotoga; ma le fata faitaulaga 'apa memea, ma lona taigaafi 'apa memea, ma mea uma lava o le fata faitaulaga; ma lago o le lotoā ua siosioina ai; o lago foi o le faitotoa o le lotoā, ma faamau uma lava o le malumalu, ma faamau uma lava o le lotoā ua siosioina ai.
- O *ofu sa mo le au faitaulaga*.
- UA latou faia foi i le ie uli, ma le pāuli, ma le mūmū, o ie o mea e fai ai le tapuaiga e auauina ai i le mea paia; ua latou fai ai foi ofu sa mo Arona, faapei ona poloai mai ai o Ieova ia Mose. Ua faia foi e ia o le efota i le auro, ma le ie uli, ma le pāuli, ma le mūmū, ma le ie vavae ua milo *ona manoa*. Ua latou tu'itu'i i le auro ina seia salafalafa ma manifinifi, ua selesele ai e fai ma manoa, ina ia lalaga i le ie uli, ma le pāuli, ma le mūmū, ma le ie vavae i le galuega a le tufuga pototo. Ua latou fai ai foi ona tau'au ua faasooina ai, ua faasooina i ona tafatafa e lua. O ia lava mea na fai ai le fusi faalanu eseese o lona efota, e i ona luga, e pei o le galuega e i ai, o le auro, ma le ie uli, ma le pāuli, ma le mūmū, ma le ie vavae ua milo *ona manoa*, e pei ona poloai mai ai Ieova ia Mose. Ua latou teu foi maa soama ua faamauina ai i taai auro, ua togitogiina ai o igoa o atalii o Isaraelu, e pei o le togitogiga o le faamaufailoga. Ua ia tuuina ai foi ia maa i tau'au o le efota, o maa e manatuina ai le fanauga a Isaraelu, pei ona poloai mai ai o Ieova ia Mose.
- Ua ia faia foi le uffatafata i le galuega a le tufuga pototo, e tusa ma le galuega o i le efota, i le auro, ma le ie uli, ma le pāuli, ma le mūmū, ma le ie vavae ua milo *ona manoa*.

- 9 Ua latou faia faatāfafa, ma ua faasautualua le uifatafata ; o le āga e tasi lona umi, ma le āga e tasi lona
10 lau, ua faasautualua. Ua latou faa-
mau foi i ai o atu maa e fa, o le atu
maa, o le salikea, ma le topasi, ma
le pereketa ; o le atu maa muamua
11 lea. O lona atu lua, o le nofeka, ma
12 le safaira, ma le ialoma ; o lona atu
tolu foi, o le lesema, ma le sevo, ma
13 le aselama ; o lona atu fa foi, o le
tasesa, ma le soama, ma le iasepi ;
ua faamauina lava ia i le taai auro i
14 o latou tuugāmaa. Ua tutusa foi ia
maa ma igoā o atalii o Isaraelu, ua
sefulu ma le lua, e tusa ma o latou
igoa, *pei* o le togitogiga o le faa-
maufaailoga, e taitasi ma lona igoa,
e tusa ma itu aiga e sefulu ma le
15 lua. Ua latou faia foi i luga o le
uifatafata o filifili auro lelei e tu-
tusa, o le galuēga faafilifili uamea.
16 Ua latou faia foi taai auro e lua, ma
mama auro e lua, ua tuuina foi ia
mama e lua i pito e lua o le uiffa-
17 tafata. Ua latou tuuina foi ia filifili
auro e lua i mama e lua i pito o le
18 uifatafata. O pito foi e lua o filifili
auro e lua, ua latou faamauina i taai
e lua, ua tuuina foi i tau'au o le
19 efota i ona luma. Ua faia foi e i
latou o mama auro e lua, ma tuuina
i ona pito e lua o le uiffatafata, i
lona tafatafa lava o loo faasaga i le
20 efota i totonu. Ua latou faia foi o
isi mama auro e lua, ma latou tuu
ai i itu e lua i lalo o le efota, e lata
ane i lona itu i luma, e felatai ma le
mea e faasoo ai i luga o le fusi faa-
21 lanu eseeese o le efota. Ua latou
nonoa foi le uiffatafata i ona mama,
i mama o le efota i le manoa uli, ina
ia i luga ae o le fusi faalanu eseeese
o le efota, ina ne'i te'a ese le uiffa-
22 tafata i le efota ; faapei ona poloai
mai ai o Ieova ia Mose.
23 Ua ia faia foi le ofu talaloa o le
efota, ua atoatoa i le *ie* uli ua lala-
gaina. Ua i ai foi i le ofu talaloa se
ua i totonu, e *pei* o le ua o le ofutau,
ma le mea na afei faataaliolio ai le
24 ua ne'i masae. Ua latou faia foi i
tafatafa o le ofu o rimoni i le *ie* uli,
ma le pāuli, ma le mūmū, ua milo
25 ona manoa. Ua latou faia foi tagi-
tagi i le auro lelei, ma tuuina i va o
rimoni i le tafatafa o le ofu, ua faa-
- taaliolioina ai i le va o rimoni ; o le 26
tagitagi ma le rimoni, o le tagitagi
ma le rimoni i tafatafa o le ofu
talaloa, o loo faataaliolioina ai, ina
ia auauna ai ; faapei ona poloai mai
ai o Ieova ia Mose.
Ua latou faia foi ofu tino i le *ie* 27
vavae ua lalagaiua, mo Arona atoa
ma ona atalii ; ma le pulou o le *ie* 28
vavae, ma pulou matagofie o le *ie*
vavae, ma ofuvae i le *ie* vavae ua
milo ona manoa ; ma le fusi i le *ie* 29
vavae ua milo ona manoa, ma le *ie*
uli, ma le pāuli, ma le mūmū, o le
galuēga a le tufuga fai *ie* lanu
eseese ; e *pei* ona poloai mai ai o
Ieova ia Mose.
Ua latou faia foi le mea pupula i 30
le pale paia i le auro lelei ; ma latou
tusi ai le upu, *pei* o togitogiga o le
faamaufaailoga, E PAIA IA IEOVA.
Ua latou tuu foi i ai le manoa uli, e 31
faamauina ai i luga i le pulou ; e *pei*
ona poloai mai ai o Ieova ia Mose.
Ona uma lea o le galuēga uma 32
lava o le malumalu o le fale fetafai
o le faapotopotoga ; ua faia foi e le
fanauga a Isaraelu e *pei* o mea uma
na poloai mai ai Ieova ia Mose, ua
faapea lava ona latou faia.
Ua latou avane foi le malumalu 33
ia Mose, o le fale fetafai ma ana
mea uma, o ona faamau, ma ona
laupapa, o ona faalava, ma ona pou,
ma ona lago ; ma le ufiufi o pa'u 34
mamoe poa ua faalanu ulaula, ma le
ufiufi o pa'u takesa, ma le *ie* puipui
e ufiufi a'i ; o le atolaau o le tula- 35
fono ma ona amo ; ma le nofoa o le
alofa ; o le laoi ma ana mea uma, 36
ma le areto e laulauina i luma ; o le 37
tuugālamēpa auro lelei ma ona
lamēpa, o lamēpa e teuteua ia lelei,
ma ana mea uma, atoa ma le suāu
e mu a'i le a'i ; ma le fata auro, ma 38
le uu e faauu a'i, ma mea manogi e
mu, ma le *ie* puipui mo le faitotoa
o le fale fetafai ; o le fata 'apa 39
memea, ma lona taigaafi 'apa memeā,
o ona amo, ma ana mea uma, o le
tanoa e mulumulu ai ma lona tulaga ;
o *ie* puipui o le lotoā, o ona pou ma 40
ona lago, ma le *ie* puipui mo le
faitotoa o le lotoā, o ona maea ma
ona faamau ; atoa ma mea uma
lava e fai a'i le sauniga o le malu-
malu mo le fale fetafai o le faapo-

41 topotoga. O ie o mea e fai a'i le
tapuaiga i le mea paia, atoa ma ofu
paia mo le ositaulaga o Arona, ma
ofu o ona atalii e fai ai le faiva o
42 ositaulaga; ua faia e le fanauga a
Isaraelu le galuega uma lava, a pei
o mea uma na poloi mai ai Ieova ia
43 Mose. Ona vaavaai lea o Mose i le
galuega uma lava; faauta lava, ua
latou faia e pei ona poloi mai ai o
Ieova, ua faapea lava ona latou faia;
ona faamanuia lea o i latou e Mose.

Ua faatuina le malumalu.

40 ONA fetalai mai lea o Ieova ia
2 Mose, ua faapea mai, O le uluai aso
o le masina muamua e te faatuina
ai le malumalu o le fale fetafai o le
3 faapotopotoga. E te tuuina ai foi le
atolaaui o le tulafono, ma puipui atu
4 le atolaaui i le ie puipui. E te avane
ai foi le laoi, e te teuteu ai foi o
mea e teuteu i ai; e te avane ai foi
le tuugālamapa, ma faaee ai ona
5 lamapa. E te tuuina foi le fata auro
e mu ai le mea manogi i luma o le
atolaaui o le tulafono, ma e tautau
le ie puipui o le faitotoa i le malu-
6 malu. E te tuu foi le fata e fai ai
taulaga mu i luma o le faitotoa o le
malumalu o le fale fetafai o le faa-
7 potopotoga. E te tuu foi le tanoa
e mulumulu ai i le va o le fale
fetafai o le faapotopotoga ma le
fata faitaulaga; e te sasaa foi i ai le
8 vai. E te faatuina foi le lotoā e
siosioina ai, ma ia e tautau le ie
9 puipui i le faitotoa o le lotoā. E te
ave foi le uu e faauu a'i, e te faauu
a'i le malumalu, ma mea uma lava e
i ai, ma e faapaiaina ai, ma ana mea
10 uma lava, ona paia ai lava lea. E te
faauu foi le fata e fai ai taulaga mu,
atoa ma ana mea uma; e te faa-
paiaina foi le fata faitaulaga, ona
fai lea ma fata faitaulaga e sili ona
11 paia. E te faauu foi le tanoa e
mulumulu ai ma lona tula, ma e
faapaiaina ai.
12 E te faalatalataina mai foi Arona
ma ona atalii i le faitotoa o le fale
fetafai o le faapotopotoga, e te
13 faataele foi ia i latou i le vai. E te
faaofuina foi Arona i ofu sa, ma e
faauuina o ia, ma faapaiaina o ia,
ina ia faia le faiva o ositaulaga ia te
14 au; o ona atalii e te faalatalataina

mai foi i latou, ma e faaofuina i
latou i ofu tino; e te faaauuina foi i 15
latou, faapei ona e faaauuina lo latou
tamā, ina ia latou faia le faiva o
ositaulaga ia te au; e fai iava lō
latou faaauuina ia i latou ma tofiga i
le faiva o ositaulaga e faavavau i o
latou tupulaga amuli.

Ona faia lea e Mose e tusa ma 16
mea uma lava na poloi mai ai Ieova
ia te ia, ua faapea lava ona faia e ia.
O le uluai masina i le tausaga e lua, 17
o le uluai aso o lea masina ua faa-
tuina ai le malumalu. Ua faatuina 18
ai e Mose o le malumalu, ua na tuu
foi ona lago, ma faatu ona laupapa,
ma sulu atu ai ona faalava, ma faa-
tuina ona pou; ua na fofola foi le 19
ufiufi i luga o le malumalu, ma faaee
ai le ufiufi o le fale fetafai i ona luga
e aupito a luga; faapei ona poloi
mai ai o Ieova ia Mose.

Ua ia ave foi ma tuu papa maa o 20
le tulafono i le atolaaui, ma sulu atu
amo i le atolaaui, ma faaee le nofoa
o le alofa i luga o le atolaaui. Ona 21
avatu lea e ia o le atolaaui totonu
o le malumalu, ma na tautau le ie
puipui, ma na puipui a'i le atolaaui
o le tulafono; e pei ona poloi mai
ai o Ieova ia Mose.

Ua ia tuu foi le laoi i le fale 22
fetafai o le faapotopotoga i le itu i
matu o le malumalu, i le itu mai o le
ie puipui. Ua ia teuteua foi le 23
areto i ona luga i luma o Ieova; e
pei ona poloi mai ai o Ieova ia Mose.

Ona tuu lea e ia o le tuugālamapa 24
i le fale fetafai o le faapotopotoga i
le itu i toga o le malumalu, e feagai
ma le laoi. Ua na tūtū foi lamapa 25
i luma o Ieova; e pei ona poloi
mai ai o Ieova ia Mose.

Ua ia tuu foi le fata auro i le fale 26
fetafai o le faapotopotoga i luma o
le ie puipui. Ua ia faamu foi i ona 27
luga le mea manogi; e pei ona
poloi mai ai o Ieova ia Mose.

Ua ia tautau foi le ie puipui o le 28
faitotoa o le malumalu. O le fata 29
e fai ai taulaga mu foi na ia tuu ai
i le faitotoa o le malumalu o le fale
fetafai o le faapotopotoga, ma osi
ai le taulaga mu ma le taulaga i
mea e 'ai; e pei ona poloi mai ai
o Ieova ia Mose.

Ua ia tuu foi le tanoa e mulu- 30

LEVITIKO, 1.

- mulu ai i le va o le fale fetafai o le faapotopotoga ma le fata faitaulaga; ua ia sasaa foi i ai le vai e taele ai; 31 o Mose foi, ma Arona, atoa ma ona atalii na mulumulu ai o latou lima 32 ma o latou vae; ua latou mulumulu ai ina a ulufale atu i latou i le malumalu, pe faalatalata i le fata faitaulaga; e pei ona poloai 33 mai ai o Ieova ia Mose. Ua ia faatuina foi le lotoā e siosioina ai le malumalu ma le fata faitaulaga, ma na tautau le ie puipui i le faitotoa o le lotoā; ua faauma foi e Mose le galuega. 34 Ona ufitia lea o le fale fetafai o le faapotopotoga i le ao, ua tumu foi le malumalu i le pupula o Ieova; ua le mafaia foi e Mose ona ulufale 35 atu i le fale fetafai o le faapotopotoga, auā ua nofo le ao i ona luga; o le pupula foi o Ieova ua tumu ai le malumalu. A siitia foi le ao ai 36 luga o le malumalu, ona o atu ai lea o le fanauga a Isaraelu i la latou malaga uma. A e afai ua le siitia 37 le ao, ona le o malaga lea o i latou ina seia oo i le aso e siitia ai. Auā 38 o le ao o Ieova sa i luga lava o le malumalu i le ao; sa i ona luga foi le afi i le po, i luma o le aiga uma o Isaraelu, i la latou malaga uma.

O LE LEVITIKO.

O LE

TUSI E TOLU A MOSE.

O sauniga o taulaga mu.

- 1 UA valaau mai Ieova ia Mose, ua fetalai mai ia te ia ai le fale fetafai o le faapotopotoga, ua faapea mai, 2 Ina fai atu ia i le fanauga a Isaraelu, ia faapea atu ia i latou, Ai so outou na te au mai se taulaga ia Ieova, ia outou aumaia la outou taulaga i manu vaefa, o povi, po o mamoe. 3 Afai o se taulaga mu ai le lafu povi lana taulaga, ina fai taulaga ia i se manu poa e sao ona lelei; na te aumaia i le faitotoa o le fale fetafai o le faapotopotoga ina ia talia o 4 ia i luma o Ieova. Na te faaee lona lima i le ulu o le taulaga mu, ona talia lea mo ia, e fai ma togiola 5 mona. Na te fasia foi le tamai povi poa i luma o Ieova; o faitaulaga, o atalii o Arona, latou te au mai le toto, ma sausau le toto ia soo ai i luga o le fata faitaulaga o loo i le faitotoa o le fale fetafai o le 6 faapotopotoga. Na te saeseina foi le pa'u o le taulaga mu, ma pena i 7 ona tufaaga. Ona tuuina atu ai lea o le afi i luga o le fata faitaulaga e atalii o Arona le faitaulaga, e faafu ai foi fafie i le afi. O faitaulaga 8 foi o atalii o Arona, latou te teua tufaaga, o le ulu, atoa foi ma le ga'o i luga o fafie, ua i luga o le afi 9 ua i luga o le fata faitaulaga; a o ona tōtōga ma ona alaga na te mulumuluina i le vai; ona susunuina ai lea atoa uma e le faitaulaga i luga o le fata faitaulaga, o le taulaga mu lea, o le taulaga e fai i le afi, o le mea manogi lelei ia Ieova. 10 A e afai na te faia sana taulaga ai le lafu, po o se mamoe, po o se 'oti, e fai ma taulaga mu, na te au mai ai se poa e sao ona lelei. Na 11 te fasi ai foi i le itu i matu o le fata faitaulaga i luma o Ieova; o faitaulaga foi, o atalii o Arona, latou te sausau ai lona toto ia soo ai i luga o le fata faitaulaga. Na te penaina 12 ona tufaaga, atoa ma lona ulu, ma ona ga'o, e teuteu e le faitaulaga i luga o fafie ua i luga o le afi, ua i luga o le fata faitaulaga. A o tō- 13 tōga ma ālaga na te mulumuluina i le vai; e au mai mea uma e le fai-

taulaga, ona susunuina ai lea e le faitaulaga i luga o le fata faitaulaga, o le taulaga mu lea, o le taulaga e *fai* i le afi, o le mea manogi lelei ia Ieova.

- 14 A e afai na te *faia* se taulaga mu ia Ieova i se manu lele, ona au mai ai lea e ia o lana taulaga i manutagi,
15 po o tamai lupe. Ona au mai lea e le faitaulaga i le fata faitaulaga, ma gagau ese lona ulu, ma susunu ai i luga o le fata faitaulaga; ona tatauina ai lea o lona toto i le itu o le fata faitaulaga. Na te toeseina foi lona tagā'ai ma mea o i ai, ma lafo ai i tafatafa o le fata faitaulaga i le itu i sasae, i le mea o i ai lefulefu.
17 Na te vaeluaina le *manu* ma ona apaau, a e le motu ese; ona susunu ai lea e le faitaulaga i luga o le fata faitaulaga i luga o fafie ua i luga o le afi, o le taulaga mu lea, o le taulaga e *fai* i le afi, o le mea manogi lelei ia Ieova.

O taulaga e faia i le falaoa ma le uu.

- 2 A AU mai foi e se tasi se taulaga i mea e 'ai ia Ieova, na te faia lana taulaga i le falaoa lelei, ma liligi i ai le suāuu, ma tuu i ai le pulu lipano. Na te au mai ai i atalii o Arona o faitaulaga, na te luluu mai ai se luutaga a le falaoa atoa ma le suāuu, ma le pulu lipano uma lava, ona susunu ai lea e le faitaulaga lona faamanatuga i le fata faitaulaga, o le taulaga lea e *fai* i le afi, o le mea manogi lelei ia Ieova. O mea foi e totoe o le taulaga i mea e 'ai, e ia Arona ma ona atalii ia; o le mea e sili ona paia i taulaga e *fai* i le afi ia Ieova.

- 4 Pe a e avatu foi se taulaga i mea e 'ai ua tao i le umu, ia fai ni potoi areto lelei e le faafefeteina, ua palua foi ma le uu, po o faapāpā e le faafefeteina, ua nini i le uu.

- 5 A e afai o lau taulaga o le taulaga lea i mea e 'ai i se uamea salafa, e te faia i le falaoa lelei e le faafefeteina, ua palua foi ma le uu. E te tofitofiti foi i ana tofitofitā-areto, ma liligi i ai le uu; o le taulaga i mea e 'ai lea.

- 7 A e afai o lau taulaga o le taulaga lea i mea e 'ai ua *tunua* i le ulu, ia
8 faia i le falaoa lelei ma le uu. E te

au mai ai foi ia Ieova le taulaga i mea e 'ai ua faia i ia mea; a tuuina atu ai foi i le faitaulaga, ona au mai ai lea e ia i le fata faitaulaga. Ona aveeseina ai lea e le faitaulaga sona faamanatuga ai le taulaga i mea e 'ai, ma susunu ai i luga o le fata faitaulaga; o le taulaga lea e *fai* i le afi, o le mea manogi lelei ia Ieova. O mea foi o totoe o le taulaga i mea e 'ai, e ia Arona ma ona atalii ia; o le mea e sili ona paia i taulaga e *fai* i le afi ia Ieova.

O taulaga uma i mea e 'ai tou te aumaia ia Ieova, aua ne'i faafefeteina ia; auā tou te le susunu ni mea e faafefete ai, po o se meli, i se taulaga ia Ieova ua *fai* i le afi. O le taulaga i mea faapolopoloina, tou te au mai ai ia Ieova; a e le susunuina ia i luga o le fata faitaulaga e *fai* ma mea manogi lelei. O taulaga uma foi i au taulaga i mea e 'ai, e te faamasimaina i le masima; aua le aunoa lau taulaga i mea e 'ai ma le masima o le feagaiga a lou Atua; o au taulaga uma e te avatu ma le masima. A e afai e te avatua ia Ieova se taulaga i mea e 'ai i mea faapolopoloina, ia e avatu o 'au saito ua tunua i le afi, o saito matua ua sasaina, o le taulaga i mea e 'ai lea o au mea ua faapolopoloina. E te liligi i ona luga le uu, e te faaee foi i ona luga o le pulu lipano; o le taulaga i mea e 'ai lea. Ona susunuina ai lea e le faitaulaga o lona faamanatuga, o le saito ua sasaina, ma ona uu, ma ona pulu lipano uma lava; o le taulaga lea e *fai* i le afi ia Ieova.

O sauniga o taulaga faafetai.

A E afai o se taulaga faafetai lana taulaga, afai ua fai taulaga ai o ia ai le lafu povi; po o se poa, po o se manu fafine, ia fai taulaga ai o ia i luma o Ieova i se manu e sao ona lelei. Na te faaee foi lona lima i le ulu o lana taulaga, ma fasi ai i le faitotoa o le fale fetafai o le faapotopotoga; ona sausuina atu ai lea o le toto e atalii o Arona o faitaulaga, e soo ai i luga o le fata faitaulaga. Ona avatu ai lea e ia se taulaga faafetai, o le taulaga e *fai* i le afi ia Ieova; o le ga'o alo

4 ma ga'o vana lava o i ai, o fatuga'o
foi e lua ma ga'o o i ai o loo i luga
o lagotua; a o le ga'o punipū o i
luga o le finagalo, ma fatuga'o, na
5 te aveeseina ai. Ona susunuina ai
lea e atalii o Arona i le fata faitau-
laga i luga o le taulaga mu i luga o
falie ua i luga o le afi; o le taulaga
lea e fai i le afi, o le mea manogi
lelei ia Ieova.
6 Afai foi mai le lafu mamoe lana
taulaga, e fai ma taulaga faafetai ia
Ieova; po o se poa po o se manu
fafine, ia avatua *se manu* e sao ona
7 lelei. Afai e avatu e ia se tamai
mamoe mana taulaga, ia avatua
8 lava i luma o Ieova. Na te faace
lona lima i le ulu o lana taulaga,
ma fasi ai i luma o le fale fetafai
o le faapotopotoga; ona sausuina
atu ai lea o lona toto e atalii o
Arona i luga o le fata faitaulaga e
9 soo ai. Ona avatu ai lea e ia o le
taulaga faafetai, o le taulaga e fai
i le afi ia Ieova; o lona ga'o ma le
iu atoatoa, na te vavaeseina foi lea
i le mea aupito ane i le ivitu; o le
10 ga'o alo, ma ga'o uma o i ai, o fatu-
ga'o foi e lua, ma ga'o o i ai, o loo i
luga o lagotua; a o le ga'o punipū
o i luga o le finagalo, ma fatuga'o,
11 na te aveeseina ai. Ona susunuina
ai lea e le faitaulaga i le fata faitau-
laga; o le mea e 'ai lea o le taulaga
e fai i le afi ia Ieova.
12 Afai foi o se 'oti lana taulaga, ia
13 avatua lava i luma o Ieova. Na te
faace foi lona lima i lona ulu, ma
fasi ai i luma o le fale fetafai o le
faapotopotoga; ona sausuina atu
ai lea o lona toto e atalii o Arona i
luga o le fata faitaulaga e soo ai.
14 Na te avatua ai lana taulaga, o le
taulaga e fai i le afi ia Ieova; o le
15 ga'o alo ma ga'o uma o i ai, o fatu-
ga'o foi e lua, ma ga'o o i ai, o loo i
luga o lagotua; a o le ga'o punipū
o loo i luga o le finagalo, ma fatu
16 ga'o, na te aveeseina ai. Ona susu-
nuina ai lea e le faitaulaga i le fata
faitaulaga; o le mea e 'ai lea, o le
taulaga e fai i le afi, o le mea manogi
17 lelei lea; e ia Ieova ga'o uma. O
le tulafono e faavavau i a outou
tupulaga amuli i mea uma tou te
nonofo ai, aua tou te aai ni ga'o po
o le toto.

O taulaga mo agasala.

UA fetalai mai foi Ieova ia Mose, **4**
ua faapea mai, Ina fai atu ia i le **2**
fanauga a Isaraelu, ia faapea atu,
A agasala se tasi ma le sese i se tasi
poloai ga Ieova i mea e le tusa ona
faia, ma na faia se tasi o ia mea. **3**
Afai e agasala le faitaulaga ua faa-
uuina, e sese ai le nuu, na te avatu ai
ia Ieova se povi poa taanoa e sao
ona lelei e fai ma taulaga mo le
agasala, ona o lana agasala na ia
agasala ai. Na te aumaia foi le **4**
povi poa taanoa i le faitotoa o le
fale fetafai o le faapotopotoga i
luma o Ieova; na te faace foi lona
lima i le ulu o le povi poa taanoa,
ma fasi ai le povi poa taanoa i
luma o Ieova. Ona ave ai lea e le **5**
faitaulaga ua faauuina nisi toto o
le povi poa taanoa, ma avatu ai i
le fale fetafai o le faapotopotoga;
ona fufui ai lea e le faitaulaga lona
6 tamatamai lima i le toto, ma sausu
faafitu nisi o le toto i luma o Ieova,
i luma o le ie puipui o le mea paia.
7 E tuu ai foi e le faitaulaga nisi o le
toto i nifo o le fata e mu ai mea
manogi lelei i luma o Ieova, ua i ai
lea i le fale fetafai o le faapotopo-
toga; a o le toto uma o le povi na
te lili ai i lalo ifo o le fata e fai ai
taulaga mu, ua i ai lea i le faitotoa
o le fale fetafai o le faapotopotoga.
8 Na te aveeseina ai foi ga'o uma o
le povi poa taanoa o le taulaga mo
le agasala, o le ga'o alo ma ga'o
uma ua i ai. O fatuga'o foi e lua, **9**
ma ga'o o i ai, ua i lagotua, ma le
ga'o punipū ua i luga o le finagalo,
ma fatuga'o, na te aveeseina ia, e **10**
pei ona aveeseina e ia i le povi o le
taulaga faafetai; e susunuina ia e
le faitaulaga i luga o le fata e fai ai
taulaga mu. A o le pa'u o le povi **11**
poa taanoa, ma ona anogase uma,
ma lona ulu, ma ona ālaga, ma ona
tōtōga, ma ona otaota, na te avea **12**
le povi poa taanoa uma lava i tua o
le toagālausipi, i se mea mamā, o le
mea e sasaa ai le lefulefu, ma ia
susunuina ai i luga o falie i le afi;
o le mea e sasaa ai le lefulefu e
susunuina ai ia.
13 Afai e sese le faapotopotoga uma
o Isaraelu, ma ua lilo le mea i le

- faapotopotoga, ma ua latou faia se mea *e le tusa* ma se poloaiga a Ieova i mea uma e le tusa ona fai, ma ua
- 14 nofo sala i latou; pe a iloa le agasala na latou agasala ai, ona avatu ai lea e le faapotopotoga se povi poa taanoa e fai ma taulaga ona o le agasala; latou te au mai ai i luma o le fale fetafai o le faapoto-
- 15 potoga. O toeaina foi o le faapotopotoga, latou te faaee ai o latou lima i le ulu o le povi poa taanoa i luma o Ieova; e fasia foi le povi
- 16 poa taanoa i luma o Ieova. Ona au mai lea e le faitaulaga ua faauuina nisi o le toto o le povi poa taanoa i le fale fetafai o le faapoto-
- 17 potoga; ona fufui ai lea e le faitaulaga lona tamatamai lima i le toto, ma sausau faafitu ai i luma o Ieova,
- 18 i luma o le ie puipui. Na te tuuina atu ai foi nisi o le toto i nifo o le fata faitaulaga ua i luma o Ieova, ua i ai lea i le fale fetafai o le faapotopotoga; a o le toto uma na te liliigiina ifo i lalo o le fata e fai ai taulaga mu, ua i le faitotoa o le fale
- 19 fetafai o le faapotopotoga. A o ona ga'o uma na te aveeseina ai, ma susunu i luga o le fata faitaulaga.
- 20 Na te faia foi i le povi poa taanoa, pei ona ia fai i le povi poa taanoa na fai ma taulaga mo le agasala, e faapea lava ona fai; ona fai ai lea e le faitaulaga le togiaola mo i latou, ona faamagaloina ai lea o i latou.
- 21 Na te avatua le povi poa taanoa i tua o le toagālauapi, ma susunu ai e pei ona ia susunu le uluai povi poa taanoa; o le taulaga mo le agasala lea mo le faapotopotoga.
- 22 A agasala se alii, ma na faia ma le sese se mea *e le tusa* ma se tasi poloaiga a Ieova lona Atua i mea ua le tusa ona fai, ma ua nofo sala
- 23 ai o ia. A iloa foi e ia lana agasala ua ia agasala ai, na te au mai ai lana taulaga, o se 'oti poa e sao ona lelei. Na te faaee foi lona lima i le ulu o le 'oti poa, ma fasi ai i le mea e fasi ai le taulaga mu i luma o Ieova; o le taulaga mo le agasala
- 24 lea. Ona ave ai lea e le faitaulaga nisi o le toto o le taulaga mo le agasala i lona tamatamai lima, ma tuu ai i nifo o le fata e fai ai taulaga mu, na te liliigiina ifo foi le
- toto i lalo o le fata e fai ai taulaga mu. A o ona ga'o uma na te susunuina i le fata faitaulaga, e pei o ga'o o le taulaga faafetai; ona fai ai lea e le faitaulaga se togiaola mo ia ona o lana agasala, ona faamagaloina ai lea o ia.
- A e afai e agasala ma le sese se tagata o le nuu, ma ua faia se mea *e le tusa* ma se tasi poloaiga a Ieova i mea ua le tusa ona fai, ma ua nofo sala o ia; a iloa foi e ia lana
- 28 agasala ua ia agasala ai; ona au mai ai lea e ia o lana taulaga, o se 'oti fafine e sao ona lelei, ona o lana agasala ua ia agasala ai. Na te faaee foi lona lima i le ulu o le taulaga mo le agasala, ma fasi le taulaga mo le agasala i le mea *e fai ai* le taulaga mu. Ona ave ai lea e
- 30 le faitaulaga nisi o lona toto i lona tamatamai lima, ma tuu ai i nifo o le fata e fai ai taulaga mu; a o lona toto uma na te liliigiina ifo i lalo o le fata faitaulaga. Na te aveeseina
- 31 foi ona ga'o uma, e pei ona aveeseina ga'o o le taulaga faafetai; ona susunuina ai lea e le faitaulaga i le fata faitaulaga, o le mea manogi lelei lea ia Ieova; e faia foi e le faitaulaga se togiaola mo ia, ona faamagaloina ai lea o ia.
- Afai foi na te au mai se tamai mamoe mana taulaga e fai ma taulaga mo le agasala, na te au mai se manu fafine e sao ona lelei. Na te faaee foi lona lima i le ulu o le taulaga mo le agasala, ma fasi ai, e fai ma taulaga mo le agasala, i le mea e fasi ai le taulaga mu. Ona ave ai
- 34 lea e le faitaulaga nisi o le toto o le taulaga mo le agasala i lona tamatamai lima, ma tuu ai i nifo o le fata e fai ai taulaga mu; a o lona toto uma na te liliigiina ifo i lalo o le fata faitaulaga. A o ona ga'o
- 35 uma na te aveeseina, e pei ona aveeseina ga'o o le tamai mamoe o le taulaga faafetai; ona susunuina ai lea e le faitaulaga i le fata faitaulaga, e pei o taulaga *e fai* i le afi ia Ieova; e faia foi e le faitaulaga se togiaola mo ia ona o lana agasala ua ia agasala ai, ona faamagaloina ai lea o ia.

O taulaga mo le sese.

- 5 AFAI e agasala se tasi i lona faalogologo i upu o le tautoga, o ia lava le molimau, pe na vaai, pe na iloa; afai na te le ta'ua, e nofo sala lava
- 2 ia. Pe afai foi e pai atu se tasi i se mea leaga, po o le tino mate o se manu o le vao ua leaga, po o le tino mate o se manu fanua ua leaga, po o le tino mate o se mea totolo ua leaga, a ua lilo ia te ia; ona leaga
- 3 ai lea o ia, ma ua nofo sala ai. Pe afai e pai atu i se mea o i le tagata e leaga ai, so se mea leaga e leaga ai o ia, a ua lilo ia te ia; a iloa e ia,
- 4 ona nofo sala ai lea o ia. A tauto foi se tasi, ma le tautala faalemafaufau i ona laugutu e fai se mea leaga, po o se mea lelei, o mea uma ua tautala faalemafaufau ai le tagata i le tautoga, ua lilo foi ia te ia; a iloa e ia, ona nofo sala ai lea o ia i se mea o ia mea. A oo ina nofo sala o ia i se mea o ia mea, ia faaali mai e ia ua agasala o ia i lea mea;
- 6 na te au mai foi ia Ieova lana taulaga mo le sese ona o lana agasala ua ia agasala ai, o se manu fafine mai le lafu mamoe, o se tamai mamoe, po o se tamai 'oti, e fai ma taulaga mo le agasala; e faia foi e le faitaulaga se togiola mo ia ona o lana agasala.
- 7 A le maua e ia se tamai mamoe, ona au mai ai lea e ia ia Ieova ona o lona sese ua ia agasala ai, o le uluga manutagi, po o tamai lupe e lua fua; o le tasi e fai ma taulaga mo le agasala, ma le tasi e fai ma taulaga mu. Ona au mai ai lea i le faitaulaga, na te muai avatu foi le manu e fai ma taulaga mo le agasala, ona gagau ese ai lea o lona
- 9 ulu, a e aua ne'i motu. Na te sau-sauina atu foi nisi o le toto o le taulaga mo le agasala i le itu o le fata faitaulaga, a o le toto ua totoe, na te tataua ifo ai i lalo o le fata faitaulaga; o le taulaga mo le agasala
- 10 lea. A o lona lua o manu na te fai ai le taulaga mu, e tusa ma le sauniga; e faia foi e le faitaulaga se togiola mo ia ona o lana agasala ua ia agasala ai, ona faamagaloina ai lea o ia.
- 11 A le maua foi e ia le uluga manu-

tagi, po o tamai lupe e lua fua, ona au mai ai lea e le ua agasala o lana taulaga, o lona vaega e sefulu o le efa o falaoa lelei e fai ma taulaga mo le agasala; aua ne'i tuuina atu i ai ni suāuu, aua ne'i tuuina atu foi i ai ni pulu lipano; auā o le taulaga mo le agasala lea. Ona au mai ai lea e ia i le faitaulaga, ona luluu ai lea e le faitaulaga lana luutaga, o lana faamanatuga lea, ma susunu ai i le fata faitaulaga, e pei o taulaga e fai i le afi ia Ieova; o le taulaga mo le agasala lea. E faia foi e le faitaulaga se togiola mo ia ona o lana agasala ua ia agasala ai i se mea o ia mea, ona faamagaloina ai lea o ia; o le falaoa ua toe e faia lea mā le faitaulaga, e pei o le taulaga i mea e 'ai.

Ua fetalai mai foi Ieova ia Mose, ua faapea mai, A soli tulafono e se tasi, ua agasala foi ma le sese i mea paia a Ieova; ona au mai ai lea e ia ia Ieova se mamoe poa e sao ona lelei mai le lafu mamoe ona o lona sese, i lou lava faatatau i sekeli ario, e tusa ma le sekeli o le malumalu, e fai ma taulaga mo le sese; na te tau i atu foi ona o le mea ua ia agasala ai i mea paia, ma faaopoopo i ai e tusa ma lona vaega e lima, ma avatu ai i le faitaulaga; e faia foi e le faitaulaga se togiola mo ia i le mamoe poa o le taulaga mo le sese, ona faamagaloina ai lea o ia.

Afa. foi e agasala se tasi, ua faia foi se mea e le tusa ma poloaiga a Ieova i mea uma e le tusa ona fai; e ui lava ina le iloa, e nofo sala lava ia, e ia te ia foi lana agasala. Na te au mai foi i le faitaulaga se mamoe poa e sao ona lelei mai le lafu mamoe, e tusa ma lou lava faatatau, e fai ma taulaga mo le sese; ona fai ai lea e le faitaulaga se togiola mo ia ona o le mea ua ia sese ai, ma na le iloa, ona faamagaloina ai lea o ia. O le taulaga mo le sese lea; ua ia matuā sese lava i luma o Ieova.

O tulafono i taulaga esese.

UA fetalai mai foi Ieova ia Mose, ua faapea mai, Afai e agasala se tasi, ma soli tulafono a Ieova, ma pelopelo atu i lē la te tuaoi i se mea

sa tuuina atu ia te ia e tausi, po o se feagaiga, po o se mea ua faoa, po
 3 ua na faasaua i lē la te tuaoi, po ua maua se mea sa le iloa, ma faafiti ai, ua tauto pepelo ai; a faia e se tagata se isi mea o ia mea uma, ua
 4 agasala ai. Ua agasala ia ma ua nofo sala ai, o le mea lea na te toe avatu ai le mea na ia faoa, po o le mea na ia maua i le faasaua, po o le mea sa tuuina atu ia te ia e tausi, po o le mea sa le iloa na ia maua,
 5 po o le mea uma na ia tauto pepelo ai, na te toe avane le mea atoatoa, ma faaopoopo i ai e tusa ma lona vaega e lima, ma avatu ia te ia e ana le mea, i lea lava aso e nofo
 6 sala ai o ia. Na te au mai ia Ieova lana taulaga mo le sese, o se mamoe poa mai le lafu mamoe e sao ona lelei, e tusa ma lou lava faatatau, e fai ma taulaga mo le sese i le faitaulaga.
 7 E faia foi e le faitaulaga se togiola mo ia i luma o Ieova, ona faamagaloina ai lea o ia i se mea o ia mea uma ua ia faia, sa nofo sala ai o ia.
 8 Ua fetalai mai foi Ieova ia Mose,
 9 ua faapea mai, Ina fai atu ia ia Arona ma ona atalii, ia faapea atu, O le tulafono lenei o le taulaga mu; o le taulaga mu lea e mu i le taigaafi i luga o le fata faitaulaga ia aoina lava, e mu ai foi le afi i le
 10 fata faitaulaga. E ofu foi le faitaulaga i lona ofu ie vavae, e ofu foi lona tino i lona ofuvae ie vavae, na te avae le lefulefu o le afi faatasi ma le lefulefu o le taulaga mu i le fata faitaulaga, na te tuuina atu foi
 11 i tafatafa o le fata faitaulaga. Ona tuueseina ai lea ona ofu, ma ofu o ia i nisi ofu, ma ave i fafo le lefulefu i tua o le toagālauapi i se mea
 12 mamā. O le afi foi i luga o le fata faitaulaga e mu pea lava i ai; aua ne'i mate lava ia; e faamu ai foi e le faitaulaga o fafie i lea taeao ma lea taeao, na te teu ai le taulaga mu, na te susunuina ai foi ga'o o le
 13 taulaga faafetai. Ia mu pea lava le afi i luga o le fata faitaulaga; aua ne'i mate lava ia.
 14 O le tulafono foi lenei o le taulaga i mea e 'ai; e avatu lava, e atalii o Arona i luma o Ieova i luma
 15 o le fata faitaulaga. Na te avane

ai foi lana luutaga o le falaoa lelei o le taulaga i mea e 'ai, ma nisi ona suāuu, ma le pulu lipano uma ua i luga o le taulaga i mea e 'ai, na te susunuina ai foi i le fata faitaulaga, o le mea manogi lelei lea, o lona faamanatuga ia Ieova. O mea foi
 16 o totoe e aai ai Arona ma ona atalii; e aina lava ia ma areto e le faafefeteina i le mea paia; o le lotoā o le fale fetafai o le faapopotoga latou te aai ai. Aua ne'i
 17 tunu ai ma ni mea e faafefete a'i. Ua ou avatu ai e fai mā latou i taulaga ia te au e fai i le afi; ua matū paia lava ia, e pei o le taulaga mo le agasala, e pei o le taulaga foi mo le sese. O tane uma o le fanau a
 18 Arona latou te aai ai. O le tulafono lea e faavavau i o outou tupulaga amuli i taulaga ia Ieova e fai i le afi; e paia taitoatasi uma o e papai atu i ai.

Ua fetalai mai foi Ieova ia Mose, 19
 ua faapea mai, O le taulaga lenei a 20
 Arona ma ona atalii latou te avatua ia Ieova i le aso e faauuina ai o ia; o lona vaega e sefulu o le efa o le falaoa lelei, e fai ma taulaga i mea e 'ai i aso faisoo, o lona vaeluaga i le taeao, ma lona vaeluaga i le afafi. E te faia ia palua ma le uu i luga o
 21 le uamea salafa; e te au mai ai; o fāsi mea tutunu o le taulaga i mea e 'ai e te avatu ai, o le mea manogi lelei lea ia Ieova. O sona atalii ua
 22 faauuina e fai ma faitaulaga e sui a'i o ia na te faia; o le tulafono lea e faavavau ia Ieova; e te susunumaina. Auā o taulaga uma i mea
 23 e 'ai a le faitaulaga, e susunumaina ai; aua ne'i aina.

Ua fetalai mai foi Ieova ia Mose, 24
 ua faapea mai, Ina fai atu ia ia 25
 Arona ma ona atalii, ia faapea atu, O le tulafono lenei o le taulaga mo le agasala; o le mea ua fasi ai le taulaga mu e fasi ai foi le taulaga mo le agasala i luma o Ieova; e sili ona paia lea. O le faitaulaga na te
 26 faia le taulaga mo le agasala, o ia lava na te 'ai ai; e 'ai ai i le mea paia i le lotoā o le fale fetafai o le faapopotoga. Ai se mea foi ua
 27 papai ane i ona tufaaga e paia lava lea; a sausuina atu ai foi nisi ona toto i se ofu, e te taia le mea sa

28 sausauina ai i le mea paia. A o le ipu omea sa tunu ai, ia taei lea; afai foi ua tunui se ipu 'apa memea, ia oloina lea, ma fufuluina i le vai.
 29 O tane uma o le au faitaulaga latou
 30 te aai ai; e sili ona paia lea. E le 'aina lava se taulaga mo le agasala ua au mai nisi ona toto i le fale fetafai o le faapotopotoga *e fai* ma togicla i le mea paia; a e susunuina ia i le afi.

O le tulafono i taulaga mo le sese.

7 O LE tulafono foi lenei i taulaga mo le sese; e sili ona paia ia.
 2 O le mea ua latou fasi ai le taulaga mu, latou te fasi ai foi le taulaga mo le sese, o lona toto foi na te sausauina i luga o le fata faitaulaga e soo
 3 ai. Na te avatua ona ga'o uma, o
 4 le iu, ma le ga'o alo, o fatuga'o foi e lua ma ga'o o i ai o loo i luga o lāgotua, o le ga'o punipū ua i luga o le finagalo, atoa ma fatuga'o, na te aveeseina ia. E susunuina ia mea e le faitaulaga i le fata faitaulaga *e fai* ma taulaga *e fai* i le afi ia Ieova; o le taulaga mo le sese
 6 lea. O tane uma o i le au faitaulaga latou te aai ai; e 'aina lava i le mea paia; e sili ona paia lea.
 7 E tusa le taulaga mo le agasala ma le taulaga mo le sese; e tasi lava le tulafono i nei mea e lua; o le faitaulaga na te faia le togicla e
 8 fai ai mana. O le faitaulaga foi na te avatua le taulaga mu a se tasi, o le faitaulaga lava lea na te fai māna le pa'u o le taulaga mu ua ia avatua. O taulaga uma foi i mea e
 9 'ai ua tao i le umu, ma mea uma foi ua faia i le ulo ma le uamea salafa, o le faitaulaga ua ia avatua
 10 e faia lava ia mana. A o taulaga uma i mea e 'ai ua palua ma le uu, atoa ma e mamago, e fai ia mā atalii uma o Arona, e fai mā lea ma lea.
 11 O le tulafono lenei i taulaga faa-
 12 fetai na te avatua ia Ieova. Afai na te avatua ma taulaga faaneenee, ona avatu ai lea faatasi ma le taulaga faaneenee ni potoi areto e le faafefeteina ua palua ma le uu, ma ni faapāpā e le faafefeteina, ua nini i le uu, ma ni potoi falaoa lelei
 13 ua palua ma le uu. Na te avatua o faapāpā areto ua faafefeteina faa-
 tasi ma lana taulaga; atoa ma le taulaga faaneenee o lana taulaga faafetai. Na te avatua se tasi mai
 14 le taulaga uma *e fai* ma taulaga sii ia Ieova, o le faitaulaga foi o le na te sausau le toto o le taulaga faa-
 15 fetai e fai mana. O le tino foi o le taulaga faaneenee o lana taulaga faafetai lea e 'aina i lea lava aso na te avatu ai lana taulaga; aua na te faatotoeina se mea i le taeao. A e
 16 afai o se tautoga, po o se mea ua fai fua i le loto, o lea taulaga na te faia, e 'aina i lea lava aso na te avatu ai lana taulaga; o mea o
 17 totoe i ai e 'aina a taeao. A o mea o totoe o tufaaga o lana taulaga, o le aso tolu e susunuina ai i le afi. Afai foi e 'aina i le aso tolu sina
 18 mea o le tino o le taulaga o lana taulaga faafetai, e le talia ia, e le ta'ua foi ia te ia o le na avatua; e avea ma mea e inosia, e nofo sala
 19 foi le na te 'aina. O le tufaaga foi e papai i se mea leaga e le 'aina lea; e susunuina i le afi; a o le tino o le
 20 taulaga e 'aina lea e i latou uma e mamā. A o le tagata na te 'aina se tufaaga o le taulaga faafetai o le
 21 mea a Ieova, a o loo ia te ia se mea e leaga ai o ia, e vavaeeseina lea tagata ai lona nuu. O se tagata na
 22 te papai ane i se mea leaga, o se mea a se tagata e leaga ai, po o se manu
 23 leaga, po o se isi mea leaga e leaga ai, ma 'ai o ia i se tufaaga o le taulaga faafetai o le mea a Ieova, e vavaeeseina lea tagata i lona nuu.
 Ua fetalai mai foi Ieova ia Mose,
 24 ua faapea mai, Ina fai atu ia i le fanauga a Isaraelu, ia faapea atu, Aua ne'i outou aai sina ga'o o le
 25 povi, po o le mamoe, po o le 'oti. O ga'o o se manu e mate fua, ma
 26 ga'o o le mea ua sacia, e fai ai se isi mea; a e tou te le aai ai lava. Auā ai se 'ai i se ga'o o se manu e
 27 avatua ai taulaga *e fai* i le afi ia Ieova, o se 'ai ai e vavaeeseina lea tagata i lona nuu. O mea uma tou
 28 te nonofo ai aua tou te aai i toto o manu felelei, po o manu vaefa. Ai se tagata na te 'aina ni toto e vavaeeseina lea tagata i lona nuu.
 Ua fetalai mai foi Ieova ia Mose,
 29 ua faapea mai, Ina fai atu ia i le fanauga a Isaraelu, ia faapea atu, Ai se na te avatua lana taulaga

faafetai ia Ieova, ia au mai lana taulaga ia Ieova ai lana taulaga faafetai. E au mai e ona lava lima o taulaga *e fai* i le afi ia Ieova; o ga'o faatasi ma le fatafata na te aumāia ina ia luluina le fatafata, o le taulaga lulu lea i luma o Ieova.

31 E susunuina foi ga'o o le faitaulaga i le fata faitaulaga; a o le fatafata e ia Arona ma ona atalii lea. O le ālagālima taumatau tou te avatua i le faitaulaga *e fai* ma taulaga sii o a outou taulaga faafetai. O se atalii o Arona na te avatua le toto o le taulaga faafetai atoa ma ga'o e ia te ia le ālagālima taumatau, o lona tufaaga lea. Auā o le fatafata e luluina ma le ālagālima e sii, ua ou faia lea mo'u i le fanauga a Israelu mai a latou taulaga faafetai, ma ou tuuina atu ia Arona le faitaulaga ma ona atalii, e fai ma tulafono e faavavau i le fanauga a Israelu. O le tufaaga lenei o le faauuga o Arona, ma le faauuga o ona atalii, i taulaga *e fai* i le afi ia Ieova, i le aso na ia faalatalataina mai ai i latou e fai ai le faiva o faitaulaga ia Ieova; na poloai mai ai Ieova ia aveina atu ia i latou e le fanauga a Israelu, i le aso na ia faauuina ai i latou, o le tulafono e faavavau i o latou tupulaga amuli.

37 O le tulafono lenei i le taulaga mu, o le taulaga i mea e 'ai, ma le taulaga mo le agasala, ma le taulaga mo le sese, ma le taulaga o le tofiga, ma le taulaga faafetai; na poloai mai ai Ieova ia Mose i le mauga o Sinai, i le aso na ia fetalai mai ai i le fanauga a Israelu, e avatu ai a latou taulaga ia Ieova i le vao o Sinai.

Ua faapaiaina e Mose o Arona ma ona atalii.

8 UA fetalai mai foi Ieova ia Mose, 2 ua faapea mai, Ina au mai ia o Arona ma ona atalii faatasi ma ia, o ofu foi, ma le uu e faauuina ai, ma se povi poa taanoa *e fai* ma taulaga mo le agasala, ma mamoe poa e lua, ma se ato o areto e le faafeteteina.

3 Ma ia e faapotopototo le faapotopotoga uma i le faitotoa o le fale fetafai o le 4 faapotopotoga. Ua faia foi e Mose, e pei ona fetalai mai ai Ieova ia te

ia, sa faapotopototoina le faapotopotoga i le faitotoa o le fale fetafai o le faapotopotoga. Ona fai atu ai 5 lea o Mose i le faapotopotoga, O le mea lenei ua poloai mai ai Ieova ia faia. Ona au mai ai lea e Mose o 6 Arona ma ona atalii, ma na faataele ia i latou i le vai. Ua na faaofu foi 7 ia te ia i le ofu tino, ma fusi ia te ia i le fusi, ma faaofu ia te ia i le ofu talaloa, ma faaofu ia te ia i le efota, ma fusi ia te ia i le fusi faalanu eseese o le efota, ma na fusi ai ia te ia. Ua ia avane ai foi le uffatafata, 8 ma tuu i le uffatafata le Urima ma le Tumema. Ua ia faaee ai foi le 9 pulou i lona ulu; ua ia tuu ai le mea pupula uafaia i le auro i luga o le pulou ie i lona muaulu, o le pale paia lea; e pei ona poloai mai ai o Ieova ia Mose.

Ona ave ai lea e Mose le uu e 10 faauuina ai; ua na faauuina foi le malumalu ma mea uma ua i ai, ma na faapaiaina ai. Ua ia sausu faa- 11 fitu ai i luga o le fata faitaulaga, ma faauu ai le fata faitaulaga ma ana mea uma, o le tanca e mulumulu ai foi ma lona tulaga e faapaiaina ai. Ua ia liligi foi le uu e uu afi i le ulu 12 o Arona, ma faauuina o ia, e faapaiaina ai o ia. Ua au mai foi e 13 Mose o atalii o Arona, ma faaofu ia i latou i ofu tino, ma na fusi ia i latou i fusi, ma na faamau i o latou pulou; e pei ona poloai mai ai o Ieova ia Mose.

Ua ia au mai foi le povi poa 14 taanoa *e fai* ma taulaga mo le agasala; ua faaee foi e Arona ma ona atalii o latou lima i le ulu o le povi poa taanoa *e fai* ma taulaga mo le agasala. Ua ia fasi ai, ona ave ai 15 lea e Mose o le toto, ma na tuu ai i nifo o le fata faitaulaga ua soo ai i lona tamatamai lima, ma faamaina ai le fata faitaulaga, ma na sasaa ifo le toto i lalo o le fata faitaulaga, ua ia faapaiaina ai foi, ina ia faia le togiola i ona luga. Ua 16 ia avatu ai foi ga'o alo uma, ma le ga'o punipū i luga o le finagalo, ma fatuga'o e lua, ma ga'o o i ai, ona susunuina ai lea e Mose i le fata faitaulaga. A o le povi poa taanoa, 17 ma lona pa'u, ma lona tino, ma lona otaota, ua ia susunu ai i le afi i tua

- o le toagālauapi; e pei ona poloai mai ai o Ieova ia Mose.
- 18 Ua ia au mai foi le mamoe poa e fai ma taulaga mu, ua faaee ai foi e Arona ma ona atalii o latou lima i luga o le ulu o le mamoe poa. Ua ia fasia foi, ona sausau lea e Mose le toto i luga o le fata faitaulaga ua soo ai. Ua ia pena le mamoe poa i ona tufaaga; ua susunu foi e Mose le ulu, ma tufaaga, ma ga'o. Ua ia mulumulu foi tōtōga ma vae i le vai; ua susunuina foi e Mose o le mamoe poa uma lava i le fata faitaulaga, o le taulaga mu lea, o le mea manogi lelei, o le taulaga e fai i le afi ia Ieova; e pei ona poloai mai ai o Ieova ia Mose.
- 22 Ua ia au mai foi lona lua o mamoe poa, o le mamoe poa o le tofiga, ua faaee foi e Arona ma ona atalii o latou lima i le ulu o le mamoe poa. Ua ia fasia foi, ona ave ai lea e Mose nisi ona toto, ma tuu ai i le tumutumu o le taliga taumatau o Arona, ma le lima matua o lona lima taumatau, ma le vae matua o lona vae taumatau. Ua ia au mai foi atalii o Arona; ua tuuina atu e Mose nisi o le toto i le tumutumu o latou taliga taumatau, ma lima matua o latou lima taumatau, ma vae matua o latou vae taumatau; ua sausau foi e Mose le toto i luga o le fata faitaulaga ua soo ai. Ua ia ave foi ga'o, ma le i'u, ma le ga'o alo uma, ma le ga'o punipū i luga o le finagalo, ma fatuga'o e lua, ma ga'o o i ai, ma le ālagālima taumatau. Ua ia ave le potoi areto e le faafefeteina e tasi, ma le potoi areto ua uuina e tasi, ma le faapāpā e tasi nai le ato areto e le faafefeteina ua i luma o Ieova, ma tuu ai i luga o ga'o, ma luga o le ālagālima taumatau. Ua ia faaee ia mea uma i alofilima o Arona ma alofilima o ona atalii, ma na luluina ai, e fai ma taulaga lulu i luma o Ieova. Ona aveeseina ai lea e Mose nai o latou lima, ma susunu ai i le fata faitaulaga, i luga o le taulaga mu, o le taulaga o le tofi lea, o le mea manogi lelei, o le taulaga e fai i le afi ia Ieova. Ua ave foi e Mose le fatafata, ma na luluina ai, o le taulaga lulu i luma o Ieova; o le tufaaga lea e fai mā Mose i le mamoe poa o le tofi; e pei ona poloai mai ai o Ieova ia Mose.
- Ua ave foi e Mose nisi uu e faanu ai, ma nisi o le toto sa i luga o le fata faitaulaga, ma sausau ai i luga o Arona ma ona ofu, i luga foi o ona atalii ma o latou ofu faatasi ma ia; ua ia faapaiaina ai foi Arona ma ona ofu, o ona atalii foi ma o latou ofu faatasi ma ia.
- Ua fai atu foi Mose ia Arona ma ona atalii, Ina tunu ia tufaaga o le manu i le faitotoa o le fale fetafai o le faapotopotoga, ma outou aai ai i lea mea, atoa ma le areto o i le ato o le taulaga o le tofi; e pei ona ou poloai atu, ua faapea atu, E 'aina lava ia e Arona ma ona atalii. O mea foi e totoe i tufaaga ma areto, tou te sunua lea i le afi.
- Tou te le ulufafo lava i le faitotoa o le fale fetafai o le faapotopotoga i ona po e fitu, seia atoa po o le tofia o outou; auā o po lava e fitu na te fai ai le tofia o outou. E pei ona faia e ia i le aso nei, ua faapea lava ona poloai mai ai o Ieova ona fai, e fai se togiola mo outou. Tou te nonofo ai i le faitotoa o le fale fetafai o le faapotopotoga i le ao ma le po i aso e fitu, ma tausiusi i le sauniga a Ieova ina nei'oti outou; auā ua faapea lava ona poloai mai ai ia te au. Ona faia lava lea e Arona ma ona atalii mea uma lava na poloai mai ai Ieova ia Mose.
- O taulaga na faia e Arona; ua talia e le Atua.*
- UA oo foi i le po valu, ona valaau atu ai lea o Mose ia Arona ma ona atalii, ma toaina o Isaraelu; ua ia fai atu foi ia Arona, Ina ave ia se tamai povi e fai ma taulaga mo le agasala, ma se mamoe poa e fai ma taulaga mu, ia sao ona lelei i laua, ma avatu ai i luma o Ieova; ma ia e fai atu i le fanauga a Isaraelu, ia faapea atu, Ia outou ave se 'oti poa e fai ma taulaga mo le agasala, o se tamai povi foi ma se tamai mamoe e tasi lo la tausaga, ia sao ona lelei i laua, e fai ma taulaga mu. O se povi poa foi ma se mamoe poa e fai ma taulaga faafetai, e fai ai le tau-

- laga i luma o Ieova, ma se taulaga i mea e 'ai ua palua ma le uu; auā o le asō e faaali mai ai Ieova ia te 5 outou. Ua latou au mai i luma o le fale fetafai o le faapotopotoga o mea na poloi ai atu ai e Mose; ona faalatalata ane ai lea o le faapotopotoga uma, ma latou tutū i luma o 6 Ieova. Ona fai atu ai lea o Mose, O lenei le mea ua poloi mai ai Ieova tou te faia, e faaali mai ai foi le pupula o Ieova ia te outou.
- 7 Ua fai atu foi Mose ia Arona, Ina faalatalata atu ia oe i le fata faitaulaga, ma e fai ai lau taulaga mo le agasala, ma lau taulaga mu, ma fai ai se togiola mo oe lava, atoa ma le nuu, ma fai ai le taulaga mo le nuu, ia fai foi se togiola mo i latou; pei ona poloi mai ai o Ieova.
- 8 Ona faalatalata atu ai lea o Arona i le fata faitaulaga, ma na fasi le tamai povi o le taulaga mo le agasala, mo ia lava lea. Ona au mai lea e atalii o Arona le toto ia te ia; ona fufui ai lea o lona tamatamai lima i le toto, ma tuu ai i nifo o le fata faitaulaga, ma sasaa ai le toto i lalo 10 o le fata faitaulaga; a o ga'o ma fatuga'o, ma le ga'o punipu i luga o le finagalo o le taulaga mo le agasala ua ia susunu ai i le fata faitaulaga, e pei ona poloi mai ai o 11 Ieova ia Mose. A o le tino ma le pa'u ua ia susunu ai i le afi i tua o le toagālauapi. Ua ia fasi foi le taulaga mu; ona avatu ai lea e atalii o Arona le toto ia te ia; na ia sausau foi ua soo ai i luga o le 13 fata faitaulaga. Ona avatu ai lea e i latou o le taulaga mu ia te ia, o ona tufaaga atoa ma le ulu; ua ia susunu ai foi i luga o le fata faitaulaga. Ua ia mulumulu foi i 14 tōtōga ma vae, ma susunu ai i luga o le taulaga mu i le fata faitaulaga.
- 15 Ona ia avatu ai lea o le taulaga a le nuu; ua ia ave foi le 'oti poa, o le taulaga mo le agasala lea mo le nuu, ua ia fasia foi, ma fai ai le taulaga mo le agasala, e pei o le na muamua. Ua ia avatua foi le taulaga mu, ma na sauni ai e tusa ma 17 le tu. Ua ia avatu foi le taulaga i mea e 'ai, ma luluu mai ai le luutaga, ma susunuina ai i luga o le fata faitaulaga, atoa lava ma le tau-
- laga mu o le taeao. Ua ia fasi foi 18 le povi poa ma le mamoe poa o le taulaga faafetai, mo le nuu lava lea; ua avatu foi e atalii o Arona le toto ia te ia; ua ia sausau i luga o le fata faitaulaga ua soo ai. A o ga'o o le 19 povi poa ma le mamoe poa, ma le iu, ma le ga'o alo, ma fatuga'o, ma le ga'o punipu i luga o le finagalo; ua latou faaee ga'o i luga o le fatafata, ua ia susunu foi ga'o i le fata faitaulaga. Ua luluina foi e Arona 21 o fatafata ma le ālagālima taumatau, o le taulaga lulu i luma o Ieova; e pei ona poloi atu ai o Mose.
- Ona sisil ai lea e Arona ona lima 22 i luga o le nuu, ma faamanuia atu ai ia i latou; ona alu ifo ai lea o ia ina ua uma ona fai o le taulaga mo le agasala, ma le taulaga mu, ma le taulaga faafetai. Ua ulufale atu 23 Mose ma Arona i le fale fetafai o le faapotopotoga, ona ulufafo ai lea, ma faamanuia atu i le nuu; ona faaali mai ai lea o le pupula o Ieova i le nuu uma. Ona alu ane ai lea 24 o le afi mai luma o Ieova, ma susunu ai le taulaga mu i luga o le fata faitaulaga, atoa ma ga'o; ua iloa e le nuu uma, ona latou alalaga ai lea, ma faapaufao.
- O le toasa o le Atua ia Natapu ma Aviu.*
- O NATAPU foi ma Aviu, o atalii 10 o Arona, ua taitasi ma ave lana ipu e faamu ai mea manogi, ma tuu ai le afi, ma tuu mea manogi i ona luga, ma avatu ai le afi ese i luma o Ieova, na ia le poloi mai ai ia te i laua. Ona alu ane ai lea o le afi 2 mai luma o Ieova, ua mu ai i laua, ona la oti ai lea i luma o Ieova. Ona fai atu ai lea o Mose ia Arona, 3 O le mea lenei ua fetalai mai ai Ieova, ua faapea mai, E faapaiaina lava a'u e i latou uma o e faalatalata mai ia te au; e mamalu foi a'u i luma o le nuu uma; ona faalologo ai lea o Arona. Ua valaau atu foi 4 Mose ia Mesalu ma Elisafano, o atalii o Usialu, o le uso o le tamā o Arona, ua faapea atu ia i laua, Ina faalatalata mai ia, ina ave ese ia o ulua uso i luma o le mea paia a e ave i tua o le toagālauapi. Ona la 5

faalatalata atu ai lea, ma la ave ia te i laua i o la ofu tino i tua o le toagālauapi, e pei ona fai atu ai o
 6 Mose. Ona fai atu ai lea o Mose ia Arona, ma Eleasaro, ma Itamaro ona atalii, Aua tou te to ese o outou pulou; aua ne'i tou saeia foi o outou ofu, ina ne'i oti ai outou, ina ne'i oo mai ai le toasa i le faapotopotoga uma; a ia fetagisi o outou uso, o le aiga uma o Isaraelu, ona o le mu
 7 ua faamuina ai e Ieova; aua foi tou te o ese i le faitotoa o le fale fetafai o le faapotopotoga, ina ne'i oti ai outou; auā o le uu o Ieova e uu a'i o loo i luga ia te outou; ona latou fai ai lea e tusa ma le upu a Mose.
 8 Ua fetalai mai Ieova ia Arona, ua
 9 faapea mai, Aua e te inu le uaina po o le 'ava, o oe lava, po o ou atalii, pe a outou o i totonu o le fale fetafai o le faapotopotoga, ne'i oti ai outou; o le tulafono lea e faavavau i o outou tupulaga amuli; ina ia outou faailogaina mea paia ma mea e le paia, o mea leaga foi ma mea
 10 mamā; ma ia outou a'oa'o atu ai i le fanauga a Isaraelu i tulafono uma ua fetalai mai ai Ieova ia i latou ua aumaia e Mose.
 12 Ona fai atu ai lea o Mose ia Arona, ma Eleasaro, ma Itamaro o ona atalii ua totoe, Ia outou ave le taulaga i mea e 'ai ua toe i le taulaga e fai ia Ieova i le afi, mā aai ai mā areto e le faafefeteina i tafatafa o le fata faitaulaga; auā o le
 13 mea lea e sili ona paia. Tou te aai ai lava i le mea paia, auā o lou tufaaga lea, ma le tufaaga o ou atalii o le taulaga e fai ia Ieova i le afi; auā ua faapea ona poloai mai ai ia
 14 te au; o le fatafata foi e lulu, ma le ālagālima e sii, tou te aai ai i se mea mamā, o oe, ma ou atalii, ma ou afafine faatasi ma oe; auā o ou tufaaga ia, ma tufaaga o ou atalii, ua tuuina atu ia te outou i taulaga
 15 faafetai a le fanauga a Isaraelu. O le ālagālima e sii, ma le fatafata e lulu, latou te au mai ai faatasi ma taulaga e fai i le afi i ga'o, e lulu ai, o le taulaga lulu lea i luma o Ieova; e ia te oe lava lea ma ou atalii faatasi ma oe, o le tulafono e faavavau;
 16 pei ona poloai mai ai o Ieova. Ua

matuā saili foi e Mose le 'oti o le taulaga mo le agasala, faauta foi, ua susunuina; ona ita ai lea o ia ia Eleasaro ma Itamaro, o atalii ia o Arona o totoe, ua faapea atu ai, O
 17 le a le mea ua outou le aai ai le taulaga mo le agasala i le mea paia, auā e sili ona paia ia, ua tuuina atu ai ia te outou, ina ia faamagaloina ai le agasala a le faapotopotoga, e fai ai le togiola mo i latou i luma o Ieova? Faauta mai, ua le aumaia
 18 lava lona toto i totonu o le mea paia; ana outou aai ai i le mea paia po ua tafau ai, e pei ona ou fai atu ai. Ona fai mai ai lea o
 19 Arona ia Mose, Faauta mai, ua avatua e i laua i le aso nei la la taulaga mo le agasala, ma la la taulaga mu i luma o Ieova; ua oo mai foi ia te au mea faapea; ana ou 'ai i le taulaga mo le agasala i le aso, e talia ea i luma o Ieova? Ua faalogo ai
 20 foi Mose, ona loto malie ai lea o ia.

O manu ma i'a e sa ona 'ai.

UA fetalai mai foi Ieova ia Mose
 11 ma Arona, ua faapea mai ia te i laua, Ina fai ane ia i le fanauga a Isaraelu, ia faapea ane, O manu ia tou te aai ai i manu vaefa uma o i le laueleele; o manu uma ua magalua le atigivae, ma tosiluaina ona atigivae, ua toe 'ai foi lana mama; tou te 'aina ia. A e peitai o mea ia
 2 tou te le aai ai i manu ua toe aai a latou mama, po o manu ua magalua le atigivae; o le kamela, auā e toe 'ai o ia lana mama, a e le magalua lona atigivae, e leaga ia ia te outou. O le sefanai foi, auā e toe 'ai o ia
 3 lana mama, a e le magalua le atigivae; e leaga ia ia te outou. O le anapata foi, auā e toe 'ai o ia lana mama, a ua le magalua le atigivae; e leaga ia ia te outou. O le puafai foi, auā e magalua ona atigivae, ua tosiluaina lava, a e le toe 'ai o ia
 4 lana mama; e leaga ia ia te outou. O latou aano aua tou te aai ai; o latou tino ua mate aua tou te pa'i ai; e leaga ia ia te outou.
 5 O mea foi ia tou te aai ai i mea uma o i le vai; o mea uma e fai 'apa'apa ma una o i le vai, ma le sami, ma vaitafe, e 'aina ia e outou. A o mea uma o i le sami ma vaitafe,
 6 7 8 9 10

ua leai ni 'apa'apa ma una, o mea
uma e tataa i le vai, ma mea ola
uma o i le vai, e fai ma mea e inosia
11 ia mea ia te outou; e fai ma mea e
inosia ia mea ia te outou, aua ne'i
'aina e outou o latou aano; ia
avea foi o latou tino ua mate ma
12 mea e inosia ia te outou. O mea
uma o i le vai e leai ni 'apa'apa
ma una, o mea e inosia ia ia te
outou.
13 O *manu* foi ia i manu felelei e
inosia ia te outou; e le 'aina lava ia e
outou, o mea e inosia ia; o le aeto,
14 ma le perese, ma le oseni, ma le
etai, ma le aia, ma *manu* e uiga faa-
15 tasi i ai. O orea uma ma *manu* e
uiga faatasi i ai. O le iaena, ma le
teemesa, ma le saape, ma le nesa,
17 ma *manu* e uiga faatasi i ai. O le
kusa, ma le saleka, ma le inesope,
18 ma le tanisamiti, ma le kati, ma le
19 raama, ma le kasita, ma le matuu,
ma *manu* e uiga faatasi i ai; o le
tukapiti ma le pe'a.
20 O mea uma felelei e fetolofi, o
loo fetolofi i vae e taifa, e avea ia
21 ma mea e inosia ia te outou. Na
o mea ia tou te aai ai i mea fetolofi
uma ua felelei, o mea uma e fetolofi
i vae taifa, ua faasilisili nisi vae,
22 e oso ai i le eleele; o mea nei o ia
mea tou te aai ai; o le sē akerise,
ma *mea* e uiga faatasi i ai; ma le sē
solome, ma *mea* e uiga faatasi i ai;
ma le sē 'akoli, ma *mea* e uiga faa-
tasi i ai; ma le sē 'akava, ma *mea* e
23 uiga faatasi i ai. A o mea uma e
felelei fetolofi i vae taifa, e avea ia
24 ma mea e inosia ia te outou. O
mea ia e leaga ai outou, ai se pa'i
atu i se mea mate o ia mea, e leaga
25 o ia seia oo i le afiafi. Ai se ave foi
se mea mate o ia mea, e ta e ia ona
ofu, e leaga foi o ia seia oo i le
26 afiafi. O manu vaefa uma ua ma-
galua le atigivae, a e le tosiluaina,
e le toe 'ai foi lana mama, e leaga
ia ia te outou; ai se pa'i atu i ai *pe*
27 *a mate* e leaga lava o ia. O *manu*
uma foi ua savavali i o latou alo-
fiva, o manu uma e savavali i vae
taifa, e leaga ia ia te outou; o se
pa'i atu i se tino o ia manu ua
mate, e leaga ia seia oo i le afiafi.
28 Ai se ave foi se tino o ia manu ua
mate, e ta e ia ona ofu, e leaga foi

o ia seia oo i le afiafi; e leaga ia
mea ia te outou.

O mea nei e leaga ia te outou, o 29
mea fetolofi e fetolofi i le eleele, o
le kalati, ma le imoa, ma le moo,
ma *mea* e uiga faatasi i ai. O le 30
anaka, ma le pili kua, ma le pili
leta, ma le pili hometa, ma le pili
nasama. O mea ia e leaga ia te 31
outou i mea uma e fetolofi; ai se
pa'i atu i ai pe a mamate, e leaga o
ia seia oo i le afiafi. O mea uma e 32
pa'i i ai *Te tino* o so latou ua mate,
e leaga lea ia te outou; po o se ipu
laau, po o se ofu, po o se pa'u, po o
se taga, o mea uma e fai a'i galuega
e tuuina ia i le vai, e leaga ai seia
oo i le afiafi, ona mamā ai lea. O 33
ipu o mea uma foi, e pa'i i ai se mea
o ia mea, o mea uma foi o i totou
o ipu, e leaga ia ia te outou, tou te
taei ia. O mea e 'ai uma e le sa 34
ona 'ai ai, a ua oo i ai ni vai, ona
leaga lea ia te outou; o mea uma
foi e inu e le sa ona inu ai, o loo
i ai i ia ipu uma e leaga ia ia te
outou. O se mea foi ua pa'i i ai se 35
mea mate o ia mea, e leaga ia, po o
se ogaumu, po o lagolago o le oga-
umu, ia saeni lava; ua leaga ia mea,
e avea ai ma mea leaga ia te outou.
Na o le vaipuna po o se vaieli, e 36
tele vai o i ai, e mamā lea; a o le e
papai i ai so latou tino ua mate, e
leaga ia. Ai se saito e luluina, o le 37
a luluina ai, ua pa'i foi i ai se mea
mate o ia mea, e mamā lea. A e 38
afai ua avane ni suāvai i le saito, ua
pa'i foi i ai se mea mate o ia mea,
ona leaga lea ia te outou.

Afai foi o se manu vaefa e 'aina e 39
outou a ua mate ia; o se papai atu
i lona tino ua mate e leaga o ia seia
oo i le afiafi. O se 'ai i lona tino ua 40
mate na te taia ona ofu, e leaga foi
o ia seia oo i le afiafi; o se ave foi
lona tino ua mate na te taia ona
ofu, e leaga foi o ia seia oo i le
afiafi.

O mea fetolofi uma e fetolofi i 41
luga o le eleele e inosia ia, e le
'aina. O mea uma e sosolo i le 42
manava, o mea uma foi e savavali i
vae e fa, o mea uma foi e tele o
latou vae i mea fetolofi uma e fetolofi
i luga o le eleele, aua tou te aai
ai, auā o mea ia e inosia. Aua ne'i 43

faainosia outou ia te outou i ni mea fetolofi e fetolofi, aua foi ne'i leaga outou ia te outou i ia mea, e leaga
 44 ai outou; auā o a'u o Ieova lo outou Atua; ia faapaiaina outou e outou, ma ia paia outou; auā e paia lava a'u; aua lava ne'i leaga outou i ni mea fetolofi e fetolofi i luga o le
 45 eleele. Auā o a'u o Ieova, o le aveina ae outou ai le nuu o Aikupito, e fai mo outou Atua; ia paia outou, auā e paia lava a'u.
 46 O le tulafono lenei i manu e tataa, ma manu felelei, ma mea ola uma e fetolofi i vai, atoa ma mea ola uma e fetolofi i luga o le eleele;
 47 ina ia faailogaina mea mamā ma mea e leaga, o manu foi e 'aina ma manu e le 'aina.

O le tulafono i le faamamāina o fafine pe a fanau.

12 UA fetalai mai foi Ieova ia Mose,
 2 ua faapea mai, Ina fai ane ia i le fanauga a Isaraelu, ia faapea ane, Afai ua to se fafine, ua fanau mai ai foi se tama tane, ona leaga ai lea o ia i aso e fitu; e tusa ma aso e nofo ese ai i le ma'i o fafine, e leaga
 3 ai o ia. E peritomeina foi le tama i le pa'u o lona tino i le aso valu.
 4 Ona nofo pea ai lea o le fafine i lona taitama i aso e toluvalu ma le tolu; aua ne'i pa'i atu o ia i se mea paia, pe ulufale atu i le malumalu seia atoa ona aso e mamā ai.
 5 A e afai e fanau mai se tama teine, ona leaga ai lea o ia ina seia atoa o vaiasosa e lua, e pei o ma'i o fafine; e nofo foi o ia i lona taitama i aso e onogafulu ma le ono.
 6 A atoa foi aso o lona faamamāina ona o se tama tane, po o se tama teine, na te aumaia i le faitaulaga se tamai mamoe e tasi lona tausaga, e fai ma taulaga mu ma se tamai lupe, po o se manutagi, e fai ma taulaga mo le agasala, i le faitotoa o le fale fetafai o le faapotopotoga.
 7 Ona avatu ai lea e ia i luma o Ieova, e fai ai se togiola mo ia, ona mamā ai lea o ia i le puna mai o lona toto. O le tulafono lenei i le ua fanau mai
 8 se tama po o se teine. Afai foi na te le maua se tamai mamoe, ia au mai e ia le uluga manutagi, po o tamai lupe e lua fua, o le tasi e fai

ma taulaga mu, ma le tasi e fai ma taulaga mo le agasala; ona fai ai lea e le faitaulaga le togiola mo ia, ona mamā ai lea o ia.

O faailoga e iloa ai le lepela e le faitaulaga.

UA fetalai mai foi Ieova ia Mose
 ma Arona, ua faapea mai, Afai ua i se tagata i le pa'u o lona tino se ma'i fulafula, po o se mea faapa'upa'u, po o se lupe, ua i le pa'u o lona tino e pei o le ila lepela; ona aumaia lea o ia ia Arona le faitaulaga, po o se tasi o ona atalii o faitaulaga. Ona matamata atu ia lea o le faitaulaga i le ila i le pa'u o lona tino; a liua foi fulufulu o i le ila, ua sinasina, ua peiseai foi ua omo ifo le ila i le pa'u o lona tino, o le ila lepela lava lea; e matamata atu foi le faitaulaga ia te ia, ma fai atu ua leaga o ia. Afai foi ua sinasina le lupe i le pa'u o lona tino, a e peiseai ua le omo ifo i le pa'u, ua le liua sinasina foi fulufulu; ona puipui lea e le faitaulaga le o i ai le ila seia oo i le po fitu. E matamata atu foi le faitaulaga ia te ia i le aso fitu, faauta foi, a iloa atu i le ila, ua gata, ua le sosolo foi le ila i le pa'u, ona toe puipui ai lea e le faitaulaga ia te ia i nisi aso e fitu. E toe vaai atu foi le faitaulaga ia te ia i le isi aso fitu; faauta foi, ua sinasina faanefu le ila, ua le sosolo foi le ila i le pa'u, ona ta'umamā ai lea o ia e le faitaulaga, ua na o le mea faapa'upa'u lava; ona ta ai lea e ia ona ofu, ona mamā ai lea o ia. A e afai ua sosolo tele le mea faapa'upa'u i le pa'u, ina ua uma ona matamata ia te ia o le faitaulaga e faamamāina ai o ia, ona toe matamata atu ai lea o le faitaulaga ia te ia; a iloa atu e le faitaulaga, faauta foi, o loo sosolo le mea faapa'upa'u i le pa'u, ona fai atu ai lea e le faitaulaga ua leaga o ia; o le lepela lava o ia.
 Afai o i ai le ila lepela i se tagata, ona au mai ai lea o ia i le faitaulaga. A vaai e le faitaulaga; faauta foi, ua sinasina le mea fulafula i le pa'u, ua liua foi ua sinasina fulufulu, e i ai foi le aano totototo i le mea fulafula; o le lepela lea ua leva i le pa'u o lona tino, e fai atu e

- le faitaulaga ua leaga o ia, e le pui-
pui ia te ia; auā ua leaga o ia.
- 12 Afai foi ua tupu tele le lepela i le
pa'u, ua liloia uma ai le pa'u o le ua
i ai le ila i le lepela, e afua ifo i
lona ulu e oo lava i ona vae, i mea
uma e matamata atu ai le faitau-
laga; ona vaavaai atu ai lea o le
faitaulaga; faauta foi, ua lilo lona
tino uma i le lepela, na te ta'uma-
māina o le ua i ai le ila; ua liua
uma ua sinasina; ua mamā o ia.
- 14 A e peitai o le aso e iloa ai le aano
15 totototo, e leaga ai o ia. E mata-
mata atu foi le faitaulaga i le aano
totototo, ma fai atu ua leaga o ia;
o le mea leaga le aano totototo; o
le lepela lea. Afai foi ua toe liua
le aano totototo, ua liua ua sina-
sina, ona alu ane ai lea o ia i le fai-
taulaga. Ona matamata atu ai lea
o le faitaulaga; faauta foi, ua liua
le ila ua sinasina; ona ta'umamāina
ai lea e le faitaulaga o ia o i ai le
ila; ua mamā o ia.
- 18 O le pa'u o le tino sa i ai se
19 papala, a ua mafu, a e afai o i le
mea sa i ai le papala e i ai se mea
fulafula sinasina, po o se lupe ua
sinasina faamūmū, ua vaaia foi e le
20 faitaulaga; ua vaaia foi e le faitau-
laga, faauta foi, ua peiseai ua omo
ifo i le pa'u, ua liua foi ua sinasina
fulufulu o i al, ona fai atu ai lea e
le faitaulaga ua leaga o ia; o le ila
lepela lea, o le papala e tupu ai le
21 manunu. A e afai e iloa e le fai-
taulaga, faauta foi, ua leai ni fulu-
fulu sinasina, ua le omo ifo foi i le
pa'u, a ua sinasina faanenefu; ona
puipua lea o ia e le faitaulaga i aso
22 e fitu. A e afai ua sosolo tele i le
pa'u, ona fai atu ai lea e le faitau-
laga ua leaga o ia; o le ila lava lea.
- 23 A e afai ua gata le lupe i le mea sa
i ai, ua le sosolo, o le papala vevela
lea; e ta'umamāina ai o ia e le fai-
taulaga.
- 24 Afai foi e i le pa'u o le tino le
mea ua mu, ua i ai foi i le aano ua
mu se lupe ua sinasina, ua faa-
mūmū, pe faasinasina. Ona mata-
mata atu ai lea o le faitaulaga, faa-
uta foi, ua liua ua sinasina fulufulu
o i le lupe, ua peiseai ua omo ifo ia
i le pa'u; o le lepela lava lea ua
tupu ai i le mea sa mu; ona fai atu
ai lea e le faitaulaga ua leaga o ia;
o le ila lepela lava lea. A e afai ua
26 iloa ai e le faitaulaga, faauta foi, ua
leai ni fulufulu sinasina i le lupe,
ua le omo ifo foi i le pa'u, a ua
sinasina faanenefu; ona puipua ai
lea o ia e le faitaulaga i aso e fitu.
27 Ona matamata atu ai lea e le fai-
taulaga ia te ia i le aso fitu; afai foi
ua sosolo tele i le pa'u, e fai atu e
le faitaulaga ua leaga o ia; o le ila
lepela lava lea. A e afai ua gata le
28 lupe i le mea sa i ai, ua le sosolo i
le pa'u, a ua sinasina faanenefu; o
le ma'i fulafula lea i le mea na mu,
e ta'umamāina ai o ia e le faitau-
laga; auā o le ma'i vevela lea i le
mea na mu.
- Ai se tane po o se fafine ua i ai
29 se ila i le ulu po o le 'ava; ona mata-
30 mata atu ai lea o le faitaulaga i le
ila; faauta foi, ua peiseai ua omo
ifo i le pa'u; ua i ai foi lauulu seea
faasamasama; e fai atu e le faitau-
laga ua leaga o ia; o le ma'i pa'u-
pa'u, o le lepela lava lea i le ulu
po o le 'ava. Afai foi ua iloa e le
31 faitaulaga i le ila o le ma'i pa'upa'u,
faauta foi, ua peiseai ua le omo ifo
i le pa'u, ua leai ni lauulu ūliuli o i
ai; ona puipua ai lea o ia ua i ai le
ila o le ma'i pa'upa'u e le faitau-
laga, i aso e fitu. O le aso fitu e
32 matamata atu ai le faitaulaga i le
ila; faauta foi, ua le sosolo le ma'i
pa'upa'u, ua leai foi ni lauulu faa-
samasama, ua peiseai ua le omo ifo
le ma'i pa'upa'u i le pa'u; ona tafi
33 ai lea e ia o lona lauulu, a e aua
ne'i tafi le ma'i pa'upa'u; ona toe
puipua ai lea o ia e le faitaulaga
i nisi aso e fitu; a oo i le aso fitu
34 ona matamata atu ai lea o le faitau-
laga i le ma'i pa'upa'u, faauta foi,
ua le sosolo le ma'i pa'upa'u i le
pa'u, ua peiseai ua le omo ifo foi i
le pa'u; ona ta'umamāina ai lea o
ia e le faitaulaga; na te taia foi
ona ofu, ona mamā ai lea o ia. A e
35 afai ua sosolo tele le ma'i pa'upa'u
i le pa'u, a ua uma ona faamamāina
o ia; ona matamata atu ai lea o le
36 faitaulaga ia te ia; faauta foi, ua
sosolo le ma'i pa'upa'u i le pa'u,
ona le saili lea e le faitaulaga ni
lauulu samasama; ua leaga o ia. A
37 e afai ua peiseai ua gata le ma'i

- pa'upa'ua, ua tupu ai foi ni lauulu
uliuli; ua mafu le ma'i pa'upa'ua,
ua mamā o ia; e ta'umamāina foi o
ia e le faitaulaga.
- 38 Ai se tane, po o se fafine ua i ai i
le pa'u o le tino le lupe, o le lupe ua
39 sinasina; ona vaai atu ai lea o le
faitaulaga, faauta foi, o i ai le lupe
ua sinasina i le pa'u o lona tino ua
nenefu faasinasina; o le ila sina-
sina lea ua tupu i le pa'u; ua mamā
o ia.
- 40 O le tagata foi ua toululona
lauulu, ua ulu tula o ia; ua mamā o
41 ia. A e afai ua toululona le lauulu i
lona muaulu, ua tula lava lona mu-
42 ulu; ua mamā o ia. Afai foi ua i
le ulu tula, po o le muaulu tula se
ila faasinasina faamūmū; o le lepela
lea ua tupu i lona ulu tula, po o
43 lona muaulu tula. Ona vaai atu ai
lea o le faitaulaga; faauta foi, ua
sinasina faamūmū le ma'i fulafula
o i ai le ila i lona ulu tula, po o
lona muaulu tula, e peiseai e lepela
44 i le pa'u o le tino, o le tagata lava
lea ua lepela, ua leaga o ia; e fai
atu e le faitaulaga ua leaga lava o
ia; o i ai lona ila i lona ulu.
- 45 O le tagata lepela foi ua i ai le
ila, e sacia ona ofu, e to foi lona
pulou, na te ufitia foi lona laugutu
aupitoaluga, ma alaga atu, Ua
46 leaga, ua leaga. O aso uma o i ai
le ila ia te ia e leaga ai o ia; ua
leaga lava o ia; e nofo toatasi o
ia, e nofo ai o ia i tua o le toagā-
lauapi.
- 47 O se ofu foi ua i ai le ila lepela,
po o se ofu fulufulu mamoe, po o se
48 ofu lino; po o le ala, po o le fausa;
o le ie lino, po o le ie fulufulu
mamoe, po o le pa'u, po o se mea
49 lava e faia i le pa'u; afai foi ua
faasamasama, po o faamūmū le ila
i le ofu, po o le pa'u, (o le ala, po o
le fausa,) po o se mea lava ua faia i
le pa'u; o le ila lepela lava lea; e
50 faaali atu ai i le faitaulaga. Ona
vaai atu ai lea o le faitaulaga i le ila,
ona puipui atu ai lea o le mea o i ai
51 le ila i aso e fitu. E matamata atu
foi o ia i le mea ua i ai le ila i le aso
fitu; afai ua sosolo le ila i le ofu
(i le ala, po o le fausa,) po o se pa'u,
po o se mea lava ua faia i le pa'u; o
le lepela aati lea ila; ua leaga lea
- mea. Ona susunuina ai lea e ia o le 52
ofu, o le ala, po o le fausa i le ie
fulufulu mamoe, po o le ie lino, po
o se mea ua faia i le pa'u ua i ai le
ila; auā o le lepela aati lea; e susu-
nuina ai lava i le afi. A e afai ua 53
vaai e le faitaulaga, faauta foi, ua le
sosolo le ila i le ofu, (o le ala, po o
le fausa,) po o se mea lava ua faia i
le pa'u; ona fai atu ai lea o le fai- 54
taulaga, latou te taia le mea o i ai
le ila, na te puipui foi i nisi aso e
fitu. Ona matamata atu ai lea o le 55
faitaulaga i le mea ua i ai le ila, ina
ua uma ona taia; faauta foi, ua le
liua le lanu o le ila, ua le sosolo foi
le ila; e leaga lava lea; e te susu-
nuina ai i le afi; o le mea aati lea,
ua au fulufulu i totonu po o tua.
A e afai ua vaai e le faitaulaga, 56
faauta foi, ua sinasina faanenefu le
ila ina ua uma ona taia; ona sasae
ese lea e ia i le ofu, po o le pa'u, po
o le ala, po o le fausa. A e afai e 57
iloa pea i le ofu, po o le ala, po o le
fausa, po o se mea lava ua faia i le
pa'u; o le mea sosolo lava lea; e te
susunuina ai le mea o i ai le ila i le
afi. O le ofu foi, po o le ala, po o le 58
fausa, po o se mea lava ua faia i le
pa'u, pe a uma ona taia, afai ua te'a
ai ma le ila, e toe taia, ona mamā
ai lea.
- O le tulafono lena i le ila lepela i 59
le ofu fulufulu mamoe, po o le lino,
(o le ala, po o le fausa,) po o se mea
lava ua faia i le pa'u, e ta'umamāina
ai, pe fai atu ua leaga.
- O mea e faia e le tagata lepela ua
faamamāina.
- UA fetalai mai Ieova ia Mose, ua 14
faapea mai, O lenei le tulafono i le
lepela i le aso o lona faamamāina, E
aumaia o ia i le faitaulaga; ona alu
atu ai lea o le faitaulaga i tua o le
toagālauapi; e matamata atu ai le
faitaulaga, faauta foi, ua malolo le
ila lepela i le tagata lepela; ona fai
atu ai lea e le faitaulaga ia aumaia
mo le tagata o le a faamamāina nai
manu ola e lua ua mamā, atoa ma
le laau o le arasi, ma le ie mūmū,
ma le isopo; ona fai atu ai lea o le
faitaulaga ia fasi le tasi manu i se
ipu omea i luga o le vaipuna; a o
le manu ola, na te avatu ai ma le

- laau o le arasi, ma le *ie* mūmū, ma le isopo, ma fufui ai atoa ma le manu ola i le toto o le manu na fasia i luga o le vaipuna; na te sausuina atu ai faafitu o ia o le a faamamāina i le lepela, ona ia ta'umamāina ai lea o ia, na te tuu atu
7
8
9
10
11
12
13
14
15
16
17
18
19
20
21
22
23
24
25
26
27
- foi le manu ola e alu i le vao. O ia foi o le a faamamāina na te taia ona ofu, ma tafi ona fulufulu uma lava, ma taele i le vai ina ia, mamā ai o ia; e mulimuli ane ona alu ane ai lea o ia i le toagālauapi, a e nofo i fafo o lona fale ie i aso e fitu; a oo i le aso fitu, ona tafi ai lea o lona lauulu uma, ma lana 'ava, ma ona laumata, o ona fulufulu uma lava na te tafina ai, ma ta ona ofu, ma taele lona tino i le vai, ona mamā ai lea o ia.
- A oo foi i le aso valu, na te avatua ni tamai mamoe poa e lua e sao ona lelei, ma le tamai mamoe fafine e tasi, e tasi lona tausaga e sao ona lelei, ma omera e tolu o falaoa lelei ua palua ma le uu, e *fai* ma taulaga i mea e 'ai, ma le loka e tasi o le suāuu. O le faitaulaga foi o lē faamamā ia te ia, na te tuu atu le tagata o le a faamamāina, atoa ma ia mea i luma o Ieova i le faitotoa o le fale fetafai o le faapoto-
- potoga; ona ave ai lea e le faitaulaga se tamai mamoe poa e tasi, ma avatu ai e *fai* ma taulaga mo le sese, atoa ma le loka o suāuu, ma lulu ai e fai ma taulaga lulu i luma o Ieova; na te fasi foi le tamai mamoe i le mea na te fasi ai le taulaga mo le agasala ma le taulaga mu i le mea paia; auā e pei o le taulaga mo le agasala e *faapea* foi le taulaga mo le sese; e fai mo le faitaulaga; ua matuā paia lava lea mea. Ona ave ai lea e le faitaulaga nisi toto o le taulaga mo le sese, e tuu ai e le faitaulaga i le tumutumu o le taliga taumatau o le tagata o le a faamamāina, ma le lima matua o lona lima taumatau, ma le vae matua o lona vae taumatau; ona ave ai lea e le faitaulaga nisi mea ai le loka o le suāuu, ma liligi ai i le alofilima o le lima tauagavale o le faitaulaga; ona fufui ai lea e le faitaulaga o le tamatamai lima o lona lima taumatau i le suāuu o i lona alofilima tauagavale, ma sausau faafitu le suāuu i lona tamatamai lima i luma o Ieova; a o mea o totoe o le suāuu i lona alofilima, e tuuina atu ai lea e le faitaulaga i le tumutumu o le taliga taumatau o le tagata o le a faamamāina, ma le lima matua o lona lima taumatau, ma le vae matua o lona vae taumatau, i luga o le toto o le taulaga mo le sese; o mea foi o totoe o le suāuu i le alofilima o le faitaulaga, na te tuuina atu lea i le ulu o le tagata o le a faamamāina, ona faia lea o le faitaulaga se togiola mo ia i luma o Ieova. E faia foi e le faitaulaga le taulaga mo le agasala, ma le togiola mo ia o le a faamamāina ai lona leaga; e mulimuli ane foi na te fasi le taulaga mu. E faia foi e le faitaulaga le taulaga mu, ma le taulaga i mea e 'ai i le fatafaitaulaga, ona faia lea e le faitaulaga se togiola mo ia, ona mamā ai lea o ia.
- A e afai ua mativa o ia, e le maua ia mea; ona ave ai lea e ia se tamai mamoe poa e tasi e *fai* ma taulaga mo le sese ia luluina, e fai ai le togiola mo ia, ma le omera e tasi o le falaoa lelei e palua ma suāuu, e fai ma taulaga i mea e 'ai, atoa ma le loka o le suāuu. O le uluga manutagi foi, po o tamai lupe e lua fua, po o le fea na te maua; o le tasi e fai ma taulaga mo le agasala, a o le taulaga mu le tasi. Na te au mai ai foi ia mea i le faitaulaga i le aso valu mo lona faamamāina, i le faitotoa o le fale fetafai o le faapotopotoga i luma o Ieova. Ona avatu ai lea e le faitaulaga le tamai mamoe poa o le taulaga mo le sese, atoa ma le loka o le suāuu, e luluina foi ia mea e le faitaulaga o le taulaga lulu i luma o Ieova; na te fasi foi le tamai mamoe poa o le taulaga mo le sese, e ave foi e le faitaulaga nisi toto o le taulaga mo le sese, ma tuu ai i le tumutumu o le taliga taumatau o le tagata o le a faamamāina, ma le lima matua o lona lima taumatau, atoa ma le vae matua o lona vae taumatau; e lili-giina foi e le faitaulaga nisi suāuu i le alofilima o le lima tauagavale o le faitaulaga; e sausuina foi e le faitaulaga i lona tamatamai lima

taumatau nisi suāuu ua i lona alo-
 28 filima tauagavale e faafitu ai i luma
 o Ieova. E tuuina atu foi e le fai-
 taulaga nisi suāuu ua i lona lima i
 le tumutumu o le taliga taumatau
 o le tagata o le a faamamāina, ma
 le lima matua o lona lima taumatau,
 ma le vae matua o lona vae tauma-
 tau, i le mea o i ai le toto o le tau-
 29 laga mo le sese; a o toe suāuu ua
 i le alofilima o le faitaulaga na te
 tuuina atu i le ulu o le tagata o le
 a faamamāina, e fai ma togiola mo
 30 ia i luma o Ieova. Na te avatua le
 tasi manutagi, po o le tasi tamai
 31 lupe o le fea ua na maua; po o le
 fea o ia mea ua na maua, o le tasi e
 fai ma taulaga mo le agasala, ma le
 tasi e fai ma taulaga mu, atoa ma
 le taulaga i mea e 'ai; e fai ai e le
 faitaulaga le togiola i luma o Ieova
 32 mo ia o le a faamamāina. O le
 tulafono lea ia te ia ua i ai le ila
 lepela, e le mafai ia te ia ona maua
 o mea e tatau ma lona faamamāina.
 33 Ua fetalai mai foi Ieova ia Mose
 34 ma Arona, ua faapea mai, A outou
 oo atu i le nuu o Kanana ou te
 avatua ia te outou e fai mo outou,
 ma ou tuuina atu le ila lepela i se
 35 fale o le nuu ua fai mo outou; ona
 alu ane ai lea o ia e ona le fale, ma
 ta'u atu i le faitaulaga, ia faapea
 atu, O lo'u vaai ua peiseai se ila ua
 36 i le fale. Ona fai atu ai lea o le
 faitaulaga, latou te la'u ese mea o i
 le fale, a o lei ulufale ai le faitau-
 laga e matamata i le ila, ina ne'i
 leaga mea uma o i le fale; e muli-
 muli ane ona ulu atu ai lea o le fai-
 37 taulaga e matamata i le fale; ona
 matamata ai lea o ia i le ila, faauta
 foi, ua i ai lava le ila i pa o le fale,
 o mea omoomo faasamasama, po o
 faamūmū, ua peiseai ua omo ifo i le
 38 pa; ona ulufafo ai lea o le faitaulaga
 i le fale i le faitotoa o le fale, ma
 39 pupuni le fale i aso e fitu. Ona toe
 foi ai lea o le faitaulaga i le aso fitu
 e matamata ai; faauta foi, ua sosolo
 40 le ila i le pa o le fale; ona fai atu
 lea o le faitaulaga, latou te ave ese
 maa ua i ai le ila, ma lafo i tua o le
 41 aai i se mea leaga; e fai atu foi o
 ia, ia valusia le fale i totonu ia soo,
 ia latou sasaa foi le elele na latou
 valusia i tua o le aai i se mea leaga.

Ia latou avatu foi nisi maa e sui a'i 42
 ia maa, ia avatu ai foi nisi panisina
 e vali a'i le fale. Afai foi e toe 43
 tupu le ila, ma tupu mai i le fale,
 ina ua uma ona aveeseina o maa,
 ina ua uma ona valusia o le fale, ua
 uma foi ona valia; ona ulufale atu 44
 ai lea o le faitaulaga e matamata
 atu ai, faauta foi, ua sosolo le ila i
 le fale, o le lepela aati lea i le fale;
 ua leaga ia. Ona lepeti ai lea e ia 45
 o le fale, o ona maa, ma ona laau,
 atoa ma panisina uma o le fale, na
 te aveesea foi i tua o le aai i se mea
 leaga. O sē ulu atu i lea fale i ona 46
 aso uma o punitia ai, e leaga ai o ia
 seia oo i le afiafi. O sē taoto foi i 47
 le fale, na te ta ona ofu, o sē 'ai foi
 i le fale, na te ta ona ofu.

A e afai e ulufale atu le faitau- 48
 laga, ma matamata ai, faauta foi, ua
 le sosolo le ila i le fale, ina ua uma
 ona valia o le fale; ona ta'uma-
 māina ai lea o le fale e le faitau-
 laga, auā ua mavae le ila. Ona ave 49
 ai lea e ia manu e lua, ma le laau o
 le arasi, ma le iē mūmū, ma le
 isopo e faamamā a'i le fale. Ona 50
 fasi ai lea e ia le tasi manu i se ipu
 omea i luga o le vaipuna; ona tago 51
 ai lea o ia i le laau o le arasi, ma le
 isopo, ma le iē mūmū, ma le manu
 ola, ma fufui ai i le toto o le manu
 ua fasiā, i le ma le vaipuna, ona
 sausau faafitu ai lea i le fale. Na 52
 te faamamāina foi le fale i le toto o
 le manu, ma le vaipuna, ma le manu
 ola, ma le laau o le arasi, ma le
 isopo, atoa ma le iē mūmū; ona tuu 53
 atu lea e ia o le manu olā i tua o le
 aai i le vao, e fai ai le togiola mo le
 fale, ona mamā ai lea.

O le tulafono lea i ila lepela uma 54
 lava, atoa ma ma'i pa'upa'u, i le 55
 ma le lepela o i le ofu, po o le fale,
 ma le ma'i fulafula, ma le mea faa- 56
 pa'upa'u, ma le lupe o i le tino; e 57
 a'oa'o mai ai ona leaga, ma ona
 mamā; o le tulafono lea i le lepela.

O le faamamāina o tagata i o latou
 leaga.

UA fetalai mai foi Ieova ia Mose 15
 ma Arona, ua faapea mai, Ina fai 2
 atu ia i le fanauga a Isaraelu, ia
 faapea atu ia te i latou, Ai se ta-
 gata ua i ai le gau i lona tino, o lona

3 gau e leaga ai o ia. O le uiga foi lenei o lona leaga i lona gau, pe alu le suāvai i lona tino, pe punitia le suāvai *ua le alu* i lona tino, o lona
4 leaga lava lea. O moega uma e taoto ai o ia ua i ai le gau e leaga ia, o mea uma foi na te nofo ai e
5 leaga foi o ia. O se pai atu foi i lona moega na te taia ona ofu, ma taele i le vai, e leaga foi o ia seia oo
6 i le afiasi. O se nofo foi i le mea na nofo ai o ia ua i ai le gau, na te taia ona ofu, ma taele i le vai, e
7 leaga foi o ia seia oo i le afiasi. O se na te pai atu i le tino o le ua i ai le gau, na te taia ona ofu, ma taele i le vai, e leaga foi o ia seia oo i le afiasi.
8 A feanu atu foi o ia ua i ai le gau i le ua mamā, ona ta ai lea e ia ona ofu, ma taele i le vai, e leaga
9 foi o ia seia oo i le afiasi. O se nofoa solofanua e tietie ai o ia ua i ai le gau, e leaga lea.
10 O se na te pai atu i se mea sa i ona lalo, e leaga o ia seia oo i le afiasi, o se na te ave foi *se mea* o ia mea, na te taia ona ofu, ma taele i le vai, e
11 leaga foi o ia seia oo i le afiasi. O se ua pai atu i le ua i ai le gau, a o lei fafano ona lima i le vai, na te taia ona ofu, ma taele i le vai, e
12 leaga foi o ia seia oo i le afiasi. O se ipu omea foi e pai atu i ai o le ua i ai le gau, e taeia lea; a o ipu laau uma e fufuluina ia i le vai.
13 Pe a faamamāina o ia ua i ai le gau ai lona gau; ona faitau ai lea e ia o aso e fitu mo lona faamamāina, ona ta lea e ia ona ofu, ma taele lona tino i le vaipuna, ona mamā ai lea.
14 O le aso valu foi na te au mai ai le uluga manutagi, po o tamai lupe e lua fua, ma alu atu i luma o Ieova i le faitotoa o le fale fetafai o le faapotopotoga, ma avane ai i le faitaulaga.
15 E sauni ai foi e le faitaulaga le tasi e *fai* ma taulaga mo le agasala, a o le taulaga mu le tasi; ona fai ai lea e le faitaulaga le togiola mo ia i luma o Ieova ona o lona gau.
16 Ai se tane ua alu le sua o lona tino, na te taelea lona tino uma i le vai, e leaga foi o ia seia oo i le afiasi.
17 O ofu uma foi, ma pa'u uma, ua i ai le sua o le tino, ia ta ia, e leaga foi
18 seia oo i le afiasi. O le fafine foi la

te momoe ma le tane e *i ai* le sua o le tino, ia taele i laua i le vai, e leaga foi i laua seia oo i le afiai.

O le fafine foi, pe afai ua alu le 19 ma'i i lona tino, o le elelele foi lea, ona nofo ese ai lea o ia i aso e fitu; o se pai atu ia te ia e leaga ai o ia seia oo i le afiasi. O mea uma foi e taoto ai o ia, ina ua nofo ese, e leaga ia, o mea uma foi e nofo ai o ia e leaga ia. Ai se pai atu foi i lona moega, na te taia ona ofu, ma taele i le vai, e leaga o ia seia oo i le afiasi. Ai se pai atu foi i se mea na ia nofo ai, na te taia ona ofu, ma taele i le vai, e leaga foi o ia seia oo i le afiasi. Ai se mea ua i luga o le moega, po o se mea na ia nofo ai, a pai atu i ai se tasi, e leaga ai o ia seia oo i le afiasi. Afai foi la te momoe ma le tane, e oo foi lona leaga ia te ia, e leaga ai o ia i aso e fitu; o moega uma foi e taoto ai o ia e leaga ia.

Ai se fafine ua alu le elelele i aso 25 e tele a o lei oo i lona nofo ese, pe alu pea e sili i aso o lona nofo ese; o aso uma e alu ai lona ma'i, e leaga ai o ia, e pei o aso lava o lona nofo ese, e leaga ai o ia. O moega uma e taoto ai o ia i aso uma e alu ai lona ma'i, e fai lea ia te ia e pei o le moega o lona nofo ese; o mea uma foi e nofo ai o ia e leaga ia, e pei ona leaga i lona nofo ese. Ai se pai atu foi i ia mea, e leaga ai o ia, na te taia foi ona ofu, ma taele i le vai, e leaga foi o ia seia oo i le afiasi. A e afai ua mamā o ia i lona ma'i sa alu, ona faitau ai lea e ia o aso e fitu, a mavae atu ia, ona mamā ai lea o ia. O le aso valu foi na te aumaia le uluga manutagi, po o tamai lupe e lua fua, ma avatu ai i le faitaulaga i le faitotoa o le fale fetafai o le faapotopotoga. Ona sauni ai lea e le faitaulaga o le tasi e fai ma taulaga mo le agasala, ma le tasi e *fai* ma taulaga mu; ona fai ai lea e le faitaulaga le togiola mo ia i luma o Ieova, ona o lona ma'i sa alu na leaga ai o ia. Ia faapea 31 ona oulua faate'aeseina le fanauga a Isaraelu i mea e leaga ai i latou; ina ne'i oti i latou i o latou leaga, pe a leaga ia te i latou lo'u malumalu ua ia te i latou. O lenei le 32 tulafono ia te ia ua i ai le gau, atoa

ma ia ua alu lona sua, e leaga ai o
33 ia, atoa ma le ua faia le ma'i o
fafine, atoa ma le ua alu le ma'i, o
le tane, po o le fafine, o le tane foi
ua la momoe ma le fafine a o i ai
lona leaga.

*O le ulufale atu o Arona i le mea
paia.*

- 16 UA fetalai mai foi Ieova ia Mose,
ina ua uma ona oti o atalii e toalua
2 Ieova, ma oti ai i laua. Ua fetalai
mai Ieova ia Mose, Ina fai ane ia ia
Arona lou uso, aua ne'i ulufale o ia
i aso faisoo i le mea paia i tala atu
o le ie puipui, i luma o le nofoa o le
alofa ua i luga o le atolaau; ina ne'i
oti ai o ia, auā e faaali a'u i le ao
3 i luga ae o le nofoa o le alofa. E
faapea ona ulufale o Arona i le mea
paia, *na te avatua* se povi poa taanoa
e fai ma taulaga mo le agasala, ma
se mamoe poa e fai ma taulaga mu.
4 E ofu o ia i le ofu tino o le ie vavae
e paia, e ofu foi lona tino i le ofuvae
o le ie vavae, e fusia foi lona sulu-
gātiti i le fusi o le ie vavae, ma le
pulou o le ie vavae e pulou ai o ia;
o ofu paia ia, o le mea lea na te
taele ai lona tino i le vai, i le ofu ai
5 o ia. Na te talia foi ai le faapoto-
potoga o le fanauga a Isaraelu 'oti
poa e lua e fai ma taulaga mo le
agasala, ma se mamoe poa e tasi e
fai ma taulaga mu.
6 E avatua foi e Arona lana povi
poa taanoa e fai ma taulaga mo le
agasala mo ia lava; ona fai ai lea o
le togiola mo ia lava, atoa ma lona
7 lava aiga. E ave foi e ia o 'oti e lua,
ma tuu atu ai i luma o Ieova i le
faitotoa o le fale fetafai o le faapoto-
8 potoga. Ona faia lea e Arona o vili
i 'oti ia e lua; o le tasi vili mā Ieova,
o le tasi foi vili mā le 'oti o le a tuu
9 atu e alu. E avatua foi e Arona le
'oti na faasaga i ai le vili a Ieova,
ma fai a'i le taulaga mo le agasala.
10 A o le 'oti na faasaga i ai le vili o le
'oti o le a tuu atu e alu, e tuuina
atu ola lea i luma o Ieova, e fai a'i
le togiola, e tuu atu ai e fai ma 'oti e
alu i le rao.
11 E avatua foi e Arona le povi poa
taanoa o le taulaga mo le agasala
mo ia lava, ona fai ai lea o le togiola

mo ia lava, atoa ma lona lava aiga;
na te fasi foi le povi poa taanoa o le
taulaga mo le agasala mo ia lava. E 12
ave foi e ia le ipu e mu ai mea
manogi, ua tumu i malala aasa o le
afi mai le fata faitaulaga i luma o
Ieova, ma ona lima ua tumu i mea
manogi ua tu'iniinia, e ave foi e ia i
tala atu o le ie puipui. Na te tuuina 13
atu foi le mea manogi i luga o le afi
i luma o Ieova, ina ia ufitia le nofoa
o le alofa o i luga o le atolaau o le
tulafono i le asu o le mea manogi,
ne'i oti lava ia. E ave foi e ia nisi 14
toto o le povi poa taanoa, ma sausu
ai i lona tamatamai lima i le nofoa
o le alofa i lona itu i sasae; na te
sausau faafitu foi nisi toto i lona
tamatamai lima i luma o le nofoa
o le alofa. Ona fasi ai lea e ia o le 15
'oti o le taulaga mo le agasala, mo
le nuu lea, ma ave lona toto i tala
atu o le ie puipui, e fai foi i lea toto
e pei ona ia faia i le toto o le povi
poa taanoa, e sausu ai foi i luga o
le nofoa o le alofa, ma luma o le
nofoa o le alofa. Na te faia foi se 16
togiola mo le mea paia, ona o le
leaga o le fanauga a Isaraelu, ona o
latou solitulafono foi i a latou aga-
sala uma; e faapea foi ona faia e ia
mo le fale fetafai o le faapopotoga,
o loo tumau ia te i latou i o latou
leaga. Aua ne'i i ai se tagata i le 17
fale fetafai o le faapopotoga pe a
ulufale o ia i le mea paia e fai ai le
togiola, ina seia ulufafo ia, *seia* uma
foi ona faia e ia le togiola mo ia,
atoa ma lona aiga, atoa foi ma le
faapopotoga uma o Isaraelu. E 18
alu foi o ia i fafo i le fata faitaulaga
o i luma o Ieova e fai ai le togiola
mo le fata; na te ave foi nisi toto
o le povi poa taanoa, atoa ma nisi
toto o le 'oti, ma tuu ai i nifo o le
fata faitaulaga ia soo ai. Na te 19
sausau faafitu i ona luga nisi toto i
lona tamatamai lima e faamamāina
ai, ma faapaaina ai, ai le leaga o le
fanauga a Isaraelu.

A uma foi ona faia e ia o le 20
togiola mo le mea paia, ma le fale
fetafai o le faapopotoga, ma le
fata faitaulaga, ona au mai ai lea o
le 'oti ola; e faaee foi e Arona ona 21
lima e lua i le ulu o le 'oti ola, ma
faaali i ona luga o amio leaga uma a

le fanauga a Isaraelu, ma o latou solitulafono uma i a latou agasala uma, o loo faaee ai i le ulu o le 'oti, ona tuu atu ai lea o le 'oti i le lima o le tagata ua saunia e ave i le vao.

22 E ave foi e le 'oti i ona luga a latou amio leaga uma i le nuu e le āina, na te tuua foi le 'oti e alu i le vao.

23 Ona ulufale atu ai lea o Arona i le fale fetafai o le faapotopotoga, ma tuu ese ai ofu o le ie vavae na ia ofu ai ina ua ulufale o ia i le mea

24 paia, a e tuu ai lava. Na te taelea foi lona tino i le vai i le mea paia, ma ofu i ona lava ofu, ona ulufafo lea, ma fai lana taulaga mu, ma le taulaga mu a le nuu, ona fai ai lea o le togiola mo ia lava atoa ma le nuu.

25 O ga'o foi o le taulaga mo le agasala na te susunuina ia i le fata faitaulaga. O le na tuu atu le 'oti na fai ma 'oti e tuu atu e alu, na te taia ona ofu, ma taele lona tino i le vai, e mulimuli ane ona alu ane ai

27 lea o ia i le toagālauapi. O le povi poa taanoa o le taulaga mo le agasala, ma le 'oti o le taulaga mo le agasala, na avea o la toto i le mea paia e fai ai le togiola, e ave i tua o le toagālauapi; ma latou susunu i le afi o la pa'u, ma o la tino, ma o la otaota. O le na te susunuina ai e ta e ia ona ofu, ma taele lona tino i le vai, e mulimuli ane ona alu ane ai lea o ia i le toagālauapi.

29 O le tulafono lea ia te outou e faavavau, a oo i le fitu o masina, o le aso sefulu o lea masina, ia puapugatia ai outou e outou, aua tou te faia sina galuega, e se tama a le eleele, po o se tagata ese a āumau ia te outou; auā o le aso lea e fai ai le togiola mo outou e faama-māina ai outou, ina ia mamā outou i luma o Ieova i a outou agasala

31 uma. O le sapatu lea tou te malolo ai, ia puapugatia ai outou e outou, o le tulafono lea e faavavau.

32 O le faitaulaga foi e faauuina e ia, e tofia foi e ia ina ia faia le faiva o le faitaulaga e sui ai lona tamā, o ia lea na te faia le togiola, na te ofu foi i ofu o le ie vavae, o ofu paia

33 lava ia. Na te faia foi le togiola mo le malumalu paia, na te faia foi le togiola mo le fale fetafai o le faapotopotoga, ma le fata faitaulaga,

na te faia foi le togiola mo le au faitaulaga, atoa ma tagata uma o le faapotopotoga. O le tulafono lenei ia te outou e faavavau, e fai le togiola mo le fanauga a Isaraelu ona o a latou agasala uma, e ta'i fai faatasi i tausaga. Ua ia faia foi e pei ona fetalai mai ai o Ieova ia Mose.

Ua vavalo le toto ne'i 'aina.

UA fetalai mai foi Ieova ia Mose, ua faapea mai, Ina fai ane ia ia Arona, ma ona atalii, atoa ma le fanauga uma a Isaraelu, ia faapea ane ia i latou, O lenei le mea ua poloai mai ai Ieova, ua faapea mai. Ai se tagata o le aiga o Isaraelu, na te fasi se povi poa, po o se tamai mamoe, po o se 'oti, i le toagālauapi, pe fasi i tua o le toagālauapi; a ua le aumaia i le faitotoa o le fale fetafai o le faapotopotoga e avatu ai le taulaga ia Ieova i luma o le malumalu o Ieova, e ta'ua lea tagata o le faamaliigi toto; ua faamaliigiina e ia le toto; e vavaeeseina lea tagata i lona nuu, ina ia aumaia e le fanauga a Isaraelu a latou taulaga latou te fai taulaga ai i le vao, ia latou aumaia lava ia Ieova i le faitotoa o le fale fetafai o le faapotopotoga i le faitaulaga; latou te fai taulaga ai, o taulaga faafetai ia Ieova. E sausuina foi e le faitaulaga le toto i luga o le fata faitaulaga o Ieova i le faitotoa o le fale fetafai o le faapotopotoga, e susunu foi le ga'o e fai ma mea manogi lelei ia Ieova. Latou te le toe faia foi a latou taulaga i aitu, sa latou mulimuli atu ai e mulilulua ai; o le tulafono lenei e faavavau ia i latou i o latou tupulaga amuli.

E te fai ane foi ia i latou, Ai se tagata o sa Isaraelū, po o so se tagata ese e āumau ia te i latou, na te faia se taulaga mu, po o se isi taulaga, a e le aumaia i le faitotoa o le fale fetafai o le faapotopotoga e sauni ai ia Ieova; e vavaeeseina lava lea tagata i lona nuu.

Ai se tagata foi o sa Isaraelū, po o so se tagata ese ua āumau ia te i latou, na te 'aina sina toto lava; ou te fai mo'u fili lea tagata na te 'aina le toto, ma ou vavae ese ia te ia i

- 11 lona nuu. Auā o i le toto le ola o le tino; ua ou tuuina atu ai foi ia te outou e fai a'i le togiola mo outou i luga o le fata faitaulaga; auā o le toto o le mea lava lea e fai
- 12 a'i le togiola mo le tagata. O le mea lava lea na ou fai atu ai i le fanauga a Israelu, Aua le 'aina ni toto e so outou, aua le 'aina foi le toto e se tagata ese e aumau ia te outou. Ai se tagata foi o le fanauga a Israelu, po o so se tagata ese ua aumau ia te i latou, na te tulia se manu o le vao, po o se manu lele e 'aina; ia faamasaina lava e ia lona
- 14 toto, ma ufiufi ai i le eleele. Auā o le ola lea o mea ola uma; o lo latou toto, o lo latou ola lava lea; o le mea lava lea na ou fai atu ai i le fanauga a Israelu, Aua tou te aai i le toto o se mea ola; auā o le ola o mea uma o lo latou toto lava lea; ai
- 15 se 'ai ai e vavaeeseina o ia. Ai se tagata foi ua 'ai i se mea ua mate, po o se mea ua saeia, o se tama a le eleele, po o se tagata ese, na te taia ona ofu, ma taele i le vai, e leaga foi o ia seia oo i le afiafi; ona mamā
- 16 ai lea. A e afai na te le taia *ona ofu*, ma ua le taele lona tino, ona nofo sala lava lea o ia.

Ua vaoia tu a Aikupito ma Kanana, ne'i faaa'oa'o i ai.

- 18 UA fetalai mai foi Ieova ia Mose, ua faapea mai, Ina fai atu ia i le fanauga a Israelu, ia faapea atu ia i latou O a'u o Ieova lo outou Atua.
- 3 O mea ua faia i le nuu o Aikupito, na outou mau ai, aua tou te faia faapea; o mea foi ua faia i le nuu o Kanana ou te faaoo atu ai outou, aua tou te faia faapea; aua ne'i
- 4 usiusitai foi outou i a latou tu. Ia outou faia a'u faamasinoga, ia outou tausiusi foi i a'u tulafono, ina ia savavali i ai; o a'u o Ieova, o lo
- 5 outou Atua. Ia outou tausiusi i a'u tulafono ma a'u faamasinoga; o mea ia, a faia e le tagata, e ola ai lava ia; o a'u o Ieova.
- 6 Aua ne'i faalatalata atu so outou i se tasi o lona lava aiga, e faatelenoa i lona tino; o a'u o Ieova. Aua e te faatelenoa i lou tamā po o lou tinā, o lou tinā lava ia, aua e te
- 8 faatelenoa ia te ia. Aua e te faa-

telenoa i le avā a lou tamā, o le telenoa lea o lou tamā. O lou tuafafine, o le afafine o lou tamā, po o le tama a lou tinā, sa fanau mai i le aiga, pe fanau mai i se tasi *aiga*, aua e te faatelenoa ia te ia. O le afafine o lou atalii, po o le tama a lou afafine, aua e te faatelenoa ia te i laua; auā o lo la telenoa, o lou lava lea. O le tama teine a le avā a lou tamā, o lou tamā na fanau ai, o lou tuafafine lea, aua e te faatelenoa ia te ia. Aua e te faatelenoa i le tuafafine o lou tamā; o le aiga lava ia o lou tamā. Aua e te faatelenoa i le uso o lou tinā; o le aiga lava ia o lou tinā. Aua e te faatelenoa i le uso o lou tamā, aua e te faalatalata atu i lana avā; o le avā ia a le uso o lou tamā. Aua e te faatelenoa i le avā a lou atalii; o le avā ia a lou atalii, aua e te faatelenoa ia te ia. Aua e te faatelenoa i le avā a lou uso; o le telenoa lea o lou uso. Aua e te faatelenoa i se fafine atoa ma lana tama teine; aua e te tago foi i le afafine o lana tama tane, po o le tama teine a lana tama teine e faatelenoa ia te ia; auā o fafine o lona lava aiga i latou; o le mea leaga lava lea, Aua foi e te fai avā i le uso o *lau* avā e faatiga ia te ia, e faatelenoa ia te ia atoa ma le tasi a o la mai o ia.

Aua foi e te faalatalata atu i se fafine e faatelenoa ia te ia, ina o nofo ese o ia ona o lona leaga. Aua foi ne'i momoe oulua ma le avā a le tasi, e leaga ai oe ia te ia. Aua foi e te tuuina atu o so lau fanau e ui ane i le *afi* ia Moloka. Aua foi e te faaleagaina le igoa o lou Atua; o a'u o Ieova. Aua lua te momoe ma se tane, e pei ona momoe ma se fafine; o le mea e inosia lava lea. Aua foi lua te momoe ma se manu, e leaga ai oe ia te ia; aua ne'i tu atu foi se fafine i luma o se manu la te momoe ma ia; o le mea matuā leaga lava lea.

Aua lava ne'i leaga outou ia te outou i se tasi mea o ia mea; auā o mea uma lava ia ua leaga ai nuu ou te tulia i o outou luma. Aua leaga ai foi le laueleele; ou te tau i ai le agasala ua i ai, e luai mai lava e le laueleele i e o nonofo ai. O lenei,

ia outou tausiusi i a'u tulafono ma
a'u faamasinoga; aua ne'i outou
faia se mea e tasi o ia mea e inosia;
o se tama a le eleele, po o se tagata
ese e āumau ia te outou. Auā o
mea e inosia uma ia ua faia e tagata
o le nuu ua muai i ai ia te outou, ua
leaga ai foi le lauelele; ina ne'i
luai mai e le lauelele ia te outou
foi, pe a leaga ia te outou, e pei ona
luai mai ai i nuu ua muai i ai ia te
outou. Auā ai se na te faia se mea
e tasi o ia mea e inosia, o tagata
lava o e faia e vavaeeseina i latou i
lo latou nuu. O lenei, ia outou
tausiusi i a'u sauniga, ina ne'i faia e
outou se mea e tasi o ia tu e inosia
ua faia a o outou le i ai, ina ne'i
leaga ai outou ia te outou; o a'u o
Ieova lo outou Atua.

Ua toe faailoa mai tulafono eseese.

19 UA fetalai mai foi Ieova ia Mose,
2 ua faapea mai, Fai atu ia i le faa-
potopotoga uma o le fanauga a
Israelu, ia faapea atu ia i latou, Ia
paia outou; auā o a'u o Ieova lo
outou Atua e paia lava a'u.
3 Ia taitoatasi outou ma ava i lona
tinā ma lona tamā, ma ia outou
tausiusi i o'u sapatī; o a'u o Ieova
lo outou Atua.
4 Aua tou te liliu atu i tupua, aua
foi ne'i faia atua uamea mo outou;
o a'u o Ieova lo outou Atua.
5 Afai foi tou te faia se taulaga faa-
fetai ia Ieova, ia outou fai taulaga ina
6 ia alofagia outou. E 'aina lava ia i
lea lava aso ua outou fai taulaga ai,
atoa ma a taeao; a e afai ua toe
sina mea i le aso tolu, ia susunuina
7 lea i le afi. Afai foi e 'aina sina
miea i le aso tolu, o le mea e inosia
8 lea; e le talia lava. O le na te
'aina e nofo sala o ia, auā ua leaga
ia te ia le mea paia a Ieova; e
vavaeeseina lava lea tagata i lona
nuu.
9 A outou selesele foi i le selesele-
gāsaito i o outou fanua, aua e te
selesele uma ou pito fanua, aua foi
e te ao ni saito ua pauu i lau selese-
10 lega. Aua e te foi faalua e tau *vine*
o i lou tovine, aua foi e te faaputu
le fua ua totoe i lou tovine; a ia
tuu ai mo e matitiva ma tagata
ese; o a'u o Ieova lo outou Atua.

Aua tou te gaoi, aua foi tou te 11
faa'ole'ole, aua foi tou te pelopelo
le tasi i le tasi. Aua tou te tauto i 12
lo'u igoa ma le pepelo; aua foi e te
faaleaga le igoa o lou Atua; o a'u
o Ieova. Aua e té faasaua i lē lua 13
te tuaoi, pe faoa ana mea; aua ne'i
tuu pea ia te oe seia taeao o le tau
o le ua faia *lau* galuega.

Aua e te faifai i lē tutuli, aua foi 14
e te tuu se mea e tausuai ai i luma o
le tauaso, a ia e mata'u i lou Atua;
o a'u o Ieova.

Aua tou te faia se mea le tonu i 15
le faamasinoga; aua e te faailogaina
le tagata mativa, aua foi le faaaloalo
i le tagata mauoa; a ia e faamasino
ma le tonu lē lua te tuaoi.

Aua e te fealuai i lou nuu ma ē 16
feaveaveai; aua foi e te molimau
pepelo i lē lua te tuaoi e oti ai o ia;
o a'u o Ieova. Aua e te 'ino'ino i 17
lou uso i lou loto; ia e aoai lava i
lē lua te tuaoi, aua foi ne'i tuu ai
pea le agasala ia te ia. Aua e te 18
taui ma sui, aua foi le faamoemoe
lou *ita* i tagata o lou nuu, a e te
alofa atu i lē lua te tuaoi ia pei o
oe lava ia te oe; o a'u o Ieova.

Ia outou tausiusi i a'u tulafono; 19
aua ne'i felaaia'i ona ofia o au manu
uiga eseese; aua foi e te totō fua
uiga eseese i lou fanua; aua foi e te
ofu i se ofu i le ie lalaga fefiloi i
mea uiga eseese.

Ai se la te momoe ma le fafine ua 20
nofo pologa, ua faūfautane ua le
faatauina lava, pe faasaolotoina;
ona sasaina lea, a e le fasiotia i laua,
auā na le saoloto o ia. E aumaia 21
foi e le tane lana taulaga mo le sese
ia Ieova i le faitotoa o le fale fetā-
fai o le faapotopotoga, o le mamoe
poa e *fai* ma taulaga mo le sese.
Ona fai ai lea e le faitaulaga se 22
togiola mo ia i le mamoe poa o le
taulaga mo le sese i luma o Ieova
ona o lana agasala ua ia agasala ai;
ona faamagaloina ai lea o ia ai le
agasala ua ia agasala ai.

A outou o i le nuu, a uma foi 23
ona outou totōina o laau eseese e fai
ma mea e 'ai, ona ta'uleperitomeina
ai lea e outou o latou fua; o tau
saga e tolu e fai ma mea e lei peri-
tomeina ia te outou; e le 'aina lava.
A o lona fa o tausaga e paia uma o 24

25 latou fua e faafetai ai ia Ieova. O lona lima o tausaga tou te aai ai i o latou fua, ina ia fua mai ai ia te outou i o latou fua; o a'u o Ieova lo outou Atua.

26 Aua tou te aai ma le toto; aua foi le fai togafiti faataulāitu, aua

27 foi tou te iite i ao o le lagi. Aua tou te *sele* faataaliolio i o outou lau-ulu, aua foi e te faasaunoa i ou pito

28 'ava. Aua tou te saei o outou tino ona o le ua oti, aua foi ne'i ta tatau ia te outou; o a'u o Ieova.

29 Aua e te faaleaga i lou afafine e fai ma fafine talitane; ina ne'i masani le nuu ma le faitaaga, ona tumu ai lea o le nuu i le amio leaga.

30 Ia outou tausiusi i o'u sapati, ma ia matatau i lo'u malumalu; o a'u o Ieova. Aua tou te faasaga atu ia

31 i latou o i ai aitu vavalu, aua foi e te saili i taulāitu e leaga ai outou; o a'u o Ieova lo outou Atua.

32 Ia e tulai atu i luma o le ua ulu sinā, ia e ava foi i luma o le toaina, ma ia e mata'u i lou Atua; o a'u o Ieova.

33 A āumau ia te oe se tagata ese i lo outou nuu, aua tou te faatiga ia te ia. O le tagata ese o loo āumau

34 ia te outou, ia tusa lava ia ia te outou ma le tama a le elele, e te alofa atu ia te ia e pei o oe lava ia te oe; auā sa āumau outou i le nuu o Aikupito; o a'u o Ieova lo outou Atua.

25 Aua tou te faia se mea le tonu i le faamasinoga, i le fua faaloloa, po o le fua faatautau, po o le fua

36 faaofuofu. Ia ia te outou le fua faatautau ua tatau, o maa e tatau, o le efa e tatau, ma le sinu e tatau; o a'u o Ieova lo outou Atua, na ou au mai ia te outou nai le nuu o Aikupito. O lenai ia outou tausiusi i a'u tulafono uma, ma a'u faamasinoga uma, ma ia outou faia; o a'u o Ieova

O tulafono ua vavao ai amio leaga eseese.

20 UA fetalai mai foi Ieova ia Mose, ua faapea mai, Ia e fai atu i le fanauga a Isaraelu, Ai se tagata o le fanauga a Isaraelu, po o se tagata ese e āumau ia Isaraelu, na te avatua so ana fanau ia Moloka; e fasi-

otia lava o ia; e fetogi lava e tagata o le nuu ia te ia i maa. Ou te faia foi lea tagata mo'u fili, ma ou vavaeeseina o ia i lona nuu; auā ua ia avatu lana fanau ia Moloka, e faaleaga ai lo'u igoa paia. Afai foi e ufiufi

4 lava e tagata o le nuu o latou mata i lea tagata i lona avatu o lana fanau ia Moloka, ma latou le fasioti ia te ia; ona ou faia lea mo'u fili o lea tagata atoa ma lona aiga, ou te vavaeeseina i lo latou nuu o ia, atoa ma i latou uma o e mulimuli atu ia te ia e mulilulua ai ma Moloka. O

6 le tagata foi e lilu ane i e o i ai aitu vavalu, ma e taulāitu, e mulimuli atu i ai e mulilulua ai, ou te faia mo'u fili lea tagata, ou te vavaeeseina foi o ia i lona nuu. O lea ia faapaiaina ai outou e outou, ma ia paia lava outou; auā o a'u o Ieova lo outou Atua. Ma ia outou tausiusi i a'u tulafono, ma ia outou faia; o a'u o Ieova o lē faapaiaina outou.

9 Ai se tasi na te fetuu i lona tamā po o lona tinā e fasiotia lava o ia; ua ia fetuu i lona tamā po o lona tinā; e ia te ia lava lona toto. O 10 le tagata foi ua la mulilua ma le avā a le *tasi* tagata, o le ua mulilua ma le avā a lē la te tuaoi, o le tane mulilua ma le fafine mulilua, e fasiotia lava i laua.

O le tagata foi la te momoe ma 11 le avā a lona tamā, ua faatelenoa e ia i lona tamā; e fasiotia lava i laua; e ia te i laua o la toto.

Afai foi e momoe se tagata ma le 12 avā a lona atalii, e fasiotia lava i laua; ua la faia le mea matuā leaga lava; e ia te i laua o la toto.

Afai foi e momoe se tane ma le 13 tasi tane, e pei ona momoe o le tane ma le fafine, ua la faia le mea leaga lava; e fasiotia lava i laua; e ia te i laua o la toto.

Afai foi e fai avā se tagata i le 14 fafine atoa ma le tinā o le fafine, o le mea leaga lava lea; e susunuina i latou i le afi, o ia atoa ma i laua; ina ne'i ai le amio leaga ia te outou.

Afai foi e momoe se tane ma se 15 manu, e fasiotia lava o ia; tou te fasimate foi i le manu. Afai foi e 16 faalatalata atu se fafine i se manu la te momoe, e te fasioti i le fafine

- atoa ma le manu; e fasioitia lava i laua; e ia te i laua o la toto.
- 17 Afai foi e tago e le tagata lona tuafafine, o le afafine o lona tamā, po o le tama a lona tinā, ma iloa lona telenoa, ua iloa foi e le fafine lona telenoa; o le mea leaga lava lea; ia vavaeeseina i laua i luma o tagata o lo la nuu; ua ia faatelenoa i lona tuafafine; e nofo sala lava o ia.
- 18 Ai se tane ua la momoe ma le fafine o loo na o faia le ma'i, ua ia faatelenoa foi ia te ia; ua na su'ena lona puna, o le fafine foi ua faaaliali e ia le puna o lona toto; e vavaeeseina lava i laua i lo la nuu.
- 19 Aua foi e te faatelenoa i le uso o lou tinā, po o le tuafafine o lou tamā; auā o le faatelenoa lea e le tagata i lona lava aiga; e nofo sala lava i laua. Ai se tagata la te momoe ma le avā a le uso o lona tamā, ua faatelenoa e ia i le uso o lona tamā; e nofo sala i laua; e leai ni a la fanau, e oo lava i le oti. Afai foi e fai avā se tagata ile avā a lona uso, o le mea leaga lea; ua faatelenoa e ia i lona uso; e leai ni a la fanau.
- 22 O lenei, ia outou tausiusi i a'u tulafono uma, ma a'u faamasinoga uma, ma outou faia; ina ne'i luai mai ia te outou e le laueleele ou te faaoo atu ai outou e nonofo ai.
- 23 Aua lava tou te usiuitai i tu a nuu ou te tulia i o outou luma; auā ua latou faia ia mea uma, o le mea lea
- 24 ua inosia ai lava i latou e a'u. A ua uma ona ou fai atu ia te outou, E fai mo outou lo latou laueleele, ou te foai atu ai lava ia te outou e fai mo outou tofi, o le nuu o loo tafe ai le suāsusu, ma le meli; o a'u o Ieova lo outou Atua, ua ou vavaeeseina outou i nuu uma.
- 25 Ia outou faailogaina foi manu vaefa mamā, ma ē leaga, o manu felelei foi e leaga, ma ē mamā; aua lava ne'i leaga outou ia te outou i se manu vaefa, po o se manu lele, po o se isi mea lava e totolo i le elelele, ua ou faailogaina ia te outou
- 26 e fai ma mea leaga. A ia paia lava outou mo a'u; auā o a'u o Ieova, o loo paia lava a'u, ua ou vavaeeseina foi outou i nuu uma, ina ia fai lava outou mo a'u.

O se tane foi po o se fafine o i a'i se aitua vavalo, po o ua fai ma tau-lāitu, ia fasioitia lava ia; latou te fetogi ia i latou i maa; e ia te i latou o latou toto.

O tulafono e faatonu ai le amio a faitaulaga.

UA fetalai mai foi Ieova ia Mose, 21
Ia e fai atu i faitaulaga o atalii o Arona, ia faapea atu ia i latou, Aua ne'i leaga so latou i se tagata o lona nuu ua oti. A o se tagata o lona aiga to tino, o lona tinā, ma lona tamā, ma lona atalii, ma lona afafine, ma lona uso, ma lona tuafafine o le taupou, o lona aiga to tino, ua leai sana tane; c le sa ona leaga o ia ona o ia. Aua ne'i leaga o ia ia te ia, o ia le tagata sili i lona nuu, e leaga ai o ia. Aua ne'i latou sele mamā i o latou lavulu, pe tafi o latou pito 'ava, pe saei o latou tino. Ia paia lava i latou mo lo latou Atua, aua ne'i latou faaleagaina le igoa o lo latou Atua; auā o taulaga ia Ieova e fai i le afi, ma le areto a lo latou Atua, ua latou fai taulaga ai; o le mea lea ia paia ai i latou. Aua ne'i fai avā so latou i se fafine talitane, po o se fafine faitaaga; aua foi ne'i fai avā o ia i se fafine ua aleia e lana tane; auā ua paia o ia mo lona Atua. E te faapaiaina foi o ia, auā o ia na te avatu le areto a lou Atua; e paia lava o ia ia te oe; auā o a'u o Ieova, o le faapaiaina outou, e paia lava a'u. O le afafine foi o se faitaulaga, afai na te faaleaga o ia ia te ia i lona talitane, ua faaleaga o ia i lona tamā; e susuina lava o ia i le afi.

A o le faitaulaga sili i ona uso, sa liligi i lona ulu le uu e faauuina ai, ma ua tofia o ia e ofu i ofu, na te le toina lona pulou, pe saei ona ofu. Aua foi le ulufale atu o ia i se tagata oti, aua ne'i leaga o ia ia te ia ona o lona tamā, po o lona tinā; aua foi le ulufafo atu o ia i le malumu, po leaga ia te ia le malumalu o lona Atua; auā ua i luga ia te ia le pale o le uu o lona Atua e faauuina ai; o a'u o Ieova. O se tau-pou lava e fai avā ai o ia. O se fafine ua oti lana tane, po o se fafine ua aleia, po o se fafine fai-

taaga, *po o* se fafine talitane, o fafine ia aua le fai avā ai o ia; a o le taupou o lona lava nuu e fai avā
 15 ai o ia. Aua ne'i leaga ia te ia lona gafa i lona nuu; auā o a'u o Ieova, ua ou faapaiaina o ia.
 16 Ua fetalai mai foi Ieova ia Mose, 17 ua faapea mai. Ia e fai atu ia Arona, ia faapea atu, Ai se tagata o lau fanau i o latou tupulaga amuli ua i ai se pona, aua ne'i faalatalata atu o ia e avatu le areto a lona Atua. Auā o se tagata ua i ai se pona, aua le faalatalata lava o ia; o le tauaso, po o le pipili, po o le isu papa, po o le *ua i ai se* mea
 19 faalegatusa, po o se tagata ua gau
 20 le vae, po ua gau le lima, po o se ua tua pio, po o se ua faatinotinoa, po o se tagata ua i ai le moālili i lona mata, po o se ua ma'i pa'upa'ua, po o se ua ma'i mageso poupoua, po o se ua momomi sona fuāmanava.
 21 Aua ne'i faalatalata se tagata o le fanau a Arona le faitaulaga ua i ai se pona e avatu taulaga *e fai* i le afi ia Ieova; ua ia te ia le mea e pona ai, aua ne'i faalatalata atu o ia e avatu le areto a lona Atua. E
 22 'ai lava e ia le areto a lona Atua, o mea e sili ona paia atoa ma mea
 23 paia. A e le alu o ia i tala atu o le ie pui'ui, pe faalatalata i le fata faitaulaga, auā ua ia te ia le mea e pona ai; ina ne'i leaga ia te ia a'u mea paia; auā o a'u o Ieova, ua ou
 24 faapaiaina ia mea. Ua fai atu ai Mose ia Arona ma ona atalii, atoa ma le fanauga uma a Israelu.

O mea e faamamā ai e le au faitaulaga i mea paia.

22 UA fetalai mai foi Ieova ia Mose, 23 ua faapea mai, Fai atu ia ia Arona ma ona atalii, ia latou faamamā o i mea paia a le fanauga a Israelu, ina ne'i faaleagaina lo'u igoa paia e i latou *i mea* ua latou faasaina mo a'u; o a'u o Ieova. Fai atu ia i latou, Ai se tagata o lo outou aiga uma i o outou tupulaga amuli, e alu ane o ia i mea paia ua faasaina e le fanauga a Israelu ia Ieova, a o loo ia te ia se mea e leaga ai o ia, e vavaeescina lava lea tagata i o'u luma; o a'u o Ieova. Ai se tagata o le fanau a Arona ua lepela, po o

ua ia te ia se gau, e le 'ai lava o ia i mea paia, ina seia mamā o ia; ai se pai atu foi i se mea ua leaga ona o le tagata ua oti, po o se tagata ua alu le sua o lona tino; ai se tagata
 5 foi na te pai atu i se mea totolo e leaga ai o ia, po o se tagata e leaga ai o ia i se mea leaga o ia te ia; o le tagata lava na te pai atu i ai, e leaga o ia seia oo i le afafi, e le 'ai foi o ia i mea paia seia taelea lava lona tino i le vai. A goto le la,
 6 ona mamā ai lea o ia; e mulimuli ane ona 'ai lava lea o ia i mea paia, auā o ana lava mea e 'ai ia. Ai se mea ua mate fua, po o ua saeia, aua le 'aina lava e ia ne'i leaga ai o ia ia te ia i lea mea; o a'u o Ieova. Ia latou tausiusi i a'u sauniga, ina
 7 ne'i nofo sala ai i latou, ma oti ai, pe afai latou te soli ai; o a'u o Ieova o lē faapaiaina i latou. E le
 8 'ai lava se tasi tagata ese i le mea paia; o le tagata ese ua la mafuta ma le faitaulaga, po o sē ua galue i le tofogi, e le 'ai lava o ia i le mea paia. A e afai e faatauina e le faitaulaga se tagata i ana tupe, e 'ai
 9 ai lava o ia, atoa ma le ua fanau mai i lona aiga; *latou* te aai i ana lava mea e 'ai. Afai foi ua nofo
 10 tane le afafine o le faitaulaga i le tagata ese, aua ne'i 'ai o ia i se taulaga i mea paia. A e afai ua oti le
 11 tane a le afafine o le faitaulaga, po ua aleia o ia, ua leai foi sana tama, a ua foi mai o ia i le aiga o lona tamā, e pei ona i ai ina o teine o ia, e 'ai lava o ia i le mea e 'ai a lona tamā; a e leai se tagata ese na te
 12 'ai ai. Afai foi e 'aina e se tagata le mea paia, ma le le iloa, ona faapoopo atu ai lea e ia lona vaega e lima o mea, ma avatu ai i le faitaulaga, atoa ma le mea paia. Aua
 13 foi ne'i leaga ia te i latou o mea paia a le fanauga a Israelu, ua latou fai taulaga ai ia Ieova; ma
 14 latou faanofo sala ia i latou ona o le sese, ina ua latou aai i a latou mea paia; auā o a'u o Ieova o lē faapaiaina i latou.

Ua fetalai mai foi Ieova ia Mose, 15 ua faapea mai, Ina fai atu ia Arona, 16 ma ona atalii, atoa ma le fanauga uma a Israelu, ia faapea atu ia i latou, Ai se tagata o le aiga o Isa-

raelu, po o se tagata ese e i Isaraelu ua fia avatu sana taulaga i mea uma na ia tauto ai, ma mea uma e fai fua i le loto i mea latou te fai taulaga ai ia Ieova e fai ma taulaga

19 mu; tou te faia ma le loto i ai o se manu poa e sao ona lelei, o se povi,

20 po o se mamoe, po o se 'oti. Ai se manu ua i ai se mea leaga, aua tou te avatu ai; auā e le talia lea mo

21 outou. Ai se avatu se taulaga faafetai ia Ieova, e faataunuu ai le mea na ia tauto ai, po o le taulaga na te faia fua i lona loto, po o se povi, po o se mamoe, ia sao ona lelei, ina ia talia; aua ne'i i ai se mea e tasi e

22 pona ai. O se mea ua tausao, po ua gau se vae, po ua mutu, po ua i ai se papala, po o se ma'i pa'upa'ua, po o se ma'i mageso ua poupoua, aua tou te avatu mea ia ia Ieova, aua foi tou te fai a'i taulaga e fai i

23 Ieova. O se povi, po o se tamai mamoe ua i ai se mea faalegatusa, po ua avilu, faitalia lava oe ona fai taulaga ai e fai ma taulaga ua e loto lava ona fai, a e le talia lava

24 lea i le mea na e tauto ai. Aua tou te avatu ia Ieova se manu ua tu'itu'ia, po ua momomo, po ua omia, po ua seleseleina ona fua manava; tou te le faia foi lea i lo outou nuu.

25 Aua foi ne'i avatua mai le lima o le tagata ese le mea e 'ai a lo outou

26 Atua i se tasi o ia mea; auā o i ai lo latou leaga, e i ai mea e pona ai i latou; e le talia ia mo outou.

27 Ua fetalai mai foi Ieova ia Mose, ua faapea mai, A fanaua mai se povi poa, po o se mamoe, po o se 'oti, ona i ai lea o ia i lona tinā i aso e fitu; a e amata i le aso valu ma aso ua lumanai ona talia ma taulaga e fai i le afi ia Ieova. Aua tou te

28 fasia se povi, po o se mamoe, atoa ma lana tama i le aso e tasi. Afai foi tou te loto e fai se taulaga faaneenee ia Ieova, ina fai taulaga lava ia ma le loto. E 'aina lava ia i lea lava aso; aua ne'i totoe sina mea ia te outou seia taeao; o a'u o Ieova.

31 Ia outou tausiusi i a'u poloaiga, ma ia outou faia; o a'u o Ieova.

32 Aua foi tou te faaleagaina lo'u igoa paia; a ia faapaiaina lava a'u i le fanauga a Isaraelu; o a'u o Ieova o

lē faapaiaina outou; o le au mai ia 33 te outou nai le nuu o Aikupito, e fai mo outou Atua; o a'u o Ieova.

O tausamiga ia Ieova.

UA fetalai mai foi Ieova ia Mose, 23
ua faapea mai, Fai atu ia i le 2

fanauga a Isaraelu, ia faapea atu ia i latou, O tausamiga ia Ieova tou te tala'i ai, o faapotopotoga paia, o 3

tausamiga lava ia ia te au. E ono aso e fai ai galuega; a o le aso fitu, o le sapati lea e malolo ai, e fai ai 4

le faapotopotoga paia, aua tou te fai ai se galuega e tasi; o le sapati lea ia Ieova i mea uma tou te nonofo 5

ai. O tausamiga ia ia Ieova, o faapotopotoga paia, ia outou tala'i ai i o latou aso ua atofaina. O le masina 6

muamua, o le aso e tasi le sefulu ma le fa o le masina, o le afiafi, o le paseka lea ia Ieova. O le aso e tasi 7

le sefulu ma le lima o lea lava masina, o le tausamiga lea ia Ieova o le areto e le faafefeteina; o aso lava e fitu tou te aai ai le areto e le faafefeteina. O le aso muamua tou 8

te fai ai se faapotopotoga paia, aua tou te fai ai se galuega mamafa. A 9

ia outou avatua taulaga e fai i le afi ia Ieova i aso e fitu; o le aso fitu o le faapotopotoga paia lea; aua lava 10

tou te fai ai se galuega mamafa. Ua fetalai mai foi Ieova ia Mose, 9

ua faapea mai, Fai atu ia i le 10 fanauga a Isaraelu, ia faapea atu ia i latou, A outou oo i le nuu ou te avatua mo outou, ma outou fai ai le

seleselegāsaito, ona outou au mai ai lea o le fusi saito o mea ua faapolo- 11

poina o lo outou seleselega i le faitaulaga. E luluina foi e ia o le fusi saito i luma o Ieova, ina ia talia 12

mo outou; o le aso e aupito mai i le sapati e luluina ai e le faitaulaga. O le aso foi tou te luluina ai le fusi 13

saito, tou te avatua ai se mamoe poa e sao ona lelei, e tasi lona tausaga, e fai ma taulaga mu ia Ieova. O le 14

taulaga foi i mea e 'ai e tataui ai, e lua omera o le falaoa lelei ua palua ma le uu, o le taulaga e fai i le afi ia Ieova, o le mea manogi lelei; ma le taulaga i le mea e inu e tataui ai, o lona vaega e fa o le sinu o uaina. Aua tou te aai foi sina areto, po o se saito turua, po o saito ma seia

- oo i lea lava aso ua au mai ai se taulaga i lo outou Atua; o le tulafono lea e faavavau i o outou tupulaga amuli i mea uma tou te nonofo ai.
- 15 Ia outou faitaulaia e amata i le aso e aupito mai i le sapati, o le aso lava na outou au mai ai le fusi saito o le taulaga lulu; ia atoatoa o
- 16 sapati e fitu. E oo lava i le aso e aupito mai i le sapati e fitu tou te faitau ai o aso e limagafulu; ona fai taulaga ai lea i le taulaga i mea e 'ai fou ia Ieova. Tou te au mai nai o
- 17 outou fale o areto lulu e lua fua, e tailua omera, e fai i le falaoa lelei, ia tao ma le mea e faafefete ai, o
- 18 mea faapolopolo ia ia Ieova. Ia outou avatua faatasi ma areto o tamai mamoe e fitu, e tasi lo latou tausaga e sao ona lelei, atoa ma le tamai povi poa e tasi, ma mamoe poa e lua, e fai ia ma taulaga mu ia
- 19 Ieova, atoa ma taulaga i mea e 'ai e tatau i ai, ma taulaga i le mea e inu e tatau i ai, o le taulaga lava e fai i le afi, o le mea manogi lelei ia
- 20 Ieova. Ona fai taulaga ai lea outou i se 'oti poa e tasi e fai ma taulaga mo le agasala, atoa ma tamai mamoe e lua e tasi lo la tausaga, e
- 21 fai ma taulaga faafetai. Ona luluina ai lea o ia mea e le faitaulaga atoa ma le areto o mea faapolopoloina, e fai ma taulaga lulu i luma o Ieova, atoa ma tamai mamoe e lua; e paia ia mea ia Ieova mā le faitaulaga.
- 22 Ia outou tala'i i lea lava aso e fai ai se faapotopotoga paia e outou; tou te le fai ai se galuega mamafa e tasi; o le tulafono lea e faavavau i mea uma tou te nonofo ai i o outou tupulaga amuli.
- 23 A outou selesele foi le selesele-gāsaito i o outou fanua, aua le faauma ou pito fanua pe a e selesele i ai; aua foi e te ao ni fua ua pauu i lau seleselega, a ia tuu mo e matitiva ma le tagata ese; o a'u o Ieova lo outou Atua.
- 24 Ua fetalai mai foi Ieova ia Mose, ua faapea mai, Fai atu ia i le fanauga a Israelu, ia faapea atu, O le fituga masina, o le aso muamua o le masina, ia outou fai ai se sapati, o le faamanatuga i le iligāpu, o le
- 25 faapotopotoga paia. Aua tou te fai ai se galuega mamafa e tasi, a ia
- outou avatu se taulaga e fai i le afi ia Ieova.
- Ua fetalai mai Ieova ia Mose, ua faapea mai, O le aso sefulu o lea lava fituga masina, o le aso o le togiola lea; o le faapotopotoga paia lea ia te outou; ia puapuagatia ai outou e outou, ma avatu ai se taulaga e fai i le afi ia Ieova. Aua tou te faia se galuega e tasi i lea lava aso; auā o le aso lea o le togiola, e fai ai se togiola mo outou i luma o Ieova lo outou Atua. Ai se tagata e le puapuagatia o ia e ia i lea lava aso, e vavaeseina o ia i lona nuu. Ai se tagata foi na te faia se galuega e tasi i lea lava aso, e fano ia te au o lea tagata ai lona lava nuu. Aua tou te fai ai se galuega e tasi; o le tulafono lea e faavavau i o outou tupulaga amuli, i mea uma tou te nonofo ai. E fai lea ma sapati e malolo ai outou, e puapuagatia ai outou e outou; o le afiā o le aso iva o le masina, e amata mai i le afiā e oo lava i le tasi afiā, tou te fai ai ma sapati e malolo ai.
- Ua fetalai mai foi Ieova ia Mose, ua faapea mai, Fai atu ia i le fanauga a Israelu, ia faapea atu, O le aso sefulu ma le lima o lea lava fituga masina, o le tausamiga o fale apitaga lea, e faia i aso e fitu ia Ieova. O le aso muamua, o le faapotopotoga paia lea; aua tou te fai ai se galuega mamafa e tasi. O aso e fitu ia outou avatu ai taulaga e fai i le afi ia Ieova; o le aso valu e fai ai le faapotopotoga paia e outou; ia outou avatu ai se taulaga e fai i le afi ia Ieova; o le faapotopotoga lea; aua tou te fai ai se galuega mamafa e tasi. O tausamiga ia ia Ieova tou te tala'i ai, o faapotopotoga paia, e avatu ai se taulaga e fai i le afi ia Ieova, o le taulaga mu, ma le taulaga i mea e 'ai, o le taulaga i mea e inu, o le aso ma ana mea; atoa ma sapati o Ieova, atoa foi ma a outou mea foai fua, atoa foi ma mea uma ua outou tauto ai, atoa foi ma taulaga ua outou loto fua ina fai, tou te aumaia ia Ieova. O le aso sefulu ma le lima o le fituga masina, pe a uma ona faaputuina e outou le fua o le fanua, ia outou faia lava

se tausamiga ia Ieova i aso e fitu; o le aso muamua e fai ma sapatu lea, i le ma le aso valu e fai ma sapatu
 40 foi lea. O le aso muamua foi tout e ave ai fua o laau matagofie, o lau pama, ma la o laau felefele, ma garava mai le alia; ma ia outou olioli i luma o Ieova lo outou Atua
 41 i aso e fitu; ma ia outou fai ai le tausamiga ia Ieova i aso e fitu i lea tausaga ma lea tausaga; o le tula-
 42 fono e faavavau i o outou tupulaga amuli; ia outou faia le tausamiga i le fituga masina. Tou te nonofo i fale apitaga i aso e fitu, o tama a le elele uma i Israelu latou te nonofo
 43 i fale apitaga; ina ia iloa e o outou tupulaga amuli na ou faanofo ai le fanauga a Israelu i fale apitaga, ina ua ou au mai ia i latou ai le nuu o Aikupito; o a'u o Ieova lo outou Atua.
 44 Ona ta'u atu lea e Mose i le fanauga a Israelu o tausamiga ia Ieova.

O le suānu olive e mu ai pea le lamepa.

24 UA fetalai mai foi Ieova ia Mose,
 2 ua faapea mai, Ina fai atu ia i le fanauga a Israelu, latou te au mai ia te oe le suānu olive lelei e tu'ia mo le afi, e mu ai pea le lamepa.
 3 Ia sauni lea e Arona, e amata i le afiafi e oo lava i le taeao, i le itu mai o le ie puipui o le atolaau o le tulafono i le fale fetafai o le faapotopotoga i luma o Ieova, i aso uma lava; o le tulafono e faavavau
 4 i o outou tupulaga amuli. Na te saunia lamepa o i luga o le tungā-lamepa auro lelei i aso uma lava i luma o Ieova.
 5 Ia e ave foi falaoa lelei, ma tao ai ni potoi e sefulu ma le lua; tailua
 6 omera i le potoi e tasi. Ia e tuuina ai foi i atu *potoi* e lua, ia taiono i atu, i luga o le laoa *auro* lelei i
 7 luma o Ieova. Ia e tuuina foi le pulu lipano lelei i luga o atu *potoi*, ia i ai lava ia i luga o areto e fai ma faamanatuga, o le taulaga e *fai* i le
 8 afi ia Ieova. Na te saunia e le aunoa i luma o Ieova i lea aso sapatu ma lea aso sapatu, e au mai e le fanauga a Israelu, o le feagaiga e
 9 faavavau. E fai mā Arona, ma ona

atalii, latou te aai ai i le mea paia; auā e sili ona paia lea ia te ia i taulaga ia Ieova e *fai* i le afi, o le tulafono lea e faavavau.

O le tama a le fafine o Israelu, 10 a o le Aikupito lona tamā na latou o mai ma le fanauga a Israelu; ua la femisai o lenei tama a le fafine Israelu ma le tagata o Israelu i le toagālauapi; ona faifai lea e le 11 tama a le fafine Israelu le suafa o Ieova, ma upu leaga i ai, ona latou aumaia lea o ia ia Mose; (o le igoa foi o lona tinā o Salome, o le afafine o Tiperi, o le itu aiga o Tanu;) na 12 latou tuuina atu o ia ia leoleoina, seia faaalia mai ia i latou le fināgalo o Ieova. Ona fetalai mai ai lea o 13 Ieova ia Mose, ua faapea mai, Ia 14 outou ave i le na upu leaga i tua o le toagālauapi, ma ia faace e i latou uma e na faalogologo i ai o latou lima i lona ulu, ma ia fetogi ia te ia i maa e le faapotopotoga uma. Ia 15 e fai atu foi i le fanauga a Israelu, ia faapea atu, Ai sē upu leaga i lona 16 Atua e nofo sala lava o ia. O le na te faifaia le suafa o Ieova, e fasiotia lava o ia, e fetogi lava ia te ia i maa e le faapotopotoga uma; o le tagata 17 esē atoa mā le tama a le elele pe a faifai o ia i le suafa o Ieova, e fasiotia lava o ia. Ai sē fasioti foi i le 18 tasi tagata e fasiotia lava o ia. O 19 sē fasimate i se manu e totogi e ia; o le manu e sui a'i le manu. Afai 20 foi e faia e se tasi se mea e leaga ai le tino o le tasi; e faapei ona ia faia, e faapea lava ona faia ia te ia; e suia le manua i le manua, e suia 21 le māta i le mata, e suia le nifo i le nifo; e pei o le leaga ua faia e ia i le tasi tagata, e faapea lava ona faia ia te ia. Ai sē fasimate i le manu e 22 avatu e ia le totogi; ai sē fasioti i le tagata e fasiotia lava o ia. E tasi lava le tulafono ia te outou, e tusa lava le tagata ese ma le tama a le 23 elele; auā o a'u o Ieova lo outou Atua. Ona fai atu lea o Mose i le fanauga a Israelu, ia latou ave i lē na upu leaga i tua o le toagālauapi, ma fetogi ia te ia i maa; ona fai ai lea e le fanauga a Israelu, e pei ona poloai mai ai o Ieova ia Mose.

Ua faia le fitu o tausaga ma sapati e mapu ai le lauelele.

- 25 UA fetalai mai foi Ieova ia Mose i le mauga o Sinai, ua faapea mai, 2 Fai atu ia i le fanauga a Isaraelu, ia faapea atu ia i latou, A outou oo i le nuu ou te avatu ai ia te outou, ona fai ai lea se sapati e mapu ai le lauelele ia Ieova. E ono tausaga e te lulu ai saito i lou fanua, e ono tausaga e te teuteu ai lou tovine, ma faaputu ai ona fua. A o le fitu o tausaga e fai ma sapati lea e mapu ai le lauelele, o le sapati ia Ieova; aua e te lulu ai ni saito i lou fanua, aua foi e te teuteu ai lou tovine. O mea e tutupu fua nai lau selesele-gasaito, aua e te seleseleina, aua foi e te tau ni fua o lou vine ua le teua; o le tausaga lea e mapu ai le lauelele. O le sapati o le lauelele e fai lea ma mea e 'ai ma outou, o oe ma lau auaua tane, ma lau auaua fafine, ma le ua fai lau galuega i le togoti, atoa ma le tagata ese o loo aumau ia te oe; ma au manu fanua atoa ma manu o le vao o i lou nuu, e fai ma mea e 'ai o mea uma e tutupu ai.
- 8 Ia e faitauina tausaga faasapati e fitu, e fitu ni fitu o tausaga; o le atoatoa foi o tausaga faasapati e fitu, e fagafulu ma le iva ia tausaga.
- 9 Ona ili ai lea o le pu ma le leo tele i le aso e sefulu o le fituga masina, i le aso o le togiola, ia outou ili ai le pu i lo outou nuu uma lava. Ia outou faasaina le tausaga e limagafulu, ma tala'i ai le saolotoga i lo outou nuu i le nonofo ai uma lava; e fai lea ma iupeli ia te outou, ma ia outou toe foi atu taitoatasi i lona lava fanua, ia outou toe foi atu foi taitoatasi i lona lava aiga. O le tausaga e limagafulu e fai lea ma iupeli ia te outou; aua tou te lulu ai ni saito, pe selesele ai mea e tutupu fua, pe tau ai ni fua o lou vine ua le teua. Auā o le iupeli lea; e paia lava ia te outou; o mea e tutupu ai i le fanua ia outou aai ai.
- 13 O le tausaga foi o lea iupeli e toe foi atu ai outou e taitoatasi i lona lava fanua. Afai foi e te faatau atu se mea i lē lua te tuaoi, pe faatau mai se mea ai le lima o lē lua te tuaoi,

aua tou te faasaua le tasi i le tasi. E tusa ma le faitau o tausaga talu le iupeli ia e faatau mai ai i lē lua te tuaoi, e tusa foi ma le faitau o tausaga e fua mai ai, ia faatau mai ai o ia ia te oe; e tusa ma le tele o tausaga ia e faatele ai lona tau, e tusa foi ma le itiiti o tausaga ia e faaitiiti ai lona tau; auā e tusa ma le faitau o fuata e faatau mai e ia ia te oe. Aua lava tou te faasaua le tasi i le tasi; a ia e mata'u i lou Atua; auā o a'u o Ieova lo outou Atua. Ia outou faia foi a'u tula-fono, ma tausiusi i a'u faamasinoga, ma fai ai; tou te nonofo ai i le nuu ma le filemu. E fua mai foi le fanua i ona fua, tou te aai ai, ma maoona ai, ma nonofo ai ma le filemu. Afai foi tou te fai mai, O ā mea matou te aai ai i le tausaga o fitu? faauta, matou te le luluina ni saito, pe faaputu ai ni a matou mea e tutupu. Ou te pule atu le manuia ia te outou i le ono o tausaga, ona fua mai ai lea i ona fua e tataua ma tausaga e tolu. Tou te luluina saito i lona valu o tausaga, ma aai pea lava i mea tuai seia oo lava i lona iva o tausaga; seia matua ni ona fua tou te aai pea lava i mea tuai.

E le faatauina le fanua, ia faato; auā e o'u lava le fanua; auā o tagata ese outou ma ē aumau ia te au. O le nuu uma e fai mo outou, ia outou tuu atu ia toe faatauina le fanua. Afai ua oo ina mativa lou uso, ma ua faatauina atu e ia sona fasi fanua, afai foi ua alu ane se tasi o lona aiga e toe faatau mai ai, ona toe faatauina mai ai lea e ia le mea na faatauina atu e lona uso. Afai ua le o ia te ia se tasi e toe faatauina mai, a ua maua e ia lava ni mea e tusa ma le toe faatau mai o le fanua; ona faitau lea e ia o tausaga o lana faatau, ma toe avane ai o mea o totoe i le tagata na ia faatau atu ai; ona foi atu lea o ia i lona fanua. A e afai ua le maua ni mea e lava ai ia toe faafoi mai ia te ia, ona tumau pea ai lea o le mea sa faatauina i le tagata na faatau mai ai, ina seia oo i le tausaga o le iupeli; ona tuuina atu ai lea pe a oo i le iupeli, ona toe foi atu ai lea o ia i lona lava tofi.

- 29 Afai foi ua faatauina atu se tasi se fale o i le aai ua i le loto 'olo, e mafaia lava ia te ia ona toe faatau mai ai i lea tausaga atoa na ia faatauina atu ai; na te mafaia lava ona toe faatau mai ai *manū o lei* atoa le tausaga. Afai foi ua le toe faatauina mai ai ina o lei atoa le tausaga, ona tumau pea ai lea o le fale o i le *ai ua i le loto 'olo i le* tagata na faatauina mai ai e au tulaga; e le tuuina atu lea pe a oo i le iupeli. A o fale o i faoa aai ua le siomia i se 'olo, e ta'ua ia e pei o fanua a tua; e mafai ona toe faatau mai ai, e tuuina atu foi ia pe a oo i le iupeli. A e peitai ane o aai o sa Levī, o fale o i aai i lo latou fanua, e mafaia lava ona toe faatau mai e sa Levī i aso uma. A faatau ai foi e se tasi se mea a sa Levī, ona tuuina atu ai lea pe a oo i le iupeli o le fale sa faatauina, o le aai foi ua fai māna; auā o fale i aai a sa Levī o latou lava ia i le fanauga a Isaraelu. A o fanua i tuapa o a latou aai e le mafaatauina ia; auā o lo latou lava lea e faavavau.
- 35 Afai foi ua oo ina mativa lou uso, ua na le toe lavā se mea; ona e resoasoani ai lea ia te ia; e *ui lava o ia* le tagata ese ma le āumau; ina ia nofo lava o ia faatasi ma oe.
- 36 Aua e te talia mai ia te ia se totogi, po o se mea e faasili; a ia e mata'u i lou Atua; ina ia nofo lava lou uso faatasi ma oe. Aua e te avatu ia te ia au tupe e maua ai ni ona tupu; aua foi e te avatu ia te ia au mea e 'ai ina ia toe maua mai se mea e faasili. O a'u o Ieova lo outou Atua, o le na au mai ia te outou nai le nuu o Aikupito e foai atu ai ia te outou le nuu o Kanana; ina ia fai a'u mo outou Atua.
- 39 Afai foi ua oo ina mativa lou uso o loo *nofo* faatasi ma oe, ua na faatauina o ia e ia ia te oe, aua e te faapologa ia te ia e fai le galuega a le pologa. A ia i ai o ia ia te oe, e pei o le ua galue i le totogi, po o sē āumau, e auaua atu foi o ia ia te oe, seia oo i le tausaga o le iupe'i; ona alu ese ai lea o ia ia te oe, o ia atoa ma ana fanau faatasi ma ia, e foi atu foi o ia i lona lava aiga, ma le fanua o ona tamā e foi atu ai lava o ia. Auā o a'u auaua i latou na ou aumaia nai le nuu o Aikupito; e le faatauina i latou e fai ma pologa. Aua e te pule ia te ia ma le faasaua, a ia e mata'u i lou Atua. O ou pologa tane ma ou pologa fafine, mai nuu ese lava ia, o e vagavagai ia te outou; tou te faatau mai i latou, o pologa tane, ma pologa fafine. O fanau foi a tagata ese, o e ua āumau ia te outou, tou te faatau mai ai ni o latou, atoa ma ni o latou aiga o ia te outou o e na fananau mai i lo outou nuu; e fai foi i latou mo outou. Tou te tofia foi i latou i a outou fanau pe a mavae atu outou, e fai mo latou tofi; e fai i latou ma pologa ia te outou e faavavau; a e peitai o outou uso o le fanauga a Isaraelu, aua tou te pule faasaua le tasi i le tasi.
- Afai foi e oo ina mauoa se tagata ese, po o se āumau o loo *nofo* faatasi ma oe, a o lou uso o loo *nofo* faatasi ma ia, ua oo ina mativa, ua na faatauina atu foi o ia e ia i le tagata ese, po o le āumau o loo *nofo* faatasi ma oe, po o so le fanau a le aiga o le tagata ese; a uma ona faatauina o ia e mafai ona toe faatauina mai; e mafai sona uso ona toe faatauina mai o ia; e mafai lava e le uso o lona tamā, po o le atalii o le uso o lona tamā ona toe faatauina mai o ia; e mafai foi e se tasi o lona lava aiga ona toe faatauina mai o ia; o ia foi lava pe a mafai ia te ia, ia toe faatau o ia ia te ia. La te faitau foi ma le na faatau ia te ia talu le tausaga na faatauina ai o ia ia te ia e oo lava i le tausaga o le iupeli; o tupe foi o lana faatau ia faatatauina i le faitau o tausaga, e pei o tausaga o le ua galue i le totogi e faapea lava ona fai ia te ia. A ua tele tausaga o totoe, ia faatatau i ai le tau o lona toe faatauina mai e toe avane ai tupe na faatauina ai o ia. Afai foi ua totoe na o nai tausaga itiiti ina seia oo i le tausaga o le iupeli, ona la faitau ai lea ma ia, e faatatau i ona tausaga e toe avane ai e ia le tau o lona faatauina mai. E ia te ia o ia e pei o se ua galue i le totogi i lea tausaga ma lea tausaga; aua

le pule o ia ia te ia ma le faasaua i
54 ou luma. Afai foi ua le toe faatau-
ina mai o ia i nei *tausaga*, ona alu
ese ai lea o ia i le *tausaga* o le iu-
55 peli, o ia atoa ma ana fanau faatasi
ma ia. Auā o a'u auauna le fanau-
ga a Israelu, o a'u auauna lava i
latou na ou aumaia mai le nuu o
Aikupito; o a'u o Ieova lo outou
Atua.

O le tau'i o le faalogogata.

26 AUA tou te faia ni tupua mo
outou, aua foi tou te faatuina se
tupua ua ta, po o se tupua maa, aua
foi tou te tuu se faafagata maa i lo
outou nuu, e ifo atu i ai; auā o a'u
2 o Ieova lo outou Atua. Ia outou
tausiusi i o'u sapati, ma outou ma-
tatau i lo'u malumalu; o a'u o
3 Ieova. Afai tou te savavali i a'u
tulafono, ma tausi i a'u poloaiga,
4 ma fai ai; ona ou avatu ai lea le ua
ia te outou i ona po e tatau ai, e
fua mai foi le laueleele i ona lava
fua, o laau foi o i le fanua e fua
5 mai ai i o latou fua. E aulia le
taugāvine e le soligāsaito; e aulia
foi le tau e lulu ai saito e le tauga-
vine, tou te aai foi i a outou mea e
'ai, ma maona ai; tou te nonofo
foi i lo outou nuu ma le filemu.
6 Ou te avatu le filemu i le nuu, tou
te taotofo foi, e leai se tasi e faa-
mataua *ia te outou*; ou te faaumatia
foi manu feai ai le nuu, e le oo foi
7 le pelu i lo outou nuu. Tou te tuli-
tuliloa foi i e o fai outou mo latou
fili, latou te oti ai i o outou luma i
8 le pelu. E tulia le toaselau e le
toalina o outou, e tulia foi le sefu-
lu o afe e le toaselau o outou; o e
fai outou mo latou fili e oti i latou
9 i o outou luma i le pelu. Auā ou
te manatu alofa ia te outou, ou te
faauluolaina outou, ma faatoate-
leina, ou te faatumauna foi la'u
10 feagaiga ia te outou. Tou te aai i
mea tuai, ma outou ave i fafo mea
11 tuai ona o mea fou. Ou te tuu foi
lo'u malumalu i totonu ia te outou;
12 e le 'ino'ino foi a'u ia te outou. Ou
te fealuai foi i totonu ia te outou, e
fai foi a'u mo outou Atua, e fai foi
13 outou mo'u nuu. O a'u o Ieova lo
outou Atua, o le na au mai ia te
outou nai le nuu o Aikupito, ina ia

le fai outou mo latou pologa; na
ou gauia o a outou amo, ma ua
faasavavali sasa'o ai outou.

A e afai tou te le faalogo mai ia 14
te au, ma outou le faia ia poloaiga
uma; afai foi tou te lafoai i a'u 15
tulafono, ma outou 'ino'ino i a'u
faamasinoga, a outou le faia foi a'u
poloaiga uma, a e tuumavaega outou
i la'u feagaiga; ona ou faia lea e 16
a'u o nei mea ia te outou; ou te
tuuina atu ia te outou le fefe, o le
ma'i faaiiva, ma le ma'i vevela e
fole ai mata, ma faavaivai ai loto;
tou te lulufuaina a outou saito, auā
e 'aina e i latou o e fai outou mo
latou fili. Ou te faia outou mo'u 17
fili, e fasia foi outou i luma o e ita
ia te outou; e pule foi ia te outou
e o 'ino'ino ia te outou; e sosola
foi outou a o le tuliloina e se tasi.
Afai foi tou te le āu faalogo mai ia 18
te au ona o ia mea, ona ou faa-
poopo faafitu ai lea ona aoi atu ia
te outou ona o a outou agasala.
Ou te nutipalaina lo outou malosi 19
ua outou mitamita ai; ou te liliu
ai lo outou lagi e pei o le uamea,
ma lo outou laueleele e pei o le
'apa memea. E faamaumau fua 20
foi lo outou malosi; auā e le fua
mai ni ona fua i lo outou laueleele,
o laau foi i lo outou fanua e le fua
mai ai ni o latou fua. Afai foi tou 21
te tetee mai ia te au, ma outou le
faalogo mai lava ia te au, ona ou
faaopoopo faafitu ai lea o mala ia
te outou e tusa ma a outou agasala.
Ou te aaiina atu foi o manu feai ia 22
te outou, e āufanua ai outou, ma
faaumatia a outou manu, ma faa-
toaitiiti ia te outou; e gaogao foi o
outou ala. Afai foi e le mafai ona 23
aaiina outou e a'u i mea ia, a e
tetee mai outou ia te au; ona ou 24
tetee atu ai lea ia te outou, ma ou
aoai faafituina atu ia te outou ona
o a outou agasala. Ou te faaoi foi 25
le pelu ia te outou, e tau'i atu ai lo
outou tuumavaega i le feagaiga; a
faapotopotoina outou i a outou aai,
ou te au atu ai le faama'i ia te outou
e tuuina atu foi outou i lima o e fai
outou mo latou fili. A uma ona ou 26
gauia le tootoo o a outou mea e 'ai,
ona tao ai lea e fafine e toasefulu a
outou mea e 'ai i le ogaumu e tasi,

- latou te toe avatu foi a outou mea e 'ai ua uma ona fuatia, tou te aai foi, a e le maona ai.
- 27 A e afai tou te le faalogo mai lava ia te au ona o ia mea, a e tetea mai
- 28 pea ia te au; ona ou tetea atu ai lea ia te outou ma le ita; o a'u lava ou te aoai faafitu ia te outou ona o a
- 29 outou agasala. Tou te aai foi i tino o outou atalii, ma tino o outou afa-
- 30 fine tou te aai ai. Ou te faaumatia a outou mea mauululuga, ma vavae i lalo a outou tupua o le la, ma au lafo o outou tino ua oti i luga o tino o a outou tupua, e inosia foi outou
- 31 e a'u. Ou te faatafunaina foi a outou aai, ma faatafunaina o outou malumalu, e le oo mai foi ia te au le manogi o a outou mea manogi
- 32 lelei. Ou te faatafunaina le nuu; e taufaiifo o e nonofo ai e o fai outou mo latou fili. Ou te faataapeape foi ia te outou i nuu ese, ou te to ae le pelu e mulimuli atu ia te outou; e faagaogao lo outou fanua, e faata-
- 34 funaina foi a outou aai. Ona faaatoatoaina lea o sapati o le laueleele i aso uma e gaogao ai, a o i ai outou i le nuu o e fai outou mo latou fili; o ona po ia e mapu ai le laueleele,
- 35 ma faaatoatoa ai ona sapati. O aso uma e gaogao ai e mapu ai ia; auā na le mapu i o outou sapati ina ua
- 36 outou nonofo ai. O e ua totee foi ou té faaoo ai le vaivai i o latou loto i nuu o e fai i latou mo latou fili; e tulia i latou i le gasē o le lau mea e lelea; latou te sosola ai e pei ona sosola tagata ai le pelu; latou te pauu foi a o lei tuliloaina e se tasi.
- 37 E pauu foi i latou le tasi i luga o le tasi, e peiseai o i luma o le pelu a o lei tuliloaina e se tasi; e leai foi so outou malosia e tetea atu ai i e o fai
- 38 outou mo latou fili. E fano foi outou i nuu ese, e 'aina foi outou e le laueleele o e fai outou mo latou
- 39 fili. O e totee ia te outou e faaumatia ai i latou ona o a latou amio leaga i nuu o e fai outou mo latou fili; ona o le amio leaga foi a o latou tamā e faaumatia ai i latou.
- 40 Afai latou te faaali ai i a latou amio leaga, ma amio leaga a o latou tamā atoa ma lo latou solitulafono ua latou soli ai la'u tulafono, ma latou
- 41 tetea mai ia te au; ma ou tetea atu ia i latou, ua avea foi i latou e a'u i le nuu o e fai i latou mo latou fili, pe afai e iu ina faamaulalo ai o latou loto e le peritomeina, ma ua latou faaatoatoaina *le totogi* o a latou amio leaga; ona ou manatua ai lea 42 o la'u feagaiga ma lakopo, ma la'u feagaiga ma Isaako, atoa foi ma la'u feagaiga ma Aperamo ou te manatua ai, ou te manatua ai foi le nuu.
- E tuua le laueleele e i latou, e 43 faaatoatoa ai foi ona sapati, ina o tuufua e le o i ai i latou; ma ua latou faaatoatoaina *le totogi* o a latou amio leaga; ona o leni lava mea ina ua latou lafoai a'u faamasinoga, auā foi na latou 'ino'ino i a'u tulafono. A e ui lava i nei mea, 44 a o i ai i latou i le nuu o e fai i latou mo latou fili, ou te le lafoai ia i latou, ou te le 'ino'ino foi ia i latou, ia matuā faaumatia, ma tatalaina ai la'u feagaiga ma i latou; auā o a'u o Ieova lo latou Atua. A 45 e peitai ona o i latou ou te manatua ai le feagaiga ma o latou tamā, na ou aumaia nai le nuu o Aikupito i luma o nuu ese ina ia fai a'u mo latou Atua; o a'u o Ieova.
- O sauniga ma faamasinoga ma 46 tulafono ia, na tuuina ai e Ieova i lo latou va ma le fanauga a Isaraelu i le mauga o Sinai i le lima o Mose.
- O tautoga ma mea ua faasaina.*
- UA fetalai mai foi Ieova ia Mose, 27 ua faapea mai, Fai atu ia i le fanauga a Isaraelu, ia faapea atu ia i latou, Ai se tagata na te faasaina *se tasi* i le tauto; ona fai lea o tagata mo Ieova e tusa ma lau faatatau. E 3 faia foi lau faatatau i le tane e afua i le luafulu o ona tausaga, e oo lava i ona tausaga e onogafulu, e te faatatau i sekeli ario e limagafulu, e tusa ma le sekeli o le malumalu. A 4 e afai o se fafine, ona e faatatau ai lea i sekeli e toluafulu. A e afai o se tagata e amata i le lima ona tausaga e oo lava i ona tausaga e luafulu, ona e faatatau ai lea i le tama tane o sekeli e luafulu, o le tama fafine o sekeli e tasi le sefulu. Afai 6 e amata i lona masina e tasi e oo i ona tausaga e lima, ona e faatatau ai lea i le tama o sekeli ario e lima

- ia e faatatau i le teine o sekeli ario 19
 7 e tolu. Afai foi o se tagata e onogafulu ona tausaga, atoa ma e ua matutua ai; afai o se tane, ona e faatatau ai lea o sekeli e tasi le sefulu ma le lima, a o le fafine e 20
 8 tasi le sefulu o sekeli. A e afai e le o ia te ia mea na e faatatau i ai, ona alu ane ai lea o ia i luma o le faitaulaga, e faatatauina foi e le faitaulaga i le na tauto e tusa ma mea na te maua, e faapea lava ona faatatau e le faitaulaga ia te ia.
- 9 A e afai o se manu latou te fai a'i taulaga ia Ieova, o mea faapea uma e faaiina atu ai ia Ieova, e paia 21
 10 lava ia. Aua na te avatua se tasi e sui a'i, o le lelei e sui a'i le leaga, po o le leaga e sui a'i le lelei; afai foi na te suia lava le manu i se tasi manu, ona paia ai lea atoa ma lona 22
 11 sui. Afai foi o se manu leaga latou te le fai a'i taulaga ia Ieova; ona tuuina atu ai lea e ia o le manu i 23
 12 luma o le faitaulaga. Ona faatautauina lea e le faitaulaga pe lelei pe leaga; e tusa ma lau faatatau, o oe na le faitaulaga, e faapea 24
 13 lava ia. A e afai ua fia toe faatau mai ai e ia, ona faapoopoina ai lea e ia o lona vaega e lima i lau faatatau.
- 14 Afai foi ua faasaina e se tagata lona fale ina ia paia ia Ieova, ona faatatau ai lea e le faitaulaga, pe lelei pe leaga; e tusa mona faatautauina e le faitaulaga, e faapea lava 25
 15 ia. A e afai ua fia toe faatau mai lona fale e le na faasaina ai, ona faapoopoina ai lea e ia o le vaega e lima o tupe i lau faatatau, ona fai ai lea mona.
- 16 Afai foi e faasaina ia Ieova e se tagata se fasi fanua o lona lava fanua, ona e faatatau ai lea e tusa ma ona fua e luluina ai; o le faatatau o le fanua e luluina ai o le somera o karite, o sekeli ario e 26
 17 limagafulu ia. Afai foi na te faasaina lona fanua e afua i le tausaga o le iupeli, e tusa ma lau faatatau, e faapea lava ia. A e afai na te faasaina lona fanua a ua mavae le iupeli, ona faitau ai lea e le faitaulaga o tupe e tusa ma tausaga o totoo, ina seia oo lava i le tausaga o le iupeli, e vavae ese ia ai lau faatatau. A fia toe faatau mai le fanua 19
 e le tagata na na faasaina ai, ona faapoopoina ai lea e ia o le vaega e lima o tupe o lau faatatau, ona faamauiina ai lea ia te ia. Afai foi 20
 ua le fia toe faatau mai le fanua, po ua faatauina le fanua i se tasi tagata, ona le toe faatauina mai ai lava lea. A e peitai a oo ina tuuina 21
 atu le fanua i le iupeli, ona paia lea ia Ieova, e tusa ma se fanua ua faatoina; e fai lava lea mo le faitaulaga. Afai foi e faasaina ia 22
 Ieova e se tasi se fanua ua na faatauina, a e le o lona lava fanua; ona faitau atu ai lea e le faitaulaga 23
 ia te ia le faatusa o lau faatatau, e oo lava i le tausaga o le iupeli; na te avatua foi o lau faatatau i lea lava aso, o le mea paia lava lea ia Ieova. A oo i le tausaga o le iupeli, 24
 ona toe iu atu ai lea o le fanua ia te ia na faatau mai ai, o ia lava lea na fai ai le fanua mona. O au faatatau 25
 uma foi ia tusa ia ma le sekeli o le malumalu; e luafulu o kire o le sekeli lea.
- A o ulumatua a manu e a Ieova a 26
 latou ulumatua, e le faasaina ai lea e se tasi; po o se povi, po o se mamoe; o mea lava ia a Ieova. A 27
 e afai o se manu leaga, ona toe faatau mai ai lea e ia e tusa ma lau faatatau, ma ia faapoopo i ai lona vaega e lima; a e afai 28
 ua le toe faatauina mai e ia, ona faatauina atu ai lea e tusa ma lau faatatau.
- Peitai ane o mea uma e faatoina, 28
 ua faatoina e se tasi ia Ieova, o se mea foi o ana mea uma, o se tagata, po o se manu, po o lona lava fanua, e le faatauina atu ai, pe toe faatauina mai; o mea ua faatoina uma e matuā paia lava ia ia Ieova. E 29
 leai lava se mea ua faatoina, e faatoina e tagata e toe faatauina mai; a e fasia lava.
- O mea uma foi e sefulu a'i mea i 30
 le fanua, o saito e luluina i le fanua, po o fua o laau, o mea ia a Ieova; ua paia lava ia Ieova. A fia toe 31
 faatau mai e se tagata mea e sefulu a'i ana mea, na te faapoopo i ai lona vaega e lima; i le ma le sefulu 32
 o manu uma, o povi, atoa ma mamoe, o mea uma lava e ui ane i

lalo o le tootoo, e paia lava ia Ieova
33 lona sefulu. Aua ne'i susesue e ia.
po ua lelei, po ua leaga, aua foi ne'i
fesuiaina; afai foi ua suia lava e ia
i se tasi manu, ona paia ai lea o

lena, atoa ma lona sui; e le toe
faatauina mai.

O poloaiga ia na fetalai mai ai 34
Ieova ia Mose mo le fanauga a
Isaraelu i le mauga o Sinai.

O LE NUMERA.

O LE

TUSI E FA A MOSE.

O le faitau aofai o 'au a Isaraelu.

- 1 UA fetalai mai Ieova ia Mose i le
vao o Sinai, i le fale fetafai o le
faapotopotoga, i le uluai *aso* o le
masina e lua i le tausaga e lua talu
ona latou o mai nai le nuu o Aiku-
2 pito, ua faapea mai, Faitau mai ia
le aofai o le faapotopotoga uma o le
fanauga a Isaraelu, o latou itu aiga,
o aiga o latou tamā, o le aofai o
3 igoa, o tane uma taitoatasi; e afua
mai i e ua luafulu o latou tausaga
atoa ma e ua matutua ai, atoa uma
o Isaraelu e mafai ona o i le taua;
o oe ma Arona lua, te faitaulia i
4 latou i a latou 'au. E ia te oulua
foi *nī tagata*, e taitasi itu aiga ma
lona tagata; o matai i latou o aiga
o latou tamā.
5 O igoa foi nei o tagata e faatasi
ma oulua; o Elisura o le atalii o
6 Seturo, o lo sa Reupenā ia. O
Selumielu o le atalii o Surisafai, o lo
7 sa Simeonā ia. O Naasona o le
atalii o Aminatapu, o lo sa Iutā ia.
8 O Natanielu o le atalii o Suaro, o lo
9 sa Isakarā ia. O Eliapo o le atalii
10 o Holona, o lo sa Sepulonā ia. O le
fanauga a Iosefa; o Elisama o le
atalii o Ameuta, o lo sa Efaraimā ia;
o Kamalielu o le atalii o Petasura,
11 o lo sa Manasē ia. O Apitano o le
atalii o Kitione, o lo sa Peniaminā
12 ia. O Aisera o le atalii o Amisatai,
13 o lo sa Tanū ia. O Pagieli o le
atalii o Okirano, o lo sa Aserā ia.
14 O Eliasafu o le atalii o Tuelu, o lo
15 sa Katō ia. O Akira o le atalii o

Enano, o lo sa Nafatali ia. O i 16
latou ia sa ta'ua i le faapotopotoga,
o alii sili o itu aiga o latou tamā, o
matai ia o afe o Isaraelu.

Ona ave ai lea e Mose ma Arona 17
ia tagata ua ta'ua o latou igoa, ma 18
latou faapotopotoina faatasi le faa-
potopotoga uma lava i le uluai *aso* o
le masina e lua, ona latou talata-
laina atu ai lea o latou tupuga i o
latou itu aiga, i aiga o latou tamā, o
le aofai o igoa taitoatasi, e afua mai
i e ua luafulu o latou tausaga atoa
ma e ua matutua ai. E pei ona 19
poloi mai o Ieova ia Mose, e faapea
ona faitaulia e ia o i latou i le vao o
Sinai.

O le fanauga a Reupena o le ulu- 20
matua a Isaraelu, o latou gafa i o
latou itu aiga i aiga o latou tamā, o
le aofai o igoa, o tane uma lava e
taitoatasi, e afua mai i e ua luafulu
o latou tausaga atoa ma e ua matu-
tua ai, o i latou uma lava e mafai
ona o i le taua; o i latou na faitaulia 21
i le itu aiga o Reupena, e fa sefulu o
afe ma afe e ono ma le lima o selau.

O le fanauga a Simeona, o latou 22
gafa i o latou itu aiga i aiga o latou
tamā, o i latou na faitaulia, o le
aofai o igoa o tane uma lava e tai-
toatasi, e afua mai i e ua luafulu o
latou tausaga atoa ma e ua matutua
ai, o i latou uma lava e mafai ona o
i le taua; o i latou na faitaulia i le 23
itu aiga o Simeona, e lima sefulu o
afe ma afe e iva ma le tolu o selau.

O le fanauga a Kato, o latou gafa 24
i o latou itu aiga i aiga o latou

- tamā, o le aofai o igoa, e afua mai i e ua luafulu o latou tausaga atoa ma e ua matutua ai, o i latou uma
- 25 lava e mafai ona ō i le taua; o i latou na faitaulia i le itu aiga o Kato, e fa sefulu o afe ma afe e lima ma le ono o selau ma le lima o sefulu.
- 26 O le fanauga a Iuta, o latou gafa i o latou itu aiga i aiga o latou tamā, o le aofai o igoa, e afua mai i e ua luafulu o latou tausaga atoa ma e ua matutua ai, o i latou uma lava e
- 27 mafai ona ō i le taua; o i latou na faitaulia i le itu aiga o Iuta, e fitu sefulu o afe ma afe e fa ma le ono o selau.
- 28 O le fanauga a Isakara, o latou gafa i o latou itu aiga i aiga o latou tamā, o le aofai o igoa, e afua mai i e ua luafulu o latou tausaga atoa ma e ua matutua ai, o i latou uma lava e
- 29 e mafai ona ō i le taua; o i latou na faitaulia i le itu aiga o Isakara, e lima sefulu o afe ma afe e fa ma le fa o selau.
- 30 O le fanauga a Sepulona, o latou gafa i o latou itu aiga i aiga o latou tamā, o le aofai o igoa, e afua mai i e ua luafulu o latou tausaga atoa ma e ua matutua ai, o i latou uma lava e
- 31 e mafai ona ō i le taua; o i latou na faitaulia i le itu aiga o Sepulona, e lima sefulu o afe ma afe e fitu ma le fa o selau.
- 32 O le fanauga a Iosefa; o le fanauga a Efaraima, o latou gafa i o latou itu aiga i aiga o latou tamā, o le aofai o igoa, e afua mai i e ua luafulu o latou tausaga atoa ma e ua matutua ai, o i latou uma lava e
- 33 mafai ona ō i le taua; o i latou na faitaulia i le itu aiga o Efaraima, e fa sefulu o afe ma le lima o selau.
- 34 O le fanauga a Manase, o latou gafa i o latou itu aiga i aiga o latou tamā, o le aofai o igoa, e afua mai i e ua luafulu o latou tausaga atoa ma e ua matutua ai, o i latou uma
- 35 lava e mafai ona ō i le taua; o i latou na faitaulia i le itu aiga o Manase, e tolu sefulu o afe ma afe e lua ma le lua o selau.
- 36 O le fanauga a Peniamina, o latou gafa i o latou itu aiga i aiga o latou tamā, o le aofai o igoa, e afua mai i e ua luafulu o latou tausaga atoa
- ma e ua matutua ai, o i latou uma lava e mafai ona ō i le taua; o i 37 latou na faitaulia i le itu aiga o Peniamina, e tolu sefulu o afe ma afe e lima ma le fa o selau.
- O le fanauga a Tanu, o latou gafa 38 i o latou itu aiga i aiga o latou tamā, o le aofai o igoa, e afua mai i e ua luafulu o latou tausaga atoa ma e ua matutua ai, o i latou uma lava e mafai ona ō i le taua; o i latou na 39 faitaulia i le itu aiga o Tanu, e ono sefulu o afe ma afe e lua ma le fitu o selau.
- O le fanauga a Asera, o latou 40 gafa i o latou itu aiga i aiga o latou tamā, o le aofai o igoa, e afua mai i e ua luafulu o latou tausaga atoa ma e ua matutua ai, o i latou uma lava e mafai ona ō i le taua; o i 41 latou na faitaulia i le itu aiga o Asera e fa sefulu o afe ma le afe e tasi ma le lima o selau.
- O le fanauga a Nafatali, o latou 42 gafa i o latou itu aiga i aiga o latou tamā, o le aofai o igoa, e afua mai i e ua luafulu o latou tausaga atoa ma e ua matutua ai, o i latou uma lava e mafai ona ō i le taua; o i 43 latou na faitaulia i le itu aiga o Nafatali, e lima sefulu o afe ma afe e tolu ma le fa o selau.
- O i latou lava ia na faitaulia, na 44 faitaulia e Mōse ma Arona ma a'i sili o Israelu, o alii e toasefulu ma le toalua; e taitasi mo le aiga o ona tamā. O i latou uma o le fanauga a 45 Israelu e na faitaulia, i aiga o latou tamā, e afua mai i e ua luafulu o latou tausaga atoa ma e ua matutua ai, o i latou uma o Israelu e mafai ona ō i le taua; o i latou uma lava 46 na faitaulia, e ono selau o afe ma afe e tolu ma le lima o selau ma le lima o sefulu.
- A o sa Levī i le itu aiga o latou 47 tamā e lei faitaulia faatasi ma i latou. Auā na fetalai mai Ieova ia 48 Mose, ua faapea mai, Tau lava o le itu aiga o Levī aua e te faitaulia, aua foi e te faitau aofai i latou faa- 49 tasi ma le fanauga a Israelu; a ia e tofia sa Levī e pule i le malumalu ua i ai le tulafono, ma ona ipu uma, 50 ma ana mea uma; latou te tauave le malumalu ma ona ipu uma; ma latou auauna i ai; latou te to lauapi

51 foi faataaliolio i le malumalu. Pe a
ave le malumalu, e talaina lava e sa
Levi; pe a to foi le malumalu, e
faatuina lava e sa Levi; a o le
tagata ese e faalatalata i ai e fasiotia
52 lava ia. E to lauapi le fanauga a
Israelu, o le tagata ma le toagā-
lauapi o lona itu aiga, o le tagata
foi i le mea e i ai lo latou tagavai, i
53 a latou 'au. A o sa Levi, latou te
to lauapi faataaliolio i le malumalu
ua i ai le tulafono, ina ne'i oo le
toasa i le faapotopotoga o le fanauga
a Israelu; e tausi foi e sa Levi
sauniga o le malumalu ua i ai le
54 tulafono. Ua faia lava e le fanauga
a Israelu e tusa ma mea uma na
poloai mai ai Ieova ia Mose, ua
faapea lava ona latou faia.

O tofiga o toagālauapi a Israelu.

2 UA fetalai mai foi Ieova ia Mose
2 ma Arona, ua faapea mai, E to lau-
api le fanauga a Israelu o le tagata
i le mea e i ai lona tagavai ma
le faailoga o le aiga o lona tamā;
latou te to lauapi faafesaga'i e
faataaliolio i le fale fetafai o le
faapotopotoga.
3 O le itu i sasae, o le mea e alu ae
ai le la, e to lauapi ai i latou o i ai
le tagavai o le toagālauapi a Iuta i
a latou 'au; o le alii sili o le fanauga
a Iuta, o Naasona lea o le atalii
4 o Aminatapu. O ana 'au foi, o i
latou na faitaulia, e fitu sefulu o afe
5 ma afe e fa ma le ono o selau. O
le toagālauapi latou te tuaoi ma ia,
o le itu aiga o Isakara lea; o le
alii sili foi o le fanauga a Isakara,
o Natanielu lea o le atalii o Suaro.
6 O ana 'au foi, o i latou lava na fai-
taulia, e lima sefulu o afe ma afe e
7 fa ma le fa o selau. *Ona oo lea* i le
itu aiga o Sepulona; o le alii sili foi
o le fanauga a Sepulona, o Eliapo
8 lea o le atalii o Holona. O ana 'au
foi, o i latou na faitaulia, e lima
sefulu o afe ma afe e fitu ma le fa
9 o selau. O i latou uma lava na
faitaulia i le toagālauapi a Iuta e
selau o afe ma afe e valu sefulu ma
afe e ono ma le fa o selau, i a latou
'au; o le muā malaga i latou.
10 O i le itu i toga le tagavai o le
toagālauapi a Reupena i a latou 'au;
o le alii sili foi o le fanauga a Reu-

pena, o Elisura lea o le atalii o
Seturo. O ana 'au foi, o i latou na 11
faitaulia, e fa sefulu o afe ma afe e
ono ma le lima o selau. O le toa- 12
gālauapi latou te tuaoi ma ia, o le
itu aiga o Simeona lea; o le alii
sili o le fanauga a Simeona, o Selu-
mielu lea o le atalii o Surisatai. O 13
ana 'au foi, o i latou na faitaulia, e
lima sefulu o afe ma afe e iva ma
le tolu o selau. *Ona oo lea* i le itu 14
aiga o Kato; o le alii sili o le fanauga
a Kato, o Eliasafu lea o le
atalii o Ruelu. O ana 'au foi, o i 15
latou na faitaulia, e fa sefulu o afe
ma afe e lima ma le ono o selau ma
le lima o sefulu. O i latou uma 16
lava na faitaulia i le toagālauapi a
Reupena e selau o afe ma afe e lima
sefulu ma le afe e tasi ma le fa o
selau ma le lima o sefulu, i a latou
'au; e aupito ane i latou ona ō i e
ua muamua.

O le totonugalemu foi o isi to- 17
agālauapi e o ai le toagālauapi a sa
Levi ma le fale fetafai o le faapo-
topotoga; e pei ona latou to lauapi
e faapea foi ona latou o, o le tagata
i le mea ua tofia i ai ma le mea e i
ai o latou tagavai.

O i le itu i sisifo le tagavai o le 18
toagālauapi a Efaraima i a latou
'au; o le alii sili foi o le fanauga a
Efaraima, o Elisama lea o le atalii
o Ameuta. O ana 'au foi, o i latou 19
na faitaulia, e fa sefulu o afe ma le
lima o selau. E tuaoi foi ma ia le
itu aiga o Manase; o le alii sili foi
o le fanauga a Manase, o Kamalie-
lu lea o le atalii o Petasura. O ana 21
'au foi, o i latou na faitaulia, e tolu
sefulu o afe ma afe e lua ma le lua
o selau. *Ona oo lea* i le itu aiga o 22
Peniamina; o le alii sili foi o le
fanauga a Peniamina, o Apitano lea
o le atalii o Kitione. O ana 'au foi, 23
o i latou na faitaulia, e tolu sefulu
o afe ma afe e lima ma le fa o selau.
O i latou uma lava na faitaulia i le 24
toagālauapi a Efaraima e selau o
afe ma afe e valu ma le tasi o le
selau, i a latou 'au; o lona tolu o
vaega i latou pe a o.

O i le itu i matu le tagavai o le 25
toagālauapi a Tanu i a latou 'au; o
le alii sili foi o le fanauga a Tanu,
o Aisera lea e le atalii o Amisatai.

26 O ana 'au foi, o i latou na faitaulia, e ono sefulu o afe ma afe e lua ma
 27 le fitu o selau. O le toagālauapi foi latou te tuaoi ma ia, o le itu aiga o Asera lea; o le alii sili foi o le fanauga a Asera, o Pagieli lea o
 28 le atalii o Okirano. O ana 'au foi, o i latou na faitaulia, e fa sefulu o afe ma le afe e tasi ma le lima o
 29 selau. Ona oo lea i le itu aiga o Nafatali; o le alii sili foi o le fanauga a Nafatali, o Akira lea o le atalii o Enano. O ana 'au foi, o i latou na faitaulia, e lima sefulu o afe ma afe e tolu ma le fa o selau.
 31 O i latou uma lava na faitaulia i le toagālauapi a Tanu e selau o afe ma afe e lima sefulu ma afe e fitu ma le ono o selau; o le muli malaga i latou pe a o, e faatatau i o latou tagavai.

32 O i latou lava ia na faitaulia o le fanauga a Isaraelu, i aiga o latou tamā; o i latou uma lava na faitaulia i o latou toagālauapi, i a latou 'au, e ono selau o afe ma afe e tolu ma le lima o selau ma le
 33 lima o sefulu. A o sa Levi e lei faitaulia i latou faatasi ma le fanauga a Isaraelu, e pei ona poloai mai ai o Ieova ia Mose. Ua faia lava e le fanauga a Isaraelu e tusa ma mea uma na poloai mai ai Ieova ia Mose; e faapea ona latou to lauapi, i o latou tagavai, e faapea foi ona latou o, o le tagata ma lona lava aiga, i le aiga lava o lona tamā.

O le galuēga e fai e sa Levī, ma le faitau aofai o lo latou itu aiga.

3 O GAFA nei o Arona ma Mose i le aso na fetalai mai ai Ieova ia
 2 Mose i le mauga o Sinai. O igoa foi nei o atalii o Arona; o Natapu o le ulumatua ia, ma Aviu, o Eleasaro, ma Itamaro. O igoa ia o atalii o Arona, o faitaulaga na faauina, e na tofia e ia e fai le faiva o
 4 ositaulaga. A ua oti Natapu ma Aviu i luma o Ieova ina o la faalatalata ma le afi ese i luma o Ieova i le vao o Sinai, ua lei foi ni a la fanau; ona fai ai lea o le faiva o ositaulaga e Eleasaro ma Itamaro i luma o lo la tamā o Arona.

5 Ua fetalai mai foi Ieova ia Mose,
 6 ua faapea mai, Ia e faalatalata mai

le itu aiga o Levi, ma tuuina atu i latou i luma o Arona le ositaulaga, ina ia latou auauna ia te ia. Latou
 7 te tausi i ana mea e tausia ma mea e tausia e le faapotopo oga uma lava i luma o le fale fetafai o le faapotopotoga, e auauna ai i le galuēga o le malumalu. Latou te tausia
 8 foi mea uma o i le fale fetafai o le faapotopotoga, ma mea e tausia e le fanauga a Isaraelu, e auauna ai i le galuēga o le malumalu. E te
 9 avatua sa Levī ia Arona ma ona atalii; ua matuā avatua lava i latou ia te ia ai le fanauga a Isaraelu. E te tofia foi Arona ma ona atalii,
 10 latou te tausia lo latou faiva o ositaulaga; o le tagata ese foi e faalatalata i ai e fasiotia o ia.

Ua fetalai mai foi Ieova ia Mose,
 11 ua faapea mai, O 'a'u foi, faauta, ua
 12 ou avefa sa Levī ai le fanauga a Isaraelu e fai ma sui o ulumatua uma lāva, o e muai fanauina i le fanauga a Isaraelu; e fai foi mo'u
 13 o sa Levī; auā o ulumatua uma lava mo 'a'u lava i latou; o le aso na ou fasi ai ulumatua uma i le nuu o Aikupito na ou faasaina ai mo 'a'u o ulumatua uma lava a Isaraelu, o tagata atoa foi ma manu; mo 'a'u lava i latou; o 'a'u o Ieova.

Ua fetalai mai foi Ieova ia Mose
 14 i le vao o Sinai, ua faapea mai, Ia e
 15 faitauina le fanauga a Levi i aiga o latou tamā, i o latou aiga; o tane uma lava, ia e faitauina i latou e afua mai i e ua tasi lo latou masina atoa ma e ua matutua ai. Ona
 16 faitau ai lea e Mose ia te i latou, e tusa ma le afioga a Ieova, e pei ona poloaiina mai ai o ia. O atalii ia o
 17 Levi; o latou igoa, o Keresoma, ma Koato, ma Merari. O igoa nei o
 18 atalii o Keresoma i o la aiga; o Lepeni ma Semi. O atalii foi o
 19 Koato i o latou aiga; o Amaramo, ma Isara, o Heperona, ma Usialu. O atalii foi o Merari i o la aiga; o
 20 Maali ma Muse. O aiga ia o sa Levī i aiga o latou tamā.

Na tutupu mai ia Keresoma, o le
 21 aiga o sa Lepenī ma le aiga o sa Semī; o aiga ia o sa Keresomā. O
 22 i latou na faitaulia, o le aofai o tane uma, e afua mai i e ua tasi lo latou masina atoa ma e ua matutua ai, o

i latou lava na faitaulia, e fitu o afe
 23 ma le lima o selau. E to lauapi
 aiga o sa Keresomā i tua o le malu-
 24 malu i le itu i sisifo. O le alii sili
 foi o le aiga o le tamā o sa Kere-
 somā, o Eliafa o lea o le atalii o
 25 Laeli. O mea foi nei e tausia e l-
 fanauga ā Keresoma i le fale fetafai
 o le faapotopotoga, o le malumalu,
 ma le fale fetafai, ma lona ufiufi,
 ma le puipui tautau o le faitotoa o
 26 le fale fetafai o le faapotopotoga, o
 ie puipui foi o le lotoā, ma le puipui
 tautau o le faitotoa o le lotoā, o le
 ua felatai ma le malumalu e felatai
 foi ma le fata faitaulaga e faataa-
 lioliō ai, ma ona maea e fai a'i ona
 sauniga uma.
 27 Na *tutupu* mai ia Koato o le aiga
 o sa Amaramō, ma le aiga o sa
 Isarā, ma le aiga o sa Heperonā,
 ma le aiga o sa Usialū; o aiga ia o
 28 sa Koatō. O le aofai foi o tane
 uma lava, e afua mai i e ua tasi lo
 latou masina atoa ma e ua matutua
 ai, e valu o afe ma le ono o selau, o
 loo tausī i le tausiga o le mea paia.
 29 E to lauapi aiga o le fanauga a
 Koato i le itu i toga o le malumalu.
 30 O le alii sili o le aiga o le tamā o
 aiga o sa Koatō, o Elisafano lea o le
 31 atalii o Usialū. O mea foi latou te
 tausia, o le atolaau, ma le laoi, ma
 le tuugālamēpa, ma fata faitaulaga,
 ma mea o i le mea paia latou te
 auuuna a'i, ma le puipui tautau ma
 32 mea uma e fai a'i ona sauniga. O
 Eleasaro le atalii o Arona le faitau-
 laga e fai o ia ma alii sili i alii sili o
 sa Levī, na te pule i e ua tausī le
 tausiga o le mea paia.
 33 Na *tutupu* mai ia Merari o le aiga
 o sa Maali ma le aiga o sa Musē; o
 34 aiga ia o sa Merari. O i latou foi
 na faitaulia, o le aofai o tane uma
 lava, e afua mai i e ua tasi lo latou
 masina atoa ma e ua matutua ai, e
 35 ono o afe ma le lua o selau. O le
 alii sili o le aiga o le tamā o aiga o
 sa Merari, o Surielu lea o le atalii o
 Aviaia; e to lauapi i latou i le itu
 36 i matu o le malumalu. O le tofi o
 le fanauga a Merari latou te tausia
 laupapa o le malumalu, ma ona
 faalava, ma ona pou, ma ona lago,
 ma ara mea uma, ma mea uma e
 37 *fai a'i* ona sauniga. O pou foi o le

lotoā e faataalioliō ai, ma o latou
 lago, ma o latou faamau, ma o latou
 maea.

A o e to lauapi i luma o le malu- 38
 malu i le itu i sasae, i luma lava o
 le fale fetafai o le faapotopotoga i
 le itu i sasae, o Mose lea, ma Arona,
 ma ona atalii, e tausī le tausiga o le
 malumalu ona o mea e tausī e le
 fanauga a Isaraelu; a o le tagata
 ese e faalatalata i ai e fasiotia lava
 ia. O sa Levī atoa uma e na fai- 39
 taulia, o i latou na faitaulia e Mose
 ma Arona e tusa ma le afoga a
 Ieova, i o latou aiga, o tane uma
 lava, e afua mai i e ua tasi lo latou
 masina atoa ma e ua matutua ai, e
 lua sefulu o afe ma afe e lua.

Ua fetalai mai foi Ieova ia Mose, 40
 Ina faitau mai ia o tane ulumatua
 uma lava o le fanauga a Isaraelu, e
 afua mai i e ua tasi lo latou masina
 atoa ma e ua matutua ai, ma e fai-
 tauina o latou igoa. Ia e au mai 41
 foi sa Levī e fai mo a'u, (o a'u o
 Ieova) e sui a'i ulumatua uma lava
 o le fanauga a Isaraelu, o manu foi
 o sa Levī e sui a'i ulumatua uma
 lava o manu a le fanauga a Isaraelu.
 Ona faitau mai ai lea e Mose, e pei 42
 ona poloai mai ai o Ieova ia te ia, o
 ulumatua uma lava o le fanauga a
 Isaraelu. O tane ulumatua uma 43
 lava, o le aofai o *latou* igoa, e afua
 mai i e ua tasi lo latou masina atoa
 ma e ua matutua ai, o i latou lava
 na faitaulia, e lua sefulu o afe ma
 afe e lua ma le lua o selau ma le
 fitu o sefulu ma le tolu.

Ua fetalai mai foi Ieova ia Mose, 44
 ua faapea mai, Ina au mai ia o sa 45
 Levī e sui a'i ulumatua uma o le
 fanauga a Isaraelu, o manu foi o sa
 Levī e sui a'i a latou manu; e fai
 foi sa Levī mo a'u; o a'u lava o
 Ieova. A o i latou o le faatauina 46
 e lua o selau ma le fitu o sefulu ma
 le tolu o ulumatua o le fanauga a
 Isaraelu o e ua sili ona toatele i sa
 Levī; e te talia mai ai e tailima 47
 latou sekeli, o le sekeli lea a le
 malumalu e te talia mai ai; e lua-
 fulu o kire o le sekeli lea. O tupe 48
 foi e faatauina a'i i latou ua sili i le
 faitau, e te foaiina atu ai ia Arona
 ma ona atalii. Ona talia mai ai lea 49
 e Mose o tupe o le tau o e na totee

50 na sili i e na suia e sa Levī. Ua
 talia mai e ia tupe mai ulumatua o
 le fanauga a Isaraelu; o sekeli e
 tasi le afe ma le tolu o selau ma le
 ono o sefulu ma le lima; o le sekeli
 51 lea a le malumalu. Ua avane foi e
 Mose o tupe o e na faatauina ia
 Arona ma ona Atalii, e tusa ma le
 afioga a Ieova, e pei ona poloai mai
 ai o Ieova ia Mose.

O galuega e fai e sa Levī.

4 UA fetalai mai foi Ieova ia Mose
 2 ma Arona, ua faapea mai, Ia oulua
 faitauaofaiina le fanauga a Koato
 mai le fanauga a Levī, i o latou
 3 aiga, i aiga o latou tamā, e afua mai
 i e ua tolu sefulu o latou tausaga
 4 atoa ma e ua matutua ai, e oo i e
 ua lima sefulu o latou tausaga, atoa
 uma o e o atu e auauna e fai ai le
 galuega i le fale fetafai o le faa-
 4 potopotoga. O le galuega lenei a
 le fanauga a Koato i le fale fetafai
 o le faapotopotoga, i mea e sili ona
 5 paia. Auā pe a alu le toagālauapi,
 ona o ane ai lea o Arona ma ona
 atalii, ma ave ifo le ie puipui, ma
 latou ufiufi a'i le atolaau o le tula-
 6 fono. E tuu foi e i latou i ona
 luga le ufiufi pa'u takesa, ma folasia
 ai i ona luga le ie e uli uma lava,
 7 latou te sulu ai foi ona amo. Latou
 te folasia foi le ie uli i luga o le
 laocai o areto e laulauina i luma, ma
 latou faape e ona luga o tanoa sala-
 lafa, ma ipu, ma ipu e asu a'i, ma
 tanoa e sasaa a'i; e i ai foi i ona
 8 luga le areto tumau; latou te fofola
 foi i luga o ia mea le ie mūmū,
 latou te ufitia foi lea i le ufiufi pa'u
 takesa, ona latou sulu ai lea o ona
 9 amo. Latou te avane foi le ie uli,
 ma ufiufi a'i le tuugālamapa, ma
 ona lamapa, ma ona sel lamapa, ma
 ona tuugāmatapa'u o le afi, ma ona
 tuugāuu uma lava, latou te fai a'i
 10 ona sauniga; latou te tuu ai foi ma
 ana mea uma i totonu o le ufiufi
 pa'u takesa, ma tuu ai i luga o se
 11 amo. Latou te fofola foi le ie uli i
 luga o le fata auro e fai ai taulaga,
 ma ufitia lea mea i le ufiufi pa'u
 takesa, ona latou sulu ai lea o ona
 12 amo. Latou te ave foi mea uma
 lava e fai a'i le galuega latou te
 auauna a'i i le malumalu, ma tuu ai

i le ie uli, ma latou ufitia ai i le
 ufiufi pa'u takesa, ma tuu ai i luga
 o se amo. Latou te ave ese foi le 13
 lefulefu mai le fata faitaulaga, ma
 fofola i ona luga le ie pāuli; latou 14
 te tuu i ona luga ana mea uma ua
 latou fai a'i ona sauniga, o salefu,
 ma tui, ma suo, ma ipu; o mea uma
 o le fata faitaulaga; latou te folasia
 foi i ona luga le ufiufi pa'u takesa,
 ma sulu ai ona amo. Pe a uma foi 15
 ona ufiufitia e Arona ma ona atalii
 o le mea paia ma mea uma o i le
 mea paia, auā o le toagālauapi o le
 a alu, mulimuli ane ona ulu ane ai
 lea o le fanauga a Koato e ave ai;
 a e aua ne'i latou papai atu i se
 mea paia, ne'i latou oti. O avega
 ia a le fanauga a Koato i le fale
 fetafai o le faapotopotoga.

E ia Eleasaro le atalii o Arona le 16
 ositaulaga le pule i le suāuu e mu ai
 le afi, ma mea manogi lelei e mu,
 ma le taulaga i mea e 'ai e fai soo,
 ma le suāuu e faauu a'i; e i lana
 pule le malumalu uma, ma mea
 uma ua i le mea paia, atoa ma ana
 mea.

Ua fetalai mai foi Ieova ia Mose 17
 ma Arona, ua faapea mai, Aua ne'i 18
 lua vavaeeseina le aiga o sa Koato
 i sa Levī; a o le mea lenei lua te 19
 faia ia te i latou, ina ia latou ola, ia
 latou le oti, pe a latou faalatalata
 i mea e sili ona paia; ia ulu atu
 Arona ma ona atalii, ma ia latou
 totosi ia te i latou, o le tagata ma
 lana galuega ma lana avega; a e 20
 aua ne'i latou ulu atu e matamata
 ai i sina emo lava i mea paia, ina
 ne'i latou oti.

Ua fetalai mai foi Ieova ia Mose, 21
 ua faapea mai, Ia e faitauaofaiina 22
 le fanauga a Keresoma, o i latou
 lava i aiga o latou tamā, i o latou
 aiga; e afua mai i e ua tolugafulu o 23
 latou tausaga atoa ma e ua matutua
 ai, e oo i e ua lima sefulu o latou
 tausaga, e te faitaula i latou, o i
 latou uma lava o e o atu e auauna,
 e fai ai le galuega i le fale fetafai o
 le faapotopotoga. O le galuega foi 24
 lenei a aiga o sa Keresomā latou te
 faia, ma a latou avega; latou te ave 25
 ie puipui o le malumalu ma le fale
 fetafai o le faapotopotoga, o lona
 ufiufi, ma le ufiufi pa'u takesa o loo

i ona lava luga, ma le ie puipui o le faitotoa o le fale fetafai o le faa-
 26 potopotoga, o le ie puipui foi o le lotoā, ma le ie puipui o le pupuni o le faitotoa o le lotoā, o le ua felatai ma le malumalu e felatai foi ma le fata faitaulaga e faataaliolio ai, ma o latou maea, ma mea uma o latou sauniga, ma mea uma e faia mo i
 27 latou; o la latou galuega lea. O le upu a Arona ma oaa atalii e fai ai e le fanauga a sa Keresomā a latou galuega uma, i a latou avega uma ma a latou galuega uma; tou te tofosi lava ia te i latou i le tau-
 28 siga o a latou avega uma. O le galuega lea a aiga o le fanauga a sa Keresomā i le fale fetafai o le faapotopotoga; o a latou mea e tausi foi e i le pule lea a Itamaro le atalii o Arona le faitaulaga.
 29 E te faitaulia le fanauga a sa Merari, i o latou aiga, i aiga o latou
 30 tamā; e afua mai i e ua tolugafulu o latou tausaga atoa ma e ua matutua ai, e oo i e ua limagafulu o latou tausaga, e te faitaulia i latou, o i latou uma lava o e o atu e auaua, e fai ai le galuega o le fale fetafai o
 31 le faapotopotoga. O le tausiga lenei o a latou avega, i a latou galuega uma i le fale fetafai o le faapotopotoga; o laupapa o le malumalu, ma ona faalava, ma ona pou, ma ona lago, o pou foi o le lotoā e faataaliolio ai, ma o latou lago, ma o latou faamau, ma o latou maea, ma a latou mea uma, ma o latou sauniga uma; tou te faitauina atu foi i o latou igoa o mea uma o le
 32 tausiga o a latou avega. O le galuega lea a aiga o le fanauga a sa Merari, i la latou galuega uma i le fale fetafai o le faapotopotoga; e i le pule lea a Itamaro le atalii o Arona le ositaulaga.
 33 Ua faitaulia foi e Mose, ma Arona, ma alii sili o le faapotopotoga o le fanauga a sa Koatō, i o latou aiga, i
 34 aiga foi o latou tamā, e afua mai i e ua tolu sefulu o latou tausaga atoa ma e ua matutua ai, e oo i e ua lima sefulu o latou tausaga, o i latou uma lava o e o atu e auaua i le galuega i le fale fetafai o le faapotopotoga,
 35 o i latou foi na faitaulia i o latou aiga, e lua afe ma le fitu o selau ma

le lima sefulu. O i latou ia na faitaulia o le 37
 taulia o aiga o sa Koatō, o i latou uma e auaua i le fale fetafai o le faapotopotoga, o e na faitaulia e Mose ma Arona e tusa ma le afioga a Ieova ia Mose.

O i latou foi na faitaulia o le 38
 fanauga a Keresoma, i o latou aiga, i aiga foi o latou tamā, e afua mai i 39
 e ua tolu sefulu o latou tausaga atoa ma e ua matutua ai, e oo i e ua lima sefulu o latou tausaga, o i latou uma lava o e o atu e auaua i le galuega i le fale fetafai o le faapotopotoga, o i latou lava na faitauina i o latou aiga, i aiga o latou tamā, e lua afe ma le ono selau ma le tolu sefulu. O i latou ia na faitaulia i aiga o le fanauga a Keresoma, o i latou uma e auaua i le fale fetafai o le faapotopotoga, o e na faitaulia e Mose ma Arona e tusa ma le afioga a Ieova.

O i latou foi na faitaulia i aiga o 42
 le fanauga a Merari, i o latou aiga, i aiga o latou tamā, e afua mai i e 43
 ua tolu sefulu o latou tausaga atoa ma e ua matutua ai, e oo i e ua lima sefulu o latou tausaga, o i latou uma lava o e o atu e auaua i le galuega i le fale fetafai o le faapotopotoga. O i latou lava na faitaulia i o latou aiga, e tolu afe ma le lua o selau. O i latou lava ia na faitaulia i aiga o le fanauga a Merari, o e na faitaulia e Mose ma Arona e tusa ma le afioga a Ieova ia Mose.

O i latou uma lava na faitaulia i 46
 sa Levi, o i latou na faitaulia e Mose, ma Arona, ma alii sili o Isaraelu, i o latou aiga, i aiga foi o latou tamā, e afua mai i e ua tolu sefulu o latou 47
 tausaga atoa ma e ua matutua ai, e oo i e ua lima sefulu o latou tausaga, o i latou uma lava o e o atu e auaua i feau o le galuega, ma le galuega i avega i le fale fetafai o le faapotopotoga. O i latou lava na 48
 faitaulia o i latou, e valu afe ma le lima selau ma le valu sefulu. Na 49
 faitaulia i latou e Mose e tusa ma le afioga a Ieova, o le tagata ma lana galuega ma lana avega; na faitaulia lava i latou e ia, e pei ona poloai mai ai o Ieova ia Mose.

O tulafono i nisi mea, ma le fuā.

- 5 UA fetalai mai foi Ieova ia Mose,
 2 ua faapea mai, Ina fai atu ia i le
 fanauga a Israelu ia latou aueseina
 i le toagālauapi o le lepela uma, ma
 3 i latou uma o i ai le gau, ma i latou
 uma ua leaga i le tagata oti; tou te
 aueseina le tane atoa ma le fafine,
 tou te aueseina atu i latou i tua lava
 o le toagālauapi; ina ne'i leaga ia te
 i latou o a latou toagālauapi ou te
 4 nofo ai a'u. Ona faapea lava lea
 ona faia e le fanauga a Israelu, ua
 latou aueseina i latou i tua o le
 toagālauapi; e pei ona fetalai mai o
 Ieova ia Mose, ua faapea lava ona
 faia e le fanauga a Israelu.
- 5 Ua fetalai mai foi Ieova ia Mose,
 6 ua faapea mai, Ia e fai atu i le
 fanauga a Israelu, Pe a faia e se
 tane po o se fafine se *agasala* o
 agasala uma a tagata e soli ai tula-
 fono a Ieova, ma nofo sala ai lea
 7 tagata; e faaali lava e ia lana aga-
 sala na ia faia, na te tau i atu foi lana
 agasala i lona atoatoa, ma faacopo-
 po i ai o lona vaega e lima, ma
 8 avatu ai i le na ia agasala i ai. A e
 afai e leai se aiga o le tagata e tau i
 atu i ai le agasala, ia avatu le tau i o
 le agasala ia Ieova, i le ositaulaga
 lava, e faacopopo ai i le mamoe poa
 e togiola a'i, e fai a'i se togiola
 mo ia.
- 9 O taulaga sii uma lava i mea paia
 uma a le fanauga a Israelu e aveina
 atu ai e i latou i le ositaulaga, e fai
 10 mana lava ia. O mea paia a tagata
 taitasi e fai māna lava ia; ai se mea
 e foaiina e se tagata i le ositaulaga e
 fai māna lava ia.
- 11 Ua fetalai mai foi Ieova ia Mose,
 12 ua faapea mai, Ia e fai atu i le
 fanauga a Israelu, ia faapea atu ia
 te i latou, Ai se tane ua alu lana
 13 avā, ma agaleaga ia te ia, ua la
 mamoe ma le *tasi* tane, a e lei iloa e
 lana tane, ua lilo lava, ua leaga ai o
 ia, a e leai se na te molimau ia te ia,
 14 e lei maua foi o ia; afai e oo le loto
 fuā ia te ia, ma ua fuā o ia i lana
 avā, ua leaga foi le fafine; pe oo le
 loto fuā ia te ia, ma ua fuā ia i
 15 lana avā, a e lei leaga le fafine; ia
 avatu e le tagata lana avā i le osi-
 taulaga, ia avatu foi e ia lana tau-

laga mā lana avā, o le omera o
 falaoa karite; a e aua na te sasaa i
 ai ni suāuu, aua foi na te avane i ai
 pulu lipano; auā o le taulaga o le
 fuā lea, o le taulaga e faamanatu
 a'i, o loo faamanatuina ai le agasala.
 Ona faalatalataina ai lea o ia e le 16
 ositaulaga, ma tuuina atu o ia i
 luma o Ieova; e ave foi e le ositau- 17
 laga ni vai paia i le ipu omea, e ave
 foi e le ositaulaga *ni efuefu* ai le
 efuefu o i le loto fale o le malumalu,
 ma tuu i le vai; ona tuuina atu lea 18
 e le ositaulaga o le fafine i luma o
 Ieova, ma to ese le ufiufi i le ulu o
 le fafine, e tuu foi e ia i ona lima le
 taulaga e faamanatu a'i, o le taulaga
 o le fuā lea; e i le lima foi o le osi-
 taulaga le vai oona e malaia ai; ona 19
 fai atu ai lea o le ositaulaga i le
 fafine ia tauto mai, ua faapea atu ia
 te ia, Afai e leai se tane ua oulua
 momoe ma oe, afai foi ua e le alu
 ese, ua e le leaga oe *i se tasi* e le o
 lau tane, ia sao oe i lenei vai oona e
 malaia a'i. A e afai ua e alu ese i 20
le tasi e le o lau tane, afai foi ua
 leaga oe, ma ua oulua momoe ma le
 tasi tane e le o lau tane; ona fai 21
 atu ai lea o le ositaulaga i le fafine
 i le tauto e faafano ai, e fai atu foi
 le ositaulaga i le fafine, Ia tuuina
 atu oe e Ieova ia faafano oe ma
 fetuuina i lou nuu, pe a faao e
 Ieova i lou ogavae ia paū ese, ma
 lou manava ia fula; o lenei vai foi 22
 e malaia a'i e alu ifo lea i lou ma-
 nava, ina ia fula ai lou manava, ma
 ia paū ese ai lou ogavae. Ona tali
 mai ai lea o le fafine, Amene,
 Amene. Ona tusi ai lea e le ositau- 23
 laga o nei faafano i le tusi, na te
 sōloi foi i le vai oona; e avatu foi
 e ia i le fafine le vai oona e malaia
 a'i e inu ai, e oo foi i totonu ia te ia
 le vai e malaia a'i ina ia ona ai. E 25
 aveesea foi e le ositaulaga i le lima
 o le fafine le taulaga o le fuā, ma
 luluina le taulaga i luma o Ieova,
 ona avatu ai lea i le fata faitaulaga;
 e ave foi e le ositaulaga le luutaga 26
 ai le taulaga, o lona faamanatuga
 lea, ona susunu ai lea i luga o le
 fata faitaulaga, e mulimuli ane ona
 avatu lea e ia i le fafine le vai e
 inu. Pe a uma ona faainua o ia i le 27
 vai, afai ua leaga o ia, ma ua aga-

- leaga i lana tane, e oo lava i totonu ia te ia le vai e malaia a'i, ina ia ona ai, ona fula lava lea o lona manava, e pa'u ese foi lona ogavae; ona avea lea o le fafine ma le ua fetuuina i lona nuu. A e afai e lei leaga le fafine, a ua lelei o ia, ona sao lava lea o ia, e to foi o ia.
- 23 O le tulafono lea i le fuā, pe a alu ese le fafine i le tasi e le o lana tane, ma ua leaga ai o ia; i le ma lea foi pe a oo le loto fuā i le tane, ma ua fuā o ia i lana avā, ma tuūina atu e ia le fafine i luma o Ieova, ona faia lea e le ositaulaga ia te ia lenei tulafono uma. Ona sao lea o le tane a le agasala, a e nofo sala le fafine.

O le tulafono a Ieova i e ai ma naseri.

- 6 UA fetalai mai foi Ieova ia Mose, ua faapea mai, Ia e fai atu i le fanauga a Isaraelu, ia faapea atu ia te i latou, O le tane po o le fafine o le na te vavae mai o ia e ia e tauto i le tautoga o le naseri, ina ia vavae mai o ia e ia mo Ieova; ia sa lava ia te ia le uaina ma le 'ava, aua ne'i inu le vineta e faia i le uaina po o le vineta e faia i le 'ava, aua ne'i inu foi le sua, o le fua o le vine, aua ne'i 'ai foi o ia le fua o le vine pe mata pe mago. O ona po uma lava e fai ai o ia ma naseri aua ne'i 'ai lava ia se mea e tasi e faia i le vine e fai a'i le uaina, o fatu atoa ma pa'u. O ona po uma lava o lona tautoga faanaseri e le oo lava se tafi i lona ulu; e paia lava o ia, seia uma ona po e vavae mai ai o ia e ia mo Ieova, ia tutupu pea ona fuafuati lauulu.
- 6 O ona po uma foi e vavae mai ai o ia e ia mo Ieova, aua ne'i papai atu o ia i se tagata oti. Aua ne'i leaga o ia ona o lona tamā, po o lona tinā, po o lona uso, po o lona tuafafine, pe a latou oti; auā o loo i luga o lona ulu le faanaseri mo l na Atua.
- 8 O ona po uma e fai ai o ia ma naseri e paia lava o ia mo Ieova.
- 9 Afai foi e oti faafuasei se tasi tagata i ona tafatafa, ma ua leaga ai lona ulu faanaseri, ona tafi ai lea e ia o lona ulu i le aso o lona faamamāina, o le aso fitu na te tafi ai. O le aso valu foi na te au mai ai le uluga manutagi, po o tamai lupe e lua fua

i le ositaulaga i le faitotoa o le fale fetafai o le faapotopotoga; ona osia ai lea e le ositaulaga, o le tasi e fai ma taulaga mo le agasala, ma le tasi e fai ma taulaga mu, na te faia foi le togiola mo ia, ina ua agasala o ia ona o le tagata oti, e faapaiaina foi e ia lona ulu i lea lava aso. Ona faasa ai lea e ia mo Ieova o po e fai ai o ia ma naseri, e avatu foi e ia o le tamai mamoe e tasi lona tausaga e fai ma taulaga mo le sese; a o po na muamua e le taulia lava ia, auā ua leaga lona naseri.

O le tulafono lenei o le naseri, o le aso e atoa ai po sa fai ai o ia ma naseri e au mai ai o ia i le faitotoa o le fale fetafai o le faapotopotoga; ona avatu ai lea e ia o lona taulaga ia Ieova, o le tamai mamoe poa e tasi, e tasi lona tausaga, e sao ona lelei, e fai ma taulaga mu; o le tamai mamoe fafine foi e tasi, e tasi lona tausaga, e sao ona lelei, e fai ma taulaga mo le agasala; o le mamoe poa foi e tasi, e sao ona lelei, e fai ma taulaga faafetai; o le ato foi o areto e lei faafefeteina, o potoi falaoa lelei ua palua ma le uu, o faapāpā foi o areto e lei faafefeteina ua nini i le uu, o la latou taulaga foi i mea e 'ai, ma la latou taulaga i mea e inu. E aveina atu ai foi e le ositaulaga i luma o Ieova, na te fai ai foi lona taulaga mo le agasala, ma lona taulaga mu; o le mamoe poa foi na te fai a'i le taulaga faafetai ia Ieova, e faatasi ma le ato o areto e lei faafefeteina; e faia foi e le ositaulaga lona taulaga i mea e 'ai, ma lona taulaga i mea e inu. Ona tafi ai lea e le naseri o lona ulu faanaseri i le faitotoa o le fale fetafai o le faapotopotoga, e ave foi e ia le lauulu o lona ulu faanaseri, ma tuu ai i le afi o loo i lalo o le taulaga faafetai. Ona tago ai lea e le ositaulaga i le ālagālima o le mamoe poa ua tunu, ma le potoi areto e le faafefeteina e tasi nai le ato, ma le faapāpā e le faafefeteina e tasi, na te faaee ai foi i alofilima o le naseri, pe a uma ona tafi o lona ulu faanaseri. Ona luluina ai lea e le ositaulaga, o le taulaga lulu lea i luma o Ieova; o

le mea paia lea mī le ositaulaga, i le ma le fatafata e luluina atoa ma le ālagālīma e siitia; e mulimuli ane ona mafai lea ona inu uaina e
 21 le naseri. O le tulafono lea i le naseri o le ua tauto, *ma* lana taulaga ia Ieova ona o lona faanaseri, e faapoopoina ia mea i le mea e maua e ia; e tusa ma lana tautoga na ia tauto ai, ia faapea lava ona faia e ia, e tusa ma le tulafono i lona faanaseri.
 22 Ua fetalai mai foi Ieova ia Mose,
 23 ua faapea mai, Ia e fai atu ia Arona ma ona atalii, ia faapea atu, Ia faapenei ona outou faamanuia atu i le fanauga a Isaraelu, ia faapea atu ia
 24 te i latou, Ia faamanuia oe e Ieova,
 25 ma ia na tausi ia te oe; ia faamalamalamaina e Ieova ona fofoga i luga
 26 ia te oe, ma alofa atu ia te oe; ia faasaga mai e Ieova ona fofoga ia te oe, ma tuuina atu ia te oe le manuia. Latou te ta'u atu foi lo'u
 27 igoa i luga o le fanauga a Isaraelu; o a'u foi ou te faamanuia atu ia te i latou.

O taulaga a alii sili o Isaraelu i le fale fetafai.

7 UA oo i le aso na uma ai ona faatuina e Mose o le malumalu, ma na faauuina, ma faapaiaina ai, ma mea uma o i ai, o le fata faitaulaga foi ma ana mea uma na ia faauuina
 2 ai, ma faapaiaina; ona fai taulaga ai lea o alii sili o Isaraelu, o matai o aiga o latou tamā, o alii sili i latou o itu aiga, o e na pule i e na faitaula
 3 lia, ua latou au mai a latou taulaga i luma o Ieova, o fata faataavalevale ua ufitia e ono, ma povi e sefulu ma le lua; o alii e taitoalua ma le fata faataavalevale e tasi, ma a
 4 latou povi e taitasi; ua latou au mai ai i luma o le malumalu. Ona fetalai mai ai lea o Ieova ia Mose,
 5 ua faapea mai, Ia e talia ia mea mai ia te i latou, ina ia fai ai le galuega o le fale fetafai o le faapotopotoga; e te tuuina atu ai i sa Levi, o le tagata ma le mea e tatau i lana
 6 galuega. Ona talia lea e Mose o fata faataavalevale ma povi, ma tuu
 7 atu ai i sa Levi. O fata faataavalevale e lua ma povi e fa na ia tuuina atu ai i le fanauga a Kere-

soma, e faatatau i la latou galuega. O fata faataavalevale e fa ma povi e valu na ia tuuina atu ai i le fanauga a Merari, e faatatau i la latou galuega, i le pule a Itamaro le atalii o Arona le ositaulaga. A o le fanauga a Koato na ia le tuuina atu i ai
 8 *se mea*; auā o le galuega o le malumalu na ia te i latou, latou te tauave ai o latou ua.

Ua fai taulaga foi alii sili i le faasaina o le fata faitaulaga i le aso na faauuina ai, ua avatu ai e alii sili a latou taulaga i luma o le fata faitaulaga. Ona fetalai mai ai lea
 10 o Ieova ia Mose, E taitasi le alii sili ma lona aso latou te au mai ai a latou taulaga i le faasaina o le fata faitaulaga.

O le na au mai lana taulaga i le uluai aso, o Naasona lea o le atalii o Aminatapu, o le itu aiga o Iuta ia; o lana taulaga foi o le tanoa ario e tasi, o lona mamafa e tasi le selau
 11 ma le tolugafulu o *sekeli*; o le ipu ario e tasi, e fitugafulu o *sekeli lona mamafa*, o le sekeli lea o le malumalu; ua tutumu ia mea o lua i le falaoa lelei ua palua ma le uu e fai ma taulaga i mea e 'ai; o le ipu
 12 auro e tasi, e sefulu o *sekeli lona mamafa*, ua tumu i mea manogi e mu; o le povi poa taanoa e tasi, o le mamoe poa e tasi, *ma* le tamai mamoe e tasi ua tasi lona tausaga, e fai ma taulaga mu; o le 'oti poa
 13 e tasi, e fai ma taulaga mo le agasala; o povi foi e lua, o mamoe poa e lima, o 'oti poa e lima, *ma* tamai mamoe e lima e tasi lo latou tausaga, e fai ma taulaga faafetai; o le taulaga lea a Naasona le atalii o Aminatapu.

O le lua o aso na au mai ai e Natanielu o le atalii o Suaro, o le alii sili o Isakara; na ia au mai lana
 14 taulaga, o le tanoa ario e tasi, o lona mamafa e tasi le selau ma le tolugafulu o *sekeli*, o le ipu ario e tasi, e fitugafulu o *sekeli lona mamafa*, o le sekeli lea o le malumalu; ua tutumu ia mea e lua i le falaoa lelei ua palua ma le uu e fai ma taulaga i mea e 'ai; o le ipu auro e tasi, e sefulu o *sekeli lona mamafa* ua tumu i mea manogi e mu; o le
 15 povi poa taanoa e tasi, o le mamoe

poa e tasi, *ma* le tamai mamoe e tasi ua tasi lona tausaga, e fai ma
22 taulaga mu; o le 'oti poa e tasi, e
23 fai ma taulaga mo le agasala; o povi foi e lua, o mamoe poa e lima, o 'oti poa e lima, *ma* tamai mamoe e lima e tasi lo latou tausaga, e fai ma taulaga faafetai; o le taulaga lea a Natanielu le atalii o Suaro.

24 O le tolu o aso *na fai taulaga ai* le alii sili o le fanauga a Sepulona,
25 o Eliapo lea o le atalii o Holona; o lana taulaga o le tanoa ario e tasi, o lona mamafa e tasi le selau ma le tolugafulu o *sekeli*, o le ipu ario e tasi, e fitugafulu o *sekeli lona mamafa*, o le sekeli lea o le malumalu; ua tutumu ia mea e lua i le falaoa lelei ua palua ma le uu e fai ma
26 taulaga i mea e 'ai; o le ipu auro e tasi, e sefulu o *sekeli lona mamafa*,
27 ua tumu i mea manogi e mu; o le povi poa taanoa e tasi, o le mamoe poa e tasi, *ma* le tamai mamoe e tasi ua tasi lona tausaga, e fai ma
28 taulaga mu; o le 'oti poa e tasi, e
29 fai ma taulaga mo le agasala; o povi foi e lua, o mamoe poa e lima, o 'oti poa e lima, *ma* tamai mamoe e lima e tasi lo latou tausaga, e fai ma taulaga faafetai; o le taulaga lea a Eliapo o le atalii o Holona.

30 O le fa o aso *na fai taulaga ai* le alii sili o le fanauga a Reupena, o
31 Elisura lea o le atalii o Seturo; o lana taulaga o le tanoa ario e tasi, o lona mamafa e tasi le selau ma le tolugafulu o *sekeli*, o le ipu ario e tasi, e fitugafulu o *sekeli lona mamafa*, o le sekeli lea o le malumalu; ua tutumu ia mea e lua i le falaoa lelei ua palua ma le uu e fai ma
32 taulaga i mea e 'ai; o le ipu auro e tasi, e sefulu o *sekeli lona mamafa*,
33 ua tumu i mea manogi e mu; o le povi poa taanoa e tasi, o le mamoe poa e tasi, *ma* le tamai mamoe e tasi ua tasi lona tausaga, e fai ma
34 taulaga mu; o le 'oti poa e tasi, e
35 fai ma taulaga mo le agasala; o povi foi e lua, o mamoe poa e lima, o 'oti poa e lima, *ma* tamai mamoe e lima e tasi lo latou tausaga, e fai ma taulaga faafetai; o le taulaga lea a Elisura o le atalii o Seturo.

36 O le lima o aso *na fai taulaga ai* le alii sili o le fanauga a Simeona, o

Selumieli lea o le atalii o Surisat-
tai; o lana taulaga o le tanoa ario 37
e tasi, o lona mamafa e tasi le selau
ma le tolugafulu o *sekeli*, o le ipu
ario e tasi, e fitugafulu o *sekeli lona mamafa*, o le sekeli lea o le malumalu; ua tutumu ia mea e lua i le falaoa lelei ua palua ma le uu e fai ma taulaga i mea e 'ai; o le ipu 38
auro e tasi, e sefulu o *sekeli lona mamafa*, ua tumu i mea manogi e mu; o le povi poa taanoa e tasi, o 39
le mamoe poa e tasi, *ma* le tamai mamoe e tasi ua tasi lona tausaga, e fai ma taulaga mu; o le 'oti poa 40
e tasi, e fai ma taulaga mo le agasala; o povi foi e lua, o mamoe poa 41
e lima, o 'oti poa e lima, *ma* tamai mamoe e lima e tasi lo latou tausaga, e fai ma taulaga faafetai; o le taulaga lea a Selumieli o le atalii o Surisatati.

O le ono o aso *na fai taulaga ai* 42
le alii sili o le fanauga a Kato, o Eliasafu lea o le atalii o Tuelu; o 43
lana taulaga o le tanoa ario e tasi, o lona mamafa e tasi le selau ma le tolugafulu o *sekeli*, o le ipu ario e tasi, e fitugafulu o *sekeli lona mamafa*, o le sekeli lea o le malumalu; ua tutumu ia mea e lua i le falaoa lelei ua palua ma le uu e fai ma
44 taulaga i mea e 'ai; o le ipu auro e tasi, e sefulu o *sekeli lona mamafa*,
45 ua tumu i mea manogi e mu; o le povi poa taanoa e tasi, o le mamoe poa e tasi, *ma* le tamai mamoe e tasi ua tasi lona tausaga, e fai ma
46 taulaga mu; o le 'oti poa e tasi, e
47 fai ma taulaga mo le agasala; o povi foi e lua, o mamoe poa e lima, o 'oti poa e lima, *ma* tamai mamoe e lima e tasi lo latou tausaga, e fai ma taulaga faafetai; o le taulaga lea a Eliasafu o le atalii o Tuelu.

O le fitu o aso *na fai taulaga ai* 48
le alii sili o le fanauga a Efaraima, o Elisama lea o le atalii o Amenta; o lana taulaga o le tanoa ario e tasi, 49
o lona mamafa e tasi le selau ma le tolugafulu o *sekeli*, o le ipu ario e tasi, e fitugafulu o *sekeli lona mamafa*, o le sekeli lea o le malumalu; ua tutumu ia mea e lua i le falaoa lelei ua palua ma le uu e fai ma
50 taulaga i mea e 'ai; o le ipu auro e tasi, e sefulu o *sekeli lona mamafa*,

- 51 ua tumu i mea manogi e mu ; o le
povi poa taanoa e tasi, o le mamoe
poa e tasi, *ma* le tamai mamoe e
tasi ua tasi lona tausaga, e fai ma
52 taulaga mu ; o le 'oti poa e tasi, e
53 fai ma taulaga mo le agasala ; o
povi foi e lua, o mamoe poa e
lima, o 'oti poa e lima, *ma* tamai
mamoe e lima e tasi lo latou tau-
saga, e fai ma taulaga faafetai ; o
le taulaga lea a Elisama o le atalii o
Ameuta.
- 54 O le valu o aso *na fai taulaga ai*
le alii sili o le fanauga a Manaso, o
Kamalielu lea o le atalii o Petasura ;
55 o lana taulaga o le tanoa ario e tasi,
o lona mamafa e tasi le selau ma le
tolugafulu o *sekel*i, o le ipu ario e
tasi, e fitugafulu o *sekel*i lona *ma-*
mafa, o le *sekel*i lea o le malumalu ;
ua tutumu ia mea e lua i le falaoa
lelei ua palua ma le uu e fai ma
56 taulaga i mea e 'ai ; o le ipu auro e
tasi, e sefulu o *sekel*i lona *mamafa*,
57 ua tumu i mea manogi e mu ; o le
povi poa taanoa e tasi, o le mamoe
poa e tasi, *ma* le tamai mamoe e
tasi ua tasi lona tausaga, e fai ma
58 taulaga mu ; o le 'oti poa e tasi, e
59 fai ma taulaga mo le agasala ; o
povi foi e lua, o mamoe poa e lima,
o 'oti poa e lima, *ma* tamai mamoe
e lima e tasi lo latou tausaga, e
fai ma taulaga faafetai ; o le tau-
laga lea a Kamalielu o le atalii o
Petasura.
- 60 O le iva o aso *na fai taulaga ai* le
alii sili o le fanauga a Peniamina, o
61 Apitano lea o le atalii o Kitione ; o
lana taulaga o le tanoa ario e tasi,
o lona mamafa e tasi le selau ma le
tolugafulu o *sekel*i, o le ipu ario e
tasi, e fitugafulu o *sekel*i lona *ma-*
mafa, o le *sekel*i lea o le malumalu ;
ua tutumu ia mea e lua i le falaoa
lelei ua palua ma le uu e fai ma
62 taulaga i mea e 'ai ; o le ipu auro e
tasi, e sefulu o *sekel*i lona *mamafa*,
63 ua tumu i mea manogi e mu ; o le
povi poa taanoa e tasi, o le mamoe
poa e tasi, *ma* le tamai mamoe e
tasi ua tasi lona tausaga, e fai ma
64 taulaga mu ; o le 'oti poa e tasi, e
65 fai ma taulaga mo le agasala ; o
povi foi e lua, o mamoe poa e lima,
o 'oti poa e lima, *ma* tamai mamoe
e lima e tasi lo latou tausaga, e fai
- ma taulaga faafetai ; o le taulaga
lea a Apitano o le atalii o Kitione.
O le sefulu o aso *na fai taulaga ai* 63
le alii sili o le fanauga a Tanu, o
Aisera lea o le atalii o Amisatai ; o 67
lana taulaga o le tanoa ario e tasi,
o lona mamafa e tasi le selau ma le
tolugafulu o *sekel*i, o le ipu ario e
tasi, e fitugafulu o *sekel*i lona *ma-*
mafa, o le *sekel*i lea o le malumalu ;
ua tutumu ia mea e lua i le falaoa
lelei ua palua ma le uu e fai ma
taulaga i mea e 'ai ; o le ipu auro e 68
tasi, e sefulu o *sekel*i lona *mamafa*,
ua tumu i mea manogi e mu ; o le 69
povi poa taanoa e tasi, o le mamoe
poa e tasi, *ma* le tamai mamoe e
tasi ua tasi lona tausaga, e fai ma
taulaga mu ; o le 'oti poa e tasi, e 70
fai ma taulaga mo le agasala ; o 71
povi foi e lua, o mamoe poa e lima,
o 'oti poa e lima, *ma* tamai mamoe
e lima e tasi lo latou tausaga, e fai
ma taulaga faafetai ; o le taulaga
lea a Aisera o le atalii o Amisatai.
- O le sefulu ma le tasi o aso *na fai* 72
taulaga ai le alii sili o le fanauga a
Asera, o Pagieli lea o le atalii o
Okirano ; o lana taulaga o le tanoa 73
ario e tasi, o lona mamafa e tasi le
selau ma le tolugafulu o *sekel*i, o le
ipu ario e tasi, e fitugafulu o *sekel*i
lona *mamafa*, o le *sekel*i lea o le
malumalu ; ua tutumu ia mea e lua
i le falaoa lelei ua palua ma le uu e
fai ma taulaga i mea e 'ai ; o le ipu 74
auro e tasi, e sefulu o *sekel*i lona
mamafa, ua tumu i mea manogi e
mu ; o le povi poa taanoa e tasi, o 75
le mamoe poa e tasi, *ma* le tamai
mamoe e tasi ua tasi lona tausaga,
e fai ma taulaga mu ; o le 'oti poa 76
e tasi, e fai ma taulaga mo le aga-
sala ; o povi foi e lua, o mamoe poa 77
e lima, o 'oti poa e lima, *ma* tamai
mamoe e lima e tasi lo latou tau-
saga, e fai ma taulaga faafetai ; o
le taulaga lea a Pagieli o le atalii
o Okirano.
- O le sefulu ma le lua o aso *na fai* 78
taulaga ai le alii sili o le fanauga a
Nafatali, o Akira lea o le atalii o
Enano ; o lana taulaga o le tanoa 79
ario e tasi, o lona mamafa e tasi le
selau ma le tolugafulu o *sekel*i, o le
ipu ario e tasi, e fitugafulu o *sekel*i
lona *mamafa*, o le *sekel*i lea o le

80 malumalu ; ua tutumu ia mea e lua i le falaoa lelei ua palua ma le uu e fai ma taulaga i mea e 'ai ; o le ipu
81 auro e tasi, e sefulu o *sekeli*. *lona mamafa*, ua tumu i mea manogi e mu ; o le povi poa taanoa e tasi, o
82 le mamoe poa e tasi, *ma* le tamai mamoe e tasi ua tasi lona tausaga, e
83 fai ma taulaga mu ; o le 'oti poa e tasi, e fai ma taulaga mo le agasala ; o povi foi e lua, o mamoe poa e lima, o 'oti poa e lima, *ma* tamai mamoe e lima e tasi lo latou tausaga, e fai ma taulaga faafetai ; o le
84 taulaga lea a Akira o le atalii o Enano.

O le faasaina lenei o le fata faitaulaga e alii sili o Isaraelu i le aso na faauuina ai ; o tanoa ario e sefulu
85 ma le lua, o ipu ario e sefulu ma le lua, o ipu auro e sefulu ma le lua ; o tanoa ario e taitasi ma *sekeli* e tasi le selau ma le tolugafulu *lona mamafa*, o ipu e taitasi ma *sekeli* e fitugafulu *lona mamafa* ; o mea
86 ario uma e lua afe ma le fa galau o *sekeli* ia, o le *sekeli* lea o le malumalu ; o ipu auro e sefulu ma le lua sa tutumu i mea manogi e mu, e taisefulu *sekeli lo latou mamafa*, o le
87 *sekeli* lea o le malumalu ; o auro uma o ipu e tasi le selau ma le luafulu o *sekeli*. O povi uma e fai ma taulaga mu, o povi poa e sefulu ma le lua, o mamoe poa e sefulu ma le lua, *ma* tamai mamoe e tasi lo latou tausaga e tasi le sefulu ma le lua, *ma* o latou taulaga i mea e 'ai ; o
88 'oti poa foi e sefulu ma le lua e fai ma taulaga mo le agasala. O povi uma foi e fai ma taulaga faafetai e luafulu ma le fa o povi poa ia, o mamoe poa e onogafulu, o 'oti poa e onogafulu, *ma* tamai mamoe e tasi lo latou tausaga e onogafulu.
89 O le faasaina lea o le fata faitaulaga ina ua uma ona faauuina ai.

Ua ulu atu Mose i le fale fetafai o le faapotopotoga la te tautala ma *Ieova*, ona lagona ai lea e ia o le siufofoga ua tūlei mai ia te ia ai le nofoa o le alofa ua i luga o le atolaa o le tulafono, mai le va o kerupi e lua ; ua fetalai mai lava o ia ia te ia.

O le tūtūina o lamepa ; o le faauuina o sa Levī ma o latou tofiga.

UA fetalai mai foi Ieova ia Mose, 8
ua faapea mai, Ia e fai atu ia Arona, 2
ia faapea atu ia te ia, Pe a e tūtū 3
lamepa, ia mumū mai lamepa e fitu i luma o le tuugalamepa. Ona faapea lea ona faia e Arona ; ua tūtū e ia lamepa i luma o le tuugalamepa, e pei ona poloai mai ai o Ieova ia Mose. Sa faia foi lenei 4
tuugalamepa i le auro ua togitogi faamamanuina, o lona 'au atoa ma ona fuga ua togitogi faamamanuina ; e pei o le faatusa na faaali mai e Ieova ia Mose, ua faapea ona faia e ia o le tuugalamepa.

Ua fetalai mai foi Ieova ia Mose, 5
ua faapea mai, Ina au mai ia o sa 6
Levī ai le fanauga a Isaraelu, ma e faamamā ia te i latou. O le mea foi 7
lenei e te faia ia te i latou e faamamāina ai i latou ; ia e sausu atu ia te i latou i le vai mo le agasala, ia latou tafi foi o latou tino uma i le tafi, ma ia latou ta o latou ofu, ma latou faamamā ia te i latou. Ona latou ave ai lea o le povi poa taanoa ma lana taulaga i mea e ai, o le falaoa lelei ua palua ma le uu, e te ave foi se isi povi poa taanoa e fai ma taulaga mo le agasala. Ona e faalatalata mai ai lea o sa Levī i luma o le fale fetafai o le faapotopotoga ; e te faapotopotoina ai foi le faapotopotoga uma o le fanauga a Isaraelu ; ona e faalatalata mai ai lea o sa Levī i luma o Ieova ; e faaee foi e le fanauga a Isaraelu o latou lima i luga o sa Levī ; e 11
tuuina atu foi e Arona o sa Levī i luma o Ieova, o le taulaga lulu lea a le fanauga a Isaraelu, ina ia latou auuina i le galuega a Ieova. Ona faaee ai lea e sa Levī o latou lima i luga o ulu o povi poa taanoa ; e te fai a'i foi le tasi ma taulaga mo le agasala, ma le tasi e fai ma taulaga mu ia Ieova, e togiolaina ai sa Levī. E te tuuina foi sa Levī i luma o 13
Arona ma luma o ona atalii, e te aveina atu foi i latou e fai ma taulaga lulu ia Ieova. Ia faapea ona e 14
vavaeeseina o sa Levī i le fanauga a Isaraelu ; e fai mo'u o sa Levī. E 15
mulimuli ane ona ulu atu ai lea o sa

Levi e auauauna i le fale fetafai o le faapotopotoga; e te faamamāina i latou ma e aveina atu i latou e fai
 16 ma taulaga lulu. Auā ua matuā foaiina lava i latou mo a'u ai le fanauga a Isaraelu; ua ou fai lava i latou mo'u e sui a'i i latou uma o e muai fanau, o ulumatua uma ia a le
 17 fanauga a Isaraelu. Auā o ulumatua uma a le fanauga a Isaraelu o o'u lava i latou, o tagata atoa ma manu; o le aso lava na ou fafaioti ai ulumatua uma i le nuu o Aikupito
 18 na ou faasaina ai i latou mo'u. Ua ou ave foi sa Levi e sui a'i ulumatua uma lava a le fanauga a Isaraelu.
 19 Ua ou foaiina foi sa Levi, ua foaiina lava ia Arona ma ona atalii ai le fanauga a Isaraelu, ina ia auauauna i latou i le galuega a le fanauga a Isaraelu i le fale fetafai o le faapotopotoga, latou te fai foi le togiola mo le fanauga a Isaraelu, ina ia leai se mala i le fanauga a Isaraelu pe a faalatalata atu le fanauga a Isaraelu i le malumalu.
 20 Ona fai ai lava lea e Mose, ma Arona, ma le faapotopotoga uma o le fanauga a Isaraelu i sa Levi e tusa ma mea uma na poloai mai ai Ieova ia Mose i sa Levi, ua faapea lava ona fai ia te i latou e le fanauga a Isaraelu.
 21 O sa Levi foi ua faamamāina i latou e i latou, ma latou ta o latou ofu; ua aveina atu i latou e Arona e fai ma taulaga lulu i luma o Ieova, ua faia foi e Arona le togiola mo i latou ina ia faamamāina i latou. E mulimuli ane ona ulu
 22 atu ai lea o sa Levi e auauauna i a latou galuega i le fale fetafai o le faapotopotoga i luma o Arona ma luma o ona atalii; e pei ona poloai mai ai o Ieova ia Mose i sa Levi, ua faapea lava ona latou faia ia te i latou.
 23 Ua fetalai mai foi Ieova ia Mose,
 24 ua faapea mai, O le mea lenei ua i sa Levi; e afua mai i e ua luafulu ma le lima o latou tausaga atoa ma e ua matutua ai, latou te ulu atu ai e auauauna i le galuega o le fale fetafai o le faapotopotoga; a limagafulu o latou tausaga, ona latou tuu ai lea ona auauauna i le galuega, ma
 25 latou le toe auauauna ai lava; a e latou te auauauna faatasi mai o latou uso i le fale fetafai o le faapoto-

potoga, ina ia tausi i le tausiga, a e peitai latou te le auauauna i le galuega. Ia faapea ona e faia i sa Levi i o latou faiva.

O sauniga o le pasaka. O le ta'itaiina o Isaraelu e le ao.

UA fetalai mai foi Ieova ia Mose
 i le vao o Sinai, i le masina muamua
 o le tausaga e lua talu ona latou o
 mai mai le nuu o Aikupito, ua faa-
 pea mai, Ia faia e le fanauga a
 Isaraelu le paseka i ona po ua tuu-
 paina ai. O le aso e sefulu ma le fa
 o lenei masina i le afiasi tou te fai ai
 i ona po ua tuupoina ai; tou te fai
 ai e tusa ma ana tulafono uma ma
 ana tu uma. Ona fai atu ai lea o
 Mose i le fanauga a Isaraelu ia latou
 faia le paseka. Ona latou faia lea o
 le paseka i le aso e sefulu ma le fa
 o le masina muamua i le afiasi i le
 vao o Sinai; e tusa ma mea uma na
 poloai mai ai Ieova ia Mose, e faa-
 pea lava ona faia e le fanauga a
 Isaraelu.

Na i ai foi nisi tagata sa leaga i le
 tino o le tagata oti, ua latou le mafai
 ai ona fai o le paseka i lea aso; ona
 latou o mai ai lea i luma o Mose ma
 luma o Arona i lea aso; ona fai
 mai ai lea o ia tagata ia te ia, Ua
 leaga i matou i le tino o le tagata
 oti; se a le mea ua taofia ai i ma'ou
 ia matou le faia le taulaga ia Ieova
 i ona po ua tuupoina ai faatasi ma
 le fanauga a Isaraelu? Ona fai atu
 ai lea o Mose ia te i latou, Ina faa-
 tali ia sei'ou iloa le mea e fetalai
 mai ai Ieova ia te outou. Ona
 fetalai mai ai lea o Ieova ia Mose,
 ua faapea mai, Ia e fai atu i le
 fanauga a Isaraelu, ia faapea atu,
 Ai se tasi e ia te outou po o a outou
 tupulaga amuli e leaga i le tagata
 oti, po o se tagata e mamao i se
 malaga, e fai pea e ia le paseka ia
 Ieova. O le masina e lua i lona aso
 e tasi le sefulu ma le fa i le afiasi
 latou te fai ai, latou te aai ai ma
 areto e le faafefeteina ma laau oona.
 Aua nei latou faatoe se mea e oo i
 le taeco, aua foi nei latou gagau
 sona ivi; e tusa ma tulafono uma i
 le paseka ia latou faia. A o le
 tagata o loo mamā, ua le alu foi o ia
 i se malaga, a ua na le faia le paseka,

e vavaeeseina lea tagata i lona nuu ;
 auā e lei aumaia e ia le taulaga ia
 Ieova i ona po ua tuupoina ai ; e
 14 nofo sala lea tagata. Afai foi e
 āumau ia te outou se tagata ese, a e
 fia fai e ia le paseka ia Ieova, e faia
 lava e ia e tusa ma le tulafono o le
 paseka, e tusa foi ma ona tu ; e tasi
 lava le tulafono ia te outou, e oo i le
 tagata ese atoa ma le tagata lava o
 le nuu.
 15 O le aso na faatuina ai le malumalu
 na ufitia le malumalu e le ao,
 o le fale fetafai lea ua i ai le tula-
 fono ; o le afiafi foi sa i luga o le
 malumalu o le mea ua tino mai pei-
 seai o le afi, ua oo i le taeao. Sa
 16 faapea lava pea ; o le ao na ufitia ai
 ina o ao, ma le mea ua tino mai pei-
 seai o le afi ina o po. A siitia foi le
 17 ao ai luga o le fale fetafai, e muli-
 muli ane ona ō lea o le malaga a le
 fanauga a Isaraelu ; o le mea foi e
 nofo ai le ao o le mea lava lea e to
 18 lauapi ai le fanauga a Isaraelu. O
 le afioga lava a Ieova na o malaga
 ai le fanauga a Isaraelu, o le afioga
 foi a Ieova ua latou to lauapi ai ; o
 aso uma ua nofo ai le ao i luga o le
 malumalu ua latou nonofo pea ai i
 19 lo latou toagālauapi. A tele aso o
 i ai pea le ao i luga o le malumalu,
 ona tausii ai lea e le fanauga a Isa-
 20 raelu le sauniga a Ieova, ua latou le
 o malaga lava. Na faapea foi, a
 itiiti nai po ua i ai le ao i luga o le
 malumalu ; o le afioga lava a Ieova
 21 ua latou to lauapi ai, o le afioga foi
 a Ieova ua latou o malaga ai. Na
 faapea foi, a o i ai le ao e afua mai
 i le afiafi e oo i le taeao, ma ua siit-
 tia le ao i le taeao, ona latou o ma-
 laga ai lea ; po o le ao po o le po
 22 ua siitia ai le ao, ona o malaga ai
 lea o i latou. Afai foi o po e lua,
 po o se masina atoa, po o se tau-
 saga o i ai pea le ao i luga o le
 malumalu, ma nofo ai i ona luga,
 ua nonofo ai pea i le toagālauapi le
 fanauga a Isaraelu, ua latou le o
 malaga lava ; a e afai ua siitia ia,
 23 ona latou o malaga ai lea. O le
 afioga a Ieova ua latou to lauapi ai,
 o le afioga foi a Ieova ua latou o
 malaga ai ; na latou tausii le sau-
 niga a Ieova e tusa ma le afioga a
 Ieova ia Mose.

*O pu ario ; o le malaga a Isaraelu
 ai le vao o Sinai e oo i le vao o
 Parana.*

UA fetalai mai foi Ieova ia Mose, 10
 ua faapea mai, Ia e faia ni pu ario se 2
 lua, ia togitogi faamamanuina ; o ia
 pu foi e te tala'i atu ai faapotopo- 3
 toga ma malaga a toagālauapi. Pe
 a ilia uma le lua, ona faapotopototo mai
 ai lea o le faapotopotoga uma lava
 ia te oe i le faitotoa o le fale fetafai
 o le faapotopotoga. A e afai ua 4
 latou ilia na o le pu e tasi, ona potopoto
 mai ai lea o alii sili ia te oe, o
 matai o afe o Isaraelu. Pe a outou 5
 ilia le leo faetetete, ona o malaga
 ai lea o le toagālauapi o i le itu i
 sasae. Pe a outou ilia faalua i le 6
 leo faetetete, ona o malaga ai lea
 o le toagālauapi o i le itu i toga ;
 latou te ilia le leo faetetete pe a
 latou o malaga. Peitai a faapotopoto- 7
 potoina le faapotopotoga, tou te ili,
 a e aua le ilia le leo faetetete. C 8
 atalii o Arona o ositaulaga la te ilia
 pu ; e fai foi lenei ma tulafono ia te
 outou i a outou tupulaga a le tu a
 le tu lava. Afai foi tou te o e tau 9
 i lo outou laueleele ma e fai outou
 ma fili, o e saua mai ia te outou, ona
 outou ili ai lea o pu i le leo faetetete ;
 ona manatua ai lea o outou i
 luma o Ieova lo outou Atua, e faa-
 olaina foi outou ai e ua ita mai ia
 te outou. O le aso foi tou te fiafia 10
 ai, ma aso o outou tausamiga, ma
 amataga o outou masina, tou te ili
 ai pu i luga o a outou taulaga mu
 ma luga o a outou taulaga faafetai ;
 e fai foi lea ia te outou ma faama-
 natuga i luma o lo outou Atua ; o
 a'u lava o Ieova lo outou Atua.

Ua oo i le aso e luafulu o le 11
 masina e lua, o le tausaga e lua,
 ona siitia ai lea o le ao ai luga o le
 malumalu ua i ai le tulafono. Ona 12
 o ai lea o le fanauga a Isaraelu i la
 latou malaga ai le vao o Sinai ; ua
 nofo foi le ao i le vao o Parana. O 13
 la latou faatoa o malaga lea i le
 afioga a Ieova ia Mose.

E muamua atu le tagavai o le 14
 toagālauapi o le fanauga a Iuta i a
 latou 'au ; o le na pule foi i ana 'au,
 o Naasona lea o le atalii o Amina-
 tapu. O le na pule foi i 'au a le 15

- itu aiga o le fanauga a Isakara, o Natanielu lea o le atalii o Suaro.
- 16 O le na pule foi i 'au a le itu aiga o le fanauga a Sepulona, o Eliapo
- 17 lea o le atalii o Holona. Ua tatalaina foi le malumalu, ona o ai lea o le fanauga a Keresoma ma le fanauga a Merari, ua latou ave le malumalu.
- 18 Ona ave ai lea o le tagavai o le toagālauapi o Reupena i a latou 'au; o le na pule foi i ana 'au, o
- 19 Elisura lea o le atalii o Seturo. O le na pule foi i 'au a le itu aiga o le fanauga a Simeona, o Selumielu lea o le atalii o Surisatai. O le na pule
- 20 foi i 'au a le itu aiga o le fanauga a Kato, o Eliasafo lea o le atalii o
- 21 Tuelu. Ona o ai lea o sa Koatō, ua latou ave mea paia; a ua uma ona faatuina o le malumalu *e i latou na muamua* ina ua latou oo atu.
- 22 Ona ave ai lea o le tagavai o le toagālauapi o le fanauga a Efaraima i a latou 'au; o le na pule foi i ana 'au, o Elisama lea o le atalii o
- 23 Ameuta. O le na pule foi i 'au a le itu aiga o le fanauga a Manase, o Kamalielu lea o le atalii o Petasura.
- 24 O le na pule foi i 'au a le itu aiga o le fanauga a Peniamina, o Apitano lea o le atalii o Kitione.
- 25 Ona ave ai lea o le tagavai o le toagālauapi o le fanauga a Tanu, e muli 'au lava lea i toagalauapi uma, i a latou 'au; o le na pule foi i ana 'au, o Aisera lea o le atalii o Amisatai. O le na pule foi i 'au a le
- 26 itu aiga o le fanauga a Asera, o Pagielu lea o le atalii o Okirano.
- 27 O le na pule foi i 'au a le itu aiga o le fanauga a Nafatali, o Akira lea o le atalii o Enano. Ua faapea malaga a le fanauga a Isaraelu i a latou 'au ina o latou o malaga.
- 29 Ua fai ane Mose ia Opapo le atalii o Reuelu o le Mitiana, o le tamā o le avā a Mose, O loo o nei i matou i le mea na fetalai mai ai Ieova, Ou te foaiina atu ai ia te outou; ina tatou o ia ma oe, matou te agalelei ia te oe, auā ua folafola mai e Ieova mea lelei ia Isaraelu.
- 30 A ua tali mai o ia ia te ia, Ou te le alu; a e ou te alu i lo'u lava nuu
- 31 ma lo'u aiga. Ona fai atu ai lea o ia, Ou te aioi atu lava, aua e te tuua

i matou, auā ua e iloa *mea* matou te to lauapi ai i le vao, e fai foi oe mo matou mata. Afai foi tatou te o 32 ma oe, ona matou agalelei ai lea ia te oe i mea lelei uma e agalelei mai ai Ieova ia te i matou.

Ona latou o malaga ai lea ai le 33 mauga o Ieova, ua po tolu la latou malaga; o ia po foi e tolu na muamua atu ai ia te i latou i le malaga o le atolaau o le feagaiga a Ieova, e sailiili se mapusaga mo i latou. Sa 34 i luga ia te i latou i lea aso ma lea aso le ao mai ia Ieova, ina o latou o atu nai le toagālauapi. A ave le 35 atolaau, ona fai ane ai lea o Mose, Ieova e, ina tulai ia oe, ma ia faa- faapeapeina o e fai oe mo latou fili; ia sosola foi i ou luma o e ita ia te oe. A tuu i lalo ona fai ane ai lea 36 o ia, Ieova e, ina foi mai ia i mano- mano o Isaraelu.

O le muimui o Isaraelu; o lo latou 'ino'ino i le manai; o le tofia o faipule.

UA muimui le nuu, ua leaga foi 11 lea mea i fofoga o Ieova; auā ua faafofoga i ai Ieova, ona tupu ai lea o lona toasa; ona mu ai lea o le afi mai ia Ieova ia te i latou, ua faaumatia ai pito toagālauapi. Ona tagi 2 atu ai lea o le nuu ia Mose; ua tatalo foi Mose ia Ieova, ona pe ai lea o le afi. Ua faaigoa foi e ia 3 lena mea o Tapara; auā na mu ai le afi mai ia Ieova ia te i latou.

Ua tufinanau lava le vao tagata 4 ese sa ia te i latou, ua toe tagi foi le fanauga a Isaraelu, ma latou fai ane, O ai ea e fafaga ia te i tatou i manu? Ua tatou manatu i 'a na tatou sa'oloto ona aai ai i Aikupito; o kukuma foi, ma meleni, ma liki, ma aniani, ma kalika; a o ona po nei ua oole o tatou tino; ua leai lava se mea e vaai i ai ua na o lenei manai. O le manai foi e pei o le 7 fatu koriano ia, ma lona lanu e pei o le lanu o le petala. Na feoai le 8 nuu ma faaputu ai, ona latou olo ai lea i maaolo, pe tufi i le tanoa, ona latou tunu ai lea i pani, ma fai afi 9 potoi; o lona nanamu e pei o le nanamu o le potoi *ua palua* ma le uu. Ua totō ifo le sau i le toagā-

- lauapi i le po, ona totō lea i ai o le manai.
- 10 Ua faalogo Mose i le fetagisi o le nuu i o latou aiga, e taitoatasi le tagata i faitotoa o latou fale ie; ona matuā tupu tele ai lea o le toasa o Ieova, ua leaga foi i le
- 11 manatu o Mose. Ona fai atu ai lea o Mose ia Ieova, Se a le mea ua e agaleaga mai ai i lau auaua? se a foi le mea ua le alofagia ai a'u i ou luma, ina ua e faaee mai le avega o lenei nuu uma i luga ia te au? Na to ea a'u i lenei nuu uma?
- 12 pe na ou fanauina i latou, ina ua e fetalai mai ai ia te au, Ia e ave ia te i latou i lou lava fatafata, e pei o le tausi tama ona ave i le tama meamea, se'i ia *latou* oo i le lauleelele na e tāuto ai i o latou tamā?
- 13 Ou te maua ea i fea manu ou te avatu ai i lenei nuu uma? auā latou te fetagisi mai ia te au, ua faapea mai, Iua au mai ia ia te i matou o
- 14 manu, matou te aai ai. Ou te le lavā lava e a'u e toatasi ona ave i *le avega* o lenei nuu uma, auā e mafatia ai a'u. Afai foi e te fai faapea ia te au, ou te aioi lava, afai ua alofagia a'u e oe, ia e fasioti lava ia te au, a e aua ou te iloa lo'u puapuaga.
- 16 Ona fetalai mai ai lea o Ieova ia Mose Ina faapotopoto mai ia ia te au o tagata o toafitugafulu, o toeaia o Isaraelu, o e ua e iloa lava o toeaia i latou o le nuu ma o latou faipule; ia e au mai foi ia te i latou i le fale fetafai o le faapotopotoga, ina ia latou tutū ai faatasi ma oe.
- 17 Ona ou alu ifo ai lea ta te tautala ma oe i lea mea; ou te avea foi nisi o le agaga o loo ia te oe, ma ou tuuina atu ia te i latou; ona latou tauave ai lea faatasi ma oe le avega o le nuu, ina ia e le avea toatasi.
- 18 Ia e fai atu foi i le nuu, Ina faapaiaina outou outou, auā e a taeao, ona outou aai ai lea o manu; auā ua outou fetagisi i fofoga o Ieova, o loo faapea mai, O ai se na te aumaia ia te i matou o manu matou te aai ai? auā sa lelei i matou ina o i Aikupito; o lea, e avatu ai e Ieova o manu ia te outou, tou te aai ai.
- 19 E le na o le aso e tasi tou te aai ai, po o aso e lua, po o aso e lima, po o e sefulu, po o le laufulu o po; a e seia atoa le masina, seia alu 20 ifo ia i o outou isu, ma avea ma mea e inosia e outou; auā ua outou i'no'ino ia Ieova o loo ia te outou, ua outou fetagisi foi i ona luma, o loo faapea mai, Se a foi le mea na matou o mai ai nai Aikupito?
- Ona fai atu ai lea o Mose, O le 21 nuu matou te faatasi ma i latou e ono selau o afe o tagata ia e o i *taua*, a ua e fetalai mai, Ou te foaiina atu ia te i latou o manu latou te aai ai e atoa le masina. E fasia 22 ea mo i latou o lafu mamoe atoa foi ma lafu povi ina ia latou maona ai? pe faapotopotoina ea mo i latou o i'a uma o le sami ina ia latou maona ai? Ona fetalai mai 23 ai lea o Ieova ia Mose, Ua faapuu-puina ea le lima o Ieova? o lenei, e te iloa lava pe taunuu ia te oe la'u upu pe leai.
- Ona alu atu ai lea o Mose, ma 24 fai atu i le nuu fetalaiaga a Ieova; ua ia faapotopoto foi i toeaia o le nuu, o tagata e toafitugafulu, ua ia fai atu ia tutu i latou e faataaliolio i le fale fetafai. Ona afio ifo ai lea o 25 Ieova i le ao, ma fetalai mai ia te ia, ua ia avea foi nisi o le agaga na ia te ia, ma na tuuina atu i toeaia e toafitugafulu; ua nofo le agaga i luga ia te i latou, ona latou perofeta ane ai lea, ua gata i lea aso. A ua nonofo tagata o latou e toa- 26 lua i le toagālauapi, o le igoa o le tasi o Elitato, ma le igoa o le isi o Metato; ua nofo foi le agaga i luga ia te i laua, (o isi foi i laua o e na tusia, ona ua la le o atu i le fale fetafai), ona la perofeta ane ai lea i le toagālauapi. Ona tamoe mai 27 ai lea o le tasi taulealea, ma ta'u mai ia Mose, ua faapea mai, O Elitato ma Metato o loo perofeta ane i laua i le toagālauapi. Ona fai 28 mai ai lea o Iosua le atalii o Nuno, o le auaua a Mose o le tasi o ona taulealea, ua faapea mai, Le alii e, Mose, ia e vavao ia te i laua. Ona 29 fai atu ai lea o Mose ia te ia, Ua e mataua ea ona o a'u? ou te manao lava ia fai ma perofeta le nuu uma o Ieova, ma ia foaiina atu e Ieova lona Agaga ia te i latou. Ona alu 30

atu ai lea o Mose i le toagālauapi, o ia ma toeaina o Isaraelu.

- 31 Ona agi mai ai lea o le matagi mai ia Ieova, ua au mai ai foi salu mai le sami, ua tuu ai i le toagālauapi, e tusa ma le savaliga o le aso e tasi i lea itu ma le savaliga o le aso e tasi i lea itu *ua pau mai ia*, ua siosioina ai lava le toagālauapi, e lua kupita foi i luga o le fogāleele.
- 32 Ona tutū ai lea o le nuu i lea aso uma, ma le po uma, i le ma lona aso lua uma, ua latou faapotopototo ai salu; o le na itiiti ana mea na faapotopototo e sefulu ana somera; ua latou folasia ai foi mo i latou, ua siosioina ai lava le toagālauapi. Sa u i latou i manu a e lei lamuina, ona tupu ai lea o le toasa o Ieova i le nuu, ua fasia foi e Ieova o le nuu i le fasiga e matuā tele lava. Na faaigoa foi e ia le igoa o lea mea o Kiperota-atava, auā o lea mea na latou tanumia ai le nuu na tu'inau.
- 33 Ona ō malaga ai lea o le nuu ai Kiperota-atava i Haserota; ua latou nonofo foi i Haserota.

O le fouvale o Miriama ma Arona.

- 12 UA fai upu Miriama ma Arona ia Mose ona o le fafine Kuso na ia fai avā ai; auā na fai avā o ia i le fafine Kuso. Ua la fai ane, Ua na o Mose ea ua fetalai mai ai Ieova? e le o i maua foi ea ua fetalai mai ai o ia? Ua faafofoga mai foi Ieova.
- 3 (Na matuā agamalu lava le tagata nei o Mose, e sili lava i tagata uma o i le lalolagi.) Ona fetalai faafua-sei mai ai lea o Ieova ia Mose, ma Arona, ma Miriama, Ina o mai ia outou e toatolu i le fale fetafai o le faapotopotoga. Ona o mai ai lea o i latou e toatolu. Ona afio ifo ai lea o Ieova i le ao faaniutu, ma ua tu o ia i le faitotoa o le fale fetafai, ua ia valaau foi ia Arona ma Miriama; ona o mai ai lea o i laua.
- 6 Ona fetalai mai ai lea o ia, Ina faalogologo mai ia i a'u upu, Afai e ai se perofeta a Ieova o ia te outou, ou te faailoa a'u e a'u ia te ia i le faaaliga, ou te tautala atu ia te ia i le miti. A e le faapea la'u auauna o Mose, o le faamaoni i lo'u aiga uma lava. Ma te faafesaga'i ona ma tautala ma ia, e faaali lava, a e le o upu

lilo; o le faatusa foi o Ieova na te vaavaai i ai; na oulua le fefefe ea i se a e fai upu i la'u auauna o Mose? Ona tupu ai lea o le toasa o Ieova ia te i laua, ua afio ese foi o ia. Ua 10 mavae atu foi le ao ai luma o le fale fetafai; faauta foi, ua lepela Miriama e pei o le kiona lava; ua vaai atu Arona ia Miriama, faauta, ua lepela lava o ia. Ona fai atu ai lea 11 o Arona ia Mose, Aue! le alii e, ou te aioi atu ia te oe, aua e te tuu ia te i maua le agasala ua ma faia ma le faavalea, ma ua ma agasala ai. Aua ne'i ave'a o ia e pei o se ua oti, 12 o le u palagia le tasi itu o lona tino ina o fanau mai i le manava o lona tinā. Ona alaga atu ai lea o Mose 13 ia Ieova, ua faapea atu, Le Atua e, ou te aioi atu ia te oe ia e faamalolo ia te ia. Ona fetalai mai ai lea o 14 Ieova ia Mose, Afai ana feanu lona tamā i ona luma, po ua le ma ea o ia i po e fitu? Ia punitia o ia i tua o le toagālauapi i po e fitu, e mulimuli ane ona toe talia mai ai lea o ia. Ona punitia atu ai lea o Miriama i tua o le toagālauapi i po e fitu; e lei o malaga foi le nuu ina seia toe talia mai o Miriama. E 16 mulimuli ane ona tuua lea o Haserota e le nuu, ma latou to lauapi i le vao o Parana.

O le tala i le asiasiga o le nuu o Kanana.

UA fetalai mai foi Ieova ia Mose, 13 ua faapea mai, Ia e aauina atu tagata, latou te asiasi le nuu o 2 Kanana ou te foaiina i le fanauga a Isaraelu, e taitoatasi le tagata i itu aiga o latou tamā ia e aauina atu ai, o alii uma i latou ia te i latou. Ona 3 aauina atu ai lea o i latou e Mose ai le vao o Parana e tusa ma le afoga a Ieova; o ia tagata uma lava o matai i latou o le fanauga a Isaraelu. O latou igoa foi nei; o Samua 4 o le atalii o Sakuro, o lo le itu aiga o Reupena ia. O Safata o le atalii o Hori, o lo le itu aiga o Simeona ia. O Kalepo o le atalii o Iefune, o lo 6 le itu aiga o Iuta ia. O Ikalo o le atalii o Iosefa, o lo le itu aiga o Isakara ia. O Hosea le atalii o 8 Nuno, o lo le itu aiga o Efaraima ia. O Paleti o le atalii o Rafo, o lo le 9

10 itu aiga o Peniamina ia. O Katieli
o le atalii o Soti, o lo le itu aiga o
11 Sepulona ia. O lo le itu aiga o
Iosefa; o Kati o le atalii o Suse, o
12 lo le itu aiga o Manase ia. O
Amueli o le atalii o Kameli, o lo le
13 itu aiga o Tanu ia. O Seturi o le
atalii o Mekaeli, o lo le itu aiga o
14 Asera ia. O Naepi o le atalii o
Vapese, o lo le itu aiga o Nafatali
15 ia. O Keueli o le atalii o Maki, o
16 lo le itu aiga o Kato ia. O igoa ia
o tagata na aauina e Mose e asiasi
le nuu. Ua faaigoa foi e Mose ia
Hosea le atalii o Nuno o Iosua.

17 Ua aauina atu i latou e Mose e
asiasi le nuu o Kanana, ua fai atu
foi ia te i latou, Ina o ae ia outou i
lenei *ala* i le itu i toga, ma o ae i le
18 mauga; ia outou matamata i le
laueleele pe faapefea ia, ma tagata
e nonofo ai, pe malolosi i latou pe
vaivai, pe toaititi i latou pe toatele;
19 pe faapefea foi le laueleele ua latou
nonofo ai, pe lelei pe leaga, pe faa-
pefea foi aai ua latou nonofo ai, pe
nonofo faatoagālauapi, pe nofo 'olo;
20 pe faapefea foi le laueleele, pe lafu-
lemu pe lafuā; pe i ai ni laau pe
leai; ina faalototele ia outou, ia
outou au mai foi ni fua o le fanua.
(O ona po foi ia o vire e muai
21 matutua.) Ona latou o ae ai lea,
ma latou matamata i le nuu, e
amata i le vao o Tisina e oo i Reopa
22 e ui ai i Amato. Ua latou o ae i le
itu i toga, ma latou oo atu i Hepe-
rona, sa i ai o Aimana, ma Sesai,
ma Talemāi, o le fanau i latou a
Anaki. (Na faia Heperona e mua-
mua i Soana i Aikupito, e fitu lava
23 tausaga na va a'i i laua.) Ua oo foi
i latou i le alia o Esekolo, ona latou
sala ai lea o le la o le vine ma le
fuifui vine e tasi, ua tausoa e le
toalua i le amo, *ua au mai foi e i*
24 *latou* ni rimoni ma ni mati. Na
faaigoa foi lena mea o le alia o
Esekolo, ona o le fuifui vine na sala
25 mai ai e le fanauga a Isaraelu. Ua
mavae po e fagafulu, ona foi mai ai
lea o i latou i le asiasiga o le nuu.

26 Ua latou toe o mai ia Mose, ma
Arona, ma le faapotopotoga uma
lava o le fanauga a Isaraelu i le vao
o Parana, i Katesa; ua latou au
mai la latou tala ia te i latou ma le

faapotopotoga uma, ua latou faaali
mai foi ia te i latou o fua o le fanua.
Ua latou talatala mai foi ia te ia, 27
ua faapea mai, Na matou oo atu i le
nuu na e aauina i ai i matou, e moni
foi ua tafe ai le suāsusu ma le meli,
o ona fua foi nei. A e peitai ane e 28
malolosi lava tagata o nonofo i le
nuu, o aai foi e nofo 'olo e matuā
tetele lava; i le ma lea foi na matou
iloa ai le fanau a Anaki. O loo 29
nonofo Amaleka i le nuu i le itu i
toga; o sa Heti foi, ma sa Iepusē,
ma sa Amori, o loo nonofo i latou
i mauga; o sa Kananā foi o loo
nonofo i latou e lata ane i le sami
atoa ma le itu e i ai Ioritana. Ona 30
vavao ai lea e Kalepo i le nuu ia
filemu i luma o Mose, ua faapea atu,
Se'i tatou matuā o ae lava i ai, ma
fai ai mo i tatou; auā e mafai lava
ona tatou manumalo ai. Ona fai 31
ane ai lea o ia tagata na o ae ma ia,
Tatou te le mafaia ona o ae e tau
ma lena nuu; auā e sili lo latou
malosi i lo tatou. Ua latou fai tala 32
leaga mai foi i le fanauga a Isaraelu
i le nuu na latou asiasi i ai, ua
faapea mai, O le nuu na matou
o atu i ai e asiasi i ai, o le nuu
lava lea e faaumatia e o nonofo ai;
o tagata uma foi na matou iloa ai o
tagata tino eese lava i latou. Na 33
matou iloa ai foi tagata maualuluga,
o atalii o Anaki, *na tutupu* mai i
tagata maualuluga; e pei ni sē lava
i matou i o matou manatu, sa faapea
foi i matou i o latou manatu.

*O le muimui o Isaraelu ona o le tala
a e na asiasi i le nuu.*

ONA alalaga ai lea o le faapoto-14
potoga uma, ua fetagisi foi le nuu i
lea po. Ua muimui foi le fanauga 2
a Isaraelu uma lava ia Mose ma
Arona, ua fai mai foi le faapoto-
potoga uma ia te i laua, E! ana
matou oti i le nuu o Aikupito. E!
ana matou oti i leni vao. Se a ea 3
le mea ua au mai ai Ieova ia te i
matou i leni nuu ia oti i le pelu, e
avea foi o matou fafine ma o matou
tama iti o tagata o taua? E le lelei
ea ona matou toe foi atu i Aiku-
pito? Ona latou fetautalatalai ai 4
lea, Se'i tatou tofia so *tatou* tāfita'i,
ma tatou foi atu i Aikupito. Ona 5

- faapauufao ai lea o Mose na Arona i luma o tagata uma o le faapoto-
6 potoga o le fanauga a Isaraelu. O Iosua foi le atalii o Nuno, ma Kalepo le atalii o Iefune, o i lava sa i le asiasiga o le nuu, ua la saeia o la
7 ofu; ua la fai ane foi i le faapoto- potoga uma o le fanauga a Isaraelu, ua faapea atu, O le nuu na matou ui ai e asiasi ai, o le nuu e matuā
8 lelei tasi lava ia. Afai e finagalo alofa mai Ieova ia te i tatou, na te faaootia lava i tatou i lena nuu, ma foai mai ai ia te i tatou; o le nuu lava ua tafe ai le suāsusu ma le meli.
9 A e aua lava ne'i outou fouvale ia Ieova, aua foi tou te matatua i tagata o le nuu, auā e faia lava i latou ma mea e 'ai mā tatou; ua mavae lo latou mamalu ia te i latou, a o loo ia te i tatou Ieova; aua tou te matatua ia te i latou.
10 A ua fai ane le faapotopotoga uma e fetogi ia te i lava i maa. Ona faaali mai ai lea o le pupula o Ieova i le fale fetafai o le faapotopotoga i luma o le fanauga a Isaraelu uma lava.
11 Ona fetalai mai ai lea o Ieova ia Mose, E 'ino'ino mai lenei nuu ia te au seia afea? E ui lava i faailoga uma ua ou faia ia te i latou, a e latou te le faatutua lava ia te au seia afea? Ou te taia i latou i le faamai, ou te faaumatia foi i latou, ou te faia foi oe ma *tupuga* o le nuu e tele ma le malosi, e sili ia te i
12 latou. Ona fai atu ai lea o Mose ia Ieova, E faalogo mai i ai o Aikupito, (auā na e aveina ae lenei nuu i lou mana nai ia te i latou;) latou te ta'u atu ai foi i e o nonofo i le nuu nei; *auā* ua latou faalogo lava, o oe lava, Ieova e, o loo e afio i totonu o lenei nuu, o oe foi Ieova o loo iloa oe ua faafeagai lava; o le ao foi mai ia te oe o loo tu i o latou luga, o loo e afio foi i luma ia te i latou i le ao faaniutu ina o ao, ma le afi faaniutu
13 ina o po. O lenei, afai e te fasiotia lenei nuu, e pei o se tagata e toatasi, ona tautala ane ai lea o nuu ese o e ua iloa le logo ia te oe, e faapea
14 ane, E le mafaia e Ieova ona faaoo lenei nuu i le nuu na tauto ai o ia ia te i latou, o le mea lava lea ua na
15 fasia ai i latou i le vao. O lenei, ou te aioi atu ia te oe, ia tele le mamana o lo'u Alii, e pei ona e fetalai mai ai, ua faapea, O Ieova e telegese
16 lona toasa, e tele foi le alofa, e faa- magalo atu i le agasala ma le soli- tulafono, a e le faasaoina lava e agasala, e tauia e ia le agasala a mātua i le fanau e oo i le tolu ma le fa o *tupulaga*. Ou te aioi atu
17 lava, ia e faamagalo le agasala a lenei nuu, ia tusa ma le tele o lou alofa, e pei ona e faamagaloina atu foi i lenei nuu talu ona o mai i Aikupito ua oo lava i ona po nei.
Ona fetalai mai ai lea o Ieova, 20 Ua ou faamagaloina atu e tusa ma lau upu; a e peitai, o loo ola a'u, 21 e faatumuina lava le lalolagi uma lava i le mamalu o Ieova; auā o na tagata uma o e na iloa lo'u mamalu ma o'u faailoga na ou faia i Aiku- pito ma le vao, ma ua tofotofa faa- sefulu lava ia te au, ma latou le faalogo i lo'u leo; latou te le iloa
22 lava le nuu na ou tauto ai i o latou tamā, e leai lava so latou o e 'ino- 'ino mai ia te au e vaai i ai. A o 24 la'u auaua o Kalepo, ona ua ia te ia le loto e ese i o *latou*, ua na matuā mulimuli mai lava ia te au, o le mea lea ou te faaoo ai ia te ia i le nuu na ia alu atu i ai, e fai foi lea mo lana fanau. (Sa nonofo sa Ama- 25 lekā ma sa Kananā i le vanu.) A taeao ia outou liliu ane, ma o atu i le vao, i le ala i le sami Ulaula.
Ua fetalai mai foi Ieova ia Mose 26 na Arona, ua faapea mai, *Ou te 27 faapalepale ea seia afea* i lenei faa- potopotoga leaga, o i latou lava o e muimui mai ia te au? Ua ou lagona lava i muimuiga a le fanauga a Isaraelu ua latou muimui mai ai ia te au. Ia e fai atu ia te i
28 latou, O loo fai mai Ieova, o loo ola a'u, ou te faia lava ia te outou e pei o a outou upu ua oo mai i o'u taliga; e oti o outou tino i lenei
29 lava vao; o outou uma lava na fai- taulia, e tusa ma le faitau aofai o outou uma, e afua mai i e ua lua- fulu o latou tausaga atoa ma e ua matutua ai, o e na muimui mai ia te au; tou te le oo atu lava i le nuu
30 na ou tauto ai tou te nonofo ai, na o Kalepo le atalii o Iefune, ma Iosua le atalii o Nuno. A o outou tama 31

iti na outou fai mai ai, E fai i latou
ma tagata o taua, ou te faaoo ia te
i latou, latou te iloa lava le nuu ua
32 inosia e outou. A o outou, e oti o
33 outou tino i lenei lava vao. O a
outou fanau foi latou te feoi i le
vao e fagafulu o tausaga, e tauave
foi e i latou a outou mulilulua, seia
faumatia o outou tino i le vao.
34 E faatatau i le faitau o po na outou
asiasi ai le nuu, e fagafulu o po, o le
po e tasi o le faatatau lea o le tau-
saga e tasi, e fagafulu o tausaga lava
tou te tauave ai o outou agasala,
ona outou iloa ai lea o lo'u lafoai-
35 ina o outou. O a'u lava o Ieova, ua
ou fai atu, ou te matuā faia lava i
lenei faapotopotoga leaga uma lava
o e ua faapotopotoina e tetei mai
ia te au; e faaumatia i latou i lenei
36 lava vao, ma latou oti ai lava. O
tagata foi na aauina e Mose e asiasi
i le nuu, ma latou toe foi mai, ma
faatupuina le muimui o le faapoto-
potoga uma ia te ia i lo latou fai
37 tala leaga i le nuu, o ia lava ta-
gata na fai tala leaga i le nuu, ua
oti lava i latou i le mala i luma o
38 Ieova. A o Iosua le atalii o Nuno,
ma Kalepo le atalii o Iefune na ola
i laua ai ia tagata na o e asiasi i le
nuu.
39 Ua talatalaina atu e Mose ia upu
i le fanauga a Isaraelu uma lava,
ona matuā tele ai lea o le faanoanoa
40 o le nuu. Ona latou usuusu ai lea i
le taeao, ma o ae i le tumutumu
mauga, ua faapea ane, Faauta, o i
matou nei, matou te o ae i le mea
na fetalai mai ai Ieova; auā ua ma-
41 tou agasala. A ua fai atu Mose,
Se a le mea tou te soli ai le afioga
a Ieova? a e le manuia lava lea
42 mea. Aua lava tou te o ae, auā e
le o ia te outou Ieova; ina ne'i
fasia outou i luma o e fai outou ma
43 fili. Auā o i ai i o outou luma o sa
Amalekā ma sa Kananā, e oti lava
outou i le pelu; auā ua outou liliu
ese ia Ieova, o le mea lea e le
44 i ai Ieova ia te outou. A ua
latou o faamaualuga i le tumutumu
mauga; a o le atolaau o le feagaiga
a Ieova ma Mose e lei te'a ese ia ma
45 le toagālauapi. Ona o ifo ai lea o
sa Amalekā ma sa Kananā o e na
mau i lena mauga, ma latou fasia i

latou, ma tutuli ia te i latou ua oo
lava i Horema.

O taulaga ma tulafono eseese.

UA fetalai mai foi Ieova ia Mose, 15
ua faapea mai, Ia e fai atu i le 2
fanauga a Isaraelu, ia faapea atu ia
te i latou, Pe a outou oo atu i le
nuu tou te mau ai, ou te foaiina
atu ai ia te outou, ma outou fia fai 3
se taulaga e *fai* i le afi ia Ieova, o
le taulaga mu, po o se taulaga e
faataunuu ai se mea ua tauto ai, po
o se taulaga ua outou loto ina fai,
po o *se taulaga* i a outou tausamiga,
e fai ma mea manogi lelei ia Ieova,
mai le lafu povi po o le lafu mamoe;
ona avatu ai lea e le ua fai lana 4
taulaga ia Ieova o le taulaga i mea
e 'ai o le omera e tasi o falaoa lelei
ua palua ma lona vaega e fa o le
sinu o le suāuu. O lona vaega e fa 5
foi o le sinu o le uaina e fai ma
taulaga i mea e inu, e te saunia e
faatasi ma le taulaga mu, po o le
isi taulaga e faatatau i le tamai
mamoe e tasi. A o le taulaga i mea 6
e 'ai mo le mamoe poa, e te faia lea i
omerā e lua o falaoa lelei ua palua
ma lona vaega e tolu o le sinu o le
suāuu. O le uaina foi e fai ma tau- 7
laga i mea e inu, o lona vaega e tolu
o le sinu e te avatu ai, e fai ma mea
manogi lelei ia Ieova. A e afai o le 8
povi poa e te fai a'i le taulaga mu,
po o se isi taulaga e faataunuu ai le
mea na tauto ai, po o le taulaga
faafetai ia Ieova, ona au mai ai lea 9
e ia faatasi ma le povi poa o le tau-
laga i mea e 'ai, o omera e tolu o
falaoa lelei ua palua ma le vaeluaga-
lemu o le sinu o le suāuu. E te au 10
mai ai foi o le vaeluagalemu o le
sinu o le uaina e fai ma taulaga i
mea e inu; o le taulaga e *fai* i le
afi lea, o le mea manogi lelei ia
Ieova. E faapea lava ona faia i le 11
povi e tasi, po o le mamoe poa e
tasi, po o le tamai mamoe, po o le
tamai 'oti. E tusa lava ma le faitau 12
o *taulaga* tou te faia, e faapea lava
ona outou faia i lea ma lea, ia faata-
tau ma lo latou faitau. E faapea 13
ona faia ia mea e tagata o le nuu,
pe a faia taulaga e *fai* i le afi, o le
mea manogi lelei ia Ieova. Afai 14
foi e āumau ia te outou se tagata

- ese, po o se tasi e ia te outou i a outou augātupulaga, e fia fai e ia se taulaga e *fai* i le afi, o le mea manogi lelei ia Ieova; e pei ona faia e outou e faapea lava ona faia e ia.
- 15 E tasi le tulafono ia te outou o le faapotopotoga atoa ma le tagata ese ua āumau *ia le outou*, o le tulafono e faavavau i a outou augātupulaga; e pei o outou e faapea lava le tagata ese i luma o
- 16 Ieova. E tasi lava le tulafono, e tasi lava le tu ia te outou atoa ma le tagata ese o loo āumau ia te outou.
- 17 Ua fetalai mai foi Ieova ia Mose,
- 18 ua faapea mai, Ia e fai atu i le fanauga a Isaraelu, ia faapea atu ia te i latou, Pe a outou oo i le nuu ou te
- 19 faaoo i ai outou, pe a outou aai i mea e *ai* o i le nuu, ona outou au mai ai lea o le taulaga sii ia Ieova.
- 20 Ia outou au mai se potoi e tasi ai la outou lua'i palugāfalaoa e fai ma taulaga sii, e pei o le taulaga sii ai le mea e soli ai saito, e faapea ona
- 21 outou aumaia. Tou te ave lava ia Ieova le taulaga sii ai la outou lua'i palugāfalaoa i a outou augātupulaga.
- 22 Afai foi e sese outou i le agasala, ma outou le faia ia poloaiga uma
- 23 ua fetalai mai e Ieova ia Mose, o mea uma ua poloa'i mai ai Ieova ia te outou ia Mose, e fua mai i le aso na poloa'i mai ai Ieova e oo lava i a
- 24 outou tupulaga amuli; afai foi e faia *se mea* ma le sese, ma le le iloa e le faapotopotoga, ona saunia ai lea e le faapotopotoga uma lava o se povi poa taanoa e tasi e fai ma taulaga mu, o le mea manogi lelei ia Ieova, atoa ma lana taulaga i mea e *ai*, ma lana taulaga i mea e inu e tusa ma le tu, o le *'oti* poa foi e tasi e fai ma taulaga mo le agasala.
- 25 Ona fai ai lea e le ositaulaga o le togiola mo le faapotopotoga uma lava o le fanauga a Isaraelu, ona faamagaloina ai lea o i latou; auā o le sese, ua latou au mai foi la latou taulaga, o le taulaga e *fai* i le afi ia Ieova, o la latou taulaga foi mo le agasala i luma o Ieova ona o
- 26 lo latou sese; ona faamagaloina ai lea o le faapotopotoga uma o le fanauga a Isaraelu, atoa foi ma le
- tagata ese ua āumau ia te i latou; auā na sese le nuu uma.
- Afai foi e sese i le agasala se tagata e toatasi, ona au mai ai lea e ia se *'oti* fafine e tasi lona tausaga, e fai ma taulaga mo le agasala.
- Ona fai ai lea e le ositaulaga le togiola mo le tagata o le na sese i le agasala, pe a sese i luma o Ieova, e togiolaina ai o ia, ona faamagaloina ai lea o ia. E tasi lava le tulafono ia te outou i le ua agasala i le sese, o le tagata moni o le fanauga a Isaraelu, atoa ma le tagata ese ua āumau ia te i latou.
- A o le tagata na te faia *se mea* ma le faamaualuga, po o se tagata moni o le nuu, po o se tagata ese, ua faifaia lava e ia o Ieova, ia vavaeeseina lea tagata i lona nuu. Auā ua inosia e ia le upu a Ieova, ua solia foi e ia lana poloaiga; e matuā vavaeeseina lava lea tagata, e ia te ia lava lana agasala.
- Sa i le vao le fanauga a Isaraelu, ua iloa e i latou o le tagata na fai seuseu i le aso sapatu. O i latou foi na iloa o ia o fai seuseu, ua latou aumaia o ia ia Mose, ma Arona, ma le faapotopotoga uma lava. Ona latou tuuina atu ai lea o ia ia leo-leoina, auā e lei iloga se mea e fai ia te ia. Ona fetalai mai ai lea o Ieova ia Mose, E matuā fasiotia le tagata, e fetogia o ia i maa e le faapotopotoga uma i tua o le toagālauapi. Ona ta'ita'ina lea o ia e le faapotopotoga uma i tua o le toagālauapi, ma latou fetogi ia te ia i maa, ona oti ai lea o ia, e pei ona poloa'i mai ai o Ieova ia Mose.
- Ua fetalai mai foi Ieova ia Mose, ua faapea mai, Ia e fai atu i le fanauga a Isaraelu, ia faapea atu ia te i latou, ia latou faia mo i latou o tuupao i pito o latou ofu i a latou angatupulaga, ia latou tuu foi le sii uliuli i luga o le tuupao i le tafatafa; e fai foi lea ia te outou ma tuupao, ina ia outou vaavaai i ai, ma ia outou manatunatu ai i poloaiga uma a Ieova, ma ia outou faia; ina ne'i usiuisaitai outou i o outou loto ma o outou mata, auā o mea ia ua faasesesooina ai outou; ina ia outou manatua, ma ia outou faia a'u poloaiga uma lava, ia paia foi outou mo

41 lo outou Atua. O a'u lava o Ieova o lo outou Atua, o le na aumaia outou ai le nuu o Aikupito, ina ia fai a'u mo outou Atua; o a'u lava o Ieova o lo outou Atua.

O le fouvale o Koru ma Tatano ma Apiramo.

16 UA ave *ni tagata* e Koru le atalii o Isara, o le atalii ia o Koato, o le atalii ia o Levi, o Tatano foi ma Apiramo o atalii o Eliapo, o Ono foi le atalii o Peleto, o le fanauga a

2 Reupena ia; ma ua latou laga mai ia Mose, na faatasi foi ma i latou nisi tagata o le fanauga a Isaraelu e lua selau ma le limagafulu, o alii i latou o le faapotopotoga, e ta'ua i le faapotopotoga, o tagata mamalu;

3 ua latou faapotopotoina i latou ia Mose ma Arona, ma latou faapea atu ia te i laua, Ua oulua faamaualuga lava, au'ua paia le faapotopotoga uma lava, o loo ia te i latou foi o Ieova, o lenei, se a ea le mea ua oulua faasili ai oulua i le faa-

4 potopotoga a Ieova? Ua faalogo i ai Mose, ona faapa'ufao ai lea o ia.

5 Ua fai atu foi o ia ia Koru ma i latou uma na 'au faatasi ma ia, ua faapea atu, A taeao e faailoa mai ai e Ieova po o ai ona tagata, po o ai foi ua paia; e faalatalataina foi e ia *lea tagata* ia te ia; o le ua filifilia e ia, na te faalatalataina o ia ia te ia.

6 Ia outou faia lenei mea; ina au mai ia e outou o salefu, o Koru ma i latou uma o e 'au faatasi ma ia;

7 ma tuu i ai ni afi, ma avane i ai mea manogi i luma o Ieova a taeao; o le tagata foi e filifilia e Ieova e paia lava o ia; ua outou faamaualuga lava o outou na le fanauga a Levi.

8 Ua fai atu foi Mose ia Koru, Ina faalogologo mai ia o outou na le

9 fanauga a Levi; se mea ititi ea ia te outou ina ua vavaeeseina outou e le Atua o Isaraelu i le faapotopotoga o Isaraelu, ina ia faalatalataina outou ia te ia e auauna i le galuega o le malumalu o Ieova, e tutu foi i luma o le faapotopotoga e auauna ia te i latou? Ua na faalatalataina foi oe *ia te ia* atoa ma ou uso uma lava o le fanauga a Levi faatasi ma oe, a e tou te mananao ea atoa ma

11 le faiva o le ositaulaga? O le mea

lava lena ua outou faapotopotoina ai, o oe ma i latou uma e ua 'au faatasi ma oe, e tetee atu ia Ieova; a o Arona, o ai ea o ia tou te mui-mui ai ia to ia?

Ona auina atu lea e Mose *se tasi* 12 e valaau ia Tatano ma Apiramo o atalii o Eliapo; a ua la tali mai ai, Ma te le o atu lava; se mea ititi ea 13 ina ua e aveina ae i matou ai le nuu o loo tafe ai le suāsusu ma le meli, ina ia oti i matou ia te oe i le vao, a e matuā fai ea oe mo matou alii? I le ma lenei foi, ua e le faaootia i 14 matou i le nuu o loo tafe ai le suāsusu ma le meli, ua e le foaiina mai foi ia te i matou ni fanua ma ni tovine e fai mo matou tofi; a ē sasali ea mata o nei tagata? ma te le o atu lava. Ona ita tele lava lea 15 o Mose, ua na fai atu foi ia Ieova, Aua e te silasila i a latou taulaga; ou te lei avea sa latou asini e tasi, ou te lei agaleaga atu foi i so latou e toatasi. Ua fai atu foi Mose ia 16 Koru, Ina o mai ia i luma o Ieova a taeao, o oe ma i latou uma o e 'au faatasi ma oe, o oe, ma i latou, atoa foi ma Arona. Ia taitasi foi le 17 tagata ma au mai lana salefu, ma avane i ai ni mea manogi, ma ia outou au mai taitasi e le tagata lana salefu i luma o Ieova, e lua selau ma le lima sefulu o salefu; o oe foi ma Arona ia taitasi ma lana salefu. Ona latou au mai ai lea taitoatasi 18 ma lana salefu, ma latou avane i ai ni afi, ma avane i ai mea manogi, ua latou tutu faatasi foi ma Mose ma Arona i le faitotoa o le fale fetafai o le faapotopotoga. Ona faapoto- 19 potoina ai lea e Koru o le faapopotoga uma lava i le faitotoa o le fale fetafai o le faapotopotoga e tetee ia te i laua; ona faaali mai ai lea o le pupula o Ieova i le faapopotoga uma lava. Ona fetalai mai 20 lea o Ieova ia Mose ma Arona, ua faapea mai, Ina vavae ese ia oulua i lenei faapotopotoga, seia ou faaumatia i latou e pei o se emo o le mata. Ona faapa'ufao ai lea o i 22 laua, ua faapea atu, Le Atua e, o le Atua o agaga o tagata uma, a agasala le tagata e toatasi, e te toasa mai ai ea i le faapotopotoga uma lava? Ona fetalai mai ai lea o 23

- 24 Ieova ia Mose, ua faapea mai, Ia e
fai atu i le faapotopotoga, ia faapea
atu. Ina o ese atu ia outou i itu uma
o fale ie o Koru, ma Tatano, ma
Apiramo.
- 25 Ona tulai ai lea o Mose, ua alu
atu ia Tatano ma Apiramo, ua muli-
muli atu foi ia te ia tocaina o
- 26 Isaraelu. Ona fai atu ai lea o ia i
le faapotopotoga, ua faapea atu, Ou
te aioi atu, ia outou o ese i fale ie o
ia tagata amio leaga, aua foi ne'i
papai atu i sina a latou mea, ina
ne'i fano outou i a latou agasala
- 27 uma. Ona o ese ai lea o i latou i
itu uma o fale ie o Koru, ma Tatano,
ma Apiramo; ona ulu fafo ai lea o
Tatano ma Apiramo, ua tutū i fai-
totoa o laua fale ie, ma a la avā, ma
- 28 o laua atalii, ma a la tama iti. Ona
fai atu ai lea o Mose, O le mea lava
lenei tou te iloa ai na auina mai a'u
e Ieova e fai ia galuega uma, a e lei
- 29 *fai* i lo'u lava loto. Afai e oti ia
tagata e pei o le oti o tagata uma,
pe oo ia te i latou e pei ona oo i
tagata uma, *ona iloa lea* ua le auina
- 30 a'u e Ieova. A e afai e faia e Ieova
le mea fou, ma faamaga le gutu o
le eleele, ma folo ia te i latou, ma
mea uma o lo'o ia te i latou, ma
latou o ifo i seoli o ola lava, ona
- 31 outou iloa ai lea ua 'ino'ino ia
tagata ia Ieova. Ua uma ona fai
atu e ia o ia upu uma, ona māvae
ai lea o le eleele i lalo o i latou.
- 32 Ua faamaga le gutu o le eleele, ua
folo ifo ia te i latou, ma o latou
aiga, atoa ma tagata uma na ia
- 33 Koru, ma a latou mea uma. Ua o
ifo i seoli i latou ma i latou uma e
na ia i latou o ola lava, ona toe soo
ane lea o le eleele i luga ia te i
latou; ona fano ai lea o i latou ai le
- 34 faapotopotoga. Ona sosola ai lea i
lo latou alalaga o Isaraelu uma sa
vagavagai ia te i latou, auā na latou
faapea ane, Ina ne'i foloina i tatou
- 35 e le eleele. Ua oo atu foi le afi mai
ia Ieova, ua faaumatia ai ia tagata
e toalua selau ma le toalima sefulu
o e na avatu mea manogi e mu.
- 36 Ona fetalai mai ai lea o Ieova ia
- 37 Mose, ua faapea mai, Ia e fai atu ia
Eleasaro le atalii o Arona le ositau-
laga na te aveina ae salefu ai totonu
o le mu, ma ia e sasaa le afi i se
- mea mamao; auā e paia ia mea.
O salefu a ia tagata na agasala i o 38
latou lava agaga ia fai a'i mea sala-
lafa lautetele e fai ma ufiufi o le
fata faitaulaga; auā na latou aveina
atu ai i luma o Ieova, o le mea lea
ua paia ai lava ia mea; e fai foi ia
mea ma faailoga i le fanauga a
Isaraelu. Ona ave ai lea e Eleasaro 39
le faitaulaga o salefu 'apa memea,
na faitaulaga ai e na susunuina, ua
faalauteleina ia e fai ma ufiufi o le
fata faitaulaga. O le faamanatuga 40
lea i le fanauga a Isaraelu, ina ne'i
faalatalata atu se tagata ese, e le
o le fanau a Arona, e mu ai mea
manogi i luma o Ieova; ina ne'i
avea o ia pei o Koru ma e sa 'au
faatasi ma ia; e pei o le afioga a
Ieova na fai atu e Mose ia te ia.
- O le taeao na muimui ai le faa- 41
potopotoga uma o le fanauga a
Isaraelu ia Mose ma Arona, ua
faapea mai, Ua fasiotia e oulua le
nuu o Ieova. Ua aofia mai le faa- 42
potopotoga e tete'e ia Mose ma
Arona, ona latou vaavaai atu ai
lea i le fale fetafai o le faapoto-
potoga, faauta, ua ufitia i le ao, ua
faaali mai ai foi le pupula o Ieova.
Ona o mai ai lea o Mose ma Arona 43
i luma o le fale fetafai o le faapo-
topotoga. Ona fetalai mai ai lea 44
o Ieova ia Mose, ua faapea mai,
Ina o ese ia oulua i lenei faapoto- 45
potoga, seia ou faaumatia i latou
e pei o se emo o le mata. Ona la
faapauufao ai lea. Ona fai atu ai 46
lea o Mose ia Arona, Ia e tago i
le salefu, ma avane i ai se afi ai le
fata faitaulaga, ma avane i ai ni
mea manogi, ma ia e vave alu i le
faapotopotoga, ma fai se togiola
mo i latou; auā ua alu atu le
toasa mai ia Ieova; ua amataina
le mala. Ona tago ai lea e Arona 47
e pei ona fai atu ai e Mose, ua
tamo'e lava ia i totonu o le faapo-
topotoga; faauta, ua amataina lava
le mala i le nuu; ua ia avane foi
mea manogi e mu, ma na fai ai le
togiola mo le nuu. Ua tu foi o 48
ia i le va o e oti ma e ola; ona
taofia ai lea o le mala. O i latou 49
foi ua oti i le mala, o afe e tasi le
sefulu ma le fa ma le fitu o selau,
e faaopoopoina i e ua oti i le mea

50 a Koru. Ona toe foi mai ai lea o Arona ia Mose i le faitotoa o le fale fetafai o le faapotopotoga; ua taofia foi le mala.

O le tootoo o Arona ua fua mai.

17 ONA fetalai mai lea o Ieova ia
2 Mose, ua faapea mai, Ia e tautala atu i le fanauga a Isaraelu, ia e aumaia foi mai ia te i latou o tootoo, taitasi le aiga o latou tamā ma le tootoo; ia e au mai i o latou alii sili i aiga o latou tamā, o tootoo e sefulu ma le lua; ia e tusi foi le igoa o le tagata i lona tootoo. Ia e tusi foi le igoa o Arona i le tootoo o Levi; auā e taitasi le tootoo i matai o aiga o latou tamā. Ia e tuu ai foi i le fale fetafai o le faapotopotoga i luma o le atolaau o le tulafono, o le mea tatou te fetai ai ma outou. Ona oo ai lea ina fotu mai le tootoo o le tagata ou te filifilia; ou te faagata foi i o'u luma o muimuiga a le fanauga a Isaraelu ua latou muimui ai ia te oulua. Ua fai atu foi Mose i le fanauga a Isaraelu, ona au mai ai lea ia te ia e o latou alii sili uma lava, e taitoatasi le alii sili ma le tootoo i aiga o latou tamā, o tootoo e sefulu ma le lua; sa faatasi foi le tootoo o Arona ma o latou tootoo. Ona tnu ai lea e Mose o tootoo i luma o Ieova i le fale fetafai e i ai le tulafono. Ua oo i le aso taeao, ona ulu atu ai lea o Mose i le fale fetafai e i ai le tulafono, faauta foi, ua fotu mai le tootoo o Arona mo le aiga o Levi; ua fotu mai lava, ua matala mai fuga, ua fua 9 mai foi sekati matutua. Ona ave ai lea e Mose o tootoo uma nai luma o Ieova i le fanauga a Isaraelu uma lava, ona latou iloilo ai lea, ua latou taitoatasi ma ave lona tootoo.

10 ONA fetalai mai lea o Ieova ia Mose, Ina toe au mai ia le tootoo o Arona i luma o le atolaau o le tulafono e tuu ai, e fai ma faailoga i tagata fouvale; e te faagata ai a latou muimuiga i o'u luma, ona le 11 oti ai lea o i latou. Ona faia lea e Mose e pei ona poloi mai ai o Ieova ia te ia, ua faapea lava ona

fai e ia. Ona fai mai lea o le 12 fanauga a Isaraelu ia Mose, ua faapea mai, Faauta, a oti i matou, o le a matou fano, o i matou uma lava o le a matou fano. Ai se 13 faalatalata atu i le malumalu o Ieova e oti lava ia; pe faaumatia ea i matou i le oti?

O le tofiga o le au ositaulaga ma sa Levī.

UA fetalai mai foi Ieova ia Arona, 18
O oe, ma ou atalii, ma le aiga o lou tamā faatasi ma oe, e tauave e outou le amioletonu o i le malumalu; o oe foi ma ou atalii faatasi ma oe, e tauave e outou le amioletonu o ilo outou faiva o ositaulaga. O ou uso foi o le itu aiga o Levi, o le itu aiga o lou tamā, e te faalatalataina mai i latou faatasi ma oe, ina ia faatasia i latou ia te oe, ma latou auaina ia te oe; a o oe ma ou atalii faatasi ma oe, 2 *te auaina* i luma o le fale fetafai e i ai le tulafono. Latou te tausia foi mea o ia te oe e tausī, ma le tausiga o le fale fetafai uma; tau lava ina ne'i latou faalatalata i ipu o le malumalu ma le fata faitaulaga, ina ne'i latou oti, o i latou atoa foi ma outou. E faatasia foi i latou ia te oe, ma latou anaana i le tausiga o le fale fetafai o le faapotopotoga, e fai ai le galuega uma o le fale fetafai; a e au ne'i faalatalata se tagata ese ia te outou. Tou te 3 anaana foi i le tausiga o le malumalu ma le tausiga o le fata faitaulaga, ina ne'i toe oo le toasa i le fanauga a Isaraelu. Faauta, o a'u 4 foi, ua ou ave a outou uso o sa Levī ai le fanauga a Isaraelu; ua foaiina atu i latou ia te outou, ua foaiina lava mo Ieova, e fai le galuega o le fale fetafai o le faapotopotoga. A o oe ma ou atalii faatasi ma oe, 5 *te tausī* ma outou faiva o ositaulaga i mea uma o le fata faitaulaga, ma mea foi i tua o le ie puipei; tou te auaina ai foi; ua ou foaiina atu lo outou faiva o ositaulaga, o le galuega foaiina lava; o le tagata ese foi e faalatalata i ai e fasiotia lava ia.

Ua fetalai mai foi Ieova ia Arona, 8
Faauta, o a'u foi, ua ou foaiina atu

- ia te oe le tausiga o a'u taulaga sii i mea paia uma a le fanauga a Isaraelu; ua ou foaiina atu ai ia te oe ma ou atalii ona o le faauuina, o le 9 tulafono lea e faavavau. E ia te oe lenei mea i mea e sili ona paia, i *taulaga e fai* i le afi; o a latou taulaga uma, o a latou taulaga i mea e 'ai uma, ma a latou taulaga uma mo le agasala, ma a latou taulaga uma mo le sese, latou te au mai ai ia te au, o mea e sili ona paia, e ia te oe 10 ma ou atalii ia mea. E te 'ai ai i le mea e sili ona paia; o tane uma latou te aai ai; o le mea paia lava 11 lea mā oe. E ia te oe foi lenei mea; o le taulaga sii ai la latou mea foaiina, ma taulaga lulu uma lava a le fanauga a Isaraelu; ua ou foaiina ia mea ia te oe, o ou atalii foi ma ou afafine faatasi ma oe, o le tulafono lea e faavavau; atoa uma e ua mamā i lou aiga latou te aai ai. 12 O mea uma e sili ona lelei o i le suānu, ma mea uma e sili ona lelei o i le uaina ma le saito; o faapopololo o ia mea latou te aumaia ia Ieova, ou te foaiina ia mea ia te oe. 13 O mea uma e muai matutua i o latou fanua, e aumaia e i latou ia Ieova, e ia te oe lava ia mea; atoa uma e ua mamā i lou aiga latou te 14 aai ai. O mea uma e faatoina mai ia Isaraelu, e ia te oe lava ia mea. 15 O muai fanau uma i mea ola uma lava e au mai e i latou ia Ieova, o tagata atoa ma manu, e ia te oe lava ia; a e suia lava le ulumatua a le tagata, o le uluai tama foi a le 16 manu e le mamā e suia foi lea. O e a suia e te suia lava i latou e afua mai i e ua tasi le masina, ia tusa ma lau faatatau, o tupe e lima sekeli, o le sekeli lea o le malumalu, e luafulu o kire lea. A o le uluai tama a le povi, ma le uluai tama a le mamoe, ma le uluai tama a le 'oti, e te le suia lava ia; e paia i latou; e te sausuina o latou toto i luga o le fata faitaulaga, e te sunua foi o latou ga'o o le taulaga e *fai* i le afi, o le mea manogi lelei lea ia 18 Ieova. A o latou tino, e fai mā oe lava ia, e faapei ona fai mā oe o le fatafata e luluina ma le alagālima 19 taumatau. O taulaga sii uma i mea paia e aumaia e le fanauga a Isaraelu ia Ieova ua ou foaiina lava ia te oe, ma ou atalii, ma ou afafine faatasi ma oe, o le tulafono lea e faavavau, o le feagaiga masima lea e faavavau i luma o Ieova ia te oe ma au fanau faatasi ma oe. Ua 20 fetalai mai foi Ieova ia Arona, E te le maua se tofi i o latou laueleele; e leai foi sou fanua ia te i latou; o a'u lava o lou fanua, ma lou tofi i le fanauga a Isaraelu.
- Faauta foi, ua ou foaiina atu i le 21 fanauga a Levi o lona sefulu o mea uma o i Isaraelu e fai ma tofi ona o la latou galuega latou te auauna ai, o le galuega *lea* o le fale fetafai o le faapotopotoga. Aua foi ne'i toe 22 faalatalata le fanauga a Isaraelu i le fale fetafai o le faapotopotoga, ne'i latou nofo sala, ma oti ai. A e 23 auauna sa Levī i le galuega o le fale fetafai o le faapotopotoga, e tauave foi e i latou a latou amioletonu; o le tulafono *lenei* e faavavau i a outou augātupulaga, latou te le maua so latou tofi faatasi ma le fanauga a Isaraelu. A o lona sefulu 24 o mea a le fanauga a Isaraelu latou te aumaia ia Ieova e fai ma taulaga sii, ua ou foaiina ia mea i sa Levi e fai mo latou tofi; o le mea lea na ou fai atu ai ia te i latou, Latou te le maua so latou tofi faatasi ma le fanauga a Isaraelu.
- Ua fetalai mai foi Ieova ia Mose, 25 ua faapea mai, Ia e fai atu foi i sa 26 Levī, ia faapea atu ia te i latou, Pe a outou talia nai le fanauga a Isaraelu o lona sefulu o mea ua foaiina e a'u ia te outou mai ia te i latou, e fai mo outou tofi, ona outou au mai ai lea ai ia mea o lona sefulu nai le sefulu e fai ma taulaga sii ia Ieova. E ta'ua foi ia te outou la outou 27 taulaga sii, e peiseai o le saito ai le mea e soli ai saito, e peiseai foi o le tumu o le mea e soli ai vine. E 28 faapea ona aumaia e outou foi se taulaga sii ia Ieova ai lona sefulu uma i mea tou te maua mai le fanauga a Isaraelu; tou te avatua foi ai ia mea ia Arona le ositaulaga le taulaga sii ia Ieova. E aumaia e 29 outou ia Ieova o taulaga sii uma i mea uma ua foaiina mai ia te outou; o mea uma o i ai e sili ona lelei, o le mea paia o i ai. Ia e fai 30

atu foi ia te i latou, Pe a uma ona
siitia e outou o mea e sili ona lelei
o i ai, ona ta'ua lea o ia mea i sa
Levi, e peiseai o mea e maua mai i
le mea e soli ai saito, e peiseai foi o
mea e maua mai i le mea e soli ai
31 vine. Tou te aai ai foi i mea uma,
o outou ma o outou aiga; auā o le
taui lena o la outou galuega i le
fale fetafai o le faapotopotoga.
32 Tou te le nofo sala foi ona o lea
mea pe a uma ona siitia e outou o
mea e sili ona lelei o i ai; aua foi
tou te solia mea paia a le fanauga a
Israelu, ina ne'i outou oti.

*O le vai e faamamā ai e faia i le
lefulefu o le povi fafine.*

19 UA fetalai mai foi Ieova ia Mose
2 ma Arona, ua faapea mai, O le faa-
tonuga lenei o le tulafono ua poloai
mai ai Ieova, ua faapea mai, Ia e
fai atu i le fanauga a Israelu ia
latou au mai ia te oe se povi fafine
efu, e sao ona lelei, e le o i ai se
3 pona, e lei oo foi i ai se amo. Tou
te tuuina atu ai ia Eleasaro le osi-
taulaga, na te ta'ita'ina i tua o le
toagālauapi, ona fasia ai lea e se
4 tasi i ona luma. E ave foi e Elea-
saro le ositaulaga nisi ona toto i
lona tamatamai lima, ma sausau
faaftu nisi ona toto i luma lava o
le fale fetafai o le faapotopotoga.
5 E susunuina foi e se tasi i ona luma
le povi fafine; o lona pa'u, ma lona
aano, ma lona toto, atoa foi ma lona
6 atoata na te susunuina. E ave foi
e le ositaulaga le laau o le arasi, ma
le isopo, ma le ie mūmū, ma lafo i
7 le sunuga o le povi fafine. Ona ta
ai lea e le ositaulaga ona ofu, ma
taele lona tino i le vai; mulimuli
ane ona sau ai lea o ia i le toagā-
lauapi; e leaga foi le ositaulaga seia
8 oo i le afiafi. O le na te susunuina
ai foi e ta e ia ona ofu i le vai, ma
taele lona tino i le vai, e leaga foi o
9 ia seia oo i le afiafi. E faaputuina
foi e se tagata ua mamā o le lefu-
lefu o le povi fafine, ma teu ai i se
mea mamā i tua o le toagālauapi; e
i ai foi ia e tausia mo le faapoto-
potoga o le fanauga a Israelu, e fai
a'i le vai mo e ua leaga; o le taulaga
10 mo le agasala lea. O le na te faa-
putuina foi le lefulefu o le povi

fafine, e ta e ia ona ofu, e leaga foi
o ia seia oo i le afiafi; e fai foi lea
ma tulafono e faavavau i le fanauga
a Israelu, atoa foi ma le tagata ese
e āumau ia te i latou.

O le pa'i atu i le tino o se tasi 11
lava tagata oti e leaga o ia i po e
fitu. E faamamā o ia ia te ia i lea 12
vai i le aso tolu, ona mamā ai lea o
ia i le aso fitu; a e afai na te le
faamamā ia te ia i le aso tolu ma le
aso fitu, ona le mamā lea o ia. Ai 13
se pa'i atu i le tino o se tagata ua
oti, a e le faamamā o ia ia te ia, e
leaga ia te ia le malumalu o Ieova;
e vavaeeseina foi lea lava tagata ia
Israelu, auā e lei sausuina o ia i
le vai mo e ua leaga, e leaga o ia; e
i ai pea lona leaga ia te ia. O le 14
tulafono lenei pe a oti se tagata i se
fale ie; o i latou uma e ulu atu i le
fale ie, ma i latou uma o i le fale ie,
e leaga i latou i aso e fitu. O ipu 15
uma foi e le ufitia, e lei ni ufi o
fusi ai, e leaga ia. Ai se pa'i atu i 16
se tasi ua fasia i le pelu ua taatia i
le vao, po o se tagata oti, po o se
ivi o se tagata, po o se tuugamau, e
leaga ia i po e fitu. Latou te au 17
mai foi mo le tagata ua leaga nisi
lefulefu o le povi fafine na sunua, o
le taulaga mo le agasala, ma latou
avane i ai se suāvaipuna i se ipu.
Ona tago ai lea e se tagata ua 18
mamā i le isopo, ma fufui i le vai,
ma sausau ai le fale ie, ma mea
uma, atoa ma tagata na i ai, ma le
na pa'i atu i se ivi, po o se na fasia,
po o se ua oti, po o se tuugamau.
E sausuina foi e le ua mamā le ua 19
leaga i le aso tolu, atoa foi ma le
aso fitu; ona faamamā ai lea o ia ia
te ia i le aso fitu, ma ta ona ofu,
ma taele i le vai, ona mamā ai lea
o ia i le afiafi. A o le tagata ua 20
leaga, e le faamamā foi o ia ia te ia,
e vavaeeseina lea tagata i le faa-
potopotoga, auā ua leaga ia te ia le
malumalu o Ieova; e lei sausuina
o ia i le vai mo e ua leaga; e leaga
o ia. E fai foi lenei mea ma tula- 21
fono e faavavau ia te i latou, o le
na te sausuina le vai mo e ua leaga,
e ta e ia ona ofu, ma le na te pa'i
atu i le vai mo e ua leaga e leaga o
ia seia oo i le afiafi. O mea uma 22
foi e pa'i atu i ai le ua leaga. e

leaga ia ; o le na te pa'i atu i ai foi e leaga o ia seia oo i le afaia.

O le oti o Miriama. O le muimuiga o le nuu. O le oti o Arona.

- 20 ONA oo ai lea o le fanauga a Israelu, o le faapotopotoga uma, i le vao o Tisina, i le masina muamua; ona nonofo ai lea o le nuu i Katesa; ua oti ai foi Miriama, ma
2 ua tanu ai i lea mea. E leai foi ni vai mo le faapotopotoga; ona latou faapotopototo mai ai lea e finau ia
3 Mose ma Arona. Ona finau mai lea o le nuu ia Mose, ma latou fai mai ua faapea mai, E lelei pe ana matou oti ina ua oti o matou uso i
4 luma o Ieova. Se a ea le mea ua oulua au mai ai le faapotopotoga a Ieova i lenei vao, ina ia oti ai o i matou, atoa foi ma a matou manu?
5 Se a foi le mea na oulua aveina ae ai i matou nai Aikupito, e faaoo ia te i matou i lenei mea leaga? e le se mea o i ai ni fua, po o mati, po o vine, po o rimoni; e leai foi ni
6 vai e inu ai. Ona o ai lea o Mose ma Arona nai luma o le faapotopotoga i le faitotoa o le fale fetafai o le faapotopotoga; ona la faapauu fao ai lea; ona faaali mai ai lea o
7 le pupula o Ieova ia te i laua. Ona fetalai mai lea o Ieova ia Mose, ua
8 faapea mai, Ia e ave le tootoo, ma ia e aofai mai le faapotopotoga, o oe ma Arona lou uso, ma ia oulua tautala atu i le papa i o latou luma, ona foaiina mai ai lea e ia o lona vai; e te faatafe mai foi le vai ia te i latou ai le papa, e te faainua foi le faapotopotoga, atoa ma a latou manu. Ona ave ai lea e Mose o le tootoo ai luma o Ieova, e pei ona
10 pololai mai ai o ia ia te ia. Ona aofai lea e Mose ma Arona o le faapotopotoga i luma o le papa, ona fai atu ai lea o ia ia te i latou, Ina faalogologo mai ia o outou e ua fouvale; ma te faatafeina mai ea le
11 vai ai lenei papa mo outou? Ona sii ai lea e Mose o lona lima, ma ta faalua atu i le papa i lona tootoo; ona tafe tele mai ai lea o le vai, ona feinu ai lea o le faapotopotoga ma a latou manu.
12 Ona fetalai mai ai lea o Ieova ia Mose ma Arona, Na oulua le faatua-

tua ia te au, ia faapaiaina ai a'u i luma o le fanauga a Israelu, o le mea lava lea lua te le faootia ai lenei faapotopotoga i le nuu ua ou foaiina ia te i latou. O le vai lenei
13 o Meripa, auā na finau le fanauga a Israelu ia Ieova, na faapaiaina foi o ia i o latou luma.

Ua tuu le savali e Mose ai Katesa
14 i le tupu o Etoma e fai atu i ai, O loo faapea mai lou uso o Israelu, Ua e silafia le tiga uma lava ua oo ia te i matou. Na o ifo o matou
15 tamā i Aikupito, e tele foi po na matou nonofo ai i Aikupito; a ua agaleaga mai Aikupito ia te i matou, atoa ma o matou tamā. Ona matou
16 alalaga ai lea ia Ieova, na faafofogaia foi e ia o matou leo, na auina mai foi e ia le agelu, ma ua aumaia i matou ai Aikupito; faauta foi, o loo i Katesa i matou, o le aai lea e tupito lava i le tuaoi o lou nuu.
17 Matou te aiai atu ia te oe, ia matou ui atu i lou nuu; matou te le ui ane i fanua, po o tovine, matou te le feinu foi i vaieli; o le ala tele o le tupu matou te ui atu ai; matou te le afe ane i le itu taumatau po o le itu tauagavale, seia matou tuanai atu le tuaoi o lou nuu. A ua tali
18 mai Etoma ia te ia, E te le ui lava i lo'u nuu, ne'i ou alu atu e tetee ia te oe i le pelu. Ona fai atu ai lea
19 o le fanauga a Israelu ia te ia, O le ala tele matou te ui atu ai; afai foi matou te feinu i ni ou vai, o a'u nei ma a'u manu, ona ou avatu ai lea o sona tau; e leai se tasi mea
20 ou te faia, na ona ui atu lava o'u vae. Ona tali mai ai lea o ia, E te le ui mai lava. Ona o atu ai lea o Etoma ma tagata e toatele e tetee ia te ia ma le lima malosi. Ua le
21 mafai lava ia Etoma ona ui atu o Israelu i lona nuu; ona 'alo ese ai lea o Israelu ia te ia.

Ona o ese lea i Katesa o le fanau-
22 ga a Israelu, o le faapotopotoga uma, ua oo atu i le mauga o Horo. Ua fetalai mai foi Ieova ia Mose ma
23 Arona i le mauga o Horo, i le tuaoi o le nuu o Etoma, ua faapea mai, E
24 faatasiina atu Arona i lona nuu; auā na te le oo atu lava i le nuu na ou foaiina atu i le fanauga a Israelu, auā ua oulua fouvale i la'u upu,

25 i le vai o Meripa. Ia e ave ia Arona
ma Eleasaro lona atalii, ma ia outou
o ae ma i laua i le mauga o Horo ;
26 i le e to ese ai ofu o Arona, ma faa-
ofuina ai Eleasaro lona atalii ; ona
faatasiina atu lea o Arona i lona
27 nuu, e oti lava o ia i lea mea. Ona
faia lava lea e Mose e pei ona poloai
mai ai o Ieova ; ua latou o ae i le
mauga o Horo i luma o le faapoto-
28 potoga uma. Ona to ese ai lea e
Mose o ofu o Arona, ma na faa-
ofuina ai Eleasaro lona atalii ; ona
oti ai lea o Arona i lea mea i le
tumutumu mauga ; ona o ifo lea o
29 Mose ma Eleasaro i le mauga. Ua
iloa e le faapotopotoga uma ua oti
Arona, ona fetagisi ai lea o le aiga
uma lava o Isaraelu ona o Arona i
aso e tolagafulu.

*O gata feai ua utia ai le nuu ; ua
faia e Mose le gata uamea.*

21 UA faalogo le tupu o Arata, o le
sa Kananā, sa nofo i le itu i toga,
ua o mai Isaraelu i le ala o Atarima,
ona tau ai lea o ia ma Isaraelu, ua
na ave foi nisi o i latou faatagata-
2 otatau. Ona faia lea e Isaraelu o
lana tauto ia Ieova, ua faapea atu,
Afai e te tuuina mai lava lenei nuu
i lo'u lima, ona ou matuā faaumatia
3 ai lea o a latou aai. Ua faafofoga
Ieova i le upu a Isaraelu, ua tuuina
atu e ia o sa Kananā, ona latou
matuā faaumatia ai lea o i latou,
atoa ma a latou aai ; ona faaigoa ai
lea e ia o lea mea o Horema.
4 Ona o lea o i latou ai le mauga o
Horo i le ala i le sami Ulaula, ina ia
faataamilo i le nuu o Etoma ; ona
tiga lea o loto o le nuu ona o le ala.
5 Ona fai upu ai lea o le nuu i le Atua
ma Mose, *ua faapea*, Se a ea le mea
na oulva aveina ae ai i matou nai
Aikupito e oti ai i le vao ? auā e
leai ni mea e 'ai, e leai foi ni vai, o
loo 'ino'ino foi o matou loto i nei
6 mea e 'ai faatauvaa. Ona auina
mai ai lea e Ieova o gata uogo i le
nuu, ua feutia ai le nuu, ona oti ai
lea o tagata e toatele o Isaraelu.
7 Ona o mai ai lea o le nuu ia Mose,
ua latou faapea mai, Ua matou aga-
sala, auā ua matou fai upu ia Ieova
atoa foi ma oe ; ia e tatalo atu ia
Ieova ia ave ese e ia ia gata ia te i

matou. Ona tatalo ai lea o Mose
mo le nuu. Ona fetalai mai ai lea 8
o Ieova ia Mose, Ia e faia se gata
uogo, ma tuu ae i luga i se laau,
ona taitaisi ai lea ma ola o e va utia
pe a vaavaai atu i ai. Ona faia lea 9
e Mose o le gata 'apa memea, ma
tuu ae i luga i se laau ; ona faapea
ai lea, afai ua utia se tasi e se gata,
pe a vaai o ia i le gata 'apa memea
ua ola lava ia.

Ona o atu ai lea o le fanauga a 10
Isaraelu, ma latou to lauapi i Opotō.
Ona o atu lea o i latou ai Opotō, ma 11
latou to lauapi i Ieaperima i le vao,
o loo feagai ma Moapi, i le itu e alu
ae ai le la. Ua o atu i latou ai lea 12
mea, ma latou to lauapi i le alia o
Sareta. Ona o atu lea o i latou ai 13
lea mea, ma latou to lauapi i tala
atu o Arinona, o loo i le vao e alu
atu i le tuaoi o sa Amorī ; auā o
Arinona o le tuaoi lea o Moapi i le
va o Moapi ma sa Amorī. O le mea 14
lea ua fai mai ai i le tusi o taua a
Ieova, O Vaepa i Sufo, ma alia i
Arinona ; o le tafe foi o alia o loo 15
alu ifo i le mea e i ai Aro, ma tafe
ane i le tuaoi o Moapi.

Ona latou o atu lea ai lea mea, *ua* 16
oo i Pere : o le vaieli lea na fetalai
mai ai Ieova ia Mose, na faapea mai,
Ina faapotopototo mai ia le nuu, ona
ou foai atu ai lea o le vai ia te i
latou. Ona pepese ai lea o Isaraelu 17
i lenei pese, Le vaieli e, ina e puna
ae ia ; ia outou tali atu i ai. O le 18
vaieli na elia e alii, na elia e alii o
le nuu, atoa ma le faipule, i o latou
tootoo. Ona o lea o i latou ai le
vao, *ua oo atu i Matana*. Ona o lea 19
o i latou ai Matana, ua oo atu i
Nalielu. Ona o lea o i latou ai Na-
lielu, *ua oo atu i Pamota*. Ona 20
latou o atu lea ai Pamota i le vanu i
le laneleele o Moapi, *ua oo atu i le*
tumutumu o Peseka, e fesagai ma
le vao.

Ona auina atu lea e Isaraelu o 21
le sāvāli ia Sekono le tupu o sa
Amorī, ua faapea atu, Se'i ou ui 22
atu i lou nuu ; matou te le afe ane
i fanua po o tovine ; matou te le
feinu foi i vaieli ; na o le ala tele
o le tupu matou te ui atu ai, seia
matou tuanai atu le tuaoi o lou nuu.
Ua le mafai Sekono ona ui atu o 23

Israelu i lona nuu; a ua faapótopotoina e Sekono lona nuu uma, ua alu atu foi o ia e tetee ia Israelu i le vao; ua oo atu ia i Iaesa, 24 ua tau ai ma Israelu. Ona fasia lea o ia e Israelu i le pelu, ua fai foi mo latou lona nuu, e amata i Arinona e oo atu i lapoka, e oo atu lava i le nuu o le fanauga a Amoni; 25 auā sa faigata le tuaoi o le fanauga a Amoni. Ua aea foi e Israelu ia aai uma, ua mau foi Israelu i aai uma o sa Amorī, o Hesepona ma 26 ona faoa aai uma lava. Auā o Hesepona o le aai lea o Sekono le tupu o sa Amorī; o ia foi sa muai tau ma le tupu o Moapi, ma faoa lona nuu 27 uma ua pa'i atu i Arinona. O le mea lea ua faapea mai ai o e fai faataoto, Ina o mai ia i Hesepona, se'i atiina ae, ma teuteua le aai o 28 Sekono; auā ua alu atu le afi nai Hesepona, o le afi mumū nai le aai o Sekono, ua susunuina ai Aro o Moapi, o alii o mea mauualuluga i 29 Arinona. Oi talofa ia te oe, Moapi e! ua fano oe, le nuu o Kimosa; ua tuuina e ia ona atalii na sao, ma ona afafine e fai ma tagata o taua 30 ia Sekono le tupu o sa Amorī. Sa matou fanafana atu ia te i latou; ua fano Hesepona e oo i Tipona; sa matou faatafuna ia te i latou ua pa'i atu i Nofa, e tuaoi ma Metepa. 31 Ua mau Israelu i le nuu o sa 32 Amorī. Ona aauina atu ai lea e Mose nisi e asiasi i Iasaru, ua faoa foi e i latou ona faoa aai, ma latou 33 tutulieseina sa Amorī na i ai. Ona latou liliu ane lea, ma o ae i le ala i Vasana; ona alu atu ai lea o Oko le tupu o Vasana e tetee ia te i latou, o ia atoa ma lona nuu uma 34 e tau ai le taua i Eterei. Ona fetalai mai ai lea o Ieova ia Mose, Aua e te fefe ia te ia; auā ua ou tuuina atu i lou lima o ia, ma lona nuu uma, ma lona laueleele; e te faia foi ia te ia e pei ona e faia ia Sekono le tupu o sa Amorī, o le na 35 mau i Hesepona. Ona latou fafasi ai lea ia te ia, ma ona atalii, atoa ma lona nuu uma, ua le toe ai se toatasi ia te ia; ona latou fai ai lea o lona laueleele mo i latou.

O le amiga o Palaamo e Palako.

ONA o atu lea o le fanauga a 22 Israelu, ma latou to lauapi i le eleele laugatasi o Moapi, i le itu mai o Ioritana e fesagai ma Ieriko. Ua iloa e Palako le atalii o Seporu 2 mea uma na faia e Israelu i sa Amorī. Ona matuā fefe lea o 3 Moapi ona o le nuu, auā e toatele i latou; ua atuatuva lea foi Moapi ona o le fanauga a Israelu. Ona fai 4 atu ai lea o Moapi i toeaia o Mitiana, Anei e faaumatia e lenei vao tagata o mea uma ua vagavagaia i tatou, e pei ona 'aina e le povi o le vao o le fanua. O Palako foi le 5 atalii o Seporu, o le tupu ia o Moapi i ia ona po. Ona aauina atu ai lea e ia o le sāvali ia Palaamo le atalii o Peoro, i Petoru o loo latalata ane i le vaitafe i le laueleele o lona nuu, e aami ia te ia, ua faapea atu, 6 Faauta, ua o mai le tasi nuu mai Aikupito; faauta, ua ufitia le fogā-eleele ia i latou; o loo nonofo foi i latou o fesagai ma a'u. O lenei, se'i e malii mai, ia e fetuuiina lenei nuu mo a'u, auā e sili lo latou malos i lo'u; atonu ou te mafai ai ona 7 fafasi ia te i latou, ma tutuli ia te i latou ai le nuu; auā ua ou iloa o le e te faamanuia ua manuia lea, ma le e te fetuuiina ua malaia lea. Ona o ai lea o toeaia o Moapi, ma toeaia o Mitiana, sa i o latou lima foi o totogi o togafiti a le taulāitu; 8 ona oo atu lea o i latou ia Palaamo, ma fai atu ia te ia o upu a Palako. Ona fai atu ai lea o ia ia te i latou, 9 Ia outou tofafa iina i le po nei, ou te au mai ai se upu ia te outou e fetalai mai e Ieova ia te au; ona nonofo ai lea o alii o Moapi ma Palaamo. Ona afio mai lea o le 10 Atua ia Palaamo, ua faapea mai, O ai ea ia tagata o ia te oe? Ona 11 faapea atu ai lea o Palaamo i le Atua, O Palako le atalii o Seporu, o le tupu o Moapi, ua ia feau mai ia te au, *ua faapea mai*, Faauta, ua o 12 mai le tasi nuu mai Aikupito, ua ufitia ai le fogā-eleele; o lenei, ina e sau ia, ia e fetuuiina i latou mo a'u; atonu ou te mafai ai ona tau ma i latou, ma tutuli ese ia te i latou. Ona fetalai mai ai lea o le

Atua ia Palaamo, Aua tou te o ma i
latou; aua foi e te fetuu i le nuu;
13 auā ua faamanuia i latou. Ona tulai
lea o Palaamo i le taeao, ua faapea
atu i alii mai ia Palako, Ina maliu
atu ia i lo outou nuu, auā e le mafai
14 ia Ieova ona tuu ia te au e o ma
outou. Ona tulai ai lea o alii o
Moapi, ma latou o atu ia Palako, ua
faapea atu, E le mafai Palaamo ona
matou o mai.
15 Ona toe aauina atu ai lea e Palako
o alii e sili ona toatele ma le mamalu
16 i e *na muamua*. Ua latou oo ia
Palaamo, ma latou faapea atu ia te
ia, O loo faapea ona fetalai mai o
Palako le atalii o Seporu, Ou te aioi
atu ia te oe, aua ne'i taofia oe, a ia
17 e maliu mai lava ia te au; auā ou
te matuā faamalualiiina oe; o mea
uma foi e te fai mai ai ia te au ou te
faia lava; o lenei, se'i e maliu mai
lava, ia e fetuina lenei nuu mo a'u.
18 Ona tali mai ai lea o Palaamo, ua
faapea mai i auaua a Palako, Afai
e foaiina mai e Palako ia te au o
ario ma auro e tumu ai lona fale, ou
te le mafaia ona soli le afiga a
19 Ieova lo'u Atua e fai se mea itiiti,
po o se mea tele. O lenei, ia
nonofo outou iina i lenei po, seia ou
iloa pe se a se toe mea e fetalai mai
20 ai Ieova ia te au. Ona afo mai lea
o le Atua ia Palaamo i le po, ua
fetalai mai ia te ia, Afai ua o mai
ia tagata e valaau ia te oe, ia e
tulai, tou te o ma i latou; a e tau
21 lava o le upu ou te fai atu ai ia te
oe, ia e faia lea. Ona tulai ai lea o
Palaamo i le taeao, ma faanofoa
lana asini, ua o faatasi ma alii o
22 Moapi. Ona tupu ai lea o le toasa
o le Atua ina ua alu o ia; ua tu mai
foi le agelu a Ieova i le ala e tete
ia te ia. Ua tietie o ia i lana asini,
sa ia te ia foi ana auaua e toalu.
23 Ua iloa e le asini le agelu a Ieova
ua tu i le ala, sa i lona lima lana
pelu ua se'i, ona 'alo ese ai lea o le
asini i le ala, ua ui i le vao; ona
24 sasa ai lea o le asini e Palaamo e
faafoi ia te ia i le ala. A ua tu le
agelu a Ieova i le ala va apiapi i
25 tovine, sa taitasi itu ala aupā. Ua
iloa e le asini le agelu a Ieova, ona
mia lea e ia o ia i le aupā, na omia
foi le vae o Palaamo i le aupā; ona

tce sasa lea o ia i ai. Ona toe alu 23
atu lea o le agelu a Ieova, ma tu
mai i le mea va apiapi, e le o i ai se
ala e 'alo ese ai i le itu taumatau,
po o le itu tauagavale. Ua iloa e 27
le asini le agelu a Ieova, ona taoto
ai lea o ia i lalo o Palaamo; ona
tupu ai lea o le ita o Palaamo, ma
na sasa le asini i le laau. Ona faa- 28
gaganaina lea e Ieova o le asini, i le
ua fai mai o ia ia Pa'aamo, Se a ea
se mea ua ou faia ia te oe, ua e sasa
faatolu mai ai ia te au? Ona fai 29
atu ai lea o Palaamo i le asini, Auā
ua e faanoono mai ia te au; se
anoa ana i lo'u lima se pelu po o
penei ua ou fasimatea nei oe. Ona 30
fai mai ai lea o le asini ia Palaamo,
E le o lau asini ea a'u nei, ua e tie-
tie ai talu ona e maua o a'u ua oo
mai i le aso nei? o la'u masani ea
ona fai faapea ia te oe? Ona faapea
atu ai lea o ia, E leai lava. Ona 31
faapupulaina lea e Ieova o mata o
Palaamo, ona iloa ai lea e ia o le
agelu a Ieova o loo tu i le ala, ua i
lona lima lana pelu ua se'i; ona ifo
ai lea o ia ua faapaūfao. Ona fai 32
mai ai lea o le agelu a Ieova ia te ia,
Se a ea le mea ua e sasa faatolu ai
lau asini? faauta, o a'u nei ua ou
sau e teteie ia te oe, auā ua leaga
lava lou ala i o'u luma. Nailoa mai 33
foi a'u e le asini, ma 'alo ese faatolu
ia te au; ana le 'alo ese o ia ia te
au, po o penei ua ou fasiotia oe, a e
faasao ia te ia. Ona fai atu ai lea o 34
Palaamo i le agelu a Ieova, Ua ou
agasala, auā ou te lei iloa ua e tu
mai oe i le ala e teteie ia te au; o
lenei, afai ua leaga ia te oe *le mea*
ua ou faia, ou te toe foi atu lava
a'u. Ona fai mai ai lea o le agelu a 35
Ieova ia Palaamo, O pea ia outou
ma na tagata, a e peitai tau o upu
ou te fai atu ai ia te oe e te tautala
a'i. Ona o ai lea o Palaamo ma alii
mai ia Palako.

Ua faalogo Palako ua sau Pala- 36
amo, ona alu ai lea o ia e faafetaiai
ia te ia i le tasi aai o Moapi, o le
nuu tupito lea, o loo i le tuaci o
Arinona. Ona fai mai ai lea o 37
Palako ia Palaamo, Na ou le matuā
aauina atu ea *ni* ia te oe e aami ia
te oe? se a ea le mea na e le sau ai
ia te au? e moni ea ou te le mafaia

38 ona faamalualiiina oe? Ona fai atu
ai lea o Palaamo ia Palako, faauta,
ua ou sau ia te oe; o lenei, ou te
mafaia ea se upu e tasi ona fai atu?
o le upu e tuu mai e le Atua i lo'u
39 gutu, ou te fai atu ai lava. Ona o
ai lea o Palaamo ma Palako, ua la
40 oo atu i Kiriatausota. Ua fasi foi
e Palako o povi ma mamoe, ua ia
avatu foi le feau ia Palaamo ma alii
41 sa ia te ia. Ua oo i le taeao, ona
ave ai lea e Palako ia Palaamo, ma
la o ae ma ia i mea mauuluga a
Paala ina ia iloa atu ai e ia o le nuu
ia oo i e aupito mamao.

*O taulaga na osia e Palaamo, ma
ana upu faataoto.*

23 ONA fai atu ai lea o Palaamo ia
Palako, Ia e faia iinei mo a'u o fata
faitaulaga e fitu, ma sauniuni mai
iinei mo a'u o povi poa e fitu ma
2 mamoe poa e fitu. Ua faia foi e
Palako e pei ona fai atu ai a Pala-
amo; ona osi ai lea e Palako ma
Palaamo ua taitasi ai i fata faitau-
laga o le povi poa ma le mamoe poa.
3 Ona fai atu ai lea o Palaamo ia
Palako, Ia e tu latalata ane i lau
taulaga mu; a ou alu, atonu e afio
mai Ieova ma te fetaiiai ma a'u; o
le upu foi na te faaali mai ia te au,
ou te ta'uatua ia te oe. Ona alu ai
4 lea o ia i le mea mauuluga. Ua afio
mai foi le Atua ia Palaamo; ona
faapea atu ai lea o ia ia te ia, Ua ou
saunia fata faitaulaga e fitu, ma ou
osia e taitasi ai i fata faitaulaga o le
5 povi poa ma le mamoe poa. Ona
tuuina mai lea e Ieova le upu i le
gutu o Palaamo, ua faapea mai, Ina
foi atu ia ia Palako, ma ia faapea
6 ona e fai atu ai. Ona toe foi atu ai
lea o ia ia te ia, faauta foi, ua tu o
ia e lata ane i lana taulaga mu, o ia
7 ma alii uma o Moapi. Ona saunia
ai lea e ia o lana faataoto, ua faapea
atu, Na amia a'u e Palako, le tupu
o Moapi mai Arama, mai le atu
mauga i sasae, *ua faapea mai o ia*,
Ina sau ia, ia e fetuu ia Iakopo mo
a'u; ina sau ia ia e faafano ia
8 Israaelu. Pe faapeafia ona ou fetuu
i le ua le fetuuina e le Atua? pe
faapefea foi ona ou faafano i le ua
9 le faafanoa e Ieova? Auā ou te
ilca atu o ia ai tumutumu o papa,

ou te vaia o ia mai mauga; faauta,
e nonofo le nuu na o i latou lava; a
e le ta'ufaatasia i latou ma nuu ese.
O ai ea na te mafaia ona faitau le
10 efuefu o Iakopo, po o le aofai o
lona vaega e fa o Israaelu? Ia oti
lava a'u i le oti o e ua amiotonu; ia
tusa foi lo'u iuga ma lona. Ona fai
11 mai ai lea o Palako ia Palaamo, Se
a ea lenei mea ua e faia ia te au?
na ou amia oe e fetuu i o'u fili,
faauta mai foi, ua e faamanuia atu
ai lava. Ona tali atu ai lea o ia, ua
12 faapea atu, Ou te le anaana ea e
ta'u atu le upu ua tuuina mai e
Ieova i lo'u gutu? Ona fai mai ai
13 lea o Palako ia te ia, Ou te aioi atu
lava, ia ta o atu i se tasi mea e te
ilca atu ai i latou i lea mea; tau
lava o e aupito mai e te ilca, a e te
le ilca atu i latou uma; e te fetuu
atu foi ia te i latou i lea mea mo
a'u. Ona ave ai lea o ia ia te ia i le
14 fanua o Sofima i le tumutumu o
Peseka; ua faia foi e ia o fata fai-
taulaga e fitu; ua ia osia foi o le
povi poa ma le mamoe poa ua taitasi
ai i fata faitaulaga. Ona fai atu ai
15 lea o ia ia Palako, Ia e tu iinei ia
lata ane i lau taulaga mu; a o a'u,
ma te fetaiiai *ma Ieova* i o. Ua afio
16 mai foi Ieova ia Palaamo, ma tuu
mai le upu i lona gutu, ua faapea
mai, Ia e toe foi atu ia Palako, ma
ia faapea ona e fai atu. Ona alu
17 atu ai lea o ia ia te ia, faauta foi,
ua tu o ia e lata ane i lana taulaga
mu, sa ia te ia foi o alii o Moapi.
Ona fai mai ai lea o Palako ia te ia,
Se a ea se fetalaiiga mai ia Ieova?

Ona saunia ai lea e ia o lana faa-
18 taoto, ua faapea atu, Palako e, ina
tulai mai ia, ma faafofoga mai, ia
lilii mai ou fofoga ia te au, o oe na
le atalii o Seporu. E le se tagata le
19 Atua e tala pepelo ai o ia, po o se
atalii o se tagata e salamo ai o ia;
ua fetalai mai o ia, na te le faia ea?
ua fetalai mai foi o ia, na te le faa-
taunuuina ea? Faauta, na tuuina
20 mai ia te au e faamanuia atu; ua
uma foi ona faamanuia e ia, ou te le
maliua. Na te le silafia se leaga ia
21 Iakopo; na te le silafia foi se aga-
sala ia Israaelu; o loo ia te ia Ieova
lona Atua, o loo ia te ia le alaga i le
tupu. Ua aumaia i latou e le Atua 22

ai Aikupito; ua ia te ia e peiseai o
 23 le tele vave o le rema. Auā e leai
 se mātēmāte ia Iakopo, po o se
 togafiti faataulāitu ia Israelu; o
 ona po nei e faapea mai ai ia Iakopo
 atoa ma Israelu, faauta i mea ua
 24 faia e le Atua! Faauta, e tulai le
 nuu e pei se leona fafine, e tulai
 lava ia e pei se leona; e le toe
 taoto seia na 'aina le mea ua saeia,
 ma inumia e ia le toto o e ua fāsia.
 25 Ona fai mai ai lea o Palako ia
 Palaamo, Aua lava e te fetuu ia te
 i latou, aua foi e te faamanuia atu
 26 ia te i latou. A ua tali atu Palaamo,
 ua faapea atu ia Palako, Ou te lei
 fai atu ea ia te oe, ua faapea atu,
 O mea uma e fetalai mai ai Ieova,
 27 o mea ia ou te faia? Ona fai mai
 ai lea o Palako ia Palaamo, Ina sau
 ia, ta te o ma a'u i se tasi mea,
 atonu e tatau i le Atua ona e fetu-
 uina ai o i latou i lea mea mo a'u.
 28 Ona aveina ae lea o Palaamo e
 Palako i le tumutumu o Peoro e
 29 fesagai ma le vao. Ona fai atu ai
 lea o Palaamo ia Palako, Ia e faia
 iinei mo a'u o fata faitaulaga e fitu,
 ma sauniuni mai iinei mo a'u o povi
 poa e fitu ma mamoe poa e fitu.
 30 Ona fai ai lea e Palako e pei ona
 fai atu ai o Palaamo, ua ia osia foi
 le povi poa ma le mamoe poa, ua
 taitasi ai i fata faitaulaga.

*O isi valoaga a Palaamo. O le ita o
 Palako ia Palaamo.*

24 UA iloa e Palaamo ua finagalo
 Ieova e faamanuia atu ia Israelu,
 ona le toe alu ai lea o ia, e pei ona
 fai soo e saili togafiti faataulāitu, a
 2 ua faasaga atu o ia i le vao. Ona
 tepa ae lea o Palaamo, ua iloa
 Israelu, o loo nofo a itu aiga, ona
 oo lea o le Agaga o le Atua i luga
 ia te ia.
 3 Ona saunia ai lea e ia o lana faa-
 taoto, ua faapea atu, Ua fai atu
 Palaamo le atalii o Peoro; ua fai
 atu le tagata ua pupula ona mata;
 4 ua fai atu le ua faalogo i afiga a le
 Atua, o le ua vaia mea na faaali
 mai Le e ona le malosi uma lava, ua
 paū, a ua pupula pea ona mata.
 5 Iakopo e, ua matuā matagofie ou
 fale ie, ma mea e te nofo ai, Israelu
 6 e. O loo folasia pei o alia; e pei o

faatoaga i le auvai o le vaitafe; e pei
 o alof foi ua totoina e Ieova; e pei o
 arasi foi i le auvai. Na te sasaaina
 7 vai nai ana pakete, e i ai foi ona
 fua i vai e tele; e sili lona tupu ia
 Akako, e sili foi lona malo. Ua
 8 aumaia o ia e le Atua nai Aikupito
 ua ia te ia e peiseai le tele vave o le
 rema; e 'aina e ia o nuu ese o e
 ita ia te ia; e gavia e ia o latou ivi,
 o ana u fanafana e manunua ai i
 latou. E faapuga o ia, e taoto e pei
 9 o se leona, e pei o se leona fafine
 foi; o ai ea se na te faalili ia te ia?
 E manuia le na te faamanuia atu
 ia te oe, a e fetuaina le na te fetuu
 ia te oe.

Ona tupu ai lea o le ita o Palako
 10 ia Palaamo, ua pati ona lima; ua
 faapea atu foi Palako ia Palaamo,
 Na ou amia oe e fetuu i o'u fili,
 faauta foi, ua atu tolu ona e matuā
 faamanuia atu ia te i latou. O leuei,
 11 ina vave ia oe i le mea ua e mau ai;
 na fai a a'u matuā faamalualia oe;
 a e peitai ua taofia oe e Ieova nei
 faamalualia oe. Ona fai atu ai lea
 12 o Palaamo ia Palako, Ou te lei fai
 atu ea i lau sāvali na e aauina atu
 ia te au, ua faapea atu, Afai e
 13 foaiina mai e Palako ia te au o ario
 ma auro e tumu ai lona fale, ou te le
 mafaia ona soli le afiga a Ieova, e
 fai se mea lelei po o se mea leaga i
 lo'u lava loto; a o le upu e fetalai
 mai ai Ieova ou te fai atu ai lava.
 O lenei, faauta mai, a a'u alu i lo'u
 14 nuu ina maliu mai ia, so'u faaali
 atu ia te oe mea e faia e lena nuu i
 lou nuu i ona po amuli.

Ona saunia ai lea e ia o lana faa-
 15 taoto, ua faapea atu, Ua fai atu
 Palaamo le atalii o Peoro; ua fai
 atu le tagata ua pupula ona mata;
 ua fai atu le ua faalogo i afiga a
 16 le Atua, ma iloa le poto o le Silisili
 ese; ua na iloa foi le faaaliga mai
 Le e ona le malosi uma lava, ua paū,
 a ua pupula pea ona mata. Ou te
 17 iloa o ia, a e le o ona po nei; ou te
 vaai atu ia te ia, a e le latalata mai;
 e alu le fetu mai ia Iakopo; e tu
 mai foi le tootoo mai ia Israelu, na
 te matuā sasaina itu e lua o Moapi,
 ma faaumatia le fanauga uma a
 Seetu. E avea foi Etoma ma tofi, e
 18 avea foi Seira ma tofi o e fai i latou

ma fili ; a e avea lava Isaraelu ma
19 toa. E pule so sa Iakopō, na te faaumatia foi se toe i le aai.

20 Ua vaavaai foi o ia i Amaleka, ona saunia ai lea e ia o lana faataoto, ua faapea atu, O Amaleka na mua-mua ia i nuu, a o lona iuga e faaumatia e faavavau.

21 Ua vaavaai foi o ia i sa Keni, ona saunia ai lea e ia o lana faataoto, ua faapea atu, E malosi le mea e te mau ai ; ua e faia foi lou ofaga i le

22 papa. A e peitai e tauāu ina faaumatia Keni seia oo ina faia oe ma tagata o taua ia Asuria.

23 Ona saunia ai lea e ia o lana faataoto, ua faapea atu, Aue ! o ai ea se ola pe a faia e le Atua lenei mea ?

24 *E o mai* vaa mai le nuu o Kitimo, ma latou faasauā ia Asuria, latou te faasaua foi ia Eperu, e faaumatia foi o ia e faavavau.

25 Ona tulai ai lea o Palaamo, ua alu, ua toe foi atu i le mea sa nofo ai o ia ua alu foi Palako ia.

O le agasala a le nuu o Isaraelu ma fafine o Mitiana.

25 UA nonofo Isaraelu i Setima ; ona amata lea ona faitaaga o le nuu

2 ma fafine o Moapi. Ua latou aami foi i le nuu i taulaga i o latou atua ; ona aai ai lea o le nuu, ma ifo atu i

3 o latou atua. Ua faatasia foi Isaraelu ma Paalapeoro ; ona tupu ai lea o le toasa o Ieova ia Isaraelu.

4 Ona fetalai mai ai lea o Ieova ia Mose, Ia e ave alii uma o le nuu, ma faatāutau ia te i latou i le la, i luma o Ieova, ina ia liueseā le

5 toasa tele o Ieova ia Isaraelu. Ona fai atu ai lea o Mose i faamasino o Isaraelu, Ia outou taitasi ma fasioti i ona tagata na latou faatasi ma

6 Paalapeoro. Faauta foi, o le tasi tagata mai le fanauga a Isaraelu ua sau, ua ia au mai i ona uso o le fafine Mitiana, i luma o Mose, ma luma o le faapotopotoga uma o le fanauga a Isaraelu, a o fetagisi i latou i le faitotoa o le fale fetafai

7 o le faapotopotoga. Ua iloa foi e Fineaso le atalii o Eleasaro, o le atalii ia o Arona le faitaulaga ; ona tulai ai lea o ia ai totonu o le faapotopotoga, ua ave le tao i lona

8 lima. Ua mulimuli atu foi o ia i le

tagata o Isaraelu i le afeafe, ua sosoā ua aati ia te i laua, o le tagata o Isaraelu, atoa foi ma le fafine i lona manava ; ona taofia ai lea o le faamai ai le fanauga a Isaraelu. O e na oti foi i le faamai e luafulu o afe ma le fa o afe i latou.

Ona fetalai mai ai lea o Ieova ia Mose, ua faapea mai, O Fineaso le atalii o Eleasaro, o le atalii o Arona le faitaulaga ua liueseina ai lo'u ita i le fanauga a Isaraelu, i lo'u maelega ia te i latou, ua ou le faaumatia ai le fanauga a Isaraelu i lo'u fuā.

O lenei, ia e fai atu, Faauta, ou te tuuina atu ia te ia la'u feagaiga e manuia ai ; e ia te ia ma lana fanau pe a mavae atu o ia, o le feagaiga o le faiva o le faitaulaga e faavavau,

auā na maelega o ia ona o lona Atua, na faia foi e ia le togila mo le fanauga a Isaraelu. O le igoa foi o le tagata Isaraelu na fasiotia, o le na fasiotia faatasi ma le fafine Mitiana, o Semeri le atalii o Salu,

o le alii sili foi o ia o le tasi aiga o sa Simeonā. O le igoa foi o le fafine Mitiana ua fasiotia. o Kosepi le afafine o Suro, o le alii sili o ia o le tasi aiga o Mitiana.

Ua fetalai mai foi Ieova ia Mose, ua faapea mai, Ia outou faatiga ia Mitiana, ma fafasi ia te i latou ; auā ua latou faatiga ia te outou i a latou mailei, ua latou maileia ai outou i le mea a Peoro, ma le mea a Kosepi le afafine o le tasi alii sili o Mitiana, o lo latou fafine na fasiotia i le aso o le faamai ona o le mea a Peoro.

O le faitauina o Isaraelu.

UA mavae le faamai, ona fetalai mai lea o Ieova ia Mose ma Eleasaro le atalii o Arona le faitaulaga, ua faapea mai, Ina faitau mai ia le aofai o le faapotopotoga uma o le fanauga a Isaraelu, e afua mai i e ua luafulu o latou tausaga, atoa ma e ua matutua ai, i aiga o latou tamā ; atoa uma o Isaraelu e mafai ona o i le taua.

Ua fai atu foi Mose ma Eleasaro le ositaulaga ia te i latou i le elelee laugatasi o Moapi, e latalata ane i Ioritana, e fesagai ma Ieriko, ua faapea atu, Ina faitau mai ia e afua

- mai i e ua luafulu o latou tausaga, atoa ma e ua matutua ai; e pei ona poloa'i mai ai o Ieova ia Mose ma le fanauga a Isaraelu na o mai mai le nuu o Aikupito.
- 5 O Reupena, o le ulumatua a Isaraelu; o atalii o Reupena; o Enoka, *na tupu mai ai* le aiga o sa Enokā;
- 6 mai ia Falu le aiga o sa Falū; mai ia Esarona le aiga o sa Esaronā; mai
- 7 ia Karamē. O aiga ia o sa Reupenā; o i latou foi na faitaulia e fa sefulu o afe ma afe e tolu ma le fitu o selau ma le toatolu
- 8 sefulu. O le atalii foi o Falu, o
- 9 Eliapo. O atalii foi o Eliapo, o Nemueli, ma Tatano, ma Apiramo; o Tatano ma Apiramo ia sa ta'ua i le faapotopotoga, na la faamisa ia Mose ma Arona, faatasi ma e na 'au ma Koru, ina ua latou faamisa
- 10 ia Ieova. Na faamaga le gutu o le elelee, ma folo ifo ia te i latou faatasi ma Koru, ina ua oti lea faapotopotoga, ina ua faaumatia i le afi o tagata e toalua lau ma le toaimagafulu; na faia foi i latou ma faailoga. A o atalii o Koru na le oti i latou.
- 12 O atalii o Simeona i o latou aiga; *na tupu mai ia* Nemuelu o le aiga o sa Nemuelū; mai ia Iaminu o le aiga o sa Iaminū; mai ia Iakinu o
- 13 le aiga o sa Iakinū; mai ia Sera o le aiga o sa Serā; mai ia Saulo o le
- 14 aiga o sa Saulō. O aiga ia o sa Simeonā, e lua sefulu o afe ma afe e lua ma le toalua selau.
- 15 O atalii o Kato i o latou aiga; *na tupu mai ia* Sefonō o le aiga o sa Sefonō; mai ia Haki o le aiga o sa Haki; mai ia Suni o le aiga o sa
- 16 Sunī; mai ia Aseni o le aiga o sa Asenī; mai ia Eri o le aiga o sa Eri; mai ia Aroti o le aiga o sa Aroti; mai ia Areli o le aiga o sa Areli.
- 18 O aiga ia o atalii o Kato; o i latou na faitaulia, e fa sefulu o afe ma le toa lima selau.
- 19 O atalii o Iuta, o Eru ma Onani; na oti Eru ma Onani i le nuu o
- 20 Kanana. O atalii foi ia o Iuta i o latou aiga; *na tupu mai ia* Sila o le aiga o sa Silā; mai ia Faresa o le aiga o sa Faresā; mai ia Sera
- 21 o le aiga o sa Serā. O atalii foi ia o Faresa; *na tupu mai ia* Esarona o le aiga o sa Esaronā; mai ia Hamulu o le aiga o sa Hamulū. O
- 22 aiga ia o Iuta; o i latou na faitaulia, e fitu sefulu o afe ma afe e ono ma le toa lima selau.
- O atalii o Isakara i o latou aiga; 23 *na tupu mai ia* Tulaga o le aiga o sa Tulagā; mai ia Pua o le aiga o sa Puā; mai ia Iasuvi o le aiga o sa
- 24 Iasuvī; mai ia Semarona o le aiga o sa Semaronā. O aiga ia o Isakara; 25 o i latou na faitaulia, e ono sefulu o afe ma afe e fa ma le toatolu selau.
- O atalii o Sepulona i o latou aiga; 26 *na tupu mai ia* Seretu o le aiga o sa Seretū; mai ia Aluna o le aiga o sa Alunā; mai ia Ialelu o le aiga o sa Ialelū. O aiga ia o sa Sepulonā; 27 o i latou na faitaulia, e ono sefulu o afe ma le toa lima selau.
- O atalii o Iosefa i o latou aiga, 28 o Manase ma Efaraima. O atalii o
- 29 Manase; *na tupu mai ia* Makiro o le aiga o sa Makirō; na fanaua foi e Makiro o Kiliata; mai ia Kiliata o le aiga o sa Kiliatā. O atalii ia o
- 30 Kiliata; *mai ia* Ieseru o le aiga o sa Ieserū; mai ia Eleka o le aiga o sa
- 31 Elekā; *mai ia* Aserieli o le aiga o sa Aserielī; *mai ia* Sakema o le aiga o sa Sakemā; *mai ia* Semita o le
- 32 aiga o sa Semitā; *mai ia* Eferu o le aiga o sa Eferū. O Selofeata o le
- 33 atalii o Eferu, e leai ni ona atalii, na o afafine; o igoa foi ia o afafine o Selofeata, o Maala, ma Noa, ma Hakelu, ma Meleka, ma Tiresa.
- O aiga ia o Manase; o i latou na
- 34 faitaulia, e lima sefulu o afe ma afe e lua ma le toafitu selau.
- O atalii ia o Efaraima i o latou
- 35 aiga; *na tupu mai ia* Sutelu o le aiga o sa Sutelū; mai ia Pekaru o le aiga o sa Pekarū; mai ia Taana o le aiga o sa Taanā. O atalii ia
- 36 o Sutelu; mai ia Erana o le aiga o sa Eranā. O aiga ia o atalii o
- 37 Efaraima; o i latou na faitaulia, e tolu sefulu o afe ma afe e lua ma le toa lima selau. O atalii ia o Iosefa i o latou aiga.
- O atalii o Peniamina i o latou
- 38 aiga; *na tupu mai ia* Pela o le aiga o sa Pelā; mai ia Asepelu o le aiga o sa Asepelū; mai ia Airamo o le
- aiga o sa Airamō; mai ia Supimo 39

- o le aiga o sa Supimō; mai ia Hupimō; mai ia Hupimō; o
40 pimo o le aiga o sa Hupimō; o atalii ia o Pela, o Aratu ma Naamanu; *mai ia Aratu* o le aiga o sa Aratū; mai ia Naamanu o le aiga
41 o sa Naamanū. O atalii ia o Peni-amina i o latou aiga; o i latou na faitaulia, e fa sefulu o afe ma afe e lima ma le toaono selau.
- 42 O atalii ia o Tanu i o latou aiga; *na tupu* mai ia Suama o le aiga o sa Suamā. O aiga ia o Tanu i o
43 latou aiga. O aiga uma o sa Suamā, o i latou na faitaulia, e ono sefulu o afe ma afe e fa ma le toafā selau.
- 44 O atalii o Asera i o latou aiga; *na tupu* mai ia Iemina o le aiga o sa Ieminā; mai ia Iesivi o le aiga
45 o sa Iesivī; mai ia Peria o le aiga o sa Periā. O atalii o Peria; mai ia Kaveru o le aiga o sa Kaverū; mai ia Mekielu o le aiga o sa Mekielū. O le igoa foi o le afafine o
46 Asera o Sera. O aiga ia o atalii o Asera, o i latou na faitaulia, e lima sefulu o afe ma afe e tolu ma le toafā selau.
- 47 O atalii o Nafatali i o latou aiga; *na tupu* mai ia Iasielu o le aiga o sa Iasielū; mai ia Kuni o le aiga o sa
48 Kuni; mai ia Iesaru o le aiga o sa Iesaru; mai ia Selimo o le aiga o sa Selimō. O aiga ia o Nafatali i o
49 latou aiga; o i latou na faitaulia, e fa sefulu o afe ma afe e lima ma le toafā o selau.
- 50 O i latou ia o le fanauga a Isaraelu na faitaulia, e ono selau o afe ma le afe e tasi ma le fitu selau ma le toatolu sefulu.
- 51 O i latou ia o le fanauga a Isaraelu na faitaulia, e ono selau o afe ma le afe e tasi ma le fitu selau ma le toatolu sefulu.
- 52 O i latou ia o le fanauga a Isaraelu na faitaulia, e ono selau o afe ma le afe e tasi ma le fitu selau ma le toatolu sefulu.
- 53 O i latou ia o le fanauga a Isaraelu na faitaulia, e ono selau o afe ma le afe e tasi ma le fitu selau ma le toatolu sefulu.
- 54 O i latou ia o le fanauga a Isaraelu na faitaulia, e ono selau o afe ma le afe e tasi ma le fitu selau ma le toatolu sefulu.
- 55 O i latou ia o le fanauga a Isaraelu na faitaulia, e ono selau o afe ma le afe e tasi ma le fitu selau ma le toatolu sefulu.
- 56 O i latou ia o le fanauga a Isaraelu na faitaulia, e ono selau o afe ma le afe e tasi ma le fitu selau ma le toatolu sefulu.
- 57 O i latou ia o le fanauga a Isaraelu na faitaulia, e ono selau o afe ma le afe e tasi ma le fitu selau ma le toatolu sefulu.

mai ia Koato o le aiga o sa Koatō; mai ia Merari o le aiga o sa Merarī. O aiga ia o Levi; o le aiga o sa Lepenī, o le aiga o sa Heperonā, o le aiga o sa Maali, o le aiga o sa Muse, o le aiga o sa Korū. Na fanaua foi e Koato o Amaramo. O
58 le igoa foi o le avā a Amaramo o Iokapeta, o le afafine ia o Levi, na fanaua o ia ia Levi i Aikupito; na fanaua foi e ia ia Amaramo o Arona, ma Mose, ma lo la tuafafine o Miriama. Na fanaua foi ia Arona o
59 Natapu ma Aviu, o Eleasaro ma Itamaro. A ua oti Natapu ma
60 Aviu ina o la avatu le afi ese i luma o Ieova. O i latou foi na faitaulia
61 e lua sefulu o afe ma afe e tolu, o tane uma, e afua mai i e ua tasi lo latou masina, atoa ma e ua matutua ai; auā e lei faitaulia i latou faatasi ma le fanauga a Isaraelu, ona ua le
62 avatua se tofi ia te i latou faatasi ma le fanauga a Isaraelu.

O i latou ia na faitaulia e Mose
63 ma Eleasaro le ositaulaga; o i laua na faitaulia le fanauga a Isaraelu i le elele laugatasi o Moapi, e latalata ane i Ioritana, e fesagai ma Ieriko. A e le o i ai ia te i latou
64 nei se tagata e toatasi na faitaulia e Mose ma Arona le ositaulaga, ina o la faitaulia le fanauga a Isaraelu i le vao o Sinai. Auā na fetalai mai
65 Ieova ia te i latou, E matuā oti lava i latou i le vao. Na le toe lava so latou e toatasi; na o Kalepo le atalii o Iefune, ma Iosua le atalii o Nuno.

O le fia fai tofi o afafine o Selo-feata. Ua tofia Iosua e pule.

ONA o mai ai lea o afafine o Selo-
27 feata, o le atalii o Eferu, o le atalii ia o Kiliata, o le atalii ia o Makiro, o le atalii ia o Manase, o aiga ia o Manase o le atalii o Iosefa; o igoa foi ia o ona afafine, o Maala, ma Noa, ma Hakelu, ma Maleka, ma Tiresa. Ua latou tutū i luma o
2 Mose, ma luma o Eleasaro le ositaulaga, i luma foi o alii, ma le faapotopotoga uma, i le faitotoa o le fale fetafai o le faapotopotoga, ua faapea mai, Ua oti lo matou tamā i le vao,
3 na le i ai o ia i le faapotopotoga o e na faapotopototo e tetee atu ia Ieova,

o e na 'au faatasi ma Koru ; a ua
 4 foi ni ona atalii. Pe tinea i se a le
 igoa o lo matou tamā i lona aiga, ina
 ua leai sona atalii? Ina au mai ia
 ia te i matou so matou fanua faatasi
 5 ma le au uso o lo matou tamā. Ona
 avatu ai lea e Mose o la latou upu i
 6 luma o Ieova. Ona fetalai mai ai
 lea o Ieova ia Mose, ua faapea mai,
 7 E tonu le upu a afafine o Seloceata ;
 e te avatu lava ia te i latou so latou
 lava tofi faatasi ma le au uso o lo
 latou tamā ; e te tuuina atu ia te i
 8 latou le tofi o lo latou tamā. Ia e
 fai atu foi i le fanauga a Isaraelu,
 ia faapea atu, Afai e oti se tagata,
 a e leai sona atalii, ona outou tuuina
 atu ai lea o lona tofi i lona afafine.
 9 Afai foi e leai sona afafine, ona
 outou tuuina atu ai lea o lona tofi i
 10 ona uso. Afai foi e leai ni ona uso,
 ona outou tuuina atu ai lea o lona
 11 tofi i uso o lona tamā. Afai foi e
 leai ni uso o lona tamā, ona outou
 tuuina atu ai lea o lona tofi i se tasi
 o lona aiga o le ua aupito mai ia te
 ia i lona aiga, e fai foi mona. E fai
 foi leha mea ma tulafono e faatonu
 a'i i le fanauga a Isaraelu, e pei ona
 poloi mai ai o Ieova ia Mose.
 12 Ua fetalai mai foi Ieova ia Mose,
 Ia e alu ae i lenei mauga o Aperima,
 ma vaavaai i le nuu ua ou tuuina
 13 atu i le fanauga a Isaraelu. E te
 iloa ai, ona faatasiina atu ai lea o
 oe foi i lou nuu, e pei ona faatasiina
 14 atu o Arona lou uso. Auā na oulua
 fouvale i la'u upu i le vao o Tisina,
 ina ua finau mai o le faapotopotoga,
 ua le faapaiaina a'u i le vai i o latou
 luma ; o le vai o Meripa lea o i
 Katesa, i le vao o Tisina.
 15 Ona fai atu ai lea o Mose ia Ieova,
 16 ua faapea atu, Ia tofia e Ieova, le
 Atua o agaga o tagata uma, se
 17 tagata e pule i le faapotopotoga ; o
 le na te alu atu i o latou luma ma
 toe sau i o latou luma ; o le na te
 taita'i atu, ma toe au mai ia te i
 latou ; ina nei avea o le faapotopo-
 toga a Ieova, e pei o mamoe ua leai
 18 so latou leoleo. Ona fetalai mai ai
 lea o Ieova ia Mose, Ia e ave ia Iosua
 le atalii o Nuno, o le tagata lea o i
 ai le Agaga, ma ia e faaee lou lima
 19 i luga ia te ia ; ia e tuu atu foi ia te

ia i luma o Eleasaro le ositaulaga,
 ma luma o le faapotopotoga uma,
 ma ia e sauni atu se upu ia te ia i o
 latou luma ; ia e tuu atu foi ia te ia 20
 nisi o lou mamalu, ina ia faalogo ai
 le faapotopotoga uma o le fanauga
 a Isaraelu. E tu foi o ia i luma o 21
 Eleasaro le ositaulaga, na te fesili
 foi mo ia i le faatonuga o le Urima
 i luma o Ieova ; o lana upu latou te
 o atu ai, o lana upu foi latou te toe
 foi mai ai, o ia atoa ma le fanauga
 a Isaraelu uma faatasi ma ia, o le
 faapotopotoga uma lava. Ona faia 22
 lea e Mose e pei ona fetalai mai ai
 o Ieova ia te ia ; ua na ave ia Iosua,
 ma na tuu atu ia te ia i luma o
 Eleasaro le ositaulaga, ma luma o
 le faapotopotoga uma. Ua ia faaee 23
 atu foi ona lima i luga ia te ia, ma
 sauni atu le upu ia te ia, e pei ona
 fetalai mai o Ieova ia Mose.

O taulaga escese.

UA fetalai mai foi Ieova ia Mose, 28
 ua faapea mai, Ia e fai atu i le fanauga
 a Isaraelu, ia faapea atu ia te i 2
 latou, O le taulaga ia te au, o a'u
 mea e ai mo taulaga ia te au e fai i
 le afi, o le mea manogi lelei ia te au,
 ia outou anaana i ai, ina ia aumaia
 ia te au i o latou aso ua atofaina.
 E te fai atu foi ia te i latou, O le 3
 taulaga e fai i le afi lenei tou te
 avatua ia Ieova ; e tailua tamai
 mamoe i aso, e tasi lo la tausaga, e
 sao ona lelei, e fai ma taulaga mu e
 le aunoa. E te osia le tasi tamai 4
 mamoe i le taeao, ma le isi tamai
 mamoe e te osia i le afiafi. O le 5
 omera e tasi o le falaoa lelei e palua
 ma lona vaega e fa o le sinu o uu
 ua tufia e fai ma taulaga i mea e
 'ai. O le taulaga mu e le aunoa lea 6
 na faatuina i le mauga o Sinai, e fai
 ma mea manogi lelei, o le taulaga e
 fai i le afi ia Ieova. O lana taulaga 7
 i mea e inu o lona vaega e fa lea o
 le sinu o le uaina i tamai mamoe
 taitasi ; ia sasaaia i le malumalu e
 fai ma taulaga i mea e inu o le
 uaina oona a Ieova. O le isi tamai 8
 mamoe foi e te osia lea i le afiafi ; e
 te osia ai foi e pei o le taulaga i mea
 e 'ai o le taeao, ma lana taulaga i
 mea e inu ; o le taulaga e fai i le
 afi, o le mea manogi lelei ia Ieova.

- 9 A o le aso sapati ia lua ni tamai mamoe e tasi lo la tausaga, e sao ona lelei; e lua omera foi o le falaoa lelei e palua ma le suāuu e *fai* ma taulaga i mea e 'ai, atoa ma
- 10 lana taulaga i mea e inu. O le taulaga mu *lea* i sapati uma, e faaopoopoina i le taulaga mu e le aunoa, ma lana taulaga i mea e inu.
- 11 O amataga foi o outou masina tou te avatua ai le taulaga mu ia Ieova; o povi poa taanoa e lua, ma se mamoe poa e tasi, ma tamai mamoe e fitu, e tasi lo latou tausaga, e
- 12 sao ona lelei. Ia taitasi le povi poa ma omera e tolu o falaoa lelei e palua ma le suāuu, e *fai* ma taulaga i mea e 'ai; mo le mamoe poa foi e lua omera o falaoa lelei e palua ma le suāuu, e *fai* ma taulaga i mea e
- 13 'ai. Ia taitasi le tamai mamoe ma le omera e tasi o le falaoa lelei e palua ma le suāuu, e *fai* ma taulaga i mea e 'ai; o le taulaga mu *lea*, o le mea manogi lelei, o le taulaga e
- 14 *fai* i le afi ia Ieova. O a latou taulaga i mea e inu; ia taitasi le povi poa ma le vaeluagalemu o le sinu o le uaina; mo le mamoe poa foi o lona vaetolugalemu o le sinu; ia taitasi le tamai mamoe ma lona vaega e fa o le sinu; o le taulaga mu *lea* e fai i masina, o masina *uma*
- 15 o le tausaga. Ia osia foi ia Ieova o le tamai 'oti poa e tasi e fai ma taulaga mo le agasala, e faaopoopoina i le taulaga mu e le aunoa, ma lana taulaga i mea e inu.
- 16 O le uluai masina, o le aso e sefulu ma le fa i le masina e *fai* ai
- 17 le paseka ia Ieova. O le aso e sefulu ma le lima o lea masina e *fai* ai le tausamiga; o aso e fitu e 'aina
- 18 ai areto e le faafefeteina. O le aso muamua e *fai* ai le faapotopotoga paia; aua tou te fai ai se galuega mamafa e tasi. A e tou te avatua
- 19 le taulaga e *fai* i le afi, o le taulaga mu ia Ieova; o povi poa taanoa e lua, ma le mamoe poa e tasi, ma tamai mamoe e fitu e tasi lo latou tausaga, ia sao ona lelei mo outou.
- 20 O a latou taulaga foi i mea e 'ai o falaoa lelei e palua ma le suāuu; tou te osia omera e tolu i povi poa e taitasi, ma omera e lua i le mamoe
- 21 poa. E te osia le omera e tasi i
- tamai mamoe taitasi e faatatau i tamai mamoe e fitu. O le 'oti foi e tasi o le taulaga mo le agasala e fai ai se togiola mo outou. Tou te osia ia *taulaga* e faaopoopoina i le taulaga mu o le taeao, o le taulaga mu e le aunoa *lea*. E faapea lava ona outou faia i aso uma i ia aso e fitu, o mea e 'ai o le taulaga e *fai* i le afi, o le mea manogi lelei ia Ieova; e faia lava ia e faaopoopoina i le taulaga mu e le aunoa, atoa ma lana taulaga i mea e inu. Ia faia e outou le faapotopotoga paia i le aso fitu; aua tou te fai ai se galuega mamafa e tasi.
- O le aso foi o mea e faapolopolo-ina, pe a outou avatua le taulaga i mea e 'ai fou ia Ieova, pe a *mavae* o outou vaiasosa, ia faia e outou le faapotopotoga paia; tou te le fai ai se galuega mamafa e tasi. A e tou te avatua le taulaga mu e fai ma mea manogi lelei ia Ieova; o povi poa taanoa e lua, *ma* le mamoe poa e tasi, *ma* tamai mamoe e fitu e tasi lo latou tausaga. O a latou taulaga foi i mea e 'ai o falaoa lelei e palua ma le suāuu, e tolu omera i povi poa e taitasi, e lua omera i le mamoe poa e tasi. O le omera e tasi i tamai mamoe taitasi e faatatau i tamai mamoe e fitu. O le 'oti poa e tasi e fai ai se togiola mo outou. Tou te osia ia taulaga e faaopoopoina i le taulaga mu e le aunoa, ma lana taulaga i mea e 'ai, atoa ma a latou taulaga i mea e inu; ia sao ona lelei mo outou.
- O taulaga e faia i le aso o le iligāpu, ma le aso o le anapogi, ma le tausamiga o fale apitaga.*
- O LE masina e fitu, o le uluai aso o le masina, ia faia e outou se faapotopotoga paia; tou te le fai ai se galuega mamafa e tasi; o le aso o le iligāpu *lea* ia te outou. Tou te osia foi se taulaga mu e fai ma mea manogi lelei ia Ieova; o le povi poa taanoa e tasi, o le mamoe poa e tasi, *ma* tamai mamoe e fitu e tasi lo latou tausaga, e sao ona lelei. O a latou taulaga i mea e 'ai, o falaoa lelei e palua ma le suāuu, e tolu omera i le povi poa; e lua omera i le mamoe poa; o le omera

e tasi i tamai mamoe taitasi e faa-
5 tatau i tamai mamoe e fitu. O le
'oti poa e tasi, o le taulaga mo le
agasala, e fai a'i se togiola mo
6 outou; e faapoopoina i le taulaga
mu o le masina, ma lana taulaga i
mea e 'ai, atoa ma le taulaga mu e
le aunoa, ma lana taulaga i mea e
'ai, ma a latou taulaga i mea e inu,
e tusa ma a latou sauniga, e fai ma
mea manogi lelei, o le taulaga e *fai*
i le afi ia Ieova.

7 Ia faia e outou le faapotopotoga
paia i le aso e sefulu o lea masina e
fitu, ia faapuapuatia ai outou e
outou, tou te le fai ai se galuega e
8 tasi. Tou te avatua foi se taulaga
mu ia Ieova, o le mea manogi lelei;
o le povi poa taanoa e tasi, *ma* le
mamoe poa e tasi, *ma* tamai mamoe
e fitu e tasi lo latou tausaga, ia sao
9 ona lelei mo outou. O a latou tau-
laga i mea e 'ai, o falaoa lelei e
palua ma le suāuu, e tolu omera i
le povi poa; e lua omera i le ma-
10 moe poa e tasi; o le omera e tasi i
tamai mamoe taitasi e faatatau i
11 tamai mamoe e fitu. O le 'oti poa
e tasi e *fai* ma taulaga mo le aga-
sala, e faapoopoina i le taulaga mo
le agasala e fai a'i togiola, atoa ma
le taulaga mu e le aunoa, ma lana
taulaga i mea e 'ai, ma a la taulaga
i mea e inu.

12 Ia faia foi e outou le faapoto-
potoga paia i le aso e sefulu ma le
lima o le masina e fitu; tou te le
fai ai se galuega mamafa e tasi; a
e tou te faia le tausamiga ia Ieova i
13 aso e fitu. Tou te avatua foi se
taulaga mu, o le taulaga e *fai* i le
afi, o le mea manogi lelei ia Ieova;
o povi poa taanoa e sefulu ma le
tolu, o mamoe poa e lua, *ma* tamai
mamoe e sefulu ma le fa e tasi lo
14 latou tausaga, e sao ona lelei i
latou. O latou taulaga i mea e 'ai,
o falaoa lelei e palua ma le suāuu,
e tolu omera i povi poa taitasi e
faatatau i povi poa e sefulu ma le
tolu; e lua omera i mamoe poa
taitasi e faatatau i mamoe poa e
15 lua, o le omera e tasi i tamai ma-
moe taitasi e faatatau i tamai ma-
moe e sefulu ma le fa. O le 'oti
16 poa e tasi e *fai* ma taulaga mo le
agasala, e faapoopoina i le taulaga

mu e le aunoa, o lana taulaga i mea
e 'ai, ma lana taulaga i mea e inu.

O lona lua o aso *tou te avatua ai* o 17
povi poa taanoa e sefulu ma le lua,
o mamoe poa e lua, *ma* tamai ma-
moe e sefulu ma le fa e tasi lo
latou tausaga, e sao ona lelei. O 18
la latou taulaga i mea e 'ai, ma a
latou taulaga i mea e inu, i povi
poa, *ma* mamoe poa, ma tamai ma-
moe ia faatatauina i lo latou faitau,
e tusa ma le sauniga. O le 'oti poa 19
e tasi e *fai* ma taulaga mo le aga-
sala, e faapoopoina i le taulaga mu
e le aunoa, ma lana taulaga i mea e
'ai, ma a la taulaga i mea e inu.

O lona tolu foi o aso, o povi poa 20
e sefulu ma le tasi, o mamoe poa e
lua, *ma* tamai mamoe e sefulu ma
le fa e tasi lo latou tausaga, e sao
ona lelei. O la latou taulaga i mea 21
e 'ai, ma a latou taulaga i mea e
inu, i povi poa, *ma* mamoe poa, ma
tamai mamoe, e faatatauina i lo
latou faitau, e tusa ma le sauniga.
O le 'oti poa e tasi e *fai* ma taulaga 22
mo le agasala, e faapoopoina i le
taulaga mu e le aunoa, ma lana tau-
laga i mea e 'ai, ma lana taulaga i
mea e inu.

O lona fa foi o aso, o povi poa e 23
sefulu, o mamoe poa e lua, *ma* tamai
mamoe e sefulu ma le fa e tasi lo
latou tausaga, e sao ona lelei. O la 24
latou taulaga i mea e 'ai, ma a latou
taulaga i mea e inu, i povi poa, *ma*
mamoe poa, ma tamai mamoe, e
faatatau i lo latou faitau, e tusa ma
le sauniga. O le 'oti poa e tasi e 25
fai ma taulaga mo le agasala e faa-
poopoina i le taulaga mu e le aunoa,
o lana taulaga i mea e 'ai, ma
lana taulaga i mea e inu.

O lona lima foi o aso, o povi poa 26
e iva, o mamoe poa e lua, *ma* tamai
mamoe e sefulu ma le fa e tasi lo
latou tausaga, e sao ona lelei. O la 27
latou taulaga foi i mea e 'ai, ma a
latou taulaga i mea e inu, i povi
poa, *ma* mamoe poa, ma tamai ma-
moe, e faatatauina i lo latou faitau,
e tusa ma le sauniga. O le 'oti poa 28
e tasi e *fai* ma taulaga mo le aga-
sala, e faapoopoina i le taulaga mu
e le aunoa, ma lana taulaga i mea e
'ai, ma lana taulaga i mea e inu.

O lona ono foi o aso, o povi poa 29

e valu, o mamoe poa e lua, *ma* tamai mamoe e sefulu ma le fa e tasi lo latou tausaga, e sao ona lelei. O la latou taulaga i mea e 'ai, ma a latou taulaga i mea e inu, i povi poa, *ma* mamoe poa, ma tamai mamoe, e faatatauina i lo latou faitau, e tusa ma le sauniga.

31 O le 'oti poa e tasi *e fai* ma taulaga mo le agasala, e faaopoopoina i taulaga mu e le aunoa o lana taulaga i mea e 'ai, ma lana taulaga i mea e inu.

32 O lona fitu foi o aso, o povi poa e fitu, o mamoe poa e lua, *ma* tamai mamoe e sefulu ma le fa e tasi lo latou tausaga, e sao ona lelei. O la latou taulaga foi i mea e 'ai, ma a latou taulaga i mea e inu, i povi poa, *ma* mamoe poa, ma tamai mamoe, e faatatauina i lo latou faitau, e tusa ma le sauniga.

34 O le 'oti poa e tasi *e fai* ma taulaga mo le agasala, e faaopoopoina i le taulaga mu e le aunoa, o lana taulaga i mea e 'ai, ma lana taulaga i mea e inu.

35 O lona valu foi o aso ia faia e outou le faapotopotoga, tou te le fai ai se galuega mamafa e tasi; a e tou te avatua ai se taulaga mu, o le taulaga, *e fai* i le afi, o le mea manogi lelei ia Ieova; o le povi poa e tasi, o le mamoe poa e tasi, *ma* tamai mamoe e fitu e tasi lo latou tausaga, e sao ona lelei. O la latou taulaga i mea e 'ai, ma a latou taulaga i mea e inu, i le povi poa, *ma* le mamoe poa, ma tamai mamoe, ia faatatauina i lo latou faitau, ia tusa ma le sauniga.

38 O le 'oti poa e tasi *e fai* ma taulaga mo le agasala, e faaopoopoina i le taulaga mu e le aunoa, ma lana taulaga i mea e 'ai, ma lana taulaga i mea e inu. O taulaga ia tou te osia ia Ieova i o outou tausamiga, e faaopoopoina i mea ua outou tauto ai, ma taulaga ua outou loto ina fai, e fai ma a outou taulaga mu, ma a outou taulaga i mea e 'ai, ma a outou taulaga i mea e inu, ma a outou taulaga

40 faafetai. Ua fai atu foi Mose i le fanauga a Isaraelu e tusa ma mea uma na fetalai mai ai Ieova ia Mose.

O tautoga.

UA fai atu foi Mose i alii sili o itu aiga o le fanauga a Isaraelu, ua faapea atu, O le mea lenei ua poloai mai ai Ieova, Afai e tauto se tane i se tautoga ia Ieova, pe tuu augani e faamauina ai o ia; aua ne'i tuuma-vaega o ia i lana upu, a e faia lava e ia e tusa ma mea uma ua mavac atu i lona gutu. Afai foi e tauto se fafine i se tautoga ia Ieova, e faamauina ai foi o ia, a o teine muli ia i le aiga o lona tamā; afai foi e faalogo lona tamā i lana tautoga, ma le mea na ia faamauina ai o ia, a e faalologo lona tamā ia te ia, ona tumau ai lea o mea uma ua ia tauto ai; e tumau foi o mea uma na ia faamauina ai o ia. A e afai e vavao lona tamā ia te ia i le aso na ia lagona ai, ona le tumau ai lea o se mea e tasi na ia tauto ai, po o se mea na ia faamauina ai o ia; e faa- magaloina foi o ia e Ieova, auā ua vaoia o ia e lona tamā. Afai ua nofo tane o ia ina o tauto o ia, pe tautala faalemafaufau i se mea na ia faamauina ai o ia; ua faalogo foi lana tane, a e faalologo o ia ia te ia i le aso na ia lagona ai; ona tumau ai lea o mea ua ia tauto ai, ma mea foi na ia faamauina ai o ia. A e afai e vavao lana tane ia te ia i le aso na ia lagona ai, ona tatalaina lea e ia o le mea na ia tauto ai, ma le mea na ia tautala faalemafaufau ai na ia faamauina ai o ia; e faa- magaloina foi o ia e Ieova. A o le tautoga a le fafine ua oti lana tane po o le fafine ua aleia e lana tane, o mea uma na ia faamauina ai o ia e tutumau ia te ia. Afai foi e tauto o ia a o i le fale o lana tane, pe faamauina o ia e ia i se augani; ua faalogo ai foi lana tane, a e faalologo o ia ia te ia, ua le vavao ia te ia, ona tutumau lea o mea uma na ia tauto ai, e tutumau foi o mea uma na ia faamauina ai o ia. A e afai ua matuā tatalaina ia mea e lana tane i le aso na ia lagona ai, e le tumau se mea e tasi na mavae atu i lona gutu i mea na ia tauto ai, po o le mea na ia faamauina ai o ia, ua tatalaina ia mea e lana tane; e faa- magaloina foi o ia e Ieova. O

tautoga uma, atoa ma augani uma e faamau a'i e faatiga ai o ia e ia, e mafai i lana tane ona faatumauiua, e mafai foi i lana tane ona tatalaina. 14 A e afai e matuā faalologo lana tane ia te ia i lea aso ma lea aso, ona faatumauiua lea e ia o mea uma na ia tauto ai, ma mea uma na faamauiua ai o ia; ua ia faamauiua ia mea ina ua faalologo o ia ia te ia i 15 le aso na ia lagona ai. A e afai ua uma ona ia lagona ia mea, a e mulimuli ane ona matuā tatalaina lea e ia, ona nofo sala ai lea o ia i le sala a le afafine. 16 O tulafono ia na fetalai mai ai Ieova ia Mose i le tane ma lana avā; o le tamā foi ma lona afafine, a o teine muli o ia i le aiga o lona tamā.

O le taua a Isaraelu ma Mitiana, ma tulafono i mea e maua i taua.

31 UA fetalai mai foi Ieova ia Mose, ua faapea mai, Ia e tau i Mitiana ona o le fanauga a Isaraelu, mulimuli ane ona faatasiina atu ai 2 lea o oe i lou nuu. Ona fai atu ai lea o Mose i le nuu, ua faapea atu, Ia sauniuni nisi o outou i le taua e sii atu e i latou ia Mitiana, e faaoo atu le tau i mai ia Ieova ia Mitiana. 3 Ia taitoafe i itu aiga uma o Isaraelu tou te aaiua atu ai i le taua. 4 Ona fai 'au lea ai le manomano o Isaraelu e taitoafe i itu aiga; e sefulu o afe ma afe e lua e ua sauni i le taua. 5 Ua aaiua atu i latou e Mose i le taua e taitoafe i itu aiga; latou te o i le taua ma Fineaso le atalii o Eleasaro le ositaulaga, sa ia 6 te ia mea paia ma pu e ili. Ona latou tau ai lea ma Mitiana, e pei ona poloai mai o Ieova ia Mose, ua fasiotia e i latou o tane uma lava. 7 Ua latou fasiotia foi tupu o Mitiana faatasi ma i latou na fasia, o Evi, ma Rekema, ma Suro, ma Huro, ma Repa, o tupu e toailima o Mitiana; o Palaamo foi le atalii o Peoro 8 ua latou fasiotia i le pelu. Ua ave foi faatagataotaua e le fanauga a Isaraelu o fafine o Mitiana, atoa ma o latou tama iti; o a latou lafu povi uma foi, ma a latou lafu mamoe uma, atoa ma a latou oloa uma ua 9 latou vetea. O a latou aai uma foi na latou nonofo ai, atoa ma o latou

'olo uma, ua latou susunuina i le afi. Ua latou ave foi le vete uma ma 11 mea uma na maua, o tagata atoa foi ma manu. Ona latou au mai ai 12 lea o faatinifuga, ma mea na maua, atoa ma vete ia Mose, ma Eleasaro le ositaulaga, ma le faapotopotoga o le fanauga a Isaraelu i le toagālauapi i le eleele laugatasi o Moapi e latalata ane i Ioritana, e fesagai ma Ieriko.

Ona o atu lea o Mose, ma Eleasaro le ositaulaga, ma alii sili uma o le faapotopotoga, e faafetaiai ia te i latou i tua o le toagālauapi. Ona 14 ita lea o Mose i e sa pule i 'au o le taua, o e na ave i taitoafe, ma e na ave i taitoaselau; o e ua o mai i le taua sa tau. Ua faapea atu a Mose 15 ia te i latou, Ua outou faalaina ea o fafine uma? Faauta, o i latou ia 16 na ala ai ona solia e le fanauga a Isaraelu le afioga a Ieova i le mea a Peoro, ona o le upu a Palaamo; ona tupu ai lea o le faamai i le faapotopotoga a Ieova. O lenei ia outou 17 fāsiotia tama tane uma o i tama iti, ma ia outou fāsiotia foi fafine uma ua tanea. A o tama teine uma e 18 lei tanea, ia outou faalaina mo outou. A o outou foi, tou te nonofo 19 i tua o le toagālauapi i aso e fitu; ai se na na fasiotia se tasi, ai se na pai atu foi i se tagata oti, tou te faamamāina outou i le aso tolu ma le aso fitu; o outou atoa ma o outou tagata o taua. Ia outou faa- 20 mamāina foi ofu uma, ma mea uma ua faia i pa'u, ma mea uma ua faia i fulufulu o 'oti, atoa ma mea uma ua faia i laau.

Ua fai atu foi Eleasaro le ositaulaga i 'au na o atu i le taua, O le sauniga lenei o le tulafono na poloai mai ai Ieova ia Mose, Tau lava o le auro, ma le ario, o le 'apa memea, o le uamea, o le 'apa sinasina, ma le pulu, o mea uma e le afaina i le afi 23 tou te tuu i le afi, ona mamā ai lea; a e ui lava i lea ia faamamāina pea i le vai mo e ua leaga; a o mea uma e leaga i le afi tou te tuu i le vai. Tou te taia foi o outou ofu i le aso 24 fitu, ona mamā ai lea o outou, mulimuli ane tou o mai i le toagālauapi.

Ona fetalai mai lea o Ieova ia 25 Mose, ua faapea mai, Ia e faitau 26

- mai le atoatoa o mea na maua i le
vete, o tagata atoa ma manu ; o oe,
ma Eleasaro le ositaulaga, ma matai
27 sili o le faapotopotoga ; ma ia outou
vaeluagalemuina o mea na maua mo
latou e na faia le taua, ma latou o
atu e tau i le taua, atoa ma le faa-
28 potopotoga uma. Ia outou vaea
mai foi se taulaga ia Ieova ai 'au
na o i le taua, ia taitasi ai le tailima
o selau o mea, o tagata, ma povi,
29 ma asini, atoa ma mamoe. O la
latou vaega ia au mai ai le *taulaga*,
ma avatu ia Eleasaro le ositaulaga
30 e *fai ma* taulaga sii ia Ieova. A o
le vaegāmea a le fanauga a Isaraelu,
ia e au mai ai ia taitasi i le tailima-
gafulu o mea, o tagata, ma povi, ma
asini, ma mamoe, o manu uma lava,
ma avatu ai i sa Levī, o e ua tausi
i le tausiga o le malumalu o Ieova.
31 Ona faia lea e Mose ma Eleasaro le
ositaulaga, e pei ona poloi mai ai o
32 Ieova ia Mose. O mea na maua, o
toe o vete na maua e 'au o le taua,
o mamoe e ono selau o afe ma afe e
33 fitu sefulu ma afe e lima. O povi
34 e fitu sefulu o afe ma afe e lua. O
asini e ono sefulu o afe ma le afe e
35 tasi. O le atoa foi o tagata, o fafine
ua le tanea, e tolu sefulu o afe ma
36 afe e lua. O le vaeluagalemu foi, o
le vaegāmea lea a e na o i le taua, o
le tauaofai o mamoe e tolu selau o
afe ma afe e tolu sefulu ma afe e
37 fitu ma le lima o selau. O le tau-
laga foi ia Ieova ai mamoe ia, e ono
o selau ma le fitu o sefulu ma le
38 lima. O povi e tolu sefulu o afe
ma afe e ono. O le taulaga foi ia
Ieova ai ia mea, e fitugafulu ma le
39 lua. O asini e tolu sefulu o afe ma
le lima o selau. O le taulaga foi ia
Ieova ai ia mea, e onogafulu ma le
40 tasi. O tagata e sefulu o afe ma
afe e ono. O le taulaga foi ia Ieova
ai ia te i latou e toatolugafulu ma
41 le toalua. Ua avatu e Mose le tau-
laga ia Eleasaro le ositaulaga, o le
taulaga sii ia Ieova, e pei ona poloi
42 mai ai o Ieova ia Mose. A o le vaegā-
mea a le fanauga a Isaraelu na
vaea e Mose ai 'au na tau i le taua ;
43 (o le vaegāmea *lenei* a le faapoto-
potoga ; o mamoe e tolu selau o afe
ma afe e tolu sefulu ma afe e fitu
44 ma le lima o selau ; o povi e tolu
sefulu o afe ma afe e ono ; o asini e 45
tolu sefulu o afe ma le lima o selau ;
o tagata foi e sefulu o afe ma afe e 46
ono ;) ua ave e Mose ai le vaegāmea 47
a le fanauga a Isaraelu e taitasi i le
limagafulu o mea, o tagata atoa ma
manu, ma na avatua i sa Levī, o e
na tausi i le tausiga o le malumalu
o Ieova, e pei ona poloi mai ai o
Ieova ia Mose.
Ona o mai ai lea ia Mose o alii na 48
pule i afe na ō i le taua, o e na ave
i taitoaafe, ma e na ave i taitoase-
lau. Ua latou fai mai ia Mose, Ua 49
uma ona faitau e au auauna le aofai
o 'au o le taua na ia te i matou ; ua
leai so matou e toatasi o le iloa ; o 50
le mea lea ua matou au mai ai le
taulaga ia Ieova, o mea na maua
taitasi a tagata, o teuga auro, ma
filifili auro, ma taulima, ma mama,
ma mama o taliga, ma asoa auro, e
fai a'i se togiola mo i matou i luma
o Ieova. Ona talia lea e Mose ma 51
Eleasaro le ositaulaga le auro mai
ia te i latou, o teuga uma ua faia.
O auro uma foi o le taulaga sii na 52
avatu ia Ieova e alii na ave i taitoa-
afe, ma alii na ave i taitoaselau, e
sefulu o afe ma afe e ono ma le fitu
o selau ma le limagafulu o sekeli ia.
O 'au o le taua na latou taitoatasi 53
ma fai lana vete. Ua talia e Mose 54
ma Eleasaro le ositaulaga le auro i
alii na ave i taitoaafe, ma e na ave
i taitoaselau, ua la avatua i le fale
fetafai o le faapotopotoga e fai
ma faamanatuga mo le fanauga a
Isaraelu i luma o Ieova.
O le tofi o sa Reupenā ma sa Katō.
SA matuā tele lava le lafu manu 32
a le fanauga a Reupena, ma le fanauga
a Kato ; ua vaavaai i latou i le
laueleele o Iasaru, ma le laueleele o
Kiliata, faauta foi o le mea e aoga
lava i lafu manu. Ona o mai ai lea 2
o le fanauga a Kato, ma le fanauga
a Reupena, ua latou fai mai ia Mose,
ma Eleasaro le ositaulaga, ma alii
sili o le faapotopotoga, ua faapea
mai, O Atarota, ma Tipona, ma 3
Iasaru, ma Nimara, ma Hesepona,
ma Eleale, ma Sepema, ma Nepo,
ma Peona, o le nuu na fasia e 4
Ieova i luma o le faapotopotoga o
Isaraelu, o le nuu e aoga i lafu

- manu; o loo i au auauna foi o lafu.
- 5 Ua latou faapea mai foi, Afai e alofagia i matou e oe ia tuuina mai i au auauna o lenei nuu e fai mo matou, a e aua e te faaoo ia te i
- 6 matou i tala atu o Ioritana. Ona fai atu ai lea o Mose i le fanauga a Kato, ma le fanauga a Reupena, E o atu ea o outou uso i le taua, a e
- 7 tou te nonofo ea iinei? Se a ea le mea ua outou faavaivai ai loto o le fanauga a Isaraelu ia le o atu ai i latou i le nuu ua tuuina mai e
- 8 Ieova ia te i latou? Sa faapea ona fai e o outou tamā, ina ua ou aauina atu i latou mai Katesapanea e
- 9 asiasi i le nuu. Na latou o ae i le alia o Esekolo, ma latou asiasi i le nuu, ona latou faavaivai ai lea o loto o le fanauga a Isaraelu ina ia le o ae i latou i le nuu ua tuuina
- 10 mai e Ieova ia te i latou. Ona tupu ai lea o le toasa o Ieova i lea lava aso, ona tauto ai lea o ia, ua faapea
- 11 mai. O tagata na o ae mai Aikupito e afua mai i e ua luafulu o latou tausaga, atoa ma e ua matutua ai, latou te le iloa lava le nuu na ou tauto ai ia Aperaaamo, ma Isaako, ma Iakopo; auā ua latou le matuā
- 12 mulimuli mai ia te au; tau lava o Kalepo le atalii o Iefune o le sa Kinasā, ma Iosua le atalii o Nuno; auā ua la matuā mulimuli mai ia
- 13 Ieova. Na tupu foi le toasa o Ieova ia Isaraelu, ona faafeoi ai lea o i latou e ia i le vao i tausaga e fagafulu, ina seia faaumatia lea tupulaga atoa na fai mea leaga i luma o
- 14 Ieova. Faauta mai foi, ua tutupu mai outou o sui o outou tamā, o le tupulaga o tagata agasala, e toe faatele ai le toasa mamafa o Ieova
- 15 ia Isaraelu. Auā afai tou te liliu ese ia te ia, ona toe tuua lea e ia o i latou i le vao; e faaumatia foi e outou lenei nuu uma.
- 16 Ona latou faalatalata mai ai lea ia te ia, ma latou faapea mai, Matou te faia iinei o lotoā mamoe ma lo matou lafu manu, ma aai ma o
- 17 matou tama iti; a o i matou, matou te sauniuni faavave i le taua, e o atu ai i luma o le fanauga a Isaraelu, seia matou faaootia i latou i le mea latou te nonofo ai; a o matou tamā iti, latou te nofo ʻolo i
- aai, auā o tagata o le nuu. Matou 18 te le toe foi mai i o matou aiga seia maua e le fanauga a Isaraelu taitasi ma lona tofi. Auā matou te le fai 19 lo matou tofi faatasi ma i latou i lela itu o Ioritana, po o ona tala atu: auā ua maua e i matou lo matou tofi i lenei itu i sasae o Ioritana.
- Ona tali atu ai lea o Mose ia te i 20 latou, Afai tou te faia lenei mea, afai tou te sauniuni e ʻō i le taua i luma o Ieova, ma outou sopoia atu 21 Ioritana, o outou uma o sauni i le taua, i luma o Ieova, seia tulia e ia ona fili ai ona luma, ma faatoilaloina le nuu i luma o Ieova; mulimuli ane tou te toe o mai, ona magalo ai lea o outou i luma o Ieova, atoa ma Isaraelu; e faia foi lenei nuu mo outou i luma o Ieova. A e afai tou te le faapea ona fai, 23 faauta, e agasala ai outou ia Ieova; ia outou iloa foi e maua lava outou e a outou agasala. Ina faia lava ia e outou aai mo a outou tama iti, malotoā 24 mo a outou mamoe; ma ia outou faia lava le mea ua outou fai mai ai. Ona fai mai ai lea o le fanauga a Kato, ma le fanauga a Reupena ia 25 Mose, ua faapea mai, E faia lava e au auauna le mea ua fetalai mai ai lo matou alii. O a matou tama iti, 26 o a matou avā, o matou lafu mamoe, ma a matou manu uma e nonofo i latou iina i aai o Kiliata. A o au 27 auauna, matou te o atu i lela itu o sauni uma lava i luma o Ieova e tau ai i le taua, e pei ona fetalai mai ai o lo matou alii. O i latou foi ia ua 28 poloui atu ai Mose ia Eleasaro le ositaulaga, ma Iosua le atalii o Nuno, ma matai sili o itu aiga o le fanauga a Isaraelu, ua faapea atu Mose ia te 29 i latou, Afai e sopoia atu faatasi ma outou o Ioritana e le fanauga a Kato, ma le fanauga a Reupena, o sauni uma e tau ai le taua i luma o Ieova, ma faatoilaloina ai le nuu i o outou luma, ona outou tuuina atu ai lea ia te i latou le nuu o Kiliata e fai mo latou. A e afai latou te le 30 o faatasi ma outou i lela itu o sauni i le taua, ona maua ai lea e i latou o latou tofi e faatasi ma outou i le nuu o Kanana. Ona fai mai ai lea 31 o le fanauga a Kato, ma le fanauga

- a Reupena, ua faapea mai, O le mea
ua fetalai mai ai Ieova i au auana
32 matou te faapea ona faia; matou te
o atu o i matou lava i lela itu o sauni
i le taua i luma o Ieova i le nuu o
Kanana, ina ia fai ai lo matou tofi
33 i lenei itu o Ioritana. Ona tuuina
lea e Mose ia te i latou, o le fanauga
a Kato, ma le fanauga a Reupena,
ma le tasi vaega o le itu aiga o
Manase le atalii o Iosefa, o le nuu
o Sekono le tupu o sa Amori; ma
le nuu o Oke le tupu o Vasana; o
le laueleele, ma aai i ona itu, o aai
ua soo ai le nuu.
- 34 Ona faia lea e le fanauga a Kato
o Tipona, ma Atarota, ma Aroeru,
35 ma Atirota, ma Sofano, ma Isaru,
36 ma Iakepea, ma Petenimara, ma
Petearana, o aai nofo 'olo; atoa ma
37 lotoa mamoe. Ua faia foi e le fa-
nauga a Reupena, o Hesepona, ma
38 Eleale, ma Kiriataima, ma Nepo,
ma Paalameona, (ua liua o la igoa,) ma
Sepema; ua latou faaigoaina foi
39 o aai na latou faia i nisi igoa. Ua
o atu foi i Kiliata le fanauga a
Makiro le atalii o Manase, ma latou
aea, ua latou tulia foi sa Amori na i
40 ai. Ona tuuina atu lea e Mose o
Kiliata ia Makiro le atalii o Ma-
41 nase, ona nofo ai lea o ia. Ua alu
foi Iairo le atalii o Manase, ma na
faoa ona faoa aai; ua ia faaigoa
42 foi i ai, o Havotaiairo. Ua alu
foi Nopa, ma na faoa o Kinata ma
ona faoa aai, ua ia faaigoa foi i ai i
lona lava igoa, o Nopa.
- O savaliga e faagafulu ma le lua a
le fanauga a Isaraelu.*
- 33 O SAVALIGA ia a le fanauga a
Isaraelu, e na o mai mai le nuu o
Aikupito, e a latou 'au i le pule a
2 Mose ma Arona. Na tusia e Mose
o mea na latou o mai ai i o latou
savaliga e tusa ma le afiga a Ieova.
O latou savaliga ia i mea na latou
3 o mai ai. Na o mai i latou mai
Ramese i le masina muamua, i le
aso e sefulu ma le lima o le masina
muamua; o le aso ua aupito mai i
le paseka na o mai ai le fanauga a
Isaraelu ma le lima malos i luma o
4 Aikupito uma. Auā na tatanu e
Aikupito o ulumatua uma na fasi-
otia e Ieova ia te i latou; na faa-
- salaina foi e Ieova o latou atua. Na
5 o mai le fanauga a Isaraelu mai
Ramese, ma latou to lauapi i Su-
kota. Na latou o mai mai Sukota, 6
ma latou to lauapi i Etama, o loo
tupito i le vao. Na latou o mai mai 7
Etama, ona toe foi atu lea i Peai-
rota, ua fesagai ma Paalasefona, ma
latou to lauapi i luma o Mekatala.
Na latou o mai mai luma o Airota, 8
ona latou ui atu lea i totonu o le
sami i le vao, e tolu aso o la latou
malaga i le vao o Etama, ona latou
to lauapi ai lea i Mara. Na latou 9
o mai mai Mara, ona oo mai ai lea o
i latou i Ailima; ua i Ailima o vai-
puna e sefulu ma le lua, ma pama e
fitugafulu; ua latou to lauapi ai. Na 10
latou o mai mai Ailima, ma latou to
lauapi e latalata ane i le sami Ula-
ula. Na latou o mai mai le sami 11
Ulaula, ma latou to lauapi i le vao o
Sina. Na latou o mai mai le vao o 12
Sina, ma latou to lauapi i Tapeka.
Na latou o mai mai Tapeka, ma 13
latou to lauapi i Alusa. Na latou o 14
mai mai Alusa, ma latou to lauapi
i Refiti; sa leai se vai i lea mea e
feinu ai le nuu. Na latou o mai 15
mai Refiti, ma latou to lauapi i le
vao o Sinai. Na latou o mai mai le 16
vao o Sinai, ma latou to lauapi i
Kiperota-atava. Na latou o mai mai 17
Kiperota-atava, ma latou to lauapi
i Haserota. Na latou o mai mai 18
Haserota, ma latou to lauapi i
Ritima. Na latou o mai mai Ritima, 19
ma latou to lauapi i Rimoni-paresa.
Na latou o mai mai Rimoni-paresa, 20
ma latou to lauapi i Lipena. Na 21
latou o mai mai Lipena, ma latou
to lauapi i Risa. Na latou o mai mai 22
Risa, ma latou to lauapi i Kailata.
Na latou o mai mai Kailata, ma 23
latou to lauapi i le mauga o Sapera.
Na latou o mai mai le mauga o 24
Sapera, ma latou to lauapi i Harata.
Na latou o mai mai Harata, ma latou 25
to lauapi i Makelota. Na latou o 26
mai mai Makelota, ma latou to lau-
api i Taata. Na latou o mai mai 27
Taata, ma latou to lauapi i Tara. Na 28
latou o mai mai Tara, ma latou to
lauapi i Meteka. Na latou o mai mai 29
Meteka, ma latou to lauapi i Hasa-
moni. Na latou o mai mai Hasa- 30
moni, ma latou to lauapi i Moserota.

31 Na latou o mai mai Moserota, ma
 32 latou to lauapi i Peneakana. Na
 latou o mai mai Peneakana, ma latou
 33 to lauapi i Horokikata. Na latou o
 mai mai Horokikata, ma latou to
 34 lauapi i Iatepata. Na latou o mai
 mai Iatepata, ma latou to lauapi i
 35 Aperona. Na latou o mai mai Ape-
 rona, ma latou to lauapi i Esiokape.
 36 Na latou o mai mai Esiokape, ma
 latou to lauapi i le vao o Tisina, o
 37 Katesa lea. Na latou o mai mai
 Katesa, ma latou to lauapi i le
 mauga o Horo, i le pito nuu o Etoma.
 38 Na alu ae Arona le ositaulaga i le
 mauga o Horo, e tusa ma le afioga a
 Ieova, ona oti ai lea o ia i lea mea
 i le tausaga e fagafulu talu ona o
 mai o le fanauga a Isaraelu ai le
 nuu o Aikupito, i le *aso* muamua o
 39 le masina e lima. E tasi le selau ma
 le luafulu ma le tolu o tausaga o
 Arona ina ua oti o ia i le mauga o
 Horo.
 40 Na faalogo le tupu o Arata, o le
 sa Kanana, o le na nofo i Kanana,
 i le itu i toga, ua o mai le fanauga
 41 a Isaraelu. Na latou o mai mai le
 mauga o Horo, ma latou to lauapi i
 Salemoni. Nalatau o mai mai Sale-
 moni, ma latou to lauapi i Pinono.
 43 Na latou o mai mai Pinono, ma
 44 latou to lauapi i Opoto. Na latou
 o mai mai Opoto, ma latou to lauapi
 i Ieaperima, o i le tuaoi o Moapi.
 45 Na latou o mai mai lima, ma latou
 46 to lauapi i Tipona-kato. Na latou o
 mai mai Tipona-kato, ma latou to
 47 lauapi i Alemoni-tipelata. Na latou
 o mai mai Alemoni-tipelata, ma
 latou to lauapi i mauga o Aperima,
 48 e fesagai ma Nepo. Na latou o mai
 mai mauga o Aperima, ma latou to
 lauapi i le elelee laugatasi o Moapi,
 e latalata ane i Ioritana e *fesagai* ma
 49 Ieriko. Na to lauapi i latou e latala-
 lata ane i Ioritana, pau mai i Pete-
 semota, pau mai i Apelasetima, i le
 elelee laugatasi o Moapi.
 50 Ona fetalai mai lea o Ieova ia
 Mose i le elelee laugatasi o Moapi,
 e latalata ane i Ioritana, e *fesagai*
 51 ma Ieriko, na faapea mai, Ia e fai
 atu i le fanauga a Isaraelu, ia faa-
 peia atu ia te i latou, A outou oo atu
 i lela itu o Ioritana i le nuu o
 52 Kanana, ona outou tulia ai lea o e o

nonofo i le nuu uma lava ai o outou
 luma, ia outou faaumatia a latou
 faatagata uma lava, ia faaumatia foi
 e outou a latou tupua uamea lava;
 o a latou mea maualuluga uma lava
 tou te matuā faaumatia. Ia tulia e 53
 outou le nuu, ma outou nonofo ai;
 auā ua ou tunina atu le nuu ia te
 outou e fai mo *outou* tofi. Tou te 54
 tofitofi le nuu i le vili e fai ma tofi
 i o outou aiga; o e toatele ia outou
 avatu i ai le tofi ia tele; a o e toa-
 itiiti, ia outou avatu i ai le tofi ia
 itiiti; o le mea e faasaga i ai le vili
 a le tagata e fai lea mona, e maua
 o outou tofi i itu alga o outou tamā.
 A e afai tou te le tulia i o outou 55
 luma o e o nonofo i le nuu, ona
 aveia lea o i latou o e ua outou faa-
 totoeina, ma mea matuitui i o outou
 mata, ma laau talatala i o outou
 itu, ma latou faatiga ia te outou i le
 nuu tou te nonofo ai. E iu foi ina 56
 ou faia ia te outou e faapei ona ou
 manatu e fai ia te i latou.

*O tuaoi o Kanana; o alii latou te
 tolofi le nuu.*

UA fetalai mai foi Ieova ia Mose, 34
 ua faapea mai, Ia e poloai atu i le 2
 fanauga a Isaraelu, ia faapea atu ia
 te i latou, A outou oo atu i le nuu o
 Kanana, o le nuu lava lea e maua e
 outou e fai mo *outou* tofi, o le nuu 3
 o Kanana ma ona itu; o lo outou
 itu i le itu i toga, e gata mai i le
 vao o Tisina i tafatafa o le tuaoi o
 Etoma, o lo outou tuaoi foi i le itu
 i toga, o le pito sami oona lea i
 sasae. E afe ane foi lo outou tuaoi 4
 ai le itu i toga i le aega o Akarava,
 a e ui atu i Tisina; o lona alu atu ai
 le itu i toga e oo i Katesapanea, e
 alu atu foi i Hasaratara, a e ui atu i
 Asemoni. E afe ane foi le tuaoi ai 5
 Asemoni i le alia o Aikupito, o lona
 gataaga o le sami lea. O le tuaoi foi 6
 i sisifo, e fai mo o outou tuaoi le
 sami tele; o lo outou tuaoi lea i
 sisifo. O lenefi foi lo outou tuaoi i 7
 le itu i matu; tou te fuafuatia mo
 outou ai le sami tele e oo atu i le
 mauga o Horo. Tou te fuafua foi ai 8
 le mauga o Horo e oo i le mea e ui
 atu ai i Amato; o le gataaga foi o
 le tuaoi e oo atu i Setata. E alu atu 9
 foi le tuaoi i Seferona, o lona gata-

aga foi e oo i Hasarenana; o lo
 10 outou tuaoi lea i le itu i matu. Tou
 te fuafua foi lo outou tuaoi i sasae
 mai Hasarenana e oo atu i Sefama.
 11 E alu ifo foi le tuaoi mai Sefama e
 oo atu i Ripelu, i ona gagae o Aino;
 e alu ifo le tuaoi e oo atu lava i le
 12 itu i sasae o le vai o Kinereta. E
 alu ifo le tuaoi i Ioritana, o lona
 gataaga foi o le sami oona lea; o lo
 outou laueleele lea ma ona tuaoi e
 13 siosio a'i. Ua fai atu Mose i le
 fanauga a Isaraelu, ua faapea atu,
 O le laueleele lava lea e fai ai mo
 outou tofi i le vili, na poloi mai ai
 Ieova e tuuina atu i itu aiga e iva
 14 ma le vaega o le tasi itu aiga. Auā
 ua maua lo latou tofi e le itu aiga o
 le fanauga a sa Reupenā e faatatau
 i le aiga o latou tamā, ma le itu aiga
 o le fanauga a sa Katō e faatatau i
 le aiga o latou tamā; atoa ma le
 vaega o le itu aiga o Manase, ua
 15 maua lava e i latou o latou tofi. Ua
 maua e itu aiga e lua ma le vaega o
 le tasi itu aiga o latou tofi i lenei itu
 i sasae o Ioritana, e fesagai ma
 Ieriko, i le mea e alu ae ai le la.
 16 Ua fetalai mai foi Ieova ia Mose,
 17 ua faapea mai, O igoa ia o tagata
 latou te totofi le laueleele mo outou,
 O Eleasaro le ositaulaga, ma Iosua
 18 le atalii o Nuno. Tou te ave foi
 alii sili ia taitasi i itu aiga e faasoa
 19 tofi i le laueleele. O igoa foi ia o
 tagata. O Kalepo le atalii o Iefune,
 20 o le itu aiga o Iuta ia. O Semueli
 le atalii o Ameuta, o lo le itu aiga
 21 o le fanauga a Simeona ia. O
 Elitata le atalii o Kiselona, o lo le
 22 itu aiga o Peniamina ia. O le alii
 sili o le itu aiga o le fanauga a
 Tanu, o Puki le atalii o Iakeli lea.
 23 O le fanauga a Iosefa; o le alii sili
 o le itu aiga o le fanauga a Manase,
 24 o Hanieli le atalii o Efota lea. O
 le alii sili o le itu aiga o le fanauga
 a Efaraima, o Kimueli le atalii o
 25 Sefatana lea. O le alii sili o le itu
 aiga o le fanauga a Sepulona, o
 Elisafano le atalii o Parenaka lea.
 26 O le alii sili o le itu aiga o le
 fanauga a Isakara, o Paletieli le
 27 atalii a Asani lea. O le alii sili o
 le itu aiga o le fanauga a Asera, o
 28 Aiuta le atalii o Selomi lea. O le
 alii sili o le itu aiga o le fanauga a

Nafatali, o Petaeli le atalii o Ame-
 uta lea. O i latou ia na poloi mai 29
 ai Ieova ia latou faasoa tofi o le
 fanauga a Isaraelu i le nuu o
 Kanana.

*O aai e nonofo ai sa Levī; ma aai e
 fai ma sulufaiga.*

UA fetalai mai foi Ieova ia Mose 35
 i le elelee laugatasi o Moapi, e lata-
 lata ane i Ioritana, e fesagai ma
 Ieriko, ua faapea mai, Ia e fai atu i 2
 le fanauga a Isaraelu latou te tuu-
 ina atu i sa Levī, ma le tofi latou te
 maua, o aai latou te nonofo ai; e
 tuuina atu foi e outou i sa Levī o
 3 tuafanua o aai e siosio ai. Ia fai
 foi o ia aai mo latou, latou te
 nonofo ai; o latou tuafanua e fai
 mo a latou povi, ma a latou mea,
 4 atoa ma a latou manu uma. O tua-
 fanau foi e siosio ai ia aai tou te
 tuuina atu i sa Levī, e amata atu i
 le pa o le aai, e oo i le mea e gata
 5 mai ai le afe o kupita. Tou te fua-
 fua e amata atu i tua o le aai i le
 itu i sasae e lua afe o kupita, ma le
 itu i toga e lua afe o kupita, o le
 itu foi i sisifo e lua afe o kupita,
 ma le itu i matu e lua afe o kupita;
 a e tuloto le aai; o tuafanua ia o
 6 aai mo i latou. O aai foi tou te
 tuuina atu i sa Levī ia i ai aai e ono
 e fai ma sulufaiga, tou te tuuina
 atu ai e sola i ai le na te fasioti se
 tasi; tou te faaopoopoina foi i ai o
 7 aai e fagafulu ma le lua. O aai
 uma tou te tuuina atu i sa Levī e
 fagafulu ma le valu ia; o i latou
 ma o latou tuafanua. O aai foi tou 8
 te tuuina atu mai aai o le fanauga a
 Isaraelu; o e ua i ai aai e tele tou
 te vaca mai ia tele, a o e ua itiiti o
 latou aai, tou te vaca mai ia itiiti;
 e taitoatasi ma avatu ni ona aai i sa
 Levī, ia faatatau ma lona tofi ua
 maua.

Ua fetalai mai foi Ieova ia Mose, 9
 ua faapea mai, Ia e fai atu i le 10
 fanauga a Isaraelu, ia faapea atu ia
 te i latou, Pe a outou soipoia atu
 Ioritana, i le nuu o Kanana, ona 11
 tofia lea e outou o aai e fai ma aai
 o sulufaiga ia te outou; ina ia sola
 i ai o le fasioti tagata o le ua pai-
 valea ai se tasi ia te ia. E fai foi 12
 ia aai ma sulufaiga ia te outou ai le

na te tau i ma sui, ina ne'i oti le
fasioti tagata; seia tu mai o ia i
luma o le faapotopotoga e faama-
13 sinoina ai. O aai foi ia tou te tuu-
ina atu, e ono aai e fai ma sulufaiga
14 mo outou. Tou te tuuina atu aai e
tolu i lenei itu o Ioritana, tou te
tuuina atu foi o aai e tolu i le nuu
o Kanana, e fai lava ma aai o sulu-
15 faiga. O ia aai e ono e fai ma
sulufaiga mo le fanauga a Isaraelu,
ma le tagata ese, atoa ma le ua
aumau ia te i latou, ina ia taitasi
ma sola atu i ai o le ua paivalea se
16 tasi ia te ia. A e afai e fasia se
tasi e le tasi i se uamea e oti ai lava
o ia, o le fasioti tagata lava lea; ia
matuā fasiotia lava le fasioti tagata.
17 Afai foi ua lavea se tasi e le tasi i
le maa ua togi e mafai ona oti ai
o ia, e oti ai foi o ia, o le fasioti
tagata lava lea; ia matuā fasiotia
18 lava le fasioti tagata. Po ua lavea
se tasi e le tasi i se laau i lona lima
e mafai ona oti ai o ia, e oti ai foi
o ia, o le fasioti tagata lava lea; e
matuā fasiotia lava le fasioti tagata.
19 O le na te tauia ma sui le toto, o
ia lava na te fasioti i le fasioti ta-
gata; pe a la fetaiai ma ia na te
20 fasioti ia te ia. Afai e tulei atu se
tasi i le tasi i lona 'ino'ino i ai; pe
lamalama i ai, ma togi atu ai se
21 mea, e oti ai foi o ia; pe tu'i atu ia
te ia i lona lima i lona ita, ua oti
ai foi o ia, e matuā fasiotia lava o
le na tu'i ia te ia, o le fasioti tagata
lava o ia; e fasiotia le fasioti tagata
e le na te tauia ma sui le toto, pe a
22 la fetaiai ma ia. A e afai ua faa-
fuasei ona ia tulei atu ia te ia, a e
le ita; pe na togi atu se mea ia te
23 ia, a e lei lamalama; po o se maa e
mafai ona oti ai se tasi, a ua na le
iloa o ia; ua na togi atu ia te ia e
oti ai foi o ia, a e le sona fili ia, e
24 lei loto foi ona ia tigaina o ia; ona
faamasino ai lea o le faapotopotoga
i le na fasi tagata, ma le na te tauia
ma sui le toto, e tusa ma ia faama-
25 sinoga. E laveaiina foi e le faa-
potopotoga o le fasioti tagata, ai le
lima o le na te tauia ma sui le toto;
e faafoisia foi o ia e le faapoto-
potoga i le aai o lona sulufaiga ua
ia sola atu i ai; e nofo ai lava o ia
seia oti le ositaulaga sili, o le ra

faauuina i le suūu paia. A e afai 26
e toe alu atu le fasioti tagata i tua
o le tuaoi o le aai o lona sulufaiga
na ia sola atu i ai; a maua foi o ia 27
e le na te tauia ma sui le toto i tua
o le tuaoi o le aai o lona sulufaiga,
a fasiotia foi o le fasioti tagata e le
na te tauia ma sui le toto, e le sasaa
le toto ona o ia. A ua le se'i nofo 28
pea o ia i le aai o lona sulufaiga,
seia oti le ositaulaga sili; a e a oti
le ositaulaga sili, ona toe foi atu ai
lea o le fasioti tagata i lona lava
fanua. E fai ia mea ma tulafono e 29
faamasino a'i ia te outou i o outou
augātupulaga, i mea uma tou te
nenofo ai. Ai se fasiotia se tasi, e 30
oti lava le fasioti tagata i le mau a
e molimau; a e le oti se tagata i le
mau a le molimau e toatasi. Tou 31
te le talia lava se togiola e ola ai le
fasioti tagata, o le ua faasalaina ia
oti; a e fasiotia lava o ia. Tou te 32
le talia foi se togiola mo le ua sola
i le aai o lona sulufaiga, ia toe foi
mai ai o ia e nofo i le nuu, a o lei
oti le ositaulaga sili. Aua ne'i 33
leaga ia te outou le laueleele tou te
i ai; auā o le toto o le mea lava
lea e leaga ai le laueleele; e le
mafai foi ona togiolaina le laueleele
ai le toto na faamaliaina i ai, na o
le toto lava o le na na faamaliaina.
Aua ne'i leaga ia te outou le lau- 34
eleele tou te nonofo ai, ou te mau ai
a'u; auā o a'u o Ieova, matou te
mafuta ma le fanauga a Isaraelu.

*O isi tulafono e faatonu ai le nofo
tane o fafine o Isaraelu.*

O MATAI sili o le aiga o le fa-36
nauga a Kiliata, le atalii o Makiro,
le atalii ia o Manase, o aiga o atalii
o Iosefa, ua latou o mai, ma fai mai
i luma o Mose, ma luma o alii sili, o
matai sili o le fanauga a Isaraelu,
ua faapea mai i latou, Na poloai 2
mai Ieova ia te oe, lo matou alii, ia
tuuina atu le nuu i le vili i le fa-
nauga a Isaraelu ia fai ma tofi; na
poloaiina foi oe, lo matou alii, e
Ieova ia tuuina atu le tofi o lo
matou uso o Selofoata i ona afafine.
Afai e nofo tane i latou i tagata o 3
isi itu aiga o le fanauga a Isaraelu,
ona vavaeeseina ai lea o lo latou
tofi i tofi o matou tamā, ma faapo-

opoina i le tofi o le itu aiga latou te
i ai; e vavaeeseina ia i le fanua o
4 lo matou tofi. A oo foi i le iupeli
o le fanauga a Isaraelu, ona faaopo-
opoina ai lea o lo latou tofi i le tofi
o le itu aiga latou te i ai; ona
vavaeeseina ai lea o lo latou tofi i le
tofi o le itu aiga o matou tamā.
5 Ona fai atu ai lea o Mose i le
fanauga a Isaraelu e tusa ma le
afioga a Ieova, ua faapea atu, E
tonu le upu a le itu aiga o le fanauga
6 a Iosefa. O le mea lenei ua poloai
mai ai Ieova i afafine o Selofoata, o
loo faapea mai, Ia nofo tane i latou
i e latou te loto i ai, a e tau lava o
le aiga o le itu aiga o lo latou tamā
7 latou te nofo tane ai. Ona le fe-
aveaiina ai lea o tofi o le fanauga a
Isaraelu i lea itu aiga ma lea itu aiga;
aui o le fanauga a Isaraelu latou te
taitasi ma nofo mau i le tofi o le itu
8 aiga o lona tamā. Ai se fafine foi
ua i ai se tofi i itu aiga o le fanauga

a Isaraelu, e nofo tane o ia i se tasi
o se aiga o le itu aiga o lona tamā,
ina ia taitasi le fanauga a Isaraelu
ma fai mona le tofi o lona tamā.
E le feaveaiina foi le tofi i lea itu
aiga ma lea itu aiga; a e taitasi le
tagata o itu aiga o le fanauga a
Isaraelu ma nofo mau i lona lava
tofi. E pei ona poloai mai o Ieova
10 ia Mose, sa faapea lava ona faia e
afafine o Selofoata. Aui o Maala,
11 ma Tiresa, ma Hakelu, ma Meleka,
ma Noa, o afafine o Selofoata, na
latou nofo tane i atalii o uso o lo
latou tamā. Ua latou nofo tane i
12 aiga o le fanauga a Manase, le atalii
o Iosefa; ona i ai pea lea o lo latou
tofi i le itu aiga o le aiga o lo latou
tamā. O poloaiga lava ia ma faa-
13 masinoga na poloai mai ai Ieova ia
Mose i le fanauga a Isaraelu i le
eleele laugatasi o Moapi, e latalata
ane i Ioritana, e *fesagai* ma Ieriko.

O LE TEUTERONOME

O LE

TUSI E LIMA A MOSE.

*Ua toe ta'u atu e Mose o mea na
fetalai mai ai le Atua.*

1 O UPU nei na fai atu ai Mose ia
Isaraelu uma lava i le itu mai o
Ioritana, i le vao i le eleele lauga-
tasi e feagai ma Sufe, i le va o
Parana, ma Topelu, ma Lapana, ma
2 Haserota, ma Tisaapa. *O le sava-
liga* mai Horepa i le ala e ui i le
mauga o Seira e oo atu i Katesapa-
nea, e sefulu ma le tasi ona aso.
3 Ua oo i le tausaga e fagafulu, o le
masina e tasi le sefulu ma le tasi, o
le aso muamua o lea masina, ona
fai atu ai lea o Mose i le fanauga a
Isaraelu o mea uma lava na poloai
atu ai Ieova ia te ia e *fai atu* ia i
4 latou; ina ua uma ona fasia e ia o
Sekono le tupu o sa Amori sa nofo

i Hesepona, ma Oko le tupu o
Vasana sa nofo i Aserota i Eterei, i
5 le itu mai o Ioritana i le nuu o
Moapi na amata ai ona folafolaina
e Mose o lenei tulafono, ua faapea
6 atu, Na fetalai mai Ieova lo tatou
Atua ia te i tatou i Horepa, ua faa-
pea mai, Ua leva lo outou nonofo i
lenei mauga; ia liliu ane outou, ma
7 savavali, ma o atu outou i le mauga
o sa Amori, ma mea uma lava e
latalata ane i ai, i le eleele lauga-
tasi, *ma* le mauga, ma le nuu mau-
lalo, ma le itu i toga, ma le matafaga,
e oo i le nuu o sa Kananā, ma Lepa-
nana, e oo lava i le vaitafe tele, o le
8 vaitafe o Eufirate. Faauta, ua ou
tuuina atu le nuu i o outou luma, o
atu ia outou ina fai mo outou le nuu
na tauto ai Ieova i o outou tamā o

- Aperaamo, ma Isaako, ma Iakopo na te foaiina atu ia te i latou, ma a latou fanau pe a mavae atu i latou.
- 9 Na ou fai atu foi ia te outou i ia ona po, ua faapea atu, Ou te lava-
 10 tia lava outou e a'u e toatasi; ua faatoateleina outou e Ieova lo outou Atua, faauta foi, o le aso nei e pei o fetu o le lagi ona toatele o outou.
- 11 Ia atili faatoateleina outou e Ieova le Atua o outou tamā, ia faatoa-
 12 afeina lo outou *faitau*, ma ia manuia outou ia te ia, e pei ona fetalai mai o ia ia te outou. Ou te lavatia faa-
 13 pefea e a'u e toatasi o a outou mea mamafa, ma a outou avega, ma a
 14 outou fefinauiga? Ia outou fili-
 15 filia mo outou o tagata popoto o e ua mafaufau, ma e ua iloa, i o outou itu aiga, ina ia ou tofia i latou e fai
 16 ma alii ia te outou. Na outou tali
 17 mai ia te au, ua faapea mai, O le mea lelei lea ua e fai mai ai *matou*
 18 *te* faia. Ona ou ave ai lea o alii sili o outou itu aiga, o tagata popoto i
 19 latou, ma e ua iloa, ma ou tofia i latou e fai ma alii ia te outou, o alii o taitoaafe, ma alii o taitoaselau, ma alii o taitoasefulu, ma faipule i o outou
 20 itu aiga. O ona po lava ia na ou poloai atu ai i o outou faamasino, ua faapea atu, Ia outou faalogologo i
 21 *upu* a outou uso, ma ia outou faa-
 22 masino tonu i le tagata ma lona uso, ma le tagata ese o loo ia te ia. Aua
 23 tou te faailogaina se tasi i le faa-
 24 masinoga; e pei ona outou faalogc-
 25 logo i le tagata nuu ia faapea foi i le alii; aua lava tou te fefefe i
 26 tagata, auā o le faamasinoga o i lo outou Atua lea; a o le mea e fai-
 27 gata ia te outou, ia au mai lea ia te au, ou te faalogologo i ai. O ona
 28 po lava ia na ou poloai atu ai ia te outou o mea uma lava tou te faia.
- 29 Na tatou o mai mai Horepa, na tatou savavali foi i lea vao uma e
 30 lautele ma le matautia, na outou iloa ai i le ala i le mauga o sa Amori, e pei ona poloai mai ai
 31 Ieova lo tatou Atua ia i tatou; ona tatou o atu lea i Katesapanea.
- 32 Ona ou fai atu lea ia te outou, Ua outou oo mai lava i le mauga o sa Amori, na foaiina mai ia i tatou e
 33 Ieova lo tatou Atua. Faauta, ua
 34 tuuiua atu e Ieova lou Atua le nuu i ou luma, ina e alu ae ia, ia fai mou, e pei ona fetalai mai ia te oe o Ieova le Atua o ou tamā; aua le
 35 fefe, aua le atuatuale. Ona outou
 36 faalatalata mai lea ia te au o outou uma lava, ua outou fai mai foi, Ia
 37 tatou aauina atu tagata e muamua ia i tatou, ina ia latou asiasi le nuu
 38 mo i tatou, ma latou au mai ai se tala ia i tatou i se ala tatou te o ae
 39 si, o aai foi tatou te o i ai. Sa lelei
 40 lea upu ia te au, ona ou aauina atu ai lea ni o outou, o tagata e toase-
 41 fulu ma le toalua, o le itu aiga ma le tagata. Ona latou faasaga ae
 42 lea, ma o ae i le mauga, ua latou oo atu i le alia o Esekolo, ua latou
 43 asiasi ai. Na tago foi o latou lima i fua o le fanua, ona au mai ai lea
 44 ia te i tatou, ma latou foi mai ai ma se tala ia te i tatou, ua latou faapea
 45 mai, Ua lelei le nuu ua foaiina mai e Ieova lo tatou Atua ia i tatou.
- 46 Na outou le mafafai ona o ae, a ua outou fouvale i le afoga a Ieova lo
 47 outou Atua. Na outou muimui foi i o outou fale ie, na outou faapea
 48 ane, O le 'ino'ino mai o Ieova ia i tatou ua na au mai ai i tatou ai le
 49 nuu o Aikupito ina ia tuuiua atu i tatou i lima o sa Amori, ia faa-
 50 umatia ai i tatou. Pe tatou te o ae
 51 ifea? ua faavaivai mai e o tatou uso o tatou loto, ua faapea mai, O
 52 le nuu e sili ona toatele, ma le mau-
 53 aluluga ia te i tatou; o aai foi ua tetele, ma ua puipui i pa e oo i le
 54 lagi, i le ma lea foi, na matou iloa ai atalii o Anaki. Ona ou fai atu
 55 lea ia te outou, Aua tou te fefefe, aua foi tou te matatau ia te i latou.
- 56 O Ieova lo outou Atua o le na te muamua ia te outou, e tau o ia mo
 57 outou, e tusa ma mea uma na faia mo outou i Aikupito i o outou
 58 luma; ma le vao foi, na e iloa ai ona tausia oe e Ieova lou Atua, e
 59 pei o le tagata ona tausia o lona atalii, i le ala uma na outou sava-
 60 vali ai, ua oo ina outou oo mai lava i lenei mea. A ua outou le faatua-
 61 tua ia Ieova lo outou Atua i lenei lava mea, o le na muamua ia te
 62 outou i le ala, e saili se mea tou te to lauapi ai, o i le afi i le po, e

- faaali atu ai ia te outou le ala tou
te savavali ai, o i le ao foi ina
o ao.
- 34 Ua faafogaina mai e Ieova o a
outou upu, ona toasa lea o ia, ua
35 tauto foi ia, ua faapea, E le iloa lava
e se toatasi o nei tagata o lenei
36 tupulaga leaga le nuu lelei na ou
tauto ai e avatu mo outou tamā, na
o Kalepo le atalii o Iefune, e iloa ai
e ia; ou te avatu foi ia te ia ma
ana fanau le nuu na ia alu atu i ai;
auā ua matuā mulimuli atu o ia ia
37 Ieova. Ua toasa mai foi Ieova ia te
au talu o outou, ua faapea mai, O
38 oe foi, e te le alu i ai. O Iosua le
atalii o Nuno, o lē tu i ou luma,
e alu lava o ia i ai; ia e faamalosi
ia te ia, auā o ia na te tofia *le nuu*
39 mo Isaraelu. O a outou tama iti
foi na outou fai mai ai, e avea i
latou ma tagata o taua, ma a outou
fanau na le iloa i lea aso se mea
lelei po o se mea leaga, latou te
oo lava i ai, ou te avatu ai ia te i
40 latou, e fai ai foi mo latou tofi. A
o outou, ina liliu ane ia outou, ma o
atu i le vao, i le ala i le sami
Ulaula.
- 41 Ona outou tali mai lea, ua outou
faapea mai ia te au, Ua matou aga-
sala atu ia Ieova; matou te o ae,
matou te sii atu le taua, e pei o
mea uma lava na poloai mai ai
Ieova lo tatou Atua. Ona laei ai
lea o outou, ua taitasi ai ma ana
mea tau, ua oso vale foi outou e o
42 ae i le mauga. Ona fetalai mai ai
lea o Ieova ia te au, Ia e fai atu ia
te i latou, Aua tou te o ae, aua tou
te sii atu le taua, auā o a'u, ou te le
i ai ia te outou; ne'i fasia outou i
luma o e ua ita mai ia te outou.
- 43 Ona ou fai atu ai lea ia te outou, a
ua outou le faalogo mai lava, a ua
outou fouvale i le afoga a Ieova, na
outou faamaualuga, ma outou o ae
i le mauga. Ona o mai ai lea o sa
44 Amori, sa nonofo i lea mauga, e faa-
fetaiai ia te outou, na latou tuliloa
foi ia te outou, e pei ona faia e lāgo-
meli, ua latou fafasi ia te outou i
45 Seira e oo atu i Horema. Ona outou
toe foi mai lea, ma outou fetagisi i
luma o Ieova, a ua le faafogaina
mai e Ieova o a outou upu, ua le
liliu mai foi ona fofoga ia te outou.
- Ona outou nonofo ai lea i Katesa i 46
aso e tele, o ona aso lava na outou
nonofo ai.
- O le tala i mea na faia ia Eloma ma
nisi nuu.*
- ONA tatou liliu ane lea, ma tatou 2
o atu i le vao i le ala i le sami Ulaula,
e pei ona fetalai mai o Ieova ia te
au; e tele lava aso ua tatou siosio
ai le mauga o Seira. Ona fetalai 2
mai lea o Ieova ia te au, ua faapea
mai, Ua leva ona outou siosioina 3
lenei mauga, ia outou liliu ane i le
itu i matu. Ia e fai atu i le nuu, ia 4
faapea atu, O le a outou ui ane i le
tuaui o outou uso, o le fanauga a
Esau, o e nonofo i Seira, latou te
matatau ia te outou, ia outou lava;
aua ne'i outou tau mai i latou, auā 5
ou te le avatu ia te outou sina o
latou fasi fanua, e leai sina mea e
tusa ma se tulagāvae, auā ua ou
avatu le mauga o Seira, o le tofi lea
o Esau. Tou te faatau mea e 'ai 6
mai ia te i latou i tupe, tou te aai ai,
o le vai foi tou te faatau mai ai ia te
i latou i tupe, tou te inu ai. Auā 7
ua faamanuia oe e Ieova lou Atua i
galuega uma a ou lima; ua na sila-
fia lou savaliga i lenei vao tele, na
ia te oe Ieova lou Atua i ona tau-
saga e fagafulu; e leai lava se mea
na e mativa ai.
- Na tatou o ane nai o tatou uso le 8
fanauga a Esau, o e ua nonofo i
Seira, i le ala i le elelee laugatasi
nai Elata ma Esiokape, ona tatou
liliu lea, ma o ane i le ala i le vao o
9 Moapi. Ona fetalai mai lea o Ieova
ia te au, Aua e te faasaua atu ia
Moapi, aua foi e te tau ai se taua ma
i latou; auā ou te le avatua ia te oe
sina ona fasi fanua e fai mou, auā
ua ou avatu Aro i le fanauga a Lotā
a fai mo latou. Sa nonofo ai sa 10
Ememā anamua, o le nuu lea e
malolosi ma le toatele, e maualuluga
foi e pei o sa Anakī. Ua ta'ua foi 11
i latou o tagata maualuluga, e pei o
sa Anakī, a ua faaigoaina i latou o
Emema e sa Moapi. Sa nonofo foi 12
o sa Hori i Seira anamua, a ua tulia
i latou e le fanauga a Esau, ma
latou faaumatia i latou ai o latou
luma, ma nonofo i le mea sa i ai i
latou, e pei ona faia e Isaraelu i le

nuu ua fai mona tofi, ua foaiina e
 13 Ieova ia te i latou. O lenei, ina
 tutū ia outou, ma sopoia atu le alia
 o Sareta. Ona tatou sopoia lea o
 14 le alia o Sareta. O ona aso na
 tatou savavali ai nai Katesapanea,
 ua oo ina sopoia atu o le alia o
 Sareta, e tolu sefulu ma le valu o
 ona tausaga ia; ua oo ina faaumatia
 o lea tupulaga o tagata tau ai le
 toagālauapi, e pei ona tauto ai o
 15 Ieova ia te i latou. Auā ua oo ia te
 i latou le aao o Ieova e faauma ai ia
 i latou ai le toagālauapi, ua oo ina
 faaumatia i latou.
 16 Ua iu foi ina ua faaumatia i le oti
 17 o tagata tau uma lava ai le nuu, ona
 fetalai mai ai lea o Ieova ia te au,
 18 ua faapea mai, O le aso nei e te ui
 19 ane ai i Aro o le tuaoi o Moapi; a e
 faalatalata atu foi e feagai ma le
 fanauga a Amoni, aua ne'i e faa-
 saua ia i latou, aua foi e te tau
 ma i latou, auā ou te le avatu ia te
 oe sina fasi fanua o le fanauga a
 Amoni e fai mou, auā ua ou avatu
 ai i le fanauga a Lota e fai mo latou.
 20 Na ta'ua foi lea o le nuu o tagata
 maua'luluga, sa nonofo ai tagata
 maua'luluga anamua, ua faaigoaina
 foi i latou e sa Amoni o Samasuma;
 21 o le nuu lea e malolosi ma le toa-
 tele, e maua'luluga foi e pei o sa
 Anakī; a ua faaumatia i latou e
 Ieova ai o latou luma, na latou tulia
 foi i latou, ma latou nonofo i le mea
 22 sa i ai i latou; e pei ona faia e ia i
 le fanauga a Esau e ua nonofo i
 Seira, ina ua faaumatia e ia o sa
 Hori ai o latou luma, ua latou tulia
 i latou, ma latou nonofo i le mea sa
 latou i ai, ua oo mai lava i nei ona
 23 po. O sa Gavī foi sa nonofo i
 Haserima e oo atu i Kasa, o sa
 Kafatori na o mai mai Kafatori ua
 faaumatia i latou, ma ua latou
 24 nonofo i le mea sa i ai i latou. Ina
 tutū ia outou, o atu ia, ma sopoia
 atu le alia o Arinona; faauta, ua ou
 tuuina i lou lima o Sekono le tupu
 o Hesepona o le sa Amori, ma lona
 fanua, ia e amata nei lava ona fai
 mou, i le e tau ai le taua ma ia. O
 25 le aso nei e amata ai ona ou faaoo
 atu le mata'u, ma le atuātuvale ona
 o oe i nuu o i le lalolagi uma, e
 lagona e i latou se tala ia te oe,

ma latou gatete, ma faavaivai i ou
 luma.

Ona ou aauina atu lea o le sāvali 26
 ai le vao o Katemoti ia Sekono le
 tupu o Hesepona, ma upu o le
 filemu, ua faapea atu ai, Se'i ou ui 27
 atu i lou nuu, o le ala tele ou te
 savali ai, ou te le liliu ane i le itu
 taumatau, po o le itu tauagavale.
 E te faatauina mai mea e 'ai i tupe, 28
 ou te 'ai ai, e te au mai foi ni vai i
 tupe, ou te inu ai, na ona ui atu
 lava ou vae. E pei ona faia ia te 29
 au e le fanauga a Esau, e ua nonofo
 i Seira, ma sa Moapi e ua nonofo i
 Aro, seia ou sopoia atu Ioritana, i
 le nuu ua foaiina mai ia te i matou
 e Ieova lo matou Atua. A ua le 30
 mafai Sekono le tupu o Hesepona
 ona tatou ui ane i ai; auā na faa-
 maaa e Ieova lou Atua lona loto,
 ma ua faafinauvaleina o ia, ina ia
 tuuina atu o ia i lou lima, e pei ona
 faia i le aso nei.

Ona fetalai mai lea o Ieova ia te 31
 au, Faauta, ua ou tuuina atu nei
 lava o Sekono ma lona nuu ia te oe,
 ia e fai nei lava mou lona nuu.
 Ona latou o mai lea o Sekono ma 32
 lona nuu uma e faafetaiai ia i tatou
 e tau ai le taua i Iaesa; na tuuina 33
 mai foi i latou e Ieova lo tatou
 Atua ia te i tatou, ona tatou fafasi
 ai lea ia te ia, ma ona atalii, atoa
 ma lona nuu uma. Ona tatou aea 34
 ai lea ona aai uma lava i ia ona po,
 ma tatou faaumatia o tane, ma
 fafine, ma tama iti i aai uma lava,
 ua leai se tasi na tatou faatoeina;
 na o manu na ave ma tatou, atoa 35
 ma vete i aai na tatou faoa. E afua 36
 mai i Aroeru, o i le auvai o le alia o
 Arinona, ma le aai i le alia, ua oo
 atu i Kiliata, e leai lava se aai na
 sili lo latou malos i lo tatou, ua
 foaiina mai uma e Ieova lo tatou
 Atua ia te i tatou. Na o le nuu o 37
 le fanauga a Amoni na e le oo i ai,
 o se mea e tasi e latalata ane i le
 alia o Iapoka, po o aai o i mauga,
 po o se mea na vavao mai ai e
 Ieova lo tatou Atua.

*O le faatoilaloina o Oko le tupu o
 Vasana.*

ONA tatou liliu ane lea, ma tatou 3
 o ae i le ala i Vasana, ona latou o

- mai lea, o Oko le tupu o Vasana, o ia ma lona nuu uma lava e faafetai-ai ia te i tatou e tau ai le taua i
- 2 Eterei. A ua fetalai mai Ieova ia te au, Aua e te mata'u ia te ia, auā ua ou tuuina atu i lou lima o ia, ma lona nuu uma, atoa ma lona laueleele; e te faia ia te ia e pei ona e faia ia Sekono le tupu o sa Amorī,
- 3 o le sa nofo i Hesepona. Ona tuuina mai ai lea e Ieova lo tatou Atua i o tatou lima o Oko le tupu o Vasana, ma lona nuu uma lava, ona tatou fafasi ai lea ia te i latou, na
- 4 le toe lava se toatasi ia te ia. Na tatou aea foi ona aai uma lava i ia ona po, e leai so latou aai na le aea e i tatou, o aai e onogafulu, o le itu uma o Arakopo na pule ai
- 5 Oko i Vasana. O aai uma lava ia ua puipuia i pa maualuluga, o puipui ua fai ma faamau faalava; atoa
- 6 ma faoa aai e tele lava. Ona tatou faaumatia lea i latou, e pei ona tatou faia ia Sekono le tupu o Hesepona, na tatou faaumatia o tane, o fafine,
- 7 ma tama iti i aai uma lava. A o manu uma, ma oloa o aai, ua tatou
- 8 vetea mā tatou. O ia ona aso foi na tatou faoa ai le laueleele nai lima o tupu e toalua o sa Amorī, na i le itu mai o Ioritana, e afua mai i le alia o Arinona, ua oo atu lava i
- 9 le mauga o Heremoni, (na igoa Heremoni e tagata o Saitonu, o Siriona, a ua igoa e sa Amorī, o Senira); o aai uma lava i le elelee laugatasi, ma Kiliata uma, ma Vasana uma ua oo atu i Saleka ma Eterei, o aai i
- 11 nuu na pule ai Oko i Vasana. Auā ua na o Oko le tupu o Vasana, na toe i tagata maualuluga; faauta i lona moega, o le moega uamea, e le o loo i Rapa ea, o le aai o le fanauga a Amoni? E iva kupita o lona umi lea, e fa kupita o lona lautele lea, o le kupita o le tagata lea.
- 12 O le nuu lea sa fai mo i tatou i ia ona po, e pau mai i Aroeru e lata aue i le alia o Arinona, ma le tasi itu o le mauga o Kiliata, ma ona aai ua ou foaiina atu i sa Reupenā, ma sa Katō. O le toe itu o Kiliata, ma Vasana uma, na pule ai Oko, ua ou foaiina atu ai i le vaega o le itu aiga o Manase; o le itu uma o Arakopo, o Vasana uma lava, sa ta'ua
- o le nuu o tagata maualuluga. O 14 Iairo le atalii o Manase ua na faoa le itu uma o Arakopo, ua oo atu i le tuaoi o Kasuri, ma Maaka, ua na faaigoaina ai i lona lava igoa, o Vasana havota-iairo, ua oo i nei ona po. Ua ou foaiina atu foi Kiliata ia 15 Makiro; ua ou foaiina atu foi i sa Reupenā, ma sa Katō, e afua mai i Kiliata, ua oo atu i le alia o Arinona, o i totonu lava o le alia, ma le tuaoi; ua oo atu lava i le alia o Iapoka, o le tuaoi lea o le fanauga a Amoni. O le elelee laugatasi foi, ma Iori- 17 tana, ma ona itu, e afua mai i Kine-reta, e pau mai i le sami o i le elelee laugatasi, o le sami oona lea i lalo o Asetotapeseka i le itu i sasae. O ia ona po na ou fai atu ai ia te outou, ua faapea atu, Ua foi 18 mai ia te outou e Ieova lo outou Atua lenei nuu e fai mo outou; o outou uma o e malolosi, tou te o atu o sauni i le taua i luma o outou au uso le fanauga a Isaraelu. A o 19 a outou avā, ma a outou tama iti, ma a outou manu, auā ua ou iloa ua tele a outou manu, ia latou nonofo i o outou aai ua ou avatua ia te outou; seia avatua e Ieova le 20 mapusaga i o outou uso, e pei o outou na lava, seia fai foi mo i latou le nuu o i ona tala atu o Ioritana, ua foaiina atu ia te i latou e Ieova lo outou Atua; ona toe o mai ai lea o outou, e taitasi i lona tofi ua ou avatua ia te outou.
- O ia ona po na ou fai atu ai ia 21 Iosua, ua faapea atu, Na e iloa atu i ou lava mata i mea uma lava na faia e Ieova lo outou Atua i na tupu e toalua, e faapea foi ona faia e Ieova i malo uma lava, o le a e alu atu i ai. Aua tou te matatau ia 22 i latou, auā o Ieova lo outou Atua, o ia e tau mo outou.
- O ia ona po na ou aloi atu ai ia 23 Ieova, ua faapea atu, Le Alii e, 24 Ieova, ua e amataina ona faaalai mai i lau auauna o lou silisili ese ma lou aao malosi, auā o ai se Atua o i le lagi, po o le lalolagi na te mafaia ona fai o mea e pei ona e faia, e tusa foi ma lou malosi? Ou 25 te aloi atu ia te oe se'i ou alu atu ou te matamata ai i le nuu lelei o i tala atu o Ioritana, o lona mauga

- 26 lelei, ma Lepanona. A ua toasa mai Ieova ia te au ona o outou, ma ua na le faafofoga mai ia te au, a ua fetalai mai Ieova ia te au, Soia, aua lava e te toe fai mai se upu ia te au i lea mea. Alu ae ia oe i le tumutumu o Peseka, ma e vaai i le itu i sisifo, ma le itu i matu, ma le itu i toga, ma le itu i sasae, ma ia e iloa ai i ou mata; auā e te le sopoia atu lena Ioritana. A ia e poloa'i atu ia Iosua, ma e faamafanafana, ma faamalosi ia te ia, auā o ia e alu atu lava i luma o le nuu nei, o ia na te tofia mo i latou le nuu e te vaiaia.
- 29 Ona tatou nonofo ai lea i le vanu e feagai ma Peteporo.

O le faamafanafanaga ia latou aniana i le Atua.

- 4 O LENEI, Isaraelu e, faalogologo mai ia i tulafono ma faamasinoga ou te a'oa'o atu ai ia te outou tou te faia, ina ia outou ola ai, ina ia outou o atu ai foi, ma fai mo outou le nuu ua foaiina atu ia te outou e Ieova le Atua o outou tamā.
- 2 Aua tou te faapoopo *se upu* i upu ou te fai atu ai ia te outou, aua foi tou te aveeseina *ai se upu*; ina ia outou tausiusi i poloaiga a Ieova lo outou Atua ou te fai atu ai ia te outou. Ua outou iloa i o outou mata le mea na faia e Ieova ona o Paalapeoro, auā o tagata uma lava na mulimuli atu ia Paalapeoro ua faaumatia i latou nai ia te oe e
- 4 Ieova lou Atua. A o outou e na pipii atu ia Ieova lo outou Atua, o loo ola mai outou uma i le aso nei.
- 5 Faauta, na ou a'oa'o atu ia te outou i tulafono ma faamasinoga e pei ona poloa'i mai ai ia te au e Ieova lo'u Atua, ina ia outou faia faapea i le nuu tou te o atu ai e fai mo
- 6 outou. O lenei, ia outou tausiusi i ai, ma ia outou faia, auā o le mea lea tou te popoto ai, ma atamamai ai i luma o nuu e faalogologo i nei tulafono uma; ona faapea ane lea, E moni lava o le nuu popoto ma le
- 7 atamamai lenei nuu mamalu. Auā o ifea se nuu mamalu ua latalata i ai lo latou atua, e pei o Ieova lo tatou Atua ua latalata mai i mea uma lava ua tatou valaau atu ai ia
- 8 te ia? O ifea foi se nuu mamalu e

i ai tulafono ma faamasinoga tonu, e pei o lenei tulafono uma ua ou tuuina atu ia te outou i le aso nei? Tau ina faaeteete oe ia te oe, ma ia e matuā faaeteete lava ia te oe, ne'i galo ia te oe nei mea na iloa ai e ou mata, ne'i te'a ese ai lou loto i aso uma o lou olaga, a ia e faailoa atu i lau fanau, ma le fanau a lau fanau; faailoa atu le aso na e tu ai i luma o Ieova lou Atua i Horepa, ina o fetalai mai Ieova ia te au, Ina faapotopoto mai ia ia te au le nuu, ia latou faalogologo mai i a'u upu, ina ia a'oa'oina ai i latou, ina ia matatau mai ia t; au i aso uma lava latou te ola ai i le fogaelele, ma ia latou a'oa'o ai i a latou fanau. Ona outou faalatalata atu lea ma tutū i lalo o le mauga, na mu foi le mauga i le afi, ua oo lava i le lagi; sa i ai foi le pouliuli, ma ao, ma le pogisa. Ona fetalai mai lea o Ieova ia te outou mai totonu o le afi, ua outou faalogologo i le siufofoga, a ua outou le iloa atu se mea e tino a'i mai, na o le siufofoga lava. Ua na faaalila foi ia te outou lana feagaiga na ia poloa'i mai ai ia te outou tou te faia, o upu ia e sefulu; na ia tusi ai foi i luga o papamaa e lua. Na poloa'i foi Ieova ia te au i ia ona po, e a'oa'o atu ia te outou i tulafono ma faamasinoga tou te faia i le nuu tou te o atu i ai e fai mo outou.

O lenei, ia matuā faaeteete outou ia te outou, auā na outou le iloa lava se mea na tino a'i mai i le aso na fetalai mai ai Ieova ia te outou i Horepa ai totonu o le afi. Ne'i leaga outou ia te outou, ma outou faia mo outou se tupua ua ta, o le faatusa o se tupua e tasi, o le faatusa o se tane, po o se fafine; o se faatusa o se tasi manu e tataa, o se faatusa o se manu lele e lele i luga, c se faatusa o se tasi mea e totolo i le elele, po o se faatusa o se tasi i'a o i le sami i lalo o le lauelele; ne'i tepa ae foi ou mata i le lagi, ma e iloa le la, ma le masina, ma fetu, o 'au uma o le lagi, ne'i tosina ai oe e ifo i ai, ma auauna i ai, o mea ia na tofia mai e Ieova lou Atua i nuu uma o le lalolagi. Auā na ave outou e Ieova, ma na aumaia outou ai le ogaumu e tumu ai uamea, nai

- Aikupito lava, ina ia avea ma nuu e fai mona tofi, pei ona *fai* i le aso nei.
- 21 Na toasa mai foi Ieova ia te au ona o a outou upu, ma na tauto ai ou te le sopoia atu Ioritana, ou te le alu atu foi i le nuu lelei, o le a foai atu ia te oe e Ieova lou Atua e fai
- 22 mou tofi. Auā e oti a'u i le nuu nei, ou te le sopoia atu Ioritana; a o outou, tou te sopoia atu, ma fai mo outou lena nuu lelei. Ia outou lava, ne'i galo ia te outou le feagai-ga a Ieova lo outou Atua na ia osia ma outou, ona outou fai lea mo outou se tupua ua ta, o le faatusa lava o se mea e tasi ua vaoia mai ai e Ieova lou Atua. Auā o Ieova lou Atua o le afi maamaai ia, o le Atua fuā ia.
- 25 A oo ina fai o lau fanau, ma ni fanau a lau fanau, a loa foi ona outou mau i le nuu, a leaga outou *ia te outou*, a outou faia foi se tupua ua ta, o se faatusa o se mea e tasi, ma faia mea leaga i luma o Ieova lou Atua, e faaonoono ai ia te ia; ou te valaau atu i le aso nei i le lagi, ma le lalolagi, e fai ma moli-mau ia te outou, e vave ona matuā fano outou ai le nuu tou te sopoia atu ai Ioritana e fai mo outou; tou te le nofo tulu'i ai, a e matuā faa-umatia outou. E faataapeape e
- 27 Ieova ia te outou i nuu eseese, e toaitiiti foi ni o outou e totoe i nuu e ta'ita'iina ai outou e Ieova; tou te auauna ai i atua na faia e lima o tagata, o laau ma maa, o e le vaai, ma latou le faalogologo, latou te le aai, ma latou le sogisogi, A e afai tou te toe saili ia Ieova lou Atua i lea mea, ona e maua lea o ia, pe afai e te saili ia te ia ma lou loto atoa
- 30 ma lou agaga atoa. A oo ia te oe le puapuaga, a maua foi oe e ia mea uma lava i aso amuli, afai e te toe foi atu ia Ieova lou Atua, ma e faa- logo i lona siufofoga, (auā o Ieova lou Atua, o le Atua alofa ia,) na te le tuuna oe, na te le faaumatia oe, e le galo foi ia te ia le feagaiga ma ou tamā, na ia tauto ai ia te i latou.
- 32 Auā ia e suesue i aso anamua na muamua ia te oe, talu le aso na faia ai tagata e le Atua i le lalolagi; *ia e suesue* foi, ia amata i le tasi tulu- iga o le lagi, e oo atu i le tasi tulu- iga o le lagi, pe ai se mea e pei o lenei mea tele, pe na faalogoina e se tasi se mea la te tutusa? Pe na faalogologo se nuu i le siufofoga o le Atua ua tūlei mai i totonu o le afi, faapei ona e faalogologo i ai, a e ola mai *pea*? Pe na sauni ea e le Atua ona afio atu, ma ave mona le tasi nuu ai totonu o le tasi nuu, i tofotofoga, ma faailoga, ma vavega, ma le taua, ma le aao malosi, ma le aao faaloaloa, atoa ma mea mafautia tele lava, faapei o mea uma na faia e Ieova lo outou Atua ia te outou i o outou luma i Aikupito? Ua faa- iloaina atu ia te oe ina ia e iloa, o Ieova o ia lava le Atua, e leai se tasi na o ia lava. Ua na tūlei mai lona siufofoga mai le lagi ia lagona e oe, ina ia a'oa'o mai o ia ia te oe; na ia faailoa mai foi ia te oe lana afi tele i le lalolagi, na e faalogologo foi i ana afioga ai totonu o le afi. Na ia alofaina ou tamā, o le mea lea na ia filifilia ai a latou fanau, ina ua mavae atu i latou, ua na aumaia foi oe i ona luma i lona mana tele nai Aikupito; ina ia tulia nai ou luma o nuu e sili ona malolosi ma le toatele ia te oe, ina ia faaoo ia te oe, ma ia avatu lo latou laueleele e fai mou tofi, faapei ona *fai* i le aso nei. Ia e iloa foi i le aso nei, ma ia mafaufau ai lou loto, o Ieova o ia lava le Atua i le lagi i luga, atoa ma le lalolagi nei, e leai lava se tasi. O lenei, ia e ta- usiusi i ana tulafono ma ana poloaiga ou te fai atu ai ia te oe i le aso nei, ina ia manuia ai oe ma au fanau pe a mavae atu oe, ina ia e nofo tulu'i ai i le laueleele ua foai mai ia te oe e Ieova lou Atua i aso uma lava.
- Ona vavaeeseina lea e Mose o aai e tolu i le itu mai o Ioritana i le mea e alu ae ai le lagi; ina ia sola ai o le fasioti tagata, o le na te fasioti i lē la te tuaoi ma le iloa, e lei muai ita foi i ai; a sola foi o ia i se tasi o ia aai, ona ola ai lea o ia. O aai ia, o Peseri i le vao i le elelee laugatasi, o sa Reupenā; ma Ramota i Kiliata, o sa Katō; ma Koleni o i Vasana, o sa Manasē.
- O le tulafono lenei sa tuuina atu e Mose i le fanauga a Isaraelu; o

mau lava ia, ma tulafono, ma faa-
 masinoga na fai atu ai Mose i le
 fanauga a Isaraelu ina ua latou o
 46 mai nai Aikupito, i le itu mai o
 Ioritana i le vanu e feagai ma Pete-
 peoro, i le laueleele o Sekono le
 tupu o sa Amorī, sa nofo i Hese-
 pona, o ia na fasia e Mose ma le
 fanauga a Isaraelu ina ua latou o
 47 mai mai Aikupito. Ua latou fai
 mo latou lona laueleele, ma le lau-
 eleele o Oko le tupu o Vasana, o
 tupu e toalua o sa Amorī i le itu
 mai o Ioritana i le mea e alu ae ai
 48 le la; e gata mai i Aroeru i le auvai
 o le alia o Arinona, e gata mai i le
 mauga o Seona, o Heremoni lea;
 49 ma le eleele laugatasi uma i le itu
 mai o Ioritana i sasae, e oo lava i le
 sami o i le eleele laugatasi i lalo o
 Asetotapeseka.

O le feagaiga na osia i Horepa.

5 ONA valaau atu lea o Mose ia
 Isaraelu uma lava, ua faapea atu ia
 te i latou, Isaraelu e, ia e faalogo
 mai i tulafono ma faamasinoga ou
 te fai atu ai ia te outou i le aso nei,
 ma ia outou a'oa'o ai, ma tausiusi
 2 i ai ina ia faia. O Ieova lo tatou
 Atua na ia osia le feagaiga ma i
 3 tatou i Horepa. E le o tatou tamā
 na osi ai e Ieova lenei feagaiga ma
 i latou, a o i tatou lava, o i tatou
 atoa uma o ola mai iinei i le aso
 4 nei. Na fetalai mai Ieova ia te
 outou faafeagai lava i le mauga ai
 5 totonu o le afi. (Na ou tu i ia ona
 po i le va o Ieova ma outou, e
 faaali atu ia te outou le afioga a
 Ieova; auā ua outou fefefe ona o le
 afi, e lei o ae foi outou i le mauga;)
 6 na ia faapea mai, O a'u o Ieova lou
 Atua, o le na aumaia oe nai le
 nuu o Aikupito, o le mea sa nofo
 pologa ai.

7 Aua nei e fai mo oe ni atua ese i
 o'u luma.

8 Aua e te fai mo oe se tupua ua
 ta, o se faatusa lava o se mea o i le
 lagi i luga, po o i le fanua i lalo, po
 9 o i le sami o i lalo o le fanua; aua
 e te ifo i ai, aua foi e te auaina i
 ai; auā o a'u o Ieova lou Atua, o le
 Atua fuā, o lē tauī atu i fanau o le
 amioletonu a o latou mātua, e oo i
 le *tupulaga* e tolu ma le fa o e 'ino-

'ino mai ia te au; a ou te alofa i afe 10
 o *tupulaga* o e alofa mai ia te au,
 ma tausī mai i a'u poloaiga.

Aua e te ta'u fua le suafa o Ieova 11
 lou Atua; auā e le faasaoina e Ieova
 o le ta'u fua i lona suafa.

Ia e tausī le aso sapatī ina ia faa- 12
 paiaina; faapei ona poloaī mai ai o
 Ieova lou Atua ia te ce. O aso e 13
 ono e te galue ai, ma fai ai au galu-
 ega uma lava; a o le aso fitu o le 14
 sapatī lea ia Ieova lou Atua; aua e
 te fai ai se galuega e tasi, o oe, ma
 lou atalii, ma lou afafine, o lau au-
 auna tane, ma lau auaina fafine, ma
 lau povi, ma lau asini, po o se tasi o
 au maru, ma le tagata ese o loo
 mau ma oe, ina ia malolo o lau au-
 auna tane, ma lau auaina fafine pei
 o oe lava. Ia e manatua foi, na fai 15
 oe ma auaina i le nuu o Aikupito,
 a ua aumaia oe e Ieova lou Atua ai
 lea mea i le aao malosī ma le aao
 faaloaloa; o le mea lea ua poloaī
 mai ai Ieova lou Atua ia te oe e te
 faia le aso sapatī.

Ia e ava i lou tamā ma lou tinā, 16
 pei ona poloaī mai ai o Ieova lou
 Atua ia te oe, ina ia faalevaleva ai
 ou aso, ina ia manuia ai foi oe i le
 nuu o le a foaiina mai e Ieova lou
 Atua ia te oe.

Aua e te fasioti tagata. 17

Aua foi e te mulilua. 18

Aua foi e te gaoi. 19

Aua foi e te mōlimau pepelo i se
 tasi. 20

Aua foi e te manao i le avā a le 21
 lua te tuaoi, aua foi e te manao i le
 fale o le lua te tuaoi, o lona fanua,
 po o lana auaina tane, po o lana
 auaina fafine, o lana povi, po o lana
 asini, po o se tasi mea a le lua te
 tuaoi.

O upu lava ia na fetalai mai ai 22
 Ieova i lo outou faapotopotoga uma
 lava i le mauga, ai totonu o le afi,
 ma le ao, ma le pogisa, ua leo tele
 mai na ia le faaopoopo i ai *se upu*;
 ua na tusi mai ai foi i papamaa e lua,
 ona au mai ai lea ia te au. Na outou 23
 faalogologo i le leo ai totonu o le
 pouliuli, ua mu foi le mauga i le afi,
 ona faalatalata mai ai lea ia te au o
 outou, o matai uma o outou itu aiga,
 ma o outou toeaia; ua outou faa- 24
 pea mai, Faauta, ua faaalila mai ia te

- i matou e Ieova lo tatou Atua o lona pupula ma lona silisili ese, o lona siufofoga foi ua matou faalogologo i ai ai totonu o le afi; o le aso nei ua matou iloa ai ua fetalai mai le Atua i tagata, a e ola *pea* i latou.
- 25 O lenei, se a ea le mea a matou oti ai? auā e faaumatia i matou i lona afi tele, afai matou te toe faalogologo i le siufofoga o Ieova lo tatou
- 26 Atua, ona matou oti ai lea; auā po o ai se tasi tagata na ia faalogologo faapei o i matou i le siufofoga o le Atua soifua ua fetalai mai ai totonu o le afi, a e ola *pea* ia? Ina e faalatalata atu ia, ma ia e faalogologo i mea uma e fetalai mai ai Ieova lo tatou Atua, ma ia e ta'u mai ia te i matou mea uma lava e fetalai mai e Ieova lo tatou Atua ia te oe, ona matou faalogologo atu lea i ai, ma matou faia.
- 28 Na faafofoga mai foi Ieova i a outou upu sa outou fai mai ai ia te au; ona fetalai mai lea o Ieova ia te au, Ua ou faalogo i upu a lenei nuu sa latou fai atu ai ia te oe, ua lelei upu uma lava na latou fai atu ai.
- 29 E! ana ia i latou lona loto e mata-tau mai ai ia te au, ma tausiusi i a'u poloaiga uma i aso uma lava, ina ia manuia ai i latou, atoa ma a latou fanau e faavavau. Alu ia, ina fai atu ia te i latou, Ia outou toe foi
- 30 atu i o outou fale ie. A o oe, ia e tu mai iinei ia te au, ou te fai atu foi ia te oe i poloaiga uma, ma tulafono, ma faamasinoga e te a'oa'o atu ai ia te i latou, ia latou faia i le nuu ou te avatu ia te i latou e fai mo latou.
- 22 Lenei la, ia outou anaana ia faia, faapei ona poloa'i mai ai o Ieova lo outou Atua ia te outou, aua tou te afe i le itu taumatau, po o le itu tauagavale. Ia outou savavali i le ala uma lava na poloa'i mai ai Ieova lo outou Atua ia te outou, ina ia outou ola ai, ma ia manuia ai outou, ma ia outou nofo tulu'i ai i le nuu o le a fai mo outou.

*O le faamafanafanaga ia latou ana-
ana i tulafono.*

- 6 O POLOAIGA ia, o tulafono, ma faamasinoga na fetalai mai ai Ieova lo outou Atua ia a'oa'o atu ai ia te outou, ina ia outou faia i le nuu tou

te o atu i ai e fai mo outou; ina ia e mata'u ia Ieova lou Atua, e te tausiusi ai i ana tulafono ma ana poloaiga uma ou te fai atu ai ia te oe, o oe, ma lou atalii, ma le atalii o lou atalii i aso uma o lou olaga, ina ia faalevaveaina ai ou aso. O lenei, Israelu e, ia e faalogologo mai, ma ia e tausiusi i ai ia faia, ina ia manuia ai oe, ma ia matuā faatoateleina ai outou, faapei ona fetalai mai ai ia te oe e Ieova le Atua o ou tamā, i le nuu o loo tafe ai le suāsusu ma le meli.

Israelu e, faalogologo mai ia, o Ieova lo tatou Atua, o Ieova e toa-tasi lava ia. Ia e alofa atu ia Ieova lou Atua ma lou loto atoa, ma lou agaga atoa, ma lou malosi atoa. Ia i ai foi i lou loto o upu nei ou te fai atu ai ia te oe i le aso nei. Ia e matuā a'oa'o soo ai, i lau fanau, ma ia e tautalatala ai, pe a ē nofo i lou fale, pe a ē savali foi i le ala, pe a ē taoto, pe a ē tulai foi. Ia e fusi ai e fai ma faailoga i lou lima, e avea foi ma pale i le va o ou mata. Ia e tusi ai foi i pou o lou fale, atoa ma ou puipui.

A faaooia oe e Ieova lou Atua i le nuu na ia tauto ai i ou tamā, o Aperamo, o Isaako, ma Iakopo, e avatu ia te oe, o aai tetele ma le lelei, e te lei faia, o fale foi e tutumu i mea lelei uma na e le faatutumuina; o vaieli foi e te lei elia, o tovine ma olive e te lei totoina; a e 'ai ai, ma e ma'ona ai, ia oe, ne'i galo ia te oe o Ieova na na aumaia oe nai le nuu o Aikupito, o le mea sa nofo pologa ai. Ia e mata'u ia Ieova lou Atua, ma ia e auauna ia te ia; o lona suafa foi e te tauto i ai. Aua tou te mulimuli atu i atua ese, o atua o nuu e vagavagaia outou, (auā o Ieova lou Atua o ia te oe, o le Atua fuā ia,) ne'i tupu le toasa o Ieova lou Atua ia te oe, ona faaumatia ai lea o oe ai le fogāleelele.

Aua tou te tofotofa i Ieova lo outou Atua, faapei ona outou tofotofa ia te ia i Mase. Ia outou matuā tausiusi i poloaiga a Ieova lo outou Atua, ma ana mau, ma ana tulafono, na ia poloa'i mai ai ia te oe. Ia e fai foi le amiotouu ma le lelei i luma o Ieova, ina ia manuia ai oe, ma ia e oo atu, ma ia fai mo oe le nuu lelei

- 19 na tauto ai Ieova i ou tamā, na te
tulua ou fili uma lava ai ou luma,
faapei ona fetalai mai ai o Ieova.
- 20 A fesili mai lou atalii ia te oe i se
aso, o loo faapea mai, Pe ni a ea
mau, ma tulafono, ma faamasinoga,
na poloai mai ai Ieova lo tatou Atua
ia te outou? Ona e fai atu ai lea i
- 21 lou atalii, Sa matou nofo pologa ia
Farao i Aikupito, a ua aumaia i
matou e Ieova ai Aikupito i le aao
malosi; na tuuina atu foi e Ieova o
- 22 faailoga ma vavega tetele na leaga
ai Aikupito, ma Farao, atoa ma lona
aiga uma, i o matou luma; na ia au
mai ai foi i matou, ina ia faaooina
- 23 mai i matou, ia foaiina mai ia te i
tatou le nuu na ia tauto ai i o tatou
tamā. Na poloai mai foi Ieova ia te
- 24 i tatou ia faia nei tulafono uma lava,
ia matatau ia Ieova lo tatou Atua,
ina ia manuia ai tatou i aso uma, ina
ia na faaolaina i tatou, pei ona *fai* i
- 25 le aso nei. E avea foi ma amiotonu
ia te i tatou, pe afai tatou te anaana
ia faia ia poloaiga uma i luma o
Ieova lo tatou Atua, faapei ona ia
poloai mai ai ia i tatou.
- Ua vaoia ne'i mafuta ma nuu ese i
Kanana.*
- 7 A FAAOOINA oe e Ieova lou
Atua i le nuu o le a e alu i ai e fai
mo oe, a tulia foi e ia o nuu e tele i
ou luma, o sa Heti, ma sa Kirekasē,
ma sa Amori, ma sa Kananā, ma sa
Perisē, ma sa Hivī, atoa ma sa
Iepusē, o nuu e fitu esili ona toatele
- 2 ma le malolosi ia te oe; a tuuina
mai i latou ia te oe e Ieova lou Atua
e te fasia i latou, ia e matuā faa-
umatia lava i latou, aua e te osi se
feagaiga ma i latou, aua foi e te
- 3 alofa ia te i latou. Aua le fetaiiai
gafa ma i latou, aua le avatu lou
afafine mā lona atalii, aua foi ne'i e
au mai lona afafine mā lou atalii;
- 4 auā e faaliliuescina e ia lou atalii, ia
le mulimuli mai ia te au, a e auauna
i atua ese; ona tupu ai lea o le
toasa o Ieova ia te outou, ma vave
- 5 faaumatia ai oe. A ia faapea ona fai
e outou ia te i latou, ia outou sofaia
o latou fata faitaulaga, ia outou
tu'ipalaina o latou tupua, ma vavae
i lalo o latou tupua o Asaira, o latou
tupua foi ua ta ia outou susunu i le
- afi; auā o oe o le nuu paia mo
Ieova lou Atua, na filifilia oe e Ieova
lou Atua ina ia avea ma nuu mona,
o le oloa tāua e sili i nuu uma lava
o i le fogāelele. E le ona ua sili ona
- 7 toatele outou i nuu uma na manao
ai Ieova ia te outou, ma na filifilia
outou, auā na sili ona toaititi outou
i nuu uma lava; a e peitai ona ua
- 8 alofa lava Ieova ia te outou, ona o
lona tausi foi o le tautoga na ia
tauto ai i o outou tamā, ua au mai
ai outou e Ieova i le aao malosi, na
ia faaolaina foi oe ai le mea sa nofo
pologa ai, ai le lima o Farao le tupu
- 9 o Aikupito. Ia e iloa foi o Ieova lou
Atua o le Atua lava ia, o le Atua
faamaoni, o le na te tausi i le fe-
agaiga atoa ma le alofa i e alolofa
atu ia te ia ma tausi i ana polo-
aiga, e oo lava i le afe o tupulaga;
- 10 a e tauia e ia o e 'ino'ino ia te ia i o
latou lava luma, ia faaumatia i latou;
e le faatuai o ia i lē 'ino'ino ia te ia,
a e tau i atu ia te ia i ona lava luma.
O lenei, ia e tausi i poloaiga, ma
- 11 tulafono, ma faamasinoga ou te fai
atu ai ia te oe i le aso nei ia faia.
Afai foi tou te faalogo i ia faamasi-
noga ma tausi i ai ia faia, ona tausi
lea e Ieova lou Atua o le feagaiga
- 12 ma le alofa ia te oe na ia tauto ai i
ou tamā; e alofa mai foi o ia ia te
oe, ma faamanuia ia te oe, ma faa-
toateleina oe; e faamanuia foi e ia
i lau fanau, ma le fua o lou lau-
elele, o lau saitou, ma lau uaina, ma
lau suānu, o tama a au povi, ma au
lafu mamoe i le lauelele na na
- 13 tauto ai i ou tamā e foai atu ia te
oe. E sili lou manuia i nuu uma
lava; e leai se tane e pa po o se
fafine pa ia te oe atoa ma au manu.
E ave ese e Ieova o mā'i uma lava
- 15 ia te oe, na te le tuuina mai ia te oe
se tasi mā'i o mā'i leaga o Aikupito
na e iloa, a e tuuina atu ia te i latou
uma o e 'ino'ino ia te oe.
- 16 Ia e faaumatia nuu uma lava ua
tuuina mai e Ieova lou Atua ia te
oe; aua ne'i e alofa ia te i latou,
aua ne'i e auauna foi i o latou atua;
auā e avea lea mea ma mailai ia te
oe. Afai e te faapea ifo i lou loto,
- 17 O nuu ia e sili ona toatele ia te au,
ou te mafaia faapefea ona tulua o i
latou? Aua lava e te mata'u ia te
- 18

- i latou; ia e matuā manatua mea na faia e Ieova lou Atua ia Farao ma
 19 Aikupito uma lava; o tofotofoga tetele sa vaai atu i ai ou mata, ma faailoga, ma vavega, ma le aao malosi, ma le aao faaloaloaina, na au mai ai oe e Ieova lou Atua; e faapea lava ona faia e Ieova lou Atua i nuu umalava e te mata'u ai.
 20 E auina atu foi le lagomumu ia te i latou e Ieova lou Atua, seia faaumatia ai e o totoe, ma ua lalafi nai ou luma. Aua lava e te atuatuva le ona o i latou, auā o Ieova lou Atua o ia te oe, o le Atua silisili ia ma le matautia. E tulia auauai e Ieova lou Atua ia nuu ai ou luma, e te le vave faaumatia i latou, ne'i tupu tele ai manu feai e *tigaina* ai oe. A e tuuina mai i latou e Ieova lou Atua i ou luma, ma faaumatia i latou i le malaia tele, seia matuā faaumatia i latou. Na te tuuina mai foi o latou tupu i lou lima, e te tineia foi o latou igoa ai le lalolagi; e leai lava se tagata e lu mai e tetele ia te oe seia oo ina faaumatia i latou e oe. O tupua ua ta o latou atua ia e susunu i le afi; aua e te manao i le ario ma le auro o i ai, aua foi e te ave mā oe, ne'i maileia ai oe; auā o le mea e inosia lea e
 26 Ieova lou Atua. Aua e te avatu i lou fale se mea e inosia, ne'i fetuuna oe pei o lea mea; ia e matuā 'ino'ino i ai, ma ia matuā inosia e oe, auā o le mea fetuuna lava lea.

O le apoapoaiga ia auaua faamaoni i le Atua.

- 8 O POLOAIGA uma lava ou te fai atu ai ia te oe i le aso nei ia outou tausi i ai ia faia, ina ia outou ola ai, ma ia faatoateleina ai outou, ma ia outou o atu ma fai mo outou le nuu na tauto ai Ieova i o outou tamā. Ia e manatua le ala uma lava na ta'ita'iina mai ai oe e Ieova lou Atua i ia tausaga e fagafulu i le vao, ina ia na faatigaina oe, ma tofotofo ai ia te oe, e iloa ai mea o i lou loto, pe e te tausiusi i ana poloaiga pe leai. Na ia faatigaina foi oe, ma faalaina oe, ua na fafaga ia te oe i le manai, o le mea na e le iloa, na le iloa foi e ou tamā, ina ia na faailoa atu ia te oe e le na o mea e 'ai e ola ai tagata, a o mea uma e tūlei mai i le fofoga o Ieova e ola ai tagata. Na le pala ou ofu na e ofu ai, o ou vae foi na le lulafula i ia tausaga e fagafulu. E te iloa foi i lou loto e faapei o se tagata ona aoai i lona atalii, e faapea lava ona aoai o Ieova lou Atua ia te oe. O lenei, ia e tausiusi i poloaiga a Ieova lou Atua, ina ia e savali i ona ala, ma ia mata'u ia te ia. Auā o le a faaooina oe e Ieova lou Atua i le nuu lelei, o le nuu o vaitafe, o vaipuna, atoa ma vai tetele e puna mai i vanu ma mauga; o le nuu o saito, ma karite, ma vine, ma mati, ma rimoni; o le nuu o i ai le suāuu olive ma le meli. O le nuu e te 'ai ai i mea e 'ai ma le le oge lava, e te le mativa ai i se mea e tasi; o le nuu o uamea ona maa, o ona mauga foi e te eli ai le 'apa memea.
- A ē 'ai, ma ma'ona ai, ia e faa-manu atu ai ia Ieova lou Atua ona o le nuu lelei ua ia avatu ai ia te oe. Ia oe, ne'i galo ia te oe o Ieova lou Atua, i lou le tausi i ana poloaiga, ma ana faamasinoga, ma ana tulafono, ou te fai atu ai ia te oe i le aso nei; ne'i e 'ai, ma e ma'ona, ma e faia fale lelei, ma nofo ai; e tupu tele foi lau lafu povi ma lau lafu mamoe, e faateleina foi au ario ma au auro, e faateleina foi au mea uma; ona faamaualugaina ai lea o lou loto, ma e faagalogalo ia Ieova lou Atua o le na aumaia oe nai le nuu o Aikupito, o le mea sa nofo pologa ai; o le na ta'ita'i ia te oe i le vao e tele ma le matautia, e i ai gata uogo ma akarava, o le nuu naumati foi, e le o i ai se vai, a ua faapunaina e ia le vai mo oe nai le papa alā; na ia fafaga ia te oe i le manai i le vao, o le mea na le iloa e ou tamā, ina ia na faatigaina oe, ina ia na tofotofo foi ia te oe, e faamanuia ia te oe i ou tausaga amuli; ne'i e faapea ifo i lou loto, O lo'u malosi ma le malosi o lo'u lima ua ou maua mai ai lenei oloa. A ia e manatu ia Ieova lou Atua, auā o ia na te avatua ia te oe le malosi e maua mai ai oloa, ina ia faatumaui ai e ia lana feagatga na ia tauto ai i ou tamā, pei ona fai i le aso nei.
- Afai foi e galo ia te oe Ieova lou

Atua, ma e mulimuli atu i atua ese, ma e auauna ia i latou, ma e ifo ia te i latou, ou te matuā fai atu ia te outou i le aso nei, e faaumatia lava outou. Faapei o nuu e faaumatia e Ieova ai o outou luma, e faapea lava outou ona faaumatia; auā ua outou le mafafai ona faalogo i le siufofoga o Ieova lo outou Atua.

O le faamanatuina o fouvalega o Isaraelu.

- 9 ISRAELU e, faalogologo mai ia, o le a e sopoia atu Ioritapu i ona po nei, ina ia e oo atu e fai mo oe o nuu e sili ona toatele ma le malolosi ia te oe, o aai tetele ua puipua i pa e oo i le lagi, o le nuu malolosi ma le mauualuluga, o atalii o Anaki ua e iloa, ma ua e faalogo ai, *ua faapea*, Po o ai se na te tu atu i luma o atalii o Anaki? Ia e iloa foi i le aso nei, o Ieova lou Atua, o ia na te sopomua atu ia te oe, o le afi maamaai o ia, na te faaumatia i latou, na te faatoilaloina foi i latou i ou luma; e te tulia foi i latou, ma vave faaumatia i latou, faapei ona fetalai mai o Ieova ia te oe. A tulia i latou e Ieova lou Atua ai ou luma, aua e te fai ifo i lou loto, e faapea, O la'u amiotonu ua faaooina mai ai a'u e Ieova e fai mo'u lenei nuu; a o le amio leaga a ia nuu e tulia ai i latou e Ieova ai ou luma.
- 5 E le ona o lau amiotonu ma le tonu o lou loto e te alu atu ai e fai mo oe lo latou nuu; a o le amio leaga a ia nuu e tulia ai i latou e Ieova lou Atua ai ou luma, ma ia na faatau-nuu ai le fetalai na tauto ai Ieova i ou tamā, o Aperaamo, o Isaako, ma Iakopo. Ia e iloa foi e le o lau amiotonu e foaiina atu ai e Ieova lou Atua ia te oe lena nuu lelei e fai mo oe; auā o oe o le nuu e maa
- 7 lava ua. Ia e manatua, aua ne'i galo ia te oe o mea na e faatupuina ai le toasa o Ieova lou Atua i le vao; e afua mai i le aso na e tuua ai le nuu o Aikupito, e oo lava i lo outou o mai i le mea nei, ua outou fou
- 8 vale lava ia Ieova. O i Horepa foi na outou faatupuina le toasa o Ieova, ona toasa ai lea o Ieova ia te outou, na fai a faaumatia outou e ia.

Na ou alu ae i le mauga e talia 9 papamaa, o papa o i ai le feagaiga na osia e Ieova ma outou; ona ou nofo lea i le mauga e fagafulu o ao ma le fagafulu o po, ou te lei 'ai ai sina mea e 'ai, ou te lei inu foi sina vai. Ona tuu mai lea e Ieova ia te 10 au o papamaa e lua sa tusia e le aao o le Atua, na i ai upu uma lava sa fetalai mai e Ieova ia te outou i le mauga mai totonu o le afi i le aso na fai ai le faapotopotoga. Ua oo 11 i le gataaga o le fagafulu o ao ma le fagafulu o po, ona tuu mai ai lea e Ieova ia te au o papamaa e lua, o papa o i ai le feagaiga. Ona fetalai mai lea o Ieova ia te au, Tu ia i luga, ia vave ona e alu i lalo ai le mea nei, auā o lou nuu na e aumaia nai Aikupito ua leaga lava i latou; ua vave ona latou o ese nai le ala na ou poloai atu ia ia te i latou; ua latou faia mo i latou le tupua uamea. Ua fetalai mai foi Ieova ia te au, ua 13 faapea mai, Ua ou iloa lenei nuu, faauta foi, o le nuu e maa ua. Tuu mai ia o a'u, seia ou faaumatia i latou, ma soloiesea lo latou igoa ai le lalolagi, ou te faia foi oe ma *tupuga* o le nuu e malosi ma le toatele e sili ia te i latou. Ona ou liliu lea, 15 ma ou alu ifo nai le mauga, ua mu foi le mauga i le afi; sa i o'u lima e lua o papamaa e lua o le feagaiga. Na ou vaai atu, faauta foi, ua outou 16 agasala ia Ieova lo outou Atua, ua outou faia mo outou le tamai povi uamea; ua outou vave o ese i le ala na poloai ai Ieova ia te outou. Ona ou umia lea o papamaa e lua, 17 ma ou lafotuina ai e o'u lima e lua, ma ou nutimomoia ai i o outou luma. Ona ou faapaū lea i luma o Ieova, 18 faapei ona muai *faia*, e fagafulu o ao ma le fagafulu o po, ou te lei 'ai ai sina mea e 'ai, ou te lei inu foi sina vai, ona o a outou agasala uma lava na outou agasala ai, ina ua faia mea leaga i luma o Ieova e faaono-ono ia te ia. Auā na ou fefe i le 19 toatamai ma le toasa tele sa toasa ai Ieova ia te outou ia faaumatia ai outou; a ua faafofoga mai Ieova ia te au i lea foi aso. Na toasa tele 20 foi Ieova ia Arona, na fai a fano ai o ia, ona ou faatoga atu foi lea i lea aso mo Arona. Ona ou tago lea i 21

- le *mea* sa outou agasala ai, o le tamai povi na outou faia, na ou susunuina i le afi, ma a'u tu'iniina, ma a'u matuā oloina ua ninii e pei o le efu-efu, na ou sasaa foi ona efuefu i le vaitafe e tafe ifo i le mauga.
- 22 Na outou faatupuina foi le toasa o Ieova i Tapara, ma Mase, atoa ma
- 23 Kiperota-atava. Na aauina atu foi outou e Ieova nai Katesapanea, ua faapea mai, Ia outou o ae e fai mo outou le nuu ua ou avatu ai ia te outou. Ona outou fouvale ai lea i le afioga a Ieova lo outou Atua, ua outou le faatuatua ia te ia, ma outou
- 24 le faalogo i lona siufofoga. Ua outou fouvale ia Ieova talu le aso na ou faatoa iloa ai outou.
- 25 Na ou faapaū i luma o Ieova i ao e fagafulu ma le fagafulu o po faapei ona ou *muai* faapaū ai; auā na fetalai mai Ieova o le a na faaumatia
- 26 outou. Na ou aioi atu ai ia Ieova, ua faapea atu, Le Alii e, Ieova, aua e te faaumatia lou nuu ma lou tofi na e laveaiina i lou mana, ua e aumaia foi nai Aikupito i le aao malosi. Ia e manatua au auauna o
- 27 Aperaamo, o Isaako, ma Iakopo; aua e te silasila i le faalogogata o lenei nuu, ma a latou amio leaga,
- 28 ma a latou agasala; ne'i faapea mai le nuu na e au mai ai i matou, Auā ua le mafaia e Ieova ona faaooina i latou i le nuu na ia folafolaina ai ia te i latou, auā foi ua 'ino'ino o ia ia te i latou, o le mea lea ua ia avatu ai i latou i le vao e fasioti ai ia te i latou.
- 29 A o lou nuu lava i latou ma lou tofi, o e na e aumaia i lou mana tele ma lou aao faaloaloa.
- O le toe faia o papamaa e lua na tusia ai le tulafono.*
- 10 O ONA po ia na fetalai mai ai Ieova ia te au, Ia e ta mai ni papamaa se lua pei o *papa* muamua, ia ia e alu ae ia te au i le mauga; ia e
- 2 faia foi se atolaau. Ou te tusi foi i ia papa o upu sa i papa muamua na e nutimomoia, e te tuu ai foi i le
- 3 atolaau. Ona ou faia lea o le atolaau i le laau o le setima, na ou ta foi o papamaa e lua pei o *papa* muamua, ona ou alu ae ai lea i le mauga, na i ai foi papa e lua i lo'u
- 4 lima. Ona tusi lea e ia i papa pei
- o *upu* na muai tusia, o upu e sefulu na fetalai mai ai Ieova ia te outou i le mauga, mai totonu o le afi, i le aso *na fai* ai le faapotopotoga, ona au mai ai lea e Ieova ia te au. Ona
- 5 ou liliu lea, ma ou alu ifo nai le mauga, ua ou tuu foi papa i le atolaau na ou faia, o loo i ai lava, faapei ona poloai mai ai o Ieova ia te au.
- Ona o atu ai lea o le fanauga a
- 6 Isaraelu nai Perota o i Peneakana i Mosera; ua oti ai Arona, ua tanumia ai foi; ona fai ai lea ma ositaulaga o Eleasaro lona atalii e sui a'i o ia. Ua latou o atu i lea mea i
- 7 Kikata, *na o atu* foi nai Kikata i Iatepata, o le nuu lea o vaitafe.
- O ona po ia na vavaeeseina ai e
- 8 Ieova o le itu aiga o Levi, ia latou tauave le atolaau o le feagaiga a Ieova, ia latou tutū i luma o Ieova ia auauna ia te ia, ma ia latou faamanuia atu i *tagata* i lona suafa, ua oo mai i le aso nei. O le mea lea e
- 9 le maua ai e Levi se fanua po o se tofi faatasi ma ona uso; o Ieova o lona tofi ia, faapei ona fetalai mai ai o Ieova lou Atua ia te ia.
- Na ou i ai pea i le mauga i ao
- 10 e fagafulu ma po e fagafulu, pei o ona aso muamua; na faafofoga mai Ieova ia te au i ona po ia foi, i *le* ua le finagalo Ieova e faauma ia te oe. Ona fetalai mai lea o Ieova ia te au,
- 11 Tu ia i luga, ina e alu ia e muamua i le nuu, ia latou oo atu, ma ia fai mo latou le nuu na cu tauto ai i o latou tamā e foi atu ia te i latou.
- O lenei, Isaraelu e, se a se mea e
- 12 finagalo i ai Ieova lou Atua ia te oe, na ona ia e mata'u ia Ieova lou Atua, ina ia e savali i ona ala uma lava, ma ia e alofa atu ia te ia, ma ia e auauna ia Ieova lou Atua ma lou loto atoa ma lou agaga atoa, ina
- 13 ia e tausiusi i poloaiga a Ieova ma ana tulafono ou te fai atu ai ia te oe i le aso nei, ina ia manuia ai oe? Faauta, o ia Ieova lou Atua le lagi
- 14 ma le lagi o lagi, o le lalolagi foi, ma mea uma lava o i ai. A ua fiasia
- 15 Ieova i ou tamā, ua alofa ia te i latou, ua ia filifilia foi a latou fanau ina ua mavae atu i latou, o outou lava ia, a e tuua nuu uma, pei ona
- fai* i le aso nei. O lenei, ia outou
- 16 peritomeina le pa'u o outou loto, aua

17 ne'i toe maaa o outou ua. Auã o Ieova lo outou Atua o le Atua o atua ia, o le Alii o alii, o le Atua silisili, e mamana o ia ma le matautia, o le na te le faailogaina tagata, e le talia foi e ia se tau; o le na te faamasinoina mo le ua mātuaoti ma le fafine ua oti lana tane; o le alofa atu i le tagata ese, ua avatu ai ia te ia le mea e 'ai atoa ma ofu. O lenei foi, ia outou alofofa atu i le tagata ese; auã foi sa tagata ese outou i le nuu o Aikupito. 18 Ia e mata'u ia Ieova lou Atua, ia e auaua ia te ia, ia e pipii foi ia te ia, ma ia e tauto i lona suafa. O ia lava lē e te viia, o ia foi o lou Atua, o le na faia mo oe nā mea tetele ma le matautia na vaai i ai ou mata. 19 Na o ifo i Aikupito ou tamā na o le toafitugafulu i latou; a o nei ona po ua faatoateleina oe e Ieova lou Atua e pei o fetu o le lagi ona tele.

O le apoapoaiga ona ia latou anaana i mea ua poloa'i mai ai Ieova.

11 O LENEI, ia e alofa atu ia Ieova lou Atua, ma ia e tausiusi i ana sauniga, ma ana tulafono, ma ana faamasinoga, ma ana poloaiga i aso 2 uma lava. Ia outou iloa foi i le aso nei, auã ou te le fai atu i a outou fanau o e na le' iloa, ma ua le vaai atu i le aoaiga a Ieova lo outou Atua, o lona silisili, ma lona aao 3 malosi, ma lona aao faaloaloa, ma ona vavega, ma ana galuega na ia faia i Aikupito ia Farao le tupu o Aikupito, atoa ma lona nuu uma; 4 ma mea na faia e ia i le itu taua a Aikupito, i a latou solofanua ma o latou kariota, na ia faalofa ifo i latou i le suāsami o le sami Ulaula ina o latou tuliloa ia te outou; ua faaumatia foi i latou e Ieova, ua oo 5 mai i nei ona po; ma mea na ia faia ia te outou i le vao, ua oo i lo outou 6 o mai i le mea nei; atoa ma mea na ia faia ia Tatano ma Apiramo o atalii o Eliapo, o le atalii o Reupena, ina ua faamaga le gutu o le elelee, ma folo ifo ia te i latou, ma o latou aiga, ma o latou fale ie, atoa ma a latou mea uma i luma o Isaraelu 7 uma lava; a ua vaai atu o outou lava mata i mea tetele uma ua faia 8 e Ieova. Lenei la, ia outou tausiusi

i poloaiga uma lava ou te fai atu ai ia te outou i le aso nei, ina ia outou malolosi ai, tou te oo atu ai, ma fai mo outou le nuu o le a outou o atu i ai e fai mo outou; ina ia outou 9 nofo tulu'i i le laueleele na tauto ai Ieova i o outou tamā e faaiina atu ia te i latou ma a latou fanau, o le nuu o tafe ai le suāsusu ma le meli. Auã o le nuu a ē alu i ai e fai mo 10 oe, e le pei o le nuu o Aikupito na outou o mai ai, na e luluina ai lau saitō, ma faasūsūina ai i lou vae, pei o se fanua a laau iti e 'aina; a 11 o le nuu a outou o atu i ai e fai mo outou, o le nuu lea o mauga ma vanu e inu lava i le suāua mai le lagi. O le nuu e tausia e Ieova lou 12 Atua, e le aunoa ona silasila i ai o Ieova lou Atua, e afua mai i le amataga o le tausaga e oo atu lava i le gataaga o le tausaga.

Afai foi tou te matuā faalogo i 13 a'u poloaiga ou te fai atu ai ia te outou i le aso nei, ia outou alofa atu ia Ieova lo outou Atua, ma auaua ia te ia ma o outou loto atoa ma o outou agaga atoa, ona ou 14 foaiina atu lea o le ua i lo outou nuu i ona tausaga, o le uaga muamua ma le uaga mulimuli, e te faapopotopotō ai foi lau saitō, ma lau uaina, ma lau suāuu. Ou te tuuina 15 atu foi laau iti i lou laueleele mā au manu; e te 'ai foi, ma e ma'ona ai.

Ia outou, ne'i pelogia o outou 16 loto, tou te o ese ai ma auaua i atua ese, ma ifo i ai; ona tupu ai 17 lea o le toasa o Ieova ia te outou, ona pupuni ai lea e ia o le lagi, ina ia leai ni ua, ia le fua mai foi le laueleele ni ona fua; ona outou vave fano ai lea ma te'a i le nuu lelei o le a foai mai e Ieova ia te outou.

O lenei, ia outou tuu nei upu i o 18 outou loto ma o outou manatu, ia fusi foi e fai ma faailoga i o outou lima, e avea foi ma pale i le va o outou mata. Ia outou a'oa'o atu ai 19 i a outou fanau, ma tautalatala a'i pe a e nofo i lou fale, pe a e savali foi i le ala, pe a e taoto, pe a e tulai foi. Ia e tusi ai foi i pou o lou fale 20 atoa ma puipui; ina ia faateleina ai 21 o outou aso ma aso o a outou fanau i le laueleele na tauto ai Ieova i o

outou tamā, e avatu ia te i latou, ia
pei o aso e i ai le lagi i luga o le
lalolagi.

- 22 Auā afai tou te matuā tausiusi i
nei poloaiga uma lava ou te fai atu
ai ia te outou ia faia, ia outou alofa
atu ia Ieova lo outou Atua, ia sava-
vali i ona ala uma lava, ma ia pipii
23 atu ia te ia; ona tulia lea e Ieova o
ia nuu uma lava ai o outou luma,
tou te fai ai foi mo outou o nuu e
sili ona toatele ma le malolosi ia te
24 outou. E fai mo outou o mea uma
lava e solia e o outou alofivae; e
gata mai i le vao e oo i Lepanona, e
gata mai foi i le vaitafe o le vaitafe
o Eufirate e oo atu i le sami tupito,
25 e ave ia ma o outou tuaoi. E le
tu mai se tagata e tetee ia te outou,
o Ieova lo outou Atua na te tuuina
atu le mata'u ma le fefe ona o
outou i le nuu uma lava o le a
savavali i ai outou, faapei ona fetai-
lai mai o ia ia te outou.
- 26 Faauta mai, ou te tuuina atu i o
outou luma i le aso nei le manuia
27 ma le malaia; o le manuia pe afai
tou te faalogo i poloaiga a Ieova lo
outou Atua, ou te fai atu ai ia te
28 outou i le aso nei; a o le malaia pe
afai tou te le faalogo i poloaiga a
Ieova lo outou Atua, a e o ese i le
ala ou te fai atu ai ia te outou i le
aso nei, tou te mulimuli ai i atua
ese ua outou le iloa.
- 29 A iu ina faaooia atu oc o Ieova
lou Atua i le nuu o le a e alu i ai o
fai mo oe, ona e tuuina lea o le
manuia i le mauga o Keresema, ma
30 le malaia i le mauga o Evalu. E le
o i ai ea ia mauga i tala atu o Iori-
tana i le itu e alu ifo ai le la, i le
nuu o sa Kananā e o nonofo i le
elelee laugatasi e fesagai ma Kili-
kala, e latalata ane i aluna o Morē?
- 31 Auā a outou sopoia atu Ioritana e
oo atu e fai mo outou le nuu o le a
foai mai ia te outou e Ieova lo
outou Atua, e faia foi mo outou,
32 ma outou nonofo ai, ia outou tausiusi
ia faia o tulafono uma, ma faa-
masinoga ou te tuuina atu i o outou
luma i le aso nei.

*O poloaiga e faaumatia tupua, a e
tausī sauniga tau le Atua.*

O TULAFONO ia ma faama-12
sinoga tou te tausiusi i ai ia faia
i le nuu o le a foaiina mai ia te oe
e Ieova le Atua o ou tamā, ina ia
fai mo outou, i aso uma tou te ola
ai i le fogaeleele. Ia outou matuā 2
faaumatia mea uma lava na anauna
a'i i o latou atua o nuu o le a fai
mo outou, i luga i mauga maualu-
luga ma mauga iti, o i lalo ifo foi o
laau lauolaola uma. Ia outou sofaia 3
o latou fata faitaulaga, ia outou
nutipalaina foi o latou tupua, ma
susunu i le afi o latou tupua o
Asaira; ia outou vavae i lalo foi o
tupua ua ta o latou atua, ia outou
tineia foi o latou igoa ai lea lava
mea. Aua lava tou te faapea ona 4
fai ia Ieova lo outou Atua. A o le 5
mea e filifilia e Ieova lo outou Atua
ai o outou itu aiga uma lava e tuu
ai lona suafa, o lona afioaga lava ia
outou sailiili i ai ma e alu atu i ai.
Ia outou ave i ai a outou taulaga 6
mu, ma a outou taulaga, ma le mea
e sefulu a'i a outou mea, ma tau-
laga sii a o outou lima, ma mea ua
outou tauto ai, ma a outou taulaga
tou te loto ina fai, atoa ma uluai
tama a outou povi ma a outou ma-
moe. Tou te aai ai i lea mea i 7
luma o Ieova lo outou Atua, tou te
olioli foi i mea uma lava e faia i
o outou lima, o outou atoa ma o
outou aiga, o mea ua faamanuia ai
oe e Ieova lou Atua. Tou te le 8
faia e pei o mea uma ua faia e i
tatou iinei i le aso nei, o loo taitasi
le tagata ma fai mea uma ua tonu i
lona manatu. Auā ona po nei ua 9
le oo lava outou i le malologa ma
le tofi ua foaiina ia te outou e Ieova
lo outou Atua. A e tou te sopoia 10
atu Ioritana, ma outou nonofo i le
nuu ua foaiina mai e Ieova lo outou
Atua e fai mo outou tofi; na te
avatua foi le mapusaga ia te outou
ai o outou fili uma lava i itu uma,
ma outou nonofo ai ma le filemu.
O le mea foi e filifilia e Ieova lo 11
outou Atua e tuu ai lona suafa, o le
mea lea tou te ave i ai mea uma
lava ou te fai atu ai ia te outou; o
a outou taulaga mu, ma a outou

- taulaga, ma mea e sefulu a'i a outou mea, ma taulaga sii a o outou lima, ma mea uma e sili ua outou tauto
 12 ai, ua outou tauto ai ia Ieova; tou te olioli foi i luma o Ieova lo outou Atua, o outou, ma o outou atalii, ma o outou afafine, ma a outou auauna tane, ma a outou auauna fafine, ma le sa Levī o i a outou aai, auā e leai sona fanua po o sona tofi
 13 faatasi ma outou. Ia oe, ne'i e fai au taulaga mu i mea uma e te vaai
 14 i ai; a e tau lava o le mea e filifilia e Ieova i se tasi o outou itu aiga, e te fai ai au taulaga mu, e te fai ai foi mea uma lava ou te fai atu ai ia
 15 te oe. A e peitai o mea uma e te manao i ai, ia e fasia, ma e 'ai i manu, e tusa ma le manuia mai ia Ieova lou Atua ua ia foaiina mai ia te oe i au aai uma; o le ua leaga ma le ua mamā la te aai ai, e pei
 16 ona 'aina o le sevi ma le aila. A o le toto, aua tou te aai ai; tou te sasaina lea i le eleele e pei o le suāvai.
 17 E te le 'ai lava i au aai o mea e sefulu a'i lau saito, ma lau uaina, ma lau suāuu, po o uluai tama a au povi, ma au mamoe, ma au mea uma ua e tauto ai, ua e tauto ai lava, ma au taulaga e te loto ina
 18 fai, ma taulaga sii a lou lima; auā o mea nā e te 'ai ai i luma o Ieova lou Atua i le mea e filifilia e Ieova lou Atua, o oe, ma lou atalii, ma lou afafine, ma lau auauna tane, ma lau auauna fafine, ma le sa Levī o i lau aai; e te olioli foi i luma o Ieova lou Atua, i mea uma lava e
 19 te faia i ou lima. Ia oe, ne'i e tuulafoai le sa Levī i ou aso uma e te mau ai i lou fanua.
 20 A faalateleina e Ieova lou Atua lou lauelele, e faapei ona ia fetalai mai ia te oe, ma e fai ane, Ou te 'ai manu; auā e manao lou loto e 'ai manu; ona e ai ai lea i manu, i mea
 21 uma e manao i ai lou loto. A vava mamao ma oe le mea ua filifilia e Ieova lou Atua e tuu ai lona suafa, ona e fasi ai lea ni au povi ma ni au mamoe, ua foaiina mai e Ieova lou Atua ia te oe, e faapei ona ou fai atu ai ia te oe, e te 'ai foi i au aai i
 22 mea uma e manao i ai lou loto. E pei ona 'aina o le sevi ma le aila, e faapea ona e 'ai ai o na mea; o le ua leaga atoa ma le ua mamā la te aai ai. A o le toto, aua lava e te
 23 'ai ai; auā o le toto o le ola lava lea; aua e te 'ai le ola faatasi ma le tino. Aua e te 'ai ai; e te sasaina
 24 lea i le eleele e pei o le suāvai. E
 25 te le 'ai ai lava; ina ia manuia ai oe ma au fanau pe a mavae atu oe, pe a e faia le mea tonu i luma o Ieova. A o au mea paia o ia te oe, ma au
 26 mea ua e tauto ai, ia e ave, ma e alu i le mea e filifilia e Ieova. Ia e
 27 osia au taulaga mu, o tufaaga ma le toto, i luga o le fata faitaulaga o Ieova lou Atua; o le toto foi o au
 28 faitaulaga o Ieova lou Atua, a o tufaaga e te 'ai ai. Ia e anaana mai, ma e faalogo mai i nei upu
 29 uma ou te fai atu ai ia te oe, ina ia manuia ai oe ma au fanau pe a mavae atu oe, e oo i le faavavau, pe a e faia le mea lelei ma le tonu i luma o Ieova lou Atua.
 A faaumatia i ou luma e Ieova
 30 lou Atua o ia nuu e te alu i ai e fai mou, a e fai mou lava, ma e nofo i o latou nuu; ia oe, ne'i maileia oe i
 31 lou mulimuli atu ia te i latou, pe a faaumatia i latou i ou luma; aua foi ne'i e saili atu i o latou atua, o loo faapea ane, Pe faapefea ona
 32 auauna nuu nei i o latou atua? ou te faia faapea lava e a'u. Aua lava ne'i e faia faapea ia Ieova lou Atua; auā o mea uma e inosia e Ieova, o loo inosia lava e ia, ua latou faia i o
 33 latou atua; auā ua latou susunu i le afi o latou atalii ma o latou afafine e fai ma taulaga i o latou atua. O mea uma lava ou te fai
 34 atu ai ia te outou, ia outou tausiusi i ai e fai; aua ne'i e faaopoopo i ai se mea, aua foi ne'i e ave ese ai se mea.
 Ia fasiotia o e ifo i atua ese.
 AFAI e tu mai ia te oe se pero-
 35 feta, po o se faimiti, na te tuu atu foi ia te oe se faailoga po o se vavega, a taunuu foi lea faailoga po
 36 o lea vavega, na ia fai atu ai ia te oe, o loo faapea, Ina tatou mulimuli atu ia i atua ese, o e na outou le
 37 iloa, ma ia tatou auauna i ai; aua
 38 ne'i e faalogo i upu a lea profeta,

- po o lena faimiti; auã e tofotofolina ai outou e Ieova lo outou Atua, ina ia silafia pe tou te alofa atu ia Ieova lo outou Atua ma o outou loto atoa ma o outou agaga atoa.
- 4 Tou te mulimuli atu ia Ieova lo outou Atua, ma outou matatau ia te ia, ma tausiusi i ana poloaiga, tou te faalogo foi i lona siufofoga, ma outou auauna ia te ia, ma pipii atu ia te ia. A o lena perofeta, po o lena faimiti, e fasiotia o ia; auã ua ia tautala ia tea ese outou ia Ieova lo outou Atua, o le na aumaia outou ai le nuu o Aikupito, ma na laveaina oe ai le mea sa nofo pologa ai, ina ia tuleia ai oe nai le ala na fetalai mai ai Ieova lou Atua ia e savali i ai. Ona e tuueseina ai lea o le leaga ia te oe.
- 6 Afai e faaso lemu ia te oe lou uso, le tama a lou tinã, po o lou atalii, po o lou afafine, po o lau avã pele, po o lau uo e pele ia te oe, o loo faapea mai, Ina tatou o ia, ma auauna i atua ese, na e le iloa, o
- 7 oe, ma ou tamã; o atua o nuu e vagavagai ai outou, po o e felatai ma oe, po o e vava mamao ma oe, e gata mai i le tasi itu lalolagi e oo
- 8 atu i le tasi itu lalolagi; aua e te gauai ia te ia, aua foi e te faalogo ia te ia; aua ne'i e alofa ia te ia, aua ne'i e faasao ia te ia, aua foi ne'i e
- 9 ufiufi ia te ia; a ia e matuã fasioti ia te ia; ia muamua ona oo o lou lima ia te ia e fasioti ia te ia, a e mulimuli ona oo o lima o le nuu
- 10 uma lava. Ia e fetogi ia te ia i maa seia oti, auã na ia saili e faateaina oe ia Ieova lou Atua, o le na aumaia oe ai le nuu o Aikupito, o le mea sa
- 11 nofo pologa ai. E faalogologo ai foi Isaraelu uma lava, ma matatau ai, ma latou le toe faia se mea leaga faapena i o outou nuu.
- 12 Afai e te faalogo ane *i se upu* i se tasi o au aai, e foaiina mai e Ieova lou Atua ia te oe e nofo ai, o loo
- 13 faapea mai, Ua o atu tagata, o tagata ulavavale, ai lo outou nuu, ua latou faateaina e ua nonofo i lo latou aai, o loo faapea ane, Ina tatou o ia, ma tatou auauna i atua
- 14 ese, na outou le iloa; ona e sailiili lea, ma e susesue, ma e matuã fesili atu; faauta foi, *afai* ua moni *le*
- tala*, ua mautinoa le mea, ua faia lava lena mea inosia ia te outou; ia e matuã fasia o e ua nonofo i lea aai i le pelu, ia e faaumatia ai lava i le pelu o mea uma lava o i ai, atoa ma manu o i ai. O le oloa uma foi ua i ai ia e faapotopotoina i totonu o lona malae; e te susunu foi i le afi o le aai, atoa ma le oloa uma ua i ai, ia uma lava ia Ieova lou Atua; e fai foi ia ma faupuegãmaa e faavavau lava; e le toe faia lava. Aua ne'i tago atu lou lima i se tasi o ia mea ua faatoina; ina ia liliu ese Ieova i le tele o lona toasa, ma alofa atu ia te oe, ma faapelepele ia te oe, ma ia faatoateleina oe, e pei ona ia tauto ai i ou tamã; pe a e faalogo i le siufofoga o Ieova lou Atua, ia tausi i ana poloaiga uma, ou te fai atu ai ia te oe i le aso nei, ina ia e fai le mea tonu i luma o Ieova lou Atua.
- O le faatonuina o mea e 'ai.*
- O FANAU outou a Ieova lo outou Atua; aua tou te selei o outou tino, aua foi tou te sele mamã o outou muaulu mo tagata oti. Auã o le nuu paia lava oe mo Ieova lou Atua, ua filifilia foi oe e Ieova ina ia avea oe mona nuu, o le oloa tãua e sili i nuu uma lava o i le fogãelele.
- Aua e te 'aina se mea inosia e tasi. O manu vaefa nei tou te aai ai; o le povi, ma le mamoe, ma le 'oti, o le aila, ma le sevi, o le imura, ma le ako, ma le tisona, ma le teõ, ma le somera; o manu vaefa uma foi e magalua le atigivae, ma tosiluaina atigivae i itu e lua, o le e toe 'ai i lana mama i manu vaefa, o mea ia tou te aai ai. A e peitai o mea nei tou te le aai ai i manu ua toe aai i a latou mama, ma manu e magalua atigivae ua tosiluaina; o le kamela, ma le anapata, ma le sefanai; auã latou te toe aai a latou mama, a e le magalua o latou atigivae; e leaga ia ia te outou. O le puaa foi, auã magalua ona atigivae, a e le toe 'ai i lana mama, e leaga ia ia te outou; aua tou te aai i o latou tino, aua foi tou te papai atu i o latou tino ua mate.
- O mea nei tou te aai ai i mea

uma o i le vai; o mea uma e fai
10 'apa'apa ma una tou te aai ai; a o
mea uma ua le fai ni 'apa'apa ma ui
una, aua tou te aai ai; e leaga ia ia
te outou.

11 O manu felelei uma e mamā tou
12 te aai ai. A o mea nei aua tou te
aai ai; o le aeto, ma le perese, ma
13 le oseni, o le rae, ma le aia, ma le
taie, ma manu e uiga faatasi i ai;
14 ma oreva uma, ma manu e uiga faa-
15 tasi i ai; o le iaena, ma le teemesa,
ma le saape, ma le nesa, ma manu e
16 uiga faatasi i ai; o le kusa, ma le
17 inesope, ma le tanisamiti, o le kati,
18 ma le raama, ma le saleka, ma le
kasita, ma le matuu, ma manu e
uiga faatasi i ai; male tukapiti, ma
19 le pe'a; o mea uma foi e fetolofi
felelei e leaga ia ia te outou; e le
20 'aina i latou. O manu felelei uma e
mamā tou te aai ai.

21 Aua tou te aai i se mea ua mate
fua; a ia e avatua i le tagata e
āumau i au aai, na te 'ai ai; pe faa-
tauina atu e oe i se tagata ese; auā
o le nuu paia lava oe mo Ieova lou
Atua. Aua ne'i e tunu se tamai
22 'oti i le suāsusu a lona tinā. Ia e
matuā avatua le mea e sefulu a'i i
mea uma e maua i au fua, e tutupu
i le fanua i lea tausaga ma lea tau-
23 sago. O le mea foi e filifilia e ia e
tuu ai lona suafa e te 'ai ai i luma o
Ieova lou Atua le mea e sefulu a'i
lau saito, ma lau uaina, ma lau suānu,
ma uluāi tama a au povi ma au
mamoe; ina ia a'oa'oina ai oe ia
mata'u ia Ieova lou Atua i aso uma

24 lava. A e afai e mamao lava le ala
ia te oe, ma e le lavā foi ona ave ai;
afai foi e vava mamao ma oe le mea
e filifilia e Ieova lou Atua e tuu ai
lona suafa, pe a faamanuia oe e
25 Ieova lou Atua; ona e faatau mai
ai lea o tupe, ma fusi tupe *ma ave* i
lou lima, ma e alu atu i le mea ua
26 filifilia e Ieova lou Atua. E te
faatau mai foi i ia tupe o mea uma
lava e manao ai lou loto, o se povi,
po o se mamoe, po o se uaina, po o
se 'ava, atoa ma mea uma lava e
manao i ai lou loto; ona e 'ai lea i
lea mea i luma o Ieova lou Atua, e
te olioli foi, o oe, atoa ma lou aiga.
27 O le sa Levī foi o i lau aai, aua e
te tuulafoai ia te ia; auā e leai

sona fanua po o sona tofi faatasi
ma oe.

A mavae tausaga e tolu e te ave 28
lona sefulu uma lava o au mea ua
maua mai i lea tausaga, ma e faa-
putu ai i lau aai; o le sa Levī, (auā 29
e leai sona fanua po o sona tofi faa-
tasi ma oe,) o le tagata ese foi ma
le ua āumatuā, ma le fafine ua oti
lana tane, o i lau aai, latou te o ane,
ma latou aai ai ia maoona; ina ia
faamanuia ai oe e Ieova lou Atua i
galuega uma lava a ou lima e te faia.

*O le faasaolotoga e faia i le tausaga
e fitu.*

A OO i le tausaga e fitu e te fai 15
ai se faasaolotoga. O le uiga foi o 2
le faasaolotoga lenei; e taitasi le
tagata e avatu mea ua aitalafu mai
ai lē la te tuaoi na te tuu fua atu i
ai; aua ne'i faau atu o ia, ia toe au
mai e lē la te tuaoi, po o lona uso;
auā e ta'ua lea o le faasaolotoga a
Ieova. O se tagata ese e te faau i 3
ai, a o lau mea ua i lou uso e te tuu
fua atu i ai; ina ia leai se tagata ia
te oe e mativa; auā e matuā faama-
nuia e Ieova le nuu ua foaiina mai
e Ieova lou Atua ia te oe e fai mou
tofi e te maua lava; afai lava e te 5
matuā faalogo i le siufofoga o Ieova
lou Atua, ia e anana e fai i nei
poloaiiga uma lava ou te fai atu ai
ia te oe i le aso nei. Auā ua faa- 6
manuia oe e Ieova lou Atua, e pei
ona ia fetalai mai ai ia te oe; e te
avatatu foi mea i nuu e tele, a e te
le nono atu; e te pule foi i nuu e
tele, a e le pule mai i latou ia te oe.

Afai e ia te oe se tagata mativa o 7
sou uso o i ai i se tasi o au aai i lou
nuu ua foaiina mai e Ieova lou Atua
ia te oe, aua ne'i e faamaaa atu lou
loto, pe uu mau lou lima i lou uso
mativa; a ia e matuā faamafola atu 8
lou lima ia te ia, ma e matuā avatu
lava i ai o mea ia tusa ma lona ma-
tiva, ua mativa ai o ia. Ia oe, ne'i 9
ai se upu i lou loto leaga, o loo
faapea ifo, Ua lata mai lona fitu o
tausaga, o le tausaga o le faasaolo-
toga lea; ona e matage lea i lou
uso mativa, ma e le avatu ia te ia
sina mea, ona valaau ai lea o ia ia
Ieova ona o oe, ona fai ai lea ia te
oe ma agasala. E te matuā avatu 10

- lava ia te ia, ana foi le avatu ia te ia ma le tiga o lou loto; auā ona o lenci mea e faamanuia ai oe e Ieova lou Atua i au galuega uma, ma mea uma lava e tago i ai ou
- 11 lima. Auā e le aunoa ona i ai i le nuu o le *tagata* mativa; o le mea lea ou te fai atu ai ia te oe, o loo faapea atu, Ia e matuā faamafola atu lou lima i lou uso, i le ua tiginina, ma le ua mativa e ia te oe i lou nuu.
- 12 Afai e faatauina mai ia te oe lou uso, o se Eperu o le tane, po o se Eperu o le fafine, a auaua o ia ia te oe i tausaga e ono; a oo i lona fitu o tausaga e te tuu faasolotoina atu o ia e oe. Pe a e tuu faasolotoina atu o ia e oe, aua e te tuuina
- 13 atu o ia ma le leai o sana mea; a ia e matuā foaiina atu ia te ia ni au mamoe, ma *ni mea* mai le mea e soli ai lau saito, ma lau tuugāuaina; o mea ua faamanuia ai oe e Ieova lou Atua e te foaiina atu ai ia te ia.
- 14 Ia e manatua foi na fai oe ma auaua i le nuu o Aikupito, na laveaiina foi oe e Ieova lou Atua; o le mea lea ou te fai atu ai lenei mea ia te
- 15 oe i le aso nei. Pe afai foi e fai mai o ia ia te oe, Ou te le alu ese ia te oe; auā ua alofa o ia ia te oe ma lou aiga, auā foi ua lelei ia te ia ina
- 16 faatasi ma oe; ona e tago lea i se au, ma tui ai lona taliga i le puipui o le faitotoa, ona aveai lea o ia ma auaua ia te oe e faavavau. E faapea foi ona e faia i lau auaua
- 17 fafine. Aua ne'i faafaigata ia te oe pe a e tuu faasolotoina atu o ia e oe, auā ua tusa o ia ia te oe ma ni auaua tauia se toalua, i lona auaua ia te oe i tausaga e ono; e faamanuia foi oe e Ieova lou Atua i mea uma lava e te faia.
- 18 O uluai tama uma lava, o poa e fanau mai i au povi ma au mamoe e te faasaina mo Ieova lou Atua; aua ne'i ai sau galuega e fai i le uluai tama a lau povi, aua foi e te seleina fulufulu o se uluai tama a au mamoe.
- 19 E te 'ai ai i luma o Ieova lou Atua i lea tausaga ma lea tausaga i le mea e filifilia e Ieova, o oe atoa ma
- 20 lou aiga. Afai foi o i ai se mea e poua ai, e pipili, pe tauaso, po o se mea e ponā ua leaga, aua lava e te
- faitaulaga ai ia Ieova lou Atua. E 22 te 'ai ai i lau aai; o le ua leaga ma le ua mamā la *te aai ai*, e pei o le sevi ma le aila. A o le toto, aua e 23 te 'ai ai; e te sasaina lea i le eleele e pei o le suāvai.
- O le paseka, ma nisi tausamiga.*
- Ia e tausia le masina o Apipa, ia 16 e fai ai le paseka ia Ieova lou Atua; auā o le masina o Apipa na au mai ai oe e Ieova lou Atua i le po nai Aikupito. Ia e fasia le paseka ia 2 Ieova lou Atua, o mamoe ma povi, i le mea e filifilia e Ieova e tuu ai lona suafa. Aua e te 'ai ai faatasi 3 ma areto e faafefeteina; o aso e fitu e te 'ai ai faatasi ma areto e le faafefeteina, o le areto o le tiga; auā na faataalise ona e sau nai le nuu o Aikupito; ina ia e manatua le aso na e sau ai nai le nuu o Aiku- 4 pito i aso uma o lou olaga. Aua foi ne'i iloa ia te oe sina mea e faafefeteina i lou nuu uma lava i ona aso e fitu; aua foi ne'i faatotoe e oo i le taeao sina tufaaga o mea na e fai taulaga ai i le afiafi o le aso muamua. E le mafai ona e fasia le paseka i se 5 tasi o au aai ua foaiina mai e Ieova lou Atua ia te oe; tau lava o le mea 6 e filifilia e Ieova lou Atua e tuu ai lona suafa, o le mea lea e te fasi ai le paseka i le afiafi, i le goto o le la, i ona po na e sau ai nai Aikupito. Ia 7 e tunu foi, ma e 'ai ai i le mea e filifilia e Ieova lou Atua; a oo i le taeao ona e liliu lea, ma alu atu i ou fale ie. O aso e ono e te 'ai ai 8 areto e le faafefeteina; a o le aso fitu e *fai ai* le faapotopotoga ia Ieova lou Atua; aua e te faia ni galuega.
- Ia e faitauina ni vaiasosa e fitu; 9 e afua ona e faitau o nā vaiasosa e fitu ina ua faatoa tuu atu le sele-saito i le saito o tu. Ona e fai ai 10 lea o le tausamiga o vaiasosa ia Ieova lou Atua, o le taulaga e te loto ina fai, e te avatua, e pei ona faamanuia oe e Ieova lou Atua; e 11 te olioli foi i luma o Ieova lou Atua, i le mea e filifilia e Ieova lou Atua e tuu ai lona suafa, o oe, ma lou atalii, ma lou afafine, ma lau auaua tane, ma lau anauna fafine, ma le sa Levī o i lau aai, o le tagata

ese foi, ma le ua āumatuā, ma le fafine ua oti lana tane, o ia te oe.

12 Ia e manatua foi na fai oe ma auau-nai Aikupito; ia e anaana foi e fai nei tulafono.

13 Ia e fai le tausamiga o fale apitaga i ona aso e fitu, pe a uma faaputuina o au saito ma lau uaina;

14 e te olioli foi i lau tausamiga, o oe, ma lou atalii, ma lou afafine, ma lau auauna tane, ma lau auauna fafine, ma le sa Levī, ma le tagata ese, ma le ua āumatuā, ma le fafine na oti

15 lana tane o i lau aai. O aso e fitu e te fai ai le tausamiga ia Ieova lou Atua i le mea e filifilia e Ieova; auā e faamanuia oe e Ieova lou Atua i au mea uma e maua mai, ma mea uma e faia i ou lima, e te olioli ai lava.

16 E ta'i atu tolu i le tausaga ona iloa o tane uma lava o ia te oe i luma o Ieova lou Atua i le mea e filifilia e ia; o le tausamiga o areto e le faafefeteina, ma le tausamiga o vaiafosa, i le ma le tausamiga o fale apitaga; aua foi ne'i iloa *se isi* i luma o Ieova ua leai sana mea.

17 E taitasi le tagata e tusa ma mea ua ia te ia, e tusa ma le manuia ua foaiina mai e Ieova lou Atua ia te oe.

18 Ia e tofia mo oe *nisi* e fai ma faamasino ma faipule i au aai uma, ua foaiina mai e Ieova lou Atua ia te oe, i ou ito aiga; latou te faamasino foi i le nuu ma le faamasinoga tonu.

19 Aua e te faapioina le faamasinoga; aua e te faailogaina se tasi, aua foi e te talia se mea alofa; auā o le mea alofa e faatausaso a'i mata o e popoto, e faaseseina ai foi o upu a e amiotonu. Ia e tausisi lava i le

20 mea e matuā tonu, ina ia e ola ai, ma e fai mou le nuu ua foaiina mai e Ieova lou Atua ia te oe.

21 Aua e te faatuina se tupua o Asaira, so se tasi laau e lata ane i le fata faitaulaga a Ieova lou Atua,

22 e te faia mo oe. Aua foi e te faatuina mo oe se tupua, o le mea e inosia e Ieova lou Atua.

O le fasiotia o e ifo i atua ese.

17 AUA e te fai taulaga ia Ieova lou Atua i se povi po o se mamoe ua i ai se mea e ponā, po o se tasi mea

leaga; auā o le mea lea e inosia e Ieova lou Atua.

Afai ua iloa o ia te oe, i se tasi o au aai ua foaiina mai e Ieova lou Atua ia te oe, o se tane po o se fafine, ua na faia se mea leaga i luma o Ieova lou Atua, e soli ai lana feagaiga; po ua alu o ia ma auauna i atua ese, ma ifo i ai, o le la, po o le masina, po o se tasi i 'au o le lagi,

ua ou le poloai atu ai; ona ta'u mai ai lea ia te oe, ma e faalogo ai, ma e matuā sue atu ai; faauta foi, ua moni ua mautinoa le mea, ua faia

lava lena mea inosia i Isaraelu; ona e aveina atu lea i ou faitotoa o lea tane po o lea fafine ua na faia lena

mea leaga, ma ia e fetogi i maa o lea tane po o lea fafine, ia oti. O mau a e molimau e toalua, po o

molimau e toatolu, o le ua tatau i ai le oti ia fasiotia ai o ia; o le mau a le molimau e toatasi aua le fasiotia

ai o ia. Ia muamua ona oo o lima o e molimau ia te ia e fasioti ai; a e mulimuli ane o lima o le nuu uma

lava. Ona e tuueseina ai lea o le leaga ia te oe.

Afai foi e faigata ia te oe se mea e faamasino ai i le toto ma le toto, o le mea e faamasinoina ma le mea e faamasinoina, o le ta ma le ta, o

mea e fefinaua'i ai i au aai; ona e tulai lea, ma e alu ae i le mea e filifilia e Ieova lou Atua mona; e te

alu foi i faitaulaga, o sa Levī, ma le faamasino e i ai i ia ona po, e te fesili foi i ai; ona latou faailoa mai

lea ia te oe *le tonu* o le mea e faamasinoina; ona e faia lea o le mea e pei ona latou faailoa mai ia te oe i

lea mea e filifilia e Ieova; ia e anaana foi e fai e tusa ma mea uma lava latou te a'oa'o mai ai ia te oe;

e tusa ma le tulafono latou te a'oa'o mai ai ia te oe, e tusa foi ma le faamasinoga latou te fai mai ai ia te

oe, ia e faia lava; aua ne'i e alu ese i le upu latou te faailoa mai ai ia te oe, i le itu taumatau, po o le itu tau-

agavale. O le tagata foi na te faia *se mea* ma le faamaualuga, ma le le fia faalogo i le faitaulaga e tu i lea

mea e auauna ia Ieova lou Atua, po o le faamasino, ia oti lava lea tagata; ona e tuueseina ai lea o le leaga ia Isaraelu. Ona faalogo ai

13

lea o le nuu uma lava, ma matatau ai, ma latou le toe faamaualuga.

- 14 Pe a e oo atu foi i le nuu e foaiina mai e Ieova lou Atua ia te oe, ma e fai mou, ma e mau ai, ma e faapea ane, Ou te faia se tupu mo'u, e pei o nuu uma lava e vagavagai mai ia te au; ia e matuā tofia mo oe se tupu e filifilia e Ieova lou Atua; o sou uso e te tofia e fai ma tupu ia te oe; e le mafai ona e tofia mo oe
- 15 se tagata ese, e le o sou uso ia. A e aua lava ne'i faateleina e ia solofanua mona, pe toe faafoi atu le nuu i Aikupito, ina ia faateleina ai e ia o solofanua; auā ua fetalai mai Ieova ia te outou, Aua tou te toe foi atu i
- 16 lea lava ala. Aua foi ne'i faatoateleina e ia o avā māna, ne'i liliueseina ai lona loto; aua foi ne'i faateleina
- 17 naua e ia o ario ma auro mo ia. A oo-foi ina nofo o ia i le nofoalii o lona malo, na te tusia māna se tusi o lenei tulafono i se tusi ai lena *tusi* o i luma o le au faitaulaga o sa
- 18 Levī; ia i ai foi lea ia te ia, na te faitau ai foi i aso uma lava o lona olaga; ina ia a'oa'oina ai o ia ia mata'ū ia Ieova lona Atua, ma ia tautai i upu uma lava a lenei tula-
- 19 fono ma nei sauniga, na te faia; ina ne'i faamaualugaina lona loto i ona uso, ina ne'i te'a ese foi i le poloaiga, i le itu taumatau po o le itu tauagavale; ina ia tulu'i ai ona aso i lona malo, o ia, ma ona atalii, ia Isaraelu.

O le tofi o le au faitaulaga ma sa Levi.

- 18 O LE au faitaulaga o sa Levī, ma le itu aiga uma o Levi, e lei ai so latou fanua po o se tofi faatasi ma Isaraelu; o taulaga e fai i le afi ia Ieova, o lona tofi lea, latou te aai ai.
- 2 E lei ai foi sona tofi faatasi ma ona uso; o Ieova o lona tofi o ia, e pei ona fetalai mai ai o ia ia te ia.
- 3 O mea nei e tatau ona maua e le au faitaulaga mai le nuu, mai ia i latou o e fai taulaga, po o se povi po o se mamoe; ia latou avatu i le faitaulaga o le alagālima, ma alafau
- 4 e lua, ma le puta. O le faapolopolo o lau saito, o lau uaina, ma lau suāuu, atoa ma selega muamua o fulufulu o au mamoe, ia e avatua,
- 5 ia mea ia te ia. Auā ua filifilia o ia

e Ieova lou Atua mai ou itu aiga uma, e tu ma auauna i le suafa o Ieova, o ia ma ona atalii i aso uma lava.

Afai foi e sau se sa Levī ai se tasi o au aai i Isaraelu uma, sa āumau ai o ia; a sau ma le manao atoatoa o lona loto i le mea e filifilia e Ieova; ona auauna lea o ia i le suafa o Ieova lona Atua, e pei o ona uso uma o sa Levī, o e tutū i lea mea i luma o Ieova. E tutusa tufaaga latou te aai ai, a e ese lava le faatau o mea sa i ona tamā.

A ē oo atu i le nuu ua foaiina mai e Ieova lou Atua ia te oe, aua ne'i e faaa'oa'o ona fai e pei o mea inosia a ia nuu. Aua ne'i iloa ia te oe se tasi na te faaui ane lona atalii po o lona afafine i le afi, o se fai togafiti faataulāitu, o se iite i ao o le lagi, po o se saili faailoga, po o se tau-lāitu, po o se 'apele, po o se fesili atu i aitu, po o se ua i ai le aitu vavalo, po o se saili atu i e ua oti. Auā e inosia e Ieova o i latou uma o e faia na mea; e tulia foi i latou e Ieova lou Atua ai ou luma ona o na mea e inosia. Ia sao lau *am'o* i luma o Ieova lou Atua. Auā o nuu nei, o le a e fai mou, ua faalogo i latou i e iite i ao o le lagi, ma e fai togafiti faataulāitu; a o oe, e le mafai Ieova lou Atua ona e faia faapea.

E faatuina e Ieova lou Atua mai ia te oe, o so lou au uso, se perofeta mo oe e pei o a'u nei; tou te faalogo ia te ia; e tusa ma mea uma lava na e manao i ai ia Ieova lou Atua i Horepa i le aso o le faapopotoga, na faapea mai, Aua ne'i ou toe faalogo atu i le siufofoga o Ieova lo'u Atua, pe toe vaai atu i lena afitele, ne'i ou oti. Ona fetalai mai lea o Ieova ia te au, Ua lelei a latou na latou fai mai ai. Ou te faatuina mo i latou, o so latou uso, se perofeta e pei o oe; ou te tuuina atu foi a'u upu i lona gutu, e fai atu foi e ia ia te i latou o mea uma lava ou te fai atu ai ia te ia. O le tagata foi e le faalogo i a'u upu, e fai atu ai e ia i lo'u igoa, o a'u nei, ou te tau i atu ia te ia. A o le perofeta e faamaualuga ma tautala i se upu i lo'u igoa, ou te lei fai ane ia te ia e tau-

tala atu ai, pe tautala ia i igoa o atua ese, e oti lea lava perofeta.

- 21 Afai foi e te faapea ifo i lou loto, Pe faapefea ona matou iloa o le upu
22 e lei fetalai a Ieova? A tautala se perofeta i le suafa o Ieova, afai e le oo le mea, e le taunuu foi, o le upu lea ua le fetalai mai e Ieova; o le faamaualuga o lea perofeta ua tautala ai o ia; aua e te fefe ia te ia.

O aai e sosola i ai e ua fasioti tagata; o le sala a le molimau pepelo.

- 19 A FAAUMATIA e Ieova lou Atua o nuu ua foaiina mai o lo latou laueleele e Ieova lou Atua, pe a e fai ai mou, ma e nofo i o latou aai ma
2 o latou fale; ona e vavaeeseina lea o aai e tolu mo oe, i lou laueleele ua foaiina mai e Ieova lou Atua ia te
3 oe e fai mou. Ia e teuteu se ala mo oe, ma ia e vaetoluina itu o lou laueleele, e foaiina mou tofi e Ieova lou Atua, ina ia sosola i ai o i latou uma o e fasioti tagata.

- 4 O le upu foi lenei i le fasioti tagata, e sola i ai, e ola ai o ia; o le na te fasioti i lē la te tuaoi ma le le
5 iloa, e lei muai ita foi ia te ia; a ua la o ma lē la te tuaoi i le vao e talaau, ua ta ifo le ta i lona lima e ta ai le laau i le mātāu, ona mole atu ai lea o le uamea ai le 'au, ua lavea ai lē la te tuaoi, ua oti ai o ia; o ia lava na te sola i se tasi o ia aai, e
6 ola ai; ina ne'i tuliloaina le fasioti tagata e le na te tau ma sui le toto, a o tiga lona loto, ma maua atu ia te ia, auā ua mamao le ala, ona fasioti ai lea ia te ia; a e le tatau ia te ia le oti, auā e lei muai ita o ia ia te
7 ia. O le mea lea ou te fai atu ai ia te oe, e faapea atu, Ia e vavaeeseina mo oe o aai e tolu. Afai foi e faalauteleina e Ieova lou Atua lou laueleele, e faapei ona ia tauto i ou tamā; ma foaiina mai ia te oe le laueleele uma lava ua na fetalai
9 mai e avatu i ou tamā; afai e te anaana e fai o nei poloaiga uma, ou te fai atu ai ia te oe i le aso nei, ia alofa atu ia Ieova lou Atua, ma savali i ona ala i aso uma lava; ona e toe faapoopo lea mo oe o aai e
10 tolu, i na aai e tolu; ina ne'i faamaligina le toto o le ua le sala i lou laueleele ua foaiina mai e Ieova lou

Atua ia te oe e fai mou tofi, ina ne'i ia te oe le sala ona o le toto.

A e afai e ita se tagata i lē la te 11
tuaoi, ma lamalama ia te ia, ma tulai atu, ma fasi ia te ia ia oti, ona sola lea o ia i se tasi o ia aai; ona aaiina 12
atu lea nisi e toeaina o lona aai e aamiina atu ai o ia, ma tuuina atu o ia i le pule a le na te tauia ma sui le toto, ia oti ai o ia. Aua ne'i e 13
alofa ia te ia, a ia e tuueseina le sala o le toto o le ua le sala i Isaraelu, e te lelei ai.

Aua e te sii le tuaoi o lē lua te 14
tuaoi, o le tuaoi sa faia e na mua i lou fanua o le a fai mou tofi i le nuu e foaiina e Ieova lou Atua ia te oe e fai mou.

Aua ne'i tulai atu se molimau e 15
toatasi e molimau i se amioletonu a se tagata, po o se agasala, i agasala uma lava e agasala ai o ia; a o mau a e molimau e toalua, po o mau a e molimau e toatolu e faamaoni ai le mea.

Afai e tulai atu se molimau faa- 16
saua e molimau ai se amio leaga a se tagata; ona tutū ai lea o ia 17
tagata e toalua ua i ai le finauga, i luma o Ieova, i luma o le au faitaulaga ma faamasino, e i ai i ia ona po; ona matuā suesue lea e faama- 18
sino; faauta foi, afai o le molimau o le molimau pepelo ia, ua na tala pepelo i lona uso; ona outou faia 19
lea ia te ia, e pei ona manatu o ia, e fai i lona uso; ona e tuueseina ai lea o le leaga ai ia te oe. Ona faa- 20
logo ai lea, ma matatau ai nisi uma lava, ma latou le toe faia se mea leaga faapea i lou nuu. Aua ne'i e 21
alofa ia te ia; a ia sui atu le ola i le ola, o le mata i le mata, o le nifo i le nifo, o le lima i le lima, ma le vae i le vae.

O upu a le faitaulaga ma le au faitapule i le nuu pe a o i le taua.

A ē alu atu e tau ai se taua ma 20
lou fili; a ē ilo atu solofanua, ma kariota, ma le nuu e sili ona toatele ia te oe, aua ne'i e fefe ia te i latou; auā o ia te oe Ieova lou Atua, o le na aveina ae oe ai le nuu o Aikupito. A latalata ona outou tau, ona faalatalata atu lea o le faitaulaga, ma tautalatala i le nuu, e faapea 3

- atu ia te i latou, Isaraelu e, faalogo mai ia, ua outou faalatalata atu i lē aso nei e tau le taua ma o outou fili; aua ne'i faavaivai o outou loto, aua tou te fefefe, aua tou te mata-tau, aua foi tou te gatete ia te i
- 4 latou; auā o Ieova lo outou Atua tou te o ma ia, na te tau ai la outou taua ma o outou fili, na te faaolaina outou. Ia fai atu foi le au faipule i le nuu, ia faapea atu, O ai se tagata ua faia sona fale fou, a e lei faaulu-faleina? ina alu o ia, ina foi atu i lona fale, ne'i oti o ia i le taua, ona
- 6 faaulufaleina ai lea e se tasi. O ai foi se tagata ua faia se tovine, a e lei faatatagaina? ina alu ia, ina foi atu i lona fale, ne'i oti o ia i le taua,
- 7 ona faatatagaina ai lea e se tasi. O ai foi se tagata ua la fai le feagaiga ma se fafine e fai mana avā, a e lei faatasia? ina alu ia, ina foi atu i lona fale, ne'i oti o ia i le taua, ona fai ai lea o ia ma avā a se tasi
- 8 tagata. Ia toe tautala atu foi le au faipule i le nuu, ia latou faapea atu, O ai ea se tagata e fefe, ma faavai-vai lona loto? ina alu ia, ma foi atu i lona fale, ne'i faavaivai loto o ona
- 9 uso e pei o lona loto. A uma foi ona tautala atu o le au faipule i le nuu, ona tofia lea e i latou o alii e ave 'au e fa'ita'iina le nuu.
- 10 A ē faalatalata i se aai e tau ai le taua, ona e valaau atu lea i ai ia
- 11 ola le taua; afai foi e tali mai i latou ia te oe, na ola ia, ma latou faaavanoa *faitotoa* ia te oe, ona avea ai lea o tagata uma e maua ai ma ē au mai taulaga ia te oe, ma latou
- 12 auaua ia te oe. A e afai e le mafai ia te i latou ona fai o se leleiga ma oe, a e fia tau lava i latou ma oe,
- 13 ona e siosioina atu ai lea; pe a tuuina mai foi e Ieova lou Atua ia te oe, ia e fasiotia tane uma lava o i ai i le pelu; na o fafine, ma tama
- 14 iti, ma manu vaefa, ma mea uma lava o i le aai, o le oloa uma o i ai e te vetea mou; e te 'ai foi i mea a ou fili, ua foaiina mai e Ieova lou
- 15 Atua ia te oe. Ia faapea ona e fai i aai uma e matuā vava mamao ma
- 16 oe, e le ni aai ia o na nuu. A o aai o na nuu e foaiina mai e Ieova lou Atua ia te oe e fai miou tofi, aua ne'i
- 17 e faaolaina ai se tasi e ola. A ia e
- matuā faaumatia i latou; o sa Heti, ma sa Amori, o sa Kananā, ma sa Perisē, o sa Hivī, ma sa Iepuse; e pei ona fetalai mai o Ieova lou Atua ia te oe; ina ne'i latou a'oa'oa mai ia
- 18 te outou e fai e tusa ma a latou mea inosia uma, ua latou faia i o latou atua; ona outou agasala ai lea ia Ieova lo outou Atua.
- Afai foi e tele ni aso ua e siosio- ina ai se aai, ma tau ai le taua ina ia maua, aua ne'i e faataumaoui ona laau i ta a'i i le mātāu; auā e te 'ai ai, aua e te ta i lalo e fai a'i se mea i le siosioina o le aai, (auā o le laau o le fanua motu tagata ia). Na o laau
- 20 ua e iloa e le ni laau aina ia, e te faataumaoui ma ta i lalo; e te faia foi se 'olo e faafeagai ma lea aai lua te tau ai le taua, seia faatoilaloina.

O tulafona eseese.

- AFAI e maua se tagata ua fasi-21 otia i le laueleele ua foaiina mai e Ieova lou Atua ia te oe e fai mou o loo taatia i le vao, a e le iloa po o ai na na fasi ia te ia; ia o atu ou
- 2 toeaina ma ou faamasino, ma ia latou fuatia atu o va o lē ua fasiotia ma aai e vagavagai; o le aai foi e
- 3 lata i le ua fasiotia ia ave e toeaina o lea aai se povi fafine, ua na le fai se galuega, ua na le toso i le amo; ia ta'ita'iina foi e toeaina o
- 4 lea aai le povi fafine i se alia e tafe pea, e le galueina e tagata, e le luluina ai foi ni saito, ona latou vaea ai lea le ua o le povi fafine i le alia; ona faalatalata atu ai lea o faitau-
- 5 laga, o le fanauga a Levi; auā ua filifilia i latou e Ieova lou Atua e auaua ia te ia, ma faamanuia atu i le suafa o Ieova; o a latou upu foi e tonu ai finauga uma ma fasiga
- 6 uma lava; o toeaina uma foi o lea aai, ua lata i le ua fasiotia, latou te fafano o latou lima i luga o le povi fafine na vaea lona ua i le alia; ona
- 7 latou fai mai lea, e faapea mai, E lei faamalagiina lenei toto e o matou lima, e lei vaai i ai foi o matou
- 8 mata. Ieova e, ia e faamagalo mai i lou nuu o Isaraelu, ua e togiloina; aua foi e te faaee mai i lou nuu o Isaraelu le toto o le ua le sala. Ona
- 9 faamagaloina ai lea o i latou ai le toto. Ona e tuueseina ai lea ia te oe

o le toto o le ua le sala, pe a e faia le mea tonu i luma o Ieova.

- 10 A ē alu atu e tau ai le tama ma ou fili, pe a tuuina mai foi i latou ia te oe e Ieova lou Atua, ma e ave i
- 11 latou o tagata o taua, ma e iloa se fafine lalelei i nā tagata o taua, ua e manao foi i ai, ma e ave e fai mau
- 12 avā ; ona e au mai leā ia te ia i lou fale ; ona tafi lea e ia o lona ulu, ma salasala e ia ona atigilima ; ia to ese foi e ia lona ofu faatagata o taua, ma nofo o ia i lou fale, e tagi foi o
- 13 ia i lona tamā ma lona tinā i le masina atoa ; ona e alu ane lea ia te ia, e fai foi oe mana tane, e fai foi o
- 14 ia mau avā. Afai foi e leai sou fiasia ia te ia, ona e tuuina atu lea o ia ia sa'o lona loto ; a e aua lava ne'i e faatau ia te ia i tupe, aua foi e te fai o ia ma pologa, auā ua e faasaunoa ia te ia.
- 15 Afai e toaluva avā a se tasi tagata, ua fiasia ia i le tasi, a e 'ino'ino i le tasi, ma ua la fananau ia te ia o a la tama tane, o le ua ia fiasia i ai ma le ua inosia ; afai foi e luai fanau
- 16 mai le tama a le ua inosia ; a oo i le aso na te tofia ai ana mea i ona atalii, e le mafai ona ave ma ulumatua le tama a le ua ia fiasia i ai, a e tuua le tama a le ua inosia, auā
- 17 o le ulumatua ia ; a ia faailogaina lava e ia o le ulumatua o le tama lea a le ua inosia, i lona avatu ia te ia o vaega e lua i mea uma lava ua ia te ia ; auā o ia le amataga o lona malosi ; e ona le tofi o le ulumatua.
- 18 Afai e vaogata ma le finauvale le atalii o se tasi tagata, e le faalogo i le upu a lona tamā, po o le upu a lona tinā, pe a uma ona la aoai
- 19 ia te i lona aai, a e le faalogo lava o ia ia te i lona aai ; ona fai atu lea o i lona aai, a e le faalogo lava o ia ia te i lona aai, O la ma tama nei ua vaogata ma le finauvale ia, e lei faalogo lava i a ma upu ; o le 'ai tele foi ia, ma le inu ia onā.
- 21 Ona fetogi ai lea o tagata uma o lona aai ia te ia i maa, ia oti o ia ; ona e tuueseina ai lea o le leaga ia te oe ; e faalogo ai foi Isaraelu uma lava, ma latou matatau ai.
- 22 Afai foi o se tagata ua na fai se

agasala e tatau ona oti ai o ia, a oo ia te ia le oti, ua e faatautau foi ia te ia i se laau ; aua ne'i aoina lona tino i le laau, a ia e tanu lava ia te ia i lea aso ; (auā ua faafanoina e le Atua le ua faatautauina ;) ina ne'i leaga ai lou laueleele ua foaiina mai e Ieova lou Atua ia te oe e fai mou tofi.

O tula ono i mea eseese.

A ē iloa le povi a lou uso po o lana mamoe ua se, aua ne'i e lasi ia te ia ; a ia e matuā ta'ita'iina atu i lou uso. Afai foi lua te le felatai ma lou uso, po ua e le iloa o ia, ona e ta'ita'iina ai lea i lou fale, ona i ai lea ia te oe seia sailia mai e lou uso, ona e avatu ai lea ia te ia. Ia e faapea foi ona fai i lana asini ; e faapea foi ona e fai i lona ofu ; ia e faapea foi ona fai i mea uma ua le iloa a lou uso, ua le iloa e ia, a ua e maua ; e le mafai ona e lasi ai.

Aua ne'i e iloa le asini a lou uso po o lana povi ua pa'i i le ala, ma e lasi ai ; a ia oulua toaluva ma ia e faatu ia te ia.

Aua ne'i ofu le fafine i le ofu o le tane ; aua foi le ofu le tane i le ofu o le fafine ; auā e inosia e Ieova lou Atua i latou uma lava o e faia na mea.

Afai o i ai i ou luma se ofaga o se manu i le ala, i se laau po o le laueleele, o i ai ni tama po o fua, o loo moe ai le tinā i ana tama, po ona fua, aua ne'i e ave faatasi le tinā ma ana tama ; ia e tuu atu lava le tinā e faasola, a ia e ave ma oe ana tama ; ina ia lelei ai oe, ma e faafualoa ai ou aso.

A ē fai se fale fou, ia e fai se pui-pui e sio ai i luga o lou fale, ne'i e faamaligiina le toto talu lou fale, pe afai e pa'i ai se tasi.

Aua e te totō fua eseese i lou tovine ; ne'i leaga ai mea e tutupu i au fua na e totōina, atoa ma le fua o lou tovine.

Aua e te suatia le fanua i se povi ma se asini e faatasi.

Aua e te ofu i se ofu ie lalaga fefiloi i mea uiga eseese, o fulufulu mamoe ma lino.

Ia e faia mo oe o tuupao i pito e fa o lou ofu e te ofu ai.

- 13 Afai e fai avā se tagata, ma alu i
 14 ai, a e 'ino'ino ia te ia, ma fai mea
 e upuia ai o ia, ma ta'uleagaina ai o
 ia, ua faapea ane foi o ia, Na ou fai
 avā i lenei fafine, na ou alu i ai, ona
 ou iloa ai lea e le se taupou o ia;
 15 ona ave ai lea e le tamā ma le tinā
 o le teine o faailoga o le taupou o le
 teine, ma avatu ai i toaina o le aai,
 16 i le faitotoa; ona fai atu lea o le
 tamā o le teine i toaina, Na ou
 avatu lo'u afafine i lenei tagata e
 fai mana avā, a ua 'ino'ino o ia ia te
 17 ia; faauta foi, ua upuia *le teine* talu
 o ia, ua faapea ana, Ua ou iloa o lou
 afafine e le se taupou ia; a o faa-
 iloga nei o le taupou o lo'u afafine.
 Ona fola atu lea e i laua o le ie i
 18 luma o toaina o le aai. Ona ave
 lea e toaina o lea aai lena tagata,
 19 ma latou sasa ia te ia; latou te faa-
 salaina atu foi o ia i tupe e selau,
 ma avatua i le tamā o le teine, auā
 o ia ua ta'uleagaina ai se taupou
 Isaraelu. E fai pea foi o ia māna
 avā; na te le toe mafai ona alei ia
 20 te ia i ona aso uma lava. A e pei-
 tai afai ua moni lena upu, ua le
 maua faailoga o le taupou o le teine;
 21 ona latou avatu lea o le teine i le
 faitotoa o le fale o lona tamā, ona
 fetogi lea e tagata o lana aai ia te
 ia i maa, ia oti; auā ua faia e ia le
 mea leaga i Isaraelu, ina ua faita-
 aga i le aiga o lona tamā; ona ou-
 tou tuueseina ai lea o le leaga ia te
 outou.
 22 A iloa se tane ua la momoe ma
 se fafine nofo tane, ia oti i laua, o le
 tane na la momoe ma le fafine, atoa
 ma le fafine; ona e tuueseina ai lea
 o le leaga ia Isaraelu.
 23 Afai o se teine taupou ua faufau-
 tane, ua maua o ia e se tane i le aai,
 24 ma la momoe ma ia; ona outou ta'i-
 ta'iina atu lea o i laua i le faitotoa
 o lena aai, ma outou fetogi ia te i
 laua i maa, ia oti; o le teine, ina ua
 le alaga o ia i le aai; o le tane foi,
 ina ua faaleagaina e ia le avā a lē
 la te tuaoi; ona e tuueseina ai lea
 o le leaga ia te oe.
 25 A e afai e maua i le vao e se tane
 se teine ua faufautane, a toso faa-
 malosi foi le tane ia te ia, ma la
 momoe ma ia; ia oti lava tau o le
 26 tane na momoe ma ia; a o le teine,
 27
 28
 29
 30
 31
 32
 33
 34
 35
 36
 37
 38
 39
 40
 41
 42
 43
 44
 45
 46
 47
 48
 49
 50
 51
 52
 53
 54
 55
 56
 57
 58
 59
 60
 61
 62
 63
 64
 65
 66
 67
 68
 69
 70
 71
 72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100
 101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200
 201
 202
 203
 204
 205
 206
 207
 208
 209
 210
 211
 212
 213
 214
 215
 216
 217
 218
 219
 220
 221
 222
 223
 224
 225
 226
 227
 228
 229
 230
 231
 232
 233
 234
 235
 236
 237
 238
 239
 240
 241
 242
 243
 244
 245
 246
 247
 248
 249
 250
 251
 252
 253
 254
 255
 256
 257
 258
 259
 260
 261
 262
 263
 264
 265
 266
 267
 268
 269
 270
 271
 272
 273
 274
 275
 276
 277
 278
 279
 280
 281
 282
 283
 284
 285
 286
 287
 288
 289
 290
 291
 292
 293
 294
 295
 296
 297
 298
 299
 300
 301
 302
 303
 304
 305
 306
 307
 308
 309
 310
 311
 312
 313
 314
 315
 316
 317
 318
 319
 320
 321
 322
 323
 324
 325
 326
 327
 328
 329
 330
 331
 332
 333
 334
 335
 336
 337
 338
 339
 340
 341
 342
 343
 344
 345
 346
 347
 348
 349
 350
 351
 352
 353
 354
 355
 356
 357
 358
 359
 360
 361
 362
 363
 364
 365
 366
 367
 368
 369
 370
 371
 372
 373
 374
 375
 376
 377
 378
 379
 380
 381
 382
 383
 384
 385
 386
 387
 388
 389
 390
 391
 392
 393
 394
 395
 396
 397
 398
 399
 400
 401
 402
 403
 404
 405
 406
 407
 408
 409
 410
 411
 412
 413
 414
 415
 416
 417
 418
 419
 420
 421
 422
 423
 424
 425
 426
 427
 428
 429
 430
 431
 432
 433
 434
 435
 436
 437
 438
 439
 440
 441
 442
 443
 444
 445
 446
 447
 448
 449
 450
 451
 452
 453
 454
 455
 456
 457
 458
 459
 460
 461
 462
 463
 464
 465
 466
 467
 468
 469
 470
 471
 472
 473
 474
 475
 476
 477
 478
 479
 480
 481
 482
 483
 484
 485
 486
 487
 488
 489
 490
 491
 492
 493
 494
 495
 496
 497
 498
 499
 500
 501
 502
 503
 504
 505
 506
 507
 508
 509
 510
 511
 512
 513
 514
 515
 516
 517
 518
 519
 520
 521
 522
 523
 524
 525
 526
 527
 528
 529
 530
 531
 532
 533
 534
 535
 536
 537
 538
 539
 540
 541
 542
 543
 544
 545
 546
 547
 548
 549
 550
 551
 552
 553
 554
 555
 556
 557
 558
 559
 560
 561
 562
 563
 564
 565
 566
 567
 568
 569
 570
 571
 572
 573
 574
 575
 576
 577
 578
 579
 580
 581
 582
 583
 584
 585
 586
 587
 588
 589
 590
 591
 592
 593
 594
 595
 596
 597
 598
 599
 600
 601
 602
 603
 604
 605
 606
 607
 608
 609
 610
 611
 612
 613
 614
 615
 616
 617
 618
 619
 620
 621
 622
 623
 624
 625
 626
 627
 628
 629
 630
 631
 632
 633
 634
 635
 636
 637
 638
 639
 640
 641
 642
 643
 644
 645
 646
 647
 648
 649
 650
 651
 652
 653
 654
 655
 656
 657
 658
 659
 660
 661
 662
 663
 664
 665
 666
 667
 668
 669
 670
 671
 672
 673
 674
 675
 676
 677
 678
 679
 680
 681
 682
 683
 684
 685
 686
 687
 688
 689
 690
 691
 692
 693
 694
 695
 696
 697
 698
 699
 700
 701
 702
 703
 704
 705
 706
 707
 708
 709
 710
 711
 712
 713
 714
 715
 716
 717
 718
 719
 720
 721
 722
 723
 724
 725
 726
 727
 728
 729
 730
 731
 732
 733
 734
 735
 736
 737
 738
 739
 740
 741
 742
 743
 744
 745
 746
 747
 748
 749
 750
 751
 752
 753
 754
 755
 756
 757
 758
 759
 760
 761
 762
 763
 764
 765
 766
 767
 768
 769
 770
 771
 772
 773
 774
 775
 776
 777
 778
 779
 780
 781
 782
 783
 784
 785
 786
 787
 788
 789
 790
 791
 792
 793
 794
 795
 796
 797
 798
 799
 800
 801
 802
 803
 804
 805
 806
 807
 808
 809
 810
 811
 812
 813
 814
 815
 816
 817
 818
 819
 820
 821
 822
 823
 824
 825
 826
 827
 828
 829
 830
 831
 832
 833
 834
 835
 836
 837
 838
 839
 840
 841
 842
 843
 844
 845
 846
 847
 848
 849
 850
 851
 852
 853
 854
 855
 856
 857
 858
 859
 860
 861
 862
 863
 864
 865
 866
 867
 868
 869
 870
 871
 872
 873
 874
 875
 876
 877
 878
 879
 880
 881
 882
 883
 884
 885
 886
 887
 888
 889
 890
 891
 892
 893
 894
 895
 896
 897
 898
 899
 900
 901
 902
 903
 904
 905
 906
 907
 908
 909
 910
 911
 912
 913
 914
 915
 916
 917
 918
 919
 920
 921
 922
 923
 924
 925
 926
 927
 928
 929
 930
 931
 932
 933
 934
 935
 936
 937
 938
 939
 940
 941
 942
 943
 944
 945
 946
 947
 948
 949
 950
 951
 952
 953
 954
 955
 956
 957
 958
 959
 960
 961
 962
 963
 964
 965
 966
 967
 968
 969
 970
 971
 972
 973
 974
 975
 976
 977
 978
 979
 980
 981
 982
 983
 984
 985
 986
 987
 988
 989
 990
 991
 992
 993
 994
 995
 996
 997
 998
 999
 1000

ita mai ia te oe, ia oe, ne'i e faia se mea leaga.

10 Afai o ia te outou se tagata e oo ia te ia le leaga i le po, ia alu ia i tua o le toagālauapi, aua ne'i toe foi mai o ia i le toagālauapi; a oo i le afafi, ona taele ai lea o ia i le vai; a goto foi le la, ia toe foi mai o ia i le toagālauapi.

12 Ia ia te oe foi se mea i tua o le toagālauapi, e te alu atu foi i ai; ia ia te oe foi sina suo i lau auupega; a ē ui foi i le vao, ia e eli afi, ona e

14 liliu lea, ma tanu lou otaota; auā o loo savali Ieova lou Atua i totonu o lau toagālauapi, e laveai ia te oe, ma tuuina mai e ua ita ia te oe i ou luma; o le mea lea e faapaiaina ai lau toagālauapi; ne'i silasila e ia se mea leaga o ia te oe, ma liliu ese o ia ia te oe.

15 Aua e te tuuina atu i lona matai le auauna ua sola mai ia te oe i lona matai; e mau o ia ia te oe, i lou nuu, i le mea e filifilia e ia i se tasi o au aai, e lelei ia te ia; aua ne'i e faasaua ia te ia.

17 Aua ne'i ai se fafine talitane o afafine o Isaraelu; aua foi ne'i ai se tane faasotoma o atalii o Isaraelu, 18 Aua ne'i e avatu i le fale o Ieova lou Atua le totogi o le fafine talitane, po o le tau o se uli, e fai ma mea na tauto ai; auā e inosia nei mea e lua e Ieova lou Atua.

19 Aua ne'i e avatu i lou uso *se mea* e totogi faasili mai ai; o le totogi faasili mai i ario, po o le totogi faasili mai i mea e 'ai, po o le totogi faasili mai i nisi mea uma e totogi faasili mai ai; e te avatu *mea* e totogi faasili mai ai i le tagata ese; a o lou uso, aua e te avatu i ai *ni mea* e totogi faasili mai ai; ina ia faamanuia mai ai Ieova lou Atua ia te oe i mea uma lava e te faia i ou lima, i le nuu e te alu i ai e fai mou.

21 Afai e te tauto i se tantoga ia Ieova lou Atua, aua ne'i e faatuai ona avatu ai; auā e matuā sueina atu ai ia te oe e Ieova lou Atua; e fai lea ma agasala ia te oe. A e afai e te le tauto lava, e le se agasala lea ia te oe. O le upu ua mavae atu i lou gutu ia e anaana i ai ma e faia, o le taulaga e loto ina

fai, e tusa ma lau tantoga ia Ieova lou Atua, ua folafolaina e oe.

Pe a e alu i le tovine o lē lua te tuaoi, e te 'ai vine faitalia oe seia e ma'ona; a e aua e te fafao *nisi* i lau ato. Pe a e alu i le saito o loo tu o lē lua te tuaoi, e te tau mai ona fua i lou lima; a e aua e te selesele i lau selesaito le saito o loo tu o lē lua te tuaoi.

O le avā e faatea; atoa ma nisi mea e fai.

AFAI e fai avā se tasi i se fafine, 24 ua la nonofo, a oo foi i'a le toe fiafia o ia i ai, auā ua na iloa ia te ia se mea leaga; ona tusi ai lea e ia se tusi alei ma ia, ma avatu ai ia te ia, ma auina atu o ia ai lona fale. Pe a alu ese foi o ia i lona fale, ona alu ai lea o ia ma nofo i se tasi tane; *afai* foi e 'ino'ino ia te ia lana tane mulimuli, ma tusi se tusi alei ma ia, ma avatu ai ia te ia, ma auina atu o ia ai lona fale; pe afai foi ua oti le tane mulimuli, na fai avā ia te ia; e le mafai i lana muai tane, sa na auina o ia, ona toe fai o ia mana avā, ina ua uma ona faaleagaina o ia; auā o le mea inosia lea i luma o Ieova; aua foi ne'i e faatupuina le agasala i le nuu ua foaiina mai e Ieova lou Atua ia te oe e fai mou tofi.

Afai foi e faatoa fai avā se tasi, aua ne'i alu o ia i le taua, aua foi ne'i togia o ia i se feau *a le nuu*; ia saoloto o ia i lona aiga i le tausaga e tasi, ma faafiafia atu ai i lana avā ua fai.

Aua ne'i ave faafaatau e se tagata se maaolo i lalo, po o se maaolo i luga; auā e ave ai faafaatau le ola o le tagata.

Afai ua maua se tagata ua gaoi i se tasi o ona uso o le fanauga a Isaraelu, ma fai o ia ma pologa, pe faatauina atu o ia; ia oti lea tagata gaoi; ona e tuueseina ai lea o le leaga ia te oe.

Ia oe i le ma'i lepela, ia e matuā anaana, ma e faia mea uma lava e pei ona 'oa'oina ai outou e le au faitaulaga, o sa Levī; e faapei ona ou fai atu ai ia te i latou, ia outou anaana i ai ia faia. Ia e manatua le mea na faia e Ieova lou Atua ia

Miriama i le ala, ina ua outou o mai ai nai Aikupito.

- 10 Afai e avatu e oe se mea ua aitalafu mai e lē lua te tuaoi, aua ne'i e alu i lona fale e au mai ai lana mea
- 11 ua tuu faafaatau a ia e tu i fafo, ona au mai ai lea i fafo ia te oe o le mea ua tuu faafaatau e le tagata na e avatu i ai mea ua aitalafu mai.
- 12 Afai foi o le tagata mativa o ia, aua e te moegaiina lana mea ua tuu faafaatau; a ia e toe avatua lava ia te ia le mea ua tuu faafaatau a o lei goto le la, ina ia moē o ia i lona lava ofu, ina faamanu ia te oe; e avefa foi lea ma amiotonu ia te oe i luma o Ieova lou Atua.
- 14 Aua e te faasaua i se auatua tania ua puapuatia ma le mativa, o sou uso, po o se āumau ia te oe o i lou nuu i au aai; ia e avatu ia te ia lona totogi i lona lava aso, a o lei goto le la; auā ua mativa o ia, ua naunau foi i ai lona loto; ne'i valaau o ia ia Ieova ona o oe, ona fai lea ma agasala ia te oe.
- 16 Aua ne'i fasiotia le tamā e sui a'i le atalii, aua foi ne'i fasiotia le atalii, e sui a'i le tamā; a ia taitasi le tagata ma fasiotia o ia i lana lava agasala.
- 17 Aua ne'i e faapiopioina le faamasinoga i le tagata ese, po o le ua āumatuā; aua foi ne'i e fai faafaatau le ofu o le fafine ua oti lana tane; a ia e manatua na fai oe ma auatua i Aikupito, a ua laveaiina oe e Ieova lou Atua ai lea mea; o le mea lea ou te fai atu ai ia te oe e faia lenei mea.
- 19 A ē selesele i lau saito i lou fanua, a ua galo ia te oe se tasi fusi saito i le fanua, aua ne'i e foi atu e au mai ai; a ia tuu ai mo le tagata ese, ma le ua aumatuā, ma le fafine ua oti lana tane; ina ia faamanuia oe e Ieova lou Atua i mea uma lava e faia e ou lima. A ē tautā i lāu olive, aua e te toe suesue ona la; a ia tuu ai mo le tagata ese, ma le ua āumatuā, ma le fafine ua oti lana tane.
- 21 A ē tau i fua o lau tovine, aua e te foi faalua e tau mai ai; a ia tuu ai mo le tagata ese, ma le ua āumatuā, ma le fafine ua oti lana tane.
- 22 E te manatua na fai oe ma auatua i le nuu o Aikupito; o le

mea lea ou te fai atu ai ia te oe ia e faia lenei mea.

O le vavao i ta e sili i le fagafulu ma nisi tulafono.

AFAI e faia e tagata se fefinau-²⁵ aiga, ma latou o mai i le faamasinoga, ina ia faamasinoina ai i latou e faamasino; ona latou ta'ua miotonuina atu lea le ua amiotonu, a e faasalaina le ua amioleaga. Afai foi e tatau ona sasaina o le ua amioleaga, ona fai atu lea e le faamasino e faataatia ia te ia, ma sasaina o ia i ona luma, ia faatatau le faitau o ona ta i lana amio leaga. A fagafulu ona ta, soia, a e aua ne'i faasili ai; ne'i faaopopo o ia i ai, ma ta ia te ia i ni ta e tele, ona inosia ai lea o lou uso i ou luma.

Aua ne'i e fusi le gutu o le povi a o solisolia e ia le saito.

Afai e mau faatasi le uso, a oti se tasi o i laua, e leai sana fanau, aua ne'i nofo tane le avā a le ua oti i se tasi tagata ese; a ia alu i ai le uso o lana tane, ia fai mana avā, ma tausii tama ia te ia. Ona avatu ai lea o le igoa o lona uso ua oti i le tama ulumatua e fanau mai ia te ia, ina ne'i soloia lona igoa ia Isaraelu. Afai foi e le loto lea tagata, e fai mana le avā a lona uso, ona alu ae ai lea o le avā a lona uso i toeaina i le faitotoa o le aai, ma fai atu, E le mafai le uso o la'u tane ona faatumau mo lona uso se igoa ia Isaraelu, e le fia tausii tama mai o ia ia te au. Ona aami lea ia te ia e toeaina o lona aai, ona tautala lea o i latou ia te ia; afai foi e tu mai o ia, ma fai mai, Ou te le fia fai avā ia te ia; ona sōsō atu lea o le avā a lona uso ia te ia i luma o toeaina, ma to ese lona seevae ai lona vae, ma feanu i ona luma, ma fai aue, e faapea, E faapena lava ona fai i le tagata na te le mafaia ona ati ae le aiga o lona uso. Ona ta'ua lea o lona igoa i Isaraelu, O le aiga o le ua toeseina lona seevae.

A femisai tagata, o lea tagata ma lea tagata, ona sōsō atu lea o le avā a le tasi na te laveaiina lana tane ai le lima o lē na te fasi ia te ia, ona tago atu lea o lona lima, ma papalu ia te ia; ona e tutū ese lava lea o

lona tapulima, aua e te alofa ia te ia.

- 13 Aua ne'i ia te oe i lau taga o maa eseese e *fua ai*, o le latele ma lē
14 laitiiti. Aua ne'i ia te oe i lou fale o efa eseese, o lē latele ma lē laitiiti.
15 A ia ia te oe le maa *fua* atoatoa ma le tonu, ia ia te oe foi o le efa atoatoa ma le tonu; ina ia faafualoa ai ou aso i le laueleele ua foaiina mai
16 e Ieova lou Atua ia te oe. Auā e inosia e Ieova lou Atua o i latou uma o e faia ia mea, e taitasi uma o e faia le amioletonu.
17 Ia e manatua le mea na faia e Amaleka ia te oe i le ala, ina ua
18 outou o mai nai Aikupito; ina ua faafetaiai mai o ia ia te oe i le ala, ma ua na fafasi i ou *tagata* na mulimuli, o e na vaivai uma na mulimuli atu ia te oe, a o ē lailoa ma le lavā;
19 e lei mata'u foi o ia i le Atua. Pe a oo foi ina avatu e Ieova lou Atua o le malologa ia te oe i e ita ia te oe uma lava o e vagavagai ia te oe, i le nuu ua foaiina mai e Ieova lou Atua ia te oe e fai mou tofi, ia fai mou lava, ia e soloiesea le faamanatuga o Amaleka ai le lalolagi; aua ne'i galo ia te oe.

O upu e fai atu pe a avatu le faapopololo o fua.

- 26 A E oo atu foi i le nuu ua foaiina mai e Ieova lou Atua ia te oe e fai mou tofi, a e fai mou lava, ma e
2 nofo ai; ona e au mai ai lea o faapolopolo o fua uma lava o le laueleele, e te au mai ai lou nuu ua foaiina mai e Ieova lou Atua ia te oe, ma e tuuina ai i se ato, ma e alu atu i le mea e filifilia e Ieova lou
3 Atua e tuu ai lona suafa; ona e alu atu lea i le faitaulaga e i ai i ia ona po, ma e fai atu ia te ia, Ou te faailo atu i le aso nei ia Ieova lou Atua, ua ou oo mai i le nuu sa tauto ai Ieova i o tatou tamā na te foaiina
4 ia te i tatou. Ona talia lea e le faitaulaga le ato nai lou lima, ma tuu atu ai i luma o le fata faitaulaga o
5 Ieova lou Atua. Ona e tautala atu lea, ma faapea atu i luma o Ieova lou Atua, O lo'u tamā o le Suria ia na fai a oti; ona alu ifo ai lea o ia i Aikupito, na āumau ai foi o ia manai toaitiiti, ua ave'a ai foi ma nuu

tele, e malolosi, ma le toatele; ona
6 agaleagaina lea o i tatou e tagata Aikupito, ma latou faatiga mai ia te i tatou, ma latou tuu mai ia te i tatou o galuega mamafa; ona tatou
7 alalaga atu lea ia Ieova le Atua o tatou tamā, na faafofoga mai foi o Ieova i o tatou leo, ma ua silasila mai i o tatou tiga, ma a tatou galuega mamafa, ma le sauaina o i tatou; ona aumaia lea o i tatou e
8 Ieova nai Aikupito i le aao malosi, ma le aao faaloaloo, atoa ma mea matautia tele, ma faailoga, ma vavega; ua faaoo mai foi e ia ia i tatou
9 i lenei mea, ma ua foai mai ia te i tatou lenei nuu, o le nuu o tafe ai le sua susu mā le meli; o lenei foi,
10 Ieova e, faauta mai, ua ou aumaia le faapolopolo o fua o le laueleele, ua e foaiina mai ia te au. Ona e tuuina atu ai lea i luma o Ieova lou Atua, e te ifo atu foi i luma o Ieova
lou Atua; ia e olioli foi i mea lelei
11 uma lava ua foaiina mai e Ieova lou Atua ia te oe ma lou aiga, o oe, ma lo sa Levī, ma le tagata ese o ia te oe.

Pe a uma ona avatu e oe o mea
12 uma e sefulu a'i au mea ua maua mai i lona tolu o tausaga, o le tausaga lea e avatu ai mea e sefulu a'i, ma ua e avatua i lo sa Levī, *ma* le tagata ese, *ma* le ua āumatua, ma le fafine ua oti lana tane, latou te aai ai ma latou maona ai i au aai; ona
13 e fai atu lea i luma o Ieova lou Atua, Ua ou aumaia mea paia nai lo'u fale, ou au avatua foi i lo sa Levī, ma le tagata ese, *ma* le ua āumatua, ma le fafine ua oti lana tane, e tusa ma au poloaiga uma lava ua e poloai mai ai ia te au; ua ou le tuumavaega i au poloaiga, ua le galo foi ia te au; ou te lei 'ai ai i lo'u faa-
14 noanoa, ou te lei ave sina ia mea i se mea e leaga ou te lei avatu sina ia mea mo e ua oti; ua ou faalogo i le siufofoga o Ieova lo'u Atua, ua ou faia e tusa ma mea uma lava ua e poloai mai ai ia te au. Ia e silasila
15 mai mai lou afioaga paia, mai le lagi, ma e faamanuia mai i lou nuu o Isaraelu, ma le laueleele ua e foaiina mai ia te i matou, e faapei ona e tauto ai i o matou tamā, o le nuu o tafe ai le suāsusu ma le meli.

- 16 O le aso nei ua poloai mai ai Ieova lou Atua ia te oe ia e faia nei tulafono ma faamasinoga; ia e tausī foi i ai, ma e faia ma lou loto atoa
17 ma lou agaga atoa. Ua e matuā fai mai i le aso nei o Ieova o lou Atua ia; e te savali foi i ona ala, ma e tausī i ana tulafono, ma ana poloaiga, ma ana faamasinoga, ma e faalogo i lona siufofoga; ua matuā fetalai mai foi Ieova i le aso nei e fai oe mona nuu, o le oloa tāua, e pei ona ia fetalai mai ia te oe, ina ia e tausī foi i ana poloaiga uma
18 lava, ina ia faasilisilina foi o oe e ia i nuu uma lava na ia faia, i le viiga, ma le tāua, ma le matagōfie; ina ia avea foi oe ma nuu paia ia Ieova lou Atua, e pei ona ia fetalai mai ai.

O tulafono ia tusia i maa. O le faasino mai o ea e malaia ai.

- 27 UA fai atu Mose ma toeaina o Israelu i le nuu, ua faapea atu, Ia outou tausī i poloaiga uma lava ou te fai atu ai ia te outou i le aso nei.
2 O le aso foi tou te sopoia atu ai Ioritana, i le nuu ua foaiina mai e Ieova lou Atua ia te oe, ia e faatuina ai mo oe ni maa tetele, ma ē
3 valia i panisina; ia e tusia foi i ai o upu uma lava o lenei tulafono, pe a e sopoia atu, ina ia e alu atu ai i le nuu ua foaiina mai e Ieova lou Atua ia te oe, o le nuu o tafe ai le suāsusu ma le meli; e pei ona fetalai mai ai e Ieova o le Atua o ou tamā ia te
4 oe. Pe a outou sopoia atu Ioritana, ona outou faatuina lea o na maa, ou te fai atu ai ia te outou i le aso nei, i le mauga, o Evalu, ia e valia
5 foi i panisina. Ia e ati ae foi i lea mea le fata faitaulaga mo Ieova lou Atua, o le fata maa; aua ne'i e talai
6 ai i se uamea. O maa atoatoa e te ati a'i le fata faitaulaga o Ieova lou Atua; ma e fai ai taulaga mu ia
7 Ieova lou Atua i ona luga; ia e fai ai foi taulaga faafetai, ma e 'ai ai i lea mea, ma olioli i luma o Ieova lou
8 Atua. Ia e tusi foi i maa o upu uma lava o lenei tulafono, ia togitogi lelei lava.
9 Ona tautala atu lea o Mose ma le au faitaulaga, o sa Levī ia Israelu uma lava, ua faapea atu, Israelu e, ia e faasaga mai, ma e faalogologo mai; o le aso nei ua avea ai oe ma nuu mo Ieova lou Atua. Ia e faalogologo foi i le siufofoga o Ieova lou Atua, ma ia e faia ana poloaiga ma ana tulafono, ou te fai atu ai ia te oe i le aso nei.
10 Ua fai atu foi Mose i le nuu i lea lava aso, ua faapea atu, E tutū i latou nei i le mauga o Keresema e faamanuia atu i le nuu, pe a outou sopoia atu Ioritana; o Simeona, ma Levi, ma Iuta ma Isakara, ma Iosefa, ma Peniamina. E tutū foi i latou nei i le mauga o Evalu e faafano; o Reupena, o Kato, ma Asera ma Sepulona, o Tanu, ma Nafatali.
11 E fai atu foi sa Levī ma le leo tele; e faapea atu i tagata uma lava o Israelu, Ia malaia lava le tagata na te faia se tupua ua ta, po o se tupua uamea, o le mea e inosia e Ieova, ua faia i lima o le tufuga, ma tuu ai i se mea lilo. Ona tali mai ai lea o le nuu uma lava, e faapea mai, Amene. Ia malaia le na te faaleagaina lona tamā po o lona tinā. Ona tali mai ai lea o le nuu uma lava, Amene. Ia malaia le na te sii le tuaoi o lē la te tuaoi. Ona tali mai ai lea o le nuu uma lava, Amene. Ia malaia le na te faaseseina le tauaso i le ala. Ona tali mai ai lea o le nuu uma, Amene. Ia malaia le na te faapiopioina le faamasinoga i le tagata ese, ma le ua āumatuā, ma le fafine ua oti lana tane. Ona tali mai ai lea o le nuu uma, Amene. Ia malaia le la te momoe ma le avā a lona tamā; auā e susue e ia le ie o lona tamā. Ona tali mai ai lea o le nuu uma, Amene. Ia malaia lē la te momoe ma se manu. Ona tali mai ai lea o le nuu uma lava, Amene. Ia malaia lē la te momoe ma lona tuafafine, o le afafine o lona tamā, po o le tama teine a lona tinā. Ona tali mai ai lea o le nuu umā lava, Amene. Ia malaia lē la te momoe ma le tinā o lana avā. Ona tali mai ai lea o le nuu uma, Amene. Ia malaia le na te fasi faalilolilo lē la te tuaoi. Ona tali mai ai lea o le nuu uma, Amene. Ia malaia le na te talia se tau i fasioti ai se tagata ua le sala. Ona tali mai ai lea o le nuu uma, Amene. Ia malaia le na te le faamauina upu o lenei tulafono e

faia. Ona tali mai ai lea o le nuu uma, Amene.

O le manuia o e anaana, ma le malaia o e le anaana.

- 28 AFAI foi e te matuā faalogo i le siufofoga o Ieova lou Atua, e anaana e fai ana poloaiga uma lava ou te fai atu ai ia te oe i le aso nei, ona faasilisiliina lea o oe e Ieova lou Atua, i nuu uma lava o le lalolagi; 2 e maua foi e oe o nei mea uma e manuia ai; e oo lava ia ia te oe, pe afai e te faalogo i le siufofoga o 3 Ieova lou Atua. E manuia oe i le 4 aai, e manuia oe i le fanua. E manuia oe i lau fanau, ma le fua o lou laueleele, ma fanau a au manu vaefa, o tama a au povi, ma 5 ou lafu mamoe. E manuia lau ato, atoa ma lau mea e palu ai falaoa. E manuia oe pe a e sau, e 6 manuia foi oe pe a e alu atu. E tuuina mai e Ieova o e ita ia te oe o e laga mai ia te oe ia fasia i ou luma; o le ala e tasi e o mai ai i latou ia te oe, a o ala e fitu e sosola 8 atu ai i latou i ou luma. E pule Ieova ia manuia oe i ou fale saito, ma mea uma lava e tago i ai ou lima; na te faamanuia foi ia te oe i le nuu ua foaiina mai e Ieova lou 9 Atua ia te oe. E fai foi oe e Ieova ma nuu paia mo ia, e pei ona tauto mai o ia ia te oe, pe afai e te tausiusi i poloaiga a Ieova lou Atua, ma e savali i ona ala. Ona iloa ai lea e nuu uma o le lalolagi ua faaigoaina oe i le suafa o Ieova; ona matatau ai lea o i latou ia te oe. E faateleina e Ieova o mea lelei ia te oe, o lau fanau, ma fanau a au manu vaefa, ma le fua o lou laueleele, i le laueleele na tauto ai Ieova i ou tamā na te foaiina mai ia te oe. E tatala mai e Ieova lana tuugāoloa lelei mā oe, o le lagi lea, e foaiina mai ai o le ua i lou nuu i ona po e tatau ai, a faamanuia ai foi mea uma e te faia i ou lima; e te avatu mea i 13 nuu e tele, a ē te le nonō atu. E fai foi oe e Ieova ma ulu, a e le fai ma iu; e te aupitoaluga lava, a e te le laulalo; pe afai e te faalogo i poloaiga a Ieova lou Atua, ou te fai atu ai ia te oe i le aso nei, e tausī i 14 ai, ma e faia; aua foi e te alu ese i

upu uma ou te fai atu ai ia te outou i le aso nei, i le itu taumatau, po o le itu taugavale, e mulimuli atu ai i atua ese, ma auauna i ai.

A e afai e te le faalogo i le siufofoga o Ieova lou Atua, e anaana e fai ana poloaiga uma ma ana tulafono ou te fai atu ai ia te oe i le aso nei; ona maua mai ai lea o oe i nei malaia uma, e oo lava ia ia te oe. E malaia oe i le aai, e malaia foi oe i le fanua. E malaia lau ato, atoa ma lau mea e palu ai falaoa. E malaia lau fanau, ma le fua o lou laueleele, o tama a au povi ma ou lafu mamoe. E malaia oe pe a e sau, e malaia foi oe pe a e alu atu. E faaoo e Ieova ia te oe le malaia, ma le atuatuvaale, ma le aoaiga, i mea uma lava e tago i ai ou lima e faia, seia faaumatia oe, ma e vave fano lava; ona o le leaga o lau amio, na e lafoai mai ai ia te au. E faapipii atu e Ieova le faama'i ia te oe, seia faaumatia oe e ia ai le laueleele e te alu i ai e fai mou. E taia oe e Ieova i le ma'i faaiiva, ma le ma'i vevela, ma le ma'i fulafula, ma le vevela tele lava; ma le nau-mati, ma le mamae, ma le polopologa; e tuliloa ia mea ia te oe seia faaumatia ai oe. E avea foi lou lagi o i ou luga ma 'apa memea, ma le lalolagi o i ou lalo e fai lea ma uamea. E faia e Ieova le ua i lou nuu ma efuefu ninii ma efuefu; e totō ifo ia mai le lagi i ou luga, seia faaumatia ai oe. E tuuina atu oe e Ieova ia fasia i luma o e ita ia te oe; e te alu atu ia te i latou i le ala e tasi, a e te sola i ala e fitu i o latou luma; e tuuina atu foi oe ia faasa'unoa i ai malo uma o le lalolagi. E fai foi lou tino oti ma mea e 'ai mā manu felelei uma, ma manu vaefa e tataa, a leai se na te tulia. E taia oe e Ieova i le ma'i fulafula o Aikupito, ma le silailalo, ma le ma'i pa'upa'ua, ma le ma'i mageso, e le mafai ona faamaloloina ai oe. E taia oe e Ieova i le faavalemalosi, ma le tauaso, ma le loto atuatuvaale; e te tautago i le tutonu o le la, e pei ona tautago o le tauaso i le poliuliuli; e te le manuia foi i ou ala, na ona faasauaina oe, ma faoa mea i aso uma lava, a e leai se la-

- 30 veai *ia te oe*. Lua te fai le feagaiga ma le fafine e fai mau avā, a e toso o ia e le tasi tane; e te faia se fale, a e te le mau ai; e te faia se tovine, a e te le faatatagaina. E fasia lau povi i ou luma, a e te le 'ai ai; e faoa lau asini i ou luma, a e le toe foi mai ia te oe; e avatu ua mamoe i e fīta mai ia te oe, a e le ia te oe se na te laveaiina. E foaiina atu ou atalii ma ou afafine i le nuu ese, e vaavaai foi ou mata, ma fole ai, ona o i latou i le aso atoa; e leai foi se malosi ia te oe e *laveai*. E 'aina le fua o lou laueleele, ma au galuega uma lava, e le nuu e te le iloa; na ona faasauaina lava oe, ma faatau- gaina i aso uma lava; e te faavale- malosi foi ona o mea e vaai i ai ou mata. E taia oe e Ieova i le papala leaga, i ou tulivae ma ou vae, e le mafai ona faamamafuina; e fua mai i ou alofivae e oo lava i lou tumuai. E ta'ita'iina e Ieova o oe, ma lou tupu ua e tofia mo oe, i le nuu ua le iloa e oe po o ou tamā; e te auauna foi i lea mea i atua ese, o laau ma maa. E avea foi oe ma mea e ofo ai, ma upu faatusa, ma tauemuga, i nuu uma lava e ta'ita'i- ina i ai oe e Ieova. E te ave ni fua e tele e *totō* i le fanua, a e itiiti ni mea e te faapotopoto mai ai; auā e 'aina e le sē akrise. E te faia ni tovine, ma e galue i ai, a e te le inu i le uaina, pe tau mai ni fua; auā e 'aina e anufe. E ia te oe olive i ou fanua uma, a e le uu oe i le uu; 41 auā e malili fua o lou olive. E fanau ia te oe atalii ma afafine, a e le fai i latou mau; auā e avea i latou faatagataotaua. O au laau uma ma fua o lou laueleele e faa- 43 umatia ia e le sē selasala. O le tagata ese e ia te oe e matuā faa- silisili lava o ia ia te oe; a o oe, e te 44 matuā maulalo lava *ia te ia*. E te no mea ia te ia, a e le no mea o ia ia te oe; e avea o ia ma ulu, a e 45 avea oe ma fū. E maua mai oe i nei malaia uma, e tuliloa ia ia te oe, ma oo lava ia te oe, seia faaumatia oe; auā ua e le faalogo i le siufo- foga o Ieova lou Atua, e tausi i ana poloaiga ma ana tulafono na ia po- 46 loai mai ai ia te oe; E ia te oe ma au fanau ia mea, e fai ma faailoga ma vavega e faavavau. Auā ua e 47 le auauna ia Ieova lou Atua ma le olioli, ma le fiafia o le loto, ona o le tele o mea uma; o le mea lea e te 48 auauna ai ma le fia ai, ma le fia inu, ma le le lavalavā, ma le mativa i mea uma lava, i e ita ia te oe e aauina mai e Ieova ia te oe; na te faaee foi le amo uamea i lou ua, seia faaumatia oe e ia. E auina 49 mai e Ieova ia te oe le nuu mai le mea mamao, mai le tuluiga o le lalolagi, e pei ona lele mai o le aeto; o le nuu e te le lagona la latou gagana; o le nuu mata sauā, 50 e le faailogaina e i latou o tocaina, e le alofa foi i tama; e 'aina foi e i latou o fanau a au manu vaefa, ma fua o lou laueleele, seia faaumatia oe; latou te le faatoeina ma oe ni 51 saito, po o uaina, po o suāuu, o se tama a au povi, po o ou lafu mamoe, seia faaumatia oe e ia. Latou te 52 siosio ia te oe i le taua i au aai uma, seia soloia ou pa mauululuga ma le faigata, sa e faatuatua i ai, i lou nuu uma; latou te siosio ia te oe i au aai uma i lou nuu uma ua foaiina mai e Ieova lou Atua ia te oe. E 53 'aina foi e oe au fanau ua foaiina mai e Ieova lou Atua ia te oe, o tino o ou atalii ma ou afafine, ina ua siosioina oe, ma tigaina, e faati- gateleina ai oe e i latou ua ita ia te oe. O le tagata o ia te oe e tino 54 vāivai, ma ua matuā faapelepeleina, e le alofa o ia i lona uso, ma lana avā pele, ma ana fanau ua totoe e ua faatotoeina; e le avatua lava e ia i so latou sina fāsi tino o ona atalii na te 'aina; auā ua leai lava sina mea ua toe ia te ia ina ua siosioina, ma tigaina, e faatigateleina ai oe e i latou ua ita ia te oe i au aai uma. O le fafine tino vāivai o ia te oe, 56 ma le ua faapelepeleina, na te le faatafita'i ona tuu ifo o lona alo- fivae e tu i le laueleele ona o lona faapelepeleina ma lona tino vāivai, e le alofa o ia i lana tane pele, ma lana tama tane, ma lana tama teine, ma lona fanua e paū i ona vae, ma 57 ana fanau e fanau mai ai e ia; auā e 'aina e ia faalilolilo ona o le oge o mea uma lava ina ua siosioina, ma tigaina, e faatigaina ai oe e i latou o e ita ia te oe i au aai. Pe afai e 58

te le anaana e fai i upu uma lava o lenei tulafono ua tusia i lenei tusi, ina ia e mata'u i lenei suafa mama-lu ma le matautia, O IEOVA LOU
 59 ATUA; ona faaoo lea e Ieova o mala ia te oe, ma mala i au fanau, e ofo ai, o mala tetele lava, ma le tumau, ma ma'i leaga, ma le tumau. Na
 60 te faaoo foi ia te oe o ma'i umā o Aikupito, sa e fefe ai; e pipii lava ia ia te oe. O ma'i foi uma lava,
 61 ma mala uma lava, e lei tusia i le lautusi o lenei tulafono, e faaoo ia e Ieova ia te oe, seia faaumatia oe.
 62 E toaititi foi ni o outou e totoe, o outou sa toatele e pei o fetu o le lagi; auā ua e le faalogo i le siufoga o Ieova lou Atua. E pei ona
 63 fiafia foi Ieova ia te outou e agalelei ia te outou, ma faatoatele ia te outou; e faapea foi ona fiafia ai o Ieova ia fanoia outou ia te ia, ma ia faaumatia outou; e tafia foi outou ai le lauelele e te alu i ai e fai
 64 mou. E faataapeape foi Ieova ia te oe i nuu uma, e afua mai i le tasi tuluiga o le lalolagi e oo atu i le tasi tuluiga o le lalolagi; e te anau-na foi i ai i atua ese, o laau ma maa,
 65 ua le iloa e oe po o ou tamā. O le a e le iloa sina mapu i ia nuu, e leai foi *se mea* e tumau ai ou alofivae; e faaoo foi e Ieova ia te oe i ia nuu o le loto gatete, ma mata ua fole, ma le loto vaivai; e faaletonu foi lou
 66 ola; e te fefe foi i le po atoa ma le ao, e te le sanoola i lou ola. E te faapea ane i le taeao, E, fia oo i le afiafi!
 67 e te faapea ane foi i le afiafi, E, fia oo i le taeao! auā o le fefe o lou loto e te fefe ai, auā foi o mea e vaai i ai ou mata. E faafoi atu
 68 foi Ieova ia te outou i Aikupito i vaa, (o le ala na ou fai atu ai ia te oe, E te le toe vaai lava i ai,) e faatauina atu ai foi outou i e ua ita ia te outou e fai ma anauna tane ma anauna fafine, *seia* leai se na te faatauina outou.

Ua apoapoaina Isaraelu ia usiustai i le Atua.

29 O UPU nei o le feagaiga sa fetalai mai ai Ieova ia Mose ia faia ma le fanauga a Isaraelu i le nuu o Moapi, a e ese le feagaiga sa osia e ia ma i latou i Horepa.

Ua valaau atu foi Mose ia Isaraelu
 2 uma, ua faapea atu ia te i latou, Ua outou vaaiia mea uma lava na faia e Ieova i o outou luma i le nuu o Aikupito ia Farao, ma ana auauna
 3 uma, atoa ma lona nuu uma; o tofotofoga tetele na vaai i ai ou mata; o ia faailoga ma vavega tetele; a ua le foaiina mai e Ieova ia
 4 te outou le loto e lagona, ma mata e vaai, ma taliga e faalogo, ua oo mai i le aso nei. Na ou ta'ita'iina foi
 5 outou i le vao i tausaga e fagafulu; ua le pala o outou ofu na outou ofu ai, ua le pala foi o outou seevae i o outou vae. E lei aai outou i le
 6 areto, e lei inu foi outou i le uaina po o le 'ava; ina ia outou iloa, o a'u o Ieova lo outou Atua. Na outou o
 7 mai foi i lenei mea, ona o mai lea o Sekono le tupu o Hesepona, ma Oko le tupu o Vasana, e faafetaiai ia te i tatou e tau ai le taua, ona tatou
 8 fafasi lea ia te i laua; na tatou faoa foi o laua lauelele ma foai atu ai e fai ma tofi o sa Reupenā, ma sa Katō, ma le tasi vaega o le itu aiga o sa Manasē. O lenei, ia outou
 9 tautai i upu o lenei feagaiga, ma ia outou faia, ina ia manuia ai outou i mea uma lava tou te faia.

Ua outou tutū uma lava i le aso
 10 nei i luma o Ieova lo outou Atua; o alii sili o outou, o outou itu aiga, o outou toaina foi, ma o outou faipule, o tagata uma o Isaraelu; o
 11 outou tama iti, ma a outou avā, ma le tagata ese o ia te oe i lau toagā-lauapi, o le na te fai au fafie atoa ma le na te utusia mai ou vai; ina
 12 ia e faia le feagaiga ma Ieova lou Atua, ma lana tautoga, o loo faia e Ieova lou Atua ma oe i le aso nei; ina ia faatumauina oe e ia i le aso
 13 nei e fai ma nuu mona, ia fai foi o ia mou Atua; e pei ona fetalai mai ai o ia ia te oe, e pei ona tauto ai foi o ia i ou tamā, o Aperaaamo, ma
 14 Isaako, ma Iakopo. E le gata foi ia te outou lenei feagaiga ma lenei tautoga ou te faia; a e atoa ma e o
 15 tutū iinei faatasi ma i tatou i le aso nei i luma o Ieova lo tatou Atua, atoa ma i latou e le o faatasi iinei
 16 ma i tatou i le aso nei; (auā na outou iloa lo tatou nonofo i le nuu o Aikupito, ma lo tatou ui mai i nuu

- 17 na outou ui mai ai; na outou iloa
foi a latou mea e inosia, ma a latou
tupua, o laau ma maa, o ario ma
18 auro, sa ia te i latou; ne'i i ai ia te
outou se tane, po o se fafine, po o
se aiga, po o se itu aiga, e liliu ese
lona loto i le aso nei, ia Ieova lo
tatou Atua, ma alu ai e auaua i
atua ese o na nuu; ne'i i ai ia te
outou se aa e tupu mai ai mea oona
19 ma laena; a oo foi ina faalogo o ia
i upu o lenei faafanoga, ona faa-
amuia lea o ia e ia i lona loto, e faa-
pea ifo, E ui lava ina ou savali i le
vaogata o lo'u loto, ma ou faapoopo
i le fia inu, o le inu ia onā, a e filemu
20 lava a'u; e le finagalo Ieova e faa-
magalo ia te ia, a e pusa mai le toasa
o Ieova ma lona fuā i lea tagata; e
faaee foi ia te ia o mala uma lava
ua tusia i lenei tusi; e sōloia foi e
21 Ieova lona igoa ai le lalolagi. E
vavae ese foi Ieova ia te ia i itu aiga
uma lava o Isaraelu ia leaga, e tusa
ma mala uma o le feagaiga ua tusia
22 i le tusi o lenei tulafono; o le tupu-
laga foi amuli o a outou fanau o e
tutupu pe a mavae atu outou, ma le
tagata ese e sau mai le nuu mamao,
e fai mai i latou, pe a vaai i latou i
mala o lona nuu, ma ma'i foi e ma-
23 mai ai tagata ia Ieova; o le teio ma
le masima, e mu ai le lauelelele uma;
e le ma totōina, e le fuea mai, e le
tutupu ai ni vao iti, e pei o le faa-
umatia o Sotoma ma Komoro, o
Atama ma Sepoima, sa faaumatia e
Ieova i lona toatamai ma lona to-
24 asa; e faapea ane lava o nuu uma,
Se a le mea ua faapea ai ona fai e
Ieova i lona nuu? se a le mea ua
25 aasa tele ai lenei toasa? Ona latou
tali mai ai lea, Auā ua lafoaiina e
i latou le feagaiga ma Ieova o le
Atua o latou tamā, sa osia e ia ma i
latou ina o aumaia i latou e ia mai
26 le nuu o Aikupito; auā na latou o
ma auaua i atua ese, ma latou ifo
i ai; o atua na le iloa e i latou, e lei
27 avatu foi se mea mā latou; na tupu
foi le toasa o Ieova i lona nuu, ina
ia faao i ai o mala uma ua tusia i
28 lenei tusi; na liaiina foi i latou e
Ieova nai lo latou lauelelele i lona
toatamai, ma lona laemaea, ma
lona toasa e matuā tele, na ia tiai
foi ia te i latou i le tasi nuu e pei,
- ona fai i le aso nei. O ia Ieova lo 29
tatou Atua mea lilo; a o mea ua
faailoa mai o ia te i tatou ia ma a
tatou fanau e faavavau, ina ia faia e
i tatou o upu uma o lenei tulafono.
- O le alofa tele i e salamo mā toe foi
i le Atua.*
- A OO foi ia te oe o nei mea uma, 30
o le manuia ma le malaia, ua ou
tuuina atu i ou luma, ma e manatu
i ai i nuu uma ua tulia ai oe e
Ieova lou Atua, ma e toe foi mai ia 2
Ieova lou Atua, o oe ma au fanau,
ma lou loto atoa ma lou agaga atoa;
ma e faalogo i lona siufofoga i mea
uma lava ou te fai atu ai ia te oe i
le aso nei; ona faaae lea e Ieova 3
lou Atua o lau tafeaga, ma alofa atu
ia te oe, ma toe faapotopoto mai ia
te oe ai nuu uma ua faataapepeina
ai oe e Ieova lou Atua. Afai e tulia 4
ni o outou i le tuluiga o le lagi, e
faapotopotoina mai ai oe e Ieova 5
lou Atua, na te au mai ai oe; e faa-
ooina mai foi oe e Ieova lou Atua i
le nuu sa fai mou tamā, e fai foi ia
mou; na te agalelei foi ia te oe, ma
faatoateleina oe ia sili i ou tamā.
E faaperitomeina foi e Ieova lou 6
Atua o lou loto, ma loto o lau fanau,
ina ia e alofa atu ia Ieova lou Atua
ma lou loto atoa, ma lou agaga atoa,
ina ia e ola ai. E faaee atu foi e 7
Ieova lou Atua o na mala uma i e
ita ia te oe, ma e 'ino'ino ia te oe,
o e faasaua ia te oe; e te toe foi 8
mai e faalogo i le siufofoga o
Ieova, ma e faia ana poloaiga uma
ou te fai atu ai ia te oe i le aso
nei. E faateleina foi e Ieova lou 9
Atua ia te oe i mea uma lava e faia
i ou lima, o lau fanau, ma fanau a
au manu vaefa, ma fua o lou lauele-
ele, ia lelei ai; auā e toe fiasia Ieova
ia te oe ina ia lelei ai, e pei ona ia
fiasia i ou tamā; pe afai e te faalogo 10
i le siufofoga o Ieova lou Atua, e
tausi i ana poloaiga ma ana sauniga
ua tusia i le tusi o lenei tulafono;
pe afai foi e te foi mai ia Ieova lou
Atua ma lou loto atoa, ma lou agaga
atoa.
- Auā o lenei poloaiga ou te fai atu 11
ai ia te oe i le aso nei, e le faigata
ia te oe, e le mamao foi ia. E le o 12
i le lagi ia, ina ia e faapea ane, O ai

se alu ae i le lagi mo i tatou, e au mai ai ia te i tatou, ina ia tatou
 13 faalogo i ai, ma ia tatou faia? E le o i tala atu o le sami ia, ina ia e faapea ane, O ai se sopoia atu le sami mo i tatou, e au mai ai ia te i tatou, ina ia tatou faalogo i ai, ma
 14 ia tatou faia? A e matuā lata mai lava le upu ia te oe, o i lou gutu, ma lou loto, ina ia e faia.

15 Faauta mai, ua ou tuuina atu i ou luma i le aso nei o le ola ma le manuia, o le oti foi ma le malaia; i la'u e fai atu ai ia te oe i le aso nei, ina ia e alofa atu ia Ieova lou Atua, ma e savali i ona ala, ma e tausi i ana poloaiga, ma ana tulafono, ma ana faamasinoga, ina ia e ola ai, ma ia faatoateleina ai; e faamanuia foi Ieova lou Atua ia te oe i le nuu e te alu i ai e fai mou. A e afai e liliu ese lou loto, ma e le faalogo, a e tosinā oe, ma e ifo atu i atua ese, ma auauna i ai, ou te faailoa atu ia te outou i le aso nei, e matuā faaumatia outou, e le nofo tulu'i outou i le laueleele e te sopoia atu ai
 19 Ioritana, ma alu i ai e fai mou. Ou te valaau i le lagi ma le lalolagi i le aso nei e fai ma molimau ia te outou, ua ou tuuina atu i ou luma o le ola ma le oti, o le manuia ma le malaia; o lenei, ia e filifili i le ola, ina ia ola ai oe atoa ma lau fanau; ina ia e alofa atu ia Ieova lou Atua, ma e faalogo i lona siufofoga, ma ia e pipii atu ia te ia; auā o lou ola ia, ma le na te faafualoaina ou aso; ina ia e mau i le laueleele sa tauto ai Ieova i ou tamā, o Aperaamo, ma Isaako, ma Iakopo, e foaiina atu ia te i latou.

Ua faamafanafanaina le nuu ma Iosua e Mose.

31 UA alu atu foi Mose, ma fai atu i upu nei ia Israelu uma. Ua faapea atu ia te i latou, O o'u tausaga ua selau ma le luafulu ia i le aso nei; ou te le toe lavā ona ou alu atu ma toe sau; ua fetalai mai foi Ieova ia te au, E te le sopoia atu
 3 lenei Ioritana. O Ieova lou Atua, o ia na te sopoia atu i ou luma, o ia na te faaumatia ia nuu i ou luma, a e fai ai mou; o Iosua, o ia na te sopoia atu i ou luma, e pei ona

fetalai mai ai o Ieova. E faia foi e Ieova ia te i latou e pei ona faia e ia ia Sekono ma Oko, o tupu o sa Amori, ma o laua laueleele, sa faaumatia i laua e ia. E tuuina mai foi i latou e Ieova i o outou luma ina ia outou faia ia te i latou e tusa ma poloaiga uma ua ou poloai atu ai ia te outou. Ia outou faamalolosi, ma outou loto tetele; aua tou te fefe, aua foi ne'i matatau i o latou luma; auā o Ieova lou Atua, lua te o faatasi ma ia; na te le tuuna oe, na te le lafoai ia te oe.

Ua valaau atu foi Mose ia Iosua, ua na fai atu foi ia te ia i luma o Israelu uma, Ia e faamalosi, ma ia e loto tele; auā tou te o ma le nuu nei i le nuu sa tauto ai Ieova i o latou tamā na te foaiina atu ia te i latou; e te tofitofia foi mo i latou. O Ieova foi, o ia na te savali i ou luma; lua te faatasi ma ia, na te le tuuna oe, na te le lafoai ia te oe; aua e te fefe, aua foi e te mata'u.

Ua tusia foi e Mose lenei tulafono, ona avatu ai lea i le au faitaulaga o le fanauga a Levi, o e tauave le atolaau o le feagaiga a Ieova, atoa foi ma toeaina uma o Israelu. Ua fai atu foi Mose ia te i latou, ua faapea atu, A uma tausaga e fitu, pe a oo i le faapotopotoga i le tausaga o le faasaolotoga, i le tausamiga o fale apitaga, pe a o atu Israelu uma ia iloa i latou i luma o Ieova lou Atua i le mea e filifilia e ia, ia e faitau atu ai lenei tulafono i luma o Israelu uma lava ia latou faalogo ai. Ia e faapotopotoina le nuu, o tane, ma fafine, ma tama iti, atoa ma le tagata ese e ia te oe i au aai, ina ia latou faalogologo ai, ma ia a'oa'oina i latou, ma ia latou matatau ia Ieova lo outou Atua, ma latou anaana e fai o upu uma lava o lenei tulafono. O a latou fanau foi, e na le iloa, ia latou faalogologo, ma ia a'oa'oina i latou ia matatau ia Ieova lo outou Atua, i aso uma lava tou te ola ai i le laueleele tou te sopoia atu ai Ioritana e fai mo outou.

Ua fetalai mai Ieova ia Mose, Faauta, ua lata mai lou aso e te oti ai; ia e valaau ia Iosua, ma ia oulua tutū mai i le fale fetafai o le faa-

- potopotoga, ina ia ou poloai atu ia te ia. Ona o ai lea o Mose ma Iosua, ua la tutū mai i le fale
- 15 fetafai o le faapotopotoga. Ona faaali mai lea o Ieova i le fale fetafai i le ao faaniutu; ua tu foi le ao faaniutu i le faitotoa o le fale
- 16 fetafai. Ona fetalai mai lea o Ieova ia Mose, Faauta, o le a e taoto faatasi ma ou tamā; ona tutū lea o lenei nuu, ma latou mulilulua i atua o tagata ese o le nuu latou te o i ai, e faatasi ai ma i latou, latou te lafoai mai foi ia te au, ma latou soli i la'u feagaiga na ou osia ma i latou.
- 17 Ona tupu ai lea o lo'u ita ia te i latou i lea aso, ona ou lafoai lea ia te i latou, ma 'alo o'u mata ia te i latou, e faaumatia foi i latou, e oo ia te i latou o mea leaga e tele ma mea e tiga ai; ona fai ane lea o i latou i lea aso, E le ua oo ea nei mea leaga ia te i tatou ina ua le o
- 18 ia te i tatou lo tatou Atua? E matuā 'alo o'u mata i lea aso ona o mea leaga uma ua latou faia, ina ua
- 19 latou faasaga i atua ese. O lenei, ia outou tusia lenei pese mā outou, ma a'oa'o ai i le fanauga a Isaraelu; ia le te'a i o latou gutu, ina ia avea lenei pese ma molimau ia te au i le
- 20 fanauga a Isaraelu. Auā pe a ou faaoo atu ia te i latou i le laueleele sa ou tauto ai i o latou tamā, o tafe ai le suāsusu ma le meli; pe a uma foi ona latou aai, ma latou maoona, ma puputa ai i latou; ona faasaga lea o i latou i atua ese, ma auaua atu i ai, ma 'ino'ino mai ia te au,
- 21 ma soli i la'u feagaiga. A oo foi ia te i latou o mea leaga e tele, ma mea e tiga ai, ona fai lea o lenei pese ma molimau ia te i latou; auā e le galo ai i gutu o a latou fanau; auā ua ou iloa o latou manatu ua latou faia i le aso nei, a o lei faaooina e a'u o i latou i le nuu na ou tauto ai.
- 22 Ua tusi foi e Mose lenei pese i lea lava aso, ua na a'oa'o atu ai foi
- 23 i le fanauga a Isaraelu. Ua poloai atu foi o ia ia Iosua le atalii o Nuno, ua faapea atu, Ia e faama-losi, ma ia e loto tele; auā e te faaooina atu le fanauga a Isaraelu i le nuu sa ou tauto ai ia te i latou; ou te i ai foi ia te oe.
- Ua uma foi ona tusia e Mose o 24 upu o lenei tulafono i le tusi, ua oo ina atoa, ona fai atu lea o Mose i sa 25 Levi, o e sa tauave le atolaau o le feagaiga a Ieova, ua faapea atu, Ia 26 outou ave le tusi o lenei tulafono, ma tuu ai i le itu o le atolaau o le feagaiga a Ieova lo outou Atua, ina ia i ai e fai ma molimau ia te oe. Auā ua ou iloa lou fouvale, ma lou 27 ua maaa; faauta, o loo fouvale outou ia Ieova, o loo o tatou ola faa- tasi i le aso nei; e le atili ai ea pe a ou oti?
- Ia outou faapotopoto mai ia te au 28 o toeaina uma o outou itu aiga, ma o outou faipule, ina ia ou fai atu nei upu ia latou faalogo ai, ou te valaau foi i le lagi ma le lalolagi e fai ma molimau ia te i latou. Auā ua ou 29 iloa pe a mavae lo'u oti, ona matuā leaga lea o outou, ma outou o ese i le ala ua ou poloai atu ai ia te outou; e oo foi ia te outou mea leaga i aso amuli; auā e faia e outou mea leaga i luma o Ieova, i lo outou faaonono ia te ia i le galuega a o outou lima. Ua fai atu foi Mose a 30 o faalogologo mai le faapotopotoga uma o Isaraelu o upu o lenei pese, ua oo ina atoa.
- O le pese a Mose.*
- LE lagi e, uai mai ia ou taliga, 32 ona ou tautala atu ai lea; le lalolagi e, faalogologo mai ia i upu a lo'u gutu. O la'u mataupu e sisina ifo 2 ia e pei o le ua, o la'u tautalaga e toto ifo lea e pei o le sau; e pei o timuga i le vao mu'a, e pei o uaga foi i le vao iti; auā ou te valaau atu i le suafa o Ieova; ia outou vivii atu i le silisili ese o lo tatou Atua. O le 4 Papa, e sao lava lana galuega; auā e tonu ona ala uma lava; o le Atua faamaoni, e le o ia te ia se amiole-tonu, o le amiotonu ma le amio sa'o lava ia.
- Ua leaga i latou, e le o lana fanau, 5 a o lo latou ila; o le tupulaga faa- piopio ma le faa'ole'ole. Tou te faa- pea ea ona tau ai atu ia Ieova, le nuu valea e ma le le poto? e le o lou Tamā ea o ia sa faatauina mai ai oe? e le o ia ea na faia oe, ma na faatu- mauina oe? Ia e manatua aso o le 7 vavau; mafaufau ia i tausaga o lea

tupulaga ma lea tupulaga; fesili atu i lou tamā, na te ta'u mai ai ia te oe; o outou toeaina foi, latou te fai
 8 mai ai ia te oe. O onapona tofitofia ai e le Silisili ese o nuu, ma na faataapeapeina e ia le fanau a Atamu, na ia faia tuaoi o le nuu, e tusa ma le faitau o le fanauga a Isaraelu.
 9 Auā o le tofi o Ieova o lona nuu lea; o Iakopo o lona tofi lea ua fua-fuaina. Na ia maua o ia i le vao, o le mea e le āina, e uio ai *manu feai*, ma ua gaogao; na ia siosio ia te ia, ma a'oa'o atu ia te ia, na ia leoleo ia te ia e pei o lona tamatamaimata.
 11 E pei o le aeto ona faaosio i ana tama, e faapepepepe i luga o ana tama, e fola ona apaau, e saposapo ia te i latou, e ave ia te i latou i luga i
 12 ona apaau; *sa faapea* Ieova e toatasi ona ta'ita'i ia te ia, sa lei foi se atua ese e toalua ma ia. Na ia faatietie ia te ia i mea maua luga o le lalolagi, ina ia 'ai foi o ia i fua o le fanua; na ia fafaga foi ia te ia i le meli mai le papa, ma le suānu mai
 14 le papa alā; o suāsusu to'a o povi, ma suāsusu o mamoe, o e pepeti foi o tamai mamoe, ma mamoe poa o Vasana, o 'oti poa foi, ma le saito e sili ona lelei; na e inu foi i le suā-vine totototo e le suia.
 15 Na puta Iesuruna, ma ua vaogata; ua e puta, ua e tino tele, ua e puta lava; ona tuulafoaiina lea e ia o le Atua na ia faia o ia, ma ua 'ino'ino
 16 o ia i le Papa o lona olataga. Na latou faatupuina lona fuā ona o *atua* ese; na latou faaonoono ia te ia i mea inosia. Na latou fai taulaga i temoni, e le o le Atua; o *atua* na le iloa e i latou; o *atua* fou, na se'i tutupu, na le matatau i ai o
 18 outou tamā. Ua le manatua e oe le Papa na fanaua oe, ma ua e faagalagaloina le Atua na ia faia oe.
 19 Na silasila Ieova, ona 'ino'ino lea o ia *ia te i latou*, ona o le faaonoono mai o ona atalii ma ona afafine.
 20 Ona fetalai mai lea o ia, Ou te 'alo o'u mata ia te i latou, ia ou iloa pe se a lo latou iuga; auā o le tupulaga faapiopio i latou, o le fanau ua le o
 21 i ai se faamaoni. Ua faatupuina e i latou lo'u fuā *i le mea* ua le se atua; ua faaonoono i latou ia te au i a latou mea faatauvaa; o au foi, ou te

faatupuina lo latou fuā *ia te i latou* e le se nuu; ou te faaonoono ia te i latou i le nuu valea. Auā ua si'a le 22
 afi i lo'u ita, e mu ifo foi ia e oo lava i seoli e maulalo lava; e faaumatia ai le lalolagi ma ona fua, e mu ai foi faavae o mauga. Ou te faaputuina 23
 i luga ia te i latou mea leaga; ou te faauma atu a'u u fanafana ia te i latou. E tinovavale i *latou* i le oge, 24
 e faaumatia foi i le ma'i vevela, ma le mala e fano ai; ou te auina foi manu feai ia te i latou, ma mea oona o gata o le eleele. O le pelu i tua o 25
 le aai, ma le mata'u i totonu, e faaumatia ai taulelea ma taupou, o tama meamea ma tagata ulusinā. Na ou fai ane, Ou te faataapeape ia 26
 te i latou, ou te faateaseseina lo latou faamanatuga i tagata; ana ou le fefe i le faaonoono o e ita mai, ne'i le iloa e o latou fili, ne'i latou faapea ane, O tatou lima malosi, a e le o Ieova na faia o nei *mea* uma.

Auā o le nuu i latou e le o i ai ni 28
 pulega, ua lei foi se faautauta ia te i latou. E, ana latou popoto, ana 29
 latou iloa lenei mea! ina ia latou mafaufau i o latou iuga. Pe faa- 30
 pefea ona tulia e le toatasi le toaafefe, ma tutuli e le toalua o afe e sefulu, ana le faatauina atu i latou e lo latou Papa, ma tuuina atu i latou e Ieova? (Auā e-le pei o lo tatou 31
 Papa lo latou papa, *ua fai* foi o e ita mai ia te i tatou ma faamasino i ai.) Auā o lo latou vine mai le vine o 32
 Sotoma lea, mai fanua o Komoro foi; o latou fua o vine o vine oona ia, e oona, foi o latou fuifuivine; o 33
 le mea 'ona o gata o latou uaina, ma le mea matuā 'ona o asipi.

E le teua ea lenei *mea* e au, ma 34
 faamauina faatasi ma a'u oloa? O 35
 ia te au le tau'i ma sui, atoa ma le tau'i atu i ona po e mapeva ai o latou vae; auā ua lata mai le aso latou te malaia ai, o loo faataalise mai foi mea a oo ia te i latou. Auā 36
 e faamasinoina e Ieova lona nuu, e salamo foi o ia ona o ana auuna, pe a silafia e ia ua mavae lo *latou* malosi, ma ua le *toe* se pologa po o se saoloto. Ona fetalai mai lea o ia, 37
 O fea o i ai o latou atua, o le papa na latou faatuatua i ai, o e na aai i 38
 ga'o o a latou taulaga, o e na inu le

uaina o a latou taulaga i mea e inu?
ia latou tutū mai, ma fesoasoani ia
te outou, ia fai i latou ma lafitaga
39 mo outou. O lenei, ia outou iloa o
a'u, o a'u lava o ia, e leai foi se atua
e toalua ma a'u; ou te fasiotia, ma
ou faaolaina; ou te taia, ma ou faa-
maloloina; e leai foi se na te laveai
40 mai ai lo'u lima. Auā ou te sii lo'u
lima i le lagi, ma ou faapea ane, Ou
41 te ola e faavavau. Afai ou te faa-
maai la'u pelu pupula, ma tago lo'u
lima i le faamasinoga, ou te tau i ma
sui i e o fai a'u ma fili, ma ou tau i
42 atu i e o 'ino'ino mai ia te au. Ou
te faainu ia onā a'u u fanafana i le
toto, e 'ai foi la'u pelu i tino o
tagata; o le toto o e ua fasia, ma e
ua faatagataotaua, o alii sili o e ita
mai.
43 Outou nuu ese e, ina olioli ia *faa-
tasi* ma lona nuu; auā na te tau i ma
sui le toto o ana auaua, na te
tuuina atu foi le tau i e o fai o ia
ma fili; e togiolaina foi e ia le lau-
elelee o lona nuu.
44 Ua alu atu Mose, ma fai atu i upu
uma o lenei pese a o faalogologo
mai le nuu, o i lona ma Iosua le
45 atalii o Nuno. Ua uma foi ona fai
atu e Mose nei upu uma ia Israelu
46 uma lava; ona ia fai atu ia te i
latou, Ia outou manatunatu i upu
uma ou te ta'u atu ia te outou i le
aso ne'i; tou te poloai atu ai i a
outou fanau ia anaana e faia upu
47 uma o lenei tulafono. Auā e le se
upu faatauvaa lea ia te outou, auā o
i ai lo outou ola; o lenei mea foi tou
te faafualoa ai o outou aso i le lau-
elelee, tou te sopoia atu ai Ioritana
e fai mo outou.
48 Ua fetalai mai foi Ieova ia Mose
49 i lea lava aso, ua faapea mai, Ina alu
ae ia oe i lona mauga, o Aperima, o
le mauga o Nepo, o i le nuu o Moapi,
o loo fesagai ma Ieriko; ma e vaai
atu i le nuu o Kanana ua ou foaiina
atu i le fanauga a Israelu e fai mo
50 latou. E te oti foi i le mauga e te
alu ae i ai, e faatasiina atu foi oe i
lou nuu, e faapei ona oti o Arona
lou uso i le mauga o Horo, ua faa-
51 tasiina atu foi i lona nuu; auā na
agasala mai oulua ia te au i luma o
le fanauga a Israelu i le vai o
Meripa-katesa, i le vao o Tisina;

auā na le faapaiaina o a'u e oulua i
luma o le fanauga a Israelu. E 52
vaai atu oe i le nuu o i ou luma, a e
te le oo i le nuu ua ou foaiina atu i
le fanauga a Israelu.

*O le faamanuia atu i itu aiga e
sefulu ma le lua.*

O LE manuia lenei, na faamanuia 33
atu ai le fanauga a Israelu e Mose,
le tagata o le Atua, a o lei oti o ia.
Ua ia faapea atu, Na afio mai Ieova
mai Sinai, na afio ae foi o ia i Seira ia 2
te i latou; na pupula mai o ia mai le
mauga o Parana, na ia afio mai foi
ma le au paia e manomano; mai
lona aao taumatau le afi o le tula-
fono mo i latou. E moni, ua alofa 3
o ia i le nuu; o i lou lima lona au
paia uma lava; ua latou nonofo i ou
vae; e talia e i latou au afioga. Na 4
tuuina mai e Mose le tulafono ia te
i tatou, o le tofi *lea* mo le faapoto-
potoga o Iakopo. Na fai foi o ia ma 5
tupu i Iesuruna, ina o faapotopoto-
ina o alii sili o le nuu atoa ma itu
aiga o Israelu.

Ia ola Reupena, aua le oti; *aua* 6
foi le toaitiiti ona tagata.

O le upu lenei ia Iuta; na ia faa- 7
pea mai ai, Ieova e, faafofoga mai
ia i le leo o Iuta, ma e aumaia o ia i
lona nuu; ia lima malosi lava o ia;
ia fai foi oe ma fesoasoani ia te ia i
e ita ia te ia.

Na ia faapea mai foi ia Levi, *Ia i* 8
ai lou Tumema ma lou Urima i lou
tagata paia na e tofotofoina i Mase,
na e finau ia te ia i le vai o Meripa;
o le na fai atu i lona tamā ma lona 9
tinā, Ua ou le ilo atu ia te ia; o le na
le iloa foi ona uso, ua na le iloa foi ana
fanau; auā ua latou tausii i lau afi-
oga, ua latou taofi foi i lau feagaiga.
Latou te a'oa'o atu ia Iakopo i au 10
faamasinoga, ma Israelu i lau tula-
fono; latou te tuuina atu i ou luma
o mea manogi, ma le taulaga mu
uma i lou fata faitaulaga. Ieova e, 11
ia e faamanuia ana oloa, ma e fiasia
i le galuega a ona lima; ia e ta i
papātu a e laga mai ia te ia, ma i
latou o e ita mai ia te ia, ne'i latou
toe laga mai.

Na ia faapea mai ia Peniamina, O 12
le pele ia Ieova e nofo o ia ma le
filemu faatasi ma ia; na te faama-

malu ia te ia i le aso atoa; e nofo
foi o ia i le va o ona tau'au.

13 Na ia faapea mai foi ia Iosefa, Ia
faamanuia lona laueleele e Ieova i
mea e sili ona lelei mai le lagi, o le
sau, ma mea lelei mai le mea loloto
14 o loo i lalo; ma mea e sili ona lelei
e tutupu i le la, ma mea e sili ona
15 lelei e tutupu i masina; ma mea e
sili ona lelei i mauga o le vavau, ma
mea e sili ona lelei o mauga iti o
16 le faavavau, ma mea e sili ona lelei
o le laueleele ma mea uma ua tumu
ai, ma le finagalo alofa o le na nofo
i le laau talatala, ia oo lava lea i
luga o le ulu o Iosefa; ma le tumuai
17 o le na sili i ona uso. O lona mata-
gofie o le uluai tama a lana povi
lea; o ona nifo o nifo o le rema ia;
na te suatia ai nuu uma ia oo i
tuluiga o le lalolagi; o mano ia o
Efaraima, o afe foi ia o Manase.

18 Na ia faapea mai foi ia Sepulona,
Sepulona e, ia e olioli i lou alu atu;
ma oe Isakara e, ia e olioli i totonu
19 o ou fale ie. E valaau i laua i nuu
e o mai i le mauga; latou te fai ai
taulaga tatau; auā e maua mai e i
laua le oloa tele mai le sami, ma le
oloa ua lilo i le oneone.

20 Na ia faapea mai foi ia Kato, Ia
manuia le na te faalauteleina Kato.
O loo taoto o ia e pei o se leona, ua
saeia foi e ia le lima atoa ma le
21 tumuai. Ua na vaaia foi le mea e
sili mo ia, auā ua faamaunua i lea
mea o le tofi e le faipule; na latou
o, o ia ma alii sili o le nuu; na ia
faia mea tonu mai ia Ieova, ma ona
faamasinoga faatasi ma Israelu.

22 Na ia faapea foi ia Tanu, O Tanu
o le leona taanoa ia, e oso mai o ia
mai Vasana.

23 Na ia faapea mai foi ia Nafatali,
Nafatali e, ua e mālīe i le alofa, ma
ua tumu i le manuia mai ia Ieova;
ia e fai mou le vai ma le itu i toga.

24 Na ia faapea mai foi ia Asera, O
Asera, e manuia o ia i ana fanau;
ia fiasia ona uso ia te ia; ia fufui foi
25 e ia lona vae i le suāu. O ou faa-
manu o uamea ma 'apa memea ia; e
pei o ou aso foi e faapea lou malosi.

26 E leai lava se la te tutusa ma le
Atua o Iesuruna, o loo tietie i le
lagi e fai ma ou fesoasoani, e tietie
27 foi i ao o le lagi i lona mamalu. O

le mea e te nofo ai o le Atua o le
faavavau lea; o i ou lalo foi aao o le
faavavau; e tulia foi e ia i ou lumā
le ua ita mai; na te fetalai mai foi,
Ia e faaumatia i latou. E nofo 28
Israelu e toatasi ma le filemu; o le
vaipuna o Iakopo e i ai lea i le nuu
o saito ma uaina; o lona lagi foi e
totō ifo ai le sau. Israelu e, amuia 29
oe! o ai se nuu e tutusa ma oe? o le
nuu ua faaolaina e Ieova! o le talita
e fesoasoani ia te oe, o ia foi le pelu
e mamalu ai oe! e faataga vivii ia
te oe o e ita ia te oe, e te solia foi a
latou mea maua luga.

O le oti o Mose.

UA alu ae foi Mose nai le elelee 34
laugatasi o Moapi i le mauga o
Nepo, i le tumutumu o Peseka, e
fesagai ma Ieriko. Ona faasino atu
lea e Ieova ia te ia le nuu uma lava
o Kiliata e oo lava i Tanu. O Nafa- 2
tali uma foi, ma le nuu o Efaraima,
ma Manase, ma le nuu uma o Iuta,
e oo atu lava i le sami tupito, ma le 3
itu i toga, ma le elelee laugatasi o
le vanu o Ieriko, o le aai o laau o
pāma, e oo atu i Soara. Ua fetalai 4
mai foi Ieova ia te ia, O le nuu lena
na ou tauto ai ia Aperamo, ma
Isaako, ma Iakopo, ua faapea atu,
Ou te foaiina atu i lau fanau; ua ou
faaali atu ai ia te oe i ou mata, a e
te le sopoia atu i ai.

Ua oti foi Mose le auauna a Ieova 5
i lea mea i le nuu o Moapi, e pei
ona fetalai mai ai o Ieova. Ua ia 6
tanu foi ia te ia i le vanu i le nuu o
Moapi, e faafeagai ma Petepeora;
a e le iloa e se tagata lona tuugamau
ua oo mai lava i le aso nei.

Ua oti foi Mose ina ua selau ma 7
le lua sefulu ona tausaga; e lei
puaoa ona mata, e lei mavae foi
lona malosi.

Ua fetagisi foi le fanauga a Isa- 8
raelu ia Mose i le elelee laugatasi o
Moapi i aso e tolu sefulu; ona ato-
atoa ai lea o aso na fetagisi ma
faanoanoa ai ia Mose.

Ua tumu foi Iosua le atalii o 9
Nuno i le agaga e poto ai; auā na
faaee atu e Mose ona lima i luga ia
te ia; na faalogo foi le fanauga a
Israelu ia te ia, ma ua latou faia e
pei ona poloi mai ai o Ieova ia Mose.

- 10 UA le toe tu mai se perofeta ia Isaraelu e pei o Mose, sa la fesagai
11 ma Ieova; e *pei o ia* i faailoga uma ma vavega, sa auina atu ai o ia e Ieova e fai i le nuu o Aikupito ia

Farao, ma ana auauna uma, atoa ma lona nuu uma lava, ma le aao malosi uma, atoa ma mea matuā matautia uma na faia e Mose i luma o Isaraelu uma lava.

O LE TUSI

A IOSUA.

O le tofia o Iosua. O upu faatenu a Iosua ia Isaraelu.

- 1 UA mavae le oti o Mose le auauna a Ieova, ona fetalai mai ai lea o Ieova ia Iosua le atalii o Nuno, o le na auauna ia Mose, o loo faapea mai,
2 Ua oti Mose la'u auauna, o lenei foi ina e tulai atu ia, ia sopoa atu Ioritana lena, o oe, atoa ma lenei nuu uma, e *ō* i le nuu ua ou foaiina atu ai ia te i latou, o le fanauga a Isaraelu lava. O mea uma lava e solia e o outou alofivae, ou te foaiina atu ai ia te outou, e pei ona ou fai atu
3 ai ia Mose. E afua i le vao ma Lapanona lena, e oo atu i le vaitafe tele, o le vaitafe o Eufirate, o le nuu uma o sa Heti, e oo atu foi i le sami tele, o le mea e goto ai le la, e fai
4 ia ma o outou tuaoi. E le tu mai se tagata e tetee ia te oe i aso uma o lou ola; e pei ona ou i ai ia Mose, e faapea ona ou i ai ia te oe; ou te le tuua lava oe, ou te le tuulafoai lava
5 ia te oe. Ia e faamalosi ma loto tele; auā e te tofia mo lenei nuu le laueleele na ou tauto ai i o latou tamā e foai atu ia te i latou. Tau
6 ina e faamalosi, ma ia matuā loto tele lava; ia e anaana e fai e tusa ma le tulafono uma na fai atu ai Mose la'u auauna ia te oe; aua e te alu ese ai i le itu taumatau po o le itu tauagavale, ina ia manuia ai oe
7 i mea uma e te alu i ai. E le te'a i lou gutu le tusi o lenei tulafono, a ia, mafaufau i ai i le ao atoa ma le po, ina ia e anaana e fai e tusa ma mea uma ua tusia i ai; ona manuia

ai lea ia te oe o lou ala, ona e manuia ai lea. Ou te lei fai atu ea ia te oe? 9
Ia e faamalosi, ma loto tele; aua e te fefe, aua e te mata'u; auā o Ieova lou Atua o loo ia te oe i mea uma e te alu i ai.

Ona fai atu ai lea o Iosua i le au faipule o le nuu, o loo faapea atu, Ia outou feoi i le toagālauapi, ma
10 fai atu i le nuu, ia faapea atu, Ina sauniuni ia o a outou oso, auā e toe aso tolu ona outou sopoa atu ai lea o Ioritana nei, ma o atu e fai mo outou le nuu ua foaiina mai e Ieova lo outou Atua ia te outou e fai mo outou.

Ona fai atu lea o Iosua i sa Reupenā, ma sa Katō, ma le tasi vaega o le itu aiga o Manase, ua faapea atu, Ia manatua le upu na poloai
11 atu ai Mose le auauna a Ieova ia te outou, o loo faapea atu, Ua avatua e Ieova lo outou Atua le malologa ia te outou; ma ua foaiina mai e ia lenei nuu ia te outou; o a outou
12 avā, ma a outou tama iti, ma a outou manu, latou te nonofo i le nuu na foaiina atu e Mose ia te outou i le itu mai o Ioritana; a o outou, tou te o atu i luma o outou uso, o sauni i le tana, o tagata matuā malolosi uma lava, e fesoasoani ia te i latou; seia avatua e Ieova le
13 malologa i o outou uso, e pei *ona avatua* ia te outou, ma ua faia foi mo i latou le nuu ua foaiina mai e Ieova lo outou Atua ia te i latou; ona toe foi mai ai lea o outou i le nuu ua fai mo outou, na foaiina mai e Mose le auauna a Ieova ia te ou-

- tou, i le itu mai o Ioritana, i le mea e alu ae ai le la, ma outou mau ai.
- 16 Ona latou tali mai ai lea ia Iosua, ua faapea mai, O mea uma e te fai mai ai ia te i matou, matou te faia lava; o mea uma foi e te aauina atu i ai i matou, matou te o lava i ai; e pei ona matou faalogo ia Mose i mea uma, e faapea ona matou faalogo ia te oe; tau ina ia ia te oe Ieova lou Atua, e pei ona i ai o ia i Mose. Ai se tagata e tetea atu i lau pule, ma le le faalogo i au upu i mea uma e te fai mai ai ia te ia, e fasiotia o ia; tau ina e faamalosī, ma loto tele.
- Ua aauina e Iosua tagata e asiāsi i le nuu.*
- 2 NA aauina atu e Iosua le atalii o Nuno, ai Setima o tagata e toalua e asiāsi faalilolilo i le nuu, ua faapea atu, Ina o ia oulua, ina matamata i le nuu, o Ieriko lava. Ona la o ai lea, ma ulufale atu i le fale o le fafine talitane e igoa ia Raava, ua nonofo ai i laua. Ona ta'u atu lea i le tupu o Ieriko, ua faapea atu, Faauta, ua o mai iinei i le po nei ni tagata mai le fanauga a Isaraelu e 3 vaavaai i le nuu. Ona alu atu ai lea o le feau a le tupu o Ieriko ia Raava, ua faapea atu, Ina tuu mai ia o ia tagata na o atu ia te oe, o e na o atu i lou fale; auā ua la o mai 4 e vaavaai i le nuu uma. A uma uma ona ave e le fafine o ia tagata e toalua, ua nanā ia te i laua, ma ua faapea ona fai atu, Na o mai tagata ia te au, a ou te lei iloa pe na o mai 5 ifea i laua; ua oo ina a punitia o le faitotoa, ina ua pouliuli, ona o atu ai lea o ia tagata; ou te lei iloa le mea na o atu ai ia tagata; ia vave ona tuliloa atu ia te i laua; auā tou 6 te maua atu i laua. A o ia ua uma ona ia avae ia te i laua i luga o le fale, ma ua tanumai ia te i laua i laau o lino ua na folasia i luga o le 7 fale. Ua tuliloa atu ia tagata ia te i laua i le ala i Ioritana, i asaga o le vai; ua latou pupuni foi le faitotoa ina ua uma ona o atu o e na tuliloa ia te i laua.
- 8 Ona alu ae lea o le fafine ia te i laua i luga o le fale, a o lei taotoo i 9 laua; ua ia fai atu foi i ia tagata, Ua ou iloa ua foaiina atu e Ieova le nuu ia te outou, ma ua oo mai lo outou matautia ia te i matou, ma ua faavaivaia ona o outou o i latou uma e nonofo i le nuu. Auā ua 10 matou faalogo na faamateina e Ieova le suāsami o le sami Ulaula ona o outou, ina ua outou o mai mai Aikupito; i le ma mea na outou faia i tupu e toalua o sa Amorī o Sekono ma Oko, o e sa i le itu o Ioritana, na outou faaumatia i laua. Na matou faalogo i ia mea, 11 ona liu suāvai ai lea o matou loto, ua le toe ai lava se malosī i se tagata, ona o outou; auā o Ieova lo outou Atua, o le Atua ia i le lagi i luga, ma le lalolagi i lalo nei. O 12 lenei, se'i oulua tauto mai ia te au ia Ieova, auā ua ou agalelei atu ia te oulua, ia oulua agalelei mai foi i le aiga o lo'u tamā, ma ia oulua tuu mai ia te au se faailoga faamaoni; ma ia outou faaolaina lo'u tamā, 13 ma lo'u tinā, ma o'u tuagane, ma o'u uso, ma i latou uma ua ia te i latou, ma ia laveaiina i matou ia le oti. Ona tali mai ai lea o ia tagata 14 ia te ia, O maua ola e sui a'i ia te outou i le oti, pe afai tou te le ta'ua la maua nei feau. A oo ina foaiina mai e Ieova le nuu ia te i matou, ona matou agalelei ai lea, ma faamaoni ia te oe. Ona tuutuu ifo ai 15 lea o ia ia te i laua i le maea i le faamalama; auā sa i luga o le pa o le aai lona fale, na mau ai ia i luga o le pa. Ona fai atu ai lea o ia ia 16 te i laua, Ina o atu ia oulua i le mauga, ne'i outou fetaiāi ma e o tuliloa ia te oulua, ma ia oulua lalafi ai i po e tolu, seia toe foi mai le tuliloaga, mulimuli ane ona o ai lea o oulua i lo oulua ala. Ona fai mai 17 ai lea o ia tagata ia te ia, E magalo i maua i lau tautoga nei, na ma tauto ai ina ua e fai mai. Faauta 18 mai, a matou o mai i le nuu, ia e nonoa lenei maea fu'a mūmū i le faamalama na e tuutuu ifo ai i maua; e te faapotopoto mai ia te oe i lou fale o lou tamā, ma lou tinā, ma ou uso, atoa ma le aiga uma o lou tamā. Ai se tasi e ulu 19 atu i fafo i faitotoa o lou fale, e i luga o lona ulu lona toto, a e magalo i maua; ai se tasi lua te i ai ma oe

i le fale, e i luga o maua ulu lona
 toto pe afai e oo se lima ia te ia.
 20 A e afai e te ta'u atu la maua nei
 feau, ona magalo ai lea o i maua i
 lau tautoga na e fai mai ma te tauto
 21 ai. Ona fai atu ai lea o ia, Ia faa-
 pea ona faia e pei o a oulua upu.
 Ua ia tuuina atu o i laua e o, ona la
 o ai lea. Ua nonoa foi e ia le maea
 22 mūmū i le faamalama. Ona la o ai
 lea, na la oo atu i le mauga, ua
 nonofo ai i aso e tolu, ina seia toe
 foi mai le tuliloga; na sailia i laua
 e le tuliloaga i le ala uma, a e lei
 23 mīua. Ona toe foi mai ai lea o ia
 tagata e toalua, ua la o ifo i le
 mauga, ma la sopoia atu *le vai*, ma
 o atu ia Iosua le atalii o Nuno, ua
 faamatalaina atu ia te ia o mea uma
 24 na oo ia te i laua; na la fai atu foi
 ia Iosua, Ua tuuina mai lava e
 Ieova le nuu uma i o tatou lima;
 i le ma ua faavaivaia o e nonofo
 uma i le nuu ona o i tatou.

*Ua oo le nuu o Isaraelu i le vaitafe
 o Ioritana.*

3 UA tulai Iosua i le taeao lava;
 ua tuua e i latou o Setima, ma o
 atu i Ioritana, o ia atoa ma le fanau-
 ga uma a Isaraelu, ua latou nonofo
 ai i lea mea, a o lei sopoia atu e i
 2 latou o Ioritana. Ua mavae aso e
 tolu, ona feoai lea o le au faipule i
 3 le toagālauapi; ua latou fai atu foi
 i le nuu, ua faapea atu, A outou
 iloa atu le atolaau o le feagaiga a
 Ieova lo outou Atua, o ave e fai-
 taulaga o sa Levī, ona tuua lea e
 outou o le mea tou te i ai, ma ou-
 4 tou mulimuli atu i ai. A ia fai se
 va e va a'i outou ma le atolaau, pe
 lua ni afe o kupita pe a fuatia; au
 tou te faalatalata atu i ai, ina ia ou-
 tou iloa le ala tou te ui ai; auā e
 lei uia e outou *lenei* ala anamua,
 5 Ua fai atu foi Iosua i le nuu, Ina
 faapaiaina ia outou e outou; auā e
 a taeao e faia e Ieova o vavega i
 6 o outou luma. Ona fai atu lea o
 Iosua i faitaulaga, ua faapea atu, Ia
 outou sii le atolaau o le feagaiga,
 ma sopoia atu i luma o le nuu. Ona
 latou siitia ai lea o le atolaau o le
 feagaiga, ma latou o atu i luma o le
 nuu.

7 Ua fetalai mai foi Ieova ia Iosua,

O le aso nei ou te amata ai ona faa-
 tupuina lou mamalu i luma o Isa-
 raelu uma, ina ia latou iloa, e pei
 ona ou i ai ia Mose, e faapea ona ou
 i ai ia te oe. Ia e fai atu foi i fai-
 8 taulaga o e ave le atolaau o le fea-
 gaiga, ia faapea atu, A outou oo i
 le auvai o Ioritana, ona outou tutū
 ai lea i Ioritana.

Ona fai atu ai lea o Iosua i le
 9 fanauga a Isaraelu, Ina faalatalata
 mai ia iinei, ma faalogo mai i afioga
 a Ieova lo outou Atua. Ua fai atu
 10 foi Iosua, O le mea lenei tou te iloa
 ai ua ia te outou le Atua soifua, e
 matuā tulia foi e ia i o outou luma
 o sa Kananā, ma sa Hetī, ma sa
 Hivī, ma sa Perisē, ma sa Kirekasē,
 ma sa Amorī, ma sa Iepusē; faauta
 11 mai, o le atolaau o le feagaiga, o le
 ato a le Alii o le lalolagi uma o loo
 ui atu ai i o outou luma i Ioritana.
 O lenei, ina fa'ifai mai ia ni o
 12 outou tagata e toatinoagafutū ma le
 toalua ai itu aiga o Isaraelu, taitasi
 le itu aiga ma le tagata e toatasi.
 A tutū i le vai o Ioritana o alofivae
 13 o faitaulaga o e ave le atolaau a
 Ieova le Alii o le lalolagi uma, ona
 vavaeina ai lea o le vai o Ioritana, o
 le vai e tafe ifo mai luga; e tu foi
 le vai e pei o se mea maupuepue.

Ona o atu lea o le nuu ai o latou
 14 fale ie ia sopoia atu Ioritana; ua
 ave foi e faitaulaga le atolaau o le
 feagaiga i luma o le nuu; ua oo atu
 15 i Ioritana o e na ave le atolaau, ma
 ua fufui i le auvai o vae o faitau-
 laga e na ave le atolaau; (auā e
 lofia auvai uma o Ioritana i aso uma
 o le seleselegāsaito;) ona tu ai lea
 16 o le vai e tafe ifo mai luga, ua tupu
 ae e pei se mea maupuepue, e matuā
 mamao lava e oo i le aai o Atama, e
 latalata ane i Saretana; o le vai na
 tafe ifo i le sami i le elele lauga-
 tasi, o le sami Oona lea, na mate,
 ma ua vavaeina; ona sopoia atu ai
 lea o le nuu i le mea e feagai ma
 Ieriko. O faitaulaga o e na ave le
 17 atolaau o le feagaiga a Ieova na
 tutumau i latou i le iliti vai matutu
 i totonu o Iorifana; na ui atu ai
 o Isaraelu uma i le iliti vai matutu,
 seia uma ona sopoia atu o Ioritana
 e le nuu uma.

O le sopoia atu o Ioritana e Isaraelu.

- 4 UA uma ona sopoia atu o Ioritana e le nuu uma, ona fetalai mai ai lea o Ieova ia Iosua, ua faapea mai, Ina fa'ifa'i mai ia ni o outou tagata e toatinoagafulu ma le toalua, o le itu aiga ma le tagata e toatasi; ia outou fai atu foi ia te i latou, ia faapea atu, Ia outou avae maa e sefulu ma le lua ai lenei mea i totonu o Ioritana, o le mea sa tutumau ai vae o faitaulaga; ma ia outou avatu ai, ma tuu ai i le mea e momoe ai, tou te momoe ai i le po nanei. Ona valaau atu ai lea o Iosua i tagata e toasefulu ma le toalua na tofia e ia ai le fanauga a Isaraelu, taitasi le itu aiga ma le tagata e toatasi. Ua fai atu foi Iosua ia te i latou, Ia outou ui atu i luma o le atolaau a Ieova, lo outou Atua, i totonu o Ioritana, ma ia outou taitasi ma sii ae se maa i lona ua, e tusa ma le faitau o itu aiga o le fanauga a Isaraelu; ina ia faia lenei mea ma faailoga ia te outou, pe a fesili mai a outou fanau i se aso, e faapea mai, Pe se a ea *le uiga* o na maa ia te outou? Ona outou tali atu ai lea ia te i latou, Na vavaeina le vai o Ioritana i luma o le atolaau o le feagaiga a Ieova, na ui atu ai i Ioritana, ona vavaeina ai lea o le vai o Ioritana. E faia foi na maa ma faamanatuga i le fanauga a Isaraelu e faavavau. Ua faapea ona faia e le fanauga a Isaraelu e pei ona fai atu ai o Iosua; ua latou avae maa e sefulu ma le lua ai totonu o Ioritana, e pei ona fetalai mai ai o Ieova ia Iosua, e tusa ma le faitau o itu aiga o le fanauga a Isaraelu, ma latou avatu ai i le mea na momoe ai, ma tuu ai i lea mea.
- 9 Ua faatuina foi e Iosua o maa e sefulu ma le lua i totonu o Ioritana, i le mea na tutū ai vae o faitaulaga o e na ave le atolaau o le feagaiga; o i ai foi i lea mea ua oo ile aso nei.
- 10 Ua tutū i totonu o Ioritana o faitaulaga o e na ave le atolaau, seia uma ona fai o mea uma na fetalai mai ai Ieova ia Iosua e fai atu ai i le nuu, e pei o mea uma na poloai mai ai Mose ia Iosua; ona faatatalise ai lea o le nuu, ma latou sopoia

atu ai. Ua uma ona sopoia atu o le nuu uma, ona ui atu ai lea o le atolaau a Ieova ma faitaulaga i luma o le nuu. Na sopoia atu le fanauga a Reupena, ma le fanauga a Kato, ma le tasi vaega o le itu aiga o Manase, o sauni i le taua, i luma o le fanauga a Isaraelu, e pei ona fai mai ai o Mose ia te i latou; pe fa sefulu o afe o i latou o sauni i le taua, na ui atu ai i luma o Ieova, e tau ai le taua i le elele laugatasi o Ieriko.

O le aso lea na faatupuina ai e Ieova le mamalu o Iosua i luma o Isaraelu uma; na latou matatau ia te ia, e pei ona latou matatau ia Mose, i aso uma o lona ola. Ua fetalai mai foi Ieova ia Iosua, ua faapea mai, Ia e fai atu i faitaulaga o e ave le atolaau o le tulafono, ia latou o ae i Ioritana. Ona fai atu ai lea o Iosua i faitaulaga, ua faapea atu, O ae ia outou i Ioritana. Ona o ae ai lea o faitaulaga o e na ave le atolaau o le feagaiga a Ieova nai totonu o Ioritana, ma ua tutū ae alofi vae o faitaulaga i le lauelele matutu; ona toe tafe mai ai lea o le vai o Ioritana i lona ala vai, ua lofia foi ona auvai uma lava, e pei o anamua.

Na o ae le nuu nai Ioritana i le aso e sefulu o le masina muamua, ma latou to lauapi i Kilikala i le tuaoi i sasae o Ieriko. Ona faatutina lea e Iosua i Kilikala o na maa e sefulu ma le lua na latou avae i Ioritana. Ua ia fai atu foi i le fanauga a Isaraelu, ua faapea atu, A fesili mai i se aso a outou fanau i o latou tamā, e faapea mai, Pe se a *le uiga* o na maa? Ona outou faailoa atu ai lea i a outou fanau, ia faapea atu, Na sopoia mai Ioritana nei, e Isaraelu i le *iliti vai* matutu; auā na faamateina e Ieova lo outou Atua le vai o Ioritana i o outou luma, ina seia tou sopoia atu, e pei ona faia e Ieova lo outou Atua i le sami Ulaula, na ia faamateina i o tatou luma ina seia tatou sopoia atu; ina ia iloa e nuu uma o le lalolagi e malosi le aao o Ieova: ina ia outou matatau ia Ieova lo outou Atua i aso uma lava.

Ua peritomeina Isaraelu. Ua iloa e Iosua le agelu a Ieova.

- 5 UA faalogo tupu uma o sa Amorī sa i le itu o Ioritana i sisifo, ma tupu uma o sa Kananā e lata ane i le sami, ua faamateina e Ieova le vai o Ioritana i luma o le fanauga a Isaraelu ua tatou sopoia mai ai, ona faavaivaia ai lea o latou loto, ua le toe ai se malosi ia te i latou, ona o le fanauga a Isaraelu.
- 2 O ona po ia na fetalai mai ai Ieova ia Iosua, Ia e faia ma oe polo fatu, ma toe faaperitomeina le fanauga a Isaraelu, o le atu lua lea.
- 3 Ona faia lea e Iosua o polo fatu, ma faaperitomeina le fanauga a Isaraelu i Kipeaaralota. O le mea foi lenei na fai ai e Iosua le faaperitomeina; o tane o le nuu uma, na o mai mai Aikupito, o 'au uma o le taua, ua oti i latou i le vao i le ala ina ua latou o mai mai Aikupito.
- 5 Auā sa faaperitomeina le nuu uma na o mai mai Aikupito; a o le nuu uma na fanau i le vao i le ala ina ua latou o mai mai Aikupito na le faaperitomeina i latou. Auā na savavali le fanauga a Isaraelu i le vao i tausaga e fagafulu, ua oo ina faaumatia le nuu uma, o 'au o le taua, o e na o mai mai Aikupito, auā na latou le faalogo i le siufofoga o Ieova; o i latou na tauto ai Ieova na te le mafaia ona faailoa atu ia te i latou le nuu na tauto ai Ieova i o latou tamā e foai mai ia te i tatou, o le nuu o tafe ai le suāsusu ma le meli.
- 7 O a latou fanau na faatupuina e ia e fai mo latou sui, na faaperitomeina i latou e Iosua; sa le peritomeina i latou, auā na latou le faaperitomeina i latou i le ala. Ua uma ona faaperitomeina o le nuu uma, ona latou nonofo ai lea i mea e nonofo ai i latou i le toagālauapi, seia malolo ai i latou. Ona fetalai mai ai lea o Ieova ia Iosua, O le aso nei ua ou aveeseina ai le luma o Aikupito ia te outou; o le mea lea ua faaigoā ai le igoa o lea mea o Kilikala, ua oo i le aso nei.
- 10 Ua tolauapi le fanauga a Isaraelu i Kilikala, ma ua latou faia le paseka i le aso e sefulu ma le fa o le masina i le afiafi, i le elelee laugatasi o

Ieriko. Ua latou aai foi i mea na 11
tutupu i le fanua i le aso e aupito
atu i le paseka, o areto e le faafefe-
teina, ma saito tunua i lea lava a o.
E le toe ai ni manai i le aso e aupito 12
ane i le aso na latou aai ai mea na
tutupu i le fanua; e lei toe maua
lava ni manai e le fanauga a Isaraelu; a ua latou aai i fua o le
laueleele o Kanana i lea tausaga.

Ua latalata ane Iosua i Ieriko, ua 13
vaavaai atu o ia, ua ilo atu, faauta,
ua tu faafeagai ma ia le tagata o i
lona lima lana pelu ua se'i; ona alu
atu ai lea o Iosua ia te ia, ua faapea
atu ia te ia, Pe tatou te 'au ma i
matou, pe e te 'au ese? Ona tali 14
mai ai lea o ia, E leai, a o a'u, o le
ave 'au a Ieova na ou sau ai nei.
Ona faapaūfao ai lea o Iosua i le
elelee, ma ifo atu, ua faapea atu ia
te ia, Le Alii e, se a se mea e te
fetalai mai i lau auaua? Ona 15
fetalai mai ai lea o le ave 'au a
Ieova ia Iosua, Ia e to ese lou seevae
i lou vae; auā ua sa lava le mea e
te tu ai na. Ona faapea lea e Iosua
ona fai.

O le siosioina o Ieriko.

UA matuā puipua Ieriko e le fa- 6
nauga a Isaraelu, e leai se alu atu, e
leai se sau ai. Ona fetalai mai ai 2
lea o Ieova ia Iosua, Faauta mai ea,
ua ou tuuina atu i lou lima o Ieriko,
ma lona tupu, ma ona toa malolosi.
Ia outou faataamilo i le aai, o 'au 3
uma o le taua, ia tasi le faataami-
losaga o le aai. Ia faapea ona e faia
i aso e ono. E ave e faitaulaga e 4
toafitu o pu e fitu o le iupeli i luma
o le atolaau; o le aso fitu tou te faa-
taamilo faafitu ai i le aai; e ilia foi
pu e le au faitaulaga. A faalevaleva 5
ona ili o le pu o le iupeli, pe a outou
faalogo i le leo o le pu, ona alalaga
lea o le nuu uma ma le leo tele; ona
solo ai lea i lalo o le pa o le aai; ona
o ae ai lea o le nuu uma taitasi i o
latou luma.

Ona valaauina lea o faitaulaga e 6
Iosua le atalii o Nuno, ma na fai atu
ia te i latou, Ina ave ia le atolaau o
le feagaiga, ma ia ave e faitaulaga e
toafitu o pu e fitu o le iupeli, i luma
o le atolaau a Ieova, Ua ia fai atu 7
foi i le nuu, O atu ia, ma faataamilo

i le aai, o e ua sauni i le taua ia o atu
 8 ia i luma o le atolaau a Ieova. Ua
 mavae atu le upu a Iosua i le nuu,
 ona o atu ai lea o faitaulaga e toa-
 fitu, o ave e i latou pu e fitu o le
 iupeli i luma o Ieova, ma latou ilia
 pu; ua mulimuli atu ia te i latou le
 9 atolaau o le feagaiga a Ieova. Ua o
 atu foi e ua sauni i le taua i luma o
 faitaulaga o e ili pu; ua mulimuli
 atu muli'au i le atolaau, o savavali
 10 *faitaulaga* ma ili pu. Ua fai atu foi
 Iosua i le nuu, ua faapea atu, Aua
 ne'i outou alalaga; aua foi ne'i la-
 gona o outou leo; aua foi ne'i tau-
 tala lava, seia oo i le aso ou te fai
 atu ai ia te outou ia alalaga, ona
 11 outou alalaga ai lea. Ua faataamilo
 le atolaau a Ieova i le aai, o le faa-
 taamilosaga e tasi; ona latou o mai
 ai lea i le toagālauapi, i le latou
 momoe ai i le toagālauapi.
 12 Ona tulai lea o Iosua i le taeao
 lava, ua avae foi e faitaulaga le ato-
 13 laau a Ieova. O faitaulaga e toafitu
 o e ave pu e fitu o le iupeli i luma o
 le atolaau a Ieova, ua savavali lava
 i latou ma ili pu; ua o atu foi i o
 latou luma e ua sauni i le taua; a
 ua mulimuli atu muli'au i le ato-
 laau a Ieova; o savavali *faitaulaga*
 14 ma ili pu. O le aso lua foi ua latou
 faataamilo faatasi ai i le aai, ona
 latou toe foi mai ai lea i le toagā-
 lauapi; sa faapea lava ona latou
 15 faia i aso e ono. A o le aso fitu ua
 latou tulai ai i le malama ae o le
 taeao, ma latou faataamilo faapena
 i le aai e atu fitu; na o le aso lea ua
 latou faataamilo faafitu ai le aai.
 16 Ua oo i le atu fitu, ua ili pu e fai-
 taulaga; ona fai atu ai lea o Iosua
 i le nuu, Ina alalaga ia, auā ua
 foaiina mai e Ieova le aai ia te
 17 outou. E faatoina le aai, o le aai
 lava, ma mea uma ua i ai mo Ieova;
 na o Raava le fafine talitane e ola
 ia; o ia, ma i latou uma o i le fale
 ma ia; auā sa natia e ia e na aauina
 18 na tatou aauina atu. A o outou, ia
 outou ma le mea ua faatoina; ne'i
 faatoina outou pe a outou ave se
 mea ua faatoina; ona outou faia
 lea o le toagālauapi o Israelu ma
 mea ua faatoina; ma outou faa-
 19 tigaina ai. A o le ario uma, ma le
 auro, ma ipu 'apa memea, ma ua-

mea, e faasaina lava mo Ieova, e
 avatua i le mea e teu ai oa a Ieova.

Ua ili pue *faitaulaga*, ona alalaga 20
 ai lea o le nuu; ua faalogole le nuu i
 le leo o le pu, ona alalaga lea o le
 nuu i le leo tele, ona solo ai lea i
 lalo o le pa, ona o ae ai lea o le nuu
 i le aai taitasi i o latou luma, ua
 latou aea foi le aai. Ona matuā 21
 faaumatia ai lea e i latou i le pelu o
 i latou uma sa i le aai, o tane ma
 fafine, o tama ma toeaina, atoa ma
 povi, ma mamoe, ma asini; a ua 22
 fai atu Iosua i tagata e toalua na
 asiasi le nuu, Ina o ia o oulua i le
 fale o le fafine talitane, ma au mai
 ai le fafine, ma i latou uma ua ia te
 ia, e pei ona oulua tauto ia te ia.
 Ona o ai lea o taulelea o e na asiasi 23
 le nuu, ma latou au mai ia Raava,
 ma lona tamā, ma lona tinā, ma ona
 tuagane, ma i latou uma na ia te ia;
 ua aumaia e i laua ona aiga uma,
 ma tuu ai i tua o le toagālauapi o
 Israelu. A o le aai ma mea uma 24
 na i ai, ua faamuina e i latou i le
 afi; na o ario, ma auro, ma ipu 'apa
 memea, ma uamea, ua latou tuu ai
 i le mea e teu ai oa i le fale o Ieova.
 Ua faaolaina e Iosua o Raava le 25
 fafine talitane, ma le aiga o lona
 tamā, ma i latou uma na ia te ia; o
 loo nofo foi o ia i Israelu ua oo
 lava i nei ona po; auā sa natia e ia
 e na aauina na aauina e Iosua e
 asiasi Ieriko.

Ua fai atu foi Iosua ia te i latou 26
 ia tauto i lea aso, ua faapea atu, Ia
 malaia i luma o Ieova le tagata e
 tulai, ma toe faatu lenei aai o
 Ieriko; e faavaeina i lana ulumatua,
 e faatuina foi puipui i lana uii. 27
 ia Iosua Ieova; ua oo foi lona logo
 i le nuu uma.

*O le agasala a Akana, ma le malaia
 na tupu ai.*

A UA agasala le fanauga a Isa- 7
 raelu i le mea na faatoina; auā o
 Akana, le atalii o Karame, le atalii
 lea o Sapata, le atalii lea o Sera, o
 le itu aiga o Iuta, na ave e ia ni mea
 ai mea na faatoina; ona tupu ai lea
 o le toasa o Ieova i le fanauga a
 Israelu. Ua aauina atu e Iosua ni 2
 tagata ai Ieriko e *ō* i Ai, e lata ane i
 Petavene, o i le itu i sasae o Peteli;

- ua ia fai atu foi ia te i latou, ua faapea atu, Ia outou o ae e asiasi i le nuu. Ona o ae ai lea o ia tagata, 3 ma asiasi i Ai. Ua latou foi mai ia Iosua, ona latou faapea mai lea ia te ia, Aua le o ae le nuu uma; a ia o ae ni tagata pe lua afe, pe tolu afe e fasia Ai; aua ne'i lailoa le nuu uma e o atu ai i lea mea; auā e 4 toaititi i latou. Ona o ae ai lea i lea mea o tagata pe tolu afe; a ua latou sosola i luma o tagata o Ai. 5 O i latou na fasia e tagata o Ai, pe toatolugafulu ma le toaono; auā ua latou tuliloa ia te i latou, e *afua* i le faitotoa o le *aai*, e oo i Separema, ma fasi ia te i latou i le ifo a'i; ona liu suāvai lea o loto o le nuu, e pei 6 o le suāvai lava. Ona saei lea e Iosua ona ofu, ma faapaūfao i le elelee i luma o le atolaau a Ieova, ua oo i le afafi, o ia, ma toeaina o Isaraelu; ua latou asu ae le efuefu 7 i o latou ulu. Ua fai ane foi Iosua, Aue! le Alii e, Ieova, se a ea le mea ua e faaoo mai ai lenei nuu i lenei itu o Ioritana e tuuina atu i matou i le lima o sa Amorī, ia faaumatia ai i matou? E, ana matou fia nonofo i le la itu o Ioritana! 8 Le Alii e, se a ea la'u e fai atu ai pe a liutuaina Isaraelu i luma o e ita 9 mai? Auā a faalogo i ai sa Kananā, atoa ma i latou uma ua nonofo i le nuu, ona latou siosio mai lea ia te i matou, ma latou faaumatia o matou igoa ai le lalolagi; pe faapefea foi 10 lou suafa mamalu? Ona fetalai mai ai lea o Ieova ia Iosua, Ina tulai ia oe; se a ea le mea ua e faō 11 ai faapea? Ua agasala Isaraelu, ua tuumavaega foi i latou i la'u feagaiga na ou fai atu ai ia te i latou, auā ua ave e i latou *ni mea* ai mea ua faatoina, ua latou gaoi, ma faa- 12 'ole'ole foi, ma tuu ai lava i a latou mea. Ua le mafai foi ona tutū o le fanauga a Isaraelu i luma o e ita ia i latou, ua liutuaina i latou i luma o e ita ia i latou, auā ua faatoina i latou; ou te le toe i ai ia te outou, 13 pe afai tou te le matuā faaumatia le ua faatoina nai ia te outou. Ina tulai ia, ma faapaiaina le nuu, ma e faapea atu, Ia faapaiaina outou e outou a taeao; auā o loo faapea ona fetalai mai o Ieova le Atua o Isara-
- elu, Isaraelu e, ua ia te oe le mea ua faatoina; e te le mafaia ona tu i luma o e ita ia te oe seia outou aveesea ia te outou le mea ua faatoina. E faalatalataina mai foi outou 14 a itu aiga a taeao; o le itu aiga e maua e Ieova, ia sau a aiga; o le aiga foi e maua e Ieova, ia faalatalata mai a puiaiga; o le puiaiga e maua e Ieova ia faalatalataina mai ai ona tagata taitasi. E susunuina 15 i le afi o le e maua ua i ai le mea ua faatoina, o ia lava, atoa ma ana mea uma; auā ua solia e ia le feagaiga a Ieova, auā foi via faia e ia le mea leaga i Isaraelu.
- Ona tulai lea o Iosua i le taeao 16 lava, ma na faalatalataina mai o Isaraelu a itu aiga, ua maua le itu aiga o Iuta. Ua faalatalataina mai 17 foi e ia o aiga o Iuta, ua maua e ia le aiga o sa Serā; ua faalatalataina mai e ia o le aiga o sa Serā ona tagata taitasi; ua maua Sapata. Ona faalatalataina mai lea e ia i 18 puiaiga ona tagata taitasi; ua maua Akana, o le atalii o Karame, o le atalii lea o Sapata, o le atalii lea o Sera, o le itu aiga o Iuta. Ona fai 19 atu ai lea o Iosua ia Akana, Lo'u atalii e, se'i e avatu le viiga ia Ieova, le Atua o Isaraelu, ma faaali atu ia te ia; se'i e ta'u mai ia te au le mea ua e faia; aua le natia ia te au. Ona tali mai ai lea o Akana ia 20 Iosua, ua faapea mai, E moni ua ou agasala lava ia Ieova le Atua o Isaraelu, ua faapea ina faapea ona ou faia; na ou iloa i le vete o le 21 tasi ofu Senara e lelei, ma sekeli ario e lua selau, ma le potopotoga auro e lima sefulu o sekeli o lona mamafa lea, na ou manao i ai, ona ou ave ai lea; faauta foi ua tanumia i le elelee i totonu o lo'u fale ie, o le ario foi ua laulalo ai. Ona 22 auuina atu lea e Iosua ni auuina, ua latou taufetuli foi i le fale ie; faauta, ua tanumia *ia mea* i lona fale ie, o le ario foi ua laulalo ai. Ona latou ave lea o ia mea ai totonu 23 o le fale ie, ma au mai ia Iosua, atoa ma le fanauga uma a Isaraelu, ma latou sasaina atu ai i luma o Ieova. O Iosua, ma Isaraelu *uma na* o faa- 24 tasi ma ia e ave ia Akana le atalii o Sera, ma le ario, ma le ofu, ma le

potopotoga auro, ma ona atalii, ma ona afafine, ma ana povi, ma ana asini, ma ana mamoe, ma lona fale ie, ma mea uma na ia te ia, ma latou o ae ma i latou i le vanu o
 25 Akori. Ona fai atu ai lea o Iosua, Se a ea le mea ua e faatigaina ai i matou? e faatigaina oe e Ieova i le aso nei. Ona fetogi ai lea o Isaraelu uma ia te ia i maa; ua latou susunu foi ia te i latou i le afi, ina ua uma
 26 ona fetogi ia te i latou i maa. Ona faaputuina lea e i latou i ona luga le faupuegāmaa tele, ua oo mai i le aso nei. Ona liliu ese ai lea o Ieova i lona toasa tele; o le mea lea ua faaigoaina ai le igoa o lea mea, O le vanu o Akori, ua oo i le aso nei.

*Ua fuamafanafanaina Iosua e Ieova.
 Ua fasia Ai.*

8 UA fetalai mai Ieova ia Iosua, Aua e te fefe, aua e te mata'u, tou te o ma 'au uma o le taua, ia tulai, ma alu ae i Ai; faauta, ua ou tuuina i ou lima le tupu o Ai, ma ona tagata, ma lana aai, ma lona laueleele. E te faia foi i Ai ma lona tupu, e pei ona e faia i Ieriko ma lona tupu; a o le vete, ma manu ua i ai, tou te fai ma a outou vete. Ia e tofia ni 'au e tanu i tua o le aai.
 3 Ona tulai ai lea o Iosua, atoa ma 'au uma o le taua, e o ae i Ai; na filifilia foi e Iosua o toa malolosi e tolu sefulu o afe, ma aauina atu i latou i le po. Ua ia fai atu foi ia te i latou, ua faapea atu, Faauta mai ea, ia tanu outou e latalata i le aai, i tua o le aai; aua ne'i mamao lava outou ma le aai, a ia nofo sauni
 5 outou uma lava; o a'u foi ma le nuu uma o ia te au, matou te faalatalata atu i le aai; a latou o mai e faafetaiai ia te i matou, e pei o le uluai taua, ona faatulitulia ai lea o i matou i o latou luma; (auā latou te o mai ia te i matou,) seia matou tosi i latou ai le aai; auā e faapea ane i latou, Ua latou sosola i o tatou luma, e pei o le uluai taua; o le mea lea matou te sosola ai i o latou
 7 luma. Ona outou tulai ai lea i le mea ua tanu ai, ma outou aea le aai; auā e tuuina mai e Ieova lo outou
 8 Atua i o outou lima. A outou maua le aai, ona susunuina lea e outou o

le aai i le afi: ia outou faia e pei o le afioga a Ieova; faauta, ua ou fai atu ia te outou.

Ua aauina atu i latou e Iosua; ona
 9 latou o ai lea e tanu i a latou 'au; ua latou nonofo i le va o Peteli ma Ai, i gagaifo o Ai; a o Iosua, na moe ia i lea po faatasi ma le nuu. Ua tulai Iosua i le taeao lava, ua
 10 faitaulia e ia le nuu; ona o ae lea i Ai; o fa ma toeaina o Isaraelu, ua muamua i luma o le nuu. Ua o ae
 11 foi 'au uma o le taua na ia te ia, ua latou faalatalata atu, ua oo lava i luma o le aai, ona latou to lauapi lea i le itu i matu o Ai; a o le vanu e va afi o ia ma Ai. A ua uma ona
 12 ave e ia o tagata pe lima afe, ma tofia i latou e tanu 'au i le va o Peteli ma Ai, i gagaifo o le aai. Ua
 13 tofia foi e i latou le nuu, o 'au uma na i le itu i matu o le aai, ma e na tanu 'au i le itu i gagaifo o le aai, ona alu ai lea o Iosua i lea po i totonu o le vanu.

Ua iloa ai e le tupu o Ai, ona
 14 latou faataalise ai lea ona tulai i le taeao; ua o mai foi tagata o le aai e fetaiai ma Isaraelu e tau le taua, o ia atoa ma lona nuu uma i le itu aso na tuu i ai, i le eleele laugatasi, a ua le iloa'e ia o 'au na tanu i tua o le aai e tau ma ia. Ona faataga
 15 fasia lea o Iosua, mā Isaraelu uma i o latou luma; ma latou sosola i le ala i le vao. Ona faapotopotoina
 16 lea o tagata uma na i Ai e tuliloa atu ia te i latou; ua latou tuliloa ia Iosua, ona tosina ai lea o i latou nai le aai. Ua le faatoeina se tagata i
 17 Ai ma Peteli, a ua uma atu i tua o Isaraelu; na tuu avanoa foi e i latou le aai, ma latou tuliloa atu ia Isaraelu. Ona fetalai mai lea o Ieova ia
 18 Iosua, Ia e faaloaloa le tao o i lou lima i Ai; auā ou te tuuina atu ai i lou lima. Ona faaloaloa lea e Iosua o le tao na i lona lima i le aai. Ona
 19 vave laga ai lea o 'au sa tanu, ai le mea na latou i ai, ma latou taufetuli atu ina ua faaloaloa lona lima; ona latou o atu lea i le aai, ma latou maua, ma latou faavave ona faamuina o le aai i le afi. Ona tetepa lea
 20 i tua tagata o Ai, ua latou iloa, faauta mai foi, ua alu ae le asu o le aai i le lagi; ona le toe ai lea se

malosi ia te i latou, e sosola i lea
itu po o lea itu; o tagata foi na
sosola atu i le vao, ua liliu mai i e
21 na tuliloa atu ia te i latou. Ua iloa
e Iosua ma Isaraelu uma, ua maua
le aai e 'au na tanu, ua alu ae foi le
asu o le aai; ona latou toe foi mai
ai lea, ma latou fasia tagata o Ai.
22 Ua o mai foi i latou nai le aai e fe-
taiai ma i latou; sa i le va o Isara-
elu i latou, o isi i lea itu ma isi i lea
itu; ua latou fasi ia te i latou ua
le toe se fasi, pe sao se tasi o i latou.
23 Ua latou pue ola le tupu o Ai, ma
24 avane o ia ia Iosua. Ua uma ona
fasia e Isaraelu o e na nonofo uma
i Ai, i le fanua i le vao na tuliloaina
ai i latou; ua fasia i latou uma i le
pelu, ua faaumatia; ona toe foi mai
ai lea o Isaraelu uma i Ai, ma latou
25 fasia ai i le pelu. O i latou uma na
fasia i lea aso, o tane atoa ma fafine,
e sefulu o afe ma afe e lua, o tagata
26 uma o Ai. Auā na le toe faafoi
mai e Iosua lona lima na faaloaloa
atu ma le tao, seia' matuā faaumatia
e ia i latou o e na nonofo uma i Ai.
27 Na o manu, ma le vete o lea aai, na
ave e Isaraelu mā latou, e tusa ma
le afoga a Ieova na ia fetalai atu ai
ia Iosua. Ua susunuina e Iosua o
28 Ai, ua na faia foi ma faupuegāmaa
e faavavau, e faatafunaina lava e oo
29 i le aso nei. Ua faatautanina foi e
ia le tupu o Ai i le laau ua oo i le
afafi; ua goto le la, ona fai atu ai
lea o Iosua ia latou ave ifo lona tino
i le laau, ma lafo ai i le mea e ui
atu ai i le faitotoa o le aai, ma faa-
putuina i ona luga le faupuegāmaa
tele, ua oo i le aso nei.
30 Ona ati ae lea e Iosua o le fata
faitaulaga ia Ieova, le Atua o Isara-
31 elu, i le mauga o Evalu, e pei ona
poloai mai ai o Mose le auaua a
Ieova i le fanauga a Isaraelu, e pei
ona tusia i le tusi o le tulafono a
Mose, o le fata faitaulaga e fai i
maa atoatoa, e le talai ai e se tasi i
se uamea; ona latou fai ai lea i ona
luga o taulaga mu ia Ieova, ua faia
32 foi e i latou taulaga faafetai. Ua
tusia foi e ia i lea mea i luga o na
maa, o le ata o le tulafono a Mose,
na tusia e ia i luma o le fanauga a
33 Isaraelu. O Isaraelu uma foi, ma o
latou toeaina, ma le au faipule, ma

o latou faamasino, ua latou tutū i
lea itu ma lea itu o le atolaau i luma
o faitaulaga o sa Levī o e na tauave
le atolaau o le feagaiga a Ieova; o
le tagata ese atoa ma le tama a le
eleele; o le tasi vaega o i latou e
feagai ma le mauga o Keresema;
ma le isi vaega o i latou e feagai ma
le mauga o Evalu; e pei ona poloai
mai ai o Mose le auaua a Ieova
anamua, latou te faamanuia ai le
nuu o Isaraelu. E mulimuli ane ua 34
faitauina e ia upu uma o le tulafono,
o le manuia ma le malaia; e pei o
mea uma ua tusia i le tusi o le tula-
fono. Ua leai se upu o upu uma na 35
poloai mai ai Mose, e lei faitaulaia e
Iosua i luma o le faapotopotoga
uma o Isaraelu, ma fafine, ma tama
iti, ma tagata ese na feoi ma i
latou.

O le togafiti faa'ole'ole a Kipeona.

UA lagona e tupu uma sa i le itu 9
mai o Ioritana, i mauga, ma nuu
maulalo, ma itu uma o le sami tele
e feagai ma Lapanona, o sa Heti,
ma sa Amori, o sa Kanauā, o sa
Perisē, o sa Hivī, ma sa Iepusē;
ona faapotopoto faatasi ai lea o i 2
latou e tau ai le taua ma Iosua ma
Isaraelu; ua loto gatasi.

Ua faalogo e na nonofo i Kipeona 3
i mea ua faia e Iosua i Ieriko ma
Ai; ona latou fai togafiti faa'ole'ole 4
lea, ua latou o, ma faataga tausavali;
ua latou faaee taga pala i luga o a
latou asini, ma fagu uaina ua pala,
ma masaesae, ma fusifusi; o seevae 5
pala foi ua fonofono i o latou vae,
ma ofu pala na latou oofu ai; o le
areto uma foi o lo latou oso ua
māgumāgu, ma momomo. Ona la- 6
tou o atu lea ia Iosua i le toagālau-
api i Kilikala, ma latou fai atu ia te
ia ma tagata o Isaraelu, Ua matou
o mai nei mai le nuu mamao; o
lenei, ia tatou faia se feagaiga ma
outou. Ona fai mai ai lea o tagata 7
o Isaraelu i sa Hivī, Atonu na outou
nonofo faatasi ma i matou; pe faa-
pefea ea ona tatou faia se feagaiga
ma outou? Ona latou fai atu ai 8
lea ia Iosua, O au auaua i matou.
Ona fai mai ai lea o Iosua ia te i
latou, O ai ea outou? pe na outou
o mai i fea? Ona latou fai atu ai 9

lea ia te ia, O le nuu matuā mamao
lava ua o mai ai au auauna, ona o
le suafa o Ieova lou Atua; auā na
matou faalogo i le tala ia te ia, ma
10 mea uma ua faia e ia i Aikupito; o
mea uma foi ua faia e ia i tupu e
toalua o sa Amori, o'e na i le la itu
o Ioritana; o Sekono le tupu o
Hesepona, ma Oko le tupu o Vasana
11 sa i Aserota. O le mea lea na fai
mai ai ia te i matou o matou toeaina,
ma e o nonofo uma i lo matou nuu,
ua faapea mai, Ina ave ia o oso mo
outou i le ala, ma ia outou o e faa-
fetaiai ia te i latou, ma fai atu ia te
i latou, O a outou auauna i matou;
o lenei, ia tatou faia se feagaiga ma
12 i matou. O a matou areto nei na
sauni mo matou oso, sa vevela i le
aso na matou o mai ai i o matou
fale e o mai ia te outou; o lenei foi,
faauta, ua māgumāgu ma momomo.
13 O nei fagu uaina foi na matou utu-
fia sa fou, faauta foi, ua masaesae;
o matou nei ofu foi ma o matou
seevae ua pala, ina ua matuā ma-
14 mao lava le ala. Ona tago lea o ia
tagata i a latou mea e 'ai, a ua latou
15 le fesili atu i le afiga a Ieova. Ona
faia lea e Iosua le mavaega ma i
latou, na faia foi e ia le feagaiga
ma i latou e ola ai i latou; ua tauto
foi alii sili o le faapotopotoga ia te
i latou.
16 Ua mavae atu aso e tolu talu ona
latou faia le feagaiga ma i latou,
ona latou faalogo ai lea ua latou
felatai ma i latou, ma nofo tuaoi
17 ma i latou. Ona o atu lea o le
fanauga a Isaraelu, ma oo atu i a
latou aai i le aso tolu; o a latou
aai ia o Kipeona, ma Kafira, ma
18 Perota, ma Kiriataiarima. Ua le
fasia i latou e le fanauga a Isaraelu,
auā na tauto ia te i latou o alii sili
o le faapotopotoga, ia Ieova le Atua
o Isaraelu. Ona muimui lea o le
19 faapotopotoga uma i alii sili. A
ua fai atu alii sili uma i le faapoto-
potoga uma, Ua matou tauto ia te i
latou ia Ieova le Atua o Isaraelu; o
le mea lea e le mafai ai ona tatou ta-
20 gafia i latou. O le mea lenei tatou
te faia ia te i latou; tatou te faaola
ia te i latou, nei i luga ia te i tatou
le toasa, ona o le tautoga na tatou
21 tauto ai ia te i latou. Ua fai atu

foi alii sili ia te i latou, Ia ola i
latou, e pei ona fai atu o alii sili ia
te i latou; a ia fai i latou ma e fāi
fafie, ma e utu vai mo le faapotopo-
toga uma.

Ona valaau lea o Iosua ia te i 22
latou, ma na fai atu ia te i latou,
ua faapea atu, Se a ea le mea ua
outou faa'ole'ole mai ai ia te i ma-
tou, ua faapea mai, E matuā mamao
lava i matou ma outou; a ua outou
nonofo felatai ma i matou. O le 23
mea lea e malaia ai outou; e le toe
te'a ese outou ma le nofo pologa,
ma e fāi fafie, ma e utu vai mo le
fale o lo'u Atua. Ona latou tali 24
mai ai lea ia Iosua, ua faapea mai,
Auā sa matuā ta'utino mai i au
auauna na poloai mai Ieova lou
Atua i lana auauna o Mose, e foai-
ina le lauelele uma ia te outou,
ma faaumatia i latou o e nonofo
uma i le nuu ai o outou luma; o le
mea lea sa matuā fefefe ai i matou
ina nei matou oti ia te outou, ua
matou fai ai foi lenei mea. O lenei, 25
faauta mai, o i matou nei o i lau
pule; o le mea lelei ma le tonu i ou
luma e fai ia te i matou ia e faia.
Ua faapea foi ona faia e ia ia te i 26
latou, ua laveaiina e ia o i latou ai
lima o le fanauga a Isaraelu, ma ua
le fasiotia i latou. Ua tuuina i 27
latou e Iosua i lea aso e fāi fafie,
ma utu vai mo le faapotopotoga, ma
le fata faitaulaga o Ieova ua oo mai
i le aso nei, i le mea e filifilia e ia.

*O le taua o Isaraelu ma tupu o
Kanana e toalima.*

UA lagona e Atonesateko le tupu 10
o Ierusalemā ua aea e Iosua o Ai,
ma ua faaumatia e ia; e pei ona
faia e ia i Ieriko ma lona tupu, ua
faapea lava ona faia e ia i Ai ma
lona tupu; ma ua faalelei ma Isa-
raelu e ua nonofo i Kipeona, ma
latou faatasi ma i latou; ona latou 2
matuā fefefe ai lea, auā o le aai
tele lava Kipeona, e pei o se aai o
se tupu; auā foi e sili ia i Ai, o ona
tagata uma foi e totoa i latou. Ona 3
alu ai lea o le feau a Atonesateko
le tupu o Ierusalemā ia Oama le
tupu o Heperona, ma Pirama le
tupu o Iaremuta, ma Iafia le tupu
o Lakisa, ma Tiperi le tupu o Eke-

- 4 lona, ua faapea atu, O mai ia ia te au, ma fesoasoani mai ia te au e fasi ia Kipeona; auā ua faalelei i latou ma Iosua atoa ma le fanauga a Israelu. Ona faapotopoto ai lea o tupu e toalima o sa Amori, o le tupu o Ierusalem, o le tupu o Heperona, o le tupu o Iaremuta, o le tupu o Lakisa, o le tupu o Ekelona, ma latou o ae, o i latou, ma a latou 'au uma, ona latou to lauapi ai lea i Kipeona, ma latou tau ma ia.
- 6 Ona alu lea o le feau a tagata o Kipeona ia Iosua i le toagālauapi i Kilikala, ua faapea atu, Aua e te lafoaina au auauna; ia e faataalise ona alu ae ia te i matou, ma faaolaina i matou, ma fesoasoani ia te i matou; auā ua faapotopotoina e tau ma i matou o tupu uma o sa Amori, o e nonofo i le atu mauga. Ona alu ae lea o Iosua nai Kilikala, o ia ma 'au uma o le taua faatasi ma ia, atoa ma toa malolosi uma. Ona fetalai mai lea o Ieova ia Iosua, Aua e te fefe ia te i latou, auā ua ou tuuina atu i latou, i ou lima; e lea i so latou e tu i ou luma. Ua oo faafuasei Iosua ia te i latou; na atoa le po o alu ae ia nai Kilikala. Ona tulia lea o i latou e Ieova i luma o Israelu, ua fasia foi i latou i le fasi tele i Kipeona; ua tuliloa atu ia te i latou i le ala e alu ae i Peteorana; ua fasi ia te i latou e oo i Aseka ma Maketa. Ua sosola i latou i luma o Israelu, na i ai i latou i le ifo a'i i Peteorana, ona lafo ifo lea e Ieova o maa tetele mai le lagi i o latou luga e oo i Aseka, ua oti ai i latou; e toatele o e ua oti i uato'a i e na fasia e le fanauga a Israelu i le pelu.
- 12 Ona fai atu ai lea o Iosua ia Ieova i le aso na tuuina mai ai e Ieova o sa Amori i luma o le fanauga a Israelu, ua faapea atu i luma o Israelu, Le la e, ia tumau oe i luga o Kipeona; ma oe le masina i luga o le vanu o Ailona. Ona tumau ai lea o le la, sa tu foi le masina, ina seia tauia e le nuu o e ita ia i latou. E le ua tusia ea lenei *tala* i le tusi a Iasera? Ua tumau le la i totou o le lagi, ua le vave ona alu ifo, *ua*
- 14 *tumau* pei o se aso atoa. E leai foi se aso na muamua pe mulimuli, e tusa ma lena na faafogaina ai e Ieova le leo o le tagata; auā na tau le taua e Ieova mo Israelu. Ona toe foi lea o Iosua ma Israelu uma faatasi ma ia i le toagālauapi i Kilikala.
- A ua sosola ia tupu e toalima, ma 16 lalafi i latou i le ana i Maketa, sa ta'ua mai ia Iosua, ua faapea mai, Ua maua tupu e toalima, o loo lalafi i latou i le ana i Maketa. Ona fai 18 atu ai lea o Iosua, Ia fuli ane ni maa tetele i le gutu o le ana, ma tuu ai ni tagata e leoleo ia te i latou. A 19 o outou, aua ne'i nonofo outou, a ia tuliloa atu i e ita ia te outou, ma fafasi i e o mulimuli, aua ne'i tuu atu i latou e o i a latou aai; auā ua tuuina mai i latou e Ieova lo outou Atua i o outou lima. Ua uma ona 20 fasia i latou e Iosua ma le fanauga a Israelu i le fasi e matūia tele lava, ua faaumatia i latou; a o e na sao o i latou na o atu i latou i aai nofo 'olo. Ona toe foi mai lea o le nuu 21 uma ia Iosua i le toagālauapi i Maketa ua soagalemu, ua leai se tasi e faagaioi lona laulaufaiva i se tasi o le fanauga a Israelu.
- Ona fai atu ai lea o Iosua, Ina to 22 ese ia o maa i le gutu o le ana, ma au mai ia te au mai le ana o ia tupu e toalima. Ua faapea foi ona latou 23 faia, ua au mai ia te ia mai le ana o ia tupu e toalima, o le tupu o Ierusalem, o le tupu o Heperona, o le tupu o Iaremuta, o le tupu o Lakisa, o le tupu o Ekelona. Ua au 24 mai e i latou o ia tupu ia Iosua, ona valaau atu lea o Iosua i tagata uma o Israelu, ua faapea atu i e avea 'au o le taua, o e na o faatasi ma ia, Ina faalatalata mai ia, ma soli i ua o ia tupu i o outou vae. Ona latou faalatalata mai ai lea, ma latou soli i o latou ua i o latou vae. Ua fai 25 atu foi Iosua ia te i latou, Aua tou te fefefe, aua foi tou te matatau, ia outou malolosi, ma ia loto tetele; auā e faapea lava ona faia e Ieova i e ita mai uma lava ia te outou, tou te tau ma i latou. E mulimuli ane 26 ua taia i latou e Iosua, ma fasiotia, ma faatautau ia te i latou i laau e lima; ona tau tau lea o i latou i laau ua oo i le afiasi. Ua oo i le itu 27 asc e goto ai le la, ona fai atu ai lea

o Iosua, ona ave ifo ai lea o i latou ai laau, ma lafo ia te i latou i le ana na latou lalafi ai; ua latou avane foi maa tetele i le gutu o le ana, e oo lava i le aso nei.

28 O le aso lava lea na maua e Iosua o Maketa, ma fasia i le pelu, ua faaumatia foi e ia lona tupu, o i latou, ma tagata uma sa i ai, ua le faatoe e ia se tasi; ua faia e ia i le tupu o Maketa e pei ona faia e ia i le tupu

29 o Ieriko. Ona o lea o Iosua ma Isaraelu uma faatasi ma ia nai Maketa i Lipena; ona latou tau ai lea ma Lipena. Ua tuuina mai foi e Ieova lea aai ma lona tupu i lima o Isaraelu; ua fasia ai i le pelu, ma tagata uma sa i ai; ua le faatoeina ai e ia se tasi; ua faia foi e ia i lona tupu e pei ona faia e ia i le tupu o

31 Ieriko. Ona o lea o Iosua ma Isaraelu uma faatasi ma ia nai Lipena i Lakisa, ma to lauapi i ai, ma tau ai le taua. Ua tuuina mai foi e

32 Ieova o Lakisa i lima o Isaraelu, ua latou aea foi i le aso lua, ua fasia i le pelu, ma tagata uma sa i ai, e pei o mea uma na faia e ia i Lipena.

33 Ona alu ae lea o Orama le tupu o Kasera e fesoasoani ia Lakisa; ua fasia foi e Iosua o ia ma lona nuu, ua le faatoeina e ia se tasi mo ia.

34 Ua o foi Iosua ma Isaraelu uma faatasi ma ia nai Lakisa i Ekelona, ma to lauapi i ai, ma tau ai le taua.

35 Ua aea ai foi e i latou i lea aso, ma latou fasia i le pelu, ua faaumatia e ia i lea aso o tagata uma sa i ai, e pei o mea uma na faia e ia i Lakisa.

36 Ona alu ae lea o Iosua ma Isaraelu uma faatasi ma ia nai Ekelona i

37 Heperona, ma tau ai le taua. Ua latou aea ai, ma fasia i le pelu, ma lona tupu, ma ona aai uma, ma tagata uma sa i ai; ua le faatoe e ia se tasi, e pei o mea uma na faia e ia i Ekelona, ua faaumatia e ia, atoa ma tagata uma sa i ai.

38 Ona toe foi mai lea o Iosua ma Isaraelu uma faatasi ma ia i Tiperi,

39 ma tau ai le taua. Ona maua ai lea e ia, ma lona tupu, ma ona aai uma; ua fasia i latou i le pelu, ma faaumatia tagata uma sa i ai, ua le faatoe e ia se tasi; e pei ona faia e ia i Heperona, ua faapea foi ona faia e ia i Tiperi ma lona tupu; e

pei ona faia foi e ia i Lipena ma lona tupu. Ua fasia e Iosua o nuu 40 uma o i le atu mauga, ma le itu i toga, ma le nuu maulalo, ma le elelee laugatasi, ma o latou tupu uma; ua le faatoe e ia se tasi; a ua faaumatia o mea ola uma, e pei ona poloai mai ai Ieova le Atua o Isaraelu. Ua fasia i latou e Iosua e 41 afua mai i Katesapanea e oo atu i Kasa, ma le nuu uma o Kosenā e oo atu i Kipeona. O ia tupu uma 42 ma o latou laueleele na maua e Iosua i le taua e tasi; auā o Ieova le Atua o Isaraelu na tau e ia le taua mo Isaraelu. Ona toe foi mai 43 ai lea o Iosua ma Isaraelu uma faatasi ma ia i le toagālanapi i Kilikala.

Ua manumalo pea o Isaraelu i le taua ma tupu o Kananā.

UA lagona ia mea e Iapino le 11 tupu o Hasora; ona alu ai lea o lana feau ia Iopapa le tupu o Matona, ma le tupu o Semarona, ma le tupu o Akasafa; o tupu foi i le 2 itu i matu o le atu mauga, ma le elelee laugatasi i le itu i toga o Kinereta, ma le nuu maulalo, ma mea mauualuluga o Toro i sisifo; o 3 sa Kananā i sasae ma sisifo, ma sa Amori, ma sa Heti, ma sa Perisē, ma sa Iepusē i le atu mauga, ma sa Hivi i lalo o Heremone i le nuu o Mesepa. Ona o atu lea o i 4 latou, ma a latou 'au uma faatasi ma i latou, o tagata e toatele, e pei o le oneone i le matafaga ona tele; ma solofanua ma kariota e matuā tele. Ua faapotopotoina ia 5 tupu uma; ona latou o ai lea, ma to lauapi faatasi i le vai o Meroma, e tau ai le taua ma Isaraelu.

Ona fetalai mai lea o Ieova ia 6 Iosua, Aua e te fefe ia te i latou, auā a taeao, i le itu la nei, ou te tuuina atu ai i latou uma i luma o Isaraelu ua fasiotia; e te vaea ua o vae o a latou solofanua, ma susunu o latou kariota i le afi. Ona oo faa- 7 fuasei mai lea ia te i latou o Iosua, ma 'au uma o le taua faatasi ma ia, i le vai o Meroma; ona latou osofai lea ia te i latou. Ua tuuina mai foi 8 i latou e Ieova i lima o Isaraelu, ona latou fasia lea o i latou, ma tu'ileā atu ia te i latou i Saitonu le sili,

- ma Meserefomaima, ma le vanu o Mesepa i sasae; ma latou fasi ia te i latou, ua le faatoeina e i latou se tasi o i latou. Ua faia foi e Iosua ia te i latou, e pei ona fetalai mai ai o Ieova ia te ia; ua ia vaea ua o vae o a latou solofanua, ma susunu o latou kariota i le afi.
- 10 O ona po ia na toe foi mai ai Iosua, ma na aea Hasora, ua fasia foi e ia lona tupu i le pelu; auā o Hasora sa sili ia anamua i ia malo uma. Ua latou fasia i le pelu o tagata uma sa i ai, ua faaumatia, ua le faatoeina se tasi e ola; ua faamuina foi e ia o Hasora i le afi.
- 11 Ua maua e Iosua o aai uma o ia tupu, ma o latou tupu uma; ua fasia foi e ia o i latou i le pelu, ua faaumatia i latou, e pei ona poloai mai ai o Mose le auaina a Ieova.
- 12 Na o aai uma e tu i a latou mea maupuepue, ua le susunuina e Israelu; na o Hasora lava ua susunuina e Iosua. O vete uma mai ia aai, ma manu, ua vetea e le fanauga a Israelu; a o tagata uma ua fasia i latou i le pelu, ua faaumatia i latou, ua le faatoeina e i latou se tasi e ola. E pei ona fetalai mai o Ieova ia Mose lana auaina, sa faapea foi ona fai mai ai Mose ia Iosua, sa faapea foi ona faia e Iosua, ua le tuua e ia se mea o mea uma na fetalai mai ai Ieova ia Mose.
- 13 Ua maua e Iosua lona nuu uma, o le atu mauga, ma le itu i toga uma; o le nuu uma foi o Koseua, ma le nuu maulalo, ma le elelee laugatasi, ma le mauga o Israelu, ma lona nuu maulalo; e afua i le mauga o Kalaka, e alu ae i Seira, e oo atu i Paalakato o i le vanu o Lepanona i lalo o le mauga o Heremone; ua maua foi e ia o latou tupu uma, na taia foi i latou e ia, ma fasioti ia te i latou. Ua tau le taua e Iosua i aso e tele ma ia tupu uma. Ua leai se aai na faalelei ma le fanauga a Israelu, na o sa Hivi o e nonofo i Kipeona; ua maua 20 uma isi nuu i le taua. Auā mai ia Ieova ona faamaaaina o latou loto e o mai ia tau le taua ma Israelu, ina ia matuā faaumatia i latou, ia le alofagia i latou, a ia faaumatia i

latou e ia, e pei ona fetalai mai ai o Ieova ia Mose.

O ona po ia na alu atu ai Iosua, 21 ma faaumatia sa Anakī nai le atu mauga, nai Heperona foi, ma Tipei i, ma Anapi, ma mauga uma o Iuta, ma mauga uma o Israelu; ua matuā faaumatia e Iosua o i latou ma a latou aai. Ua le totoe nisi o 22 sa Anakī i le nuu o le fanauga a Israelu; na o Kasa, ma Kata, ma Asetota, na totoe ai. Ua maua e 23 Iosua le nuu uma, e pei o mea uma na fetalai mai ai Ieova ia Mose; ua avatu ai foi e Iosua e fai ma tofi mo Israelu, e pei o le vaevaeina o i latou i o latou itu aiga. Ona mapu ai lea o le nuu i le taua.

O igoa o tupu na fasia e Mose ma Iosua.

O TUPU nei o le nuu na fasia e 12 le fanauga a Israelu, ua fai foi mo latou o latou laueleele i le la itu o Ioritana, i le mea e alu ae ai le la, e afua i le alia o Arinona, e oo atu i le mauga o Heremone, ma le elelee laugatasi uma i sasae. O Sekono 2 le tupu o sa Amorī, sa nofo i Hesepona, sa pule o ia e afua mai i Aroeru, o i le auvai o le alia o Arinona, ma totonu foi o le alia, ma le tasi itu o Kiliata, e oo atu i le alia o Iapoka, o le tuaoi lea o le fanauga a Amoni. O le elelee laugatasi foi e oo atu i le vai o Kinereta i sasae, e oo atu foi i le sami o le elelee laugatasi, o le sami Oona lea i sasae, o le ala i Petesemota; e afua mai foi i le itu i toga i lalo o Asetota-peseka; ma le tuaoi o Oko 4 le tupu o Vasana, o le na toe o tagata mauaululuga, sa nofo ia i Aserota ma Eterei; na pule ia i le mauga o Heremone, ma Saleka, ma Vasana uma e oo atu i le tuaoi o Kisuri, ma Maaka, ma le tasi itu o Kiliata, o le tuaoi o Sekono le tupu o Hesepona. Na fasia i latou e 6 Mose le auaina a Ieova, ma le fanauga a Israelu; na avatu foi le nuu e Mose le auaina a Ieova e fai mo sa Reupenā, ma sa Katō, ma le tasi vaega o le itu aiga o Manase.

O tupu ia o le nuu na fasia e 7 Iosua ma le fanauga a Israelu i le itu mai o Ioritana i sisifo, e afua

mai i Paalakato i le vanu o Lepa-
nona, e oo atu i le mauga o Kalaka,
e alu ae i Seira; na avatu e Iosua i
itu aiga o Isaraelu e fai mo latou e
8 tusa ma le vaevaeina o i latou; o i
le atu mauga, ma le nuu mau-lalo,
ma le eleele laugatasi, ma le nuu i
le laulata, ma le vao, ma le itu i
toga; o sa Heti, o sa Amori, ma sa
Kananā, o sa Perisē, o sa Hivi, ma
sa Iepusē.
9 O le tupu o Ieriko le tasi; o le
tupu o Ai, e feagai ma Peteli, le
10 tasi; o le tupu o Ierusalemā le
tasi; o le tupu o Heperona le tasi;
11 o le tupu o Iaremuta le tasi; o le
12 tupu o Lakisa le tasi; o le tupu o
Ekelona le tasi; o le tupu o Kesera
13 le tasi; o le tupu o Tiperi le tasi;
14 o le tupu o Ketere le tasi; o le
tupu o Horema le tasi; o le tupu o
15 Arata le tasi; o le tupu o Lipena le
tasi; o le tupu o Atulame le tasi;
16 o le tupu o Maketa le tasi; o le
17 tupu o Peteli le tasi; o le tupu o
Tapua le tasi; o le tupu o Eferu le
18 tasi; o le tupu o Afeka le tasi; o
19 le tupu o Saronā le tasi; o le tupu
o Matono le tasi; o le tupu o
20 Hasora le tasi; o le tupu o Sema-
ronamerona le tasi; o le tupu o
21 Akasafa le tasi; o le tupu o Tanaka
le tasi; o le tupu o Mekito le tasi;
22 o le tupu o Katesa le tasi; o le tupu
23 o Iokeneama i Karamelu le tasi; o
le tupu o Toro i le mea mau-luga o
Toro le tasi; o le tupu o nuu i Kili-
24 kala le tasi; o le tupu o Tiresa le
tasi; o le tupu atoa uma e toatoluga-
fulu ma le toatasi.

O tuaoi o fanua.

13 UA toeaia lava o Iosua, ua tele
ona tausaga; ona fetalai mai lea o
Ieova ia te ia, Ua e toeaia lava, ua
tele ou tausaga; e matuā tele foi
le lauleele o totoe e fai mo outou.
2 O le lauleele lenei o totoe; o le
itu uma o Filisitia, ma Kasuri uma,
3 e afua mai i Seora, e feagai ma
Aikupito, a e oo atu i le tuaoi o
Ekerona i le itu i matu, ua ta'ua ia
o sa Kananā; o alii e toailima o Fili-
sitia; o tagata o Kasa, ma tagata o
Asetota, o tagata o Asekelona, o
tagata o Kata, ma tagata o Ekerona,
4 ma tagata o Gavi; e afua mai i le

itu i toga, o le nuu uma o sa Ka-
nanā, ma Meara o i sa Saitonū, e
oo atu i Afeka, e oo i le tuaoi o sa
Amori; o le nuu foi o tagata o 5
Kivali, ma Lepanona uma i le itu e
alu ae ai le la, e afua mai i Paala-
kato o i lalo o le mauga o Here-
mone, e oo i le mea e ui atu ai i
Amato. Ou te tulia i luma o le 6
fanauga a Isaraelu o e nonofo uma
i le atu mauga e afua mai i Lepa-
nona, e oo atu i Meserefomaima, o
tagata uma o Saitonu; tau ina e fai
ai *le vili* ia Isaraelu e tofofi ai *le*
lauleele, e pei ona ou fai atu ai ia
te oe. O lenei, ia e vaevaeina atu 7
lenei lauleele e fai ma tofi mo itu
aiga e iva, ma le vaega o le itu aiga
o Manase. O sa Reupenā, ma sa 8
Katō, ua maua e i latou o latou tofi
faatasi ma i latou, na avatu e Mose
ia te i latou i le la itu i sasae o
Ioritana, e pei ona avatu ia te i
latou e Mose le au-auna a Ieova; e 9
afua mai i Aroeru, o i le auvai o le
alia o Arinona, ma le aai o i totonu
o le alia, ma le eleele laugatasi uma
o Metepa, e oo atu i Tipona; o aai 10
uma foi o Sekono le tupu o sa
Amori, o le na fai ma tupu i Hese-
pona, e oo i le tuaoi o le fanauga a
Amoni; o Kiliata foi, ma le nuu o 11
tagata o Kasuri, ma tagata o Maaka,
ma le mauga o Heremoni uma, ma
Vasana uma e oo atu i Saleka. O 12
le malo uma o Oko i Vasana, o le
na toe i sa Rafā, o le na fai ma
tupu i Aserota, ma Eterei; na fasia
foi i latou e Mose, ma tulia i latou.
Na le tulia foi e le fanauga a Isa- 13
raelu tagata o Kasuri, ma tagata o
Maaka; a ua nonofo Kasuri, ma
Maaka faatasi ma Isaraelu, e oo
lava i le aso nei. Na o le itu aiga o 14
sa Levi, na ia le avatu ai se tofi; o
taulaga *e fai* i le afi ia Ieova le
Atua o Isaraelu o lo latou tofi lea,
e pei ona fetalai mai ai o ia ia te i
latou.

Na avatu e Mose *le tofi* i le itu 15
aiga o le fanauga a Reupena e tusa
ma o latou aiga; e afua mai foi lo 16
latou tuaoi i Aroeru, o i le auvai o
le alia o Arinona, ma le aai o i
totonu o le alia, ma le eleele lauga-
tasi uma o i Metepa; o Hesepona, 17
ma ona aai uma o i le eleele lauga-

tari; o Tipona, ma Pamotapaala,
 18 ma Petepaalameona, ma Iaesa ma
 19 Katemoti, ma Mefata, ma Kiriatai-
 ma, ma Sepema, ma Saretasaara o i
 20 le mauga o le vanu, ma Petepeoro,
 ma Asetotapeseka, ma Petesemota;
 21 o aai uma foi i le elelee laugatasi,
 ma le malo uma o Sekono le tupu
 o sa Amori, o le na fai ma tupu i
 Hesepona, na fasia o ia e Mose faa-
 tasi ma alii sili o Mitiana, o Evi, ma
 Rekema, ma Suro, ma Huro, ma
 Repa, o alii sa ia Sekono, sa nonofo
 22 i le nuu. O Palaamo foi le atalii o
 Peoro, o le na fai togafiti faatau-
 laitu, na fasiotia e le fanauga a Isa-
 raelu i le pelu faatasi ma e na latou
 23 fasia. O le tuaoi o le fanauga a
 Reupena o Ioritana lea, ma ona
 tuaoi. O le tofi lea o le fanauga a
 Reupena e tusa ma o latou aiga, o
 aai ma o latou faoa aai.
 24 Na avatu e Mose *le tofi* i le itu
 aiga o Kato, o le fanauga a Kato, e
 25 tusa ma o latou aiga. O lo latou
 tuaoi o Iasaru, ma aai uma o Kili-
 ata, ma le vaeluaga o le laueleele o
 le fanauga a Amoni, e oo atu i
 26 Aroeru, e feagai ma Rapa; e afua
 mai foi i Hesepona, e oo atu i
 Ramamesepa; ma Patanima; e afua
 mai foi i Maanaima e oo atu i le
 27 tuaoi o Tiperi; o *aai* foi i le vanu, o
 Petearama, ma Petenimara, ma Su-
 kota, ma Sefono, o toe o le malo o
 Sekono le tupu o Hesepona, o Iori-
 tana ma ona tuaoi, e oo atu i le mea
 e gata mai ai le vai o Kinereta i le
 28 la itu i sasae o Ioritana. O le tofi
 lea o le fanauga a Kato e tusa ma o
 latou aiga, o aai ma o latou faoa
 aai.
 29 Na avatu e Mose *le tofi* i le tasi
 vaega o le itu aiga o Manase; o *le*
tofi lenei o le vaega o le itu aiga o
 le fanauga a Manase e tusa ma o
 30 latou aiga. O latou tuaoi e afua
 mai i Maanaima, o Vasana uma, o
 le malo uma o Oko le tupu o
 Vasana, ma Havota-iairo uma o i
 31 Vasana, o aai e onogafulu; ma le
 tasi itu o Kiliata, ma Aserota, ma
 Eterei, o aai o le malo o Oko i
 Vasana, *na i ai* i le fanauga a
 Makiro le atalii o Manase, o le vae-
 luaga o le fanauga a Makiro e tusa
 32 ma o latou aiga. O nuu ia na tofia

e Mose mo i latou i le elelee lauga-
 tasi o Moapi, i le la itu o Ioritana, e
feagai ma Ieriko i sasae. A ua le 33
 avatu e Mose se tofi i le itu aiga o
 sa Levi; o Ieova le Atua o Isaraelu
 o ia lo latou tofi, e pei ona fetalai
 mai ai o ia ia te i latou.

O le tofi o Kalepo.

O NUU nei ua faia ma tofi o le 14
 fanauga a Isaraelu i le nuu o Ka-
 nana, ua tofia e fai mo i latou e
 Eleasaro le faitaulaga, ma Iosua le
 atalii o Nuno, ma matai sili o itu
 aiga o le fanauga a Isaraelu. *Ua* 2
faia o latou tofi i le vili mo itu aiga
 e iva ma le vaega o le itu aiga, e
 pei ona fetalai mai e Ieova ia faia e
 Mose. Auā na avatu e Mose le tofi 3
 i itu aiga e lua ma le vaega o le itu
 aiga, i le la itu o Ioritana; a ua le
 avatu e ia se tofi i sa Levi faatasi
 ma i latou. Auā o le fanauga a
 Iosefa e lua itu aiga i latou, o Ma-
 nase ma Efaraima. Ua le avatu foi
 e i latou se tofi o le laueleele i sa
 Levi na o aai latou te nonofo ai, ma
 tuafanua o i ai mo latou manu ma a
 latou mea. E pei ona fetalai mai ai 5
 o Ieova ia Mose, ua faapea lava ona
 faia e le fanauga a Isaraelu, ua latou
 tofia foi le nuu.

Ona o mai lea o le fanauga a Iuta 6
 ia Iosua i Kilikala; ona faapea mai
 ai lea ia te ia o Kalepo le atalii o
 Iefune o le sa Kinasā, Ua e silafia
 le mea na fetalai mai ai Ieova ia
 Mose le tagata o le Atua ia te i taua
 i Katesapanea. Sa fagafulu o'u 7
 tausaga ina ua auina atu a'u e Mose
 le auaina a Ieova mai Katesapanea
 e asiati i le fanua; ona ou au mai ai
 lea o le upu e tusa ma lo'u taofi. A 8
 o o'u uso na o faatasi ma a'u, na
 latou faavaivaia loto o le nuu; a o
 a'u nei, na ou matuā mulimuli atu
 ia Ieova lo'u Atua. Na tauto foi 9
 Mose i lea aso, ua faapea mai, E
 moni o le nuu na solia i ou vae, e
 fai lea mou tofi ma au fanau e
 faavavau, auā ua e matuā mulimuli
 ia Ieova lo'u Atua. O lenei foi, 10
 faauta, ua faaolaina a'u e Ieova, e
 pei ona fetalai mai o ia, o ia tausaga
 e fagafulu ma le lima, talu ona
 fetalai mai e Ieova lenei upu ia
 Mose, a o feoi Isaraelu i le vao; o

lenei foi, faauta mai ia, o a'u nei e
 11 le aso nei. O loo tumau lo'u malosi
 i le aso nei e pei o le aso na auina
 atu ai a'u e Mose; e pei o lo'u
 malosi i lea aso, o loo o faapea foi
 12 lo'u malosi i le aso nei, e tau ai le
 taua, ma alu atu ma toe sau. O
 lenei, ia e tuuina mai ia te au lenei
 mauga, na fetalaia mai e Ieova i lea
 aso; auā ua e faalogo oe i lea aso,
 sa i lea mea o sa Anakī, ma aai
 tetele ua nofo 'olo; afai e ia te au
 Ieova, ona ou mafaia lea ona tutuli
 ia te i latou, e pei ona fetalai mai ai
 13 o Ieova. Ona faamanuia lea o ia e
 Iosua, ua ia avatu foi o Heperona ia
 Kalepo le atalii o Iefune e fai mona
 14 tofi. O le mea lea na fai ai o Hepe-
 rona ma tofi o Kalepo le atalii o
 Iefune o le sa Kinasā, e oo i le aso
 nei, ina ua ia matuā mulimuli atu ia
 15 Ieova le Atua o Isaraelu. O le igoa
 foi o Heperona anamua o Kiriata-
 arapa; o *Arapa* o le tagata sili ia i
 sa Anakī. Ona mapu ai lea o le
 nuu i le taua.

O le tofi o le itu aiga o sa Iutā.

15 O LE tofi lenei o le itu aiga o le
 fanauga a Iuta e tusa ma o latou
 aiga, e oo i le tuaoi o Etoma, o le vao
 o Tisina i le itu i toga, o le mea lea
 2 e gata mai ai le itu i toga. O lo
 latou tuaoi i le itu i toga ua afua
 mai i le mea e gata mai ai le sami
 Oona, e afua mai foi i le faga e
 3 faasaga i le itu i toga; a e alu atu i
 le itu i toga i le aega o Akarava, ma
 ui atu i Tisini, ma alu ae i le itu
 i toga i Katesapanea, ma ui ai i
 Hasaronu, ma alu ae i Atara, ma ui
 4 ane i Karaka; ona ui atu ai lea i
 Asemoni, ma alu atu i le alia o
 Aikupito; o lona gataaga mai o lea
 tuaoi o le sami lea. O lo outou tuaoi
 5 lea i le itu i toga. O le tuaoi i sasae
 o le sami Oona, e oo atu i le mea e
 gata mai ai Ioritana. O le tuaoi i le
 itu i matu e afua mai i le faga o le
 sami i le mea e gata mai ai Iori-
 6 tana; a e alu ae le tuaoi i Peteo-
 kelu, ma ui ai i le itu i matu o
 Petearapa; ua alu ae foi le tuaoi i
 le maa o Poana le atalii o Reupena.
 7 Ona alu ae ai lea o le tuaoi i Tiperi
 mai le vanu o Akori, e ui ai i le itu

i matu e faasaga atu i Kilikala, e
 feagai ma le aega i Atumema, o i le
 itu i toga o le alia; ona ui ai lea o
 le tuaoi i le vai o Enesemesa, o lona
 gataaga mai o i Enerokelu. Ona
 8 alu ae ai lea o le tuaoi i le vanu o le
 atalii o Hinoma e oo atu i le itu i
 toga o sa Iepusē, o Ierusalemalea;
 e alu ae foi le tuaoi i le tumutumu
 o le mauga e feagai ma le vanu o
 Hinoma i sisifo, o i le mea e gata
 mai ai le vanu o sa Rafā i le itu i
 matu; ua tusia foi le tuaoi e afua
 9 mai i le tumutumu o le mauga, e co
 atu i le vaipuna o Nafatoa, ua alu
 atu foi i aai o le mauga o Eferona;
 ua tusia foi le tuaoi o Paala, o
 Kiriata-iarima lea. Ona afe lea o le
 10 tuaoi mai Paala i sisifo, e oo atu i le
 mauga o Seira, ua ui atu foi i le
 tafatafa o le mauga o Iarima i le itu
 i matu, o Kasalona lea; ona alu ifo
 ai lea i Petesemesa, ma ui atu ai i
 Timena. Ua alu atu le tuaoi i le
 11 tafatafa o Ekerona i le itu i matu;
 ua tusia foi le tuaoi i Sekerona, ma
 ui ai i le mauga o Paala, ma alu atu
 i Iapenelu; o lona gataaga mai o le
 tuaoi o le sami lea. O le tuaoi i
 12 sisifo o le sami tele lea ma ona
 tuaoi. O le tuaoi lea o le fanauga a
 Iuta e faataaliolio ai, e tusa ma o
 latou aiga.

Ua avatu foi e ia se tofi ia Kalepo
 13 le atalii o Iefune, faatasi ma le
 fanauga a Iuta, e pei o le afioga a
 Ieova ia Iosua, o le aai o Arapa le
 tamā o Anaki, o Heperona lea. Ona
 14 tullia lea ai lea mea e Kalepo o
 atalii e toatolu o Anaki, o Sesai, ma
 Aimana, ma Talemai, o le fanau a
 Anaki. Ona alu ae lea o ia ai lea
 15 mea i e o nonofo i Tiperi; (o le igoa
 foi o Tiperi anamua o Kiriata-
 sapersa.) Ona fai atu ai lea o
 16 Kalepo, O se na te fasia Kiriata-
 sapersa ma na maua, ou te avatu ia
 te ia o Akesa lo'u afafine e fai mana
 avā. Ona maua lea e Otinielu le
 17 atalii o Kinasa, le uso o Kalepo; ua
 avatu e ia ia te ia o Akesa lona afa-
 fine e fai mana avā. Ua alu atu o
 18 ia, ona faaoso atu lea o ia ia te ia,
 ia ole atu i lona tamā i se fanua.
 Ua alu ifo o ia nai le asini, ona fai
 mai ai lea o Kalepo ia te ia, Se a ea
 lou manao? Ona fai atu lea o ia, Ia 19

e foi mai ia te au se mca alofa ; ua
e avane ia te au le fanua i le itu i
toga, ia e foi mai foi ia te au ma
ni vaipuna. Ona avatu ai lea e ia ia
te ia o vaipuna o i luga ma vaipuna
o i lalo.

20 O le tofi lenei o le itu aiga o le
fanauga a Iuta, e tusa ma o latou
21 aiga. O aai tupito o le itu aiga o le
fanauga a Iuta, i le tuaoi o Etoma i
le itu i toga, o Kapeseelu, ma Eteru,
22 ma Iakuri, ma Kiua, ma Timuna,
23 ma Atata, ma Katesa, ma Hasora,
24 ma Itanana, o Sefa, ma Telema, ma
25 Paalota, ma Hasora, ma Hatata, ma
Kiriota, ma Hasaronu, o Hasora
26 lea ; o Amama, ma Sema, ma Mo-
27 lata, ma Asarakata, ma Hasamoni,
28 ma Petepaleta, ma Asara-suala, ma
29 Peresepa, ma Pisetia, o Paala, ma
30 Iima, ma Asema, ma Elitolita, ma
31 Kiselu, ma Horema, ma Sekeleka,
32 ma Matamana, ma Sanesana, ma
Lepaota, ma Seleima, ma Aino, ma
Rimoni ; o aai uma ia e lua sefulu
ma le iva, atoa ma o latou faoa aai ;
33 o i le nuu maulalo, o Esetaola, ma
34 Sora, ma Asena, ma Sanoa, ma
35 Enekanima, o Tapua, ma Enama, o
Iaremuta, ma Atulame, o Suka, ma
36 Aseka, ma Saraima, ma Atitaima,
ma Ketere, ma Keteretaima ; o aai
e sefulu ma le fa, atoa ma o latou
37 faoa aai. O Senana, ma Hatesa, ma
38 Meketala-kato, ma Tileano, ma
39 Mesepa, ma Iokatielu, o Lakisa, ma
40 Posekata, ma Ekelona, ma Kapona,
41 ma Lakemase, ma Kitelisa, ma
Kiterota, o Petetakona, ma Naama,
ma Maketa ; o aai e sefulu ma le
42 ono, ma o latou faoa aai. O Lipena,
43 ma Eteru, ma Asana, ma Iefeta, ma
44 Asena, ma Nisepa, ma Kaila, ma
Akasepa, ma Morese ; o aai e iva,
45 ma o latou faoa aai. O Ekerona,
46 ma ona aai, ma ona faoa aai. Eafua
mai i Ekerona ma le sami, o aai
uma e latalata i Asetota, ma o latou
47 faoa aai. O Asetota, ma ona aai,
ma ona faoa aai, o Kasa, ma ona
aai, ma ona faoa aai, e oo atu i le
alia o Aikupito, ma le sami tele, ma
48 ona tuaoi. O i le atu mauga, o
49 Samira, ma Iatira, ma Suka, ma
Tava, ma Kiriata-sena, o Tiperi lea,
50 ma Anapa, ma Esetemoa, ma Anima,
51 ma Kosena, ma Holona, ma Kilo ; o
aai e sefulu ma le tasi, ma o latou
faoa aai. O Arapa, ma Tuma, ma
52 Eseana, ma Ianuma, ma Petetapua, 53
ma Afeka, ma Umeta, ma Kiriata-
54 arapa, o Heperona lea, ma Seora ; o
aai e iva ma o latou faoa aai. O 55
Meona, ma Karamelu, ma Sefa, ma
Iutaa, ma Isereelu, ma Iakatoma, 56
ma Sanoa ; o Kaino, o Kipea, ma 57
Timena ; o aai e sefulu ma o latou
faoa aai. O Aliula, o Petesura, ma 58
Kitoru, ma Mearata, ma Peteanata, 59
ma Aletekono ; o aai ono ma o latou
faoa aai. O Kiriata-paala, o Kiriata- 60
iarima lea, ma Rapa ; o aai e lua ma
o la faoa aai. O i le vao, o Peteara- 61
pa, o Metina, ma Sekaka, ma Niva- 62
sana, ma le aai o masima, ma Eno-
kati ; o aai e ono ma o latou faoa
aai. A o sa Iepusē, o e nonofo i 63
Ierusalemā, na le mafai ona tulia i
latou e le fanauga a Iuta ; a ua
nonofo faatasi o sa Iepusē ma le
fanauga a Iuta i Ierusalemā ua o
i le aso nei.

O le tofi o le fanauga a Iosefa.

UA afua mai le tofi o le fanauga 16
a Iosefa i Ioritana e lata ane i Ieriko,
e oo atu i le vai o Ieriko i sasae, i le
vao e alu ae mai Ieriko i le mauga
o Peteli ; e alu atu mai Peteli i 2
Lusa, ma ui ane i le tuaoi o Araki-
atarota ; e alu ifo i sisifo le tuaoi o 3
Iafeleti, e oo atu i le tuaoi o Peteo-
rana i lalo, ma oo atu i Kasera ; a o
lona gataaga o le sami lea. Na 4
maua foi e le fanauga a Iosefa, o
Manase ma Efaraima, o latou tofi.

O le tuaoi foi lenei o le fanauga 5
a Efaraima, e tusa ma o latou aiga ;
o le tuaoi o lo latou tofi i le itu i
sasae o Atarotaatara, e oo atu i
Peteorana i luga. Ona alu atu lea 6
o le tuaoi i le sami i Mekemeta i le
itu i matu ; e afe le tuaoi i sasae i
Taana-sailo, ma ui atu ai i sasae i
Ianoka ; ona alu ifo ai lea mai 7
Ianoka i Atarota ma Naarata, ma
oo atu i Ieriko ; ona iu atu ai lea i
Ioritana. Ua alu atu le tuaoi ai 8
Tapua i sisifo i le alia o Kana ; o
lona gataaga o le sami lea. O le
tofi lea o le itu aiga o le fanauga a
Efaraima, e tusa ma o latou aiga.
O aai foi na vavaeeseina mo le 9
fanauga a Efaraima o i totōnu o le

10 tofi o le fanauga a Manase, o aai uma ma o latou faoa aai. Na le tulia e i latou o sa Kananā o e nonofo i Kasera; a ua nonofo sa Kananā faatasi ma sa Efaraimā e oo i le aso nei, a ua fai taulaga i latou.

O le tofi o le itu aiga o Manase. Ua faaopoopoina se isi tofi i le fanauga a Iosefa.

17 UA fai foi le tofi o le itu aiga o Manase, auā o ia o le ulumatua a Iosefa; mo Makiro le ulumatua a Manase, o le tamā o Kiliata; auā o ia o le toa, na ia tē ia Kiliata ma

2 Vasana. Ua fai le tofi o le fanauga a Manase, o e na totoe, e tusa ma o latou aiga; mo le fanauga a Apieseru, ma le fanauga a Eleka, ma le fanauga a Aserieli, ma le fanauga a Sakema, ma le fanauga a Eferu, ma le fanauga a Semita; o le fanau ia o Manase le atalii o Iosefa, o tama tane ia e tusa ma o latou aiga.

3 A o Selofeata le atalii o Eferu, le atalii lea o Kiliata, le atalii lea o Makiro, le atalii lea o Manase, e leai sona atalii na o ona afafine; o igoa nei o ona afafine; o Maala, ma Noa, ma Hakelu, o Meleka, ma Tiresa.

4 Ua latou faalatalata mai i luma o Eleasaro le faitaulaga, ma luma o Iosua le atalii o Nuno, ma luma o alii sili, ua faapea mai, Na poloai mai Ieova ia Mose e au mai ia te i matou se tofi faatasi ma o matou tuagane. Ona avatu lea e ia ia te i latou le tofi faatasi ma le au uso o lo latou tamā, e tusa ma le afoga a

5 Ieova. Na maua e Manase o tofi e sefulu, e faaopoopo i le nuu o Kiliata ma Vasana, o i le la itu o Ioritana; auā ua fai e afafine o Manase le tofi faatasi ma ona atalii; o atalii foi o Manase ua totoe ua ia te i latou le nuu o Kiliata.

7 O le tuaoi o Manase, ua afua mai i Asera i Mekemeta, e feagai ma Sekema; ua alu atu le tuaoi i le itu taumatau, e oo atu i e nonofo i

8 Enetapua. Ua ia Manase le laueleele o Tapua; a o Tapua i le tuaoi o Manase, ua i le fanauga a Efaraima. Ua alu ifo le tuaoi i le alia o Kana, i le itu i toga o le alia; o aai ia o Efaraima o i totonu o aai o

Manase; o le tuaoi foi o Manase o i le itu i matu o le alia, ma lora gataaga o le sami lea. O le itu i toga, ua ia Efaraima lea; ma le itu i matu, ua ia Manase lea; o le sami foi o le la tuaoi; ua sosoo foi o la tuaoi i Asera i le itu i matu, ma Isakara i sasae. Ua ia Manase i Isakara ma Asera, o Peteseana ma ona faoa aai, ma Ipelamo ma ona faoa aai, ma e nonofo i Toro ma ona faoa aai, ma e nonofo i Enetoro ma ona faoa aai, ma e nonofo i Tanaka ma ona faoa aai, ma e nonofo i Mekito ma ona faoa aai; o nuu e tolu.

A ua le mafai e le fanauga a Manase ona tutuli o tagata o ia aai; a ua finau sa Kananā e nonofo pea i lena nuu. Ua oo ina malosi o le fanauga a Isaraelu, ona latou totogi atu ai lea o sa Kananā ia fai taulaga; a ua le matuā tulia i latou.

Ona fai mai lea o le fanauga a Iosefa ia Iosua, ua faapea mai, Se a ea le mea ua e au mai ai ia te au na o le tofi e tasi, ma le vaega e tasi e fai mo'u tofi, o a'u foi o le nuu tele lava, auā ua faamanuia a'u e Ieova e oo i le aso nei? Ona tali atu ai lea o Iosua ia te i latou, Afai o oe o le nuu tele, ina alu ae ai oe i le vao tele, ma faatoa mo oe i lea mea se fanua i le nuu o sa Perisē, ma sa Rafā, pe afai e lauitiiti ia te oe le mauga o Efaraima. Ona fai mai ai lea o le fanauga a Iosefa, E le maua e i matou le mauga; ua fai foi kariota uamea e sa Kananā uma o e nonofo i le nuu o le vanu, o i latou o i Peteseana ma ona faoa aai, atoa ma i latou o i le vanu o Isereelu. Ona fai atu lea o Iosua i le aiga o Iosefa, o Efaraima ma Manase, ua faapea atu, O le nuu tele oe, o ia te oe foi le malosi tele, e le na o le tofi e tasi e fai mo oe; a o le mauga e fai mo oe lea; auā o le vao tele lea, e te faatoina; o ia te oe foi lona gataaga; e ui ina fai kariota uamea e sa Kananā, ma ua malolosi i latou, e te tulia i latou.

Ua vaevaeina e Iosua le laueleele o totoe.

UA faapotopotoina le faapopotoga uma o le fanauga a Isaraelu

- i Sailo, ona faatuina ai lea e i latou o le fale fetafai o le faapotopotoga. Ua toilalo foi le nuu ia te i latou.
- 2 Na totoe i le fanauga a Isaraelu o itu aiga e fitu o e na le maua e i
- 3 l tou o latou tofi. Ona fai atu ai l a o Iosua i le fanauga a Isaraelu, Tou te faavaivai seia afea ina ua le o atu e fai mo outou le nuu ua foai-ina atu ia te outou e Ieova le Atua
- 4 o outou tamā? Ina tofia mai ia e outou ni tagata e taitoatolu i itu aiga; ou te auina atu foi i latou, latou te tulai atu, ma feoi i le nuu, ma latou tusia e tusa ma o latou
- 5 tofi; ma latou o mai ia te au. E vaevaeina foi e i latou i vaega e fitu; e tumau Iuta i lona tuaoi i le itu i toga; ma le aiga o Iosefa, e tumau i latou i lo latou tuaoi i le
- 6 itu i matu. A ia outou tusia le nuu i vaega e fitu, ma au mai *le tusi* ia te au iinei, ina ia ou faia le vili mo outou i le mea nei i luma o Ieova lo tatou Atua. Auā o sa Levī e leai so latou tofi faatasi ma outou; auā o le faiva o faitaulaga ia Ieova o lo latou tofi lea; o Kato foi, ma Reupena, ma le tasi vaega o le itu aiga o Manase, ua maua e i latou o latou tofi i le ia itu o Ioritana i sasae, na avatu e Mose le auaina a Ieova ia te i latou.
- 8 Ona tulai atu lea o ia tagata, ma latou o; ua fai atu foi Iosua i e a o ia tusia le nuu, ua faapea atu. Ina o ia, ma feoi i le nuu, ma tusi ai, i le tou foi mai ia te au, ina ia ou faia le vili mo outou i le mea nei i luma
- 9 o Ieova i Sailo. Ona o ai lea o ia tagata, ma latou ui ai i le nuu, ma latou tusia aai i le tusi, i vaega e fitu, ona latou o mai ai lea ia Iosua i le toagālauapi i Sailo.
- 10 Ona faia lea e Iosua o le vili mo i latou i Sailo i luma o Ieova; ua tofia foi mo i latou i lea mea e Iosua le nuu mo le fanauga a Isaraelu, e
- 11 tusa ma o latou vaega. Ua faasaga le vili i le itu aiga o le fanauga a Peniamina, e tusa ma o latou aiga; ua alu atu foi le tuaoi o lo latou tofi i le va o le fanauga a Iuta, ma
- 12 le fanauga a Iosefa. Ua fai lo latou tuaoi i le itu i matu e afua mai i Ioritana; ona alu ae lea o le tuaoi i tafatafa o Ieriko i le itu i matu, ma alu ae i le atu mauga i sisifo; o lona gataaga o le vao o Petavene. Ona ui atu ai lea o le tuaoi ai lea 13 mea i Lusa, i tafatafa o Lusa, o Peteli lea, i le itu i toga; ona alu ifo ai lea o le tuaoi i Atarota-atara, e lata ane i le mauga o i le itu i toga o Peteorana i lalo. Ua tusia 14 ai le tuaoi, ona afe ane lea i le itu i sisifo i le itu i toga, e afua mai i le mauga o loo feagai ma Peteorana i le itu i toga; o lona gataaga o Kiriata-paala, o Kiriata-iarima lea, o le aai o le fanauga a Iuta. O le itu i sisifo lea. O le itu i toga, ua afua 15 mai i le mea e gata mai ai Kiriata-iarima, ona alu atu lea o le tuaoi i sisifo, ma alu atu i le vaipuna o Nafatoa; ona alu ifo ai lea o le tuaoi i 16 le mea e gata mai ai le mauga o loo feagai ma le vanu o le atalii o Hinoma, o i le vanu o sa Rafā i le itu i matu, ona alu ifo ai lea i le vanu o Hinoma i tafatafa o Iepuse i le itu i toga, ma alu ifo i Enerokelu; Ua 17 tusia e afua mai i le itu i matu, ma alu atu i Enesemese. ma alu atu i Kelilota o loo feagai ma le aega i Atumema, ma alu ifo i le maa o Poana le atalii o Reupena; ona ui 18 ai lea e faatafatafa ane, e feagai ma Arapa i le itu i matu, ma alu ifo i Arapa; ona ui ai lea le tuaoi i tafatafa o Peteokelu i le itu i matu; o lona gataaga o le tuaoi o le faga i le itu i matu o le sami Oona, i le mea e gata mai ai Ioritana i le itu i toga. O le tuaoi i le itu i toga lea. O 20 Ioritana o lona tuaoi lea i le itu i sasae. O le tofi lea o le fanauga a Peniamina, ma ona tuaoi e faataaliolioli ai, e tusa ma o latou aiga.
- O aai foi nei o le itu aiga o le 21 fanauga a Peniamina e tusa ma o latou aiga; o Ieriko, ma Peteokelu, ma le vanu o Kisesa, ma Petearapa, 22 ma Semaraima, ma Peteli, ma Gavi- 23 ma, ma Para, ma Ofira, ma Kifa- 24 amoni, ma Ofini, ma Kipea; o aai e sefulu ma le lua, ma o latou faoa aai. O Kipeona, ma Rama, ma 25 Perota, ma Mesepa, ma Kafira, ma 26 Mose, ma Rekema, ma Irefelu, ma 27 Taralu, ma Sela, ma Elifa, ma Ie- 28 puse, o Ieruselema lea, o Kipiata, ma Kiriata; o aai e sefulu ma le fa, ma o latou faoa aai. O le tofi

lea o le fanauga a Peniamina, e tusa ma o latou aiga.

O tofi o Simeona, ma Sepulona, ma Isakara, ma Asera, ma Nafatali, ma Tanu.

- 19 UA maua e Simeona le lua o tofi, mo le itu aiga o le fanauga a Simeona, e tusa ma o latou aiga; ua fai lo latou tofi i totonu o le tofi o le
2 fanauga a Iuta. Ua ia te i latou i lo latou tofi o Peresepa, o Sepa lea,
3 ma Molata, ma Asara-suala, ma Pala,
4 ma Asema, ma Elitolita, ma Petueli,
5 ma Horema, ma Sekeleka, ma Petemakapa, ma Asara-susa, ma Petelepaota, ma Saruena; o aai e sefulu ma le tolu, ma o latou faoa aai.
7 O Aino, ma Rimoni, ma Eteru, ma Asana; o aai e fa, ma o latou faoa
8 aai; o faoa aai uma foi na faataalio-lio i ia aai, e oo i Paalapere o Ramata i le itu i toga. O le tofi lea o le itu aiga o le fanauga a Simeona,
9 e tusa ma o latou aiga. *Ua fai* le tofi o le fanauga a Simeona mai le tofi o le fanauga a Iuta; auā o le vaega o le fanauga a Iuta sa sili ia te i latou; o le mea lea na fai ai e le fanauga a Simeona lo latou tofi i totonu o lo latou tofi.
10 UA maua e le fanauga a Sepulona le tolu o tofi, e tusa ma o latou aiga; ua oo le tuaoi o lo latou tofi i Sariti.
11 Ua alu ae foi lo latou tuaoi i le sami, ma Marala, ma oo atu i Tapaseta, ua oo atu foi i le alia e feagai
12 ma Iokeneama; ona afe a'i lea mai Sariti i sasae, i le mea e alu ae ai le la, ua oo atu i le tuaoi o Kaselotapora, ona alu atu ai lea i Taparata, ma alu ae i Iafia. Ona ui ane ai lea nai lea mea i sasae i Kataferu, i Itakasena, ma alu atu i Rimonimeto-
14 ara i Nea; ua faataamilomilo i ai le tuaoi i le itu i matu i Anatonu; a o lona gataaga o le vanu o Iesitaelu;
15 o Katata foi, ma Naalolo, ma Sema-rona, ma Itala, ma Peteleema; o aai e sefulu ma le lua, ma o latou faoa aai. O le tofi lea o le fanauga a Sepulona, e tusa ma o latou aiga; o aai ia, ma o latou faoa aai.
17 UA maua e Isakara o le fa o tofi, mo le fanauga a Isakara, e tusa ma
18 o latou aiga. O lo latou tuaoi foi ua feagai ma Isereelu, ma Kesulota,

ma Sunema, ma Afaraima, ma Se-
ona, ma Anaarata, ma Rapati, ma
Kiseona, ma Apesa, ma Remeta,
21 ma Enekanima, ma Eneata, ma Petepasesa; ua oo atu foi le tuaoi i
22 Tapora, ma Saasuma, ma Petesemesa; a o lona gataaga o lo latou
tuaoi o Ioritana lea; o aai e sefulu
ma le ono, ma o latou faoa aai. O
23 le tofi lea o le itu aiga o le fanauga a Isakara, e tusa ma o latou aiga; o aai ma o latou faoa aai.

UA maua e le itu aiga o le fanau-
ga a Asera le lima o tofi, e tusa ma
o latou aiga. O lo latou tuaoi o
25 Helekata, ma Ali, ma Petena, ma Akasafa, ma Alameleka, ma Amata,
26 ma Meseala; ua oo atu foi i Kara-
melu i sisifo, ma Seora-lipenata;
27 ona afe a'i lea i le mea e alu ae ai le la i Petetakona, ma oo atu i Sepuloua, ma le vanu o Iesita-elu i le
itu i matu o Petemeka, ma Neieli,
ma alu atu i Kapula i le itu tauaga-
vare, ma Eperona ma Reopa, ma
28 Hamoni, ma Kana, e oo atu i Sai-
tonu le sili; ona afe a'i lea o le
29 tuaoi i Rama e oo atu i le aai nofo
'olo o Turo; ua afe a'i foi le tuaoi i
Osa; a o lona gataaga o le sami lea,
ua afua mai i le itu e oo atu i Aka-
sepa; o Uma foi, ma Afeka, ma
Reopa; o aai e luafulu ma le lua,
ma o latou faoa aai. O le tofi lea o
31 le itu aiga o le fanauga a Asera, e
tusa ma o latou aiga; o aai ia, ma o
latou faoa aai.

UA maua e le fanauga a Nafatali
le ono o tofi, o le fanauga a Nafa-
tali, e tusa ma o latou aiga. O lo
33 latou tuaoi ua afua mai i Elefa, mai
Aluna i Sananima, ma Atame-ne-
kepa atoa ma Iapenelu, e oo atu i
Lakuma; a o lona gataaga o Iori-
tana lea. Ona afe a'i lea o le tuaoi
34 i sisifo i Aseno-tapora, ma alu atu
nai lea mea i Uokeke, ua oo atu i
Sepulona i le itu i toga, ua oo foi i
Asera i sisifo, ma Iuta i Ioritana i le
mea e alu ae ai le la. O aai foi
35 ua nofo 'olo, o Setima, o Sero, ma
Amata, o Rakata, ma Kinereta, ma
36 Atama, ma Rama, ma Hasora, ma
37 Katesa, ma Eterei, ma Eneasora,
ma Irona, ma Meketala-elu, ma
38 Horema, ma Peteanata, ma Pete-
semesa; o aai e sefulu ma le iua,

39 ma o latou faoa aai. O le tofi lea o le itu aiga o le fanauga a Nafatali, e tusa ma o latou aiga; o aai ma o latou faoa aai.

40 Ua maua e le itu aiga o le fanauga a Tanu le fitu o tofi, e tusa

41 ma o latou aiga. O le tuaoi o lo latou tofi o Soraa, ma Esetaola, ma

42 Iresemesa, ma Salapina, ma Ailona,

43 ma Itala, ma Aluna, ma Timenata,

44 ma Ekerona, ma Eliteka, ma Kipe-

45 tonu, ma Paalata, ma Ieuta, ma

46 Peneperaka, ma Katarimoni, ma

Meierekuna, ma Rakuna, ma le

47 tuaoi e feagai ma Iopa. *Ua lauitiiti*

le laueleele o le fanauga a Tanu ua

maua e i latou; ona o ae lea o le

fanauga a Tanu, ua latou tau ai le

taua ma Lesema, ua aea, ma fasia i

le pelu; ua faia mo i latou, ma

latou nonofo ai; ona faaigoa ai lea

o Lesema o Tanu, e pei o le igoa o

48 Tanu lo latou tamā. O le tofi lea o

le itu aiga o le fanauga a Tanu, e

tusa ma o latou aiga; o aai ia, ma o

49 latou faoa aai. Ua uma ona tofia

mo i latou le nuu, e tusa ma o latou

tuaoi, ona foaiina atu ai lea e le

fanauga a Isaraelu o le tofi ia Iosua

le atalii o Nuno e faatasi ma i

50 latou; e pei o le afioga a Ieova, ua

latou foai atu ia te ia le aai na ia fai

atu ai, o Timenata-sera lea o i le

mauga o Efaraima; ona faia ai lea

51 e ia o le aai, ma nofo ai. O tofi ia

na tofia mo i latou e tusa ma le vili

e Eleasaro le faitaulaga, ma Iosua

le atalii o Nuno, ma matai sili o itu

aiga o le fanauga a Isaraelu, i Sailo

i luma o Ieova, i le faitotoa o le fale

fetafai o le faapotopotoga. Ona

uma ai lea o le vaevacina o le lau-

elelee.

*Ua tofia aai e ono e fai ma sulufai-
faiga.*

20 UA fetalai mai foi Ieova ia Iosua,

ua faapea mai, Ia e fai atu i le fa-

2 nauga a Isaraelu, ia faapea atu, Ia

outou tofia mo outou o aai e fai ma

3 sulufaiga, e pei ona ou fai atu ai ia

te outou na aumaia e Mose, ina ia

sola i ai o le fasioti tagata, o le ua

pa'ivalea ai se tasi ia te ia ma le le

4 ai le na te tauia ma sui le toto. Ole

na te sola atu foi i le tasi o ia aai,

ma tu atu o ia i le puipui o le fai-
totoa o le aai, ma ta'u atu ana upu i
toeaina o lea aai; ona latou talia ai
lea o ia i le aai, ma tuu atu ia te ia
se mea e nofo ai o ia faatasi ma i
latou. Afai foi e tuliloa atu ia te ia 5
o lē tau'i ma sui le toto, latou te le

tuuina atu o le fasioti tagata i lona

lima; auā na ia fasioti lē la te tuaoi

ma le le iloa; a e lei muai ita i ai.

E nofo foi o ia i lona aai seia tu mai 6

o ia i luma o le faapotopotoga e faa-

masiuoina ai, seia oti le faitaulaga

sili e i ai i ia ona po; ona toe foi

atu ai lea o le fasioti tagata, ma alu

atu i lona aai, ma lona fale, o le aai

lava na ia sola mai ai.

Ona faasaina lea e i latou o Ka-

7 tesa, o loo i Kalilaia i le mauga o

Nafatali, ma Sekema o i le mauga o

Efaraima, ma Kiriata-arapa, o Hepe-

rona lea, o i le mauga o Iuta. O le 8

la itu o Ioritana foi, i sasae o Ieriko,

ua latou tofia ai o Peseri i le vao, i

le elelee laugatasi o le itu aiga o

Reupena; ma Ramota i Kiliata, o

le itu aiga o Kato; ma Koleni i

Vasana, o le itu aiga o Manase. O 9

aai ia na tofia mo le fanauga uma a

Isaraelu, ma le tagata ese e aumau

ia te i latou, ina ia sola atu i ai o le

ua pa'ivalea se tasi ia te ia, ia le oti

o ia i le lima o le tau'i ma sui le toto,

seia tu mai o ia i luma o le faapoto-

potoga.

O aai na tuuina atu i sa Levi.

ONA faalatalata mai lea o matai 21

sili o sa Levi ia Eleasaro le faitau-

laga, ma Iosua le atalii o Nuno, ma

matai sili o itu aiga o le fanauga a

Isaraelu; ma latou fai atu ia te i 2

latou i Sailo i le nuu o Kanana, ua

faapea atu, Na poloai mai Ieova ia

Mose, ia tuuina mai ia te i matou o

aai e nonofo ai, ma o latou tuā-

fanua mo a matou manu. Ona 3

tuuina atu lea e le fanauga a Isa-

raelu i sa Levi, ai o latou tofi, e pei

o le afioga a Ieova, o ia aai ma o

latou tuāfanua. Ua faasaga le vili i 4

aiga o sa Koatō; o atalii foi o Arona

le faitaulaga, e o sa Levi, na maua e

i latou le tofi ai le itu aiga o Iuta,

ma le itu aiga o Simeona, ma le itu

aiga o Peniamina, o aai e sefulu ma

le tolu. O e na totote o atalii o 5

Koato, na maua e i latou le tofi ai aiga o le itu aiga o Efaraima, ma le itu aiga o Tanu, ma le tasi vaega o le itu aiga o Manase, o aai e sefulu.

6 Na maua foi le tofi e atalii o Keresona ai aiga o le itu aiga o Isakara, ma le itu aiga o Asera, ma le itu aiga o Nafatali, ma le tasi vaega o le itu aiga o Manase i Vasana, o aai e sefulu ma le tolu. Na maua le tofi e atalii o Merari e tusa ma o latou aiga, ai le itu aiga o Reupena, ma le itu aiga o Kato, ma le itu aiga o Sepulona, o aai e sefulu ma le lua.

8 Na tofia i le vili e le fanauga a Isaraeli i sa Levī o ia aai ma o latou tuāfanua, e pei ona fetalai mai ai o Ieova ia Mose.

9 Ona tuuina atu lea e i latou ai le itu aiga o le fanauga a Iuta, ma le itu aiga o le fanauga a Simeona, o ia aai ua ta'ua o latou igoa, sa i ai i atalii o Arona, o i latou ua aiga ma Koato, o le fanauga a Levi, auā sa ia te i latou le tofi muamua. Ua tuuina atu foi ia te i latou le aai o Arapa le tamā o Anaki, o Heperona lea, i le atu maua o Iuta, ma ona tuāfanua e siosio ai. A o fanua o le aai ma ona faoa aai, ua tuuina atu e i latou ia Kalepo le atalii o Iefune, e fai mona. Ua latou tuuina atu i atalii o Arona le faitaulaga, o Heperona ma ona tuāfanua, e fai ma aai o sulufaiga mo le fasioti tagata; ma

14 Lipena ma ona tuāfanua; ma Iatira ma ona tuāfanua; ma Esetemoa ma ona tuāfanua; ma Holona ma ona tuāfanua; ma Tiperi ma ona tuāfanua; ma Aino ma ona tuāfanua; ma Iutaa ma ona tuāfanua; ma Petesemesa ma ona tuāfanua; o aai e iva mai ia itu aiga e lua. Mai le itu aiga foi o Peniamina, o Kipeona ma ona tuāfanua; ma Kipea ma ona tuāfanua; ma Anatota ma ona tuāfanua; ma Alemoni ma ona tuāfanua; o aai e fa. O aai uma o le au faitaulaga, o atalii o Arona, o aai e sefulu ma le tolu, ma o latou tuāfanua.

20 O aiga o atalii o Koato, o sa Levī na totoe o atalii o Koato, sa i ai aai o latou tofi ai le itu aiga o Efaraima.

21 Ua latou tuuina atu ia te i latou o Sekema ma ona tuāfanua, i le maua o Efaraima, e fai ma aai o sulufaiga

mo le fasioti tagata; ma Kaserama ona tuāfanua; ma Kipesaima ma ona tuāfanua; ma Peteorana ma ona tuāfanua; o aai e fa. Mai le itu aiga o Tanu, o Eliteka ma ona tuāfanua; ma Kipetonu ma ona tuāfanua; ma Ailona ma ona tuāfanua; ma Katarimoni ma ona tuāfanua; o aai e fa. Mai le vaeluaga foi o le itu aiga o Manase, o Tanaka ma ona tuāfanua; ma Katarimoni ma ona tuāfanua; o aai e lua. O aai uma e sefulu, ma o latou tuāfanua mo aiga o atalii o Koato o e na totoe.

O atalii o Keresona, o aiga o sa Levī, na latou tuuina atu i ai, ai le isi vaega o le itu aiga o Manase, o Koleni i Vasana ma ona tuāfanua, e fai ma aai o sulufaiga mo le fasioti tagata; ma Peseteri, ma ona tuāfanua; o aai e lua. Mai le itu aiga foi o Isakara, o Kiseona ma ona tuāfanua; ma Taperu ma ona tuāfanua; ma Iaremuta ma ona tuāfanua; ma Enekanima ma ona tuāfanua; o aai e fa. Mai le itu aiga foi o Asera, o Mesala ma ona tuāfanua; ma Apetonu ma ona tuāfanua; ma Kelekata ma ona tuāfanua; ma Reopa ma ona tuāfanua; o aai e fa. Mai le itu aiga foi o Nafatali, o Katesa i Kalilaia, ma ona tuāfanua, e fai ma aai o sulufaiga mo le fasioti tagata; ma Amatatoro ma ona tuāfanua; ma Karetana ma ona tuāfanua; o aai e tolu. O aai uma o sa Keresona, e tusa ma o latou aiga, o aai e sefulu ma le tolu, ma o latou tuāfanua.

Ua tuuina atu foi i aiga o atalii o Merari, o e na totoe o sa Levī, mai le itu aiga o Sepulona, o Iokeneama ma ona tuāfanua; ma Karata ma ona tuāfanua; o Timena ma ona tuāfanua; ma Naalali ma ona tuāfanua; o aai e fa. Mai le itu aiga foi o Reupena, o Peseri ma ona tuāfanua; ma Iaesa ma ona tuāfanua; o Katemoti ma ona tuāfanua; ma Mefata ma ona tuāfanua; o aai e fa. Mai le itu aiga foi o Kato, o Ramota i Kiliata, ma ona tuāfanua, e fai ma aai o sulufaiga mo le fasioti tagata; ma Maanaima ma ona tuāfanua; o Iasaru ma ona tuāfanua; o aai uma e fa. O aai uma o

atalii o Merari, e tusa ma o latou aiga, o e na totoe i aiga o sa Levī, o lo latou tofi o aai e sefulu ma le
 41 lua. O aai uma o sa Levī i totonu o le tofi o le fanauga a Isaraelu, o aai ia e fagafulu ma le valu, ma o
 42 latou tuāfanua. O ia aai sa taitasi ma ona tuāfanua e siosio ai; sa faapea ia aai uma lava.
 43 Ua foaiina atu e Ieova ia Isaraelu le nuu uma na ia tauto ai e foai atu i o latou tamā, ua latou fai mo
 44 latou, ma nonofo ai. Ona avatua lea e Ieova o le mapusaga ia te i latou i itu uma, e pei o mea uma na ia tauto ai i o latou tamā; e lei tu mai i o latou luma se tagata o i latou uma e na ita ia te i latou; ua
 45 tuuina atu e Ieova o i latou uma e na ita ia i latou i o latou lima. E lei iuvale se upu i upu lelei uma na fetalai mai ai Ieova i le aiga o Isaraelu; ua taunuu uma lava.

Ua toe foi itu aiga o Reupena, ma Kato, ma Manase i o latou nuu.

22 ONA valaauina lea e Iosua o sa Reupenā, ma sa Katō, ma le tasi
 2 vaega o le itu aiga o Manase, ma ia faapea atu ia te i latou, Ua outou anaana i mea uma na fai atu ai Mose le auana a Ieova ia te outou; ua outou faalogo foi i lo'u leo i mea uma na ou fai atu ai ia te outou.
 3 Ua le tuua e outou o outou uso i aso e tele, ua oo i le aso nei; a ua outou anaana i le tausiga o le
 4 poloaiga a Ieova lo outou Atua. O lenei, ua avatua e Ieova lo outou Atua le mapusaga i o outou uso, e pei ona fetalai mai ai o ia ia te i latou; o le mea lea ia outou toe foi atu ai, ma ia outou o i o outou fale ie i le nuu o lo outou tofi, na avatu ia te outou e Mose le auana a
 5 Ieova, i le la itu o Ioritana. A ia outou matuā anaana e fai le poloaiga ma le tulafono, na fai atu ai Mose le auana a Ieova ia te outou; tou te alofa atu ia Ieova lo outou Atua, ma savavali i ona ala uma, ma anaana i ana poloaiga, ma pipii lava ia te ia, ma auana ia te ia ma o outou loto atoa ma o outou agaga
 6 atoa. Ona faamanuia atu lea o Iosua ia te i latou, ma tuuina atu i

latou e o; ona latou o ai lea i o latou fale ie.

Na avatu e Mose i le tasi vaega 7 o le itu aiga o Manase *le tofi* i Vasana; a ua avatu e Iosua i le isi vaeluaga *le tofi* faatasi ma o latou uso i le itu o Ioritana i sisifo. Ua faamanuia i latou e Iosua, ina ua tuuina atu i latou e o i o latou fale ie. Ua ia fai atu foi ia te i latou, 8 ua faapea atu, Ina foi atu ia i o outou fale ie ma oloa e tele, ma manu e matuā tele, ma ario, ma auro, ma 'apa memea, ma uamea, ma ofu e matuā tele lava; ia outou tufatufaina i o outou uso o vete o e na ita ia te outou. O le fanauga a Reupena, ma le fanauga a Kato, ma le tasi vaega o le itu aiga o Manase, ua toe foi atu i latou, ma o 9 ese i le fanauga a Isaraelu nai Sailo, o i le nuu o Kanana, e o atu i le nuu o Kiliata, o le nuu o latou tofi ua latou maua, e pei o le afioga a Ieova ia Mose. Ua oo atu i latou 10 i le itu o Ioritana, o i le nuu o Kanana, ona faia lea i lea mea e le fanauga a Reupena, ma le fanauga a Kato, ma le tasi vaega o le itu aiga o Manase, o le fata faitaulaga e lata ane i Ioritana, o le fata faitaulaga tele e iloagofie.

Ua lagona e le fanauga a Isaraelu 11 *le tala*, ua faapea mai, Faauta, ua faia e le fanauga a Reupena, ma le fanauga a Kato, ma le tasi vaega o le itu aiga o Manase, le fata faitaulaga, e feagai ma le nuu o Kanana, i le itu o Ioritana, i le mea na sopoia e le fanauga a Isaraelu. Ua lagona 12 e le fanauga a Isaraelu, ona faapotopototo ai lea o le faapotopotoga uma o le fanauga a Isaraelu i Sailo, e o ae e tau ai le taua ma i latou. Ona auina atu lea e le fanauga a 13 Isaraelu, i le fanauga a Reupena, ma le fanauga a Kato, ma le tasi vaega o le itu aiga o Manase, i le nuu o Kiliata, o Fineaso le atalii o Eleasaro le faitaulaga; ma matai 14 sili e toasefulu faatasi ma ia, taitasi aiga sili ma le matai sili i itu aiga uma o Isaraelu; o i latou taitoatasi o matai sili i aiga o latou tamā, i afe o Isaraelu. Ua oo atu foi i 15 latou i le fanauga a Reupena, ma le fanauga a Kato, ma le tasi vaega o

- le itu aiga o Manase, i le nuu o Kiliata, ma latou fai atu ia te i latou, ua faapea atu, O loo fai mai le faapotopotoga uma a Ieova, ua faapea mai, Se a lenei mea leaga ua outou agaleaga ai i le Atua o Israelu e liliu ese i le aso nei, ne'i outou mulimuli atu ia Ieova, ina ua outou faia mo outou le fata faitaulaga ina ia outou fouvale i le aso nei ia Ieova. Pe itiiti ea ia te i tatou le agasala *na faia ma* Peora, e lei faamagaloina ai i tatou ua oo mai i le aso nei, na oo ai le mala i le faapotopotoga a Ieova? a ua liliu ese outou i le aso nei ne'i mulimuli atu ia Ieova. A outou fouvale i le aso nei ia Ieova, ona toasa mai ai lea o ia i le faapotopotoga uma o Israelu a taeao. A e afai e leaga le nuu o lo outou tofi, ia outou sopoia atu i le nuu o le tofi o Ieova, o le mea e tuu ai le malumalu o Ieova, ma fai outou tofi faatasi ma i matou; a e aua tou te fouvale ia Ieova, aua foi tou te fouvale ia te i matou, i lo outou faia mo outou le fata faitaulaga, e faaopoopo i le fata faitaulaga o Ieova lo tatou Atua. E lei agasala ea Akaua le atalii o Sera i le mea na faatoina, ona oo ai lea o le toasa i luga o le faapotopotoga uma o Israelu? E le na o lena tagata e toatasi na oti ona o lana agasala.
- Ona tali mai ai lea o le fanauga a Reupena, ma le fanauga a Kato, ma le tasi vaega o le itu aiga o Manase, ua latou faapea mai i alii o afe o Israelu, O Ieova, o le Atua o atua; o Ieova, o le Atua o atua, o loo silafia lava e ia, e iloa foi e Israelu; pe afai o le fouvale, po o le agasala ia Ieova, (aua ne'i faaolaina i matou i le aso nei,) na fai ai mo i matou le fata faitaulaga e liliu ese ai, ne'i mulimuli atu ia Ieova; afai foi e fai ai i ona luga o taulaga mu ma taulaga i mea e 'ai; afai foi e fai ai i ona luga o taulaga faafetai, ia tauia mai e Ieova lava; a e le o lo matou atuatuvaale ea i lena mea ua matou fai ai le *mea* nei, ua faapea ane, Pe a fai mai i se aso a outou fanau i a matou fanau, e faapea mai, Se a ea la outou na ia Ieova le Atua o Israelu? Auā ua
- tuuina mai e Ieova o Ioritana e fai ma tuaoi ia te i matou ma outou le fanauga a Reupena ma le fanauga a Kato; tou te le aiā ia Ieova; ona faateaina ai lea e a outou fanau a matou fanau ina ia latou le matatau ia Ieova. O le mea lea na matou faapea ai, Se'i tatou sauni ai mo i tatou ia fai le fata faitaulaga, e le ona ia fai ai se taulaga mu, po o se *isi* taulaga; a ia fai ma molimau ia te i matou ma outou, ma tupulaga e mulimuli mai ia te i tatou, ia auauna i galuega a Ieova i ona luma i a tatou taulaga mu, ma a tatou taulaga, ma a tatou taulaga faafetai; ina ia le fai mai foi a outou fanau i a matou fanau i se aso, Tou te le aiā ia Ieova. Ona matou faapea ane lea, Pe a latou fai mai i se aso ia te i tatou, po o tupulaga amuli, ona tatou fai atu ai lea, Faauta i le faatusa o le fata faitaulaga o Ieova na faia e o matou tamā, e le ona ia fai ai taulaga mu, po o *isi* taulaga; a o le molimau lava ia te i matou ma outou. Ia mamao ia te i matou ona fouvale ia Ieova, ma liliu ese ai i le aso nei, ne'i mulimuli atu ia Ieova, ia fai se fata faitaulaga e fai ai taulaga mu, po o taulaga i mea e 'ai, po o *isi* taulaga, e faaopoopo i le fata faitaulaga o Ieova lo tatou Atua o i luma o lona malumalu.
- Ua faalogo Fineaso le faitaulaga, ma alii sili o le faapotopotoga, ma alii o afe o Israelu sa faatasi ma ia, i upu ua fai mai e le fanauga a Reupena, ma le fanauga a Kato, ma le fanauga a Manase, ua lelei ia te i latou. Ua fai atu foi Fineaso le atalii o Eleasaro le faitaulaga, i le fanauga a Reupena, ma le fanauga a Kato, ma le fanauga a Manase, *ua faapea atu*, Ua tatou iloa i le aso nei o loo ia te i tatou Ieova, auā ua outou le agasala ia Ieova i lenei agasala; o lenei, ua laveaiina e outou le fanauga a Israelu ai le aao o Ieova. Ona foi mai ai lea o Fineaso le atalii o Eleasaro le faitaulaga, ma alii sili nai le fanauga a Reupena, ma le fanauga a Kato, ai le nuu o Kiliata, *ua o mai* i le nuu o Kanana i le fanauga a Israelu, ma latou au mai ia te i latou le tala.

33 Ua lelei le tala i le fanauga a Isara-
 elu; ua faafetai atu foi le fanauga
 a Isaraelu i le Atua, ma latou le
 tautalatala i se taua e sii atu ia te i
 latou, e faaumatia le nuu e nonofo
 ai le fanauga a Reupena, ma le
 34 fanauga a Kato. Ua faaigoaina e
 le fanauga a Reupena, ma le fanauga
 a Kato o le fata faitaulaga, *O le
 Molimau*, auā o le molimau lea ia te
 i latou, o Ieova o ia o le Atua.

O upu faamafanafana a Iosua.

23 UA mavae aso e tele talu ona
 avatua e Ieova le mapusaga mo
 Isaraelu, i e ita mai uma e vaga-
 vagai; ua toeaia foi Iosua, ua tele
 2 ona tausaga; ona feauina atu ai lea
 e Iosua o Isaraelu uma, o latou toea-
 ina, ma o latou alii sili, ma o latou
 faamasino, ma o latou faipule, ua ia
 fai atu ia te i latou, Ua toeaia lava
 3 a'u, ua tele o'u tausaga; a o outou,
 ua iloa e outou o mea uma ua faia e
 Ieova lo outou Atua i ia nuu uma
 ona o outou; auā o Ieova o lo outou
 Atua o ia na tau ai le taua mo outou.
 4 Faauta, ua ou vaevaeina ia te outou
 o ia nuu o totoe e fai ma tofi mo o
 outou itu aiga, e afua mai i Ioritana,
 ma nuu uma ua ou faaumatia, e oo
 atu i le sami tele i le mea e goto ai
 5 le la. O Ieova foi o lo outou Atua,
 o ia lava na te teteina i latou i o
 outou luma, ma tutuli ia te i latou
 i o outou luma, e fai mo outou o lo
 latou laueleele, e pei ona fetalai
 mai ai Ieova o lo outou Atua ia te
 6 outou. A ia outou matuā faama-
 losi e anaana e fai o mea uma ua
 tusia i le tusi o le tulafono a Mose,
 ina ne'i outou o ese i le itu tau-
 7 matau po o le itu tauagavale; ia
 ne'i faatasi outou ma ia nuu, o i
 latou o e totoe ia te outou; aua foi
 le ta'uta'u e outou le igoa o latou
 atua, aua le tauto i ai, aua le au-
 auna atu ia te i latou, aua foi tou te
 8 ifo atu ia te i latou; a ia outou
 pipii atu ia Ieova lo outou Atua, e
 pei ona outou faia, ua oo i le aso
 9 nei, Auā ua tulia e Ieova i o outou
 luma o nuu tetele ma le malolosi;
 a o outou, e lei tu se tasi i o outou
 luma e tetele atu ia te outou, ua oo
 10 i le aso nei. E tulia le toaase e le
 toatasi o outou; auā o Ieova lo

outou Atua, o ia e tau ai le taua mo
 outou, e pei ona fetalai mai ai o ia
 ia te outou. Ia outou matuā faaete- 11
 ete ia te outou, ina ia alolofa atu ia
 Ieova lo outou Atua. Auā afai tou 12
 te toe foi i tua, ma outou pipii atu i
 e o totoe o ia nuu, o i latou o e
 totoe ia te outou, ma feavagai ma i
 latou, ma outou o atu ia te i latou,
 ma latou o mai ia te outou; ia 13
 outou matuā iloa e le toe tulia e
 Ieova lo outou Atua se isi o ia nuu
 i o outou luma; a e fai i latou ma
 maillei, ma matasele ia te outou, ma
 sasa i o outou itu, ma mea matuitui
 i o outou mata, seia faaumatia outou
 ai lenei nuu lelei ua foaiina atu e
 Ieova lo outou Atua ia te outou.
 Faauta mai foi, o a'u nei, o le a ou 14
 alu i le aso nei i le ala o le lalolagi
 uma; a ua outou iloa ma o outou
 loto atoa, ma o outou agaga atoa, e
 lei iuvale se upu e tasi i upu lelei
 uma na fetalai mai ai Ieova lo outou
 Atua ia te outou; ua taunuu uma ia
 te outou, ua le iuvale se upu e tasi.
 O lenei, e pei ona taunuu ia te outou 15
 o upu lelei uma na fetalai mai ai
 Ieova lo outou Atua ia te outou, e
 faapea foi ona faataunuu e Ieova o
 mea leaga uma ia te outou, seia
 faaumatia outou e ia ai lenei nuu
 lelei ua foaiina mai e Ieova lo outou
 Atua ia te outou; a solia e outou le 16
 feagaiga a Ieova lo outou Atua na
 fetalai mai o ia ia te outou, ma
 outou o ma auauna i atua ese, ma
 outou ifo atu ia te i latou; ona tupu
 ai lea o le toasa o Ieova ia te outou,
 e vave ona faaumatia outou ai le
 nuu lelei ua na foai mai ia te outou.

*O upu faamafanafana a Iosua, ma
 lona oti.*

UA faapotopotoina e Iosua itu 24
 aiga uma o Isaraelu i Sekema, ma
 feauina atu toeaia o Isaraelu, ma
 o latou alii sili ma o latou faamasino,
 ma o latou fai pule; ona tutū ai lea
 o i latou i luma o le Atua. Ona fai 2
 atu ai lea o Iosua i le nuu uma, O
 loo faapea ona fetalai mai o Ieova
 le Atua o Isaraelu, Sa nonofo ana-
 mua o outou tamā i le la itu o le
 vaitafe, o Tara le tamā o Aperamo,
 ma le tamā o Nakori; na latou au-
 auna foi i atua ese. Ona ou au mai 3

- ai lea o lo outou tamā o Aperaa mo
ai le la itu o le vaitafe, ma ou ta'i-
ta'ina o ia i le nuu uma o Kanana,
ma ou faatoateleina lana fanau, ma
4 ou foai atu ia te ia o Isaako. Na ou
foai foi ia Isaako o Iakopo ma Esau;
na ou foai ia Esau o le manga o
5 Seira e fai mona, a o Iakopo ma ana
fanau na latou o ifo i Aikupito. Na
ou aauina atu foi Mose ma Arona,
ma ou taia Aikupito i mea na ou
faia ia te i latou; e mulimuli ane na
6 ou au mai ai outou. Na ou aumaia
o outou tamā nai Aikupito; na
outou o mai i le sami; na tuliloa
mai foi Aikupito i o outou tamā i
kariota, ma 'au na tietie i solofanua,
7 i le sami Ulaula. Na latou alalaga
atu ia Ieova, ona tuu ai lea o ia le
pogisa e va a'i i latou ma Aikupito;
na ia faaoo le sami i o latou luga, ua
lofia ai i latou; na iloa e o outou
mata o mea na ou faia i Aikupito.
Ona outou nonofo lea i le vao i aso
8 e tele. Na ou faaooina mai foi
outou i le nuu o sa Amori, sa nonofo
i le la itu o Ioritana; ona latou tau
lea ma outou; na ou tuuina atu foi
i latou i o outou lima, ina ia fai mo
outou lo latou laueleele; na ou
faaumatia lava i latou i o outou
9 luma. Ona tulai ai lea o Palako le
atalii o Seporu, o le tupu o Moapi,
na tau ai o ia ma Isaraelu; na ia
aami atu ia Palaamo le atalii o
10 Peoro, e fetuu ia te outou. A ua
ou le mafai ona faalogo ia Palaamo;
o le mea lea na ia faamanuia ai lava
ia te outou, ona ou laveaiina lea o
11 outou ai lona lima. Na outou soipoia
mai Ioritana, ma oo mai i Ieriko;
ona tau ai lea ma outou o tagata o
Ieriko, o sa Amori, ma sa Perisē,
ma sa Kananā, ma sa Heti, ma sa
Kirekasē, o sa Hivī, ma sa Iepuse;
na ou tuuina foi i latou i o outou
12 lima. Na ou aauina mai lagomumu
i o outou luma, na tulia ai i latou i
o outou luma, o tupu e toalua o sa
Amori, a e lei tulia i lau pelu ma
13 lau aufana. Ua ou foaiina atu ia te
outou le nuu na le faatigaina ai
outou, ma aai tou te lei faia, tou te
nonofo ai; ua outou aai foi i tovine
ma toolive tou te lei totōina.
- *4 O lenei, ia outou matatau ia
Ieova, ma auauna ia te ia ma le *loto*
sao, ma le faamaoni; a ia outou
tuueseina o atua na auauna i ai o ou-
tou tamā i le la itu o le vaitafe, ma
Aikupito, ma ia outou auauna ia
Ieova. Pe afai foi e leaga ia te 15
outou ona auauna ia Ieova, ina fili-
fili ia o outou i le aso nei, po o ai
tou te auauna i ai; po o atua na
auauna i ai o outou tamā, o e sa i le
la itu o le vaitafe, po o atua o sa
Amori, e o latou le nuu ua outou
nonofo ai; a o a'u nei ma lo'u aiga,
matou te auauna ia Ieova. Ona 16
tali mai ai lea o le nuu, ua faapea
mai, Ia maaao lava ia te i matou
ona matou tuua o Ieova, ina ia
auauna i atua ese; auā o Ieova lo 17
tatou Atua, o ia lava na aveina ae i
tatou ma o tatou tamā, ai le nuu o
Aikupito, o le mea sa nofo pologa
ai; o ia foi na faia i o tatou luma o
ia faailoga tetele, ma na leoleo mai
ia te i tatou i le ala uma na tatou
o mai ai, ma nuu uma na tatou ui
mai ai. Ua tulia foi e Ieova i o 18
tatou luma o nuu uma, o sa Amori
lava o e na nonofo i le laueleele; o
i matou foi matou te auauna ia
Ieova, auā o ia lava lo tatou Atua.
Ona fai atu ai lea o Iosua i le nuu, 19
Tou te le mafaia ona auauna ia
Ieova, auā o le Atua paia o ia; o le
Atua fuā o ia; na te le faamagalo-
ina o outou solitulafono ma a outou
agasala. Afai e tuua e outou o 20
Ieova, ma auauna i atua ese, ona
liliu mai ai lea o ia, ma faatiga ia te
outou, ma faaumatia outou, a o ia
na muai agalelei mai ia te outou.
Ona fai mai ai lea o le nuu ia Iosua, 21
E lei; matou te auauna lava ia
Ieova. Ona fai atu ai lea o Iosua i 22
le nuu, O molimau outou ia te outou,
na filifilia e outou o Ieova e auauna
ia te ia. Ona latou fai mai ai lea,
O molimau lava i matou. Ona fai 23
atu ai lea o ia, O lenei, ina tuu ese
ia o atua ese ua ia te outou, ma uai
o outou loto ia Ieova le Atua o Isa-
raelu. Ona fai mai ai lea o le nuu 24
ia Iosua, Matou te auauna ia Ieova
lo tatou Atua; matou te faalogo foi
i lona siufofoga. Ona osia lea e 25
Iosua i lea aso le feagaiga ma le
nuu; ua faia foi mo i latou le tula-
fono ma le faamasinoga i Sekema.
Ona tusia lea e Iosua o ia upu i le 26

- tusi o le tulafono a le Atua ; ua ave
foi e ia le maa tele, ma faatuina i
lea mea i lalo o le aluna se felatai
27 ma le malumalu o Ieova. Ua fai
atu foi Iosua i le nuu uma, Faauta
mai, o le maa lenei e faia ma moli-
mau ia te i tatou ; auā ua faalogo
ia i afioga uma a Ieova na ia fetalai
mai ai ia te i tatou ; e fai o ia ma
molimau ia te outou, ina ne'i outou
28 pepelo i lo outou Atua. Ona tuuina
atu lea e Iosua o le nuu, ia taitasi
ma alu i lona tofi.
- 29 Ua mavae ia mea, ona oti ai lea o
Iosua le atalii o Nuno, le auaua a
Ieova ; o ona tausaga e ta-i le selau
30 ma le sefulu. Ua latou tanumia o
ia i le fanua o lona tofi i Timenata-
- sera i le mauga o Efaraima, i le itu
i matu o le mauga o Kaasa. Ua 31
auauna Isaraelu ia Ieova i aso uma
o Iosua. ma aso uma o toeaina e na
ola mai a ua mavae Iosua, o e na
iloga galuega uma a Ieova na ia faia
ia Isaraelu.
- O ivi foi o Iosefa na avae e le 32
fanauga a Isaraelu mai Aikupito, ua
latou tanua i Sekema i le fāsi fanua
na faatauina e Iakopo i atalii o Ha-
moro le tamā o Sekema, i tupe e
selau ; ua fai foi ma tofi o le fanauga
a Iosefa. Ua oti foi Eleasaro le 33
atalii o Arona, na tanumia o ia e
i latou i le mauga o Fineaso lona
atalii, na foaiina atu ia te ia i le
mauga o Efaraima.

O LE TUSI

I FAAMASINO.

*Ua tau ai atu e le Atua ia Atonipiseka
i lana amio leaga.*

- 1 UA mavae le oti o Iosua, ona
fesili ai lea o le fanauga a Isaraelu
ia Ieova, ua faapea atu, Po o ai e
muamua ona alu ae i sa Kananā mo
2 i matou, e tau ma i latou? Ua
fetalai mai Ieova, E alu ae Iuta ;
faauta, ua ou tuuina atu le nuu i
3 lona lima. Ona fai atu ai lea o
Iuta ia Simeona lona uso, Ia ta o ae
ma a'u i lo'u tofi, ina ia tatou tau
ma sa Kananā ; o a'u foi, ta te o ae
ma oe i lou tofi. Ona la o ae ai lea
4 ma Simeona. Ua alu ae foi Iuta,
ona tuuina atu ai lea e Ieova o sa
Kananā ma sa Perisē i o latou lima ;
ua latou fasia foi o latou i Piseka e
5 sefulu afe o tagata. Ua latou maua
foi Atonipiseka i Piseka ; ona latou
tau ai lea ma ia ; ua latou fasia foi
6 sa Kananā ma sa Perisē. A ua sola
Atonipiseka ; ua latou tuliloā ia te
ia, ua maua, ona latou tipieseā ai lea
ona lima matua ma ona vae matua.
- 7 Ona fai ane ai lea o Atonipiseka, E
toafitugafulu tupu ua tipieseina o
latu lima matua ma o latou vae
matua, na latou samusamu i lalo o
la'u laoi ; e pei ona ou faia, e faa-
pea lava ona tauia mai a'u e le
Atua. Ua latou avea o ia i Ierusa-
lema, ona oti lea o ia i lea mea.
- Ua sii foi le taua e le fanauga a 8
Iuta i Ierusalemā, ma ua latou aea,
ua latou fasia ai i le pelu, ma latou
susunuina le aai i le afi. E muli- 9
muli ane foi ua o ifo le fanauga a
Iuta e tau ai le taua ma sa Kananā,
o e sa nonofo i le atu mauga, ma le
itu i toga, ma le nuu maulalo. Ua 10
alu foi Iuta e tau ma sa Kananā, o
e sa nonofo i Heperona ; (o Kiriata-
arapa, o le igoa lea anamua o Hepe-
rona ;) ua latou fasia foi o Sesai, ma
Aimano, ma Talemai. Ona alu atu 11
lea o i latou ai lea mea e tau ma e
sa nonofo i Tiperi ; (o Kiriata-sa-
pera, o le igoa lea anamua o Tiperi.)
Ona fai atu lea o Kalepo, O se na 12
te fasia Kiriata-sapera, ma aea ai,
ou te avatu ia te ia o Akesa lo'u
afafine e fai maua avā. Ona aea ai 13

- lea e Otinielu le atalii o Kinasa, o le uso ititi lea o Kalepo ; ona avatu ai lea e ia o Akesa lona afafine ia te ia e fai mana avā. 14 Ua alu atu ia, ona faaoso ai lea o ia ia te ia, na te ole atu i se fanua mai lona tamā ; ua alu ifo ia nai le asini, ona fai mai ai lea o Kalepo ia te ia, Se a ea lou *manco* ? 15 Ona fai atu lea o ia ia te ia, Ia e alofa mai ia te au ; auā na e avane ia te au le fanua i le itu i toga ; ia e foai mai foi ma ni vaipuna. Ona avatu ai lea e Kalepo ia te ia o vaipuna o i luga atoa ma vaipuna o i lalo.
- 16 O le fanua a le sa Kenī, o le tamā lea o le avā a Mose, ua latou o ae nai le aai o pama faatasi ma le fanauga a Iuta, i le vao o Iuta i lona itu i toga o Arata ; ua latou o foi ma nonofo faatasi ma le nuu.
- 17 Ona o lea o Iuta ma Simeona lona uso, ua latou fasia sa Kananā, e sa nonofo i Sefata, ua latou faaumatia ai lava ; ona faaigoa ai lea o le igoa o le aai o Horema. 18 Ua maua foi e Iuta o Kasa ma ona fanua, ma Asekelona ma ona fanua, o Ekerona foi ma ona fanua. 19 Nai ai Ieova ia Iuta ; ua na tulia e sa *nonofo* i le mauga, a ua le tulia e sa nonofo i le vanu, auā sa ia te i latou kariota uamea. 20 Ua latou faatoina atu o Heperona mo Kalepo, pei ona fai mai ai o Mose ; ua ia tulia foi ai lea mea atalii o Anaki e toatolu. 21 A o sa Iepusē, e ua nonofo i Ierusalemā, e lei tulia i latou e le fanauga a Peniamina ; a ua nonofo faatasi o sa Iepusē ma le fanauga a Peniamina i Ierusalemā, ua oo mai i ona po nei.
- 22 Ua o ae foi le aiga o Iosefa i Peteli ; na ia te i latou foi o Ieova. 23 Na auina *nisi* e le aiga o Iosefa e asiasi i Peteli ; (o Lusa, o le igoa lea o le aai anamua.) 24 Ua iloa atu e na lamalama o le tasi tagata ua sau mai le aai, ona latou fai atu ai lea ia te ia, Ina e faasino mai ia te i matou le ala i le aai, ona matou agalelei atu ai lea ia te oe. 25 Ua faasino atu e ia ia te i latou le ala i le aai, ona latou fasia ai lea o le aai i le pelu ; a ua latou tuu atu le tagata ma lona aiga uma e o. 26 Ua alu atu foi le tagata i le nuu o sa

Hei, ona faia lea e ia le aai, ma na faaigoa atu ai o Lusa ; o lona igoa lea ua oo mai i ona po nei.

E lei maua foi e Manase o Pete- 27 seana atoa ma ona faoa aai, o Tanaka foi atoa ma ona faoa aai, ma e nonofo i Toro atoa ma ona faoa aai, o e nonofo foi i Ipelamo atoa ma ona faoa aai, o e nonofo foi i Mekito atoa ma ona faoa aai ; a ua finau sa Kananā e nonofo i lea nuu. Ua oo ina malosi o Isaraelu, ona 28 totogi atu ai lea o taulaga i sa Kananā, a e lei matuā tulia i latou.

E lei tulia foi e Efaraima sa Ka- 29 nanā o e nonofo i Kasera ; a ua nonofo sa Kananā faatasi ma i latou i Kasera. E lei tulia foi e 30 Sepulona o e nonofo i Kiterona, o e nonofo foi i Naalolo ; a ua nonofo sa Kananā faatasi ma i latou, ma latou fai taulaga mai. E lei tulia 31 foi e Asera o e nonofo i Ako, o e nonofo foi i Saitonu, ma e o i Ailava, ma e o i Akasepa, ma e o i Helipa, ma e o i Afeka, ma e o i Reopa. A 32 ua nonofo sa Aserā faatasi ma sa Kananā o e nonofo i le nuu ; auā ua latou le tulia i latou. E lei tulia 33 foi e Nafatali o e nonofo i Petesemesa, ma e nonofo i Peteanata ; a ua latou nonofo faatasi ma sa Kananā e ua nonofo i le nuu ; a o e nonofo i Petesemesa ma Peteanata, ua fai taulaga mai ia te i latou. 34 O sa Amorī ua latou tetee atu i le fanauga a Tanu ia *nonofo* i le mauga ; auā na latou le mafafai ona ia o ifo o i latou i le vanu. A ua finau sa 35 Amorī e nonofo i le mauga o Heresa i Ailona ma Salapima ; a ua lima malosi le aiga o Iosefa, ona latou fai taulaga mai ai lea. O le tuaoi 36 foi o sa Amorī, e pau mai i le aiga o Akarava i Sela, ma ona tala atu i luga.

Ua aoi atu Ieova i le miu ona o a latou amio leaga.

UA alu ae le agelu a Ieova mai 2 Kilikala i Pokima, ua faapea atu, Na ou aveina ae outou mai Aikupito, na ou faaooina foi outou i le nuu na ou tauto ai i o outou tamā ; na ou faapea ane foi, Ou te le tuumavaega lava i la'u feagaiga ma

- 2 outou e faavavau. O outou foi, aua ne'i outou fai se feagaiga ma e o nonofo i lenei nuu; ia outou sofaia o latou fata faitaulaga a ua outou le faalogo i la'u upu; se a le mea
- 3 ua outou fai ai lenei mea? O le mea lea na ou fai atu ai, Ou te le tulia i latou i o outou luma; a e avea i latou *ma sasa* i o outou itu, e avea foi o latou atua ma mallei ia te outou. Ua fai atu le agelu a
- 4 Ieova i nei upu i le fanauga a Isaraelu uma, ona matuā taufaitagi ai lea o le nuu. Ua latou faaigoā lea mea o Pokima; ona latou fai tau-
- 5 laga lea ia Ieova i lea mea.
- 6 Sa tuu atu e Iosua le nuu e o, ona o ai lea o le fanauga a Isaraelu e taitasi i lona tofi, e fai mo latou le
- 7 nuu. Sa auauna le nuu ia Ieova i aso uma o Iosua, ma aso uma o toeaina e na ola mai a ua mavāe Iosua, o e nā iloa galuega tetele uma a Ieova na ia faia mo Isaraelu.
- 8 Ua oti Iosua le atalii o Nūno, le auauna a Ieova; ua tasi le selau ma
- 9 le sefulu o tausaga o lona ola. Ua latou tanu foi ia te ia i le fanua o lona tofi i Timenata-heresa i le mau-
- 10 ga o Efaraima, i le itu i matu o le mauga o Kaasa. Ua faaopoopoina atu foi o lea tupulaga uma i o latou tamā; ua mavae i latou, ona tupu ai lea o le tasi tupulaga o e na le iloa Ieova ma ana galuega na ia faia
- 11 mo Isaraelu. Ona amio leaga lea o le fanauga a Isaraelu i luma o Ieova, ua latou auauna foi ia Paala. Ua
- 12 latou tuua Ieova le Atua o latou tamā, o le na atumaia i latou mai le nuu o Aikupito, a ua latou mulimuli atu i atua ese, o atua o nuu ua
- 13 vagavagai ia te i latou, ua latou ifo foi i ai, ma latou faaonono ai ia Ieova. Ua latou tuua Ieova, ma
- 14 auauna ia Paala ma Asaira. Ona tupu tele ai lea o le toasa o Ieova ia Isaraelu, ua ia tuuina atu i latou i lima o e vete mea, o e na vetea a latou mea; ua tuuina atu foi i latou i lima o e vagavagai mai ua ita ia te i latou; ua latou le toe mafai ai ona
- 15 tutū atu i luma o e ua ita ia te i latou. O mea uma foi na latou o i ai, sa i ai le aao o Ieova ia leaga ai i latou, e pei ona fetalai mai ai o Ieova, e pei ona tauto foi o Ieova ia
- te i latou; na puapuagateleina ai i latou.
- A ua faatuina e Ieova o faamasino, 16 ua latou faaola ia te i latou ai lima o e vetea a latou mea. A e lei faa- 17 logo i latou i o latou faamasino, a ua mulimuli atu i atua ese e mululua ai, ua latou ifo foi ai; ua vave ona latou o e e i le ala na savavali ai o latou tamā, ē sa anaana i polo-
- aiga a Ieova; ua le faapea ona latou faia. Ua faatuina e Ieova o faa- 18 masino mo i latou, ona i ai lea o Ieova ma le faamasino, ma ua faaolaina i latou ai lima o e ua ita ia te i latou i aso uma o le faamasino; auā ua salamo Ieova i o latou feoi, ona o e ua faasaua ma faatiga ia te i latou. A ua oo ina oti o le faa- 19 masino, ona latou liliu ai lea, ua sili foi lo latou leaga i o latou tamā, ina ua latou mulimuli atu i atua ese e auauna i ai, ma ifo i ai. Ua latou le tuua a latou amio ma lo latou faalogogata. O le mea lea ua tupu 20 tele ai le toasa o Ieova ia Isaraelu, ua fetalai mai foi o ia, Ua tuuma-
- vaega lenei nuu i la'u feagaiga na ou pololai atu ai i o latou tamā, e lei faalogo foi i latou i la'u upu. O le 21 mea lea ou te le toe tulia ai ai ia te i latou so ia nuu na tuua e Iosua ina ua oti o ia. Ina ia tofotofoina o 22 Isaraelu e i latou, pe latou te tausiusi i le ala o Ieova e savavali ai, pei ona tausiusi ai e o latou tamā, pe leai. O le mea lea na tuuina atu ai 23 e Ieova o ia nuu, ua le vave tulia i latou; e lei tuuina atu foi e ia i latou i le lima o Iosua.
- O nuu na tofotofoina ai Isaraelu.*
- O NUU foi ia na tuua e Ieova e 3 tofotofoina e i latou o Isaraelu, o i latou uma e nā le iloa taua uma o Kanana. Tau ina ia iloa e tupu- 2 laga o le fanauga a Isaraelu e a'oa'o ia te i latou i le taua, o i latou foi lava na le iloa anamua; o alii e 3 toalima o Filisitia, ma sa Kanana uma, ma sa Saitonū, ma sa Hevī o e nonofo i le mauga o Lepanona, e pau atu i le mauga o Paala-heremone e oo i le ala o Amatō. Na i ai i latou ina ia tofotofoina Isaraelu e i 4 latou, ina ia iloa pe latou te faalogo i poloaiga a Ieova na ia pololai

atu ai i o latou tamā na oo mai ia Mose.

- 5 Ua nonofo le fanauga a Isaraelu faatasi ma sa Kananā, o sa Heti, ma sa Amorī, ma sa Perisē, ma sa Hevī, ma sa Iepusē. Ona latou fai avā lea i o latou afafine; uā latou avatu foi o latou afafine i o latou atalii, ma latou auaua atu i o latou
- 7 atua. Ua amio leaga le fanauga a Isaraelu i luma o Ieova; uā latou faagalologo foi ia Ieova lo latou Atua, a ua latou auaua atu ia
- 8 Paala ma Asaira. O le mea lea na tupu tele ai le toasa o Ieova ia Isaraelu, na ia tuuina atu i latou i le lima o Kusa-risatima, o le tupu lea o Mesopotamia; ona auaua lea o le fanauga a Isaraelu ia Kusa-risatima
- 9 i tausaga e valu. Ua alalaga atu le fanauga a Isaraelu ia Ieova, ona faatuina ai lea e Ieova o le faola mo le fanauga a Isaraelu, na ia faaolaina i latou, o Otieliu lea, o le atalii o Kinasa, o le uso ititi o Kalepo. Ua oo ia te ia le Agaga o Ieova, ona faamasino lea e ia o Isaraelu; na alu atu foi o ia i le taua, ona tuuina mai lea e Ieova i lona lima o Kusa-risatima le tupu o Mesopotamia; ua manumalo foi o ia ia Kusa-risatima. Ona filemu ai lea o le nuu i tausaga e fagafulu. Ona oti lea o Otieliu le atalii o Kinasa.

- 12 Ua toe amio leaga le fanauga a Isaraelu i luma o Ieova, ona faamalosi ai lea e Ieova ia Ekelona le tupu o Moapi e tau ma Isaraelu, ina ua latou amio leaga i luma o Ieova.
- 13 Ua ia faapotopototo ane ia te ia le fanauga a Amōni ma Amaleka; ona alu atu lea o ia, mana fasia Isaraelu, ua latou maua foi le aai o pama.
- 14 Ona auaua ai lea o le fanauga a Isaraelu ia Ekelona le tupu o Moapi i tausaga e sefulu ma le valu.

- 15 A ua alalaga atu le fanauga a Isaraelu ia Ieova, ona faatuina ai lea e Ieova o le faola mo i latou, o Euta lea le atalii o Kira o le sa Peniaminā, o le tagata tauagavale ia; ua auina o ia e le fanauga a Isaraelu e momoli le taulaga ia Ekelona le tupu o Moapi. Ua gaosia e Euta māna se pelu e faatauamaai itu, o lona umi o le kupita e tasi; ua ia fusia ai foi i lalo i ona ofu i

lona vae taumatau. Ua ia avatua le taulaga ia Ekelona le tupu o Moapi; o le tagata ua matuā puta lava Ekelona. Ua uma ona avatua le taulaga, ona auuina atu ai lea e ia o le nuu na au mai le taulaga, a ua foi mai o ia i le mea o i ai tupua ua ta ua i Kilikala. Ona fai atu ai lea o ia, Le tupu e, ua ia te au le feau faalilolilo ia te oe. Ona fai mai ai lea o ia, Ina faalologo ia. Ona o uma atu ai lea nai ia te ia o e na tutū atu ia te ia. Ua alu atu foi Euta ia te ia, sa nofo o ia i lona afeafe faasavili, e gata ia te ia lava; ona fai atu ai lea o Euta, Ua ia te au le feau mai le Atua ia te oe; ona tulai ai lea o ia nai le nofoa. Ua tuu ane e Euta lona lima tauagavale, ma tago i le pelu na i lona vae taumatau, ona tutu'i atu ai lea e ia i lona manava. Ua galo atoa ma le 'au o le pelu, ua lilo foi le pelu i le tino ua puta, ua ia le ma toso ai le pelu nai lona manava, ua ati loa i nofoaga. Ua alu atu Euta i le faapaologa, ua ia pupuni foi i ona tua o pupui o le afeafe, ma faamau ai. Ua alu atu o ia, ona o mai ai lea o ana auuina; ua latou iloa atu, faauta, ua faamauina o puipui o le afeafe; ona latou fai ane ai lea, Ai lava o loo ufiufi e ia ona aao i le afeafe faasavili. Ua latou faatali faatali ua mamā i latou; faauta foi, e lei tatalaina lava e ia o puipui o le afeafe; ona latou ave ai lea o se ki, ma tatala a'i; faauta foi, ua paū i le eleele lo latou alii, ua oti.

Ua solā Euta a o faatali i latou, na tuana'i atu e ia o tupua ua ta, ua sao atu foi i Seirata. Ua oo atu ia, ona ili ai lea e ia o le pu i le māuga o Efaraima; ua o ifo foi ma ia o le fanauga a Isaraelu mai le māuga, na muamua o ia ia te i latou. Ua ia fai atu foi ia te i latou, Ia outou mulimuli mai ia te au; auā ua tuuina mai e Ieova o outou fili o Moapi i o outou lima. Ua latou mulimuli ifo ia te ia, ona latou maua ai lea o asaga o Ioritana e ui atu ai o Moapi; ua le mafafai i latou ona ui atu ai o se tasi. Na fasia e i latou o Moapi i lea aso pe sefulu ni afe o tagata, ua malolosi

30 ma totoa i latou uma lava, e leai foi se tasi na sao. Ua toilalo Moapi i lea aso i le lima o Isaraelu. Ona filemu ai lea o le nuu i tausaga e valugafulu.

31 Ua mavae o ia, ona nofo mai lea o Samekara o le atalii o Anato, na fasia e ia o Filisitia e toaono selau i le tui povi; o ia foi na ia faaolaina Isaraelu.

Ua faaolaina Isaraelu e Tepora ma Parako i le saua o Iapino ma Sesera.

4 UA oti Euta; ona toe amio leaga ai lea o le fanauga a Isaraelu i luma o Ieova. Ona tuuina atu ai lea o i latou e Ieova i le lima o Iapino le tapu o Kanana o le na pule i Hasora; a o le na pule i lana itu taua, o Sesera lea, sa nofo i Haroseta o nuu ese. Ona alalaga atu lea o le fanauga a Isaraelu ia Ieova; auā na ia te ia o kariota uamea e iva selau; na ia matuā faasaua i le fanauga a Isaraelu i tausaga e luafulu.

4 O ona po ia na faamasinoina ai Isaraelu e Tepora, o le perofeta fafine, o le avā lea a Lapitota. Sa nofo o ia i lalo o le pama o Tepora i le va o Rama ma Peteli, i le mauga o Efaraima; na o ae ai ia te ia le fanauga a Isaraelu ia faamasinoina.

6 Ona aauina atu ai lea e ia nisi e aami ia Parako le atalii o Apinoamo mai Katesanafatali; ua ia fai atu foi ia te ia, E lei poloa'i mai ea Ieova le Atua o Isaraelu, e te alu ma e ta'i 'au i le mauga o Tapora, tou te o ma tagata e sefulu afe o le fanauga a Nafatali ma le fanauga a Sepulona?

7 Ou te tosina atu foi Sesera lē pule i le itu taua a Iapino, ma ona kariota, atoa ma ana 'au ia te oe i le alia o Kisona; ou te tuuina atu foi o ia i lou lima.

8 Ona fai mai ai lea o Parako ia te ia, Afai ta te o ma a'u, ona ou alu lea; a e afai ta te le o ma a'u, ou te le alu.

9 Ua fai atu o ia, Ta te o lava ma oe; a e peitai e leai sou viiga i lenei mea e te alu ai oe; auā e tuuina atu e Ieova o Sesera i le lima o le fafine. Ua tu i luga Tepora, ona la o ai lea ma Parako i Katesa.

10 Ona faapotopototo ai lea e Parako o Sepulona ma Nafatali i Katesa; ua alu ae foi ia atoa ma le sefulu o afe o tagata ua

mulimuli atu ia te ia; ua la o ae foi ma Tepora.

O Kaveru foi o le sa Keni, o so 11 le fanau a Opapo, o le tamā lea o le avā a Mose, na vavae mai o ia i sa Keni, ua na to foi lonā fale ie e latalata ane i le aluna i Saanaima, ua i Katesa lea. Ua latou faailoa 12 foi ia Sesera, ua alu ae Parako le atalii o Apinoamo i le mauga o Tapora. Ona faapotopototo ai lea e 13 Sesera o ona kariota uma, o kariota uamea e iva selau, atoa ma le nuu uma o e na ia te ia, mai Haroseta o nuu ese e ō i le alia o Kisona.

Ona fai atu ai lea o Tepora ia 14 Parako, Tulai ia, auā o le aso lenei e tuuina atu ai e Ieova o Sesera i lou lima; e lei afio atu ea o Ieova i ou luma? Ona alu ifo lea o Parako nai le mauga o Tapora, atoa ma le sefulu o afe o tagata ua mulimuli atu ia te ia. Ua faataapeapeina e 15 Ieova o Sesera, ma ona kariota uma, ma lana itu taua uma i le pelu i luma o Parako; ona alu ifo ai lea o Sesera nai lona kariota, ma sola i ona vae.

A ua tuliloa atu e Parako 16 i kariota ma le itu taua, ua oo lava i Haroseta o nuu ese; ua oti le itu taua uma a Sesera i le pelu; e leai lava se tasi na toe. A o Sesera, ua 17 sola o ia i ona vae i le fale ie o Iaeli le avā a Kaveru o le sa Keni; auā ua nofo lelei Iapino le tupu o Hasora ma le aiga o Kaveru o le sa Keni.

Ona alu atu lea o Iaeli e 18 faafetaiai ia Sesera, ua fai atu ia te ia, Le alii e, afe mai ia, ina afe mai ia te au, aua e te mata'u. Ona afe ane ai lea o ia ia te ia i le fale ie, ona ufiufi ai lea e le fafine ia te ia i le ie afu.

Ua fai mai foi o ia ia te 19 ia, Se'i e au mai sina vai ou te inu ai; auā ua ou fia inu lava. Ona tatala ai lea e ia o le fagu pa'u o suāsusu, ua avatu ia te ia e inu ai; ona ufiufi ai lea ia te ia.

Ona fai 20 mai lea o ia ia te ia, Ina tu ia oe i le faitotoa o le fale ie; a sau se tasi e fesili ia te oe, ma faapea mai, O iina ea se isi? ia e faapea atu, E leai lava. Ona tago ai lea o Iaeli le 21 avā a Kaveru i se fao o le fale ie, ua ave foi ma le samala i lona lima, ona alu lemu atu lea ia te ia, ua ia tutu'i ai le fao i lona manifiifi, ua

ati ifo i le elelee, auā na moegase ina ua lailoa; ona oti ai lea o ia.
 22 Faautea foi, ua tuliloa mai Parako ia Sesera, ona alu atu lea o Iaeli e faafetaiai ia te ia, ua fai atu o ia ia te ia, Ina maliu mai ia, ou te faaaliina atu ia te oe le tagata ua e sailia. Ona alu ane lea o ia ia te ia, faautea, ua taatia Sesera, na oti, ua i
 23 ai foi le fao i ona manifiini. O le aso lava lea na faatolaloina ai e le Atua o Iapino le tupu o Kanana i
 24 luma o le fanauga a Isaraelu. Ua manumalo pea lima o le fanauga a Isaraelu, ua mamafa lava ia Iapino le tupu o Kanana, ua oo lava ona latou faaumatia o Iapino le tupu o Kanana.

O le vii o le Atua na pepese ai Tepora ma Parako.

5 ONA pepese ai lea o Tepora ma Parako le atalii o Apinoamo i lea lava aso, ua faapea atu,
 2 Auā o le ta'ita'iina o Isaraelu e alii ta'i 'au ma le ofo fua mai o le nuu, ia outou faamanu ia Ieova.
 3 Ina faafofoga mai ia outou tupu; alii e, ina liliu mai ia o outou fofoga; o 'a'u, ou te pese lava 'a'u ia Ieova, ou te fai pesega ia Ieova le Atua o Isaraelu.
 4 Ieova e, na e afio atu nai Seira, na e afio atu ai le laueleele o Etoma, ona luluina ai lea o le lalolagi, na tautulu ifo le lagi, o ao foi ua tautulu ifo ai le vai. Na tafe ifo mau-ga i luma o Ieova, o lea lava Sinai i luma o Ieova le Atua o Isaraelu.
 6 O ona po o Samekara le atalii o Anato; o ona po o Iaeli na gase ai ala tele, na ui atu ai malaga i ala
 7 'alo. Ua leai ni ta'ita'i ia Isaraelu; ua leai lava; ua oo i ona po na tulai atu ai 'a'u o Tepora; na tulai atu ai
 8 'a'u, o le tinā i Isaraelu. Na latou filifilia atua fou; ona oo ai lea o le taua i faitotoa; na iloa ea se talita po o se tao i le fagafulu o afe o Isaraelu?
 9 Ua uai atu lo'u loto i faipule o Isaraelu, o e na ofo fua i le nuu; ia
 10 outou faamanu atu ia Ieova. O outou e tietie i asini sisina, o outou e nonofo i ie lelei, o outou foi o e savavali i le ala; ia outou talatala i
 11 ai; auā o le leo o e tufatufa vete i

mea e utu ai vai, latou te ta'u atu le amiotonu a Ieova i lea mea; o le amiotonu i ona ta'ita'i i Isaraelu; ona o ifo ai lea o le nuu o Ieova i faitotoa.

Ala mai, ala mai ia, Tepora e; ala 12 mai, ala mai ia; ia e pese i le vii. Tulai mai ia, Parako e, o oe na le atalii o Apinoamo, ia e ta'ita'i i le tafeaga ou tagata o taua. Ona ou 13 faapea ai lea, Ina o ifo ia e ua totoe i alii o le nuu; Ieova e, ina e afio ifo ia te au e tau ma e ua malolosi. Mai Efaraima o e mau i Amaleka; 14 e mulimuli atu ia te oe o Peni-mina faatasi ma lou nuu; mai Makira na o ifo ai faipule; mai Sepulona foi o e ua 'a'u le tootoo o le avea 'au. O alii o Isakara sa ia 15 Tepora; o Isakara e pei o Parako lava ia, na auina i le vanu e mulimuli atu ia te ia; o i vaitafe o Reupena sa tele ai filifiliga o le loto. Se a le mea na e nofo ai i 16 lotoā mamoe, e faalogologo ai i le leo o le fagafaga a le au leoleo mamoe? o i vaitafe o Reupena sa tele ai filifiliga o le loto. Na nofo foi 17 Kiliata i le la itu o Ioritana. Se a foi le mea na nofo ai Tanu i vaa? na nofo foi Asera i le afaga, ua nofo lava i ona faga. O Sepulona, 18 o le nuu lea na tuulafoaiina lona ola ia oti; e faapea foi Nafatali i mea maua luga o le nuu.

Ua o mai tupu, ua latou tau; ona 19 tau ai lea o le taua e tupu o Kanana i Tanaka, e latalata ane i le vai i Mekito; latou te lei maua lava ni oloa ario. Na latou tau mai le lagi; 20 ua tau lava ma Sesera o fetu i o latou ala. Na tafea i latou i le alia 21 o Kisona; o le alia lea o le vavau, o le alia o Kisona. Lo'u agaga e, ua e solia lē ua malosi. Ona nuti 22 ai lea o atigivae o solofanua, ona o taufetuliga lava o ana 'au malosi. Ua fai mai le agelu a 23 Ieova, Ia outou faafano ia Merosa, ia outou matuā faafano lava i e o nonofo ai; auā na latou le o mai e fesoasoani ia Ieova; e fesoasoani ia Ieova, e tau ma e ua malolosi.

E sili le manuia o Iaeli i fafine 24 uma, o le avā lea a Kaveru o le sa Keni; e sili lona manuia i fafine uma o i fale ie. Na ole mai o ia i 25

- se vai, ona avatu ai lea e ia o le suāsusu; na ia avane le suāsusu
26 to'a i le ipu tāua. Na tago atu lona lima i le fao, ma lona lima taumatau i le samala a le tufuga; ona ta lea e ia ia Sesera, ua momo-
27 mo ai lona ulu; na ia tu'i ua ati i ona manifinifi. Ua punou, ua paū, ua taoto i ona vae; ua punou, ua paū i ona vae; o le mea na punou ai o ia, na paū oti ai lava.
- 28 Na vaavaai atu i le faamalama le tinā o Sesera, na ia alaga atu i le mea faamatāupega o le faamalama, Se a le mea ua tuai mai ai lona kariota? Se a le mea ua tuai ai
29 ona oo mai o ona kariota? Ona tali mai ai lea ia te ia o tamaitai popoto ua ia te ia, o ia lava ua toe
30 fai atu o ia ia te ia, Latou te lei maua ea? latou te lei tufatufaina ea o vete? e taitoatasi ma se teine e toatasi pe toalua; o le vete o ofu lanu eseese a Sesera, o le vete o ofu lanu eseese ua matagofie; o le ofu lanu eseese ua faamatagofie i itu e
31 lua, mo ua o e ua i ai vete.
- Ieova e, ia faapea ona fanoia atoa uma o e ita ia te oe; a o e ua alolofa atu ia te ia, ia pei o le la i latou ina o mu toto'a.
- Ona filemu lea o le nuu i tausaga e fagafalu.
- Ua faasauaina ona o a latou amio leaga.*
- 6 ONA fai ai lea e le fanauga a Israelu le amio leaga i luma o Ieova; ona tuuina atu ai lea o i latou e Ieova i lima o Mitiana i
2 tausaga e fitu. Ua manumalo Mitiana ia Israelu; ona fai ai lea e le fanauga a Israelu mo i latou o lua o i mauga, o ana foi, ma 'olo, ona o
3 Mitiana. A totō mea e Israelu ona o ae ai lea o Mitiana, ma Amaleka, atoa ma tagata mai sasae, ua latou o ae lava e tau ma i latou.
- 4 Ua latou to lauapi e tau ma i latou, ona latou faataumaoi ai lea o mea na tutupu i le laueleele, e oo atu lava i Kasa; latou te lei tuuna lava sina mea e 'ai mā Israelu, po o se mamoe, po o se povi, po o se asini.
- 5 Auā na latou o ae ma a latou manu ma o latou fale ie, ua latou o ae lava e pei o sē ina taa tele; e le mafaitaulia lava i latou ma a latou kamela; na latou oo atu foi i le nuu e faataumaoi ai. Ona matuā
6 matitiva ai lea o Israelu ona o Mitiana; ona alalaga ai lea o le fanauga a Israelu ia Ieova. Ua
7 alalaga atu ia Ieova le fanauga a Israelu ona o Mitiana, ona auina
8 ma ai lea e Ieova o le perofeta i le fanauga a Israelu, ua faapea mai o ia ia te i latou, Ua faapea ona fetalai mai o Ieova le Atua o Is-
9 raelu, O a'u na ou aveina ae outou nai Aikupito, ma au aumaia outou nai le mea sa nofo pologa ai; na ou laveaiina outou nai le lima o Aiku-
10 pito, ai lima lava o i latou uma e na faasaua ia te outou, ma ou tulia i latou i o outou luma; na ou avatu foi lo latou laueleele mo outou. Na ou faapea atu foi ia te outou, O
11 a'u o Ieova lo outou Atua; aua tou te matatau i atua o sa Amorī, e o latou le nuu ua outou nonofo ai; a ua outou le anaana i la'u upu.
- Ona alu atu ai lea o le agelu a
12 Ieova, ua nofo i lalo o le tapeneto sa i Ofira, na ia Ioasa le sa Apieserū; o Kitiona lona atalii ua ia sasa saito i le mea e soli ai vine, ina ia lilo ai
13 ia Mitiana. Ua faaali mai ia te ia le agelu a Ieova, ua faapea mai ia te ia, Oe na le toa malosi, o ia te oe Ieova. Ona fai atu ai lea o Kitiona
14 ia te ia, E! le Alii e, afai ua ia te i matou Ieova, se a le mea ua oo mai ai ia mea uma ia te i matou; o ifea ona vavega uma, na ta'u mai ai e o matou tamā ia te i matou, ua faapea mai, E lei aveina ae ea o i tatou e
15 Ieova ai Aikupito? A o ona po nei ua lafoaiina ai i matou e Ieova, ua ia tuuina mai foi i matou i lima o Mitiana. Ona silasila mai ai lea o
16 Ieova ia te ia, ua faapea mai, Alu ia oe i lenei lou malosi, e te laveaiina Israelu ai le lima o Mitiana; ou te lei auina atu ea oe? Ona
17 faapea atu ai lea o ia ia te ia, E! le Alii e, ou te laveaiina Israelu i ni a? faauta mai, ua topito ona faatauvaa lo'u aiga i Manase; o a'u foi, o le aupito itiiti i le aiga o lo'u tama. Ona faapea mai ai lea o
18 Ieova ia te ia, Auā ta te faatasi lava ma oe; e te fasia foi Mitiana, e peise-
19 ai o se tagata e toatasi. Ona fai atu

ai lea o ia ia te ia, Afai ua e alofa
mai ia te au, ia e faia se faailoga
mo a'u, e *iloa ai* o oe lava ua ta
18 tautalatala ma a'u. Ou te faatoga
atu, aua nei e maliu ese iinei, seia
a'u sau ia te oe, ma ou au mai la'u
taulaga, ma ou tuuina atu i ou luma.
Ona faapea mai ai lea o ia, Ou te
nofo lava seia e foi mai.

19 Ua alu atu Kitiona, ua ia saunia
le tamai 'oti, ma areto e le faafefe-
teina *na faia* i le efa o falaoa; ua
tuu e ia tufaaga i le ato, ua ia tuu
foi le sua i le pani, ona avatu lea ia
te ia i lalo o le tapeneto, ma tuu
20 atu ai. Ua fai mai le agelu a le
Atua ia te ia, Ina tago ia i tufaaga,
ma areto e le faafefeteina, ma e
tuu atu i luga o lenei papa, ia lilig-
atu ai foi le sua. Ona faapea ai lea
21 o ia ona fai. Ona faaloaloa atu lea
e le agelu a Ieova le pito tootoo na
i lona lima, ua pai atu i tufaaga ma
areto e le faafefeteina; ona alu ae
ai lea o le afi nai le papa, ua susu-
nuina ai tufaaga ma areto e le faa-
fefeteina. Ona alu ai lea o le agelu
22 a Ieova nai ia te ia. Ua iloa e Kiti-
ona o le agelu a Ieova lava o ia, ona
faapea ane ai lea o Kitiona, Aue, le
Alii e, Ieova, auā ua ou iloa le age-
lu a Ieova, ua ma fesagai lava.

23 Ona fetalai mai ai lea o Ieova ia te
ia, Ina filemu ia oe, aua o te mata'u,
24 e te le oti. Ona faia ai lea e Kiti-
ona i lea mea o le fata faitaulaga ia
Ieova, ua faaigoai i ai o Ieova-saloma;
ua i ai i Ofira o sa Apieserū ua oo i
ona po nei.

25 Ua fetalai mai Ieova ia te ia i lea
lava po, Ina ave i le povi poa taan-
oa a lou tamā, ma lona lua o povi
poa, e fitu ona tausaga, ma ia e
sōloi i lalo le fata faitaulaga o
Paala, o i lou tamā; ia vavae foi i
lalo le tupua o Asaira na latalata
26 ane i ai; a ia e faia se fata e fai ai
taulaga ia Ieova lou Atua i luga o
lenei 'olo, ma *le fafie* ua faaafu; e
te ave foi lona lua o povi poa, e te
fai ai se taulaga mu i le laau o le
tupua o Asaira o le a e vavae i lalo.

27 Ona ave ai lea e Kitiona o tagata e
toasefulu o ana anauna, ua faia lava
e pei ona fetalai mai ai o Ieova ia
te ia; ua faia e ia i le po, auā e le
mafai ia te ia ona faia i le ao, ina

ua mata'u lava o ia i le aiga o lona
tamā atoa ma tagata o le aai.

Ua ala i le taeao tagata o le aai, 28
faauta ua sōloia i lalo le faia faitau-
laga o Paala, ma le tupua o Asaira
na latalata ane i ai ua vavaeina i
lalo; ua fai foi le taulaga i le lua
o povi poa i luga o le fata ua faia.
Ona latou faapea ane ai lea o le 29
tasi i le tasi, Po o ai ea ua faia le
mea nei? Ua fesilisili ma suesue i
latou, ona fai ane ai lea o i latou,
Na faia le mea nei e Kitiona le
atalii o Ioasa. Ona faapea atu ai 30
lea o tagata o le aai ia Ioasa, Au
mai ia lou atalii, ina ia oti o ia; auā
ua ia sōloia le fata faitaulaga o
Paala, auā foi ua ia vavaeina i lalo
le tupua o Asaira na latalata ane i
ai. Ona faapea mai ai lea o Ioasa 31
ia te i latou uma na tutū mai ia te
ia, O outou na, tou te finafinau ea
mo Paala? Tou te fia laveaiina o
ia? o le na te finau mo ia, ia oti
lava ia i le taeao nei; afai o se atua
ia, ina faia e ia lava lana finauga,
auā ua sōloia e *se tasi* lona fata fai-
taulaga; o lea lava aso na ia faa- 32
igoaiina ai o ia, o Ierupaala, ua
faapea atu, Ia la finau o Paala ma
ia, auā ua ia sōloia lona fata faitau-
laga.

Ona faapotopoto faatasi ai lea o 33
Mitiana uma lava, ma Amaleka
atoa ma tagata mai sasae, ua latou
sopoia mai *le vaiase*, ua latou to
lauapi i le vanu o Isereelu. A ua 34
ufitia Kitiona e le Agaga o Ieova;
ona ili ai lea e ia o le pu, ona faa-
potopotoina lea o Apieseru e muli-
mulu atu ia te ia. Ua ia aauina atu 35
sāvali ia Manase uma, ua faapotop-
otoina foi i latou e mulimuli atu
ia te ia; ua ia aauina atu o sāvali
ia Asera, ma Sepulona, ma Nafatali,
ona latou o ae ai lea e faafetaia i
te i latou. Ua faapea atu Kitiona i 36
le Atua, Afai e te faaolaina Isaraelu
i lo'u lima, e pei ona e fetalai mai
ai, faauta mai, o a'u, ou te tuuina 37
atu le fulufulu mamoe i le mea e
sasa ai le saito; afai ua na o le fulu-
fulu mamoe e i ai le sau, a e matutu
le laueleele uma, ona ou iloa ai lea
e te faaolaina Isaraelu i lo'u nei
lima, e pei ona e fetalai mai ai.
Ona faapea ai lava lea; ua ala usu 38

atu ia i le taeao, ona tatao ai lea e
ia o le fulufulu mamoe, ua ia taulia
foi le sau nai le fulufulu mamoe, ua
39 tumu le ipu i le suāvai. Ona fai
atu lea o Kitiona i le Atua, Aua e
te toatamai ia te au, ua na o le toe
upu ou te fai atu ai nei; ou te aioi
atu ia te oe, ia toe tasi ona ou tofo-
tofo i le fulufulu mamoe; ia matutu
na o le fulufulu mamoe, a o le lau-
40 eleele uma, ia i ai le sau. Ua faapea
lava ona faia e le Atua i lea lava
po; auā ua matutu na o le fulufulu
mamoe, a o le laueleele uma, sa i ai
le sau.

*Ua faatoaititiina 'au a Kitiona.
O lana togafiti na tulia ai Mitiana.*

7 ONA ala usu atu ai lea o Ieru-
paala, o Kitiona lava lea, ma le nuu
uma na ia te ia, ua ia to lauapi e
latalata ane i le vaipuna i Harota;
sa i ai le itu taua a Mitiana i le itu
atu i matu ia i latou, e latalata ane
2 i le manga o More i le vanu. Ua
fetalai mai Ieova ia Kitiona, E toa-
tele naua le nuu o loo ia te oe; ou
te le tuuina atu Mitiana i o latou
lima, ne'i mitamita mai Israelu, i
o'u luma e faapea mai, O lo'u lava
3 lima' ua ola ai a'u. O lenei, ia e
alaga atu lava i le nuu ia latou
lagona, ia faapea atu, Ai se mata'u
ma gatete, ina liliu atu ia, ma foi
atu nai le mauga o Kiliata. Ona
foi atu ai lea o le nuu e luafulu o
afe-ma afe e lua, a ua totoe le
4 sefulu o afe. Ona fetalai mai ai lea
o Ieova ia Kitiona, E toatele pea le
nuu; ia e aveina ifo i latou i le vai,
ona ou tofotofoina ai lea o i latou
mo oe i lea mea; o le ou te fai atu
ai ia te oe, Lua te o ma lenei, ona
oulua o ai lea ma ia; o le ou te fai
atu ai foi ia te oe, Lua te le o ma
5 lenei, ona le alu ai lea o ia. Ua
aveina ifo e ia le nuu i le vai, ona
fetalai mai ai lea o Ieova ia Kiti-
ona, O i latou uma o e etoeto i o
latou laulaufaiva i le vai, e pei ona
etoeto o le uli, e te tuuese atu ia te
i latou; e faapea foi i latou uma o
6 e tootuli e inu ai. Ua faitauna e
ua tuu o latou lima i o latou gutu,
ma etoeto ai *le vai*, ua tolu selau o
ia tagata; a o le nuu uma ua totoe,
7 ua latou tootuli e inu i le vai. Ona

fetalai mai ai lea o Ieova ia Kitiona,
O le tolu selau o tagata e na etoeto
i le vai, ou te faaola ai ia te outou,
ma tuuina atu Mitiana i lou lima;
a o le nuu uma *ua totoe*, ia taitasi
ma alu i lona nuu. Ona ave ai lea
8 e le nuu o mea e 'ai i o latou lima,
ma a latou pu; ona aauina atu ai
lea e ia o Israelu uma *ua totoe*, ia
taitasi ma alu i lona fale ie; a ua
taofia e ia o ia tagata e tolu selau;
o le itu taua foi a Mitiana ua i lalo
i le vanu.

O lea lava po ua fetalai mai ai
Ieova ia te ia, Ina tulai atu ia, ma e
alu ifo i le itu tauā; auā ua ou
tuuina atu i latou i lou lima. A e
afai e te fefe ona alu ifo, lua te o
ifo i le itu tauā, oulua ma Fora lau
auna; e te faalogo i mea ua latou
11 fetautalatalai ai; e mulimuli ane
ona malosai lea oe e alu ifo ai i le
itu taua. Ona o ifo ai lea o ia ma
Fora lana auna i 'au a le itu taua
e pito mai. Ua taotoo i le vanu
12 Mitiana, ma Amaleka, atoa ma ta-
gata uma mai sasae, e pei o sē inā
taa tele; e le mafaitau a latou
kamela, o pei o le oneone i le mata-
faga ona tele. Ua oo atu Kitiona,
13 faauta, o loo ta'u atu e le tasi tagata
o lana miti i le tasi, ua faapea atu,
Faauta, ua fai la'u miti; faauta foi,
na taavalevale le tasi potoi karite i
le itu taua a Mitiana, ua oo i le tasi
fale ie, ua toia ai, ona pa'u ai lea, ua
mafusi i lalo, ua taatia lava le fale
ie. Ona tali mai ai lea o le tasi, E
14 leai se isi mea lenei, ua na o le pelu
a Kitiona le atalii o Ioasa, o le
tagata o Israelu lea; ua tuuina
atu e le Atua i lona lima o Mitiana
ma le itu taua uma.

Ua faalogo Kitiona i le tala o le
15 miti ma lona faamatalaga, ona ifo
ai lea o ia i *le Atua*. Ua toe foi atu
i le itu taua a Israelu, ua ia faapea
atu ai, Tutū mai ia, auā ua tuuina
mai i o outou lima e Ieova o le itu
taua a Mitiana. Ua ia vaea le tolu
16 o selau i 'au e tolu; ua ia avatu foi
pu i lima o i latou uma, ma kate le
'i'i'o, ma sulu i totou o kate. Ua
17 ia faapea atu ia i latou, Ia outou
vaavaai mai ia te au, ma ia faa'oa'o
mai ai lava; faauta foi, a a'u oo i le
toagālauapi e pito mai, ona outou

18 faia lava lea e pei ona ou faia. A matou ilia pu, o a'u ma i latou uma o ia te au, outou foi tou te ilia pu ia soo lava le togālauapi uma, ma outou fai ane, *O le pelu a Ieova ma Kitiona.*

19 Ona oo atu lea o Kitiona ma tagata e toaselau ua ia te ia i le togālauapi e pito mai, i le amataga o le leoleoga i le itu po vaeloto; ua latou faatoa laga matāmoe; ona latou ilia lava lea o pu, ma taei i

20 kate i o latou lima. Ona ilia lea o pu e 'au e tolu, ma latou taei i kate, ua 'u'u foi sulu i o latou lima tauagavale, o pu foi i o latou lima tau-mataue e ili ai; ona latou alalaga at i ai lea, *O le pelu a Ieova ma*

21 *Kitiona.* Ua latou tutū e taitasi i le mea sa i ai e sio ai le togālauapi; ona taufetuli ai lea o le itu taua

22 uma, ua alalaga, ua sosola lava. Ua ilia pu e le tolu selau, ona faao atu ai lea e Ieova o le pelu a le tasi i le tasi i le itu taua uma; ona sosola ai lea o le itu taua i Peteseta i Sere-rata, ua oo i le tuaoi o Apelemeola, e lata ane i Tapata.

23 Ua faapotopotoina tagata o Isra-raelu mai Nafatali, ma Asera, ma Manase uma lava, ona latou tulilo-aina ai lea o Mitiana. Ua aauina

24 atu foi e Kitiona o sāvali i le mauga uma o Efaraima, ua faapea atu, Ina faaifo ia, e pupuni ia Mitiana, ia muamua ia te i latou, ma ia outou maua ai le vai, e oo atu i Petepara ma Ioritana. Ona faapotopoto ai lea o tagata uma o Efaraima, ma latou maua le vai e oo atu i Pete-

25 para ma Ioritana. Ona latou maua ai lea o tamaalii o Mitiana e toalua, o Oreva ma Seeva; ua latou fasia foi Oreva i luga o le papa o Oreva, o Seeva foi ua latou fasia i le mea e soli ai vine o Seeva; ua latou tuliloa ia Mitiana. Ua latou avatu ulu o Oreva ma Seeva ia Kitiona i le ia itu o Ioritana.

Ua faalaulelei atu Kitiona i sa Efaraimā.

8 ONA faapea mai ai lea o tagata o Efaraima ia te ia, Se a lenei mea ua e faia ia te i matou, ina ua e le amia mai i matou ina ua e alu atu e tau ma Mitiana? Ua latou matuā finau

tele mai ia te ia. Ona faapea atu ai lea o ia ia te i latou, Se a se lea ua ou faia nei e tusa ma la outou? E lei sili ona lelei ea nai toe fuifui vine o Efaraima i le taugāvine o Apieseru? Ua tuuina atu e le Atua i o outou lima o tamaalii o Mitiana, o Oreva ma Seeva; se a foi se mea ou te mafaia ona fai e tusa ma outou? Ona faalauleleiina ai lea o i latou ia te ia, ina ua fai atu e ia lena upu.

Ua oo atu Kitiona i Ioritana, ua sopoia atu e ia atoa ma le tolu selau o tagata ua ia te ia, ua lailoa i latou, a e tuliloa lava. Ona fai atu ai lea o ia i tagata o Sukota, Ia outou avane ni potoi areto i le nuu ua mulimuli mai ia te au, auā ua lailoa i latou, a o a'u, ou te tuliloa atu lava ia Seva ma Salemuna o tupu o Mitiana. Ona faapea mai ai lea o alii o Sukota, Po ua e maua nei ea o Seva ma Salemuna matou te avatu ai mea e 'ai ma au 'au. Ona faapea atu ai lea o Kitiona, A tuuina mai e Ieova o Seva ma Salemuna i lo'u lima, ona ou solia ai lea o outou tino i laau tuitui mai le vao ma mea talatala. Ua alu ae ia nai lea mea i Penuei, ua faapea foi ona fai atu o ia ia te i latou. Ona tali mai ai lea ia te ia o tagata o Penuei, e pei ona tali mai e tagata o Sukota. Ona fai atu ai lea o ia i tagata o Penuei, ua faapea atu, Pe a a'u foi mai ma le manuia, ona ou sōloia lava lea o lena 'olo.

Sa i Karekori o Seva, ma Salemuna, atoa ma la ia itu taua faatasi ma i laua, pe sefulu o afe ma afe e lima, na o i latou ia ua totoe o le itu taua uma a tagata mai sasae; auā na fasia tagata e fai pelu e selau afe ma afe e luafulu. Ona alu ae ai lea o Kitiona i le ala o e ua mau i fale ie i sasae o Nopa ma Iakepea; ona fasia ai lea e ia o le itu taua, auā sa nofo talanoa lava le itu taua. Ua sosola foi Seva ma Salemuna, ona tuliloa atu lea e ia ia te i laua, ua ia maua lava o tupu o Mitiana e toalua, o Seva ma Salemuna; ua ia faagateteina le itu taua uma.

Ona foi mai lea o Kitiona le atalii o Ioasa mai le taua, *ua ui ane i le* aega o Heresa. Ona maua lea e ia o

- le tasi taulealea o tagata o Sukota, ua ia fesili ia te ia, ona tusi ai lea e ia ia te ia i alii o Sukota ma o latou toeaina, o tagata e toafitugafulu ma le toafitu. Ona alu atu ai lea o ia i tagata o Sukota, ua faapea atu ai, Faautea, o Seva ma Salemuna na outou tauemua mai ai au, ua faapea mai, Po ua e maua nei ea o Seva ma Salemuna, matou te avatu ai mea e
- 15 16 17 18 19 20 21 22 23 24 25 26
- ‘ai mā ou tagata ua lailoa. Ona ave ai lea e ia o toeaina o le aai, ma laau tuitui mai le vao ma mea talatala, ua ia aoiaina ai tagata Sukota. Ona sōloia lea e ia o le ‘olo o Penuei, ma ua fasioti i tagata o le aai.
- Ona fai atu ai lea o ia ia Seva ma Salemuna, Pe ni tagata faapefea na outou fasiotia i Tapora? Ona la fai mai ai lea, E pei o oe fa faapea foi i latou; e taitasi ma aulelei e pei ni alo o se tupu. Ona fai atu ai lea o ia, O o’u uso ia, o tama a lo’u tinā i latou; o loo soifua Ieova, aua oulua faaolaina i latou po ua ou le fasiotia oulua. Ona fai atu ai lea o ia ia Ietero lana ulumatua, Ina tulai mai ia, ma e fasiotia i laua. A ua le se’i e le tama lana pelu ina ua fefe o ia, auā o le tama lava ia. Ona fai mai ai lea o Seva ma Salemuna, Ina e tulai mai ia oe, ma fasi ia te i maua; auā e pei o le tagata e faapea foi lona malos. Ona tulai atu ai lea o Kitiona, ua ia fasiotia Seva ma Salemuna; ona ave ese ai lea e ia o mea na asoa ai i ua o a la kamela.
- Ona fai atu ai lea o tagata o Isaraelu ia Kitiona, Ia e pule ia te i matou, o oe, ma lou atalii, ma le atalii o lou atalii; auā na e faaolaina mai i matou ai lima o Mitiana.
- Ua fai mai Kitiona ia te i latou, Ou te le pule ia te outou, e le pule foi lo’u atalii ia te outou; e pule lava Ieova ia te outou. Ua fai mai foi Kitiona ia te i latou, Ou te ole atu ia te outou i le tasi mea; ia outou au mai ia te au e taitasi le tagata ma le mama o ana lava vete; (auā sa ia te i latou o mama auro; auā o sa Isamaeli i latou.) Ona fai atu ai lea o i latou ia te ia, Matou te avatu lava. Ona latou folasia lea o le ofu, ma lafo i ai e taitasi le tagata ma le mama o ana lava vete.
- O le mamafa o mama auro na ia ole
- atu ai, o *sekelē* auro ia e tasi le afe ma le fitu o selau, a e tuu ia o mea na asoa ai, ma mama i taliga, ma ofu pāuli na i ai i tupu o Mitiana, atoa ma filifili auro sa i ua o a la kamela. Ona fai ai lea e Kitiona o le efota, ua tuu ai e ia i lana aai o Ofira; ua o atu i ai o Isaraelu uma, ua mulilua ai; ona ave lea o lenei mea ma mailē ia Kitiona ma lona aiga. Ua toilalo lava Mitiana i luma o le fanauga a Isaraelu, ua latou le toe ea lava. Ona filemu ai lea o le nuu i tausaga e fagafulu i ona po o Kitiona.
- Ona alu ai lea o Ierupaala le atalii 29 o Ioasa, ua nofo o ia i lona lava aiga. Sa ia Kitiona ona atalii e toafitugafulu na fanaua lava e ia; auā na toatele lava ana avā. O lana palake sa i Sekema, na fanau foi o ia se atalii mona; ona faaigoaina ai lea o ia o Apimeleko.
- Ua oti foi Kitiona le atalii o 32 Ioasa, ua toeaina lava ia; na tanu foi o ia i le tuugamau o Ioasa lona tamā i Ofira o sa Apieserū. Ua oti 33 Kitiona, ona toe liliu ese ai lea o le fanauga a Isaraelu e mulimuli ia Paala, e mulilua ai, ua latou faia foi o Paala-perita mo latou atua. Ua 34 le manatua e le fanauga a Isaraelu o Ieova lo latou Atua, o le na laveaina i latou ai lima o i latou uma lava e na vagavagai, o e ita ia te i latou. E lei agalelei atu foi i 35 latou i le aiga o Ierupaala, o Kitiona lea, e tusa ma mea uma lava na agalelei atu ai o ia ia Isaraelu.
- Ua taupulepule Apimeleko faatasi ma le nuu o Sekema, ua ia fasiotia ona uso.*
- ONA alu atu ai lea o Apimeleko 9 le atalii o Ierupaala i Sekema i tuagane o lona tinā, ua tautalatala ma i latou atoa ma le aiga uma lava o le tamā o lona tinā, ua faapea atu, Se’i outou matuā fai atu i tagata uma o Sekema, Po o ifea ona malie ia te outou, pe pule ia te outou o atalii uma o Ierupaala o tagata e toafitugafulu lava ia, pe pule ia te outou le tagata e toatasi? ia outou manatua foi, o a’u nei o outou ivi ma o outou aano. Ona tautala lea 3 ia te ia o tuagane o lona tinā i

tagata uma o Sekema ia upu uma; ona uai atu ai lea o latou loto ia Apimeleko, auā ua latou faapea ane,
 4 O lo tatou uso lava ia. Ona latou avatu ai lea ia te ia o tupe e fitugafulu mai le fale o Paala-perita, na totogi a'i e Apimeleko o tagata faatauvaa ma e ulavavale, ina ia latou
 5 mulimuli atu ia te ia. Ua alu atu ia i le aiga o lona tamā i Ofira, ona fasiotia lea e ia i luga o le maa e tasi ona lava uso, o atalii o Ierupaala e toafitugafulu tagata; a ua sao Iotama le atalii o Ierupaala, o le uii ia; auā na lasi lava ia.
 6 Ona faapotopoto ai lea o tagata uma o Sekema, atoa ma le aiga uma o Milo; ona latou o lea, ma latou tofia Apimeleko e fai ma tupu i le mea ua tu ai le aluna i Sekema.
 7 Ona ta'ua atu lea ia Iotama; ona alu ai lea o ia, ma tu i le tumutumu o le mauga o Keresema, ua ia leo tele, ma alaga, ua faapea atu ia te i latou, Outou tagata o Sekema e, ia outou faalogologo mai ia te au, ina ia faafofoga le Atua ia te outou, Na o atu laau e faauuina se tupu mo i latou; ona latou fai atu ai lea i le olive, Ina fai ia oe mo matou tupu.
 9 A ua fai mai le olive ia te i latou, Ou te tuuna ea lo'u lololo, o le mea e faamamafina atu ai le Atua atoa ma tagata, i lo'u alu ai e pule i laau? Ona fai atu ai lea o laau i le mati, Ina sau ia oe, e fai oe mo matou tupu. A ua fai mai le mati ia te i latou, Ou te tuuna ea lo'u suamalie, ma o'u fua lelei, i lo'u alu ai e pule i laau? Ua fai atu foi laau i le vine, Ina sau ia oe, e fai oe mo matou tupu. Ona fai mai ai lea o le vine ia te i latou, Ou te tuuna ea lo'u uaina, o le mea e faafafafa i le Atua atoa ma tagata, i lo'u alu ai e pule i laau? Ua fai atu foi laau uma i le laau tuitui, Ina sau ia oe, e fai oe mo matou tupu. Ona fai mai ai lea o le laau tuitui i laau, Afai tou te faamaoni ona faauuina o a'u e fai mo outou tupu, ia outou o mai, ia outou faatuatua mai i lo'u paolo; a e afai e leai, ia alu atu le afi ai le laau tuitui, ma faaumatia arasi o
 16 Lapanona. O lenei, afai ua faamaoni ma ua tonu la outou amio, ina ua outou tofia o Apimeleko e fai

ma tupu; afai foi ua outou agalelei atu ia Ierupaala ma lona aiga, ma ua outou faia ia te ia e tusa ma mea na ia faia; auā o lo'u tamā na tau-
 17 lia le taua mo outou, na ia tuulafoaiina lona ola ina ia laveaiina ai outou ai lima o Mitiana; a ua laga 18 mai outou i le aso nei i le aiga o lo'u tamā, ma ua outou fasiotia ona atalii, o tagata e toafitugafulu, i luga o le maa e tasi; o Apimeleko foi o le tama a lana auaua fafine ua outou faia o ia ma tupu o tagata o Sekema, auā o lo outou uso lava ia. A e afai ua faamaoni ma ua 19 tonu la outou amio ia Ierupaala ma lona aiga i lenei lava aso, ia outou fiasia lava ia Apimeleko, o ia foi ia fiasia lava ia te outou. A e 20 afai e leai, ia alu atu le afi ai ia Apimeleko e faaumatia ai tagata o Sekema ma le aiga o Milo; ia alu atu foi le afi ai tagata o Sekema ma le aiga o Milo e faaumatia ai Apimeleko. Ona tele vave ai lea o 21 Iotama, ua sola lava ia, ua alu atu i Peeri, ua ia nofo ai ona o Apimeleko lona uso.

Na pule Apimeleko ia Isaraelu i 22 tausaga e tolu; ona tuuina atu ai lea e le Atua o le loto leaga ia Apimeleko ma tagata o Sekema; ona faa'ole'ole ai lea o tagata o Sekema ia Apimeleko; ina ia oo 24 le sau na faia i atalii o Ierupaala e toafitugafulu, ma ia tauia lo latou toto ia Apimeleko lo latou uso, na na fasiotia i latou, atoa ma tagata o Sekema e na fesoasoani ia te ia i le fasiga o ona uso. Ua tofia e 25 tagata o Sekema nisi e lamalama ia te ia i tumutumu o mauga; ua latou faoa mea a i latou uma o e ui ane ia i latou i le ala; ona ta'u atu ai lea ia Apimeleko. Ona o mai ai lea o Kaala le atalii o Epeto ma ona uso, ua latou o atu i Sekema; ona faalagolago ai lea ia te ia o tagata o Sekema. Ua latou o atu i le 27 fanua, ua latou tau vine i o latou tovine, ua latou solia foi fua o le vine, ua pepese fiasia i latou; ua latou o atu foi i le malumalu o lo latou atua, na latou aai, ma inu, ma ua latou fetuu ia Apimeleko. Ona faapea atu ai lea o Kaala le 28 atalii o Epeto, Po o ai ea Apime-

- leko, po o ai foi Sekema tatou te auauna i ai? E le o le atalii o Ierupaala ea? o Sepula foi o le ua tofia e ia e pule? Ia outou auauna i tagata o Hamoro le tamā o Sekema; se a le mea tatou te auauna i ia te ia? E, ana ia te au e le pule i le nuu nei, po ua ou ave ese ai ia Apimeleko! Ua faapea atu foi o ia ia Apimeleko, Ina faatoatele ia au 'au, ma e sau. Ua faalogo foi Sepula le alii o le aai i upu a Kaala le atalii o Epeto, ona matuā tupu ai lea o lona ita. Ua ia aauina atu faalilolilo le sāvali ia Apimeleko, e faapea atu, Faauta, o Kaala le atalii o Epeto ma ona uso, ua latou o mai i Sekema; faauta foi, ua latou lagaina le aai e fou ia te oe. O lenei, ia e laga po mai oe, atoa ma le nuu ua ia te oe, ma e tanu 'au i le vao; a oo foi i le taeao i le faatotoa alu ae o le la, e te laga mai ai, ma e faasalalau mai i luma o le aai; faauta foi, o ia ma le nuu ua ia te ia, a latou o atu ia te oe, ona faitalia lea oe se mea e te faia ia te ia.
- 34 Ona laga po ai lea o Apimeleko atoa ma le nuu uma ua ia te ia, ua latou tanu 'au e latalata ane i Sekema o 'au e fa. Ua alu atu foi Kaala le atalii o Epeto, ua tu foi o ia i le puipui o le faitotoa o le aai; ona laga mai ai lea o Apimeleko, ma le nuu ua ia te ia sa tanu 'au.
- 36 Ua iloa atu e Kaala le nuu, ona faapea atu ai lea o ia ia Sepula, Faauta i le nuu ua alu ifo i tumutumu o mauga. Ona fai mai ai lea o Sepula ia te ia, Ua e iloa tau o ata o mauga e peiseai ni tagata.
- 37 Ona toe fai atu ai lea o Kaala, ua faapea atu, Faauta, ua o ifo le nuu mai le mea maualuga i le nuu, ua alu ane foi le tasi 'au i le aluna o i Meoneni. Ona fai atu ai lea o Sepula ia te ia, O fea o i ai nei lou gutu, sa e faapea ai, O ai ea Apimeleko matou te auauna ia te ia? E le o le nuu ea lenei sa e ta'ufaatauvaaina? O lenei, alu atu ia, tou te tau ma i latou. Ona alu atu lea o Kaala i luma o tagata o Sekema, ua tau ma Apimeleko. Ona tulia lea o ia e Apimeleko, ua sola lava ia i ona luma; e toatele o i latou ua pauu ua manunua, ua oo atu i le puipui o le faitotoa. Ua nofo Apimeleko i Aruma, a ua tuli e Sepula ia Kaala ma lona au uso, ina ia le nonofo i latou i Sekema.
- Ona oo lea i le taeao, ua o atu ai le nuu i le vao; ua latou ta'u atu ai ia Apimeleko. Ona ave ai lea e ia o le nuu, ua ia vaea i latou i 'au e tolu, ua tanu 'au ai i le vao; ona vaai lea o ia, faauta, ua o mai le nuu nai le aai, ona laga atu lea o ia ia te i latou, ma fasi ia te i latou. Ua salalau Apimeleko ma le 'au sa ia te ia, ua latou tutū atu i le puipui o le faitotoa o le aai; a o 'au e lua ua faasalalau i latou i e na i ai uma lava i le vao, ma latou fafasi ia i latou. Ua tau lava Apimeleko ma le aai, ua po lava lea aso; ua ia maua le aai, ma le nuu sa i ai ua na fasia, ma na sofaia le aai, ma na luluina ai i le masima.
- Ua faalogo ai tagata uma i le 'olo o Sekema, ona latou ulufale ai lea i le 'olo maualuga i le malumalu o le atua o Perita. Ua ta'u atu ia Apimeleko, ua faapotopotoina tagata uma i le 'olo o Sekema; ona alu ae lea o Apimeleko i le mauga o Salemoni, o ia atoa ma le nuu uma sa ia te ia; ua ave e Apimeleko to'i i lona lima, ua na vaea le la laau, ua sii, ma faae i lona ua, ma na fūi atu i le nuu sa ia te ia, O le mea ua outou iloa ua ou faia, ia vave ona fai faapea e outou. Ona ta lava lea e le nuu uma, e taitasi ma lana la laau, ma latou mulimuli atu ia Apimeleko; ona latou tuu atu ai lea i le 'olo maualuga, ma latou susunu i le afi le 'olo maualuga i o latou luga; ua oti ai tagata uma o le 'olo o Sekema, pe atoa le afe o tane ma fafine.
- Ona alu atu lea o Apimeleko i Tipesa, ua to ai lauapi i Tipesa, ona aea ai lea. Sa i ai le 'olo malosi i totonu o le aai, na sosola i ai o tane ma fafine uma, o tagata uma lava o le aai; ua latou pupuni ai ia te i latou, ma latou o ae i le fogā'olo. Ua oo atu Apimeleko i le 'olo, ma tau ai le taua; ua ia faalatalata foi i le puipui o le 'olo e faamu ai i le afi. Ona lafo lea e le tasi fafine o le fasi maaolo i luga o le ulu o Apimeleko, ua ia momomo ai lona ulu.

54 Ona valaau loa lea o ia i le taulealea o lona soātau, ua fai atu ia te ia, Se'i mai ia lau pelu, ma e faaoti ia te au, ne'i latou faapea ia te au, O le fafine le na fasiotia ai o ia. Ona tutu'i ai lea ia te ia e lona taulealea,
 55 ua oti ai. Ua iloa e tagata o Isaraelu ua oti Apimeleko, ona latou
 56 taitasi lea ma alu i lona nuu. Ua faapea ona tau'i atu e le Atua le leaga o Apimeleko na ia faia i lona tamā, ina ua fasioti i ona uso e toa-fitugafulu; o le leaga uma foi o tagata o Sekema ua faafoi atu e le Atua i o latou ulu; ua oo foi ia te i latou le fetuu o Iotama le atalii o Ierupaala.

O le faamasino a Tulaga ma Iairo.

10 UA mavae Apimeleko ona tu mai ai lea e faaola ia Isaraelu o Tulaga le atalii o Pua, le atalii lea o Toto, o le tagata o Isakara, sa mau o ia i
 2 Samira i le mauga o Efaraima. Na ia faamasino ia Isaraelu i tausaga e luafulu ma le tolu, ona oti ai lea o
 3 ia, ua tanumia i Samira. Ua mavae o ia ona tu mai ai lea o Iairo le Kiliata; na ia faamasino ia Isaraelu
 4 i tausaga e luafulu ma le lua. Sa ia te ia atalii e toatolugafulu, e na tietie i asini e tolu sefulu; sa ia i latou o aai e tolu sefulu, ua igoa ai o Havota-iairo ua oo mai i le aso
 5 nei, o loo i le nuu o Kiliata. Ua oti Iairo, ua tanumia i Kamoni.

6 Ona toe amio leaga lea o le fanauga a Isaraelu i luma o Ieova, ua latou auauna ia Paala, ma Asaira, ma atua o Suria, ma atua o Saitonu, ma atua o Moapi, ma atua o le fanauga a Amoni, ma atua o Filisitia; a ua latou tuulafoai ia Ieova,
 7 ua latou le auauna ia te ia. Ona toasa tele ai lea o Ieova ia Isaraelu, ua na tuuina atu ai i latou i lima o Filisitia, ma lima o le fanauga a
 8 Amoni, Sa latou faatiga, ma faasaua i le fanauga a Isaraelu i ia ona po i tausaga e sefulu ma le valu, o le fanauga uma a Isaraelu e na i le la itu o Ioritana i le nuu o sa Amori i
 9 Kiliata. Ona sopoia atu lea o le fanauga a Amoni i Ioritana, latou te tau ma Iuta, ma Peniamina, ma le aiga o Efaraima; ua matuā puapagaina Isaraelu. Ona alalaga lea

o le fanauga a Isaraelu ia Ieova, o loo faapea, Ua matou agasala atu ia te oe, ina ua matou tuulafoai i lo matou Atua, a ua matou auauna ia Paala. Ona fetalai mai lea o Ieova
 11 i le fanauga a Isaraelu, E le o Aikupito ea, ma sa Amori, ma le fanauga a Amoni, ma Filisitia; ma sa
 12 Saitonū, ma Amaleka, ma Meona, sa latou faasauaina outou, ona outou valaau mai lea ia te au, ma ou faaolaina outou ai o latou lima. A o
 13 outou, ua outou tuulafoaiina a'u, ma ua outou auauna i atu ese; o le mea lea ou te le toe faaola ai ia te outou. O ia, ina valaau i atua ua outou loto
 14 i ai, se'i latou faaola ia te outou i ona po o lo outou puapuga. Ona
 15 fai atu lea o le fanauga a Isaraelu ia Ieova, Ua matou agasala, ia e faia ia te i matou mea uma ua e finagalo i ai; tau lava ina e laveai mai ia te i matou i lenei aso. Ona
 16 latou tuu ese lea o atua ese sa ia te i latou, ma latou auauna ia Ieova; na tigaina lona finagalo ona o le puapuga o Isaraelu.

Ua faapotopotoina le fanauga a
 17 Amoni, ma latou to lauapi i Kiliata; ona faapotopotoina lea o le fanauga a Isaraelu, ua to lauapi i latou i Mesepa. Ona fai ane lea o
 18 le nuu ma alii o Kiliata o le tasi i le tasi, O ai se tasi na te amata ona tau ma le fanauga a Amoni? e fai o ia ma alii sili i e nonofo uma lava i Kiliata.

O le tala ia Iefata ma lana tauto.

O IEFATA le Kiliata, o le toa
 11 malosi lava ia, o le tama a le fafine talitane, na fanaua Iefata e Kiliata. Na fanau mai le avā a Kiliata o
 2 tama tane ia te ia; ua matutua tamā tane a le fafine, ona latou tulia lea o Iefata, ma latou fai atu ia te ia, E te le maua se tofi i le aiga o lo matou tamā, auā o oe le tama a le fafine ese. Ona sola ese
 3 ai lea o Iefata i ona uso, ua nofo i le nuu o Topa; ona faapotopotoina atu ai lea ia Iefata o tagata faatauvaā, ua latou feoa'i ma ia.

Ua oo i ona aso na tau ai le fanauga a Amoni ma Isaraelu. Ua oo
 5 ina a tau le fanauga a Amoni ma Isaraelu, ona o atu lea o toeaia o

- Kiliata e aami ia Iefata i le nuu o
 6 Topa. Ua latou fai atu ia Iefata, Malii mai ia, ina fai oe ma alii e avea 'au ia i matou, ina ia tatou tau
 7 ma le fanauga a Amoni. A ua fai mai Iefata i toeaia o Kiliata, E le na outou 'ino'ino ea ia te au, ma tuli ia te au ai le fale o lo'u tamā; o le ā foi le mea ua outou o mai ai nei ia te au ina o tigaina outou?
 8 Ona fai atu lea o toeaia o Kiliata ia Iefata, O le mea lava lea ua matou toe faasaga mai ai ia te oe, tatou te malii ma i matou, ma e tau ma le fanauga a Amoni, ona e fai lea ma alii sili i e nonofo uma
 9 lava i Kiliata. Ona fai mai lea o Iefata i toeaia o Kiliata, Afai tatou te foi ma outou e tau ma le fanauga a Amoni, a faaiina mai foi i latou ia te au o Ieova, e faia ea a'u ma alii sili ia te outou? Ua fai atu toeaia o Kiliata ia Iefata, E faafofoga mai Ieova ia i tatou, pe afai matou te le faia e tusa ma lau fetalaiga. Ona o lea o Iefata ma toeaia o Kiliata; ona tofia lea o ia e le nuu e fai ma alii sili ma ave 'au ia i latou. Ua fai ane e Iefata ana upu uma i luma o Ieova i Mesepa.
 12 Ona auina atu lea e Iefata o le sāvai i le tupu o le fanauga a Amoni, ua faapea, Se a se mea o i ai ia te i tāua ma a'u, ina ua e sau ia te au e tau i lo'u lava laueleele?
 13 Ua fai mai le tupu o le fanauga a Amoni i le sāvai a Iefata, Auā ua faoa e Isaraelu lo'u laueleele i lona alu ae i Aikupito, e pau mai i Arinona e pau atu i Iapoka, a e oo atu i Ioritana; o lenei, ia toe tuu mai ai ma le filemu. Ona toe auina atu ai lea e Iefata o le sāvai i le tupu o le fanauga a Amoni, ua fai atu ia te ia, O loo faapea mai Iefata, E lei faoa lava e Isaraelu le laueleele o Moapi, ma le laueleele o le fanauga a Amoni; auā na ae mai Isaraelu i Aikupito, ma ui ane i le vao, e oo i le sami Ulaula; ua oo atu i Katesa.
 17 Ona auina atu lea e Isaraelu o le sāvai i le tupu o Etoma, o loo faapea, Se'i ou ui ane i lou nuu. A e le faalogo mai le tupu o Etoma, na auina atu foi *nisi* i le tupu o Moapi, a e le mafai o ia; ona nofo ai lea o Isaraelu i Katesa. Ona 18 latou ui atu lea i le vao, ma latou faataamilo i le nuu o Etoma ma le nuu o Moapi; ua latou oo atu ai i le mea e alu ae ai le la i le nuu o Moapi, ma latou to lauapi i le la itu o Arinona, a e lei spoia le tuaoi Moapi; auā o Arinona o le tuaoi lea o Moapi. Ona auina lea e Isaraelu o le sāvai ia Sekono le tupu o sa Amorī, le tupu a Hesepona, ua faapea atu ai Isaraelu ia te ia, Se'i ou ui ane i lou laueleele e oo atu ai i lo'u nuu. A e lei talia e Sekono 20 le upu a Isaraelu, ina ia latou ui ane i lona nuu; ua faapotopoto foi e Sekono i lona nuu uma lava, ua to lauapi i Iaesa; ona latou tau ai lea ma Isaraelu. Ona tuuina atu 21 lea e Ieova le Atua o Isaraelu o Sekono ma lona nuu uma i le lima o Isaraelu, ua latou fafasi ia i latou; na maua foi e Isaraelu le nuu uma lava o sa Amorī o e sa nonofo i lea nuu. Na latou maua le lau- 22 eleele uma lava o sa Amorī, e pau mai i Arinona, a e pau mai i Iapoka; e pau atu i le vao, e oo atu i Ioritana. O lenei, o Ieova le Atua 23 o Isaraelu na ia tuli ese atu i sa Amorī ai luma o lona nuu o Isaraelu, a e fai ea mo oe? O le mea 24 e avane ai e Kimosa lou atua ia te oe, e te le taofia ea mo oe? o mea uma foi e au mai ai e Ieova lo matou Atua mo i matou, matou te taofia lava mo i matou. O lenei 25 pe sili ea oe ia Palako le atalii o Seporu, le tupu o Moapi? pe na fai ea e ia se finauga ma Isaraelu? pe na tau ea ia se taua ma i latou, a o 26 nofo Isaraelu i Hesepona ma ona faoa aai, ma Aroeru ma ona faoa aai, ma aai uma e lata ane i Arinona, e tolu galau ona tausaga? Se a le mea na outou le fao ai i ona po ia? O a'u foi, ou te lei agasala atu 27 ia te oe; a o oe, ua e agaleaga mai ia te au, ina ua sii mai le taua ia te au; o Ieova le faamasino, ia faamasino e ia i lenei aso i le fanauga a Isaraelu ma le fauuga a Amoni. A ua le faalogo mai le tupu o le 28 fanauga a Amoni i upu a Iefata na ia molia ia te ia.
 Ua oo ia Iefata le Agaga o Ieova, 29 ona alu ane lea o ia i Kiliata ma

- Manase, ua ia alu ane foi i Mesepa i Kiliata; ona alu ane lea o ia nai Mesepa i Kiliata i le fanauga a
- 30 Amoni. Ona faia lea e Iefata le tauto ia Ieova, o loo faapea, Afai e te tuuna mai lava le fanauga a
- 31 Amoni i lo'u lima; ona fai lea mo Ieova o se na te ulufalo i faitotoa o lo'u fale e faafetaiai ia te au i lo'u foi atu ma le manuia nai le fanauga a Amoni; pe ou te fai ai le taulaga mu.
- 32 Ona alu ane lea o Iefata i le fanauga a Amoni e tau ma i latou; ua tuuina atu foi i latou e Ieova i
- 33 lona lima. Ua ia fasia i latou, e afua mai i Aroeru, e oo atu i Meniti, o aai e luafulu, e oo atu lava i Apelakarama, o le fasi e matuā tele lava; ua faatoilaloina ai le fanauga a Amoni i luma o le fanauga a Isaraelu.
- 34 Ona alu atu lea o Iefata i Mesepa i lona fale; faauta foi, o lona afafine ua ulufalo mai e faafetaiai ia te ia ma topa ma siva; o lona afafine e toatasi o ia, ua leai sona atalii po
- 35 o se afafine, ua na o ia lava. Ua iloa atu o ia, ona saei lea e ia ona ofu, ua fai atu, Aue! lo'u afafine e, ua e matuā faatigaina a'u; o loo ua e faatasi ma e faaatuatuva lea te au; o a'u foi, ua ou tautala atu ia Ieova, ou te le mafai ona faafai mai
- 36 *la'u upu*. Ona tali mai lea o ia ia te ia, Sena e, ua e tautala atu ea ia Ieova? ia e faia ia te au e tusa ma lau na ua e fai atu ai; ina ua uma ona tau ai e Ieova ona o oe i e na ita mai ia te oe o le fanauga a
- 37 Amoni. Ua ia fai mai foi i lona tama, Ia e faia lenei mea ia te au; tuu mai ia te au i masina e lua, ou te alu atu, ma ou ifoifo i luga o mauga, ma ou tagi ona o lo'u taupou, o a'u atoa ma a'u uo. Ua ia
- 38 fai atu, Ina alu ia oe; ona tuu atu lea o ia ia te ia i masina e lua; ua alu atu o ia ma ana uo, ua tagi ona
- 39 o lona taupou i luga o mauga. Ua oo ina mavae o masina e lua, ona foi ai lea o ia i lona tamā; ua ia faia ia te ia lana tauto sa na tauto ai; o ia foi ua le iloa se tane. Ona
- 40 fai lea ma tu ia Isaraelu, o lea tausaga ma lea tausaga ua o ai afafine o Isaraelu e vivii i le afafine o Iefata le Kiliata e taifa aso i tausaga.

O le misa o sa Ifaraimā ma Iefata.

- ONA faapotopoto lea o tagata o Efaraima, ua latou o ane i le itu i matu, ua latou fai mai ia Iefata. Se a le mea na e alu atu ai e tau ma le fanauga a Amoni, a ua le aami ia i matou, se'i tatou o ma oe? Matou te susunu lou fale i luga o oe i le afi. Ua fai atu Iefata ia i latou, Sa tele lo matou fefinauiga, o a'u, ma lo'u nuu, i le ma le fanauga a Amoni; ona ou aami lea ia te outou, a ua outou le faaola mai ia te au ai o latou lima; na ou iloa tou te lei faaola mai, ona ou tuu atu lea o lo'u ola i lo'u lima, ma ou alu atu i le fanauga a Amoni; ua tuuina mai foi i latou i lo'u lima e Ieova. O le a foi le mea ua outou o mai ai ia te au i lenei aso e sii mai le taua ia te au?
- Ona faapotopoto lea e Iefata tagata uma o Kiliata, ua tau ma Efaraima. Ua fafasi e tagata o Kiliata ia Efaraima, auā na latou fai ane, O e na sosola mai Efaraima, outou na i Kiliata, o i Efaraima ma Manase. Na maua foi e Kiliata asaga o Ioritana, na muamua i Efaraima; i le, a fai mai e na sosola o Efaraima, Se'i ou asa atu; ona fai ane lea o tagata o Kiliata ia te ia, E te se Efaraima ea? A fai mai o ia, E leai; ona latou fai atu lea ia te ia, Fai mai, Seipoleta; ona fai mai lea o ia, Seipoleta, auā na te le mafai ona tautala faapea; ona latou pue lea ia te ia, ma fasi ia te ia i asaga o Ioritana. O ona po ia na fasiotia o Efaraima e fagafulu o afe ma afe e lua. Na faamasino Iefata ia Isaraelu i tausaga e ono; ona oti lea o Iefata le Kiliata, ua latou tanu ia te ia i le tasi aai o Kiliata.
- Ua mavae atu o ia, ona faamasinoina lea o Isaraelu e Ivisona le Peteleema. Sa ia te ia o atalii e toatolugafulu ma afafine e toatolugafulu; ua ia auaseina ona afafine e toatolugafulu; ua au mai foi mai tuā avā e toatolugafulu ma ona atalii; ua ia faamasino ia Isaraelu i tausaga e fitu. Ona oti lea o Ivisona, ua tanumia o ia i Peteleema.
- Ua mavae atu o ia, ona faamasino lea ia Isaraelu o Aluna le Sepulona;

- ua ia faamasino ia Isaraelu i tausaga
 12 e sefulu. Ona oti lea o Aluna le
 Sepulona; ua tanumia o ia i Ailona,
 i le nuu o Sepulona.
 13 Ua mavae atu o ia, ona faama-
 sino lea ia Isaraelu o Apetonu le
 14 atalii o 'Ileli le Pirononu. Sa ia te
 ia atalii e toafagafulu, ma atalii o
 ona atalii e toatolugafulu, e na tietie
 i asini e fitugafulu; ua ia faamasino
 15 ia Isaraelu i tausaga e valu. Ona
 oti lea o Apetonu le atalii o 'Ileli le
 Pirononu; ua tanumia o ia i Pirononu
 i le nuu o Efaraima i le mauga o sa
 Amalekā.

O le tala i mātua o Samasoni.

- 13 UA toe amio leaga le fanauga a
 Isaraelu i luma o Ieova; ona tuuina
 atu lea o i latou e Ieova i lima o
 2 Filisitia i tausaga e fagafulu. O le
 tasi tagata o Soraa i le itu aiga o
 Tanu, o Manoa lona igoa; sa pa lana
 3 avā, ua le fanau lava. Ua faaali
 mai le agelu a Ieova i le fafine, ua
 fai mai ia te ia, Faauta mai, o ce e
 pa, e te lei fanau, o le a e to, ma ē
 4 fanau se tama tane. O lenei, ia
 e faaeteete, ne'i e inu uaina po o se
 'ava, aua foi e te 'ai se mea leaga;
 5 auā faauta, o le a to oe, e te fanau
 foi se tama tane; e le oo se tafi i
 lona ulu, auā e faia le tama ma
 naseri i le Atua, e afua mai ina
 fanau; o ia foi e afua mai ona
 faaola ia Isaraelu ai lima o Filisitia.
 6 Ona alu atu lea o le fafine ua ta'u
 atu ai i lana tane, o loo faapea, Na
 alu ane ia te au le tagata o le Atua,
 o lona tino mai ua pei o le tino o se
 agelu a le Atua, e matuā matautia
 lava; ou te lei fesili ia te ia pe mai-
 fea o ia; na ia le ta'u mai foi ia te
 7 au lona igoa. Na ia fai mai ia te
 au, Faauta, o le a to oe, e te fanau
 foi le tama tane; o lenei, aua e te
 inu uaina po o se 'ava, aua foi e te
 'ai se mea leaga, auā e faia le tama
 ma naseri i le Atua, e afua mai ina
 8 fanau, e oo i le aso o lona oti. Ona
 faatoga atu lea o Manoa ia Ieova, ua
 faapea Ou te aioi le Alii e, o le
 tagata o le Atua na e auina mai,
 se'i toe maluu mai o ia ia te i maua,
 ma faaali mai se mea ma te faia i le
 9 tama o le a fanau mai. Ua faafo-
 foga mai le Atua i le upu a Manoa,

ua toe alu atu le agelu a le Atua i
 le fafine, a o nofo o ia i le fanua; a
 o Manoa lana tane sa le i ai ma ia.
 Ona faataalise lea o le fafine ona 10
 momo'e, ma ta'u atu i lana tane, ma
 na fai atu ia te ia, Faauta, ua faaali
 mai ia te au le tagata na alu ane ia
 te au i le tasi aso. Ona tulai lea o 11
 Manoa, ma mulimuli atu i lana avā;
 ua oo atu i le tagata, ona fai atu lea
 o ia ia te ia, O oe ea le tagata na
 oulua tautala ma le fafine? Ua fai
 mai o ia, O a'u lava lea. Ua fai atu 12
 Manoa, O lenei, ia taunuu au feta-
 laiga; se a se mea e tatau ai i le
 tama, ma se mea e faia ia te ia?
 Ua fai mai le agelu a Ieova ia 13
 Manoa, O mea uma na ou fai atu ai
 i le fafine ia tausi i ai o ia; o mea 14
 uma e tupu i le vine aua na te 'ai
 ai; o le uaina ma le 'ava, aua na te
 inu ai, o mea leaga uma aua na te
 'aina; o mea uma na ou fai atu ai
 ia te ia ia tausi i ai o ia. Ona fai 15
 atu lea o Manoa i le agelu a Ieova,
 Se'i ou taofi ia te oe, ou te sauni ai
 mā oe se tamai 'oti. Ua fai mai le 16
 agelu a Ieova ia Manoa, E ui lava
 ina e taofi ia te au, ou te le 'ai i lau
 mea e 'ai; a e afai e te faia se tau-
 laga mu, ia e fai ai ia Ieova; auā e
 le iloa e Manoa, o le agelu a Ieova
 o ia. Ona fai atu lea o Manoa i le 17
 agelu a Ieova, O ai ea lou suafa, ma
 te vivii ai ia te oe pe a taunuu lau
 fetalaiiga? Ona fai mai lea o le 18
 agelu a Ieova ia te ia, O le a le mea
 e te fesili mai ai i lo'u igoa, auā e
 silisili ese ia.

Ona ave lea e Manoa o le tamai 19
 'oti atoa ma le taulaga i mea e 'ai,
 ua ia faitaulaga ai i luga o le papa
 ia Ieova, ona fai lea e le agelu o le
 vavega, a o matamata ai Manoa ma
 lana avā; ua alu ae i le lagi le 20
 mumū o le afi ai luga o le fata fai-
 taulaga, ona alu ae lea o le agelu a
 Ieova i le mumū o le afi o le fata
 faitaulaga, a o matamata ai Manoa
 ma lana avā; ona faapauu fao ai
 lea o i laua i le elelele. E lei toe 21
 faaali mai lava le agelu a Ieova ia
 Manoa ma lana avā; ona iloa lava
 lea e Manoa, o ia o le agelu a Ieova.
 Ua fai atu Manoa i lana avā, E oti 22
 lava i taua, auā ua ta vaaia le Atua.
 A ua fai mai lana avā ia te ia, Ana 23

finagalo Ieova e fasioti ia i taua, po ua na le talia se taulaga mu, ma se taulaga i mea e 'ai ai ia te i taua, po ua na le faaali mai foi nei mea uma; ua na le ta'ua mai foi ia te i taua ni mea faapea, e pei ona ta'ua mai nei.

- 24 Ona fanau mai lea o le fafine o le tama tane, ua faaigoia ia te ia o Samasoni; ua tupu le tama, ua faa-
25 manuia foi o ia e Ieova. Ua amata ona faagaetia o ia e le Agaga o Ieova i Maane-tanu i le va o Soraa ma Eseta'ola.

O tala ia Samasoni.

- 14 UA alu ifo Samasoni i Timenata, ona iloa ai lea o le fafine i Time-
2 nata, o le fafine o Filisitia. Ona alu ae lea o ia, ma ta'u atu ai i lona tamā ma lona tinā, ua fai atu, Ua ou iloa le fafine i Timenata, o le fafine o Filisitia; o lenei, ia oulua
3 au mai o ia e fai ma'u avā. Ona fai mai lea o lona tamā ma lona tinā ia te ia, E leiā ea se fafine i afafine o ou uso ma lo'u nuu uma, ina ua e alu e fai avā i Filisitia e le perito-
4 meina? Ua fai atu Samasoni i lona tamā, Ia au mai lea ma'u, auā e lelei lava ia i lo'u manatu. A ua le iloa e lona tamā ma lona tinā, ua mai ia Ieova lena mea; e saili ai e ia se mea e faalani ai se mīsa ma Filisitia. O ona po ia na malo ai Filisitia ia Isaraelu.
5 Ona o ifo lea o Samasoni, ma lona tamā, ma lona tinā i Timenata; ua oo atu i tovine o Timenata, faauta, ua tu mai ia te ia le leona taanoa o
6 tagi mai. Ona osofia lea o ia e le Agaga o Ieova, ua na saeia le leona, e pei ona saeia se tamai 'oti, a e leiā lava se mea i lona lima; ua ia le ta'u atu i lona tamā ma lona tinā
7 le mea ua na faia. Ona alu ifo lea, ma na tautala ma le fafine; ua lelei lava o ia i le manatu o Samasoni.
8 Ua foi atu o ia ina ua mavae nisi aso ina ia aumaia o ia; ona afe ane lea o ia e matamata i le tino o le leona; faauta, o le vao lagomeli atoa ma le meli i le tino o le leona.
9 Ua ia to mai ai i ona lima, ua 'ai fano, ua oo atu i lona tamā ma lona tinā, ona avatu lea e ia ia te i laua, ua la aai ai; a e le ta'u atu e ia ia

te i laua, na ia to mai le meli ai le tino o le leona.

Ua alu ifo lona tamā i le fafine, 10
ona fai ai lea e Samasoni i lea mea o le tausamaaga, auā na faapea le tu i taulelea. Ua latou iloa o ia, 11
ona latou tuu atu lea o ana aumea e toatolugafulu, latou te i ai ma ia. Ua fai atu Samasoni ia i latou, Sei 12
ou fai atu ia te outou la'u tupua, afai tou te matea mai lona uiga, i aso e fitu o le tausamaaga, ma outou maua, ona ou avatu lea ia te outou o ie e tolagafulu ma ofu e t-luga-
fulu; a e afai tou te le mafai ona 13
matea mai lona uiga, ona outou au mai lea ia te au o ie lino e tolagafulu ma ofu e tolagafulu. Ua latou fai mai ia te ia, Ina fai mai ia lau tupua, matou te faalogologo atu ai. Ona fai atu lea o ia ia te i latou, Na 14
alu atu le mea e 'ai nai lē 'ai mea; na alu atu foi le mea suamalie nai lē malosi. Ua latou le mafai ona matea le tupua i aso e tolu. Ua oo 15
i le aso fitu, ona latou fai ane lea i le avā a Samasoni, Ia e faaoleole i lau tane, ma faaali mai ia i matou le tupua, ne'i matou susunuina oe ma le aiga o lou tamā i le afi; pe na outou aami ea ia i matou e faa-
mativa ia te i matou? E le o lea ea? Ona tagi lea o le avā a Sama- 16
soni ia te ia, ua faapea atu, Ua na ona e 'ino'ino ia te au, a e te le alofa mai lava ia te au; ua e fai atu le tupua i tagata o lo'u nuu, a e te lei faaali mai ai ia te au; ua fai mai o ia ia te ia, Faauta, ou te lei faaali atu i lo'u tamā ma lo'u tinā; ou te faaali atu ea ia te oe? Ua 17
tagi lava o ia ia te ia i aso e fitu sa fai ai le tausamaaga; ona oo lea i le aso fitu ua ia faaali atu ai ia te ia, auā ua faatauanauina o ia e ia, ona faaali atu lea e ia o le tupua i tagata o lona nuu. Ona fai mai 13
lea ia te ia o tagata o le nuu i le aso fitu, a o lei alu ifo le la. Se a se mea e sili ona suamalie i le meli? se a foi se mea e sili ona malosi i le leona? Ona ia fai atu lea ia i latou, Ana le se anoa la'u povi na outou suatia ai le elele, po ua outou le matea la'u tupua. Ona osofia lea 19
o ia e le Agaga o Ieova; ona alu ifo lea o ia i Asekelona, ma na fasia o

- latou o tagata e toatolugafulu, ona ave lea e ia o latou ofu, na ia avatu ai ofu i e na matea mai le tupua; ua matuā ita o ia, ona alu ae lea o ia i le fale o lona tamā. A ua ave le avā a Samasoni mā lana uo, le na fai ma uo ia te ia.
- O le ita o Samasoni ina ua faaa lana avā.*
- 15** UA mavae nisi aso i ona po o le seleselegāsaito, ona asiati atu lea e Samasoni o lana avā, *ua ave* ai se tamai 'oti; ua fai ane, ou te alu atu i la'u avā i le afeafe; a e le mafai lona tamā ina ia ulu atu ai o ia.
- 2** Ua fai mai lona tamā, Fā'i ua e 'ino'ino lava ia te ia, ona ou avatu lea o ia i lau uo; e le ua sili ea ona lalelei lona uso itiiti ia te ia? ia fai
- 3** lea mona sui ia te oe. A ua fai atu Samasoni ia te i latou, Ou te le sala a'u i lenei mea ia Filisitia, pe a a'u faia se mea e tiga ai i latou.
- 4** Ona alu lea o Samasoni, ua ia puea alope e tolu selau; ua ia ave foi sulu, ma na liliu le *tasi* iu i le *tasi* iu, ua tuu foi le sulu e tasi i le
- 5** va o iu e lua i totonugalemu. Ona tugia lea e ia o sulu i le afi, ma tuu atu ai i saito o tu a Filisitia; ona mu lea o faaputugāsaito atoa ma saito o tu, o tovine atoa ma olive.
- 6** Ona fai ane lea o Filisitia, O ai ea ua faia lenei mea? Ua latou fai atu ai, O Samasoni le tane a le afafine o le Timenata, ina ua na fao lana avā, ma avatu ai i lana uo. Ona o ae lea o Filisitia, ma latou susunuina o ia ma lona tamā i le
- 7** afi. Ua fai atu Samasoni ia te i latou, E ui lava ina outou faia o lea mea, a e ou te tau i atu ia te outou, e mulimuli ane ona ou mapu lea.
- 8** Ona fasia lea o i latou e ia o vae ma ogavae, o le fasi tele; ona alu ifo lea o ia, ua nofo i le va i papa o Etama,
- 9** Ona o ae lea o Filisitia, ua to lauapi i Iuta, sa faasalalau i latou
- 10** i Le'i. Ua fai atu tagata o Iuta, O le a le mea ua outou o mai ai e tau ma i matou? Ua fai mai i latou, Matou te o mai e fusifusi ia Samasoni, e fai ia te ia e pei ona
- 11** faia e ia ia i matou. Ona o ifo lea o tagata o Iuta e tolu gaafe i le va i papa o Etama, ua latou fai mai ia Samasoni, E te lei iloa ea ua pule lava Filisitia ia i tatou? o le a lenei mea ua e faia ia te i matou? Ua fai atu o ia ia te i latou, E faapei ona latou faia ia te au, ua faapei ona ou faia ia te i latou. Ua latou fai mai ia te ia, Ua matou ifoifo mai nei e fusifusi ia te oe, ma tuu atu ia te oe i lima o Filisitia. Ona fai atu lea o Samasoni ia i latou, Ina outou tauto mai ia te au, tou te le fasia a'u e outou. Ua latou fai mai ia te ia, o loo faapea, E leai; a e matou te fusifusia lava oe, ma tuu atu ia te oe i o latou lima, a e matou te le fasia lava oe. Ona latou fusifusia lea o ia i maea fou e lua, ua latou avae ia te ia ai le papa. Ua oo o ia i Le'i, ona alalaga fiasia lea o Filisitia ona o ia. Ona osofia lea o ia e le Agaga o Ieova, ua ave maea sa i ona lima e pei se manoa lino ua mu i le afi, ua matala noanoaga i ona lima. Ona maua lea e ia o le ivi auvae fou o le asini, na ia tuu atu lona lima, ma tago i ai, ma fasi a'i tagata, e afe. Ona fai ane lea o Samasoni, O le ivi auvae o le asini, o le faupuega, e lua faupuega; o le ivi auvae o le asini ua ou fasi a'i tagata e afe. Ua oo ina uma lana upu, ona ia lafoai lea o le ivi auvae nai lona lima; ua ia faaigoa ai lea mea o Ramale'i. Ona matuā fia inu lea o ia; ua ia valaau ia Ieova, ua faapea atu, Ua e foai mai i lau auana lenei olataga tele a o le a a'u oti i le fia inu, ona maua lea o a'u e le au le peritomeina. Ona māvae lea i le Atua se mea magoto sa i Le'i, ona alu atu ai lea o le vai, ua inu ai o ia, ona foi atu lea o lona agaga, ua ola lava ia; o le mea lea ua ia faaigoa ai lea mea o Eniakori, o loo i Le'i, ua oo mai i lenei lava aso. Ua ia faamasino ia Isaraelu i ona po na malo ai Filisitia, o tausaga e luafulu.
- Ua faalataina Samasoni e le fafine.*
- UA alu atu Samasoni i Kasa, ona iloa ai lea e ia o le fafine talitane; ua ia alu ane ia te ia. Ona *tā'uatua* lea ia Kasa, ua faapea, Ua sau Samasoni iinei, Ona latou siosio ai lea,

- ma lamalama ia te ia ua aoina le po, i le faitotoa o le aai; ua atoa le po o faalologo i latou, o loo faapea, Tatou te fasia o ia pe a malama ae
- 3 le taeao. Ua taoto Samasoni, ua oo i le tulua o po ma ao; ona tulai lea o ia i le tulua o po ma ao, ua tago atu i puipui o le faitotoa o le aai ma pou e lua, ua na fa'ia atoa ma le faamau, ua faaee i lona ua, ma avae i le tumutumu o le mauga sa feagai ma Heperona.
- 4 E mulimuli ane ua ia manao i le fafine i le vanu o Soreka, o Talila
- 5 lona igoa. Ona o ae lea ia te ia o alii o Filisitia, ua latou fai atu ia te ia, Ia e faaleole ia te ia, ina ia iloa po o le a lona malosi tele, pe se a foi se mea matou te malo ai ia te ia, ma fusifusi ia te ia ina ia faatigaina o ia; o i matou foi, matou te taitasi ma avatu ai ia te oe o tupe
- 6 e tasi le afe ma le selau e tasi. Ua fai mai Talila ia Samasoni, Se'i e ta'u mai ia te au, po o le a e te malosi tele ai? pe se a foi se mea e fusifusia ai oe ina ia faatigaina
- 7 oe? Ua fai atu Samasoni ia te ia, Afai latou te fusifusia a'u i maea mata e fitu e lei faapopoina, ona vaivai ai lea o a'u, e avea foi e pei
- 8 o se tasi tagata. Ona avae lea ia te ia e alii o Filisitia o maea mata e fitu, e lei faapopoina, ua ia fusifusia a'i o ia. Sa nonofo ma ia i le afeafe o e lamalama; ua ia fai mai ia te ia, Samasoni e, ua o mai ia te oe o Filisitia; ona motusi lea e ia o maea e pei ona motusi le manoa lino ua mu i le afi; ua le iloa po o le a lona malosi.
- 10 Ua fai mai Talila ia Samasoni, Faauta, ua e pelogia a'u, ua e fai mai foi mea pepelo; o lenei, se'i e ta'u mai lava ia te au, po o le a e fusifusi a'i oe. Ona fai atu lea o ia ia te ia, Afai e matua fusifusia a'u i maea fou, e lei fai a'i se galuga, ona ou vaivai ai lea, e avea foi
- 11 a'u e pei o se tasi tagata. Ona ave lea e Talila o maea fou, ua na fusifusia a'i o ia, ona fai mai lea o ia ia te ia, Samasoni e, ua o mai Filisitia ia te oe. Sa nonofo i le afeafe o e lamalama; ona ia motusi ai lea o maea ai ona lima e pei o se manoa.
- 13 Ona fai mai lea o Talila ia Sama-
- soni, Ua oo mai i lenei *aso* ua e pelogia a'u, ma e fai mai mea pepelo ia te au; ina ta'u mai ia ia te au, pe se a se mea e fusifusia a'i oe. Ona fai atu lea o ia ia te ia, Afai e te laga fuafuati e fitu o lo'u lauulu faatasi ma le ala o le *ie*. Ua ia faa-
- 14 mauina i le faamau, ona fai mai lea o ia ia te ia, Samasoni e, ua o mai ia te oe o Filisitia. Ona ala lea o ia na moe, ua na liaiua le faamau o le mea ua lalagaina, atoa ma le ala o le *ie*. Ona fai mai lea o ia ia te ia, Pe
- 15 faapefea ona e fai mai, ua e ala fa mai ia te au, a e le ia te au lou loto? ua e pelogia a'u, o le atu tolu lenei e te lei ta'u mai ia te au, po o le a lou malosi tele. Ua oo ina
- 16 faatiga ia te ia i lona fai mai i aso uma, ua na faatauanauna o ia; ona faavaivai ai lea o lona loto, a oti; ona ta'u atu ai lea ia te ia o lona
- 17 loto uma, ua fai atu ia te ia, E lei oo se tafi i lo'u ulu; auā o a'u o le naseri i le Atua, talu ina fanau mai; afai e tafi lo'u lauulu, ona mavae ai lea o lo'u malosi, ou te vaivai, e avea foi a'u e pei o se tasi tagata. Ua iloa e Talila ua na ta'u
- 18 atu ia te ia lona loto uma, ona ia feau atu lea, ma aami i alii o Filisitia, o loo faapea, Ina maliu mai ia, o le toe *siliga* lenei, auā ua na ta'u mai ia te au lona loto uma lava. Ona o ae lea ia te ia o alii o Filisitia, ua latou avae foi tupe i o latou lima. Ua na faamoe ia te ia
- 19 i ona vae; ona valaau lea i le tagata e tafi i fuafuati e fitu o lona lauulu, ona afua ai lea e ia ona faatiga ia te ia; ua mavae lona malosi ai ia te ia. Ua fai mai o ia, Samasoni e, ua
- 20 o mai Filisitia ia te oe. Ua ala ia na moe, ona fai ane lea, Ou te alu atu e pei ona muai fai, ma ou lulu ia te au; a o ia na te lei iloa, ua afio ese Ieova ia te ia. Ona pue lea
- 21 e Filisitia ia te ia, ua sasali ona mata; ua ave ifo ia te ia i Kasa, ma nonoa ia te ia i fusi 'apa memea e lua; ua ia olo saito foi i le fale puipui.
- A ua amata ona toe tupu o le
- 22 lauulu i lona ulu, e pei o ona po na le tafia. Ua potopoto alii o Fili-
- 23 sitia e fai le taulaga tele ia Takono lo latou atua, ma fiasia ai; ua latou

- faapea, Ua tuuina mai Samasoni lo tatou fili i o tatou lima e lo tatou
 24 atua. Ua iloa o ia e le nuu, ona latou vivii lea i lo latou atua, auā ua faapea i latou, Ua tuuina mai i o tatou lima e lo tatou atua o lo tatou fili, o le na moana ai lo tatou fanua, ma na fasia o tatou e toatele.
 25 Ua oo ina fiasia o latou loto, ona latou fai ane lea, Valaau ia Samasoni, se'i tatou tapisa a'i ai. Ona latou amia lea o Samasoni ai le fale puipui, ua tapisa ai i latou; ua latou faatuina o ia i le va o poutu.
 26 Ua fai atu Samasoni i le taulealea, le na toafi i lona lima, Tuu mai ia o a'u, se'i ou tagotago atu i pou e mau ai le fale, ou te faalagolago
 27 atu i ai. Sa tumu le fale i tane ma fafine; sa i ai o alii uma o Filisitia; sa i luga o le fale, pe atoa se tolu gaafe o tane ma fafine, o loo mai-moa ia Samasoni, o loo faa'ataina.
 28 Ona valaau lea o Samasoni ia Ieova ua fai atu, Le Alii Ieova e, ia e manatu mai, ma e faamalosi mai tau lava i lenei toe mea, le Atua e, ina ia ou tau mai sui faatasi ia Filisitia i o'u mata e lua. Ona lolo'u
 29 ai lea e Samasoni i pou e lua i tonu na mau ai le fale, ma lagolago ai, o le tasi i lona lima taumatau ma le tasi i lona lima tauagavale.
 30 Ua fai atu Samasoni, Ia ou oti faatasi ma Filisitia. Ona punou faamalosi lea, ua pa'i le fale i luga o alii, ma luga o le nuu uma sa i ai; sa toatele e na fasiotia e ia i lona
 31 oti i e na fasiotia a o ola ia. Ona o ifo lea o ona uso ma le aiga uma o lona tamā, ua latou siitia o ia, ma avae, ua tanu ia te ia i le va o Soraa ma Esetaola i le tuugamau o Manoa lona tamā. Ua ia faamasino ia Isaraelu i tausaga e luafulu.

O tupua na faia e Mika.

- 17 O LE tasi tagata na i le mauga o Efaraima, o Mika lona igoa. Ua ia
 2 fai atu i lona tinā, O tupe e afe ma le selau e tasi, na avea nai ia te oe, sa e fetuu ai, na e fai ane foi a o ou faalogo atu; faauta i tupe, ua ia te au, na ou avea. Ona fai mai lea o lona tinā ia te ia, Ia faamanuia oe
 3 la'u tama e Ieova. Na ia toe avatu tupe e afe ma le selau e tasi i lona

tinā, Ua fai mai lona tinā, Na ou matuā faasaina ia tupe ia Ieova ai lo'u lima mo la'u tama, e fai a'i se tupua ua ta, ma se tupua ario; o lenei, avatu pea ia ia te oe. A ua
 4 na toe avatu tupe i lona tinā; ona ave lea e lona tinā o tupe e lua selau i le tufuga fai mea uamea, ua ia fai a'i le tupua ua ta ma le tupua ario, sa i ai i le fale o Mika. Sa i
 5 le tagata o Mika se fale o le Atua, na ia faia le efota ma tupua, ua ia tofia foi le tasi o ona atalii ua fai ma faitaulaga ia te ia. O ona po ia
 6 sa leai se tupu ia Isaraelu, sa taitasi ma fai le mea ua tonu i lona lava manatu.

O le taulealea foi mai Peteleema
 7 o Iuta mai le itu aiga o Iuta, a o le sa Levī o ia, ua āumau o ia i lea mea. Ua alu o ia nai le aai o Peteleema o Iuta e soona āumau i se
 8 mea e maua; ona oo atu lea o lana malaga i le mauga o Efaraima i le fale o Mika. Ua fesili atu Mika ia
 9 te ia, Na ifea oe? Ua tali mai o ia ia te ia, O a'u le sa Levī, mai Peteleema o Iuta; ou te alu e soona āumau i se mea ou te maua. Ona
 10 fai atu lea o Mika ia te ia, Ta te nonofo ma a'u, ia fai oe mo'u tamā ma'u faitaulaga; a o a'u, ou te avatu ia te oe tupe e sefulu i lea tausaga
 11 ma lea tausaga, ma ou ofu, ma au mea e 'ai. Ona alu ane ai lea o le sa Levī. Ua loto le sa Levī ona ia
 12 nonofo ma le tagata, sa i ai le taulealea ia te ia e pei o sona lava atalii. Ona tofia lea e Mika o le sa
 13 Levī, na fai foi le taulealea ma faitaulaga ia te ia, sa i ai o ia i le aiga o Mika. Ona fai ane lea o Mika, O
 14 lenei, ua ou iloa e agalelei mai Ieova ia te au, auā ua ia te au le sa Lev e fai ma ositaulaga.

O le itu aiga o Tanu, ua latou fao mea a Mika.

O ONA po ia sa leai se tupu ia
 18 Isaraelu; o ona po foi ia na saili ai e le itu aiga o Tanu se mea e nonofo ai i latou; auā ua oo i lea aso e lei te'a atu ia te i latou o latou fanua
 2 na tofia i itu aiga o Isaraelu. Ua aauina e le fanauga a Tanu ai lo latou aiga tagata e toalima mai lo latou nuu, o tagata totoā, mai Soraa

- ma Esetaola, e asiasi le nuu ma
vaavaai i ai; ua latou fai atu ia te
i latou, O ia, ina outou vaavaai i le
nuu. Ona latou oo lea i le mauga
o Efaraima i le fale o Mika, ua la-
3 tou momoe ai. Sa latalata ane i
latou i le fale o Mika, ona latou
iloa lea o le leo o le taulealea o sa
Levi, ua latou afe ai; ona latou fai
atu lea ia te ia, O ai ea na aumaina
oe iinei? Se a foi sau mea e fai
iinei? O a ea *ni mea* ua ia te oe i
4 le mea nei? Ua ia fai mai ia te i
latou, O loo faapea ona fai e Mika
ia te au; na te totogi ia te au, a e
5 fai atu ma faitaulaga ia te ia. Ona
latou fai atu lea ia te ia, Ia e fesili
i le Atua, ina ia matou iloa, pe ma-
nuia la matou malaga matou te o
6 atu ai? Ua fai mai le faitaulaga ia
te i latou, O ia ma le manuia; o loo
ua silafia e Ieova lo outou ala tou
te ui ai.
- 7 Ona savavali lea o ia tagata e
toalima, ua oo i Laisa, ua latou vaa-
vaai i le nuu sa i ai, ua latou nonofo
faatatalanoa, e pei o le masani o Sai-
tonu; o loo fifilemu, na faatalanoa
lava; ua leai foi se na te faamā *ia*
te i latou i se mea i le nuu, se na te
pule *ai*; sa mamao foi latou ma
Saitonu, sa latou le feaveai mea ma
8 nisi tagata. Ona oo lea i o latou
uso i Soraa ma Esetaola. Ua fai
mai o latou uso ia te i latou, Se a sa
9 outou *tala*? Ua fai atu i latou,
Tulai ia, ina tatou o ae ia te i latou,
auā ua matou vaavaai i le nuu, faa-
uta, e matuā lelei lava; tou te nofo-
nofo ea? aua ne'i mumusu e o atu
10 ia oo e fai mo outou le nuu. A
outou o atu, ona outou oo lea i le
nuu ua nonofo faatalanoa, ma le
fanua lautele; auā ua foai mai ai e
le Atua ia te outou le nuu e le oge
i se mea e tasi i le lalolagi.
- 11 Ona o ai lea ai lea mea nisi o le
aiga o sa Tanū mai Soraa ma Ese-
taola, o tagata e toaono galau, ua
12 saunia ma aupega o le taua. Ua o
ae i latou, ma to lauapi i Kiriata-
iarima i Iuta; o le mea lea na igoa
ai lea mea o Maane-tanu, ua oo mai
i nei ona aso; faauta, o loo i tua o
13 Kiriata-iarima. Ona latou o atu lea
ai lea mea i le mauga o Efaraima,
14 ua oo atu i le fale o Mika. Ona fai
mai lea o tagata e toalima e na o e
asiasi i le nuu o Laisa, ua faapea
mai i o latou uso, Ua outou iloa ea,
o i ai i nei fale le efota, ma tupua,
ma le tupua ua ta, ma le tupua ario;
o lenei, ia filifili se mea e fai. Ona 15
latou afe ai lea, ua oo i le fale o le
taulealea o le sa Levi, o le fale o
Mika, ua latou fealofani ma ia. O 16
tagata e toaono galau ua saunia ma
aupega o le taua, o le fanauga a
Tanu, sa tutū i latou i le puipui o
le faitotoa. A ua o ae tagata e 17
toalima, e na o e asiasi i le nuu, ua
latou ulu atu ai, ua ave le tupua ua
ta, ma le efota, ma tupua, ma le
tupua ario; a o le faitaulaga ua tu
o ia i le puipui o le faitotoa ma
tagata e toaono galau, e ua saunia
ma aupega o le taua. Ua latou 18
ulu atu i le fale o Mika, ma latou
ave le tupua ua ta, ma le efota, ma
tupua, ma le tupua ario; ona fai
mai lea o le faitaulaga ia i latou, Se
a le mea tou te faiana? A ua 19
latou fai mai ia te ia, Faalologo ia,
tuu lou lima i lou gutu, ma ia tatou
o ma i matou, ia fai ce mo matou
tamā ma faitaulaga; pe lelei ea ona
fai oe ma faitaulaga i le aiga o le
tagata e toatasi, pe fai ma faitaulaga
i le itu aiga ma le aiga o Isaraelu?
20 Ua fiafia ai le loto o le faitaulaga,
ona ave ai lea e ia o le efota, ma
tupua, ma le tupua ua ta, ua alu atu
faatasi ma le nuu. Ona toe o ai lea 21
o i latou, ma latou savavali; ua
latou tuu atu i o latou luma, o tama
iti, ma manu, ma avegāmea.
- Ua mamao i latou ma le fale o 22
Mika, ona faapotopoto lea o tagata
sa i fale e tuaoi ma le fale o Mika,
ua latou tulituliloa i le fanauga a
Tanu. Ona latou valaau lea i le 23
fanauga a Tanu, ona latou faasaga
mai ai lea, ua latou fai mai ia Mika,
Se a ea le mea ua e *tiga ai*, ina ua e
faapotopotoina mai ai *na tagata* ia
te oe? Ua fai mai o ia, Ua outou 24
aveesea o'u atua na ou faia, ma le
faitaulaga ua outou o, se a sa'u toe
mea? a o le a lena ua outou fai mai
ai, Se a le mea ou te *tiga ai*? Ua 25
fai mai le fanauga a Tanu ia te ia,
Aua ne'i lagona lou leo e i matou.
ne'i oso atu ia te outou tagata
lotōa, ona oti ai lea o oe ma lou

- 26 aiga. Ona savavali lea o le fanauga a Tanu i la latou malaga. Ua iloa e Mika ua sili ona malos i latou ia te ia, ona liliu lea o ia, ua foi atu i
 27 lona aiga. A o i latou, ua latou ave mea na faia e Mika, ma le faitaulaga sa ia te ia, ua latou oo atu i Laisa i le nuu filemu, ua nonofo faatalanoa lava; ua latou fasia i latou i le pelu, ma susunu le aai i le
 28 afi. Sa leai se na te laveai, auā e vava mamao lea ma Saitonu, sa latou le feaveai foi mea ma nisi tagata; sa i le vanu lea nuu e lata ane i Petereopo. Ua latou faia le faiaai, ma latou mau ai. Ua latou faaigoa le igoa o le aai o Tanu, i le igoa o Tanu lo latou tamā, na fanau ai ia Isaraelu; a e peitai o Laisa le igoa o le aai anamua. Ua faatuina mo i latou e le fanauga a Tanu le tupua ua ta, o Ionatana foi le atalii o Keresoma, le atalii lea o Manase, o ia ma ona atalii sa fai ma faitaulaga i latou i le itu aiga, o sa Tanū, ua oo
 31 i le aso o le tafeaga o le nuu. Ua latou faatuina mo i latou le tupua ua ta a Mika, na ia faia, i aso uma sa i ai le malumalu o le Atua i Sailo.

O le malaga a le sa Levī ua ayaalecagaina.

- 19 O IA ona aso sa leai se tupu ia Isaraelu, ua āumau le tagata sa Levī i le itu o le mauga o Efaraima; sa fai avā o ia, o le palake foi, mai
 2 Peteleema o Iuta. Ua mulilua lana palake, ua alu ese ia te ia i le aiga o lona tamā i Peteleema o Iuta, sa i
 3 ai i masina e fa. Ona tulai lea o lana tane, ua alu atu ia te ia e tau-tala lelei ma ia, ma toe aumaia o ia; sa ia te ia lana auauna ma asini e lua. Ona aumaia lea o ia e le fafine i le fale o lona tamā; ua vaai mai le tamā o le teine, ona fiasia lea ina ua
 4 feiloai ma ia. Ona taofia lea o ia e le tamā o lana avā, o le tamā o le teine, ua la nonofo ma ia i aso e tolu; ua latou aai ma inu, ma latou
 5 momoe ai. Ona oo lea i le aso fa, ua vave ala lava ia i le taeao, ua tulai a alu. Ona fai mai lea o le tamā o le teine i le tane a lona afafine, Ia e faamalosi lou loto i sina
 6 mea e 'ai, ona lua o ai lea. Ona la nonofo ai lea, ua aai ma inu faatasi i laua, auā na fai atu le tamā o le teine i le tagata, Ia e loto mai ona tatou momoe, ma e faafiasia lou loto. Ona tulai lea o le tagata e alu; ona pulunaunau lea ia te ia o le tamā o lana avā, ona nofo ai lea, ua toe moe ai. Ona vave ala lea o ia i le taeao o le aso lima, o le a alu; ona fai mai lea le tamā o le teine, Ia e faamalosi lou loto; ona faatuatuai lea o i laua, ua oo i le faliu o le la; sa la aai faatasi. Ona tulai lea o le tagata, a latou o ma lana palake ma lana auauna; ua fai mai ia te ia le tamā o lana avā, o le tamā o le teine. Faauta ea, o le a po lenei aso, o le a afiasi, se'i tatou momoe; faauta, ua tāli po, ina moe ia iinei, ma faafiasia lou loto, a e usuusu outou taeao i la outou malaga, ma e alu i lou aiga. E le mafai le tagata ona latou momoe, ua tulai ma savali; ona oo atu lava lea e feagai ma Iepuse, (o Ierusalemā foi lea;) sa ia te ia asini e lua ua faanofoaina, ua ia te ia foi lana palake. Ua latalata i latou i Iepuse, ua matuā maulalo ifo le la; ona fai mai lea o le auauna i lona alii, Se'i tatou o, ma tatou afe ane i lenei aai o Iepuse, ma tatou momoe ai. A ua fai atu lona alii ia te ia, Aua tatou te afe i le aai o tagata ese, e le o le fanauga a Isaraelu i latou, a e tatou o atu ia i Kipea. Ua fai atu foi i lana auauna, Sau ia, ina tatou faalatalata atu i so ia nuu, ma tatou momoe i Kipea, po o Rama. Ona latou o loa lea, ua savavali; ua goto le la a o latalata i latou i Kipea o Peniamina. Ona latou afe atu ai lea, ma ulu atu e momoe i Kipea; ua oo i ai, ona latou nonofo lea i le malae o le aai, a ua leai se tagata na talia i latou i lona fale e momoe ai. Faauta, o le tocaina ua sau mai lana galuega i le vao i le afiasi, o ia foi le tagata mai le mauga o Efaraima, sa āumau o ia i Kipea; a o tagata o le nuu o sa Peniaminā i latou. Ua tepa ae o ia, ua na iloa le malaga i le malae o le aai. Ona fai mai lea o le tocaina, Po fea e te alu i ai? maifea foi na e sau ai? Ua tali atu o ia ia te ia, Na matou o mai i Peteleema o Iuta, o le a o

19 *atu* i le itu o le mauga o Efaraima, na ou *sau* ai lea mea, na ou alu i Peteleema o Iuta, a ou te alu nei i le fale o Ieova, ua le talia a'u e se tasi i lona fale; a o i ai lava 'au o saito ma mea e 'ai a matou asini, atoa ma mea e 'ai ma uaina ma'u, ma lau auauna fafine, ma le taulea-lea o loo i lau auauna, e leai lava se mativa i se mea e tasi. Ua fai mai le toeaina, Ia manuia oe, tuu mai pea, faitalia a'u i mea uma e te mativa ai, tau lava ina ne'i e moe i
 20 le malae. Ona ia avatu lea o i latou i lona fale, ua fafaga i asini; ua latou mulumulu i o latou vae, ma latou aai ma inu.
 21 Sa faafafasia e i latou o latou loto, faauta o tagata o le nuu, o tagata ulavavale, ua latou siomia le fale o loo patu'i i le puipui; ua latou fai mai i le tagata e ona le fale, o le toeaina lea, o loo faapea mai, Tuu mai ia le tagata na alu atu i Jou
 22 fale, ina ia matou iloa o ia. Ona alu atu lea ia te i latou o le tagata e ona le fale, ua fai atu ia te i latou, Aua, o'u uso e, aua lava ne'i outou agaleaga, ina ua ulu mai lenei tagata i lo'u fale, aua tou te faia lenei mea
 23 leaga; faauta, o lo'u afafine o le taupou, atoa ma lana palake, se'i ou aumaia i laua, tou te faaleaga ia i laua, ma ia faia e outou mea tou te loto i ai ia i laua; a o lenei tagata, aua tou te faia lona mea leaga ia te
 24 ia. A e le mafafai tagata ona faalogo ia te ia, ona pue atu lea e le tagata i lana palake, ua na tuu atu ai o ia ia te i latou i fafo; ua latou iloa o ia, ma latou faaleaga ia te ia ua atoa lava le po; ua oo i le taeao, ona latou tuu atu lea ia te ia e alu
 25 ina a malama ae le taeao. Ona sau ai lea o le fafine i le vave ao, ua pa'i i le faitotoa o le fale o le tagata sa i ai lona alii, ua oo i le malamae ae
 26 o le taeao. Ua tulai lona alii i le taeao, ma tatala puipui o le fale, ua ulufafo atu o le a alu lana malaga; faauta i le fafine, o lana palake, ua pa'i i le faitotoa o le fale, ma ona
 27 lima ua i le faitotoa. Ona fai mai lea o ia ia te ia, Tulai ia, ina tatou o; a e leai se tali; ona tago ai lea o ia ia te ia, ma faaee i le asini, ua tulai le tagata, ua alu i lona nuu.

Ona oo lea o ia i lona fale, ua 29 tago i le polo, ona 'u'u atu lea i lana palake, ua pena ia te ia atoa ma ona ivi i tufaaga e sefulu ma le lua, ona avatu ai lea i itu uma o Isaraelu. O 30 i latou uma e na vaai i ai ua faapea ane i latou, E lei faia, e lei iloa foi se mea faapena talu le aso na mai ai le fanauga a Isaraelu mai le nuu o Aikupito e oo i lenei aso; ia outou manatunatu i lenei mea, ia outou filifili, ma fai mai so outou loto.

O le taua ma sa Peniamina.

ONA o atu lea o le fanauga uma 20 a Isaraelu, ma ua faapotopotoina le faapotopotoga ia Ieova, i Mesepa, e pei se tagata e toatasi, e pau mai i Tanu, e pau mai i Peresepa, atoa ma le nuu o Kiliata. Ua tutu ai alii 2 o le nuu uma, o itu aiga uma o Isaraelu i le faapotopotoga o le nuu o le Atua, e fa selau o afe o tagata, o 'au e savavali e ua fai pelu. (Ua 3 faalogo le fanauga a Peniamina, ua o ae le fanauga a Isaraelu, i Mesepa.) Ona fai atu lea o le fanauga a Isaraelu, Fai mai ia, pe na faapefa ona faia o lenei mea leaga? Ua tali mai le tagata sa Levi, le 4 tane a le fafine na fasia, ua faapea mai, Na alu atu i maua ma la'u palake i Kipea o Peniamina e moe ai; ona tulai mai lea ia te au o tagata o Kipea, ma latou siosio mai ia te au i le fale i le po; na latou manatu e fasioti ia te au, a o la'u palake ua latou faaleaga ia te ia, ua 5 oti ai. Ona ou tago atu lea i la'u palake, ma ou pena ia te ia, ma avatu i nuu uma o le tofi o Isaraelu; auā ua latou faia le mea leaga ma faivale i Isaraelu. Faauta, o outou 7 uma o le fanauga a Isaraelu, ina filifili ia outou iinei so outou manatu. Ona tulai lea o le nuu uma 8 pei se tagata e toatasi, o loo faapea, E le alu so tatou i lona fale ie, e le foi atu so tatou i lona fale; a o 9 lenei, tatou te faia le mea nei i Kipea; tatou te fai le vili i nisi e o ae ai; tatou te fa'ifa'i tagata e 10 toasefulu ai le toaselau i itu aiga uma o Isaraelu, ma le toaselau i le afe, ma le afe ai le sefulu o afe, e fai mea e 'ai mā le nuu; ina ia faia pe a oo i latou i Kipea o Peniamina

- e tusa ma le faivale uma ua latou
11 faia i Isaraelu. Sa faapotopoto tagata uma o Isaraelu e tau ma le aai; o loo loto gatasi i latou pei se tagata e toatasi.
- 12 Ona aauina atu lea e itu aiga o Isaraelu nisi tagata i aiga uma o Peniamina, o loo faapea, O le a lenei mea leaga ua faia e outou? O lenei, ina tuu mai ia o na tagata, o tagata ulavavale o loo i Kipea, ina ia matou fasioti ia i latou, ma tuu ese ai le leaga ia Isaraelu. A e le mafafai le fanauga a Peniamina ona faalogo i le upu a o latou uso le
14 fanauga a Isaraelu; a ua faapotopoto le fanauga a Peniamina i Kipea mai o latou aai, ina ia latou o atu e
15 tau ma le fanauga a Isaraelu. Ona faitauina lea o le fanauga a Peniamina i lea aso ai o latou aai, o afe e luafulu ma le ono gaafe o tagata ua fai pelu, atoa ma tagata o Kipea e
16 toafitu selau o tagata sili. Sa i ai i nei tagata uma o tagata tauagavale ua sili, e toafitu selau; o i latou uma nei e sasau le maa i le maati i
17 le laurulu, a e le sese. Ua latou faitauina foi tagata o Isaraelu, e aunoa ma Peniamina, e fa selau afe o tagata e ua fai pelu; o i latou uma nei o le 'au tau.
- 18 Ona latou tulai lea, ma o ae i Peteli e fesili atu i le Atua; ua fai atu ai le fanauga a Isaraelu, O ai ea e muamua ona alu ae mo i matou e tau ma le fanauga a Peniamina? Ona fetalai mai lea o Ieova, E muamua atu Iuta. Ona tulai atu lea o le fanauga a Isaraelu i le taeao, ua to
20 lauapi e feagai ma Kipea. Ona o atu lea o tagata o Isaraelu e tau ma Peniamina; ona pae tau atu ai lea e tagata o Isaraelu e tau ma Kipea.
- 21 Ona o atu ai lea o le fanauga a Peniamina mai Kipea; ua latou fasiotia Isaraelu i lea aso, o tagata e luafulu o afe ma afe e lua.
- 22 Ua faamalosii le nuu, o tagata o Isaraelu, ua latou toe pae tau le taua i le mea na latou pae tau ai i le
23 luai aso. Ona o ae lea o le fanauga a Isaraelu, ma latou fetagisi i luma o Ieova, ua oo i le afiafi, ma latou fesili ia Ieova, o loo faapea, Ou te toe faalatalata ea e tau ma le fanauga a Peniamina lo'u uso? Ua fetalai mai Ieova, Tou te o ae ia te ia. Ona faalatalata lea o le fanauga
24 a Isaraelu i le fanauga a Peniamina i le aso e lua. Ona alu atu lea o Peniamina mai Kipea e faafetaiai ia te i latou i le aso lua; ona toe fasiotia lea o le fanauga a Isaraelu, e sefulu afe ma afe e valu; o i latou uma nei na fai pelu.
- Ona o ae lea o le fanauga uma a
26 Isaraelu ma le nuu uma, ua latou oo atu i Peteli, ma latou fetagisi, ma nonofo ai i luma o Ieova, ma latou anapopogi i le aso e oo i le afiafi; ua latou faia foi o taulaga mu atoa ma taulaga faafetai i luma o Ieova. Ona fesili lea o le fanauga a Isaraelu
27 ia Ieova; (aua sa i ai le atolaau o le feagaiga a le Atua i ia ona aso; o
28 Fineaso le atalii o Eleasaro, le atalii ia o Arona, o ia na tu i ona luma i ia ona aso;) o loo faapea i latou, Ou te toe alu atu ea e tau ma le fanauga a Peniamina lo'u uso, pe soia? Ua fetalai mai Ieova, O ae ia outou, auā a taeao ou te tuuina atu ai i latou i lou lima.
- Ona tanu lea o 'au a Isaraelu e
29 siosio ai i Kipea. Ona o ae lea o le fanauga a Isaraelu i le fanauga a Peniamina i le aso tolu, ua pae tau atu le taua ia Kipea, e pei ona uluai faia. Ona o atu lea o le fanauga a
31 Peniamina e faafetaiai i le nuu, na tosinā i latou nai le aai; ua amata ona latou taia le nuu, ua manunua e pei o isi aso, pe atoa le toatolugafulu o tagata o Isaraelu i ala tele, (e alu ae ai le tasi i Peteli, a o le tasi e alu atu ai i Kipea i le vao.) Ona fai ane lea o le fanauga a
32 Peniamina, Ua fasia i latou i o tatou luma e pei o le amataga; a ua fai ane le fanauga a Isaraelu, Tatou sosola ia, ia tosinā ai i latou nai le aai i ala tele. Ona tulai lea o tagata
33 uma o Isaraelu ai le mea sa i ai, ua latou pae tau le taua i Paalatamara, ma 'au a Isaraelu sa tanu ua feosofi mai i latou ai le mea sa i ai i le fanua o Kipea. Ona o ane lea e tau
34 ma Kipea o tagata sili mai Isaraelu uma e sefulu afe, ua tele lava le taua; a ua latou le iloa ua oo mai le malaia ia te i latou. Ua fasia Peniamina e Ieova i luma o Isaraelu; ua faaumatia Peniamina e le fa-

nauga a Isaraelu i lea aso, o tagata
e luafulu o afe ma afe e lima ma le
toaselau; o i latou uma ia na fai
36 pelu. Ona iloa lea e le fanauga a
Peniamina ua fasia i latou; a ua
tuumuli tagata o Isaraelu ia Penia-
37 'mina, auā sa latou faalagolago i
'au na tanu i tala ane o Kipea. Ona
faataalise lea o 'au na tanu, ua feo-
sofi atu i Kipea; ua faasalalau 'au
na tanu, ma latou fasia le aai uma i
38 le pelu. Sa fai le faailoga i tagata o
Isaraelu ma e na tanu 'au; latou te
faamu ae le mu tele *ma* le asu nai
39 le aai. Ua liu tua mai tagata o
Isaraelu i le taua; ona amata mai
lea o Peniamina ona fafasi; ua
manunua tagata o Isaraelu, pe atoa
le toatolugafulu o tagata; auā na
faapea ane i latou, E moni lava ua
matuā fasia i latou i o tatou luma, e
40 pei o le luai taua. A ua amata ona
alu ae le mumū o *le afi* nai le aai, o
le asu faaniutu, ona fāliu atu lea i
tua o Peniamina, faauta, ua alu ae
41 i le lagi *le mu* o le aai uma. Ua toe
liliu mai tagata o Isaraelu, ona faa-
atuatuvaleina lea o tagata o Penia-
42 mina; auā ua latou iloa, ua oo ia i
latou le malaia. Ona liliu lea o i
latou i luma o tagata o Isaraelu i le
ala i le vao; a ua pipii atu le tūli ia
te i latou; o e sa i aai ua *latou* fa-
43 fasi ia te i latou i o latou va. Ua
siomia Peniamina, ma latou tuli-
tuliloa ia te i latou, *ma* soli ia i
latou ma le faigofie, e oo lava i
44 Kipea i le itu e alu ae ai le la. Ua
fasia Peniamina e sefulu afe o ta-
gata ma afe e valu; o i latou nei o
45 tagata totoa uma. Ona liliu lea ma
sosola i latou i le vao i le papa o
Rimoni; ua aoao i latou i ala tele e
lima gaafe o tagata; ua tulitūliloa
ia i latou i Kitoma, ma fafasi ai
46 tagata e lua afe. O i latou uma o
Peniamina na fasia i lea lava aso, e
luafulu o afe ma afe e lima, o ta-
gata na fai pelu; o i latou nei o
47 tagata totoa uma. A o tagata e
toaono galau na liliu i latou, ma
sosola i le vao i le papa o Rimoni;
ua latou nonofo i le papa o Rimoni
48 i masina e fa. Ua toe foi atu tagata
o Isaraelu i le fanauga a Peniamina,
ma latou fasia i le pelu o tagata i
aai, atoa ma manu, ma mea uma na

latou maua; o aai uma foi ua latou
oo i ai, ua latou faamuina i le afi.

Ua salamo Isaraelu ona o Peniamina.

NA fai le tauto e tagata o Isara-21
elu i Mesepa, o loo faapea, E leai so
tatou e avatu lona afafine e fai ma
avā i so sa Peniaminā. Ona oo atu 2
lea o le nuu i Peteli, ua latou nono-
fo ai i luma o le Atua, ua oo i le
afafi. Ona leo tetele ai lea i latou
ma fetagisi i le tagi tele. Ua latou 3
fai atu, Ieova e, le Atua o Isaraelu,
pe se a le mea ua oo mai ai lenei
mea ia Isaraelu, ina ua mavae atu
le tasi itu aiga o Isaraelu i lenei
aso? Ona oo lea i le taeao ua ala 4
usu le nuu, ua latou faia i lea mea
le fata faitaulaga, ma avatu ai tau-
laga mu ma taulaga faafetai.

Ua fai ane le fanauga a Isaraelu, 5
O ai ea so le au itu aiga uma o Isa-
raelu na le o ae ia Ieova i le faa-
potopotoga? auā sa latou faia le
tautoga mamafa i se na te le alu
ae ia Ieova i Mesepa, sa faapea, E
matuā fasiotia lava o ia. Ua sala- 6
mo foi le fanauga a Isaraelu ona
o Peniamina lo latou uso, ua latou
faapea ane, Ua vavaeeseina i lenei
aso le tasi itu aiga nai ia Isaraelu;
7 se a se mea tatou te faia ia *maua*
avā mā e ua totoe? auā ua tauto i
tatou ia Ieova, e le avatu lava o
tatou afafine e fai ma latou avā.
Ona fai ane ai lea o i latou, O ai so 8
le au itu aiga o Isaraelu na le alu ae
ia Ieova i Mesepa? Faauta foi, e
lei sau se tasi i le toagālauapi i le
faapotopotoga mai Iapese-Kiliata.
Ona latou faitaulia lea o le nuu; 9
faauta, ua le i ai se tagata o e no-
nofo i Iapese-Kiliata. Ona auina 10
ai lea e le faapotopotoga o tagata e
sefulu afe ma afe e lua o e totoa;
ua fai atu ia te i latou, o loo faapea,
O ia, ina outou fafasi i le pelu o
e nonofo i Iapese-Kiliata, o fafine
atoa ma tama iti; a o lenei le mea 11
tou te faia, O tane uma, ma fafine
uma ua tanea ia faaumatia i latou.
Ua latou maua i e na nonofo i Iapese- 12
Kiliata o teine taipou e toafa selau,
o e na le tanea; ua latou aumaia i
latou i le toagālauapi i Sailo i le nuu
o Kanana.

Ona aau atu lea *nisi* e le faapoto- 13

- 14 potoga uma, ua tautalatala ma le fanauga a Peniamina, sa i le papa o Rimoni ; ua valaau ia i latou, ua ola le taua. Ua toe foi Peniamina i ia ona aso, ona latou avatu lea o avā ia i latou e na faasaoina mai fafine o Iapese-Kiliata ; a e lei tofu ai i latou. Ua salamo le nuu ona o Peniamina ; auā ua lepetia e Ieova itu aiga o Isaraelu, *ua lei* se tasi.
- 15 Ua fai ane toeaina o le faapotopotoga, Se a sa tatou mea e fai mo e totoe, ia maua avā, auā ua faaumatia fafine o Peniamina ? Ua fai ane, *Ia faia lava* le tofi mo e ua sao o Peniamina, ina ia le tinea se itu aiga o Isaraelu. A o i tatou, tatou te le mafaia ona avatu ni o tatou afafine e *fai* mā latou avā, auā ua tauto le fanauga a Isaraelu, o loo faapea, Ia malaia se na te avatu se avā ia Peniamina. Ona latou fai atu lea, Faauta, o le tausamiga ia Ieova e faia i Sailo i lea tausaga ma lea tausaga, o loo i le itu i matu o Peteli, i gagae o le ala tele e alu ae nai Peteli i Sekema, ma le itu i toga o Lepona. Ua latou fai atu i le fanauga a Peniamina, o loo faapea,
- O ia, ina lamalama i tovine, ma outou vaavaai ; faauta foi, afai e o atu teine o Sailo e fai le siva, ona outou o atu lea ai tovine, ma outou toso mā outou ia taitasi ma lana avā ai teine o Sailo ; ona outou o lea i le nuu o Peniamina ; afai foi e o mai ia te i matou o latou tamā, po o latou tuagane, e tagi mai ia te i matou, ona matou fai atu lea ia te i latou, Ia alofa ia i latou ona o i matou, auā na matou le faasao *ni fafine* i le taua, ia tofu le tagata ma lana avā ; auā e le o outou na foai atu ai ia te i latou i nei ona po, ina ne'i nofo sala ai outou.
- Ua faia faapea le fanauga a Peniamina, ua latou fai mā latou avā e na sisiva, na latou toso e faatatau ma i latou ; ona latou o lea, ma foi atu i o latou lava nuu, ma latou faia o latou aai, ma latou nonofo ai. Ona o ai lea i ia ona aso o le fanauga a Isaraelu ai lea mea, e taitasi i lona itu aiga ma lona aiga ; ua latou o ese i lea mea e taitasi i lona tofi. O ia ona aso sa lei se tupu ia Isaraelu, ua taitasi ma fai le mea e tusa i lona lava manatu.

O LE TUSI IA RUTA.

Ua sau Ruta faatāsi ma Naomi i le nuu o Iuta.

- 1 O ONA aso na faamasino ai faamasino, sa i ai le oge i le nuu ; ona alu ai lea o le tasi tagata nai Peteleema o Iuta e āumau i le nuu o Moapi, o ia, ma lana avā, ma ona atalii e toalua. O Elimeleka le igoa o le tagata, o le igoa o lana avā o Naomi, o igoa foi o ona atalii e toalua o Maalona ma Kiliona, o sa Efaratā i latou mai Peteleema o Iuta ; ua o atu i latou i le nuu o Moapi, ua nonofo ai. Ua oti Elimeleka le tane a Naomi ; ua totoe o ia ma ana tama e toalua. Ua la
- fai avā i fafine o Moapi, o le igoa o le tasi o Orepa, o le igoa o le tasi o Ruta ; ua latou nonofo i lea mea pe sefulu ni tausaga. Ua oti foi o i laua o Maalona ma Kiliona ; ona toe lea o le fafine, *ua oti* ana tama e toalua atā ma lana tane.
- Ua tu i luga o ia ma avā a ana tama, ia toe foi nai le nuu o Moapi, auā ua ia faalogo i le nuu o Moapi, ua asiāsi Ieova i lona nuu, ma na foai atu mea e 'ai ia te i latou. Ona alu ese ai lea o ia i le mea sa i ai, o ia ma avā a ana tama e toalua faatasi ma ia ; ua latou ui i le ala e foi mai ai i le nuu o Iuta. Ona fai mai lea o Naomi i avā a ana tama e toa-

lua, O ia oulua, ina foi atu taitasi i
le aiga o lona tinā; ia agalelei Ieova
ia te oulua, pei ona faia e oulua i e
9 ua oti atoa ma a'u; ia foi mai e
Ieova ia te oulua ina ia maua e
oulua le mapusaga taitoatasi i le
aiga o lana tane. Ua sogi atu o ia
ia te i laua, ona fetagisi ai lea o i
10 latou ua leo tetele. Ua la fai atu
ia te ia, Tatou te foi atu lava ma oe
11 i lou nuu. A ua fai mai Naomi, Ina
foi atu ia, la'u fanau e; se a le mea
tatou te o ai ma oulua? ua toe ea
ni tama i lo'u manava e fai ma a
12 oulua tane? Ina foi ia, la'u fanau
e, ina o ia oulua; ua ou loomatua,
ua siliga ona ou toe nofo tane; e ui
lava ina ou fai atu, Atonu e maua;
afai foi e ia te au se tane nanei po,
13 ma ou fanaua ni tama tane, lua te
faatali ea seia matutua i laua? lua
te nofo fua ea e faatali ia te i laua?
La'u fanau e, aua, auā ua sili lo'u
tiga i lo oulua, ina ua oo mai ia te
14 au le aao o Ieova. Ona latou toe
fetagisi ai lea ua leo tetele; ua sogi
Orepa i le tinā o lana tane, a ua
15 pipii atu Ruta ia te ia. Ua fai mai
o ia, Faauta, ua foi le avā a le uso o
lau tane i lona nuu ma ona atua, ina
e mulimuli atu i le avā a le uso o
16 lau tane. A ua fai atu Ruta, Aua
e te finau ia te au ina ia ou tuula-
foai ia te oe, ia le mulimuli atu ia
te oe; auā o le mea e te alu i ai, ou
te alu ai foi; o le mea e te nofo ai,
17 ou te nofo ai, e fai lou nuu mo'u
nuu; e fai lou Atua mo'u Atua; o
le mea e te oti ai, ou te oti ai, e
tanu ai foi a'u; ia faapea ona faia
e Ieova ia te au, ma ia faaopopo i
ai, pe afai e tuaseseina i taua ma
oe i se tasi mea se'i vagana le oti.
18 Ua iloa ua faamalosi o ia e o ma ia,
ona le toe fai atu ai lea ia te ia.
19 Ua o ane i laua, ua oo mai i Pete-
leema; o loo ua oo mai foi i Pete-
leema, ona revesi lea o le aai uma
ia te i laua, ua fai ane i latou, O
20 Naomi ea lenei? A ua fai atu o ia
ia te i latou, Aua tou te ta'ua a'u o
Naomi, a ia ta'ua a'u o Mara; auā
ua matuā oona mea ua faia ia te au
21 e Lē ona le malosi uma lava. Na
ou alu atu ua tamaoiga, ua faafoi-
ina mai a'u e Ieova ua mativa; se
a le mea tou te ta'ua a'u, o Naomi?
auā ua faatigaina a'u e Ieova, ua

malaia a'u i Lē ona le malosi uma
lava. Ua foi mai Naomi atoa ma
12 Ruta le Moapi, le avā a lana tama,
faatasi ma ia, o le na foi mai mai le
nuu o Moapi; ua la oo mai i Pete-
leema i le amataga a le seleselegā-
karite.

Ua alofagia Ruta e Poasa.

O LE tasi tagata e aiga ma le
tane a Naomi, o le tagata mauoa
tele, o le aiga o Elimeleka, o Poasa
lona igoa. Ua fai atu Ruta le
2 Moapi ia Naomi, So'u alu i se fa-
nua, ma ao ai ni fua o le karite, o
mulimuli i sē alofa mai ia te au.
Ua fai mai o ia ia te ia, La'u tama
e, ina alu ia. Ua alu, ua oo i ai, ua
3 ao karite i le fanua, o loo mulimuli
i e selesele; ua soona alu i le fasi
fanua o Poasa, o le aiga o Elime-
leka. Faauta foi, ua sau Poasa mai
4 Peteleema, ua fai mai i e selesele,
Ia ia te outou Ieova! Ua latou fai
atu foi ia te ia, Ia faamanuia oe e
Ieova! Ua fai mai Poasa i le tau-
lealea sa tofia e pule i e selesele, E
5 o sa ai lea teine? Ua tali atu le
taulealea sa tofia e pule i e selesele,
ua faapea, O le teine Moapi lena,
ua foi mai ma Naomi mai le nuu o
Moapi; na fai mai o ia, So'u ao, ma
7 faaputu i le va o fusi karite, ma
mulimuli atu i e ua selesele; ona
alu ai lea, ua tumau ai talu le taeao
ua oo i lenei itu la o loo mapu faa-
itiiti i le fale. Ua fai atu Poasa ia
8 Ruta, E te le faalogo mai ea, lo'u
afafine e? aua e te alu e ao i se
tasi fanua ese, aua foi e te tuuna
le mea nei, a ia e tumau iinei ma
a'u auauna fafine; e te vaai atu i
9 le fanua latou te selesele ai, e te
mulimuli atu ia te i latou; ua ou le
poloai ea i taulelea, aua latou te
agaleaga ia te oe? a ē fia inu, alu ia
ce i vai ma inu ai i mea ua utu e
10 taulelea. Ona faapaū fao ai lea o
ia, ua ifo toele, ua fai atu ia te ia,
Se a le mea ua e alofa mai ai ia te
au, ma e silasila mai ai ia te au, o
a'u foi le tagata ese? Ua tali mai
11 Poasa, ua fai mai ia te ia, Ua uma
ona faaali mai ia te au mea uma ua
e faia i le tinā o lau tane talu ina
oti o lau tane; ma ua e tuulafoai i
lou tamā, ma lou tinā, ma le nuu
na fanau ai oe, a ua e sau i le nuu e

- 12 te lei iloa anamua ; ia tologi Ieova i lau galuega, ia tuuina mai ia te oe se tasi tele mai ia Ieova le Atua o Isaraelu, ua e sau e faatuatua i lalo
- 13 o ona apaau. Ua fai atu o ia, Ua alofaina a'u e oe, le alii e, auā ua e faamafanafana mai ia te au, ma ua e tautala lelei i lau auaua fafine, o au foi, ou te le pei o se tasi o au
- 14 auaua fafine. Ua fai mai Poasa ia te ia, A oo i le itu la e aai ai, e te faalatalata mai iinei, ma 'ai ni areto, ma fufui āu mea e 'ai i le vineta ; ona nofo faatasi ai lea o ia ma e selesese, ua na avatu ia te ia le saito ua tunu, ua ia 'ai ai, ua ma'ona ua totoe.
- 15 Ua tulai o ia e ao ; ona fai atu lea o Poasa i ona taulelea, ua faapea, Ia ao lava e ia i va o fusi karite, e a au le faamā ia te ia ; ia to mai foi ni luutaga, ma tuu māna ina ia ao e ia, e aua le vavao atu ia te ia.
- 17 Ua ao e ia i le fanua ua oo i le afiāfi, ona sasa ai lea o mea na ia faaputuina, ua tusa ma le efa o karite. Ona siā ae ai lea e ia, ua alu i le aai, ua faaali atu i le tinā o lana tane le mea na faaputuina e ia ; ua na avatu foi ia te ia le mea na totoe ina ua ma'ona o ia. Ua fai mai le tinā o lana tane ia te ia, Po o fea na e ao ai mea i le asō? po o fea na e galue ai? ia manuia o ia na alofa mai ia te oe. Ona ta'u atu ai lea i le tinā o lana tane o le tagata na ia galue i *lona fanua*, ma na fai atu, O le igoa o le tagata na ou galue ai i lona fanua i le asō, o
- 20 Poasa. Ua fai mai Naomi i le avā a lana tama, Ia faamanuia o ia e Ieova, auā ua le uma lona alofa i e ola ma e ua oti. Ua fai mai foi Naomi ia te ia, Ua tatou aiga ma ia, o ia foi o so latou e i ai le tausī
- 21 tama. Ua faapea atu foi Ruta le Mcapi, Ua fai mai foi o ia ia te au, E te faatasi ma o'u taulelea, seia latou faauma i o'u seleselegāsaito uma lava. Ua fai mai Naomi ia
- 22 Ruta le avā a lana tama, La'u tama e, lelei ina ia outou fecai ma ana auaua fafine, aua ne'i latou iloa oe i se tasi fanua, Ua faatasi o ia ma auaua fafine a Poasa e ao mea ; ua oo ina ua uma o le seleselegākarite ma le seleselegāsaito ; ua la mau foi ma le tinā o lana tane.

O le togafiti a Naomi ina ia tausī tama ai Poasa ia Ruta.

3
2
3
4
5
6
7
8
9
10
11
12
13
14

UA fai mai Naomi le tinā o lana tane ia te ia, La'u tama e, ou te le saili ea sē mapusaga mo oe ina ia manuia ai oe? O lenei, e le ua tatou aiga ea ma Poasa, sa outou i ai ma ana auaua fafine? faauta, o loo faasavili e ia le karite i le po nei, i le mea e sasa ai saito. Taele ia oe, ma uu, ma ofu i ou ofu, ma alu ifo i le mea e sasa ai saito ; aua ne'i iloa oe e le tagata seia uma ona 'ai o ia ma inu. A taoto ia, e te vaai atu i le mea e taoto ai, e te alu ma susue i le mea e ufufu a'i ona vae, ma e taoto ai ; ona faaali mai lea e ia ia te oe le mea e te faia. Ua fai atu o ia ia te ia, O mea uma ua e fai mai ai ia te au oe te faia lava. Ona alu ifo lea o ia i le mea e sasa ai saito, ua faia e ia e tusa ma mea uma na fai mai ai le tinā o lana tane ia te ia.

Ua 'ai Poasa ma inu, ua fiasia lona loto, ona alu lea o ia e taoto i tafatafa o le faaputugā-karite. Ona alu lemu lea o ia, ua susue le mea na ufufu a'i ona vae, ua taoto ai. Ua oo i le tulua o po ma ao, ua fefe le tagata, ua liliu, faauta, o le fafine o loo taoto i ona vae. Ona fai mai lea o ia, O ai ea oe? Ua tali atu ia, O a'u o Ruta lau auaua fafine ; faaafu mai ia lou pito ofu i lau auaua fafine, auā o ia te oe le tausī tama. Ua fai mai o ia, Lo'u afafine e, ia faamanuia Ieova ia te oe ; ua faasilisili lou alofa mulimuli nei i le na muamua, ina ua e le alu e mulimuli atu i taulelea, po o sē mativa po o sē mauoa. O lenei, lo'u afafine, aua e te fefe ; o mea uma ua e fai mai ai ou te faia lava mo oe ; auā ua iloa e le aai uma o lo'u nuu, o le fafine amio lelei lava oe. O lenei, e moni o ia te au le tausī tama ; peitai o le tasi tagata o le aiga, e muamua o ia ia te au. Nofa pea ia oe i lenei po, a oo i le taeao, afai e fai o ia ma tausī tama ua lelei, ina tausī tama ia o ia ; a le mafai o ia ona tausī tama ia te oe, ou te tausī tama ia te oe ; o loo soifua Ieova ; ina taoto ia oe seia ao. Ona taoto ai lea o ia i ona vae, ua oo i le ao ; ona tulai lea o ia, a o

le feiloai tagata; ua fai atu *Poasa*,
 15 Aua nei iloa e se tasi ua sau se
 fafine i le mea e sasa ai saito. Ua
 fai mai o ia, Tala mai ia o lou pulu-
 pulu, ma fofola mai; ua fofola e ia,
 ona fua mai lea e ia o fua o karite
 e ono, ua tuu i luga ia te ia; ona
 alu ai lea o ia i le aai.
 16 Ona alu atu lea o ia i le tinā o
 lana tane, ua fai mai o ia, La'u tama
 e, o ai ea oe? Ua ta'u atu o ia ia
 te ia i mea uma na faia e le tagata
 17 ia te ia. Ua fai atu foi o ia, O fua
 nei e ono o karite ua na foai mai ia
 te au, auā ua fai mai, Aua le alu
 18 fua i le tinā o lau tane. Ona fai
 mai lea o ia, La'u tama e, nofo ia,
 seia e iloa se mea e tupu ai; auā e
 le mapu le tagata seia faai lava le
 mea i le asō.

Ua fai avā Poasa ia Ruta.

4 UA alu ae Poasa i le faitotoa o
 le aai, ua nofo ai; faauta i le
 tagata o lo latou aiga na fai atu
 ai Poasa, ua alu ane. Ona fai atu
 lea o ia, Le alii e, ina afe mai ia, ma
 e nofo i le mea nei; ona afe ane lea
 2 o ia, ua nofo ai. Ua aami e ia toe-
 aina o le aai e toasefulu, ua fai atu
 i ai, Ina nonofo ia outou i le mea
 3 nei; ona latou nonofo ai lea. Ona
 fai atu lea o ia i le tagata o lo latou
 aiga, O le fāsi fanua sa i lo ta uso o
 Elimeleka o le a faatau e Naomi,
 ua foi mai nai le nuu o Moapi;
 4 na ou fai ane foi, ou te ta'u atu ia
 te oe, o loo faapea, Ina faatau ia i
 luma o e nonofo mai, ma luma o
 toeaia o lo'u nuu; afai e te faatau
 ai; ina faatau ia; afai e te le faa-
 taulia, ina fai mai ia ia te au ina ia
 ou iloa; auā e leai se tasi e muamua
 ia te oe i le faatau; o a'u foi ou te
 aupito atu ia te oe. Ona fai mai
 5 lea o ia, Ou te faataulia lava. Ua
 fai atu Poasa, O le aso e te faatau
 ai le fanua nai le lima o Naomi, e
 te faatau foi nai ia Ruta le fafine
 Moapi, le avā a le ua oti; e faatu-
 mau ai le igoa o le ua oti i lona tofi.
 6 Ona fai mai lea o le tagata o le
 aiga, Ou te le mafaatau ai mo'u, nei
 ou faaleaoga i lo'u tofi; ia e faatau
 mo oe le fanua, auā ou te le mafai
 7 ona faataulia. O lenei le masani i
 Isaraelu anamua i le faatau mai ma
 faatau atu, e faamau a'i mea uma;

ua tatala e le tasi tagata lona see-
 vae, ua avatu i le tasi, o le tu lava
 lea a Isaraelu. Ua fai mai le tagata 8
 o lo latou aiga ia Poasa, Faatau ia
 mo oe; ona tatala ai lea e ia o lona
 seevae. Ona fai atu lea o Poasa i 9
 toeaia ma le nuu uma, O molimau
 outou i lenei aso, ua ou faatau mea
 uma sa ia Elimeleka, ma mea uma
 sa ia Kiliona ma Maalona nai le 10
 lima o Naomi; o Ruta foi le fafine
 Moapi, le avā a Maalona, ua ou faa-
 tau ia te ia e fai ma'u avā, e faatu-
 mau ai le igoa o le ua oti i lona tofi,
 ia le galo le igoa o le ua oti ai lona
 au uso, ma le faitotoa o lona aai; o
 molimau i ai outou i lenei aso. Ua 11
 fai mai tagata uma sa i le faitotoa,
 atoa ma toea'ina, O molimau lava i
 ai i matou; ia avea e Ieova lenei
 fafine, o le a alu i lou aiga, pei o
 Rasela ma Lea sa la ati ae le aiga o
 Isaraelu; ia e malos i Efarata, ma
 ia viia oe i Peteleema; ia avea foi 12
 lou aiga pei o le aiga o Faresa na
 fanau mai e Tamara ia Iuta, nai le
 fanau e foai mai e Ieova ia te oe i
 lenei teine.

Ua ave e Poasa ia Ruta, ua fai 13
 mana avā; ua alu atu o ia ia te ia,
 ona to ai lea o ia i le pule a Ieova,
 ua fanau mai lana tama tane. Ua 14
 fai mai fafine ia Naomi, Faafetai ia
 Ieova ina ua foai atu ia te oe i lenei
 aso se tasi e auga i ai lou aiga, ia
 viia lona igoa i Isaraelu. E fai o ia 15
 ia te oe ma faamalosi o lou ola, ma
 taus i lou loomatua, auā o le avā a
 lau tama, o lē alofa ia te oe, ua
 fanau; ua lelei o ia ia te oe e sili i
 tama tane e toafitu. Ua tago Naomi 16
 i le tama, ua tuu i lona fatafata, ma
 taus i ia te ia. O fafine e na tuaoi 17
 ma ia, ua latou faaigoa ia te ia, ua
 faapea; ua fanau mai se tama ia
 Naomi, ua latou faaigoa ia te ia, o
 Opetā, o le tamā o ia o Iese, o le
 tamā o Tavita.

O le gafa lenei o Faresa; na 18
 fanaua e Faresa o Esarona; na 19
 fanaua e Esarona o Rama; na fa-
 naua e Rama o Aminatapu; na 20
 fanaua e Aminatapu o Naasona;
 na fanaua e Naasona o Salemona;
 na fanaua e Salemona o Poasa; na 21
 fanaua e Poasa o Opetā; na fanaua
 e Opetā o Iese; na fanaua e Iese o 22
 Tavita.

O LE TUSI MUAMUA A SAMUELU.

O le tala ia Elekana. O le tatalo a Hana.

- 1 O LE tasi tagata o Ramata-somimo i le mauga o Efaraima, o lona igoa o Elekana le atalii o Ieroama, o le atalii ia o Eliu, o le atalii ia o To'u, o le atalii ia o Sufi, o le sa Efarafā. Sa nonofo ana avā e toalua, 2 o Hana le igoa o le tasi, o Penina le igoa o le tasi; sa ia Penina le 3 fanau, a e leai se fanau a Hana. Na alu ae lea tagata nai lana aai i lea 4 tausaga ma lea tausaga e tapuai, ma fai taulaga i Sailo ia Ieova o 'au; sa i lea mea foi atalii e toalua o Eli, o Hofeni ma Fineaso, o faitaulaga 5 a Ieova. A oo foi i le aso e fai ai le taulaga a Elekana, ona avatu lea e ia o tufaaga ia Penina lana avā, ma ana tama tane uma, atoa 6 ma ana tama teine. A ua avatu ia Hana le tufaaga e tusa ma *tufaaga* e lua, auā ua ia alofa ia Hana; a o le pule a Ieova na le fanau ai o ia. 7 Ua faalili foi ia te ia le na ita mai, ua faanoono foi ia te ia ina seia ita, auā na le fanau o ia o le pule a 8 Ieova. Ua faapea ona fai e Elekana i lea tausaga ma lea tausaga i le alu ae o le fafine i le fale o Ieova; ua faapea ona faalili ia te ia, ona tagi 9 ai lea o ia, ma ua le 'ai. Ona fai atu lea o Elekana lana tane ia te ia, Hana e, se a le mea e te tagi ai? Se a foi le mea e te le 'ai ai? Se a foi le mea e tiga ai lou loto? E le 10 ua sili ea ona lelei o a'u ia te oe i tama tane e toatinoagafulu? Ua 11 uma ona 'ai, ua uma foi ona inu i Sailo, ona tulai lea o Hana; sa nofo foi Eli le faitaulaga i le nofoa i le pou o le faitotoa o le malumalu o Ieova. A o le fafine, ua tiga lona loto, ua ole atu ia Ieova, ma ua tagi 12 tele. Ua ia tauto foi, ua faapea atu, Ieova o 'au e, afai e te silasila mai i le puapuaga o lau auaua fafine, ma e manatu mai ia te au, a e le faaga-

logalo mai i lau auaua fafine, ma e foai mai i lau auaua fafine se tama tane, ona ou foai atu lea o ia ia Ieova i aso uma o lona ola; e le oo foi se tafi i lona ulu. Ua faatele 12 lana tatalo i luma o Ieova, a ua vaai atu Eli i lona gutu. A o Hana, ua 13 tautala lava ia i lona loto, ua na ona memu ona laugutu, a e le logona lona leo, fā Eli ua onā o ia. Ona 14 fai mai lea o Eli ia te ia, E te onā seia afea? ia te'a lou onā i le uaina. Ua tali atu Hana, ua faapea atu ia 15 te ia, Le alii e, e leai; o a'u o le fafine ua tiga le loto, ou te lei inu i se uaina po o se 'ava, a ua ou momoli atu lo'u loto ia Ieova. Aua e 16 te ta'ufaatasia lau auaua ma fafine ulavavale; auā o le tele o lo'u mafaufau ma lo'u tiga ua ou tautala ai ua oo i lenei *itu aso*. Ona tali mai 17 ai lea o Eli, ua faapea mai, Alu ia oe ma le manuia; ia foai mai foi e le Atua o Isaraelu le mea na e faatoga atu ai ia te ia. Ua fai atu ia, 18 Ia alofaina lau auaua fafine e oe. Ona alu ai lava lea o le fafine, ua 'ai o ia ua le toe mata faanoanoa.

Ua latou tutū i le taeao lava, ma 19 latou tapuai i luma o Ieova; ona latou foi atu lea, ua oo i lo latou fale i Rama. Na iloa Elekana ia Hana lana avā, ua manatu foi Ieova ia te ia. Ua oo i ona aso na to ai 20 Hana, ua fanau mai le tama tane; ua ia faaigoa ia te ia, o Samuelu; *ua faapea ia*, Auā na ou faatoga ia Ieova mo ia.

Ua alu ae le tagata lea o Elekana 21 ma lona aiga uma e fai le taulaga ia Ieova, o le taulaga e fai i tausaga, ma le mea na ia tauto ai. A ua le 22 alu ae Hana, auā na ia fai atu i lana tane, Seia te'a le tama ma le susu, ona ou molia ai lea o ia, ia iloa o ia i luma o Ieova, ma ia nofo ai pea lava. Ona fai mai lea o Ele- 23 kana lana tane ia te ia, Ia e faia le mea e te loto i ai; ina nofo ia, seia

I. SAMUELU, 2.

te'a o ia ma le susu ; tau lava ina ia faataunuina e Ieova lana afoga. Ona faamuli ai lea o le fafine, ma faasusu i lana tama seia te'a o ia ma le susu.

- 24 Ua te'a o ia ma le susu, ona la o ae lea ma ia, ua ave foi povi poa taanoa e tolu, ma le efa e tasi o falaoa, ma le fagu pa'u o uaina, ua momoli atu ia te ia i le fale o Ieova
- 25 I Sailo ; ua itiiti lava le tama. Ua latou fasi le tasi povi, ona avatu ai lea o le tama ia Eli. Ua fai atu foi
- 26 Hana ia te ia, Le alii e, ua soifua oe le alii e, o a'u lava le fafine sa ta iinei ma oe ; sa ou faatoga atu ai ia
- 27 Ieova ; o le tama nei na ou tatolo atu ai ; ua foai mai e Ieova ia te au le mea na ou faatoga atu ai ia te ia.
- 28 O a'u foi ua ou tuuina atu o ia ia Ieova ; ua tuuina atu o ia ia Ieova i aso uma e ola ai o ia ; ona ifo ai lea o ia ia Ieova i lea mea.

O le vii a Hana i le Atua. O le agasala a le fanau a Eli.

- 2 UA tatolo foi Hana, ua faapea, Ua olioli lava lo'u loto ia Ieova ; ua faamaualugaina lo'u nifo e Ieova ; ua ou mautali ai i e ita mai, auā ou te fiafia i le olataga mai ia te oe. E leai sē paia e tusa ma Ieova ; auā ua leai se tasi ua na o oe ; e leai foi se papa e tusa ma lo tatou Atua.
- 3 Soia tou te faatele a outou upu faamaualuga naua, e alu ae ai le faaonoono i o outou gutu ; auā o Ieova, o le Atua sisila mai o ia, o ia
- 4 foi le na te fuatia amio. Ua gauia aufana a tagata malolosi ; a o e na tautevateva, ua fusi o latou *sulugā-titi* i le malosi. O e sa maoona, ua fai ma auuana i latou ia maua ai mea e 'ai ; a o e sa fia aai, ua mapu i latou ; o le na pa ua iu ina fanau mai se toaftu ; a o ia ua toatele
- 6 ana fanau, ua vaivai o ia. O Ieova na te fasioti ma faaola ; na te faaco
- 7 ifo i le tuugamau, ma faafoi ae. O Ieova na te faamativaina, ma faatamaoigaina ; o ia na te faamaualo-
- 8 ina, ma faamaualugaina ; na te faatūiaina le tagatālautele nai le elelee, na te faaeaina foi le tagata mativa nai le faatāfunu, ia nofo faatasi ma alii, ia fai foi mo latou tofi le nofoālī mamalu ; auā o loo ia Ieova

faavae o le lalolagi, ua na faaee ai le atu laulau. E leoleo e ia vae o ona tagata paia, a e faalologo tagata agasala i le pouliuli ; auā e le malo le tagata i le malosi. O e ua finau ia Ieova e faamomomoia i latou ; e faapa mai e ia le faititili mai le lagi i o latou luga ; e pule Ieova i tuluga o le lalolagi ; na te foai atu le malosi i lana tupu, e faamāua-lugaina foi e ia le nifo o le na ia faauuina.

Ua alu Elekana i Rama i lona fale, a e nofo le tama e auatua ia Ieova i luma o Eli le faitaulaga. A o atalii o Eli, o tagata ulavavale i laua, ua la le iloa Ieova. O le tu lenei a faitaulaga e fai i le nuu ; a avatu e se tasi le taulaga, pe a tunu tufaaga, ona alu atu ai lea o le auuana a le faitaulaga ma le tui mata tolu i lona lima ; ona tutu'i atu lea i le tanoa, po o le pani, po le ulo, po o se tasi mea e tunu a'i mea, o mea uma na avae i le tui ua ave e le faitaulaga mana ; ua faapea lava ona fai e i laua ia Isaraelu uma na o ae i Sailo. Ua alu le auuana a le faitaulaga, a o lei susu-nuina e i latou le ga'o, ma na fai atu i le tagata e ana le taulaga, Au mai ia se tufaaga e tunu mā le faitaulaga ; auā na te le talia mai ia te oe se tufaaga ua vela, a o se tufaaga mata lava ; i le, a fai mai le tagata ia te ia Seia latou luai susunu le ga'o, ona ave ai lea mā oe le mea e te loto i ai ; ona fai atu lea o ia ia te ia, *E leai*, a ia e au mai nei lava, a leai ou te faoa. O lea sa matuā tele ai le agasala a nei taulelea i luma o Ieova, auā na 'ino'ino ai tagata i taulaga ia Ieova.

A o Samuelu, na auuana o ia i luma o Ieova ; ua ofu le tama i le efota ie lino. Na faia e lona tinā se ofu itiiti mona, na ave ai ia te ia i lea tausaga ma lea tausaga, pe a la o ae ma lana tane e avatu ai le taulaga e fai i tausaga. Ua faamānuia foi Eli ia Elekana ma lana avā, ma ua fai atu, Ia foai mai e Ieova ia te oe fanau i lenei fafine e sui a'i lana na ia tuu mai ia Ieova. Ona la o ai lea i lona nuu. O lea na asiiasi ai Ieova ia Hana, ua to ia, ona fanau mai lea ; o ana tama tane

- e toatolu ma tama teine e toalua. 1
 Ua tupu le tama o Samuelu i luma 2
 o Ieova.
- 22 Sa matuā toeaina Eli, ua faalogo 3
 foi o ia i mea uma na faia e ona 4
 atalii ia Isaraelu uma, ma latou 5
 momoe ma fafine e na faapotopoto 6
 atu i le faitotoa o le fale fetafai o 7
 le faapotopotoga. Ua fai atu ia ia 8
 te i laua, Se a le mea lua te fai ai 9
 nei mea? auā ou te faalogo i le 10
 nuu nei uma lava i a oulua amio 11
 leaga; o'u atalii e, soja, auā e le se 12
 tala lelei ou te faalogo ai ia te 13
 oulua, ina ua oulua faasese i le nuu 14
 o Ieova; afai e agasala se tasi ta- 15
 gata i le tasi tagata e faamasino le 16
 Atua ia te ia; a e afai e agasala se 17
 tagata ia Ieova, o ai ea sē fai ma 18
 puluvaga ia te ia? A ua la le faa- 19
 logo i le upu a lo la tamā, auā ua 20
 finagalo Ieova e fasioti ia te i laua.
- 26 Ua tupu pea lava le tama o Samuelu, 1
 ma ua faapelepeleina e Ieova atoa 2
 foi ma tagata.
- 27 Ua alu atu se tasi tagata o le 3
 Atua ia Eli, ua fai atu ia te ia, Ua 4
 faapea ona fetalai mai o Ieova, Na 5
 ou le matuā faaali ea a'u i le aiga o 6
 lou tamā ina o i ai i latou i Aiku- 7
 pito i le aiga o Farao? Na ou le 8
 filifili ea ia te ia nai itu aiga uma o 9
 Isaraelu ia fai ma faitaulaga ia te 10
 au, ia alu ae i lo'u fata faitaulaga, 11
 ia susunu i mea manogi, ia ofu i le 12
 efota i o'u luma? Na ou le foai ea 13
 i le aiga o lou tamā taulaga uma 14
 lava a le fanauga a Isaraelu e fai i 15
 le afi? Se a le mea e faaleaoga ai 16
 e outou le taulaga e fai ia te au ma 17
 mea e foai mai, na ou poloai e fai i 18
 lo'u fale; ma ua e faasili i ou atalii 19
 ia te au, e faapuputa a'i outou ia te 20
 outou i tufaaga sili i mea foai mai 21
 uma lava a Isaraelu lo'u nuu? O 22
 le mea lea ua fetalai mai ai Ieova 23
 le Atua o Isaraelu, Na ou fai atu 24
 lava i lou aiga ma le aiga o lou 25
 tamā, latou te feoi i o'u luma e 26
 faavavau; a o lenei, ua fetalai mai 27
 Ieova, Ia mamao lea mea ia te au, a 28
 o e faasili ia te au, ou te faasili ia 29
 te i latou; a o e 'ino'ino mai ia te 30
 au, e ta'u faatauvaaina i latou.
- 31 Faauta, o le a oo mai aso ou te 1
 gagau ai lou lima ma lima o le aiga 2
 o lou tamā, ina ia le toe ai se toea- 3
 ina i lou aiga. E te iloa atu se 32
 fili i le malumalu i mea uma e faa- 33
 manuia ai Isaraelu; o lea e leai se 34
 toeaina i lou aiga i aso uma lava. 35
 O le tagata o lou aiga ou te le 36
 vavaeeseina i lo'u fata faitaulaga, e 37
 faatauasoina ai ou mata, ma vaivai 38
 ai lou loto; a o le vao tagata uma 39
 o lou aiga e oti i latou o taulelea. 40
 O lenei foi le faailoga ia te oe e oo 41
 ai i ou atalii e toalua o Hofeni ma 42
 Fineaso, e oti i laua i le aso e tasi. 43
 Ou te faatuina mo a'u se faitaulaga 44
 faamaoni, na te faia e tusa ma lo'u 45
 loto ma la'u manatu, ou te ati ae 46
 foi se fale tumau mona; e savali o 47
 ia i aso uma lava i luma o lē ua au 48
 faauuina. O e ua totoo uma lava i 49
 lou aiga e taitasi ma sau ma faatoga 50
 ia te ia i si tupe ario, po o se potoi 51
 areto, e fai ane foi, Ou te aioi ia te 52
 oe, ia e tofi mai ia te au i sina faiva 53
 o faitaulaga, ina ia ou 'ai ai sina 54
 mea e 'ai.
- Ua faaali mai e Ieova ia Samuelu 1
 lona toasa i le aiga o Eli.*
- SA auaina le tama o Samuelu ia 2
 Ieova i luma o Eli; ua valavala foi 3
 le afioga a Ieova i ia ona aso, ua le 4
 faaalua mai soo. O ia ona aso sa 5
 taoto ai Eli i lona moega; ua afu- 6
 afua ona popogi o ona mata, ua le 7
 mavaai; a o lei tineia le lameda a 8
 le Atua, ua taoto Samuelu i le malu- 9
 malu o Ieova o i ai le atolaau a le 10
 Atua; ona valaau lea o Ieova ia 11
 Samuelu; ua tali atu o ia, O a'u 12
 lenei. Ona momo'e atu ai lea o ia 13
 ia Eli, ma na fai atu ai, O a'u lenei, 14
 auā na e valaau atu ia te au. A ua 15
 fai mai o ia, Ou te lei valaau; foi 16
 ia, ina taoto. Ona alu atu lea o ia, 17
 ua taoto. Ua toe valaau faalua 18
 Ieova, Samuelu e! Ona tulai lea o 19
 Samuelu, ua alu atu ia Eli, ua fai 20
 atu ai, O a'u lenei, auā na e valaau 21
 atu ia te au. Ua fai mai o ia, Ta e, 22
 ou te lei valaau atu; foi ia, ina 23
 taoto. A o Samuelu e lei oo ina 24
 iloa e ia Ieova, e lei faaalua foi ia te 25
 ia le afioga a Ieova. Ua toe valaau 26
 Ieova ia Samuelu, o le foi faatolu 27
 lea; ona tulai lea o ia, ua alu atu ia 28
 Eli, ua fai atu, O a'u lenei, auā na e 29
 valaau atu ia te au. Ona iloa ai 30
 lea e Eli ua valaau Ieova i le tama.

- 9 Ona fai mai lea o Eli ia Samuelu, Alu ia, ina taoto; afai e valaau atu o ia ia te oe, e te fai atu ai, Fetalai mai ia, Ieova e, auā o loo faalogologo atu lau auaua. Ona alu ai lea o Samuelu, ua taoto i lona mōega. Ua afio mai Ieova, ona tu lea ma valaau, pei ona luai fai, Samuelu e, Samuelu e! Ona tali atu lea o Samuelu, Fetalai mai ia, auā o loo faalogologo atu lau auaua. Ona fetalai mai lea o Ieova ia Samuelu, Faauta, o le a a'u faia se mea i Israelu, e taitasi uma o e faalogologo ai ma taalili ai ona taliga uma e lua. O lea aso ou te faataunuu atu ai ia Eli o mea uma na ou fai atu ai i lona aiga; ou te amataina, ma ou faaiuina lava. Ua ou ta'utino atu ia te ia ou te faasala lona aiga e faavavau, ona o le pagota ua ia iloa; auā o ona atalii ua fai mea e fetuuina ai i laua, a ua ia le taofi ia te i laua. O le mea lea ua ou tauto ai i le aiga o Eli, e le faamagaloina le pagota a le aiga o Eli i se taulaga po o se mea foai mai e faavavau lava.
- 15 Ua taoto Samuelu seia oo i le taeao, ona to ai lea o puipui o le fale o Ieova; a ua fefe Samuelu e faailoa atu ia Eli le mea na faaalua mai. Ua valaau Eli ia Samuelu, ua fai mai, Ta e, Samuelu; ua tali atu o ia, O a'u lenei. Ona fai mai lea o ia, O le a le upu na fetalai mai ai ia te oe, auā lava ne'i e nanā ia te au; ia faapea ona faia e le Atua ia te oe, ma ia faaopoopo i ai, pe afai e te nanā ia te au se upu o upu uma na fetalai mai ai ia te oe. Ona faailoa lea e Samuelu o upu uma, ua le natia se mea ia te ia. Ona fai ane lea o ia, O ia o Ieova, ia faia e ia le mea e finagalo i ai o ia.
- 19 Ua tupu Samuelu, sa ia te ia Ieova, ma ua le mafai ia te ia ona iu vale sina ana upu. Ua iloa e Israelu uma, e pau mai i Tanu e pau mai i Peresepa, ua faamaoni Samuelu e fai ma perofeta a Ieova. Ua toe iloa Ieova i Sailo, auā ua faaali Ieova ia Samuelu i Sailo i le afioa a Ieova. Ua oo foi le upu a Samuelu ia Israelu una.

Ole tauda a Israelu ma Filisitia. O le oti o Eli.

UA alu atu Israelu e tau ma Filisitia; ua latou te lavapi i Epenesa, a o Filisitia ua to lauapi i latou i Afeka. Ua tofi le taua e Filisitia, ua faasaga mai ia Israelu; ua tau solo le taua, ona fasia lea o Israelu e Filisitia; ua latou fafasi 'au o le taua i le tafā, pe atoa le fa o afe o tagata. Ua foi atu le nuu i le togālauapi, ona fai ane lea o toeaina o Israelu, O le a le mea ua fasia ai tatou e Ieova i le asō i luma o Filisitia? Ina tatou au mai ia le atolaau o le feagaiga a Ieova mai Sailo ia te i tatou, a oo mai ia te i tatou, ona faaolaina ai lea o i tatou ai lima o le itu tauā. Ua alu le feau a le nuu i Sailo e au mai ai le atolaau o le feagaiga a Ieova o 'au o loo afio i le va o kerupi. Sa i ai foi ma le atolaau o le feagaiga a le Atua o atalii e toalua o Eli, o Hofeni ma Fineaso.

Ua oo atu le atolaau o le feagaiga a Ieova i le togālauapi, ona alalaga ai lea o Israelu uma ma le alaga tele, ua u ai le eleele. Ua lagona e Filisitia le taalili o le alaga, ona fai ane lea, Se a lena alaga tele ua taalili mai i le togālauapi a Eperu? Ona latou iloa lea o le atolaau a Ieova ua au mai i le togālauapi. Ua fefefe foi Filisitia, auā ua faapea i latou, Ua oo ane le Atua i le togālauapi; ua latou fai ane foi, O i talofa ia te i tatou, auā e lei faapea anamua. O i talofa ia te i tatou, o ai se laveai ia te i tatou ai lima o ia atua mamana? O atua ia na latou fasia Aikupito i fasiga uma i le vao. Filisitia e, ina faamalolosi ia, ia outou faatamatane, ne'i fai i tatou ma pologa ia Eperu, faapei ona fai i latou ma pologa ia te outou; ia outou faatamatane, ma ia outou tau ma i latou.

Ua tau Filisitia ma i latou; ua fasia Israelu, ua taitasi ma sola i lona fale ie, sa tele lava le fasi; o Israelu na fasia e tolugafulu o afe o i latou o 'au e savavali. Ua avea foi le atolaau a le Atua; o atalii e toalua o Eli, o Hofeni ma Fineaso, ua oti i laua.

- 12 Ua momo'e mai le tagata Peni-
mina nai le taua, ua oo i Sailo i lea
lava aso; ua saeia ona ofu, ma le
13 eleele ua i luga o lona ulu. Ua alu
ane ia, faauta foi, ua tietie Eli i le
nofoa i le itu ala, o loo faatalitali ai,
auā ua gatete lona loto i le atolaau
a le Atua; ua sau le tagata, ua tafu
mai i le nuu, ona alalaga ai lea o le
14 nuu uma. Ua faalogo Eli i le leo o
le alaga, ona fai ane lea o ia, O le a
lena taalili? Ona faataalaise lea o le
tagata, ua sau ma faailoa mai ai ia
15 Eli. A o Eli ua ivagafulu ma le
valu ona tausaga, ua tōmātūina ona
mata, ua le mavaai. Ua fai mai le
16 tagata ia Eli, O a'u nei na ou sau
mai le taua; na ou sola mai le taua
i le aso nei. Ua fai atu ia, Sole se a
17 ea lau tala? Ua tali mai le na au
mai le tala, ua faapea mai, Ua sosola
Israelu i luma o Filisitia, ma ua
tele le fasi o le nuu; ua malilui foi
ou atalii e toalua, o Hofeni ma
Fineaso; ua avea foi le atolaau a le
18 Atua. Ua oo ina tafua mai e ia o le
atolaau a le Atua, ona paū ai lea o
ia i tua nai luga o le nofoa i tafatafa
o le faitotoa, ua gau lona ua, ua oti
ai, auā o le toaina, ua mamafa foi
ia. Na ia faamasino ia Israelu i
19 tausaga e fagafulu. O le avā a lona
atalii o Fineaso, ua latalata ona
fanau; ua faalogo o ia i le tala, ua
avea le atolaau a le Atua, ua oti foi
le tamā o lana tane atoa ma lana
tane, ona tootuli ai lea o ia ua fanau,
auā ua faafuasei ona faatiga o ia.
20 Ua oo ina a oti ia, ua fai mai fafine
e ua tutu ai ia te ia, Aua le fefe, ua
e fanau mai sau tama tane; a ua le
tali atu o ia, ua le tuu i ai foi i lona
21 loto. Ua ia faaigoa ia le tama, o
Ikapoti, o loo faapea ia, Ua avea le
mamalu nai ia Israelu; ina ua
avea le atolaau a le Atua, ona o le
tamā foi o lana tane, atoa ma lana
22 tane. Ua fai ane ia, Ua avea le
mamalu nai ia Israelu, auā ua
avea le atolaau a le Atua.
- Ua paū Takono, ma ua fasia Filisitia
ona o le atolaau a le Atua.*
- 5 UA fetagofi Filisitia i le atolaau a
le Atua, ma latou ave nai Epenesa
2 i Asetota. Ua fetagofi Filisitia i le
atolaau a le Atua, ma avatu ai i le
fale o Takono, ua tuu i tafatafa o
Takono. Ua ala usu atu i le taeao
tagata o Asetota, faauta ia Takono,
ua paū fao i le eleele i luma o le
atolaau a Ieova; ona latou fetagofi
ai lea ia Takono, ma faatu ia te ia i
le mea e tu ai. Ua latou ala usu atu
foi i le tasi taeao, faauta foi ia
Takono, ua paū fao ia i le eleele i
luma o le atolaau a Ieova; ua motu
ese foi le ulu o Takono ma ona
tapulima e lua i le faitotoa, ua na o
le ogātinu o Takono ua toe ia te ia;
o le mea lea ua le solia ai le fai-
totoa o Takono i Asetota e faitau-
laga a Takono atoa ma e ulu atu i
le fale o Takono, ua oo mai i nei ona
po.
- Sa mamafa le aao o Ieova i tagata
o Asetota, ua ia faatafunaina i latou,
ma fasi ia te i latou i silailalo, o
Asetota ma ona itu. Ua iloa e ta-
gata o Asetota, ua faapea *ona fai*,
ona latou fai ane ai lea, E le tuu-
peaina le atolaau a le Atua o Isa-
raelu ia te i tatou; auā ua mamafa
lona aao ia te i tatou atoa ma Ta-
kono lo tatou atua. Ona latou tūu
sāvali lea, ma faapotopotoina alii
uma o Filisitia ia te i latou, ua latou
fai atu ai, Se a se mea e faia i le
atolaau a le Atua o Israelu? Ona
fai ane ai lea o i latou, Ina faataa-
milo atu ia le atolaau a le Atua o
Israelu i Kata. Ona faataamilo atu
ai lea o le atolaau a le Atua o Isa-
raelu.
- Mulimuli ane ina ua uma ona faa-
taamilo ai, ona oo lea o le aao o
Ieova i le aai; ua matua tele lava
le atuatuvaile, ua ia fasia tagata o le
nuu, o tama iti atoa ma e matutua,
ua faatigaina i latou i le silailalo.
Ona latou avatu lea o le atolaau a
10 le Atua i Ekerona; ua oo le atolaau
a le Atua i Ekerona, ona uio ai lea
o tagata o Ekerona, o loo faapea,
Ua latou faataamilo mai le atolaau
a le Atua o Israelu ia te i tatou e
fasioti ia te i tatou atoa ma lo tatou
nuu. Ona latou tūu sāvali lea, ma
11 faapotopotoina alii uma o Filisitia,
ua latou fai atu ai, Ina avatu ia le
atolaau a le Atua o Israelu ia foi
atu i lona lava nuu, ina ne'i oti ai i
matou atoa ma lo matou nuu; auā
sa i ai le atuatuvaile i le oti i le aai

uma, sa matuā mamafa i ai le aao o le Atua. O tagata na le oti, ua taia 12 i latou i le silailalo; ua alu ae i le lagi le uio o le nuu.

Ua faajoisia le atolaau a le Atua e Filisitia.

6 SA i ai le atolaau a Ieova i le nuu
2 o Filisitia i masina e fitu. Ona aami ai lea e Filisitia o faitaulaga ma taulaitu, ua faapea atu, Se a se mea matou te faia i le atolaau a Ieova? Ina ta'u mai ia, pe faapefea ona matou momoli atu ai i lona nuu?
3 Ona latou fai mai lea, Afai tou te momoli atu le atolaau a le Atua o Isaraelu, aua le molifuaina ia te ia, a ia matuā avatu ia te ia se togiaola, ona faamaloloina ai lea outou, e iloa foi e outou po o le a le mea ua le te'a ese ai lona aao ia te outou.
4 Ua fai atu i latou, O le a le togiaola matou te avatu ai ia te ia? Ona fai mai lea o i latou, O silailalo auro e lima, ma imoa auro e lima, ia tusa ma le faitau o alii Filisitia; auā sa tasi le mala ia te outou uma
5 ma o outou alii. Ia fai foi faatusa o outou silailalo, ma faatusa o outou imoa ua leaga ai lo outou eleele, ma ia avatu le viiga i le Atua o Isaraelu; atonu e faamāmā ai e ia lona aao ai o outou luga, ma luga o outou atua, ma luga o lo outou lauelele.
6 Se a foi le mea tou te faamaaa ai o outou loto, pei o Aikupito ma Farao ona faamaaa o latou loto? Na latou le tuuina atu ea i latou e o, ina ua uma ona faia e ia o mea mamana ia te i latou, ona latou o ai lava lea?
7 O lenei, ina fau ia se fata faataavalevale fou, ma avane i ai ni povi fananau se lua, e lei faaee i ai se amo; ia nonoa povi i le fata faataavalevale, ma ia faafoi mai i le fale a la fanau nai ia te i laua. Ona outou ave ai lea o le atolaau a Ieova, ma faaee atu ai i le fata faataavalevale; atoa ma mea ua fai i auro, o le a outou avatu ia te ia e fai ma togiaola, ia fafao i se ato i lona itu,
9 ma tuuina atu ai e alu. A ia outou vaavaai, pe afai e alu ae i le ala o lona nuu o Petesemesa, o ia lava ua faaoo lenei malaia tele ia te i tatou; a e afai e leai, ona tatou iloa lea e lei pāia tatou i lona aao; o le mea

ua tupu fua mai lava ia te i tatou.

Ua faapea lava ona fai e le nuu, 10 ua avane povi fananau e lua, ua latou nonoa ai i le fata faataavalevale, a e pupuni a la fanau i le fale. Ona latou faaee lea o le atolaau a 11 Ieova i le fata faataavalevale, atoa foi ma le ato, ma imoa auro, ma faatusa o silailalo. Ua o ae povi i 12 le ala e ui ai i Petesemesa, ua savali loa i le ala tele, o loo tagi fano, a e lei afe i le itu taumatau po o le itu tauagavale; ua mulimuli atu ia i laua alii o Filisitia, ua oo i le tuaoi o Petesemesa.

O loo fai e Petesemesa le selese- 13 legāsaito i le vanu; ua tetepa ae i latou, ona iloa ai lea o le atolaau, ua latou fiasia ina ua iloa. Ua oo le 14 fata faataavalevale i le fanua o Iosua le Petesemesa, ua tu ai. Sa i ai le maa tele; ua latou taisi laau o le fata faataavalevale, ma sauni le taulaga mu ia Ieova i povi. Ona ave 15 ifo lea e sa Levī le atolaau a Ieova ma le ato sa i ai, ua i ai mea na fai i auro, ua latou faaee ai i luga o le maa tele. Ua sauni e tagata o Petesemesa i lea aso o taulaga mu, ma latou osi taulaga ia Ieova. Ua 16 iloa e alii Filisitia e toalima, ona foi ai lea o i latou i Ekerona i lea lava aso. O silailalo auro nei na avatu 17 e Filisitia e fai ma togiaola ia Ieova, mo Asetota le tasi, mo Kasa le tasi, mo Asekelona le tasi, mo Kata le tasi, mo Ekerona le tasi; o imoa 18 auro foi e tusa ma le faitau o aai uma o Filisitia, o aai o alii e toalima, o aai i loto 'olo, atoa lava ma faoa aai, e oo i le maa tele sa faaee i ai le atolaau a Ieova; ua oo i lenei aso o loo i ai lea maa i le fanua o Iosua le Petesemesa.

Ua ia fasia tagata o Petesemesa, 19 auā na latou maimoa i totonu o le atolaau a Ieova; na ia fasia i lea nuu o le toafitugafulu o tagata, o tagata o limagafulu o afe. Ua faanoanoa le nuu ona ua fāsia le nuu e Ieova i le fasi tele. Ua fai ane 20 tagata o Petesemesa, O ai se na te mafaia ona tu i luma o lenei Atua paia, o Ieova? E avae ea ia te ai le atolaau ai ia te i tatou? Ua 21 latou auina atu le sāvali i e ua

nonofo i Kiriata-iarima, ua faapea atu, Ua faafoi mai e Filisitia le atolaau a Ieova, ina maliu mai ia e avatu ai ia te outou.

Ua salamo Isaraelu. Ua tulia Filisitia.

- 7 UA o mai tagata Kiriata-iarima ua lotou avae le atolaau a Ieova, ma ua avatu ai i le fale o Apinatapa i le mauga ; ua latou faapaiaina Eleasaro lona atalii e leoleo i le atolaau a Ieova. O aso sa tuu ai le atolaau i Kiriata-iarima ua tele aso, ua lua sefulu o tausaga ; ua faanoanoa foi le aiga uma o Isaraelu ia Ieova.
- 3 Ua fai atu Samuelu i le aiga uma o Isaraelu, ua faapea atu, Afai tou te foi atu ia Ieova ma o outou loto atoa, ina tuu ese ia o atua ese ia te outou atoa ma Asaira, ma sauniuni atu o outou loto ia Ieova, na o ia tou te auauna i ai ; ona laveai lea o ia ia te outou ai lima o Filisitia.
- 4 Ona tuu ese ai lea e le fanauga a Isaraelu o Paala ma Asaira, ua na o
- 5 Ieova ua latou auauna i ai. Ua fai atu foi Samuelu, Ia faapotopoto mai Isaraelu uma i Mesepa, ou te fautua ia Ieova mo outou. Ona latou faapotopoto atu ai lea i Mesepa ; ua latou utu vai, ma sasaa ai i luma o Ieova, ma ua latou anapogi i lea aso, ona latou fai ane ai lea, Ua matou agasala ia Ieova. Ua faamasino Samuelu i le fanauga a Isaraelu i Mesepa.
- 7 Ua faalogo Filisitia, ua faapotopoto le fanauga a Isaraelu i Mesepa, ona o ae lea o alii o Filisitia e tau ma Isaraelu ; ua faalogo ai le fanauga a Isaraelu, ona latou matatua ai lea ia Filisitia. Ua fai mai le fanauga a Isaraelu ia Samuelu, Aua le mapu i le valaau atu ia Ieova lo tatou Atua mo i matou, ia na faaola mai ia te i matou ai lima o
- 9 Filisitia. Ua avatu e Samuelu se tamai mamoe o susu, ua na fai a'i le taulaga mu atoa ia Ieova ; ua valaau foi Samuelu ia Ieova mo Isaraelu, ona faafofoga mai lea o
- 10 Ieova ia te ia. O loo fai e Samuelu le taulaga mu, a ua faalatalata mai Filisitia e tau ma Isaraelu ; ona faapa mai lea e Ieova le faititili ma le taalili tele i lea aso i luga o

Filisitia, ua ia faataapeapeina i latou, ua fasia foi i latou, i luma o Isaraelu. Ua o atu tagata o Isaraelu nai Mesepa, ua tuliloa ia Filisitia, ma fasi ia te i latou, ua oo i lalo ifo o Peteka. Ona ave lea e Samuelu le tasi maa, ua na tuu ai i le va o Mesepa ma Sena, ua ia faaigoa ai o Epenesa, ua faapea ane ia, Ua fesoasoani mai Ieova ia i tatou, ua oo mai i le aso nei. Ona toilalo lea o Filisitia, e lei toe o ae i le laueleele o Isaraelu ; sa i luga o Filisitia le aao o Ieova i aso uma o Samuelu. Ua toe tuu mai ia Isaraelu aai na faoa e Filisitia sa ia Isaraelu, e pau mai Ekerona, e pau mai i Kata ; a o latou laueleele ua faoa ia e Isaraelu ai lima o Filisitia. Sa nofo lelei Isaraelu ma sa Amori.

Ua faamasino Samuelu ia Isaraelu i aso uma na ola ai o ia. Ua alu atu ia i lea tausaga ma lea tausaga, ua faataamilo i Peteli, ma Kilikala, ma Mesepa ; ua ia faamasino ia Isaraelu i ia nuu uma. Ona foi ai lea o ia i Rama, auā sa i ai lona fale ; ua faamasino ai foi ia Isaraelu i lea mea, ma ua fai ai se fata faitaulaga ia Ieova.

O le manao o Isaraelu i se tupu.

UA oo ina toeaina o Samuelu, ona tofia ai lea e ia o ona atalii o fai ma faamasino ia Isaraelu. O le igoa o lona atalii ulumatua o Ioelu, a o le igoa o le aupito ane i ai o Avia ; ua fai i laua ma faamasino i Peresepa. A ua le savavali ona atalii i lona ala, ua la o ese ai i le fia fai oloa, ua tali foi i mea alofa ma faapiopio i le faamasinoga. Ona faapotopoto ai lea o toeaina uma lava o Isaraelu, ua latou o atu ia Samuelu i Rama. Ua latou fai mai foi ia te ia, Faauta, ua e toeaina oe, o ou atalii foi ia te le savavali i lou ala ; o lenei, ia e tofia se tupu mo i matou e faamasino ia te i matou, pei o nuu uma. A ua leaga ia Samuelu le upu sa latou fai mai, Au mai se tupu ia te i matou e faamasino ia i matou ; ona tatalo ai lea o Samuelu ia Ieova. Ua fetalai mai Ieova ia Samuelu, Usiusitai ia i le upu a le nuu i mea uma latou te fai mai ai ia te oe ; auā e le o ce

I. SAMUELU, 9.

ua latou lafoaiina, a ua latou lafoai-
 ina o a'u, ia le fai a'u ma tupu ia te
 8 i latou; pei o mea uma ua latou
 faia talu le aso ua ou aveina ae ai i
 latou nai Aikupito, e oo i le aso nei,
 ua latou tuulafoai mai ia te au, a e
 9 auauna i atua ese, e faapea foi ona
 latou faia nei ia te oe. O lenei,
 usiusitai ia i a latou upu; tau lava
 ina e matuā ta'utino ia te i latou,
 ma faasino atu ia te i latou le amio-
 10 ga a le tupu e pule ia i latou. Ona
 ta'u atu lea e Samuelu o upu uma
 a Ieova i le nuu na faatoga mai ia
 11 te ia i se tupu; ua fai atu, O lenei
 le amioaga a le tupu o le a pule ia te
 outou; o outou atalii e avea i latou
 e ia e fai mona i ona kariota, *e fai*
 foi mana 'au e tietie i solofanua;
 latou te taufetuli foi i luma o ona
 12 kariota. E tofi foi e ia ia te i latou
 e pule i 'au e taitoaafe ma pule i
 'au e taitoalimagafulu; ma ia suatia
 lona fanua, ma selesele i lana sele-
 selegāsaito; latou te gaosi foi ana
 auupega o le taua, ma mea e teu ai
 13 ona kariota. O outou afafine foi, e
 ave ai latou e ia e fai mea manogi,
 14 e fai umu, ma fai areto. O outou
 fanua foi, ma outou tovine, ma outou
 toolive e sili ona lelei, e ave e
 15 ia, ma foai atu i ana auauna. O a
 outou fua ma outou tovine, e ave
 mea e sefulu a'i, ma foai atu i ana
 16 auauna sili ma ana auauna. O a
 outou auauna tane, ma a outou au-
 auna fafine, ma o outou taulelea
 aulelei, atoa foi ma outou asini, e
 17 ave e ia e fai a'i lana galuega. E
 ave mea e sefulu a'i a outou mamce;
 o outou foi, e fai outou ma ana au-
 18 auna. E alalaga outou i lea aso ona
 o lo outou tupu na outou filifilia mo
 outou, a e le faafofoga mai Ieova ia
 te outou i lea aso.
 19 A e le mafafai le nuu ona faalogo
 i le upu a Samuelu, ua latou fai mai,
 E leai lava, a e fai lava so matou
 20 tupu; ia pei o nuu uma i matou, ia
 faamasino mai lo matou tupu ia te
 i matou; ia alu atu foi o ia i o
 matou luma, ma ia tau i o matou
 21 taua. Ua faalogo Samuelu i upu
 uma a le nuu, ona ta'u atu ia lea e
 22 ia i fofoga o Ieova. Ona fetalai
 mai ai lea o Ieova ia Samuelu, Usi-
 usitai ia i a latou upu, ma ia e tofia

se tupu mo i latou. Ua fai atu
 Samuelu i tagata o Isaraelu, ia tai-
 tasi ma alu i lona nuu.

*Ua saili e Saulo asini a lona tamā;
 ua oo atu ai ia Samuelu.*

O LE tasi tagata Peniamina, o 9
 lona igoa o Kiso le atalii o Avielu, o
 le atalii o Seroro, o le atalii ia o Pe-
 kuro, o le atalii ia o Afia, o le atalii
 o le tasi tagata o Iemina; o le ta-
 gata mauoa tele. Sa ia te ia le 2
 atalii e igoa ia Saulo, o le taulealea
 aulelei, e leai se tagata o le fanauga
 a Isaraelu e sili ona aulelei ia te ia;
 e gata ifo i ona tau'au le maua luga
 o le nuu uma. Ua le iloa asini a 3
 Kiso le tamā o Saulo; ona fai mai
 lea o Kiso i lona atalii o Saulo, Ina
 o ia oulua ma se tasi taulealea, tulai
 ia, ma alu e saili asini. Ona ui atu 4
 lea o i laua i le mauga o Efaraima,
 ua ui atu foi i le nuu o Salisa, a e
 lei maua; ona la ui atu lea i le nuu
 o Saali, ua leai lava; ua ui atu i le
 nuu o Iemina, ua la le maua lava.
 Ua oo i laua i le nuu o Sufi, ona fai 5
 atu lea o Saulo i lana auauna na la
 o ma ia, Sau ia, ina ta foi atu, ina
 ne'i tuu e lo'u tamā lona manatu
 i asini, a e atuatuva le ona o i taua.
 A ua fai mai o ia ia te ia, Faauta 6
 mai ea, o loo i le aai nei le tagata o
 le Atua, o le tagata e ta'uleleia, e
 matuā taunuu lava ana upu uma;
 ina ta o ia i ai, atonu na te ta'u mai
 ia te i taua so ta ala ta te ui atu ai.
 Ua fai atu Saulo i lana auauna, 7
 Faauta, a ta o i ai, se a sa ta mea e
 avatu i le alii? auā ua uma areto
 nai la ta ato; e leai se mea alofa e
 avatu ai i le tagata o le Atua; se a
 ea se mea ua ia te i taua? Ua toe 8
 tali mai le auauna ia Saulo, ua faa-
 pea mai, Faauta, ua i lo'u lima lona
 vaefa o le sekeli ario ou te avatu ai
 i le tagata o le Atua, ina ia ta'u mai
 ai ia te i taua lo ta ala. Sa faapea 9
 i Isaraelu anamua le upu a le tagata
 e alu e fesili i le Atua, O mai ia, ina
 tatou o i le tagata vaai, auā o le
 perofeta i nei ona po, sa ta'ua o ia
 anamua o le tagata vaai. Ua fai 10
 atu Saulo i lana auauna, Ua lelei
 lau upu; sau ia, ina ta o. Ona la o
 lea i le aai o i ai le tagata o le Atua.
 Ua o ae i laua i le aega o le aai, 11

- ona latou fetaiai lea ma teine, o loo
o i latou e utu vai; ua la fai atu ia
te i latou, O i ai ea le tagata vaai i
12 le mea nei? Ona latou tali mai lea
ia te i laua, ua faapea mai, O loo i
ai lava, faauta, o loo i ou luma; o
lenei, ia vave ia, auā na sau o ia i le
aso nei i le aai, auā o le taulaga a le
nuu e fai i le asō i le mea maualuga.
- 13 A oulua oo i le aai, ona oulua maua
loa lea o ia, a o lei alu ae i le mea
maualuga e 'ai ai; auā e le aai le
nuu seia alu atu o ia, auā o ia na te
fai le faafetai i le taulaga, a uma
lea, ona aai lea o e ua togia; o ae
ia, auā lua te maua atu ia te ia i le
14 asō. Ona o ae lea o i laua i le aai;
o loo o atu i totonu o le aai, faauta
foi, o loo sau Samuelu ua fetaiai o
ia ma i laua i lona alu ae i le mea
maualuga.
- 15 Na ta'u atu e Ieova i taliga o
Samuelu i le aso na tuaoi ma le na
16 alu atu ai Saulo, ua faapea, E faa-
penci le itu aso taeao ou te auina
atu ai ia te oe le tagata mai le nuu
o Peniamira, e te faauu ia te ia e
fai mai alii o lo'u nuu o Isaraelu;
na te faaola foi i lo'u nuu nai lima o
Filisitia; auā ua ou vaai atu i lo'u
nuu, ina ua oo mai ia te au lo latou
17 alalaga. Ua iloa mai Saulo e Samu-
elu, ona ta'u atu lea e Ieova ia te ia,
Faauta, o le tagata lena na ou fai
atu ai ia te oe, e pule o ia i lo'u nuu.
- 18 Ua soso atu Saulo ia Samuelu i
totonu o le faitotoa, ua fai atu ai,
Se'i e faasino mai ia te au, po o fea
19 le fale o le tagata vaai. Ua tali mai
Samuelu ia Saulo, ua faapea mai, O
a'u nei le tagata vaai; muamua ae
ia i o'u luma i le mea maualaga,
tatou te aai ma oulua i le aso nei; a
taeao, ou te tuuina atu ai ia te oe e
te alu, ma ou ta'u atu ia te oe mea
20 uma ua i lou loto; a o au asini na le
iloa, o le po tolu lenei, aua e te ma-
natu i ai, auā ua maua; o loo ua ia
te ai ea le manao uma o Isaraelu?
e le ua ia te oe ea ma le aiga uma o
21 lou tama? Ona tali atu ai lea o
Saulo, ua faapea, E le o a'u ea le sa
Peniaminā, o le itu aiga aupito itiiti
i Isaraelu, o lo'u aiga foi ua topito
ona faatauvaa i aiga uma o le itu
aiga o Peniamina? O le a le mea e te
fetala'i mai ai upu faapena ia te au?
- Ua ave o Samuelu ia Saulo ma 22
lana auauna, ua latou o ma ia i le
mea e aai ai, ua ia tuu atu ia te i
laua le mea e sili e *nonofo ai* e na
togia, o i latou ia pe atoa le toatolu-
gafulu o tagata. Ona fai atu lea o 23
Samuelu i le fai umu, Au mai ia le
tufaaga na ou tuu atu ia te oe, na
ou fai atu ai foi, ia teu ai lava e oe.
Ona avae lea e le fai umu le alagā- 24
lima ma mea ua i ai, ua laulau atu
ai i luma o Saulo. Ua fai mai
Samuelu, Faauta i le mea ua toe, ina
tuu ia i ou luma, *ma* e taumafa ai;
auā ua teua ma oe talu ina ou fai
atu, ua ou togia le nuu. Ua la aai
faatasi o Saulo ma Samuelu i lea
aso.
- Ua latou o ifo i le aai ai le mea 25
maualuga; ona la tautala lea o ia
ma Saulo i luga o le fale. Ua latou 26
ala i le vave ao, ona oo lea i le ma-
lama ae o le taeao, ua valaau Samu-
elu ia Saulo e *alu* i luga o le fale,
ua faapea mai, Tulai ia, ou te tuu
atu ia te oe e alu. Ua tulai Saulo,
ona la o lea i fafo, o ia ma Samuelu.
Ua la o ifo i le pito aai, ona fai mai 27
lea o Samuelu ia Saulo, Fai atu i le
auna ia muamua atu ia i o ta
luma, (ona alu ai lea o ia). A o oe,
se'i e tu mai nei, seia ou logologo
atu ia te oe le afioga a le Atua.
- Ua faauuina Saulo e Samuelu. Ua*
filifilia o ia e fai ma tupu.
- ONA tago lea o Samuelu i le fagu 10
uu, ua liligi ifo ai i lona ulu, ma
sogi ia te ia; ua fai mai, E le ua
faauu ea oe e Ieova e fai ma alii i
lona tofi? A ē alu ese nei ia te au, 2
e te maua atu tagata e toalua i le
tuugamau o Rasela i le tuaoi o Penia-
mina i Selesa; e fai mai i laua ia
te oe, Ua maua asini na e alu e
saili: faauta foi, ua tuu e lou tamā
lona manatu i asini, a e atuatuva'e
ona o oulua, o loo faapea *ia*, Se a
se mea ou te faia ona o-lo'u atalii?
Ona e alu atu lea nai lea mea, e te 3
oo atu i le aluna o Tapura, tou te
fetaiai ai ma tagata e toatolu o loo
o ae i latou i le Atua i Peteli; o loo
ave e le tasi tamai 'oti e tolu, o loo
ave e le tasi potoi areto e tolu gafua,
o loo ave e le tasi le fagu pa'u o
uaina. E ofo mai i latou ia te oe, 4

I. SAMUELU, 11.

latou te foai mai foi ia te oe o potoi areto e lua, e te talia foi nai o latou
5 lima. Mulimuli ane e te oo i le mauga o le Atua, o loo i ai le leo- leoga a Filisitia; a ē oo i ai i le aai, ona fetaiai lea ma oe le au perofeta o loo o ifo i le mea maualuga, o loo muamua i o latou luma napeli, ma topa, ma fagufagu, ma kitara, e
6 perofeta ane foi i latou. Ona osofia lea o oe e le Agaga o Ieova, e te perofeta foi oe faatasi ma i latou; e liua oe peiseai se isi tagata. A oo mai nei faailoga ia te oe, faitalia oe ona fai o se mea e te manatu ai ua
8 tatau, auā o loo ia te oe le Atua. E te muamua ifo ia te au i Kilikala; faauta foi, ou te alu ifo ia te oe e fai ai taulaga mu, ma sauni taulaga faafetai. E fitu aso e te faatali ai i lo'u alu atu ia te oe, ma ou faailoa atu ia te oe le mea e te faia.
9 Ua oo ina ua liliu atu lona tua e alu ese ia Samuelu, ona liliu lea o lona loto e le Atua; ua taunuu foi nei faailoga uma i lea lava aso. Ua
10 oo atu i laua i le mauga, faauta i le ua perofeta ua fetaiai ma ia, ona osofia lea o ia e le Agaga o le Atua, ona perofeta ane lea o ia faatasi ma
11 i latou. O i latou uma na iloa o ia anamua ua latou vaai, faauta, ua perofeta mai o ia faatasi ma le au perofeta; ona faapea lea o le nuu o le tasi i le tasi, O le a lenei mea ua
12 oo i le atalii o Kiso? Ua i ai ea foi Saulo faatasi ma le au perofeta? Ona tali mai lea o le isi tagata o
13 lea nuu, ua faapea, A o ai ea lo latou tamā? O le mea lea sa fai ai le faatusa, O loo i ai ea foi Saulo
14 ma le au perofeta? Ua uma ona perofeta ane o ia, ona alu ae ai lea o ia i le mea maualuga.
15 Ua fai mai le uso o le tamā o Saulo ia te ia ma lana auaua, Na oulua o ifea? Ua fai atu, Na ma saili asini, ua ma iloa ua leai, ona
16 ma o lea ia Samuelu. Ona fai mai lea o le uso o le tamā o Saulo, Se'i ta'u mai ia ia te au, po o le a na fai
17 mai ai Samuelu ia te oulua? Ona fai atu lea o Saulo i le uso o lona tamā, Na ia ta'utino mai ia te i maua, ua maua asini; a o le upu i le malo na fai mai ai Samuelu, e lei ta'u i ai ia te ia.

Ua faapotopotoina le nuu uma e 17 Samuelu i luma o Ieova i Msepa. Ona fai atu lea o ia i le fanauga a 18 Isaraelu, O loo faapea mai Ieova le Atua o Isaraelu, O a'u na ou aveina ae ia Isaraelu nai Aikupito, ma ou laveaiina outou nai lima o Aikupito, ma lima o malo uma na faasaua ia te outou. A o outou, ua outou 19 lafoai atu i lenei aso i lo outou Atua sa na faaola ia te outou i mea uma na outou leaga ai ma o outou puapuaga uma; ua outou fai mai foi ia te ia, Ia tofia lava se tupu mo i matou. O lenei, ina laula'i tutū mai ia i luma o Ieova o outou itu aiga ma o outou aiga. Ona faalata- 20 lataina mai lea e Samuelu o itu aiga uma o Isaraelu; ona maua lea o le itu aiga o Peniamina. Ua faa- 21 latalataina mai e ia le itu aiga o Peniamina, e āua'i mai ai aiga, ona maua lea o le aiga o Matere; ona maua lea o Saulo le atalii o Kiso; ua latou saili ia te ia, a e lei iloa. Ona toe fesili atu lea o i latou ia 22 Ieova, E iu ea ina sau le tagata iinei? Ua fetalai mai Ieova, Faauta, o loo lafi o ia i le vao oa. Ona la- 23 tou femoei atu lea, ua aami ia te ia nai lea mea; ua tu atu o ia i luma o le nuu, e gata ifo i ona tau'au le maualuga o le nuu uma. Ona fai atu lea o Samuelu i le nuu uma, Vaavaai ia ia te ia ua filifilia e Ieova, ua leai se tasi o le nuu uma e tusa ma ia. Ona alalaga ai lea o le nuu uma, ua faapea, Ia soifua le tupu! Ona ta'u atu lea e Samuelu 25 i le nuu o le uiga o le malo, ma na tusia i le tusi, ma na teua i luma o Ieova. Ona auina atu lea e Samuelu o le nuu uma ia taitasi ma alu i lona aiga. Ua alu atu foi Saulo i 26 lona aiga i Kipea; ua o foi ma ia le 'au e ua faamanatuina o latou loto e le Atua. A ua fai ane tagata ula- 27 vavale, Pe faapefea ona faaola mai ia te i tatou e lena tagata? Ua latou 'ino'ino ia te ia; ua le au mai foi se alofa ia te ia; a ua faalologo o ia.

Ua laveaiina Iapese e Saulo.

UA alu ae Naasa le sa Amoni, ua 11 to lauapi i Iapese-Kiliatē Ona fai mai lea o tagata uma o Iapese ia

- Naasu, Ina fai ai sa tatou mavaega, 2
ona matou auaua lea ia te oe. Ua
fai atu Naasa le sa Amonī ia te i
latou, O le mea lenei e fai ai sa
tatou mavaega; ou te sali i o outou
mata taumatau uma, ou te faaluma- 3
ina ai Isaraelu uma. Ona fai mai
lea o toeaia o Iapese ia te ia, Tuu
mai ia ia te i matou ni aso se fitu,
se'i matou tuu atu ni sāvali i nuu
uma o Isaraelu; afai e leai sē faaola
mai ia te i matou, ona matou o atu
ai lea ia te oe.
- 4 Ua oo atu le sāvali i Kipea *le aai*
o Saulo, ua ta'u atu nei upu i le
nuu, ona fetagisi ai lea o le nuu
uma, ua leo tetele. Faauga foi, ua
sau Saulo nai le vao, o loo muli-
muli ia i povi; ua fai ane Saulo, Se
a le mea ua oo i le nuu ua latou
fetagisi ai? Ona tala mai lea ia te
ia o le tala a tagata Iapese. Ona
osofia lea o Saulo e le Agaga o le
Atua, ina ua faalogo o ia i lenei
tala; ona tupu tele ai lea o lona
7 ita. Ua ia ave povi e lua ma vae-
vaea, ua avatu ai i nuu uma o Is-
raelu i lima o sāvali, o loo faapea,
O sē le mulimuli mai ia Saulo ma
Samuelu, e faapea ona faia i ana
povi. Ua oo i le nuu le fefe ia
Ieova; ona latou o atu ai lea pei se
8 tagata e toatasi. Ua ia faitaulia i
latou i Peseka, ua tolu selau o afe o
le fanauga a Isaraelu ia, a e tolu
9 sefulu o afe o tagata o Iuta ia. Ua
latou fai atu i le sāvali na sau, Ia
faapea ona outou fai atu i tagata o
Iapese-Kiliata, O a taeao pe a vela
le la, e ia te outou le faaolataga.
Ua alu le sāvali, ma ta'u atu ai i
tagata o Iapese, ona latou fiasia ai
10 lea. Ua fai atu tagata Iapese O a
taeao matou te o atu ai ia te outou,
tou te faia ia te i matou mea uma
11 tou te loto i ai. Ua oo i le taeao,
ona tofia lea o le nuu e Saulo i 'au
e tolu; ona o ane lea i totonu o le
va o 'au i le leoleoga o le taeao, ua
fasi foi ia Amoni, ua oo i le itu aso
e vela ai *le la*; o e na sao ua
faataapeapeina i latou, ua le toe
faatasi se tolu o i latou.
- 12 Ona fai mai lea o le nuu ia Samu-
elu, O ai ea na fai ane, Pe fai Saulo
ma tupu ia te i tatou? tuu mai ia o
ia tagata, matou te fasioti ia te i

latou. Ua fai atu Saulo, E le fasia 13
se tagata i lenei aso; auā o le asō
ua faia ai e Ieova le faaolataga mo
Isaraelu. Ona fai atu lea o Samu- 14
elu i le nuu, O mai ia, ina tatou o i
Kilikala, tatou te toe fuataiina ai le
malo. Ona o lea o le nuu uma i 15
Kilikala, ua tofia ai Saulo e fai ma
tupu i luma o Ieova i Kilikala; ua
latou fai ai taulaga faafetai i luma
o Ieova. Ua fiasia tele Saulo atoa
ma tagata uma o Isaraelu i lea mea.

*Ua aoiina le nuu o Isaraelu e
Samuelu.*

UA fai atu Samuelu ia Isaraelu 12
uma, Faauga, ua ou faalogo i a ou-
tou upu i mea uma na outou fai
mai ai ia te au, ua ou tofia le tupu
e pule ia te outou. O lenei, faauga, 2
ua savali le tupu i o outou luma; a
o a'u nei, ua toeaia a'u ma ulu-
sinā; faauga foi, o loo ia te outou
o'u atalii; o a'u foi, ua ou fealuai i
o outou luma talu ina ou itiiti, ua
oo mai i le aso nei. Faauga o a'u, 3
ia outou molia a'u i luma o Ieova,
ma luma o le ua faauuina e ia; se
povi a ai ua ou avea? po o se a'ini
a ai ua ou avea? po o ai ua ou faa-
sava i ai? po o ai ua ou faatigaina?
ua ou talia se tau mai ia te ai ina
ia ou ufiufi ai o'u mata ia te ia? ou
te toe avatu ai ia te outou. Ona 4
tali mai ai lea o i latou, Ua e le
faasava mai ia te i matou, ua e le
faatiga mai ia te i matou, ua e le
talia lava se mea a se tasi. Ona fai 5
atu lea o ia ia te i latou, Ua silafia
e Ieova i lenei aso a outou upu, ua
silafia foi le ua faauuina e ia, ua
outou le maua se mea ia te au; ua
fai mai i latou, Ua silafia. Ona fai 6
atu lea o Samuelu i le nuu, O Ieova
o ia sa na faatuina Mose ma Arona,
o ia foi na aveina ae o outou tamā
ai le nuu o Aikupito. O lenei, ina 7
tutū mai ia outou, ou te faamasino
ia te outou i luma o Ieova i mea
tonu uma a Ieova na ia faia ia te
outou ma o outou tamā. Na alu 8
atu Iakopo i Aikupito, ona alalaga
ai lea o outou tamā ia Ieova; ona
aauina atu ai lea e Ieova o Mose ma
Arona, ua la au mai i o outou tamā
nai Aikupito, ua faanonofa ia te i
latou i le mea nei. Ua galo ia te i 9

I. SAMUELU, 13.

latou Ieova lo latou Atua, ona tuu-
ina atu ai lea e ia ia te i latou i le
lima o Sesera o le na pule i 'au a
Hasora, ma lima o Filisitia, ma le
lima o le tupu o Moapi, ua latou
10 tau ma i latou. Ona latou alalaga
lea ia Ieova, ua faapea atu ai Ua
matou agasala, auā ua matou lafoai
ia Ieova, a e matou auauna ia Paala
ma Asaira; a o lenei, ia e laveai
mai ia te i matou ai lima o e ita
mai, ona matou auauna lea ia te oe.
11 Ona aauina mai lea e Ieova ia Ieru-
paala, ma Petana, ma Iefata, ma
Samuelu, sa laveai mai ai ia te
outou ai lima o e na ita mai ia te
outou i itu uma; sa outou nonofo
12 filemu ai. Ona outou vaai atu lea
ua sau Naasa le tupu o le fanauga
a Amoni e tau ma outou, ona outou
fai mai lea ia te au, E leai, a ia
tofia se tupu e pule ia te i matou;
a o Ieova lo outou Atua, o lo outou
13 tupu lava lea. O lenei, faauta mai
ia i le tupu ua outou filifilia, sa
outou faatoga mai ai; faauta foi,
ua foai mai e Ieova le tupu e pule
14 ia te outou. Afai tou te matatau ia
Ieova, ma auauna ia te ia, ma faa-
logo i lona siufofoga, a e le fouvale
outou i le afiga a Ieova; ona muli-
muli ai lea ia Ieova lo outou Atua,
15 outou, atoa ma lo outou tupu o loo
pule ia te outou. A e afai tou te le
faalogo i le siufofoga o Ieova, a e
fouvale outou i le afiga a Ieova, e
oo atu le aao o Ieova ia te outou, e
16 pei *ona co* i o outou tamā. O lenei,
ina tutū mai ia, ma ia outou vaai i
lenei mea tele o le a faia nei e Ieova
17 i o outou luma. E le o ona po nei
ea e fai ai le seleselegāsaito? Ou
te valaau ia Ieova, ona tuu mai ai
lea e ia o faititili ma uaga, tou te
iloa ai, ma outou lagona ai, ua tele
le leaga ua outou faia i luma o
Ieova, ina ua outou ole atu ai i se
tupu mo outou.
18 Ona valaau ai lea o Samuelu ia
Ieova, ona tuuina mai ai lea e Ieova
o faititili ma uaga i lea lava aso, ua
fefefe tele ai le nuu uma ia Ieova
19 ma Samuelu. Ua fai mai le nuu
uma ia Samuelu, Ia e fautua ia
Ieova lou Atua mo au auauna, ina
ia le oti i matou; auā ua matou
faapoopoina i a matou agasala uma

lenei mea leaga, ina ua matou faa-
toga atu ai i se tupu mo i matou.
Ona fai atu lea o Samuelu i le nuu, 20
Aua tou te fefefe, *e ui lava* ina ua
outou faia nei mea leaga uma, tau
lava ina le tuua e outou ona muli-
muli atu ia Ieova; a ia outou auau-
na ia Ieova ma o outou loto atoa.
Aua foi tou te o ese *ia te ia*; auā a 21
outou o ese ona mulimuli ai lea outou
i mea faatauvaā ua le aoga, e le
malaveai foi ia te outou, auā e faa-
tauvaā i latou. Auā e le lafoai e 22
Ieova i lona nuu ona o lona suafa
mamalu, auā ua finagalo Ieova e fai
outou mona nuu. O a'u foi, ia ma- 23
mao ia te au ona ou agasala ia
Ieova i lo'u tuua o le fautua mo
outou; ou te faasino foi ia te outou
le ala lelei ma le tonu. Tau lava ina 24
matatau outou ia Ieova, ma auauna
ia te ia ma le faamaoni ma o outou
loto atoa; auā ia outou manatunatu
i mea tetele ua na faia mo outou.
A e afai tou te fai amio leaga pea, e 25
fano outou atoa ma lo outou tupu.

*O le taua a Filisitia ua sii mai ia
Isaraelu.*

E TASI le tausaga o le nofoaiga 13
a Saulo, a o le tausaga e lua na fai
ai o ia ma tupu ia Isaraelu, ona fili- 2
filia lea e Saulo *tagata* o Isaraelu e
tolu afe; sa ia Saulo afe e lua i
Mekemase ma le mauga o Peteli; sa
ia Ionatana le afe e tasi i Kipea o
Peniamina; a o le nuu ua totoe ua
ia aauina atu i latou ia taitasi *ma* 3
alu i lona fale ie. Ua fasia e Iona-
tana le leoleoga a Filisitia sa i Ki-
pea; ua faalogo i ai Filisitia. Ona
ili ai lea o le pu e Saulo i le nuu
uma, ua faapea ane o ia, Ia faalogo
ai sa Eperū. Ua faalogo ai Isaraelu 4
uma, ua faapea, Ua fasia e Saulo le
leoleoga a Filisitia; ua inosia ai foi
Isaraelu e Filisitia. Ona faapotc-
poto ai lea o le nuu ia Saulo i Kili-
kala.

Ua faapotopoto Filisitia e tau ma 5
Isaraelu, e tolu sefulu afe o kariota,
e ono afe o e tietie i solofanua, ma
tagata pei o le oneone i le matafaga
ona toatele; ua latou o ae, ma to
lauapi i Mekemase i gagae o Peta-
vene. Ua iloa e tagata o Isaraelu 6
ua pagatia i latou, (auā ua atuatu-

- vale le nuu,) ona lalafi ai lea o le nuu i ana, ma le vao talatala, ma gaoā, ma 'olo maua luga, ma lua.
- 7 Ua sopoia atu foi Ioritana e Eperu, ua oo i le nuu o Kato ma Kiliata; a e nofo pea Saulo o loo mulimuli ia te ia le nuu uma ma le tetemu. Ua faatali o ia i aso e fitu, o aso ia na atofa atu ai e Samuelu; a e lei alu atu Samuelu i Kilikala, ua taape foi le nuu sa ia te ia. Ona fai ane lea o Saulo, Au mai ia te au se taulaga mu ma se taulaga faafetai; ona fai ai lea e ia o le taulaga mu.
- 10 Ua oo ina a uma ona faia e ia o le taulaga mu, faauta ia Samuelu, ua alu atu; ona alu ane lea o Saulo e faafetaiai, ma ofo atu ia te ia. Ua fai mai Samuelu, Se a lau mea ua fai na? Ua tali atu Saulo, Na ou vaai, ua taape le nuu sa ia te au, ma oe foi ua e le sau i aso na atofaina mai, ma ua faapotopoto Filisitia i Mekemase, o le mea lea na ou faapea ai, Anei e faaifo mai Filisitia ia te au i Kilikala, a ua ou le faatoga atu ia Ieova; ona ou faamalosii lea, ma ou faia le taulaga mu. Ona fai atu lea o Samuelu ia Saulo, Ua e valea i le mea ua e fai na, ua e le tausia le poloaiga a Ieova lou Atua na ia poloai atu ai ia te oe; auā na fai a faatumauiina nei e Ieova o lou malo ia Isaraelu e faavavau. A o lenē, e le tumau lou malo; ua sailia e Ieova se tagata mona e tatau ma lona finagalo, ua poloai Ieova ia te ia e fai ma alii o lona nuu, auā ua e le tausia le mea na poloai mai ai Ieova ia te oe.
- 14 Ua tulai Samuelu, ua alu ae nai Kilikala i Kipea o Peniamina; ona faitau lea e Saulo o le nuu, o e na i ai ia te ia, pe atoa se ono galau o tagata. O Saulo foi, ma Ionatana lona atalii, ma le nuu sa ia te i laua, ua latou nonofo i Kipea o Peniamina; a ua to lauapi Filisitia i Mekemase. Ua o ane o ē faatafuna nai le togālauapi o Filisitia i 'au e tolu; ua faasaga atu le tasi 'au i le ala o Ofira i le nuu o Suala; ua faasaga atu le tasi 'au i le ala o Peteorana, ua faasaga atu le tasi 'au i le ala o le fanua e feagai ma le vanu o Sepoima i tala ane o le vao.
- 17 Ua leai foi se tufuga fai uamea i le nuu uma o Isaraelu, auā na faapea ane Filisitia, ne'i gaosi e Eperu se pelu po o se tao. Na alu ifo Isaraelu uma ia Filisitia e taitasi ma faamata ai lona oso uamea, ma le uamea o lana suotosina, ma lona to'i, ma lana selesaito. A ua ia te i latou le 'ili mo selesaito, ma uamea suotoso, ma tui mata tolu, ma to'i, e faamata a'i foi tui povi. O le mea lea na leai ai se pelu po o se tao i lima o le nuu uma sa ia Saulo ma Ionatana i le aso na tau ai le taua; ua na o Saulo ma Ionatana lona atalii sa i ai. Ua alu atu le leoleoga a Filisitia i le ala o Mekemase.
- Ua fasia le leoleoga a Filisitia e Ionatana.*
- UA oo i le tasi aso, ona fai atu ai lea o Ionatana le atalii o Saulo i le taulealea o lona soātau, Sau ia, ina ta o atu i le leoleoga a Filisitia o loo i le tasi itu; a ua na le ta'u atu ai i lona tamā. Ua nofo Saulo i le pito nuu o Kipea i lalo o le rimoni sa i Mekerona, atoa ma le nuu sa ia te ia, pe atoa se ono galau o tagata; sa i ai foi Akia le atalii o Akitopo, le uso o Ikapoti, le atalii o Fineaso, le atalii ia o Eli le faitaulaga a Ieova i Sailo, o loo ofu i le efota. Ua le iloa e le nuu ua alu Ionatana. O le ala na saili e Ionatana e ui atu ai i le leoleoga a Filisitia sa i ai le pito papa i le tasi itu ala, ma le pito papa i le tasi itu ala; o le igoa o le tasi o Posese, o le igoa o le tasi o Sene. Ua faasaga le tasi pito papa i le itu i matu e feagai ma Mekemase; a ua faasaga le tasi e feagai ma Kipea i le itu i toga. Ua fai atu Ionatana i le taulealea o lona soātau, Sau ia, ta o atu i le leoleoga a na nuu le peritomeina, atonu e galue Ieova mo i taua; auā e le faigata ia Ieova ona faaola e le toatele po o le toaititi. Ona fai mai lea ia te ia o lona soātau, Ina fai ia o mea uma e te finagalo i ai; mo atu ia, faauta, o mea e te finagalo i ai o a'u lava lea. Ua fai atu Ionatana, Faauta, o le a ta o atu i le nuu, ta faaali atu i tāua ia te i latou. Afai latou te faapea mai ia te i taua, Tutū ia iina, seia matou o atu ia te oulua; ona ta tutū ai lea i

10 lalo, ma ta le o ae ia te i latou. A e afai latou te faapea mai, Ina o ae ia oulua i luga nei ia te i matou; ona ta o ae ai lea, auā ua tuuina mai i latou e Ieova i o ta lima; e fai foi lenei mea ma faailoga ia te i taua.

11 Ua faaali i laua i le leoleoga a Filisitia; ona fai ane lea o Filisitia, Faauta, ua o mai Eperu nai aua sa latou lafafi ai. Ua fai mai tagata o le leoleoga ia Ionatana ma lona soātau, ua faapea mai, O ae ia i luga nei ia te i matou, matou te faailoa atu se mea ia te oulua. Ona fai atu lea o Ionatana i lona soātau, Mulimuli ae ia ia te au, auā ua tuuina mai i latou e Ieova i lima

13 o Isaraelu. Ona tausili ae lea o Ionatana, ua mulimuli ae ia te ia lona soātau; ona fasia lea o i latou e Ionatana, a e mulimuli atu ia te ia lona soātau, ma faaoti ia te i latou. O le luai fasi na fasia ai e Ionatana ma lona soātau, pe toa-luafulu tagata i si fāsi fanua e tusa ma le vaeluagalemu o le suataga, o le *gabuega* lea a povi e lua. Ua oo le matautuia i e sa i le togālauapi, ma le fanua, atoa ma le nuu uma; o le leoleoga ma e faatafuna ua matautuia foi i latou; ua gatete foi le eleele, sa i ai le matautuia mai le Atua.

16 Ua iloa atu e tagata vaai o Saulo sa i Kipea o Peniamina, faauta i le vao tagata, ua tauāu ina faaumatia, ma taia pea lava i latou. Ua fai atu Saulo i le nuu sa ia te ia, Ina faitau ia seia iloa po o ai ua alu ese ia te i tatou; ua faitau, faauta, e lei i ai Ionatana ma lona soātau.

18 Ona fai atu lea o Saulo ia Akia, Au mai ia iinei le atolaau a le Atua. (Auā sa i ai le atolaau a le Atua i le fanauga a Isaraelu i na ona aso.)

19 O loo tautala Saulo ma le faitaulaga, ua tuputupu pea le vāvāo sa i le togālauapi a Filisitia, ua tele lava. Ona fai atu lea o Saulo i le faitaulaga, Ina tuu ia i lalo lou lima.

20 Ua faapotopoto Saulo ma le nuu uma sa ia te ia, ona latou o ai lea i le taua; faauta, ua taitasi ma faaoo lana pelu i le tasi; sa matuā tele le faanununu. O Eperu foi sa muai i ai ia Filisitia, na o ae ma i latou i le togālauapi mai itu uma, ua liliu

mai foi i latou e 'au ma Isaraelu sa ia Saulo ma Ionatana. O tagata Isaraelu uma sa lalafi i le mauga o Efaraima, ua faalogo i latou ua sosola Filisitia, o i latou foi ua latou tuliloa ia te i latou i le taua. Ua faaaloa Ieova ia Isaraelu i lea aso; ua oo ane le taua i Petavene.

24 Sa tigaina tagata Isaraelu i lea aso, auā na fai atu Saulo i le nuu ia tauto, o loo faapea, Ia malaia le tagata na te 'ai se mea seia oo i le po, ina ia ou tani atu i o'u fili; ona le 'ai lava lea se mea e le nuu uma. Ua oo le nuu uma i le vao, sa i ia le meli vao i luga o le eleele. Ua oo le nuu i le vao, faauta, ua sosolo ifo le meli vao, a e lei tuu ae le lima o se tasi i lona gutu, auā ua mata-tau le nuu i le tauto. A ua le lagona e Ionatana le tautoga a lona tamā na fai atu ai i le nuu, ua na tuu atu le pito tootoo sa i lona lima, ua fufui i le meli vao, ua tuu atu ai lona lima i lona gutu, ona malamalama ai lea ona mata. Ona fai mai lea o le tasi tagata, ua faapea, Ua matuā tauto mai lou tamā i le nuu, ua faapea, Ia malaia le tagata na te 'ai se mea i le asō; ua lailoa ai le nuu. Ona fai atu ai lea o Ionatana, Ua faatigaina le nuu e lo'u tamā; faauta mai, ua malamalama o'u mata ina ua ou 'ai sina mea itiiti o lenei meli vao; ai lava ana matuā aai le nuu i lenei aso i mea a le itu taua na latou maua, po o penei ua faatele lava se fasi o Filisitia. Ua latou fafasi i lea aso ia Filisitia, e afua mai i Mekemase ua oo i Ailona; a ua matuā lailoa le nuu. Ua feosofi le nuu i mea a le itu taua; ua pupue i mamoe, ma povi, ma tamai povi, ua latou fafasi ai i luga o le eleele; ona aai ai lea e le nuu ma le toto. Ua latou ta'u atu ia Saulo, ua faapea, Faauta, ua agasala le nuu ia Ieova ina ua latou aai ma le toto. Ona fai mai lea o ia, Ua outou faia lea mea pēpelo; fulifuli mai nei lava ia te au se maa tele. Ona fai mai lea o Saulo, Ia feoai solo outou i le nuu, ma fai atu ia te i latou; ia taitasi ma au mai ia te au lana povi po o lana mamoe, ma outou fafasi ai i le mea nei, ma aai ai; aua le agasala ia Ieova i le

- 'ai ma le toto. Ona taitasi ai lea o le nuu uma ma au mai lana povi i lea lava po; ua latou fafasi ai i lea mea.
- 35 Ua faia e Saulo le fata faitaulaga ia Ieova; o lona lea faatoa fai fata faitaulaga ia Ieova. Ua fai mai foi Saulo, Tatou o ifo ia ia Filisitia i le po nei, tatou te fafasi ia te i latou seia malama ae le taeao, aua le toe se tagata e toatasi o i latou. Ona fai atu lea o i latou, O mea uma e te finagalo i ai, ina fai ia o lea. Ua fai ane le faitaulaga, Ia tatou faa-
- 36 latalata atu i le Atua iinei. Ona fesili atu lea o Saulo i le Atua, Ou te alu ifo ea ia Filisitia? E te tuuina mai ea i latou i lima o Isaraelu? A ua le tali mai o ia ia te ia i lea aso. Ua fai mai Saulo, Ia faa-
- 37 latalata mai iinei outou alii uma o le nuu, ina ia tatou iloa, ma ia tatou vaai, po o le a lenei agasala i le aso nei. Auā ua soifua Ieova o lē faa-
- 38 ola ia Isaraelu, e ui lava ina i ai ia Ionatana lo'u atalii e oti lava o ia. A ua leai so le nuu uma na tali atu
- 39 ia te ia. Ona fai mai lea o ia ia Isaraelu uma, O outou, tou te i le tasi itu, a o a'u ma Ionatana lo'u atalii, ma te i le tasi itu. Ua fai
- 40 atu le nuu ia Saulo, O le mea e te finagalo i ai, ina fai ia o lea. Ua
- 41 fai atu Saulo ia Ieova le Atua o Isaraelu, Ia e tuu mai le tonu. Ona maua lea o Saulo ma Ionatana, a ua
- 42 sao le nuu. Ona fai mai lea o Saulo, Ona fai ia ia maua *vili* ma Ionatana lo'u atalii; ona maua lea o Iona-
- 43 tana. Ua fai mai Saulo ia Ionatana, Ina ta'u mai ia ia te au pe se a le mea ua e faia? Ua ta'u atu Iona-
- 44 tana ia te ia, ua faapea, Na ou 'aina sina meli vao itiiti nai le pito tootoo i lo'u lima, faauta foi, o le a a'u oti
- 45 ai. Ona fai mai lea o Saulo, Ia faapea ona faia e le Atua ia te au, ma ia faaopoopo i ai, pe afai e te le
- 46 oti lava oe Ionatana. Ona fai atu lea o le nuu ia Saulo, E maliu ea Ionatana na na faia lenei faaolataga tele mo Isaraelu? ia mamao lava; o loo soifua Ieova, e le pa'i i le elelee se lau ao o lona ao, auā na galulue faatasi o ia ma le Atua i lenei aso. Ua laveai le nuu ia
- 47 Ionatana, ia le oti o ia. Ona alu ae lea o Saulo, ua le toe tuliloa ia Filisitia; ua o foi Filisitia i lo latou nuu.
- Ua faia e Saulo le malo o Isara- 47 elu; ua tau foi o ia ma e na ita mai uma lava i itu uma, o Moapi, ma le fanauga a Amoni, ma Etoma, ma tupu o Sopa, ma Filisitia; o nuu uma na ia faasaga atu i ai, ua manu- 48 malo ai o ia. Ua faamalosi o ia, ma ua fasi ia Ameleka, ma na laveai ia Isaraelu ai lima o e na vete mea.
- O atalii nei o Saulo, o Ionatana, 49 ma Iesivi, ma Makisua, o igoa foi o ona afafine e toalua, o le igoa o le matua o Merapa, a o le igoa o lē itiiti o Mekala. O le igoa o le avā 50 a Saulo, o Ainoama le afafine o Aimaasu; o le igoa o le pule i ana 'au, o Apineru le atalii o Neru, le uso o le tamā o Saulo. O Kiso le 51 tamā ia o Saulo, o Neru le tamā ia o Apineru, o ia o le atalii o Apielu. Sa tele lava taua ma Filisitia i aso 52 uma o Saulo; a vaai Saulo i se tagata malosi, po o se tagata fita-fita ua na faaopoopoina mai lea ia te ia.
- Ua auina Saulo e fasi ia Amaleka; o lona faalogogata.*
- UA fai atu Samuelu ia Saulo, Na 15 auina mai a'u e Ieova, e faauu ia te oe ia fai ma tupu o lona nuu o Isaraelu; o lenei, ia e faafofoga i le afioga a Ieova; o loo faapea ona fetalai mai Ieova o 'au, Ou te tau i le mea na faia e Amaleka ia Isaraelu, ina ua tu mai o ia ia te ia i le ala i lona alu ae nai Aikupito. O lenei, ina alu ia, ma e fasi ia 3 Amaleka, ma outou faaumatia atoa uma ana mea, aua e te faasaoina o ia, a ia fasi'oti i tane atoa ma fafine, o tama matua atoa ma tama mea- 4 mea, o povi atoa ma mamoe, o kamela atoa ma asini. Ona alu lea o le faalaei 'au a Saulo i le nuu, ma na faitauiua i latou i Tilaima, e lua selau afe o 'au e savavali, ma afe e sefulu o tagata Iuta.
- Ua oo atu Saulo i le tasi aai o 5 Amaleka, ona tanu 'au ai lea i le alia. Ua fai atu Saulo i sa Kei'i, 6 O mai ia outou, ina o ese, ma o ifo nai ia Amaleka, nei ou fasia oe

- faatasi ma ia; auā na e alofa i le
fanauga a Isaraelu uma ina ua latou
o ae nai Aikupito; ona alu ese ai
7 lea o sa Keni nai ia Amaleka. Ua
fasi e Saulo ia Amaleka, e patu mai
i Havila e oo i Sura, o loo feagai ia
8 ma Aikupito. Ua ia pue ola ia
Akako le tupu a Amaleka, a o le
nuu uma ua ia fasioti ia te i latou i
9 le pelu. Ua faasao e Saulo ma le
nuu ia Akako, ma e aupito lelei o
mamoe ma povi, atoa ma e aupito i
ai, ma tamai mamoe, ma mea lelei
uma ua latou le mafafai ona faa-
umatia; a o manu uma ua leaga
ma mamai, ua matuā faaumatia ia.
- 10 Ona oo mai ai lea o le afioga a
Ieova ia Samuelu, ua faapea mai,
11 Ua ou salamo ina ua ou tofia Saulo
e fai ma tupu, auā ua ia liliu ese ia
te au, ua na le faaiiuna a'u upu. Ua
tiga ai Samuelu, ua aoina le po o
12 valaau o ia ia Ieova. Ua ala usu
Samuelu i le taeao e faafetaiai ia
Saulo, ona ta'ua mai lea ia Samu-
elu, ua faapea, Na sau Saulo i
Karamelu, faauta foi, ua faatu le
faailoga mona, i le ua faataamilo
ma alu loa, ua alu ifo i Kilikala.
- 13 Ua oo atu Samuelu ia Saulo, ona
fai mai lea o Saulo ia te ia, Ia faa-
manuia oe e Ieova; ua ou faaiiuna
14 le afioga a Ieova. Ona fai atu lea o
Samuelu, O le a foi lenei tagi o
mamoe i o'u taliga, ma le tagi o
15 povi ou te faalogo i ai? Ona fai
mai lea o Saulo, Ua latou aumaia
nai Amaleka; ua faasaoina e le nuu
o mamoe ma povi e aupito lelei, ina
ia fai ai taulaga ia Ieova lou Atua;
a o mea na totoe ua latou faaumatia
16 lava. Ua fai atu Samuelu ia Saulo,
Sa'ua, se'i ou ta'u atu ia te oe le
mea na fetalai mai ai Ieova ia te au
anapo. Ua fai mai o ia ia te ia, Ina
17 fai mai ia. Ua fai atu Samuelu, Sa
le faia ea oe ma alii o itu aiga o
Isaraelu ina o faatauvaā oe i lou
lava manatu; sa faaiiuna foi oe e
18 Ieova e fai ma tupu o Isaraelu. Na
auina atu oe e Ieova i le malaga, na
ia fetalai atu, Alu ia oe, ma e faa-
umatia o ia tagata agasala, o Ama-
leka, ma e tau ma i latou seia
19 faaumatia i latou; o le a le mea ua
e le faafofoga ai i le siufofoga o
Ieova, a ua e oso i mea a le itu
taua, ma ua e fai le mea leaga i
luma e Ieova? Ona fai mai lea c
20 Saulo ia Samuelu, Auā! ua ou faa-
logo lava i le siufofoga o Ieova; na
ou alu foi i le malaga na auina ai
a'u e Ieova; ua ou aumaia foi Akako
le tupu a Amaleka, ma a'u faaumatia
Amaleka. A ua au mai e le nuu mea
21 a le itu taua, o mamoe ma povi, (o
mea sili lava ia i mea na faafanoia,)
e fai a'i taulaga ia Ieova lou Atua i
Kilikala. Ua fai atu Samuelu, E
22 tusa ea ona fiasia o Ieova i taulaga
mu ma taulaga, i lona fiasia i le faa-
logo i le siufofoga o Ieova? Faautea,
o le faalogo e sili lea i le taulaga,
ma le usiusitai e sili lea i le ga'o o
mamoe poa. Auā o le fouvale, e
23 tusa ia ma le agasala o le faataulā-
itu; o le finau vale, e tusa ia ma le
leaga o le tapuai i tupua. Ua e
lafoai le afioga a Ieova, o lea ua
lafoai ai o ia ia te oe ia le fai ma
tupu. Ona fai mai lea o Saulo ia
24 Samuelu, Ua ou agasala, auā ua ou
tuumavaega i le afioga a Ieova atoa
ma lau upu; auā sa a'u fefe i le
nuu, ma ou faalogo i a latou upu.
A o lenei, ou te aioi ia te oe, ia e
25 faamagalō i la'u agasala, ma ia ta
foi ma a'u, ia ou ifo ai ia Ieova.
Ona fai atu lea o Samuelu ia Saulo,
26 Ta te le foi ma oe, auā ua e lafoai
le afioga a Ieova, ua lafoai foi Ieova
ia te oe, ina ia le fai oe ma tupu ia
Isaraelu. Ua liliu Samuelu o le a
27 alu, ona tago atu ai lea o ia i lona
pito ofu, ona masae lea. Ona fai
28 atu lea o Samuelu ia te ia, Ua saeia
e Ieova le malo o Isaraelu nai ia te
oe i lenei aso, ma ua foai atu ai i le
tasi e sili lona lelei i lou. E le
29 pepelo lava le Mamalu o Isaraelu, e
le salamo foi ia; auā e le se tagata
ia e salamo ai. Ona fai mai lea o
30 ia, Ua ou agasala, a ou te aioi ia te
oe, ia e faamamalu mai ia te au i
luma o toaina o lo'u nuu, ma luma
o Isaraelu, ma ia ta foi ma a'u, ou
te ifo ia Ieova lou Atua. Ona foi
31 ai lea o Samuelu, ua mulimuli atu
ia Saulo; ona ifo lea o Saulo ia
Ieova.
- Ua fai atu Samuelu, Au mai ia
32 Akako le tupu o Amaleka ia te au.
Ona sau ai lea o Akako ia te ia ma
le fiasia; ua faapea mai Akako, E

- moni lava ua mavae le tiga o le oti.
- 33 A ua fai atu Samuelu, E pei ona āufanaua o fafine i lau pelu; e faapea foi lou tinā i fafine, e āufanaua o ia. Ona tamotuina lea o Akako e Samuelu i luma o Ieova i Kilikalā.
- 34 Ona alu lea o Samuelu i Rama, a e alu ae Saulo i lona fale i Kipea o Saulo.
- 35 Saulo. Ua le toe asiasi Samuelu ia Saulo, ua oo i le aso o lona oti; a ua faanoanoa Samuelu ia Saulo; ua salamo foi Ieova ina ua ia tofia Saulo e fai ma tupu o Isaraelu.
- Ua faauuina Tavita e Samuelu. Ua aami e Saulo ia Tavita.*
- 16 UA fetalai mai Ieova ia Samuelu, E te faanoanoa ia Saulo seia afea? auā o a'u, ua ou lafoai ia te ia, ina ia le fai ma tupu o Isaraelu; faatumu ia lau fagu nifo i le suāuu, i le e alu, ou te auina atu oe ia Iese le Peteleema, auā ua ou iloa i ona atalii, le tasi ou te faia ma tupu.
- 2 Ua fai atu Samuelu, Pe faapefea ona ou alu atu ai? a faalogo ai Saulo, ona fasioti ai lea o ia ia te au. Ua fetalai mai Ieova, Ia e avatu se tamai povi, ma fai ane, Ua
- 3 ou sau e fai le taulaga ia Ieova. E te fai atu foi ia Iese e alu ane i le taulaga; a o a'u, ou te faailoa ia te oe le mea e te faia, ona e faauu lea
- 4 i le ou te fai atu ai ia te oe. Ona faia lea e Samuelu le mea na fetalai mai ai Ieova; ua alu i Peteleema, ona fefese ai lea o toeaina o le aai i lona alu atu, ua fai mai, E te malii mai ea ma le filemu? Ona tali atu ai lea o ia, Ua ou sau ma le filemu e fai ai taulaga ia Ieova; ina faapaia outou ia te outou, ma o mai ia te au e fai le taulaga. Ua ia faapaia ia Iese ma ona atalii, ma fai atu ia te i
- 6 latou e o mai i le taulaga. Ua o mai i latou, ona vaai lea o ia ia Eliapo, ua fai ane, E moni lava, o loo i luma o Ieova le a faauuina e ia. A ua fetalai mai Ieova ia Samuelu, Aua e te vaai i lona tino, po o le maualuga o lona tino, auā ua ou tetea ia te ia; auā e le vaai Ieova pei o le vaai o tagata, auā e vaai tagata i le tino, a e vaai Ieova i le loto.
- 8 Ona valaau lea o Iese ia Apinapata, ia alu ane o ia i luma o Samuelu; a ua fai atu ia, E lei filifilia foi e Ieova lenei tagata. Ona fai atu lea o Iese ia alu ane o Sama; ua fai atu ia, E lei filifilia foi e Ieova lenei tagata. Ua fai atu Iese ia o ane ona atalii e toafitu i luma o Samuelu. Ua fai atu foi Samuelu ia Iese, E lei filifilia e Ieova i latou nei. Ona fai atu lea o Samuelu ia Iese, Ua atoa mai ea taulealea? Ua fai mai o ia, Ua toe lava o le uii; faauta foi, o loo leoleo ia i mamoe. Ona fai atu lea o Samuelu ia Iese, Ia aami atu ia te ia, auā tatou te le vagavagai le laoa seia sau o ia iinei. Ua ia aami atu ia te ia, ona sau ai lea o ia; o ia foi ua enaenamūmū lona lauulu, ua manaia foi ona mata, ma ua aulelei lava. Ua fetalai mai Ieova, Tulai ia, ina faauu ia te ia, auā o ia lava lena. Ona tago lea o Samuelu i le fagu nifo o suāuu, ua faauu a'i ia te ia i luma o ona uso; ona osofia lea o Tavita e le Agaga o Ieova, na afua mai i lea lava aso. Ona tulai lea o Samuelu, ua alu i Rama.
- Ua te'a le Agaga o Ieova ia Saulo, ona osofia lea o ia e le agaga leaga mai ia Ieova. Ua fai atu au auna a Saulo ia te ia, Faauta mai, ua osofia oe e le agaga leaga mai le Atua; ia fetalai mai nei lo matou alii i au auauna i ou luma, matou te sailia se tagata ua potō e ta i le kitara; i le a oo mai le agaga leaga mai le Atua ia te oe, ona ta ai lea e ia i lona lima, e te lelei ai. Ona fai mai lea o Saulo i ana auauna, Saili mai ia mo a'u se tagata potō e ta i le kitara, ma outou aumaia o ia ia te au. Ona tali atu lea o le tasi o le au taulealea, ua faapea atu, Silasila mai ea, ua ou iloa le atalii o Iese le Peteleema, ua potō ia e ta i le kitara; o le tagata malosī tele, ma le toa, ma le mau upu, o le tagata aulelei, o loo ia te ia foi Ieova. Ona auina atu lea e Saulo o le sāvali ia Iese, ua fai atu ai, Ia e auina mai ia te au lou atalii o Tavita, o loo i ai i mamoe. Ona ave lea e Iese o le asini ma le avega o areto, ma le fagu pa'u o uaina, ma le tamai 'oti e tasi; ua tuu atu ai i le lima o Tavita lona atalii na te ave ia Saulo. Ua oo atu Tavita ia Saulo,

ua tu atu i ona luma ; ona alofa
tele mai lea o ia ia te ia ; ua fai foi
22 o ia ma ona soātau. Ua alu atu foi
le feau a Saulo ia Iese, ua faapea,
Ia tu Tavita i o'u luma, auā ou te
23 alofa ia te ia. A oo mai le agaga
mai le Atua ia Saulo, ona tago ai
lea o Tavita i le kitara, ua ta i lona
lima ; ona mapu ai lea o Saulo, ua
lelei ai o ia, ua alu ese ai le agaga
leaga ia te ia.

*O le taua a Filisitia ma Isaraelu.
Ua fasia Koliata e Tavita.*

17 UA faapotopoto e Filisitia a latou
'au e tau. Ua faapotopoto i latou i
Suka o i sa Iutā ; ua latou to lauapi
i le va o Suka ma Aseka i Efese-
tame. Ua faapotopoto foi Saulo ma
tagata Isaraelu, ua to lauapi i le
vanu o le tapeneto, ua latou tofi ai
le taua e o atu e tau ma Filisitia.
3 UA tutū mai foi Filisitia i le mauga
i le tasi itu, a ua tu ū atu Isaraelu
i le mauga i le tasi itu, a e va a'i le
4 vanu. Ona alu ane lea o le toa nai
le togālauapi a Filisitia, o Koliata
lona igoa, mai Kata ; o lona maua-
luga e ono kupita ma le āga e tasi.
5 Sa i lona ulu le pulou 'apa memea,
sa ofu i le uifatafata faauna o ia ;
o le mamafā o lona uifatafata ua
lima gaafe o sekeli o 'apa memea.
6 Sa fai foi uifvae 'apa memea i ona
vae, ma le tao 'apa memea i lona
7 vaitau'au. O le fuata o lona tao e
pei o le laau faalava o lē lalaga ie, o
le matatao o lona tao e ono galau
sekeli o uamea ; ua muamua atu i
ona luma le na ave le tali pupuni.
8 Ua tu o ia ma valaau i le itu taua a
Isaraelu, ua faapea mai ia te i la-
tou, O le a le mea tou te o mai ai e
tofi le taua ? E le o a'u ea le Fili-
sitia, a o outou o auauna a Saulo
outou ? filifili ia e outou se tagata e
9 alu ifo ia te au ; afai na te mafaia
ona ma tau, ma fasi ia te au, matou
te fai ma auauna ia te outou ; a e
afai ou te malo ia te ia, ma ou fasi
ia te ia, ona fai lea o outou ma a
matou auauna, e auauna mai ia te i
10 matou. Ua fai mai le Filisitia, O
a'u nei, ou te faamasiasi i le itu
taua a Isaraelu i le aso nei ; tuu
mai ia te au se tagata ma te tau.
11 Ua faalogo Saulo ma Isaraelu uma

i nei upu a le Filisitia, ona matatau
ai lea, ma fefefe tele i latou.

O Tavita o le atalii ia o le tasi 12
tagata o Efarata, o Peteleema o
Iuta, ua igoa ia Iese, e toavalu ona
atalii ; na ta'utocaina o ia e tagata
i ona aso o Saulo. O atalii o Iese e 13
toatolu e na matutua ua latou ō ma
Saulo i le taua ; o igoa nei o ona
atalii e toatolu na o i le taua, o
Eliapo le ulumatua, o le aupito ane
i ai o Apinatapa, o lona toatolu o
Sama. O Tavita o le uii ia ; a o le 14
toatolu na matutua ua latou muli-
muli ia Saulo. Ua alu Tavita, ua 15
foi atu nai ia Saulo e leoleo mamoe
a lona tamā i Peteleema.

Ua faalatalata mai le Filisitia i le 16
taeao ma le afiafi, ua tu mai i aso e
fagafulu. Ua fai mai Iese ia Tavita 17
lona atalii, Ina avatu ia i ou uso o
lenei efa o saito tunu, ma potoi
areto nei e fuagafulu, ma ē momo'e
atu i ou uso i le togālauapi. Ave 18
foi nei tufaaga a suāsusu maaa e
sefulu i le alii o lo latou toaafe, ma
ia e asiasi i ou uso po ua manuia,
ma ia au mai so latou faamaoni. O 19
Saulo, ma i latou, ma tagata Isa-
raelu uma sa i le vanu o le tapeneto
i latou, o loo tau ma Filisitia.

Ona tulai lea o Tavita i le taeao, 20
ua tuuina atu mamoe i se leoleo.
ua ia ave mea, ua alu foi ia pei
ona poloai mai o Iese ia te ia ; ua
oo atu ia i le 'olo o le a ō 'au i le
taua, ua pa le alaga o le a tau. Auā 21
na tofi le taua a Isaraelu ma Filisi-
tia, ma ua fesagai itu taua. Ona 22
tuu atu lea e Tavita o mea na ia te
ia i le lima o le leoleo i mea, ua
momo'e atu i 'au, ua alu ma ofo atu
i ona uso. O loo tautala o ia ma i 23
latou, faauta, ua alu ae le toa, o
Koliata lona igoa, o le Filisitia, o le
Kata, ai 'au a Filisitia, ua tautala o
ia pei o ana upu na luai fai ; ua
faalogo ai Tavita. O tagata uma o 24
Isaraelu ua latou vaai atu i le tagata,
ona latou sosola lea i ona luma, ma
ua latou matuā fefefe ai. Ua fai 25
ane le tasi tagata o Isaraelu, Ua
outou iloa ea lenei tagata ua alu ae ?
auā ua alu ae ia e faifai ia Isaraelu :
o le tagata foi na te fasioti ia te ia,
e faatamaoagaina o ia e le tupu i le
oa tele, e avatu foi lona afafine e

- fai mana avā*, e faasaolotoina foi e ia le aiga o lona tamā ia Isaraelu.
- 26 Ua fesili atu Tavita i tagata na tutū faatasi ma ia, ua faapea, Se a se mea e avatu ma le tagata na te fasia lenei Filisitia, e galo ifo ai le faifai ia Isaraelu? auā po o ai lenei Filisitia lē peritomeina na te faifai ai i
- 27 'au a le Atua soifua? Ona tali mai lea o le nuu ia te ia e tusa ma ia upu *na muamua*, ua faapea, E faapea ona faia i le tagata na te fasi ia te ia.
- 28 Ua faalogo Eliapo lona uso e matua i lana fesili i tagata, ona tupu ai lea o le ita o Eliapo ia Tavita, ua fai mai foi, Se a le mea ua e sau ai? Ua e tuuina atu foi ia te ai o nā mamoe itiiti i le vao? ua ou iloa lava lou faamaualuga ma le leaga o lou loto, auā o le fia matamata i le taua ua e sau ai. Ona fai atu lea o Tavita, O le a ea le mea ua ou faia nei? Ua fai fua ea la'u mea? Ua liliu ese o ia ia te ia, ua faasaga atu i le tasi, ua fai atu foi pei o na upu; ona tali mai lea o le nuu pei o le luai upu.
- 31 Ua latou faalogologo i upu na fai mai ai Tavita, ona latou ta'uina atu ai lea ia Saulo. Ona aami ai lea o ia ia te ia. Ua fai mai Tavita ia Saulo, Aua ne'i vaivai le loto o se tasi tagata ona o ia; e alu lava lau auaua e tau ma lona Filisitia. Ona fai mai lea o Saulo ia Tavita, E te le lavā ona oulua tau ma lona Filisitia, auā o oe le tama itiiti, a o ia o le toa talu ona tama itiiti. Ona tali atu lea o Tavita ia Saulo, Sa leoleo lau auaua i mamoe a lona tamā; ona alu atu lea o le leona ma le urosa, ua ave le tama'i mamoe nai le lafu; ona ou tuliloa lea ia te ia, ma ou fasi ia te ia, ma segi mai *le mea* nai lona gutu; na tu mai o ia ia te au, ona ou tago ai lea i lana 'ava, ma fasi ia te ia, ua mate ai.
- 36 Na fa'ia e lau auaua le leona atoa ma le urosa; e faapea foi lona Filisitia lē peritomeina, e pei o so laua, ina ua ia faifai i le itu taua a le Atua soifua. Ua fai atu foi Tavita, O Ieova na ia laveai ia te au nai le lima o le leona ma le lima o le urosa, o ia lava na te laveai ia te au ai le lima o lona Filisitia. Ona fai mai lea o Saulo ia Tavita, Alu ia oe, ia ia te oe foi Ieova.
- Ona faaofu lea e Saulo ia Tavita i ona ofu, ua faapulouina lona ulu i le pulou 'apa memea, ua faaofu foi ia te ia i le ufifatafata uamea. Ua fusi e Tavita lona pelu i luga o ona ofu; ona faataitai lea o ia ona alu, auā na ia le masani ai. Ona fai mai lea o Tavita ia Saulo, Ou te le mafai ona alu ma nei mea, auā ou te lei masani ai. Ona tuu ese ai lea e Tavita o mea nai ia te ia. Ua ave lona tootoo i lona lima, ma ua filifili i maa lamolemole e lima mai le alia, ua fafao ai i le 'ato o le leoleo mamoe sa ia te ia, (o le taga foi lea,) ma le maata'i lona lima; ona faalatalata atu lea o ia i le Filisitia. Ua sau foi le Filisitia, ua faalatalata mai ia Tavita, ua muamua i ona luma le tagata sa ave lona talipupuni. Ua vaavaai mai le Filisitia, ua na iloa atu ia Tavita, ona 'ino'ino ai lea ia te ia; auā o le tama itiiti o ia, ua enaenamumū lona *lavulu*, ua manaia foi ona mata. Ua fai mai le Filisitia ia Tavita, Ou te se uli ea a'u, ina ua e sau ia te au ma tootoo? Ona fetuu lea le Filisitia ia Tavita i ona atua. Ua fai mai foi le Filisitia ia Tavita, Sau ia ia te au, ou te foai atu ai lou tino i manu felelei ma manu tataa. Ona tali atu lea o Tavita i le Filisitia, Ua e sau ia te au ma le pelu, ma le tao, ma le tao leoleo; a o a'u, ou te alu atu ia te oe i le suafa o Ieova o 'au, o le Atua o le itu taua a Isaraelu ua e faifai i ai. O le aso nei e tuuina mai ai oe e Ieova i lo'u lima, ou te fasi ia te oe, ma ave ese lou ulu; ou te foai atu foi tino oti o 'au a Filisitia i lenei aso i manu felelei ma manu feai e tataa; e iloa ai le lalolagi uma, o i ai le Atua ia Isaraelu. E iloa ai foi e lenei faapotopotoga uma, e le faaolaina tagata e Ieova i se pelu ma se tao; auā o lōo ia Ieova le taua, na te tuuina mai outou i o matou lima.
- Ua tulai le Filisitia, ua alu ane, ma faalatalata e faafetaiai ia Tavita; ona faataalise lea o Tavita, ua momo'e atu i le itu tauā e faafetaiai i le Filisitia. Ona tago ifo lea o Tavita i le 'ato, ua avae ai se maa,

- na sasau e ia le maatā, ua lavea le
Filisitia i lona muaulu, ua goto le
maa i lona muaulu, ona paū faō ai
50 lea o ia i le eleele. Ua malo Tavita
i le Filisitia i le maatā ma le maa;
ua na fasi le Filisitia, ua oti ai, a e
51 leai se pelu i le lima o Tavita; ona
momoe atu ai lea Tavita, ua tu i
luga o le Filisitia, ua tago i lana
pelu, ua to ae nai lona faamoega,
ua na faaoti ai ia te ia, ma vavae ai
lona ulu. Ua vaai Filisitia ua oti lo
latou toa, ona sosola ai lea o i latou.
- 52 Ona tutū lea o tagata o Isaraelu ma
Iuta, ua sōlovi, ma tuliloa ia Filisitia
e oo atu i le vanu, ua oo foi i puipui
o Ekerona. Ua pauu e na manunua
o Filisitia i le ala o Saraima, ua oo i
53 Kata, na oo foi i Ekerona. Ua foi
atu le fanauga a Isaraelu sa tuli-
tatao ia Filisitia, ona latou vetea
lea o latou togālauapi.
- 54 Ua ave e Tavita le ulu o le Fili-
sitia, ua au mai i Ierusalemā, a o
ana mea ua tuu e ia i lona fale ie.
- 55 Na vaai Saulo ia Tavita ina ua alu
atu e faafetaiai i le Filisitia, ona fai
atu ai lea o ia ia Apineru le pule i
'au, Apineru e, se atalii o ai lena
tama? Ua fai mai Apineru, Ua e
soifua, le tupu e, ou te le iloa lava.
- 56 Ona fai atu lea o le tupu, Ia e
fesili, pe se atalii o ai lena taulea-
57 lea? O loo foi Tavita nai le fasiga
o le Filisitia, ona ave lea o ia e
Apineru, ua momoli ia te ia i luma
o Saulo, o le ulu foi o le Filisitia ua
58 i lona lima. Ona fai mai lea o
Saulo ia te ia, Le atalii ea oe o ai,
sē? Ua fai atu Tavita, O a'u le
atalii o lau auauna o Iese le Pete-
leema.
- Ua alofagia Tavita e Ionatana. Ua
fai avā o ia i le afafine o Saulo.*
- 18 UA uma atu ana upu ia Saulo,
ona pii mau lea o le loto o Iona-
tana i le loto o Tavita, ua alofa Iona-
tana ia te ia, pei *ona alofa* o ia ia te
2 ia lava. Ua ave e Saulo ia te ia i
lea aso, ua ia le mafai lava ina ia
3 toe foi i le aiga o lona tamā. Ua osi
e Ionatana le feagaiga ma Tavita,
auā ua alofa ia te ia, pei *ona alofa* o
4 ia ia te ia lava. Ua to ese foi e
Ionatana lona ofu talaloa nai ia te
ia, ua foai atu ai ia Tavita, ma lona
ofu tino, atoa ma lana pelu, ma
lana aufana, atoa ma lona fusi.
Ua alu atu Tavita i mea uma ua
5 auina ai o ia e Saulo, ua faautauta i
lana amio; ua tofia foi o ia e Saulo
e pule i 'au; ua fasia ia te ia le nuu
uma, atoa ma auauna a Saulo.
- Ua o mai i latou ina ua foi mai
6 Tavita nai le fasiga o le Filisitia,
ona o atu ai lea o fafine mai aai uma
o Isaraelu ua pepese, ma sisiva, e
faafetaiai i le tupu o Saulo, ma
topa, ma le olioli, ma 'apa tagitagi.
Ua lagi fetalai fafine i a latou siva.
7 Ua fai ane, Ua fasia e Saulo ana
toaafē, a o Tavita ana sefulu o afe.
Ua ita tele ai Saulo, ua leaga ia te
8 ia ia upu; ua fai ane, Ua latou tuu
atu ia Tavita o sefulu o afe, a o a'u
ua tuu mai ia te au *na o afe*; ua
toe lava *ona ave* ia te ia o le malo.
Na afua mai i lea lava aso ona lama-
9 lama o Saulo ia Tavita
- Ua oo i le taeao, ona osofia ai lea
10 o Saulo e le agaga leaga *mai* le Atua,
ua perofeta ane ai o ia i lona fale:
a o Tavita, na ta e ia i *le kitara* i
lona lima, pei *ona fai* i lea aso ma
lea aso; sa i ai le tao i le lima o
Saulo. Ua velo le tao e Saulo, ua
11 fai ane, Ou te fasi ia Tavita ia
tuilua ma le pa o *le fale*; a ua 'alo
faalua Tavita i ona luma.
- Ua mata'u Saulo ia Tavita, auā sa
12 ia te ia Ieova, a ua te'a ma Saulo.
Ona auina atu ai lea o ia e Saulo ia
13 alu ese ia te ia, ma na tofia o ia e fai
ma alii o le toaafē; ua alu atu o ia
ma toe sau i luma o le nuu. Sa faa-
14 utauta foi Tavita i lana amio uma;
sa ia te ia foi o Ieova. Ua vaai Saulo
15 ua matuā faautauta o ia, ona fefe ai
lea o ia ia te ia. A ua alolofa Isa-
16 raelu uma atoa ma Iuta ia Tavita.
auā na alu atu o ia ma toe sau i o
latou luma.
- Ua fai mai Saulo ia Tavita, Faa-
17 uta, o lo'u afafine matua, o Merapa,
ou te avatu o ia ia te oe e fai mau
avā, tau lava ina ia e fitafita mo a'u,
e tau ai i taua o Ieova; auā ua faa-
pea Saulo, Aua ne'i oo lo'u lima ia
te ia, a ia oo i ai lima o Filisitia. Ua
18 fai atu Tavita ia Saulo, O ai ea a'u
nei? o le a foi lo'u ola, ma le aiga o
lo'u tamā i Isaraelu, ina ia ou fai
avā i le afafine o le tupu? Ua oo i 19

ona pō a avane ai Merapa le afafine o Saulo ia Tavita, a ua avatu o ia ia Atarielu le Meola e fai mana avā.

- 20 Ua manamea Mekala le afafine o Saulo ia Tavita; ua ta'u atu ai ia Saulo, ua tatau lava lea mea ia te
- 21 ia. Ua fai ane Saulo, Ou te avatu o ia ia te ia e fai ma mailē ia te ia, ia oo ai lima o Filisitia ia te ia. Ua fai mai Saulo ia Tavita, O le tasi o i
- 22 laua tā te aiga ai i le asō. Ua fai atu Saulo i ana auaua, latou te tautala lemu atu ia Tavita, o loo faapea, Faauta, a loo fiasia le tupu ia te oe, ua alolofa foi ana auaua uma ia te oe; o lenei, ia e fai avā i
- 23 le afafine o le tupu. Ua tautala atu auaua a Saulo i nei upu i taliga o Tavita; ona fai mai lea o Tavita, O se mea faatauvaa ea i lo outou manatu ona fai avā i le afafine o le tupu, o a'u foi o le tagata mativa
- 24 ma le faatauvaa? Ona ta'u atu ai lea o auaua a Saulo ia te ia, ua faapea, O upu faapenei ua fai mai ai Tavita. Ua fai mai Saulo, Ia faapea ona outou fai atu ia Tavita, E le manao le tupu i se faatau, na o muāpa'u o Filisitia e selau, ina ia tau i fili o le tupu; a o le manatu o Saulo ia oti ai Tavita i lima o
- 26 Filisitia. Ua ta'u mai ana auaua i nei upu ia Tavita; ona tatau lava lea o le upu ia Tavita, ia fai avā o ia i le afafine o le tupu. Ua le atoa foi
- 27 ona aso; ona tulai lea o Tavita, ua alu atu o ia atoa ma ona tagata; ua fasia tagata o Filisitia e lua selau, ua au mai e Tavita o latou muāpa'u, ua faaatoa mai i le tupu ina ia fai avā o ia i le afafine o le tupu. Ona au mai lea e Saulo o lona afafine o
- 28 Mekala ia te ia e fai mana avā. Ua vaai Saulo, ma ua iloa, ua i ai Ieova ia Tavita; o Mekala foi le afafine o
- 29 Saulo ua fiasia o ia ia te ia. Ua atili ai ona toe fefe o Saulo ia Tavita; ua fai Tavita ma fili o Saulo i aso uma.
- 30 Na o atu alii o Filisitia; o aso uma na o atu ai i latou, ua sili le faautauta o Tavita i auaua uma a Saulo. Ua matuā viia lona igoa.

O le alofa o Ionatana ia Tavita. Ua toe ita Saulo ia te ia. Ua sola o ia ia Samuelu.

UA fai ane Saulo ia Ionatana lona 19
atalii, atoa foi ma ana auaua uma, ia latou fasioti ia Tavita; a o Ionatana le atalii o Saulo, sa tele lava lona alofa ia Tavita. Ua ta'u mai e 2
Ionatana ia Tavita, ua faapea, O loo lamalama Saulo lo'u tamā e fasioti ia te oe; o lenei, ia oe ia te oe seia taeao, ma e nofo i se mea lilo e te lafi ai; a o a'u, ou te alu atu, ou te 3
tu i tafatafa o lo'u tamā i le fanua e te i ai; ou te tautala foi i lo'u tamā ia te oe, ona ou iloa lea pe faapefea; i lo'u ta'u atu ai ia te oe. Ua tautala lelei Ionatana ia Saulo 4
lona tamā ia Tavita; ua fai atu foi ia te ia, Aua ne'i agaleaga le tupu i lana auaua o Tavita, auā e lei agaleaga o ia ia te oe; a ua agalelei lava o ia ia te oe; Na ia tuu foi 5
lona ola i lona lima, ma na fasi le Filisitia, na fai ai foi e Ieova le faalolagata tele mo Isaraelu uma; na e iloa foi, ma fiasia i ai; se a le mea e te agaleaga ai i le tagata lē sala, ina a ē fasioti fua ia Tavita? Ua 6
faalogo Saulo i le upu a Ionatana, ma ua tauto ai Saulo, O loo soifua Ieova, e le fasia lava o ia. Ona 7
valaau lea o Ionatana ia Tavita, ua ta'u atu foi e Ionatana ia te ia i nei upu uma; ona au mai lea o Tavita e Ionatana ia Saulo; ua i ai foi o ia i ona luma pei o anamua. 8
Ua toe tau le taua; ona alu atu ai lea o Tavita, ua tau ma Filisitia, ma na fasi ia te i latou i le fasi tele, ua latou sosola i ona luma. Sa ia 9
Saulo le agaga leaga mai ia Ieova; o loo nofo o ia i lona fale ma lona tao i lona lima, o loo ta foi e Tavita le kitara i lona lima. Na lamalama 10
Saulo e fasioti ia Tavita i le tao, ia tuiua o ia ma le pa o le fale; a ua 'alo ese ia i luma o Saulo, ua taulia le tao i le pa o le fale, a ua sola Tavita, ua sao i lea lava po. Ona 11
aau atu lea e Saulo o auaua i le fale o Tavita e lamalama ia te ia ma fasioti ia te ia i le taeao; ua ta'u atu ia Tavita e Mekala lana avā, ua faapea, Afai e te le faasao lou ola i le po nei, a taeao ona e oti ai lea o

- 12 oe. Ua tuutuu ifo e Mekala ia Tavita i le faamalama, ua alu o ia, ua
 13 sola, ona sao ai lea. Ona tago lea o Mekala i le tupua, ua tuu ai i le moega, ma le ie fulufulu 'oti ua ia faaaluga ai lona ulu, ma na ufufu ai i le ie afu.
- 14 Ua aauina atu e Saulo ni auauna e pu'e ia Tavita; ona fai mai ai lea
 15 o le fafine, O loo ma'i o ia. Ona aau atu lea o Saulo ni auauna e vaai atu ia Tavita, ua faapea, Ia au mai o ia ia te au i luga o le moega,
 16 ina ia fasioti ia te ia. Ua o atu auauna, faauta, o le tupua o loo i le moega, ma le ie fulufulu 'oti ua alu-
 17 ga ai. Ona fai mai lea o Saulo ia Mekala, O le a le mea ua e faapea ai ona pelogia o a'u? ma e 'au ese atu i lo'u fili, ua sao ai o ia? Ua fai atu Mekala ia Saulo, Na ia fai mai ia te au, Ia e tuu mai ia te au, ou te alu, se a le mea ou te fasioti ai ia te oe?
- 18 Ua sola Tavita, ua sao, ua oo atu ia Samuel i Rama; ona ta'u atu ai lea ia te ia o mea uma na faia e Saulo ia te ia; ua la o ma Samuel, ua la nonofo i Naiota. Ona ta'uina atu lea ia Saulo, ua faapea, Faauta, o loo i ai Tavita i Naiota i Rama.
- 20 Ona aauina atu ai lea e Saulo o auauna e pue ia Tavita. Ua latou iloa le faapotopotoga o perofeta, o loo perofeta ane, ma Samuel o loo tu ia e pule ia te i latou; ona i ai lea i luga o auauna a Saulo le Agaga o le Atua, ua perofeta foi i latou.
- 21 Ua ta'uina atu ai ia Saulo, ona aauina atu lea e ia nisi auauna; ua perofeta foi i latou. Ona toe aauina atu lea e Saulo *nisi* auauna, o le atu tolu lea; ua perofeta foi i latou.
- 22 Ona alu atu lea o ia lava i Rama; ua oo atu i le vaieli tele, o loo i Seku, ona fesili lea o ia, ua faapea, Po o fea o i ai Samuelu ma Tavita? ua tali mai, Faauta, o loo i
 23 Naiota i Rama. Ona alu atu ai lea o ia i Naiota i Rama; ona i ai lea i luga ia te ia foi le Agaga o le Atua, ua savalivali ma perofeta ane, ua oo atu lava o ia i Naiota i Rama. Ua tuu ese lava e ia ona ofu, ua perofeta ane foi i luma o Samuelu, ua faapa'u ua lē ofu, ua atoa lea aso, ua atoa foi le po; o le mea lea ua

latou fai ane ai, Ua i ai ea foi Saulo faatasi ma le au perofeta?

Ua osi le feagaiga a Ionatana ma Tavita. Ua ita Saulo ia Ionatana.

ONA sola ai lea o Tavita nai 20
 Naiota i Rama, ua alu ma fai atu i luma o Ionatana Se a le mea ua ou faia? o le a foi la'u agasala, po o le a lo'u sese i luma o lou tamā, ina ua ia saili e fasioti ia te au? Ona fai mai lea o ia te ia, Ia mamao lava lea; e te le oti lava; faauta, e le faia e lo'u tamā se mea tele po o se mea itiiti, a e muai ta'u mai i o'u taliga; e nanā ea i se a e lo'u tamā lenei mea ia te au? E le o faapea lava. A ua tauto lava Tavita, ua fai atu, Ua iloa lava e lou tamā ua alofagia a'u e oe, ua faapea ane o ia, Aua ne'i iloa le mea nei e Ionatana, ne'i tiga ai o ia; o loo soifua Ieova, ua e soifua foi oe, e moni lava, ua peiseai o le laasaga e tasi i le va o a'u ma le oti. Ona fai mai lea o Ionatana ia Tavita, O se mea e te manao i ai, ou te faia lava lea mo oe. Ua fai atu Tavita ia Ionatana, Faauta, a taeao o le masina faatoa vaaia, e tataua ai ona ma nonofo faatasi ma le tupu, ma te aai ma ia; tuu mai ia o a'u, ou te lafi foi i le vao seia oo i le afafi i le luā; afai e fesili lou tamā ia te au, e te fai atu, Na faanoi mai lava Tavita ia te au, ia momo'e atu o ia i Peteleema lona nuu, auā e i ai le tau-laga e fai i tausaga mo lona aiga uma. Afai e faapea mai o ia, Ua lelei; o le manuia lea o lau auau-na; a e afai e matuā toasa o ia, ona e iloa lea ua finagalo vale mai o ia. E te alofa foi i lau auauna, auā o le feagaiga a Ieova na e faia ma lau auauna; a e afai o i ai se agasala ia te au, ia e fasioti lava oe ia te au; se a le mea e te avatu ai a'u i lou tamā? Ona fai mai lea o Ionatana. Ia mamao ia te oe; auā ana ou iloa lava ua iu le filifiliga a lo'u tamā, o le a oo se leaga ia te oe, po ua ou ta'u atu ia te oe. Ona fai atu lea o Tavita ia Ionatana, O ai ea e ta'u mai ia te au pe afai e tali mai lou tamā ia te oe ma le ita? Ua fai mai Ionatana ia Tavita, Sau ia, ina ta o atu i le vao; ona o lea o ilaua i le vao.

- 12 Ona fai mai lea o Ionatana ia Tavita, Ieova le Atua o Isaraelu, *ia sisila mai o ia*, a uma ona ou tofo-tofo i lo'u tamā e faapenei le aso taeao po o ē luā; faauta foi, afai e loto lelei o ia ia Tavita, afai ou te le auina atu se tasi ia te oe e ta'u atu
- 13 ai ia te oe, ia faapea ona faia e Ieova ia Ionatana, ma ia faaopopo i ai; a e afai e loto lo'u tamā e aga-leaga ia te oe, ou te ta'u atu lava ia te oe, ma tuuina atu ia te oe ia alu ma le filemu; ia ia te oe foi Ieova,
- 14 e pei ona sa i ai i lo'u tamā. Afai ou te ola pea a'u, ia e faia le alofa o Ieova ia te au, ia a'u le oti; a e afai
- 15 ou te oti, aua le tuua foi lou alofa i lo'u aiga e faavavau, pe a faaumatia e Ieova nai le fogāelele taitasi uma o e ita ia Tavita. Ua osi ai *le feaga-*
- 16 *iga* a Ionatana ma le aiga o Tavita, *ua faapea*, ia suea e Ieova ai lima o e ita ia Tavita. Ua fai atu Iona-
- 17 tana, ia toe tauto Tavita ina ua alofa o ia ia te ia; auā ua ia alofa ia te ia, *pei* o lona alofa ia te ia
- 18 lava. Ua fai mai Ionatana ia te ia, O le masina faatoa vaaiā taeao, e silia ai oe, auā e le nofoia lou nofoa.
- 19 A tolu ni ou aso, ona e alu ifo loa lea, ma alu atu i le mea na e lafi ai i le aso na fai ai *le mea*, ma e nofo e latalata ane i le maa o Asela. O
- 20 a'u foi, ou te fana ni u e tolu i le tasi ona itu, e peiseai ou te fana atu ai i se manulauti. Faauta foi, ou
- 21 te auina atu se tama e alu ma saili i u; afai ou te matuā fai atu i le tama, Faauta, o u o loo i ou tala mai, ia e tago i ai; ona e sau ai
- 22 lea, auā o le a manuia oe, ua leai lava se mea; ua soifua Ieova. A e afai ou te fai atu faapea i le taulea-
- 23 lea, Faauta o u o loo i ou tala atu; alu ia oe, auā ua auina atu oe e Ieova.
- 24 A o le mea na ta tautala ai, o a'u ma oe, faauta, o Ieova e va a'i taua, o oe ma a'u e faavavau.
- 25 Ua lafi Tavita i le vao; ua oo foi i le masina faatoa vaaiā, ona nofo ai lea o le tupu e fai le taumafataga.
- 26 Ua nofo le tupu i lona nofoa, pei o isi aso, i le nofoa i tala ane o le pa *o le fale*; ua tulai Ionatana, a ua nofo Apineru i tafatafa o Saulo; ua le nofoia foi le nofoa o Tavita.
- 27 A ua le fai mai e Saulo se upu i le aso, auā ua ia faapea, Ua oo se mea ia te ia, ua le mamā o ia, ai lava e le mamā o ia. Ua oo i le taeao, (o le *aso* lua lea o le masina,) ua le nofoia foi le nofoa o Tavita; ona fai mai lea o Saulo ia Ionatana lona atalii, Po o le a le mea e le sau ai le atalii o Iese, ananafi atoa ma le asō e 'ai ai? Ona tali atu ai lea o Ionatana
- 28 ia Saulo, Na faanoi mai lava Tavita, ia alu o ia i Peteleema; ua fai mai, 29 Ia e tuu mai a'u, ou te alu; auā o le taulaga *e fai* i lo matou aiga i le aai; ua poloai mai foi lo'u uso ia te au; o lenei, afai e te alofa mai ia te au, tuu mai ia o a'u ia matou feiloai ma o'u uso; o le mea lea ua le sau ai o ia i le laoi a le tupu. Ona ita
- 30 ai lea o Saulo ia Ionatana, ua fai mai ia te ia, Le tama a le fafine amio piopio ma le finau vale! ou te lei iloa eā ua e filifilia le atalii o Iese i lou faamaina, ma le faamaina o le
- 31 le lavalavā o lou tina? Auā o aso uma e ola ai le atalii o Iese i le fogā-elele e le faatumauina oe ma lou malo; o lenei, ia e aami atu ia te ia, ma au mai ia te au, auā e oti lava ia.
- 32 Ona tali atu lea o Ionatana ia Saulo lona tamā, ua faapea atu ia te ia, E oti i se a? Se a se mea ua faia e ia; Ona velo ai lea e Saulo le
- 33 tao ia te ia e fasi ai ia te ia; ona iloa ai lea e Ionatana, ua tonu i lona tamā ia fasiotia lava Tavita. Ona tulai lea o Ionatana nai le lao-
- 34 ai ma le ita tele, ua le 'ai se mea i le aso e lua o le masina, auā ua tiga ona o Tavita, ina ua faaleagaina o ia e lona tamā.
- 35 Ua oo i le taeao, ona o atu lea o Ionatana o i laua ma le tama itiiti, i le vao i le itu la na la tuuina ma Tavita. Ua ia fai atu i lana auau-
- 36 na, Momo'e atu, ina saili u ou te fana atu. Ua momo'e le tama, ona fana atu lea le u i ona tala atu. Ua
- 37 oo atu le tama i le mea ua i ai le u na fana atu e Ionatana, ona valaau atu lea e Ionatana i le tama, ua faapea, E le ua i ou tala atu ea le u?
- 38 Ona valaau atu lea e Ionatana i le tama, Ia tele vave lava, aua nei tu. Ua ao u e le tama na ō ma Ionatana, ona au mai lea i lona alii. Ua le iloa e le tama le mea, na o
- 39 Ionatana ma Tavita ua la iloa le

40 mea. Ona tuu atu lea e Ionatana o
ana auupega i le tama sa ia te ia, ua
fai atu ia te ia, Alu ia, ina avatu nei
41 mea i le aai. Ua alu le tama, ona
tulai lea o Tavita nai le itu i toga,
ua faapaū faō i le eleele, ua ifo faa-
tolu, ua feasogi foi i laua, ma feta-
gisi i laua, ua oo ina faasili lo Tavita,
42 Ona fai mai lea o Ionatana ia Tavi-
ta, Alu ia ma le manuia, auā ua
tauto i taua ma a'u i le suafa o
Ieova, ua faapea, Ia i ai Ieova i le
va o a'u ma oe, i le va foi o la'u
fanau ma lau fanau e faavavau.
Ona tulai lea o ia, ma alu ese, a e
alu Ionatana i le aai.

*Ua avane ia Tavita le areto sa. Ua
faatagā valea o ia i Kata.*

21 UA alu atu Tavita i Nove ia
Aimeleka le faitaulaga; a ua fefe
Aimeleka ina ua na iloa Tavita; ua
fai mai ia te ia, O le a le mea ua e
malii toatasi mai ai oe, a e leai se
2 tasi lua te toalua? Ona fai atu lea
o Tavita ia Aimeleka le faitaulaga,
Na fetalai mai le tupu ia te au i le
feau, ua faapea mai, Aua ne'i iloa
se tasi le feau ou te auina atu ai oe,
ma ou fai atu ai ia te oe; ua ou
faatonu atu foi i auuama i le mea
3 latou te o i ai. O lenei, pe se a se
mea ua ia te oe? Au mai ia te au
ni areto e lima, po o se mea ua e
4 maua. Ua tali mai le faitaulaga ia
Tavita, ua faapea mai, E leai se
areto lē sa ia te au, ua na o le areto
e sa; afai lava ua nofo ese taulelea
5 ma a latou avā e mafai ai. Ua tali
atu Tavita i le faitaulaga, ua faapea
atu ia te ia, E moni, ua po tolu o
nofo ese ai a matou avā ma i matou,
talū lo'u sau; ua paia foi mea a
taulelea, ua peiseai ua le sa foi le
areto, i le ma lea foi ua faapaiaina
6 nisi areto i le aso nei i le ipu. Ona
avatu lea e le faitaulaga ia te ia le
areto sa; auā e lei i ai ni areto, na o
areto e laulauina i luma, na ave-
esea nai luma o Ieova e tuuina ai
areto vela i le aso e ave ese ai.
7 (Sa i ai i lea aso le tasi auuama a
Saulo, na taofia o ia i luma o Ieova;
o lona igoa o Toeka le sa Etomā, le
8 pule i leoleo mamoe a Saulo.) Ua
fai atu foi Tavita ia Aimeleka, E lei
i ai ea ia te oe se tao po o se pelu?

auā foi na ou le aumaia la'u pelu
ma a'u auupega, auā o le feau a le
tupu ua faataalise. Ona fai mai 9
lea o le faitaulaga, O le pelu a
Koliata le Filisitā, na e fasia i le
vanu o le tapeneto, faauta, o loo
taataaia i le ofu i tua o le efota;
afai e te ave lea, ina ave ia, auā e
leai se tasi na o lea. Ona fai atu
lea o Tavita, E leai se tasi e tusa
ma lēna; au mai ia ia te au.

Ua tulai Tavita, ua sola i lea aso 10
nai ia Saulo; ua oo atu ia Akisa le
tupu o Kata, Ua fai atu auuama a 11
Akisa ia te ia, E le o Tavita ea lenei,
le tupu o le nuu? E le o lenei ea
le tagata na latou lagi fetalai ai i a
latou siva, o loo faapea, Ua fasia e
Saulo ana afe, a o Tavita ana sefulu
o afe? Ua tuu e Tavita nei upu i 12
lona loto, ua matuā fefe i luma o
Akisa le tupu o Kata. Ua na liliu 13
lana amio i o latou luma, ua faatagā
valea i o latou lima; ua ia tuisitisi i
puipui o le faitotoa, ma faasisina
lona feanuga i lana 'ava. Ona fai 14
mai ai lea o Akisa i ana auuama,
Faauta, ua outou iloa le tagata, o
loo valea; o le a ea le mea ua outou
au mai ai o ia ia te au? Ou te oge 15
vale ea a'u, ua outou au mai ai lēna
tagata e faavalevalea i o'u luma?
E sau ea lēna tagata i lo'u fale?

*O e na 'au ma Tavita. Ua fasia
faitaulaga e Saulo.*

UA alu ese Tavita i lea mea, ua 22
sola atu i le ana i Atulama; ua faa-
logo ai ona uso atoa ma le aiga uma
o lona tamā, ona latou o ifo ai lea ia
te ia i lea mea. Ua faapotopoto atu 2
foi ia te ia tagata uma o e na tiga-
ina, ma tagata uma e na aitalafu,
ma tagata uma o e ua tiga le loto,
sa fai o ia ma alii ia te i latou; sa ia
te ia pe atoa se toafa galau o tagata.
Ua alu atu Tavita nai lea mea i 3
Mesepa o Moapi, ua fai atu i le tupu
o Moapi, Se'i o mai lo'u tamā ma
lo'u tinā ia te outou, seia ou iloa pe
faapefea se mea e faia e le Atua ia
te au. Ua ia au mai ia te i laua i 4
luma o le tupu o Moapi ua latou
nonofo ma ia i aso uma na i ai
Tavita i le 'olo. Ua fai mai Kato 5
le perofeta ia Tavita, Aua le nofo i
le 'olo; alu ia, ma e alu atu i le nuu

- o Iuta. Ona alu ai lea o Tavita, ua
oo atu i le vao matua o Hareta.
- 6 Ua faalogo Saulo, ua iloa Tavita
ma tagata ua ia te ia; a o nofo
Saulo i Kipea i lalo o le laau tele i
Rama, ma lona tao i lona lima; o
ana auuana uma foi na tutū i latou
7 i ona luma. Ua fai mai Saulo i ana
auuana na tutū i ona luma, Faalogo
mai ia o outou sa Peniaminā e! E
foai atu ea ia te outou taitasi uma
e le atalii o Iese o fanua ma tovine?
na te tofia ea outou uma e fai ma
8 alii o toaafe ma alii o toaselau, ina
ua outou foua a'u e outou uma lava,
ma ua le faaali mai ia te au le fe-
agaiga a lo'u atalii ma le atalii o
Iese? ua le alolofa foi outou ia te
au, ma faaali mai ia te au ina ua
faaoso e lo'u atalii i la'u auuana e
tanu 'au ia te au pei *ona fai* i lenei
9 aso. Ona tali atu lea o Toeka le sa
Etomā, (o ia foi na tofia e pule i
auuana a Saulo,) ua fai atu, Na ou
iloe le atalii o Iese, ua alu atu i
Nove ia Aimeleka le atalii o Akito-
10 po; na ia fesili ia Ieova mo ia, ma
na avatu ia te ia mea e 'ai, ua avatu
foi ia te ia le pelu a Koliata le Fili-
11 sitia. Ona auina atu lea *nisi* e le
tupu e aami ia Aimeleka le atalii o
Akitopo le faitaulaga, atoa ma le
aiga uma o lona tamā, o faitaulaga
i latou i Nove; ona latou o uma
12 mai lea i le tupu. Ua fai mai Saulo,
Faalogo mai ia le atalii o Akitopo e.
Ua fai atu o ia, Le alii e, o a'u lava
13 lenei. Ona fai mai lea o Saulo ia te
ia, O le a ea le mea ua oulua foua ai
a'u, o oe atoa ma le atalii o Iese?
ina ua e avatu ia te ia mea e 'ai ma
le pelu, ma e fesili atu i le Atua mo
ia, e tu mai ai o ia ia te au e tanu
14 'au, pei *ona fai* i lenei aso? Ona
tali atu lea o Aimeleka i le tupu, ua
faapea atu, O ai ea se tasi o au au-
auna uma e tusa ma Tavita ona
faamaoni? o loo nofo foi le afafine
o le tupu ia te ia, ma ua alu i lau
feau, o loo ta'uleleia foi i lou aiga.
15 Na ou amata ea i lea aso ona fesili
i le Atua mo ia? E mamao lava ia
te au; aua nei tuu mai e le tupu le
mea nei i lana auuana ma le aiga
uma o lo'u tamā, auā na le iloa e
lau auuana se mea itilii, po o *se mea*
16 tele o nei mea uma. Ua fai mai le
- tupu, E te oti lava Aimeleka, o oe
atoa ma le aiga uma o lou tamā.
Ona fai mai lea o le tupu i le 'au e 17
faafeao na tutū i ona luma, Ina liliu
atu ia, ma fasioti i faitaulaga a
Ieova, auā ua 'au i latou ma Tavita;
auā foi na latou iloa ua sola o ia, a
e lei ta'u mai ia te au. A uā le ma-
fafai auuana a le tupu ona faaoo o
latou lima e fasi ai i faitaulaga a
Ieova. Ona fai mai lea o le tupu ia 18
Toeka, Ina liliu atu ia oe, ma e fasi
i faitaulaga. Ona liliu atu ai lea o
Toeka le sa Etomā, ma na fasi i
faitaulaga; na ia fasioti ai i lea aso
o tagata e toavalugafulu ma le toa-
lima o e na oofu i efota o ie lino.
O Nove foi le aai o faitaulaga na ia
fasi ai i le pelu; o tane atoa ma fa-
fine, o tama iti atoa ma tama mea-
mea, o povi, ma asini, atoa ma
mamoe ua *ia fasi* i le pelu. A ua 20
sao le tasi atalii o Aimeleka le ata-
alii o Akitopo, o Aviata lona igoa, ua
sola atu ia Tavita. Ua ta'u mai e 21
Aviata ia Tavita, Ua fasia e Saulo o
faitaulaga a Ieova. Ona fai atu lea 22
o Tavita ia Aviata, Na ou iloa i lea
aso ina ua i ai o Toeka le sa Etomā,
na te ta'ua lava ia Saulo; talu a'u
ua oo ai *le oti* i le aiga uma o lou
tamā. Ina ta nonofo ia ma a'u, aua 23
e te fefe; aua o lē saili ina ia ou oti,
o loo saili foi o ia ina ia ē oti, a e
saogalemu oe ina ua ta faatasi ma
a'u.
- Ua faaolaina Kaila e Tavita. Ua
sao o ia ai le lima o Saulo.*
- NA ta'uina atu ia Tavita, ua faa-23
pea, Faauta, o loo tau Filisitia ma
Kaila, o loo latou vete foi i mea e
sasa ai saito. Ona fesili lea o Ta- 2
vita ia Ieova, ua faapea, Ou te alu
ea, ma ou fasi i nā Filisitia? Ona
fetalai mai lea o Ieova ia Tavita Alu
ia, ma e fasi ia Filisitia, ma e faaola 3
ia Kaila. Ona fai mai lea o tagata o
Tavita ia te ia, Faauta, ua tatou
fefefe iinei i Iuta; a e atili ai pe a
tatou o atu i Kaila i le itu taua a
Filisitia. Ona toe fesili lava lea o 4
Tavita ia Ieova; ona tali mai lea o
Ieova ia te ia, ua faapea mai, Tulai
ia, ina alu ifo i Kaila, auā ou te
tuuina atu Filisitia i lou lima. Ona 5
alu atu ai lea o Tavita ma ona

tagata i Kaila; ua latou tau ma Filisitia, ua fao a latou mea, ma fasi ia te i latou i le fasi tele; ua faaola foi e Tavita i e na nonofo i Kaila. Na sola mai Aviata le atalii o Aimeleka ia Tavita i Kaila, ua alu ifo ai o ia ma le efota i lona lima.

7 Ua ta'uina atu ia Saulo, ua alu atu Tavita i Kaila; ona fai ane lea o Saulo, Ua tuulafoai mai e le Atua ia te ia i o'u lima, auā ua punitia o ia ina ua alu atu i le aai ua fai pui-pui ma faamaufaalava. Ona alu ai lea o le faalaesi 'au a Saulo i le nuu uma e o mai i le taua, ia o ifo i Kaila, e siosio atu ia Tavita ma ona tagata. Ua iloa e Tavita, ua fai togafiti leaga Saulo ia te ia, ona fai atu lea o ia ia Aviata le faitaulaga,

10 Au mai ia le efota. Ona fai atu lea o Tavita, Ieova e, le Atua o Isaraelu, ua matuā faalogo lava e lau auaua o loo fou mai Saulo e sau i Kaila e faatafuna i le aai ona o a'u. E tuuina atu ea a'u e tagata o Kaila i lona lima? e alu ifo ea Saulo, pei ona faalogo ai e lau auaua? Ieova e, le Atua o Isaraelu, ia e fetalai mai i lau auaua. Ona fetalai mai lea o Ieova, E alu ifo ai lava o ia. Ona fai atu lea o Tavita, E tuuina atu ea a'u ma o'u tagata e tagata o Kaila i lima o Saulo? Ua fetalai mai ai Ieova, Latou te tuuina atu ai lava

13 outou. Ona tulai lea o Tavita ma ona tagata, pe atoa se toaono galau, ua latou o ese nai Kaila, ua soona o lava. Ua ta'uina atu ia Saulo, ua sola Tavita nai Kaila; ona tuu ai lea e ia, ua le toe alu atu. Ua nofo Tavita i le vao i 'olo mauga, ua nofo i le mauga i le vao o Sifi; ua saili e Saulo ia te ia i aso uma, a e lei tuuina o ia e le Atua i lona lima.

15 Ua iloa e Tavita, ua alu atu Saulo e saili ia oti o ia; sa i ai Tavita i le vao o Sifi i le vao matua. Ona tulai lea o Ionatana le atalii o Saulo, ua alu atu ia Tavita i le vao matua, ua faamalosi ia te ia i la le Atua; ua fai mai foi ia te ia, Aua le fefe, auā e le maua oe e le lima o Saulo lo'u tamā; a e fai oe ma tupu o Isaraelu, o a'u foi ou te aupito atu ia te oe; ua iloa lava e lo'u tamā o Saulo e faapea lava. Ona fai lea o la la mavaega i luma o Ieova; ua nofo

Tavita i le vao matua, a e alu atu Ionatana i lona fale.

Ua o ae tagata o Sifi ia Saulo i 19 Kipea, ua faapea, E le ua lasi ea Tavita ia te i matou i 'olo mauga i le vao matua i le mauga o Hakila, o loo i le itu i toga o Iesimoni? O lenei, le tupu e, ia e malii ifo i mea uma ua naunau i ai lou finagalo e malii ifo ai; a e a matou e tuuina atu o ia i le lima o le tupu. Ona fai mai lea o Saulo, Ia faamanuia outou e Ieova, auā ua outou alolofa mai ia te au. Ina o ia outou, toe sauniuni lelei, ma iloa, ma vaai i le mea e masani ai o ia; po o ai ua iloa ai o ia; auā fai mai ua matuā togafiti poto o ia. Ia outou vaavaai foi, ma ia iloa ona lasitaga uma e lasi ai o ia; ona outou foi mai lea ia te au ma le tonu, ona tatou o lea ma outou; a e afai e i ai o ia i le nuu, ou te saili ia te ia i afe uma o Iuta.

Ona tulai lea o i latou, ua o i Sifi, ua muamua ia Saulo; a o Tavita ma ona tagata sa i le vao o Meona i latou, i le elelee laugatasi i le itu i toga o Iesimoni. Ua alu atu foi Saulo ma ona tagata e saili ia te ia; ua ta'uina atu ai ia Tavita, ona alu ifo lea o ia i le papa, ua nofo i le vao o Meona. Ua faalogo ai Saulo, ona tuliloa lea o ia ia Tavita i le vao o Meona. Ua alu atu Saulo i le tasi itu o le mauga, a o Tavita ma ona tagata sa i le tasi itu o le mauga i latou. Ua faataalise ona alu ese o Tavita ia Saulo, a o Saulo ma ona tagata, ua latou siosio ia Tavita ma ona tagata e pupue ia te i latou. Ona sau ai lea o le feau ia Saulo, ua faapea, Ia vave ona malii atu, auā ua osofia le nuu e Filisitia. Ona foi lea o Saulo ai le tuliloaga o Tavita, ua alu e tau ma Filisitia; o le mea lea na latou faaigoā ai lea mea, e Papa o le faasaoina. Ua alu ae Tavita nai lea mea, ua nofo i 'olo mauga i Enokati.

Ua faasaoina Saulo e Tavita i le ana i Enokati.

UA foi mai Saulo ina ua tulia Filisitia, ona ta'u atu ai lea ia te ia, ua faapea atu, Faauta ia Tavita. o loo i le vao o Enokati. Ona ave lea e Saulo tagata e tolu afe ua filifilia

nai Isaraelu uma, ua alu atu e saili ia Tavita ma ona tagata i papa o 'oti
 3 o le vao. Ua oo atu i lotoā o mamoe i le ala, ua i ai le ana, ona ulu atu ai lea o Saulo e ufufi i ona vae, a o loo nonofo Tavita ma ona tagata i le muliana. Ona fai mai lea o tagata o Tavita ia te ia, Faauta, o le aso lenei na fetalai ai Ieova ia te oe, Faauta, ou te tuu atu le ua ita ia te oe i lou lima, e te faia ia te ia pei ona e loto i ai. Ona tulai lea o Tavita, ua ia sesele ese lemu le pito ofu o Saulo. E mulimuli ane ua tuia le loto o Tavita ia te ia, ina ua ia
 6 sesele ese le pito ofu o Saulo. Ua fai atu foi o ia i ona tagata, Ia faamamoa e Ieova ia te au ona ou faia lena mea i lo'u alii, le ua faauuina e Ieova, e faaoo ai lo'u lima ia te ia, auā o ia ua faauuina e Ieova. Ua
 7 taofi e Tavita i ona tagata i nei upu; ma na le tuu atu i latou e laga atu ia Saulo; ua tulai atu Saulo i le ana, ua alu atu i lona ala.
 8 E mulimuli ane ona tulai lea o Tavita, ua alu atu nai le ana, ua valaau atu ia Saulo, o loo faapea, Lo'u alii e, le tupu. Ua tepa mai Saulo i ona tua, ona punou lea o Tavita i lalo i le elelele, ma ifo atu i
 9 ai. Ona fai atu lea o Tavita ia Saulo, O le a le mea ua e faafofoga ai i upu a tagata, ua faapea, Faauta ia Tavita, o loo saili e agaleaga ia te oe. Faauta, o le aso nei ua e silafia e ou lava fofoga, na tuuina mai oe e Ieova i le aso nei i lo'u lima i le ana, na fai mai foi *le tasi* ou te fasioti ia te oe; a ua ou alofa ia te oe, ma a'u fai atu, ou te le faaoo lo'u lima i lo'u alii, auā o le faauuina a Ieova
 11 o ia. Lo'u tamā e, ia e silasila mai foi i lou pito ofu i lo'u lima, auā o lo'u sesele ese i lou pito ofu, a ua ou le fasi ia te oe, ia e iloa ai, ma e silafia, ua leai se leaga, po o se fouvale ia te au, ma a'u le agaleaga ia te oe; a o oe, o loo e lamalama ia
 12 ou oti ia te oe. Ia faamasino e Ieova ia te i taua nei ma oe, ma ia tauu atu e Ieova ia te oe ona o a'u; a o lo'u lima, e le oo lea ia te oe. Pei ona fai mai le upu o le muāgagana mai anamua, E tupu mai le amioleaga i e amioleaga; a e le oo
 14 lo'u lima ia te oe. Ua malii mai le

tupu o Isaraelu e mulimuli mai ia te ai? E te tulituliloa mai ia te ai? E mulimuli mai i le uli mate; e mulimuli mai i le 'utu fiti. Ia fai
 15 ma faamasino Ieova, ma ia faamasino ia te i taua ma oe, ma ia silasila mai, ma faatonu mai a'u mea, ma ia laveai mai ia te au ai lou lima.

Ua faauma e Tavita ona tautala i
 16 nei upu ia Saulo, ona fai mai lea o Saulo, O lou leo ea lea, lo'u atalii e Tavita? Ona tagi ai lea o Saulo ua leo tele. Ua fai mai foi o ia ia
 17 Tavita, Ua sili lau amiotonu i la'u, auā ua e tauu mai ia te au i le lelei; a o a'u, ua ou tauu atu ia te oe i le leaga. Ua e faaali mai i le asō i le
 18 lelei ua e faia mai ia te au; auā na tuuina a'u e Ieova i lou lima, a ua e le fasi ia te au; afai e maua le
 19 tagata e lona fili, e tuu atu ea ia te ia e alu ma le lelei? Ia tauu atu e Ieova le lelei ia te oe, ona o le mea ua e faia ia te au i lenei aso. O
 20 lenei, faauta, ua ou iloa e fai lava oe ma tupu; e faatumauina le malo o Isaraelu ia te oe. O lenei, ia e
 21 tauto mai ia te au ia Ieova, e te le faauma la'u fanau pe a mavae atu a'u, ma e le tinei lo'u igoa i le aiga o lo'u tamā. Ua tauto Tavita ia
 22 Saulo, ona alu ai lea o Saulo i lona fale; ua o ae foi Tavita ma ona tagata i le 'olo mauga.

O le oti o Samuelu. O le agavale a Napalu.

UA oti Samuelu, ona faapotopoto
 25 ai lea o Isaraelu uma, ua latou tau-faitagitui ia te ia, ma tanu ia te ia i lona fale i Rama. Ua tulai Tavita, ma alu ifo i le vao o Parana. Sa i
 2 ai *le tasi* tagata i Meona, o ana mea foi sa i Karamelu; ua tagata ola lava ia, sa ia te ia o mamoe e tolu gaafe, ma 'oti e tasi le afe; sa sele fulufulu o ana mamoe i Karamelu. O Napalu le igoa o le tagata, o Apikaila le igoa o lana avā; o le fafine mafaufau lelei, ma le lalelei, a o le tane o le finauvale ia ma le leaga i ana mea e fai; o le sa Kalepō foi o ia. Ua faalogo Tavita i le vao, o loo
 4 sele e Napalu fulufulu o ana mamoe; ona auina atu lea e Tavita o taulelea e toasefulu; ua faapea ane Tavi-
 5 ta i taulelea, O ae ia outou i Kara-

6 melu, ma o atu ia Napalu, ma ofo
atu ia te ia i lo'u igoa; tou te faa-
pea atu i le ua tagata ola, Ia manuia
7 oe, ia manuia lou aiga, ia manuia
au mea uma lava. O lenei, ua au
faalogo atu o loo ia te oe e ua sele
fulufulu; o lenei, o au leoleo ma-
moe sa matou noufo ma i matou,
sa le afaina i latou; e leai foi se
8 mea na le iloa ia te i latou i aso
uma na latou i ai i Karamelu. Ia
e fesili i ou taulelea, latou te ta'u
atu ai ia te oe; ma ia alofagia tau-
lelea e oe; auā o le aso lelei ua o
9 atu ai i latou; ia e foai ane se mea
e soona maua e oe i au auauna ma
lou atalii o Tavita.

10 Ua oo atu taulelea o Tavita, ona
latou fai atu lea ia Napalu, e pei o
upu nei uma, i le igoa o Tavita, ona
faalologo ai lea o i latou. Ona tali
mai lea o Napalu i auauna a Tavita,
ua faapea mai, O ai ea Tavita? o ai
foi le atalii o Iese? e toatele au-
auna i nei ona po, ua taitasi ma
11 sola ese i o latou matai. Ou te ave
ea a'u areto, ma a'u vai, ma a'u
manu ua ou fasia mo e sele mo a'u,
ou te foai atu ai i tagata ou te le
12 iloa pe maifea i latou? Ona liliu
mai ai lea o taulelea o Tavita i lo
latou ala, ua latou toe foi mai; ua
oo mai, ma latou ta'u mai ia te ia, e
13 tusa ma ia upu uma. Ona fai atu
lea o Tavita i ona tagata, ia taitasi
ma fusi i lana pelu; ona taitasi lea
ma fusi i lana pelu, ua fusi foi e
Tavita i lana pelu; ona mulimuli
ae lea ia Tavita pe atoa se toafa
galau o tagata, a e faamuli le toalua
lau i oloa.

14 Na ta'u atu e le tasi taulelea ia
Apikaila le avā a Napalu, ua faapea,
Faauta, na auina mai e Tavita o
auauna nai le vao e faamanuia i lo
15 tatou alii; a ua ia oso feai atu ia te
i latou. Sa agalelei tasi ia tagata
ia te i matou; sa le afaina i matou,
na leai foi sa matou mea e le iloa i
aso uma na matou feoi ma i latou,
16 a o i ai i matou i le vao. Sa fai ma
pa i latou ia i matou i le po ma le
ao i aso uma na matou i ai ma i
17 latou o leoleo mamoe. O lenei, ia
e iloa, ma e mafaufau pe se a se
mea e te faia, auā ua uma ona sa-
unia mai se leaga i lo tatou alii, atoa

ma lona aiga uma; o ia foi le tagata
ulavale, e le matautala atu *se tasi* ia
te ia. Ona faataalise ai lea o Api- 18
kaila, ua ia avane areto e lua selau,
ma fagu pa'u o uaina e lua, ma
mamoe ua uma ona saunia e lima,
ma sea o saito tunu e lima, ma fui-
fui vine mago e selau, ma potopoto-
gāmati e lua selau, ua ia faaee ai i
luga o asini; ua fai atu i ona taule- 19
lea, Muamua ia outou i o'u luma;
faauta, ou te mulimuli atu ia te
outou; a ua ia le ta'u atu ai ia Na-
palu lana tane. Sa tietie ia i luga 20
o le asini, ma alu ifo i le itu e lilo o
le mauga; faauta foi, o loo o ifo
Tavita ma ona tagata ua feagai ma
ia, na latou fetaiiai ma ia.

Na fai ane Tavita, E moni, ua ou 21
leoleo fua i mea uma a lena *tagata*
i le vao, ua leai lava sana mea e
tasi e le iloa; a ua tau mai o ia ia
te au le lelei i le leaga. Ia faapea 22
ona fai e le Atua i e ita ia Tavita,
ma ia faaopoopo i ai, pe afai ou te
faasao, ia oo i le malama ae o le
taeao, so latou uma o ia te ia e
tulai atu i se aupa.

Ua iloa e Apikaila ia Tavita, ona 23
faataalise ai lea ona alu ifo o ia nai
le asini, ua faapaū faō ia i luma o
Tavita, ma ifo toe. Ua faapaū 24
mai i ona vae, ua fai mai, Le alii e,
ia ia te au lenei agasala; o a'u nei
lau auauna fafine, se'i ou fai atu i
ou fofoga, ma e faafofoga mai i upu
a lau auauna fafine; aua ne'i tuu e 25
lo'u alii i lona finagalo o *amio* a lena
tagata ulavale, o Napalu; auā e pei
o lona igoa e faapea foi o ia; o
Napalu lona igoa, o loo ia te ia foi
le valea; a o a'u lau auauna fafine,
ou te lei iloa taulelea o lo'u alii, na
e auina atu ai. O lenei, le alii e, o 26
loo soifua Ieova, o loo e soifua foi
oe, ua taofi Ieova ia te oe, ina ne'i e
alu atu e *sasaa* le toto, ma tau mai
ai e lou lima ia *Napalu*; o lenei, ia
pei o Napalu e ua ita ia te oe, atoa
ma e ua saili e agaleaga i lo'u alii.
O lea foi, o le alofa lenei ua au mai 27
e lau auauna fafine i lo'u alii; ia
avatu ia i taulelea o loo mulimuli
mai i lo'u alii. Ia e faamagalo le 28
agasala a lau auauna fafine; auā e
faia lava e Ieova mo lo'u alii se aiga
tumau, auā ua tau e lo'u alii taua o

- 29 Ieova, e lei iloa foi se leaga ia te oe i ou aso *uma*. A ua tulai mai le tagata e tulituliola ia te oe, o loo sailili foi ia malii oe; a e fusifusia le ola o lo'u alii i le ta'u i o le ola e Ieova lou Atua, a o le ola o e ita ia te oe, na te sasau i ai i le maata.
- 30 A uma ona fai e Ieova i lo'u alii o mea lelei uma na ia fetalai mai ai ia te oe, ma ua tofia oe e fai ma ta'itafi
- 31 e pule ia Israelu, e le fai le mea nei ma faalavelave ia te oe, ma mea e tiga ai le finagalo o lo'u alii, ina ua e *le sasaa* fuga le toto, ma ua *le* tau i atu e lo'u alii le leaga. A faamanuia mai foi e Ieova i lo'u alii, ia e manatu mai i lau auauna fafine.
- 32 Ona fai atu lea o Tavita ia Apikaila, Faafetai ia Ieova le Atua o Israelu, o le na auina mai oe i le
- 33 aso nei e faafetaiai ia te au. Faafetai foi i lou mafaufau, ma faafetai ia te oe, ina ua e taofi ia te au i lenei aso, ina nei ou alu e *sasaa* le toto, ma tau i le leaga e lo'u lava
- 34 lima. E moni, o loo soifua Ieova le Atua o Israelu, le na taofi mai ia te au, ina ia ou le fai se mea leaga ia te oe; auā ana e le faataalise ona sau e faafetaiai ia te au, po ua le toe ia Napalu i le malama ae o le taeao se tulai atu i se aupā.
- 35 Ona talia lea e Tavita nai lona lima o mea ua ia au mai ia te ia; ua fai atu foi ia te ia, Alu ae ia oe ma le manuia i lou fale; faauta, ua ou faalogo i lau upu, ma ou alofa ia te oe.
- 36 Ona alu atu lea o Apikaila ia Napalu; faauta, ua fai e ia le tausamiga i lona fale, pei o le tausamiga a se tupu; ua fiafia foi le loto o Napalu i totonu ia te ia o loo inu ia ua onā tele ai. Ua ia le ta'u atu ai ia te ia se upu itiiti, po o *se upu* tele se'i malama ae le taeao. Ua oo i le taeao, ua mavae *le onā* i le uaina ia Napalu, ona ta'u atu ai lea e lana avā ia te ia o nei mea uma; ona oti ai lea o lona loto i totonu ia te ia, ua avea o ia pei se maa.
- 37 Pe atoa le sefulu o aso, ona taia
- 38 lea o Napalu e Ieova; ua oti ai. Ua faalogo Tavita ua oti Napalu, ona fai ane lea o ia, Faafetai ia Ieova, ua ia tau i atu i le agatele mai o Napalu, ma na taofi i lana auauna nai le leaga; a ua faafoi atu e Ieova
- le leaga o Napalu i lona lava ulu. Ua alu le feau a Tavita e tautalatala ma Apikaila, ia fai mana avā.
- 40 Ua oo atu auauna a Tavita ia Apikaila i Karamelu, ona latou tautala atu lea ia te ia, ua faapea atu, Ua aauina mai i matou e Tavita ia te oe ina ia fai oe mana avā. Ona
- 41 tulai lea o ia, ua ifo toele; ua fai mai, Faauta i lau auauna fafine, *ia* fai ma auauna e mulumulu i vae o auauna a lo'u alii. Ua faataalise
- 42 ona tulai o Apikaila, ua tietie i luga o le asini, ua mulimuli foi ia te ia ona teine e toalima; ua ia mulimuli atu i auauna a Tavita, ona fai ai lea o ia mana avā. Ua fai avā foi
- 43 Tavita ia Ainoama le Isereelu, ua fai mana avā o i laua e toalua. A
- 44 ua foai atu e Saulo lona afafine o Mekala le avā, a Tavita ia Paleti, le atalii o Laisa, o le Kali.
- Ua toe faasao'ina Saulo e Tavita a o moe o ia.*
- 26 UA o atu tagata o Sifi ia Saulo i Kipea, ua faapea atu, E le o lafi ea Tavita i le mauga o Hakila i luma o Iesimoni? Ona tulai lea o Saulo,
- 2 ua alu ifo i le vao o Sifi; ua ia te ia foi tagata o Israelu e na filifilia e tolu gaafe, e saili ia Tavita i le vao o Sifi. Ua to lauapi e Saulo i le
- 3 mauga o Hakila, ua i luma o Iesimoni i le ala; a o Tavita, ua nofo o ia i le vao, ua iloa e ia ua mulimuli mai Saulo ia te ia i le vao. Ua
- 4 aauina atu e Tavita ni matavao; ua ia iloa ai, e moni lava ua sau Saulo. Ona tulai atu lea o Tavita, ua alu
- 5 atu i le mea ua to ai lauapi a Saulo; ua vaai atu Tavita i le mea ua taoto ai Saulo, o Apineru foi le atalii o Neru, le alii e pule i ana 'au; ua taoto Saulo i le 'olo, a o le nuu ua to lauapi i latou e siosio ai ia te ia.
- 6 Ona fai atu lea o Tavita, ua faapea atu ia Aimeleka le sa Heti, ma Apisai le tama a Seruia, le uso o Ioapo, ua faapea, O ai ea ma te o ifo ma a'u ia Saulo i le togālauapi? Ua fai mai Apisai, O a'u, ta te o ifo ma oe. Ona o atu lea o Tavita ma
- 7 Apisai i le nuu i le po; faauta ia Saulo ua taoto, o loo moe i le 'olo, ma lona tao ua sunui i le elelee i tafatafa o lona ulu; o Apineru foi

- ma le nuu, o loo taooto i latou e faasiosio ai ia te ia. Ona fai mai lea o Apisai ia Tavita, Ua tuuina mai e le Atua i le po nei le ua ita ia te oe; o lenei, seia ou tutu'i faatasi ia te ia i le tao e oo i le eleele, ou te le *tutu'i*
- 9 faalua ia te ia. Ona fai atu lea o Tavita ia Apisai, Aua e te fasioti ia te ia; auā po o ai ea na te faaoo lona lima i le ua faauuina e Ieova, a e le nofo sala ai o ia? Ua fai atu foi Tavita, O loo soifua Ieova, e fasia lava o ia e Ieova, pe oo i ona aso e oti ai, pe alu ifo i se taua e fano ai.
- 11 Ia faamamao e Ieova ia te au, ina ne'i faaoo lo'u lima i le ua faauuina e Ieova; a ia e tago i le tao o loo i tafatafa o lona ulu, ma le fagu vai,
- 12 i le ta o ai i taua. Ua ave e Tavita le tao ma le fagu vai sa i tafatafa o le ulu o Saulo, ona o lea o i laua; ua le vaai mai *se tasi*, ua leai se iloa, ua leai foi se ala, auā ua momoe i latou uma, ona o le moe gase mai ia Ieova ua oo ia te i latou.
- 13 Ona alu ane ai lea o Tavita i le tasi itu, ua tu i le tumutumu o le mauga, e mamao atu, e tele se mea
- 14 ua va a'i i latou. Ona valaau ai lea o Tavita i le nuu atoa ma Apineru le atalii o Neru, ua faapea, E te le tali mai ea, Apineru? Ua tali mai Apineru, ua faapea mai, O ai ea oe,
- 15 e te valaau i le tupu? Ona fai atu lea o Tavita ia Apineru, E te le se toa ea oe? O ai se lua te tusa ma oe i Isaraelu? O le a le mea e te le leoleo ai lou alii le tupu? auā na alu atu le tasi tagata e fasioti i lou alii
- 16 te tupu. E le lelei lenei mea ua e faia; o loo soifua Ieova, o tagata e tatau ona oti outou, auā na outou le leoleo i le outou alii le ua faauuina e Ieova; o lenei foi, ina iloilo po o fea le tao o le tupu, ma le fagu vai sa i tafatafa o lona ao? Ua iloa e Saulo le leo o Tavita, ona fai mai lea o ia, O lou leo ea lea, lo'u atalii e Tavita? Ua fai atu Tavita, O
- 18 lo'u leo lava, lo'u alii e le tupu. Ua fai atu foi, O le a ea lenei, lo'u alii e, ina ua e tulituliloa mai i lau au-auna? auā se a se mea ua ou faia? po o le a ea le leaga o loo ia te au?
- 19 O lenei, ia faafofoga mai lo'u alii e le tupu, i upu a lau au-auna; afai ua ului atu oe e Ieova ia te au, ia faa-

lauleleina lona finagalo i se taulaga; a e afai o tagata, ia malaia i latou mai luma o Ieova, auā ua latou tuli ese ia te au i nei ona po, ina ia a'u le faatasi atu i le tofi o Ieova, o loo faapea mai *i latou*, Alu ia, ina au-auna i atua ese. O lenei, aua ne'i 20 masaa ifo lo'u toto i le eleele i luma o Ieova; auā ua malui mai le tupu o Isaraelu e saili se 'utu fiti, peiseai ua tuli e se tasi le koli i mauga. Ona fai mai lea o Saulo, Ua ou agasala; ina foi mai ia, lo'u atalii e Tavita, auā ou te le toe agaleaga ia te oe, auā ua e faapelepeleina lo'u ola i lenei po; faauta, ua ou amio faavalea, ma ou sese tele lava. Ona 22 tali atu lea o Tavita, ua faapea atu, Faauta, o le tao o le tupu, ia sau se taulealea na te avatu ai. A o Ieova 23 na te tau'i atu *i tagata* taitasi i lana amiotonu ma lona faamaoni; auā na tuuina mai oe e Ieova ia te au i lenei po, a ua ou le mafai ona faaoo lo'u lima i le ua faauuina e Ieova. Faauta, pei ona faapelepeleina lou 24 ola i lenei po e a'u, ia faapea ona faapelepeleina lo'u ola e Ieova, ma ia laveai ia te au ai puapuaga uma. Ona fai mai lea o Saulo ia Tavita, Ia 25 manuia oe lo'u atalii e Tavita, e te faia e oe *mea* e sili, ma e malo pea lava. Ona alu ai lea o Tavita i lona ala, a e foi Saulo i le mea e nofo ai o ia.

Ua sola Tavita i Kata. Ua tuuina atu Sekeleka ia te ia.

UA fai ifo Tavita i lona loto, E iu 27 ina ou oti se aso i le lima o Saulo; e leai *se mea* e lelei ia te au na ona ou matuā sola i le nuu o Filisitia; ona tuua lea o a'u e Saulo, e le toe saili ia te au i nuu uma o Isaraelu, ona ou sao ai lea i lona lima. Ona 2 tulai lea o Tavita, ua alu atu o ia atoa ma tagata e toaono galau sa ia te ia, ia Akisa le atalii o Maoka, le tupu o Kata. Ua nonofo Tavita ma 3 Akisa i Kata, o ia ma ona tagata. taitasi ma lona aiga; o Tavita foi ma ana avā e toalua, o Ainoama le Isereelu, ma Apikaila le avā a Npalu le Karamelu. Ua tauina atu 4 ia Saulo, ua sola Tavita i Kata, ona le toe saili lea o ia ia te ia.

Ua fai atu Tavita ia Akisa, Afai 5

- ua alofagia a'u e oe, ia tuu mai se mea ou te nofo ai i se faoa aai, ona ou nofo lea i lea mea; se a le mea e nofo ai lau auaua i le aai o le tupu faatasi ma oe? Ona tuu atu lea e Akisa ia te ia i lea lava aso o Sekeleka; o le mea lea ua fai ai Sekeleka mo tupu o Iuta, ua oo i lenei aso.
- 7 O ona aso atoa sa nofo ai Tavita i le nuu o Filisitia, o le tausaga ma masina e fa.
- 8 Ua o ae Tavita ma ona tagata, ua latou osofia Kasuri, ma Kasera, ma Amaleka; auā o i latou nei sa nonofo i le nuu mai le vavau, i le mea e alu atu ai i Sura, e oo atu i le nuu o Aikupito. Ua fasi e Tavita le nuu, ua le faaola se tane po o se fafine, ua ia au mai foi o mamoe, ma povi, ma asini, ma kamela, ma ofu; ona foi mai lea o ia, ua alu ia Akisa.
- 10 Ua fai mai Akisa, *Po o fea* nuu na outou osofia i le aso? Ua fai atu Tavita, O le itu i toga o sa Iutā, ma le itu i toga o sa Ieramaelū, ma le itu i toga o sa Kenī. Ua le faaola e Tavita se tane po o se fafine e sau i Kata, o loo faapea ane, Ne'i ta'ua i tatou e i latou, e faapea, O loo faapea ona fai e Tavita; o le a faapea foi lana amio i aso uma e nofo ai o ia i le nuu o Filisitia. Ua talia e Akisa *le tala* a Tavita, ua faapea ane o ia, Ua matuā inosia o ia ia te ia e lona nuu o Isaraelu; o lea e fai ai o ia ma auaua ia te au e faavavau.
- Ua sii le taua a Filisitia ia Isaraelu. Ua atu Saulo i le taulāitu fafine.*
- 28 O IA ona aso na faapotopoto ai e Filisitia a latou 'au e sii atu le taua ia Isaraelu; ona fai mai lea o Akisa ia Tavita, Ia e matuā iloa, o le a ta o atu ma a'u i le taua, o oe atoa foi ma ou tagata. Ona fai atu lea o Tavita ia Akisa, O lea foi e te silafia ai le mea e faia e lau auaua; ona fai mai lea o Akisa ia Tavita, O lea foi ou te tofia ai oe e leoleo i 3 lo'u ulu i aso uma. (Ua oti Samuelu, sa taufaitagitu'i Isaraelu uma ona o ia, ma latou tanu ia te ia i Rama lona nuu; ua faatea foi e Saulo taulāitu fafine, ma e ua i ai aitu vavalo nai le nuu.)
- 4 Ua faapotopoto Filisitia, ua o atu, ma to lauapi i Sunema; ua faapotopoto foi e Saulo ia Isaraelu uma, ma to lauapi i latou i Kilepoa. Ua vaai atu Saulo i le itu taua a Filisitia, ona fefe ai lea o ia, ma gatete tele ai lona loto. Ua fesili atu foi Saulo ia Ieova, a ua le tali mai Ieova ia te ia i se miti, po o le Urima, po o se perofeta. Ona fai mai lea o Saulo i ana auaua, Ina saili ia se fafine ua i ai se aitu vavalo, ou te alu atu ia te ia, ma ou fesili atu ia te ia. Ua fai atu ana auaua ia te ia, Faauta, o le fafine ua i ai le aitu vavalo o loo i Enetoro. Ona faatagā tagata ese lea o Saulo, ua ofu o ia i ofu ese, ua alu atu o ia ma tagata e toalua ma ia; ua oo po atu i le fafine, ua fai atu ai, *O lou* aitu vavalo e te faaali mai ai ia te au, ma faatulai mai ai ia te au lē ou te fai atu ai ia te oe. Ona tali mai lea o le fafine ia te ia, Faauta, ua e iloa le mea ua faia e Saulo, ua ia fasia taulāitu fafine, ma e ua i ai aitu vavalo i le nuu; o le a le mea ua e faamailei mai ai ia te au, ou te oti ai? Ona tauto lea o Saulo ia Ieova ia te ia, ua faapea, O loo soifua Ieova, e le oo se leaga ia te oe i lenei mea. Ona fai mai lea o le fafine, O ai ea ou te faatu mai ia te oe? Ua fai atu o ia, O Samuelu, e te faatu mai ai ia te au. Ua vaai le fafine ia Samuelu, ona alaga lea o ia ua leo tele; ua fai mai foi le fafine ia Saulo, O le a le mea ua e pelogia ai a'u? o oe lava o Saulo. Ona fai atu lea o le tupu ia te ia, Aua le fefe; o ai ea ua e iloa? Ua fai mai le fafine ia Saulo, Ua ou iloa atu o loo o ae nai le eleele. Ona fai atu lea o ia ia te ia, O le a lona tino mai? Ua fai mai o ia, O le tocaina ua alu ae, o loo ofu i le ofu talaloa. Ona iloa ai lea e Saulo, o Samuelu lea; ua punou ona mata i le eleele, ma ifo atu ia te ia. Ua fai mai Samuelu ia Saulo, O le a le mea ua e faasoesa mai ai ia te au, i le faatulai ae ia te au? Ona tali atu ai lea o Saulo, Ua ou atuatuave tele lava; o Filisitia, ua latou sii mai le taua ia te au, ua afio ese foi le Atua ia te au, ua le toe tali mai o ia ia te au i perofeta, po o se miti; o lea ua ou valaau atu ai ia te oe, ia e faailoa mai se mea

- 16 ou te faia. Ona fai mai lea o Samu-
 elu, O le a foi e te fesili mai ai ia
 te au, pe afai ua afio ese Ieova ia te
 17 oe, ma ua fai oe mona fili? Ua faia
 lava e Ieova le mea na ia fetalai mai
 ia te au; ua saeeseina e Ieova le
 malo nai ia te oe, ua tuu atu ai i le
 18 tasi tagata, o Tavita lea. Auā ua e
 le faalogo i le siufofoga o Ieova, ma
 ua e le faoo lona toasa tele ia Ama-
 leka, o le mea lea ua fai ai e Ieova
 lenei mea ia te oe i nei ona aso.
 19 Ua tuuina atu foi e Ieova o Isaraelu
 faatasi ma oe i lima o Filisitia; a
 taeao foi, ona tatou faatasi lea ma
 a'u, o oe atoa ma ou atalii; e tuuina
 atu foi e Ieova 'au a Isaraelu i lima
 o Filisitia.
 20 Ona paū loa lea o Saulo, ua taa-
 tia faalolola i le eleele, ua matuā
 mata'u lava i upu a Samuelu, ua
 leai foi se malosi ia te ia; auā ua ia
 le 'ai, ua atoa le ao ua atoa foi le po.
 21 Ona sau lea o le fafine ia Saulo, ua
 vaai, o loo atuatuva lea o ia; ona
 fai mai lea o ia ia te ia, Faauta, ua
 faalogo lau auaua fafine i lou siufo-
 foga, ma a'u tuu lo'u ola i lo'u lima,
 ua ou faalogo foi i au afoga na tūlei
 22 mai ia te au; o lenei, ia e faafofoga
 mai lava oe i le leo o lau auaua
 fafine, ou te laulauna atu i ou luma
 sina mea e taumafa e te taumafa ai,
 ina ia e malosi ai e malui atu i lau
 23 malaga. A ua ia le mafai; ua fai
 ane, Ou te le 'ai; a ua tauanau ia te
 ia ana auaua atoa ma le fafine, ona
 faalogo lea o ia i a latou upu; ua
 tulai nai le eleele, ua nofo i le
 24 moega. Sa i le fafine le tamai povi
 na fagina i le fale, ua ia faataalise
 ona fasi; ua avane foi falaoa ma
 palu, ua tunu foi le areto lē faafe-
 feteina. Ona au mai ai lea i luma o
 25 Saulo ma ana auaua; ua latou aai,
 ona tulai lea o i latou, ua o i lea
 lava po.

*Ua le mafai Filisitia ona latou o ma
 Tavita i le taua.*

- 29 UA faapotopoto e Filisitia a latou
 'au uma lava i Afeka; a ua to lau-
 api Isaraelu i le vaipuna o i Isereelu.
 2 Ona o ane lea o alii Filisitia i tai-
 toaselau ma taitoaafe; o Tavita foi
 ma ona tagata ua mulimuli i latou
 3 faatasi ma Akisa. Ona fai mai lea o

alii Filisitia, A faapefea nei Eperu?
 Ona fai atu lea o Akisa i alii Fili-
 sitia, E le o Tavita ea lenei le auau-
 na a Saulo le tupu o Isaraelu? ua
 ia te au o ia aso, pe atoa ni tausaga,
 a ou te le iloa se mea ia te ia, talu
 le aso na sola mai ai, e oo i lenei
 lava aso. A ua ita alii Filisitia ia te
 ia; ua fai atu foi alii Filisitia ia te
 ia, Ia faafoi atu lena tamaloa, ma ia
 nofo o ia i le mea ua e tofia ia te ia;
 auā le alu o ia ma i tatou i le taua,
 auā ne'i 'au ese o ia ia te i tatou i le
 taua; se a se mea e faalelei a'i o ia
 nei ma lona alii, e le o ulu ea o nei
 tagata? E le o Tavita ea lenei sa
 latou lagi fetalai ai i a latou siva, o
 loo faapea, Ua fasia e Saulo ana afe,
 a o Tavita ana sefulu o afe?

Ona valaau lea o Akisa ia Tavita,
 ua fai atu ia te ia, O loo soifua
 Ieova, ua tonu lava oe ma le lelei ia
 te au i lo ta feoai ma a'u i le togā-
 lauapi; auā ua ou le iloa se leaga ia
 te oe talu le aso na e sau ai ia te au,
 ua oo i lenei aso; a ua e lelei i
 manatu o alii. O lenei, ina foi ia,
 ma e alu ma le manuia, ina ne'i e
 faia se mea leaga i luma o alii
 Filisitia. Ona fai mai lea o Tavita,
 ia Akisa, Se a se mea ua ou faia? se
 a foi se mea ua e silafia i lau auaua
 talu le aso na ou i ai i ou luma e oo
 i lenei aso, a a'u le alu atu ai e tau
 ma fili o lo'u alii le tupu? Ua tali
 atu Akisa, ua faapea atu ia Tavita,
 Ua ou iloa, ua lelei oe ia te au pei o
 se agelu a le Atua; a o alii Filisitia,
 ua latou fai mai, E le alu ae o ia ma
 i matou i le taua. O lenei, ia tulai
 le taeao, o oe ma auaua a lou alii
 ua o mai ma oe, ia outou ala usu i le
 malama ae o le taeao, ma ia outou o.
 Ua tulai Tavita, o ia ma ona tagata,
 e ala usu i le taeao, o le a foi atu i
 le nuu o Filisitia; a o Filisitia ua o
 ae i latou i Isereelu.

Ua faamuina Sekeleka e Amaleka.

UA oo Tavita ma ona tagata i
 Sekeleka i le aso tolu, a ua uma le
 osofa le itu i toga ma Sekeleka e
 Amaleka; ua fasia foi Sekeleka, ma
 ua faamuina i le afi. Ua tāfea foi
 fafine sa i ai, o e iti atoa ma e ma-
 tutua; e lei fasiotia se tasi, a ua
 aveia i latou, ma ua latou o. Ua oo

- atu Tavita ma ona tagata i le aai, faauta, ua mu i le afa, a o a latou avā, ma o latou atalii, ma o latou
4 afafine ua tāfea i latou. Ona fetagisi ai lea o Tavita ma le nuu sa ia te ia, ua leo tetele, ua oo ina le toe
5 lavā ona tagi. Ua tāfea foi avā a Tavita e toalua, o Ainoama le Ise-reelu, ma Apikaila le avā a Napalu
6 le Karamelu. Ua atuatuva tele lava Tavita, auā na tantala le nuu e fetogi ia te ia i maa, ina ua tiga loto o le nuu uma taitasi i ona atalii ma ona afafine; a ua faamalosi Tavita
7 lona loto ia leova lona Atua. Ua fai atu Tavita ia Aviata le faitaulaga, le atalii o Aimeleka, Ina au mai ia ia te au le efota; ona avatu ai lea e
8 Aviata o le efota ia Tavita. Ona fesili lea o Tavita ia leova, ua faapea atu, Ou te tuliloa ea i lena 'au? ou te maua atu ea ia te i latou? Ona fetalai mai lea o ia ia te ia, Tuliloa ia, auā e te maua atu ai lava, ma e maua mai lava *nea uma*.
9 Ua alu atu Tavita, o ia ma tagata e toaono galau sa ia te ia, ua oo i le alia o Pesora, ua nonofo ai e na
10 nonofo. Ua tulituliloa e Tavita ma tagata e toafa galau, a ua nonofo le toalua selau na le lavā e o atu i le la
11 itu o le alia o Pesora. Ona latou maua lea le tagata Aikupito i le vao, ua avatu o ia ia Tavita; ua latou avane ia te ia se areto ua 'ai ai, ma latou faainu ia te ia i le vai.
12 Ua latou avatu foi ia te ia se fasi potopotogāmati mamago ma fuifui vine mamago e lua, ua 'ai o ia, ona toe foi mai lea o lona malosi ia te ia; auā e tolu ao e tolu foi po ua ia le 'ai ni areto, ua le inu foi se vai.
13 Ona fai atu lea o Tavita ia te ia, O ai ea oe? maifea foi oe? Ona fai mai lea o le taulealea, O a'u le Aikupito, le auuana a le tagata Amaleka; na tuulafoai mai lo'u alii ia te au, auā na maua a'u i le ma'i
14 anapo luā. Na matou osofia le itu i toga o tagata Kereti, ma le *lau-elele* o Iuta, ma le itu i toga o Kalepo; na matou faamu foi Sekeleka i le afa. Ona fai atu lea o
15 Tavita ia te ia, E te ta'ita'i ifo ea ia te au i lena 'au? Ona fai mai lea o ia, Ina tauto ia i le Atua ia te au, e te le fasioti ia te au, e te le tuuina
atu foi a'u i le lima o lo'u alii, ona ou ta'ita'i ifo lea ia te oe i lena 'au. Ua ia ta'ita'i ifo ia te ia, faauta, o 16
loo salalau i latou i le fogāelele uma, o loo aai, ma feinu, ma sisiva, ona o le vete e tele ua latou aumaia mai le nuu o Filisitia, ma le nuu o Iuta. Ona fāsia lea o i latou e 17
Tavita e afua i le segisegi o le taeao ua oo i le afaia o le tasi aso; ua le sao so latou e toatasi, na o taulelea e toafa galau sa tietie i kamela, ma latou sosola. Ona maua lea e Ta- 18
vita mea uma na ave e Amaleka, ma ana avā e toalua ua maua e Tavita. Ua leai sa latou mea ua le 19
iloa, o se mea itiiti po o se mea tele, o atalii ma afafine, o vete ma mea uma na ave e i latou, ua toe au mai uma e Tavita.
Ua ave e Tavita mamoe uma ma 20
povi, ua latou tutuli atu i luma o le tasi lafa, ma ua latou fai ane, O vete nei a Tavita. Ua oo atu Tavi- 21
ta i tagata e lua selau sa le lavā ona mulimuli atu ia Tavita, sa nonofo i le alia o Pesora; na o mai i latou e faafetaiai ia Tavita, e faafetaiai foi i le nuu sa ia te ia; ua faalatata atu Tavita i le nuu, ona alofa atu lea o ia ia te i latou. Ona fai atu 22
ai lea tagata agaleaga uma ma e ulavavale o le nuu na o ma Tavita, ua faapea, Ona ua le o i latou ma i tatou, o le mea lea tatou te le avatu ai ia te i latou ni vete na matou fao mai, na ona taitasi ma ta'ita'i atu lana avā ma ana fanau, ma ia latou o. A ua fai atu Tavita, O'u 23
uso e, aua le faapea ona fai i mea ua foi mai e Ieova ia te i tatou; ma na leoleo ia te i tatou, ma tuuina mai i o tatou lima le 'au na o mai ia te i tatou. O ai foi se faa- 24
logo ia te outou i lenei mea? auā e tusa la vaegāoa o le na alu ifo i le taua, ma le vaegāoa o lē na faamuli i oa, e faagatasi lava o latou vaegāoa. Na afua mai i lea aso, ua 25
faatuina lenei mea e fai ma tulafono ma masani ia Isaraelu, ua oo i le aso nei.
Ua oo atu Tavita i Sekeleka, ona 26
avatu ai lea e ia o mea o le vete i toeaina o Iuta o ana uo, ua faapea atu, Faauta, o le mea alofa ia te outou ai le vete *na maua* i fili o

II. SAMUELU, 1.

27 Ieova ; mo e i Peteli, mo e i Ramota i le itu i toga, mo e i Iatira,
28 mo e i Aroeru, mo e i Sefemo, mo
29 e i Esetemoa, mo e i Rakala, mo e i aai o sa Ieramaelū, mo e i aai o sa
30 Kenī, mo e i Horema, mo e i Koroasa, mo e i Ataka, mo e i Heperona,
31 ma mea uma sa fealuai ai Tavita, o ia ma ona tagata.

Ua oti Saulo ma ona atalii i le taua.

31 UA tau Filisitia ma Isaraelu ; ona sosola ai lea o tagata Isaraelu i luma o Filisitia ; ua pauu manunua i latou i le mauga o Kilepoa. Ua tulitatao foi Filisitia ia Saulo ma ona atalii ; ona fafasi lea e Filisitia ia Ionatana, ma Apinatapa, ma Makisua, o atalii ia o Saulo. Ua mafa le taua ia Saulo, ua maua atu o ia e tagata fanafana u, ua manua 4 tele foi o ia i e na fanafana. Ona fai atu lea o Saulo i lona soātau, Ina to ae ia lau pelu, ma tutu'i mai ia te au ; ne'i oo mai na tagata le perito-meina, ma latou tutu'i mai, ma faaleaga mai ia te au. A ua le mafai lona soātau, auā ua tele lona fefe ; ona tago ai lea o Saulo i le pelu, ma faapaū i ona luga. Ua vaai lona soātau ua oti Saulo, ona faapaū foi lea o ia i lana pelu, ua oti foi faatasi 6 ma ia. O lea na oti ai Saulo, ma

ona atalii e toatolu, ma lona soātau, atoa foi ma ona tagata uma faatasi ma ia i lea aso. Ua vaai tagata Isaraelu sa i le tasi itu o le vanu. atoa ma i latou sa i le tasi itu o Ioritana, ua sosola tagata Isaraelu, ma ua oti Saulo ma ona atalii, ona latou lafoai lea o aai, ma sosola i latou ; ona o mai lea o Filisitia ua nonofo ai.

Ua oo i le taeao, ona o atu lea o Filisitia e tatala ofu o e na fāsia ; ona latou maua lea o Saulo ma ona atalii e toatolu o loo taatitia i le mauga o Kilepoa, Ona latou vavae lea lona ulu, ma tatala ona ofutau, ma ua latou tuu sāvali i le nuu o Filisitia, ia faataamilo ona tala'i i le fale o latou tupua, atoa ma le nuu. Ua latou tuu ona ofutau i le fale o Asaira, a o lona tino ua latou faamauina i le pa o Petesani. Ua faalogo e ua nonofo i Iapese-Kiliata i le mea ua faia e Filisitia ia Saulo ; ona tulai lea o tagata totoa uma, ua savavali atu i latou, ua atoa le po ; ua latou ave le tino o Saulo ma tino o ona atalii nai le pa o Petesani, ona o atu lea o i latou i Iapese ; ona latou susunuina ai lea o i latou. A ua ave o latou ivi, ma tanu ai i lalo o le laau tele i Iapese, ma latou anapopogi ai i aso e fitu.

O LE TUSI E LUA A SAMUEL U.

Ua au mai ia Tavita le tala o le oti o Saulo ma Ionatana ; ua faanoanoa ai o ia.

1 UA oo ina ua mavae le oti o Saulo, ma ua foi atu Tavita nai le fasiga o Amaleka ; sa nofo foi Tavita i Sekeleka i aso e lua ; Ona oo ai lea i le aso tolu, faauta, ua sau le tagata nai le itu taua a Saulo, ua masae ona ofu, ma le elelee i lona alu, ua

oo atu o ia ia Tavita, ona faapaū ai lea o ia i le elelee, ua ifo ia te ia. Ona fai atu lea o Tavita ia te ia, Maifea ea oe ? Ua fai mai o ia ia te ia, Ua ou sola mai le itu taua a Isaraelu. Ona fai atu lea o Tavita ia te ia, Ua a ea ? ta'u mai ia ia te au. Ua fai mai o ia, Ua sosola le nuu nai le taua, e toatele foi o le nuu ua pauu ua oti ; o Saulo foi ma Ionatana lona atalii ua oti i laua.

II. SAMUELU, 2.

- 5 Ua fai atu Tavita i le taulealea na tala mai ia te ia, Ua e iloa faapefea ua oti Saulo ma Ionatana lona atalii? Ona fai mai lea o le taulealea na tala mai ia te ia, Na ou soona alu ane i le mauga o Kilepoa, faauta, o loo tōonai Saulo i lona tao; faauta foi, o kariota ma e tietie i solofanua o loo piitia le tuli ia te ia.
- 7 Ua fāliu o ia, ua na iloa mai a'u, ona valaau mai lea o ia ia te au; ona ou fai atu lea, O a'u lenei. Ua fai mai o ia ia te au, O ai ea oe? Ona ou fai atu lea ia te ia, O a'u o lo sa Amalekā, Ona fai mai lea o ia ia te au, Ia e tu i o'u luga, ma faaoti ia te au, auā ua oo mai le atuatuvaletu ina ua ou ola pea lava. Ona ou tu ai lea i ona luga, ma ou faaoti ia te ia; auā na ou iloa e le toe ola o ia ina ua pa'i; ona ou tago ai lea i le palealii sa i lona ao, ma le taulima sa i lona aao, ua ou aumai iinei i lo'u alii. Ona tago lea o Tavita i ona ofu, ua na saeia; ua faapea foi tagata uma sa ia te ia. Ua latou tagitu'i, ma fetagisi, ma anapopogi, ua oo i le afiafi, ona o Saulo, ma Ionatana lona atalii, ma le nuu o Ieova, ma le aiga o Isaraelu, ina ua latou oti i le pelu.
- 13 Ua fai atu Tavita i le taulealea, na tala mai ia te ia, Se fea ea oe? Ua fai mai o ia, O a'u le atalii o le tagata ese, o a'u o lo sa Amalekā.
- 14 Ua fai atu Tavita ia te ia, Pe na faapefea ona e le fefe e faaoo lou lima e faaoti ai i le na faauuina e Ieova?
- 15 Ona valaau atu lea o Tavita i le tasi taulealea, ua fai atu i ai, Ina alu atu ia, ma e fasioti ia te ia; ona fasi ai lea e ia ia te ia, ua oti ai.
- 16 Ua fai atu foi Tavita ia te ia, Ia i ai i luga o lou ulu lou lava toto, auā na e molimau mai lou lava gutu ia te oe, o loo faapea, Na ou fasioti i le na faauuina e Ieova.
- 17 Ua lagi e Tavita lenei fatu e alofa a'i ia Saulo ma Ionatana lona atalii. (Ua fai atu foi o ia, ia a'o-a'oina le fanauga a Iuta i le aufana; faauta, ua tusia i le tusi a Iasera.)
- 19 O le mamalu o Isaraelu ua fasia i au mea maua luga; aue! ua maliliu toa. Aua ne'i ta'ua i Kata, aua ne'i tala'i atu i malae o Asekelona; ne'i olioli ai afafine o Filisitia, ne'i mitamita ai afafine o ē le peritomeina.
- Mauga o Kilepoa e, aua ne'i i ai 21 se sau, aua ne'i i ai se ua ia te outou, po o fanua e tupu ai taulaga; auā na lafoaiina ai talita a toa, o le talita a Saulo, peiseai na le faauuina o ia i le uu. Na le faafoisia le aufana a 22 Ionatana, ma le pelu a Saulo e lei foi fua lea, nai le toto o e na fasia, ma le ga'o o toa. O Saulo ma Ionatana sa pele ma agafaafiafia i laua ina o soifua mai; ua le te'a eseese foi i lo la malii; sa sili o la tele taalise i aeto, sa sili foi o le fitafita i leona.
- Afafine o Isaraelu e, ia fetagisi 24 outou ia Saulo, sa na faaofu ia te outou i ie mūmū, atoa ma mea faafiafia; na ia teuteua o outou ofu i auro e faamatagofie a'i. Aue! ua 25 maliliu toa i le taua; Ionatana e, ua fasia oe i au mea maua luga.
- Ua tigaina a'u ona o oe lo'u uso 26 Ionatana e; sa a'u matuā fiafia ia te oe, sa maeu lava lou alofa ia te au, e sili i le alofa o fafine. Aue! ua 27 maliliu toa, ua māumau ai aupega o le taua.
- Ua faauuina Tavita e fai ma tupu o Iuta.*
- MULIMULI ane ua fesili atu 2 Tavita ia Ieova, ua faapea atu, Ou te alu ae ea i se tasi aai o Iuta? Ua fetalai mai ai Ieova ia te ia, Ina alu ae ia. Ua fai atu Tavita, O le fea aai ou te alu ae i ai? Ona fetalai mai lea o ia, o Heperona. Ona alu ae lea o Tavita i ai, o ia 2 atoa ma ana avā e toalua, o Aincama le Isereelu, ma Apikaila le avā a Napalu le Karamelū. O ona tagata 3 foi sa ia te ia na o ae i latou ma Tavita, e taitasi ma lona aiga; ua latou nonofo i aai o Heperona. Ua 4 o mai tagata o Iuta, ma latou faauu ia Tavita i lea mea e fai ma tupu o le aiga o Iuta. Ua ta'u atu foi ia Tavita, ua faapea, O tagata Iapese-Kiliata na latou tanu ia Saulo. Ona 5 aau atu lea e Tavita le sāvali i tagata o Iapese-Kiliata, ua faapea atu i ai, Ia manuia outou mai ia Ieova, auā na faapea ona outou agalelei i lo outou alii o Saulo; na outou teuteu foi ia te ia. O lenei, 6

- ia agalelei faamaoni leova ia te outou; o a'u foi, ou te tau'i atu ia te outou lenei mea lelei, ina ua
7 outou faia lenei mea. O lenei, ia outou lima malosi, ia fai foi ma tagata totoa; auā ua malilu lo outou alii o Saulo; a ua faauuina a'u e le aiga o Iuta e fai ma tupu ia te i latou.
- 8 A o Apineru le atalii o Neru lē pule i 'au sa ia Saulo, ua na ave ia Isoposeta le atalii o Saulo, ua la o
9 atu ma ia i Maanaima. Ua ia faia o ia ma tupu o Kiliata, ma sa Asurī, ma Isereelu, ma Efaraima, ma Peni- amina, atoa ma Isaraelu uma lava.
- 10 Ua fagafulu tausaga o Isoposeta le atalii o Saulo ina o fai o ia ma tupu o Isaraelu, na pule foi o ia i tausaga e lua; na o le aiga o Iuta sa muli- muli atu i latou ia Tavita. O le faitau o aso sa fai ma tupu Tavita i Heperona i le aiga o Iuta, ua fitu
11 ona tausaga ma masina e ono.
- 12 Ua o atu Apineru le atalii o Neru, ma auuina o Isoposeta lē atalii o
13 Saulo nai Maanaima i Kipeona. Ua o atu foi Ioapo le tama a Seruia, ma auuina a Tavita, ua latou fetaiai i le vailepa o Kipeona; ua nonofo i lalo, o i latou nei i le tasi itu o le vailepa, a o i latou ia i le tasi itu o le vailepa.
- 14 Ua fai mai Apineru ia Ioapo, 'Sei tulai taulelea, ia taaalo i o tatou luma; ua fai atu Ioapo, Ina latou tulai ia. Ona tulai lea, ma o atu e
15 toasefulu ma le toalu e na faitau- ina o sa Peniaminā, o auuina a Isoposeta le atalii o Saulo; ma le toasefulu ma le toalu o auuina a
16 Tavita. Ua faatau 'u'u o latou ulu, ona faatau tutu'i ai lea o latou itu i a latou pelu; ua oti faatasi ai i latou. Ua igoa ai lea mea, O le fanua o e malolosi, o loo i Kipeona.
- 17 Sa matuā tele lava le taua i lea aso; na tulia Apineru ma tagata o Isaraelu i luma o auuina a Tavita.
- 18 Sa i ai tama tane e toatolu a Seruia, o Ioapo, ma Apisai, ma Asaelu; sa māmā vae o Asaelu pei se sevi o le
19 vao. Ua tuliloa e Asaelu ia Api- neru, ua le 'alo ai o ia i le itu tau- matau po o le itu tauagavale i lona mulimuli atu ia Apineru. Ua tepa
20 Apineru i ona tua, ona fai mai lea o ia, O oe ea o Asaelu? Ua fai atu o ia, O a'u lenei. Ona fai mai lea o 21 Apineru ia te ia, Ina 'alo ia i le itu taumatau po o le itu tauagavale, ma e pue se tasi taulealea, ma ave ana auupega māu. A ua le mafai Asaelu ona alu ese ia le mulimuli ia te ia. Ona toe fai mai lea o Apineru ia 22 Asaelu, Soia e te mulimuli mai ia te au; ou te fasioti i se a ia te oe? ona faapefea lea ona ma toe feiloai ma Ioapo lou uso? A ua le mafai ia te 23 ia ona 'alo ese; ona tutu'i lea e Apineru ia te ia i le muli o le tao i lona manava, ua ati le tao i lona tua; ona paū ai lea o ia, ua oti i lea lava mea; o i latou uma ua oo i le mea na paū ai Asaelu ma oti ai, ua tutū ai i latou. A ua tulituliola 24 Ioapo ma Apisai ia Apineru; ua goto le la ina ua latou oo atu i le mauga o Ama, o loo i luma o Kia i le ala i le vao o Kipeona. Ua faa- 25 potopoto atu foi le fanauga a Peni- amina ia Apineru, ua fai ma 'au e tasi; ona tutū lea o i latou i le tumutumu o le tasi mauga. Ona 26 valaau lea o Apineru ia Ioapo, ua faapea mai, E saga 'ai pea ea le pelu? E te le iloa ea e iu ina oona? E te fai atu ea afea i le nuu, ia foi i latou aua le mulimuli atu i o latou uso? Ua fai atu Ioapo, O loo soifua 27 le Atua, ana e le fai mai, po ua tai- tasi ma alu ae le nuu i le taeco ai le mulimuli atu i o latou uso. Ona ili 28 lea o le pu e Ioapo, ua tutū mai ai le nuu uma, ua le toe tulituliola ia Isaraelu, ma ua le toe tau. O Api- 29 neru ma ona tagata, ua savavali i latou i le elele laugatasi ua ao lava lea po; ua latou sopoi atu Ioritana, ma ui ane i Pitirona uma, ona oo atu lea o i latou i Maanaima. A ua 30 foi atu Ioapo nai le tuliloaga o Apineru, ua ia faapotopotoina le nuu uma; o auuina a Tavita e lei i ai o tagata e toasefulu ma le toaiva, atoa ma Asaelu. A o auuina a 31 Tavita na latou fāsia sa Peniaminā ma tagata o Apineru e toatolu galau ma le toaonogafulu ua oti. Ua 32 latou avae ia Asaelu, ma tanu ia te ia i le tuugamau o lona tamā o i Peteleema; ua atoa le po o savavali Ioapo ma ona tagata, ua aoina i latou i Heperona.

Ua teva mai Apineru ia Tavita ; ua fasiotia o ia e Ioapo.

- 3 SA levalava ona tau o le taua a le aiga o Saulo ma le aiga o Tavita ; ua tupu pea le malosi o Tavita, a o le aiga o Saulo ua tauāu ina vaivai.
- 2 Na fanau atalii o Tavita i Heperona ; o lana ulumatua o Amanono,
- 3 *le tama* a Ainoama le Isereelu ; o lona toalua o Kiliava, *le tama* a Apikaila le avā a Napalu le Karamelu ; o lona toatolu o Apisaloma, le tama a Maaka le afafine o Talemai le tupu o Kasuri ; o lona toafa o Atonia, le tama a Akita ; o lona toalima o Sefatia, le tama a Apitala ; o lona toaono o Itereamu, *le tama* a Ekeli le avā a Tavita ; o i latou nei na fauau ia Tavita i Heperona.
- 6 O ona po na va tau ai le aiga o Saulo ma le aiga o Tavita, na faamalosi ai Apineru i le aiga o Saulo.
- 7 Sa ia Saulo le palake, o Risepe lona igoa, le afafine o Aia ; ua fai mai *Isoposeta* ia Apineru, O le a le mea na e alu ane ai i le palake a lo'u tamā ? Ona ita tele lea o Apineru i upu a Isoposeta ; ua fai atu ai, Ou te se ulu o se uli'ea, ou te tetee atu i nei ona po ia Iuta, a ua ou alofa i le aiga o Saulo lou tamā, ma ona uso, ma ana uo, ua ou le tuuina atu ai oe i le lima o Tavita, ina ua e fai mai ia te au i le aso nei ua ou
- 9 pagota i lena fafine ? Ia faapea ona faia e le Atua ia Apineru, ma ia faaopoopo i ai, pe afa'i ou te le faia ia Tavita e tusa ma le mea na tauto ai Ieova ; e ave ese le malo i le aiga o Saulo, a e faatuina le nofoālii o Tavita e pule i Isaraelu ma Iuta, e pau mai i Tanu e pau mai i Pere-sepa. Ua ia le mafai ona toe tali atu se upu ia Apineru, ona o lona
- 12 fefe ia te ia. Ona tuu mai lea e Apineru le lalo ia Tavita ona o ia, ua faapea, O ai ea e ona le nuu ? Ua faapea foi o ia, Ina ta osia ia se feagaiga ma a'u ; faauta foi, ta te 'au ma oe e fuli ai Isaraelu uma ia
- 13 te oe. Ona tali atu ai lea o ia, E lelei ; ta te osia se feagaiga ma a'u ; a o le mea e tasi ou te fai atu ai ia te oe, o lenei, A e sau ta te feiloai, afa'i e te le muai aumaia Mekala le

afafine o Saulo, ta te le feiloai lava ma a'u. Ua auina atu foi e Tavita 14 le savali ia Isoposeta le atalii o Saulo, ua faapea atu, Tuu mai ia o la'u avā o Mekala, na ou fai avā ai i muāpa'u o Filisitia e selau. Ona 15 auina atu lea *nisi* e Isoposeta, na ia fao mai ia te ia ai *lana* tane o Paletieli le atalii o Laia. Ua o lana tane 16 ma ia, o mulimuli ia te ia ma tagi fano, ua oo i Pauri ; ona fai atu lea o Apineru ia te ia, Alu ia, ina foi ; ona foi ai lea o ia.

Ua oo le upu a Apineru i toeaina 17 o Isaraelu, ua faapea, Sa outou nuanau ia Tavita anamua e fai ma tupu ia te outou ; o lenei, ia outou faia 18 lava ; auā na fetalai Ieova ia Tavita, ua faapea mai, O le lima o Tavita la'u auaina ou te faaolaina ai lo'u nuu o Isaraelu ai lima o Filisitia, ma lima o e ita ia te i latou uma lava. Ua tautala foi Apineru i taliga o *sa* Peniaminā ; ua alu atu foi Apineru e tautala atu i taliga o Tavita i Heperona i mea uma e loto i ai Isaraelu, atoa ma le aiga uma o Peniamina. Ua oo atu Apineru ia 20 Tavita i Heperona, atoa ma tagata e toluafulu faatasi ma ia ; ona fai ai lea e Tavita o le taumafataga mā Apineru ma lana au malaga. Ua 21 fai mai Apineru ia Tavita, O le a a'u tulai, ou te alu, ona ou faapopotoina mai lea o Isaraelu uma, i lo'u alii le tupu latou te osia se feagaiga ma oe, e te pule aoao foi, e tusa ma lou finagalo. Ona tuu atu lea o Tavita ia Apineru e alu ; i le, ua alu o ia ma le filemu. Faauta 22 foi, o auaina a Tavita ma Ioapo, ua o mai i latou nai *le tuliloaga* o le 'au, ua au mai foi e i latou le vete tele ; a o Apineru ua le i ai o ia ma Tavita i Heperona, auā na ia tuu atu ia te ia e alu, i le ua alu o ia ua saogalemu. Ua oo mai Ioapo ma 23 'au uma sa ia te ia, ona latou fa'u atu lea ia Ioapo, ua faapea atu, Na sau Apineru le atalii o Neru i le tupu, ua ia toe tuuina atu ia te ia e alu, i le, ua alu lava o ia ua saogalemu. Ona alu atu lea o Ioapo i le 24 tupu, ua faapea atu, O le a ea le mea ua e faia ? Faauta, na sau Apineru ia te oe, o le a le mea ua e tuuina atu ai ia te ia e alu, i le ua

25 alu lava ia? Ua e silafia lava ia Apineru le atalii o Neru, na sau o ia e 'ole'ole ia te oe, ina ia vaavaai foi o ia i lau amio, ma ia iloa ai mea uma e te faia. Ua alu atu Ioapo na ia Tavita, ona auina atu lea e ia nisi ia Apineru, ua faafoi mai ia te ia nai le vaieli o Sera, a e lei iloa e Tavita. Ua foi mai Apineru i Heperona, ona faaafe ane lea e Ioapo ia te ia i totonu o le faitotoa, e tautala lemu ma ia; ona tutu'i ai lea ia te ia i lona manava, ua oti ai o ia, ona o le toto o Asaelu lona uso.

28 Mulimuli ane ua faalogo ai Tavita, ona fai ane ai lea o ia, Ou te mamā a'u ma lo'u malo i luma o Ieova e faavavau i le toto o Apineru le atalii o Neru; ia tumau pea ia i luga o le ulu o Ioapo, atoa ma le aiga uma o lona tamā, aua le te'a le aiga o Ioapo ma sē gau, ma sē lepe-la, ma sē toonai i le tootoo, ma sē oti i le pelu, ma sē otilaina. O Ioapo ma Apisai lona uso, ua la fasioti lava ia Apineru, ina ua na fasioti ia Asaelu lo la uso i Kipeona i le taua. Ua fai atu foi Tavita ia Ioapo ma le nuu uma sa ia te ia, Ia saei o outou ofu, ma ia lavalava outou i ie talatala, ma ia tagitu'i i luma o Apineru; ua mulimuli atu foi Tavita le tupu i le fata. Ua latou tanu ia Apineru i Heperona; ua tagi le tupu ua leo tele i le tuugamau o Apineru, ua fetagisi foi le nuu uma. Ua lagi foi e le tupu le fatu ia Apineru, ua faapea, Ua oti ea Apineru pei ona oti o se vale?

34 Na le fusifusia ou lima, e lei tuuina ou vae i fusi'apa memea; e pei ona oti le tagata i e faaletaupulea, ua oti ai oe. Ona toe fetagisi lea o le nuu uma ia te ia.

35 Ona o atu lea o le nuu uma ia Tavita, ia 'ai o ia i ni mea e 'ai, a o malamalama lava; ona tauto lea o Tavita, ua faapea, Ia faapea ona fai e Ieova ia te au, ma ia faaopopo i ai, pe afai ou te 'ai sina areto, po o se tasi lava mea seia alu ifo le la.

36 Ua iloa e le nuu uma, ona lelei ai lea ia te i latou, e pei o mea uma na faia e le tupu sa lelei i le nuu uma.

37 Ua iloa e le nuu uma, atoa ma Isaraelu uma lava i lea aso, e le mai le

tupu le fasiga o Apineru le atalii o Neru. Ua fai atu le tupu i ana auna, Tou te le iloa ea, ua malii le alii tele lava i lenei aso i Isaraelu? E ui lava ina faauuina o a'u e fai ma tupu, ou te vaivai i le aso nei; o nei tagata foi, o tama a Seruia, e sili ona faigata ia te au; e tau'i atu e Ieova i lē fai mea leaga, e tusa ma lana amio leaga.

O le fasiga o Isoposeta.

UA faalogo le atalii o Saulo ua oti Apineru i Heperona, ona faavai- vai ai lea o ia, atoa ma Isaraelu uma sa latou atuatuvaile ai. Sa i ai i le atalii o Saulo tagata e toalua o e pule i 'au, o le igoa o le tasi o Paana, o le igoa o le tasi o Rakapa, o atalii o Rimoni le Perota, ai le fanauga a Peniamina; auā, sa nofo itu aiga Perota ia Peniamina. Na sosola atu tagata o Perota i Kitaima, ua āumau ai, ua oo lava i nei ona po.

O Ionatana le atalii o Saulo, sa ia te ia lona atalii ua pipili i ona vae; sa lima ona tausaga ina ua oo atu ai le logo ia Saulo ma Ionatana nai Isereelu; ona avae lea ia te ia e le na tausi ia te ia, ua sola; ua oo ina faataalise ona sola, ona paū ai lea o le tama, ona pipili ai lea o ia; o lona igoa o Mesiposeta.

Ua o atu atalii o Rimoni le Perota, o Rakapa ma Paana, ua la oo atu i le fale o Isoposeta i le itu aso e vevela ai le la; sa taoto o ia i lona moega i le tutonu o le la. Ua o atu i laua i totonu o le fale e la'u saito, ua la tutu'i ia te ia i le manava; ona sosola ai lea o Rakapa ma Paana lona uso; auā ua la ulu atu i le fale, a o ia, sa taoto i lona moega i lona afeafe e taoto ai o ia, ua la fasi, ma faaoti ia te ia, ma vavae ese lona ao; ona la ave lea o lona ao; ua atoa le po ua la ui atu ai i le ala i le elelee laugatasi. Ua la aumaia le ao o Isoposeta ia Tavita i Heperona; ona la fai mai lea i le tupu, Faauta i le ulu o Isoposeta le atalii o Saulo, na fai oe mona fili, o le na saili e fasioti ia te oe, ua tau'i atu e Ieova ona o oe le alii le tupu, i lenei aso ia Saulo ma lana fanau. Ona tali atu lea o Tavita ia

- Rakapa ma Paana lona uso, o atalii o Rimoni le Perota, ua fai atu ia te i laua, O loo soifua Ieova, o le na laveai mai ia te au i puapuaga uma
10 lava, na ta'u mai se tasi ia te au, o loo faapea mai, Faauta, ua oti Saulo; fa te ia, na ia au mai le tala lelei, ona ou pue ai lea ia te ia, ma fasioti ia te ia i Sekeleka, a o ia fa te ia ou te avatu ai se tau i lona
11 tala. A o lenei, o tagata amio leaga ua la fasioti le tagata amiotonu i lona fale i luga o lona moega, ou te le tau i atu ea i lona toto ia te oulua, ma ou faaumatia oulua i le nuu nei?
12 Ona fai atu lea o Tavita i taulelea, ona latou fasioti ai lea ia te i laua, ma ua vavae ese o la lima ma o la vae, ma tautauina i luga o le vailepa i Heperona; a o le ao o Isoposeta na latou ave ia, ma tanu i le tuugamau o Apineru i Heperona.

Ua faia Tavita ma tupu o Isaraelu uma.

- 5 UA o mai itu aiga uma o Isaraelu ia Tavita i Heperona, ona latou fai mai lea, ua faapea, Faauta, o i matou o ou ivi ma ou aano i matou
2 nei; o anamua foi, ina o fai Saulo ma tupu ia te i matou, o oe lava sa ē feta'ita'ina'i ia Isaraelu; na fetala'i foi Ieova ia te oe, E te leoleo i lo'u nuu o Isaraelu, e fai foi oe ma
3 ta'ita'i ia Isaraelu. Ona o mai lea o toeaia uma o Isaraelu i le tupu i Heperona; ua osi le feagaiga a i latou ma le tupu o Tavita i Heperona i luma o Ieova, ma latou faauu ia Tavita e fai ma tupu ia Isaraelu.
4 Sa tolu sefulu o tausaga o Tavita ina ua fai o ia ma tupu; e fa sefulu o tausaga sa fai ai o ia ma tupu.
5 Sa fai o ia ma tupu i Heperona ia Iuta i tausaga e fitu ma masina e ono; a ua fai o ia ma tupu i Ierusalem ia Isaraelu uma atoa ma Iuta, i tausaga e tolu sefulu ma le tolu.
6 Ona o atu lea o le tupu ma ona tagata i Ierusalem a sa Iepusē o e sa nonofo i le nuu. A ua latou fai mai ia Tavita, ua faapea mai, E te le sao mai iinei, seia muai ave ese i e tauaso ma e pipili; ua faapea i latou, E le masao mai Tavita iinei.
7 A ua aea e Tavita le 'olo o Siona, o
8 le aai a Tavita lea Ona fai ane lea

o Tavita i lea aso, O sē fasi i sa Iepusē, ma oo atu i le alāvai, *ma fasi i e pipili ma e tauaso ua inosia lava e Tavita, e fai o ia ma alii sili.* O le mea lea ua latou fai ane ai, O e tauaso ma e pipili latou te le o mai i le fale. Ona nofo ai lea o
9 Tavita i le 'olo, ua ia faaigoā ai, O le aai a Tavita. Ua ati faataamilo e Tavita, e afua mai i Milo a e oo i totonu. Ua tupu pea lava le mamalu o Tavita, sa ia te ia foi Ieova le Atua o 'au.

Ua auina mai e Hiramō le tupu o
11 Turo le sāvai ia Tavita, ma na avatu ai laau o arasi, ma tufuga, ma tufuga ati fale; ua latou faia le fale mo Tavita. Ona iloa ai lea e Tavita ua
12 faatumauiua o ia e Ieova e fai ma tupu ia Isaraelu, ma ua faamaualugaina lona malo ona o lona nuu o Isaraelu. Ua toe fai e Tavita o
13 palake ma avā i Ierusalemā, ina ua alu atu nai Heperona; ua toe fanau foi atalii ma afafine o Tavita. O
14 igoā nei o e na fanauā e ia i Ierusalemā; o Samuā, ma Sopapa, ma Natano, ma Solomona, ma Ivara,
15 ma Elisua, ma Nefeku, ma Iafia, ma
16 Elisama, ma Eliata, ma Elifaleta.

Ua faalogo Filisitia ua faauuina
17 Tavita e fai ma tupu ia Isaraelu, ona o ae lea o Filisitia uma e saili ia Tavita; ua logona e Tavita, ona alu ifo lea o ia i le 'olo. Ua o atu
18 Filisitia, ma salalau i latou i le vanu o sa Rafā. Ona fesili atu lea o
19 Tavita ia Ieova, ua faapea atu, Ou te alu ae ea ia Filisitia? E te tuuina mai ea i latou i lo'u lima? Ona fetalai mai lea o Ieova ia Tavita,
20 Alu ae ia, auā ou te tuuina atu lava o Filisitia i lou lima. Ua alu atu
21 Tavita i Paala-faresa, ona fāsia lea o i latou e Tavita i lea mea; ona fai ane lea o ia, Ua osofia o'u fili e Ieova i o'u luma, pei o le oso mai o le vai, o le mea lea na ia faaigoā ai lea mea o Paala-faresa. Ua latou
22 tuulafoai ai o a latou tupua, ona ave ese ai lea e Tavita ma ona tagata.

Ua toe o ae Filisitia, ma salalau
23 i latou i le vanu o sa Rafā. Ona
24 fesili atu lea o Tavita ia Ieova; ona fetalai mai lea o ia, Aua e te alu ae, a ia e faataamilo i o latou tua, ma ia alu atu ia te i latou i tala ane o

24 laau o peka. A e faalogo i le pāūū
o le saveli mai i tumutumu o laau o
peka, ona e faataalise ai lea, auā ua
alu atu ai Ieova i ou luma e fasi i le
25 itu taua a Filisitia. Ona faia lava
lea e Tavita, pei ona fetalai mai ai o
Ieova ia te ia; ua na fasia Filisitia,
e afua mai i Kepa e oo atu i Kasera.

*Ua amia e Tavita le atolaau a le
Atua.*

6 UA toe faapotopoto e Tavita ta-
gata ua filifilia uma o Isaraelu, e
2 tolu sefulu o afe. Ona tulai lea o
Tavita, ua alu o ia ma le nuu uma
sa ia te ia mai Paala-Iuta, ina ia
avae ai le atolaau a le Atua, ua faa-
igoa ai i le suafa, o le suafa lava o
Ieova o 'au o lē afio i ona luga i le
3 va o kerupi. Ua latou faaee le ato-
laau a le Atua i le fata faataava-
levale fou, ua latou avae ai nai le
fale o Apinatapa i Kipea; a o Usa
ma Aio, o atalii o Apinatapa, ua la
ta'itafia le fata faataavalevale fou.
4 Ua latou avae ai nai le fale o Apina-
tapa i Kipea, atoa ma le atolaau a
le Atua, ua muamua foi Aio i luma
5 o le atolaau. A o Tavita ma le aiga
uma o Isaraelu na latou sisiva i
luma o Ieova, ma *latou ta* laaupese
uma e *fai* i le perosi, ma kitara, ma
napeli, ma topa, ma lulutagitagi,
6 ma sumepalo. Ua oo i latou i le
mea e sasa ai saito a Nakano, ona
tago atu lea o Usa i le atoloau a le
Atua, ma na tofia ai, auā ua tau-
7 pāū povi. Ona tupu ai lea o le
toasa o Ieova ia Usa, ona fasia lea
o ia e le Atua i lea lava mea ona o
lona sese, i le, ua oti ai o ia i lea
mea i tafatafa o le atolaau a le
8 Atua. Ua tiga Tavita ina ua lipi
Usa ia Ieova; ona ia faaigoa ai lea
o lea mea o Faresausa, ua oo mai i
9 le aso nei. Ua fefe Tavita ia Ieova
i lea aso, ua fai ane, Pe faapefa ea
ona oo mai o le atolaau a Ieova ia
10 te au? Ua le mafai Tavita ona
aumaia ia te ia o le atolaau a Ieova
i le aai a Tavita; a ua avane ai e
Tavita i le fale o Opete-etoma o lo
11 sa Katā. Ona tuu ai lea o le ato-
laau a Ieova i le fale o Opete-etoma
o lo sa Katā i masina e tolu; ona
faamanuia ai lea e Ieova ia Opete-
etoma ma lona aiga uma.

Ona tafuina mai lea ia Tavita le
tupu, ua faapea, Ua faamanuia e
Ieova le aiga o Opete-etoma, atoa
ma mea uma ua ia te ia ona o le
atolaau a le Atua. Ona alu lea o
Tavita ua ave ma le fasia le atolaau
a le Atua ai le fale o Opete-etoma i
le aai a Tavita. Ua uma ona sava-
13 vali e na avae le atolaau a Ieova i
laasaga e ono, ona fai taulaga lea o
ia i povi ma manu pepeti. Ona
14 siva lea o Tavita, ua faamalosai ai
lava i luma o Ieova; sa ofu Tavita
i le efota ie vavae. O Tavita ma le
15 aiga uma o Isaraelu ua latou avae
le atolaau a Ieova ma le alalaga ma
le ili o le pu. Ua au mai le atolaau
a Ieova i le aai a Tavita, ona vaai
mai lea o Mekala le afafine o Saulo
i le faamalama, ua na iloa Tavita le
tupu, o loo osooso ma sivasiva i
luma o Ieova, ona 'ino'ino lea o ia
ia te ia i lona loto. Ua latou avatu
17 le atolaau a Ieova, ma latou tuu atu
ai i le mea e tuu ai i totonu o le fale
ie na fai ai e Tavita; ona fai ai lea
e Tavita o taulaga mu i luma o
Ieova, atoa ma taulaga faafetai. Ua
18 faauma e Tavita ona fai o taulaga
mu ma taulaga faafetai, ona faa-
manuia lea e ia le nuu i le suafa o
Ieova o a'u. Ona tufatufa atu lea
19 e ia i le nuu uma, atoa uma le vao
tagata o Isaraelu, o tane atoa ma
fafine, e taitasi ma le potoi areto e
tasi, ma le ipu uaina e tasi, ma le
areto suamalie e tasi; ona fai tasi
lea o le nuu uma ma alu i lona
aiga.

Ona foi atu lea o Tavita e faa- 20
manuia lona aiga; ua sau Mekala le
afafine o Saulo e faafetaiai ia Ta-
vita, ona fai mai lea o ia, Ua ma-
malu nauā i le asō le tupu o Isara-
elu, le na faalelavalavā i le asō i
luma o auaua fafine a ana auaua,
e pei ona faalelavalavā se ulavale.
Ua fai atu Tavita ia Mekala, *Na* 21
faia i luma o Ieova, sa na filifilia
a'u, a e tuua lou tamā ma lona
aiga uma, na tofia a'u e pule i le
nuu o Ieova, o Isaraelu lava ia, ou
22 te siva ai lava i luma o Ieova; ou te
toe faaleaogaina a'u e a'u e sili i
lena, ma ou faamaulalo lava; a o
auaua fafine, na e fai mai ai, e
viia lava a'u e i latou. O Mekala 23

foi le afafine o Saulo, sa leai sana fanau, ua oo i le aso o lona oti.

O le alofa o le Atua ia Tavita ma lona faafetai.

- 7 UA nofo le tupu i lona fale ; ua maua foi e ia le mapusaga mai ia Ieova ai e ua ita ia te ia uma i itu
2 uma lava ; ona fai atu lea o le tupu ia Natano le perofeta, Faauta mai ea, ou te nofo a'u i le fale arasi, a o le atolaau a le Atua, ua i ai ia i
3 totonu o ie puipui. Ona fai mai lea o Natano i le tupu, O mea uma ua e finagalo i ai, malii ane ia, ma
4 e faia, auā o loo ia te oe Ieova. O lea lava po na tūlei mai ai le afioga a Ieova ia Natano, ua faapea mai,
5 Alu ia, e te fai atu i la'u auaua o Tavita, o loo faapea ona fai mai Ieova, E te faia ea e oe se fale mo
6 a'u ou te nofo ai? Auā ou te lei nofo i se fale talu mai le aso na ou aveina ae ai le fanauga a Isaraelu nai Aikupito, e oo i lenei lava aso ;
7 a ua ou fealuai i se fale ie ma se fale feaveai. O mea uma na ou fealuai ai ma le fanauga a Isaraelu uma, pe na ou fai atu ai ea se upu
i se tasi itu aiga o Isaraelu, na ou poloi e leoleo i lo'u nuu o Isaraelu, e faapea, Se a le mea tou te le fai
8 ai se fale arasi mo au? O lenei, ia faapea ona e fai atu i la'u auaua o Tavita, O loo faapea ona fetalai mai o Ieova o 'au, O a'u na ou aumaia
oe ai le lotoā mamoe, na e mulimuli atu i mamoe, ina ia faia oe
9 ma ta'ita'i i lo'u nuu o Isaraelu. Sa ou i ai foi ia te oe i mea uma na e alu i ai, ma ou faaumatia i ou luma
e na ita ia te oe uma lava ; na ou faia foi mo oe le igoa mamalu, pei
10 o igoa o alii tetele i le lalōlagi. Ou te tuu atu foi se mea e nofo ai lo'u nuu o Isaraelu, ma ou totoina i latou, e mau ai lava i lo latou lava
nuu ; e le toe faagaetia i latou, e le toe faasana foi ia te i latou o ē amio
11 leaga, e pei o anamua, e afua mai i le aso na ou tofia ai faamasino e pule i lo'u nuu o Isaraelu. Ua maua foi e oe le mapusaga mai ia te au i
e na ita ia te oe uma lava ; ua ta'u atu foi e Ieova ia te oe, o le a faia e
12 Ieova sou aiga. A faaatoaina ou aso, ma e taoto faatasi ma ou tamā, ona

ou faatua ai lea o so lau fanau pe a mavae atu oe, e tupu mai ai ia te oe, ou te faatumauina foi lona malo. O ia lava na te faia se fale mo lo'u 13
igoa ; ou te faatumauina foi le nofoālii o lona malo e faavavau. E fai 14
a'u mona tamā, e fai foi o ia mo'u atalii ; a agasala o ia ou te aoi atu ia te ia ma le sasa a tagata, ma ta a tagata ; a e le aveeseina lo'u alofa ia 15
te ia, pei ona ou aveesea ia Saulo, o lē na ou aveesea i o'u luma. Ou te 16
faatumaia lona aiga ma lona malo e faavavau i ou luma ; e mausali lona nofoālii e faavavau. E pei o nei upu 17
uma, ma nei mea uma ua faalia mai, sa faapea ona tautala atu ai o Natano ia Tavita.

Ona alu atu lea o le tupu o Tavita, ma nofo atu i luma o Ieova ; ona fai atu ai lea o ia, Lo'u Alii e Ieova, o ai ea a'u nei? o ai foi lo'u aiga ina ua e faaoo mai ia te au i lenei aso? A o le mea itiiti lava lea 19
ia te oe, lo'u Alii e Ieova, a ua e fetalai mai foi i le aiga o lau auaua e oo i tupulaga amuli lava ; lo'u Alii e Ieova e, e faapena ea le masani a tagata? Se a foi se upu 20
toe tautala atu ai Tavita ia te oe? Auā o oe lo'u Alii e, Ieova, ua e silafia lau auaua. Ona o lau afioga, 21
e tusa foi ma lou finagalo, ua e faia nei mea tetele uma, e faailoa mai ai i lau auaua. O le mea lea e sili ai 22
oe Ieova le Atua e ; auā e leai sē tusa ma oe, e leai foi se Atua na o oe lava, e tusa ma upu uma na matou faalogologo ai i o matou taliga. O ai ea se tasi nuu i le lalo- 23
lagi, e tusa ma lou nuu o Isaraelu lava, na afio mai ai le Atua e laveai ia te i latou e fai mona nuu, ia ta'ua ai lona suafa, ia fai foi mā outou mea tetele ma le matautia, ona o lou nuu, i luma o ou tagata na e laveaina mo oe nai Aikupito, o nuu ese atoa ma o latou atua? Ua e faatumauina mo oe o lou nuu 24
o Isaraelu e fai mou nuu e faavavau ; o oe foi o Ieova, ua fai oe mo latou Atua. O lenei, Ieova le Atua 25
e, o le afioga na e fetalai mai ai i lau auaua ma lona aiga, ia e faatumau lea e faavavau, ma e faia, e pei ona e fetalai mai ai ; ma ia 26
faamamaluina lou suafa e faavavau,

o loo faapea ane, O Ieova o 'au, o ia
le Atua o Isaraelu ; o le aiga foi o
lau auauna o Tavita, ia faatumauina
27 lea i ou luma. Auā o oe Ieova o
'au, le Atua o Isaraelu ua e faaali
mai i lau auauna, ua faapea mai,
Ou te faia se aiga mo oe ; o le mea
lea ua manatu ai a'u lau auauna e
28 tatalo ia te oe i lenei tatalo. O
lenei, lo'u Alii e Ieova, o oe lava le
Atua, o au afioga e faamaoni lava
ia ; ua e fetalai mai foi i lau auauna
29 i nei mea lelei ; o lenei, ia e finagalo
ia faamanuia le aiga o lau auauna,
ina ia i ai i ou luma e faavavau ; auā
o oe lo'u Alii o Ieova ua e fetalai
mai ; o lau faamanuia mai e manuia
ai le aiga o lau auauna e faavavau.

O taua a Tavita.

8 UA mavae nei mea ona fāsia lea
e Tavita ia Filisitia, ma na faatoila-
lolina i latou ; ua faoa foi e Tavita
2 Meti-ama ai lima o Filisitia. Ua ia
fāsia foi Moapi, ona fuatia lea o i
latou i le maea, o loo lafo i latou i le
eleele, ma na fuatia i latou i maea e
lua e fasioti ai, ma le maea āuāu e
faaola ai. Ua faia foi Moapi ma
pologa ia Tavita, ua latou au mai ai
3 taulaga. Ua fasi foi e Tavita ia
Atatesa le atalii o Reopo, le tupu o
Sopa, ina ua alu atu o ia e faaoo
lana pule i le vaiata o Eufirate.
4 Ua maua foi e Tavita nai ia te ia o e
tietie i solofanua e tasi le afe ma le
fitu galau, ma 'au e savavali, o
tagata e lua sefulu o afe ; ona vae-
vae lea e Tavita o ua o vae o *solo-*
fanua i kariota uma ; a ua faasao ai
5 māna o kariota e selau. Ua o mai
Suria nai Tamaseko e fesoasoani ia
Atatesa le tupu o Sopa, ona fāsia
lea e Tavita o Suria e lua sefulu o
6 afe, ma afe e lua o tagata. Ona tuu
lea e Tavita o leoleoga i Suria Ta-
maseko ; ua fai ma pologa Suria ia
Tavita, ua latou aumaia taulaga.
Ua faasaoia Tavita e Ieova i mea
7 uma na ia fealuai ai. Ua avea e
Tavita o talita auro sa i ai i auauna
a Atatesa, ua ia au mai ai i Ierusa-
8 lema. A o Peta ma Perota o aai a
Atatesa, na avea ai e le tupu o
Tavita o apa memea e matua tele
lava.
9 Ua logona e Toi le tupu o Amato,

ua fāsia e Tavita 'au uma a Atatesa,
ona auina mai lea e Toi o lona 10
atalii o Iorama i le tupu o Tavita e
alofa atu ia te ia, ma faafetai ia te
ia, ina ua la tau o ia ma Atatesa,
ma ua fasia o ia e ia ; auā sa va tau
Toi ma Atatesa. Ua au mai foi e ia
o ipu ario, ma ipu auro, ma ipu 'apa
memea. O mea foi ia sa faasa e le 11
tupu o Tavita ia Ieova, atoa ma le
ario ma le auro sa na faasaina mai
nuu ese uma sa na faatoilaloina ; o 12
Suria, ma Moapi, ma le fanauga a
Amoni, ma Filisitia, ma Amaleka,
ma vete mai ia Atatesa le atalii o
Reopo le tupu o Sopa. Onā viia lea 13
o le suafa o Tavita ina ua foi o ia
nai le fasiga o Suria i le vanu masi-
mā, o *tagata* e sefulu afe ma afe e
valu. Ua ia tuu foi o leoleoga i 14
Etoma ; o Etoma uma lava ua ia
tuu i ai leoleoga ; ua fai ma pologa
Etoma uma ia Tavita. Ua faasao e
Ieova ia Tavita i mea uma na ia
fealuai ai.

Ua faia Tavita ma tupu i Isaraelu 15
uma, ua fai foi e Tavita le faamasi-
noga ma le tonu i lona nuu uma
lava. O Ioapo le tama a Seruia, ua
pule o ia i 'au ; o Iosefatu le atalii o
Ailuta, o le fātua'iupu o ia ; o Sa- 17
toka le atalii o Akitopo, ma Aime-
leka le atalii o Aviata, o faitaulaga i
laua ; a o Seraia o le tusiupu ia ; o 18
Penaia le atalii o Ioiata sa *pule* ia i
le au Kereti ma le au Peleti ; a o
atalii o Tavita o faipule i latou.

*Ua auina Sipa e Tavita e aami ia
Mefiposeta.*

UA fesili ane Tavita, Pe ai se 9
tasi ua toe o le aiga o Saulo, ina ia
ou alofa ia te ia ona o Ionatana?
Sa i le aiga o Saulo le auauna e igoa 2
ia Sipa, ua latou aami ia te ia e *sau*
ia Tavita. Ona fai atu lea o le tupu
ia te ia, O oe ea o Sipa? Ua fai
mai o ia, *O au lava* o lau auauna.
Ua fai atu le tupu, E le o toe ea se 3
tagata o le aiga o Saulo, ou te faia
le alofa o le Atua ia te ia? Ona fai
mai lea o Sipa i le tupu, Ua toe se
atalii o Ionatana, o loo pipili *ona*
vae. Ona fai atu lea o le tupu, O 4
fea o i ai o ia? Ua fai mai Sipa i le
tupu, Faauta, o loo i ai o ia i le aiga
o Makiro le atalii o Amueli i Lota-

- 5 para. Ua feau atu e le tupu o Tavita, ona latou aumaia lea o ia mai le fale o Makiro le atalii o
- 6 Amuqeli mai Lotapara. Ua sau Mefiposeta le atalii o Ionatana, le atalii ia o Saulo ia Tavita, ona faapaūfaō ai lea o ia, ua ifo. Ua fai atu Tavita, Mefiposeta e! Ua fai mai o ia,
- 7 Faauta, o au lava lau auauna. Ona fai ane lea o Tavita ia te ia, Aua le fefe, auā ou te agalelei lava ia te oe, ona o Ionatana lou tamā; ou te toe tuu atu lava ia te oe le fanua uma o Saulo lou tamā; a o oe, ta te aai faatasi ma a'u i la'u laoi e le aunoa. Ona ifo lea o ia, ma fai mai, O
- 8 ai ea lau auauna, ina ua e silasila i le uli mate, e pei o a'u nei? Ua valaau le tupu ia Sipa le auauna a Saulo; ona fai atu ai lea o ia ia te ia, O mea uma sa ia Saulo ma lona aiga uma, ua ou avatua i le atalii o
- 10 lou alii. Ia e fai le galuega i le fanua mo ia, o oe, ma ou atalii, ma au auauna; e te aumaia foi mea e 'ai mā le atalii o lou alii, ina ia 'ai ai o ia; a o Mefiposeta le atalii o lou alii e le aunoa ona 'ai o ia i la'u laoi. Sa ia Sipa o atalii e toasefulu ma le toalima, ma auauna e toaluafulu.
- 11 Ona fai mai lea o Sipa i le tupu, Epei o mea uma ua fetalai mai ai lo'u alii le tupu i lana auauna, e faapea lava ona faia e lau auauna. Ua faapea atu le tupu, E 'ai Mefiposeta e le aunoa i la'u laoi, pei o so le fanua a
- 12 le tupu. Sa ia Mefiposeta si ona atalii itiiti, o Mika lona igoa; o i latou uma sa mau i le aiga o Sipa, sa
- 13 auauna i latou ia Mefiposeta. Sa nofo Mefiposeta i Ierusalemā, auā sa 'ai o ia e le aunoa i le laoi a le tupu; sa pipili foi ona vae e lua.

O le taua ma tagata o Amoni.

- 10 UA mavae nei mea ona oti lea o le tupu o le fanauga a Amoni; ona soloai ane lea o Anuni lona atalii e
- 2 fai ma tupu. Ona fai ane lea o Tavita, Ou te agalelei atu ia Anuni le atalii o Naasa, e pei ona agalelei mai o lona tamā ia te au; ona aauina lea e Tavita o ana auauna e faamatalaloto ia te ia ona o lona tamā. Ua oo atu auauna a Tavita i le nuu
- 3 o le fanauga a Amoni. Ona fai atu lea o alii o le fanauga a Amoni ia

Anuni lo latou alii, Fa te oe ea e ava mai Tavita i lou tamā, ina ua na aauina mai nisi e faamatalaloto ia te oe? e le o lea ea ua aauina mai ai e Tavita o ana auauna ia te oe, ina ia vaavaai i le aai e agaga i ai, ma ia faaumatia ai? Ona pupue 4

atu lea e Anuni i auauna a Tavita, ua tafi faaitutasi a latou 'ava, ma na sesele ese o latou ofu i totonu, e pau atu i o latou nofoaga; ona aau ese atu lea e ia ia te i latou. Ua 5

ta'u atu ia Tavita, ona aauina atu lea e ia nisi e faafetaiai ia te i latou auā ua tele lava le ma o ia tagata; ua fai ane le tupu, Nonofu ia i Ieriko; seia tutupu a outou 'ava, i le tou foi mai ai.

Ua iloa e le fanauga a Amoni ua 6

inosia i latou e Tavita, ona auina atu lea e le fanauga a Amoni e faaoloātana ia Suria o i Petereopo ma Suria o i Sopa, o tagata e lua sefulu o afe, o 'au e savavali; ma tagata o le tupu o Maaka e tasi le afe, ma tagata o Isetopa e sefulu afe ma afe e lua. Ua logona e Ta- 7

vita, ona aauina atu lea e ia ia Ioapo atoa ma 'au uma o e fitafita. Ua o 8

ane foi le fanauga a Amoni, ma tofi le taua i le faitotoa o le aai, a o Suria mai Sopa, ma Reopo, ma ta- 9

gata o Isetopa, ma Maaka, ua nofo ese i latou i le vao. Ua iloa e Ioapo ua faasaga mai le taua ia te ia i luma ma tua, ona filifili ai lea e ia o e ua fitafita uma i Isaraelu, ua ia tofia foi i latou ia faafesagai ma 10

Suria. A o e ua totoe o le nuu, ua ia tuu atu i latou i le pule a lona uso o Apisai, ina ia tofia i latou e ia e faafesagai ma le fanauga a Amoni. Ona fai atu ai lea o ia, Afai e malo 11

mai Suria ia te au, e te fesoasoani mai ia te au; a e afai e malo mai le fanauga a Amoni ia te oe, ona ou alu atu lea e fesoasoani ia te oe. Ia 12

e faamalosi, ma ia tatou faamalolosi mo lo tatou nuu, ma aai a lo tatou Atua, a ia faia e Ieova le mea e finagalo i ai o ia. Ona faalatalata 13

atu lea o Ioapo, atoa ma le nuu sa ia te ia, e tau ma Suria; ona latou sosola ai lea ia te ia. Ua vaai atu 14

le fanauga a Amoni ua sosola Suria, ona latou sosola foi lea ai luma o Apisai, ma latou ulu atu i leaai.

- Ona foi ai lea o Ioapo ai *le taua* ma le fanauga a Amoni, ua oo mai i Ierusalem.
- 15 Ua iloa e Suria ua fāsia i latou e Israelu, ona faapotopoto faatasi ai lea o i latou. Ona aauina lea e 7
16 Atatesa o *le sāvali* e faalaei 'au mai ia Suria o e i tala atu o le vaiata; ona latou o mai lea i Ailama; o 8
17 Sopaka foi le pule i 'au a Atatesa, na muamua o ia ia te i latou. Ua 9
18 'a'u mai ia Tavita, ona faapotopoto lea e ia o Israelu uma, ma sopia atu Ioritana, ua oo atu i Ailama. Ona tofia lea e Suria o le taua e faasaga mai ia Tavita, ma ua latou 10
19 tau ma ia. Ua sosola Suria i luma o Israelu; ua fasioti foi e Tavita o Suria o *e tau* i kariota e fitu selau, ma le fa sefulu o afe o e tietie i solofanua, atoa ma Sopaka le pule i a latou 'au, ua ia fasi ia te ia, ua oti 11
20 i lea mea. Ua iloa e tupu uma e na auauna ia Atatesa, ua fāsia i latou e Israelu, ona faalelei lea o i latou ma Israelu, ma auauna i ai; ua fefefe foi Suria e toe fesoasoani i le fanauga a Amoni.
- Ua mulilua Tavita ia Patesepa.*
- 11 UA toe aulia mai le tausaga, o ona po ia e o atu ai o tupu, ona auina atu lea e Tavita ia Ioapo, ma ana auauna faatasi ma ia, atoa ma Israelu uma; ona latou faaumatia lea o le fanauga a Amoni, ma latou vagaia Rapa; a o Tavita sa nofo o ia i Ierusalem. Ua oo ile tasi afiafi 2
3 ua tulai Tavita ai lona moega, ua fealuai i luga o le fale o le tupu; ona ia iloa atu ai lea ai luga o le fale o le fafine o loo taele, o le fafine ua matuā lalelei lava. Ona au 4
5 atu lea e Tavita *se tasi* e fesili po o ai le fafine. Ua fai ane *le tasi*, E le o Patesepa ea lenei, le afafine o Eliamo, le avā a Uria le sa Heti? 6
6 Ua aauina atu e Tavita o auauna, ua aami ia te ia; ona sau ai lea o ia ia te ia; ona ia momoe lea ma ia; a o le fafine, na faamamā o ia ia te ia ai lona leaga, ona foi ai lea o ia i lona fale. 7
7 Sa to ai le fafine, ona auina atu lea e ia *se tasi* e ta'u atu ai ia Tavita, ua faapea atu, O a'u nei ua to. 8
8 Ona au atu lea e Tavita *se tasi* ia Ioapo, ua faapea, Ia e auina mai Uria le sa Heti ia te au. Ona auina mai lea o Uria e Ioapo ia Tavita. Ua sau Uria ia te ia, ona fesili lea 9
9 o Tavita, po ua saogalemu Ioapo, ma saogalemu le nuu, po ua manuia foi le taua. Ona fai atu lea o Tavita ia 10
10 Uria, Ia e alu ifo i lou fale, ma mulumulu i ou vae. Ua alu atu Uria nai le fale o le tupu, ua muli- 11
11 muli atu ia te ia *le tasi* ma mea fono mai le tupu. A ua taoto Uria 12
12 i le faitotoa o le fale o le tupu faatasi ma auauna uma a lona alii, ua le alu ifo lava i lona fale. Ona 13
13 latou ta'u atu lea ia Tavita, ua faapea atu, E lei alu ifo Uria i lona fale. Ua fai atu Tavita ia Uria, E te lei sau malaga ea oe? Se a le mea e te le alu ifo ai i lou fale? Ona fai mai lea o Uria ia Tavita, O 14
14 le atolaau, ma Israelu, atoa ma Iuta, o loo nonofo i latou i fale apitaga; o le alii foi o Ioapo, ma auauna a lo'u alii, o loo i togālauapi i latou i le fogāleele; ou te alu ea a'u i lo'u fale, ou te 'ai ai ma inu, ma te momoe foi ma la'u avā? Ua e soifua oe, ma ua soifua lou agaga, ou te le faia lava lea mea. Ua fai 15
15 atu Tavita ia Uria, Nofo ia oe iinei i lenei aso foi, a taeao ona ou tuuina atu ai lea o oe e alu. Ona nofo lea o Uria i Ierusalem i lea aso ma le tasi aso. Ua valaau Tavita ia te ia, 16
16 ona 'ai lea o ia ma inu i ona luma, ma ua na faaonā ia te ia. Ona alu atu lea o ia i le afiafi, ua taoto i lona moega faatasi ma auauna a lona alii, a e lei alu ifo lava i lona fale. 17
17 Ua oo i le taeao, ona tusi lea e 18
18 Tavita le tusi ia Ioapo, ua avatu e ave e Uria. Ua ia tusi ai i le tusi, 19
19 ua faapea, Ia e tuu atu ia Uria i tinā'au a le taua, a e tou tuumuli mai ia te ia, ina ia fasia o ia ia oti ai. Ua oo ina vagaia le aai e Ioapo, 20
20 ona ia tofia o le Uria ile mea ua na iloa o i ai tagata totoa. Ona o mai 21
21 lea o tagata o le aai, ua latou tau ma Ioapo; ua fāsia nisi tagata o auauna a Tavita; ua oti ai foi Uria le sa Heti. 22
22 Ona auina atu lea e Ioapo *le tasi*, 23
23 ua ta'u atu ai ia Tavita i tala uma o le taua. Ua ia fai atu foi i le ua 24
24 ave le feau, ua faapea, A ē faauna

ona tala atu i le tupu o tala uma o
 20 le taua, pe afai e toasa le tupu, ma
 fetalai mai ia te oe, Se a le mea na
 outou faalatalata atu ai i le aai ina
 ua outou tau i ai? Na outou le
 21 iloa ea latou te fanafana mai i luga
 o le 'olo? O ai ea na fasia Api-
 meleko le atalii o Ierupese? e le o
 le fafine ea sa lafo i ona luga se
 fāsi maaolo ai luga o le 'olo, ma
 fasioti ai ia te ia i Tipesa? Po o le
 a lava le mea na outou faalatalata
 atu ai i le 'olo? Ona e fai atu lea,
 22 Ua oti foi lau auaua o Uria le sa
 Heti. Ona sau lea o lē na auina, ua
 oo mai ma ta'u ia Tavita i mea uma
 23 na poloai mai ai Ioapo ia te ia. Ua
 fai mai le na auina ia Tavita, Na
 malo mai le nuu ia te i matou, ma
 latou o mai ia te i matou i le vao;
 a ua matou tetee atu ia te i latou
 24 ua oo i le faitotoa o le aai; a o e
 fanafana na latou fanafana mai i
 luga o le 'olo i au auaua, ua oti ai
 nisi auaua a le tupu; ma lau au-
 25 auna o Uria le sa Heti, ua oti foi o
 ia. Ona fai atu lea o Tavita i le na
 auina mai, Ia e faapea atu ia Ioapo,
 Aua e te faavaivai i lenei mea, auā
 e 'aina e le pelu, e le faalilolilo. Ia
 e faamalosi i lau taua i le aai, ma
 e lepetia, ma faamalosi i ai.
 26 Ua lagona e le avā a Uria, ua oti
 27 i lana alii. Ua mavae le faanoanoa,
 ona feau atu lea e Tavita, ua au mai
 o ia i lona fale, ua fai mana avā, ua
 fanau ai lona atalii. A ua leaga ia
 Ieova le mea ua faia e Tavita.

O le auaiga o Tavita i lana agasala.

12 UA auina Natano e Ieova ia Ta-
 vita, ona alu atu lea o ia ia te ia, ua
 faapea atu i ai, O tagata e toalua sa
 i le tasi aai, e mauoa le tasi, a e
 2 mativa le tasi. Sa i le mauoa o
 3 mamoe ma povi e tele lava. A e leai
 se mea a le mativa, ua na o le tamai
 mamoe fafine itiiti e tasi, na ia faa-
 tau, ma faasaoia, ua tupu faatasi
 ma i latou ma lana fanau; o si ana
 fāsi mea na 'ai ai, o lana ipu na inu
 ai, sa taoto foi i lona fatafata, ua
 4 pei se afafine lava ia te ia. Na lau
 ane le tagata alu malaga i le mauoa;
 na ia le mafaia ona ave sana mamoe,
 po o sana povi, e sauni mā le malaga

ua alu atu ia te ia; a ua ave le
 tamai mamoe a le tagata mativa, ua
 sauni ai ma le tagata ua alu atu ia
 te ia. Ona matuā tupu ai lea o le 5
 ita o Tavita i lea tagata; ua fetalai
 mai o ia ia Natano, O loo soifua
 Ieova, e oti lava le tagata ua na faia
 lea mea; a o le tamai mamoe, na te 6
 tau i lea i mamoe e fa, ina ua na
 faia lona mea, ma ua le alofa. Ona 7
 fai atu lea o Natano ia Tavita, O oe
 lava le tagata. O loo faapea ona
 fetalai mai o Ieova le Atua o Isa-
 raelu. O a'u lava na ou faauuina oe
 e fai ma tupu o Isaraelu; o a'u foi,
 na ou laveai ia te oe ai le lima o
 Saulo; na ou avatu ia te oe le fale 8
 o lou alii, ma avā a lou alii i lou
 fatafata; na ou avatu foi ia te oe le
 aiga o Isaraelu ma luta; ana itiiti
 lea, po ua ou faapoopoina ia te oe
 o lea ma lea; se a le mea ua e 'ino- 9
 'ino ai i le afoaga a Ieova, ua e fai ai
 le mea leaga i ona luma? ua e fasi-
 oti ia Uria le sa Heti i le pelu, ua e
 au mai foi lana avā e fai mau avā, a
 o ia ua e fasia i le pelu o le fanauga
 a Amoni. O lenei, e le mavae le 10
 pelu ai lou aiga e faavavau, auā ua
 e faalemigao ia te au, ma ua e au-
 maia le avā a Uria le sa Heti e fai
 mau ava. O loo faapea ona fetalai 11
 mai o Ieova, Faauta, o le a a'u faa-
 tupu le leaga ia te oe ai lou lava
 aiga; ou te ave au avā i ou luma,
 ma ou avatu ai i le tasi tagata, e
 moe o ia ma au avā i le mumū o
 lona la; auā o oe na e fai faalilolilo; 12
 a o a'u, ou te faia lenei mea i luma
 o Isaraelu uma i le mumū o le la.
 Ona fai mai lea o Tavita ia Natano, 13
 Ua ou agasala lava ia Ieova. Ua fai
 atu Natano ia Tavita, Ua aveeseina
 lau agasala e Ieova, e te le oti ai;
 na o lenei, ua e faatupu mai le 'ino- 14
 'ino o e ita ia Ieova i lenei mea, o le
 mea lea e oti ai lava le tama ua
 fanau mai ia te oe.

Ona alu lea o Natano i lona fale, 15
 a ua taia e Ieova le tama sa fanau
 mai e le avā a Uria ia Tavita, ona
 ma'i lava lea o ia. Ua tatalo Tavita 16
 i le Atua ona o le tama, ua anapogi
 Tavita, ua alu foi ua ao lava le po o
 taoto i le elelee. Ona tulai atu lea o 17
 toaina o lona aiga e faatu ia te ia
 nai le elelee; a ua le mafai o ia, ma

18 ua le aai ma i latou. Ua oo i le aso fitu, ona oti ai lea o le tama; ua fefefe auauna a Tavita e ta'u atu ia te ia, ua oti le tama; auā ua faapea i latou, Faauta, na tatou tautala atu ia te ia ina o ola le tama, a e lei faafofoga mai o ia ia te i tatou; e le atili ai ea ona tiga o ia, pe a tatou fai atu ia te ia ua oti le tama? Ua
19 vaai atu Tavita ua femusuai ana auauna, ona masalo lea o Tavita ua oti le tama; ona fesili atu lea o Tavita i ana auauna, Po ua oti ea le tama? Ua fai mai i latou, Ua maliu.
20 Ona tulai lea o Tavita nai le elelee, ua taele, ma uu, ma sui ona ofu; ona alu atu lea o ia i le fale o Ieova, ma ifo, i le sau ai i lona fale, ua fai atu ia te i latou, ona latou laulau mai lea ni mea e 'ai, ona 'ai ai lea o ia.
21 Ua fai mai ana auauna ia te ia, O le a ea lenei mea ua e faia? Na e anapogi ma tutulu, a o soifua le tama; a o lenei, ua maliu le tama,
22 ona e tulai lea, ma taumafa. Ona tali atu ai lea o ia, Na ou anapogi ma tagi ina o ola le tama, auā na ou faapea, E iloa e ai, pe alofa mai
23 Ieova ia te au, ia ola le tama. A o lenei ua oti o ia, se a le mea ou te anapogi ai? Ou te mafaia ea ona toe faafoisia mai o ia? ou te alu ia te ia, a e le foi mai o ia ia te au.
24 Ona faamatalaloto lea o Tavita ia Patesepa lana avā, ma na alu atu ia te ia, ua la momoe ma ia; ona fanau mai lea o lana tama tane, ua ia faaigoa ia te ia, o Solomona. Ua
25 alofa Ieova ia te ia. Ua ia auina atu foi Natano le perofeta, ma faaigoa ia te ia, o Ietitiaia, ona o Ieova.
26 Ua tau Ioapo ma Rapa o le aai a le fanauga a Amoni, na ia aea le aai a le tupu. Ona auina atu lea e Ioapo o le sāvali ia Tavita, ua faapea atu, Na matou tau ma Rapa, ua ou aea
27 foi le aai o vai. O lenei, ia e faapopototo le nuu ua totoe, ma e sii mai le taua i le aai, ma e aea ai, ina nei maua e a'u o le aai, ona faaigoa ai
29 lea i lo'u nei igoa. Ona faapotopototo lea e Tavita o le nuu uma, ua alu atu i Rapa; ua tau ai le taua, ona
30 ia aea ai lea o le aai. Ona ave lea o le palealii a lo latou tupu ai lona ao, (o lona mamafa, o le taleni o auro ma maa tāua,) ua faace ai i le ao o

Tavita; na ia ave foi le vete o le aai, ua tele lava. A o le nuu sa i ai ua ia ta'itai atu i latou, ma tuu atu i 'ili, ma tui uamea, ma to'i uamea, ma na tuu atu i latou ia o atu i le mea e tunu ai maaomea; ua faapea ona fai e ia i aai uma o le fanauga a Amoni; ona foi atu lea o Tavita ma le nuu uma i Ierusalem.

O le fasiga o Amanono le atalii o Tavita.

UA mavae atu ia mea; sa ia Api-
saloma le atalii o Tavita le tuafafine
lalelei, o lona igoa o Tamara; ua
manao ia te ia Amanono le atalii o
Tavita. Ua faanoanoa Amanono, ua
oo ina ma'i o ia ona o Tamara lona
tuafafine, auā o le taupou o ia; ua
faigata foi ia Amanono e fai se mea
ia te ia. Sa ia Amanono o lana uo,
o lona igoa o Ionatapa le atalii o
Sama le uso o Tavita; o le tagata
togafiti poto lava Ionatapa. Ua fai
mai o ia ia te ia, O le a le mea ua
faapea ai oe ona tino vale i lea aso
ma lea aso, o oe o le atalii o le
tupu? e te le ta'u mai ea ia te au?
Ua fai atu Amanono ia te ia, Ou te
manao ia Tamara le tuafafine o Api-
saloma lo'u uso. Ua fai mai Iona-
tapa ia te ia, Taoto ia i lou moega,
ma e faatagā ma'i. A sau lou tamā
e asiasi mai ia te oe, ona e fai atu
lea ia te ia, Se'i sau Tamara lo'u
tuafafine e au mai mea e 'ai ma a'u,
ma ia sauni e ia mea e 'ai i o'u luma,
ina ia ou iloa ai, ma ia fafaga mai
ia te au. Ona taoto ai lea o Ama-
nono, ua faatagā ma'i; ua alu atu le
tupu e asiasi ia te ia, ona fai mai lea
o Amanono i le tupu, Se'i sau Ta-
mara lo'u tuafafine, ma ia sauni e ia
i o'u luma ni faapāpā areto se lua, na
te fafaga foi ia te au. Ua feau atu
e Tavita ia Tamara i lona fale, ua
faapea atu i ai, Se'i e alu ane i le
fale o Amanono lou tuagane, e te
sauni ai ni mea e 'ai māna. Ona alu
lea o Tamara i le fale o Amanono
lona tuagane, a o ia ua taoto; ona
tago ai lea e ia i le palugāfalaoa, ua
lomi ma fai a'i faapāpā areto i ona
luma, na ia tunu foi faapāpā areto.
Ona tago lea o ia i le pani, ma sasaa
ifo i ona luma, a ua le mafai ona 'ai

ai o ia; ua fai ane Amanono, ia o
ese tagata uma ia te au; ona o ese
10 lea o tagata uma ia te ia. Ua fai ane
Amanono ia Tamara, Au mai ia le
mea e 'ai i le afeafe, ina ia e fafaga
mai ai ia te au. Ona tago lea o
Tamara i faapāpā areto na ia faia,
ua avatu ai ia Amanono lona tuaga-
11 ne i le afeafe. Ua ia avatu ai ia
te ia ina ia 'ai ai o ia; ona tago atu
lea o ia ia te ia, ma na fai atu i ai,
Lo'u tuafafine e, sau ia, ta te momoe
ma a'u. Ua tali mai o ia ia te ia,
12 Aua, lo'u tuagane e, aua le toso ia
te au, auā e le faia faapea i Isaraelu;
aua le faia lena mea leaga. O a'u
13 foi, e faapefea ona ou faate'aina o
lo'u luma; a o oe, e tusa ma se ula-
vale o Isaraelu; o lenei, se'i lua
tautala ma le tupu, auā na te le
14 taofia a'u mai ia te oe. A e le ma-
fai o ia ona faalogo i lana upu, na ia
faamalosia ia te ia, ma na toso ia te
15 ia, ua momoe foi ma ia. Ona matuā
'ino'ino tele lava lea o Amanono ia
te ia, o lea ua sili lava lona 'ino'ino
ia te ia i lona luai manao; ua fai
16 atu Amanono ia te ia, Tulai ia, ina
alu. Ua tali mai o ia ia te ia, Ai
se a foi? E sili ona leaga o lenei
tuliga o a'u i le mea na e faia ia te
au. A ua le mafai o ia ona faalogo
17 ia te ia; ua ia valaau i le tama sa
aauauna ia te ia, ua fai atu i ai, Tuu
atu ia i fafo o lenei *fafine* ai ia te
au, ma faamau le faitotoa i ona tua.
18 Sa ofu ia i le ofu talaloea, auā sa
faapea ona ofu ai alofafine o le tupu
o e taupou. Ona a'ita'i lea e le
aauauna ia te ia i fafo, ma na faamau-
19 ina le faitotoa i ona tua. Ona tuu
lea e Tamara o le efu i lona ulu, ma
na saeia lona ofu talaloea sa ofu ai o
ia, ua na faaee foi lona lima i lona
ulu, ua alu atu, ma tagi aue fano.
20 Ua fai mai Apisaloma lona tuagane
ia te ia, Sa ia te oe ea o Amanono
lou tuagane? A o lenei, lo'u tua-
fafine e, ina faalogo ia oe, *auā* o
lou tuagane o ia, aua le manatu i
lenei mea. Ona nofo fua ai lea o
Tamara i le fale o Apisaloma lona
21 tuagane. Ua logona e Tavita le
tupu nei mea uma, ona ita tele ai
22 lea o ia; a e lei fai atu Apisaloma
ia Amanono se upu leaga po o se
upu lelei; auā ua 'ino'ino Apisa-

loma ia Amanono, ina ua na toso ia
Tamara lona tuafafine.

Ua mavae tausaga e lua, ona i ai 23
lea ia Apisaloma o e sele fulufulu o
mamoe i Paala-asora, e lata ane i
Efaraima. Ua fai atu Apisaloma i
atalii uma o le tupu latou te o i ai.
Ona alu atu lea o Apisaloma i le 24
tupu, ua fai atu i ai, Silasila mai ia,
o loo i lau auauna o e sele fulufulu
o mamoe; se'i maliu atu ai le tupu
ma ana auauna faatasi ma a'u lau
aauauna. A ua fai mai le tupu ia 25
Apisaloma, Aua, lo'u atalii e, aua
lava matou te o uma atu, ina ne'i
mafatia oe e i matou. Ua tauanau
o ia ia te ia, a e le mafai ona maliu
atu ai o ia, a ua faamanuia ia te ia.
Ona fai mai lea o Apisaloma, Afai 26
tatou te le o, ia matou o ma lo'u uso
o Amanono. Ua fai mai le tupu ia
te ia, Lua te o ma ia i se a? A ua 27
tauanau Apisaloma ia te ia, ona ia
tuuina atu lea o Amanono o e ma
ia, atoa ma atalii uma o le tupu.

Ua fai atu Apisaloma i ana au- 28
auna, ua faapea atu, Vaavaai outou
pe a fasia le loto o Amanono i le
uaina; a a'u fai atu ia te outou,
Fasi ia Amanono; ona outou fasioti
lea ia te ia, aua le fefefe; e le o a'u
ea ua fai atu ai ia te outou? ia faa-
malolosi, ma ia outou loto tetele.
Ua faia e auauna a Apisaloma ia 29
Amanono, pei ona fai atu ai Apisa-
loma. Ona tulai lea o atalii uma o
le tupu, ua taitasi ma tietie i lana
falata, ma latou sosola. Sa i le ala 30
i latou, ona oo mai lea o le tala ia
Tavita, ua faapea, Ua fāsia e Api-
saloma atalii uma lava o le tupu, ua
le toe so latou e toatasi. Ona tulai 31
lea o le tupu, ua ia saeia ona ofu,
ma taoto i le elelee; o ana auauna
uma foi, ua latou tutū atu ua saei o
latou ofu. Ua fai atu Ionatapa le 32
atalii o Sama le uso o Tavita, ua
faapea atu, Aua ne'i manatu lo'u
alii, ua tāmā'ia taulelea uma o alo o
le tupu, auā ua na o Amanono ua
malii; auā ua pulea o ia e Apisa-
loma talu mai le aso na ia toso ai ia
Tamara lona tuafafine. O lenei, 33
aua ne'i manatu lo'u alii le tupu i
lenei mea, o loo faapea, Ua maliliu
alo uma o le tupu; auā ua na o
Amanono ua malii. Ua sola Api- 34

- saloma. Ua tepa atu le taulealea
na vaavaai, ona iloa a'u lea, faauta,
o le nuu e toatele o leo o mai i le
ala i ona tua i le itu o le mauga.
- 35 Ona fai atu lea o Ionatapa i le
tupu, Faauta, o alo o le tupu o loo
maliu mai e pei o le upu a iau au-
auna, ua faapea lava ona fai. Ua
oo ina faauma e ia ana upu, faauta,
ua o mai alo o le tupu; ona fetag-
gisi ai lea o i latou ua leo tetele,
atoa foi ma le tupu, ma ana auaina
uma ua fetagisi tele lava i latou.
- 37 A ua sola Apisalomā, ma ua alu atu
ia Talemai le atalii o Amente, le
tupu o Kasuri; a ua faanoanoa pea
Tavita ona o lona atalii i aso uma
- 38 lava. Ua sola Apisalomā, ma alu
atu i Kasuri; sa i ai foi o ia i tau-
saga e tolu. Ua naunau Tavita le
tupu e alu atu ia Apisalomā; auā
ua filemu lona loto ia Amanono, auā
ua oti o ia.
- Ua toe amia Apisalomā.*
- 14 UA iloa e Ioapo le tama a Senua,
ua loto atu le tupu ia Apisalomā;
2 ona avatu lea o le feau a Ioapo i
Tikoa, ua aami mai ai le fafine potō,
ua fai atu ia te ia, Ia e faatagā faa-
noanoa, ma e ofu i ofu faanoanoa,
aua foi e te uu oe, a ia e faapei o se
fafine ua faanoanoa i aso e tele ona
3 o le ua oti. E te alu atu foi i le
tupu, ma e fai atu ia te ia i upu
faapenei; ona tuataliga atu lea e
4 Ioapo o upu ia te ia. Ua fai atu le
fafine Tikoa i le tupu, ma faapaūfaō
i le eleele, ua ifo ia te ia, ma fai
atu, Fesoasoani mai ia, le tupu e!
5 Ua fai mai le tupu ia te ia, O le a
ea? Ua fai mai o ia, O a'u lava le
6 fafine nofo fua, ua oti la'u tane. Sa
i lau auaina fafine tama tane e toa-
lua, sa la femisai i le vao, ua leai se
na te pupulu ia te i laua; ona fasia
lea o le tasi e le tasi, ua fasioti lava
7 ia te ia. Faauta mai foi, ua tutu
mai le aiga uma i lau auaina fafine,
o loo faapea mai i latou, Tuu mai ia
o le na fasia lona uso, ina ia matou
fasiotia o ia e sui a'i lona uso na ia
fasia; matou te fasiotia lava le ua i
ai le tofi; ona latou tineia lea o la'u
malala ola o loo toe, e le tutu mai i
la'u tane se igoa ma se toe tagata i
8 le fogaeleele. Ua fai mai le tupu
- i le fafine, Alu ia oe i lou fale; a o
a'u, ou te fai atu ia te i latou i lau
mea. Ua fai mai le fafine Tikoa i 9
le tupu, Lo'u alii e, le tupu, ia ia te
au le sala atoa ma le aiga o lo'u
tamā, a ia sao le tupu ma lona nofo-
alii. Ona fai atu lea o le tupu, Ai 10
se fai atu ia te oe, au mai o ia ia te
au, ona le toe tago atu lea o ia ia te
oe. Ua fai mai le fafine, Ia manatu 11
le tupu ia Ieova lou Atua, ma ia le
faaopoopo i le na te tau i le toto e
faumatia ai, ina ia latou le fasioti
i la'u tama. Ua fai atu o ia, O loo
soifua Ieova, e le paū lava i le eleele
se lauulu o lau tama. Ua fai mai 12
le fafine, Se'i fai atu le upu a lau
auaina fafine i lo'u alii le tupu.
Ua fai atu o ia, Ina fai mai ia.
Ona fai mai lea o le fafine, O le a le 13
mea ua e manatu ai faapea i le nuu
o le Atua? Ua fetalai mai foi le
tupu i lenei mea peiseai o le ua
sese, ina ua le faafoisia mai e le
tupu le na tulia e ia. Auā e oti 14
lava i tatou, e tusa foi ma le suāvai
ua faamaliaina i le eleele, e le ma
faapopotoina; e lei fasiotia foi o
ia e le Atua, a ua na manatua se
mea ia le tulia ai nai ia te ia le ua
tulua. O lenei, ua ou sau e tautala 15
atu i lo'u alii le tupu i nei mea, auā
na faamatau le nuu ia te au; ona
fai atu lea o lau auaina fafine, Ou
te tautala atu lava i le tupu; atonu
e faia e le tupu le mea e fai atu ai
lana auaina fafine. Auā e faafo- 16
foga mai le tupu, na te laveai mai i
lana auaina fafine ai le lima o le
tagata ua fia faumatia a'u atoa ma
la'u tama ai le tofi o le Atua. Na 17
faapea foi lau auaina fafine, E fai
ma faamatataloto le fetalai a lo'u
alii le tupu; auā e pei o se agelu a
le Atua, o loo faapea lo'u alii le tu-
pu e faafofoga i le lelei ma le leaga;
ona i ai lea ia te oe o Ieova lou
Atua. Ona fai atu ai lea o le tupu, 18
ua faapea atu i le fafine, Aua lava e
te nā ia te au le mea ou te fesili atu
ai ia te oe. Ua fai mai le fafine,
Se'i fetalai mai ia lo'u alii le tupu.
Ona fai atu lea o le tupu, E le 'au 19
ea oulva ma Ioapo i lenei mea
uma? Ua tali mai le fafine, ua
faapea mai, Ua e soifua oe lo'u alii
e, le tupu, e le 'alo se tasi i le itu

taumatau, po o le itu tauagavale ai mea uma ua fetalai mai ai lo'u alii le tupu; auā o lau auauna o Ioapo, o ia lava na fai mai ia te au, o ia foi na tuutaliga nei upu uma i lau
 20 auauna fafine; ua saunia ai nei upu e lau auauna o Ioapo, ina ia faaoo ai i lenei mataupu; ua poto foi lo'u alii, pei ona poto o se agelu a le
 21 Atua, e silafia ai mea uma i le lalo-lagi. Ona fai atu lea o le tupu ia Ioapo, Faauta ea, ua ou faia lenei mea; alu ia oe, ma e amia le tau-
 22 lealea o Apisaloma. Ona faapaū faō ai lea o Ioapo i le eleele, ua ifo, ma faafetai i le tupu; ua fai mai foi Ioapo, O le aso nei ua iloa ai e lau auauna ua alofagia a'u e oe lo'u alii le tupu, ina ua faia e le tupu le
 23 mea na fai atu ai lau auauna. Ona tulai lea o Ioapo, ua alu atu i Kasuri, ua na aumaia Apisaloma i
 24 Ieruselema. Ua fai ane le tupu, Alu ane ia i lona fale, a e aua nei ma feiloai. Ona alu ane ai lea o Apisaloma i lona fale, a ua le feiloai ma le tupu.
 25 Sa leai se tagata i Isaraelu uma e pei o Apisaloma ona aulelei; sa matuā viia ai lava o ia; e afua mai i ona alofiave e oo i lona tumuai, e
 26 leai se pona ia te ia. A sele lona lauulu, (auā o le gataaga o tausaga fai soo na ia sele ai; auā sa mafatia ai o ia, ona sele ai lea,) na ia fuatia le lauulu o lona ulu, e lua selau
 27 sekeli i le fua a le tupu. Na fanau atalii o Apisaloma e toatolu, ma le afafine e toatasi, o lona igoa o Tamara; o ia le fafine lalelei lava.
 28 Ua nofo Apisaloma i Ieruselema i tausaga e lua, a e la te lei feiloai
 29 lava ma le tupu. Ona feauina lea e Apisaloma o Ioapo, ina ia na auina atu o ia i le tupu; a e le mafai ona sau o ia ia te ia. Ona toe feau faa-
 30 lua lea ia te ia, a e le mafai ona sau o ia. Ona fai atu lea o ia i ana auauna, Faauta, o le fanua o Ioapo o loo tatou tuaoi; o iai foi ana karite, o ia outou, ina faamu ai i le afi.
 31 Ona faamuina lea e auauna a Apisaloma o le fanua i le afi. Ona tulai lea o Ioapo, ua alu ane ia Apisaloma i lona fale, ua fai mai ia te ia, O le a le mea ua faamu ai e au auauna
 32 lo'u fanua i le afi? Ona fai atu lea

o Apisaloma ia Ioapo, Faauta, na ou feau atu ia te oe, ua faapea, Sau ia, ou te auina atu oe i le tupu, ia faapea, Se a le mea na ou sau ai nai Kaseri? e lelei lava ana a'u i ai pea; o lenei, se'i ma feiloai ma le tupu; afai foi o ia te au se agasala, ia fasiotia a'u e ia. Ona alu atu lea
 33 o Ioapo i le tupu, ua ta'u atu ai ia te ia; ona aami ai lea e ia o Apisaloma, ua ia alu atu i le tupu, ma ifo toele i luma o le tupu; ona sogi atu lea o le tupu ia Apisaloma.

Ua foua le malo e Apisaloma; ua sola Tavita.

UA mavae nei mea, ona faia lea
 e Apisaloma lona nofoa faataavale-
 vale, ma solofanua, ma tagata e toa-
 limagafulu e taufetuli i ona luma.
 2 Ua usuusu Apisaloma, ma tu i le tasi itu ala o le faitotoa; ai se tasi ua sau ma lana finauga i le tupu e faamasino ai; ona valaau lea o Apisaloma ia te ia, ua faapea atu, Mai le fea nuu ea oe? Ona tali mai lea o ia, Mai le tasi itu aiga o Isaraelu na sau ai lau auauna. Ona fai atu
 3 lea o Apisaloma ia te ia, Faauta, ua lelei au mea ma ua tonu, a e leai se tasi ua tofia e le tupu e faalogologo ia te oe. Ua fai ane foi Apisaloma,
 4 Ta fia fai ma faamasino o le nuu; ina ia o mai ia te au tagata e taitoatasi uma ua i ai se finauga po o se faamasinoga, ona ou faamasino tonu ai lea ia te ia. A faatalata mai se
 5 tasi e ifo ia te ia, ona tuu atu lea e ia o lona lima, ma tago atu ia te ia, ma sogi ia te ia. Ua faapena ona
 6 fai e Apisaloma ia Isaraelu uma na o ane i le faamasinoga a le tupu; ona faaliliu lea ia te ia e Apisaloma loto o tagata o Isaraelu. Ua mavae
 7 tausaga e fagafulu; ona fai mai lea o Apisaloma i le tupu, Se'i ou alu i Heperona e faataunu ai la'u tau-toga, na ou tauto atu ai ia Ieova. Auā na matuā tauto lau auauna ina
 8 ou nofo i Kasuri i Suria, ua faapea, Afai e faafoisia lava a'u e Ieova i Ieruselema, ona ou auauna lea ia Ieova. Ua fetalai atu le tupu ia te
 9 ia, Alu ia oe ma le manuia; ona tulai lea o ia, ua alu i Heperona. Ona aauina atu lea e Apisaloma i
 10 itu aiga uma o Isaraelu o e tūutua,

- ua faapea, Pe a outou faalogo i le
leo o le pu, ia outou fai ane, O loo
ua tupu Apisaloma i Heperona.
- 11 Ua o gatasi ma Apisaloma tagata e
toalua lau mai Ierusalemā, o e na
togia, ua latou o ma le faamaoni,
- 12 latou te le iloa se mea. Ona aami
atu lea e Apisaloma ai Aitofele le
Kilo, le tulafale a Tavita mai lona
nuu o Kilo, a o fai lana taulaga.
Ua tupu tele le fouvale, ma ua faa-
toateleina pea le nuu ia Apisaloma.
- 13 Ona alu ane ai lea o *le tasi*, ua ta'u
atu ia Tavita, ua faapea, O loto o
tagata o Isaraelu o loo mulimuli atu
- 14 ia Apisaloma. Ona fai atu lea o
Tavita i ana auaua uma sa ia te ia
i Ierusalemā, Tutū ia, ina tatou so-
sola, auā tatou te le mau 'alofaga i
luma o Apisaloma; ia tatou faataa-
lise ona o, ne'i vave maua mai, ma
faaoo faamalosi mai se mea leaga ia
i tatou, ma fasi le nuu nei i le pelu.
- 15 Ua fai mai auaua a le tupu i le
tupu, O mea uma ua finagalo i ai lo
matou alii le tupu, faauta mai ea, e
- 16 *faia e i matou* au auaua. Ona o
atu lea o le tupu atoa ma lona aiga
uma, o loo mulimuli ia te ia; a ua
tuua e le tupu o fafine e toasefulu,
o palake, latou te leoleo i le fale.
- 17 Ua o atu le tupu mai le nuu uma o
mulimuli atu ia te ia; ua latou no-
nifo i le mea mamao. O ana auau-
na uma na latou uiane i ona tafatafa,
atoa ma le au Kereti uma, ma le au
Peleti uma, ma i latou uma mai
Kata, o tagata e toaono galau o e
na mulimuli atu ia te ia nai Kata,
ua o ane i latou i luma o le tupu.
- 19 Ona fai ane lea o le tupu ia Itai le
sa Katā, O le a le mea e alu atu ai
oe faatasi ma i matou? Foi ia, ma
e nofo faatasi ma le tupu; auā o le
tagata ese oe, ma lē āumau i le mea
- 20 e te nofo ai. Na e sau ananafi; e
te fealuai solo ea ona o a'u i le asō
i lo tatou o ma i matou? A o a'u,
ou te soona alu atu lava a'u; foi ia
oe, tou te toe foi ma ou uso, ia ia te
- 21 oe le alofa ma le faamaoni. Ona
tali mai lea o Itai i le tupu, ua faa-
pea mai, O loo soifua Ieova, ua
soifua foi lo'u alii le tupu, o le mea
e i ai lo'u alii le tupu, po o le oti po
- 22 o le ola, e i ai lava lau auaua. Ona
fetala'i atu lea o Tavita ia Itai, Mo
atu ia, ma e alu ane. Ona alu ane
lea o Itai le sa Katā, ma ona tagata
uma, ma tama iti uma sa ia te ia.
Ua fetagisi le nuu uma ua leo te-
tele; ua o ane le nuu uma lava; ua
sopoia atu foi e le tupu le alia o
Ketaronō, ma le nuu uma ua o ane
i latou i le ala i le vao. Faauta foi,
o Satoka ma sa Levī uma lava faa-
tasi ma ia, o loo ave le atolaau o le
feagaiga a le Atua; ua latou tuu i
lalo le atolaau a le Atua, ua alu ae
foi Aviata ina seia uma ona o ane o
le nuu uma nai le aai. Ona fai mai
lea o le tupu ia Satoka, Ina toe mo-
moli ia le atolaau a le Atua i le aai;
afai e alofagia a'u e Ieova, na te
faafoisia mai a'u, ma faailoa mai ai
ia te au, atoa ma lona afioaga; a e
afai e faapea mai o ia, Ou te le fia-
fia ia te oe; faauta mai, o a'u *lenei*,
ia faia e ia ia te au e pei ona fina-
galo i ai o ia. Ona fai ane lea o le
tupu ia Satoka le faitaulaga, E le o
oe ea le tagata vaai? Foi atu ia i
le aai ma le manuia; o outou, ma
Aimaasu lou atalii, ma Ionatana le
atalii o Aviata, o oulua atalii e
toalua. Faauta, ou te faatalitali
i le eleele laugatasi i le vao, seia
avatu se upu mai ia te outou e faa-
ali mai ai ia te au. Ona toe momoli
lea e Satoka ma Aviata o le atolaau
a le Atua i Ierusalemā; ua la no-
nifo ai.
- Ua alu ae Tavita i le mauga o
Olive, o loo alu ae ai ma tagi, ma
lona ulu ua ufitia; ua alu ae lava o
ia ua le faaseevaeina; o le nuu uma
foi ua ia te ia, ua taitasi ma ufitia
lona ulu, ua latou o ae, ma fetagisi
fano. Na ta'ua ia Tavita, ua faapea,
O loo i ai Aitofele i le fouvalega ma
Apisaloma. Ona fai ane lea o Ta-
vita, Ieova e, ia e faaleaogaina le
pule a Aitofele. Ua oo atu Tavita
i le tumutumu o *le mauga*, ua ia ifo
ai i le Atua; faauta foi, ua fetaiiai
ma ia o Usai le Araki, ua sacia lona
ofu, ma le eleele i lona ulu. Ona
fai ane lea o Tavita ia te ia, Afai ta
te o ma a'u, e fai oe ma faalavelave
ia te au; a e afai e te foi atu i le
aai, ma e fai atu ia Apisaloma, Le
tupu e, o a'u nei lau auaua, na ou
auaua i lou tamā anamua, a o lenei,
ou te auaua ia te oe; ona e faa-

leaoga lea o le pule a Aitofele mo
35 a'u. E le o i ai ea ia te oe o Satoka
ma Aviata, o faitaulaga? o upu
uma e te faalogo ai i le fale o le
tupu, e te ta'u atu ai ia Satoka ma
36 Aviata, o faitaulaga. Faauta, o loo
i ai ma i laua o le atalii e toalua, o
Aimaasu le atalii o Satoka, ma Io-
natana le atalii o Aviata, tou te
avatu ia te au e i laua o upu uma
37 tou te faalogo ai. Ona alu lea o
Usai le uo a Tavita i le aai; ona sau
ai lea o Apisaloma i Ierusalem.

*O le pepelo a Sipa. Ua fetuaina
Tavita e Semi.*

16 UA mavae atu teisi o Tavita i le
tumutumu o le mauga, faauta foi, ua
fetaiai ma ia o Sipa le auuana a
Mefiposeta, ma asini e lua ua faano-
foaina, ua faaee i o la luga o areto
e lua lau, ma fuifui vine mamago e
selau, ma mati mamago e potoi
2 selau, ma le fagu pa'u o uaina. Ua
fetalai atu le tupu ia Sipa, O a ea
au mea nei? Ua tali mai Sipa, O
asini ia mo le aiga o le tupu e tietie
ai; a o areto ma mati mamago e aai
ai taulelea, ma le uaina e inu ai e ua
3 lailoa i le vao. Ona fetalai atu lea o
le tupu, Po o fea o i ai le atalii o lou
alii? Ua fai mai Sipa i le tupu,
Faauta, o loo nofo o ia i Ierusalem,
aua ua faapea o ia, o le aso e faa-
foisia mai ai ia te au e le aiga o
4 Isaraelu le malo o lo'u tamā. Ona
fai atu lea o le tupu ia Sipa, Faauta,
e ia te oe mea uma a Mefiposeta.
Ua fai mai Sipa, Ou teifo lava ia te
oe, ia alofagia a'u e ce lo'u alii le
tupu.
5 Ona co atu lea o le tupu o Tavita
i Pauri; faauta foi, ua alu ane ai le
tagata o le aiga o Saulo, o Semi lona
igoa, le atalii o Kira, o loo alu ane
6 ma fetuu fano. Ua ia fetogi foi i
maa ia Tavita, atoa ma auuana uma
a le tupu o Tavita; a o le nuu uma,
atoa ma fitafita uma sa i lona itu
taumatau ma lona itu tauagavale.
7 Ua faapea ona fai mai o Semi i lona
fetuū, Alu atu, ina alu atu ia oe le
tagata ua totolima, le tagata ula-
8 vate; ua tau atu e Ieova ia te oe le
toto uma o le aiga o Saulo, na fai oe
ma tupu e sui a'i o ia; ua tuu atu
foi e Ieova le malo i le pule a Api-

sa'loma lou atalii; faauta foi, ua tua
ia te oe lou lava leaga, auā o le
tagata totolima lava oe. Ona fai 9
mai lea o Apisai le tama a Seruia i
le tupu, O le a le mea e fetuu mai
ai lena uli mate i lo'u alii le tupu?
se'i ou alu atu, ou te 'otiescina' lona
ulu. Ua fai atu le tupu, O le a ea 10
la oulua na ia te au, o oulua le
fanau a Seruia? Ia fetuu pea ia,
auā ua fetalai Ieova ia te ia, Ina
fetuū ia ia Tavita; o ai ea se na te
fai atu ai, Se a le mea ua e faapea
ai? Ua fai atu foi Tavita ia Apisai 11
ma ana auuana uma, Faauta, o lo'u
atalii, o lo'u lava gaau, o loo saili o
ia ia oti a'u; a le sili ona faapea i se
a o lenei sa Peniaminā? Ia tuu ai
pea ia te ia, ma ia fetuu pea, auā ua
fetalai mai ai Ieova ia te ia. Atonu 12
e silasila mai Ieova i lo'u puapuaga,
ma faafoi mai ia te au e Ieova le
manuia e sui a'i lona fetuu i lenei
aso. Ona o atu lea o Tavita ma ona 13
tagata i le ala, ua o gatasi foi ma ia
o Semi i le itu o le mauga, ua fetuu
fano o ia, ma togia atu maa ia te ia,
ma faalelelea o ia i efu. Ona oo atu 14
lea o le tupu ma le nuu uma sa ia te
ia, o loo lailoa, ona mapu lea o i
latou i lea mea.

A o Apisaloma ma le nuu uma o 15
tagata Isaraelu ua oo i latou i Ieru-
salema, atoa ma Aitofele faatasi ma
ia. Ua oo atu foi Usai le Araki le 16
uo a Tavita ia Apisaloma; ona fai
atu ai lea o Usai ia Apisaloma, Ia
soifua le tupu! ia soifua le tupu!
Ona fai mai lea o Apisaloma ia 17
Usai, O lou alofa ea lenei i lau uo?
o le a le mea na lua le o atu ai ma
lau uo? A ua fai atu Usai ia Api- 18
saloma, E leai lava; auā o le ua
filifilia e Ieova, mā lenei nuu, ma
tagata uma o Isaraelu, ou te i ai a'u,
ma ou nofo ai ia te ia; i le ma lea 19
foi, o ai ea ou te auuana i ai? e le o
lona alo ea? e pei ona ou auuana i
lou tamā, e faapea lava ona ou
auuana ia te oe. Ona fai ane lea o 20
Apisaloma ia Aitofele, Ina filifili ia
outou, pe se a se mea tatou te faia.
Ua fai atu Aitofele ia Apisaloma, 21
Alu ane ia oe i palake a lou tamā,
ua tuua e ia e leoleo i le fale; ona
logona lea e Isaraelu uma, ua inosia
oe e lou tamā; ona malolosi ai lea

22 o i latou uma e 'au ia te oe. Ona latou to ai lea o le fale ie mo Apisalomā i luga o le fale; ona alu ane lea o Apisalomā i palake a lona tamā
23 i luma o Isaraelu uma. O le pule a Aitofele na ia pule ai i ia ona aso, ua peiseai na fesili se tasi i le afiga a le Atua; sa faapea le pule uma a Aitofele ia Tavita atoa ma Apisalomā.

Ua faaleaogaina le pule a Aitofele e Usai.

17 ONA fai ane lea o Aitofele ia Apisalomā, So'u filifilia tagata e sefulu afe ma afe e lua, ma a'u tulai atu, ma tuliloa ia Tavita i le po
2 nanei; ona ou oo atu lea ie te ia manū o vaivai ma lē lavā o ia, ma ou faamata'u ia te ia; ona sosola ai lea o le nuu uma ua ia te ia, ona ou
3 fasia lea na o le tupu lava. Ona au faafoisia mai lea o le nuu uma ia te oe; o le tagata o loo ē sailia e peiseai ua foi uma mai ai; o le nuu
4 uma e filemu i latou. Ua tonu lava le upu i le manatu o Apisalomā, ma manatu o toaina uma o Isaraelu.
5 Ua fai ane Apisalomā, Se'i valaau foi ia Usai le Araki, tatou te faalogologo pe se a sana fetalaiaga. Ona alu ane lea o Usai ia Apisalomā, ua fai mai Apisalomā ia te ia, ua faapea, Ua faapea mai le fetalaiaga a Aitofele; pe tatou te faia ea lana mea?
7 a leai, fetalai mai ia oe. Ua fai atu Usai ia Apisalomā, E le lelei le pule na pule ai Aitofele i lenei mea. Ua fai atu foi Usai, Ua e silafia lava lou tamā ma ona tagata, o toa i latou; o loo tiga o latou loto, pei o le urosa i le vao ua avea lana toloi; o lou tamā foi o le tagata tau o ia, e le
9 moe o ia faatasi ma le nuu; faauta, o loo lafi nei o ia i se tasi lua, po o se tasi mea; a oo ina fāsia ni o latou i le amataga, ona faapea ane ai lea o i latou o e faalogi o le tala. Ua to le fasi o le nuu ua mulimuli ia Apisalomā; o le tagata malosī foi, o lona loto ua pei o le loto o le leona, e liu suāvai o ia, auā ua iloa e Isaraelu uma, o le toa lava lou tamā, o tagata malolosī foi i latou o loo ia
11 te ia. O lenei, o lo'u nei manatu, ia matuā faapotopotoina ia te oe Isaraelu uma lava, e pau mai i Tanu e

pau mai i Peresepa, e pei o le one-one o le sami ona toatele; ma ia e afio atu lava oe i le taua. Ona tatou
12 oo atu lea ia te ia i se tasi mea e maua mai ai o ia, tatou te oo atu ia te ia, o pei ona totō ifo o le sau i le eleele; ona le faasaoina ai lea o se toatasi, o ia ma tagata uma o loo ia te ia. A e afai ua oo atu ia i se aai,
13 ona avatua lea e Isaraelu uma i lea aai o maea, tatou te tosina i le alia, seia oo ina le maua ai lava sina maa. Ona fai ane lea o Apisalomā ma
14 tagata uma o Isaraelu, E sili ona lelei o le pule a Usai le Araki i le pule a Aitofele; auā ua finagalo Ieova e faaleaogaina le pule lelei a Aitofele, ina ia faaoo e Ieova le malaia ia Apisalomā.

Ona fai atu lea o Usai ia Satoka
15 ma Aviata o faitaulaga, Ua faapea ona pule o Aitofele ia Apisalomā ma toaina o Isaraelu, ma ua faapea la'u pule. O lenei, ia au faataalise
16 atu nisi, ma ta'u atu ai ia Tavita, ia faapea, Aua le aoina oe i le eleele laugatasi i le vao; a ia vave ona e alu atu, ne'i faaumatia le tupu, ma le nuu uma o loo ia te ia. Sa nonofo
17 Ionatana ma Aimaasu i Enerokelu, ua alu atu ai le auaina fafine e ta'u atu ia te i laua; ona la o atu lea e ta'u atu ai i le tupu o Tavita; auā e le mafai ona la faailoa atu o i laua i le aai. A ua iloa i laua e le tasi
18 taulealea, ona ia ta'u atu lea ia Apisalomā; a ua la vave atu, ma la o i le fale o le tagata Pauri, sa ia te ia le vaieli i lona lotoā, ua la o ifo ai. Ona avatu lea e le fafine, ma na
19 fofola se mea e ufiufi a'i le gutu o le vaieli, ona folafola lea i ona luga o saito ua oloina; ua le iloa e se tasi le togafiti. Ona oo atu lea o auaina
20 a Apisalomā i le fafine i le fale, ua latou fai mai, O i fea Aimaasu ma Ionatana? Ua fai mai le fafine ia te i latou, Ua sopoia atu i laua i le vai-tafe. Ua latou sailia, a ua le maua, ona latou foi lea i Ierusalemā. Ua
21 oo ina ua ō i latou, ona o ae lea o i laua ai le vaieli; uala o ma ta'u ane i le tupu o Tavita; ua la faapea mai foi ia Tavita, Tulai ia, ma outou vave atu i le itu vai, auā na faapea ona pule o Aitofele ia te outou. Ona tulai lea o Tavita ma le nuu 22

- uma sa ia te ia, ua latou sopoia atu Ioritana. Ua oo ina malama ae le taeao, ua le toe ai lava se tasi ua le
- 23 sopoia atu Ioritana. Ua iloa e Aito-fele ua le faia lana pule, ona ia faanofoaina lea o *lana* asini, ua tulai, ma alu atu i lona fale i lona lava nuu; na tofi e ia *ana mea* i lona aiga, ona noa ai lea o ia ia te ia, ua oti ai; ona tanu ai lea o ia i le tuugamau o lona tamā.
- 24 Ua oo atu Tavita i Maanaima; ua sopoia atu foi Apisaloma i Ioritana, o ia atoa ma tagata Isaraelu
- 25 uma faatasi ma ia. Ona tofia lea o Amase e Apisaloma ia pule i 'au e sui a'i Ioapo; o Amase foi o le atalii o le tasi tagata e igoa ia Ietero, o le sa Isaraelū, o le na alu atu ia Apikaila le afafine o Naasa, le uso o
- 26 Seruia, le tinā o Ioapo. Ua to lauapi Isaraelu ma Apisaloma i le nuu
- 27 o Kiliata. Ua oo atu Tavita i Maanaima, ona avatu lēa e Sopi le atalii o Naasa (mai Rapa, o le aai a le fanauga a Amoni), ma Makira le atalii o Amueli mai Lotapara, ma
- 28 Pasili le Kiliata mai Rokeli, o mōega, ma ipu, ma ipu omea, ma saito, ma karite, ma falaoa, ma saito tunu, ma fua o fue, ma atasema, ma karite tunu, mā meli, ma suāsusu to'a, ma mamōē, mā suāsusu maaa o povi, *na aumaia mā Tavita* ma le nuu ua ia te ia, latou te aai ai; auā na latou faapea ane, Ua fia aai le nuu, ma ua vaivai, ma fia inu i le vao.
- Ua fasia Apisaloma i le taua.*
- 18 UA faitauina e Tavita le nuu ua ia te ia, mā na tofia foi o alii o taitoaafe ma alii o taitoaselau e pule
- 2 ia i latou. Ua tūu atu e Tavita le nuu ua vaetoluina, o le tasi vaega i le pule a Ioapo, ma le tasi ona vaega i le pulē a Apisai le tama a Seruia, le uso o Ioapo, mā le isi ona vaega i le pule a Itai le sa Katā; ua fai ane foi le tupu i le nuu, O a'u foi, tatou te o lava faatasi ma
- 3 outou. A ua fai mai le nuu, E te le maliu atu lava, auā afai e sosola i matou, latou te le manatu mai lava ia i matou; afai foi e vaeluaina i matou i le oti, latou te le manatu mai lava ia te i matou; a o lenei ua tusa oe ma le sefulu afe o i matou; o lenei, e lelei ona e fesoasoani ia te i matou ai le aai. Ona fai atu lea o le tupu ia i latou, O le mea e lelei ia te outou ou te faia lea; ona tu lea o le tupu i le itu o le faitotoa, a ua o atu le nuu uma i 'au taitoaselau ma taitoaafe. Ua fai atu le tupu ia Ioapo, ma Apisai, ma Itai, ua faapea, Ia outou agamalu i le taulealea o Apisaloma ona o a'u. Ua faalogo ai le nuu uma, ina ua fai atu le tupu i alii uma le upu ia Apisaloma. Ua o atu le nuu i le vao e faafetaiai ia Isaraelu; ona tau ai lea o le taua i le vao matua o Efaraima. Ona fasia lea i lea mea o le nuu o Isaraelu e auaina a Tavita; sa fai le fasi tele i lea aso, e lua sefulu o afe. Ua salalau solo ona tau o le taua i le fogāelele uma; ua sili ona toatele o le nuu ua oti i le vao i e na oti i le pelu i lea aso. Ua fetaiai Apisaloma ma auaina a Tavita; sa tiētie Apisaloma i le falata, ona alu lea o le falata i lalo o le tapeneto felefele tele, ua lave-mauina lona ulu i le tapeneto, ua tuua o ia i le va o le lagi ma le lalolagi, a ua alu ese le falata sa tiētie ai o ia. Ua iloa ai e le tasi tagata, ona ia ta'u atu lea ia Ioapo, ua faapea atu, Faauta, na ou iloa Apisaloma, ua tautau i le tapeneto. Ua fai mai Ioapo i le tagata ua ta'u atu ia te ia, Faauta, na e iloa o ia, o le a le mea na e le fasioti ai ia te ia *ia pa'i* i le elele? *ana e faapea*, po ua ou avatu ia te oe o tupe e sefulu, ma le fusi e tasi. Ona fai atu lea o le tagata ia Ioapo, E ui lava ina e fua mai o tupe e afe i lo'u lava lima, ou te le faaoo atu lo'u lima i le atalii o le tupu; auā na poloai le tupu ia te oe ma Apisai ma Itai, o matou faalogo ane ua faapea, Ia outou, ne'i ai se tasi e mao i le taulealea o Apisaloma. Ana a'u faapea po ua pelogia a'u e a'u; auā e le natia se mea e tasi i le tupu; o oe foi po ua e molia a'u. Ua fai mai Ioapo, Ou te le mafai ona ta tutū pea faapenei ma oe. Ona ia ave ai lea o tao e tolu i lona lima, ma tutu'i ai i le fatu o Apisaloma, a o ola lava o ia i totonu o le tapeneto. Ona siosio ai lea o taulelea e toasefulu, o soātau o Ioapo, ma latou fasi ia Apisaloma,

- 16 ua faaoti ia te ia. Ona ili lea e Ioapo o le pu, i le ua foi ai le nuu ai le tuliloaga o Isaraelu; auā na tao-
 17 fia le nuu e Ioapo. Ona latou ave lea ia Apisaloma, ma lafo ia te ia i le lua tele i le vao; ona faaputu ai lea i ona luga o le faupuegāmaa matuā tele; a o Isaraelu uma ua taitasi ma sola i lona fale ie. Sa
 18 ave ma faatu e Apisaloma, ina o ola o ia, le faailoga, o loo i le vanu o le tupu, auā sa faapea o ia, E leai so'u atalii e faamanatuina a'i lo'u igoa; na ia faaigoa le faailoga i lona lava igoa, ua igoa a'i, O le faailoga o Apisaloma; ua oo lava i le aso nei.
 19 Ona fai ane lea o Aimaasu le atalii o Satoka, Se'i ou momo'e, ma ta'u atu i le tupu, ua laveaiina o ia e Ieova ai lima o e na ita ia te ia.
 20 A ua fai atu Ioapo ia te ia, E te le avea se tala i lenei aso, a oo i le tasi aso e te avea ai se tala, a o le aso nei e te le avea se tala, auā ua oti
 21 le atalii o le tupu. Ua fai atu Ioapo ia Kusi, Alu ia oe, ta'u atu i le tupu le mea ua e iloa. Ona ifo lea o Kusi ia Ioapo, ona momo'e ai lea o ia.
 22 Ona toe fai mai lea o Aimaasu le atalii o Satoka ia Ioapo, Tuu mai ia, se'i ou momo'e atu foi a'u, e mulimuli ia Kusi. Ona fai atu lea o Ioapo, Lo'u atalii e, o le a le mea e te momo'e atu ai, auā e te lei
 23 maua se tala? *Ua fai mai o ia, Tuu mai pea, se'i ou momo'e.* Ona fai atu lea o ia, Momoe ia. Ona momo'e ai lea o Aimaasu i le ala o le fanua laugatasi, na ia tuuna o Kusi i tua.
 24 Sa nofo Tavita i le va o puipui e lua; a ua alu le tagata vaai i luga lava o le faitotoa i luga o le pa; ua vaai atu o ia, ona iloa atu lea. faauta, o le tagata ua momo'e toatasi mai. Ua valaau le tagata vaai, ma ta'u mai ai i le tupu. Ua fai
 25 atu le tupu, Afai e toatasi o ia, ua i ai se tala. Ua saga momo'e mai pea o ia, ua taulata mai. Ona iloa lea e le tagata vaai o le tasi tagata ua momo'e mai; ua valaau le tagata vaai i le leoleo o le faitotoa, ua faapea ane, Faauta, o le tasi tagata ua momo'e toatasi mai. Ua fai atu
 27 le tupu, O i ai foi se tala. Ona fai mai lea o le tagata vaai, Ou te vaai i le momo'e o le muamua, e pei o le momo'e o Aimaasu le atalii o Satoka. Ona fai atu lea o le tupu, O le tagata lelei o ia, na te aumaia le tala lelei. Ona valaau lea o Aimaasu, ua fai mai i le tupu, Ia manuia; ona ifo toele ai lea o ia i le tupu; ua fai mai, Ia faafetaia Ieova lou Atua, o le ua tuuina mai ia tagata e na sii le taua i lo'u alii le tupu. Ua fai ane le tupu, O saogalemu ea le tau-lealea o Apisaloma? Ona fai mai ai lea o Aimaasu, Na a'u iloa le nuu o tagata ina ua auina mai le au-auna a le tupu e Ioapo ma lau auau-na, a ou te lei iloa po o le a. Ua
 30 fai atu le tupu, Faatafa ia oe, ma e tu ese ane; ona faatafa ai lea o ia, ma tu ese. Faauta foi, ua sau Kusi; ua fai mai Kusi, Lo'u alii e, le tupu, o le tala lelei! Auā ua laveaiina oe e Ieova i lenei aso ai lima o e na tutū mai uma lava e tau ma oe. Ua fetalai atu le tupu
 32 ia Kusi, O saogalemu ea le tau-lealea o Apisaloma? Ua fai mai Kusi, Ia pei o lea tau-lealea e ua ita i lo'u alii le tupu, atoa ma i latou uma e tutū mai e agaleaga ia te oe. Ona
 33 mutimuti vale ai lea o le finagalo o le tupu; ua alu ae ai i le afeafe i luga o le faitotoa, ua tagi, ua faapea fano, Lo'u atalii Apisaloma e, lo'u atalii e, lo'u atalii Apisaloma e! ta fia oti e sui ai oe Apisaloma lo'u atalii e, lo'u atalii e!

Ua toe molia Tavita i Ierusalema.

ONA ta'uina atu lea ia Ioapo, Faauta, o loo tagi ma faanoanoa le tupu ia Apisaloma. Ona avea lea o le manumalo i lea aso ma mea e faanoanoa ai i le nuu uma; aua ua faalogo le nuu i lea aso, ua faapea, Ua tiga le tupu ona o lona atalii. Ua o faagaoi le nuu i lea aso i le aai, e pei ona e faagaoi le nuu ua masiasi ina ua sosola i le taua. Ua ufufi e le tupu ona fofoga; ua alaga foi le tupu ua leo tele, Lo'u atalii Apisaloma e! Apisaloma lo'u atalii e, lo'u atalii e! Ona ulufale atu lea o Ioapo i le tupu, ua fai atu, Ua e faamaina i le aso nei o au auauna uma lava, e ua laveai ia te oe i lenei aso, ma ou atalii, atoa ma ou afafine, ma ou fale-tua, ma au

- 6 palake, ina ua e alofa i e 'ino'ino ia te oe, ma e 'ino'ino i e alofa ia te oe; auā ua e faaali mai i lenei aso, a leai sou *manatu* i ni alii ma auau-
na; auā ua ou iloa i lenei aso, ana
7 ola Apisaloma, a e oti i matou uma i le aso, po ua lelei lea ia te oe. O lenei, tulai ia, ma e maliu atu, ma faamatalaloto i au auaua; auā ou te tauto ia Ieova, afai e te le maliu atu, e leai se tasi lua te nonofo i le po nanei; e sili ona leaga lea ia te oe i mea leaga uma ua oo ia te oe talu ona e taulealea e oo i le *aso*
8 nei. Ona tulai lea o le tupu, ma nofo i le faitotoa; ua latou faailoa atu i le nuu uma, ua faapea, Faauta, o loo nofo le tupu i le faitotoa; ona o mai lea o le nuu uma i luma o le tupu. A o Isaraelu, ua taitasi ma sola i lona fale ie.
- 9 Sa i ai i le nuu uma le finauga i itu aiga uma o Isaraelu, ua faapea, Na laveai le tupu ia i tatou, ai lima o e ita mai ia i tatou, ua laveai foi o ia ia i tatou ai lima o Filisitia, a o lenei, ua sola o ia ai le nuu ona o Apisaloma; o Apisaloma foi na tatou faauuina e pule ia i tatou, ua oti o ia i le taua; o lenei o le a le mea tou te le tautalatala ai e faa-
11 foisia mai le tupu? Ona auuina atu lea *nisi* e Tavita le tupu ia Satoka ma Aviata o faitaulaga, ua faapea, Lua te tautala atu i to'eaina o Iuta, ia faapea, O le a le mea e tau muli-
12 muli ai outou ona faafoisia o le tupu i lona fale? auā ua oo lava i le tupu i lona fale le fetalaiga a Isaraelu uma. O'u uso outou, o'u ivi ma o'u aano lava outou; o le a lava le mea e tau mulimuli ai outou
13 ona faafoisia o le tupu? Lua te fai atu foi ia Amase, E le o o'u ivi ma o'u aano lava oe? Ia faapea ona faia e le Atua ia te au, ma ia faapea ona faopoopo i ai, pe afai e le fai oe ma pule i 'au i o'u luma i aso uma e
14 sui a'i Ioapo. Ua ia faauai mai loto o tagata uma o Iuta pei o se tagata e toatasi; ua latou feau mai i le tupu, Ina foi mai ia oe ma au au-
15 auna uma. Ona toe foi ai lea o le tupu, ua oo i Ioritana; ona o mai lea o Iuta i Kilikala e faafetaiai i le tupu, e sopoia atu Ioritana ma le tupu.
- Ua faataalise Semi le atalii o Kira, le sa Peniaminā, le Pauri, ona alu ifo o ia faatasi ma tagata o Iuta e faafetaiai ia Tavita le tupu, ma tagata e toaase faatasi ma ia mai Peniamina; atoa ma Sipā le auaua a le aiga o Saulo, ma ona atalii e toasefulu ma le toalima, ma ana auaua e toaluafulu faatasi ma ia; ua latou sopoia atu Ioritana i luma o le tupu. Ua alu ane le vaa e tau-
18 tuu ai le aiga o le tupu, ma fai mea ua finagalo i ai o ia; ona faapaū lea o Semi le atalii o Kira i luma o le tupu, ina ua sopoia atu e ia Ioritana. Ua ia fai mai foi i le tupu, Aua le tauia mai la'u agasala e lo'u alii; aua le manatu foi i le mea na agaleaga ai lau auaua i le aso na afio mai ai lo'u alii le tupu mai Ierusalemā ina ne'i faalotoloto i ai o le tupu. Auā ua iloa e lau auau-
20 na ua ou agasala lava au; silasila mai foi, ua ou sau, ua ou muamua mai i le aiga o Iosefa uma lava, ou te alu ifo e faafetaiai i lo'u alii le tupu. Ona tali ane ai lea o Apisai le tama a Seruia, ua faapea ane, E le o le mea lava lea ea, o le a oti ai Semi? auā na ia fetuu i le ua faauuina e Ieova. Ona fai atu lea o Tavita, O le a ea la oulua na ia te au, o oulua le fanau a Seruia? auā e fai oulua ma e faalavelave mai ia te au i lenei aso; e fasiotia ea se tasi i le aso nei i Isaraelu? Auā e le ua ou iloa ea, o a'u lava le tupu o Isaraelu i le aso nei? Ona fai atu lea o le tupu ia Semi, E te le oti oe; ua tauto ai foi le tupu ia te ia. Ua alu ifo foi Mefiposeta le atalii o Saulo e faafetaiai i le tupu, na ia le teua ona vae, ua le teua foi lana 'ava, ma ona ofu ua na le taia talu mai le aso na alu atu ai le tupu, e oo i le aso na sau ai mā le filemu. Ua alu atu o ia i Ierusalemā e faafetaiai i le tupu; ona fai atu lea o le tupu ia te ia, Mefiposeta e, se a le mea na ta le o ai ma a'u? Ua fai mai o ia, Lo'u alii e le tupu, na pelogia a'u e la'u auaua; auā na fai ane lau auaua, Ou te faanofoa-
26 ina le asini mo a'u, ou te tietie ai, ma ou alu atu i le tupu; auā ua pipili lau auaua. Ua tuua'iina fua lau auaua i lo'u alii le tupu; a e

tusa lo'u alii le tupu ma se agelu a le Atua; o lenei, fai ia se mea e te
 28 finagalo i ai; auā sa leai se tasi i le aiga uma o lo'u tamā, na o tagata e tatau ona oti i luma o lo'u alii le tupu, a ua e tofia lau auāuna faatasi ma e aai i lau lava laoi; se a sa'u mea e toe tatau ai ona ou toe tagi atu ai i le tupu? Ona fai atu
 29 lea o le tupu ia te ia, Se a le mea e te toe fai mai ai i au mea? ua ou fai atu, o oe ma Sipa lua te vaeluaina le fanua. Ua fai mai Mefiposeta
 30 i le tupu, Ave pea ia mea uma lava mā ia; tau ina ua oo mai lo'u alii le tupu ma le manuia i lona fale.
 31 O Pasili foi le Kiliata, ua alu ifo o ia nai Rokeli; ua la soipoia atu Ioritana, ma le tupu ina i momoli
 32 ia te ia i Ioritana. Ua matuā toea-ina lava Pasili, ua valugafulu ona tausaga; o ia lava na fagina le tupu ina o nofo o ia i Maanaima,
 33 auā o le alii tele lava o ia. Ona fai atu lea o le tupu ia Pasili, Ta te o ma a'u, ta te mafuta faatasi ma a'u
 34 i Ierusalem. A ua fai mai Pasili i le tupu, E fia ni aso o tausaga o lo'u olaga o *totoe*, ta te o ae ai ma oe
 35 le tupu i Ierusalem? Ua valugafulu o'u tausaga i lenei aso; e iloa ea e a'u se lelei ma se leaga? e lagona ea e lau auāuna ni a'u mea o 'ai ma ni a'u mea e inu? ou te toe lagona ea le leo o tane pepese ma fafine pepese? Se a le mea e toe faatiga ai lo'u alii le tupu e lau
 36 auāuna? E momoli faaititi atu e lau auāuna i le tupu i Ioritana; se a foi le mea e tau mai ai e le tupu
 37 i lona tau tele? Se'i toe foi lau auāuna, se'i ou oti i lo'u nuu e lata-lata ane i le tugamau o lo'u tamā ma lo'u tina. Silasila foi o lau auāuna o Kimeama, e alu atu o ia ma lo'u alii le tupu, e te faia ia te ia se
 38 mea e te finagalo i ai. Ona fai atu lea o le tupu, Ma te o atu ma Kimeama; ou te faia foi ia te ia se mea e te loto i ai; o mea uma foi e te fai mai ai ia te au ou te faia lava
 39 mo oe. Ona soipoia atu lea e le nuu uma i Ioritana; ua alu atu ai foi le tupu, ona faasogi lea o le tupu ma Pasili, ma ua faamanuia ia te ia; ona toe foi lea o ia i lona
 40 nuu. Ona alu atu lea o le tupu i

Kilikala, o Kimeama foi na la o ma ia. O le nuu uma o Iuta na latou o ma le tupu, atoa ma le vaeluagalemu o le nuu o Isaraelu. Faauta
 41 foi, o tagata uma o Isaraelu, na o mai i latou i le tupu, ua latou fai mai i le tupu, O le a le mea na faagaoi ai ia te oe e o matou uso, o tagata o Iuta, ma ua latou au mai le tupu ma lona aiga i Ioritana, atoa ma tagata uma o Tavita faatasi ma ia? Ona tali atu lea o
 42 tagata uma o Iuta i tagata o Isaraelu, Auā ma te aiga ma le tupu; o le a le mea e te ita ai i lenei mea? Ua matou 'aina ea ni mea a le tupu? po ua au mai e ia se alofa ia i matou? Ona tali atu lea o tagata
 43 o Isaraelu i tagata o Iuta, ua faapea atu, E sefulu o'u itu aiga i le tupu; e sili foi Tavita ia te au, *a e ititi* ia te oe; o le a lava le mea ua e faaletualoa ai a'u, ma ua le muai ta'u mai ia te au, e faafoisia mai lo'u tupu? Ua sili ona mamafa le upu a tagata o Iuta i le upu a tagata o Isaraelu.

O le fouvale o Sepa.

SA soona alu ane i ai le tagata
 ulavale, o Sepa lona igoa, o le atalii
 o Pikeri, o le sa Peniaminā, ua ili e
 ia le pu, ma fai atu, E le aiā Tavita
 ia i matou; e le so matou tofi foi le
 atalii o Iese; Isaraelu e, ia taitasi
 ma alu i lona fale ie. Ona o ae
 2 lea o tagata uma o Isaraelu nai ia Tavita, ua mulimuli atu ia Sepa le atalii o Pikeri; a o tagata o Iuta ua pipii pea i latou i lo latou tupu, e fua mai i Ioritana e oo atu i Ierusalem. Ona ulu atu lea o Tavita i
 3 lona fale i Ierusalem; na ave e le tupu i palake e toasefulu, ua ia tuua e leleo i le fale, ua tuu atu i latou i le fale e tausai ai, ma na fafaga ia i latou, a e lei alu atu o ia ia te i latou; sa i ai ua puipua i latou, ua oo i le aso na oti ai, ua nofo fua.

Ona fai atu lea o le tupu ia
 Amase, Ia e faapotopotoina mai ia
 te au tagata o luta i e tolu, i le e
 sau ai foi iinei. Ona alu atu lea o
 5 Amase e faapotopoto ia Iuta, a ua silia aso na atofa ia te ia. Ona fai
 6 atu lea o Tavita ia Apisai, Anei e

sili le leaga e faia e Sepa le atalii o
Pikeri ia i tatou, i le leaga na faia
e Apisaloma; tou te o, o oe, ma
auauna a lou alii, ma outou tuliloa
ia te ia, ina nei maua e ia aai e
nofo 'olo, ma sola ese ia te i tatou.

7 Ona mulimuli atu lea ia te ia o tagata o Ioapo, ma le au Kereti, ma le au Peleti, ma e fitafita uma lava; ua latou o atu nai Ierusalema e tuliloa ia Sepa le atalii o Pikeri.

8 Sa i ai i latou i le maa tele ua i
Kipeona, ona sau lea o Amase i o
latou luma. Sa fusia le ofu talaloa
a Ioapo, sa fusi foi ia te ia lana
pelu, ua nonoa i lona sulugatiti i
lona faamoega: ua alu ane o ia.

9 ona pa'i ai lea o le *pelu*. Ua fai atu Ioapo ia Amase, Lo'u uso e, o ē malolo ea? Ona tago atu lea o le lima taumatau o Ioapo i le 'ava a

10 Amase efeasogi ma ia. A o Amase,
ua le manatu o ia i le pelu sa i le
lima o Ioapo; ona tutu'i ai lea e ia
ia te ia i le manava, ona masaa ai
lea lona gaau i le eleele, ua le tutu'i
faalua ia te ia, ona oti ai lea o ia.
Ona tuliloa lea e Ioapo ma Apisai
lona uso ia Sēpa le atalii o Pikeri.

11 Ona tu ai lea i ona luga o le tasi tagata o le au taulelea a Ioapo, ua faapea ane, O ai se 'au ma Ioapo? o ai foi le 'au ma Tavita? ia muli-

12 moli atu o ia ia Iapo. Ua liloa
Amase i le toto i le moa o le ala
tele; ua vaai atu le tagata ua lau-
laututū ai o le nuu uma, ona ave
ese ai lea e ia ia Amase nai le ala
tele i le vao, ma lafo se ofu i ona
luga. Ina ua iloa e ia ua laulaututū

13 i latou uma ina ua oo i ai. Ua uma
ona aveesea o ia ai le ala tele ona o
atu lea o le nuu uma, ua mulimuli
ia Ioano e tuliloa ia Sena le atalii o

14 Pikeri. Ua ia ui ane i itu aiga uma
o Isaraelu ua oo i Apela o Petema-
aka foi ma tagata o Pairi uma lava;
ua latou faapetapete foi ma muli-

15 muli atu ia te ia. Ona latou o atu
lea, ma vagaia o ia i Apela Pete-
maaka; ua tanu ai le mea maui-
e lata e nei i le aai ua tu ai i le utu;
o le nuu uma foi sa ia Ieane ua tanu-

16 lepeti, ina ia lafotuina le pa. Ona
valaau lea o le tasi fafine poto nai
totonu o le aai, Faalogo mai, faa-
logo mai ia outou; se'i outou fai

atu ia Ioapo, ia faalatalata mai o ia
 iinei, ma te tautala ma ia. Ona 17
 faalatalata atu lea o ia ia te ia, ua
 fai mai le fafine, O oe ea o Ioapo?
 Ona tali atu lea o ia, O a'u iinei.
 Ua fai mai o ia ia te ia Faafofoga
 mai ia i upu á lau auaua fafine.
 Ua fai mai o ia, Ou te faalogo atu
 ai lava. Ona fai mai lea o ia, ua 18
 faapea, Sa faapea a latou upu ana-
 muu, Latou te fesili lava i Apela;
 ona latou tuu ai lea faapea. O a'u 19
 nei o so latou e filemu ma faamaoni
 i Isaraelu; o loo e saili e fasioiti le
 tasi nuu ma le tasi tinā i Isaraelu;
 se a le mea e te faaumatia ai le tofi
 o Ieova? Ua tali atu Ioapo, ua 20
 faapea atu, Ia mamao, mamao lava
 lea ia te au ona ou faauma ia, pe
 faatafunaina. E le faapea se mea, 21
 a o le tamaloa mai le mauga o
 Efaraima, o Sepa le atalii o Pikeri
 lona igoa, ua ia fouvale i le tupu o
 Tavita; tuu mai ia na o ia lava ona
 ou alu ese ai lea i le aai. Ua fai
 mai le fafine ia Ioapo, Faauta, o le
 a lafo atu lona ulu ia te oe i tuapā.
 Ona alu atu lea o le fafine ma lona 22
 pote i le nuu uma; ona latou vavae
 lea o le ulu o Sepa le atalii o Pikeri,
 ma lafo atu ia Ioapo; ona ili ai lea
 e ia o le pu, ona latou taapeape ai
 lea nai le aai, ua taitasi *ma atu* i
 lona fale ie, a o Ioapo, ua foi ia i
 Ierusalemā i le tupu.

Sa pule Ioapo i 'au uma lava a 23
 Israelu; a o Penaia le atalii o
 Ioiata sa pule o ia i le au Kereti
 ma le au Peleti; o Aturamo sa pule 24
 o ia i le taulaga, ma Iosefatu le
 atalii o Ailuta, o le fātua'ipu o ia;
 o Seva o le tusiupu o ia; o Satoka 25
 ma Aviata, o faitaulaga i lana; o 26
 Ira foi le Iairo, sa fai ma faipule o
 ia a Tavita.

*Ua faatautauina fanau a Saulo. O
taua ma Filisitia,*

SA i ai le oge i le nofoaiga a 21
Tavita i tausaga e tolu, na faasosoo
ia tausaga ; ona fesili ai lea o Tavita
ia Ieova. Ua fetalai mai Ieova, *Ua*
tupu ai ona o Saulo ma lona aiga ua
totolima, ina ua na fasiotia tagata o
Kipeona. Ona aami lea e le tupu 2
tagata o Kipeona, ua fai atu o ia ia
te i latou : (a o tagata o Kipeona e

le ni fanauga a Isaraelu i latou, a o e na totoe o sa Amorī, na fai ai le tautoga a le fanauga a Isaraelu ia te i latou; a o Saulo, na ia saili e fasi ia i latou i lona maelega ona o le fanauga a Isaraelu ma Iuta); ua 3
fai atu Tavita i tagata o Kipeona. Se a se mea ou te faia mo outou? Se a foi se mea ou te togiola a'i, ina ia outou faamanuia le tofi o Ieova? 4
Ua fai mai tagata o Kipeona ia te ia, E te le *auaia* mā matou ario po o auro mai ia Saulo ma lona aiga; e le fasiotia foi se tagata o Isaraelu ona o i matou. Ua fai atu o ia, O le mea tou te fai mai ai, ou te faia 5
lava lea mo outou. Ona latou fai mai lea i le tupu, O le tagata na faaumatia i matou, ma na manatu leaga ia i matou ina ia faaumatia i matou, ia le nonofo i matou i le 6
laueleele uma lava o Isaraelu; tuu mai ia ia te i matou tagata e toafitu ai lana fanau, matou te faatāutauina i latou i luma o Ieova i Kipea o Saulo o le na filifilia e Ieova. Ua 7
fai atu le tupu, Ou te avatua lava. A ua faasao e le tupu ia Mefiposeta le atalii o Ionatana le atalii o Saulo, ona o le tauto ia Ieova sa ia te i laua o Tavita atoa ma Ionatana le 8
atalii o Saulo. A ua ave e le tupu tama e toalua a Risepa le afafine o Aia, na ia fanau ia Saulo, o Aremoni ma Mefiposeta; ma tama e toalima a Mekala le afafine o Saulo, na ia tausia ma Atarielu le atalii o 9
Pasili le Malata; na ia tuuina atu i latou i lima o tagata o Kipeona; ona latou faatāutauina lea o i latou i le mauga i luma o Ieova, ua pauu faatasi i latou e toafitu, na fasiotia foi i latou i aso muamua o le seleselega i le amataga o le seleselega 10
karite. Ona ave lea e Risepa le afafine o Aia le ie talatala, ma na fofola mo ia i le papa, e afua mai i le amataga o le seleselega, ua oo ina maligi mai le vai mai le lagi ia te i latou; ua le mafai ia te ia ona tuu ai o se manu lele ia te i latou i 11
le ao, po o se manu feai i le po. Ua ta'uina atu ia Tavita le mea na faia e Risepa le afafine o Aia le palake a Saulo; ona alu atu lea o Tavita, ua 12
na avea ivi o Saulo ma ivi o Ionatana lona atalii mai tagata o Iapese-

Kiliata, na latou gaoia nai le malae o Petesani, na faatāutauina ai i lea mea e Filisitia i ona po na fasia ai Saulo e Filisitia i Kilepoa. Ua ia 13
avae nai lea mea o ivi o Saulo ma ivi o Ionatana lona atalii, ma ua faatasi ai ivi o e na faatāutauina. Ua latou tanumia ivi o Saulo ma 14
Ionatana lona atalii i le laueleele o Peniamina i Sela, i le tuugamau o Kiso lona tamā; ma latou faia mea uma na poloai ai le tupu; ona faafofoga lea o le Atua i le *tatalo* mo le laueleele, ina ua uma ia mea.

Ona toe tau lea o le taua a Filisitia ma Isaraelu, ua alu ifo ai Tavita ma ana auuina faatasi ma ia, ua latou tau ma Filisitia; ona vaivai ai lea o Tavita. O Isepenopa 15
foi, o so le fanau a Rafa, o le mamafa o lona tao e tolu selau o *sekel* o 'apa memea, o ia ua fusia i le *pelu* fou, na faapea a ia, na te fasia Tavita. Ona fesoasoani lea ia te ia 17
o Apisai le tama a Seruia, ma na taia le Filisitia, ma fasiotia o ia. Ona tauto ai lea o tagata o Tavita ia te ia, ua faapea, E te le toe malii atu ma i matou i le taua, ina ne'i tineia le malamalama o Isaraelu.

Mulimuli ane i nei mea, ua toe 18
tau le taua ma Filisitia i Kopa; ona fasia lea e Sepekai o le sa Usā, o Sapa o so le fanau a Rafa.

Ona toe tau lea o le taua ma 19
Filisitia i Kopa; ona fasia lea e Eleana le atalii o Ari-oreki le Peteleema, o le *uso* o Koliata le Kata; o le fuata o lona tao ua pei se laau faalava o lē lalaga ie.

Ua toe tau le taua i Kata; sa i 20
ai le tagata maualuga, o ona tamatamai lima ma ona tamatamai vae ua taiono, e lua sefulu ma le fa ona atoatoa; o ia foi o le atalii o le sa Rafā. Ua ia faifai ia Isaraelu, ona 21
fasia lea o ia e Ionatana le atalii o Sama le uso o Tavita. O i latou nei 22
e toafā na fanau ia Rafa i Kata; ua oti i latou i le lima o Tavita, ma lima o ana auuina.

O le vii a Tavita e faafetai ai i le Atua.

UA fai ane Tavita ia Ieova i upu 22
o lenei pese i le aso na laveaiina ai o ia e Ieova ai lima o e na ita ia te ia

- uma lava, atoa ma le lima o Saulo. 1
 2 Ua ia faapea ane, O Ieova, o lo'u papa lea, ma lo'u 'olo, ma lo'u faaola.
 3 O le Atua o lo'u papa, ou te faa-tuatua lava ia te ia; o lo'u talita o ia, ma le nifo o lo'u olataga, o lo'u 'olo maualuga, ma lo'u malu, o lo'u faaola, e te faaola ia te au ai le 4
 4 sauaga. Ou te valaau ia Ieova, e tusa ona viia o ia; o lea a faaolaina 5
 5 ai a'u ai e ita mai ia te au; auā na siosiomia a'u i galu e oti ai; o tafega a e ulavavale na faamatautia ai a'u. 6
 6 Na siomia a'u i maillei a seoli, na ou 7
 7 lumanai o matāsele a le oti; ona ou valaau atu ai lea ia Ieova i lo'u pua-puaga; na ou valaau lava i lo'u Atua; na faafofoga mai foi o ia i lo'u leo ai lona malumalu, o la'u alaga na oo i ona fofoga.
 8 Ona luluina ai lea ma mafuie le lalolagi; o faavae o le lagi na gatete ia, na luluina ia, auā na toasa lava o ia. Na alu ae le asu i ona pogaiisu; o le afi mai lona fofoga ua maamaai 10
 10 lea, ua mu ai malala ola. Na ia faaifo foi le lagi ma afio ifo; sa i lalo o ona aao le pogisa. Sa tietie o ia i le kerupi ma lele; na iloa o ia i 12
 12 apaau o le matagi. Na faia e ia o le pouliuli ma fale apitaga e siosio ai ia te ia; o le faapotopotoga o vai ma 13
 13 ao uliuli. O le pupula nai ona luma na mu ai malala ola o le afi.
 14 Na faititili e Ieova mai le lagi; na tūlei ifo e le Silisili ese o lona siufofoga. Na fana atu e ia o u fana-fana, ma faataapeape ia te i latou; na ia faaemo mai le uila, ma tuli ese 16
 16 ai ia te i latou. Ona iloa ai lea o le iliti vai; ua aliali mai faavae o le lalolagi i le aoaiga a Ieova, i le mapugatama'i ai ona fofoga.
 17 Ua ia aapa mai lona aao mai luga, ua ia tago mai ia te au; na ia faaea 18
 18 ia te au ai vai e tele. Ua ia laveai mai ia te au ai le na ita mai, o lē sa malos; o e na 'ino'ino mai ia te au, auā na sili lo latou malos i lo'u. 19
 19 Na latou lumanai a'u i le aso o lo'u malaia; a o Ieova o ia na ou faa-lagolago i ai.
 20 Ua ia aumaia a'u i le mea lautele; ua ia laveai ia te au, auā ua finagalo 21
 21 alofa mai o ia ia te au. Ua tauia mai a'u e Ieova e tusa ma la'u amio-tonu; ua tau mai e ia ia te au e tusa ma o'u lima mamā. Auā ua ou 22
 22 tausia ala o Ieova; ma ou le lafoai faalemata'u i lo'u Atua. Aua na ou 23
 23 lumanai pea ana faamasinoga uma; na ou le tuueseina foi ana tulafono ia te au. Na ou amiotonu i ona 24
 24 luma, na ou taofia a'u i la'u agasala. O lenei, ua tauia mai a'u e Ieova e 25
 25 tusa ma la'u amiotonu; e tusa foi ma o'u lima mamā i ona lava luma.
 E te amio alofa oe i le ua alofa; 26
 26 e te amiotonu oe i le ua amiotonu. E amio mamā oe i le ua amio mamā; 27
 27 e te faapiopio foi oe i le ua faapiopio. E te faaolaina le nuu ua tigaina; a 28
 28 o loo e silasila ifo i e faamaualuga, ina ia e faamaualaina i latou. Auā 29
 29 o oe lava Ieova e, o lo'u lamepa; e faamalalamalamaina foi e Ieova lo'u pouliuli. Auā o oe na ou sofai ai le 30
 30 'au; o lo'u Atua na ou osopuna ai i le pa. O le Atua e sao lava lona 31
 31 ala; ua se ario ua te'a ma le otaota afioga a Ieova, o le talita o ia i e faa-tuatua uma lava ia te ia. Auā o ai 32
 32 ea le Atua, ua na o Ieova lava? O ai ea le papa, ua na o lo tatou Atua? O le Atua o lo'u 'olo malosi ia; na 33
 33 ia faasa'oina foi lo'u ala. Ua na faia o'u vae e pei o vae o aila; ua ia faa-tuina lava a'u i a'u mea maualuga.
 Ua ia a'o'a'o i o'u lima e tau ai le 35
 35 taua; ma ua lolou ai e o'u lima le aufana 'apa memea. Ua e foaiina 36
 36 mai foi ia te au le talita o le olataga mai ia te oe, o lou agamalu ua faasilisiliina ai a'u. Ua faalauteleina 37
 37 e oe le mea ou te savali ai, ne'i mapeva o'u vae.
 Na ou tuliloa i e na fai a'u mo 38
 38 latou fili, ma ou fasiotia i latou; na ou faaumatia i latou ona ou faatoa foi mai lea. Ua ou tinea i latou, 39
 39 ma ou fasia i latou; ua latou le mafai ona tutū i luga; na pauu i latou i lalo o o'u vae. Ua e fusia a'u 40
 40 i le malosi mo le taua; ua e faatoilo-lalo i e na laga mai ia te au. O oe 41
 41 ua liutuaina mai ai ia te au o e ua fai a'u mo latou fili; o e na 'ino'ino ia te au, ua fano lava i latou ia te au. Na vaavaai i latou, a ua leai se faaola; ua latou vaavaai ia Ieova, a ua na le tali atu ia te i latou. Ona 43
 43 ou nutinini lea ia te i latou, e pei o le efuefu o le eleele; na ou tu'ipala ia te i latou, e pei o le palapala o le

II. SAMUELU, 23.

- 44 ala, na ou solia i latou. Na e laveai
ia te au ai fefnauaiga ma lo'u nuu;
ua e tasi ia te au e fai ma pule i
nuu ese; e auauna mai ia te au le
45 nuu na ou le iloa. E faatagā vivii
mai ia te au tagata ese; a latou
logona, ona latou faalogo ai lea ia te
46 au. E mavae atu tagata ese; e fusia
i latou i mea ua puipua mo i latou.
47 O loo soifua Ieova, ia faafetaia
foi lo'u papa; ia viia le Atua, o le
48 papa o lo'u faaolataga. O le Atua o
ia lē tau'i ma sui ona o'a'u; o ia foi
49 lē faatolaloina le nuu ia te au; o
lē laveai mai foi ia te au i e ua ita
mai ia te au; ma ē faasilisiliina a'u
i e na laga mai ia te au; ua e lave-
50 aiina a'u nai le tagata faasaua. O
le mea lava lea, Ieova e, ou te vivii
atu ai ia te oe i luma o nuu ese; ou
51 te pese atu foi i lou suafa. O le 'olo
o le olataga o ia i lana tupu; e aga-
lelei o ia i le na ia faauuina, o
Tavita lava, atoa ma ana fanau e oo
i le faavavau.

*O toe upu a Tavita. O igoa o toa sa
ia te ia.*

- 23 O TOE upu nei a Tavita; na fai
ané Tavita le atalii o Iese, ua fai ane
le tagata ua faacaina, o lē ua faa-
uuina e le Atua o Iakopo, o le fai-
pese malie o Isaraelu.
2 O a'u na fetalai ane ai le Agaga o
Ieova; o lana afioga foi sa i lo'u lau-
3 laufaiva. Na fetalai mai ia te au le
Atua o Isaraelu; o le papa o Isa-
raelu, ua fetalai mai o ia, O le ua
pule i tagata ia *faia ma le tonu*; ia
4 pule ma le mata'u i le Atua; e pei
o le malamalama o le taeao ina ua
alu ae le la, o le taeao e leai ni ao
uli; e *pei* o le vao mu'a mai le eleele
5 i le pupula mai mai le timuga. E ui
lava ina le faapea lo'u aiga ma le
Atua, a ua na osi se feagaiga e faa-
vavau ma a'u, o loo saunia i mea
uma lava, ma ua tausia; auā e ui
lava ona le faaululaina e ia, ona
gata lea o lo'u olataga, ona gata foi
6 lea o *lou* manao. A o e ulavavale, e
pei o laau tuitui, ua lafoaiina i latou
uma lava; auā e le tagofia i latou e
7 lima. A o le tagata na te tago i ai,
e ao ina i ai ia te ia se uamea ma le
fuata o le tao; e matuā susunuina i
latou i le afi i lea lava mea.
- O igoa nei o toa sa ia Tavita; o lē
8 nofo i le nofoa o le Takamoni, e sili
o ia i le toatolu, o Atino lea le
Asoni; *na sili lona tao* i le toavau
galau na fasiotia i le aso e tasi. E
9 aupito ane i ai o Eleasaro le atalii o
Toto, le atalii o Aoki, sa i le au toa
e toatolu faatasi ma Tavita, ina ua
latou faifai ia Filisitia sa faapoto-
potoina i lea mea i le taua, a ua o ae
tagata o Isaraelu; o ia lava na tu
10 ma fasi ia Filisitia, ua oo ina ua
gase lona lima, ma ua pipii lona lima
ma le pelu; ua faia lava e Ieova le
faaolataga tele i lea aso; ua foi atu
le nuu o mulimuli ia te ia na ona
vete. E aupito ane ia te ia o Sama
11 le atalii o Aka le Arari; sa faapo-
topoto Filisitia i le 'au, sa i ai le
fāsi fanua ua lilo i atasema; na
sosola ai le nuu i luma o Filisitia.
Na tu o ia i totonu o le fanua, ma
12 na faasaina ai, ma na fasi ia Fili-
sitia; ua faia foi e Ieova le faaola-
taga tele. Na o ifo foi le toatolu
13 mai le toatolugafulu o e ua sili, ua
oo atu i *ona po* o le seleselegāsaito
ia Tavita i le ana i Atulama; a ua
to lauapi le 'au a Filisitia i le vanu
o sa Rafā. O ona po ia sa nofo 'olo
14 ai Tavita; a o le leoleoga o Filisitia
sa i Peteleema ia. Ona manao ai lea
15 o Tavita, ua faapea, Ta fia inu vai o
le vaieli i Peteleema o loo i le faito-
toa! Ona sofaia lea e nei toa e toa-
16 tolu i le togālauapi a Filisitia, ma
latou utu vai mai le vaieli i Pete-
leema ua i le faitotoa; ua avae ai,
ma au mai ia Tavita, a ua le mafai o
ia ona inu ai, a ua liligi atu ia Ieova;
ua fai ane o ia, Ieova e, ia mamao ia
17 te au ona faia o lenei mea; e *le* o le
toto ea *lenei* o nei tagata, na latou o
toai i ai? e le mafai ia te ia ona inu
ai. O mea ia na faia e nei toa e
toatolu.
- O Apisai foi le uso o Ioapo, le
18 tama a Seruia, o ia na sili i le toa-
tolu; o ia foi na sii lona tao i le
toatolu galau na fasia *e ia*; sa ta'ua
o ia faatasi ma le toatolu. E le na
19 sili ea ona viia o ia i le toatolu? sa
fai ma alii o ia ia te i latou, a ua le
aulia le *muai* toatolu. O Penaia
20 foi le atalii o Ioiata, le atalii o le
tagata malosi mai Kapeseelu, na
faia mea tetele; o ia na fasi i

II. SAMUELU, 24.

tagata o Moapi e faamataleona e toalua; o ia foi na alu ifo, ma fasi le leona i totonu o le lua i
 21 ona po o kiona. O ia foi na fasi le tagata Aikupito, o le tagata aulelei; sa i le lima o le Aikupito le tao, na ia alu ifo ia te ia ma le tootoo, ma na seia le tao ai le lima o le Aikupito, ma fasioti ia te ia i lona lava
 22 tao. O mea nei na faia e Penaia le atalii o Ioiata, sa ta'ua foi o ia faa-
 23 tasi ma toa e toatolu; e sili ona viia o ia i le toatolu sefulu, a e lei aulia le *mua* toatolu; na tofia o ia e Tavita e pule i e na faafeao ia te ia.
 24 O Asaelu le uso o Ioapo, o so le toatolu sefulu o ia; o Eleana le ata-
 25 lii o Toto le Peteleema, o Sama le
 26 Haroti, o Elika le Haroti, o Helesa le Paleti, o Ira le atalii o Ikesa le
 27 Tikoā, o Apieseru le Anatota, o
 28 Mepuna o lo le fanau a Usa, o Salemoni le sa Aoki, o Maarai le sa
 29 Netopā, o Helepa le atalii o Paana le sa Netopā, o Itai le atalii o Ripai le Kipea o le aai o le fanauga a
 30 Peniamina, o Penaia le Piratonu, o
 31 Hitai mai vaitafe o Kaasa, o Api-
 32 elepona le Arepa, o Asemau le Pa-
 33 'uma, o Eliepa le Saalepo, o le tasi atalii o Iasanu, o Ionatana, o Sama le Harari, o Aiamu le atalii o Saru
 34 le Arari, o Elipelete le atalii o Ase-
 35 pai, le atalii o le Maakati, o Eliamu le atalii o Aitofele le Kilo, o Hese-
 36 rai le Karamelu, o Pagarai le Ara-
 37 pa, o Ikalo le atalii o Natano mai
 38 Sopa, o Pani le Kato, o Seleka le Amoni, o Naarai le Perota le soātau
 39 o Ioapo le tama a Seruia, o Ira le sa Ieterō, o Karepa le sa Ieterō, o Uria le sa Heti; o ona atoatoa e toatolu-
 gafulu ma le toafitu.

Ua faitauina le nuu e Tavita; o le faamai na tupu ai.

24 UA toe tupu le toasa o Ieova ia Israelu; ona ia faaalu atu lea ia Tavita ia te i latou, ua faapea, Alu ia, ina faitau ia Israelu ma Iuta.
 2 Ua fai ane le tupu ia Ioapo lē pule i 'au sa ia te ia, Ia e fealua i itu aiga uma o Israelu, e pau mai i Tanu, e pau mai i Peresepa, ma faitau le nuu, ina ia ou iloa lona
 3 atoa o le nuu. Ua fai mai Ioapo i

le tupu, Ia faaopoopoina e Ieova lou Atua i le nuu, e tusa ma i latou lava ia taisāutuaselau, ma ia silasila i ai fofoga o lo'u alii le tupu; a e peitai po o le a le mea ua finagalo ai lo'u alii le tupu i lenei mea? A
 4 ua tuu faiaina Ioapo ma e pule i 'au i le fetalaiga a le tupu; ona alu atu lea o Ioapo ma e pule i 'au nai luma o le tupu e faitau i le nuu o Isara-
 5 elu. Ua latou sopoa atu Ioritana, ua to lauapi i Aroeru i le itu i toga o le aai, o loo i le moa o le alia o Kato, e feagai ma Iasaru. Ona oo
 6 lea i latou i Kiliata, ma le nuu o Tate-atesa; ona latou oo atu lea i Tanu-iana ma faataamilo ai i Saito-
 7 nu. Ona latou oo lea i le 'olo o Turo, ma aai uma o sa Hevī ma sa Kananā; ona latou o atu lea i le itu i tōga o Iuta i Peresepa. Ua
 8 latou feoa'i i le nuu uma lava; ua uma masina e iva ma aso e luafulu, ona oo mai lea o i latou i Ierusalem. Ona avatu lea e Ioapo le tau
 9 aofai o le nuu i le tupu; sa i Isara-
 elu e valu selau o afe o tagata malolosi e na fai pelu; a o tagata o Iuta ua lima selau o afe i latou.

Ona tuia lea o le loto o Tavita ina
 10 ua uma ona faitauina o le nuu; ua fai ane Tavita ia Ieova, Ua ou matuā agasala lava i le mea ua ou faia; o lenei, Ieova e, ia e faamaga-
 11 loina lau auuana ai la'u amioletonu, auā ua ou matuā faavalea. Ona tulai lea o Tavita i le taeao; ua oo
 12 mai le afiga a Ieova ia Kato le perofeta le tagata vaai a Tavita, ua faapea, Alu ia, ma fai atu ia Ta-
 13 vita, O loo faapea ona fetalai mai o Ieova, E tolu mea ou te tuuina atu ia te oe; e te filifili se mea e tasi o ia mea ou te faia lava ia te oe. Ona
 14 alu atu lea o Kato ia Tavita, ma ta'ua atu ai ia te ia, ua faapea atu ia te ia, Ou te faaooina mai ea ia te
 15 oe le oge e fitu tausaga i lou lauleele; pe tolu ni masina e te sola ai i luma o e ita mai, o tuliloa i la-
 16 tou ia te oe; pe tolu aso o le faamai i lou nuu? o lenei, ia e silasila, ma e iloa, se a se upu ou te foi ma a'u i le na auina mai a'u. Ua fai mai
 17 Tavita ia Kato, Ua ou matuā fememeai lava; ia ou paū atu i le aao o Ieova, auā e tele lona alofa muti-

I. TUPU, 1.

- muti vale; a e aua ou te paū i lima
 15 o tagata. Ona tuu mai lea e Ieova le faamai ia Israelu, e afua mai i le taao, e oo i le aso na atofa; ua oti ai le nuu, e pau mai i Tanu, e pau mai i Peresepa e fitu sēfulu o afe o tagata. Ona faaloaloa atu lea e le
 16 agelu o lona lima i Ierusalema ina ia faaumatia ai; ona salamo ai lea o Ieova ona o le malaia, ma ua fetalai ane i le agelu na faaumatia ai le nuu, Soia; o lenei, taofi ia o lou lima. Sa lata ane le agelu a Ieova i le mea e soli ai saito a Aruna le sa
 17 Iepusē. Ua fai atu Tavita ia Ieova, ina ua na iloa le agelu na fasia le nuu, ua faapea atu, Silasila mai, o a'u nei lava le agasala, o a'u foi le amioletonu; a o nei mamoe, se a se mea ua latou faia? ia oo mai lou aao ia te au ma le aiga o lo'u tamā.
 18 Ona alu ane lea o Kato ia Tavita i lea aso; ua fai mai ia te ia, Ia e maliu ae, ma e faia se fata faitaulaga ia Ieova i le mea e soli ai saito
 19 a Aruna le sa Iepusē. Ona alu ae lea o Tavita, e pei ona fai mai ai Kato, e tusa ma le poloaiga a Ieova.
 20 Ona vaavaai mai ai lea o Aruna, ua na iloa atu le tupu ma ana auauna o loo o ae ia te ia; ona alu atu lea o

Aruna, ua ifo toele i le tupu. Ua 21
 fai mai Aruna, O le a le mea ua maliu mai ai lo'u alii le tupu i lana auauna? Ona fai atu lea o Tavita, *Ou te sau* e faatau mai ia te oe le mea e soli ai saito, e fai ai se fata faitaulaga ia Ieova, ina ia taofia le faamai ai le nuu. Ona fai mai lea 22
 o Aruna ia Tavita, Ave *pea* ia, ma ia fai ai taulaga e lo'u alii le tupu i mea ua o finagalo i ai; silasila mai ia, o povi ia e fai a'i taulaga mu, ma mea e soli a'i saito, atoa ma amo a povi e fai ma fafie. O mea uma 23
 nei na foai mai Aruna le tupu i le tupu; ua fai mai foi Aruna i le tupu, Ia finagalo alofa mai Ieova lou Atua ia te oe. Ona fai atu lea o le 24
 tupu ia Aruna, Aua lava; ou te faatau mai pea ia te oe i le tau; ou te le fai taulaga ia Ieova lo'u Atua i taulaga maua fua. Ona faatau mai lea e Tavita le mea e soli ai saito, atoa ma povi i sekeli ario e limagafulu. Ona faia lea e Tavita i lea 25
 mea o le fata faitaulaga ia Ieova; ua fai ai taulaga mu ma taulaga faafetai. Ona faafofoga lea o Ieova i le *tatalo* mo le nuu, ma na taofia le faamai ia Israelu.

O LE ULUAI TUSI

I TUPU.

Ua toeaia Tavita. Ua fouvale Atonia. Ua fai Solomona ma tupu.

- 1 Ua toeaia le tupu o Tavita, ua tele ona tausaga; ua latou ufitia o ia i ie, a e le mafanafana ai o ia.
 2 Ona fai atu lea o ana auauna ia te ia, Se'i saili mai se teine taupou mo lo matou alii le tupu, ina ia tu o ia i luma o le tupu, ma tausi ia te ia; ia taoto foi o ia i lou fatafata, ina ia mafanafana ai lo matou alii le
 3 tupu. Ona latou sailiili ai lea i itu uma o Israelu o se teine lalalei; ua latou maua Apiseka le Sunema,

ona latou aumaia lea o ia i le tupu. O le teine matua lalalei lava ia, na ia tausia foi le tupu, ma auauna ia te ia; a e lei iloa o ia e le tupu. 4

O Atonia, o le tama tane a Akita, ua faamaualuga o ia, ua faapea, Ou te fai ma tupu. Ua ia faia foi mona o le nofoa faataavalevale, ma ē tietie i solofanua, ma tagata e toalimagafulu o taufetuli i ona luma. E lei faatigaina o ia e lona 6
 tamā talu ina tupu mai, i lona fai atu, Se a le mea ua e faapea ai? O ia foi ua aulelei lava lona tino; na fanaua o ia o le tua o ia o Apisa-

- 7 loma. Ua latou fetautalatalai foi ma Ioapo le tama a Seruia, ma Aviata le faitaulaga; ua la fesoaso-
- 8 ani ma mulimuli atu ia Atonia. A o Satoka le faitaulaga, ma Penaia le atalii o Ioiata, ma Natano le perofeta, ma Semí, ma Rei, ma le au toa, o e sa ia Tavita, ua le i ai i
- 9 latou ia Atonia. Ua fafasi foi e Atonia o mamoe, ma povi, ma manu pepeti, e lata ane i le maa o Soelete, e lata ane i Enerokelu, ua ia tala'i atu ai ona uso uma, o atalii o le tupu, ma tagata o Iuta uma lava, o
- 10 auauna a le tupu; a o Natano le perofeta, ma Penaia, ma le au toa, atoa ma Solomona lona uso ua ia le tala'iina.
- 11 Ona fai atu lea o Natano ia Patesepa le tinā o Solomona, ua faapea atu, Ua e le faalogo ea o loo fai ma tupu Atonia le tama tane a Akita, a e le o silafia e lo tatou alii Tavita?
- 12 O lenei, iua sau ia, so'u faatonu atu ia te oe, ina ia faaola oe ia te oe, ma
- 13 lau tama o Solomona. Alu ia oe, ma e ulufale atu i le tupu o Tavita, ma e fai atu i ai, Le alii e, le tupu, na e le tauto mai ea ia te au lau auauna fafine, ua faapea mai, E moni, e fai lau tama o Solomona ma tupu pe a mavae atu a'u, e tietie foi o ia i lo'u nofoālii; se a foi le mea ua fai ai Atonia ma tupu?
- 14 Faauta mai ia, a o tautalatala ai oulua ma le tupu ou te alu atu foi e mulimuli ia te oe, ma ou faamaonia au upu.
- 15 Ona alu atu ai lea o Patesepa i le tupu i lona potu, ua toaina lava le tupu; ua auauna foi Apiseka le
- 16 Sunema i le tupu. Ona punou ai lea o Patesepa, ma ifo atu i le tupu. Ona fai mai lea o le tupu, Se a ea
- 17 lou manao? Ona fai atu lea o ia ia te ia, Le alii e, na e tauto ia Ieova lou Atua i lau auauna fafine, na faapea mai, E moni, e fai lau tama o Solomona ma tupu pe a mavae atu a'u, a tietie foi o ia i lo'u
- 18 nofoālii. O lenei, faauta, o loo fai ma tupu Atonia, a o oe le alii e, le
- 19 tupu, ua e le silafia. Ua fafasi foi e ia o povi, ma manu pepeti, ma mamoe e tele lava, ua ia tala'iina foi o atalii uma lava o le tupu, ma Aviata le faitaulaga, ma Ioapo le
- pule i a'u; a o Solomona lau auauna ua ia le tala'iina. A o oe le 20 alii e, le tupu, o loo faasagasaga Isaraelu uma ia te oe, ina ia e faasino mai ia te i latou po o ai e tietie i le nofoālii o lo'u alii le tupu pe a mavae atu o ia. A leai, ona ta'u-
- 21 agasalaina lea o i maua mala'u tama o Solomona, pe a taoto lo'u alii le tupu faatasi ma ona tamā.
- Faauta, o tautalatala i laua ma le 22 tupu, ua ulufale atu Natano le perofeta. Ona latou ta'u atu lea i le
- 23 tupu, ua faapea atu, Faauta, o Natano le perofeta. Ua ulufale atu o ia i luma o le tupu, ona ifo toele lea o ia i luma o le tupu. Ona fai
- 24 atu lea o Natano, Le alii e, le tupu, po ua e fetalai ea, E fai Atonia ma tupu pe a mavae atu a'u, e tietie foi o ia i lo'u nofoālii? Auā ua alu
- 25 ifo o ia i le aso nei, ma ua fafasi i povi, ma manu pepeti, ma mamoe e tele lava; ua tala'iina foi e ia o atalii uma o le tupu, ma e avea 'au, ma Aviata le faitaulaga; faauta foi, ua latou aai ma feinu i ona luma, ma ua faapea ane, Ia soifua le tupu o Atonia. A o a'u, o a'u nei lau
- 26 auauna, ma Satoka le faitaulaga, o Penaia foi le atalii o Ioiata, ma lau auauna o Solomona ua ia le tala'iina. Po ua faia ea lenei mea e
- 27 lo'u alii le tupu, a e te lei faailoa mai i lau auauna po o ai e tietie i le nofoālii o lo'u alii le tupu pe a mavae atu o ia? Ona tali mai lea
- 28 o le tupu o Tavita, ua faapea mai, Ina valaau atu ia ia Patesepa e sau ia te au. Ona sau lea o ia i luma o le tupu, ua tu foi i luma o le tupu. Ona tauto lea o le tupu, ua faapea
- 29 mai, O loo soifua Ieova, o le na faaolaina a'u i puapuaga uma lava, e faapei ona ou tauto ia te oe ia
- 30 Ieova le Atua o Isaraelu, ua faapea atu, E moni, e fai lau tama o Solomona ma tupu pe a mavae atu a'u, e tietie foi o ia i lo'u nofoālii e sui a'i a'u, e faapea lava ona ou faia i le aso nei. Ona punou lea o Pate-
- 31 sepa i le eleele, ua ifo o ia i le tupu, ua faapea atu, Ia soifua e faavavau lo'u alii le tupu o Tavita.
- Ona fai mai lea o le tupu o Ta- 32 vita, Ina valaau atu ia ia Satoka le faitaulaga, ma Natano le perofeta,

I. TUPU, 2.

- ma Penaia le atalii o Ioiata. Ona latou o mai lea i luma o le tupu.
- 33 Ona fai atu lea o le tupu ia te i latou, Ina o ia outou atoa ma auau-na a lo outou alii, ma faatietie ia Solomona lo'u atalii i la'u lava fala-ta, ma ta'ita'i ifo ia te ia i Kiona;
- 34 ma ia faauuina o ia i lea mea e Satoka le faitaulaga, ma Natano le perofeta, e fai ma tupu ia Isaraelu; ia outou ili foi le pu, ma fai atu, Ia
- 35 soifua le tupu o Solomona. Ona outou o ae lea o mulimuli ia te ia, ina ia sau o ia ma tietie i lo'u nofo-
alii; auā e fai o ia ma tupu e sui a'i a'u; ua ou tofia foi o ia e fai ma ta'ita'i ia Isaraelu atoa foi ma Iuta.
- 36 Ona tali atu lea o Penaia le atalii o Ioiata i le tupu, ua faapea atu, Amene; ia faapea ona fetalai mai o
- 37 Ieova le Atua o lo'u alii le tupu. E faapei ona i ai o Ieova i lo'u alii le tupu, ia faapea lava ona i ai o ia ia Solomona, ma faasili ona mamalu o lona nofoalii i le nofoalii o lo'u alii
- 38 le tupu o Tavita. Ona o ifo lea o Satoka le faitaulaga, ma Natano le perofeta, ma Penaia le atalii o Ioiata, ma le au Kereti, ma le au Peleti, ma latou faatietie ia Solo-mona i le falata a le tupu o Tavita, ma latou ta'ita'i ia te ia i Kiona.
- 39 Ona ave lea e Satoka le faitaulaga se fagu nifo o suāu ai le fale fetai, ma faauu a'i ia Solomona. Ona latou ilia lea o le pu; ua fai atu le nuu uma, Ia soifua le tupu o Solo-
- 40 mona. Ona o ae lea o le nuu uma o mulimuli atu ia te ia, ua latou ilia foi fagufagu, ma latou olioli lava ma le olioli tele, ua māvae le laueleele i lo latou alalaga.
- 41 Ua lagona ai e Atonia ma i latou uma sa tala'iina e ia, ina ua uma ona latou aai. Ua lagona foi e Ioapo le leo o le pu, ona faapea lea o ia, Po o le a ea lena vāvāo o le
- 42 aai ua vevesi? Faauta, o tautala o ia ua sau Ionatana le atalii o Aviata le faitaulaga; ona fai atu lea o Atonia ia te ia, Sau ia, auā o oe o le tagata amio lelei, ma ua e aumaia tala lelei. Ona tali mai lea o Ionatana ia Atonia, ua faapea mai, E moni, o lo tatou alii o le tupu o Tavita, ua na faia lava Solomona
- 44 ma tupu. Ua auuina foi faatasi ma

ia e le tupu, o Satoka le faitaulaga, ma Natano le perofeta, ma Penaia le atalii o Ioiata, ma le au Kereti, ma le au Peleti, ua latou faatietie foi ia Solomona i le falata a le tupu; ua faauuina foi o ia i Kiona 45 e Satoka le faitaulaga ma Natano le perofeta e fai ma tupu; ua latou o ae ai ma le olioli, ua vevesi ai foi le aai. O le vāvāo lea ua outou faalogo atu i ai. O loo tietie foi 46 Solomona i le nofoalii o le malo. I 47 le ma lea foi, ua o atu auuina a le tupu e faamanuia atu i lo tatou alii le tupu o Tavita, ua faapea atu, Ia faasili e le Atua o le suafa o Solo-mona i lou suafa, ma ia faasili lona nofoalii i lou nofoalii. Ona ifo lea o le tupu i lona moega. Ua fai mai 48 foi le tupu, ua faapea mai, Ia faafa-taia Ieova le Atua o Isaraelu, o le ua foaiina mai i le aso nei o le tasi e tietie i lo'u nofoalii, o loo vaai atu i ai o'u mata. Ona matatau ai 49 lea o i latou uma e na tala'iina o e sa i ai ma Atonia, ma ua latou tutū ua latou taitasi ma alu i lona ala. Ua mata'u foi Atonia ona o Solo- 50 mona, ona tulai lea o ia ma alu, ma tago atu i nifo o le fata faitaulaga. Ua ta'uina mai foi ia Solomona ua 51 faapea mai, Faauta, ua mata'u Ato-nia i le tupu o Solomona; faauta foi, ua tago atu o ia i nifo o le fata faitaulaga, ua faapea mai o ia, Ia tauto mai le tupu o Solomona ia te au i le aso nei na te le fasiotia lana auuina i le pelu. Ona fai atu lea o 52 Solomona, Afai e amio lelei o ia e le paū sona lauulu i le elelee; a e afai e iloa se leaga ia te ia, e oti ia. Ona auuina atu lea nisi e le tupu o 53 Solomona; ua latou ta'ita'i mai foi ia te ia ai le fata faitaulaga. Ona sau lea o ia, ma ifo mai i le tupu o Solomona; ona fai atu lea o Solo-mona ia te ia, Alu ia oe i lou fale.

O le oti o Tavita. O le fasiotia o Atonia, ma Ioapo, ma Semi.

UA latalata ona po e oti ai 2 Tavita; ona fai ai lea o mavaega ma lona atalii o Solomona, ua faapea atu, O le a ou alu i le ala o le 2 lalolagi uma; ia e faamalosi, ma ia e faatamatane; ia e tausia foi sau-niga a Ieova lou Atua, ina ia e 3

savali i ona ala, ia tausi i ana sauniga, ma ana poloaiga, ma ana faamasinoga, ma ana tulafono e pei ona tusia i le tulafono a Mose, ina ia manuia oe i mea uma e te faia, ma mea uma e te faasagasaga i ai; 4 ina ia faatumaaina e Ieova lana afioga na ia fetalai mai ai ia te au, ua faapea mai, Pe afai e tausia e au fanau lo latou ala, ia savavali i o'u luma ma le faamaoni, *ma* o latou loto atoa, ma lo latou manatu atoa, ua faapea mai o ia, ona le motu lea o lou gafa i le nofoalii o Isaraelu. 5 Ua e iloa foi le mea na faia e Ioapo le tama a Seruia ia te au, o le mea na ia faia ia i laua o e na pule i 'au a Isaraelu o Apineru le atalii o Neru ma Amase le atalii o Ietero, na ia fasia, ua ia faamaligiina o la toto faatagataotaua ina o leai se taua; ua ia tuu foi le toto o e na *fasi* faatagataotaua i lona fusi sa i lona sulugatiti, ma ona see sa i ona vae. 6 Ia e faia foi e tusa ma lou poto, a e aua ne'i alu ifo lona ulusina ma le filemu i le tuugamau. 7 Ia e agalelei i atalii o Pasili o le Kiliata, ia i ai latou faatasi ma e o aai i lau laoi; auā na faapea ona latou o mai ia te au, ina o sola ese 8 a'u ia Apisalama lou uso. Faauta mai foi, o loo ia te oe Semi le atalii o Kira o lo sa Peniamina, mai Pauri, o le na fetuu ia te au i le fetuu leaga lava i le aso na ou alu atu ai i Maanaima; a ua alu ifo o ia e faafetaiai ia te au i Ioritana, ona ou tauto lea ia te ia ia Ieova, ua faapea atu, Ou te le fasioti ia te oe i le 9 pelu. O lenei, aua e te faasaoina o ia; auā o oe o le tagata poto, ua e iloa foi le mea e tatau ona e fai ia te ia; a ia e faaoo lona ulusina ma le toto i le tuugamau. 10 Ua taoto foi Tavita faatasi ma ona tamā; ona tanumia lea o ia i le aai a Tavita. 11 O aso foi na fai ai Tavita ma tupu o Isaraelu e fagafulu o tausaga ia; e fitu tausaga na fai ai o ia ma tupu i Heperona; o tausaga e tolu sefulu ma le tolu na fai ai o ia ma tupu i Ierusalem. 12 Ona tietie ai lea o Solomona i le nofoalii o lona tamā o Tavita; ua matuā faatumaaina foi lona malo. 13 Ua alu atu Atonia le tama tane a

Akita ia Patesepa le tinā o Solomona; ona fai mai lea o ia ia te ia, Po ua e sau ea ma le filemu? Ona tali atu lea o ia, Ua filemu lava. 14 Ua fai atu foi o ia, O la'u feau ia te oe. Ona fai mai ai lea o ia, Ina fai mai ia. Ona faapea atu lea o ia, Ua e 15 iloa sa ia te au le nofoaiga, na faasagasaga mai foi Isaraelu uma ia te au ia fai a'u ma tupu; a ua liua le nofoaiga, ua aveia ma lo'u uso, auā ua fai ai mona mai ia Ieova. 16 O lenei, ou te faatoga atu ia te oe i le mea e tasi, aua ne'i 'alo ou fofoga ia te au. Ona fai mai ai lea o ia ia te ia, Ina fai mai ia. Ona fai atu lea 17 o ia, Se'i e fai atu i le tupu o Solomona, (auā na te le 'alo ona fofoga ia te oe,) na te au mai ia te au o Apiseka o le Sunema e fai ma'u avā. Ona fai mai lea o Patesepa, 18 Ua lelei, ou te fai atu ai lava i le tupu ona o oe. Ona alu atu lea o 19 Patesepa i le tupu o Solomona e tautala atu ia te ia ona o Atonia. Ona tulai mai lea o le tupu e faafetaiai ia te ia, ma ua ifo mai i ai; ona tietie lea o ia i lona nofoalii, ua fai ane foi o ia e au mai se nofoa mo le tinā o le tupu; ona tietie ai lea o ia i lona itu taumatau. Ona 20 fai atu lea o ia ia te ia, Ou te faatoga atu ia te oe i le mea itiiti e tasi; aua ne'i 'alo ou fofoga ia te au. Ona fai mai lea o le tupu ia te ia, Sena e, fai mai ia, auā ou te le 'alo lava ia te oe. Ona fai atu lea o 21 ia, Se'i avatua Apiseka le Sunema ia Atonia lou uso e fai mana avā. Ona tali mai lea o le tupu o Solo- 22 mona, ua faapea mai i lona tinā, Se a ea le mea e te faatoga mai ai ia Apiseka le Sunema e fai ma avā a Atonia? Ina e faatoga mai foi i le nofoaiga e fai mona, auā o ia o lo'u uso e matua, ia ia te ia, atoa ma Aviata le faitaulaga, ma Ioapo le tama a Seruia. Ona tauto lea o le 23 tupu o Solomona ia Ieova, ua faapea mai, Ia faapea lava ona faia e le Atua ia te au, ma ia faaopoopo i ai, pe afai ua le fai mai e Atonia lena upu e fai ma mea e oti ai o ia. 24 O lenei, o loo soifua Ieova o le ua faatumaaina a'u, ma faanofoina a'u i le nofoalii o lo'u tamā o Tavita, o le ua faia foi se aiga mo'u, e pei

I. TUPU, 2.

- ona ia fetalai mai, e fasiotia lava
 25 Atonia i le aso nei. Ona auina atu
 lea e Solomona le tupu ia Penaia le
 atalii o Ioiata, ua ia fasia o ia, ua
 oti ai.
- 26 Ua fai atu foi le tupu ia Aviata
 le faitaulaga, Ina alu ia oe i Anatota
 i lou fanua; auā e tatau ona e oti;
 a ou te le fasiotia oe i nei ona po;
 auā na e ave le atolaau a le Alii o
 Ieova i luma o lo'u tamā o Tavita;
 auā foi na e tiga i mea uma lava na
 27 taimana ai lo'u tamā. Ona tulia lea
 o Aviata e Solomona, aua ne'i toe
 fai o ia ma faitaulaga a Ieova; ina
 ia taunuu ai le afioga a Ieova na
 ia fetalai mai ai i le aiga o Eli i
 Sailo.
- 28 Ua logo atu foi le tala ia Ioapo;
 ona sola ai lea o Ioapo i le fale
 fetafai o Ieova, ma na tago atu i
 nifo o le fata faitaulaga; auā e ui
 lava ina lei liliu o Ioapo e mulimuli
 29 atu ia Apisaloma na ia liliu ma
 mulimuli atu ia Atonia. Ua ta'ua
 foi i le tupu o Solomona, ua sola
 Ioapo i le fale fetafai o Ieova;
 faauta foi, o loo i tafatafa o le fata
 faitaulaga. Ona auina atu lea e
 Solomona o Penaia le atalii o Ioiata,
 ua faapea atu, Alu ia oe, ina fasi ia
 30 te ia. Ona alu atu lea o Penaia i le
 fale fetafai o Ieova, ua ia fai atu foi
 ia te ia, O loo faapea ona fetalai
 mai o le tupu, Ina sau ia oe i fafo.
 Ona tali mai lea o ia, E leai, ou te
 oti lava iinei. Ona toe ta'u atu lea
 e Penaia lena upu i le tupu, ua
 faapea atu, Ua faapea ona tautala
 mai o Ioapo, ua faapea foi ona tali
 31 mai o ia ia te au. Ona fai mai lea
 o le tupu ia te ia, Ia e faia e faapei
 ona fai mai ai o ia, ia e fasi foi ia te
 ia, ma ta'u ia te ia; ina ia e aveesea
 ia te au ma le aiga o lo'u tamā, le
 toto na faamaligifuaina e Ioapo.
- 32 E tau atu e Ieova lona toto i lona
 lava ulu, ina ua fasia e ia o tagata e
 toalua sa sili ona amiotonu ma amio
 lelei ia te ia, na fasiotia i laua e ia i
 le pelu, na le silafia foi e lo'u tamā
 o Tavita; o Apineru le atalii o Neru
 o le na pule i 'au a Isaraelu, ma
 Amase le atalii o Ietero, o le na pule
 33 i 'au a Iuta. E tauia lava lo la toto
 i le ulu o Ioapo, ma ulu o ana fanau
 e faavavau; a o Tavita, ma lana
 fanau, ma lona aiga, ma lona nofo-
 ālii e i ai le manuia mai ia Ieova e
 faavavau. Ona alu ae lea o Penaia
 34 le atalii o Ioiata, ma fasi ia te ia, ua
 oti ai; ua tanumia foi o ia i lona
 fale i le vao. Ona tofia lea e le
 35 tupu o Penaia le atalii o Ioiata e
 fai mona sui e pule i 'au; ua tofia
 foi e le tupu o Satoka le faitaulaga
 e sui a'i Aviata.
- Ua auina atu foi e le tupu nisi e
 36 aami ia Semi; ona fai atu lea o ia ia
 te ia, Ia e faia se fale mo oe i Ieru-
 salema, ma e nofo ai, aua lava ne'i
 e alu ese i se tasi mea; auā o le aso
 37 e te alu ese atu ai, ma sopoia atu le
 alia o Ketarono, ia e matuā iloa, e
 te oti ai lava; e i lou ulu lou lava
 toto. Ona fai mai lea o Semi i le
 38 tupu, Ua malie lau afioga; o pei
 ona fetalai mai o lo'u alii le tupu, e
 faapea ona faia e lau auauna. Ua
 nofo foi Semi i Ierusalemua ua tele
 39 aso. A ua oo ina atoa o tausaga e
 tolu, ona sosola ai lea o auauna e
 toalua a Semi ia Akisa le atalii o
 Maaka, o le tupu o Kata. Ua tala
 mai foi nisi ia Semi, ua faapea mai,
 Faauta, o loo i Kata au auauna.
 Ona tulai atu lea o Semi, ma faa-
 40 nofoa lana asini, ma alu atu i Kata
 ia Akisa e sailiili ai ana auauna; ua
 alu atu Semi, ma aumaia ana auauna
 mai Kata. Ua ta'uina mai foi ia
 41 Solomona, na alu Semi nai Ierusa-
 lema i Kata, ma ua toe foi mai o ia.
 Ona fa'au atu lea nisi e le tupu e
 42 aami ia Semi, ma na fai atu ia te ia,
 Na ou le fai atu ea ia te oe e te
 tauto ia Ieova, ma a'u ta'utino atu
 ia te oe, ua faapea atu, O le aso e te
 alu ese atu ai, ma e alu i se tasi
 mea, ia e matuā iloa e te oti ai
 lava? Na e fai mai foi ia te au, Ua
 malie le upu ua ou faalogo atu ai.
 Se a ea le mea na e le tausi ai le
 43 tautoga ia Ieova, ma le poloaiga na
 ou fai atu ai ia te oe? Ua fai atu
 44 foi le tupu ia Semi, Ua e iloa le
 leaga uma ua iloa ai lava i lou loto,
 na e fai i lo'u tamā o Tavita. O
 lenei, e tau atu e Ieova lou leaga i
 lou ulu; a e manuia le tupu o Solo-
 45 mona, e faatumauiina foi le nofoālii o
 Tavita i luma o Ieova e faavavau.
 Ona fai atu lea o le tupu ia Penaia
 46 le atalii o Ioiata; ona alu atu lea o

ia i fafo, ma fasi ia te ia, ua oti ai o ia. Ua faatumauiua lava le nofoaiga ia Solomona.

O le fai avā o Solomona, ma lana miti, ma lana faamasino tonu.

- 3 UA feusuai Solomona ma Farao le tupu o Aikupito, ua fai avā foi o ia i le afafine o Farao, ma au mai ia te ia i le aai o Tavita, seia uma ona fai o lona fale ma le fale o Ieova,
- 2 ma le pa e sio a'i Ierusalemā. Na o mea mauululuga na fai taulaga ai le nuu, auā ua oo i ia ona po ua le
- 3 faia le fale i le suafa o Ieova. Ua alofa Solomona ia Ieova, ua savali foi o ia i poloaiga a lona tamā o Tavita; a ua osia e ia taulaga, ma susunu mea manogi i mea mauululuga.
- 4 Na alu atu foi le tupu i Kipeona e fai ai taulaga; auā o le mea mauuluga lea e sili; e tasi le afe o taulaga mu na osia e Solomona i luga i lea fata faitaulaga.
- 5 Ua faaali mai Ieova ia Solomona i le miti i le po i Kipeona; ua fetalai mai foi le Atua, Ina fai mai ia, pe se a se mea ou te avatua ia te
- 6 oe? Ona tali atu ai lea o Solomona, Na e alofa tele i lau auaua o lo'u tamā o Tavita, ina ua savali o ia i ou luma ma le faamaoni, ma le amiotonu, i le ma le loto sao i ou luma; ua e tausia foi mona lenei alofa tele ua e foaiina ia te ia le atalii e nofo i lona nofoalii, e faapei
- 7 ona fai i le aso nei. O lenei, Ieova e, lo'u Atua, ua e faia lau auaua ma tupu, o le sui o lo'u tamā o Tavita; o a'u foi o le tama ititi, ou te
- 8 le iloa ona ulufafo ma ulufale. O lau auaua foi o loo i luma o lou nuu ua e filifilia, o le nuu tele, e le masino, e le mafaitaulia, auā e toatele lava.
- 9 O lea ia e foai mai ai i lau auaua le loto matala ina ia faamasino e ia i lou nuu, ma ia masino ai i le lelei ma le leaga, auā po o ai na te mafaia ona faamasino i
- 10 lou nuu nei ua matua toatele. Ua lelei lana upu i le Alii, ina ua faatoga e Solomona i lena mea. Ona
- 11 tali mai ai lea o le Atua ia te ia, Ua e faatoga mai i lenei mea, a ua e le faatoga mai i le ola tulu'i mo oe, ua e le faatoga foi mo oe ia mauoa, ua e le faatoga mai foi ia oti e ua ita

mai ia te oe; a ua e faatoga mo oe le loto matala ia e iloa ai ona faamasino, faauta, ua ou faia e faapei 12
 ona e fai mai ai; faauta, ua ou foaiina atu ia te oe le loto poto ma le matala; sa leai se tasi na mua-
 mua ia te oe e tusa ma oe, e le toe 13
 tupu mai foi se tasi e mulimuli ia te oe e tusa ma oe. Ua ou foaiina
 atu foi ia te oe atoa ma mea ua e le 14
 faatoga mai ai, o le oloa atoa ma le mamalu; ina ia leai se tupu e tusa
 ma oe i ou aso uma. Afai foi e te
 savali i o'u ala, ma e tausii a'u tula-
 fono, ma a'u poloaiga, e pei ona
 savali o lou tamā o Tavita, ou te
 faafualoaina ou aso. Ona ala mai 15
 lea o Solomona; faauta, o le miti. Ua alu atu o ia i Ierusalemā, ona tu
 lea i luma o le atolaau o le feagaiga
 a Ieova; ua avatua foi e ia o tau-
 laga mu, ma ia faia taulaga faa-
 fetai; ua ia saunia foi le tausamiga
 mo ana auaua uma.

Ona o mai ai lea i le tupu o fafine 16
 talitane e toalua, ua la tutū i ona luma. Ua fai mai a le tasi fafine, 17
 Le alii e, ma te mau ma lenei fafine i le fale e tasi; na ou fanau foi, sa
 ma i ai foi ma ia i le fale. Ua oo 18
 foi i le po tolu talu ona ou fanau, ona fanau ai lea o lenei fafine, sa
 ma faatasi, sa leai se tagata ese ia te i maua i le fale, ua na o i maua
 lava sa i le fale. Ua oti foi le tama 19
 a lenei fafine i le po; auā ua tatao o ia ia te ia. Ona tulai lea o ia i le
 tulua o po ma ao, ua ave ese la'u 20
 tama sa ia te au, a o moe lau auaua fafine, ua ia faataoto ia te ia i
 lona fatafata, a ua faataoto mai e ia 21
 lana tama ua oti i lo'u fatafata. Na ou nofo i luga i le taeao e faasusu i
 la'u tama, faauta, ua oti ia; ua ou 22
 matuā matamata i ai i le taeao, faauta, a le o la'u tama tane na ou
 fanaua. Ona fai mai lea o le isi 23
 fafine, E leai, a o loo ola o la'u tama lea, a o le ua oti o lau tama lea. A
 ua fai mai le tasi, E leai; a o le ua 24
 oti o lau tama lea, a o le ua ola o la'u tama lea; ua faapea ona la
 tautalatala i luma o le tupu. Ona
 fai atu lea o le tupu, Ua fai mai le
 tasi, O le ua ola o la'u tama lea, a o
 le ua oti o lau tama lea; a ua fai
 mai le isi, E leai; a o le ua oti o lau

tama lea, a o le ua ola o la'u tama
 24 lea. Ona fai ane lea o le tupu, Ina
 aumaia se pelu. Ona latou au mai
 25 lea o le pelu i luma o le tupu. Ua
 faapea mai foi le tupu, Ia isilua le
 tama o loo ola, ma avatu le tasi itu
 26 i le tasi, ma le isi itu i le isi. Ona
 fai mai ai lea i le tupu o le fafine e
 aua le tama o loo ola, ua faapea
 mai, (auā ua mutimuti vale lona
 loto ona o lana tama,) Le alii e, ava-
 tu le tama o loo ola ia te ia, aua
 lava ne'i fasioti ia te ia. A ua fai
 mai le tasi, Aua le au mai ia te au,
 27 pe avatu ia te oe, a e isilua ia. Ona
 fai atu lea o le tupu, ua faapea atu,
 Ina ave ia o le tama o loo ola ia te
 ia, aua lava ne'i fasioti ia te ia, o
 28 lona tinā lena. Ua faalogo Isara-
 elu uma i le faamasinoga na faia e
 le tupu, ona matatau ai lea o i
 latou i le tupu; auā ua latou iloa
 ua ia te ia le potō mai le Atua e
 faamasino ai.

*O le tala i le au faipule a Solomona,
 ma lona potō.*

4 UA fai le tupu o Solomona ma
 2 tupu ia Isaraelu uma. O alii nei sa
 ia te ia; O Asaraia le atalii o Satoka
 3 le faitaulaga; o Eliorefa ma Akia, o
 atalii o Sesa, o tusiupu ia; o Iose-
 fatu le atalii o Ailuta, o le fātū-
 4 a'iupu; o Penaia le atalii o Ioiata,
 o le pule i 'au; o Satoka ma Avia-
 5 ta, o faitaulaga ia; o Asaraia le
 atalii o Natano, o lē pule i e na
 tofia e pule; ma Saputo le atalii o
 6 Natano, o le faipule, o le uo a le
 tupu ia; o Akisaro, o le pule i le
 aiga; ma Atoniramo le atalii o
 Apeta, o lē pule i taulaga.
 7 Sa ia Solomona e na tofia e pule
 e toasefulu ma le toalua i Isaraelu
 uma lava, o e fagina le tupu ma
 lona aiga; o le tagata ma lona
 masina i lea tausaga ma lea tausaga
 8 o fafaga mai ai. O latou igoa foi
 nei; o le atalii o Huro, i le mauga o
 9 Efaraima. O le atalii o Tikeru, i
 Makasa, ma Salapima, ma Petese-
 10 mesa, ma Aluna-petana. O le atalii
 o Heseta i Arupoto; sa ia te ia o
 Suka, atoa ma le nuu uma o Eferu.
 11 O le atalii o Apinatapa sa ia te ia le
 nuu maualuga uma o Toro; o lana
 avā o Tafata o le afafine o Solomona.

O Paana, le atalii o Ailuta sa ia te ia 12
 o Tanaka ma Mekito, ma Peteseana
 uma lava, e lata ane lea i Saratana
 i lalo o Isereelu, e pau mai i Pete-
 seana, a e gata atu i Apelemeoloa, e
 oo i tala atu o Iokameama. O le 13
 atalii o Kipera i Ramota-kiliata, sa
 ia te ia aai o Iairo le atalii o Manase
 ua i Kiliata, sa ia te ia foi le itu o
 Arakopo ua i Vasana, o aai tetele e
 onogafulu, ua i ai pa ma faamau-
 faalava 'apa memea. O Akinatapu 14
 le atalii o Ito, sa ia te ia o Maa-
 naima. O Aimaasu, i Nafatali, na 15
 fai avā foi o ia ia Pasemeta le afa-
 fine o Solomona. O Paana le atalii 16
 o Husai, i Asera ma Alota. O Iose-
 17 fatu le atalii o Parua, i Isakara. O 18
 Semi le atalii o Ala, i Peniamina. O 19
 Kipera le atalii o Uri, i le nuu o
 Kiliata le nuu o Sekono le tupu o sa
 Amori, ma Oko le tupu o Vasana,
 ua tofia o ia e pule e toatasi i le
 nuu.

Ua toatele Iuta ma Isaraelu, e 20
 pei o le oneone i le matafaga ona
 toatele, o loo aai, ma feinu, ma oli-
 oli. Ua pule foi Solomona i malo 21
 uma e gata mai i le vaitafe, e pau
 mai i le nuu o Filisitia, e oo foi i le
 tuaoi o Aikupito; ua latou aumaia
 foi mea alofa, ma latou auaua ia
 Solomona i aso uma o lona ola.

O mea e 'ai a Solomona, o le aso 22
 ma le tolugafulu o kori o falaoa
 lelei, ma le onogafulu o kori o isi
 falaoa; o povi pepeti e sefulu, ma 23
 povi tataa e luafulu, ma mamoe e
 selau; i le ma aila, ma sevi, ma
 imura, ma parepuri pepeti. Auā na 24
 ia te ia le pule i nuu uma i tala mai
 o le vaitafe, e gata mai i Tipesa, e
 pau mai i Kasa, o tupu uma i tala
 mai o le vaitafe. Sa ia te ia le file-
 mu i itu uma na vagavagai ia te ia.
 Sa nonofo ma le filemu o Iuta ma 25
 Isaraelu; e taitasi ma nofo i lalo o
 lona vine, ma lalo o lona mati, e
 gata mai i Tanu, e pau mai i Pere-
 sepa, i ona po uma o Solomona.

Sa ia Solomona mea e nonofo ai 26
 solofanua e fa sefulu o afe mo kari-
 ota sa ia te ia, ma e tietie i solofanua
 e sefulu afe ma afe e lua. O e na 27
 tofia e pule sa latou fafaga i le tupu
 o Solomona, ma i latou uma o e na
 o mai i le laulau a le tupu o Solo-

- mona ; ua latou taitasi ma lona lava masina ; ua le tuua se mea e tasi.
- 28 O karite foi, ma 'au o saito mā solofanua, ma manu tele vavave, ua latou avatua i le mea sa i ai i *latou* e taitasi le tagata ma lona tofiga.
- 29 Ua foaiina mai e le Atua ia Solomona le poto ma le loto matala e matuā tele lava, ma le loto e oo i mea e tele, e faapei o le oneone o i le matafaga. Ua sili lava le poto o Solomona i le poto o tagata uma i sasae, ma le poto uma o Aikupito.
- 31 Ua sili lona poto i lo tataga uma ; i lo Etano o lo sa Eserā, ma Hemana, ma Kalakolu, ma Tarata, o atalii o Makolo ; na ta'ua o ia i nuu uma na vagavagai. O ana faataoto na ia faia e tolu afe ia ; o ana pese foi ua tasi le afe ma le lima. Na tautala foi o ia i *le uiga* o laau e afua mai i le arasi o loo i Lepanona, e oo atu i le isopo ua tupu ae i le aupa ; ua tautala foi o ia i *le uiga* o manu tataa, mā manu felelei, ma mea
- 34 fetolofi, ma i'a. Ua latou o mai e faalologo i le poto o Solomona mai nuu uma, ma tupu uma o le lalolagi o e na logo atu i ai lona poto.

O le feagaiga na osia e Solomona ma Hiramō.

- 5 UA aauina atu e Hiramō le tupu o Turo o ana auauna ia Solomona ; auā na ia faalogo ua latou faauuina o ia e fai ma tupu e sui a'i lona tamā ; auā sa alofa Hiramō ia Tavita i ona aso uma. Ua alu foi le feau a Solomona ia Hiramō, ua faapea atu, Ua e silafia na le mafaia e lo'u tamā o Tavita ona fai o se fale i le suafa o Ieova lona Atua, ona o taua na siosioina ai o ia, ina seia tuuina ifo i latou e Ieova i lalo i ona alofivae. A o lenei, ua foaiina mai ia te au e Ieova lo'u Atua le filemu i itu uma, ua leai se ua ita
- 5 mai, po o se leaga ua tupu. Faauta, ou te manatu e fai se fale i le suafa o Ieova lo'u Atua, e faapei ona fetalai mai e Ieova i lo'u tamā o Tavita, ua faapea mai, O lou atalii, ou te faanofoina i lou nofoālii e fai mou sui, o ia na te faia le fale i lo'u
- 6 igoa. O lenei, ia e fetalai atu ia latou taia mai ma'u o arasi mai

Lepanona ; e faatasi foi a'u auauna ma au auauna ; ou te avatu foi ia te oe le tofogi mo au auauna, e tusa ma mea uma e te fetalai mai ai ; auā ua e silafia ua le o ia te i matou se tagata ua iloa ta laau e pei o tagata o Saitonu.

Ua faalogo Hiramō i upu a Solomona, ona fiasia tele ai lea o ia, ua faapea foi o ia, Ua faafetai ia Ieova i le aso nei, o le ua avatua ia Tavita lona atalii poto na te pule i lena nuu tele. Ona sau lea o le feau a Hiramō ia Solomona, ua faapea mai, Ua ou faalogo i mea na sau ai lau feau ia te au ; ou te faia mea uma ua e finagalo i ai i laau o arasi, ma laau o perosi. E ave ifo ai e a'u auauna ai Lepanona i le sami ; ou te faia foi ma vaa laau, *ma momoli* i le sami i le mea e te fetalai mai ai ia te au, ma ou fai atu ia tatalaina i lea mea, e te avae ai. E te faia foi le mea ou te manao i ai ia au mai mea e 'ai mā lo'u aiga. Ona ave ai lea e Hiramō ia Solomona o laau o arasi ma laau o perosi, o mea uma na ia manao i ai. Ua avatu foi e Solomona ia Hiramō o saito e lua sefulu o afe o kori e fai ma mea e 'ai mā lona aiga ; ma suāuu e tu'ia o kori e luafulu ; ua faapea ona avatua e Solomona ia Hiramō i lea tausaga ma lea tausaga. Ua foaiina mai foi e Ieova o le poto ia Solomona, e pei ona ia fetalai mai ia te ia ; ua la nofo lelei o Hiramō ma Solomona, ua la osia foi la la feagaiga.

Ua togia *tagata* e le tupu o Solomona mai ia Isaraelu uma ; o e na togia foi e tolu sefulu o afe o tagata. Ua ia aauina atu i latou i Lepanona e auaua'i, o le masina ma le sefulu o afe ; o le masina e tasi sa i ai i latou i Lepanona, a o masina e lua sa i ai i o latou aiga ; ua pule foi Atoniramō i e na togia. Sa ia Solomona foi o e ave avega e fitu sefulu o afe ; ma le valu sefulu o afe o e talai i le mauga ; atoa foi ma alii sili o e na tofia e pule e Solomona, o e na pule i le galuega e tolu afe ma le tolu o selau i latou ; na pule i latou i le nuu na faia le galuega. Ua poloai atu le tupu, ona latou au mai ai lea o maa tetele, o maa sili-sili, e fai ma faavae o le fale ; o maa

18 ua talai. Ua talai foi e tufuga a Solomona, ma tufuga a Hiramō, atoa ma tagata o Kavali, ua latou saunia laau ma maa e fai a'i le fale.

O le faiga o le fale, o le Atua e Solomona.

6 O LE fa galau ma le valu o sefulu o tausaga talu ona o mai o le fa-nauga a Isaraelu ai le nuu o Aikupito, o lona fa o tausaga o le nofoaiga a Solomona i Isaraelu, o le masina o Sefa, o le masina e lua lea, ua *amata ai* e ia ona fai o le fale o

2 Ieova. O le fale foi na faia e le tupu o Solomona mo Ieova e ono sefulu o kupita o lona umi, ma le lua sefulu o lona lautele, a e tolu sefulu o

3 kupita o lona maualuga lea. O le faapaologa foi i luma o le fale o le malumalu e lua sefulu kupita o lona umi, ua tusa ma le lautele o le fale; e sefulu kupita o lona lautele

4 i luma o le fale. Ua faia foi e ia

5 o faamalama faalava punimau. Ua faia foi e ia i tuafafo o le pa o le fale o potu i itu e soo ai; o le pa o le fale e soo ai le malumalu ma le mea e fetalai mai ai. Ua faia e ia

6 o potu e soo ai. O le potu aupito i lalo, e lima kupita o lona lautele; o le tuloto, e ono kupita o lona lautele; o lona tolu, e fitu kupita o lona lautele; auā ua ia faalautiina *le pa* o le fale i lona tuafafo e soo ai, ina ne'i faamauia *laau faalava* i le

7 pa o le fale. O le fale foi ina o faia, ua faia i maa na aumaia ua uma ona teua, ua le logona foi se samala, po o se mātāu, po o se tasi lava mea

8 uamea i le fale ina o faia. O le faitotoa e *alu ae* i le potu e tuloto, sa i ai lea i le itu taumatau o le fale; o le ala faataamilomilo foi ua latou o ae ai i *le potu* e tuloto; *ua o*

9 *ae* foi ai le tuloto i lona tolu. Ua faia foi e ia le fa'e, ma ua faaumaina; ua tāpapa foi e ia le fale i faalava ma laupapa arasi. Ua faia foi e ia o *na potu* i itu uma o le fale, e lima kupita ona maualuga; ua faasooina foi le fale i laau arasi.

11 Ua tūlei mai le afiga a Ieova ia
12 Solomona, ua faapea mai, *O la'u upu* i le fale nei ua e faia; afai e te savali i a'u tulafono, ma e faia a'u faamasinoga, ma tausi i a'u poloaiga

uma, ma savali i ai; ona ou faatau-nuina ai lea ia te oe o a'u upu na ou fai atu ai i lou tamā o Tavita. Ou te nofo foi faatasi ma le fanauga a Isaraelu, ou te le tuulafoai foi lo'u nuu o Isaraelu.

Ua faia e Solomona le fale, ma ia faaumaina. Ua faia e ia o pa o le fale i totonu i laupapa arasi, e afua ae i lalo o le pa o le fale e oo i ona luga; ua tāpapa e ia i totonu i laau, ua tāpapa foi e ia le lotofale i laupapa perosi. Ua faia foi e ia kupita e lua sefulu i itu o le fale i laupapa arasi, e afua ae i lalo o le pa e oo i ona luga; ua faia foi e ia i totonu e fai ma mea e fetalai mai ai, o le mea e sili ona paia. O le fale foi, o le malumalu i luma lea, e fagafulu ona kupita. Ua togitogiina arasi i totonu o le fale i vine vao, atoa ma fua o laau ua mātala; o arasi uma, ua le iloa mai se maa, Ua ia saunia foi le mea e fetalai mai ai i totonu o le fale, e tuu ai le atolaau o le feagaiga a Ieova. O le mea e fetalai mai ai, e lua sefulu o kupita o lona umi lea i luma, e lua sefulu foi o kupita o lona lautele, e lua sefulu foi o kupita o lona maualuga; ua ia ufitia foi i le auro lelei; ua ia ufitia ai foi le fata faitaulaga arasi. Ua ufitia e Solomona i totonu o le fale i le auro lelei; ua puipui foi e ia i maea auro i luma o le mea e fetalai mai ai, ua ia ufitia ai foi i le auro. Ua ufitia e ia o le fale uma i le auro, ua oo ina atoaina le fale uma; ua ia ufiufi foi i le auro le fata faitaulaga sa lata ane i le mea e fetalai mai ai.

Ua ia faia foi i totonu o le mea e fetalai mai ai o kerupi e lua, i le laau o le olive, e sefulu o kupita o la maualuga. E lima foi kupita le apaau o le tasi kerupi, e lima foi kupita le apaau o le tasi kerupi; e afua mai i le tasi pito apaau e oo atu i le tasi pito apaau ua sefulu kupita. E sefulu kupita foi o lona lua o kerupi; e tasi lo la fua, ua tino faatasi foi kerupi e lua. E sefulu kupita o le maualuga o le tasi kerupi; e faapea foi lona lua o kerupi. Ua tuu foi e ia o kerupi i lotofale o le fale i totonu; ua faaloaloa apaau o kerupi; ua pai atu

- le apaau o le tasi i le tasi pa o le fale, ma le apaau o le isi kerupi ua pai atu i le isi pa o le fale, ma ua fepaiai o la apaau i le taulotoaiga o le fale. Ua ia ufitia foi kerupi i le auro. Ua ia togitogiina foi o pa uma o le fale e soo ai i kerupi ua togitogiina, ma pama, ma fua o laau ua mātala, i tua atoa ma luma. Ua na ufitia foi le lotofale i le auro i tua atoa ma luma.
- Ua ia faia puipui mo le faitotoa o le mea e fetalai mai ai i laau o olive vao; o le faalava ma pou o le faitotoa ua faatāfalima ia. O puipui e lua ua ia faia i laau o olive vao; ua ia togitogiina ai o kerupi ua togitogiina, ma pama, ma fua o laau ua mātala; ua ia ufitia foi i le auro; ua na folasia le auro i kerupi ma pama. Ua faapea foi ona faie i a pou mo le faitotoa o le malumalu i laau o olive vao e faatāfafa. O puipui foi e lua o laau o perosi ia; o itu e lua o le tasi puipui ua fefaeai, ma itu e lua o le isi puipui ua fefaeai. Ua ia togitogiina ai foi o kerupi, ma pama, ma fua o laau ua mātala; ua ia ufitia foi i le auro ua faatatauina i mea na togitogiina.
- Ua ia faia lea o le lotoā aupito i totonu i le atu maa talai ua sātutolu ma le atu laau faalava o arasi ua talai.
- O le fa o tausaga, o le masina o Sefa na faavaeina ai le fale o Ieova; o le sefulu ma le tasi o tausaga, o le masina o Pula, o le valu lea o masina, na uma ai ona fai o le fale ma mea uma ua i ai, e tusa foi ma mea uma na faatusa mai. E fitu tausaga o fai ai e ia.
- O fale o Solomona, ma mea na faia mo le fale o le Atua.*
- 7** E SEFULU ma le tolu o tausaga o fai ai e Solomona lona lava fale, ua ia faauma ona fai o lona fale uma. Ua ia faia foi le fale o le vao o Lapanona, e tasi le selau o kupita o lona umi, e lima sefulu kupita o lona lautele, e tolu sefulu foi kupita o lona maualuga; ua ia fai ai i luga o atu pou arasi e fa, o laau faalava arasi foi i luga o pou. Ua ufitia foi i arasi i luga o laau faalava, i luga o pou e fagafulu ma le lima, e taise-
- fulu ma le lima pou i le atu pou e tasi. Sa i ai atu faamalama e tolu, ua faafeagai lea faamalama ma lea faamalama i ia atu faamalama e tolu. O faitotoa uma ma pou ua faatāfafa ia, ua o gatasitasi ma laau faalava, ua faafeagai foi lea faamalama ma lea faamalama i atu faamalama e tolu.
- Ua ia faia foi le faapaologa i pou, e lima sefulu kupita o lona umi, e tolu sefulu kupita o lona lautele; sa i o latou luma le faapaologa, sa i o latou luma foi pou ma le laau faalava. Ona faia lea e ia o le faapaologa mo le nofoālii na te fai ai faamasinoga, o le faapaologa lea e faamasino ai; sa tāpapa ai i le arasi, e afua ae i le lotofale i lalo e oo i le fogāfale i luga. O lona fale foi sa nofo ai o ia ua i ai le lotoā i tua o le faapaologa, sa faapea foi ona fai. Ua faia foi e Solomona o le fale mo le afafine o Farao, o le ua fai mana avā, e faapei o lena faapaologa. O maa silisili na fai ai ona lava, e pei o le fua o maa talai, ua ilia i ili, o totonu atoa foi ma tua, e amata ae i le faavae, e oo i maa aupitoaluga, atoa ma tuafafu atu, e oo i le lotoā tele. Ua faia foi le faavae i maa silisili, o maa tetele, o maa taisefulu o kupita, ma maa taivalu o kupita. Sa i luga foi maa silisili, e pei o le fua o maa talai; sa i ai foi arasi. Sa i le lotoā tele foi na soo ai o le atu maa talai ua sātutolu, ma le atu laau faalava o arasi ua talai, mo le lotoā aupito i totonu e pei o le fale o Ieova, atoa ma le faapaologa o le fale.
- Ua alu atu le feau a le tupu o Solomona, ma ua au mai ia Hiram mai Turo. O le tama tane ia a le fafine ua oti lana tane, o lo le itu aiga o Nafatali, a o lona tamā o le tagata Turo ia, o le tufuga fai mea ‘apa memea; sa tumu ia i le poto, ma le mafaufau, ua na iloa e faigaluega uma i mea ‘apa memea. Ua sau o ia i le tupu o Solomona, ma na faia ana galuega uma. Ua faia e ia o pou ‘apa memea e lua, e sefulu ma le valu o kupita o lo la maualuga taitasi; ua faataalioliaina foi o lea pou ma lea pou i le fua e sefulu ma le lua ona kupita. Ua

- faia foi e ia o kapetala e lua i 'apa memea ua tunua e tuu ae ai i pito pou i luga; e lima kupita le maua-luga o le tasi kapetala, e lima kupita foi le maualuga o le isi kapetala. *Ua faia foi e ia o mea faa-17* faauega, ma mea faafilifili mo kapetala ua i ai i pito pou i luga; e fitu mo le tasi kapetala, e fitu foi mo lona lua o kapetala. *Ua ia faia o pou, ma atu rimoni e lua i le mea faa-18* faauega e faataaliolio ai, e ufitia ai le tasi kapetala i le pito pou i luga; ua faapea foi o ia i lona lua o kapetala. O kapetala i pito pou i luga ua i ai foi mea e pei o susana e fa kupita i le faapaologa. O kape-20 tala i luga o pou e lua, ua i ai *atu rimoni* mai luga lava i le mea lautele ua i le mea faauega; e tailua selau rimoni i *atu rimoni* i le tasi kapetala.
- 21 e faataaliolio ai. *Ua ia faatuina ia pou i le faapaologa o le malumalu; ua ia faatuina le pou i le itu tauma-22* tau, ma ia faaigoaina lona igoa o Iakina; ua ia faatuina le pou i le itu tauagavale ma faaigoaina lona igoa o Poasa. *Ua i ai foi i pito pou i luga o mea e pei o susana. Ua faauma ai ona faia o pou.*
- 23 *Ua ia faia foi le vai 'apa memea, e sefulu kupita lona fua, e afua mai i le tasi itu o lona lau, e oo i le isi itu o lona lau; o le mea faataaliolio lava; e lima kupita o lona maua-luga; ua faataaliolioina i le fua e 24* tolu sefulu ona kupita. *Sa i lalo foi o lona lau o vine vao e faataaliolio ai ua soo ai lava, e taisefulu i kupita; ua faataaliolioina le vai; ua faia o atu vine vao e lua ina o faia 25* ia. *Ua faaee ai i luga o povi e sefulu ma le lua; ua faasaga le tolu i le itu i matu, ua faasaga le tolu i sisifo, ua faasaga le tolu i le itu i toga, ua faasaga foi le tolu i sasae; ua i o latou luga le vai, o latou tua uma foi na i totonu ia. O lona 26* mafafia e tusa lea ma le lautele o le alofilima; ua faia foi lona lau e pei o le lau o se ipu, ua fai ai fuga o le susana; o lona tumu foi e lua afe o paita lea.
- 27 *Ua faia foi e ia o tuugātanoa 'apa memea e mulumulu ai e sefulu; e fa kupita le umi o le tuuga e tasi, e fa kupita foi lona lautele e tolu kupita foi lona maualuga. Ua faa-28* pea ona faia o tuugātanoa ua i ai itu, sa i ai foi i ia itu o tafatafa. *Sa 29* i ai foi i ia itu i le va o latou tafatafa o leona, *ma povi, ma kerupi; sa i luga foi o tafatafa o le tuuga i luga; sa i lalo foi o leona ma povi o mea fili faatautau. Ua i ai i 30* tuuga taitasi o mea 'apa memea e faataavalevale a'i e fa, ma o latou 'au 'apa memea; ua i ai foi i ona tuli e fa o lagolago; o lagolago 'apa memea i lalo o le tanoa e mulumulu ai i itu o mea fili taitasi. O lona 31 gutu foi i totonu o le kapetala ma ona luga, o le kupita lea; sa fai faataaliolio lona gutu, na faatautauina i ona fai o le tuugātanoa, o le kupita ma le vaeluagalemu o le kupita; *ua i ai* foi i lona gutu o mea ua togitogia, o latou tafatafa foi na faatafafa ia, ua le fai faataaliolio. Sa i lalo foi o tafatafa 32 mea e faataavalevale a'i e fa; o 'au foi o mea e faataavalevale a'i sa i le tuugātanoa ia; o le kupita ma le vaeluagalemu o le kupita o le maualuga lea o mea e faataavalevale a'i taitasi. *Ua faia mea e faataavale- 33* vale a'i e pei ona faia o se mea e faataavale a'i se kariota; o latou 'au, ma o latou suluga 'au, ma o latou maga, ma mea e lio a'i, o 'apa memea uma ia. *Ua i ai lagolago e 34* fa i ona tuli e fa o le tuugātanoa e tasi; ua auga faatasi le tuuga ma ona lagolago. *Sa i ai i le itu i luga 35* o le tunga o le mea e lio a'i ua faataaliolio ai, o le vaeluagalemu o le kupita lona maualuga; ua auga faatasi foi ma le tuuga lava o ona tafatafa, ma ona itu sa i lona itu i luga. *Auā ua ia togitogiina i papa 36* o latou tafatafa, ma o latou itu, o kerupi, *ma leona, ma pama, ua faatautauina i mea ua aunoa e taitasi, ma mea fili e faataaliolio ai. Ua 37* faapea ona faia e ia o ia tuugātanoa e sefulu; ua gatasi ona faia, ma ona fuatia, ma ona tino mai o i latou uma.
- Ua faia foi e ia o tanoa 'apa me- 38* mea e sefulu e mulumulu ai; e fa-gafulu o paita o le tumu o le tanoa e tasi; e taifa kupita o tanoa; o tuuga e sefulu, e taitasi ma lona tanoa i ona luga. *Ua ia tuu tuuga 39*

e lima i le itu taumatau o le fale, ma le lima i le itu tauagavale o le fale; ua ia tuu foi le vai i le itu taumatau o le fale, e faasaga i le itu i toga.

- 40 Ua faia e Hiram o tanoa, ma suo, ma ipu; ua faaumaina foi e Hiram ona fai o le galuega uma na ia faia mo le tupu o Solomona
- 41 mo le fale o Ieova; o pou e lua, ma mea lapotopoto mo kapetala i luga o pou e lua; ma mea faaupega e lua e ufiufi a'i ia mea lapotopoto e
- 42 lua mo kapetala sa i luga o pou. O rimoni foi e fa galau mo mea faaupega e lua; o atu rimoni e lua sa i le mea faaupega e tasi e ufiufi a'i ia mea lapotopoto o kapetala i luga o
- 43 pou. O tuugātanoa e sefulu, ma
- 44 tanoa e sefulu i luga o tuuga. O le vai e tasi, ma povi e sefulu ma le lua i lalo o le vai. O ulo, ma suo, ma ipu. Ua faia ia mea uma e Hiram mo le tupu o Solomona mo le fale o Ieova, i 'apa memea ua
- 46 faapupulaina. Ua faia ia mea e le tupu i le eleele laugatasi o Ioritana, i le eleele omea i le va o Sukota ma
- 47 Saretana. Ua tuua e Solomona o ia mea uma ua *le faitaulia*, auā na matuā tele lava; ua le masino lava le fua o le mamafa o 'apa memea.
- 48 Ua faia e Solomona o mea uma o le fale o Ieova; o le fata faitaulaga auro; ma le laulau auro ua i ona luga le areto e laulauina i luma;
- 49 ma tuugālamapa auro lelei, e lima i le itu taumatau e lima foi i le itu tauagavale, i luma o le mea e fetalai mai ai; ma fua, ma lamapa, ma iofi,
- 50 o auro ia; o tanoa foi, ma selelamapa, ma ipu, ma ipu e asu a'i, ma salefū, o auro lelei ia; o faamau auro e faafeai mo puipui o le fale aupito i tua, o le mea e sili ona paia
- 51 *lea; atoa ma puipui o le fale, o le malumalu lea.* Ua uma foi ona fai o le galuega uma na faia e le tupu o Solomona mo le fale o Ieova. Ona au mai lea e Solomona o mea na faasaina e lona tamā o Tavita; o ario, ma auro, ma ipu; ua ia tuu faatasi foi ma oloa o le fale o Ieova.

O le faaulufalega o le malumalu.

- 8 ONA faapotopotoina lea e Solomona o toeaina o Isaraelu, ma matai

uma o itu aiga, o alii sili o le fanauga a Isaraelu, i le tupu o Solomona i Ierusalem, ina ia latou avae le atolaau o le feagaiga a Ieova mai le aai a Tavita, o Siona lea. Ua faapotopotoina mai foi i le tupu o Solomona o tagata uma o Isaraelu i le tausamiga i le masina o Etanima, o le masina e fitu lea. Na o

2

3

4

5

6

7

8

9

mai toeaina uma o Isaraelu, ua avae foi e le au faitaulaga le atolaau. Ua avae e i latou le atolaau a Ieova, ma le fale fetafai o le faapotopotoga, ma mea paia uma lava na i ai i le fale fetafai; ua avae ia lava mea e le au faitaulaga ma sa Levi. O le tupu o Solomona, ma le faapotopotoga uma o Isaraelu ua faapotopotoina mai ia te ia, sa i ai i latou ma ia i luma o le atolaau, o loo faitaulaga i mamoe ma povi, e le masino e le mafaitaula foi, auā ua tele lava. Ua ave foi e le au faitaulaga le atolaau o le feagaiga a Ieova i le mea e tuu ai, o le mea e fetalai mai ai o i le fale, o le mea e sili ona paia, i lalo o apaau o kerupi; auā ua faaloaloa e kerupi o la apaau e lua i luga o le mea e tuu ai le atolaau; ua faamalumalu foi kerupi i luga o le atolaau, ma luga o ona amo. Ua latou tosina mai amo, ua iloa foi pito amo i le mea paia i luma o le mea e fetalai mai ai; a e lei iloa i fafo; o loo i ai ua oo i ona po nei. Ua le i ai se mea i le atolaau, ua na o papamaa e lua na tuuina ai e Mose i Horepa, ina ua osia *le feagaiga* e Ieova ma le fanauga a Isaraelu, ina ua latou o mai mai le nuu o Aikupito.

Ua ulufalo le au faitaulaga ai le mea paia, ona tumu lea o le fale o Ieova i le ao. Ua le mafai le au faitaulaga ona tutū e auaina ona o le ao; auā ua tumu le fale o Ieova i le pupula o Ieova. Ona faapea atu lea o Solomona. Na fetalai mai Ieova, e afio o ia i le pogisa. Ua ou faia lava le fale mo oe e te afio ai, o le afioaga e te afio ai e faavavau. Ona liliu atu lea o le tupu, ma faamanuia atu i le faapotopotoga uma o Isaraelu; ua tutū mai foi le faapotopotoga uma o Isaraelu; ua ia faapea atu, ia faafetaia Ieova le Atua o Isaraelu, o le na tulei mai

10

11

12

13

14

15

- lona siufofoga i lo'u tamā o Tavita,
ma ua faataunuina mai i lona aao,
16 ua faapea mai, Talu lava le aso na
ou au mai ai lo'u nuu o Isaraelu
mai Aikupito, ou te lei filifilia se
aai i itu aiga uma o Isaraelu e fai ai
se fale, ina ia i ai lo'u igoa; a o
Tavita ua ou filifilia o ia e pule i lo'u
17 nuu o Isaraelu. Sa loto foi lo'u
tamā o Tavita e fai se fale mo le
suafa o Ieova le Atua o Isaraelu.
18 Na fetalai mai Ieova i lo'u tamā o
Tavita, Auā ua e loto ina fai se fale
i lo'u igoa ua lelei ina ua i ai i lou
19 loto. A e peitai oe; e te le faia le
fale; a o lou atalii, o lau lava fanau,
o ia na te faia le fale mo lo'u igoa.
20 Ua faataunuina foi e Ieova o lana
afoga na ia fetalai mal, ua nofo
atu foi a'u e fai ma sui o lo'u tamā
o Tavita, ua ou tietie foi i le nofo-
alii o Isaraelu, e faapei ona fetalai
mai ai Ieova, ua ou faia foi le fale
mo le suafa o Ieova le Atua o Isa-
21 raelu. Ua ou saunia foi i ai se mea
e tuu ai le atolaau, o loo i ai le fea-
gaiga a Ieova na ia osia ma o tatou
tamā ina ua aumaia i latou e ia mai
le nuu o Aikupito.
22 Ona tulai atu lea o Solomona i
luma o le fata faitaulaga o Ieova, i
luma o le faapotopotoga uma o Isa-
raelu, ua na faalolaga ae foi ona
23 lima i le lagi; ua faapea atu foi o
ia, Ieova e, le Atua o Isaraelu, e
leai se atua e tusa ma oe i le lagi i
luga, po o le lalolagi i lalo nei, o loo
e tausia le feagaiga ma le alofa i au
24 auauna o e savavali i ou luma ma o
latou loto atoa; o oe ua e tausia i
lau auauna o Tavita lo'u tamā o le
mea na e fetalai mai ai ia te ia; na
e fetalai mai i lou fofoga, o lou aao
foi ua e faataunuina ai, e faapei
25 ona fai i le aso nei. O lenei, Ieova
e, le Atua o Isaraela, Ia e tausia i
lau auauna o Tavita lo'u tamā o le
mea na e fetalai mai ai ia te ia, ua
faapea mai, E le aunoa se tagata ia
te oe i o'u luma e tietie i le nofoalii
o Isaraelu; tau lava ina tausia e au
fanau o latou ala, ina ia latou sava-
26 vali i o'u luma, e pei ona e savali i
o'u luma. O lenei, le Atua o Isa-
raelu e, se'i faamaonia lau afoga na
e fetalai mai i lau auauna o Tavita
27 lo'u tamā. Pe moni ea, e afo le
- Atua i le lalolagi? Faauta, o le
lagi ma le lagi o lona, e le ofi ai oe,
e le atili ai ea *ona ē le ofi* i lenei
fale ua ou faia? A ia e liuliualo 28
mai i le tatalo a lau auauna ma
lana ai oi, Ieova e, lo'u Atua, ma
faafofoga mai i le valaau ma le
tatalo, o loo talotalo ai lau auauna
i ou luma i le aso nei; ina ia sila- 29
sila mai ou fofoga i lenei fale i le
po atoa ma le ao, o le mea na e
fetalai mai ai, E i ai lo'u igoa: ina
ia e faafofoga mai i le tatalo e
tatalo atu ai lau auauna i lenei
mea. Ia e faafofoga mai foi i le 30
ai oi a lau auauna, ma lou nuu o
Isaraelu, pe a latou tatalo atu i
lenei mea; ia e faafofoga mai foi
mai le lagi, o le mea o loo e afo ai;
ia e faafofoga mai, ma ia e faama-
gallo mai.
Afai e agasala se tasi tagata i le 31
tasi, ma ua fai atu o ia ia te ia na
te faia se tautoga, ina ia tauto ai o
ia, a oo mai foi le tautoga i luma o
lou fata faitaulaga i lenei fale; ia 32
e faafofoga mai i le lagi, ma ia e
faia le faamasinoga i au auauna, e
faasala i le ua amioleaga, ia tauia
lana amio ia te ia lava; e ta'u
amiotonuina foi le ua amiotonu, ia
foaiina atu ia te ia e tusa ma lana
amiotonu.
A fasia lou nuu o Isaraelu i luma 33
o e ita mai, ina ua latou agasala atu
ia te oe; a latou toe foi mai ia te
oe, ma ta'uta'u atu lou suafa, ma
tatalo, ma ai oi atu ia te oe i lenei
fale; ia e faafofoga mai i le lagi, 34
ma e faamagallo mai le agasala a
lou nuu o Isaraelu, ma e faafoisia
mai i latou i le laueleele na e foai-
ina mai i o latou tamā.
A punitia le lagi, ma ua leai se 35
ua, ina ua latou agasala atu ia te
oe; afai latou te tatalo i lenei mea,
ma latou ta'uta'u atu lou suafa, ma
liliu ese i a latou agasala, pe a e
faatiga ia te i latou; ia e faafoga- 36
foga mai i le lagi, ma e faamagallo
mai le agasala a au auauna, ma lou
nuu o Isaraelu, ma ia e a'oa'o ia te
i latou i le ala lelei latou te savavali
ai; ia e foai mai foi le ua i luga o
lou laueleele, na e foaiina mai i lou
nuu e fai mo latou tofi.
Afai e i ai i le nuu le oge, afai e 37

i ai le faama'í, *po* o le mamae, le polopologā, *po* o le sē akerise, afai foi e i ai le sē kasili; afai foi e siosiomia i latou i le nuu o i ai a latou aai e i latou o e ita mai; so se
 38 mala, *po* o se ma'í e i ai; o talosaga uma ma aoi uma e faia e se tagata, *po* o lou nuu o Isarae'u uma; e taitasi uma o e iloa le tiga o latou loto, ma faaloaloa o latou lima i
 39 lenei fale; ia e faafofoga mai mai le lagi, o le mea o loo e afio ai, ma e faamagalo mai, ma e faia, ma foi mai i tagata taitoatasi e tusa ma ana amio uma, ua e silafia lona loto; auā na o oe lava ua e silafia
 40 loto o tagata uma lava; ina ia latou matatau ia te oe i aso uma latou te o'la ai i le laueleele na e foaiina mai i o matou tamā.
 41 O le tagata ese foi, e le so lou nuu o Isaraelu, a ua sau o ia mai le
 42 nuu mamao ona o lou suafa; (auā e faalogo i latou i lou suafa mamalu, ma lou aao malosi, ma lou aao faaloaloa;) pe a sau o ia, ma tatalo i
 43 lenei fale; ia e faafofoga mai mai le lagi, o le mea o loo e afio ai, ma e faia e tusa ma mea uma e valaau atu ai le tagata ese ia te oe; ina ia iloa lou suafa e nuu uma lava i le lalolagi, ma ia latou matatau ia te oe, e faapei o lou nuu o Isaraelu, ia latou iloa foi ua igoa i lou suafa lenei fale ua ou faia.
 44 Afai e o atu lou nuu e tau le taua ma e ua ita mai ia te i latou, i se mea e te auuina atu ai i latou, ma latou talotalo atu ia Ieova o faasaga mai i le aai ua e filifilia, ma le
 45 fale ua ou faia mo lou suafa; ia e faafofoga mai i le lagi i a latou tatalo ma a latou aoi, ma ia e fai le faamasinoga mo i latou. Pe afai latou te agasala atu ia te oe, (auā e leai se tagata e le agasala,) ma e toasa mai ia te i latou, ma e tuuina i latou i e ita mai ia te i latou, ma latou ave ia te i latou faatagataotaua i le nuu o e ita mai, pe mamao
 47 pe latalata mai; afai e toe manatu o latou loto i le nuu e aveia i ai i latou o faatagataotaua, ma latou liliu mai, ma aoi mai ia te oe i le nuu o e aveia te i latou faatagataotaua, ma latou faapea atu, Ua matou agasala, ma faapiopio, ua amio

leaga i matou: afai latou te liliu 43 mai ia te oe ma o latou loto atoa, ma o latou agaga atoa i le nuu o e ita mai ia te i latou, o e aveia te i latou faatagataotaua, ma latou talotalo ia te oe o faasaga mai i lo latou nuu na e foaiina mai i o latou tamā, o le aai na e filifilia, ma le fale ua ou faia mo lou suafa; ia e faafofoga mai mai le lagi, o le mea o loo e afio ai, i a latou tatalo ma a latou aoi, ma ia e fai le faamasinoga mo i latou, ma e faamagalo mai i lou 50 nuu o e ua agasala atu ia te oe, i o latou solitulafono uma ua latou soli ai au tulafono, ma ia e pule ia alofaina i latou e i latou o e aveia te i latou faatagataotaua, ia latou alolofa ia te i latou; auā o lou nuu ma 51 lou tofi i latou, na e aumaia mai le nuu o Aikupito, mai totonu o le ogaumu e *tunu* ai uamea; ia silasila 52 mai ou fofoga i le aoi a lau auuina, ma le aoi a lou nuu o Isaraelu, ia e faafofoga mai ia te i latou i mea uma latou te valaau atu ia te oe. Auā le Alii e, Ieova, na e vavae mai 53 ia te i latou ai nuu uma i le lalolagi e fai mou tofi, e faapei o lau afoga na aumaia e lau auuina o Mose, ina ua e au mai i o matou tamā mai Aikupito.

Ua faaumaina e Solomona ona 54 tatalo ia Ieova i lenei tatalo ma lenei aoi uma, ona tulai lea o ia mai luma o le fata faitaulega o Ieova, sa tootuli ai ona tulivae, ma faaloaloa ae ona lima i le lagi. Ona 55 tu lea o ia, ma faamanuia atu i le faapotopotoga uma o Isaraelu ua leo tele, ua faapea atu, Ia faafetaia 56 Ieova o le ua foaiina mai le malologa i lona nuu o Isaraelu, e tusa ma mea uma na ia fetalaia mai ai, e leai se upu e tasi ua le taunuu o ana upu lelei uma na ia folafolaina mai na *faao* mai e lana auuina o Mose. Ia ia te i tatou Ieova lo 57 tatou Atua, e pei ona i ai o ia i o tatou tamā; aua nei tuua i tatou e ia; aua foi nei lafoaina i tatou e ia; ina ia faaliliuina e ia o tatou 58 loto ia te ia, ia tatou savavali i ona ala uma, ma tatou tausí i ana poloaiga, ma ana tulafono, ma ana faamasinoga, na ia pololai mai ai i o tatou tamā. O a'u upu nei foi ua 59

ou aïoi atu ai i luma o Ieova, ia latalata ia ia Ieova lo tatou Atua i le ao atoa ma le po, ia faia e ia le faamasinoga mo lana auuana, ma le faamasinoga mo lona nuu o Israelu, o le aso ma lana mea; ina ia iloa e nuu uma i le lalolagi, o Ieova
60 o le Atua ia, e leai se tasi. O lenei, ia atoatea o outou loto ia Ieova lo tatou Atua, e savavali i ana tula-
61 fono, ma tausi i ana poloaiga, e faapei ona fai i le aso nei.

62 Ua fai taulaga le tupu, ma le nuu uma o Israelu faatasi ma ia i luma
63 o Ieova. Ua faia foi e Solomona o le taulaga faafetai, na ia faia ia Ieova, o povi e lua sefulu o afe ma afe e lua, ma mamoe e selau afe ma afe e luafulu. Ua faapea ona faa-
64 ulufaleina o le fale o Ieova e le tupu ma le fanauga a Israelu uma.

O lea lava aso na faapaiaina ai e le
64 tupu o le lotoa i totonu i luma o le fale o Ieova; auā na faia e ia i lea mea o taulaga mu, ma taulaga i
65 mea e 'ai, ma le ga'o o taulaga faafetai; auā sa ititi le fata faitaulaga 'apa memea i luma o Ieova, na le
65 ofi ai taulaga mu, ma taulaga i mea e 'ai, ma le ga'o o taulaga faafetai.

O ona po ia na fai ai e Solomona
65 ma Israelu uma faatasi ma ia, o le tausamiga i luma o Ieova lo tatou Atua, o le faapotopotoga tele, e
66 afua mai i le mea e ui atu ai i Amato, e gata mai i le alia o Aikupito, o po e fitu ma po e fitu, ua
66 a'oa ai po e sefulu ma le fa. O lona po valu ua tuuina atu ai e ia o le nuu; ua latou faamanuia atu foi
66 i le tupu, ma latou o i o latou fale ie ma le olioli ma le loto fiafia, ona
66 o mea lelei uma na faia e Ieova mo lana auuana o Tavita, ma lona nuu o Israelu.

O le afo mai o le Atua ia Solomona.

9 UA uma ona fai e Solomona o le fale o Ieova, ma le fale o le tupu, ma le finagalo uma o Solomona na
2 ia finagalo e fai; ona faaali mai lea o Ieova ia Solomona, o le atu lua
3 i Kipeona. Ua fetalai mai Ieova ia te ia, Ua ou faalogo i lau tatalo, ma
3 lau aïoi, na e aïoi mai i o'u luma;

ua ou faapaiaina lenei fale ua e faia e tuu ai lo'u igoa e faavavau; e faa-
saga i ai o'u mata ma lo'u loto i aso uma. Afai foi e te savali i o'u
4 luma, e pei ona savali lou tamā o Tavita, ma le loto sao, ma le amio sa'o, ina ia fai e tusa ma mea uma
na ou fai atu ai ia te oe, ma e tausia a'u tulafono ma a'u faamasinoga;
5 ona ou faatumauina lea o le nofoālii o lou malo i Israelu e faavavau, e faapei ona ou fai atu ai i lou tamā
o Tavita, ua faapea atu, E le motu lou gafa i le nofoālii o Israelu. A
6 e afai e te liliu ese, a e le toe muli-muli mai ia te au, o outou po o a outou fanau, ma outou le tausia a'u
poloaiga ma a'u tulafono ua ou tuuina atu i o outou luma; a e o
atu outou, ma outou auuana atu i
7 atua ese, ma ifo atu ia te i latou; ona ou faaumatia lea o Israelu ai
le fogāelele ua ou foaiina atu ia te i latou; o lenei fale foi ua ou
faapaiaina mo lo'u igoa, ou te lafoai
8 atu ai i o'u luma; e avea foi Israelu ma upu faatusa, ma taumuga
i nuu uma lava. O lenei fale foi
o loo ua maua luga, e ofo i ai o i
latou uma o e ui ane, ma uisa, ma
fai ane, Se a le mea ua faapea ai
9 ona fai e Ieova i lenei nuu, ma lenei fale? Ona tali mai lea o i latou,
Auā ua latou tuu Ieova lo latou
Atua o le na aumaia o latou tamā
mai le nuu o Aikupito, a e latou
taofi i atua ese, ma ifo atu ia te i
latou, ma auuana atu ia te i latou;
o le mea lea ua faaoo ai e Ieova
lenei malaia uma ia te i latou.

Ua mavae tausaga e luafulu, na
10 fai ai e Solomona o fale e lua, o le fale o Ieova, ma le fale o le tupu,
(na au mai ai e Hiramo o le tupu o
11 Turo ia Solomona, o laau o arasi, ma laau o perosi, ma auro, e tusa
ma mea uma na ia loto i ai,) ona
avatu lea e le tupu o Solomona ia
Hiramo o aai e luafulu i le nuu o
Kalilaia. Ona sau lea o Hiramo
12 mai Turo e matamata i aai na avatu
e Solomona ia te ia; a ua le tataua
ia aai ia te ia. Ona faapea mai ai
13 lea o ia, Lo'u uso e, o a ea ia aai ua
e aumaia ia te au? Ua ia faaigoa
foi i ai, o le nuu o Kapula, na oo i
14 ona po nei. Ua au mai foi e Hiramo

I. TUPU, 10.

- i le tupu o auro e selau ma le luafulu o taleni.
- 15 O le mea foi lenei na totogi ai e le tupu o Solomona o tagata ; ia faia le fale o Ieova, ma lona fale, ma Milo, ma le pa o Ierusalem, ma Hasora, ma Mekito, ma Kaser.
- 16 *Auā* na alu ae Farao le tupu o Aikupito, na ia faa foi Kaser, na ia faamuina foi i le afi, ma ia fasiotia o sa Kananā e na nonofo i le aai, ua na avatu foi e fai ma mea avaga mo lona afafine o le avā a Solomona. Ua fai foi e Solomona o Kaser, ma Peteorana i lalo, ma Paalata, ma Tatemora i le vao i le nuu, Ma aai uma sa ia Solomona e tuu ai oloa, ma aai mo kariota, ma aai mo e tietie i solofanua, ma mea uma na finagalo i ai Solomona e fai i Ierusalem, ma Lepanona, ma nuu uma e pule ai o ia.
- 20 O tagata uma na totoe o sa Amori, *ma* sa Heti, *ma* sa Perise, *ma* sa Hivi, *ma* sa Iepusē, o i latou e le o le fanauga a Isaraelu ; o le fanauga i latou a e na totoe i le nuu ina ua mavae atu i latou, o i latou na le mafai e le fanauga a Isaraelu ona faaumatia, na faia i latou e Solomona ma pologa, e oo lava i ona po nei. A ua le faia e Solomona ni o le fanauga a Isaraelu ma pologa ; a o tagata tau i latou, ma ana auauna, ma ona alii, ma alii ave ‘au, ma alii e pule i ana kariota, ma ana ‘au e tietie i solofanua. O alii nei na tofia e pule i le galuega a Solomona, e lima selau ma le toallimagafulu o i latou, na pule i le nuu e na faia le galuega.
- 24 Na alu ae foi le afafine o Farao ai le aai a Tavita i lona fale na faia mo ia e *Solomona* ; ona fai ai lea e ia o Milo.
- 25 E taiatutolu foi i tausaga ona faia e Solomona o taulaga mu, ma taulaga faafetai i luga o le fata faitaulaga na ia faia mo Ieova ; ua ia faamuina foi mea manogi i le *fata* ua i luma o Ieova. Ua faaumaina ona fai o le fale.
- 23 Ua faia foi e le tupu o Solomona o le fua i Esiokape, ua felatai ma Elata i le matafaga o le sami Ulaula
- 27 i le nuu o Etoma. Na aauina atu e Hiram o ana auauna i le fua, o tagata tautai na masani ma le sami, e faatasi ma auauna a Solomona. Ua latou o atu i Ofeira, ma au mai ai auro e fa selau ma le luafulu o taleni ; ma latou au mai ai i le tupu o Solomona.
- Ua sau le tupu fafine o Seepa ia Solomona ; o lana oloa ma lona poto.*
- UA faalogo le tupu fafine o Seepa i le tala ia Solomona ona o le suafa o Ieova, ona sau ai lea o ia e tofotofa ia te ia i upu faigata. Ua sau o ia i Ierusalem ma le au malaga e matuā toatele, *ma* kamela o au mai ai mea manogi, ma auro e matuā tele, ma maa tāua ; na sau o ia ia Solomona, ona la tautalatala ai lea ma ia i mea uma na i ai i lona lota. Ua faamatalaina atu foi e Solomona ia te ia o ana upu uma ; ua leai se mea e lilo i le tupu ua ia le ta’u atu ia te ia. Ua iloa e le tupu fafine o Seepa o le poto uma o Solomona, ma le fale ua ia faia, ma mea e ‘ai o i lana laulau, ma ona nonofo o ana auauna, ma ona tutū o ana tautua, ma o latou ofu, ma ana tautu uaina, ma le ala na ia alu ae ai i le fale o Ieova ; ona le toe ai lea o se lota ia te ia. Ona faapea lea o ia i le tupu, Ua moni le tala na ou faalogo ai i lo’u nuu i au afioga, ma lou poto. A e peitai na ou le talia ia tala seia ou sau, ma vaavaai i ai o’u mata. Faauta, e itiiti mea na talaina atu ia te au, a e tele mea na le talaina atu ; ua sili lava lou poto, ma lou manuia i le tala na ou faalogo i ai. Amuia ou tagata, amuia foi au auauna nei, o e tutū i ou luma e le aunoa, ma faalogo i lou poto. Ia faafetaia Ieova lou Atua, o le na finagalo ia te oe e faanofo ia te oe i le nofoālii o Isaraelu ; auā ua alofa Ieova ia Isaraelu e lei aunoa, ua na fai ai oe ma tupu, ina ia e faia faamasinoga ma mea tonu. Ua foai mai e ia i le tupu o auro e tasi le selau ma le luafulu o taleni, ma mea manogi e matuā tele lava, ma maa tāua ; ua le toe aumaia ni mea manogi e tusa ona tele ma mea na foaini mai e le tupu fafine o Seepa i le tupu o Solomona. O le fua foi o Hiram na au mai ai auro mai Ofeira ; ua au mai ai foi mai Ofeira

o laau o alemuka e matuā tele, ma
 12 maa tāua. Ua faia e le tupu i laau
 o alemuka o pou mo le fale o Ieova,
 ma le fale o le tupu, o kitara foi,
 ma napeli mo le au pepese; e lei
 toe aumaia ni laau o alemuka faa-
 13 pea, e lei toe iloa foi ua oo i ona po
 nei. Ua foi atu e le tupu o Solo-
 mona i le tupu fafine o Seepa o mea
 uma na ia finagalo ma faatoga i ai,
 e faapoopoina i mea na foaifuaina
 atu e le tupu o Solomona ia te ia.
 Ona foi atu lea o ia, ma alu atu i
 lona nuu, o ia ma ana auauna.
 14 O le fua o le mamafa o auro na
 aumaia ia Solomona i tausaga tai-
 tasi, o taleni o auro e ono selau ma
 15 le onogafulu ma le ono; atoa foi
 ma auro a e ua feoi e fāatau, atoa
 ma e faatauoa, ma tupu uma o
 Arapi, ma alii e pule i le nuu.
 16 Ua faia e le tupu o Solomona o
 talipupuni auro ua faasalalafaina e
 lua selau; e taiono selau o *sekeli* o
 17 auro i tali pupuni; ma talita auro
 ua faasalalafaina e tolu selau; e
 taitolu mina o auro i talita; na
 tuuina atu ia e le tupu i le fale o le
 vao o Lapanona.
 18 Ua faia foi e le tupu o le nofo-
 ālii tele i nifo o elefane, ua ia ufitia
 19 ai foi i le auro lelei. E ono tulagā-
 vae faaapefai e alu ae ai i le nofoālii,
 ua faaofuofu foi i luga o le nofoālii
 i lona itu i tua; sa i ai mea e faala-
 golago i ai i itu taitasi o le mea e
 tietie ai; ua tutū foi leona e lua i
 tafatafa o mea e faalagolago i ai.
 20 Sa tutū ai foi leona e sefulu ma le
 lua i lea itu ma lea itu o tulagavae
 faaapefai e ono; e leai se mea e faa-
 21 pea ona fai i se tasi malo. O ipu inu
 uma a le tupu o Solomona o auro ia,
 ma ipu uma o le fale o le vao o
 Lapanona o auro lelei ia; e leai ni
 22 ipu ario; ua ta'ufaatauvaaina lava
 ario i ona po o Solomona. Auā sa
 i ai i le tupu o vaa Tasesa i tai, faa-
 tasi ma vaa o Hiramo; na foi faa-
 tasi i tausaga e tolu o vaa Tasesa,
 ma au mai ai auro, ma ario, ma nifo
 o elefane, ma kofi, ma tuki.
 23 Na silisili le tupu o Solomona i
 tupu uma o le lalolagi i le mauoa
 24 ma le poto. Na sailiili atu ia Solo-
 mona salemasau uma ina ia latou
 faalogo i lona poto na tuuina e le

Atua i lona loto. Na taitasi o i 25
 latou ma au mai ai lana mea alofa,
 o ipu ario, ma ipu auro, ma ofu, ma
 auupega, ma mea manogi, ma solo-
 fanua, ma falata, ilea tausaga ma
 lea tausaga. Ua faapotopoto e Solo- 26
 mona o kariota, ma 'au e tietie i
 solofanua; sa ia te ia o kariota e
 tasi le afe ma le fa o selau, ma 'au
 e tietie i solofanua e sefulu afe ma
 afe e lua; na ia tuuina i latou i aai
 o i ai kariota, i le ma Ierusalem
 foi e faatasi ai ma le tupu. Ua faa- 27
 teleina e le tupu i Ierusalem
 o ario ua faapei o maa; ua ia faa-
 teleina foi o arasi ua faapei o suka-
 moru i le fanua mauualo.

Na aumaia solofanua mā Solo- 28
 mona mai Aikupito; na talia foi e
 le vao tagata faatau o le tupu o le
 vao *solofanua* i le tau. Na avae ma 29
 aumaia mai Aikupito se kariota i
 tupe e ono selau, ma se solofanua i
 le selau ma le limagafulu o *tupe*; sa
 faapea foi ona aumaia e i latou mā
 tupu uma o sa Heti, ma tupu o
 Suria.

*O le agasala tele a Solomona, ma le
 toasa o le Atua ia te ia.*

A UA manao le tupu o Solomona 11
 i fafine ese e toatele, e faapoopo i
 le afafine o Farao, o fafine o sa
 Moapi, ma sa Amoni, ma sa Etomā,
 ma sa Saitonū, ma sa Heti; o nuu 2
 na fetalai mai ai Ieova i le fanauga
 a Isaraelu, Aua tou te o atu ia te i
 latou, aua foi nei latou o mai ia te
 outou; auā e moni, latou te faa-
 liliuina o outou loto e mulimuli i o
 latou atua. Ua matuā manao Solo-
 mona ia te i latou. Sa ia te ia ana 3
 avā o alo o alii e toafitu galau, ma
 ana palake e tolu galau; na faali-
 liueseina lava lona loto e ana avā.
 Auā ua toaina Solomona ona faa- 4
 liliueseina lea o lona loto e ana avā
 e mulimuli i atua ese; na le sao
 lona loto ia Ieova lona Atua, e
 faapei o le loto o lona tamā o
 Tavita. Auā na mulimuli atu Solo- 5
 mona ia Asaira le atua fafine o sa
 Saitonū, na mulimuli foi ia Mele-
 koma le mea leaga a sa Amoni. Ua 6
 amio leaga Solomona i luma o Ieova,
 ua le matuā mulimuli atu o ia ia
 Ieova, e pei o lona tamā o Tavita.

- 7 Ona fai ai lea e Solomona o le mea maua-luga mo Kimosa le mea leaga a Moapi, i le mauga o loo i luma o Ierusalemā; mo Moloka foi, o le mea leaga a le fanauga a Amoni.
- 8 Ua faapea foi ona fai e ia mo ana avā uma o nuu ese, o e na faamuina mea manogi, ma fai taulaga i o latou atua.
- 9 Ona toasa lea o Ieova ia Solomona, auā ua liliueseina lona loto ia Ieova le Atua o Israelu, o le na faaali mai faalua ia te ia, ma poloai mai ia te ia i lena lava mea, aua ne'i mulimuli atu o ia i atua ese; a e lei tausia e ia le mea na poloai mai
- 11 ai Ieova. Ona fetalai mai lea o Ieova ia Solomona, Ua ia te oe lenei mea, ua e le tausia foi la'u feagaiga ma a'u tulafono na ou poloai atu ai ia te oe, o le mea lea ou te matuā saeeseina ai le malo ia te oe, ma ou foaiina atu i lau aua-una. A ou te le faia lenei mea i lou olaga ona o lou tamā o Tavita; a e ou te saeeseina ai i le lima o lou atalii. A e peitai ou te le saeeseina le malo uma; a ou te foaiina atu le itu aiga e tasi i lou atalii, ona o la'u auauna o Tavita, ona o Ierusalemā foi ua ou filifilia.
- 14 Ona faatuina mai lea e Ieova se tasi e tetee ia Solomona, o Atata o lo sa Etomā, o so le fanau a le tupu sa i Etoma. Aua sa i Etoma Tavita, na alu ae foi Ioapo o le pule i 'au e tatanu i e na fasiotia, ina ua uma ona fasiotia o tane uma i Etoma; auā sa nonofo ai Ioapo ma Israelu uma i masina e ono, seia faaumatia tane uma i Etoma; ona sosola lea o Atata, o ia ma tagata Etoma, o au-auna a lona tamā faatasi ma ia, e o atu i Aikupito, sa tama itiiti foi o
- 18 Atata. Na tulai i latou nai Mitiana, ma latou o atu i Parana; na latou faaopoopo mai ia te i latou tagata o Parana, ma o atu i Aikupito ia Farao le tupu o Aikupito; sa na foai mai ia te ia se fale, ma fai atu e avane mea e 'ai ia te ia, ua na foai mai foi ia te ia se fanua. Na matuā alofagia Atata e Farao, na ia avatu foi ia te ia o le uso o lona faletua e fai ma ana avā, o le uso lea o le masiofo o Tapenesa. Na fanaua foi e le uso o Tapenesa ia te ia lona atalii o Kenupata; na faateaeiseina o ia ma le susu e Tapenesa i le fale o Farao; sa i le aiga o Farao o Kenupata faatasi ma atalii o Farao. Ua faalogo Atata i Aikupito ua
- 21 taoto Tavita faatasi ma ona tamā, ua oti foi Ioapo le pule i 'au, ona fai atu lea o Atata ia Farao, Tuu mai ia te au ia ou alu i lo'u nuu. Ona tali mai lea o Farao ia te ia, Se a se mea ua e le maua ia te au, ina ua e fia alu lava i lou nuu? Ona fai atu lea o ia, E leai lava, a ia e matuā tuuina mai ia te au e alu.
- Ua faatuina mai foi e le Atua se tasi e tetee atu ia te ia, o Resona le atalii o Eliata, o le na sola nai lona alii o Atatesa le tupu o Sopa. Na faapotopotoina mai e ia o tagata ia te ia, na fai ai o ia ma alii e avea le 'au, ina ua fasiotia e Tavita o tagata o Sopa; na latou o foi i Tamaseko ma latou nonofo ai, na pule i latou i Tamaseko. Na ita foi o ia ia Israelu i tausaga uma o Solomona e faaopoopo i le leaga na faia e Atata; ua inosia e ia o Israelu, na fai foi o ia ma tupu o Suria.
- O Ierepoamo foi, o le atalii o Nepata o le sa Efaraimā, mai Seleta, o le auauna ia a Solomona, o Serua foi le igoa o lona tinā, o le fafine ua oti lana tane, na fouvale foi o ia i le tupu. O le mea foi lenei na fouvale ai o ia i le tupu; na faia e Solomona o Milo, na ia sosoo i mea na sofaia o le aai a Tavita lona tamā. O Ierepoamo foi, o le toa malos i ia; ua iloa e Solomona o le taualealea to'aga ia, ona ia tofia lea o ia e pule i galuega uma e faia e le aiga o Iosefa. O ona po ia na alu atu ai Ierepoamo nai Ierusalemā, na iloa o ia i le ala e le perofeta o Akia o le Sailo; na ofu foi o ia i le ofu fou, ua na o i laua i le vao. Ona tago lea o Akia i le ofu fou sa ofu ai o ia, ma saei ai i saegāofu e sefulu ma le lua. Ona fai atu ai lea o ia ia Ierepoamo, Ina ave ia mo oe saega e sefulu, auā o loo faapea mai Ieova le Atua o Israelu, faautu, ou te saeia le malo ai le pule a Solomona, ma ou foai atu ia te oe itu aiga e sefulu; a e peitai e i ai ia te ia le itu aiga e tasi ona o la'u auauna o Tavita, ona o Ierusalemā foi o le aai

na ou filifilia i itu aiga uma o Is-
 33 raelu. Auā ua latou lafoai ia te au,
 ma ua latou ifo ia Asaira le atua
 fafine o sa Saitonū, ma Kimosa le
 atua o Moapi, ma Melekoma le atua
 o le fanauga a Amoni; e lei sava-
 vali foi i latou i o'u ala e fai ai mea
 tonu i o'u luma, ma *anaana* i a'u
 34 tulafono ma a'u faamasinoga, e pei
 o lona tamā o Tavita. A e ou te le
 ave ese le malo uma ia te ia; auā
 ou te faia o ia ma alii i aso uma o
 lona ola, ona o la'u auaua o Tavita
 na ou filifilia; auā na ia tausi i a'u
 35 poloaiga ma a'u tulafono. A e ou te
 ave ese le malo i lona atalii, ma ou
 foaiina atu ia te oe o itu aiga e
 36 sefulu. Ou te foaiina atu foi i
 lona atalii le itu aiga e tasi ina ia i
 ai i la'u auaua o Tavita le lamepa
 e le aunoa i o'u luma i Ierusalemā
 le aai na ou filifilia mo a'u e tuu ai
 37 lo'u igoa. Ou te ave foi oe, e te
 pule i mea uma e manao i ai lou
 loto, e fai foi oe ma tupu ia Isa-
 38 raelu. Afai foi e te faalogo i mea
 uma ou te fai atu ai ia te oe, ma e
 savali i o'u ala, ma e faia mea tonu
 i o'u luma, ina ia e tausi i a'u tula-
 fono ma a'u poloaiga, e pei ona faia
 e la'u auaua o Tavita; ona ou i ai
 lea ia te oe, ma ou fai foi mo oe le
 aiga tumau, e faapei ona ou faia mo
 Tavita, ou te foaiina foi o Isaraelu
 39 ia te oe. Ou te faatigaina foi le
 fanau a Tavita ona o lenei mea, a e
 40 le oo i le faavavau. Ona lamalama
 ai lea e Solomona ia fasioti ia Iere-
 poamo. Ona tulai ai lea o Ierepo-
 amo, ma sola atu i Aikupito ia
 Seseka le tupu o Aikupito; sa i
 Aikupito foi o ia ua oo i le oti o
 Solomona.
 41 O toe o mea na faia e Solomona,
 ma mea uma na ia saunia, ma lona
 42 potō, ua le tusia ea ia i le tusi i
 mea na faia e Solomona? O tau-
 saga na fai ai Solomona ma tupu ia
 Isaraelu uma lava i Ierusalemā e
 43 fagafulu o tausaga ia. Ona taoto
 ai lea o Solomona faatasi ma ona
 tamā, ua tauumia foi o ia i le aai a
 Tavita lona tamā; ona soloai ane
 lea o Reopoamo lona atalii e fai ma
 tupu.

*Ua tetē'a ma Reopoamo o itu aiga e
 sefulu o Isaraelu.*

UA alu atu Reopoamo i Sekema, 12
 auā ua o mai Isaraelu uma lava i
 Sekema ia fai o ia ma tupu. Ua 2
 faalogo ai Ierepoamo le atalii o
 Nepata a o i Aikupito o ia; auā na
 sola o ia ai luma o le tupu o Solo-
 mona, na nofo foi Ierepoamo i
 Aikupito. Ona latou auuina atu 3
 lea *nisi* e aami atu ia te ia. Ona
 latou o mai lea o Ierepoamo ma le
 faapotopotoga uma o Isaraelu, ua
 latou tautala atu ia Reopoamo, ua
 faapea atu, Na faamamafaina e lou 4
 tamā o la matou amo; o lenei, ia
 e faamāmā le galuega tiga a lou
 tamā, ma lana amo mamafa na ia
 faaetia ia te i matou, ona matou
 auuina ai lea ia te oe. Ona fai atu 5
 lea o ia ia te i latou, Ina o ia outou
 seia oo i ē luā, i le tou toe foi mai
 ai ia te au; ona ō ai lea o le nuu.
 Ona filifili lea o le tupu o Reopoamo 6
 ma toeaia e na tutū i luma o lona
 tamā o Solomona ina o ola o ia, ua
 faapea atu, Se a se mea tou te fai
 mai ou te tali atu ai i lenei nuu?
 Ona latou tali mai lea ia te ia, ua 7
 faapea mai, Afai e te fai ma auaua
 i lenei nuu i le aso nei, ma e auaua
 ia te i latou, ma e tali atu ia te i
 latou, ma e tautala atu ia te i latou
 i upu lelei, ona fai ai lea o i latou
 mau auaua e faavavau. A e peitai 8
 ua tuua e ia le upu a toeaia na
 latou faatonu mai ai ia te ia, ona
 filifili lea o ia ma taulelea o e na
 tutupu faatasi ma ia, o e na tutū i 9
 ona luma. Ua fai atu ia ia te i
 latou, Se a la outou e fai mai ina ia
 tatou tali atu ai i lenei nuu ua tau-
 tala mai ia te au, ua faapea mai, Ia
 e faamāmā le amo na faaetia e lou
 tamā ia te i matou? Ona fai mai 10
 lea ia te ia o taulelea o e na tutupu
 faatasi ma ia, ua faapea mai, Ia e
 faapea atu i lenei nuu na tautala
 mai ia te oe, ua faapea mai, Na faa-
 mamafaina e lou tamā o la matou
 amo, a ia e faamāmāina ia te i ma-
 tou; ia faapea ona e fetalai atu ia
 te i latou, O lo'u lima tama e tele
 lava lea i le sulugatiti o lo'u tamā.
 Na faaetia e lo'u tamā le amo ma- 11
 mafa ia te outou; a o a'u, ou te

- faapoopoina atu i la outou amo ;
na aoai atu lo'u tamā ia te outou i
sasa ; a o a'u, ou te aoai atu ia te
outou i akarava.
- 12 Ona o mai lea o Ierepoamo ma le
nuu uma ia Reopoamo i le aso tolu,
e pei ona fai mai ai o le tupu, ua
faapea mai, Tou te toe foi mai ia te
au i e luā. Ona tali atu lea o le
tupu i le nuu ma le sauā ; ua tuua
e ia le upu a toeaia na latou faa-
tonuina atu ia te ia ; a e tautala atu
ia te i latou e tusa ma le upu a tau-
lelea, ua faapea atu, Na faamama-
faina e lo'u tamā o la outou amo ; a
o a'u, ou te faapoopoina atu i la
outou amo ; na aoai atu lo'u tamā
ia te outou i sasa ; a o a'u, ou te
aoai atu ia te outou i akarava. Ua
le faalogo lava le tupu i le nuu ;
auā mai ia Ieova lea mea ina ia faa-
taunuu lana afioga na fetalai mai ai
Ieova na aumaia e Akia le Sailō ia
Ierepoamo le atalii o Nepata.
- 16 Ua iloa e Isaraelu uma lava e lei
faalogo mai le tupu ia te i latou,
ona tali atu lea o le nuu i le tupu,
ua faapea atu, So matou tofi ea
Tavita ? E le *so matou* tofi le atalii
o Iese. Isaraelu e, *ina o ia* outou i
o outou fale ie. O lenei, Tavita e,
faitalia oe i lou aiga. Ona o ai lea
17 o Isaraelu i o latou fale ie. A o le
fanauga a Isaraelu sa nonofo i aai o
Iuta, na fai Reopoamo ma tupu ia
te i latou. Ona auina atu lea e le
tupu o Reopoamo o Aturamo o le
pule i taulaga, a ua fetogi Isaraelu
uma ia te ia i maa, ua oti ai o ia.
Ona faataalise lea o le tupu o Reo-
poamo e alu ae i lona kariota, e sola
atu i Ierusalemā. Ua foua foi e
Isaraelu le aiga o Tavita, ua oo lava
20 i ona po nei. Ua faalogo e Isaraelu
uma ua foi mai Ierepoamo, ona la-
tou auina atu ai lea *nisi* e aami
atu ia te ia e sau i le faapotopotoga,
ona latou fai lea o ia ma tupu i Isa-
raelu uma ; e leai se na mulimuli
atu i le aiga o Tavita, ua na o le itu
aiga lava o Iuta.
- 21 Ua oo Reopoamo i Ierusalemā,
ona faapotopotō ai lea e ia o le aiga
uma lava o Iuta, ma le itu aiga o
Peniamina e selau afe ma afe e valu
sefulu, o e ua filifilia, o e ua taulia
taua, e tau ma le aiga o Isaraelu,
- ia toe maua mai le malo mo Reo-
poamo le atalii o Solomona. A ua
tūlei mai le afioga a le Atua ia
Semaia le tagata o le Atua, ua faa-
pea mai, Ina fai atu ia ia Reopoamo
le atalii o Solomona le tupu o Iuta,
ma le aiga uma o Iuta ma Penia-
mina, ma e o totoe i le nuu, ia faa-
pea atu, O loo ua faapea ona fetalai
mai o Ieova, Aua ne'i tou o ae, aua
ne'i tou sii atu le taua i o outou uso
le fanauga a Isaraelu ; ia taitasi ou-
tou ma foi atu i lona aiga ; auā e
mai ia te au lenei mea. Ona latou
faalogo lea i le afioga a Ieova, ua
liliu ma toe foi atu, e tusa ma le
afioga a Ieova.
- Ua faia e Ierepoamo o Sekema i
le mauga o Elaraima, ma nofo ai ;
na ia alu atu ai foi ma na faia o
Penueli. Ona fai ifo lea o Iere-
poamo i lona loto, Anei e toe foi le
malo i le aiga o Tavita ; afai e o ae
lenei nuu e fai taulaga i le fale o
Ieova i Ierusalemā, ona toe liliu ai
lea o le loto o lenei nuu i lo latou
alii, o Reopoamo le tupu o Iuta,
ona latou fasioti ai lea ia te au, ma
toe foi atu ia Reopoamo le tupu o
Iuta. Ona filifili lea o le tupu, ma
ia faia tamai povi auro e lua, ua fai
atu foi o ia ia te i latou, E faigata
ia te outou ona o ae i Ierusalemā ;
Isaraelu e faauta mai ia i o outou
atua o e na aveina ae outou mai le
nuu o Aikupito. Ua ia tuu le tasi
i Peteli, ua ia tuu foi le isi i Tanu.
Na fai lenei mea ma agasala ; auā
na o atu le nuu i luma o le tasi i
Tanu. Ona faia lea e ia o le fale o
mea maualuluga ; na tofia foi e ia
nisi o le nuu uma e fai ma faitau-
laga, e le ni o le fanauga a Levi i
latou. Ua faia foi e Ierepoamo le
tausamiga i le masina e valu, i le
aso e tasi le sefulu ma le lima o le
masina, e pei o le tausamiga ua i ai
i Iuta ; ona alu ae lea o ia i le fata
faitaulaga. Sa faapea ona faia e ia
i Peteli, e fai taulaga i tamai povi
na ia faia ; ua ia tofia foi i Peteli o
faitaulaga o mea maualuluga na ia
faia. Ua alu ae o ia i le fata fai-
taulaga na ia faia i Peteli i le aso
e sefulu ma le lima o le masina e
valu, o le masina lea na ia filifilia i
lona lava loto ; ua faia foi e ia le

I. TUPU, 13.

tausamiga mo le fanauga a Isaraelu; ua ia alu ae foi i le fata faitaulaga e faamu ai mea manogi.

Ua vaoia le amio leaga a Ierepoamo.

- 13 FAAUTA foi, ua sau le tagata o le Atua, i le afioga a Ieova, mai Iuta i Peteli; o loo tu mai foi Ierepoamo i tafatafa o le fata faitaulaga
- 2 e faamu ai mea manogi. Ona alaga atu lea o ia i le fata faitaulaga i le afioga a Ieova, ua ia faapea atu, Le fata faitaulaga e, le fata faitaulaga e, o loo faapea ona fetalai mai o Ieova, Faauta o le a fanau mai le tama i le aiga o Tavita, e igoa ia Iosia, na te fai taulaga i luga ia te oe i le au faitaulaga o mea maua-luga, o e faamu mea manogi i luga ia te oe, e susunuina foi ivi o tagata
- 3 i luga ia te oe. Ona avane lea e ia o le faailoga i lea lava aso, ua faapea atu, O le faailoga lenei ua fetalai mai ai Ieova; faauta, e māvāe le fata faitaulaga, e masaa ai foi le lefulefu o loo i ona luga.
- 4 Ua faalogo le tupu i le upu a le tagata o le Atua, ua ia alaga atu ai i le fata faitaulaga i Peteli, ona aapa atu lea e Ierepoamo o lona lima nai le fata faitaulaga, ua faapea atu, Ina pue ia ia te ia; ona gase lea o lona lima na ia aapa atu ia te ia, ua le toe mafai ona faafoi ai ia te ia.
- 5 Ua māvāe foi le fata faitaulaga, ua masaa foi le lefulefu na i le fata faitaulaga, e tusa ma le faailoga na avane e le tagata o le Atua i le
- 6 afioga a Ieova. Ona fai atu lea o le tupu, ua faapea atu i le tagata o le Atua, Ia e aioi atu i luma o Ieova lou Atua, ma e tatalo atu mo a'u, ina ia toe lelei lo'u lima. Ona aioi atu ai lea o le tagata o le Atua i luma o Ieova, ona toe lelei lea o le
- 7 lima o le tupu, ua pei o anamua. Ona fai atu lea o le tupu i le tagata o le Atua, Sēi ta o ma a'u i lo'u fale, e te malolo ai, ou te avatu foi ia te oe
- 8 se mea alofa. Ona fai mai lea o le tagata o le Atua i le tupu, Afai e te foai mai ia te au le vaeluagalemu o mea o i lou fale, ta te le o faatasi ma oe; ou te le 'ai ni mea e 'ai, ou
- 9 te le inu vai foi i lenei mea. Auā na faapea ona fetalai mai ai ia te au o le afioga a Ieova, na faapea mai,

Aua e te 'ai i mea e 'ai, auā nefi e inu foi i le vai, auā foi le toe foi mai i le ala e te alu atu ai. Ona 10 alu atu lea o ia i le tasi ala, ua le foi atu o ia i le ala na ia alu atu ai i Peteli.

Sa nofo i Peteli le tasi perofeta 11 ua toeaina; na o atu ona atalii, ma talatala atu ia te ia i mea uma na faia e le tagata o le Atua i lona aso i Peteli; o upu foi na ia fai atu ai i le tupu ua latou talatala atu ai i lo latou tamā. Ona fai atu lea o lo 12 latou tamā ia te i latou, O le fea ala na alu atu ai o ia? Auā na iloa e ona atalii le ala na alu atu ai le tagata o le Atua, o le na sau mai Iuta. Ua ia fai atu foi i ona atalii, 13 Ina faanofoa ia le asini mo a'u; ona latou faanofoa ai lea o le asini me ia; ona tietie ai lea o ia. Ona 14 mulimuli atu lea o ia i le tagata o le Atua, na ia maua atu ia te ia o nofo i lalo o le tapeneto; ona fai atu lea o ia ia te ia, O oe ea le tagata o le Atua na sau mai Iuta? Ona tali 15 mai lea o ia, O a'u lenei. Ona fai atu lea o ia ia te ia, Ta te o ma a'u i lo'u fale, sēi e tausami sina mea. Ona fai mai lea o ia, Ou te le mafai 16 ona ta toe foi atu ma oe, ma te ulufale atu ma oe, ou te le 'ai i mea e ai, ou te le inu foi i le vai faatasi ma oe i lenei mea; auā na fetalai 17 mai ia te au i le afioga a Ieova, Aua e te 'ai i mea e 'ai, pe inu vai i lea mea; auā foi e te liliu mai ma toe foi mai i le ala e te alu atu ai. Ona 18 fai atu lea o ia ia te ia, O a'u foi o le perofeta e pei o oe; ua fai mai foi le agelu ia te au i le afioga a Ieova, ua faapea mai, Ina e toe faafoi mai ia ia te ia faatasi ma oe i lou fale, ina ia 'ai o ia i mea e 'ai, ma inu i le vai. A ua tala pepelo o ia ia te ia. Ona la toe foi atu lea 19 ma ia, ua ia 'ai foi i mea e 'ai i lona fale, ma inu vai.

Ua oo mai le afioga a Ieova i le 20 perofeta na toe faafoi atu ia te ia, a o la nonofo i le laulau. Ona alaga 21 atu lea o ia i le tagata o le Atua na sau mai Iuta, ua faapea atu, O loo faapea ona fetalai mai o Ieova, Ua e fouvale i le afioga a Ieova, ua e le tasi foi i le poloaiga na fetalai mai ai Ieova lou Atua ia te oe, A ua e 22

toe foi mai, ma e 'ai i mea e 'ai, ma e inu vai i le mea na fetalai mai ai Ieova ia te oe, aua e te 'ai ai i mea e 'ai, pe inu vai, o le mea lea e le oo ai lou tino i le tuugamau o ou tamā.

- 23 Ua uma ona ia 'ai i mea e 'ai, ua uma foi ona ia inu, ona faanofoa lea e ia o le asini mo ia, mo le perofeta o le na ia toe faafoi mai. Ua alu ia, ona maua lea o ia e le leona i le ala, ua oti o ia ia te ia; ua lafo ifo foi lona tino i le ala, ua tu le asini e latalata i ai, ua tu foi le leona e latalata i le tino. Faauta foi i tagata ua o ane, ua latou iloa le tino ua lafo ifo i le ala, ma le leona ua tu mai e latalata i le tino; ona latou o ai lea, ma talatala atu ai i le aai sa nofo ai le perofeta toe-aia. Ua faalogo i ai le perofeta o le na toe faafoi atu ia te ia i le ala, ona faapea ane lea o ia, O le tagata o le Atua lea, o le na fouvale i le afioga a Ieova; o le mea lea ua tuuina atu ai o ia e Ieova i le leona, ua saei ia te ia, ua oti ai o ia, e tusa ma le afioga a Ieova na ia fetalai mai ai ia te ia. Ona fai atu lea o ia i ona atalii, ua faapea atu, Ina faanofoa ia le asini mo a'u. Ona latou faanofoaina lea. Ua alu o ia, ona maua lea e ia o lona tino ua lafo ifo i le ala, ma le asini ma le leona o loo tutū e latalata ane i le tino; ua le 'aina e le leona o le tino, ua le 29 saeia foi e ia le asini. Ona avae lea e le perofeta o le tino o le tagata o le Atua, ma faaee ai i luga o le asini, ma toe avatu ai; ona alu atu lea o le perofeta toeaina i le aai e tagitu'i ma tanu ia te ia. Ua ia tuuina lona tino i lona lava tuugamau; ona latou taufaitagitū'i lea ia te ia, *ua faapea*, Aue lo'u uso e! 31 Ua uma ona tanu ia te ia, ona fai atu lea o ia i ona atalii, ua faapea atu, Pe a ou oti, ia outou tanu ia te au i le tuugamau ua tanumia ai le tagata o le Atua, ia tuu o'u ivi i tafatafa o ona ivi; auā e taunuu lava le upu na ia valaau atu ai i le afioga a Ieova i le fata faitaulaga o loo i Peteli, ma fale uma o mea mauaululuga o loo i ai i aai o Samaria. 33 Ua mavae lenei mea, ua le liliu ese Ierepoamo i lona ala leaga, a ua

toe faia e ia o tagata mai le nuu uma ma faitaulaga o mea mauaululuga; ai se manao i ai ua ia tofia o ia, ona avea lea o ia ma faitaulaga o mea mauaululuga. Na avea lenei 34 mea ma agasala i le aiga o Ierepoamo, ia vavaeeseina ma faaumatia i le fogāleele.

O le ma'i o le atalii o Ierepoamo.

O ONA po ia na ma'i ai Avia le atalii o Ierepoamo. Ona fai atu lea o Ierepoamo i lana avā, Se'i e tulai ma e ofu i ofu ese, ina ne'i latou iloa o oe o le avā a Ierepoamo, ma e alu i Sailo; faauta, o loo i ai Akia le perofeta, o le na fai mai ia te au ou te fai ma tupu i lenei nuu. Ia e ave foi i lou lima o areto e fuagafulu, ma faapāpā areto, ma le fagu meli, ma e alu atu ia te ia; na te faailoa mai ia te oe pe iu ina faapefea le tama. Ua faapea foi ona fai e le avā a Ierepoamo, ua ia tulai atu foi, ma alu i Sailo, na oo i le fale o Akia. A e le mafai ona iloa *se mea* e Akia, auā sa tōmātūina ona mata ina ua toeaina ia.

Ona fetalai mai lea o Ieova ia Akia, Faauta, o loo sau le avā a Ierepoamo e fesili atu ia te oe i se mea i lana tama, auā ua ma'i o ia; o lea, i le ma lea, e te fai atu ai ia te ia; auā pe a oo mai o ia e faatagā fafine ese ia. Ua faalogo atu e Akia le pa'ū mai o ona vae ina ua ulufale mai o ia i le faitotoa, ona fai atu lea o ia, Ina maliu mai o oe le faletua o Ierepoamo; se a le mea ua e faatagā fafine ese ai? Ua auina foi a'u i le *feau* mamafa ia te oe. Ina e alu ia, ina fai atu ia Ierepoamo, O loo faapea ona fetalai mai o Ieova le Atua o Isaraelu, Ua ou faaeaina oe ai le nuu, ma ou faia oe ma ta'ita'i i lo'u nuu o Isaraelu, ma ou saeeseina le malo i le aiga o Tavita, ma foaiina atu ai ia te oe; a o oe, ua e le faapei o la'u auauna o Tavita, o le na tausi i a'u polo-aiga, ma mulimuli mai ia te au, ma lona loto atoa, e fai na o mea e tusa i o'u luma; a ua sili lava ona e amio leaga i e na muamua uma ia te oe; auā ua e alu, ma e faia mo oe o atua ese, ma tupua uamea, e faanoono ai ia te au, ua e lafoaiina

- 10 foi a'u i ou tua. O le mea lea, faauta, ou te faao atu ai le leaga i le aiga o Ierepoamo, ma ou faaumatia ia Ierepoamo, o ē tulai atu i se aupā, o pologa atoa ma e sa'oloto i Isaraelu; ou te ave ese e ua totoe o le aiga o Ierepoamo, e pei o le tagata ona la'u otaota seia uma lava. O so sa Ierepoamō e oti i le aai, e 'aina lea e uli; o lē oti i le vao, e 'aina lea e manu felelei; auā ua fetalai mai ai Ieova. A o oe, ina tulai ia ina e alu i lou fale; pe a oo ou vae i le aai, ona oti lea o le tama. E taufaitagitu'i Isaraelu uma ona o ia, ma latou tanu ia te ia; auā ua na o ia o le aiga o Ierepoamo e oo i le tungamau; auā ua maua i totonu ia te ia se mea lelei ia Ieova le Atua o Isaraelu i le aiga o Ierepoamo. E faatuina foi e Ieova mo ia se tupu i Isaraelu, o le na te faaumatia le aiga o Ierepoamo i lea aso. O le a foi? o ona po nei lava.
- 15 Auā e taia e Ieova o Isaraelu, e pei o le u ua luluina i le vai; na te liai-ina foi Isaraelu ai leni nuu lelei na ia foaiina i o latou tamā; na te faataapeape foi ia te i latou i tala atu o le vaitafe, auā ua latou faia o latou tupua o Asaira, ua faaonono ai ia Ieova. Na te tuulafoai foi ia Isaraelu ona o agasala a Ierepoamo, o le ua agasala, o le ua faatupu foi le agasala ia Isaraelu. Ona tulai lea o le avā a Ierepoamo, ua alu; ua oo foi o ia i Tiresa; ua papai atu o ia i le faitotoa o le fale ona oti ai lea o le tama. Ua latou tanu ia te ia; ua taufaitagitu'i foi Isaraelu uma ia te ia, e tusa ma le afioga a Ieova na ia fetalai mai ai na aumaia e lana auaua o Akia le perofeta.
- 19 O toe o mea na faia e Ierepoamo, o taua na ia faia, ma le faiga o lona malo, faauta, ua tusia i le tusi o tala
- 20 i nofoaiga a tupu o Isaraelu. O ona po foi na fai ai Ierepoamo ma tupu e lua sefulu ma le lua o tausaga ia; ona taoto ai lea o ia faatasi ma ona tamā; ona soloai ane lea o Natapu lona atalii e fai ma tupu.
- 21 Ua fai Reopoamo le atalii o Solomona ma tupu i Iuta; sa fagafalu ma le tasi o tausaga o Reopoamo ina ua fai ai o ia ma tupu; e tasi le sefulu ma le fitu o tausaga na fai ai

o ia ma tupu i Ierusalemā, o le aai lea na filifilia e Ieova i itu aiga uma o Isaraelu e tuu ai lona suafa. O le igoa foi o lona tinā o Naama lea o le sa Amonī. Ua fai mea leaga e Iuta i luma o Ieova, ua faatupuina e i latou lona fuā i a latou agasala ua latou agasala ai ua sili i mea uma na faia e o latou tamā. Auā na latou faia mo i latou o mea maua luga, ma tupua, ma tupua o Asaira, i luga o mauga maua luga uma, ma lalo o laau tauuluola uma. Sa i ai foi i le nuu o tagata faasotoma; ua latou faia e tusa ma mea e inosia uma a nuu ese na tulia e Ieova i luma o le fanauga a Isaraelu.

O le lima o tausaga o le tupu o Reopoamo ua alu ae ai i Ierusalemā o Sesaka le tupu o Aikupito. Ua ia avea foi le oloa sa i le fale o Ieova, ma le oloa i le fale o le tupu; ua ia avea mea uma lava; ua avea foi e ia o talita auro uma lava na faia e Solomona. Ona faia lea e le tupu o Reopoamo o talita 'apa me-mea e sui a'i, ma ia tuuina atu ai i lima o le alii sili o le 'au e faafeao, o e na leoleo i le faitotoa o le fale o le tupu. Ua ave foi e le 'au e faafeao o ia talita ina o alu atu le tupu i le fale o Ieova, ma latou toe au mai ai i le poto o le 'au e faafeao.

O toe o mea na faia e Reopoamo, ma mea uma na ia faia, ua le tusia ea i le tusi o tala i nofoaiga a tupu o Iuta? Sa utu tau lava o Reopoamo ma Ierepoamo i aso uma. Ua taoto Reopoamo faatasi ma ona tamā ua tanumia foi o ia faatasi ma ona tamā i le aai a Tavita. O le igoa foi o lona tinā o Naama o le sa Amonī. Na soloai ane lona atalii o Aviama e fai ma tupu.

O tala ia Aviama, ma Asa, ma Iosefatu, o tupu o Iuta; ma Natapu, ma Paasa, o tupu o Isaraelu.

O LE sefulu ma le valu o tausaga o le tupu o Ierepoamo le atalii o Nepata, na fai ai Aviama ma tupu o Iuta. E tolu tausaga na fai ai o ia ma tupu i Ierusalemā. O le igoa o lona tinā o Maaka le afafine o Apisalomā. Na savali o ia i agasala uma a lona tamā na ia faia e muamua ia te ia; ua le atoatoa lona

- loto ia Ieova lona Atua, e pei o le
 4 loto o lona tamā o Tavita. A e
 peitai ona o Tavita ua foaiina e
 Ieova lona Atua ia te ia o le lamepa
 i Ierusalemā, i le faatuina o lona
 atalii ina ua mavae atu o ia, ma le
 5 faatumauina o Ierusalemā. Auā na
 faia e Tavita o mea e tusa i luma o
 Ieova, na ia le liliu ese i se mea e
 tasi na ia fetalai mai ai ia te ia, i
 aso uma lava o lona ola, ua na o le
 mea na ia faia ia Uria le sa Heti.
 6 Ua utu tau Reopoamo ma Ierepo-
 7 amo i tausaga uma o lona ola. O
 toe o mea na faia e Aviama, ma mea
 uma na ia faia, e lei tusia ea i le
 tusi o tala i nofoaiga a tupu o Iuta?
 Na utu tau foi Aviama ma Ierepo-
 8 amo. Ua taoto Aviama faatasi ma
 ona tamā, ua latou tanu foi ia te ia
 i le aai a Tavita; ona soloai ane lea
 o Asa lona atalii e fai ma tupu.
 9 O le lua sefulu o tausaga o Iere-
 poamo le tupu o Isaraelu na fai ai
 10 Asa ma tupu o Iuta. E fagafulu
 ma le tasi o tausaga na fai ai o ia
 ma tupu i Ierusalemā. O le igoa
 foi o lona tinā o Maaka le afafine o
 11 Apisaloma. Ua amiotonu foi Asa i
 luma o Ieova, e pei o Tavita lona
 12 tamā. Ua ave ese e ia tagata faa-
 sotoma i le nuu, ma na aveesea
 13 tupua uma na faia e ona tamā. O
 Maaka foi lona tinā, ua ia aveesea o
 ia ia le fai o ia ma sa'o tamaitai, auā
 na ia faia le tupua o Asaira; ua ta i
 lalo e Asa o lana tupua, ma susunu-
 14 ina i le alia o Ketaronō. A e lei
 aveesea o mea mauualuluga; a o le
 loto o Asa na atoatoa lea ia Ieova i
 15 ona aso uma. Ua au mai foi e ia i
 le fale o Ieova o mea na faasaina e
 lona tamā, ma mea foi na faasaina
 e ia, o ario, ma auro, ma ipu.
 16 Na utu tau Asa ma Paasa le tupu
 17 o Isaraelu i o la aso uma. Ona alu
 ae ai lea o Paasa le tupu o Isaraelu
 i Iuta, ua ia faia foi Rama, ina ia le
 mafai ai se tasi ona sau pe alu atu
 18 ia Asa le tupu o Iuta. Ona ave lea
 e Asa o le ario ma le auro uma ua
 totoe i oloa o le fale o Ieova, ma
 oloa o le fale o le tupu, ua avatu ai
 i lima o ana auaua; ua avatua foi
 e le tupu o Asa ia Peniata le atalii
 o Taperimoni le atalii o Hesiona, le
 tupu o Suria, o le sa nofo i Tama-
 seko, ua faapea atu, O loo ia te i 19
 taua le feagaiga ma oe, o lo'u tamā
 foi ma lou tamā; faauta, ua ou
 avatu ia te oe mea alofa, o ario ma
 auro; ina e maliu mai ia, ma tatala
 la oulva feagaiga ma Paasa le tupu
 o Isaraelu, ina ia alu ese ia ia te au.
 Ona faalogo lea o Peniata i le tupu 20
 o Asa, ma ia auuina atu i aai o Isa-
 raelu o e ave'a 'au sa ia te ia, ma na
 fafasi i Iono, ma Tanu, ma Apela
 Petemaaka, ma Kinereta uma, i le
 ma le nuu uma o Nafatali. Ua faa- 21
 logo ai Paasa, ona tuua lea e ia ona
 fai o Rama; ua nofo foi o ia i
 Tiresa. Ona tala'i atu ai lea e le 22
 tupu o Asa ia Iuta uma, ua le tuu
 sa'oloto se toatasi; ona latou ave
 ese lea o maa o Rama ma ona laau
 na fai ai le galuega e Paasa, a ua fai
 a'i e le tupu o Asa o Kipea i Penia- 23
 mina, ma Mesepa. O toe o mea
 uma na faia e Asa, ma lona fitafita
 uma ma mea uma na ia faia, ma aai
 na ia faia, ua le tusia ea ia i le tusi
 o tala i nofoaiga a tupu o Iuta? A 24
 ua oo ina toeaina, ona ma'i ai lea o
 ia i ona vae. Ua taoto Asa faatasi
 ma ona tamā, ua tanumia foi o ia
 faatasi ma ona tamā i le aai a Ta-
 vita lona tama; ona soloai ane lea o
 Iosefatu lona atalii e fai ma tupu.
 O le lua o tausaga o Asa le tupu 25
 o Iuta, na fai ai Natapu le atalii o
 Ierepoamo ma tupu o Isaraelu, e
 lua tausaga na fai ai o ia ma tupu
 ia Isaraelu. Ua amio leaga foi o ia 26
 i luma o Ieova, ua ia savali foi i le
 ala o lona tamā ma lana agasala na
 ia faatupuina ai le agasala ia Isara-
 elu. Ua foua o ia e Paasa le atalii 27
 o Akia o le aiga o Isakara; ua fasia
 foi o ia e Paasa i Kipetonu o le aai
 a Filisitia; auā na vagaia Kipetonu
 e Natapu ma Isaraelu uma. Ua 28
 fasiotia o ia e Paasa i le tolu o tau-
 saga o Asa le tupu o Iuta; ua fai
 foi o ia ma tupu e sui a'i o ia. Ua 29
 fai o ia ma tupu, ona ia fasiotia lea
 o le aiga uma o Ierepoamo; ua ia le
 faatoeina se tasi tagata ola ia Iere-
 poama, a ua faaumatia lava, e tusa
 ma le afioga a Ieova na ia fetalai
 mai ai na aumaia e lana auaua o
 Akia o le Sailo, ona o agasala a Iere- 30
 poamo na ia faia, ma agasala foi a
 Isaraelu na ia faatupuina i lona faa-

onoono na ia faaonoono ai ia Ieova
 31 le Atua o Isaraelu. O toe o mea
 na faia e Natapu, ma mea uma na ia
 faia, e lei tusia ea ia i le tusi o tala
 32 i nofoaiga a tupu o Isaraelu? Na
 utu tau Asa ma Paasa le tupu o
 33 Isaraelu i o la aso uma. O le tolu
 o tausaga o Asa le tupu o Iuta ua
 fai ai Paasa le atalii o Akia ma tupu
 o Isaraelu uma i Tiresa; e lua sefulu
 ma le fa tausaga o *lana nofoaiga*.
 34 Ua amio leaga ia i luma o Ieova, ua
 ia savali foi i le ala o Ierepoamo, ma
 lana agasala na ia faatupuina ai le
 agasala ia Isaraelu.

*O tala ia Paasa, ma Ele, ma Semeri,
 ma Omeri ma Tipeni, ma Aapo.*

16 ONA tūlei mai lea o le afioga a
 Ieova ia Ieu le atalii o Hanani ia
 2 Paasa, ua faapea mai, Na ou faa-
 eaina oe mai le elelele, ma ou tofia
 oe e fai ma ta'ita'i i lo'u nuu o
 Isaraelu; a ua e savali i le ala o
 Ierepoamo, ma ua e faatupu ai le
 agasala i lo'u nuu o Isaraelu, e faa-
 onoono mai ai ia te au i a latou
 3 agasala. Faauta, o le mea lea ou te
 ave ese ai le gafa o Paasa, ma le
 gafa o lona aiga; ou te faia foi lou
 aiga ia pei o le aiga o Ierepoamo le
 4 atalii o Nepata. O so sa Paasā e
 oti i le aai e 'aina lea e uli; o sona
 tagata e oti i le vao e 'aina lea e
 5 manu felelei. O toe o mea *na faia* e
 Paasa, ma mea na ia faia, ma lona
 fitafita, e lei tusia ea ia i le tusi o
 tala i nofoaiga a tupu o Isaraelu.
 6 Ona taoto ai lea o Paasa faatasi ma
 ona tamā, ua tanumia foi o ia i
 Tiresa; ona soloai ane lea o Ele
 7 lona atalii e fai ma tupu. O Ieu foi
 le perofeta, o le atalii o Hanani, na
 oo mai ai le afioga a Ieova ia Paasa
 ma lona aiga; ona o mea leaga uma
 na ia faia i luma o Ieova, i *lona*
 faaonoono atu ia te ia i galuega a
 ona lima, ina ua faapei o le aiga o
 Ierepoamo o ia; ina ua na fasioti
 foi ia te ia.

8 O le luafulu ma le ono o tausaga
 o Asa le tupu o Iuta na fai ai Ele le
 atalii o Paasa ma tupu i Isaraelu i
 9 Tiresa, i tausaga e lua. Na foua foi
 o ia e lana auauna o Semeri, o lē
 pule i le vaeluagalemu o ona kariota,
 a o i Tiresa o ia o inu ia ia onā i le

fale o Arasa o le na pule i *lona* aiga
 i Tiresa. Ua ulufale atu Semeri, ma 10
 na taia, ma fasioti ia te ia, i le lua-
 fulu ma le fitu o tausaga o Asa le
 tupu o Iuta; ona fai ai lea o ia ma
 tupu e sui a'i o ia.

Ua fai o ia ma tupu, ma ua tietie 11
 o ia i lona nofoalii, ona fasiotia lea e
 ia o le aiga uma o Paasa; ua ia le
 faatoeina ia te ia se tulai atu i se
 aupā, po o sona aiga, po o sana uo.
 Ua faaumatia lava e Semeri le aiga 12
 o Paasa, e tusa ma le afioga a Ieova
 ua ia fetalai mai ai ia Paasa na
 aumaia e Ieu le perofeta, ona o 13
 agasala uma a Paasa, ma agasala a
 Ele lona atalii na la agasala ai, ma
 faatupuina ai le agasala ia Isaraelu,
 i lo latou faaonoono ia Ieova le
 Atua o Isaraelu i a latou mea faa-
 tauvaa. O toe o mea *na faia* e Ele, 14
 ma mea uma na ia faia, e lei tusia
 ea ia i le tusi o tala i nofoaiga a
 tupu o Isaraelu?

O le luafulu ma le fitu o tausaga 15
 o Asa le tupu o Iuta na fai ai
 Semeri ma tupu i aso e fitu i
 Tiresa. Ua sii le taua e le nuu i
 Kipetonu, o le aai o Filisitia lea.
 Ua faalogō foi le nuu i le toagā- 16
 lauapi i le tala, Ua fouvale Semeri,
 ua fasiotia foi e ia le tupu; ona
 tofia ai lea e Isaraelu uma o Omeri,
 o le pule i 'au, e fai ma tupu o
 Isaraelu i lea aso i le toagālauapi.
 Ona o ae ai lea o Omeri ma Isaraelu 17
 uma faatasi ma ia ai Kipetonu, ma
 latou vagaia Tiresa. Ua iloa foi e 18
 Semeri ua maua le aai; ona alu lea
 o ia i le 'olo i le fale o le tupu, ma
 na faamuina le fale o le tupu i le an
 i ona luga, ua oti ai o ia, ona o ana 19
 agasala na ia agasala ai i lona fai
 mea leaga i luma o Ieova, ma lona
 savali i le ala o Ierepoamo, ma lana
 agasala na ia faia e faaagasala ia
 Isaraelu. O toe o mea na faia e 20
 Semeri, ma lona fouvale na ia fou-
 vale ai, a lei tusia ea ia i le tusi o
 tala i nofoaiga a tupu o Isaraelu?

Ona vaeluaina lea o le nuu o Isa- 21
 raelu; ua mulimuli atu le tasi vaega
 o le nuu ia Tipeni le atalii o Kinati
 e fai o ia mo *latou* tupu; a e muli-
 muli atu le isi vaega ia Omeri. A 22
 ua manumalo le nuu na mulimuli
 atu ia Omeri, i le nuu na mulimuli

- atu ia Tipeni le atalii o Kinati; ona oti lea o Tipeni, a e fai Omeri ma tupu.
- 23 O le tolu sefulu ma le tasi o tausaga o Asa le tupu o Iuta, na fai ai Omeri ma tupu o Isaraelu; e sefulu ma le lua tausaga o *lana nofoaiga*; e ono tausaga na fai ai o ia
- 24 ma tupu i Tiresa. Na faatau e ia le mauga o Samaria mai ia Semeri i ario e lua taleni; ua faia foi e ia *le aai* i le mauga, na faaigoa foi e ia le aai ua ia faia i le igoa o Semeri, o le alii e ona le mauga, o Samaria.
- 25 A ua amio leaga Omeri i luma o Ieova; ua sili ona leaga o ia ia te i latou uma na muamua ia te ia.
- 26 Auā na ia savali i le ala uma o Ierepoamo le atalii o Nepata, ma lana agasala na ia faatupu ai le agasala ia Isaraelu i *lo latou* faanoono atu ia Ieova le Atua o Isaraelu i a latou mea faatauva. O
- 27 toe o mea na faia e Omeri, ma lona fitafita sa fai, e lei tusia ea ia i le tusi o tala i nofoaiga a tupu o Isaraelu? Ona taoto lea o Omeri faatausia ma ona tamā, ua tanumia foi o ia i Samaria; ona soloai ane lea o Aapo lona atalii e fai ma tupu.
- 29 O le tolu o sefulu ma le valu o tausaga o Asa le tupu o Iuta na fai ai Aapo le atalii o Omeri ma tupu o Isaraelu; ua fai foi Aapo le atalii o Omeri ma tupu o Isaraelu i Samaria
- 30 i tausaga e luafulu ma le lua. Ua sili ona amio leaga o Aapo le atalii o Omeri i luma o Ieova ia te i latou
- 31 uma na muamua ia te ia. Ua se mea māmā ia te ia ona savali i agasala a Ierepoamo le atalii o Nepata, a ua ia fai avā ia Iesepela le afafine o Etepaala le tupu o sa Saitonū, ua alu foi o ia, ma auaina ia Paala, ma
- 32 ifo i ai. Ua ia faatu foi le fata faitaulaga ia Paala i le fale o Paala
- 33 na ia faia i Samaria. Ua faia foi e Aapo le tupua o Asaira; ua sili lava mea na faia e Aapo e faanoono ai ia Ieova le Atua o Isaraelu i tupu uma o Isaraelu na muamua ia te ia.
- 34 O lana nofoaiga na fai ai Ieriko e Ieli le Peteli; na faavaeina e ia ia Apiramo lana ulumatua, na faatuina foi e ia ona puipui ia Sekupo lana uii, e tusa ma le afoga a Ieova na ia fetalai mai ai na aumaia e Iosua le atalii o Nuno.

O le valoaga a Elia o le a lē ua. O le faaina o Elia e oreva.

UA fai atu Elia le Tisepi, o so **le 17**
nuu e nonofo i Kiliata, ia Aapo, O loo soifua Ieova le Atua o Isaraelu, o ia ou te tu ai i ona luma, e leai se sau po o se timu i nisi tausaga se'i iloga ou fai atu. Ua oo mai foi le

2 afoga a Ieova ia te ia, ua faapea mai, Tuu ia lenei mea, ma e liliu ane i le itu i sasae, ma e lafi i le alia o Kirita, e feagai ma Ioritana. E te

4 inu foi i le alia; ua ou fai atu foi i oreva latou te fafaga ia te oe i lea mea. Ona alu ai lea o ia, ma na faia

5 e tusa ma le afoga a Ieova; ua alu o ia, ma nofo i le alia o Kirita, e feagai ma Ioritana. Na au mai foi e

6 oreva ia te ia o areto ma aano o manu i le taeao; o areto foi ma aano o manu i le afafi; ua ia inu

7 foi i le alia. Ua mavae nisi aso, ona mate ai lea o le alia, auā sa leai ni ua i le nuu.

Ona oo mai ai lea o le afoga a

8 Ieova ia te ia, ua faapea mai, Tulai ia oe, ma e alu i Sarefata, *o le aai* o Saitonu, ma e nofo ai; faauta, ua

9 ou fai atu i le fafine o i ai ua oti lana tane, na te fafaga ia te oe. Ona tulai lea o ia, ma alu i Sare-

10 fata; ua oo ia i le faitotoa o le aai, faauta, ua i ai le fafine ua oti lana tane, o loo fai fafie; ona valaau lea

11 o ia ia te ia, ua faapea atu, Se'i e au mai sina vai itiiti i se ipu, so'u inu ai. Ua alu o ia e au mai ai, ona toe

12 valaau ai lea o ia ia te ia, ua faapea atu, Se'i e au mai i lou lima se fāsi areto ma'u. Ona tali mai lea o ia, O loo soifua Ieova loto Atua, e leai se

13 potoi areto ia te au; ua na o le luntaga o falaoa i le kate, ma sina suāuu itiiti i le fagu; faauta, ua ou

14 fai nei ni fafie se lua, ina ia ou alu, ma ou tunu ai mā maua ma si a'u tama tane, ma te aai ai, ona ma oti lea. Ona fai atu lea o Elia ia te ia,

15 Aua e te fefe; alu ia, ina e faia le mea na e fai mai ai; a e muamua ona e fai se potoi areto itiiti ma'u, ma au mai ai ia te au; e mulimuli ane ona e faia lea mā oulua ma lau

16 tama tane. Auā ua faapea ona fetalai mai o Ieova le Atua o Isaraelu, E le uma le kate falaoa, e le

faaitiitia le suāu i le fagu, seia oo i le aso e foaiina mai ai e Ieova le ua
 15 i le laueleele. Ona alu lea o ia, ua ia faia e tusa ma le upu a Elia; ua latou aai ai, o ia, ma *Elia*, ma lona
 16 aiga, ua *tele* aso. Sa le uma le falaoa i le kate, sa le faaitiitia foi le suāu i le fagu, e tusa ma le afiga a Ieova na fai atu ai Elia.

17 Ua mavae ia mea, ona ma'i ai lea o le tama tane a le fafine, o le matai o le aiga; sa tele lava lona ma'i, ua iu ai ina le toe se mānava ia te ia.

18 Ona fai atu lea o ia ia Elia, Le tagata o le Atua e, se a ea lau na ia te au? ua e māliu mai ea e faamanatu mai i a'u agasala, ma faaoo

19 le oti i la'u tama? Ona fai atu lea o ia ia te ia, Ina aumaia lau tama ia te au; ona au mai lea o ia ia te ia mai lona fatafata, ua ia avae ia te ia i le afeafe sa nofo ai o ia, na ia faataoto foi ia te ia i lona moega.

20 Ona alaga lea o ia ia Ieova, ua faapea atu, Ieova e, lo'u Atua, ua e faaoo ea le leaga i le fafine ua oti lana tane, o lē ou te aumau ai, ina

21 ua faaoo le oti i lana tama? Ona faō faatolu lea o ia i luga o le tama, ma alaga atu ia Ieova, ua faapea atu, Ieova e, lo'u Atua, ia e faafoisia mai le agaga o lenei tama i

22 totonu ia te ia. Ona faafofoga mai lea o Ieova i le leo o Elia; ua toe foi mai ai le agaga o le tama i totonu ia te ia, ona ola ai lea o ia.

23 Ona sii lea e Elia o le tama, ma ave ifo ia te ia i le fale ai le afeafe, ma tuu atu ia te ia i lona tinā; ua fai atu foi Elia ia te ia, Faauta mai, ua

24 ala lau tama. Ona fai mai lea o le fafine ia Elia, O lenei, ua ou iloa i lenei mea o le tagata o le Atua oe; o le afiga foi a Ieova ua oo mai i lou fofoga e moni lea.

O taulaga na faia e Elia ma perofeta a Paala, e iloa ai le Atua moni.

18 UA mavae aso e tele, ona oo mai ai lea o le afiga a Ieova ia Elia i le tolu o tausaga, ua faapea mai, Ina ala ia oe, ma faaali oe ia Aapo, ou te faatotōina foi le ua i le laueleele.

2 Ona alu ai lea o Elia e faaali o ia ia Aapo; sa matuā velavela le oge i Samaria.

3 Na valaau foi Aapo ia Opetaiā, o

lē pule i lona aiga. (Sa matuā mata'u Opetaiā ia Ieova; auā na 4
 fasiotia e Iesepela o perofeta a Ieova, ona ave lea e Opetaiā o perofeta e toaselau, ma nanā ia te i latou e taitoalimagafulu i ana, na ia fafaga foi ia te i latou i areto ma vai.) Ua fai atu Aapo ia Opetaiā, 5
 Ina alu ia oe i le nuu i vaipuna uma, atoa foi ma alia uma; pe tatou te maua ni mutia e faaolaina ai solofanua, ma falata, ina ne'i mau-mau manu uma. Ona vaeluaina lea 6
 e i laua o le nuu, ina ia la feoi ai; ua alu Aapo i le tasi ala na o ia, a ua alu Opetaiā i le isi ala na o ia.

Ua i ai i le ala Opetaiā, faauta, 7
 ua la fetaiāi ma Elia; ua iloa o ia e ia ona faapaūfao ai lea o ia, ua faapea mai, O oe ea le alii o Elia?

Ona tali atu lea o ia, O a'u lava lea. 8
 Alu ia oe, ma e fai atu i lou alii, Faauta, o Elia. Ona fai mai lea o 9
 ia, Se a ea se mea ua ou agasala ai, ina a e tuuina atu ai lau auauna i le lima o Aapo, ia fasiotia ai a'u?

O loo soifua Ieova lou Atua, e lei 10
 se nuu po o se malo e lei oo i ai le feau a lo'u alii e sailiili ia te oe; a latou tali mai ai, E le i ai, ona ia

fai atu lea, e tauto lea malo ma lea nuu, ua latou le maua oe. O lenei, 11
 ua e fetalai mai, Alu ia oe ma e fai atu i lou alii, Faauta, o Elia. A a'u 12
 alu ese ia te oe, ona ave lea o oe e le Agaga o Ieova i se mea ou te le iloa; pe a ou alu, ma ta'u atu ia

Aapo, a e le maua mai oe e ia, ona fasiotia lea o a'u e ia; a o loo mata'u lau auauna ia Ieova talu ina 13
 ou ititi. Pe na le ta'uina atu ea i lo'u alii le mea na ou faia ina ua

fasiotia e Iesepela o perofeta a Ieova; na ou natia perofeta a Ieova, o tagata e toaselau, e taitoalimagafulu i ana, na ou fafaga foi 14
 ia te i latou i areto ma vai? O lenei foi, ua e fetalai mai, Alu ia

oe, ma e fai atu i lou alii, Faauta, o Elia; ona fasiotia lea o a'u e ia. Ona fai atu lea o Elia, O loo soifua, 15
 Ieova o 'au, o ia ou te tu ai i ona luma, ou te faaali lava a'u ia te ia i le aso nei. Ona alu ai lea o Opetaiā 16
 e faafetaiai ia Aapo, ma ta'u atu ai ia te ia; ona sau ai lea o Aapo e faafetaiai ia Elia.

- 17 Ua iloa atu e Aapo ia Elia, ona
fai atu lea o Aapo ia te ia, O oe ea
18 o lē faatiga ia Isaraelu? Ona tali
mai lea o ia, E le o a'u lē faatiga ia
Isaraelu, a o oe ma le aiga o lou
tamā; auā ua outou tuua o polo-
aiga a Ieova, ma outou mulimuli
19 atu ia Paala. O lenei, ina feau atu
ia, *ma* faapotopoto mai ia te au i le
mauga o Karamelu o Isaraelu uma,
ma perofeta a Paala e fa selau ma
le lima o sefulu, ma perofeta a
Asaira e fa selau, o e aai i le laulau
20 a Iesepela. Ona feauina atu lea e
Aapo i le fanauga uma a Isaraelu,
ua ia faapotopoto foi le au perofeta
i le mauga o Karamelu.
- 21 Ona faalatalata atu lea o Elia i le
nuu uma, ua faapea atu, Pe tou te
faaletonu i manatu e lua seia afea?
Afai o Ieova o le Atua ia, ia outou
mulimuli atu ia te ia; a e afai o
Paala, ia outou mulimuli atu ia te
ia. A e le tali mai le nuu ia te ia i
22 se upu. Ona fai atu lea o Elia i le
nuu, Ua na o a'u ua toe i perofeta
a Ieova; a o perofeta a Paala, e fa
selau ma le toalinagafulu i latou.
- 23 Ia latou au mai ia te i matou o povi
e lua; ona filifilia lea e i latou se
tasi povi mo i latou, ma latou pena,
ma faaee ai i luga o fafie, a e aua le
avane *ai* le afi; ou te saunia foi le
tasi povi, ma faaee ai i luga o fafie,
24 a ou te le avane *ai* le afi. Ona
valaau atu lea outou i le igoa o
outou atua; ou te valaau atu foi i
le suafa o Ieova. O le Atua na te
tali mai i le afi, o le Atua lea. Ona
tali mai lea o le nuu uma, ua faa-
25 pea mai, Ua lelei lau upu. Ona fai
atu lea o Elia i perofeta a Paala,
Ina filifili ia se povi mo outou, ma
ia muamua ona sauni ai e outou,
auā e toatele outou; ia outou vala-
lau atu foi i le igoa o outou atua,
a e aua le avane *ai* le afi. Ona
26 latou avea lea o le povi na tuuina
atu ia te i latou, ua latou saunia
foi, ma latou valaau atu i le igoa o
Paala, na amata i le taeao ua oo i
le tutonu o le la, ua faapea atu,
Paala e, ia e faafogafoga mai ia te
i matou. A ua leai se leo; e leai se
na tali mai. Ona latou feosofi lea i
27 le fata faitaulaga na latou faia. Ua
oo i le tutonu o le la, ona tauemu
- atu lea o Elia ia te i latou, ua ia
faapea atu, Ina valaau atu ia, ia leo
tele; auā o le atua ia; po ua tau-
tala ia, po ua alu ese, po ua alu i se
malaga; ai lava ua moe ia, e tatau
ona fagufagu atu *ia te ia*. Ona 28
latou valaau atu lea ua leo tele, ma
latou selei ia te i latou i polo ma
tui, e tusa ma la latou tu, ua oo ina
faamaligiina ifo le toto ia te i latou.
Ua mavae le tutonu o le la, ona 29
latou perofeta ane lea ua oo i le itu
la e fai ai le taulaga *afiasi*, a ua leai
se leo, e leai se na tali mai, pe faa-
logo mai. Ona fai atu lea o Elia i 30
le nuu uma, Ina faalatalata mai ia
ia te au. Ona faalatalata atu lea o
le nuu uma ia te ia, ona toe teu lea
e ia o le fata faitaulaga o Ieova sa
sōloia i lalo. Ona ave lea e Elia o 31
maa e sefulu ma le lua, e tusa ma
le faitauina o itu aiga o atalii o
Iakopo, o le na oo i ai le afioga a
Ieova, na faapea, E igoa oe ia Isa-
raelu. Ona faia lea e ia i ia maa o 32
le fata faitaulaga i le suafa o Ieova;
ua faia foi e ia le utu ua soo ai le
fata faitaulaga; o lona tele ua tusa
ma sea e lua o fua. Ona faaafu lea 33
e ia o fafie, ma pena le povi, ma
faaee ai i luga o fafie; ona fai atu
lea o ia, Ina faatumu mai ia o kate
e fa i le vai, ma sasaa ai i luga o le
taulaga mu, ma luga o fafie. Ua ia 34
fai atu foi, Ina foi faalua mai ia.
Ona latou foi faalua mai ai lea. Ua
ia fai atu foi, Ina foi faatolu mai ia.
Ona latou foi faatolu mai ai lea. 35
Ua tafe le vai ua soo ai le fata fai-
taulaga; ua tumu foi le utu i le vai.
Ua oo i le itu *la* e fai ai le taulaga 36
afiasi, ona faalatalata atu ai lea o
Elia le perofeta, ua faapea atu,
Ieova e, le Atua o Aperaamo, ma
Isaako, ma Isaraelu, ia faailoa i
lenei aso, o oe o le Atua i Isaraelu,
o a'u foi o lau auauna, ma ua ou
faia o nei mea uma e tusa ma lau
afioga. Ia e faafogofoga mai ia te au, 37
Ieova e, ia e faafogofoga mai ia te au,
ina ia iloa e le nuu nei o oe o Ieova
o le Atua, ma ua e faaliliuina mai o
latou loto. Ona pā ifo lea o le afi 38
a Ieova, ma faaumatia ai le taulaga
mu, ma fafie, ma maa, ma le eleele
ua mitia ai foi le vai sa i le utu.
Ua iloa e le nuu uma, ona faapauu- 39

- fao ai lea o i latou, ua faapea, O Ieova, o le Atua ia; o Ieova o le
- 40 Atua ia! Ona fai atu lea o Elia ia te i latou, Ia outou pupue i perofeta a Paala; aua ne'i sao atu so latou. Ona latou pupue lea ia te i latou; ua ave ifo foi e Elia ia te i latou i le alia o Kisona, ma na fasioti ia te i latou i lea mea.
- 41 Ona fai atu lea o Elia ia Aapo, Ina malii ae ia oe, ia e taumafa ma inu; auā o le taalili o le ua tele.
- 42 Ona alu ae ai lea o Aapo e 'ai ma inu; ua alu ae foi Elia i le tumutumu o Karamelu, ua ia ifo ai i le eleele, ma tuu ona mata i le va o
- 43 ona tulivae. Ua fai atu ia i lana auaua, Ia e alu ae, ma vaavaai i tai. Ona alu ae lea o ia, ma ia vaavaai, ua faapea mai, E leai se mea. Ona fai atu lea o ia, Ina foi faafitu
- 44 atu ia. Ua oo i lona foi faafitu, ona ia fai mai lea, Faauta, ua alu ae i le sami si ao itiiti e pei o se alofilima o se tagata. Ona fai atu lea o ia, Ina alu ae ia, ma e fai atu ia Aapo, Ina sauni ia *lou nofoa faataavalevale*, ma e malii ifo, ne'i taofia
- 45 oe i le uaga. O loo fai foi ia mea, ua faamalumalu ifo le lagi i ao ma le savili; ua tele lava le timu. Ua tietie Aapo i le *nofoa faataavalevale*, ma alu i Isereelu. Sa ia Elia le aao o Ieova; ona fusi ai lea o ia i lona sulugatiti, ma tamoe i luma o Aapo, ua oo i le mea e ui atu ai i Isereelu.
- O le ita o Iesepela ia Elia. Ua toe oo le afioga a Ieova ia Elia.*
- 19 UA faamatala atu e Aapo ia Iesepela o mea uma na faia e Elia, atoa uma ma lona fasioti i perofeta
- 2 uma i le pelu. Ona auina atu lea e Iesepela o le avefeau ia Elia, ua faapea atu, Ia faapea ona fai e atua *ia te au*, ma ia faapoopo i ai, pe afai ou te lē faatatau lou ola ma le ola o so latou, i le itu la faapenei taeao.
- 3 Ua iloa e ia, ona tulai lea o ia ua tili ola, ua oo o ia i Peresepa i Iuta, ua
- 4 tuua e ia lana auaua i lea mea. A ua alu o ia i le vao, o le savalliga o le aso e tasi, ona oo ai lea o ia, ma nofo i lalo o le ratami; ua ia faatoga atu ia oti o ia, ua faapea atu, Ieova e, soia; ia e ave ese lou ola,
- auā e le sili ona lelei o a'u i o'u tamā. Ua taoto ia, ua moe i lalo
- 5 ifo o le ratami, faauta mai, o le agelu ua pai mai ia te ia, ma fai mai ia te ia, Ina tu ia i luga, ina 'ai. Ona vaai atu lea o ia, faauta, sa i
- 6 ona ulu le pototi areto ua tunu i maa aasa, ma le ipu vai. Ona 'ai lea o ia ma inu; ona toe taoto lea o ia. Ona foi faalua mai lea o le agelu a
- 7 Ieova, ma pai mai ia te ia, ma fai mai, Ina tu ia i luga, ina 'ai auā e mamao le ala. Ona tu lea o ia i
- 8 luga, ua 'ai ma inu; ona alu lea o ia i le malosi ona o lea mea na 'ai e fagafulu o ao ma le fagafulu o po, ua oo lava i Horepa o le mauga o le Atua.
- Ua oo i ai o ia i le ana, ua ia nofo
- 9 ai; faauta foi, ua oo mai ia te ia le afioga a Ieova, ua faapea mai ia te ia, Elia e, se a lau mea e fai iina? Ona fai atu lea o ia, Ua ou matua
- 10 maelega a'u ona o Ieova le Atua o 'au, auā ua tuua e le fanauga a Israelu lau feagaiga, ua latou sōloia i lalo ou fata faitaulaga, ua fasiotia foi e i latou au perofeta i le pelu, ua toe na o a'u lava; ua latou fia fasioti foi ia te au. Ona fetalai mai
- 11 lea o ia, Ina alu ia oe i fafo, ma e tu i le mauga i luma o Ieova. Faauta mai, ua afio aue Ieova; o le matagi tetele foi ma le malosi ua lepetia ai mauga, ma momomo ai papa i luma o Ieova; e lei i ai Ieova i le matagi; ua mulimuli i le matagi o le mafuie; e lei i ai Ieova i le mafuie; e muli-
- 12 muli i le mafuie o le afi; e lei i ai Ieova i le afi; e mulimuli i le afi o le leo filemu ma le itiiti. Ua faa-
- 13 logo ai Elia, ona ufufu ai lea e ia o ona mata i lona ofu tele, ma alu i fafo, ma tu i le gutu o le ana; faauta, ua oo mai ia te ia le leo, ua faapea mai, Elia e, se a lau mea e fai iina? Ona fai atu ai lea o ia,
- 14 Ua ou matua maelega a'u ona o Ieova le Atua o 'au; auā ua tuua e le fanauga a Israelu lau feagaiga, ua latou sōloia i lalo ou fata faitaulaga, ua fasiotia foi e i latou au perofeta i le pelu, ua toe na o a'u lava, ua latou fia fasioti foi ia te au. Ona fetalai mai lea o Ieova ia te ia,
- 15 Ina alu ia oe, ma toe foi i lou ala i le vao o Tamaseko; pe a e oo foi i

ai, ia e faauuina Asaeli e fai ma
16 tupu o Suria; ma Ieu le atalii o
Nimese, e te faauuina e fai ma tupu
ia Isaraelu; ma Elisaia le atalii o
Safata o le Apelemeola, e te faa-
uina e fai ma perofeta e sui a'i oe.
17 O se sao i le pelu a Asaeli, e fasi-
otia lea e Ieu; o se sao i le pelu a
18 Ieu, e fasiotia lea e Elisaia. A ua
ou faatoe ia te au i Isaraelu, e toa-
fitu afe, o i latou uma o e ua le too-
tuli ia Paala, o i latou uma foi o e
ua le sogi ia te ia.

19 Ona alu lea o ia nai lea mea; ua
maua foi e ia o Elisaia le atalii o
Safata, o loo suatia le elelee ma
povi, a e tuliloa ia Elia, ua fai atu
ai, Ina tuu mai ia ia te au se'i ma-
tou feasogi ma lo'u tamā ma lo'u
tinā, ona ou mulimuli atu ai lea ia
te oe. Ona fai atu lea o ia ia te ia,
Ina alu ia oe, ina foi atu ia; auā se
21 a se mea ua ou faia ia te oe? Ona
toe foi lea o ia nai ia te ia; ua ave
foi e ia o povi e lua, ma ia fasia; ua
tunu foi e ia o la tino i mea na
galue a'i povi, ma avatu ai i le nuu,
ua latou aai ai. Ona tulai lea o ia,
ma alu e mulimuli atu ia Elia, ua ia
auauna foi ia te ia.

O le taua a Suria ma Isaraelu.

20 UA faapotopotoina e Peniata le
tupu o Suria o ana 'au uma; sa ia
te ia o tupu e tolugafulu ma le lua,
ma 'au e tietie i solofanua, ma kari-
ota; ua alu ae o ia, ma vagaia Sa-
2 maria, ma tau ai le taua. Ua auina
mai e ia le sāvali i le aai ia Aapo le
3 tupu o Isaraelu, ua faapea mai ia te
ia, O loo faapea ona fai mai o Peni-
ata, O lau ario ma lau auro, o a'u
ia; o au avā foi, ma au fanau, o e
4 ua sili ona lelei, o a'u ia. Ona tali
atu lea o le tupu o Isaraelu, ua faa-
pea atu, Le alii e, le tupu, o a'u nei,
ma a'u mea uma o au ia, e pei ona e
5 fetalai mai ai. Ua toe foi mai le
sāvali, ma latou fai mai, O loo faa-
pea ona fetalai mai o Peniata, ua
faapea mai, E ui lava ina alu atu
la'u feau ia te oe, ua faapea, Ia e au

mai ma'u au ario, ma au auro, ma
au avā, ma au fanau; a o le itu la
faapenei taeao, ou te auina atu ai
a'u auuina ia te oe, ina ia latou sue-
sue i lou fale, ma fale o au auuina;
o mea uma foi ua e fiafia i ai, latou
te tago i o latou lima, ma latou
avea. Ona tala'i lea e le tupu o
7 Isaraelu o toecaina uma o le nuu, ma
fai atu, Faauta mai ia, ma ia outou
iloa, o loo sailiili lenei *tagata* i se
mea leaga; auā na auuina mai e ia
nēsi ia te au e ave i a'u avā, ma a'u
fanau, ma a'u ario, ma a'u auro; ua
ou le faafiti atu foi ia te ia. Ona
8 fai mai lea ia te ia o toecaina uma,
ma le nuu uma, Aua e te faafofoga,
pe usiusitai *ia te ia*. Ona fai atu
9 lea o ia i le sāvali a Peniata, Ia
outou faapea atu i lo'u alii le tupu,
O mea uma na e muai fetalai mai
ai i lau auuina ou te faia; a o lenei
mea ou te le mafaia. Ona o lea o
le sāvali, ma latou ave le upu ia te
ia. Ona auuina mai lea *nēsi* e Pe-
10 niata ia te ia, ua ia fai mai, Ia faa-
pea ona fai e atua ia te au, ma ia
faaopoopo i ai, pe afai e lava le efu-
efu o Samaria ia tofū ai ma luutaga
i le nuu uma o e mulimuli ia te au.

Ona tali atu lea o le tupu o Isara-
elu, ua faapea atu, Ina fai atu ia *ia*
te ia, Aua le mitamita le ua fusi ia
te ia i le *ofu tau*, e pei o le na te ta-
talaina. Ua faalogo Peniata i lena
12 upu, a o feinu o ia ma tupu i fale
apitaga; ona fai atu lea o ia i ana
auuina, Ina tofofi ia *le taua*. Ona
latou tofia lea o *le taua* i le aai.

Faauta, na sau le tasi perofeta ia
13 Aapo le tupu o Isaraelu, ua fai mai,
O loo faapea ona fetalai mai o
Ieova, Ua e iloa atu ea lena vao
tagata uma e toatele? Faauta, ou
te tuuina atu i latou i lou lima i le
aso nei; ona e iloa ai lea o a'u o
Ieova. Ona fai atu lea o Aapo, *E* 14
faia ea e ai? Ona fai mai lea o ia,
O loo faapea ona fetalai mai o Ieova,
O taulelea o i alii e *pule* i itu. Ona
fai atu lea o ia, O ai ea na te ama-
taina le taua? Ona fai mai ai lea
o ia, O oe lava. Ona faitau lea e ia 15
o taulelea o i alii e *pule* i itu; e lua
selau ma le tolu sefulu ma le toa-
lua; e mulimuli ane ia te i latou na
faitau e ia o le nuu uma, o le

- fanauga uma a Isaraelu e fitu gaafe.
- 16 Ona o atu lea o i latou i le tutonu o le la. A o Peniata ma tupu, o tupu e toatolugafulu ma le toalua o e fesoasoani ia te ia, sa latou feinu ia
- 17 onā i fale apitaga. Ua muamua atu taulelea o i alii e *pule* i itu. Ona aauina atu lea e Peniata *nisi*, ona latou ta'u mai lea ia te ia, ua faapea mai, Ua o mai tagata mai Samaria.
- 18 Ona fai atu lea o ia, Pe afai o le filemu ua latou o mai ai, ia outou pupue ola ia te i latou; pe afai foi o le taua ua latou o mai ai, ia outou pupue ola ia te i latou. Ua o atu i
- 19 tua o le aai ia taulelea o i alii e *pule* i itu, ma 'au na mulimuli ia te i latou. Ua latou taitasi ma fasioti i lana tagata; ona sosola lea o Suria; ua piituli Isaraelu ia te i latou. Ua sao Peniata le tupu o Suria i le solofanua, faatasi ma e tietie i solofanua.
- 21 Ua alu atu le tupu o Isaraelu, ma fasia solofanua ma kariota; ua ia fasiotia foi Suria i le fasi tele.
- 22 Ona sau lea o le perofeta i le tupu o Isaraelu, ua faapea atu ia te ia, Ina malii atu ia oe, ma e faamalosia, ma e faautauta, ma ia e silafia mea e te faia; auā pe a toe oo i le tausaga, ona sau ai lea o le tupu o Suria e tau ma oe.
- 23 Ua fai atu auauna a le tupu o Suria ia te ia, O atua o mauga o latou atua, o le mea lea na manumalo ai i latou ia te i tatou; a ia tatou tau ma i latou i se mea laugatasi, ai lava tatou te manumalo ai ia te i latou. Ia e faia lenei mea, ia e faateaina tupu taitasi i lona tofi, ma e tofia o e aveā 'au e sui ai i latou. Ia e faitauna foi mo oe o 'au e tusa ma 'au na faaumatia sa ia te oe; ia *suia* le solofanua i le solofanua, ma le kariota i le kariota; ona tatou tau ai lea ma i latou i se mea laugatasi, ai lava tatou te manumalo ai ia te i latou. Ua faalogo o ia i a latou upu, ma fai i ai.
- 26 Ua toe oo i le tausaga, ona faitaulia lea e Peniata o Suria, ua alu ae i
- 27 Afeka e tau ma Isaraelu. Ua faitaulia foi le fanauga a Isaraelu, ma uā latou sauniuni uma lava; ona latou o lea e faafetaiai ia te i latou. Ua to lauapi le fanauga a Isaraelu ua faafeagai ma i latou, e pei o lafu
- 'oti itiiti e lua; a ua tumu le nuu ia Suria.
- Ona sau lea o le tagata o le Atua, 28 ma fai mai i le tupu o Isaraelu, ua faapea mai, O loo faapea ona fetalai mai o Ieova, Ua faapea mai Suria, O le Atua o mauga Ieova, a e le o le Atua o vanu; o le mea lea ou te tuuina atu ai o lena vao tagata uma e toatele i lou lima; ona outou iloa lava lea, o a'u lava o Ieova. E fitu 29 po ua latou to lauapi e faafeagai ai. Ua oo i le aso fitu, ona latou tau ai lea o le taua; ona fasiotia lea e le fanauga a Isaraelu o Suria e selau afe o 'au e savavali, i le aso e tasi. O e na totoe ua sosola i latou i 30 Afeka, i le aai; ua solo i lalo le pa i luga o tagata e luafulu o afe ma afe e fitu o e na totoe. Ua sola Peniata, ua oo i le aai, i le afeafe tuloto.
- Ona fai atu lea o ana auauna ia 31 te ia, Faauta mai ia, ua matou faalogo, o tupu o le aiga o Isaraelu, o tupu alolofa i latou; se'i matou lavalava i le talatala i o matou sulugātiti, ma maea i o matou ulu, matou te o atu foi i le tupu o Isaraelu; atonu na te faasoifua ia te oe. Ona latou fusi lea o ie talatala i o latou sulugātiti, ma maea i o latou ulu, ma latou o atu i le tupu o Isaraelu, ma latou fai atu, O loo fai mai lau auauna o Peniata, Se'i e faaola mai ia te au. Ona fai mai lea o ia, Ua soifua pea ea ia? O lo'u uso ia. Ua faanaunau atu le 33 nuu i se upu mai ia te ia, ma latou vave tao'i i ai; ona latou fai atu lea, O lou uso o Peniata. Ona fai mai lea o ia, Ina o ia, ma au mai ia te ia. Ona sau ai lea o Peniata; ua talia foi o ia e ia i lona kariota. Ona fai mai lea o Peniata ia te ia, O 34 aai na faoa e lo'u tamā nai lou tamā ou te toe avatua; e te fai foi ni ala i Tamaseko mo oe, e pei ona faia e lo'u tamā i Samaria. Ona fai atu lea o Aapo, Ou te tuu atu ia te oe e alu ma la ta feagaiga nei. Ona ia faia lea o le feagaiga ma ia; ona ia tuu atu lea ia te ia e alu.
- O le tasi soo o le au perofeta na 35 fai atu o ia i le afiga a Ieova i le tasi tagata, Ia e ta mai ia te au. A ua le mafai le tagata ona ta ia te ia.

36 Ona fai atu lea o ia ia te ia, Ua e le faalogo i le afiga a Ieova, faauta mai, o le mea lea a ē alu ese ia te au e oti ai oe i le leona. Ua alu ia nai ia te ia, ona maua lea o ia e le leona, ua oti ai o ia. Ua iloa foi e ia le tasi tagata, ona ia fai atu lea ia te ia, Se'i e ta mai ia te au. Ona ta atu lea o le tagata ia te ia, o lana ta foi na manua ai o ia. Ona alu lea o le perofeta, ua tu atu i le tupu i le ala; ua ia faauiagaeseina o ia e ia i le fusi i ona mata. Ua alu ane le tupu, ona valaau atu lea o ia i le tupu, ua faapea atu, Na alu ane lau auauna i totonu o le taua; faauta, ua liliu mai le tasi tagata, ma ia au mai ia te au le tagata, ua fai mai, Ia e leoleo i lenei tagata; afai lava e le iloa o ia, ona suia lea o lona ola i lou ola, pe e te aumaia le taleni o ario. Na faia e lau auauna ana feau i lea mea ma lea mea, ona leai lea o ia. Ona fai atu lea o le tupu o Isaraelu ia te ia, E faapea lau sala, o 40 oe lava ua e faatonuina. Ona ave ese loa lea o le fusi ai ona mata; ona iloa lea e le tupu o Isaraelu, o 42 so le au perofeta o ia. Ona fai atu lea o ia ia te ia, O loo faapea ona fetalai mai o Ieova, Ua e tuu atu e alu le tagata na tofia e a'u ia oti, o le mea lea e suia ai lona ola i lou ola, ma lona nuu i lou nuu. Ona 43 alu atu lea o le tupu o Isaraelu i lona fale ua tiga ma ita; ua oo ia i Samaria.

O le manao o Aapo i le tovine o Napota.

21 UA mavae ia mea. Sa ia Napota le Isereelu le tovine i Isereelu, e latalata ane i le maota o Aapo le tupu o Samaria. Ua fai atu Aapo ia Napota, ua faapea atu, Ina au mai ia o lou tovine mo'u e fai mo'u fanua e totō ai laau'aina, auā e latalata i lo'u fale, a e ou te avatu ia te oe le tovine e sili ona lelei i lena e sui a'i; a e afai e lelei ia te oe, ou te avatu ia te oe lona tau i tupe. 3 Ona tali mai lea o Napota ia Aapo, Ia faamamāo e Ieova ia te au ona ou avatu ia te oe le tofi o o'u tamā. 4 Ona alu lea o Aapo i lona fale, ua tiga ma ita, auā o le upu ua fai mai ai Napota le Isereelu ia te ia, ua

faapea mai, Ou te le avatu ia te oe le tofi o o'u tamā. Ona taoto lea o ia i lona moega, ma faasaga ese ona mata, e lei 'ai foi o ia. Ona sau lea 5 ia te ia o Iesepela lana avā, ma na fai mai ia te ia, Pe se a le mea ua tiga ai lou finagalo, ma e le taumafa ai se mea? Ona fai atu lea o ia ia te ia, Auā na ou fai atu ia Napota le Isereelu, ua ou faapea atu i ai, Ina au mai ia mo'u lou tovine i tupe; a e afai e lelei ia te oe ou te avatu mo oe se 'isi tovine e sui a'i. Ona fai mai lea o ia, Ou te le avatu ia te oe lo'u tovine. Ona fai mai 7 lea o Iesepela lana avā ia te ia, Po ua e faia ea e oe le malo o Isaraelu? Ina tulai ia, ina taumafa se mea, ia fiafia foi lou finagalo; ou te avatu ia te oe le tovine o Napota le Isereelu. Ona tusi lea e ia ni tusi i le 8 igoa o Aapo, ma faamau ai i lona faamaufaaaloga, ma ia aveina atu o ia tusi i to'eaina ma alii o lana aai o e nonofo faatasi ma Napota. Ua ia 9 tusia foi i ia tusi, ua faapea, Ia outou tala'iina le anapogi, ma ia outou tuu atu ia Napota i le mea sili i le nuu. Ia outou tuu atu foi i 10 luma ia te ia o tagata ulavavale e toalua e molimau ia te ia, ia faapea, Na e faifai i le Atua ma le tupu. Ona outou ta'ita'i atu lea ia te ia i tuāpa, ma fetogi ia te ia i maa, ia oti ai o ia. Ona faia lea e tagata o 11 lana aai, o to'eaina ma alii o e nonofo i lana aai, e pei o le feau a Iesepela ia te i latou, e tusa ma ana upu na tusia i tusi na ia aveina atu ia te i latou. Ua latou tala'iina le ana- 12 pogi, ua tuu foi e i latou ia Napota i le mea sili i le nuu. Ona o mai lea o tagata ulavavale e toalua, ma 13 lona nonofo i ona luma; ua molimau foi ia tagata ulavavale ia te ia, o Napota lava, i luma o le nuu, ua faapea, Na faifai Napota i le Atua ma le tupu. Ona latou ave lea ia te ia i tuāpa o le aai, ma fetogi ia te ia i maa, ona oti ai lava lea o ia. Ona latou aauina atu lea nisi ia 14 Iesepela, ua faapea atu, Ua fetogia Napota i maa, ua oti o ia.

Ua faalogo Iesepela ua fetogia 15 Napota i maa, ma ua oti o ia, ona fai atu lea o Iesepela ia Aapo, Ina tulai ia, ma ē fai mo oe le tovine o

Napota le Isereelu, na ia le mafai ona avatu ia te oe i tupe; auā ua le
 16 ola Napota, a ua oti. Ua iloa e Aapo ua oti Napota, ona tulai lea o Aapo e alu ifo e fai mona le tovine o Napota le Isereelu.

17 Ona tūlei mai lea o le afiga a Ieova ia Elia le Tisepi, ua faapea
 18 mai, Ina tulai ia, ina e alu ifo e faa-fetaiai ia Aapo le tupu o Isaraelu, o loo i Samaria; faauta, o loo i ai ia i le tovine o Napota, ua alu ifo i ai e fai mona. Ia e fai atu ia te ia, ia

19 faapea atu, O loo faapea ona fetalai mai o Ieova, Ua e fasiotia ea, ua fai foi mou? Ia e fai atu foi ia te ia, ia faapea atu, O loo faapea ona fetalai mai o Ieova, O le mea na etoeto ai uli i le toto o Napota, e etoeto ai foi uli i lou lava toto, o oe

20 lava. Ua fai mai Aapo ia Elia, O oe na le fai a'u mou fili, ua e maua ea a'u? Ona fai atu lea o ia, Ua ou maua; auā ua e faatau oe ia te oe e

21 fai mea leaga i luma o Ieova. Faa-uta, o loo fetalai mai Ieova, Ou te faaoo atu le leaga ia te oe, ma ou aveesea lou gafa, ma faaumatia ai ia Aapo o e tulai atu i se aupā, o pologa atoa ma e sa'oloto i Isaraelu.

22 Ou te faia foi lou aiga, ia pei o le aiga o Ierepoamo le atalii o Nepata, e pei o le aiga foi o Paasa le atalii o Akia, ona o le faanoonoa ua e faanoono mai ai ia te au, ma e faatupu ai le agasala ia Isaraelu. O Iesepela foi, o loo fetalai mai ai Ieova, ua faapea mai, E 'aina Iesepela e uli i

23 lalo o le pa o Isereelu. O so Aapo e oti i le aai e 'aina ia e uli; o se oti i le vao e 'aina lea e manu felelei.
 24 E leai lava se tasi le tutusa ma Aapo, o le na faatau e ia ia ia e fai mea leaga i luma o Ieova; o ia na faaososoina e Iesepela lana avā.
 25 Na matuā fai mea leaga ina ua mulimuli i tupua, e tusa ma mea uma na faia e Amori, o e na tulia e Ieova i luma o le fanauga a Isaraelu.

27 Ua faalogo Aapo i ia upu, ona saeia lea e ia ona ofu, ma ua ofu lona tino i ie talatala, ma ua anapogi, ma taoto i ie talatala, ma fealualuai faafilemu. Ona tūlei mai lea o le afiga a Ieova ia Elia le
 28 Tisepi, ua faapea mai, Ua e iloa ea

ua faamaulalo Aapo i o'u luma? Auā ua ia faamaulalo i o'u luma, o le mea lea ou te le faaoo ai le leaga i lana nofoaiga; a o le nofoaiga a lona atalii ou te faaoo ai le leaga i lona aiga.

O le taua a Aapo ma Suria, ma tala ia Iosefatu ma isi tupu.

SA latou nonofo i tausaga e tolu 22
 ua leai se taua ia Suria ma Isaraelu.

Ua oo i le tausaga e tolu, ona alu ifo 2
 lea o Iosefatu le tupu o Iuta, i le

tupu o Isaraelu. Ua fai atu le tupu 3
 o Isaraelu i ana auauna, Tou te le

ilola ea o Ramota-Kiliata o la tatou aai lea, a ua tatou nofonofo ua le faao mai le lima o le tupu o Suria.

Ua fai atu foi o ia ia Iosefatu, Ta te 4
 o atu ea ma a'u i le taua i Ramota-

Kiliata? Ona fai mai lea o Iosefatu i le tupu o Isaraelu, O a'u nei e pei o oe lava, o lo'u nuu e pei o lou nuu, o a'u solofanua e pei o au lava solofanua. Ua fai mai foi Iosefatu i le tupu o Isaraelu, Se'i e fesili i le aso nei i se afiga mai ia Ieova. Ona faapotopoto mai lea e le tupu o Isaraelu o le au perofeta, pe toafa selau o tagata, ma na fai atu ia te i latou, Ou te alu atu ea i Ramota-Kiliata e tau ai le taua, pe ou te nofo? Ona latou fai mai lea, Ia e maliu ae; auā e foaiina mai ai e le Alii i le aao o le tupu. Ona fai mai lea o Iosefatu, E le o iinei ea ma se perofeta a Ieova, ina ia tatou fesili atu ia te ia? Ona fai atu lea o le tupu o Isaraelu ia Iosefatu, O le tasi tagata foi o Mekaio, o le atalii o Imila, tatou te fesili atu ai ia Ieova; a ou te 'ino'ino ia te ia, auā na te le vavalalo mai ia te au i mea lelei, a o mea leaga. Ona fai mai lea o Iosefatu, Aua le fetalai faapea mai le tupu. Ona valaau lea o le tupu o Isaraelu i le tasi auauna sili, ua faapea atu, Ia e faavave mai ia Mekaio le atalii o Imila. Ua tai-tasi ma nofo i lona nofoālii, o le tupu o Isaraelu, ma Iosefatu le tupu o Iuta; sa oofu foi i laua i o laua ofualii, i le mea e aunoa e lata ane i le faitotoa o Samaria; o loo vavalalo foi perofeta uma i o la luma. Na faia foi e Setekaia, le atalii o Kenaana o nifo uamea mo ia, ma

- fai atu, O loo faapea ona fetalai mai o Ieova, O mea nei e te suatia ai Suria, seia e faaumatia i latou.
- 12 Ua faapea foi ona vavalo o perofeta uma, ua faapea atu, Ina maliu ae ia i Ramota-Kiliata, ma ia manuia; auā e foaiina mai ai e Ieova i le aao
- 13 o le tupu. O le auauna na alu e aami ia Mekaio, ua fai atu o ia ia te ia, ua faapea atu, Faauta mai ea i upu a le au perofeta i le tupu, ua tasi, ua lelei; se'i faapea foi lau upu, ia pei o le upu a so latou, ia e
- 14 fai atu se upu lelei. Ona fai mai lea o Mekaio, O loo soifua Ieova, o le mea e fai mai ai Ieova ia te au, o le mea lea ou te fai atu ai.
- 15 Ua sau foi o ia i le tupu. Ona fai atu lea o le tupu ia te ia, Mekaio e, pe matou te o atu ea i Ramota-Kiliata i le taua, pe matou te nonofo? Ona fai mai lea o ia ia te ia, Ina maliu ae ia, ma ia manuia; auā e foaiina mai ai e Ieova i le aao o
- 16 le tupu. Ona fai atu lea o le tupu ia te ia, Pe foi faafia ea ona ou fai atu ia tauto oe; aua ne'i e fai mai ia te au *se mea e tasi*, tau lava o le upu moni i le suafa o Ieova? Ona
- 17 fai mai lea o ia, Na ou iloa atu ia Israelu uma ua faataapeapeina i mauga, e pei o mamoe ua leai so latou leoleo. Ona fetalai mai lea o Ieova, Ua leai so latou alii; ia latou taitasi ma toe foi atu i lona fale ma
- 18 le filemu. Ona fai atu lea o le tupu o Israelu ia Iosefatu. Na ou le fai atu ea ia te oe, na te le vavalo mai ia te au se mea lelei, na o le mea
- 19 leaga? Ona fai mai ai lea o *Mekaio*, O lenei, ia e faafogafoga mai i le afioga a Ieova. Na ou iloa atu ia Ieova o loo tietie i lona nofoālii; sa
- 20 tutū foi 'au uma a le lagi e latalata ia te ia, i lona itu taumatau ma lona itu tauagavale. Na fetalai atu foi Ieova, Po o ai ea na te faaoleole ia Aapo, ina ia alu ae o ia, ma oti i Ramota-Kiliata? Ona fai mai lea o
- 21 faapea. Ona alu ane lea o le tasi agaga, ma tu mai i luma o Ieova, ua fai mai, Ou te faaoleole ia te ia.
- 22 Na fetalai atu foi Ieova ia te ia, I ni a ea? Ona fai mai lea o ia, Ou te alu, ma ou fai ma agaga pepelo i gutu o ana perofeta uma. Ona fetalai atu lea o Ieova, E te faaoleole ia te ia, e te malo foi; ina alu ia, ina e faia ia o lea. O lenei, 23 faauta, ua tuuina e Ieova le agaga pepelo i gutu o au perofeta nei uma; auā ua fetalai e Ieova ia oo le leaga ia te oe. Ona faalatalata mai 24 lea o Setekaia le atalii o Kenaana, ma na tu'i mai ia Mekaio i lona alafau, ma fai mai, Po o fea na ui ai le Agaga o Ieova nai ia te au e tautala atu ia te oe? Ona fai atu ai 25 lea o Mekaio, Faauta, e te iloa i lea lava aso e te alu atu ai i le afaefe tuloto e te lasi ai. Ona fai ane lea o 26 le tupu o Israelu, Ina ave ia ia Mekaio, ma toe ta'ita'i ia te ia ia Amone le alii o le aai, ma Ioasa le atalii o le tupu; ma e fai atu, O loo 27 o faapea mai le tupu, Ina tuuina atu ia o lenei *tamaloa* i le falepuipui, ma fafaga ia te ia i le mea e 'ai a e ua tigaina, ma le vai a e ua tigaina, seia ou sau ma le manuia. Ona fai 28 mai lea o Mekaio, Afai lava e te toe maliu mai ma le manuia, ua ou le tautala i le afioga mai ia Ieova. Ua fai ane foi o ia, Ina faalogologo mai ia o outou le nuu uma.
- Ona o ae lea o le tupu o Israelu, 29 ma Iosefatu le tupu o Iuta i Ramota-Kiliata. Ua fai atu le tupu o 30 Israelu ia Iosefatu, Ou te ofu ese a'u, ma alu i le taua; a ia e ofu oe i lou lava ofu. Ona ofu lea o le tupu o Israelu i ofu ese, ma alu i le taua. Ua fai atu le tupu o Suria i 31 alii e toatolugafulu ma le toalua e pule i ona kariota, ua ia faapea atu, Aua ne'i tou tau ma se tagata nuu po o se alii, tau lava o le tupu o Is- 32 raelu. Ua iloa atu e alii e pule i kariota ia Iosefatu, ona latou faapea ane lea, Ai o le tupu o Israelu lena. Ona latou faasaga ane lea, latou te tau ma ia; ona alaga lea o Iosefatu. Ua iloa e alii e pule i kariota, e le o 33 le tupu o Israelu lea, ona latou foi atu lea, ua le toe tuliloa ia te ia. Ua soona fana e le tasi tagata lana 34 u, ua lavea ai le tupu o Israelu i le soo o lona ofutau uamea. Ona fai atu lea o ia i le ta'ita'i o lona kariota, Ina lilii ane ia o lou lima, ma ave ia te au i tua o 'au, auā ua ou manua. Na faatetele le taua i lea 35 aso; ua lagolagoina foi le tupu i

II. TUPU, 1.

- lona kariota e faafeagai ma Suria; ona oti lea o ia i le afiafi; ua sisina ifo le toto o le manua i totonu o le kariota. Ua alu le manu i le goto o le la i 'au, ua faapea, Ia taitasi ma alu i lana aai ma lona nuu. Ua oti foi le tupu, ua au mai i Samaria; ua latou tanu foi le tupu i Samaria. Ua fufulu e se tasi le kariota i le vailepa i Samaria, ua latou fufulu foi lana auupega; na etoeto foi e uli lona toto, e tusa ma le afioga a Ieova na ia fetalai mai.
- O toe o mea na faia e Aapo, ma mea uma na ia faia, ma le fale nifo o elefane na ia faia, ma aai uma na ia faia, ua le tusia ea i le tusi o tala i nofoaiga a tupu o Isaraelu? Ua taoto Aapo faatasi ma ona tamā, ona soloai ane lea o Aasaia lona atalii e fai ma tupu.
- O le fa o tausaga o Aapo le tupu o Isaraelu na fai ai Iosefatu le atalii o Asa ma tupu o Iuta. E tolu sefulu ma le lima o tausaga o Iosefatu ina o fai o ia ma tupu; na fai foi o ia ma tupu i Ierusalema i tausaga e lua sefulu ma le lima; o Asopa le igoa o lona tinā, o le afafine o Seleki. Na savali o ia i ala uma o Asa lona tamā, ua le alu ese ai o ia, na faia e ia o mea tonu i luma o Ieova; a ua le aveeseina o mea maualuluga; ua fai taulaga pea le nuu, ma faamuina mea manogi i mea maualuluga. Na lelei Iose-
- fatu ma le tupu o Isaraelu. O toe o mea na faia e Iosefatu, ma lona fitafita sa fai, ma ona taua, ua le tusia ea ia i le tusi o tala i nofoaiga a tupu o Iuta? O tagata faasotoma na totoe, o e na totoe i ona po o Asa lona tamā, na aveesea e ia ai le nuu. Sa leai se tupu i Etoma; na fai ma tupu le na tofia e pule. Na fai vaa Tasesa e Iosefatu e o i Ofeira e maua ai auro; a ua le oo, ina ua tu'ia o vaa i Esiokapé. Ona fai atu lea o Aasaia le atalii o Aapo ia Iosefatu, Ia o faatasi a'u auauauna ma au auauauna i vaa; a ua le mafai Iosefatu. Ua taoto Iosefatu faatasi ma ona tamā, ua tanumia foi o ia faatasi ma ona tamā i le aai a lona tamā o Tavita; ona soloai ane lea o Iorama lona atalii e fai ma tupu.
- O le sefulu ma le fitu o tausaga o Iosefatu le tupu o Iuta na fai ai Aasaia le atalii o Aapo ma tupu o Isaraelu i Samaria; e lua tausaga na fai ai o ia ma tupu o Isaraelu. Ua amio leaga foi o ia i luma o Ieova, ua ia savali i le ala o lona tamā, ma le ala o lona tinā, ma le ala o Ierepoamo le atalii o Nepata, o le na faatupuina le agasala ia Isaraelu. Auā na ia auauauna ia Pala, ma ifo atu ia te ia, ma na faanoono ia Ieova le Atua o Isaraelu, e tusa ma mea uma na faia e ona tamā.

O LE TUSI E LUA

I TUPU.

O le tala i mea na oo ia Aasaia.

- 1 UA sili le oti o Aapo, ona founa lea o Isaraelu e Moapi. Ua paū ifo Aasaia i le mea faaupega o le faamalama i lona afeafe aupitoaluga i Samaria, ona ma'i aile; ona auuina atu ai lea e ia o auauauna, ua fai atu i ai, Ina o ia, ina fesili atu ia Pelese-
- malolo i lenei ma'i. A ua fetalai atu le agelu a Ieova ia Elia le Tise-pi, Tu ia i luga, ina alu ae e faafe-tai ai i auauauna a le tupu o Samaria; ia e fai atu foi ia te i latou, Ona ua leai ea se Atua i Isaraelu tou te o atu ai e fesili ia Pelese-pulo le atua o Ekerona? O le mea lea o loo faapea ona fetalai mai ai o Ieova, E te le alu ifo lava i lea moega ua e

- alu ae i ai, a o le a e oti lava oe. Ona alu ai lea o Elia.
- 5 Ua foi atu auuina ia te ia, ona fai mai ai lea o ia ia te i latou, Se a
6 ea le mea ua outou foi mai ai? Ona latou fai atu ai lea ia te ia, Na alu ae le tasi tagata e faafetaiai mai ia te i matou, na fai mai foi o ia ia te i matou, O ia, ina foi atu ia i le tupu na auuina outou, ma fai atu ia te ia, O loo faapea ona fetalai mai o Ieova, Ona ua leai ea se Atua i Isaraelu, ua e auuina atu ai e fesili ia Pelesepulo le atua o Ekerona? o le mea lea e te le alu ifo ai i lona moega ua e alu ae i ai, a o le a e oti
7 lava oe. Ona fai mai lea o ia ia te i latou, Se tagata pe i ea le na alu ae e faafetaiai ia te outou, ma fai
8 atu na upu ia te outou? Ona latou tali atu ai lea ia te ia, O le tagata taufulufulu, ua fusi foi lona sulu-gatiti i le fusi pa'u. Ona fai mai lea o ia, o Elia le Tisepi lea.
- 9 Ona ia auuina mai lea ia te ia o le ta'ita'i o le toa limagafulu ma lona toa limagafulu. Ona alu ae lea o ia ia te ia, faauta, foi, o loo nofo ia i le tumutumu o le mauga; ua ia fai mai i ai, Le tagata o le Atua e, o loo fetalai mai le tupu, E te alu ifo.
- 10 Ona tali atu lea o Elia, ua faapea atu i le ta'ita'i o le toa limagafulu, Afai o le tagata o le Atua a'u, ia alu ifo le afi mai le lagi, e faaumatia ai oe ma lou toa limagafulu. Ona alu ifo ai lea o le afi mai le lagi, ua faauma ia te ia ma lona toa limagafulu. Ona ia toe auuina mai lea ia te ia o le tasi ta'ita'i o le toa limagafulu ma lona toa limagafulu; ua fai mai foi o ia ia te ia, Le tagata o le Atua e, o loo faapea ona fetalai mai o le tupu, Ia vave ona e alu ifo.
- 11 Ona tali atu ai lea o Elia, ua faapea atu ia te i latou, Afai o le tagata o le Atua a'u, ia alu ifo le afi mai le lagi e faaumatia ai oe ma lou toa limagafulu. Ona alu ifo ai lea o le afi a le Atua mai le lagi, ua faauma
12 ia te ia ma lona toa limagafulu. Ona toe auuina mai ai lea e ia o lona toa tolu o ta'ita'i o le toa limagafulu ma lona toa limagafulu. Ona alu ae ai lea o lona toa tolu o ta'ita'i o le toa limagafulu, ua oo atu ia, ma tootuli i ona tulivae i luma o Elia, ua aoi
atu ia te ia, ma fai atu ia te ia, Le tagata o le Atua e, ia e alofa mai i lo'u nei ola atoa ma ola o le toa limagafulu nei o au auuina. Faauta, 14
na alu ifo le afi mai le lagi, ua faauma i uluai ta'ita'i o toa limagafulu e lua, ma o lau tai toa limagafulu; a o lenei, ia e alofa mai i lo'u nei ola. Ona fetalai mai lea o le agelu a 15
Ieova ia Elia, Ia oulua o ifo ma ia, aua e te mata'u ia te ia. Ona tulai ai lea o ia, ua la o ifo i le tupu. Ona fai atu lea o ia ia te ia, O loo 16
faapea ona fetalai mai o Ieova, Ona ua e auuina atu o auuina e fesili ia Pelesepulo le atua o Ekerona, ona ua leai ea se atua i Isaraelu e fesili ai i lana afoga? o le mea lea e te le malii ifo ai i lea lava moega ua e malii ae i ai, a o le a e malii lava oe.
- Ona oti lea o ia e tusa ma le 17
afoga a Ieova na fai atu ai Elia. Ona soloai ane ai lea o Ioramo e fai ma tupu i le lua o tausaga o Ioramo le atalii o Iosefatu le tupu o Iuta, auā e leai sona atalii. O 18
toe o mea a Aasaia na ia faia, e lei tusia ea ia i le tusi i tala i nofoaiga a tupu o Isaraelu?
- O le tala i le avae o Elia i le lagi, ma nisi mea na faia e Elisaia.*
- UA finagalo Ieova e avae ia Elia 2
i le lagi i le asiosio, ona la o lea o Elia ma Elisaia nai Kilikala. Ona 2
fai atu lea o Elia ia Elisaia, Nofo ia oe iinei, auā ua auina a'u e Ieova i Peteli. A ua tali mai Elisaia, O loo soifua Ieova, ua e ola foi oe, ou te le tuua lava oe. Ona la o ifo ai lea i Peteli. Ona o mai lea ia 3
Elisaia o soo o le au perofeta ua i Peteli, ua fai mai ia te ia, Ua e iloa ea, o le aso nei o le a ave ese ai e Ieova lou matai ia te oe? Ona fai atu ai lea o ia, Ua ou iloa lava; soia le fai mai ai. Ona fai atu lea o Elia ia te ia, Elisaia e, nofo ia oe iinei, auā ua auina a'u e Ieova i Ieriko. A ua fai mai o ia, O loo soifua Ieova, ua e ola foi oe, ou te le tuua lava oe. Ona la oo atu ai lea i Ieriko. Ona soso mai lea ia Elisaia o soo o le au perofeta ua i Ieriko, ua fai mai ia te ia. Ua e 4
iloa ea o le aso nei o le a ave ese ai

- e Ieova lou matai ia te oe? Ona fai atu ai lea o ia, Ua ou iloa lava; 6 soia le fai mai ai. Ona fai atu lea o Elia ia te ia, Nofa ia oe iinei, auā ua auina a'u e Ieova i Ioritana. Ona fai mai lea o ia, O loo soifua Ieova, ua e ola foi oe, ou te le tuua lava oe. Ona la savavali atu ai lea. 7 Ua o atu foi tagata e toalimagafulu o isi soo o le au perofeta, ua tutū mamao i le mea e iloa atu ai; ua tutū foi i laua i le auvai o Ioritana. 8 Ua tago Elia i lona ofu tele, ua taataai, ua taia a'i le vai, ona vaeluaina ai lea i le tasi itu ma le tasi itu. Ona la savavali atu ai lea i le iliti vai matutu.
- 9 Ua uma ona la sopoia atu, ona fai atu lea o Elia ia Elisaia, Fai mai ia pe se a se mea ou te faia mo oe manū o lei aveeseina a'u ia te oe. Ona fai mai ai lea o Elisaia, Ia faa- 10 lua mai lou agaga ia te au. Ona fai atu ai lea o ia, O le mea faigata ua e fai mai ai; afai e te iloa mai a'u pe a aveeseina a'u ia te oe, ona faapea lea ia te oe; a e afai e leai, ona le faapea lea.
- 11 Ua savavali atu pea i laua, o tau-talatala fano; faauta foi, o le nofoa afi faataavalevale ma solofanua afi, ua te'a eese ai i laua, ona alu ae ai lea o Elia i le asiosio i le lagi. 12 Ua iloa foi e Elisaia, ona alaga lea o ia, Lo'u tamā e lo'u tamā e, le kariota o Isaraelu ma ana 'au e tie-tie i solofanua. Ua na le toe iloa atu o ia; ona tago lea o ia i lona 13 lava ofu, ua saei lua. Ua ia avae foi le ofu tele o Elia na paū ifo ia te ia, ona foi atu ai lea, ua tu i le auvai o Ioritana. Ona tago lea e ia i le ofu tele o Elia na paū ifo ia te ia, ua na taia a'i le vai, ma fai ane, O ifea ea Ieova le Atua o Elia? Ona taia foi lea e ia le vai, ona vaeluaina ai lea i le tasi itu ma le tasi itu; ona sopoia atu ai lea e Elisaia.
- 15 Ua iloa mai foi o ia e soo o le au perofeta ua i Ieriko i le mea e iloa atu ai, ona latou fai ane ai lea, Ua ia Elisaia le agaga o Elia. Ona latou o ai lea e faafetaiai ia te ia, 16 ua latou ifo toele ia te ia. Ona latou fai mai lea ia te ia, Faauta mai, ua i au auauna tagata malolosi e toalimagafulu, se'i latou o e saili i lou matai, ina nei siitia o ia e le Agaga o Ieova, ma lafoina i se mauga po o se vanu. A ua fai atu o ia, Aua tou te auina atu. Ua 17 latou faatauanau mai ia te ia, ua oo ina mā o ia, ona fai atu ai lea o ia, Ina aau ia. Ona latou auina atu ai lea o tagata e toalimagafulu. Ua aso tolu o latou saili ai; a ua le iloa o ia. Ona latou toe foi mai lea 18 ia te ia, (auā sa nofo o ia i Ieriko,) ona fai atu lea o ia ia te i latou, Ou te lei fai atu ea ia te outou, Aua tou te o?
- Ua fai mai tagata o le aai ia 19 Elisaia, Faauta mai ia, e lelei le mea e tu ai le aai nei, pei ona e silafia, le alii; a ona leaga o le vai, e lafulafua foi le fanua. Ona fai 20 atu ai lea o ia, Au mai ia ia te au se tanoa fou, ma tuu i ai se masima. Ona latou au mai ai lea ia te ia. Ona alu atu lea o ia i le puna o le 21 vai, ua lafo i ai le masima, ma fai atu, O loo faapea ona fetalai mai o Ieova, Ua ou faamagaloina lenei vai; e le toe tupu mai ai le oti po o le lafua. Ona magalo ai lea o le 22 vai, ua oo lava i le aso nei, e tusa ma le upu a Elisaia, na ia fai atu ai.
- Ua alu ae ia nai lea mea i Peteli; 23 o loo alu ae ia i le ala, ona o mai lea o tama iti mai le aai, ua latou tauemu ia te ia, ua fai mai ia te ia, Le ulu tula e, alu ae ia. Le ulu tula e, alu ae ia. Ona fāliu lea o ia 24 i tua, ua vaai atu ia te i latou, ua fetuu atu foi ia te i latou i le suafa o Ieova. Ona o mai ai lea o urosa fafine e lua mai le vao, ua saei i tama e toafagafulu ma le toalua o i latou. Ona alu atu lea o ia nai lea 25 mea i le mauga o Karamelu; ona foi atu lea o ia ai lea mea i Samaria.
- O le fou o le tupu o Moapi, ma le taua na iu i ai.*
- O LE sefulu ma le valu o tausaga 3 o Iosefatu le tupu o Iuta na fai ai Ioramo le atalii o Aapo ma tupu o Isaraelu i Samaria. E sefulu ma le lua tausaga na fai ai o ia ma tupu. Ua ia faia foi le amio leaga i luma 2 o Ieova, a e lei ausia le amio a lona tamā ma lona tinā, auā na ia ave ese le tupua o Paala na faia e lona

- 3 tamā. A ua pipii pea o ia i agasala
a Ierepoamo le atalii o Nepata o le
na faatupu le agasala ia Isaraelu,
na ia le liliu ese ai lava.
- 4 O Mesa foi le tupu o Moapi e tele
lona lafu, na ia avatu foi i le tupu o
Isaraelu o tamai mamoe e selau afe,
atoa ma mamoe poa e selau afe, atoa
5 ma o latou fulufulu. A ua mavae
ona oti o Aapo, ona foua lea e le
tupu o Moapi o le tupu o Isaraelu.
- 6 O ona po foi ia na alu atu ai le
tupu o Ioramo nai Samaria, ma na
7 faitau ia Isaraelu uma. Ua alu foi
lana feau ia Iosefatu le tupu o Iuta,
ua faapea atu, Ua foua a'u e le tupu
o Moapi, pe ta te o ea ma a'u e tau
ma Moapi? Ona fai mai lea o ia,
Ta te o ae lava, o a'u e pei o oe, o
lo'u nuu e pei o lou nuu, o a'u solo-
8 fanua e pei o au solofanua. Ona
fai atu lea o ia, O le fea ala tatou te
o ae ai? Ona tali mai lea o ia, o le
9 ala e ui i le vao o Etoma. Ona
latou o ai lea, o le tupu o Isaraelu,
ma le tupu o Iuta, atoa ma le tupu
o Etoma. Ua po fitu o latou o faa-
taamilo ai i le ala; ona leai lea o se
vai e inu ai 'au, atoa ma manu ua ia
10 te i latou. Ona fai atu lea o le
tupu o Isaraelu, Oi talofa! ua faa-
potopoto e Ieova nei tupu e toatolu
e tuuina atu i latou i lima o Moapi.
- 11 A ua fai mai Iosefatu, E le o iinei
ea se perofeta a Ieova, tatou te
fesili ai ia Ieova? Ona tali atu ai
lea o le tasi auuina a le tupu o Isa-
raelu, ua faapea atu, O loo iinei
Elisaia le atalii o Safata, na na liligi
12 le vai i lima o Elia. Ona fai mai ai
lea o Iosefatu, O loo ia te ia le afioga
a Ieova. Ona o ifo lea ia te ia o le
tupu o Isaraelu, ma Iosefatu, atoa
13 ma le tupu o Etoma. A ua fai mai
Elisaia i le tupu o Isaraelu, O le a
lau na ia te au nei? Ina maliu atu
ia oe i perofeta a lou tamā, ma perofeta
a lou tinā. Ona fai atu lea o
le tupu o Isaraelu ia te ia, Aua, auā
ua faapotopoto e Ieova nei tupu e
toatolu e tuuina atu ai i latou i lima
14 o Moapi. Ona fai mai ai lea o Eli-
saia, O loo soifua Ieova o 'au, ou
te tu atu a'u nei i ona luma, ana le
se anoa le afioga a Iosefatu le tupu
o Iuta ou te ee i ai, po ua ou le
tepa atu ia te oe, pe vaai atu ia te
- oe. A o lenei, ia au mai ia te au se
tagata ta laaupese. Ua na ta le laa-
pese, ona i ai lea i ona luga le aao o
Ieova. Ona fai atu ai lea o ia, O loo
faapea ona fetalai mai o Ieova, Ia
outou fai ni utu, ia soosoo utu le
vanu nei. Auā o loo faapea ona
fetalai mai o Ieova, Tou te le iloa
atu se matagi, tou te le iloa atu foi
se ua; a e tumu le vanu nei i vai,
tou te feinu ai, o outou, ma o outou
lafu, atoa ma a outou manu. A e
15 ititi lea mea ia Ieova, a e tuuina
mai foi e ia o Moapi i o outou lima.
Tou te fāsia foi aai uma e nofo 'olo,
16 atoa ma aai silisili uma, tou te fa-
tunina foi laau lelei uma, tou te
tanumia foi vaipuna uma, tou te
faaleaga foi fāsi fanua lelei uma i
maa. Ua oo i le taeao, ina o fai o
20 le taulaga, faauta, ua tafe mai le
vai i le ala o Etoma, ua tumu ai le
nuu i le vai.
- Ua logona e Moapi uma ua o ae
21 tupu e tau ma i latou, ona latou
faapotopoto ai lea o i latou uma o e
faatoa lavā tau ma e matutua ai, ua
latou tutū i le tuaoi. Ua latou tulai
22 mai i le taeao lava; ua alu ae foi le
la i le vai, ona iloa ai lea e Moapi o
le vai i o latou luma ua mūmū pei
o le toto. Ua latou faapea ane, O
23 le toto lena; ua fasia lava ia tupu,
ua fefasiai i latou. O lenei, Moapi
e, tatou o ia e vete. Ua latou oo i
le toagālanapi a Isaraelu, ona tutū
ai lea o Isaraelu i luga, ua fasi ia
Moapi, ona latou sosola lea ia te i
latou; a ua latou fasi pea ia Moapi,
ua oo i lo latou nuu. Ua latou
25 lepetia aai, ua taitasi foi ma lafo e
tagata uma lana maa i fanua lelei
uma, ua tutumu ai, ua latou tatanu
vaipuna uma, ua tatauina foi laau
lelei uma; a ua totoe o maa o
Kiriatesa, a e peitai ua faataamilo i
ai le 'au a maata, ma faatauga i ai.
Ua iloa e le tupu o Moapi ua faaiaina
26 o ia i le taua, ona ave lea e ia o
tagata e fai pelu e toafitu selau, ina
ia sofai atu i le tupu o Etoma; a
ua latou le mafaia. Ona tago ai
27 lea e ia i lona atalii ulumatua, na
fai e sui ai o ia i le nofoaiga, ua fai
a'i le taulaga mu i luga o le pa. Sa
tele foi le ita ia Isaraelu. Ona latou
tuua lea o ia, a e foi atu i lo latou nuu.

O vavega na faia e Elisaia.

- 4 UA valaau ia Elisaia le avā a le tasi soo o le au perofeta, ua faapea mai, Ua oti lau auaua o la'u tane, ua e silafia foi sa mata'u lau auaua ia Ieova, a ua sau le ua matou aitalafu i ai, o le a na ave i a'u tama tane e toalua e fai mona pologa.
- 2 Ona fai atu lea o Elisaia ia te ia, Se a ea se mea ou te faia ia te oe? Ina ta'u māi ia te au, pe se a se mea o ia te oe i le fale? Ona tali mai ai lea o ia, E leai se mea a lau auaua fafine o i lo'u fale, ua fia o le
- 3 fagu suāuu lava. Ona fai atu ai lea o ia, Ina alu ia, ia e no ipu i tuā i tagata uma ua lata mai ia te oe, o
- 4 ipu le susua, aua le itiiti. A ē ulufale ane, ia e pupuni le faitotoa i ou tua ma tua o au tama, i le e liligi atu i na ipu uma, ma tuu ese le ua
- 5 tumu. Ona alu ane ai lea o ia, ua tapuni le faitotoa i ona tua ma tua o ana tama; ona la au mai ai lea o ipu ia te ia, ona liligi atu ai lea e ia.
- 6 Ua tutumu ipu, ona fai atu lea o ia i lana tama, Ia toe au mai se isi ipu ia te a'u; ona fai mai ai lea o ia ia te ia, E leai se toe ipu. Ona utu ai
- 7 lea o le suāuu. Ona alu ai lea o ia, ua ta'u atu i le tagata o le Atua. Ona fai mai ai lea o ia ia te ia, Alu ia, ina faatau atu le suāuu, i le e tau'i atu i le tagata ua outou aitalafu ai; a o mea ua totoe ia ola ai oe ma au tama.
- 8 O le tasi aso na ui atu ai Elisaia i Sunema, sa i ai le tasi sa'o tamaitai; na ia pulunaunau mai ia te ia se'i 'ai. Ona iu ai lea ina afe soo ai o ia e 'ai ai i ana malaga i le ala.
- 9 Ona fai atu ai lea o ia i lana tane, Faauta mai, ua ou iloa o le tagata paia o le Atua lenei, o le sau soo ia te i taua. Ia ta faia se afeafe itiiti i luga e fai i le pa puipui o le fale; ia ta tuu ai se moega mo ia, ma se laulau, ma se nofoa, ma se tuugālamepa; a sau foi o ia ia te i taua, i
- 11 le alu ane i ai o ia. O le tasi aso na oo atu ai o ia i lea mea, ona ulu ane
- 12 lea i le afeafe, ua taoto ai. Ua fai atu o ia ia Kiasi lana auaua, Valaau ia i lena tamaitai Sunema. Ona valaau lea o ia ia te ia, ona tu mai
- 13 ai lea o ia i ona luma. Ona fai atu

lea o ia ia te ia, Ia e fai atu i ai. Faauta, ua tigaina oe ona o i maua i nei sauniga uma, se a se mea e faia mo oe? pe ta'u ea oe i le tupu, po o le alii e pule i au? Ona tali mai ai lea o ia, Ou te nofo faatasi ma lo'u nuu. Ona fai ane lea o ia, Se a se mea e faia mo ia? Ona tali mai ai lea o Kiasi, E leai sana tama, ua toeaina foi lana tane. Ona fai atu lea o ia, Valaau atu ia te ia. Ona valaau atu lea o ia ia te ia, ona tu mai ai lea o ia i le faitotoa. Ona fai atu lea o ia, O lela tausaga, e te sapasapai i sau tama tane. Ona tali mai lea o ia, Aua, le alii e, le tagata o le Atua, aua e te 'ole'ole mai i lau auaua fafine. Ona to ai lea o le fafine, ua fanau mai ai lana tama tane i lea tausaga, e faatatau i le tau o le olaga sa fai atu ai Elisaia ia te ia.

Ua matua le tama, ona oo lea i le tasi aso, ua alu atu ai o ia i lona tamā i e na sele saito. Ua fai atu ia i lona tamā, Lo'u ulu e, lo'u ulu e! Ona fai atu ai lea o ia i se tasi taulealea na te avea o ia i lona tinā. Ona ave lea e ia, ua avatu ai i lona tinā; ona sii lea o ia i ona vae, ua oo ina tononu o le la, ona oti ai lea o ia. Ona alu ae lea o le fafine, ua faataoto ia te ia i luga o le moega o le tagata o le Atua, ua pupuni le faitotoa, ona alu lea o ia i fafo. Ona valaau atu ai lea o ia i lana tane, ua faapea atu, Se'i e auna mai ia te au se tasi taulealea ma se asini, ou te vave atu ai i le tagata o le Atua, i lo'u toe sau ai. Ona fai mai lea o ia, O le a le mea e te alu ai ia te ia i le aso nei? e le o le masina faatoa vaaia lenei, e le o le sapatu foi. A ua tali atu ai o ia, E le afaina. Ona faanofoa lea e ia o le asini, ua fai atu i lana auaua, Ia faatelevave ona alu, aua nei faatelegese ona faamomo'e ona o a'u, se'i iloga ou fai atu ai ia te oe. Ona alu ai lea o ia, ua oo atu i le tagata o le Atua i le mauga o Karamelu. Ua iloa maimao mai foi o ia e le tagata o le Atua, ona fai ane ai lea o ia ia Kiasi lana auaua, Faauta i lena tamaitai Sunema. Ina momo'e ia oe e faafetaiai ia te ia, fai atu foi i ai, E manuia ea oe? e manuia ea

II. TUPU, 5.

- lau tane? e manuia ea le tama? Ona tali mai lea o ia, Ua manuia
 27 lava. Ua oo mai o ia i le tagata o le Atua i le mauga, ona 'u'u lea o ia i ona vae; a ua faalatalata ane Kiasi, o le a tulei ese ia te ia. A ua fai atu le tagata o le Atua, Ina tuu pea ia ia te ia, auā ua tiga lona loto; a ua nanā e Ieova *le mea* ia te au, e lei faaalua mai ia te au.
 28 Ona fai mai lea o ia, Na ou ole atu ea i se tama tane i lo'u alii? na ou le fai atu ea, Aua e te 'ole'ole mai ia te au? Ona fai atu ai lea o ia ia Kiasi, Ina fusi ia lou sulugātiti, ia e ave foi lo'u tootoo i lou lima, ma ia e alu atu; a oulua fetai ai ma se isi, aua nei e ofo alofa ia te ia; a alofa mai foi se tasi ia te oe, aua e te toe tali atu i ai; ma ia e faaee lo'u tootoo i mata o le tama. Ona fai mai lea o le tinā o le tama, O loo soifua Ieova, ua e ola foi oe, ou te le te'a ese ia te oe. Ona tulai lea o ia, ua mulimuli ia te ia. Ua muamua atu Kiasi ia te i latou, ua faaee le tootoo i mata o le tama; a ua leai se leo, ua le lagona foi. Ona foi mai lea o ia e faafetaiai ia te ia; ua fai mai foi ia te ia, ua faapea mai, E lei ala le tama. Ua ulufale atu Elisaia i le fale, faauta foi, o le tama ua oti, ua faataoto i luga o lona
 32 moega. Ua ulu atu o ia, ua pupuni foi le faitotoa, ua i totonu i laua, ona tatato atu ai lea o ia ia Ieova.
 34 Ona alu ae lea o ia, ua faō i luga o le tama; ua faatatau lona gutu i lona gutu, ma ona mata i ona mata, ma ona lima i ona lima; ua taoto o ia i ona luga; ona mafanafana lea o le tino o le tama. Ona foi atu lea o ia, ua taifoifaatasi ona savali i le loto fale; ona alu ae ai lea, ua taoto o ia i ona luga; ona mafatua faafitu ai lea o le tama, ua pupula ae foi mata o le tama. Ona valaau lea o ia ia Kiasi, ua faapea atu, Valaau ia i lena tamaitai Sunema. Ona valaau atu lea o ia i ai. Ua sau foi o ia ia te ia, ona fai atu ai lea o ia, Sii ae ia o lau tama. Ona ulu mai lea o ia, ua faapa'i i ona vae, ua ifo toele; ona sii mai lea o lana tama, ua alu.
 38 Ua toe alu atu Elisaia i Kilikala; ua oge le nuu; ua nonofo foi i ona luma soo o le au perofeta. Ona fai atu lea o ia i lana auauna, Faace ia le pani tele *i le afi*, e tunu ai ni mea e 'ai mā soo o le au perofeta. Ona alu ai lea o le tasi i le vao e saili mea e 'ai, ua maua se vine vao, ua tau ai ona fua, ua tumu ai lona ie, ona sau ai lea, ua tipi i le pani sa tunu a'i mea e 'ai; auā ua latou le iloa *ia mea*. Ona latou liligi atu ai lea e aai ai tagata. O aai i latou i le mea na tunu, ona latou alalaga lea, ua faapea mai. Le tagata o le Atua e, ua i le pani le oti. Ua le mafai ona latou aai ai. A ua fai atu o ia, Ina aumaia se falaoa. Ona lafo lea e ia i le pani, ona fai atu ai lea, Liligi atu ia mā le nuu, latou te aai ai. Ua le toe ai se mea leaga i le pani.
 Ua sau le tasi tagata mai Paalasalisa, ua au mai i le tagata o le Atua o le mea e 'ai o uluai fua, o areto karite e fua lua, atoa ma fua saito mata i lana taga. Ona fai atu lea o ia, Avatu ia mā le nuu, latou te aai ai. Ona fai mai ai lea o lana auauna, Pe a ou laulauina atu ea mea nei i luma o tagata e toaselan? Ona toe fai atu lea o ia, Ina laulau atu ia mā le nuu, ina ia latou aai ai; auā o loo faapea ona fetalai mai o Ieova, Latou te aai ai, a e totoe lava. Ona laulau atu ai lea e ia i o latou luma, ua latou aai ai, ma ua totoe lava, pei ona fetalai mai ai o Ieova.
Ua faamaloloina Naamanu le Suria.
 O NAAMANU le alii e pule i 'au a le tupu o Suria, o le tagata aoga ia i lona alii, ma le ta'ua lava, auā o ia na oo mai ai le manuia mai ia Ieova i Suria; o ia foi o le toa malosī, a o le lepela ia. Na o 'au a Suria, na latou au mai foi mai le nuu o Isaraelu le tasi teine itiiti o le taua, ua fai ma auauna a le avū a Naamanu. Ua fai atu ia i lona matai tamaitai, Se anoa! ana i ai lo'u alii i le perofeta o i Samaria, po ua faateaina e ia lona lepela. Ona alu atu ai lea o le tasi, ua tala atu i lona alii, ua faapea atu, Sa faapea ma faapea upu a le teine mai le nuu o Isaraelu. Ona fai mai ai lea o le tupu o Suria, Sau ia, ina e alu, ou te avatu se tusi i le tupu o Isaraelu. Ona alu ai lea o ia, ua ave e ia taleni

- ario e sefulu, ma *sekeli* auro e ono
6 gaafe, atoa ma ofu e sefulu. Ua
avatu e ia le tusi i le tupu o Isa-
raelu, ua faapea *le tusi*. A oo atu
lena tusi ia te oe e te silafia ai ua ou
auina atu ia te oe o la'u auaua o
Naamanu, ina ia e faatea ia te ia
7 lona lepela. Ua faitau e le tupu o
Israelu le tusi, ona saei lea e ia ona
ofu, ua faapea ane, O a'u ea o le
Atua e fasi oti ma faaola, ua auina
mai ai e lona tagata ia te au e faa-
tea se tagata i lona lepela? Ina
manatunatu ia, ma ia outou iloa, ua
saili e ia se mea e faalani ai *se taua*
ia te au.
8 A ua logona e Elisaia le tagata o
le Atua ua saei e le tupu o Israelu
ona ofu, ona ave lea o le feau ia te
ia, ua faapea atu, Se a ea le mea ua
e saei ai ou ofu? Ia sau lava ia ia
te au, ona iloa ai lea e ia o loo ia
9 Israelu le perofeta. Ona sau ai lea
o Naamanu ma ana solofanua ma
lona nofoa faataavalevale, ua tu mai
10 i le faitotoa o le fale o Elisaia. Ona
auina atu lea e Elisaia o le auaua
ia te ia, ua faapea atu, Ina alu ia,
ina taele faafitu i Ioritana, ona toe
foi mai ai lea o lou tino *tuai* ia te oe,
11 ona e mamā ai lea. Ona ita lava lea
o Naamanu, ma alu ese, ua faapea
ane, Faauta, ma ou faapea, e sau
lava ia i fafo, na tu mai, ma valaau
i le suafa o Ieova lona Atua, ma
tālo lona lima i le mea *ua i ai le*
12 *mai* e faatea ai i le lepela. E le sili
ea ona lelei o Apana ma Farapa, o
vaitafe ia o Tamaseko, i vai uma o
Israelu? Ou te le taele ai ea, ma
ou mamā ai? Ona liliu ai lea o ia,
13 ua alu ma le ita tele? A ua faala-
talata ane ana auaua, ua fai ane ia
te ia, ua faapea ane, Sena e, ana fai
atu e le perofeta se mea tele ia te
oe, e te le faia ea? A o lenei, *e te le*
faia ea ina ua ia fai atu ia te oe, E
14 te taele, e te mamā ai? Ona alu ifo
ai lea o ia, ua fufui faafitu i Ioritana,
e tusa ma le upu a le tagata o le
Atua, ona foi mai ai lea o lona tino
tuai pei o le tino o le tama itiiti, ua
mamā foi ia
15 Ona foi mai ai lea o ia i le tagata
o le Atua, o ia ma i latou uma sa ia
te ia, ua sau, ua tu mai i ona luma,
ua faapea mai, Faauta mai, ua ou
16 iloa nei e leai se atua i le lalolagi
uma, ua na o i Isaraelu lava; o
lenei foi, ia e talia se mea alofa a
lau auaua. A ua fai atu ia, O loo
soifua Ieova, o le ou te tu a'u nei i
ona luma, ou te le talia *se mea*.
Ona tauanau mai lea o ia ia te ia ia
na talia; a ua le mafai lava o ia.
Ona fai mai ai lea o Naamanu, E
17 le foaiina mai ea i lau auaua ni
avega a eleele a ni falata se lua?
auā e le toe faia e lau auaua se
taulaga mu po o se *isi* taulaga i
atua ese, na o Ieova lava. A ia faa-
18 magalo mai e Ieova i lau auaua i
lenei mea, pe a alu lo'u alii i le fale
o Rimoni e ifo ai, e toto'o foi o ia i
lo'u lima, ou te ifo foi a'u i le fale o
Rimoni, pe a ou ifo i le fale o
Rimoni, ia faamagalo e Ieova i lau
auaua i lona mea. Ona fai atu ai
19 lea o ia ia te ia, Ina maliu ia oe ma
le manuia. Ona alu ai lea o ia, e lei
faamamao foi.
Ona faapea lea o Kiasi le auaua
20 a Elisaia le tagata o le Atua, Faauta,
ua tu'itu'i e lo'u alii mea a lona
Suria o Naamanu i lona le talia le
mea ua na au mai; o loo soifua
Ieova, ou te tuliloa ia te ia, ou te
maua ai se mea ia te ia. Ona tuliloa
21 lea o Kiasi ia Naamanu. Ua iloa
mai foi e Naamanu o ia ua momo'o
atu ia te ia, ona alu ifo lea o ia i le
nofoa faataavalevale e faafetaiai ia
te ia, ua faapea mai, Pe se a le feau
e te sau ai? Ona fai atu lea o ia,
22 Ou te sau; ua auna mai a'u e lo'u
alii e fai atu, Faauta, ua o mai nei
lava ia te au o taulelea e toalua, o
soo o le au perofeta, mai le mauga o
Efaraita, se'i avane mo i laua o le
talení ario e tasi, atoa ma ofu e lua.
Ona fai mai lea o Naamanu, Ina
23 usitai mai ia, ia e ave taleni e lua.
Ua ia finau mai foi ia te ia, ua fafao
talení ario e lua i taga e lua, atoa
ma ofu e lua, ua tuu atu i ana
auaua e toalua, ua la avea, *ua*
muamua i ona luma. Ua oo foi i le
24 mauga, ona avea lea e ia o mea sa ia
te i laua, ua tuu i le fale, ua na faa-
foi atu ia tagata, ona o ai lea o i
laua. A ua ulufale atu o ia, ua tuu
25 i luma o lona alii. Ona fai mai lea
o Elisaia ia te ia, Kiasi e, na e ifea
ea? Ona tali atu lea o ia, E lei alu

- 26 lava lau auauna i se mea lava. Ona fai mai ai lea o ia ia te ia, Lue te lei o ea ma lo'u loto, ina ua toa foi mai le tagata nai lona nofoa faataavalevale e faafetaiai ia te oe? O ona po nei ea e talia ai ario, ma talia ai ofu, ma toolive, ma tovine, ma mamoe, ma povi, ma auauna tane, 12
- 27 ma auauna fafine? O le mea lea o le a pipii atu ai ia te oe ma au fanau le lepela o Naamanu i āu tupulaga. Ona alu ese ai lea o ia i ona luma, ua lepelā lava pei o le kiona.
- O isi vavega na faia e Elisaia. O le taua na sii e Suria.*
- 6 UA fai mai soo o le au perofeta ia Elisaia, Faauta mai, o le mea tatou te mau ai nei ma oe, ua 15
- 2 fetina'i ai tatou. Se'i matou o ia i Ioritana, ma taitasi le tagata ma ave ai lana laau, matou te fai a'i i lea mea se fale tatou te mau ai. Ona tali atu ai lea o ia, Ina o ia.
- 3 Ona fai mai lea o le tasi, Se'i tatou o ma i matou o au auauna. Ona fai 16
- 4 atu lea o ia, Tatou te o lava. Ona latou o ai lea ma ia. Ua oo foi i latou i Ioritana, ona latou ta laau ai 17
- 5 lea. Ua ta e le tasi le laau, ona paū ese lea o le matau i le vai; ona alaga lea o ia, ua faapea mai, Aue!
- 6 le alii e; auā o le mea nonō. Ona fai atu ai lea o le tagata o le Atua, Pe na paū ifea? Ona faasino mai ai lea e ia o le mea. Ona vavae mai ai lea e ia o se laau, ua lafo atu i ai; ona opeopea ai lea o le uamea.
- 7 Ona fai atu ai lea o ia, Ina avae ia. Ona aapa atu ai lea o ia lona lima, ua tago i ai.
- 8 Ua sii mai e le tupu o Suria le taua ia Isaraelu, ua latou filifili o ia ma ana auauna, ua faapea, O lea mea ma lea mea e fai ai le toagā-lauapi. Ona avatu lea o le feau a le tagata o le Atua i le tupu o Isaraelu, ua faapea atu, Ia oe, ne'i e ui ane i lea mea, auā ua o ifo i ai Suria.
- 10 Ona aauina lea nisi e le tupu o Isaraelu i le mea na fai atu ai le tagata o le Atua, ma faasino atu ia te ia; ua faaola ai o ia e ia i lea mea, e le 21
- 11 na o le atu tasi pe atu lua. O le mea lea ua atuatuva tele ai le loto o le tupu o Suria; ona valaau ai lea o ia i ana auauna, ua faapea atu ia 22
- te i latou, Tou te le faaali mai ea ia te au po o ai so tatou e 'au ma le tupu o Isaraelu? Ona fai mai ai 12
- lea o le tasi ana auauna, Le alii e, le tupu, e leai lava; a, o Elisaia le perofeta o i Isaraelu, o ia na te faaalai i le tupu o Isaraelu mea e te fetalaia i lou tofaga. Ona fai atu 13
- ai lea o ia, Ina o ia, ia iloilole mea e i ai o ia, ou te aauina atu nisi e pue ia te ia. Ona ta'ua mai ai lea ia te ia, ua faapea mai, Faauta, e i Totana ia.
- Ona aauina atu ai lea e ia i lea 14
- mea o solofanua, ma kariota, ma 'au e tele. Ua latou oo po atu, ona latou sio lea o le aai. Ua tulai le 15
- auauna a le tagata o le Atua i le taeao lava, ua alu i fafo, faauta, o 'au ua si'o le aai ma a latou solofanua ma kariota. Ona fai mai ai lea o lana auauna ia te ia, Aue! le alii e, pe faapefea se mea tatou te fai a'i? Ona tali atu ai lea o ia, 16
- Aua e te fefe, auā e toatele ua ia te i tatou i e ua ia te i latou. Ona tatalo ai lea o Elisaia, ua faapea atu, Ieova e, ia e faapupula i ona mata ina ia na iloa. Ona faapupulaina lea e Ieova o mata o le taulealea, ona iloa ai lea e ia, faauta foi, ua tumu le mauga i solofanua ma kariota a'i, ua latou vagavagai ia Elisaia. Ua o ifo 'au ia te ia, ona tatalo atu 18
- ai lea o Elisaia ia Ieova, ua faapea atu, Ia e faatauasoina nei tagata. Ona faatauasoina lea e ia o i latou, e tusa ma le upu a Elisaia. Ona 19
- fai atu lea o Elisaia ia te i latou, E le o le ala lenei, e le o le aai foi lenei; mulimuli mai ia ia te au, ou te ta'ita'i ia te outou i le tagata tou te sailia na. A ua na ta'ita'i ia te i latou i Samaria. Ua oo atu i latou 20
- i Samaria, ona faapea atu ai lea o Elisaia, Ieova e, ia e faapupulaina mata o nei tagata ina ia latou iloa. Ona faapupulaina ai lea e Ieova o latou mata, ona latou iloa ai lea, faauta foi, ua latou i totonu o Samaria. Ua iloa mai i latou e le 21
- tupu o Isaraelu, ona fai mai ai lea o ia ia Elisaia, Sena e, a a'u fāsia ea, a a'u fāsia? Ona tali atu ai lea o 22
- ia, Aua e te fafasi; e te fasia ea i latou na e faatagataotauaina i lau pelu ma lau aufana? Ina laulau

atu ia i o latou luma ni mea e 'ai
ma ni vai, latou te aai ma feinu ai,
23 i le latou o ai i lo latou alii. Ona
sauni ai lea e ia o mea e 'ai e tele
mā latou ; ua latou aai ma feinu,
ona tuuina atu lea o i latou e ia, ua
latou o i lo latou alii. Ona le toe o
mai ai lea o 'au a Suria i le nuu o
Isaraelu.

24 Ua mavae nei mea, ona faapoto-
poto ai lea e Peniata le tupu o Suria
o ana 'au uma, ua alu ae, ua vagaia
25 Samaria. Ona tele ai lea o le oge
i Samaria ; faauta foi, ua latou va-
gaia, ua iu ina faataulia le ulu o le
asini i tupe e valugafulu, ma le vae-
fagalemu o le kape o kirio i tupe e
lima.

26 Ua ui ane le tupu o Isaraelu i
luga o le pa, ona valaau lea o le tasi
fafine ia te ia, ua faapea atu, Le alii
e, le tupu, fesoasoani mai ia. Ona

27 tali mai ai lea o ia, A le fesoasoani
Ieova ia te oe, ou te fesoasoani ia te
oe i ni ā ? ai le mea e soli ai saito

28 ea, pe mai le tuugauaina ? Ua fai
mai foi le tupu ia te ia, O le a ea ?
Ona tali atu ai lea o ia, Na fai mai
le fafine nei ia te au, Ia e aumaia
lau tama tane, ta te 'aina i le aso, a
e ta 'aina la'u tama taeao. Ona ma
29 tunu ai lea o la'u tama, ua ma 'aina.
Ona ou fai atu ai lea ia te ia i le
tasi aso, ia e au mai lau tama ta te
'aina ; a ua nanā e ia lana tama.

30 Ua faalogo le tupu i upu a le fafine,
ona saei lea e ia ona ofu, ona savali
ane lea i luga o le pa, ona iloa ai lea
e le nuu, faauta, o le ie talatala i

31 totonu, ua aupito i lona tino. Ona
faapea ane lea o ia, Ia faapea ona
faia mai e le Atua ia te au, ma ia
faaopoopo i ai, pe afai a e po le asō
o tumau le ulu o Elisaia le atalii o

32 Safata ia te ia. A ua nofo Elisaia i
lona fale, o loo latou o nonofo ai ma
toeaina. Ona auina lea e le tupu o
le tagata nai ona luma ; a o lei oo
mai ia te ia le na auina, na ia fai
atu i toeaina, Ua outou iloa ea ua
auina mai se tasi e lena atalii o le
fasioti tagata e tutū i lo'u ulu ?
Vaai ia outou, pe a sau le ua auina
mai, ia outou pupuni le faitotoa, ma
ia outou taofi mau ia te ia i le faito-
to'a ; e le mulimuli mai ea ia te ia
33 le paū mai o vae o lona alii ? E

lei uma'atu ana upu ia te i latou,
faauta, ua oo mai ia te ia o le na
auina mai. Ona fai ane lea o ia,
Faauta, mai ia Ieova lenei mala ; se
a se mea ou te toe faatali atu ai ia
Ieova ?

*O le valoaga a Elisaia i mea e 'ai e
tele o le a maua e Samaria.*

ONA fai atu ai lea o Elisaia, Faa-
logologo mai ia outou i le afioga a
Ieova, O loo faapea ona fetalai mai
o Ieova, O le itu aso faapenei a
taeao, e faataulia i le faitotoa o
Samaria le sea o falaoa lelei i le
sekeli, e lua foi sea o karite i le
sekeli. Ona tali mai ai lea o le tasi
alii, sa totoo ai le tupu i lona lima, i
le tagata o le Atua, ua faapea mai,
Faauta mai, afai e faia e Ieova ni
faitotoa i le lagi e iloga ea e oo
lena mea ? Ona fai atu ai lea o ia,
Faauta mai, e te iloa ai i ou fofoga,
a e te le 'ai ai.

Na i ai foi i le mea e ui atu ai i
le faitotoa tagata lepela e toafa, ua
fetautalatala'i i latou, Se a le mea
tatou te nonofo ai pea iinei seia oti ?
Afai tatou te faapea, Tatou te o i le
aai, o loo i ai le oge, ona tatou oti ai
lea i lea mea ; afai foi tatou te no-
nofo ai pea iinei, tatou te oti ai foi.
Ina o mai ia, ina tatou sosola i le
itu taua a Suria ; afai latou te faa-
ola ia te i tatou, tatou te ola ; a e
afai latou te fasioti ia te i tatou, na
ona tatou oti lava. Ona latou tulai
ai lea i le po, o le a o atu i le to-
agālauapi a Suria ; ua oo foi i latou
i le toagālauapi pito mai a Suria,
faauta foi, e lei i ai se tagata. Auā
na faa faalogoina e le Alii i le togā-
lauapi a Suria le taalili o karieta,
ma le taalili o solofanua, o le taalili
o 'au e tele. Ona latou fetautala-
tala'i ai lea, Faauta, ua faaloātau-
ina e le tupu o Isaraelu o tupu o sa
Hetī, ma tupu o Aikupito e o mai e
tau, ma i tatou. Ona latou tulai ai
lea, ua sosola i le po, ua tuulafoai
foi o latou fale ie, ma a latou solo-
fanua, ma a latou asini, ma le toa-
gālauapi pei ona i ai, ua sosola lava
i le fia ola.

Ua oo atu ia lepela i le toagā-
lauapi pito mai, ona latou ulu atu
lea i le tasi fale ie, ua aai ma feinu

- ua latou avea ai foi ario, ma auro, atoa ma ofu, ona o ai lea ua nanā ai; ona toe foi lea, ua ulu atu i le tasi fale ie, ua latou avea ai foi mea, 9 ona o ai lea ua nanā. Ona latou fetautalatala'i ai lea, E le tatou le mea o tatou o faia nei, o le aso manuia lenei aso, a ua tatou faa-lologo; pe afai tatou te faatali seia malama ae le taeao, ona oo mai ai lea o le sala ia te i tatou; ina o mai ia, ina tatou o e ta'u atu i le 10 aiga o le tupu. Ona latou o mai ai lea, ua valaau i le leoleo faitotoa o le aai, ua tala mai ia te i latou, ua faapea mai, Na matou o atu i le toagālauapi a Suria; faauta foi, ua leai se tagata o i ai, po o se leo o se tagata; ua na o solofanua o noatia, ma asini o noatia, ma fale ie pei ona 11 i ai. Ona valaau lea o ia i leoleo faitotoa, ona latou ta'u atu ai lea i 12 falē i le aiga o le tupu. Ona tulai ai lea o le tupu i le po, ua faapea ane i ana auuana, So'u faali atu nei ia te outou le mea ua faia e Suria ia te i tatou. Ua iloa e i latou ua tatou mātelaina, o le mea lea ua latou o ai i tua o le toagālauapi e lalafi i le vao, ua faapea i latou, Pe a latou o atu i tua o le aai, ona ta- 13 tatou pupue ola lea ia te i latou, ma tatou o mai i le aai. Ona tali mai ai lea o le tasi ana auuana, ua faapea mai, Se'i ave nisi solofanua e lima o totoe, ua i ai pea i le aai, (faauta, ua latou pei o le vao tagata o Isa- raelu o e totoe ai, faauta, pei o le vao tagata o Isaraelu lava, ua faa- matia,) tatou te aauina atu seia 14 iloa. Ona latou ave lea o solofanua o kariota e lua, ua aauina atu e le tupu i le toagālauapi a Suria, ua faapea atu, Ina o ia, ia outou vaa- 15 vai. Ona latou mulimuli lea ia te i latou, ua oo i Ioritana; faauta foi, ua fola solo i le ala uma o ofu ma ipu, na lafoai e Suria i lo latou so- sola faaatuatuvale. Ona foi mai ai lea o e na aauina, ua ta'u mai i le tupu. 16 Ona o atu ai lea o le nuu, ua vete le toagālauapi a Suria. Ona faa- taulia lea o le sea o falaoa lelei i le sekeli, ma le lua o sea o karite i le sekeli, e pei o le afoa a Ieova. 17 Ona tofia lea e le tupu lena alii sa
- totoo ai o ia i lona lima, ia leoleo e ia le faitotoa. Ona galuvaea lava lea o ia e le nuu i le faitotoa, ona oti ai lea, e pei o le upu a le tagata o le Atua, na ia fai atu ai ina ua alu ifo le tupu ia te ia. Ona taunuu ai 18 lea o le mea na fai atu ai le tagata o le Atua i le tupu, ua faapea, E lua sea o karite i le sekeli, ma le sea o falaoa lelei i le sekeli, e faia lea i le itu aso faapenei a taeao i le fai- totoo o Samaria. A ua tali mai 19 lena alii i le tagata o le Atua, ua faapea mai, Faauta ea, afai e faia e Ieova ni faitotoa i le lagi e iloga ea e oo lena mea? Ona tali atu ai lea o ia, Faauta mai, e te iloa ai lava i ou fofoga, a e te le 'ai ai. Ua taunuu foi ia te ia, auā na galu- 20 vaea o ia e le nuu i le faitotoa, ua oti ai.
- O le tala i le tamaitai Sunema, atoa ma isi mea na tutupu i Isaraelu.*
- UA fai atu Elisaia i le fafine na 8 faaolaina e ia lana tama tane, ua faapea atu, Tu ia i luga, ina outou o ma lou aiga, ia āumau i se mea e mafai ona e āumau ai; auā ua valaau e Ieova i le oge; e oo ai foi i le nuu i tausaga e fitu. Ona tulai ai lea o 2 le fafine, ua fai a'i le upu a le tagata o le Atua; ua latou o ma lona aiga, ua āumau i le nuu o Filisitia i tausaga e fitu.
- Ua mavae ia tausaga e fitu, ona 3 foi mai ai lea o le fafine mai le nuu o Filisitia; ua alu atu e tagi i le tupu i lona fale ma lona fanua. Ua 4 tautala le tupu ma Kiasi le auuana a le tagata o le Atua, ua faapea ane, Ina ta'u mai ia ia te au o vavega uma na faia e Elisaia. O loo tala 5 atu ia i le tupu i le tagata oti na na faaolaina, faauta foi, o le fafine e ana le tama na faaolaina e ia ua tagi mai i le tupu i lona fale ma lona fanua. Ona fai ane lea o Kiasi, Le alii e, le tupu, o le fafine lava lenei, o lana tama foi lenei na faaolaina e Elisaia. Ona fesili atu 6 ai lea o le tupu i le fafine, ona tala mai ai lea o ia ia te ia. Ona tofia lea e le tupu o le tasi auuana sili, ua faapea atu, Ia toe avatu ia te ia ana mea uma, atoa ma mea uma na tutupu i le fanua talu le aso na

- tuua ai e ia le nuu, e oo i lenei lava
aso.
- 7 Ua alu atu Elisaia i Tamaseko, a
o ma'i Peniata le tupu o Suria, ona
ta'uina atu lea ia te ia, ua faapea
atu, Ua sau le tagata o le Atua
8 iinei. Ona fai atu ai lea o le tupu
ia Asaeli, Ia e ave se mea alofa i lou
lima, i le e'alu, se'i oo i le tagata o
le Atua, ma fesili atu ai ia Ieova, ia
faapea ane, Pe ou te malolo i lenei
9 ma'i? Ona alu ai lea o Asaeli e oo
ia te ia, ua ave foi e ia le alofa i
lona lima, o mea lelei uma i Tama-
seko e fagafulu avega a kamela,
ona sau ai lea o ia, ua tu mai i ona
luma, ua faapea mai, Ua auna mai
a'u ia te oe e lou atalii o Peniata le
tupu o Suria, o lóo faapea mai, Pe
10 ou te malolo i lenei ma'i? Ona fai
atu lea o Elisaia ia te ia, Alu ia, fai
atu ia te ia, E mafai lava ona e toe
soifua; a ua faaali mai e Ieova ia te
11 au, o le a malui lava ia. Ona pula-
toa atu lava lea o ona mata, ua iu
ina ma ai o ia; ona tagi ai lea o le
tagata o le Atua. Ona fai mai ai
12 lea o Asaeli, Le alii e, se a le mea e
te tagi ai? Ona tali atu lea o ia,
Auā ua ou iloa le leaga e te faia i le
fanauga a Isaraelu; e te susunu i o
latou 'olo i le afi, e te fasi i o latou
taulelea i le pelu, e te palasi i a latou
tama meamea, e te faatia i o latou
13 fafine totō. Ona fai mai ai lea o
Asaeli, O le a ea? se uli ea lau aua-
una e fai ai lena mea tele? Ona
tali atu ai lea o Elisaia, Ua faaali
mai e Ieova ia te au, o le a fai oe
14 ma tupu o Suria. Ona alu ese ai
lea o ia ia Elisaia, ua alu atu i lona
alii; ona fai mai ai lea o ia ia te ia,
Se a ea le upu a Elisaia ia te oe?
Ona tali atu ai lea o ia, Na ia fai
mai ia te au, e te toe soifua lava oe.
15 Ua oo i le taeao, ona tago lea o ia i
le ie māfafia, ua fufui i le vai, ona
faapulou a'i lea ona fofoga, ua oti
ai. Ona soloai ane ai lea o Asaeli e
fai ma tupu.
- 16 O le lima o tausaga o Ioramo le
atalii o Aapo le tupu o Isaraelu, a o
fai Iosefatu ma tupu o Iuta, na fai
ai Ioramo le atalii o Iosefatu ma
17 tupu o Iuta. O le tolugafulu ma le
lua o ona tausaga na fai ai o ia ma
tupu; e valu foi tausaga na fai ai o
ia ma tupu i Ierusalema. Na ia 18
savali foi i le ala o tupu o Isaraelu,
pei ona faia e le aiga o Aapo; auā
o le afafine o Aapo na fai mana avā,
ua fai foi e ia le amio leaga i luma
o Ieova. A e lei finagalo Ieova 19
ona faaumatia o Iuta, ona o lana
auna o Tavita, faapei ona fetalai
mai o ia ia te ia, e tuuina mai le
lamepa ia te ia ma ana fanau i aso
uma.
- O lana nofoaiga na foua ai Iuta e 20
Etoma, ua latou faanofo so latou
lava tupu. Ona alu atu ai lea o 21
Ioramo i Seira, ua ia te ia foi o kari-
ota uma. Ona tulai lea o ia i le po,
ua na fasi ia Etoma na sio ia te ia,
atoa ma alii o kariota, ona sola ai
lea o le nuu i o latou fale ie. A ua 22
foua le pule a Iuta e Etoma, ua oo
lava i ona po nei. O ia ona po foi
na fou ai Lipena.
- O toe o mea na faia e Ioramo, 23
atoa ma mea uma na faia e ia, e lei
tusia ea i le tusi o tala i nofoaiga a
tupu o Iuta? Ua taoto foi Ioramo 24
faatasi ma ona tamā, ua tanumia
foi faatasi ma ona tamā i le aai o
Tavita. Ona soloai ane ai lea o
Aasaia lona atalii e fai ma tupu.
- O le sefulu ma le lua o tausaga o 25
Ioramo le atalii o Aapo le tupu o
Isaraelu, na fai ai ma tupu o Aasaia
le atalii o Ioramo le tupu o Iuta.
Ua fai ma tupu Aasaia i le luafulu 26
ma le lua o ona tausaga; e tasi foi
le tausaga na fai ai o ia ma tupu i
Ierusalema. O le igoa o lona tinā
o Atalia, le afafine o Omeri le tupu
o Isaraelu. Ua ia savali foi i le ala 27
o le aiga o Aapo, ua na fai foi le
amio leaga i luma o Ieova, pei o le
aiga o Aapo; auā na aiga o ia ma
sa Aapō. Ua la o ma Ioramo le 28
atalii o Aapo i le taua ma Asaeli le
tupu o Suria i Ramota-Kiliata, ona
manua lea o Ioramo ia Suria. Ona 29
foi ai lea o Ioramo le tupu i Isereelu,
ia fofa ai ona manua na manua ai ia
Suria i Rama, ina ua tau o ia ma
Asaeli le tupu o Suria. Ona alu ifo
ai lea o Aasaia le atalii o Ioramo le
tupu o Iuta e o'oo'o ia Ioramo le
atalii o Aapo i Isereelu, auā ua
manua ia.

Ua fai Ieu ma tupu o Isaraelu, a ua fāsia Ioramo, ma Aasaia, ma Iesepela.

- 9 UA valaau e le perofeta o Elisaia le tasisoo o le au perofeta, ua faapea atu i ai, Ina fusi ia lou sulugātiti, ma ave i lou lima lenei fagu uu, ma
2 e alu i Ramota-Kiliata; a ē oo foi i ai ia e sailia Ieu le atalii o Iosefatu le atalii ia o Nimesi, i le e ulu atu, ma fai atu ia te ia ia tulai ai luma o ona uso, i le ave ia te ia i se afeafe
3 tuloto; ona e tago ai lea i le fagu uu, ma liligi ifo ai i lona ulu, ma fai atu, O loo faapea ona fetalai mai o Ieova, Ua ou faauu ia te oe e fai ma tupu o Isaraelu. I le ē toina le
4 puipui, ma e sola, aua lava ne'i e faatali. Ona alu ai lea o le taulealea, o le perofeta foi le taulealea, i
5 Ramota-Kiliata. Ua oo atu ia, faaua, o nonofo mai alii e pule i 'au; ona fai atu ai lea o ia, Le alii e, o la'u feau ia te oe. Ona fai mai ai
lea o Ieu, O se fea ea o i matou nei uma? Ona fai atu ai lea o ia, Le
6 alii e, o oe lava. Ona tulai ai lea o ia, ua ulu atu i fale; ona liligi ifo lea e ia o le uu i lona ulu, ua fai atu ai ia te ia, O loo faapea ona fetalai
mai o Ieova le Atua o Isaraelu, Ua ou faauu ia te oe e fai ma tupu o le
7 nuu o Ieova, o Isaraelu. E te fasia le aiga o Aapo lou alii, ina ia ou tau i ma sui ia Iesepela le toto o a'u auaina le au perofeta, atoa ma le
8 toto o auaina uma a Ieova. Auā o le a fano le aiga uma lava o Aapo; ou te faaumatia foi i sa Aapō o se tulai atu i se aupa, o le pologa atoa
9 ma le saoloto ua i Isaraelu; ou te faatatau foi le aiga o Aapo i le aiga o Ierepoamo le atalii o Nepata, ma
10 le aiga o Paasa le atalii o Akia; e 'aina foi e uli Iesepela i le fanua o Isereelu, e leai foi se na le tanumia o ia. Ona toina lea e ia o le puipui, ua sola.
11 Ona toe alu atu ai lea o Ieu i auaina a lona alii. Ona fai mai lea o le tasi ia te ia, Pe ni malie *pe ni tamai*? O le a le mea na sau ai lea vale ia te oe? Ona fai atu ai lea o ia ia te i latou, Ua outou iloa le
12 tagata atoa ma lana feau. Ona latou tali mai ai lea, Ua pepelo. Ina ta'u

mai ia ia te i matou. Ona fai atu ai lea o ia, Ua faapea ma faapea lana upu ia te au, ua fai mai, O loo faapea ona fetalai mai o Ieova, Ua ou faauu ia te oe e fai ma tupu o Isaraelu. Ona faataalise ai lea o i latou, 13 ua taitasi ma tago i lona ofu, ma tuu i lalo ia te ia i luga lava o le ala faaapefai, ua faasasau pu, ma faapea atu, Ua fai Ieu ma tupu. Ona 14 fousa ai lea o Ioramo e Ieu le atalii o Iosefatu, le atalii ia o Nimesi. (Na leoleo foi e Ioramo Ramota-Kiliata, o i latou ma Isaraelu uma, ona o Asaeli le tupu o Suria. A ua foi 15 atu le tupu o Ioramo i Isereelu e foso ai ona manua na manua ai o ia ia Suria i le taua ma Asaeli le tupu o Suria.) Ona fai atu lea o Ieu, Afai e tatau ia te outou, aua ne'i sola se tasi i le aai nei e alu e ta'u atu i Isereelu.

Ona tietie ai lea o Ieu i le kariota, 16 ua alu i Isereelu, auā na taoto ai Ioramo; ua alu ifo foi Aasaia le tupu o Iuta e o'oo'ia Ioramo. Ua 17 tu foi le tagata vaai i luga o le 'olo i Isereelu; ona iloa atu ai lea e ia o le vao tagata o Ieu o loo alu atu; ona fai atu ai lea, Ua ou iloa atu le vao tagata. Ona fai mai lea o Ioramo, Ina au atu ia o se tietie i se solofanua na te faafetaiaiina i latou, ma fai ane i ai, Pe filemu ea? Ona 18 alu ai lea o le tietie i le solofanua e faafetaiai ia te ia, ua faapea atu, O loo faapea ona fetalai mai o le tupu, Pe filemu ea? Ona fai mai ai lea o Ieu, Ona a se'i filemu lava lea? Ina sau ia oe i o'u tua. Ona fai atu ai lea o le tagata vaai, ua faapea atu, Ua oo atu ia te i latou le na auina, a ua le toe foi mai. Ona auina atu 19 ai lea e ia o le tietie i le solofanua o le atu lua lea; ua oo atu o ia ia te i latou, ua faapea atu, O loo faapea ona fetalai mai o le tupu, Pe filemu ea? Ona tali mai ai lea o Ieu, Ona a se'i filemu lava lea? Ina sau ia oe i o'u tua. Ona fai atu ai lea o le 20 tagata vaai, ua faapea atu, Ua oo lava ia ia te i latou, a ua le toe foi mai; o le faamomo'e foi, e faapei o le faamomo'e a Ieu le atalii o Nimesi, auā e soona tele'a'i ona faamomo'e e ia. Ona fai ane lea o 21 Ioramo, Ina sauni ia. Ona sauni ai

lea o lona kariota. Ona o ai lea o Ioramo le tupu o Isaraelu, atoa ma Aasaia le tupu o Iuta, taitasi ma lona kariota, ua la o e faafetaiai ia Ieu; ua latou fetaiiai foi ma ia i le
 22 fanua o Napota le Isereelu. Ua iloa Ieu e Ioramo, ona fai atu ai lea o ia, Ieu e, e filemu ea? Ona fai mai ai lea o ia, Se a se filemu, ona le ua tele ea o faitaaga a lou tinā o Iesepela, ma ana togafiti faatau-
 23 lāitu? Ona liliu ai lea o Ioramo, ma sola, ua faapea atu ia Aasaia, Aasaia e, o le fouvale *le mea nei*.
 24 Ona lo'u gase lea e Ieu o le aufana, *ua fana* ua lavea ai Ioramo i le vai-tau'au, ua ati le u i lona fatu; ona pa'i ai lea o ia i totonu o lona kari-
 25 ota. Ona fai atu ai lea o Ieu ia Pitika o lana ave 'au, Ina avae ia o ia, ina lafo i le fāsi fanua o Napota le Isereelu, auā ia e manatua sa ta o toalua o tietie i le kariota, ma mulimuli atu i lona tamā o Aapo, ona tuuina atu ai lea e Ieova o lona
 26 avega ia te ia; o loo fetalai mai Ieova, Na ou iloa lava ananafi le toto o Napota ma le toto o ona atalii; o loo fetalai mai Ieova, Ou te tau'i atu foi ia te oe i lenei fanua. O lenei, ina ave ia e lafo ia te ia i le fanua, e tusa ma le afioga a Ieova.
 27 Ua iloa e Aasaia le tupu o Iuta, ona sola ai lea o ia i le ala i le fale ua i le fanua. Ona tuliloa lea o Ieu ia te ia, ua fai atu foi, ia fasi foi ia te ia i le kariota. *Ona fasia lea o ia* i le aega i Kuru o i Ipelamo. Ona sola ai lea o ia i Mekito, ua oti ai.
 28 Ona ave ai lea o ia e ana auuana i le kariota i Ierusalem, ua tanu ia te ia i lona tuugamau faatasi ma ona
 29 tamā i le aai o Tavita. O le tausaga e sefulu ma le tasi o Ioramo le atalii o Aapo na fai ai Aasaia ma tupu e pule ia Iuta.
 30 Ua oo Ieu i Isereelu, ona logona lea e Iesepela, ona vali ai lea e ia ona mata, ma teuteu lona ulu, ua
 31 vaai mai i le faamalama. Ua ulu atu Ieu i le faitotoa, ona fai mai ai lea o ia, Pe na manuia ea Semeri, o le na
 32 fasioti i lona alii? Ona tepa ae ai lea o ia i le faamalama, ua faapea atu, O ai ea e 'au ia te au? Po o ai? Ona vaai mai ai lea ia te ia o auuana

sili e toalua *pe* toatolu. Ona fai atu 33 ai lea o ia, Ia outou lafo ifo ia ia te ia. Ona latou lafo ifo ai lea ia te ia; ua pisia foi le pa ma solofanua i lona toto; ona soli ai lea o ia ia te ia. Ua ulufale atu o ia, ua 'ai foi 34 ma inu, ona fai atu ai lea, Ina asiasi ia i lona fafine malaia, ma tanu ia te ia; auā o ia o le afafine o le tupu. Ona latou o ai lea e tanu ia te ia; 35 ua na o lona ulupoo, ma ona tapu-vae, ma ona tapulima na latou maua. Ona latou foi mai ai lea, ua ta'u 36 mai ia te ia. Ona fai atu ai lea o ia, O le afioga a Ieova lea, na fetalai mai ai i lana auuana o Elia le Tisepi, e faapea mai, E 'aina e uli le tino o Iesepela i le fanua o Isereelu; e i 37 ai foi le tino o Iesepela i luga o le laueleele i le fanua o Isereelu pei o otaota; latou te le faapea ane foi, O Iesepela lenei.

O le fasiaga o le aiga o Aapo, atoa ma e na tupuai ia Paala.

SA i Samaria foi o atalii o Aapo e 10 toafitugafulu. Ua tusi foi e Ieu o tusi, ma avatu ai i Samaria, i alii o Isereelu o toeaina, atoa foi ma i latou na tausi i *fanau* a Aapo, ua faapea atu, A oo atu lenei tusi ia te 2 outou, o ia te outou atalii o lo outou alii, e ia te outou foi kariota, ma solofanua, o le aai foi o nofo 'olo, atoa ma auupega; ia outou filifili se 3 atalii o lo outou alii, o se ua sili ma le tataui, ia outou faanofo foi ia te ia i le nofoalii o lona tamā, ma ia outou sauni tau mai ona o le aiga o lo outou alii. A ua matuā matatau 4 lava i latou, ua faapea ane, Faauta, e lei tutū tupu e toalua i ona luma, pe faapefea ona tatou tutū ai? Ona 5 ave ai lea ia Ieu o le feau a le na pule i le aiga, ma le na pule i le aai, ina toeaina, atoa ma e tausia *tama*, ua faapea mai, O au auuana i matou, matou te faia mea uma e te fetalai mai ai; matou te le faia se tupu; ina faia ia oe o le mea e te finagalo i ai. Ona toe tusi faalua atu ai lea 6 o ia ia te i latou, ua faapea atu, Afai ua ia te au outou, ma outou usiusitai i au upu, ia outou au mai i ulu o ia tagata o atalii o lo outou alii, i le tou o mai ai ia te au i Isereelu a taeao i le itu la faapenei.

- Na i ai foi atalii o le tupu e toafitugafulu tagata i alii o le aai, na latou fausi ia te i latou. Ua oo atu le tusi ia te i latou, ona latou ave ai lea o atalii o le tupu, ma latou fāsioti i tagata ia e toafitugafulu, ua fafao foi o latou ulu i ato, ma avatu ai ia te ia i Isereelu. Ona sau ai lea o le sāvali, ua ta'u mai ia te ia, ua faapea mai, Ua latou au mai ulu o atalii o le tupu. Ona fai atu ai lea o ia, Ia outou tuuina i faupuega e lua i le puipui o le faitotoa seia taeao. Ua oo i le taeao, ona alu atu ai lea o ia, ua tu atu, ma fai atu i le nuu uma, Ua amiotonu outou, faauta mai, na ou foua e a'u lo'u alii, ma fāsioti ia te ia; a o ai ea na fāsioti ia te i latou nei uma? O lenei, ia outou iloa e le iuvale se mea e tasi o afiga a Ieova, sa fetalai mai ai Ieova i le aiga o Aapo; a ua faia e Ieova le mea sa na fetalai mai i lana au-auna o Elia. Na fāsia e Ieu o i latou uma na totoe o le aiga o Aapo i Isereelu, atoa ma alii uma sa ia te ia ma anaumea, ma ana ositaulaga, ua oo ina le faatotoe e ia se toatasi ia te ia.
- Ona tulai ai lea o ia, ua alu atu, o le a alu i Samaria, ua i le fale e fusi ai *mamoe* e leoleo mamoe, sa i le ala lea. Ona maua ai lea e Ieu uso o Aasaia le tupu o Iuta; ua na fai atu foi, O ai ea outou na? Ona fai mai ai lea o i latou, O uso o Aasaia i matou, o loo o ifo foi i matou e fealofani ma alo o le tupu, atoa ma alo o le masiofo. Ona fai atu ai lea o ia, Ina pue ola ia ia te i latou. Ona latou pue ola lea ia te i latou, ma fāsioti ia te i latou, i le lua o le fale e fusi ai *mamoe*, o tagata e toafagafulu ma le toalua; e lei faatoe lava e ia so latou.
- Ua alu ese ia i lea mea, ona iloa ai lea e ia o Ionatapa le atalii o Rakapa, ua faafetaiai mai ia te ia. Ona alofa atu ai lea ia te ia, ua fai atu i ai, Po ua tonu mai ea lou loto, faapei o lo'u loto i lou loto? Ona fai mai ai lea o Ionatapa, O lea lava. Afai ua faapea, au mai ia lou lima. Ona au mai ai lea e ia o lona lima; ona ia avae ai lea o ia ia la faatasi i le kariota. Ona fai atu ai lea o ia, Ia ta o ma a'u, e te iloa ai

lo'u maelega ia Ieova. Ua latou fai atu ia te ia e tietie i lona kariota. Ua oo ia i Samaria, ona fasi uma ai lea e ia i e na totoe o sa Aapō i Samaria, ua oo ina faaumatia o ia, faapei o le afiga a Ieova, na ia fetalai mai ia Elia.

Ona faapotopoto ai lea e Ieu o le nuu uma, ua fai atu ia te i latou, Sa auaua faaitiiti Aapo ia Paala, a e tele ona auaua o Ieu ia te ia. O lenei, ina faapotopoto mai ia ia te au o perofeta uma a Paala, o ana auaua uma, atoa ma ana ositaulaga uma; auā ne'i nofo se tasi; auā o *le a fai* la'u taulaga tele ia Paala; ai se nofo e le ola ia. A ua faia *lea mea* e Ieu ma le faa'ole'ole, ina ia faaumatia e ia o e auaua ia Paala. Ua fai atu Ieu, Tala'i ia o se nunu ia Paala. Ona latou tala'i ai lea. Ua ave foi le feau a Ieu ia Isaraelu uma; ona o mai ai lea auaua uma lava a Paala, e lei toe se tasi tagata e le o sau. Ua latou ulufale foi i le fale o Paala, ua tumu saisi ai le fale o Paala. Ona fai atu ai lea o ia i le na leoleo i le fale e tuu ai ofu, Au mai ia o ofu mo i latou uma o e auaua ia Paala. Ona au mai ai lea e ia o ofu mo i latou. Ona alu ai lea o Ieu, o i laua ma Ionatapa le atalii o Rakapa, i le fale o Paala, ma na fai atu i e auaua ia Paala, Suesue ia, ma ia iloa ina ne'i iinei ia te outou sē auaua ia Ieova, ia na o e auaua ia Paala lava. Ua latou ulufale atu e fai ai taulaga ma taulaga mu; ona tofia lea i fafo e Ieu o tagata e toavalugafulu, ua fai atu foi, A sao se tasi o ia tagata ua ou au mai i o outou lima, e suia o ia i so outou.

Ua uma ona faia le taulaga mu, ona fai atu ai lea o Ieu i le 'au e faafeao, ma e ta'i 'au, Ulufale atu ia, ina fāsioti ia te i latou, ne'i sao i fafo se tasi. Ona latou fāsioti ai lea ia te i latou i le pelu, ua lafoai foi i latou i fafo e le 'au e faafeao ma e ta'i 'au. Ona latou o ai lea i le aai o le fale o Paala. Ona latou au mai ai lea i fafo o tupua ai le fale o Paala, ma latou susunu ai. Ua latou lepeti i le tupua o Paala, ua latou lepeti foi i le fale o Paala, ua fai ai ma māliuga, ua oo lava i

28 le aso nei. O lenei, ua faaumatia
29 Paala e Ieu i Isaraelu. A e peitai
ua le liliu ese lava Ieu i agasala a
Ierepoamo le atalii o Nepata, o le
na faatupu le agasala ia Isaraelu;
o tamai povi auro foi ia na i ai i
Peteli atoa foi ma Tanu.

30 Ona fetalai mai lea o Ieova ia
Ieu, Ua lelei lau mea na fai ina ua
e faia le mea tonu i o'u luma, ma
ua e faia i le aiga o Aapo e tusa ma
mea uma na ou loto i ai, o le mea
lea e nonofo ai ou atalii i le nofoālii
o Isaraelu e oo i le fa o *tupulaga*.

31 A e lei anaana Ieu e savali i le
tulafono a Ieova le Atua o Isaraelu
ma lona loto atoa; ina ua le liliu
ese i agasala a Ierepoamo, o le na

32 faatupu le agasala ia Isaraelu. O
ia ona po na amata ai e Ieova ona
faaitiitiina o Isaraelu; na fāsia foi
e Asaeli o i latou i itu uma o Isa-

33 raelu, e amata i Ioritana i le itu e
alu ae ai le ia, o le nuu uma o Kili-
ata, o sa Katō, ma sa Reupenā, atoa
ma sa Manasē, e amata i Aroeru e
latalata i le alia o Arinona, o Kiliata
atoa ma Vasana.

34 O toe o mea na faia e Ieu ma
mea uma na ia faia, atoa ma lona
fitafita uma, e lei tusia ea i le tusi o
tala i nofoaiga a tupu o Isaraelu?

35 Ua taoto foi Ieu faatasi ma ona
tamā; ua latou tanu ia te ia i
Samaria; ona soloai ane ai lea o
Ioasasa lona atalii e fai ma tupu.

36 O aso foi na fai ai Ieu ma tupu ia
Isaraelu i Samaria, e luafulu ma le
valu o tausaga ia.

*O le fasiga o le aiga o le tupu o Iuta
e Atalia le tupu fafine.*

11 UA iloa e Atalia le tinā o Aasaia
ua oti lana tama, ona tulai ai lea o
2 ia, ua fasioti i le fanau uma a le
tupu. A e peitai o Iosapa le afafine
o le tupu o Ioramo, le tuafafine o
Aasaia, na ia ave ia Ioasa le atalii o
Aasaia, ua āisola ia te ia i atalii o le
tupu e na fasiotia; ua latou nā ia
te ia, o ia ma le faasusu ia te ia,
i le afeafe moe, ia le iloa e Atalia:
3 ona le fasiotia ai lea o ia. Sa i ai
foi o ia ia te ia ua natia i le fale o
Ieova i tausaga e ono. Ua fai foi
Atalia ma tupu i le nuu.

4 A o le fitu o tausaga ua alu ai le

feau a Ieoiata, ua aami i ali i tai-
toaselau, ma le au keri, atoa ma le
'au e faafeao, ua na au mai i latou
ia te ia i le fale o Ieova; ona fai
lea o le feagaiga ma i latou, ma fai
atu ia tauto i latou i le fale o Ieova,
ona faaali atu ai lea ia te i latou o

le atalii o le tupu. Ona fai atu ai
lea o ia ia te i latou, ua faapea atu,
O le mea lenei tou te faia; O le
tasi *vaega*, o ona vaega e tolu o ou-
tou o e ulufale mai i le sapatī, e fai
i latou ma leoleo o le fale o le

tupu; e i ai foi le tasi vaega i le
faitotoa o Sura, e i ai foi le tasi
vaega i le faitotoa i tua o le 'au e
faafeao; tou te leoleo ai le fale, nei
osofia. E lua vaega foi o outou

uma o e ulufafo i le sapatī, latou te
leoleo i le fale o Ieova e latalata i
le tupu. Tou te vagavagai foi i le
tupu ia soo ai, o le tagata ma lana

auupega i lona lima; o se sau foi i
totonu o 'au e faaatutolo ia fasiotia
o ia; ia outou i ai foi i le tupu i
lona ulufafo atu ma lona ulufale
mai. Ona faia lava lea e ali i tai-

toaselau e tusa ma mea uma na fai
atu ai Ieoiata le ositaulaga; ua tai-
tasi ma ave i ona tagata o e ulufale
mai i le sapatī, atoa ma e ulufafo i
le sapatī; ua latou o mai ia Ieoiata

le ositaulaga. Ona avatu ai lea e
le ositaulaga i ali i taitoaselau o
tao ma talita a le tupu o Tavita na
i le fale o Ieova. Ona tutū ai lea o

le 'au e faafeao, o le tagata ma lana
auupega i lona lima, e amata i le
itu taumatau o le fale, e oo i le itu
tauagavale o le fale i *tafatafa* ane o

le fata faitaulaga ma le fale, ma le
tupu e soo ai. Ona au mai ai lea e
ia o le atalii o le tupu, ua faaeina

atu foi ia te ia le palealii, ma *tuuina*
atu i ai le tulafono; ua latou fai ai
o ia ma tupu, ua faauu foi ia te ia;
ona latou taufaipatilima lea, ma fai

atu, ia soifua le tupu.

Ua faalogo Atalia i le vāvāo o le
nuu e femoei, ona sau ai lea o ia i
le nuu i le fale o Ieova. Ua na
vaai mai, faauta, o le tupu ua tu i

le pou e faapei o le tu, ma ali ma e
ili pu e latalata i le tupu, ma tagata
uma o le nuu ua olioli ma ili pu;
ona saei ai lea e Atalia ona ofu, ua

alaga, O le fouvale, O le fouvale.

- 15 Ona fai atu ai lea o Ieoiata le ositaulaga i alii o taitoaselau, o alii o 'au, ua faapea atu ia te i latou, Ia outou ave ia te ia i tua o 'au ua faaatusolo, o sē mulimuli atu foi ia te ia ia fasioti i le pelu. Auā na fai atu le ositaulaga, Aua ne'i fasiotia o ia i le fale o Ieova. Ua latou pue ia te ia, ona alu ai lea o ia i le ala e ui mai ai solofanua i le fale o le tupu, ua fasiotia foi o ia i lea mea.
- 16 Ona faia lea e Ieoiata o le feagaiga a Ieova ma i latou, o le tupu ma le nuu, e avea ai i latou ma nuu o Ieova; o le feagaiga foi a le tupu ma le nuu. Ona o atu ai lea o tagata uma o le nuu i le fale o Paala, ma latou lepetia; ua latou matuā tu'imomoia ona fata faitaulaga ma ona tupua; ua latou fasioti foi ia Matana le ositaulaga a Paala i luma o fata faitaulaga. Ona tofia ai lea e le ositaulaga o e leoleo i le fale o Ieova. Ona ave lea e ia o alii o taitoaselau, ma le au kerī, ma le 'au e faafeao, atoa ma tagata uma o le nuu, ona latou o ifo ai lea ma le tupu nai le fale o Ieova i le fale o le tupu, ua ui mai i le ala o le faitotoa o le 'au e faafeao. Ona tietie ai lea o ia i le nofoālii o tupu. Ona olioli ai lea o tagata uma o le nuu, ua filemu foi le aai; a ua fasia Atalia i le pelu e latalata i le fale o le tupu. Ua fai ma tupu Ioasa i le fitu o ona tausaga.
- O le tala i mea na tutupu i le nofoaiga a Ioasa.*
- 12 O LE fitu o tausaga o Ieu na fai ai Ioasa ma tupu; o tausaga e fagafulu na fai ai o ia ma tupu i Ierusalem. O le igoa foi o lona t'nā o
- 2 Sevi o le Peresepa. Ua faia foi e Ioasa le amiotonu i luma o Ieova i ona aso uma na a'oa'o atu ai Ieoiata le ositaulaga ia te ia. Na ona ua le aveeseina mea maua luga; na fai taulaga pea le nuu, ma faamu mea manogi i mea maua luga.
- 4 Ua fai atu Ioasa i le au faitaulaga, O tupe uma o mea e faapaiaina e aumaia i le fale o Ieova, o tupe a tagata taitoatasi ua faitaulaia, o tupe o togiola e faapei ona faatatauina le tagata, ma tupe uma e manatu i ai le loto o le tagata e au mai i le fale o Ieova, O ositaulaga ia taitasi ma talia ia tupe i tagata ua latou masani, ma ia latou toe faasoo i mea ua lepetia o le fale, i mea uma e iloa ai se mea ua lepetia. Ua oo i le luafulu ma le tolu o tausaga o Ioasa le tupu, a ua le faasooina e le au faitaulaga o mea ua lepetia o le fale. Ona aami ai lea e Ioasa le tupu o Ieoiata le ositaulaga atoa ma le au ositaulaga, ua fai atu ia te i latou, Pe se a ea le mea ua outou le faasoo ai i mea ua lepetia o le fale? o lenei, aua ne'i toe talia tupe i tagata ua outou masani, a ia tuu atu ai lava e fai ai mea ua lepetia o le fale. Ona usiusitai ai lea o le au ositaulaga, o le a le toe talia tupe i le nuu, e le faasoo foi mea na lepetia o le fale. Ona ave ai lea e Ieoiata le ositaulaga o le atolaau, ua fai foi le gutu i lona ufi, ona tuu ai lea i tafatafa o le fata faitaulaga i le itu taumatau o le tagata e ulu mai i le fale o Ieova; ona fafao lea i ai e faitaulaga na leoleo i le faitotoa o tupe uma na aumaia i le fale o Ieova. Ua latou iloa e tele tupe i le atolaau, ona o ae ai lea o le tusiupu a le tupu ma le ositaulaga sili, ua fafao i taga, ma faitau i tupe na maua i le fale o Ieova. Ona la avatu ai lea o tupe na faitauina ia te i latou ua fai le galuega e na leoleo i le fale o Ieova; ua latou tuu atu ai i tufuga, ma tufuga ati fale, e na galulue i le fale o Ieova, o e ati pa foi, ma e talai maa; e faatau a'i foi laau ma maa talai e faasoo a'i mea ua lepetia o le fale o Ieova, atoa ma mea uma na avatu mo le fale e faasoo a'i. A o tupe na aumaia i le fale o Ieova e lei fai a'i mo le fale o Ieova ni tanoa ario, po o sele lamepa, po o ipu, po o pu, ni mea auro po o mea ario lava; a ua latou avatu ai i e na fai le galuega, ma ua latou faasoo ai le fale o Ieova. Ua la le faamasino foi i tagata na la tuuina atu i ai tupe e avatu i e faigaluega; auā ua latou faamaoni. O tupe ona o le sese ma tupe ona o agasala na le aumaia ia i le fale o Ieova; e a ositaulaga ia.
- O ona po ia na alu ae ai Asaeli le tupu o Suria, ua tau ma Kata, ua

aea foi ; ona faasaga atu ai lea o
 18 Asaeli o le a alu ae e tau ma Ieru-
 salema. Ona ave ai lea e Ioasa le
 tupu o Iuta o mea paia uma na faa-
 saina e ona tamā o Iosefatu, ma
 Ioramo, ma Aasaia, o tupu o Iuta,
 atoa ma ana lava mea paia, atoa ma
 auro uma na i ai i mea e teu ai oloa
 o le fale o Ieova atoa ma le fale o
 le tupu, ua avatu ai ia Asaeli le tupu
 o Suria ; ona alu ese ai lea o ia i
 Ierusalema.

19 O toe o mea na faia e Ioasa, atoa
 ma mea uma na faia e ia, e lei tusia
 ea i le tusi o tala i nofoaiga a tupu
 20 o Iuta ? Ua tulai foi ana auaua
 ua fou, ua fasioti ia Ioasa i le fale o
 21 Milo e ui ifo ai i Sila. Auā o Iosaka
 le tama tane a Semea, ma Iosapa le
 tama tane a Someli, o ana auaua,
 na la fasi ia te ia, ona oti ai lea o
 ia ; ua latou tanu ia te ia faatasi
 ma ona tamā i le aai a Tavita. Ona
 soloai ane ai lea o Amasia lona
 atalii e fai ma tupu.

*O le tala ia Ioasasa ma Ioasa o tupu
 o Isaraelu ; o le oti o Elisaia.*

13 O LE luafulu ma le tolu o tau-
 saga o Ioasa le atalii o Aasaia le
 tupu o Iuta na fai ai ma tupu Ioas-
 asa le atalii o Ieu ia Isaraelu i
 2 Samaria i tausaga e sefulu ma le
 fitu. Na ia faia le amio leaga i
 luma o Ieova, ua mulimuli foi i
 agasala a Ierepoamo le atalii o Ne-
 pata, o le na faatupu le agasala ia
 3 Isaraelu, ua ia le te'a ese ai lava.
 Ona tupu ai lea o le toasa o Ieova
 ia Isaraelu, ua na tuuina atu i latou
 i le lima o Asaeli le tupu o Suria,
 ma le lima o Peniata le atalii o
 4 Asaeli i aso uma. Ua aioi atu Io-
 asasa ia Ieova, ua faafofoga mai foi
 Ieova ia te ia ; auā ua na silafia le
 sauaina o Isaraelu ina ua sauā mai
 5 le tupu o Suria ia te i latou. (Ona
 foai mai ai lea e Ieova o le faaola-
 taga ia Isaraelu, na latou sao ai i
 lima o Suria ; ona nonofo ai lea o
 le fanauga a Isaraelu i o latou fale
 6 ie, faapei o anamua. A e peitai ua
 latou le te'a ese i agasala a le aiga
 o Ierepoamo, o le na faatupu le
 agasala ia Isaraelu, ua latou sava-
 vali pea i ai ; na tumau pea foi le
 7 tupua o Asaira i Samaria.) Ua na

le faatotoe foi nisi o le nuu mo Ioa-
 sasa, ua na o e tietie i solofanua e
 toalimagafulu, ma kariota e sefulu,
 ma 'au e savavali e sefulu afe ; auā
 na faauma e le tupu o Suria ia te i
 latou, na ia fai foi i latou ia faapei
 o le efuefu ina ua solia.

O toe o mea na faia e Ioasasa, ma 8
 mea uma na faia e ia, atoa ma lona
 fitafita, e lei tusia ea i le tusi o tala
 i nofoaiga a tupu o Isaraelu ? Ua 9
 taoto foi Ioasasa faatasi ma ona
 tamā, ua latou tanu ia te ia i Sa-
 maria ; ona soloai ane ai lea o Ioasa
 lona atalii e fai ma tupu.

O le toluagafulu ma le fitu o tau- 10
 saga o Ioasa le tupu o Iuta na fai ai
 ma tupu Ioasa le atalii o Ioasasa ia
 Isaraelu i Samaria i tausaga e sefu-
 lu ma le ono. Na faia foi e ia le 11
 amio leaga i luma o Ieova, ua le
 te'a ese o ia i agasala uma a Ierepo-
 amo le atalii o Nepata, o le na faa-
 tupu le agasala ia Isaraelu, a ua
 savali i ai o ia. O toe o mea na 12
 faia e Ioasa, atoa ma mea uma na
 faia e ia, ma lona fitafita na ia tau
 ai ma Amasia le tupu o Iuta, e lei
 tusia ea i le tusi o tala i nofoaiga
 a tupu o Isaraelu ? Ua taoto foi 13
 Ioasa faatasi ma ona tamā, ona no-
 fo ai lea o Ierepoamo i lona nofoālii.
 Ua tanumia foi Ioasa i Samaria faa-
 tasi ma tupu o Isaraelu.

Ua maua Elisaia e le ma'i na oti 14
 ai o ia. Ona alu ifo ai lea o Ioasa
 le tupu o Isaraelu ia te ia, ma tagi
 i luga o ona mata, ua faapea mai,
 Lo'u tamā e, lo'u tamā e, le kariota
 o Isaraelu ma ana 'au e tietie i solo-
 fanua. Ona fai atu ai lea o Elisaia 15
 ia te ia, Tago ia i le aufana ma u.
 Ona tago ai lea o ia i le aufana ma
 u. Ona fai atu ai lea o ia i le tupu 16
 o Isaraelu, Ia 'u'u lou lima i le au-
 fana, ona 'u'u ai lea i lona lima ;
 ona faaee ai lea e Elisaia o ona lima
 i lima o le tupu. Ona fai atu ai lea 17
 o ia, Tatala ia le faamalama i sasae.
 Ona tatala ai lea e ia. Ona fai atu
 ai lea o Elisaia, Fana atu ia. Ona
 fana atu ai lea o ia. Ona fai atu ai
 lea o ia, O le u o le olataga mai ia
 Ieova, ma le u o le faaolaina mai
 Suria, auā e te fasia Suria i Afeka
 seia e faaumatia. Ona fai atu ai 18
 lea o ia, Tago ia i u. Ona tago ai

- lea o ia. Ona fai atu ai lea o ia i le tupu o Isaraelu, Sasa ia i le eleele. Ona sasa ai lea e ia faatolu, ona
- 19 tuua ai lea. Ona ita ai lea ia te ia o le tagata o le Atua, ua faapea atu ai, Ana e sasa faalima pe faaono po o pe na e te fasia Suria seia e faaumatia ai; a o lenei, na o le faatolu e te fasia Suria.
- 20 Ua oti Elisaia, ua latou tanu foi ia te ia. Na sau foi 'au a Moapi i le nuu i le amataga o le tausaga.
- 21 Sa latou tanu le tagata, faauta foi, ua latou iloa le 'au; ona latou lafo ai lea o le tagata i le tuugamau o Elisaia; ua oo ifo le tagata, ua papai i ivi o Elisaia, ona toe ola ai lea o ia, ua tu i luga ona vae.
- 22 A ua faasaua Asaeli le tupu o Suria ia Isaraelu i aso uma o Ioasasa.
- 23 A ua alofa Ieova ia te i latou, ua alofa mutimuti vale mai foi ia te i latou, ua na silasila mai foi ia te i latou ona o lana feagaiga ma Aperaamo, ma Isaako, ma Iakopo; e lei finagalo foi e faauma ia te i latou, e lei lafoai foi ia te i latou ai ona luma i ia ona po.
- 24 Ua oti Asaeli le tupu o Suria, ona soloai ane ai lea o Peniata lona
- 25 atalii e fai ma tupu. Ua toe fao mai foi e Ioasa le atalii o Ioasasa ai le lima o Peniata le atalii o Asaeli, o aai na ia fao atu nai le lima o Ioasasa lona tamā i le taua. Na tulia faatolu o ia e Ioasa, ua toe maua mai ai e ia aai o Isaraelu.
- O le tala ia Amasia le tupu o Iuta, ma Ierepoamo le tupu o Isaraelu.*
- 14 O LE lua o tausaga o Ioasa le atalii o Ioasasa le tupu o Isaraelu na fai ai ma tupu Amasia le atalii o
- 2 Ioasa le tupu o Iuta. O le luafulu ma le lima o ona tausaga na fai ai o ia ma tupu; e luafulu ma le iva foi o tausaga na fai ai o ia ma tupu i Ierusalemā. O le igoa foi o lona tinā o Ioatana, o le Ierusalemā ia.
- 3 Na ia faia foi le amiotonu i luma o Ieova, a e lei faapei o Tavita lona tamā; na ia faia mea uma faapei
- 4 ona faia e lona tamā o Ioasa. A e peitai nā le aveeseina mea maualuluga; na faia pea e le nuu o tau-laga, ma latou faamu mea manogi i
- 5 mea maualuluga. Ua oo ina uamau le malo ia te ia, ona ia fasioti lea i ana auauna o e na fasia lona tamā le tupu. A ua na le fasiotia fanau a ia fasi tagata, e tusa ma le upu a tusia i le tusi o le tulafono a Mose, na poloai mai ai Ieova, ua faapea mai, Aua ne'i fasiotia tamā e sui a'i le fanau, aua ne'i fasiotia foi le fanau e sui a'i o latou tamā; a ia taitasi le tagata ma fasiotia o ia ona o lana lava agasala. Na ia fasia Etoma e sefulu afe i le vanu masimā; ua fao mai foi Sela i le taua, ua faaigoa ai foi o Iokatielu, ua oo mai i le aso nei.
- Ona auina atu ai lea e Amasia o le sāvāli ia Ioasa le atalii o Ioasasa le atalii o Ieu le tupu o Isaraelu, ua faapea atu, Malu mai ia, se'i ta fesilafa'i. Ona tali mai ai lea o Ioasa le tupu o Isaraelu ia Amasia le tupu o Iuta, ua faapea mai, Na ave le feau a le laau talatala o i Lepanona i le arasi o i Lepanona, ua faapea atu, Au mai ia lou afafine e fai ma avā a lo'u atalii; a ua ui ane le manu feai sa i Lepanona, ua soli i le laau talatala. Ua e fasia lava Etoma, ua faamaualugaina ai lou loto; mitamita ia i lea mea, ma nofo pea i lou fale; e te faatupu le leaga i se a, ina ia malaia ai oe atoa ma Iuta faatasi ma oe? A ua le faalogo mai Amasia; ona alu ae ai lea o Ioasa le tupu o Isaraelu, ua la feiloa'i o ia ma Amasia le tupu o Iuta i Petesemesa le aai o Iuta. Ona fasia lea o Iuta e Isaraelu, ua latou taitasi ma solai o latou fale ie. Ona pue ai lea e Ioasa le tupu o Isaraelu ia Amasia le tupu o Iuta, le atalii o Ioasa, le atalii ia o Aasaia i Petesemesa, ua o mai i Ierusalemā; ona lepeti ai lea e ia o le po o Ierusalemā, e amata i le faitotoa o Efaraima e oo i le faitotoa o le tulimanu, o kupita e fa selau. Ua na ave foi auro ma ario uma, atoa ma ipu uma sa maua i le fale o Ieova, ma mea e teu ai oloa i le fale o le tupu, atoa ma ni alii e fai ma faafoi ita. Ona foi atu ai lea o ia i Samaria.
- O toe o mea a Ioasa na faia e ia, ma lona fitafita, ma lo la taua ma Amasia le tupu o Iuta, e lei tusia ea i le tusi o tala i nofoaiga a tupu o Isaraelu? Ua taoto foi Ioasa

- faatasi ma ona tamā, ua tanumia i Samaria faatasi ma tupu o Isaraelu; ona soloai ane ai lea o Ierepoamo lona atalii e fai ma tupu.
- 17 E sefulu ma le lima tausaga na ola ai Amasia le atalii o Ioasa le tupu o Iuta talu ona mavae ona oti o Ioasa le atalii o Ioasasa le tupu o Isaraelu. O toe o mea na faia e Amasia, e lei tusia ea i le tusi o tala i nofoaiga a tupu o Iuta? Ua latou foua o ia i Ierusalemā; ona sola ai lea o ia i Lakisa; a ua aauina *nisi* e tuliloa ia te ia i Lakisa, ua latou fasioti ia te ia i lea mea. Ona latou au mai ai lea ia te ia i luga o solo-fanua; ua tanumia o ia i Ierusalemā faatasi ma ona tamā i le aai o
- 21 Tavita. Ona ave ai lea e le nuu o Iuta uma o Asaraia i le sefulu ma le ono tausaga o lona ola, ma ua fai o ia ma tupu e sui ai lona tamā o
- 22 Amasia. Ua ia faia Elata, ma na toe tuuina mai ia Iuta ina ua taoto le tupu faatasi ma ona tamā.
- 23 O le sefulu ma le lima o tausaga o Amasia le atalii o Ioasa le tupu o Iuta na fai ai ma tupu i Samaria o Ierepoamo le atalii o Ioasa le tupu o Isaraelu, e fagafulu ma le tasi tausaga *na ia pule ai*. Na ia faia le amio leaga i luma o Ieova, na ia le te'a ese lava i agasala uma a Ierepoamo le atalii o Nepata o le na faatupu le agasala ia Isaraelu.
- 25 Na ia toe sii atu le tuaoi o Isaraelu, e amata i le ala e ui atu ai i Amato, e oo i le sami o i le elelee laugatasi, faapei o le afioga a Ieova le Atua o Isaraelu, na tūlei mai ia Iona lana auaina o le atalii o Amitai, o le
- 26 perofeta o Kataferu. Auā ua silafia e Ieova le puapuga o Isaraelu ua matuā tele lava; ua le toe se pologa. ua le toe se sa'oloto, ua leai foi se fesoasoani ia Isaraelu. Ua le fetalai mai Ieova e soloiesea e ia le igoa o Isaraelu i lalo o le lagi; a o le lima o Ierepoamo le atalii o Ioasa na ia faaolaina ai i latou.
- 28 O toe o mea na faia e Ierepoamo, atoa ma mea uma na ia faia, ma lona fitafita na ia fai ai taua, ma na toe fao mai ai mo Isaraelu o Tamaseko ma Amato, na ia Iuta; e lei tusia ea i le tusi o tala i nofoaiga a
- 29 tupu o Isaraelu? Ua taoto foi Ierepoamo faatasi ma ona tamā, faatasi ma tupu o Isaraelu; ona soloai ane ai lea o lona atalii o Sakaria e fai ma tupu.
- O le tala ia Asaraia ma Iotama tupu o Iuta, atoa ma mea na tutupu i le malo o Isaraelu.*
- O LE luafulu ma le fitu o tausaga o Ierepoamo le tupu o Isaraelu na fai ai ma tupu Asaraia le atalii o Amasia le tupu o Iuta. O le sefulu ma le ono o ona tausaga na fai ai o ia ma tupu, e limagafulu ma le lua o tausaga na fai ai o ia ma tupu i Ierusalemā. O le igoa foi o lona tinā o Iekalia, o le Ierusalemā ia. Na ia faia le amiotonu i luma o Ieova e tusa ma mea uma na faia e Amasia lona tamā. A ona lei aveeseina o mea mauualuluga; na fai pea taulaga e le nuu, ma faamu mea manogi i mea mauualuluga.
- Na taia foi le tupu e Ieova, ua avea ai ia ma lepela ua oo lava i le aso na ia oti ai; na faleesea foi o ia. A ua pule Iotama le atalii o le tupu i le aiga, ua na faamasino tagata o le nuu. O toe o mea na faia e Asaraia, ma mea uma na ia faia, e lei tusia ea i le tusi o tala i nofoaiga a tupu o Iuta? Ua taoto foi Asaraia faatasi ma ona tamā, ua latou tanu foi ia te ia faatasi ma ona tamā, i le aai o Tavita; ona soloai ane ai lea o lona atalii o Iotama e fai ma tupu.
- O le tolugafulu ma le valu o tausaga o Asaraia le tupu o Iuta na fai ma tupu Sakaria le atalii o Ierepoamo ia Isaraelu i masina e ono i Samaria. Na ia faia le amio leaga i luma o Ieova, faapei ona faia e ona tamā; na le te'a ese lava ia i agasala a Ierepoamo le atalii o Nepata, o le na faatupu le agasala ia Isaraelu. Ua foua foi o ia e Saluma le atalii o Iapese, ua na fasioti ia te ia i luma o le nuu, ua fasioti foi ia te ia; ona fai ai lea o ia ma tupu ua sui ai o ia. O toe o mea na faia e Sakaria, faauta, ua tusia i le tusi o tala i nofoaiga a tupu o Isaraelu. O le afioga lea a Ieova na tūlei atu ia Ieu, ua faapea atu, E nonofo ou atalii i le nofoālii o Isaraelu e oo i le fa o *augātagama*. Na faapea lava ona taunuu.

- 13 O le tolugafulu ma le iva o tau-
saga o Usia le tupu o Iuta na fai ai
ma tupu Saluma le atalii o Iapese;
o le masina atoa foi na fai ai o ia
14 ma tupu i Samaria; auā na alu ae
Manaema le atalii o Kati nai Tiresa,
ua oo i Samaria, ua fasi ia Saluma
le atalii o Iapese i Samaria, ua fasi-
oti ia te ia, ona fai ai lea o ia ma
15 tupu ua sui a'i o ia. O toe o mea
na faia e Saluma, atoa ma le fougā
na ia fou ai, faauta, ua tusia i le
tusi o tala i nofoaiga a tupu o Isa-
16 raelu. Ona fasi ai lea e Manaema
o Tipesa, ma i latou uma sa i ai, ma
ona nuu e amata i Tiresa, auā na
latou le tatala *puipui ia te ia* ua ia
fasi ai; ua ia faatiaua i fafine totō
uma sa i ai.
- 17 O le tolugafulu ma le iva o tau-
saga o Asaraia le tupu o Iuta na fai
ai Manaema le atalii o Kati ma
tupu o Israelu i tausaga e sefulu i
18 Samaria. Na ia faia foi le amio
leaga i luma o Ieova; o lona olaga
uma e lei te'a ese ai lava i agasala a
Ierepoamo le atalii o Nepata, o le
na faatupu le agasala ia Israelu.
- 19 Na sii le taua e Pula le tupu o
Asuria i le nuu; a ua avatu e Mana-
ema o taleni ario e tasi le afe ia
Pula, ina ia na fesoasoani ia te ia,
20 ina ia uamau le malo ia te ia. Na
togi tu foi e Manaema o tupe ia
Israelu, i tagata sili uma e tamao-
aiga, ina ia avatu ai i le tupu o
Asuria, ia tofu ona tagata ma sekeli
ario e limagafulu. Ona foi atu ai
lea o le tupu o Asuria, ua le toe
21 nofo ai i le nuu. O toe o mea na
faia e Manaema, ma mea uma na ia
faia, e lei tusia ea i le tusi o tala i
22 nofoaiga a tupu o Israelu? Ua
taoto foi Manaema faatasi ma ona
tamā; ona soloai ane ai lea o Pe-
kasia lona atalii e fai ma tupu.
- 23 O le limagafulu o tausaga o
Asaraia le tupu o Iuta na fai ai ma
tupu Pekasia le atalii o Manaema ia
Israelu i Samaria e lua tausaga.
- 24 Na ia faia foi le amio leaga i luma o
Ieova, na ia le te'a ese lava i agasala
a Ierepoamo le atalii o Nepata, o le
na faatupu le agasala ia Israelu.
- 25 A ua foga ia e Peka le atalii o
Remalia o lana ave 'au, ua ia fasioti
foi ia te ia i Samaria i le 'olo o i le
fale o le tupu; o i latou, ma Arc-
kopa, ma Arie, na ia te ia foi o
tagata Kiliata e toallimagafulu; ua
ia fasioti lava ia te ia, ona fai ai lea
o ia ma tupu ua sui a'i o ia. O toe
23 o mea na faia e Pekasia, atoa ma
mea uma na ia faia, faauta, ua tusia
i le tusi o tala i nofoaiga a tupu o
Israelu.
- O le limagafulu ma le lua o tau-
27 saga o Asaraia le tupu o Iuta na fai
ai ma tupu Peka le atalii o Remalia
ia Israelu i Samaria i tausaga e lua-
fulu. Na ia faia foi le amio leaga i
28 luma o Ieova, na ia le te'a ese lava i
agasala a Ierepoamo le atalii o
Nepata, o le na faatupu le agasala ia
Israelu. O le nofoaiga a Peka le
29 tupu o Israelu na sau ai Tikila-
pilesa le tupu o Asuria, ua na fao
foi Iono, ma Apela Petemaaka, ma
Ianoa, ma Katesa, ma Hasora, ma
Kiliata, ma Kalilaia, o le nuu uma o
Nafatali; ua na faatāfeaina i latou
i Asuria. Ua foga foi Peka le atalii
30 o Remalia e Hosea le atalii o Ele,
ua na fasi ia te ia ua oti ai; ona fai
ai lea o ia ma tupu ua sui a'i o ia, i
le luafulu o tausaga o Iotama le
atalii o Usia. O toe o mea na faia e
31 Peka, atoa ma mea uma na ia faia,
faauta, ua tusia i le tusi o tala i
nofoaiga a tupu o Israelu.
- O le lua o tausaga o Peka le atalii
32 o Remalia, le tupu o Israelu, na fai
ai ma tupu Iotama le atalii o Usia,
le tupu o Iuta. O le luafulu ma le
33 lima o ona tausaga na fai ai o ia ma
tupu, e sefulu ma le ono foi tausaga
na fai ai o ia ma tupu i Ierusalemā.
O le igoa foi o lona tinā o Ierusa le
afafine o Satoka. Na ia faia foi le
34 amiotonu i luma o Ieova; na ia faia
e tusa ma mea uma na faia e Usia
lona tamā. Na ona lei aveeseina
35 mea mauafulu; na fai pea tau-
laga e le nuu, ma faamu mea manogi
i mea mauafulu. Ua faia e ia le
faitotoa aupito i luga o le fale o
Ieova. O toe o mea na faia e
36 Iotama, atoa ma mea uma na ia
faia, e lei tusia ea i le tusi o tala i
nofoaiga a tupu o Iuta? O ona po
37 ia na amata ai e Ieova ona aauina
mai o Resina le tupu o Suria, atoa
ma Peka le atalii o Remalia e sii
iaua ia Iuta. Ua taoto foi Iotama
38

faatasi ma ona tamā, ua tanumia
foi faatasi ma ona tamā i le aai o
Tavita lona tamā; ona soloai ane ai
lea o Aasa lona atalii e fai ma tupu.

*O le tala i le nofoaiga a Aasa le tupu
o Iuta.*

- 16 O LE sefulu ma le fitu o tausaga
o Peka le atalii o Remalia na fai ai
ma tupu Aasa le atalii o Iotama le
2 tupu o Iuta. O le luafulu o ona
tausaga na fai ai Aasa ma tupu; e
sefulu mai le ono foi tausaga na fai
ai o ia ma tupu i Ierusalemā; ua na
le faia le amiotonu i luma o Ieova
lona Atua faapei o Tavita lona tamā.
3 A ua na savali i le ala o tupu o Isa-
raelu, ma na faaui ane lava lona
atalii i le afi, faapei o tu leaga a
nuu ese e na tulia e Ieova i luma o
4 le fanauga a Isaraelu. Ua ia faia
foi taulaga, ma faamu mea manogi
i mea mauululuga, i luga foi o
mauga, atoa ma lalo o laau lau-
5 olaola uma. O ona po ia na o ae ai
Resina le tupu o Suria, ma Peka le
atalii o Remalia le tupu o Isaraelu
e tau ma Ierusalemā; ua la siomia
Aasa, a e lei mafaia ona la manu-
6 malo. O ona po ia na toe faoa ai e
Resina le tupu o Suria o Elata mo
Suria, ua na tuli foi sa Iutā nai
Elata; ona o mai ai lea o tagata
Suria i Elata, ua latou nonofo ai, ua
7 oo mai lava i le aso nei. Ona auina
atu ai lea e Aasa o le sāvāli ia Tikila-
pilesa le tupu o Asuria, ua faapea
atu, O a'u o lau auauna ma lou
atalii; ina afio mai ia e faaola ia te
au i le lima o le tupu o Suria, ma le
lima o le tupu o Isaraelu, ua la sii
8 mai le taua ia te au. Ua ave foi e
Aasa ario ma auro na i ai i le fale o
Ieova, ma mea e teu ai oloa i le fale
o le tupu, ua avatu e fai ma mea
9 alofa i le tupu o Asuria. Ona talia
ai lea o ia e le tupu o Asuria; ona
alu ae ai lea o le tupu o Asuria i
Tamaseko, ma na aca, ma na faatā-
feaina i latou i Kira, ua na fasioti
foi ia Resina.
10 Ona alu atu ai lea o le tupu o
Aasa i Tamaseko e feiloai ma Tikila-
pilesa le tupu o Asuria; ona iloa ai
lea e ia o le fata faitaulaga i Tama-
seko, ona tusitusi atu ai lea e le
tupu o Aasa ia Uria le ositaulaga o

le faatusa o le fata faitaulaga ma
lona fuafua, o lona uiga uma lava.
Ona faia lea e Uria le ositaulaga o
le fata faitaulaga e tusa ma mea
uma na poloai mai ai le tupu o Aasa
i Tamaseko; ua faapea ona faia e
Uria e faatali atu i le sau o le tupu
o Aasa mai Tamaseko. Ua sau le
tupu mai Tamaseko, ona iloa ai lea
e le tupu o le fata faitaulaga; ona
faalatalata atu ai lea o le tupu i le
fata faitaulaga, ua faitaulaga ai i
ona luga. Ua na susunu foi lana
taulaga mu ma lana taulaga i mea e
'ai, ua na liligi atu foi lana taulaga i
mea e inu, ua na sausau foi le toto
o ana taulaga faafetai i luga o le
fata. Ua na sii ese foi le fata 'apa
memea sa i luma o Ieova nai luma
fale, nai le va o le fata ma le fale o
Ieova, ma tuu ai i le itu i matu o le
fata faitaulaga. Ona fai atu ai lea o
Aasa le tupu ia Uria le ositaulaga,
ua faapea atu, E susunu i luga o le
fata tele le taulaga mu o le taeao,
ma le taulaga i mea e 'ai o le afafi,
atoa foi ma le taulaga mu a le tupu,
ma lana taulaga i mea e 'ai, o le
taulaga mu foi a tagata uma o le
nuu, atoa ma a latou taulaga i mea
e 'ai, ma a latou taulaga i mea e
inu; e sausau foi i ona luga le toto
uma o le taulaga mu, ma le toto
uma o le taulaga; a e ia te au le
fata 'apa memea, ou te saili atu ai.
Ona faia lea e Uria le ositaulaga e
tusa ma mea uma ua fai atu ai le
tupu o Aasa.

Ua vavae ese foi e le tupu o Aasa
itu o tuugātanoa, ua tuu ese foi le
tanoa e mulumulu ai i o latou luga,
ua na tuu i lalo foi le vai nai luga o
povi 'apa memea sa i ona lalo, ma
ua tuu ai i luga o le paepae. Ua na
liliu ese foi ai le fale o Ieova le faa-
paologa o le sapati na latou faia i le
fale, atoa ma le ala o le tupu i fafo,
a e tuu mo le tupu o Asuria. O toe
o mea a Aasa na ia faia, e lei tusia
ea i le tusi o tala i nofoaiga a tupu
o Iuta? Ua taoto foi Aasa faatasi
ma ona tamā, ua tanu foi faatasi ma
ona tamā i le aai o Tavita; ona
soloai ane ai lea o Esekia lona atalii
e fai ma tupu.

*O le tala i le nofoaiga a Hosea le
tupu o Isaraelu ma mea na faia i
Samaria.*

- 17 O LE sefulu ma le lua o tausaga
o Aasa le tupu o Iuta na fai ai
Hosea le atalii o Ele ma tupu o
Isaraelu i Samaria i tausaga e iva.
2 Na ia faia foi le amio leaga i luma
o Ieova, a e lei ausia amio a tupu o
3 Isaraelu e na muamua ia te ia. Ua
sii mai le taua ia te ia e Salemanesa
le tupu o Asuria, ua faitoilalo foi
Hosea ia te ia, ma ua fai taulaga i
4 ai. A ua iloa e le tupu o Asuria o
Hosea a fouvale, auā na na auina le
sāvāli ia So le tupu o Aikupito, ua
na le avane foi le taulaga i le tupu
o Asuria, faapei o lea tausaga ma
lea tausaga; o le mea lea na puipui
ai ia te ia e le tupu o Asuria, ma na
fusifusi ia te ia i le fale puipui.
5 Ona alu ae lea o le tupu o Asuria i
le nuu uma, ua alu ae lava i Samaria,
ua sio ai i tausaga e tolu.
6 O le iva o tausaga o Hosea na aea
i Samaria e le tupu o Asuria, ua na
faatāfēaina foi Isaraelu i Asuria, ma
tuuina atu ia te i latou i Hala ma
Havoli e *lata ane* i le vaitafe o
7 Kosane, atoa ma aai o Metai. Na
oo *ia mea* ina ua agasala le fanauga
a Isaraelu ia Ieova lo latou Atua, o
le na aveina ae ia te i latou ai le
nuu o Aikupito ai lalo o le lima o
Farao le tupu o Aikupito, ma ua
8 latou matatau i atua ese. Ua sava-
vali foi i tu a nuu ese sa tulia e
Ieova i luma o le fanauga a Isaraelu,
atoa ma *tu* a tupu o Isaraelu sa
9 latou faia. Na fai faalilolilo e le
fanauga a Isaraelu mea e le tusa ia
Ieova lo latou Atua; na latou faia
foi mo i latou mea maualuluga i o
latou aai uma, o le pae o tagata leo-
10 leo atoa ma le aai nofo 'olo. Ua
latou faatuina foi mo i latou tupua
ma tupua o Asaira i luga i mauga
maualuluga uma, ma lalo o laau
11 lauolaola uma. Ua latou faamu ai
mea manogi i mea maualuluga uma,
faapei o nuu ese e ua faatāfēa e
Ieova i o latou luma, ua latou faia
12 foi mea leaga e faaonoono atu ai ia
Ieova; auā ua latou auaina i tupua,
o le mea na fetalai mai ai Ieova ia
te i latou, Aua tou te faia lea mea.

Ua aoi mai lava Ieova ia Isaraelu 13
atoa ma Iuta e le au perofeta uma,
ma tagata vaai uma, ua faapea mai,
Ia outou liliu mai i o outou ala
leaga, ma ia outou tausi i a'u polo-
aiga ma a'u sauniga, ia tusa ma le
tulafono uma na ou poloa'i atu ai i
o outou tamā, na ou tuuina atu ai
foi ia te outou e a'u auaina o le au
perofeta. A ua latou le faalogo 14
lava, a e peitai ua latou faamaaa i o
latou ua, faapei o ua o latou tamā,
o e na le talitonu ia Ieova lo latou
Atua. Ua latou tiai foi ana sauniga 15
ma lana feagaiga na osi ma o latou
tamā, atoa foi ma ana tulafono na
ia fetalai mai ai ia te i latou; ua
latou mulimuli atu foi i le mea faa-
tauvaa, ona amio faatauva'a ai lea o
i latou; ua faaa'oa'oi foi i nuu ese
na vagavagaia i latou, na poloa'i mai
ai Ieova ia te i latou, Aua ne'i faia
faapei o i latou. Ua latou tuua foi 16
poloaiga uma a Ieova lo latou Atua,
ua latou faia foi mo i latou tupua
uamea, o tamai povi e lua; ua latou
fai foi le tupua o Asaira, ua latou
ifo foi i 'au uma o le lagi, ma latou
auaina ia Paala. Ua latou faai 17
ane o latou atalii ma o latou afafine
i le afi, ua latou fai togafiti faatau-
lāitu foi, ma saili faailoga; ua ma-
tuā tuuina atu foi i latou e i latou
ia fai amio leaga i luma o Ieova e
faaonoono atu ai ia te ia. O le mea 18
lea na matuā toasa mai ai Ieova ia
Isaraelu, ua ia ave ese ai ia te i
latou i ona luma; e leai se na toe,
na o le itu aiga lava o Iuta. O Iuta 19
foi na le tausi i poloaiga a Ieova lo
latou Atua, a ua latou savavali i tu
a Isaraelu na latou faia. Ona lafoai 20
ai lea e Ieova o le fana'u uma a Isa-
raelu, ma ia faapuapugatia i latou,
ua na tuuina foi i latou i lima o e
na vete *ia te i latou*, ina seia oo ina
lafoaiina i latou uma e ia. Auā 21
ia vavaeeseina Isaraelu ai le aiga o
Tavita; ona latou fai ai lea mo
latou tupu o Ierepamo le atalii o
Nepata; ua mimilo ese foi e Ierepo-
amo ia Isaraelu ne'i latou mulimuli
atu ia Ieova, na ia faatupu ia te i
latou le agasala tele.
Na savavali foi le fanauga a Isa- 22
raelu i agasala uma a Ierepamo na
ia faia, na latou le te'a ese ai lava.

II. TUPU, 18.

23 Ua oo ina tuueseina e Ieova ia Israelu ai ona luma, e tusa ma lana afioga i ana auaina uma le au perofeta. O lea na faatāfeaina ai Israelu ai lo latou nuu i Asuria, ua oo mai lava i le aso nei.

24 Ona au mai ai lea e le tupu o Asuria o tagata mai Papelonía, ma Kuta, ma Ava, ma Amato, atoa foi ma Sefavaima, ua tuu atu i latou i aai o Samaria, o sui o le fanauga a Israelu, ua latou fai mo i latou o Samaria, ma latou nonofo i ona aai.

25 O le amataga o lo latou nonofo i lea nuu ua latou le matatau ai ia Ieova; ona auaina atu ai lea e Ieova o leona ia te i latou, na oti ai nisi o i latou. Ona latou ta'u atu ai lea i le tupu o Asuria, ua faapea atu, O nuu na e aveá, ma tuuina i aai o Samaria, ua latou le iloa le tu a le Atua o le nuu; o lea ua auaina mai ai e ia o leona ia te i latou, faauta foi, ua oti ai o latou, auā ua latou leiloa le tu a le Atua o le nuu.

26 Ona fai mai ai lea o le tupu o Asuria, ua faapea mai, Ina avatu ia le tasi o le au ositaulaga na outou aumaia i lea nuu, latou te o e nonofo ai, na te a'oa'o atu ia te i latou i le tu a le Atua o le nuu. Ona alu atu ai lea o le tasi o le au ositaulaga na latou aumaia mai Samaria, ua nofo i Peteli, ma a'oa'o atu ia te i latou i le uiga o le mata'u ia Ieova. A ua taitasi le nuu ma fai o latou lava atua, ma tuu ai i fale o i mea maualuluga sa faia e tagata Samaria, taitasi le nuu ma fai ai i a latou aai na latou nonofo ai. Na faia e tagata Papelonía o Suko-peno, na faia foi e tagata Kuta o Nekala, na faia foi e tagata Amato o Asima, na faia e tagata Ava o Niveasa ma Tareaka, o tagata o Sefavaima foi na latou susunu i a latou fanau i le afi mo Atameleko ma Anameleko, o atua ia o Sefavaima. Na latou matatau ia Ieova, ma fai foi mo i latou o ositaulaga i mea maualuluga mai le nuu uma, na latou ositaulaga mo i latou i fale o i mea maualuluga.

27 Ona fai mai ai lea o le tupu o Asuria, ua faapea mai, Ina avatu ia le tasi o le au ositaulaga na outou aumaia i lea nuu, latou te o e nonofo ai, na te a'oa'o atu ia te i latou i le tu a le Atua o le nuu. Ona alu atu ai lea o le tasi o le au ositaulaga na latou aumaia mai Samaria, ua nofo i Peteli, ma a'oa'o atu ia te i latou i le uiga o le mata'u ia Ieova. A ua taitasi le nuu ma fai o latou lava atua, ma tuu ai i fale o i mea maualuluga sa faia e tagata Samaria, taitasi le nuu ma fai ai i a latou aai na latou nonofo ai. Na faia e tagata Papelonía o Suko-peno, na faia foi e tagata Kuta o Nekala, na faia foi e tagata Amato o Asima, na faia e tagata Ava o Niveasa ma Tareaka, o tagata o Sefavaima foi na latou susunu i a latou fanau i le afi mo Atameleko ma Anameleko, o atua ia o Sefavaima. Na latou matatau ia Ieova, ma fai foi mo i latou o ositaulaga i mea maualuluga mai le nuu uma, na latou ositaulaga mo i latou i fale o i mea maualuluga.

28 Na latou matatau ia Ieova, a e auaina foi i o latou lava atua, faapei o tu a nuu e na faatāfeaina i latou nai lea mea. Ua oo lava i le aso nei o latou o fai faapei o tu tuai. Latou

29 te le matatau ia Ieova; latou te le fai foi faapei o a latou tu, ma a latou sauniga, ma le tulafono, ma le poloaiga na poloai mai ai Ieova i le fanauga a Iakopo, na ia faaigoaina o Israelu. Na osi foi e Ieova le feagaiga ma i latou, ma na poloai mai ai ia te i latou, ua faapea mai, Aua tou te matatau i atua ese, aua tou te ifo ia te i latou, aua tou te auaina i ai, aua foi tou te ositaulaga ia te i latou. A o Ieova, o le na aveina ae ia te outou ai le nuu o Aikupito i le mana tele ma le aao faaloaloa, tou te matatau ia te ia, tou te ifo ia te ia, tou te ositaulaga foi ia te ia. O sauniga foi, ma tu, ma le tulafono, ma le poloaiga na ia tusi mai mo outou, tou te tausi i ai ia faia i aso uma; aua foi tou te matatau i atua ese. O le feagaiga foi na ou osia ma outou, aua ne'i galo lea ia te outou; aua foi tou te matatau i atua ese. A e peitai o Ieova lo outou Atua ia outou matatau i ai; ona laveai lea o ia ia te outou i lima o i latou uma lava o e ita mai ia te outou. A e lei faalogo lava i latou, a e peitai ua latou faia lava faapei o a latou tu tuai. O lea na matatau ai ia nuu ia Ieova, a e auaina foi i a latou tupua ua ta. O a latou fanau foi, ma fanau a latou fanau, faapei ona faia e o latou tamā e faapea ona faia e i latou, ua oo mai lava i le aso nei.

30 O le tala i mea na faia i le nofoaiga a Esekia le tupu o Iuta.

31 O LE tolu o tausaga o Hosea le atalii o Ele le tupu o Israelu na fai ai ma tupu Esekia le atalii o Aasa le tupu o Iuta. O le luafulu ma le lima o ona tausaga na fai ai o ia ma tupu; o tausaga e luafulu ma le iva na tupu ai o ia i Ierusalemā. O le igoa foi o lona tinā o Avi o le afafine o Sakaria. Ua ia faia le amiotonu i luma o Ieova, faapei o mea uma na faia e Tavita lona tamā. Ua ia aveeseina mea maualuluga, ua ia tu'ipalaina foi tupua, ua na vavae i lalo foi tupua o Asaira, ua na tu'ininiia foi le gata 'apa memea na faia e Mose; auā e oo lava i ona po ia na faamu i ai mea manogi e le fanauga a Israelu, na na ta'ua ai foi, o le

32

33

34

35

36

37

38

39

40

41

42

43

44

- 5 fasi 'apa memea. Ua ia faatuatua ia Ieova le Atua o Isaraelu; ua leai foi se la te tutusa ma ia i tupu uma o Iuta na mulimuli ia te ia, atoa foi
- 6 ma e na muamua ia te ia. Ua ia pipii lava ia Ieova, ua le tuua lava lona mulimuli atu ia te ia, a ua tausii lava ana poloaiga na poloi mai ai Ieova ia Mose. Sa ia te ia
- 7 Ieova, na manuia ai foi o ia i mea uma na ia alu i ai; ua foua foi e ia le tupu o Asuria, ma ua le auaina ia
- 8 te ia. Ua ia fasia Filisitia e oo lava i Kasa ma ona nuu; o le pae o tagata leoleo atoa ma le aai nofo 'olo.
- 9 O le fa o tausaga o le tupu o Esekia, o le fitu foi lea o tausaga o Hosea le atalii o Ele le tupu o Isaraelu, na alu ae ai o Salemanesa le
- 10 tupu o Asuria i Samaria, ua ia vagai. Ua mavae foi tausaga e tolu ona aea ai lea; o le tausaga e ono o Esekia, o le tausaga e iva foi
- 11 lea o Hosea le tupu o Isaraelu, na aea ai Samaria. Ona faatāfeaina lea o Isaraelu i Asuria e le tupu o
- 12 Asuria, ua na tuu atu ia te i latou i Hala ma Havoli e lata ane i le vai-tafe o Kosane, atoa ma aai o Metai.
- 13 Auā na latou le faalogo i le siufofoga o Ieova lo latou Atua, a ua soli lana feagaiga, atoa ma mea uma na poloi mai ai Mose le auau-na a Ieova, ua latou le faalogo i ai, ma ua le faia.
- 14 O le sefulu ma le fa o tausaga o le tupu o Esekia na sii ai le taua e Sanerivi le tupu o Asuria i aai nofo 'olo uma o Iuta, ma na aea ai. Ona
- 15 tuu atu ai lea e Esekia le tupu o Iuta o le sāvali e le tupu o Asuria i Lakisa, ua faapea atu, Ua ou sese; ia e toe afio ese ia te au; a o le mea e te totogi mai ai ia te au, ou
- 16 te faia lea. Ona totogi mai ai lea e le tupu o Asuria ia Esekia le tupu o Iuta o taleni ario e tolu selau, ma
- 17 taleni auro e tolu gafulu. Ona avatu ai lea e Esekia o ario uma na i ai i le fale o Ieova, ma mea e teu ai
- 18 oloa i le fale o le tupu. O ona po ia na fofoe ese ai e Esekia o auro sa i puipui o le malumalu o Ieova, atoa ma pou na ufiufi i le auro e
- 19 Esekia le tupu o Iuta, ua na avatu ai i le tupu o Asuria.
- Ua auaina mai foi e le tupu o 17 Asuria o Taretana, ma Ravesarisa, ma Ravesaki, ma 'au e tele mai Lakisa i le tupu o Esekia i Ierusalem. Ona latou o ae ai lea, ua oo i Ierusalem. Ua o ae i latou, ona o mai ai lea, ua tutū latalata ane i le alavai o le vailepa aupitoaluga, o i le ala tele o le fanua o le ta ofu.
- 18 Ua latou valaau mai i le tupu, ona o atu ai lea ia te i latou o Eliakimo le atalii o Hilikia o le na pule i le aiga, ma Sevena le tusiupu, ma Ioaa le atalii o Asafo le fātuaupuu. Ona
- 19 fai mai ai lea o Ravesaki ia te i latou, Ia outou fai atu ia Esekia, O loo faapea ona fetalai mai o le tupu silisili, o le tupu o Asuria, Pe se a lea faatuatuaga ua e faatuatua i ai?
- 20 Ua e faapea ane (a o upu faatuavaa lava) ua ia te oe le poto ma le malos i e fai a'i taua. O lenei, pe e te faatuatua ia te ai, ua e foua ai a'u?
- 21 Faaute nei, ua e tōonai i lea tootoo u ua gapēpē o Aikupito, pe a totoo i ai se tagata e tuia ai lona lima e ati; e faapea lava Farao le tupu o Aikupito ia te i latou uma o e faatuatua ia te ia. A e afai tou te
- 22 faapea mai ia te au, Matou te faatuatua ia Ieova lo matou Atua; e le o ia ea ua aveeseina ai e Esekia o ana mea mauaululuga, ma ona fata faitaulaga, ma ua fai atu ia Iuta ma Ierusalem, Ia outou tapuai i luma o lenei fata faitaulaga o i Ierusalem?
- 23 O lenei, ina au mai ia ni mea e tuu faafaatau i lo'u alii le tupu o Asuria, ona ou avatu ai lea ia te oe o solofanua e lua afe, pe afai e te mafaia e oe ona ia tofu ma se tietie ai. A e mafai faapefa
- 24 ona e tulia se tasi ta'ita'i o auaina e aupito ona faatauva a lo'u alii, a e faatuatua i Aikupito e maua ai kariota ma 'au e tietie i solofanua? Fā'i ea ua ou sau nei e aunoa ma
- 25 Ieova i lenei mea e faaumatia ai? Na fetalai mai Ieova ia te au, ou te alu ae i lenei nuu ia faaumatia. Ona faapea atu ai lea o Eliakimo
- 26 le atalii o Hilikia, ma Sevena, ma Ioaa, ia Ravesaki, Ia e fetalai mai i au auaina i le gagana a Arama, auā matou te lagona ai; a e aua e te fetalai mai ia te i matou i le gagana a Iuta ma le faalogo mai o tagata o

27 i luga o le pa. Ona tali mai ai lea o Ravesaki ia te i latou, Ua auina mai ea a'u e lo'u alii i lou alii atoa ma oe e tautala atu ai i ia upu, a e lei auina ea i tagata o e nonofo i luga o le pa, ina ia latou topalega, ma feinu i o latou lava miaga faatasi ma outou? Ona tu mai ai lea o Ravesaki, ua alaga ua leo tele i le gagana a Iuta, ua faapea mai lana upu, Faalogologo mai ia i le afioga a le tupu silisili, o le tupu o Asuria; 28 o loo faapea ona fetalai mai o le tupu, Aua ne'i olegia outou e Esekia, auā na te le mafaia ona laveai ia te outou ai lona lima. Aua ne'i faatupuina foi e Esekia so outou faatuatua ia Ieova, o loo faapea ane o ia, E laveai mai lava Ieova ia te i tatou, e le tuuina atu foi lenei aai i 29 le lima o le tupu o Asuria. Aua ne'i outou faalogo ia Esekia; auā o loo faapea ona fetalai mai o le tupu o Asuria, Ina au mai ia te au se mea alofa, ma ia o mai ia te au, ona outou aai ai lea taitasi i lona lava vine, e taitasi foi i lona lava mati, ma outou feinu foi taitasi i le 30 vai o lona lava vaieli, seia ou alu atu e ave ia te outou i le nuu faapei o lo outou lava nuu, o le nuu o i ai saito ma uaina, o le nuu o i ai areto ma tovine, o le nuu o i ai le suānu olive ma le meli; ina ia ola outou, a e le oti; aua foi tou te faalogo ia Esekia i lona faa'ole'ole ia te outou, o loo faapea ane, E 31 laveai mai Ieova ia te i tatou. Pe ai se atua o i se nuu ua na laveai i lona nuu ai le lima o le tupu o Asuria? Po o ifea atua o Amato ma Arepa? Po o ifea atua o Sefavaima, o Ena ma Iva? Po ua latou laveai ea i Samaria ai lo'u lima? 32 Po o ai ni atua uma o nuu ua laveai i o latou nuu ai lo'u lima, ina ia laveai e Ieova i Ierusalem ai lo'u lima? A ua faalogologo le nuu, ua latou le tali atu se upu ia te ia, auā sa faapea mai le poloaiga a le tupu, 33 Aua ne'i tali atu ia te ia. Ona o mai ai lea o Eliakimo le atalii o Hilikia lē pule i le aiga, ma Sevena le tusiupu, ma Ioaa le atalii o Asafo le fātuaupu, ia Esekia, ma o latou ofu ua saei, ua latou tala mai ia te ia o upu a Ravesaki.

O le faau a Esekia ia Isaia; o le fasiga o 'au a Asuria e le agelu.

UA faalogo ai le tupu o Esekia, 19 ona saei ai lea e ia ona ofu, ua lavalava i le ie talatala, ona ulufale ai lea o ia i le fale o Ieova. Ua na 2 aauiina atu foi o Eliakimo o lē pule i le aiga, ma Sevena le tusiupu, atoa ma toeaia o le au faitaulaga, ua lavalava i le talatala, e o ane ia Isaia le perofeta le atalii o Amota. Ua latou fai atu ia te ia, O loo faapea 3 ona fetalai mai o Esekia, O le aso nei, o le aso o le puapuga, ma le aoaiga, ma le faifai, auā ua oo ina a fanau o tama, a e leai se malosī e fanau mai ai. Atonu e faafofoga mai Ieova lou Atua i upu uma a Ravesaki, o le ua auina mai e le tupu o Asuria lona alii e faifai i le Atua soifua, ma tauī atu i upu ua faafogaina e Ieova lou Atua; o lea ia e tatalo ai mo e ua totoe.

Ona o atu ai lea o auaina a le 5 tupu o Esekia ia Isaia. Ona fai mai lea o Isaia ia te i latou, Ia outou fai atu faapea i lo outou alii, O loo faapea ona fetalai mai o Ieova, Aua e te mata'u i upu ua e faalogo ai, ua faifaia mai ai a'u e auaina a le tupu o Asuria. Faauta, ou te 7 tuu atu ia te ia le agaga, na te faalogo foi i le tala, ona foi atu ai lea o ia i lona lava nuu; ou te fasioti foi ia te ia i le pelu i lona lava nuu.

Ona foi atu ai lea o Ravesaki, ua 8 na iloa foi le tupu o Asuria ua tau ma Lipena; auā na ia faalogo ua alu ese o ia i Lakisa. Ua ia faalogo 9 foi i le tala ia Tiraka le tupu o Aitioue, ua faapea ane, Faauta, ua sau o ia e sii le taua ia te oe; ona toe tuu atu lea e ia o le sāvali ia Esekia, e faapea atu, Ia faapea ona 10 outou fai atu ia Esekia le tupu o Iuta, ia faapea atu, Aua ne'i pelogia oe e lou Atua ua e faatuatua i ai, o loo faapea ane, E le tuuina Ierusalem i le lima o le tupu o Asuria. Faauta mai ea, ua e logona i mea 11 ua faia e tupu o Asuria i nuu uma lava, ua faaumatia lava, a e laveaiina ea oe? Pe na laveai ea atua o 12 nuu ia te i latou na faaumatia e o'u tamā, o le nuu o Kosane, ma Karana, ma Resefa, atoa ma le

- 13 fanauga a Etena sa i Tilasa? O fea o i ai le tupu o Amato, ma le tupu o Arepa, atoa ma le tupu o le aai o Sefavaima, o Ena ma Iva?
- 14 Ua talia e Esekia le tusi nai lima o le sāvali, ua faitau ai; ona alu ae ai lea o Esekia i le fale o Ieova, ma
- 15 fofola atu ai i luma o Ieova. Ona tatalo atu ai lea o Esekia i luma o Ieova, ua faapea atu, Ieova e, le Atua o Isaraelu, o lē afio i le va o kerupi, o oe lava, na o oe, o le Atua o malo uma o le lalolagi, na e faia
- 16 le lagi ma le lalolagi. Ieova e, ia e liliu mai ou fofoga, ma ia faafofoga mai; Ieova e, ia silasila mai ou fofoga, ma ia e silafia, ma ia faafofoga, mai i upu a Sanerivi, o le ua auina mai *le tasi* e faifai i le Atua
- 17 soifua. Ieova e, e moni ua faatafunaina e tupu o Asuria o nuu atoa ma o latou lauelele. Ua latou lafoina atu foi o latou atua i le afi, auā e le ni atua i latou, a o mea na faia e lima o tagata, o laau ma maa; o le mea lea ua latou faaumatia ai i latou. O lenei, Ieova e lo matou Atua, ou te aiei atu, ia e faaola mai ia te i matou ai lona lima; ina ia iloa ai e malo uma o le lalolagi, o oe lava o Ieova o le
- 20 Atua oe, na o oe lava. Ona auina lea e Isaia le atalii o Amota o *le tasi* ia Esekia, ua faapea atu, O loo faapea ona fetalai mai o Ieova le Atua o Isaraelu, Ua ou faalogo lava i lau tatalo ia te au ia Sanerivi le
- 21 tupu o Asuria. O le afoga lenei ua tūlei mai ai e Ieova ia te ia, Ua 'ino'ino ia te oe le tama fafine tau-pou a Siona, ua faatauemu o ia ia te oe; ua lialiai e le tama fafine a
- 22 Ierusalem lona ulu ia te oe. O ai ea ua e upu leaga i ai, ma e faifai i ai? O ai ea ua e fai i ai upu faasausili, ma e faasiasia i ai? O le
- 23 Paia lava o Isaraelu. O āu sāvali ua e upuleaga ai i le Alii, ua e faapea ane, Ua ou alu ae ma le tele o o'u kariota i tumutumu o mauga i itu o Lapanona; ou te tatuuina foi ona arasi maualuluga, ma ona perosi silisili; ou te ulu atu foi i mea e mōe ai malo i ona tuaoi i lona vao
- 24 lafulemu. Ua ou eli, ma ou inu i vai ese, ua ou faamateina i o'u alofivae o vaitafe uma o nuu nofo 'olo.
- Po ua e le faalogo ea na ou faia lea mea anamua, na ou saunia foi i aso muamua? a o ona po nei ua ou faataunuu ai, ina ia fai e oe o aai nofo 'olo ma faupuegā mea faatafunaina. O le mea lea na pupuu ai lima o e sa nonofo ai, na fefefe i latou ma masiasi; na latou faapei o le mutia o le fanua ma le vao mu'a lauolaola, *pei* o le mutia foi i luga o fale, *pei* o *saito* foi ua mamea a o lei oo ina matua. Ua ou iloa foi lou nofo i lalo, atoa ma lou ulufafo, ma lou ulufale, atoa ma lou ita tele ia te au. Ua oo mai i o'u taliga lou ita tele ia te au, ma lou faasiasia; o le mea lea ou te tuu ai la'u mama i lou isu, ma la'u faagutu i ou laugutu, ou te faafoi atu ai ia te oe i le ala na e sau ai. O le faaloga foi lenei ia te oe; o le tausaga nei tou te aai ai i mea ua tutupu fua, *tou te aai* foi i lona lua o tausaga o mea e tutupu fua ai; a o le tausaga e tolu ia outou lulu ai *saito*, ma ia outou selesese, ia outou totōina tovine, ma ia outou aai i o latou fua. O e o totoe o le aiga o Iuta ua sao, e toe sosolo i lalo o latou aa, ma fua mai ni fua i luga. Auā e o atu e o totoe nai Ierusalema, o e ua sao foi e o *atu* nai le mauga o Siona; e faia lenei mea e le maelega o Ieova. O le mea lava lea o loo faapea ona fetalai mai ai o Ieova i le tupu o Asuria, E le sau lava ia i lenei aai, e le fana mai ai foi se u, e le sau foi i ai ma se talita, e le tanu ai foi se mea mau-tietie. O loo faapea mai Ieova, O le ala na sau ai o ia, o le *ala* lava lea e toe foi atu ai, a e le sau lava ia i totonu o le aai nei. Aua ou te faamamaluina le aai nei ia ola ona o a'u nei lava, ona o Tavita foi la'u auaina.
- O lea lava po na alu atu ai le agelu a Ieova, ua fasi i le togālauapi o Asuria o *tagata* e selau afe ma afe e valu sefulu ma afe e lima. Ua ala o latou na *totoe* i le taeao lava, faauta, o *tagata* oti i latou uma. Ona alu ese ai lea o Sanerivi le tupu o Asuria, ua alu ma foi atu i Nineva, ua nofo ai. Sa ifo o ia i le fale o Nisero lona atua, ona fasia lea o ia e ona atalii o Atameleko ma Salese;

ona la sosola ai lea i le nuu o Ararata. Ona soloai ane ai lea o Esarata lona atalii e fai ma tupu.

O le tala i le ma'i o Esekia, ma auuana a le tupu o Papelonía na asiási ia te ia.

- 20 O ONA po ia na ma'i ai Esekia, ua tāli oti. Ona sau ai lea ia te ia o le perofeta o Isaia le atalii o Amota, ua fai mai ia te ia, O loo faapea ona fetalai mai o Ieova, Sauni ia sau mavaega i lou aiga, auā o le a e maliu, e te le soifua.
- 2 Ona liliu atu ai lea ona fofoga i le pa o le fale, ua tatalo atu ia Ieova,
- 3 ua faapea atu, Ieova e, ou te aioi atu, ia e manatu mai i lo'u savali i ou luma ma le faamaoni, ma le loto atoa, ua ou faia foi mea ua e finagalo i ai. Ona tagi lotulotu lea o
- 4 Esekia. Ona oo mai ai lea o le afoga a Ieova ia Isaia, a o lei oo ia i le lotoā tuloto, ua faapea mai,
- 5 Foi atu ia, ma ia e fai atu ia Esekia le ta'ita'i o lo'u nuu, O loo faapea ona fai mai o Ieova le Atua o Tavita lou tamā, Ua ou faalogo i lau tatalo, ua ou iloa ou loimata; faauta foi, ou te faamalolo ia te oe, e te alu ae
- 6 i e luā i le fale o Ieova. Ou te faapoopo i aso o lou *ola* o tausaga e sefulu ma le lima; ou te laveai foi ia te oe atoa ma le aai nei i le lima o le tupu o Asuria; ou te faamamaluina foi le aai nei ona o a'u lava, ona o Tavita foi la'u auuana.
- 7 Ona fai atu ai lea o Isaia e ave se potopotogāmati, Ona latou ave ai lea, ua tuu i le mea na fulaga'i, ona
- 8 malolo ai lea. Ua fai atu foi Esekia ia Isaia, O le a le faailoga e *iloa ai* e faamalolo mai Ieova ia te au, ou te alu ae ai i le fale o Ieova i e luā?
- 9 Ona tali mai ai lea o Isaia, O le faailoga lenei ia te oe mai ia Ieova, e *te iloa ai* e faia e Ieova le mea ua na fetalai mai, Pe alu i luma ea le ata o *le la* i vaega e sefulu, pe foi
- 10 atu i vaega e sefulu? Ona fai atu ai lea o Esekia, O le mea itiiti ona alu ifo o le ata o *le la* i vaega e sefulu; aua *ne'i faapea*, a ia foi atu
- 11 i tua le ata i vaega e sefulu. Ona valaau atu ai lea o Isaia le perofeta ia Ieova, ona faafoi atu ai lea e ia o le ata i vaega e sefulu na uma ona

alu ifo ai i le mea a Aasa e vaevae ai itu la.

O ona po ia na auuina mai e 12 Perota-palata le atalii o Palata le tupu o Papelonía *nisi* e au mai tusi ma le mea alofa ia Esekia; auā na ia faalogo na ma'i Esekia. Ua talia 13 foi i latou e Esekia, ua na faaali atu ia te i latou le fale uma o lana oloa, o ario, ma auro, ma mea manogi, ma le uu lelei; atoa ma le fale uma o lana auupega, ma mea uma sa i ana mea e teu ai oloa; e leai lava se mea i lona fale ma lona nuu uma e lei faaali atu ai e Esekia ia te i latou.

Ona sau ai lea o Isaia le perofeta 14 i le tupu o Esekia, ua faapea mai ia te ia, Pe se a na fai mai ai ia tagata? O fea foi na latou o mai ai ia te oe? Ona tali atu ai lea o Esekia, Na latou o mai i le nuu mamao, o Papelonía lava. Ona fai mai ai lea o 15 ia, Pe ni a mea ua latou iloa i lou fale? Ona tali atu ai lea o Esekia, Ua latou maimoa i mea uma o i lo'u fale, e leai se mea i a'u mea e teu ai oloa ou te lei faaali atu ai ia te i latou. Ona fai mai ai lea o Isaia ia 16 Esekia, Faafofoga mai ia i le afoga a Ieova. O loo faapea mai Ieova, 17 Faauta, e oo mai ona aso e aveina atu ai i Papelonía o mea uma o i lou fale, atoa ma mea ua faaputuina e ou tamā ua oo mai i le aso nei; e le toe ai se mea e tasi. Latou te ave 18 foi nisi o ou atalii e tutupu mai ia te oe, e fanaua e oe, e avea foi i latou ma eunuka i le maota o le tupu o Papelonía. Ona fai atu ai lea o 19 Esekia ia Isaia, Ua lelei le afoga a Ieova ua e fai mai ai na; ua fai atu foi ia, E le i ai ea le manuia ma le faamaoni i lo'u olaga?

O toe foi o mea na faia e Esekia, 20 ma lona fitafita uma, ma le vailepa ma le alavai na ia faia, na ta'i mai ai le vai i totonu o le aai, e lei tusia ea ia mea i le tusi o tala i nofoaiga a tupu o Iuta? Ua taoto foi Esekia 21 faatasi ma ona tamā, ona soloai ane ai lea o lona atalii o Manase e fai ma tupu.

O le tala i nofoaiga a Manase ma Amone.

- 21 O LE sefulu ma le lua o tausaga o Manase na fai ai o ia ma tupu ; e limagafulu ma le lima o tausaga na ia tupu ai i Ierusalem. O le igoa
2 foi o lona tinā o Efiseva. Na ia faia le amio leaga i luma o Ieova, faapei o amio leaga a nuu na tulia e Ieova
3 i luma o le fanauga a Isaraelu. Ua na toe faia foi mea mauaululuga sa faaumatia e Esekia lona tamā, ma na fai foi fata faitaulaga o Paala, ua na fai foi le tupua o Asaira, faapei ona faia e Aapo le tupu o Isaraelu, ma na ifo foi i 'au uma a le
4 lagi, ma auauna i ai. Ua ia fai foi fata faitaulaga i le fale o Ieova, o le mea na fetalai mai ai Ieova, O Ierusalem
5 ou te tuu ai lo'u igoa. Ua ia fai foi fata faitaulaga mo 'au uma a le lagi i lotō uma e lua o le
6 fale o Ieova. Ua ia faau ai ane foi lona atalii i le afi, ua iite foi i ao o le lagi, ma fai togafiti faataulāitu, ua saili foi i aitu vavalo, ma taulāitu ; e tele lava le amio leaga na ia faia i
7 luma o Ieova e faanoono ai. O le tupua foi o Asaira na ia faia, ua ia faatuina i le fale sa fetalai ai Ieova ia Tavita ma Solomona lona atalii, O le fale nei atoa ma Ierusalem ua ou filifilia i itu aiga uma o Isaraelu
8 ou te tuu ai lo'u igoa e faavavau. Ou te le toe tulieseina Isaraelu i le laueleele na ou avatu ai i o latou tamā, tau lava ina ne'i latou le anana ia fai mea uma na ou poloai atu ai ia te i latou, atoa ma le tulafono uma na poloai atu ai e la'u auauna
9 o Mose ia te i latou. A ua latou le faalogo lava ; ua faasese foi Manase ia te i latou e fai le amio leaga e sili i le amio na faia e nuu na faaumatia e Ieova i luma o le fanauga a Isaraelu.
10 Ona fetalai mai lea o Ieova i perofeta ana auauna, ua faapea mai,
11 Oca ua faia e Manase le tupu o Iuta, ia mea leaga, e sili ona leaga i mea uma na faia e sa Amori na muamua ia te ia, ua ia faatupu foi le agasala a Iuta i ana tupua ; o le mea lea o loo faapea ona fetalai mai ai o Ieova le Atua o Isaraelu, Faauta, o loo au mai e a'u le malaia i

Ierusalem a Iuta, e taitasi uma o e faalogologo i ai ma taalili ai ona taliga e lua. Ou te falō foi i luga o Ierusalem le fua o Samaria ma le fua faatautau o le aiga o Aapo ; ou te fufulu foi i Ierusalem pei ona fufulu e se tasi le tanoa, e fufulu ma faafaō ai. Ou te tuulafoaiina foi e o totoe o lo'u tofi, ou te tuu atu foi ia te i latou i lima o e ua ita mai ia te i latou ; e avea ai foi i latou ma tagata o taua ma vete mo i latou uma o e ita ia te i latou ; auā ua faia e i latou le amio leaga i o'u luma, ua faanoono mai foi ia te au talu lava i le aso na o mai ai o latou tamā ai Aikupito, ua oo lava i le aso nei.

Ua faamasaa foi e Manase toto o e le sala e tele lava, ua na matuā faatumuina ai Ierusalem ; ua faaopoopo ai i lana agasala na ia faatupu ai le agasala ia Iuta, ia faia le amio leaga i luma o Ieova. O toe o mea na faia e Manase, atoa ma mea uma na na faia, ma lana agasala na agasala ai o ia, e lei tusia ea ia mea i le tusi o tala i nofoaiga a tupu o Iuta? Ua taoto foi Manase faatasi ma ona tamā, ona tanu ai lea o ia i le lotō o lona fale, o le lotō lea o Usa ; ona soloai ane ai lea o Amone lona atalii e fai ma tupu.

O le luafulu ma le lua o ona tausaga na fai ai Amone ma tupu, a e lua tausaga na tupu ai o ia i Ierusalem. O le igoa foi o lona tinā o Mesuleme, o le afafine o Arusa le Iatepa. Na ia faia foi le amio leaga i luma o Ieova, faapei ona faia e lona tamā o Manase. Ua savali foi o ia i le ala uma sa savali ai lona tamā, ua na auauna i tupua sa auauna i ai lona tamā, ma ifo foi i ai. Ua ia tuulafoai foi ia Ieova le Atua o ona tamā, ua ia le savali lava i le ala o Ieova. Ona foua lea o Amone e ana auauna, ua latou fasioti foi i le tupu i lona fale. Ona fasioti ai lea e tagata o le nuu ia te i latou uma na foua le tupu o Amone ; ua tofia foi e tagata o le nuu lona atalii o Iosia e fai ma tupu e sui a'i o ia. O toe o mea a Amone na ia faia, e lei tusia ea ia mea i le tusi o tala i nofoaiga a tupu o Iuta? Ua tanu foi o ia i lona tungamau i le lotō o Usa ; ona

soloai ane ai lea o Iosia lona atalii e fai ma tupu.

O le tala i le nofoaiga a Iosia, ma le valoaiga a Ulata.

- 22** UA fai ma tupu Iosia i le valu o ona tausaga, e tolugafulu ma le tasi o tausaga na tupu ai o ia i Ierusalemā. O le igoa foi o lona tinā o Ietita o le afafine o Ataia le Posekata. Na ia faia le amiotonu i luma o Ieova, ua ia savali foi i le ala uma o Tavita lona tamā, e lei alu ese ai lava ia i le itu taumatau, po o le itu tauagavale.
- 3** O le sefulu ma le valu o tausaga o le nofoaiga a le tupu o Iosia na auina ai e le tupu i le fale o Ieova o Safana le atalii o Asalaia, le atalii ia o Mesulama, o le tusiupu, ua faapea
- 4** atu, Alu ae ia ia Hilikia le faitaulaga sili, na te faitauina tupe uma ua aumaia i le fale o Ieova, o mea ua faaputuina mai i le nuu e i latou
- 5** o e leoleo i le faitotoa; Ma ia latou avatu ai ia te i latou o e fai le galuega, o e leoleo i le fale o Ieova, latou te avatu ai ia te i latou o e fai le
- 6** galuega i le fale o Ieova; ina ia toe faasoo mea ua lepetia o le fale; e avatu ai i tufuga, ma tufuga ati fale, ma e ati pa, e faatau a'i foi laau ma
- 7** maa talai, e faasoo a'i le fale. A e peitai ua le faamasinoina i latou i tupe na tuuina atu ia te i latou, auā ua latou faia ma le faamaoni lava.
- 8** Ua fai atu Hilikia le faitaulaga sili ia Safana le tusiupu, Ua ou maua le tusi o le tulafono i le fale o Ieova. Ona avatu ai lea o le tusi e Hilikia
- 9** ia Safana, ua na faitau ai. Ona sau ai lea o Safana le tusiupu i le tupu, ua tala mai i le tupu, ua faapea mai, Ua sasaaina e au auaua o tupe na i le fale, ua tuuina atu foi ia te i latou o e fai le galuega, o e
- 10** leoleo i le fale o Ieova. Ona ta'u mai ai lea e Safana le tusiupu i le tupu, ua faapea mai, Ua au mai ia te au e Hilikia le faitaulaga o le tusi. Ona faitau ai lea e Safana i luma o
- 11** le tupu. Ua faalogo le tupu i upu o le tusi o le tulafono, ona saei ai lea
- 12** e ia ona ofu. Ona fai atu ai lea o le tupu ia Hilikia le faitaulaga, ma Aikamo le atalii o Safana, ma Akapora le atalii o Mekaia, ma Safana

le tusiupu, atoa ma Asaia le auaua a le tupu, ua faapea atu, O ia outou, **13** ina fesili atu ia Ieova mo a'u, ma le nuu, atoa ma Iuta uma lava i upu o le tusi nei ua maua, auā e tele lava le toasa o Ieova ia te i tatou, auā ua le faalogo o tatou tamā i upu o lenei tusi ina ia faia ia tusa ma mea uma ua tusia mai ai ia te i tatou. Ona o atu ai lea o Hilikia le faitaulaga, ma Aikamo, ma Akapora, ma Safana, ma Asaia ia Ulata le perofeta fafine le avā a Saluma le atalii o Tikeva, le atalii ia o Areasa, o le na tausi i ofu, (sa nofo o ia i Ierusalemā i le mea e ta'uā o le lua o aai;) ua latou tautala ma ia. Ona **14** fai mai ai lea o ia ia te i latou, O loo faapea ona fetalai mai o Ieova le Atua o Isaraelu, Ia outou fai atu i le tagata na auuina mai outou ia te au, o loo faapea ona fetalai mai o Ieova, Faauta, o le a a'u aumaia se malaia i lenei mea atoa ma e o nonofo ai, o upu uma lava o le tusi na faitauina e le tupu o Iuta; auā **15** ua latou tuua a'u a e faamu mea manogi i atua ese, ina ia latou faaonoono mai ia te au i mea uma ua faia e o latou lima; o le mea lea o le a mu ai lava lo'u ita i lenei mea, e le tinea lava. A o le tupu o Iuta **16** na auuina mai outou e fesili ia Ieova, ia faapea ona outou fai atu ia te ia, O loo faapea ona fetalai mai o Ieova le Atua o Isaraelu i upu na e faalogo ai, auā ua malulu lou loto, ma ua e faamaulalo oe i luma o Ieova, ina ua e faalogologo i mea na ou fai atu ai i lenei mea, ma e o nonofo ai, e faatafunaina i latou ma fetuuina, ua e saei foi i ou ofu, mā e tagi i o'u luma; o loo fetalai mai Ieova, Ua ou faalogo ai lava. O lenei, faauta **17** ea, ou te faapoopoina atu oe i ou tamā, e oo atu foi oe i lou tuugamau ma le filemu; a e le iloa e oe le malaia uma ou te aumaia i lenei mea. Ona latou toe ta'u mai ai lea i le tupu.

O le faamalosi o Iosia i le upu a le Atua; o lona fasiga.

ONA aau atu lea nisi; e le tupu, **23** ona latou faapotopoto ai lea ia te ia o toeaina uma o Iuta atoa ma Ierusalemā. Ona alu ae ai lea o le **2**

- tupu i le fale o Ieova, o ia atoa ma tagata uma o Iuta, ma i latou uma e na nonofo i Ierusalem, o le au ositaulaga foi, atoa ma le au perofeta, ma le nuu uma lava, o tama iti atoa ma e matutua; ona faitau atu lea e ia, o latou o faalogologo ai, i upu uma lava o le tusi o le feagaiga na maua i le fale o Ieova.
- 3 Ua tu foi le tupu i le tulaga ma osi ai le feagaiga i luma o Ieova, e mulimuli atu ia Ieova, ma anaana i ana poloaiga, ma ana tulafono, atoa ma ana sauniga, i le loto atoa ma le agaga atoa, e faamauiua foi upu o lenei feagaiga ua tusia i lenei tusi. Ua auga foi i le nuu uma le feagaiga. Ona fai atu ai lea o le tupu ia Hilikia le ositaulaga sili, ma ositaulaga e aupito ane ia te ia, atoa ma leoleo o le faitotoa, e au mai i fafo i le malumalu o Ieova o ipu uma na faia mo Paala, ma Asaira, ma 'au uma a le lagi; ua ia susunu ai foi i tua o Ierusalem i le fanua o Ketarono, ona ave ai lea o latou lefulefu i Peteli. Ua ia aveeseina foi le au faitaulaga e na faatuina e tupu o Iuta e faamu mea manogi i mea mauauluga i aai o Iuta, atoa ma mea e vagavagai i Ierusalem; o i latou foi e na faamu mea manogi ia Paala, ma le la, ma le masina, ma faailoga o le lagi, atoa ma 'au uma
- 6 a le lagi. Ua ia au mai foi le tupua o Asaira nai le fale o Ieova, *ua ave* i tua o Ierusalem i le alia o Ketarono, ua susunu ai i le alia o Ketarono, ma na tufililiia *pei* o le efuefu, ona lafo ai lea o lona efuefu i luga
- 7 o tuugamau o tagata o le nuu. Ua ia lepeti foi i fale o e faasotoma sa i tafatata o le fale o Ieova, na lalaga ai e fafine o fale mo Asaira i lea mea. Ua ia au mai foi ositaulaga uma na i aai o Iuta, ma na faaleaga i mea mauauluga na faamu ai mea manogi e le au ositaulaga, pau mai i Kipea pau mai i Pere-sepa, ma na lepeti foi i mea mauauluga o faitotoa sa i le mea e ui atu ai i le faitotoa o Iosua le alii e pule i le aai, sa i ai i le itu tauagavale o le tagata i le faitotoa o le aai. A e peitai e lei o ae ositaulaga o mea mauauluga i le fata faitaulaga o Ieova i Ierusalem, na ona
- latou aai i le areto le faafefeteina faatasi ma o latou uso. Ua ia faaleaga foi i Tofeta o i le vanu o le atalii o Hinoma, ina ne'i faai ane e se tagata i lona atalii po o lona afafine i le afi ia Moloka. Ua ia ave ese foi i solofanua na tuuina e tupu o Iuta mo le la i le faitotoa o le fale o Ieova, e lata ane i le afeafe o Natana-meleka le auaua sili sa i Parevara, ma na susunu nofoa faataavalevale o le la i le afi. Ua lepeti foi e le tupu o fata faitaulaga na i luga o le afeafe aupitoaluga o Aasa na faia e tupu o Iuta, atoa ma fata faitaulaga na faia e Manase i lotoa uma e lua o le fale o Ieova, ona tele vave atu ai lea nai lea mea, ma sasaa atu o latou efuefu i le alia o Ketarono. Ua faaleaga foi e le tupu mea mauauluga sa i luma o Ierusalem i le itu taumatau o le mauga o le malaia, na faia e Solomon le tupu o Isaraelu mo Asaira le mea leaga a sa Saitonū, mo Kimosa foi le mea leaga a Moapi, mo Melekoma foi le mea leaga a le fanauga a Amoni. Ua ia tu'ininii foi tupua, ma na vava'e lalo tupua o Asaira, ona faatutumu ai lea o mea sa latou i ai i ivi o tagata. O le fata faitaulaga foi sa i Peteli, o le mea mauauluga na faia e Ierepoamo le atalii o Nepata, o le na faatupu le agasala ia Isaraelu, na ia lepeti i lea lava fata faitaulaga atoa ma le mea mauauluga, ma na susunu le mea mauauluga, ua tu'ininii ai *pei* o le efuefu, ua na susunu foi le tupua o Asaira. Ona fāliu lea o Iosia, ua iloa atu ai tuugamau na i ai i le mauaga, ua auuina atu ai *nisi* e au mai ivi ai tuugamau, ona susunu ai lea i luga o le fata faitaulaga, ua faaleaga ai, e tusa ma le afoga a Ieova na alaga mai ai e le tagata o le Atua, o le na alaga mai ia upu. Ona fai atu ai lea o ia, O le a lena faailoga ou te iloa atu ai? Ona fai mai ai lea o tagata o le aai ia te ia, O le tuugamau lea o le tagata o le Atua na sau mai Iuta, ma alaga mai i na lava mea ua e faia i le fata faitaulaga i Peteli. Ona fai atu ai lea o ia, Tuu pea ia te ia, aua ne'i oia e se tagata ona ivi. Ona sao ai lea ona ivi atoa ma ivi o le perofeta

- 19 na sau mai Samaria. O fale uma foi o mea mauaululuga sa i aai o Samaria, na faia e tupu o Israelu e faaonoono ia Ieova, ua aveeseina e Iosia, ua ia-fai foi i ai faapei o
- 20 mea uma na ia faia i Peteli. Ua ia fasiotia le au ositaulaga o mea mauaululuga sa i ai i luga o fata faitaulaga, ma na susunu ai ivi o tagata; ona foi atu ai lea o ia i Ierusalem.
- 21 Ona poloa'i ai lea o le tupu i le nuu uma lava, ua faapea atu, Ia outou fai le paseka ia Ieova lo outou Atua, faapei ona tusia i le tusi
- 22 o lenei feagaiga. Auā e lei faia lava se paseka faapei o lenei talu i ona po o faamasino e na faamasino ia Israelu, atoa ma ona po uma o tupu o Israelu, ma tupu o Iuta;
- 23 na o le paseka lava lenei na faia ia Ieova i Ierusalem a le sefulu ma le valu o tausaga o le tupu o Iosia.
- 24 Ua aveeseina foi e Iosia e sa i ai aitu vavalo, ma taulāitu, ma faa-tagata, ma tupua, atoa ma mea inosia uma na iloa i le nuu o Iuta ma Ierusalem, ina ia faataunuaina e ia o upu o le tulafono na tusia i le tusi na maua e le ositaulaga o
- 25 Hilika i le fale o Ieova. E lei mua-mua ia te ia se tupu e tusa ma ia, o le na liliu atu ia Ieova ma lona loto atoa, ma lona agaga atoa, ma lona malosi atoa, e tusa ma le tulafono uma a Mose; talu ai foi e lei tu
- 26 mai se tusa ma ia. E ui lava i lea e lei liliueseina e Ieova lona toasa matuā tele na ia toasa ai ia Iuta, ona o mea faaonoono uma na faa-
- 27 onoono ai Manase ia te ia. A ua faapea mai Ieova, Ou te ave ese ia Iuta foi i o'u luma, faapei ona ou ave ese ia Israelu; ou te tiai foi le aai nei o Ierusalem na filifilia e a'u, atoa foi ma le fale na ou fai atu ai,
- 28 E i ai lo'u igoa. O toe o mea na faia e Iosia, ma mea uma na ia faia, e lei tusia ea ia mea i le tusi o tala i nofoaiga a tupu o Iuta? O
- 29 lana nofoaiga na alu ae ai Farao Neko le tupu o Aikupito i le vaitafe o Eufirate e sii ai le taua i le tupu o Asuria; ona alu atu ai lea o le tupu o Iosia e tau ma ia; ua la feiloai i Mekito, ona ia fasioti ai lea
- 30 ia te ia. Ua ave foi o ia ua oti, i le

kariota e ana auaina ai Mekito, ua au mai ia te ia i Ierusalem, ma tanu ia te ia i lona tuugamau. Ona ave ai lea e tagata o le nuu ia Ioasasa le atalii o Iosia, ma faauu ia te ia ia fai o ia ma tupu, e sui a'i lona tamā.

O le luafulu ma le tolu o ona 31 tausaga na fai ai Ioasasa ma tupu, e tolu foi masina na ia tupu ai i Ierusalem. O le igoa o lona tinā o Hamutala, le afafine o Ieremia o le Lipena. Ua ia faia le amio leaga 32 i luma o Ieova, pei o mea uma na faia e ona tamā. Ua noanoa e 33 Farao Neko ia te ia i Ripelu i le nuu o Amato, ina ia le fai o ia ma tupu i Ierusalem; ua ia faasalaina foi le nuu o taleni ario e selau, ma le taleni auro. Ua tofia e fai ma 34 tupu e Farao Neko o Eliakimo le atalii o Iosia, e fai ma sui o lona tamā o Iosia, a ua liliu lona igoa ia Ioakima; ona ia ave ai lea o Ioasasa, ua oo foi o ia i Aikupito, ua oti ai. Ona avatu ai lea e Ioakima le ario ma le auro ia Farao, a ua na togitu taulaga a le nuu e avatu ai le ario, pei o le poloaiga a Farao, taitasi le tagata e tusa ma lana togiga, na ia faatauanau lava o ario ma auro ai tagata o le nuu e avatu ai ia Farao Neko.

O le luafulu ma le lima o ona 36 tausaga na fai ai Ioakima ma tupu; e sefulu ma le tasi tausaga na tupu ai o ia i Ierusalem. O le igoa o lona tinā o Seputu o le afafine o Petaia o le Ruma. Ua ia faia foi le 37 amio leaga i luma o Ieova, faapei o mea uma ua faia e ona tamā.

O le faatoilaloina o Ioakima e Nepukanesa; ma le faatafeseina o le nuu.

O LANA nofoaiga na alu ae ai 24 Nepukanesa le tupu o Papelonia, ona fai toilalo ai lea o Ioakima ia te ia i tausaga e tolu, ona toe foua ai lea e ia o ia. Ona auaina lea ia te ia e Ieova o 'au a Kaletaia, ma 'au a Suria, ma 'au a Moapi, atoa ma 'au a le fanauga a Amoni, na ia auaina i latou i Iuta e faaumatia a'i, pei o le afoga a Ieova na tūlei mai i ana auaina le au perofeta. O le afoga 3 lava a Ieova na oo ai lea mea ia Iuta, ina ia na ave ese ia te i latou i

ona luma ona o agasala a Manase, e
 4 tusa ma mea uma na ia faia; auā
 foi le toto o e le sala na ia faama-
 ligiina, auā na ia faatumuina Ieru-
 salema i le toto o e le sala; na le
 5 mafai e Ieova ona faamagaloina ai.
 O toe o mea na faia e Ioakima, ma
 mea uma na ia faia, e lei tusia ea ia
 mea i le tusi o tala i nofoaiga a tupu
 6 o Iuta? Ua taoto foi Ioakima faa-
 tasi ma ona tamā; ona soloai ane ai
 lea o Ioakina lona atalii e fai ma
 7 tupu. E lei toe sau foi le tupu o
 Aikupito ai lona lava nuu; auā na
 faoa e le tupu o Papelonía mea uma
 sa i le tupu o Aikupito, pau mai i le
 alia o Aikupito pau mai i le vaitafe
 o Eufirate.
 8 O le sefulu ma le valu o ona tau-
 saga na fai ai Ioakina ma tupu, e
 tolu foi masina na tupu ai o ia i
 Ierusalemā. O le igoa o lona tinā o
 Neusetā le afafine o Elenatana o le
 9 Ierusalemā. Na faia foi e ia le amio
 leaga i luma o Ieova, pei o mea uma
 10 na faia e lona tamā. O ona poia na
 o ae ai auaina a Nepukanesa le
 tupu o Papelonía i Ierusalemā, ona
 11 vāgaia lea o le aai. Ua sau lava
 Nepukanesa le tupu o Papelonía i le
 aai, na vāgaia foi e ana auaina.
 12 Ona alu atu ai lea o Ioakina le tupu
 o Iuta i le tupu o Papelonía, o ia
 ma lona tinā, ma ana auaina, ma
 alii sa ia te ia, ma ana auaina sili,
 na ave foi o ia e le tupu o Pape-
 lonía i le tausaga e valu o lana nofo-
 13 aiga. Ua ia ave ese ai foi oloa uma
 lava na le fale o Ieova, ma oloa
 uma na i le fale o le tupu; na ia
 vavaeeseina foi mea auro uma na
 faia e Solomona le tupu o Isaraelu i
 le malumalu o Ieova, pei ona fetalai
 14 mai ai o Ieova. Ua ia faatāfeaina
 foi Ierusalemā uma, o alii uma foi,
 atoa ma e totoa uma, ua sefulu afe
 o e na faatāfeaina; o tufuga uma
 foi, atoa ma e galulue i uamea, e lei
 toe se tasi, na o tagata matitiva
 15 lava o le nuu. Ua ia faatāfeaina foi
 Ioakina i Papelonía, o le tinā foi o
 le tupu, ma avā a le tupu, ma ana
 auaina sili, atoa ma alii sili o le
 nuu, ua ia faatāfeaina nai Ierusa-
 16 lema i Papelonía. O tagata totoa
 uma e fitu afe, ma tufuga, ma e
 galulue i uamea e tasi le afe, o i

latou uma na malolosi ma lavatia
 taua, na faatāfeaina i latou e le
 tupu o Papelonía i Papelonía.

Ona tofia lea e le tupu o Pape- 17
 lonía o Matania le uso o le tamā o
 Ioakina e fai ma tupu e sui a'i o ia;
 na na sui foi lona igoa ia Setekaia.
 O le luafulu ma le tasi o ona tau- 18
 saga ua fai ai Setekaia ma tupu, e
 sefulu ma le tasi tausaga na tupu
 ai o ia i Ierusalemā. O le igoa o
 lona tinā o Hamutala le afafine o
 Ieremia le Lipena. Na ia faia le 19
 amio leaga i luma o Ieova, pei o
 mea uma na faia e Ioakima. Auā 20
 o le toasa o Ieova ia Ierusalemā ma
 Iuta, ua oo ina lafoaiina ai i latou
 ai ona luma; ua foua ai foi le tupu
 o Papelonía e Setekaia.

*O le faatāfunaina o Ierusalemā, ma
 le sosola i Aikupito o e na totoe.*

O LE iva o tausaga o lana nofo- 25
 aiga, o le sefulu o masina, o le aso
 e sefulu o le masina na sau ai
 Nepukanesa le tupu o Papelonía,
 i Ierusalemā, o ia ma lana itu taua
 uma, ua to lauapi, ua latou fai foi
 'olo e vagai a'i e tau ma ia. Na 2
 vāgaia le aai ua oo i le sefulu ma le
 tasi o tausaga o le tupu o Setekaia.
 O le aso iva foi o le fa o masina na
 3 velavela ai le oge i le aai, ua leai
 foi se mea e 'ai mā tagata o le nuu.
 Na lepetia le aai, ona sosola ai lea o 4
 'au uma i le po, i le ala i le faitotoa
 i le va o pa e lua, e latalata i le
 fanua o le tupu, (ua vāgaia foi le
 aai e Kaletaia;) na alu foi le tupu
 i le ala i le eleele laugatasi. Ona 5
 tuliloa lea e le itu taua a Kaletaia
 i le tupu, ua latou maua atu foi ia
 te ia i le eleele laugatasi o Ieriko;
 na taapeape foi lana itu taua uma
 na ia te ia. Ona latou pue lea i le 6
 tupu, ma avatu ia te ia i le tupu o
 Papelonía i Ripelu; ona latou faa-
 sala ai lea ia te ia. Ua latou fasioti 7
 foi i atalii o Setekaia, i ona luma;
 ua faatauaso foi ia Setekaia, ma
 fusifusi ia te ia i faamau 'apa me-
 mea, ma ave i Papelonía.

O le lima o masina o le aso fitu o 8
 le masina o le tausaga e sefulu ma
 le iva lea o le tupu o Nepukanesa o
 le tupu o Papelonía, na sau ai i
 Ierusalemā o Nepusatana lē pule i

le 'au e faafeao, o le auaua a le
 9 tupu o Papelonía; na ia susunuina
 le fale o Ieova, ma le fale o le tupu,
 atoa ma fale uma o Ierusalemá; o
 fale tetele uma foi ua susunuina e
 10 ia i le afi. Na soloia foi le pa na
 faataaliolio i Ierusalemá e 'au uma
 a Kaletaia sa i le alii e pule i le 'au
 11 e faafeao. O e na totoe o le nuu
 sa i ai pea i le aai, ma e na sosola, o
 e na sosola i le tupu o Papelonía,
 atoa ma e na totoe o le vao tagata,
 na tãfea i latou e Nepusatana lē
 12 pule i le 'au e faafeao. A ua tuua
 e le alii e pule i le 'au e faafeao nisi
 o e matitiva o le nuu e fai ma teu
 13 vine, ma ē galulue i le fanua. O
 pou 'apa memea foi sa i ai i le fale
 o Ieova, ma tuugā-taelega, atoa ma
 le vai 'apa memea sa i le fale o
 Ieova, na taei e Kaletaia, ma latou
 14 ave le 'apa memea i Papelonía. Na
 latou ave foi ulu ma suo, ma selesamēpa,
 ma ipu, atoa ma mea 'apa
 memea uma lava na latou fai ai
 15 sauniga. Na ave foi e le alii e pule
 i le 'au e faafeao salefu, ma ipu; o
 le auro, o mea *na faia* i auro, ma le
 16 ario o mea *na faia* i ario. O pou e
 lna, o le vai e tasi, atoa ma tuugā-
 taelega na faia e Solomona mo le
 fale o Ieova; ua le fuatia lava le
 mamafa o 'apa memea o na mea
 17 uma. O le umi o le tasi pou o
 kupita e sefulu ma le valu, o le
 kapetala 'apa memea foi na i ona
 luga; o le umi o le kapetala e tolu
 kupita; o le mea faaupega atoa ma
 rimoni sa i le kapetala e faataaliolio
 ai, o 'apa memea uma ia; e faapei
 o ia mea foi sa i ai i lona lua o pou,
 atoa ma le mea faaupega.
 18 Na ave foi e le alii e pule i le 'au
 e faafeao o Seraia le ositaulaga sili,
 ma Sefanaia le ositaulaga e aupito
 ane ia te ia, atoa ma leoleo faitotoa
 19 o toatolu. Na ia ave foi nai le aai
 le tasi auaua sili na tofia e pule i
 'au, ma tagata e toailima o e na iloa
 fofoga o le tupu, na maua i latou i
 le aai, ma le alii sili i e tusi 'au, o le
 na faapotopoto i tagata o le nuu,
 atoa ma tagata o le nuu e toaono-
 20 gafulu sa maua i latou i le aai. Na
 ave foi i latou e Nepusatana lē pule
 i le au, e faafeao, ma na avatua i le

tupu o Papelonía i Ripelu. Ona 21
 fasia ai lea o i latou e le tupu o
 Papelonía, ua na fasioti ia te i latou
 i Ripelu, i le nuu o Amato na tãfea
 foi luta nai lo latou laueleelo.

A o tagata na totoe i le nuu o 22
 Iuta e na tuua e Nepukanesa le
 tupu o Papelonía, na ia tofia Ketalia
 le atalii o Aikamo, le atalii ia o
 Safana, e pule ia te i latou. Na 23
 lagona a alii uma na ave 'au, o i
 latou ma o latou tagata, ua tofia
 Ketalia e le tupu o Papelonía e
 pule, ona o mai ai lea ia Ketalia i
 Mesepa, o Isamaeli le atalii o Neta-
 naia, ma Ioanana le atalii o Karea,
 ma Seraia le atalii o Tanumeta o le
 Netopa, ma Iausenaia le atalii o le
 Maaka, o i latou ma o latou tagata.
 Ona tauto ai lea o Ketalia ia te i 24
 latou ma o latou tagata, ua faapea
 atu foi ia te i latou, Aua ne'i tou
 fefefe i auaua ia Kaletaia; nonofo
 ia i le nuu, ma ia outou auaua i le
 tupu o Papelonía, ona manuia ai lea
 o outou. A ua oo i le fitu o masina, 25
 ona o mai ai lea o Isamaeli le atalii
 o Netanaia, le atalii ia o Elisama, o
 le aiga to tino o le tupu, ma tagata
 e toasefulu faatasi ma ia, ua latou
 fasi ia Ketalia, ua oti ai o ia atoa
 ma sa Iutā ma tagata Kaletaia sa
 ia te ia i Mesepa. Ona tutū ai lea 26
 i luga o le nuu uma, o tama iti ma
 e matutua, atoa ma alii na ave 'au,
 ua latou o atu i Aikupito, auā ua
 latou fefefe ia Kaletaia.

Ua oo i le tolu gafulu ma le fitu o 27
 tausaga o le tafeaga a Ioakina le
 tupu o Iuta, o le sefulu ma le lua foi
 o masina, o le *aso* e luafulu ma le
 fitu o le masina, ona faaeaina ai lea
 o le ulu o Ioakina le tupu o Iuta
 ma aumaia o ia ai le fale puipui e
 Evile-marota le tupu o Papelonía i
 le tausaga na fai ai o ia ma tupu; na 28
 ia tautala ma le alofa ia te ia, ma
 tuu atu foi lona nofoālii ia sili i
 nofoālii o tupu na ia te ia i Pape-
 lonía; na ia sui foi ona ofu *sa ofu* ai 29
 i le fale puipui; sa 'ai foi o ia e le
 aunoa i ona luma i aso uma o lona
 ola. O lana faaalumaga foi, o le 30
 faaalumaga e le aunoa, na tuuina
 atu ia te ia e le tupu i lea aso ma
 lea aso, i aso uma o lona ola.

O LE TUSI MUAMUA

O TALA I

NOFOAIGA A TUPU.

*O gafa o Atamu, ma Nod, ma Ape-
raamo, ma Esau.*

- 1 O ATAMU, o Setu, o Enosa, o
- 2 Kainano, o Maalaelu, o Iareto, o
- 3 Enoka, o Metusela, o Lameko, o
- 4 Noa, o Semu, o Hamo, ma Iafeta.
- 5 O atalii o Iafeta; o Komeri, ma
- 6 Makoku, ma Metai, ma Iavana, ma
- 7 Tupalu, ma Meseko, ma Tirasi. O
- 8 atalii foi o Komeri; o Asekeneso,
- 9 ma Rifata, ma Tokaremo. O atalii
- 10 foi o Iavana; o Elisa, ma Tasesa, o
- 11 Kitimo, ma Totanimo.
- 12 O atalii foi o Hamo; o Kuso, ma
- 13 Misaraimo, o Futu, ma Kanana. O
- 14 atalii foi o Kuso; o Sepa, ma Ha-
- 15 vila, ma Sapeta, ma Ragama, ma
- 16 Sapeteka. O atalii foi o Ragama; o
- 17 Seepa, ma Titana. Na fanaua foi e
- 18 Kuso o Nimarota; o ia foi naamata
- 19 ona fai alii malosi i le lalolagi. Na
- 20 fanaua foi e Misaraimo o Luti, ma
- 21 Anama, ma Leapi, ma Nafatui, ma
- 22 Pateruse, ma Kaselui (sa tutupu ai
- Filisitita,) ma Kafatori. Na fanaua
- foi e Kanana o Saitonu, o lana ulu-
- matua lea, ma Heti, ma sa Iepusē,
- ma sa Amori, ma sa Kirekasē, ma
- sa Hivī, ma sa Arekī, ma sa Senī,
- ma sa Aratī, ma sa Semarī, ma sa
- Hamatō.
- O atalii o Semu; o Elama, ma
- Asura, ma Afasata, ma Luti, ma
- Arama, ma Usa, ma Hulo, ma Ki-
- teru, ma Meseko. Na fanaua foi e
- Afasata o Selaa, na fanaua foi e
- Selaa o Eperu. Na fanaua foi e
- Eperu ona atalii e toalua; o le igoa
- o le tasi o Peleko; auā o ona aso ia
- ua vaevaeina ai le lalolagi; o le igoa
- foi o lona uso o Ioketana. Na fanaua
- foi e Ioketana o Alemotata, ma
- Salefo, ma Asamoveta, ma Iaraa,
- ma Aturamo, ma Usala, ma Tikelu,
- o Upalu foi, ma Apimalu, ma Seepa,

ma Ofeira, ma Havila, ma Iopapo. 23
O i latou uma ia o atalii o Ioketana.

O Semu, o Afasata, o Selaa, o 24
Eperu, o Peleko, o Reu, o Seruka, o 25
Nakori, o Tara, o Aperamo, o Ape- 26
raamo lava lea. O atalii o Ape- 27
raamo, o Isaako ma Isamaeli.

O latou gafa nei; o le ulumatua 28
a Isamaeli o Nepaiota lea; ma Ki- 29
tara, ma Atepeelu, ma Mepesama, o
Mesema, ma Tuma, o Mase, o Ha- 30
tara, ma Tema, o Ietua, o Nafiso, 31
ma Katema. O atalii i latou o Isa-
maeli. O fanau a Kitura, o le palake 32
a Aperamo; na fanau e ia o Seme-
rana, ma Iokasana, ma Metana, ma
Mitiana, ma Isepaka, ma Sua. O
atalii foi o Iokasana; o Seepa ma
Titana. O atalii foi o Mitiana, o Efa. 33
ma Efara, ma Enoka, ma Apita, ma
Eletaa. O fanau uma ia a Kitura.

Na fanaua foi e Aperamo o 34
Isaako. O atalii o Isaako; o Esau
ma Israelu. O atalii o Esau; o 35
Elifasa, o Reuelu, ma Iuso, ma Ia-
lama, ma Kara. O atalii o Elifasa; 36
o Timanu, ma Amara, o Sefo, ma
Katamo, o Kinasa ma Timena, ma
Amaleka. O atalii o Reuelu; o Na- 37
kata, o Sera, o Sama, ma Misa.

O atalii foi o Seira; o Lotana, 38
ma Sovala, ma Sepeono, ma Ena,
ma Tisono, ma Eseri, ma Tisano. O 39
atalii foi o Lotana, o Hori, ma Ai-
mamū; o le tuafafine o Lotana o
Timena ia. O atalii o Sovala; o 40
Aluana, ma Manaka, ma Epalu, o
Sefo, ma Onama. O atalii foi o
Sepeono; o Aia ma Ena. O le atalii 41
o Ena; o Tisono. O atalii foi o
Tisono; o Amarana, ma Esepana,
ma Itirana, ma Karana. O atalii 42
o Eseri; o Pileana, ma Savana, ma
Akana. O atalii o Tisano; o Usa,
ma Arana.

O i latou nei o tupu sa tupu ai i 43

le nuu o Etoma, a o leai se, tūpū i le
fanauga a Isaraelu; o Pala le atalii
o Peora; o le igoa o lana aai o
44 Tineava. Ua oti Pala, ona soloai
ane lea o Iopapa le atalii o Sera o
45 le Posara e fai ma tupu. Ua oti
Iopapa, ona soloai ane lea o Kusamu
mai le nuu o sa Timanū e fai ma
46 tupu. Ua oti Kusamu, ona soloai
ane lea o Atata le atalii o Petata e
fai ma tupu; o ia na fasi ia Mitiana
i le nuu o Moapi; o le igoa o lana
47 aai o Avita. Ua oti Atata, ona so-
loai ane lea o Samelu o le Maseraka
e fai ma tupu. Ua oti Samelu, ona
48 soloai ane lea o Saulo o le Reopo i
tala ane o le vaitafe e fai ma tupu.
49 Ua oti Saulo, ona soloai ane lea o
Paalaanana le atalii o Akapora e fai
50 ma tupu. Ua oti Paalaanana, ona
soloai ane lea o Atata e fai ma
tupu; o le igoa foi o lana aai o
Pagi; a o le igoa o lana avā o Meata-
pala le tama fafine a Matarata, le
tama fafine ia o Maisaava.
51 Ua oti foi Atata. Ona fai ai lea
o matai o Etoma; o le matai o Ti-
mena, o le matai o Aleva, o le matai
52 o Ieteta, o le matai o Alipama, o le
53 matai o Ele, o le matai o Pinona, o
le matai o Kinasa, o le matai o
54 Timanu, o le matai o Mepesara, o
le matai o Maketialu, o le matai o
Irama. O i latou ia o matai o
Etoma.

*O le aiga o Isaraelu. O le gafa o
Iuta, ma Iese, ma Kalepo.*

2 O ATALII nei o Isaraelu; o Reu-
pena, o Simeona, o Levi, ma Iuta, o
2 Isakara, ma Sepulona, o Tanu, o
Iosefa, ma Peniamina, o Nafatali, o
Kato, ma Asera.
3 O atalii o Iuta; o Eru, ma Onani,
ma Sila, e toatolu i latou na fanau
ia te ia i le afafine o Sua o le sa
Kananā. A o Eru le ulumatua a
Iuta, sa leaga o ia i luma o Ieova,
4 ona ia fasioti lea ia te ia. O Tamara
foi le avā a lona atalii na fanau ia
ia te ia o Faresa ma Sera. O atalii
5 uma o Iuta e toalima ia. O atalii o
6 Faresa, o Esarona ma Hamulu. O
atalii foi o Sera; o Semeri, ma
Etano, ma Hemana, ma Kalakolu-
ma Tarata; o i latou uma ia e toa-
7 lima. O le atalii foi o Karame; o

Akara, o ia na faatigaina Isaraelu, o
le na agasala i le mea na faatoina.
O le atalii foi o Etano; o Asaria. 8
O atalii foi o Esarona, na fanau mai 9
ia te ia; o Ieramaelu, ma Rama, ma
Kalepo. Na fanaua foi e Rama o 10
Aminatapu; na fanaua foi e Amina-
tapu o Naasona, o le alii sili lea o le
fanauga a Iuta; na fanaua foi e 11
Naasona o Salemona; na fanaua foi
e Salemona o Poasa; na fanaua foi 12
e Poasa o Opetā; na fanaua foi e
Opetā o Iese; na fanaua foi e Iese 13
lana ulumatua o Eliapo, o Apina-
tapa o lona toalua lea, o Sama o
lona toatolu lea, o Natanielu o lona 14
toafa, o Ratai o lona toalima, o 15
Osema o lona toaono, o Tavita o
lona toafitu; o latou tuafafine foi o 16
Seruia ma Apikaila. O fanau foi a
Seruia; o Apisai, ma Ioapo, ma
Asaeli e toatolu. Na fanau mai foi 17
e Apikaila o Amase, o le tamā o
Amase o Ietero lea o le sa Isamaeli.

Na fanaua foi atalii o Kalepo le 18
atalii o Esarona ia Asopa lana avā,
ma Ieriota; o ana tama ia; o Iesera,
ma Sopapa, ma Aretonu. Ua oti 19
Asopa, ona fai avā ai lea o Kalepo
ia Efarata, ua fanau foi ia te ia o
Huro. Na fanaua foi e Huro o Auri, 20
na fanaua foi e Auri, o Pesaleli. E 21
mulimuli ane foi ona alu ane ai lea
o Esarona i le afafine o Makiro o le
tamā o Kiliata, na ia fai avā ai ina
ua oo i ona tausaga e ono sefulu;
na fanau foi o ia ia te ia o Sekupu.
Na fanaua foi e Sekupu o Iairo; sa 22
ia te ia o aai e lua sefulu ma le tolu i
le nuu o Kiliata. Na faoa e ia o 23
Kasuri, ma Arama nai ia te i latou,
atoa ma Havota-iairo, ma Kinata,
atoa ma ona faoa aai, o aai ia e ono
sefulu. O aai uma ia na i ai i atalii
o Makiro o le tamā o Kiliata. Ua 24
oti Esarona i Kalepofarata, ona
fanau lea ia te ia e Avia le avā a
Esarona o Asura o le tamā o Tikoa.

O atalii foi nei o Ieramaelu o le 25
ulumatua a Esarona, o Rama o le
ulumatua, ma Puna, ma Orene, ma
Osema, ma Akia. Sa ia Ieramaelu 26
foi o le tasi avā, o lona igoa o Atara,
o ia o le tinā o Onama. O atalii foi 27
nei o Rama le ulumatua a Iera-
maelu o Maasa, ma Iaminu, ma
Ekeru. O atalii foi nei o Onama; o 28

- Samai, ma Iata. O atalii o Samai ;
 29 o Natapu, ma Apisura. O le igoa o
 le avā a Apisura o Aviaila, na fanau
 e ia ia te ia o Akepana, ma Molita.
 30 O atalii o Natapu ; o Seleta, ma
 Apaima ; a ua oti Seleta, e leai sana
 31 fanau. O le atalii o Apaima ; o Isai.
 O le atalii o Isai ; o Sesani. O le
 32 atalii foi o Sesani ; o Akalai. O
 atalii foi o Iata le uso o Samai ; o
 Ietero ma Ionatana ; a ua oti Ietero,
 33 e leai sana fanau. O atalii foi o
 Ionatana ; o Peleto, ma Sasa. O
 atalii ia o Ieramael.
 34 Ua leai ni atalii o Sesani, ua na
 o afafine ; a ua ia Sesani le auaua
 35 Aikupito, o lona igoa o Iara. Ua
 avane e Sesani lona afafine ia Iara
 lana auaua e fai mana avā ; ua
 36 fanau foi e ia ia te ia o Atai. Na
 fanaua e Atai o Natano, na fanaua e
 37 Natano o Sapata. Na fanaua foi e
 Sapata o Efalalu, na fanaua e Efa-
 38 lala o Opetā, na fanaua foi e Opetā
 o Ieu, na fanaua foi e Ieu o Asaria,
 39 na fanaua foi e Asaria o Helesa, na
 40 fanaua e Helesa o Eliasa, na fanaua
 foi e Eliasa o Sesemai, na fanaua foi
 41 e Sesemai o Saluma, na fanaua e
 Saluma o Iekamia, na fanaua foi e
 Iekamia o Elisama.
 42 O atalii foi o Kalepo o le uso o
 Ieramael ; o Mesa o lana ulumatua,
 o ia o le tamā o Sifi ; o atalii foi o
 43 Maresa o le tamā o Heperona. O
 atalii foi o Heperona ; o Koru, ma
 44 Tapua, ma Rekema, ma Sema. Na
 fanaua foi e Sema o Raama, o le
 tamā o Iorekeama ; na fanaua foi e
 45 Rekema o Samai. O atalii o Samai,
 o Meona ; o Meona foi o le tamā o
 46 Petesura. Na fanau mai e Efa le
 palake a Kalepo, o Karana, ma Mosa,
 ma Kasese ; na fanaua foi e Karana
 47 o Kasese. O atalii foi o Iatai ; o
 Rekema, ma Iotamo, ma Kisani, ma
 48 Pelete, ma Efa, ma Saapo. Na
 fanau mai e Maaka le palake a
 49 Kalepo, o Severa, ma Tirekena. Na
 fanaua foi e ia o Saapo o le tamā o
 Matamana, o Seva o le tamā o Maka-
 penā, ma le tamā o Kipea. O le
 afafine o Kalepo o Akesa ia.
 50 O atalii foi nei o Kalepo le atalii
 o Huro, o le ulumatua a Efarata ; o
 51 Sovala o le tamā o Kiriata-iarima, o
 Salema o le tamā o Peteleema, o
 Harefa o le tamā o Petekateru. O 52
 Sovala o le tamā o Kiriata-iarima,
 sa ia te ia o atalii ; o Haroe, ma le
 tasi vaega o Manaka. O aiga o 53
 Kiriata-iarima ; o sa Ieterō, ma sa
 Puti, ma sa Sumati, ma sa Meseraī ;
 o i latou ia na tutupu ai sa Soraā,
 ma sa Esetaolā. O atalii o Salema ; 54
 o Peteleema, ma sa Netopā, o Ata-
 rota, o Peteioapu, ma le tasi vaega
 o sa Manakā, o sa Soraā. O aiga 55
 foi o e tusiupu sa nonofo i Iapesa ;
 o sa Tirati, o sa Semaia, o sa Sukā.
 O sa Keni ia e na tutupu ia Hamato,
 o le tupuga o le aiga o Rakapa.

O le gafa a Tavita.

O ATALII nei o Tavita na fanau 3
 ia te ia i Heperona ; o le ulumatua
 o Amanono *le tama* a Ainoama o le
 Isereelu ; o lona toaluā, o Tanielu
le tama a Apikaila le Karamelu ; o 2
 le toatolu, o Apisaloma le tama a
 Maaka, o le afafine o Talemai le
 tupu o Kasuri ; o le toafa, o Atonia
 le tama a Hakita ; o le toailima, o 3
 Sefatia *le tama* a Apitala ; o le toa-
 ono, o Itereamu *le tama* a Ekeli lana
 avā. O le toaono ia na fanau ia te 4
 ia i Heperona ; na fai ai o ia ma
 tupu i tausaga e fitu ma masina e
 ono ; na tupu foi o ia i Ierusalemā
 i tausaga e tolu sefulu ma le tolu.
 O i latou nei foi na fanau ia te ia i 5
 Ierusalemā ; o Sama, ma Sopapa,
 ma Natano, ma Solomona, e toafa,
o tama a Patesua, o le afafine o
 Amueli. O Ivara foi, ma Elisama, 6
 ma Elifaleta, ma Nokaa, ma Nefeku,
 ma Iafia, ma Elisama, ma Eliata, 7
 ma Elifaleta, ua toaiva ia. O atalii 8
 uma ia o Tavita, a ua le faitauina o
 tama a palake ; o Tamara foi o lo
 latou tuafafine.
 O le atalii foi o Solomona o Reo- 10
 poamo, o lona atalii o Avia, o lona
 atalii o Asa, o lona atalii o Iosefatu,
 o lona atalii o Iorama, o lona atalii 11
 o Aasaia, o lona atalii o Ioasa, o 12
 lona atalii o Amasia, o lona atalii o
 Asaraia, o lona atalii o Iotama, o 13
 lona atalii o Aasa, o lona atalii o
 Esekia, o lona atalii o Manase, o 14
 lona atalii o Amone, o lona atalii o
 Iosia. O atalii foi o Iosia, o le ulu- 15
 matua o Iokana o le toaluā o Ioa-
 kima, o le toatolu o Setekaia, o le

I. NOFOAIGA A TUPU, 4.

16 toafa o Saluma. O atalii foi o Ioa-
kima, o lona atalii o Iekonia, o lona
atalii o Setekaia.

17 O atalii o Iekonia o Esara o lona
18 atalii o Salatielu, o Malekrama foi,
ma Petaia, ma Senasara, o Iokamia,
19 o Hosama, ma Netavia. O atalii o
Petaia o Serupapelu, ma Semi; o
atalii o Serupapelu, o Mesulama, ma
Hanania, atoa ma Salome lo latou
20 tuafafine, ma Kasopa, ma Oelu, ma
Perekia, ma Kasatia, ma Iusapa-
21 keseta, ua toalima ia. O atalii foi o
Hanania; o Peletia ma Isaia; o
atalii o Refaia, o atalii o Arinona, o
atalii o Opeteia, o atalii o Sekania.
22 O le atalii o Sekania, o Semaia; o
atalii o Semaia; o Hatusa, ma Ikalo,
ma Parea, ma Nearia, ma Safata, ua
23 toaono ia. O atalii foi o Nearia; o
Elioenai, ma Esekia, ma Aserikama,
24 ua toatolu ia. O atalii foi a Elioe-
nai; o Hotaia, ma Eliasipa, ma
Pelaia, ma Akopa, ma Iokana, ma
Talaia, ma Anani, ua toafitu ia.

O gafa o Iuta ma Simeona.

4 O ATALII o Iuta; o Faresa, o
Esarona, ma Karame, ma Huro, ma
2 Sovala. Na fanaua e Reaia le atalii
o Sovala o Iata; na fanaua e Iata, o
Aumi, ma Laata, o aiga ia o sa
3 Soraā. O i latou nei *mai* le tamā o
Etama; o Isereelu, ma Isema, ma
Itapasa; o le igoa foi o lo latou tua-
4 fafine o Aseleponi; o Penueli foi le
tamā o Kitori, ma Esera le tamā o
Usa. O atalii ia o Huro, o le ulu-
matua a Efarata le tamā o Pete-
leema.

5 O Asura foi o le tamā o Tikoā e
toalua ana avā, o Helea, ma Naara.
6 Na fanaua mai ia te ia e Naara o
Akusama, ma Eferu, ma Timani, ma
7 Akasetari; o fanau ia a Naara. O
fanau a Helea, o Sereta, ma Soaro,
8 ma Etenano. Na fanaua e Kosa o
Anupa, ma Sopepa, ma aiga o
Akaraila le atalii o Haruma.

9 Ua sili le mamalu o Iapesa i ona
uso; na faaigoa foi lona tinā ia te ia
o Iapesa, ua faapea, Ua ou fanaua o
10 ia ma le tiga. Ua valaau atu Iapesa
i le Atua o Isaraelu, ua faapea atu,
E, fia manuia a'u ia te oe ma faa-
lauteleina lo'u laueleele, ia ia te
au foi lou aao, ma ia e leoleo mai ia

te au ai le leaga, ina nei tigaina a'u.
Na avatu e le Atua *ia te ia* le mea
na ia faatoga atu ai.

Na fanaua e Kalupo le uso o Sua 11
o Mekira, o le tamā ia o Esetono.
Na fanaua e Esetono o Peterafa, 12
ma Pasea, ma Tikina le tamā o
Irenaasa. O tagata na o Reka. O 13
atalii o Kinasa; o Otinielu ma Se-
raia; o le atalii o Otinielu o Hatata.
Na fanaua foi e Meonotai o Ofira; 14
na fanaua e Seraia o Ioapo, o le
tupuga ia o *tagata* o le vanu o
tufuga; auā o tufuga i latou. O 15
atalii o Kalepo le atalii o Iefune; o
Iru, o Ala, ma Naama; o le atalii
foi o Ala o Kinasa lava. O atalii o 16
Ialeelu o Sifi, ma Sifa, o Tiria, ma
Asareelu. O atalii foi o Esera, o 17
Ietero, ma Mereta, ma Efara, ma
Ialona. Na fanau mai e ia o Miri-
ama, ma Samai, ma Isapeka le tamā
o Esetemoa. A o lana avā le fafine 18
sa Iutā na ia fanau mai Iereto, le
tamā o Kitori, ma Kaveru le tamā
o Suka, ma Iekutielu le tamā o
Sanoa. O fanau ia a Pita le afafine
o Farao, na fai avā ai Mereta. O 19
tama tane a *lana* avā a Hotia le
tuafafine o Naama, o le tamā o
Kaila o le Karami, ma Esetemoa o
le Maaka. O atalii o Simona; o 20
Amanono, ma Rina, *ma* Penikanana,
ma Tilona. O atalii foi o Isai; o
Soketa, ma Penisoketa.

O atalii o Sila le atalii o Iuta; o 21
Eru le tamā o Leka, ma Laata le
tamā o Maresa, ma tagata o le aiga
o e fai ie vavae i le aiga o Asepa.
O Iokima foi, ma tagata o Koseva, 22
ma Ioasa, ma Sarafa, o e na pule i
Moapi, ma Iasuvileema. O mea
anamua lava ia. O e fai ipu omea 23
ia, ma i latou o e nonofo i fanua ua
faatoina, ma mea ua lotoāina. Ua
nonofo ai i latou ma le tupu e fai ai
lana galuega.

O atalii o Simeona, o Nemuelu, 24
ma Iaminu, o Iaripa, o Sera, o Saulo.
O lona atalii o Saluma, o lona atalii 25
o Mepesama, o lona atalii o Mesema.
O le atalii o Mesema; o Hamuelu 26
lona atalii, o Sakuro lona atalii, o
Semi lona atalii. O atalii o Semi 27
ua toasefulu ma le tcaono, ma ona
afafine ua toaono; a ua le faatoa-
tele o fanau a ona uso, ua le faatoa-

teleina o latou aiga uma, faapei o
 28 fanau a Iuta. Ua mau i latou i
 Peresepa, ma Molata, ma Asara-
 29 suala, ma Pala, ma Asemā, ma
 30 Tolita, ma Petueli, ma Horema,
 31 ma Sekeleka, ma Petemakapa, ma
 Asara-susa, ma Petepirei, ma Sa-
 arai. O a latou aai ia e oo i le
 32 nofoaiga a Tavita. O a latou faoa
 aai o Etama, ma Aino, o Rimoni,
 ma Tokena, ma Asana, o aai e lima
 33 ia; o faoa aai uma foi e vagavagaia
 ia aai e oo i Paala. O latou nuu ia
 e nonofo ai, ma a latou tusi gafa.
 34 O Mesopapa foi, ma Iameleka, ma
 35 Iosa le atalii o Amasia, o Ioelu foi,
 ma Ieu le atalii o Iosevia, o le atalii
 36 ia o Seraia, o le atalii ia o Asielu, o
 Elioenai foi, ma Iaakopa, ma Ieso-
 kaia, ma Asaia, ma Atielu, ma Ise-
 37 mielu, ma Penaia, o Sesa foi le
 atalii o Sepi, o le atalii o Aluna,
 o le atalii o Ietaia, o le atalii o
 38 Semeri, o le atalii o Semaia. O i
 latou ia ua ta'ua o latou igoa, o alii
 sili i latou i o latou aiga; sa faatoa-
 teleina lava aiga o latou tamā.
 39 Ua o atu i latou i le ala e ui ai i
 Kitori, i le itu i sasae o le vanu, e
 saili se mea e aai ai o latou lafu
 40 mamoe. Na maua e i latou le mea
 ua i ai le vao e tele ma le lelei, ma
 le fanua lautele, ua mapu ai ma le
 filemu; auā sa nonofo sa Hamō i
 41 lea mea anamua. Na o mai i latou
 ia ua tusia o latou igoa, i ona po o
 Esekia le tupu o Iuta, ona faauma-
 tia lea o latou fale ie, ma tagata o
 Meona, e na maua i lea mea, ua
 latou faaumatia lava i latou ua oo i
 nei ona po, ua nonofo ai foi i latou
 ua fai ai mo latou nuu; auā sa i ai
 mea e aai ai o latou lafu mamoe.
 42 Na o atu nisi o i latou o le fanauga
 a Simeona, e tolima selau o tagata,
 i le mauga o Seira, o i latou na avea
 a latou 'au, o Peletia, ma Nearia,
 ma Refaia, ma Usialu, o atalii o
 43 Isai. Ua fasia e i latou o e na
 totoe o Amaleka o e na sao; ua
 latou mau ai foi i lea mea e oo i nei
 ona po.

*O gafa o Reupena, ma Kato, ma
 Manase i sasae.*

5 O ATALII o Reupena le ulu-
 matua a Isaraelu, auā o ia lava le

ulumatua; a ua leaga ia te ia le
 moega o lona tamā, na avatu ai
 lona tofi o le ulumatua i atalii o
 Iosefa o le atalii o Isaraelu; e lei
 tusia foi le gafa e faataatai i le tofi
 o le ulumatua. Aua na malosi Iuta 2
 e sili i ona uso, na *tupu* foi ia te ia
 o le alii sili; a o le tofi o le ulu-
 matua e ia Iosefa lea. O atalii o 3
 Reupena o le ulumatua a Isaraelu;
 o Enoka, ma Falu, o Esarona, ma
 Karame. O atalii o Ioelu; o Se- 4
 maia lona atalii, o Koku lona atalii,
 o Semi lona atalii, o Mika lona 5
 atalii, o Reaia lona atalii, o Paala
 lona atalii, o Peira lona atalii o le 6
 na avea faatagataotaua e Tikila-
 pilesa le tupu o Asuria. O ia le
 alii sili o sa Reupenā. O ona uso 7
 foi ina ua faitauina o latou tusi
 tupuga, e tusa ma o latou aiga, o
 alii sili ia, o Ieielu ma Sakaria, o 8
 Pela le atalii o Asasa, le atalii ia o
 Sema, o le atalii ia o Ioelu, na mau
 o ia i Aroeru e oo i Nepo ma Paala- 9
 meona. O le itu i sasae na mau ai
 o ia e oo i le ala e ui ai i le vao e
 fua mai i le vaitafe o Eufirate; auā
 sa tupu tele o latou lafu i le nuu o
 Kiliata. Na latou tau ai le taua i 10
 ona po o Saulo ma sa Akarā, ma
 fafasi ia te i latou; ona latou
 nonofo ai lea i o latou fale ie i
 le laueleele uma i le itu i sasae o
 Kiliata.

O le fanauga a Kato sa nonofo 11
 faafeagai ma i latou i le laueleele o
 Vasana e oo i Saleka. O Ioelu o le 12
 sili ia, ma Sefama o le aupito ane i
 ai, ma Iaanai, ma Safata *sa nofo* i
 Vasana. O latou uso foi o aiga o 13
 latou tamā, o Mekaeli, ma Mesu-
 lama, ma Sepa, ma Iorai, ma Iakana,
 ma Sea, ma Eperu, e toafitu ia. O 14
 atalii nei o Aviaia, o le atalii o
 Huri, o le atalii lea o Iaroa, o le
 atalii lea o Kiliata, o le atalii lea
 o Mekaeli, o le atalii lea o Iesesai,
 o le atalii lea o Iato, o le atalii
 lea o Pusa; o Aki le atalii o Api- 15
 telu, le atalii lea o Kuni, o le alii
 ia o le aiga o latou tamā. Ua la- 16
 tou nonofo i Kiliata i Vasana, ma
 ona faoa aai, ma tuāfanua uma o
 Saronā i o latou tuaoi. Sa tusia i 17
 latou uma ia i o latou gafa i ona
 po o Iotama le tupu o Iuta, ma

- ona po o Ierepoamo le tupu o
Isaraelu.
- 18 O le fanauga a Reupena, ma sa
Katō, ma le tasi vaega o le itu aiga
o Manase, o tagata totoa, o tagata
e mafaia ona feāveai o le talita ma
le pelu, ma fanafana i le aufana, e
masani foi i taua, e fa sefulu o afe
ma afe e fa ma le toafitu o selau
ma le toaonogafulu e na o atu i le
taua. Na latou tau le taua ma sa
Akarā, ma Ietura, ma Nafiso, ma
20 Notapa. Na maua le fesoasoani e i
latou e tau ma i latou, sa tuuina
mai foi sa Akarā i o latou lima,
atoa ma e na ia te i latou; auā na
latou alalaga atu i le Atua i le taua,
ma ua faafofoga mai o ia ia te i
latou, ina ua latou faatuatua ia te
21 ia. Na vetea e i latou o latou lafu,
o kamela e lima sefulu o afe, ma a
latou mamoe e lua selau o afe ma
afe e lima sefulu, ma a latou asini
e lua afe, ma tagata e selau o afe.
22 Auā e toatele ua pauu manunua,
auā mai le Atua le taua; ua latou
nonofo foi i le mea sa i ai i latou e
oo i le tafeaga.
- 23 Ua nonofo le fanauga a le tasi
vaega o le itu aiga o Manase i le
nuu, e afua mai i Vasana e oo atu i
Paala-heremone, ma Senira, ma le
mauga o Heremone; ua faatoatele-
24 ina i latou. O matai sili nei o le
aiga o latou tamā; o Efara, ma Isai,
ma Elielu, ma Aserielu, ma Ieremia,
ma Hotavia, ma Iatielu, o tagata
fitafita lava, o tagata ta'ua, o alii
25 sili i le aiga o latou tamā. Ua aga-
sala foi i latou i le Atua o latou
tamā, ma latou mulilulua i atua o
tagata o le nuu na faaumatia e le
26 Atua i o latou luma. Ona faaoso
lea e le Atua o Isaraelu ia Pula le
tupu o Asuria ma Tikila-pilesa le
tupu o Asuria, ua avea i latou e ia
faatagataotaua, o sa Reupenā, ma
sa Katō, ma le tasi vaega o le itu
aiga o Manase, ma na avatu i latou
i Hala, ma Havoli, ma Hara, ma le
vaitafe o Kosane, e oo i le aso nei.
- O gafa o atalii o Levi. O latou faiva
ma o latou tofi.*
- 6 O ATALII o Levi; o Keresona,
2 o Koato, ma Merari. O atalii foi o
Koato; o Amaramo, o Isara, ma
- Heperona, ma Usialu. O fanau a 3
Amaramo; o Arona, ma Mose, ma
Miriama. O atalii o Arona; o Na-
tapu, ma Aviu, o Eleasaro, ma Ita-
maro. Ua fanaua e Eleasaro o 4
Fineaso, ua fanaua e Fineaso o
Apisua, ua fanaua e Apisua o Puki, 5
ua fanaua e Puki o Usi, ua fanaua e 6
Usi o Serakia, ua fanaua e Serakia
o Meraiota, ua fanaua o Meraiota o 7
Amaria, ua fanaua e Amarina o Aki-
topo, ua fanaua e Akitopo o Satoka, 8
ua fanaua e Satoka o Aimaasu, ua 9
fanaua e Aimaasu o Asaria, ua fa-
naua e Asaria o Iokana, ua fanaua e 10
Iokana o Asaria, o ia na faitaulaga
i le fale na faia e Solomona i Ieru-
salema; ua fanaua e Asaria o 11
Amaria, ua fanaua e Amarina o Aki-
topo, ua fanaua e Aikitopo o Satoka, 12
ua fanaua e Satoka o Saluma, ua 13
fanaua e Saluma o Hilikia, ua fa-
naua e Hilikia o Asaria, ua fanaua e 14
Asaria o Seraia, ua fanaua e Seraia
o Iosatako, a ua alu atu Iosatako 15
ina ua faatāfecaia e Ieova o Iuta
ma Ierusalemā i le lima o Nepu-
kanesa.
- O atalii o Levi; o Keresona, o 16
Koato, ma Merari. O igoa nei o 17
atalii o Keresona; o Lepeni ma
Semi. O atalii o Koato; o Ama- 18
ramo, ma Isara, ma Heperona, ma
Usialu. O atalii o Merari; o Maali, 19
ma Muse. O aiga ia o sa Levi e
faatatau i o latou tamā. Na ia 20
Keresona; o Lepeni lona atalii, o
Iakata lona atalii, o Sema lona ata-
alii, o Ioaa lona atalii, o Itu lona 21
atalii, o Sera lona atalii, o Iatirai
lona atalii. O le fanauga a Koato; 22
o Aminatapu lona atalii, o Koru
lona atalii, o Asiro lona atalii, o 23
Elekana lona atalii, ma Aviasafo
lona atalii, ma Asiro lona atalii, o 24
Taata lona atalii, o Urielu lona ata-
alii, o Usia lona atalii, ma Saulo lona
atalii. O atalii foi o Elekana; o 25
Amesai, ma Akimota. O Elekana; 26
o le fanauga a Elekana; o Sofai
lona atalii, ma Nakato lona atalii,
o Eliapo lona atalii, o Ieroama lona 27
atalii, o Elekana lona atalii. O 28
atalii nei o Samuelu; o Vaseni le
ulumatua, ma Avia. O le fanauga 29
a Merari; o Maali lona atalii, o
Lepeni lona atalii, o Semi lona ata-

- 30 lii, o Usa lona atalii, o Samea lona atalii, o Hakia lona atalii, o Asaia lona atalii.
- 31 O i latou nei sa tofia e Tavita e fai pesega i le fale o Ieova, ina ua tumau ai le atolaau. Na latou auauna foi i pese i luma o le malu-malu o le fale fetafai o le faapopotoga, ina seia faia le fale o Ieova e Solomona i Ierusalem, ona latou tutū ai lea i lo latou faiva e tusa ma o latou tofiga. O i latou nei na tutū i latou atoa ma o latou atalii. O isi o le fanauga a sa Koatō; o Hemana o le usu pese ia, o le atalii o Ioelu, o le atalii ia o Samuelu, o le atalii ia o Elekana, o le atalii ia o Ieroama, o le atalii ia o Elielu, o le atalii ia o Toka, o le atalii ia o Sufi, o le atalii ia o Elekana, o le atalii ia o Makata, o le atalii ia o Amesai, o le atalii ia o Elekana, o le atalii ia o Ioelu, o le atalii ia o Asaria, o le atalii ia o Sefania, o le atalii ia o Taata, o le atalii ia o Asiro, o le atalii ia o Aviasafo, o le atalii ia o Koru, o le atalii ia o Isara, o le atalii ia o Koato, o le atalii ia o Levi, o le atalii ia o Isaraelu.
- 39 O lona uso foi o Asafo, o le na tu i lona itu taumatau, o Asafo, o le atalii ia o Perekia, o le atalii ia o Samea, o le atalii ia o Mekaeli, o le atalii ia o Paaseia, o le atalii ia o Malakia, o le atalii ia o Etini, o le atalii ia o Sera, o le atalii ia o Ataia, o le atalii ia o Etano, o le atalii ia o Sema, o le atalii ia o Semi, o le atalii o Iakata, o le atalii o Keresona, o le atalii o Levi.
- 44 O latou uso foi o le fanauga a Merari *na tutu i latou* i le itu tauagavale; o Etano le atalii o Kisi, o le atalii ia o Opeti, o le atalii ia o Maluka, o le atalii ia o Hasapea, o le atalii ia o Amasia, o le atalii ia o Hilikia, o le atalii ia o Amesai, o le atalii ia o Pani, o le atalii ia o Semeri, o le atalii ia o Maali, o le atalii ia o Musi, o le atalii ia o Merari, o le atalii ia o Levi. O latou uso foi o sa Levī na tofia i latou i galuega uma lava o le malu-malu o le fale o le Atua.
- 49 A o Arona ma ona atalii na latou fai taulaga i luga o le fata faitaulaga i taulaga mu, ma luga o le fata e mu ai mea manogi, *ua tofia* i galuega uma i le mea e sili ona paia, e fai ai foi le togioala mo Isaraelu, e tusa ma mea uma na polcai mai ai Mose le auauna a le Atua. O le fanauga lenei a Arona; o Eleasaro lona atalii, o Fineaso lona atalii, o Apisua lona atalii, o Puki lona atalii, o Usi lona atalii, o Serakia lona atalii, o Meraiota lona atalii, o Amaria lona atalii, o Akitopo lona atalii, o Sataoka lona atalii, o Aimaasu lona atalii.
- O mea nei sa nonofo ai i latou, o atalii o Arona, o aiga o sa Koatō i o latou 'olo i o latou nuu; auā ua ia te i latou le tofi. Na latou tuuina atu ia te i latou o Heperona i le nuu o Iuta, ma ona tuāfanua e siosio ai. A o fanua o le aai ma ona faoa aai, na tuuina atu e i latou ia Kalepo le atalii o Iefune. Na latou tuuina atu i atalii o Arona o aai o sulu-faiga, o Heperona; o Lipena foi ma ona tuāfanua, ma Iatira, ma Esetemoa ma ona tuāfanua, o Holona foi ma ona tuāfanua, o Tiperi ma ona tuāfanua, o Asana ma ona tuāfanua, ma Petesemesa ma ona tuāfanua, O aai o le itu aiga o Peniamina; o Kipea ma ona tuāfanua, ma Alemeta ma ona tuāfanua, ma Anatota ma ona tuāfanua. O latou aai uma i o latou aiga, o aai e sefulu ma le tolu. O atalii foi o Koato, o e na totoe o le aiga o lena itu aiga, *na tuuina atu i ai* i le vili o aai e sefulu, ai le vaega o le itu aiga, o le tasi vaega *lea* o Manase. *Na avatu* foi i atalii o Keresona i o latou aiga, o aai e sefulu ma le tolu, mai le itu aiga o Isakara, ma le itu aiga o Asera, ma le itu aiga o Nafatali, ma le itu aiga o Manase i Vasana. *Na avatu* i atalii o Merari i o latou aiga, i le vili, o aai e sefulu ma le lua, mai le itu aiga o Reupena, ma le itu aiga o Kato, ma le itu aiga o Sepulona. Na avatua e le fanauga a Isaraelu i sa Levī o *ia* aai ma o latou tuāfanua. Na tuuina atu e i latou i le vili o aai nei, ua ta'ua ai o latou igoa, ai le itu aiga o le fanauga a Iuta, ma le itu aiga o le fanauga a Simeona, ma le itu aiga o le fanauga a Peniamina. O isi aiga foi o atalii o

67 Koato ua i ai aai i o latou nuu mai
le itu aiga o Efaraima. Na latou
tuuina atu ia te i latou aai o sulu-
faiga, o Sekema ma ona tuāfanua i
le mauga o Efaraima; o Kasera foi
68 ma ona tuāfanua, ma Iokameama
ma ona tuāfanua, ma Peteorana ma
ona tuāfanua, o Ailona foi ma ona
69 tuāfanua, ma Katarimoni ma ona
tuāfanua. *Na avatua* foi nai le tasi
70 vaega o le itu aiga o Manase, o
Aneri ma ona tuāfanua, ma Pileama
ma ona tuāfanua, mo e o totoe o le
71 aiga o atalii o Koato. *Na avatua* i
atalii o Keresona, mai le aiga o le
tasi vaega o le itu aiga o Manase, o
Koleni i Vasana ma onā tuāfanua,
72 ma Aserota ma ona tuāfanua; *na
avatua* mai le itu aiga o Isakara, o
Katesa ma ona tuāfanua, o Taperu
73 ma ona tuāfanua, o Ramota foi
ma ona tuāfanua, ma Anima ma
74 ona tuāfanua. *Na avatua* nai le itu
aiga o Asera, o Mesala ma ona tuā-
fanua, ma Apetono ma ona tuāfanua,
75 ma Hukoka ma ona tuāfanua, ma
76 Reopa ma ona tuāfanua. *Na ava-
tua* nai le itu aiga o Nafatali, o
Katesa i Kalilaia ma ona tuāfanua,
ma Hamoni ma ona tuāfanua, ma
77 Kiriatiama ma ona tuāfanua. O e
na totoe o atalii o Merari *na avatu*
i ai mai le itu aiga o Sepulona o
Rimoni ma ona tuāfanua, ma Ta-
78 pora ma ona tuāfanua. *Na avatua*
ia te i latou i lela itu o Ioritana e
fesagai ma Ieriko, i le itu i sasae o
Ioritana, mai le itu aiga o Reupena,
o Peseri i le vao ma ona tuāfanua,
79 ma Iesa ma ona tuāfanua, o Kate-
moti foi ma ona tuāfanua, ma Me-
80 fata ma ona tuāfanua. *Na avatua*
nai le itu aiga o Kato o Ramota i
Kiliata ma ona tuāfanua, ma Ma-
81 anaima ma ona tuāfanua, o Hese-
pona foi ma ona tuāfanua ma Iasaru
ma ona tuāfanua.

*O gafa o Isakara, ma Peniamina,
ma Nafatali, ma Manase, ma
Efaraima, ma Asera.*

7 O ATALII o Isakara; o Tulaga,
ma Pua, o Iasuvi, ma Semarona, e
2 toafa. O atalii o Tulaga; o Usi, ma
Refaia, ma Ierielu, ma Iakimai, ma
Ipesami, ma Samuelu, o matai sili
ia o aiga o latou tamā, o lo sa Tula-

gā; o tagata fitafita lava i o latou
tupulaga; o le faitau o latou i ona
po o Tavita e lua sefulu o afe ma
afe e lua ma le toaono o selau. O 3
le fanau a Usi, o Isaraia; o atalii
foi o Isaraia; o Mekaeli, ma Ope-
taia, ma Ioelu, *ma Isea*, e toailima;
o matai sili uma i latou. Sa ia te i 4
latou foi i o latou tupulaga, i le aiga
o latou tamā, o 'au e tau ai taua, e
tolu sefulu o afe ma afe e ono; auā
e toatele a latou avā ma fanau. O 5
latou uso foi i aiga uma o Isakara o
tagata fitafita lava i latou. E valu
sefulu o afe ma afe e fitu i latou
ina ua tusigafaina uma.

O atalii o Peniamina; o Pela, ma 6
Pekaru, ma Ietiaelu, e toatolu. O 7
atalii foi o Pela; o Eseponu ma
Usi, ma Usialu, ma Ierimota, ma
Iri, e toailima; o matai sili o le aiga
o latou tamā, o tagata fitafita lava.
E lua sefulu o afe ma afe e lua ma
le toatolu o sefulu ma le toafa sa
tusia o latou gafa. O atalii o Pe- 8
karu; o Semira, ma Ioasa, ma Eli-
sara, ma Elioenai, ma Omeri, ma
Ierimota, ma Avia, ma Anatota, ma
Alemetu. O i latou uma ia o atalii
o Pekaru. E lua sefulu o afe ma le 9
lua o selau sa tusia o latou gafa, i o
latou aiga. O matai sili o aiga o
latou tamā, o tagata fitafita lava i
latou. O le fanauga a Ietiaelu; o 10
Pileana; o atalii o Pileana; o Iuso,
ma Peniamina, ma Euta, ma Kina-
ana, ma Setana, ma Tasesa, ma
Aiseara. O i latou uma ia o le fa- 11
nauga a Ietiaelu, o matai sili o aiga
o latou tamā, o tagata fitafita lava,
e sefulu afe ma afe e fitu ma le lua
o selau e o i le taua e tau. O Supi- 12
mo foi, ma Hupimo, o atalii o Iri; o
Husema o le atalii o Aera.

O atalii o Nafatali; Kasielu, ma 13
Kuni, ma Iesaru, ma Selimo, o fanau
a Pila.

O atalii o Manase; o Aserieli, na 14
fanaua e ia; o lana palake o le fa-
fine Suria ia, na fanaua e ia o Makiro
le tamā o Kiliata. Na fai avā Ma- 15
kiro i le tuafafine o Hupimo, ma
Supimo, e le igoa o lo laua tuafafine
o Maaka; o le igoa o lona lua o
Selofoata lea; na i ai foi ia Selo-
foata o afafine. Na fanau mai e 16
Maaka o le avā a Makiro o le tama

tane, ua ia faaigoa ia te ia o Peresa ;
 o le igoa foi o lona uso o Seresa ; o
 ona atalii foi o Ulama, ma Rekema.
 17 O le atalii foi o Ulama ; o Petana.
 O le fanauga ia a Kiliata, le atalii o
 18 Makiro, le atalii o Manase. O lona
 tuafafine o Hamoleketa na fanau e
 ia Isota, ma Apieseru, ma Maala.
 19 O atalii ia o Semita, o Aiana, ma
 Sakema, ma Liki, ma Aniamā.
 20 O le fanauga a Efaraima ; o Sutelu
 lona atalii, ma Pereta lona atalii, ma
 Taata lona atalii, ma Eleata lona
 21 atalii, ma Taata lona atalii, o Sapata
 lona atalii, ma Sutelu lona atalii, ma
 Eseru, ma Elata, o e na fasiotia e
 tagata o Kata e na fanaua i le nuu ;
 auā ua latou o ifo e ave i a latou
 22 manu. Ua faanoanoa Efaraima lo
 latou tamā i aso e tele, ua o mai foi
 ona uso e faamafanafana ia te ia.
 23 Ua alu ane o ia i lana avā, ua to ai
 o ia, ona fanau mai ai lea o le tama
 tane, ua ia faaigoa foi ia te ia o
 Peria, auā o le mala ua oo i lona
 24 aiga. O lona afafine foi o Seeru, na
 faia e ia o Peteorana i lalo ma le i
 25 luga, ma Usena-seeru. O Refa lona
 atalii, o Resefa foi, ma Talaka lona
 26 atalii, ma Taana lona atalii, o La-
 tana lona atalii, o Ameuta lona
 27 atalii, o Elisama lona atalii, o Nona
 28 lona atalii, o Iosua lona atalii. O
 latou fanua ma mea e mau ai, o
 Peteli ma ona faoa aai, o Naarana
 foi i le itu i sasae, ma Kasea i le
 itu i sisifo ma ona faoa aai, o Sekema
 foi ma ona faoa aai, e oo i Kasa ma
 29 ona faoa aai. Ua pito ane i tuaoi
 o le fanauga a Manase, o Peteseana
 ma ona faoa aai, o Taanaka ma ona
 faoa aai, o Mekito ma ona faoa aai,
 o Toru na ona faoa aai. O aai ia
 ua mau ai le fanauga a Iosefa le
 atalii o Isaraelu.
 30 O atalii o Asera ; o Iemina, ma
 Iesiva, ma Iesivi, ma Peria, ma lo
 31 latou tuafafine o Sera. O atalii foi
 o Peria ; o Kaveru, ma Mekielu, o
 32 ia le tamā o Piresaito. Ua fanaua
 e Kaveru o Iafeleta, ma Semeri, ma
 Hotama, ma lo latou tuafafine o
 33 Suea. O atalii o Iafeleta ; o Pasaka,
 ma Pimeala, ma Aseveta. O atalii
 34 ia o Iafeleta. O atalii o Semeri ; o
 Aki, ma Roka, o Ieupa, ma Arama.
 35 O atalii o lona uso o Helema ; o

Sofa, ma Imena, ma Selesa, ma
 Amala. O atalii o Sofa ; o Suaka, 36
 ma Arenefa, ma Suala, ma Peri, ma
 Imera, o Peseri, ma Hota, ma Sama, 37
 ma Selesa, ma Ietero, ma Peira, O 38
 atalii o Ietero ; o Iefune, ma Pisepa,
 ma Ara. O atalii o Ula ; o Araka, 39
 ma Hanieli, ma Risea. O i latou 40
 uma ia le fanauga a Asera, o matai
 sili o aiga o latou tamā, ua filifilia, o
 tagata ua fitafita lava, o matai sili i
 alii. O le faitau aofai o i latou sa
 tusia o latou gafa, o 'au e tau ai le
 taua, e lua sefulu o afe ma le ono o
 afe o tagata.

O le gafa o Peniamina.

UA fanaua foi e Peniamina o Pela 8
 lana ulumatua, o lona lua o Asepelu,
 ma lona toatolu o Aara, o lona toafa 2
 o Noaa, ma lona toailima o Rafa. O 3
 atalii nei o Pela ; o Atara, ma Kira,
 ma Apiuta, o Apisua foi, ma Naa- 4
 manu, ma Aoki, o Kira, ma Sufimo, 5
 ma Huramo. O atalii ia o Akuta ; 6
 o i latou ia o matai sili e na mau i
 Kipea, ua latou tāfea i latou i
 Manaka ; o Naamanu foi, ma Akia, 7
 ma Kira ; ua ia faatāfeseina i latou ;
 na fanaua foi e ia o Usa, ma Akiuta.
 Ua fanaua ni atalii o Saaraima i le 8
 nuu o Moapi, ina ua aaueseina i
 latou e ia. O Husema ma Paara, o
 ana avā ia. Na fanaua e ia ai ia 9
 Hotesa lana avā o Iopapa, ma Sepea,
 ma Mesa, ma Malekama, o Ieusa foi, 10
 ma Savia, ma Merema. O ona atalii
 ia, o matai sili. Na fanaua e Huse- 11
 ma, o Apitopa, ma Elipaalu. O 12
 atalii o Elipaalu ; o Eperu, ma Me-
 sama, ma Semeri, o le na faia Ono,
 ma Loto, ma ona faoa aai ; o Peria 13
 foi, ma Sema, o matai sili ia i e na
 nonofo i Ailona, o e na tulua i latou
 sa nonofo i Kata ; o Aio, o Sasaka, 14
 ma Ieremota, o Sepatia foi, ma 15
 Arata, ma Eteru, o Mekaeli foi, ma 16
 Isepa, ma Ioka, o atalii o Peria ;
 o Sepatia foi, ma Mesulama, ma 17
 Hiseki, ma Kaveru, o Isemerai foi, 18
 ma Iselia, ma Iopapa, o atalii o Eli-
 paalu ; o Iakima foi, ma Sekari, ma 19
 Sapatu, o Elienai foi, ma Seletai, 20
 ma Elielu, o Ataia, ma Peraia, ma 21
 Semerata, o atalii o Sema ; o Ise- 22
 fana foi, ma Eperu, ma Elielu, o 23
 Apetonu foi, ma Sekeri, ma Hanana,

- 24 o Hanania foi, ma Elama, ma Ane-
 25 totia, o Ifetia, ma Penieli, o ataſi o
 26 Sasaka ; o Sameserai foi, ma Seka-
 27 reia, ma Atalia, o Iaaresea foi, ma
 28 Elia, ma Sekari, o atalii o Ieroama.
 29 O matai sili ia i o latou tupulaga, o
 30 matai sili ia, sa mau i latou i Ierusa-
 31 lema. Sa mau le tamā o Kipeona i
 32 Kipeona ; o le igoa o lana avā o
 33 Maaka. O lona atalii le ulumatua o
 34 Apetonu, i le ma Suro, ma Kiso, ma
 35 Paala, ma Natapu, o Kitoru foi, ma
 36 Aio, ma Sakaria. Ua fanaua e Me-
 37 kelota o Sema. Ua latou mau foi
 38 faatasi ma o latou uso i Ierusalem,
 39 ua faafeagai ma o latou uso. Ua
 40 fanaua e Neru o Kiso, ua fanaua
 foi e Kiso o Saulo, ua fanaua foi e
 Saulo o Ionatana, ma Makisua, ma
 Apinatapa, ma Esepaala. O le atalii
 o Ionatana o Meripaala ; ua fanaua
 e Meripaala o Mika. O atalii o
 Mika, o Pitonu, ma Meleka, ma
 Tarea, ma Aasa. Ua fanaua e Aasa
 o Ieoata ; ua fanaua foi e Ieoata o
 Alemetu, ma Asemāu, ma Semeri ;
 37 ua fanaua e Semeri o Mosa. Ua
 fanaua foi e Mosa o Pinea ; o Rafa
 lona atalii, o Eliasa lona atalii, o
 38 Aselu lona atalii. O atalii o Aselu
 e toaono, o latou igoa foi ia, o Aseri-
 kama, o Pokeru, ma Isamaeli, ma
 Searia, ma Opetaiā, ma Hanana. O
 39 i latou uma ia o atalii o Aselu. O
 atalii o Eseki o lona uso ; o Ulama
 le ulumatua, o Iuso o lona toalua, o
 40 Elipelete o lona toatolu. O atalii o
 Ulama o tagata fitafita lava, o e
 fanafana i aufana, ua toatele o latou
 atalii, ma atalii o latou atalii, e toa-
 selau ma le toa limagafulu. O i
 latou uma ia o le fanauga a Peni-
 amina.
- O le faatoaina o le nuu ina ua mavae
 le tafeaga. O tofiga o sa Levī. O
 le aiga o Saulo.*
- 9 SA tusia gafa o Isaraelu uma.
 Faauta foi, ua tusia i latou i le tusi
 i tupu o Isaraelu. Natāfea foi Iuta
 i Papelonā ona o a latou agasala.
 2 O e na muai nonofo i o latou fanua
 i a latou aai, o Isaraelu, o le au
 faitaulaga, o sa Levī, ma le au
 3 netini. Ua nonofo foi i Ierusalem
 nisi o le fanauga a Iuta, ma nisi
 o le fanauga a Peniamina, ma nisi
 o le fanauga a Efaraima ma Manase.
 O Utai le atalii o Ameuta, o le
 4 atalii o Omeri, le atalii o Imeri, o le
 atalii o Pani, na *tupu* mai i atalii o
 Faresa le atalii o Iuta. Na *tupu*
 5 mai ia Seloni ; o Asaia le ulumatua,
 ma ona atalii ; mai atalii o Sera ; o
 6 Ieielu, ma o latou uso e ono selau
 ma le iva sefulu ; mai atalii o Penia-
 7 mina ; o Salu le atalii o Mesulama,
 o le atalii o Hotavia, o le atalii o
 Hasenua, o Ipeneia foi le atalii o
 8 Ieroama, ma Ele le atalii o Usi, o le
 atalii o Mekeri, ma Mesulama le
 atalii o Sefatia, o le atalii ia o
 Reuelu, o le atalii ia o Ipenia. O
 9 latou uso foi, i o latou tupulaga, e
 iva selau ma le lima sefulu ma le
 ono. O tagata uma ia o matai sili
 i le aiga o latou tamā.
- Na tupu* mai i le au faitaulaga ; o 10
 Ietaia, ma Ioaripa, ma Iakinu, o 11
 Asaria foi o le atalii o Hilikia, o le
 atalii ia o Mesulama, o le atalii ia o
 Satoka, o le atalii ia o Meraiota, o
 le atalii ia o Akitopo, o le pule i le
 fale o le Atua ; o Ataia foi o le 12
 atalii o Ieroama, o le atalii ia o
 Pasura, o le atalii ia o Malekia, o
 Maseai le atalii o Atielu, o le atalii
 ia o Iaesera, o le atalii ia o Mesu-
 lama, o le atalii ia o Meselemita, o
 le atalii ia o Imeru. O latou uso foi, 13
 o matai sili i aiga o latou tamā, e
 tasi le afe ma le fitu selau ma le
 toaono sefulu ; o tagata malolosi
 lava i auaua i le galuega o le fale o
 le Atua.
- Na tupu* mai foi i sa Levī ; o 14
 Semaia o le atalii o Hasupo, o le
 atalii ia o Aserikama, o le atalii ia o
 Hasapea, mai le fanauga a Merari ;
 o Pakepakara foi, o Heresa, ma 15
 Kalali, ma Matania o le atalii o
 Mika, o le atalii ia o Sekari, o le
 atalii ia o Asafo ; o Opetaiā foi le 16
 atalii o Semaia, o le atalii ia o
 Kalali, o le atalii ia o Iutana, ma
 Perekia le atalii o Asa, o le atalii ia
 o Elekana, o e na nonofo i aai o
 tagata Netopa. O leoleo faitotoa nei, 17
 o Saluma, ma Akopa, ma Talemoni,
 ma Aimana, ma o latou uso ; o Salu-
 ma o le matai sili ia ; na *leoleo* i le 18
 faitotoa o le tupu i le itu i sasae, ua
 oo mai i nei ona po ; o leoleo faito-
 toa ia i vasega o le fanauga a Levi.

- 19 O Saluma foi le atalii o Kori, o le atalii ia o Eviasafo, o le atalii ia o Koru, ma ona uso, o le aiga o lona tamā, o sa Korū, na pule i le faiga o le galuega, o leoleo o faitotoa o le fale fetafai; o latou tamā foi na pule i toagāluapi a Ieova, o e na
20 leoleo i le mea e ui atu ai. O Fineaso foi le atalii o Eleasaro, na pule o ia ia te i latou anamua, sa ia te ia
21 Ieova. O Sakaria le atalii o Meselemia na leoleo i le faitotoa o le
22 fale fetafai o le faapotopotoga. O i latou uma ia sa filifilia e fai ma leoleo i faitotoa, e toalua selau ma le toasefulu ma le toalua. Sa tusia o latou gafa i a latou aai, o i latou na tofia e Tavita ma Samuelu le
23 tagata vaai, i o latou tofiga. O i latou ma a latou fanau sa leoleo faitotoa o le fale o Ieova, o le fale fetafai foi, e tusa ma a latou leolega. Sa i ai leoleo faitotoa i itu e fa, o sasae, ma sisifo, ma le itu i
25 matu, ma le itu i toga. O latou uso foi, e na *nonofo* i o latou aai, e o mai e feaua'i ma i latou, taifitu o
26 latou aso. Auā o tagata ia o sa Levī, o leoleo sili i faitotoa, sa i ai i latou e toafia i o latou tofiga, sa leoleo foi i potu ma mea e teu ai oa o i le fale o le Atua. Ua latou nonofo faataaliolio foi i le fale o le Atua, auā sa ia te i latou e leoleo ai, e a latou foi e tatala *faitotoa* i taeao
28 uma lava. O isi o i latou na tausi ai ipu e fai a'i sauniga, ina ia faitau ai pe a avane i totonu, ma faitau ai pe a toe au mai i fafo. O isi foi o i latou ua tofia e tausi ai ipu, ma mea paia uma, ma le falaoa lelei, ma le uaina, ma le suāuu, ma le pulu
30 lipano, ma mea manogi. O isi foi atalii o le au faitaulaga na faia e i
31 latou le uu manogi. O Matatia o lo sa Levī, o le ulumatua ia a Saluma, o lo sa Korū, e ana le tofiga e pule i le faiga o mea e tunu i uamea sala-
32 lafa. O isi foi o latou uso, o lo sa Koatō, sa ia te i latou le areto e laulauina i luma e sauniuni ai i lea
33 sapatī ma lea sapatī. O i latou ia e pepese, o matai sili o sa Levī, sa nonofo i potu, sa aunoa *ma isi galuega*; auā na latou i ai i lea
34 faiva i le ao atoa ma le po. O matai sili ia o sa Levī, ua sili i o latou tupulaga; ua nonofo i latou i Ierusalema.
- Ua mau i Kipeona o Ieielu le tamā 35
o Kipeona, o le igoa o lona avā o Maaka. O lona atalii ulumatua o 36
Avatonu, ma Suro, ma Kiso, ma Paala, ma Neru, ma Natapu, o 37
Kitoru foi, ma Aio, ma Sakaria, ma Mekelota. Ua fanaua e Mekelota o 38
Semaama. Ua latou mau foi ma o latou uso i Ierusalema, ua faafeagai ma o latou uso. Ua fanaua e Neru o 39
Kiso, ua fanaua e Kiso o Saulo, ua fanaua foi e Saulo o Ionatana, ma Makisua, ma Apinatapa, ma Esepaa. O le atalii o Ionatana o 40
Meripaala, na fanaua e Meripaala, o Mika. O atalii o Mika; o Pitonu, 41
ma Meleka, ma Tarea. Ua fanaua e 42
Aasa o Iara; o Iara foi ua fanaua e ia o Alemetu, ma Asemāu, ma Semeri; ua fanaua e Semeri o Mosa. Ua fanaua foi e Mosa o Pinea; o 43
Refaia foi lona atalii, o Eliasa lona atalii, o Aselu lona atalii. O atalii 44
o Aselu e toaono, o latou igoa foi nei; o Aserikama, o Pokeru, ma Isamaeli, ma Searia, ma Opetāia, ma Hanana. O atalii ia o Aselu.
- O le oti o Saulo.
- NA sii mai le taua e Filisitia ia 10
Israelu; ona sosola lea o tagata Israelu ai luma o Filisitia, ua pauu i latou i le mauga o Kilepoa ua manunua. Ua tulitatao Filisitia ia 2
Saulo ma ona atalii, ma ua fasiotia e Filisitia o Ionatana, ma Apinatapa, ma Makisua, o atalii o Saulo. Ua mamafa le taua ia Saulo, ua 3
maua atu o ia e tagata fanafana u, ma ua manua o ia i e na fanafana. Ona fai atu lea o Saulo i lona soātau, 4
Ina to ae ia lau pelu, ma tutu'i mai ia te au, ne'i oo mai na tagata le peritomeina, ma faaleaga mai ia te au; a ua le mafai lona soātau, auā ua tele lona fefe; ona tago ai lea o Saulo i le pelu, ma faapa'i i ona luga. Ua vaai lona soātau, ua oti 5
Saulo, ona faapa'i foi lea o ia i luga o le pelu, ua oti ai. O lea ua oti ai Saulo, ma ona atalii e toatolu, ma lona aiga uma ua oti faatasi. Ua 7
vaai tagata o Israelu uma sa i le vanu, ua sosola i latou, ma ua oti Saulo ma ona atalii; ona tia ai lea

- e i latou o a latou aai, ma sosola i latou; ona o mai lea o Filisitia, ma nonofo ai.
- 8 Ua oo i le taeao, ona o atu lea o Filisitia e tatala ofu o e na fāsia; ona latou maua lea o Saulo ma ona atalii o loo taatitia i le mauga o
- 9 Kilepoa. Ua latou talaeseina ona ofu, ona latou ave ai lea o lona ulu ma ana auupega; ona latou tuu sāvai ai lea i le nuu o Filisitia, ia faataamilo ona tala'i i a latou tupua, atoa ma le nuu. Ua latou tuu ona ofutau i le fale o latou atua, ma ua faamauina lona ulupoo i le fale o Takono.
- 11 Ua faalogo Iapese-Kiliata uma i mea uma sa faia e Filisitia ia Saulo,
- 12 ona tutū ai lea o tagata totoa uma, ma ua latou ave le tino o Saulo ma tino o ona atalii, ua au mai i Iapese, ua tanu o latou ivi i lalo o le tape-neto i Iapese, ma ua latou anapopogi ai i aso e fitu.
- 13 O lea na oti ai Saulo ona o lana agasala na na agasala atu ai ia Ieova, o le afioga lava a Ieova na ia le usi-usitai i ai, ua saili foi i le aitu vavalu
- 14 e fesili i ai. A ua le fesili atu ia Ieova, o le mea lea na fasiotia ai o ia; ua liua foi le malo mo Tavita le atalii o Iese.
- O le faauuina o Tavita, ma lona aea o Ierusalemā. O ona tagata totoa.*
- 11 Ua faapotopoto mai Isaraelu uma ia Tavita i Heperona, ua faapea mai, Faauta, o i matou nei o ou ivi ma ou aano. O anamua foi, ina o fai Saulo ma tupu, o oe lava na e fa-ta'ita'iina i ia Isaraelu. Na fetalai mai foi Ieova lou Atua ia te oe, O oe e te leoleo i lo'u nuu o Isaraelu, e fai foi oe ma ta'ita'i i lo'u nuu o
- 3 Isaraelu. Ona o mai lea o toeaina uma o Isaraelu i le tupu i Heperona, ia latou osia le feagaiga ma Tavita i luma o Ieova i Heperona; ua latou faauuina foi Tavita e fai ma tupu ia Isaraelu, e tusa ma le afioga a Ieova ia Samuelu.
- 4 Ona o atu lea o Tavita ma Isaraelu uma i Ierusalemā, o Iepuse lea; sa i ai sa Iepusē o e o mau i le nuu.
- 5 Ua fai mai e na mau i Iepuse ia Tavita, E te le sao mai iinei. A ua aea e Tavita le 'olo o Siona, o le aai
- foi lea a Tavita. Ona faapea atu ai lea o Tavita, O sē na te muai fasia sa Iepusē, e fai o ia ma alii sili ma ta'ita'i. Na muamua ona alu ae o Ioapo le tama a Seruia, ona fai lea o ia ma alii sili. Ua mau Tavita i le 'olo; o le mea lea na faaigoaina ai e i latou, o le aai o Tavita. Ua ati e ia le aai e faataaliolio, e amata mai i Milo e soo ai. Ua faaolaina e Ioapo o e na totoe i le aai. Ua tupu pea lava le mamalu o Tavita; sa ia te ia foi Ieova o 'au.
- O alii sili nei o toa sa ia Tavita, o e na faamalolosi faatasi ma ia i lona malo, atoa ma Isaraelu uma e fai o ia ma tupu, e tusa ma le afioga a Ieova ia Isaraelu. O le faitau lenei o toa sa ia Tavita; o Iasapama o le atalii o Hakamoni, o le alii sili ia o e avea 'au; o ia lava na sii lona tao i tagata e toatolu selau na fasia e ia i le aso e tasi. E aupito ane ia te ia o Eleasaro o le atalii o Toto, o lo sa Aoki, o ia o so le au toa e toa-tolu. O ia sa ia Tavita i Fesetame, sa faapotopoto ai Filisitia e tau ai le taua; sa i ai le fāsi fanua ua lilo i karite; na sosola le nuu i luma o Filisitia. Ua faamau foi i latou i totonu o le fanua, ua faasaoina ai, ua fāsia foi Filisitia; ua faia foi e Ieova le faaolataga tele.
- Na o ifo le toatolu nai le toato-lugafulu o e ua sili, ua oo ia Tavita i le papa i le ana o Atulama, ua to lauapi foi o 'au a Filisitia i le vanu o sa Rafā. Sa i ai Tavita i le 'olo i ia ona po; o le leoleoga foi o Fili-sitia sa i Peteleema i ia ona po. Ua manao Tavita, ua faapea ane, Ta fia inu vai ai le vaieli o Peteleema o i ai i le faitotoa! Ona sofaia lea o 'au a Filisitia e ia tagata e toatolu, ma ua latou utu ai vai i le vaieli o Peteleema ua i le faitotoa, ua au mai ma ua avane ia Tavita; a ua le mafai Tavita ona inu ai, a ua liligi atu ia Ieova. Ua faapea o ia, Lo'u Atua e, ia mamao ia te au ona faia o lenei mea; ou te inu ea le toto o nei tagata e na toai? auā na o toai i latou e au mai ai; ua ia le mafai ona inu ai. O mea ia sa faia e ia toa e toatolu.
- O Apisai le uso o Ioapo o ia ua sili i le toatolu o ia foi na sii lona

tao i tagata e tolu selau, ua fasi ia i
 21 *latou*, ua ta'ua ai o ia faatasi ma le
 toatolu. O lo le toatolu, ua sili ona
 viia o ia i le toalua; sa fai o ia mo
 latou alii; a e lei aulia le toatolu
 22 *muamua*. O Penaia le atalii o Ioiata,
 le atalii o le tagata fitafita mai Ka-
 pesceulu, o le na faia mea tetele; o
 ia na fâsia tagata Moapi e faamata-
 leona e toalua; o ia foi na alu ifo
 ma fasi le leona i totonu o le lua i
 23 ona po o kiona. Na fasiotia foi e
 ia o le tagata Aikupito, o le tagata
 tinoese lava, e lima kupita *lona*
maualuga. Sa i ai foi i le lima o
 le Aikupito o le tao e pei o le laau
 faalava o lē lalaga ie; na ia alu ifo
 ia te ia ma le tootoo, ua seia le tao
 nai le lima o le Aikupito, ma na
 24 fasioti ia te ia i lona lava tao. O
 mea ia na faia e Penaia le atalii o
 Ioiata, ua ta'ua ai o ia faatasi ma
 25 toa e toatolu. Faauta, sa sili ona
 viia o ia i le toatolugafulu, a ua le
 aulia e ia le toatolu *muamua*. Ua
 tofia o ia e Tavita e pule i e na
 faafeao ia te ia.
 26 O e ua totoa foi i 'au; o Asaelu
 le uso o Ioapo, o Eleana le atalii o
 27 Toto o le Peteleema, o Sama le
 28 Arari, o Helesa le Pelone, o Ira le
 atalii o Ikesa le Tikoa, o Apieseru
 29 le Anatota, o Sepekai o lo sa Usā,
 30 o Ilai o lo sa Aoki, o Maarai o lo
 sa Netopā, o Heleta le atalii o Paa-
 31 na o lo sa Netopā, o Itai le atalii o
 Ripai o le Kipea, o le aai a le fanau-
 ga a Peniamina, o Penaia le Pira-
 32 tonu, o Huri mai vaitafe o Kaasa,
 33 o Avielu o le Arepa, o Asemau le
 34 Paarumi, o Eliepa le Saalepo, o ata-
 lii o Asema le Kisoni, o Ionatana le
 35 atalii o Sage le Arari, o Aiamu le
 atalii o Sakaru le Arari, o Elefala le
 36 atalii o Uro, o Eferu le Mekira, o
 37 Akia le Pelone, o Hesera le Kara-
 38 melu, o Narai le atalii o Esepai, o
 Ioelu le uso o Natano, o Mepekara
 39 le atalii o Akara, o Seleka o le
 Amoni, o Naarai le Perota o le soā-
 40 tau o Ioapo le tama a Seruia, o Ira
 le sa Ieterō, o Karepa le sa Ieterō,
 41 o Uria o lo sa Heti, o Sapata le
 42 atalii o Akelai, o Atina le atalii o
 Sesa o lo sa Reupenā, o le alii o sa
 Reupenā, sa ia te ia foi o tagata e
 43 toatolugafulu, o Hanana le atalii o

Maaka, ma Iosafata le Metini, o 44
 Usia le Aserōta, o Sama ma Ieielu o
 45 atalii o Hotama le Aroeru, o Ietia-
 elu le atalii o Semeri, ma Ioka lona
 uso, o le Tise, o Elielu le Makavi, 46
 ma Iaripa, ma Iosavia, o atalii o
 Elenaama, ma Itema o le Moapi,
 o Elielu ma Opetā, ma Iasielu le 47
 Mesopaia.

*O e na faatasi ane ia Tavita i Seke-
 leka ma Heperona.*

O I latou ia na o mai ia Tavita i 12
 Sekeleka ina o nofonono ai o ia ona
 o Saulo le atalii o Kiso; o toa i
 latou e ua fesoasoani i le taua. Sa 2
 ia te i latou aufana, ua *sasau* e i
 latou o maa, ma *fanafana* i u i le
 aufana, i le lima taumatau atoa ma
 le lima tauagavale. O isi o le au
 uso o Saulo i latou o sa Peniaminā.
 O Aisera o le alii sili ia, i le ma 3
 Ioasa o atalii o Sema le Kipea; ma
 Ieseelu, ma Pelete, o atalii o Ase-
 mau; ma Pereka, ma Ieu o le Ana-
 tota. O Isemaia o le Kipeona, o le 4
 tagata malosi ia i le toatolugafulu,
 ua ia pule foi i le toatolugafulu, ma
 Ieremia, ma Iaaseelu, ma Iokana,
 ma Ieosapa o le Ketere, o Elusai, 5
 ma Ierimota, ma Pealia, ma Semari-
 au, ma Sefatiao o le Harufi, o Ele-
 kana, ma Isea, ma Asareelu, ma
 Ioesera, ma Iasapama o sa Kori; o 7
 Ioeli, ma Sepatia, o atalii o Ieroama
 i Kitoru. Ua vavae mai o sa Katō 8
 ia Tavita i le 'olo i le vao, o toa
 malolosi, o tagata o 'au e taulia le
 taua, e masani i le talita, ma le tao;
 o latou mata foi o mata o leona, ua
 tele vavave foi i latou e pei o sevi i
 mauga; o Esera o le muamua, o 9
 Opetāia le toalua, o Eliapo le toa-
 tolu, o Mesemana le toafa, o Iere-
 mia le toalima, o Atai le toaono, o 11
 Elielu le toafitu, o Iokana le toa-
 valu, o Elesapata le toaiva, o Iere-
 mia le toasefulu, o Makapanai le
 toasefulu ma le toatasi. O le fanau-
 ga ia a Kato, o e avea 'au; e taitoa-
 tasi o e aupito iti ma pule i le
 toaselau, e *taitoatasi* foi o e sili ma
 pule i le toaafa. O i latou nei na 15
 sopoia Ioritana i le masina muamua
 ina ua o'o'o tutū ona auvai uma;
 na latou tulia i latou uma o e na i
 vanu i sasae atoa ma i sisifo. Na o 16

mai nisi o le fanauga a Peniamina
 17 ma Iuta i le 'olo ia Tavita. Na alu
 atu Tavita ia te i latou, ma ua fai
 atu, ua faapea atu ia te i latou,
 Afai ua outou o mai ma le filemu
 ia te au e fesoasoani mai ia te au,
 tatou te loto gatasi ma outou; a e
 afai *ua outou o mai* e faalataina a'u
 i e o faia a'u mo latou fili, auā e
 leai so'u saua, ia sisila mai le Atua
 o tatou tamā, ma ia aoai atu ai.
 18 Ona ufitia lea e le Agaga o Amase
 le alii sili o e ave 'au, *ua fai atu*,
 Tavita e, e ia te oe *i matou nei*, le
 atalii o Iese e, tatou te 'au ma oe;
 ia ia te oe le manuia, le manuia
 lava, ia i ai foi le manuia i e feso-
 soani ia te oe; auā o loo fesoasoani
 lou Atua ia te oe. Ona talia ai lea
 o i latou e Tavita, na faia foi i latou
 19 ma e ave 'au. Ua sola mai foi nisi
 o Manase ia Tavita, ina o sau o ia
 ma Filisitia e tau le taua ma Saulo;
 a ua latou le fesoasoani ia te i la-
 tou; auā ua aueseina atu o Tavita
 e alii o Filisitia e tusa ma le fili-
 filiga, ua faapea ane, E toe sola atu
 o ia i lona alii o Saulo ma o tatou
 20 ulu. Na alu o ia i Sekeleka, ona
 sola mai lea ia te ia nisi o Manase,
 o Atana, ma Iosapatu, ma Ietiaelu,
 ma Mekaeli, ma Iosapatu, ma Eliu,
 ma Seletai, o e ave 'au e taitoaafe a
 21 Manase. Ua latou fesoasoani ia
 Tavita e tau ma 'au, auā o toa malo-
 losi i latou uma, o i latou foi e ave
 22 'au. Auā o ona po ia na o mai ai i
 lea aso ma lea aso *nisi* ia Tavita e
 fesoasoani ia te ia, ua ave ma 'au e
 tele, e pei o le 'au a le Atua.
 23 O le faitau lenei o tagata ua sau-
 nia i le taua, na o mai ia Tavita i
 Heperona e liliu ai ia te ia le malo
 o Saulo, e tusa ma le afioga a Ieova.
 24 O le fanauga a Iuta e na i ai le
 talita ma le tao, e ono o afe ma le
 25 valu o selau, o saunia i le taua. O
 e o le fanauga a Simeona o toa
 malosi e tau, e fitu afe ma le
 26 selau. O e o le fanauga a Levi, e
 27 fa afe ma le ono o selau. O Ioiata
 o le pule i sa Aronā, sa ia te ia e
 28 tolu afe ma le fitu selau; o Satoka
 o le taulealea o le toa malosi, ma le
 toalua fulu ma le toalua o e ave 'au
 29 ai le aiga o lona tamā. O e o le
 fanauga a Peniamina o aiga o Saulo,

e tolu afe; auā ua oo mai i ia ona
 po na leoleo ai le toatele o i latou i
 le aiga o Saulo. O e o le fanauga a 30
 Efaraima, e lua sefulu afe ma le
 valu o selau, o toa malosi, na ta'ua
 i latou i le aiga o latou tamā. O 31
 e o le tasi vaega o le itu aiga o
 Manase, e sefulu ma le valu o afe,
 o e na ta'ua i o latou igoa, e o mai
 e fai Tavita ma tupu. O e o le 32
 fanauga a Isakara, sa popoto e faa-
 utauta e iloa ai mea e tataua ona
 faia e Isaraelu i ia ona po, o alii sili
 e lua selau, o latou uso uma foi e
 faalogologo mai ia i latou. O e o 33
 Sepulona e na o atu e tau, ua sauni-
 uni i le taua ma auupega uma o le
 taua, e lima sefulu afe, o e na
 34 *popoto* i pae tau; e lei faalotoloto-
 lua i latou. O e o Nafatali foi, e 34
 tasi le afe o e ave 'au, atoa ma
 tagata e tolu sefulu afe ma afe e
 fitu ua i ai talita ma tao. O e o sa 35
 Tanū, ua sauniuni i le taua, e lua
 sefulu afe ma afe e valu ma le ono
 selau. O e o Asera e na o atu e 36
 tau ua sauniuni i le taua, e fa sefulu
 o afe. O e mai le tasi itu o Ioritana 37
 o sa Reupenā, ma e o sa-Katō, ma
 e o le tasi vaega o le itu aiga o
 Manase, ua i ai auupega uma e tau
 ai le taua, e tasi le selau o afe ma
 afe e lua sefulu. O ia 'au uma o le 38
 taua o e ua *popoto* e pae tau, na o
 mai i latou i Heperona ma le loto
 atoa e fai ai Tavita ma tupu o Isa-
 raelu uma; atoa ma e na totoe uma
 o Isaraelu na loto gatasi e fai Tavita
 ma tupu. Na i ai i latou ma Tavita 39
 i aso e tolu, o aai ma inu; auā na
 saunia mea e o latou uso mā latou.
 O i latou foi ua vava lalata ma i 40
 latou, ua oo ia Isakara, ma Sepu-
 lona, ma Nafatali, ua latou au mai
 ai areto i luga o asini, ma kamela,
 ma falata, ma povi, o mea e 'ai o
 falaoa, ma potopotogā mati, ma
 fui fui vine mago, ma le uaina,
 ma le suāuu, ma povi, ma marāe
 e matuā tele; auā sa i ai le fiafia i
 Isaraelu.

*O le amiga o le atolaau i Kiriata-
 iarima.*

UA filifili Tavita ma alii o taitoa-13
 afe ma taitoaselau, ma ta'ita'i sili
 uma. Ua fai atu foi Tavita i le 2

faapotopotoga uma o Isaraelu, Afai e tatou ia te outou na, *ma ua finagalo* i ai Ieova lo tatou Atua, ia tatou feausoloina atu o tatou uso o totoe i nuu uma o Isaraelu, o le au faitaulaga ma sa Levī faatasi ma i latou i a latou aai ma tuāfanua, ia
 3 faapotopototo mai ia te i tatou; ia tatou aumaia le atolaau a lo tatou Atua ia te i tatou; auā na tatou le
 4 saili atu i ai i ona po o Saulo. Ona tali mai ai lea o le faapotopotoga uma, Ia tatou faia o lea; auā sa lelei lea mea i le manatu o le nuu
 5 uma. Ona faapotopotoina lea e Tavita o Isaraelu uma, e afua mai i Seora i Aikupito e oo atu i le mea e ui atu ai i Amato, e au mai ai le atolaau a le Atua mai Kiriata-
 6 iarima. Ua o atu Tavita ma Isaraelu uma i Paala, o Kiriata-iarima lea, o *le aai* o Iuta, e aveina ae ai nai lea mea o le atolaau a le Atua, o Ieova, o *lē afio i le va* o kerupi, e ona le suafa ua valaauina *i lea mea*.
 7 Ua latou ave le atolaau a le Atua i le fata faataavalevale fou ai le fale o Apinatapa; o Usa ma Aio na la ta'ita'iina atu ai le fata faataavale-
 8 vale. Ua sasaa Tavita ma Isaraelu uma i luma o le Atua ma lo *latou* malosi atoa, ma latou fai pesega, ua *ta* kitara, ma napeli, ma topa, ma
 9 sumepalo, ma *ili* pu. Ua oo i latou i le mea e soli ai saito a Kitonu, ona tago atu lea e Usa o lona lima e taofi ai i le atolaau, auā ua taupaū
 10 povi. Ona tupu ai lea o le toasa o Ieova ia Usa, ona fasia lea o ia, auā ua tago atu lona lima i le atolaau. Ua oti ai o ia i lea mea i luma o le
 11 Atua. Ua tiga Tavita ina ua lipi Usa ia Ieova; ona ia faaigoaina ai lea o lea mea, O Faresausa, ua oo i
 12 nei ona po. Ua mata'ū Tavita i le Atua i lea aso, ua faapea ane, Pe faapefea ona ou aumaia le atolaau
 13 a le Atua ia te au? Ona le aumaia ai lea e Tavita o le atolaau ia te ia i le aai o Tavita, a ua avane i le fale o Opete-etoma, o le sa Katā ia.
 14 Ona tuu ai lea o le atolaau a le Atua i le aiga o Opete-etoma i lona fale e tolu masina; ona faamanuia ai lea e Ieova o le aiga o Opete-etoma, atoa ma mea uma sa ia te ia.

O le mamalu o Tavita, ma lona manumalo ia Filisitia.

UA aauina mai e Hiramō le tupu **14**
 o Turo le sāvali ia Tavita, *ua avatu* foi laau o arasi ma tufuga ati fale, ma tufuga, ina ia fai afi se fale mona. Ona iloa ai lea e Tavita ua
 2 faatumauiua o ia e Ieova e fai ma tupu ia Isaraelu, auā ua faamaualugaina lona malo ona o lona nuu o Isaraelu. Ua toe fai isi avā e Tavita i Ierusalemā, ma ua toe fanau atalii
 3 ma afafine o Tavita. O igoa nei o fanau o e na *fanaua* ia te ia i Ierusalemā, o Samua, ma Sopapa, ma Natano, ma Solomona, ma Ivara,
 4 ma Elisua, ma Elefaleta, ma Nokaa, ma Nefeku, ma Iafia, o Elisama, ma
 5 Peliata, ma Elifaleta.

Ua faalogo Filisitia ua faauuina **8**
 Tavita e fai ma tupu ia Isaraelu uma, ona o ae ai lea o Filisitia uma e saili ia Tavita. Ua logona foi e
 9 Tavita, ona alu atu ai lea ia te i latou. Ua o atu foi Filisitia, ma
 10 ua salalau i latou i le vanu o sa Rafā. Ona fesili atu lea o Tavita i
 11 le Atua, ua faapea atu, Ou te alu ae ea e tau ma Filisitia? Pe e te tuuina mai i latou i lo'u lima? Ona
 12 faapea mai ai lea o Ieova ia te ia, Ina alu ae ia, auā ou te tuuina atu i latou i lou lima. Ua latou o atu i
 13 Paala-faresa, ona fafasi lea o Tavita ia te i latou i lea mea; ona faapea mai ai lea o Tavita, Ua osofia e le
 14 Atua i lo'u lima o i latou e faia a'u ma fili, e pei ona oso mai o le vai. O le mea lea ua latou faaigoa ai lea mea, O Paala-faresa. Ua latou tun-
 15 lafoai o latou atua i lea mea; ua fai atu ai Tavita, ona latou susunuina ai lea i le afi.

Ua toe faapotopototo foi Filisitia, **13**
 ma salalau i latou i le vanu. Ua **14**
 toe fesili atu Tavita i le Atua; ona faapea mai lea o le Atua ia te ia, Aua e te mulimuli atu ia te i latou, ia faataamilo ia te i latou, ma e alu
 15 atu ia te i latou i tala ane o laau o peka. A ē faalogologo i le pāū o
 16 le savali mai i tumutumu o laau o peka, ona e alu atu ai lea e tau le taua; auā ua muamua atu le Atua i ou luma e fasi i le itu taua a Filisitia. Ona faia lea e Tavita, e pei **16**

ona fetalai mai ai o le Atua ia te ia. Ua latou fasia le itu taua a Filisitia, e afua i Kipeona e oo atu i Kasera.
 17 Ua oo atu le logo o Tavita i nuu uma; ua tuu foi e Ieova i nuu uma ia matatau ia te ia.

O le amiga o le atolaau ai le fale o Opete-etoma i le aai a Tavita.

15 UA fai foi e Tavita fale mona i le aai o Tavita, ma ua saunia le mea mo le atolaau a le Atua, ua faia foi
 2 le fale i le mo le atolaau. Ona fai atu ai lea o Tavita, E le tatau ona ave e nisi le atolaau a le Atua ua na o sa Levī; auā ua filifilia i latou e Ieova e ave le atolaau a le Atua, ma auauna ia te ia e faavavau. Ona faapotopotoina lea e Tavita o Isaraelu uma i Ierusalemā, e avae le atolaau a Ieova i le mea ua saunia e ia
 4 e tuu ai. Ua faapotopotoina foi e Tavita o le fanauga a Arona, ma sa
 5 Levī; o le fanauga a Koato; o Urielu le alii sili, atoa ma ona uso
 6 e toaselau ma le toaluafulu. O le fanauga a Merari; o Asaia le alii sili, atoa ma ona uso e toaluafulu. O le fanauga a Keresona; o Ieolu le alii sili, atoa ma ona uso e toaselau ma le toatoluafulu. O le fanauga a Elisafano; o Semaia le alii sili, atoa ma
 9 ona uso e toaluafulu. O le fanauga a Heperona; o Elielu le alii sili, atoa ma ona uso e toavalu
 10 sefulu. O le fanauga a Usialu; o Aminatapu le alii sili, atoa ma ona uso e toaselau ma le toasefulu ma le toaluafulu. Ua aami atu e Tavita o Satoka, ma Aviata o faitaulaga, ma sa Levī, ma Urielu, ma Asaia, ma Ieolu, ma Semaia, ma
 12 Elielu, ma Aminatapu, ua faapea atu ia te i latou, O outou o matai sili o sa Levī; ia faapaiaina outou ia te outou, atoa ma o outou uso, e au mai ai e outou le atolaau a Ieova, o le Atua o Isaraelu, i le mea ua saunia e a'u e tuu ai. Auā na osofia i tatou e Ieova lo tatou Atua, ina ua le muai aumaia e outou; auā na tatou le sailili ia te ia e tusa ma le
 14 tulafono. Ona faapaiaina lea o faitaulaga, ma sa Levī ia te i latou e avae ai le atolaau a Ieova le Atua o
 15 Isaraelu. Ua amo e le fanauga a

sa Levī le atolaau a le Atua i ona amo i o latou ua, e pei ona poloai mai o Mose e tusa ma le afioga a Ieova. Ua fai atu Tavita i alii sili
 13 o sa Levī, ia latou tofi ni o latou uso e usua pese i laaupese, o napeli, ma kitara, ma sumepalo, e pepese ai ma le leo tele e fiafia ai. Ua tofia e sa
 17 Levī o Hemana le atalii o Ieolu, i le ma Asafo le atalii o Perekia ai ona uso; na tofia foi ai le fanauga a Merari o latou uso, o Etano le atalii o Kusaia. O latou uso foi e aupito
 18 aue ia te i latou, o Sakaria, o Penc, ma Iaasielu, ma Semiramota, ma Ikielu, ma Uni, o Eliapo, ma Penaia, ma Maaseia, ma Matitia, ma Elipeleu, ma Mikenau, ma Opete-etoma, ma Ieielu, o le au leoleo faitotoa. O le au usu pese lenei; o Hemana,
 19 o Asafo, ma Etano, na tofia i latou ma sumepalo 'apa memea e faatagita'i ai. O Sakaria foi, ma Asielu,
 20 ma Semiramota, ma Ikielu, ma Uni, ma Eliapo, ma Maaseia, ma Penaia, na tofia i latou ma napeli i alemota; o Matitia, ma Elipeleu, ma Mikenau,
 21 ma Opete-etoma, ma Ieielu, ma Ase-sau, na i ai kitara i seminita, e ta'ita'i aile pese. O Kinania foi le alii
 22 sili o sa Levī, o le usu pese ia, ua na a'oa'o i pese, auā ua potō ia. O
 23 Perekia foi, ma Elekana, o leoleo faitotoa i laua mo le atolaau. O
 24 Sepania, ma Iosefatu, ma Natanielu, ma Amesai, ma Sakaria, ma Penaia, ma Elisara, le au faitaulaga, e a latou e faasasau i pu i luma o le atolaau a le Atua. O Opete-etoma, ma Ikia, o leoleo faitotoa i laua mo le atolaau.

Ua o atu Tavita, ma toaina o
 25 Isaraelu, ma alii o taitoafe, e au mai le atolaau o le feagaiga a Ieova ma le fiafia nai le fale o Opete-etoma. Na fesoasoani le Atua i sa
 26 Levī e na ave le atolaau o le feagaiga a Ieova; ona latou osia lea o le taulaga, o povi poa e fitu, ma mamoe poa e fitu. Ua ofu Tavita i le ofu
 27 ie vavae, o sa Levī uma foi o e na ave le atolaau, ma ē pepese, ma Kinania o le usu pese sili i ē pepese. Sa ofu Tavita i le efota ie vavae. Ua avae e Isaraelu uma le atolaau o
 28 le feagaiga a Ieova ma le alalaga, ma le leo o le foafoa, ma pu, ma

sumepalo, ua ta foi napeli, ma ki-
29 tara. Ua oo le atolaau o le feagaiga
a Ieova i le aai a Tavita, ona vaai
ifo lea o Mekala le afafine o Saulo i
le faamalama, ua iloa atu le tupu o
Tavita o saa ma siva, ona 'ino'ino
lea o ia ia te ia i lona loto.

O le faafetai ina ua aumaia le atolaau i le aai a Tavita.

16 UA latou aumaia le atolaau a le
Atua, ma ua tuu ai i totonu o le
fale ie na faia e Tavita mo le atolaau; ona latou osia ai lea o taulaga
mu ma taulaga faafetai i luma o le
2 Atua. Ua uma ona fai taulaga mu
ma taulaga faafetai e Tavita, ona
faamanuia ai lea e ia o le nuu i le
3 suafa o Ieova. Ua tufatufa atu e
ia i tagata taitoatasi uma o Isaraelu,
o tane ma fafine, taitoatasi ma le
potoi areto, ma le ipu uaina, ma le
areto suamalie.

4 UA tofia e ia nisi o sa Levi e au-
auna i luma e le atolaau a Ieova e
faamanatunatu ai, ma faafetai, ma
5 vivii ia Ieova le Atua o Isaraelu; o
Asafo o le sili, e aupito ane i ai o
Sakaria, o Ieielu, ma Semiramota,
ma Ikielu, ma Matitia, ma Eliapo,
ma Penaia, ma Opete-etoma; o
Ieielu foi na i ai napeli, ma kitara,
a o Asafo ua faatagitiagi i sumepalo.

6 O Penaia ma Iaaseelu o faitaulaga
na i ai pu, e tumau pea i luma o le
7 atolaau o le feagaiga a le Atua. O
lena lava aso na faatoa tuuina atu
ai e Tavita i le lima o Asafo, ma
ona uso, o lenei salāmo e faafetai
atu ai ia Ieova.

8 Vivii atu ia outou ia Ieova, valaau
atu ia i lona suafa; ia outou faailo

9 atu i nuu o ana mea na fai. Ia
pepese outou ia te ia, ia outou fai
pese ga ia te ia; talatala atu ia outou

10 i ona vavega uma lava. Ia outou
mitamita i lona suafa paia; ia olioli

11 loto o e sailili ia Ieova. Saili ia
outou ia Ieova ma lona malos; saili

12 iili ia te ia, aua le aunoa. Faama-
natu ia outou i ana mea mamana na

13 ia faia, o ona vavega, atoa ma faa-
masinoga o lona sofoga; o outou le

14 fanauga a lana auaina o Isaraelu, o
atalii o Iakopo na ia filifilia.

O ia lava o Ieova lo tatou Atua;
o i le lalolagi uma lava ana faamasi-

noga. Ia faamanatuina e outou e 15
faavavau o lana feagaiga, o le upu
na ia poloai mai i tupulaga e afe.
O le feagaiga sa la osia ma Aper- 16
amo ma lana tautoga ia Isaako; na
17 ia faamaunua foi ia Iakopo e fai ma
tulafono, o le feagaiga e faavavau
mo Isaraelu; na faapea atu ia te ia, 18
Ou te avatu ia te oe le lauelele o
Kanana, o le vaega lea o lo outou
tofi; a o toaititi outou, e toaititi 19
lava, mona o tagata ese i lea mea.
Na feoi foi i latou i lea nuu ma 20
lea nuu, nai le tasi foi itu malo i le
tasi nuu; ua le tuua e ia ia faasaua 21
se tasi ia i latou; na ia aoi atu foi
i tupu ona o i latou. Ua faapea atu 22
i ai, Aua le tago i e ua ou faauuina;
aua foi le agaleaga atu i a'u perofeta.

Ia outou pepese atu ia Ieova le 23
lalolagi uma; ia outou tala'i atu
lana faaolataga i lea aso ma lea aso.
Ia outou ta'uta'u atu lona mamalu 24
i nuu ese, ma ona vavega i nuu uma
lava. Auā e silisili Ieova, e tusa 25
ona matuā viia o ia; e sili foi ona
matautia o ia i atua uma. Auā o 26
atua uma o nuu o tupua lava ia; a
o Ieova na ia faia le lagi. O loo i 27
ona luma le viiga ma le matagofie;
o loo i lona afioaga le malosi ma le
fiafia.

Outou o itu aiga o le nuu, ia outou 28
avatua ia Ieova, ia avatua ia Ieova
le viiga ma le malosi. Ia outou 29
avatua ia Ieova le viiga o lona su-
afa; ia outou avatu taulaga, ma
outou o atu i ona luma, ia outou ifo
atu ia Ieova i le malumalu e mata-
gofie. Ia outou gatete i ona luma 30
le lalolagi uma; e faatumaunua lava
le lalolagi, ne'i faagaetia. Ia fiafia 31
le lagi, ia olioli foi le lalolagi, ia outou
fai atu i nuu ese, O Ieova o le tupu
lava ia. Ia taalili mai le sami, ma 32
mea ua tumu ai; ia fiafia le lauele-
le, ma mea uma o i ai. Ona ala- 33
laga fiafia ai lea o laau o i le vao
matua i luma o Ieova, auā o loo afio
mai e faamasino le lalolagi.

Vivii atu outou ia Ieova; auā e 34
lelei lava o ia; auā e faavavau lava
lona alofa. Ia outou faapea atu, Le 35
Atua o lo matou faaolataga e, ia e
faaola mai, ma faapotopotoina i
matou, ma laveai ia i matou ai nuu
ese, ina ia matou vivii i lou suafa

36 paia, ia mitamita *foi* i matou i viiga ia te oe. Ia faamanua ia Ieova o le Atua o Isaraelu mai le vavau e oo i le faavavau. Ia faapea atu foi le nuu uma, Amene, ma ia vivii atu ia Ieova.

37 Na tuua e ia o Asafo, ma ona uso i lea mea i luma o le atolaau o le feagaiga a Ieova, e auauna i luma o le atolaau e le aunoa, e tusa ma le

38 galuaga i lea aso ma lea aso; o Opete-etoma ma o latou uso e toaono sefulu ma le toavalu; o Opete-etoma foi o le atalii o Iutana, ma Hosa, na *tofia* e fai ma leoleo faitotoa; o Satoka le faitaulaga, ma

39 ona uso le au faitaulaga, sa i luma o le malumalu o Ieova i le mea maua-

40 luga i Kipeona, e fai taulaga mu ia Ieova i luga o le fata faitaulaga i taulaga mu, e le aunoa, i le taeao ma le afiasi, e tusa ma mea uma ua

41 tusia i le tulafono a Ieova na ia poloai ia Isaraelu; sa ia i latou o Hemana, ma Iutana, ma e na totoe na filifilia, na ta'uina atu o latou

42 igoa, e vivii atu ia Ieova, auā e faavavau lava lona alofa; sa ia i latou o Hemana ma Iutana, ua i ai pu, ma sumepalo mo e faatagitagi ai, ma laaupese a le Atua. O atalii o

43 Iutana, e fai ma leoleo faitotoa. O tagata uma na taifoatasi ma alu i lona fale; ma ua toe foi mai Tavita e faamanuia lona aiga.

O le manao o Tavita e fai se fale mo le Atua.

17 UA nofo Tavita i lona fale, ona fai atu ai lea o Tavita ia Natano le perofeta, Faauta, ua ou nofo i le fale arasi, a o le atolaau o le feagai a Ieova, ua ilalo o le puipui.

2 Ona fai mai ai lea o Natano ia Tavita, O mea uma ua e finagalo i ai ia e faia, auā o ia te oe le Atua.

3 O lea lava po na tūlei mai ai le afioga a le Atua ia Natano, ua faa-

4 pea mai, Alu ia, ma fai atu i la'u auauna o Tavita, Ua faapea ona fetalai mai o Ieova, e te le faia se

5 fale mo a'u ou te nofo ai; auā ua ou le nofo i se fale talu mai le aso na ou aveina ae ai Isaraelu ua oo mai i le aso nei, a ua ou i ai i lea fale ie ma lea fale ie, o lea malumalu ma

6 lea malumalu. O mea uma na ou

fealuai ai ma Isaraelu uma, pe na ou fai atu ai ea se upu i se tasi faamasino o Isaraelu, na ou poloai e leoleo i lo'u nuu, e faapea, Se a le mea tou te le fai ai se fale arasi mo a'u? O lenei foi, ia faapea ona e

fai atu i la'u auauna o Tavita, O loo faapea ona fai mai o Ieova o 'au, O a'u na ou aumaia oe ai le lotoā mamoe, na e mulimuli i mamoe, ina

ia faia oe ma ta'ita'i i lo'u nuu o Isaraelu. Na ou i ai foi ia te oe i mea uma na e alu i ai, ma ou faa-

umatia nai ou luma e na ita ia te oe uma lava; na ou faia foi mo oe le

igoa pei o igoa o alii tetele i le lalolagi. Ou te tuu atu foi se mea e nofo ai lo'u nuu o Isaraelu, ma ou

totōina i latou, e mau ai i latou i o latou lava nuu, e le toe faagaetia i latou; e le toe faatigaina foi i latou

e tagata amio leaga, e pei o anamua; talu foi ia ona po na ou poloai ai i faamasino e pule i lo'u nuu o Isaraelu. Ou te faatoilaloina foi i latou

uma o e ita mai ia te oe. Ou te ta'u atu foi ia te oe, e faia e Ieova se aiga mo oe. A oo ina faaatoaina ou

aso e faatasiina atu ai oe ma ou tamā, ona ou faatuina lea o so lau fanau pe a mavae atu oe, o sou

atalii foi, ou te faatumanuia lona malo. E faia e ia se fale mo a'u ou

te faatumanuia foi lona nofoālii e faavavau. E fai a'u mona tamā, e fai o ia mo'u atalii; ou te le aveeseina lo'u alofa ia te ia, e pei ona ou aveeseina i le na muamua ia te oe;

a ou te faatumanuia o ia i lo'u fale ma lo'u malo e faavavau; e faatumanuia foi lona nofoālii e faavavau lava. E tusa ma nei upu

uma, e tusa ma nei mea uma foi e faaalua mai, sa faapea ona tautala atu ai o Natano ia Tavita.

Ona alu atu lea o le tupu o Tavita, ma nofo atu i luma o Ieova; ona fai atu ai lea o ia, Ieova e, le Atua, o ai ea a'u nei? o ai foi lo'u aiga, ina ua e faaoo mai ia te au i lenei aso? A o le mea itiiti lena i ou

luma, le Atua e, a ua e fetalai mai i le aiga o lau auauna i aso e tele o lumanai; Ieova le Atua e, ua e silasila mai foi ia te au e peiseai o se tagata silisili. Se a se toe mea e fai

- luina o lau auauna? auā ua e silafia
 19 lau auauna. Ieova e, ua faia e oe o
 lenei mea tele uma, i *lou* faali mai
 ia mea tetele uma, ona o lau auauna,
 e tusa foi ma lou lava finagalo
 20 Ieova e, e leai se tusa ma oe, e leai
 se Atua na o oe lava, e tusa ma mea
 uma ua faalogologo i ai o matou
 21 taliga. O ai ea se tasi nuu i le lalo-
 lagi e tusa ma lou nuu o Isaraelu, o
 le na afio atu ai le Atua e laveai e
fai mona lava. nuu, e fai mo oe le
 suafa tele ma le matautia, ina ua
 tulia o nuu ese i luma o lou nuu na
 22 laveaiina e oe nai Aikupito? Na
 faia e oe o lou nuu o Isaraelu mou
 lava nuu e faavavau; o oe foi, Ieova
 23 e, ua fai oe mo latou Atua. O lenei,
 Ieova e, ia e faataunuina e faa-
 vavau le mea ua e fetalai mai i lau
 auauna ma lona aiga, ma ia e faia e
 24 tusa ma lau afioga. Ia faataunuina
 lava, ina ia faamamaluina lou suafa
 e faavavau, e faapea, O Ieova o 'au
 o le Atua o Isaraelu, o le Atua lava
 ia Isaraelu; ma ia faatumauiina le
 aiga o Tavita lau auauna i ou luma.
 25 Auā o oe, lo'u Atua e, ua e faali
 mai i lau auauna e te faia se aiga
 mo ia; o le mea lea ua manatu ai
au lau auauna e tatalo atu i ou
 26 luma. O lenei, Ieova e, o oe lava le
 Atua, ua e fetalai mai lea mea lelei
 i lau auauna. O lenei foi, ia e fina-
 27 galo e faamanuia le aiga o lau auau-
 na, ina ia i ai i ou luma e faavavau;
 auā, Ieova e, a faamanuia e oe, ona
 manuia ai lea e faavavau.

*O taua a Tavita ma Filisitia, ma
 Moapi, ma Suria.*

- 18 UA mavae lea mea, ona fafasi ai
 lea e Tavita ia Filisitia, ma faa-
 toilalo ia te i latou, ma ua faoa
 Kata ma ona faoa aai nai Filisitia.
 2 Ua ia fasia foi Moapi; ona avea lea
 o Moapi ma pologa ia Tavita, ua
 3 latou au mai ai taulaga. Ua fasia
 foi e Tavita o Atatesa le tupu o
 Sopa e oo atu i Amato, ina ua alu
 atu o ia e faatumaui lana pule i le
 4 vaitafe o Eufirate. Ua maua e
 Tavita nai ia te ia, o kariota e tasi
 le afe, ma e tietie i solofanua e fitu
 o afe, ma 'au e savavali o tagata e
 lua sefulu o afe; ua vaevae e Tavita
 o ua o vae o solofanua i kariota

uma, a ua faasao ai māna o kariota
 e selau. Ua o mai tagata o Suria
 mai Tamaseko e fesoasoani ia Ata-
 tesa le tupu o Sopa, ona fasia lea e
 Tavita o Suria e lua sefulu o afe
 ma afe e lua o tagata. Ua tuu e
 Tavita *leoleoga* i Suria Tamaseko;
 ua avea Suria ma pologa ia Tavita,
 ua latou au mai ai taulaga. Ua
 faasaoina Tavita e Ieova i mea uma
 na ia alu i ai. Ua ave e Tavita o
 7 talita auro na i ai i auauna a Ata-
 tesa, ua au mai ai i Ierusalemā. Ua
 8 avea foi e Tavita o 'apa memea e
 tele lava mai Tipeata ma Kuna, o
 aai o Atatesa, na fai a'i e Solomona
 o le vai 'apa memea, ma pou, ma
 ipu 'apa memea.

Ua logona e Tou le tupu o Amato
 ua fasia e Tavita 'au uma a Ata-
 tesa le tupu o Sopa, ona auina mai
 10 ai lea o lona atalii o Aturamo i le
 tupu o Tavita, e alofa ia te ia, ma
 faafetai ia te ia, ina ua tau o ia ma
 Atatesa ma fasi ia te ia; auā sa va
 tau Atatesa ma Tou; *ua au mai foi*
e ia o ipu eseese uma lava o auro,
 ma ario, ma 'apa memea. Ua faa-
 11 saina foi e le tupu o Tavita o ia mea
 ia Ieova, atoa ma le ario ma le auro
 na aumaia e ia mai nuu ese uma
 nei, o Etoma, ma Moapi, ma le
 fanauga a Amoni, ma Filisitia, ma
 Amaleka. Ua fasia foi e Apisai le
 12 tama a Seruia o Etoma e sefulu afe
 ma afe e valu i le vanu masimā.
 Ona tuu lea e ia o leoleoga i Etoma;
 13 ma ua avea Etoma uma ma pologa
 o Tavita. Ua faasaoina Tavita e
 Ieova i mea uma na ia alu i ai.

Ua faia Tavita ma tupu i Isaraelu
 14 uma, ua ia faia foi le faamasinoga
 ma le tonu i lona nuu uma lava.
 O Ioapo le tama a Seruia na pule o
 15 ia i 'au; o Iosefatu le atalii o Ailuta
 o le fātua'ipuu o ia; o Satoka le
 16 atalii o Akitopo, ma Aimeleka le
 atalii o Aviata, o faitaulaga i laua;
 ma Savesa o le tusiupu ia; o Penaia
 17 le atalii o Ioiata na pule i le au
 Kereti ma le au Peleti; o atalii foi
 o Tavita o alii sili i latou e vava
 lalata ma le tupu.

O le agaleagaina o le sāvāli a Tavita, ma le taua na tupu ai.

- 19 UA mavae ia mea, ona oti ai lea o Naasa le tupu o le fanauga a Amoni; ona soloai ane ai lea o lona atalii e fai ma tupu. Ona faapea ane ai lea o Tavita, Ou te agalelei atu ia Anuni, le atalii o Naasa, auā na agalelei mai lona tamā ia te au. Ona auina atu ai lea e Tavita o le sāvāli e faamatalaloto ia te ia ona o lona tamā. Ua oo atu auuina a Tavita i le nuu o le fanauga a Amoni ia Anuni e faamatalaloto ia te ia. A ua fai atu alii o le fanauga a Amoni ia Anuni, Fa te oe ea, ua ava mai Tavita i lou tamā, ina ua auina mai nisi e faamatalaloto ia te oe? Ua le o mai ea ana auuina ia te oe e iloilo, ma faaumatia, ma agaga i le nuu? Ona pupue ai lea o Anuni i auuina a Tavita, ua ia tafi a latou 'ava, ma na sesele ese o latou ofu i totonu, e pau atu i o latou nofoaga; ona aau ese atu lea e ia ia te i latou. Ua o atu nisi ma ta'u atu ia Tavita o mea na faia i na tagata. Ona auuina atu ai lea e ia nisi e faafetaiai ia te i latou, auā ua matuā tele le mā o ia tagata. Ua fai atu foi le tupu, Ia outou nonofo i Ieriko seia tutupu a outou 'ava, ona outou foi mai ai lea.
- 6 Ua iloa e le fanauga a Amoni ua inosia i latou e Tavita, ona avatua ai lea e Anuni ma le fanauga a Amoni o taleni ario e tasi le afe e faaoloatauaina mo i latou o kariota ma 'au e tietie i solofanua mai Mesopotamia, ma Suriamaaka, ma
- 7 Sopa. Ua latou faaoloatauaina mo i latou o kariota e tolu sefulu o afe ma afe e lua, ma le tupu o Maaka ma ona tagata, na latou o mai ma to lauapi i luma o Metepa. Ua faapotopoto mai foi le fanauga a Amoni nai o latou aai, ua o mai e tau ai le
- 8 taua. Ua faalogo i ai Tavita, ona auuina atu ai lea o Ioapo ma 'au uma o e fitafita. Ua o atu le fanauga a Amoni, ua tofi le taua i le faitotoa o le aai; a o tupu na o mai, ua nonofo ese i latou i le vao. Ua iloa e Ioapo ua faasaga mai le taua ia te ia i luma ma tua, ona filifili lea e ia nisi i taulelea uma o Isara-

elu, ua ia tofia foi i latou ia faafesagai ma Suria. A o e na totoe o le nuu, na ia tuuina atu i le pule a Apisai lona uso, ma ua latou faasaga tau i le fanauga a Amoni. Ona fai atu ai lea o ia, Afai e malo mai Suria ia te au, ona e fesoasoani mai ai lea ia te au; a e afai e malo mai le fanauga a Amoni ia te oe, ona ou fesoasoani atu ai lea ia te oe. Ia e faamalosi, ma ia faamalolosi i tatou ona o lo tatou nuu, ma aai a lo tatou Atua; a ia faia e Ieova le mea e finagalo i ai o ia. Ona faalatalata atu lea o Ioapo ma tagata sa ia te ia ia Suria, e tau ai le taua; ona latou sosola atu ai lea i ona luma. Ua vaavaai atu le fanauga a Amoni ua sosola Suria, ona latou sosola foi lea i luma o Apisai lona uso, ma o atu i le aai. Ona alu ai lea o Ioapo i Ierusalem.

Ua iloa e Suria ua fāsia i latou e Isaraelu, ona latou tuu sāvāli ai lea, ona latou faalaei'au mai lea o Suria sa i tala atu o le vaitafe; o Sopaka foi o le na pule i 'au a Atatesa ua muamua ia te i latou. Ua ta'ua mai ia Tavita; ona faapotopotoina lea e ia o Isaraelu uma, ua ia sopoia atu Ioritana, ma ua oo atu ia te i latou, ua ia tofi foi le taua ia te i latou. Ua tofi e Tavita le taua e faasaga atu ia Suria, ona latou tau ai lea ma ia. A ua sosola Suria i luma o Isaraelu, ua fāsia e Tavita o Suria e fitu afe o tagata na tau i kariota, ma 'au e savavali e fa sefulu o afe; ua fasiotia foi Sopaka o le na pule i 'au. Ua iloa e auuina a Atatesa ua fāsia i latou i luma o Isaraelu, ona latou faalelei ai lea ia Tavita, ma latou nofo pologa ia te ia; ona le toe mafai ai lea e Suria ona fesoasoani i le fanauga a Amoni.

O le faatafunaina o le nuu o Amoni, ma le fasiga o sa Rafā.

UA oo i ona po ua toe aulia ai le tausaga, o ona po foi lea e o atu ai tupu, ona ta'ita'iina atu lea e Ioapo 'au o le taua, ma na faaumatia le nuu o le fanauga a Amoni, ma ua alu atu ma vagaia Rapa. A ua nofo Tavita i Ierusalem. Ua fasia Rapa e Ioapo, ma faaumatia ai. Ua ave e Tavita le palealii o lo

latou tupu nai lona ao, ua iloa ina
1 i a fuaia ua i ai le taleni o auro, ua
i ai foi maa tãua; ua faaeina i le
ao o Tavita. Ua aumaia foi e ia o
3 vete o le aai e matuã tele. Ua ia
ta'itai'ina atu tagata sa i ai, ma tuu
atu i latou i 'ili, ma tui uamea, ma
foi. Sa faapea ona faia e Tavita
i aai uma o le fanauga a Amoni.
Ona foi atu lea o Tavita ma le nuu
uma i Ierusalemā.

4 Ua mavae lenei mea, ona tau ai
lea i Kasesa o le taua ma Filisitia.
O aso lava ia na fasia ai e Sepekai o
le sa Usā o Sapa o so le fanau a
5 Rafā. Ua faatolaloina i latou. Ua
toe tau le taua ma Filisitia. Ona
fasia lea e Eleana le atalii o Iaira o
Laima le uso o Koliata le Kata; o
le fuata o lona tao ua pei se laau
6 faalava o le lalaga ie. Ua toe tau
foi le taua i Kata, sa i ai le tagata
maualuga, o ona tamatamai lima
ma tamatamai vae ua taiono, e lua
sefulu ma le fa; o ia foi o le atalii
7 o le sã Rafā. Ua faifaiā e ia o Isa-
raelu, ona fasi ai lea ia te ia e Iona-
tana le atalii o Sema o le uso o
8 Tavita. O i latou ia o le fanau a le
sa Rafā i Kata. Na fasia i latou e
Tavita ma ana auauna.

*O le faitauina o Israelu e Tavita,
ma le malaia na oo mai ai.*

- 21 UA tulai mai Satani ia Israelu,
ua ia faaoso ia Tavita ia faitauina
2 Israelu. Ona fai atu lea o Tavita
ia Ioapo ma alii o le nuu, Ina o ia,
ina faitau Israelu e afua i Peresepa
e oo atu i Tanu, ma au mai ia te au
le faitau aofai o i latou ia ou iloa.
3 Ua fai mai Ioapo, Ia faaopoopoina
e Ieova i lona nuu e tusa ma i latou
ia taisãutuaselau; lo'u alii e, le tupu,
e le o auauna ea i latou uma a lo'u
alii? Se a le mea ua finagalo ai
lo'u alii i lenei mea? Se a le mea
e avea ai o ia ma mea e nofo sala ai
4 Israelu? A ua tuu faiaina Ioapo
i le fetalaiaga a le tupu; ona alu atu
lea o Ioapo, ua faalua'i solo i Isra-
elu uma, ona toe foi mai ai lea i
Ierusalemā.
5 Ua avatua e Ioapo le faitau aofai
o tagata ia Tavita. O Israelu uma
e afe o afe ma le selau o afe o ta-
gata e fai pelu. O Iuta foi e fa

selau o afe ma afe e fitu sefulu o
tagata e fai pelu. A ua ia le fai-
tauina faatasi ma i latou o Levi ma
Periamina, auā ua inosia e Ioapo le
polaiga a le tupu. Ua leaga lenei
7 mea i le silafaga a le Atua; ona
fasia ai lea e ia o Israelu. Ona
8 fai atu lea o Tavita i le Atua, Ua
ou agasala tele, ina ua ou faia lenei
mea; a o lenei, ou te aioi atu ia te
oe, ia faamagaloina le agasala a lau
aunauna, auā ua ou faavalea lava.

Ua fetalai mai Ieova ia Kato le
tagata vaai a Tavita, ua faapea mai,
Ina alu ia ma fai atu ia Tavita, ia
10 faapea atu, O loo faapea ona fetalai
mai o Ieova, *O mea* e tolu ou te tuu-
ina atu ai ia te oe, filifili ia oe i se
mea e tasi o ia mea, ina ia ou faia
ia te oe. Ona alu atu ai lea o Kato
11 ia Tavita, ma ua faapea atu ia te ia,
O loo faapea ona fetalai mai o Ie-
ova, Filifili ia oe, po o se oge e tolu
12 ona tausaga; po o masina e tolu e
faaumatia ai oe i luma o e ita mai,
ma oo atu ai ia te oe le pelu a e o
fai oe mo latou fili; po o aso e tolu
o le pelu a Ieova, o le faamai i le
nuu, ma le agelu a Ieova e faauma
ai i nuu uma o Israelu. O lenei,
se'i e silafia se upu ou te foi ma a'u
i le na auina mai a'u. Ona fai atu
13 ai lea o Tavita ia Kato, Ua tele lava
lo'u fememeai; o lenei, ia pa'u atu
a'u i le aao o Ieova, auā ua matuā
tele lona alofa mutimuti vale, a e
aia le pa'u a'u i lima o tagata. Ona
14 tuu mai lea e Ieova o le faamai ia
Israelu, ua oti ai tagata o Israelu
e fitu sefulu o afe. Ua auina mai
15 foi e le Atua o le agelu i Ierusalemā
e faaumatia ai, ua silasila mai Ieova
a o faaumatia e ia o tagata, ona ia
salamo ai lea ona o le malaia, ma
ua fetalai atu i le agelu o le faauma
ai, Ina soia, taofi ia o lou lima. Ua
tu ai le agelu a Ieova i le mea e soli
ai saito a Aruna le sa Iepusē. Ua
16 tepa ae Tavita ua iloa atu le agelu
a Ieova o loo tu i le va o le lalolagi
ma le lagi, ua i ai i lona lima lau-
pelu ua se'i, ua faaloaloa i luga o
Ierusalemā. Ona faapau fao ai lea
o Tavita ma toaina, ua oofu i le ie
talatala. Ona fai atu lea o Tavita
17 i le Atua, E le o a'u ea na fai atu ia
faitauina le nuu? O a'u lava ua ou

- agasala, ma agaleaga lava; a o nei mamoe, se a ea se mea ua latou faia? Ieova e, lo'u Atua, ou te a'ioi atu ia te oe, ia oo lou aao ia te au, ma le aiga o lo'u tamā; a e aua le oo i lou nuu e taia i latou.
- 18 Ona fai atu lea o le agelu a Ieova ia Kato, e fai atu ia Tavita, ia alu ae Tavita e fai se fata faitaulaga ia Ieova i le mea e soliai saito a Aruna
- 19 le sa Iepusē. Ona alu ae ai lea o Tavita e tusa ma le upu a Kato, na ia fai mai ai i le suafa o Ieova. Ua
- 20 fāliu i tua Aruna, ua na iloa le agelu; ona lalafi ai lea o ia ma ona atalii e toafa. Sa soli saito Aruna.
- 21 Ua alu atu Tavita ia Aruna. Ua vaavaai atu Aruna ua iloa Tavita, ona sau ai lea o ia ai le mea e soli ai saito, ma ua ifo toele o ia ia Tavita.
- 22 Ona fai atu lea o Tavita ia Aruna, Tuu mai ia ia te au le mea e soli ai saito, ina ia ou fai ai le fata faitaulaga ia Ieova; ia e tuu mai ia ia te au a e tavi atu i tupe la te tataua, ina
- 23 ia taofia le faamai ai le nuu. Ona tali mai ai lea o Aruna ia Tavita, Ia ave ma oe, ma ia faia e lo'u alii le tupu le mea ua ia finagalo i ai. Faauta, ou te foai ia te oe o povi e fai ma taulaga mu, ma mea e soli a'i saito e fai ma fafie, ma le saito e fai ma taulaga i mea e 'ai; ou te
- 24 foai uma atu ai. Ona fai atu lea o le tupu o Tavita ia Aruna, Aua, a ou te faatau ai lava i tupe la te tataua; auā ou te le ave au mea ia Ieova, ou te le osi taulaga mu i mea e maua
- 25 fua. Ona avatu ai lea e Tavita ia Aruna mo lea mea o sekeli auro e
- 26 ono selau ua fuatia. Ona faia lea e Tavita i lea mea o le fata faitaulaga ia Ieova, ma ia osia taulaga mu, ma taulaga faafetai, ma valaau atu ia Ieova; ona tali mai ai lea o ia ia te ia i le afi mai le lagi i luga o le fata
- 27 faitaulaga mu. Ona fetalai ane lea o Ieova i le agelu; ona ia sulu ai lea o lana pelu i lona faamoega.
- 28 Ua iloa e Tavita i lea aso ua faafofoga mai Ieova ia te ia i le mea e soli ai saito a Aruna le sa Iepusē, ona faitaulaga ai lea o ia i lea mea.
- 29 Auā o le malumalu o Ieova na faia e Mose i le vao, ma le fata faitaulaga o le taulaga mu, ua i ai i ia ona po i le mea maualuga i Kipeona.
- A ua le mafai Tavita ona alu atu i 30 ai e fesili atu i le Atua; auā ua mata'ou o ia ona o le pelu a le agelu a Ieova.
- O mea na saunia e Tavita e fai a'i le malumalu.*
- ONA fai atu ai lea o Tavita, O le 22 fale lenei o Ieova le Atua, o le fata faitaulaga foi lenei o le taulaga mu mo Isaraelu. Ua fai atu foi Tavita 2 ia faapotopotoina tagata ese ua i le nuu o Isaraelu; ma ia togia ufuga talai maa e teuteua maa ua talai e a'i ae le fale o le Atua. Ua saunia 3 foi e Tavita o uamea e tele e fai a'i fao o puipui o faitotoa, ma mea e sosoo a'i; ma 'apa memea e tele e le fuatia; ma laau o arasi e le faitaulia; auā na au mai e sa Saitonū ma tagata o Turo, o laau o arasi e tele ia Tavita. Ua fai atu 5 Tavita, O Solomona lo'u atalii o le tama ititi ma' le vaivai o ia; o le fale foi e faia mo Ieova e tele, e maualuga, e ta'ua, ma le matagofie i nuu uma; o lea ou te sauniuni ai. Ona sauniuni ai lea e Tavita o mea e tele, a o lei oti o ia.
- Ua valaau atu foi o ia ia Solomona lona atalii, ma ua fai atu ia 6 te ia e fai le fale mo Ieova le Atua o Isaraelu. Ua fai atu foi Tavita ia 7 Solomona, Lo'u atalii e, o a'u nei, sa i lo'u loto e fai se fale mo le suafa o Ieova lo'u Atua; a ua oo mai ia 8 te au le afoga a Ieova, ua faapea mai, Ua faamaligiina e oe toto e tele, ma taua e tele ua e faia; e te le faia se fale mo lo'u igoa, auā ua faamaligiina e oe toto e tele i le elelee i o'u luma. Faauta, ua fanauina le atalii mo oe, o le tagata filemu lava ia; ou te avatua ia te ia le filemu ia te i latou uma e fai o ia mo latou fili e vagavagai mai ia te ia; auā o lona igoa o Solomona, ou te avatu foi le toafilemu ma le mapusaga ia Isaraelu i lana nofoaiga. O ia na te faia le fale mo lo'u igoa; 10 e fai foi o ia mo'u atalii, e fai foi a'u mona tamā; ou te faatumauina foi le nofoāli o lona malo ia Isaraelu e faavavau. O lenei, lo'u atalii 11 e, ia ia te oe Ieova; ia manuia oe, ma ia e faia le fale o Ieova lou Atua, e tusa ma lana afoga ia te oe. Tau 12

ina ia foai ia te oe e Ieova o le potoma le mafaufau, ma ia poloai ia te oe ia Israelu, ina ia e tausi le tulafono a Ieova lou Atua. Ona manuia ai lea o oe, pe afai e te tausi e fai ai tulafono mafaamasinoga na poloai mai ai Ieova ia Mose ia Israelu; ia faamalosi, ma ia loto tele; aua le fefe, aua le mata'u. Faauta foi, ua saunia e a'u ma lo'u tiga, mo le fale o Ieova o taleni o auro e selau o afe, ma taleni o ario e afe o afe, ma 'apa memea ma uamea e le fuatia ina ua tele lava; ua ou saunia foi laau ma maa; e te faaopoopo i ai foi. O ia te oe foi tagata e toatele e faia le galuega, o e talai, o tufuga ati maa, ma tufuga, o tagata popoto uma i galuega esese uma lava. O le auro, ma le ario, ma le 'apa memea ma le uamea, e le faitaulia. Ina tulai ia, ma galue, ia ia te oe foi Ieova.

17 Ua poloai foi Tavita i alii uma o Israelu e fesoasoani ia Solomona lona atalii, *ua faapea atu*, E le o ia te outou ea o Ieova lo outou Atua, ua maua ai e outou le filemu ia te ia i itu uma? Auā ua tuuina mai e ia tagata o le nuu i lo'u lima; ma ua faatoilaloina le nuu i luma o Ieova, ma luma foi o lona nuu. O lenei, ia uai o outou loto ma o outou agaga e sailiili ia Ieova lo outou Atua; ina tulai ia, ma ia outou faia le malumalu o Ieova le Atua, e avatu i ai le atolaau o le feagaiga a Ieova, ma mea paia a le Atua, i le fale a faia i le suafa o Ieova.

Ua tofia Solomona e fai ma tupu. O le tofia o sa Levi.

23 UA toeaia lava Tavita, ma ua tuu tulu'i lona ola, ona faia lea e ia o Solomona lona atalii ma tupu o Israelu. Ua faapotopotoina e ia o alii uma o Israelu, atoa ma le au faitaulaga, ma sa Levi. Ua faitauina sa Levi, e afua mai i e ua tolu sefulu o latou tausaga, ma e ua matutua ai; o le faitau aofai o tagata, e tolu sefulu o afe ma afe e valu. Sa tofia e pule i le galuega o le fale o Ieova e lua sefulu ma le fa o afe o i latou, ma le ono o afe e fai ma faipule ma faamasino; o le fa o afe e fai ma leoleo faitotoa, ma

le fa o afe ua vivii atu ia Ieova, i laau pese na ou faia e vivii ai. Ua vaevaaina i latou e Tavita i vasega i atalii o Levi, o Keresona, o Koato, ma Merari.

O sa Keresonā; o Latana, ma Semi. O atalii o Latana; o le alii sili o Ieielu, i le ma Setama, ma Ioelu, e toatolu ia. O atalii o Semi; o Salome, ma Asielu, ma Arana, e toatolu ia. O matai sili ia o Latana. O atalii o Semi, o Iata, o Sesa, ma Iuso, ma Peria. O atalii o Semi, e toafa ia. O Iata o le alii sili ia, ma Sesa o le aupito ane i ai; a o Iuso, ma Peria ua le toatele ni a laua fanau; o le mea lea sa faitauina faatasi ai i laua ma le aiga o laua tamā.

O atalii o Koato; o Amaramo, o Isara, o Heperona, ma Usialu, e toafa ia. O atalii o Amaramo; o Arona, ma Mose; ua vavaeeseina Arona na te faapaiaina mea e sili ona paia, o ia ma ona atalii e faavavau, e faamu ai mea manogi i luma o Ieova, e auauna ia te ia, ma faamanuia atu i le nuu i lona suafa e faavavau. A o Mose le tagata o le Atua, sa ta'ua ona atalii i le itu aiga o Levi. O atalii o Mose; o Keresona, ma Eliesera. O atalii o Keresona; o Sepuelu o le sili ia. O le atalii o Eliesera; o Reapea o le sili ia. Sa leai se tasi atalii ia Eliesera; a o atalii o Reapea ua matuā toatele i latou. O atalii o Isara; o Salome, o le sili ia. O atalii o Heperona; o Ieria o le sili, o Amaria le toalua, o Iaaseelu le toatolu, ma Ikamamo le toafa. O atalii o Usialu; o Mika le sili, ma Isea le toalua.

O atalii o Merari; o Maali, ma Musi. O atalii o Maali; o Eleasaro, ma Kiso. Ua oti Eleasaro, a ua leai ni ona atalii, na o afafne; ua fai avā foi ia te i latou o atalii o Kiso, o latou lava aiga. O atalii o Musi; o Maali, ma Eteru, ma Iere-mota, e toatolu.

O atalii ia o Levi i le aiga o latou tamā, o matai sili e faatatau i le faitauina o i latou i le faitau aofai o latou igoa, e na faia le galuega e auauna ai i le fale o Ieova, e afua mai i e ua luafulu o latou tausaga

25 ma e ua matutua ai. Auā na fai atu Tavita, O Ieova le Atua o Isaraelu, ua avatua e ia le filemu i lona nuu, e mau foi i Ierusalemā e faavavau. O sa Levī foi, latou te le toe tauave le malumalu, atoa ma mea uma e fai ai ana sauniga.

27 Auā sa faitauina le fanauga a Levi e tusa ma upu mulimuli a Tavita, e afua i e ua luafulu o latou tausaga ma e ua matutua ai; auā o lo latou tofi lea e auauna i atalii o Arona i le galuega i le fale o Ieova, i lotoā, ma potu, ma le faamamaina o mea paia uma, ma le faiga o le galuega i le fale o le Atua: ma le areto e laulauina i luma, ma le falaoa lelei mo le taulaga i mea e 'ai, ma areto manifiini e le faafefeteina, ma uamea salalafa, ma mea e palua, atoa ma fua faaofuofu uma, ma fua faaloloa; e tutū foi i taeao uma e faafetai ma vivii atu ia Ieova, e faapea foi i afiafi; e osi foi taulaga mu uma ia Ieova i sapatī, ma masina faatoa vaaia, ma tausamiga, e le aunoa i luma o Ieova, e pei o le faitau, e pei ona faatonuina ia te i latou; latou te anaana foi i le tausiga o le fale fetafai o le faapopotoga, ma le tausiga o le malumalu, ma le tausiga o atalii o Arona o latou uso, i le galuega i le fale o Ieova.

O le tofia o sa Levī i vasega e luafulu ma le fa.

24 O VASEGA nei o le fanauga a Arona. O atalii o Arona; o Natapu, ma Aviu, o Eleasaro, ma Itamaro.

2 Ua oti Natapu ma Aviu, a o ola lo la tamā, e leai ni a la fanaug; ona fai ai lea o le faiva o faitaulaga e

3 Eleasaro ma Itamaro. Ua tofia e Tavita o Satoka nai le fanauga a Eleasaro, ma Aimeleka nai le fanauga a Itamaro, e tusa ma lo laua tofiga i la laua galuega. Ua sili le toatele o matai sili na maua i le fanauga a Eleasaro i le fanauga a Itamaro; o latou vasega ia. Ua toasefulu ma le toaono o matai sili o le fanauga a Eleasaro i aiga o latou tamā, a e toavalu o le fanauga

5 a Itamaro i aiga o latou tamā. Ua tofia i latou i le vili, o lea vasega ma lea vasega; auā o e na pule i le

malumalu, ma e na pule i mea a le Atua, nai le fanauga a Eleasaro ma le fanauga a Itamaro i latou. O Semaia le atalii o Natanielu o le tusiupu, o lo sa Levī, na ia tusia i latou i luma o le tupu, ma alii, ma Satoka le faitaulaga, ma Aimeleka le atalii o Aviata, ma matai sili o le au faitaulaga ma sa Levī; ua aumaia aiga o tamā o le tasi mo Eleasaro, ua aumaia foi le tasi mo Itamaro. O le vili muamua na faasaga ia Ioaripa, o lona lua ia Ietaia, o lona tolu ia Harima, o lona fa ia Seorima, o lona lima ia Malekia, o lona ono ia Meamina, o lona fitu ia Hakosa, o lona valu ia Avia, o lona iya ia Iesua, o lona sefulu ia Sekania, o lona sefulu ma le tasi ia Eliasipa, o lona sefulu ma le lua ia Iakima, o lona sefulu ma le tolu ia Hupa, o lona sefulu ma le fa ia Iesepeapo, o lona sefulu ma le lima ia Pileka, ma lona sefulu ma le ono ia Imere, o lona sefulu ma le fitu ia Hesera, o lona sefulu ma le valu ia Hafe-sesa, o lona sefulu ma le iya ia Petakia, o lona lua sefulu ia Esakielu, o lona lua sefulu ma le tasi ia Iakinu, o lona lua sefulu ma le lua ia Kamala, o lona lua sefulu ma le tolu ia Tilaia, o lona lua sefulu ma le fa ia Maasia. O latou tofiga ia i a latou galuega e o atu i le fale o Ieova, e tusa i lo latou masani mai ia Arona lo latou tamā, e pei ona poloaia o ia e Ieova le Atua o Isaraelu.

O i latou nei o e ua totoe o le fanauga a Levi; o le atalii o Amaramo, o Sepuelu; o le atalii o Sepuelu, o Ietaia. O Reapea; o atalii foi o Reapea, o le muamua o Isea. O lo sa Isarā; o Salome; o le atalii o Salome o Iata. O atalii o Heperona, o Ieria le muamua, o Amaria le toalua, o Iaaseelu le toatolu, o Ikamamo le toafa. O le atalii o Usialu, o Mika; o le atalii o Mika, o Samira. O le uso o Mika, o Isea; o le atalii o Isea, o Sakaria.

O atalii o Merari, o Maali, ma 26 Musi; o le atalii o Iaasia, o Peni. O atalii o Merari ia Iaasia, o Peni, 27 ma Soama, ma Sakuro, ma Iperi. O Maali, o lona atalii Eleasaro, ua 28 leai ni ona atalii. O Kiso; o le 29

30 atalii o Kiso, o Ieramaelu. A o atalii o Musi, o Maali, ma Eteru, ma Ieremota. O le fanauga ia a sa Levi, e tusa ma le aiga o latou
31 tamā. Ua latou faia foi le vili, pei o latou uso o le fanauga a Arona i luma o le tupu o Tavita, ma Satoka, ma Aimeleka, ma matai sili o le au faitaulaga ma sa Levi, o matai sili atoa ma o latou uso e iti.

O le tofia o le au fai pese.

25 O TAVITA ma alii o 'au ua vavaeeseina mo le galuega i atalii o Asafo, ma Hemana, ma Iutana, e perofeta i kitara, ma napeli, ma sumepalo; o le faitau foi lenei o i latou o tagata fai galuega e tusa
2 ma a latou galuega; o atalii o Asafo, o Sakuro, ma Iosefa, ma Netania, ma Asarelu, o atalii o Asafo e pule ai Asafo, o le na perofeta ane e tusa ma le poloaiga a le
3 tupu. O Iutana; o atalii o Iutana, o Ketalaia, ma Seri, ma Isaia, o Hasapea, ma Matitia, e toaono, e pule ai lo latou tamā o Iutana, o le na perofeta i kitara e faafetai ma
4 vivii atu ia Ieova. O Hemana; o atalii o Hemana, o Pukia, o Matania, o Usialu, o Sepuelu, ma Ieremota, o Hanania, o Eliata, o Kitaleti, ma Romameti-esera, o Isepekasa, o Maloti, o Otira, o
5 Maasiota; o i latou uma ia o atalii o Hemana, o le tagata vaai a le tupu i mea a le Atua, e faamaualugaina le nifo. Ua foi mai foi e le Atua ia Hemana o atalii e toasefulu ma le toafa, ma afafine e toatolu.
6 O i latou uma ia na pule ai lo latou tamā i pesega i le fale o Ieova i sumepalo, ma napeli, ma kitara, mo le galuega i le fale o le Atua, e pei o le poloaiga a le tupu ia Asafo, ma
7 Iutana, ma Hemana. O le faitau aofai o i latou, atoa ma o latou uso o e na a'oa'o'ina i pesega ia Ieova, o i latou uma e na popoto, e lua selau ma le valu o sefulu ma le toaavalu.
8 Ua latou fai ai le vili i o latou tausiga, o e iti e tusa ma e matutua,
9 o le a'oa'o'ina ma le ua a'oa'o'ina. Ua faasaga le vili muamua a Asafo ia Iosefa; o lona lua ia Ketalia, o ia, ma ona uso, ma ona atalii, e toa-
10 sefulu ma le toalua; o lona tolu ia

Sakuro, o ia, ma ona atalii, ma ona uso, e toasefulu ma le toalua; o 11 lona fa ia Iesaru, o ia, ma ona atalii, ma ona uso, e toasefulu ma le toalua; o lona lima ia Netania, o ia, 12 ma ona atalii, ma ona uso, e toasefulu ma le toalua; o lona ono ia 13 Pukia, o ia, ma ona atalii, ma ona uso, e toasefulu ma le toalua; o 14 lona fitu ia Isaraelu, o ia, ma ona atalii, ma ona uso, e toasefulu ma le toalua; o lona valu ia Isaia, o ia, 15 ma ona atalii, ma ona uso, e toasefulu ma le toalua; o lona iva ia 16 Matania, o ia, ma ona atalii, ma ona uso, e toasefulu ma le toalua; o 17 lona sefulu ia Semi, o ia, ma ona atalii, ma ona uso, e toasefulu ma le toalua; o lona sefulu ma le tasi 18 ia Asarelu, o ia, ma ona atalii, ma ona uso, e toasefulu ma le toalua; o lona sefulu ma le lua ia Hasapea, 19 o ia, ma ona atalii, ma ona uso, e toasefulu ma le toalua; o lona se- 20 fulu ma le tolu ia Sopaelu, o ia, ma ona atalii, ma ona uso, e toasefulu ma le toalua; o lona sefulu ma le 21 fa ia Matitia, o ia, ma ona atalii, ma ona uso, e toasefulu ma le toalua; o lona sefulu ma le lima ia Iere- 22 mota, o ia, ma ona atalii, ma ona uso, e toasefulu ma le toalua; o 23 lona sefulu ma le ono ia Hanania, o ia, ma ona atalii, ma ona uso, e toasefulu ma le toalua; o lona se- 24 fulu ma le fitu ia Isepekasa, o ia, ma ona atalii, ma ona uso, e toasefulu ma le toalua; o lona sefulu ma le valu ia Hanani, o ia, ma ona atalii, ma ona uso, e toasefulu ma le toalua; o lona sefulu ma le iva 26 ia Maloti, o ia, ma ona atalii, ma ona uso, e toasefulu ma le toalua; o lona lua sefulu ia Eliata, o ia, 27 ma ona atalii, ma ona uso, e toasefulu ma le toalua; o lona lua sefulu ma le tasi ia Otira, o ia, ma ona atalii, ma ona uso, e toasefulu ma le toalua; o lona lua sefulu ma le lua ia 29 Kitaleti, o ia, ma ona atalii, ma ona uso, e toasefulu ma le toalua; o 30 lona lua sefulu ma le tolu ia Maasiota, o ia, ma ona atalii, ma ona uso, e toasefulu ma le toalua; o lona lua 31 sefulu ma le fa ia Romameti-esera, o ia, ma ona atalii, ma ona uso, e toasefulu ma le toalua.

O le tofia o e leoleo faitotoa, ma e leoleo i oloa, atoa ma faipule, ma faamasino.

- 26 O VASEGA o le au leoleo faitotoa. O sa Korū, o Meselema, le atalii o Kori, mai le fanauga a
- 2 Asafo. O atalii o Meselema; o Sakaria le ulumatua, o Ietiaelu le toalua, o Sepatia le toatolu, o Iatanielu le toafa, o Elama le toalima, o Iokana le toaono, o Elioenai le
- 3 toafitu. O atalii o Opete-etoma; o Semaia o le ulumatua, o Iosapa le toalua, o Ioa le toatolu, o Sakaru
- 4 le toafa, ma Natanielu le toalima, o Amueli le toaono, o Isakara le toafitu, o Pulati le toavalu; auā sa
- 5 faamanuia o ia e le Atua. Ua fanaua foi atalii o lona atalii o Semaia, o e na pule i le aiga o lo latou tamā;
- 6 auā o toa malolosi i latou. O atalii o Semaia; o Oteni, ma Refaelu, ma Opetā, o Elesapata, o ona uso o tagata malolosi, o Eliu, ma Semakia.
- 7 O i latou uma ia mai le fanau a Opete-etoma; o i latou, ma o latou atalii, ma o latou uso, o tagata malolosi mo le galuega, e toaono sefulu
- 8 ma le toalua o sa Opete-etomā. Ua ia Meselema foi o atalii ma uso, o tagata malolosi e toasefulu ma le
- 9 toavalu. O Hosa foi o lo sa Merari na i ai atalii; o Semeri o le sili, a e le o le ulumatua ia, a ua tofia e lona
- 10 tamā ia sili o ia. O Hilikia le toalua, o Tepelia le toatolu, o Sakaria le toafa; o atalii uma ma uso o
- 11 Hosa e toasefulu ma le toatolu. Ua ia te i latou vasega o le au leoleo faitotoa, ua i alii sili, o tausiga pei o
- 12 latou uso, e anauna i le fale o leova. Ua latou fai ai le vili, o e iti a tusa
- 13 ma e matutua, i aiga o latou tamā, mo lea faitotoa ma lea faitotoa. O
- 14 le vili mo le itu i sasae ua faasaga lea ia Selemia. Ua latou fai foi le vili mo Sakaria lona atalii, o le faipule poto ia; ua faasaga lona tofi i
- 15 le itu i matu. Ua ia Opete-etoma le itu i toga, ma ona atalii i le fale e tuu ai mea. Ua ia Supima ma
- 16 Hosa le itu i sisifo, ma le faitotoa o Saleketa, i le ala tele e alu ae, o le leoleoga e feagai ma le leoleoga.
- 17 Ua toaono o sa Levi i le itu i sasae, e toafa i lea aso ma lea aso i le itu i

matu, e toafa i lea aso ma lea aso i le itu i toga; ma taitoalua i le fale e faaputu ai mea. O i Parevara i sisifo, 18 e toafa i le ala tele, e toalua i Parapara. O vasega ia o le au leoleo faitotoa ua i le fanauga a sa Korū, ma le fanauga a Merari.

O sa Levi; o Akia ua leoleo i oloa 20 o le fale o le Atua, ma oloa ua faasaina. O atalii o Latana, o atalii o le sa Keresonā o Latana, o matai sili, o Latana foi o lo sa Keresonā, o Ikieli. O atalii o Ikieli; o Setama 22 ma lona uso o loelu e leoleo i oloa o le fale o leova. O sa Amaramō, ma sa Isarā, ma sa Heperonā, ma sa Usialū; o Sepuelu foi o le atalii o 24 Keresona, le atalii ia o Mose, o le alii sili ia e leoleo i oloa. O ona uso foi o le fanau a Eliesera; o Reapea lona atalii, ma Isaia lona atalii, ma Iorama lona atalii, ma Sekari lona atalii, ma Salome lona atalii. O 26 Salome lenei ma ona uso na leoleo i oloa uma na faasaina, na faasaina e le tupu o Tavita, ma matai sili, o alii o taitoaafe, ma taitoaselau, ma e avea 'au. Na faasaina e i latou o 27 mea mai taua ma vete e fai ai le fale o leova. O mea uma na faasaina 28 e Samuelu le tagata vaai, ma Saulo le atalii o Kiso, ma Apineru le atalii o Neru, ma Ioapo le tama a Seruia; o mea uma na faasaina ua leoleo ai Salome ma ona uso.

O sa Isarā; o Kinania ma ona 29 atalii sa tofia i sauniga faalenuu ia Isaraelu e fai ma faipule ma faamasino. O sa Heperonā; o Hasapea 30 ma ona uso, o tagata malolosi, e toaafē ma le toafitu selau na pule i sauniga ia Isaraelu i le itu mai o Ioritana i sisifo i sauniga uma a leova, ma galuega foi a le tupu. O 31 sa Heperonā; o Ieria o le alii sili i sa Heperonā i aiga o ona tamā. O le tausaga e fa sefulu o le nofoaiga a Tavita na suesueina ai i latou, na maua foi ia te i latou o toa malolosi i Iasaru i Kiliata. O ona uso foi, o 32 tagata malolosi, e lua afe ma le fitu selau, o matai sili, na tofia i latou e le tupu o Tavita e pule i sa Reupenā, ma sa Katō, ma le tasi vaega o le itu aiga o Manase, i mea uma a le Atua ma mea a le tupu.

O e na avea 'au a Tavita, ma ana fai pule, ma auaua.

27 O LE fanauga a Isaraelu e tusa ma lo latou faitauina, o matai sili, ma alii o taitoaafe ma taitoaselau, ma o latou faipule e na auaua i le tupu i mea uma a vasega, na auaua i le lua masina ma lea masina i masina uma o le tausaga, o vasega taitasi e
2 lua sefulu o afe ma afe e fa. Sa pule Iasapama le atalii o Sapetielu i le vasega muamua i le masina muamua. Sa i lona vasega e toaluafulu o afe ma afe e fa. O so le fanauga a Faresa, o le alii sili ia ia i latou uma o e ave 'au i le masina
4 muamua. Na pule foi Toto o lo sa Aoki i le vasega o le masina e lua; sa i lona vasega o Mekelota o le alii. Sa i lona vasega e toaluafulu o afe ma afe e fa. O Penaia le atalii o Ioiata, o le faipule sili, o le toatolu ia, o le pule i 'au i le tolu o masina. Sa i ai foi i lona vasega e toaluafulu o afe ma afe e fa. O Penaia lenei, o le toa ia i le toatolu sefulu, na pule foi ia i le toatolugafulu. Sa i lona vasega foi o Amesapata lona
7 atalii. O le toafa o alii, o Asaelu le uso o Ioapo i le fa o masina, a o Sepetia lona atalii na soloai ane i ai. Sa i ai foi i lona vasega e toaluafulu o afe ma afe e fa. O lona toa lima o alii i le masina e lima, o Sama o lo sa Esera. Sa i ai foi i lona vasega e toaluafulu o afe ma afe e fa. O lona toa ono i le masina e ono, o Ira le atalii o Ikasa le Tikoa. Sa i ai foi i lona vasega e toaluafulu o afe ma afe e fa. O lona toafitu i le masina e fitu, o Helesa le Pelone o lo le fanauga a Efaraima. Sa i ai foi i lona vasega e toaluafulu o afe ma afe e fa. O lona toavalu i le masina e valu, o Sepekai o lo sa Usa, o lo sa Sera. Sa i ai foi i lona vasega e toaluafulu o afe ma afe e fa. O lona toasefulu i le masina e sefulu, o Maara o lo sa Netopa, o lo sa Sera. Sa i ai foi i lona vasega e toaluafulu o afe ma afe e fa. O lona toasefulu ma le

toatasi i le masina e sefulu ma le tasi, o Penaia le Piratonu, o lo le fanauga a Efaraima. Sa i ai foi i lona vasega e toaluafulu o afe ma afe e fa. O lona toasefulu ma le toaluafulu i le masina e sefulu ma le lua, o Heletai o lo sa Netopa, o lo sa Otinielu. Sa i ai foi i lona vasega e toaluafulu o afe ma afe e fa.
O e na pule foi i itu aiga o Isaraelu; o le alii o sa Reupena, o Elisara le atalii o Sekari; o lo sa Simeona, o Sefatiao le atalii o Maaka; o lo sa Levi, o Hasapea le atalii o Kimueli; o lo sa Arona, o Satoka; o lo sa Iuta, o Eliu, o le tasi lea uso o Tavita; o lo sa Isakarā, o Omeri o le atalii o Mekaeli; o lo sa Sepulonā, o Iesemaia o le atalii o Opetai; o lo sa Nafatali, o Ieremota le atalii o Asareelu; o lo le fanauga a Efaraima, o Hosea le atalii o Asesan; o lo le vaega o le itu aiga o Manase, o Ioelu le atalii o Petaia; o lo le vaega o Manase i Kiliata, o Ito le atalii o Sakaria o lo sa Peniamina, o Iasielu le atalii o Apineru; o lo sa Tanu, o Asareelu le atalii o Ieroama. O alii ia i itu aiga o Isaraelu.
Ua le faitauina e Tavita o i latou e lua sefulu o latou tausaga ma e ua le oo i ai; auā na fetalai mai Ieova na te faatoateleina Isaraelu e pei o fetu o le lagi. Na amata le faitau e Ioapo le tama a Seruia, a e lei faaiaina; auā ona o lona mea na oo mai ai le toasa ia Isaraelu, ua le tusia foi le faitau aofai i le tasi o tala i le nofoaiga a le tupu o Tavita.
Na leoleo oloa o le tupu e Aseman le atalii o Atielu; na leoleo foi faupuega mea e ai o i le fanua, ma aai, ma faoa aai, ma 'olo, e Ionatana le atalii o Usia; na pule Eseri le atalii o Kelupo i e na fai galuega i le fanua e galulue i le lauelele; na leoleo Semi o le Rama i toviue; o Sapata o le Sefama na leoleo i fua o vine e tuu ai i mea e teu ai uaina; o Paalanana le Keteri na leoleo i laau o olive, ma laau o sukamoru i mea maulalo; na leoleo foi Ioasa i mea e teu ai suauu; na leoleo Setari le Saronā i povi na tataa i Saronā; o Safata foi le atalii o Atalai na leoleo i povi i vanu; na leoleo Opili o

le sa Isamaeli i kamela; o Ietaia
 31 o le Marono na leoleo i asini; na
 leoleo Iasesa o le sa Akarā i ma-
 moe. O alii uma ia na tausi le
 32 oloa o le tupu o Tavita. O Iona-
 tana o le uso o le tamā o Tavita, o
 le faipule, o le tagata faautauta ma
 le tusiupu; o Ikielu le atalii o Ha-
 33 kemoni na i ai i atalii o le tupu; o
 Aitofele foi o le tulafale a le tupu;
 o Usai le Araki o le uo ia a le tupu.
 34 E aupito ane ia Aitofele o Ioiata le
 atalii o Penaia, ma Aviata; o Ioapo
 foi o le pule i 'au a le tupu.

*O poloaiga a Tavita ia Solomona ma
 le nui i le faiga o le malumalu.*

28 UA faapotopotoina e Tavita o
 alii uma o Isaraelu i Ierusalemā; o
 11 alii o itu aiga, ma alii o vasega na
 auaina i le tupu, ma alii o taitoa-
 afe, ma alii o taitoaselau, ma alii e
 leoleo i oloa uma ma lafu o le tupu,
 ma ona atalii, ma auaina sili, ma
 tagata malolosi, atoa ma toa malo-
 12 losi uma. Ona tulai atu ai lea o le
 tupu o Tavita, ma ua faapea atu, O
 o'u uso e, ma lo'u nuu, faalogologo
 mai ia ia te au; sa i lo'u loto e faia
 se fale e tumau ai le atolaau o le
 13 feagaiga a Ieova, o le mea e tu ai
 aao o le tatou Atua, na uma foi ona
 ou sauni e fai ai; a ua fetalai mai
 le Atua ia te au, E te le faia se fale
 mo lo'u igoa, auā o oe o le tagata
 fai taua, ma ua e faamalagiina toto.
 4 Na filifilia a'u e Ieova le Atua o
 Isaraelu ai le aiga uma o lo'u tamā
 e fai ma tupu o Isaraelu e faava-
 14 vau; auā ua filifilia Iuta e fai ma alii;
 ua filifilia le aiga o lo'u tamā i le
 aiga o Iuta; ma ua finagalo mai ia
 te au i atalii o lo'u tamā e fai ma
 5 tupu o Isaraelu uma. Ua filifilia
 foi Solomona lo'u atalii ai o'u atalii
 uma, (auā ua foaiina mai ia te au e
 15 Ieova o atalii e toatele,) e nofo ai i
 le nofoālii o le malo o Ieova e pule
 6 ia Isaraelu. Ua fetalai mai foi o ia
 ia te au, O Solomona lou atalii, e
 faia e ia lo'u fale ma o'u lotoā; auā
 ua filifilia o ia e a'u e fai mo'u atalii,
 7 o a'u foi e fai mona tamā. Ou te
 faatumaaina foi lona malo e faava-
 16 vau, pe afai na te faamalosi e fai
 a'u poloaiga ma a'u faamasinoga, e
 8 pēi ona fai i le aso nei. O lenei, ou

te fai atu ia te outou i luma o Isara-
 elu uma, o le faapotopotoga a Ieova,
 o faafofoga mai foi lo tatou Atua,
 ia outou tausi ma sailiili i poloaiga
 uma a Ieova lo outou Atua; ina ia
 fai pea mo outou lenei nuu lelei, ma
 tuu atu ma tofi o a outou fanau e
 faavavau pe a mavae atu outou. O 9
 oe foi Solomona e, lo'u atalii, ia iloa
 e oe le Atua o lou tamā, ma auaina
 ia te ia ma le loto atoa, ma le loto
 fiafia; auā e suesue e Ieova o loto
 uma, ma ua silafia o mafaufau uma
 o manafu; afai e te saili atu ia te
 ia, ona e maua ai lea o ia; a e afai
 e te tuua o ia, ona tuulafoaina lea
 o oe e ia e faavavau. O lenei, ia oe, 10
 auā ua filifilia oe e Ieova e te faia
 le fale e fai ma malumalu; ia faa-
 malosi, ma ia e faia.

Ona avatu ai lea e Tavita ia Solo- 11
 mona lona atalii o le faatusa o le
 faapaologa, ma ona fale, ma ana
 mea e tuu ai oa, ma ona potu i luga,
 ma ona potu i totonu, ma le fale o
 12 le nofoa o le alofa; o le faatusa foi
 o mea uma na maua e ia i le Agaga,
 o lotoā o le fale o Ieova, ma potu
 uma e faataaliolio ai e tuu ai oloa o
 le fale o le Atua, ma oloa ua faa-
 13 saina; atoa foi ma vasega o le au
 faitaulaga ma sa Levi, ma le faiga
 o le galuega uma i le fale o Ieova,
 ma ipu uma e auaina a'i i le fale o
 Ieova; na avatua e ia o auro ua 14
 fuatia, o auro e fai a'i mea uma i
 galuega eseese; ma mea ario uma
 ua fuatia, e fai a'i mea uma i galuega
 eseese. Ua fuatia foi le auro mo 15
 tuugālamepa, ma o latou lamepa
 auro, ua fuatia tuugālamepa taitasi
 atoa ma ona lamepa; o tuugāla-
 mepa ario ua fuatia mo le tuugāla-
 mepa ma ona lamepa, e pēi o mea
 e faia i tuugālamepa taitasi. Ua 16
 fuatia le auro o laulau o le areto e
 laulauina i luma e fai a'i laulau tai-
 tasi; o ario e fai a'i laulau ario; o 17
 auro lelei e fai a'i tui, ma tanoa, ma
 ipu e asu a'i; o ipu auro foi ua fua-
 tia e fai a'i ipu taitasi; o ario foi
 ua fuatia e fai a'i ipu taitasi. O 18
 auro ua faamamāina ua fuatia e
 fai a'i le fata e mu ai mea manogi;
 o le faatusa foi o le nofoa faataa-
 valevale o kerupi auro, e fālō o la
 19 a'au, ma faamalumalu a'i le ato-

- 19 laau o le feagaiga a Ieova. *Ua faapea atu Tavita, O mea uma ia na faaalua mai i le tusi mai le aao o Ieova na ia te au, o galuega uma*
- 20 o i lenei faatusa. *Ua fai atu foi Tavita ia Solomona lona atalii, Ia faamalosi ma loto tele, ma ia faia lenei mea; aua le fefe, aua le mata'u; auā o Ieova le Atua, o lo'u Atua e ia te oe o ia, na te le tuua oe, na te le lafoai foi ia te oe, seia faaiiua le faiga o le galuega uma o le fale*
- 21 o Ieova. *Faauta foi, o vasega o le au faitaulaga ma sa Levi, latou te faia galuega uma i le fale o le Atua; e ia te oe foi mo galuega uma lava o tagata uma e loto i ai, ma ua popoto e fai le galuega uma; o alii foi ma le nuu uma e usiuitai i au upu uma.*
- O taulaga a Tavita ma alii i le malumalu. O lana tatalo; ma lona oti.*
- 29 UA fai atu foi le tupu o Tavita i le faapotopotoga uma, o Solomona lo'u atalii, o ia lava ua filifilia e le Atua, o le tama itiiti ia ma le vai-vai, ua tele foi le galuega; auā e le se maota mo tagata, a o Ieova le
- 2 Atua. *Ua saunia e a'u ma lo'u malosi atoa mo le fale o lo'u Atua, o le auro e fai a'i mea auro, ma le ario e fai a'i mea ario, ma 'apa memea e fai a'i mea 'apa memea, ma uamea e fai a'i mea uamea, ma laau e fai a'i mea laau, ma maa soama, ma maa e faavaa ai, o maa fepulafi ma lanu eseese, ma maa tūua uma, atoa ma maa sesa e tele*
- 3 lava. *O lea foi, ua ou fiasia i le fale o lo'u Atua, o le mea lea ua ou avatu ai mo le fale o lo'u Atua o la'u lava oloa, o auro ma ario, e faaopoopo i mea uma na saunia e a'u*
- 4 mo le fale paia, e tolu afe o taleni o auro, o le auro o Ofeira, ma afe e fitu o taleni o ario ua faamamāina,
- 5 e ufi ai pa o fale. *O auro e fai a'i mea o auro, ma ario e fai a'i mea o ario, mo galuega uma foi e faia e lima o tufuga. O ai foi sē loto e foai ana mea ia Ieova i le aso nei?*
- 6 *Ona foai lea ma le loto o matai sili, ma alii o itu aiga o Isaraelu, ma alii o taitoafe ma taitoaselau, ma*
- 7 e pule i le galuega a le tupu. *Ua*
- avatua foi mo le galuega o le fale o le Atua, o auro e lima gaafe o taleni ma le sefulu o afe o tareki, ma ario e sefulu afe o taleni, ma 'apa memea e sefulu ma le valu o afe o taleni, ma uamea e selau afe o taleni. O i latou na i ai maa tūua ua tuuina atu i le oloa o le fale o Ieova, i le lima o Ikieli le sa Keresonā. Ona fiasia lava lea o le nuu, auā na foai ma le loto, auā na latou foai ma le fiasia ma le loto atoatoa ia Ieova. Ua fiasia foi Tavita le tupu ma le fiasia tele lava.*
- Ona faamanu atu ai lea o Tavita ia Ieova i luma o le faapotopotoga uma, ma ua faapea atu Tavita, Ia faamanuina oe, Ieova e, le Atua o Isaraelu, lo matou tamā, mai le vavau e oo i le faavavau. Ieova e, e ou le silisili ese, ma le malosi, ma le matagofe, ma le mamalu, ma le malualii; auā o ia te oe mea uma o i le lagi ma le lalolagi; Ieova e, e ou le malo, o faasilisili oe e silisili i mea uma lava. Mai ia te oe le oloa ma le mamalu, o oe e te pule i mea uma lava; o i ai foi i lou aao le mamana ma le malosi, o ia te oe foi e faateleina ma faamalosi tagata uma lava. O lenei, lo matou Atua e, ua matou faafetai atu ia te oe, ma vivii atu i lou suafa mamalu. A o ai ea a'u nei? O ai ea foi lo'u nuu, ina ua matou mafaia ona fai taulaga ma le loto faapenei? Auā mai ia te oe mea uma lava; o au mea foi ua matou foaiina atu ai ia te oe. Auā o tagata ese i matou i ou luma, ma ē āumau e pei o matou tamā uma lava. O matou nei aso i le lalolagi e pei o se ata, e leai foi se faatuatuaga. Ieova e, lo matou Atua, o le oloa uma nei ua saunia e i matou e fai a'i se fale mo oe, mo lou suafa paia, e mai ia te oe ia, o au mea uma foi ia. Lo'u Atua e, ua ou iloa o oe e te suesue i le loto, ma ua e fiasia i le amiotonu. O a'u nei, o le faamaoni o lo'u loto ua ou foaiina atu ai ma le fiasia o nei mea uma lava; o lenei, ua ou vaai atu ma le fiasia i lo'u nuu, o nonofo mai iinei e fai taulaga ia te oe ma le loto. Ieova e, le Atua o Aperamo, o Isaako, ma Isaraelu, o matou tamā, ia e tausi e faavavau lenei mea i le*

II. NOFOAIGA A TUPU, 1.

- manatu ma mafaufau o loto o lou nau, ma ia e faatumauiua o latou
 19 loto ia te oe; ma ia e avatua ia Solomona lo'u atalii o le loto atoa e
 fausi ai au poloaiga, ma au tulafono, ma au sauniga, ma ia faia *nei mea*
 uma, ma ia faia le malumalu ua ou sauni i ai.
- 2) Ua fai atu Tavita i le faapotopotoga uma, ia outou faamanu atu ia
 Ieova lo outou Atua. Ona faamanu atu ai lea o le faapotopotoga uma ia
 Ieova le Atua o latou tamā, ua latou punonou foi, ma ifo atu ia Ieova ma
 21 le tupu. O le taeao, ina ua mavae lea aso, ua latou osi ai taulaga ia
 Ieova, ma ua fai ai taulaga mu ia Ieova, o povi poa e tasi le afe, o
 mamoe poa e tasi le afe, o tamai mamoe e tasi le afe, atoa ma o
 latou taulaga i mea e inu, ma taulaga e tele mo Isaraelu uma. Ua
 22 latou aai ma inu i luma o Ieova i lea aso ma le fiafia tele. Ua latou tofia
 Solomona le atalii o Tavita e fai mo latou tupu, o le atu lua lea, ma ua
 faauuina o ia mo Ieova e fai ma alii sili; o Satoka foi ua fai ma fai-
 23 taulaga. Ona tietie ai lea o Solomona i le nofoālii o Ieova e fai ma
 tupu e sui a'i lona tamā o Tavita;
- ua manuia foi o ia, ma ua faalogo ia te ia o Isaraelu uma. O alii sili uma 24
 foi, ma toa, atoa foi ma atalii uma o Tavita le tupu, Ua usiusitai ia Solo-
 mona le tupu. Ua faatuputeleina 25
 le mamalu o Solomona e Ieova i luma o Isaraelu uma, ma ua foai atu
 ia te ia le malualii e lei faapena se tasi tupu i Isaraelu na muamua ia
 te ia.
- Na fai Tavita le atalii o Iese ma 26
 tupu ia Isaraelu uma. O ona tau- 27
 saga na fai ai o ia ma tupu o Isaraelu e fagafulu ia; o tausaga e fitu na
 fai ai o ia ma tupu i Heperona, ma tausaga e tolugafulu ma le tolu na
 fai ai o ia ma tupu i Ierusalema. Ua oti o ia, ua matuā toeaina, ua 28
 tele ona tausaga, ma ana oloa, ma lona mamalu; ua soloai ane foi
 Solomona lona atalii e fai ma tupu. O mea na faia e le tupu o Tavita, o 29
 mea na muamua, ma mea na muli- muli, faauta, ua tusia i le tala a
 Samuel le tagata vaai, ma le tala a Natano le perofeta, ma le tala a
 Kato le tagata vaai, atoa ma *le tala* 30
 i lana nofoaiga uma, ma lona malosi, ma mea na oo ia te ia, ma Isaraelu, atoa ma malo uma o nuu.

O LE TUSI

E LUA O TALA

I NOFOAIGA A TUPU.

O taulaga a Solomona i Kipeona ma le aso mai o le Atua ia te ia.

- 1 SA faatumauiua Solomona le atalii o Tavita i lona malo, sa ia te ia lona Atua o Ieova, ua na matuā
 2 faateleina foi lona mamalu. Ona fai atu ai lea o Solomona ia Isaraelu uma, o alii o taitoaafe ma taitoase-
 lau, ma faamasino, ma alii sili uma
 3 o Isaraelu uma, o matai sili. Ona o atu ai lea o Solomona ma le faapoto-
 potoga uma faatasi ma ia i le mea maua-luga sa i Kipeona; auā sa i ai i lea mea o le fale fetafai o le faapotopotoga o le Atua na faia e Mose le au-auna a Ieova i le vao. A o le atolaau a le Atua na aveina ae e Tavita mai Kiriata-iarima i le mea na saunia e Tavita mo le atolaau; auā na ia fai ai le fale ie i Ierusalema. A o le fata faitaulaga 'apa 4
 5 memea na faia e Pesaleli le atalii o Auri, o le atalii *lea* o Huro, na i ai

II. NOFOAIGA A TUPU, 2.

- lea i luma o le malumalu o Ieova; ua sailiili i ai Solomona ma le faa-
 6 potopotoga. Ona alu ae lea o Solomona i lea mea i le fata faitaulaga 'apa memea i luma o Ieova, sa i le fale fetafai o le faapotopotoga, ma na fai i ona luga o taulaga mu e afe.
 7 Ua faaali mai le Atua i lea lava po ia Solomona, ma faapea mai ia te ia, Ia e fai mai se mea ou te avatu ai ia te oe. Ona faapea atu ai lea o Solomona i le Atua, Na e alofa tele i lo'u tamā o Tavita, ma ua e faasoloai ane o a'u e fai ma tupu. O lenei, Ieova e, le Atua, ia faamaonia lau afiga ia Tavita lo'u tamā; auā ua e tofia a'u e fai ma tupu o le nuu e toatele e pei o le efuefu o le laueleele. O lenei, ia e foi mai ia te au le poto ma le atamai, ina ia ou fealuai i luma o le nuu nei; auā o ai ea se na te mafaia ona faamasinoina lou nuu nei ua tele? Ona faapea mai ai lea o le Atua ia Solomona, Ua i ai i lou loto lenei mea, ua e le ole mai i oloa, po o le tamaoaiga, po o le mamalu, pe ia oti e ua ita mai ia te oe, ua e le ole mai foi i le ola tulu'i; a ua e ole mai i le poto ma le atamai mo oe, ina ia e mafai ona faamasinoina lo'u nuu, ua ou tofia ai oe ma tupu;
 12 o le mea lea ua foaiina atu ai ia te oe le poto ma le atamai; ou te foaiina atu foi ia te oe le oloa, ma le tamaoaiga, ma le mamalu, e lei faapea ona i ai i tupu na muamua ia te oe, e le faapea foi i ni e mulimeli ia te oe.
 13 Ona toe foi mai ai lea o Solomona i Ieruselema nai le mea maualuga sa i Kipeona, ai luma o le fale fetafai o le faapotopotoga; ua fai o ia ma tupu ia Israelu. Ua faapotopotoina e Solomona o kariota ma 'au e tietie i solofanua; sa ia te ia o kariota e tasi le afe ma le fa o selau, ma 'au e tietie i solofanua e sefulu o afe ma afe e lua, na ia tuuina i latou i aai o kariota, ma ia faatasi ma le tupu i Ieruselema.
 15 Ua faateleina e le tupu o ario ma auro i Ieruselema e pei o maa; ua ia faateleina foi o arasi e pei o sukamoru ua i le fanua maualalo. Na aumaia solofanua mā Solomona mai Aikupito; na talia foi e le vao tagata

faatau o le tupu o le vao solofanua 17
 i le tau. Na latou avae ma aumaia foi mai Aikupito se kariota i tupe e ono selau, ma se solofanua i le selau ma le limagafulu o tupe; sa faapea foi ona aumaia e i latou o solofanua mā tupu uma o sa Heti, ma tupu o Suria.

O le tusi a Solomona ia Hiram o laau e fai ai le malumalu.

UA manatu Solomona e fai se fale 2
 mo le suafa o Ieova, ma se fale mo lona malō. Ona faitauina lea e Solomona o tagata e fitu sefulu o afe e ave avega, ma tagata e valu sefulu o afe e talai maa i le mauga, ma ē pule ia te i latou e tolu o afe ma le ono o selau. Ua ave foi le feau a 3
 Solomona ia Hiram le tupu o Turo, ua faapea atu, E pei ona e faia ia Tavita lo'u tamā, na e au mai ia te ia o arasi e fai ai lona fale e nofo ai, ia e faapea ona fai ia te au. Faauta, 4
 ou te faia se fale mo le suafa o Ieova lo'u Atua, e faapaiaina mo ia, e faamu ai i ona luma o mea manogi lelei, ma le areto foi e laulauna i luma e le aunoa, ma taulaga mu i le taeao ma le afiafi, ma sapatu, ma masina faatoka vaia, ma tausamiga ia Ieova lo matou Atua. O le tulafofo lenei ia Israelu e faavava'u. O 5
 le fale ou te faia e tele lava; auā e sili lo matou Atua i atua uma. A 6
 o ai ea se na te mafaia ona fai o se fale mo ia, auā o le lagi, ma le lagi o lagi e le ofi ai o ia? O ai foi a'u nei ou te faia se fale mo ia, tau lava o se fale e mu ai mea manogi i ona luma? O lenei, ia e auina mai ia te 7
 au se tagata poto e galue i auro, ma ario, ma 'apa memea, ma uamea, ma ie pāuli, ma le mūmū, ma le uli, ma ua iloa togitogi mea, ia faatasi ma e ua popoto ua ia te au i Iuta ma Ieruselema, o e na filifilia e 8
 Tavita lo'u tamā. Ia e au mai foi ia te au, mai Lepanona, o laau o arasi, ma perōsi, ma alemuka; auā ua ou iloa o au auauna e popoto e ta laau i Lepanona; faauta foi, o a'u auauna latou te faatasi ma au auauna, Ia sauniuni foi ma a'u laau ia tele; auā o le fale ou te faia e matuā tele lava. Faauta foi, ou te avatu i au auauna, 10
 o tufuga ta laau, e lua sefulu o afe

o kori o saito ua solia, ma le lua sefulu o afe o kori o karite, ma le lua sefulu o afe o paita o uaina, ma le lua sefulu o afe o paita o suāuu.

- 11 Ona fai mai lea o Hiramo le tupu o Turo i le tusi na ia avatua ia Solomona, Ua alofa mai Ieova i lona nuu, o le mea lea ua ia fai ai oe ma
- 12 tupu ia te i latou. Ua faapea mai foi o Hiramo; Ia faamanu ia Ieova le Atua o Isaraelu, o le na faia le lagi ma le lalolagi, o le ua foai mai ia Tavita le tupu le atalii poto, o lē iloa mafaufau ma le faautauta, e fai ai se fale mo Ieova, ma se fale mo
- 13 lona malo. O lenei, ua ou auna atu le tagata poto, ua iloa faautauta, sa
- 14 ia Hiramo lo'u tamā. O le tama a le fafine o le fanauga a Tanu, a o lona tamā o le tagata o Turo, e poto i galuega i auro, ma ario, ma 'āpa memea, ma uamea, ma maa, ma laau, ma ie pāuli, ma le uliuli, ma le ie vavae, ma le ie mūmū; e togitogi foi mea uma e togitogi, ma le mafaufau i galuega faigata uma e tuuina atu ia ie ia, e faatasi ma ou tagata popoto, ma tagata popoto o
- 15 lo'u alii o Tavita lou tamā. O lenei foi, o le saito, ma le karite, ma le suāuu ma le uaina, na fetalai mai ai lo'u alii, ia aumaia i ana auaua.
- 16 Matou te ta laau mai Lepanona e faatatau i mea uma ua e le maua; matou te momoli atu ia te oe faavaālaau i le sami i Iopa; ona e avae ai lea i Ierusalema.
- 17 Ua faitauina e Solomona o tagata ese uma sa i ai i le nuu o Isaraelu, e mulumuli i le faitau na faitauina ai i latou e Tavita lona tamā; ua iloa ai e selau afe ma afe e lima sefulu ma le tolu o afe ma le ono o selau i
- 18 latou. Ua tofia e ia le fitu sefulu o afe e ave avega, ma le valu sefulu o afe e talai maa i le māuga, ma le tolu o afe ma le ono o selau o e pule i le nuu ina ia latou faia le galuega.

O le faiga o le malumalu; o kerupina i ai, ma le ie puipui, ma pou e lua.

- 3 UA amata Solomona ona fai o le fale o Ieova i Ierusalema i le māuga o Moria, i le mea na faaalua mai ia Tavita lona tamā, o le mea na saunia

e Tavita, o le mea na sasa ai saito a Aruna le sa Iepusē. Ua amata e ia ona fai o le fale i le lua o aso o le lua o masina, i le fa o tausaga o lana nofoaiga. O faavae lava ia na fai ai e Solomona le fale o le Atua. O le umi i kupita e faatatau i le luai lua e ono sefulu ona kupita, ma le luafulu o kupita o lona lautele. O le umi o le faapaologa i luma e tusa ma le lautele o le fale, e luafulu ona kupita, ma lona maua luga e selau ma le luafulu ona kupita; ua ufi ai e ia i totonu i auro lelei. A o le fale tele na ia tapapa i le laau o le perosi, na ia ufi ai foi i auro lelei, ma ua avane i ai o pama, ma mea faafilifili. Ua ufi e ia le fale i maa tāua ia matagofie; o le auro foi o le auro o Parovaima. Ua ufi e ia le fale, o utupoto, ma faitotoa, ma ona pa, ma ona puipui, i auro; na togitogi foi o kerupi i pa. Ua ia faia foi le fale e sili ona paia, o lona umi e tusa ma le lautele o le fale, e luafulu o kupita, ma lona lautele e luafulu o kupita; ua ia ufi ai foi i auro lelei, ua ono selau o taleni. O le mamafa o fao e lima sefulu o sekeli auro ia. Ua ufi foi e ia o afeafe aupitoaluga i auro.

Ua ia faia foi i le fale e sili ona paia o kerupi e lua, i le galuega o e togitogi mea, ma na ufi i laua i auro. O le umi o apaau o kerupi e luafulu ona kupita; o le tasi apaau e lima ona kupita; ua oo i le pa o le fale; ma le tasi apaau e lima ona kupita ua pai atu i le apaau o le tasi kerupi. O le apaau o le tasi kerupi e lima ona kupita, ua oo i le pa o le fale; ma le tasi apaau e lima ona kupita, ua soo ane ma le apaau o le tasi kerupi. Ua faaloaloa atu apaau o ia kerupi, e luafulu o kupita. Ua la tutū i o la vae, ua faasaga foi o la mata i totonu.

Ua ia faia le ie puipui i le ie uli, ma le pāuli, ma le mūmū, ma le ie vavae, ma na fai i ai o kerupi. Ua ia faia foi i luma fale o pou e lua, e tolugafulu ma le lima o kupita le maua luga, ma le kapetala i luga o pou taitasi e lima kupita. Ua ia faia o mea faafilifili, e pei ona faia i le mea e fetalai mai ai, ma ua tun ai i luga o pou; ua ia faia foi o rimoni

e selau, ma ua tuu ai i mea faafilifili.
17 Ua faatuina e ia o pou i luma o le malumalu, o le tasi i le itu taumatau, ma le tasi i le itu tauagavale; ua ia faaigoa le igoa o le na i le itu taumatau o Iakina, ma le igoa o le na i le itu tauagavale o Poasa.

O le fata faitaulaga, ma le vai 'apa memea, ma taelega.

- 4 UA ia faia foi le fata faitaulaga 'apa memea, e luafulu kupita lona umi, e lua fulu kupita lona lautele, e sefulu foi kupita lona mauulaga.
2 Ua ia faia foi le vai 'apa memea e sefulu kupita lona fua, e afua mai i le tasi itu lau e oo i le isi itu lau; o le mea faataaliolio lava; e lima kupita lona mauulaga; o le fua e tolu sefulu ona kupita na faataaliolioina ai. Sa i ona lalo o faatusa o povi, e faataaliolioina e soo ai; e sefulu i le kupita e tasi, e faataaliolioina e soo ai le vai. O atu povi e lua sa gaosia ina o gaosia le vai.
4 Ua faaee ai i luga o povi e sefulu ma le lua, ua faasaga le tolu i le itu i matu, a e faasaga le tolu i sisifo, a e faasaga le tolu i sasae; ua i ai foi le vai i o latou luga, ua u i totonu o latou tua uma. O lona mafafia foi o le alofilima lea ua faia foi o lona lau e pei o le lau o se ipu, ua fai ai fuga o le susana; o lona tumu e tolu afe o paia lea.
6 UA ia faia foi o tanoa e mulumulu ai e sefulu, o le lima ua ia tuu i le itu taumatau, ma le lima i le itu tauagavale, e mulumulu ai; nalatou mulumulu i ai mea e fai a'i taulaga mu; a o le vai mo le au faitaulaga
7 lea e mulumulu ai. Ua ia faia foi o tuugālampepa auro e sefulu, e tusa ma o latou tu, ma ua tuu ai i le malumalu, e lima i le itu taumatau
8 ma le lima i le itu tauagavale. Ua ia faia laulau e sefulu, ma ua tuu ai i le malumalu, o le lima i le itu taumatau, ma le lima i le itu tauagavale.
9 Ua ia faia foi ipu auro e selau. Ua ia faia foi le lotoā o le au faitaulaga, ma le lotoā tele, ma puipui o le lotoā, ma ua ufiufi puipui i le 'apa memea. Ua ia tuu foi le vai i le itu taumatau i sasae, ua feagai ma le itu i toga.

Na faia e Hiram o ulo, ma suo, 11 ma ipu. Ua uma ona faia e Hiram le galuega na na faia mo le tupu o Solomona mo le fale o le Atua; o 12 pou e lua, ma mea lapotopoto, ma kapetala ua i luga o pou e lua, ma mea faaupega e lua e ufiufi a'i mea lapotopoto e lua o kapetala ua i luga o pou; e fa selau o rimoni i 13 mea faaupega e lua; e lua atu rimoni i le mea faaupega e tasi, e ufiufi a'i mea lapotopoto e lua na i ai i kapetala i luga o pou. Na faia 14 foi e ia tuugātanoa, na ia faia foi o tanoa e mulumulu ai i luga o tuuga; o le vai e tasi, ma povi e sefulu ma 15 le lua i ona lalo. O ulo, ma suo, ma 16 tui, atoa ma a latou mea uma, na faia e Hiram lona tamā i 'apa memea pupula mo le tupu o Solomona mo le fale o Ieova. Na faia ia mea 17 e le tupu i le eleele laugatasi o Ioritana, i le eleele omea i le va o Sukota ma Saretana. Na faia e 18 Solomona o ia mea uma e matuā tele lava; auā na le masino lava le fua o le mamafa o 'apa memea.

Na faia e Solomona o mea uma 19 o le fale o le Atua, o le fata faitaulaga auro, ma laulau ua faaee i ai le areto e laulauina i luma; o tuugā- 20 lamepa atoa ma o latou lamepa auro lelei, e mu ai e pei o le tu, i luma o le mea e fetalai mai ai; o fuga, ma 21 lamepa, ma iofi, na faia e ia i auro, o auro e sili ona lelei; o sele lamepa, 22 ma ipu, ma ipu e asu a'i, ma salefu o auro lelei ia. O le faitotoa o le fale, o ona puipui aupito i totonu mo le mea e sili ona paia, atoa ma puipui o le fale o le malumalu, o auro ia.

O le aveina ae o le atolaau i le malumalu.

UA uma foi ona fai o le galuega 5 uma na faia e Solomona mo le fale o Ieova; ona aumaia lea e Solomona o mea na faasaina e Tavita lona tamā, o ario, ma auro, atoa ma mea uma, ua ia tuu faatāsia ma oloa o le fale o le Atua. Ona faapotopotoina lea e Solomona o toeaina o 2 Isaraelu, ma matai uma o itu aiga, o alii sili o le fanauga a Isaraelu, i Ierusalem, e avae le atolaau o le

feagaiga a Ieova nai le aai a Tavita,
 2 o Siona lea. Ona faapotopotoina
 mai lea i le tupu o tagata uma o
 4 Isaraelu i le tausamiga, o le fitu o
 masina lea. Ua o mai toeaina uma
 o Isaraeli; ona avae lea e sa Levi
 5 o le atolaau. Ua aumaia e i latou
 le atolaau, ma le fale fetafai o le
 faapotopotoga, ma mea paia uma
 na i le fale fetafai, na aumaia ia
 lava mea e le au faitaulaga ma sa
 6 Levi. O le tupu o Solomona, ma
 le faapotopotoga uma o Isaraelu,
 na faapotopotoina mai ia te ia i
 luma o le atolaau, ua latou fai tau-
 laga i mamoe, ma povi, e le mafai-
 tauina, e le masino lava, ina ua tele
 7 lava. Ua ave e le au faitaulaga le
 atolaau o le feagaiga a Ieova i le
 mea e tuu ai, i le mea e fetalai mai
 ai o i le fale, o le mea e sili ona paia,
 8 i lalo o apaau o kerupi; auā na faa-
 loaloa e kerupi o la apaau i luga o
 le mea e tuu ai le atolaau; ma ua
 faamalumalu ifo ai kerupi i le ato-
 9 laau ma ona amo. Ua latou faasili
 mai amo, na iloa foi pito o amo ai
 le atolaau i luma o le mea e fetalai
 mai ai; a e lei iloa i fafo. O loo i
 10 ai ua oo i ona po nei. Na le i ai se
 mea i le atolaau, ua na o papa e lua
 na tuu ai e Mose i Horepa, ina ua
 osia le feagaiga e Ieova ma le fanauga
 a Isaraelu, ina ua latou o mai
 11 nai Aikupito. Ua ulufafo mai le
 au faitaulaga nai le mea paia, auā
 sa faapaiaina le au faitaulaga uma
 ua i ai, ua latou le tausi i vasega.
 12 O sa Levi foi o e pepese, o i latou
 uma o sa Asafō, ma sa Hemanā, ma
 sa Tutanā, ma o latou atalii, ma o
 latou uso, ua oofu i ie vavae, ua i ai
 sumepalo, ma napeli, ma kitara, ua
 tutū i le itu i sasae o le fata faitau-
 laga, ua faatasi ma i latou le au
 faitaulaga e toaselau ma le toalu-
 13 fulu i latou o ili pu. O e ili pu ma
 e o pepese ua peiseai o se toatasi,
 ua tasi le leo i le viiga ma le faa-
 manu ia Ieova; ua latou pepese
 faatasi ma pu, ma sumepalo, ma
 laaupese, e vivii atu ai ia Ieova, o
 loo faapea atu, Auā e lelei o ia, auā
 e faavavau lava lona alofa, Ona tu-
 mu ai lea o le fale i le ao, o le fale
 14 lava o Ieova. Ua le mafai ai le au
 faitaulaga ona tutū e auaua ona o

le ao; auā na tumu le fale o le
 Atua i le pupula o Ieova.

*O le faamanuia o Isaraelu e Solo-
 mona, ma lana tatalo i le Atua.*

ONA faapea atu lea o Solomona, 6
 Na fetalai mai Ieova, e afio o ia i le
 pogisa. A ua ou faia le fale mo oe 2
 e te afio ai, o le afioaga e te afio ai e
 faavavau. Ona liliu atu lea o le 3
 tupu, ma faamanuia atu i le faapoto-
 potoga uma o Isaraelu; ua tutū mai
 foi le faapotopotoga uma o Isaraelu.
 Ua ia faapea atu, Ia faafetaia Ieova 4
 le Atua o Isaraelu, o le ua faatau-
 nuuina mai i lona aao le mea na
 tūlei mai lona fofogo i lo'u tamā o
 Tavita, ua faapea mai, Talu lava le 5
 aso na ou au mai ai o lo'u nuu nai
 le nuu o Aikupito, ou te lei filifilia
 se aai i itu aiga uma o Isaraelu e
 fai ai se fale ina ia i ai lo'u igoa; ou
 te lei filifilia foi se tasi e fai ma ta'i-
 ta'i o lo'u nuu o Isaraelu; a ua ou 6
 filifilia Ierusalem ina ia i ai lo'u
 igoa; ua ou filifilia foi Tavita ina ia
 pule o ia i lo'u nuu o Isaraelu. Sa 7
 loto foi lo'u tamā o Tavita e fai se
 fale mo le suafa o Ieova le Atua o
 Isaraelu. A ua fetalai mai Ieova i 8
 lo'u tamā o Tavita, Auā ua e loto
 ina fai se fale i lo'u igoa, ua lelei
 ina ua i ai i lou loto. A e peitai oe, 9
 e te le faia le fale; a o lou atalii o
 lau lava fanau, o ia na te faia le fale
 i lo'u igoa. Ua faataunuuna foi e 10
 Ieova lana afioa na ia fetalai mai;
 auā ua nofo atu a'u e fai ma sui o
 lo'u tamā o Tavita, ua ou tietie foi
 i le nofoālii o Isaraelu, e faapei ona
 fetalai mai ai o Ieova, ua ou faia foi
 le fale mo le suafa o Ieova le Atua
 o Isaraelu. Ua ou tuuina ai foi le 11
 atolaau o loo i ai le feagaiga a Ie-
 ova, na osia e ia ma le fanauga a
 Isaraelu.

Ua tu o ia i luma o le fata faitau- 12
 laga o Ieova i luma o le faapotopo-
 toga uma o Isaraelu, ma na faaloa-
 loa ona lima; auā na faia e Solomona 13
 le tulaga 'apa memea e lima kupita
 lona umi, ma le lima o kupita lona
 lautele, ma le tolu o kupita lona
 maualuga, ma ua tuu ai i totonu o
 le lotoā; ua tu foi o ia i ona luga,
 ma ua tootuli i ona tulivae i luma
 o le faapotopotoga uma o Isaraelu,

ma ua faaloaloa ae ona lima i le
 14 lagi, Ua faapea atu foi o ia, Ieova e,
 le Atua o Isaraelu, e leai se Atua e
 tusa ma oe i le lagi, po o le lalolagi;
 o loo tausia le feagaiga ma le alofa
 i au auauna, o e savavali i ou luma
 15 ma o latou loto atoa; o oe ua e
 tausia i lau auauna o Tavita lo'u
 tamā o le mea na e fetalai mai ai ia
 te ia; na e fetalai mai i lou fofoga,
 o lou aao foi ua e faataunuina ai,
 16 e faapei ona fai i le aso nei. O
 lenei foi, Ieova e, le Atua o Isaraelu,
 ia e tausia mā lau auauna o Tavita
 lo'u tamā le mea na e fetalai mai ai
 ia te ia, ua faapea mai, E le aunoa
 se tagata ia te oe i o'u luma e tietie
 i le nofoālii o Isaraelu; tau lava ina
 tausia e au fanau o latou ala, ina ia
 latou savavali i la'u tulafono, e faa-
 17 pei ona ē savali i o'u luma. O lenei,
 Ieova e, le Atua o Isaraelu, ia e faa-
 maonia lau afioga na e fetalai mai
 i lau auauna o Tavita. Pe moni ea
 e afio le Atua ma tagata i le lalo-
 lagi? Faauta, o le lagi ma le lagi o
 lagi e le ofi ai oe; e le atili ai ea
 ona ē le ofi i lenei fale ua ou faia?
 19 A ia e liuliuālo mai i le tatalo a lau
 auauna, ma lana aioi, Ieova e, lo'u
 Atua, ina ia faafofoga mai i le va-
 laau ma le tatalo, o loo tatalo atu
 ai lau auauna i ou luma; ina ia sila-
 20 sila mai ou fofoga i lenei fale i le ao
 atoa ma le po, o le mea na e feta-
 laia mai, e te tuu i ai lou suafa;
 ina ia e faafogafoga mai i le tatalo
 e tatalo atu ai lau auauua i lenei
 21 mea. Ia e faafofoga mai i le aioi
 atu a lau auauna, ma lou nuu o Isa-
 raelu, pe a latou tatalo atu i lenei
 mea; ia e faafofoga mai foi mai le
 lagi, o le mea o loo e afio ai; ia e
 faafofoga mai, ma ia e faamagalo
 mai.
 22 Afai e agasala se tasi tagata i le
 tasi tagata, ma ua fai atu o ia ia te
 ia na te faia se tautoga, ina ia tauto
 ai o ia, a oo mai foi le tautoga i
 luma o lou fata faitaulaga i lenei
 23 fale; ia e faafofoga mai mai le lagi,
 ma ia e faia le faamasinoga i au
 auauna, e tau i le ua amioleaga,
 ia tauia lana amio ia te ia lava; e
 ta'uamitonuina foi le ua amiotonu,
 ia tuuina atu ia te ia e tusa ma lana
 amiotonu.

A fasia lou nuu o Isaraelu i luma 24
 o e ita mai, ina ua latou agasala atu
 ia te oe; a latou toe foi mai, ma
 ta'uta'u atu lou suafa, ma tatalo,
 ma aioi atu i ou luma i lenei fale;
 ia e faafofoga mai oe mai le lagi, 25
 ma e faamagalo mai le agasala a lou
 nuu o Isaraelu, ma e faafoisia mai
 i latou i le laueleele na e foaiina
 mai ia te i latou ma o latou
 tamā.

A punitia le lagi, ma ua leai se 26
 ua, ina ua agasala atu i latou ia te
 oe; afai latou te tatalo i le mea nei
 ma latou ta'uta'u atu lou suafa, ma
 liliu ese i a latou agasala, pe a e
 faatiga ia te i latou; ia e faafofoga 27
 mai oe i le lagi, ma e faamagalo
 mai le agasala a au auauna, ma lou
 nuu o Isaraelu, pe a ta'oa'oina i
 latou e oe i le ala lelei latou te
 savavali ai; ma ia e foai mai le ua
 i luga o lou laueleele, na e foaiina
 mai i lou nuu e fai mo latou tofi.

Afai e i ai i le nuu se oge, afai e 28
 i ai se faamai, afai e i ai le mamea,
 po o le polopologā, o le sē akerise,
 po o le anufeae; afai e siosioina i
 latou i le nuu o i ai a latou aai e i
 latou o e ita mai; so se mala, po o
 se ma'i e i ai; o talosaga uma ma 29
 aioi uma e fai e se tasi tagata, po o
 lou nuu o Isaraelu uma, o e ua iloa
 taitoatasi o lona ma'i, ma lona tiga,
 ma faaloaloa ona lima i lenei fale;
 ia e faafofoga mai mai le lagi, o le 30
 mea o loo e afio ai, ma e faamagalo
 mai, ma e tau i tagata taitoa-
 tasi e tusa ma ana amio uma, ua e
 silafia lona loto; auā na o oe lava e
 silafia loto o tagata; ina ia latou 31
 matatau ia te oe, ma savavali i ou
 ala, i aso uma latou te ola ai i le
 laueleele na e foaiina mai i o matou
 tamā.

O le tagata ese foi, e le so lou 32
 nuu o Isaraelu, a ua sau o ia mai le
 nuu mamea, ona o lou suafa ma-
 malu, ma lou aao malosi, ma lou
 aao faaloaloa; afai latou te o mai,
 ma tatalo i lenei fale; ia e faafofoga 33
 foga mai mai le lagi, o le mea o loo
 e afio ai, ma e faia e tusa ma mea
 uma e valaau atu ai le tagata ese ia
 te oe; ina ia iloa lou suafa e nuu
 uma i le lalolagi, ma ia latou mata-
 tau ia te oe, e faapei o lou nuu o

Israelu; ia latou iloa foi ua igoa i lou suafa lenei fale ua ou faia.

34 Afai e o atu lou nuu e tau le taua ma ē ita mai ia te i latou i le ala e te aauina atu ai i latou, ma latou tatalo atu ia te oe o faasaga mai i lenei aai na e filifilia, ma le

35 fale ua ou faia mo lou suafa; ia e faafofoga mai mai le lagi i a latou tatalo, ma a latou aioi atu, ma ia e

36 fai le faamasinoga mo i latou. Afai latou te agasala atu ia te oe, (auā e leai se tagata ua le agasala,) ma e toasa mai ia te i latou, ma e tuuina atu i latou i e ita mai ia te i latou, ma latou ave ia te i latou faatagataotaua i se nuu mamao, pe latalata

37 mai; a e afai e toe manatunatu ifo i latou i le nuu e ave i ai i latou faatagataotaua, ma latou liliu mai, ma aioi mai ia te oe i le nuu o latou o tāfā i ai, ma latou faapea atu, Ua agasala i matou, ma faapiopio i

38 matou, ma amio leaga; afai latou te liliu mai ia te oe ma o latou loto atoa, ma o latou agaga atoa, i le nuu o latou o tāfā i ai, e ave i latou i ai faatagataotaua, ma latou tatalo e faasaga mai i lo latou nuu na e foaiina mai i o latou tamā, ma le aai na e filifilia, ma le fale ua ou

39 faia mo lou suafa; ia e faafofoga mai mai le lagi, o le mea o loo e afio ai i a latou tatalo, ma a latou aioi atu, ma ia e fai le faamasinoga mo i latou, ma e faamagalō mai i lou nuu o e ua agasala atu ia te oe.

40 O lenei, lo'u Atua e, ou te aioi atu, ia silasila mai ou fofoga, ma ia ē liliu mai ou fofoga i le tatalo e faia

41 i lenei mea. O lenei, Ieova e, le Atua, ia e tulai atu i lou malologa, o oe ma le atolaau o lou malos; Ieova e, le Atua, ia oofu au ositaulaga i le olataga, ia fiafia au pele i

42 le lelei. Ieova e, le Atua, aua ne'i e 'alo ou fofoga i le na e faauina; ia e manatua ou alofa i lau au'una o Tavita.

O taulaga na faia e Solomona, ma le tali, a le Atua i lana tatalo.

7 UA faaii e Solomona lana tatalo, ona pa'i ifo ai lea o le afi mai le lagi, ua faumatia ai le taulaga mu ma taulaga; ua tumu foi le fale i le

2 pupula o Ieova. Ua le mafaiia foi e

le au faitaulaga ona ulufale i le fale o Ieova, auā ua tumu le fale o Ieova i le pupula o Ieova. Ua iloa e le fanauga a Israelu uma o le afi ua pa'i ifo, ma le pupula o Ieova i luga o le fale, ona latou faapaitu fao ai lea i le paepae, ma latou ifo, ma vivii atu ia Ieova, ua faapea atu, Auā e lelei o ia; auā e faavavau lona alofa. Ona fai taulaga lea i luma o Ieova o le tupu, atoa ma le nuu uma. Ua faia e Solomona le tupu o le taulaga o povi e lua sefulu o afe ma afe e lua, ma mamoe e selau afe ma afe e luafulu; ua faa-ulufaleina ai le fale o le Atua e le tupu ma le nuu uma. Ua tutū atu le au faitaulaga i o latou tofi; o sa Levi foi ua i ai laaupese a Ieova, na faia e Tavita le tupu e vivii atu ai ia Ieova, auā e faavavau lona alofa; o ia mea na vivii atu ai e Tavita; ua ili pu le au faitaulaga i o latou luma, ua tutū mai foi o Israelu uma. Ua faapaiaina foi e Solomona i totonu o le lotoā i luma o le fale o Ieova; auā na osia ai e ia o taulaga mu, ma ga'o o taulaga faafetai, auā o le fata faitaulaga 'apa memea na faia e Solomona e lei ofi ai taulaga mu ma taulaga i mea e 'ai, ma ga'o.

O ona po ia nā fai ai e Solomona atoa ma Israelu uma faatasi ma ia o le tausamiga ē fitu ona aso, o le faapotopotoga tele lava, e gata mai i le mea e ui atu ai i Amato, e gata mai i le alia o Aikupito. O le aso valu ua latou fai ai le faapotopotoga; auā o le faasaina o le fata faitaulaga na faia i aso e fitu, e fitu foi aso o le tausamiga. O le luafulu ma le tolu o aso o le fitu o masina na tuuina atu ai e ia o le nuu e o i o latou fale ie, ua olioli ma loto fiafia ona o mea lelei na faia e Ieova ia Tavita, ma Solomona, ma lona nuu o Israelu. Ua faauma e Solomona le fale o Ieova, ma le fale o le tupu; o mea uma foi na loto Solomona e fai i le fale o Ieova ma lona fale, na faia e ia ma le manuia.

Ona faaali mai lea o Ieova ia Solomona i le po, ua faapea mai ia te ia, Ua ou faalogo i lau tatalo, ma ua ou filifilia lenei mea mo a'u e fai ma fale e fai ai taulaga. Afai ou te pupuni le lagi ma ua le ua ai,

afai foi ou te fai atu i sē 'akava e faaumatia le fanua, afai foi ou te tuuina atu le faamai i lo'u nuu;
 14 afai e faamaulalo lo'u nuu ē ua ta'ua i lo'u igoa, ma latou tatalo, ma sailiili ia te au, ma liliu ese i o latou ala leaga, ona ou faalogo ai lea mai le lagi, ma faamagalō i a latou agasala, ma faaolaina lo latou
 15 nuu. O lenei, e vaavaai o'u mata, ma liliu o'u taliga i le tatalo e faia
 16 i lenei mea. Auā ua ou fili filia ma faapaiaina lenei fale, ina ia i ai lo'u igoa e faavavau; e faasaga i ai foi o'u mata ma lo'u lotu i aso uma.
 17 A o oe, afai e te savali i o'u luma e pei ona savali lou tamā o Tavita, ma e faia ia tusa ma mea uma na ou fai atu ai ia te oe, ma e tausi a'u tulafono ma a'u faamasinoga; ona ou faatumauina lea o le nofoālii o lou malo, e faapei ona ma osia le feagaiga ma lou tamā o Tavita, ua faapea atu, E le motu
 18 lou gafa e pule ia Isaraelu. A e afai tou te liliu ese, ma tuua au tulafono ma a'u poloaiga, ua ou tuuina atu i o outou luma, ma outou o atu, ma auuana atu i atua ese, ma
 20 ifo ia te i latou; ona ou liaiina atu lea o i latou ai lo'u laueleele ua ou foaiina atu ia te i latou; o lenei fale foi, ua ou faapaiaina mo lo'u igoa, ou te lafoai atu ai i o'u luma, ma ou faia ma upu faatusa ma
 21 tauemuga i nuu uma lava. O lenei fale foi, o loo ua maua luga, e fai ma mea e ofo ai i latou uma o e ui ane ai, ma fai ane, Se a le mea ua faapea ai ona fai e Ieova i lenei
 22 nuu ma lenei fale? Ona tali mai lea o i latou, Auā ua latou tuua Ieova le Atua o latou tamā o le na au mai ia te i latou nai le nuu o Aikupito, ma latou taofi i atua ese, ma ifo atu ia te i latou, ma auuana atu ia te i latou; o le mea lea ua faaooina ai e ia lenei malaia uma ia te i latou.

O aai na faia e Solomona; mā lona tofia o vasega o faitaulaga.

8 UA mavae tausaga e luafulu na fai ai e Solomona le fale o Ieova
 2 ma lona lava fale. O aai foi na tuuina mai e Hiramō ia Solomona ua toe faia e Solomona, ma na faa-

nonofo ai le fanauga a Isaraelu. Ua alu atu foi Solomona i Amato-
 -sopa, ma ua manumalo ai. Ua fai
 foi e ia o Tatemora i le vao, ma aai
 uma e tuu ai oloa na ia faia i
 Amato. Ua faia foi e ia o Peteo-
 rana i luga, ma Peteorana i lalo, o
 aai nofo 'olo, *ua i ai pa, ma* puipui,
 ma faamaufa'alava; o Paalata foi,
 ma aai uma sa ia Solomona e tuu
 ai oloa, ma aai uma mo kariota, ma
 aai mo e tietie i solofanua, ma mea
 uma na finagalo i ai Solomona e fai
 i Ierusalemā, ma Lapanona, ma nuu
 uma ua pule ai o ia.

O tagata uma na totoe o sa Heti,
 ma sa Amori, ma sa Perisē, ma sa
 Hivi, ma sa Iepusē, e le ni Isaraelu
 i latou, o a latou fanau na totoe i le
 nuu, ina ua mavae i latou, o e na le
 faaumatia e le fanauga a Isaraelu,
 na pule Solomona ia te i latou ia
 fai taulaga, ua oo lava i ona po nei.
 A ua le faia e Solomona ni o le
 fanauga a Isaraelu ma pologa e fai
 ai lana galuega; a o tagata tau i
 latou, ma alii ave 'au, ma alii e pule
 i ana kariota, ma ana 'au e tietie i
 solofanua. O alii ia e na tofia e le
 tupu o Solomona e pule, e lua selau
 ma le toallimagafulu, o i latou na
 pule i le nuu.

Ua avae e Solomona le afafine o
 Farao mai le aai a Tavita i le fale na
 ia faia mo ia; auā ua faapea mai o
 ia, E le nofo la'u avā i le fale o
 Tavita le tupu o Isaraelu, auā e paia
 le mea ua au mai i ai le atolaau a
 Ieova.

Ona fai lea e Solomona o taulaga
 12 mu ia Ieova i luga o le fata faitau-
 laga o Ieova na faia e ia i luma o le
 faapaologa, o le aso ma le mea e fai
 13 taulaga a'i e tusa ma le poloaiga a
 Mose, e fai i sapati, ma masina faa-
 toa vaia, ma faapotopotoga e tai-
 atutolu i tausaga, o le tausamiga o
 le areto e le faafefeteina, ma le tau-
 samiga o vaiasosa, ma la tausamiga
 o fale apitaga. Ua tofia foi e ia e
 14 tusa ma le tofia a Tavita lona tamā,
 o vasega o le au faitaulaga i a latou
 galuega, ma sa Levī i o latou tofi, e
 vivii ma auuana i luma o le au fai-
 taulaga, o le aso ma le mea e fai ai;
 o leoleo faitotoa foi i o latou vasega
 i lea faitotoa ma lea faitotoa; auā

- sa faapea le poloaiga a Tavita le tagata o le Atua. Ua le tuua le fetalaiiga a le tupu i le au faitaulaga, ma sa Levi, i mea uma lava, atoa ma le oloa. O galuega uma a Solomona sa saunia, ua oo i le aso na tuu ai le faavae o le fale o Ieova e oo foi i le aso na uma ai. Ua faa-umaina ona fai o le fale o Ieova.
- 17 Ona alu atu lea o Solomona i Esiokape ma Elata i le matafaga o le sami i le nuu o Etoma. Ua aumaia e Hiram o ia te ia i lima o ana auauna o vaa, ma ona tagata ua masani ma le sami; ua latou o faatasi ma auauna a Solomona i Ofeira, ma latou au mai ai o auro e fa selau ma le limagafulu o taleni, ma latou aumaia i le tupu o Solomona.

Ua sau Seepa ia Solomona; o le oa ma le poto o Solomona.

- 9 UA faalogo le tupu fafine o Seepa i le tala ia Solomona, ona sau ai lea o ia i Ierusalem e tofotofo ia Solomona i upu faigata, *sa ia te ia* le au malaga e matuā toatele, ma kamela o au mai ai mea manogi, ma auro e matuā tele, ma maa tāua; na sau o ia ia Solomona, ona la tau-talatala ai lea ma ia i mea uma na i ai i lona loto. Ua faamatalaina atu foi e Solomona ia te ia o ana upu uma; ua leai se mea e lilo ia Solomona na ia le ta'u atu ia te ia. Ua iloa e le tupu fafine o Seepa o le poto o Solomona, ma le fale ua na 4 faia, ma mea e 'ai o i lana laulau, ma ona nonofo o ana auauna, ma le tutū o ana tautua, ma o latou ofu; o ana tautu uaina foi, ma o latou ofu; ma le ala na ia alu ae ai i le fale o Ieova; ona le toe ai lea o se 5 loto ia te ia. Ona faapea mai lea o ia i le tupu, Ua moni le tala na ou faalogo ai i lo'u nuu i au afioga ma 6 lou poto; a e peitai na ou le talia a latou tala, ina seia ou sau, ma vaa-vaai i ai o'u mata. Faauta foi, e itiiti mea na talaina atu ia te au, a e tele mea na le talaina atu i le tele o lou poto; auā e sili lava oe i le 7 tala na ou faalogo ai. Amuia ou tagata, amuia foi au auauna nei, o e tutū i ou luma e le aunoa, ma faa- 8 logo i lou poto. Ia faafetaia Ieova lou Atua, o le na finagalo ia te oe, e

faanofo ia te oe i lona nofoālii, e fai ma tupu mo Ieova lou Atua; auā na alofa lou Atua ia Isaraelu e faatumauina i latou e faavavau, o le mea lea ua ia fai ai oe ma tupu ia te i latou, ina ia e faia faamasi-noga ma mea tonu. Ona foi mai 9 lea e ia i le tupu o auro e tasi le selau ma le luafulu o taleni, ma mea manogi e matuā tele lava, atoa ma maa tāua; ua leai foi ni mea manogi e tusa *ma mea* na foaiina mai e le tupu fafine o Seepa i le tupu o Solomona. O auauna foi a Hiram, 10 ma auauna a Solomona, o e na au mai auro mai Ofeira, ua latou au mai laau o alemuka, ma maa tāua. Ua faia e le tupu o ala i le fale o 11 Ieova, ma le fale o le tupu, ma kitara, ma napeli mo le au pepese i laau o alemuka; ua le iloa i le nuu o Iuta talu anamua ni *laau* faapena. Ona foi atu lea e le tupu o Solo- 12 mona i le tupu fafine o Seepa o mea uma na ia finagalo ma faatoga i ai, e faaopoopo i *mea* na aumaia e ia i le tupu. Ona foi atu ai lea o ia, ma alu atu i lona nuu, o ia ma ana auauna.

O le fua o le mamafa o auro na 13 aumaia ia Solomona i tausaga taitasi, o taleni o auro e ono selau ma le onogafulu ma le ono; atoa foi 14 ma auro na aumaia e i latou na feoi e faatau, atoa ma faatauoa. O tupu uma foi o Arapi, ma alii e pule i le nuu na au mai auro ma ario ia Solomona. Ona faia lea e le tupu 15 o Solomona o talipupuni e lua selau i auro ua faasalalafaina; e taiono selau o *sekel*i auro ua faasalalafaina i talipupuni; ma talita e tolu selau 16 i auro ua faasalalafaina; e taitolu selau o *sekel*i auro i talita. Ua tuu-ina atu ai e le tupu i le fale o le vao o Lapanona. Ua faia foi e le tupu 17 le nofoālii tele i nifo o elefane, ua ia ufitia ai foi i le auro lelei. E ono 18 tulagāvae faaapefai e alu ae ai i le nofoālii, ma le mea auro e tu ai ona vae ua faamauina i le nofoālii; sa i ai mea e faalagolago i ai i itu taitasi o le mea e tietie ai; na tutū foi leona e lua i tafatafa o mea e faalagolago i ai. Sa tutū ai foi 19 leona e sefulu ma le lua i lea itu ma lea itu o tulagāvae faaapefai e

ono; e leai se mea faapea e faia i se tasi malo.

- 20 O ipu inu uma a le tupu o Solomona o auro ia, ma ipu uma o le fale o le vao o Lapanona o auro lelei ia. Sa leai ni ipu ario; ua ta'ufaa-tauvaaina lava ario i ona po o Solomona. Auā o vaa o le tupu na folau atu ma auaua a Hiramō i Tasesa, na foi faatasi i tausaga e tolu o vaa Tasesa ma au mai ai auro, ma ario, ma nifo o elefane, ma kofi, ma tuki. Ua silisili le tupu o Solomona i tupu uma o le lalolagi i le mauoa ma le potō. Ua saili atu foi ia Solomona o tupu uma o le lalolagi e faalogo i lona potō na tuuina mai e le Atua i lona lotō. Na tai-tasi i latou ma au mai lana mea alofa, o ipu ario, ma ipu auro, ma ofu, o auupega, ma mea manogi, o solofanua, ma falata, i lea tausaga ma lea tausaga.

- 25 Sa ia Solomona e fa afe o mea e tuu ai solofanua ma kariota; ma 'au e tietie i solofanua e sefulu afe ma afe e lua; na ia tuuina i latou i aai o kariota; ma Ierusalemia faatasi ma le tupu. Na pule foi o ia i tupu uma, e gata mai i le vaitafe, e gata mai foi i le nuu o Filisitia e oo i le tuaoi o Aikupito. Na faateleina e le tupu i Ierusalemia o ario ua faapei o maa, na ia faateleina foi o arasi ua faapei o sukamoru i le fanua mauualo. Na latou aumaia ia Solomona o solofanua mai Aikupito, ma nuu uma.

- 29 O toe o mea na faia e Solomona, o mea muamua ma mea mulimuli, ua le tusia ea i le tala a Natano le perofeta, ma le valoaga a Akia o le Sailo, ma le faaaliga ia Itu le tagata vaai ia Ierepoamo le atalii o Nepata. 30 O tausaga e fa sefulu na fai ai Solomona ma tupu ia Israelu uma i Ierusalemia. Ona taoto ai lea o Solomona faatasi ma ona tamā, ua tanu foi o ia i le aai a Tavita lona tamā; ona soloai ane ai lea o Reopoamo lona atalii e fai ma tupu.

O upu faamaualuga a Reopoamo ua vavae ese ai itu aiga e sefulu.

- 10 UA alu atu Reopoamo i Sekema; auā na o mai Israelu uma lava i 2 Sekema, ia fai o ia ma tupu. Ua

faalogo ai Ierepoamo le atalii o Nepata a o i Aikupito o ia, na sola ai o ia ai luma o le tupu o Solomona, ona toe foi mai ai lea o Ierepoamo nai Aikupito. Ona latou 3 aauina atu lea nisi e aami atu ia te ia. Ona o mai ai lea o Ierepoamo ma Israelu uma, ua latou tautala atu ia Reopoamo, ua faapea atu, Na faamamafaina e lou tamā la 4 matou amo; o lenei, ia e faamāmā le galuaga tiga a lou tamā, ma lana amo mamafa na ia faaetitia ia te i matou, ona matou auaua ai lea ia te oe. Ona fai atu lea o ia ia te i 5 latou, O e luā tou le toe o mai ai ia te au. Ona o ai lea o le nuu. Ona filifili lea o le tupu o Reopoamo ma toeaina e na tutū i luma o lona 6 tamā o Solomona ina o soifua o ia, ua faapea atu, Se a sa outou e fai mai e tali atu ai i lenei nuu? Ona 7 latou fai mai lea ia te ia, ua faapea mai, Afai e te agalelei atu i lenei nuu, ma faalotomalie ia te i latou, ma tautala atu ia te i latou i upu lelei, ona fai ai lea o i latou mau auaua i aso uma. A ua tuua e ia 8 le upu a toeaina na latou faatonu mai ai ia te ia, ona filifili lea o ia ma taulelea o e na tutupu faatasi ma ia, o e ua tutū i ona luma. Ua 9 fai atu ia ia te i latou, Se a sa outou na e fai mai ina ia tatou tali atu ai i lenei nuu ua tautala mai ia te au, ua faapea mai, Ia e faamāmā le amo na faaetitia e lou tamā ia te i matou? Ona fai mai lea ia te ia o 10 taulelea e na tutupu faatasi ma ia, ua faapea mai, Ia e faapea ona tali atu i le nuu ua tautala mai ia te oe, ua faapea mai, na faamamafaina e lou tamā o la matou amo, a ia e faamāmāina ia te i matou; ia e faapea atu ia te i latou, O lo'u lima tama e tele lava lea i le sulugatiti o lo'u tamā. Na faaetitia e lo'u 11 tamā le amo mamafa ia te outou, a o lenei, ou te faapoopoina atu i la outou amo; na aoi atu lo'u tamā ia te outou i sāsa, a o a'u, ou te aoi atu ia te outou i akarava.

Ua o mai Ierepoamo ma le nuu 12 uma ia Reopoamo i le aso tolu, e pei ona fai mai ai o le tupu, ua faapea mai, Tou te toe foi mai ia te 13 au i e luā. Ona tali atu lea o le

- tupu ia te i latou ma le saua; ua
 14 a toeaina; a ua tautala atu ia te i
 latou e tusa ma le upu a taulelea,
 ua faapea atu, Na faamamafaina e
 lo'u tamā o la outou amo, a ou te
 faapoopo i ai; na aoi atu lo'u
 tama ia te outou i sasa, a ou
 te aoi atu ia te outou i akarava.
- 15 Ua le faalogo le tupu i le nuu; auā
 mai le Atua lea mea, ina ia faatau-
 nuu ai e Ieova lana afioga, na fetai-
 lai mai ai na aumaia e Akia le Sailo
 ia Ierepoamo le atalii o Nepata.
- 16 Ua iloa e Isaraelu uma lava e lei
 faalogo mai le tupu ia te i latou,
 ona tali atu lea o le nuu i le tupu,
 ua faapea atu, So matou tofi ea
 Tavita? E le *so matou* tofi le atalii
 o Iese; Isaraelu e, taitasi *ma alu* i
 lona fale ie. O lenei, Tavita e, fai-
 talia oe i lou lava aiga. Ona o ai
 lea o Isaraelu uma i o latou fale ie.
- 17 A o le fanauga a Isaraelu sa nonofo
 i aai o Iuta, ua fai Reopoamo ma
- 18 tupu ia te i latou. Ona auina atu
 lea e le tupu o Reopoamo o Atura-
 mo o le na pule i taulaga; a ua
 fetogi le fanauga a Isaraelu ia te ia
 i maa, ua oti ai o ia. Ona faataa-
 lise lea o le tupu o Reopoamo e alu
 ae i lona kariota, e sola atu i Ieru-
 19 salema. Na foua e Isaraelu le aiga
 o Tavita, ua oo mai lava i nei ona po.

*O le vaoia o Reopoamo e le Atua, aua
 le sii atu le taua ia Isaraelu.*

- 11 UA oo Reopoamo i Ierusalemā,
 ona faapotopoto ai lea e ia o le aiga
 o Iuta ma Peniamina e selau afe
 ma afe e valu sefulu, o e ua filifilia,
 o e ua taulia taua, e tau ma Isara-
 elu, ia toe maua mai le malo ia
- 2 Reopoamo. A ua tūlei mai le afioga
 a Ieova ia Semaia le tagata o le
- 3 Atua, ua faapea mai, Ina fai atu ia
 ia Reopoamo le atalii o Solomona
 le tupu o Iuta, i le ma Isaraelu uma
 o i Iuta ma Peniamina, ia faapea
- 4 atu, O loo faapea ona fetalai mai o
 Ieova, Aua ne'i o ae, aua ne'i tou
 sii atu le taua i o outou uso; ia tai-
 tasi outou ma foi atu i lona aiga;
 auā e mai ia te au lenei mea. Ona
 latou faalogo lea i le afioga a Ieova,
 ua liliu ua le o atu e tau ma Ierepo-
 amo.

Ua nofo Reopoamo i Ierusalemā, 5
 ma ua faia e ia o aai e fai ma 'olo i
 Iuta. Ua faia e ia o Peteleema, ma 6
 Etama, ma Tikoa, ma Petesura, ma 7
 Suka, ma Atulama, ma Kata, ma 8
 Maresa, ma Sifi, ma Aturaima, ma 9
 Lakisa, ma Aseka, ma Soraa, ma 10
 Ailona, ma Heperona, o i Iuta ma
 Peniamina ia, o aai nofo 'olo. Na 11
 faamalosia e ia o 'olo, ma ua tuu i
 ai o alii, ma le faupue o mea e 'ai,
 ma suauu, ma uaina. *Na tuu foi e* 12
ia o talipupuni ma tao i lea aai ma
lea aai, ma ua faia ia matuā malosi;
 o Iuta ma Peniamina ua 'au faatasi
 ma ia.

Ua o mai foi ia te ia le au fai tau- 13
 laga ma sa Levī sa i Isaraelu uma
 mai o latou nuu uma. Auā na tuua 14
 e sa Levī o latou tuāfanua ma o
 latou tofi, ma ua o mai i Iuta ma
 Ierusalemā; auā ua faateaeeseina i
 latou e Ierepoamo ma ona atalii i le
 faiva o faitaulaga ia Ieova. A ua 15
 ia tofia mo ia o faitaulaga o mea
 maualuluga, ma aitu, ma tamai povi
 na ia faia. Mulimuli ia te i latou 16
ona o mai o i latou mai itu aiga uma
 o Isaraelu o e ua tuu i o latou loto
 e saili ia Ieova le Atua o Isaraelu
 na o mai i latou i Ierusalemā e fai-
 taulaga ia Ieova le Atua o latou
 tamā. Ua latou faatumauiua le 17
 malo o Iuta, ma latou faamalosia
 Reopoamo le atalii o Solomona i
 tausaga e tolu; auā ua latou sava-
 vali i le ala o Tavita ma Solomona
 i tausaga e tolu.

Ona fai avā lea o Reopoamo ia 18
 Maalata le afafine o Ieremota o le
 atalii o Tavita, *ma* Aviaia le afafine
 o Eliapo le atalii ia o Iese Na fanau 19
 ai ia te ia o atalii; o Iuso, ma Se-
 maria, ma Saama. E mulimuli ane 20
 ia te ia, na ia fai avā ia Maaka le
 afafine o Apisaloma; na fanau ai ia
 te ia o Avia, ma Atai, ma Sesa, ma
 Salome. Ua sili le loto o Reopo- 21
 amo ia Maaka le afafine o Apisa-
 loma i ana avā uma ma ana palake;
 (auā e toasefulu ma le toavālu ana
 avā, ma palake e toaono sefulu, ma
 ua fanaua e ia o atalii e toalua se-
 fulu ma le toavālu, ma afafine e
 toaono sefulu). Ua tofia e Reopo- 22
 amo o Avia o le tama a Maaka e fai
 ma alii sili e pule i ona uso; auā o

23 *lona manatu* e fai o ia ma tupu. Na ia fai faautauta, ma faanonofosoloina ona atalii uma i nuu uma o Iuta ma Peniamina, i aai nofo 'olo uma; ua foai e ia ia te i latou o mea e 'ai e tele. Ua saili foi e ia o avā e toatele.

O le taua na sii mai e Sesaka ia Reopoamo.

12 UA faatumauiua le malo e Reopoamo, ma ua faamallosia o ia e ia, ona tuua lea e ia ma Isaraelu uma faatasi ma ia o le tulafono a Ieova.

2 O le lima o tausaga o le tupu o Reopoamo na alu ae ai o Sesaka le tupu o Aikupito e tau ma Ierusalemā, auā na latou aga'ala atu ia

3 Ieova, ma kariota e tasi le afe ma le lua o selau, ma 'au e tietie i solofanua e ono sefulu o afe, a e le mafaitaulia o tagata na o mai ma ia mai Aikupito; o tagata Lipua,

4 ma Suki, ma Aitiope. Ua aea e ia o aai nofo 'olo sa ia Iuta, ona oo mai lea o ia i Ierusalemā.

5 Ona alu atu lea o Semaia le perofeta ia Reopoamo ma alii sili o Iuta sa faapotopotoina i Ierusalemā ona o Sesaka, ma ua faapea atu ia te i latou, O loo faapea ona fetalai mai o Ieova, Ua outou tuua a'u, o le mea lea ua ou tuta ai outou i le

6 lima o Sesaka. Ona faamaulalo ai lea o alii sili o Isaraelu ma le tupu, ua latou faapea atu, O loo amiotonu

7 Ieova. Ua silafia e Ieova ua faamaulalo i latou, ona tūlei mai ai lea o le afioga a Ieova ia Semaia, ua faapea mai, Ua faamaulalo i latou; ou te le faaumatia i latou, a ou te tuuina atu sina laveaiina mo i latou; e le sasaaina atu foi lo'u ita i luga o

8 Ierusalemā i le lima o Sesaka. A e peitai e avea ai i latou mana au-auna; latou te iloa ai le au-auna mai ia te au, ma le au-auna atu i

9 malo o nuu. Ua alu ae Sesaka le tupu o Aikupito e tau ma Ierusalemā, ma ua avea e ia o le oloa sa i le fale o Ieova, ma le oloa sa i le fale o le tupu, ua avea uma; ua avea foi e ia o talita auro na faia e

10 Solomona. Ona faia lea e le tupu o Reopoamo o talita 'apa memea e sui a'i, ma na tuuina atu ai i lima o alii o le 'au e faafeao, o e na leoleo

i le faitotoa o le fale o le tupu. A 11 alu atu le tupu i le fale o Ieova, ona o mai lea o le 'au e faafeao, ma ave ia talita, ma toe au mai ai i le potu o le 'au e faafeao. Ua faa- 12 maulalo o ia, ona liliu ese ai lea ia te ia o le toasa o Ieova, ua ia le matuā faaumatia o ia; sa i ai foi i Iuta le manuia.

Ua faamallosia e Reopoamo le 13 tupu ia te ia i Ierusalemā, ma ua fai o ia ma tupu. Sa fagafulu ma le tasi tausaga o Reopoamo, ina ua fai o ia ma tupu, e tasi le sefulu ma le fitu o tausaga na ia fai ai ma tupu i Ierusalemā, o le aai lea na filifilia e Ieova i itu aiga uma o Isaraelu, e tuu ai lona suafa. O le igoa foi o lona tinā o Naama lea o le sa Amonī. Na amio leaga o ia ina ua le manatu 14 i lona loto e saili ia Ieova. O mea 15 na faia e Reopoamo, o mea muamua ma mea mulimuli, ua le tusia e ia le tala a Semaia le perofeta, ma Itu le tagata vaai i le tusi o gafa? Sa utu tau lava o Reopoamo ma Ierepoamo i aso uma. Ua taoto Reopoamo faa- 16 tasi ma ona tamā, ua tanu foi o ia i le aai a Tavita. Ona soloai ane ai lea o lona atalii o Avia e fai ma tupu.

O le taua a Avia ma Ierepoamo.

O LE sefulu ma le valu o tausaga 13 o le tupu o Ierepoamo, na fai ai Avia ma tupu o Iuta. E tolu tau- 2 sago na fai ai o ia ma tupu i Ierusalemā. O le igoa foi o lona tinā o Mekaia le afafine o Urielu, o le Kipea ia. Sa tau Avia ma Iere- 3 poamo. Na amataina le taua e Avia, o lana itu taua o toa malolosi e fa selau o afe o tagata ua filifilia; na tofi mai foi e Ierepoamo le taua e 4 tau ma ia, o lana itu taua e valu selau o afe o tagata ua filifilia, o toa malolosi. Ua tu Avia i luga o le 5 mauga o Semaraima o i le mauga o Efaraima, ua faapea atu, Ierepoamo e, ma Isaraelu uma, ina faafogafoga mai ia ia te au; tou te le o iloa ea 6 na foai mai e Ieova le Atua o Isaraelu ia Tavita le malo e pule ai ia Isaraelu e faavavau, o ia ma ona atalii i le feagaiga masima? A o Ierepoamo le atalii o Nepata, o le au-auna a Solomona, le atalii o Ta-

vita, ua tu mai o ia, ma ua foua e ia
7 lona alii. Ua faapetopotoina foi ia
te ia o tagata faatauva, o tagata
ulavavale, na latou faamalolosi i
latou e tetee ia Reopoamo le atalii
o Solomona, ina o taulealea ma loto
vaivai Reopoamo, ua le ma faamalosi
8 e tetee ia te i latou. O lenei foi, ua
outou manatu e faamalosi e tetee i
le malo o Ieova o i ai i atalii o
Tavita; ua matuā toatele foi outou,
ua ia te outou foi tamai povi auro
na faia e Ierepoamo mo outou e fai
9 ma atua. Ua le tulia ea e outou le
au faitaulaga a Ieova, o le fanauga
a Arona ma sa Levi, ma ua faia mo
outou o faitaulaga e pei o tagata o
nuu ese? Ai se fasi e au mai se povi
poa taanoa, ma mamoe poa e fitu, e
tofia ai o ia, e fai o ia ma faitaulaga
10 ia te i latou e le ni atua. A o i
matou nei, o Ieova o lo matou Atua
ia; ua le tuua o ia e i matou; o
faitaulaga foi, e o auauna ia Ieova,
o le fanauga a Arona ma sa Levi e
11 fai a latou galuega; ua latou susu-
nuina taulaga mu ia Ieova i lea
taeo ma lea taeao, i lea afiasi ma
lea afiasi; ma mea manogi lelei, ma
le areto e laulauina i luma i luga o
le laulau auro lelei; ma le tuugā-
lamepa auro ma ona lamepa, e
mumū ai i lea afiasi ma lea afiasi;
auā ua tausia e i matou le sauniga
a Ieova lo matou Atua; a ua tuua o
12 ia e outou. Faauta foi, o ia te i
matou o le Atua e fai ma alii sili; o
ona faitaulaga foi ma pu leo taalili
e ili i le leo faatetetete ia te outou.
Le fanauga a Israelu e, aua tou te
tau ma Ieova le Atua o outou tamā;
auā e le manuia outou.
13 A ua fai atu Ierepoamo ia sisio le
‘au e tanu i o latou tua; sa i ai foi i
latou i luma o Iuta, sa i o latou tua
14 foi le ‘au ua tanu. Ona tepa lea i
tua o Iuta, faauta foi, sa i ai ‘au i o
latou luma ma o latou tua; ona
alalaga atu lea o i latou ia Ieova, ma
15 ua ili pu e le ‘au faitaulaga. Ona
sōlovi lea o tagata o Iuta; ua sōlovi
tagata o Iuta, ona fāsia lea e le
Atua o Ierepoamo ma Israelu uma
16 i luma o Avia ma Iuta. Ona sosola
lea o le fanauga a Israelu i luma o
Iuta; ua tuuina mai foi i latou e le
17 Atua i o latou lima. Ua faasia foi i

latou e Avia ma lona nuu, ua tele
lava le fasi. E lima selau o afe o
tagata filifilia o Israelu na fasiotia.
Ona faatoilaloina ai lea o le fanauga
18 a Israelu i ia ona po, ma ua manu-
malo le fanauga a Iuta, auā na latou
faalagolago ia Ieova le Atua o latou
tamā. Ua tuliloaina Ierepoamo e
19 Avia, ua faoa foi o aai sa ia te ia, o
Peteli ma ona faoa aai, ma Iesana
ma ona faoa aai, ma Eferona ma ona
faoa aai. Ua le toe maua se malosi
20 e Ierepoamo i ona po o Avia; ua
taia o ia e Ieova, ona oti ai lea o ia.
A ua tupu le malosi o Avia, ua fai
21 ni ana avā e toasefulu ma le toafa,
ma ua fanaua ona atalii e toaluafulu
ma le toalua, ma afafine e toasefulu
ma le toaono. O toe o mea na faia
22 e Avia, ma ana amio, ma ana upu,
ua tusia i le tala a Itu le perofeta.

*O le amio Atua a Asa, ma lo la taua
ma Seta.*

UA taoto Avia faatasi ma ona
14 tamā, ua latou tanu foi ia te ia i le
aai a Tavita. Ona soloi ane ai lea
o lona atalii o Asa e fai ma tupu.
O lana nofoaiga sa filemu ai le nuu
i tausaga e sefulu. Ua amio lelei
2 ma amiotonu Asa i luma o Ieova
lona Atua. Ua aveeseina e ia o fata
faitaulaga i atua ese, ma mea maua-
luluga, ua ia nutininiia foi tupua, ma
ua vavae i lalo o tupua o Asaira. Ua
4 ia fai atu ia Iuta ia saili ia Ieova le
Atua o latou tamā, ma usiusitai i le
tulafono ma le poloaiga. Ua ia
5 aveesea foi o mea maua-luluga ma
tupua o le la, i aai uma o Iuta. Sa
filemu le nuu i lana nofoaiga.

Ua faia e ia o aai nofo ‘olo i Iuta;
6 auā ua filemu le nuu, ua lei foi se
taua ia te ia i ia tausaga; auā ua
foaiina mai e Ieova le filemu ia te
ia. Ua faapea atu foi o ia ia Iuta,
7 Ina tatou fai ia o ia aai, ma sisio ai
i pa, ma ‘olo, ma puipui, ma faa-
maufaalava, manū o i o tatou luma
le lauelele; auā na tatou saili ia
Ieova lo tatou Atua, ua tatou sailili
8 ia te ia, ua foaiina mai ai e ia le
filemu ia te i tatou i itu uma. Ona
latou faia lea, ma ua manuia. O ‘au
a Asa, mai ia Iuta e tolu selau o afe
o e ave tali pupuni ma tao; mai ia
Peniamina foi e lua selau o afe ma

le valu sefulu o afe o e ave talita ma fanafana i aufana. O toa malolosi i latou uma.

- 9 Ona o mai lea o Sera le Aitiope ma 'au e afe o afe, ma kariota e tolu selau e tau ma i latou; na o mai foi i Maresa. Ona alu atu lea o Asa e tau ma ia, ma ua latou tofia le taua i le vanu o Sefata i Maresa.
- 11 Ona valaau atu lea o Asa ia Ieova lona Atua, ua faapea atu, Ieova e, e le se mea faigata ia te oe ona fesoasoani i e toatele, po o i latou ua lei se malosi. Ieova e, lo matou Atua, ia e fesoasoani mai ia te i matou; auā matou te faalagolago ia te oe, ua matou o atu i lou suafa lava e tau ma lena toatele. Ieova e, o oe lava lo matou Atua; aua ne'i manu-malo mai tagata ia te oe. Ona fasia lea e Ieova o Aitiope i luma o Asa ma luma o Iuta; ona sosola ai lea o Aitiope. Ua tulimuli'au ia te i latou e Asa ma le nuu sa ia te ia ua oo i Kira; ua fasia Aitiope, ua lei so latou olataga; auā sa faaumatia i latou i luma o Ieova, ma luma foi o lana itu taua; ua latou ave foi vete
- 14 e matuā tele. Ua fāsia foi e i latou o aai uma na vagavagai i Kira; auā ua oo ia te i latou le mata'u ia Ieova; ua vetea e i latou o aai uma; auā ua matuā tele le vete sa i ai.
- 15 Ua lepetia foi e i latou fale o manu, ma ua aumaia mamoe ma kamela e matuā tele, ma latou toe foi mai i Ieruselema.

O le feagaiga a Asa ma le nuu latou te saili ia Ieova.

- 15 UA oo mai le Agaga o le Atua ia Asaraia le atalii o Oteta; ona alu atu ai lea o ia e faafetaiai ia Asa, ma ua faapea atu ia te ia, Asa e, ma Iuta uma, atoa ma Peniamina, ia outou faafogafoga mai ia te au; e ia te outou Ieova, pe a outou i ai ia te ia; afai foi tou te sailiili ia te ia, tou te maua o ia; a e afai e tuua o ia e outou, e tuua outou e ia. Ua tele lava aso ua aunoa ai Israelu ma le Atua moni, ma ua aunoa ma se faitaulaga e a'oa'o atu, ua aunoa foi ma le tulafono. A ua latou liliu mai ia Ieova le Atua o Israelu ina ua puapugatia i latou, ma ua sailiili ia te ia ona maua ai lea o ia e i

latou. O ona po ia na le i ai se filemu i lē alu atu ma lē foi mai, a ua tele le atuatuvaie ia i latou uma sa nonofo i nuu. Na tufimomoia foi o le tasi nuu e le tasi nuu, ma le tasi aai e le tasi aai; auā sa faa-atuatuvaieina i latou e le Atua i puapuaga uma lava. Ia faamalolosi outou, aua foi tou te lima vaivai; auā e tauia a outou galuega. Ua faalogo Asa i na upu, ma le valoaga a Oteta le perofeta, ona faamalosi ai lea o ia, ma na aveeseina o mea leaga i le nuu uma o Iuta ma Peniamina, atoa ma aai foi na ia faoa i le mauga o Efaraima, ma ua toe teuteu le fata faitaulaga o Ieova sa i luma o le faapaologa o le fale o Ieova. Ua faapotopotoina foi e ia o Iuta uma atoa ma Peniamina, ma tagata ese na ia te i latou mai Efaraima ma Manase atoa ma Simeona; auā na sosola mai i latou ia te ia e toatele mai Israelu, ina ua latou iloa ua ia te ia o Ieova lona Atua. Ona faapotopoto mai lea o i latou i Ieruselema i le tolu o masina i le sefulu ma le lima o tausaga o le nofoaiga a Asa. Ona latou faitaulaga ai lea ia Ieova i lea lava aso, i povi e fitu selau ma mamoe e fitu o afe, ai mea na latou vetea mai. Ua latou faia foi le feagaiga ia saili ia Ieova le Atua o latou tamā ma le loto atoa ma le agaga atoa; ai se tasi e le saili ia Ieova le Atua o Israelu e fasiotia o ia, o se tama po o se ua matua, o se tane po o se fafine. Ua latou tuuautapu ia Ieova ma le leo tele, ma le alaga fiasia, ma pu, ma foafoa. Ua fiasia Iuta uma i le tuuautapuga; auā ua latou tuuautapu ai ma le loto atoa, ma ua latou sailiili atu ia te ia ma o latou manao uma; ua latou maua foi o ia. Ua foaina mai e Ieova le filemu ia te i latou i itu uma.

O Maaka foi o le tinā o Asa le 16 tupu, ua ia faatea ia te ia, ia le fai o ia ma sa'o tamaitai, auā na ia faia le tupua o Asaira; ua vavae i lalo e Asa lona tupua, ma ua nutipalaina, ma susunuina i le alia o Ketarunga. A e lei aveeseina o mea maua luluaga i Israelu; a o le loto o Asa ua sao lea i ona aso uma. Ua au mai foi e 18 ia i le fale o le Atua o mea na faa-

saina e lona tamā, ma mea foi na faasaina e ia, o ario, ma auro, ma
19 ipu. Ua leai foi se toe taua ua oo i le tolugafulu ma le lima o tausaga o le nofoaiga a Asa.

O le faalagolago o Asa i le tupu o Suria.

16 O LE tolugafulu ma le ono o tausaga o le nofoaiga a Asa, ua alu ae ai Paasa le tupu o Isaraelu i Iuta, ua ia faia foi o Rama, ina ia le mafai ai se tasi ona sau pe alu atu ia Asa
2 le tupu o Iuta. Ona au mai lea e Asa o ario ma auro i oloa o le fale o Ieova ma le fale o le tupu, ua avatua foi ia Peniata le tupu o Suria, o le sa nofo i Tamaseko, ua faapea
3 atu, O loo ia te i taua le feagaiga ma oe, o lo'u tamā foi ma lou tamā; faauta, ou te avatua ia te oe o ario ma auro; ina e malui mai ia, ma tatala la oulua feagaiga ma Paasa le tupu o Isaraelu, ina ia alu ese ia
4 ia te au. Ona faalogo lea o Peniata i le tupu o Asa, ma ia aauina atu o e ave a ana 'au i aai o Isaraelu; ua latou fāsia Iono, ma Tanu, ma Ape-
5 lamaima, ma aai uma o Nafatali e tuu ai oloa. Ua faalogo ai Paasa, ona tuua lea e ia ona faia o Rama,
6 ma ua le toe faia lana galuega. Ona ave lea e le tupu o Asa o Iuta uma; ona latou ave ese ai lea o maa o Rama ma ona laau na fai ai le galuega e Paasa; ma ua fai a'i e ia o Kipea ma Mesepa.

7 O ona po ia na alu atu ai o Hanani le tagata vaai ia Asa le tupu o Iuta, ma ua faapea atu ia te ia, Ua e faalagolago i le tupu o Suria, a ua e le faalagolago ia Ieova lou Atua, o le mea lea ua sao ai le itu taua a le
8 tupu o Suria ai lou lima. E le o le itu taua tele ea o Aitiopo ma Lipua, sa i ai kariota, ma 'au e tietie i solofanua e matuā tele loto? A ua tuuina mai i latou i lou lima, ina
9 ua e faalagolago ia Ieova. Auā o fofoga o Ieova e fetaufetuliai i le lalolagi uma, na te fesoasoani ia te i la'ou o e ua sao o latou loto ia te ia. Ua e fai faavalea lenei mea; o lenei, e afua i ona po nei ona i ai o
10 taua ia te oe. Ona ita lea o Asa i le tagata vaai, ma ua tuu atu ia te ia i le fale puipui; auā na ita ia te

ia ona o lea upu. Ua faasaua foi Asa i nisi o le nuu i ia ona po.

Faauta foi, o mea na faia e Asa, o 11 mea muamua ma mea mulimuli, faauta, ua tusia i le tusi i tupu o Iuta ma Isaraelu. Na ma'i foi Asa 12 i ona vae i le tolugafulu ma le iva o tausaga o lana nofoaiga, ua oo ina tele o lona ma'i; a ua le saili o ia ia Ieova i lona ma'i, a ua saili i foma'i.

Ona taoto lea o Asa faatasi ma 13 ona tamā, ua oti o ia i le fagafulu ma le tasi o tausaga o lana nofoaiga. Ua latou tanu foi o ia i ona tuuga- 14 mau, na ia elia mo ia i le aai a Tavita, ma ua faataoto ia te ia i luga o le moega ua tumu i mea manogi, ma mea eseese ua saunia i le faiva o lē fai mea manogi; ma ua latou muina le afi e matuā tele lava mo ia.

O mea lelei na faia e Iosefatu, ma lona manuia tele.

ONA soloai ane lea o Iosefatu 17 lona atalii e fai ma tupu, ua faamalosia o ia e ia e tetee atu ia Isaraelu. Ua ia tofia foi 'au i aai uma o Iuta 2 ua nofo 'olo ua ia tofia foi o leoleoga i le nuu o Iuta, ma aai o Efaraima na faoa e Asa lona tamā. Na i ai 3 Ieova ia Iosefatu, auā ua ia savali i uluai ala o lona tamā o Tavita, na ia le saili atu ia Paala; a ua saili atu i 4 le Atua o lona tamā, ma ua savali i ana poloaiga, a e lei pei o mea na faia e Isaraelu. Ona faatumauiua 5 ai lea e Ieova le malo i lona lima; ua au mai foi e Iuta uma o mea alofa ia Iosefatu; sa ia te ia le oloa ma le mamalu e tele. Ua faama- 6 losia foi lona loto i ala o Ieova; ua aveeseina foi e ia o mea mauaululuga ma tupua o Asaira i Iuta.

O le tolu o tausaga o lana nofo- 7 aiga ua ia aauina atu ai alii ua ia te ia, o Peneaila, ma Opetaiia, ma Sakaria, ma Natanielu, ma Mekaio, e a'oa'o atu i aai o Iuta. Ua faatasi 8 ma i latou o sa Levī o Semaia, ma Netanaia, ma Sepatia, ma Asaelu, ma Semiramota, ma Ionatana, ma Atonia, ma Topaia, ma Topa-atonia, o sa Levī ia; ua faatasi foi ma i latou e Elisama ma Iorama, o fai- 9 taulaga. Ua latou a'oa'o atu i Iuta,

- sa ia te i latou foi le tusi o le tula-
fono a Ieova, ma ua latou faataa-
milo i aai uma o Iuta, ma ua a'oa'o
atu i le nuu.
- 10 Sai i ai le mata'u ia Ieova i malo
uma o nuu ua vagavagai ia Iuta, o
le mea lea ua latou le sii mai ai se
11 taua ai Iosefatu. Ua au mai ia
Iosefatu e *nisi* Filisitia o mea alofa,
ma ario o le taulaga; ua au mai foi
ia te ia e tagata o Arapi o lafu, e
fitu o afe ma le fitu o selau o mamoe
poa, ma le fitu o afe ma le fitu o
selau o 'oti poa.
- 12 Ua tuputupu tele ai lava le ma-
malu o Iosefatu; ma ua faia e ia i
13 Iuta o 'olo, ma aai e tuu ai oloa. Ua
tele lava le galuega sa ia te ia i aai
o Iuta; sa i Ierusalemā foi le 'au
14 tau, o toa malolosi. O le faitau
lenei o i latou i aiga o latou tama;
o e pule i 'au e taitoa'afe o sa Iutā;
o Atana o le alii sili ia, ua ia te ia e
15 tolu selau o afe o toa malolosi. E
aupito ane ia te ia o Ioanana o le
alii sili ia, ma ua ia te ia e lua selau
o afe ma afe e valu sefulu o tagata.
- 16 E aupito ane ia te ia o Amasia o le
atalii o Sekari, o le ua ofo fua mai
e tuuina atu o ia ia Ieova; ua ia te
ia foi e lua selau o afe o toa malo-
17 losi. O lo sa Peniaminā foi, o Eli-
ata, o le toa malosi, ua ia te ia foi o
tagata e lua selau o afe ua i ai au-
18 fana ma talita. E aupito ane ia te
ia o Iosapa, ua ia te ia foi o e o
sauni i le taua e selau o afe ma afe
19 e valu sefulu. Ua au'aua i latou
nei i le tupu, a e ese i latou na
tofia e le tupu i aai nofo 'olo i Iuta
uma.
- O le fefaanooaiga o Iosefatu ma
Aapo.*
- 18 SA tele le oa ma le mamalu ia
Iosefatu; ua fetai'ai foi o laua gafa
2 ma Aapo. Ua mavae *nai* tausaga,
ona alu ifo ai lea o ia ia Aapo i
Samaria. Ona fasia lea e Aapo o
mamoe ma povi e tele, *e tali ai* o ia,
ma le nuu na ia te ia; ma ua faaoso
ia te ia ia la o ae i Ramota-Kiliata.
- 3 Ua fai mai foi Aapo le tupu o Isa-
raelu ia Iosefatu le tupu o Iuta, Ta
te o ea ma a'u i Ramota-Kiliata?
Ona ia tali atu ai lea ia te ia, O a'u
nei e pei o oe lava, o lo'u nuu e pei
o lou nuu; *tatou te o atu* ma oe i le
taua. Ua fai atu foi Iosefatu i le
tupu o Isaraelu, Se'i e saili i le aso
nei i se afiga mai ia Ieova. Ona
faapotopoto mai ai lea e le tupu o
Isaraelu o le au perofeta e toafa
selau o tagata, ma ua fai atu ia te
i latou, Pe matou te o ae ea i
Ramota-Kiliata e tau ai le taua, pe
a'ua? Ona latou fai mai lea, Malii
ae ia, auā e tuuina mai ai e le Atua
i le aao o le tupu. Ona fai atu lea
o Iosefatu, E le o iinei ea ma se
perofeta a Ieova, ina ia tatou fesili
atu ia te ia? Ona fai mai lea o le
tupu o Isaraelu ia Iosefatu, Ua toe
le tasi tagata o Mekaio le atalii lea
o Imila, tatou te fesili atu ai ia
Ieova; a ou te 'ino'ino ia te ia; auā
na te le vavalu mai ia te au i mea
lelei, a o mea leaga e le aunoa.
Ona fai atu lea o Iosefatu, Aua le
fetalai faapea mai le tupu. Ona
4 valaau lea o le tupu o Isaraelu i le
tasi au'aua sili, ua faapea atu, Ia
faavave mai ia Mekaio le atalii o
Imila. O le tupu o Isaraelu ma
Iosefatu le tupu o Iuta ua la tietie
taitasi i lona nofoālii, sa oofu foi i
laua i o laua ofu *alii*, ma ua la
noufo ai i le mea e aunoa i le fai-
totoa o Samaria; o loo vavalu foi
perofeta uma i o laua luma. Na
5 faia foi e Setekaia le atalii o Kena-
ana o nifo uamea mo ia, ma fai atu,
O loo o faapea ona fetalai mai o
Ieova, O mea nei e te suatia ai
Suria, seia e faaumatia i latou. Ua
6 faapea ona vavalu o perofeta uma,
ua faapea atu, Malii ae ia i Ramota-
Kiliata, ma ia manuia; auā e tuu-
ina mai ai e Ieova i le aao o le
tupu. O le na alu i le feau e aami
7 atu ia Mekaio, ua fai atu ia te ia,
ua faapea atu, Fa'aua mai ea i upu
a le au perofeta i le tupu ua tasi,
ua lelei; o lenei, se'i faapea foi lau
upu, ia pei o so latou, ia e fai atu
se upu lelei. Ona fai mai lea o
8 Mekaio, O loo o soifua Ieova, o le
mea e fetalai mai ai lo'u Atua, o le
mea lea ou te fai atu ai.
- Ua sau foi o ia i le tupu; ona
9 fai atu lea o le tupu ia te ia, Mekaio
e, matou te o atu ea i Ramota-Kili-
ata i le taua, pe a'ua? Ona fai mai
lea o ia, Ina malii ae ia outou, ma

ia manuia, e tuuina mai foi i latou i
 15 o outou lima. Ona fai atu lea o le
 tupu ia te ia, Pe foi faafia ea ona
 ou matuā fai atu ia te oe ia tauto
 mai, aua ne'i e fai mai ia te au *se*
mea e tasi, tau lava o le upu moni i
 16 le suafa o Ieova? Ona fai mai lea
 o ia, Na ou iloa atu ia Isaraelu uma
 ua faataapeapeina i mauga, e pei o
 mamoe ua leai so latou leoleo. Ona
 fetalai mai lea o Ieova, O i latou
 na, ua leai so latou alii; ia latou
 taitasi ma toe foi atu i lona fale ma
 17 le filemu. Ona fai atu lea o le tupu
 o Isaraelu ia Iosefatu, Na ou le fai
 atu ea ia te oe, na te le vavalua mai
 ia te au se mea lelei, na o le mea
 18 leaga? Ua toe fai mai *Mekaio*, O
 lenei, ina faafogafoga mai ia i le
 afoga a Ieova. Na ou iloa atu ia
 Ieova o loo tietie i lona nofoālii, sa
 tutū foi 'au uma a le lagi i lona itu
 taumatau ma lona itu tauagavale.
 19 Ua fetalai atu foi Ieova, Po o ai ea
 na te faaoleole ia Aapo le tupu o
 Isaraelu ina ia alu ae o ia, ma oti i
 Ramota-Kiliata? Ona fai mai lea
 o le tasi e faapea, a e fai mai le isi
 20 e faapea. Ona alu ane ai lea o le
 tasi agaga, ma tu mai i luma o
 Ieova, ua fai mai, Ou te faaoleole
 ia te ia. Ua fetalai atu, Ieova ia
 21 te ia, I ni a ea? Ona fai mai lea o
 ia, Ou te alu atu, ma ou fai ma
 agaga pepelo i gutu o ana perofeta
 uma. Ona fetalai atu lea o Ieova,
 E te faaoleole *ia te ia*, e te malo ai
 foi; ina alu ia, ma e faapea ona fai.
 22 O lenei, faautā, ua tuuina e Ieova
 le agaga pepelo i gutu o au perofeta
 nei, ma ua fetalai mai e Ieova
 23 ia oo le leaga ia te oe. Ona faala-
 tulata mai lea o Setekaia le atalii o
 Kenaana, ma na tu'i mai ia Mekaio
 i lona alafau, ma fai mai, Po o fea
 na ui ai le Agaga o Ieova nai ia te
 24 au, e tautala atu ia te oe? Ona
 fai atu ai lea o Mekaio, Faauta, e
 te iloa i lea lava aso e te alu atu ai
 25 i le afeafe tuloto e te lasi ai. Ona
 fai ane lea o le tupu o Isaraelu, Ina
 outou ave ia ia Mekaio, ma toe faa-
 foi ia te ia ia Amone le alii o le aai,
 26 ma Ioasa le atalii o le tupu; ma fai
 atu, O loo o faapea ona fai mai o
 le tupu, Ina tuuina atu ia o lenei
tamaloa i le fale puipui, ma fafaga

ia te ia i le mea e 'ai a e ua t'gaina,
 ma le vai a e ua t'gaina, seia ou toe
 foi mai ma le manuia. Ona fai mai 27
 lea o Mekaio, Afai lava e te toe
 maliu mai ma le manuia, ua cu le
 tautala i le afoga mai ia Ieova. Ua
 fai ane foi o ia, Ina faalogologo mai
 ia o outou le nuu uma.

Ona o ae lea o le tupu o Isa- 28
 raelu, ma Iosefatu le tupu o Iuta
 i Ramota-Kiliata. Ua fai atu le 29
 tupu o Isaraelu ia Iosefatu, Ou te
 ofu ese a'u, ma alu i le taua; a ia e
 ofu oe i lou lava ofu. Ona ofu lea
 o le tupu o Isaraelu i ofu ese; ona
 latou o lea i le taua. Ua fai atu le 30
 tupu o Suria i alii o kariota sa ia te
 ia, ua ia faapea atu, Aua ne'i tou
 tau ma se tagatānuu, po o se alii,
 tau lava o le tupu o Isaraelu. Ua 31
 iloa atu e alii e pulē i kariota ia
 Iosefatu, ona latou faapea ane lea,
 O le tupu o Isaraelu lena. Ona
 latou sisio ai lea ia te ia e tau; a ua
 alaga Iosefatu, ona fesoasoani mai
 ai lea o Ieova ia te ia; ona faaliliu-
 eseina lea o i latou e le Atua ia te
 ia. Ua iloa e alii e pulē i kariota e 32
 le o le tupu o Isaraelu lea, ona
 latou toe foi atu lea, ua le toe
 tuliloa ia te ia.

Ua soona fana e le tasi tagata 33
 lana u, ua lavea ai le tupu o Isa-
 raelu i le soo o le ofutau uamea.
 Ona fai atu lea o ia i le ta'ita'i o
 lona kariota, Ina lilii ane ia o lou
 lima, ina ia e ave ia te au i tua o
 'au; auā ua ou manua. Ua faate- 34
 tele le taua i lea aso; ua i ai pea
 foi le tupu o Isaraelu i lona kariota
 e faafeagai mai Suria, ua oo i le
 afafai. Ona oti lea o ia i le itu aso
 e goto ai le la.

O le aoaiga a Ieu ia Iosefatu.

UA toe foi atu Iosefatu le tupu 19
 o Iuta i lona fale i Ierusalem ma
 le filemu. Ona sau lea o Ieu le 2
 atalii o Hanani le tagata vaai e faa-
 fetai ai ia te ia, ua faapea mai foi o
 ia i le tupu o Iosefatu, E tataua ea
 ona e fesoasoani i e amio leaga, ma
 alofa atu ia te i latou o e 'ino'ino ia
 Ieova? O le mea lea o loo i luga ai
 ia te oe le toasa mai ia Ieova. A e 3
 peitai ua maua mea lelei o ia te oe,
 ina ua e aveescina tupua o Asaira

i le nuu, ma ua saunia lou loto e sailili i le Atua.

- 4 Ua nofo Iosefatu i Ierusalem; ona toe alu atu lea o ia i le nuu e gata mai i Peresepa e gata mai i le mauga o Efaraima, ma na faafoisia mai i latou ia Ieova le Atua o latou tamā. Ua tofia foi e ia faamasino i le nuu i aai nofo 'olo uma o Iuta, o lea aai ma lea aai. Ua ia fai atu foi i faamasino, ia outou lava i mea tou te faia; auā tou te le faamasino mo tagata, a o Ieova, ua ia te outou o ia i mea tou te faamasino ai. O lenei, ia ia te outou le mata'u ia Ieova; ia faaeteete outou, ma ia outou faia; auā e leai se amioletonu ia Ieova lo tatou Atua, po o se faailogaina o tagata, po o se talia o mea alofa.
- 8 Ua tofia foi e Iosefatu i Ierusalem nisi o sa Levī, ma faitaulaga, ma matai sili o Isaraelu mo le faamasinoga a Ieova, ma finauga, ina ua latou toe foi mai i Ierusalem.
- 9 Ua ia fai atu ia te i latou, ua faapea atu, Ia faapea ona faia e outou ma le mata'u ia Ieova, ma le faamaoni, ma le loto sao. O finauga uma e au mai ia te outou mai o outou uso, o e nonofo i o latou aai, i le toto ma le toto, o le tulafono ma le poloaiga, o sauniga ma faamasinoga, tou te apoapoi foi ia te i latou, ina ne'i latou agasala atu ia Ieova, ma oo mai le toasa ia te outou ma o outou uso; ia faapea ona outou faia ona le agasala lea o outou. Faauta foi, o Amaria o le faitaulaga sili e pule ia te outou i mea uma a Ieova; ma Sepatia le atalii o Isamaeli, o lē pule i le aiga o Iuta, i mea uma a le tupu; o sa Levī foi e fai ma faipule i o outou luma. Ia faamalosi ma ia faia; e i ai foi Ieova i e o amio lelei.

O le tatalo a Iosefatu ina o sii mai le taua e Moapi ma Amoni.

- 20 UA mavae ia mea, ona o mai ai lea o le fanauga a Moapi, ma le fanauga a Amoni, e faatasi ma i latou foi nisi o sa Amoni, e tau ma Iosefatu. Ona o mai lea o isi, ma fai mai ia Iosefatu, ua faapea mai, O loo o mai le vao tagata e matuā toatele e tau ma oe, mai le la itu o

le sami, mai Suria; faauta foi, o i Haseso Tamara i latou, o Enokati lea. Ona mata'u ai lea o Iosefatu, 3
ua ia faamalosi ai e sailili ia Ieova, ma ua tala'iina e ia le anapogi ia Iuta uma. Ona faapotopototo ai lea 4
o Iuta e sailili ia Ieova; ua latou o mai foi mai aai uma o Iuta e sailili ia Ieova. Ona tulai lea o Iosefatu 5
i le faapotopotoga o Iuta ma Ierusalem, i le fale o Ieova, i luma o le lotoā fou, ua faapea atu, Ieova e, 6
Atua o matou tamā, e le o le Atua ea oe i le lagi? E te le pule ea oe i malo uma o nuu ese? E le o i lou aao ea le mana ma le malosi, e le mafaia e se tasi ona tetee atu ia te oe? E le o lo matou Atua ea oe, 7
na e tulia i latou sa nonofo i lenei nuu i luma o lou nuu o Isaraelu, ma ua e foaiina mai ai i le fanau a 8
Aperaamo lau uo e faavavau? Ua latou nonofo ai, ma fai ai mo le malumalu mo lou suafa, sa faapea atu, Afai e oo mai mea leaga ia te i 9
matou, o le pelu, po o le sala, po o le faamai, po o le oge, ma matou tutū i luma o lenei fale, atoa ma ou luma, auā o i ai lou suafa i lenei fale, ma matou valaau atu ia te oe i lo matou puapuaga, ona e faafofoga mai ai lea, ma faaola mai. O lenei foi, ia e sisila mai, o le 10
fanauga a Amoni, ma Moapi, ma le mauga o Seira, o i latou na e le mafai ona tuu mai ia Isaraelu ia osofia i latou, ina ua latou o mai mai le nuu o Aikupito, a ua latou 'alo ese ia te i latou, ma ua le faaumatia i latou; silasila ia i 11
latou, ua faapea ona latou tau mai ia te i matou, ua o mai e tutuli ia te i matou ai lou tofi na e foai mai mo i matou. Lo matou Atua e, e 12
te le faamasino ea ia te i latou? Auā e leai so matou malosi e tetee i lenei vao tagata e toatele, ua o mai e tau ma i matou; ua matou le iloa foi se mea e fai; a ua faasaga atu i matou ia te oe. Ua tutū Iuta 13
uma i luma o Ieova, ma o latou tama iti, o a latou avā, ma a latou fanau. Ona oo mai lea o le Agaga 14
o Ieova i luga o Iaaseelu i totonu o le faapotopotoga, o ia o le atalii o Sakaria, o le atalii ia o Penaia, o le atalii ia o Ieielu, o le atalii ia o

Matania, o lo sa Levi, o lo le fanau-
 15 ga a Asafo; ua ia faapea atu, O
 outou Iuta uma, ma e ua nonofo i
 Ierusalemā, ma oe le tupu o Iose-
 fatu, ina faafogafoga mai ia outou,
 o loo faapea ona fetalai mai o Ie-
 ova ia te outou, Aua ne'i fefefe, aua
 foi ne'i matatau outou, ona o lenei
 vao tagata e toatele; auā e le o lo
 16 outou taua lenei, a o lo le Atua. Ia
 outou o ifo taeao ia te i latou; faa-
 uta, ua o ae i latou i le aega i Sesa;
 tou te maua foi i latou i le mea e
 taunu ai le alia e feagai ma le vao
 17 o Ieruelu. E le tau outou i lenei
 taua; tutū ia outou, ma ia outou
 tumau, ma outou vaai atu i le ola-
 taga mai ia Ieova o loo ia te outou;
 Iuta ma Ierusalemā e, aua le fefefe,
 aua foi le matatau; ia o atu taeao
 ia te i latou; e ia te outou foi o
 18 Ieova. Ona punou lea o Iosefatu i
 lalo i le elelee; ua faapaū foi Iuta
 uma ma e ua nonofo i Ierusalemā i
 luma o Ieova, ua ifo atu ia Ieova.
 19 O sa Levi, o le fanauga a sa Koatō,
 ma le fanauga a sa Korū, ua tutū i
 latou e vivii ia Ieova le Atua o Isa-
 raelu i le leo tele ma le maualuga.
 20 Ua latou ala tulai i le taeao, ma
 o atu i le vao o Tikoā; o loo o atu i
 latou, ona tu atu lea o Iosefatu, ua
 faapea atu, Iuta e, ma outou e no-
 nofo i Ierusalemā, faalogologo mai
 ia ia te au. Ina faatuatua ia ia
 Ieova lo outou Atua, ona faatu-
 mauina lea o outou; ia outou faa-
 tuatua i ana perofeta, ona outou
 21 manuia ai lea. Ua ia filifili ma le
 nuu, ona tofia lea e ia o e pepese ia
 Ieova, ma ē vivii atu ua ia i latou
 teuga paia, i lo latou o atu i luma o
 'au, ma latou fai atu, Ia faamanū
 atu ia Ieova, auā e faavavau lona
 alofa.
 22 Ua latou amata ona pepese ma
 vivii atu, ona tuu atu lea e Ieova o
 'au ua tanu e tau ma le fanauga a
 Amoni, ma Moapi, ma le mauga o
 Seira, na o mai e tau ma Iuta; ua
 23 fāsia i latou. Auā na tulai le fanauga
 a Amoni ma Moapi e tau ma e
 nonofo i le mauga o Seira, e matuā
 fasioti ma faaumatia ai i latou; ua
 uma ona latou fāsia o e nonofo i
 Seira, ona fefasiai ai lea o i latou.
 24 Ua co atu Iuta i le 'olo e leoleo ai

ua i le vao, ona latou vaavaai atu ai
 lea i le vao tagata, faauta, o i latou
 o tagata oti, ua taatitia i latou i le
 elelee, ua leai se sao. Ua o mai 25
 Iosefatu ma lona nuu e vete mai a
 latou mea, ona latou maua lea ia te
 i latou o oloa e tele i tino o tagata
 oti, atoa ma teuga matagofie, ua
 latou to ese mo i latou, ua le mafai
 ona la'u; o aso e tolu o vete ai le
 oloa ina ua matuā tele ia. O le aso 26
 fa na latou faapotopoto ai i le vanu
 o Peraka; auā na latou faamanū ia
 Ieova i lea mea; o le mea lea ua
 faaigoa ai lea lava mea, o le vanu o
 Peraka ua oo mai i le aso nei. Ona 27
 foi mai lea o i latou, o tagata uma
 o Iuta ma Ierusalemā, ma Iosefatu
 na muamua i o latou luma e toe foi
 i Ierusalemā ma le fiasia, auā ua
 faafiasiaina i latou e Ieova i e na ita
 mai ia i latou. Ua latou o mai i 28
 Ierusalemā ma napeli, ma kitara,
 ma pu, i le fale o Ieova. Sa i ai le
 mata'u i le Atua i malo uma o ia
 nuu, ina ua latou faalogologo na
 tau Ieova ma i latou e ua ita mai
 ia Israelu. Sa toalemu le malo o 30
 Iosefatu; auā na tuuina mai le file-
 mu ia te ia e lona Atua i itu uma.
 Ua fai Iosefatu ma tupu ia Iuta. 31
 E tolu sefulu ma le lima ona tausa-
 ga ina o fai o ia ma tupu; na fai foi
 o ia ma tupu i Ierusalemā i tausaga
 e lua sefulu ma le lima. O Asopa
 le igoa o lona tinā, o le afafine o
 Seleki. Na savali o ia i le ala o 32
 Asa lona tamā, na le alu ese ai o
 ia; na faia e ia o mea tonu i luma o
 Ieova. A ua le aveeseina o mea 33
 maualuluga; auā o ona po ia ua le
 saunia ai e le nuu o latou loto i
 le Atua o latou tamā. O toe o 34
 mea na faia e Iosefatu, o mea
 muamua ma mea mulimuli, faauta,
 ua tusia i le tala a Ieu le atalii o
 Hanani, ua ta'ua i le tusi i tupu o
 Israelu.
 Ua mavae ia mea, ona faatasi lea 35
 o Iosefatu le tupu o Iuta ma Aasaiā
 le tupu o Israelu o le na fai amio
 matuā leaga. Na ia faatasi ma ia e 36
 fai vaa ai, e ō i Tasesa; na latou fai
 vaa i Esiokape. Ona vavalo lea o 37
 Elisara, le atalii o Totava o le Mare-
 sa, ia Iosefatu, ua faapea atu, Ua
 faamalepeina e Ieova au galuega,

II. NOFOAIGA A TUPU, 21, 22.

ina ua e faatasi ma Aasaia. Ona lepetia lea o vaa, ua le mafai ai ona ô i Tasesa.

O le amio leaga a Ioramo ; o le fou o Etoma ma Lipena.

- 21 UA taoto Iosefatu faatasi ma ona tamā, ua tanu foi o ia faatasi ma ona tamā i le aai a Tavita. Ona soloai ane ai lea o Ioramo lona atalii 2 e fai ma tupu. Sa ia te ia ona uso, o atalii o Iosefatu, o Asaraia, ma Ieielu, ma Sakaria, ma Asaraio, ma Mekaeli, ma Sefatiao ; o atalii uma ia o Iosefatu le tupu o Isaraelu. 3 Na foaiina atu e lo latou tamā ia te i latou mea alofa e tele, o ario, ma auro, ma oloa tauā, atoa ma aai nofo 'olo i Iuta ; a o le malo na ia tuuina ia Ioramo, auā o ia o le ulumatua. Ua maua e Ioramo le malo o lona tamā, ona faamalosi ai lea, ma na fasioti i ona uso uma i le pelu, atoa ma nisi alii sili o Isaraelu. 5 E tolu sefulu ma le lua o tausaga o Ioramo ina o fai o ia ma tupu ; ua fai foi o ia ma tupu i Ierusalemā i 6 tausaga e valu. Ua ia savali i le ala o tupu o Isaraelu, e pei ona faia e le aiga o Aapo ; auā ua fai mana avā le afafine o Aapo ; ua fai amio 7 leaga o ia i luma o Ieova. A e lei finagalo Ieova ona faaumatia le aiga o Tavita, ona o le feagaiga na osia ma Tavita, faapei ona fetalai mai o ia, e tuuina mai le lamepa ia te ia ma ana fanau i aso uma. 8 O lana nofoaiga na foua ai Iuta e Etoma, ua latou faanofo foi so latou 9 lava tupu. Ona o atu lea o Ioramo, mā alii sili ua ia te ia, atoa ma ana kariota uma faatasi ma ia ; ona tulai lea o ia i le po, ma na fasi ia Etoma na sio ia te ia, atoa ma alii o kariota. 10 A ua foua Iuta e Etoma, ua oo lava i ona po nei. O ia ona po na foua ai o ia e Lipena ; auā na tuua e ia o 11 Ieova le Atua o ona tamā. Ua faia foi e ia o mea maua luga i mauga o Iuta, ma faatupu le faitaaga i e nonofo i Ierusalemā, ma na tosina ai Iuta. 12 Ua au mai le tusi ia te ia mai ia Elia le perofeta, ua faapea mai, O loo faapea ona fetalai mai o Ieova le Atua o Tavita lou tamā, Ua e le savali i ala o Iosefatu lou tamā,

ma ala o Asa le tupu o Iuta, a ua e 13 savali i le ala o tupu o Isaraelu, ma ua e faatupuina le faitaaga ia Iuta, ma e o nonofo i Ierusalemā, e pei o faitaaga o le aiga o Aapo, ma ua e fasiotia foi ou uso o le aiga o lou tamā, o e ua sili ona lelei ia te oe ; faauta, o le mea lea e faaoo ai e 14 Ieova le malaia tele i lou nuu, ma lau fanau, ma au avā, ma au oloa uma ; o oe foi e ia te oe le māi 15 tele, o le māi e tupu i lou manava, seia paū i fafo lou gaau ona o le māi i lea aso ma lea aso.

Ua faaoso foi e Ieova ia Filisitia, 16 ma Arapi, o e ualatalata ane i Kusa, e tau ma Ioramo. Ona latou o ae 17 lea i Iuta, ma osofaiina ai, ma latou ave oloa uma na maua i le fale o le tupu, o ona atalii foi, ma ana avā, na le toe ia te ia se atalii, ua na o Ioasasa le aupito itiiti i ona atalii. Ua mavae ia mea uma, ona taia lea 18 o ia e Ieova i le māi i lona manava e le mafaamaloloina. Ua oo ina 19 mavae o aso e tele, ua atoa tausaga e lua, ona paū lea i fafo o lona gaau ona o lona māi ; ona oti ai lea o ia i māi leaga. Ua le muina le afi mo ia e lona nuu, e pei ona muina o afi mo ona tamā. E tolu sefulu ma le 20 lua ona tausaga ina o fai o ia ma tupu, na fai foi o ia ma tupu i Ierusalemā i tausaga e valu. Ua alu o ia e leai se tausaa i te ia. Ua tanu foi o ia i le aai a Tavita, a e le o i tuugamau o tupu.

O le amio leaga a Aasaia ; o le fasiaga o ia e Ieu.

ONA tofia lea e fai ma tupu e i 22 latou e na nonofo i Ierusalemā o Aasaia lona atalii aupito itiiti e sui a'i o ia ; auā na fasiotia o e matutua uma e 'au na o mai ma tagata Arapi i le toagālauapi. O lea na fai ai ma tupu o Aasaia le atalii o Ioramo le tupu o Iuta. E fa sefulu ma le lua 2 o tausaga o Aasaia ina o fai o ia ma tupu ; na fai o ia ma tupu i Ierusalemā i le tausaga e tasi. O le igoa o lona tinā o Atalia le afafine o Omeri. O ia foi ua savali i ala o le 3 aiga o Aapo ; auā na taulalo ese lona tinā ia te ia ina ia amio leaga. Ua amio leaga o ia i luma o Ieova e 4 faapei o le aiga o Aapo ; auā na

II. NOFOAIGA A TUPU, 23.

- latou taulalo ese ia te ia, ina ua oti
 5 lona tamā, e oo ai lona malaia. Ua
 savali o ia e tusa ma lo latou taulalo
 ese, ua la o foi ma Ioramo le atalii o
 Aapo le tupu o Israelu e tau ma
 Asaeli le tupu o Suria i Ramota-
 Kiliata; ua manua foi Ioramo i
 6 tagata o Suria. Ua toe foi o ia i
 Isereelu e fofa ai ona manua na
 manua ai o ia i Rama ina o tau ma
 Asaeli le tupu o Suria. Na alu ifo
 foi Asaria le atalii o Ioramo le tupu
 o Iuta e asiasi ia Ioramo le atalii o
 Aapo i Isereelu, auā ua manua o ia.
 7 O le malaia o Aasaia mai le Atua
 lea, ina ua sau o ia ia Ioramo; auā
 na oo i ai, ona la o atu lea ma
 Ioramo ia Ieu le atalii o Nimesi, o
 le na faauuina e Ieova ia faaumatia
 8 le aiga o Aapo. Na maua foi e Ieu
 o alii sili o Iuta, ma atalii o uso o
 Aasaia, o e na auuina ia Aasaia, ina
 o faaoo e ia le sala i le aiga o Aapo,
 9 ona fasiotia lea e ia o i latou. Na
 sailiili e ia o Aasaia, na latou pue ia
 te ia, auā na lafi o ia i Samaria, ona
 latou aumaia lea o ia ia Ieu; ua
 latou fasioti foi ia te ia, ona latou
 tanumia lea o ia; auā ua faapea a
 latou, o ia o le atalii o Iosefatu, o le
 na saili ia Ieova ma lona loto atoa.
 Ua leai foi se toe malosi i le aiga o
 Aasaia e taofi i le malo.
 10 Ua iloa e Atalia le tinā o Aasaia
 ua oti lana tama tane, ona tulai lea
 o ia, ma faaumatia le fanau uma a
 11 le tupu o le aiga o Iuta. A o Iosapa
 le afafine o le tupu, ua ia ave ia
 Ioasa le atalii o Aasaia, ua āisola ia
 te ia ai atalii o le tupu e na fasiotia,
 ma ua tuu o ia ma le na tausi ia te
 ia i le potu moe. O Iosapa le afafine
 o le tupu o Ioramo le avā a Ieoiata
 le faitaulaga, (auā o ia o le tuafafine
 o Aasaia,) ua natia ai o ia ia le iloa
 ai e Atalia, ona ia le fasiotia ai lea o
 12 ia. Sa i ai foi o ia ia te i latou, ua
 natia i le fale o le Atua i tausaga e
 ono. Ua fai foi Atalia ma tupu i le
 nuu.
 O le faanofoina o Ioasa i le malo e
 Ieoiata; o le fasia o Atalia.
- 23 A O le fitu o tausaga na faamalosi
 ai Ieoiata, ma ua ia faia le feagaiga
 ma alii o taitoaselau, o Asaraia le
 atalii o Ieramo, ma Isamaeli le
 atalii o Ioanana, ma Asaraia le atalii
 o Opeta, ma Maaseia le atalii o
 Ataia, ma Elisafata le atalii o Se-
 kari. Ona latou faataamilo lea i
 2 Iuta, ma faapotopotoina sa Levī
 mai aai uma o Iuta, ma matai sili o
 Israelu; ona latou o mai ai lea i
 Ierusalem. Ona osi ai lea o le fea-
 gaiga a le faapotopotoga uma ma le
 3 tupu, i le fale o le Atua. Ua ia faa-
 pea atu foi ia te i latou, Faauta, e
 fai le atalii o le tupu ma tupu e
 tusa ma le fetalaiga a Ieova i le
 fanauga a Tavita. O le mea lenei
 4 tou te faia; o le tasi vasega o lona
 vaetoluina o outou, o le au faitau-
 laga ma sa Levī, o e ulufale mai i le
 sapatu, latou te fai ma leoleo faito-
 toa; e i ai foi le tasi vaega i le fale
 5 o le tupu; ma le tasi vaega i le fai-
 totoā o le faavae; a o le nuu uma e
 i ai i lotoā o le fale o Ieova. A e
 6 aua le o mai nisi i le fale o Ieova, ua
 na o le au faitaulaga, ma i latou o e
 auuina o sa Levī; latou te ulufale i
 ai, auā ua faapaiaina i latou, a o le
 nuu uma latou te anaana i tausiga a
 Ieova. E vagavagai sa Levī i le tupu
 7 ia soo ai, o le tagata ma lana au-
 upega i lona lima; ai se tasi e ulufale
 mai i le fale, ia fasiotia o ia; a ia
 outou i ai i le tupu i lona ulufale
 mai ma lona ulufafo atu. Ona faia
 8 lea e sa Levī ma Iuta uma e tusa
 ma mea uma na fai atu ai Ieoiata le
 faitaulaga, ua taitasi ma ave ona
 tagata e ulufale mai i le sapatu, atoa
 ma e ulufafo atu i le sapatu; auā ua
 le faatuua vasega e Ieoiata le fai-
 9 taulaga. Ona avatu lea e Ieoiata le
 faitaulaga i alii o taitoaselau o tao,
 ma talita tetele, ma talita a Tavita
 le tupu sa i le fale o le Atua. Ua
 10 tofia e ia o tagata uma e tutū faa-
 taaliolio i le tupu, o le tagata ma
 lana auupega i lona lima, e afua i
 le itu taumatau o le fale e oo i le itu
 tauagavale o le fale, i tafatafa ane o
 le fata faitaulaga ma le fale. Ona
 11 latou aumaia lea o le atalii o le
 tupu, ma faaeeina ia te ia le palealii,
 ma avatu ia te ia le tulafono, ma ua
 fai o ia ma tupu. Na faauuina o ia
 e Ieoiata ma ona atalii, ona latou fai
 atu lea, Ia soifua le tupu.
 Ua faalogo Atalia i le vāvāo o le
 12 nuu o loo femoei, ma vivii atu i le

II. NOFOAIGA A TUPU, 24.

- tupu, ona sau ai lea o ia i le nuu i le
 13 fale o Ieova; ua vaai atu o ia, faa-
 uta, ua tu mai le tupu i lona pou i
 le faitotoa, ma alii ma *e ili* pu e lata-
 lata i le tupu; o tagata uma o le
 nuu ua olioli mailia pu, ma *ē* pepese
 ma laaupese, ma i latou o e a'oa'o
 atu i viiga; ona saei ai lea e Atalia
 i ona ofu, ma faapea atu, O le fou-
 14 vale, o le fouvale. Ona aumaia lea
 i fafo e Ieoiata le faitaulaga o alii o
 taitoaselau, o alii o 'au, ma na faa-
 pea atu ia te i latou, Ina ave ia ia te
 ia i tua o 'au ua faaatutolo; ai se
 mulimuli atu ia te ia ia fasiotia o ia
 i le pelu; auā na faapea a le faitau-
 15 laga, Aua le fasioti ia te ia i le fale
 o Ieova. Ua latou pue ia te ia; ua
 oo atu o ia i le ala e ui ai i le faito-
 toa o solofanua i le fale o le tupu;
 ona latou fasioti lea ia te ia i lea
 mea.
- 16 Ona osi lea o le feagaiga a Ieoiata,
 o ia, ma le nuu uma, ma le tupu, e
 17 avea i latou ma nuu o Ieova. Ona o
 atu lea o le nuu uma i le fale o
 Paala, ma latou lepetia, ma latou
 tu'imomoia ona fata faitaulaga ma
 ona tupua, ma latou fasiotia Matana
 le faitaulaga a Paala i luma o fata
 18 faitaulaga. Ua tofia e Ieoiata o to-
 figa o le fale o Ieova e faia e le au
 faitaulaga o sa Levī, o i latou na
 tofia e Tavita i le fale o Ieova e fai
 taulaga mu ia Ieova, e pei ona tusia
 i le tulafono a Mose, ma le fiafia ma
 19 le pese, e pei ona faia e Tavita. Ua
 tofia foi e ia o leoleo faitotoa i fai-
 totoa o le fale o Ieova, ina nefi ulu-
 fale mai lē ua leaga i se mea e tasi.
- 20 Ua ave foi e ia o alii o taitoaselau,
 ma alii, ma faipule o le nuu, atoa
 ma tagata uma o le nuu, ma latou o
 ifo ma le tupu nai le fale o Ieova;
 ma ua latou ui mai ai i le faitotoa
 aupitcaluga i le fale o le tupu, ma
 ua latou faanofo le tupu i le nofoālii
 21 o le malo. Ona olioli lea o tagata
 uma o le nuu; ua filemu foi le aai,
 ina ua fasiotia e i latou o Atalia i le
 pelu.
- O tala i mea na tutupu i le nofoaiga
 a Ioasa.*
- 24 E FITU tausaga o Ioasa ina o
 fai o ia ma tupu; ua fai foi o ia ma
 tupu i Ierusalem a tausaga e fa
- sefulu. O le igoa o lona tinā foi o
 Sevi o le Peresepa. Ua faia foi e
 Ioasa le amiotonu i luma o Ieova i
 aso uma o Ieoiata le faitaulaga. Ua
 aumaia e Ieoiata o avā e toalua mā
 ia. Na fanaua foi ona atalii ma ona
 afafine.
- Ua mavae ia mea, ona loto lea o
 Ioasa e toe teuteu le fale o Ieova.
 Ona faapotopotoina lea e ia o le au
 faitaulaga ma sa Levī, ua faapea
 atu ia te i latou, O atu ia outou i
 aai o Iuta, ma faaputu tupe mai ia
 Isaraelu uma e toe teuteu a'i le fale
 o lo outou Atua i lea tausaga ma
 lea tausaga, ia faavave foi e outou
 lerei mea. A ua le faavaveina lava
 e sa Levī. Ona aami lea e le tupu
 o Ieoiata, o le ua sili, ma na faapea
 atu ia te ia, Se a le mea ua e le fai
 atu ai i sa Levī e au mai mai Iuta
 ma Ierusalem a le taulaga, *e tusa ma
 le poloaiga* a Mose le auaua a
 Ieova, ma le faapotopotoga o Isara-
 elu, mo le fale fetafai o le tulafono.
 Auā na sofaia le fale o le Atua e
 tama tanē a Atalia, le fafine amio
 leaga; ma latou avatu foi ia Paala
 mea faapaiaina uma o le fale o
 Ieova. Ua fai atu foi le tupu, ona
 latou faia lea o le atolaau, ma tuu
 ai i fafo i le faitotoa o le fale o
 Ieova. Ona latou talafi atu ai lea i
 Iuta ma Ierusalem e au mai ia
 Ieova le taulaga na *poloai mai* ai
 Mosele auaua a le Atua ia Isaraelu
 i le vao. Ona fiafia lea o alii uma
 ma le nuu uma, ua latou au mai a
 latou taulaga, ma lafo i le atolaau,
 ua oo ina atoa. O le aso na au mai
 ai le atolaau, e sa Levī i e leoleo
 mea a le tupu, ma ua latou iloa e
 tele tupe, ona o mai lea o le tusi
 upu a le tupu, ma le auaua a le
 faitaulaga sili e sasaa le atolaau, ma
 toe ave i le mea na tuu ai. Sa faa-
 pea ona faia e i latou i lea aso ma
 lea aso, ma latou faaputu ai tupe e
 tele. Ona avatu ai lea e le tupu ma
 Ieoiata i e na galulue i le faiga o le
 galuega o le fale o Ieova, ma totogi
 ai i e talai *maa*, ma tufuga, e toe
 teuteu ai le fale o Ieova, ma e fai-
 galuega foi i uamea, ma 'apa memea,
 e toe teuteu ai le fale o Ieova. Ua
 galulue le au faigaluega, ua uma
 ona fai e i latou le galuega, ua latou

- toe faia le fale o le Atua pei ona tuga tuai, ma ua latou faamalosia.
- 14 Ua uma a latou galuega, ona latou aumaia lea o tupe na totoe i luma o le tupu ma Ieoiata, ona latou fai a'i lea o ipu mo le fale o Ieova, o ipu e auauna a'i, ma osi taulaga a'i, ma ipu e asu a'i, o ipu auro foi ma ipu ario. Ona latou fai ai lea o taulaga mu i le fale o Ieova e le aunoa i aso uma o Ieoiata.
- 15 Ua tocaina lava Ieoiata, ma ua tuu tulu'i lona ola, ona oti lea o ia. E tasi le selau ma le tolugafulu ona tausaga ina ua oti o ia. Ua latou tanumia o ia i le aai a Tavita faatasi ma tupu, auā na ia faia le mea lelei ia Isaraelu i a le Atua, atoa ma lona fale.
- 17 Ua mavae le oti o Ieoiata, ona o mai lea o alii o Iuta, ma latou ifo i le tupu. Ona faalogo ai lea o le tupu ia te i latou. Ua tuua e i latou le fale o Ieova le Atua o latou tamā, ma latou auauna i tupua o Asaira, ma isi tupua. Ona oo mai ai lea o le toasa ia Iuta ma Ierusalemā, ona o la latou agasala lea. Ua aauina atu foi e ia o perofeta ia te i latou e toe faafoisia mai i latou ia Ieova; ma ua latou aoai atu ia te i latou; a ua le faalogo mai lava i latou. Ona oo mai lea o le Agaga o le Atua ia Sakaria le atalii o Ieoiata le faitaulaga, ua tu foi o ia i luga o le nuu, ma fai atu ia te i latou. O loo faapea ona fetalai mai o le Atua, Se a le mea tou te soli ai poloaiga a Ieova, e le manuia ai outou? Ua tuua e outou o Ieova, o le mea lea
- 21 ua tuua ai outou e ia. Ona foua lea o ia e i latou, ma latou fetogi ia te ia i maa i le lotoā o le fale o Ieova,
- 22 ina ua fai atu ai le tupu. Ua le manatua e le tupu o Ioasa le alofa o Ieoiata lona tamā ia te ia, a ua ia fasiotia lona atalii. Ua fai mai foi o ia ina a oti, E silasila mai le Atua, mana tauia.
- 23 Ua uma le tausaga, ona o ae lea o 'au a Suria e tau ma ia; na latou o mai i Iuta ma Ierusalemā, ma faaumatia alii o le nuu ai le nuu, ma ua avatua i le tupu o Tamaseko
- 24 a latou mea uma na vetea. Auā na o mai 'au a Suria e toaititi tagata, a ua tuuina atu e Ieova o 'au e ma-

tuā tele lava i o latou lima, auā ua latou tuua Ieova le Atua o latou tamā. Ua latou faaoo le sala ia Ioasa. Ua latou o ese ia te ia (auā 25 ua tele ona ma'i ina ua tuua o ia e i latou), ona foua lea o ia e ana auauna oia o le toto o atalii o Ieoiata le faitaulaga, ma latou fasioti ia to ia i lona moega, ona oti ai lea o ia: ua latou tanumia foi o ia i le aai a Tavita, a ua latou le tanua o ia i tuugamau o tupu. O i lau nei na 26 foua o ia; o Sapata o le tama tano a Semea o le Amoni; ma Iosapa le tama tane a Someri o le Moapi. O 27 le tala foi i ona atalii, ma le tele o avega na faaee ia te ia, ma le faavaeina o le fale o le Atua, faauta, ua tusia i le tala o i le tusi i tupu. Ona soloai ane lea o Amasia lona atalii e fai ma tupu.

O le nofoaiga a Amasia, ma lona faatoilalo o Etoma.

E LUA sefulu ma le lima o tau-25 saga o Amasia ina o fai o ia ma tupu, ua fai foi o ia ma tupu i Ierusalemā i tausaga e lua sefulu ma le iva. O le igoa o lona tinā o Ioa-tana, o le Ierusalemā ia. Ua faia e 2 ia le amiotonu i luma o Ieova, a ua le faia ma le loto atoatoa. Ua mau 3 le malo ia te ia, ona ia fasiotia lea o ana auauna e na fasioti i lona tamā o le tupu. A ua le fasiotia a latou 4 fanau, a ua faia e pei ona tusia i le tulafono i le tusi a Mose, na poloai mai ai Ieova, ua faapea mai, Aua ne'i fasiotia tamā e sui a'i le fanau, aua foi ne'i fasiotia le fanau e sui a'i o latou tamā, a ia taitasi le tagata ma fasiotia o ia ona o lana lava agasala.

Ua faapotopotoina o Amasia o 5 Iuta, ma na tofia i latou e fai ma alii o taitoaafe, ma alii o taitoase-lau, i aiga o latou tamā, i Iuta uma ma Peniamina; ua ia faitauina i latou e afua i e na luafulu o latou tausaga ma e ua matutua ai, ma ua 6 iloa o i latou e tolu selau o afe o tagata tau ua filifilia, e o atu i taua, o e ave tao ma tali pupuni. Ua 7 faaaloatauaina foi e ia o toa malolosi e selau o afe mai Isaraelu i taleni ario e tasi le selau. A ua sau le tagata o le Atua ia te ia, ua faa-

pea atu, Le tupu e, aua ne'i o faa-
tasi ma oe 'au a Isaraelu; auā e le
o i ai Ieova ia Isaraelu, o le fanauga
8 uma ia a Efaraima. A e afai e te
alu lava oe, ia faia o lea, ia faama-
losi i le taua; e faatautevatevaina
oe e le Atua i luma o e ita mai; auā
o i ai le malosi i le Atua e fesoaso-
ani ai, ma faatautevatevaina ai.
9 Ona faapea mai lea a Amasia i le
tagata o le Atua, A e faapefea ea
taleni e selau ua ou avatu ai i 'au a
Isaraelu? Ona tali atu lea o le
tagata o le Atua, E mafaia e Ieova
ona foai mai ia te oe mea e sili i
10 lena. Ona vavae atu lea o i latou e
Amasia, o 'au lava na o mai ia te ia
mai Efaraima, ia o ilo latou nuu; ona
matuā tupu tele ai lea o lo latou ita
ia Iuta, ma ua latou toe foi i lo latou
11 nuu ma le ita tele. A ua faamalosi
Amasia, ma ua ta'itai atu lona nuu,
ma ua o atu i le vanu masimā, ma
fasiotia le fanauga a Seira e sefulu
12 afe. A o afe e sefulu o e ola ua ave
faatagataotaua e le fanauga a Iuta,
ma ave ia te i latou i luga o le mato,
ma lafo i lafo i latou ai luga o le
mato, ona momomo ai lea o i latou
uma.
13 A o tagata o 'au na toe faafoisia
e Amasia, ina ne'i latou o ma ia i le
taua, na latou osofia aai o Iuta, e
gata mai i Samaria e gata atu i
Peteorana, ma fasia o latou e tolu
o afe, ma latou vetea le vete e tele.
14 Ua toe foi mai Amasia nai le
fasiga o tagata o Etoma, ona au
mai lea e ia o atua o le fanauga a
Seira, ma ua faatuina e fai mona
atua, ma ifo atu i o latou luma, ma
faamu mea manogi ia te i latou.
15 Ona tupu lea o le toasa o Ieova ia
Amasia, ua auina atu ai foi e ia o le
perofeta ia te ia, ma ua faapea atu
ia te ia, Se a le mea ua e sailiili ai
i atua o le nuu ua le mafaia ona
16 laveai lo latou nuu ai lou lima? O
loo tautala atu o ia ia te ia, ona faa-
pea mai lea o le tupu ia te ia, Ua
tofia ea oe se tasi o le au faipule a
le tupu? Soia o oe, se a le mea e
fasia ai oe. Ona tuua ai lea e le
perofeta, a ua faapea atu, Ua ou
iloa ua sinagalo le Atua ia fano oe,
ina ua e faia lenei mea, ma ua e le
faalogo i la'u faatonuga.

Ona filifili ai lea o Amasia le tupu 17
o Iuta, ma na auina atu le sāvali ia
Ioasa le atalii o Ioasasa, le atalii ia
o Ieu le tupu o Isaraelu, ua faapea
atu, Malia mai ia, se'i ta fesilafai.
Ona tali mai lea o Ioasa le tupu o 18
Isaraelu ia Amasia le tupu o Iuta,
ua faapea mai, Na ave le feau a le
laau talatala o i Lepanona i le arasi
o i Lepanona, ua faapea atu, Au
mai ia lou afafine e fai ma avā a
lo'u atalii; a ua ui ane le manu
feai sa i Lepanona, ua soli i le laau
talatala. Ua e faapea ane, faauta, 19
ua fasia e oe o Etoma; ua faamau-
alugaina ai foi lou loto e mitamita
ai; o lenei ina nofo ia oe i lou fale;
e te faatupu le leaga i se a, ina ia
malaia ai oe atoa ma Iuta faatasi
ma oe? A ua le faalogo Amasia, 20
auā mai le Atua lea mea ina ia tuu-
ina atu i latou i le lima o e ita mai,
ina ua latou sailiili atu i atua o
Etoma. Ona alu ae lea o Ioasa le 21
tupu o Isaraelu; ma ua la feiloai o
ia ma Amasia le tupu o Iuta i Pete-
semesa ua ia Iuta. Ona fasia lea o 22
Iuta i luma o Isaraelu, ma ua latou
taitasi ma sola i o latou fale ie. Ua 23
pue e Ioasa le tupu o Isaraelu ia
Amasia le tupu o Iuta o le atalii o
Ioasa, o le atalii lea o Ioasasa, i
Petesemesa, ua aumaia o ia i Ieru-
salema, ona lepeti ai lea e ia o
le pa o Ierusalem, e amata i le
faitotoa o Efaraima e oo atu i le
faitotoa o le tulimanu, o kupita e
fa selau. Ua na ave foi o auro ma 24
ario uma, ma ipu uma, ua maua
i le fale o le Atua sa ia Opete-
etoma, ma le oloa o le fale o le
tupu, atoa ma ni alii e fai ma
faafoi ita, ona foi atu ai lea o ia i
Samaria.

E sefulu ma le lima o tausaga na 25
ola ai Amasia le atalii o Ioasa le
tupu o Iuta, talu ona mavae ona oti
o Ioasa le atalii o Ioasasa le tupu o
Isaraelu. O toe o mea na faia e 26
Amasia, o mea muamua ma mea
mulimuli, faauta e lei tusia ea i le
tusi i tupu o Iuta ma Isaraelu? O 27
ia ona po na lilii ese ai o Amasia i
lona mulimuli ia Ieova, ua latou
foua ai foi o ia i Ierusalem; ona
sola lea o ia i Lakisa; a ua auina
atu nisi e tuliloa ia te ia i Lakisa,

- ma ua latou fasioti ia te ia i lea mea.
- 28 Ona latou au mai lea ia te ia i luga o solofanua, ma ua latou tanumia o ia faatasi ma ona tamā i le aai o Iuta.
- O le amiotonu a Usia, ma lona manuia. O lona faamaualuga, ua lepela ai.*
- 26 ONA ave ai lea e le nuu uma o Iuta ia Usia i le sefulu ma le ono o ona tausaga, ma ua tofia o ia e fai ma tupu e sui a'i lona tamā o Amasia. Ua ia faia Elata, ma na toe tuuina mai ai ia Iuta, ina ua taoto
- 3 le tupu faatasi ma ona tamā. E sefulu ma le ono o tausaga o Usia, ina ua fai o ia ma tupu, ua fai foi o ia ma tupu i tausaga e limagafulu ma le lua i Ierusalemā. O Iekalia foi le igoa o lona tinā, o le Ierusalemā ia. Ua ia faia le amiotonu i luma o Ieova, e tusa ma mea uma
- 5 na faia e lona tamā o Amasia. Ua ia saili atu i le Atua i ona po o Sakaria o le sa potō i faaaliga mai le Atua; o aso foi na ia saili atu ai ia Ieova sa faamanuia o ia e le
- 6 Atua. Ua alu atu foi o ia ua tau ma Filisitia, ma sōloia le pa o Kata, ma le pa o Iapene, ma le pa o Asetota, ma ua faia e ia o aai i Asetota
- 7 ma Filisitia. Ua fesoasoani mai foi le Atua ia te ia e tau ma Filisitia, ma tagata o Arapi o e nonofo i Kuro-paala, ma tagata o Maona.
- 8 Ua aumaia foi e tagata o Amoni o taulaga ia Usia; ua avea foi lona logo e oo atu i le ala e ui ai i Aikupito; auā na ia matuā faamalosi lava.
- 9 Ua faia e Usia 'olo i Ierusalemā i luga o le faitotoa o le tulimanu, ma luga o le faitotoa o le vanu, ma luga o le tulimanu o le pa, ua na
- 10 faia ia malolosi. Ua faia foi e ia o 'olo i le vao, ma ua eli vaieli e tele; auā sa ia te ia o lafu manu e tele i le nuu maulalo, ma le eleele laugatasi; o tagata galuefanua foi, ma tagata galuevine i mauga ma Karamelu; auā sa fiasia o ia i galuega i le fanua.
- 11 Sa ia Usia o 'au, o tagata tau o e na o atu i fuai 'au e tau ai taua, e tusa ma le faitau aofai o i latou e Ieielu le tusiupu, ma Maaseia le fai-
- pule, e i le pule foi a Hanania, o le tasi alii ave 'au a le tupu. O le 12 faitau aofai o matai sili, o toa malolosi, e lua afe ma le ono o selau. Ua latou pule i 'au tau e tolu selau 13 o afe ma le fitu o afe ma le lima o selau, o e taulia taua ma le loto tetele, e fesoasoani i le tupu e tau ma e ita mai. Ua saunia foi e Usia 14 mo ia 'au uma o talita, ma tao, ma pulou tau, ma ofu tau uamea, ma aufana, ma maa o maata. Ua faia 15 e ia i Ierusalemā o mea e fana a'i, ua mafaufaina e tagata popoto i galuega, ma tuu ai i luga o 'olo, ma luga o tulimanu o le pa, e fana a'i u ma maa tetele. Ua oo atu lona logo i mea mamao; auā e maeu le fesoasoani ia te ia, ua oo ina malosi lava o ia.
- Ua malosi o ia, ona faamaualuga- 16 ina lea o lona loto, e iu ai i lona malaia; auā ua ia agasala atu ia Ieova, lona Atua, ua alu atu i le malumalu o Ieova e faamu ai mea manogi i luga o le fata e faamu ai mea manogi. Ona mulimuli atu 17 lea ia te ia o Asaraia le faitaulaga, atoa ma faitaulaga a Ieova e toavalugafulu faatasi ma ia, o tagata loto tetele; Ona latou tetee lea ia 18 Usia le tupu, ua latou faapea atu ai, Usia e, e te le aia ona faamu o mea manogi ia Ieova, a o le au faitaulaga o le fanauga a Arona, ua faapaiaia i latou e faamu ai mea manogi; maluu ese ia oe i le malumu; auā ua e agasala lava; e le oo ai ia te oe se mamalu mai ia Ieova le Atua. Ona ita ai lea o Usia, 19 sa i lona lima le ipu e mu ai mea manogi; o loo ita o ia i le au faitaulaga, ona tupu loa lea o le lepela i lona muaulu i luma o le au faitaulaga i le fale o Ieova, i tafatafa o le fata e mu ai mea manogi. Ua vaa- 20 vaai atu ia te ia o Asaraia le faitaulaga sili, ma le au faitaulaga uma, faauta foi, ua i ai ia te ia le lepela i lona muaulu, ona latou tuli atu ai lea ia te ia ai lea mea; o ia foi ua faataalise ona alu i fafo, auā ua taia o ia e Ieova. Sa lepela Usia le 21 tupu ua oo i le aso na oti ai, ma ua faleesea o ia, ina ua lepela; auā ua faateaeeseina o ia i le fale o Ieova. O Iotama foi lona atalii na pule i le

aiga o le tupu, o faamasino e ia o tagata o le nuu.

- 22 O toe o mea na faia e Usia, o mea muamua ma mea mulimuli, ua tusia e Isaia le perofeta o le atalii o
23 Amota. Ua taoto Usia faatasi ma ona tamā, ma latou tanumia o ia faatasi ma ona tamā i le fanua e tanu ai ua i tupu; auā ua faapea a latou, O ia o le lepela. Ona soloai ane ai lea o Iotama lona atalii e fai ma tupu.

O le amiotonu a Iotama ma lona manuā.

O le amio leaga a Aasa, ma le tulia o ia i taua.

E LUAFULU o tausaga o Aasa 28
ina ua fai o ia ma tupu; o tausaga e sefulu ma le ono na fai ai o ia ma tupu i Ierusalema; a ua le faia e ia le amiotonu i luma o Ieova, e pei o Tavita lona tamā; a ua savali o ia i ala o tupu o Isaraelu, ua faia foi e ia o tupua uamea o Paala. Ua ia faamu foi mea manogi i le vanu o le atalii o Hinoma, ma susunu ana fanau i le afi, e tusa ma tu leaga a nuu ese na tulia e Ieova i luma o le fanauga a Isaraelu. Ua ia fai tau- 4
laga foi, ma faamu mea manogi i mea mauualuluga, i luga foi o mauga, atoa ma lalo o laau lauolaola uma. Ona tuuina atu ai lea o ia e Ieova 5
lona Atua i le lima o le tupu o Suria; ua latou fasia foi lana itu taua, ma ua latou ave faatagataotaua ni o latou o le vao tagata e toatele, ma avatu ai i Tamaseko. Ua tuuina atu foi o ia i le lima o le tupu o Isaraelu, ua fasia foi lana itu taua i le fasi 6
tele. Ua fasia e Peka le atalii o Remalia i Iuta o tagata e selau afe ma afe e luafulu i le aso e tasi, o toa uma ia; auā ua tuua e i latou o Ieova le Atua o latou tamā. O 7
Sekari le toa o Efaraima, ua ia fasiotia Maaseia le atalii o le tupu, ma Aserikama le pule i le aiga, ma Elekana le aupito ane i le tupu. Ua 8
ave faatagataotaua e le fanauga a Isaraelu o latou uso e lua selau o afe, o fafine, o tama, ma teine, ma mea foi e tele ua vete ia te i latou, ma ua ave i Samaria mea na vetea 9
mai. Sa i ai foi i lea mea o le perofeta a Ieova, o Oteta lona igoa; ua alu atu o ia i luma o 'au na o mai i Samaria, ma ua faapea atu ia te i latou, Faaute, sa toasa Ieova le Atua o outou tamā ia Iuta, ua tuuina mai ai i latou i o outou lima, ma ua outou fasioti ia te i latou i le ita e 10
pai atu i le lagi. O lenei foi, ua outou manatu e faapologaina le fanauga a Iuta ma Ierusalema e fai ma auauna tane ma auauna fafine ia te outou; e le o ia te outou ea, o outou lava, o agasala ia Ieova lo outou Atua? O lenei, ia outou fa- 11
logo mai ia te au, ma ia toe tuuina

- 27 E LUAFULU ma le lina o tausaga o Iotama ina ua fai o ia ma tupu; ua fai foi o ia ma tupu i Ierusalema i tausaga e sefulu ma le ono. O le igoa foi o lona tinā o
2 Ierusa o le afafine o Satoka. Ua faia e ia le amiotonu i luma o Ieova, e tusa ma mea uma na faia e Usia lona tamā; a ua le ulufale atu o ia i le malumalu o Ieova. Ua fai pea
3 foi mea leaga e le nuu. Ua faia e ia le faitotoa aupito i luga o le fale o Ieova, ma ua faia foi galuega e
4 tele i le pa o Ofele. Ua ia faia foi aai i mauga o Iuta, ua faia foi 'olo ma fale leoleo i vao matua.
5 Ua ia tau foi ma le tupu o le fanauga a Amoni, ma ua malo ia te i latou. Ona au mai lea ia te ia e le fanauga a Amoni i lea tausaga e selau taleni o ario, ma le sefulu o afe o kori o saito, ma le sefulu o afe o kori o karite. Sa faapea ona au mai ia te ia e le fanauga a Amoni i lona lua o tausaga, ma lona tolu.
6 Sa faamalositia Iotama, auā na ia saunia ona ala i luma o Ieova lona Atua.
7 O toe o mea na faia e Iotama, ma ona taua uma, ma ana amio, faauta, ua tusia i le tusi i tupu o Isaraelu
8 ma Iuta. E luafulu ma le lima ona tausaga ina ua fai o ia ma tupu; o tausaga foi e sefulu ma le ono na fai ai o ia ma tupu i Ierusalema.
9 Ona taoto lea o Iotama faatasi ma ona tamā, ma ua latou tanumia o ia i le aai a Tavita. Ona soloai ane ai lea o Aasa lona atalii e fai ma tupu.

atu o tagata o taua ua outou au mai faatagataotaua o outou uso; auā ua i luga ia te outou le toasa tele o
 12 Ieova. O isi alii sili o le fanauga a Efaraima, o Asaraia le atalii o Ioanana, o Perekia le atalii o Meselemita, ma Iesekia le atalii o Saluma, ma Amase le atalii o Atalai, ua tulai i latou e finau ma i latou e na
 13 o mai i le taua, ua faapea atu ia te i latou, Tou te le au mai tagata o taua iinei; auā ua nofo sala i tatou ia Ieova, ua outou manatu e faapoopo i a tatou agasala, ma lo tatou nofo sala; auā ua matua nofo sala i tatou,
 14 ua ia Israelu foi le toasa tele. Ona tuua lea e le 'au tau o tagata o taua ma mea na vetea i luma o alii, atoa
 15 ma le faapotopotoga uma. Ona tulai ai lea o tagata ua ta'ua o latou igoa, ma ua latou ave tagata o taua, ma faaofu ia te i latou uma e ua le lavalava i mea na vetea, ma faaofuina i latou, ma faaseevaeina i latou, ma fafaga ia te i latou, ma faainu ia te i latou, ma faauu ia te i latou, ma ua faatietie ia i latou uma e ua vaivai i luga o asini, ma ua avatu ai i latou i o latou uso i Ieriko, o le aai o pama; ona toe foi ai lea o i latou i Samaria.
 16 O ia ona po ua alu ai le sāvali a le tupu o Aasa i tupu o Asuria ia
 17 fesoasoani mai ia te ia. Auā sa toe o mai o sa Etomā ma latou fasia Iuta, ma latou ave tagata o taua.
 18 Na vetea foi e Filisitia o aai o nuu maulalo, ma le itu i toga o Iuta, na latou faoa foi o Petesemesa, ma Ailona, ma Kiterota, ma Suka ma ona faoa aai, ma Timena ma ona faoa aai, ma Kimeso ma ona faoa
 19 aai, ma latou nonofo ai. Auā na faaitoilaloina e Ieova o Iuta ona o Aasa le tupu o Israelu; auā na leaga Iuta ia te ia, ma ua agasala tele atu ia Ieova. Ua sau foi ia te ia o Tikila-pilesa le tupu o Asuria,
 20 ma faatiga ia te ia, a ua le fesoasoani mai ia te ia. Auā na ave e Aasa o mea nai le fale o Ieova, ma le fale o le tupu, ma fale o alii, ua avatu ai i le tupu o Asuria; a ua na le fesoasoani mai ia te ia.
 22 O aso foi o lona puapuaga ua atili ai ona agasala atu o ia ia Ieova;
 23 o le tupu lea o Aasa. Ua ia fai tau-

laga foi i atua o Tamaseko o e na fasi ia te ia; ua ia faapea atu, Auā o atua o tupu o Suria o loo fesoasoani ia te i latou, ou te fai taulaga ia te i latou ina ia latou fesoasoani mai ia te au. A ua avea i latou ma mea e malaia ai o ia, atoa ma Israelu uma. Ua faapotopototo foi e
 24 Aasa o ipu uma o le fale o le Atua, ma ua tipitipi i ipu o le fale o le Atua, ma ua tapuni i faitotoa o le fale o Ieova, ua ia faia foi mo ia o fata faitaulaga i pito aai uma o Ierusalemā. Ua faia foi e ia i aai
 25 taitasi uma o Iuta o mea maualuluga e faamu ai mea manogi i atua ese, ma na faaonoono ai ia Ieova le Atua o ona tamā.

O toe o mea na faia e ia mā ana
 26 amio uma, o mea muamua ma mea mulimuli, faauta, ua tusia i le tusi i tupu o Iuta ma Israelu.

Ua taoto foi Aasa faatasi ma ona
 27 tamā, ma ua latou tanunia o ia i le aai o Ierusalemā; a ua le aumaia o ia i tuugamau o tupu o Israelu; ona soloai ane ai lea o Esekia lona atalii e fai ma tupu.

O le pule a Esekia ua toe teuteuina ai le malumalu.

E LUAFULU ma le lima o tau
 29 saga o Esekia ina ua fai o ia ma tupu, ma ua fai o ia ma tupu i Ierusalemā i tausaga e luafulu ma le iva. O Avi le igoa o lona tinā, o le afafine o Sakaria. Sa faia e ia le
 2 amiotonu i luma o Ieova, e tusa ma mea uma na faia e Tavita lona tamā.
 3 O le tausaga muamua o lana nofoaiga i le masina muamua ua tatallaina e ia o faitotoa o le fale o Ieova, ma na toe teuteu ai. Ua
 4 aumaia foi e ia o le au faitaulaga ma sa Levī, ma ua faapotopotoina i latou i le malae i sasae, ua ia faapea
 5 atu foi ia te i latou, O outou o sa Levī, faalogologo mai ia ia te au. Ina faapaiaina ia outou e outou, ma ia outou faapaiaina le fale o Ieova le Atua o outou tamā, ma ia aveeseina mea leaga ai le malumalu. Auā ua agasala o tatou tamā, ma ua
 6 fai amio leaga i luma o Ieova lo tatou Atua; ua latou tuua foi o ia, ma ua liliu ese o latou mata ai le afioaga a Ieova, a ua liliu mai ai o

- 7 *latou* tua. *Ua latou* tapuni foi i fa-
totoa o le faapaologa, ma *latou*
tinea lamepa, ma *ua latou* le faa-
muina mea manogi, *ua latou* le faia
foi taulaga mu i le mea paia i le
- 8 *Atua* o *Israelu*. *Ua oo* mai ai le
toasa o *Ieova* ia *Iuta* ma *Ierusalemā*,
ma *ua tuuina* atu i *latou* ia faa-
atuatuvaieina, ma ia fai ma mea e
ofo ai, ma ia uisa ai, e pei ona vaa-
vahi i ai o *outou mata*. *Faauta* foi,
ua fasia o *tatou tamā* i le pelu ; o
tatou atalii foi, ma o *tatou afafine*,
ma a *tatou avā*, *ua avea* faatagata-
otaua ona o *lenei* mea. O *lenei*, o i
ai i lo'u loto e osi le feagaiga ma
Ieova le *Atua* o *Israelu*, ina ia
mavae ese ia te i *tatou* le toasa
tele. O *lenei*, o o'u atalii e, aua tou
te faatamala ; auā *ua filifilia* *outou*
e *Ieova* tou te tutū i ona luma e
auauna ia te ia, ma ia avea *outou*
ma auauna ia te ia, ma faamu ai
mea manogi.
- 12 Ona tutū ai lea o sa *Levī*, o *Ma-*
kata le atalii o *Amesai*, ma *Ioelu* le
atalii o *Asaraia*, o isi o le fanauga a
sa *Koatō* ; ma ni o le fanauga a
Merari ; o *Kiso* le atalii o *Opeti*, ma
Asaraia le atalii o *Ialeelu* ; o lo sa
Keresonā foi ; o *Ioaa* le atalii o
- 13 *Sema*, ma *Etena* le atalii o *Ioaa*. O
isi o le fanauga a *Elisafono* ; o
Semerī, ma *Ieielu* ; ma nisi o le
fanauga a *Asafo* ; o *Sakaria*, ma
14 *Matania* ; ma nisi o le fanauga o
Hemana ; o *Ieielu*, ma *Semi* ; ma
nisi o le fanauga a *Iutana* ; o *Se-*
maia, ma *Asielu*. *Ua latou* faa-
potopotoina o *latou uso*, ma *ua*
faapaiaina i *latou* e i *latou*, *ua o*
mai i *latou* e tusa ma le poloaiga a
le tupu, i le afoga a *Ieova*, e faa-
mamā i le fale o *Ieova*. Ona ulu
atu lea o le au faitaulaga i totonu o
le fale o *Ieova* e faamamā ai, ma *ua*
latou au mai i le lotoā o le fale o
Ieova o mea leaga uma na *latou iloa*
i le malumalu o *Ieova*. Ona talia ai
lea e sa *Levī* e ave i fafo i le alia o
- 17 *Ketaronō*. O le *aso* muamua o le
masina muamua na *latou amata* ai
ona faapaiaina, o le *aso* valu foi o le
masina *ua latou oo* ai i le faapaologa
o le fale o *Ieova* ; *ua faapaiaina* e i
latou le fale o *Ieova* i *aso* e *valu* ; o
le *aso* e *sefulu* ma le *ono* o le masina
- muamua na faauma ai. Ona *latou* 18
ulufale mai lea ia *Esekia* le tupu,
ma *ua faapea* mai, *Ua faamamāina*
e i *matou* le fale uma o *Ieova*, ma
le fata e fai ai taulaga mu, ma ona
ipu uma, ma le laulau o areto e lau-
lauina i luma, ma ona ipu uma. O 19
ipu uma foi na faaleagaina e le tupu
o *Aasa* i lana nofoaiga i lana aga-
sala, *ua matou saunia*, ma *ua faa-*
paiaina, faauta foi, *ua i luma* o le
fata faitaulaga o *Ieova*.
- Ona tulai lea i le taeao lava le 20
tupu o *Esekia* ma na faapotopo-
toina alii o le aai, ma *latou* o ae i
le fale o *Ieova*. *Ua latou* au mai 21
foi povi e fitu, ma mamoe poa e
fitu, ma tamai mamoe e fitu, ma 'oti
poa e fitu, e fai ma taulaga mo le
agasala onā o le malo, ma le malu-
malu, ma *Iuta*. *Ua ia* fai atu foi i
le au faitaulaga o le fanauga a
Arona ia fai ai taulaga mu i luga o
le fata faitaulaga o *Ieova*. Ona 22
latou fafasi ai lea o povi, ma *ua*
talia le toto e le au faitaulaga, ma
sausau ai i le fata faitaulaga ; *ua*
latou fafasi foi o mamoe poa, ma
ua sausau le fata faitaulaga i le
toto ; *ua latou* fafasi foi o tamai
mamoe, ma *ua sausau* le fata faitau-
lauga i le toto. Ona *latou* faa- 23
latalata mai ai lea i luma o le tupu
ma le faapotopotoga o 'oti poa e fai
ma taulaga mo le agasala ; ma *latou*
faae i ai o *latou lima* ; ona fasi ai 24
lea e le au faitaulaga ma *latou* fai
ai le taulaga mo le agasala i o *latou*
toto i le fata faitaulaga, e togiolaina
a'i *Israelu* uma ; auā *ua* fai atu le
tupu ia fai le taulaga mu ma le
taulaga mo le agasala mo *Israelu*
uma. *Ua tofia* foi sa *Levī* i le fale 25
o *Ieova* ma sumepalo, ma napeli,
ma kitara, e tusa ma le poloaiga a
Tavita, ma *Kato* le tagata vaai a le
tupu, ma *Natano* le perofeta ; auā
sa faapea le poloaiga a *Ieova* i ana
perofeta. Ona tutū lea o sa *Levī* 26
ma laaupese a *Tavita*, o le au fai-
taulaga foi *ua i ai* pu. *Ua* fai atu 27
foi *Esekia* ia fai le taulaga mu i le
fata faitaulaga. O le itu la *ua*
amata ai ona fai o le taulaga mu, *ua*
amata ai ona pese ia *Ieova*, ma pu,
ma laaupese na *saunia* e *Tavita* le
tupu o *Israelu*. Ona ifo lea o le 28

- faapotopotoga uma, ma ua pepese le au pepese, ma ua ili pu le au ili pu; *sa fai* pea ia mea uma ina seia uma le taulaga mu. Ua uma ona fai o le taulaga mu, ona tootuli ai lea o le tupu, ma tagata uma sa faatasi ma ia, ma ua latou ifo. Ua fai atu foi Esekia le tupu ma alii i sa Levī ia vivii ia Ieova i upu a Tavita, ma Asafo le tagata vaai. Ua latou vivii atu ma le fiafia, ma ua latou punonou ma ifo. Ona fai atu lea o Esekia, ua faapea atu, O lenei, ua tofia outou e outou mo Ieova, faalatalata mai ia, ma au mai ai taulaga, ma taulaga faafetai i le fale o Ieova. Ona au mai ai lea e le faapotopotoga o taulaga, ma taulaga faafetai; *na au mai ai* foi o taulaga mu e i latou uma na manatu i ai o latou loto. O le faitau o taulaga mu na au mai e le faapotopotoga, o povi e fitugafulu, o mamoe poa e tasi le selau, *ma* tamai mamoe e lua selau; o mea uma ia sa fai ai taulaga mu ia Ieova.
- 33 O mea foi sa faasaina o povi e ono
34 selau, ma mamoe e tolu o afe. A ua toaitiiti le au faitaulaga, ua le mafaia ona saeeseina le pa'u o taulaga mu uma; ona fesoasoani ai lea o latou uso o sa Levī ia te i latou ina seia uma le tofia, ona seia uma foi ona faapaiaina o *isi* o le au faitaulaga; auā ua sili ona tonu o loto o sa Levī latou te faapaiaina i latou i lo le au faitaulaga. Ua tele foi taulaga mu, ma le ga'o o taulaga faafetai, ma taulaga i mea e inu mo taulaga mu *taitasi*. Ua faapea ona saunia o le galuega o le fale o Ieova.
- 36 Ua fiafia Esekia atoa ma le nuu uma ina ua saunia le nuu e le Atua; auā sa faafuasei *ona fai* o lenei mea.
- O le paseka na faia e Esekia.*
- 30 UA alu le feau a Esekia ia Isaraelu uma atoa ma Iuta, ma ua tusi atu tusi ia Efaraima ma Manase, ia o mai i latou i le fale o Ieova i Ieruselema, e fai le paseka ia Ieova le atua o Isaraelu. Auā na filifili e le tupu, ma alii sa ia te ia, ma le faapotopotoga uma i Ieruselema, e fai ai le paseka i le lua o masina.
- 2 Auā ua le mafai ona fai ai i ia ona po, auā o le au faitaulaga e lei uma ona faapaiaina i latou e i latou; o le nuu foi e lei faapotopotoina i latou i Ieruselema. Ua tonu lenei mea i le manatu o le tupu atoa ma le manatu o le faapotopotoga uma. Ua latou faamauina le filifiliga e tala'i atu ia Isaraelu uma e gata mai i Peresepa e gata mai i Tanu, ia o mai i latou e fai le paseka ia Ieova le 'Atua o Isaraelu i Ieruselema; auā ua latou le faia tele pei ona tusia. Ua o atu ma tusi a le tupu ma alii sa ia te ia o e avea feau ia Isaraelu uma atoa ma Iuta, e tusa foi ma le poloaiga a le tupu, ua faapea atu, Le fanauga a Isaraelu e, ia outou toe foi mai ia Ieova le Atua o Aperaamo, *ma* Isaako, ma Isaraelu, ona toe foi mai lea o ia ia te outou o totoe, ua sao i lima o tupu o Asuria. Aua ne'i faapei o outou tamā outou, ma faapei o outou uso, na agasala atu ia Ieova le Atua o latou tamā, ona tuuina atu ai lea o i latou e ia ia faatafuina, e pei ona outou iloa atu. O lenei, aua le faamaaa o outou ua, e pei o outou tamā; ia outou tuuina atu outou ia Ieova, ma o mai i lona malumalu ua faapaiaina e ia e faavavau; ma ia auauna ia Ieova lo outou Atua, ina ia liliu ese ai ia te outou lona toasa tele. Afai tou te toe foi mai ia Ieova e alofa ina ai o outou uso, ma a outou fanau i luma o e ua faatagataotauina i latou, ma latou toe foi mai i lenei lava nuu; auā o Ieova o lo outou Atua e alofa fua ma alofa mutimuti vale, e le 'alo foi ona fofoga ia te outou, pe afai tou te toe foi mai ia te ia. Ona ui atu ai lea o e avea feau i lea aai ma lea aai i le nuu o Efaraima ma Manase, e oo atu lava i Sepulona; a ua latou tapisa ia te i latou, ma faatauemu ia te i latou. A e peitai o isi tagata o Asera, ma Manase, ma Sepulona, ua latou faamaulalo, ma ua o mai ai i Ieruselema. Sa i ai foi ia Iuta le aao o le Atua e foai mai ia te i latou le loto gatasi ina ia faia le poloaiga a le tupu ma alii, e tusa ma le afioga a Ieova.
- Ona faapotopototo lea o tagata e toatele i Ieruselema e fai ai le tausamiga o areto e le faafefeteina i le lua o masina, o le faapotopotoga e

- 14 matuā tele lava. Ona tutū ai lea o i latou i luga, ma latou aveeseina fata faitaulaga sa i Ierusalemā, ma fata uma e faamu ai mea manogi ua latou aveeseina, ma latou lafo atu
- 15 ai i le alia o Ketarono. Ua latou fasia foi le paseka i le sefulu ma le fa o aso o le lua o masina; sa masiasi foi le au faitaulaga ma sa Levī, ona latou faapaiaina lea o i latou, ma au mai ai o taulaga mu i le fale o Ieova. Ua tutū i latou i le mea e tutū ai i latou e pei o a latou masani, e tusa ma le tulafono a Mose le tagata o le Atua; ua sausau foi le toto e le au faitaulaga, na latou
- 17 talia mai lima o sa Levī. Auā ua toatele i le faapotopotoga e lei faapaiaina; ua fasia foi e sa Levī o paseka mo i latou uma ua le mamā, ina ia faapaiaina i latou ia Ieova.
- 18 Auā e toatele o le nuu, e toatele mai Efaraima, ma Manase, ma Isakara, ma Sepulona, ua latou le faamamā ia te i latou, a ua latou aai le paseka e le tusa ma le ua tusia. A ua tatalo Esekia mo i latou, ua faapea atu, Ia faamagalo
- 19 mai e Ieova lē agalelei ia i latou uma lava o e saunia o latou loto e sailiili i le Atua, o Ieova le Atua o latou tamā, e ui lava ina ua le faamamaina e tusa ma le faamamaina o le malumalu. Ua faafogaina Esekia e Ieova, ma ua faamaloloina
- 20 e ia le nuu. O le fanauga a Isaraelu na i ai i Ierusalemā na faia e i latou le tausamiga o areto e lei faafefeteina ma le fiafia tele lava i aso e fitu; na vivii atu foi sa Levī ma le au faitaulaga ia Ieova i lea aso ma lea aso i laapuese e vivii atu a'i ia
- 22 Ieova. Ua faamafanafana atu Esekia i sa Levī uma o e na a'oa'o ia mafaufau lelei ia Ieova; ua latou aai foi i le tausamiga i aso e fitu, o fai taulaga faafetai, ma latou faafetai atu ia Ieova le Atua o latou tamā. Ona filifili lea e le faapotopotoga uma e fai le tausamiga i nisi aso e fitu; ona latou faia lea i nisi
- 24 aso e fitu ma le fiafia. Auā na avatua e Esekia le tupu o Iuta i le faapotopotoga o povi poa e tasi le afe, ma mamoe e fitu afe; na avatua foi e alii i le faapotopotoga o povi poa e tasi le afe, ma mamoe e sefulu afe; e toatele foi o le au faitaulaga na faapaiaina i latou e i latou. Ua 25 fiafia le faapotopotoga uma o Iuta, atoa ma le au faitaulaga ma sa Levī, ma le faapotopotoga uma na o mai nai Isaraelu, ma tagata ese na o mai nai le nuu o Isaraelu, ma e sa nonofo i Iuta. Sa i ai foi le fiafia 26 tele i Ierusalemā; auā e lei i ai se mea faapea i Ierusalemā talu ona po o Solomona le atalii o Tavita le tupu o Isaraelu. Ona tutū ai lea o 27 le au faitaulaga, o sa Levī, ma latou faamanuia atu i le nuu; sa faafogaina foi e Ieova o latou leo, ma ua oo atu a latou tatalo i lona afioga paia, o le lagi lava.
- O le tofia o faitaulaga ma sa Levī e Esekia.
- UA mavae ia mea uma ona o atu 31 ai lea o Isaraelu uma sa i le tausamiga i aai o Iuta, ma latou tu'imomia o tupua, ma vavae i lalo o tupua o Asaira, ma lepetia mea maualuluga, ma fata faitaulaga sa i Iuta uma, ma Peniamina, ma Efaraima, ma Manase, ua oo ina faaumatia. Ona toe foi ai lea o le fanauga uma a Isaraelu, e taitasi i lona tofi, i a latou aai. Ona tofia 2 lea e Esekia o vasega o le au faitaulaga, ma sa Levī, e tusa ma o latou vasega, e taitasi le tagata e tusa ma lina galuega, o le au faitaulaga ma sa Levī, e fai ai taulaga mu ma taulaga faafetai, e auauna, ma faafetai, ma vivii atu i faitotoa o toagālauapi a Ieova. Ua tuvina foi o 3 le vaega o oloa a le tupu mo taulaga mu, o taulaga mu i le taeao ma le afiafi, ma taulaga mu i sapatu, ma masina faatoa vaai, ma tausamiga, e pei ona tusia i le tulafono a Ieova. Ua ia fai atu foi i le nuu o e ua nonofo i Ierusalemā ia au mai le vaega 4 o mea mā le au faitaulaga ma sa Levī, ina ia faamalosia i latou i le tulafono a Ieova. Ua oo atu le poloaiga, ona au mai ai lea o mea e 5 tele e le fanauga a Isaraelu, o le faapolopolo o saito, ma uaina, ma suāuu, ma meli, ma le fua uma o le laueleele; o mea foi e sefulu a'i mea uma na latou aumaia e tele lava. O le fanauga foi a Isaraelu 6 ma Iuta, o e ua nonofo i aai o Iuta,

II. NOFOAIGA A TUPU, 32.

na latou aumaia foi o mea e sefulu
a'i povi, ma mamoe, ma mea e sefulu
a'i mea paia ua faasaina ia Ieova
lo latou Atua, ma latou tuu i fau-
7 puega. Na amata ona fai o faupue-
ga i le tolu o masina, a ua faauma
8 ona fai i le fitu o masina. Ona o
mai lea o Esekia ma alii, ua mata-
mata i faupuega, ona latou faamanu
atu lea ia Ieova, ma lona nuu o Isa-
9 raelu. Ona fesili atu lea o Esekia
i le au faitaulaga ma sa Levī pe
10 faapefea faupuega. Ona tali mai
lea ia te ia o Asaraia le faitaulaga
sili o le aiga o Satoka, ua faapea
mai, Talu ona amata ona au mai o
taulaga i le fale o Ieova, ua tele a
matou mea e 'ai, ua tele foi mea o
totoe; auā ua faamanuia e Ieova o
lona nuu; ma ua totoe o nei mea e
11 tele. Ona fai atu ai lea o Esekia
ia sauniuni ni potu i le fale o Ieova;
12 ona latou sauni ai lea. Ona latou
au mai ai lea ma le faamaoni o tau-
laga, ma mea e sefulu a'i mea, ma
mea ua faasaina; na pule ai foi
Kononia o lo sa Levī, ma Semi lona
13 uso o lē aupito ane ia te ia. O Iei-
elu foi, ma Asesau, ma Nakato, ma
Asaelu, ma Ierimota, ma Iosapata,
ma Elielu, ma Isemakia, ma Makata,
ma Penaia, o matai ia ua pule i ai
Kononia ma Semi lona uso, e tusa
ma le poloai mai ia Esekia le tupu,
14 ma Asaraia o le pule i le fale o le
Atua. O Kori le atalii o Iemina
o lo sa Levī, o le leoleo faitotoa
i le itu i sasae, ua pule o ia i
taulaga ua loto lava *tagata* ina fai
i le Atua, e tufatufa taulaga a Ie-
15 ova, ma mea ua sili ona paia. O
e ua aupito ane ia te ia o Etena,
ma Meneamina, ma Iosua, ma Se-
maia, *ma* Amaria, ma Sekania, i
aai o le au faitaulaga, e avatu ai
ma le faamaoni i o latou uso, e tusa
ma o latou vasega, o e ua sili atoa
16 ma e iti; e faaopoopoina o e ua
tusias i le gafa o tane, e afua i e ua
tolu o latou tausaga atoa ma e ua
matutua ai, *e avatu* ia te i latou
taitasi o e ulufale i le fale o Ieova,
o le aso ma le mea e avatu mo a
latou galuega i o latou tausiga e
17 tusa ma o latou vasega; ma ē ua
tusias i le gafa o le au faitaulaga i
aiga o latou tamā, ma sa Levī e

afua i e ua luafulu o latou tausaga
atoa ma e ua matutua ai, i o latou
tausiga e tusa ma o latou vasega;
ma e ua tusias i le gafa, o latou
18 tama iti uma, o a latou avā, ma o
latou atalii, ma o latou afafine, i le
faapotopotoga uma; auā ua matuā
faapaiaina i latou e i latou i o latou
lava tofiga; o le fanauga foi a Arona
19 o le au faitaulaga sa i fanua o tuā-
fanua o a latou aai, i aai taitasi uma,
o tagata ua ta'ua o latou igoa, e ava-
tu ai tufaaga i tane uma o i le au
faitaulaga, ma i latou uma ua tusias
i le gafa o sa Levī. Sa faapea ona
20 faia e Esekia i Iuta uma, ua ia faia
foi le amio lelei, ma le tonu, ma le
faamaoni i luma o Ieova lona Atua.
O mea uma na ia amata ona fai i le
21 galuega o le fale o le Atua, ma le
tulafono, ma poloaiga e saililili i lona
Atua, ua faia e ia ma lona loto atoa,
ma ua manuia.

*O le taua na sii e Sanerivi ia Iuta,
ma le faisaga o ana 'au.*

UA mavae ia mea, mona ua faa-
32 tumauina ai, ona sau ai lea o Sane-
rivi le tupu o Asuria, ua oo mai i
Iuta, ma to lauapi i aai nofo 'olo,
ma ua manatu o ia e lepeti ai e fai
mona. Ua iloa e Esekia ua sau
2 Sanerivi, ma faasaga mai o ia e tau
ma Ierusalem, ona filifili lea o ia
3 ma alii ua ia te ia ma ana faifaita
pupuni i vaipuna ua i tua o le aai;
ua latou fesoasoani foi ia te ia.
Ona faapotopoto ai lea o tagata e
4 toatele, ma ua latou pupuni i vai-
puna uma, ma le alia ua tafe i
totonu o le nuu, ua faapea ane, E o
mai i se a tupu o Asuria, ma latou
maua o vai e tele? Ua faamalosi
5 o ia e ia, ma ua toe fai le pa uma
ua solo, ma ua ati ae ia oo i 'olo,
ma le tasi pa i tua, ua ia faamalosi
foi o Milo i le aai a Tavita, ma ua
6 faia tao ma talita e tele; ona tofia
lea e ia o alii e taulia taua e pule i
le nuu, ma ua faapotopotoina i latou
i le malae i le faitotoa o le aai, ma
ua faamafanafana atu ia te i latou,
ua faapea atu, Ia outou faamalosi
7 ma loto tetele, aua le fefefe, aua foi
tou te matatau ona o le tupu o
Asuria, ona o le vao tagata uma foi
ua faatasi ma ia; auā e toatele o ia

te i tatou, a e toaitiiti o ia te ia.
8 O ia te ia le lima o le tagata, a o ia te i tatou Ieova lo tatou Atua e fesoasoani mai ia te i tatou, ma tau ai o tatou taua. Ua faalagolago foi le nuu i upu a Esekia le tupu o Iuta.
9 Ua mavae ia mea, ona auuna atu lea e Sanerivi le tupu o Asuria o ana auuna i Ierusalem, (a o ia ma lana itu taua uma sa ia te ia, na tau ma Lakisa,) ia Esekia le tupu o Iuta, atoa ma Iuta uma sa i Ierusalem, ua faapea atu, O loo faapea ona fetalai mai o Sanerivi le tupu o Asuria, Pe se a se mea ua outou faatuatua i ai tou te nonofo ai i le 'olo i Ierusalem? E le o faaosoina ea outou e Esekia ia outou tuuina outou ia oti i le oge, ma le fia inu, o loo faapea atu, O Ieova lo tatou Atua na te laveai ia te i tatou ai le lima o le tupu o
12 Asuria? E le ua aveeseina ea e lea lava Esekia ana mea mauauluga, ma ona fata faitaulaga, ma ua fai atu ia Iuta ma Ierusalem, ua faapea atu, Tou te ifo i luma o le fata faitaulaga e tasi, ma faamu ai
13 mea manogi i ona luga? Tou te le o iloa ea o mea na faia e a'u ma o'u tamā i tagata uma o *isi* nuu? Ua mafaia ea e atua o ia nuu ona laveai i o latou nuu ai lo'u lima? Po o ai se tasi o atua uma o ia nuu na faaumatia e o'u tamā, ua mafaia ona laveai lona nuu ai lo'u lima, ina ia mafaia e lo outou Atua ona laveai
15 ia te outou ai lo'u lima? O lenei, aua ne'i olegia outou e Esekia, ma faaosoina outou faapena, aua foi tou te faatuatua ia te ia; auā e le mafaia e se atua o nuu uma ma malo, ona laveai lona nuu ai lo'u lima, ma lima o o'u tamā; a e maise foi lava lo outou Atua na te le
16 laveaiina outou ai lo'u lima. A ua faapoopoina e ana auuna ona fai upu ia Ieova le Atua, ma Esekia
17 lana auuna. Ua ia tusi mai foi o tusi e faifai ai ia Ieova le Atua o Isaraelu, ma faaleaga ia te ia, ua faapea, E pei o atua o tagata o *isi* nuu, ua le mafaia ona laveai o latou nuu ai lo'u lima, e faapea ona le laveaiina e le Atua o Esekia lona
18 nuu ai lo'u lima. Ona valaau lea o i latou ua leo tele i le gagana a

Iuta i tagata o Ierusalem sa i luga o le pa, e faamatau ia te i latou, ma faaatuatuvale ia te i latou, ina ia mava e i latou le aai. Ua latou
19 upu leaga i le Atua o Ierusalem, e pei ona upu leaga i atua o nuu o le lalolagi na faia e lima o tagata. Ona tatalo atu ai lea o Esekia le
20 tupu, ma Isaia le perofeta le atalii o Amota, ma la alalaga atu i le lagi ona o lenei mea.

Ona auina mai ai lea e Ieova o le
21 agelu, ma ua faaumatia e ia o toa malolosi uma, ma ta'ita'i, ma alii ave 'au sa i le toagalauapi a le tupu o Asuria; ona toe foi atu lea o ia ma le mā i lona nuu. Ua ulufale atu o ia i le fale o lona atua, ona
22 fasia lea o ia i lea mea e ana lava fanau i le pelu. Ua faasaoina e Ieova o Esekia, ma e ua nonofo i Ierusalem ai le lima o Sanerivi le
23 tupu o Asuria, ma lima o *nuu* uma, ma ua leoleo ia te i latou i itu uma. E toatele foi na au mai taulaga ia Ieova i Ierusalem, ma oloa tāua ia
24 Esekia le tupu o Iuta. Sa mamalu foi o ia i luma o nuu uma talu mai ai.

O ia ona po sa ma'i ai Esekia ua
24 tāli oti, ma ua tatalo atu o ia ia Ieova; ona fetalai mai ai lea o ia ia te ia, ma na tuuina mai ia te ia se faailoga. A ua le toe avatu e Esekia
25 e tusa ma le mea alofa na faia ia te ia; auā na faamaualuga lona loto; sa oo ai le toasa ia te ia, ma Iuta, ma Ierusalem. A ua toe faamaualalo Esekia ona o le faamaualuga o
26 lona loto, o ia atoa ma e ua nonofo i Ierusalem, ona le oo mai ai lea o le toasa o Ieova ia te i latou i ona po o Esekia.

Sa ia Esekia le oloa ma le ma-
27 malu, e matuā tele lava; na ia faia foi mo ia o mea e teu ai ario, ma auro, ma maa tāua, ma mea manogi, ma talita, ma teuga matagofie
28 uma; o fale foi e tuu ai saito, ma uaina, ma suāuu; ma mea e nonofo ai manu esese uma, ma mea e
29 nonofo ai lafu manu. Ua ia faia foi aai mona, ma lafu mamoe, ma lafu povi e tele; auā na foaiina mai e le Atua ia te ia o mea e matuā
30 tele lava. O Esekia lenei na pupuni e la vaipuna aupito i luga i Kiona,

ma ua ta'fi tonu ifo i le itu i sisifo o le aai a Tavita. Sa manuia foi Esekia i mea uma na ia faia. A e peitai o le sāvali a alii o Papelonía, na latou auina mai ia te ia e fesili i le vavega sa faia i le nuu. sa tuua ai o ia e le Atua ina ia tofotofa ia te ia, ia iloa ai mea uma ua i lona loto.

O toe o mea sa faia e Esekia, ma lona agalelei, faauta, ua tusia i le faaaliga ia Isaia le perofeta, le atalii o Amota, ma le tusi i tupu o Iuta ma Isaraelu. Ua taotofo foi Esekia faatasi ma ona tamā, ma latou tanumia o ia i le aega i tuugamau o le fanauga a Tavita. Sa faaneenee ia te ia o Iuta uma ma e ua nonofo i Ierusalemā i lona oti. Ona sololai ane ai lea o Manase lona atalii e fai ma tupu.

O le amio leaga a Manase, ma lona salamo. O le amio leaga a Amone.

33 E SEFULU ma le lua tausaga o Manase, ina ua fai o ia ma tupu; ma ua fai o ia ma tupu i tausaga e limagafulu ma le lima i Ierusalemā; 2 na ia faia le amio leaga i luma o Ieova, e pei o mea leaga a nuu na tulia e Ieova i luma o le fanauga a 3 Isaraelu. Ua ia toe faia foi o mea mauaululuga na lepetia e Esekia lona tamā, ma ua faatu e ia o fata faitaulaga mo Paala, ma ua faia tupua o Asaira, ma ua ifo i 'au uma a le 4 lagi, ma auaina i ai. Ua faia foi e ia o fata faitaulaga i le fale o Ieova, o le mea na fetalai mai ai Ieova, 5 E i ai lo'u igoa i Ierusalemā e faa-vavau. Ua faia e ia o fata faitaulaga mo 'au uma a le lagi i lotoā 6 uma e lua o le fale o Ieova. Ua ia faauai ane ana fanau i le afi i le vanu o le atalii o Hinoma; ua iite foi i ao o le lagi, ma fai togafiti faataulāitu, ma tautala faataulāitu, ma saili i aitu vavalo, ma taulāitu; ua faia mea leaga e tele i luma o Ieova 7 e faanoono ia te ia. O le tupua ua ta foi na ia faia, ua ia faatuina ai i le fale o le Atua, i le mea na fetalai mai ai le Atua ia Tavita ma Solomona lona atalii, o le fale nei ma Ierusalemā, ua ou filifilia i itu aiga uma o Isaraelu, ou te tuu 8 ai lo'u igoa e faavavau; ou te le toe faatea ia Isaraelu i le laueleele

na ou tofia mo outou tamā; tau lava ina ne'i latou le anaana ia fai mea uma na ou pololai atu ai ia te i latou ia Mose e tusa ma tulafono uma, ma sauniga, ma faamasinoga. Ua faasese foi e Manase ia Iuta ma e ua nonofo i Ierusalemā, e fai le amio leaga e sili i le amio a nuu na faaumatia e Ieova i luma o le fanauga a Isaraelu. Ua fetalai mai Ieova ia Manase ma lona nuu; a e latou te lei faalogo ai lava.

Ona faaoo mai lea e Ieova ia te i latou o alii e pule i 'au a le tupu o Asuria, ua latou maua Manase i mātāu, ma ua latou noanoa ia te ia i faamau 'apa memea, ma ave ia te ia e Papelonía. Sa puapugatia o ia, ona matuā faatoga atu ai lea o ia ia Ieova lona Atua, ma ua matuā faamaulalo o ia i luma o le Atua o ona tamā, na ia tatalo foi ia te ia; ona faafofoga mai ai lea o ia ia te ia, ma na talia lana aoi, ma ua faafoi mai ia te ia i Ierusalemā i lona malo. Ona iloa ai lea e Manase, o Ieova o le Atua lava ia.

Ua mavae ia mea, ona ati ae lea e ia o le pa i tua o le aai a Tavita, i le itu i sisifo o Kiona, i le alia e oo atu i le faitotoa o i'a, ma faataamilo i Ofele, ma ati ae ai ua mauauluga lava, ma ua tofia ē pule i 'au i aai nofo 'olo uma o Iuta. Ua ia ave ese foi o atua ese, ma le tupua nai le fale o Ieova, ma fata faitaulaga uma na ia faia i le mauga o le fale o Ieova ma Ierusalemā, ma na lafo atu ai i tua o le aai. Ua ia faia foi le fata faitaulaga o Ieova, ma osi i ona luga o taulaga faafetai, ma taulaga faaneenee, ua ia fai atu foi ia Iuta ia auaina atu ia Ieova le Atua o Isaraelu. A e peitai ua fai taulaga pea le nuu i mea mauaululuga, a e na o Ieova lo latou Atua na latou fai taulaga i ai.

O toe o mea na faia e Manase, 18 ma lana tatalo i lona Atua, ma upu a tagata vaai na latou fai mai ia te ia i le suafa o Ieova le Atua o Isaraelu, faauta, ua tusia i le tala i tupu o Isaraelu. O lona tatalo foi, ma le faafofogaina o ia, ma lana agasala, ma ana amio leaga uma, ma mea na ia fai ai mea mauaululuga, ma faatu ai tupua o Asaira,

- ma tupua ua ta, a o lei faamaulaloina o ia, faauta, ua tusia i tala a
20 Hosai. Ua taoto foi Manase faatasi ma ona tamā, ma latou tanumia o ia i lona fale. Ona soloai ane ai lea o Amone lona atalii e fai ma tupu.
- 21 E lua sefulu ma le lua o tausaga o Amone ina ua fai o ia ma tupu; e lua foi tausaga na fai ai o ia ma
22 tupu i Ierusalemā. Na faia foi e ia o amio leaga i luma o Ieova, e pei ona faia e Manase lona tamā; auā ua fai taulaga Amone i tupua uma
23 ua ta na faia e Manase lona tamā, ma ua auaua i ai; a ua le faamaulalo o ia i luma o Ieova, e pei ona faamaulalo o Manase lona tamā; a o Amone ua faatele e ia ana agasala.
- 24 Ona foua lea o ia e ana auaua, ma
25 latou fasioti ia te ia i lona fale. A ua fasia e tagata o le nuu o i latou uma na foua le tupu o Amone; ua tofia foi e tagata o le nuu lona atalii o Iosia e fai ma tupu e sui a'i o ia.
- O le pule tonu a Iosia; ma le teutevina e ia o le malumalu.*
- 34 E VALU tausaga o Iosia ina ua
fai o ia ma tupu; ua fai foi o ia ma tupu i Ierusalemā i tausaga e tolu
2 sefulu ma le tasi. Na faia e ia le amiotonu i luma o Ieova, ma ua savali i ala o Tavita lona tamā, e lei 'alo ese i le itu taumatau, po o le itu
3 tauagavale. O le tausaga e valu foi o lana nofoaiga, ina o taulealea pea o ia, ua amata ai o ia ona saili i le Atua o Tavita lona tamā; o le tausaga foi e sefulu ma le lua ua ia
4 amata ai ona faamamāina o Iuta ma Ierusalemā e tea ai mea mauaululuga, ma tupua o Asaira, ma tupua ua ta, ma tupua uamea. Ua latou lepetia
foi fata faitaulaga o Paala i ona luma; ua ia vavae i lalo tupua o le la sa i o latou luga ae, ma nutipalaina e ia o tupua o Asaira, ma
5 tupua ua ta, ma tupua uamea, ma ua fai ai ma efuefu, ma ua lulu ai i luga o latou tuugamau e na fai taulaga i ai. Ua susunuina e ia o i vi o
6 faitaulaga i luga o latou fata faitaulaga, ma ua faamamāina Iuta ma Ierusalemā. *Sa faapea ona faia i aai o Manase, ma Efaraima, ma Simeona, ua oo atu i Nafatali i a latou*
- mea gaogao i itu uma. Ua lepetia e
7 ia o fata faitaulaga, ma tupua o Asaira, ma ua tu'iniiniia tupua ua ta e fai ma efuefu, ma ua vavae i lalo o tupua uma o le la i le nuu uma o Isaraelu; ona toe foi mai ai lea o ia i Ierusalemā.
- O le sefulu ma le valu o tausaga
8 o lana nofoaiga ina ua faamamāina e ia o le nuu ma le fale, ona ia auuina atu ai lea o Safana le atalii o Asalaia, ma Maaseia le alii o le aai, ma Ioaa le atalii o Ioaa o le fatua'iupu, e toe teuteu le fale o Ieova
9 lona Atua. Ua latou oo mai ia Hilikia le faitaulaga sili, ona latou
10 avatu ai lea o tupe na aumaia i le fale o le Atua, na faapotopotoina e sa Levī, o e na leoleo i le faitotoa, nai lima o Manase, ma Efaraima, ma e ua totoe uma o Isaraelu, ma Iuta uma, ma Peniamina, atoa ma
11 e ua nonofo i Ierusalemā. Ua latou avatu ai i le au faigaluega e na pule i le fale o Ieova, ma latou
12 avatu ai i e fai galuega e galulue i le fale o Ieova, e toe faasoo ai le fale. Ona latou avatu ai lea i tufuga,
13 ma tufuga ati fale e faatau a'i maa talai, ma laau e faasoo a'i, ma ia fai ma laau faalava, mo fale na faataugaina e tupu o Iuta. Ua faia e
14 tagata le galuega ma le faamaoni; ua pule ia te i latou o Iata ma Opetaiā, o sa Levī, ai le fanauga a Merari; o Sakaria foi ma Mesulama, ai le fanauga a Koato, e leoleo ai; ma sa Levī, o e popoto uma i laupese. *Ua latou pule foi i e ave*
15 avega, ma leoleo ia te i latou uma o e fai galuega i galuega eseese; o isi o sa Levī sa fai ma tusiupu, ma faipule, ma leoleo faitotoa.
- Ua latou avatu tupe na aumaia i
16 le fale o Ieova, ona maua lea e Hilikia le faitaulaga o le tusi o le tulafono a Ieova na tusia e Mose. Ona fai atu lea o Hilikia, ua faapea
17 atu ia Safana le tusiupu, Ua ou maua le tusi o le tulafono i le fale o Ieova. Ona tuuina atu ai lea e Hilikia o le tusi ia Safana. Ona
18 ave ai lea o le tusi e Safana i le tupu, ma ua au mai le tala i le tupu, ua faapea mai, O galuega uma na e tuuina atu ai i au auaua, o loo latou faia lava. Ua sasaaina e i

II. NOFOAIGA A TUPU, 35.

latou o tupe na maua i le fale o Ieova, ma ua latou tuuina atu ai i e
 18 pule ma lima o e fai galuega. Ona fai mai lea o Safana le tusiupu i le tupu, ua faapea mai, Ua au mai ia te au e Hilikia le faitaulaga le tusi. Ona faitau ai lea e Safana i luma o le tupu. Ua faalogo le tupu i upu o le tulafono, ona ia saei ai lea o ona ofu. Ona fai atu lea o le tupu ia Hilikia, ma Aikamo le atalii o Safana, ma Apetonu le atalii o Mika, ma Safana le tusiupu, ma Asaia le auauna a le tupu, ua faapea atu, Ina o ia, ina fesili ia Ieova mo a'u, ma e o totoe i Isaraelu, ma Iuta i upu o le tusi ua maua; auā ua tele le toasa o Ieova ua liligi ifo ia te i tatou, ina ua le anaana o tatou tamā i le afioga a Ieova, e fai mea
 22 uma ua tusi i lenei tusi. Ona o atu ai lea o Hilikia, ma i *latou na tofia* e le tupu, ia Ulata le perofeta fafine, o le avā a Saluma le atalii o Tikeva le atalii ia o Areasa o le tausi i ofu; (sa nofo foi o ia i Ierusalemā i le mea *ua ta'ua* o le lua o aai;) ma ua latou tautala ma ia i lenei mea.
 23 Ona tali mai lea o ia ia te i latou, O loo faapea ona fetalai mai o Ieova le Atua o Isaraelu, Ia outou fai atu i le tagata na aauina mai outou ia te au, o loo faapea ona fetalai mai o Ieova, Faauta, o le a a'u au mai le leaga i lenei mea ma e nonofo ai, o fetuu uma ua tusia i le tusi na faitauina atu e i latou i luma o le tupu o Iuta; auā ua latou tuua a'u, a e faamu mea manogi i atua ese, ina ia latou faaonoono mai ia te au i galuega uma a o latou lima; o lea e liligi ai lo'u ita i lenei mea, e le tineia lava. A o le tupu o Iuta na aauina mai outou e fesili ia Ieova, ia faapea ona outou fai atu ia te ia, O loo faapea ona fetalai mai o Ieova le Atua o Isaraelu i upu na e faalogo ai; auā sa vaivai lou loto, ma ua e faamaulalo i luma o le Atua, ina ua e faalogo i ana upu i lenei mea, ma ē nonofo ai, ma ua e faamaulalo i o'u luma, ma ua e saei i ou ofu, ma ua e tagi i o'u luma; o loo fetalai mai Ieova, Ua ou faalogo ai
 28 lava. Faauta, ou te faatasiina atu oe i ou tamā, e oo atu foi oe i lou tuugamau ma le filemu; a e le iloa

e ou mata le malaia uma ou te faaoo mai i luga o lenei mea, ma luga o e nonofo ai. Ona latou au mai ai lea o le upu i le tupu.

Ona alu lea o le feau a le tupu, ma 29 ua faapotopotoina toeaina uma o Iuta ma Ierusalemā. Ona alu ae ai 30 lea o le tupu i le fale o Ieova, o ia ma tagata uma o Iuta, ma e ua nonofo i Ierusalemā, ma le au faitaulaga, ma sa Levī, ma le nuu uma, o e matutua atoa ma tama iti; ona faitau atu lea e ia, o latou o faalogologo ai, i upu uma o le tusi o le feagaiga na maua i le fale o Ieova. Ua tu foi le tupu i le tulaga ma ua 31 osi le feagaiga i luma o Ieova, e mulimuli ia Ieova, ma tausi i ana poloaiga, ma ana tulafono, atoa ma ana sauniga, i lona loto atoa, ma lona agaga atoa, ma usiusitai i upu o le feagaiga ua tusia i lenei tusi. Ua pule foi o ia ia auga ia i latou 32 uma sa i Ierusalemā ma Peniamina *lea feagaiga*. Ua faia foi e i latou ua nonofo i Ierusalemā e tusa ma le feagaiga a le Atua, le Atua o latou tama. Ona aveeseina lea e Iosia o 33 mea leaga uma i nuu uma sa i le faauga a Isaraelu, ma ua pule ia auauna o i latou uma sa i Ierusalemā, ia auauna lava ia Ieova lo latou Atua. Ua latou le o ese i ona aso uma i lo latou mulimuli ia Ieova le Atua o latou tamā.

O le paseka tele na faia e Iosia; o le taua ma Neko ua oti ai Iosia.

UA faia foi e Iosia le paseka ia 35 Ieova i Ierusalemā; ma ua latou fasia le paseka i le sefulu ma le fa o 2 aso o le masina muamua. Ona tofia lea e ia o le au faitaulaga i o latou tofiga, ma ua na faamalosi ia te i latou i le galuega o le fale o Ieova; na fai atu o ia i sa Levī, o e ua faapaiaina mo Ieova, o e ua a'oa'o ia Isaraelu uma, Ina tuu ia le atolau paia i le fale na faia e Solomona le atalii o Tavita le tupu o Isaraelu; e le *fai ai* ma avega i o outou ua; o lenei, ina auauna ia outou ia Ieova lo outou Atua ma lona nuu o Isaraelu, ia sauniuni foi outou i aiga o 4 outou tamā, e tusa ma o outou vasega, e faatatau i le tusi a Tavita le tupu o Isaraelu, e faatatau foi i

- 5 le tusi a Solomona lona atalii. Ma ia tutū outou i le malumalu i vasega o aiga o tamā o outou uso, o tagata o le nuu, ma vasega o aiga o sa Levī.
- 6 Ia outou fasia foi le paseka, ma ia faapaiaina outou e outou, ma ia outou sauniuni o outou uso, ina ia latou fai e tusa ma le afiga a Ieova ia Mose. Ona avatua lea e Iosia ai le lafu o tamai mamoe ma tamai 'oti i le nuu, o *manu* uma ia e fai ai le paseka mo i latou uma sa i ai, o le faitau aofai e tolu sefulu o afe o *manu*, ma le tolu o afe o povi; o mea ia na *au mai* i mea a le tupu.
- 8 O alii foi sa ia te ia na foai ma le loto i le nuu, ma le au faitaulaga, ma sa Levī; o Hilikia, ma Sakaria, ma Ieielu, o e pule i le fale o le Atua, ua latou avatu i le au faitaulaga mo le paseka, e lua afe ma le ono selau o *manu*, ma povi e tolu selau. O Konania foi, ma Semaia, ma Natanielu ona uso, ma Hasapea, ma Ieielu, ma Iosapata, o alii o sa Levī, ua latou avatu i sa Levī mo le paseka e lima afe o *manu*, ma povi e lima selau. Ua saunia foi le galuega, ma ua tutū le au faitaulaga i mea latou te tutū ai, ma sa Levī i o latou vasega, e tusa ma le poloaiga a le tupu. Ona latou fasia lea o le paseka, ma ua sausau le toto e le au faitaulaga ai o latou lima, a ua saeeseina o pa'u e sa Levī. Ua tuueseina e i latou o taulaga mu, ina ia latou avatua e tusa ma vasega o aiga o tagata o le nuu, e fai taulaga ia Ieova e pei ona tusia i le tusi a Mose. Sa faapea foi ona fai i povi.
- 13 A ua latou tunu le paseka i le afi e tusa ma le tu; a o *isi taulaga* paia ua tunu i ulo, ma pani tele, ma pani salafa, ma ua tufatufa faataalise i tagata uma o le nuu. E mulimuli ane ua latou sauniuni mo i latou ma le au faitaulaga; auā o le au faitaulaga o le fanauga a Arona *ua mea* ona osi taulaga mu ma ga'o e oo i le po; o le mea lea ua sauniuni ai e sa Levī mo i latou lava ma le au faitaulaga o le fanauga a Arona.
- 15 O le au pepese o le fanauga a Asafo sa i ai i latou i mea e tutū ai, e tusa ma le poloaiga a Tavita, ma Asafo, ma Hemana, ma Iutana o le tagata yaai a le tupu; *ua leoleo* foi le au leoleo faitotoa i lea faitotoa ma lea faitotoa; e lei tuu e i latou o a latou galuega; a o latou uso o sa Levī ua latou sauniuni mo i latou. Na uma ona saunia le galuega uma a Ieova i lea lava aso, e fai ai le paseka, ma osi taulaga mu i luga o le fata faitaulaga o Ieova, e tusa ma le poloaiga a le tupu o Iosia. O le fanauga a Isaraelu sa i ai ua latou faia le paseka i ia ona po, ma le tausamiga o areto e le faafefeteina i aso e fitu. E lei faia foi se paseka faapena i Isaraelu talu i ona po o Samuelu le perofeta; e lei faia foi e tupu uma o Isaraelu o se paseka e pei o lea na faia e Iosia, ma le au faitaulaga, ma sa Levī, ma Iuta uma, ma Isaraelu sa i ai, ma e ua nonofo i Ierusalem. Sa faia lenei paseka i le sefulu ma le valu o tausaga o le nofoaiga a Iosia.
- Ua mavae ia mea uma, ua saunia foi e Iosia le fale, ona alu ae lea o Neko le tupu o Aikupito e tau ma Karekimisa i Eufirate; ona alu atu ai lea o Iosia e tau ma ia. A ua aauina mai e ia o le sāvali ia te ia, ua faapea mai, Se a lau na ia te au, o oe le tupu o Iuta? *Ou te lei alu atu* e tau ma oe i lenei aso, a o le *tasi* aiga matou te tau; auā na fetalai mai le Atua ia te au ia faataalise; soia lava oe, auā le Atua, o ia o loo ia te au, ina ne'i fano oe ia te ia. A e lei liliu ese Iosia ia te ia, a ua ofu ese o ia, ina ia tau ma ia, ma ua le faalogo i upu a Neko mai le fofoga o le Atua, a ua alu atu o ia e tau le taua i le vanu o Mekito. Ua fana atu o e fanafana i u i le tupu o Iosia; ona fai atu lea o le tupu i ana auauna, Ia outou ave ese ia te au; auā ua leaga lo'u manua. Ona siitia lea o ia e ana auauna ai lea kariota, ma ua faatietie ia te ia i lona lua o kariota sa ia te ia; ma ua latou au mai ia te ia i Ierusalem; ua oti foi o ia, ma ua tanumia o ia i tuugamau o ona tamā. Ua faanoanoa Iuta uma ma Ierusalem ona o Iosia.
- Ona lagi lea o le fatu e aualofa a'i e Ieremia ona o Iosia; o le au pepese tane uma foi atoa ma le au pepese fafine ua latou ta'ufa'u ia Iosia i a latou fatu e aualofa a'i ua

oo i le aso nei, ua fai ai ma tu ia
 26 Isaraelu; faauta foi, ua tusia i fatu
 e aualofa a'i. O toe o mea na faia
 27 e Iosia, ma lona agalelei, e tusa ma
 mea ua tusia i le tulafono a Ieova, o
 ana mea na fai, o mea muamua ma
 mea mulimuli, faauta, ua tusia i le
 tusi i tupu o Isaraelu ma Iuta.

*O tala ia Ioasasa, ma Ioakima, ma
 Ioakina, ma Setekaia.*

36 ONA ave lea e tagata o le nuu o
 Ioasasa le atalii o Iosia, ma ua latou
 fai ai o ia ma tupu e sui a'i lona
 2 tamā i Ierusalemā. E lua sefulu
 ma le tolu o tausaga o Ioasasa ina
 ua fai o ia ma tupu, ma ua fai o ia
 ma tupu i masina e tolu i Ierusa-
 3 lema. Ona aveeseina lea o ia e le
 tupu o Aikupito i Ierusalemā, ua
 ia faasalaina foi le nuu o taleni
 4 ario e selau ma le taleni auro. Ona
 tofia lea e fai ma tupu ia Iuta ma
 Ierusalemā e le tupu o Aikupito o
 Eliakimo lona uso, ua ia liua foi lona
 igoa ia Ioakima. Ona ave ai lea e
 Neko o Ioasasa lona uso, ma ua au
 mai ia te ia i Aikupito.

5 E lua sefulu ma le lima o tausaga
 o Ioakima ina ua fai o ia ma tupu,
 ma ua fai o ia ma tupu i tausaga e
 sefulu ma le tasi i Ierusalemā; sa
 fai foi e ia amio leaga i luma o
 6 Ieova lona Atua. Ua alu ae Nepu-
 kanesa le tupu o Papelonā e tau
 ma ia, ma ua noanoa ia te ia i faa-
 mau 'apa memea, e ave ia te ia i
 7 Papelonā. Ua ave foi e Nepuka-
 nesa nisi ipu o le fale o Ieova i
 Papelonā, ma ua tuu ai i lona
 8 malumalu i Papelonā. O toe o
 mea sa faia e Ioakima, ma ana mea
 leaga na faia, ma mea ua iloa ia te
 ia, faauta, ua tusia i le tusi i tupu
 o Isaraelu ma Iuta; ua soloai ane
 Ioakina lona atalii e fai ma tupu.

9 E valu tausaga o Ioakina ina ua
 fai o ia ma tupu, ua fai foi o ia ma
 tupu i masina e tolu ma aso e sefulu
 i Ierusalemā; na faia foi e ia o
 10 mea leaga i luma o Ieova. Ua ma-
 vae le tausaga, ona alu lea o le feau
 a le tupu o Nepukanesa, ma ua ave
 ia te ia i Papelonā, ma ipu lelei o
 le fale o Ieova; ua ia faia foi Sete-
 kaia lona uso ma tupu ia Iuta ma
 Ierusalemā.

E luafulu ma le tasi o tausaga o 11
 Setekaia ina ua fai o ia ma tupu,
 ma ua fai o ia ma tupu i Ierusalemā
 i tausaga e sefulu ma le tasi. Sa 12
 faia e ia amio leaga i luma o Ieova
 lona Atua, ua le faamaulalo o ia i
 luma o Ieremia le perofeta, o loo
 tautala mai ai i le afioga a Ieova.
 Ua ia fouvae foi i le tupu o Nepu- 13
 kanesa, o le na fai atu ia tauto o ia i
 le Atua; a ua faamālōlō lona ua, ma
 faamaaa lona loto, e le liliu mai ia
 Ieova le Atua o Isaraelu. O alii 14
 uma foi o le au faitaulaga, ma le
 nuu, ua matuā agasala lava i latou
 e tusa ma mea leaga uma a nuu
 ese; ma latou faaleagaina le fale
 o Ieova sa faapaiaina e ia i Ieru- 15
 salema. Ua auuina mai ia te i la-
 tou e Ieova le Atua o latou tamā o
 e ave ana feau, ua ala auuina lava i
 latou; auā ua na alofa i lona nuu
 ma lona afioga; a ua latou faatau- 16
 emu i e na auuina mai e le Atua,
 ma ua 'ino'ino i ana afioga, ma ua
 ula i ana perofeta, ua oo ina tupu le
 toasa o Ieova i lona nuu, ua oo ina
 leai se fofo. Ona auina mai ai lea 17
 e ia ia te i latou o le tupu o Kale-
 taia o le na fasia o latou taulelea i
 le pelu i le fale o lo latou malumalu,
 ma ua le alofa atu i taulelea ma tau-
 pou, o le toeaina, ma lē ulusinā; ua
 ia tuuina atu i latou uma i lona
 lima. O ipu uma foi o le fale o le 18
 Atua, o mea tetele ma mea iti, ma
 oloa o le fale o Ieova, ma oloa a le
 tupu ma ona alii; ua au mai e ia o
 ia mea uma i Papelonā. Ua latou 19
 susunu foi le fale o le Atua, ma le-
 peti le pa o Ierusalemā, ma susunu
 ona maota uma i le afi, ua na faa-
 taugaina foi ana ipu lelei uma. O 20
 e na totoe na sao i le pelu na tāfea
 e ia i Papelonā; sa i ai latou ia te
 ia ma ona atalii e fai ma auuina ua
 oo i ona po o le pule o le malo o
 Peresia; ina ia taunuu le afioga a 21
 Ieova na fai mai e Ieremia, ua oo
 ina faaatoatoaina e le lauelele ona
 sapatī; o aso uma sa gaogao ai sa
 fai ai sapatī, e faaatoatoaina o tau-
 saga e fitugafulu.

O le tausaga muamua o Kuresa o 22
 le tupu o Peresia na faaosoina ai e
 Ieova o le manatu o Kuresa le tupu
 o Peresia, ina ia taunuu le afioga a

- 23 Ieova na fai mai e Ieremia, ona ia tala'iina lea o le upu i lona malo uma, ma na *tusia* i le tusi, ua faapea, O loo faapea ona fai atu o Kuresa le tupu o Peresia, Ua tuuina mai ia te au e Ieova le Atua o le lagi o malo uma o le lalolagi; o ia foi ua ia pololai mai ia te au e fai se fale mo ia i Ierusalem o loo i Iuta. O ai ea o ia te outou ai lona nuu uma? Ia ia te ia Ieova lona Atua, ma ia alu ae o ia.

O LE TUSI A

E S E R A.

O le poloaiga a Kuresa ia toe faia le malumalu i Ierusalem.

- 1 O LE tausaga muamua o Kuresa le tupu o Peresia na faaosoina ai e Ieova le manatu o Kuresa le tupu o Peresia, ina ia taunuu ai le afiga a Ieova na fai mai e Ieremia, ona ia tala'iina lea o le upu i lona malo uma, ma na *tusia* i le tusi, ua faapea, O loo faapea ona fai atu o Kuresa le tupu o Peresia, Ua tuuina mai ia te au e Ieova le Atua o le lagi o malo uma o le lalolagi; o ia foi ua ia pololai mai ia te au ia ou faia se fale mona i Ierusalem o loo i Iuta. O ai ea o ia te outou ai lona nuu uma? Ia ia te ia lona Atua, ma ia alu ae o ia i Ierusalem o loo i Iuta, ma fai le fale o Ieova le Atua o Isaraelu, (o le Atua lava o ia,) o loo i Ierusalem. O i latou uma foi o e totoe i nuu uma ua aumau ai o ia, ia fesoasoani ia te ia tagata o i le mea ua mau ai o ia i ario, ma auro, ma oloa, ma manu, atoa ma taulaga ua loto ina fai mo le fale o le Atua o loo i Ierusalem.
- 5 Ona tutū ai lea o matai sili o Iuta ma Peniamina, ma le au faitaulaga, ma sa Levi, o i latou uma na faaosoina o latou manatu e le Atua e o ae e fai le fale o Ieova o loo i Ierusalem.
- 6 O i latou uma e vagavagai ia te i latou na fesoasoani ia te i latou i mea ario, ma auro, ma oloa, atoa ma manu, ma oloa tūua e faaopoopo i mea uma ua loto ina avatu.
- 7 Ua aumaia foi e le tupu o Kuresa o

mea o le fale o Ieova, na avea e Nepukanesa ai Ierusalem, ma tuuina atu ai i le fale o ona atua; ua aumaia foi ia mea e Kuresa le tupu o Peresia i le lima o Metereta le tausii oloa, ma na faitauina mai ai ia Seseapasara le alii sili o Iuta. O le faitau aofai lenei o ia mea; o tanoa auro e tolu sefulu, o tanoa ario e afe, o polo e luafulu ma le iva, O ipu auro e tolu sefulu, o ipu ario e aupito ane i ipu sili e fa selau ma le sefulu, o isi mea e afe. O mea uma o auro ma ario e lima o afe ma le fa o selau. Na aveina ae e Seseapasara o ia mea uma faatasi ma tagata o le tafeaga na aveina ae nai Papelonía i Ierusalem.

O tagata na o ae ai Papelonía i Ierusalem.

O I latou nei o tagata o le itu malo na o ae nai le tafeaga, o le tafeaga lea na avea i Papelonía e Nepukanesa le tupu o Papelonía, na latou toe foi mai foi i Ierusalem ma Iuta, taitasi le tagata ma lana aai; o e na o mai faatasi ma Serupapelu; o Iosua, o Neemia, o Seraia, o Reelaia, o Moretekai, o Pilesana, o Mesepara, o Pikevai, o Rekuma, o Paana. O le faitau aofai o tagata o le nuu o Isaraelu; o le fanauga a Parose, e lua afe e toasela e toafitugafulu ma le toalua. O le fanauga a Sefatia, e toatolu selau e toafitugafulu ma le toalua. O le fanauga a Araka, e toafitu galau ma le toafitugafulu

6 *ma* le toa^{li}ma. O le fanauga a Pakamoapi, o le fanauga ia a Iesua
ma Ioapo, e lua afe e valu selau e
 7 toatinoagafulu *ma* le toa^{li}ua. O le
 fanauga a Elama, e toa^{li}afe e toa^{li}ua
 lau e toa^{li}magafulu *ma* le toa^{li}fa.
 8 O le fanauga a Satu, e iva selau e
 9 toafagafulu *ma* le toa^{li}ma. O le
 fanauga a Sakai, e fitu selau *ma* le
 10 toaonogafulu. O le fanauga a Pani,
 e ono selau e toafagafulu *ma* le
 11 toa^{li}ua. O le fanauga a Pepai, e
 ono selau e toa^{li}uafulu *ma* le toa-
 12 tolu. O le fanauga a Asekata, e
 toa^{li}afe e toa^{li}ua lau e toa^{li}uafulu *ma*
 13 le toa^{li}ua. O le fanauga a Atou-
 kama, e ono selau e toaonogafulu
 14 *ma* le toaono. O le fanauga a Pike-
 vai, e lua afe e toa^{li}magafulu *ma* le
 15 toaono. O le fanauga a Atini, e fa
 selau e toa^{li}magafulu *ma* le toa^{li}fa.
 16 O le fanauga a Atere mai ia Esekia,
 17 e toaivagafulu *ma* le toa^{li}valu. O
 le fanauga a Pesai, e tolu selau e
 18 toa^{li}uafulu *ma* le toa^{li}tolu. O le fa-
 nauga a Iora, e toa^{li}selau e toatino-
 19 agafulu *ma* le toa^{li}ua. O le fanauga
 a Hasumu, e toa^{li}ua lau e toa^{li}uafulu
 20 *ma* le toa^{li}tolu. O le fanauga a
 Kipara, e toaivagafulu *ma* le toa-
 21 lima. O tagata o Peteleema, e toa-
 selau e toa^{li}uafulu *ma* le toa^{li}tolu.
 22 O tagata o Netopa, e toa^{li}magafulu
 23 *ma* le toaono. O tagata o Anatota,
 e toa^{li}selau e toa^{li}uafulu *ma* le toa-
 24 valu. O le fanauga a Asemau, e
 25 toafagafulu *ma* le toa^{li}ua. O tagata
 o Kiriata-^{li}arima, o Kafra, ^{li}ma Perota,
 e fitu selau *ma* le toafagafulu
 26 *ma* le toa^{li}tolu. O tagata o Rama
 ma Kipea, e toaono selau e toa^{li}ua-
 27 fulu *ma* le toa^{li}tasi. O tagata o
 Mekemase, e toa^{li}selau e toa^{li}uafulu
 28 *ma* le toa^{li}ua. O tagata o Peteli
 ma Ai, e toa^{li}ua lau e toa^{li}uafulu
 29 *ma* le toa^{li}tolu. O tagata o Nepo, e
 30 toa^{li}magafulu *ma* le toa^{li}ua. O ta-
 gata o Magapise, e toa^{li}selau e toa-
 31 limagafulu *ma* le toaono. O le
 fanauga a le isi Elama, e toa^{li}afe e
 toa^{li}ua lau e toa^{li}magafulu *ma* le
 32 toa^{li}fa. O le fanauga a Harima, e
 33 tolu selau *ma* le toa^{li}uafulu. O ta-
 gata o Loto, *ma* Hatito, *ma* Ono, e
 fitu selau e toa^{li}uafulu *ma* le toa^{li}ma.
 34 O tagata o Ieriko, e tolu selau e fa
 35 sefulu *ma* le toa^{li}ma. O tagata o

Senaa, e tolu o afe *ma* le toaono
 galau *ma* le toa^{li}tolugafulu.

O le au faitaulaga; o le fanauga 36
 a Ietaia, o le aiga o Iesua, e iva
 selau e toa^{li}fitugafulu *ma* le toa^{li}tolu.
 O le fanauga a Imere, e toa^{li}afe e 37
 toa^{li}magafulu *ma* le toa^{li}ua. O le 38
 fanauga a Pasura, e toa^{li}afe e toa^{li}ua
 lau e toafagafulu *ma* le toa^{li}fitu. O 39
 le fanauga a Harima, e toa^{li}afe e
 toa^{li}sefulu *ma* le toa^{li}fitu.

O sa Levī; o le fanauga a Iesua 40
 ma Katameeli, o le fanauga ia a
 Hotavia, e toa^{li}fitugafulu *ma* le toa^{li}fa.

O le au pepese; o le fanauga a 41
 Asafo, e toa^{li}selau e toa^{li}uafulu *ma*
 le toa^{li}valu.

O le fanauga a le au leoleo faito- 42
 toa; o le fanauga a Saluma, o le
 fanauga a Atere, o le fanauga a
 Talemoni, o le fanauga a Akupa,
 o le fanauga a Hatita, o le fanauga
 a Sopai, o i latou uma e toa^{li}selau e
 toa^{li}tolugafulu *ma* le toa^{li}iva.

O le au netini; o le fanauga a 43
 Seka, o le fanauga a Hasufi, o le
 fanauga a Tapaota, o le fanauga a 44
 Kiroa, o le fanauga a Seaa, o le
 fanauga a Patono, o le fanauga a 45
 Lepana, o le fanauga a Hakepa, o
 le fanauga a Akupa, o le fanauga a 46
 Hakapa, o le fanauga a Salemai, o
 le fanauga a Hanana, o le fanauga 47
 a Kitele, o le fanauga a Gakara, o
 le fanauga a Reaia, o le fanauga a 48
 Resina, o le fanauga a Nekota, o le
 fanauga a Gasama, o le fanauga a 49
 Usa, o le fanauga a Pasea, o le
 fanauga a Pesai, o le fanauga a 50
 Asena, o le fanauga a Meunima, o
 le fanauga a Nefasemo, o le fanau- 51
 ga a Pakepuka, o le fanauga a Ha-
 kupa, o le fanauga a Harekuru, o 52
 le fanauga a Paseluta, o le fanauga
 a Mekita, o le fanauga a Haresa, o 53
 le fanauga a Parekusa, o le fanauga
 a Sesera, o le fanauga a Timaka, o 54
 le fanauga a Neseke, o le fanauga
 a Hatifa.

O le fanauga a au^{li}auna a Solo- 55
 mona; o le fanauga a Sotai, o le
 fanauga a Soferete, o le fanauga a
 Feruta, o le fanauga a Iaala, o le 56
 fanauga a Tarekono, o le fanauga a
 Kitele, o le fanauga a Sefatia, o le 57
 fanauga a Hatili, o le fanauga a
 Pokérete o le Sepaima, o le fanauga

53 a Ame. O le au netini uma, ma le fanauga a auaua a Solomona, e tolu selau e toaivagafulu ma le toalua.

59 O i latou nei foi e na o ae ai Tele-
melaka, *ma* Tele-aresa, *ma* Kirova,
ma Atana, *ma* Imere; a ua le mafaia
e i latou ona faaalai mai le aiga o
latou tamā, ma lo latou tupuga, pe
60 ni Isaraelu i latou; o le fanauga a
Talaia, o le fanauga a Tovia, o le
fanauga a Nekota, e ono selau e
toalimagafulu ma le toalua.

61 O isi fanauga foi a le au faitau-
laga; o le fanauga a Hapaia, o le
fanauga a Kosa, o le fanauga a Pa-
sili o le na fai avā i le afafine o
Pasili le Kiliata, sa igoa foi o ia i lo
62 latou igoa; o i latou ia na latou
sailiili i lo latou tusiga i e na tusia
o latou tupuga, a e lei maua; sa
ta'ua ai i latou ua leaga, ua te'a ai
63 ma le faiva o faitaulaga. Na fai
atu foi ia te i latou le alii e pule,
aua ne'i aai i latou i mea e sili ona
paia, seia tu mai se faitaulaga ma
le Urima ma le Tumema.

64 O le aofai o le faapotopotoga uma,
e fa sefulu o afe ma afe e lua ma le
65 tolu selau *ma* le toaono-gafulu; a o
a latou auaua tane ma a latou au-
auna fafine, o i latou ia e fitu afe e
tolu selau e toatolugafulu ma le
toafitu; sa ia te i latou foi o tane
pepese ma fafine pepese e toalua
66 selau. O a latou solofanua e fitu
selau e tolugafulu ma le ono; o a
latou falata e lua selau e fagafulu
67 ma le lima; o a latou kamela e fa
selau e tolugafulu ma le lima; o a
latou asini e ono o afe e fitu selau
ma le luafulu.

68 O isi foi o matai sili, ua latou oo
mai i le fale o Ieova o i Ierusalem
ona fai taulaga lea ma le loto mo le
fale o le Atua ina ia faatuina ai i
69 lona tulafale. Ua latou foai e tusa
ma a latou mea i le oloa mo le
galuega; o auro e ono sefulu o afe
ma le afe e tasi o tareki; ma ario e
lima afe o mina; ma ofu tino o fai-
70 taulaga e selau. Sa nonofo foi le au
faitaulaga, ma sa Levī, ma isi o le
nuu, ma le au pepese, ma le au leo-
leo faitotoa, ma le au netini, i a
latou aai, ma Isaraelu uma i a latou
aai.

*O le faatuina o le fata faitaulaga,
ma le faavaeina o le malumalu.*

UA oo i le masina e fitu, ua i ai 3
foi le fanauga a Isaraelu i o latou
aai, ona faapotopoto ai lea o le nuu,
e pei o se tagata e toatasi, i Ierusa-
lema. Ona tutū mai lea o Iosua le
atalii o Iosataka, ma ona uso le au
faitaulaga, ma Serupapelu le atalii
o Salatielu, ma ona uso, ona latou
ati ae lea o le fata faitaulaga o le
Atua o Isaraelu, ina ia fai ai i ona
luga o taulaga, e pei ona tusia i le
tulafono a Mose le tagata o le Atua.
Ua latou faatuina le fata faitaulaga 3
i ona faavae; auā ua latou matatau
i tagata o ia nuu; ona latou fai tau-
laga ai lea i ona luga i taulaga mu
ia Ieova; o taulaga mu i le taeao
ma le afafi.

Ua faia foi e i latou le tausamiga 4
o fale apitaga, e pei ona tusia, ma
taulaga mu o lea aso ma lea aso e
tusa ma le faitau, e tusa ma le tu, o
le aso ma le mea e fai ai; e muli- 5
muli ane foi o taulaga mu e le aunoa
e faia i masina faatoa vaaia, atoa ma
tausamiga uma o Ieova na faapaia-
ina, atoa ma taulaga a tagata uma
ua manatu i ai o latou loto e fai ia
Ieova. O le aso muamua o le ma- 6
sina e fitu ua latou amata ai ona
fai taulaga mu ia Ieova, a ole malu-
malu o Ieova e lei faavaeina. Ua 7
latou avatua ario i e talai maa ma
tufuga; ma mea e 'ai, ma mea e
inu, ma suāuu, i tagata Saitonu, ma
tagata Turo, latou te aveifoa laau
o arasi mai Lapanona i le sami o
Iopa, e pei ona pule mai ia te i latou
e Kuresa le tupu o Peresia.

O le lua o tausaga talu ona latou 8
oo mai i le fale o le Atua i Ierusa-
lema, o le lua o masina, ua amata ai
e Serupapelu le atalii o Salatielu,
ma Iosua le atalii o Iosataka, ma e
ua totoe o latou uso le au faitaulaga
ma sa Levī, ma e ua o mai uma
mai le tafeaga i Ierusalem, ma
latou tofia sa Levī, e afua i e ua
luafulu o latou tausaga ma e ua ma-
tutua ai, e pule i le galuega o le fale
o Ieova. Ona tutū mai lea faatasi o 9
Iosua, o ona atalii, ma ona uso, o
Katameeli ma ona atalii, o le fa-
nauga a Iuta, e pule i le faiga o le

- galuega o le fale o le Atua ; o atalii o Henatati, o latou atalii ma o latou
 10 uso o sa Levī. Ua faavaeina e tufuga ati fale le malumalu o Ieova, ona latou tofia lea o le au faitaulaga ua oofu i latou, ua i ai foi pu, ma sa Levī o le fanauga a Asafo ua i ai sumepalo, e vivii atu ia Ieova e tusa ma le pule a Tavita le tupu o
 11 Israaelu. Sa latou pepese i viiga ma faafetai ia Ieova, auā e lelei o ia, auā e faavavau lona alofa ia Israaelu. Ona alaga lea o le nuu uma i le alaga tele i viiga ia Ieova, ona
 12 ua faavaeina o le fale o Ieova. E toatele o le au faitaulaga, ma sa Levī, ma matai sili e na toeaina, na latou vaai le uluai fale, sa fetagisi ma le leo tele ina ua faavaeina o lenei fale i o latou luma ; e toatele foi na alalaga ona o le fiafia ua leo
 13 tetele. Ua le iloga e le nuu le leo o le alaga o le fiafia ma le leo o le fetagisi o le nuu ; auā sa alalaga le nuu i le alaga tele, ua logona atu le leo i le mea mamao.

O le faalavelave mai o tagata o le nuu i e o faia le malumalu.

- 4 UA faalogo e na ita mai ia Iuta ma Peniamina ua faia e tagata o le tafeaga le malumalu mo Ieova le
 2 Atua o Israaelu ; ona latou o mai lea ia Serupapelu ma matai sili, ma ua latou faapea mai ia te i latou ; Se'i tatou faia ia *le fale* faatasi ma outou ; auā ua matou saili atu i lo outou Atua, pei o outou ; o i matou foi ua matou fai taulaga ia te ia, talu ona po o Esarata le tupu o Asuria, o le na aveina ae i matou
 3 iinei. Ona fai atu lea o Serupapelu, ma Iosua, ma matai sili uma o Israaelu ia te i latou, Tatou te le faia le fale o lo matou Atua ma outou ; na o i matou nei lava matou te faia *le fale* o Ieova le Atua o Israaelu, pei ona fetalai mai le tupu o Kuresa le tupu o Peresia ia te i matou.
 4 Ona faavaivaia lea o tagata o Iuta e tagata o le nuu, ma latou faaatu-
 5 atuvaleina i latou a o faia *le fale* ; ua latou faaoloina foi ni e faulalo e faalavelave ia te i latou, ina ia faaleaogaina ai la latou filifiliga, i aso uma o Kuresa le tupu o Peresia, e oo foi i le nofoaiga a Tariu le tupu

o Peresia. O le nofoaiga a Asueru, o le amataga o lana nofoaiga, ua tusi atu ai e i latou e momoli i e ua nonofo i Iuta ma Ierusalema. O
 7 ona aso foi o Aretaseta sa tusi atu ai Piselama, o Metereta, o Taveele, ma i latou uma e na pule faatasi ma i latou, ia Aretaseta le tupu o Peresia ; o upu foi o le tusi sa tusi i le gagana a Arama, sa faamatalaina foi i le gagana a Arama. Ua tusi
 8 atu Rekumu le faamasino, ma Semesai le tusiupu, se tusi e momoli ai Ierusalema ia Aretaseta le tupu, ua faapea ; ona tusi atu lea o Re-
 9 kumu le faamasino, ma Semesai le tusiupu, ma i latou uma e na pule faatasi ma i laua ; o tagata o Tinai, ma tagata o Afareseka, o tagata o Tarepelai, o tagata o Afaresai, o tagata o Areka, o tagata o Papelonia, o tagata o Susana, o tagata o Tiavei,
 10 o tagata o Elama, ma isi nuu uma na aumaia e Asenapa, o le alii tele ma le ta'ua, ma na faanofoina i latou i aai o Samaria, ma i latou uma o i ona tala mai o le vaitafe, o ona pō foi na tusi ai.

O le ata lenei o le tusi na avatu e
 11 i latou ia te ia, o le tupu o Aretaseta, O au auauna o tagata o i ona tala mai o le vaitafe, ua faapea atu, Ia silafia e le tupu, o tagata o Iuta e na o ae ia te i matou mai ia te oe, ua oo mai i latou i Ierusalema le aai fouvale ma le matua leaga, ua toe faia, ma ona pa ua faauma, ua soo foi ona faavae. Ia silafia nei e
 13 le tupu, afai e toe faia lenei aai, a faaumaina foi ona pa, ona le avatu lea e i latou o taulaga, ma taulaga i mea eseese, ma taulaga o ala ; ona iu ai lea ina faaititiina mea a tupu. O lenei, ona ua aai i matou i mea
 14 mai le maota o le tupu, e le tatau ia i matou ona vaai i le faamativaina o le tupu ; o le mea lea ua matou aauina atu ai nisi, ma matou faailoa
 15 atu ai i le tupu ; ina ia suesuea i le tusi a ou tamā e faamanatu a'i, ona e maua ai lea i le tusi e faamanatu a'i, ma e silafia ai, o lenei aai o le aai fouvale ma le ua leaga ai mea a tupu ma itu malo, ma latou faatu-
 puina ai le fouvale talu anamua lava ; o lea na faaumatia ai lenei aai. Ua matou faailoa atu i le tupu, 16

- a fai e toe faia lenei aai, ma faaumaina ona pa, ona le toe ai lea sou tofi i lenei itu o le vaitafe.
- 17 Ona au mai lea e le tupu le tusi ia Rekumu le faamasino, ma Semesai le tusiupu, ma i latou uma ua pule faatasi ma i laua o e nonofo i Samaria, ma e o i lela itu o le vaitafe, Ia manuia outou, o ona po foi
- 18 na tusi ai. O le tusi na au mai e outou ia te i matou ua faitauna
- 19 lava i o'u luma. Ona ou fai atu ai lea, ona suesuea lea, ua iloa ai foi o lena aai ua faamaualuga i tupu talu anamua lava, ua faatupuina ai foi
- 20 le fouvale ma le 'ana'ana. Sa i ai foi i Ierusalem a o tupu lima malosi, o e na pule i nuu uma i ona tala atu o le vaitafe, sa avatua foi ia te i latou o taulaga, ma taulaga i mea esecese, ma taulaga o ala. O
- 21 lenei, ina poloai atu ia o outou ia vaoia ia tagata, aua foi ne'i faia lena nai, seia ou tuuina atu se tasi
- 22 poloaiga. Ia outou, ne'i outou faa-tamala i lenei mea; pe se a ea e tupu ai se leaga e faaititiina ai mea a tupu.
- 23 Ua faitauna le upu o le tusi a le tupu o Aretaseta i luma o Rekumu ma Semesai le tusiupu, ma e na pule faatasi ma i laua, ona latou o ai lea ua tele vavave i Ierusalem, i tagata o Iuta, ma latou vaoia i
- 24 latou i le lima malosi. Ona tuua ai lea o le galuega o le fale o le Atua o i Ierusalem. Ua tuua foi ua oo i le lua o tausaga o le nofoaiga a Tariu le tupu o Peresia.
- Ua toe amata e Iuta ona fai o le malumalu; ua tusi atu ai Tatenai ia Tariu.*
- 5 O HAKAI le perofeta, ma Sakaria le atalii o Ito, o perofeta ia sa perofeta ane i le suafa o le Atua o Isaraelu i tagata o Iuta, o i latou lava e na i Iuta ma Ierusalem. Ona tutu ai lea o Serupapelu le atalii o Salatielu, ma Iosua le atalii o Iosataka, ma amataina ona fai o le fale o le Atua o i Ierusalem; sa ia te i laua foi perofeta a le Atua e lago-
- 3 lago ia te i laua. O ona po lava ia na o mai ai ia te i latou o Tatenai le alii e pule i ona tala mai o le vaitafe, ma Setaraposenai, ma e na pule faatasi ma i laua, ua fai mai ia te i latou, ua faapea mai, Po o ai na na poloai atu ia te outou tou te faia lenei fale, ma faaumaina lenei pa? Ona matou fai atu lea ia te i latou, ua faapea atu, O igoa lava ia o tagata o faia lenei fale. A ua silasila lo latou Atua i toaina o Iuta, ua latou le mavaoia i latou, seia oo atu le mea ia Tariu; ona latou tali mai lea i lea mea i le tusi.
- O le ata lenei o le tusi a Tatenai le alii e pule i ona tala mai o le vaitafe, ma Setara-posenai, ma e na pule faatasi ma ia, o tagata o Afareseka, o i ona tala mai o le vaitafe, na latou avatua ia Tariu le tupu. Ua latou avatua le tusi ia te ia, ua tusia faapea foi i totonu, Ia ia Tariu le tupu le manuia uma. Ia silafia e le tupu na matou o atu i le itu malo o Iuta, i le fale o le Atua sili-sili, o loo faia i maa tetele, ma laau ua tuu i ona pa; o lenei galuega foi ua faia ma le faamalosi, ma ua manuia i o latou lima. Ona matou fesili atu lea i na toaina, ua faapea atu ia te i latou, Po o ai na fai atu ia te outou tou te faia lenei fale, ma faaumaina nei pa? Na matou fesili atu foi ia te i latou i o latou igoa e faailoa atu ia te oe, ina ia tusi atu ai igoa o tagata e sili ia te i latou. Ua faapea foi ona latou tali mai ia te i matou, ua fai mai, O i matou o auauna a le Atua o le lagi ma le lalolagi, ua matou fai foi le fale sa faia i ona tausaga anamua ua tele; o le tupu tele i Isaraelu sa na faia ma faaumaina ai. Peitai na faatupuina e o matou tamā le toasa o le Atua o le lagi, ona ia tuuina atu ai lea o i latou i le lima o Nepukanesa le tupu o Papelonía, le Kala-taia, na ia faaumatia foi lenei fale, ma tafea le nuu i Papelonía. A o le tausaga muamua o Kuresa le tupu o Papelonía, na poloai mai ai Kuresa le tupu ia faia lenei fale o le Atua. O mea foi o auro ma ariosa i le fale o le Atua, na avea e Nepukanesa ai le malumalu na i Ierusalem, ua ia aveina atu i le malumalu i Papelonía, ua au mai e Kuresa le tupu o ia mea ai le malumalu i Papelonía, ma ia tuuina atu ai ia Seseapasara, o le igoa lea o le

- 15 alii e pule na tofia e ia ; ma ua faapea atu ia te ia, Ina ave ia e oe o nei mea, ina alu ia, ma avatu ai i le malumalu o i Ierusalem, ma ia faia le fale o le Atua i lona tulafale.
- 16 Ona sau lea o lena Sesepasara, sa tuu e ia le faavae o le fale o le Atua o i Ierusalem; talu foi ia ona po, ua oo mai i ona po nei, ua fai ai pea
- 17 *le fale*, a e lei uma. O lenei, afai e lelei i le tupu, ia suesuea i le fale oloa o le tupu o iinā i Papelonía, pe moni na poloi Kuresa le tupu ia faia lenei fale o le Atua i Ierusalem; ma ia tusia mai ia te i matou le finagalo o le tupu i lenei mea.

O le poloaiga a Tariu ia fai pea le matumalu. O le faaumaina o le matumalu.

- 6 ONA poloi atu lea o Tariu le tupu, ona latou suesue lea i le fale tusi na tuuina ai oloa i Papelonía.
- 2 Ona maua lea i Akemeta i le 'olo o i le itu malo o Metai le tusi taai, ua faapea foi ona tusia i ona totonu le
- 3 tipu e faamanatu a'i, O le tausaga muamua o Kuresa le tupu ua poloi atu ai Kuresa le tupu i le fale o le Atua i Ierusalem, Ia faia le fale, o le mea na latou fai ai taulaga, ma ia atina ae ona faavae; e onogafulu o kupita lona maualuga, e onoga-
- 4 fulu o kupita lona lautele; e tolu atu maa tetele, ma le atu laau fou; ma ia avatua le totogi ai le
- 5 fale o le tupu; o mea foi o auro ma ario o le fale o le Atua na avea e Nepukanesa ai le malumalu o i Ierusalem, na na au mai foi i Papelonía, ia toe avatua, ma ia tuu atu i le malumalu o i Ierusalem, e *taitasi* le mea ma tuu i le mea e tuu ai
- 6 i le fale o le Atua. O lenei, Tatenai e, le alii e pule i ona tala atu o le vaitafe; Setara-posenai e, ma e pule faatasi ma oulua, o tagata o Afareseka o i ona tala atu o le vaitafe, ia taumamao outou ma lena
- 7 mea; tuu pea ia le galuega o lena fale o le Atua; ia faia lena fale o le Atua i lona tulafale e le alii e pule i tagata o Iuta, ma toeaina o
- 8 Iuta. Ou te fai atu foi i mea tou te faia i toeaina o Iuta e fai ai lena fale o le Atua, ia vave foi ona avatua i na tagata oloa a le tupu, o

taulaga foi ia i ona tala atu o le vaitafe, e totogi ai le *galuega* ina ia le tuua e i latou le galuega. 9

mea foi e tatau ia i latou, o povi taanoa, ma mamoe poa, ma tamai mamoe, e fai ma taulaga mu i le Atua o le lagi, o saito, o masima, o uaina, ma suāu, e pei ona fai mai ai o faitaulaga o i Ierusalem, ia tuuina atu ai ia te i latou i lea aso ma lea aso, aua ne'i faatamala; ina 10

ia latou faitaulaga a'i i mea manogi i le Atua o le lagi, ma tatalo ia ola le tupu ma ona atalii. Ua ou poloi 11

atu foi, ai se tagata na te liua lenei upu, ia toina se laau ai lona fale, ia siitia foi o ia, ma ia faamauiina i ona luga; ia fai foi lona fale ma faatāfuna ona o lea mea. O le 12

Atua foi o le na faatumauiina lona suafa i lea mea, ia lafo i lalo e ia atoa uma tupu ma nuu, o e faaloaloa o latou lima e liliu ma faataumaui lenei fale o le Atua o i Ierusalem. O a'u o Tariu ua ou poloi atu; ia matuā faia lava.

Ona vave faia lea e Tatenai o le 13 alii e pule i ona tala mai o le vaitafe, o Setara-posenai, ma e pule faatasi ma i laua e pei o le feau mai le tupu o Tariu. Ona fai lea e toe- 14

a'ina o Iuta o *le fale*, ua manuia foi ona o le perofeta ane a Hakai le perofeta, ma Sakaria le atalii o Ito. Sa latou faia *le fale* ma faaumaina ai, e tusa ma le poloaiga a le Atua o Isaraelu, ma le poloaiga a Kuresa, ma Tariu, ma Aretaseta le tupu o Peresia. Ua faaumaina lenei fale i 15

le aso tolu o le masina o Atara, o le ono lea o tausaga o le nofoaiga a le tupu o Tariu.

Ua faia le faaulufalega o lenei fale 16 o le Atua ma le fiafia e le fanauga a Isaraelu, o faitaulaga, ma sa Levī, ma tagata uma o le tafeaga, ua 17

latou fai taulaga foi i le faaulufalega o lenei fale o le Atua, o povi poa e selau, o mamoe poa e lua selau, ma tamai mamoe e fa selau; ma 'oti poa e fai ma taulaga mo le agasala ona o Isaraelu uma e sefulu ma le lua ia, e tusa ma le faitau o itu aiga o Isaraelu. Ua latou tofia faitaulaga 18

i o latou vasega, ma sa Levī i o latou vasega, e fai ai le galuega a le Atua o i Ierusalem, e pei ona tusia

- 19 i le tusi a Mose. Ua faia e tagata o
le tafeaga le paseka i *le aso* e sefulu
20 ma le fa o le uluai masina. Auā sa
faamamāina faatasi le au faitaulaga
ma sa Levī, ua mamā i latou uma,
ua latou fasi foi le paseka mo
tagata uma o le tafeaga, ma o latou
uso o le au faitaulaga, atoa ma i
21 latou lava. Ua aai ai foi le fanauga
a Isaraelu e na foi mai i le tafeaga,
ma i latou uma e na vavae mai ia te
i latou ai le leaga o tagata ese o i
le nuu, e saili atu ai ia Ieova le Atua
22 o Isaraelu; ma latou faia le tausamiga
o areto e le faafefeteina i aso e fitu
ma le fiafia; auā sa faafiafiaina i latou
e Ieova, na ia liliu foi le loto o le tupu
o Asuria ia te i latou e faamalolosi ai
o latou lima i le faiga o le fale o le Atua,
o le Atua o Isaraelu.
- O le alu ae o Esera i Ierusalemā, ma
le tusi a Aretaseta ia te ia.*
- 7 E MULIMULI ane foi i nei mea,
i le nofoaiga a Aretaseta le tupu o
Peresia, *ua alu ae ai* Esera le atalii
o Seraia, o le atalii ia o Asaria, o le
2 atalii ia o Hilikia, o le atalii ia o
Saluma, o le atalii ia o Satoka, o le
3 atalii ia o Akitopo, o le atalii ia o
Amaria, o le atalii ia o Asaria, o le
4 atalii ia o Meraiota, o le atalii ia o
Serakia, o le atalii ia o Usi, o le
5 atalii ia o Puki, o le atalii ia o
Apisua, o le atalii ia o Fineaso, o le
atalii ia o Eleasaro, o le atalii ia o
6 Arona le faitaulaga sili. O Esera
lea na alu ae nai Papelonā; o le
tusiupu potō foi o ia i le tulafono a
Mose, na tuuina mai e Ieova le Atua
o Isaraelu; ua tuuina mai foi e le
tupu ia te ia atoa uma *mea* na ia fai
atu ai, e tusa ma le aao o Ieova lona
7 Atua na ia te ia. Ua o ae foi nisi o
le fanauga a Isaraelu, ma nisi o le
au faitaulaga, ma sa Levī, ma e
pepese, ma leoleo faitotoa, ma ne-
tini, i Ierusalemā, i le fitu o tausaga
8 o le tupu o Aretaseta. Ua oo foi o
ia i Ierusalemā i le lima o masina o
9 le fitu o tausaga o le tupu. Auā o
le *aso* muamua o le masina muamua
na amata ai ona alu ae o ia nai
Papelonā; o le *aso* muamua foi o
le lima o masina na oo atu ai o ia i
Ierusalemā, e tusa ma le aao alofa o
- lona Atua *ua* ia te ia. Auā na 10
saunia e Esera lona loto e saili i le
tulafono a Ieova ma fai ai, ma
a'oa'o atu i Isaraelu i le tulafono,
ma faamasinoga.
- O le ata lenei o le tusi na avatua 11
e le tupu o Aretaseta ia Esera le
faitaulaga le tusiupu, o le tusiupu
lea i upu o poloaiga a Ieova, ma ana
tulafono ia Isaraelu. O Aretaseta 12
le tupu o tupu ia Esera le faitaulaga,
o le tusiupu o le tulafono a le Atua
o le lagi; ia atoatoa *lou manuā*, ua
faapea, Ou te fai atu, O i latou uma 13
o le nuu o Isaraelu, ma ona faitau-
laga, ma sa Levī, o i lo'u malo, o e
loto ina o, ia latou o faatasi ma oe i
Ierusalemā. Ona ua auina oe e le 14
tupu, ma alii e pule e toafitu ua ia
te ia, e suesue ia Iuta ma Ierusa-
lema, e tusa ma le tulafono a lou
Atua ua i ou lima; e te avatua foi 15
le ario ma le auro ua foai ma le loto
e le tupu, ma alii e pule ua ia te ia,
i le Atua o Isaraelu o le ua i ai i
Ierusalemā lona malumalu, atoa ma 16
le ario uma ma le auro e te maua i
le itu malo uma o Papelonā, ma
mea ua foai ma le loto e le nuu, ma
faitaulaga, o foai ma le loto mo le
fale o lo latou Atua o i Ierusalemā;
ina ia matuā faatau i nei tupe, o 17
povi poa, o mamoe poa, o tamai
mamoe, ma o latou taulaga i mea e
'ai, ma o latou taulaga i mea e inu,
ma fai taulaga a'i i le fata faitau-
laga o i le fale o lo outou Atua o i
Ierusalemā. O le mea foi e lelei ia 18
te oe ma ou uso e fai i toe o ario ma
auro, ia faia lea e tusa ma le fina-
galo o lo outou Atua. O ipu foi ua 19
avatua ia te oe e auauna a'i i le fale
o lou Atua, ia e tuuina atu ai i
luma o le Atua o Ierusalemā. O isi 20
mea foi e aoga i le fale o lou Atua,
e te manatu i ai e avatu, ia avatua
nai le fale oloa o le tupu. O a'u foi, 21
o a'u le tupu o Aretaseta, ua ou
poloai atu i tausī oloa uma o i ona
tala atu o le vaitafe, ia matuā faia
mea uma e fai atu ai ia te outou e
Esera le faitaulaga, o le tusiupu o
le tulafono a le Atua o le lagi, e oo 22
i le selau o taleni o ario, e oo foi i le
selau o kori o saito, e oo foi i le
selau o paita o uaina, e oo foi i le
selau o paita o suānuu, ma masima

- 23 ua le tusia *sona fua*. O mea uma ua poloai mai ai e le Atua o le lagi, ia matuā faia mo le fale o le Atua o le lagi; auā se a ea le mea e oo ai le toasa i le malo o le tupu ma ona atalii? 7
- 24 Ua matou faailoa atu foi ia te outou ia le au faitaulaga uma, ma sa Levi, o le au pepese, o le au leoleo faitotoa, o le au netini, ma le au faigaluega i lena fale o le Atua, aua ne'i totogi atu ia te i latou ia faia taulaga, ma taulaga i mea eese, ma taulaga o ala. O oe foi Esera e, ia e tofia, e tusa ma le poto o lou Atua o ia te oe, o faamasino ma faatonu, latou te faatonuina atu i le nuu uma o i ona tala atu o le vaiatafe, o i latou uma o e iloa le tulafono a lou Atua; o i latou foi o e le iloa, ia e a'oa'o atu ia te i latou. 8
- 26 Ai so latou na te le faia le tulafono a lou Atua, ma le tulafono a le tupu, ia matuā faasalaina o ia, po o le oti, po o le tafia, po o se totogi ia faia, pe ia noanoatia. 9
- 27 Ia faafetaia Ieova le Atua o tatou tamā, o le na tuuina mai lenei mea i le finagalo o le tupu, e faamatagofie ai le fale o Ieova o i Ierusalemā; ma na faao mai le alofa ia te au i luma o le tupu, ma ana faipule, ma luma foi o alii fitafita uma o le tupu. Na faamallosia foi a'u e tusa ma le aao o Ieova lo'u Atua na ia te au, ua ou faapotopotoina foi mai ia Isaraelu o alii matou te o ae ma a'u. 10
- O le malaga a Esera i Ierusalemā.*
- 8 O I latou nei o matai sili, ma le tusi gafa o i latou e na o ae faatasi ma a'u ai Papelonía i le nofoaiga a le tupu o Aretaseta. O lo le fanauga a Fineaso, o Keresona; o lo le fanauga a Itamaro, o Tanielu; o lo le fanauga a Tavita, o Hatusa. O lo le fanauga a Sakania, o lo le fanauga a Parose, o Sakaria; ma ua ia te ia e ua tusigafaina o tane e toaselau ma le toalimagafulu. O lo le fanauga a Paka-moapi, o Elioenai le atalii o Serakia, ma ua ia te ia o tane e toalua lau. O lo le fanauga a Sekania; o le atalii o Iaaseelu, ma ua ia te ia o tane e toatolu selau. O lo le fanauga a Atini, o Epete le atalii o Ionataua, ma ua ia te ia o tane e toalimagafulu. O lo le fanauga a Elama, o Isaia le atalii o Atalia, ma ua ia te ia o tane e toaftugafulu. O lo le fanauga a Sefatia, o Sepatia le atalii o Mekaeli, ma ua ia te ia o tane e toavalugafulu. O lo le fanauga a Ioapo, o Opetaia le atalii o Ikieli, ma ua ia te ia o tane e toalua lau ma le toatinoagafulu ma le toavalu. O lo le fanauga a Salome, o le atalii o Iosefia, ma ua ia te ia o tane e toaselau ma le toaonogafulu. O lo le fanauga a Pepai, o Sakaria le atalii o Pekai, ma ua ia te ia o tane e toaluafulu ma le toavalu. O lo le fanauga a Asegata, o Iokana le atalii o Hakatana, ma ua ia te ia o tane e toaselau ma le toafulu. O lo le fanauga a Atonikama, o e na mulimuli, o latou igoa foi nei, o Elipelete, o Ieielu, ma Semaia, ma ua ia te i latou o tane e toaonogafulu. O lo le fanauga a Pikevai; o Utai ma Saputo, ma ua ia te i laua o tane e toaftugafulu. 11
- Ua ou faapotopotoina i latou i le vaiatafe ua tafe atu i Aava; ona nonofo lea o i matou i lea mea i aso e tolu; ua ou susesue foi i le nuu ma le au faitaulaga, a e lei maua i lea mea ni o le fanauga a Levi. Ona ou aamiatua lea o Elisara, ma Arielu, ma Semaia, ma Elenatana, ma Iaripa, ma Elenatana, ma Natano, ma Sakaria, ma Mesulama, o alii i latou; atoa ma Iaripa, ma Elenatano, o tagata popoto i laua. Ua ou aauina atu i latou ia Itu le alii i le nuu o Kasipeia, ua ou tuuina atu foi ia te i latou o upu latou te fai atu ai ia Itu, ma ona uso le au netini, na i le nuu o Kasipeia, ia latou tuuina mai ia te i matou ni e auauna i le fale o lo matou Atua. Ona latou tuuina mai lea ia te i matou, e tusa ma le aao alofa o lo matou Atua na ia te i matou, o le tagata faautauta o lo le fanauga a Maali le atalii o Levi, o le atalii ia o Isaraelu; ma Serepeia, ma ona atalii, ma ona uso, e toatinoagafulu ma le toavalu; ma Hasapea, ma ua ia te ia Isaia o lo le fanauga a Merari, o ona uso ma o latou atalii e toaluafulu; ma nisi o le au netini e na tofia o Tavita ma alii i le 12

- galuega a sa Levī, o netini e toalua lau ma le toaluafulu, na ta'ua i latou uma i o latou igoa.
- 21 Ona ou tala'iina lea o le anapogi i lea mea i le vaitafe o Aava, ia faa-tigaina i matou e i matou i luma o lo matou Atua, e saili mai ia te ia se ala tonu mo matou, ma o matou tama iti, ma a matou mea uma.
- 22 Auā na ou mā i faatoga i le tupu i se 'au ma ni e tietie i solofanua e fesoasoani ia i matou i e saua mai i le ala; auā na matou fai atu i le tupu, ua faapea, O le aao o lo matou Atua ua i luga ia te i latou uma o e sailiili atu ia te ia e lelei ai i latou; a o lona mamana ma lona toasa ua i luga ia te i latou uma o e tuua o ia. Ua matou anapogogi foi ma sailiili i lo matou Atua ona o lea mea, ma ua faafofoga mai ai o ia ia te i matou.
- 23 Ona ou vavaeeseina lea ni alii o le au faitaulaga e toasefulu ma le toalua, o Serepeia, ma Hasapea, ma ua ia te i laua ni o latou uso e toatinogafulu. Ona ou fuatia lea ia te i latou o le ario, ma le auro, ma ipu, o taulaga i le fale o lo matou Atua na faia e le tupu, ma ana faipule, ma alii ua ia te ia, ma Isaraelu uma e na i ai i lea mea; na ou fuatia i o latou lima o taleni o ario e ono selau ma le limagafulu, ma taleni e selau o ipu ario, ma taleni o auro e selau; o ipu auro foi e luafulu, e afe o tareki ia; ma ipu 'apa memea pupula e lelei e lua e tāua e tusa ma auro. Ona ou fai atu lea ia te i latou, Ua paia outou mo Ieova; ua paia foi ipu; o le ario foi ma le auro o le taulaga lea ua fai ma le loto ia Ieova le Atua o outou tamā; ia outou mataala, ma tausi i ai seia outou fuaina atu ai i luma o alii o le au faitaulaga, ma sa Levī, ma matai sili o Isaraelu, i Ierusalemā, i potu o le fale o Ieova.
- 30 Ona talia lea e le au faitaulaga ma sa Levī o le fua o le ario, ma le auro, ma ipu, e faaoo ai i Ierusalemā i le fale o lo matou Atua.
- 31 Ona matou o ai lea nai le vaitafe o Aava i le aso e sefulu ma le lua o le masina muamua, o le a o i Ierusalemā; na i ai le aao o lo matou Atua i luga ia te i matou, ma ua ia laveaiina i matou ai lima o e saua, ma e lamalama mai i le ala. Ua matou oo foi i Ierusalemā, ma nonofo ai i aso e tolu. O le fa o aso foi na fuaina ai le ario, ma le auro, ma ipu, i le fale o lo matou Atua i le lima o Meremota le atalii o Uria le faitaulaga, ua ia te ia foi Eleasaro le atalii o Fineaso; ua faatasi foi ma i laua o Iosapata le atalii o Iosua, ma Noateia le atalii o Pinui o sa Levī i laua. Ua faitauina ma fuatia ia mea uma, ma ua tusia le fua o ia mea uma i lea lava aso. O e na o mai mai le tafeaga, o tagata na aunuuā, na latou osia taulaga mu i le Atua o Isaraelu, o povi poa e sefulu ma le lua mo Isaraelu uma, ma mamoe poa e ivagafulu ma le ono, ma tamai mamoe e fitugafulu ma le fitu, ma 'oti poa e sefulu ma le lua, o le taulaga mo le agasala; o ia mea uma o taulaga mu ia Ieova.
- Ua latou tuuina atu foi le polo-aiga a le tupu i alii sili na tofia e le tupu, ma alii e pule i ona tala mai o le vaitafe, ona latou fesoasoani lea i le nuu, ma le fale o le Atua.
- O le feavagai o tagata o Isaraelu ma nuu ese.*
- UA uma nei mea, ona o mai lea ia te au o alii, ua faapea mai, O le nuu o Isaraelu, ma le au faitaulaga, ma sa Levī, ua latou le vavaeina i latou ai tagata o nuu ese, a o loo fai e tusa ma a latou mea e inosia, o sa Kananā, o sa Heti, o sa Perisē, o sa Iepusē, o sa Amonī, o sa Moapī, o tagata Aikupito, ma sa Amorī. Auā ua latou fai avā i o latou afafine, o i latou atoa ma o latou atalii, ma ua fefiloi le fanau paia ma tagata o ia nuu, ma ua solomua alii ma faipule i lenei agasala. Ua ou faalogo i lenei mea, ona ou saeia lea o lo'u ofu ma lo'u ofu talaloa, ma ou futi o'u lauulu, ma la'u 'ava, ma ou nofo i lalo ua segia lo'u mauili. Ona potopoto mai ai lea ia te au o i latou uma na matatau i afioga a le Atua o Isaraelu, ona o le agasala a le tafeaga; ua ou nofo foi ua segia lo'u mauili, ua oo i le taulaga o le afiafi. Ua oo i le taulaga o le afiafi, ona ou tulai lea

ai lo'u tiga, ua saeia lo'u ofu, ma
 lo'u ofu talaloa, ma ua ou tootuli i
 o'u tulivae, ma faaloaloa atu o'u
 6 lima ia Ieova lo'u Atua, ma ou faa-
 pea atu, Lo'u Atua e, ua ou mā, ma
 ou masiasi i tepa ae o'u mata ia te
 oe, lo'u Atua e; auā ua tele lo ma-
 tou leaga ua oo i luga o matou ulu,
 ma ua tupu tele la matou agasala
 7 ua oo lava i le lagi. Talu ona po o
 matou tamā ua ia i matou le aga-
 sala tele ua oo i le aso nei; ona o
 lo matou leaga foi ua tuuina ai
 matou, o matou tupu, ma a matou
 faitaulaga, i lima o tupu o ia nuu, i
 le pelu, ia fasia, ma ia vetea, ma ia
 masiasi, e pei ona fai i le aso nei.
 8 A o nei ona po, e pei o se emo
 itiiti, ua ia te i matou le alofa mai
 ia Ieova lo matou Atua, ina ia faa-
 toeina ia te i matou o e ua sao, ma
 ia tuuina mai ia te i matou se fao i
 lana mea paia, e faamalamalamaina
 ai o matou mata e lo matou Atua,
 e tuuina mai ai foi se olataga itiiti
 9 ina o fai i matou ma pologa. Auā
 o pologa i matou, a ua le tiaina i
 matou e lo matou Atua ina o fai i
 matou ma pologa, a ua ia faaoo ia
 te i matou le alofa i lumā o tupu o
 Peresia, ia tuuina mai ia te i matou
 le olataga, ia faatuina le fale o lo
 matou Atua, ma ia teuteuina mea o
 i ai ua lepetia, ma ia tuuina mai ia
 te i matou le pa i Iuta ma Ierusa-
 10 lema. O lenei, lo matou Atua e, se
 a ea la matou e fai atu ai ina ua e
 faia na mea? auā ua tuua e i ma-
 tou au poloaiga, na e poloai mai ai
 i au auuina le au perofeta, ua faa-
 pea mai, O le nuu tou te o i ai e fai
 mo outou o le nuu lea ua leaga i le
 leaga o tagata o ia nuu, i a latou
 mea e inosia ua tutumu ai i lea itu
 12 ma lea itu i lo latou leaga. O lenei,
 aua tou te avatua o outou afafine
 i o latou atalii, aua foi tou te au-
 maia o latou afafine ma o outou
 atalii, aua foi tou te sailia e faa-
 vavau se mea e filemu ai i latou pe
 manuia ai i latou; ina ia malolosi
 ai outou, ma ia outou aai ai i mea
 lelei o i le laueleele, ma fai ai mo
 13 outou atalii e faavavau. Ua uma
 ona oo mai o nei mea uma ia te i
 matou ona o a matou amio leaga,
 ma la matou agasala tele, auā o oe

lo matou Atua e, ua e laveai mai,
 ua le faia e tusa ma lo matou leaga,
 ma ua e faasaoiua i matou faa-
 penei; a toe solia e i matou au
 14 poloaiga, ma feavāgai ma tagata e
 fai ia mea e inosia, e te le toasa
 mai ai ea ia te i matou seia faa-
 umatia i matou, ina ia leai ni e
 totoe pe faasaoina? Ieova e, le
 15 Atua o Isaraelu, o oe o le amio-
 tonu; auā ua faatotoeina i matou,
 ua faasaoina, e pei ona fai i le aso
 nei; faauta, o i ou luma i matou
 ma a matou agasala; auā e le ma-
 fai ona tutū i matou i ou luma ona
 o lenei mea.

*O le filifiliga a Esera ma le nuu ia
 te'a avā o nuu ese.*

A O talotalo Esera, ma ta'uta'u
 10 atu a latou agasala, o loo tagi, ma
 faapaū i luma o le fale o le Atua, ua
 faapotopoto mai ia te ia mai ia Isa-
 raelu o le faapotopotoga tele lava, o
 tane ma fafine ma tama iti; auā sa
 fetagisi le nuu i le tagi tele. Ona
 2 tali mai lea o Sekania le atalii o
 Ieielu o lo le fanauga a Elama, ua
 faapea mai ia Esera, Ua agasala i
 matou i lo matou Atua, ina ua ma-
 tou fai avā i fafine ese mai tagata o
 le nuu; a o lenei, ua i ai se faatua-
 tuaga mo Isaraelu i lenei mea. O
 3 lenei, ia tatou osia le feagaiga ma
 lo tatou Atua, ia tatou auuina atu
 o avā uma, ma e ua fananau mai ia
 te i latou, e tusa ma le pule a oe lo'u
 alii, ma e ua matatau i poloaiga a
 lo tatou Atua; ma ia faia e tusa ma
 le tulafono. Ina tulai ia, auā ua ia
 4 te oe lenei mea; matou te faatasi
 foi ma oe; ia e faamalosi, ma ia e
 faia. Ona tulai ai lea o Esera, ma
 fai atu ia tauto alii o le au faitaulaga,
 ma sa Levī, ma Isaraelu uma ia faia
 e tusa ma lenei upu. Ona latou
 tauto ai lea. Ona tulai lea o Esera
 6 ai luma o le fale o le Atua, ma ua
 alu atu i le potu o Ioanana le atalii
 o Eliasipa, ua oo foi o ia i ai, ua ia
 le 'ai se areto, ua le inu foi se vai,
 auā sa faanoanoa ona o le agasala a
 le tafeaga. Ona latou tala'i lea o
 7 le upu i Iuta ma Ierusalem i tagata
 uma o le tafeaga, ia potopoto mai i
 Ierusalem; o i latou uma foi e le
 8 o mai i e luā, e tusa ma le pule a

- alii ma toeaina, e faatoina ane oloa uma, ma vavaeeseina o ia ai le faapotopotoga o le tafeaga.
- 9 Ona faapotopototo mai ai lea o tagata uma o Iuta ma Peniamina i Ieruselema i le aso tolu. O le iva lea o masina, o le *aso* e luafulu o le masina; sa nonofo le nuu uma i le malae i *luma* o le fale o le Atua, ua tetemu ona o lena mea, atoa ma uaga. Ona tulai lea o Esera le faitaulaga, ua faapea atu ia te i latou, O outou na ua agasala outou, ina ua outou fai avā i fafine ese e faapoopo ai i le agasala a Isaraelu.
- 11 O lenei, ia outou ta'uta'u atu a outou agasala ia Ieova le Atua o outou tamā, ma ia outou faia lona finagalo, ma ia outou vavae ese i tagata o le nuu, ma fafine ese. Ona tali mai lea o le faapotopotoga uma, ua latou faapea mai ma le leo tele, E pei ona e fetalai mai ia te i matou, e faapea
- 13 ona matou faia. A ua toatele le nuu, ma ua teie uaga i ona po nei, ma ua le lavā ai i matou ona tutū i fafo; e le mafai foi lenei mea i le aso e tasi, po o *aso* e lua; auā ua toatele i matou ua soli tulafono i lenei mea; ia tofia o matou alii o le faapotopotoga uma, o *i latou* uma foi o i a matou aai o *e* ua fai avā i fafine ese, ia o mai i latou i ona po a tuu, ma ia faatasi mai ma i latou o toeaina o lea aai ma lea aai, atoa ma faamasino o i ai, seia liliu ese ai ia te i matou le toasa tele o lo matou Atua ona o lenei mea.
- 15 Na tofia i lenei mea na o Ionatana le atalii o Asaelu, ma Iekasia le atalii o Tikeva; o Mesulama foi ma Sapetai le sa Levī ua fesoasoani ia te i laua. Ua faia faapea foi e tagata o le tafeaga. Sa vavaeeseina o Esera le faitaulaga, ma matai sili e tusa ma aiga o latou tamā, o i latou uma foi ua ta'ua o latou i goa, ua latou nonofo i lalo foi i le aso muamua o le masina e sefulu e suesue i lena mea. Ua latou faaiiina ona suesue i tagata uma e na fai avā i fafine ese i le uluai aso o le masina muamua.
- 17 Ua iloa foi atalii o faitaulaga e na fai avā i fafine ese; o isi atalii o Iosua le atalii o Iosataka ma ona uso, o Maaseia, ma Elisara, ma Iaripi, ma Ketalia. Ua latou tuuina atu o 19 latou lima latou te aauina atu a latou avā; ona ua nofo sala foi i latou ua aumaia le mamoe poa mai le lafu ona o la latou agasala. O 20 isi foi atalii o Imere; o Hanani, ma Sepatia. O isi atalii o Harima; o 21 Maaseia, ma Elia, ma Semaia, ma Ikieli, ma Usia. O isi atalii o Pa- 22 sura; o Elioenai, o Maaseia, o Isamaeli, o Natanielu, o Iosapata, ma Eliasa. O isi foi o sa Levī; o Iosa- 23 pata, ma Semi, ma Kilaia, o Kelita lea, o Petakia, o Iuta, ma Elisara. O lo le au pepese; o Eliasipa. O 24 isi foi o le au leoleo faitotoa; o Saluma, ma Telema, ma Auri. O 25 isi foi o Isaraelu; o isi atalii o Parose; o Ramea, ma Iesia, ma Male- 26 kia; ma Meamina, ma Eleasaro, ma Malekia, ma Penaia. O isi atalii o 27 Elama; o Matania, o Sakaria, ma Ieielu, ma Opeti, ma Ieremota, ma Elia. O isi atalii o Satu; o Elioenai, 28 o Eliasipa, o Matania, ma Ieremota, ma Sapata, ma Asesa. O isi atalii 29 o Pepai; o Ioanana, o Hanania, o Sapai, ma Atalai. O isi atalii o Pani; 30 o Mesulama, o Maluka, ma Ataia, o Iasuvi, ma Seala, ma Ramota. O 31 isi atalii o Pakamoapi; o Atena, ma Kila, o Penaia, o Maaseia, o Mataka- 32 nia, o Pesaleli, ma Pinui, ma Manase. O atalii foi o Harima, o 33 Elisara, o Isea, o Malekia, o Semaia, ma Simeona. O Peniamina, o Ma- 34 luka, o Semaria. O isi atalii o Hasumu; o Matenai, o Matata, o 35 Sapata, o Elipetele, o Ieremai, o Manase, ma Semi. O isi atalii o 36 Pani; o Maatai, o Amaramo, ma Ueli, o Penaia, o Petia, o Kilui, 37 o Vania, o Meremota, o Eliasipa, o Matania, o Matenai, ma Iaasau, 38 ma Pani, ma Pinui, o Semi, ma Selemia, ma Natano, ma Ataia, 39 o Makenatipai, o Sasai, o Sarai, o Asareelu, ma Selemia, o Semaria, 40 o Saluma, o Amaria, ma Iosefa. 41 O isi atalii o Nepo; o Ieielu, o 42 Matatia, o Sapata, o Sapina, o Iatau, ma Ioelu, ma Penaia. O i latou 43 uma ia na fai avā i fafine ese; na i ai foi i nisi o i latou o avā a latou fanaua tama.

O LE TUSI A

N E E M I A.

Ua oo ia Neemia le tala i le malaia o sa Iutā. Ua ia tatalo ai i le Atua.

1 O UPU a Neemia le atalii o Hakalia. O le lua o sefulu o tausaga, o le masina o Kiselu, na ou i Susana i le maota, ona oo mai lea o Hanani, o le tasi o o'u uso, o ia ma nisi tagata mai Iuta; ona ou fesili atu ai lea ia te i latou pe faapefea sa Iutā na sao o e na totoe o le tafeaga, i le ma Ierusalemā. Ona faapea mai lea o i latou ia te au, O e totoe o e na totoe o le tafeaga o i ai i le itu malo, ua tele le puapuaga ma le gaogaoina o i latou; ua soloia foi le pa o Ierusalemā, ma ua mu ona 2 puipui i le afi. Ua ou faalogo i ia upu, ona ou nofo ai lea i lalo, ma ou tagi, ma faanoanoa i nisi aso, ma anapogi, ma tatalo i luma o le Atua o le lagi, ma ou faapea atu, Ieova e, le Atua o le lagi, ou te aioi atu ia te oe, o le Atua silisili ma le matautia, o le tausia le feagaiga ma le alofa ia te i latou o e alofa atu ia te ia, ma tausi i ana poloaiga; ia e faafofoga mai, ma ia silasila mai ou fofoga, ina ia e faafofoga i le tatalo a lau auauna, ou te tatalo atu ai nei i ou luma i le ao ma le po mo le fanauga a Israelu o au auauna, ma ta'u atu i agasala a le fanauga a Israelu, ua matou agasala ai ia te oe; ua agasala foi a'u atoa ma le 3 aiga o lo'u tamā. Ua matou agaleaga lava ia te oe, ma ua matou le tausi poloaiga, ma tulafono, ma faamasinoga, na e poloai mai ai ia Mose lau auauna. Ou te aioi atu ia te oe, ia e manatua le afiga na e poloai mai ai ia Mose lau auauna, ua faapea mai, A outou agasala, ou te 4 faataapeapeina outou i nuu. A e afai tou te liliu mai ia te au, ma tausi a'u poloaiga, ma outou faia, e ui lava ina tulia outou i le tuluiga o

le lagi, ou te faapotopoto mai ai ia te i latou, ma aumaia i latou i le mea ua filifilia e a'u e tuu ai lo'u igoa. O lenei, o au auauna ia ma 10 lou nuu, ua e faaolaina i lou mana tele, ma lou aao malosi. Le Alii e, 11 ou te aioi atu ia te oe, ia e faafofoga mai i le tatalo a a'u lau auauna, ma tatalo a au auauna, o e fia matataui i lou suafa; ma ia e faamanuia lava i lau auauna i le aso nei, ma ia e tuu mai ia te au, ia alofaina i luma o lenei tagata. Auā sa fai a'u ma tautu uaina i le tupu.

Ua auina atu Neemia i Ierusalemā.

O LE masina o Nisani, o le lua o sefulu o tausaga o Aretaseta le tupu, ua i ona luma le uaina; na ou avae foi le uaina ma avatu i le tupu. E lei mata faanoanoa fai a'u i ona luma *anamua*. Ona fai mai 2 lea o le tupu ia te au, Se a le mea ua e mata faanoanoa ai, a e leai sou ma'i? ua na o le faanoanoa lava o le loto lena. Ona ou matuā fefe ai lava lea, ma ou faapea atu i le tupu, 3 Ia soifua e faavavau le tupu; se a le mea ou te le faanoanoa ai, o loo faatafunaina le aai, o le mea o i ai tuugamau o o'u tamā, ma ona puipui ua faaumatia i le afi? Ona 4 faapea mai lea o le tupu ia te au, Se a ea le mea e te manao ai? Ona ou tatalo atu lea i le Atua o le lagi. Ona ou fai atu lea i le tupu, 5 Pe afai e lelei i le tupu, afai foi e te alofa i lau auauna, ia e auina atu a'u i Iuta, i le aai o i ai tuugamau o o'u tamā, ia ou toe faia. Ona fai 6 mai lea o le tupu ia te au, (o loo nofo foi i ona tafatafa *lana masiofo*.) Pe fia po ea o lau malaga? e te toe foi mai foi afea? Ua lelei foi i le tupu, ona ia auina mai lea o a'u; na ou tūu po foi ia te ia. Ua ou 7 fai atu foi i le tupu, Afai e lelei i le tupu, ia au mai ni tusi ia te au i

- alii e pule i ona tala atu o le vaitafe, ia latou momoli atu ia te au seia ou
 8 oo i luta; ma se tusi ia Asafo, le leoleo o le vao o le tupu, ia au mai ia te au o laau e fai a'i faalava o faitotoa o le 'olo o le fale, ma le pa o le aai, atoa ma le fale ou te alu ane i ai. Ona tuu mai lea e le tupu ia te au, e tusa ma le aao alofa o lo'u Atua na ia te au.
- 9 Ua ou oo atu i alii e pule i ona tala atu o le vaitafe, ona ou avatua lea ia te i latou o tusi a le tupu. Ua aauina mai foi ma a'u e le tupu o e ave 'au, ma 'au e tietie i solofanua. Ua faalogo e Sane-
 10 palata o le Horono, ma Tovia le auaua, o lo sa Amoni, ua sau le tagata e saili i se lelei mo le fanauga a Isaraeli, ona matuā tiga tele lava lea o i laua.
- 11 Ua ou oo i Ierusalem, na ou i ai
 12 i po e tolu. Ona matou tulai ai lea i le po, o a'u ma nai tagata e toa-itiiti na ia te au; na ou le ta'u atu foi i se tagata le mea na tuu mai e lo'u Atua i lo'u loto e faia i Ierusalem; ua leai foi se manu ia te au, na o le manu lava na ou tietie ai.
- 13 Ona ou alu atu lea i le po i le faitotoa o le vanu, ma luma o le vaipuna o le tanimo, ma le faitotoa o le otaota, ma ou matamata i pa o Ierusalem, ua sōloia, ma ona puipui
 14 ua faaumatia i le afi. Ona ou alu atu lea i le faitotoa o le vaipuna, ma le vailepa o le tupu, a e leai se mea e sao atu ai le manu na ou tietie ai. Ona ou ui ae lea i le alia i
 15 le po, ma ou matamata i le pa, ona ou toe foi mai lea, ma ulu atu i le faitotoa o le vanu; ona ou foi ai
 16 lea. E lei iloa foi e faipule le mea na ou alu atu ai, ma le mea na ou faia; ou te lei ta'u atu foi i na ona po i sa Iutā, po o faitaulaga, po o alii, po o faipule, po o e na totoe sa
 17 fai le galuega. Ona ou fai atu ai lea ia te i latou, Ua outou silafia le malaia ua ia te i tatou, ua faatafunaina Ierusalem, ma ona puipui ua susunu i le afi; o mai ia, ina tatou faia le pa o Ierusalem, aua ne'i
 18 faalunaina pea i tatou. Ua ou ta'u atu foi ia te i latou i le aao o lo'u Atua sa lelei lava i luga ia te au, atoa ma upu a le tupu na ia fai mai
- ia te au. Ona faapea mai lea o i latou, Ina tulai ia, ina tatou faia ia. Ona latou faamalolosi ai lea i *lenei galuega* lelei. Ua faalogo ai e Sane-
 19 palata o le Horono, ma Tovia le auaua, o lo sa Amoni, ma Gesemu le Arapi, ona latou tauemu mai lea ia te i matou, ma 'ino'ino mai ia te i matou, ma ua faapea mai, Se a e lenei mea tou te faia? pe tou te fouvale ea i le tupu? Ona ou tali
 20 atu lea ia te i latou, ma ou faapea atu ia te i latou, O le Atua o le lagi, o ia lava na te faamanuia mai ia te i matou; o le mea lea e tulai ai o i matou ana auaua, ma faia *le galuega*; a o outou, e leai so outou tofi, po o se pule, po o se faamana-tuga, i Ierusalem.

O le atiina ae o le pa.

ONA tutū lea i luga o Eliasipa le
 faitaulaga sili, ma ona uso o faitau-
 laga, ma ua latou faia le faitotoa
 mamoe; ua latou faapaia i ai, ua
 latou faatuina foi ona puipui; e oo
 i le 'olo o Meaa ua latou faapaia i
 ai, e oo atu i le 'olo o Hananiali.
 Na ati e aupito ane ia te ia o ta-
 gata o Ieriko. Na ati e aupito ane
 ia te i latou o Sakuro le atalii o
 Imeru. A o le faitotoa o i'a na faia
 lea e le fanauga a Hasenaa, ua latou
 faatatauina ona laau, ma ua latou
 faatuina ona puipui, o ona faamau,
 ma ona faamaufaalava. Ua ati e
 aupito ane ia te i latou o Mere-
 mota le atalii o Uria, o le atalii ia o
 Kosa. Ua ati e aupito ane ia te i
 latou o Mesulama le atalii o Pere-
 kia, o le atalii ia o Mesesapelu. Ua
 ati e aupito ane ia te i latou o Sa-
 toka le atalii o Paana. Ua ati e
 aupito ane ia te i latou o tagata o
 Tikoā; a o latou alii, ua latou le
 fesoasoani i le galuega a lo latou
 Alii. Ua fai e Ioata le atalii o
 Pasea, ma Mesulama le atalii o Pe-
 sotia le faitotoa tuai; na la faata-
 tauina ona laau, ma ua la faatuina
 ona puipui, ma ona faamau, ma ona
 faamaufaalava. Ua ati e aupito ane
 ia te i laua o Melatia le Kipeona,
 ma Iatonu le Marono, o tagata o
 Kipeona ma ē o Mesepa, ua oo i le
 nofoālii o le alii e pule i ona tala
 mai o le vaitafe. Ua ati e aupito

- ane ia te ia o Usialu le atalii o Haraia, o lo le au tufuga fai mea auro. Ua ati e aupito ane ia te ia o Hanania le atalii o *le tasi* o le au fai mea manogi; na tuua foi e i latou o Ierusalem a ua oo i le pa 9 lautele. Ua ati e aupito ane ia te i latou o Refaia le atalii o Huro, o le alii e pule i le tasi itu o Ierusalem. Ua ati e aupito ane ia te i latou o Ietaia le atalii o Harumapu, i luma foi o lona fale. Ua ati e aupito ane ia te ia o Hatusa le atalii o Hasapenia. Ua toe ati e Malekia le atalii o Harima, ma Hasupo le atalii o Paka-moapi le tasi *ogapa*, ma le 'olo o ogamu. Ua ati e aupito ane ia te ia o Saluma le atalii o Halokesu, o le alii e pule i le tasi itu o Ierusalem, o ia ma ona afafine. Ua faia e Anuni ma tagata Sanoa le faitotoa o le vanu, ua latou fai ai, ma faatuina ona puipui, ma ona faamau, ma ona faamaufaalava, o le afe foi o kupita i le pa, ua oo i le faitotoa o le otaota. Ua faia le faitotoa o le otaota e Malekia le atalii o Rakapa, o le alii e pule i le tasi pito nuu o Peteakarema; na ia fai ai, ma faatuina ona puipui, o ona faamau, ma ona faamaufaalava. 15 Ua toe faia le faitotoa o le vaipuna e Saluma le atalii o Kolukose, o le alii e pule i le tasi pito nuu o Mesepa; na ia faia, ma ufiufi ai, ma faatuina ona puipui, o ona faamau, ma ona faamaufaalava, ma le pa o le vailepa o Selo a i tala ane o le faatoaga o le tupu, ua oo foi i le ala faapefai e ui ifo ai mai le aai o Tavita. E aupito ane ia te ia ua ati e Neemia le atalii o Asepuka, o le alii e pule i le tasi itu o Petersura, e oo i luma o tugamau o Tavita, mai le vailepa na faia, e oo foi i le fale o e malolosi. E aupito ane ia te ia ua ati e sa Levi, o Rekumu le atalii o Pani. Ua ati e aupito ane ia te ia o Hasapea, o le alii e pule i le tasi itu o Kaila, i lona pito nuu. E aupito ane ia te ia ua ati e o latou uso, o Pavai le atalii o Henatati, o le alii e pule i le tasi itu o Kaila. Ua ati e aupito ane ia te ia o Esera le atalii o Iosua, o le alii e pule i Mesepa, o le tasi *ogapa* i luma o *le mea* e alu a'e ai i le fale o le aupega i le tulimanu. E aupito ane ia te ia ua ati ma le faamalosi e Paruka le atalii o Sapai, o le tasi *ogapa*, e afua i le tulimanu ua oo i le faitotoa o le fale o Eliasipa le faitaulaga sili. E aupito ane ia te ia ua ati e Meremota le atalii o Uria le atalii o Kosa, o le tasi *ogapa*, e afua i le faitotoa o le fale o Eliasipa ua oo i le mea e gata mai ai le fale o Eliasipa. E aupito ane ia te ia ua ati e le au faitaulaga, o tagata o le fanua laugatasi. E aupito ane ia te i latou ua ati e Peniamina ma Hasupo i luma o lo la fale. E aupito ane ia te ia ua ati e Asaria le atalii o Maaseia o le atalii ia o Anania i ona tafafale. E aupito ane ia te ia ua ati e Penui le atalii o Henatati o le tasi *ogapa*, e afua i le fale o Asaria ua oo i le gauaiga o *le pa*, ua oo foi i le tulimanu. Ua ati e Palala le atalii o Usai i luma o le gauaiga o *le pa*, ma le 'olo ua sili atu i le fale maualuga o le tupu e lata ane i le lotoa o le fale puipui. E aupito ane ia te ia o Petaia le atalii o Parose. Sa nonofo foi le au netini i Ofele, e oo i luma o le faitotoa o le vai i gagae, ma le 'olo ua sili atu. E aupito ane i ai ua ati e tagata Tiko a o le tasi *ogapa*, e afua i luma o le 'olo tele ua sili atu, ua oo foi i le pa o Ofele. Ua ati e le au faitaulaga na fua mai i luga o le faitotoa o solofanua, tai-toatasi i lona lumafale. E aupito ane ia te i latou ua ati e Satoka le atalii o Imere i lona lumafale. E aupito ane foi ia te ia ua ati e Semai a le atalii o Sekania, o le leoleo o le faitotoa i gagae. E aupito ane ia te ia ua ati e Hanania le atalii o Selemia, ma Anuni o lona toaono o atalii o Salafa, o le tasi *ogapa*. E aupito ane ia te ia ua ati e Mesulama le atalii o Perekia i luma o lona potu. E aupito ane ia te ia ua ati e Malekia le atalii o le tufuga fai mea auro e oo i le fale o le au netini, ma tagata faatau, i luma o le faitotoa o Mefekato, e oo foi i le afeafe aupitoaluga o le tulimanu. Ua ati e tufuga fai mea auro ma tagata faatau i le va o le afeafe aupitoaluga o le tulimanu e oo i le faitotoa o mamoe.

Ua faalavelaveina le galuega, a ua finafinaiu pea i ai o sa Iutā.

- 4 UA faalogo e Sanepalata ua matou atia le pa, ona ita lea o ia, ua matuā tiga lava, ua ia tauemu foi i
2 sa Iutā, ma fai atu i luma o ona uso ma le itu taua a Samaria, ua faapea atu, Se a le mea o faia e ia tagata vaivai o sa Iutā? Pe tuu ai pea ea i latou? Latou te fai taulaga ea? Latou te faauma ea i le aso e tasi? Latou te toe atiina ae ea maa ai
3 faupuegā-otaota ua susunuina? Sa i ai ma ia o Tovia o lo sa Amonī, ua fai mai foi o ia, O le mea lava ua latou atia, a alu ae i ai se alope, na
4 te sōloia lo latou pa maa. Lo matou Atua e, ia e faafofoga mai; auā o loo inosia i matou; ma ia e faafoi atu lo latou faaluma mai i luga o latou ulu, ia tuuina atu i latou ia
5 vetea i le nuu na tūfea i ai; aua ne'i ufiufitia foi lo latou agaleaga, aua foi ne'i sōloiesea i ou luma la latou agasala; auā ua latou faalili
6 mai i luma o e atia *le pa*. Ua matou atia le pa; ua fesootai foi le pa uma e oo i lona vaeluagalemu; auā sa loto lava le nuu i le galuega.
7 Ua faalogo e Sanepalata, ma Tovia, ma tagata Arapi, ma sa Amonī, ma tagata Asetota, ua saga ati ae pea pa o Ieruselema, auā ua amata ona malu o mea na sōloia, ona tupu
8 tele ai lea o lo latou ita, ma tau-pulepule faatasi i latou uma e sii mai le taua i Ieruselema, ma faao
9 i ai se malaia. A ua matou tatalo atu i lo matou Atua, ma matou tofia nisi e leoleo ia te i latou i le
10 ao atoa ma le po, ona o i latou. Ua fai mai foi Iuta, Ua itiiti le malosi o e ave avega, ma ua tele le otaota; tatou te le lavā ai ona ati o le pa.
11 Ua faapea ane foi o e na fai i matou mo latou fili, Latou te le iloa, latou te le vaia, seia matou oo atu i totonu ia te i latou, ma fafasi ia te i latou, ma faagataina le galuega.
12 Ua o mai foi sa Iutā o e na nonofo felatai mai i latou, ona latou fai faa-sifulu mai lea ia te i matou, O mea uma lava tou te foi mai ai ia te i matou, *latou te feosofi mai ai ia te*
13 *outou*. Ona ou tofia ai lea i mea maulalo i tua o le pa, ma mea

maualuga na ou tofia i ai lava le nuu i o latou aiga, ma a latou pelu, ma o latou tao, ma a latou aufana. Ua ou vaavaai, ma tulai, ma fai atu 14 i alii, ma faipule, ma le nuu uma, Aua ne'i fefefe outou ona o i latou; ia outou manatunatu i le Alii silisili ma le matautia, ma ia outou tau mo outou uso, o outou atalii, ma o outou afafine, o a outou avā, ma o outou fale.

Ua faalogo e na ita ia te i matou, 15 ua iloa e i matou, ma ua faaleaogaina e le Atua la latou filifiliga, ona toe faasaga atu ai lea o i matou uma i le pa, taitoatasi i lana galuega. Talu lea aso, na vaeluaina ai 16 a'u auauna, sa fai galuega le tasi vaega, a o le tasi vaega ua latou 'u'u i tao, ma talita, ma aufana, ma ofutau; o alii foi na i tua o le aiga uma o Iuta. O i latou na atia le 17 pa, ma i latou na ave avega, *ma i latou na tautuu mea, ua taitasi* ma galue i lona lima e tasi, a e 'u'u le tao i le tasi *lima*. O e na atia foi 18 ua taitoatasi ma fusi lana pelu i lona itu, ma latou atia; na i o'u tafatafa foi o le na ili le pu. Ua 19 ou fai atu foi i alii, ma faipule, ma tagata uma o le nuu, Ua matuā tele lava le galuega, ua taapeape foi i tatou i le pa, ua vava mamao le tasi i le tasi. *O lenei*, o le mea 20 tou te faalogo i ai le leo o le pu, ia outou faapotopoto mai ai ia te i matou; e tau lo tatou Atua mo i tatou. Ua galulue foi i matou i le 21 galuega, ua 'u'u tao le tasi vaega o i latou e afua i le malama ae o le ta'ao e oo ina fepulafi mai o fetu. Ua ou fai atu foi i na ona po i le 22 nuu, Ia taitoatasi ma lana auauna ma nofo i totonu o Ieruselema, ia latou fai ma leoleo ia te i tatou i le po, a e galulue i le ao. O a'u foi, 23 ma o'u uso, ma a'u auauna, ma tagata leoleo o e na mulimuli mai ia te au, ua matou le to ese o matou ofu, ua taitasi ma *ave* lana auupega i le vai.

O mea na tiga ai le nuu; ua faatonuina e Neemia. O lona agalelei.

SA tele le alalaga o le nuu ma a 5 latou avā i o latou uso o sa Iutā.

- 2 Auā sa i ai o e ua faapea mai, O matou atalii, ma o matou afafine, ua matou toatele; o le mea lea ua matou avae ai saito, ia matou aai, ma ola ai. Sa i ai foi *nisi* o e na faapea mai, Ua tuufaafaatau e i matou o matou fanua, ma o matou tovine, ma o matou fale, e maua ai saito, auā o le oge. Sa i ai foi *nisi* o e na fai mai, Ua matou aitalafu tupe e fai ma taulaga i le tupu, *ua tuufaafaatau* ai o matou fanua ma o matou tovine. A o lenei, e tusa o matou tino ma tino o matou uso, e tusa a matou fanau ma a latou fanau; faauta foi, ua matou faapologa i o matou atalii ma o matou afafine a fai ma pologa; o loo nofo pologa nei lava nisi o matou afafine; matou te le mafaia *ona toe faatau mai ia te i latou*; auā o matou fanua ma o matou tovine ua fai mo tagata ese.
- 6 Ona ou matuā ita lava lea ina ua ou faalogo i lo latou alaga, ma ia upu. Ona ou filifili ifo ai lea i lo'u loto, ma ou finau atu i alii ma faipule, ma ou faapea atu ia te i latou, Ua outou talia tau faasili taitoatasi i lona uso. Ona ou tala'iina lea o le faapotopotoga tele ona o i latou. Ona ou fai atu lea ia te i latou, Ua matou faatauina mai o tatou uso o sa Iutā, sa faatauina atu i nuu ese, e tusa ma mea na ia te i matou; a o outou tou te faatauina atu ea o outou uso? pe faatauina mai ea o i latou ia te i tatou? Ona latou faalologo lea, ua le mau tali lava. Ua ou fai atu foi, E le tatau le mea ua outou faia; tou te le savavali ea ma le mata'u i lo tatou Atua ona o le faaluma mai o nuu ese ua ita mai ia te i tatou? O a'u foi, *ma o'u uso*, ma a'u auauna, matou te mafaia ona fai faafaatau ia te i latou o tupe, ma saito; se'i tatou tuu ia lona tau faasili. Se'i outou toe tuu atu ia ia te i latou i lenei lava aso o latou fanua, o latou tovine, o latou toolive, ma o latou fale, ma le taitasi i selau tupe, ma le saito, *ma le uaina*, ma le uu, ua outou fai faafaatau ia te i latou. Ona fai mai lea o i latou, Matou te toe tuuina atu lava, matou te le toe saili atu se mea ia
- te i latou; e pei ona e fetalai mai, e faapea ona matou faia. Ona ou valaau atu lea i le au faitaulaga, ma ou fai atu ia tauto i latou, ia latou fai e tusa ma lenei upu. Ua ou 13 lulu foi le fatafata o lo'u *ofu*, ma ou fai atu, Ia faapea ona luluina e le Atua tagata uma o e le faatau-nuuna lenei upu, ai lona fale ma lana galuega, ia faapea lava ona luluina ma faamativaina o ia. Ona fai mai lea o le faapotopotoga uma, Amene; ma latou vivii atu ia Ieova. Ua fai foi e le nuu e tusa ma lenei upu.
- Talu lava le aso na tofia ai a'u e 14 fai ma alii e pule i le nuu o Iuta, e afua i le tausaga e luafulu ua oo lava i le tausaga e tolugafulu ma le lua o Aretaseta le tupu, o tausaga e sefulu ma le lua ia, ua matou le aai, o a'u ma ou uso, i le mea e 'ai a le alii e pule. A o alii na muai 15 pule o e na muamua ia te au, na mafatia le nuu ia i latou, ma ua latou talia mai ia te i latou o areto ma uaina, atoa ma sekeli ario e fagafulu; o a latou lava auauna foi na latou pule i le nuu; a o a'u, ou te lei faia faapea, ona o le mata'u i le Atua. Ua ou faamalosi 16 foi i le galuega o lenei pa, matou te lei faatau foi ni fanua; na faapotopotoina ai foi i le galuega o a'u auauna uma lava. Sa aai foi i la'u 17 laulau o sa Iutā ma faipule e toasela ma le toa limagafulu o tagata, i le ma i latou na o mai ia te i matou ai nuu ese e vagavagai ia i matou. O mea foi nei na saunia 18 i lea aso ma lea aso, o le povi e tasi ma mamoe lelei e ono; na saunia foi ma a'u o manu felelei; e taipoagafulu foi ma uaina eseese uma e tele; e ui foi i lea ou te lei fai atu ia *aumaia* le mea e 'ai a le alii e pule, auā sa mamafa le galuega i lenei nuu. Lo'u Atua e, ia e 19 manatua mai a'u ia ou manuia ai, e tusa ma mea uma ua ou faia i lenei nuu.
- Ua tautogafili pea e nuu ese e faa-lavelave i le galuega.
- UA faalogo Sanepalata, ma Tovia, 6 ma Gesemu le Arapi, atoa ma i latou uma e na ita mai ia te i matou.

- ua atia e a'u le pa, ma ua le toe i ai se mea o solo; (a ona po ia na ou le faatuina ai puipui i faitotoa;)
- 2 ona sau lea ia te au o le feau a Sanepalata ma Gesemu, ua faapea mai, Sau ia, ina tatou fetai ai i aai i le fanua laugatasi o Ono. A ua latou manatu e fai se mea leaga ia
- 3 te au. Ona ou auina atu lea o le sāvāli ia te i latou, ua faapea atu, O loo faia e a'u le galuega tele, ou te le mafai ai ona alu ifo. Se a le mea e tuua ai le galuega i lo'u tuu-
- 4 lafoai ma alu ifo ia te outou? A ua foi faafa mai la la feau faapena ia te au; ua faapena foi ona ou tali
- 5 atu ia te i latou. Ona auina mai lea e Sanepalata o lana auatua ia te au i le feau faapena lava, o le atu lima lea; ua i lona lima foi le tusi
- 6 e lei faamauina. Ua tusia ai, Ua logoa mai i nuu, ua fai mai ai foi Gesemu, ua e manatu oe ma sa Iutā e fou; o le mea lea ua e ati ai
- 7 le pa, ia fai oe ma tupu ia te i latou e tusa ma nei upu. Ua tofia foi e oe o perofeta e tala'ina oe i Ierusalem, o loo faapea atu, O loo fai le tupu o Iuta; o le a logo atu i le
- 8 tupu e tusa ma ia upu. O lenei, ina sau ia oe, ma ia ta filifili faatasi.
- 9 Ona alu atu lea la'u feau ia te ia, ua faapea atu, E lei ni mea ua faia e pei o ia mea ua e fai mai ai, a ua
- 10 e fatu fua ai i lou lava loto. Auā na faamatau i latou uma ia te i matou, ua faapea ane, E faavaivaia o latou lima i le galuega, ia le faia. O lenei, *le Atua e*, ia e faamalosi
- 11 mai o'u lima. Ona ou alu atu lea i le fale o Semaia le atalii o Talaia, le atalii ia o Meatapala, sa puipuia foi o ia; ona fai mai lea o ia ia te au, Ia ta o faatasi i le fale o le Atua i totonu o le malumalu, ma pupuni
- 12 faitotoa o le malumalu; auā latou te o mai e fasioti ia te oe; latou te o po mai lava e fasioti ia te oe.
- 13 Ona ou fai atu lea, E sola ea le tagata e pei o a'u? o ai ea e pei o a'u e alu i le malumalu ia ola ai o ia?
- 14 Ou te le alu lava. Faauta foi, na ou iloa e lei auina mai o ia e le Atua; a ua fai mai e ia lenei va-loaga ia leaga ai a'u; auā na faa-oloaina lava ia e Tovia ma Sanepa-
- 15 lata. O le mea lea na faaoloaina ai

o ia, ina ia ou mata'u, ma ia ou faapea ona fai, ou te agasala ai, ia maua e i latou se mea e fai ma tala leaga ina ia ta'uleagaina ai a'u. Lo'u 14

Atua e, ia e manatu ia Tovia ma Sanepalata e tusa ma ia mea ua la faia, atoa foi ma le perofeta fafine o Noataia, ma isi perofeta o e na taufaamatau mai ia te au.

Ua faauma foi le pa i *le aso* e lua- 15 fulu ma le lima o *le masina* o Elula; na faia i aso e limagafulu ma le lua. Ua faalogo i latou uma e na 16

ita mai ia te i matou, ma ua iloa e nuu uma na vagavagai ia te i matou, ona matuā faavaivai lea o i latou; auā ua latou iloa o lo latou Atua na fai ai lona galuega.

O na ona aso foi ua aveina atu ai 17 e alii o Iuta tusi e tele ia Tovia, ua oo mai foi *tusi* a Tovia ia te i latou. Auā e toatele i Iuta ua taufa ia te 18

ia, auā o le tane ia o le afafine o Sekania o le atalii o Araka; na fai avā foi lona atalii o Ioanana i le afafine o Mesulama le atalii o Per- 19

rekia. Ua latou talatala mai foi lona agalelei i o'u luma, ua ta'u atu foi a'u upu ia te ia. Ua au mai foi e Tovia o tusi e faamatau mai ia te au.

Ua tofia Hanani ma Hanania e pule. O tagata na o ae mai Papelonía.

UA uma ona ati o le pa, ua faa- 7 tuina foi puipui, ua tofia foi leoleo faitotoa, ma e pepese, ma sa Levī, 2

ona ou tuuina atu lea ia Hanani lo'u uso, ma Hanania le alii e pule i le 'olo, e pule i Ierusalem; auā o 3

le tagata faamaoni ia, ua sili foi lona mata'u i le Atua i lo le toatele. Ua 4

ou fai atu foi ia te i laua, Aua nei tatalaina faitotoa o Ierusalem seia vevela le la; ia latou puipui foi i faitotoa ma faamau ai o la o tutū ai, ma ia tofia leoleo o e nonofo i 5

Ierusalem, taitoatasi i lona leoleoga, taitoatasi foi i lona lumāfale. Ua valavala foi le aai ma le lautele; 6

a ua toaitiiti tagata i ai, e lei faia foi fale.

Na tuuina mai e lo'u Atua i lo'u 5

loto e faapotopoto i alii, ma faipule, ma le nuu, ina ia tusigafaina i latou e tusa ma o latou tupuga. Na ou maua foi le tusi o gafa o e na o ae

i le amataga, ona ou iloa lea o loo
 6 tusia i ai, *ua faapea*, O i latou nei o
 tagata o le itu malo na o ae ai le
 tafeaga, o le tafeaga lea na avea e
 Nepukanesa le tupu o Papelonía,
 7 na latou toe foi mai foi i Ierusalemá
 ma Iuta, taitasi i lona aai; o e na
 o mai ma Serupapelu; o Iosua, o
 Neemia, o Aseraia, o Raamia, o
 Naamani, o Moretekai, o Pilesana,
 o Mesepera, o Pikevai, o Nekuma,
 o Paana. O le faitau aofai o tagata
 8 o le nuu o Israaelu; o le fanauga a
 Parose, e lua afe e toaselau e toa-
 9 fitugafulu ma le toaluá. O le fa-
 nauga a Sefatia, e tolu selau e
 10 toafitugafulu ma le toaluá. O le
 fanauga a Araka, e ono selau e toa-
 11 limagafulu ma le toaluá. O le fa-
 nauga a Pakamoapi, o le fanauga ia
 a Iosua ma Ioapo, e lua afe e valu
 selau ma le toasefulu ma le toa-
 12 valu. O le fanauga a Elama, e tasi
 le afe e lua selau ma le toa limaga-
 13 fulu ma le toafa. O le fanauga a
 Satu, e valu selau e toafagafulu ma
 14 le toalima. O le fanauga a Sakai,
 e fitu selau ma le toaonogafulu.
 15 O le fanauga a Penui, e ono selau e
 16 toafagafulu ma le toavalu. O le
 fanauga a Pepai, e ono selau e toa-
 17 luafulu ma le toavalu. O le fanauga
 a Asekata, e lua afe e tolu selau
 18 e toaluafulu ma le toaluá. O le
 fanauga a Atonikama, e ono selau
 19 e toaonogafulu ma le toafitu. O le
 fanauga a Pikevai, e lua afe e toa-
 20 onogafulu ma le toafitu. O le fanauga
 a Atini, e ono selau e toa limaga-
 21 fulu ma le toalima. O le fanauga a
 Atere, mai ia Esekia, e toaivagafulu
 22 ma le toavalu. O le fanauga a Ha-
 sumu, e tolu selau e toaluafulu ma
 23 le toavalu. O le fanauga a Pesai, e
 tolu selau e toaluafulu ma le toafa.
 24 O le fanauga a Haripa, e tasi le
 25 selau e toasefulu ma le toaluá. O
 tagata o Kipeona, e toaivagafulu
 26 ma le toalima. O tagata o Pete-
 leema ma Netopa, e tasi le selau
 27 e toavalugafulu ma le toavalu. O
 tagata o Anatota, e tasi le selau e
 28 toaluafulu ma le toavalu. O ta-
 gata o Peteasemau, e toafagafulu
 29 ma le toaluá. O tagata o Kiriatai-
 iarima, o Kafra, ma Perota, e fitu
 selau e toafagafulu ma le toatolu.

O tagata o Rama ma Kipea, e ono 30
 selau e toaluafulu ma le toatasi. O 31
 tagata o Mekemase, e tasi le selau
 ma le toaluafulu ma le toaluá. O 32
 tagata o Peteli ma Ai, e tasi le se-
 lau e toaluafulu ma le toatolu. O 33
 tagata o le tasi Nepo, e toa limaga-
 fulu ma le toaluá. O le fanauga a 34
 le tasi Elama, e tasi le afe e lua se-
 lau e toa limagafulu na le toafa. O 35
 le fanauga a Harima, e tolu selau
 ma le toaluafulu. O tagata o Ieriko, 36
 e tolu selau e fagafulu ma le toa-
 lima. O tagata o Loto, o Hatito, 37
 ma Ono, e fitu selau e toaluafulu
 ma le toatasi. O tagata o Senaa, e 38
 tolu afe e iva selau ma le toatoluga-
 fulu.

O le au faitaulaga; o le fanauga 39
 a Ietaia o le aiga o Iosua, e iva
 selau e toafitugafulu ma le toatolu.
 O le fanauga a Imere, e tasi le afe e 40
 toa limagafulu ma le toaluá. O le 41
 fanauga a Pasura, e tasi le afe e lua
 selau e fagafulu ma le toafitu. O 42
 le fanauga a Harima, e tasi le afe e
 toasefulu ma le toafitu.

O sa Levi; o le fanauga a Iosua, 43
 ma Katameeli, o le fanauga ia a
 Hotavia, e toafitugafulu ma le
 toafa.

O e pepese; o le fanauga a Asafo, 44
 e tasi le selau e fagafulu ma le
 toavalu.

O leoleo faitotoa; o le fanauga a 45
 Saluma, o le fanauga a Atere, o le
 fanauga a Talemoni, o le fanauga a
 Akupa, o le fanauga a Hatita, o le
 fanauga a Sopai, e tasi le selau e
 toatolugafulu ma le toavalu.

O le au netini; o le fanauga a 46
 Seka, o le fanauga a Hasufi, o le
 fanauga a Tapaota, o le fanauga a 47
 Kiroa, o le fanauga a Seaa, o le
 fanauga a Patono, o le fanauga a 48
 Lepana, o le fanauga a Hakepa, o le
 fanauga a Salemai, o le fanauga a 49
 Hanana, o le fanauga a Kitele, o le
 fanauga a Gakara, o le fanauga a 50
 Reaia, o le fanauga a Resina, o le
 fanauga a Nekota, o le fanauga a 51
 Gasama, o le fanauga a Usa, o le
 fanauga a Pásea, o le fanauga a 52
 Pesai, o le fanauga a Meunima, o le
 fanauga a Nefasemo, o le fanauga a 53
 Pakepuka, o le fanauga a Hakuja,
 o le fanauga a Harekuru, o le fa- 54

nauza a Paselita, o le fanauga a
 55 Mekita, o le fanauga a Haresa, o le
 fanauga a Parekusa, o le fanauga a
 56 Sesera, o le fanauga a Timaka, o le
 fanauga a Neseke, o le fanauga a
 Hatifa.

57 O le fanauga a auaua a Solo-
 mona; o le fanauga a Sotai, o le
 fanauga a Soferete, o le fanauga a
 58 Feruta, o le fanauga a Iaala, o le
 fanauga a Tarekono, o le fanauga a
 59 Kitele, o le fanauga a Sefatia, o le
 fanauga a Hatili, o le fanauga a
 Pokerete o le Sepaima, o le fanauga
 60 a Amoni. O le au netini uma, ma le
 fanauga a auaua a Solomona, e
 tolu selau e toaivagafulu ma le
 toalua.

61 O i latou nei na o ae ai Tele-
 melaka, *ma* Tele-aresa, *ma* Kirova,
ma Atana, *ma* Imere; a ua latou le
 mafaia ona faailoa mai le aiga o
 latou tamā, ma lo latou tupuga, pe
 62 ni Israelu i latou. O le fanauga a
 Talaia, o le fanauga a Tovia, o le
 fanauga a Nekota, e ono selau e
 toafagafulu ma le toalua.

63 O le au faitaulaga foi; o le fa-
 nauga a Hapaia, o le fanauga a
 Kosa, o le fanauga a Pasili, o le na
 fai avā i *le tasi* afafine o Pasili le
 Kiliata, sa igoa foi o ia i lo latou
 64 igoa. O i latou ia na sailiili i o latou
 tusi gafa na tusia ai o latou gafa,
 a e lei maua, sa ta'ua ai i latou ua
 leaga, ua te'a ai ma le faiva o fai-
 65 taulaga. Ua fai atu foi ia te i latou
 le alii e pule, aua ne'i latou aai i
 mea e sili ona paia, seia tu mai se
 faitaulaga ma le Urima ma le
 Tumema.

66 O le aofai o le faapotopotoga
 uma, e fagafulu o afe ma afe e lua
 ma le tolu selau ma le toaonogafulu;
 67 a o a latou auaua tane ma a latou
 auaua fafine, e fitu afe e tolu selau
 e toatolugafulu ma le toafitu o i
 latou; sa ia te i latou foi o tane
 pepese ma fafine pepese, e lua selau
 68 ma le toafagafulu ma le toalima. O
 a latou solofanua, e fitu selau e
 tolagafulu ma le ono; o a latou
 falata, e lua selau e fagafulu ma le
 69 lima; o kamela, e fa selau ma le
 tolagafulu ma le lima; o asini e ono
 afe e fitu selau ma le luafulu.

70 O isi foi o matai sili, ua latou

foaiina atu i le galuega. Ua foaiina
 atu i le oloa e le alii e pule o tareki
 o auro e tasi le afe, o ipu e limaga-
 fulu, o ofu tino o faitaulaga e lima
 selau ma le tolagafulu. O isi foi o 71
 matai sili, ua latou foaiina atu i le
 oloa mo le galuega, o tareki o auro e
 luafulu o afe, ma mina o ario e lua
 afe ma le lua o selau. O mea foi na 72
 foaiina atu e i latou ua totoe o le
 nuu, o tareki o auro e luafulu o afe,
 ma mina o ario e lua afe, ma ofu
 tino o faitaulaga e onogafulu ma le
 fitu. Sa nonofo foi i a latou aai o 73
 faitaulaga, ma sa Levī, ma leoleo
 faitotoa, ma e pepese, o isi foi o le
 nuu, ma le au netini, ma Israelu
 uma; ua oo foi i le fitu o masina ua
 i a latou aai le fanauga a Israelu.

*O le faitauina o le tulafono. O le
 tausamiga o fale apitaga.*

UA faapotopototo mai le nuu uma 8
 e pei o se tagata e toatasi i le malae
 o i luma o le faitotoa o le vai; ona
 latou fai atu lea ia Esara le tusiupu
 e au mai le tusi o le tulafono a
 Mose, na poloai mai ai Ieova ia Isa- 2
 raelu. Ona au mai ai lea e Esara le
 faitaulaga le tulafono i luma o le
 faapotopotoga o tane atoa ma fafine,
 ma i latou uma o e atamamai i faa-
 3 logo, i le aso muamua i le masina e
 fitu. Ona ia faitau ai lea i le malae
 o i luma o le faitotoa o le vai, e afua
 i le malama ae o le taeao ua oo i le
 aoauli, i luma o tane ma fafine, ma
 e atamamai; ua *uai* mai foi taliga o
 le nuu uma i le tusi o le tulafono.
 Ua tu foi Esara le tusiupu i luga i 4
 le tulaga laau, na latou fausia i lea
 lava mea; ua tutū faatasi foi ma ia
 i lona itu taumatau o Matatia, ma
 Sema, ma Anaia, ma Uria, ma
 Hilikia, ma Maaseia; a o i lona itu
 tauagavale, o Petaia, ma Mesaelu,
 ma Malekia, ma Hasumu, ma Hase-
 patana, o Sakaria *ma* Mesulama.
 Ona fofola lea e Esara le tusi i luma 5
 o le nuu uma; (auā sa maualuga ia
 i le nuu uma;) ua ia fofola ai, ona
 tutū lea i luga o le nuu uma. Ona 6
 faafetai atu lea o Esara ia Ieova le
 Atua silisili; ona tali mai lea o le
 nuu uma, Amene, Amene, ua sisii i
 luga o latou lima; ma ua latou
 punonou ma ifo toele ia Ieova. O 7

Iosua foi, ma Pani, ma Serepeia, o Iaminu, o Akupa, o Sapetai, o Hotia, o Maaseia, o Kelita, o Asaria, o Iosapata, o Hanana, o Pelaia, ma sa Levi, ua latou faamatalaina atu le tulafono i le nuu, o loo tutū mai 8 foi le nuu. Ua latou faitau ma'e'a i le tusi i le tulafono a le Atua, ma ua latou folafola atu le uiga, ma faamatalaina atu ia te i latou le mea ua faitauina.

9 O Neemia, o le alii e pule lea, ma Esera le faitaulaga, le tusingu, ma sa Levi o e na a'oa'o i le nuu, ua latou fai atu i le nuu uma, O le aso paia lenei ia Ieova lo outou Atua, aua ne'i outou faanoanoa, aua foi le fetagisi. Auā ua fetagisi le nuu uma, ina ua latou faalogologo i upu 10 o le tulafono. Ua ia fai atu foi ia te i latou, Ina o ia outou, ina aai mea lololo, ma inu mea suamalie, ma ia outou ave tufaaga ia te i latou e lei saunia se mea mā latou; auā o le aso paia lenei i lo tatou Alii; aua ne'i tiga foi outou; auā o le fiafia ia 11 Ieova o lo outou malosi lea. Ua faafilemu atu foi e sa Levi i le nuu uma, ua faapea atu, Fifilemu ia outou; auā o le aso paia lenei, aua 12 ne'i tiga foi outou. Ona o atu lea o le nuu uma e aai, ma inu, ma ave tufaaga, ma taufaiolioi tele, auā ua latou lagona upu na faailoa atu ia te i latou.

13 O le aso lua foi na faapotopotoina ai o matai sili o le nuu uma, o faitaulaga, ma sa Levi, ia Esera le tusingu, ia a'oa'oina ai i latou i upu 14 o le tulafono. Ona latou iloa lea ua tusia i le tulafono na poloai mai ai Ieova ia Mose, ia nonofo le fanauga a Isaraelu i fale apitaga i le 15 tausamiga i le masina e fitu; ma ia latou logologoa'i atu ma tala'i atu i a latou aai uma, ma Ierusalem, e faapea atu, Ina o atu ia i le mauga, ma au mai la o le olive, ma la o le laau o le olive vao, ma la o le atasi, ma lau pama, ma la o laau lauolola, e fai a'i fale apitaga e pei ona tusia.

16 Ona o atu lea o le nuu, ma ua latou aumaia, ma fai mo latou o fale apitaga, taitoatasi i luga o lona fale, i o latou lotoā foi, ma lotoā o le fale o le Atua, ma le malae o le

faitotoa, o le vaf, ma le malae o le faitotoa o Efaraina. O le faapotopotoga uma foi o e na o māi māi le tafeaga, ua latou faia fale apitaga, ma ua latou nonofo i fale apitaga; auā talu ona po o Iosua le atalii o Nuno ua oo i lea aso, e lei faapea ona fai e le fanauga a Isaraelu. Sa matuā tele lava le fiafia. Ua ia faitau foi i le tusi o le tulafono a le Atua i lea aso ma lea aso, e afua i le aso muamua ua oo i le aso e iu ai. O aso e fitu foi ua latou fai ai le tausamiga, ua faia foi le faapotopotoga i le aso e valu, e tusa ma le tu.

O le anapogi a Isaraelu, ma la latou tatalo.

O LE aso foi e luafulu ma le fa o 9 lea masina sa faapotopotoina ai le fanauga a Isaraelu, ua anapopogi, ma lavalava le talatala, ma le elelee i luga ia te i latou. Ona vavaerseina lea o le fanau a Isaraelu i tagata ese uma, ma ua latou tutū ma ta'u atu a latou agasala, ma amio leaga a o latou tamā. Ua latou tutū i luga i le mea na latou i ai, ma ua latou faitau i le tusi o le tulafono a Ieova lo latou Atua o le tasi ona vaega e fa o le aso; o le isi ona vaega e fa foi ua latou ta'u atu a latou agasala, ma ifo atu ia Ieova lo latou Atua. Ona tutū lea i luga i le tulaga o sa Levi, o Iosua, ma Pani, o Katameeli, o Sepania, o Puni, o Serepeia, o Pani, ma Kanani, ua latou alalaga ma le leo tele ia Ieova lo latou Atua. Ona faapea atu lea o sa Levi, o Iosua, ma Katameeli, o Pani, o Hasapenia, o Serepeia, o Hotia, o Sepania, ma Petakia, Ina tutū ia outou i luga, ina faamanu atu ia Ieova lo outou Atua māi le vavau e oo i le faavavau; ia faamanuina lava lou suafa mamalu ua silisili i faamanu ma viiga uma. O oe, na o oe lava o Ieova; na e 6 faia le lagi o le lagi o lagi, ma 'au uma o i ai, o le lalolagi ma mea uma o i ai, o le sami ma mea uma o i ai, ua e faaola foi ia te i latou uma; ua ifo foi ia te oe 'au a le lagi. O oe lava o Ieova le Atua, o 7 le na filifilia Aperamo, ma au māi ia te ia ai Uro i Kaletia, ma e faa-

- 8 igoa ia te ia i le igoa o Aperaaamo ; na e silafia foi lona loto sa faamaoni i ou luma, na e faia le feagaiga ma ia e foai mai le nuu o sa Kananā, o sa Heti, o sa Amori, ma sa Perisē, ma sa Iepusē, ma sa Kirekasē, e foai mai i lana fanau ; ua e faatau-nuu foi au afioga ; auā o oe o le amiotonu ; na e silafia foi le pua-puaga o matou tamā i Aikupito, na e faafogaina foi la latou alaga i le sami Ulaula ; na e faia foi faailoga ma vavega ia Farao, ma ana auaina uma, ma tagata uma o lona nuu ; auā na e silafia ua latou faamauluga ia te i latou. Sa faapea ona e maua le viiga e pei ona fai i le aso nei. Na e vavaeina foi i o latou luma le sami, ia latou ui atu i totonu o le sami i le *iliti tai* matutu ; a o e na tuliloa ia te i latou, na e lafoina i le loloto, e pei o se maa i le sami sousou. O le ao faaniutu na e ta'ita'iina ai i latou i le ao, o le afi faaniutu foi i le po, e faamalamalama a'i ia te i latou i le ala latou te o atu ai. Na e afio ifo foi i luga i le mauga o Sinai, ma fetalai ma i latou mai le lagi, na e tuu mai foi ia te i latou faamasinoga tonu, ma tulafono faamaoni, o sauniga ma poloaiga lelei. Na e faailoga mai foi ia te i latou o lou sapati paia, ma ua poloai mai ia te i latou o poloaiga, ma sauniga, ma tulafono ia Mose lau auaina. Na e foai mai foi ia te i latou le mea e 'ai mai le lagi i lo latou fia aai, ma faapuna mai ia te i latou le vai mai le papa i lo latou fia inu, ua fetalai mai foi ia te i latou, latou te o atu e fai mo latou le nuu na e sii atu ai lou aao e te foaiina mai ia te i latou. A o i latou ma o matou tamā, na latou faamauluga, ma faamaaa i o latou ua, ma ua latou le faalogo i au poloaiga, ma ua latou le mafafai ona usiusitai, ua latou le manatua foi i ou vavega na e faia ia te i latou ; a ua latou faamaaa i o latou ua, o lo latou fouvale foi ua latou tofia ai le ta'ita'i e foi atu ai i latou ia nofo pologa. A o oe o le Atua o lē faamagaloina sala, o lē alofa fua, ma lē alofa mutimuti vale, e tele gese lou toasa, ma ua tele lou alofa, ua e le lafoaiina foi i latou. E moni, ua latou faia mo i latou le tamai povi auro, ma ua latou fai atu, O lou atua lea o le na aveina ae ia te oe mai Aikupito ; ma latou faia mea faaonono e tele ; a o oe, o lou alofa mutimuti vale e tele, na e le tuua ai i latou i le vao ; ua le te'a mai i latou le ao faaniutu i le ao, e ta'ita'iina i latou i le ala ; ma le afi faaniutu i le po, e faamalamalama a'i i latou i le ala latou te o atu ai. Na e foai mai foi lou Agaga lelei e a'oa'oa ia te i latou, na e le taofia foi lau manai ai o latou gutu, na e foai mai foi ia te i latou le vai i lo latou fia inu. O tausaga foi e fagafulu na e tausia ai i latou i le vao, ua le matitiva i latou, e lei pala o latou ofu, o latou vae foi e lei fulafula. Na e foaiina foi ia te i latou o malo ma nuu, na e vavaeina foi i latou i itu nuu ; ua latou fai foi mo i latou le nuu o Sekono, ma le nuu o le tupu o Hesepona, ma le nuu o Oko le tupu o Vasana. O a latou fanau foi na e faatoateleina i latou e pei o fetu o le lagi, ua e faaoo foi ia te i latou i le nuu na e fetalai mai ai i o latou tamā, latou te oo i ai e fai mo latou. Ua oo mai foi le fanau, ua fai foi mo i latou le nuu, na e faatoilaloina foi i o latou luma o e sa mau i le nuu, o sa Kananā, na e tuuina mai foi i latou i o latou lima, o latou tupu atoa ma tagata o le nuu, ia fai i latou ia te i latou e tusa ma o latou loto. Ua faoa e i latou o aai nofo 'olo, ma lauelele lafulemu, ua latou fai foi mo i latou o fals sa tutumu i mea lelei uma, o vaieli ua elia, o tovine, ma toolive, ma laau 'aina e tele ; ua latou aai, ma ua maoana, ua puputa foi i latou, ma ua latou fiafia i lou alofa tele. A ua latou vaogatata, ma latou fouvale ia te oe, ua latou lafoaiina foi au tulafono i o latou tua, ua latou fasioti foi au perofeta o e na aoai ia te i latou ia latou foi mai ia te oe, ua faia lava e i latou mea faaonono e tele. O le mea lea na e tuuina atu ai i latou i lima o e ita mai ia te i latou, ua latou faatiga foi ia te i latou ; o ona po o lo latou tiga, ua latou alalaga atu ai ia te oe, ona e faafogaga mai lea mai le lagi ; ma

- e foaiina ia te i latou o faitoaga e tusa ma lou alofa mutimuti vale ua tele, na latou faaolaina foi i latou ai lima o e ita mai ia te i latou.
- 28 Ua maua e i latou le filemu, ona latou toe faia lea o amio leaga i ou luma; ona e tuua lea o i latou i lima o e ita mai ia te i latou, na latou faatoilaloina ai i latou; a ua latou toe foi, ma alalaga atu ia te oe, ona e faafofoga mai lea ai le lagi, ma laveai soo ia te i latou e tusa ma lou alofa mutimuti vale;
- 29 na e aoai foi ia te i latou, ina ia e faafoi mai ia te i latou i lau tulafono; a ua latou faamaualuga, ma ua latou le faalogo i au poloaiga, ua latou agasala foi i au faamasinoga, (a anaana i ai se tagata e ola ai lava ia;) a ua 'alo o latou tau'au, ma ua latou faamaaa i o latou ua, ma ua
- 30 latou le faalogo. A e tele tausaga na e onosai ai ia te i latou, ma aoai ia te i latou e lou Agaga na i au perofeta; a ua latou le faalogo; ona e tuu atu ai lea ia te i latou
- 31 i lima o tagata o ia nuu. A ona o lou alofa mutimuti vale ua tele, na e le matua faaumatia ai i latou, ma e le tuulafoai ia te i latou; auā o oe o le Atua alofa fua ma le alofa mutimuti vale. O lenei, lo matou
- 32 Atua e, o le Atua silisili, o lē mana, ma le matautia, o lē tausi le feagaiga ma le alofa, aua ne'i e manatu ua itiiti le tiga uma ua oo mai ia te i matou, ma o matou tupu, ma o matou alii, ma a matou faitaulaga, ma a matou perofeta, ma o matou tamā, ma lou nuu uma, talu ona po o tupu o Asuria ua oo mai i lenei
- 33 aso. A o oe, ua tonu lava oe i mea uma ua oo mai ia te i matou; auā ua e faamaoni, a o i matou, ua
- 34 matou amio leaga; e lei faia foi lau tulafono e o matou tupu, o matou alii, o a matou faitaulaga, ma o matou tamā, ua latou le faalogo foi i au poloaiga ma au faatonuga, na e
- 35 faatonu mai ai ia te i latou. Auā na latou le auauna ia te oe i lo latou malo, ma lou alofa tele na e foai mai ai ia te i latou, ma le nuu tele mā le lafulemu na e tuuina mai i o latou luma, ma ua latou le foi
- 36 mai i a latou amio leaga. Faauta, o pologa i matou i le aso nei; o le nuu foi na e foai mai i o matou tamā e aai i ona fua ma ana mea lelei, faauta, o pologa i matou i ai; e tutupu mai ai foi mea e tele mā
- 37 tupu ua e tuuina mai e pule ia te i matou ona o a matou agasala; ua latou pule foi i o matou tino, ma a matou manu, i lo latou faitalia, e tele foi lo matou puapuaga. Ona o
- 38 ia mea uma foi ua matou fai ai le feagaiga moni, ma tusi ai; ua faamaufaaailogaina foi e o matou alii, ma o matou tagata sa Levī, ma a matou faitaulaga.
- O igoa o e na faamaufaaailogaina le feagaiga. O le uiga o le feagaiga.*
- O I latou e na faamaufaaailoga:
- 10 o Neemia, le alii e pule, le atalii o Hakalia, ma Setekaia, o Seraia, 2
o Asaraia, o Ieremia, o Pasura, o 3
Amaria, o Malekia, o Hatusa, o 4
Sepania, o Maluka, o Harima, o 5
Meremota, o Opetia, o Tanielu, 6
o Ginetonu, o Paruka, o Mesulama, 7
o Avia, o Meamina, o Maasia, o 8
Pileka, o Semaia; o faitaulaga ia. A o sa Levī; o Iosua foi, le atalii o 9
Asania, o Penui mai atalii o Henatati, o Katameeli; ma o latou uso, 10
o Sepania, o Hotia, o Kelita, o Pelaia, o Hanana, o Mika, o Reopo, 11
o Hasapea, o Sakuro, o Serepeia, 12
o Sepania, o Hotia, o Pani, o Peninu. O alii o le nuu; o Parose, 13
o Paka-moapi, o Elama, o Satu, o Pani, o Puni, o Asekata; o Pepai, 15
o Atonia, o Pikevai, o Atini, 16
o Atere, o Esekia, o Asura, 17
o Hotia, o Hasumu, o Pesai, 18
o Haripa, o Anatota, o Nepai, 19
o Magefiasa, o Mesulama, o Hesera, 20
o Mesesapelu, o Satoka, o Iatua, 21
o Pelatia, o Hanana, o Anaia, 22
o Hosea, o Hanania, o Hasupo, 23
o Halokesu, o Peleka, o Sopeka, 24
o Rekuma, o Hasapena, o Maaseia, 25
ma Akia, o Hanana, o Anaana, 26
o Maluka, o Harima, o Paana. 27
- O i latou foi ua totoo o le nuu, o faitaulaga, o sa Levī, o leoleo faitoota, o e pepese, o netini, ma i latou uma na vavaeeseina i tagata o nuu ese i le tulafono a le Atua, o a latou avā, o latou atalii, ma o latou afafine, o i latou uma ua iloa, ma ua lagona; ua latou pipii atu i o latou
- 29

- uso, o latou alii, ma ua latou augani, ma tauto, latou te savavali i le tulafono a le Atua, na tuuina mai e Mose le auaua a le Atua, e tatusi foi ma fai i poloaiga uma a leova lo tatou Alii, ma ana faamasinoga, ma ana
- 30 sauniga; ina ia matou le avatu foi o matou afafine i tagata o le nuu, ma ia le fai avā o matou atalii i o latou
- 31 afafine; a au mai foi e tagata o le nuu o oloa po o se mea e 'ai i le aso sapatī e faatau ai, matou te le faatau ma i latou i le sapatī, po o se aso paia; matou te tuua foi le tausaga e fitu, ma le tauī faasili uma.
- 32 Na matou faia foi mo i matou o tulafono e avatu e i matou i lea tausaga ma lea tausaga o lona vaetolugalemu o le sekeli mo le galuega
- 33 o le fale o lo tatou Atua; ma le areto e laulauina i luma, ma le taulaga i mea e 'ai e le aunoa, ma le taulaga mu e le aunoa, o sapatī, o masina faatoa vaai, ma tausamiga, ma mea paia, ma taulaga mo agasala e faia le togioia mo Isaraelu, ma sauniga uma o le fale o lo tatou
- 34 Atua. Na faia foi e i matou le vili e faitaulaga, ma sa Levī, ma le nuu, i taulaga o fafie, e au mai ai i le fale o lo tatou Atua, e āu i aiga o tatou tamā, i aso ua tofia i lea tausaga ma lea tausaga, e mu ai i le fata faitaulaga o leova lo tatou Atua e pei ona
- 35 tusia i le tulafono; e au mai foi le faapolopolo o lo tatou laueleele, ma le faapolopolo o fua uma o laau uma, i lea tausaga ma lea tausaga, i le fale o leova; o ulumatua foi o tatou atalii, ma a tatou manu, e pei ona tusia i le tulafono, o le muai fanau o a tatou povi ma a tatou mamoe, e au mai ai i le fale o lo tatou Atua, i faitaulaga o loo au-
- 37 auna i le fale o lo tatou Atua; ia tatou au mai foi le faapolopolo a tatou palugāfalaoa, ma a tatou taulaga, ma fua o laau uma, o uaina, ma suāuu, i faitaulaga, i potu o le fale o lo tatou Atua; ma mea e sefulu a'i fua o lo tatou laueleele i sa Levī, ia ia te i latou o sa Levī lava o mea e sefulu a'i i aai uma tatou te galulue ai. E i ai foi le faitaulaga o le fanauga a Arona i sa Levī, pe a talia e sa Levī o mea e sefulu a'i mea; e au mai foi e sa
- Levī o mea e sefulu a'i le sefulu o mea i le fale o lo tatou Atua, i potu o le fale oloa. Auā e au mai e le fanauga a Isaraelu ma le fanauga a Levī, o taulaga o le saito, o le uaina, ma le suāuu, i potu o i ai mea a le malumalu, ma faitaulaga o e au-auna, ma leoleo faitotoa, ma e ua pepese; tatou te le tuua lava le fale o lo tatou Atua.
- O e na tofia e nonofo i Ierusalem.*
- SA nonofo alii o le nuu i Ierusa-
lema; a o e na totoe o le nuu ua latou
fai le vili, e au mai le tasi mai taitoa-
sefulu e nofo i Ierusalem le aai paia,
a e tuua le taitoai i nisi aai. Ona
faamanuia lea e le nuu o tagata uma,
e na ofo fua e nonofo i Ierusalem.
- O matai nei o le nuu o e sa nonofo
i Ierusalem; a ua nonofo i aai o
Iuta taitoatasi i lona tofi i o latou
aai, o Isaraelu, o faitaulaga, ma sa
Levī, ma le au netini, ma le fanauga
a auaua a Solomona. Sa nonofo
foi i Ierusalem nisi o le fanauga a
Iuta, ma nisi o le fanauga a Peni-
amina. O le fanauga a Iuta; o
Ataia le atalii o Usi, o le atalii ia o
Sakaria, o le atalii ia o Amaria, o le
atalii ia o Sefatia, o le atalii ia o Ma-
laelu, ai le fanauga a Faresa; o Ma-
seia foi le atalii o Paruka, o le atalii
ia o Kolokuse, o le atalii ia o Hāsaia,
o le atalii ia o Ataia, o le atalii ia o
Ioaripa, o le atalii ia o Sakaria, o le
atalii ia o Seloni. O le fanauga uma
a Faresa o e sa nonofo i Ierusalem
e fa selau ma le toaonogafulu ma le
toavalu, o tagata malolosi. O le
fanauga foi nei a Peniamina; o Salu
le atalii o Mesulama, o le atalii ia o
Ioeta, o le atalii ia o Petaia, o le
atalii ia o Kulaia, o le atalii ia o
Maaseia, o le atalii ia o Itielu, o le
atalii ia o Isaia. E aupito ane foi
ia te ia o Kapai, ma Salai, e toaiva
selau ma le toaluafulu ma le toa-
valu. Na pule foi ia te i latou o
Ioelu le atalii o Sekeri; o lona lua
foi o pule i le aai, o Iuta lea le
atalii o Senua. O faitaulaga; o
Ietaia le atalii o Ioaripa, ma Iakinu,
o Seraia le atalii o Hillikia, o le
atalii ia o Mesulama, o le atalii ia o
Satoka, o le atalii ia o Meraiota, o
le atalii ia o Akitopo, na pule ia i le

12 fale o le Atua. O latou uso foi o e
na fai le galuega i le fale, e valu
selau ma le toaluafulu ma le toalu
i latou; o Ataia foi le atalii o Iero-
ama, o le atalii ia o Pelalia, o le
atalii ia o Amesī, o le atalii ia o
Sakaria, o le atalii ia o Pasura, o le
13 atalii ia o Malekia, ma ona uso o
matai sili, e lua selau ma le toafa-
gafulu ma le toalu; ma Amasesai
le atalii o Asareelu, o le atalii ia o
Aasai, o le atalii ia o Meselemita, o
14 le atalii ia o Imeru, o latou uso foi,
o toa malolosi, e selau e toaluafulu
ma le tovalu; na pule foi ia te i
latou o Sapetielu le atalii o Hageto-
15 lima. O sa Levi foi; o Semaia le
atalii o Hasupo, o le atalii ia o
Aserikama, o le atalii ia o Hasapea,
16 o le atalii ia o Puni; o Sapetai foi
ma Iosapata, o matai o sa Levi, na
la pule i le galuega i fafo o le fale o
17 le Atua. O Matenaia foi le atalii o
Mika, o le atalii ia o Sapata, o le
atalii ia o Asafo, o le matai lea e
amata ai le faafetai ma le tatalo;
o Pakepuka foi, o lona lua lea i ona
uso, ma Apeta, le atalii o Samua, o
le atalii ia o Kalali, o le atalii ia o
18 Iutana. O sa Levi uma i le aai
paia, e lua selau ma le toavalugafulu
ma le toafa i latou. O leoleo faito-
19 toa foi, o Akupa ma Talemoni, ma
o latou uso o e na leoleo i faitotoa,
e tasi le selau ma le toafitugafulu
ma le toalu i latou.

20 O e na totoe o Isaraelu, o faitau-
laga, ma sa Levi, sa i aai uma o
21 Iuta i latou taitoatasi i lona tofi. A
o le au netini, ua latou nonofo i
Ofele; na pule foi i le au netini o
22 Seka ma Gisepa. O le na pule foi i
sa Levi i Ierusalema, o Usi le atalii
o Pani, o le atalii ia o Hasapea, o le
atalii ia o Matania, o le atalii ia o
Mika. O le fanauga a Asafo, o e
pepese na pule i latou i le galuega i
23 le fale o le Atua. Auā o le poloaiga
a le tupu ia te i latou, ia fai le vaega
o mea e 'ai a e pepese i lea aso ma
24 lea aso. O Petakia foi le atalii o
Mesesapelu, ai le fanauga a Sera le
atalii o Iuta, sa i tafatafa o le tupu
25 ia i mea uma a le nuu. O faoa aai
foi ma o latou fanua; sa nonofo
nisi o le fanauga a Iuta i Kiriata-
arapa ma ona faoa aai, ma Tipona

ma ona faoa aai, ma Kapeseelu ma
ona faoa aai, ma Iosua, ma Molata, 26
ma Petepaleta, ma Hasarasualo, ma 27
Peresepa ma ona faoa aai, ma Seke- 28
leka, ma Mekoni ma ona faoa aai,
ma Ainorimoni, ma Sorea, ma Iare- 29
muta, o Sanoa, o Atulama ma o la 30
faoa aai, o Lakisa ma ona fanua, o
Aseka ma ona faoa aai. Ua latou
nonofo foi e pau mai Peresepa ua
oo atu i le vanu o Hinoma. O le 31
fanauga foi a Peniamina e pau mai
i Kipea e pau mai foi i Mekemase,
ma Ai, ma Peteli ma o latou faoa
aai, o Anatota, o Nove, o Anania, 32
o Hasora, o Rama, o Kitaima, 33
o Hatito, o Sepoima, o Nepalatu, 34
o Loto, ma Ono o le vanu o tufuga. 35
Sa i ai foi Iuta, ma Peniamina o 36
vasega sa Levi.

*O faitaulaga ma sa Levi na o ae ma
Serupapelu. O le faasaina o le pa.*

O FAITAUTLAGA nei ma sa Levi 12
na o ae faatasi ma Serupapelu le
atalii o Salatielu, ma Iosua; o
Seraia, o Ieremia, o Esera, o Amaria, 2
o Maluka, o Hatusa, o Sekania, o 3
Rekuma, o Meremota, o Itu, o 4
Gineto, o Avia, o Meamina, o Maa- 5
tia, o Pileka, o Semaia, ma Ioaripa, 6
o Ietaia, o Salu, o Amoka, o Hilikia, 7
ma Ietaia. O matai ia o faitaulaga
ma o latou uso i ona aso o Iosua.
O sa Levi foi; o Iosua, o Pinui, o 8
Katameeli, o Serepea, o Iuta, *ma*
Matania, o le na pule i le faafetai, o
ia ma ona uso. O Pakepuka foi ma 9
Uni, o latou uso, sa faafeagai ma i
latou i leoleoga.

Na fanua e Iosua o Ioiakima, na 10
fanua foi e Ioiakima o Eliasipa, na
fanua foi e Eliasipa o Ioata, na 11
fanua foi e Ioata o Ionatana, na
fanua e Ionatana o Iatua. Sa i ai 12
foi i ona po o Ioiakima o faitaulaga,
o matai sili; o Meraia, o lo sa
Seraia; o Hanania, o lo sa Ieremia;
o Mesulama, o lo sa Esera; o Ioa- 13
nana o lo sa Amaria; o Ionatana, o 14
lo sa Melika; o Iosefa, o lo sa
Sepania; o Atena, o lo sa Harima; 15
o Helekia, o lo sa Meraiotā; o Sa- 16
karia, o lo sa Itō; o Mesulama, o lo
sa Ginetonū; o Sekeri, o lo sa Avia; 17
o Piletai, o lo sa Meneaminā, o lo sa
Moatiā; o Samua, o lo sa Pileka; o 18

- 19 Ionatana, o lo sa Semaia; o Matenai foi, o lo sa Ioaripā; o Usi o lo sa
 20 Ietaia; o Kalai, o lo sa Salaia; o
 21 Eperu, o lo sa Amokā; o Hasapeia, o lo sa Hilikiā; o Natanielu, o lo sa Ietaia.
- 22 O ona po o Eliasipa, *ma* Ioata, *ma* Ioanana, *ma* Iatua, na tusia ai o sa Levi o matai sili; atoa *ma* faitaulaga, e oo i le malo o Tariu le
 23 Peresia. Sa tusia i le tusi o tala i nofoaiga, o atalii o Levi, o matai sili, e oo i ona po o Ioanana o le
 24 atalii o Eliasipa. O matai foi o sa Levi; o Hasapeia, o Serepea, *ma* Iosua le atalii o Katameeli, *ma* o latou uso e faafeagai, e vivii *ma* faafetai, e tusa *ma* le poloaiga a Tavita le tagata o le Atua, e auauai
 25 i leoleoga. O Matania, *ma* Pakepuka, o Opetaiā, o Mesulama, o Talemoni, *ma* Akopa, o leoleo faitotoa i latou na leoleo i faaputuga
 26 mea i faitotoa. *Sa i ai* i latou i ona po o Ioiakima le atalii o Iosua, o le atalii ia o Iosataka, *ma* ona po o Neemia le alii e pule, *ma* Esera le faitaulaga, le tusiupu.
- 27 O le faasaina foi o le pa o Ierusalem a latou sailia sa Levi i o latou aai uma, e au mai ia te i latou i Ierusalem, e fai le faasaina o *le pa* *ma* le fiafia, *ma* faafetai, *ma* pese, *ma* sumepalo, *ma* napeli, *ma* kitara.
- 28 Ua faapotopoto mai foi le fanauga a e pepese, ai le fanua laugatasi e siosioina ai Ierusalem, mai faoa aai
 29 foi o Netopa; *ma* Petekilikala, *ma* fanua o Kipea, *ma* Asemāu; auā na faia ē pepese mo i latou o faoa aai sa faataaliolio i Ierusalem. O
 30 faitaulaga *ma* sa Levi na faamamā i latou ia te i latou, na latou faamamā foi i le nuu, *ma* faitotoa, *ma* le pa.
- 31 Ona ou aveina ae lea o alii o Iuta i luga o le pa, *ma* ou tofia *vasega* tetele e lua o e faafetai; na savavali foi *le tasi vasega* i le itu taumatau i luga o le pa, e oo i le faitotoa o le
 32 otaota; na mulimuli atu foi ia te i latou o Hosaia, *ma* le tasi vaega o
 33 alii o Iuta, *ma* Asaria, o Esera, *ma* Mesulama, o Iuta, *ma* Peniamina,
 34 *ma* Semaia, *ma* Ieremia. O isi atalii foi o faitaulaga ua i ai pu; o Sakaria le atalii o Ionatana, o le atalii ia o Semaia, o le atalii ia o Metania, o le
 atalii ia o Mekaia, o le atalii ia o Sakura, o le atalii ia o Asafo; *ma* ona uso, o Semaia, *ma* Asareelu, o Melali, o Kilali, o Maai, o Natanielu, *ma* Iuta, *ma* Hanani, ua i ai laupese a Tavita le tagata o le Atua, *ma* Esera le tusiupu i o latou luma. O le faitotoa foi o le vaipuna, sa i o latou luma, na latou o ae ai i le ala faaapefai o le aai o Tavita, i le alu ae o le pa, i luga o le fale o Tavita; e oo atu lava i le faitotoa o le vai i sasae. O lona lua foi o *vasega o e* na faafetai ua latou savavali i le tasi itu, ua ou mulimuli atu foi ia te i latou, *ma* le tasi vaega o le nuu i luga o le pa, e afua i ona tala atu o le 'olo o ogaumu e oo atu i le palautele; mai luga foi o le faitotoa
 Efaraima, *ma* luga o le faitotoa tuai, *ma* luga o le faitotoa o i'a, *ma* le 'olo o Hananiali, *ma* le 'olo o Meaa, e oo lava i le faitotoa o mamoe; *ma* ua latou tutū i le faitotoa o le fale puipui. Ona tutū ai lea o
vasega e lua o e faafetai i le fale o le Atua, o a'u foi, *ma* le tasi vaega o faipule faatasi *ma* a'u; *ma* faitaulaga; o Eliakimo, o Maaseia, o Meneamina, o Mekaia, o Elioenai, o Sakaria, *ma* Hanania, ua i ai pu; *ma* Maaseia, *ma* Semaia, *ma* Eleasara, *ma* Usi, *ma* Ioanana, *ma* Malekia, *ma* Elama, *ma* Esera. Ua pepese foi *ma* le leo tele o e pepese; *ma* Isaraia lo latou matai. Ua latou osia foi i lea aso o taulaga e tele, *ma* ua latou fiafia; auā ua faafiafia le Atua ia te i latou i le fiafia tele; o fafine foi *ma* tama na latou fiafia; ua lagona foi le fiafia o Ierusalem i mea e mamao atu.
- Sa tofia foi i lea aso nisi e pule i potu e tuu ai oloa, *ma* taulaga, *ma* mea faapololopo, *ma* mea e sefulu a'i mea, e faapotopoto i ai mai fanua o aai o mea e tusa *ma* le tulafono mā faitaulaga *ma* sa Levi; auā na fiafia Iuta ona o faitaulaga *ma* sa Levi o e na tutū mai. O e pepese foi atoa *ma* leoleo faitotoa, na latou tausiusi i le tofiga a lo latou Atua, *ma* le tofiga o le faamamāina, e tusa *ma* le poloaiga a Tavita, *ma* Solomona lona atalii. Auā talu anamua i ona po o Tavita *ma* Asafo *sa i ai* matai o e pepese pese, *ma* pese e

47 vivii ai ma faafetai i le Atua. Na avane foi e Isaraelu uma i ona po o Serupapelu, ma ona po o Neemia o tufaaga a ē pepese ma leoleo faitotoa, o le aso ma lana mea; malatou faasaina mea e *sefulu a'i mea* mā sa Levi; ua faasaina foi e sa Levi o mea e *sefulu a'i mea* mā le fanauga a Arona.

O mea sese na faatonuina e Neemia.

13 O LE aso lea na latou faitau ai i le tusi a Mose o faalogo mai le nuu; ona iloa ai lea ua tusia ai, aua ne'i alu ane lo sa Amonī po o lo sa Moapi i le faapotopotoga a le Atua
2 e faavavau; auā na latou le faafetaiai i tagata o Isaraelu ma mea e 'ai ma vai, a ua latou faaoloa ia Palaamo na te faafano ia te i latou; a ua faaliliuina e lo tatou Atua le faafano e fai ma faamanuia. Ua faalogo i latou i le tulafono, ona latou vavaeeseina lea o tagata ese ia
4 Isaraelu. A o lei oo i ia ona po, sa faauo ma Tovia o Eliasipa le faitaulaga, sa tofia e pule i le potu o le fale o lo tatou Atua; na ia saunia foi mo ia o le potu tele, na latou tuu ai anamua o taulaga i mea e 'ai, o le pulu lipano, ma ipu, ma mea e sefulu a'i le saito, o uaina, ma le suānu, na poloaiina e *avatu* i sa Levi, ma e pepese, ma le au leoleo
6 faitotoa, ma taulaga i faitaulaga. A o ia ona po uma na ou le i ai i Ierusalemā, auā o le tausaga e tolu-gafulu ma le lua o Aretaseta le tupu o Papelonā na ou alu atu ai i le tupu; ua mavae foi aso ona ou
7 faano'i atu ai lea i le tupu; na ou sa'o foi i Ierusalemā, ona ou iloa lea o le leaga na faia e Eliasipa ona o Tovia, ina ua saunia mo ia se potu i
8 lotoā o le fale o le Atua. Ona ou matuā tiga lea, ma ou lafo i fafo i le potu mea a fale uma a Tovia.
9 Na ou fai atu foi, ona latou faamamāina lea o potu; ona ou toe au mai ai lea o ipu o le fale o le Atua, ma le taulaga i mea e 'ai ma le pulu lipano.
10 Na ou iloa foi e lei aumaia tufaaga a sa Levi; auā o sa Levi ma e pepese na faia le galuega, ua latou
11 sosola taitoatasi i lona fanua. Ona ou finau atu lea i le ou faipule, ma

fai atu, Se a ea le mea ua tuulafoaiina ai le fale o le Atua? Na ou faapotopototo foi ia te i latou, ma tofia i latou i lo latou tofiga. Ona
12 au mai lea e Iuta uma o mea e sefulu a'i le saito ma le uaina ma le suānu i fale e teu ai mea. Na ou
13 tofia foi nisi e tausi ai mea ua faaputu, o Selemia le faitaulaga, ma Satoka le tusiupu, ma Petaia o lo sa Levi; e aupito ane foi ia te i latou o Hanana le atalii o Sakuro, o le atalii ia o Matania; auā na ta'ua i latou ua faamaoni; sa ia te i latou foi ona tufatufa o mea i o latou uso. Lo'u Atua e, ia e manatu
14 mai ia te au ona o lenei mea, aua foi ne'i sōloieseā lo'u alofa na faia e a'u mo le fale o lo'u Atua, ma ana sauniga.

O ona po ia na ou iloa ai i Iuta
15 nisi ua soli i soligāvine i le sapatī, ma au mai fusi saito, ma faaee avega i asini; atoa ma uaina, ma vine, ma mati, ma avega eseese na latou au mai ai i Ierusalemā i le aso sapatī; ona ou aoai atu lea *ia te i latou* i le aso na latou faatau ai mea e 'ai. Sa nonofo ai foi tagata
16 o Turo, o e na aumaia i'a, ma mea faatau uma, ma faatau atu ai i le sapatī i le fanauga a Iuta i Ierusalemā. Ona ou finau atu lea i alii o
17 Iuta, ma ou fai atu ia te i latou, Se a lenei mea leaga ua outou faia, ma soli ai le aso sapatī? e lei faapea ea
18 ona faia e o outou tamā, ma ua faaoo mai ai e lo tatou Atua lenei leaga uma ia te i tatou ma lenei aai? a ua outou faateleina le toasa ia Isaraelu i lo outou solia o le sapatī. Ua oo ina mamalu le po i
19 faitotoa o Ierusalemā, o lumanai le sapatī, ona ou fai atu lea ia puipuiā o faitotoa, na ou fai atu foi, aua ne'i tatalaina seia mavae le sapatī; na ou tofia foi nisi o a'u auauna i faitotoa, ina ne'i au mai se avega i le aso sapatī. Sa momoe foi i tua
20 pa o Ierusalemā faatasi pe faalua o tagata faatau ma e faatau oloa eseese. Ona ou aoai atu lea ia te
21 i latou, ma ou fai atu ia te i latou, Se a ea le mea tou te momoe ai e latalata ane i le pa? a toe faapea ona faia e outou, ou te pupue ia te outou. Talu lea aso ua latou le o

- 22 mai i le sapati. Na ou fai atu foi i sa Levī ia latou faamamā ia te i latou, ma ia latou o mai e leoleo i faitotoa, ia faapaiaina le aso sapati. Lo'u Atua e, ia e manatu mai ia te au ona o lenei mea foi, ma ē faasao ia te au e tusa ma le tele o lou alofa.
- 23 O na ona po foi na ou iloa ai nisi o sa Iutā o e na fai avā i fafine o Asetota, ma sa Amonī, ma sa
- 24 Moapī; ua tautala faaleogalua foi a latou fanau i le gagana a Asetota, a ua latou le mafaia ona tautala i le gagana a Iuta, a e tusa ma le tautala a lea nuu ma lea nuu. Na ou finau foi ma i latou, ma ou fetuu ia te i latou, ma ou fasi nisi o i latou, ma ou futi o latou lauulu, ma ou fai atu ia tauto i latou i le Atua, ua faapea atu, Tou te le avatu o outou afafine i o latou atalii, e le fai avā foi o outou atalii, po o outou lava i
- 26 o latou afafine. Na le agasala ea Solomonā le tupu o Isaraelu i na mea? ua leai foi se tupu i nuu e tele e pei o ia, o le sa alofaina e lona Atua, sa tofia foi o ia e le Atua e fai ma tupu ia Isaraelu uma; a ua faatupu ia te ia lava le agasala e fafine ese. O lenei, pe matou te faalogo ea ia te outou e faia lenei mea leaga tele uma, e agasala i lo tatou Atua i le fai avā i fafine ese? O le tasi atalii o Ioata, le atalii o Eliasipa le faitaulaga sili, sa fai avā ia i le afafine o Sanepalata le Horono; na ou tuli-eseina o ia ia te au. Lo'u Atua e, ia e manatua i latou, auā ua faaleagaina e i latou le faiva o faitaulaga, ma le feagaiga o le faiva o faitaulaga ma sa Levī. Ua ou faamamā ia te i latou ia te'a ma tagata ese uma, ma ou tofia vasega o faitaulaga ma sa Levī, taitasi ma lana galuega; mo le taulaga foi i fafie i ona po ua tofia, ma mea faapopoloina. Lo'u Atua e, ia e manatu mai ia te au, ia ou manuia ai.

O LE TUSI IA

E S E T A.

O le tausamiga na faia e Asueru, ma lona toasa i lana masiofo.

- 1 O ONA po o Asueru, o Asueru lea o le na fai ma tupu e gata mai i Initia e oo atu i Aitiope, i itu malo e tasi le selau e lua sefulu ma
- 2 le fitu; o ona po ia, ina o nofo le tupu o Asueru i le nofoālii o lona malo, sa i ai i Susana le maota, o le tolu o tausaga o lana nofoaiga na ia fai ai le tausamiga mā alii uma ua ia te ia ma ana auaua; o e ua sili o Peresia ma Metai, o alii ma alii o
- 4 itu malo, na i ona luma; ina o faaaliatua le sosia o lona malo mamalu, ma le silisili o le matagofie o lona malualii, i aso e tele, o aso e selau
- 5 ma le valu sefulu. Ua atoatoa ia aso, ona fai ai lea e le tupu o le tausamiga mā tagata uma na i

Susana le maota, o alii atoa ma tagata nuu, i aso e fitu, i le lotoā o le fanua o le maota o le tupu. Na tautau ai ie lino sinasina; o ie lelei ma ie uli, na faamauiina i maea vavae ma le pāuli i mama ario ma pou sesa; na i ai moega auro ma ario i luga o le paepae o paata, ma sesa, ma tara, ma sokere. Na avatu ipu auro latou te feinu ai, o ipu e tino eseese, ma uaina a le tupu e tele, e pei ona tatai i le tupu. Na faataatau foi i le tulafono ona inu; ua leai se na faatauanau atu i se tasi; auā sa faapea ona poloai e le tupu i e pule uma i lona aiga, ia taitasi le tagata ma lana faitalia. O Vasati foi le masiofo, na ia faia le tausamiga mā fafine i le fale o le tupu, o le fale lea o le tupu o Asueru.

- 10 O le aso e fitu ina o fiasia le loto
o le tupu i le uaina, na ia fai atu ai
ia Meumanu, ma Piseta, ma Hare-
pona, ma Pigeta, ma Avageta, o
Setara ma Karekase, o eunuka ia e
toafitu e na auauna atu i luma o le
11 tupu o Asueru, ia au mai le masiofo
o Vasati i luma o le tupu, ma le
palealii o le masiofo, ina ia faaali
atu lona lalelei i le nuu ma alii;
12 auā e lalelei lava o ia. A e lei
mafai le masiofo o Vasati ona alu
ane i le feau a le tupu na o atu ai
eunuka; ona matuā ita ai lea o le
tupu, na tupu tele lava le tiga o
lona loto.
- 13 Ona fai atu lea o le tupu i e
popoto, e na iloa tausaga; (auā na
faapea le masani a le tupu ia te i
latou uma na iloa tulafono ma faa-
14 masinoga; na latalata ane ia te ia o
Karesena, o Setaru, o Atematu, o
Tasesa, o Merese, o Maresena, o
Memukana, o alii ia e toafitu o
Peresia ma Metai o e na iloa fofoga
15 o le tupu, e na sili i le malo;) Se a
se mea e faia i le masiofo o Vasati,
e tusa, ma le tulafono, ina ua le
mafai o ia i le upu a le tupu o
16 Asueru na o atu ai eunuka? Ona
tali mai lea o Memukana i luma o
le tupu ma alii, E le na o le tupu
ua agafaapiopio i ai le masiofo o
Vasati, a e atoa ma alii uma ma
tagata uma o i itu malo uma o le
17 tupu o Asueru; auā e oo atu le
tala i le masiofo i fafine uma ona
inosia ai lea e i latou o a latou tane,
pe a latou ta'u ane, Na poloai atu
le tupu o Asueru ia au mai i ona
luma le masiofo o Vasati, a e lei
18 alu ane o ia. O tamaitai foi o
Peresia ma Metai e ua faalogo i le
tala i le masiofo, e fai atu ai i latou
i le aso nei i alii uma ua i le tupu,
ona tele ai lea o le 'ino'ino ma le
19 feitagai. Afai e lelei i le tupu, ia
oo atu lana afoga mai ia te ia lava,
ma ia tusia faatasi ma tulafono a
Peresia ma Metai, e le toe tālaina,
aue le toe oo mai o Vasati i luma o
le tupu o Asueru; a ia fai se masi-
20 ofo a le tupu e sui ai o ia, o se tasi
e sili ona lelei ia te ia. A logo atu
foi le pule a le tupu, na te faia, i
lona malo uma, auā ua tele lea, ona
faaalalo ai lea o fafine uma i a

latou tane, o alii atoa ma tagatā-
nuu. Ua lelei foi lona upu i le 21
manatu o le tupu ma alii; ona faia
lea e le tupu e pei ona fai atu ai
Memukana. Ua ia avatu tusi i itu
malo uma o le tupu, ua faatatau
ma le tusilima a lea itu malo ma
lea itu malo, e tusa foi ma le gagana
a lea nuu ma lea nuu, ina ia taitoa-
tasi le tane ma pule i lona aiga, ma
ia tautala i le gagana a lona nuu.

Ua fai Eseta ma masiofo.

UA mavae ia mea, ua maona foi 2
le ita o le tupu o Asueru, ona
manatua lea e ia o Vasati, ma le
mea na ia faia, i le ma le tulafono
na faia ia te ia. Ona fai atu ai lea 2
o auauna, e na auauna i le tupu, ia
sailiili mai mā le tupu o teine tau-
pou lalelei. Ia tofia foi e le tupu o 3
matai i itu malo uma o lona malo,
latou te faapotopotoina teine tau-
pou lalelei uma i Susana le maota,
i le fale o fafine, ia Hege le eunuka
a le tupu, o lē tausi i fafine; ma ia
avatua ia te i latou mea e faamamā-
ina a'i i latou. O le teine foi e fiasia 4
i ai le tupu ia avea o ia ma masiofo
e sui ai Vasati. Ua lelei lea upu i
le manatu o le tupu; ona ia faia lea
faapea.

UA i ai i Susana le maota o le 5
tasi tagata o sa Iutā, o Moretekai
lona igoa, o le atalii o Iairo, o le
atalii ia o Semi, o le atalii ia o
Kiso, o lo sa Peniaminā. Ua tāfea 6
mai o ia mai Ierusalemā faatasi
ma le tāfea na tāfea faatasi ma
Iekonia le tupu o Iuta, o le na
tāfea e Nepukānesa le tupu o Pape-
lonia. Ua fai o ia ma tamā o 7
Hatesa, o Eseta foi lea, o le afafine
o le uso o lona tamā, ina ua leai
sona tamā po o sona tinā; o le
teine foi ua lalelei lona tino, ma ua
lalelei ona mata. Ua oti lona tamā
ma lona tinā, ona avea ai lea o ia e
Moretekai e fai mona afafine.

UA logona e ia le upu a le tupu 8
ma lana tulafono, ma ua faapoto-
potoina ai teine e toatele i Susana
le maota ia Hege, ona avea ai lea o
Eseta i le fale o le tupu ia Hege, lē
tausi i fafine. Ua lelei le teine i 9
lona manatu, ua alofaina o ia e ia;
ona ia vave tuuina atu ai lea ia te

- ia ana mea e faamamāina a'i, atoa ma mea na tofia māna, ma teine e toafitu e na filifilia mai le aiga o le tupu e tuuina atu ia te ia; ua ia tuu atu foi ia te ia ma lona galu teine i le mea sili i le fale o fafine.
- 10 E lei faailoa atu e Eseta lona nuu po o lona aiga; auā na fai atu e Moretekai ia te ia aua na te faailoa
- 11 atu. O lea aso ma lea aso foi na fealualuai ai o Moretekai i luma o le lotoā o le fale o fafine ina ia iloa po o malolo Eseta; pe se a foi se mea e faia ia te ia.
- 12 Na auā'i ona solo taitoatasi o teine i lo latou o atu i le tupu o Asueru ina ua atoatoa masina e sefulu ma le lua, e tusa ma le tula-fono i fafine; auā na faapea ona atoatoa ai o aso o le faamamāina o i latou; o masina e ono e uu ai i le suāuu muro, ma masina e ono i mea manogi, ma mea e faamamāina a'i
- 13 fafine. Ua faapea foi ona alu atu o le teine i le tupu; na avatua ia te ia mea uma na ia fai atu ai e alu ai ma ia mai le fale o fafine i le fale o le tupu. O le afiafi na alu atu ai o ia, o le taeao foi na toe foi ai i le lua o fale o fafine ia Sasekasa le eunuka a le tupu, o le leoleo i palake; na ia le toe alu atu i le tupu, vagana ona fiasia o le tupu ia te ia, ma ua valaauina lona igoa.
- 15 Ua oo foi ia Eseta le afafine o Aviaila le uso o le tamā o Moretekai, o le na faia o ia mona afafine, ona alu atu i le tupu, e lei fai atu ai o ia i se mea ua na o mea na fai atu ai Hege le eunuka a le tupu, o le tausi fafine. Ua alofagia foi Eseta e i latou uma e na iloa o ia.
- 16 Ua avea Eseta i le tupu o Asueru i le fale o le tupu i le sefulu o masina, o le masina lea o Tapeta, i le fitu o tausaga o lana nofoaiga.
- 17 Ua sili foi le manao o le tupu ia Eseta i fafine uma, uā sili foi ona alofaina ma faapelepeleina o ia e ia i taupou uma; ona ia tuu atu ai lea o le palealii i lona ulu, ma fai o ia ma masiofo e sui a'i Vasati. Ona faia lea e le tupu o le tausamiga tele mā alii uma ua ia te ia ma ana auauna, o le tausamiga ona o Eseta; na ia tuuina atu ia malolo *tagata* o itu malo, na ia foai atu foi mea
- alofa e pei ona tatau i le tupu. Ua 19 nofo Moretekai i le faitotoa o le tupu, ina o faapotopotoina faalua o taupou. E lei faailoa atu e Eseta 20 lona aiga po o lona nuu; e pei ona fai atu ai Moretekai ia te ia; auā na faia e Eseta *mea* na fai atu ai Moretekai, e pei ona ia faia ina o tausia o ia e ia. O ona po ia ina o 21 nofo Moretekai i le faitotoa o le tupu, na ita ai Piketano ma Tirese, o eunuka ia e toalua a le tupu, o e na leoleo i le faitotoa, na la fia faaoo foi o la lima i le tupu o Asueru. Ua iloa le mea e Moretekai, 22 ona ia faailoa atu lea i le masiofo o Eseta; ona ta'u atu ai lea e Eseta i le tupu i le igoa o Moretekai. Ua 23 suesueina le mea, ona iloa lea; ona faatautauina ai lea o i laua i le laau. Na tusia ai foi i luma o le tupu i le tusi o tala i nofoaiga.
- O le faasiliina o Hamanu, ma lona faasaua ia Moretekai ma sa Iutā uma.*
- UA mavae ia mea, ona faasili lea e le tupu o Asueru ia Hamanu le atalii o Hametatu o lo sa Akakō, ma na faacaina o ia, ma faasili lona nofoa i alii uma ua faatasi ma ia. Ona punou lea ma ifo atu ia Hamanu o auauna uma a le tupu, o e na i ai i le faitotoa o le tupu; auā na faapea ona poloai atu e le tupu ia faia ia te ia; a e lei punou Moretekai, e lei ifo foi. Ona fai atu lea o auauna a le tupu, e na i ai i le faitotoa o le tupu, ia Moretekai, Se a le mea ua e soli ai le poloaiga a le tupu? Ua latou fai atu ia te ia i lea aso ma lea aso, a e lei faalogo o ia ia te i latou; ona latou ta'u atu ai lea ia Hamanu, ia latou iloa pe tu le mea a Moretekai; auā ua ia faailoa atu ia te i latou, o ia o lo sa Iutā. Ua iloa e Hamanu ua le punou Moretekai, ua le ifo foi ia te ia; ona matuā ita ai lea o Hamanu. Na 'ino'ino o ia e faaoo lona lima ia Moretekai tau o ia; auā ua latou faailoa atu ia te ia le nun o Moretekai; ona manao lea o Hamanu e faaumatia sa Iutā uma lava, le nuu o Moretekai, e na i ai i le malo uma o Asueru.
- O le masina muamua, o le masina 7

- lea o Nisani, o le sefulu ma le lua o tausaga o le tupu o Asueru, na fai ai le Puro, o le vili lea, i luma o Hamanu i lea aso ma lea aso, i lea masina foi ma lea masina, e oo i le masina e sefulu ma le lua, o le
- 8 masina lea o Atara. Ona fai atu lea o Hamanu i le tupu o Asueru, O loo i ai le tasi nuu ua taapeape ma nonofo solo faatasi ma tagata o itu malo uma o lou malo. E ese foi a latou tulafono i *tulafono* a nuu uma, ma ua latou le usiusitai i tulafono a
- 9 *oe* le tupu; o le mea lea, e le tatau ai i lau afio ona tuu pea ia te i latou.
- 10 Afai e lelei ia *te oe* le tupu, ia tusia ia fano i latou; ou te fuaina atu ai taleni ario e sefulu afe i lima o e faia lenei mea, ina ia latou avatu ai i mea e teu ai oloa a le tupu. Ona to ese ai lea e le tupu o lana mama i lona lima, ma avatu ai ia Hamanu le atalii o Hametatu o lo sa Akakō,
- 11 o lē faasatua i sa Iutā. Ua fai atu foi le tupu ia Hamanu, Ua avatua ia te oe le ario atoa ma lena nuu, ina ia e faia i ai le mea e lelei ia te oe.
- 12 Ona valaauina lea o e tusiupu a le tupu i le aso e tasi le sefulu ma le tolu o le masina muamua, ona tusia ai lea o mea uma ua fai atu ai Hamanu e avatu i alii sili ua i le tupu, ma e pule, o e na pule i lea itu malo ma lea itu malo, o alii foi o lea nuu ma lea nuu, e faatatau ma le tusilima a lea itu malo ma lea itu malo, e tusa foi ma le gagana a lea nuu ma lea nuu; na tusia i le igoa o le tupu o Asueru, na faamaufaaailogaina foi i le mama a le tupu.
- 13 Ona molia lea o tusi e ua tele vavave i itu malo uma o le tupu, ina ia faaumatia, ma ia fasiotia, ma ia fano sa Iutā uma, o taulelea atoa ma toeaina, o tama iti atoa ma fafine, i le aso e tasi, o le sefulu ma le tolu *lea o aso* o le sefulu ma le lua o masina, o le masina lea a Atara; ma a latou mea ia vetea. O le ata o le tusi e avatua e fai ma tulafono i lea itu malo ma lea itu malo uma, ua faailoa atu ai i nuu uma ina ia saunia i latou i lea aso. Na o atu e ua tele vavave o faataaliseina i le poloaiga a le tupu; na avatua foi le tulafono ai Susana le maota. Ona
- la nonofo lea o le tupu ma Hamanu, ua la feinu; a ua atuatuvaile le aai o Susana.
- O le faanoanoa o sa Iutā, ma le anapogi na faia e Eseta.*
- UA iloa e Moretekai mea uma ua faia, ona saei ai lea e Moretekai ona ofu, ma ua ofu o ia i le ie talatala ma le lefulefu, ma alu atu i totonu o le aai, ma alaga i le alaga tele ma ua lotulotu. Ua alu atu lava o ia i luma o le faitotoa o le tupu, auā ua sa ona ulu atu i le faitotoa o le tupu a o ofu i le ie talatala. O lea itu malo foi ma lea itu malo uma na oo i ai le upu a le tupu ma lana tulafono, ua faanoanoa tele ai sa Iutā, ma ua anapogi, ma fetagisi, ma tagitu'i; ua fofola foi e le toatele o latou moega i le talatala ma le lefulefu.
- Ona o atu lea o le galu teine o Eseta ma ana eunuka, ma latou ta'u atu ai ia te ia. Ona matuā tiga ai lea o le masiofo; ua ia avatu foi ofu e ofu ai Moretekai, ma ia ave ese lona ie talatala ia te ia; a e lei talia e ia. Ona valaau atu lea e Eseta ia Hatako, o le tasi eunuka a le tupu, le na ia tofia mo ia, ma na tuuina atu ia te ia le feau ia Moretekai ia iloa pe se a lena? ona o le a foi? Ona alu atu ai lea o Hatako ia Moretekai i le malae o le aai sa i luma o le faitotoa o le tupu. Ona faailoa mai lea e Moretekai ia te ia o mea uma ua oo ia te ia, ma le tala tonu i le ario na fai atu ai Hamanu na te fuaina atu i mea e teu ai oloa a le tupu ona o sa Iutā, ina ia fano i latou. Na ia aumaia foi ia te ia le ata o le tusi o le tulafono na avatua mai Susana ia faaumatia i latou, ina ia faaali atu ai ia Eseta, ma ta'u atu ia te ia, ma fai atu ia te ia ia alu atu o ia i le tupu, e aioi atu ia te ia, ma faatoga atu ia te ia mo lona nuu. Ona sau lea o Hatako, ma ta'u mai ia Eseta upu a Moretekai. Ona tali atu lea o Eseta ia Hatako, ma na tuuina atu ia te ia le feau ia Moretekai, *ua faapea*, Ua iloa e auauna uma a le tupu, ma tagata o itu malo o le tupu, ai se tane po o se fafine e alu atu i le tupu i le lotoā i totonu, a o lei amia, e tasi lana tulafono, e oti o ia; ua

- na o le e faaloaloa mai i ai e le tupu le tootoo auro e ola ai o ia. O a'u foi, ua le amia a'u e alu i le tupu i
- 12 aso ia e tolu sefulu. Ona latou ta'u atu lea ia Moretekai o upu a Eseta.
- 13 Ona fai mai lea o Moretekai ia tali atu ia Eseta, Ne'i e manatu i lou loto, ina ua e i ai i le aiga o le tupu, e faasaoia ai oe ai sa Iutā uma.
- 14 Auā afai e te matuā faalologo i nei ona po, e tupu mai le tuusaunoaina ma le laveaiina o sa Iutā mai se tasi mea; a o oe, ma le aiga o lou tamā e fano outou; e iloa foi e ai po ua fai oe ma masiofo ona o se aso faapenei?
- 15 Ona fai atu lea o Eseta, ia tali
- 16 atu ia Moretekai, Alu ia oe, ia e faapotopoto i sa Iutā uma e o i ai i Susana, ma ia anapopogi outou ona o a'u, aua foi ne'i outou aai, aua foi le iu i aso e tolu i le po ma le ao; o a'u foi, ma lo'u galu teine matou te anapopogi faapenā; e faapena foi ona ou alu atu ai i le tupu o le mea e le tusa ma le tulafono; afai
- 17 ou te oti ai, oti ai pea ia. Ona alu ai lea o Moretekai, ma na faia o mea uma e pei ona poloai atu ai e Eseta ia te ia.

O le tausamiga na saunia e Eseta; o le ita o Hamanu ia Moretekai.

- 5 UA oo i le aso tolu, ona ofu ai lea o Eseta i ofu o le masiofo, ma tu atu i le lotoā o le fale o le tupu, o le lotoā i totonu i luma o le fale o le tupu, o loo nofo mai le tupu i le nofoālii o le tupu i le fale o le tupu, ua feagai ma le faitotoa o le fale.
- 2 Ua iloa mai e le tupu o le masiofo o Eseta o loo tu atu i le lotoā, ona alofaina lea o ia e ia; ua faaloaloa mai foi e le tupu lona tootoo auro na i ai lona lima ia Eseta; ona faalatalata atu ai lea o Eseta, ma pai
- 3 atu i le iu o le tootoo. Ona fai mai lea o le tupu ia te ia, Le masiofo e, Eseta, se a ea lou manao? se a le mea e te faatoga mai ai? e oo lava i le vaeluaina o le malo e avatua
- 4 lava ia te oe. Ona tali atu lea o Eseta, Afai e lelei i le tupu, ia maliu atu le tupu ma Hamanu, i le asō, i le tauteaga ua ou saunia mo ia.
- 5 Ona fai mai lea o le tupu, Ia faavave ia Hamanu ina ia fai le mea a

Eseta. Ona ō lea o le tupu ma Hamanu i le taumafataga na saunia e Eseta.

Ona fai mai lea o le tupu ia Eseta i le taumafataga o le uaina, Se a le mea e te fai mai ai? e avatua lava ia te oe; pe se a foi le mea e te faatoga mai ai? e oo lava i le vaeluagalemu o le malo e faia lava. Ona tali atu lea o Eseta, ua faapea atu, O le mea ou te ole atu ai, ma faatoga atu ai o *lenei*; afai ua alofaina a'u e le tupu, afai foi e lelei i le tupu ona faia le mea ou te faatoga atu ai, ma ia faia le mea ou te manao i ai, ina toe afio mai ia le tupu ma Hamanu i le tauteaga ou te saunia mo i laua, ona ou faia lea taeao e pei ona fetalai mai ai o le tupu.

Ona alu atu lea o Hamanu i lena aso ma le olioli ma le loto fiafia; a ua vaai atu Hamanu ia Moretekai i le faitotoa o le tupu, ua le tulai, ua le faaloaloa foi ia te ia, ona tele ai lea o le ita o Hamanu ia Moretekai. A ua oono Hamanu; ua alu atu foi i lona fale, ma na aauina atu *nisi* e amia ana uo, ma Seresa lana avā. Ona faamatalaina atu lea e Hamanu ia te i latou o le mamalu o lona tamaoiga, ma le toatele o ana fanau, ma mea uma ua faasilisiliina ai o ia e le tupu, ma ona ua faaeaina ai o ia ia sili i alii ma auauna a le tupu. Ua fai atu foi Hamanu, Sa le mafai foi le masiofo o Eseta ona alu atu se isi faatasi ma le tupu i le taumafataga na ia saunia, na o a'u lava. Ua fai mai foi ia te au e alu ia te ia a taeao faatasi ma le tupu. A e peitai e le aoga lava ia te au o ia mea uma i aso uma ou te vaai atu ai ia Moretekai o lo sa Iutā o loo nofo i le faitotoa o le tupu. Ona fai atu ai lea ia te ia o Seresa lana avā, ma ana uo uma, Ia saunia se laau, ia limagafulu kupita lona maualuga, ma ia e fai atu i le tupu i le taeao, ia faatautaina ai Moretekai; ona e alu ai lea ma le fiafia faatasi ma le tupu i le taumafataga. Ua lelei lena upu ia Hamanu; ona ia faia lea o le laau.

O le faaneeneeina o Moretekai ; ua tiga tele ai Hamanu.

- 6 O LENA lava po na le iloa ai e le
tupu sina moe. Ona fai atu lea o
le tupu e au mai le tusi e faamanatu
a'i tala i nofoaiga. Ona faitaulia ai
2 lea i luma o le tupu. Ona iloa lea
ua tusia le mea na ta'u atu e More-
tekai ia Piketano ma Terese, o eu-
nuka ia e toalua a le tupu, e na
leoleo i le faitotoa, o e na fia faaoo
3 o la lima i le tupu o Asueru. Ona
fai atu lea o le tupu, Pe se a se
mea lelei ma se mamalu ua faia mo
Moretekai ona o lenei mea? Ona
tali mai lea o auaua a le tupu o e
na auaua atu ia te ia, E leai se
4 mea ua faia mo ia. Ona fai atu lea
o le tupu, O ai ea ua i le lotoā?
Auā ua alu ane Hamanu i le lotoā
i fafo o le fale o le tupu e fai atu ai
i le tupu ia faatautauina Moretekai
5 i le laau ua ia saunia mo ia. Ona
tali mai lea o auaua a le tupu ia te
ia, Faaata, o loo tu mai Hamanu i
le lotoā. Ona fai atu lea o le tupu,
6 Ina sau ia o ia. Ua ulufale mai
Hamanu, ona fai atu lea o le tupu
ia te ia, Se a se mea e faia i le ta-
gata ua loto i ai le tupu ona ia faa-
neeneeina o ia? Ona faapea ifo lea
o Hamanu i lona loto, Po o ai se isi
e finagalo le tupu ona faaneeneeina
7 o ia, na o a'u lava? Ona tali mai lea
o Hamanu i le tupu, O le tagata ua
finagalo i ai le tupu ona faaneenee-
8 ina o ia, ia aumaia le ofu o le tupu
e ofu ai le tupu, ma le solofanua e
tietie ai le tupu, ma le palealii o le
9 tupu e tuuina i lona ao ; ia tuuina
atu lena ofu ma lena solofanua i se
tasi alii o alii sili ua i le tupu, ma ia
latou faaofu ai le tagata ua finagalo
i ai le tupu ona ia faaneeneeina o
ia ; ia latou faatietie foi ia te ia i le
solofanua i le malae o le aai, ma ia
latou alalaga i ona luma, E faapea
ona faia i le tagata ua finagalo i ai
le tupu ona ia faaneeneeina o ia.
10 Ona fai atu lea o le tupu ia Hamanu,
Ina vave ia, ia e ave le ofu ma le
solofanua, e pei ona e fai mai na, ia
e fai faapea ia Moretekai o lo sa
Iutā, o le nofo i le faitotoa o le
tupu, aua le tuua se mea e tasi i
11 mea uma na e fai mai na. Ona ave

lea e Hamanu o le ofu ma le solo-
fanua, ma na faaofu ia Moretekai,
na ia faatietie foi ia te ia i le solo-
fanua i le malae o le aai, ma alaga
i ona luma, E faapea ona faia i le
tagata ua finagalo i ai le tupu ona
faaneeneeina o ia.

Ona foi atu lea o Moretekai i le 12
faitotoa o le tupu ; a ua faataalise
atu Hamanu i lona fale ma le faa-
noanoa, ma ua ufiufi lona ulu. Ona 13
faamatalaina atu lea e Hamanu ia
Seresa lana avā ma ana uo uma, o
mea uma ua oo ia te ia. Ona fai
atu ai lea ia te ia o ona tagata po-
poto ma Seresa lana avā, Afai o so
le fanau a sa Iutā o Moretekai, le
ua e amata ai ona pa'i i ona luma,
e te le manumalo ia te ia, a e matuā
pa'i lava oe i ona luma. Ona oo 14
mai lea o eunuka a le tupu, a o
tautalatala i latou ma Hamanu, ma
latou nanati ia te ia, ia alu i le tau-
mafataga ua saunia e Eseta.

*O le amio leaga a Hamanu ua faa-
iloa ; ua faatautauina Hamanu.*

UA o atu le tupu ma Hamanu e 7
taumamafa faatasi ma le masiofo o
Eseta. Ona fai atu ai lea o le tupu 2
ia Eseta i lena aso e lua a o fai le
taumafataga o le uaina, Le masiofo
e, Eseta, se a le mea e te ole mai
ai? e avatua lava ia te oe ; pe se a
foi le mea e te faatoga mai ai? e
oo lava i le vaeluaina o le malo e
faia lava. Ona tali mai lea e le 3
masiofo o Eseta, ua faapea mai, Le
tupu e, afai ua alofaina a'u e oe,
afai e lelei foi i le tupu, se'i e faaola
mai ia te au i lo'u ole atu, ia faaola
foi lo'u nuu i lo'u faatoga atu ; auā 4
ua faatautauina i matou, o a'u ma lo'u
nuu, ina ia faaumatia, ma ia fasiotia,
ma ia fano. A e afai ana faatautauina
atu i matou o tane ma fafine e fai
ma pologa e ui ina le mafai i le ua
ita mai ona faia o se mea e tusa ona
aoga ma mea a le tupu a faamau-
mauina, a ua ou faalologo. Ona 5
fai atu lea o le tupu o Asueru, ua
faapea atu i le masiofo o Eseta, Po
o ai lena? po o fea o i ai le ua
manatu i lona loto ia faia faapena?
Ona fai mai lea o Eseta, O le ta- 6
gata ua ita mai ma faasaua mai, o
lenei tagata amio leaga o Hamanu.

Ona mata'u tele ai lea o Hamanu i luma o le tupu ma le masiofo.

- 7 Ona tulai lea o le tupu nai le tau-
mafataga o le uaina ua ita, *ua alu* i
le fanua o le maota. Ona tulai lea
o Hamanu e aioi i le masiofo o Eseta,
ia faaolaina o ia; auā ua ia iloa ua
tonu i le tupu e faaoo ia te ia se
8 leaga. Ua foi atu le tupu mai le
fanua o le maota i le fale *na fai ai*
le taumafataga o le uaina, ua paū
foi Hamanu i le moega o i ai Eseta;
ona fai ane lea o le tupu, Pe a toso
ea foi le masiofo i o'u luma i le
fale? Ua mavae atu le upu i le
fofoga o le tupu, ona latou ufitia
9 lea mata o Hamanu. Ua fai ane
foi i luma o le tupu e Harepono, o
le tasi eunuka ia, Faauta foi i le
laau na saunia e Hamanu mo More-
tekai o le na ta'u le mea e sao ai le
tupu, o loo tu i le fale o Hamanu,
e limagafulu kupita lona maualuga.
Ona fai atu lea e le tupu, Ia outou
10 faatautau ia te ia i ai. Ona latou
faatautau ai lea ia Hamanu i le laau
na ia saunia mo Moretekai. Ona
maona ai lea o le ita o le tupu.

*Ua faasilisiliina Moretekai. Ua tuu-
ina atu i sa Iutā e tetee atu i e
sava ia te i latou.*

- 8 O LENA lava aso na foaiina atu
ai e le tupu o Asueru mo le masiofo
o Eseta, le fale o Hamanu o le na
ita i sa Iutā. Ua alu atu foi More-
tekai i luma o le tupu, auā ua ta'u
2 atu e Eseta la te aiga. Ona tō ese
ai lea e le tupu o lana mama ua ia
aveeseina ia Hamanu, ma na tuuina
atu ai ia Moretekai. Ua tofia foi
Moretekai e Eseta e pule i le fale o
Hamanu.
3 Ona toe tautala atu lea o Eseta i
le tupu, ua ia faapaū foi i luma o
ona vae, ma tagi, ma aioi ia te ia, ia
faaliliueseina e ia le leaga a Hamanu
o lo sa Akakō, ma lana manatu na
4 ia manatu ai i sa Iutā. Ona faa-
loaloa mai lea e le tupu o le tootoo
auro ia Eseta. Ona tulai ai lea o
Eseta, ma tu atu i luma o le tupu,
5 ona ia fai atu lea, Afai e lelei i le
tupu, afai foi ua alofaina a'u e ia,
ma ua tonu lenei mea i le finagalo
o le tupu, ma ua fiafia o ia te au,
ia tusia ina ia liliueseina tusi o le

manatu a Hamanu le atalii o Hame-
tatu, o lo sa Akakō, o le na tusi atu
ina ia fano sa Iutā, o e o i ai i itu
malo uma o le tupu; auā ou te ma-
faia faapefea ona ou vaai atu i le
leaga o le a oo i lo'u nuu? ou te
mafaia faapefea ona ou vaai atu i
le fanoga o lo'u aiga? Ona fai
7 mai lea o le tupu o Asueru i le
masiofo o Eseta, ma Moretekai o lo
sa Iutā, Faauta, ua ou tuuina atu
ia Eseta le fale o Hamanu, ua latou
faatautau foi ia te ia i le laau, auā
ua na faaoo lona lima i sa Iutā.
Ina tusi foi ia oulua ona o sa Iutā,
8 faitalia oulua se mea e *tusi* i le igoa
o le tupu, ma ia faamaufaailogaina
i le mama a le tupu; auā o le tusi
ua tusia i le igoa o le tupu, ma faa-
maufaailogaina i le mama a le tupu
e le mafai ona liliueseina.

Ona valaauina lea o e tusiupu a
9 le tupu i lena lava itu aso i le tolu
o masina, o le masina lea o Sevana,
i lona *aso* e lua sefulu ma le tolu;
ona tusia lea o mea uma e pei ona
fai atu ai o Moretekai e *avatu* i sa
Iutā, ma alii sili; ma e pule i nuu,
ma alii e pule i itu malo e gata mai
i Initia e oo atu i Aitiope, o itu
malo e tasi le selau ma le lua sefulu
ma le fitu; na *tusi* atu i lea itu malo
ma lea itu malo e tusa ma a latou
tusilima, ma lea nuu ma lea nuu e
tusa ma a latou gagana, o sa Iutā
foi e tusa ma la latou tusilima ma
la latou gagana. Ua ia tusi atu foi
10 i le igoa o le tupu o Asueru, ma faa-
maufaailogaina ai i le mama a le
tupu; ona molia atu lea o ia tusi e
ua tele vavave e *na tietie* i solofanua,
o e na tietie i manu tele vavave, ma
falata, o tama ia a solofanua fafine.
Auā ua tuuina atu e le tupu i sa
11 Iutā o e ua i lea aai ma lea aai, ia
latou potopoto, ma tetee atu ia ola
ai i latou; ia faaumatia, ia fasiotia,
ma fano o 'au uma a le nuu ma le
itu malo o e faasava mai ia te i
latou, o tama iti atoa ma fafine, ma
ia vetea a latou mea, i le aso e tasi
12 *ia fai ai* i itu malo uma o le tupu o
Asueru, o le *aso* e tasi le sefulu ma
le tolu o le masina e sefulu ma le
lua o le masina lea o Atara. Ua
13 faailoa i nuu uma le tusi na tusia e
avatusa e fai ma tulafono i itu malo

- uma, ina ia saunia sa Iutā i lena aso e faui ma sui i e ua ita ia te i latou.
- 14 Ua o atu e ua tele vavave e na tietie manu tele vavave, ma falata, ua faataaliseina, ma faavaveina i le poloaiga a le tupu. Na avatua foi tulafono ai Susana le maota.
- 15 Ona alu atu lea o Moretekai nai luma o le tupu *ua ofu* i ofu o tupu, o le ie uli, ma le ie lino sinasina, ma le pale auro tele, ma le ofu talaloa o le ie vavae ma le pāuli. Ua alalaga fiafia foi ma olioli le aai o
- 16 Susana. Na i ai foi i sa Iutā o le malamalama, ma le olioli, ma le fiafia, ma le mamalu. O mea foi na oo i ai le poloaiga a le tupu ma lana tulafono, i itu malo uma, ma aai uma, ua *tupu* ai le olioli ma le fiafia i sa Iutā, ua *fai* foi le tausamiga ma le aso lelei. E toatele foi tagata o le nuu ua fai ma tagata o sa Iutā; auā ua matatau i latou i sa Iutā.
- O le fāsiotia e sa Iutā o e na ita ia te i latou; ma le tausamiga o Puro.*
- 9 O LE masina e sefulu ma le lua, o le masina lea o Atara, o lona aso e sefulu ma le tolu, a oo ina taunuu ai le poloaiga a le tupu ma lana tulafono, o le aso na faamoemoe ai o e na ita i sa Iutā latou te manumalo ai ia te i latou, (a ua liua, ma ua manumalo ai sa Iutā i e na 'ino-
- 2 'ino ia te i latou;) na potopoto ai sa Iutā i a latou aai i itu malo uma o le tupu o Asueru, e faaoo o *latou* lima i e na saili e agaleaga ia te i latou; a e lei tu mai se tasi i o latou luma; auā ua matatau tagata uma ia te i latou. Ua fesoasoani foi i sa Iutā o alii uma o itu malo, ma alii sili, ma e pule i nuu, ma e na faia feau a le tupu; auā ua matatau i
- 4 latou ia Moretekai; auā ua sili Moretekai i le aiga o le tupu, ua oo foi lona logo i itu malo uma; auā ua alualu ona sili o lenei tagata o
- 5 Moretekai. Ua fasia foi e sa Iutā o e na ita uma ia te i latou i le fasiga i le pelu, ma ua fasioti, ua fano; ua latou faia la latou faitalia i e na
- 6 'ino'ino ia te i latou. Ua fasiotia foi, ma faaumatia e sa Iutā i Susana
- 7 le maota o tagata e lima selau, atoa foi ma Paresaneta, ma Tafono, ma Asefata, ma Porata, ma Ataleia, ma 8 Aritatu, ma Paremaseta, ma Arisai, 9 ma Aritai, ma Vaisato. O atalii ia 10 e toasefulu o Hamanu le atalii o Hametatu, o le na faasaua i sa Iutā na fasiotia i latou; a e lei vetea e i latou le oloa. O lena aso na avatua 11 ai i le tupu le faitau aofai o e na fasiotia i Susana le maota. Ona fai 12 atu lea o le tupu i le masiofo o Eseta, Ua fasiotia, ma faaumatia e sa Iutā i Susana le maota o tagata e lima selau, atoa ma atalii o Hamanu e toasefulu; se a se mea ua latou faia i isi itu malo uma o le 13 tupu? O lenei, se a se mea e te toe ole mai ai? e avatua ia te oe; se a foi se mea e te toe faatoga mai i ai? e faia lava. Ona tali mai lea 14 o Eseta, Afai a lelei i le tupu, ia tuuina foi taeao i sa Iutā o e i Susana ona ia faia e pei o le tulafono i le asō, ma ia latou faatautauina i le laau atalii o Hamanu e toatinoagafulu. Ona fai atu lea o le tupu, 15 Ia faia faapea. Ona tala'iina lea o le tulafono i Susana. Ona faatautauina lea e i latou atalii o Hamanu e toatinoagafulu. Ua potopoto foi 16 sa Iutā e na i Susana i le aso e sefulu ma le fa o le masina o Atara, ona latou fasiotia lea i Susana o tagata e tolu selau; a e lei vetea e i latou le oloa.
- O sa Iutā uma foi e na i ai i itu 16 malo o le tupu, na potopoto i latou e tetea atu ia ola ai i latou, ona mapu ai lea o i latou i e na ita ia te i latou; na latou fasiotia foi e na 'ino'ino ia te i latou e fitu sefulu o afe ma afe e lima; a e lei vetea e i latou le oloa, o le aso e sefulu ma 17 le tolu o le masina o Atara *na fasia ai*; ona mapu ai lea o i latou i lona aso e sefulu ma le fa, ma fai ai lena ma aso e fai ai le tausamiga, ma olioli ai. O lona *aso* e sefulu ma le 18 tolu, ma lona *aso* e sefulu ma le fa na potopoto ai sa Iutā e na i Susana; ona mapu ai lea o i *latou* i lona *aso* e sefulu ma le lima, ma ua fai lena ma aso e fai ai le tausamiga, ma olioli ai. O le mea lea na fai ai 19 e sa Iutā sa i faoa aai, e na nonofo i aai e le nofo 'olo, o le aso e sefulu ma le fa o le masina o Atara ma aso lelei e olioli ai, ma

- fai ai le tausamiga, ma feaveai ai tufaaga.
- 20 Na tusia foi e Moretekai o ia mea, na ia avatua foi tusi i sa Iutā uma e na i ai i itu malo uma o le tupu o Asueru, o e na latalata mai atoa ma
- 21 e mamao atu, e faamau ai ia te i latou, ona ia faia le aso e sefulu ma le fa o le masina o Atara, ma lona aso e sefulu ma le lima i tausaga uma, auā o aso ia na mapu ai sa Iutā i e na ita ia te i latou, o le masina foi na liliuina ai mo i latou o le faanoanoa i le olioli, ma le faa-
- 22 vauvau i le aso lelei; ona ia faia ia aso ma aso e fai ai le tausamiga, ma olioli ai, ma feaveai ai tufaaga, ma mea alofa i e matitiva. Ona talia
- 23 lea e sa Iutā e *fai ma tu* o mea na latou amata ona faia, ma mea na tusi atu ai e Moretekai ia te i latou; auā o Hamanule atalii o Hametatu o lo sa Akakō, o le na faasua i sa Iutā uma, na ia manatu i sa Iutā
- 24 ona ia fano i latou. Na ia fai foi le Puro, o le vili lea, ina ia faaumatia i latou, ma ia fano i latou. A ua
- 25 alu atu *Eseta* i le tupu, ona poloai atu ai lea e ia i lana tusi ia toe foi atu i lona lava ulu lana manatu leaga na ia manatu ai i sa Iutā, ma ia faatautauina o ia ma ona atalii i
- 26 le laau. O le mea lea na ta'ua ai o ia aso o Puro, i le igoa o le Puro. O mea uma foi o le tusi, ma mea na latou vaavaaia i lenei mea, ma
- 27 mea na oo ia te i latou, na faamauina ai e sa Iutā, ma talia ai mo i latou ma a latou fanau, ma e ua faatasia ma i latou, ia le toe mavae ona faia o ia lava aso e lua e tusa ma a latou tusi, i ona lava po,
- i tausaga uma; ma ia manatua ma faia o ia lava aso i tupulaga uma, i lea aiga ma lea aiga, i lea itu malo ma lea itu malo, i lea aai ma lea aai; aua foi le toe mavae i sa Iutā o ia lava aso o Puro, ma ia le tuua le faamanatunatu i ai i la latou fanau.
- O le masiofo o Eseta, le afafine o Aviaila, ma Moretekai o lo sa Iutā, na la tusi atu ma le pule lava e faamauina ai lenei lua o tusi i Puro. Ua ia avatua foi tusi i sa Iutā uma i itu malo e tasi le selau e lua sefulu ma le fitu o le malo o Asueru, o upu alofa ma le faamaoni, ina ia faamauina o ia aso o Puro i ona lava po, e pei ona pule e Moretekai o lo sa Iutā ma le masiofo o Eseta ia te i latou, e pei ona latou faatuina foi mo i latou ma a latou fanau, o mea o anapogi ma lo latou alalaga. O le poloaiga a Eseta na faamauina ai o ia mea o Puro; na tusia ai foi i le tusi.
- O le mamalu o Asueru, ma le faasilisiliina o Moretekai e ia.*
- NA totogi atu e le tupu o Asueru i le vao nuu, ma nuu tuloto i tai, ia faia le taulaga ia te ia. O mea uma na faia i lana pule ma lona malosi, ma le tala i le silisili o Moretekai na faasilisiliina ai o ia e le tupu, e lei tusia ea ia mea i le tusi o tala i nofoaiga a tupu o Metai ma Peresia? Auā na aupito Moretekai o lo sa Iutā i le tupu o Asueru; na silisili o ia i sa Iutā; na fasia ia te ia le toatele o ona uso; ua saili e ia ia manuia lona nuu; ua tautala foi ma le alofa i lona nuu uma.

O LE TUSI A

I O P U.

O Iopu, o lana amiotonu, o lona manuia, ma lona tigaina.

- 1 SA i le nuu o Usa le tasi tagata, o lona igoa o Iopu; na sao le amio a lea tagata ma le amiotonu, sa

mata'u foi o ia i le Atua, ma 'alo'alo ese i mea leaga. Sa fanaua e ia ona atalii e toafitu ma afafine e toatolu. Sa ia te ia foi manu o mamoe e fitu afe, ma kamela e tolu afe, ma povi e tasi le afe, ma asini fafine e lima

- selau, atoa ma auuana e toatele
lava; sa sili foilenei tagata i tagata
4 uma lava i sasae. Sa feoi ona atalii
ma faia le tausamiga i o latou fale, e
taitoatasi ma lona aso; sa latou
aami foi i o latou tuafafine e toatolu,
ina ia latou aai ma feinu faatasi ma
5 i latou. Ua uma le augāaso o latou
tausamiga, ona alu atu lea o le feau
a Iopu, ma na faapaiaina i latou; sa
tulai o ia i le taeao lava, ma na faia
taulaga mu e faataatau i le atoa o i
latou uma; auā sa faapea a Iopu,
Atonu ua agasala o'u atalii, ma fai-
fai i le Atua i o latou loto. Sa faa-
pea lava ona faia e Iopu i aso uma.
6 Ua oo i le tasi aso, ona o mai ai
lea o atalii o le Atua e tutū mai i
luma o Ieova; na sau foi Satani faa-
tasi ma i latou. Ua fetalai atu Ieova
ia Satani, Ua e sau ea mai fea?
7 Ona tali mai ai lea o Satani ia
Ieova, ua faapea, *Ua ou sau na a'u*
fealuai i le lalolagi, ma fesavaliai ai.
8 Ua fetalai atu Ieova ia Satani, Ua
e mafau fau ea i la'u auuana o Iopu,
auā ua leai se tasi e tusa ma ia i le
lalolagi, o le tagata ua sao lana amio
ma le amiotonu, o le ua mata'u i le
Atua, ma 'alo'alo ese i mea leaga?
9 Ona tali mai ai lea o Satani ia Ieova,
ua faapea mai, Ua mata'u fua ea
10 Iopu i le Atua? ua e le siosiomia ea
i le aupa o ia, ma lona fale, atoa ma
ana mea uma i itu uma? ua e faa-
manuia le galuega a ona lima, ua e
faateleina foi ana manu i le fanua.
11 A e peitai ia e aapa atu lou aao, ma
e tago atu i ana mea uma, pe na te
le faifai ai ea ia te oe i ou lava
12 luma? Ona fetalai atu lea o Ieova
ia Satani, Faauta, ua i lou lima ana
mea uma, tau o ia lava ana e te
faaoo i ai lou lima. Ona alu ese ai
lea o Satani i luma o Ieova.
13 Ua oo i le tasi aso, ona aai ai lea
ma feinu uaina o ona atalii ma ona
afafine i le fale o lo latou uso ulu-
matua; ona sau lea o le tasi auuana
ia Iopu, ua faapea mai, Sa suatia le
fanua e povi, sa aai foi asini fafine i
15 o latou tafatafa; Ona feosofi mai
lea o tagata o Seepa, ma latou faoa;
ua latou fafasi foi i auuana i le pelu;
ua ou sao mai, na o a'u lava e toa-
16 tasi, e ta'u mai ai ia te oe. O loo
tautala mai lena, a e sau foi le tasi,

Ua faapea mai, Ua pa'u ifo le afi ai
le Atua mai le lagi, ua susunu ai
mamoe ma auuana, ua faaumatia ai
i latou; ua ou sao mai, na o a'u lava
e toatasi, e ta'u mai ai ia te oe. O 17
loo tautala mai lena, a e sau foi le
tasi, ua faapea mai, Na tofia 'au e
tolu e Kaletai, ona feosofi mai lea
o i latou i kamela, ma latou faoa, ua
latou fafasi foi i auuana i le pelu;
ua ou sao mai, na o a'u lava e toa-
tasi, e ta'u mai ai ia te oe. O loo 18
tautala mai lena, a e sau le tasi, ua
faapea mai, Sa aai ma feinu uaina
ou atalii ma ou afafine i le fale o lo
latou uso ulumatua; faauta mai foi, 19
sa agi mai le matagi tetele mai le
vao; na pesi mai i tulimanu e fa o le
fale, ona pa'u ai lea i luga o taulelea,
ua oti ai i latou; ua ou sao mai, na
o a'u lava e toatasi, e ta'u mai ai ia
te oe. Ona tulai ai lea o Iopu, ma 20
saei lona ofu, ma tafi lona ulu, ua
faapa'u foi o ia i le eleele ma ifo.
Ua fai atu foi o ia, Na ou sau le 21
lavalavā mai le manava o lo'u tinā,
o le a ou foi atu i ai ua le lava-
lavā; na foaiina mai e Ieova, ua
aveeseina foi e Ieova; ia faamanu-
ina le suafa o Ieova. Ua le agasala 22
Iopu i na mea uma, ua na le ta'u
valeina foi le Atua.

O le tala i ma'i tele o Iopu.

UA oo i le tasi aso, ona o mai ai 2
lea o atalii o le Atua e tutū mai i
luma o Ieova, na sau foi Satani faa-
tasi ma i latou e tu mai i luma o
Ieova. Ua fetalai atu foi Ieova ia 2
Satani, Ua e sau ea mai fea? Ona
tali mai ai lea o Satani ia Ieova, ua
faapea mai, Ua ou sau na a'u fealuai
i le lalolagi, ma fesavaliai ai. Ua 3
fetalai atu Ieova ia Satani, Ua e
mafau fau ea i la'u auuana o Iopu,
auā e leai se tasi e tusa ma ia i le
lalolagi, o le tagata ua sao lana amio
ma le amiotonu, o le ua mata'u i le
Atua, ma 'alo'alo ese i mea leaga?
ua taofi mau pea foi e ia lana amio-
tonu, sa e faaosoina a'u ia te ia, ia
ou faaoo fua le malaia ia te ia. Ona 4
tali mai ai lea o Satani ia Ieova, ua
faapea mai, O le pa'u e sui a'i le
pa'u; o mea uma foi ua i ai i le
tagata, e avatua e ia e sui a'i lona
ola. A e peitai ia e aapa atu lou 5

aao, ma e tago atu i ona ivi ma ona aano, pe na te le faifai ai ea ia te oe
 6 i ou lava luma? Ona fetalai atu lea o Ieova ia Satani, Faauta, o ia o i lou lima, tau o lona ola e te faa-
 7 saoina. Ona alu ese ai lea o Satani i luma o Ieova, ma na faaoo ia Iopu le ma'i papala leaga, e gata ae i ona alofivae, e gata ifo i lona tumuai.
 8 Ona tago ai lea o Iopu i le ta'egaipu omea, e valu a'i ia te ia; ia nofo foi o ia i lalo i le lefulefu. Ona fai mai
 9 ai lea o lana avā ia te ia, Ua e taofi mau pea ea i lau amiotonu? ina faifai ia e oe o le Atua, ma e oti ai.
 10 Ona fai atu ai lea o ia ia te ia, Ua e tautala mai, e pei ona tautala mai o se tasi o le vao fafine vālea; ua tatou talia mea lelei mai le Atua, a e tatou te le talia ea ma mea leaga? Ua le agasala Iopu i nei mea uma i ona laugutu.
 11 Ua faalogo uo e toatolu a Iopu i nei mea leaga uma ua oo atu ia te ia, ona latou o mai ai lea e taitoatasi mai lona nuu, o Elifasa le Timanu, o Pilitati le Sua, ma Sofara le Naama; ua latou filifili ua loto gatasi e o mai e faamafanafana ia te ia, ma faamatalaloto atu ia te ia.
 12 Na latou vaai mamao atu, ua latou le iloa o ia; ona latou fetagisi ai lea ua leo tetele; ua latou taitoatasi ma saei lona ofu, ma asu ae i luga
 13 le efuefu i o latou ulu. Ona nonofo ai lea o i latou ma ia i le elele i ao e fitu ma po e fitu, a e lei tautala atu o i latou sina upu ia te ia; auā ua latou iloa, ua matuā tele lava lona tiga.

O le fetuina e Iopu o le aso na fanau ai o ia; o ia foi ua fia oti.

3 MULIMULI ane ua tautala atu
 2 Iopu, ma fetuu i lona aso. Ua fai
 3 atu foi Iopu, ua faapea atu, Ia fano le aso na fanau mai ai a'u, ma le po na fai ane ai, ua to le fafine, o le
 4 tama tane. Ia avea lena aso ma pouliuli, aua ne'i suesueina e le Atua mai luga; aua ne'i pupula i ai le malamalama. Ia toe maua e le pouliuli ma le ata o le oti, ia tumau i ona luga le ao, ia faamatautia i
 5 mea e pouliuli ai le aso. O lena po, ia faoa e le pouliuli tele, aua ne'i olioli o ia faatasi ma aso o le tau-

saga, aua foi ne'i oo o ia i le faitauina o masina. Faauta, ia vale
 7 lava lea po, aua ne'i i ai se pese fiafia. Ia faafanoia ia e i latou o e
 8 ua fetuuina aso, o e ua popoto e faaoso mai i leviatana. Ia faapouliuliina fetu o lona afiafi po, ia faatalitali i le malamalama, a e leai lava; aua foi ne'i vaai atu ia i laumata o le taeao. Auā sa le punitia
 9 e ia o faitotoa o le manava o lo'u tinā, ma ua le natia le tiga ia te au.

Se a le mea ua le oti ai a'u ina o
 11 faatoa te'a mai i le manava? se a le mea na le to ai la'u mānava ina o ou
 12 sau mai le manava? se a le mea na talia ai a'u i tulivae? se a foi na talia ai a'u e susu ou te susu ai? Auā po o pe na ua ou taoto ai ma le
 13 filemu, ma ou moe ai, ona ou malolo ai lea, faatasi ma tupu ma faipule o le lalolagi, o e na ati ae mo i latou o mea ua gaogao; po o faatasi ma
 14 alii sili, o e na i ai auro, o e na faatutumuina o latou fale i ario; po o
 15 pei o se fanau le au ua natia, ua leai lava o a'u; e pei o tama mea-meua le iloa le malamalama. O
 16 lea mea ua le toe ai le faasoesa o tagata amio leaga; o lea mea foi ua malolo ai e na lailoa. Ua ffilemu
 17 faatasi ai o e sa noanoatia, latou te le faalogologo i le leo o le ua faasaua. O i ai i lea mea o tagatānuu
 18 atoa ma alii, ua saoloto ai foi le pologa nai lona alii.

Se a le mea ua tuuina mai ai le
 20 malamalama i le ua tigaina, ma le ola i e ua faanoanoa o latou loto? o e ua faatalitali i le oti, a ua le oo
 21 mai; e tele foi ona eli i ai, a e itiiti i le oloa ua natia. O e ua matuā
 22 olioli, ma ua fiafia pe a maua e i latou le tungamau. Se a le mea ua
 23 tuuina mai ai le malamalama i le tagata o le ua lilo lona ala, ua pui-puia foi o ia e le Atua? Auā ua
 24 muai sau lo'u maputiga a o lei'ai au, ma ua maligi mai o'u faataio e pei o vai. Auā o le mea na ou ma-
 25 tuā fefe ai, ua oo mai lea ia te au, ua oo mai foi ia te au le mea na ou mata'u ai. Ua ou le filemu, ua ou
 26 le mapu foi, ua ou le malolo, a ua oo mai le atuatuave.

O le aoaiga muamua a Elifasa ia Iopu.

- 4 ONA tali mai ai lea o Elifasa le
 2 Timanu, ua faapea mai, A taumafai
 atu se upu ia te oe, pe e te tiga ai
 3 ea? A o ai se na te mafaia ona
 3 taofi *lana* upu? Faauta mai, na e
 4 apoapoi atu i *tagata* e toatele,
 4 e faamalosia lima vaivai. O au upu
 sa faamautuina ai le sa tautevateva,
 sa e faamalosia foi tulivae sa vaivai.
 5 A o lenei, ua oo mai ia te oe, ua e
 6 faavaivai ai; ua papai mai ia te oe,
 6 ua e atuatuvaie ai. O lou faatua-
 tuaga, o lou faamoemoega ma le
 tonu o ou ala, e le o lou mata'u ea
 7 *lea i le Atua?*
 7 Se'i e manatu, po o ai ea ua fano
 8 *fua* a e le sala? po o fea foi ua faa-
 8 umatia ai e ua amiotonu? O la'u
 vaai lea, o e ua suatia le agasala, ma
 luluina le amio leaga, latou te sele-
 9 sele mai ai lava. E fano i latou i le
 mapugatamai o le Atua, e faaumatia
 10 foi i latou i le mānava o ona pogai-
 10 isu. O le tagi o le leona ma le leo o
 le leona, ma nifo o leona faanoa, ua
 11 gāugau lava ia. Ua fano le leona, auā
 e leai sana mea e saeia, e faataape-
 apeina foi le toloai a le leona fafine.
 12 Ua faaoo mai faalilolilo se upu ia
 te au; ua lagona ai foi o'u taliga nai
 13 mea itiiti. O mafauauga i mea e
 14 vaaia i le po, ina o moe gagase ta-
 14 gata; ua oo mai ai ia te au le mata'u
 ma le gatete, na tetemu ai o'u ivi
 15 uma. Na ui ane i o'u luma le agaga,
 16 ua mātatili ai lo'u tino. Na tu mai
 o ia, a ou te lei iloa *le uiga* o lona
 tino mai; sa i ai le ata i luma o o'u
 17 mata, sa ligoligo, ona ou faalogo ai
 lea i le leo. Pe sili ea le amiotonu a
 le tagata i lo le Atua? pe sili ea le
 18 lelei o le tagata i le na faia o ia?
 18 Faauta, ua le faalagolago o ia i ana
 auuana; ua ia ta'uvalaleaina ana
 19 agelu. E atili ai *ona faapea* i e o
 nonofo i fale omea, o i ai lo latou
 faavae i le elelee, ua tu'imomomoina
 20 i latou e pei o le pepe. E tu'imomomoina
 i latou e afua i le taeao e
 oo i le afiafi, ua fano i latou e faa-
 vavau ma le le manatua e se tasi.
 21 Ua le avea ea lo latou faasilisili sa
 ia te i latou? Ua oti i latou, a o lē
 popoto.

O isi upu o le aoaiga a Elifasa ia Iopu, ma lana apoapoi ia te ia.

- INA valaau atu ia, pe ai se tasi e
 5 tali mai ia te oe? po o ai foi so le
 2 au paia e te faasaga i ai? O le ita
 e fasia ai le tagata valea, o le ma-
 3 tana foi e oti ai le vale. Na ou iloa
 3 le tagata valea ua sosolo ona aa; a
 ua ou faafanoloaina le mea na mau
 4 ai o ia. Ua mamao lana fanau i le
 olataga, ua solia foi i latou i le fai-
 totota, a e leai se na te laveaina.
 5 Ua 'aina lana saito e le ua fia 'ai, ua
 avea ai foi e ia ai mea matuitui, ua
 naunau atu le malaia i o latou oloa.
 6 Auā e le alu ae mai le elelee le ma-
 laia, e le tupu mai foi mai le lau-
 7 elelee le tiga. A ua fanau mai le
 tagata ia tigaina, e pei ona lele ae
 8 o aloiafi. A e peitai a'u, ou te saili
 atu i le Atua, ou te tuuina atu la'u
 9 mea i le Atua; o le ua faia mea
 tetele e le masuesueina, o vavega e
 10 le mafaitaulia. O le ua foaiina mai
 le ua i le lauelelee, o le ua tuuina
 11 mai foi o vai i le vao. E avae i le
 mea maualuga o e ua maualo; e
 12 faaesina foi o e ua faanoanoa ia
 saogalemu ai. Ua faaleaogaina e
 12 ia o mafauauga o e fai togafti,
 ona le fai ai lea i o latou lima mea
 13 ua latou manatu i ai. E mauā e ia
 o e popoto i a latou lava togaftiga,
 e faaleaogaina foi le pule a e faa-
 14 'ole'ole. Ua oso atu i latou i le
 pouliuli a o ao, latou te tāutago foi
 i le aoauli e peiseai o le po. A e
 15 faaolaina e ia o e matitiva ai le
 pelu, ma o latou gutu, ma le lima o
 le ua malosi. O le mea lea ua fai
 16 ai se faamoemoe o le ua vaivai, ua
 punitia ai foi le gutu o lē amio
 leaga.
 17 Faauta mai, amuia le tagata ua
 aoaina e le Atua; o le mea lea auā
 e te ta'ufaatauvaina ai aoaiga a Le
 e ona le malosi uma lava. Auā o
 18 ia na te faatigaina, o ia foi na te
 fusia; o ia e manua ai, o ona aao
 foi e fofō ai. E laveai mai o ia ia
 19 te oe i puapuaga e ono, o lona fitu
 lava e le papai atu ai se leaga ia te
 oe. Na te laveaina oe i le oge ia
 20 le oti ai, na te laveaina foi oe i le
 21 pelu i le taua. E te lilo ai oe i le
 sasa a le laulaufaiva, e te le fefe

- foi i le faatafunaina pe a oo mai.
 22 E te 'ata i le faatafunaina ma le oge, e te le mata'u foi i manu feai.
 23 Auā e fai sa outou feagaiga, o oe ma maa o le elelee; tou te lelei foi ma manu feai. E te iloa foi, ua saogalemu lou fale ie; e te asiasi lava i lou fale, a e te le agasala. E te iloa foi e toatele lau fanau, e tusa foi e ua tutupu ia te oe ma le vao iti o le lauelelee. E te oo i le tuugamau o e toeaina lava, e pei ona alu ae o le faaputugāsaito i lona tau.
 27 Faa'uta, ua matou suesueina lenei mea, o loo faapea lava ia; ina e faafogafoga mai i ai, ma ia e silafia ai.

O le tali a Iopu ia Elifasa, ma lana aoai atu i ana uo.

- 6 UA tali atu Iopu, ua faapea atu,
 2 E! ana matuā fuatia lo'u tiga; ana avae foi faatasi lo'u malaia i le fua faatautau. Po o pe na ua iloa ua sili lona mamafa i le oneone o le sami; o le mea lea ua soona fai ai a'u upu. Aua o loo i totonu ia te au o u fanafana a Le e ona le malosi uma lava; o le mea oona o i ai e inumia ai lo'u agaga; o loo pae tau mai ia te au o mea matautia mai le Atua.
 5 Pe tagi ea le asini o le vao ina o i ai i le vao mu'a? pe tagi foi le povi ua i ona luma ana mea e 'ai?
 6 Pe 'aina ea le mea ua le namumea pe a le inā le masima? pe ai ea se manogi i le niu o le fuāmoa? O mea sa ou le mafai ona tagi i ai, ua aveia ia ma a'u mea e 'ai e peiseai ua leaga.
 8 E! ana maua le mea na ou faatoga i ai; ana foaiina mai foi e le Atua le mea na ou naunau i ai;
 9 ia finagalo le Atua e tu'imomomo ia te au, ia tuu mai e ia lona aao, ma vavaeeseina a'u. Ona i ai pea lea sina o'u faamatalaloto; ou te olioli foi i le tiga; aua na te faasaina; auā sa ou le natia afiga a
 11 le Paia. Po o le a ea lo'u malosi, ou te faamoemoe ai i se mea? po o le a foi lo'u iuga, ou te faatoatoa ai
 12 pea? O le malosi o maa o lo'u malosi ea lea? o lo'u tiino o le 'apa memea ea lea? Aue! e leai so'u fesoasoani ia te au lava; ua sola ese foi ia te au le faaolataga.

O le ua tigaina e tatau ona alofagia o ia e lana uo; a ua tuua e ia le mata'u i Le e ona le malosi uma lava. Ua faa'ole'ole o'u uso e pei o le alia, ua mavae atu i latou e pei o tafe o alia. Ua suaelelee ia ona o le vaito'a; ua lilo ai le kiona. O ona po e mau ai, e mamate ai lava; pe a velasia, ona pe ai lea i mea sa i ai. Ua tuua e malaga lo latou ala ua afe, ua o ae i le vao, ona fano ai lea o i latou. Na vavaai atu malaga a sa Temā, na faamoemoe i ai malaga a Seepa. Na masiasi i latou, auā na latou faatua-tua i ai; na oo atu i ai, ona latou fememeai ai lea. Auā ua aveia nei outou e pei o ia mea; ua vavaai mai outou i lo'u malaia, ma outou fefefe ai. Pe na ou fai atu ea, ia outou aumaia se mea ia te au? pe, Au mai ia se mea alofa ia te au ai a outou oloa? pe, Laveai mai ia te au ai le lima o le ua ita mai? pe, Faaola mai ia outou ia te au ai lima o e ua faasaua?

Ina a'oa'o mai ia outou ia te au, ona ou faalologo ai lea; ia outou faasino mai foi ia te au se mea ua ou sese ai. E matuā maamaai upu tonu. A e peitai se a se mea ua faatonuina i la outou aoaiga? Po ua outou manatu ea e aoaiina o upu? o upu a le ua totoai e tusa ia ma le matagi. Ua outou feosofi mai i le ua mātuaoti, ua outou elia foi le luma mo la outou uo. A o lenei, ia outou finagalo e silasila mai ia te au; ona outou silafia lea pe afai ou te tala pepelo. Ina foi mai ia o outou, aua nei i ai se amio leaga; ina toe foi mai ia o outou, ua i ai i lenei mea la'u amiotonu. Po ua i ai ea se agasala i lo'u laulaufaiva? Pe le iloga ea i lo'u gutu le mea leaga?

O le tagi o Iopu i lona tiga, ma isi ana upu na ia fai atu ai i le Atua.

E LE o i ai ea le taua ua tofia i tagata i le lalolagi? pe le tusa foi o latou aso i aso o le ua galue i le tau? E faapei ona naunau le pologa i le paolo, e faapei ona faatalitali atu foi o le ua galue i le tau i lona totogi; e faapea lava ona fai mo'u o masina e tigaina ai, ua tofia

foi ia te au o po e puapuagatia ai.
 4 A ou taoto, ona ou faapea lea, po o afea ou te tulai atu ai, ma mavae atu le po? Ua aoia na ou le mapu
 5 i le felihui. Ua liloia lo'u tino i tuga, ua to'ato'a ai le elelee; ua iliganoa lo'u pa'u, ma ua *toe* sua.
 6 Ua sili ona tele vavave o'u aso i le si'a a le laga ie; ua uma foi ua aunoa
 7 ma se faamoemoe. Ia e manatua, o le matagi lava lo'u ola; e le toe iloa
 8 e o'u mata se mea lelei. E le toe vaai mai ia te au mata o le sa iloa a'u; ua e silasila mai ia te au, ona
 9 leai lea o a'u. Ua taape le ao ua mavae atu, e faapea le ua alu ifo i
 10 le tuugamau, e le *toe* alu ae o ia. E le toe foi mai o ia i lona fale, e le toe iloa o ia i le mea sa i ai o ia.
 11 O le mea lea ou te le taofi ai lo'u gutu, ou te tautala i le puapuaga o lo'u agaga, ou te tagi atu i le tiga o
 12 lo'u loto. O le sami ea a'u, po o se tanimo, ua e tofia mai ai se leoleo
 13 ia te au? A a'u faapea, O lo'u moega e faamafanafanaina ai a'u, o lo'u taotoga e faamamaina ai lo'u
 14 tagi; ona e faafefe mai ai lea ia te au i miti, ua e faamatautia foi a'u i
 15 mea e faaali mai. O lea ou te manao ai ina ia mole o a'u; e tele *lo'u manao* i le oti, a e itiiti i o'u nei ivi.
 16 Ou te 'ino'ino i ai, ou te le fia ola pea; tuu mai pea ia o a'u, auā ua faatauava lava o'u aso.
 17 Se a ea le tagata, e te faasilisili ai o ia? ma e manatu mai ai ia te
 18 ia? ma e asiasi mai ai ia te ia i taeao uma, ma tofotofa mai pea
 19 lava ia te ia? E te le 'alo ea ou fofoga ia te au seia afea? e te le se'i tuuina mai ea ia te au, seia ou
 20 folo lo'u feanuga. Ua ou agasala; se a se mea ua ou faia ia te oe, o le ua silasila i tagata? se a ea le mea
 ua e fai ai a'u ma manulauti ia te oe, ua fai ai a'u ma avega ia te au?
 21 se a le mea e te le aveeseina lo'u solitulafono, ma faateaina la'u agasala? auā e le pine ona ou taoto i le elelee; e te ala saili foi ia te au, a ua le i ai a'u.

O le lauga muamua a Pilitati ia Iopu, ua ta'u mai ai le malaia o tagata agasala.

ONA tali mai ai lea o Pilitati le 8
 Sua, ua faapea mai, E te tautala i 2
 na upu seia afea? e fai foi ma matagi tetele o upu a lou fofoga *seia afea?* Pe faapiopioina ea e le Atua 3
 le faamasinoga? pe faapiopioina ea mea tonu e Le e ona le malosi uma lava? Afai na agasala atu lau fanau 4
 ia te ia, ma ua lafoaiina i latou e ia i a latou solitulafono? Afai e te 5
 matuā saili atu i le Atua, ma aoi atu i Le e ona le malosi uma lava; afai ua e lelei ma e amio sa'o, e 6
 maleifua mai lava nei o ia ona o oe, e faasaogalemu foi e ia le fale e fai ai lau amiotonu. E ui lava ina itiiti 7
 lou amataga, a e matuā faateleina lou iuga. Auā ina e fesili atu ia i 8
 le tupulaga na muamua, ma ia e matuā susesue i o latou matua. Auā 9
 o i tatou o tagata ananafi, ua tatou le iloa; auā o tatou aso i le lalolagi o le ata ia. Latou te le a'oa'o mai 10
 ea ia te oe, *ma ta'u mai ia te oe, ma fai mai upu ai o latou loto?*

Pe tupu mai ea le kome a le o i 11
 ai se palapala? pe tupu mai ea le utuutu a le o i ai se vai? A o lau- 12
 olaia, ma le le salaina, e muamua ona mamae i vao iti uma. E faapea 13
 lava ala o i latou uma o e faagalogalo i le Atua; e faaumatia foi le faamoemoe o le tagata faalemata'u. 14
 E vavaeseina lona faamoemoe, o lona faatuatuaga foi o le fale o le apogalevelele lea. E faalagolago o 15
 ia i lona fale, a e le mau; e taofimauina ai e ia, a e le tumau. Ua 16
 tupu olaola o ia, a o le laina, ua tupu foi ona tatupu i lana faatoaga. Ua feuiui ai ona aa i le faaputugā- 17
 maa, ua iloa foi le mea o i ai maa. E faaumatia lava o ia ai le mea o i 18
 ai o ia, ona faafti ai lea ia te ia, e faapea atu, Ou te le iloa oe. Faauta, 19
 o le olioli lea i lona ala, e tutupu foi nisi mai le elelee.

Faauta, e le lafoaiina e le Atua le 20
 ua sao lana amio, na te le taofia ae foi lima o e amio leaga. Seia faa- 21
 tumuina e ia lou fofoga i le 'ata'ata, ma ou laufofoga i le alaga fafia. E 22
 faaofuina i le mā o e ua 'ino'ino mai

ia te oe, o le fale ie o e amio leaga, e leai lea.

O le tali a Iopu ia Pilitati, ua ta'u atu ai le amiotonu ma le mana o le Atua.

- 9 ONA tali atu lea o Iopu, ua faapea atu, Ua ou iloa e moni lava, o loo faapea; a e faapefea ona amiotonu o le tagata i luma o le Atua?
- 2 Afai e finagalo o ia ona finau ma ia, e le mafai ona tali atu o ia ia te ia
- 3 se upu e tasi i le afe o upu. E poto lona finagalo, e malosi foi lona mana. Po o ai ea se ua faamaaa lona loto
- 5 e tetea atu ia te ia a e sao ai. O le na te siitia mauga, a e lei iloa e i latou, o le na te fulisia i latou i lona toasa. O le ua lulueseina le lalolagi i le mea sa i ai, ona gagau ai lea o ona pou tu. O lē fetalai atu i le la, ona le alu ae ai lea, ma
- 8 na faamaufailogaina fetu. O lē fofola le lagi, na o ia lava, ma savali atu i luga o peau o le sami. O lē na faia Asa, ma Kisila, ma Kima, atoa ma ana o i le itu i toga. O le na faia mea tetele e le masuesueina, ma vavega e le mafai ona faitaulia.
- 11 Faauta, ua afio ane o ia i o'u luma, a ou te le iloa o ia; ua afio atu foi o ia, a ou te le iloa o ia.
- 12 Faauta, e faoa e ia, po o ai ea sē faafoi atu ia te ia? po o ai ea e fai atu ia te ia, O le a ea le mea ua e faia? E le faafoisia e le Atua lona toasa; e ifo i lalo ia te ia o fesoasoani faamaualuga. A e faapefea a'u nei ona ou tali atu ia te ia, ma a'u filifilia ni upu e fai atu ia te ia?
- 15 Ana ou amiotonu po ua ou le tali atu ia te ia, a e faatoga atu i lo'u faamasino. Ana ou valaau atu, ma ua tali mai o ia ia te au, ua ou le manatu ua faafogaina mai e ia
- 17 lo'u leo. Auā na te tu'imomomoina a'u i le afā, ma faateleina fua o'u manua. Na te le tuuina mai a'u, seia ou mānava ifo, a ua na faama'onaina mai a'u i mea oona. Afai ou te tautala i le malosi, faauta mai, ua malosi lava o ia; afai foi ou te tautala i le faamasinoga, o ai ea se na te atofaina se aso mo a'u? Afai ou te ta'uamiotonuina a'u e a'u, e faasalaina a'u i lo'u lava gutu; afai ou te fai atu, ua sao la'u nei amio, e

ta'ua ai a'u o le faapiopio. Afai 21
ou te fai atu, o a'u nei ua sao, ou te le iloa ai lo'u agaga, ou te 'ino'ino i lo'u ola.

E tasi lea mea, o le mea lea na ou 22
fai atu ai, O loo faaumatia e ia o le ua sao lana amio atoa ma le ua amio leaga. Afai e fasioti faafuasei le 23
sasa, e 'ata ai o ia i le tofotofoga o e ua le sala. Ua tuuina mai le lalolagi i le lima o lē amio leaga; e 24
ufitia e ia o mata o faamasino o i ai; afai ua le faapea, po o fea o i ai o ia? po o ai ea o ia?

Ua tele vavave o'u aso e sili i le 25
ua momo'e; ua mavae atu ia ma le le iloa se mea lelei. Ua mavae atu e 26
pei o vaa tele vavave; e pei o le aeto foi ua lele tele vave i lana mea e 'ai. Afai ou te fai atu, ou te faagalagaloina lo'u tagi, ou te le toe mata faanoanoa, a e ou te mata 27
fiafia. Ua ou fefe i o'u tiga uma, ua ou iloa, e te le ta'usaoina a'u. Ua 28
ou amio leaga, se a ea le mea ou te tautiga fua ai a'u? Afai ou te taele i le suāvai kiona, ma ou faamamāina o'u lima i le moli; a e te fufui ia te 31
au i le lua; e faainosia foi a'u i o'u lava ofu. Auā e le se tagata o ia, e 32
pei o a'u, ou te tali atu ai ia te ia, ma te o faatasi ai i le faamasinoga. E le o i ai foi se faamasino i lo ma 33
va, e tago mai lona lima ia te i maua. Ia aveeseina e ia o lana sasa ia te au, aua ne'i faamatautia foi 34
a'u i lona matautia. Ona ou tautala atu ai lea ma le le fefe ia te ia; a o 35
a'u, o loo le faapea ia te au.

O isi upu a Iopu, ua tagi atu ai o ia i le Atua i lona tiga.

UA musu lo'u loto i lo'u ola; ou 10
te tuuina atu a'u ia tagi pea; ou te tautala i le tiga o lo'u loto. Ou te 2
fai atu i le Atua, Aua e te faasala mai ia te au, ia e faailoa mai ia te au le mea e te finau mai ia ia te au. Pe lelei ea ia te oe ina e faasaua, 3
ma e 'ino'ino i le galuega a ou aao, ma e faamanuia le pule a e amio leaga? Ua e fofoga ea i mata o 4
tagata? po ua e silasila ea e pei o le vaai o tagata? O ou aso ea e pei o 5
aso o tagata? po ou tausaga ea e pei o aso o tagata? Ina ua e saili 6
mai i la'u amio leaga, ma suesue i

7 la'u agasala. Ua e silafia lava, ua ou le amio leaga; e leai foi se laveai mai i lou aao.

8 Na saunia ma faia a'u atoa uma e 9 ou aao; a ua e fasioti ia te au. Se'i e manatu, na e faia a'u e pei o le omea; e te toe faafoisia ea a'u i le cfuefu? Na e le sasaina ea a'u e pei o le suāsusu, ma faato'aina a'u e pei o le suāsusu to'a? Na e faaofuina a'u i le pa'u ma le aano, na e 12 faamalosia foi a'u i ivi ma ua. Na e faaiina mai ia te au le ola ma le alofa, o lou leoleo mai foi na tausia 13 ai lo'u agaga. Ua e natia foi nei mea i lou finagalo; ua ou iloa o loo ia te oe lenei mea.

14 Afai ou te agasala, ua e silasila mai ai pea ia te au, e te le faa- magalo mai foi ia te au i la'u amio leaga. Afai ua ou amio leaga, oi talofa ia te au! *afai* foi ua ou amio- tonu, e le ea i luga lo'u ulu; ua tumu a'u i le mā, ua ou iloa foi lo'u 16 puapuaga; mona ua tupu pea. Ua e tuli mai ia te au, e pei o le leona; ua e toe faia ia te au mea e ofo ai. 17 Ua e faafouina mai o au molimau ia te au, ma ua e faateleina mai lou toasa ia te au; e auauai 'au ia te au. 18 Se a le mea na e au mai ai a'u i le manava? E! ana ou oti, ma ia le iloa a'u e se tasi, po o pe na ua avea a'u e peiseai na ou le ola mai; po ua aveina atu a'u ai le manava i le tuugamau.

20 E le itiiti ea o'u aso? Ina soia, tuu mai pea ia o a'u, seia ou muai 21 malolo ane teisi, i lo'u alu atu ai i le mea ou te le toe foi mai ai, o le nuu o le pouliuli ma le ata o le oti; o le nuu o le pouliuli, e tusa lava ma le pouliuli tele; o le ata o le oti, e le i ai ni mea tonu; o lona pupula mai e tusa ma le pouliuli tele.

O le lauga a Sofara, ua aoi atu ai ia Iopu.

11 ONA tali mai ai lea o Sofara le 2 Naama, ua faapea mai, A le talia ea upu ua tele? pe ta'uamiotonuina ea 3 le tagata tautala soo? O lou tau- tala faaletatau e faalologo ai ea tagata? e te tauemu mai ea, a e 4 leai se tasi e faamaina atu oe? Sa e faapea mai, Ua tonu la'u mataupu, 5 ou te mamā foi a'u i ou luma. A e

peitai, e lelei pe a tūlei mai le siufo- foga o le Atua, ma fetalai mai o ia ia te oe; ma faaali mai e ia ia te oe mea lilo o le poto, auā ua sili lava i mea ua faailoa mai; ona iloa ai lea e oe ua faagalagaloina e le Atua mo oe o isi au agasala.

O le suesue e te maua ai ea le 7 Atua? e te maua atoatoa ai ea Le e ona le malosi uma lava? Ua maua- 8 luga i le lagi; se a se mea e te faia? Ua sili ona loloto i seoli; se a se mea e te iloa ai? O lona umi ua 9 sili lea i le lalolagi, ua sili foi lona lautele i le sami. Afai e oso mai o ia, ma puipui mai, ma faapotopoto mai, po o ai ea na te faafoi ia te ia? Auā ua silafia e ia tagata amio 11 leaga; ua silasila mai foi o ia i le agasala, pe na te le mafaufau foi ea i ai? A e leai se atamai i le tagata 12 valea, a ua fanau le tagata *ua tusa* ma le tamai asini o le vao.

Afai e te saunia lou loto, ma faa- 13 loaloa atu ou lima ia te ia; afai ua i 14 lou lima se amioletonu, ia e avema- maoina; aua nei tumau pea le aga- sala i ou fale ie. Ona ea ai lea i 15 luga o ou mata e leai se mea e pona ai; e te faamalosi foi, ma e le fefe lava. Auā e galo ia te oe le pua- 16 puaga, e te manatua foi e pei o le vai ua tafe atu. E oo mai foi *ou aso* 17 e sili *ona malamalama* i le aouli; ua e i ai nei i le pouliuli, a e avea oe e pei o lea taeao. E fai sou faatuatua, 18 auā o loo i ai le faamoemoe; o loo e mā nei oe, a e te toatoa le filemu. E te taoto foi, a e leai se na te faa- 19 matau mai; e toatele foi e ole atu ia te oe. A e fole mata o e amio leaga, 20 e faaumatia foi se mea latou te sosola i ai; o lo latou faamoemoe foi ua se mānava ua mavae atu.

O le tali a Iopu i le lauga a Sofara.

ONA tali atu lea o Iopu, ua faa- 12 pea atu, E moni, o le nuu lava 2 outou, e mavae faatasi ma outou le poto. O ia te au foi le mafaufau e 3 tusa ma outou, ou te le faatauvaā a'u ia te outou; o ai ea foi se ua le i ai mea faapena? O le ua tauemua 4 e lana uo, o a'u lea o le ua valaau atu i le Atua, ona tali mai ai lea o ia ia te ia, ua tauemua le tagata amio- tonu, o le ua sao lana amio. O le 5

sulu ua inoia i le manatu o lē nofo ma le filemu, o le tagata lea o le a mapeva lona vae.

- 6 E saogalemu fale ie o e ua fao mea, ua saogalemu foi i latou o e faaonoono i le Atua; o e ua tuuina mai i ai mea e le Atua i o latou
7 lima. A e peitai ina e fesili ia i manu vaefa, latou te a'oa'o mai ia te oe; ma manu felelei, latou le faailoa
8 mai ia te oe. Pe ia e tautala i le laueleele, e a'oa'o mai ai o ia ia te oe; e faamatala mai foi ia te oe e
9 i'a o le sami. Po o ai ea e le iloa i nei mea uma ua faia ia mea e le aao
10 o leova? ua i ai i lona aao o le ola o mea ola uma, ma le mānava a tagata ola uma lava.
11 E le faamasino ea e le taliga i upu? e le tofotofa ea foi e le gutu i
12 ana mea e 'ai? O loo i ai le pota i e ua toeaina; o le faalevaleva foi o aso e i ai le faautauta.
13 O loo ia te ia le pota ma le malosi, o loo ia te ia le mafaufau ma le faautauta. Faauta, e lepetia e ia, a e le mafai ona toe atiina ae; e puipuia e ia le tagata, a e le toe tatalaina.
15 Faauta, e taofia e ia le vai, ona pe ai lea; na te tuuina mai ai foi, ona
16 olopalaina ai lea o le nuu. O loo ia te ia le malosi ma le pota; o loo ia te ia o le ua faaseseina atoa ma le
17 na te faasese ia te ia. Na te fa'ita'iina faipule faatagataotaua, na te faavāleaina foi faamasino. Na te tatalaina le noanoaga a tupu, na te fusia foi o latou sulugatiti i le fusi.
19 Na te fa'ita'iina ositaulaga faatagataotaua, na te lafotu foi i e malosi.
20 Na te avea le tautalaga ai e ua faamaoni, na te avea foi le mafaufau o toeaina. Na te faainosia alii, na te tatalaina foi le fusi o e malolosi. Na te faaalua mea loloto ai le pouliuli, na te aumaia foi le ata
23 o le oti i le malamalama. Na te faatoateleina nuu, na te faaumatia foi; na te faalauteleina nuu, na te faalauitiitia foi. Na te aveesea loto o alii sili o nuu o le lalolagi, ma faaseseina i latou i le mea gaogao, e le
25 o i ai se ala. E tautago i latou i le pouliuli, e leai se malamalama; na te faaseseina foi i latou pei o le ua onā.

O isi upu a le lauga a Iopu.

FAAUTA, ua iloa e o'u mata nei **13**
mea uma, ua faalogo ai o'u taliga ma lagona ai. O mea ua iloa e
2 outou, ou te iloa foi a'u; ou te le faatauva'a a'u ia te outou.

A e peitai a'u, ou te fia tautala i
3 Le e ona le malosi uma lava, ou te lota lava ina ia ma filifili ma le Atua. Auā ua outou fatu fua lava
4 tala pepelo, o fomai le aoga lava outou uma. E! ana matuā faalogo outou, po ua avea lea ma pota
5 ia te outou.

Ia outou faalogologo mai lava i
6 la'u faatonu atu, ina liliu mai o outou taliga i a'u finaiga. Tou te
7 tautala ea ma le le tonu mo le Atua? tou te tautala faa'ole'ole ea mo ia? tou te
8 faailogaina ea o ia? tou te finau ea mo le Atua? Pe lelei ea
9 ina ia suesue mai o ia ia te outou? pe tou te pelogia ea o ia, e pei ona pelogia o le tagata e le tasi? E
10 matuā aoi o ia ia te outou, pe a outou faailogaina faalilolilo nisi. Pe le faamatautia ea outou i lona
11 silisili? pe le oo atu ea lona matautia ia te outou? O a outou upu
12 faamanatu o faatusa lefulefu ia, o outou 'olo o 'olo omea ia.

Soia tou te tautala ia te au, so'u
13 tautala atu a'u, ona faitalia lea se mea e oo mai ia te au. *Faitalia* se
14 mea e oo mai ou te u lo'u tino i o'u nifo, ma ou tuu lo'u ola i lo'u lima. E ui lava ina fasioti o ia ia te au, ou
15 te faamoemoe pea ia te ia; a e peitai ou te faatonu atu o'u ala i ona luma. E fai lava o ia mo'u faalotaga; auā e le alu atu se tagata faalemataui o ona luma.

Ia matuā faalogologo mai ia i
17 la'u upu ma la'u faamatalaga i o outou taliga. Faauta mai ea, ua ou
18 sauni i le faamasinoga; ua ou iloa, e ta'uamitonuina lava a'u. Po o
19 ai ea o ia ma te fesinaui? auā o le a ou faalologo nei, ma ou oti. Tau
20 o mea e lua aua e te faia ia te au, ona ou le lafi ai lea i ou luma. Ia
21 mamao lou aao ia te au, aua foi nei faafefe ia te au i lou matautia. I
22 ai lea e valaau mai, ona ou tali atu ai lea; po ou te tautala atu, ona e
23 tali mai ai lea ia te au. E fia ea a'u

amio leaga ma a'u agasala? Ina faailoa mai ia ia te au lo'u solitulafono ma la'u agasala. Se a ea le mea ua 'alo ai ou fofoga ma e faia a'u mou fili? E te faamataua ea le lau mea ua lelea? ma e tuliloaina ea tagutugutu o saito ua mamago? Auā ua e tusi mai mea mamafa ia te au; ua e faia foi mo'u tofi o agasala na ou faia ina ou taulealea. Ua e tuu foi o'u vae i laau faamau, ua e lamalama foi i o'u ala uma; ua e puipuia o'u alofivae. E palagia lava o ia e pei o le mea ua pala, e pei o se ofu ua atia e le mogamoga.

O upu a Iopu i le puupuu o lenei olaga, ma lona leaga.

14 O LE tagata ua fanau mai i le fafine, ua saasaa ona aso, mona ua 2 tumu i le atuatuvaie. E tupu ae o ia e pei o le fuga, a e salaeseina; e mavae atu foi o ia e pei o le ata, ma 3 ua le tumau. Se tagata faapena ea e silasila i ai ou fofoga, ma e au mai ia te au e faamasinoina faatasi ma 4 oe? Po o ai ea e au mai se mea mamā nai le mea eleelea? e leai se 5 tasi. Faauta, ua tuupoina ona aso; o loo ia te oe le faitau o ona masina; ua e tuuina lona tuaoi e le spoia e 6 ia. O lea ia e silasila ese ai ia ia te ia, ia mapu ai o ia, seia faaatoaina e ia lona aso e pei o le ua galue i le 7 tau. Auā a tā le laau, e faamoe-moe i ai e toe tupu, e le aunoa foi 8 ma ona tatupu. E ui lava ina ua leva ona aa i le eleele, ma ua mate 9 lona tafue i le eleele, a e toe tupu ae i le susū o le vai, ma tutupu ona 10 la, e pei o le laau tupu. A o le tagata e oti o ia, ma taatia, e to foi le mānava a le tagata, ona ifea lea o 11 ia? E pe le suāvai nai le vai, e mate foi le vaitafe, ma ua matutu. 12 E taoto foi le tagata a e le toe tulai, seia mavae le lagi, latou te le ala, e le fagua foi i latou i lo latou moe.

13 E! fia natia a'u e oe i le tuugamau ma ia e faailoina a'u, seia mavae atu lou toasa; ia e atofaina mai se aso mo a'u, ma ia e manatua mai ai a'u. Afai e oti le tagata, e 14 toe ola mai ea o ia? Ou te faatalitali atu i aso uma o le taua ua tofia

ai a'u, seia oo ina suia o a'u. Ia e 15 valaau mai, ona ou tali atu ai lea ia te oe; ia e finagalo alofa i le galuega a ou aao. Auā ua e faitaulia nei 16 o'u laasaga, e le ua e lamalama ea i a'u agasala? Ua faamaufaailogaina 17 lo'u solitulafono i le taga, ma e faaopoopoina faatasi la'u amioletonu.

E moni e mavae le mauga ua solo, 18 e siitia foi le papa ai le mea sa i ai. E aia maa e le vai; e tāfea e le lolo 19 le eleele o le fanua; e te faaumatia foi le faamoe-moe o le tagata. E te 20 manumalo pea lava ia te ia, e alu ese ai foi o ia; ua e liua ona mata, ona e auina atu ai lea o ia. E oo 21 ina mamalu ona atalii, a e le iloa e ia; e faaleaogaina foi i latou, a e le lagona ai e ia. A e tigaina lona 22 lava tino, ma faanoanoa lona lava loto.

O le lua o aoaiga a Elifasa.

ONA tali mai ai lea o Elifasa le 15 Timanu, ua faapea mai, E ono ea i le tagata poto ona tali atu ma le 2 poto e le aoga, ma faatumuina lona manava i le matagi mai sasae? E 3 aoai atu ea o ia i upu e le aoga, ma lauga e le tupu ai se lelei? A o oe, 4 ua e faaleaogaina le mata'u, ma ua e faaleaogaina le tatalo i luma o le 5 Atua. Auā ua faailoa e lou lava gutu lau amioletonu, ma ua e fili-filia le laulaufaiva o e fai togafiti. Ua faasalaina oe e lou lava gutu, a 6 e le o a'u; ua molimau foi ou laugutu ia te oe.

O oe ea le uluai tagata na fanau 7 mai? pe na fanaua ea oe e muamua i mauga? Ua e faalogologo ea i le 8 pulega a le Atua? ua e taofia ea le poto mo oe lava? Se a se mea ua 9 e iloa, e le iloa foi e i matou? se a se mea ua e poto ai, e le o ia te i matou foi? O loo ia te i matou ē 10 ulusina atoa ma toeaina, e sili ona matutua i lou tamā. Ua faatauvaā 11 ea ia te oe o faamafanafanaga mai le Atua, atoa ma upu mālie ua fai atu ia te oe? Se a le mea ua tā'i-tā'ieseina ai oe e lou loto? pe se a 12 foi le mea ua e mata faasiasia ai? Auā ua e liliu lou loto e tetee i le 13 Atua, ma ua e faapunaia upu ai lou gutu. Se a ea le tagata, ia mamā 14 ai o ia, ma ia amiotonu lē ua fanau

18 Le eleeele e, aua e te ufitia lo'u
toto, aua nei i ai foi se mea mo
19 la'u alaga. O lenei foi, faauta, o i
le lagi lē molimau ia te au, o i lugā
20 foi lē ua i ai le mau ia te au. Ua
tauemu mai a'u uo ia te au; a ua
sisina ifo loimata i o'u mata i luma
21 o le Atua. E! ana mafaia ona finau
o le tagata ma le Atua, e pei ona
22 finau o le tagata ma lana uo. Auā
e mavae mai nai tausaga ua faitau-
lia, ona ou alu atu ai lea i le ala ou
te le toe foi mai ai.

*O isi upu a le tali a Iopu ia
Elifasa.*

17 UA itiiti la'u mānava, ua mavae
o'u aso, ua saunia tuugamau mo
2 a'u. E le o ia te au ea e ua tau-
emu? e le ua ou vaai pea ea i lo
3 latou finau vale. Ia e tuu mai se
faamaoni, ina e tuu mai ia se faa-
maoni ia te au i *la ta finauga* ma
oe; o ai se ma te fetagofi o ma
4 lima? Auā ua e punitia o latou
loto ia le mafaufau; o le mea lea e
5 te le faasilisiliina ai i latou. O le
na te faasinoina ana uo i e vetea
mea, e avea mata o ana fanau.
6 Ua ia faia foi a'u ma upu faatusa
i le nuu; ua inosia foi a'u i o latou
7 luma. Ua puaoa foi o'u mata ona
o le faanoanoaga, ma o'u itu tino
8 uma e pei o le ata ia. E fememeai
tagata amiotonu i lenei mea, e tulai
atu foi le ua lē sala i le tagata
9 faalematau. O le ua amiotonu e
tumau pea o ia i lona ala, o ia foi
ua mamā ona lima e faaopoopoina
10 pea lona malosi. A o outou uma,
ina foi mai ia, ina o mai ia; ou te le
iloa lava se tagata potō ia te outou.
11 Ua mavae atu o'u aso, ua faalei-
uina o'u mafaufauga, o manatu lava
12 o lo'u lotō. Ua latou faia le po ma
ao; ua latalata le malamalama i le
13 pouliuli. E moni ou te faatalitali
atu i le tuugamau e *fai* mo'u fale;
ou te fofolaina lo'u moega i le po-
uliuli. Ua ou valaau i le pala, O
14 lo'u tamā oe; o le ilo foi, O lo'u
15 tinā ma lo'u tuafafine lea. O i fea
o i ai nei foi lo'u faamoemoe? o
lo'u faamoemoe foi, po o ai ea na
16 te vaai i ai? E o ifo ia i faamau o
le tuugamau, e mapu lava faatasi i
le eleeele.

O le tali a Pilitati ia Iopu.

ONA tali mai ai lea o Pilitati le
Sua, ua faapea mai, Tou te faaiiina
afea a outou upu? ia outou mafau-
fau, e mulimuli ane foi matou te
tautala atu ai. Se a le mea ua
ta'umanuvaefa ai i matou, ma ua
leaga ai i matou i o outou manatu?
O loo saeia o ia e ia i lona ita; e
tuua ea le lalolagi ona o oe? pe
siitia ea le papa ai le mea o i ai?

E tineia lava le malamalama o e
amio leaga, e le pupula foi le mumū
o lona afi. E avea le malamalama
ma pouliuli i lona fale ie; e tineia
foi lona lamepa i ona luga ae. E
faalavelaveina ona laasaga malolosi,
e lafotuina foi o ia i lana lava pule.
Auā o ona lava vae ua faaooina ai o
ia i le upega, ua savali foi o ia i
luga o le mailei. E lāvea lona
mulivae i le mailei, e taofimauiina o
ia e le matasele. Ua tatao i le
eleeele le matasele mo ia, ma le mai-
lei mo ia i le ala. E faamatautia o
ia i itu uma i mea matautia, e tuli-
tataoina ai foi o ia. E faavaivaia
lona malosi i le fia 'ai, e saunia foi
le malaia i ona tafatafa. E 'aina
ona itu tino; e 'aina lava ona itu
tino e le ulumatua a le oti. E liai-
ina lona faatuatuaga ai lona fale
ie, na te aumaia foi o ia i le tupu o
mea matautia. E mau lea i lona
fala ie, auā ua le toe fai mona; e
luluina le teio i luga o le mea e
noso ai o ia. E mamago ona aa i
lalō, e salaeseina foi ona la i luga.
E faaumatia lona faamanatuga mai
le lalolagi, e leai foi sona igoa i le
malae. E tulia o ia ai le malama-
lama i le pouliuli, e tulieseina foi o
ia i le lalolagi. E le i ai ia te ia se
atalii, e leai foi se atalii o lona atalii
i lona nuu, e leai foi sē toe i mea sa
noso ai o ia. E fememeai *tupulaga*
mulimuli i lona aso, faapei ona
maua e le matautuia o e na mua-
mua. E faapena lava fale o le ua
amio leaga; e faapea foi le mea e
noso ai le ua le iloa le Atua.

O le tali a Iopu, ua ta'u mai ai lona puapuga, ma lona faatuatua i le togiola.

- 19 ONA tali atu ai lea o Iopu, ua
2 faapea atu, Tou te faatigaina ea
lo'u loto, ma outou tu'imomomoina
3 a'u i upu seia afea? Ua faasefulu
lava ona outou faaleagaina o a'u, ua
4 o a'u. Afai foi e moni ua ou sese,
ua i ai pea ia te au lava lo'u sese.
5 Afai lava e moni tou te faamaua-
luga mai ia te au, ma outou ta'uta'u
mai ia te au mea e fai mo'u luma;
6 ia outou iloa lava; o le Atua ua
faaliliuina a'u, ua na siomia foi a'u
i lona upega.
7 Faauta, ou te alaga atu ona o le
saua, a ua le faafogogaina a'u; ou
te uio atu lava, a e leai se faama-
8 sinoga. Ua ia puipuia lo'u ala, ou
te le mafai ona sopoia atu lava, ua
ia tuuina foi le pouliuli i o'u magā-
9 ala. Ua ia aveeseina lo'u mamalu
ia te au, ua ia to ese foi le palealii i
10 lo'u ulu. Ua ia faaumatia a'u i itu
uma; o le a ou alu; ua ia liaiina
foi lo'u faamoemoe e pei o le laau.
11 Ua matuā toasa mai foi o ia ia te
au, e peiseai foi ua na faia a'u mona
12 fili. Ua o mai faatasi ana 'au, ma
latou tanu lo latou ala e tau ma
a'u, ma latou to lauapi e siosiomia
13 ai lo'u fale ie. Ua ia faamamaoina
lava o'u uso ia te au, o e ua matou
masani foi ua latou faia a'u ma
14 tagata ese ia te i latou. Ua tuua
a'u e i latou matou te tuaci, ua faa-
galogalo foi ia te au e a'u aumea
15 mamae. O e ua āumau i lo'u fale,
atoa ma a'u auaua fafine, ua latou
faia a'u ma tagata ese; ua fai a'u
ma tagata ese i o latou manatu.
16 Ua ou valaau i la'u auaua, a ua le
tali mai o ia; ua ou aioi atu ia te ia
17 i lo'u lava gutu. E ui lava ina ou
aioi atu ona o le fanau a lo'u tino,
18 a ua ese la'u mānava i la'u avā. Ua
'ino'ino mai lava tama iti ia te au;
ua ou tulai atu, a ua latou fai upu
19 mai ia te au. Ua inosia a'u e a'u
aumea mamae uma; o i latou foi
na au alofa i ai ua latou liliu ese ia
20 te au. Ua pipii o'u ivi i lo'u pa'u
ma lo'u aano, ua ou sao ma le pa'u
o o'u nifo.

Alofa mai ia outou ia te au, ina 21
alofo mai ia ia te au outou o a'u uo;
auā ua papai mai le aao o le Atua
ia te au. Se a ea le mea tou te 22
tulituliloa mai ai ia te au e pei o le
Atua, ma ua outou le maona i lo'u
tino?

E, fia tusia lava o a'u upu! e, fia 23
tusia ai i le tusi! ia togitogiina i le 24
peni uamea ma le pulu uamea i le
papa e faavavau. Auā ua ou iloa, o 25
loo soifua le na te togiolaina a'u; o
aso amuli foi e tulai mai ai o ia i
luga o le elelele. E ui lava foi ina 26
faaumatia lenei tino pe a mavae atu
lo'u pa'u, a e ou te iloa atu le Atua
i lo'u tino; ou te iloa atu ia te ia 27
mo a'u lava, e vaai atu foi o'u mata
ia te ia, a e le o se fasi; pe a le toe
ai o'u manao i totonu ia te au. Auā 28
ua tatau pe ana outou fai mai, Se a
le mea ua tatou tuliloa atu ai ia te
ia? ina ua iloa mai ia te au le aa o
le upu. Ia outou fefefe i le pelu; 29
auā o le ita, o le agasala lea e oo
mai ai le pelu; ina ia iloa e outou
e fai le faamasinoga.

*O le tali a Sofara ia Iopu; ua ta'u
mai ai le malaia o le tagata agasala.*

ONA tali mai ai lea o Sofara le 20
Naama, ua faapea mai, E moni, ou
2 mafaufauga lava ou te tali atu ai,
ona o lo'u popole foi o i totonu ia te
au. Ua ou faalogo atu i le aoaiga e 3
faamaina ai a'u, o le faautauta foi o
lo'u loto ou te tali atu ai.

Ua e le iloa ea lenei mea talu mai 4
le faavavau, talu ona tuuina o le
tagata i le lalolagi, e saasaa le alaga 5
fiafia o e amio leaga, o le olioli foi o
le tagata faalematatau o le emo o le
mata lea? E ui lava ina oo ae lona 6
silisili i le lagi, ma papai atu lona
ulu i ao, e fano o ia e faavavau e pei 7
o lona otaota; e fai mai i latou o e
na iloa o ia, O ifea o i ai o ia? E 8
lele ese o ia e pei o le li'a, e le maua
foi o ia; e tulieseina lava o ia e pei
o le mea e vaai i le po. O mata na 9
vaai ia te ia, e le toe iloa o ia; e le
toe iloa foi o ia i le mea sa i ai o ia.
E faalelei atu ona atalii i e matitiva, 10
ma toe avatua e ona lima lona oloa.
Ua tutumu ona ivi i ana agasala na 11
faia ina o taulealea, e taooto foi
faatasi ma ia i le elelele.

- 12 E ui lava ina suamalie le amio fememeai, ma ia tuu ae o outou
leaga i lona gutu, ma ua ia natia ai lima i o outou fofoga. A ou manatu 6
13 i lalo o lona laulaufaiva; e ui lava i ai, ona ou atuavale ai lea, ua
ina faapelepeleina ai e ia, ma na le maua ai foi lo'u tino e le tetemu.
14 a e liua ana mea e 'ai i lona manava, Se a le mea ua ola mai ai o e amio 7
e aveā ma mea ona a asipi i totonu leaga, ua oo ina tocaina, ma faate-
15 ia te ia. Na ia foloina le oloa, a e leina lava o *latou* oloa? Ua faatu- 8
16 Atua i lona manava. E miti e ia le mauina a latou fanau i o latou luma
mea ona a asipi, e oti o ia i le lau e faatasi ma i latou, ma e o tutupu
17 laufaiva o le gata. E le vaai o ia i ia te i latou ua *faatumauina* o latou
vaitafe, o tafe o alia o le meli ma le o vaai i ai. Ua saogalemu o latou 9
18 suāsusu. E toe avatua e ia o le mea fale e leai se mea e matatau ai, ua
na ia galue ai, na te le 'ai ai foi; e le i ai foi i o latou luga le sasa a le
19 pei o oloa e toe avatua, na te le fia Atua. Ua ofia a latou povi, ma ua 10
fia i ai. Auā ua ia faasauaina ma le fanau le au. E aauna atu e i 11
tuulafoaiina e ua matitiva; ua ia latou o latou tama iti e pei o se lafu
20 faoa le fale na ia le faia; o le mea mamoe, e taaalo foi a latou fanau.
lea e le iloa ai e ia se filemu i totonu Ua latou avae le topa ma le kitara, 12
ia te ia, e le faasaoina e ia lana mea ma latou olioli i le leo o le faaili.
21 ua ia manao tele i ai. E le toe ai E faauma o latou aso o manuia, e 13
sina ana mea e 'ai; o le mea lea e le pei o le emo o le mata ona o ifo o i
22 tumau ai lona manuia. E puapua latou i le tuugamau. Ua latou fai 14
gatia o ia a o faulai lava ana mea; atu foi i le Atua, Ina alu ese ia oe
e oo atu ia te ia lima uma o e ua ia te i matou, auā matou te le fia
23 tigaina. A o faatumuina lona iloa ou ala. O ai ea Le e ona le 15
nava, e faaooina e le Atua ia te ia malosi uma lava, matou te aauna
lona toasa tele, e faatotō ifo ai foi e ai ia te ia? se a foi sona aoga ia te
24 ia i luga ia te ia a o 'ai o ia. E sola i matou pe a matou tatalo atu ia te
ese o ia i le auupega uamea, e fanaia ia? Faauta, e le o i o latou lima lo 16
25 ia ati i le aufana 'apa memea. E latou manuia; ia mamao ia te au le
toina ia, e faateaeaina foi i le tino; filifiliga a e amio leaga. E tinea 17
e alu atu le *pelu* pupula ai lona au faafia ea le lamepa a e amio leaga,
oona; ua i ona luga o mea e matautia ma oo atu ia te i latou lo latou
26 tia. Ua teteu pouliuli uma e fai malaia, *ma na* tufatufa i ai o pua-
mona oloa; e 'aina o ia e le afi ua le puaga i lona toasa? E tutusa i 18
ulaina; e malaia le ua toe i lona latou ma 'au o saito e *lelea* i le
27 fale ie. E faaali e le lagi lana amio matagi, ua tutusa foi ma le aputi o
leaga; e tulai atu foi le lalolagi e saito ua lelea e le afā. E teu e le 19
28 tetea ia te ia. E avea le oloa o i Atua lana agasala mā lana fanau;
lona fale, e tafea i le aso o lona na te tauia o ia, e iloa ai foi e ia.
29 toasa. O le tofi lenei o le tagata E iloa e ona mata lona malaia, e inu 20
amio leaga mai le Atua, o le tofi foi foi e ia i le toasa o Le e ona le ma-
ua tofia ia te ia e le Atua. losi uma lava. Auā se a ea sona fiafia 21
i lona aiga pe a mavae atu o ia, ma vaeluaina ona masina ua faitauina.

O le tali a Iopu i ana uo.

- 21 ONA tali atu ai lea o Iopu, ua E a'oa'oa atu ea se tasi le poto i le 22
faapea atu, Ina matuā faalogologo Atua? O ia lava le faamasino i e
2 mai ia outou i la'u upu, ia faia le mauululuga. E oti le tasi a o atoatoa 23
lea ma a outou faamafanafanaga. lona manuia, ua matuā saogalemu
3 Ina onosai ia ie te au, a seia ou tau- lava o ia ma le filemu. Ua tutumu 24
tala atu; a mavae atu la'u upu, i le ana fagagāmanu i le suāsusu, ua su
4 tauemu mai pea ia. A o a'u nei, ou foi le aano o ona ivi. E oti foi le 25
te tagi atu ea i tagata? a faapea, se tasi a o faanoanoa lona loto, e lei
5 a le mea e le tiga ai lo'u loto? Ia 'ai foi o ia ma le fiafia. La te taoto 26
outou vaai mai ia te au, ma ia outou faatasi i le elelea, e liloia foi i laua
i ilo.

27 Faauta, ua ou iloa o outou ma-
faufauga, ma manatunatuga tou te
28 faasaua mai ai ia te au. Auā ua
outou fai mai, O ifea o i ai le fale o
le faasaua? o ifea foi fale ie e mau
29 ai e ua amio leaga? Ua outou le
fesili ea ia te i latou o e ui ane i le
ala? pe tou te le iloa foi o latou
30 faailoga? Ua tuu le tagata amio
leaga mo le aso o le malaia; e ta'i-
ta'iina atu i latou i le aso o le toasa
31 tele. O i ea na te ta'u atu lona ala
i ona luma? o ai foi na te tau i atu
32 ia te ia o mea na ia faia? E avea
foi o ia i tuugamau, e leoleo foi *se*
33 *tasi* i le loa. E suamalie ia te ia le
elele o le vanu, e mulimuli solo atu
foi ia te ia o tagata uma, o e ua
muamua foi ia te ia e le na faitau-
34 lia. A faapefea ona outou faama-
talaloto mai fua ia te au? auā ua
pepelo a outou tali,

O le tolu o aoaiga a Elifasa.

22 ONA tali mai ai lea o Elifasa le
2 Timanu, ua faapea mai, E aoga ea
le tagata i le Atua, e pei ona aoga o
3 le ua potō ia te ia lava? Se mea ea
e fiafia ai Le e ona le malosi uma
lava ina ua e amiotonu? po ua aoga
4 *ia te ia* ina ua sao o au amio? E
faia ea e ia se fīnuga ma oe ona o
le mata'u ia te oe? na te faia ea se
faamasinoga faatasi ma ce?
5 E le ua tele ea au amio leaga, e
6 ai foi se gataaga o au agasala? Auā
ua e talia fua lava mai ou uso le
mea tuu faafaatau; ua e to ese foi
7 ofu o e matitiva. Ua e le avatua
le vai i le uā lailoa ia inu ai; ua e le
avatua foi le mea e 'ai i le ua fia 'ai.
8 A o le tagata malosi, ua *fai* mona
le lauelele; ua mau ai foi le alii
9 mamalu. Ua e aaufuaina atu fafine
ua oti a latou tane; ua gauia foi
10 lima o e ua aumatuā. O le mea lea
ua siosiomia ai oe i mallei; ua faa-
atuatuvaleina ai foi oe i le mata'u
11 faafuasei; po o le pouliuli e te le
ilōa ai *se mea*, ma vai e tele ua lofia
12 ai oe. E lē o i le lagi i luga ea le
Atua? Ina vaai ia foi i le maua-
luga o fetu, ua maualuluga lava!
13 Ua e fai mai foi, Pe silafia mai faa-
pefea le Atua? E mafai ea ona
faamasino mai o ia i tua mai o le
14 pogisa? Ua fai ao uliuli ma pui-

pui ia te ia, ua ia le silafia mai ai;
ua faafioai foi o ia i le faataaliolio o
le lagi.

Ua e mafauau ea i le ala tuai na 15
savavali ai tagata amio leaga? O 16
e na aveeseina faafuasei, na lofia o
latou faavae i le lolo. O e na fai 17
atu i le Atua, Ina alu ese ia oe ia te
i matou; i le ma lea, Se a se mea e
faia e Le e ona le malosi uma lava
mo i latou? A e peitai sa faatu- 18
muina e ia lava o latou fale i mea
lelei. Ia mamao ia te au le filifiliga
a e amio leaga! E iloa e tagata 19
amiotonu, ma latou olioli ai; o e ua
sao foi a latou amio, latou te tauemu
ia te i latou. E, ua fano le na fai i 20
tatou mona fili, ua faaumatia i le afi
la latou faulaigāmea!

Ia e faamasani ma ia, e te filemu 21
ai; o le mea lea e oo mai ai le ma-
nuia ia te oe. Ia e talia le tulafono 22
mai lona fofoga, ma ia e tuu ana
afoga i lou loto. Afai e te foi atu 23
i Le e ona le malosi uma lava, e
atiina ae ai oe; ia e faateamamao-
ina le amioletonu i ou fale ie. Ona 24
e teu ai lea o auro e sili i le efuefu,
o auro foi o Ofeira e *pei* o maa o
alia. E avea foi Le e ona le malosi 25
uma lava ma au auro, ma faulaigā-
ario ma oe. Ona e fiafia ai lea i Le 26
e ona le malosi uma lava, ma faa-
saga ae ou mata i le Atua. E te 27
talotalo ia te ia, na te faafofoga mai
foi ia te oe; e te faataunuaina foi
mea na e tauto ai. O le mea foi e 28
te filifili e fai, e faatumaina lea mo
oe; e pupula foi le malamalama i
ou ala. Pe a faamaulaloina *nisi*, 29
ona e fai atu lea, E faaeaina. Na
te faaolaina foi le ua faamaulalo.
Na te laveaiina le ua sala; e laveai- 30
ina foi o ia e ou lima mamā.

O le tali a Iopu ia Elifasa.

ONA tali atu ai lea o Iopu, ua 23
faapea atu, O lenē lava aso ua tele 2
ai lo'u tagi; ua mamafa ifo le aao
ua oo mai ia te au e sili i lo'u ma-
puitiga. E, ta fia iloa po o ifea le 3
mea ou te maua ai o ia; ia ou oo
atu lava i lona afoga! Ou te 4
sauni atu i ona luma *lo'u* fīnuga,
ma faateleina a'u upu e faatonu atu
ai. Ou te iloa ai *ana* afoga na te 5
tali mai ai ia te au; ou te faalogo

atu ai foi pe se a lana e fetalai mai
 6 ai ia te au. E finau mai ea o ia ia
 te au i *lona* malosi tele? E leai; a
 e manatu mai lava o ia ia te au.
 7 Ona fai ai lea e le ua amiotonu le
 faatōnuga ma ia; ona ou sao ai lea
 e faavavau i le na te faamasino mai
 8 ia te au. Faauta mai, ou te alu atu
 i luma, a e le o i ai o ia, ma tua foi,
 9 a e ou te le iloa o ia. *Ou te alu* i le
 itu tauagavale o loo galue ai o ia, a
 e ou te le maua o ia; ua ufitia o ia
 i le itu taumatau, ou te le vaaia foi
 o ia.
 10 A e peitai ua silafia e ia lo'u lava
 ala; a tofotofoina a'u, ou te sao atu
 11 ai e pei o le auro. Ua tumau o'u
 vae i ona tulagaaao; ua ou tausisi i
 lona ala, ua ou le liliu ese ai lava.
 12 Ua ou le alu ese foi i le poloaiga a
 ona laufofoga; ua sili lo'u tausi i
 afioga a lona fofoga i a'u sauniga.
 13 A o ia e tasi lava lona *finagalo*, Po
 o ai ea se faafoi atu ia te ia? Ua
 faia e ia le mea ua ia finagalo i ai.
 14 Auā e faataunuina e ia le mea ua
 saunia mo a'u. E tele foi mea faa-
 15 pena ua ia te ia. O le mea lea ua
 ou atuatuvaale ai i ona luma; a ou
 manatunatu, ona ou mata'u ai lea ia
 16 te ia. Auā ua faavaivaia e le Atua
 lo'u loto; ua faaatuatuvaaleina foi
 a'u e Le e ona le malosi uma lava;
 17 ina ua le faaumatia a'u a o lei oo
 mai le pouliuli; mona ua le ufitia e
 ia le pogisa ai o'u luma.

O toe upu o le tali a Iopu ia Elifasa.

24 UA le lilo tausaga i Le e ona le
 malosi uma lava, o lenei, se a le
 mea ua le iloa ai ona aso e i latou
 2 ua masani ma ia? Ua sii tuaoi e
nisi; ua latou faoa le lafu *mamoe*,
 3 ma latou fafaga ai. Ua latou avea
 le asini a e ua aumatua, ua latou
 ave le povi a le fafine ua oti lana
 tane e fai ma mea tuu faafaatau.
 4 Ua latou tuleia e ua matitiva nai
 le ala; ua lalafi faatasi ai o e ua
 5 puapugatia i le nuu. Faauta, e *pei*
 o asini o le vao i le vao, latou te o
 atu ai i a latou galuega, e ala saili
 i se mea e fao; o le vao latou te
maua mai ai mea e 'ai ma a latou
 6 fanau. Ua latou selesese mea e
 faga ai a latou manu i le fanua
 ese; ua latou tau le fua o le tovine

ua maua i le amio leaga. Ua aoina 7
 o latou o faasautia o e matitiva, e
 leai foi *so latou* ie afu i le maalili.
 Ua sūsū i latou i le timuga i mauga, 8
 ua pipii foi i le papa ina ua leai se
 mea e malu ai. Ua latou faoa i le 9
 susu o *lona tinā* le tama ua oti lona
 tamā; ua latou talia foi le mea tuu
 faafaatau i le ua mativa. O i latou 10
 ua fealuai ai le ua mativa ma le le
 lavalavā; ua fia aai foi i latou o e
 tautuu a latou fusi saito. Ua latou 11
 tatau le suāuu i o latou fale, ua
 latou solisoli i o latou soligāvine, a
 ua latou fia inu.

O loo feoi tagata i le aai, o loo 12
 alalaga foi e ua manunua; a e lei
 ta'usalaina i latou e le Atua. E i 13
 ai latou nei faatasi ma i latou e
 foua le malamalama; latou te le
 iloa ona ala, latou te le tumau foi
 i ona magāala. Ua tulai i le-vave 14
 ao le fasi tagata, ua ia fasioti i le
 ua puapugatia ma le ua mativa;
 ua pei o se gaioi foi o ia i le po. Ua 15
 faatalitali foi le tagata mulilua i le
 segisege, o loo faapea ifo, E le iloa
 a'u e se tasi; ua ia ufufi foi ona
 mata. Latou te elia *pa o* fale i le 16
 po, ua puipua i latou e i latou i le
 ao; ua latou le iloa le malamalama.
 Auā ua tusa ia te i latou le taeao 17
 ma le ata o le oti, ina ua latou iloa
 mea matautia o le ata o le oti. E 18
 tusa ia ma se mea māmā i luga o le
 vai; ua faafanoia o latou tofi i le
 lalolagi; ua le faasaga o ia i le ala
 i tovine.

Ua faaumatia vai kiona i le la 19
 ma le vela, e faaumatia foi o e
 agasala i le tuugamau. E faagalo- 20
 galoia o ia e le manava o *lona*
tinā; e suamalie o ia i ilo, e le toe
 manatua o ia; e gauiā foi le ua
 amioletonu e pei o le laau.

E agaleaga o ia i le fafine pa ua 21
 le fanau; ua ia le agalelei foi i le
 fafine ua oti lana tane. E tosina 22
 foi e ia e ua malolosi i lona malosi;
 a tulai o ia, ona le faatuatua ai lea
 se tasi i lona ola. E tuuina e le 23
Atua ia te ia ia saogalemu, ua ia
 faalagolago foi i ai; e silasila foi o
 ia i o latou ala. E faamualuluga- 24
 ina i latou i nai aso, ona leai lea o i
 latou; ua faaumatia foi i latou, ua
 faapopotoina e pei o tagata uma;

25 e salaina foi i latou e pei o le tumu-
tumu o le 'au saito. Afai e le faa-
pea, o ai se na te faailoa mai lo'u
pepelo, ma faaleagaina la'u upu?

O le toe upu a Pilitati.

25 ONA tali mai ai lea o Pilitati le
Sua, ua faapea mai, Ua ia te ia le
2 pule ma le matautia; na te faa-
tupuina le flemu i ana mea maua-
3 luluga. E mafai ea ona faitaulia
ana 'au? o ai foi *se tasi* ua le pupula
4 i ai lona malamalama? O lenei, pe
faapefea ona ta'uamitonuina le ta-
gata i luma o le Atua? pe faapefea
foi ona mamā o ia ua fanau mai i
5 le fafine? Faa'uta, o le masina ua
le pupula lea; o fetu foi ua le
6 mamā ia i lana silafaga. E atili
ai ona faapea le tagata ua se tuga
ia, ma le fanauga a tagata ua se
ilo ia.

*O le tali a Iopu ia Pilitati. Ua
ta'u mai ai le mana o le Atua.*

26 ONA tali atu ai lea o Iopu, ua
2 faapea atu, Ua faapefea ea ona e
fesoasoani i le ua leai sona malosi,
3 ma faamallosia le lima vaivai? Ua
faapefea ea ona e faatonu i le ua
leai sona potu, ma faailoa tele mai
4 le tonu? Ua e ta'u mai ea ia upu
ia te ai? Se atamai ea o ai ua oo
mai mai ia te oe?

5 E gatete agaga o e ua oti ua i
lalo, o le moana foi atoa ma mea
6 o i ai. Ua taatia fua seoli i ona
luma, e leai foi se nifui o le mea o
7 i ai le malaia. Ua ia folasia le itu
i matu i luga o le va nimonimo, ua
ia tautauina le lalolagi, a e leai se
8 tautaulaga. Ua ia 'ofu'ofuina vai i
ona ao uliuli, a e le masae le ao i
9 ona lalo. Ua ia puipua luma o
lona nofoālii, ua ia fofola ifo lona
10 ao i ona luga. Ua tusi faataaliolio
e ia tuluiga o le fogātai, e oo i le
gataaga o le malamalama atoa ma
11 le pouliuli. Ua luluina pou tu o le
lagi, ua fememeai foi i lana aoaiga.
12 O lona mana na te faamalūina ai le
sami, o lona potu foi na te taia ai
13 lona faamaualaga. O lona agaga
ua ia faamatagofie ai le lagi; ua
manua foi i lona aao le gata tele-
vave. Faa'uta, o mea aupito mai ia
a ona ala, a e matuā itiiti se mea

ua tatou lagona ia te ia; a o le
faititili o lona malosi, o ai se lagona
lea?

O upu a Iopu.

UA sauni atu pea foi e Iopu lana
lauga, ua faapea atu, O loo soifua
le Atua, o le ua aveesea lo'u faama-
sinoga; o Le e ona le malosi uma
lava o le ua faatiga mai ia te au.
O aso uma ua i ai ia te au lo'u ola,
ua i ai foi i o'u pogaisu le mānava
mai le Atua, e le tautala ai lava o'u
laugutu i se mea le tonu, e le tau-
tala foi lo'u laulaufaiva i se mea
pepelo. Ia mamao lava ia te au
ona ou ta'ua outou ua tonu; seia
oo lava i lo'u oti ou te le faateaina
lava la'u amio sao. Ou te taofimaui-
ina la'u amiotonu, ou te le tuua
lava; e le faaleagaina a'u i lo'u loto
i o'u aso uma.

O lē ua fai a'u mona fili, ia avea
o ia e pei o se tagata amio leaga; o
lē ua tulai mai foi ia te au, ia pei o
le ua amioletonu. Auā e ui lava
ina ua mau mea le tagata faalema-
tau, se a lona faamoemoe pe a avea
e le Atua lona agaga? E faafofo-
gaina ea e le Atua lana alaga, pe a
oo ia te ia le puapuaga? E fiasia
ea o ia i Le e ona le malosi uma
lava? E valaau ea o ia i le Atua i
aso uma?

Ou te a'oa'o atu ia te outou i le
aao o le Atua; ou te le natia mea
ua i ai i Le e ona le malosi uma
lava. Faa'uta, ua outou iloa e outou
uma lava; o lenei, se a le mea ua
outou fai mai ai upu matuā faatau-
vaa? O lenei le tofi o-le tagata
amio leaga mai le Atua, o le tofi foi
o e faasaua latou te maua mai i Le
e ona le malosi uma lava. Afai e
faatoateleina ona atalii e fai i latou
mo le pelu; e le maona foi ana
fanau i mea e 'ai. E tanumia e le
oti e o totoe ia te ia; e le fetagisi
foi ona fafine ua oti a latou tane.
E ui ina faafaupue e ia o ario e pei
o le efuefu, ma sauni ofu e pei o le
omea; e saunia e ia, a e ofu ai le ua
amiotonu, e tufatufa foi ario e le
ua sao lana amio. Ua ia faia lona
fale e pei o se pepe, e pei o se fale
apitaga foi ua faia e le leoleo. E
taoto le mauoa, a e le faapoopoiaua

atu i ona tamā; e pupula ona mata,
 20 ona leai ai lea o ia. E oo atu ia te
 ia mea matautia e pei o vai, e avea
 21 o ia e le asiosio i le po. E lelea o
 ia e le matagi mai sasae, ona alu ai
 lea; e matuā lelea ese ai o ia i le
 22 mea sa nofo ai. E faaoo e le *Atua*
 ia mea ia te ia, a e le faasaoia; e
 23 matuā fia sola ese ia i lona aao. E
 pāti lima tagata ia te ia, ma tuliuisa
 ia te ia ai le mea e nofo ai o ia.

O upu a Iopu.

28 O I ai lava le mea e maua ai le
 ario, ma le mea mo le auro latou te
 2 faamamāina ai. E maua le uamea
 i le eleele, e tunu ia liu suāvai le
 3 maa e maua ai 'apa memea. E faa-
 gataina e le tagata le pouliuli, e
 matuā suesueina foi e ia mea uma;
 o maa o i ai i le pouliuli ma le ata
 4 o le oti. E elia e ia le lua maulalo
 e mamao ma le mea e nonofo ai
 tagata, e faagalogaloia e le vae;
 ua latou tautau ma tāupe e mamao
 5 ae ma tagata. E tupu mai mea e
 'ai i le lauelele; o ona lalo foi pe
 6 a suatia e i ai e peiseai o le afi. O
 ona maa o le mea lea e i ai safaira,
 7 e i ai foi efuefu auro. O le ala i ai
 e le iloa e le manu lele e feai, e le
 8 vaai i ai foi mata o le aia. E le
 savavali i ai manu feai, e le ui ai le
 9 leona. E tago atu le lima o le ta-
 gata i le papa alā, na te fulisia
 10 mauga ai o latou vae mauga. E
 foa e ia alāvai i papa; e vaai atu
 11 foi ona mata i mea tāua uma. E
 punitia e ia vaitafe ia le tulutulu
 ifo; na te au mai foi i le malama-
 lama le mea sa lilo.
 12 A o le poto e maua lea ifea? po
 o ifea foi le mea o i ai le mafaufau?
 13 E le iloa sona tau e le tagata; e le
 14 maua foi i le nuu o tagata ola. Ua
 fai mai le moana, E le o i ai lea ia
 te au; ua fai mai foi le sami, E le
 15 o ia te au. E le taulia i auro lelei,
 e le fuatia atu foi ario e faatau a'i.
 16 E le faatatauina i auro mai Ofeira,
 po o le soama tāua, po o le safaira.
 17 E le faatusatusa i ai auro ma maa
 tioata; e le fesuiaina foi i teugā-
 18 auro lelei. E le tāua le ramuta ma
 le kapesa, auā a maua le poto e sili
 19 lea i penina. E le faatusatusa i ai
 le topasi mai Kusa, e le faatatauina

i auro lelei. O lenei, pe sau mai 20
 fea le poto? po o ifea foi le mea o
 i ai le mafaufau? auā ua natia i 21
 mata o e ola uma lava, ua lilo foi i
 manu felelei. Ua fai mai le malaia 22
 ma le oti, Ua lagona e o ma taliga
 lona logo.

Ua silasila le Atua i lona ala, o ia 23
 lava ua silafia le mea o i ai. Auā o 24
 loo silasila o ia i tuluiga 'o le lalo-
 lagi; o loo silafia e ia i lalo o le lagi
 uma; ina ia faatatau ai le mamafa 25
 o le matagi, ma ia fuatia ai vai i le
 fua. O ona po na ia faia le tula- 26
 fono mo le ua, ma le ala mo le uila
 o le faititili; Na silafia ai e ia, ma 27
 na faaalila mai ai; na ia saunia, ma
 na suesueina lava. Na fetalai mai 28
 foi o ia i le tagata, Faauta, o le
 mata'u i le Alii, o le poto lava lea;
 o le 'alo ese i le amio leaga, o le
 mafaufau lea.

O upu a Iopu.

UA sauni atu pea foi e Iopu lana 29
 lauga, ua faapea atu, E! ta fia faa-
 pei o masina ua mavae; e pei o aso 2
 na tausii mai ai le Atua ia te au;
 ina o pupula mai lona lamepa i luga 3
 ae o lo'u ulu, ma ua ou mafaia ona
 savali i le pouliuli ona o lona ma- 4
 lamalama; e pei ona i ai o a'u i ona
 po o lo'u malosii, ina o ma faauo ma 5
 le Atua i lo'u fale ie; ina o faatasi
 ma a'u Le e ona le malosii uma lava, 6
 ma ua vagaia a'u e la'u fanau; ina
 o mulumuluina o'u vae i le suāsusu;
 na faapunaia mai foi e le papa tafe 7
 suāuu mo a'u; ina ou ui ane i le aai
 i lo'u alu atu i le faitotoa, ma ou 8
 sauni lo'u nofoa i le malae. Na
 iloa mai a'u e taulelea, ma latou 9
 'alo'alo ese ai; na tulai foi toeaina,
 ua latou laulaututū. Na faalologo 10
 alii sili, ma tuu o latou lima i o
 latou fofoga. Na faalologo ai siu- 11
 fofoga o alii; na pipii ae foi o latou
 laulaufaiva i o latou gutu. Na faa-
 logo mai taliga, ona faaamuia mai 12
 ai lea ia te au; na iloa mai e mata,
 ona vivii mai ai lea ia te au. Auā 13
 na ou laveaina le ua puapugaina,
 ina ua valaau mai o ia, ma le ua
 aumatuā, atoa ma le ua leai sona
 fesoasoani. Na oo mai ia te au le
 faamanū o le na f'i a fano; o a'u
 foi na pese fiafia ai le loto o le

- 14 fafine ua oti lana tane. Na fai le
amiotonu mo'u ofu, ma ou ofu ai;
na fai la'u faamasinoga e peiseai o
15 se ofu talaloa ma se pulou. Na fai
a'u ma mata o le tauaso, o vae o le
16 pipili, o a'u lea. Na fai a'u ma
tamā o e ua matitiva; na ou sue-
sueina foi le finauga sa ou le iloa.
17 Na ou gagauina gao o le amio leaga,
ma ou seia i ona nifo le mea na
18 faoa. Na ou faapea foi, Ou te oti
i lo'u ofaga, e faateleina foi o'u aso
19 e pei o le oneone. Na sosolo atu
o'u aa i le vai, na sautia foi o'u la i
20 le po atoa. Sa fou lo'u mamalu ia
te au, ma la'u aufana sa faafouina
pei i lo'u lima.
- 21 Sa faalogologo mai *tagata* ia te
au, ma faatalitali mai, sa latou le
22 tautala *ina ua fai* la'u pule. E lei
toe fai mai i latou *ina* ua mavae atu
la'u upu; sa mālīe lava la'u lauga ia
23 i latou. Sa latou faatalitali mai ia
te au e pei *ona faatalitali* i le ua;
sa latou faamaga o latou gutu e *pei*
24 *ona faamaga* i le uaga mulimuli. A
ou 'atafata ia te i latou, latou te lei
taofi i ai; latou te lei faateaina foi
25 o'u mata fiasia. Sa ou filifilia lo
latou ala; sa ou nofo atu foi o le
sili *ia te i latou*; ma ou nofo e pei
o se tupu i *ana* 'au, e faapei o le na
te faamatalaloto i e o faanoanoa.

O upu a Iopu.

- 30 A O ona po nei ua tapisa mai ai
ia te au i latou e ititi o *latou* aso i
o'u; ta 'ino'ino e tuu faatasi o latou
2 tamā ma uli o lo'u lafu mamoe. A o
le malosi o latou lima se a ea lona
aoga ia te au, o e ua mavae lo latou
3 malosi? O le mativa ma le oge na
tino vavale ai i latou; na sosola atu
i le nuu naumati, o le pouhiuli, o le
4 taaligoligoa, ma le gaogao. O e na
fafati i maluka i tafatafa o vao iti,
ma aa o ratami e *fai* mā latou mea
5 e 'ai. Na tulieseina i latou i le mea o
i ai *tagata*, na latou tulialaga ia i
6 latou e pei o se gaoi; ia nonofo i
vanu matuā fitā, o ana *foi* o le lau-
7 ceele, ma papa. Na latou fetagisi i
totonu o vao iti, e *pei o asini o le*
8 *vao*; na faapotopotoina i latou i
lalo o le vao ogoogo. O le fanau i
latou a *tagata* vālea; o le fanau foi

a e ua le igoā; na tulieseina i latou
i le nuu.

A o ona po nei ua avea ai a'u ma 9
a latou pese, ua fai foi a'u ma faa-
tauemuga ia te i latou. Ua latou 10
'ino'ino mai ia te au, ma 'alo'alo ma-
mao ia te au; ua latou le taofia o
latou feanuga i o'u luma. Auā ua 11
tālaina e ia la'u maca, ma na faa-
tigaina a'u, ua latou tuulafoai ai le
faagutu i o'u luma. Ua tulai mai 12
tama leaga i lo'u itu taumatau, ua
latou tavae mai i o'u vae, ua latou
tanu foi o latou ala ia malaia ai a'u.
Ua latou lepeti lo'u ala, ua latou 13
faateleina lo'u malaia, e leai se
fesoasoani ia te i latou. Ua latou 14
feosofi mai i le mea ua sofaia ua
lautele; ua latou fetuleni mai i le
mea ua lepetia. Ua faasagasaga 15
mai ia te au mea matautia; ua
latou tuliloa mai i lo'u mamalu e
pei o le matagi; ua mavae atu foi
lo'u manuia e pei o le ao.

O lenei, ua faavaivaia lo'u loto i 16
totonu ia te au; ua maua a'u i aso
o le puapuaga. Ua tiga tele lava 17
o'u ivi i le po, e le mapu i le gāoi o
lo'u tino. O *lo'u ma'i* ina ua matuā 18
tele ua fai mo'u ofu; ua fusi ia te
au e pei o le ua o lo'u ofu tino. Ua 19
ia lafotuina a'u i le palapala; ua
avea foi a'u e pei o le efufu ma le
lefulefu. Ua ou alaga atu ia te oe, 20
a e te le tali mai ia te au; ua ou tu
atu, a e te lei silasila mai ia te au.
Ua liua oe ua e faatiga ia te au; 21
ua e tuliloa mai ia te au i lou aao
malosi. Ua e siitia a'u, ua e faatie-
tie ia te au i le matagi; ua e faavai-
vaia *ma* faamatautia a'u. Auā ua ou 23
iloa e te avea a'u i le oti, ma le fale
ua tofia mo tagata ola uma lava. A 24
e peitai, na te le faaco atu lona aao
i le tuugamau, pe afai e i ai ia te i
latou le tatalo i lona *faaovina* o le
malaia.

Ou te lei tagi ea ona o le na pua- 25
puagatia? e lei faanoanoa ea lo'u
loto ona o le ua mativa? Na ou 26
faatalitali i le lelei, ona oo mai ai
lea o le leaga; na ou faamoemoe
foi i le malamalama, ona oo mai ai
lea o le pogisa. Ua sapotuvale lo'u 27
manava, ma ua le to'a filemu; ua
oo mai ia te au aso o le puapuaga.
Ua ou fealuai ua uliuli a e le o le la; 28

29 ua ou tulai i le faapotopotoga, ma
 30 ou alaga. Ua avea a'u ma uso o
 31 tanimo, ma uo o iaena. Ua uliuli
 lo'u lava pa'u, ua mu foi o'u ivi i le
 vevela. Ua liua foi la'u kitara ma
 faanoanoaga, o la'u faaili foi ua liua
 ma leo o e fetagisi.

O toe upu a le lauga a Iopu.

31 UA ou osia le feagaiga ma o'u
 mata, se a foi le mea ou te manatu
 2 ai i se taupou? Se a foi le tofi mai
 le Atua o i lugā? ma le tofi mai Le
 e ona le malosi uma lava o i mea
 3 mauafuluga? E le ua tuu ea le
 malaia mo le ua amio leaga, ma le
 puapuaga mo e ua fai mea leaga?
 4 Ua le silasila ea o ia i o'u ala, ma
 5 faitaulia o'u laasaga uma? Afai ua
 ou savali ma le pepelo, po ua tele
 6 vavave o'u vae i le faa'ole'ole, ia
 fuatia a'u e ia i le fua faatautau
 tusa, ia silafia ai e le Atua ua sao
 7 la'u amio. Afai ua o ese o'u vae i le
 ala, ma mulimuli atu lo'u loto i o'u
 mata, ma pipii mai se mea leaga i
 8 o'u lima; ia ou luluina atu saito, a
 ia 'aina e se tasi; ia liaiina foi a'u
 mea e tutupu.

9 Afai ua olegia lo'u loto i se fafine,
 po ua ou lamalama i le faitotoa o lē
 10 ma te tuaoi; ia olo ai saito e la'u
 avā mā se tasi, ia taotoo foi ma ia
 11 isi tane. Auā o le agasala tele lea, o
 le pagota foi lea e faasalaina e faa-
 12 masino. Auā o le afi lava lea e susu-
 nuina ai seia oo ina faamatatia; e
 liaiina ai foi a'u mea uma ua tu-
 tupu.

13 Afai ana ou le mafai ona faa-
 masinoina mea a la'u auaua tane
 ma la'u auaua fafine, ina ua la
 14 finau mai ia te au; se a foi se mea
 ou te faia pe a tulai mai le Atua?
 Se a foi sa'u e tali atu ai ia te ia pe
 15 a faamasino mai o ia? O lē na faia
 a'u i le manava, e le o ia foi lea na
 faia o ia? E le o le toatasi ea foi na
 ia faia i maua i le manava?

16 Afai ua ou taoi se mea na mana-
 nao i ai o e matitiva, po ua fole talu
 17 ina mata o le fafine ua oti lana
 tane; po ua ou 'ai toatasi na o a'u i
 la'u mea e 'ai, a e lei 'ai ai foi le ua
 18 aumatuā. Auā na ma tutupu talu
 ina ou itiiti, e peiseai o lona tamā
 a'u; talu foi ina fanaua mai a'u e

lo'u tinā, ua ou tausi i le fafine ua oti
 lana tane.

Afai ua ou iloa se tasi a fano ina 19
 ua leai sona ofu, ma se ua mativa
 ua leai sona lavalava; afai ua le 20
 faāmanu mai ia te au lona sulu-
 gatiti, afai foi ua le mafanafana o
 ia i felufulu o a'u mamoe; afai ua 21
 ou sii atu lo'u lima i le ua aumatuā,
 ina ua ou iloa i le faitotoa le feso-
 soani ia te 'au; ia paū ese ai lo'u 22
 tau'au i le ivisa, ia fa'ia foi lo'u lima
 ai le tulilima. Auā ua ia te au le 23
 mata'u i le malaia mai le Atua; ua
 ou le mafaia foi ona o lona silisili.

Afai ua ou fai auro ma mea ou te 24
 faalagolago i ai, po ua ou fai atu i
 auro, O lo'u faatuatuaga oe; afai ua 25
 ou olioli ina ua tele lo'u oloa, ina ua
 maua foi e o'u lima mea e tele, afai 26
 ua ou vaai i le la ina ua pupula mai;
 ma le masina ina ua alualu ae, ma
 susulu mai; ma ua olegia faalilolilo 27
 lo'u loto, ma ua miti ai lo'u gutu i
 lo'u lima; o le agasala lava lea e 28
 faasalaina e faamasino; auā o le
 tuua lea e a'u o le Atua o i lugā.

Afai ua ou olioli i le malaia o le 29
 ua 'ino'ino mai ia te au, ma ou faa-
 tuumana ina ua maua o ia i le leaga;
 ua ou le mafaia foi ona agasala lo'u 30
 gutu i le ole atu ia faafanoina o ia.

Ua le fai ane ea o lo'u ua aiga, O 31
 ai ea ua le ma'ona i ana manu? E 32
 lei moe i fafo le tagata ese; ua ou
 faaavanoa lo'u faitotoa ma malaga.

Afai ua ou ufufu lo'u solitulafono 33
 e pei o Atamu, i lo'u natia o la'u
 agasala i lo'u loto, ia ou fefe lava i 34
 le vao tagata e toatele; ia faaatu-
 atuvaleina a'u i le 'ino'ino mai o
 aiga; ia ou faalologo foi, ia ou le
 toe ulufafo i le faitotoa.

E! fia faafogaina mai a'u e ia. 35
 Faauta, o lo'u faailoga; ia tali mai
 Le e ona le malosi uma lava ia te
 au, ma ia tusia se tusi e le tagata ua
 finau mai ia te au. Ou te faafuata- 36
 ina lava; ou te nonoaina lava e fai
 mo'u pale. Ou te faaali atu ia te ia 37
 le faitau o o'u laasaga; ou te faa-
 latalata atu ia te ia e pei o se alii
 sili.

Afai e alaga atu lo'u fanua ona o 38
 a'u, ma fetagisi faatasi ona atu pue;
 afai ua ou 'aina ona fua ma le le 39
 tauia, ma ou faasaunua i e pule i ai,

40 ia tupu mai ai le laau talatala e sui
a'i le saito, ma le vao leaga e sui a'i
le karite!

Ona gata lea o upu a Iopu.

O le amataga o le lauga a Eliu.

32 ONA le toe tali mai ai lea o ia
tagata e toatolu ia Iopu, auā ua
amiotonu o ia i lona lava manatu.

2 Ona tupu ai lea o le ita o Eliu le
atalii o Parakelu, o lo sa Pusā o so
le aiga o Rama, na tupu lona ita ia
Iopu, ina ua ta'uamiotonuina e ia o

3 ia, a e le o le Atua. Ua tupu foi
lona ita i ana uo e toatolu, ina ua
latou le mautali, a ua latou faasala

4 *pea* ia Iopu. Ua faatalitali Eliu ia
Iopu, seia uma atu upu, auā ua toe-

5 aina i latou, a e itiiti o ia. Ua vaai
atu Eliu, ua leai se tali i fofoga o ia
tagata e toatolu, ona tupu ai lea o

6 lona ita. Ona tali mai ai lea o
Eliu le atalii o Parakelu, o lo sa
Pusā, ua faapea mai, Ou te itiiti a'u,
a e toeaina lava outou, o le mea lea

7 sa ou mata'u ai, ma ou fefe e faailoa
atu ia te outou la'u taofi. Sa ou

8 faapea, Ia tautala mai aso, ia faailoa
mai le potō e le tele o tausaga. A
e peitai o i ai lava le agaga i totonu

9 o le tagata; o le mānava foi a Le e
ona le malosi uma lava e faapopo-

10 toina ai i latou. E le laupopoto e
ua sili; e le lausilafia foi le tonu e

11 toeaina. O le mea lea ou te fai atu
ai, Faafofoga mai ia ia te au, ou te

12 faaali atu foi e a'u la'u taofi. Faa-

13 *uta*, ua ou faatalitali i a outou feta-

14 laiga; ua ou faalogologo atu i a
outou mafaufauga, seia filifili ni a

15 outou fetalai. Ua ou mafaufau
foi i a outou *upu*; faauta foi, e leai

16 so outou ua na aoai tonu ia Iopu,

17 *po* ua tali atu i ana upu. Ne'i outou
fai ane, Ua maua e i matou le potō;

18 ua faiaia o ia i le Atua lava, a e le

19 o tagata. Ua ia le sauni ana upu
ia te au, ou te le tali atu foi ia te ia

20 i a outou upu.

21 Ua fememeai i latou; ua le toe
tali mai; ua latou tuu a latou feta-

22 laiga. Ua ou faatalitali foi ina ua
latou le tautala; a ua faalologo i

mai ia te au le agaga o i totonu ia
te au. Faauta, o lo'u loto ua pei o 19
le uaina e lei tālaina, ua tāli pa e
pei o fagu pa'u fou. Ou te tautala 20
atu, ia ou mānava ai, ou te faamaga
o'u laugutu, ma ou tali atu ai. Aua 21
lava ne'i ou faailogaina se tagata;
aua foi ne'i ou faaneenee i se tagata.
Auā ou te le mafai ona faaneenee 22
atu, ne'i avea faafuasei a'u e Le na
faia a'u.

O upu a Eliu.

O LENEI, Iopu e, faafogafoga 33
mai ia i la'u tautalaga, ma liliu mai
ou fofoga i a'u upu uma. Faauta, 2
ua ou faamaga atu lo'u gutu, ua
tautala lo'u laulaufaiva i lo'u gutu;
o le faamaoni o lo'u loto e *fai atu* 3
ai a'u upu; e tautala atu o'u lau-
gutū i le potō e sao ona lelei. Na 4
faia a'u e le Agaga o le Atua; o le
mānava foi a Le e ona le malosi
uma lava ua ola ai a'u. Afai ua e 5
mafaia, ina tali mai ia ia te au, ina
sauni mai ia ia te au; ina tulai mai
ia. Faauta, o a'u nei o le sui o le 6
Atua, e pei ona e fetalai mai ai. O
a'u foi, ua faia a'u i le eleele. Faa- 7
uta mai, e le faamatautia oe i so'u
matautia; e le mamafa foi la'u
avega i luga ia te oe.

Ua e fetalai mai lava o loo ou 8
faalogo atu, ua ou lagona atu foi
upu o lau fetalai, *ua faapea mai*,
Ua mamā a'u; ua aunoa ma le soli- 9
tulafono; ua sao a'u; e leai foi sa'u
agasala. Faauta, ua ia saili mea e 10
toasa mai ai ia te au, o lona manatu
ia te au, o a'u le ita ia te ia. Ua ia 11
tuu o'u vae i laau faamau, ua ia
lamalama i o'u ala uma.

Faauta, ua e le amiotonu i lenei 12
mea; ou te tali atu ia te oe, auā ua
sili le Atua i tagata. Se a le mea 13
ua e finau atu ai ia te ia? auā ua ia
le faamatala mai se tasi o ana mea.
Auā ua fetalai mai le Atua faatasi 14
ma faalua, a ua le manatu i ai
tagata. O le miti, o le mea e vaia 15
i le po, ina o moe gagase tagata, ina
o momoe i *latou* i luga o moega;
ona faafaalogo ai lea e ia o taliga o 16
tagata, ma faamauina atu ai le mea
ua a'oa'oina ai i latou e ia. Ina ia 17
liliueseina le tagata *ai lana* mea e
fai; ia faalilo foi i le tagata le faa-

- 18 maualuga. Ua ia taofi ia te ia ia le 6
oo i le lua, atoa ma lona ola ia le
faaumatia i le tao.
- 19 Ua acaina oia i luga o lona moega 7
i le tiga, ma le *tiga* tele o ona ivi e
- 20 le aunoa. Ua 'ino'ino foi o ia i mea 8
e 'ai, *ua le* manao foi i mea suama-
- 21 lie. Ua faaumatia lona aano, ua le 9
iloa; ua aliali mai ona ivi sa le iloa.
- 22 Ua faalatalata foi o ia i le tuuga-
mau, ma lona ola i e fasioti.
- 23 Afai ua ia te ia le Agelu, o le 10
Puluvaga, Le ua sili i le toaafe, e
faaali atu i le tagata lana amiotonu.
- 24 Ona alofa lea o ia ia te ia, ma fetai-
lai ane, Laveai mai ia ia te ia, nei
alu ifo i le lua; ua ou maua le togi-
ola. E toe ola lelei ai lona tino e
sili i le tama itiiti, e toe foi o ia i
25 ona po o lona taulealea. E tatalo
o ia i le Atua, ona finagalo mǎlie
mai ai lea o ia ia te ia; e iloa foi e
ia ona fofoga ma le olioli; na te
faafoi mai foi i le tagata lana amio-
26 tonu. E faasagasaga o ia i tagata,
ma fai atu, Ua ou agasala, ua ou
faia le amio faapiopio, a ua le tauia
27 mai ia te au. Na te laveaiina o ia,
ina ia le oo i le lua; e iloa foi e ia
le malamalama.
- 29 Faauta, ua faia ia mea uma faalua
30 ma faatolu e le Atua i le tagata, ina
ia faafoisia o ia ai le lua, ina ia faa-
malamalaina i le malamalama o
tagata ola.
- 31 Iopu e, liliu mai ia *ou fofoga*, ina
faafogaga mai ia ia te au; alaala
mai ia, ou te tautala atu ai a'u.
- 32 Afai e ai *sau* upu, tali mai ia ia te
au; ia e tautala mai; auā ou teloto
- 33 ina ia ta'uamiotonuina oe. Afai e
leai, ia e faafogaga mai ia te au;
alaala mai ia, ou te a'oa'o atu ai ia
te oe i le poto.
- O upu a Eliu.*
- 34 UA tali mai pea Eliu, ua faapea
2 mai, Faafogafoga mai i a'u upu o
outou o e popoto; o outou o e sila-
fia *mea*, ina liliu mai ia o outou
3 fofoga ia te au. Auā e faamasino
e le taliga i upu, e pei ona tofotofo
4 e le gutu i mea e 'ai. Ina tatou
filifili ia le tonu mo i tatou; ia tatou
iloa e i tatou lava, po o le a le lelei.
5 Auā ua faapea mai Iopu, Ua ou
amiotonu; ua avesea foi e le Atua
- le'u faamasinoga. Ua avea a'u ma 6
pepelo i le'u faamasinoga, ua manua
leaga lava a'u, a e leai so'u solitula-
fono. O ai ea se tagata e tusa ma 7
Iopu, o le ua inu i le faifaiga e pei
ona inu i le vai? o le ua fefaaui 8
foi ma i latou ua fai amioletonu, ma
fecai ma tagata amio leaga. Auā 9
ua ia fai mai, e le aoga i le tagata
ona ia fiafia o ia i le Atua.
- O lenei, tagata atamamai e, faa- 10
fogafoga mai ia ia te au; e mamao
ma le Atua ona ia amio leaga, ma
Le e ona le malosī uma lava ona ia
amioletonu. Auā e tauī atu e ia i 11
le tagata lana lava galuega; na te
faatatau foi i tagata taitoatasi e
tusa ma lona ala. E moni lava e le 12
amioleaga le Atua, e le faapiopioina
foi e Le e ona le malosī uma lava le
faamasinoga. O ai ea ua tofia o ia 13
e pule i le lalolagi? Po o ai foi ua
saunia le atu laulau uma lava?
Afai e faapea ona finagalo o ia ia te 14
ia, na te faafoisia ia te ia lona agaga
ma lana mǎnava; ona oti ai lea o 15
tagata uma lava faatasi, ma toe foi
atu tagata i le elelee.
- Afai *ua ia te oe* le mafaufau, ina 16
e faafogaga mai ia i lenei mea; liliu
mai ia ou fofoga i a'u lava upu. E 17
pule ea lē ua 'ino'ino i le tonu? e
te faasalaina ea foi lē ua matuā
amiotonu lava? E fai atu ea i le 18
tupu, Ua e ulavale? ma alii, Ua
amio leaga *outou*? *Pe fai atu ea* i 19
le na te faailogaina alii sili, ma
ua le sili lona silasila i lē mauoa i
lona silasila i lē mativa? auā o le
galuega a ona aao i latou uma. E 20
oti faafuasei i latou, o le tulua o po
ma ao e faagateteina ai le nuu, ma
mavae atu ai; e avea foi ē malosī,
a e le se lima e *avea ai*. Auā ua 21
silasila o ia i ala o tagata taitoatasi,
ua ia silafia foi ona savaliga uma.
E leai se pouliuli, e leai foi se ata o 22
le oti e lalafi ai o e fai amio leaga.
Auā e le tatau i le tagata ona ma- 23
nao pea ia alu atu i le Atua e fai se
faamasinoga. E tu'imomomoina e 24
ia o e malosī e le mafaitaulia, ma
faatuina e ia nisi e sui a'i i latou.
Ua ia silafia a latou galuega, o le 25
mea lea ua ia lafoia ai i *latou* i le
po, ona tu'imomomoina ai lea o i
latou. Ua amio leaga i latou, o le 26

27 mea lea ua ia sasa ai ia te i latou i
le mea e vaavaai ai *tagata*; ina ua
latou o ese ua le mulimuli ia te ia,
ma ua le manatu i latou i se tasi o
28 ona ala. Ua oo atu ai ia te ia le
alaga o le ua mativa, ua ia faafo-
foga foi i le alaga o e ua puapuaga-
29 tia. A tuuina mai e ia le filemu,
po o ai ea na te faaatuatuvaieina?
a 'alo foi ona fofoga, po o ai se na
te iloa o ia? pe *faia* i se nuu, po o
30 se tagata e toatasi; ina ne'i fai ma
tupu le tagata amio faalematau, ne'i
maileia ai le nuu.

31 E tatatu lava ina fai atu i le Atua,
Ua aoiaina a'u, ou te le toe agaleaga.
32 O se mea ua ou le iloa ia e a'oa'o
mai ai e oe ia te au; afai ua ou faia
se amio leaga, ou te le toe faia.
33 Pe faatatau ea i lou manatu ona
taui atu ai e ia i *amio*, auā ua e
teteina atu, *po* ua e loto i ai lava
oe, a e le o a'u? O lenei, ta'u mai
34 ia se mea ua e iloa. E fai mai ia te
au tagata atamamai, ma le tagata
35 poto o lē faalogo mai ia te au, Ua
tautala Iopu ma le le iloa, ua *fai*
36 ana upu ma le le mafaufau. O lo'u
loto *lenei*, ia matuā suesueina lava
Iopu, ona o ana tali e pei o tagata
37 amio leaga. Auā ua ia faapoopo-
ina le fouvale i lana agasala, ua ia
pati ona lima ia te i tatou, ua ia
faateleina foi ana upu i le Atua.

O upu a Eliu.

35 UA tali mai pea Eliu, ua faapea
mai, E te manatu ea ua tonu lenei
2 mea, ina ua e fai mai, E sili la'u
3 amiotonu i lo le Atua? Auā ua e
fai mai, Se a le aoga ia te oe? se a
4 foi le aoga ia te au *pe* a leai sa'u
agasala? Ou te tali atu ia te oe,
5 atoa ma au uo faatasi ma oe. Ia e
tepa ae i le lagi, ma ia e vaai; ia e
matamata foi i ao ua maua aluga lava
6 i ou luga. Afai ua e agasala, se a
se mea ua e fai ia te ia? *Afai* foi
ua faateleina ou solitulafono, se a
7 se mea ua e fai ia te ia? Afai ua e
amiotonu, se a se mea ua e avatua
ia te ia? se a foi se mea ua ia maua
8 mai lou lima? *Ai e leaga* le tagata
e pei o oe i lau amio leaga; *ai e aoga*
foi i le tagata o lau amiotonu.
9 O le tele o sauaga ua alalaga ai
tagata; ua uio i latou ona o le lima

o e malolosi. A e leai se na te fai 10
mai, Po o ifea o i ai le Atua o le na
faia a'u? O le ua au mai pese i le
po. O le a'oa'o mai ia te i tatou e 11
sili i manu e tataa, ma na faapopo-
toina i tatou e sili i manu fēlelei.
Ua latou alalaga ai, a e le tali atu 12
o ia, ona o le faamaualuga o e amio
leaga.

E le faafofogaina lava e le Atua 13
le *tatalo* faatauva; e le silasila foi
i ai Le e ona le malosi uma lava.
E ui lava ina e fai mai e te le iloa 14
atu o ia, a e ia te ia le faamasinoga;
o lea ia e faatalitali ai ia te ia. A o 15
lenei, ina ua le asiasi mai lona toasa,
ma ua le silasila o ia i le agasala e
matuā tele lava; o le mea lea ua 16
tautala fua mai ai Iopu, ua faatele-
ina upu i lona le iloa.

O upu a Eliu.

UA toe fai mai foi Eliu, Ia e 36
onosai mai pea teisi ia te au, ou te 2
faaali atu ai ia te oe, auā ua totoo
pea upu mo le Atua. Ou te aumaia 3
lo'u poto ai le mea mamao, ou te
ta'uamiotonuina foi le na faia a'u.
Auā e moni lava, e le pepelo a'u 4
upu; ua ia te oe *le tasi* ua faamaoni
lona poto.

Faauta, ua silisili ese le Atua, a e 5
le 'ino'ino o ia i *se tasi*, ua silisili ese
le malosi o *lona* finagalo. Na te le 6
faaola i le ua amio leaga; a e faia e
ia le faamasinoga mo e ua puapua-
gatia. Na te le 'alo ona fofoga i e 7
ua amiotonu; a e *silasila* i tupu i
nifoālii; na te faatumauiina foi i
latou e faavavau, ua faasilisilina 8
foi i latou. Afai foi ua noanoatia
i latou i maea uamea, ma lavelavea
i latou i maea o le puapuaga, ona 9
faaali ai lea e ia ia te i latou o mea
ua latou faia, ma o latou solitulaf-
ono, ina ua tele lava. Ua ia faa- 10
faalogoina foi o latou taliga i aoaiga;
ma fetalai atu, ia latou foi mai nai
le amio leaga. Afai latou te faalogo 11
ma anauna *ia te ia*, ona faauma ai
lea o latou aso o manuia, ma o la-
tou tausaga o fiafia. A e afai latou 12
te le faalogo, ona faaumatia ai lea o
i latou i le tao, e oti foi i latou e le
popoto. A o e ua loto faalematau, 13
ua latou faaputuina le toasa; latou
te le alalaga *ia te ia* pe a noanoatia

14 i latou e ia. E oti i latou a o taule-
lea; e iu foi o latou ola faatasi ma
15 e ua faasotoma. Na te laveaiina le
ua puapuagatia nai lona puapuaga;
na te faafaalogoina foi o latou taliga
a o sauaina i latou.

16 E faapea foi ona ia ta'ita'iescina
o oe ai le mea va apiapi i le mea
lautele e le o i ai se va apiapi; o le
mea foi e laulauina i lau laoi e
17 soona lololo *lea*. A ua e faaatoa-
toaina le faamasinoga a e amio
leaga; e mulimuli le faasala i le
18 faamasinoga. Auā ua i ai le toasa,
ia oe, ne'i aveesea oe e ia i le sasa;
ona le faasaina ai lea oe i se togi-
19 ola tele. Na te finagalo ea i au
oloa? Na te le *finagalo lava* i auro,
po o faulaigāoa uma lava.

20 Aua e te mauao i le po, e avae ai
21 nuu ai le mea o loo latou i ai. Ia
oe, ne'i e loto atu i le amio leaga;
auā ua sili lou loto i lea mea i *lou*
loto i le puapuaga.

22 Faauta, ua silisili ese le Atua i
lona malos; o ai na te a'oa'o e
23 faapei o ia? po o ai ua togia ia te
ia lona ala? o ai foi na te fai atu,
24 Ua e faia amioletonu? Ia e mana-
tua ona vivii i ana galuega o loo
25 vaai i ai tagata; ua matamata i ai
tagata uma lava, ua iloa mamao atu
26 e tagata. Faauta, ua silisili ese le
Atua, tatou te le iloa foi o ia; e le
masino foi le faitau o ona tausaga.
27 Auā e aveina ae e ia faaafuafu o
vai; e totō ifo le ua e sui a'i lona
28 ausa, e mauuluu mai ai i ao; e
29 totō tele mai ai i luga o tagata. E
iloa foi ea se tasi ona fofola o le ao,
ma le taalili mai o lona fale api-
30 taga? Faauta, ua ia fofola i ona
luga lona malamalama; ua ia ufufi
31 foi le iliti tai. Auā o ia mea ua ia
faasalaina ai nuu; ua ia foai mai ai
32 foi mea e 'ai e tele. Ua ia ufitia
ona aao i le uila, na te poloai i ai i
33 se mea e pa'i ai. Ua ia faailoa mai
lona faititili i luga o tagata, i luga o
lafu atoa ma mea e tutupu.

O toe upu i le lauga a Eliu.

37 O LE mea foi lenei ua gatete ai
lo'u loto, ua sapotuvale ai foi i le
2 mea o i ai. Ina matuā faalogologo
atu ia i le taalili o lona siufofoga,
ma le gogolo ua oo atu nai lona fo-

foga. Ua ia ta'ita'iina ai i la'o o le 3
lagi atoa uma, ma lona uila foi e oo
i tuluga o le lalolagi. E mulimuli 4
ane ai, ona taalili mai ai lea o le
leo; ua ia faapā mai le faititili i
lona siufofoga silisili; ua ia le taofi
foi i ai pe a lagona lona siufofoga.
Ua faapā mai e le Atua le faititili 5
silisili ese i lona siufofoga; e faia e
ia mea tetele e le mailoa e i tatou.
Auā e fetalai ane o ia i le kiona, 6
Ina to ia oe i le laueleele; ua faa-
pea foi i le timuga, ma ona uaga e
matuā tetele. Na te taofi lima o 7
tagata uma, ina ia iloa e tagata uma
lana galuega. Ona o ai lea o manu 8
feai i mea latou te fale ai, ma tao-
oto i o latou ana. E sau le asiosio 9
mai le itu i toga, ma le maalili mai
le itu i matu. O le mānava mai o 10
le Atua e au mai ai le vaito'a; e
faaititiina ai foi le lautele o vai.
O lona pupula foi e to ifo ai le ao 11
uliuli; o lona malamalama e taa-
peapea ai ao. E feaveaiina ai e ia 12
faataamilomilo i lana pule, ina ia
fai ai mea uma ua ia finagalo i ai i
luga o le atu laulau uma lava. Na 13
te faaoina mai ai, po o le aoaiga,
po o lona laueleele, po o le alofa.

Iopu e, faafofoga mai ia i lenei 14
mea; ina tulai mai ia, ma mafaufau
i vavega o le Atua. Ua e iloa ea pe 15
faapefea ona saunia o ia mea e le
Atua, ma faaemoina mai e ia le uila
o lona ao? Ua e iloa ea le fuatia o 16
le mamafa o aouliuli, o vavega o Le
e ona le poto atoatoa? Pe faapefea 17
foi ona vevela ai ou ofu ina ua faa-
maninoaina e ia le lalolagi i le ma-
tagi mai le itu i toga? Na oulua 18
fofo'a faatasi ea ma ia le lagi, ua
mālōlō e pei o se faaata 'apa me-
mea? Ina e faailoa mai ia pe se a 19
se upu matou te fai atu ai ia te ia;
matou te le mafai ona sauni atu ai
ona o le pouliuli. E ta'uina atu ea 20
ia te ia ua oo tautala? Afai e tau-
tala atu se tasi, e fano ai lava o ia.
O lenei, e le vaia le malamalama 21
pupula o loo i ao o le lagi; a e agi
mai le matagi, ona matafitasi ai lea.
E sau le pupula faaauo mai le itu i 22
matu; o loo i le Atua le mamalu
matautia. A o Le e ona le malos 23
uma lava, tatou te le mafai ona iloa
o ia; e silisili ese lona malos ma

lona faamasinoga, e sili foi lana
24 amiotonu, na te le agaleaga. O le
mea lea e matatau ai tagata ia te
ia; na te le silasila i se tasi o e o
popoto o *latou* loto.

O le afiga a le Atua ia Iopu.

38 ONA tali mai ai lea o Ieova ia
2 Iopu mai le afā, ua faapea mai, O ai
ea lenei ua na faapouliuligia *latu*
3 pule i upu e le o i ai le poto? Ina
fusi ia lou sulugatiti e pei o le ta-
gata malos; ou te fesili atu foi ia
te oe, ina e faailoa mai ia ia te au.

4 O ifea sa e i ai ina o ou faavaeina
le lalolagi? Ina faaali mai ia pe afai

5 ua e iloa mafaufau. O ai ea na ia
fuafuaina ai, pe afai ua e iloa? O
ai foi ua na faataoto i ai le fua?

6 Ua tuuina ea ona faavae i luga o le
a? O ai ea foi na na tuuina ifo lona

7 maa tulimanu; ina o pepese faatasi
fetu o le taeao, ma alalaga fiasia
atalii uma o le Atua.

8 O ai foi na ia pupuni le sami i
puipui ina ua oo mai e *peiseai* na sau

9 mai le manava? ina ua ou faia le ao
mona ofu, ma le pogisa ma mea e aui

10 ai; ina ua ou tuu atu i ai foi ona
tuaoi, ma avane i ai faamaufaalava

11 ina puipui; ma ou fai atu i *ai*, E te
oo mai iinei, a e te le sopoia; o
iinei foi e pau mai ai ou galu faa-
maualuluga.

12 Talu *le amataga* o ou aso ua e
pule ea i le taeao? Ua e faasino atu

13 ea i le tafa o ata le mea e *aiiali* mai
ai, ina ia tago atu i tuluiga o le

14 lalolagi, ma ia lulueseina ai o e amio
leaga? E liua o ia e pei o le omea i

15 le faamaufaailoga, ona latou tutū
mai ai lea e pei se ofu. E aveesea

16 foi i e amio leaga lo latou malama-
lama, ua gauia foi le lima o *le* ua
faamaualuluga.

17 Ua e oo atu ea i puna o le sami?
po ua e fealualuai ea i mea loloto o

18 le moana? Ua faaalua ea ia te oe
faitotoa o le oti? po ua e iloa ea

19 faitotoa o le ata o le oti? Ua e
mafaufau ea i le lautele o le lalo-
lagi? Ina faaali mai ia, pe afai ua e
iloa *ia* mea uma.

20 O ifea le ala i *le mea* e nofo ai le
malamalama? O le pouliuli foi o

21 ifea le mea e mau ai ia, ina ia e mo-
moli atu ai i lona tuaoi, ina ia e iloa

foi le ala i lona fale? Ua e iloa ea
ia mea ina ua fanau mai oe i ia ona
po, ina ua tele foi le faitau o ou
aso?

22 Ua e ulu atu ea i mea e teu ai le
kiona? ua e vaai ea foi mea e teu
ai le uato'a? o mea ia ua ou tuu
ma ona po o le puapuaga, ma le aso
e tau ai le taua.

23 O ifea le ala e vaevaeina atu ai le
malamalama, e faasalalauina ai le
matagi mai sasae i luga o le lalo-
lagi? O ai ua vaevaeina o alāvai

24 mo uaga, ma le ala mo le uila o le
faititili? ina ia to mai le ua i le

25 lauleele, e le o i ai se tagata; *ma* le
vao, e le āina e tagata, ina ia mālie

26 ai le mea ua taaligoligoa ma le mea
ua gaogao; ina ia faatupuina ai foi

27 le vao iti.

28 E ai ea se tamā o le ua? po o ai
ua fanaua le suāsau? E sau ea le

29 vaito'a mai le manava o ai? O le
sauto'a foi mai le lagi o ai ea na na

30 fanaua? Ua ofitia le vai e peiseai se
maa, ua to'a foi le fogātai.

31 E te mafai ea ona nonoa inoataga
o Kima? Pe te mafaia foi ona ta-

32 tala i fusi o Kisila? E te mafaia ea
ona faaooina mai o Masarota i ona

33 lava po? Pe te mafaia foi ona
ta'itai'ina o Asa faatasi ma lana

34 fanau? Ua e iloa ea tulafono i le
lagi? pe na e tuuina atu ea lana

35 pule i le lalolagi? E te mafaia ea
ona faaooina atu lou leo i ao, ia

36 lofia ai oe i vai e tele? E te mafaia
ea ona aauina atu o uila, latou te o

37 ai, ma latou fai mai ia te oe, Faauta,
o i matou nei? O ai ea ua tuuina

38 atu le poto i totonu o *le tagata*?
Po ai foi ua na avatu le mafaufau i

39 le loto? O ai na te mafaia ona
faitau o ao i lona poto? Po ai foi na

40 te mafaia ona liligi ifo o fagu o le
lagi, pe a liu palapala le efufu, ma

41 ua pipii faatasi le elele?

42 E te mafaia ea ona tuli o se manu
ia saeia mā le leona? pe e te faa-

43 maona i leona taanoa, a o latou
faapuga i o *latou* ana, ma nofo lama-

44 lama i mea latou te fale ai? O ai
ea na te sauni mā le orea lana mea

45 e 'ai, pe a fetagisi atu ana tama i le
Atua, a o sē i latou ina ua leai se

46 mea e 'ai?

O isi afioga a le Atua ia Iopu.

- 39 UA e iloa ea ona po e fanau ai le
'oti o le vao o i mato? E le tausia
2 ea aila pe a fananau i latou? E te
mafaia ea ona faitauna le atoatoa o
masina o a latou to? po o ua e iloa
3 ona po e fananau ai i latou? Latou
te tootuli, latou te fananau mai a
latou tama, latou te faateaina o
4 latou tiga. E malolosi a latou tama,
e tutupu, i latou, i le vao; e o ese
atu i latou, a e le toe foi mai ia te i
latou.
5 O ai ea ua auina atu le asini o le
vao ia saoloto? O ai ea ua tata-
laina mea e noata'i le asini o le vao?
6 o le ua ou tuuina atu i ai le nuu
naumati mona fale, ma le vao lafu-
7 lafua ma mea e tataa ai? Na te 'ata
i le pisapisao o le aai; na te le faa-
8 logo i le alaga o le ta'ita'i asini. O
le mea ua maua i mauga o lana mea
e 'ai lea, ua ia sailili atu foi i laau
iti lauolaola uma.
9 E mafai ea le rema ona auaina ia
te oe? pe moe i le po i lou fale
10 povi? E te mafai ea ona nonoa o le
rema i le atu pue i sona maea? pe
mulimuli o ia ia te oe e faamalu-
11 luina ai vanu? E te faatuatua ea ia
te ia ina ua tele lona malosi? pe e
te tuuina atu ia te ia lau galuega?
12 E te mauatu i ai ea na te aumaia au
saito, ma faaputuina i lau mea e
sasa ai saito?
13 E sausuapaau o le renani, o le
apaau ea ma fulufulu o le kasita?
14 Na te tuu ana fua i le eleele, ma ua
15 faamafanafanaina ai i le efuefu. A
ua galo ia te ia pe solia e se vae, pe
solipalaina e se manu feai. Ua aga-
16 vale ia i ana tama, e peiseai e le ni
ana; ua fai fua lana galuega e leai
17 sona atuatuvaale. Auā ua le tuuina
atu e le Atua le poto ia te ia; ua ia
18 le tufa atu i ai foi le mafaufau. Pe
a tātā ae i luga ona apaau, ua 'ata o
ia i le solofanua ma le o tietie i ai.
19 Na e avatua ea i le solofanua le
malosi? Ua e faaofu ea i lona ua i
20 fulufulu maveve? Ua o mafai ea
ona faaosooso ia te ia e pei o le sē
akerise? E maeu le matautia o
21 lona faafogifogi. Ua eli lava ia i le
vanu, ua fiasia foi i le malosi; ua
alu atu e faafetaiai i le aupega.

E 'ata o ia i le fefe, e le mata'u lava 22
o ia; e le liliu ese foi i le pelu. Ua 23
taalili i ai le utu e tuu ai u, le tao
pupula, ma le tao. O le taalili ma 24
le feaosofa'i, ua ia folo ai le eleele;
e le toe tu filemu pe a lagona le leo
o le pu. A ilia le pu, ua ia fai ane 25
ai, Ue! ua sogisogi mamao atu foi
le taua, ma le pisapisao o e ta'ita'i
'au, ma le alalaga.

O le atamai ea mai ia te oe, e lele 26
ai le nesa, ma fālō atu ai ona apaau
i le itu i toga? O lau upu ea e lele 27
maualuga ai le aeto, ma fai ai lona
ofaga i le mea maualuga? E nofo o 28
ia ma mau pea i le mato, i luga o
le tumutumu o le mato, ma le
tumutumu o le mauga. Ua ia vaa- 29
vaai atu mai lea mea i le mea e 'ai,
ua vaai mamao atu ai ona mata. E 30
inu lava le toto e ana tama; o le
mea foi e i ai le fasi, o i ai lava ia.

O isi afioga a le Atua ia Iopu.

UA tali mai pea Ieova ia Iopu, ua 40
faapea mai, O lē finau ma Le e ona 2
le malosi uma lava, na te aoi mai
ea? O lē faatonu mai i le Atua, ia
tali mai o ia i lea mea.

Ona tali atu ai lea o Iopu ia 3
Ieova, ua faapea atu, Faauta, ua 4
faatauvaa lava a'u, se a se mea ou
te tali atu ai ia te oe? ou te tuu ae
lo'u lima i lo'u gutu. Ua ou tautala 5
atu faatasi, a e ou tē le toe tali atu;
ua faalua foi, a e ou te le toe faa-
opoopo i ai.

Ona tali mai ai lea o Ieova ia Iopu 6
mai le afā, ua faapea mai, Ina fusi 7
ia lou sulugatiti e pei o le tagata
malosi; ou te fesili atu ia te oe, ina
o faailoa mai ia ia te au. E te faa- 8
leaogaina ea la'u lava faatonuga?
E te faasala ea ia te au, ina ia ta'u-
amiotonuina oe? Ua ia te oe ea le 9
lima e pei o lo le Atua? pe e te
faititili ea ma le leo e pei o ia? Ina 10
e teteu ia oe i le mamalu ma le ma-
lualii; ma ia e ofu i le viiga ma le
matagofie. Ina sasaa solo atu ia le 11
tele o lou ita; ia e vaai atu foi i e
faamaualuga uma lava, ma ia e faa-
maulaloina i latou, Vaai atu ia i e 12
faamaualuga uma, ma ia e faatoila-
loina i latou; ia e solipalaina foi o
e amio leaga i le mea o i ai i latou.
Ia e tanumia i latou faatasi i le 13

eleele; ia e fusi o latou mata i le
 14 mea lilo. Ona ou ta'utino atu ai lea
 ia te oe, ua mafai ona faaolaina oe
 i lou lima taumatau.
 15 Faauta ea i le pemota, o le na ou
 faia faatasi ma oe, na te 'aiua le
 16 mutia e pei o le povi. Faauta, ua
 i ai lona malosi i lona papātua, ma
 lona malosi foi ua i ai i mea mālōlō
 17 o i lona manava. Ua ia faamalo'u i
 lona iu e pei o le arasi, ua felavasa'i
 18 ua o lona tulaiu. O ona ivi, o ivi
 'apa memea ia; o ona ivi e pei o se
 19 'oso uamea. O le sili ia o mea na
 faia e le Atua; o le na faia o ia ua
 20 ia tuu atu i ai lana pelu. Auā ua
 fua mai mea e 'ai mā ia i mauga, ua
 taaalo ai manu feai uma o le vao.
 21 Na te taoto i lalo o laau paolo, i
 22 mea lilo o i ai u ma palapala. Ua
 maluia o ia i le paolo o laau paolo;
 ua siomia o ia i garava i le alia.
 23 Faauta, a osofia auvai o le vaitafe,
 na te le sola lava; e ui ina oso mai
 Ioritana i lona gutu e le fefe lava
 24 ia. *O ai se na te mafaia ona pue ia*
te ia a o vaai mai? pe tuia lona isu
a o lavea i mailei?

O toe afoga a le Atua i Iopu.

41 E TE mafaia ea ona sisi o levia-
 tana i se mātāu, pe taomi lona lau-
 2 laufaiva i se maea? E te mafaia ea
 ona tuu se maea i lona isu? pe tui
 3 lona auvae i se mātāu? Na te faa-
 teleina ea ni tatalo ia te oe? pe
 4 tautala faaoleole ia te oe? Lua
 te osi ea se feagaiga ina ia? E te
 avea ea o ia e fai ma auaina e faa-
 5 vavau? Lua le taaalo ea ma ia e pei
 o se manu lele? pe e te nonoa ia te
 6 ia mo outou teine? pe fai a'i ea se
 tausamiga e uo? Latou te tufatufa
 7 atu ea ia te ia i e faatauoa? E te
 mafaia ea ona *velosia* ia lilo lona
 pa'u i mea maamaai? ma lona ulu i
 8 tao so'a i'a? Tuu atu ia lou lima i
 luga ia te ia, ia manatua le taua; e
 9 te le toe faia. Faauta, e fai fua le
 faamoemoe e *maua* ia; e le pāu ea
 foi *se tasi* i le vaai atu ia te ia?
 10 E leai se na te faamalosi e faatei ia
 te ia; o ai foi se tu mai i o'u luma?
 11 O ai se na muai aumaia ni mea ia
 te au, ou te toe tau'i atu ai? O mea
 uma lava o i lalo o le lagi o a'u
 mea ia,

Ou te le natia ona itu tino, ma 12
 le tala i *lona* malosi, ma le mata-
 gofie o lona ofutau. O ai se susue 13
 lona ofu aupito i tua? O ai se oo
 atu i ona atu nifo e lua? O ai se 14
 tatala puipui o lona gutu? E ma-
 tautia ona atu nifo faataaliolio. E 15
 naeu le malosi o *ona* talita, ua pu-
 nimau i le faamaufaailogā. Ua 16
 sosoo le tasi i le tasi, e le sao le
 savili i o latou va. Ua fepiitai le 17
 tasi i le tasi, ua fesootai, ua le mafai
 ona faatea eseese. O ona mafatua 18
 ua pupula ai le malamalama; o ona
 mata foi e pei o laumata o le taeao.
 E o atu sulu ai lona gutu, e oso mai 19
 ai aloiafi. E alu atu le asu ai ona
 pogaiisu e pei o se pani ua tapili i ai
 le *afi*, po o se ulo ua vevela. O lana 21
 mātava e mu ai malala, e alu atu
 foi le afi mumū ai lona gutu. E i ai 22
 le malosi i lona ua, e saa foi le ma-
 ta'u i ona luma. Ua maopopo le 23
 aano o lona manava; ua maaa lea,
 e le mafaagaetitia. Ua maaa lona 24
 fatumanava e pei o se maa, ua maaa
 lava e pei o se maaolo aupito i lalo.
 A tulai o ia, ona fefefe ai lea o toa; 25
 ua sese i latou ina ua matautua.
 E taututa le pelu o lē faasaga atu 26
 ia te ia, *faapea* foi le tao, ma le u
 fanafana, ma le tao so'a i'a. Ua 27
 tusa ia te ia le uamea ma le 'au o
 saito, o le 'apa memea o le laau pala
 lea. E le sola o ia i le u fanafana, 28
 o maa o le maata e avea ia ma
 tagutugutu o saito ia te ia. Ua 29
 tusa ia te ia le uatogi ma tagutu-
 gutu o saito; ua ia 'ata foi i le
 apoapo o le tao. Ua i ona lalo fāsi 30
 ipu omea maamaai; na te fofolaina
 mea matuitui i luga o le palapala.
 Ua ia faapupuna le moana e pei o 31
 se ulo; ua ia fai le sami e pei o se
 ipu uu. Ua ia faapupula le ala ua 32
 na tuanai; e manatu ai *se tasi* ua
 ulusina le moana. E leai se tasi e 33
 tusa ma ia i luga o le lauelele, ina
 ua faia ua leai sona mata'u. Ua 34
 vaai ifo o ia i mea maualuluga uma;
 o ia o le tupu o manu feai uma
 lava.

O le manuia o Iopu.

ONA tali atu ai lea o Iopu ia 42
 Ieova, ua faapea atu, Ua ou iloa e 2
 te mafaia mea uma, e le mafai foi

- ona vaoia se mea e te finagalo i ai.
 3 O ai e lenei ua na faapouliuligia *lau* pule ma le le iloa? Auā ua ou tautala atu ma lo'u le mafaufau, o mea ua sili ona faigata ia te au, na
 4 ou le iloa lava. Ia e faafofoga mai, o a'u ou te tautala atu ai; ou te fesili atu ia te oe, a ia e faailoa mai ia te au. Sa ou faalogo ia te oe i le faalogo o o'u taliga; a o lenei, ua
 5 vaai atu o'u mata ia te oe; o le mea lea ua ou 'ino'ino ai ia te au, ua ou salamo foi i le efuefu ma le lefulefu.
 7 Ua mavae ona fetalai mai e Ieova o ia upu ia Iopu, ona faapea ane lea o Ieova ia Elifasa le Timanu, Ua tupu lo'u ita ia te oe, ma au uo e toalua; ina ua outou le tautalatala ma le tonu ia te au, e faapei o la'u
 8 auauna o Iopu. O le mea lea ia outou ave ai povi poa taanoa e fitu, ma mamoe poa e fitu, ma outou o ane i la'u auauna o Iopu; ia outou fai a'i le taulaga mu mo outou; ona tatalo lea o la'u auauna o Iopu mo outou, auā ou te talia o ia; ina nei ou tau'i atu ia te outou *lo outou* valea, auā ua outou le tautalatala ma le tonu ia te au, e faapei o la'u auauna o Iopu.
 9 Ona o ane ai lea o Elifasa le Timanu, ma Pilitati le Sua, ma Sofara, le Naama, ma latou faia e tusa ma mea na fetalai ane ai Ieova ia te i latou. Ua talia foi Iopu e Ieova.
 10 Ua uma ona tatalo Iopu mo ana

uo, ona faaae ai lea e Ieova o lana tafeaga. Ua toe au mai foi e Ieova o mea ia Iopu ua faateleina, ua lua mea i mea uma na muai ia te ia. Ona o mai lea ia te ia ona uso uma, 11 ma ona tuafafine uma, ma i latou uma sa muai masani ma ia; ua latou aai foi faatasi ma ia o mea e ai i lona fale; ua latou faamafanafana foi ia te ia, ma faamatalaloto ia te ia ona o mala uma na faaoo mai e Ieova ia te ia. Ua foai mai foi ia te ia e i latou taitoatasi le tupe e tasi, taitoatasi foi ma le mama auro e tasi.

Ua sili foi ona faamanuia e Ieova 12 o le gataaga o Iopu i lona amataga; auā sa ia te ia mamoe e sefulu afe ma afe e fa, ma kamela e ono afe, ma povi e lua afe, ma asini fafine e tasi le afe. Sa ia te ia foi atalii e 13 toafitu, ma afafine e toatolu. Ua ia 14 faaigoa foi le tasi o Iemaima, ma le igoa o lona lua o Kesia, ma le igoa o lona toatolu o Kerenapuka. E 15 lei iloa foi i le nuu uma ni fafine lalelei e tusa ma afafine o Iopu. Ua avatu foi ia te i latou e lo latou tamā o tofi faatasi ma o latou tuagane.

Ona ola pea lea o Iopu, ina ua 16 mavae o ia mea, o tausaga e tasi le selau ma le fa o sefulu. Ua ia iloa foi ona atalii, ma atalii o ona atalii, e oo atu i tupulaga e fa. Ona oti 17 lea o Iopu, ua toaina, ma ua tuutulu'i lona ola.

O LE TUSI O S A L A M O.

O le manuia o le ua amiotonu, ma le malaia o le ua amio leaga.

- 1 AMUIA le tagata e le savali i le filifiliga a e amio leaga, e le tu foi o ia i le ala o e agasala, e le nofo foi
 2 i le nofoa o e tauemu; a e naunau o ia i le tulafono a Ieova; e mafau-fau foi o ia i lapa tulafono i le ao

atoa ma le po. O ia foi e faapei o 3 le laau ua totō i tafatafa ane o vai-tafe, e fua mai ona fua i ona lava tau; e le toulu foi ona lau; e manuia foi mea uma na te faia.

E le faapea o e amio leaga; a e 4 pei o aputi o saito i latou ua lelea i le matagi. O le mea lea e le tutū 55 ai o e amio leaga i le faamas'le noga, e

le tutū foi tagata agasala i le faa-
6 potopotoga o e amiotonu. Auā ua
silafia e Ieova le ala o e amiotonu;
a e fano lava le ala o e amio leaga.

O le valoaga i le malo o le Mesia.

2 SE a le mea ua faanununu ai
nuu ese, ma mafaufau ai nuu i le
2 mea e le aoga? Ua tutū mai tupu
o le lalolagi, ua pulega faatasi foi
alii, e tetee atu ia Ieova ma le na
3 ia faauuina, "Se'i tatou motusi ese
a laua noataga, ma lafoaieseina a
laua maea ia te i tatou."
4 E soisoi le o afio i le lagi; e tau-
5 emu le Alii ia te i latou. Ona fetai-
lai atu ai lea o ia ia te i latou i
lona toasa, na te faaatuatuvaleina
6 foi i latou i lona toasa tele. A o
a'u, ua ou faauuina la'u Tupu i luga
7 o Siona lo'u mauga paia. Ou te
ta'uina atu le tulafono; ua fetalai
mai Ieova ia te au, O lo'u Atalii oe,
o le aso nei ua o'u fanauina ai oe.
8 Ia e fai mai ia te au, ona ou foaiina
atu ai lea ia te oe o nuu ese e fai
mou tofi, ma tuluiga o le lalolagi e
9 fai mou. E te fasi gaugauina i la-
tou i le tootoo uamea; e pei o le
ipu a le fai ipu omea e te nutilili ia
te i latou.
10 O lenei, outou tupu e, ia outou
atamamai; ia a'oa'oina foi outou
11 faamasino o le lalolagi. Ia auuina
ia Ieova ma le mata'u, ia fiasia foi
12 ma le gatete. Ina sogi ia i le Atalii,
ne'i toasa mai o ia, ma outou fano
ai i le ala; auā e faafuasei ona tupu
o lona toasa. Amuia i latou uma o
e faatuatua ia te ia.

E le afaina e ua leoleoina e Ieova.

O le salāmo a Tavita ina o sola ia i
luma o lona atalii o Apisaloma.

3 IEOVA e, ua matuā faatoatele-
ina e ua sauā mai ia te au! E
2 toatele e ua laga mai ia te au. E
toatele o e fai ane ia te au, E le
faaolaina lava o ia e le Atua. Selā.
3 A o oe, Ieova e, ua fai ce mo'u
talita; o lo'u mamalu foi, ma lē
4 faaeaina lo'u ulu. Na ou valaau ia
Ieova i lo'u leo; ua faafofoga mai
foi o ia ia te au mai lona mauga
5 paia. Selā. Na ou taoto lava a'u,
ma ou moe; na ou ala, auā ua lagoon

lagoon mai Ieova ia te au. Ou te
le fefe i manomano o tagata, o e
sios'o mai ia te au.

Ieova e, ia e tulai mai; lo'u Atua
7 e, ia e faaola mai ia te au; auā ua
e taia auvae o i latou uma o e ita
mai ia te au; ua e tu'imomomoina
nifo o e amio leaga. O loo ia Ieova
8 le faaolataga; o loo i luga o ou ta-
gata lou manuia. Selā.

*O le tatalo a Tavita ia Ieova na te
faafofoga mai ia te ia.*

Ma le usu pese i nekina. O le
salāmo a Tavita.

LE Atua e, lē ou te amiotonu ai,
4 ia e tali mai i la'u valaau atu; ua e
laveaina a'u nai le puapuaga; ia e
alofa mai ia te au, ma faafofoga
mai i la'u tatalo.

O outou le fanau a tagata, tou te
2 faia ma luma lo'u mamalu seia afea?
Tou te loto ea i le mea faatauva?
Tou te saili ea i le pepelo? Selā.
Ia outou iloa ua faailogaina e Ieova
3 le tagata amio Atua mo ia; e faa-
fofoga mai Ieova i la'u valaau atu
ia te ia. Ia outou tetemu, aua ne'i
4 agasala; ia outou manatunatu ifo i
o outou loto i luga i o outou moega,
5 ma ia outou fifilemu. Selā. Ina
fai taulaga ia i taulaga tatau, ma ia
outou faalagolago ia Ieova.

E toatele ua fai mai, O ai ea se
6 faailoa mai se mea lelei ia te i ma-
toui? Ieova e, ia e faasaga mai ia
te i matou le malamalama o ou fo-
foga. E tele le fiasia ua e tuu i
7 lo'u loto, a e itiiti lo latou i ona po
ua faateleina ai a latou saito ma a
latou uaina. Ou te taoto, ma ou
8 moe filemu; auā o oe Ieova e, na o
oe lava, ua ou nofo ai ma le filemu.

*O le tatalo a Tavita. E le fia silafia
e Ieova o e agasala.*

Ma le usu pese i fagufagu. O le
salāmo a Tavita.

IEOVA e, ia e faafofoga mai i
5 a'u upu, ia e silafia mai le oi o lo'u
loto. Lo'u Tupu e, ma lo'u Atua,
2 ia e faafofoga mai i le leo o la'u
alaga, auā ou te talotalo atu ia te
oe. Ieova e, e faafogaina e oe
3 lo'u leo i le taeao; o le taeao ou te

sauni atu ai *la'u tatalo* ia te oe, ma ou vaavaai.

- 4 Auā o oe, e te le se Atua e fiafia i le amio leaga; e le mau faatasi
5 ma oe le ua fai mea leaga. E le tutū i ou luma o e faamaualuluga; ua e 'ino'ino ia i latou uma o e fai
6 amio leaga. E fano ia te oe o e tala pepelo; e matuā inosia e Ieova le tagata ua totolima ma le tau'ole-
7 'ole. A e peitai a'u nei, o le tele o lou alofa ou te alu atu ai i lou fale, ou te ifo i lou malumalu paia ma le mata'u ia te oe.

- 8 Ieova e, ia e ta'ita'i mai ia te au i lau amiotonu, ona o e ita mai ia te au; ia e faasa'o i o'u luma lou ala.
9 Auā e leai se faamaoni i o latou gutu; o latou loto foi, ua matuā leaga; ua se tuugamau ua faamaga o latou faai; ua faaoleole i latou i
10 o latou laulaufaiva. Le Atua e, ia e faasalaina i latou; ia pauu i latou i a latou lava taupulepulega; ia e tulieseia i latou ona o le tele o latou solitulafono; auā ua latou fouvale
11 ia te oe. A ia fiafia i latou uma o e faatuatua ia te oe; ia latou alalaga fiafia e faavavau, auā e te faamamaluina i latou; ia olioli foi ia te oe o
12 e alolofa i lou suafa. Auā o oe, Ieova e, e te faamanuia i le ua amiotonu; e puipuia o ia e oe i le alofa, e pei o le tali pupuni.

O le tagi a Tavita i lona tiga; o lona faatuatua ia Ieova.

Ma le usu pese i nekina i le seminita. O le salāmo a Tavita.

- 6 IEOVA e, aua e te aoi mai ia te au i lou toasa; aua foi e te sasa ia te
2 au i lou toasa tele. Ieova e, ia e alofa mai ia te au, auā ua vaivai lava a'u; Ieova e, ia e faamalolo mai ia te au, auā ua tetemu lava
3 o'u ivi. Ua matuā polepole vale foi lo'u loto; a o oe Ieova e, seia afea?
4 Ieova e, ia e toe foi mai, ia e laveai i lo'u agaga; ia e faaola mai
5 ia te au ona o lou alofa. Auā e leai se manatu ia te oe i le oti; o ai ea se vivii atu ia te oe i le tuugamau?
6 Ua ou lailoa i lo'u oi; ua lofia lo'u moega i po uma lava; ua se vai le
7 mea ou te moc ai i o'u loimata. Ua fole o'u mata i lo'u tiga; ua mata-

toeaina lava, ona o i latou uma o e saua mai ia te au.

Ina o ese atu ia ia te au, o outou 8
uma o e fai amio leaga; auā ua faafofogaina e Ieova le leo o lo'u tagi. Ua faafofogaina e Ieova la'u aoi 9
atu; ua talia e Ieova la'u tatalo. E 10
mamā ma matuā gatete lava i latou uma o e fai a'u mo latou fili; e tce foi i latou, e faafuasei lava lo latou ma.

O le tatalo a Tavita ia Ieova ina ia faasalaina o ia.

O le pese a Tavita na ia pese ai ia Ieova, ona o upu a Kusa le Peni-
amina.

IEOVA e, lo'u Atua, ou te faa- 7
tuatua lava ia te oe; ia e faaola mai ia te au i e tuliloa mai ia te au uma lava, ma ia e laveaiina a'u. Ne'i 2
saeia a'u e ia e pei o se leona, ne'i faamomomoina a'u, a e leai se laveai mai.

Ieova e, lo'u Atua, afai ua a'u faia 3
lena mea; pe afai o i o'u lima se amio leaga; afai ua ou agaleaga atu 4
i le na ma nofo lelei ma ia; afai ua ou vetea mea a le ua ita fua mai ia te au; ia tuliloaina a'u e le ua ita 5
mai, ma ia maua mai a'u e ia; ia solia foi e ia lo'u ola i le elelee, ma ia faataatia lo'u mamalu i le efuefu. Selā.

Ieova e, ia e tulai mai i lou toasa, 6
ia faasilisili oe ona o le ita o e saua mai ia te au; ma ia e maleifua mai ona o a'u i le faamasinoga ua e fetalai mai ai. Ona siosiomia ai lea 7
o oe e le faapotopotoga o nuu; ia e foi mai i o latou luga i le mea maua-luga. E faatonuina nuu e Ieova; 8
Ieova e, ia e faamasino ia te au e tusa ma la'u amiotonu; e tusa foi ma la'u amio sao. Ia faamatatia le 9
leaga o e amio leaga; a ia e faatumauina le ua amiotonu; auā e susesue loto ma manatu e le Atua amiotonu.

O le Atua o lo'u talita ia, o le 10
faaola o ia o e ua tonu o latou loto. O le Atua, o le faamasino amiotonu 11
o ia; ua toasa foi le Atua i aso uma lava i le ua amio leaga. Afai e le foi 12
mai o ia, ona faamaai ai lea e ia o lana pelu; ua ia lolou i lana aafana,

- 13 ma sauni i ai. Ua ia sauni atu foi ia te ia le auupega e oti ai; na te faia foi ana u fanafana mu.
- 14 Faauta, ua faatiga o ia i le agasala; ua to foi i le amio leaga, ma na fanauina le pepelo. Ua faia e ia le lua, ua elia lava; a e paū lava o ia i le lua na ia faia. E toe iu atu lona leaga i lona lava ulu, e paū foi lona sauaga i luga o lona tumuai. Ou te vivii atu ia Ieova ona o lona amio-tonu; ou te pese atu foi i le suafa o Ieova lē Silisili ese.

Ua viia Ieova ona o ana galuega.

Ma le usu pese i le kata. O le salāmo a Tavita.

- 8 IEOVA e, lo matou Alii, e silisili lava lou suafa i le lalolagi uma lava; o oe lava ua e faasilisili lou viiga i le 2 lagi. Ua e faatumauina le viiga i gutu o tama meamea ma tama fesusui, ona o e faasaua ia te oe, ina ia faanofosaoina le ua ita ma le ua tau ma sui.
- 3 A ou vaai atu i lou lagi, o le galuega a ou tamatamai lima, o le 4 masina atoa ma fetu na e faia; se a ea le tagata e te manatu mai ai ia te ia; ma le atalii o le tagata e te 5 asiasi mai ai ia te ia? Auā ua e faamaulalo ane teisi o ia i agelu; ua e faapaleina foi o ia i le mamalu ma 6 le matagofie. Ua e foaiina ia te ia le pule i galuega a ou aao; ua e 7 tuuina mea uma i lalo o ona vae; o lafu mamoe ma povi uma lava, atoa 8 ma manu vaefa o le vao; o manu felelei, ma ita o le sami, ua tataa i 9 ala o le sami. Ieova e, lo matou Alii, e silisili lava lou suafa i le lalolagi uma lava.

O le viiga ia Ieova ona o lona faasala i e na ita i ona tagata.

Ma le usu pese i mutu-lapeni. O le salāmo a Tavita.

- 9 OU te vivii atu ia te oe Ieova ma lo'u lofo atoa; ou te ta'uta'u atu foi 2 ou vavega uma. Ou te fiasia ma ou olioli ia te oe; ou te pese lava i lou 3 suafa, lē Silisili ese. Na liutuaina o e ua ita mai ia te au; ona tausui ai lea o i latou, ma fano lava ai ou 4 luma. Auā ua e faia lo'u faama-

sinoga ma la'u finauga; ua e tietie i le nofoālii e faamasino tonu ai. Ua e acai atu i nuu ese; ua faa- 5 umatia e oe o e amio leaga, ua e sōloieseā o latou igoa e oo i le faavavau faavavau lava. O e ita mai, 6 ua faaumatia e faavavau o latou faatafunaga; ua e olopalaina aai; ua gālo lava le faamanatuina o i latou. A o Ieova, e tietie lava ia e 7 faavavau; ua saunia e ia lona nofoālii e faamasino ai. O ia lava na te 8 faamasinoina le atu laulau ma le tonu; na te faatonuina ma le sa'o finauga a nuu. O Ieova e fai ma 9 'olo maualuga mo le ua faasauaina, o le 'olo maualuga i ona po e i ai le puapuaga. E faatuatua ia te oe o e 10 ua iloa lou suafa; auā, Ieova e, e te le tuuna i latou o e saili ia te oe. Ina pepese atu ia outou ia Ieova, o 11 loo afio i Siona; ina faaali atu ia i nuu ana mea na fai. Auā o lē tau i 12 le toto na te manatua i latou; na te le faagalogaloina le tagi o e ua puapuagatia.

Ieova e, ia e alofa mai ia te ai, ia 13 e silasila mai i lo'u puapuaga na tupu mai i e ua 'ino'ino mai ia te au, o oe na o le ua aveina ae a'u ai faitotoa o le oti; ina ia outa'uta'u atu 14 ou viiga uma i faitotoa o le tama fafine a Siona; ou te fiasia i lau faaolataga. Ua gogoto nuu ese i le 15 lua na latou faia; o lea lava upega na natia e i latou ua lāvea ai o latou vae. E iloa Ieova i le faamasinoga 16 ua na faia; ua maileia le fai amio leaga i le galuega a ona lava lima. Ikaiona. Selā. Etulia i seoli o e fai 17 amio leaga, o nuu uma lava o e faagalologo i le Atua. Auā e le faa- 18 galogaloina e faavavau o e matitiva; o le faamoemoega foi o e ua puapuagatia e le fano lea a le tu a le tu lava.

Ieova e, ina tulai mai ia, aua ne'i 19 manumalo tagata; ia faamasinoina nuu ese i ou luma. Ieova e, ia e 20 faamatatau ia te i latou; ia iloa e nuu ese o tagata lava i latou. Selā.

O le tagi atu ia Ieova, auā o le faasaua mai o e amio leaga.

IEOVA e, se a le mea e te tūtū-10 mamao ai, ma e liliu ese ai i ona po e i ai le puapuaga? O le faamaua- 2

luga o le tagata amio leaga ua ia
matuā faasaua ai i e ua puapua-
gata; ua maua i latou i ia lava
3 togafiti na latou manatua. Auā ua
mitamita lē amio leaga i tuʻinanau o
lona loto; o le ua matapeapea foi,
ua faaamua o ia e ia, ua ʻinoʻino ia
4 Ieova. O le faasiaia o mata o le ua
amio leaga e le saili ai o ia; o ona
5 mafaufau uma, E lei se Atua. Ua
manuia ona ala e le aunoa; ua
mamao i luga ia te ia au faamasini-
noga; ua na ulafia i e ita ia te ia
6 uma lava. Ua fai ifo ia i lona loto,
E le faagaetia aʻu; e le oo mai se
7 mea leaga ia te au e faavavau. Ua
tumu lona gutu i le fetuu, ma le
taʻuʻoleʻole, ma le saua; o loo i lalo
o lona laulaufaiva le faatiga ma le
8 amio leaga. Ua nofo ia i mea e
lamalama ai i faoa aai, na te fasi oti
i mea lilo i e le sala; ua lamalama
9 ona mata i le ua tīgaina. Ua lama-
lama ia i le mea lilo, e pei o le leona
i le mea e fale ai; ua lamalama ia
ina ia puea e ia o le ua puagua-
gaina; ua puea e ia le ua puapua-
gaina, i lona toso mai ia te ia i lana
10 upega. Ua lafotuina ona ua mo-
momo, ua pauu foi e ua tīgaina i
11 lana ʻau malosī. Ua fai ifo o ia i
lona loto, Ua galo i le Atua; ua
ʻalo ese ona fofoga; na te le silafia
e faavavau.
12 Ieova e, ia e tulai mai; le Atua e,
ina sii ia lou aao; aua neʻi galo ia te
13 oe e ua puapugaina. Se a le mea
ua ʻinoʻino ai i le Atua le ua amio
leaga? Ua fai ifo i lona loto, E te
14 le suesuea. Ua e silafia lava, auā o
oe lava, e te silasila i le tīga ma le
ita, ina ia tuu atu ai i lou aao; o le
ua tīgaina e tuuina o ia e ia ia te
oe; o oe lava o le fesoasoani o le
15 ua mātuaoti. Ia e gagau le lima o
lē fai amio leaga; o lē agaleaga foi,
e suesue i lana amio leaga seia e
le toe silafia.
16 O Ieova o le Tupu ia e faavavau
faavavau lava; ua fano nuu ese nai
17 lona laueleele. Ieova e, ua e faa-
fogaaina le manao o e ua puapua-
gata; e faamauiina e oe o latou loto,
18 ua liliu mai i ai ou fofoga; ina ia
faamasino i le ua mātuaoti ma le ua
faasauaina; ina ia le toe faamatau
mai le tagata ua tupu mai le eleele.

O le faatuatua o Tavita ia Ieova.

Ma le usu pese. *O le salāmo a
Tavita.*

OU te faalagolago ia Ieova; se a 11
le mea tou te fai mai ai ia te au,
Ina sola ia e pei o le manu lele i lo
outou mauga? Auā, faauta, o e 2
fai amio leaga ua latou lolou le au-
fana, ua latou tuu le u i le fuʻa, e
fana faalilolilo ai i e ua tonu o latou
loto. Auā ua fulisia faavae; se a 3
se mea e mafai ai le tagata amio-
tonu ona fai?

O Ieova o i lona malumalu paia o 4
ia; o Ieova o loo i le lagi lona no-
foālii; e silasila mai ona fofoga, e
tofotofo le fanau a tagata e ona
laufofoga. E tofotofo e Ieova i le 5
ua amiotonu; a ua inosia e lona
finagalo lē fai amio leaga, ma lē
fiafia i le faasaua. E faatōtō faaua 6
mai e ia i luga o e fai amio leaga o
mailei, o le afi ma le teio, o le ma-
tagi foi e manunu ai; o le tofi lea
o la latou ipu. Auā o Ieova lē amio- 7
tonu e fiafia o ia i le amiotonu; e
silasila ona fofoga i le ua amio saʻo.

*O le tatalo ona o le agatele mai o
tagata.*

Ma le usu pese i le seminita. *O le
salāmo a Tavita.*

IEOVA e, ia e faaola mai; auā 12
ua uma tagata amio Atua; auā ua
mavae e ua faamauiina nai le fanau a
tagata. O loo tautalatala le tagata 2
i le la te tuaoi i mea pepelo; o loo
o latou tautalatala i laugutu mole-
mole ma le faalotolotolua. E vavae 3
ese e Ieova o laugutu molemole
uma lava, ma le laulaufaiva e tau-
tala i mea faasausili; o e ua fai 4
mai, O tatou laulaufaiva tatou te
manumalo ai, o tatou laugutu o
tatou lava ia; o ai ea so tatou alii?
Ona o le faasauaina o e ua puapua- 5
gata, ma le feoi o e ua matitiva, ua
fetalai mai ai Ieova, ou te tulai atu
ai nei, ou te faasaogalemuina i latou
i e ua ulafia atu ia te i latou. O 6
afioga a Ieova o afioga mamā ia;
ua se ario ua faateʻa ese ai le elcele
i le umu, o faafitu ona faamamāina.
Ieova e, o oe lava e te tausi ia te i 7

latou; e te leoleo ia te ia mai lenei
lava tupulaga e oo i le faavavau.

- 8 Ua feoi i lea itu ma lea itu o e fai
amio leaga, ina ua faaecaina o le ua
sili lona ulavale i le fanau a tagata.

*Ua tagi atu Tavita i le Atua, ona ua
agaleaga mai o tagata ia te ia.*

Ma le usu pesu. O le salāmo a
Tavita.

- 13 IEOVA e, e te faagalologo pea
lava ia te au seia afea? E te 'alo
2 ou fofoga ia te au seia afea? Ou
te filifili a'u ma le faanoanoa i lo'u
loto i aso uma seia afea? E faa-
maualugaina e sili ia te au le ua ita
mai ia te au seia afea?

- 3 Ieova e lo'u Atua, ia e silasila mai
ma tali mai ia te au; ia e faamala-
malamaina o'u mata, ne'i ou moe i
4 le oti; ne'i fai ane le ua ita mai ia
te au, Ua ou manumalo ia te ia;
ne'i mitamita e ua sauva mai ia te
5 au, pe a faagaetia o a'u. A o a'u
ne'i, ou te faatuatua i lou alofa, e
6 fiasia lo'u loto i lau faaolataga. Ou
te pese atu ia Ieova, auā ua agalelei
mai o ia ia te au.

O le uiga o le amioga a e amio leaga.

Ma le usu pese. O le salāmo a
Tavita.

- 14 UA fai ifo le tagata valea i lona
loto, E leai se Atua. Ua leaga lava
i latou; ua inosia a latou amioga;
2 e leai se tasi ua amio lelei. O loo
silasila mai Ieova mai le lagi i le
fanau a tagata, ina ia silafia pe ai
se tasi ua potu, se ua saili i le Atua.
3 Ua latou 'alo'alo ese uma lava, ua
leaga faatasi i latou; e leai se tasi
ua amio lelei, o leai lava se tasi.
4 E le o iloa ea e i latou uma lava
o e fai amio leaga? O loo 'aina e i
latou lo'u nuu, e pei ona latou aai i
mea e 'ai; ua latou le valaau ia
5 Ieova. Ua matatau tele i latou i
lea mea; auā o i le tupulaga o e
6 amiotonu le Atua. Ua outou faa-
maina le filifliga a le ua puapua-
gaina; auā o lona malu o Ieova lea.
7 E! fia iloa se na te aumaia mai
Siona le faaolataga o Isaraelu. Pe
a faafoisia mai e Ieova le tafeaga a

lona nuu, ona olioli ai lea o Iakopo,
e fiasia ai Isaraelu.

O le amioga a le tagata o le Atua.

O le salāmo a Tavita.

IEOVA e, o ai ea e nofo i lou 15
fale fetafai? O ai ea e mau i lou
mauga paia? O le savali ma le 2
amio sao, ma ua fai le amiotonu,
ma tautala ma le faamaoni i lona
loto. O le ua le tuua'i fua i lona 3
laulaufaiva, ua le agaleaga i le la te
tuaoi, e le faatupu foi se mea e faa-
lumaina ai le ua lata mai ia te ia. 4
O loo inosia e ia le ua leaga, a e
viia e ia o e matatau ia Ieova; e
tauto ia i le mea e tiga ai o ia, a e 5
le 'alo ai. Ua le avane e ia ana
tupe e fai ai tau faasili; e le talia
e ia se mea alofa e faasala ai le ua
le sala. O le ua faia ia mea e le
faagaetia lava ia e faavavau.

*O le tatalo a Tavita ia Ieova ia na
faaola ia te ia.*

O le salāmo a Tavita.

LE Atua e, ia e leoleo mai ia te 16
au; auā ou te faatuatua ia te oe.
Lo'u agaga e, ua e fai atu ia Ieova, 2
O oe lava o lo'u Alii; o lo'u manuia
e le aunoa lea ma oe; o tagata paia, 3
o i latou lava o i le lalolagi, ma e ua
sili ona lelei, o loo ia te i latou lo'u
fiasia uma. E faateleina o latou 4
tiga o e vave o atu i se tasi; o a
latou taulaga i mea e inu ua faia i
le toto ou te le sasaaina, ma o latou
igoa ou te le ta'ua i o'u laugutu.
O Ieova o lo'u tofi lava ia ma lo'u 5
ipu; o oe lava e faamauiina lo'u
tofi. Ua fuafuaina mo'u le fanua i 6
mea valevalenoa; e moni, ua ia te
au le tofi matagofie.

Ou te faamanū atu ia Ieova, o lō 7
faatonu mai ia te au; o le po foi e
a'oa'o mai ai ia te au o lo'u mafau- 8
fau. Ou te tuu Ieova i o'u luma e
le aunoa; auā o i lo'u itu taumatau 9
o ia, e le faagaetia ai lava a'u. O
le mea lea e fiasia ai lo'u lotu, ma 10
olioli ai lo'u mamalu; e malolo foi
lo'u tino ma le saogalemu. Auā e
te le tuua a'u i le tuugamau; e te
le tuu atu lou tagata paia ia oo i ai 11
le pala. E te faailoa mai ia te au

le ala o le ola ; o i ou luma le fiafia e mǎlie ai ; o i lou itu taumatau le olioli e faavavau.

O le tatalo a Tavita i le Atua na te faaola mai ia te ia i e ua ita mai.

O le tatalo a Tavita.

- 17 IEOVA e, ia e faafofoga mai i le amiotonu, ia e liliu mai i la'u alaga ; ia e faafofoga mai i la'u tatalo e le
2 *faia* i laugutu 'ole'ole. Ia oo mai lo'u faamasinoga mai ou luma ; ia silasila mai ou fofoga i le amio sa'o.
3 Ua uma ona e tofotofoina lo'u loto ; ua e asiafia mai i le po ; ua uma ona e suesue mai ia te au, a ua leai se mea na e maua ; o lo'u manatu
4 e le agasala lo'u gutu. A o mea e faia e tagata, o afoaga mai lou fofoga na ou tausia ai a'u *ne'i ui i* ala o le ua saua. Ia e taofi ae lo'u savali i ou ala, ina ne'i le mau o'u vac.
6 Le Atua e, ou te valaau atu ia te oe ; auā e te faafofoga mai ia te au ; ia e liliu mai ou fofoga ia te au, ia e faafofoga mai i a'u upu. Ia iloga mai lou alofa, o oe le faaola o e faatuatua *ia te oe* i e tautetee i
8 lou aao taumatau. Ia e leoleo mai ia te au e pei o le tamatamai mata ; ia e natia a'u i le paolo o ou apaau,
9 i luma o e amio leaga, o e faasaua mai ia te au, o e ita inai ia te au, o e siosio ia te au ia a'u oti. Ua puputa lava o latou *tino* ; o loo tautalatala faasausili o latou gutu.
11 O lenei, ua latou siosiomia i matou o matou o savavali ; ua vaai o latou mata ua punou ifo i le elelee. E tusa ma le leona ua naunau i le fia saei o *manu*, po ua faapei o le leona taanoa ua nofo i mea lilo.
13 Ieova e, ia e tulai mai ; ia e mua-mua atu ia te ia, ia e lafo ia te ia i lalo ; ia e laveai mai ia te au i lau
14 pelu ai tagata amio leaga ; Ieova e *ia e laveai mai ia te au* i lou aao ai tagata, o tagata o le lalolagi, ua i le ola nei lo latou tofi, ua e faamao-onaina i latou i au mea lelei ; ua malilie i latou i fanau ; o a latou mea foi o totoe ua tuu lava ia mā o
15 latou tama iti. A o a'u, ou te vaavaai i ou fofoga i le amiotonu ; ou te mǎlie pe a a'u ala ua foliga ia te oe.

O le pese faafetai a Tavita i le Atua auā o le tele o lona alofa ia te ia.

Ma le usu pese. O le salāmo a le auaua a Ieova o Tavita, na ia fai atu ia Ieova o upu o lenei pese i le aso na laveai mai ai Ieova ia te ia ai lima o e na ita mai ia te ia uma lava, atoa ma le lima o Saulo ; ua faapea atu.

IEOVA e, lo'u malosi, ou te alofa 18
lava ia te oe. O Ieova o lo'u papa 2
ia, ma lo'u 'olo, ma lo'u faaola ; o lo'u Atua, o lo'u papa, ou te faatuatua ia te ia ; o lo'u talita, ma le nifo o lo'u olataga, o lo'u 'olo maua-luga. Ou te valaau ia Ieova, e tatau 3
ona viia o ia ; o lea e faaolaina ai a'u i e ua ita mai ia te au.
Na siosiomia a'u i maillei e oti ai, 4
na faamatautia foi a'u i tafega a e ulavavale. Na siomia a'u i maillei a 5
seoli ; na ou lumanai o matāsele a le oti. Ona ou valaau atu ai lea ia 6
Ieova i lo'u puapuaga, ma ou alaga atu i lo'u Atua ; na faafofoga mai o ia i lona malumalu i lo'u leo, na oo atu ia te ia la'u alaga i ona lava fofoga.

Ona luluina ai lea ma mafuie le 7
lalolagi ; ua gatete foi faavae o mauga, ua luluina i latou, auā na toasa lava o ia. Ua alu ae le asu i 8
ona pogaiisu ; o le afi mai lona fofoga ua maamaai lea ; ua mu ai malala ola. Na lolou ifo e ia le 9
lagi ma afio ifo ; o le pogisa foi sa i lalo o ona aao. Na tietie ia i le 10
kerupi, ma ualele ; na lele ia i apaau o le matagi. Na faia e ia o le po- 11
uliuli ma mea e lilo ai o ia ; o lona apitaga ua siomia ai o ia, o le vai pouliuli, o ao uliuli o le lagi. Na 12
mavae ese atu o ana ao ona o le pupula na i ona luma ; o uato'a ma malala ola o le afi.

Na faititili foi Ieova mai le lagi, 13
na tūlei ifo e le Silisili ese o lona siufofoga ; o uato'a ma malala ola o le afi. Na fana atu e ia ana u 14
fanafana, na faataapeape ia te i latou ; ma ana uila e tele, ua tuli ai ia te i latou. Ona iloa atu ai lea o 15
iliti vai, ua aliali mai o faavae o le lalolagi i lau aoaiga, Ieova e, o le mapugatamai o ou fofoga.

- 16 Ua ia aapa mai *lona aao* mai luga, ma tago ia te au, ua ia faaea ia te
 17 au ai vai e tele. Ua ia laveai mai ia te au ai le tagata malosi na ita mai, ma e na 'ino'ino ia te au; auā
 18 na sili lo latou malosi i lo'u. Na latou lumanai a'u i le aso o lo'u malaia; a o Ieova, o ia na ou faa-lagolago i ai.
 19 Ua ia aumaia a'u i le mea lautele; ua ia laveai ia te au, auā ua finagalo alofa mai o ia ia te au. Ua tauia mai a'u e Ieova e tusa ma la'u amiotonu; ua tau mai e ia ia te au e
 20 tusa ma o'u lima mamā. Auā ua ou tausia ala o Ieova, ma a'u le lafoai faalematau i lo'u Atua. Auā
 21 ua ou lumanai pea ana faamasinoga uma; na ou le tuuescina foi ana tulafono ia te au. Na ou amiotonu i ona luma, na ou taofia a'u ina ne'i
 22 o'u agasala. O lenci, ua tauia a'u e Ieova e tusa ma la'u amiotonu, e tusa ma o'u lima mamā i ona luma.
 23 E te amio alofa oe i le ua alofa; e te amiotonu oe i le tagata amiotonu. E te amio mamā oe i le ua amio mamā; e te faapiopio foi oe i le ua faapiopio. Auā o oe lava, e te faaolaina le nuu ua tigaina; a o e ua mata faasiasia, e te faamaualaloina i latou. Auā foi e te tūtū mai la'u lamepa; e faamalamalamaina lo'u pouliuli e Ieova lo'u
 24 Atua. Auā o oe na ou sofai ai le 'au; o lo'u Atua na ou osopuna ai i le pa.
 25 O le Atua, e sao lava lona ala; *ua se ario* ua te'a ma le otaota afioga a Ieova; o ia lava o le talita o i latou
 26 uma o e faatuatua ia te ia. Auā o ai ea le Atua, ua na o Ieova? o ai ea le papa, ua na o lo tatou Atua?
 27 O le Atua lea o loo fusia a'u i le malosi, ua ia faalaulelei foi i lo'u ala. Ua na faia o'u vae ia pei o vae o aila; ua ia faatuina lava a'u i a'u
 28 mea maualuga. Ua ia a'oa'o i o'u lima e tau ai le taua; ua lolou ai e o'u lima le aufana 'apa memea. Ua e foaiina foi ia te au le talita o le olataga mai ia te oe; ua faatumauina a'u e lou aao taumatau; o lou
 29 agamalu ua faasilisiliina ai a'u. Ua faalauteleina e oe le mea ou te savali ai, ne'i mapeva o'u vae.
 30 Na ou tuliloa i e na fai a'u mo latou fili, ma ou maua; na ou faaumatia i latou, ona ou faatoa foi mai lea. Na ou fasia i latou, na latou le mafaia ona tūtū i luga; ua
 31 pauu i latou i lalo o o'u vae. Ua e fusia a'u i le malosi mo le taua; ua e faatoilalo i e na laga mai ia te au. O oe ua liutuaina mai ai ia te au o
 32 e ua fai a'u mo latou fili; ua fano foi ia te au o e na 'ino'ino mai ia te au. Na alalaga i latou, a ua leai sé faaola; na *alalaga i latou* ia Ieova, a ua na le tali atu ia te i latou. Ona ou nutininii lea ia te i latou, e
 33 pei o le efuefu ona lelea i le matagi; na ou sasaina atu i latou e pei o le palapala i le ala. Na e laveai ia te au ai fefinauiga ma le nuu; ua e tofia a'u ia ou pule i nuu ese; e
 34 auauna mai ia te au le nuu na ou le iloa. A latou lagona, ona latou faalogo ai lea ia te au; e faatagā vivii mai ia te au tagata ese. E
 35 mavae atu tagata ese; e tetemu i latou i mea ua latou puipuia mo i latou.
 36 O loo soifua Ieova, ia faafetaia foi lo'u papa; ma ia viia le Atua o lo'u faaolataga. O le Atua lea o loo faia le tau mai sui mo a'u; o le ua faatoilaloina foi le nuu ia te au. O le ua laveaiina a'u i e ua ita mai ia te au; ua e faasilisiliina foi a'u i e na laga mai ia te au; ua e laveaiina a'u i le tagata faasaua. O le
 37 mea lava lea, Ieova e, ou te vivii atu ai ia te oe i luma o nuu ese; ou te pese atu foi i lou suafa. O le ua faia le olataga tele i lana tupu; e agalelei foi o ia i le na ia faauuina, o Tavita lava lea, atoa ma lana fanau e oo i le faavavau.

Ua viia Ieova e ana galuega. E silisili ese le aoga o lana afioga.

Ma le usu pese. O le salāmo a Tavita.

UA tala mai e le lagi le mamalu o le Atua; ua faaalai foi e le vanimonimo le galuega a ona aao. O loo ta'u atu le upu e le tasi aso i le tasi aso, o loo faailoa foi le pota e le tasi po i le tasi po. E leai se gagana, e leai foi ni upu, e le lagona o latou leo. Ua oo atu lo latou leo i le lalolagi uma lava, ma a latou

upu i tuluiga o le atu laulau. Ua
 5 na tuu i ai le fale ie mo le la; o ia
 foi, e faapei o se faatoafaiavā ua
 sau mai lona afeafe; e fiafia o ia e
 pei o se tagata fitafita e tamō'e i le
 6 ala. O lona alu atu, mai le *tasi*
 tuluiga o le lagi lea, ua oo foi lana
 faataamilosaga i le *tasi* ona tuluiga;
 e leai foi se mea e lilo i lona vevela.
 7 E sao le tulafono a Ieova, e faa-
 foisia mai ai le agaga; e faamaoni
 poloaiga a Ieova, e faapotoina ai le
 8 ua faigofie. E tonu feau a Ieova, e
 faafiafia ai le loto; e mamā poloa-
 aiga a Ieova, e malamalama ai mata.
 9 E mamā le mata'u ia Ieova, e tumau
 e faavavau; o faamasinoga foi a
 Ieova e moni ia ma tonu uma lava.
 10 E silisili ona lelei i le auro, o le
 auro e sili ona lelei e tele; e sili foi
 ona suamalie i lo le meli, o le meli
 11 ua sisina ifo. Ua apoapoiaina mai
 ai foi lau auaua; e tele foi le tau
 12 pe a tausi i ai. O ai ea na te iloa
 amio sese? Ia e faamagalo ia te
 13 au i *agasala* lilo. Ia e taofi foi i
 lau auaua i *agasala* faamaualuga;
 auā ne'i pule ia ia te au; ona sao
 ai lea o la'u amio, ou te le nofo sala
 14 foi i le leaga sili. Ia mālīe foi ia te
 oe upu a lo'u gutu, ma mafaufauga
 o lo'u loto, Ieova e, lo'u papa ma le
 na te togilolaina a'u.

O le tatalo i le Atua mo le tupu.

Ma le usu pese. O le salāmo a
 Tavita.

20 IA faafofoga mai Ieova ia te oe i
 le aso o le puapuaga, ia faamamalu-
 ina oe i le suafa o le Atua o Iakopo.
 2 Ia tuuina atu e ia ia te oe o le feso-
 soani mai le malumalu, ma ia lāgo-
 3 lagoina oe e ia mai Siona. Ia ma-
 natua e ia au taulaga uma i mea
 e 'ai, ia talia foi au taulaga mu.
 4 Selā. Ia foaiina e ia ia te oe e fusa
 ma lou lava loto, ma ia faataunu-
 5 ina lau pule uma lava. Matou te
 fiafia i lau faaolataga; o le suafa
 foi o lo tatou Atua tatou te sii ai i
 luga o tatou tagavai; ia faataunu-
 ina e Ieova au tatalo uma lava.
 6 O lenei, ua ou iloa e faalolaina e
 Ieova o le na ia faauina; e tali
 mai o ia ia te ia ai lona lagi paia i
 le malosi o lona aao taumatau e ola

ai. O loo *ta'uta'u* nisi i kariota, ma
 nisi i solofanua; a o i tatou ua
 tatou ta'uta'u te suafa o Ieova lo
 tatou Atua. E punonou i latou, ma
 8 latou pauu; a o i tatou, tatou te
 tutū i luga ma tutumau. Ieova e,
 9 ia e faaola mai; ia faafofoga mai le
 Tupu ia te i matou i le aso matou
 te valaau atu ai.

*O le salāmo e faafetai ai i le manuia
 ua maua.*

Ma le usu pese. O le salāmo a
 Tavita.

IEOVA E, e olioli le tupu i lou
 malosi; e matuā fiafia lava ia i lau
 faaolataga. Ua e foaiina ia te ia le
 2 manao o lona loto; ua e le faafiti
 foi ia te ia le mea na ole atu ai ona
 laugutu. Selā. Auā ua tomua mai
 3 ia te ia le manuia silisili mai ia te oe;
 ua e faaee i lona ao le palealii auro
 lelei. Na ia faatogaina atu ia te oe
 4 ina ia ola, ona e foaiina mai ai lea ia
 te ia o le ola tulu'i e faavavau faava-
 5 vau lava. Ua tele lava lona mamalu
 i lau faaolataga; ua e faaetitia i ona
 luga le viiga ma le matagofie. Auā
 6 ua e tuuina ia te ia le manuia e oo
 i le faavavau; ua e faaolioliina o ia
 i le fiafia i ou luma. Auā ua faatua-
 7 tua le tupu ia Ieova; ona o le
 alofa o lē Silisili ese e le faagaetitia
 ai o ia. E maua e lou aao o i latou
 8 uma o e ita ia te oe; e maua lava e
 lou aao taumatau o e 'ino'ino ia te
 oe. E te faia i latou e pei o le umu
 9 aasa i ona po o lou toasa; e faa-
 umatia i latou e Ieova i lona toasa;
 e faaumatia i latou i le afi. E fano
 10 lava ia te oe o latou gafa ai le lalo-
 lagi, ma a latou fanau e *fano* ia nai
 le fanau a tagata. Auā na latou
 11 manatu i se mea leaga ia oo ia te
 oe; ua latou mafaufau i se togafiti
 leaga, a e latou te le mafaia. Auā
 12 e te faaliutuaina mai i latou, e te
 saunia au fu'a e *fano* atu ai ia te
 latou. Ieova e, ia faasilisiliina oe i
 13 lou malosi; matou te pepese ma fai
 pesega i lou mana.

O le tagi o le ua atuatuva; o le tatato ia laveaina; o le faafetai i le Atua.

Ma le usu pese, i le aila o le taeao.
O le salāmo a Tavita.

- 22** LO'U Atua e, lo'u Atua e, se a ea le mea ua e tuulafoai mai ai ia te 'au, e taumamāo ma lo'u faaolagata, o upu foi o lo'u faataio? Lo'u Atua e, ou te valaau ia te oe i le ao, a e te le faafogaina mai; atoa foi o me le po, ua ou le mapu lava. A o oe, e paia oe; o loo e tietie i viiga a Isaraelu. Na faatuatua ia te oe o matou tamā; na latou faatuatua, ua e laveai foi ia te i latou. Na latou alalaga atu ia te oe, ona laveaina ai lea o i latou; na latou faatuatua ia te oe, ona le faamaina lea o i latou.
- 6** A o a'u, o le tuga lava a'u, a e le se tagata; ua faalumaina a'u e tagata, ma inosia a'u e le nuu. Ua faatauemu mai ia te au o i latou uma ua vaai mai; ua faamamaga o latou gutu, ua lialiai o latou ulu, ua faapea mai, Na ia faalagolago ia Ieova; ia na faaola ia te ia; ia laveai o ia ia te ia, auā ua na fiafia ia te ia. A o oe, na e aumaia a'u mai le manava; o oe na saogalemu ai a'u ina ou susu i lo'u tinā. Na tuuina atu a'u ia te oe talu lo'u fanau mai; o oe lava lo'u Atua talu ina ou i le manava o lo'u tinā.
- 11** Aua ne'i e taumamāo ia te au, auā ua latalata mai le puapuaga; **12** auā e leai sē fesoasoani mai. Ua siosiomia a'u e povi poa e tele; o e malolosi i Vasana ua vagavagai mai ia te au. Ua faamamaga o latou gutu ia te au, e pei o le leona ua **14** saei manu, ma ua tagi. Ua sasaina a'u e pei o le suāvai, ua see o'u ivi uma; o lo'u loto'ua pei o le pulu, ua liu suāvai i totonu o lo'u manava.
- 15** Ua mago lo'u malosi, e pei o le ta'egāipu, ma ua pipii lo'u laulau-faiva i lo'u gutu; ua e tuuina a'u i **16** le elele o le oti. Auā ua siosiomia a'u e uli; ua punitia a'u e le vao tagata amio leaga; ua tu'ia e i **17** latou o'u lima ma o'u vae. Ou te mafaia ona faitau o'u ivi uma; o i latou, ua latou vaavaai mai, ua

matamata mai ia te au. Ua latou **18** tufatufa o'u ofu mo i latou, ma latou fai le vili i lo'u ofu tino.

A o oe, Ieova e, aua ne'i e tau- **19** mamao; lo'u malosi e, ia e vave mai e fesoasoani mai ia te au. Ia e **20** laveai ia te au ai le pelu, ia laveaina a'u ua toatasi mai le lima o le uli. Ia faaola mai ia te au ai le **21** gutu o le leona; ua e faafogaga mai ia te au mai nifo o rema.

Ou te ta'u atu lou suafa i o'u **22** uso; ou te vivii atu ia te oe i totonu o le faapotopotoga. O outou o e **23** matatau ia Ieova, ina vivii atu ia ia te ia; o outou o le fanauga uma a Iakopo, ina vivii atu ia ia te ia; o outou o le fanauga uma a Isaraelu, ia outou fefese ia te ia. Auā e le ta'ufaatauva o ia, e le 'ino'ino foi o ia i le puapuaga o le ua puapua- **24** gaina; e le liliu ese foi e ia ona foga ia te ia; na tagi atu o ia ia te ia, ona faafogaga mai ai lea o ia. Ou te vivii lava ia te oe i totonu o **25** le faapotopotoga tele; ou te avatua foi ia te ia i luma o e matatau ia te ia o mea na ou tauto ai. E aai o e **26** matitiva, ma latou ma'oonā ai; e vivii atu ia Ieova e ua sailili ia te ia; e faalototeleina outou e faa- **27** vavau.

E manatunatu ifo ma liliu mai ia **27** Ieova o tulu'iga uma lava o le lalolagi; e ifo atu foi i ou luma aiga uma o nuu ese. Auā o loo ia Ieova **28** le malo; o loo pule o ia i nuu ese. E aai ma ifo ia te ia atoa uma o e **29** puputa i le lalolagi; e punonou i ona luma atoa uma o e ifo i le elele, atoa ma le ua faaola o ia ia te ia. E auauna ia te ia le **30** fanau; e ta'ua i latou e fai ma tupulaga mo le Alii. E o mai i **31** latou, ma latou faaali lana amiotonu i le nuu o le a fanau mai, na faia lava e ia.

Ua faatusaina Ieova i le leoleo mamoe.

O le salāmo a Tavita.

O IEOVA, o lo'u leoleo mamoe o **23** ia; e leai se mea ou te mativa ai. Na te ave a'u i le mea e i ai le vao **2** mu'a ou te taoto ai; na te ta'itai ia te au i tafatafa o vai e tafe lemu.

3 Na te faafoisia mai lo'u agaga; na
te ta'itai ia te au i ala o le amiotonu
4 ona o lona suafa. E ui lava ina ou
savali i le vanu o le ata o le oti, ou
te le fefe lava i se mea leaga; auā
o oe ta te faatasi ma a'u; o lau
laau ma lou tootoo e faamafana-
5 fanaina ai a'u. E te laulau mai
mea i le laoi ma a'u i luma o e ita
mai ia te au; ua e faauuina lo'u ulu
i le suāuu; ua taumasuasa la'u
6 ipu. E moni e mulimuli mai ia te
au le agalelei ma le alofa i aso uma
o lo'u ola; ou te nofo foi i le fale o
Ieova i aso e tele lava.

*O le Atua o le pule aoao ia i le lalo-
lagi. Ua iloga ona tagata.*

O le salāmo a Tavita.

24 O LE lalolagi ma mea ua tumu ai
o a Ieova ia; o le atu laulau ma e o
2 nonofo ai. Auā o ia lava na faavae-
ina ai i luga o le sami, ma faamau
ai i luga o vaitafe.
3 O ai ea se alu ae i le mauga o
Ieova? O ai se tumau i lona afioa-
4 ga paia? O le ua i ai lima mamā,
ma le loto mamā; o le ua le nauāu
lona loto i le mea faatauvaā, ma ua
5 le tauto faa'ole'ole. Na te maua le
manuia mai ia Ieova, ma le amio-
tonu mai le Atua o lona faaolataga.
6 O le tupulaga lena e sailili ia te ia,
o e saili ia te oe, o Iakopo ia. Selā.
7 Ina faaea ia i luga o outou ulu,
outou faitotoa e; ia faaeaina i luga
o outou puipui o le faavavau e, se'i
8 ulu atu ai le Tupu mamalu. O ai
ea lenei Tupu mamalu? O Ieova,
le malosi ma le fitafita, o Ieova le
fitafita i le taua.
9 Ina faaea ia i luga o outou ulu,
outou faitotoa e; ia faaeaina i luga
o outou puipui o le faavavau e, se'i
10 ulu atu ai le Tupu mamalu. O ai
ea lenei Tupu mamalu? O Ieova o
'au, o ia lava le tupu mamalu. Selā

O le finau a Tavita i le tatalo.

O le salāmo a Tavita.

25 IEOVA e, ou te faanaunau atu ia
2 te oe ma lo'u loto. Lo'u Atua e, ou
te faatuatua ia te oe; aua ne'i faa-
maina a'u; aua ne'i mitamita mai
3 ia te au o e ita mai ia te au. O i

latou uma foi o e faatalitali ia te
oe; aua ne'i faamaina i latou; e
faamaina o e fai fua a latou amio
pepelo.

Ieova e, ia e faailoa mai ia te au
4 ou ala; ia e a'oa'o mai ia te au i ou
magāala. Ia e ta'itai mai ia te au
5 i le mea moni mai ia te oe, ma
a'oa'o mai ia te au, auā o oe o le
Atua o lo'u olataga; ou te faatali-
tali ia te oe i le aso atoa. Ieova e,
6 ia e manatua lou alofa mutimuti
vale ma lou agalelei; auā talu mai
le vavau lava ia. Aua e te manatua
7 a'u agasala ina ou taulealea, ma o'u
solitulafono; a e tusa ma lou alofa
ia e manatua mai a'u, Ieova e, ona
o lou agalelei.

O Ieova, e agalelei ma amiotonu
8 ia, o le mea lea na te faasinoina atu
ai le ala i tagata agasala. E ta'i-
ta'iina e ia o e agamalu i le faa-
masinoga; na te a'oa'o mai foi i e
agamalu i lona ala. O ala uma lava
10 o Ieova, o le alofa ia ma le faama-
oni i e ua tausi i lana feagaiga ma
ana tulafono. Ieova e, ona o lou
11 suafa, ia e faamagalo mai ai la'u
agasala, auā ua tele lava ia.

O ai ea le tagata o lē mata'u ia
12 Ieova? E faasinoina atu i ai e ia le
ala na te filifilia. E mau o ia i le
13 manuia; o lana fanau foi e fai mo
latou le nuu. O loo faaali e Ieova
14 lona finagalo i e matatau ia te ia;
na te faailoa atu foi lana feagaiga
ia te i latou. O loo faasaga pea
15 lava o'u mata ia Ieova; auā o ia
lava e tatalaina o'u vae ai le upega.

Ia e liuliuli alo mai ia te au, ma
16 alofa mai ia te au; auā o a'u ou te
toatasi ma puapuagaina. Ua faa-
17 tele'ina puapuaga o lo'u loto; ia e
aveeseina a'u i mea ou te tiga ai.
Ia e silasila mai i lo'u puapuaga ma
18 lo'u tiga; ma ia e faamagaloina a'u
agasala uma lava. Ia e silasila i e
19 o ita mai ia te au, auā e toatele i
latou; ua latou 'ino'ino foi ia te au
i le 'ino'ino faasaua. Ia e leoleo ia
20 te au, ma laveai mai ia te au; aua
ne'i ou mā, auā ou te faatuatua ia
te oe. Ia tausia a'u e le amio sao
21 ma le amiotonu; auā ou te faatali-
tali ia te oe. Le Atua e, ia e laveai
22 ia Isaraelu i ona puapuaga uma lava.

O le tatalo ina ia silasila Ieova i le ua faamaoni.

O le salāmo a Tavita.

- 26 IEOVA e, ia e faamasino ia te au; auā o a'u nei ua ou savali ma la'u amio sao; ou te faatuatua foi ia Ieova; e le mapeva o'u *vire.*
- 2 Ieova e, ia e suesue ia te au, ma tofotofo ia te au; ia e faamamā i
- 3 o'u manatu ma lo'u loto. Auā o loo i o'u luma lou alofa; ua ou savali foi i le mea moni mai ia te oe.
- 4 Ou te lei nofo faatasi ma tagata ulavavale; ou te lei alu faatasi ma
- 5 tagata pepelo. Ua ou 'ino'ino i le faapotopotoga o e fai mea leaga; ou te le nofo foi faatasi ma tagata
- 6 amio leaga. Ou te fafano o'u lima e fai ma *faailoga* ua ou le sala; ona ou faataamilomilo ai lea i lou fata
- 7 faitaulaga, Ieova e; ina ia lagona atu le leo o le viiga, ma ia ta'uta'u
- 8 atu ou vavega uma lava. Ieova e, ou te fiasia i le mea e tu ai lou macta, o le mea foi e afio ai lou mamalu.
- 9 Aua ne'i e faatasia a'u ma tagata agasala, ma lo'u ola *ne'i* faatasia ma tagata ua totolima. O loo i o latou
- 10 lima amio leaga, ua tutumu foi o latou lima taumatau i mea alofa.
- 11 A e peitai a'u nei, ou te savali ma la'u amio sao; ia e laveai ia te au,
- 12 ma ia e alofa mai ia te au. Ua tu o'u vae i le mea laugatasi; ou te faamanū atu ia Ieova i totonu o faapotopotoga.

O le faatuatua o Tavita i le Atua i le aso vale.

O le salāmo a Tavita.

- 27 O IEOVA, o lo'u malamalama ia, ma lo'u olataga: o ai ea se ou te fefe ai? O Ieova, o le malosi ia o lo'u ola; ou te mata'u ea ia te ai?
- 2 Na sii taua mai ia te au tagata amio leaga, ina ia 'ai lo'u tino o e sauva mai ma e ita mai ia te au; ona tau-suai lea o i latou, ma latou pauu.
- 3 E ui lava ina to lauapi se itu taua e tau ma a'u, e le fefe ai lo'u loto; e ui ina siitia se taua ia te au, ou te loto tele lava i lea mea.
- 4 E tasi le mea ua ou ole atu ai ia

Ieova, o le mea lava lea ou te saili atu ai; ia ou nofo i le fale o Ieova i aso uma o lo'u ola, ina ia ou iloa atu ai le matagofie o Ieova, ma ou saili i lona malumalu. Auā na te 5 faalilo ia te au i lona fale apitaga i le aso vale; na te natia a'u i le mea lilo i lona fale fetafai; na te faacetia a'u i le papa. O lenei, e 6 faaeaina lo'u ulu i luga o e ua ita mai ia te au, o e siosio ia te au; ou te osia ai taulaga i lona fale fetafai ma le alaga fiasia; ou te pese ma ou fai pesega ia Ieova.

Ieova e, ia e faafofoga mai i lo'u 7 leo, ou te valaau; ia e alofa mai, ma ia e tali mai ia te au. Na fai atu 8 lo'u loto ia te oe *i lau na e fetalai mai*, Ia outou sailiili mai ia te au; Ieova e, ou te sailiili atu i lau afio. Aua e te liliu ese ou fofoga ia te 9 au; aua e te tuli i lau auaua i lou toatamai; na fai ce mo'u fesoasoani; aua le tuulafoaiina a'u, aua foi e te tuua a'u, le Atua e, lo'u faaolafaga. E ui lava ina tuua a'u e lo'u 10 tamā ma lo'u tinā, a e talia a'u e Ieova.

Ieova e, ia e a'oa'o mai ia te au i 11 lou ala, ma ta'ita'i ia te au i le ala laulelei, ona o e ita mai ia te au. Aua e te tuuina a'u i le manao o e 12 sauva mai ia te au; auā ua laga mai ia te au o e molimau pepelo, ma latou tautalatala i le faasaua. Ana 13 ou le faatuatua ou te iloa le agalelei o Ieova i le nuu o tagata ola, *po ua ou faavaivai lava*. Ina faatalitali 14 atu ia ia Ieova, ina loto tele ia, e faamalosiā foi e ia lou loto; ina faatalitali lava ia ia Ieova.

O le tatalo a Tavita ia Ieova na te laveaiina o ia, a ia faasala i e ita ia te ia.

O le salāmo a Tavita.

IEOVA e, lo'u papa, ou te valaau 28 atu ia te oe; aua ne'i ē le tali mai ia te au; ina ne'i ē le tali mai ia te au, ona tusa lea o a'u ma e a o ifo i le lua. Ia e faafofoga mai i le leo 2 o la'u aiou atu, pe a ou alaga atu ia te oe, pe a ou sisii atu o'u lima i le mea paia e fetalai mai ai. Aua ne'i 3 e tosina a'u faatasi ma tagata amio leaga, ma e ua fai mea leaga; o e

tautala faafifilemu i e latou te tuaoi,
a e peitai o i o latou loto le leaga.

4 Ia e avatu ia te i latou e tusa ma a
latou amioga, e tusa foi ma le leaga
o mea ua latou faia; ia e avatu ia
te i latou e tusa ma le galuega a o
latou lima; ia e tau ai i latou i
5 mea ua latou faia. Auā latou te le
mafaufau i mea ua faia e Ieova, ma
galuega a ona aao; na te lepetia ai
i latou, a e le ati ae ia te i latou.

6 Ia faafetaia lava Ieova, auā ua na
7 faafofoga i le leo o a'u tatalo. O
Ieova, o lo'u malosi ma lo'u talita o
ia; na faatuatua lo'u loto ia te ia,
ona ou maua ai lea o le fesoasoani;
o lea e fiafia ai lo'u loto, ma ou vivii
8 atu ia te ia i la'u pese. O Ieova, o
lo latou malosi ia, o ia foi o le malosi
9 e ola ai le na ia faauuina. Ia e faa-
ola i lou nuu, ma faamanuia lou
tofi; ia e fafaga ia te i latou, ma ia
e faaeaina i latou e oo i le faavavau.

Ua viia le mana O le Atua.

O le salāmo a Tavita.

29 O OUTOU atalii o e malolosi,
tuuina atu ia ia Ieova, tuuina atu
ia ia Ieova le viiga ma le malosi.
2 Tuuina atu ia ia Ieova le viiga o
lona suafa; ina ifo ia ia Ieova i le
mea paia e matagofie.

3 O loo i luga o vai le siufofoga o
Ieova; o loo faititili mai le Atua
mamalu; o Ieova, o loo i luga o vai
4 e tele o ia. E malosi le siufofoga o
Ieova; e mamalu le siufofoga o
5 Ieova. O loo gauia arasi e le siufo-
foga o Ieova; o loo gauia e Ieova o
6 arasi o Lapanona. O ia e osooso ai
i latou e pei o se tamai povi; o
Lapanona ma Siriona e osooso e pei
7 o se tamai rema. O le siufofoga o
Ieova e vaevae ai le mumū o le afi.

8 O le siufofoga o Ieova e tetemu ai
le vao; o Ieova e tetemu ai le vao
9 o Katesa. O le siufofoga o Ieova
ua faafanau ai aila, ua manunu
ai foi le vao matua; o i totonu o
lona malumalu foi e taitasi ma tau-
tala i lona mamalu.

10 Na tietie Ieova i luga o le lolo; e
tietie lava Ieova o le Tupu e faa-
vavau lava. E aumaia e Ieova le
malosi i lona nuu; e faamanuia e
Ieova lona nuu i le filemu.

*O loo vivii atu Tavita ia Ieova auā
ua faaolaina o ia.*

O le salāmo, o le pese i le faaulufa-
lega o le fale o Tavita.

IEOVA e, ou te vivii atu ia te 30
oe; auā ua e faaeaina a'u; ua e le
tuuina atu i e ua ita mai ia te au ia
latou mitamita mai ia te au. Ieova 2
e lo'u Atua, na ou alaga atu ia te
oe, ona e faamaloloina ai lea o a'u.
Ieova e, ua e avae ia te au ai le 3
tuugamau; ua e faaolaina a'u, ne'i
ou alu ifo i le lua.

O outou na o ona tagata amio 4
Atua, ia outou pepese atu ia Ieova,
ma ia outou vivii pe a manatua
lona paia. Auā o lona toasa ua se 5
emo o le mata lea, a o lona alofa
tunoa o le ola lava lea; e afe ane le
tagi i le afiafi, a o le alaga fiafia i le
taeao.

Na ou fai atu lava a'u ina ua ou 6
manuia, E le faagaetia a'u e oo i le
faavavau. Ieova e, o lou alofa lava 7
na e faatumauina ai le malosi i lo'u
mauga; ua e liliu ese ou fofoga, ona
ou atuatuvaale ai lea. Ieova e, ua 8
ou alaga atu ia te oe; ma ou aioi
atu ia Ieova. Se a le aoga o lo'u 9
toto i lo'u alu ifo i le tuugamau?
E vivii ea le eleele ia te oe? pe
na te faaali atu ea lou faamaoni?
Ieova e, ia e faafofoga mai, ma 10
alofa mai ia te au. Ieova e, ia fai
oe mo'u fesoasoani. Ua e liua lo'u 11
tagitu'i i le siva; ua e talaeseina
lo'u ie talatala, a e fusia a'u i le
fiafia; ina ia pese atu ia te oe lo'u 12
mamalu, ma le le mapu; Ieova e
lo'u Atua, ou te vivii atu ia te oe e
faavavau lava.

*O le faatuatua i le Atua i ona po o
le puapuga.*

Ma le usu pese. O le salāmo a
Tavita.

IEOVA e, ou te faatuatua lava 31
ia te oe; auā ne'i faamaina a'u e oo
i le faavavau; ia e laveai mai ia te
au i lau amiotonu. Ia e liliu mai 2
ou fofoga ia te au; ia e vave laveai
ia te au; ia fai oe mo'u papa ma-
losi, o le 'olo mauga ou te ola ai.
Auā o oe lava lo'u papa, ma lo'u 3

- ‘olo; ia e ta‘ita‘i mai ma tausi ia te
4 au ona o lou suafa. Ia e ave ese ia
te au i lea lava upega na latou natia
ia maua ai a‘u; auā o oe lava lo‘u
malosi.
- 5 Ou te tuuina atu lo‘u agaga i lou
nao; Ieova e, le Atua faamaoni, ua
6 e togilolaina a‘u. Ou te ‘ino‘ino i e
ua anaana i mea faatauva *ma* le
pepelo; a e ou te faatuatua lava ia
7 Ieova. Ou te fiasia ma ou olioli i
lou alofa mai; auā ua e silasila i
lo‘u tiga; ua e silafia a‘u ina o pua-
8 puagatia. Ua e le tuuina foi a‘u i
le pule a e ita mai ia te au; ua e
faatuina o‘u vae i le mea lautele.
- 9 Ieova e, ia e alofa mai ia te au,
auā ua ou puapuaga; ua fole o‘u
mata, *atoa ma* lo‘u agaga, ma lo‘u
10 manava, i le tiga. Auā ua faauma
lo‘u ola i le faanoanoa, ma ou tau-
saga i le mapuitiga; ua faavaivaiina
lo‘u malosi i a‘u agasala, ua gagase
11 foi o‘u ivi. Ua faalumaina a‘u e i
latou uma o e ita mai ia te au, a e
sili lava i latou matou te tuaoi; *ua*
avea a‘u ma faamatau i e sa matou
masani; ua sosola ese ia te au o e
12 iloa mai a‘u i fafo. Ua faagalogalo-
ina a‘u e pei o le ua oti, ua le ma-
natua lava; peiseai a‘u se ipu ua
13 nutililii. Auā ua ou faalogo i le
faaleaga mai e le toatele; ua siosio-
mia a‘u e le mata‘u, ona ua latou
taupulepule faatasi ia te au, ua latou
14 manatu i se togafiti ou te oti ai. A
e peitai a‘u nei, ou te faalagolago ia
te oe Ieova e, ou te faapea atu, O
15 oe lava lo‘u Atua. O loo i ou aao
o‘u aso; ia e laveai mai ia te au ai
lima o e ita mai, ma e ua tuliloa
16 mai ia te au. Ia malamalama mai
ou fofoga i lau auana; ia e faaola
17 mai ia te au ona o lou alofa. Ieova
e, aua ne‘i faamaina lava a‘u, auā
ou te valaau ia te oe; ia faamaina
o e fai amio leaga, ia faalologo i
18 latou i seoli. Ia faalologo laugutu
pepelo; o e tautala faasiasia, ma le
faamaualuga, ma le ‘ino‘ino i le
tagata amiotonu.
- 19 Ua tele lava lou agalelei ua teua
e oe mo e ua matatau ia te oe, ua e
faia i luma o le fanau a tagata mo
20 e faatuatua ia te oe. E natia i
latou e oe i le mea lilo i ou luma, ia
le oo ia te i latou taupulepulega a
tagata; e te faalilo ia te i latou i
lou fale apitaga, ina ia le oo ai le
finauga a laulaufaiva. Faafetai ia 21
Ieova, auā na ia faasilisili lona alofa
ia te au i le aai nofo ‘olo. O a‘u 22
foi na ou fai atu i lo‘u polepole
vale, Ua faateaina a‘u ai ou luma;
a e peitai ua e faafofoga mai i le
leo o la‘u aioi atu i lo‘u alaga atu ia
te oe.
- O outou na uma lava o ona ta- 23
gata amio Atua, ia outou alolofa
atu ia Ieova; e leoleoina e Ieova o
e faamaoni, a e matuā tauia e ia o
e amio faamaualuga. O outou na 24
uma lava, o e faamōemoe ia Ieova,
ina faalototele ia; e faamalolosia
foi e ia o outou loto.
- O le manuia o le tagata ua faamaga-*
lolina ana agasala.
- O le salāmo* a Tavita e a‘oa‘o ai.
- AMUIA le tagata ua faamaga- 32
lolina lona solitulafono, *ma* ua ufitia
lana agasala. Amuia le tagata e le 2
ta‘usalaina e Ieova, e leai foi se
‘ole‘olega i lona loto.
- Na ou faalologo, ona palagia ai 3
lea o o‘u ivi i lo‘u faataio i le aso
atoa; auā sa mamafa lou aao i luga 4
ia te au i le ao atoa foi ma le po; ua
liua lava lo‘u malosi i le vela o le
tausaga vela. Selā. Ona ou faa- 5
iloa atu ai lea ia te oe o la‘u aga-
sala, na ou le ufitia foi la‘u amio-
letonu; sa ou faapea, Ou te faaali
atu ia Ieova o‘u solitulafono; ona e
aveesea ai lea o le leaga o la‘u aga-
sala. Selā.
- O le mea lea e tatalo atu ai ia te 6
oe o e amio Atua uma lava, i ona po
e maua ai *oe*; e moni, e le oo ia te i
latou tafega o vai e tele. O oe lava 7
lo‘u lafitaga, e te leoleoina a‘u i le
puapuaga, e te siosiomia a‘u i siva o
le olataga. Selā.
- Ou te a‘oa‘o ia te oe, ma faasino 8
ia te oe i lea lava ala e te savali ai;
ou te faatonu *ia te oe, ma* ou vaai ia
te oe. Aua e te faapei o le solo- 9
fanua, *po* o le falata, e le o i ai se
mafaufau, o latou teuga o le faagutu
ma le taofi e taofi ai, auā ua latou
le faalatalata mai ia te oe.
- E tele mea tiga e oo i e amio 10
leaga; a o lē faatuatua ia Ieova e

11 siomia o ia i le alofa. Ina fiasia ia ia Ieova, ma olioli o outou o e amiotonu; ina alalaga ia ma le fiasia o outou uma o e ua faamaoni o outou loto.

O le faamanū ia Ieova i lona agalelei ma lona alofa tele i tagata.

33 INA pepese ia ia Ieova o outou o e amiotonu; e ono lava i e ua amio sa'o ona vivii atu. Ina vivii atu ia ia Ieova i le kitara; ia fai pesega ia te ia i le napeli e sefulu ona manoa. 3 Ina pepese atu ia ia te ia i le pese fou; ia outou ta malie ma le leo fiasia. Auā e sa'o lava le afioga a Ieova; ua faia foi e ia ana galuega uma i le faamaoni. E fiasia o ia i le amiotonu ma le faamasinoga; ua tumu le lalolagi i le alofa o Ieova. 6 O le afioga a Ieova na faia ai le lagi; ma 'au uma o i ai, na faia i le mānava a lona fofoga. Ua faapopotoina e ia o suāsami e pei se mea maupuepue; ua tuuina atu e ia o le moana i fale oloa. 8 Ia matatau ia Ieova atoa uma le lalolagi; ia fefefe lava ia te ia o outou uma o e nonofo i le atu lau-lau. Auā o ia lava na fetalai ane, ona i ai lava lea; o ia na tūlei mai lana afioga, ona tu mai lava lea. E faaleaogaina e Ieova o taupulepulega o nuu ese; e faaiuvaleina e ia o mafaufauga a tagata. E tu le pule a Ieova e oo i le faavavau; o mafaufauga a lona finagalo e a le tu a le tu lava. Amuia le nuu ua Atua ia Ieova, o le nuu ua filifilia e ia e fai mona lava tofi. 13 O loo silasila mai Ieova mai le lagi; e silafia e ia le fanau uma a tagata. O loo matuā silasila mai o ia mai le mea o loo afio ai o ia ia i latou uma o e nonofo i le lalolagi. 15 E faia lava e ia o latou loto uma lava; o loo matuā silafia e ia a latou galuega uma. E le faaolaina se tupu i le toatele o ana 'au; e le laveaiina le tagata fitafita i lona malosi tele. 17 E le aoga le faaola a le solofanua; e leai foi se laveaiina e ia i lona malosi tele. 18 Faauta, o loo silasila Ieova i e matatau ia te ia, o e faamoemoe i lona alofa; ina ia laveai ia te i latou ai le oti, ina ia ola foi i latou i le

oge. O loo faatalitali o tatou loto ia Ieova; o ia lava lo tatou fesoasoani ma lo tatou talita. Auā o loo fiasia ia te ia o tatou loto; auā ua tatou faatuatua i lona suafa paia. Ieova e, ia i luga ia te i matou lou alofa, e pei ona matou faamoemoe ia te oo.

O le faamanū a Tavita ia Ieova i lona fesoasoani ia te ia.

O le salāmo a Tavita ina ua faataga amio valea o ia i luma o Apimeleko, ona tuli ai lea o ia ia te ia, ona alu ese ai lea o ia.

OU te faafetai ia Ieova i aso uma lava; e le aunoa ōna viiga i lo'u gutu. E mitamita lo'u agaga ia Ieova; e faalogologo i ai e ua puapugaina, ona latou fiasia ai lea. Ia outou faaneene atu ia Ieova faatasi ma 'a'u; ma ia tatou vivii faatasi i lona suafa.

Na ou saili atu ia Ieova, ona tali mai ai lea o ia ia te au, ma na laveaiina a'u ai mea uma na ou fefe ai. Na latou vaavaai atu ia te ia, ona faaolioliina le'u o i latou; e le mā foi o latou mata. Na valaau atu lenei tagata ua tigaina, ona faafofoga mai ai lea o Ieova, ma na faaola ia te ia i ona puapuga uma lava. E to lauapi le agelu a Ieova e siosiomia ai o e matatau ia te ia, e laveai foi o ia ia te i latou.

Ina tofotofa ia outou, ma ia outou iloa e lelei Ieova; amuia lava le tagata o lē faatuatua ia te ia. O outou na o ona tagata paia, ia outou matatau ia Ieova, auā e leai se mea e mativa ai e ua matatau ia te ia. E oge mea leona taanoa, ma latou fia aai; a e e leai se mea lelei e mativa ai i latou o e saili ia Ieova.

Le fanau e, ina o mai ia, ina faalogologo mai ia ia te au; ou te a'oa'o atu ia te outou ia matatau ia Ieova. O ai ea le tagata ua manao i le ola, ma ua loto ia tele ona aso, ia iloa ai e ia mea lelei? Aua ne'i tautala lou laulaufaiva i upu leaga, ma ou laugutu ne'i tautala faa'ole'ole. Ina 'alo ese ia i mea leaga, a ia fai mea lelei; ina sailiili atu ia i le filemu, ma tausisi i ai.

O fofoga o Ieova o loo faasaga i e

amiotonu, e *lilū* mai foi ona taliga i
 16 a latou alaga. A o fofoga o Ieova, o
 loo *faasaga* i e fai amio leaga, ina ia
 tineia le faamanatuina o i latou ai
 17 le lalolagi. Ua alalaga e ua *amiotonu*,
 ona faafofoga mai ai lea o Ieova; ua
 ia laveai mai foi ia te i latou ai o
 18 latou puapuaga uma. Ua latalata
 mai Ieova i e ua loto momomo; ua
 ia faaola foi i e ua loto nutimomoia.
 19 E tele lava mea leaga e oo i le ua
 amiotonu; a e laveaiina o ia e Ieova
 20 ai ia mea uma. E leoleoina e ia o
 ona ivi uma; e le gau lava se tasi.
 21 E fasiotia e le malaia le ua amio
 leaga; o i latou foi e ua 'ino'ino i le
 ua amiotonu e faasalaina i latou.
 22 E laveaiina e Ieova o agaga o ana
 auaua; e le faasalaina foi so latou
 o e faatuatua ia te ia.

*O le tatalo a Tavita ia faaolaina o ia
 ai lima o e ita ia te ia.*

O le salāmo a Tavita.

35 IEOVA e, ia e finau ma i latou o
 e finau mai ia te au, ia e tau ma i
 latou o e faasaga tau mai ia te au.
 2 Ia e tago i le talita ma le talipupuni,
 ma ia e tulai mai e fesoasoani mai ia
 3 te au. Ia e to ae le tao, ma e pu-
 puni atu i le tuliloa mai ia te au; ia
 e fetalai mai i lo'u agaga, O lou
 faaola o a'u lava lea.
 4 Ia faamaina ma ia masiasi o e
 saili ia oti a'u; ia liutuaia ma ia
 taufaimamā i latou o e manatunatu
 5 i se mea e leaga ai a'u. Ia avea i
 latou ia faapei o aputi o saito *ona*
telea i le matagi; ia tuleia i latou e
 6 le agelu a Ieova. Ia pouliuli ma ia
 maseese le latou ala; ma ia tili-
 loaina i latou e le agelu a Ieova.
 7 Auā na latou natia fua lo latou
 upega ia maua ai a'u i le lua, na
 8 latou elia fua lava ia ou oti ai. Ia
 oo ia te ia le malaia ua na le iloa;
 ia maua lava o ia i lona upega na ia
 natia; ia paū lava o ia i lea lava
 9 malaia. Ona fiasia lea o lo'u loto ia
 Ieova; e olioli lava i lana faaolataga.
 10 E fai atu o'u ivi uma lava, Ieova e,
 o ai ea se tusā ma oe, o le ua laveai
 le tagata ua puapuagaina, mai ia te
 ia ua i ai le malosi e sili i lona; e
laveaiina foi le ua puapuagaina ma
 le mativa i le ua faoa ana mea?

Ua tutū mai ia te au o molimau 11
 faasaua, ua latou suesue ia te au i
 mea ou te lei iloa. Ua latou tau 12
 mai lo'u lelei i le leaga, e ausage ai
 lo'u agaga. A e peitai o a'u nei, na 13
 ou ofu i le talatala ina o latou
 mama'i; na ou faatigaina a'u e a'u
 i le anapogi; ma ua foi mai la'u
 tatalo i lo'u fatafata. Na ou fealūai 14
 e peiseai o la'u uo o ia po o lo'u uso;
 na ou punou eleelea, e pei o le ua
 faanoanoa i lona tinā. A ua latou 15
 fiasia ina ua ou setusetu; ma ua
 latou faapotopoto mai; ua faapoto-
 poto o e agatele e faatiga ia te au, a
 ua ou le iloa; na latou fesaeiai te 16
 au, ua le mapu lava. Ua lilivau o
 latou nifo ia te au faatasi ma tagata
 faalematau, o e faianaga ia maua ai
 se potoi areto.

Le Alii e, e te silasila i ai seia 17
 afea? ia e faafoisia mai lo'u agaga
 mai a latou faatafunaga, ia *laveaiina*
 a'u ua toatasi mai leona. Ou te vivii 18
 atu ia te oe i le faapotopotoga tele,
 ma pese atu ia te oe i luma o le nuu
 e toatele. Aua nei'ī mitamita ia te 19
 au o e ita fua mai ia te au; aua nei'ī
 fegenoai mata o e 'ino'ino fua mai
 ia te au. Auā e le tautala i le file- 20
 mu i latou, a ua latou manatunatu
 i upu pepelo i e ua nofo filefumu i
 le nuu. Ua faamamaga foi o latou 21
 gutu ia te au, ua fai mai, Ue! ue!
 ua vaai lava i ai o tatou mata.

Ieova e, ua e silasila i ai; aua 22
 nei'ī e le tali mai; le Alii e, aua e te
 vavamamao ma a'u. Lo'u Atua e, 23
 lo'u Alii e, ia e tulai mai, ma e ma-
 lejua mai i lo'u faamasinoga, ma
 la'u nei finauga. Ieova e, lo'u Atua 24
 ia e faamasino mai ia te au e tusa
 ma lau amiotonu; aua nei'ī latou
 mitamita mai ia te au. Aua nei'ī 25
 latou fai ifo i o latou loto, Ue! o lo
 tatou lava manao *lena*; aua nei'ī
 latou fai ane, Ua foloina o ia e i 26
 tatou. Ia taufaimamā ma ia masi-
 asi faatasi i latou o e ua mitamita i
 lo'u tiga; ia faaofuina i latou i le mā
 ma le masiasi o e faasausili ia te au.
 Ia pepese ma taufaiolioli o e loto i 27
 la'u amiotonu; ia fai ana pea lava i
 latou, Ia viia Ieova, o le ua finagalo ia
 manuia lana auaua. E ta'uta'u atu 23
 foi lo'u laulaufaiva i lau amiotonu,
 ma vivii atu ai ia te oe i le aso atoa.

*O le malaia o e amio leaga; o le tele
o le alofa o Ieova i ona tagata.*

Ma le usu pese. *O le salāmo a
Tavita le auauna a Ieova.*

- 36** O LE upu a le solitulafono ua i le tagata amio leaga, o loo i totonu o lo'u loto lea; e leai lava sona mata'u i le Atua. Auā o loo faaoleole o ia ia te ia lava, ina ia iloa ana agasala ia inosia ai. O ana upu o le agasala ia ma le faa'ole'ole; ua tuua e ia le faautauta ma le amio lelei. 4 O loo mafaufau o ia i le amio leaga i luga o lona moega; ua ia tumau i le ala e le lelei; na te le 'ino'ino i le leaga. 5 Ieova e, o i le lagi lou alofa; ua 6 oo lava i ao lou faamaoni. E pei o le atu mauga o le Atua lau amiotonu; o le moana sausu au faamasinoga; Ieova e, ua ola ia te oe 7 tagata atoa ma manu. Le Atua e, e maeu lava lou alofa, o le mea lea ua faatuatua ai tagata i le paolo o 8 ou apaau. E malilie i latou i mea lololo ua i lou fale; e te faainumia foi i latou i le vaitafe o au mea faafiafia. Auā o loo ia te oe le puna o 9 le ola; o loo malamalama matou te 10 iloa ai le malamalama. Ia e faafua- 11 loa lou alofa i e ua iloa oe, ma lau amiotonu i e ua faamaoni o latou 12 loto. Aua nei oo ia te au le vae o lē faamaualuga; aua foi nei tulieseina a'u e lima o e ua amio leaga. 13 Ua pauu e ua fai amio leaga i lea lava mea; ua tuleia lava i latou, ua le toe mafai ai ona tutū i luga.

*O upu apoapoai ia le tiga i tagata
amio leaga, a ia faatuatua i le
alofa o le Atua.*

O le salāmo a Tavita.

- 37** AUA e te faameo ona o e amio leaga; aua foi e te losilosi ona o e 2 fai mea leaga. Auā e le pine ona seleseaina i latou e pei o le mutia; e manae i latou e pei o le vao mu'a 3 lauolaola. Ia e faatuatua ia Ieova, ma e faia amio lelei; ia e nofo i le 4 nuu, ma tausisi i le faamaoni. Ia e fiafia lava oe ia Ieova, ona foaiina lea e ia ia te oe o mea e manao i ai 5 lou loto. Ia e tuuina atu lou ala ia

Ieova, ma faatuatua ia te ia, ona faia lava lea e ia. E faaalua e ia 6 lau amiotonu e pei o le malamalama, ma lou faamasinoga e pei o le aauli. Ia e faalologo i luma o Ieova, 7 ma faamoemoe ia te ia; aua e te faameo ona o le ua manuia lona ala, o le tagata ua faia togafiti leaga. Ina soia e te ita, ma ia tuu 8 lou tiga; aua e te faameo, nei e faia se mea leaga. Auā e faaumatia 9 o e fai amio leaga; a o e faatalitali ia Ieova, o i latou lava ia e fai mo latou le nuu. E toe itiiti, ona leai 10 lea o le tagata amio leaga; e te mafaufau foi i le mea sa i ai o ia, a e leai lava. A o e agamalu, e fai 11 mo latou le nuu; e faafiafia foi i latou ia te i latou ona o le manuia e tele. Ua manatunatu le tagata 12 amio leaga i se mea e leaga ai le tagata amiotonu; ua lilivau foi ona nifo ia te ia. E soiso'i le Alii ia te 13 ia; auā ua na silafia o le a sau lona aso. Ua fese'i ae e tagata amio 14 leaga a latou pelu, ua lolou a latou aufana, ia oti ai e ua puapugaina ma e matitiva, ina ia fasioti i e ua sa'o a latou amio. E oo a latou 15 pelu i o latou lava fatu, e gauia foi a latou aufana.

O le mea itiiti ua i le tagata amio- 16 tonu, e sili ona lelei lea i oloa e tele o e amio leaga e toatele. Auā e 17 gauia lima o e amio leaga; a e taoiina ae e Ieova o e amiotonu. O 18 loo silafia e Ieova aso o e ua sao a latou amio; e faavavau lava lo latou tofi. E le mamā i latou i le aso 19 vale; e maona foi i latou i ona po e i ai le oge. Auā e fano lava o e 20 amio leaga; o e ita foi ia Ieova, e pei o le mea sili o i tamai mamoe i latou; e mavae atu i latou, e mavae atu e pei o le asu. Ua no mea le 21 tagata amio leaga, a e le toe tauu atu ai; a o le tagata amiotonu, ua amio alofa ia, ma foai fua ana mea. Auā o e ua faamanuia e ia, e fai mo 22 latou le nuu; a o e ua faafanoina e ia, e faaumatia i latou. E mau ia 23 Ieova le savali o le tagata; e fiafia foi o ia i lona ala. Afai e paū ia, e 24 le taatia pea ia i lalo; auā e taofia lona lima e Ieova. Ua ou toecaina 25 a'u nei, sa a'u taulealea; a ou te lei iloa se tagata amiotonu na lafoaiina,

26 po o ana fanau ua 'aiisi i latou. Ua
amio alofa ia i aso uma lava; ua
avatu e ia ana mea i e nono mai;
ua manuia foi ana fanau.

27 Ia e 'alo ese i mea leaga, ma e
faia mea lelei; e te mau ai e faa-

28 vavau. Auā e fiafia Ieova i le
faamasinoga, na te le tuua foi ona
tagata amio Atua; e leoleoina i la-
tou e faavavau; a e faaumatia fanau

29 a e amio leaga. E fai lava le nuu
mo tagata amiotonu, e nonofo ai

30 pea i latou. O le gutu o le tagata
amiotonu e tautala lea i le potu, e
tautala foi lona laulaufaiva i le faa-

31 masinoga. O loo i lona loto le tula-
fono a lona Atua, e le mapeva foi

32 ona vae. Ua lamalama le tagata
amio leaga i le tagata amiotonu, ua

33 ia sailiili foi e fasioti ia te ia. E le
tuuna o ia e Ieova i lona lima; na
te le faasala foi ia te ia pe a faa-

34 masinoina o ia. Ia e faatalitali ia Ieova, ma e
tausi i lona ala; ona faaeaina lea o

35 o e e ia ina ia fai mou le nuu; e te
ilola atu le fanoga o e amio leaga.

35 Na ou ilola atu le tagata amio leaga
ua faasaua, ua faateleina foi o ia e
pei o le laau ua tupu i lona lava

36 eleele, ma tauluulu ola. A ua ma-
vae ese o ia, faauta foi, ua leai; na

37 ou sailiili foi ia te ia, a ua le ilola
lava. Ina mafaufau ia i le ua sao

38 lana amio, ma vaavaai i le ua amio-
tonu; auā o le iuga o lea tagata o

39 le manuia lava lea. A e fano faa-
tasi o e solitulafono; o le iuga o e

39 amio leaga o le malaia lava lea. O
loo mai ia Ieova le faaolataga o e

40 amiotonu; o ia lava lo latou malosi
i ona po o le puapuaga. E fesoasoani

40 foi Ieova ia te i latou, ma
laveai ia te i latou; e laveaina lava

41 i latou e ia ai tagata amio leaga, na
te faaalaina foi i latou, auā ua latou

42 faatuatua ia te ia.

*O le tatalo a Tavita ina ua puapua-
gatia o ia.*

O le salāmo a Tavita e faamanatu-
natu a'i.

38 IEOVA e, aua e te aoai mai ia te
au i lou toasa; aua foi e te sasa ia

2 te au i lou toasa tele. Auā ua o au u
fanafana i totonu ia te au, ua ma-

3 mafa foi lou aao i luga ia te au. E
leai se itu o lo'u tino ua sao ona o
lo'u toatamai; e leai se filemu i o'u

4 ivi ona o a'u agasala. Auā ua oo
lava a'u agasala i luga o lo'u ulu; e

5 pei o se avega mamafa, ua mafatia
ai lava a'u. Ua elosia o'u manua;
ua alu ae le alou ona o lo'u valea.

6 Ua faano'uno'uina a'u; ua ou
matuā punou lava i lalo; ou te

7 fealuai ma le eleelea i le aso atoa.
Auā ua tigaina lo'u manava i le

8 ma'i vevela; e leai se itu o lo'u tino
ua sao. Ua ou matuā vaivai, ua ou

9 momomo lava; ou te faataio ona o
le oi o lo'u loto. Le Alii e, o loo i

10 ou luma lo'u manao uma; e le lilo
foi ia te oe lo'u mapuitiga. Ua

11 sapotuvale lo'u fatu manava, ua te'a
lo'u malosi; o le malamalama foi

12 sa i o'u mata, ua le ia te au lea.

13 Ua tutū mamao a'u uo ma a'u
aumea mamae i lo'u malaia; ua

14 tutū mamao foi o i latou matou te
tuaoi. Ua fai mailei o e saili ia ou

15 oti; o i latou foi o e sailiili ia leaga
ai a'u o loo tautala i mea leaga, ma

16 mafaufau i mea faa'ole'ole i le aso
atoa. Peitai a'u nei, ua faapei o se

17 tagata tutuli, ua ou le lagona; po o
sē gūgū, ua le tautala lona gutu.

18 O a'u foi e pei se tagata ua le
lagona, e leai foi se upu finau i

19 lona gutu. Auā Ieova e, ou te
faamoemoe ia te ce; o oe le Alii e,

20 lo'u Atua, e te tali mai ai. Auā na
ou faapea, ne'i latou mitamita mai

21 ia te au; pe a mapeva lo'u vae la-
tou te faasausili mai ia te au. Auā

22 o a'u nei, e toe ina ou pa'i; ua
lumanai pea ia te au lo'u tiga.

23 Auā ou te ta'uta'uina atu la'u amio
leaga; ou te atuatuvaale ona o la'u

24 agasala. A ua tagata ola i latou o
e ita mai ia te au, ua malolosi i

25 latou; ua faatoateleina o e 'ino'ino
fua mai ia te au. O i latou foi o e

26 tau'i atu le lelei i le leaga, ua latou
fai a'u mo latou fili, auā ou te tau-

27 sisi i mea lelei.

28 Ieova e, aua ne'i e tuuna mai a'u; 21
lo'u Atua e, aua e te vavamamao

29 ma a'u. Le Alii e, lo'u faaolataga, 22
ia e faataalise mai e fesoasoani mai

ia te au.

*O le mafaufau a Tavita i le puupuu
ma le faatauva a o le olaga nei.*

Ma le usu pese o Iutana. O le
salāmo a Tavita.

- 39 NA ou faapea, Ou te faaeteete i
o'u ala, ina ne'i ou agasala i lo'u
lauaufaiva; ou te faaeteete i lo'u
gutu, ou te taofiofi a o i o'u luma
2 tagata amio leaga. Na ou faalo-
logo, ua ou le gagana; na ou le tau-
tala lava i mea lelei; ona faagaetia
3 ai lea o lo'u tiga. Sa vevela lava
lo'u loto i totonu ia te au; o lo'u
mafaufau foi ua mu ai le afi; ona
tautala ai lea o lo'u laulaufaiva.
4 Ieova e, ia e faailoa mai ia te au
lo'u iuga, pe se a foi le fua o o'u
aso; ina ia ou iloa pe fia *ni aso* ua
5 toe ia te au. Faauta, ua e faia o'u
aso e pei o le lautele o le alofilima;
o lo'u olaga foi, ua peiseai ua leai i
ou luma; e moni, o tagata uma a o
malolosi e matuā faatauva lava i
latou. Selā.
6 E moni, o loo savavali tagata e
peiseai o se ata; e moni, ua faaatu-
atuvaleina fua lava i latou; ua faa-
faulai e ia *le oloa*, a e le iloa e ia po
7 o ai e faapotopotoina ai. O lenei,
le Alii e, se a ea se mea ou te faa-
talitali i ai? O loo ia te oe lo'u
8 lava faamoemoe. Ia e laveai mai
ia te au ai o'u solitulafono uma;
aia ne'i faalumaina a'u e le vale.
9 Ou te faalologo lava a'u, ou te le
gagana; auā o oe lava na e faia.
10 Ia e taofia lau ta ia te au; ua faa-
umatia a'u nei i le sasa mai o lou
11 aao. A e sasa i le tagata i aoaiga
ona o le agasala, ona e faaumatia ai
lea o lona lelei, e pei o le mogamoga
ona atia o le ofu; e moni, o tagata
uma e faatauva lava i latou. Selā.
12 Ieova e, ia e faafofoga mai i la'u
tatalo, ma liliu mai ou fofoga i la'u
alaga; aua ne'i e le tali mai i la'u
tagi; auā ou te se tagata ese a'u i
ou luma *ma le āumau*, e pei o o'u
13 tamā uma lava. Ia 'alo ese ou
fofoga ia te au, seia ou malolo ane
manū ou te lei alu ese, ma ua leai
o a'u.

*O le viiga ia Ieova ina ua ia faaola-
ina ona tagata.*

Ma le usu pese. O le salāmo a
Tavita.

- NA ou matuā faatalitali lava ia 40
Ieova; ona faasaga mai ai lea o ia
ia te au, ua faafofoga mai foi o ia i
la'u alaga. Na ia aveina ae a'u ai 2
le lua e malaia ai, ma le mea matuā
palapalā; na faatuina foi o'u vae i
luga o le papa, ua faamautuina ai
o'u savali. Ua tuuina mai e ia le 3
pese fou i lo'u gutu, o le viiga i lo
tatou Atua; e iloa ai e le toatele, e
matatau foi i latou, ma latou faa-
tuatua ia Ieova.
Amuia le tagata o lē faatuatua 4
ia Ieova, a e le faasaga i e faamau-
luluga, ma e ua liliu ane i mea
pepelo. Ieova e, lo'u Atua, e tele 5
lava mea ua e faia, o ou vavega ma
ou manatu ia te i matou, e le mafai
ona laulauina atu ai ia te oe; ou te
fia faailoa mā tautala i ai, a e le
mafaitaulia lava. E te le finagalo i 6
le taulaga ma le taulaga i mea e
'ai; ua elia e oe o'u taliga; o le
taulaga mu ma le taulaga mo le
agasala e te lei fetalai mai ai. Ona 7
ou fai ane ai lea, Faauta, ou te alu
atu; ua tusia a'u i le tusi taai, Lo'u 8
Atua e, ou te fiafia e fai lou fina-
galo; o loo i totonu lava ia te au
lau tulafono. Ua ou tala'i le amio- 9
tonu i le faapotopotoga tele; faa-
uta, ou te lei taofia lava o'u lau-
gutu, Ieova e, ua e silafia lava. Ou 10
te lei natia lava i lo'u loto lau amio-
tonu; ua ou ta'uina atu lou faama-
oni ma lau faaolataga; ou te lei
faalilolilo lou alofa ma le mea moni
mai ia te oe i le faapotopotoga tele.
Ieova e, aua e te taofia e oe lou 11
alofa mutimuti vale ia te au; ia
leoleoina pea lava a'u e lou alofa
ma lou faamaoni. Auā ua siosio- 12
mia a'u i mea leaga e le mafaitau-
lia; ua maua mai a'u e a'u agasala,
o lea ou te le mafaia ai ona vaai;
ua sili ia ona tele i o'u lauulu; ua
matuā faavaivai ai lo'u loto. Ieova 13
e, ia e finagalo e laveai mai ia te
au; Ieova e, ia vave ona e fesoaso-
ani mai ia te au. Ia taufaimamā 14
ma ia masiasi faatasi e ua fia fasioti

- ia te au; ia liutuaina ma faamaina
e ua mananao i se mea ia leaga ai
15 a'u. Ia fememeai ona o lo latou
mā o e fai mai ia te au, Ue! ue!
16 Ia olioli ma fiafia ia te oe o i latou
uma o e sailiili ia te oe; ia fai ane
pea i latou o e fiafia i lau faaola-
17 taga, Ia viia Ieova. A o a'u nei,
ua ou puapugatia ma ou mativa;
e manatua mai a'u e le Alii; o oe
lava lo'u fesoasoani ma lo'u faaola;
lo'u Atua e, aua lava e te tuai mai.

O le manuia o le tagata amio alofa.

Ma le usu pese. Ole salāmo a Tavita.

- 41 AMUIA le tagata ua manatua le
ua mativa; e faasaoina o ia e Ieova
2 i le aso vale. E tausia o ia e Ieova
ma faaolaina; e manuia foi o ia i le
nuu; e te le tuua foi o ia i le
3 manao o e ita ia te ia. E lagolago
ane Ieova ia te ia i le taotoga o
lona ma'i; e te liua lona moega
uma lava i lona ma'i.
4 Na ou fai atu, Ieova e, ia e alofa
mai ia te au; ia e faamalolo i lo'u
agaga; auā ua ou agasala atu ia te
5 oe. O e ita mai ia te au, ua latou
tautala i se mea e leaga ai au, *ua*
faapea ane, Po o afea e oti ai o ia,
6 ma galo ai lona igoa? Afai foi e
sau o ia e asiasi mai *ia te au*, ua
tautala i le pepelo, ua faaputuina e
lona loto o mea leaga mo ia; ona
alu ai lea o ia i fafo ua tautala a'i.
7 Ua musumusu faatasi o i latou uma
o e 'ino'ino mai ia te au *i se mea e*
oo ia te au; ma latou manatunatu i
8 se mea e leaga ai a'u. *Ua faapea i*
latou, Ua oo lava le mea matuā
leaga ia te ia; ua taoto ia, e le toe
9 tu i luga. O le tagata foi o la'u
uo, o le na ou faatuatua i ai, na 'ai
la'u areto, ua aa mai o ia ia te au i
10 lona mulivae. A o oe, Ieova e, ia e
alofa mai ia te au, ma faatu ia te
au, ina ia a'u tau atu ia te i latou.
11 O le mea lea ua ou iloa ai e te fina-
galo mālīe mai ia te au, ina ua le
mitamita mai ia te au o lē ita mai
12 ia te au. A o a'u nei, e te taofia
a'u i luga i la'u amio sao; e te faa-
tuina foi a'u i ou luma e faavavau.
13 Ia faafetaia Ieova, le Atua o Isa-
raelu, mai le vavau e oo lava i le
faavavau. Amene ma Amene.

*O le naunau atu i le malumalu o le
Atua.*

Ma le usu pese. *O le salāmo e a'oa'o*
ai mā le fanauga a Koru.

LE Atua e, e faapei ona naunau 42
o le aila i vaitafe, o loo faapea ona
naunau o lo'u agaga ia te oe. Ua 2
fia inu lo'u agaga i le Atua, o le
Atua soifua; o afea ea ou te alu
atu ai ia iloa ai a'u i luma o le
Atua? Ua faia o'u loimata ma'u 3
mea e 'ai i ao ma po, a o fai mai
pea i latou, O ifea ea lou Atua?
Ou te manatunatu i ia mea, ona 4
faavaivai ai lea o lo'u loto i totonu
ia te au; auā sa matou o faatasi ma
le toatele, ma matou savavali i le
fale o le Atua ma le leo fiafia ma le
viiga, o le toatele o e fai le tausamiga. 5
Lo'u agaga e, se a ea le mea
ua e faanoanoa ai, ma ē atuatuva
ai i totonu ia te au? ia e faamoemoe
i le Atua, auā ou te toe vivii ia te ia
ona o le faaolataga mai ona luma.

Lo'u Atua e, ua faanoanoa lo'u 6
agaga i totonu ia te au; o le mea
lea ou te manatunatu ai ia te oe i
le nuu o Ioritana, ma le atu Here-
moni, ma le mauga itiiti. O loo 7
fevalaauai lea moana ma lea moana
i le vāgana mai o ou afu; ua fela-
ai ai mai i luga ia te au ou galu ma
ou peau uma lava. E pule mai Ie- 8
ova lona alofa *ia te au* i le ao, e ia
te au foi le pese ia te ia i le po, o le
tatalo i le Atua o lo'u ola. Ou te 9
fai atu i le Atua lo'u papa, Se a le
mea ua e faagalogo ai ia te au?
se a le mea ou te fealuai ai ma le
elelele, ona o le saua mai o le ita
mai? Ua momomo o'u ivi i le faa- 10
lumaina o a'u e i latou o e ita mai
ia te au, i lo latou fai mai pea, O
ifea ea lou Atua? Lo'u agaga e, 11
se a ea le mea ua e faanoanoa ai?
ua atuatuva foi oe i totonu ia te
au i se a? ia e faamoemoe i le Atua,
auā ou te toe vivii ia te ia, o lo'u
faaolataga ia ma lo'u Atua.

O le tatalo ia laveaiina i e ita mai.

LE Atua e, ia e faamasino ia te 43
au, ma ia e faia la'u finauga i le nuu
faalealofa; ia e laveai mai ia te au
ai le tagata faa'ole'ole ma le amio

- 2 leaga. Auā o oe o le Atua ou te
malosi ai; se a le mea ua e lafoai
mai ai ia te au? se a le mea ou te
fealuai ai ma le eleelea, ona o le
3 saua o le ua ita mai? Ia e aauina
lou malamalama ma lau upu moni,
ia la ta'ita'i mai ia te au, ia la faaoo
ia te au i lou mauga paia ma lou
4 malumalu. Ona ou alu atu ai lea i
le fata faitaulaga o le Atua, o le
Atua ou te matuā fiasia i ai; le
Atua e, lo'u Atua ou te vivii atu ia
5 te oe i le kitara. Lo'u agaga e, se
a ea le mea ua e faanoanoa ai? ua
atuatuvale foi oe i totonu ia te au i
se a? ia e faamoemoe i le Atua,
auā ou te toe vivii ia te ia, o lo'u
faaolataga ia ma lo'u Atua.

*O le faamanatunatu i le alofa o le
Atua anamua.*

Ma le usu pese. *O le salāmo* e a'oa'o
ai ma le fanauga a Koru.

- 44 LE Atua e, ua faalogo o matou
taliga, ua talatalaina e o matou tamā
ia te i matou le galuega na e faia i
ona po sa i ai latou i aso anamua.
2 O oe lava na e tulia i lou aao o nuu
ese, a e totōina ai i latou; ua e faa-
tigaina foi ia nuu, a ua e faatupute-
3 leina i latou. Auā e lei maua e i
latou le fanua i a latou pelu, e lei
faaolaina foi i latou i o latou lima;
a o lou aao taumatau, o lou aao
lava, ma le malamalama o ou fofoga,
auā na e fiasia ia te i latou.
4 Le Atua e, o oe lava lo'u Tupu;
5 ia e fetalai ia faaolaina Iakopo. O
oe lava matou te tului ai i e ita mai
ia te i matou; o lou suafa foi ma-
toui te soli ai i e laga mai ia te i
6 matou. Auā ou te le faatuatua i
la'u aufana, e le faaolaina foi a'u i
7 la'u pelu. Auā ua e faaola lava ia
te i matou i e ita mai ia te i ma-
toui; ua e faamasiasi foi i e 'ino'ino
8 mai ia te i matou. Matou te vi-
vii atu pea lava i le Atua, ma-
toui te faaneence foi e faavavau i
9 lou suafa. Selā. A e peitai ua e
lafoaiina ma faamaina i matou; ua
e le 'au faatasi foi ma la matou itu
10 taua. Ua e faaliutuaina i matou i
luma o e ita mai; ua vetea foi a
matou mea e i latou o e 'ino'ino
11 mai ia te i matou. Ua e tuuina

atu i matou e pei o mamoe a 'aina;
ua e faataapeapeina i matou i nuu
ese. Ua e faatau atu i lou nuu a e 12
lei se oloa ua maua; e lei faatele-
ina foi au oloa i le tau na faatau ai
i latou. Ua e faia i matou ma gao 13
a ē matou te tuaoi, o ulaga ma
tauemuga a ē vagavagai mai ia te
i matou. Ua e faia i matou ma 14
upu faatusa i nuu ese; ua lialiai ai
ulu o tagata. Ua ou lumanai pea 15
le mea ou te masiasi ai; ua ufitia
foi a'u i le mea e mā ai o'u mata,
ona o le leo o le ua gagao mai ma 16
faifai mai; ona o lē ita mai, atoa
ma le ua tau'i ma sui.

Ua oo mai ia te i matou ia mea 17
uma; a e peitai matou te lei faaga-
logalo ia te oe, matou te lei pepelo
foi i lau feagaiga. E lei tuumuli o 18
matou loto; e lei liliu ese foi o ma-
toui vae i lou ala; ina ua e tu'imo-
momoina i matou i le mea o i ai 19
tanimu, ma ua e ufitia i matou i le
ata o le oti. Pe afai ua matou faa-
galogalo i le suafa o lo matou Atua,
afai foi ua faaloaloa ane o matou 20
lima i se atua ese; e le suesue ea
lenei mea e le Atua? auā o ia lava
na te silafia mea lilo o i le loto.
Ona o oe lava ua fasiotia i matou i 22
aso uma; ua faatatauina i matou e
pei o mamoe a fāsia.

Le Alii e, ia e tulai mai, se a le 23
mea ua e tofa ai? ia e maleifua
mai, aua e te lafoai ia te i matou e
faavavau. Se a le mea ua e 'alo ai 24
ou fofoga, ma faagalogalo i lo ma-
toui tiga ma lo matou sauaina? Auā 25
ua faano'uno'u ifo i matou i le efu-
efu; ua pipii o matou manava i le
eleele. Ina tulai mai ia e fai ma 26
fesoasoani ia te i matou; ma ia e
laveai ia te i matou ona o lou alofa.

O le viiqa i le Tupu.

Ma le usu pese i le susana. Ma le
fanauga a Koru. *O le salāmo* e
a'oa'o ai. O le pese i le alofa.

UA puna mai lo'u loto i upu 45
lelei; ou te tantala atu i mea ua
ou faia i le Tupu; o lo'u laulau-
faiva o le peni lea a le tusiupu
lima vave. Ua sili lava lou aulelei 2
i atalii o tagata; ua masaa ifo i ou
laufofoga upu alofa; o le mea lea e

- faamanuia ai oe e le Atua e faava-
 3 vau. Ina fusi ia lau pelu i lou vae,
 o oe na le toa, o lou viiga ma lou
 4 mamalu. O lou mamalu foi ia e
 tietie ai i *le manu* ma le manuia,
 ona o le upu moni, ma le agamalu,
ma le amiotonu; ia a'oa'oina foi oe
 e lou aao taumatau i mea e matau-
 5 tia ai. E maamaai au u fanafana;
 e pauu ai tagata ia te oe; e *tuia* ai
 loto o e faia le Tupu mo latou fili.
 6 Le Atua e, o lou nofoalii e faava-
 vau faavavau lava lea; o le tootoo
 o lou malo, o le tootoo o le amio-
 7 tonu lea. Ua e finagalo i le amio-
 tonu, ma e 'ino'ino i le amio leaga;
 o le mea lea ua faauuina ai oe e le
 Atua, o lou Atua lava, i le suāuu o
 le fiafia, e sili lava i e tou te faatasi.
 8 Ou ofu uma lava ua ni muro, ma
 aloe, *ma* kesia, mai maota nifo o
 elefane ua latou faafiafia ai ia te oe.
 9 O loo faatasi o alofaine o tupu ma
 e ua faapelepeleina e oe; ua tu mai
 le masiifo i lou itu taumatau *ua*
ofu ia i le auro lelei mai Ofeira.
 10 Ina faafogafoga mai ia, le alofa-
 fine e, ma silasila, ma lilui mai ou
 fofoga; ia e faagalagalo foi i lou
 11 nuu, ma le aiga o lou tamā. Ona
 naunau ai lea o le Tupu i lou lalelei;
 auā o ia lava lou Alii, ia e ifo ia te
 12 ia. *E sau* le tama fafine a Turo ma
 le mea alofa; e ole atu ia te oe o e
 tamaoiga i le nuu.
 13 Ua matuā matagofie le alofaine
 o le Tupu i totonu; ua teuteua lona
 14 ofu i le auro. E ta'itafiina o ia i le
 Tupu ma ona ofu lanu eseese; o
 ana uo, o taupou o e mulimuli atu
 ia te ia, e aumaia i latou ia te oe.
 15 E ta'itafiina i latou ma le fiafia
 ma le olioli; e ulufale atu i latou i
 16 le maota o le Tupu. E suia ou tamā
 i ou alo; e te tofia i latou e fai ma
 17 alii sili i le lalolagi uma. Ou te
 ta'uta'u atu lou suafa i augātupu-
 laga uma lava; o le mea lea e vivii
 atu ai tagata ia te oe e faavavau
 faavavau lava.
- O le faatuatua o tagata o le Atua ia
 te ia.*
- Ma le usu pese o le fanauga a Koru.
 O le pese i alemota.
- 46 O LE Atua, o lo tatou malu ia ma
 lo tatou malos; e fai o ia ma fesoa-

soani silisili i puapuaga. O le mea 2
 lea tatou te le fefefe ai, pe a faa-
 liliuina le lalolagi, ma luluina mauga
 i totonu o le sami; pe a taalili *ma* 3
 sousou ona suāsami, ma faagateteina
 ai mauga i lona maualuga. Selā.

O le vaitafe, e faafiafia ona ma- 4
 gāvai i le aai a le Atua, o le mea
 paia, o i ai afoaga o lē Silisili ese.
 O loo i totonu ia te ia le Atua, e le 5
 faagaetia lava ia, e fesoasoani le
 Atua ia te ia i le vave ao. Ua vāvāo 6
 nuu ese, ua faagaetia malo; ua
 tūlei mai lona siufofoga, ona liu
 suāvai lea o le lalolagi. Ua ia te i 7
 tatou Ieova o 'au; o le Atua o
 Iakopo o lo tatou 'olo maualuga ia.
 Selā.

Ina o mai ia, ina vaavaai i galuega 8
 a Ieova, o le ua faia faatafunaga i le
 lalolagi. Ua faaiua e ia o taua e oo 9
 lava i tulūiga o le lalolagi; ua ga-
 gau e ia le aufana, ma vavae le tao;
 ua susunuina foi e ia kariota i le asi,
 Ina soia, ma ia outou iloa o a'u lava 10
 o le Atua; e viia a'u i nuu ese, e
 viia a'u i le lalolagi. Ua ia te i tatou 11
 Ieova o 'au, o le Atua o Iakopo, o
 lo tatou 'olo maualuga ia. Selā.

O le viiga i le Atua.

Ma le usu pese o le fanauga a Koru.
 O le salāmo.

INA patipati ia o outou lima, o 47
 outou nuu uma lava; ina alalaga atu
 ia i le Atua ma le leo fiafia. Auā e 2
 matautia Ieova lē Silisili ese; o le
 Tupu silisili ia i le lalolagi atoa. E 3
 faatoilaloina e ia o nuu ia te i tatou,
 ma nuu ese i lalo o tatou vae. E 4
 filifilia e ia le tofi mo i tatou, o le
 mea e mitamita ai Iakopo, na ia
 alofa i ai. Selā.

O loo afo ae le Atua ma le alaga 5
 fiafia, o *loo afo ae* Ieova ma le leo o
 le pu. Ina pepese atu ia i le Atua, 6
 ina pepese ia; ina pepese atu ia i lo
 tatou Tupu, ina pepese ia. Auā o le 7
 Atua, o le Tupu ia o le lalolagi
 atoa; ina pepese atu ia ma le ata-
 mai. Ua fai ma tupu le Atua i nuu 8
 ese; o loo tietie le Atua i lona nofo-
 alii paia. Ua faatasia alii o nuu i le 9
 nuu o le Atua o Aperaa; auā e
 o le Atua talita o le lalolagi; e
 matuā silisili ese lava o ia.

O le viiga i le Atua ina ua faaolaina lona nuu.

O le pese, o le salāmo lea ma le fanauga a Koru.

- 48 E SILI lava Ieova, e tatau foi ona matuā viia o ia i le aai a lo tatou 2 Atua, o lona mauga paia. E matagofie le maualuga o le mauga o Siona, e fiafia ai le lalolagi uma, o i le itu i matu, le aai a le Tupu sili-sili. E iloa lava le Atua i ona maota, e fai o ia ma 'olo maualuga. 4 Auā faauta, na faapotopoto mai 5 tupu; ua latou o atu faatasi. Na latou vaavaai mai, ona fememeai ai lea; ua atuatuva le latou, ona latou 6 vave sosola ese ai lea. Na maua lava i latou i lea mea i le gatete, o le 7 tiga pei o le fafine a fanau mai. Ua e lepetia vaa Tasesa i le matagi mai 8 sasae. E pei ona tatou faalogo atu ai, e faapea ona tatou iloa i le aai a Ieova o 'au, o le aai a lo tatou Atua; e faatumauina ia e le Atua e oo i le faavavau. Selā. 9 Le Atua e, ua matou mafau-fau i lou alofa i totonu o lou malumalu. 10 Le Atua e, e pei o lou suafa, e faapea lou viiga ona oo i tululiga o le lalolagi; ua tumu lou aao taumatau i le amiotonu. Ia fiafia le mauga o Siona, ia olioli tamafafine a Iuta, 12 ona o au faamasinoga. Ina faa-taamilo ia i Siona, ma ia soo ai, ina 13 faitau ia i ona 'olo. Matuā mafau-fau ia i lona aupā, ma mātau mai ona maota; ina ia outou talatala 14 atu ai i le tupulaga atali. Auā o lenei Atua, o lo tatou Atua lava ia e faavavau faavavau lava; o ia lava na te ta'ita'iina i tatou e oo lava i le oti.

O le faavalea o e faatuatua i le oloa faaletino.

Ma le usu pese o le fanauga a Koru. O le salāmo.

- 49 INA faalogologo mai ia i lenei mea o outou nuu uma; ina uai mai ia o outou taliga o outou uma o e nonofo 2 i le lalolagi; o tagatānuu atoa ma alii; o e tamaoiga faatasi ma e 3 matitiva. E tautala lo'u gutu i le poto; e atamamai foi mafauauga o

lo'u loto. Ou te uai atu o'u taliga i 4 le faataoto, ou te faamatala a'u upu lilo i le kitara.

Se a le mea ou te fefe ai i aso 5 vale, *pe a* vagavagaia mai a'u e le agasala a e lamalama ia te au? O i 6 latou o e faatuatua i o latou oa, ma mitamita i latou ona o le tele o a latou oloa; e le mafaia lava e so 7 latou ona faatau i lona uso, pe avatu i le Atua se togiola mo ia, (auā e matuā faigata le togiola o 8 latou agaga, e le mafaia lava ia e faavavau;) ina ia ola pea ia e faa- 9 vavau; i le iloa e ia le tuugamau. Auā ua iloa e ia e oti tagata popoto, 10 e fano foi le tagata valea atoa ma le vale; ona tuua lea e i latou a latou oa mā nisi. O lo latou taofi, e faa- 11 vavau o latou fale, *ma* mea e mau ai i latou e augātupulaga ia; ua faa- 12 igoa e i latou o *latou* fanua i o latou lava igoa. A e le tumau le tagata i lona lelei; e tusa i latou ma manu 13 ona fano. O lo latou ala lenei, o lo latou lea valea; a ua fiafia e ua mulimuli ia te i latou i a latou upu. 14 Selā. Ua tuuina atu i latou e pei o mamoe i le tuugamau; e 'aina i latou e le oti; e pule e ua amiotonu ia te i latou i le taeao; e mavae lo latou matagofie i le tuugamau, mai le mea latou te mau ai. A e peitai 15 e faaola e le Atua lo'u agaga ai le pule a le tuugamau; auā na te talia mai a'u. Selā.

Aua e te fefe pe a faatama- 16 oagaina se tasi, pe a faateleina le mamalu o lona aiga; auā e leai se mea na te avea pe a oti o ia; e le mulimuli ifo ia te ia lona mamalu. E ui ina faaamuia atu o ia i lona 17 agaga ina o ola o ia; e viia foi oe pe a e agalelei oe ia te oe; E oo 18 lava ia i le tupulaga o ona tamā; e le iloa e i latou le malamalama e oo i le faavavau. O tagata o loo i le 19 lelei, a e le mafau-fau, e tusa i latou ma manu ona fano.

O le aoi a Ieova i e faia taulaga ma le amio leaga.

O le salāmo a Asafo.

O LE Atua o atua, o Ieova, ua 50 fetalai mai o ia, ma ua valaau i le lalolagi ai le mea e alu ae ai le la e

- 2 oo lava i le mea e alu ifo ai. O loo pupula mai le Atua mai Siona, o le
 3 mea e silisili ese ona matagofie. O loo afio mai lo tatou Atua, ua le tuua lona siufofoga; ua maamaai le afi i ona luma; o loo siosiomia
 4 foi o ia i le afā tele lava. E valaau ia i le lagi i luga, atoa foi ma le lalolagi, i le faamasinoina o lona nuu. Ina faapotopoto mai ia ia te au o'u tagata amio Atua, o e ua osia le feagaiga ma a'u i le taulaga.
 6 E ta'ua foi e le lagi lana amiotonu; auā o le Atua o ia lava le faamasino. Selā.
 7 Ina faalogologo mai ia lo'u nuu e, se'i ou fai atu; Isaraelu e, se'i ou ta'utino atu foi ia te oe; o 'au lava
 8 o le Atua, o lou Atua lava. E le ona o au taulaga ou te aoai atu ai nei ia te oe, po o au taulaga mu, ua i ai i o'u luma e le aunoa. Ou te le avea se povi poa ai lou fale, *po o*
 10 se 'oti poa ai ou lotoā. Auā o ia te au manu uma i le vao matua, o
 11 manu e *tataa* i mauga e afe. Ua ou iloa manu felelei uma lava o i atu mauga; o manu tataa foi, o ia te au lava ia. Ana ou fia 'ai, ou te le ta'u atu ia te oe; auā o ia te au
 13 le lalolagi ma mea ua tumu ai. Ou te 'ai ea i tino o povi poa, pe inu i
 14 le toto o 'oti? O le viiga, ia e faia lea ma taulaga i le Atua; ia e avatu foi i lē silisili ese mea na e tauto ai.
 15 Ia e valaau foi ia te au i le aso e i ai le puapuaga; ou te laveaiina ai oe, ona e vivii mai ai lea ia te au.
 16 A ua fetalai ane le Atua i le tagata amio leaga, Se a ea le mea ua e tautala ai i a'u tulafono, ma e
 17 ta'u la'u feagaiga i lou gutu? o oe foi, ua e 'ino'ino i le aoaiga, ma ua e lafoaiina a'u upu i ou tua. Ua e iloa atu se gaoi, ona e loto gatasi ai lea ma ia; ua fai foi lou tofi faatasi
 19 ma e mulilulua. Ua e lafo upu leaga i lou gutu, ua e fatu foi upu
 20 faa'ole'ole i lou laulaufaiva. Ua e nofo *ma* fai upu i lou uso; ua e fatu fua ni tala i le tama a lou tinā.
 21 Ua e faia ia mea, a ua ou faalologo lava a'u; fa te oe ua tutusa lava a'u ma oe; ou te aoai atu ia te oe, ma laulau atu *ia mea* i ou luma.
 22 Ina mafaufau ia i lenei mea, o putou o e faagalologo i le Atua, ina
- ne'i ou saeia *outou*, a e leai se na te laveai. O lē faia le viiga ma tau- 23
 laga, o lē ava lea ia te au; ma le ua mafaufau i lona ala, ou te faailoa atu ia te ia le faaolataga mai le Atua.
- O le tatalo a Tavita i le Atua ina ia faamagaloina ana agasala.*
- Ma le usu pese. O le salāmo a Tavita ina ua alu atu le perofeta o Natano ia te ia, ina ua uma ona alu ane o ia ia Patesepa.
- LE Atua e, ia e alofa mai ia te au, e tusa ma lou lava alofa; e tusa ma le tele o lou alofa mutimutivale, ia e sōloisea o'u solitulafono. Ia e 2
 matuā fufulu mai ia te au i la'u amio leaga, ma ia e faamamā mai ia te au i la'u agasala. Auā ua ou 3
 iloa e 'au lo'u solitulafono; e le aunoa foi ona i ai i o'u luma o la'u agasala. Ua ou agasala atu ia te 4
 oe, na o oe lava; ua ou faia foi lenei mea leaga i ou luma; e tonu ai oe i lau fetalai, e sao foi oe pe a e faamasino. Faauta, na fanaua 5
 a'u ma le amio leaga; na ou i ai foi i le manava o lo'u tinā ma le agasala. Faauta, ua e finagalo i le 6
 faamaoni o le loto; ma e faailoa mai ia te au le poto i le mea lilo. Ia e faamamā ia te au i le isopo, 7
 ona mamā ai lea o a'u; ia e fufulu mai ia te au, ona sinasina ai lea o a'u e sili i lo le kiona. Ia ou faa- 8
 logo mai ia te oe i le olioli ma le fiafia; ina ia fiafia ivi ua e faamomomoina. Ia 'alo ou fofoga i a'u 9
 agasala, ma ia e sōloi ese a'u amio leaga uma.
- Le Atua e, ia e faia se loto mamā 10
 mo a'u; ma ia e faafouina se loto mau i totonu ia te au. Aua e te 11
 lafoaiina a'u i ou luma; aua foi e te aveeseina lou Agaga Paia ia te au. Ia e faafoisia mai ia te au le olioli o 12
 le olataga mai ia te oe; ia e taofi-mauina foi o a'u ma le loto fiafia. Ou te a'oa'o atu ai ou ala i e ua 13
 solitulafono; ona faaliliuina atu ai lea ia te oe o e ua agasala. Le Atua 14
 e, le Atua o lo'u olataga, ia e laveai mai ia te au ai le sala o le toto; ona pese fiafia ai lea o lo'u laulau- 15
 faiva i le amiotonu mai ia te oe. Le Alii e, ia e faamatata mai o'u

laugutu; ona ta'uta'u atu lea e lo'u
 16 gutu lou viiga. Auā ua e le finagalo
 i se taulaga; *ana e finagalo i ai* po
 ua ou avatu lava; ua e le fiafia i se
 17 taulaga mu. O taulaga i le Atua, o
 le loto momomo lea; le Atua e, e te
 le inosia le loto momomo ma le
 18 nutimomoia. Ia e faamanuia mai i
 Siona i lou finagalo alofa; ia e ati
 19 ae pa o Ieusalema. Ona e finagalo
 ai lea i taulaga tonu, o le taulaga
 mu, ma le taulaga mu uma; ona
 latou faaee ai lea o povi poa i lau
 fata faitaulaga.

*O le amio leaga a Toeka ma lona
 malaia.*

Ma le usu pese. O le salāmo a
 Tavita e a'oa'o ai, ina ua alu
 Toeka le Etoma ma ta'u atu ia
 Saulo, ua faapea atu ia te ia, Ua
 alu atu Tavita i le fale o Aime-
 leka.

52 O OE na le toa, se a le mea e te
 mitamita ai i le leaga? o loo agale-
 2 lei le Atua i aso uma lava. Ua
 mafaufau lou laulaufaiva i mea
 leaga; e fai le pepelo e pei o se tafi
 3 maai. Ua sili lou manao i le leaga,
 a e itiiti i le lelei; *ua sili lou manao*
 i le tala pepelo, a e itiiti i le upu
 tonu. Selā.

4 Le laulaufaiva faa'ole'ole e, ua e
 5 manao i upu uma e fano ai. O lea
 e faaumatia ai oe e faavavau e le
 Atua; na te aveeseina ma liaiina
 oe ai le fale ie; na te liaiina foi oe
 6 ai le nuu o e ola. Selā. E iloa atu
 ai foi e ua amiotonu, ma latou ma-
 tatata ai, latou te featani ai ia te ia;
 7 e faapea atu, Faauta, o le tagata
 lea na na le faia le Atua mona ma-
 losi, a ua faatuatua ia i le tele o
 lona oloa; na ia faamalosi i lona
 8 leaga. A o a'u, ou te pei o se olive
 ona tāuluulu ola i le fale o le Atua;
 ou te faatuatua i le alofa o le Atua
 9 e faavavau faavavau lava. Ou te
 vivij atu ia te oe e faavavau lava,
 auā na e faia *lena mea*; ou te faa-
 talitali foi i lou suafa, auā e lelei i
 luma o ou tagata amio Atua.

*Ua faamatalaina le amioga a tagata
 amio leaga.*

Ma le usu pese i le maalata. O le
 salāmo a Tavita e a'oa'o ai.

UA fai ifo le tagata valea i lona 53
 loto, E leai se Atua. Ua leaga
 lava i latou, ua inosia a latou ami-
 oga; e leai lava se tasi ua amio
 lelei. Na silasila mai le Atua mai 2
 le lagi i le fanau a tagata, ina ia
 silafia pe ai se tasi ua potō, o se na
 te sailia le Atua. Ua latou taitasi 3
 ma foi i tua, ua leaga faatasi lava i
 latou; e leai se tasi ua amio lelei, e
 leai lava se tasi.

E le o iloa ea o e fai amioleaga? 4
 ua latou aai i lo'u nuu, e pei ona
 latou aai i le mea e 'ai; ua latou le
 valaau i le Atua. Ua latou matuā 5
 matata i lea mea sa leai se mea e
 matata ai; auā na faataapeapeina
 e le Atua o ivi o le na to lauapi mai
 ia te oe; na faamaina i latou, auā
 ua ino'ino le Atua ia te i latou.
 E! fia iloa se na te aumaia le ola- 6
 taga o Isaraelu mai Siona. Pe a
 faafoisia mai e le Atua le tafeaga o
 lona nuu, ona olioli ai lea o Iakopo,
 e fiafia ai Isaraelu.

*Ua tatalo Tavita i le Atua ia na
 faaola ia te ia i e ua ita ia te ia.*

Ma le usu pese i nekina. O le
 salāmo a Tavita e a'oa'o ai, ina ua
 o atu le nuu o Sifi, ua faapea atu
 ia Saulo, E le ua lasi ea Tavita ia
 i matou?

LE Atua e, ia e faaola mai ia te 54
 au ona o lou suafa; ia e faia le
 finauga mo a'u i lo'u malosi. Le 2
 Atua e, ia e faafofoga mai i la'u
 tatalo; ia liliu mai ou fofoga i upu
 a lo'u gutu. Auā ua laga mai ia te 3
 au tagata ese; o e saua foi ua sa-
 iliili e fasioti ia te au; latou te le
 manatua le Atua. Selā.

Faauta, o le Atua o lo'u lea fesoa- 4
 soani; *o loo i ai* le Alii i e ua faa-
 malosi mai ia te au. Na te faafoi 5
 atu le leaga i e ua ita mai ia te au;
 ia e faaumatia i latou i lou faama-
 oni. Ou te avatu taulaga ia te oe e 6
 fai fua i lo'u loto; Ieova e, ou te
 vivij atu i lou suafa, auā e lelei.

7 Auā na ia laveaiina mai a'u i pua-
puaga uma; ua iloa foi e o'u mata
le tau'i o e ita mai ia te au.

*O le atuatuva'e o Tavita, ma lana
tatalo i le Atua.*

Ma le usu pese i nekina. O le
salāmo a Tavita e a'oa'o ai.

55 LE Atua e, ia e faafofoga mai i
la'u tatalo, aua foi e te liliu ese i
2 la'u ai oi atu. Ia faafofoga mai ia
te au, ma tali mai ia te au; ua ou
faanoanoa i lo'u mafaufau, ma ou
3 uio; ona o le leo o le ua ita mai,
ona o le sauā o lē amio leaga; auā
ua latou faaoo mai ia te au le amio
leaga, o le ita lava ua latou faasaua
4 mai ai ia te au. Ua sapotuva'e lo'u
lava loto i totonu ia te au; ua oo
mai foi ia te au le mata'u i le oti.
5 Ua oo mai lava ia te au le mata'u
ma le gatete; ua matuā faagateteina
6 a'u. Ona ou faapea lea, E! ta fia
maua apaau e pei o le lupe, ou te
lele ese ai lava, i le ou nofo mau ai.
7 Faauta, ou te sola mamao atu lava;
8 i le ou nofo ai i le vao. Selā. Ou
te faataalaga ona sola o a'u, ona o le
matagi tetele ma le afā.
9 Le Alii e, ia e faaumatia i latou,
ia e vaeluaina a latou taupule-
pulega; auā ua ou iloa le sauā ma
10 le misa i le aai. Ua la siomia o ia
i ona pa i le ao ma le po; ua i
totonu lava ia te ia le amio leaga
11 ma le malaia; ua i totonu lava ia te
ia le amio paaā; e le alu ese lava
i lona malae le sauā ma le amio
12 pepelo. Auā e le o se fai a'u mona
fili na upulegaina a'u; ana se ita
mai, po ua ou oono ai; e le o lē ita
mai ia te au na faasausili mai ia te
au; ana se ita mai, po ua ou lafi ia
13 te ia; a o oe lava, o le tagata ta te
tutusa ma a'u; o la'u uo lava, o le
14 ua ta masani; sa fefaamalieai lava
a tā tautalaga, sa tā o gatasi ma le
15 vao tagata i le fale o le Atua. Ia
faafuasei atu lava le oti ia te i la-
tou; ua latou o ifo o ola i seoli;
auā ua i ai mea leaga i mea o latou
nonofo ai, o i totonu ia i latou lava.
16 O a'u nei, ou te valaau atu i le
Atua; o Ieova lava na te faaolaina
17 mai a'u. O le afiafi, ma le taeao,
ma le tutonu o le la, ou te tagi ai,

ma ou uio; ona faafofoga mai ai
lea o ia i lo'u leo. Na ia laveai mai 18
ia te au, ia ou filemu ai i le taua sa
ia te au; auā e toatele i latou sa ia
te au. E faafofoga mai le Atua, na 19
te faatigaina foi i latou; o ia lava
lea o loo tietie talu mai le vavau
lava. Selā. Auā latou te le āu
liliu lava, ma ua latou le matatau
i le Atua. Ua ia faaoo atu ona 20
lima i e ua nofo lelei ma ia; ua
tuumavaega ai o ia. O lona gutu 21
ua se suāsusu ua to'a e molemole, a
o i lona loto le taua; e sili le malulu
o ana upu i le suānu, a o pelu ua
seia lava ia.

Ia e tuuina atu ia Ieova o mea e 22
te popole vale ai; o ia lava na te
tausia oe; na te le tuuna e faavavau
le amiotonu ia faagaetia. A o oe, 23
le Atua e, e te lafoina i lalo i latou
i le to e fano ai; o tagata ua toto-
lima ma e pepelo, latou te le oo i le
tautuluaga o latou aso; a o a'u, ou
te faatuatua lava ia te oe.

*Ua tatalo Tavita i le Atua ina ua
itagia o ia e tagata sauā.*

Ma le usu pese, i le lupe e le olo
o i mea mamao. O le salāmo a
Tavita, ina ua pue Filisitia ia te
ia i Kata.

LE Atua e, ia e alofa mai ia te 56
au; auā ua naunau tagata i le fia
maua o a'u; ua faasaua mai ia te
au i lona fai taua mai i aso uma
lava. Ua naunau mai i aso fai soo 2
o e ua ita mai ia te au; auā e toa-
tele o e fai taua ia te au ma le faa-
sausili mai. O le aso ou te mata'u 3
ai, ou te faatuatua ai ia te oe. Ou 4
te mitamita i le Atua ona o lana
afioga; ou te faatuatua i le Atua;
ou te le fefe i se mea e faia e
tagata ia te au. Ua latou faauiga- 5
ese i a'u upu i aso uma lava; ua
faasaga mai ia te au o latou mafau-
fau uma lava ia a'u leaga ai. Ua 6
latou faapotopoto, ua latou lalafi,
ua latou vaavaai i o'u tulagāvae;
auā ua latou lamalama ia ou oti.
Latou te sao ea ona o le amio 7
leaga? Le Atua e, ia e lafoina i
lalo le nuu i lou toasa. Ua e fai- 8
tauina lava lo'u fesolasolatai; ia e
utu o'u loimata i lau fagu; e le o i

9 ai ea i lāu tusi? O le aso ou te valaau atu ai *ia te oe*, ona liutuaina ai lea o e ua ita mai ia te au; ua ou iloa lenei mea, ua ia te au le Atua.

10 Ou te vivii atu i le Atua *ona o lana* afoa; ou te vivii atu ia Ieova *ona o lana* afoa. Ua ou faatuatua i le Atua; ou te le fefe i se mea e
11 faia e tagata ia te au. Le Atua e, o ia te au mea na ou tauto e *avatu* ai ia te oe; ou te avatu taulaga
12 faafetai ia te oe. Auā ua e laveai-ina a'u nai le oti; e te le faama-
13 losia ea o'u vae ne'i tuleia, ina ia ou savali i luma o le Atua i le malama-lama o e ola.

Ua vivii atu Tavita i le Atua lē faa-ola ia te ia ai le sauā o tagata.

Ma le usu pese. Ne'i e faaumatia. O le salāmo a Tavita, ina ua sola ia i le ana mai ia Saulo.

57 LE Atua e, ia e alofa mai ia te au, ia e alofa mai ia te au; auā ua ou faatuatua lava ia te oe; ou te faatuatua foi i le paolo o ou apaa, 2
seia mavae atu nei mea leaga. Ou te valaau atu i le Atua silisili ese; o le Atua lava na te faataunuaina
3 mea uma mo a'u. E auina mai e ia mai le lagi, ma faaola mai ia te au, a o upu leaga mai le ua naunau i le
4 fia maua o a'u. Selā. E auina mai e le Atua o lona alofa ma lona faa-
5 maoni. Ua i le va o leona lava a'u; e taoto lava a'u i le va o e o mumū
6 mai o latou ita, o le fanau a tagata i latou, o latou nifo o tao ma u
7 fanafana ia, o pelu maai foi o latou laulauaiva. Le Atua e, ia faasili-
8 siliina oe i le lagi; ia i ai i le lalo-
9 lagi uma lou mamalu. Ua latou saunia se upega i le mea ou te ui
10 ai; ua faavaivai ai lo'u loto; ua latou elia se lua o'u lumanai, ua
11 pauu i ai i latou. Selā.

7 Le Atua e, ua mau lo'u loto, ua mau lava lo'u loto; ou te pese lava,
8 ma ou fai pesega. Ala mai ia lo'u mamalu, ala mai ia le napeli ma le
9 kitara; ou te ala i le faeao lava.
9 Le Alii e, ou te vivii atu ia te oe i luma o le nuu; ou te fai pesega ia
10 te oe i luma o tagata. Auā e tele lou alofa ua oo i le lagi, e tele foi
11 lou faamaoni ua oo i ao. Le Atua

e, ia faasilisiliina oe i le lagi; ia i ai i le lalolagi uma lou mamalu.

Ua faamatalaina e Tavita le amio a tagata agasala.

Ma le usu pese. Ne'i e faaumatia. O le salāmo a Tavita.

E MONI ea ua le tautala le amio-58 tonu? Ina tautala mai ia outou. Outou le fanau a tagata, ia outou faamasino ma le sa'o. E moni, ua 2
outou galulue ma le loto i mea leaga; ua outou fuatia atu le sau-
3 aga a o outou lima i le nuu. Ua liliu ese o e amio leaga talu ina
4 fanau mai; talu ina fanau mai ua sese i latou, ua tala pepelo. O ia
5 te i latou mea oona e tusa ma le mea oona i le gata; e pei o le asipi
6 tutuli ua ia punitia ona taliga; o le na te le faalogoina atu le leo o e
7 taufaaoleole *gata*, o loo faaoleole i le taufaaoleolega potu.

Le Atua e, ia e gauia o latou nifo 6 i o latou gutu; Ieova e, ia e tu'imomomoina gao o leona taanoa. Ia 7
liu suāvai i latou, ia pei o le vai ona mavae atu; a lolou le *aufana e fana*
8 atu i ana u, ia peiseai ua vavaeeseina ia. E pei o le sisi vao ona liu
9 suāvai ia mavae atu o ia; e pei o le fanau le āu a le fafine, aua ne'i la-
10 tou iloa le la. A o lei lagona a outou ulō le *afi* laau tuitui, pe mata
11 pe mu, na te faaleleaeeseina i latou i le afā.

E fiafia le ua amiotonu pe a iloa 10 e ia le tau; e mulumulu ona vae i le toto o le ua amio leaga. Ona 11
faapea ane ai lea o tagata, E moni, ua fai le tau mo le ua amiotonu; e
monī, o le Atua o le faamasino o ia i le lalolagi.

O le tatalo a Tavita ia laveaiina o ia ai tagata ua ita ia te ia.

Ma le usu pese. Ne'i e faaumatia. O le salāmo a Tavita, ina ua auina nisi e Saulo ua latou lama-
lama i le fale e fasioti ia te ia.

LO'U Atua e, ia e laveai mai ia 59 te au i e ua ita mai ia te au; ia e faamamalu mai ia te au i e ua laga
mai ia te au. Ia e laveai mai ia te au i e ua fai amio leaga; ia e faaola

mai ia te au i tagata ua totolima.

- 3 Auā faauta mai, ua latou lamalama e fasioti ia te au; ua faapopototo ē malolosi ia agaleaga mai ia te au; Ieova e, e le ona o lo'u solitulafono,
- 4 po o sa'u agasala. Ua leai sa'u pagota, a ua latou taufetuli mai, ma latou sauniuni. Ia e tulai mai e faafetaiai mai ia te au, ma e sila-
- 5 sila mai. O oe foi, Ieova e, le Atua o 'au, le Atua o Isaraelu, ia e malei-fua mai, ma e asiasi ai i nuu ese uma lava; aua ne'i e alofa atu i se tasi o e amio leaga ma le pepelo.
- 6 Selā. Ua latou foi mai i le afiafi, ua latou fetagisi e pei o le uli, ma
- 7 latou faataamilo ane i le aai. Faa-uta, ua luai mai upu leaga i o latou gutu; ua i ai pelu i o latou lau-
- 8 gutu; auā o ai se faalogo ane? A o oe, Ieova e, e te soisoi ia te i latou; e te tauemu i nuu ese uma
- 9 lava. Ou te naunau atu lava ia te oe ona o lona malosi; auā o le Atua o lo'u 'olo maua-luga ia.
- 10 O loo ou lumanai lo'u Atua alofa; e faaali mai ia te au e le Atua *le tau*
- 11 o e ita mai ia te au. Aua e te fasi-otia i latou, ne'i galo i lo'u nuu; ia e faafeoi solo ia te i latou i lou lava malosi; ma e lafoina i lalo i latou,
- 12 le Alii e, lo matou talita. O le aga-sala a o latou gutu, o le upu *lea* ai o latou laugutu, ia mailaia lava i latou i lo latou lava faamaualuga; ona o a latou fetuu foi ma a latou tala
- 13 pepelo ua latou tautala ai. Ia e faaumatia i latou i le toasa, ia e faaumatia lava, ina ia leai so latou e toe; ia latou iloa o loo pule le Atua ia Iakopo, ia oo lava i tulu'iga
- 14 o le lalolagi. Selā. Latou te foi mai i le afiafi, latou te fetagisi e pei o le uli; ma latou faataamilo
- 15 ane i le aai. Latou te feoi i le fia aai; a le maona, ona latou nonofo
- 16 ai lea i le po. A o a'u ou te pese atu i lou malosi; ou te alaga fiafia i le taeao i lou alofa mai; auā na fai oe mo'u 'olo maua-luga, ma o'u malu
- 17 i le aso na puapuagaina ai a'u. Lo'u malosi e, ou te fai pesega lava ia te oe; auā o le Atua o lo'u 'olo maua-luga lea, o le Atua ua alofa mai ia te au.

O le tatalo a Tavita ia fesoasoani le Atua ia te ia.

Ma le usu pese i le susana etuta. O le salāmo a Tavita e a'oa'o ai, ina ua tau ai le taua ma Mesopotamia ma Suria Sopa; na foi mai Ioapo na ia fasia Etoma, e sefulu afe ma afe e lua i le vanu masimā.

LE Atua e, na e lafoaina i ma-
 tou, na e faataapeapeina i matou,
 na e toatamai; ia e toe liliu mai ia
 te i matou. Na e luluina le elelee,
 na e faamāvaevaeina; ia e fofoina
 ona gaugau; auā o loo lulu ia. Na
 e faailoa mai mea faigata i lou nuu;
 na e faainumia i matou i le uaina e
 tautevateva a'i. Na e foaiina atu
 le tagavai mo e matatau ia te oe, e
 siitia i luga ona o le upu moni.
 Selā. Ina ia laveaiina au pele; ia
 e faaola mai i lou aao taumatau, ma
 ia e tali mai ia te au.

Ua fetalai le Atua i lona malu-
 malu; ou te fiafia lava a'u, ou te
 tofifofa Sekema, o le vanu o Sukota
 ou te fuafuatiia lea. O loo ia te au
 Kiliata, o loo ia te au foi Manase;
 e fai foi Efaraima ma malosi o lo'u
 ulu; o la'u faipule o Iuta lea; o
 Moapi o le ipu lea ou te mulumulu
 ai; ou te lafoina lo'u seevae i Etoma;
 Filisitia e, ina alaga ia i lou manu-
 malo ia te au. O ai se na te avea
 a'u i le aai nofo 'olo? O ai se na
 te ta'ita'iina a'u i Etoma? E le o
 oe ea, le Atua e, sa e lafoaiina mai
 i matou, ma ua e le afio atu, le Atua
 e, faatasi ma la matou itu taua?
 Ia e fesoasoani mai ia te i matou i
 le puapuaga; auā e le aoga lava le
 olataga mai tagata. O le Atua lava
 e fai ai i matou ma toa; auā o ia na
 te solia e ua ita mai ia te i matou.

Ua faalagolago Tavita i le Atua.

Ma le usu pese i le nekina. O le
 salāmo a Tavita.

LE Atua e, ia e faafofoga mai i
 la'u alaga; ia e liliu mai i la'u tata-
 lo. Ou te valaau atu ia te oe ai le
 gataaga o le nuu, pe a faavaivai lo'u
 loto; ia e ta'ita'iina a'u i le papa e
 sili ona maua-luga ia te au. Auā ua
 fai oe mo'u malu, o le 'olo malosi ai

4 le ua ita mai. Ou te nofo e faava-
vau lava i lou fale fetafai; ou te
faatuatua i le paolo o ou apaau.
5 Selā. Auā o oe, le Atua e, ua e
faafofoga mai i a'u tautoga; na e
foaiina mai le tofi o e matatau i lou
6 suafa. E te faaualoaia le soifua o
le tupu; *ia avea* ona tausaga ia au-
7 tupulaga. E tietie o ia e faavavau
i luma o le Atua; ia e saunia le
alofa ma le faamaoni la te leoleoina
8 ai o ia. Ona ou fai pesega ai lea i
lou suafa e faavavau, ina ia ou ava-
tua i lea aso ma lea aso o mea na
ou tauto ai.

*Ua faailoa mai le faatuatua o Tavita
i le Atua.*

Ma le usu pese o Iutana. O le
salāmo a Tavita.

62 E MONI lava, e faalologo lo'u
agaga i luma o le Atua; mai ia te
2 ia lo'u faaolataga. E moni lava, o
ia lo'u papa, ma lo'u faaolataga, o
lo'u 'olo maualuga; e le faagaeete-
3 leina a'u. Tou te feosofi ea i le
tagata seia afea? E fasiotia outou
uma lava; e pei o le pa ua tulolo, o
4 le ai ua tuleia. E moni, ua latou
filifilia ina ia tuleia o ia ai lona ma-
malu; ua naunau i latou i le pepelo;
ua latou faamanuia i o latou gutu,
a ua fetuu i o latou loto. Selā.
5 E moni lo'u agaga e, e te faalo-
logo lava i luma o le Atua; auā
mai ia te ia lava lo'u faamoemoe.
6 E moni lava, o ia lo'u papa, ma lo'u
faaolataga, o lo'u 'olo maualuga; e
7 le faagaeaina a'u. O loo i le Atua
lo'u olataga ma lo'u mamalu; o lo'u
8 papa malosī ma lo'u malu o loo
i le Atua ia. Le nuu e, ia outou
faatuatua ia te ia i aso uma; ia
outou momoli atu o outou loto i
ona luma; o lo tatou malu o le
Atua lea. Selā.
9 E moni, e faatauvaava lava tagatā-
lautele, e pepelo foi alii; e siitia i
latou i le fua faatautau, o i latou
faatasi e sili *ona mamasagia* i le
10 mea faatauvaava. Aua tou te faatua-
tua i le faasaua, aua foi ne'i outou
mitamita vale i mea ua faoa; a faa-
teleina le oloa, aua ne'i uai o outou
11 loto i ai. Na fetalai faatasi mai le
Atua; ua ou faalogo faalua i lenei

mea, o i le Atua le malosī. Le Alii 12
e, o loo ia te oe foi le alofa; auā o
oe e te tauī taitasi atu i tagata o
tusa ma a latou galuega.

O le naunau tele o Tavita i le Atua.

O le salāmo a Tavita, ina o i le vao
o Iuta o ia.

LE Atua e, o lo'u Atua lava oe; 63
ou te ala saili ia te oe; ua fia inu
lo'u agaga ia te oe, ua ou matuā
naunau atu ia te oe i le nuu nau-
mati, e lailoa ai, e leai ni vai; ia ou 2
iloa lou malosī ma lou mamalu, e
pei ona ou iloa oe i le malumalu.
Auā o lou alofa e sili ona lelei lea i 3
le ola; ou te vivii atu lava ia te oe
i o'u laugutu. O lea ou te faamanū 4
atu ai ia te oe a o ou ola; ou te sii
o'u lima i lou suafa. E peiseai o le 5
ga'o ma le mea lololo, ou te ma'ona
ai lava a'u; e vivii atu foi *ia te oe*
o lo'u gutu ma o'u laugutu e alaga-
fiafia. A ou manatua oe i lo'u moe- 6
ga, ou te mafaufau ia te oe i leo-
leoga i itu po. Auā na fai oe ma
fesoasoani ia te au; ou te olioli foi 7
i le paolo o ou apaau. Ua pipii atu
lava lo'u loto ia te oe; o lou aao
taumatau ua taofina ai a'u. A o i 8
latou o e saili e fasioti ia te au ia ou
fano, latou te oo i mea loloto i le
eleele. E tuuina atu i latou i le 10
pelu e oti ai; e avea i latou ma
tufaaga a alope. A o le tupu, e 11
fiafia lava ia i le Atua; e taitasi ma
mitamita o e tauto ia te ia; auā e
punitia gutu o e tala pepelo.

*Ua tatalo Tavita ia laveaiina o ia i
e ua ita ia te ia.*

Ma le usu pese. O le salāmo a
Tavita.

LE Atua e, ia e faafofoga mai i 64
la'u tatalo; ia e leoleo mai i lo'u
ola ia le mata'u i le ua ita mai. Ia 2
e natia a'u ai le taupulepulega a e
amio leaga, *ma le faanununu* o e
fai amioletonu. Ua latou faama- 3
taina o latou laulaufaiva e pei o se
pelu; ua latou lolou i *aufana e fana*
mai a latou u, o upu ogo lava ia;
ina ia latou fana lafitai i le ua amio 4
sao; e faafuasei ona latou fana ia
te ia, latou te le matatau lava. Ua, 5

- latou fefaamalosiai i le mea leaga; ua latou filifili e natia ni matāsele; ua latou faapea ane, O ai se na te
 6 iloa i latou? Ua latou saili mea leaga; *ua faapea ane*, Ua uma ona tatou matuā sailiili lava; o latou mafaufau taitasi ma le loto ua sugata lava. A o le Atua, na te fanaina atu le u ia te i latou e faa-
 7 fuasei; e manunua ai i latou. E leaga i latou i o latou lava laulau-
 8 faiva; e taitasi ma sola ese lava o e vaavaai ia te i latou. E matatau tagata uma, latou te faaaliina atu foi le mea ua faia e le Atua; latou
 10 te mafaufau foi i lana galuega. E fiasia lē amiotonu ia Ieova, ma faalagolago ia te ia; ona mitamita ai lea o i latou uma ua loto sa'o.

Ua viia le Atua ona o lona alofa ma lona mana.

Ma le usu pese. O le salāmo a Tavita, o le pese lea.

- 65 LE Atua e, ua ia te oe le viiga e faia ma le faalologo i Siona; e avatua lava ia te oe le mea na tauto ai.
 2 Le faafofoga tatalo e, e o atu ia te
 3 oe tagata uma lava. Ua manumalo mai ia te au o amio leaga; o a matou solitulafono e te togilaina lava
 4 e oe. Amuia le ua e filifili, ma e faalatalataina o ia *ia te oe*, e nofo o ia i ou lotoā; e maona i matou i mea lelei o i lou fale, o lou lava malumalu paia.
 5 Le Atua o lo matou olataga e, e te tali mai ia te i matou ma le tonu i mea matautia; *o oe* le faatuatuaga o tulu'iga uma lava o le lalolagi,
 6 atoa ma e o mamao i le vasa. O loo faatumauiina mauga i lona lava malosi; o loo fusia o ia i le mana; o le taalili o le sami ua faalologo ia te ia, o le taalili foi o ona peau, ma
 7 le vāvāo o nuu. Ua matatau foi i ou faailoga o e nonofo i mea mamao; o mea e aliali i le taeao ma le afiasi, o oe ua alalaga fiasia ai *ia mea*. Ua e asiasi i le laueleele, ma e faasūsūina lava; ua e faalafulemuleleina ai; o le vaitafe o le Atua ua tumu i le vai; ua e saunia a latou saito ina ua faapea ona e
 10 sauni i ai. Ua e faasūsūiteleina ona atu pue; e faatafe ifo *le ua* i ona utu; ua e faamalulu ai i le uaga; e te faaolaolaina foi ona moe-
 11 moe. Ua e faaee i le tausaga le palealii o lou agalelei; o ou ala ua tautulu ai mea lololo. Ua tautulu
 12 ai i le vao i mea e tataa ai manu; o mauga foi ua fusia ia i le fusi i le fiasia. O mea e tataa ai manu ua
 13 liloia i lasu mamoe; ua ufitia foi vanu i le saito; ua latou alalaga fiasia, ua pepese lava.

Ua apoapoi mai ina ia faafetai i le Atua.

Ma le usu pese. O le pese, o le salāmo lea.

LE lalolagi uma e, ia outou alalaga atu i le Atua. Ia outou pepese
 2 atu i lona suafa mamalu; ia mamalu ia te outou lona viiga. Ia
 3 outou fai atu i le Atua, E matuā matautia *oe* i au galuega. O lou malosi tele e faataga vivii atu ai ia te oe o e ua ita ia te oe. E ifo atu
 4 lava ia te oe le lalolagi uma; latou te fai pesega ia te oe, latou te fai peregā i lou suafa. Selā.

O mai ia, ia outou matamata i
 5 galuega a le Atua; e matautia ia i mea na na faia i le fanau a tagata. Na ia liua le sami ma laueleele matutu; na latou soipoa atu le vaitafe i o latou vae; na tatou fiasia ia te ia i lea mea. E pule ia e faavavau
 7 i lona lava malosi; ua matuā silasila atu ona fofoga i nuu ese; o e fouvale, aua ne'i faamaualuga i latou. Selā.

Le nuu e, ia outou faafetai atu i
 8 lo tatou Atua; ia logona mai le leo o lona viiga. O le na tuuina mai le ola i totonu ia i tatou, na te le tuuna i tatou ia mapepeva ai o tatou vae. Auā na e suesueina i matou,
 10 le Atua e; na e tofotofoina i matou, e pei o le ario ona tofotofoina. Na e aumaia i matou i le upega; na e tuuina mai mea mamafa i o matou tua. Na e faatietie tagata i
 12 o matou ulu; na matou savavali i le afi ma le vai; a ua e taita'iina mai i matou i le nuu lafulemu.

Ou te alu atu i lou fale ma tau-
 13 laga mu; ou te avatua ia te oe mea na ou tauto ai. O mea ia na ou
 14 fai atu ai i o'u laugutu, na ou tau-

- 15 tala atu ai i lo'u gutu i lo'u pua-
puaga. Ou te avatua ia te oe tau-
laga mu i mea pepeti, atoa ma mea
manogi; ou te saunia mamoe poa,
o povi poa, atoa ma 'oti poa. Selā.
- 16 Outou uma o e matatau i le Atua,
o mai ia, ina faalogologo mai, ona
ou ta'u atu ai lea o mea na na faia
17 mo lo'u agaga. Na ou alaga atu ia
te ia i lo'u gutu, ua viia foi o ia e
18 lo'u laulaufaiva. Ana ou manatu i
se amio leaga i lo'u loto, po ua le
19 faafofoga mai le Alii *ia te au*; a e
peitai ua faafogaina mai *a'u* e le
20 Atua; ua ia liliu mai i le leo o la'u
tatalo. Ia faafetaia le Atua, ua na
le liliueseina la'u tatalo, po o lona
alofa ia te au.

*O le tatalo ina ia manuia le malo o
le Atua i le lalolagi.*

Ma le usu pese i nekina. O le
salāmo, o le pese lea.

- 67 IA alofa mai le Atua ia i matou,
ma ia faamanuia mai i matou; ia
malamalama mai ia te i matou ona
2 fofoga. Selā. Ina ia iloa lou ala i
le lalolagi, o le olataga mai ia te oe
3 i nuu ese uma lava. Le Atua e, ia
viia oe e le nuu; ia viia lava oe e le
4 nuu, o i latou uma lava. Ia fiasia
nuu, ia latou alalaga fiasia; auā e
te faamasino tonu mai i tagata, e
te ta'ita'i foi i nuu o i le lalolagi.
5 Selā. Le Atua e, ia viia oe e le
nuu; ia viia lava oe e le nuu, o i
6 latou uma lava. Ua fua mai e le
lauleelele ona lava fua; o le Atua,
o le matou Atua lava na te faa-
7 manuia mai i matou. O le Atua
na te faamanuia mai i matou; ona
matatau ai lea ia te ia o tulutiga
uma o le lalolagi.

*O le viiga i le Atua ona o lona alofa
ma ana galuega.*

Ma le usu pese. O le salāmo a
Tavita, o le pese lea.

- 68 IA tulai mai le Atua, ia faata-
apeapeina e ua ita ia te ia; ia so-
sola ese foi i ona luma o e ua
2 'ino'ino ia te ia. E pei ona lelea o
le asu, ia *faapea* ona e faaleleaina i
latou; e pei ona liu suāvai o le pulu

i le asu, ia *faapea* ona fano i luma o
le Atua o e amio leaga. A ia fiasia 3
o e amiotonu; ia latou olioli lava i
luma o le Atua; ia matuā fiasia lava
i latou.

Ia outou pepese atu i le Atua, ia 4
fai pesega i lona suafa; ia outou
faalaulelei le ala mo lē tietie ma
afio atu i le vao; o Ioa o lona suafa
lea, ma ia outou olioli i ona luma.
O le Tamā ia o e ua mātuaoti, le na 5
te faamasinoina mo fafine ua oti a
latou tane, o le Atua *lea* o loo i
lona afioaga paia. O le Atua na te
faatagatāina e ua ausage; na te
aumaia e ua noanoatia i le mea e
manuia ai; a o e fouvale, latou te
nonofo i le nuu naumati.

Le Atua e, na e muamua atu i 7
lou nuu, na e afio atu i le vao. Selā.
Ona gatete ai lea o le lalolagi, o le 8
lagi foi na tautulu ifo i luma o le
Atua; o Sinai lava na *gatete ia* i
luma o le Atua, o le Atua o Isara-
elu. Le Atua e, na e faatotoina 9
ifo le ua tele, o lou tofi sa lailoa, o
oe lava na e faamalosia. Sa nofo i 10
ai lau faapotopotoga; le Atua e,
o lou alofa na e sauni ai mo le ua
puapuagatia.

Na tūlei mai le afioaga a le Alii; e 11
tele 'au o e na tala'iina. Na sosola 12
tupu o 'au, na latou sosola lava; o
le fafine foi na faamuli na ia tufatu-
faina le vete. E ui lava ina taoto 13
outou i le va o ulo, *e avea outou e
pei* o apaau o le lupe e liloia i ario,
ma ona fulu e *liloia* i le auro sama-
sama. Na faataapeapeina ai tupu 14
e Le e ona le malosia uma lava, ona
sinasina ai lea e pei o le kiona i
Salemoni.

O le mauga o Vasana, o le mauga 15
o le Atua lea; o le mauga o Vasana,
o le atu mauga lava lea. Le atu 16
mauga e, se a le mea tou te lama-
lama mai ai? o le mauga nei ua
finagalo le Atua e afio ai; e mau ai
lava Ieova e faavavau. O kariota o 17
le Atua e lua sefulu o afe, e mano-
mano lava; o loo ia te i latou le
Alii, *e pei* ona i ai Sinai i le mea
paia. Na e afio ae i le mea maua- 18
luga, na e ta'ita'i faatagataotaua i
le tafeaga; na e maua mea alofa
mo tagata, o e fouvale lava, ina ia
nofo ai Ioa le Atua.

- 19 Ia faafetaia le Alii i lea aso ma
lea aso; ua faaee avega ia te i
tatou, o le Atua o lo tatou olataga
20 ia. Selā. O lo tatou Atua, o le
Atua o le olataga lea; o Ieova le
21 Alii e ana e faasaoia i le oti. E
moni, o le Atua na te foaina ulu o
e ita ia te ia, o le tumuai lauluua o
22 le ua finau i ana agasala. Ua feta-
lai mai le Alii, Ou te faafoisia mai
mai Vasana, ou te faafoisia mai mai
23 le loloto o le sami; ina ia feseuai
lou vae i le toto; ia *etoeto* foi lau-
laufaiva o āu uli *le toto* o e ita ia te
oe taitasi uma lava.
24 Le Atua e, na latou iloa lou afio
atu; o le afio atu o lo'u Atua, ma
25 lo'u Tupu i le malumalu. Ua mua-
mua o e pepese, ua mulimuli o e ta
laaupese; ua i le va taipou ta topa.
26 Ia faafetaia le Atua i faapotopotoga,
o le Alii lava, *outou na* ua puna mai
27 ia Israelu. O i ai Peniamina le
uii, o le pule ia i latou; o alii o
Iuta *ma* o latou faipule; o alii o
Sepulona *atoa ma* alii o Nafatali.
28 Ua pule mai e lou Atua lou
malosi; le Atua e, ia malosi oe i le
29 mea ua e faia mo i matou. O tupu
latou te avatu mea alofa ia te oe,
ona o lou malumalu i Ierusalemā.
30 Ia e aoai i manu feai o i mea āa,
atoa ma le vao *povi* malosi ma
tamai *povi* a le nuu, seia ifo mai ia
ma fāsi ario; ia e faataapeapeina le
31 nuu ua naunau i taua. E o mai
alii sili mai Aikupito; e vave ona
faaloaloa atu e Aitiopie ona lima i
le Atua.
32 O outou malo o le lalolagi ina
pepese atu ia i le Atua; ia outou
33 fai pesea i le Alii; Selā; o lē tie-
tie atu i lagi o lagi o le vavau; faa-
uta, ua ia tūlei mai lona siufofoga o
34 le siufofoga malosi. Ia outou tuu
atu le malosi i le Atua; o loo i luga
o Israelu lona silisili ese, o loo i ao
35 foi lona malosi. Le Atua e, ua
matautia oe ai ou afioaga paia; o
le Atua o Israelu, o ia lea na te
tuuina atu le malosi ma le fita-
fita i lona nuu. Ia faafetaia lava
le Atua.

*Ua tatalo Tavita ia faaolaina ia i e
ua ita ia te ia.*

Ma le usu pese i susana. O le
salāmo a Tavita.

LE Atua e, ia e faaola mai ia te 69
au; auā o a'u nei, a malemo lava
a'u i le vai. O le a a'u goto i le 2
palapala loloto, e le o i ai se mea e
tu ai; ua oo lava a'u i mea loloto o
le vai, ua lofia foi a'u i le vaitafe.
Ua lailoa lava a'u i lo'u valaau; ua 3
fa lo'u leo; ua mole lava o'u mata,
a o faatalitali atu a'u i lo'u Atua.
O e ua 'ino'ino fua mai ia te au, e 4
toatele i latou i o'u lauuu; e malo-
losi lava o e fia fasiotia mai a'u, o e
ita fua mai ia te au; o mea na ou
le faoa ua ou toe avatua lava. Le 5
Atua e, o oe lava ua e silafia mai
lo'u valea; e le lilo foi a'u agasala
ia te oe.

Le Alii e, Ieova o 'au, aua ne'i 6
faamaina ona o a'u o e faatalitali
atu ia te oe; le Atua o Israelu e,
aua ne'i masiasi ona o a'u o e sailili
ia te oe. Auā ua faalumaina lava 7
a'u ona o oe; ua usitia o'u mata i le
ma. Ua fai a'u ma tagata āumau i 8
o'u uso, ma tagata ese i le fanau a
lo'u tinā. Auā ua 'aina lava a'u i 9
le manao tele i lou fale; ua oo mai
foi ia te au faifaiga a e na faifai oe.
Ua ou tagi, ma ou anapogi, ua fai 10
lea ma luma ia te au. Na ou ofu i 11
le ie talatala; ona faia lea o a'u ma
upu faatusa a i latou. Ua upuia 12
a'u e i latou o e nonofo i le faitotoa,
ua *fai* foi ma pese a e inu 'ava. A 13
o a'u, ou te tatalo ia te oe, Ieova e,
i ona po o le alofa; le Atua e, ona
o le tele o lou alofa, ia e tali mai ia
te au i le faamaoni o le olataga
mai ia te oe. Ia e laveai mai ia te 14
au ai le palapala, aua ne'i ou goto
ai; ia laveaiina a'u i e ua 'ino'ino
mai ia te au, atoa ma vai loloto.
Aua ne'i lofia a'u i le vaitafe, aua, 15
foi ne'i tofatumoanaina a'u i le mea
loloto, aua foi ne'i punitia le gutu o
le lua i luga o a'u.

Ieova e, ia e tali mai ia te au, 16
auā e lelei lou alofa mai; ia e liuliu
alo mai ia te au, e pei ona tele o
lou alofa mutimuti valea. Aua ne'i 17
'alo ou fofoga i lau auauna; auā ua

ou puapuagaina; ia vave onā e tali
 18 mai ia te au. Ia e faalatalata mai
 i lo'u agaga e faaola mai ai; ia e
 laveai mai ia te au auā o e ita mai
 19 ia te au. O oe, ua e silafia le faa-
 lumaina o a'u, ma le faamaina o
 a'u, ma lo'u faamasiasiga; na i ou
 luma o i latou uma o e ita mai ia te
 20 au. O le luma ua momomo ai lo'u
 loto, ua ma'i lava a'u; ua ou faa-
 talitali foi i se na te faamatalaloto
 mai, a e leai lava se tasi, ma ni e
 faamafanafana mai, a e leai se isi
 21 na ou maua. Na latou avanē le
 mea oona e fai ma'u mea e 'ai; ua
 ou fia inu, ona latou avane ai lea o
 22 le vineta ou te inu ai. O latou
 laoi i o latou luma, ia avea lea ma
 matāsele; o latou filemu foi, ia fai
 23 ma mailei. Ia faapouliuligia lava o
 latou mata, ia latou le mavaavaai
 ai; ia tetemu o latou sulugatiti e le
 24 aunoa. Ia sasaaina atu lou toasa ia
 i latou; ia oo atu lava ia te i latou
 25 lou toatamai e matua tele. Ia faa-
 tafunaina le mea latou te nonofo
 ai; aua foi ne'i ai se nofo i o latou
 26 fale ie. Auā ua latou tuliloa i le
 na taia lava e oe; ua latou ta'uta'u
 atu le tiga o e ua manūua ia te oe.
 27 Ia e faapoopoina atu le agasala i la
 latou agasala; aua foi ne'i oo i latou
 28 i le amiotonu mai ia te oe. Ia sōloia i
 latou ai le tusi o le ola; aua foi ne'i
 tusia i latou faatasi mae ua amiotonu.
 29 O a'u foi ua puapuagatia a'u, ma
 ua tiga lava; le Atua e, ia mamalu
 lava a'u i le olataga mai ia te oe.
 30 Ou te vivii atu i le suafa o le Atua
 i le pese; ou te faaneenee atu foi
 31 ia te ia i le viiga. E sili ona lelei
 lea ia Ieova i le povi, o le povi
 32 taanoa o i ai nifo ma atigivae. E
 iloa e ua tigaina, ona latou olioli ai
 lea; ona fiafia ai lea o outou loto, o
 33 outou ua saili i le Atua. Auā o loo
 faafofoga Ieova i e matitiva, e le
 'ino'ino foi o ia i ona tagata ua
 34 noanoatia. Ia vivii atu ia te ia le
 lagi atoa ma le lalolagi; o le sami
 35 atoa ma mea uma e tataa ai. Auā
 o le Atua na te faaolaina Siona; na
 te faatuina foi aai o Iuta; latou te
 36 nonofo ai, e fai foi mo i latou. E
 fai foi ma tofi o le fanau a ana
 atūauna; o e alolofa atu i lona suafa
 e mau ai i latou.

O le tatalo ia faaolaina.

Ma le usu pese. *O le salāmo a*
 Tavita e faamanatunatu a'i.

LE Atua e, ia vave ona e laveai **70**
 mai ia te au; Ieova e, ia vave ona e
 fesoasoani mai ia te au. Ia mamā 2
 ma ia masiasi e ua sailili ia ou oti;
 ia liutuaina ma ia faamaina e ua
 mananao i se mea e leaga ai a'u.
 Ia faaliliuina i latou ona o lo latou 3
 mā, o e faapea ane, Ue! ue! Ia
 olioli ma fiafia ia te oe i latou uma
 o e sailili ia te oe; ia fai ane pea i
 latou o e fiafia i lau faaolataga, Ia 4
 viia le Atua. A o a'u, ua ou pua-
 puagatia a'u, ma le mativa; le Atua 5
 e, ia e vave mai ia te au; o lo'u
 fesoasoani ma lo'u faaola, o oe lava
 lea; Ieova e, aua lava e tetuai mai,

O le faatuatua i le Atua.

IEOVA e, ou te faatuatua ia te **71**
 oe; aua ne'i faamaina a'u e oo i le
 faavavau. Ia e laveai mai ia te au 2
 i lau amiotonu, ma ia e faaola mai
 ia te au; ia e faafofoga mai ia te
 au, ma ia e faaola mai ia te au. Ia 3
 fai oe ma papa ou te mau ai, ia ou
 alu atu pea i ai; ua e pule e faaola
 mai ia te au; auā o lo'u papa ma
 lo'u 'olo o oe lava lea. Lo'u Atua 4
 e, ia e faaola mai ia te au ai le lima
 o lē amio leaga, o le lima o lē amio
 paa ma le sauā. Auā o oe lava o 5
 lo'u faamoemoega, le Alii e Ieova,
 o lo'u faatuatua o talu ina ou
 tama itiiti. O oe ua lagolago mai 6
 ia te a'u talu ina fanaua o a'u; na
 e aumaia a'u mai le manava o lo'u
 tinā; e le aunoa ona ou vivii atu ia
 te oe. Sa fai a'u e peiseai se mea 7
 e ofo ai le toatele; a o oe o lo'u
 malu malosī oe. E tumū lava lo'u 8
 gutu i lou viiga, ma lou faaneeneega
 i aso uma lava.

Aua e te lafoai ia te au i ona po 9
 ou te toaina ai; aua e te tuulafoai
 mai ia te au pe a mavāe atu lo'u
 malosī. Auā ua upuia a'u e i latou 10
 ua ita mai ia te au; ua taupulepule
 faatasi e ua lamalama ia oti a'u.
 Ua faapea ane, Ua tuulafoaiina o 11
 ia e le Atua; ia outou tuliloa ma
 pue ia te ia, auā e leai se na te
 laveaiina o ia. Le Atua e, aua e 12

- te mamao ia te au; lo'u Atua e, ia vave ona e fesoasoani mai ia te au.
- 13 Ia mamā, ia faaumatia i latou o e fai a'u mo latou fili, ia liloia i le luma ma le masiasi o e sailili ia
- 14 leaga ai a'u. A o a'u, ou te faamoemoe e le aunoa, ma a'u toe faaopoopoina atu i ou viiga uma lava.
- 15 E ta'uta'u atu i lo'u gutu le amiotonu mai ia te oe, *e ta'uta'u foi* le olataga mai ia te oe i aso uma lava; auā ua le masino ia te au lona faitau aofai. Ou te alu atu i le malosi o le Alii o Ieova; ou te ta'uta'u i
- 17 lau amiotonu, na o lau lava. Le Atua e, na e a'oa'o mai ia te au talu ina ou tama itiiti; ua oo mai foi i nei ona po ua ou faaali atu ou vavega. Le Atua e, aua e te tuulafoai mai ia te au e oo ina toeaina ma ulusinā; seia ou faaali atu lou aao i *lenei* tupulaga, ma lou malosi i e amuli uma lava.
- 19 Le Atua e, e silisili lava lau amiotonu, *o mea* ua e faia o mea mamaia ia; le Atua e, o ai ea se tusa ma oe?
- 20 O le ua faailoa mai ia te au o puapuga e tele ma le leaga, e te toe faaola mai ia te au, e te toe avae ia te au nai le mea loloto i le eleele.
- 21 E te faateleina lo'u mamalu; e te liliu mai ma faamafanafana mai ia te au. O a'u foi, ou te vivii atu ia te oe i le napeli, o lou faamaoni lava, lo'u Atua e; ou te fai pesega ia te oe i le kitara, o oe le Paia o
- 23 Isaraelu. E alaga fiafia o'u laugutu pe a a'u fai pesega ia te oe, atoa foi
- 24 ma lo'u agaga ua e faaolaina. E ta'uta'u atu foi lo'u laulaufaiva i lau amiotonu i aso uma lava; auā ua faamaina ma ua masiasi i latou o e sailili ia leaga ai a'u.

O le mamalu o le malo o Solomona, o le faatusa lea o le malo o le Mesia.

O le salāmo ma Solomona.

- 72 LE Atua e, ia e avatua au faamasinoga i le Tupu, ma lau amiotonu i le alo o le Tupu. E faamasino e ia lou nuu i le amiotonu, e faamasino foi ma le tonu ou tagata ua
- 3 puapugatia. E fua mai mauga le manuia mo le nuu, ma mauga iti e
- 4 fua mai i le amiotonu. E faamasino e ia o e puapuga o le nuu; e

faaolaina foi e ia le fanau a e ua matitiva, a e faamomomoina e ia o le ua faasaua.

E matatau lava tagata ia te oe a o tumau le la ma le masina, i lea 5
tupulaga ma lea tupulaga. E alu 6
ifo ia e pei o le ua i le mutia e ua seleseleina, e pei o timuga e sūsū ai le eleele. O lana nofoaiga e tupu olaola mai ai le ua amiotonu; e manuia tele ai, seia leai se masina. E pule foi o ia o 8
pau mai i le tasi sami e oo atu i le tasi sami; e pau mai le vaitafe e oo atu i tulu'iga o le lalolagi. E ifo foi 9
i ona luma o e nonofo i le nuu nauti, e etoeto i le eleele o e ita ia te ia. O tupu o Tasesa, ma nuu tu 10
matafaga latou te avane mea alofa: o tupu o Seepa ma Sepa latou te 11
avane mea foai fua. E ifo lava ia te ia o tupu uma lava; e auatua ia te ia o nuu uma. Auā e laveai e ia 12
o le mativa i lona alaga mai; atoa ma le ua puapugatia, ma le ua leai sona fesoasoani. E alofa atu 13
ia i le ua vaivai ma le ua mativa; e faaola lava e ia e ua matitiva. E laveai o ia ia i latou ai le saua 14
ma le faamalo; e silisili foi o latou toto i lona manatu.

E soifua lava ia, e avatua foi ia 15
te ia ni auro mai Seepa; e le aunoa ona talosia o ia: e faafetaia o ia i aso uma lava. E taumafa o saito i 16
le nuu i tumutumu lava o mauga; e gasē ona fua e pei o Lapanona; e fuga mai foi tagata o le aai e pei o le vao i le lauelele. E faavavau 17
lava lona suafa; e tumau pea lona suafa a o i ai le la; latou te faamuia i latou ona o ia; e faamuia o ia e nuu uma lava.

Ia faafetaia Ieova le Atua, o le 18
Atua o Isaraelu, na o ia lava na te faia vavega. Ia viia lava lona suafa 19
mamalu e faavavau lava; ia tumu foi le lalolagi uma i lona mamalu; Amēne ma Amēne. Ua faaiuina 20
tatalo a Tavita le atalii o Iese.

O le manuia o e amio leaga i le olaga nei ma lo latou malaia amuli.

O le salāmo a Asafo.

E MONI lava, e agalelei mai le 73
Atua ia Isaraelu, o e ua mamā o

2 latou loto. A o a'u nei, e toe ina
papeva o'u vae; e toetoe lava ina
3 see o'u vae; auā na ou mataua i e
vālea; na ou vaai i le manuia o e
4 ua amio leaga. Auā e leai ni o latou
puapuaga e oo i le oti; a ua
5 puputa pea o latou tino. E le oo
ia te i latou puapuaga faatagata ola,
e le pesia foi i latou faatasi ma isi
6 tagata. O le mea lea ua asoa ai i
latou i le faamaualuga; o le saua
7 ua fai ma ofu latou te oofu ai. Ua
lululu o latou mata; latou te faa-
8 silisili i manatu o le loto. Ua latou
tauemu, ma ua tautala leaga i le
saua; ua latou tautala faamaua-
9 luga. Ua upu vale o latou gutu i
le lagi; ua feoi foi o latou laulau-
10 faiva i le lalolagi. O le mea lea e
foi mai ai lona nuu iinei; e faainu-
11 mia foi i latou i le vai e tele. E
faapea a latou, Pe faapefea ona
silafia e le Atua? Pe silafia ea e
lē Silisili ese?
12 Faauta, o i latou nei o e amio
leaga, e ua manuia i le olaga nei;
13 e faateleina o latou oloa. E moni
lava, ua ou faamamāfuaina lo'u loto,
ma a'u fafano o'u lima ina ua ou le
14 sala, *a e fai fua lava*. Ua taia lava
a'u i aso fai soo, ua aoaiina foi a'u i
15 taeo uma lava. Afai ou te faapea
ane, Ou te ta'uta'uta atu faapena;
faauta, ona ou faa'ole'ole lea i le
tupulaga o lau fanau.
16 Na ou mafaufau lava ia a'u iloa
lenei mea; o le mea faatiga lava
17 lea i lo'u manatu; ua oo i le aso na
ou alu atu ai i le malumalu o le
Atua; ona ou iloa ai lea o lo latou
18 iuga. E moni lava, na e tuuina atu
i latou i mea maseese; na e faa-
pauina atu i latou i mea faatafunai-
19 na. Aue! ua faafuasei ona faata-
funaina o i latou; ua fano i latou,
ua faaumatia lava ona o mea ma-
20 tautia. E pei o le miti ina o tulai
se tasi, e faapea foi ce le Alii i lou
maleifua, e te ta'ufaatauvaaina lo
21 latou ata. Auā na tigaina ai lo'u
loto; na tuia ai foi lo'u manatu.
22 O a'u foi, na fai ai a'u ma vale, ma
le le iloa; ua avea a'u i ou luma e
23 tusa ma le manu vaefa. A o a'u, e
le aunoa ona ta faatasi ma oe; na
24 e taosina lo'u lima taumatau. E
te ta'itai ia te au i lau pule, a e

mulimuli ane e te talia mai a'u i le
manuia. O ai ea se ua ia te au i le
25 lagi? e leai foi se tasi i le lalolagi
ou te fiafia i ai, na o oe. E vaivai
26 lo'u tino ma lo'u loto, *a o le Atua*,
o le papa ia o lo'u loto ma lo'u tofi
e faavavau. Auā faauta, e fano
27 lava o e faamamao ma oe; e te
faaumatia i latou uma lava o e o
ese ia te oe e faitaaga ai. A o a'u
28 nei, ou te faalatalata atu i le Atua
ou te lelei ai; ua ou faia le Alii o
Leova ma ou malu, ina ia ou ta'uina
atu o au galuega uma.

*O le tatalo i le Atua ona o le malu-
malu ua faatafunaina.*

O le salāmo a Asafo e a'oa'o ai.

LE Atua e, se a le mea ua e la-
foaiina mai ai i matou e faavavau?
Se a foi le mea e pusa mai ai lou
toasa i le lafu mamoe o loo e faga-
ina? Ia e manatua mai lau faa-
2 potopotoga na e faatauina anamua;
o le aiga o lou tofi na e faaolaina;
Ia e afio ae i mea ua faatafunaina
3 e faavavau; o e ua ita mai ua faa-
taumaoi mea uma i le malumalu.
Ua pisapisao o e ita ia te oe i totonu
4 o au faapotopotoga; ua latou faa-
tuina o latou faailoga *e fai ma* faa-
iloga. Ua iloa i latou, e pei o tagata
5 ona sii ae o mātatau i le vao filifili e
tuu a'i. O lenei, ua uma ai ana
mea togitogi, ua lepetia e i latou i
6 mātatau ma samala. Ua latou susu-
nuina lou malumalu i le afi, ua latou
solia le malumalu o i ai lou suafa,
7 ua oo i le eleele. Ua latou faapea
8 ifo i o latou loto, Ia tatou faatau-
maoi faatasi i latou; ua latou susu-
nuina mea uma i le nuu sa fai ai
9 potopotoga i le Atua. Ua tatou le
ilca o tatou faailoga; e leai foi se
toe perofeta; e leai foi so tatou na
te ilca pe iu afea nei mea.

Le Atua e, e faifai le ua ita mai
10 seia afea? Pe faavavau ea ona
'ino'ino i lou suafa le ua ita? Se a
11 le mea ua e toe faafoi atu ai lou
aao, o lou aao taumatau lava? *Ia e*
to mai ai nai lou fatafata, ia e faa-
uumatia i latou. A o le Atua, o lo'u
12 lea Tupu talu anamua; o loo galue
e faaola ai i luma o le lalolagi. Na 13

- e vaeluaina le sami i lou mana; na e tu'imomomoina ulu o tanimo o le sami. O ulu o leviatana na e nutinini ai lava; na e tuuina atu ai e 'aina e i latou ua nonofo i nuu nau-mati. O oe lava, na e foaina le vaipuna ma le alia; o oe lava, na mamate ai vaitafe tafe tetele. O loo ia te oe le ao, o loo ia te oe ma le po; o oe lava na e saunia le malamalama ma le la. O oe, na e tuuina tuaoi uma o le lalolagi; o le tausaga vevela ma le tausaga maalili, o oe na e faia.
- 18 Ia manatua lenei mea, ua faifaia Ieova e i latou ua ita mai; o le nuu valea foi ua latou 'ino'ino i lou suafa. Aua e te tuuina atu lau manutagi i le manu feai; aua nei e faagalagaloina pea o ou tagata ua puapuagaina. Ia e manatua le feagaiga; auā ua tutumu mea pouliuli o le lalolagi i mea e nofo ai le sauā.
- 21 Aua nei foi mai ma le mā le ua sauaina; a ia viia lou suafa e le ua puapuagaina ma le ua mativa. Le Atua e, ia e tulai mai, ma e faia lau lava finauga; ia e manatua lou faiga e le tagata valea i aso uma
- 23 lava. Aua nei galo ia te oe le leo o e ua ita ia te oe; ua tupu pea lava le vāvāō o e laga atu ia te oe.

O le faafetai ma le vivii i le Atua.

Ma le usu pese. Nei e faaumatia. O le salāmo a Asafo, o le pese lea.

- 75 LE Atua e, matou te vivii ia te oe; matou te vivii lava; auā ua latalata mai lou suafa; ua tā'uatua ou vavega. Pe a ou oo i ona po na tuu ai, ona a'u faamasino tonu lea e a'u. Ua liu suāvai le lalolagi atoa ma i latou uma ua nonofo ai; o a'u nei ou te faatumauina ona pou tu. Selā.
- 4 Na ou faapea atu i e ua valelea, Aua tou te amio faavalea; na ou fai atu foi i e amio leaga, Aua tou te faamaualugaina lo outou nifo; 5 aua tou te matuā faamaualuga lo outou nifo; aua tou te tautalatala ma le ūa maaa. Auā e le o sasae, po o sisifo, po o le vao e i ai mauga, 7 a o le Atua na te faamasinoina; o ia na te faamaualalcina le tasi, o ia foi na te faaeaina i luga le tasi.

Auā o loo i le aao o Ieova le ipu, ua mūmū foi le uaina; ua tumu i le uaina filogia; e liligina atu foi e ia ai lenei lava ipu; a o ona 'alu, e tāulia a faainu ai o e amio leaga uma i le lalolagi. A o a'u, ou te ta'u atu e faavavau; ou te fai pesega lava i le Atua o Iakopo. O nifo uma foi o e amio leaga, ou te vavae-esaina ia; a e faamaualugaina nifo o lē amiotonu.

Ua faaali mai le mana o le Atua.

Ma le usu pese i nekina. O le salāmo a Asafo, o le pese lea.

UA iloa le Atua i Iuta; ua silisili lona suafa i Isaraelu. Ua i Salema foi lona fale apitaga; ua i Siona foi lona afioaga. Na ia gauia i lea mea o u fanafana mu, o le talita, le pelu, ma le taua. Selā.

E pupula mai oe, e silisili, e sili i mauga o i ai mea e saeia. O e loto tetele ua vetea a latou mea; ua latou momoe i o latou moe; e leai foi so latou o e malolosi ua maua o latou lima. Le Atua o Iakopo e, o le aoaiga mai ia te oe ua moe gagase ai le kariota atoa ma le solofanua. O oe e matautia lava oe; o ai foi se tu atu i ou luma i ona po e te toasa mai ai? Ua lagona atu mai ia te oe mai le lagi le faamasinoga; ua matatau ai le lalolagi ma ffilemu, ina ua tulai le Atua e faamasino ai, e faaola ai i e puapuagatia uma lava o i le lalolagi. Selā.

Auā o le ita tele o tagata e viia ai oe; e te taofia foi le toe ita. Ia outou tauto atu ia Ieova lo outou Atua, ma ia avatua ana mea; o i latou uma o e vagavagai ia te ia, ia latou avatu mea alofa i le ua matautia. E faamaualalcina e ia o loto o alii; e matautia o ia e tupu o le lalolagi.

O le tatato i le Atua ina o atuatu-vale le loto.

Ma le usu pese o Iutana. O le salāmo a Asafo.

NA ou alaga atu i le Atua i lo'u leo, na ou alaga atu i le Atua; ona faafofoga mai lea o ia ia te au. O le aso na puapuagatia ai a'u na ou

saili atu ai i le Alii; na ou faaloaloa lo'u lima i le po, e lei gase lava; na le mafaia lo'u loto ona faamafana-
 3 fanaina. A ou manatua le Atua ou te atuatuvaie ai; a ou mafaufau ou
 4 te loto vaivai ai. Selā. O loo ē taofia o'u mata ina ia le fia moe; ua ou atuatuvaie; ou te le mafai ai
 5 ona tautala. Ou te manatunatu i ona po anamua; o tausaga o le
 6 vavau. Ou te manatua la'u pese i le po; ou te mafaufau i lo'u loto; e tausailili foi lo'u agaga.

7 E faavavau lava ea ona lafoai e le Alii? e le toe fiafia mai ea o ia?
 8 Ua uma ea e faavavau lona alofa? e faaleiu ea lana afioga i lea tupu-
 9 laga ma lea tupulaga? Ua faagalogo- galo ea e le Atua ona alofa mai? pe taofi ea e ia o lona alofa mutimuti
 10 vaili lona toasa? Selā. Ona ou faapea ane lea, O lo'u vaivai lenei, o tau-
 11 saga o le aao taumatau o le Silisili ese. Ou te manatua galuega a Ioa; e moni, ou te matua manatua ou
 12 vavega anamua. Ou te manatunatu foi i au galuega uma, ou te mafau-
 13 fau i mea na e faia. Le Atua e, e paia lava lou ala; o ai se atua e silisili e tusa ma le Atua?
 14 O oe lava le Atua o lē fai vavega; ua faailoa lou malos i nuu. O lou
 15 aao na e faaolaina ai lou nuu, o le fanauga a Iakopo ma Iosefa. Selā.
 16 Na iloa atu le sami ia te oe le Atua e, na iloa atu le sami ia te oe, ona fefe ai lea; na gatete foi le moana.
 17 O ao uli na faamaligi ifo ai le vai; o le lagi na taalili mai lea, ua feoai
 18 foi āu u fanafana. O le leo o lou faititili ua i le asiosio lea; ua mala-
 19 malama le atu laulau i uila; ua gatete ma luluina le lalolagi. Ua i
 20 le sami lou ala, ua i vai e tele lou savali, o ou tulagaaao foi e le iloa lava ia. Na e ta'ita'iina lou nuu e
 pei o se lafu mamoe i lima o Mose ma Arona.

O lē tala o le toasa o le Atua i e le faalogo.

O le salamo a Asafo e a'oa'o ai.

78 LO'U nuu e, ia outou faalogologo mai i la'u tulafono; ia uai mai o
 2 outou taliga i upu a lo'u gutu. Ou te tautala atu lava i le faataoto; ou

te ta'u atu mea lilo talu anamuā, o mea na tatou faalogologo i ai, ma
 3 tatou iloa; na talaina mai foi ia te i tatou e o tatou tamā. Tatou te le
 4 natia *ia mea* i a latou fanau, *a* e ta'uta'u atu i tupulaga amuli o viiga o Ieova, ma lona malosi, ma ona vavega na na faia.

Ua ia faatuina le tulafono ia
 5 Iakopo, ua ia tuuina foi le poloaiga ia Isaraelu, o mea na ia poloi ai
 ai i o tatou tamā, ina ia latou faa-
 6 iloa ai i a latou fanau; ina ia iloa ai e le tupulaga amuli, o fanau lava e fanau mai; e tutupu mai i latou,
 7 ma ta'u atu ai i a latou fanau; ina ia fai le Atua mo latou faatuatuaga; ma ia le galo galuega a le Atua; a
 8 ia latou tausii i ana poloaiga; ina ia le pei o latou tamā i latou, o le
 tupulaga vaogata ma le fouvale; o le tupulaga na le sauni o latou loto; e lei faamaoni foi o latou loto i le
 Atua.

O le fanauga a Efaraima ua i ai
 9 auupega, e na fanafana i u; na litua i latou i le aso na tau ai le taua. Na latou le tausii le feagaiga a le
 10 Atua, na le mafafai foi ona latou savavali i lana tulafono; na latou
 11 faagalalogaina foi ana galuega, ma ona vavega na ia faaali ia te i latou. Na ia faia vavega i luma o latou
 12 tamā i le nuu o Aikupito o le lau-elele o Soana.

Na ia vavaeina le sami, ma faai
 13 ane ai i latou; na ia faatuina foi le suāsami e pei o se mea maupuepue. Na ia ta'ita'i ia te i latou ina o ao i
 14 le ao a o le malamalama o le afi *na ia ta'ita'i ai ia te i latou* i le po atoa. Na ia vaevaea papa i le vao;
 15 na ia faainu *ia i latou* e peiseai sa i ai vai loloto. Na ia faaoso foi o
 16 vaitafe nai le papa, na ia faatafe ifo le vai e pei o vaitafe.

A ua faapoopo ona toe agasala
 17 atu i latou ia te ia, i lo latou faaonoono i lē Silisili ese i le nuu nau-mati. Na latou tofotofa i le Atua
 18 i o latou loto i lo latou ole atu i mea e 'ai i lo latou tu'inanau. Na
 19 upuia le Atua e i latou; ua faapea a latou, Ua mafaia ea e le Atua
 ona laulau mai mea e 'ai i le vao? Faauta, na ia taia le papa, ua tafe
 20 mai ai le vai; ona oso ai lea i tua o

- vaitafe; e mafaia foi ea ona foi mai ni mea e 'ai? e mafaia ea ona au mai o aano o manu mā lona nuu? O le mea lea na faafofoga mai ai Ieova, ona toasa mai ai lea o ia; na tūtū ai le afi ia Iakopo, na oo ae foi le toatamai ia Israelu; 21
- auā ua latou le faatuatua i le Atua, ua latou le faalagolago i le olataga 22
- mai ia te ia. Na ia poloi ai a o mai luga; na ia to mai foi o puipui o le 23
- lagi, na ia faatotō faaua i luga ia te i latou le manai e aai ai; na ia 24
- avatua foi ia te i latou o mea e 'ai mai le lagi. Na aai tagata i le mea 25
- e 'ai a e malolosi; na ia tuuina atu ia te i latou le mea e 'ai latou te maona ai.
- 26 Na ia faaso mai i le lagi le matagi mai sasaē; o lona malosi foi na ia faaagi mai ai le toga. Na ia 27
- faatotō faaua foi i luga ia te i latou o manu e pei o le efuefu; o manu felelei foi e pei o le oneone i le sami; na ia faatotōina ai i totonu i 28
- i lo latou toagālauapi; e faataaliolio ai i mea sa latou nonofo ai. Na 29
- latou aai, ona matuā maona ai lea o i latou; auā na ia avatu ia te i latou o mea na latou tu'inanau i ai. 30
- Na le te'a i latou i le mea na latou tu'inanau i ai; a o i o latou gutu a 31
- latou mea e 'ai, ua oo ai ia te i latou le toasa o le Atua, ua fasiotia foi o latou tagata puputa, ma na lafo i lalo taulelea o Israelu.
- 32 E ui lava i ia mea uma, a ua latou agasala pea; e ui lava i ona vavega, a e latou te lei faatuatua 33
- lava. Ona faaumatia faaleaoga ai lea e ia o latou olaga, *na faaumatia* foi o latou tausaga i le atuatuvaile. 34
- Na latou sailiili atu ia te ia ina o fasiotia i latou e ia; ona latou foi ai lea i le sailiili i latou i le Atua. 35
- Ona latou manatu ifo ai lea o le Atua o lo latou papa ia; o le Atua silisili o ia na te faaolaina i latou. 36
- A ua latou pepelo ia te ia i o latou gutu, ma ua latou faa'ole'ole ia te ia i o latou laulaufaiva. E lei tutu- 37
- mau foi o latou loto ia te ia, e lei faamaoni foi latou i lana feagaiga. 38
- A o ia, ua alofa mutimuti vale, ua ia faamagaloina a latou amio leaga; na ia le faaumatia ai i latou; ua liliu ese faalasi e ia lona toasa,
- na ia le faatupuina foi lona toata- mai atoatoa; auā na ia manatua, ua 39
- na o tagata lava i latou; o le ma- tagi o loo mavae atu, e le toe foi mai lava. Na faalasi naua ona la- 40
- tou faaonono ia te ia i le vao; na latou faalili lava ia te ia i le vao. Na latou toe tofotofo lava i le 41
- Atua; ma latou faaonono i le Paia o Israelu. Latou te lei ma- 42
- natua lona aao, o le aso na ia faa- olaina ai i latou ai le puapuaga; o 43
- ona faailoga na na faia i Aikupito, atoa ma ona vavega i le lauelele o Soana. Na ia liua foi o latou vai- 44
- tafe ma toto, atoa ma o latou vaita'i, ina ia latou le inu ai. Na 45
- ia aauina atu ia te i latou o garova, na 'aina ai i latou; o rane foi na faaumatia ai i latou. Na ia avatua 46
- foi o fua o lo latou fanua i le sē kasili, *na avatua* foi a latou galuega i le sē akerise. Na ia faamateina o 47
- a latou vine i le uato'a, *na ia faa- mateina* foi a latou sukamoru i le uato'a tetele. Na ia tuuina atu foi 48
- o a latou manu i le uato'a ma *na tuuina* a latou lafu mamoe i le uila. Na ia faaoo ia te i latou o lona 49
- toasa mamafa, o le ma'ema'eai, le toatamai, ma le puapuaga, i lona aauina atu o auaua e i ai mala. Ua na saunia le ala o lona toasa; e 50
- lei faasaina e ia o i latou i le oti, a ua tuuina atu o latou ola i le faa- mai; na ia fasia foi ulumatua uma 51
- i Aikupito; o le amataga o lo latou malosi na i fale ie o Hamo. Na ia 52
- aumaia foi lona nuu e pei o mamoe, ma na ta'ita'iina i latou i le vao e pei o se lafu. Na ia ta'ita'iina i 53
- latou ua saogalemu, o lea na le fefefe ai i latou; a o e ua ita i ai, ua lomia i latou i le sami. Na ia 54
- faaoo ia te i latou i lona lauelele paia, o lenei lava mauga na ia maua i lona aao taumatua. Na ia tulia 55
- foi nuu ese i o latou luma, ona vaevaeina atu lea e ia ia te i latou le tofi ua fuatia, ma na faanonono o itu aiga o Israelu i o latou fale ie.
- A ua latou tofotofo ma faaono- 56
- ono i le Atua silisili ese; e lei tausi foi e i latou ana tulafono. Ua toe 57
- liliu i latou, ma faa'ole'ole e pei o latou tamā; ua liua i latou e pei o le aufana ua pepelo. Na latou faa- 58

lili foi ia te ia i a latou mea maua-
luluga; na latou faatupuina foi lona
59 fuā i a latou tupua ua ta. Ua faa-
foga le Atua, ona toasa tele ai
lea o ia, ona matuā 'ino ai lea o
60 ia ia Isaraelu; na ia lafoai ai le
malumalu i Sailo, o le fale fetafai
61 sa mau ai o ia ma tagata. Na ia
tuuina atu foi lona malosi ia tāfea,
na ia tuuina atu foi lona matagofie
62 i le lima o le ua ita mai. Na ia
tuuina foi o lona nuu i le pelu, ma
63 ua toasa tele ia i lona lava tofi. O
latou taulelea ua faaumatia i le afi;
o latou taupou foi ua le viia i latou.
64 O latou faitaulaga, ua oti i latou i
le pelu; e lei taufaiaue foi a latou
avā.
65 Ona maleifua ai lea o le Alii e
peiseai na tofa, e pei o se tagata
66 malosi ua alaga ona o le uaina. Ua
na taia e ua ita ia te ia i o latou
tua; ua na faia lea mo latou luma e
67 faavavau. Na ia tetee atu foi i le
fale ie o Iosefa, na ia le filifilia foi
68 le itu aiga o Efaraima. A ua ia
filifilia le itu aiga o Iuta, o le mauga
69 o Siona na ia finagalo i ai. Ua na
faia foi o lona malumalu e pei o
mea maua-luluga, e pei o le lalolagi
na ia faavaeina e faavavau lava.
70 Ua na filifilia foi Tavita lana au-
auna, ma na aumaia o ia nai lotoā
71 mamoe; na ia aumaia o ia sa muli-
muli i mamoe fananau, ina ia fafaga
lava e ia ia Iakopo lona nuu, o I-
72 raelu foi lona tofi. Na fafaga foi e
ia ia te i latou e tusa ma le faama-
oni o lona loto; na ia ta'ita'i ia te i
latou i le poto o ona lima.

*O le tatalo i le Atua, ona o Ierusa-
lema ua faatafunaina.*

O le salāmo a Asafo.

79 LE Atua e, ua oo mai nuu ese i
lou tofi; ua latou faaleagaina lou
malumalu paia; ua latou faia Ieru-
2 salema ma faupuegāmaa. Ua latou
avatu tiuo o au auuina ua oti e fai
ma mea e 'ai a manu felelei, ua
avatu tiuo o ou tagata amio Atua
3 i manu feai e tataa. Ua latou faa-
maligi o latou toto e pei o le vai,
ua soo ai Ierusalem; na lei foi se
4 na te tanua i latou. Ua aveia i
matou ma gao a ē ua matou tuaoi,

o ulaga ma tauemuga a ē ua vāga-
vagai mai ia te i matou.

Ieova e, e te toasa mai seia afea? 5
e faavavau ea? e mu ea pei o le afi
lou fuā? Ia e sasaina atu lou 6
toasa tele i nuu ese o e le iloa oc,
atoa ma malo o e le valaau i lou
suafa. Auā ua latou 'aina Iakopo, 7
o le mea foi sa nofo ai o ia ua latou
faatafunaina lea. Aua e te manatua 8
a matou agasala anamua; ia vave
ona tomua mai o lou alofa muti-
muti vale ia te i matou; auā ua
matuā vaivai i matou.

Le Atua o lo matou faaolataga e, 9
ia e fesoasoani mai ia te i matou
ona o lou suafa mamalu; ia e laveai
mai foi ia te i matou, ma ia e faa-
magaloina a matou agasala ona o
lou suafa. Se a le mea e fai ane ai 10
o nuu ese, O ifea o i ai lo latou
Atua? ia iloa i nuu ese o loo i o
matou luma le tau i le toto o au
auauna na faamaliaina. Ia oo atu 11
ia te oc le auega a le ua fusifusia;
e tusa ma lou aao malosi ia e faasao-
ina e ua tuu e oti; ma ia e tau i 12
faafitu atu i fatafata o e ua matou
tuaoi a latou upu na latou faifai ai
ia te oe le Alii. O i matou foi o 13
lou nuu ma le lafu mamoe na e
fagina, matou te vivii ia te oe e
faavavau; matou te ta'uta'uta ou
viiga i lea tupulaga ma lea tupu-
laga.

*O le tatalo i le Atua ona o lona nuu
ua oo i ai le puapua.*

Ma le usu pese i le susana etuta.
O le salāmo a Asafo.

LE leoleo o Isaraelu e, ia e faa-80
foga mai, o oe o lē ta'ita'i ia Iosefa
e pei o se lafu mamoe; o oe lē tie-
tie i le va o kerupi, ia e faali mai
lou pupula. Ia e faaoso lou malosi 2
i luma o Efaraima, ma Peniamina,
ma Manase, ma e asio mai e faola
ia te i matou. Le Atua e, ia e faa- 3
foisia i matou, ma ia malamalama
mai ou fofoga; ona faalaina ai lea
o i matou.

Ieova e, le Atua o 'au, e pusa mai 4
lou toasa i le tatalo a lou nuu seia
afea? Ua e fagagina i latou i loi- 5
mata e fai ma mea e 'ai, o loimata
foi e tele ua e avane ia te i latou e

- 6 inu ai. Ua e faia i matou ma mea
e femisai ai ē ua matou tuaoi; ua
7 tauemu mai foi ia te i matou o e
ita mai ia i matou. Le Atua o 'au
e, ia e toe faafoisia i matou, ma ia
malamalama mai ou fofoga; ona
faaolaina ai lea o i matou.
- 8 Na e aumaia le vine nai Aikupito;
na e tulia nuu ese, ma e totōina ai.
9 Na e teuteua le *lauleele* mo lea
vine; na e faasosoloina foi ona aa,
10 ua tumu ai le nuu. Ua maluia
mauga i lona paolo, o ona la foi e
11 *pei* o arasi silisili. Ua ia faasosolo
atu ona lava la e oo atu i le sami, o
ona tatupu foi e oo atu i le vaitafe.
12 Se a le mea na e sōloia ai ona pa,
ina ia tau *ona fua* e i latou uma o e
13 ui ane i le ala? Ua faataumāoi ai
e le puua mai le vao, o manu foi e
tataa latou te aai ai.
- 14 Le Atua o 'au e, ia e toe foi mai
lava; ia e silasila mai mai le lagi,
ma e silafia, ma ia e asiassi i lenei
15 vine, o le pogai lava na totōina e
lou aao taumatau, o le atalii foi na
16 e faamalosia mo oe. Ua susunuina
i le afi, ua tuu i lalo; e fano i latou
17 i le aoaiga mai ou fofoga. Ia faaee
lou aao i luga o le tagata o lou aao
taumatau, o le atalii o le tagata na
18 e faamalosia mo oe. Matou te le
tuumuli ia te oe; ia e faaola mai ia
te i matou, ona matou valaau atu
19 ai lea i lou suafa. Ieova e, le Atua
o 'au, ia e faafoisia i matou; ia
malamalama mai ou fofoga; ona
faaolaina ai lea o i matou.

*O le apoapoaiga ia faafetai i le Atua
ma anaana i lana afoga.*

Ma le usu pese i le kata. *O le
salāmo a Asafo.*

- 81 IA outou pepese ma le leo tele i
le Atua lo tatou malosī; ia outou
2 alalaga i le Atua o Iakopo. Ina
usu ia le pese, au mai ia le topa, o
le kitara leo mālie, afoa ma le na-
3 peli. Ia outou ilia le pu i le masina
ua faatoa vaaia, o ona po ua tuu e
4 fai ai le tausamiga. Auā o le tula-
fono lenei mo Isaraelu, o le pulē a
5 le Atua o Iakopo. Na ia faia lenei
mea ma tulafono ia Iosefa, i lona
afio atu i le nuu o Aikupito; na ou
faalogo ai i le gagana ou te lei iloa.

Na ou tuueseina le avega i lona ua; 6
o le ato ua te'a ma ona lima. Na e 7
valaau mai i le puapuaga, ona ou
laveaiina ai lea o oe; na ou tali atu
ia te oe i le mea lilo ua i ai le faiti-
titi; na ou tofotofa ia te oe i le vai
o Meripa. Selā.

Lo'u nuu e, faalogologo mai ia, 8
se'i ou ta'utino atu ia te oe; Isara-
elu e, e lelei ona e faalogo mai ia te
au; aua ne'i ai se atua ese ia te oe; 9
aua foi ne'i e ifo i se atua o se nuu
ese. O a'u lava o Ieova lou Atua, 10
o le na aveina ae ia te oe nai le nuu
o Aikupito; faamaga ia lou gutu,
ona ou faatumuina ai lea. A e lei 11
faalogo mai lo'u nuu i lo'u leo; o
Isaraelu foi e lei loto mai ia te au.
Ona ou tuuina atu ai lea o i latou 12
i o latou loto finau vale; na latou
savavali i mea na latou filifili i ai.
E! ana faalogo mai lo'u nuu ia te 13
au, ana savavali Isaraelu i o'u ala;
po ua ou vave faatoilaloina e ua ita 14
ia te i latou, ma a'u faaoo atu lo'u
lima i e ua fai i latou mo latou fili.
Po ua faatagā vivii ia te i latou e 15
ua 'ino'ino ia Ieova; a e faavavau o
latou aso. Po ua fafaga e ia ia te i 16
latou i le saito e sili ona lelei; po
ua ou faama'ona ia te oe i le meli
nai le papa.

O le aoaiga o faipule o le nuu.

O le salāmo a Asafo.

O LOO tu le Atua i le faapoto-82
potoga a le Atua; o loo faamasino
ia i luma o atua. Tou te faamasino 2
ma le le tonu seia afea? ma outou
faailogaina e ua amio leaga *seia*
afea? Selā. Ia outou faamasino- 3
ina e ua vaivai ma ē mātuaoti; ia
outou ta'uaniotonuina e ua pu-
puaga ma ē matitiva. Ia outou 4
faaola i e vaivai ma ē matitiva; ia
outou laveaiina i latou ai le lima o
e amio leaga. Latou te le iloa, e le 5
mafaufau foi i latou; e savavali pea
i latou i le pouliuli; e faagaetia
faavae uma o le lalolagi. O a'u, na 6
ou faapea ane, O atua outou; o fa-
nau foi outou uma a lē Silisili ese.
A e moni, tōu te oti lava e pei o 7
tagata, e pauu foi outou e pei o se
tasi alii. Le Atua e, ia e tulai 8
mai, ia e faamasino le lalolagi; auā

o oe, e te faia nuu uma lava mou tofi.

O le tatalo i le Atua ina ua faasautaina ona tagata.

O le pese, o le salāmo lea a Asafo.

- 83 LE Atua e, aua ne'i e le fetalai mai; le Atua e, aua ne'i e le tali
2 mai, aua foi ne'i e mapu. Auā faa-
uta, ua vāvāo o e ua ita ia te oe; o
3 e ua 'ino'ino foi ia te oe, ua latou faamanualuluga. Ua latou togafiti faalilolilo i lou nuu, ma latou taupulepule i e ua natia e oe. Ua latou faapea ane, O mai ia, ia tatou faaumatia i latou ia le toe fai ma nuu; ia le toe manatua lava le igoa
5 o Isaraelu. Auā na latou taupulepule ma le loto gatasi; ua latou fai
6 le feagaiga e tete'e atu ia te oe; o fale ie o Etoma ma sa Isamaeli; o
7 Moapi ma sa Hakarā; o Kavala, ma Amoni, ma Amaleka; o Fili-
8 sitia atoa ma e ua nonofo i Turo; o Asuria foi ua faatasi ma i latou; ua faia i latou ma fesoasoani i le fanauga a Lota. Selā.
9 Ia e fai ia te i latou e faapei ona e faia ia Mitiana, ma Sesera, ma
10 Iapino i le alia o Kisona. Na faaumatia i latou i Enetoro; na avea i latou ma otaota mo le laueleele.
11 Ia e faia o latou alii ia pei o Orevā ma Seeva; ia pei o Seva ma Sale-
12 muna foi o latou alii uma; o e na faapea ane, Ia tatou fai mo i tatou o mea e afio ai le Atua.
13 Lo'u Atua e, ia e faia i latou ia pei o le mea faataavalevale; ia pei o le aputi o saito e telea i le matagi.
14 Ia pei o le afi ona susunu le vao matua, ia pei o le mumū o le afi ona
15 faamu a'i mauga; ia faapea ona e tuliloa ia te i latou i lou afā, ia e faaatuatuvale ia te i latou i lou
16 asiosio. Ia e matuā faama ia te i latou; ina ia latou saili i lou suafa,
17 Ieova e. Ia faamaina i latou ma ia faaatuatuvaleina i latou e faavavau faavavau lava; ia masiasi i latou, ma
18 ia fano i latou; ina ia iloa e i latou, o oe, e ou le suafa o IEOVA, na o oe lava o le Silisili ese i le lalolagi uma.

Ua matuā naunau le tagata o le Atua e alu atu i lona malumalu.

Ma le usu pese i le kata; o le salāmo mā le fanauga a Koru.

IEOVA o 'au e, e matuā manao 84
mia ou afioaga. O loo naunau lo'u 2
agaga, ma ua lailoa i le *fia alu atu* i lotoā o Ieova; o loo alaga fiafia lo'u loto ma lo'u tino i le Atua soifua. E moni, o le manu lele ua maua se 3
fale, o le pe'ape'a foi ua maua sona ofaga e tuu ai lana toloai, o au lava fata faitaulaga, Ieova o 'au e, o lo'u Tupu ma lo'u Atua.

Amuia i latou ua nonofo i lou 4
fale; latou te vivii pea ia te oe. Selā. Amuia le tagata o loo ia te 5
oe lona malosi; o ala ua i o latou loto ia. Ua ui ane i latou i le vanu 6
o Peka, ua faia lea e i latou ma vai-puna; ua ufitia ai i le manuia ona o le uaga muamua. Latou te sava- 7
vali ma le malosi e tupu pea; e iloa i latou i Siona i luma o le Atua.

Ieova e, le Atua o 'au, ia e faa- 8
fofoga mai i la'u tatalo; le Atua o Iakopo e, ia liliu mai ou fofoga. Selā. Le Atua e, lo matou talita, 9
ia e silasila mai, ia e matuā silasila mai i fofoga o lē na e faauina. Auā e sili le aso e tasi i ou lotoā 10
i lo le afe. E sili lo'u manao ia a'u tu i le faitotoa o le fale o lo'u Atua, i le manao e mau i fale ie o e amio leaga. Auā o Ieova le Atua o le la 11
lava ia ma le talita; e foaiina mai e Ieova le alofa tunoa ma le manuia; e le taofia e ia se mea lelei i e ua sao lo latou savavali. Ieova o 'au 12
e, amuia le tagata ua faatuatua ia te oe.

O le tatalo ina ia faafoisia mai e le Atua le manuia.

Ma le usu pese. O le salāmo mā le fanauga a Koru.

IEOVA e, ua e fiafia lava i lou 85
nuu; ua e faafoisia mai le tafeaga 2
o Iakopo. Ua e faamagaloina le amio leaga a lou nuu, ua e ufitia a latou agasala uma lava. Selā. Ua 3
e aveesea lou ma'ema'eā uma lava; ua e liliu ese lou toasa mamafa. Le Atua e, o lo matou faaolataga, 4

ia e faafoisia mai i matou; ia e faa-
mavae atu foi lou toatamai ia te i
5 matou. E faavaau ea lou toasa ia
te i matou? e te faaualoa ea lou
6 ma'ema'eā e au tupulaga? e te le
toe faaolaola mai ea ia te i matou;
ina ia fiafia lava lou nuu ia te oe?
7 Ieova e, ia e faailoa mai ia te i ma-
tou lou alofa; ia e foaiina mai foi
ia te i matou le olataga mai ia te o.
8 Ou te faalogologo atu i mea e
fetalaia mai e Ieova le Atua; auā
na te fetalai mai ia manuia lona
nuu atoa ma ona tagata amio Atua;
a e aua ne'i latou toe liliu atu i le
9 valea. E moni, ua latalata lana
olataga i e ua matatau ia te ia; ina
ia tumau ai le mamalu i lo tatou
10 nuu. O le alofa ma le faamaoni ua
la fetalai; o le amiotonu ma le file-
11 mu ua lafeasogi. E tupu ae le
faamaoni ai le lalolagi; e vaavaai
12 ifo foi le amiotonu mai le lagi. E
foaiina mai e Ieova lava le manuia;
e fua mai foi e lo tatou lauelele
13 ona lava fua. E muanua atu i ona
luma le amiotonu; na te faatumau-
ina foi ona vae i le ala.

*O le tatalo a Tavita i le Atua ina
ia faaola ia te ia ai le ua sara ia
te ia.*

O le tatalo a Tavita.

86. IEOVA e, ia liliu mai ou fofoga,
ia e faafofoga mai ia te au; auā ua
puapuagaina ma ua mativa lava a'u.
2 Ia e leoleoina lo'u agaga, auā ua
amio Atua lava au; o oe na, lo'u
Atua e, ia e faaola mai i lau auauna
3 o le ua faatuatua ia te oe. Le Alii
e, ia e alofa mai ia te au; auā ou te
valaau atu ia te oe i aso uma lava.
4 Ia e faafiafia mai le loto o lau auauna;
auā ua faanaunau atu lo'u loto
5 ia te oe, le Alii e. Auā le Alii e, o
oe e lelei, ma ua e faamagalo sala;
e tele foi lou alofa ia te i latou uma
6 o e valaau atu ia te oe. Ieova e, ia
e faafofoga mai i la'u tatalo; ma e
7 liliu mai i le leo o la'u aioli. O le
aso e puapuagaina ai a'u, ou te va-
laau atu ai ia te oe; auā e te tali
mai ia te au.
8 Le Alii e, e leai lava so le vao
atua e tusa ma oe; e leai foi se
9 galuega e tusa ma au galuega. O

nuu uma na e faia latou te o mai,
ma latou ifo atu i ou luma, le Alii
e; ma latou faaneenee atu i lou
suafa. Auā e sili oe, o loo e fai foi
10 vavega; o le Atua oe, na o oe lava.

Ieova e, ia e faasino mai ia te au
11 lou ala, ou te savali i le mea moni
mai ia te oe; ia e faia ina ia tasi
lo'u loto e mata'u i lou suafa. Le
12 Alii e, lo'u Atua, ou te vivii atu ia
te oe i lo'u loto atoa; ou te faanee-
nee atu lava i lou suafa e faavavau.
Auā e tele lava lou alofa ia te au;
13 na e laveai mai lo'u agaga ai seoli e
maulalo lava.

Le Atua e, ua laga mai ia te au o
14 e faamaualuga, o le faapotopotoga
foi o e sau ua latou sailia mai a'u
e fasioti; latou te lei tuuina atu oe
i o latou luma. A o oe le Alii e, o
15 le Atua oe lē alofa mutimuti vale
ma lē alofa fua, o lē tele gese lona
toasa, a e tele le alofa ma le faa-
maoni. Ia e liuliu alo mai ia te au,
16 ma ia e alofa mai ia te au; ia e foai
mai lou malos i lau auauna, ma ia
e faaola mai i le tama tane a lau
auna fafine. Ia e faia se faailoga
17 mo a'u ou te lelei ai; ina ia iloa ai
e o 'ino'ino mai ia te au, latou te
mamā ai; auā o oe, Ieova e, ua e
fesoasoani mai ia te au, ma e faa-
mafanafana mai ia te au.

O le manuia o Siona.

O le salāmo, o le pese lea mā le
fanauga a Koru.

O LONA faavae o i le atu mauga
paia lea. E sili le fiafia o Ieova i
2 faitotoa o Siona, i lona fiafia i mea
uma e nonofo ai Iakopo. O mea e
3 viia ua ta'ua lava ia te oe, le aai a le
Atua. Selā.

Ou te ta'ua Raava ma Papelonია
4 faatasi ma e ua iloa a'u; faauta, o
Filisitia, ma Turo, atoa ma Aitiope;
na fanau ai lenei tagata. E faapea
5 ane foi ia Siona, O lea tagata ma
lea tagata na fanau ai; o lē Silisili
ese foi, o ia lea na te faatumauina
o ia. O Ieova na te faitauina pe a
6 tusia e ia le nuu, e faapea ane, Na
fanau ai lenei tagata. Selā. O e
7 pepese atoa ma e sisiva; o ia te oe
o'u punāvai uma.

O le tatalo a le tagata ua tigaina.

O le pese, o le salāmo lea mā le fanauga a Koru; ma le usu pese i le maalata leanota. *O le salāmo e a'oa'o ai a Hemana le sa Eserā.*

- 88 IEOVA e, le Atua o lo'u olataga, ua ou alaga atu i ou luma i le ao ma
2 le po; ia oo atu i ou luma la'u tatalo; ia liliu mai ou fofoga i la'u
3 valaau; auā ua tumu lava lo'u agaga i mea e tiga ai; ua toe lava ina
4 ou oo i le tuugamau. Ua ta'ufaa-tasiina a'u ma e ua o ifo i le lua; e
5 tusa a'u ma le tagata e leai sona malosi; ua sa'oloto a'u faatasi ma
6 e ua oti, e pei o e ua fasia, ua taatitia i le tuugamau, o e ua le toe
7 manatua e oe; o i latou foi ua faateaeaina ma lou aao. Ua e tuuina
8 ifo a'u i le lua e maulalo lava, o mea pogisa, o mea loloto lava. Ua
9 mamafa lou toasa i luga ia te au, o au galu uma ua e faatigaina ai a'u.
10 Selā. Ua e ave mamao ia te au o e na matou masani; ua e faainosia
11 a'u e i latou; ua punitia a'u, ou te le mafai ona ulufafo. Ua totō o'u
12 mata ona o le puapuga; Ieova e, ua ou valaau atu ia te oe i aso uma,
13 ua ou faaloaloa atu o'u lima ia te oe. E te faia ea vavega i e ua oti? e
14 tutū mai ea e ua oti e vivii atu ia te oe? Selā. E ta'ua ea lou alofa i
15 le tuugamau? *pe ta'ua* lou faamaoni i le mea e malaia ai? E iloa ea lou
16 vavega i le pouliuli, ma lau amiotonu i le nuu e galo ai mea?
17 A o a'u, Ieova e, na ou alaga atu ia te oe; e tomua foi la'u tatalo ia
18 te oe i le taeao. Ieova e, se a le mea ua e lafoai mai ai ia te au? *se a le mea* e te liliuese ai ou fofoga ia te au? Ua puapugatia lava a'u,
ma ua toe ina oti talu ina ou tau-lealea; ua mafatia lava a'u i āu
mea e mata'u ai, ua ou fememeai. Ua oo mai i o'u luga lou toasa ma-
mafa; ua faaumatia lava a'u e āu mea e mata'u ai. E pei o le vai
ona latou siosio mai ai ia te au i le aso atoa; latou te puipui faatasi
mai ia te au. O le uo ma le aumea ua e ave mamao ia te au, ua i le
pouliuli foi e na matou masani.

Ua manātu i le alofa o le Atua i ona tagata; a ua tagi ina ua ese i ia ona aso.

O le salāmo e a'oa'o ai a Etano o le sa Eserā.

O LE alofa mai o Ieova ou te 89
pese ai lava e faavavau; ou te faa-
iloa atu i lo'u gutu lou faamaoni i
lea tupulaga ma lea tupulaga. Auā 2
na ou faapea ane, E atiina ae le
alofa e faavavau lava; o le lagi lava
e te faatumauina i ai lou faamaoni.
Ua ma osia le feagaiga ma le na ou 3
filifilia, na ou tauto lava ia Tavita
la'u auaina. Ou te faatumauina lau
fanau e faavavau lava; ou te atiina 4
ae foi lou nofoālii i lea tupulaga ma
lea tupulaga. Selā.

Ieova e, e vivii le lagi i ou vavega; 5
e vā foi lou faamaoni i le faapoto-
potoga o le au paia. Auā o ai ea i le 6
lagi e faatusaina Ieova? *o ai* so le
fanau a e malolosi e tusa ma Ieova?
O le Atua e tatau ona matautia tele 7
i le faapopotoga o le au paia; e
tatau foi ona matautia o ia e i
latou uma o e vagavagai ia te ia.
Ieova e, le Atua o 'au, o ai sē malosi 8
e tusa ma oe Ioa e? o lou faamaoni
foi e siosio ai ia te oe. O oe lava, e
te pule i le faamaualuga o le sami;
a sousou ona peau, o oe lava e lao- 10
lao ai. O oe lava, na e tu'imomo-
moina Raava e pei o se ua fasiotia;
o lou aao malosi ua e faataapeape ai
i e na ita ia te oe. E ou le lagi, e ou 11
foi ma le lalolagi; o oe, na e faa-
vaeina le atu laulau atoa ma mea ua
tumu ai. O oe, na e faia le itu i 12
matu ma le itu i toga; o Tapora ma
Heremoni la te alaga fiasia lava i
lou suafa. O ia te oe le aao malosi; 13
e malosi lava lou aao, o loo maua-
luga lou aao taumatau. O le amio- 14
tonu ma le faamasinoga o loo tumau
ai lou nofoālii; o le alofa ma le
faamaoni la te muamua atu i ou
luma.

Amuia le nuu ua latou lagona le 15
leo fiasia; Ieova e, latou te savavali
i le malamalama o ou fofoga. Latou 16
te fiasia lava i lou suafa i aso uma
lava; o lau amiotonu foi e maualu-
luga ai i latou. Auā o oe lo latou 17
matagofie e i ai le malosi; o lou

finagalo alofa foi ua faamaualugaina ai lo matou nifo.

18 Auā o lo matou talita o Ieova lava lea; o le Paia foi o Isaraelu, o lo matou tupu lava ia.

19 Ona e fetalai ane ai lea i le faa-aliga i lou tagata amio Atua, ma e faapea ane, Ua a'u tunina atu le fesoasoani i le ua malosi; ua ou faaeaina le ua filifilia mai le nuu.

20 Ua ou maua Tavita la'u auaua; ua ou faauuina o ia i la'u uu paia; o le e tumau ia te ia lo'u lima; e faa-

22 malosia foi o ia e lo'u lima. E le faasaua ia te ia le ua ita ia te ia; e le faatigaina foi o ia e le tagata amio leaga. Ou te tui'palaina i ona luma e ua ita ia te ia; ou te taia foi

24 e ua 'ino'ino ia te ia. A e ia te ia lava lo'u faamaoni ma lo'u alofa; o lo'u igoa foi e faamaualugaina ai

25 lona nifo. Ou te faao'o atu foi lona lima i le sami ma lona lima tau-

26 matau i vaitafe. E valaau mai o ia ia te au, O lo'u Tamā lava oe, o lo'u

27 Atua, ma le papa o lo'u olataga. O a'u foi, ou te faia o ia ma ulumatua,

28 e silisili o ia i tupu o le lalolagi. E tumau pea lo'u alofa ia te ia e faa-

29 vavau, e faamaonia foi la'u feagaiga ia te ia. Ou te tofia lana fanau ia

30 faavavau, o lona nofoālii foi o pei o aso o le lagi. Afai e lafoaiina la'u

31 tulafono e ana fanau, ma latou le savavali i a'u faamasinoga; afai

32 le tautua a'u poloaiga. Ona ou asiasia ai lea o latou solitulafono i le

33 sasa, *ou te asiasia* foi a latou amio leaga i ta. A o lo'u alofa e le mavae

34 atu lea ia te ia, ou te le pepelo foi i lo'u faamaoni. Ou te le tumavaega

35 la'u feagaiga, ou te le liliu lava le upu ua pa'i atu i o'u laugutu. Na

36 ou tauto faatasi i lo'u paia, ou te le pepelo lava ia Tavita. E faavavau

37 lava lana fanau, o lona nofoālii foi e pei o le la lea i o'u luma. Pei o le

38 masina e faatumauiina ia e faavavau, ma le molimau i le lagi e faamaoni

39 lava. Selā.

40 A o oe, ua e tete'eina mai ma e inosia mai, ua e matuā toasa mai i le

na e faauuina. Ua e lafoai le feagaiga a lau auaua; ua e solia lona

palealii i le elelee. Ua e faasoloina ona pa uma lava; ua e faia foi ona

'olo ma faupuegamaa. Ua vete foi 41 ana mea e i latou uma ua ui ane i le ala; ua faalumaina o ia e i latou ua 42 tuaoi ma ia. Ua e faamaualugaina le lima taumatau o ita ia te ia; ua 43 e faa'oli'olia i latou uma o e fai o ia mo latou fili. Ua e liliuese'a foi le 44 mata o lana pelu, ma ua e le faa-tumauina o ia i le taua. Ua e faa- 45 iuina lona mamalu, ua e lafo i lalo i le elelee lona nofoālii. Ua e faapu- 46 puuina aso o lona taulealea; ua e faafu ia te ia i le mā. Selā.

Ieova e, e te lafi oe seia afea? e 46 faavavau ea? emu lou toasa e pei o le afi *seia afea*? Ia e manatua le 47 puupuu o lo'u olaga; se a le mea ua e faia ai fua le fanau uma a tagata. O ai se tagata ola na te le iloa le 48 oti? na te laveaiina ea lona agaga ai le pule a le tuugamau? Selā. Le 49 Alii e, o ifea lou alofa anamua, na e tauto ai i lou faamaoni ia Tavita? Le Alii e, ia e manatua le faalu- 50 maina o au auaua; ua ou tauave i lo'u fatafata *upu* uma a nuu e tele; ua faaluma mai ai o e ua ita ia te oe 51 Ieova e; ua latou faalumaina ia tulagāvae o le na e faauuina. Ia 52 faafetaia Ieova e faavavau lava. Amene ma Amene.

O le puupuu o le olaga nei. O le tatalo ina ia alofa mai le Atua.

O le tatalo a Mose le tagata o le Atua.

LE Alii e, ua fai oe ma mea 90 matou te nonofo ai i lea tupulaga ma lea tupulaga. A o lei fanaua 2 mai maua, e lei faia foi e oe le lalolagi ma le atu laulau, o le Atua oe mai le vavau e oo i le faavavau.

Ua e liua tagata ia momomo; ma 3 e fetalai mai, Outou na le fanau a tagata ia liu outou; auā e tusa i 4 luma le afe o tausaga ma le aso ananafi ina o mavae atu, ma se leo-leoga i le po. Ua e faatafea i latou 5 i le lolo; ua se moe i latou; e pei o le mutia i latou ona olaola i le 6 taeao. O le taeao e fuga mai ai, ma olaola mai ai; a oo i le afiafi, ona selee'eina ai lea, ua magumagu ai.

Auā ua faaumatia i matou i lou 7 toasa, o lou toatamai foi ua atu-atuvala ai i matou. Ua e tuuina a 8

matou amio leaga i ou luma, *ua tuuina* foi a matou *agasala* lilo i le
 9 malamalama o ou fofoga. Auā ua
 mavae atu o matou aso uma a o e
 10 toasa mai; ua uma atu o matou
 tausaga e pei o se manatu. O tau-
 saga o matou olaga e fitugafulu ia
 tausaga; a e afai e valugafulu tau-
 saga ona o le malosi, a o lo latou
 malosi o i ai le tiga ma le puapuaga;
 11 auā e vave ona mavae atu ia, ma
 matou lele ese. O ai se nate iloa le
 malosi o lou toasa? auā e pei ona
 matautia oe e *faapea* lou toatamai.
 12 Ia faapea ona e a'oa'o mai ia i matou
 e faita'aina o matou aso, ina ia maua
 ai le poto i o matou loto.
 13 Ieova e, ia e toe liliu mai, seia
 afea? ia a salamo ona o au atuauna.
 14 Ia e faamalilie mai ia te i matou i le
 taeao i lou alofa; ina ia matou ala-
 laga fiafia, ma ia olioli i o matou aso
 15 uma. Ia e faafiafia mai ia i matou
 ia tusa ma ona po na e faatigaina ai
 i matou, o tausaga na matou iloa ai
 16 le leaga. Ia faaalua mai au galuega
 i au atuauna, ia *faaalua* foi lou mata-
 17 gofie i a latou fanau. Ia oo mai foi
 ia te i matou le matagofie mai ia
 Ieova lo matou Atua; ia e faatu-
 mauina ia te i matou le galuega a o
 matou lima; o le galuega lava a o
 matou lima ia e faatumauina.

*O le manuia o e amio Atua; o le
 Atua e mamalu ai i latou.*

91 O LE nofo i le mea lilo o i ai lē
 Silisili ese, e mau o ia i le paolo o
 2 Le e ona le malosi uma lava. Ou te
 faapea atu ia Ieova, O lo'u malu o ia
 ma lo'u 'olo; o lo'u Atua ou te faa-
 3 tuatua ia te ia. Auā o ia na te
 laveaiina oe i le maillei a lē fai manu,
 4 ma le faamai e oti ai. E ufufi ifo o
 ia ia te oe i ona apaau, e te sulufai
 foi i lalo o ona apaau; e faia lona
 faamaoni māu talipupuni ma mea e
 5 puipuiina ai oe. E te le mata'ū i le
 mea matautia i le po, ma le u fana-
 6 fana e lele i le ao, o le faamai e
 fealuai i le pogisa, ma le mala e fano
 7 ai i le aoatea. E pauu se toa'afe i ou
 tafatafa, ma le mano i lou itu tau-
 matau; a e le taitāi ane ia te oe.
 8 Na ona vaai i ai ou mata, e te iloa
 atu foi le tau'i o e amio leaga.
 9 Auā o oe, Ieova e, o lo'u malu oe,

na e faia lē Silisili ese ma mea e te
 nofo ai; e le oo ia te oe se mea
 10 leaga, e le taitāi ane foi se mala i
 lou fale ie. Auā e poloai atu ia i
 11 ana agelu ia te oe, e tausi ia te oe i
 ou ala uma. Latou te ave ia te oe
 12 i o latou lima, ne'i tū'ia lou vae i se
 maa. E te solia le leona ma le
 13 asipi; e te solia lava le leona taa-
 noa ma le tanimo. Ona ua naunau
 14 mai o ia ia te au, o le mea lea ou te
 faaolaina ai o ia; ou te faamamalu
 ia te ia ona ua iloa e ia lo'u igoa.
 E valaau mai o ia ia te au, ona ou
 15 tali atu ai lea ia te ia; o a'u, ou te
 ia te ia i le puapuaga; ou te laveai-
 ina o ia, ma ou faatupuina lona
 mamalu. O le olaga faafualoa e
 16 mālīe ai o ia ia te au; ou te faaali
 atu foi ia te ia la'u faaolataga.

*Ia viia le Atua ona o lona alofa i e
 amio Atua.*

O le salāmo, o le pese lea mo le aso
 sapatī.

E LELEI ona vivii atu ia Ieova, 92
 ma ia fai pesega i lou suafa lē Sili-
 sili ese e; ia ta'u atu i le taeao lou
 2 alofa ia ta'u atu foi i le po lou faa-
 maoni, i le laapese e sefulu ona
 3 manoa, ma le napeli, ma le leo o le
 kitara. Auā ua e faafiafia mai ia te
 4 au i lau galuega, Ieova e; ou te
 alaga fiafia ona o mea ua faia e ou
 aao. Ieova e, e matuā sili lava mea
 5 ua e faia; e loloto lava ou manatu.
 O le tagata valea na te le iloa; ma
 6 le vale na te le lagona lenēi mea.
 A tupu olaola o e amio leaga e
 7 pei o le vao iti, a fuga mai foi i
 latou uma o e fai mea leaga, e *faa-
 peea* i latou ina ia faaumatia e oo i
 le faavavau lava. A o oe Ieova e,
 8 o loo silisili oe e faavavau. Auā
 9 Ieova e, faauta i e ita ia te oe, auā
 faauta i e ita ia te oe, e fano i la-
 10 tou; e faataapeapeina i latou uma
 o e fai amio leaga. A e faamaua-
 lugaina e oe lo'u nifo e pei o le
 rema; e faauina a'u i le suāu
 fou. E iloa atu foi o'u mata i e
 11 lamalama mai ia te au, e faalogo
 foi o'u taliga i e amio leaga e ua
 laga mai ia te au.
 E tupu olaola le tagata amiotonu
 12 e pei o le pama; e tupu tele e pei o

13 le arasi i Lepanona. O e ua totōina
i le fale o Ieova, e tupu olaola i
14 latou i lotoā o lo tatou Atua. A
oo ina ulusinā, latou te fua mai
pea lava; e malolosi ma lauolaola
15 i latou; ina ia iloa ai o Ieova e
tonu ia; o lo'u papa ia, e le o ia te
ia foi se amio leaga.

*O le mana ma le malosi o Ieova i
lona malo.*

93 O LOO fai Ieova ma tupu, e ofu
o ia i le mamalu; e ofu Ieova i le
malosi, ua fusia ai o ia e ia; e faa-
tumauiua foi le lalolagi, e le faaga-
2 eetia. O tumau lou nofoālii talu
anamua; talu mai le vavau lava oe.
3 Ieova e, ua taalili mai vaitafe, o
vaitafe ua taalili ae o latou leo; o
vaitafe ua taalili ae o latou gogolo.
4 O Ieova o i le mea maua luga, e sili
ona malosi o ia i le taalili o vai e
5 tele, o peau malolosi o le sami. O
āu mau e matuā faamaoni ia; e
onomea lava ona paia o lou fale,
Ieova e, e faaravau lava.

O le tagi i le Atua ina ua tigiaina.

94 IEOVA e, le Atua o lē tui ma
sui, le Atua e o lē tui ma sui, ia e
2 faaali mai lou pupula. Ia e tulai
mai, o oe le faanasino o le lalolagi;
ia e tuu atu le tui i e ua faasausili.
3 Ieova e, e mitamita seia afea o e
amio leaga; e mitamita o e amio
4 leaga seia afea? Ua latou soona
tautala i upu faamaualuga, ua mita-
mita vale o i latou uma o e fai
5 amio leaga. Ieova e, ua latou tu'i-
momomoina lou nuu, ua latou faa-
tigaina foi lou tofi. O le fafine ua
6 oti lana tane atoa ma le tagata ese,
ua latou fasiotia, ua latou fasiotia
7 foi ma ē mātuaoti; ma ua faapea a
latou, E le silasila mai e Ioa, e le
manatua foi e le Atua o Iakopo.
8 Ia outou iloa, outou e valelea i le
nuu; o outou vale foi, tou te popoto
9 afea? O le na faia le taliga, e le
lagona ea e ia? o le na faia le
10 mata, e le silasila atu ea o ia? o lē
sasa i nuu ese, e le aoai atu ea e ia?
11 o lē a'oa'o i tagata ia popoto. O
loo silafia e Ieova o mafau fau o
tagata, e faatauva lava ia.
12 Ioa e, amuia le tagata ua e aoai-
ina; ma e a'oa'oina o ia i lau tula-

fono. Ina ia e tuuina atu se mapu 13
ia te ia i ona po ua puapuaga ai,
seia elia le lua mo le ua amio leaga.
Auā e le tuuna e Ieova lona nuu, 14
na te le tuulafoaiina foi lona tofi.
Auā e toe foi atu le faamasinoga i 15
le amiotonu; e mulimuli atu foi i
ai o i latou uma ua loto faamaoni.

O ai se tulai mai mo a'u e tete e i 16
e ua amio leaga? o ai se tu atu mo
a'u e tete e i e ua fai mea leaga?
Ana le fesoasoani mai ia te au o 17
Ieova, po ua toe ititi ona nofo lea
o lo'u agaga i le mea taaligoligoa.
Na ou fai ane, O loo mapeva lo'u 18
vae; ona taofi ae lea o a'u e lou
alofa, Ieova e. O le tele o manatu- 19
natu i lo'u loto ua fiafia ai lo'u
agaga ona o faamafanafanaga mai
ia te oe. E faatasi ea ma oe le 20
nofoālii o i ai amio leaga, o le ua
fai ma tulafono le faatiga? Ua 21
latou feosofi mai i le agaga o lē
amiotonu; ua latou faasalaina le
tagata e leai sana agasala. A e 22
faia Ieova mo'u 'olo maua luga; o
lo'u Atua foi o le papa lea ou te
malu ai. E tui atu foi e ia ia te 23
i latou a latou agasala, na te faa-
umatia foi i latou i a latou amio
leaga; o Ieova lo matou Atua na te
faaumatia i latou.

*O le apoapoiga ia faafetaia le
Atua.*

O MAI ia, ia tatou alalaga fiafia 95
ia Ieova; ia tatou alalaga i le papa
o lo tatou olataga. Ia tatou o atu 2
i ona luma ma le viiga; ia tatou
alalaga ia te ia i pese. Auā o Ieova 3
o le Atua sili lea, o le Tupu tele
lava o ia e sili i atua uma lava. 4
loo i lona aao o mea loloto o i le
lalolagi; e ona foi mauga maua lu-
luga. E ona le sami, na faia lava e 5
ia; na faia foi le laueleele i ona
aao.

O mai ia, ia tatou ifo, ma ia tatou 6
punonou; ia tatou tootuli i luma o
Ieova o le na faia i tatou. Auā o 7
lo tatou Atua lava ia; o i tatou foi
o le nuu ua fagina e ia, ma le lafu
mamoe o i lona aao. O le aso nei
afai tou te faalogo ai i lona siufo-
foga, aua ne'i faamaaa o outou loto 8
e pei ona faia i Meripa, e pei ona
faia i le aso na i Mase i le vao; na 9

faaosooso mai ai ia te au o outou tamā, na latou tcfotofoina a'u, a o
 10 latou iloa atu la'u galuega. E fagafulu tausaga na ou 'ino'ino ai i lea
 11 tupulaga, ma a'u fai ane, O le nuu lenei e sese i o latou lava loto, e lei
 11 iloa foi e i latou o'u ala; na ou tauto ai i lo'u ita, Latou te le sao atu lava i lo'u malologa.

O le apoapoaiga ia faafetaia le Atua.

96 IA outou pepese atu ia Ieova i le pese fou; le lalolagi uma e, ia outou
 2 pepese atu ia Ieova. Ia outou pepese atu ia Ieova, ia outou faafetaia lona suafa; ia outou tala'i atu lana
 3 faaolataga i lea aso ma lea aso. Ia outou ta'uta'u atu lona mamalu i nuu ese, ma ona vavega i nuu uma
 4 lava. Auā e silisili Ieova, e tusa foi ona matuā viia o ia; e sili ona
 5 matautia o ia i atua uma. Auā o atua uma o nuu o tupua lava ia; a
 6 o Ieova, na ia faia le lagi. O loo i ona luma le viiga ma le matagofie; o loo i lona malumalu le malosi ma le mamalu.

7 Outou o itu aiga o le nuu, ia outou avatua ia Ieova, ia outou avatua ia
 8 Ieova le viiga ma le malosi. Ia outou avatua ia Ieova le viiga o lona suafa; ia outou avatu taulaga, ma outou o
 9 atu i ona lotoā. Ia outou ifo atu ia Ieova i le malumalu e matagofie; ia outou gatete i ona luma le lalolagi
 10 uma. Ia outou fai atu i nuu ese, Ua fai Ieova ma tupu; e faatumauina ai le lalolagi ne'i faagaetia; na te faamasinotonuina le nuu.
 11 Ia fiafia le lagi, ia olioli foi le lalolagi; ia taalili mai le sami ma
 12 mea ua tumu ai. Ia fiafia lava le laueleele ma mea uma o i ai; ona alalaga fiafia ai lea o laau uma o i
 13 le vao matua, i luma o Ieova; auā o loo afio mai, auā o loo afio mai e faamasino le lalolagi; na te faamasinoina le atu laulau i le amiotonu, atoa ma nuu i lona faamaoni.

O le mamalu o le malo o le Atua.

97 UA fai Ieova ma tupu; ina olioli ia le lalolagi; ia fiafia le vao nuu o
 2 tu matafaga. Ua siosiomia o ia i ao ma le pogisa; o le amiotonu ma le faamasinoga o loo tumau ai lona

nofoālii. Ua muamua i ona luma 3
 le afi, e susunu faataalioio ai i e ua
 ita ia te ia. O ona uila ua mala- 4
 malama ai le atu laulau; ua iloa e
 le lalolagi, ona gatete ai lea. Ua 5
 liu suāvai mauga e pei o le pulu, i
 luma o Ieova, i luma o le Alii o le
 lalolagi uma. O loo faaali mai e le 6
 lagi lana amiotonu, o loo iloa atu
 foi e nuu uma lona mamalu.

Ia mamā i latou uma o ē auaua 7
 i tupua ua ta, o e ua mitamita i
 tupua; outou atua uma e, ia outou
 ifo atu ia te ia. Ua faalogo Siona 8
 ona olioli lea o ia; e fiafia tama fa-
 fine a Iuta ona o au faamasinoga
 Ieova e. Auā o oe Ieova e, e sili 9
 lava oe i le lalolagi uma; e matuā
 silisili esc lava oe i atua uma lava.

Outou e ua alolofa atu ia Ieova, 10
 ia outou 'ino'ino i mea leaga; o loo
 tautasi e ia i agaga o ona tagata amio
 Atua; na te laveaiina i latou ai
 lima o e amio leaga. Ua luluina le 11
 malamalama mo lē amiotonu, ua
 luluina foi le olioli mo e ua loto
 faamaoni. Outou e ua amiotonu, 12
 ia outou fiafia ia Ieova; ia outou
 vivii pe a manatua lona paia.

Ia viia le Atua e tagata uma lava.

O le salāmo.

IA outou pepese atu ia Ieova i 98
 le pese fou; auā o vavega na na
 faia; o lona aao taumatau, o lona
 lava aao paia, ua ia fai ai le ola-
 taga. Ua faailoa mai e Ieova o 2
 lana lava faaolataga; ua ia faaalua
 lana amiotonu i luma o nuu ese.
 Na ia manatua lona alofa ma lona 3
 faamaoni i le aiga o Isaraelu; ua
 iloa e tulu'iga uma o le lalolagi le
 olataga mai lo tatou Atua.

Ia alalaga ia Ieova le lalolagi 4
 uma; ia leo tele lava, ma ia alalaga
 fiafia, ma ia fai pesega. Ia outou
 fai pesega ia Ieova i le kitara; o le
 kitara ma le leo o le pese. O pu 6
 ma le leo o le sofao ia outou alalaga
 ai i luma o Ieova le Tupu. Ia taalili
 le sami atoa ma mea ua tumu 7
 ai, o le atu laulau atoa ma e o no-
 nofo ai. Ia pāti lima vaitafe, ia
 alalaga faatasi ai mauga ma le fia- 8
 fia, i luma o Ieova; auā o loo afio
 mai o ia e faamasino le lalolagi; na 9

te faamasino le atu laulau ma le amiotonu, atoa ma nuu i le tonu.

O le apoapoaiga i tagata uma ia latou ifo atu i le Atua i lona mauga paia.

- 99 UA fai Ieova ma tupu, ia gatete nuu; o loo tietie o ia i le va o 2
kerupi, ia faagaetia le lalolagi. E silisili Ieova o i Siona; e maualuga 3
foi o ia i luga o nuu uma. Ia latou vivii atu i lou suafa e sili ia ma le 4
matautia; e paia lava ia. O le malosi foi o le tupu o loo fiafia ia i le faamasinoga; o oe ua e faatumaui-
ina le amiotonu, o oe foi ua e faia le faamasinoga tonu ia Iakopo. 5
Ia outou faaneenece atu ia Ieova lo tatou Atua, ia outou ifo atu i le mea e tu ai ona aao; e paia lava o 6
ia. O Mose ma Arona i ona faitaulaga, o Samuelu foi i e o valaau atu i lona suafa; ua latou valaau atu ia Ieova, ona tali mai lea o ia ia te i 7
latou. Na ia fetalai atu ia te i latou i le ao faaniutu; na latou tausi i ana poloaiga ma tulafono na ia tuuina atu ai ia te i latou. 8
Ieova e, lo matou Atua, o oe lava na e tali atu ia te i latou; o oe lava le Atua na e faamagaloina i latou, a ua e tau i a latou amioga. 9
Ia outou faaneenece atu ia Ieova lo tatou Atua, ia outou ifo atu foi i lona mauga paia; auā e paia lava Ieova lo tatou Atua.

O le apoapoaiga ia viia le Atua.

O le salāmo e vivii ai.

- 100 IA alalaga ia Ieova le lalolagi uma. Ia outou auauna atu ia Ieova ma le fiafia; o mai ia outou i 2
ona luma ma le alaga fiafia. Ia outou iloa o Ieova o ia lava le Atua; o ia na faia i tatou, ua fai i tatou mona; o lona nuu i tatou, o le lafu 3
mamoe ua ia fagaina. Ia outou ulu atu i ona faitotoa ma le viiga, ma ona lotoā ma le pese; ia outou vivii atu ia te ia, ia outou faamanu atu i 4
lona suafa. Auā e lelei Ieova; e faavavau lava lona alofa; e oo atu lava lona faamaoni i lea tupulaga ma lea tupulaga. 5

O le faamalosi o Tavita i le amiotonu.

O le salāmo a Tavita.

- OU te pese i le alofa ma le faa- 101
masinoga, Ieova e, ou te fai pesega ia te oe. Ou te faautauta i le ala e 2
sao ona lelei; e te afio mai ea afea ia te au? Ou te savali a'u ma le lotō sao i totonu o lo'u fale. Ou te 3
le tuu i o'u luma se mea leaga; ou te 'ino'ino i le amio a ē liliu ese, e le pipii mai lea ia te au. E te'a 4
lava ma a'u o le ua faapiopio lona loto; mā te le feoi ma le ua amio leaga. O lē tuaupua i le la te tua- 5
oi, e fano lea ia te au; o le ua mata faamaualuga ma le loto fefete, ou te le mafaia lava lea. Ou te fia 6
vaai i e o faamaoni i le nuu, matou te nonofo ma a'u; o lē savali i le ala ua sao ona lelei, o ia lava lea e auauna mai ia te au. E le nofo i 7
lo'u fale o se fai mea faa'ole'ole; o lē tala pepelo foi e le tumau ia i o'u luma. E fano ia te au i taeao fai 8
soo o i latou uma o e amio leaga o i le nuu, ina ia vava'eseina i le aai a Ieova o i latou uma lava o e fai mea leaga.

O le manatu i le alofa o le Atua ua faamafanafanaina ai le ua tigaina.

O le tatalo a le ua puapugaina pe a faavaivai o ia, ma ua matuā tagi atu o ia ia Ieova.

- IEOVA e, faafofoga mai ia i la'u 102
tatalo, ma ia oo atu la'u alaga ia te oe. Aua le 'alo ou fofoga ia te au i 2
le aso e puapugatia ai a'u; ia liliu mai ou fofoga ia te au; ia taalise ona e tali mai ia te au i le aso ou te 3
valaau atu ai ia te oe. Auā ua mavae o'u aso faapei o le asu, o o'u ivi foi ua mu e pei o le motumotu. Ua 4
sasaina ma ua magumagu lo'u loto pei o le vao iti; o lea ua galo ai ia te au ona 'ai i la'u mea e 'ai. O le 5
leo o lo'u mapuitiga ua pipii ai o'u ivi i lo'u aano. Ua tusa a'u ma le 6
kati o le vao; ua ave'a a'u pei o le kusa i mea ua faatafunaina. O loo 7
ou mataala, ma ua ave'a a'u e pei o le manu ititi e nofo toatasi i luga i le fale. O le aso atoa ua gaogao 8

mai ai o e ita mai ia te au; o e ua faavalemalosi mai ia te au ua tauto i latou e *agaleaga* ia te au. Auā o loo 'aina e a'u o le lefulefu e pei o le mea e 'ai, ua ou filogia foi la'u mea e inu mai le tagi, ona o lou toa-tamai ma lou toasa; auā na e siitia a'u i luga, na e lafotuina foi a'u i lalo. O o'u aso ua pei e le ata ua lafoia; o a'u nei foi ua pei o le vao iti ona magumagu.

12 A o oe, Ieova e, e afio oe e faavavau lava, ma le faamanatuga ia te oe, e āu tupulaga lava lea. E te tulai mai oe, e mutimuti vale lou alofa i Siona; auā *ua oo mai* ona pō e alofaina ai o ia, ua oo lava i ona aso na tuupoina. Auā o loo fiasia au auauna i ona maa, o loo alofola lava i lona efuefu. E matatau foi nuu ese i le suafa o Ieova, ma tupu uma o le lalolagi e *matatau* i lou mamalu. Auā e atiina ae Siona e Ieova, e iloa mai o ia i lona mamalu. 17 E liulualo mai o ia i le tatalo a le ua mativa, e le 'ino'ino foi o ia i la latou tatalo. E tusia lenei mea mo le tupulaga amuli; o le nuu foi e faia, latou te vivii atu ia Ioa. Auā ua silasila mai o ia mai luga i lona *afioaga* paia; ua silasila Ieova mai le lagi i le lalolagi; ina ia faafofoga o ia i le ōi o le ua noanoatia; ina ia tālaina e ia o e na tuu e oti; e ta'u-ta'u atu ai le suafa o Ieova i Siona, ma lona viiga i Ierusalema; pe a faapotopotoina faatasi o nuu ma malo e auauna ai ia Ieova.

23 Na ia faavaivaia lo'u malos i le ala, na ia faaititiina foi o'u aso. Na ou fai atu, Lo'u Atua e, aua le aveessina a'u i le tautuluaga o o'u aso; e āu tupulaga lava ou tausaga. 25 O anamua na e faavaeina ai le lalolagi; o le lagi foi o le galuega lea a ou aao. E faaumatia ia mea, a o oe, e te tumau pea; e pala ia mea uma e pei o le ofu tele, e te liua ia e pei o le ofu, ona liua lava lea; a o oe, e faapea lava pea oe; e le iu lava ou tausaga. E nofo mau atalii o au auauna, o la latou fanau foi e faatumauina ia i ou luma.

*Ua viia Ieova ona o lona alofa.
O le salāmo a Tavita.*

LO'U agaga e, ia e faamanū atu ia Ieova, o mea uma foi o i tonouia te au ia *faamanū* i lona suafa paia. Lo'u agaga e, ia e faamanū atu ia Ieova, aua foi nei galo se mea e tasi o ana mea alofa; o lē faamagaloina au amio leaga uma lava; o lē faamaloloina ou ma'i atoa uma; o lē faaolaina mai lou ola ai le tuugamau; o lē faapaleina oe i le alofa ma le alofa mutimuti vale; o lē e mālīe ai lou manao i mea lelei; o le faafouina lou taulealea faapei o le aeto.

E faia e Ieova mea tonu, ma faamasinoga mo e ua sauaina uma lava. Na ia faailoa ona ala ia Mose, o ana galuega i le fanauga a Israelu. E alofa mutimuti vale ma alofa fua mai Ieova; e tele gese lona toasa, a e tele lona alofa. E le aoi mai pea lava ia; e le faamoe-moe foi lona toasa e faavavau.

E lei faia e ia ia i tatou e tusa ma a tatou agasala; e lei tau mai foi o ia ia i tatou e tusa ma a tatou amio leaga. Auā e pei ona maualuga o le lagi i le lalolagi, e *faapea* ona tele o lona alofa i e matatau ia te ia. E pei ona vava mamao o sasae ma sisifo, e *faapea* lava ona faamamao e ia ia i tatou o a tatou solitulafono. E faapei ona alofa mutimuti vale o le tamā i lana fanau, e *faapea* lava ona alofa mutimuti vale o Ieova i e matatau ia te ia.

Auā ua silasila lava e ia le mea na fai a'i i tatou; ua manatu ia o le efuefu lava i tatou. O le tagata, e pei o le mutia ona aso; e pei o le fuga o le vao, e faapea ona fuga mai o ia; auā a agi mai i ai le matagi, ona leai lea o ia; ua le toe iloa foi o ia i le mea sa i ai.

A o le alofa o Ieova, mai le vavau lava lea, e oo i le faavavau i e matatau ia te ia; o lana amiotonu foi e oo i le fanau a *latou* fanau, i e tausi i lana feagaiga, o e manatua foi ana poloaiga e fai ai. Ua faatumauina Ieova o lona nofoālii i le lagi; ua pule aoao foi lona malo.

Faamanū atu ia ia Ieova outou ana agelu o e malosi tele, o e faia

11 lana afoga, o loo faalogo i lona
21 siufofoga. Faamanū atu ia ia Ieova
outou ana 'au uma lava, o outou ana
22 auaua, o e faia lona finagalo. Faamanū atu ia ia Ieova o mea uma na
ia faia i mea uma lava ua pule i ai o
ia. Lo'u agaga e, ia e faamanū atu
ia Ieova.

*O le mamalu ma le mana o Ieova, ua
iloa i mea na faia e ia.*

104 LO'U agaga e, ia e faamanū atu
ia Ieova; Ieova e, lo'u Atua, o
matuā silisili lava oe, e ofu oe i le
2 viiga ma le matagofie. O loo e
pulupulu i le malamalama pei o se
ie pulupulu; o loo e fofola le lagi
3 faapei o se ie puipui. O loo faia e
ia o ona afeafe aupitoaluga i le vai;
o loo faia e ia o ao mona nofoa
faataavalevale; e faefioai o ia i
4 apaau o le matagi. O lē fai o ma-
tagi ma ana agelu, o ana auaua o
5 le afi mumū ia. O le na faavaeina
le lalolagi i luga o ona lava faavae,
ina ia le gae e faavavau faavavau
6 lava. Ua e uftia ia i le moana e pei
o se ofu; o le vai ua lofia ai mauga.
7 O lau aoai atu na sola ai o ia, na
8 taalise atu i le leo o lou faititili. Ua
o ae mauga, ua o ifo vanu, e oo i lea
lava mea na e saunia mo i latou.
9 Ua e tuuina i ai le tuaoi ne'i sopoia
e ia, ne'i toe foi mai ia e lofia le
lauelele.
10 Ua aunai atu o ia o vaipuna i
11 vanu, ua tafe ia i va o mauga. E inu
ai manu uma lava o le vao, e malilie
12 ai foi asini o le vao. E nonofo lata-
lata ane i ai o manu felelei, e lagona
13 o latou leo i totoua o la laau. O lē
faasūsū mauga mai ona afeafe aupto-
aluga; o fua o au galuega e
ma'ona ai le lauelele.
14 Ua faatupu e ia mutia mo manu
vaefa, atoa ma mea totō e aoga i
tagata; e faatupu mai le mea e 'ai
15 i le eleele; ma le uaina e faafiafia ai
loto o tagata, ina ia pupula ai o
latou mata e sili i le suāu, o le mea
16 e 'ai foi e malosi ai tagata. Ua lau-
olaola laau o Ieova, o arasi o Lepa-
17 nona na totōina e ia. E fai ai e
manu iti o latou ofaga; o le kasita
18 o i perosi lona fale. O mauga maua-
luga mo 'oti o le vao ia; o papa o
mea ia e malu ai sefanai.

Na ia faia le masina e atofaina ai 19
aso; ua iloa e le la le mea e goto i
ai. Ua e faia le pouliuli, ona po lava 20
lea, e fetolofi mai ai o manu feai
uma lava o le vao. Ua tagi leona 21
taanoa i mea e saeia, ma sailiili mai
le Atua la latou mea e 'ai. Ua alu 22
ae le la, ona faapotopotoina ai lea o
i latou, ma taooto i o latou ana. E 23
alu atu ai le tagata i lana galuega,
ma ana mea e fai seia oo i le afafi.

Ieova e, ua matuā tele au galuega. 24
Ua e faia ia mea uma i le poto; ua
tumu le lalolagi i au oloa. O lenei 25
sami tele ma le lautele, o i ai mea
fetolofi e le masino, o mea ola iti
atoa ma e tetele. E feoai ai vaa; o 26
le leviatana na e faia e taalo ai. O 27
loo faatalitali ia mea uma ia te oe,
ina ia e avatu i ai la latou mea e 'ai
i ona aso e tatau ai; e te avatua i ai, 28
ua faaputuina e i latou; e te faama-
folafola lou aao, ua maona ai i
latou i mea lelei. Ua 'alo ou fofoga, 29
ona atuatuvaale ia lea o i latou; ua e
aveeseina a latou mānava, ona ma-
mate ai lea, ua toe liu efuefu. E te 30
auna atu lou Agaga, ua faia ai i
latou; e te toe fuataiina foi le foga-
elele.

E tumau le mamalu o Ieova e 31
faavavau; e fiafia Ieova i ana mea
na fai. E silasila mai o ia i le lalo- 32
lagi, ona gatete ai lea; e papai atu
ia i mauga, ona pupusa ai lea. Ou 33
te pese ia Ieova i lo'u nei olaga; ou
te fai pesega i lo'u Atua a o ou ola.
E mālīe lo'u mafaufau ia te ia; ou 34
te fiafia lava a'u ia Ieova. E faa- 35
umatia o e agasala ai le lalolagi, ma
e amio leaga e le toe i ai i latou.
Lo'u agaga e, ia e faamanū atu ia
Ieova. Ia outou vivii atu ia Ioa.

*Na tāitā'iina ma leoleoina le auga
tamā e le Atua.*

VIVII atu ia outou ia Ieova; 105
valaau atu ia i lona suafa; ia outou
faailo atu i nuu ana mea na fai. Ia 2
pepese outou ia te ia, ia outou fai
pesega ia te ia; talatala atu ia
outou i ona vavega uma lava. Ia 3
outou mitamita i lona suafa paia;
ia olioli loto o e sailiili ia Ieova.
Sailiili ia outou ia Ieova ma lona 4
malosi; sailiili i ona fofoga, aua le
aunoa. Ia outou manatua ana mea 5

mamana na ia faia, o ona vavega, atoa ma faamasinoga a lona fofoga; 6 o outou le fanauga a lana auuana o Aperaaamo, o atalii o Iakopo na ia filifilia.

7 O ia lava o Ieova lo tatou Atua; o i le lalolagi uma lava ana faa- 8 masinoga. E manatua e ia e faa- 9 vavau o lana feagaiga, o le upu na ia poloai mai i tupulaga e afe. O le 10 *feagaiga* sa la osia ma Aperaaamo, ma lana tautoga ia Isaako; ua ia faamauiua foi ia Iakopo e fai ma 11 tulafono, o le feagaiga e faavavau ma Iasraelu; ua faapea atu *ia te ia*, 12 Ou te avatu ia te oe le laueleele o Kanana, o le vaega lea o lo outou 13 tofi; ina o toaititi i latou, e toa- 14 ititi lava, mona o tagata ese i lea mea Na fecai foi i latou i lea nuu 15 ma lea nuu, nai le tasi itu malo i le tasi nuu. Ua le tuua e ia ia faasaua 16 se tagata ia i latou; ua ia aoi atu foi i tupu ona o i latou. *Ua faapea 17 atu i ai*, Aua le tago i e ua ou faauuina, aua foi le agaleaga atu i 18 a'u perofeta.

19 Ua ia valaau foi i le oge e oo i le nuu; ua ia gagau le tootoo o le mea 20 e 'ai uma. Ua auina atu e ia o le tagata e muamua atu ia i latou, o Iosefa lea na faatauina e fai ma 21 auuana. Ua latou faatiga i ona vae i le noanoaga; ua oo lava o ia i le 22 uamea; ua oo i le tau na taunuu ai lana afoga, o le afoga a Ieova na 23 tofotofa ai ia te ia. Ua auina atu *nisi* e le tupu e tatala ia te ia; o le na pule i le nuu ua faasa'oloto ia te 24 ia. Ua na tofia o ia e fai ma alii i lona aiga, ma ia pule i ana mea uma 25 lava. Ina ia noanoa e ia alii na ia te ia i lana faitalia, ma a'oa'o atu i 26 lona au faipule ia popoto. Ua oo atu foi Israelu i Aikupito, ua au- 27 mau foi Iakopo i le nuu o Hamo. Ua ia faatoateleina foi lona nuu, ua 28 na faamalolosia i latou e sili i e na faasaua ia i latou. Ua ia liua foi o latou loto e 'ino'ino atu i lona nuu, ma ia togafiti pepelo i ana auuana.

29 Ua ia auina atu lana auuana o Mose, o Arona *foi* na filifilia e ia. 30 Ua la tuu atu ia i latou ona lava faailoga, o vavega foi i le nuu o 31 Hamo. Ua na auina atu le pouliuli, i le ua faapouliuligia ai, e lei

foua foi lana afoga. Ua ia liua o 20 latou vai i le toto, ma faamamate i o latou i'a. Ua faatutupu tele mai 30 o rane i lo latou laueleele, *ua oo lava* i afeafe o latou tupu. Ua ia 31 fetalai ane, ona o mai ai lea o le vao garova *ma 'utu*, *ua oo* i o latou nuu uma lava. Ua ia tuuina atu ia 32 i latou o le uato'a e sui a'i le ua, *ma* le afi mumu i lo latou nuu. Ua na 33 taia foi o latou vine ma o latou mati; ua gauia foi laau i lo latou nuu. Ua fetalai ia, ona o mai lea o 34 se akerise, ma se aleka e le mafaitaulia. Ua 'aina ai le vao iti uma i 35 lo latou nuu, ua 'aina lava le fua o lo latou laueleele.

Ua ia fafasi i ulumatua uma lava 36 i lo latou nuu, o le amataga lea o lo latou malosi uma. Ua ia aumaia i 37 latou ma le ario atoa ma le auro; e leai foi se tasi sa vaivai i o latou itu aiga. Ua fiasia Aikupito ina ua 38 o atu i latou; auā na maua i latou i le fefe ona o i latou. Ua ia fofola 39 le ao e fai ma faapaologa, o le afi foi e faamalamalama a'i le po. Ua 40 ole atu i latou, ona avatu lea e ia o salu, ma le mea e 'ai mai le lagi ua ia faamaoona ai ia te i latou. Ua 41 ia susue le papa, i le ua puna mai ai le vai; ua tafe i le nuu naumati, o le vaitafe lava. Auā ua ia mana- 42 tua lana afoga paia i lana auuana o Aperaaamo. Ua na aumaia lona nuu 43 ma le olioli, o e na filifilia e ia *ua ia aumaia* ma le leo fiasia. Ua ia avatu 44 foi ia i latou o fanua o nuu ese; na maua foi e i latou o mea sa galulue ai nuu; ina ia tausii i latou i ana 45 sauniga, ma usiuitai i ana tulafono. Ia outou vivii atu ia Ioa.

O le faaaliga o agasala a Isaraelu; ma le onosai o le Atua.

IA outou vivii atu ia Ioa, Vivii 106
atu outou ia Ieova, auā e lelei lava o ia; auā e faavavau lava lona alofa. O ai se na te mafaia ona 2 ta'u atu i mea mamana a Ieova? o ai se na te faailoa ona viiga uma lava? Amuia i latou o e tausii i le faamasinoga, o e fai le amiotonu e 3 le aunoa. Ieova e, ia e manatu mai ia te au e tusa ma lou finagalo alofa i ou tagata. Ia e asiasi mai ia te 4 au ma lau faaolataga; ina ia ou 5

- iloa atu le manuia o e na e filifilia,
 ina ia ou fiafia i le fiafia o lou nuu;
 ina ia ou mitamita faatasi ma e ua
 fai mou tofi.
- 6 Ua matou agasala atoa ma o ma-
 tou tamā, ua amio faapiopio i ma-
 7 tou, ua matou amio leaga lava. E
 lei mafaufau o matou tamā i ou
 vavega i Aikupito; e lei manatua e
 i latou le tele o au mea alofa; a ua
 fouvale i tala ane o le sami, o le
 8 sami Ulaula. A ua na faaola ia i
 latou ona o lona lava suafa, ina ia
 9 faailoa atu ai lona mana. Ua ia
 aaoi atu i le sami Ulaula, i le ua
 matutu; ua ia aumaia i latou i mea
 10 loloto e pei o le vao. Ua na faaola
 ia i latou nai le lima o le na 'ino'ino
 ia i latou, ma na faaolaina ai nai le
 11 lima o le na ita i ai. A ua lofia i le
 sami e na faasaua ia i latou; ua
 12 leai so latou na toe. Ona talitonu
 lea o i latou i ana afioga, ua latou
 pepese i ona viiga.
- 13 Ua vave galo ia te i latou o ana
 mea na fai; e lei faatali atu i latou
 14 i lana pule. Ua latou tu'inanau
 lava i le vao, ua latou tofotofa foi i
 15 le Atua i le vao. Ona foaiina atu
 ai lea e ia ia i latou o le mea na
 latou manao ai; a ua faatupuina le
 16 tino vale ia te i latou. Ua mata-
 taua foi i latou ia Mose i le toaga-
 lauapi, ma Arona le tagata paia o
 17 Ieova. Ua faamaga le eleele, ona
 foloina ai lea o Tatano, ua ufitia ai
 18 e na faapotopoto ia Apiramo. Ua
 mu foi le afi i lo latou faapotopoto-
 potoga, ua susunuina i le afi mumū
 o e na amio leaga.
- 19 Ua faia e i latou le tamai povi i
 Horepa, ua latou ifo foi i le tupua
 20 uamea. Sa liliu e i latou lo latou
 inamalu i le faatusa o le povi na te
 21 'ai vao. Ua galo ia te i latou lo
 latou Faaola le Atua, o le na faia
 22 mea tetele i Aikupito; o vavega i
 le nuu o Hamo, ma mea e matautia
 23 i le sami Ulaula. Ona ia fetalai
 mai lea e faaumatia i latou e ia,
 ana le se anoa Mose na filifilia e ia,
 na tu i ona luma i le mea ua sofaia,
 ia liliueseina lona toasa ina ne'i faa-
 umatia i latou.
- 24 Ua 'ino'ino foi i latou i le nuu
 matagofie; e lei talitonu i latou i
 25 lana afioga. A ua latou muimui i
- totonu o latou fale ie, e lei faalogo
 i latou i le siufofoga o Ieova. Ona 26
 ia sii ai lea o lona aao ia i latou, e
 fasi ai ia te i latou i le vao; ina ia 27
 fasi foi la latou fanau i nuu ese, ma
 faataapeape ia te i latou i nuu.
- Ua latou faatasi atu foi ia Paala- 28
 peoro, ma latou aai i taulaga i e ua
 oti. Sa latou faalili atu ia te ia i a 29
 latou mea na fai; ona oso mai lea
 ia i latou o le faamai. Ona tulai ai 30
 lea o Fineaso, ma na fai le faama-
 sinoga; ona taofia ai lea o le faa-
 mai. Sa ta'ua foi lea mea ia te ia e 31
 fai ma amiotonu i lea tupulaga ma
 lea tupulaga e faavavau.
- Ua faatupu foi e i latou lona 32
 toasa i le vai o Meripa, na leaga ai
 foi Mose ona o i latou. Auā na 33
 latou faaonoono i lona lotu, i le ua
 soona tautala ona laugutu. E lei 34
 faaumatia e i latou o ia nuu na
 fetalai atu ai Ieova ia te i latou.
 A ua latou nofo fesilo i ma nuu ese, 35
 ona a'oa'oina ai lea o i latou i a
 latou amioga. Ua latou auaina 36
 foi i o latou tupua; ua fai foi ia
 mea ma mailei ia i latou. Ua la- 37
 tou fai foi o latou atalii ma o latou
 afafine ma taulaga i temoni; ma 38
 latou sasaa le toto o e le sala, o
 toto o latou atalii ma o latou afa-
 fine, e na latou fai ma taulaga i
 tupua o Kanana; ona leaga ai lea o
 le laueleele i le toto. Ona leaga ai 39
 lea o i latou i a latou lava amio, ua
 latou faitaaga foi i a latou mea na
 fai.
- Ona mumū ai lea o le toasa o 40
 Ieova i lona nuu, ua ia 'ino'ino foi i
 lona tofi. Ua na tuuina atu ai i 41
 latou i lima o nuu ese; ua pule foi
 ia i latou o e na 'ino'ino ia te i
 latou. Ua faasaua foi ia i latou o e 42
 na ita i ai, ua faatoilaloina foi i
 latou i o latou lima. Ua atu lasi 43
 ona laveai o ia ia te i latou, a o i
 latou ua latou faaonoono ia te ia i a
 latou pulega; na solia foi i latou
 ona o a latou amio leaga. A ua 44
 silasila mai o ia i lo latou puapuga,
 ina ua faafofoga i lo latou alalaga.
 Ona ia manatua lea mo i latou o 45
 lana feagaiga, ma ua salamo e tusa
 ma lona alofa tele. Ua ia avatu foi 46
 ia i latou ia alofagia e i latou uma
 e na faatagataotauaina i latou.

47 Ieova e, lo matou Atua, ia e faa-
ola mai ia te i matou, ma e faapoto-
poto ia i matou ai nuu ese, ina ia
vivi i lou suafa paia, ia mitamita
48 *foi i viiga ia te oe. Ia faafetaia*
Ieova, o le Atua o Isaraelu mai le
vavau ma ia oo i le faavavau; ma
ia faapea mai o le nuu uma lava,
Amene. Ia outou vivi atu ia Ioa.

*O le alofa ma le agalelei o le Atua i
tagata.*

107 VIVII atu ia outou ia Ieova, auā
e lelei lava o ia, auā e faavavau lava
2 lona alofa. Ia faapea lava o e ua
faaolaina e Ieova, o i latou na ia
faaolaina nai le lima o lē faasaua,
3 ma ua faapotopotoina i latou mai
nuu, mai sasae ma sisifo, mai le itu
i matu ma le itu i toga.

4 Na feseai i latou i le vao, i le ala
e lei uia; e lei maua e i latou se aai
5 e nonofo ai. Sa matelaina i latou,
ma fia inu, na lailoa o latou loto i
6 totonu ia i latou. Ona alalaga lea
o i latou ia Ieova i lo latou puapua-
ga; na ia laveai ia te i latou nai o
7 latou tiga. Na ia ta'ita'iina foi i
latou i le ala tonu, ina ia latou o atu
8 ai i se aai e nonofo ai. Ia vivii atu
i latou ia Ieova ona o lona alofa,
ma ona vavega na fai i le fanau a
9 tagata. Auā ua na faamālie i le
tagata fia inu, o le tagata matelaina
foi ua ma'ona mai ia te ia i le mea
lelei.

10 O e nonofo i le pouliuli ma le ata
o le oti, e ua noanoatia i le tiga ma
11 le uamea; auā na latou fouvale i
afioga a le Atua, ma latou 'ino'ino i
12 le pule a lē Silisili ese; o le mea lea
na ia faamaulaloina ai o latou loto i
le galuega mamafa; na pauu i la-
13 tou, a e leai se fesoasoani. Ona
latou alalaga atu lea ia Ieova i lo
latou puapuga; na ia faaolaina i
14 latou nai o latou tiga. Na ia aumaia
i latou nai le pouliuli ma le
ata o le oti, ua na motusia foi o
15 latou noanoaga. Ia vivii atu i latou
ia Ieova ona o lona alofa, ma ona
vavega na fai i le fanau a tagata.
16 Auā na ia lepeti i puipui 'apa me-
mea, ma ua vavaeina faamau uamea.
17 O tagata vālea ona o lo latou
solitulafono, ma la latou amio leaga,
18 ua faatigaina ai i latou; ua 'ino'ino

i latou i mea e 'ai uma lava, ua faa-
latalata foi i latou i faitotoa o le
oti. Ona alalaga lea o i latou ia 19
Ieova i lo latou puapuga; na ia
faaolaina i latou nai o latou tiga.
Ua ia auina atu lana afioga, ma 20
faamalolo ia i latou, ma laveaina ai
nai lo latou malaia. Ia vivii atu i 21
latou ia Ieova ona o lona alofa, ma
ona vavega na fai i le fanau a ta-
gata. Ia latou fai taulaga foi i 22
taulaga o le viiga, ma ta'u atu ma
le olioli ana galuega.

O i latou o e folau i vaa i le sami, 23
o e fai galuega i le vasa tele; o i 24
latou ia latou te vaaia galuega a
Ieova, ma ona vavega e fai i le
moana. Auā ua fetalai ane ia, ma 25
faatupuina le afā, ua laga ai ona
peau; e o ae i latou i le lagi, e toe 26
o ifo i lalo, ua liu suāvai ai o latou
loto i le atuatuvaletu; e tautevateva 27
i latou ma tausui pei o le tagata
onā, ua faumatia foi o latou ata-
mamai uma lava. Ona latou alalaga 28
atu lea ia Ieova i lo latou puapuga;
ua ia aumaia i latou nai o latou tiga.
Ua liua e ia le afā i le malū, ua ta- 29
oto ia te ia le au peau. Ona latou 30
fiafia lea, auā ua malū; ua na ta'i-
ta'iina foi i latou i le taulaga na
latou loto i ai. Ia vivii atu i latou 31
ia Ieova ona o lona alofa, ma ona
vavega na fai i le fanau a tagata.
Ia latou faaneenece ia te ia i le faa- 32
potopotoga o le nuu, ma ia vivii atu
ia te ia i le saofaiga a toeaina.

E liua e ia o vaitafe e fai ma vao, 33
o vaipuna foi e fai ma fanua nau-
mati; o le fanua lafulemu e fai ma 34
mea lafulafua, ona o le amio leaga
a e nonofo ai. E liua e ia le vao e 35
fai ma vailepa, o le fanua naumati
foi e fai ma vaipuna. Na te faa- 36
nofo ai foi e ua matelaina; e sauni-
uni ai foi e i latou o le aai e nonofo
ai; ma latou lulu ai saito i fanua, 37
ma totō ai tovine, e fua mai ai ona
fua e tele. E faamanuia foi e ia i 38
latou, e matuā faatoateleina foi i
latou; e le faaitiitia foi e ia a latou
manu. Ua faatoaitiitia foi i latou 39
ma faamaulaloina, ona o le faasaua,
ma le agaleagaina, ma le faanoanoa.
E faainosia e ia o alii, ma faasese- 40
ina i latou i le mea gaogao, e le o i
ai se ala. A e faaeaina e ia o le ua 41

mativa nai le puapuaga, ma tuuina
atu o aiga *mo ia*, e pei o se lafu ma-
moe. E iloa atu e ua amiotonu ma
latou olioli ai; a o e amioleaga uma
lava e mapuni ai o latou gutu. O le
ua potu na te tausia nei mea; e iloa
e i latou o mea alofa a Ieova.

O le faafetai ma le tatalo i le Atua.

O le pese, o le salāmo lea a Tavita.

- 108** LE Atua e, ua mau lo'u nei loto,
ou te pese lava, e fai pesega lo'u
2 lava mamalu. Ala mai ia le napeli
ma le kitara, ou te ala i le taeao
3 lava. Ieova e, ou te vivii ia te oe i
luma o le nuu, ou te fai pesega foi
4 ia te oe i luma o tagata. Auā ua
sili lou alofa i le mauuluga o le lagi,
5 o lou faamaoni foi ua oo i ao. Le
Atua e, ia faasilisiliina oe i le lagi,
ia i ai i le lalolagi uma lou mamalu.
6 Ina ia laveaiina au pele, ia e faaola
mai i lou aao taumatau, ma ia e tali
mai ia te au.
7 Ua fetalai mai le Atua i lona
malumalu, Ou te fiafia, ou te tofitofia
Sekema, o le vanu o Sukota ou te
8 fuafuatia lea. O loo ia te au Kili-
ata, o loo ia te au Manase; e fai foi
Efaraima ma malosi o lo'u ulu; o
9 la'u faipule, o Iuta lea. O Moapi,
o le ipu lea ou te mulumulu ai; ou
te lafoina lo'u seevae i Etoma; ou
te alaga i lo'u manumalo ia Filisitia.
10 O ai se na te avea a'u i le aai
nofo 'olo? O ai se na te ta'ita'iina
11 a'u i Etoma? E le o oe ea le Atua,
sa e lafoaiina mai i matou, ma ua e
le afio atu, o oe le Atua e, faatasi
12 ma la matou itu taua? Foa'i mai ia
le fesoasoani ia te i matou i le pua-
puaga, auā e le aoga le olataga mai
13 tagata. O le Atua lava e fai ai i
matou ma toa, auā o ia lava na te
solia e ua faasaua mai ia i matou.

*O le malaia o e ua ita i tagata o le
Atua.*

Ma le usu pese, o le salāmo a
Tavita.

- 109** LE Atua e, o lē ou te vivii atu i
2 ai, aua ne'i e le tali mai. Auā ua
faamaga mai ia te au le gutu o lē
amioleaga, ma le gutu o lē taupe-
lopelo; ua latou fai upu mai ia te

au i le laulaufaiva pepelo. Ua latou
siosio ia te au ma upu faa'ino'ino,
ma ua latou tau fua mai le taua ia
te au. Ua fai a'u mo latou fili e
taui a'i lo'u alofa; a o a'u nei, ou te
tatalo. Ua tuuina mai i latou ia te
au o le leaga e taui a'i le lelei, ma
le 'ino'ino e taui a'i lo'u alofa.

Ia e tofia se ua amioleaga e pule
ia te ia, ma se ua fai o ia ma fili e
tu i lona itu taumatau. Ia faasa-
laina o ia pe a faamasinoia; ia fai
foi ma agasala lana tatalo. Ia faa-
itiitia ona aso; ia avea lona faiva
mo se tasi. Ia avea ana fanau e
aumatuā, o lana avā foi ia fai ma
fafine ua oti lana tane. Ia feoa'i
solo lana fanau, ma aiisi, ma ia sa-
iliili mea e 'ai i a latou mea ua faa-
tafunaina. Ia maua ana mea uma
lava e le ua ia aitalafu i ai; ia faoa
foi e tagata ese o mea ua na galue
ai. Aua ne'i faaoo atu e se tasi le
alofa ia te ia; aua foi ne'i agalelei
atu se tasi i lana fanau ua aumatuā.
Ia le au lona gafa; ia sōloieseā o
latou igoa i le tupulaga amuli. Ia
manatua le amioleaga a ona tamā
i luma o Ieova; aua ne'i sōloia le
agasala a lona tinā; ia i ai pea lava
i luma o Ieova, ina ia tineia e ia o
latou faamanatuga ai le lalolagi.
Auā e lei manatu ia e fai mea alofa,
a ua faasaua i le tagata ua puapu-
gatia ma le mativa, ina ia fasiotia e
ia le ua loto momomo. Na loto o
ia i le fetuu, ia oo foi ia te ia; na
le fiafia foi o ia i le faamanuia, o lea
ia vava mamao ai ma ia. Na pulu-
pulu o ia i le fetuu e pei o se ie
pulpulu, ia oo foi lea e pei o le vai
i totonu ia te ia, ia pei o le suānu
foi i ona ivi. Ia ia te ia e pei o le
ofu ua ofu ai o ia, ma le fusi ua fusi
ai o ia e le aunoa. O le taui lava
lea mai ia Ieova i e fai a'u mo latou
fili, ma e ua fai upu leaga ia oti ai
a'u.

A o oe, Ieova e, lo'u Alii, ia e
agalelei mai ia te au ona o lou
suafa; auā e lelei lou alofa, ia e
laveai mai ia te au. Auā o a'u ua
puapuagatia ma le mativa, ua manua
lo'u loto i totonu ia te au. Ua ou
mavae atu pei o le ata ua lafoia; ua
luluescina a'u e pei o le sē akerise.
Ua vaivai o'u tulivae i le anapogi, 24

25 ma ua tino vale lava a'u. O a'u
nei foi ua faalumaina a'u e i latou;
e vaai mai i latou ia te au *ma* hialiai
o latou ulu.

26 Ieova e, lo'u Atua, ia e fesoasoani
mai ia te au; ia e faaola mai ia te
27 au e tusa ma lou alofa; ina ia iloa
ai e i latou, o lou aao lava lenei; o
28 oe, Ieova e, na e faia lava. O i
latou, ia fetuu mai pea i latou, a o
oe, ia e faamanuia mai; ua latou
tutū mai, a ia mamā i latou, a ia
29 fiasia lava lau auauua. Ia oofu i le
masiasi e ua fai a'u mo latou fili, ia
ufitia i latou i lo latou lava ma pei
30 o le ofu tele. Ou te matuā vivii
atu ia Ieova i lo'u gutu, ou te faa-
neenee atu ia te ia i totonu o le
31 toatele. Auā e tulai o ia i le lima
taumatau o le ua puapugatia, ina
ia faaola ia te ia i e faasala ia te ia
ia oti.

*O le manuia tele o le malo o le
Mesia.*

O le salāmo a Tavita.

110 UA tūlei mai le afiga a Ieova i
lo'u Alii, Ia e nofo i lo'u itu tauma-
tau, seia ou faia e ua ita ia te oe ma
2 mea e tu ai ou vae. E auina atu e
Ieova lou tootoo malosi mai Siona?
ia pule oe i totonu o e ita ia te oe.
3 *E fai* taulaga ma le loto ou tagata
i le aso o lou malosi i au mea paia e
matagofie mai le manava o le vave
ao; e ia te oe le sau o lou taulealea.
4 Ua tauto Ieova, e le salamo lava
ia, O oe lava o le ositaulaga e faa-
vavau, e uiga faatasi ma Mekisateko.
5 O le Alii o loo i lou itu taumatau,
e fasi e ia o tupu i le aso o lona
6 toasa. E faamasino e ia o nuu ese,
e faatumuina e ia i tino o tagata ua
oti, e foaina e ia ulu o nuu e tele.
7 E inu ia i le alia i le ala, o le mea
lea e ea ai lona ao.

*Ua vivii atu i le Atua i mea ua na
faia.*

111 IA outou vivii atu ia Ioa. Ou te
vivii atu ia Ieova ma le loto atoa i
le saofaiga a e amiotonu, atoa ma le
faapotopotoga.
2 O mea ua faia e Ieova, o mea
tetele lava ia, o loo saillia e i latou
3 uma lava o e fiasia i ai. O mea e

viia ma le matagofie o ana galuega
ia, e tumau foi lana amiotonu e
faavavau. Ua fai ma faamanatuga
ona vavega; o loo alofa fua mai ma
4 alofa mutimuti vale mai Ieova. Ua
foaiina mai e ia le mea e 'ai i e ma-
tatau ia te ia; e manatua e ia lana
feagaiga e faavavau. Ua na faaali
6 atu le mana o ana galuega i lona
nuu, ina ua avatu ia i latou le tofi o
nuu ese. O galuega a ona aao e
7 moni ia ma le tonu; e faamaoni
ana feau uma lava. E faatumuina
ia mea e faavavau faavavau lava;
ua faia i le faamaoi ma le tonu.
Na ia avatu le togiola mo lona nuu;
9 na poloai i lana feagaiga ia faavavau
lava; e paia ma le matautia lona
suafa.

O le mata'u ia Ieova, o le amataga 10
lea o le poto; ua i ai le mafaufau
lelei ia te i latou uma o e fai ia
mea; e tumau lona viiga e faavavau
lava.

O le manuia o le ua amio Atua.

IA outou vivii atu ia Ioa. Amuia 112
le tagata o lē mata'u ia Ieova, o loo
o fiasia tele i ana poloaiga. E malo-
2 losi lana fanau i le nuu; e manuia
le tupulaga o e amiotonu. E i lona
3 fale le oloa ma mea e tele; e tumau
foi lana amiotonu e faavavau. E
4 alu ae le malamalama i le pouliuli
mo e ua amiotonu; o ia o le alofa
fua, ma lē alofa mutimuti vale, ma
lē amiotonu. E manuia le tagata
5 ua alofa fua, ma tuuina atu *ana mea*
i e nono mai; na te tausia ana mea
ma le faautauta tonu. E moni, e
6 le faagaectia o ia e faavavau; e
manatua le tagata amiotonu e faa-
vavau. E le mata'u o ia i le tala
7 leaga; ua mau lona loto, o loo faa-
lagolago ia Ieova. Ua mausali lona
8 loto, e le fefe lava ia, seia iloa atu e
ia *le tau* o e ita ia te ia. Ua faasala-
lauina e ia *ana mea*, ua avatua e ia i
e matitiva; e tumau lana amiotonu
e faavavau; e faamaualugaina lona
9 nifo ma le mamalu. E iloa atu ai e
10 le tagata amio leaga, ona ita ai lea
o ia; e lilivau ona nifo, e liu suāvai
lava ia; e faaumatia le manao o e
amio leaga.

Ia viia le Atua auā ua silisili o ia.

- 113** IA outou vivii atu ia Ioa. Vivii
atu ia outou o auāua a Ieova;
2 vivii atu ia i le suafa o Ieova. Ia
faafetaia le suafa o Ieova, e amata
mai nei lava, a ia oo i le faavavau.
3 Ia viia le suafa o Ieova, e afua mai
i le mea e alu ae ai le la, e oo atu i
le mea e goto ai.
4 Ua sili lava Ieova i luga o nuu
ese uma lava, o lona mamalu ua sili
5 i le lagi. O ai ea sē tusa ma Ieova
lo tatou Atua, o lē faamaualugaina
6 e ia *lona* afioaga? O lē faamaula-
lona e ia ia i le silasila mai i le lagi
7 atoa ma le lalolagi. Na te faatulai-
ina mai le tagatalautele nai le efu-
efu na te faacaina le ua mativa nai
8 le faatāfuna; ina ia faanofo faatasi
o ia ma alii, o alii lava o lona nuu;
9 o ia e avea ai le fafine pa ia nofo o
ia ma le olioli, o le tinā o tama. Ia
outou vivii atu ia Ioa.

*O vavega sa faia ina ua o mai Isa-
raelu nai Aikupito.*

- 114** NA alu atu Israelu nai Aikupito,
o le aiga o Iakopo nai le nuu gagana
2 ese; ona fai lea o Iuta mona nuu
paia, o Israelu o le na ia pule i ai.
3 Ua iloa atu e le sami, ona sola ai
4 lea; ua liliu i tua Ioritana. Ua
feosofai mauga faapei o mamoe poa,
ma manga iti pei o tamai mamoe.
5 Le sami e, se a ea le mea na e
sola ai? O oe Ioritana e, *se a le*
6 *mea* na e liliu ai i tua? O outou
manga na outou feosofai faapei o
mamoe poa *i se a? ma* outou mauga
7 iti pei o tamai mamoe *i se a? Le*
elele e, ina gatete ia oe i luma o le
8 Alii, i luma o le Atua o Iakopo; o
le na te liua le papa e fai ma vai-
lepa; o le papa alā e fai ma vaipuna.

*E faatauvaa tupu; ia faalagolago
ia Ieova.*

- 115** AUA ne'i ia te i matou, Ieova e,
aia ne'i ia te i matou, a ia tuuina
atu le viiga i lou suafa, ona o lou
2 alofa ma lou faamaoni. Se a le mea
e fai mai ai nuu ese, O ifea o i ai lo
3 latou Atua? A o lo matou Atua, o
i le lagi lava ia; ua faia e ia o mea
4 uma ua ia finagalo i ai. O latou
tupua, o ario ma auro ia, o le galu-

ega a lima o tagata. E fai o latou
gutu, a e le feganavai i latou; e fai
o latou mata, a e le vaai i latou; e
fai o latou taliga, a e le faalogo i
latou; e fai o latou isu, a e le sogi-
sogi i latou; e fai o latou lima, a e
le fetagofi i latou; e fai o latou vae,
a e le savavali i latou; e leai se leo
i o latou faa'i. O e faia ia mea ua
tutusa lava ma i latou; o i latou
uma o e faatuatua i ai.

Israelu e, ia e faatuatua ia Ieova;
o ia lava lo latou fesoasoani ma lo
latou talita. Le aiga o Arona e,
faatuatua ia outou ia Ieova; o ia
lava lo latou fesoasoani ma lo latou
talita. Outou na, o e matatau ia
Ieova, ina faatuatua ia ia Ieova, o
ia lava lo latou fesoasoani ma lo
latou talita. Ua manatu mai Ieova
ia i tatou; e faamanuina mai e ia;
e faamanuia e ia le aiga o Israelu;
e faamanuia e ia le aiga o Arona.
E faamanuia mai e ia i e matatau
ia Ieova, o tagatānuu atoa ma alii.

E faaopoopoina ia te outou e
Ieova, o outou atoa ma la outou
fanau. O loo faamanuia mai outou
e Ieova, o le na faia le lagi atoa ma
le lalolagi. O le lagi, o le lagi lava,
e ia Ieova lea; a ua tuuina mai e ia
le lalolagi mo le fanau a tagata. E
le vivii atu ia Ioa e ua oti, ma i
latou uma o e o ifo i le mea taaligo-
ligoa. A o i tatou nei, tatou te faa-
manū atu ia Ioa, e afua mai nei
lava, a e oo i le faavavau. Ia outou
vivii atu ia Ioa.

O le faafetai i le alofa o le Atua.

OU te alofa, auā ua faafofoga
mai Ieova i lo'u leo *ma* a'u ai. 116
Auā na liliu mai ona fofoga ia te
au, o lea ou te valaau ai *ia te ia* i
lo'u olaga. Na siomia a'u i maille i
oti ai; na maua a'u e puapuga o le
tuugamau; na maua a'u e le pua-
puga ma le faanoanoa. Ona ou
valaau atu lea i le suafa o Ieova,
Ieova e, ou te ai oi atu ia e laveai
mai ia te au. O Ieova o lē alofa fua
ma lē amiotonu ia; o lo tatou Atua,
e alofa mutimuti vale ia. E tausī e
Ieova i e faigofie; sa vaivai a'u, ona
faaola mai lea o ia ia te au.

Lo'u agaga e, ia e foi atu i lou
mapusaga; auā ua agalelei mai

- 8 Ieova ia te oe. Auā ua e laveai mai
ia te au nai le oti, o o'u mata ne'i
9 tagi, *ma* o'u vae ne'i paū. Ou te
savali i luma o Ieova i nuu o tagata
10 ola. Na ou faatuatua, o le mea lea
na ou tautala atu ai; o a'u nei sa
11 matuā tigaina a'u. O a'u nei sa ou
faapea atu i lo'u popole, Ua pepelo
tagata uma lava.
- 12 Se a se mea ou te tau'i a'i atu ia
Ieova ona o lona agalelei mai uma
13 lava ia te au? Ou te avae le ipu o
le olataga, ma ou valaau atu i le
14 suafa o Ieova. Ou te avatua ia
Ieova i luma o lona nuu uma lava o
15 mea na ou tauto ai. E silisili i le
manatu o Ieova le oti o ona tagata
amio Atua.
- 16 Ou te aioi atu, Ieova e, o lau
auauna lava a'u, o lau auuuna a'u
nei, o le tama a lau auuuna fafine.
17 Ua e tatala mai i o'u noanoaga. Ou
te fai le taulaga o le viiga ia te oe,
ou te valaau atu foi i le suafa o
18 Ieova. Ou te avatua ia Ieova i luma
o lona nuu uma lava o mea na ou
19 tauto ai, i lotōā o le fale o Ieova, i
totonu lava ia te oe, Ierusalem e.
Ia outou vivii atu ia Ioa.
- Ia vivii atu i le Atua o nuu uma.*
- 117** VIVII atu ia Ieova outou o nuu
ese uma lava; faaneene atu ia te
2 ia outou tagata uma lava. Auā ua
tele lava lona alofa mai ia te i
tatou; o le faamaoni foi o Ieova e
faavavau lava lea. Ia outou vivii
atu ia Ioa.
- Etumau le alofa o Ieova; e lelei ona
faatuatua ia te ia; o le valoaga i
le Mesia.*
- 118** VIVII atu ia outou ia Ieova, auā
e lelei o ia; auā e faavavau lava
2 lona alofa. Ia faapea atu lava Isa-
raelu, e faavavau lava lona alofa.
3 Ia faapea atu lava le aiga o Arona,
4 e faavavau lava lona alofa. Ia faa-
pea atu lava i latou o e matatau ia
Ieova, e faavavau lava lona alofa.
5 Na ou valaau atu ia Ioa i lo'u
puapuaga; na tali mai Ioa ia te au,
ma na aumaia a'u i le mea lautele.
6 O loo ia te au Ieova; ou te le fefe;
se a se mea e faia e tagata ia te au?
7 O loo ia te au Ieova e faatasi ma i
latou ua fesoasoani mai ia te au; a
- o a'u nei, ou te iloa atu *le tau'i* o o
ua 'ino'ino mai ia te au. O le faa-
tuatua ia Ieova, e sili lea i le faa-
lagolago i tagata. O le faatuatua ia
Ieova, e sili lea i le faalagolago i alii.
Ua siosio mai nuu ese uma ia te
au; o le suafa o Ieova ou te faa-
umatia ai i latou. Ua latou siosio
mai ia te au faapei o lagomeli; e
tineia i latou pei o le afi laau tala-
tala; o le suafa o Ieova ou te faa-
umatia ai i latou. Na e tulei tele
mai ia te au, ina ia ou paū; a ua
fesoasoani mai Ieova ia te au. O
Ioa, o lo'u malosi o ia ma *la'u* pese,
ua avea foi o ia mo'u faaolataga.
- O leo o le alaga fiasia ma le ola-
taga, o i ai ia i fale ie o e amiotonu.
Ua se toa le aao taumatau o Ieova.
Ua maua luga le aao taumatau o
Ieova; ua se toa le aao taumatau o
Ieova. Ou te le oti, ou te ola lava,
ma ou ta'uta'u atu mea na faia e
Ioa. Na matuā aoai mai Ioa ia te
au; a ua na le tuuina a'u i le oti.
- To mai ia ia te au o faitotoa o le
amiotonu; ou te ulufale atu i ai, *ma*
ou vivii atu ia Ioa. O le faitotoa
lenei o Ieova, e ulu atu ai e ua amio-
tonu. Ou te vivii atu ia te oe; auā
na e tali mai ia te au, ua avea foi oe
mo'u faaolataga.
- O le maa na lafoaina e tufuga fai
fale, ua fai lea ma maa tulimanu
aupitoaluga. O le mea lea ua faia e
Ieova; o le mea tatou te ofo ai pe a
vaai i ai. O le aso lenei ua faia e
Ieova; ia tatou olioli ma fiasia i ai.
Ieova e, ou te aioi atu ia e faaola
mai lava; ou te aioi atu, Ieova e, ia
e faamanuia mai lava. Ia manuia le
o maluu mai i le suafa o Ieova;
matou te faamanuia atu ia te outou
ai le fale o Ieova. O le Atua o
Ieova lea, ua na faamalamalama mai
ia te i tatou; ina noanoa ia i maca
le taulaga, ia oo i nifo o le fata
faitaulaga.
- O oe lava lo'u Atua, ou te vivii
atu ia te oe; o *oe* lava lo'u Atua, ou
te faaneene atu ia te oe. Vivii atu
ia outou ia Ieova, auā e lelei o ia;
auā e faavavau lava lona alofa.

O le aoga tele lava o le afioga a le Atua; ua fiasia i ai ona tagata.

ALEFA.

- 119 AMUIA e ua sao lo latou ala, o e savavali i le tulafono a Ieova. 2 Amuia i latou o e tausii i ana tulafono, o e sailili ia te ia ma le loto atoa; e le faia foi e i latou se mea leaga; e savavali i latou i ona ala. 4 O oe lava na e poloai mai ia matuā tausiusi i au feau. E! fia faata-tauina o'u ala, ina ia ou tausii i au tulafono. Ona ou le mā lava lea, pe a a'u manatu i au poloaiga uma. Ou te vivii atu ia te oe ma le loto faamaoni, pe a a'oa'oina a'u i au faamasinoga tonu. Ou te tausii i au tulafono; aua lava e te matuā lafoai mai ia te au.

PETA.

- 9 E faapefea ea ona faamamāina o le taualealea o lona ala? Ona ua 10 tausii i ai e tusa ma lau afioga. Ua ou saili ia te oe ma lo'u loto atoa; 11 aua nei'ou sese i au poloaiga. Ua ou teu i lo'u loto lau afioga, ina nei'ou agasala ia te ce. Ia faafetaia oe, Ieova e; ia e a'oa'o mai ia te au i au 13 tulafono. Ua ou ta'u atu i o'u laugutu o faamasinoga uma o lou foga. 14 Ua ou fiasia lava i le ala o au tulafono, e sili i le oloa uma lava. 15 Ou te mafaufau lava i au feau, ma 16 ou manatua lava ou ala. Ou te fiasia lava a'u i au tulafono; e le galo ia te au o lau afioga.

GIMELA.

- 17 Ia e agalelei mai i lau auauna, ia 18 ola ai a'u ma tausii i lau afioga. Ia e faapupula mai o'u mata, ia ou vaai 19 lava i mea e ofo ai i lau tulafono. O le tagata ese a'u nei i le lalolagi; aua le nanā ia te au o au poloaiga. 20 Ua nutimomoia lo'u loto i le manao tele i au faamasinoga i aso uma. 21 Ua e aoai atu i e faamaualuga, o e ua faafanoina, o e sese i au poloaiga. 22 Ia e ave ese ia te au le luma ma le inosia; auā ua ou anaana i au tula- 23 fono. Sa nonofo lava alii ma fai upu ia te au; a ua mafaufau lau auauna 24 i au tulafono. O au tulafono o lo'u lava fiasia ia, o a'u faipule lava ia.

TALETA.

Ua pipii atu lo'u ola i le efuefu; 25 ia e faaolaola mai ia te au e tusa ma lau afioga. Ua ou ta'u atu o'u 26 ala; na e tali mai foi ia te au; ia e a'oa'o mai ia te au i au tulafono. Ia 27 e faailoa mai ia te au le ala o au feau; ona ou mafaufau lea i ou vavega. Ua sisina ifo o'u loimata 28 ona o le faanoanoa; ia e faamallosia a'u e tusa ma lau afioga. Ia e faatea 29 ese ia te au le ala o le pepelo; ma ia e foai mai lau tulafono ia te au i 30 le alofa. Ua ou filifili i le ala o le faamaoni; ua ou tuuina au faamasinoga i o'u luma. Ua ou pipii atu i 31 au tulafono; Ieova e, aua e te faamaia a'u. Ou te momo'e i le ala o 32 au poloaiga, pe a e foaiina mai ia te au le loto matala.

HE.

Ieova e, ia e a'oa'o mai ia te au i 33 le ala o au tulafono, ona ou anaana lava lea i ai seia oo i le gataaga. Ia e a'oa'o mai ia te au, ona ou 34 anaana lea i lau tulafono, ma ou tausia ma lo'u loto atoa. Ia e ta'i-ta'iina atu a'u i le ala o au polo- 35 aiga; auā ou te fiasia lava i ai. Ia e faauai atu lo'u loto i au tulafono, a e aua nei' i le matapeapea. Ia e 37 liliueseina o'u mata nei'ou vaai i mea le aoga; ia e faaolaolaina a'u i lou ala. Ia e faatumauina lau 38 afioga i lau auauna, o le ua mata'u ia te oe. Ia e liliueseina lo'u luma 39 ou te fefe ai; auā e lelei au faamasinoga. Faauta, ua ou naunau lava 40 i au feau; ia e faaolaola mai ia te au i lau amiotonu.

VAU.

Ia oo mai foi ia te au lou alofa, 41 Ieova e, o lau olataga, e tusa ma lau afioga. Ona ou tali atu lea se 42 upu i le faalumaina a'u; auā ou te faatuatua i lau afioga. Aua foi e 43 te matuā aveesea le upu moni i lo'u gutu; auā ua ou faamoemoe i au faamasinoga. Ona ou tausii lea e le 44 aunoa lau tulafono e faavavau faavavau lava. Ou te savali foi i le 45 mea lautele; auā ua ou saili i au feau. Ou te tautala foi i au tula- 46 fono i luma o tupu; ou te le mā ai

47 lava. Ou te fiasia lava a'u i au
48 poloaiga, ua ou naunau i ai. Ou te
sii foi i luga o'u lima i au poloaiga
ua ou naunau i ai; ou te mafaufau
lava i au tulafono.

SAINA.

49 Ia e manatua *lau* afioga i lau
auauna, auā ua e faatupuina lo'u
50 faamoemoe. O le faamatalaloto lea
ia te au i lo'u puapuaga; auā o lau
51 afioga ua faaolaolaina ai a'u. Ua
matuā tauemu mai ia te au o e
faamaualuga; ou te lei liliu ese i
52 lau tulafono. Ieova e, ua ou ma-
natu i au faamasinoga talu anamua,
ona faamafanafanaina ai lea o a'u.
53 Ua maua a'u e le tiga tele ona o e
amio leaga, e ua lafoaiina lau tula-
54 fono. O au tulafono ua fai ia ma'u
55 pese i le fale ou te āumau ai. Ieova
e, ua ou manatu i lou suafa i le po,
56 ma ou tausi i lau tulafono. Ua ia
te au lena mea, auā ua ou anaana i
au feau.

HETA.

57 Ieova e, o lo'u tofi lava *oe*, ua ou
58 fai atu, Ou te tausi i au afioga. Ua
ou faatoga atu i ou luma ma lo'u
loto atoa; ia e alofa mai ia te au e
59 tusa ma lau afioga. Na ou manatu-
natu i o'u ala, ona liliu atu lava lea
60 o'u vae i au tulafono. Ua ou faa-
televave, ou te lei faatelegese ona
61 tausi i au poloaiga. Ua siomia a'u
i mailei a e amio leaga; ua le galo
62 ia te au o lau tulafono. Ou te ala i
le tulua o po e vivii atu ai ia te oe,
63 ona o au faamasinoga tonu. Ua
matou uo ma i latou uma o e mata-
tau ia te oe, ma e ua tausi i au
64 feau. Ieova e, ua tumu le lalolagi
i lou alofa; ia e a'oa'o mai ia te au
i au tulafono.

TETA.

65 Ieova e, ua e agalelei mai i lau
66 auauauna, e tusa ma lau afioga. Ia e
a'oa'o mai ia te au i le faautauta
lelei ma le potō; auā ua ou faama-
67 oni i au poloaiga. A o lei puapua-
gata a'u na ou sese; a o lenei, ua
68 ou tausi i lau afioga. E lelei oe, ua
e agalelei foi; ia e a'ca'o mai ia te
69 au i au tulafono. Ua fatu fua e ua
faamaualuga le tala pepelo ia te

au; o a'u, ou te anaana i au feau
ma lo'u loto atoa. Ua lololo o la- 70
tou loto e pei o le ga'fo; o a'u, ou te
olioli lava i lau tulafono. O le mea 71
e lelei ai a'u ina ua puapugatia
a'u, ina ia a'oa'oina ai a'u i au tula-
fono. E sili ona lelei ia te au o le 72
tulafono a lou fofoga i afe o auro
ma ario.

IOTA.

Na faia a'u e ou aao, ua saunia ai 73
foi a'u; ia e faalotomatala mai ia
te au, ina ia a'oa'oina lava a'u i au
poloaiiga. O e matatau ia te oe la- 74
tou te iloa mai a'u, ona fiasia lea o i
latou; auā ua ou faamoemoe i lau
afioga. Ieova e, ua ou iloa e tonu 75
lava au faamasinoga, na e faapua-
puagatia foi a'u i le faamaoni. Ia
fai lou alofa ma faamatalaloto ia te
au, e tusa ma lau afioga i lau au- 76
auna. Ia oo mai ia te au ou alofa
mutimuti vale, ia ou ola ai; auā o
lau tulafono, o lo'u fiasia lea. Ia 78
masiasi o e faamaualuga, auā ua
latou faapiopio fua mai ia te au; o
a'u, ou te mafaufau i au feau. Ia 79
faasaga mai ia te au o e matatau
ia te oe, atoa ma e ua iloa au tula-
fono. Ia sao lava lo'u loto i au 80
tulafono, ina ia ou le mā lava.

KATA.

Ua lailoa lava a'u i le manao i le 81
olataga mai ia te oe; ou te faamoe-
moe foi i lau afioga. O le a avea 82
o'u mata i le *vaai* atu i lau afioga, o
loo ou faapea atu, E te faamafana-
fana mai ea afea ia te au? E ui 83
ina avea a'u pei o se fagu pa'u i le
asu, ua le galo ia te au au tulafono.
E fia ea aso o lau auauauna? E te 84
faia ea afea le faamasinoga i e saua
mai ia te au? O e faamaualuga, ua 85
latou elia lua mo a'u, ua le tusa lea
ma lau tulafono. O au poloaiga 86
uma e faamaoni lava ia; e saua fua
mai i latou ia te au; ia e fesoasoani
mai ia te au. Ua toe ina latou faa- 87
umatia a'u i le nuu; a o a'u, ou te
le lafoaiina au feau. Ia e faaolaola 88
mai ia te au e tusa ma lou alofa,
ona ou tausi lava lea i le tulafono a
lou fofoga.

LAMEPA.

89 Ieova e, ua mausali lau afoga i le
 90 lagi e faavavau lava. E au tupu-
 laga lou faamaoni; na e faatumau-
 91 ina le lalolagi, ona tumau lea. O
 lau pule o loo tumau ai ia mea i le
 aso nei; auā o au auauna ia mea
 92 uma lava. Ana le avea lau tulafono
 mo'u fiafia, po ua ou fano i lo'u pu-
 93 puaga. E le galo ia te au au feau
 e faavavau; auā o mea ia na e faa-
 94 olaola mai ai ia te au. O ia te oe
 a'u nei, ia e faaola mai ia te au;
 95 auā ua ou saili i au feau. Ua lama-
 lama o e amio leaga latou te fasioti
 ia te au; ua ou mafaufau i au tula-
 96 fono. Ua ou vaaia le iuga o mea
 uma ua atoatoa ona lelei; o lau
 poloaiga e matuā lautele lea.

MEMA.

97 Ua tele lava lo'u naunau i lau
 tulafono; ou te mafaufau i ai i le
 98 aso atoa. O au poloaiga e sili ai
 ona potō o a'u i e ita mai ia te au;
 auā e ia te au lava ia e faavavau.
 99 Ua sili ona atamai o a'u i e a'oa'o
 mai ia te au uma lava; auā o au
 100 tulafono ou te mafaufau i ai. O
 lo'u lotomatala ua sili i e toeaina,
 101 auā ua ou anaana i au feau. Ua
 'alo ese o'u vae i ala leaga uma
 lava, ina ia ou tausi i lau afoga.
 102 Ou te lei alu ese i au faamasinoga,
 auā ua e a'oa'o mai oe ia te au.
 103 Ua matuā suamalie au afoga i lo'u
 gutu; ua sili i lo le meli i lo'u
 104 gutu. O au feau ou te maua ai le
 lotomatala; o le mea lea ou te 'ino-
 'ino ai i ala pepelo uma lava.

NUNA.

105 O lau afoga o le sulu lea i o'u
 vae, ma le malamalama i lo'u ala.
 106 Na ou tauto, ou te faamaoni foi, ou
 107 te tausi i au faamasinoga tonu. Ua
 matuā puapugaina a'u; Ieova e, ia
 e faaolaola mai ia te au e tusa ma
 108 lau afoga. Ieova e, ia e talia mai
 lava o taulaga e faia ma le loto na
 fai atu ai lo'u gutu; ma a'oa'o mai
 109 ia te au i au faamasinoga. O i lo'u
 lima lo'u nei ola e le aunoa; a e le
 110 galo ia te au lau tulafono. O e
 amio leaga ua latou faia le mailei
 mo a'u; a e lei sese a'u i au feau.

Ua fai mo'u tofi o au tulafono e 111
 faavavau; auā o mea ia e faafiafia
 a'i lo'u loto. Ua uai atu lo'u loto e 112
 fai au tulafono e faavavau faavavau
 lava.

SAMEKA.

Ou te 'ino'ino i e loto fetoa'i, a 113
 ou te naunau i lau tulafono. O 114
 lo'u lafitaga oe ma lo'u talita; ou
 te faamoemoe i lau afoga. O ese 115
 ia ia te au, outou o e amio leaga;
 auā ou te anaana lava i poloaiga a
 lo'u Atua. Ia e lagolagoina mai 116
 a'u e tusa ma lau afoga, ina ia ou
 ola; aua foi ne'i ou mā i lo'u faa-
 moemoega. Ia e lagolagoina o a'u, 117
 ona faaolaina lea o a'u; ona ou faa-
 saga lea e le aunoa i au tulafono.
 Ua e faaleaogaina i latou uma o e 118
 sese i au tulafono; auā o le pepelo
 lo latou faa'ole'ole. Ua e aveeseina 119
 o e amio leaga uma o i le nuu *pei* o
 le otaota o ario; o le mea lea ou te
 naunau ai i au tulafono. Ua mogea 120
 lo'u tino i le mata'u ia te oe; ma
 ou fefe i au faamasinoga.

OINA.

Ua ou faia le faamasinoga ma le 121
 amiotonu; aua e te tuuina atu a'u i
 e sauā mai ia te au. Ia fai oe ma 122
 fesoasoani i lau auauna, *ou te* lelei
 ai; aua ne'i sauā mai ia te au o e
 faamaualuga. Ua avea o'u mata i 123
 le *manao* i lau olafaga, ma lau afoga
 tonu. Ia e faia i lau auauna e tusa 124
 ma lou alofa; ma a'oa'o mai ia te
 au i au tulafono. O lau auauna a'u 125
 nei, ia e faalotomatala mai ia te au,
 ina ia ou iloa au tulafono. Ua oo 126
 mai ona po e galue ai Ieova; ua
 solia e i latou lau tulafono. O le 127
 mea lea ua sili ai lo'u manao i au
 poloaiga i le auro, o le auro lelei
 lava. O le mea lea ou te manatu 128
 ai ua tonu au feau atoa uma lava;
 ou te 'ino'ino i ala pepelo uma lava.

PE.

O mea e ofo ai au tulafono, o le 129
 mea lea e anaana i ai lo'u loto. O 130
 le faaalai mai o au afoga e faama-
 lamalamaina ai; e faalotomatalaina
 ai e ua faigofie. Ua faamaga lo'u 131
 gutu, ma ou ga'ega'e; auā ua ou
 naunau atu i au poloaiga. Ia e liu- 132

- liualo mai ia te au, ma alofa fua mai
ia te au, e pei ona e masani ai i e
123 alolofa i lou suafa. Ia e faamautu-
ina lo'u savali i lau afioga; aua foi
ne'i manumalo mai se amio leaga e
134 tasi ia te au. Laveai mai ia te au i
le sauaga a tagata; ona ou tausi lea
135 i au feau. Ia faamalamalama mai
ou fofoga i lau auaua; ma a'oa'o
136 mai ia te au i au tulafono. O loo
tafe ifo o vaitafe i o'u mata, auā e
le tausi e i latou lau tulafono.

SATI.

- 137 E amiotonu lava oe, Ieova e, ua
138 tonu foi au faamasinoga. Ua e po-
loai mai i au tulafono ua tonu, ma
139 le faamaoni lava. Ua faaumatia
a'u i lo'u maelega, ina ua galo i e
140 sauā mai ia te au au afioga. Ua *se*
ario ua te'a ma le otaota lau afioga;
141 e naunau foi i ai lau auaua. E
faatauvaā lava a'u, ma inosia; a e
142 le galo ia te au au feau. O lau
amiotonu o le amiotonu e faavavau
lea; o le mea moni foi lau tulafono.
143 Ua maua a'u e le puapuaga ma le
tiga; o au poloaiga ou te fiafia i ai.
144 O au tulafono o mea tonu ia e faa-
vavau; ia e faalotomatala mai ia te
au, ou te ola ai.

KOFA.

- 145 Ua ou valaau ia te oe ma le loto
atoa; Ieova e, ia e tali mai ia te au;
ou te anaana lava i au tulafono.
146 Ua ou valaau ia te oe; ia e faaola
mai ia te au, ona ou tausi lea i au
147 tulafono. Ua muamua i le tafa o
ata ona ou alaga atu; ua ou faa-
moemoe i lau afioga. Ua muamua
ona pupula o'u mata i leoleoga i itu
po, ina ia ou mafaufau i lau afioga.
149 Ia e faafofoga mai i lo'u leo e tusa
ma lou alofa; Ieova e, ia e faaola-
ola mai ia te au e tusa ma lau faa-
masinoga. O loo faalatalata mai e
150 ua tausisi i amio leaga; e vava ma-
mao i latou ma lau tulafono. Ua
151 latalata mai oe Ieova e; o au polo-
aiga uma foi e moni lava ia. Talu
152 anamuā ua ou iloa ai au tulafono,
ua e faavacina ia e faavavau.

RESA.

- 153 Silasila mai ia i lo'u tiga, ma ia e
laveai mai ia te au; auā e le galo ia

te au lau tulafono. Ia e faia la'u 154
finauga, ma laveai mai ia te au; ia
e faaolaola mai ia te au e tusa ma
lau afioga. E vava marnao le faa- 155
olataga ma i latou o e amio leaga;
auā e le saili i latou i au tulafono.
Ieova e, ua tele lou alofa mutimuti 156
vale; ia e faaolaola mai ia te au e
tusa ma au faamasinoga. E toatele 157
o e sauā mai ma ita mai ia te au;
ou te le liliu ese lava i au tulafono.
Na ou iloa atu i e ua faa'ole'ole, ma 158
ou 'ino'ino i ai, o i latou o e le tausi
i lau afioga. Ia e silasila mai ua ou 159
naunau i au feau; Ieova e, ia e faa-
olaola mai ia te au e tusa ma lou
alofa. E moni lava lau afioga talu 160
le amataga; e faavavau foi au faa-
masinoga tonu uma lava.

SINA.

Ua sauā fua mai alii ia te au; a 161
ua fefe lo'u loto i au afioga. Ou te 162
fiafia a'u i lau afioga, faapei o le ua
maua le vete tele. Ou te 'ino'ino i 163
le tala pepelo, ou te matuā 'ino'ino
i ai; a ou te naunau i lau tulafono.
E ta'i foi faafitu i aso ona ou vivii 164
atu ia te oe, ona o au faamasinoga
tonu. Ua tele le filemu o e naunau 165
i lau tulafono; e leai foi se mea e
tausuai ai i latou. Ieova e, ua ou 166
faamoemoe i lau olataga, ma a'u
faia au poloaiga. Ua tausi au tula- 167
fono i lo'u loto; ma ou matuā nau-
nau i ai. Ua ou tausi i au feau, 168
atoa ma au tulafono; auā o i ou
luma o'u ala uma lava.

TAU.

Ieova e, ia oo atu la'u alaga i ou 169
luma; ia e faalotomatala mai ia te
au, e tusa ma lau afioga. Ia oo atu 170
i ou luma la'u aioi atu; ia e laveai
mai ia te au, e tusa ma lau afioga.
E ta'u atu le viiga i o'u laugutu, pe 171
a e a'oa'o mai ia te au i au tulafono.
E tautala lo'u laulaufaua i lau afi- 172
oga, auā ua tonu au poloaiga uma
lava. Ia fesoasoani mai lou aao ia 173
te au; auā ua ou filifilia au feau.
Ieova e, ou te naunau i lau faaola- 174
taga; o lau tulafono foi, o lo'u lea
fiafia. Ia ola lava a'u, ina ia ou vi- 175
vii atu ia te oe; ia fesoasoani mai
foi au faamasinoga ia te au. Ua 176
ou alu ese faapei o le mamoe ua sē;

ia e saili mai i lau auuna; auā ua le galo ia te au au poloaiga.

O le valaau a le ua puapugatia.

O le pese ma e o ae.

- 120** NA ou valaau atu ia Ieova i lo'u puapuga, na ia tali mai foi ia te
 2 au. Ieova e, ia e laveai mai ia te au i laugutu pepelo, *ma le laulau-*
 3 *faiva e faa'ole'ole.* Le laulaufaiva faa'ole'ole e, se a se mea e tuuina
 4 atu ia te oe? se a foi se mea e faa-
 5 opoopoina ia te oe? O u maamaai a le tagata malosi, atoa ma malala
 6 ola o le ratami.
 7 Aue a'u nei! auā ou te āumau i Meseko, ma ou nofo i fale ie o Ki-
 8 tara. Ua leva ona ou nofo faatasi
 9 ma le ua 'ino'ino i le filemu. O a'u nei e filemu lava a'u; a o i latou, a a'u tautala atu, e fia tau i latou.

E leoleo mai le Atua i ona tagata.

O le pese ma e o ae.

- 121** E FAASAGA ae o'u mata i mauga,
 2 e oo mai ai lo'u fesoasoani. O lo'u fesoasoani mai ia Ieova lea, o le na
 3 faia le lagi atoa ma le lalolagi. E le tuuina mai e ia ia mapeva lou
 4 vae; o lou leoleo e le tulemoe lava
 5 ia. Faauta, o lē leoleo ia Israelu,
 6 e le tulemoe ia, e le moe lava. O Ieova, o lou leoleo ia; o Ieova, o
 7 lou paolo lea i lou itu taumatau.
 8 E le taia oe e le ia i le ao, po o le masina i le po. E leoleo e Ieova ia
 9 te oe i mea leaga uma lava; e leoleo mai o ia i lou agaga. E leoleo
 Ieova i lou ulufafo ma lou ulufale, e amata mai nei lava, a e oo i le faavavau.

O le fiafia i le fale o le Atua.

O le pese a Tavita ma e o ae.

- 122** NA ou fiafia ina ua latou fai mai
 2 ia te au, Tatou te o i le fale o Ie-
 3 ova. Ierusalem e, e tutū o matou vae i ou faitotoa. Ua atiina ae
 4 Ierusalem pei o le aai ua fesootei faatasi. E o ae ai o itu aiga, o itu
 5 aiga lava o Ioa, o le tulafono lea ia Israelu, ina ia vivii atu ai i le suafa
 6 o Ieova. Auā ua tu ai nofoālii e faamasino ai, o nofoālii o le aiga o
 7 Tavita.

Aioi atu outou ina ia manuia 6
 Ierusalem; e manuia i latou o e 7
 alolofa ia te oe. Ia i ai le manuia i 8
 totonu o ou pa, o le manuia i totonu 9
 o ou maota. Ona o o'u uso ma a'u
 aumea mamae, ou te faapea atu ai
 lava, Ia ia te oe le manuia. Ona o
 le fale o Ieova lo tatou Atua, ou te
 saili ai le manuia mo oe.

Ua faanaunau i le Atua.

O le pese ma e o ae.

UA faasaga ae o'u mata ia te oe, 123
 o lē afio i le lagi. Faauta, faapei o 2
 mata o auuna tane *ua vaai* atu i le
 lima o latou matai; e pei o mata o
 le auuna fafine *ua vaai* atu i lima o
 lona matai tamaitai; e faapea o
 tatou mata *ua vaai* ae i lo tatou
 Atua o Ieova, seia alofa mai o ia ia
 te i tatou.

Ia e alofa mai, Ieova e, alofa mai 3
 ia te i matou; auā ua matuā inosia 4
 lava i matou. Ua matuā tutumu o
 matou loto i le tauemu mai o e faa-
 siasia, *ma le 'ino'ino* mai o e faa-
 maualuga.

Na ole Atua e laveai i le puapuga.

O le pese a Tavita ma e o ae.

ANA le se anoa Ieova na ia te i 124
 tatou, ia faapea atu lava Israelu; 2
 ana le se anoa Ieova na ia te i tatou,
 ina ua laga mai tagata ia te i tatou; 3
 po ua latou fololaina i tatou, ina
 ua tupu tele lo latou ita mai ia te i 4
 tatou; *po* ua tatou malelemo i le
 vai; po ua lofia i tatou i le alia; po 5
 ua tafe mai le vai faamaualuga i o
 tatou luga.

Ia faafetaia Ieova, o le na le 6
 tuuina atu i tatou ina ia saeia i o 7
 latou nifo. Ua sosola i tatou e pei o
 le manu nai le matāsele a e fāi
 manu; ua motu le matāsele, i le ua 8
 sosola i tatou. O lo tatou fesoasoani
 o i le suafa o Ieova lea, o le na faia
 le lagi atoa ma le lalolagi.

Ua le afaina i latou o e faatuatua ia Ieova.

O le pese ma e o ae.

O E faalagolago ia Ieova e faapei 125
 o le mauga o Siona i latou, e le faa-

- 2 gaesitia, a e tumau e faavavau. O Ieruselema ua siosioina i mauga; o Ieova foi na te siomia lona nuu, e amata mai nei lava, a e oo i le faavavau. Auā o le tootoo o e amio leaga e le tumau lea i le tofi o e amiotonu; ina nei tago atu lima o e amiotonu i se amio leaga.
- 4 Ieova e, ia e agalelei mai i e ua agalelei, ma e ua tonu o latou loto.
- 5 A o e liliu ane i le agapiopio, o Ieova na te ta'ita'ina i latou faatasi ma e o fai amio leaga; e ia Isaraelu le manuia.

O le faafetai auā ua faafoisia le tafeaga.

O le pese ma e o ae.

- 126** NA faafoisia mai e Ieova o Siona nai le tafeaga, ona tusa ai lea o i tatou ma tagata ua fai a latou miti.
- 2 Ona tumu ai lea o tatou gutu i le featani, ma o tatou laulau faiva i le leo fiafia; ona latou faapea ane lea i nuu ese, Ua faia e Ieova mea tetele mo i latou. Ua faia e Ieova mea tetele mo i tatou; ua tatou fiafia ai.
- 4 Ieova e, ia e faafoisia mai la matou tafeaga, faapei o vaitafe i le itu i toga. O e lulu saito ma loimata, latou te seleseleina ma le alaga fiafia. O le ua alu atu ma tagi fano, o loo ave le saito e lulu, e foi mai lava ia ma le alaga fiafia, o loo au mai ana fusi saito.

A lē fesoasoani mai Ieova ua le aoga a tatou togafiti.

O le pese a Solomona ma e o ae.

- 127** AFAI e le atiina ae e Ieova le fale, e galulue fua i latou o e atiina ae; afai e le leoleo e Ieova le aai, e mataala fua o le na te leoleoina. E le aoga ia te outou ona tulai i le taeao lava, ma faatuai ona mānava, ma aai le mea e 'ai o le tiga, e faapea ona avatu e ia le moe i lana pele.
- 3 Faauta, o le fanau, o le tofi lea mai ia Ieova; o e ua fanau mai, o le tau i lea mai ia te ia. E pei o u fanafana i le lima o le toa, e faapea lava atalii o taulelea. Amuia le tagata ua tumu ai lana utu; e le

mamā i latou pe a latou tautala i le faitotoa ma e ita mai.

O le manuia o e matatau ia Ieova.

O le pese ma e o ae.

AMUIA i latou uma o e matatau **128** ia Ieova, o e savavali i ona ala. Auā e te 'ai i mea e galue ai ou lima; e ia te oe le manuia, e ia te oe foi le lelei. *E avea* lau avā pei o le vine fua tele mai i totonu o lou fale; o lau fanau e pei o tamai olive e yagavagai lau laosi.

Faauta, e faapea ona manuia o le tagata e mata'u ia Ieova. E faamanuia mai Ieova ia te oe mai Siona; ona e iloa atu lea le manuia o Ieruselema i aso uma o lou olaga. E te iloa atu foi le fanau a lau fanau; e ia Isaraelu le manuia.

O le agaleaga mai o e faasaua, ma lo latou malaia.

O le pese ma e o ae.

UA tele lo latou faasaua mai ia **129** te au talu lo'u taulealea, ia faapea ane lava Isaraelu; ua tele lo latou faasaua mai ia te au talu lo'u taulealea; a ua latou le manumalo mai ia te a'u. O e suatia le clele ua latou suatia lo'u tua, ua latou faauumi i a latou suataga.

E amiotonu Ieova, ua na sala i maea a e amio leaga. E mamā ma liutuaia i latou uma lava o e 'ino'ino i Siona. E avea i latou pei o le mutia i luga o fale, e magumagu a o le velela. E le tumu ai le lima o le selesele, po o le fatafata o le na te fusi saito. E le fai atu foi o e ui ane ai, Ia manuia outou mai ia Ieova; matou te faamanuia ia te outou i le suafa o Ieova.

O le valaau atu ma le faatulitali ia Ieova.

O le pese ma e o ae.

IEOVA e ua ou valaau atu ia te **130** oe ai mea loloto. Le Alii e, ia e faafofoga mai i lo'u leo; ia liliu mai ou fofoga i le leo o la'u aioi atu. Ioa e, afai e te mataulia le amio leaga, le Alii e, o ai se na te mafaia ona tulai? A o ia te oe le faamagaloina o sala, ina ia matautia oe.

5 Ou te faatali atu ia Ieova, o loo
faatali atu lava lo'u agaga; ou te
6 faamoemoe foi i lana afioaga. *O loo
faatalitali atu lo'u agaga i le Alii e
sili i e o leoleo ona faatalitali i le
taeao; e sili lava i e o leoleo ona*
7 *faatalitali i le taeao.* Ia faamoemoe
Israelu ia Ieova; auā o ia Ieova le
alofa, o ia te ia foi le faaolataga
8 tele. O ia lava na te faaolaina Isa-
raelu ai a latou amio leaga uma
lava.

O le loto maulalo.

O le pese a Tavita ma e o ae.

131 IEOVA e, ua ou le loto faamau-
aluga, ua le faasiasia o'u mata, ou
te le masani ma mea faasilisili ma
2 mea ua sili ona faigata ia te au. E
moni, na ou ffilemu ma ou faalologo
faapei o le tama ua te'a ma le susu
o lona tinā, ua tusa a'u ma le tama
3 ua te'a ma le susu. Ia faamoemoe
Israelu ia Ieova, e amata mai nei
lava, a e oo i le faavavau.

*O le loto tele o Tavita ia faatuina le
malumalu.*

O le pese ma e o ae.

132 IEOVA e, ia e manatu ia Tavita i
2 ona puapuaga uma lava; o le na
tauto ia Ieova, na tuuautapu i lē
3 Malosi o Iakopo; *sa faapea*, E
moni, ou te le alu i le fale ie o lo'u
fale, pe alu ae i lo'u moega, o le
4 mea e moe ai; ou te le mafai ona
moe o'u mata, pe matāmoe o'u lau-
5 mata, seia ou maua se mea e afio ai
Ieova, o le afioaga mo lē Malosi o
Iakopo.
6 Faauta, na tatou faalogo i ai i
Efarata; na tatou maua i fanua o i
7 le vao. Tatou te o lava i ona afio-
aga; tatou te ifo atu i luma o le
8 mea e tu ai ona aao. Ieova e, ia e
tulai atu i lou malologa, o oe ma le
9 atolaau o lou malosi. Ia oofu au
ositaulaga i le amiotonu, ma ia alaga
fiafia ou tagata amio Atua.
10 Aua le 'alo ou fofoga i le ua e
faauuina, ona o lau auauna o Tavita.
11 Na tauto Ieova ia Tavita i le faa-
maoni, e le 'alo ese ai o ia, Ou te
faanofoina i lou nofoālii so le fanau
12 a lou tino. Afai e tausī au fanau i

la'u feagaiga ma a'u tulafono ou te
a'oa'oina ai i latou, ona nonofo lea
o la latou fanau i lou nofoālii e
faavavau lava. Auā ua filifilia Siona 13
e Ieova; ua finagalo lava i ai e fai
mona afioaga. O lo'u malologa lenēi 14
e faavavau; o le mea nei ou te no-
fo ai, auā ua ou manao ai. Ou te 15
matuā faamanuia ana mea e 'ai; ou
te faamaaona ona tagata matitiva i
le areto. Ou te faaofuina ana osi- 16
taulaga i le olataga; e alalaga foi
ma le olioli ona tagata amio Atua.
Ou te faatupuina ai le nifo mo Ta- 17
vita; ua ou saunia le lamepa mo le
ua ou faauuina. Ou te faaofuina o 18
e ita ia te ia i le ma; a e pupula
mai lona palealii i luga ia te ia.

E matuā lelei le faelofani o uso.

O le pese a Tavita ma e o ae.

FAAUTA, o le mea e matuā lelei 133
ma le matagofie lava, pe a nonofo
faatasi lava o uso. Ua tusa ma le 2
suāuu lelei i luga o le ulu, na tafe
ifo i le 'ava, o le 'ava lava a Arona,
na tafe ifo i le ua o ona ofu. E 3
tusa ma le sau i Heremoni, ua totō
ifo i luga o mauga o Siona; auā na
poloai Ieova ia oo i ai lana faa-
manuia, o le ola lava lea e faavavau.

*Ia faafetai atu i le Atua o e fai le
galuega i lona malumalu.*

O le pese ma e o ae.

FAAUTA mai, o outou o auau- 134
na uma lava a Ieova, faamanū atu
ia outou ia Ieova; outou o e tutū i
le fale o Ieova i le po. Ia outou 2
sisii i luga o outou lima i le malu-
malu, ma ia outou faamanū atu ia
Ieova. E faamanuia mai e Ieova 3
ia te oe mai Siona, o ia na faia le
lagi atoa ma le lalolagi.

*Ia vivii atu i le Atua, ona o ana
mea ua faia.*

IA outou vivii atu ia Ioa. Vivii 135
atu ia outou i le suafa o Ieova; o
outou auauna a Ieova, vivii atu ia
outou ia te ia. Outou o e tutū i le 2
fale o Ieova, i lotoā o le fale o lo
tatou Atua, ia outou vivii atu ia 3
Ioa; auā e lelei Ieova, ia fai pesega
i lona suafa; auā e matagofie lea.

4 Auā ua filifilia Iakopo e Ioa mona,
o Israelu e fai mana oloa tūua.
5 Auā o a'u nei, ua ou iloa e sili lava
Ieova, e sili foi lo tatou Alii i atua
6 uma lava. O mea uma lava e fina-
galo i ai Ieova, e faia lava e ia i le
lagi atoa ma le lalolagi, o le sami
7 ma mea loloto uma lava. E avae e
ia o ausa mai tulu'iga o le lalolagi;
na te faia le uila atoa ma le ua; na
te aumaia le matagi mai mea e teu
8 ai ana oloa. O le na fasia ulumatua
a Aikupito, o tagata atoa ma manu.
9 O le na auina atu o faailoga ma va-
vega ia te oe, Aikupito e, ia Farao
10 ma ana auauna uma lava. O le na
fasia nuu tetele, ma na fasiotia o
11 tupu malolosi; o Sekono le tupu o
sa Amori, ma Oko le tupu o Vasana,
12 atoa ma tupu uma o Kanana. Ua
na avatu foi lo latou laueleele ma
tofi, o le tofi lava o lona nuu o
Israelu.
13 Ieova e, e faavavau lava lou suafa;
o le faamanatuga ia te oe, Ieova e,
14 e āu tupulaga lea. Auā e faamasino
e Ieova lona nuu; e salamo foi ia
ona o ana auauna.
15 O tupua o nuu ese, o ario ma
auro ia, o galuega a lima o tagata.
16 E fai o latou gutu, a e le feganavai;
17 e fai o latou mata, a e le vaai; e fai
o latou taliga, a e le faalogo; e leai
18 foi se mānava i o latou gutu. O e
faia ia mea ua tutusa lava mai latou,
o i latou uma o e faatuatua i ai.
19 Le aiga o Israelu e, ia outou faa-
manū atu ia Ieova; le aiga o Arona
e, ia outou faamanū atu ia Ieova;
20 le aiga o Levi e, ia outou faamanū
atu ia Ieova; outou o e matatau ia
Ieova, ina faamanū atu ia ia Ieova.
21 Ia faamanū atu ia Ieova mai Siona,
o le o afio i Ierusalem. Ia outou
vivii atu ia Ioa.

*Ia tele le faafetai ia Ieova ona o
ona vavega alofa.*

136 IA outou vivii atu ia Ieova, auā
e lelei o ia; auā e faavavau lava
2 lona alofa. Vivii atu outou i le
Atua o atua; auā e faavavau lava
3 lona alofa. Vivii atu outou i le
Alii o alii; auā e faavavau lava lona
4 alofa. O lē faia vavega tetele, na o
ia lava; auā e faavavau lava lona
5 alofa. O le na faia le lagi i le potu;

auā e faavavau lava lona alofa. O
le na fofola le lalolagi i luga o le
vai; auā e faavavau lava lona alofa.
O le na faia malamalama tetele;
auā e faavavau lava lona alofa; o le
la e pule i le ao; auā e faavavau
lava lona alofa; o le masina ma
fetu e pule i le po; auā e faavavau
lava lona alofa. O le na fasia Aiku-
pito, o a latou ulumatua lava; auā
e faavavau lava lona alofa. O le na
aumaia Israelu nai ia i latou; auā
e faavavau lava lona alofa; i le aao
malosi ma le aao faaloaloa; auā e
faavavau lava lona alofa. O le na
vaea le sami Ulaula i vaega; auā e
faavavau lava lona alofa; ma na
faaui ane ai Israelu; auā e faa-
vavau lava lona alofa; a ua lafoina
e ia o Farao ma ana 'au i le sami
Ulaula; auā e faavavau lava lona
alofa. O le na ta'ita'iina atu lona
nuu i le vao; auā e faavavau lava
lona alofa. O le na fasia tupu sili;
auā e faavavau lava lona alofa; ma
na fasiotia tupu mamalu; auā e
faavavau lava lona alofa; o Sekono
le tupu o sa Amori; auā e faavavau
lava lona alofa; ma Oko le tupu o
Vasana; auā e faavavau lava lona
alofa. Ua na au mai foi lo latou
laueleele e fai ma tofi; auā e faa-
vavau lava lona alofa; o le tofi lava
o lana auauna o Israelu; auā e
faavavau lava lona alofa. O le na
manatua i tatou, ina ua faamaulalo-
ina i tatou; auā e faavavau lava
lona alofa; ma na laveai mai ia i
tatou i e na sau mai; auā e faa-
vavau lava lona alofa. O lē foaiina
mea e 'ai i mea ola uma lava; auā
e faavavau lava lona alofa. Ina
vivii atu ia outou i le Atua o le
lagi; auā e faavavau lava lona alofa.

*O le faanoanoa o Israelu ina o nofo
i Papelonía.*

NA matou nonofo i auvai o vai-
tase i Papelonía, na fetagisi ai lava
i matou, ina ua matou manatua
Siona. Ua matou tautauina a ma-
tou kitara i luga o garava ua i ai.
Auā na inoino mai ia te i matou i
lea mea o e na ta'ita'i ia i matou i
le tafeaga, ia matou pepese i upu o
le pese; o i latou foi na faatiga mai
ia i matou, ua inoino mai ia olioli,

ua faapea mai, Ia outou pepese mai
 4 ia i matou ni pese a Siona. Pe faa-
 pefea ona matou pepese le pese ia
 5 Ieova i le nuu ese? Ierusalem e,
 afai e galo oe ia te au, ia galo lava
 6 i lo'u lima taumatau; afai ou te le
 manatua oe, ia pipii ae lo'u laulau-
 faiva i lo'u gutu, pe a le faasili Ieru-
 salema i mea uma ou te fiafia i ai.
 7 Ieova e, ia e manatu i le fanauga
 a Etoma i le aso o Ierusalem; na
 latou faapea ane ai, la faataatitia-
 ina, ia faataatitiaina, ia oo i ona
 8 faavae. Le tama fafine a Pamelonia
 e, faatafufufuina oe; amuia o lē
 faataatau ia te oe le tau i na e tau i
 9 mai ai ia te i matou. Amuia le
 tago i au tama meamea, ma palasi
 ia te i latou i le papa.

O le viiga ia Ieova i lona agalelei mai.

O le salāmo a Tavita.

138 OU te vivii atu ia te oe ma lo'u
 loto atoa; ou te fai pesega ia te oe
 2 i luma o atua. Ou te ifo i lou
 malumalu paia, ou te vivii atu foi i
 lou suafa ona o lou alofa ma lou
 faamaoni; auā ua e faasilisili lau
 3 afiga i lou suafa uma. O le aso
 na ou valaau atu ai ia te oe, ua e
 tali mai ai ia te au; na e faateleina
 inai le malosi ia te au.
 4 Ieova e, e vivii atu ia te oe o
 tupu uma lava o le lalolagi, pe a
 latou faalogo i afiga a lou fofoga.
 5 E pepese foi i latou i ala o Ieova;
 6 auā e tele le mamalu o Ieova. Auā
 o loo maua lava Ieova, a e silasila
 mai o ia i le ua faamaulalo; a o le
 ua faamaulalo, e silasila mamao
 7 mai e ia. A a'u savali i totonu o
 puapuaga, e te faaolaola mai ia te
 au; e te faaoo atu foi lou aao i le
 ita o e ita mai ia te au; e te faaola
 mai ia te au i lou aao taumatau.
 8 E faataunuuina e Ieova o mea uma
 mo a'u; Ieova e, e oo i le faavavau
 lou alofa; aua e te tuulafoaiina le
 galuega a ou aao.

O le silafaga a Ieova.

Ma le usu pese; o le salāmo a
 Tavita.

139 IEOVA e, ua e suesue mai ia te
 2 au, ua e silasila lava a'u. O oe lava
 ua e silasila lo'u nofo i lalo ma lo'u

tulai i luga; ua e silasila mamao
 mai o'u manatunatu. Ua e suesue 3
 i lo'u savali ma lo'u taoto, ua e
 masani lava ma o'u ala uma. A o 4
 leai lava se upu i lo'u gutu, faauta,
 Ieova e, ua e silasila uma lava. Ua 5
 e siosio mai i o'u tua atoa ma o'u
 luma, ua e faaee mai foi lou aao i
 luga ia te au. O le poto lea e sili 6
 ona faigata ia te au, ua maua lava,
 ou te le mafaia.

Ou te alu ea ifea ai lou Agaga? 7
 Ou te sola ifea ai ou luma? Afai 8
 ou te alu ae i le lagi, o i ai lava oe;
 afai ou te fofola so'u moega i seoli,
 faauta, o i ai lava oe. Afai e faia 9
 mo a'u apaau o le taeao, ma ou nofo
 i le tululiga o le sami; e ta'ita'i mai 10
 ia te au i lea lava mea e lou aao, e
 taofi mai foi ia te au lou aao tauma- 11
 tau. Afai ou te faapea atu, E ufitia
 lava a'u i le pouliuli; ona fai lea o 12
 le po ma malamalama e siosiomia
 ai a'u. Auā o le pouliuli e le po- 13
 uliuli lava lea ia te oe; e malama-
 lama le po pei o le ao; e tusa lava 14
 ia te oe le pouliuli ma le malama-
 lama. Auā sa ia te oe o'u manatu- 15
 natu; na e ufiufi ia te au i le
 manava o lo'u tinā. Ou te vivii 16
 atu ia te oe, auā na faia a'u e ala ai
 ona matautia ma ofo tele ai; o mea
 na e faia, o mea mamana ia; ua ou 17
 matuā iloa e a'u nei mea. E lei lilo
 lo'u tino ia te oe, ina ua faia a'u i 18
 le mea lilo, ina ua saunia a'u i mea
 loloto i le lalolagi. Na silasila mai
 ou fofoga i o'u tino uma ina o afua-
 fua; ua tusia foi uma lava i lau
 tusi, o ona aso foi na faia ai, a o
 leai ni o'u tino. Le Atua e, ua 19
 matuā sili ou manatunatu ona aoga
 ia te au, ua sili lava ona tele o lo
 latou faitau aofai. Afai ou te fai- 20
 taulia, ua sili ia ona tele i le one-
 one; a a'u ala, tā te i ai pea ma
 a'u.

E moni, le Atua e, e te fasioti i e 19
 amio leaga; o lea, ia o ese atu ai ia
 te au outou tagata na totolima, o e 20
 fai upu ia te oe e faatupu ai le
 leaga; e ta'uta'u fua i lou suafa o e
 ita ia te oe. Ieova e, ou te le 'ino- 21
 'ino ea ia te i latou o e 'ino'ino ia te
 oe? ma e o laga atu ia te oe, ou te
 le matuā 'ino'ino ea i ai? Ou te 22
 'ino'ino lava ia te i latou ma le

matuā 'ino'ino tele; ua fai i latou
23 mo'u fili. Le Atua e, ia e suesue
mai ia te au, ma ia e silafia lo'u
loto; tofotofo mai ia ia te au, ma
24 ia e silafia o'u manatunatu; ma ia
e silafia po o ia te au se ala e tiga
ai; ma e ta'itai'ina mai a'u i le ala
o le faavavau.

*O le tatalo ia Ieova na te laveatina
mai i maillei a e amio leaga.*

Ma le usu pese; o le salāmo a
Tavita.

140 IEOVA e, ia e laveai mai ia te au
ai le tagata amio leaga; leoleo mai
2 ia ia te au ai le tagata faasaua; o e
mafaufau i mea leaga i o latou loto,
ma faatutupu taua i aso uma lava.
3 Latou te faamaai i o latou laulau-
faiva, e pei o le gata; o i lalo foi
o latou laugutu le mea oona a le
4 asipi. Selā. Ieova e, ia e tausī
mai ia te au ne'i oo mai lima o le
tagata amio leaga; leoleo mai ia ia
te au i tagata faasaua o e fia tulei
5 tele mai i o'u vae. O e faamaua-
luga ua latou natia le maillei mo
a'u, atoa ma matāsele; ua latou
fofola le upega i le auala; ua tuu
ai mea e maillei a'i a'u. Selā.
6 Na ou fai atu ia Ieova, O oe lava
lo'u Atua; Ieova e, ia e faafofoga
7 mai i le leo o la'u aioli atu. Ieova
e, le Alii, o lo'u faaolataga malosī,
ua fai oe ma talipupuni o lo'u ulu i
8 le aso e tau ai le taua. Ieova e, aua
e te avatu mea e manao i ai le ta-
gata amio leaga; aua ne'i oo lana
togafiti, nei faamaualuga i latou.
9 Selā. O ulu o e siosioina mai a'u,
e ufitia i latou i le leaga mai o
10 latou lava gutu. E pauu malala
ola i luga ia i latou; e lafo i latou
i le afi, i to maulalo, ina ia le toe
11 tutū mai i latou. E le mau i le
nuu le tagata fai upu leaga; o le
tagata faasaua, e tuliloaina ia e le
leaga seia fano.
12 Ua ou iloa e faia e Ieova le
finauga mo e ua puapuatia, o le
13 faamasinoga o e ua matitiva. E
moni, o e amiotonu, e vivii atu i
latou i lou suafa; e nonofo i ou
luma o e ua sa'o a latou amio.

O le tatalo ia saogalemu.

O le salāmo a Tavita.

IEOVA e, ua ou valaau atu ia te 141
oe, ia vave ona e afio mai ia te au;
faafofoga mai i lo'u leo pe a ou
valaau atu ia te oe. Ia saunia la'u 2
tatalo e faapei o le mea manogi e
mu i ou luma; o le sii i luga o o'u
lima ia pei o le taulaga e fai i le
afiafi. Ieova e, ia e tuuina se leoleo 3
i lo'u nei gutu, ia e leoleo i le faito-
toa o o'u laugutu. Aua ne'i liliu- 4
eseina lo'u loto i se mea leaga, ne'i
ou fai mea leaga ma le agasala faa-
tasi ma tagata o e faia amio leaga;
aua foi ne'i ou 'ai i a latou mea
suamalie.

Ia fasia mai a'u e le tagata amio- 5
tonu, o le alofa lava lea; ia acai
mai foi o ia ia te au, o le suāuu i
lo'u ulu lea, e le 'alo ai lo'u ulu;
auā e fai pea la'u tatalo i lo latou
puapuaga. E lafotuina o latou faa- 6
masino i mea gaoo, e faalogo mai
foi i latou i a'u upu; auā e mālie ia.
Ua taapeape o matou ivi i le gutu 7
o le tuugamau; e pei o la'u ua
vaevaea ma isiisia i le eclele. A e 8
faasaga o'u mata ia te oe, le Alii e,
Ieova; ou te faalagolago ia te oe,
aua ne'i sasaaina atu lo'u ola. Ia o 9
leoleo mai ia te au auā le maillei ua
latou tuu mo a'u, ma matāsele a e
faia amio leaga. Ia pauu o e amio 10
leaga i o latou lava upega, a ia ou
saogalemu atu lava a'u.

O le tatalo ina a puapuatia.

O le salāmo a Tavita e a'oa'o ai; o
le tatalo ina o i le ana ia.

NA ou alaga ia Ieova i lo'u leo; 142
na ou aioli atu ia Ieova i lo'u leo.
Na ou faapaūina atu la'u tagi i ona 2
luma; na ou faaali atu lo'u pua-
puaga i ona luma; na lailoa lo'u 3
loto i totonu ia te au, ona e silafia
lea e oe o lo'u ala; na tuu e i latou
le matāsele mo a'u i lea lava ala na
ou savali ai. Na ou tepa i le itu 4
taumatau, ma ou vaavaai, a ua leai
se tasi na fia iloa a'u; ua leai lava
se 'alofaga ia te au; ua leai se tasi
na te sailia a'u ia ou ola.

Ieova e, na ou alaga atu ia te oe; 5

na a'u faapea atu, O oe lava lo'u malu, o lo'u tofi i le nuu o tagata
 6 ola. Ia e faafofoga mai i lo'u alaga atu, auā ua vaivai lava a'u; ia e laveaiina mai a'u i e tuliloa mai ia te au; auā ua sili lo latou malosi i
 7 lo'u. Ia e avatua lava a'u ai le fale puipui, ina ia ou vivii atu i lou suafa; e vagavagai mai ia te au o e amiotonu, pe a e agalelei mai ia te au.

O le tatalo i le Atua ina ia fesoa-soani mai pe a puapuagaina.

O le salāmo a Tavita.

143 IEOVA e, ia e faafofoga mai i la'u tatalo; ia liliu mai ou fofoga i la'u aioi atu; ia e tali mai ia te au i lou faamaoni ma lau amiotonu.
 2 Aua foi e te faaoo le faamasinoga i lau anauna; auā e leai se tagata ola e amiotonu i ou luma. Auā ua tuliloa mai o lē ita mai ia te au; ua na fasia a'u ia *paū* i le eleele; ua na faanofo a'u i le pouliuli, pei o e ua
 4 leva ona oti. I le ua lailoa lo'u loto i totonu ia te au; ua fememeai lava lo'u loto i totonu ia te au. Ou te manatu i aso anamua; ou te manatunatu i mea uma na e faia; ou te mafaufau i galuega a ou aao. Ou te faaloaloa o'u lima ia te oe, ou te manao lava ia te oe, faapei o se nuu naumati. Selā.
 7 Ieova e, ia e vave tali mai ia te au, o le a faauma lo'u nei ola; aua le 'alo ou fofoga ia te au, ne'i tusa a'u
 8 ma tagata e oifo i le lua. Ia ou faalogologo i lou alofa i le taeao; auā ou te faatuatua ia te oe; ia e faasino mai le ala ou te savali ai; aua o loo naunau atu lo'u loto ia te oe.
 9 Ieova e, ia e laveaiina mai a'u i e ita mai; ou te lasi atu ia te oe. Ia e a'oa'o mai ia te au e fai lou finagalo; auā o oe lava lo'u Atua; ia ta'ita'ina atu a'u e lou Agaga lelei i le
 11 lauelele lauelelei. Ieova e, ia e faaolaola mai ia te au ona o lou suafa; ia e aveeseina a'u i le puapuaga ona o lau amiotonu. O lou alofa ia fano ai ia te oe e o ita mai ia te au; ia e faaumatia foi e ua faasaua mai ia te au uma lava; auā o lau anauna lava a'u nei.

O le tatalo ina ia manuia.

O le salāmo a Tavita.

IA faafetaia Ieova lo'u papa, o lē a'oa'o mai i ou lima i le taua, ma o'u tamatamā lima e tau a'i le taua. O lē alofa mai ia te au; o lo'u 'olo foi o ia, o lo'u 'olo maualuga, o lo'u faaolataga, o lo'u talita, o ia foi ou te faatuatua i ai; o le na te faa-toilaloina lo'u nuu ia te au. Ieova e, se a ea le tagata e te silafia ai o ia? po o le atalii o le tagata e te manatua mai ai o ia? O le tagata o loo tusa ia ma le mea le aoga; o ona aso e pei o le ata a mavae atu.

Ieova e, ina lolou ifo ia lou lagi ma ia e afio ifo; ia papai ifo i mauga, ona pupusa ai lea. Ia e matuā faaemo mai le uila, ma faataapeape ai ia te i latou; ia e fanafana atu au u, ma tuli ai ia te i latou. Tuu mai ia ou aao mai luga, laveai mai ia ia te au; faaola mai ia ia te au i vai e tele, o lima o tagata ese; o e lafo upu pepelo i o latou gutu; o latou lima taumatau foi o lima taumatau pepelo ia.

Le Atua e, ou te pese i le pese fou ia te oe; ou te fai pesega ia te oe i le napeli e sefulu ona manca. O le na te avatua le olataga i tupu; o lē laveai i lana anauna o Tavita ai le pelu e leaga ai. Ia e laveai mai ia te au, ma faaola mai ia te au ai lima o tagata ese, o e lafo upu pepelo i o latou gutu; o latou lima taumatau foi o lima taumatau pepelo ia; ina ia avea o matou atalii pei o laau totō, ua tupu tele a o taululea i latou; o matou afafine ia pei o tulimanu ua togitogiina e pei o se maota. Ia tutumu o matou fale saito e maua mai ai lea mea ma lea mea; ia tutupu a matou mamoe ia afe ma mano i o matou fanua. Ia malolosi a matou povi i amo; ia le oso mai, ia le alu ese atu; ia leai foi se auega i o matou malae. Amuia le nuu o loo faapena i latou; amuia le nuu e fai Ieova mo latou Atua.

O le viiga ia Ieova.

O le vii a Tavita.

LO'U Atua e, le Tupu, ou te faa-neenee ia te oe; ou te faamanū atu

foi i lou suafa e faavavau faavavau
 2 lava. Ou te faamanu atu ia te oe i
 aso uma lava; ou te vivii atu foi i
 lou suafa e faavavau faavavau lava.
 3 E silisili lava Ieova, e tusa ona
 matuā viia o ia; e le mafai ona
 4 suesueina lona silisili ese. E vivii
 atu le tasi tupulaga ma le tasi tupu-
 laga i au galuega; latou te faailoa
 5 atu au mea mamana. Ou te tautala
 atu i le matagofie o le viiga o lou
 mamalu, atoa ma au mea mamana;
 6 e tautalatala i latou i le malosi o au
 mea e matautia ai oe; ou te ta'uta'u
 7 atu foi i lou silisili ese. Latou te
 ta'u atu lava le faamanatuga i lou
 agalelei tele lava; latou te alalaga
 fiafia foi i lau amiotonu.
 8 E alofa fua mai ma alofa muti-
 muti vale mai Ieova; e tele gese
 9 lona toasa, e tele foi lona alofa. O
 loo agalelei mai Ieova i mea uma, o
 lona alofa mutimuti vale foi ua i
 10 ana mea uma na fai. Ieova e, e
 vivii atu ia te oe mea uma na e faia;
 e faafetai atu foi ia te oe ou tagata
 11 amio Atua. E tautalatala atu i latou
 i le mamalu o lou malo, ma ta'uta'u
 12 atu i lou mana; ina ia faailoa atu i
 le fanau a tagata ana mea mamana,
 ma le mamalu matagofie o lona
 13 malo. O lou malo o le malo lea e
 faavavau lava; ma lau pule e āu
 tupulaga lava lea.
 14 E taofia i luga e Ieova atoa uma ē
 pauu; o ia foi lē faatusa'oina o e
 15 ua faano'uno'u uma lava. E faasaga
 atu ia te oe mata o mea uma lava;
 e te avatua foi a latou mea e 'ai i
 16 ona aso e tatau ai. O loo e faama-
 folalou aao, ma faamaoona le manao
 17 o mea ola uma lava. E amiotonu
 Ieova i ona ala uma; o loo alofa ia
 18 i ana mea uma lava na faia. E lata-
 lata mai Ieova ia i latou uma o e
 valaau ia te ia, o i latou uma o e
 19 valaau ia te ia ma le faamaoni. E
 faia e ia le mea e manao i ai o e
 matatau ia te ia; e faafofoga foi o
 ia i la latou alaga atu, ma faaolaina
 20 i latou. E tausi Ieova i e alolofa atu
 ia te ia uma lava; a e fano ia te ia o
 21 e amio leaga atoa uma. O vii o
 Ieova e ta'u atu e lo'u gutu; e faa-
 fetai e tagata uma o lona suafa
 paia, e faavavau faavavau lava.

Ia faatuatua i le Atua na te fesoasoani mai.

IA outou vivii atu ia Ioa. Lo'u 146
 agaga e, ia e vivii atu ia Ieova. Ou
 te vivii atu ia Ieova a o ou ola; ou
 te fai pesege i lo'u Atua a o ou
 tumau i le ola nei. Aua tou te faa- 3
 tuatua i alii, po o le fanau a tagata,
 e le o i ai se olataga. E alu ese 4
 lona agaga, e foi atu i le elele na i
 ai o ia; e faaumatia i lea lava aso
 ona manatunatu.

Amuia le tagata o i ai le Atua o 5
 Iakopo e fai mona fesoasoani; o i
 ai lona faamoemoe ia Ieova lona
 Atua; o le na faia le lagi atoa ma 6
 le lalolagi, o le sami ma mea uma o
 i ai; o le na te tausia le faamaoni e
 faavavau. O le na te faia le faa- 7
 masinoga mo e o sauaina; na te
 avatua le mea e 'ai i e o fia aai; e
 tatala e Ieova i e ua noanoatia, E 8
 faafepulafia e Ieova e ua tauaso; e
 faatutusa'oina e Ieova e ua faano'u-
 no'u; e alofa Ieova i e amiotonu.
 O Ieova na te tausia tagata ese; e 9
 fai ma lagolago mo le ua aumatua
 ma le fafine ua oti lana tane; a o
 le ala o e ua amio leaga e faapi- 10
 pioina e ia. E pule Ieova e faa-
 vavau lava; Siona e, e pule lou
 Atua e āu tupulaga. Ia outou vivii
 atu ia Ioa.

O le mana ma le agalelei o Ieova.

IA outou vivii atu ia Ioa, auā e 147
 lelei ona fai pesege i lo tatou Atua;
 auā e matagofie, e ono lava le viiga.
 O loo atiina ae Ierusalem e Ieova; 2
 e faapotopotoina e ia o Isaraelu sa
 tulia. E faamaloloina e ia e ua loto
 momomo; e fufusi e ia o latou
 manua. O loo faitaulia e ia le aofai 4
 o fetu; ua faaigoaina e ia o latou
 igoa uma lava. E silisili lava lo
 tatou Alii, e tele lona malosi; e le 5
 ma faamatalaina lona potu. E lago-
 lago Ieova i e ua puapuagatia; a e
 lafotuina e ia e ua amio leaga ia toele. 6

Ia outou pepese atu ia Ieova i le
 viiga; ia outou fai pesege i lo tatou
 Atua i le kitara. O lē ufitia le lagi 8
 i ao, o lē saunia le ua mo le elele;
 o lē faatupu le mutia i mauga. O 9
 lē avatu i le manu vaefa lana mea e
 'ai, e faapea foi i le toloai a le oreva,

10 pe a tagi ia te ia. E le fiafia o ia i
le malosi o le solofanua; e le fina-
11 galo ia i vae o le tagata. O loo
finagalo Ieova i e matatau ia te ia,
o e faamoemo e i lona alofa.

12 Ierusalem e, ia e vivii atu ia
Ieova; Siona e, ia e vivii atu i lou
13 Atua; auā o loo faamalosia e ia o
faamau faalava o ou puipui; o loo
faamanuia e ia lau fanau i totonu ia
14 te oe. O lē faatupu le filemu i ou
tuaioi; o lē fafaga ia te oe ia ma'ona
15 i le saito e sili ona lelei. O loo au-
ina mai e ia lona poloaiga i le nuu,
16 e momo'e tele vave lana afioga. O
lē auina mai le kiona e pei o fulufulu
mamoe; o le na te lululoina le
17 sauto'a e pei o lefulefu. O lē auina
mai lana vaito'a pei o momoi mea.
O ai se na te tulai i luma o lona
18 maalili? E tūlei mai lana afioga,
ona liu suāvai ai lea o ia mea; e
faaagi mai e ia lona matagi, ona
19 tafe mai ai lea o vai. Na te faaalii
ana afioga ia Iakopo; o ana tulafono
20 ma faamasinoga ia Israelu. E lei
faapea ona faia e ia i se tasi lava
nuu; e lei iloa foi e i latou ana faa-
masinoga. Ia outou vivii atu ia Ioa.

*Ua valaauia mea uma lava ia vivii
atu ia Ieova.*

148 IA outou vivii atu ia Ioa. Ia
outou vivii atu ia Ieova mai le lagi;
ia outou vivii atu ia te ia i mea
2 mauafuluga. Ia vivii atu ia te ia
outou ana agelu uma lava; vivii atu
3 ia te ia outou ana 'au uma lava. Ia
vivii atu ia te ia le la ma le masina;
ia vivii atu ia te ia outou fetu uma
4 o loo fepulafi mai. Ia vivii atu ia
te ia le lagi o lagi, ma vai o loo i
5 luga o le lagi. Ia latou vivii atu i
le suafa o Ieova; auā o ia na fetalai
6 ane, ona faia lava lea. Na ia faa-
tumauiina foi i latou e faavavau faa-
vavau lava; na faia e ia le tulafono,
e le solia lava.

7 Ia vivii atu ia Ieova ai le lalolagi
8 o tanimo ma mea loloto uma; o le
afi ma le uato'a, o le kiona ma le
ausa; o le matagi e afā ai, o loo
9 faia lana afioga. O mauga tetele,
ma mauga iti uma lava; o laau e
10 fua mai, ma arasi uma lava. O
manu feai, ma manu vaefa uma; o
11 mea fetolofi, ma manu felelei. O

tupu o le lalolagi, ma nuu atoa uma
lava; o alii, ma faamasino uma o le
lalolagi. O taulelea atoa ma teine, 12
o toecaina atoa ma tama; ia latou 13
vivii atu i le suafa o Ieova; auā ua
na o lona suafa e mamalu; o lona
viiga ua sili lea i le lalolagi atoa ma
le lagi. Ua faamaualugaina foi e 14
ia le nifo o lona nuu, o le viiga o ona
tagata amio Atua uma; o le fanauga
a Israelu, o le nuu o loo latalata
ia te ia. Ia outou vivii atu ia Ioa.

Ia viia Ieova e ona tagata.

IA outou vivii atu ia Ioa. Ia 149
outou pepese ia Ieova i le pese fou;
pepese i lona viiga i le faapotopotoga
a ona tagata amio Atua. Ia fiafia 2
Israelu i le na faia i latou; ia oli-
oli le fanau a Siona i lo latou Tupu.
Ia latou vivii atu i lona suafa ma le 3
siva, ia latou fai pesea ia te ia i le
topa ma le kitara. Auā o loo fiafia 4
Ieova i lona nuu; e faamatagofie e
ia i le olataga e ua agamalu. Ia 5
olioli i le mamalu e ua amio Atua;
ia latou alalaga fiafia i o latou moe- 6
ga; ia i ai i o latou gutu o faanee-
neega i le Atua; ia i ai foi i o latou 7
lima le pelu e faatau maai itu; ina
ia faia le tau ma sui i nuu ese, o le 8
aoaiga i nuu; ina ia noanoatia o la-
tou tupu i maea uamea, ma o latou 9
alii mamalu i noataga uamea; ina
ia faia ia i latou o le faamasinoga
ua tusia. Ua i ona tagata amio
Atua uma lava lena mamalu. Ia
outou vivii atu ia Ioa.

Ia matuā vivii atu i le Atua.

IA outou vivii atu ia Ioa. Ia 150
outou vivii atu i le Atua i lona ma-
lumalu; ia vivii atu outou ia te ia i
le va nimonimo o i ai lona malosi.
Ia outou vivii atu ia te ia ona o ana 2
mea mamana; vivii atu ia te ia e
tusa ma lona silisili ese. Ia outou 3
vivii atu ia te ia i le leo o le pu;
vivii atu ia te ia i le napeli atoa ma
le kitara. Ia outou vivii atu ia te 4
ia i le topa ma le siva; vivii atu ia
te ia i le menima ma le faaili. Ia 5
outou vivii atu ia te ia i sumepalo
taalili; vivii atu ia te ia i sumepalo
leo tetele. Ia vivii atu ia Ioa o mea 6
uma lava e mānava. Ia outou vivii
atu ia Ioa.

FAATAOTO.

*O le aoga o faataoto. Ia 'alo ese i e
fai mea leaga.*

- 1 O FAATAOTO a Solomonā le
atalii o Tavita, le tupu o Isaraelu;
- 2 ina ia iloa ai le potō ma ia a'oa'oina;
- 3 ia lagona ai upu e atamai ai; ia
maua ai le a'oa'oina i le potō, ma le
amiotonu, ma le faamasinoga, ma le
- 4 amio sa'o; ia avatu ai le faautauta
i e faigofie; o le potō ma le mafau-
5 fau i le taulealea. E faalogo mai
le tagata potō, e tupu ai pea lona
potō; o le ua mafau fau foi e maua
- 6 e ia le potō e pule ai; e lagona ai le
faataoto ma lona faamatalaga; o
upu a e popoto ma a latou upu lilo.
- 7 O le mata'u ia Ieova, o le ama-
taga lea o le potō; a e 'ino'ino
tagata valelea i le potō ma le a'oa'o-
ina.
- 8 Lo'u atalii e, faalogo mai ia i le
a'oa'o atu a lou tamā; aua foi e te
9 tuulafoaiina le upu a lou tinā; auā
e fai ia mea ma pale matagofie i lou
10 ulu, ma mea e asoa i lou ua. Lo'u
atalii e, afai e faaoleole ia te oe ta-
gata agasala, aua ne'i e usiusitai i
11 ai; afai latou te fai mai, Tatou o;
tatou te lamalama i le toto, ia tatou
taliaalaina le ua fai fua lana amio
12 lelei; tatou te foloolaina i latou, e
pei o le tuugamau; ia atoatoa lava
13 e pei o e o ifo i le lua. Tatou te
maua ai oloa tāua uma lava; tatou
te faatutumu o tatou fale i le vete;
14 tatou te fai faatasi la tatou vili; ia
tasi se taga tupe ia te i tatou uma.
- 15 Lo'u atalii e, aua tou te o i le ala
faatasi ma i latou; taofi ia ou vae
16 ne'i ui i lo latou ala; Auā ua tau-
fetuli o latou vae i le leaga, ma faa-
17 taalise e sasaa ai le toto. Auā e vae
fua le upega a ua iloa e le manu
18 lele. A o i latou ua lamalama i la-

tou i o latou lava toto; ua latou
taliaalaina i latou ia i latou lava ia
oti. E faapena ala o i latou uma o 19
e matapeapea i le oloa; e aveeseina
ai le ola o e ua i ai.

O loo alaga le potō i fafo; ua leo 20
tele i malae. Ua valaau o ia i le 21
mea e sili ona taalili ai o tagata, o
faitotoa o le aai; ua fai atu ana
upu i le aai; o outou e faigofie, tou 22
te loto i le amio faigofie seia afea?
ma e tauemu, latou te fiasia i le tau-
emuga seia afea? ma e valelea,
latou te 'ino'ino i le potō seia afea?
Liliu mai ia i la'u aoaiga; faauta, ou 23
te liligi atu lo'u Agaga ia te outou;
ou te faailoa atu a'u upu ia te outou.
Na ou valaau, a e lei mafafai outou; 24
na ou faaloaloa lo'u lima, a e leai se
na faalogo mai; na outou teena 25
la'u pule uma lava, ma outou le
mafafai i la'u aoaiga; o le mea lea, 26
ou te 'ata ai a'u i lo outou malaia;
ou te tauemu pe a oo mai lo outou
fefe; pe a oo mai lo outou fefe pei 27
se afā, pe a oo mai foi lo outou ma-
laia pei se asiosio; pe a oo mai ia
te outou le puapuaga ma le atuatu-
vale. Ona latou valaau mai ai lea 28
ia te au, a o a'u, ou te le tali atu ai;
latou te sailiili mai ia te au, a e la-
29 tou te le maua a'u. Na latou 'ino-
'ino i le potō; ua latou le manao
30 foi i le mata'u ia Ieova; na latou le
mafafai i la'u pule; ua latou 'ino'ino
i la'u aoaiga uma lava; o le mea 31
lava lea latou te aai ai i le fua o a
latou amio; e maona foi i latou i
a latou togafiti. Auā o le liliu ese 32
o e faigofie e fasiotia ai i latou; o
le nofo faatalanoa o e valelea e fano
ai i latou. A o lē faalogo mai ia te 33
au, e nofo o ia ma le fifilemu; e
fifilemu o ia, e le fefe i se mea leaga.

O le aoga o le potō.

2 LO'U atalii e, afai e te talia a'u
upu, ma e teu i lou *loto* a'u polo-
2 aiga, e uai atu ai ou taliga i le potō,
e faasaga atu ai lou *loto* i le faauta-
3 uta; afai lava e te valaau atu i le
atamai, *ma* e leo tele atu i le faa-
4 utauta; afai e te sailiili ia te ia, e
pei *ona sailiili* i le ario; afai e te
suesue i ai, pei *ona suedue* i le oloa
5 lilo; ona e lagona ai lea o le mata'u
ia Ieova, ma e maua ai le potō i le
6 Atua. Auā o Ieova na te foai mai
le potō; mai lona fofoga le potō ma
7 le faautauta; na te teua le potō mo
e amio sa'o; o le talita o ia i e ua
8 tonu lo latou savali, ina ia leoleo i
ala o lē amiotonu; e tausi foi e ia
9 le ala o ona tagata amio Atua; ona
e lagona ai lea o le amiotonu, ma le
faamasinoga, ma le amio sa'o; o ala
lelei uma lava.

10 A. oō le potō i lou *loto*, ma ua
11 mālīe ia te oe le atamai; e faafeao
le mafaufau ia te oe; e leoleo ia te
12 oe le faautauta; ina ia laveai ia te
oe ai le ala leaga; ai le tagata ua
13 tautala i mea faapiopio; o e tuua
14 ala tonu, a e ui atu i ala pogisa; o
e fiafia e fai mea leaga; ua latou
15 olioli i le faapiopio e leaga; o e
faapiopio i o latou ala, ma vaoga-
16 tata i a latou amio; e laveai ia te
oe ai le fafine ese, o le fafine ese na
17 te faaleoleo i aua upu; o le na te
tuua le na tausi ia te ia a o teine
muli; ua galo foi ia te ia le feagaiga
18 a lona Atua. Auā e taunuu atu
lona fale i le oti, ma ona ala i agaga
19 o e ua oti; o i latou uma o e o atu
ia te ia, e le foi mai i latou; latou
20 te le maua ala o le ola. Ina ia e
savali i le ala o e lelei, ma e tausi
21 i ala o e amiotonu. Auā o e amio
sa'o, latou te mau i le nuu; ma e
ua sao a latou amio, e faatotoeina
22 ai i latou; e a vavaeeseina o e amio
leaga ai le laueleele, e liaiina ai foi
o e amio pepelo.

*O le usiusitai, o le faatuatua, o le
onosai, atoa ma nisi amio.*

3 LO'U atalii e, aua ne'i galo ia te
oe la'u tulafono; a ia tausia a'u
2 poloaiga i lou *loto*. Auā e faapo-
poina ai ia te oe o aso e tele, ma

tausaga e te ola ai, atoa ma le
manuia. Aua ne'i te'a ma oe le
3 alofa ma le faamaoni, ia asoa ai i
lou ua; ia e tusi ai i le papa o lou
loto; ona e maua ai lea o le alofa
4 ma le manuia lelei i luma o le Atua,
atoa ma tagata. Ia e faatuatua ia
5 Ieova ma lou *loto* atoa; a e aua le
faalagolago i lou lava atamai. Ia e
6 manatua o ia i ou ala uma, ona faa-
tonuina ai lea e ia lava ou ala. Aua
7 e te faafipoto; ia e mata'u ia Ie-
ova, ia 'alo ese i le leaga; e fai *lea*
8 ma mea e malosi ai lou pute, ma
mea e su ai ou ivi. Ia e ava ia
9 Ieova i lou oa, ma le faapolopolo o
au mea uma e tutupu; ona tutumu
10 ai lea ou fale saito le mau; e feosofi
foi au tungāuaina i le uaina fou.
Lo'u atalii e, aua le faatauvaia ia te
11 oe le aoga a Ieova; aua foi e te
'ino'ino pe a aoiina oe e ia. Auā
12 o le ua alofagia e Ieova, e aoiina o
ia e ia; e pei o le tamā *ona aoiina*
o lona atalii ua ia fiafia i ai.

Anuia le tagata na te maua le
13 potō, ma le tagata na te maua le
mafaufau; auā e sili ona lelei o
14 lona faatau i le faatau o le ario;
ma mea e maua ai e sili lea i le
auro. E sili ona lelei o ia i perina;
15 ma au mea faafiafia uma lava e le
tusa ma ia. O loo i lona lima tau-
16 matau le ola tulu'i; a o i lona lima
tauagavale le oloa ma le viiga. O
17 ona ala o ala matagofie; ma ona
magāala uma o i ai le manuia. O
18 ia o le laau o le ola i e tago atu ia
te ia; amuia foi i latou o e taofi
atu ia te ia. O le potō na faavae-
19 ina ai e Ieova le lalolagi; ua faa-
tumauiina le lagi i le mafaufau. O
20 lona potō ua vaeluaina ai moana; o
ao foi ua toulū ai le sau.

Lo'u atalii e, aua ne'i te'a ese nei
21 mea i ou luma; ia e taofi mau i le
poto ma le mafaufau; e fai ia *mea*
22 ma ola o lou agaga, ma mea mata-
gofie i lou ua. Ona e savali ai lea
23 ma le saogalemu i lou ala; e le
tu'ia foi lou vae; a ē taoto e te le
24 fefe; e te taoto lava, e mālīe foi au
moe. Aua e te mata'u i le fefe
25 faafuasei, ma le malaia o e amio
leaga, pe a oo mai. Auā o Ieova, e
26 fai o ia mou faatuatuga; na te
leoleo foi i lou vae, ne'i maua.

- 27 Aua ne'i e faafiti se mea lelei i e
ua tatau i ai, pe a ua e mafai ona
28 faia. Aua ne'i e fai atu i lē lua te
tua'oi, Alu ia, iua toe sau, a taeao,
ona ou avatu ai lea; a o loo i ai
29 lava le mea ia te oe. Aua ne'i e fai
togafiti e leaga ai lē lua te tua'oi; a
o ia o loo ne'f faatalanoa faatasi
30 ma oe. Aua ne'i finau fua ma se
tasi tagata; afai ua na le faia se
mea leaga ia te oe.
- 31 Aua e te mataua i le tagata faa-
saa; aua foi e te filifili i se tasi o
32 ona ala. Auā e inosia e Ieova le
tagata agapiopio; a e fefaa'ua'i o ia
33 ma e ua sao a latou amio. O le
fetuu a Ieova o loo i le fale o lē
amio leaga; a ua faamanuia e ia le
34 mea e nofo ai ē amiotonu. O e
tauemu e tauemua foi i latou e ia;
a e foai mai e ia le alofa tunoa i e
35 agamalu. O e popoto e fai mo latou
tofi le viiga; a o e valelea, e fai mo
latou tomai le mā.

O le apoapo'iga ina ia saili ia poto.

- 4 FAALOGO mai ia, outou le fanau
e, i le a'oa'o atu a le tamā, ma uai
mai o outou taliga ina ia faatama-
2 maiina outou. Auā ou te avatu ia
te outou le poto e lelei; aua ne'i
tou tuulafoai i la'u upu e a'oa'o
3 atu. Auā o a'u nei, o le atalii o
lo'u tamā, o le pele toatasi a lo'u
4 tinā. Na ia a'oa'o mai ia te au, ma
na fai mai ia te au, Ia taofi a'u upu
i lou loto, ia tausiusi i a'u poloaiga
5 e te cla ai. Ia maua le poto, ia
maua le atamai; aua ne'i galo ia te
oe nei mea; aua foi ne'i e liliu ese i
6 upu a lo'u gutu. Aua e te lafoai ia
te ia, ona tausia lea o oe e ia; ia e
alofa ia te ia, ona leoleoina lea o oe
7 e ia. O le poto o le mea sili lea,
ia maua le poto; o mea uma e te
8 maua ia maua mai ai le atamai. Ia
e vivii ia te ia, ona faaeaina lea o
oe e ia; na te faamamaluina oe pe
9 a e fusi ia te ia. Na te avatu le
pale matagofie i lou ulu; o le pale-
alii lalelei na te foaiina atu ia
te oe.
- 10 Faalogo mai, lo'u atalii e, ma e
11 o tausaga o lou olaga. Ou te faa-
sino ia te oe le ala o le poto; ou te
12 ta'ita'iina oe i ala sa'o. A ē savali

e le faalavelaveina lau laasaga; a ē
momo'e e te le tausuai. Ia e taofi 13
mau i upu e a'oa'o'ina, aua ne'i tuu-
ina atu; ia e leoleo i ai; auā o lou
ola lava lea. Aua e te alu i le ala o 14
e agasala; aua foi e te ui i le ala o
e fai amio leaga. Ia e faamamao i 15
ai, aua ne'i ui atu i ai, ia e 'alo ai,
ma ala ese. Auā latou te le momoe, 16
se'i iloga ua latou faia se mea leaga;
ua aveesea foi o latou moe, pe afai
latou te lei faatausua'ina nisi. Auā 17
ua latou aai le areto a le agasala;
ua latou inu foi le uaina a le sauaga.
A o le ala o e amiotonu, e tusa ia 18
ma le malamalama o le ao, o loo
tupu pea lona malamalama e oo i le
totonu o le la. O le ala o e amio 19
leaga e tusa lea ma le pogisa; latou
te le iloa le mea latou te tausuai ai.

Lo'u atalii e, ia e faalogo mai i 20
a'u upu; ia uai mai ou taliga i mea
ou te fai atu ai; aua ne'i te'a ese ia 21
mea i ou mata; ia e tausi i ai i to-
tonu o lou loto; auā o ia mea o le 22
ola lea i e ua maua; ma le mea e
malolo ai o latou tino uma. Ia sili 23
ona leoleoina o lou loto i le leoleo-
ina o mea uma; auā e tupu mai ai
le amio. Tuu ese ia te oe le gutu 24
faapiopio; ma laugutu faatu'iese, ia
mamao ia ia te oe. Ia vaai sa'o ou 25
mata i ou luma; ma ou laumata, ia
faasagatonu ia i ou luma. Ia ma- 26
faufau i le ala o ou vae; ona faa-
tumauina ai lea o ou ala uma. Aua 27
ne'i afe i le itu taumatau po o le
itu tauagavale; ia 'alo ese ou vae i
le leaga.

O le leaga o le faitaaga.

LO'U atalii e, ia e faalogo mai i 5
lo'u poto; ia uai mai ou taliga i lo'u
faatauta. Ina ia e tausiusi i le 2
mafaufau; ma ia leoleoina le poto i
ou laugutu. Auā e faasisina i fo 3
meli ai laugutu o le fafine ese; o
lona gutu foi e sili ona molemole i
le suāuu; a e mulimuli ane ua oona 4
ia, e pei o le laena; e maama'i o ia,
e pei o le pelu ua faatau maai ona
itu. E o ifo ona vae i le oti; e tau- 5
nuu atu ona laasaga i seoli. Ina ne'i 6
e mafaufau i le ala o le ola, o lea ua
feseai ai ona ala; e te le mafai ona
e iloa.

O lenei, le fanau e, ia outou faa- 7

- logo mai ia te au; aua foi ne'i 'alo
 8 ese outou i upu a lo'u gutu. Ia tau-
 mamao lou ala ia te ia; aua foi e te
 faalatalata i le faitotoa o lona fale;
 9 ina ne'i e avatu lou matagofie i nisi,
 10 ma ou tausaga i le ua saua; ina ne'i
 malilie tagata ese i au oloa; *ne'i i ai*
 foi mea na e tiga ai i le fale o le
 11 tagata ese; ona e oi ai lea i ona po
 amuli, pe a faaumatia lou tino uma,
 12 ma e faapea ane, Sa tele naua lo'u
 'ino'ino ina a'o'a'oina, ma ua tetee
 13 atu e lo'u loto le aoaiga; na ou le
 faalogo foi i upu a e na a'o'a'o mai
 ia te au; ma ua le uai atu o'u taliga
 14 i o'u a'o'a'o. Toetoe lava, ua atoa
 mea leaga ua ou i ai, o i luma lava o
 le faapotopotoga ma le saofaiga.
 15 Ia e inu vai ai lou lava vailepa,
 ma vai e tafe mai ai lou lava vaieli.
 16 Ia faasalalau solo ou vaipuna, *ma ou*
 17 vaitafe i malae; ia fai mo oe ia vai,
 na o oe lava; a e aua le faatasi ma
 18 oe tagata ese. Ia manuia lou vai-
 puna, ma ia e fiafia i lau avā *na fai*
 19 *a o ē taulealea. Ia pei o le aila pele*
o ia ma le 'oti o le vao e matagofie;
 ia mālīe oe i ona susu i aso uma;
 aua le aunoa ona e matuā fiafia i lou
 20 alofa ia te ia. Lo'u atalii e, pe se a
 foi le mea e te fiafia ai i le fafine
 ese; ma e fusi le fatafata o le fafine
 21 ese? Auā o loo i luma o fofoga o
 Ieova o ala o le tagata; na te fuatia
 22 foi ona ala uma. O ana amio leaga
 e maua ai lava le ua agasala; o
 maea o ana agasala e taofia ai o ia.
 23 E oti lava o ia, a o lei a'o'a'oina; o
 le tele o lona valea e sese ai o ia.

*O le paie; o mea ua inosia e le Atua;
 o le usiusitai e lelei lea.*

- 6 LO'U atalii e, afai ua fai oe ma
 moni o lau uo; *afai* ua fetagofi i
 2 lima mo le tagata ese, ua maileia oe
 i upu a lou gutu; ua maua oe i upu
 3 a lou gutu. O lenei, lo'u atalii e, ia
 e faia le mea nei, ina ia laveaiina oe,
 pe a oo mai le pule a lau uo ia te
 oe; alu ia, ina ifo, ma e nati atu i
 4 lau uo; aua ne'i moe ou mata, pe
 5 tulemo ou laumata; ia e laveaiina
 oe e oe, e pei o le sevi ai le lima; e
 pei o le manu foi ai le lima o lē fai
 manu.
 6 Le paie e, ina e alu i le loi, ia vaa-
 7 vaai i lana amio, ina ia potō ai oe; e

leai sona ta'ita'i, *po o se leoleo*, po o
 sē pule, a e saunia e ia ana mea e
 'ai i le tausaga vevēla, *ma faapu-*
 tuina ana mea e 'ai i ona po e sele-
 sele ai saito. Le paie e, e te taoto
 seia afea? Se'i e tulai afea ai lou
 moe? Se'i toe itiiti sina moe, toe
 10 itiiti se matāmoe, toe itiiti se piilima
 e taoto ai, a e oo mai lou mativa e
 11 pei o le malaga; ma lou le tago-
 lima pei o le tagata *ua sauni* lana
 auupega.

O le tagata ulavale, o le tagata
 12 agasala, o loo savali ia ma le gutu
 faapiopio; e genogēno ona mata; e
 13 tautalatala ona vae; e faasino i ona
 tamatamai lima. Ua i lona loto le
 14 faapiopio; na te fai togafiti leaga i
 aso uma; na te faatupuina maseiga;
 o le mea lea e faafuasei ai ona oo
 15 mai o lona malaia; e faafuasei ona
 nutimomoia o ia, a e leai se fofa.

O mea nei e ono ua inosia e
 16 Ieova; o lona fitu foi ua matuā
 inosia lava e ia; o mata faasiasia, o
 17 le laulaufaiva pepelo, ma lima e
 sasaa le toto o le ua le sala, o le
 18 loto e manatunatu i togafiti leaga, o
 vae e tele vavave ona taufetuli i le
 leaga, o le molimau pepelo, na te
 19 tautala i mea pepelo; ma le na te
 faatupu maseiga i uso.

Lo'u atalii e, ia e tausi i poloaiga
 20 a lou tamā; aua foi e te tuula-
 foaiina le upu e a'o'a'o atu a lou tinā;
 ia fusi ai e le aunoa i lou loto; ia
 21 asoa ai i lou ua. A e savali, e ta'ita'i-
 22 ina ai oe; a ē moe, e leoleoina ai
 oe; a ē ala, e tautala ai ma oe. Auā
 23 o le poloaiga o le sulu lea; ma le
 upu e a'o'a'o atu, o le malamalama
 lea; o aoaiga foi e a'o'a'oina ai, o le
 24 ala o le ola lea, ina ia leoleo ia te oe
 ai le fafine amio leaga, ai le laula-
 faiva molemole o le fafine ese. Aua
 25 ne'i naunau lou loto i lona lalelei;
 aua ne'i maua oe i ona laumata.
 Auā *e iu ina toe* na o si fāsi areto
 26 ona o le fafine talitane; o le avā foi
 a le tasi tagata na te taumalei le ola
 aoga. E ave ea e se tasi le afi i lona
 27 fatafata, a e le mu ai ona ofu? Afai
 28 e savali se tagata i luga o malala
 ola, e le mu ai ea ona vae? E faa-
 29 pea foi le ua alu atu i le avā e le la
 te tuaoi; ai se tago ia te ia, e le faa-
 30 saoina o ia. E le inosia le gaoi pe a

gaoi o ia e tali ai lona manava, ina
 31 ua fia 'ai; a e a maua o ia, ona tau
 atu lea e ia e taifitu; na te avatu ai
 32 oloa uma o i lona fale. O lē mulilua
 i le fafine ua leai sona mafaufau; o
 le na te faia lea mea, na te faa-
 33 umatia e ia lona lava ola; na te
 maua le fasiga ma le faamaina; o
 34 lona luma foi e le sōloiesea lea. Auā
 o le fuā o le ita tele lea o le tagata;
 na te le faasoina foi o ia i le aso e
 35 tau ai ma sui. Na te le talia se
 togioia lava; na te le mafaia foi, e
 ui lava ina ua e faatele ni mea e
 avatu ai.

O togafiti a le fafine mulilua.

7 LO'U atalii e, ia e tausi a'u upu,
 2 ma e teu a'u poloaiga ia te oe. Ia e
 tausi a'u poloaiga, e te ola ai, ma
 a'u tulafono e pei o lou tamatamai-
 3 mata; ia e fusi ai i ou tamatamai
 lima; ia e tusi ai i le papa o lou
 4 loto; ia e fai atu i le poto, O oe o
 lo'u tuafafine; ma ia e ta'ua le
 5 atamai, o lou aiga lea. Ina ia leoleo
 ia te oe ai le fafine ese, o le fafine
 6 ese na te faaoleole i ana upu. Auā
 o le faamalama o lo'u fale na ou
 vaavaai atu ai i le mea faamatau-
 7 pega; ona ou vaai atu ai lea i e
 faigofie; na ou iloa ua i taulelea le
 tasi tama, ua leai sona mafaufau;
 8 na ui ane o ia i le ala e lata ane i le
 fetaulaigāala e nofo ai le fafine; na
 9 ia alu ane i le ala i lona fale, i le
 segisegi, i le afiafi, i le tulua o po, i
 10 le pouliuli; faaatu foi, na fetaiai ma
 ia le fafine ua ofu i le ofu o le fafine
 talitane, ua ia te ia foi le loto
 11 pepelo; ua leoleoa o ia, ma le vaog-
 ata; ua le nofo tumau ona vae i
 12 lona fale. Se itu aso ua i fafo, se
 itu aso ua i malae; na te lamalama
 foi e lata ane i fetaulaigāala uma
 13 lava. Na ia pue atu foi ia te ia, ma
 sogi ia te ia ua mata faalemā; ma
 14 ua faapea atu ia te ia, Ua ia te au
 taulaga faafetai; o le aso nei, ua ou
 15 avatu ai mea na ou tauto ai; o le
 mea lea na ou sau ai e faafetaiai ia
 te oe; e saili lava ia te oe, ua ou
 16 maua foi oe. Ua fofola lo'u moega
 i ie afu, o le ie pulepule mai Aiku-
 17 pito. Ua ou luluina lo'u moega i le
 muro, ma aloe, ma le kinamomi;
 18 sau ia, ina ta faamalilie i le alofa,

seia oo i le taeao, ia ta fiafia lava i
 le fealofani. Auā e le i ai la'u tane
 19 i lona fale; ua alu o ia i le malaga
 mamao. Ua alu ma ia le taga tupe;
 20 e sau o ia i lona aiga i le masina e
 faatoa vaaia.

Na ia faasese ia te ia i le tele o
 21 ana togafiti; na ia tosina o ia i ona
 laugutu faaoleole. Ua mulimuli loa
 22 o ia ia te ia, e pei o le povi ua alu a
 fasia; e pei o le vale ua alu i le
 aoiaga o noanoaga; seia ati le u i
 23 lona ate; e pei ona faavave atu le
 manu i le mailei; na te le iloa ua
 saunia lea e mate ai o ia.

O lenei, le fanau e, ia outou faa-
 24 logo mai ia te au; ia uai mai o ou ou
 talia i upu a lo'u gutu; aua ne'i afe
 25 lou loto i ona ala; aua ne'i e sese
 atu i ona magāala. Auā e toatele
 26 ua lafotuina e ia ua manunua; o e
 malolosi lava o i latou uma e ua
 fasiotia e ia. O lona fale, o le ala i
 27 seoli lea, e alu ifo ai i ana o le oti.

O le siliisili o le aoga o le poto.

E LE ua valaau ea le poto, ma
 8 leo tele mai le faautauta? O loo
 2 tu o ia i le tumutumu o mea mau-
 aluga i tafatafa ane o le ala, i le
 fetaulaigāala; ua alaga o ia i le itu
 3 o le puipui, i le ala o le aai, i le mea
 e ui atu ai i le faitotoa. Ou te va-
 4 laau ia te outou tagata; ma ou leo
 tele atu i le fanau a tagata. Outou
 5 ē faigofie e, ia outou iloa le faa-
 utauta; ma outou ē valelea, ia loto
 matala outou. Ia outou faalogologo
 6 mai, auā ou te tautalatala i mea
 sili; e tautala o'u laugutu i mea
 7 tonu. Auā a tautala lo'u gutu ma
 le faamaoni; a o le amio leaga, e
 inosia lea i o'u laugutu. O upu uma
 8 a lo'u gutu ua tonu ia; e le o i ai
 se upu faa'ole'ole ma le faapiopio.
 E sa'o uma lava ia i le ua lagona;
 9 e tonu foi i e ua maua le poto.

Ia outou talia la'u a'oa'o atu, a e
 10 aua i le ario; ma ia talia le poto e
 sili i le auro e aupito lelei. Auā e
 11 sili ona lelei le poto i penina; ma
 mea faafiafia uma lava e le tusa ma
 ia. O a'u o le poto, ma te mau ma
 12 le faautauta; ou te maua foi le poto
 i mafaufau. O le mata'u ia leova,
 13 o le 'ino'ino lea i le leaga; o le faa-
 manaluga, ma le loto fefete, ma le

amio leaga, ma le gutu faapiopio,
 14 ou te 'ino'ino i ai. Ua ia te au le
 mafaufau ma le potō; o a'u nei lē
 15 atamai, ua ia te au le malosī. O a'u
 e tupu ai tupu; e pule tonu ai foi
 16 alii. O a'u e alii ai alii sili ma alii,
 17 o faamasino'uma o le lalolagi. Ou
 te alofa atu ia i latou o e alofa mai
 ia te au; o e sailiili mai foi ia te au,
 18 latou te maua a'u. O loo ia te au
 le oloa ma le mamalu; o le oloa
 19 auagata ma le amiotonu. O la'u
 fua e sili ona lelei lea i le auro, o le
 auro lelei lava; o mea foi e tupu
 mai ia te au, e sili ona lelei ia i le
 20 ario sili. Ou te savali i le ala o le
 amiotonu, i magāla o le faamasino-
 21 ga; ina ia ou avatua lo oloa i e ua
 alofa ia te au, ia fai mo latou; ou te
 faatumuina foi mea e teu ai o latou
 oa.
 22 O Ieova e ona lava a'u, o le ama-
 taga o lona ala, e muamua i ana
 23 galuega anamua. Na faauuina a'u
 mai le vavau, mai le amataga a o
 24 leai se lalolagi. Na fanaua au, a o
 leai ni mea loloto; a o leai foi ni
 25 puna e puna tele mai ai le vai; sa
 fanaua a'u, a o lei faavaeina mauga,
 26 e leai foi ni mauga iti; a o lei faia
 e ia le laueleele ma le vac, ma le
 tumutumu o le efu o le lalolagi.
 27 A o faatumauna e ia le lagi na ou
 i ai, ina o tusi faataaliolio e ia i
 28 luga o le fogātai. A o faamauiina e
 ia o ao i luga; a o faamauiina e ia o
 29 puna o le moana. A o tofia e ia le
 tuaoi o le sami, ia le sopoia e lona
 suāsami lona matafaga; a o tusia e
 30 ia faavae o le lalolagi; na ou i ai
 ma ia, o a'u o le tufuga; na fai foi
 a'u mona fiafia i lea aso ma lea aso;
 sa ou olioli i ona luma i aso uma
 31 lava. Sa ou olioli i mea e mau ai
 tagata i lona lalolagi; o lo'u fiafia
 foi, sa i le fanau o tagata lea.
 32 O lenei, le fanau e, faalogologo
 mai ia ia te au; amuia lava i latou
 33 o e tausī i o'u ala. Ia outou faa-
 logologo i mea e a'oa'o atu, ia outou
 34 popoto ai; aua foi le teena. Amuia
 le tagata ua faalogologo mai ia te
 au; o loo mataala i o'u puipui i lea
 aso ma lea aso; o loo leoleo i pou o
 35 o'u faitotoa. Auā o le ua maua a'u,
 ua maua e ia le ola; e maua foi e ia
 36 le alofa mai ia Ieova. A o lē aga-

sala mai ia te au, ua faasaunoa e ia
 lona lava ola; atoa uma o e 'ino'ino
 ia te au, ua latou mananao i le oti.

*O le amio a le potō. O le tu a le ua
 valea.*

O LE potō ua faia e ia lona fale; 9
 ua ia talai ona pou e fitu. Ua na 2
 fasia ana manu; ua na suia lana
 uaina; ua na laulau atu foi mea i 3
 lana laoi. Ua ia auina atu lona 3
 galu teine; ua tala'i i mea maualu- 4
 luga o le aai, Ai se faigofie, ia afe 4
 mai o ia iinei; o le ua leai sona ma- 5
 faufau, ua ia faapea atu i ai, O mai 5
 ia, ina aai la'u areto, ma inu i la'u 6
 uaina ua ou suia. Ia outou tula- 6
 foai atu i e valelea, tou te ola ai; 7
 ma ia outou ui atu i le ala e atamai 7
 ai. O le na te aoai atu i lē tauemu 7
 e maua e ia le faamāina; ma le la 8
 te finau ma le tagata amio leaga e 8
 maua a ia le ila. Aua ne'i aoai atu 8
 i lē tauemu, ne'i inosia oe e ia; aoai 9
 atu i le ua potō, ona alofa mai lea o 9
 ia ia te oe. A'oa'o atu i le ua potō 9
 e atili potō ai o ia; a'oa'o atu i le 10
 ua amiotonu e tupu ai pea lona 10
 potō. O le mata'u ia Ieova, o le 10
 amataga o le potō lea; ia iloa foi 11
 lē Paia, o le atamai lava lea. Auā 11
 o a'u e faateleina ai ou aso; e faa- 12
 opoopoina ai foi tausaga i lou olaga. 12
 Afai e te potō, mo oe lava e te potō 12
 ai; afai e te tauemu, na o oe lava e 13
 nofo sala ai.

O le fafine valea, ua leoleoa lava 13
 ia, e faigofie lava o ia, na te le iloa 14
 se mea. Ua nofo o ia i le faitotoa 14
 o lona fale, i luga lava o le nofoa i 15
 mea maualuga i le aai; ina ia valaau 15
 i e ui ane i le ala, o e savavali tonu 16
 i o latou ala. O sē faigofie, ia afe 16
 mai o ia iinei; o le ua leai sona 17
 mafaufau, ua ia faapea atu i ai, E 17
 suamalie le vai ua gaioia, e manogi 18
 foi le areto ua natia. A ua le iloa 18
 e ia o i lea mea agaga o e ua oti; 19
 ua i mea maualalo o seoli e ua vala-
 auina e ia.

O FAATAOTO a Solomona.

O le atalii potō na te faafiafia 10
 lona tamā; a o le tama valea e faa-
 noanoa ai lona tinā. E le aoga le 2
 faulaigāloa o le amio leaga; a o le
 amiotonu, e laveai lea nai le oti. E 3

le faalāina e Ieova o e amiotonu; a
 o le manao o e amio leaga, e teena
 4 lea e ia. E mativa le ua galue ma
 le lima vaivai; a o e lima malosi e
 5 mauoa i latou. O lē faaputu i le
 tausaga vevē, o le atalii potō lea;
 a o lē moegase i le tausaga e sele-
 sele ai sātō, o le atalii lea e tupu ai
 6 le mā. O faamanuia ua i luga o le
 ulu o lē amiotonu; a o gutu o e
 amio leaga, ua ufitia ia i le faasaua.
 7 O le faamanatuina o lē amiotonu, e
 viia lava lea; a o i goa o e amio
 8 leaga, e pala ia. O le ua potō lona
 loto, na te talia poloaiga; a o le
 9 ua gutu vale, e lafotuina ia. O lē
 savali i le amiotonu, ua savali ma le
 saogalemu o ia; a o lē faapiopio
 10 ona ala, e faaalā o ia. O le ua
 genogeno ona mata, na te faatupu-
 ina le tiga; o le ua gutu vale foi, e
 11 lafotuina ia. O le gutu o lē amio-
 tonu, o le puna o le ola lea; a o
 gutu o e amio leaga, ua ufitia ia i le
 12 faasaua. O le 'ino'ino e faatupu ai
 misa; a o le alofa e ufiufi ai solitula-
 13 fono uma lava. Ua iloa le potō i
 laugutu o lē mafaufau; a o le sasa,
 e tataua lea i le tua o le ua leai sona
 14 mafaufau. O e popoto latou te
 teua le potō; a o lē gutu o le vale,
 15 ua latalata i ai le malaia. O le oloa
 o le mauoa, o lona 'olo malosi lea;
 a o le mativa o e matitiva, o lo la-
 16 tou malaia lea. O le galuega a lē
 amiotonu, e iu lea i le ola; a o mea
 e maua e le ua amio leaga, e iu lea
 17 i le sala. Ua i le ala o le ola o lē
 taus i mea e a'oa'oina; a o le ua
 18 tuua le aoaiga, ua sese lea. O le ua
 ufiufi le 'ino'ino, ua ia te ia laugutu
 pepelo; ma le ua fai tala leaga, o le
 19 vale lava ia. O le tele o upu e le
 oge solitulafono ai; a o le ua taofi
 ona laugutu, o le tagata potō lea.
 20 O le laulaufaiva o lē amiotonu, o le
 ario e sili ona lelei lea; o loto o e
 amio leaga, e tusa ia ma se mea
 21 faa'auvaa. O laugutu o lē amio-
 tonu e fagina a'i le toafele; a o e
 valelea, e oti i latou ina ua leai se
 22 mafaufau. O le faamanuia a Ieova,
 o lea e faatamaoiga a'i; na te le
 23 faapoopo i ai se tiga. Epei ona
 fai ma mea e 'ata'ata ai le vale ina
 ua fai mea leaga; e faapea foi le
 24 potō i le tagata mafaufau. O le

mea e mata'u i ai lē amio leaga, e
 oo lava lea ia te ia; a o le manao o
 e amiotonu, e foaiina mai lava lea.
 Epei ona mavae atu o le asiosio, 25
 ua faapea foi le ua amio leaga ona
 leai; a o lē amiotonu, ua i ai faavae
 e faavavau. Epei o le vineta i nifo, 26
 epei o le asu foi i mata, e faapea le
 paie i e ua auina o ia. O le mata'u 27
 ia Ieova e faalevaleva ai aso; a o
 tausaga o e amio leaga, e faaititiina
 ia. O le faamoemoe o e amiotonu 28
 o le olioli lea; a o le faatuatuaga o
 e amio leaga, e iu vale lea. O le ala 29
 o Ieova o le malosi lea i e ua sao a
 latou amio; a o le malaia i e fai
 amio leaga. O le ua amiotonu e le 30
 faagaetia lava o ia e faavavau; a o
 e amio leaga, e le mau i latou i le
 nuu. O le gutu o lē amiotonu e 31
 fua mai ai le potō; a o le laulaufai-
 faiva faapiopio, e vavaeseina lea. O 32
 laugutu o lē amiotonu ua iloa ia o
 mea mālie; a o gutu o e amio leaga,
 e faapiopio ia.

O FUA faatātau faaaimago e 11
 inosia ia e Ieova; a o le maa e fua
 a'i e atoatoa, o lona lea fiafia. 2
 sau le faamaualuga, ona sau ai lea
 o le mā; a o i ai le potō i e faa-
 maualalo. O le amio sao a e ua 3
 amiotonu e ta'ita'iina ai i latou; a
 o le faapiopio o e amioletonu e fano
 ai i latou. E le aoga le oloa i le 4
 aso o le toasa; a o le amiotonu, e
 laveai lea nai le oti. O le amiotonu 5
 a le ua sao e faalauleleiina ai lona
 ala; a o lana amio leaga, e pa'i ai
 le ua amio leaga. O le amiotonu a 6
 e amio sa'o e laveaiina ai i latou; a
 o e faapiopio, e maua i latou i a
 latou amio paaa. A oti le tagata 7
 amio leaga, ua fano lona faatua-
 tuaga; e fano foi le faamoemoe o
 le tagata amioletonu. E laveaiina 8
 lē amiotonu ai le puapuaga; a e
 sau lē amio leaga e sui a'i o ia. O 9
 le gutu o le faalemataua e fano ai lē
 la te tuaoi; a o le potō e laveaiina
 a'i ē amiotonu. Ua olioli le aai pe 10
 a manuia ē amiotonu; e ofo fiafia
 foi pe a fano ē amio leaga. O le 11
 faamanuia o e amio sa'o e faama-
 maluina ai le aai; a o gutu o e
 amio leaga, e lepetia ai. O le ua 12
 leai sona mafaufau na te 'ino'ino i

- lē la te tuaoi; a ua faalologo le
 13 tagata mafaufau. O lē fealuai ma
 feaveaveai, na te faaali upu faalilo;
 a o le ua loto faamaoni na te tanu-
 14 tanumai le upu. A leai sē pule, ua
 malaia le nuu; a o le toatele o fai-
 15 pule, e saogalemu ai. E matuā
 tīgaina le ua fai ma moni o le ta-
 gata ese; a o le ua 'ino'ino i e feta-
 16 gosi i lima *mo isi*, e filemu lava o ia.
 E maua le mamalu e le fafine mata-
 17 gosi; a o tane malolosi e maua le
 oloa. O le tagata alofa ua agalelei
 o ia ia te ia lava; a o le ua saua, na
 18 te faatīgaina lona lava tino. O lē
 amio leaga ua fai e ia le galuega
 pepelo; a o lē totō le amiotonu e ia
 19 te ia le tau faamaoni. E pei ona iu
 o le amiotonu i le ola, e faapea foi
 le ua tausisi i le leaga, e iu lea i
 20 lona lava oti. Ua inosia e Ieova e
 ua faapiopio o latou loto; a o e ua
 sao a latou amio, e fiafia i ai o ia.
 21 E tago lea lima i lea lima, a e le
 faasaoina le ua amio leaga; a o le
 fanau a e amiotonu, e sao i latou.
 22 O le mama auro i le isu o le puaa, o
 le fafine lalēlei lea ua tēa ma le
 23 mafaufau. O le manao o e amio-
 tonu, ua na ona lelei lea; a o le
 faatuatuaga o e amio leaga, e iu lea
 24 i le toasa. O i ai le na te faasala-
 lauina ana mea, a e atili ai ona
 mau mea; o i ai foi le ua taofi ana
 25 mea, e sili i le mea ua tatau ai, a e
 mativa ai o ia. E faatamaoigaina
 le tagata matamau; o ia foi lē faa-
 26 sūsū i nisi, e faasūsūina lava o ia.
 O le na te taofia saito, e fetuuina o
 ia e le nuu; a e i ai le faamanuia i
 27 luga o le ulu o le na te faatauina
 mai ai. O le na te sailili i le lelei,
 na te sailia le alofa; a o le na te
 28 sailia le leaga, e oo lava lea ia te ia.
 O le na te faatuatua i lona oloa, e
 paū lava o ia; a o e amiotonu, e
 29 tupu matagosi e latou, pei o lau
 laau. O le na te faatīgaina lona
 aiga, e fai mona tofi le matagi; e
 30 auauna foi le vale i le ua poto lona
 loto. O le fua o le amiotonu, o le
 laau o le ola lea; ma le na te maua
 31 agaga, e poto ia. Faauta, e tauia
 le amiotonu i le lalolagi; e sili foi
 ona tauia o lē amio leaga ma lē
 agasala?
- O Iē ua fiafia ina a'oa'oina, ua
 fiafia o ia i le poto; a o lē 'ino'ino i
 le aoaiga, o le vale lea. O le tagata
 amio lelei, e maua e ia le alofa mai
 ia Ieova; a o le tagata ua fai toga-
 fiti leaga, e faasalaina lea. E le
 faatumauiua le tagata i le amio
 leaga; a o le pogai o e amiotonu, e
 le faagaetia lea. O le avā amio
 lelei, o le pale lea i lana tane; a o
 lē faamā, e tusa o ia ma le mea e
 pala ai ona ivi. O mafaufauga a e
 amiotonu, ua tonu ia; o pulega a e
 amio leaga, ua pepelo ia. O upu a
 e amio leaga e lamalama i le toto;
 a o gutu o e ua sao a latou amio, e
 laveaiina ai i latou. Ua faaumatia
 ē amio leaga, ua leai lava i latou; a
 o le fale o e amiotonu, e tumau lava
 lea. E viia le tagata, e tusa ma
 lona poto; a o le ua loto faapiopio,
 e inosia lava o ia. E lelei lē ua
 ta'ufaatauvaina, a e fai lona tau-
 tua; a e leaga le na te vivii o ia ia
 te ia, a e fia 'ai. Ua faapelepele le
 tagata amiotonu i lana manu; a o
 le alofa o e amio leaga, o le sauaga
 lea. O lē galue i lona fanua, e ma-
 'ona o ia i mea e 'ai; a o lē muli-
 muli i tagata faatauvaa, ua leai sona
 mafaufau. E manao lē amio leaga
 i mea ua maua e tagata amio leaga;
 a o le pogai o e amiotonu, e fua
 mai lea. Ua i ai le mailē leaga i
 le solitulafono o laugutu; a e sao
 lē amiotonu ai le puapuaga. E ma-
 'ona le tagata i mea lelei ai le fua o
 lona gutu; e tau ai atu foi i le tagata
 o mea na faia e ona lima. O le ala
 o le vale, ua tonu lea i lona manatu;
 a o le le ua faalogo i le pule, e poto
 ia. E vave iloa le ita o le vale; a o
 le tagata mafaufau, ua ufiufi e ia
 lona mā. O lē tautala faamaoni,
 ua faaali mai e ia le tonu; a o le
 molimau pepelo, ua faaali mai e ia
 le faa'ole'ole. O i ai lē soona tau-
 tala, e pei o tutu'i i le pelu; a o
 laulaufaiva o e popoto e malolo ai.
 O laugutu faamaoni, e faatumauiua
 ia e faavavau; a o le laulaufaiva
 pepelo, ua se emo o le mata lea. O
 le faa'ole'ole, ua i ai lea i loto o e
 fai togafiti leaga; a o e pule ia
 filemu, e i ai le olioli. E le oo se
 mea leaga e tasi i lē amiotonu; a o

e amio leaga, e tutumu i latou i le
 22 leaga. E inosia e Ieova o laugutu
 pepelo; a o e fai mea faamaoni, e
 23 fiafia i ai o ia. O le tagata mafau-
 fau, na te ufufu lona potu; a o loto
 o e valelea e faalauaitale *lo latou*
 24 valea. E manumalo lima o e filigā
 i galuega; a o lē paie, e fai taulaga
 25 o ia. O le atuatuvaile i le loto o le
 tagata ua faavaivai ai o ia; a o le
 26 upu lelei e faaolioliina ai. O le
 tagata amiotonu, na te faaali *le ala*
 i lana uo; a o le ala o e amio leaga,
 27 e faaseseina ai i latou. E le tunua
 e le paie lana manu sa tuli; a o le
 oloa tāua a tagata, e *i ai lea* i le ua
 28 filigā i galuega. O le ala o le amio-
 tonu, o i ai le ola; e leai foi se oti i
 ona magāala.

13 *E FAALOGO* le atalii potu i le
 a'oa'o atu a lona tamā; a o lē faa-
 tauemu, e le faalogo ia i le aoaiga.
 2 E 'ai le tagata i mea lelei ai le fua
 o lona gutu; a o le manao o e amio
 3 leaga, e 'ai ia i le sauaga. O le na
 te leoleo i lona gutu, e tausia e ia
 lona agaga; a o lē faamaga ona
 4 laugutu, e ia te ia le malaia. Ua
 tu'inanau le loto o le paie, a e leai
 se mea e maua; a o le manao o e
 filigā i galuega e matuā ma'ona ia.
 5 Ua 'ino'ino le amiotonu i le upu
 pepelo; a o lē amio leaga e inosia o
 6 ia ma faamāina. O le amiotonu e
 leoleoina ai lē ua sao lana amio; a
 o le amio leaga e lafotuina ai le ua
 7 agasala. O i ai *le tasi* e faatagā
 mauoa, a e leai lava *sana* mea; o *i*
 ai le faatagā mativa, a e tele *ana*
 8 oloa. O le togiola o le tagata, o
 lana oloa lea; a o lē mativa, e le
 9 faalogo o ia i le aoaiga. E fiafia le
 malamalama o e amiotonu; a o le
 lamepa a e amio leaga, e tinea lea.
 10 Na o le faamaualuga lava e tupu ai
 le misa; a o e filifili, e popoto i
 11 latou. E faaititiia le oloa i lē fai
 mea faatauvaa; a o lē faaputu mea
 12 i galuega, e faateleina *ana* mea. O
 le faamoemoe ua tuai ona taunuu e
 faanoanoa ai le loto; a o le manao
 13 ua taunuu, o le laau o le ola lea. O
 lē 'ino'ino i le upu, e fano o ia ia te
 ia; a o lē mata'u i le poloaiga, e
 14 filemu lava o ia. O le tulafono a le
 ua potu, o le puna o le ola lea, e 'alo

ese ai i mailai e oti ai. O le ma- 15
 faufau lelei e tupu mai ai le alofa;
 a o le ala o e amio leaga ua faigata
 lea. O tagata mafaua'u uma, e 16
 taitasi ma amio potu ia; a o le vale,
 na te faasalalauina lona valea. O 17
 le avefeau e amio leaga, e paū o ia i
 le leaga; a o le tausavali faamaoni
 e malolo ai. O le mativa ma le 18
 faamāina, e *i ai ia* i le na te teena
 mea e a'oa'oina; a o le ua usiusitai
 i le aoaiga, e mamalu lava ia. O le 19
 manao ua oo e suamalie lea i le
 loto; a e 'ino'ino o e valelea ina
 'alu ese i le leaga. O lē latou te 20
 feoai ma tagata popoto, e potu lava
 ia; a o le uo a e valelea, e leaga ai
 lava ia. Ua tulitililoaina ē agasala 21
 i le leaga; a e tauia e amiotonu i
 le lelei. O le tagata lelei na te 22
 tofia *ana* mea i le fanau a lana
 fanau; a o le oloa o le tagata aga-
 sala, e teua lea mo lē amiotonu. E 23
 tele le mea e 'ai i le faatoaga a e
 matitiva; a o i ai le tasi ua faa-
 umatia ina ua leai se faamasinoga.
 O le ua tuuna lana sasa, ua 'ino'ino 24
 o ia i lona atalii; a o le ua alofa ia
 te ia, ua saili le aoaiga mo ia. E 'ai 25
 le amiotonu e ma'ona ai o ia; a o
 manava o e amio leaga, e momole
 ia.

E TAITASI uma fafine popoto 14
 ma atiina ae lona fale; a o le fafine
 valea na te lepetia ai i ona lima.
 O loo savali i lana amiotonu le ua 2
 mata'u ia Ieova; a e faapiopio ona
 ala le ua 'ino'ino ia te ia. O loo i 3
 le gutu o le vale le sasa o le faa-
 mauaiga; a o laugutu o e popoto
 e leoleoina ai i latou. A leai ni povi, 4
 ua mamā le fale povi; a e tele mea
 e maua mai i le malosi o le povi. O 5
 le molimau faamaoni, e le pepelo
 ia; a o le molimau pepelo, o le tala
 pepelo ia. E saili le potu e le ta- 6
 gata tauemu, a e le maua; a e fai-
 gosie le potu i le ua lagona. Alu ia 7
 ai luma o le tagata valea, pe a ē le
 iloa *ia te ia* laugutu o le potu. O 8
 le potu o le tagata mafaua'u, o le
 faautauta lea i lona ala; a o le valea
 o e valelea, e pepelo lea. E tauemu 9
 o e valelea i le agasala; a e faalo-
 fani ē ua amio sa'o. Ua iloa e le 10
 loto lona lava tiga; e le aiā foi le

- 11 tagata ese i lona olioli. E faaumatia le fale o e amio leaga; a o le fale ie o e amio sa'o, e uluola ia.
- 12 O i ai le ala ua tonu i le mauatu o le tagata; a o lona taununga, o ala ia e oti ai. A o 'atafata lava, ua faanoanoa le loto; o le iuga foi o le olioli, o le faanoanoa lea. O le ua tuumuli i lona loto, e ma'ona o ia i ona lava ala; a o le tagata amio lelei, e ma'ona o ia ai ona lava ala.
- 15 O le ua faigofie, e talia e ia upu uma; a o le ua mafaufau, ua faautauta o ia i lona ala. Ua mata'u le tagata poto, ma 'alo ese i le leaga; a o le vale, ua faamaualuga o ia ma nofo faatalanoa. O lē itagofie ua amio faavalea o ia; o le tagata foi ua fai togafiti leaga, ua inosia o ia.
- 18 O e faigofie, e fai mo latou tofi le valea; a o e mafaufau, e faapaleina i latou i le poto. Ua ifo e ua amio leaga i luma o e amio lelei; ma e agasala, ua ifo i latou i faitotoa o lē amiotonu. Ua inosia le ua mativa i lē la te tuaoi; a e toatele o e alo-
- 21 lofa i le mauoa. O lē 'ino'ino i lē la te tuaoi, ua agasala o ia; a o lē alofa i e ua tigaina, amuia lava o ia.
- 22 E le ua sese ea o e fai togafiti leaga? a o i ai le alofa ma le faamaoni i e fai togafiti lelei. O i ai le mau i galuega uma; a o le upu a laugutu, na o le mativa e iu i ai. O le pale o e popoto, o la latou oloa lea; a o le valea o e valelea, o le valea lava
- 25 lea. E laveaiina tagata e le moli-mau faamaoni; a o le moli-mau pepelo, e tautala o ia i mea pepelo.
- 26 O le mata'u ia Ieova, o i ai le faatuatuga malosi; o i ai foi le malu mo lana fanau. O le mata'u ia Ieova, o le puna o le ola lea, e 'alo ese ai i maillei e oti ai. O le toatele o le nuu, o i ai le mamalu o le tupu; a o le ausage, e i ai le malaia o le alii. O le ua faatoatoa, e tele lona mafaufau; a o le ua itagofie, e faacaina i luga e ia le valea. O le loto lelei, o le ola lea o le tino; a o le mataua, o le mea e pala ai ivi lea.
- 31 O le ua faasaua i le tagata mativa, e faalumaina e ia Le na faia o ia; a o le ua ava ia te ia, ua alofa o ia i le tagata mativa. Ua tulia lē amio leaga i lona lava leaga; a o lē amiotonu, e ia te ia le faatuatua pe a oti
- o ia. O loo nofo mau le poto i le loto o le ua mafaufau; a o mea ua i totonu o e valelea e faailoaina. O le amiotonu e viia ai le nuu; a o le agasala, o le luma lea o le nuu. O le alofa o le tupu, o loo i ai i le auauna poto; a o lona toasa, o loo i ai lea i le e tupu ai le ma.
- O LE tali filemu e liliueseina ai le ita; a o le upu faatiga e tupu ai le ita. O laulaufaiva o e popoto e faafiafia tagata i le poto; a o gutu o e valelea e luai mai ai le valea. O loo i mea uma lava fofoga o Ieova; o loo matua silasila i e amio leaga ma e amio lelei. O le laulaufaiva e malolo ai, o le laau o le ola lea; a o le laulaufaiva faapiopio e momomo ai le loto. E tetee atu e le vale le a'oa'o atu a lona tamā; a o lē ususitai i le aoaiga, e faautauta lava ia. O loo i le fale o lē amiotonu le oloa e tele; a o le puapuaga, ua i ai lea i mea e maua e le ua amio leaga. E faasalalauina le poto i laugutu o e popoto; a e le faapea loto o e valelea. O le taulaga a e amio leaga e inosia lea e Ieova; a o le tatalo a e amio sa'o o lona lea fiafia. E inosia e Ieova le ala o e amio leaga; a e alofa o ia i le ua tausisi atu i le amiotonu. E leaga le aoaiga i le ua tuua le ala; o lē 'ino'ino i le aoaiga, e oti lava ia. O seoli ma le malaia, o loo i luma o Ieova ia; e le sili ea ona faapea o loto o tagata? E lē alofa le tauemu i lē aoai atu ia te ia; na te le alu atu i e popoto. O le loto fiafia e tupu ai mata fiafia; a o le loto faanoanoa e momomo ai le agaga. O le loto o le ua mafaufau, ua saili lea i le poto; a o gutu o e valelea ua aai i le valea. O aso uma o le ua tigaina, ua leaga ia; a o le loto fiafia, o le tausamiga e le aunoa lea. E sili ona lelei o se mea itiiti, a o i ai le mata'u ia Ieova, i le oloa tele, a o i ai le atuatuale. E sili ona lelei o le faaalumaga o laau 'aina, a o i ai le alofa, i le povi ai le fale povi, a o i ai le 'ino'ino. O le tagata lotoa, na te faatupuina le misa; a o lē faatoatoa e tuu lelei ia te ia le finauga. O le ala o le paie, e tusa ma le āi laau tuitui; a o le

ala o e amio sa'o, e faalauleleiina
 20 lea. O le atalii potō e faafiafia e ia
 le tamā; a o le tagata valea, e faa-
 21 leaogaina e ia lona tiuā. O le valea,
 o le mea e olioli ai lea i le ua leai
 sōna mafaufau; a o le tagata faa-
 22 utauta, ua savali o ia ma le amio
 sa'o. E faaleaogaina mafaufauga
 pe a leai se filifiliga; a e faatumaui-
 23 ina i le toatele o faipule. O loo i
 ai le fiafia i le tagata i le tali atu a
 lona gutu; ma le upu i ona aso ua
 24 tataui ai, e lelei naua lea. O le ala
 o le ola, o loo i luga lea i le ua potō;
 ina ia 'alo ese ai o ia i seoli i lalō.
 25 E liaina e Ieova le fale o e faa-
 maualuga; a e faatumauiina e ia le
 tuaoi o le fafine ua oti lana tane.
 26 E inosia e Ieova mafaufauga o le ua
 leaga; a e sao ona lelei o upu mata-
 27 gosie. O le ua matapeapea i le oloa,
 e faatigaina e ia lona lava aiga; a
 o lē 'ino'ino i mea alofa, e ola o ia.
 28 E manatunatu le lotō o lē amio-
 tonu, ina ia fai se tali; a o gutu o e
 amio leaga, e luai mai ai mea leaga.
 29 E mamao Ieova i e amio leaga; a e
 faafofoga mai o ia i le tatalo a e
 30 amiotonu. O le malamalama o
 mata e fiafia ai le lotō; o le tala
 31 lelei e lololo ai ivi. O le taliga ua
 faalogo i le aoaiga e ola ai, e mau
 32 lea faatasi ma e popoto. O le na te
 teena mea e a'oa'oina, e faaleaoga-
 ina e ia lona lava ola; a o lē faalogo
 33 i le aoaiga, e maua e ia le potō. O
 le mata'u ia Ieova, o le a'oa'oina lea
 e potō ai; e muamua foi le faamau-
 lalo i le viia.

16 O LOO i le tagata sauniga o le
 lotō; a o loo mai ia Ieova le tali a
 2 le laulaufaiva. O ala uma o le
 tagata, e lelei ia i lona lava manatu;
 3 a o Ieova, na te fuatia lotō. Ia e
 tuuina atu ia Ieova o au galuega;
 ona faamauiina ai lea o ou mana-
 4 tunatuga. Ua faia mea uma e Ieova,
 e iu ai lona lava finagalo; o le ua
 5 amio leaga foi mo le aso vale. E
 inosia e Ieova atoa uma e ua lotō
 faamaualuga; e tago lea lima i lea
 6 lima, a e le faasaoina i latou. Ua
 togiolaina le amioletonu i le alofa
 ma le faamaoni; o le mata'u foi ia
 Ieova, ua 'alo ese ai tagata i le
 7 leaga. A fiafia Ieova i ala o le ta-

gata ona faatupuina lea e ia o le
 leleiga ma ia o e ita ia te ia. E sili
 8 ona lelei o se mea itiiti, a o i ai le
 amiotonu, i mea e tele pe a le o i ai
 le tonu. E filifili i le lotō o le tagata
 9 lona ala; a o Ieova na te faatonuina
 le mea e ui ai o ia. Ua se upu a lē
 10 iite potō le upu ua i laugutu o le
 tupu; e le tautala faapiopio lona
 11 fofoga i le faamasinoga. O le fua
 ma le fua faatautau ua tonu, o a
 Ieova ia; o lana lava galuega o maa
 12 uma e fua a'i o i le taga. O le mea
 e 'ino'ino i ai tupu, e fai amio leaga;
 auā e faatumauiina le nofoālii i le
 amiotonu. O le mea e fiafia ai tupu,
 13 o laugutu e tautala i upu tonu; ma
 le ua tautala i upu sa'o, e alofagia
 lea e i latou. O le toasa o le tupu,
 14 o le sāvai o le oti lea; a o le tagata
 potō na te faalaulelei i ai. O loo i
 15 ai le ola i le malamalama o fofoga o
 le tupu; o lona alofa mai, e tusa lea
 ma le ao o le uaga mulimuli. Ia
 16 maua le potō, e sili ona lelei lea i le
 auro; ia maua foi le atamai, ia sili
 ona manaomia lea i le arii. O le ala
 17 tele o e amio sa'o, o le 'alo ese lea i
 le leaga; o le na te leoleo lona ala,
 na te faasaoina ai lona ola. E muamua
 18 le faamaualuga i le malaia; e
 muamua foi le lotō faasiasia i le paū.
 E lelei ona maulalo o le lotō faatasi
 19 ma e ua agamalu; a e leaga ona
 tufa le vete faatasi ma ē faamaua-
 luga. O le ua faautauta i se mea,
 20 e maua e ia le mea lelei; o lē faa-
 tuatua foi ia Ieova, amuia o ia. O
 21 le ua potō le lotō, e ta'ua ia o lē
 mafaufau; o le suamalie foi o lau-
 gutu e tupu ai pea lona potō. O le
 22 puna o le ola le potō i le ua i ai; a
 o le a'oa'o atu o e valelea, o le valea
 lava lea. O le lotō o le ua potō, e
 23 potō ai lona gutu; e faapoopoina
 ai foi le potō i ona laugutu. O upu
 24 matagosie, o le meli ua sisina ifo ia;
 e suamalie i le lotō, ma le mea e
 malolo ai ivi. O i ai le ala ua tonu i
 25 le manatu o le tagata; a o lona
 taunuuga, o ala ia e oti ai. O le
 26 tagata e galue, ua galue o ia mo ia
 lava; auā ua faatauanauiina o ia e
 lona gutu. O le tagata ulavale, na
 27 te matuā saunia le leaga; o loo i
 ona laugutu o upu e peiseai o le afi
 mumū. O le tagata faapiopio, e
 28

faatupuina e ia le misa; ma lē faa-
 29 tuaupua, na te faateaeseina uo. O
 le tagata faasaua, na te faaoleole i
 lē la te tuaoi; na te ta'ita'iina foi o
 30 ia i le ala e le lelei. O loo moe ona
 mata e manatunatu ai i mea faa-
 piopio; o loo memu ona laugutu e
 31 faataunuu ai le leaga. O le pale
 matagofie le ulusina, pe a ua i ai i le
 32 ala o le amiotonu. E sili ona lelei o
 le ua gesegese i le ita i le ua malosi;
 e sili foi le ua pule i lona loto i le
 33 na te aea le aai. E faia le vili i le
 fatafata o le ofu; a e mai ia Ieova
 lona faatonuga uma lava.

17 E LELEI si fāsi mea e 'ai ua
 magumagu, a o i ai le filemu; a e
 leaga le fale ua tumu i manu ua
 2 fasia, a o i ai le misa. E pule le
 auaua potō i le atalii na te faatupu
 le mā; e fai lona vaega o le tofi faa-
 3 tasi ma le au uso. E fai le ipu e
 tunu ai le ario, ma le ogaumu e tunu
 ai le auro; a o Ieova, na te tofo-
 4 tofoina loto. O lē fai mea leaga, ua
 uai atu ona taliā i laugutu leaga; o
 le tala pepelo e faalogo o ia i le lau-
 5 laufaiva upu paa. O le ua tauemu
 i le tagata mativa, e faifaia e ia Le
 na faia o ia; o le ua fiafia i le mala,
 6 e le faasaina o ia. O le pale o toe-
 aina, o fanau a latou fanau ia; o le
 faamatagofie o le fanau, o latou
 7 tamā ia. E le ono i laugutu o le
 vale ona tantala i mea e sili ona
 lelei; a e matuā le ono laugutu
 8 pepelo i le alii. O le mea alofa, o le
 maa matagofie lea i le ua i ai; o
 mea uma e faasaga i ai, e manuia ai.
 9 O le ua ufufi le soliga o le tulafono,
 na te sailia le alofa; a o le ua toe
 ta'ū le mea, na te faateaeseina uo.
 10 E sili ona ogoogo o le aoaiga i le
 tagata mafaufau, i ta e selau i le
 11 vale. Ua na o le leaga e sailia e le
 ua fouvale; a e auina atu ia le ia le
 12 auaua sau. Ia fetaiai ma le tagata
 se urosa ua avea lana toloai; a e au
 13 le fetaiai ma le vale i lona valea. O
 le na te tau ai le lelei i le leaga, e
 14 le te'a le leaga i lona aiga. O le
 amataga o le finaiga, o le tuuina
 atu lea o le vai; o le mea lea ina
 tuu ai ia le misa, manū ua le tupu
 15 tele. O le na te ta'ua miotonu atu i
 le ua amio leaga, ma le ua faasala i

le ua amiotonu, e faatau inosia i
 laua e Ieova. E i ai i se a le tau i 16
 le lima o le vale e maua ai e ia le
 potō, a ua leai sona loto i ai? E 17
 alofa le uo i aso uma lava; a e fanau
 le uso mo le aso vale. O le tagata 18
 ua leai sona mafaufau, ua fetagofi o
 laua lima ma le tasi; ua fai o ia ma
 moni i luma o lana uo. O le ua 19
 manao i le soliga o le tulafono, ua
 manao lea i le misa; o le ua faa-
 maualugaina lona faitotoa, ua saili
 o ia le malaia. O le ua i ai le loto 20
 faapiopio, e le maua e ia se lelei;
 ma le ua faa'ole'ole lona laulaufaiva,
 e paū ia i le leaga. O le na te 21
 fanaua le vale, e fai lea mona faa-
 noanoaga; e leai foi se fiafia i le
 tamā o le ulavale. O le loto fiafia, 22
 e fai ma vailaau aoga lea; a o le
 loto faanoanoa e mamago ai ivi. E 23
 talia e le tagata amio leaga le mea
 alofa nai le fatafata, ina ia faaliliu
 ese e ia ala o le faamasinoga. O loo 24
 i ai i le tagata mafaufau le potō; a
 o mata o le vale, ua i le tuluiga o le
 lalolagi ia. O le atalii valea o le 25
 faatiga loto lea i lona tamā; o le
 faanoonofoi ile na fanau mai o ia.
 E le lelei ona faasala i le ua amio- 26
 tonu; e le lelei foi ona fasi i alii ona
 o le amio sa'o. O le ua i ai le potō, 27
 e taofia e ia ana upu; o le ua aga-
 malu foi, o le tagata faautauta lea.
 O le vale lava, a faalologo o ia, fa 28
 tagata, o ia ua potō; o le ua pupuni
 ona laugutu, fa tagata, o le tagata
 mafaufau ia.

O LE ua vavae ese, ua saili o ia i 18
 lona manao; e finau o ia i le potō
 uma lava. E le manao le vale i le 2
 faautauta; uana ona ia faaali o lona
 loto. A sau le tagata agasala, ua 3
 sau faatasi ai foi le 'ino'ino; e sau
 foi le luma faatasi ma le amio 4
 matagā. O upu a le gutu o le ta-
 gata, o vai loloto ia; o le puna o le 5
 potō, o le alia ola lava lea. E le
 lelei ona 'au ma le tagata agasala,
 ina ia faiaina i le faamasinoga le ua 6
 amiotonu. E o atu laugutu o le
 vale i le misa; ua valaau foi lona 7
 gutu i ta. O le gutu o le vale e
 fano ai o ia; o ona laugutu foi, o le 8
 malelei lea o lona ola. O upu a lē
 faataupua, e tusa ia ma mea sua-

- malie; ua oo ifo i totonu lava o le
 9 manava. O le ua paie foi i lana
 galuega, la te uso ma le na te faa-
 10 māumau mea. O le suafa o Ieova, o
 le 'olo malosi lea; e sola atu i ai lē
 11 amiotonu, ona sao ai lea o ia. O le
 oloa o le mauoa, o lona 'olo malosi
 lea; e pei o le pa maua luga foi i
 12 lona lava manatu. E muamua ona
 faamaualuga o le loto o le tagata, i
 le malaia o ia; a e muamua le faa-
 13 maualo i le mamalu. O le na te
 tali atu i le upu, a o lei faalogo i ai,
 e fai lea mona valea, ma mea e
 14 faamāina ai o ia. O le loto o le
 tagata, na te faatoatoa ai lona ma'i;
 a o le loto faanoanoa, o ai se na te
 15 lavā onosai? O le loto o le ua
 mafaufau na te maua le potō: o
 taliga foi o le ua potō, e saili ia i le
 16 potō. O le mea alofa a le tagata e
 faalauteleina ai *se ala* mona; e
 17 ta'ita'iina ai foi o ia i luma o alii. E
 tonu le ua muamua i lana fīnaua, a
 e sau le tasi tagata, ona suesue ai
 18 lea o ia ia te ia. O le vili e iu ai
 19 misa; e māvāe ai foi ē fita'fita. O le
 tagata ua agaleagaina e lona uso, e
 sili o ia ona faigata i le 'olo; o misa
 foi o uso e tusa ia ma faamaufaalava
 20 o le 'olo. O le fua o le gutu o le
 tagata e ma'ona ai lona manava;
 e ma'ona o ia i mea e tupu mai i
 21 ona laugutu. O le oti ma le ola, o
 loo i le pule a le laulaufaiva ia; o e
 mananao i ai latou te aai i lona fua.
 22 O le ua maua le avā, ua maua e ia
 le mea lelei; ua maua foi e ia le
 23 alofa mai ia Ieova. E tautala mai
 ma le aioli e uamativa, a o le mauoa
 24 e tali atu o ia ma le faasiasia. O le
 tagata ua fai *ana* uo, e iu ina tigaina
 ai o ia; a o i ai le tagata alofa e sili
 ona pipii mai i lo le uso.
- 19 E SILI ona lelei o le tagata ma-
 tiva ua savali i lana amiotonu, i le
 ua laugutu faapiopio, o ia foi o le
 2 vale. E le se mea lelei foi ina ia
 aunoa le tagata ma le potō; o le ua
 faataalise foi i ona vae e sese o ia.
 3 O le valea o le tagata e faapiopio ai
 lona ala; ua ita foi lona loto ia Ie-
 4 ova. O le oloa e faapoopo mai ai
 uo e toatele; a o le ua mativa, e
 5 te'a ese o ia ma lana uo. E le faa-
 saoina le molimau pepelo; ma le ua
- tala pepelo, e le sao lava ia. E toa- 6
 tele latou te ole atu i luma o le alii;
 e uo *tagata* uma lava ma le tagata
 foi mea. O uso uma o le tagata 7
 mativa, latou te 'ino'ino ia te ia; a
 o ana uo, latou te faamamao ma ia;
 na te tuliloa *ia te i latou* i upu, a e
 le *maua* i latou. O le ua maua le 8
 potō, ua alofa o ia ia te ia lava; o
 le ua tausī le faautauta, e maua e
 ia le mea lelei. E le faasaoīna le 9
 molimau pepelo; ma le ua tala pe-
 pelo, e fano lava o ia. O mea faa- 10
 fiafia, e le ono ia i le vale; e matuā
le ono foi i le auaua ona pule i alii.
 O le māfaufau o le tagata e faagese- 11
 gese ai lona ita; o lona viiga foi lea,
 ina ua le manatua lona agaleagaina.
 O le toasa o le tupu, e tusa lea ma 12
 le tagi o le leona taanoa; a o lona
 alofa, e tusa lea ma le sau i le mutia.
 O le atalii valea, o le malaia lea o 13
 lona tamā; o faamisa foi o le avā, o
 le tutulu soo lea. O le fale ma oloa, 14
 o le tofiga lea a mātua; a o le avā
 mafaufau, mai ia Ieova lava ia. O 15
 le paie e tupu ai le moe gase; ma
 le tagata faavaivai, e fia 'ai lava ia.
 O le ua tausia le poloaiga, ua tausia 16
 e ia lona lava ola; a o le ua faata-
 lala ona ala, e oti lava ia. O le ua 17
 alofa i le tagata mativa, na te ava-
 tua *ana mea* ia Ieova; e tauia mai
 foi e ia *ana mea* na avatu ia te ia.
 Aoi ai i lou atalii, manū o fai soo 18
 faamoemoe; a e aua le naunau lou
 loto ia oti ai o ia. O le tagata ita 19
 tele, e faasalaina o ia; auā afai e te
 laveai *ia te ia*, e te toe faapea foi.
 Ia e faalogo i le faatonu mai, ma e 20
 talia le a'oa'o atu; ina ia e potō ai
 pe a oo i ou tausaga amuli. E tele 21
 mafaufau o loo i le loto o le tagata;
 a o le pule a Ieova, e tumau lava
 lea. O le mea e manaomia i le ta- 22
 gata, o lona alofa lea; e sili ona
 lelei o le tagata mativa i le tagata
 pepelo. O le mata'u ia Ieova e iu 23
 lea i le ola; o *le ua i ai*, e ma'ona
 pea o ia; e le aafia o ia e le mala.
 Ua faalilo e le paie lona lima i le 24
 tanoa; a e le faafoi mai ai lava i
 lona gutu. Ia e sasa i le ua tauemu, 25
 ona tupu ai lea o le faautauta o le
 ua faigofie; ma ia e aoi atu i le ua
 mafaufau, ona iloa ai lea e ia o le
 potō. O le ua faamāumau mea a 26

lona tamā, ma tuli ese i lona tinā, o le atalii lea e tupu ai le mā ma le
 27 masiasi. Lo'u atalii e, soia e te faalogo i le a'oa'o atu e faasese ai
 28 i upu e potu ai. O le molimau ulavale, e tauemu o ia i le faamasinoga;
 o gutu foi o e amio leaga e fologia
 29 ai le agasala. Ua saunia faamasinoga mo e tauemu; o ta foi mo tua o e valelea.

20 O LE uaina, o le faatauemu lea; o le 'ava, o le faapisapisao lea; o i latou uma o e faaseseina ai, e le potu
 2 potu i latou. O le matautia o le tupu, e tusa lea ma le tagi o le leona taanoa; o lē faaonono ia te ia, e
 3 agasala o ia ia te ia lava. E fai ma viiga o le tagata, ina ua nofo sa'o o ia e le faamisa; a o vale uma, latou
 4 te faatuputeleina. E le suatia le clecle e le paie, ona o le tausaga maalili; e aiisi o ia i le tausaga e
 5 selesese ai saito, a e le maua. O le atamai i le lotu o le tagata, o le vai loloto lea; a o le tagata faautauta,
 6 na te utusia mai ai. O le toatele o tagata, e taitasi o i latou ma alagaina lona agalelei; a o ai se na te
 7 iloa se tagata faamaoni? E savali ma le tonu le ua amiotonu; e manuia lana fanau pe a mavae atu o
 8 ia. O le tupu o loo nofo i le nofoa faamasino; na te faataapeina mea
 9 leaga uma i ona fofoga. O ai ea se faapea, Ua ou faamamāina lo'u lotu; ua te'a a'u ma a'u agasala? O maa
 10 eseese e fua a'i, ma efa eseese, e faatau inosia ia mea e lua e Ieova.
 11 E mafai ona iloa o le tama i lana amio; pe sao ona lelei ma le tonu o
 12 lana mea e fai. O taliga e faalogo ai, ma mata e vaai ai; o Ieova o le na faia ia mea e lua. Aua e te
 13 naunau i le moe, ina ne'i faamativaina ai oe; ia e mataala, e te ma'ona
 14 ai i le mea e'ai. Ua fai mai le e faatau, E leaga, e leaga; ua alu ese
 15 o ia, ona mitamita ai lea. O i ai auro ma penina e tele; a o laugutu
 16 e i ai le potu, o le ipu tāua lea. Ia e talia le ofu o le ua fai ma moni o le tagata ese; ma ia talia lana mea e tuu faafaatau ona o le tagata ese.
 17 E suamalie i le tagata le areto na maua i le pepelo; a e mulimuli ane,
 18 ua tumu lona gutu i le ililili. E faa-

tumauina mafauauga i le filifiliga; o le filifili lelei foi ia fai ai taua. Ua faaali upu faalilo le ua faalua
 19 ma feaveaveai; o lea aua ne'i fefaa-uoi ai ma le ua faamaga pea ona laugutu. O le ua fetuu i lona tamā
 20 ma lona tinā, e tineia lona lamepa i le pouliuli lava. O le oloa ua maua
 21 faataalise i le amataga, e le manuia lea i le gataaga. Aua e te faapea
 22 ane, Ou te tauu atu i le leaga; ia e faatalitali ia Ieova, ona faaolaina
 23 lea o oe e ia. E inosia e Ieova maa eseese e fua a'i; o fua faatāutau
 24 faaaimago e le lelei ia. Mai ia Ieova le mea e ui atu ai le tagata; o ai ea le tagata na te iloa lona lava
 25 ala? O le mailei o le tagata pe a tautala taalise i le mea e faasa; a
 26 uma foi ana tautoga, ona suesue ai lea e ia. E faataapeapeina e ua agasala e le tupu potu; e aumaia
 27 foi e ia le mea faataavalevale i o latou luga. O le mafauaufa o le tagata o le lamepa lea a Ieova; o
 28 loo suesue i mea uma i totonu o le lotu. O le alofa ma le faamaoni, la te leoleoina le tupu; e faatumanuia
 29 lona nofoālii i le alofa. O le mata-gofie o taulelea, o lo latou malosi
 30 lea; o le mamalu foi o toeaina, o le ulusinā lea. O faalavalava o le manua e faamamāina ai le leaga; e
 faapea foi ta i totonu o le lotu.

O LE finagalo o le tupu, o vaitaia
 21 ia i le aao o Ieova; na te liliuina i mea uma ua ia finagalo i ai. O ala
 2 uma o le tagata e tonu ia i lona lava manatu; a o Ieova, na te fua-tia lotu. Ia faia le amiotonu ma le
 3 faamasinoga; e sili ona lelei o lea ia Ieova i le taulaga. O mata faasiasia, ma le lotu fefete, o le lamepa
 4 foi a e amio leaga, o le agasala lea. O mafauauga o e filigā i galuega,
 5 na o le mau mea e i'u i ai; a o mafauauga o e faataalise uma lava, e i'u ai na o le mativa. O le faupue-
 6 gāoloa ua maua i le laulaufaiva pepelo, o le mea faatauvaa lea ua faataapeapeina e i latou o sailiili i
 7 le oti. O le saua o e amio leaga e aveesea ai i latou; auā ua latou le mafafai ona faia o le faamasinoga.
 8 E faapiopio ma ui ese le ala o tagata; a o le ua lelei, e tonu lana

9 galuega. E lelei ona nofo i le tumutumu i luga o le fale; a e leaga *ona nofo* ma le fafine faamisa i le
 10 fale tele. O le loto o lē amio leaga, ua manao lea i le leaga; e le alo-
 11 fagia e ia lē la te tuaoi. A faasalaina le ua taumu, ua faapotoina ai le ua faigofie; a a'oa'oina foi le tagata pototo, na te maua le pototo.
 12 Ua mafaufau lē amiotonu i le aiga o lē amio leaga; o loo ua lafotuina e ua amio leaga ona o *lo latou* leaga.
 13 O le na te punitia ona taliga i le valaau a le tagata mativa, e valaau
 14 lava o ia, a e le talia. O le mea foi faalilolilo, e lomia a'i le ita; o le tau'i foi i le fatafata, e *lomia a'i* le ita tele. O i ai le fiafia i le ua amiotonu i lona faia o mea tonu; a
 16 e malaia o e fai mea leaga. O le tagata ua sese nai le ala o le mafaufau, e tumau o ia i le faapotopotoga
 17 o agaga o e ua oti. O le tagata mativa ua manao i mea faafafafia, o le ua manao i le uaina, ma le suāuu, e le mauoa ia. E fai ma togioala mo lē amiotonu le ua amio leaga; e *fai* foi ma sui o e amio sa'o e ua amio faapiopio. E lelei ona nofo i le vao, a e leaga *ona nofo* ma le fafine faamisa ma le faaitaitagofie. O le oloa tāua ma le suāuu, o *loo i ai* ia i le fale o le tagata pototo; a o le tagata valea, na te faamāumuaina ia mea.
 21 O le ua tausisi i le amiotonu ma le alofa, e maua e ia le ola, *ma* le amiotonu, ma le viiga. E aea e le tagata pototo le aai a e totoa; na te lafotuina foi le malos *latou te* faatuatua i ai. O le ua leoleoi lona gutu ma lona laulaufaiva, e tausii o ia ia te ia ai puapuaga. O le faatauemu faamaualuga *ma* le faafefeteina, o le igoa lea o le ua fai *lona* ita ma le faamaualuga. O le manao o le paie e oti ai o ia; auā e le mafafai ona
 26 lima ona galulue; ua tu'inanau lava o ia i aso uma; a o le ua amiotonu, e foi lava e ia, na te le taofia foi *se mea*. O le taulaga a e amio leaga, e inosia lea; a e atili ai pe a aumaia
 28 ma le manatu leaga. O le molimau pepelo, e fano lava ia; a o le tagata sa faalogologo *i lea mea*, e tautala faamaoni ia. O le tagata amio leaga, ua matafaalemā o ia; a o lē amio sa'o, o ia lava na te mafaufau

i lona ala. E leai lava se pototo, e
 leai se mafaufau, e leai se pule e tete'e atu ia Ieova. Ua saunia le
 solofanua mo le aso o le taua; a o le faaolataga, o loo ia Ieova lea.

IA sili le manao ina ia ta'uleleia **22**
le manao i le oloa e tele; ma le agalelei, ia sili *le manao* i lea i le ario ma le auro. O le mauoa ma le mativa la te fetai ai; na faia i laua uma e Ieova. O le ua faautauta, na te iloa atu le leaga, ma lafi ai; a o e ua faigofie, e o atu pea i latou, ona faasalaina ai lea. O le tau'i o le faamaualo *ma* le matafu ia Ieova, o le oloa *lea*, ma le viiga, ma le ola. O mea matuitui *ma* mailei, o loo i ai ia i le ala o lē faapiopio; o lē tausii o ia ia te ia, e faamamāo o ia i ia mea. A'oa'o ia i le tama e tusa ma lona ala; a oo ina toeaina lava o ia, e le te'a ese ai. E pule le maua i e matitiva; e auaina foi lē no mea i le ua au mai ai ana mea. O le ua lulu le amio leaga, e selesele mai ai e ia le mala; e faaumatia foi le tootoo o lona ita. O le ua mataalofa e faamanuaina o ia; auā e foi atu e ia ana mea e 'ai i le ua mativa. Tuli ia le faatauemu, ona mavae atu ai lea o le finaiga; e tuua foi le misa ma le faamāina. O le ua manao i le loto mamā, e matagofie ona laugutu; e fai o ia ma uo a le tupu. O fofoga o Ieova e leoleoina ai e *ua* popoto; a e faaiuvaleina e ia upu a e amioletonu. Ua fai ane le paie, O loo i fafō le leona; e fasiofia ai a'u i malae. O le gutu o le fafine ese, o le lua maulalo lea; o le ua matuā itagia e Ieova e pa'i o ia i ai. Ua fusifusia le valea i le loto o le tama; a e faateaeeseina ai ia te ia i le sasa e a'ai a'i. O le ua faasaua i le tagata mativa ina ia faatele ai ana *oloa*, *ma* le ua foi atu i le mauoa, e *iu ai* lava i le mativa.

Uai mai ia ou taliga, ma e faalogo mai i upu a e popoto; ma ia e matuā mafaufau i lo'u pototo. Auā e matagofie pe afai e te tausii ai i lou loto; e faatatauina faatasi i ou laugutu. Ua ou a'oa'o ia te oe, o oe lava, i le aso nei, ina ia fai Ieova mou faatuatuaga. Ua ou le tusi

- atu eia te oe o mea sili i faatonuga
 21 ma le poto; ina ia ou faailoa ia te
 oe le faamaoni o upu moni; ina ia
 e tali atu ai upu moni i e aau mai
 ai *nisi* ia te oe?
- 22 Aua e te faoa mea a le tagata
 mativa, ina ua mativa o ia; aua foi
 e te faasaua i le faitotoa le ua tiga.
- 23 Auā o Ieova, o ia na te faia la latou
 finauga; na te fasiotia foi i latou o
 24 e faasaua ia i latou. Aua ne'i fefaa-
 uoai ma le tagata itagofie; aua foi
 25 lua te o ma le tagata lotoa; ina ne'i
 ē faaa'oa'o i ona ala; ona maua ai
 26 lea o lou agaga i le maillei. Aua
 ne'i fai oe ma so latou o e fetagofi
 i lima; pe fai oe ma moni i mea ua
 27 aitalafu ai. Afai ua leiā sau mea e
 tau i a'i, se a le mea na te ave ese ai
 28 lou moega o ē taoto ai? Aua ne'i
 sii le tuaoi mai le vavau, na faia e
 29 ou mātua. Ua e iloa le tagata ua
 faataalise i ana galuega? e tu o ia i
 luma o tupu, a e le tu i luma o
 tagatānuu.
- 23 AFAI lua te nonofo ma se alii e
 taumafa se 'ava, seia e matuā ma-
 2 faufau i mea ua i ou luma; ma e
 tuu atu se polo i lou ua, pe afai e te
 3 se tagata 'ai tele; aua e te naunau
 i ana mea suamalie; auā o mea e
 4 'ai pepelo lava ia. Aua e te galue
 faapuapuaga ia mauoloa ai; tuu ia
 5 o lou lava taofi. E te tulimatai atu
 ea i le mea ua leiā? auā e faia lava
 e ia ona apaau; e pei o le aeto ona
 6 lele atu o ia i le lagi. Aua e te 'ai
 i le mea e 'ai a le mataoge; aua foi
 e te naunau i ana mea suamalie.
- 7 Auā e pei ona manatu o ia i lona
 loto, ua faapea lava o ia; e fai mai
 o ia ia te oe, 'Ai ia ma inu; a e le ia
 8 te oe lona loto. E te toe puai mai
 le fāsi mea ua uma ona 'ai, ma e
 9 faamāumau au upu mālīe. Aua e
 te tautala atu i taliga o le vale; auā
 e 'ino'ino o ia i le poto o au upu.
- 10 Aua ne'i sii le tuaoi o le vavau;
 aua foi ne'i e uia fanua o e mātua-
 11 oti. Auā e malosi lava lo latou
 faaola; o ia lava na te faia la latou
 12 finauga ma oe. Uai mai lou loto i
 mea e a'oa'oina, ma ou taliga i upu
 13 e poto ai. Aua ne'i taoia le aoaiga
 i le tama; auā afai e te sasa ia te ia
 14 i se laau, e le oti o ia; e te sasa ia
- te ia i se laau, ona e laveaiina lea o
 lona agaga ai seoli.
- Lo'u atalii e, afai e poto lou loto, 15
 ona fiasia ai lea o lo'u nei lava loto;
 e olioli foi lo'u manatu, pe a tautala 16
 ou laugutu i mea ua tonu. Aua le 17
 losilosī lou loto i e agasala; a ia e
 mata'u ia Ieova i le aso atoa; auā 18
 afai o i ai le iuga, ona le iuave lea
 o lou faamoemoemo. Ia e faalogo mai, 19
 lo'u atalii e, ma ia e poto; ma e
 ta'ita'i tonu lou loto i le ala. Aua 20
 ne'i fai oe ma so latou o e inu tele i
 uaina; ma e ua aai tetele i manu;
 auā o lē inu tele ma 'ai tele e faa- 21
 mativaina o ia; ma lē fia moe pea
 e ofu o ia i ofu masaesae. Ia e 22
 faalogo i lou tamā, o le na fanaua
 oe; aua foi e te 'ino'ino i lou tinā
 pe a loomatua o ia. Ia e faatau 23
 mai le mea moni, aua lava le faatau
 atu; *atoa foi ma* le poto, ma le
 a'oa'oina, ma le atamai. E matua 24
 olioli lava le tamā o le ua amiotonu;
 o le na fanaua le *atalii* poto e fiasia
 o ia ia te ia; e fiasia lou tamā ma 25
 lou tinā; e olioli lava le na fanau
 mai oe. Lo'u atalii e, au mai ia lou 26
 loto ia te au; ma ia fiasia ou mata i
 o'u ala. Auā o le fafine talitane, o 27
 le lua maulalo lea; o le fafine ese,
 o le vaieli pu itiiti lea; o ia foi na 28
 te saunia maillei, e tusa ma le ua
 fao mea, na te faatoateleina foi
 tagata amioletonu.
- E ia te ai ea le aue? e ia te ai ea 29
 mala? e ia te ai misa? e ia te ai le
 atuatuvalet? e o ai ea manunua fua? 30
 e ia te ai ea mata mūmū? O e ua
 faatuai i le uaina; o e o atu e saili i 31
 le uaina filogia. Aua e te vaai i le
 uaina pe a mūmū mai; pe a pupula
 mai i le ipu, e alualu sa'o ifo ia. E 32
 mulimuli ane e feū ia, pei se gata;
 e pei o le gata uogo lona tui; e 33
 vaai ou mata i fafine ese; e tautala
 foi lou loto i mea faapiopio. E tusa 34
 lava oe ma le ua taoto i totonu o le
 sami; e tusa foi ma le ua taoto i le
 tumutumu o le fanā. *E te faapea,* 35
 Na latou fasia a'u, a ou te lei tiga
 ai; na latou tu'ia a'u, a ou te lei
 lagona; pe a a'u ala, ona ou toe
 sailia lea.

24 AUA e te losilosi i tagata amio leaga; aua foi e te fia tōaga ia i 2 latou. Auā ua mafaufau o latou loto i le sauaga; ua tautalatala o latou laugutu i mea e faatiga ai. 3 Ua atiina ae le fale i le potō; a e 4 faamausalina i le faautauta; o le potō foi e tutumu ai afeafe i oloa uma lava e tāua ma le matagofie. 5 O le tagata potō ua malosī ia; ma le tagata atamai e tupu lona malosī; auā o le filifili lelei e te fai ai lou taua; o le toatele foi o faipule 7 e saogalemu ai. Ua maualuga le potō i le vale; na te le tautala lava i le faitotoa. O le ua mafaufau e fai mea leaga, e ta'ua o ia o le 9 tagata fai togafiti leaga. O le manatu o le vale o le agasala lea; e inosia foi e tagata le ua faatauemu. 10 Afai e te faavaivai i le aso vale, ua 11 itiiti lava lou malosī. Ia e laveai i e ua puea ia oti, ma ē a oo ina fasia. 12 Afai e te faapea, Faauta, matou te lei iloa lenei tagata; o le ua fuaia loto, na te le lagona ea? o le ua tausila lou agaga, na te le silafia ea? na te le tau ai e i le tagata e 13 tusa ma lana galuega? Lo'u atalii e, ia e 'ai i le meli, auā e lelei; atoa ma le meli sisina, e suamalie i lou 14 gutu; ia e iloa, e faapea foi le potō i lou agaga; afai ua e maua, ona i ai lea o le iuga; e le iu vale foi lou 15 faamoemoe. Le tagata amio leaga e, aua e te lamalama i le mea e nofo ai le tagata amiotonu; aua e te faatafunaina le mea e taoto ai o ia. Auā e atu fitu ona paū lē amiotonu, a e toe tu o ia; a o e amio 17 leaga, e pauu i latou i le malaia. A paū le ua ita ia te oe, aua e te fiafia i ai; a tausuai foi o ia, aua le olioli ai lou loto; ne'i silafia e Ieova, ona leaga ai lea i ona luma; ma na faailiū mai lona toasa ai ia te ia. Aua e te faameo i e ua fai mea leaga; aua foi e te losilosi i e amio leaga. 20 Auā e le iu i se lelei le ua amio leaga; e tinea le lamepa e a amio 21 leaga. Lo'u atalii e, ia e matafu ia Ieova atoa ma le tupu; aua e te 22 fefaaauoai ma ē feliuliūai. Auā e faafuasei ona tulai mai o lo latou mala; o ai foi se na te iloa le malaia mai ia te i laua uma?

E i ai foi nei mea i e popoto. O 23 le faailogaina o tagata i le faamasinoga e le lelei lea. O le ua fai 24 atu i lē amio leaga, O oe le amiotonu; e fetuaina o ia e le nuu; e faafanoina o ia e tagata. A o e ua 25 aoai atu ia te ia, latou te fiafia; e oo ia i latou le faamanuia e lelei ai. E taufeasogi tagata uma ma le 26 ua tali atu i upu tonu. Ia sauniuni 27 i fafo lau galuega, ma ē tuteu ai i le vao; mulimuli ane, ona e faia lea o lou fale. Aua ne'i fai fua oe ma 28 molimau i lē lua te tuaoi; e te pepelo ea i ou laugutu? Aua ne'i 29 e faapea ane, E pei ona faia e le tagata ia te au, e faapea lava ona ou faia ia te ia; ou te tau ai ia te ia e tusa ma lana mea ua fai. Na 30 ou alu ane i le fanua o le tagata paie; ma le tovine o le tagata ua leai se mafaufau; faauta foi, ua 31 tutupu ae ua soo lava i laau tuitui, ua ufitia uma lava i le vao oogo, ma lana pa maa ua solo. Ona ou 32 vaavaai lava lea, ma ou matuā manatunatu; ua ou iloa, ma ua a'o-a'oina ai a'u; se'i toe itiiti sina moe, 33 toe itiiti se matāmoe, toe itiiti se piilima e taoto ai. A e oo mai lou 34 mativa e pei o le malaga; ma lou le tagolima pei o le tagata ua sauni lana auupega.

O upu i tupu; o misa ma mea e tupu ai.

O FAATAOTO foi nei a Solo-25 mona, na siitia mai e tagata o Esekia le tupu o Iuta.

O le mamalu o le Atua ia natia 2 ai mea; a o le mamalu o tupu ia suesue ai mea. O le lagi e maualuga lea, ma le lalolagi e maualalo lea; o loto foi o tupu e le ma suesueina. Ia faatea le otaota i le 4 ario, ona maua ai lea o se ipu mo le tufuga fai mea uamea; ia faatea le 5 ua amio leaga i luma o le tupu, ona faatumauina ai lea o lona nofoāli i le amiotonu. Aua e te faalialia i 6 luma o le tupu; aua foi e te tu i le mea e i ai alii sili. Auā e lelei ona ia fai atu ia te oe, Sau ia i luga nei; a e leaga ona faamaulaloina oe i luma o le alii ua e vaai i ai. Aua 8 ne'i e alu faataalise e fai le finauga; ina ne'i fememeai oe, pe a oo i lona

iuga, ina ua faamāina oe e lē lua te
 9 tuaoi. Ia fai la oulua finauga ma
 lē lua te tuaoi; a e aua le faaali
 atu le upu faalilo a le tasi tagata;
 10 ne'i faalumaina oe e le ua faalogo i
 ai; ona le te'a lea ia te oe ona ta'u-
 11 leagaina. O le upu ua fai faata-
 tauina, o moli auro ia i *ato* ario
 12 togitogi faamamanuina. O le ta-
 gata ua aoai ma le poto i taliga ua
 faalogo mai, o le mama auro lea,
 13 ma le asoa auro lelei. E pei o le
 mālūlū o le kiona i ona po o le
 seleselegāsaito; e faapea le avefeau
 faamaoni i e auina o ia; na te faa-
 14 foisia mai agaga o ona alii. O le
 tagata ua tautala tele i *ana* mea e
 foai, a e pepelo, o ao ma matagi ia,
 15 a e leai se timuga. O le faatoatoa
 e faaoleoleina ai le ta'itai; ma le
 laulaufaiva filemu e gau ai le ivi.
 16 Ua e maua ea le meli? ia e 'ai faa-
 tatau i ai; ne'i e ma'ona tele ai,
 17 ona e puai ai lea. Ia seāseā ona e
 alu atu i le fale o lē lua te tuaoi;
 ne'i musu o ia ia te oe, ma 'ino'ino
 18 ia te oe. O le tagata ua molimau
 pepelo i lē la te tuaoi, o le uatogi
 lea, ma le pelu, ma le u fanafana e
 19 maamaai. O le nifo ua gau, ma le
 vae ua mapeva, o le faatuatua lea i
 20 le tagata pepelo i le aso vale. O le
 ua ave ese le ofu i le aso mālūlū, i
 le ma le vineta i luga o le neteri, e
 faapea le ua lagi ni siva i le loto ua
 21 faanoanoa. Afai e fia 'ai le ua ita
 ia te oe, ia e fafaga ia te ia; afai e
 fia inu o ia, ia e faainu ia te ia i le
 22 vai; auā e te avae ai malala ola i
 luga o lona ulu; e tauia foi oe e
 23 leova. O le matagi mai le itu i
 matu e tupu ai uaga; ma le laulau-
 faiva faatuaupua e *tupu ai* mata ita.
 24 E lelei ona nofo i le tumutumu i
 luga o le fale; a e leaga *ona nofo*
 ma le fafine faamisa i le fale tele.
 25 O le vai mālūlū i le tagata ua lailoa
 i le *fia inu*, o le tala lelei lea mai le
 26 nuu mamao. O le vaipuna ua faa-
 gaepu, ma le vaipuna ua faaleaga-
 ina, o le tagata amiotonu lea ua
 27 paū i luma o le ua amio leaga. O
 le 'ai tele i meli, e le lelei lea; o le
 suesuega foi o lo latou mamalu, o
 28 le mea e mafatia ai lea. O le aai
 ua sofaia, ua leai se pa, o le tagata
 lea na te le mataofia lona loto.

O upu i le vale, ma le paie, ma le faatuaupua.

E PEI o le kiona i le tausaga **26**
 vevela, e pei o le uaga foi i ona po
 o le seleselegāsaito, e faapea lava
 ona le ono o le viiga i le vale. E 2
 pei o le manu lele ua fealuai, ma le
 pe'ape'a ua feleleai, e faapea le
 fetuu fai fua e le oo. O le sasa mo 3
 le solofanua, o le faagutu mo le
 asini, ma le laau mo le tua o le
 vale. Aua ne'i e tali atu i le vale e 4
 tusa ma lona valea; ina ne'i tusa oe
 ma ia. Ia tali atu i le vale e tusa 5
 ma lona valea; ina ne'i poto o ia i
 lona lava manatu. Ua vavae ese 6
 vae, ua inu i le mea e tiga ai, le ua
 tuu le feau i le tagata valea. E 7
 fetoso vae o le pipili; e faapea foi
 le faataoto i le gutu o le vale. E 8
 pei o le taga o maa *tāua* i le fau-
 puegāmaa, e faapea le ua avatu le
 viiga i le vale. O le laau talatala 9
 ua avae i le lima o le ua onā, o le
 faataoto lava lea i le gutu o le vale.
 O le alii tele, na te faatigaina *tagata* 10
 uma lava; na te faaoloa le vale, na
 te faaoloa foi i le solitulafono. E 11
 pei o le uli ua foi i lona puiga, e
 faapea foi le vale, ua toe foi atu i
 lona valea. Ua e iloa ea se tagata 12
 ua poto i lona lava manatu? e fai
 le faamoemce o *tagata* i le vale, a e
 le ia te ia. Ua fai ane le paie, O 13
 loo i le ala le leona; ua i malae le
 leona. E fealualuai le puipui i ona 14
 faamau, e faapea le paie *ona felii-*
liva i lona moega. Ua faalilo e le 15
 paie lona lima i le tanoa; e musu o
 ia e faafoi mai ai i lona lava gutu.
 E manatu le paie ua sili lona poto i 16
 tagata e toafitu, o e ua tali mai ma
 le mafaufau. O le ua tigo i taliga 17
 o le uli, o le tagata lea ua alu ane,
 ma oso vale i le misa ese. E pei o 18
 le vale ua fanafana i u, ma tao, ma
 le oti; e faapea foi le tagata na te 19
 'ole'ole i lē la te tuaoi, ona faapea
 mai lea o ia, E le o la'u mea ula
 ea? A leai se fafie, e mate ai le 20
 afi; a leai foi se faatuaupua, e ma-
 vae ai le misa. O le malala i le 21
 malala ola, ma le fafie i le afi, e
 faapea le tagata faamisa e tupu ai
 le misa. O upu a lē faatuaupua, e 22
 tusa ia ma mea suamalie, ua oo ifo

- 23 i totonu lava o le manava. O le ario ua i ai le otaota, ua ufitia ai le ta'egäipu, o laugutu ia ua alofa tele, a e leaga le loto. O le ua 'ino-'ino, ua faatagū tautala lelei o ia i ona laugutu; a ua tuu le pepelo i lona loto; e ui lava ona faamalie mai lona leo, aua e te faatuatua ia te ia; auā e fitu ni mea e inosia ua 26 i lona loto. E ufufi e ia lona 'ino-'ino i le pepelo; a e faaalia lona 27 leaga i le faapotopotoga. O le na te elia se lua, e paū o ia i ai; ma le ua fuli le maa, e toe taavale mai lea ia te ia. O le laulaufaiva pepelo, 28 ua 'ino'ino ia i e ua momomo ai; ma le gutu molemole e tupu ai le malaia.

O le viga o le alofa; o le aoga o galuga.

- 27 AUA e te mitamita i le aso ta-ao; auā e te ilelo se mea e tupu a 2 taao. Ia viia oe e le tagata ese, a e le o lou lava gutu; ia viia e le 3 tasi, a e le o ou lava laugutu. E mamafa le maa, e mamafa foi le oneone; a o le ita o le vale, e sili 4 ona mamafa lea i ia mea e lua. O le lotoa o le sauaga lea; o le ita o le tafega lea; a o ai se tu i luma o 5 le fuā? E sili ona lelei o le aoaiga 6 ua aliali mai, i le alofa ua lilo. E faamaoni manua mai le uo; a e tele 7 lefeasogi o le ua 'ino'ino. O le tagata ua ma'ona e tetee atu e ia i le meli; a o le tagata ua laina, e suamalie ia te ia mea ona uma. E pei 8 o le manu ua lele ese i lona ofaga, e faapea le tagata ua taase ai lona 9 lava nuu. O le suānu ma le mea manogi e faafiasia ai le loto; e faapea foi le alofa o le uo a le tagata, ona o le faatonu e fua mai i le loto. 10 Aua e te tuulafoaiina lau uo, ma le uo a lou tamā; aua foi e te ulu atu i le fale o lou uso i le aso e te tiga ai; auā e sili ona lelei o lē lua te tuaoi ua latalata mai; i le uso e mao. Lo'u atalii e, ia potoe, ma e faafiasia lo'u loto; ona ou mau 12 tali ai lea i lē faifai mai. O le ua faautauta, na te iloa atu le leaga ma lasi ai; a o e ua faigofie, e o atu pea i latou, ona faasalaina ai lea. 13 Ia e talia le ofu o le ua fai ma moni o le tagata ese; ma ia talia lana

mea e tuu faafaatau, ona o le fafine ese. O le ua faamanuia i lana uo 14 ma le leo tele, o loo tulai ai o ia i le taao lava e ta'ua lea o le fetuu ia te ia. O le tutulu soo i le aso ua, 15 ma le fafine faamisa, e tufusa ia; 16 o le ua nanā ia te ia, ua nanā e ia le matagi; ma le suānu o lona lima taumatau e alaga mai. E 17 maamaai le uamea i le uamea, e faapea foi ona faamafanafana o le tagata i lana uo. O le ua leoleo i 18 le mati na te 'ai i lona fua; o le ua anaana foi i lona alii e viia o ia. E pei ona faafeagai mata i le vai; 19 e faapea le loto o le tagata i le tasi tagata. O tuugamau ma le malaia 20 e le maona ia; o mata foi o tagata e le mālīe ia. O le ipu e tunu a'i le ario, ma le ogaumu e tunu a'i le auro; e faapea foi le tagata i lona 21 viiga. E ui lava ina e tu'imomomo i le vale i le mea e tu'i a'i i le ipu e tu'i ai mea, faatasi ma le saito ua 22 tu'ia, e le te'a lona valea ia te ia.

Ia e matuā iloa tino o au mamoe, 23 ma e mafaufau i ou lafu; auā e le faavavau le oloa; e le oo foi le pale 24 ia tupulaga ma lea tupulaga. Ua tutupu mai le mutia, ma ua iloa mai le vao mu'a, e faaputuina foi le vao 25 iti o mauga. O tamai mamoe e maua ai ou ofu; o le tau foi o le fanua, o 26 'oti poa ia. E lava foi suāsusu o 'oti, e 'ai ai oe, e 'ai ai foi lou aiga; e maona ai foi ou teine e auauna.

O le amio leaga; ma le faamaoni.

E SOSOLA ē amio leaga, a o leai 28 sē tuliloa; a o e amiotonu, e pei o le leona taanoa i latou ona lē mata'u. O le fouvale o le nuu e 2 toatele ai ona alii; a o le tagata mafaufau ma le potoe, e faaualoaina ai le malo. O le tagata mativa o le 3 ua faassua i e matitiva, o le timuga e palasi ofo lea, a e le tupu ai ni mea e 'ai. O e tuulafoai le tulafono, 4 latou te vivii i le ua amio leaga; a o e tausiusi i le tulafono, latou te tiga lava ia i latou. O tagata amio 5 leaga latou te le lagona le faamasi-noga; a o e saili ia Ieova ua latou lagona mea uma. E sili ona lelei o 6 le tagata mativa ua savali i lana amiotonu, i le ua faapiopio ona ala, a o le mauoa ia. O le ua anaana i 7

le tulafono, o le atalii mafaufau o
ia; a o le ua aumea ma e 'ai tetele,
8 e mā ai lona tamā ona o ia. O
le ua faatele ana oloa i se totogi
faasili, po o se mea faasili, na te
faaputuina ia mea mo le ua alofa i
9 e matitiva. O le ua liliu ese ona
taliga a e le faalogologo i le tula-
10 fono, e inosia lana lava tatalo. O
le ua faasese i e amio sa'o i le ala
leaga, e paū o ia i lana lava lua; a
o e ua sao ona lelei, e fai mo latou
11 tofi mea lelei. O le tagata mauoa
e poto o ia i lona manatu; a o le
tagata mativa le ua mafaufau, na
12 te suesue ia te ia. A olioli ē amio-
tonu, e tele ai le manuia; a e a
tulai mai ē amio leaga, ua lalafi ai
13 tagata. O le ua ufiufi lona solitu-
lafono, e le manuia o ia; a o le ua
faaali ma lafoaiina, e alofagia o ia.
14 Amuia le tagata ua le aunoa ona
mata'u o ia; a o le ua faamaaa lona
loto, e paū o ia i le leaga. O le
15 leona tagi ma le urosa fia 'ai, o le
alii amio leaga lea ua pule i le nuu
16 mativa. O le alii ua leai sona ma-
faufau, ua tele ana sauaga; a o lē
'ino'ino i le matapeapea, e faaleva-
17 levaina ona aso. O le tagata ua
faasaua ua fasioti ai le tasi, e sola
atu lava ia, e oo i le lua; aua le
18 taofia o ia. O le ua savali ma lana
amio ua sao, e faaolaina o ia; a o
le ua faapiopio i ala e lua, e paū o
19 ia i se tasi o ia ala. O lē galue i
lona fanua, e ma'ona o ia i mea e
'ai; a o lē mulimuli i tagata faatau-
20 vaa, e ma'ona o ia i le mativa. O
le tagata faamaoni, e tele mea e
manuia ai o ia; a o le ua faataalise
21 ona mauoa, e le faasaoina o ia. O
le faailogaina o tagata, e le lelei
lea; e solitulafono lea tagata ona o
22 le fāsi areto. E faataalise i le fia
mauoa le tagata mataoge; a e le
iloa e ia e oo mai le mativa ia te ia.
23 O le ua aoai i le tagata, e mulimuli
ane e alofagia o ia e sili i le ua tau-
24 tala faaoleole. O le ua te faoa mea
a lona tamā ma lona tinā, a e fai
ane o ia, E le se solitulafono lea; e
faatasia o ia ma le tagata na te
25 faataumaui mea. O le ua fefete
lona loto, na te faatupuina le misa;
a o lē faatuatua ia Ieova, e matuā
26 ma'ona lava ia. O le ua faatuatua

i lona lava loto, o le vale ia; a o lē
savali ma le poto, e laveaiina o ia.
O le ua foai atu i le tagata mativa, 27
e le mativa o ia; a o lē 'alo ai ona
fofoga e lāufetuuina o ia. A tulai 28
mai ē amio leaga ua lalafi ai tagata;
a e a fano i latou ua faatoateleina
ē amiotonu.

O pule esee i le malo ma le aiga.

O LE tagata ua aoaiina soo, a e 29
faamaaa lona ua, e faafuasei ona
nutimomoia o ia, a e leai se fofa.
A pule ē amiotonu, ua olioli ai le 2
nuu; a e a pule ē amio leaga, ua
mapuitiga le nuu. O le tagata ua 3
manao i le poto, na te faatupuina
le fiafia o lona tamā; a o lē aumea
ma fafine talitane, na te faaumatia
oloa. E faatumauina le nuu o le 4
tupu i le faamasinoga; a o le ta-
gata ua tali mea alofa, na te lepetia
ai le nuu. O le tagata ua faaoleole 5
i lē la te tuaoi; na te folasia le
upegia i le mea e ui ai o ia. O i ai 6
le mailei i le soliga o le tulafono e
le tagata amio leaga; a o le tagata
amiotonu, ua pese ma olioli o ia.
Ua manatu le tagata amiotonu i le 7
finauga a le ua mativa; a o lē amio
leaga, ua le mafaufau o ia ina ia
iloa. O tagata faatauemu, latou te 8
faamuina le aai; a o e popoto, latou
te faailiueseina le ita. O le tagata 9
poto ua finau ma le tagata valea, pe
ita, pe 'ata'ata, e leai se filemu. O 10
tagata totolima, ua 'ino'ino i latou i
le ua sa'o lana amio; a o e amio-
tonu, latou te saili ia ola o ia. O 11
le vale, e sasaa uma mai e ia lona
loto; a o le tagata poto, e taofiofi e
ia lona loto i tua. O le faipule e uai 12
atu ona taliga i upu pepelo, e amio
leaga ana auauna uma lava. O le 13
ua mativa, ma le tagata faasaua, la
te fetai; o Ieova na te faatau
faamalama'amaina o lau mata. O 14
le tupu, o le na te faamasinoina ma
le faamaoni ē matitiva, e faatumau-
ina lona nofoālii e faavavau. O le 15
sasa ma le aoaiga e tupu ai le poto;
a o le tama ua tuulafoaiina, e tupu
ai le mā o lona tinā. A faatoateleina 16
ē amio leaga, ua faateleina le solitu-
lafono; a o e amiotonu, latou te
iloa atu lo latou malaia. Ia e aoai i 17
lou atalii, ona e maua ai lea se

- filemu ; e tupu ai le fiafia i lou loto.
- 18 A leai se faaliga, e faasalalauina le nuu ; a o le ua tausiusi i le tulafono,
- 19 amuia o ia. E le mafai ona aoiaina o le auaua, i upu ; auā ua lagona e ia, a e le tali atu i ai. Ua e iloa ea le tagata ua faataalise i ana upu ? e fai le faamoemoe o *tagata* i le vale,
- 21 a e le ia te ia. O le ua faapelepele i lana auaua e afua mai ina itiiti,
- 22 mulimuli ane e fai o ia ma atalii. O le tagata itagofie na te faatupuina le misa ; ma le tagata lotoa na te faateleina soliga o le tulafono. O le faamaualuga o le tagata e faamaualoloina ai o ia ; a o le faamaualalo o le loto e maua ai le viiga. O le ua vaelua mea faatasi ma le gaoi, ua 'ino'ino o ia ia te ia lava ; e faalogo o ia i le tauto, a e le faaali atu. O le fefe i tagata e tupu ai le maillei ; a o le faatuatua ia Ieova e faamaluina o ia. E toatele o e saili i le faipule ; a o loo ia Ieova le faamasinoga o tagata. O e amiotonu latou te 'ino'ino i le tagata agapiopio ; a o e amio leaga, *latou* te 'ino'ino i le ua sa'o lona ala.

O upu a Akuru.

- 30 O UPU a Akuru le atalii o Iake ; o le valoaga na fai atu ai le tagata ia Itielu, o Itielu atoa ma Ukala.
- 2 O a'u nei lava, e sili ona valea o a'u i tagata *uma* ; e le ia te au le atamai o tagata. Ua le a'oa'oina foi a'u i le poto ; ua ou *le* iloa foi le poto i mea paia. O ai ea ua alu ae i le lagi, ma toe ifoifo ? O ai ea ua faapotopotoina le matagii ona lima ? O ai ea ua fusufusi vai i le ofu ? O ai ea na faatuina tuluiga uma o le lalolagi ? O ai ea lona igoa ? o ai foi le igoa o lona atalii, pe afai ua e iloa ? O afioga uma a le Atua, *ua se ario* ua te'a ma le otaota ia ; o le talita lava o ia i e faatuatua ia te ia.
- 6 Aua e te faapoopo *se upu* i ana afioga ; nei' aoi atu o ia ia te oe, ona ta'upepeloina ai lea o oe.
- 7 O mea e lua ua ou ole atu ai ia te oe ; aua e te faafiti mai ai ia te au,
- 8 manū ou te lei oti ; o mea faatauva ma upu pepelo, ia faamamao ia ia te au ; aua e te tuu mai ia te au le mativa po o le mauoa ; ia e fafaga mai ia te au i ni mea e 'ai e

tatau ma a'u ; ina nei ou matua 9
ma'ona, ona ou faafiti lea, ma ou faapea, O ai ea Ieova ? ina nei ou mativa foi, ma ou gaoi, ma ou ta'ufuaina le suafa o lo'u Atua.

Aua e te faaleaga le auaua i lona alii ; ina nei fetuu o ia ia te oe, ma e nefo sala.

O i ai le tupulaga e fetuu i lo latou tamā, ma latou le faamanuia i lo latou tinā. O i ai le tupulaga, fa te i latou ua latou mamā ; a e lei fufuluese a latou elele. O i ai le tupulaga e faasiasia naua o latou mata, ma faamaualugaina o latou laumata. O i ai le tupulaga, o pelu o latou nifo, ma polo o latou nifo tuimanu ; e aai ai i ē puapuagatia i le nuu, atoa ma tagata matitiva.

E toalua afafine o le aluka, o loo *fai* mai, Au mai, au mai.

E tolu mea e le maona ; o mea e fa ua le fai mai, Soia ; o le tuugamau, o le manava ua le fanau, o le elele e le malie i vai, ma le afi ua le fai mai, Soia.

O mata ua fauemu i le tamā, ma 'ino'ino ona usiusitai i le tinā, e salia ia e oreva o le vanu, e aina e tamai aeto.

E tolu mea ua faigata ia te au ; o mea lava e fa ou te le iloa ; o le ala o le aeto i le lagi ; o le ala o le gata i luga o le papa ; o le ala o le vaa i totonu o le sami ; ma le ala o le tane i le faupou ; o loo faapea lava le ala o le fafine mulilua ; ua 'ai o ia, ma sōloi i lona gutu, ona faapea ane ai lea o ia, Ua ou le faia se mea leaga.

O mea e tolu ua faagateteina ai le lalolagi ; o mea lava e fa na te le lavā onosai ai ; o le auaua pe a pule o ia ; ma le vale pe a ma'ona o ia i mea e 'ai ; o le fafine inosia pe a nofo tane o ia ; ma le auaua fafine pe a tuliese a ia lona matai fafine.

O mea e fa ua laiti i le lalolagi, a e sili ona popoto o i latou ; o loi, o le nuu e le malolosi ia, a e saunia e i latou a latou mea e 'ai i le tausaga vevela. O sefanai, o le nuu e le fitafita ia, a e fai i le papa o latou fale. E leai se tupu i sē akерise, a e o atu i latou o vaevaeina uma lava a latou 'au. O le pili, e tago atu ona lima, e i ai foi o ia i maota o tupu.

- 29 E tolu mea e matagofie ona sava-
vali; e fa foi mea ua o faamatagofie;
30 o leona e malosi i manu vaefa; e le
31 liliu foi o ia i luma o se tasi; o le
solofanua, ma le 'oti poa, ma le
tupu e leai se tulai atu ia te ia;
32 afai ua e amio faavalea ina ua e
faamaualuga, afai foi ua e manatu i
se mea leaga, *tuu atu ia lou* lima i
33 *lou* gutu. A'tatao suāsusu, e maua
ai le suāsusu to'a; a oomi le isu, ua
sau ai le toto; a faaoso le ita ua
tupu ai le misa.

*O upu a Lemueli i le uiga o le avā
lelei.*

- 31 O UPU a Lemueli le tupu, o le
valoaga na a'oa'oina ai o ia e lona
tinā.
2 Se a ea *sa'u upu ia te oe* la'u tama
e? se a lava *sa'u upu ia te oe* na
fanau i lo'u manava? se a lava *sa'u
upu ia te oe* le tama na ou tauto ai?
3 Aua ne'i e avatu lou malosi i fafine,
ma ou ala i *le mea* e fano ai tupu.
4 Lemueli e, e le ono i tupu, e le ono
lava i tupu le inu uaina, po o alii e
5 manao i le 'ava; ina ne'i inu o ia,
ona galo ai lea o tulafono, ma faa-
sese le finauga o se tasi tagata ua
6 tigaina. Avatu le 'ava i lē a mole;
7 ma le uaina i le ua tiga le loto; ia
inu ai o ia, ma faagalagalo i lona
mativa; ma ia le toe manatu i lona
8 puapuaga. Ia e tautala mo e gūgū,
o le finauga lava o i latou uma ua
9 aumatuā; ia e tautala ia faamasino
ma le tonu, ma ia finau mo e ua
puapuagatia, ma e ua mativa.
10 O le avā amio lelei, o ai ea se ua
maua? e silisili lona tau i penina.
11 Ua faatuatua ia te ia le loto o lana
12 tane; e le mativa o ia i oloa. Eaga-
lelei o ia ia te ia, a e le *agaleaga* i
13 aso uma o lona olaga. Na te sailia
- fulufulu mamoe ma lino; ua galue
ai ona lima ma le fiafia. E tusa o ia 14
ma vaa o le faatauoa; e mamao le
mea e au mai ai ana mea e 'ai. E 15
tulai foi o ia, a o po lava, ma avatu
mea e 'ai i lona aiga, ma le *galuega*
ua tofia i ana auaua teine. Ua 16
manatunatu o ia i se fanua, ona
maua ai lea e ia; o le fua o ona
lava lima ua ia fai ai le tovine. Na 17
te fusia lona sulugatiti i le malosi;
na te faamalosia ona lava lima. Ua 18
iloa e ia ua lelei lana tau; e le mate
lana lamepa i le po. Ua tuu atu e 19
ia ona lima i le kisuro, ma ua tago
atu ona lima i le peleke. Ua faa- 20
mafola lona lima i le ua tigaina;
ua tuu atu foi ona lima i le ua
mativa. E le fefe o ia ona o lona 21
aiga i le kiona; auā ua oofu lona
aiga uma i *ofu* mūmū. Ua fai ie afu 22
mona; o le ie vavae ma le *ie* pāuli,
o ona ofu ia. Ua iloga lana tane i 23
faitotoa, pe a saofai o ia faatasi ma
toeaina o le nuu. Ua fai e ia le ofu 24
lino, ma faatau ai; ua avatu foi fusi
i le faatauoa. O le malosi ma le 25
mamalu e *fai* mona ofu ia; ua 'ata-
'ata foi o ia i aso o lumanai. Ua 26
tautala o ia ma le poto; ua i lona
lauaufaiva le tulafono o le alofa.
Ua vaavaai o ia i amioga a lona 27
aiga; e le 'ai foi o ia mea e 'ai a le
paie. E tulai mai lana fanau, ma 28
faafetai ia te ia; o lana tane foi ua
vivii ia te ia. E toatele fafine e 29
amio lelei i latou; a o oe, ua faa-
silisili oe ia i latou uma. O le mata- 30
gofie e pepelo lea, o le mea faa-
tauvaa le lālelei; a o le fafine ua
mata'u ia Ieova, e viia lava o ia.
Avatu ia te ia le fua o ona lima; o 31
ana galuega foi e viia ai o ia i
faitotoa.

O LE

TUSI A LE

FAILAUGA.

O le liliu soo o mea, ma le tiga o tagata i mea latou te faia.

- 1 O UPU nei a le Failauga, le atalii o Tavita, le tupu i Ierusalem.
- 2 Ua faapea mai le Failauga, E matuā faatauvaā, e matuā faatau-
- 3 vaa; e faatauvaā mea uma lava. Se a se mea e maua e le tagata i ana galuega uma e tiga ai o ia i lalo o le
- 4 la? E mavae atu le tasi tupulaga, a e sau le tasi tupulaga; a o le lalo-
- 5 lagi e tumau lea e faavavau. E alu ae foi le la, e alu ifo foi le la, ma faataalise atu o ia i le mea na alu ae
- 6 ai. E alu atu ia i le itu i toga, e toe liliu mai foi i le itu i matu. E agi le matagi ma liliu soo, ma toe foi le
- 7 matagi i ona faataamiloga. O loo tafe ifo vaitafe uma i le sami; a e le tumu ai le sami; o le mea e tafe mai ai vaitafe, e toe foi atu ia i ai.
- 8 O mea uma e tele i ai galuega; e le mafai e se tagata ona faamatalaina; e le mālīe mata i vaai, e le tutumu foi taliga i faalogo.
- 9 Se a se mea ua uma ona tupu? o le mea lava lea e toe tupu. Se a se mea ua uma ona faia? o le mea lava lea e toe faia; ua leai lava se mea
- 10 fou i lalo o le la. E ai ea se mea e mafai ona fai atu i ai, Ina vaai mai ia, o le mea fou lenēi? sa i ai ia anamua, i tausaga na muamua ia i
- 11 tatou. Ua le manatua mea sa i ai anamua, o mea foi o le a i ai i se aso, o le a le manatua ia te i latou e mulimuli mai.
- 12 O a'u nei o le Failauga, ua fai a'u ma tupu o Isaraeli i Ierusalem.
- 13 Ua ou faasaga foi lo'u loto e saili ma suesue ma le poto mea uma lava ua faia i lalo o le lagi; ua tuuina mai lenēi faiva leaga e le Atua i tagata ia latou tiga i fai i ai,

Ua ou vaavaai i galuega uma ua 14
faia i lalo o le la; faauta foi, o mea faatauvaā uma lava ia, ma le 'ai i le 15
matagi. O le mea ua piopio e le mafaasa'oina; o le mea foi ua le i ai e le mafaitaulia. Na ou tautala ifo 16
i lo'u loto, ua faapea ifo, Faauta, ua ou faateleina lava le poto, e sili lava ia te i latou uma sa pule i Ierusalem e muamua ia te au; e tele foi le poto ma le iloa o mea na maua i lo'u loto. Ua ou faasaga foi lo'u 17
loto ia iloa le poto, ia iloa foi le faalialia vale ma le valea; ua ou iloa ai foi o le 'ai i le matagi lea. Auā o le 18
tele o le poto e tele ai le loto tiga; o le na te faateleina foi le iloa o mea, na te faateleina ai le faanoanoa.

O mea a lenēi olaga e faafia ai tagata, e le manuia ai; e iu vale foi ia.

UA ou faapea ifo i lo'u loto, Sau 2
ia, ou te tofotofa ia te oe i le olioli, ina e faafia ia i mea lelei; faauta foi, o le mea faatauvaā lava lea. Ua 2
ou faapea i le 'ata'ata, Ua valea lea; o le olioli foi, Se a se mea na te faia?

Ua ou manatunatu ifo i lo'u loto 3
e faamasani lo'u tino i le uaina, o loo ta'ita'iina foi ma le poto lo'u loto; e tago atu foi i le valea, seia ou iloa le mea e lelei ai tagata latou te faia i lalo o le lagi, i aso uma o latou olaga nei. Na ou faia galuega 4
tetele mo a'u; na ou faia fale mo a'u; na ou faia tovine mo a'u; na 5
ou faia foi mo a'u o faatoaga ma fanua e totō ai laau, na ou totō foi i ai laau uma lava e fua; na ou faia 6
foi mo a'u o vailepa, e faasūsū atu ai le fanua e tutupu ai laau; na ou 7
fai mo a'u o auaua tane ma auaua fafine, sa ia te au foi auaua na

- fananau mai i lo'u aiga ; sa ia te au
foi o lafu povi ma mamoe e tele, e
sili ia i latou uma lava e na muamua
ia te au i Ierusalem ; na ou faa-
potopototo foi mo a'u ario, ma auro,
ma le oloa tãua o tupu ma itu malo ;
na ou fai foi mo a'u o tane pepese
ma fafine pepese, ma mea e fiafia ai
tagata, o le avã ma nisi avã. Na
tamaoiga foi a'u, na tele foi a'u
mea i a latou uma lava e na mua-
mua ia te au i Ierusalem ; i le ma-
lea, ua tumau lo'u poto ia te au. O
mea uma foi sa fia vaai i ai o'u
mata ua ou le vaia i ai ; na ou le
taofia foi lo'u loto i se mea e tasi e
fiafia ai ; auã na olioli lo'u loto i a'u
galuega uma ; na fai foi lea ma'u
mea i a'u galuega uma. Ona ou
vaai lea i galuega uma na faia e o'u
lima, ma le galuega na ou tiga ai i
fai ; faauta foi, o mea faatauva
uma lava ia, ma le 'ai i le matagi, ua
leai lava se mea aoga i lalo o le la.
Na ou liliu ane foi ia ou iloa le
poto, ma le faalialia vale, ma le
valea ; auã se a se mea e *toe mafaia*
ona fai e le tagata e mulimuli mai
i le tupu, e le na o mea ea ua uma
ona faia ? Na ou iloa foi ua sili le
aoga o le poto i le valea, e pei ona
sili o le aoga o le malamalama i le
pouliuli. O le tagata poto, o i lona
ulu ona mata, a o le valea, e savali o
ia i le pouliuli ; a ua ou iloa foi, e
tasi lava le mea e oo ia te i laua
uma. Ona ou faapea ifo lea i lo'u
loto, E pei ona oo i le vale, e faapea
foi ona oo ia te au lava ; ona o le a
foi ua sili ai lo'u nei poto ? Ona ou
faapea ifo lea i lo'u loto, O le mea
faatauva foi lea. Auã e le manatua
le tagata poto, po o le vale e faa-
vavau ; auã o mea *ua i ai* nei e
faagalogaloina uma lava i se aso.
Aue ! e oti le tagata poto e pei o le
vale. O le mea lea na ou 'ino'ino ai
le olaga nei ; auã ua leaga ia te au
galuega ua faia i lalo o le la ; auã o
mea uma lava e faatauva ia, ma le
'ai i le matagi.
Na ou 'ino'ino foi i a'u galuega
uma ua ou tiga ai i lalo o le la ; auã
ou te tuina ia mo le tagata e nofo
mai pe a mavae atu a'u ; o ai foi se
na te iloa po o se tagata poto, po o
se vale ia ? a e pule o ia i a'u
galuega uma ua ou tiga ai, ma ou
faia i lo'u poto i lalo o le la. O le
mea faatauva foi lea. Ona ou toe
manatu ifo lea e faaliliu ese lo'u loto
i le faatuatua i galuega uma ua ou
tiga ai i lalo o le la. Auã o loo
galue le tasi tagata ma le poto, ma
le iloa, ma le manuia ; a e tuina e
ia mo le tagata na le tiga ai e *fai*
mona tofi. O le mea faatauva lea,
o le mea leaga tele. Auã se a se
mea ua maua e le tagata i ana
galuega uma, ma le taumafai o lona
loto, ua tiga ai o ia i lalo o le la ?
auã o ona aso uma o faanoanoaga
ia, o le mea tiga foi lana galuega ;
e le mapu foi lona loto i le po. O
le mea faatauva foi lea.
E leai se tasi mea lelei i le tagata
na ona ia 'ai, ma inu, ma faafiafia
lona loto i mea lelei i ana galuega.
Ua ou iloa foi le mea nei, e mai le
aao o le Atua lea. Auã o ai se na te
mafaia ona 'ai, o ai foi se na te
mafaia ona fai lona loto, e sili ia te
au nei ? Auã e foaiina e *le Atua* i
le tagata e lelei i ona luma, o le
poto, ma le iloa o mea, ma le olioli ;
a o le ua agasala, e foaiina e ia *i ai*
le faiva e faapotopototo ma faaputu,
ina ia foaiina atu ai e ia i le ua
lelei i luma o le Atua. O le mea
faatauva foi lea, ma le 'ai i le
matagi.
O le liliu soo o mea, e tiga tele ai
tagata.
O LE mea ma lona tausaga i mea
uma, ma ona lava po i mea uma
lava i lalo o le lagi ; o ona po e
fanau mai ai, ma ona po e oti ai ; o
ona po e totō ai, ma ona po e liai ai
le mea ua totōina ; o ona po e
fasioti ai, ma ona po e fofō ai ; o
ona po e lepeti ai, ma ona po e ati
ae ai ; o ona po e tagi ai, ma ona
po e 'ata'ata ai ; o ona po e taufai-
tagitu'i ai, ma ona po e sasaa ai ; o
ona po e lafoai ai maa, ma ona po e
faapotopototo ai maa ; o ona po e
feasogi ai, ma ona po e le feasogi ai ;
o ona po e saili ai, ma ona po e tuu
ai ua le iloa ; o ona po e tausi ai, ma
ona po e lafoai ai ; o ona po e saei
ai, ma ona po e su'i ai ; o ona po e
faalologo ai, ma ona po e tautala ai ;
o ona po e alofa ai, ma ona po e

9 'ino'ino ai; o ona po o le taua, ma
 10 ona po o le nofo lelei. Se a le mea
 11 ua maua e le faigaluega i le mea e
 12 galue ai o ia? Ua ou iloa le galuega
 13 ua tuuina mai e le Atua i tagata,
 14 latou te tiga ai. Ua faia e ia mea
 15 uma lava e matagofie i o latou lava
 16 tausaga; ua tuuina foi e ia le
 17 *manatu* i le lalolagi i o lâtou loto;
 18 a e le mailoa e le tagata le galuega
 19 ua faia e le Atua mai le amataga e
 20 oo i le gataaga. Ua ou iloa e leai se
 21 mea lelei ia te i latou, na ona ia
 22 olioli le *tagata*, ma ia fai mea lelei i
 lona olaga nei. I le ma lea, ia taitasi
 le tagata ma 'ai, ma inu, ma
 fiafia i mea lelei i ana galuega uma;
 o le mea foaiina mai lea e le Atua.
 Ua ou iloa, o mea uma e faia e le
 Atua e faavavaui ia; e le mafai ona
 faaopoopo i ai o se mea, e le mafai
 foi ona ave ese i ai o se mea; ua
 faia foi e le Atua ina ia matatau
tagata i ona luma. O le mea sa i ai
 anamua, ua i ai nei lea; o le mea
 foi o le a i ai se aso, o le mea lea
 sa i ai anamua; e susesue foi e le
 Atua le mea ua mavae.
 Ua ou toe iloa foi i lalo o le la le
 mea e faamasino ai, ua i ai le amio
 leaga; ma le mea e amiotonu ai, ua
 i ai le amio leaga. Ona ou faapea
 ifo lea i lo'u loto, E faamasinoina e
 le Atua le ua amiotonu atoa ma le
 ua amio leaga; auā e taitasi ma
 ona lava po i mea uma ma galuega
 uma i lea mea.
 Ua ou faapea ifo i lo'u loto i le
 tu o tagata, e tofotofa le Atua ia
 te i latou, ina ia iloa e i latou e *tusa*
 i latou ma manu. Auā o le mea e
 oo i tagata e oo foi lea i manu; e
 tasi lava le mea e oo ia te i latou;
 e pei ona oti o le tasi, e faapea foi
 ona mate o le tasi; e tasi lava le
 mānava ia te i latou uma; e leai
 lava se mea e sili ai le tagata i le
 manu; auā e faatauvaā uma lava.
 E oo uma lava i le mea e tasi; e
 mai le efuefu uma lava, e toe foi
 atu foi uma lava i le efuefu. O ai
 se na te iloa le agaga o le tagata e
 alu ae i luga? po o le agaga o le
 manu e alu ifo i lalo i le elele?
 Ona ou iloa lea ua leai se mea e
 sili ona lelei i le tagata, na ona ia
 olioli o ia i ana lava galuega; auā o

lona tofi lea; auā o ai ea se na te
 faafoi mai ia te ia ina ia iloa le mea
 o le a tupu pe a mavae atu o ia?

O le sauā, ma amio eseese.

ONA ou toe manatunatu lea i 4
 sauaga uma ua faia i lalo o le la;
 faauta foi i loimata o e ua sauaina,
 ua leai foi se na te faamafanafana-
 ina i latou; ua lima malosi foi e na
 sauā ia te i latou; a ua leai se na te
 faamafanafanaina i latou. Ona ou 2
 faamanuia ai lea i e ua oti, e ua oti
 anamua, e sili i e ola, o i latou o e
 ola mai nei. A e sili ona manuia ia
 te i laua o le ua le fanau mai, o le
 ua le iloa le galuega leaga ua faia i
 lalo o le la. Ona ou manatunatu 4
 lea i galuega tiga uma, ma galuega
 manuia uma; a ua matauina le
 tagata ona o lea mea e lē la te
 tuaoi. O le mea faatauvaā foi lea,
 ma le 'ai i le matagi.

E piilima le vale, e 'ai foi e ia 5
 lona tino. E sili ona lelei o se 6
 luutaga e tasi ma le filemu, i luu-
 taga e lua ma le tiga, ma le 'ai i
 le matagi.

ONA ou toe manatunatu lea i 7
 mea faatauvaā i lalo o le la. O loo 8
 i ai le tasi tagata ua leai sē *la te*
 toalua; e leai foi sona atalii, po o
 se uso; a ua leai se iuga i lana
 galuega uma, e le mālie foi ona
 mata i *vaai* i le oloa; a e le *faapea*
 o ia, Ou te galue ea mo ai, ma ou
 faamativa ai ia te au i mea lelei?
 O le mea faatauvaā foi lea, o le
 mea leaga lava.

E sili ona lelei o le toalua i le 9
 toatasi; auā ua ia te i laua le tauī
 lelei i la la galuega. Auā afai e 10
 paū le tasi e faatuina o ia i luga e
 lē la te toalua; oi talofa foi i le ua
 toatasi pe a paū, auā e leai sē la te
 toalua e faatu ia te ia i luga. Afai 11
 foi e taooto faatasi le toalua, e ma-
 fanafana ai i laua; a e faapefea
 ona mafanafana o le ua toatasi?
 Afai foi e faamanumalo mai se tasi 12
 i so laua, e teteaina atu o ia e le
 toalua; o le maea foi e sāntuatolu
 e le vave motusia.

E sili ona lelei o le tama e mativa 13
 a e poto, i le tupu e toacina a e
 valea, ma le le toe fia a'oa'oina.
 Auā e sau o ia nai le fale puipui e 14

fai ma tupu; auā foi o le ua fanau
15 mai i lona malo e mativa ia. Na
ou iloa o e ola uma lava, o e sava-
vali i lalo o le la, e faatasi ma le
tama a aupito ane, o le a fai mona
16 sui. E le masino le vao tagata
uma, o i latou uma na fai o ia mo
latou ta'ita'i; o e mulimuli mai foi
latou te le fiafia ia te ia. O le
mea faatauvaā foi lea, ma le 'ai i
le matagi.

*O mea sese, ma mea e tatau ina faia
i luma o le Atua i lona fale.*

5 IA e faateete i ou vae pe a e alu
i le fale o le Atua; ia e faalatalata
atu foi e faalogologo, a e aua le
faalatalata atu e avatu le taulaga a
e valelea; auā latou te le iloa ua
2 latou faia le mea leaga. Aua le
faavave lou gutu, aua foi le faataa-
lise lou loto e fai atu se upu i luma
o le Atua; auā o i le lagi le Atua, a
ua e i le lalolagi; o le mea lea ia
3 itiiti ai au upu. Auā o le tele o
mea e fai e tupu ai le miti; o le
tele foi o upu *e iloa ai* le leo o le
4 vale. Pe a e tauto i se tautoga i le
Atua, aua e te faatuai ona avatua;
auā e le fiafia lava o ia i e ua vale-
lea; ina e faia le mea ua e tauto ai.
5 E sili ona lelei ona e le tauto, i lou
6 tauto a e le avatua. Aua ne'i e
agasala i lou gutu; aua foi e te fai
atu i luma o le agelu, O le mea sese
lea. Se a le mea e toasa mai ai le
Atua i lou leo, ma faaleaogaina e ia
7 le galuega a ou lima? Auā o le
tele o moemiti, ma le tele o upu, o
i ai mea faatauvaā; a ia e mata'u i
le Atua.
8 Afai ua e iloa atu ona sauaina o
le ua mativa, ma le fao mea i le
faamasinoga ma le faatonuga i se
itu malo, aua e te ofo i lea mea;
auā o loo vaai o le ua sili i lea *ta-*
gata sili; o loo *silasila* foi le ua
silisili ia te i laua.
9 O mea e tutupu i le laueleele, mo
tagata uma ia; o le tupu foi e maua
10 e ia ana mea mai le fanua. O le ua
manao i le ario, e le mālīe o ia i le
ario; o le ua manao foi i le oloa
tele, e leai *sana* mea e maua ai; o
11 le mea faatauvaā foi lea. Pe a
faateleina mea lelei, e faatoateleina
foi o e aai ai; se a foi se mea ua

maua ai e i latou e a latou ia mea,
ua na ona vaai i ai o latou mata?
E lelei le moe o lē faigaluega, pe 12
itiiti, pe tele ana mea e 'ai; a o le
ma'ona o le mauoa e le mafai ai
ona moe o ia. Ua i ai le mea leaga 13
e tiga ai ua ou iloa i lalo o le la, o
le oloa tele ua tausia mo latou e
a latou *le oloa* e leaga ai i latou.
Auā e faaumatia ia oloa i le galuega 14
leaga; ua fanaua foi e ia sona atalii,
ua le ia te ia foi se mea. E pei ona 15
sau o ia o le lavalavā mai le manava
o lona tinā; e toe foi atu lava o ia
e faapei ona ia sau; e le ave foi e
ia se mea ai lana galuega e alu ma
ia. O le mea leaga foi lenei e tiga 16
ai, e pei ona sau o ia, e faapea lava
ona foi atu o ia; se a foi se mea ua
maua e le tagata ua galue mo le
matagi? O loo 'ai foi o ia i ona 17
aso uma i le pouliuli, ma le tiga
tele, ma le ma'i, ma le ita.

Faauta i le mea ua ou iloa; o le 18
mea lelei ma le matagofie i le *ta-*
gata e 'ai, ma inu, ma fiafia i le lelei
mai ana galuega uma na te faia i
lalo o le la, i aso uma o lona ola ua
foaiina e le Atua ia te ia; auā o
mea ia e fai māna. E taitasi foi le 19
tagata ua foaiina e le Atua ia te ia
le tamaoiga ma le oloa tele, ma ua
foai e ia ia te ia ia mafai ona 'ai ai;
ia fai foi lona tofi, ma olioli i lana
galuega; o le mea foaiina e le Atua
lea. Auā e le manatua tele e ia o 20
aso o lona ola, auā ua foai mai o le
Atua le olioli i lona loto.

*O le le aoga o le oloa tele i le tagata
ua le lelei ai o ia.*

O LOO i ai le mea leaga ua ou 6
iloa i lalo o le la, e toatele foi lea i
tagata; o le tagata ua foaiina i ai e 2
le Atua le tamaoiga, ma le oloa
tele, ma le mamalu, e le mativa foi
o ia i se mea o mea uma e manao i
ai o ia, a ua le foaiina e le Atua ia
te ia ia mafai ona 'ai ai, a e 'aina e
le tagata ese. O le mea faatauvaā
lea, o le ma'i leaga lea. Afai e 3
fanaua e se tagata le toaselau, e
tele foi tausaga e ola ai o ia, e tele
foi aso o ona tausaga, a e le mālīe
lona loto i le lelei, ma ua leai foi
sona tuugamau; ou te faapea ifo,
E sili ia te ia le ua fanau le au.

4 Auā ua sau o ia o faatauvaā, ua alu
atu foi o ia ma le pouliuli, ua ufitia
5 foi lona igoa i le pouliuli; ua le iloa
foi e ia le la, ua le iloa lava *se mea* ;
ua sili le filemu o lena i le le tasi.
6 Afai foi e ola o ia i tausaga e lua
afe, e le iloa lava e ia se manuia; e
le o atu ea tagata uma i le mea e
tasi?

7 O galuega uma a le tagata mo
lona gutu lea, a e le mālīe lava le
8 manao. Se a foi le mea ua i ai i le
tagata poto e sili i la le vale? se a
le mea ua e ai i le mativa, ua iloa e
9 savali i luma o tagata ola? E sili
ona lelei o le mea ua maua mai, i
le mea ua manao i ai le loto; o le
mea faatauvaā foi lea, ma le 'ai i le
matagi.

10 O le ua i ai nei, ua uma ona faa-
igoaina o ia i lona igoa, ua iloa foi o
ia o le tagata; e le mafai foi ona
finau o ia ma le ua sili lona malosī
11 i lona. E tele lava mea e faateleina
ai mea faatauvaā, se a le mea ua
12 maua ai e le tagata? auā o ai se na
te iloa le mea e lelei ai le tagata i
lenei olaga, i nai aso uma o lona ola
faatauvaā, e mavae ese ia te ia e pei
o se ata? po o ai foi se na te faailoa
atu i le tagata le mea e tupu i lalo
o le la pe a mavae atu o ia?

*O le ta'uleleina, ma le onosai, ma le
poto e māmā ai le tiga ona o mea
vale.*

7 E SILI ona lelei o le ta'uleleia i
le suāu lelei; ma le aso e oti ai e
2 sili i le aso e fanau mai ai. E sili
ona lelei o le alu i le fale o i ai le
faanoanoa, i le alu i le fale ua fai ai
le tausamiga; auā o le iuga lea o
tagata uma; e manatua foi e le ta-
3 gata ola i lona loto. E sili ona lelei
o le tiga, i le 'ata'ata; auā o le faa-
4 noanoa o mata e lelei ai le loto. O
le loto o le tagata poto ua i le fale
o i ai le faanoanoa; a o le loto o e
valelea, ua i ai lea i le fale o i ai le
5 olioli. E sili ona lelei o le faalogo
o le aoaiga a le tagata poto, i le faa-
logo o se tasi i le pese a e valelea.
6 Auā e pei o le talaī o laau talatala
i lalo o le ulu, e faapea le 'ata'ata o
le vale; o le mea faatauvaā foi lea.
7 O le saua e faavalea ai lava le
tagata poto; o le mea foaifuaina

foi e leaga ai le loto. E sili ona 8
lelei o le iuga o se mea i lona ama-
taga; e sili ona lelei o le ua onosai
i le ua loto faamauulaga. Aua le 9
faataalise ona ita o lou loto; auā e
tumau le ita i loto o e valelea. Aua 10
e te faapea, Se a le mea na sili ai
ona lelei o ona po anamua i nei ona
po? auā e le o le poto ua e fesili ai
i lea mea.

E lelei le poto e faatasi ma le tofi, 11
e sili ona aoga foi i e o iloa atu le
la; auā ua fai le poto ma mamalu, 12
ua fai *foi* tupe ma mamalu; a o le
aoga lenei o le poto ua maua, e ola
ai e ua i ai. Ina manatunatu ia i 13
le galuega a le Atua; auā o ai se
na te mafaia ona faasa'oina o le
mea ua faapiopioina e ia? Ina fia- 14
fia ia i le aso e manuia ai, ia mafau-
fau foi i le aso e malaia ai; ua tuu
feagai e le Atua le tasi i le tasi, ina
ia le iloa e le tagata se mea e tupu
pe a mavae atu o ia.

Ua ou iloa nei mea uma i o'u nei 15
aso faatauvaā; o le tagata amiotonu
e oti o ia i lana amiotonu; o le ta-
gata amio leaga foi e *ola* loa o ia i
lana amio leaga. Aua e te amiotonu 16
naua, aua foi e te faatele naua lou
poto; se a le mea e oti ai oe ia te
oe? Aua e te amio leaga naua, aua 17
foi e te faavalea; se a le mea e oti
ai oe a o lei oo i ou po? E lelei 18
ona e taofi i lenei, aua foi e te tuu
ese lou lima i lena; auā o le ua
mata'u i le Atua e sao o ia ai na
mea uma. O le poto e sili ai ona 19
malosi o le ua poto, i faipule e toa-
sefulu ua i le aai. E leai lava se 20
tagata amiotonu i le lalolagi, o le na
te faia amio lelei, ma le le agasala.
Aua foi e te manatu i upu uma ua 21
faia; ne'i e faalogo i lau auaua o
fetuu ia te oe; auā foi ua iloa lou 22
loto, o oe lava ua atu lasi ona e
fetuu i nisi tagata.

Ua ou tofotofa ma le poto i nei 23
mea uma; na ou faapea ifo, O le a
ou poto; a ua mamao lava lea ia te
au. O le mea ua mamao ma le ma- 24
tuā loloto, o ai se na te mafaia ona
iloa?

Na ou faasaga ma lo'u loto ia 25
iloa, ma saili, ma sutesue i le poto
ma le uiga o mea, ia iloa foi le leaga
o le valea, ma le amio valea a e

- 26 valelea; ua ou iloa foi e itiiti lava le tiga o le oti, a e tele lava ona o le fafine ua fai lona loto ma maillei ma upega, *ma* ona lima ma noanoaga; o le ua lelei i luma o le Atua, e sao o ia ia te ia; a o le ua agasala e maua o ia e ia. O loo faapea mai le Failauga, Faa^uta mai, ua ou iloa lenei mea i *lo'u faatatauina* o le tasi i le tasi, e iloa ai le mea ua faapea ai; o loo saili ai pea lava a'u, a ua le iloa; o le tane e toatasi o i le toaase ua ou iloa; a o se fafine o i le toatele faapena ou te lei iloa. Faa^uta, na o lenei lava mea ua ou iloa, na faia e le Atua le tagata e amiotonu, a o i latou ua sailiili i latou i togafiti e tele.

O le poto e lelei ai le tagata; o mea e faia i luma o tupu; ma le anaana i le pule a le Atua.

- 8 O AI e pei o le tagata poto? o ai foi se na te iloa le faamatalaga o se mea? O le poto o le tagata e malamalama ai ona mata; ua liliu ai foi ona mata sau.
- 2 Ou te *fai atu*, ia e anaana i le poloaiga a le tupu, ona o le tauto foi i le Atua. Aua e te faavave ona e alu ese i ona luma; aua e te finau i se mea leaga; auā o mea uma e finagalo i ai o ia e faia e ia. O le mea ua i ai le poloaiga a le tupu, *o le mea lea* ua i ai le pule; o ai foi se na te fai atu ia te ia, Se a le mea ua e faia?
- 5 O le na te anaana i le poloaiga e le iloa e ia se mea leaga; ua iloa foi i le loto o le tagata poto le tausaga ma le tonu. Auā ua i ai i mea taitasi o ona po ma le tonu; a e tele pea lava le leaga ua i le tagata; auā e le iloa e ia mea e tutupu; auā o ai se na te faailoa atu ia te ia ona po e tutupu ai?
- 8 E lei se tagata ua i ai le pule i le agaga e taofi ai le agaga; e lei foi se pule *ia te ia* i le aso e oti ai; e lei lava se auescina atu i lea taua; o le amio leaga foi e le la-yeaiina ai o e ua faia. Ua ou iloa nei mea uma, ua ou manatu foi i lo'u loto i galuega uma ua faia i lalo o le la; e i ai ona po e pule ai le tasi tagata i le tasi, e leaga ai o ia lava. Ona ou iloa ai lea e ua

amio leaga ua tanumia; na o mai foi i latou, ma o ese atu i le mea paia; na faagalagaloina foi i latou i le aai na latou faapea ai; o le mea faatauvaā foi lea.

Auā ua le vave faaootia le sala i 11 le amio leaga, o le mea lea ua matuā naunau ai loto o tagata e fai mea leaga. E ui lava ina faaselau ona fai o mea leaga o le ua agasala, ma ua faafualoaina lona *ola*; a ua ou iloa lava e manuia e ua matatau i le Atua, o e matatau i ona luma. A e le manuia le ua amio leaga, e le faafualoaina foi *ona* aso, ua pei o se ata; auā ua le mata'u o ia i luma o le Atua.

Ua i ai lenei mea faatauvaā ua faia i le lalolagi; ua i ai e ua amiotonu, ua oo i ai mea e tatau i le galuega a e amio leaga; ua i ai foi o e ua amio leaga, ua oo i ai mea e tatau i le galuega a e amiotonu; ua ou faapea ifo, O le mea faatauvaā foi lea. Ona ou viia ai lea o le olioli; auā ua lei se mea lelei i le tagata i lalo o le la, na ona ia 'ai, ma inu, ma olioli; auā e tumau lea ia te ia mai lona galuega, i aso o lona ola, ua foaiina mai e le Atua ia te ia i lalo o le la.

Ua faasaga lo'u loto ia iloa le 16 poto, ia iloa foi le galuega ua faia i le lalolagi; auā foi *o loo i ai le* ua le iloa sina moe i ona mata i le ao atoa ma le po; ona ou iloa ai lea o galuega uma a le Atua, e le mafaia e le tagata ona iloa o le galuega ua faia i lalo o le la; auā e ui lava ina tiga se tagata i saili, a e le iloa e ia; i le ma lea, a faapea ifo se tagata poto, o le a na iloa, e le mafai ona iloa e ia.

O mea e oo i e amio lelei ma e amio leaga; o le pule a le Atua; ma le aaga o le poto.

NA ou manatunatu lava i lo'u 9 loto i na mea uma, na ou matuā susesue foi na mea uma; ua i le aao o le Atua e ua amiotonu ma e ua popoto, atoa ma a latou galuega; e le iloa foi e tagata le alofa po o le ita i mea uma i o latou luma. E tutusa *ona oo* o mea uma i tagata uma; e tasi lava le mea e oo i le ua amiotonu ma le ua amio leaga, i le

ua lelei, ma le ua mamā ma le ua le mamā, o le na te faia taulaga, ma le na te le faia taulaga; e pei *ona oo* i le tagata amio lelei, e faapea foi *ona oo* i le tagata agasala; e pei *ona oo* i le na te tauto, e faapea foi *ona oo* i le ua mata'u i le tauto.

3 Ua i ai lenei mea leaga i mea uma ua faia i lalo o le la, e oo le mea e tasi i tagata uma; ua tumu foi loto o tagata i le leaga, ua i ai foi le valea i o latou loto i o latou olaga nei, mulimuli ane *ua latou o atu* i e

4 ua oti. Auā o le ua faatasi i e ua ola uma, ua ia te ia le faamoemoe; auā e sili ona lelei o le uli ua ola i

5 le leona ua mate. Auā o e ua ola, ua latou iloa e oti i latou; a o e ua oti, latou te le iloa se mea; ua leai foi se toe totogi ia te i latou; auā

6 ua faagalagaloina i latou. O lo latou alofa foi, ma lo latou ita, ma lo latou mataua, ua mavae lava ia; ua le toe aiā i latou e faavavau i mea uma ua faia i lalo o le la.

7 Ina alu ia, ina 'ai i lau mea e 'ai ma le olioli, ina inu foi ia i lau uaina ma le loto fiafia; auā o loo fiafia nei le Atua i au galuega. Ia sina-

8 sina ou ofu e le aunoa; aua foi le aunoa le suāuu i lou ulu. Ia e fiafia i lou ola faatasi ma le avā ua e

9 alofa i ai, i aso uma o lou ola faatauva, ua foaiina e *le Atua* ia te oe i lalo o le la, o ou aso faatauva uma; auā o lou tofi lea i *lenei* olaga ma lau galuega ua e galue ai i lalo

10 o le la. O mea uma ua e iloa e faia e ou lima, ina faia ia ma lou malosi; auā e leai se galuega, po'o se mafaufau, po'o se iloa, po'o se poto i le tuugamau, o loo e alu atu i ai.

11 Ua ou toe iloa foi i lalo o le la, ua le *sini* i le tausinioga e ua tele vavave, ua le *malo* i le taua e ua malosi, ua le i ai foi i e ua popoto le mea e 'ai, ua le i ai i e ua faautauta le oloa tele, ua le i ai foi i e ua atamamai le alofaina mai; a o le tausaga ma le mea e tupu ai e oo

12 ia te i latou uma. Auā foi e le iloa e le tagata lona tausaga; e pei ona maua o i'a i le upega e leaga ai, e pei ona maua foi o manu fefeleti i le maillei; e faapea foi ona mailleia o tagata i le tausaga leaga, pe a oo faafuasei mai ai ia te i latou.

Ua ou iloa foi lenei poto i lalo o le la, ua tele foi lea i lo'u *manatu*; o si aai ititi, e toaititi foi tagata

14 na i ai; na alu atu foi i ai le tupu tele, na ia vagaia, na ia fai foi 'olo tetele e faafeagai i ai; na iloa ai

15 foi le tasi tagata mativa, a e poto; na ia faasaoina foi le aai i lona poto; a. ua leai se tagata na ia manatua lea tagata mativa. Ona

16 ou faapea ifo lea, E sili ona lelei o le poto i le malosi; a e inosia le poto o le mativa, ua le faalogoina foi ana upu. E sili ona faalogoina

17 upu filemu a e popoto, i le alaga a le faipule valea. E sili ona lelei o

18 le poto i auupega o le taua; a e māumau i le tagata agasala e toatasi mea lelei e tele.

O le amioga a e popoto ma e valelea.

O LAGO mamate e elo ai *ma*

10 māsā ai le suāuu manogi a le fai mea manogi; o le valea ititi *foi e leaga ai* le ua ta'ua o le poto ma le mamalu.

O le loto o le tagata poto ua i lona lima taumatau; a o le loto o le vale ua i lona lima tauagavale. A savali le vale i le ala, ua leai sona

3 mafaufau, ua fai atu foi o ia i tagata uma, o ia o le vale.

Afai e tupu le ita o le faipule ia te oe, aua e te tuua le mea ua e i ai; auā o le agamalu e moe ai *le ita i* agasala tetele. O le tasi mea

5 leaga ua ou iloa i lalo o le la, o le mea sese e tupu mai i le alii; ua tofia le valea i mea silisili, a ua nonofo e ua mauoa i le mea mau-

6 lalo. Ua ou iloa auauna e tietie i solofanua, a o alii e savavali i le elelele e pei o auauna.

O le na te eli se lua e paū o ia i ai; o ia foi na te lepeti se aupa, e utia o ia e se gata. O le na te

9 aveesea maa e tiga ai o ia; o le na te isia laau e lavea ai o ia. Afai e

10 matatupa le uamea, a le faamaaia foi e ia lona mata, ona faatele lea i ai o lona malosi; a o le poto, o le mea aoga lea e faatonu a'i. Afai e

11 u se gata, a o le faaoleoleina, ona leai lea o se mea e maua e le na te faaoleoleina. O upu a le tagata

12 poto o *upu* alofa ia; a o le gutu o le vale e malaia ai o ia. O le ama-

13

taga o upu a lona gutu o le valea
lea, o le iuga foi o lana tautala o le
14 valea leaga lea. Ua faateleina foi
upu e le vale; e le iloa foi e le
tagata se mea e tupu; o ai foi se
na te faailoa ia te ia se mea e tupu
15 pe a mavae atu o ia? O le galuega
a e valelea ua lailoa ai i latou; auā
e leai so latou e iloa ona alu i le
aai.

16 Le nuu e, oi talofa ia te oe pe a
se tama lou tupu, ua ala aai foi ou
17 alii! Le nuu e, amuia oe pe a fai
mou tupu le alo o se alii, e aai foi
ou alii i le itu aso e tatau ai, ia
18 malolosi ai, a e le ina ia onā ai. O
le paie tele e pala ai le paelaau, o le
le tago foi o lima i mea, e tutulu ai
19 le fale. Ua latou faia le tausamiga
e featani ai, o le uaina foi e fiafia ai
tagata ola; a o tupe e aoga i mea
uma.

20 Aua e te fetuu i le tupu i lou
lava manatu; aua foi e te fetuu i le
mauoa i lou lava potu moe; auā e
ave le leo e se manu lele, e faailoa
atu foi le upu e le mea ua fai
apaau.

*O le amio alofa ma le faautauta
lelei; o le oti ma le aso faamasino.*

11 INA lafo ia lau mea e 'ai i luga o
le vai; auā a mavae aso e tele e te
2 toe maua. Avatu se tufaaga i le
toafitu, po o le toavalu; auā e te le
iloa pe se a se mea leaga e tupu i le
3 lalolagi. Afai e tutumu ao, e totō
ifo ai le ua i le lalolagi; afai foi e
paū se laau i le itu i toga, po o le
itu i matu, o le mea e paū i ai le
4 laau, e i ai pea ia. O le na te ma-
natunatu i le matagi e le lulu saito
e ia; o le na te vaavaai foi i ao e le
5 selesele lava o ia. E pei ona le
iloa e oe le ala o le matagi, ma ona
tutupu o ivi i le manava o le ua to,
e faapea foi ona le iloa e oe le
6 galuega a le Atua, o le na te faia
mea uma lava. O le taeao ia e lulu
ai au saito, aua foi le mapu lou
lima i le afiafi; auā e te le iloa po
o le fea e manuia, o lenei, po o
lena, pe gatusa ona lelei o ia mea
e lua.

7 E lelei lava le malamalama, o le
mea foi e fiafia ai mata pe a iloa
8 atu le la; a e afai e ola se tagata i

tausaga e tele, *ma* olioli i ia *tausaga*
uma; a ia manatu o ia i aso e pouli-
uli ai, auā e tele ia; o mea uma foi
e oo mai, o mea faatauvaā lava ia.
Le taulealea e, ina olioli ia i lou
9 tama itiiti, ia fiafia foi lou loto i aso
o lou taulealea, ma ia e savali i ala
ua e loto i ai, ma mea e vaai i ai ou
mata; a ia e iloa e faamasinoina oe
e le Atua ona o na mea uma. O
10 lenei, ina faatea ese atu ia le tiga i
lou loto, ma tuu ese atu le leaga i
lou tino; auā o le tama itiiti ma le
taulealea e faatauvaā ia.

*O le mata'u i le Atua ma le anaana
i ana poloaiga a o malosi le tino.*

O LENEI, ia e manatua le na
faia oe i ona po o lou taulealea, a o
lei oo mai aso leaga, a o lei oo mai
foi tausaga e te faapea ai, E leai
so'u fiafia i ai; a o lei faapouliuligia
le la, ma le malamalama, ma le ma-
sina, ma fetu, ma ua le foi mai ao
pe a mavae le ua; o le aso e tete ai
o le leoleo i le fale, ma faano'uno'u
ai tagata malolosi, ma lē toe galulue
e ua olo, auā ua toaitiiti, ma faapo-
uliuligia e o vaai i faamalama, ma
4 punitia ai faitotoa i le ala, ina ua
itiiti le leo o le olo, e tulai ai foi o
ia ina ua tausani o manu, e vāivai
ai foi teine fai pesega uma; e fe-
fefe ai foi i latou i mea mauaululuga,
ma matatau ai i le ala; pe a fuga
mai le sekati, ma fai le sē ma mea
mamafa, ma ua leai lava se toe
manao; auā a alu le tagata i lona
fale faavavau, e feoai foi ē taufai-
tagitu'i i le ala; a o lei faamalūina
le maea ario, po o ta'e le ipu auro,
po o nuti le kate i le vaipuna, po o
gausia le mea tavvili i le vaieli; ma
7 toe foi atu le efuefu i le eleele e
pei ona i ai ia, ma toe foi atu le
agaga i le Atua o le na foaiina
mai ai.

Ua faapea mai le Failauga, E
8 matuā faatauvaā, e faatauvaā mea
uma lava.

Na sili le poto o le Failauga, o le
mea lea na sili ai lona a'oa'o atu i
tagata ia popoto; na ia mafaufau
foi, ma suesue, *ma* saunia faataoto
e tele. Na sailia e le Failauga ia
9 maua upu e faafiafia a'i; o mea ua
tusia foi e tonu ia, o upu moni lava.
10

O upu a e popoto e pei o tui ia, po o
 11 fao ua faamauiua, o matai o faa-
 potopotoga ua tofia ia e le leoleo e
 12 toatasi. O lenei foi, lo'u atalii e, ia
 a'oa'oina oe e i latou; e leai se iuga
 i tusi o tusi e tele; o le suesue tele
 foi i upu e vaivai ai le tino.

Se'i tatou faalogo ia i le iuga o ia 13
 mea uma, Ia e mata'u i le Atua, ma
 e anaana i ana poloaiga; auā o mea
 ia e *tatau* i tagata uma. Auā e faa- 14
 masinoina e le Atua galuega uma,
 atoa ma mea lilo uma lava, o mea
 lelei atoa ma mea leaga.

O LE PESE

A SOLOMONA.

1 O LE pese silisili a Solomonā.
 2 Ia sogi mai o ia ia te au i sogi o
 lona fofoga; auā e sili ona lelei o
 3 lou faapelepele mai i le uaina. O le
 nanamu o ou uu lelei ua *avea* ai lou
 suafa e pei o le uu ua liligiina; o le
 mea lea ua mananao ai taupou ia te
 4 oe. Ia e tosina atu o a'u, matou te
 taufetuli ma mulimuli atu ia te oe.
 Ua ta'ita'iina o a'u e le tupu i ona
 potu; matou te fiasia ma olioli ia te
 oe, e tele lo matou manatunatu i lou
 faapelepele mai a e itiiti i le uaina;
 ua mananao tagata amiotonu ia te
 oe.
 5 Tama fafine a Ierusalemā e, e uli-
 uli a'u, a e lalelei, e pei o fale ie o
 Kitara, e pei o ie puipui o Solomonā.
 6 Aua tou te vaavaai mai ia te au,
 ina ua uliuli o a'u; auā ua laina a'u.
 Na ita mai ia te au o fanau a lo'u
 tinā; na latou tofia a'u e fai ma
 leoleo i tovine; a o lo'u lava tovine
 7 ou te lei leoleoina. O oe na ua
 manao i ai lo'u loto, ina ta'u mai ia
 ia te au le mea e te fafaga ai i *au*
mamoe, o le mea e te ave ai *lou lafu*
 e taoto ai i le aoauli; auā se a le
 mea e aveai ai a'u e pei o se ua
 lailoa i *faalualuai* i lafu o e ua faa-
 tasi ma oe?
 8 Afai e te le iloa, o oe na le sili
 ona lalelei i fafine, ina alu atu ia oe
 i tulagavae o le lafu, ma fafaga i au
 tamai 'oti fafine e latalata ane i mea
 e nonofo ai leoleo mamoe.
 9 La'u uo e, ua faatusaina oe i solo-

fanua i kariota o Farao. Ua mata- 10
 gofie ou alafau i sei; o lou ua foi i
 asoa.

Matou te faia mo oe ni pale auro 11
 e ema i ario.

Ua puaiina le manogi o lo'u nato 12
 ina o afio le tupu i lana tautega. O 13
 le ofuofu pulu muro lo'u manamea
 ia te au; e asoa ia i lo'u ua i le po
 atoa. O le fuifui kofero lo'u mana- 14
 mea ia te au i tovine o Enokati.

Faauta, la'u uo e, ua e lalelei; 15
 faauta, ua lalelei oe, ua ni mata ose
 lupe ou mata.

Faauta, lo'u manamea e, e lalelei 16
 oe, e matagofie lava; ua uluuluola
 lo ta moega. O utupoto o lo ta fale 17
 o arasi ia, o lo ta falealuga ua *faia* i
 perosi.

O A'U o le fuga o le laau i 2
 Sarona; o le susana i vanu.

E pei o le susana i totonu o laau 2
 talatala, o loo faapea la'u uo i teine.

E pei o le moli i totonu o laau o 3
 le vao, o loo faapea lo'u manamea i
 taulelea. Na ou fiasia i lona paolo,
 ma ou nofo ai; na suamalie foi ona
 fua i lo'u gutu. Na ia aumaia a'u i 4
 le fale uaina; o lana fu'a i o'u luga,
 o le alofa lea. Ia outou faamalosia 5
 a'u i potoi vine; ina fofola mai ia o
 moli; auā o a'u ua ou vaivai i lo'u
 alofa atu. Ua i lalo o lo'u ulu lona 6
 lima tauagavale, ua fusi mai foi ia
 te au lona lima taumatau.

Tama fafine o Ierusalemā e, ou te 7
 fai atu ia te outou, ia tauto mai i

sevi ma aila o le vao, tou te le tata-
tuli pe fafagu i la'u pele, seia fai-
talia o ia.

- 8 O le leo o lo'u manamea! faauta,
o loo sau o ia, o loo osooso i luga o
mauga, o loo matuā osooso foi i mea
maupuepue. E pei o se sevi, po o se
9 tamai aila lo'u manamea. Faauta, o
loo tu mai o ia i tuāpa o lo tatou
fale; o loo silasila mai i faamalama,
o loo pupula mai lona *tino* i le mea
10 faamataupega. Na tautala mai lo'u
manamea, ua faapea mai ia te au,
Si a'u uo e, si o'u lalelei e, ina tulai
11 mai ia oe, ina sau ia; auā, faauta
mai ia, ua mavae le tausaga maalili,
12 ua mavae le timuga, ua te'a ia. Ua
iloa atu fuga i le fanua; ua oo mai
le tau e teuteu ai *vine*; ua lagona
foi le leo o le manutagi i lo tatou
13 nuu; ua matua fua le mati sa moto;
ua puaiina foi le nanamu o vine ua
fuga. Si a'u uo e, si o'u lalelei e, ina
14 tulai ia oe, ina sau ia. La'u lupe e,
ua i ana o papa ma lafitaga o i mato,
ina faaali mai ia ou mata ia te au;
so'u faalogo i lou leo; auā o *le leo*
mālie lou leo, e lalelei ou mata.
15 Ina outou pupue ia mā tatou o
alope, o alope iti, o e faamāumau i
16 vine; auā ua fua o tatou vine. O
lo'u manamea, o lo'u lava *ia*, e fai
foi a'u mona; ua ia fafaga i *lona*
17 *lafu* i totonu o susana. Lo'u mana-
mea e, ina foi mai ia seia gafoa le
ata, ma mavae le ufiata, ia avea oe e
faapei o se sevi po o se tamai aila i
mauga o Petere.

- 3 UA *ou* i luga o la'u moega i le po,
na ou saili ai i le ua manao i ai lo'u
loto. Ua ou saili ia te ia, a e lei
2 maua o ia. Ou te tulai ma fealu-
aluai i le aai, i ala mai malae, ou te
sailiili ai i le ua manao i ai lo'uoto;
ua ou sailiili ia te ia, a e lei maua.
3 Na maua a'u e leoleo e feoai i le
aai; *ua ou faapea atu i ai*, Ua outou
iloa ea le ua manao i ai lo'uoto?
4 E lei ata tuanai ia te i latou, ua ou
maua loa le ua manao i ai lo'uoto;
na ou taofi ia te ia, ou te lei toe
tuuina o ia seia ta'ita'iina atu ia te
ia i le fale o lo'u tinā, i le potu o le
na fanaua a'u.
5 Tama fafine a Ierusalemā e, ou te
fai atu ia te outou, ia tauto mai i

sevi ma aila o le vao, tou te le tata-
tuli pe fafagu i la'u pele, seia fai-
talia o ia.

- O ai ea lena o loo alu ae nai le 6
vao e faapei o le asu faaniutu, o loo
nanamu i le pulu muro, ma le pulu
lipano, ma mea manogi uma ua
nutililiia a le tagata faatauoa? Faa- 7
uta mai ia, o lona moega, o *le moega*
o Solomona, ua vagavagaia i toa e
toaonogafulu nai le au totoa o Isa- 8
raelu. Ua taitasi uma ma'uui lana
pelu, ua a'oa'oina i le taua; o le
tagata ma lana pelu i lona vae ona
o le matafu i le po. Ua faia e le 9
tupu o Solomona le fata mona i
laau mai Lepanona. Ua ia faia ona 10
pou i le ario, o ona faalava i le auro,
o lona nofoa i le *ie* pāuli; ua folasia
faamatagofie i totonu i mea alofa
mai tama fafine a Ierusalemā. Ta- 11
ma fafine a Siona e, o atu ia, ina
matamata i le tupu o Solomona ma
le pale na faapaleina ai o ia e lona
tina i le aso na fai avā ai o ia, le aso
foi na fiafia ai lona finagalo.

- LA'U pele e, faauta, ua e lalelei; 4
faauta, ua lalelei oe; ua ni *mata* o
se lupe ou mata ai totonu o lou ie
ufimata. O lou lauulu ua pei o fulu-
fulu o le lafu 'oti ua taooto mai i le
mauga o Kiliata. O ou nifo ua pei 2
o le lafu *mamoe* ua seleina fulufulu
ua o ae nai le fulufuluga; e taitasi
o i latou uma ma taiuilua, e leai foi
se tasi o i latou e pa. O ou laugutu 3
ua pei o le manoa mūmū, ua mata-
gofie lou gutu; ua pei o se fasi
rimoni ou alafau i totonu o lou ie
ufimata. O lou ua ua pei o le 'olo 4
o Tavita na faia e tuuai le auupega;
ua faatautauina ai o talita e afe,
o talita uma o toa. O ou susu e lua 5
ua pei o tamai *sevi* e lua, o le ui lua
a le sevi, o loo tataa i totonu o su-
sana. Ou te alu atu i le mauga o i 6
ai le muro, ma le mea maupuepue
o i ai le lipano; seia gafoa le ata, ma
mavae le ufiata. La'u uo e, ua sao 7
lou lalelei, e leai lava se pona ia te
oe.

- Ina ta tuua ia o Lepanona, *la'u* 8
avā e, ina ta tuua Lepanona. Se'i e
vaavaai nai le tumutumu o Amana,
ma le tumutumu o Senira ma Here-
moni, ma ana o leona, ma maua o

9 nameri. Ua avea lo'u loto ia te oe,
lo'u tuafafine e, *la'u* avā e; ua avea
lo'u loto i le tasi o ou mata, ma le
10 tasi asoa o i lou ua. Lo'u tuafafine
e, *la'u* avā e, ua silisili ese lou alofa
mai; e sili ona lelei o lou alofa mai
i le uaina; o le nanamu foi o ou
11 suāu e sili i mea manogi uma. *La'u*
avā e, ua sisina ifo meli i ou laugutu;
o i lalo o lou laulaufaiva le meli ma
le suāsusu; o le nanamu foi o ou
ofu ua pei o le nanamu o Lepanona.
12 O lo'u tuafafine, o *la'u* avā, o le faa-
toaga ua puipui o ia; o le vaipuna
ua puipui; o le punāvai ua faamau-
13 faailogaina. O au laau muli o le
torimoni *ia*, ma ona fua e sili ona
lelei; o le kofera atoa ma le nato,
14 o le nato ma le keroko; o le kani
ma le kinamomi, atoa ma laau uma
o le lipano; o le muro ma le aloe,
atoa ma mea uma e sili ona ma-
15 nogi; o le punāvai i faatoaga; o
le punāvai ola; o vaitafe foi mai
Lepanona.
16 Le matu e, ina ala mai ia; le
toga e, ina sau ia; agi mai i *la'u*
faatoaga, ina ia puaiina lona ma-
nogi. Ia maliu mai lo'u manamea
i lana faatoaga, ma taumafa i ona
fua e sili ona lelei.

5 LO'U tuafafine e, *la'u* avā e, ua ou
sau i *la'u* faatoaga; ua ou tau lo'u
muro atoa ma *la'u* mea manogi; ua
ou 'aina *la'u* meli ua sisina ifo ma
la'u meli; ua ou inu *la'u* uaina ma
la'u suāsusu. A'u uo e, ina tau-
mamafa ia; *a'u* uo pele e, ina feinu
ia outou, feinu ia, ia malilie.

2 Ua ou moe a'u, a e ala lo'u loto.
O le leo o lo'u manamea! O loo
tu'itu'i mai o *ia*, ua faapea mai,
Lo'u tuafafine e, *la'u* uo e, *la'u* lupe
e, le ua sao ona lelei, tatala mai ia
le puipui ia te au, auā ua sūsū lo'u
ulu i le sau, o'u lauulu *foi* i le
ma'ulu o le sau i le po.

3 Ua ou to ese lo'u ofu, pe faape-
fea ona ou *toe* ofu ai? Ua ou mulu-
mulu i o'u vae, pe faapefea ona ou
4 *toe* faaeleelea ai? Na tuuina mai e
lo'u manamea lona lima i le pu o *le*
puipui, ona mutimuti vale lea o lo'u
5 loto ia te ia. Na ou tulai e tatala
le puipui i lo'u manamea, na sisina
ifo foi le muro ai o'u lima, ma le

muro sisina nai o'u tamatamai lima
i le 'au o le faamau. Ua ou talā *le*
puipui i lo'u manamea, a ua liliu
lo'u manamea, ua alu ese; na segia
lo'u mauili ina o tautala mai o ia.
Ua ou saili ia te ia, a e lei maua;
na ou valaau atu ia te ia, a e lei
tali mai o ia ia te au. Na maua a'u
7 e leoleo e na feoi i le aai, na latou
fasi ia te au, ua ou manua ia te i
latou. Na faoa e leoleo pa lo'u ie
e ufita'i lo'u tino. Tama fafine a
8 Ierusalemā e, ou te fai atu ia te
outou ia tauto mai, afai tou te iloa
lo'u manamea tou te ta'u atu ia te
ia, ua ou vaivai au i lo'u alofa atu.

O oe na, le sili ona lalelei i fafine,
9 se a se mea e sili ai lou manamea i
se isi manamea? se a se mea e sili
ai lou manamea i *se isi* manamea,
ina ua e fai mai matou te tauto?

O lo'u manamea, e sinasina ma
10 le mūmū, e silisili ese i le mano.
O lona ulu *ua pei* o le auro ua faa-
11 mamāina; o ona lauulu ua faapu-
loulou, ua uliuli e pei o se oreva.
O ona mata e pei ni mata o se lupe
12 e latalata ane i vaitafe, o loo taele
i le suāsusu *ma* nonofo i le mau. O
13 ona alafau ua pei o se topasama, *ma*
mea maupuepue o i ai laau manogi;
o ona laugutu o susana ia, ua sisina
ifo ai le muro sisina. O ona lima
14 *ua pei* o mama auro ua tuuina i ai
tasesa; o lona manava *ua pei* o
nifo o elefane ua faapupulaina, ma
ua ufitia i safaira. O ona vae o pou
15 sesa ia, ua faatuina i luga o lago
auro lelei; ua foliga o ia i Lepa-
nona, ua sili ona lelei e pei o arasi.
O lona fofoga ua matuā *leo* malie. 16
Ua atoatoa ona lelei o ia. Tama
fafine a Ierusalemā e, o lo'u mana-
mea lava lea, o *la'u* uo foi lea.

O OE na le sili ona lalelei i fafine, 6
po o fea ua alu i ai lou manamea?
po o fea ua afe ane i ai lou mana-
mea, ia tatou sailiili ia te ia faatasi
ma oe?

Ua alu ifo lo'u manamea i lana 2
faatoaga, i topasama, e taumafa i
ana faatoaga, ma tau ai susana. O 3
lo'u manamea ua fai a'u mona, o ia
foi ua fai mo'u; o loo taumafa o ia
i totonu o susana.

La'u pele e, ua lalelei oe, e pei o 4

Tiresa; ua aulelei e pei o Ierusalem; ua matautia e pei o *le 'au* ua
5 i ai tagavai. Ina liliu ese ia ou fofoga ia te au, auā ua ou fefe ai; o lou laulu ua pei o fulufulu o le lafu 'oti ua taoto mai i Kiliata.
6 O ou nifo ua pei o le lafu mamoe ua o ae ai le fulufuluga, e taitasi o i latou uma ma taiuilua, e leai foi
7 se tasi o i latou e pa. Ua pei o se fāsi rimoni ou alafau i totonu o lou ie ufimata.

8 E toaonogafulu o masiofo; e toavalugafulu o palake; o taupou foi e
9 le mafaitaulia. O la'u iupe, o le ua sao ona lelei, e toatasi o ia, o le toatasi o ia i lona tinā, o le pele a le na fanaua o ia. Na vaavaai mai ia te ia o teine, ona latou faaamuia mai ai lea ia te ia. O masiofo ma palake na latou vivii mai foi ia te ia.

10 O ai ea lena ua sisila mai e pei o le taeco; e lalelei mai e pei o le masina; e pupula mai e pei o le la; e matautia e pei o *le 'au* ua i ai tagavai?

11 Na ou alu ifo i lo'u toekosi, e matamata ai i mea e tutupu i le vanu; e matamata po ua fuga le viue, po ua mātala fuga o rimoni. A o lei iloa e a'u ua tuuina ai a'u e lo'u loto i kariota o Aminatipo.

13 Foi mai ia, ina foi mai ia, le Sulami e; ia e foi mai, foi mai ia, matou te maimoa ai ia te oe. Tou te maimoa i ni a i le Sulami? E peiseai o le siva o 'au e lua.

7 LE tausala e, e matagofie naua ou vae i see; o le fa'iga o ou suilapalapa ua pei o se asoa ua faia e
2 lima o le tufuga. O lou pute *ua pei* o se ipu lapotopoto ua i ai le uaina ua suia; o lou manava *ua pei* o le faaputugāsaito ua afei i susana. O ou susu e lua ua pei o tamai *sevi* e
4 lua, o le ui lua a le sevi. O lou ua ua pei o se 'olo o nifo o elefane; o ou mata ua pei o vailepa i Hesepona e latalata ane i le faitotoa o Peterepima; o lou isu ua pei o le 'olo o Lepanona e feagai ma Tamaseko.
5 O lou ulu i ou luga ua pei o Karamelu, ma lou laulu ua pei o ie pauli; ua taofia le tupu i *ou* laulu.
6 Le pele e, ua matuā lalelei oe, ua matuā matagofie oe, e faafiafia ai.

Ua faapea lou manaluga, ua tusa 7
ma le pama; o ou susu foi e pei o 8
fuifui *vine*. Na ou faapea ifo, Ou te alu ae i le pama, ou te tago atu i ona lau; ona avea lea o ou susu e pei o fuifui vine, ma le nanamu o lou isu e pei o moli. O lou fofoga 9
foi e pei e le uaina lelei mā lo'u manamea, ua tafe malie e faagaganaina ai laugutu o e momoe. Ua fai a'u 10
mo lo'u manamea, ua uai mai foi lona manao ia te au.

Lo'u manamea e, ina sau ia, ina 11
ta o atu ia i le vao; ma momoe i faoa aai. Ia ta ala usu atu i tovine, 12
ma ta matamata ai po ua fuga vine, po ua mātala ona fuga, po ua tupu olaola rimoni; ou te alofa atu ia te oe i lea mea. Ua puaiina mai le 13
nanamu o tutaima; e latalata ane foi i o tatou faitotoa o *fua* uma e sili ona lelei; o *fua* ua faatoa tau atoa ma *fua* ua loa, ua ou faaputaina mā oe, lo'u manamea e.

E! ANA fai oe mo'u tuagane, 8
ana e susu i susu o lo'u tinā, ona ta feasogi ai lea ma oe, pe a ou iloa oe i fafo; a e latou te le inosia ai a'u. Ona ou ta'ita'i ai lea ia te oe, *ma* 2
o aumaia oe i le fale o lo'u tinā, e te a'oa'o mai ia te au; ou te avatu ia te oe le uaina manogi ma le sua o la'u rimoni e te inu ai. Ua i lalo 3
o lo'u ulu lona lima tauagavale, ua fusi mai foi ia te au lona lima taumatau.

Tama fafine a Ierusalem e, ou 4
te fai atu ia te outou, ia tauto mai, tou te le tatatuli pe fafagu i *la'u* 5
pele, seia faitalia lava o ia. O ai ea lena, o loo alu ae mai le vao, o loo faalagolago i lona manamea? Na ou fafagu ia te oe i lalo o le moli; na oono ai lou tinā ia te oe i lea mea; na ia oono ai ma fanau mai ai e ia o oe i lea mea.

Ia tuuina a'u i lou loto e faapei o 6
se faamaufaaailoga, e faapei o se faamaufaaailoga i lou lima; auā ua maulosi le alofa e pei o le oti; ua faa-uluulumamau le tuinanau e faapei o le tuugamau; o lona mumū, o le mumū lea o le afi mu saesae. E le 7
mafaia i vai e tele ona tinea le alofa, e le mafai ona lofia i vaitafe. A avatu e se tagata le oloa uma o i

- lona fale ia alofaina o ia e ta'ufaa-
tauvaaina lava.
- 8 Ua ia te i matou le uso itiiti e
leai ni ona susu; se a se mea tatou
te faia mo lo matou uso i se aso e
au mai ai se tautalatala ia te ia?
- 9 Afai o se pa o ia, ona tatou ati ae
ai lea i ona luga o se 'olo ario; a e
afai o se puipui o ia, ona tatou pu-
puni ai lea i ai i laupapa arasi.
- 10 O a'u nei o le pa, o o'u susu foi
ua pei o 'olo; ona avea ai lea o a'u
i ona luma e pei o se ua alofaina.
- 11 Na ia Solomona le tovine i Paala-

amoni; na ia tuuina atu le tovine i
leoleo; e taitoatasi o i latou ma au
mai tupe e afe i ona fua. O lo'u 12
tovine, o lo'u lava ia, ua i o'u luma.
Solomona e, mā oe le afe; a ia lua
selau mā e o leoleo i ona fua. O 13
oe na, le o nofo i faatoaga, ua faa-
logologo e ua faatasi ma oe i lou
siufofoga. Ia e faafaalogo mai ai
ia te au foi. Lo'u manamea e, ina 14
sola ia oe, ia pei o le sevi oe po o le
tamai aila i luga o mauga o i ai
mea manogi.

O LE TUSI A LE PEROFETA O ISAIA.

O le aadiga ia Isaraelu.

- 1 O LE faaaliga ia Isaia le atalii
o Amota, na ia vaaia ia Iuta ma
Ierusalemā, i ona po o Usia, o Io-
tama, o Aasa, ma Esekia, o tupu o
Iuta.
- 2 Le lagi e, faalogo mai ia; le lalo-
lagi e, uai mai ia ou taliga; auā ua
fetalai mai Ieova, Ua ou tausia ma
a'oa'oina le fanau, a ua latou foua
a'u. Ua iloa e le povi le na te tau-
sia o ia, ua iloa foi e le asini le mea
e fagaina ai o ia e le na te tausia o
ia; a o Isaraelu, ua le iloa e i latou,
ua le mafaufau lava lo'u nuu. Oi
talofa i le nuu agasala, o le nuu e
agasala tele lava, o le tupulaga
amio leaga, o le fanau e leaga lava
i latou; ua latou lafoaiina Ieova;
ua latou 'ino'ino i le Paia o Isaraelu,
ua tuumuli lava i latou. Se a le
mea e toe sasaina ai outou? Tou
te o ese pea ea? O loo ma'i le ulu
uma, o loo vaivai le loto uma. E
afua i le alofivae e oo lava i le ulu,
e leai se mea ua sao; a o manua,
ma faalavalava, atoa ma le papala
- ua aati, e lei faasooina, e lei fusia, e
lei faamāluina foi i le suāuu. O lo 7
outou nuu ua faatafunaina, o a ou-
tou aai ua susunuina i le afi; o fua
o lo outou laueleele ua 'aina e ta-
gata ese i o outou luma, ua faatafu-
naina, ua faaumatia lava e tagata
ese. Ua tuua foi le tama fafine a 8
Siona e pei o se fale apitaga i le
tovine, e pei o se fale i le mea ua
totō ai kukuma, e pei o se aai ua
vagaia. Ana le faatotoeina e Ieova 9
o 'au ni nai toaitiiti lava ia i tatou,
po ua avea i tatou e pei o Sotoma,
po ua tusa i tatou ma Komoro.
- Faipule o Sotoma e, faalogologo 10
mai ia i le afoga a Ieova; le nuu
o Komoro e, ina uai mai ia o outou
taliga i le tulafono a lo tatou Atua.
O loo faapea mai Ieova, Se a ea le 11
aoga ia te au o a outou taulaga e
tele? Ua ou fiu i taulaga mu e fai
i mamoe poa, ma le ga'o o manu
pepeti; ou te le fiasia lava i toto o
povi poa taanoa, ma tamai mamoe,
atoa ma 'oti poa. A outou o mai 12
ia iloa outou i o'u luma, o ai ea na
fai atu lea mea ia te outou e soli ai

- 13 o'u lotoā? Aua ne'i tou toe au mai
taulaga le aoga, o mea manogi e
mu, e inosia lea e a'u; o le masina
faatoa vaaia, ma le sapati ma le
talaiga o faapotopotoga ou te le
mafaia lava, o le agasala lava lea,
14 o le faapotopotoga lava. O outou
masina faatoa vaaia ma outou faa-
potopotoga, e 'ino'ino ai lo'u loto;
ua fai lava ma mea mamafa ia te
15 au, a a'u lailoa i tauave. A outou
faaloaloa mai o outou lima, e 'alo
ese o'u mata ia te outou; e ui lava
ina outou faateleina tatalo, ou te le
faalogo ai lava; ua tutumu o outou
16 lima i le toto. Ina fafano ia outou,
ina faamamā ia outou; faate'a ese
ia a outou galuega leaga i o'u luma,
17 soia tou te fai mea leaga. Ia outou
faamasani i le amio lelei, sailiili ia i
le faamasinoga; ia outou faasaina
le ua sauaina, ia outou faamasino i
le ua mātuaoti, ia outou finau mo
le fafine ua oti lana tane.
- 18 O loo o faapea mai Ieova, O mai
ia, ina tatou filifili ia, e ui lava ina
pei o *ofu* mūmū a outou agasala, e
sisina ia e pei o le kiona; e ui lava
ina mūmū ia e pei o le *ie* ulaula, e
19 avea e pei o fulufulu mamoe. Afai
tou te gauai ma outou faalogo, tou
te aai ai mea lelei o le lauelele.
- 20 A e afai tou te le mafafai ma outou
fouvale, e faaumatia ai outou i le
pelu; auā ua fetalai mai ai le fo-
foga o Ieova.
- 21 Aue! ua avea ma talitane le aai
sa faamaoni; sa tumu i le faama-
sinoga, sa nofo ai le amiotonu; a o
ona po nei, o loo o *nonofo* ai o e
22 fasioti tagata. O lau ario ua avea
lea ma otaota; ua sui i le vai lau
uaina. O ou alii sili e vaogatata i
23 latou, e fefaauoai ma e gaoi, ua
naunau i latou uma i mea alofa, ua
tausisi foi i tui; latou te le faama-
sino i le ua mātuaoti, ua le oo atu
foi ia te i latou le finauga a le fafine
ua oti lana tane.
- 24 O le mea lea o loo faapea mai ai
le Alii, o Ieova o 'au, o le Malosi o
Isaraelu, Aue! ou te tauai atu i e ua
agaleaga mai ia te au, ou te faa-
25 salaina e ua ita mai ia te au. Ou
te faafoi atu foi lo'u lima ia te oe,
ma ou matuā faate'a ese lou otaota,
ou te aveeseina foi lau 'apa sina-
- sina uma lava. Ou te toe faafoi 26
atu ou faamasino e pei o anamua,
ma ou faipule e pei o le amataga;
mulimuli ane, ona igoa ai lea o oe,
O le aai amiotonu, o le aai faama- 27
oni. E faaolaina Siona i le faama-
sinoga; o e liliu mai foi, e *faaolaina*
i latou i le amiotonu. A e oo faa- 28
tasi le malaia o e solitulafono atoa
ma e agasala; o e lafoai foi Ieova e
faaumatia lava i latou. Auā e faa- 29
maina i latou ona o tapeneto ua
outou mananao ai, e masiasi foi ou-
tou ona o ulu laau ua outou loto i
ai. Auā tou te faapei o se tapeneto 30
e mamae ona lau, e faapei o se ulu
laau foi e le o i ai se vai. E avea 31
ma lino le ua malosi, o lana galuega
foi e *avea* ma aloiafi; e mu faatasi i
laua uma, e leai foi se na te tineia.
- O le valoaga i le malo o le Mesia.*
- O LE mea na vaaia e Isaia le 2
atalii o Amota ia Iuta ma Ierusa-
lema.
- O aso e gata ai, e oo ina faatu- 2
mauina ai o le mauga o *i ai* le fale
o Ieova i tumutumu o atu mauga, e
faamaualugaina foi e sili i mauga,
ona gasolo ane ai lea o nuu uma i ai.
3 E o mai lava nuu e tele, ma latou
faapea ane, O mai ia, tatou o ae ia
i le mauga o Ieova, o le fale o le
Atua o Iakopo; e a'oa'o mai foi o
ia ia te i tatou ona ala, ona tatou
savavali ai lea i ona ala; auā e alu
atu le tulafono ai Siona, o le afioga
foi a Ieova ai Ierusalema. E faa- 4
masino foi o ia i nuu ese, ma aoai
atu i nuu e tele; ona latou tu'i ai
lea i a latou pelu e fai ma uamea o
suotosina, o latou tao foi e fai ma
polo e teu a'i vine; e le sii atu
le pelu e le tasi nuu i le tasi nuu,
latou te le toe a'oa'o foi i taua.
- Le aiga o Iakopo e, o mai ia ina 5
tatou savavali i le malamalama o
Ieova. Ua e lafoaiina lava lou nuu 6
le aiga o Iakopo, auā ua tumu i
latou *i mea* mai sasae, ma latou itea
ao o le lagi faapei o Filisitia, ua
latou osi feagaiga foi ma le fanau a
tagata ese. Ua tumu foi lo latou 7
nuu i ario ma auro, e le masino foi
o latou oloa. Ua tumu foi lo latou
nuu i solofanua, e le masino lava o
latou kariota. Ua tumu foi lo latou 8

nuu i tupua; ua latou ifo i galuega
a o latou lima, o mea lava na faia i
9 o latou tamatamai lima. Ua lafo-
tuina le tagata nuu, ua faamaulalo
foi le alii; e te le faamagaloina foi
10 i latou. Alu ia i totonu o le papa,
ina lafi ia i le eleele, ona o le matau-
tia o Ieova, ma lona mamalu silisili.
11 E faamaulaloina mata faasiasia o
tagata nuu; e faamaulaloina foi le
faamauluga o alii; na o Ieova lava
12 e viia i lea aso. Auā o le aso o Ieova
o 'au, e oo atu lea i e faasiasia ma e
faamauluga uma lava, atoa foi ma
e o faafefeteina uma; ona faamaul-
13 laloina ai lea. E oo i arasi uma ua
uumi ma le mauululuga o Lapanona;
14 e oo foi i aluna uma o Vasana; e oo
i atu mauga mauululuga uma; e oo
15 foi i mauga tetele uma; e oo i 'olo
maululuga uma; e oo foi i pa uma
16 e le aea; e oo i vaa uma o Tasesa;
17 e oo foi i mea matagofie uma. E
faamaulaloina lava le faasiasia o
tagata nuu; e faamaulaloina foi le
faamauluga o alii; na o Ieova lava
18 e viia i lea aso. E matuā mavae
19 lava tupua. Latou te ulu atu foi i
ana o papa, ma lua o le eleele, ona
o le matautia o Ieova ma lona ma-
malu silisili, pe a tulai o ia e luluina
20 le laueleele. O lea aso e lafoai atu
ai e tagata a latou tupua ario ma a
latou tupua auro, na latou faia mo
i latou e ifo i ai, e *lafoaiina lava* i
21 afora ma pe'a. Ina ia latou o atu i
mavaevae o papa, atoa ma va i papa,
ona o le matautia o Ieova ma lona
mamalu silisili, pe a tulai o ia e
22 luluina le laueleele. O outou na,
soia *le faatuatua* i tagata, o i ai lona
mānava i ona pogaiisu; auā se a le
mea e manatua ai o ia?

O mea leaga e tutupu ona o agasala.

3 AUA faauta, e aveeseina i Ierusa-
lema ma Iuta, e le Alii o Ieova o
'au, o lea lagolago ma lea lagolago;
o le lagolago areto uma, atoa ma le
2 lagolago vai uma. O le toa ma le
tagata tau, o le faamasino, ma le
perofeta, ma le taulāitu, atoa ma le
3 toeaina; o le ta'ita'i o le toalimaga-
fulu, ma le alii mamalu, ma le fai-
pule, ma le tufuga potō, i le ma le
4 ua potō i le taufaaleole. Ou te
tuuina atu foi tama e fai mo latou

alii sili, e pule foi tama iti ia te i
latou. E sauā foi le nuu, o le tasi i
le tasi, o le tagata foi i lē la te tuaoi;
e faasiasia le tama itiiti i le toeaina,
o le tagata faatauāa foi i le ua
mamalu. Ona tago atu ai lea o le
tagata i lona uso o le aiga o lona
tamā, *ma faapea atu*, O loo ia te oe
ofu, ina fai ia oe mo matou faipule,
ia e pule a o fai lenei malaia. O
lea aso e alaga atu ai o ia, e faapea
atu, E le fai a'u ma fofō, auā e le o
i ai i lo'u fale o mea e 'ai po o ofu;
aua ne'i faia o a'u ma faipule o le
nuu. Auā ua tausuai Ierusalemā, ua
paū foi Iuta; auā o latou laulau-
faiva ma a latou amio, ua oo ia ia
Ieova e faaonono ai i luma o lana
afio. Ua iloa i latou i le amio a o
latou mata, ua latou faaali mai a
latou agasala pei o Sotoma, ua latou
le natia lava. Oi talofa ia te i latou!
auā o i latou lava ua oo ai le leaga
ia te i latou. Fai atu ia i le ua
amiotonu, e manuia o ia; auā o le
fua o a latou galuega latou te aai
ai. Oi talofa i le ua amio leaga! e
malaia o ia; auā e tuuina atu ia te
ia le tau o ona lima. O lo'u nuu, o
e ua sauā i ai o tama iti ia, e pule
fafine ia te i latou. Lo'u nuu e, ua
faaseeina oe e ou lava ta'ita'i, ua
latou lepetia le ala e te ui ai. Ua
13 tu mai Ieova e fai le finauga, ua
tulai foi o ia e faamasino i nuu. E 14
afio mai Ieova e faamasino i toeaina
o lona nuu, atoa ma o latou alii
sili; auā ua outou faaumatia le
tovine, o mea na faoa i e matitiva
ua i ai ia i o outou fale. Se a le
15 mea ua outou tu'imomomo ai lo'u
nuu, ma outou olo ai mata o e
matitiva? o loo faapea mai ai le
Alii o Ieova o a'u,

Ua fetalai mai Ieova, ua faa-
mauluga tama fafine a Siona, ma
latou savavali mo *latou* ua ua falo,
ua faamatāitu i *latou*, ua savavali
faateine pe a latou feoi, ma ua fai
tauvae i o latou vae. O le mea lea
17 e faatulaina ai e le Alii o tumnai o
ulu o tama fafine a Siona, e faaalā
o latou tino e Ieova. O lea aso e 18
aveeseina ai e le Alii o mea e faa-
matagofie a'i tauvae, ma teuga faa-
upega, atoa ma mea e asoa ai; o 19
mama i taliga, ma taulima, atoa ma

20 ie ufmata; o pulou, ma filifli uamea
i vae, ma fusi, ma fagu e sogi ai,
21 atoa ma mea e sao ai; o mama i
22 lima, ma mama i isu; o ofu mata-
gofie, ma ofu tino e tetele, ma pulu-
23 pulu, atoa ma taga; o tioata, ma
ofu lino, ma pulou, atoa ma ie e
24 ufita'i le tino. E i ai foi le papala
ua elo e sui a'i le manogi lelei; e i
ai foi le maea e sui a'i le fusi; o le
ulu tula foi e sui a'i le lauulu ua
fili; o le lavalava talatala e sui a'i le
ofu tele; o le faailoga mu e sui a'i
25 le lalelei. E oti ou tagata i le pelu,
o ou fitafita foi e oti i latou i le taua.
26 E feoi ma faanoanoa ona faitotoa;
e nofo foi o ia i le eleele ua faa-
gaogaoina.

O le manuia o le malo o le Mesia.

4 O LEA aso e taofi atu ai e fafine
e toaftu i le tane e toatasi, e faapea
atu, Matou te aai i a matou lava
mea e 'ai, matou te oofu foi i o
matou lava ofu, tau ina igoa i matou
i lou igoa e aveeseina ai o matou
2 luma. O lea aso e avea ai le La
laau a Ieova ma mea matagofie ma
le viia; o le fua foi o le laueleele e
fai ma mea lelei ma le matagofie ia
3 te i latou o Isaraelu o e ua sao. E
ta'ufaasaina foi le ua tuua i Siona,
ma le ua toe i Ierusalem; o i latou
uma o e ua tusia faatasi ma e o ola
4 i Ierusalem; pe a uma ona fufulu
ese e le Alii le otaota o tama fafine
a Siona, a uma foi ona mulumuluina
o le toto o Ierusalem ai totonu ia
te ia, i le agaga o le faamasinoga,
5 ma le agaga o le faamuina; ona
faia lea e Ieova i luga o mea uma
i le mauga o Siona, o i luga foi o le
mea e potopoto ai, o le ao ma le asu
i le ao, ma le pupula mai o le afi
mumū i le po; auā e i ai le mamalu
6 i luga o le matagofie uma. E i ai
foi le fale apitaga e fai ma paolo i
le ao ona o le vevela, a fai foi ma
mea e malu ai, ma mea e ulu ai i le
timuga ma le uaga.

O le faataoto i le tovine.

5 SEIA ou pese atu i la'u pele, o
le pese i la'u pele i lana tovine. Sa
i la'u pele le tovine i le mauga lafu-
2 lemu lava. Na ia matuā eli ai, ma
aoao ai maa, na ia totō ai foi le

vine Soreka; na ia fai foi le 'olo
i ona totonu, na ia foaina ai le tuu-
gāuaina; ona faatalitali ai lea o ia,
ia fua mai ni vine, a ua fua mai ai
vine leaga. O lenei, o outou o e
3 nonofo i Ierusalem, atoa ma tagata
o Iuta, ina faamasino mai ia ia te
au ma la'u tovine. Se a ea se mea
e toe faia i la'u tovine ou te lei faia?
Se a foi le mea ua fua mai ai vine
leaga, a ua ou faatalitali ia fua mai
ai vine lelei? O lenei, ou te faailoa
4 atu ia te outou le mea ou te faia i
la'u tovine, ou te aveeseina lona āi,
ona 'aina ai lava lea, ou te sōloia
lona aupā, ona solia lava lea. Ou
6 te faatafunaina ia, e le salaina, e le
teuteua; a e tutupu ai laau tuitui
ma laau talatala; ou te fai atu foi i
ao, aua nei totō i ai ni ua. Auā o
7 le tovine a Ieova o 'au, o le aiga o
Isaraelu lea, o tagata o Iuta foi, o
lona faatoaga lea na ia fiafia i ai;
na ia faatalitali i le faamasinoga,
faauta foi, o le fasi tagata; na ia
faatalitali i le amiotonu, faauta foi,
o le uio.

Oi talofa ia te i latou o e faaopo-
8 po mai lea fale ma lea fale, o e
faasosoo ane lea fanua ma lea fanua,
ua le toe ai se mea, ua na o outou
lava e nonofo i totonu o le nuu.
9 *Ua fetalai mai i o'u taliga e Ieova o*
'au, E moni, e faatafunaina fale e
tele, o fale tetele ma le lelei, e leai
sē nofo ai. Auā e sefulu ekere o le
10 tovine e fua mai ai le paita e tasi, o
le somera o saito foi, e fua mai ai
le efa.

Oi talofa ia te i latou o e ala usu
11 e matuā saili 'ava, ma ua nonofo
pea ua oo i le po, seia faavalemalalo-
losi ai i latou i le uaina. O loo i ai
12 i a latou faigaai o le kitara, ma le
napeli, ma le topa, o le fagu fagu
foi, atoa ma le uaina; a ua latou le
8 mafaufau i le galuega a Ieova, ua
latou le vāai foi i mea ua faia e ona
aao. O le mea lea ua ave ai lo'u
13 nuu faatagataotaua, ina ua valelea i
latou; o latou alii foi ua oge i latou,
ma le toatele o le nuu ua lailoa i le
fia inu. O le mea lea ua faalau-
14 teleina ai seoli o ia e ia, ua matuā
faamaga tele lava lona gutu, ua o
ifo ai o latou alii, ma le toatele o le
nuu, o le vao tagata foi ua pisapisao

ai, atoa ma le ua mitamita ia te ia.
 15 Ua lafotuina le tagata nuu, ua faamaulaloina le alii, ua faamaulaloina
 16 foi mata o e faamaualuluga. A o Ieova o 'au e vīa o ia ona o le faa-
 masinoga, o le Atua paia foi e ta'u-
 17 paiaina o ia ona o le amiotonu. E aai faasa'oloto tamai mamoe; o mea
 gaogao foi a e pepeti e 'aina ia e tagata ese. Oi talofa ia te i latou o
 18 e toso le mea leaga i maea o le pepelo, *ua toso* foi le agasala peiseai
 19 i maea o le fata faataavalevale; o e faapea mai, Ia faataalise o ia, ia
 faavave mai e ia lana galuega ina ia matou vaavaai i ai; ia faalatalata
 mai le pule a le Paia o Isaraelu, ma ia oo mai lava, se'i matou iloa.
 20 Oi talofa ia te i latou o e fai mai, ua lelei le mea leaga, a e leaga le
 mea lelei; o e fai ma malamalama le pouliuli, a e fai foi ma pouliuli le
 malamalama; o e fai ma mea suamalie le mea oona, a e fai ma mea
 21 oona le mea suamalie. Oi talofa i e ua popoto i o latou lava manatu,
 ma e ua fai ma tagata mafaufau i o latou lava taofi. Oi talofa i e malo-
 22 losi e innu uaina, o e fai ma tagata totoa foi e palu ai le 'ava. O e
 23 ta'uamiotonuina le pagota ona o le tau, a e aveeseina le amiotonu a e
 24 amiotonu. O lenei, faapei ona 'aina o tagutugutu saito i le mumu o le
 afi, e *pei ona* pauu foi le mutia magumagu ua mu, e faapea foi ona
 pala o latou aa, e pusa ae foi lo latou fuga e pei o le efufu; auā ua latou
 lafoai le tulafono a Ieova o 'au, ua latou 'ino'ino foi i le afioga a le
 25 Paia o Isaraelu. O le mea lea ua tele ai le toasa o Ieova i lona nuu,
 ma ua faaloaloa ai lona aao i luga ia te i latou, ma ua fasia i latou, ua
 gateete ai mauga; o latou tino oti foi ua pei o otaota i le moa o le ala.
 E ui lava i na mea uma, a e lei liliu ese lona toasa, a e faaloaloa pea
 lona aao.
 26 E sii i luga foi e ia le tagavai i nuu ese o mamao, na te mapumapu
 atu foi ia te i latou i tuluiga o le lalolagi; faauta foi, latou te faataa-
 27 lise ona vave o mai. E lei so latou e vaivai, e lei foi se tasi e tauteva-
 teva; e le tulemomece i latou, latou te le momoe lava; e le tatalaina

fusi o latou sulugatiti, e le motusia foi nonoa o latou seevae. E maa-
 28 maai a latou u fanafana, e lolou foi a latou aufana uma; e faatusaina
 atigivae o a latou solofanua i alā, o a latou mea taavavale foi e pei o le
 asiosio. O lo latou tagi e pei o le leona fafine, latou te tagi pei o
 29 leona taanoa; latou te tagi ma pue manu, latou te avea ai lava, e
 lei foi se na te laveaiina. O lea 30
 aso latou te u ai ia te i latou, e pei o le u o le sami; a vaai foi *se tasi* i
 le laueleele, faauta, o le pouliuli e puapugatia ai, ua faapouliuligia foi
 le malamalama i ona ao.

O le afio mai o Ieova i le malumalu.

O LE tausaga na oti ai le tupu o 6
 Usia, na a'u iloa ai le Alii o afio i le nofoālii silisili ma le mauuluga, o
 ona pito ofu foi na tumu ai le malu-
 2 malu. Sa tutū serafi e latalata ane, sa tofu i latou ma apaau e ono, o
 3 *apaau* e lua na ia ufitia ai ona mata, o le lua na ia ufitia ai ona vae, o le
 lua foi na ia lele a'i. Sa valaau foi le tasi i le tasi, ua faapea ane, E
 4 paia, e paia, e paia Ieova o 'au; ua tumu le lalolagi uma i lona mamalu.
 Sa luluina foi faavae o faitotoa i le leo o le na valaau, sa tumu foi le
 5 fale i le asu. Ona ou faapea atu ai lea, Aue a'u nei! auā ai a'u a fano;
 auā o a'u o le tagata laugutu leaga, o a'u foi matou te mau faatasi ma
 le nuu laugutu leaga; auā lava ua iloa i o'u mata le Tupu o Ieova o
 6 a'u. Ona lele mai ai lea ia te au o le tasi serafi, sa i lona lima foi le
 malala ola, na ia au mai i le iofi ai luga o le fata faitaulaga. Na ia
 7 faapai mai ai i lo'u gutu, ma faapea mai, Faauta, ua papai atu lenei mea
 i ou laugutu, ua aveeseina ai lau amio leaga, ua faamagaloina foi lau
 agasala. Ona ou faalogo atu ai lea i le siufofoga o le Alii, ua faapea
 8 mai, O ai ea ou te auina atu? o ai foi e alu atu mo i matou? Ona ou
 faapea atu ai lea, O a'u lenei, ina auina atu a'u.

Ona faapea mai ai lea o ia, Ina 9
 alu ia, ma ia e faapea atu i lona nuu, Ia outou matuā faalogo lava, a e tou
 te le lagona; ia outou matuā vaai foi, a e tou te le iloa. Ia faamafia- 10

fiaina loto o lena nuu, ia faatutuli o latou taliga, ma ia faatauaso o latou mata; ina ne'i vaai o latou mata, ma faalogo o latou taliga, ma lagona o latou loto, ma latou liliu mai, ma
 11 faamaloloina i latou. Ona ou faapea atu ai lea, Le Alii e, seia afea ea? Ona faapea mai ai lea o ia, Seia faagaogaoina aai ia leai se nofo ai, seia leai foi se tagata i fale, e matuā faatafunaina foi le laueleele,
 12 seia avemamaoina foi tagata e Ieova, seia matuā tuulafoaina le laueleele. E ui i lea, e i ai pea lona sefulu, a e toe susunuina lava lea; a e pei o le tapeneto ma le aluna ina ua tutuuina, e i ai pea le pogai; e fai le fanau paia mona pogai.

O le taua a Suria, ma le valoaga i le Mesia.

7 O ONA po o Aasa le atalii o Iotama, o le atalii lea o Usia le tupu o Iuta, na o ae ai i Ierusalem o Resina le tupu o Suria, ma Peka le atalii o Remalia le tupu o Isaraelu, e tau ai le taua, a ua le mafai ona manumalo i ai. Ua tafu atu foi i le aiga o Tavita, ua faapea atu, O loo fesoasoani Efaraima ia Suria; ona gatete ai lea o lona loto, ma loto o lona nuu, pei ona luluina o laau o le vao i le matagi. Ona fetalai mai ai lea o Ieova ia Isaia, Alu ia e faafetaiai ia Aasa, o oe, ma lou atalii o Sarasopa, i le pito alāvai i le lepa aupito i luga, i le ala tele i le
 4 fanua o le taofu, ma ia e fai atu ia te ia, Ia oe, ia e fililemu, aua e te fefe, aua ne'i faavaivai foi lou loto ona o ia i'u aulama e lua ua pupusa, o le ita tele lea o Resina ma Suria,
 5 atoa ma le atalii o Remalia. Auā ua taupulepule e fai se mea leaga ia te oe e Suria, Efaraima, ma le atalii o Remalia, ua faapea ane, Ia tatou o ae i Iuta, ma faaatuatuvale ia te i latou, ia tatou lepetia se ala mo i tatou, ma ia tatou faatuina ai se
 7 tupu, o le atalii o Tapala lea. O loo faapea ona fetalai mai o le Alii o Ieova, E le tu lea mea, e le oo lava. Auā o le ulu o Suria, o Tamaseko lea; o le ulu foi o Tamaseko, o Resina lea; a oo foi i le onogafulu ma le lima o tausaga, onalafola ai lea o Efaraima, e le toe fai

ma nuu. O le ulu foi o Efaraima, o Samaria lea; o le ulu foi o Samaria, o le atalii o Remalia ia; afai tou te le faatuatua, ona le faatumauiina ai lea o outou.

Ua toe fetalai mai Ieova ia Aasa, 10 ua faapea mai, Ia e fai mai se faailoga e faia e Ieova lou Atua, ia e fai mai se mea i lalō, po o se mea i luga. Ona fai atu ai lea o Aasa, 12 Ou te le fai atu lava, ou te le faanoono ia Ieova. Ona fai atu ai lea o ia, Ina faalogologo mai ia le aiga o Tavita, Se mea itiiti ea ia te outou ona faatigaina o tagata, tou te faatigaina ea lo'u Atua? O le mea lea e tuuina mai ai e le Alii lava le faailoga ia te outou; faauta, e to le taupou, ma fanau mai se tama tane; na te faaigoa foi ia te ia o Emanuelu. E'ai e ia le suā-susu to'a ma le meli, seia iloa e ia ona tetee atu i le leaga, a e filifili i le lelei. Auā a o lei iloa e le tama ona tetee atu i le leaga mona filifili i le lelei, e tuua e ona tupu e lua o le nuu ua leaga ia te oe.

E faaoo mai e Ieova ia te oe, ma lou nuu, atoa ma le aiga o lou tamā, o aso e lei faapea ona oo mai talu ona po na te'a eseese ai Efaraima ma Iuta; o le tupu lea o Asuria. O lea aso foi e mapumapu atu ai Ieova i le lago o loo i mulivai o vaitafe o Aikupito, ma le lago meli o loo i le nuu o Asuria. Ona latou o uma mai ai lea, ma nonofo i alia, ma māvavaeae o papa, ma laau tuitui uma, atoa ma taaga uma lava. O lea aso e tafi ai e le Alii, i le tafi ua tauia, mai ona tala atu o le vaitafe, o le tupu o Asuria foi lea, e tafia le ulu, ma fulufulu o vae, e salaeseina foi atoa ma le 'ava. O lea aso foi e fafaga ai e le tagata o le povi fafine taanoa ma mamoe e lua. E'ai e ia o le suāsusu to'a ona o le tele o le suāsusu e maua mai ai; auā e aai le suāsusu to'a ma le meli e i latou uma o e totoe i totonu o le nuu. O lea aso foi e i ai o laau talatala ma laau tuitui mea uma sa i ai vine e afe, e faatatarina i tupe e afe. Latou te o mai ai ma u fanafana ma aufana; auā e aveia le nuu uma ma laau talatala ma laau tuitui. O mauga

uma foi ua galuea'fina i le suo, e te le alu atu i ai ina ua fefe i laau tatala ma laau tuitui, a e ave i ai povi, e tataa ai foi mamoe.

O faatafunaina o Isaraelu ma Suria.

- 8 UA fetalai mai Ieova ia te au, Ia e tago i se papafusi lautele, ma ia e tusi ai i le tofi a le tagata, O Maeli-
2 sala-asa-pasa; ona ou aami lea o molimau faamaoni, o Ulia le osi-
3 taulaga, ma Sakaria le atalii o Ipe- rekia. Ona ou alu ane lea i le
perofeta fafine, ona to ai lea o ia, ua fanau mai foi lana tama tane;
4 ona fetalai mai ai lea o Ieova ia te au, Ia e faaigoa ia te ia o Maeli-
sala-asa-pasa. Auā a o lei oo ina iloa e le tama ona valaau, Lo'u
5 tamā e, ma Lo'u tinā e, e avea le oloa o Tamaseko, e vetea foi Sa-
6 maria i luma o le tupu o Asuria.
7 Ua toe fetalai mai Ieova ia te au, ua faapea mai, Ona ua teenā e lenei
8 nuu o le vai o Seloā ua tafe lemu, ma ua fiafia ia Resina ma le atalii o
9 Remalia; o le mea lea, faauta, e au mai ai e le Alii i luga ia te i latou o
10 le vai o le vaitafe, e malosī ma le tele lava, o le tupu o Asuria lea, ma
11 lona mamalu uma; e alu āe ia i ona alāvai uma, e lofia foi ona auvai
12 uma. E tafe atu ia i Iuta, e oso ai, e lofia foi, e oo ae lava i ua; o le
13 faloina foi o ona apaau e tumu ai le lautele o lou nuu, Emanuelu e!
14 O outou nuu e, faatasi ia outou, a e lepetia outou; faalogologo mai
ia outou mea mamāo uma o le lalo-
lagi e; e fufusi ia outou ia te outou, a e lepetia outou; ina fufusi ia outou
ia te outou, a e lepetia outou. Tau-
pulepule ia outou, a e faaleaogaina; ina fai atu ia i se upu, a e le faatu-
mauina; auā o loo ia te i matou le
11 Atua. Auā ua faapea ona fetalai mai o Ieova ia te au ma le lima ma-
losi, ua ia vavao mai foi ia te au, aua ou te savali i le ala o lenei nuu,
12 ua faapea mai, Aua tou te fai atu, O le fouvale, i mea uma e ta'ua o le
fouvale e lenei nuu; aua foi tou te fefefe i mea latou te fefefe ai, aua
13 foi tou te matatau. A o Ieova o 'au, ia paia o ia ia te outou, o ia
lava tou te fefefe ai, o ia foi tou te
14 matatau ai. E fai foi o ia ma malu-

malu; a e fai ma maa e tausuai ai, ma papa e tautevateva ai i aiga uma e lua o Isaraelu; e fai ma mailei ma matasele i e o nonofo i Ierusalemā. E toatele foi o i latou
15 e tautevateva, ma latou pauū, e gau- gau i latou, ma maileia, e puea foi i latou. Fusifusi ia le mau, faamau-
16 faailoga ia le tulafono mā o'u soo. Ou te faatalitali ia Ieova, o le ua
17 'alo ona fofoga i le aiga o Iakopo, ou te faamoemoe foi ia te ia. Faa-
18 uta, o a'u nei ma la'u fanau, o e ua foaiina mai ia te au e Ieova, e fai
ma faailoga ma mea e ofo ai ia Isaraelu, mai ia Ieova o 'au, o le afio i
le mauga o Siona. A latou fai atu
19 foi ia te outou, Saili atu ia i aitu vavalō, ma taulāitu o e leo iī, ma e
ua memu, *ia outou tali atu*, A le saili atu ea le nuu i lo latou Atua?
E saili atu ea i e ua oti mo e o ola?
20 *Ina saili ia i le tulafono ma le mau;* afai latou te le tautala e tusa ma ia
upu, ua leai lava se malamalama ia te i latou. Latou te ui atu foi i le
21 nuu o puapugatia ma matelaina; a matelaina foi e ita ai lava i latou,
ona latou fetuu ai lea i lo latou tupu ma lo latou Atua, ma vāai i
luga; e vāai i latou i le laueleele,
22 faauta foi, o le puapuga ma le pouliuli, o le pouliuli e atuatuale ai; e tulia foi i latou i le pogisa.

O le valoaga i le Mesia.

A E le pouliuli pea i le nuu ua
9 puapugatia; faapei ona ia faale- aogaina anamua o le nuu o Sepulona
ma le nuu o Nafatali; e faapea ona ia faamamaluina ai i ona po amuli;
o le ala i le vai, o le mea i tala ane
2 o Ioritana, o Kalilaia o nuu ese. O le nuu sa savavali i le pouliuli, ua
latou iloa le malamalama tele; o e sa nonofo i le nuu o le ata o le oti,
ua pupula mai ia te i latou le mala-
malama. Ua e faatoateleina le nuu,
3 ua e faateleina lo latou fiafia, latou te fiafia i ou luma, e pei ona fiafia i
le seleselegāsaito, e pei ona olioli o i latou o e tufatufa vete. Auā ua
4 e gauia le amo o lana avega, ma le sasa na i lona ua, o le tootoo o le na
saua ia te ia, pei *ona fai* i le aso o Mitiana. Auā o seevae uma o e ua
5 faaseeina, ua taalili i le tava, ma le

ofu ua liloia i le toto, e susunuina ia mea, e fai foi ma fafie o le afi.
6 Auā ua fanau mai mo i tatou le tama, ua foaiina mai mo i tatou le atalii, e i lona ua le malo, e igoa foi o ia, o le Silisili ese, o le Faipule, o le Atua malosi, o le Tamā o le faavavau, o le Alii o le filemu. E leai
7 se mea e gata mai ai ona tele o lona malo ma le filemu o lona malo i le nofoālii o Tavita ma lona malo, e faatumauina, ma faamausali i le faamasinoga ma le amiotonu, e afua mai i ia ona po e oo i le faavavau; e faia lea mea i le maelega o Ieova o 'au.
8 Na tuuina mai e le Alii lana afioga ia Iakopo, ua paū mai foi ia
9 Isaraelu. E iloa ai foi e le nuu uma, o Efaraima ma e o nonofo i Samaria, o loo faapea mai i le faamaualuga ma le faafefeteina o latou
10 loto. Ua solo maaomea, a e matou te ati ae i maa talai; ua tatuuina sukamoru, a e matou te sui i arasi.
11 O le mea lea e faaosoina atu ai ia te i latou e Ieova o e ua ita ia Resina, na te avatua foi auupega i e
12 ua ita ia te i latou; o Suria i luma, ma Filistia i tua, latou te 'aina lava Isaraelu ma le gutu ua faamaga. E ui lava i ia mea uma, e lei liliu
13 ese lona toasa, a e faaloaloa pea lona aao. Auā ua le foi mai le nuu i le na te taia i latou; o Ieova o 'au
14 foi ua latou le saili ia te ia. O le mea lea e vavaeeseina ai e Ieova le ulu ma le iu o Isaraelu, o le lau
15 pama atoa ma le fiso i le aso lava e tasi. O le toeaina ma le alii mamalu o le ulu lea; o le perofeta ua
16 a'oa'o i le pepelo o le iu lea. Auā o e ua fai ma ta'itafi o lenei nuu, latou te faaseseina i latou; o e ua
17 ta'itafiina foi e i latou, ua faaumatia i latou. O le mea lea e le fiafia ai le Alii i o latou taulelea, e le alofa
18 foi o ia i a latou tama ua aumatuā ma o latou fafine ua oti a latou tane; auā o i latou uma ua faalematau ma fai amio leaga, ua tautala foi gutu uma i mea leaga. E ui lava i ia mea uma, e lei liliu ese lona toasa, a e faaloaloa pea lona aao. Auā e mu le amio leaga e pei o le afi, e susunuina ai laau tuitui ma laau talatala; e faamuina foi le

vao filifili, ua o ae ai i latou peiseai se asu faaniutu. O le toasa o Ieova
19 o 'au e susunu ai le laueleele, e faia foi le nuu e pei o fafie o le afi; latou te le alofa le tasi i le tasi. E saei
20 le tasi i le itu taumatau, a e fia 'ai pea; e 'ai foi i le itu tauagavale, a e le ma'ona lava; e taitasi ma 'ai le aano o lona lava lima. E 'aina Efa-
21 raina e Manase, e 'aina foi Manase e Efaraima, e faatasi i laua e faasaga tau ia Iuta. E ui lava i ia mea uma, e lei liliu ese lona toasa, a e faaloaloa pea lona aao.

O le malaia o e amio leaga.

O I talofa i e pule i pulega leaga,
10 o e tusi foi i tusi faasaua; ina ia liliu ese le finauga a e ua matitiva, ma ia faoa le faamasinoga o e matitiva i lo'u nuu; ina ia fai mā latou
2 vete mea a fafine ua oti a latou tane, ma latou faoa mea a e ua aumatuā. Se a foi se mea tou te
3 faia i le aso e faaoo ai le sala, ma le malaia e oo mai i le mea mamao? Tou te sosola ea ia te ai e maua ai
4 se fesoasoani? O ifea foi tou te tuu ai lo outou mamalu? Ina ia le punonou faatasi i latou ma le tafe-
5 aga, ma pauu faatasi ma e ua fāsia. E ui lava i ia mea uma, e le liliu ese lona toasa, a e faaloaloa pea lona aao.

Oi talofa ia Asuria, o le tootoo o
5 lo'u ita; o le sasa foi i o latou lima, o lo'u ita tele lea. Ou te auina o ia
6 i le nuu faalematau, ou te tuu atu se poloaiga ia te ia i le nuu o loo i ai lo'u ita; ina ia avea ai le vete, ia
7 avea foi mea e faoa, ma ia fai ai ma mea e solia, e pei o le palapala i le ala. A o ia e le faapea lona manatu, e le faapea foi le taofi o lona
8 loto; auā o lona loto ia fasiotia, ma ia faaumatia o nuu e tele. Auā e faapea ane o ia, E le ua fai ma tupu
9 ea o alii uma ua ia te au? e le tutusa ea Kaleno ma Karekimisa? e le tutusa ea Amato ma Arepa? e le tutusa ea Samaria ma Tamaseko?
10 E pei ona maua e lo'u lima o malo o tupua, o latou tupua ua ta, e sili ia i tupua o Ierusalem ma Samaria; e pei ona ou faia i Samaria
11 ma ona tupua, e le faapea ea ona ou faia i Ierusalem ma ona tupua?

- 12 A faauma e le Alii lana galuega uma i le mauga o Siona ma Ierusalem, ona ou faasala lea i le fua o le loto faamaualuga o le tupu o Asuria, ma le faalialia o ona mata
- 13 faasiasia. Auā o loo faapea ane o ia, O le malosi o lo'u lima ma lo'u pototo ua ou fai ai *ia mea*; auā ua ou faautauta lava; ua ou sii tuaoi o nuu, ua ou vetea foi o latou oloa, pei o se toa foi ua ou faatoilaloina e o nonofo ai. Ua maua e lo'u lima oloa o nuu pei o se ofaga, pei o sē faaputu foi i fua o manu ua tuulafoaiina, ua ou faaputuina e a'u le lalolagi uma; e leai foi se tasi ua sii lona apaa, pe faamaga lona gutu,
- 15 pe ii. E mitamita ea le mātāu i le na te taia a'i? pe faamaualuga atu ea le 'ili i le na te ilia a'i? Peiseai e luluina e le tootoo le na te siitia; peiseai e siitia e le sasa o ia ua le se laau. O le mea lea e tuuina atu ai e le Alii, o le Alii o 'au, le tino vale i ona *tagata* puputa; na te faamuuina le mu i lalo o lona matagofe, e
- 17 pei o le mumū o le afi. E avea lava ma afi le Malamalama o Israelu, e *avea* foi ma afi mumū lona *Alii* Paia; e susunu ai, ma faaumatia ai ona laau talatala ma ona laau tuitui i le aso e tasi. E faaumatia ai foi le matagofe o lona vao ma lona fanua lafulemu, o le agaga atoa ma le tino; e vaivai foi o ia
- 19 pei o le tagata ma'i. O nai laau o lona vao ua totoe e itiiti ia, e mafaia e se tama ona faitauina.
- 20 O lea aso e le toe faalagolago ai e ua totoe o Israelu, ma e ua sao o le aiga o Iakopo i le na te taia i latou; a e latou te faalagolago faamaoni ia Ieova le Paia o Israelu.
- 21 E toe foi mai e ua totoe, o e ua totoe o Iakopo, i le Atua malosi.
- 22 Auā e ui lava ina tutusa o lou nuu o Israelu ma le oneone i le sami, a e foi mai ia te ia o e ua totoe. O le faaumatia o *i latou* ua ia pule ai,
- 23 e lofia lea i le amiotonu. Auā o le faaumatia ua pulea, e faia e le Alii o Ieova o 'au i totonu o le nuu uma. O le mea lea o loo faapea ona fetalai mai ai o le Alii o Ieova o 'au, Lo'u nuu e, o lē nofo i Siona, aua o te fefe ia Asuria; na te taia oe i le tootoo, e sii foi lana sasa ia
- te oe, e faapei o Aikupito. Auā e toe itiiti lava ona uma ai lea o le ita tele, o lo'u ita foi e *uma* pe a faaumatia i latou. E sii e Ieova o 'au le sasa i luga ia te ia, pei o le fasiga o Mitiana i le papa o Orega; e i ai foi lana sasa i le sami, na te siitia e faapei o Aikupito. O lea aso foi e aveeseina ai lana avega i lou fuatana, ma lona amo foi i lou ua; e gausia foi le amo ona o le faauuina. Ua oo o ia i Aiata, ua ui ane i Mekeronā, ua tuu ana mea i Mekemase. Ua latou ui atu i le ala, ua fai Kapa mā latou api; ua gatete Rama; ua sola Kipea o Saulo. Ina alaga ia oe le tama fafine a Kali, ia faalogo atu ai o Laisa, Anatota le ua puapuagatia e. Ua sola Matemena; ua sosola lava e sa nonofo i Kipima. E toe tasi le aso e nofo ai i Nove, ona lui tau atu lea o lona lima i le mauga o le tama fafine a Siona, o le mauga foi o i ai Ierusalem. Faauta, o le Alii o Ieova o 'au, na te vavaeseina la laau i le malosi tele lava; e tatuuina foi e ua maualuluga ona tutupu, e faamaualaloina foi e ua faamanaluluga. Na te tatuuina foi le vao filifili i le uamea, e faapaūina foi Lepanona i le malosi.

O le valoaga i le Mesia ma lona malo.

A E tupu mai le la laau i le pogai o Iese, e tupu ae foi le tatupu i oua aa. E afio mau ia te ia le Agaga o Ieova; o le Agaga o le pototo ma le mafaufau; o le agaga o le faatonuga ma le malosi; o le Agaga o le malamalama ma le mata'u ia Ieova. E fiafia foi o ia i le mata'u ia Ieova; e le faamasino o ia e tusa ma le sisila atu o ona fofoga; e le aoai foi o ia e tusa ma le faafofoga o ona taliga. A e faamasino o ia ma le tonu i e matitiva, e aoai foi o ia ma le tonu, ona o e faamaualalo o i le lalolagi; na te taia foi le lalolagi i le sasa o lona fofoga, o le mānava foi o lona fofoga, na te fasioti a'i lē amio leaga. E fai le amiotonu ma fusi o lona sulugatiti, e *fai* foi le faamaoni ma fusi o lona tino. E nofo faatasi le luko ma le tamai mamoe, e taoto

foi le nameri faatasi ma le tamai
'oti; e faatasi foi le tamai povi ma
le leona taanoa atoa ma le manu
peti, e ta'ita'iina foi i latou e le
7 tama itiiti. E aai *faatasi* le povi
fafine ma le urosa, e taooto faatasi
a laua tama; e 'ai foi e le leona 'au
8 o saito pei o le povi. E taalo foi le
tama e lei te'a ma le susu i le lua o
le asipi, o le tama foi ua te'a ma le
susu, e tuu e ia lona lima i le lua o
9 le gata uogo. Latou te le faia se
mea leaga, latou te le faaumatia foi
se mea i lo'u mauga paia uma; auā
e tunu le lalolagi i le malamalama
o Ieova, e pei ona ufitia o le *iliti* tai
10 i le suāsami. O lea aso foi e tu mai
ai le Pogai o Iese, e fai ma tagavai
o le nuu, e saili ia te ia o nuu ese;
11 e matagofie foi lona malologa. O
lea aso foi e toe tuu atu faalua e le
Alii lona aao e laveaina e ua totoe
o lona nuu; o e ua totoe i Asuria,
ma Aikupito, ma Patoro, ma Kusa,
ma Elama, ma Senara, ma Amato,
12 atoa ma nuu tu matafaga. E faa-
tuina foi e ia le tagavai mo nuu ese,
ma faapotopotoina e ua tulia o Isa-
raelu, ma aofai e ua faataapeapeina
13 o Iuta i itu e fa o le lalolagi. Ona
mavae atu ai lea o le mataua o
Efaraima, e faaumatia foi e o faa-
saua ia Iuta; e le mataua Efaraima
ia Iuta, e le faasaua Iuta ia Efarai-
14 ma. Latou te felelei atu i tau'au
o Filistitia i sisifo; latou te vete
faatasi *mea* a tagata o sasae; latou
te fetagofi ia Etoma ma Moapi; e
faalogo foi ia te i latou le fanauga
15 a Amoni. E faaumatia lava e Ieova
le faga o le sami o Aikupito; e sii
foi e ia lona aao i luga o le vaiata
e lona matagi tetele lava, e taia foi e
ia e fai ma magāvai e fitu, ma faau
atu ai ia te i latou o faasevaeina.
16 E i ai foi le ala tele mo e ua totoe o
lona nuu, o e ua totoe i Asuria; pei
ona fai ia Isaraelu, i le aso na ia alu
ae ai nai le nuu o Aikupito.

O le pese e faafetai atu ai i le Atua.

12 O LEA aso foi e te faapea mai ai,
Ieova e, ou te vivii atu ia te oe, auā
sa e toatamai ia te au, a ua mavae
lou toasa, ma ua e faamatalaloto
2 mai ia te au. Faauta, o le Atua, o
lo'u faaolataga ia; ou te faatuatua,

ou te le fefe; auā o Ioa, Ieova, o
lo'u malosi ia ma la'u pese; ua avea
foi o ia mo'u faaolataga. Tou te utu 3
vai ma le olioli e vaipuna o le faa-
olataga. O lea aso foi tou te faapea 4
atu ai, Ia outou vivii atu ia Ieova,
ina valaau atu ia i lona suafa; ia
outou faailoa atu i nuu o ana galu-
ega; ia outou ta'uta'u atu ua viia
lona suafa. Pepese atu ia ia Ieova; 5
auā ua faia e ia mea silisili ese; ina
faailoa atu ia o lea mea i le lalolagi
uma. Alaga ia, ia leo tele ma le 6
fiafia, o oe o lē nofo i Siona; auā e
silisili ese le Paia o Isaraelu o le o
afio i totonu ia te oe.

O le malaia o Papelonía.

O LE avega a Papelonía na vaai 13
e Isaia le atalii o Amota.

Faatu ia le tagavai i le mauga 2
tula, ina leo tele ia ia te i latou, ina
lui tau atu ia le lima, ia latou ulu
atu ai i faitotoa o alii sili. O a'u 3
lava, ua ou fai atu i o'u tagata ua
tofia, ua ou valaau lava i o'u tagata
totoa, ia oo ai lo'u ita, o o'u tagata
mitamita ma le faamaualuluga. O 4
le taalili o le vao tagata i mauga,
peiseai o se nuu e toatele lava, o le
taalili o le faanunununu o malo o
nuu ese ua faapotopoto mai; o 5
Ieova o 'au o loo aofai e ia o 'au e
tau ai le taua. Ua latou o mai i le
nuu mamao, mai le tuluiga o le lagi,
o Ieova ma auupega o lona toasa,
ina ia faaumatia le nuu uma lava.
Ina uio ia, auā ua latalata le aso o 6
Ieova, e oo mai pei o se malaia mai
Le e ona le malosi uma lava. O le 7
mea lea e vaivai ai lima uma, e faa-
vaivai ai foi loto o tagata uma; ona
latou atuatuvaie ai lea; e maua i
latou i le puapuaga ma le faatiga;
latou te oono faapei o le fafine a
fanau; latou te *fevāiaia* le tasi i le
tasi ma le fememeai; o latou mata
o mata afi mumū ia. Faauta, o loo 9
sau le aso o Ieova, e ogogo i le
toatamai ma le toasa tele; e fai ai
le nuu ma faatafunaga; na te faa-
umatia foi tagata agasala o i ai.
Auā o fetu o le lagi ma ona faaputu- 10
putugāfetu, e le fepulafi mai i latou;
e faapouliuligia le la i lona alu ae, o
le masina foi e le susulu mai lona
malamalama. Ou te faasalaina le 11

lalolagi ona o a latou amio leaga, o tagata ulavavale foi ona o a latou agasala; ou te faaumatia foi le faasausili o e faamaualuluga, ou te lafotuina i lalo le faasiasia o e faasaua. Ou te faatoaitiitia tagata e sili i le auro lelei, o tagata lava e sili ona toaitiiti i le auro o Ofeira.

O le mea lea ou te faagateteina ai le lagi, e lulesaina foi le lalolagi i le mea o i ai, i le toatamai o Ieova o 'au, ma le aso o lona toasa tele. E pei o le sevi ua tulia, e pei o le lafu mamoe foi e leai se na te faapopotoina, latou te taitasi ma liliu atu i lona lava nuu, latou te taitasi foi ma sola i lona lava laueleele. O i latou uma e maua e tutu'i ia te i latou, atoa ma i latou uma e puea, e oti i latou i le pelu. E palasi a latou tama meamea i o latou luma; e vetea o latou fale, e fetosoina foi a latou avā. Faauta, ou te faaoso atu Metai e tau ma i latou, latou te le manatu i ario, e le mananao foi i latou i auro. O a latou aufana e nutimomomoina i taulelea, latou te le alolofa foi i fanau, latou te le faasaoina tama. O Papelonía foi, o le ua sili ona matagofie i malo, o le aai matagofie e mitamita ai Kaletaia, e avea lava lea e pei o le faaumatia o Sotoma ma Komoro e le Atua. E le toe āina e faavavau, e le mau ai lava se tasi i lea tupulaga ma lea tupulaga; e le to lauapi ai foi le Arapi, o leoleo mamoe foi latou te le ave ai o latou lafu e taoto ai. A e taoto ai manu feai o le vao, e tutumu foi o latou fale i lulu, e mau ai foi iaena, e taaalo ai foi 'oti o le vao. E tagi foi aie i o latou maota, atoa ma luko i maota sa fiafia ai. E lata mai ona po, e le faalevaveaina foi ona aso.

O le malaia o Papelonía ma Asuria, ma le manuia o Israelu.

AUA e alofa Ieova ia Iakopo, na te toe filifilia foi Israelu, ma faanofilemuina i latou i lo latou laueleele; e faapoopo mai foi tagata ese ia te i latou, latou te faatasi mai lava i le aiga o Iakopo. E ave foi i latou e nuu ma latou faaoo ia te i latou i lo latou nuu; e fai foi ia nuu e le aiga o Israelu mo latou i le

laueleele o Ieova, e fai ma auauna tane ma auauna fafine; latou te fai foi ma tagata o taua o i latou sa faia i latou ma tagata o taua, latou te pule foi i e sa faasaua ia te i latou. O le aso foi e faafilemuina ai oe e Ieova i lou tiga, ma lou atu-atuvale, ma lau galuega mamafa sa e faia, e te sauni ai lenei faataoto i le tupu o Papelonía, ma e faapea atu, Aue! ua mavae atu o le na faasaua, ua mavae atu le na fao auro. Ua gauia e Ieova le sasa a e amio leaga, o le tootoo o e na pule. O le na taia nuu i le ita tele, o le ta e le aunoa, o le na pule i nuu ese i le ita ma le sau na le vaoia. Ua mapu le lalolagi uma, ua filemu lava; ua latou alalaga ma le fiafia. O perosi foi ua olioli ona o oe, atoa ma arasi o Lepanona, o loo faapea, Talu ona e taoto ua le alu ae ia te i matou sē ta laau. O seoli i lālō ua faagaetitia ona o oe, e faafetaiai ia te oe i lou alu atu; ua lagaina ona o oe agaga o e ua oti, o alii sili uma o le lalolagi; e faatulaiina tupu uma o nuu ese i o latou nofoālii. O i latou uma latou te tautala atu, ma faapea atu ia te oe, O oe foi ua e vaivai ea e pei o i matou? ua avea ea oe e tutusa ma i matou? Ua faaoo ifo i seoli lou faalialia ma le leo o au napeli; ua folasia ilo i lalo ia te oe, ua fai foi anufe mou ie afu. Oi! ua faapea ona paū mai le lagi o oe le ua pupula, le atalii o le taeao; ua taia oe i lalo i le eleele, o oe sa faatoilaloina nuu ese. O oe foi sa e faapea ifo i lou loto, Ou te alu ae i le lagi, ou te siitia i luga lo'u nofoālii ia sili i fetu a le Atua, ou te nofo foi i le mauga o le faapopotoga i le itu i matu; ou te alu ae i luga o mea mauualuluga i luga ae o ao; ma te tutusa ma lē Silisili ese. A ua aveina ifo oe i seoli i itu o le lua. O i latou o e vāai ia te oe latou te pulatoa ia te oe, latou te mafau-fau ia te oe, ma faapea ane, O le tagata ea lenei sa faagateteina le lalolagi, sa na luluina malo? o le na faia ma vao le atu laulau, ma na faatafunaina aai sa i ai; sa na le tuuina atu ona tagata o taua e ō i o latou aiga? O tupu uma o nuu, o i latou uma lava, latou te taoto ma

le mamalu, taitasi i lona fale lauasi;
 19 a o oe, ua lafoaiina oe, ua leai sou-
 tuugamau, e pei o se tatupu ua
 inosia; ua ufitia i e ua fasia, ua
 tutu'i i latou i le pelu, o e ua o ifo i
 20 maa o le lua, e pei o se tino oti ua
 solia. E le faatasia oe ma i latou i
 le tuugamau, auã ua e faaumatia
 lou laueleele, ua e fasiotia lou nuu;
 e le ta'ua lava e faavavau le fanau a
 21 e amio leaga. Ia outou sauni le
 fasiga o lana fanau ona o le agasala
 a o latou mātua; ina ne'i latou tutū
 i luga ma fai mo latou le nuu, ma
 latou faatumuina le foga eleele uma
 22 i aai. O loo faapea mai Ieova o 'au,
 Ou te tu i luga e tau ma i latou; ou
 te tineia foi i Papelonia o le igoa,
 ma e o totoe, o le atalii atoa ma le
 23 atalii o lona atalii, o loo fetalai mai
 ai Ieova. Ou te faia foi ia ma mea
 e nofo ai le kifota, ma vailepa; ou
 te matuā tafitafi foi i le tafi e faa-
 umatia a'i, o loo fetalai mai ai Ieova
 o 'au.
 24 - Ua tauto Ieova o 'au, o loo faapea
 mai, E moni, e pei ona ou manatu
 e faapea lava ona taunuu, e pei ona
 a'u pule e faapea lava ona faatu-
 25 mauina; ina ia tu'imomomoina
 Asuria i lo'u laueleele, ma ou soli ia
 te i latou i luga i o'u mauga; ona
 mavae atu ai lea o a latou amo ia te
 i latou, ma a latou avega foi e mavae
 26 atu ia i o latou fuataua. O le pule
 lenei ua pule ai o ia i le lalolagi
 uma, o le lima foi lenei ua faaloa-
 27 loaina atu i nuu ese uma. Auã o
 Ieova o 'au ua pule o ia, o ai ea se
 na te faaleaogaina? o lona aao ua
 faaloaloina atu, o ai ea se na te
 faafoisia?
 28 - O le tausaga na malii ai le tupu
 o Aasa, na oo mai ai lenei avega.
 29 Filisitia atoa e, aua e te olioli oe
 ina ua gauia le tootoo sa taia a'i oe;
 auã o le tino o le gata e tupu mai
 ai le gata uogo, o lana tama foi, o
 30 le gata lele lea. E aai foi ulumatua
 a e ua matitiva, o e le tagolima foi
 latou te taotou ma le filemu; ou te
 faamateina foi lou pogai i le oge, o
 e ua totoe ia te oe e fasia i latou e
 31 ia. Le faitotoa e, ina uio ia; le aai
 e, ina alaga ia; Filisitia atoa e, ua
 matuā faavaivaia oe; auã ua sau le
 asu mai le itu i matu, e leai foi se

te'a ese i lana itu taua. Se a foi se 32
 tali i sāvali a nuu ese? Ua faavae-
 ina Siona e Ieova, e sulusulufa'i foi
 i ai e ua tigaina i lona nuu.

O le malaia o Moapi.

O LE avega a Moapi. O le po 15
 ua faatafunaina ai Aro o Moapi, ua
 faaumatia lava; o le po ua faatafu-
 naina ai Kira o Moapi, ua faaumatia
 lava. Ua latou o ae i le fale atoa 2
 ma Tipona, o mea mauualuluga e
 fetagisi ai; ua uio Moapi i Nepo ma
 Metepa; ua sele mamā o latou ulu
 uma, ua sala 'ava uma. Ua latou 3
 lavalava i ie talatala i o latou ala,
 ua latou uio uma lava i luga o latou
 fale atoa ma o latou malae; ua
 latou o ifo o fetagisi lava. Ua ala- 4
 laga Hesepona ma Eleale; ua lagona
 o latou lelo mai Iaesa; o le mea lea
 ua uio ai 'au a Moapi; ua tiga tele
 lava o latou loto. O loo alaga lo'u 5
 loto ona o Moapi; ua oo lo latou
 tuli i Soara, o le povi fafine e tolu
 ona tausaga; ua latou o ae lava i le
 aega i Luita o fetagisi; ua latou
 alalaga i le ala i Horonaima ona o 6
 lo latou malaia. Ua avea le vai o
 Nimara ma mea naumati; auã ua
 magumagu le mutia, ua faaumatia
 le vao mu'a, ua le toe ai lava laau
 iti; o le mea lea ua avea ai mea na 7
 latou maua, atoa ma o latou ploa na
 teu, i tala atu o le vaitafe o garava.
 Auã ua faataamilomilo le alaga i 8
 tuaoi o Moapi; ua oo lo latou uio i
 Ekilaima, ua oo foi lo latou uio i
 Pere-alima. Auã ua tutumu vai o 9
 Timone i le toto; auã foi ou te
 faaoo atili ni malaia i Timone; ou
 te auina leona i e ua sao o Moapi
 ma e ua totoe i le laueleele.

O le malaia o Moapi.

IA outou avatu le tamai mamoe 16
 i le alii e pule i le nuu, e alu atu i
 Sela e ui atu i le vao, i le mauga o
 le tama fafine a Siona. Auã e pei o 2
 le manu ua sola ua tulia i lona ofaga,
 e faapea tama fafine a Moapi i asaga
 o Arinona. Ina fai ia sau pule, ina 3
 faatonu mai ia; ia outou faapaolo
 mai, peiseai o le po le aoauli; ina
 nanā ia i e ua tulia, aua ne'i faaalila
 e ua sosola. Se'i tou mau ia ma e 4
 ua tulia o Moapi; ia fai oe ma lafi-

taga ia te i latou i le na te faaumatia; auā e mavae atu le ua faasaua, e uma foi le malaia, e faaumatia le
 5 na solia i latou ai le lauelele. Ona faatumauina lea o le nofoālii i le alofa, e nofo ai foi ma le faamaoni i le fale ie o Tavita, o le na te faamasinoina, ma tausisi i le faamasinoga, e faataalise foi o ia i le amio-
 6 tonu. Ua matou faalogo atu i le faamaualuga o Moapi, ua matuā faamaualuga ia, o lona faamaualuga, ma lona faasiasia ma lona faasausili; e pepelo ana upu faatauva.
 7 O le mea lea e uio ai Moapi ona o Moapi, e uio i latou uma lava; tou te feoi ona o faavae o Kiriatesa, ua
 8 taia lava i latou. Auā ua mamae fanua o Hesepona; o le vine o Sepema ua gauiesaina ona la e alii o nuu ese; na latou oo i Iasaru, na
 9 la, na sopoia atu le sami. O le mea lea ou te tagi ai ma le tagi o Iasaru ona o le vine o Sepema; ou te faasūsūina oe i o'u loimata, Hesepona e ma Eleale e; auā ua pa atu le
 10 alaga i a outou fua otatā, ma la outou seleselegāsaito. Ua aveesea foi le fiafia ma le olioli i le fanua lafulemu, e leai se alaga fiafia, e leai foi se pisa i tovine; o lē solia vine na te le solia ni uaina i soligavine; ua ou faaiuina le alaga fiafia. O le
 11 mea lea e tagi ai lo'u manava pei o le kitara ona o Moapi, atoa ma lo'u
 12 loto ona o Kiriatesa. A iloa foi Moapi pe a lailoa o ia i luga o le mea maualuga, ona alu atu ai lea o ia i lona malumalu e tatalo ai, a e
 13 le mafai o ia. O le afioga lea a Ieova na ia fetalai mai ai ia Moapi anamua; a o ona po nei o loo fetalai mai ai Ieova, o loo faapea mai, O tausaga e tolu, e tusa ma tausaga o le ua galue i le tau, e ta'ufaatau-
 14 vaaina ai le mamalu o Moapi, ma le vao tagata uma e toatele; o e ua totoe foi e matuā toaititi lava i latou, e leai se malosi.

O le malaia o Tamaseko.

17 O LE avega a Tamaseko. Faauta ua aveeseina Tamaseko, e le fai ma aai; e avea ma faupuegāfale ua
 2 pauu. E tuulafoaiina aai o Aroeru; e fai mo lafu manu, latou te taotoo

ai, e leai foi se faamatau i ai. E
 faaumatia le 'olo i Efaraima, ma le malo i Tamaseko, atoa ma e o totoe
 o nuu o Suria; e pei o le mamalu o le fanauga a Isaraelu e faapea lava
 i latou, o loo fetalai mai ai o Ieova o 'au. O lea aso foi e faaititi ai
 le mamalu o Iakopo, e tino vale foi o ia sa puta. E avea ai foi e faapei
 5 ona ao o saito o tu e le ua selesele, na te selesele foi 'au saito i lona lima; e avea lava e faapei o lē ao
 'au saito i le vanu o sa Rafā. E
 totoe foi i ai nai toe fuifui vine, e faapei ona sasaina ifo o olive e lua
 pe tolu nai fua i le tumutumu o le laau; e fa pe lima i la laau e fua; o
 loo fetalai mai ai Ieova le Atua o Isaraelu. O lea aso e faasaga atu
 ai le tagata i Le na faia o ia, e vaavaai atu foi ona mata i le Paia o
 Isaraelu. E le faasaga atu o ia i
 8 fata faitaulaga, o mea na faia e ona lima; e le vaavaai foi o ia i mea na faia e ona tamatamai lima, o tupua
 o Asaira ma tupua o le la. O lea
 9 aso e avea ai ana aai nofo 'olo e pei o se mea ua tuua o le vao matua ma le tumutumu o le laau, sa latou tuua
 i luma o le fanauga a Isaraelu, e avea foi ma mea e faatafunaina. Auā ua galo ia te oe le Atua o lou
 10 olataga, ua e le manatua foi le papa e te malosi ai; o le mea lea e te totō ai laau matagofie, ma e totō ai
 11 selaa mai le nuu ese; o le aso e te totō ai e te sio ai i le āi, o le taeao foi e te faatupuina lau fua ia ola-
 ola; a e sola le fuata i le aso na fai a maua mai ai, e i ai le tiga e tele lava. Aue! le vāvāo o nuu e tele;
 12 ua latou vāvāo e pei o le taalili o le sami; o le u foi o nuu, ua latou u e pei o le u o vai tetele. Ua u nuu e
 13 pei ona u o vai tetele, a e aoai o ia ia te i latou, ona sosola mamao ai lea; e tulieseina foi i latou e pei
 ona lelea o le aputi o saito i mauga i le matagi, e pei o le mea taavale-
 vale foi i le asiosio. A oo i le afiāfi, faauta, o le mata'ū; a o lei oo i le taeao, ua leai lava i latou. O le
 14 tofi lea o e ua faasaua mai ia te i tatou, o le tofi foi o e ua vete a tatou mea.

O le malaia o Aitiope.

18 E! LE nuu e ua palalu ona apa-
au, o le ua i ona tala atu o vaitafe o
2 Aitiope. O le ua tuu sāvai e ui i le
sami, i vaa kome foi i fogātai; ina
o ia outou savali tele vavave i le nuu
malosi ma le totoa, o le nuu matau-
tia talu lona amataga; o le nuu ma-
tuā malosi lava ma le manumalo;
ua soosoo vaitafe lo latou laueleele.
3 O outou uma o e nonofo i le atu
laulau, o outou foi o e mau i le lalo-
lagi, a faatuina le tagavai i mauga
ia outou vāai atu i ai; a ilia foi le
4 pu ia outou faalogo i ai. Auā ua
faapea ona fetalai mai o Ieova ia tē
au, Ou te nofo filemu, ma ou vaai
atu i le mea ou te nofo ai, e pei o
le vela tele i laau iti, e pei o le
sau ua totō i le vela i ona po e
5 selesele ai. Auā a o lei oo i ona po
e selesele ai, a mavae le fuga, a liu
vine moto foi le fuga, e sala e ia ona
la i polo teu vine, na te aveeseina
6 moemoe ina ua vavaeeseina. E tu-
ua i latou faatasi mo manu felelei e
feai o i mauga, ma manu foi e tataa
i le laueleele; e atoa le tau vela
e nonofo ai manu felelei, e atoa foi
le tau maalili e nonofo ai manu uma
7 e tataa i le laueleele. O ona po ia e
au mai ai mea alofa ia Ieova o 'au,
e le nuu malosi ma le totoa, o le
nuu foi e matautia talu lona ama-
taga, o le nuu matuā malosi lava
ma le manumalo, ua soosoo vaitafe
lo latou laueleele, e *aumaia* i le
mea o i ai le suafa o Ieova o 'au, o
le mauga o Siona.

*O le malaia o Aikupito, ma le ma-
nuia o Isaraelu.*

19 O LE avega a Aikupito. Faauta,
e tietie atu Ieova i le ao tele vave,
e afio atu o ia i Aikupito; e gatete
foi tupua a Aikupito i ona luma, e
faavaivai ai foi loto o Aikupito i
2 totonu ia te i latou. Ou te avatua
foi aupega ia Aikupito e tau a
Aikupito; latou te tau o le tagata
ma lona uso, o le tagata ma lē la te
tuaui, o le tasi aai ma le isi aai, o le
3 tasi itu malo ma le isi itu malo. E
mavae atu foi le atamai o Aikupito
nai totonu ia te i latou, ou te faa-
umatia foi lana pule; ona latou saili

ai lea i tupua, ma e ua leo oolo, ma
aitu vavalu, ma e ua memu. Ou te
tuuina atu Aikupito; i le lima o le
alii saua, e pule foi le tupu malosi
ia te i latou, o loo fetalai mai ai le
Alia o Ieova o 'au. E pe foi le suā-
vai nai le vai e mate foi ma matutu
le vaitafe. E elo foi vaitafe, e mau
ma mamate lava vaita'i o Aikupito,
e mamae le u ma le 'utu'utu. O le
lāolao e lata ane i le vaitafe, o i au-
vai lava, atoa ma mea uma ua toto-
ina i le vaitafe, e magumagu ia, e
faataapeapeina, e le toe i ai lava.
E feoi o e fai faiva, e faanoanoa o i
latou uma o e sāsau i le mātau i le
vaitafe, e faavaivai foi i latou o e
lafo upega i le fogāvai. E masiasi
e ua fai lino lelei, atoa ma i latou o
e lalaga lino sisina. E lepetia ona
faavae, o tagata uma foi o e galulue
i se tui e tiga o latou loto. E ma-
tuā vaelele lava alii sili o Soana, ua
faavalele le pule a le au faipule po-
poto a Farao; pe faapefea ea ona
outou fai atu ia Farao, O 'au o le
atalii o tagata popoto, o le atalii o
tupu mai anamuā? O ifea lava ou
tagata popoto? se'i latou faaali atu
ia te oe, ma ia latou iloa, pe se a le
pule a Ieova o 'au ia Aikupito. Ua
faavālele alii sili o Soana, ua pelogia
alii sili o Nafi, ua faaseseina foi
Aikupito e alii o ona itu aiga. Ua
liligi atu e Ieova i totonu ia te ia,
le agaga e faapiopio ai, o lea ua
latou faaseseina ai Aikupito i ana
mea uma e fai, e faapei ona taute-
vateva o le tagata onā i lona puaiga.
E lei i ai foi ia Aikupito se mea e
fai, se mea lava e fai e le ulu po o
le i'u, e le lau pama po o le fiso. O
lea aso e tusa ai Aikupito ma fafine;
e gatete ma fefefe i latou ona o le
aao o Ieova o 'au ua siitia, ua siitia
e ia i luga ia te i latou. E avea foi
le nuu o Iuta ma mea e mata'u ai
Aikupito; o i latou uma o e ta'uta'u
atu lea nuu ia te i latou latou te
fefefe ai, ona o le pule a Ieova o
'au ua ia pule i ai.

O lea aso e tautala ai nuu e lima
i le laueleele o Aikupito i le gagana
a Kanana, latou te tauto foi ia Ie-
ova o 'au; e ta'ua le tasi, O le aai o
le malaia. O lea aso e i ai le fata
faitaulaga ia Ieova i totonu o le nuu

o Aikupito, ma le faailoga ia Ieova
 20 i tafatafa o lona tuaoi. E fai ai foi
 ma faailoga ma molimau ia Ieova o
 'au i le nuu o Aikupito; auā latou
 te alalaga ia Ieova ona o e faasaua,
 ona auina atu ai lea e ia ia te i latou
 o le faaola, o le ua sili, na te laveai-
 21 ina i latou. E faailoaina Ieova i
 Aikupito, e iloa foi Ieova e Aiku-
 pito i lea aso; latou te auaina ia te
 ia i taulaga ma mea alofa; latou te
 22 tauto foi ia Ieova, ma latou faatau-
 nuuina. E taia foi Aikupito e Ie-
 ova, na te taia, ma toe fofoina; ona
 latou liliu ai lea ia Ieova, ona faafo-
 foga lea o ia ia te i latou, ma fofa
 ia te i latou.
 23 O lea aso e fai ai le ala tele, e fua
 mai i Aikupito e oo i Asuria, e o atu
 Asuria i Aikupito, e o mai foi Aiku-
 pito i Asuria; e auaina foi Aikupito
 24 faatasi ma Asuria. O lea aso e fai
 ai Israelu ma tolu o nuu, e faatasi
 ma Aikupito ma Asuria, e fai ma
 mea e manuia ai i totonu o le lalo-
 25 lagi. E faamanuia Ieova o 'au ia
 te i latou, e faapea mai, Ia manuia
 lo'u nuu o Aikupito, ma Asuria le
 galuega a o'u lima, atoa ma lo'u tofi
 o Israelu.

O le faatoilaloina o Aikupito.

20 O LE tausaga na sau ai Taretana
 i Asetota, ina ua auina o ia e Sare-
 kona le tupu o Asuria, na ia tau foi
 2 ma Asetota, ua aea ai; o ona po ia
 ua fetalai mai ai Ieova ia Isaia le
 atalii o Amota, ua faapea mai, Alu
 ia, ina e tatala ese le ie talatala i lou
 sulugatiti, ma ia e to ese ou see i ou
 vae; ona faia lava lea e ia, ua savali
 e le ofu, ma ona vae ua le faaseeina.
 3 Ona fetalai mai lea o Ieova, E faa-
 pei ona savali o la'u auaina o Isaia
 e le ofu, e le faaseeina, i tausaga e
 tolu, o le faailoga ma le faatusa ia
 4 Aikupito ma Aitiope; e faapea lava
 ona ta'ita'iina atu e le tupu o Asuria
 e ua faatagataotauaina o Aikupito
 ma le tafeaga o Aitiope, o taulelea
 atoa ma toeaina, e le o ofu, ma o
 latou vae e le faaseeina, ma o latou
 nofoaga ua le ufitia, o le mea e ma-
 5 siasi ai Aikupito. Ona latou fefefe
 ai lea, ma latou masiasi lava ona o
 Aitiope sa latou faamoemoe i ai,
 ona o Aikupito foi sa latou mita-

mita ai. Ona fai ane ai lea i lea aso 6
 o le ua mau i lenei nuu e tuaoi ma
 le sami, Faauta, e faapea lava le sa
 tatou faamoemoe i ai, sa tatou so-
 sola i ai e maua ai se fesoasoani, ina
 ia laveaiina i tatou ai le tupu o
 Asuria; pe faapefea foi ona sao o
 i tatou?

O le malaia o Papelonía ma Arapi.

O LE avega a le vao o le sami. 21
 E ui ane e pei o asiosio i le itu i
 toga, e sau lava mai le vao, mai le
 nuu matautia. O le faaaliga fai- 2
 gata ua faaalii mai ia te au, o le ua
 saua o loo faasaua, o le ua faata-
 funa o loo faatafuna; Elama e, ina
 alu ae ia; Metai e, ina vagaia ia le
 'olo; ua ou faaiuina mapuitiga uma.
 O le mea lea ua matuā tiga ai lo'u 3
 tua, ua maua a'u i le tiga e pei o le
 faatiga o le fafine a fanau; ua tiga-
 ina a'u, e le mafai ona faalogo atu;
 ua ou soona atuatuva'e, e le mafai
 ona vaai. Ua polepole vale lo'u 4
 loto; ua osofia a'u i le mata'u; o le
 po na ou olioli ai ua faia lea e ia ma
 mea e matautua ai a'u. Ua laulau 5
 atu mea i le laoa; ua tofia le ma-
 tāmoe; o loo aai, o loo inu; alii e,
 tutū ia i luga, ina faauu ia le talita.
 Auā ua faapea ona fetalai mai o le 6
 Alii ia te au, Alu ia, ina e tofia se
 tagata e vaai, o le mea na te iloa, ia
 te faaali ane. Ona iloa lea e ia o 7
 'au e o taitoalua, e tietie i solofanua,
 o 'au e tietie i asini, ma 'au e tietie
 i kamela; ona matuā faalogologo ai
 lava lea o ia. Ona alaga lea o ia e 8
 pei o le leona. Le alii e, ou te tu a'u
 nei i le olo e leoleo ai e le aunoa i
 le ao; ou te tu foi a'u i le mea ou
 te matāmoe ai i po uma lava. Faa- 9
 uta foi, o loo o mai 'au e o taitoalua
 e tietie i solofanua. Ona toe fai mai
 ai lea o ia, Ua paū, ua paū Pape-
 lonia; o tupua uma foi a ona atua
 ua ia tu'ipalaina i le elelele. La'u 10
 sasaga e, ma le saito o i la'u mea e
 sasa ai saito; o mea ua ou faalogo-
 logo ai ia Ieova o 'au o le Atua o
 Israelu, ua ou faaali atu ai ia te
 outou.

O le avega a Tuma. Na valaau 11
 mai le tasi ia te au mai Seira, Le
 leoleo e, po ua a ea le po? Le leoleo
 e, po ua a ea le po? Ua fai atu le 12

- leoleo, O loo sau le taeao, atoa foi ma le po; afai tou te fesili, ina fesili ia; ia outou liliu ia, ina o mai ia.
- 13 O le avega a Arapi. O le vao o Arapi tou te momoe ai outou malaga
- 14 a Titana. O e nonofo i le nuu o Tema ua latou avatu le vai e faafetaiai i e ua fia inu, ua latou fonofono ma mea e 'ai i e ua sosola mai.
- 15 Auā ua latou sosola ese i pelu, o le pelu foi ua toina, ma le aufana ua lolou, atoa ma le taua ua faigata.
- 16 Auā o loo faapea ona fetalai mai o le Alii ia te au, Toe tasi le tausaga, e tusa ma tausaga o le ua galue i le tologi, ona faaumatia ai lea o le
- 17 mamalu uma o Kitara. O e ua totoe o e fai aufana, o tagata totoa o Kitara e faatoaitiitia i latou; auā ua fetalai mai ai Ieova le Atua o Isaraelu.
- O mea e oo i le itu aiga o Iuta.*
- 22 O I.E avega a le vanu o le faaaliga. Pe faapefea lava oe ina ua o ae ou tagata uma i luga o fale? Sa tumu oe i vāvāō, o le aai e pisapisao, o le aai e olioli lava; o ou tagata fasia e lei fasia i latou i le
- 3 pelu, e lei oti foi i le taua. Ua sosola faatasi ou alii uma, ona o aufana ua fusifusia lava i latou; ua fusifusia faatasi i latou uma o e na maua ua ia te oe, o e na sosola mai
- 4 i le mea mamao. O le mea lea na ou fai atu ai, Ia outou liliu ese ia te au; ou te tagi lotulotu lava, aua tou te finau e faamafanafana mai ia te au, ona o le faatafunaina o le
- 5 tama fafine a lo'u nuu. Auā o le aso o le pisapisao, ma le soliga, ma le fememeai mai le Alii o Ieova o 'au i le vanu o le faaaliga, o le aso e lepetia ai pa, ma alalaga atu ai i
- 6 mauga. Ua tauave e Elama le utu, faatasi ma kariota ua i ai tagata ma e tietie i solofanua; ua to ese foi e
- 7 Kira le ufufu o le talita. Ua tutumu ou vanu e sili ona lelei i kariota, ua pae tau mai foi 'au e tietie i solo-
- 8 fanua i le faitotoa. Ua to ese le ufufu o Iuta, o lea aso foi e te faasaga ai i aupega o i le fale i le vao.
- 9 Ua outou vaavaai i mea ua lepetia i le aai o Tavita ina ua tele, ma outou faapotopotoina le vai o le
- lepa aupito i lalo. Ua outou faitauina foi fale o Ierusalemā, ma outou lepetia fale e teu a'i le 'olo. Ua outou elia se mea i le va o pa e
- 11 lua e tali ai le vai o le lepa tuai; a ua outou le faasaga atu i le ua tupu ai ia mea, ua outou le vaai atu foi i le na saunia ai anamua. O lea aso
- 12 foi ua valaau mai ai le Alii o Ieova o 'au ia fetagisi, ma ia taufaitagitui, ma ia sele mamā lauulu, ma ia lavala-
- 13 lava i le talatala. Faauta foi, o le fiasia ma le olioli, o le fasiga o povi ma le fasiga o mamoe, o loo aai tufaaga ma inu uaina, Ina tatou aai
- 14 ia, ma inu; auā a taeao tatou te oti ai. A ua faaalua mai i o'u taliga e Ieova o 'au e matuā le faamagaloina lena agasala ia te outou e oo i
- lo outou oti, o loo faapea mai ai le Alii o Ieova o 'au.
- Ua faapea ona fetalai mai o le Alii o Ieova o 'au, Sau ia, ina alu i lena auauna ua pule, o Sevena foi, o le ua pule i le aiga, *ia faapea atu i ai*, Se a ea se mea ua ia te oe iina?
- 16 o ai ea foi o ia te oe i le mea nei? ina ua e elia mo oe se tuugamau i le mea nei, ua eli e ia lona tuugamau i le mea maualuga, ua foa i le papa se
- 17 fale mo ia. Faauta, o Ieova na te matuā lafotuina oe ma le malosi tele, na te ufitia lava oe. Na te
- 18 matuā lialiai oe, e lialiai e pei o se mea lapotopoto e sasau atu i le nuu lautele; e te oti ai, e i ai foi ou
- 19 nofoa faataavalevale matagofie, o le gao o le aiga o lou alii. Ou te tulia oe i lou tofi, ou te lafotuina foi oe i le mea ua o tu ai. O lea aso foi ou
- 20 te valaauina ai la'u auauna o Eliakimo le atalii o Hilikia; ou te faaofuina foi o ia i lou ofu; ma ou faamalosi ia te ia i lou fusi; ou te
- 21 tuuina atu ia te ia lau pule, e avea foi o ia ma tamā o e nonofo i Ierusalemā atoa ma le aiga o Iuta. Ou
- 22 te faaee foi le ki a le aiga o Tavita i lona ua; na te tatalaina, a e leai se na te puipuia; na te puipuia foi, a e leai se na te tatalaina. Ou te
- 23 faamauiina o ia e pei o le fao i le mea e mausali ai, e fai foi o ia ma nofoālii mamalu i le fale o lona tamā; latou te tāntau ia te ia o le
- 24 tele o mea uma o i le fale o lona tamā; o e tutupu ni, ma e ua fanau

mai ai, o ipu iti uma lava, o ipu
25 faaofuofu, atoa ma fagu uma. O
loo fetalai mai Ieova o 'au, O lea
aso e aveeseina ai le fao sa faa-
mauina i le mea sa mausali ai, e
vaevaea foi, ma paū; e salaeseina
foi le mea o tautau ai; auā ua
fetalai mai ai Ieova.

O le malaia o Turo.

23 O LE avega a Turo. Ina uio ia
outou vaa o Tasesa, auā ua faata-
funaina o ia; e leai se fale, e leai
foi se mea e ui atu ai; ua faaali atu
ai ia te i latou ai le nuu o Kitimo.
2 Ina faalologo ia outou o e nonofo i
le nuu tuloto, o tagata faatauoa o
Saitonu, e ua ui atu i le sami, na
3 latou faatumuina oe. Sa i ai saito o
Seora i vai tetele, o le selesele-
gāsaito mai le vaitafe na mau oloa
ai o ia; na fai o ia ma mea e faatau
4 ai oa i nuu ese. Saitonu e, ia masi-
asi oe, auā ua fautala mai le sami, o
le 'olo lava o le sami, o loo faapea
mai, Ua le faatiga a'u, ua ou le
fanau mai, ua ou le tausia ni tau-
lelea, ua ou le tausia foi ni taupou.
5 E pei ona tiga o i latou i le tala ia
Aikupito, e faapea ona tiga tele o i
6 latou i le tala ia Turo. Ina o atu ia
i Tasesa, ina uio ia outou o e nonofo
7 i le nuu tuloto. O la outou aai
olioli ea lenei, o lona amataga mai
ona po anamua lava ia? O ona lava
vae e avea mamao ai o ia ina ia
8 aunuu ai. O ai ea ua na pule lenei
mea ia Turo le ua tufatufa palealii?
o ona tagata faatauoa o alii sili i
latou, o ona tagata faatau o alii
9 mamalu o le lalolagi i latou. O
Ieova o 'au ua ia pule ai, ina ia
faaiu vale le faalialia o mea mata-
gofie uma, ma ia faaleagaina alii
10 mamalu uma o le lalolagi. Ia e ui
atu i lou nuu e pei o le vaitafe, le
tama fafine a Tasesa e, ua le toe ai
11 se pupuni. Ua faaloaloa lona aao
i luga o le sami, ua na faagateteina
malo; ua fetalai Ieova i Kanana ia
12 faaumatia ona 'olo. Ua fetalai mai
o ia, E te le toe mitamita oe le
taupou, le tama fafine a Saitonu le
ua faaleagaina; ina tu ia i luga, ina
o atu ia i Kitimo; a e leai se filemu
13 ia te oe i lea mea. Faauta i le nuu o
Kaletaia; o le nuu lea sa leai, na

faatuina e Asuria mo e sa nonofo i
le vao; ua latou faatuina o latou
'olo, ua latou faaumatia ona maota;
ua latou faia o ia ma faupuegafale
ua pauu. Ina uio ia outou vaa o 14
Tasesa, auā ua faatafunaina lo outou
'olo.

O lea aso foi e galo ai Turo i 15
tausaga e fitugafulu, e tusa ma aso
o le tupu e tasi; a mavae tausaga e
fitugafulu, ona faia ai lea ia Turo e
peiseai o le pese i le fafine talitane.
Tago ia i le kitara, ina fealuai solo 16
ia i le aai, o oe le fafine talitane ua
faagaloina; ia e ta malie; ia tele ni
pese e lagi, ina ia manatua oe. A 17
mavae foi tausaga e fitugafulu e
asiasi Ieova ia Turo; ona toe foi
atu ai lea o ia i lona tau, ona fai-
taaga ai lea o ia ma malo uma o le
lalolagi, o e o i le fogāelele. A o 18
ana mea e maua atoa ma lona tau
e faasaina ia mo Ieova; e le faapu-
tuina i mea e teu ai oloa, e le teu
foi; auā o ana mea e maua e fai ia
mā latou o e nonofo i luma o Ieova,
ina ia aai ai ia maona, ia fai ai foi
ofu matagofie.

*O le malaia o Iuta, ma le manuia e
mulimuli ane ai.*

FAAUTA, o loo sasaina e Ieova 24
le nuu ia uma, na te faafaōina, na
te faataapeapeina foi e o nonofo ai.
E iu ina tutusa o le nuu ma le 2
ositaulaga; e tutusa le auaua ma
lona alii; e tutusa le auaua fafine
ma lona matai fafine; e tutusa le ua
faatau atu ma le ua faatau mai; e
tutusa le ua avatu mea ma le ua
aitalafu; e tutusa le ua talia le
totogi faasili ma le ua avatu le
totogi faasili. E matuā sasaina le 3
nuu, e matuā vetea lava; auā ua
fetalai mai Ieova lenei fetalaiiga.
Ua faanoanoa le lalolagi, ua mamae; 4
ua faavaivai le atu laulau, ua ma-
mae; ua faavaivai alii sili o le nuu.
Ua leaga le nuu i e o nonofo ai; 5
auā ua latou solia tulafono; ua
latou liliu ese le sauniga; ua latou
solia le feagaiga e faavavau. O le 6
mea lea e faaumatia ai le nuu i le
faafano, ua faasalaina foi e o nonofo
ai; o le mea lea ua susunuina ai e o
nonofo i le nuu; e toaitiiti foi tagata
ua totoe. Ua faanoanoa le sua vine, 7

ua faavaivai le vine; ua mapuitiga i latou uma e sa olioli o latou loto.
 8 Ua mavae le fiafia o topa; ua uma le pisa o e na olioli; ua mavae le
 9 fiafia o le kitara. Ua latou le toe inu uaina ma pepese; e oona le 'ava
 10 ia te i latou o e feinu ai. Ua lepetia le aai gaogao; ua punitia fale uma,
 11 e le uia. O i ala le alaga i le uaina; ua mavae atu le olioli uma; ua alu
 12 ese le fiafia o le nuu. Ua toe i le aai na o le faatafunaina, ua tu'ipalaina le puipui. Auā e faapea ona
 13 fai i le laueleele i totonu o le nuu, e pei ona sasaina ifo o le olive, e pei o nai toe fuifui vine pe a uma le
 14 tauga vine. Latou te leo tetele, latou te alalaga fiafia, ona o le mamalu o Ieova, latou te alalaga
 15 mai le sami. O le mea lea ia outou vivii atu ai ia Ieova i le afi, i nuu tuloto i le sami, o le suafa lava o Ieova o le Atua o Isaraelu.
 16 Ua tatou faalogo i pese mai le tuluiga o le lalolagi; o le viiga i le ua amiotonu; a ua ou fai atu, Ua malaia a'u nei! ua malaia a'u nei! Aue a'u nei! O e faasaua ua latou faasaua, o le sau lava ua faasaua
 17 mai ai e ua faasaua. Ua ia te oe le nofo i le nuu le mata'u, ma le lua, ma le mailei faasaua. O le ua sola
 18 i le leo o le mea e faamata'u a'i, e paū o ia i le lua; o le ua alu ae foi i le lua e lavea o ia i le mailei; auā ua faaavanoa pupuni i lugā, e luluina foi faavae o le lalolagi. Ua matuā
 19 gaugauina le nuu, ua matuā nutililii le nuu, ua matuā luluina le nuu. Ua tautevateva le nuu e pei
 20 o le tagata onā, ua feluea'ina e pei o le moega tautau; ua mamafa lona fouvale i luga ia te ia; e paū
 21 ai o ia, e le toe tu lava. O lea aso foi e faasala ai Ieova i 'au i lugā i le mea maua luga, atoa ma tupu o le
 22 lalolagi i le lalolagi. E faapopotoina i latou *pei* ona faapopototoina e ua fusifusia i le lua; e puipua foi i latou i le fale puipui; a mavae foi aso e tele, ona asiasia ai
 23 lea o i latou. E faamaina le masina, e masiasi foi le la, auā e fai ma tupu Ieova o 'au i le mauga o Siona ma Ierusalem, i luma foi o ona tecaia ma le mamalu.

O viiga i le Atua; o le manuia i ona po o le Mesia.

IEOVA e, o lo'u Atua lava oe; 25
 ou te faaneene ia te oe; ou te vivii atu i lou suafa; auā ua e faia mea e ofo ai; o mea *na* e pule ai talu anamua e faamaoni ia, e moni lava; auā ua e faia le aai ma faupuega maa; o le aai nofo 'olo ua e lepetia; ua e faia le maota o tagata ese ia leai se aai; e le toe faia lava e faavavau; o le mea lea e vivii atu ai ia te oe le nuu malosi; e matautau ia te oe le aai o nuu ese e matautia; auā o oe e malosi ai le ua vai-vai, e malosi ai le ua mativa i lona puapuaga, o le malu i le afā, o le paolo i le vevela, pe a *oo mai* le ita o e o matautia e pei o se afā i le pa. E pei o le vevela i le nuu nau-mati, e te faamaulaloina le taalili o tagata ese; e *pei* o le vevela i le paolo o le ao, e faamaulaloina lava le pese a tagata matautia. E faia e Ieova o 'au i lenei mauga mo nuu uma le faigaai o mea lelei, o le tausamiga o uaina ua tuu ai 'alu; o mea e silisili ona lelei, o uaina ua faamaninoina sa tuu ai 'alu. E faaumatia foi e ia i lenei mauga le ie ufiufi, o loo ufitia a'i nuu uma, ma le ufiufi ua ufitia a'i nuu ese uma lava. E faaumatia e ia le oti e faavavau; e soloiesea foi e le Alii o Ieova o loimata i mata uma lava; e faateaseina foi e ia le gao o lona nuu i le lalolagi uma lava; auā ua fetalai mai ai Ieova.

O lea aso e faapea ai, Faauta, o lo tatou Atua lenei; sa tatou faatalitali ia te ia, ua ia faaolaina foi i tatou; o Ieova lava lenei, sa tatou faatalitali ia te ia; tatou te fiafia ma olioli i lana faaolataga. Auā e tumau le aao o Ieova i lenei mauga; e solia foi Moapi i lona lava nuu, e pei ona solia o 'au o saito i le faaputuga nasu. E faaloloa foi e ia ona aao i totonu ia te i latou, e pei ona faaloloa *lima* o le tagata e aau ina ua aau; na te faamaulaloina lo latou faamaualuluga, atoa ma togafiti o latou lima. Na te lafoituina le 'olo maua luga o ou pa, na te faamaulaloina, na te faagatasia ma le eleele, e oo lava i le efuefu.

O viiga i le Atua; ia faatuatua ia te ia e tatau ai.

- 26 O LEA aso e pese ai lenei pese i le laueleele o Iuta, Ua ia te i tatou le aai malos; o le faaolataga na te faia lea ma pa ma 'olo. Ina to mai ia e outou o puipui, ina ia ulufale mai ai le nuu amiotonu o e taus; le mea moni. E te leoleoina ia fifilemu lava le ua mausali lona loto; auā ua ia faatuatua ia te oe. Ina faatuatua ia outou ia Ieova e faavavau lava; auā o Ioa Ieova, o le papa e faavavau ia. Auā ua ia lafotuina i lalo e sa nonofo i le mea maualuga; o le aai sa maualuga ua faamaulaloina e ia, ua faamaulaloina ua oo i le eleele, ua faagatasia ma le efuefu. E solia ia e vae, o vae lava o e tigaina, o vae foi o e matitiva. Ua laugatasi le ala o le ua amiotonu; o oe na lē amiotonu, ua e faalauleleiina le ala o le ua amiotonu. E moni, Ieova e, ua matou faatalitali ia te oe i le ala o au faamasinoga; o le manao o matou loto o loo i ai lea i lou suafa, ma le faamanatuga ia te oe. Ua manao lo'u loto ia te oe i le po; e moni, e ala saili ia te oe lo'u agaga i totonu ia te au; auā e a'oa'oina e o nonofo i le atu laulau, pe a faia au faamasinoga i le lalolagi. E alofagia le ua amio leaga, a e le a'oa'oina lava o ia i le amiotonu; o le nuu o i ai le amiotonu e agafaapiopio ai o ia, na te le manatua foi le mamalu o Ieova. Ieova e, e siitia lou aao, a e latou te le vaavaai; latou te vaavaai lava, e faamāina foi i latou; o le maelega ona o lou nuu, e moni, o le afi ona o e ua ita ia te oe e faaumatia ai i latou.
- 12 Ieova e, e te tuuina mai le manuia ia te i matou; auā foi ua e faia mo i matou a matou galuega uma. Ieova e, lo matou Atua, sa pule ia te i matou nisi alii e le na o oe; ua na o oe lava matou te vivii atu ai i lou suafa. Ua oti i latou, latou te le toe ola; o agaga i latou, latou te le toe tutū; auā ua e faasalaina, ma faaumatia i latou, ua e faagaloina lava le manatu uma ia i latou. Ua e faatoateleina le nuu, Ieova e, ua e faatoateleina le nuu; ua viia lava oe; ua e faamamaoina tuaoi uma o

le nuu. Ieova e, na latou sailiili ia te oe i lo latou puapuga, na latou faapaūina atu le tatalo ona o lau aoiaga sa ia te i latou. E pei o le fafine to ua latalata ona fanau, ua tiga ia ma uio i lona faatiga; Ieova e, sa faapea lava i matou i ou luma. Sā totō i matou, sa faatiga, e peiseai na matou fanau mai le savili; e lei faia e i matou se faaolataga i le lalolagi, e lei pauu foi e o nonofo i le atu laulau. E toe ola mai ou tagata oti, o latou tino oti e toe tutū mai. Ina ala mai ia, ma alalaga fiafia outou e o nonofo i le efuefu; auā o lou sau e pei o le sau o le vao iti ia; e lafo atu foi e le eleele e ua oti. Ina o mai ia, lo'u nuu e; ina ulu atu ia i o outou afeafe, ma pupuni o outou faitotoa; ia outou lalafi e pei se emo ona puupuu, seia mavae atu le toasa. Auā faauta, o loo afio mai Ieova ai le mea o afio ai o ia, ina ia faasalaina e o nonofo i le lalolagi ona o a latou amio leaga; e faaalua foi e le eleele lana toto, na te le toe ufitia foi lana fasi.

Ua faamafanafanaina tagata o le Atua.

O LEA aso e faasalaina ai e Ieova o leviatana, o le gata tele vave, o leviatana lava, o le gata taataai, e faasalaina lava i lana pelu maaa, ma le tele ma le malos; e faasimatea lava e ia le tanimo o loo i le vai. O lea aso ia outou pepese ai i le tovine. O a'u o Ieova, ou te leoleo i ai; ou te faasūsū pea lava i ai; ou te leoleo lava i ai i le po ma le ao, nei oo i ai se leaga. Ou te le ita lava a'u; ta fia maua laau tuitui ma laau talatala i le taua; ou te alu atu ia te i latou, ou te susunu faatasi lava i latou. Pe se'i tago o ia i lo'u malos, ia mā lelei ma ia, e lelei foi o ia ma a'u. O ona po amuli e solo ai aa o Iakopo; e fuga mai ma mātala o Isaraelu, ona tumu ai lea o le fogāleele uma i ona fua. Ua na taia ea o ia, e pei ona taia e ia o i latou na taia o ia? po ua fasia o ia, e pei o le fasi na fasia ai e ia? Na e finau faatatau ma ia ina ua tulia o ia; na ia avea o ia i lona matagi tetele i le aso na agi mai ai

- 9 le matagi mai sasae. O le mea lea e faamagaloina ai le agasala a Iakopo i lea mea; o ona iuga uma foi ia, ina ia faateaseina ai lana agasala; pe a faia e ia o maa uma o le fata faitaulaga ia pei o maa panisina ua nutililiia; e le toe tutū i luga o tupua o Asaira ma tupua o le la.
- 10 Auā e tuufua le aai nofo 'olo, e le āina fale, a e tuulafoaina e pei o se nuu tuufua; e tatau ai tamai povi, ma latou taoto ai, latou te aai ona
- 11 la laau. Pe a mamago ona la laau, ona gauieseina ai lea: e o mai fafine latou te susunuina; auā e le se nuu mafaufau lea; o le mea lea e le alofagia ai i latou e le na faia i latou, o ia foi na faia i latou na te
- 12 le alofa lava ia te i latou. O lea lava aso e sasa ifo ai e Ieova *ona fua*, e afua i le mea e tafe ai le vai-tafe, e oo atu i le alia o Aikupito; e faapotopotoina foi outou e taitoatasi, o outou le fanauga a Isaraelu.
- 13 O le aso foi lea e ili ai le pu latele, ona o mai ai lea o i latou na fai a fano i le nuu o Asuria, atoa foi ma e na aunua i le nuu o Aikupito, latou te ifo ia Ieova i le mauga paia i Ierusalemā.

Ua aoiina tagata o Isaraelu; o va-loaga i le Mesia, ma le malaia o e le talia o ia.

- 28 OI talofa i le palealii e faamaua-luga o e onā o Efaraima, atoa ma le fuga ua mamea o lo latou matagofie e faamananaia a'i i latou, o le ua i le ulu o le vanu lafulemu, o i latou
- 2 o e ua faiaina i le uaina. Faauta, o loo i le Alii le ua malosi ma le lototele, e pei o le afā o le ua to'a, o le afā fulifā, e pei o le tafe o vai te-tele ua oso, na te lafotuina ma le
- 3 malosi i le elele. E solia i vae le palealii e faamaualuga o e onā o
- 4 Efaraima; o le fuga foi e mamea o lo latou matagofie e faamananaia a'i i latou, o le ua i le ulu o le vanu lafulemu, e avea ia e pei o mati ua muai otatā a o lei oo i le tausaga vevela; ua iloa ai e le ua vaai atu i ai, a maua i lona lima, ona folo loa
- 5 lea. O lea aso e avea ai Ieova o 'au ma palealii e matagofie, ma pale
- 6 lalelei i e ua totoe o lona nuu; e avea foi ma atamai e faamasino ai

i lē nofo e fai le faamasinoga, e avea foi ma malosi, i e o faafoisia le taua i le faitotoa. A e peitai o i 7 latou, ua sese i latou i le uaina; ua feseseai i le 'ava; ua sese le faitaulaga ma le perofeta i le 'ava; ua faiaina i latou i le uaina, ua feseseai i latou i le 'ava; ua sese lo latou vaai, ua latou tautevateva i le faamasinoga. Auā ua tutumu 8 laoi uma i puaiga ma otaota, e leai lava se mea *ua sao*. Na te a'oa'o 9 atu ea ia te ai i le poto? na te faailoa ea ia te ai le tala? O e ua te'a ma le suāsusu, ua faateaina lava ma le susu. Auā o loo i ai le upu ma 10 le upu, o le upu ma le upu; o le vavao ma le vavao, o le vavao ma le vavao; o sina mea itiiti iinei ma sina mea itiiti iina. Auā e tautala 11 atu o ia i lenei nuu i upu e le mata-la, ma le gavana ese. Na ia fai atu 12 foi ia te i latou, O le malologa lenei; ia outou avatua le malologa i e ua lailoa; o le malologa foi lenei; a ua latou le mafafai ona faalogo mai. E i ai foi le afioga a Ieova ia te i 13 latou, o le upu ma le upu, o le upu ma le upu; o le vavao ma le vavao, o le vavao ma le vavao; o sina mea itiiti iinei ma sina mea itiiti iina; ina ia latou savavali ma pauu taliaga, ma ia momomo, ia maileia foi, ma ia maua i latou.

O le mea lea ia outou faalogologo 14 mai ai i le afioga a Ieova, outou tagata faatauemu, o e pule i lenei nuu o loo i Ierusalemā; auā 15 outou faapea mai, Ua osia la matou feagaiga ma le oti; ua fai foi la matou feagaiga ma seoli; a ui ane le sasa e lofia ai, e le oo mai lea ia te i matou; auā ua matou faia le pepelo mo matou malu; ua matou lalafi foi i tala oole. O lenei, o loo 16 faapea ona fetalai mai o le Alii o Ieova, Faauta, ou te tuuina i Siona le maa e fai ma faavae; o le maa ua uma ona faata'ita'iina, o le maa tulimanu tāua, o le faavae ua mau; o lē faatuatua ia te ia e le popole lava ia. Ou te faia le faamasinoga 17 ia faatatauina i le fua faataoto, *ou te faia* foi le amiotonu ia faatatauina i le fua faatautau; e tafea le malu o le tala pepelo i le uato'a, e lofia foi le lafitaga i le vai. E faa- 18

- fuvaleina la outou feagaiga ma le
oti, e le tumau foi la outou feagaiga
ma seoli; a ui ane le sasa e lomia ai,
19 ona solia ai lea outou e ia. A ui
ane ia, ona avea ai lea outou; auā
e ui ane ia i lea taeao ma lea taeao, i
le ao atoa ma le po; a lagona na o
20 le tala e matuā atuavale ai. Auā
e puupuu le moega a le mafai e *se*
tasi ona faaloloa ai o ia; e lauitiiti
le ie afu e le mafai ona pulupulu ai
21 o ia. Auā e tulai atu Ieova e pei
ona faia i le mauga o Faresa, e toasa
foi o ia e pei *ona fai* i le vanu o
Kipeona, ina ia faia lana mea e fai,
ua ese lava; ina ia faia foi lana
galuega, o lana galuega ese lava.
22 O lenei, aua tou te faatauemu, ina
ne'i atili ai ona faamauina o outou
noanoaga; auā o le faaumatia ua
pulea, ua ou faalogo ai mai le Alii
o Ieova o 'au, e oo i le lalolagi uma
23 lava. Ina uai mai ia o outou taliga,
ma faalogo mai i lo'u leo; ina faa-
saga mai ia outou, ma faalogo mai i
24 la'u upu. Ua galue ea i le suoto-
sina i aso uma lava le ua galue i le
suotosina ina ia lulu ai saito? Ua
suatia ea e ia ma faamaluluina lona
25 fanua? A uma ona faalauleleia e
ia le *eleele*, e le saaluina ea e ia le
kiseka, ma lululoloina le kumina,
ma totōina le saito faaatusolo, ma
le karite i le mea e totō ai, ma le
26 kaseme i lona tuaoi? Auā ua a'oa'o
lona Atua ia te ia i le tonu, ua ia
27 a'oa'o lava ia te ia. Auā e le solia
le kiseka i le mea e soli ai saito, e le
faataamilo foi i luga o le kumina le
mea e taavalevale a'i le fata faataa-
valevale; a ua sasaina le kiseka i le
sasa, ua *sasaina* foi le kumina i le
28 tootoo. E nutilili le saito; a e le
solia pea lava e ia, pe toso ane i ai
le mea e taavalevale a'i le fata faa-
taavalevale; e le nutililiia foi e ana
29 solofanua. E ala mai lava lea mea
mai ia Ieova o 'au; e maeu lona
faautauta, e sili lava lona potu.
- O le faasalaina o Ierusalem.*
- 29 OI talofa i Arielu, o Arielu, o le
aai sa nofo ai Tavita. Ina faapo-
opo ia o lea tausaga ma lea tausaga;
2 ia latou fai pea foi o tausamiga. A
e peitai ou te faatigaina Arielu; e
i ai le faanoanoa ma le faavauvau;
- e ia te au foi o ia e pei o Arielu.
Ou te to lauapi e vagavagai ia te
oe; ou te siosio ia te oe i 'au; ou
te faatuina atu foi 'olo e tau ai ma
oe. E tuuina oe i lalo, e tautala
mai oe mai le elelee, e leo itiiti mai
au upu mai le efuefu; o lou leo foi
e oo mai mai le elelee e pei o le ua i
ai le aitu vavalo; e te leo i'i foi mai
le efuefu. E pei o le efuefu nini
le toatele o e ua ita ia te oe; o le
toatele foi o e ua matantia e pei o
aputi e lelea i latou; e faafuasei ua
se emo lava ona oo mai. E asiasia
oe e Ieova o 'au i le faititili, ma le
mafiue, ma le taalili tele; o le asio-
sio, ma le afā, ma le mumū o le afi
e faaumatia ai. E pei o le miti, o
le mea e vaia i le po, e *faapea* foi
le vao tagata o nuu uma o e tau ma
Arielu, o i latou uma o e tau ma ia
ma ona 'olo, atoa ma i latou o e faa-
tiga ia te ia. E pei o le ua fia 'ai o
loo fai lana miti, faauta, ua 'ai lava
ia; a ua ala mai, ua laina lava ia;
e pei o le ua fia inu foi o loo fai
lana miti, faauta, ua inu ia; a ua
ala mai, faauta, ua mole, ua fia inu
lava ia; e faapea lava le vao tagata
o nuu uma o e tau i le mauga o
Siona. Ia outou faatuatuai, ma ia
outou ofo; ia outou olioli, a e tau-
aso outou; ua latou onā, a e le o le
uaina; ua latou tautevateva, a e le
o le 'ava. Auā ua liligi atu e Ieova
le agaga e moe gase ai i luga ia te
outou, ua fusifusia foi e ia o outou
mata; ua ia ufitia foi *mata* o perofeta
atoa ma outou alii, o tagata
vaai ia. Ua avea foi le faaaliga o
mea uma ia te outou e pei o upu a
le tasi ua faamaufaaalogaina; ua
avatua i le ua iloa faitau, ua faapea
atu, Se'i faitau mai ia lenei *tusi*; a
ua fai mai o ia, Ou te le mafai, auā
ua faamaufaaalogaina. Ona avatua
lea o le tusi i le ua le iloa faitau, ua
faapea atu, Se'i faitau mai ia lenei
tusi; a ua fai mai o ia, Ou te le
iloa faitau.
- O le mea lea ua fetalai mai ai le
Alii, Ua faalatalata mai lenei nuu
ia te au i o latou gutu, ma latou
vivii mai ia te au i o latou laugutu,
a ua mamao lava o latou loto ia te
au, o lo latou mata'u foi ia te au ua
a'oa'oina lea i upu a tagata; o le

- mea lava lea, faauta mai, o le a a'u
faia ai le vavega i lenei nuu, o le
vavega lava, o le mea foi e ofo ai;
e fano lava le potō o latou tagata
popoto, e mavae foi le mafaufau o
15 latou tagata mafaufau. Oi talofa
i e o fai togafiti faaloloto ina ia lilo
ai la latou filifiliga ia Ieova; ua fai
i le pouliuli a latou mea, ma ua
faapea ane i latou, O ai ea se vaai
mai ia te i tatou? o ai foi se iloa
16 mai i tatou? E! lo outou faatuiese
e. Pe faatusaina ea le omea i le
tufuga? pe fai atu ea le mea na
faia i le na na faia, E lei faia lava
a'u e ia? pe fai atu ea le mea na
gaosia i le na na gaosia o ia, E lei
sona mafaufau?
- 17 E le toe itiiti lava ea, ona liua
lea o Lepanona ma fanua lafulemu,
e ta'ua foi le fanua lafulemu, o le
18 vao matua? O le aso lava lea e
lagona ai e otutuli i upu a le tusi,
e faapupulaina foi mata o e ua tau-
aso ina ua te'a le pouliuli ma le
19 pogisa. O e tigaina e faatuputele-
ina lo latou fiafia ia Ieova; o tagata
matitiva foi e olioli i latou i le Paia
20 o Israelu. Auā na mavae atu le
na faasaua, ua faaumatia le na tau-
emu, e fasiotia foi i latou uma o e
21 na mataala e fai mea leaga; o e na
faasalaina le tagata i *lana* upu, ma
latou taumalei i le ua fai finauga
i le faitotoa, ma faaliliueseina fua
22 lava le ua amiotonu. O lenei, o loo
faapea ona fetalai mai o Ieova, o le
na laveaiina Aperaamo, *ua faapea
mai* i le aiga o Iakopo, E le toe
faamāina lava Iakopo, e le toe
23 sesega foi ona mata. Auā a vaai
atu o ia i lana fanau, o le galuega a
o'u lima, i totonu ia te ia, latou te
ta'upaiaina lo'u igoa, ma ta'upaiaina
le Paia o Iakopo, latou te matatau
24 foi i le Atua o Israelu. O e na
sese i o latou loto, latou te iloa
mafaufau; o e na muimui foi latou
te a'oa'oa ia popoto.

*Ua aoiina Israelu ina ua latou
saili fesoasoani i Aikupito.*

- 30 O LOO fetalai mai Ieova. Oi
talofa i le fanau e fouvale, o e faia
a latou pule, a e le fua mai ia te
au; ua latou sasaa foi le taulaga i

mea e inu, a e le *fua* mai i lo'u
Agaga; ina ia latou faapoopoo le
agasala i le agasala. O e savavali e
2 o ifo i Aikupito, a ua le fesili mai
ia te au; ina ia faamalolosia i latou
i le malosi o Farao, ma ia latou
faatuatua i le paolo o Aikupito. A
3 e avea le malosi o Farao ma mea
tou te mamā ai, o le faatuatua foi
i le paolo o Aikupito, e fai *lea mo
outou* luma. Auā sa i Soana ona
4 alii, na oo foi lana sāvali i Sanesa.
Ua latou mamā uma ona o le nuu e
5 le aoga ia te i latou, e le mafesoaso-
ani, e le aoga lava, a e fai ma faamā
ma luma. O le avega a manu i le
6 itu i toga; o *loo o atu* i le nuu e i ai
puapuga, ma le atuatuavale, e *tu-
tupu* mai ai le leona fafine ma le
leona, o le gata ma le gata lele,
latou tē ave a latou oloa i tua o
asini, ma a latou oa i pona o kamela
i le nuu e le aoga *ia te i latou*. Auā
7 o le fesoasoani o Aikupito ua le
aoga, ua lei lava; o le mea lea na
a'u faaigoaina ai o ia, O Raava, ua
nofonofo i latou.

O lenei, alu ia ma tusi lenei mea
8 i se papa i o latou luma, ia tusi ai
foi i se tusi, ina ia tumau i aso
amuli e faavavau faavavau lava;
auā o le nuu fouvale lenei, o le
9 fanau pepelo, o le fanau e le mafa-
fai ona faalogo i le tulafono a Ie-
ova; o e fai atu i tagata vaai, Aua
10 tou te vaai; *latou te fai atu foi* i
perofeta, Aua tou te faaali mai ia
te i matou mea tonu; ina fai mai
ia ia te i matou upu malie, ina faa-
ali mai ia mea pepelo; 'alo ese ia
11 outou i le ala; ina o ese ia i le ala;
ina faateaeiseina ia le Paia o Isar-
elu i o matou luma. O le mea lea
12 ua faapea ona fetalai mai ai o le
Paia o Israelu, Ua outou teena
lenei upu, ma ua outou faatuatua
i le faasaua, ma le faapiopio, ma ua
faalagolago i ai. O le mea lea e
13 avea ai lenei amio leaga ia te outou
e pei o se mea ua sofaia o le a pa'i,
ua oso mai i le pa maualuga, o lona
solo e faafuasei mai, ua se emo
lava. E solo lava ia e pei ona nuti-
14 lilili o le fagu na faia e le fai ipu
omea, ua tu'iniinia; e le faasaoina
lava; e le maua foi se ta'ega fagu i
mea ua nutilililia e ati ae se afi ai le

- avagalafu, pe asu mai ai ni vai ai le vaieli.
- 15 Auā o loo faapea ona fetalai mai o le Alii o Ieova, o le Paia o Isaraclu, O le liliu mai ma le filemu e faaolaina ai outou, o le filemu ma le faatuatua o lo outou malosi lea;
- 16 a ua outou le mafafai. A ua outou fai mai, E leai, a e sosola matou i solofanua; o le mea lea tou te sosola ai lava; *ua outou fai mai* foi, matou te tietie i mea tele vavave; o le mea lea e tele vavave ai i latou o e tuliloa ia te outou. E *sosola* le toaase i le aoaiga a le toatasi; o le aoaiga a le toalima tou te sosola ai lava; ina seia faatotocina outou e pei se fanā i le tumutumu o le mauga, po o se tagavai i le mea maualuga. A e ui lava i lea e faatalitali Ieova ina ia alofa fua mai ia te outou; o le mea lea e tulai ai o ia e alofa ia te outou; auā o Ieova, o le Atua e faamasino tonu ia; amuia i latou uma o e faatalitali ia te ia. Auā e nonofo le nuu i Siona i Ierusalem; e te le toe tagi lava; e matuā alofa o ia ia te oe pe a e alaga atu; a faafofoga o ia, ona tali atu ai lea o ia ia te oe. E avatu e le Alii ia te outou le mea e 'ai o le maosiosi, ma le vai e maua ma le tiga; e le toe lalafi o outou a'oa'o, a e vaai atu o outou mata i o outou
- 21 a'oa'o. E faalogo foi o outou taliga i le upu i o outou tua, pe a outou afe ane i le itu taumatau pe afe ane i le itu tauagavale, e faapea mai, O le ala lava lenei, ia outou savavali
- 22 ai. Tou te faaleaga foi le ufufu ario o outou tupua ua ta, ma le ufufu auro o outou tupua uamea, e te lafoaiina lava, e pei o le ie o le mafi; e te fai atu foi i ai, Alu ia.
- 23 Ona foai lea e ia le timu i āu saito, e te luluina ai i le eleele; i le ma mea e 'ai e tutupu mai i le eleele, e tupu tele ma le lelei; o le aso lea e tataa ai au manu i le taaga lautele.
- 24 O povi foi ma asini o e galulue i le laueleele e aai i latou i mea e 'ai ua faamasimaina, o le mea ua saviligia
- 25 i le asu ma le ili. O atu mauga maualuluga uma ma mauga maualuluga uma, e i ai vai ola ma vaitafe i le aso o le fasi tele, pe a solo i
- 26 lalo 'olo. E avea foi le malamalama o le masina e pei o le malamalama o le la; o le malamalama o le la e sāutuafitu ia e pei o le malamalama o aso e fitu, i le aso e fusi ai e Ieova le gau o lona nuu, ma fofoina ai le manu e manunua ai i latou.
- Faauta, o loo afio mai le suafa o 27 Ieova mai le mea mamao; o loo mu lona toasa, e tele foi le mu; ua tutumu ona laufofoga i le toatamai; o lona laulaufaiva foi, ua peiseai se afi e 'ai tele. O lona 28 mānava foi e pei o se vaitafe ua oso; e oo i le ua, e lulu ai nuu ese i le lulu e fano ai; e i ai foi i le gutu o le nuu le faagutu e faasese ai. E ia te outou le pese, e pei *ona* 29 *fai* i le po e fai ai le tausamiga paia; e fiafia foi loto e pei o le ua ili fano *lana* fagufagu e oo atu i le mauga o Ieova, o le Papa o Isaraclu. E faafaalalogoina e Ieova lona 30 siufofoga silisili, e faaali foi e ia le faapaū ifo o lona aao, ma le tele o lona toasa, ma le mu o le afi 'ai tele, o le lolo, ma le afā, ma le uato'a. Auā o le siufofoga o Ieova 31 e lafoia ai Asuria, na te taia o ia i le tootoo. O mea uma foi e ui ane ai le sasa ua tofia, e faatumauina ai e Ieova i o latou luga, e faia ia ma topa ma kitara; e sii atu e ia le taua ia te i latou, o taua e luluina ai. Auā ua saunia Tofeta talu ana- 32 mui; ua saunia lava lea mea mo le tupu; ua na faamaulaloina, ma faavateleina; o lona faupuega o le afi lea ma fafie e tele; o le mānava o Ieova e pei o se tafe o teio e faamuina ai.
- O le le aoga o le faalagolago i Aikupito; ma le malaia o Asuria.*
- OI talofa i e ō ifo i Aikupito e 31 *saili* ai le fesoasoani; ma latou faalagolago i solofanua, ma latou faatuatua i kariota, auā e tele ia; *ua faatuatua* foi i e tietie i solofanua, auā e matuā malolosi i latou; a ua latou le faalagolago i le Paia o Isaraclu, ma latou le sailiili ia Ieova. A e potu lava o ia, e faao e ia le leaga; e le faafoisia mai e ia ana afioga; a e tulai atu ia e tau ma le aiga o e ua amio leaga, e tau foi ma e fesoasoani i e fai mea leaga. O 3 Aikupito o tagata lava i latou, e le

o le Atua; o a latou solofanua foi o tino i latou, a e le o agaga. E faaloaloa e Ieova lona aao, ona tau-suai ai lea o e fesoasoani mai, e pauu foi e ua maua le fesoasoani; e faatau faaumatia i latou uma lava.

4 Auā o loo faapea ona fetalai mai o Ieova ia te au, E pei ona gu o le leona, o le leona taanoa foi i lana mea ua saeia, pe a faapopotoina leoleo mamoe e toatele e *fasi* ia te ia, e le fefe ia i a latou alalaga, e le mata'u foi ia i lo latou toatele; e faapea ona afio ifo o Ieova o 'au, e tau ona o le mauga o Siona, o lona

5 lava mauga. E pei ona ofaofatai o manu i a latou tama, e faapea foi ona faamamaluina o Ierusalema e Ieova o 'au; o loo faamamaluina, ma laveaiina, o loo faasaoina, ma

6 faaolaina. Toe foi ia outou ia te ia, o loo ua outou matuā o ese ai, o

7 outou le fanauga a Isaraelu. Auā o le aso lava lea e taitasi i latou ma tiai ai ana tupua ario ma ana tupua auro, na faia mo outou e o outou

8 lima e agasala ai. E oti foi Asuria i le pelu, a e le o le pelu o le tagata; e faaumatia foi o ia i le pelu, a e le o le pelu a le tagata ola; e sola ese ia i le pelu, o ona taulelea foi latou

9 te avatu taulaga. E alu ane o ia i lona 'olo i le mata'u, e fefefe alii ua ia te ia i le tagavai; o loo fetalai mai ai Ieova o le ua i Siona lana afi, ma lana ogaumu ua i Ierusalema.

O valoaga i le Mesia; o le faatafu-naina o Isaraelu, ma lona manuia i aso anuli.

32 FAAUTA, e pule le tupu ma le amiotonu, e pule foi alii ma le tonu.

2 E fai foi le tagata e pei o se lafitaga i le matagi, ma se mea e malu ai i le afā; e pei o vaitafe i le nuu nau-mati, e pei o le paolo foi o le papa

3 tele i le nuu ua le o i ai se vai. E le faapouliuligia mata o e vaai; e uai mai foi taliga o e faalogo mai.

4 O loto foi o e oso popole e mafau-fau e iloa ai; o laulaufaiva foi o e nanu e vave ona matala a latou

5 upu. E le toe ta'uagaleleia le ua agaleaga, e le toe ta'ua foi le ua

6 mataoge, o le matamau. Auā e tautala le agaleaga i mea leaga, e sauni le agasala i lona loto, e fai

amio faalematatau, e tautala foi i mea sese ia Ieova, ina ia faamatelaina le tagata ua fia 'ai, ua aveesea foi le mea e inu i le ua fia inu. O toga-fiti a le mataoge e leaga ia; ua tau-pulepule ia i togafiti e faaumatia ai i upu pepelo e ua tigaina; e faa-umatia foi e ua matitiva a o tautala i latou i upu tonu. A o le ua ma-tamau ua sauni e ia mea e matamau ai; o le matamau foi e faatumauina ai o ia.

Ina tulai ia outou fafine o nonofo faafilemu, ina faalogologo mai ia i lo'u leo; o outou tama fafine faatalanoa, uai mai ia o outou taliga i a'u upu. A mavae le tausaga ma ni aso e tupu a'i, ona gatete ai lea outou fafine faatalanoa; auā e iu vale le fuata vine, e le oo ia faapu-tuina ona fua. Ina gatete ia outou fafine o nonofo faafilemu; ina te-temu ia outou fafine faatalanoa; to ese ia o outou ofu, ina faasau ia, ma ia lavalava outou i le tulatala. Latou te tu'i i o latou susu, ona o le fanua matagofie, ona o vine fua tele. E tutupu mai i le laueleele o lo'u nuu o laau talatala ma laau tuitui, e tutupu lava i luga o fale ua outou fiafia i ai i le aai e olioli. Auā e tuufua maota, e lafoaiina le aai sa taalili ai tagata; o Ofele ma le 'olo e fai ma ana e faavavau; o le mea e fiafia i ai asini o le vao, o le mea e tataa ai le lafu; seia liligi ifo i luga ia te i tatou le Agaga mai lugā, ma ia avea ma fanua lafulemu le vao lafua, e ta'ua foi le fanua lafulemu, o le vao matua. Ona mau ai lea o le faamasinoga i le vao lafulafua, e nofo foi le amiotonu i le fanua lafulemu. O le mea e tupu i le amio-tonu o le manuia lea; e tupu mai foi i le amiotonu le filemu ma le saogalemu e faavavau. E nonofo foi lo'u nuu i le mea e manuia ai, ma fale e saogalemu ai, ma mapu-saga e filemu ai. A e totō ifo le uato'a i le faapaūina o le vao; e lafoina foi i lalo le aai i le mea mau-lalo. Amuia outou o e luluina saito i tafatafa o vai uma, o e tuuina atu i ai vae o povi ma asini.

O le malaia o e fai tagata o le Atua mo latou fili; o le manuia o e usiusitai i le Atua.

- 33** OI talofa ia te oe o lē faatafuna atu, a e le faatafunaina oe; ua e faasaua, a e latou te le faasaua ia te oe; a tuua e oe ona faatafuna atu, ona faatafunaina lea o oe; a uma lou faasaua, ona latou faasaua lea ia te
- 2** oe. Ieova e, ia e alofa mai ia te i matou, ua matou faatalitali atu ia te oe; ia fai oe mo latou lima i taeao uma, o lo matou faola foi i
- 3** ona po o le puapuga. O le leo o le taalili na sosola ai le nuu; o lou tulai na faataapepeina ai o nuu
- 4** ese. E faaputuina la outou vete e pei ona aoaoina mea e le sē kasili; e pei ona fetaufetulia'i o sē akerisi, e faapea foi ona fetaufetulia'i i ai o tagata. E silisili Ieova; auā o loo afio o ia i lugā; ua faatumuina e ia Siona i le faamasinoga ma le
- 6** amiotonu. O ia o le e tumau ai ou tausaga, o le tele o le faaolataga, o le poto ma le malamalama; o le mata'u ia Ieova, o lana oloa lea.
- 7** Faauta, e alalaga o latou tagata totoa i fafo; e tagi lotulotu o le
- 8** sāvali o le faaleleiga. Ua gaogao iloa tele, e le toe ai se malaga; ua na tuumavaega, ua ia inosia aai, ua
- 9** ia le manatu i tagata. O loo faanoanoa le laueleele, ua mamae; ua faamaina Lapanona, ua mamae; ua avea ma nuu lafulafua Saronā; ua malili lau laau o Vasana ma Karamelu.
- 10** Ua fetalai mai Ieova, Ou te tulai atu nei lava; e viia nei lava a'u; e
- 11** faasilisiliina nei a'u. E totō outou o mutia magumagu, tou te fananau mai o tagutugutu o saito; o lo outou mānava o le afi lava lea e 'aina ai
- 12** outou. E avea foi le nuu e pei ona mu o umu panisina; e pei o laau tuitui ua salaina, e susunuina i latou
- 13** i le afi. Outou o e mamao, ia outou faalogologo mai i le mea ua ou faia; outou foi o e latalata mai, ia outou
- 14** iloa lo'u mana. O e agasala i Siona ua fefefe i latou; o e faalematau ua maua i latou i le mata'u. O ai ea so tatou na te mafaia ona nofo i le afi mu tele? O ai ea so tatou na te mafaia ona nofo i le afi e faavavau?

O le ua savali i le amiotonu, ma tautala i upu tonu; o le ua 'ino'ino i le oloa e maua i le faasaua, ua liaiina e ia ona lima ina ne'i tago i se tau, ua pupuni e ia ona taliga ina ne'i faalogo atu i *pulega* o fasiga, ua moe foi ona mata ina ne'i vaai atu i le leaga. E mau lava o ia i le mea maua luga, o 'olo papa o lona malu lea; e foaiina ia te ia ana mea e 'ai, e tumau pea ia te ia le vai. E maimoa ou mata i le tupu i lona matagofie; latou te vaavaai i nuu mamao. E manatunatu lou loto i le mea sa mata'u ai. O ifea ea le tusiupu? O ifea ea le tali *tau-laga*? O ifea ea le faitau 'olo? E te le toe vaia le nuu feai, o le nuu upu faigata e le mafai ona lagona; ua ese a latou gagana e le mafai ona iloa. Vaai atu ia i Siona le aai o tatou faapotopotoga; e iloa lava e ou mata o Ierusalema le mea e nofo filemu ai, le fale ie e le tatalaina, e le toe liaiina lava sona fao, e le motusia lava sona maea e tasi. Auā e ia te i tatou i lea mea o Ieova lē silisili, e fai o ia ma vaitafe ma maga vai lautetele; e le alu i ai se vaa e fai foe, e le ui ane i ai foi se vaa tele. Auā o Ieova o lo tatou faamasino ia, o Ieova o lo tatou fai tulafono, o Ieova o lo tatou tupu, o ia lava e faola ia te i tatou. Ua malū ou maea, latou te le mafai ona faamauiina o le tulāfanā, latou te le mafai ona fai la; ona tufatufaina ai lea o le oloa o le vete tele; e vete lava e tagata pipili. E le fai mai foi se tasi ua mau ai, Ou te ma'i; e faamagaloina agasala a le nuu e nonofo ai.

O le faasalaina o Etoma.

INA faalatalata mai ia outou nuu ese ina ia faalogologo mai ai; outou nuu foi, uai mai ia o outou *taliga*; faalogologo mai ia le lalolagi ma mea uma ua tumu ai, o le atu lau-lau ma mea uma ua tutupu mai ai. Auā o loo i nuu ese uma le toa-tamai o Ieova, o lona toasa foi o loo i a latou 'au uma lava; ua ia faafanoina i latou, ua ia tuuina atu lava i latou ia fasiotia. E lafoaiina lo latou fasi, e alu ae foi le elo i o latou tino oti, e tafeesea mauga i o

- 4 latou toto. E mavae foi 'au uma lava a le lagi, e taataaia le lagi e pei o se tusi; e pauu a latou 'au uma lava, e pei ona pauu o lau o le vine, e pei ona pauu o lau o le mati.
- 5 Auā e onā la'u pelu i le lagi; faauta, e alu ifo ia i luga o Etoma, i luga lava o le nuu ua ou faafanoina, ina ia faasalaina. Ua ma'ona le pelu a Ieova i le toto; ua mālīe i le ga'o; o le toto o tamai mamoe ma 'oti, o le ga'o o i ai fatuga'o o mamoe poa; auā e ia Ieova le taulaga i Posara, ma le fasi tele i le laueleele o
- 7 Etoma. E pauu foi rema faatasi ma i latou, ma povi taanoa faatasi ma povi poa; e onā o latou laueleele i le toto, e mālīe foi lo latou efuefu i le ga'o. Auā e ia Ieova le aso e tau i ai ma sui; o le tausaga e tau i ai i e o finau ma Siona. E liu pulu safeta ona vaitafe, e liu teio foi ona efuefu, e avea foi lona laueleele ma pulu safeta o mu. E le tinea lava ia i le po, po o le ao; e pusa ae pea lava lona asu; e tuufua ia i lea tupulaga ma lea tupulaga, e
- 11 le uia e faavavau faavavau lava. A e faia mo kati ma kifota; e nonofo ai foi o inese ma oreva; na te faloina foi i ona luga le fua e faagaogaina ai, ma le fua faatautau e faatuufuaina ai. E le o i ai foi ni ona alii latou te tofia e pule; o ona alii sili e le toe ai lava so latou. E tutupu ae laau tuitui i ona maota, o vao ogoogo foi ma laau talatala e tutupu i ona 'olo; e avea foi ma mea e nonofo ai luko, ma mea e nonofo ai iaena. E fetaiai ai manu feai o le vao ma aie; e fevalaauai foi 'oti o le vao, e nofo flemu ai le lilita, e maua ai foi e ia se mea e malolo ai. E fai ai e le kifosa lona ofaga, ma tuu ai ona fua, ma togitogi ai, e ufufi foi i ai i lona tino; e
- 16 faapotopoto ai taie e tailua. Ina sailiili ia i le tusi a Ieova, ma faitau i ai; e leai so latou e iu vale; e leai se tasi e le iloa lona soa; auā o lona fofoga ua fetalai atu ai, o lona agaga foi, o ia na te faapotopotoina i latou. O ia foi na faia le vili mo i latou, o lona aao na vaevaeina ai mo i latou i le fua faataoto; e faia mo i latou e faavavau, latou te mau ai i lea tupulaga ma lea tupulaga.

O le fiasia o tagata o le Atua i lo latou manuia.

E OLIOLI ona o i latou le vao lafulafua, ma le nuu naumati; e fiasia le toafa, ma fua mai e pei o le aute. E fua tele mai lava ia, e fiasia foi ma le fiasia tele, ma le alaga; e avatu i ai le lalelei o Lapanona, ma le matagofie o Karamelu ma Sarena, latou te vaavaai i le pupula o Ieova, o le matagofie o lo tatou Atua. Ia outou faamalosi i lima ua gagase, ia outou faamalosi foi i tulivae ua vaivai. Fai atu ia i e ua loto vaivai, ia outou faamalolosi, aua tou te fefefe; faauta, o lo outou Atua; o le a oo mai le tau i ma sui, o le tau i lava mai le Atua; e afio mai lava o ia ma faaola ia te outou. Ona faapupulaina ai lea mata o e tauaso, e faalogoia foi taliga o e tutuli; ona osooso ai lea o le pipili e pei o le aila, e pese foi le laulaufaiva o le gūgū; auā e oso mai le vai i le vao lafulafua, ma vaitafe i le toafa; e avea foi le serapi ma vailepa, e avea foi le nuu naumati ma vaipuna; o le mea e nonofo ai luko, e taoto ai i latou, e fai lea ma mea e tutupu ai u ma kome. E i ai foi le ala tanu, ma le ala, e ta'ua foi o le ala sa; e le ui atu ai se ua leaga, a e faia mo i latou lava; e ui ina valea se malaga e le sese ai lava. E le i ai se leona, e le alu ae ai foi se manu feai; e le i ai lava, a e savavali ai e ua togiolaina. E foi mai e ua togiolaina e Ieova, latou te o mai foi i Siona ma le alaga ma le olioli e faavavau i luga i o latou ulu; latou te maua le olioli ma le fiasia, a e sosola ese le faanoanoa ma le maputitiga.

O le feau a Sanerivi le tupu o Asuria ia Esekia.

O LONA sefulu ma le fa o tau-saga o le tupu o Esekia na sii ai le taua e Sanerivi le tupu o Asuria i aai uma o Iuta e nofo 'olo, ma na aea ai. Ua aauina mai foi e le tupu o Asuria mai Lakisa o Ravesaki ma 'au e tele, i Ierusalemia i le tupu o Esekia; ua tu mai ia e latalata ane i le alavai o le vailepa aupitoaluga, i le ala tele o le fanua o le ta ofu. Ona o atu ai lea ia te ia o Eliakimo

le atalii o Hilikia, o le na pule i le aiga, ma Sevena le tusiupu, ma Ioaa le atalii o Asafo le fātuaipu. 4 Ona fai mai ai lea o Ravesaki ia te i latou, Ia outou fai atu ia Esekia, o loo faapea ona fetalai mai o le tupu silisili, o le tupu o Asuria, Pe se a lea faatuatuaga ua e faatuatua i ai? 5 Ua e faapea ane, (a o upu faatauvaavaa lava,) ua ia te oe le poto ma le malosi e fai ai taua; o lenei, pe e te faatuatua ia te ai, ua e fou ai a'u? 6 Faauta, ua e faatuatua i lena tootoo u ua gapēpē o Aikupito, a tootoo i ai se tagata e tuia ai lona lima ia ati; e faapea lava Farao le tupu o Aikupito ia te i latou uma o e faatuatua ia te ia. A e afai e te faapea mai ia te au, Matou te faatuatua ia Ieova lo matou Atua; e le o ia lava ea ua aveeseina ai e Esekia o ana mea mauaululuga ma ona fata faitaulaga, ma ua fai atu ia Iuta ma Ieruselema, Ia outou tapuai i luma o lenei fata faitaulaga? O lenei, ina au mai ia ni mea e tuu faafaatau i lo'u alii le tupu o Asuria, ona ou avatu ai lea ia te oe o solofanua e lua afe, pe afai e te mafaia e oe ona ia tofu ma se tietie ai. Ia, e mafai faapefea ona e tulia se tasi taitai o auaua e aupito ona faatauvaavaa a lo'u alii? A ua e faatuatua ia Aikupito e maua ai kariota ma 10 'au e tietie i solofanua? Fā'i ea ua ou sau e auuoa ma Ieova i lenei nuu e faaumatia ai? Na fetalai mai Ieova ia te au, Alu ae ia oe i lena nuu ia faaumatia ai. Ona faapea atu ai lea o Eliakimo, ma Sevena, ma Ioaa, ia Ravesaki, Ia e fetalai mai i au auaua i le gagana a Arama, auā matou te lagona ai; a o au e te fetalai mai ia te i matou i le gagana a Iuta ma le faalogo mai 12 o tagata o i luga o le pa. Ona tali mai ai lea o Ravesaki, Ua auina mai ea a'u e lo'u alii i lou alii atoa ma oe e tautala atu ai i ia upu, a e le auina ea i tagata o e nonofo i luga o le pa, ina ia latou topalega, ma feinu i o latou lava miaga faatasi ma outou? 13 Ona tu mai ai lea o Ravesaki, ua alaga ua leo tele i le gagana a Iuta, ua faapea mai, Faalogologo mai ia i le afiga a le tupu silisili, o le tupu 14 o Asuria. O loo faapea ona fetalai

mai o le tupu, Aua ne'i olegia outou e Esekia; auā na te le mafaia ona laveai ia te outou. Aua ne'i faa- 15 tupuina foi e Esekia so outou faatuatua ia Ieova, o loo faapea ane o ia, E laveai mai lava Ieova ia te i tatou; e le tuuina atu lenei aai i le lima o le tupu o Asuria. Aua ne'i 16 outou faalogo ia Esekia; auā o loo faapea ona fetalai mai o le tupu o Asuria, Ina tatou fai ia se leleiga ma a'u, ma ia outou o mai ia te au, ona outou aai ai lea taitasi i lona lava vine, ma taitasi i lona lava mati, ma outou taitasi ma inu le vai o lona lava vaieli; seia ou alu 17 atu e ave ia te outou i le nuu faapei o lo outou lava nuu, o le nuu o i ai saito ma uaina, o le nuu o i ai areto ma tovine. Ia outou ne'i ole- 18 gia outou e Esekia, o loo faapea ane, E laveai mai Ieova ia te i tatou. Pe ai ea se atua o i nuu ua na laveaiina lona lava nuu ai le lima o le tupu o Asuria? Po o 19 ifea atua o Amato ma Arepa? Po o ifea atua o Sefavaima? Po o ua latou laveaiina ea Samaria ai lo'u lima? Po o ai ea ni atua uma o ia 20 nuu ua latou laveaiina o latou nuu ai lo'u lima, ina ia laveaiina Ieruselema e Ieova ai lo'u lima? A ua 21 faalologo i latou, ua latou le tali atu se upu ia te ia; auā sa faapea mai le poloaiga a le tupu, Aua ne'i tali atu ia te ia. Ona o mai ai lea 22 o Eliakimo le atalii o Hilikia, le na pule i le aiga, ma Sevena le tusiupu, ma Ioaa le atalii o Asafo le fātuaipu, ua o mai ia Esekia, ma o latou ofu ua saei, ua latou tala mai ia te ia o upu a Ravesaki.

Ua faamafanafanaina Esekia e Isaia; ua tala 'au a Asuria e le agelu a Ieova.

UA faalogo ai le tupu o Esekia, 37 ona saei ai lea o ona ofu, ua lavalava i le ie talatala, ona ulufale ai lea o ia i le fale o Ieova. Ua na 2 auuina atu foi o Eliakimo o le pule i le aiga, ma Sevena le tusiupu, atoa ma toeaina o le au faitaulaga, ua lavalava i le talatala, e o ane ia Isaia le perofeta le atalii o Amota. Ua latou fai atu ia te ia, O loo faa- 3 pea ona fetalai mai o Esekia, O le

- aso nei, o le aso o le puapuaga, ma le acaiga, ma le faifai; auā ua oo ina a fanau o tama, a e leai se ma-
- 4 losi e fanau mai ai. Atonu e faafofoga mai Ieova lou Atua i upu a Ravesaki, o le ua auina mai e le tupu o Asuria lona alii e faifai i le Atua soifua, *atonu* foi na te tauitu i upu ua faafofogaina e Ieova lou Atua; o lea ia e tatalo ai mo e ua totoe.
- 5 Ona o atu ai lea o auauauna a le
- 6 tupu o Esekia ia Isaia. Ona fai mai ai lea o Isaia ia te i latou, Ia outou fai atu faapea i lo outou alii, O loo faapea ona fetalai mai o Ieova, Aua e te mata'u i upu ua e faalogo ai, ua faifaia mai ai a'u e
- 7 auauauna a le tupu o Asuria. Faauta, ou te tuu atu ia te ia le agaga, na te faalogo foi i le tala, ona foi atu ai lea o ia i lona lava nuu; ou te fasioti foi ia te ia i le pelu i lona lava nuu.
- 8 Ona foi atu ai lea o Ravesaki, ua na iloa foi le tupu o Asuria ua tau ma Lipena; auā na ia faalogo ua
- 9 alu ese o ia i Lakisa. Na ia faalogo foi i le tala ia Tiraka le tupu o Aitiope, ua faapea ane, Ua sau o ia e sii le taua ia te oe; ua ia faalogo ai, ona tuu atu ai lea e ia o le sāvali
- 10 ia Esekia, ua faapea atu, Ia faapea ona outou fai atu ia Esekia le tupu o Iuta, ia faapea atu, Aua ne'i pelogia oe e lou Atua ua e faatuatua i ai, o loo faapea ane, E le tuuina Ieruselema i le lima o le tupu o
- 11 Asuria. Faauta mai ea, ua e logona i mea ua faia e tupu o Asuria i nuu uma, ua ia faaumatia lava, a e
- 12 laveaiina ea oe? Pe na laveai ea atu o nuu ia te i latou na faaumatia e o'u tamā, o le nuu o Kosane, ma Karana, ma Resefa, atoa ma
- 13 fanauga a Etena sa i Tilasa? O fea o i ai le tupu o Amato, ma le tupu o Arepa, atoa ma le tupu o le aai o Sefavaima, o Ena, ma Iva?
- 14 Ua talia e Esekia le tusi nai lima o le sāvali, ua faitau ai; ona alu ae ai lea o Esekia i le fale o Ieova, ua
- 15 fofola atu ai i luma o Ieova. Ona tatalo ai lea o Esekia ia Ieova, ua
- 16 faapea atu, Ieova e o 'au, o le Atua o Isaraelu, o lē afo i le va o kerupi, o oe lava, na o oe, o le Atua o malo
- uma o le lalolagi, na e faia le lagi ma le lalolagi. Ieova e, ia e liliu mai ou fofoga, ma ia faafofoga mai; Ieova e, ia silasila mai ou fofoga, ma ia e silafia, ma ia faafofoga mai i upu uma a Sanerivi, o le ua auina mai *le tasi* e faifai i le Atua soifua. E moni, Ieova e, ua faatafunaina e tupu o Asuria o nuu uma ma o latou laueleele. Ua latou lafoina atu o latou atua i le afi, auā e le ni atua i latou, a o mea na faia e lima o tagata, o laau ma maa; o le mea lea na latou faaumatia ai i latou. O lenei, Ieova e lo matou Atua, ia e faaola mai ia te i matou ai lona lima, ina ia iloa ai e malo uma o le lalolagi, o oe lava o Ieova, na o oe lava. Ona auina lea e Isaia le atalii o Amota o *le tasi* ia Esekia, ua faapea atu, O loo faapea ona fetalai mai o Ieova le Atua o Isaraelu, Ua e tatalo ia te au ia Sanerivi le tupu o Asuria, o le afoia lenei ua tūlei mai ai e Ieova ia te ia, Ua 'ino'ino ia te oe le tama fafine tau-pou a Siona, ua faataunemu o ia ia te oe; ua lialiai e le tama fafine a Ieruselema lona ulu ia te oe. O ai ea ua e upu leaga i ai, ma e faifai i ai? O ai ea ua e fai i ai, upu faasausili, ma e faasiasia i ai? O le Paia lava o Isaraelu. O au auauauna na e auuina ai ua e upu leaga ai i le Alii, ua e faapea ane, Ua a'u alu ae ma le tele o o'u kariota, i tumutumu o mauga i itu o Lepanona; ou te tatauina foi ona arasi maualuluga, ma ona perosi silisili; ou te alu atu i ona tumutumu lava, o lona vao lafulemu. Ua a'u eli ma a'u inu i vai; ua a'u faamateina vai'ai uma o Aikupito i o'u alofi-vae. Po ua e le faalogo ea na a'u faia lea mea anamua, na ou saunia foi i aso muamua? a o ona po nei ua ou faataunuu ai, ina ia fai e oe o aai nofo 'olo ma faupuega mea ua faatafunaina. O le mea lea na lima vaivai ai o e sa nonofo ai, na fefefe i latou ma masiasi, na latou faapei o le mutia o le fanua mai le vao mu'a lauolaola, *pei* o le mutia foi i luga o fale, *pei* o *saito* foi ua mamea a o lei tupu tele. Ua ou iloa foi lou nofo i lalo, ma lou ulufafo, ma lou ulufale, atoa ma lou ita tele ia

- 29 te au. Ua oo mai i o'u taliga lou ita tele ia te au, ma lou faasiasia; o le mea lea ou te tuu ai la'u mama i lou isu ma la'u faagutu i ou laugutu, ou te faafoi atu ai ia te oe i
- 30 le ala na e sau ai. O le faailoga foi lenei ia te oe; o le tausaga nei tou te aai ai i mea ua tutupu fua, *tou te aai* foi i lona lua o tausaga o mea e tutupu fua ai; a o lona tolu o tausaga, ia outou lulu ai saito, ma ia outou selesele, ia outou totōina tovine, ma ia outou aai i o latou fua.
- 31 O e totoe o le aiga o Iuta ua sao, e toe sosolo i lalo o latou aa, ma fua mai ni fua i luga. Auā e o atu e ua totoe nai Ierusalemā, o e ua sao foi e o atu nai le mauga o Siona; o le maelega o Ieova o 'au e fai ai lenei
- 32 mea. O le mea lava lea o loo faapea ona fetalai mai ai o Ieova i le tupu o Asuria, E le sau lava ia i lenei aai, e le fana mai ai foi se u, e le sau foi i ai ma se talita, e le tanu ai foi se mea mautietie. O loo faapea mai Ieova, O le ala na sau ai o ia, o le *ala* lava lea e toe foi atu ai, a e le sau lava ia i totonu o le aai
- 33 nei. Auā ou te faamamaluina le aai nei ia ola, ona o a'u nei lava, ona o Tavita foi la'u auauna.
- 34 Ona alu atu ai lea o le agelu a Ieova, ua fasi i le togālauapi o Asuria o *tagata* e selau afe ma afe e valu sefulu ma afe e lima. Ua ala o latou na *tofoe* i le taeao lava, faauta, o *tagata* oti i latou uma. Ona alu ese ai lea o Sanerivi le tupu o Asuria, ua alu ua foi atu i Nineva, ua nofo ai. Sa ifo o ia i le fale o Nisero lona atua, ona fasia lea o ia e ona atalii o Atameleko ma Salese i le pelu ona la sosola ai lea i le nuu o Ararata. Ona soloai ane ai lea o Esarata lona atalii e fai ma tupu.
- O le *ma'i* o Esekia, ma *lana* tatalo; o *lana* faafetai ina ua malolo.
- 38 O ONA po ia na ma'i ai Esekia, ua tāli oti. Ona sau ai lea ia te ia o le perofeta o Isaia le atalii o Amota, ua fai mai ia te ia, O loo faapea ona fetalai mai o Ieova, Sauni ia sau mavaega i lou aiga, auā o le a e maluu, e te le soifua.
- 2 Ona liliu atu ai lea e Esekia ona fofoga i le pa o le fale, ua tatalo atu o ia ia Ieova, ua faapea atu, Ieova e, ou te aioi atu, ia e manatu mai i lo'u savali i ou luma ma le faamaoni, ma le loto atoa, ua ou faia foi mea ua e finagalo i ai. Ona tagi lotulotu ai lea o Esekia. Ona oo mai ai lea o le afiga a Ieova ia Isaia, ua faapea mai, Alu ia, ina e fai atu ia Esekia, O loo faapea ona fai mai o Ieova le Atua o Tavita lou tamā, Ua ou faalogo i lau tatalo, ua ou iloa ou loimata; faauta foi, ou te faaopopo i aso o lou *ola* o tausaga e sefulu ma le lima; Ou te laveai foi ia te oe ma le aai nei ai le lima o le tupu o Asuria; ou te faamamaluina foi lenei aai. O lenei foi le faailoga mai ia Ieova ia te oe e *te iloa ai*, e faia e Ieova lenei lava mea ua na fetalai mai. Faauta, ou te faafoi atu le ata i vaega na uma ona alu ifo i le mea a Aasa e vaevae ai itu la, ia foi atu i vaega e sefulu. Ona foi atu ai lea o le la i vaega e sefulu, o vaega lava ia ua uma ona alu ifo ai.
- O le tusi a Esekia le tupu o Iuta, ina ua malolo o ia sa ma'i. Na a'u faapea ane, O le tautuluaga o lo'u ola ou te ulu atu ai i faitotoa o le tuugamau, e aveesea o'u tausaga ua totoe. Na a'u faapea ane, Ou te le toe iloa Ioa, o Ioa lava, i le nuu o tagata ola; ou te le toe vaavaai i tagata, faatasi ma e o nonofo i le lalolagi. Ua liaina lo'u fale, ua aveeseina ia te au e pei o le fale ie o le leoleo mamoe; ua ou taataaia lo'u ola e pei o lē laga ie; ua na vavaeseina a'u i pito manoa; o le aso e tasi e te faaumatia ai a'u. Na a'u filelemu seia ao, ona ia momomo ai lea o o'u ivi uma e pei o se leona; o le aso e tasi e te faaumatia ai a'u. E pei o le pe'a pe'a, po o le akuru, e faapea lava ona ou i; ou te tagi e pei o le lupe; ua tiga o'u mata i lo'u vaavaai ae; Ieova e, ua puapuagatia a'u, ia fai oe mo'u fesoasoani. Pe se a se mea ou te fai atu ai? na fetalai mai lava o ia ia te au, o ia foi na ia faia; ou te savali ma le faamaulalo i o'u tausaga uma, ona o le tiga o lo'u loto. Le Alii e, o mea ia e ola ai *tagata*; o mea uma ia e ola ai lo'u agaga; e

te faamalolo ia te au, e te faaola foi
17 ia te au. Faauta, ua suia lo'u tiga
tele i le filemu; na e finagalo e
laveaiina a'u i le lua e faaumatia ai;
18 auā ua e lofoaiina a'u agasala uma i
ou tua. Auā e le vivii atu le tuuga-
mau ia te oe; e le faaneenee le oti
ia te oe; o e o ifo i le lua latou te
19 le faamoemoe i lou faamaoni. O le
ua ola, o le ua ola, o ia lava e vivii
atu ia te oe, e pei o a'u lava i le aso
nei; e faailoa lou faamaoni e le
20 tamā i *lana* fanau. Ua faaolaina a'u
e Ieova; matou te taia a'u nekina i
le fale o Ieova i aso uma o lo matou
ola.

21 Auā sa fai atu Isaia, Ia latou ave
se potopotogāmati, ma tuu ai o
tu'ivaivai i le mea na fulaga'i, ona
22 malolo ai lea o ia. Sa fai atu foi
Esekia, Se a se mea ou te iloa ai, ou
te alu ae i le fale o Ieova?

*O le feau a le tupu o Papelonía ia
Esekia, ma le sese o Esekia.*

39 O ONA po ia na aauina ai e
Merota-palata le atalii o Palata, le
tupu o Papelonía, *nisi e au mai* tusi
ma le mea alofa ia Esekia; auā na
ia faalogo, na mai o ia, a ua malolo.
2 Ua fiafia Esekia ia te i latou, ua
faaali atu foi ia te i latou le fale o
lana oloa, o ario, ma auro, ma mea
manogi, ma le uu lelei, atoa ma le
fale uma o lana auupega, ma mea
uma sa i ana mea e teu ai oloa; e
leai lava se mea i lona fale ma lona
nuu uma e lei faaali atu ai e Esekia
ia te i latou.
3 Ona sau ai lea o Isaia le perofeta
i le tupu o Esekia, ua faapea mai ia
te ia, Pe se a na fai mai ai ia tagata?
o fea foi na latou o mai ai ia te oe?
Ona tali atu ai lea o Esekia, O le
nuu mamao na latou o mai ai ia te
4 au, o Papelonía lava. Ona fai mai ai
lea o ia, Pe ni a mea ua latou iloa i
lou fale? Ona tali atu ai lea o
Esekia, Na latou maimoa i mea uma
o i lo'u fale, e leai se mea i a'u mea
e teu ai oloa ou te lei faaali atu ai
5 ia te i latou. Ona fai mai ai lea o
Isaia ia Esekia, Faafofoga mai ia i le
6 afioga a Ieova o 'au, Faauta, e oo
mai ona aso e aveina atu ai i Pape-
lonía o mea uma o i lou fale, atoa
ma mea ua faaputuina e ou tamā ua

oo mai i le aso nei; e le toe ai se
mea e tasi, ua fetalai mai ai Ieova.
Latou te ave foi nisi o ou atalii e
7 tutupu mai ia te oe, e fanaua e oe,
e avea foi i latou ma eunuka i le
fale o le tupu o Papelonía. Ona fai
8 atu ai lea o Esekia ia Isaia, Ua lelei
le afioga a Ieova ua e fai mai ai na;
ua fai atu foi o ia, Auā e i ai le
manuia ma le faamaoni i lo'u olaga.

*Oupu faamafanafana i tagata o le
Atua.*

IA outou faamafanafana, ina faa-40
mafanafana atu ia outou i lo'u nuu,
ua fetalai mai ai lo outou Atua. Ia 2
outou faamatalaloto ia Ierusalemā,
ma outou alalaga ia te ia, ua iu ona
po o lona tiga, ua tauia lana amio-
letonu; auā ua na maua faalua mai
le lima o Ieova *le tau* ona o ana
agasala uma. O le leo o le ua alaga 3
i le vao, Ina teuteu ia outou le ala o
Ieova; ia outou faalauleleia le ala
tele i le vao lafulafua mo lo tatou
Atua. O vanu uma e faaeaina ia; o 4
mauga uma ma mea maupuepue e
faamaulaloia ia; o mea faafatia-
tamai e fai ma mea faalaugatasi ia,
ma mea gaoa e fai ma mea laulelei.
Ona faaalii mai ai lea o le pupula o 5
Ieova, e vāia lava e tagata uma
faatasi; auā ua fetalai mai ai le
fofoga o Ieova. Ua fai mai le leo, 6
Ina alaga ia. Ona fai atu lea o ia,
Se a ea *se upu* ou te alagaina? O
tagata uma o le mutia i latou, ma lo
latou lelei uma, e tusa lea ma le
fuga o le vao; e magumagu le 7
mutia, e toulou le fuga; auā o le
mānava o Ieova ua agi mai i ai; e
moni, o le mutia lava le nuu. E 8
magumagu le mutia, e toulou le
fuga; a o le afioga a lo tatou Atua,
e tumau lea e faavavau. Alu ae i le 9
mauga maualuga, o oe lē au mai le
tala lelei ia Siona; ia matuā leo tele,
o oe lē au mai le tala lelei ia Ieru-
salemā; ia leo tele, aua le fefe; fai
atu i aai o Iuta, Faauta i lo outou
Atua. Faauta, e afio mai le Alii o 10
Ieova ma le malosi, e pule lona aao
mo ia; faauta, ua ia te ia lana tau,
ua i ona luma le totogi o lana
galuega. Na te leoleoina lona lafu 11
e pei o le leoleo mamoe; na te
sapaia tamai mamoe i ona lima, ma

tauave i latou i lona fatafata; na te
ta'ita'i *flemu* i *mamoe* ua fananau.
12 O ai ea ua na fuatia le sami i lona
alofilima, ma na fuatia le lagi i le
āga, ma na fuatia le elelee o le lalo-
lagi i le fua faaofuofu; ua na fuatia
mauga foi i le fua, mauga iti i le
13 fua faatautau? O ai ea ua fuatia le
atamai o Ieova? *o ai* foi se tagata e
pulega faatasi ma ia, ua na a'oa'oina
14 o ia? O ai ea se na la filifili faatasi
ma ia, ma na a'oa'oa ia te ia, ma na
a'oa'oa ia te ia i le ala o le faamasino-
noga; ma na a'oa'oa ia te ia ia potō
ai, ma na faailoa ia te ia le ala o le
15 faautauta? Faauta, o atu nuu e
tusa i latou ma si mea e sisina ifo
nai le pakete; e faatatauina i latou
e pei o le efuefu i le fua faatautau;
faauta, na te siitia nuu tu tai e
16 peiseai siua mea ninii lava. E le
lava foi Lēpanona ina mu a'i *le afi*;
ma manu o ai, e le lava ai se tau-
17 laga mu. O atu nuu uma peiseai ua
leai i ona luma; ua matuā leai lava
i latou i lona manatu, ma ua matuā
18 faatauvaa lava. O lenei, tou te faa-
tusa le Atua ia te ai? se a foi se
faatusa tou te faatusaina ai o ia?
19 O le tufuga na te gaosia le tupua
uamea, ma lē fai mea uamea na te
ufiufi ai i le auro; na te gaosia filifili
20 ario. O le ua mativa i taulaga na te
filifilia se laau e le pala; na te sailia
sana tufuga potō, ia na faia se
21 tupua e le maluluina. Tou te le iloa
ea? Tou te lei faalogo ea? E lei
ta'uina atu ea ia te outou mai le
amataga? Tou te lei lagona ea mai
22 le faavaeina o le lalolagi? O ia lē
tietie i luga o le faataaliolio o le
lalolagi, a o e nonofo ai e tutusa i
latou ma sē; o ia lē fofola le lagi e
pei o se ie manifesti; na te faa-
23 mafolafolaina ai foi e pei o se fale
ie e nofo ai. Na te liua alii ia leai;
o faamasino o le lalolagi ua faia i
24 lātou e ia e tusa ma *se mea* faatau-
vaa. Ua le totōina lava i latou, ua
le luluina lava ni o latou fua, ua le
mau aa lava i le elelee lo latou po-
gai; ua na ona ulafia i latou e ia,
ona mamago ai lea o i latou, e avea
foi i le afā e pei o le tagutugutu o
25 saito. O lenei, po o ai ea tou te
faatusa i ai a'u? po o ai foi ma te
tutusa? ua fetalai mai ai le Paia.

Sei tetepa ae i luga, ma outou vaai, 26
po o ai ea ua na faia nei mea? Na
te ta'ita'iina mai a latou 'au ua fai-
tauina; na te valaau ia te i latou
uma i o latou igoa; ona o le tele o
lona malosi ma lona mana tele; e
leai so latou e le iloa. Iakopo e, se
27 a le mea e te fai ane ai? Isaraelu
e, se a le mea e te faapea ai, Ua
lilo lo'u ala ia Ieova, ua tuua foi
lo'u faamasinoga e lo'u Atua? E 28
te le iloa ea? E te lei faalogo ai
ea? O le Atua o le vavau, o Ieova
o le na faia tuluiga o le lalolagi, e
le vaivai o ia, e le tigaina foi, e le
masuesueina lona mafaufau. Na te 29
avatua le malosi i e ua vaivai; a o e
ua leai se malosi, na te faatuputele
i ai le malosi. E vaivai ma tigaina 30
tama matutua; o taulelea foi, e
pauu lava i latou; a o e faatalitali 31
ia Ieova, e toe faafoina lo latou
malosi; latou te sii ae apaau e pei
o aeto; latou te femoei, a e le vai-
vai; latou te savavali, a e le tigaina.

*Ua apoapoai atu i tagata o le Atua,
latou te faatuatua ia te ia.*

FAALOLOGO ia outou o nuu tu 41
matafaga i o'u luma; o nuu foi, ia
toe faafoina lo latou malosi; ia
faalatalata mai i latou, ona latou
tautala ai lea; ia tatou faalatalata
faatasi o le faamasinoga. O ai ea 2
na na faaoso mai *le ua* amiotonu
mai sasae? ua valaau atu ia te ia ia
mulimuli ia te ia; ua tuuina atu ia
te ia nuu ese, ua ia faatoilaloina foi
tupu; ua ia tuuina atu i latou e pei
o le efu i lana pelu, *ua tuuina atu i*
latou i lana aufana e pei o tagutu-
gutu o saito ua taape. Ua ia tuli- 3
loaina i latou, ua ia ui atu ma le
saogalemu i le ala e lei ui ai ona
vae. O ai ea ua ia saunia ma na 4
faia, o lē valaau i tupulaga talu mai
le amataga? O a'u o Ieova, o lē
muamua e faatasi foi ma lē muli-
muli, o a'u lava ia. Na vaaia e nuu 5
tu matafaga, ona latou fefefe ai
lea; ua gatete tuluiga o le lalolagi;
ua faalatalata mai ma o mai i latou.
Ua latou fesoasoani le tasi i le tasi; 6
ua fai atu le tasi i le tasi, Faamalosi
ia. Ua faamalosi le tufuga i lē fai
mea uamea; o le ua faamolemole i 7
le samala, *ua ia faamalosi i le ua*

tu'i le mea e tu'i ai uamea; ua faa-
 pea ane, E lelei le pulu; ua ia faa-
 8 mauina foi i fao, e le maluluina. A
 o oe Israelu e la'u auaua, o oe
 Iakopo e, le na ou filifilia, o le fanau
 9 a Aperaamo la'u uo; o oe le na ou
 aumaia i tuluiga o le lalolagi, na a'u
 valaauina foi oe i ona itu mamao;
 na ou fai atu foi ia te oe, O oe o
 la'u auaua, o le na ou filifilia, ou te
 10 lei lafoaiina oe. Aua e te fefe, auā
 ou te ia te oe; aua le fetepatepai,
 auā o a'u o lou Atua; ou te faama-
 losia oe; e moni, ou te fesoasoani ia
 te oe; e moni, ou te toafia oe i lo'u
 lima taumatau e i ai le amiotonu.
 11 Faauta, e mamā ma masiasi i latou
 uma o e ita ia te oe; e avea i latou
 e peiseai ua leai; e fano foi i latou
 12 o e finau atu ia te oe. E te sailia i
 latou, a e te le maua i latou o e fai
 oe mo latou fili; e avea i latou pei-
 seai ua leai, e peiseai ua matuā leai
 13 lava e na tau ma oe. Auā o a'u o
 Ieova lou Atua, o le ua toafi lou
 lima taumatau; o le ua fai atu ia
 te oe, Aua e te fefe, o a'u, ou te
 14 fesoasoani ia te oe. Aua e te fefe,
 le anufe Iakopo e, *ma* tagata o Isa-
 raelu; o a'u, ou te fesoasoani ia te
 oe, ua fetalai mai ai Ieova, o le na
 faatauina oe, le Paia o Israelu.
 15 Faauta, ou te avea oe ma mea e
 soli a'i saito, e maamaai, e fou, e fai
 nifo; e te solia ai mauga, ma e nu-
 tininii ai; e te faia foi mauga iti e
 16 pei o aputi o saito. E te faasavili
 ia te i latou, e lelea foi i latou i le
 matagi; e faataapeapeina i latou i
 le afā; a o oe, e te olioli ia Ieova,
 e te mitamita foi i le Paia o Isara-
 17 elu. O e ua tigkeiten ma ē matitiva
 o loo latou saili i se vai, a ua leai;
 ua matutu o latou laulaufaiva i le
 fia inu; o a'u o Ieova, ou te tali atu
 ia te i latou, o a'u o le Atua o Isa-
 18 raelu, ou te le tuulafoaiina i latou.
 Ou te suena vaitafe i luga o mauga
 tula, ma vaipuna i vanu; ou te faia
 le vao lafulafua ma vailepa, *ou te*
 19 *faia* foi le lauelelele naumati ma
 vaipuna. Ou te avatu i le lauelelele
 lafulafua le arasi, ma le setima, ma
 le atasi, ma le laau e maua ai le
 suānu; ou te tuuina atu foi i le
 toafa o le perosi, o le titara, faatasi
 20 ma le tasura; ina ia latou vaai, ma

latou iloa, ma mafaufau, ma faauta-
 uta faatasi, o le aao lava o Ieova na
 faia ai lea mea, o le Paia o Israelu
 ua na faia lava. Au mai ia a outou
 21 finauga, ua fetalai mai ai Ieova; lau-
 lau mai ia a outou *upu e finau* ma-
 losi ai, ua fetalai mai ai le Tupu o
 Iakopo. Se'i latou laulau mai, ma
 22 latou faaali mai ia i tatou mea e
 tutupu; ia latou faaali mai mea
 muamua, po o a ia mea; ona tatou
 mafaufau ai lea, ma tatou iloa le
 iuga o na mea; pe faailoa mai e i
 latou mea e oo mai. Faaali mai ia
 23 o mea e tutupu amuli, ina ia matou
 iloa o atua lava outou; ia outou
 faia lava se mea lelei, pe fai se mea
 leaga, ina ia matou fevaavaai, ma
 tatou iloa faatasi. Faauta, e sili se
 24 mea ua leai ia te outou, e sili foi le
 mea ua leai i la outou galuega; e
 inosia le na te filifili ia te outou.
 Ua ou faaosoina *le tasi* mai le itu
 25 matu, e sau foi o ia; o le mea e alu
 ae ai le la na te valaau ai i lo'u
 igoa; na te sau i alii e pei o le
 omea, e pei o le fai ipu omea foi
 ona soli i le omea. O ai ea ua na
 26 faaali mai talu le amataga, ina ia
 tatou iloa? mai anamua foi, ina ia
 tatou faapea ane, Ua tonu. E moni,
 sa leai se na faaali mai; sa leai lava
 se na faailoa mai; sa leai lava se na
 faalogo i a outou upu. *Na a'u* muai
 27 *fai atu* ia Siona, Faauta, faauta ia te
 i latou; na a'u avatua foi ia Ierusa-
 lema le na te aumaia le tala lelei.
 Na ou vaai, a e leai se tagata; o i
 28 latou nei lava, a e leai se faaali mai;
 na a'u fesili atu ia te i latou, a ua
 latou *le* mafai ona tali mai. Faa-
 29 uta, o mea le aoga i latou uma; o a
 latou mea e fai ua matuā leai lava
 ia; o le matagi ma le mea faatau-
 vaa a latou tupua uamea.

*Ua tusia mai le Mesia. Ia olioli
 nuu uma ona o ia. Ua aaiina
 lona nuu.*

FAAUTA i la'u auaua, ou te
 42 toafia o ia i luga; o le na a'u filifilia
 ua fiasia i ai lo'u lotu; ua ou tuuina
 atu lo'u Agaga i ona luga; na te
 avatua le faamasinoga mo nuu ese.
 Na te le alaga, na te le *leo* tele, o le
 3 lagona foi lona leo i le ala. O le u
 gapēpē na te le gausia; o le vavae

ua mu itiiti na te le tineia; o le faamaoni na te avatu ai le faamasinoga. E le mu itiiti o ia, e le gapēpē foi o ia, seia na faatuina le faamasinoga i le lalolagi; e faatalitali foi nuu tu matafaga i lana tula-
 5 fono. O loo faapea ona fetalai mai o le Atua o Ieova, o le na faia le lagi, ma na faamafolafolaina ai; o le na fofola le lalolagi ma mea e tutupu mai ai; o le ua foai le mānava i nuu o i ai, ma le agaga i e o savavali i ai. O a'u o Ieova, na ou valaauina oe i le amiotonu; ou te taofimauiina lou lima, ma a'u leoleo ia te oe, ou te avatua foi oe e fai ma feagaiga a le nuu, o le malamalama o nuu ese; e faapupula i mata o e tauaso, e aumaina i fafo nai le fale puipui le ua fusufusia, atoa ma e ua nonofo i le pogisa ia aumaia i
 8 latou nai le fale ua taofina ai. O a'u o Ieova, o lo'u igoa lea; o lo'u mamalu foi ou te le avatua lea i se fasi, ma lo'u viiga ou te le avatua i
 9 tupua ua ta. O mea muamua, faatu, ua oo mai ia; o mea fou foi o loo ou te ta'uiina atu; ua ou faailoa atu ia te outou, a o lei tutupu mai.
 10 Pepese ia Ieova i le pese fou, o lona viiga mai le tuluiga o le lalolagi, outou o e o'ifo i le sami, atoa ma e o tumu ai; outou nuu tu matafaga,
 11 ma e o nonofo ai. E leo tele mai le vao ma ona aai, o faoa aai e nofo ai Kitarā; e alalaga e o nonofo i le papa; latou te faataio mai tumutumu o mauga. Latou te avatu le faaneeneega ia Ieova, ma latou ta'u atu lona viiga i nuu tu matafaga.
 13 E afio atu Ieova pei se toa, e pei o le tagata tau na te faatupuina lona maelega; e alaga o ia, e ū'ū'ū, na
 14 te manumalo i e ua ita ia te ia. Ua leva lo'u faalologo; ua ou le gagana, ua ou onosai; ou te uio e pei o le fafine ua faatiga; ou te gaegaega ma
 15 ou mapusela faatasi. E moana ia te au atu mauga ma mauga; e mamago ia te au o latou laau 'aina uma lava; ou te liua vaitafe ma nuu tuloto; ou te faapa'umatuina vailepa. Ou te ta'ita'iina e ua tauaso i le ala sa latou le iloa; ou te aumaia i latou i magaala sa latou le iloa; ou te liua le pouliuli i le malamalama i o latou luma, ma ala

piopio e fai ma ala sa'o; o mea lava ia ou te faia ia te i latou, ou te le lafoaiina foi i latou. Ua liu-
 17 tuaina i latou, ua matuā mamā e ua faatuatua i tupua ua ta, o e ua fai ane i tupua uamea, O matou atua lava outou.

Outou o e tutuli, ina faalogo mai
 18 ia; ma outou e ua tauaso, ina vaa-
 19 vaai ia ina ia iloa. O ai ea ua tau-
 aso, ua na o la'u auaua? pe tutuli
 e pei o le sāvali na tuuina e a'u? o
 ai ea ua tauaso e pei o le ua atoatoa
 ona lelei? pe tauaso e pei o le au-
 auna a Ieova? Ua e vaia mea e
 20 tele, a ua e le anaana i ai; o loo
 pūpū taliga, a e le faalogo. Ua
 21 finagalo mālie Ieova ona o lana
 amiotonu; na te ta'uleleia le tula-
 fono, ma faamamaluina ai. A o i
 22 latou nei o le nuu ua vetea ma ua
 faoa a latou mea; ua mailleia i
 latou uma i lua, ua lilo foi i latou i
 fale puipui; ua fai ma vete i latou,
 a e leai se laveai; ua fai foi ma e
 ua faoa a latou mea, a e leai se fai
 ane, Ina toe tuu mai ai. O ai ea so
 23 outou e uai mai ona taliga i lenei
 mea? ma faasaga mai, ma faalogo
 mai i mea amuli? O ai ea na tuu-
 24 ina atu Iakopo ia faoa ana mea, o
 Israelu foi i e vete mea? E le o
 Ieova ea? o ia na tatou agasala i
 ai; a e le mafafai i latou ona sava-
 vali i ona ala; ua latou le faalogo
 foi i lana tulafono. Ona ia sasaa
 25 mai lea ia te ia o le tele o lona
 toasa, ma le mamafa o le taua; ua
 faamu faataalioloiina ai o ia, a e le
 iloa e ia; ua mu ai o ia, a e le ma-
 faufau i ai.

O upu faamafanafana a le Atua i lona nuu.

A O LENEI, o loo faapea ona
 43 fetalai mai o Ieova, o le na faia oe,
 Iakopo e, ma na faia oe, Israelu e;
 aua le fefe, auā ua ou faatauina oe,
 ua ou valaauina oe i lou lava igoa;
 e faia oe mo'u. A ē sopoia atu le
 2 vai, ou te ia te oe; a ē sopoia atu
 vaitafe, e le lofia ai oe; a ē savali i
 totonu o le afi, e le mu ai oe; e le
 susunuina foi oe i le mumū o le afi.
 Auā o a'u o Ieova lou Atua, o le
 3 Paia o Israelu, lou Faola; na a'u
 avatua Aikupito e fai mou togiola,

o Aitiope ma Sepa e sui a'i oe.
 4 Auā na faapelepeleina oe e a'u, ua
 ou faamamaluina ai oe; auā foi na
 ou alofa ia te oe, o le mea lea ou te
 5 avatu ai tagata e sui a'i oe, ma nuu
 e sui a'i lou ola. Aua le fefe, auā
 ou te ia te oe; ou te aumaia lau
 fanau mai sasae; ou te faapoto-
 6 potoina foi outou mai sisifo. Ou te
 fai atu i le itu i matu, Tuu mai ia;
 ma le itu i toga, Aua le taofia; au
 mai ia o'u atalii ai mea mamao, ma
 o'u afafine ai le tuluiga o le lalo-
 7 lagi; o i latou uma ua igoa i lo'u
 igoa, na ou faia ia viia ai a'u; na
 a'u gaosia ma ou faia lava i latou.
 8 Ta'ita'i mai ia le nuu tauaso, ua i ai
 o latou mata; ma e tutuli, ua i ai o
 9 latou taliga. Ia faapotopotoina nuu
 ese uma faatasi, ma ia aofia nuu
 uma. O ai ea so latou na te faaalua
 mai lenei mea, pe faailoa mai ia te
 i tatou mea muamua? Se'i latou
 tuu mai ia a latou molimau, ina ia
 ta'uamitonuina i latou; pe faalogo
 mai i latou, ma latou fai mai, E
 10 moni. Ua fetalai mai Ieova, O ou-
 tou o a'u molimau, ma la'u auauna
 o le na a'u filifilia; ina ia outou
 iloa, ma ia outou faatutua mai ia
 te au, ma ia outou lagona, o a'u
 lava o ia; e leai se atua na gaosia e
 muamua ia te au; e leai foi se tasi
 11 e mulimuli ia te au. O a'u o a'u
 lava o Ieova; a e leai se faaola ua na
 12 o a'u lava. O a'u lava, na ou faaali
 atu, ma ou faaalaina, ma ou faailoa
 atu, sa leai foi ia te outou se atua
 ese; o outou foi o a'u molimau, o
 a'u lava o le Atua, ua fetalai mai ai
 13 Ieova. A o leai lava ni aso, o a'u
 lava o ia; e leai foi se na te laveai-
 ina nai lo'u lima; ou te faia, a o ai
 14 se na te faaleagoina? O loo faa-
 pea ona fetalai mai o Ieova, o le na
 faatauina outou, o le Paia o Isara-
 elu; ona o outou ua ou aauina atu
 nisi i Papelonia, ma a'u aveina ifo
 le solaaga, o i latou uma lava, atoa
 ma Kaletaia, o loo alalaga i latou i
 15 vaa. O a'u o Ieova, o lo outou
 Alii Paia; o le na faia Isaraelu, o
 16 lo outou Tupu. O loo faapea ona
 fetalai mai o Ieova, o le na faia le
 ala i le sami, ma le magaala i le
 17 sami sousou tele. O lē aumaia le
 kariota ma le solofanua, o 'au, ma e

fitafita; ua latou taotoo faatasi; ua
 latou le toe tulai, ua tineia i latou,
 ua pepē e pei o le vavae o le la-
 mepa. Aua tou te manatua mea 18
 na muamua, aua foi le mafaufau i
 mea anamua. Faauta, ou te faia 19
 se mea e faatoa iloa, e tupu ae nei
 lava; tou te le iloa ea? E moni,
 ou te faia se ala i le vao lafulafua,
 ma vaitafe i le nuu naumati. E 20
 viia a'u e manu o le vao, o luko ma
 iaena; auā ou te avatu vai i le vao
 lafulafua, o vaitafe i le nuu nau-
 mati; e feinu ai lo'u nuu ua ou fili-
 filia. O le nuu lenei na a'u faia mo 21
 a'u; latou te ta'uataua lo'u viiga. A 22
 ua e le valaau mai ia te au, o oe
 Iakopo e; auā ua e musu ia te au,
 o oe Isaraelu e. Ua e le aumaia ia 23
 te au o mamoe o au taulaga mu;
 ua e le viia foi a'u i au taulaga; ua
 le mafatia oe e a'u i taulaga i
 mea e 'ai, ua ou le faatigaina foi oe
 i le pulu lipano. Ua e le faatau 24
 mo a'u ni kani i tupe; ua le au mai
 ia te au le ga'o o au taulaga ia a'u
 mālīe ai; a e peitai ua mafatia a'u
 e oe i au agasala, ua faatigaina a'u i
 au amio leaga. O a'u, o a'u lava lē 25
 sōloieseā au solitulafono, ona o a'u
 lava; o au agasala foi ou te le ma-
 natua ia. Ia faamanatu mai ia te 26
 au, ia ta fesaamasinoai; ta'u mai ia
 oe, ina ia ta'uamitonuina ai oe. O 27
 lou tamā e sili, ua agasala ia; ma
 ou a'oa'o ua latou foua a'u; o le 28
 mea lea ua gafua ai ia te au alii o le
 malumalu; ua ou tuuina foi Iakopo
 ia faafanoina, ma Isaraelu ia faa-
 lumaina.

*O le manuia e tupu mai le Agaga o
 le Atua.*

A O lenei, faalogo mai ia Iakopo 44
 e la'u auauna, o Isaraelu foi na ou
 filifilia. O loo faapea ona fetalai 2
 mai o Ieova, o le na faia oe, ma na
 faatupuina oe i le manava; o lē
 fesoasoani ia te oe; Aua e te fefe
 la'u auauna Iakopo e, o Iesuruna
 foi na ou filifilia. Auā ou te liligi 3
 atu le vai i le nuu naumati, ma vai-
 tafe i le elele matutu; ou te liligi
 atu lo'u Agaga i luga o lau fanau,
 ma la'u faamanuia i luga o ē tūtupu
 mai ia te oe. E tūtupu ae i latou i 4
 totonu o le mutia, e pei o garava i

- 5 auvai o vaitafe. E fai mai le tasi, le tasi ona vaegālaau ua ia susunu
 O a'u o le tagata o Ieova; e ta'u ai i le afi; o le tasi ona vaega ua ia
 atu le tasi i le igoa o Iakopo; a e 'ai ai le tufaaga; na te tuuna le
 tusi le tasi i lona lima, Mo Ieova; mea e tunu, ua ma'ona foi o ia; ua
 e faaigoa foi o ia e ia i le igoa o mumulu ai lava o ia, ona faapea
 6 Isaraelu, O loo faapea ona fetalai ane lea o ia, Ena! ua ou mafana-
 mai o Ieova, o le Tupu o Isaraelu, fana, ua ou iloa le afi. O le mea
 o le na faatauina foi o ia, o Ieova o foi ua totoa na te fai a'i se atua, 17
 'au; o a'u lē mnamua, o a'u foi lē
 mulimuli; a e leai se atua, ua na o
 7 a'u lava. O ai ea foi e pei o a'u
 ona valaau, ma faaali atu, ma sauni
 mai mo a'u, talu ona ou tofia le nuu
 mai le vavau? ia latou faaali atu ia
 i latou mea o le a tutupu, ma mea
 8 e oo mai. Aua le fefefe outou; aua
 foi le matatau; pe na a'u le faailoa
 atu ea ia te oe anamua, ma a'u ta'u-
 ina atu ia te oe? o a'u molimau
 9 lava outou; pe ai ea se atua, ua na
 o a'u lava? Ua leai lava se papa,
 ou te le iloa se tasi. O e fai tupua
 ua ta, e faatauvaai latou uma, ma
 a latou mea faafiafia, ua le aoga
 lava ia; o i latou lava e molimau ia
 i latou; latou te le vaai, latou te le
 10 iloa foi, ina ia latou mamā. O ai
 ea ua na faia se atua, ma na gaosia
 se tupua uamea, e leai lava sona
 11 aoga? Faauta e mamā i latou uma
 o e faatasi ma ia; o tufuga foi, o
 tagata lava i latou; ia faapotopoto
 i latou uma; ia latou tutū i luga;
 e matatau i latou, e mamā faatasi.
 12 O le tufuga fai mea uamea na te
 faia se to'i; na te gaosia i le ma-
 lala; na te faia i samala; na te
 galue i ai i lona lima malosī; ua fia
 13 'ai foi o ia, ona leai lea o sona ma-
 losi, ua le inu ia i se vai, ona vaivai
 ai lea o ia. O le tufuga na te faa-
 taotoina le fua, na te tusia i le
 peni, na te faia i tofi, na te tusia i
 le fua faataaliolio, na te faia e pei
 o le tino o le tagata, e tusa ma le
 14 matagofie o le tagata, ina ia nofo i
 le fale. Ua ia tuu i lalo arasi mo
 ia, ua au mai e ia o le tiresa ma le
 aluna, na te faamalosiā foi mo ia i
 laau o le vao; ua ia totōina le
 orene, ona tupu tele ai lea i le
 15 uaga; ona faia lea e le tagata ma
 fafie, ua ia ave foi nisi mea e mu-
 mulu a'i o ia; na te faamuina lava,
 ma tao a'i areto; na te faia lava se
 atua, ma ifo atu i ai; na te fai a'i
 16 se tupua ua ta, ma ifo faō i ai. O

sāvali; o loo faapea ane i Ierusalem, E āina o ia; o loo faapea foi i aai a Iuta, E faia lava ia; ou te faatuina foi ana mea ua faatafunaina; o le fai atu i mea loloto, Ia faapa'umatuina; ou te faamamate
27 foi i ou vaitafe. O lē fai atu ia Kuresa, O lo'u leoleo mamoe o ia; na te faataunuina foi o mea uma ou te loto i ai; o loo fai atu foi i Ierusalem, E faia lava oe; o loo fai atu foi i le malumalu, E faavaeina lava oe.

Ua valaauina Kuresa, na te laveaiina Isaraelu.

45 O LOO faapea ona fetalai mai o Ieova i le ua faaauina e ia, o Kuresa, o le ua ou taofia lona lima taumatau, ia faatoilaloina nuu i ona luma, ou te tatalaina foi sulugatiti o tupu; e tatalaina i ona luma o puipui vae
2 lua; e le punitia foi faitotoa. O a'u lava, ou te savali atu i ou luma, ma ou faalauleleiina mea maupuepue; ou te nutinini i puipui 'apa memea; ou te gauia foi faamau
3 uamea. Ou te foi atu foi ia te oe oloa o loo i le pogisa, ma oloa lilo o loo i mea nanā; ina ia e iloa o a'u lava o Ieova, o lē valaau i lou lava
4 igoa, o le Atua o Isaraelu. Ona o la'u auaina o Iakopo, ma Isaraelu le na a'u filifilia, o le mea lea ua ou valaauina ai oe i lou lava igoa; ua ou ta'ua lou igoa, a o e lei iloa a'u.
5 O a'u o Ieova, a e leai lava se tasi; e leai se Atua, na o a'u lava; ua ou
6 fusia oe, a o e lei iloa a'u; ina ia latou iloa, e afua mai i le mea e alu ae ai le la, e oo i le mea e alu ifo ai, e leai se tasi na o a'u; o a'u
7 o Ieova, a e leai lava se tasi; o a'u lē faia le malamalama, ma faatupuina le pouliuli; o lē faia le manuia, ma faatupuina le mala; o a'u o
8 Ieova, o lē faia ia mea uma. Toulū mai ia, o oe le lagi i luga; o ao foi, ia faamaligi mai le amiotonu; ia faamaga mai le laueleele, ma ia fua mai le olataga ma le amiotonu, ia faatupuina faatasi; o a'u o Ieova,
9 ua ou faia lea mea. Oi talofa i le ua finau ma le na faia o ia, o le ta'ega ipu i ta'ega ipu o le elelee. Pe fai atu ea le omea i le na te gaosia, O le a ea e te faia? pe fai

atu lau galuega, Ua leai ni ona lima? Oi talofa i le na te fai atu i lona tamā, O le a ea ua e fanaua? pe fai atu i le fafine, O le a ea ua e fanau mai? O loo faapea ona fetalai mai o Ieova, le Paia o Isaraelu, ma le na faia o ia, Fesili mai ia te au i mea o le a tutupu, fai mai ia te au i o'u atalii, ma le galuega a o'u lima; o a'u lava, na ou faia le lalolagi, ma a'u faia tagata o i ai; o a'u, o o'u lava lima na fofola ai le lagi, ma a'u pule i 'au uma o i ai. O a'u lava, ua ou faaosoina mai o ia i le amiotonu; ou te faalauleleia foi ona ala uma; o ia na te faatuina la'u faiaai, ma tuuina mai o'u tagata sa tāfea latou te o; e le ona o le tauī, po o se mea alofa, ua fetalai mai ai Ieova o 'au. O loo faapea ona fetalai mai o Ieova, O le oa o Aikupito, ma mea faatau a Aitiōpe atoa ma Sepa, o tagata tino eese, latou te o ane ia te oe, e fai foi i latou mou tagata; latou te mulimuli atu ia te oe, latou te o ane ma maea uamea, latou te ifo atu ia te oe, ma latou ole atu ia te oe, e faapea, Ua na o oe ua i ai le Atua, a e leai se tasi, ua leai se tasi Atua. E moni, o oe lava le Atua e faaliloina oe e oe, le Atua o Isaraelu, le Faaola. Ua mamā i latou, ua masiasi lava o i latou uma; ua latou o faatasi ina ua masiasi, o tufuga ia o e fai tupua. A e faaolaina Isaraelu e Ieova, o le olataga e faavavau lava; tou te le mamā, tou te le masiasi foi e faavavau faavavau lava. Auā o loo faapea ona fetalai mai o Ieova, o le na faia le lagi; o ia lava o le Atua; o le tufuga o le na faia le lalolagi; o ia na faatumauiina; na ia le faia fua, na ia faia ina ia āina, o a'u o Ieova, a e leai se tasi. Ou te lei tautala faalilolilo i se mea pogisa o le lalolagi; ou te lei fai atu i le fanau a Iakopo, Ia outou saili fua mai ia te au; o a'u o Ieova, o lē tautala ma le faamaoni, o lē faaali atu mea tonu. Ia faapotopotoina, ma ia o mai outou, ia faalatalata faatasi mai lava, o outou e ua sao mai nuu ese; latou te le iloa o e tauave le laau o lo latou tupua ua fa, ma latou tatalo i le atua na te le mafaia ona faaola. Faaali mai ia, ma ia outou faalata-

lata mai; ia filifili faatasi foi i latou. O ai ea ua na faailoa mai lenei mea mai anamua, ua faaalua mai talu anamua? E le o a'u ea o Ieova? e leai se fasi atua, ua na o a'u lava; o le Atua amiotonu, i le ma le Faa-
 22 ola; e leai se fasi na o a'u. Liliu mai ia ia te au, tou te ola ai, o outou tuluiga uma o le lalolagi; auā o a'u o le Atua, a e leai lava se fasi. Ua
 23 ou tauto ia te au lava, ua mavae atu le upu i lo'u gutu e faamaoni, e le toe foi mai lava, E tootuli mai ia te au o tulivae uma lava, e tauto mai
 24 laulaufaiva uma lava; e fai mai se fasi, Ua na o Ieova ua ou maua ai le amiotonu ma le malosi; e sau o ia ia te ia; a e mamā i latou uma o
 25 e ua ita ia te ia. O Ieova e ta'u amiotonuina ai ma mitamita ai le fanau uma a Israelu.

E faatauua tupua. Ia faatuatua ia Ieova.

46 UA punou Pele, ua ifo Nepo, ua i manu ma manu ave avega a latou tupua; o a outou avega ua faaetiia ia, o le avega *lea i manu* ua tigaina.
 2 Ua latou ifo, ua punonou faatasi, ua latou le mafai ona laveaia o le avega; a o i latou lava, ua latou o i le tafeaga. Faalogo mai ia ia te au, outou le aiga o Iakopo, ma
 3 outou uma o e ua totoo o le aiga o Israelu, o e ua tauave e a'u talu ina fanau mai i le manava; ua siitia
 4 e a'u talu ina fanau mai. E oo ina e toeaia, o a'u lava o ia, e oo foi ina ulusia, o a'u lava ou te tauave
 ia te oe; o a'u na ou faia, ou te siitia foi, ou te tauave, ma ou laveaia o e.
 5 Po o ai ea tou te faatusa i ai a'u, pe faagatusa ma a'u, pe faatatau ia te au
 6 ina ia ma tutusa? Ua latou soona sasaa mai le auro mai le taga, ua latou fuatia le ario i le fua faatau-
 tau; ua latou avatu le oloa i lē fai mea uamea, na te faia se atua, latou
 7 te ifo faō i ai, latou te tapuai lava i ai. Latou te siitia o ia i o latou
 tau'au, ua latou amo ia te ia, ua latou tuuina o ia i lana mea e tuu ai, ona tu ai lea o ia, e le alu ese o ia
 ai lona tulaga; e alaga lava se fasi ia te ia, a e le tali mai o ia; na te le faaalaina o ia i lona puapuaga.
 8 Ia outou manatunatu i lenei mea,

ma ia outou amio i amio a tagata; ia mafaufau i ai outou o e solitula-
 fono. Ia outou manatunatu i mea 9 muamua talu mai le vavau; auā o a'u o le Atua, e leai lava se fasi; o le Atua, e leai se ma te tutusa; o
 10 loo faali talu mai le amataga o mea e mulimuli; mai anamua foi o mea ua le faia; o loo fai ane, E tu la'u
 11 pule, ou te faia foi mea uma ou te loto i ai. O loo valaau i le manu lele e feai mai sasae; o le tagata
 mai le nuu mamao ua ou tofia; na ou fai atu ai, ou te faaooia ai lava; na ou fuafuatia, ou te faia lava.
 12 Faalogo mai ia, outou o e loto faa- finauvale, o e ua mamao ma se amiotonu. Ua ou aumaia la'u
 13 amiotonu, e le mamao ia; e le faa- tuai foi la'u faaolataga; ou te avatu la'u faaolataga i Siona mo Israelu
 o le e viia ai a'u.

Ua faasalaina Papelonua ona o lana amio.

ALU ifo ia, ina e nofo i le efuefu, 47 o oe le taupou le tama teine a Papelonua, ina nofo i le eleele, e leai se nofoālii, o oe le tama teine a Kaletaiā; auā e le toe ta'u o e, O le ua tino vāivai ma le faapele-
 2 peleina. Tago ia i maaolo ma e olo falaoa; susesue lou ie ufimata, agini ae ia le ofu laei, faaaliali lou vae, asa atu i vaitafe. E faaalua lou tino,
 3 e vaala foi lou mā; ou te tauai ma sui, ou te le mafai ona ia tu mai se tagata. O le na faatauina i tatou, o
 4 Ieova o 'au lona suafa, o le Paia o Israelu. Nofa faalologo ia, ma e alu i le pouliuli, o oe le tama teine
 5 a Kaletaiā; auā e le toe ta'u o e, O le tamaitai e pule i malo. Na a'u tiga i lo'u nuu, na ou faatagaina lo'u
 6 tofi; na ou tuuina atu i latou i lou lima, na e alofa lava ia i latou, na e matuā faamamafaina lau amo i
 7 luga o toeaia. Na e fai ane foi, E fai a'u ma tamaitai e faavavau; o lea na e le mafaufau ai i nei mea,
 8 ua e le manatua le iuga o ia mea. O lenei, faalogo mai ia i lenei mea, o oe le sa'oloto i mea a le tino, o lē
 nofo faatalanoa, o lē fai ifo i lou lava loto, Ua na o a'u, a e leai lava se fasi; ou te le nofo o le fafine ua
 oti lana tane, ou te le iloa ona

- 9 āufanaua. E oo mai lava ia te oe nei mea e lua, e faafuasei i le aso e tasi, o le āufanaua ma le oti o lau tane; e ui lava i le tele o au toga-fiti faataulāitu, ma le malosi o au ‘apere e matuā oo mai lava ia te oe.
- 10 Ua e faatuatua foi i lou leaga; ua e fai ane, E leai se iloa mai a’u; o lou poto ma lou malamalama, o mealava ia ua faaliliueseina ai oe; ua e faa-pea ifo foi i lou lava loto, Ua na o a’u lava, a e leai se tasi. O le mea lea e oo mai ai le leaga ia te oe, e te le iloa ona gafoa o lona ata; e paū i ou luga le malaia, e te le mafai ai sona togiola; e oo mai foi ia te oe le faatafunaina e faafuasei; e te le iloa. Ia e finau i au ‘apere ma le tele o au togafti faataulāitu, ua e lailoa ai talu ina e itiiti; ai lava ua aoga ia te oe, ai lava e te faamatau mai ai. Ua taimana oe i le tele o au filifiliga; se’i tutū mai o e vaevaea le lagi, o e vaavaai i fetu, o e iite i ona po o le masina faatoa vaiaia, ma latou faaolaina oe i mea o le a oo ia te oe. Faauta, e avea i latou e pei o tagutugutu o saito; e susunuina i latou i le afi; e le laveaiina i latou e i latou ai le malosi o le mumū o le afi; e leai se malala ola e mumulu ai, po o se afi e nofo atu ai i ona luma. E faapea lava ia te oe o i latou ua e lailoa ai; o e ua faatau ma oe talu ina e teine itiiti; e tai-tasi ma alu i lona lava ala; e leai se na te faaola ia te oe.
- Ua aoiina Isaraelu ona o le pepelo ma le ifo i tupua.*
- 48 FAALOGO mai ia i lenei mea outou le aiga o Iakopo, o e ua igoa i le igoa o Isaraelu, ma ua latou o atu nai le vai o Iuta; o e tauto i le suafa o Ieova, ma ta’uta’u atu i le Atua o Isaraelu, a e le o le faamaoni ma le amiotonu. Auā e igoa ai i latou i le aai paia, ma latou faalago-lago i le Atua o Isaraelu; o Ieova o ‘au lona suafa. Na a’u faaalua mea muamua talu anamua; ua oo atu ia mea ai lo’u gutu, na ou faailoa atu ai; ua faafuasei ona ou faia, ma ua taunuu lava. Auā ua ou iloa ua finau vale lava oe, ma lou ua o le ua uamea lea, ma lou muaulu o le ‘apa memea lea; o le mea lea na a’u faaali atu ai ia mea ia te oe talu anamua; na ou faailoa ia te oe a o lei oo mai; ina ne’i ē fai ane, Ua faia ia mea e la’u tupua; ua pule ai foi la’u tupua ua ta ma la’u tupua uamea. Ua e faalogo ai; ina vaai ia i na mea uma; a o outou, tou te le faaalua ea? E afua mai i nei ona po ou te faailoa ai ia te oe o mea fou, o mea lilo foi sa e le iloa. Ua faia nei lava ia mea, a e le o anamua; a o lei oo i le aso nei e te lei faalogo ai; ina ne’i e fai ane, Faa-uta, na e iloa lava ia mea. E moni, ua e le faalogo; e moni, ua e le iloa; e moni, talu anamua ua le uai mai ou taliga; auā na ou iloa e te matuā amio faa’ole’ole; na igoa oe, o le fouvale, talu ina fanau mai. Ou te faatoatoa ona o lo’u igoa; ou te taofi foi lo’u ita ia te oe ona o lo’u viiga, ina ne’i ou faaumatia oe. Faauta, ua ou faate’a le otaota ia te oe, a e le pei o le ario; ua ou fili-filia oe i le ogaumu o i ai le puapuaga. Ona o a’u, ona o a’u lava, ou te faia; auā pe faapefea ona faaga-fuaina lo’u igoa? o lo’u mamalu foi, ou te le avatua lea i se tasi. Faa-12 logo mai ia ia te au, Iakopo e, o oe foi Isaraelu le na ou valaauina; o a’u lava ia, o a’u lava lē muamua, o a’u foi lē mulimuli. O lo’u lima foi 13 na faavaeina ai le lalolagi, ma lo’u lima taumatau na folasia ai le lagi; ou te valaau ia te i latou, ona latou tutū faatasi mai lea. Ia faapoto 14 poto mai outou uma lava, ma ia outou faalogo mai. O ai ea so latou na ia faaalua mai nei mea? Ua alofa Ieova ia te ia; na te faia lona finagalo i Papelonía, e oo foi lona lima i Kaletaia. O a’u, o a’u lava, 15 na a’u fai atu; na ou valaauina foi o ia; na ou aumaia o ia, e manuia foi lona ala. Faalatalata mai ia ia te au; ia outou faalogo mai i lenei mea; talu mai le amataga ou te lei tautala faalilolilo; talu ona i ai o lea mea, na ou i ai o a’u; o lenei foi, o le Alli o Ieova, na ia auina mai a’u, ma lona Agaga. O loo faapea 17 ona fetalai mai o Ieova, o le na faatauina oe, o le Paia o Isaraelu, O a’u o Ieova, o lou Atua, o loo a’oa’o ia te oe i mea e aoga, o loo ta’ita’iina oe i le ala e te ui ai. E! ana uai 18

- mai ou taliga i a'u poloaiga, po ua tusa ma se vaitafe lou manuia; ma lau amiotonu, e tusa lea ma peau o le sami; po ua pei o le oneone lau fanau; ma ē tutupu mai i lou manava, e pei o lona manava; e le vavaeeseina, ma le fanoia lona igoa
- 19 ai o'u luma. Ia outou o ese i Pape-lonia; ia sosola ese ia Kaletaia ma le taalili o le alaga fiafia; ia outou faaali atu, ia faailoa atu lenei mea, ia faaoo atu ai i le tuluiga o le lalo-lagi; ia outou fai atu ai, Ua faa-tauina e Ieova o lana suauna o
- 20 Iakopo. Sa latou le fia inu i nuu naumati na ia avea ai i latou; na ia faatafe mai le vai mai le papa mo i latou; na ia vaea le papa, ona tafe mai ai lea o le vai. Ua fetalai mai Ieova, E leai se filemu i e amio leaga.
- O le Mesia, e malamalama ai nuu ese; e manuia foi lona nuu.*
- 49 FAALOGO mai ia ia te au, outou nuu tu matafaga e; uai mai ia o outou taliga outou nuu mamao e; ua valaauina a'u e Ieova talu mai le manava; ua na ta'ua lo'u igoa
- 2 talu mai le manava o lo'u tinā. Ua na faia lo'u gutu e pei o le pelu maai; ua ia natia a'u i le paolo o lona aao; ua na faia a'u ma u fanafana ua faapupulaina, ma na faalilo
- 3 ia te au i lana utu. Na ia fetalai mai ia te au, O la'u auuna lava oe; Isaraelu e, e viia lava a'u ona o oe.
- 4 Ona ou fai atu ai lea, Ua ou tigaina fua; ua ou faaumaina lo'u malosi, ua iu vale, ua le aoga; a e ui lava i lea, o loo ia Ieova lo'u faamasinoga, ma lo'u tau i loo i lo'u Atua lea.
- 5 A o lenei, o loo fetalai mai Ieova, o le na faia a'u talu mai le manava e fai ma auuna ia te ia, e toe faafoisia Iakopo ia te ia; e ui lava ina le faapotopotoina o Isaraelu, a e viia a'u i luma o Ieova; e fai foi
- 6 lo'u Atua mo'u malosi. Ua fetalai mai foi o ia, O le mea māmā ina ia fai oe ma auuna ia te au, ina ia faaea mai itu aiga o Iakopo, ma faafoisia mai e ua faasaoina i Isaraelu; ua ou avatua foi oe e fai ma malamalama o nuu ese, e fai ma'u faaolataga ia oe i tuluiga o le lalolagi.
- 7 O loo faapea ona fetalai mai o Ieova, o le Faaola o Isaraelu, o lona Alii Paia, i le ua faaleaogaina e tagata, ma inosia e le nuu, o le au-auna a ē pule; e iloa mai tupu, ma latou tulai; o alii foi, ma latou ifo; auā o Ieova, o le ua faamaoni, o le Paia o Isaraelu, le ua filifilia oe. O loo faapea ona fetalai mai o Ieova, O ona po o le alofa ua ou tali atu ai ia te oe; o le aso e faaolaina ai ua ou fesoasoani ai ia te oe; ou te leo-leo foi ia te oe, ma a'u avatua oe e fai ma feagaiga a le nuu; ina ia faaeaina le lalolagi, ia faia nuu ua faatafunaina mo latou tofi; e fai atu i e o fusifusia, O mai ia i fafo; e fai atu foi i e o i le pouliuli, Faaali mai ia outou; latou te aai lava i ala; o mauga tula uma o latou taaga ia. Latou te le fia aai, latou te le fia inu foi; e le ogotia i latou i le vevela po o le la; auā o le ua alofa ia i latou, na te ave ia te i latou, na te ta'ita'iina foi i latou i vaipuna. Ou te faia foi ma ala o'u mauga uma, e maualuga foi o'u ala tele. Faauta, e o mai i latou nei mai le mea mamao; faauta foi, o i latou nei mai le itu i matu ma sisifo, ma i latou mai le nuu o Sainima. Ia alaga oe le lagi e, ia olioli oe le lalolagi e, ia leo tetele outou mauga, ma ia alalaga fiafia; auā ua faamafanafanaina e Ieova lona nuu, ua ia alofa foi i ona tagata ua tigaina. A ua fai mai Siona, Ua lafoaiina a'u e Ieova; ua galo mai a'u i le Alii. E galo ea i le fafine lana tama ua susu, na te le alofa i le tama a lona lava manava? ai lava e galo ia te i latou, a e le galo lava oe ia te au. Faauta, ua ou taia lou faatusa i o'u alofilima; e tumau ou pa i o'u luma. E faataalise mai lau fanau; o e na lepetia oe, ma e na faatafunaina oe, latou te o ese ia te oe. Fetepatepai ia oe i itu uma, ma e vaavaai; o loo faapotopoto mai i latou uma, ua latou o mai ia te oe. Ua fetalai mai Ieova, O loo ola a'u, e te ofu oe ia i latou uma e pei o mea e faamatagofie a'i, ma ē fusi a'i e pei o le a nofo tane. Auā o au mea faatafunaina, ma au mea tuufua, ma lou fanua ua oloina, e lautiiti ia i ia ona aso i e nonofo ai; e mamao foi e na faaumatia oe. O au tama

- sa aveeseina ia te oe, latou te toe fai aue i ou taliga, Ua lauitiiti lenei mea ia te au; tutuuu atu ia, ou te
- 21 nofo ai. E te fai ifo foi i lou loto, O ai ea na na fanaua mai i latou nei mo a'u? auā o a'u sa āufanaua ma ua pa, sa tāfea ma tulia a'u; o ai foi na na tausiai i latou nei? Faauta, o a'u sa tuua e toatasi lava a'u, o i
- 22 latou nei sa ifea i latou? O loo faapea ona fetalai mai o le Alii o Ieova, Faauta, ou te sii atu lo'u lima i nuu ese, ma ou faatu i luga lo'u tagavai i nuu; latou te aumaia au tama tane i o latou fatafata, a e aumaia au tama teine i o latou
- 23 tau'au. E fai foi tupu mau tausitama, ma o latou masiofo e fai mau failele; latou te ifo toele ia te oe; latou te etoeto i le elele o ou vae; e te iloa foi, o a'u lava o Ieova, e le faamāina i latou o e faatalitali ia te
- 24 au. E faoa ea le vete ai le ua malosi? pe laveaiina ea le tafeaga a le
- 25 ua amiotonu? Aua o loo faapea ona fetalai mai o Ieova, E faoa lava le tafeaga a le ua malosi, e laveaiina foi le vete a lē matautia; ou te finau atu foi a'u i e ua finau atu ia te oe, ou te faaolaina foi au tama.
- 26 Ou te fagina foi e ua sau ia te oe i o latou lava tino; e onā foi i latou i o latou toto e pei se suavine; e iloa ai tagata uma lava, o a'u lava o Ieova, o lou Faaola, ma le na faatauina oe, o le Malosi o Iakopo.

O le agasala a le nuu na tigaina ai i latou. O le Auauna a Ieova ma lana gabuega.

- 50 O LOO faapea ona fetalai mai o Ieova, O fea le tusi alei a lo outou tinā na a'u aleia ai o ia? po o ai le tagata ua ou aitalafu i ai, na a'u faatauina atu ai outou ia te ia? Faauta mai, ona o a outou amioleaga ua faatauina atu ai outou; ona o a outou solitulafono ua aleia
- 2 ai lo outou tinā. Na a'u sau, o le a lava le mea na leai ai se tasi? Na a'u valaau, *se a le mea* ua leai ai se na tali mai? Ua faapuupuuna ea lo'u limā, *ou te le mafaala* ai? pe leai ea se malosi ia te au e laveai ai? Faauta, o la'u aoai atu e pa'umatuina ai le sami, e fai foi e a'u o vaitafe ma nuu naumati; e elo i'a
- ua i ai ona ua leai se suāvai, e mamate foi i le fia inu. Ou te faaofuina le lagi i le faauliuli; ou te faia foi le ie talatala ma mea e ufiufi a'i.
- Ua foi mai ia te au e le Alii o Ieova le laulaifaiva o e ua a'oa'oina, ina ia ou iloa ona faamafanafana i se upu le ua tigaina; na te fagua a'u i lea taeao ma lea taeao; na te fagua o'u taliga, ina ia ou faalogologo e pei o e ua a'oa'oina. Ua toina le puipui o o'u taliga e le Alii o Ieova, a ou te lei finau vale; ou te le foi atu lava. Na a'u tuuina atu lo'u tua i e sasa mai, ma o'u alafau i e futi le 'ava; ou te lei ufiufi foi o'u mata i le mā ma le feanu. A o le Alii o Ieova e fesoasoani mai o ia ia te au; o le mea lea ou te le mā ai; o le mea lea ua ou faia o'u mata ia pei o le papa alā; ua ou iloa foi e le faamāina a'u. O loo ua latalata mai le na te ta'uamiotonulina a'u, o ai ea se finau ma a'u? Se'i ma tutū faatasi; o ai se finau mai? ia faalatalata mai o ia ia te au. Faauta, o le Alii o Ieova, na te fesoasoani mai ia te au; o ai ea se na te faasalaina mai? Faauta, e pala i latou uma e pei o le ofu; e 'aina e le mogamoga. O ai ea so outou ua mata'u ia Ieova, o loo faalogologo i le upu a lana auauna, e lē savali i le pouliuli, a e leai sona malamalama? ia faatuatua o ia i le suafa o Ieova, ma faalogologo i lona Atua. Faauta mai outou uma o e si'a se afi; ua siomia outou e outou i aloiafi; savavali ia i le malamalama o lo outou afi, ma aloiafi o lo outou afi; e oo ia te outou lenei mea ai lo'u lima, tou te taooto i le tiga.
- O upu faamafanafana i tagata o le Atua.*
- FAALOGO mai ia ia te au, outou o e tausisi atu i le amiotonu, e ua saili ia Ieova; ina vaavaai ia i le papa na tofiofia mai ai outou, ma le gutu o le lua na elia mai ai outou. Ia outou vaavaai ia Aperaamo lo outou tamā, ma Sara o le na fanaua outou; auā na a'u valaauina o ia a o toatasi, ma ou faamanuia ia te ia, ma faatoateleina o ia. Auā e faamafanafanaina Siona e Ieova, e faamafanafanaina ana mea faatafuna-

- ina uma lava; na te faia lona fanua
lafulafua e pei o Etena, ma lona
toafa e pei o le faatoaga a Ieova; e
maua ai le fiafia ma le olioli, o le
faafetai ma le leo o le pese.
- 4 Faalogo mai ia ia te au lo'u nuu
e; o'u tagata e uai mai ia o outou
taliga ia te au; auā e alu atu le
tulafono ia te au, ou te faatumauina
foi la'u faamasinoga e fai ma mala-
malama o nuu. Ua lata mai le
amiotonu mai ia te au, ua alu atu
la'u faaolataga; o'u lima foi e faa-
masinoina ai nuu; e faatalitali mai
ia te au o nuu tu matafaga, latou te
faamoemoemo foi i lo'u lima. Ina tepa
ae ia outou i le lagi, ma vaai i le
lalolagi i lalo; auā e mavae atu le
lagi e pei o le asu, e pala le lalolagi
e pei o le ofu; e faapena lava ona
otio e nonofo ai; a o la'u faaolataga
e faavavau lava lea, ma le amiotonu
mai ia te au o le gausia lava lea.
- 7 Faalogo mai ia ia te au, outou o e
ua iloa le amiotonu, o le nuu ua i o
latou loto la'u tulafono; aua le
fefefe i le faalumaina mai e tagata;
aua foi le faavaivai i lo latou faifai
mai. Auā e 'aina i latou e le moga-
moga e pei o le ofu, e 'aina foi i
latou e le pepe e pei o fulufulu ma-
moe; a o le amiotonu mai ia te au
e faavavau lava lea, ma la'u faola-
taga e āutupulaga lea.
- 9 Ala mai ia, ina ala mai, ia ofu i le
malosi, o oe na le aao o Ieova; ala
mai ia e pei o aso anamua, o tupu-
laga o le vavau; e le o oe ea le na
fasiotia Raava, o le na manua ai le
tanimo? E le o oe ea na pa'umatu
ai le sami, o le suāsami o le moana
sāusau? o le na faia mea loloto i le
sami ma ala e ui ai e ua faatauina?
- 11 E foi mai e ua togilolaina e Ieova,
latou te o mai foi i Siona ma le alaga
ma le olioli e faavavau i luga i o
latou ulu; latou te maua le olioli
ma le fiafia; a e sosola ese le faa-
noanoa ma le mapuitiga. O a'u, o
a'u lava lē faamafanafana ia te ou-
tou; o ai ea oe e te fefe i le tagata
e oti, ma le atalii o le tagata e avea
o ia e pei o le mutia. Ua galo foi
ia te oe o Ieova o le na faia oe, le na
fofola le lagi, ma faavaeina le lalo-
lagi; ua e fefe pea i aso uma ona o
le ita o lē faasaua, ina ua sauni o ia
e fasioti; a o ifea le ita o lē faasaua?
O le ua faano'uno'u ina ua fusifusia 14
e faavave o ia ina ia tatalaina, ia le
oti foi o ia i le lua, ia le oge foi i
ni mea e 'ai. O a'u foi o Ieova lou 15
Atua, o le e laolao ai le sami pe a ū
mai ona peau; o Ieova o 'au o lona
igoa lea. Ua ou tuuina atu a'u upu 16
i lou gutu, ua ou ufiufi foi ia te oe i
le paulo o lo'u lima, e faatumau ai
le lagi, ma faavaeina le lalolagi, e fai
atu foi ia Siona, O lo'u nuu lava oe.
- Ala mai ia, ina ala mai; ina tulai 17
mai oe Ieruselema, ua e inu nai le
lima o Ieova le ipu o lona ita; ua e
inu i le ipu o le ipu e tautevateva
ai, ua e inu uma ai lava. Ua leai se 18
tasi o ana tama uma na ia fanua
na te ta'ita'iina o ia; ua leai foi se
tasi o ana tama uma na ia tausia, na
te tago atu i lona lima. Ua oo mai 19
ia te oe o nei mea e lua; o ai ea se
na te faamafanafana ia te oe? o le
faatafunaina ma le lepetia, o le oge
ma le pelu; o ai ea? Oute faama-
talaloto ia te oe. Ua matapogia au 20
tama, o loo taatitia i latou i mea e
amata mai ai ala uma, e pei o le
teō i le upega; ua tutumu i latou
i le toasa o Ieova, o le aoaiga mai
lou Atua.
- O le mea lea, se'i e faalogo mai 21
ai i lenei mea, o oe le ua tiga ma
onā, a e le o le uaina. O loo faapea 22
ona fetalai mai o lou Alii, o Ieova, o
lou Atua foi, o le na te faia finauga
a lona nuu; faauta, ou te ave ese i
lou lima le ipu e tautevateva ai, o le
ipu, o le ipu lava o lo'u ita; e te le
toe inu ai lava. A ou te tuu atu ai 23
i lima o e faatiga ia te oe, o e na
fai mai ia te oe, Ifo ia, ina ia matou
ui atu ai; ona fai lea o lou tua e
pei o le eleele, e pei o le ala foi i e
sāvali i ai.
- O le a ae mai le tafeaga; o le valo-
aga i le Mesia.*
- ALA mai ia, ina ala mai; ia e ofu 52
i lou malosi, o oe Siona e! ia e ofu
i ou ofu matagofie, o oe Ieruselema
e, le aai ua faasaina; auā e le toe
alu atu ia te oe le ua le peritomeina,
na le ua leaga. Ia e lulu oe ia te 2
oe ai le efufu; tulai ia, ina e tietie
i lou nofoa, o oe Ieruselema e; tatala
mai ia noanoaga o lou ua, o oe sa

- 3 tāfea, le tama fafine a Siona. Auā
o loo faapea ona fetalai mai o Ieova,
Na faatauina atu outou, ua le tauia
mai; e faatauina mai foi outou, a e
4 le *avatu ai* ni ario. Auā o loo faa-
pea ona fetalai mai o le Alii o Ieova,
Na alu ifo lo'u nuu anamua i Aiku-
pito e āuman ai; ua faasaua fua foi
5 Asuria ia i latou. A o lenei, se a ea
sa'u mea iinei? ua fetalai mai ai
Ieova; auā ua avea fua lo'u nuu;
o e pule ia i latou, ua latou uio, ua
fetalai mai ai Ieova; ma ua inosia
6 pea lava lo'u igoa i aso uma. O le
mea lea e iloa ai lo'u igoa e lo'u
nuu; o le mea lea e *iloa ai* i lea
lava aso, o a'u lava le na fai atu,
Faautea mai ia te au!
- 7 E matuā matagofie i luga o mauga
o vae o le ua fai mai le tala lelei, o
lē logologo mai le manuia, ua tala
mai le tala lelei; ua faailoa mai le
olataga; ua fai mai ia Siona, O loo
8 pule lou Atua. O le leo o ou tagata
vaai, ua latou leo tetele, ua latou
alalaga faatasi; auā latou te iloa e
faafesagai lava, pe a faafoisia Siona
e Ieova.
- 9 Ia alalaga fiafia faatasi outou o
mea faatafunaina i Ierusalemā; auā
ua faamafanafanaina lona nuu e
Ieova, ua na faatauina Ierusalemā.
- 10 Ua to ese e Ieova *le ofu* i lona aao
paia i luma o nuu uma; ua iloa foi
e tuluiga uma o le lalolagi le olataga
- 11 mai lo tatou Atua. O ese ia, ina o
ese outou, ia outou o atu nai lea
mea; aua ne'i pa'i atu i se mea
leaga; o atu ia outou nai totonu ia
te ia; ia mamā outou o e tauave
- 12 ipu a Ieova. Auā tou te le o atu
ma le faataalise, tou te le o atu foi
faasosola; auā e afio Ieova i o outou
luma; e muli'au foi ia te outou le
Atua o Isaraelu.
- 13 Faautea, e manuia la'u Auauna, e
faasilisiliina o ia, ma viia, ma matuā
- 14 faaneeneceina. E pei ona ofo o ta-
gata e toatele ia te oe, ua faaleaga
faapea ona fofoga e sili i *mata o*
tagata, ma lona tino e sili i *tino o*
15 tagata; e faapea ona sausauna e ia
o nuu e tele; ona o ia e punitia ai
e tupu o latou lava fofoga; auā
latou te vaia le mea na le talatala-
ina ia i latou, latou te iloa foi le
mea na latou le faalogo i ai.

O le puapuaga o le Mesia.

O AI ea ua talitonu i la matou **53**
upu e taugologologo atu; ua faaalila ia
te ai le aao o Ieova? Na tupu ae
2 o ia e pei o se tātupu i ona luma, e
pei o le pogai i le nuu naumati; e
le aulelei pe lalelei o ia; a tatou
vaavaai ia te ia e leai *sona* mata-
gofie, ina ia tatou mananao ai ia te
ia. Ua inosia ma tuulafoaiina o ia
3 e tagata; o le tagata faanoanoa, ua
masani foi ma le tiga; e peiseai ua
'alo ese mata ia te ia; ua inosia o
ia, ma ua tatou le manatua lava o
ia. E moni, ua na tauave o tatou
4 tiga, ma na tauave o tatou faa-
noanoa; a ua tatou manatu o ia
ua taia, ua fasia e le Atua, ma ua
faatigaina. A ua manua o ia ona o
5 a tatou solitulafono, ua momomo o
ia ona o a tatou amio leaga; o le
aoaiga e filemu ai tatou sa i ona
luga lea, o ona faalavalava foi ua
malolo ai tatou. O i tatou uma ua
6 sē i tatou e pei o mamoe, ua taitasi
ma faasaga i lona lava ala; a ua
faaoo ia te ia e Ieova le amio leaga
o i tatou uma. Na faasauaina o ia,
7 sa tigaina foi o ia, a e le tautala
mai o ia; e pei o le tamai mamoe
ua ta'ita'iina ia fasia, e pei o le
mamoe foi i luma o e sele lona
fulufulu, ua faalologo ia, o ia foi ua
8 le tautala mai. O le faasaua ua le
faamasinoga na avecesina ai o ia; o
ai foi na te talatalaina lana tupu-
laga? auā ua vavaeescina o ia i le
nuu o tagata ola; na taia o ia ona
9 o le solitulafono a lo'u nuu. Na
tofia o ia *ia fai* lona tuugamau faa-
tasi ma ē pagotata, a e peitai *sa* i
le mauoa ina ua maliu; auā na le
faia e ia se faasauaga, ua leai foi se
pepelo i lona fofoga. A ua finagalo
10 Ieova e tu'imomomo ia te ia, ua ia
faatigaina o ia; pe afai na te faia se
taulaga mo agasala, ona iloa lea e ia
o *lana* fanau, e faalevalevaina *ona*
aso, o le finagalo foi o Ieova e
manuia lea ia te ia. Ona o le tiga o
11 lona agaga na te iloa ai *lana fanau*,
e malie *ai* o ia; o le malamalama
mai ia te ia e ta'uamiotonuina ai
tagata e toatele e la'u auauna ua
amiotonu; auā e tauave e ia a latou
amio leaga. O le mea lea ou te 12

vaevaea ai *se vaega* mo ia faatasi ma e ua sili, e vaea foi le vete faatasi ma e fitafita, ona ua ia sasaa atu o lona ola ia oti; na faitauina foi o ia faatasi ma e pagotata; na ia aveina foi le agasala a *tagata* e toatele, ua fautua foi o ia mo e solitulafono.

O le manuia e maua e tagata o le Atua; o le a tupu tele le galuega a le Atua.

- 54 IA pese oe na le fafine pa sa le fanau; ia leo tele, ma ia alaga fiasia oe sa le faatiga, auā ua sili ona toatele o le fanau a le nofo fua, i le fanau a le nofo tane, ua fetalai mai
2 ai Ieova. Ia faalatele le mea e *tu ai* lou fale ie; ia fālōina ie puipui o mea e te nofo ai; aua e te faaititia; ia faaumiumiina au maea, ma
3 ia malolosi au fao; auā e te osofia le *tuapa* i le itu taumatau ma le itu tauagavale; o lau fanau foi e fai mo latou tofi nuu ese, e āina foi e i
4 latou o aai tuufua. Aua e te fefe, auā e te le mā; aua foi e te masiasi, auā e le faamaina oe; auā e galo ia te oe lou mā ina o ē teine muli; e te le toe manatua foi lou
5 luma ina o ē nofo fua. Auā o le na faia oe o lau tane lea, o Ieova o 'au o lona igoa lea; o le na faatauina oe, o le Paia o Isaraelu lea; e ta'ua o ia, O le Atua o le lalolagi uma.
6 Auā ua valaau Ieova ia te oe, e pei o le avā ua lafoaiina, ma ua faanoanoa lona loto, o le avā foi *sa nofo* a o teine muli ina ua lafoaiina oe, ua
7 fetalai mai ai lou Atua. Ua se emo la o le mata na ou lafoaiina ai oe, a o le alofa tele lava ou te faapopotoina mai ai oe. O le sasaaina
8 atu o lo'u ita na 'alo ai o'u mata ia te oe, ua se emo o le mata; a o le alofa e faavavau ou te alofa atu ai ia te oe, ua fetalai mai ai Ieova, o
9 le na faatauina oe. Auā e *pei* o le lolo ia Noa lenei mea ia te au; na ou tauto ai a'u e le toe lofia le lalolagi i le lolo ia Noa; e faapea ona
10 ou tauto, ou te le ita ia te oe, ou te le aoi atu foi ia te oe. Auā e mavae atu o atu mauga, e luluina foi mauga; a o lo'u alofa e le mavae atu lea nai ia te oe, ma la'u feagaiga e manuia ai e le luluina lea, ua

fetalai mai ai Ieova o le alofa ia te oe.

O oe na le ua tiga, ua afatia, ua 11 le faamafanafanaina; faauta, ou te atiina ae au maa i mea e vali a'i mata, ma ou faavaeina oe i safaira. Ou te faia ou matagi'olo i maa 12 mūmū, ma ou faitotoa i maa tioata, ma ou tuaoi uma i maa matagofie. E 'a'o'a'oina lau fanau uma lava e 13 Ieova; e tele foi le manuia o lau fanau. E faatumauina oe i le amio- 14 tonu; e mamao ma oe le sauaga, auā e te le fefe; e *mamao* foi ma le mata'u, auā e le faalatalata mai lea ia te oe. Faauta, latou te faapoto- 15 poto lava i latou, a e le ona o a'u; o i latou uma o e faapopototo e tau ma oe, e vavae mai i latou ia te oe. Faauta, o a'u ua ou faia lē fai mea 16 uamea, o loo tapili i malala ola, ma gaosi ai anupega i lana galuega; o a'u foi ua ou faia le na te faatafunaina, na te faaumatia. O au- 17 upega uma e faia e tau ma oe e le manuia ia; o laulaufaiva uma e finau atu ia te oe i le faamasinoga e te faasalaina ia; o le tofi lena o auauna a Ieova, o a latou amiotonu foi mai ia te au lea, ua fetalai mai ai Ieova.

Ua valaauina tagata uma lava, latou te manuia i le Mesia.

E! OUTOU uma o e fia inu, o 55 mai ia i le vai, atoa ma outou ua leai ni tupe, o mai ia, ina faatau ma aai; ia outou o mai lava, ma faatau le uaina ma le suāsusu, a e leai se tupe, e leai foi se tau e *faatau a'i*. Se a le mea tou te avatu ai a outou 2 tupe i mea e le ni mea e 'ai, ma avatu mea na tiga ai outou i mea e le maoona ai? Se'i matuā faalogologo mai ia ia te au, ma outou aai i mea lelei, e fiasia foi o outou loto i mea lololo. Uai mai ia o outou 3 taliga, ma outou o mai ia te au; faalogologo mai ia, e ola ai o outou agaga; ou te osia foi le feagaiga e faavavau ma outou, o mea alofa ia na *folafolaina* ia Tavita e faamaoni lava. Faauta, ua ou avatua o ia e 4 fai ma molimau i le nuu, o le ta'imua ma le pule i le nuu. Faauta, 5 e te valaau i nuu ese sa e le iloa; o nuu ese foi sa latou le iloa oe, latou

te taufetuli mai ia te oe, ona o Ieova lou Atua, ma le Paia o Isaraelu; auā ua ia ta'uleleia oe.

6 Ia outou saili ia Ieova manū o mafai ona maua o ia; ia outou valaau ia te ia manū o latalata mai o

7 iā; ia lafoai e le ua amio leaga lona ala, ma le tagata agasala *ia lafoai e ia* ona manatu; a ia foi mai ia Ieova, ona alofa mai lea o ia ia te

ia; *ia foi mai* i lo tatou Atua, auā

8 na te matuā faamagaloina. Auā o o'u manatu e le o outou manatu, o o'u ala e le o outou ala, ua fetalai

9 mai ai Ieova. Auā *e pei* ona sili ona maua luga o le lagi i le lalolagi, ua faapea ona sili ona maua luga o o'u ala i o outou ala, ma o'u manatu e sili i o outou manatu.

10 Auā e pei ona totō ifo o le ua ma le kiona mai le lagi, a e le toe foi atu i ai, a e peitai e faasūsūina ai le lauelele, ma fua mai ai, ma totogo mai ai, e tupu mai ai saito i lē lulu

11 saito ma mea e 'ai i le ua 'ai; e faapea foi la'u upu e alu atu ai lo'u gutu, e le foi mai fua ia te au; a e peitai e faia le mea ou te loto i ai, e manuia foi i le mea ou te auina

12 atu ai. Auā tou te o atu ma le fiafia, e ta'ita'ina foi outou ma le manuia; o atu mauga ma mauga e leo tetele ma le alaga fiafia i o outou luma, e pāti lima foi laau uma

13 o le vao. E tupu ae le perosi e sui a'i le laau tuitui; e tupu ae le atasi e sui a'i le ogogo; e fai foi ma igoa e *viia* ai Ieova, e *fai foi* ma faailoga e faavavau e le mavae atu lava.

Ia nofo sauni, auā ua lata mai le olataga; o le sala e oo mai i e ua faia le nuu.

56 O LOO faapea ona fetalai mai o Ieova, Ia outou tausia le faamasinoga, ma outou faia le amiotonu; auā ua latalata ona oo mai o la'u faaolataga, ma le faaaliga o le amio-

2 tonu mai ia tē au. Amuia le tagata na te faia lenei mea, ma le atalii o le tagata na te taofimanuia ai; o loo tausi i le sapati ia le solia, ma taofi i lona lima ia le faia se mea

3 leaga e tasi. Aua foi ne'i fai ane le tagata ese, le ua faatasi mai ia Ieova, e faapea mai, Ua matuā faate'aeseina a'u e Ieova i lona nuu;

aua le fai ane foi le eunuka, Faauta, o a'u o le laau popo. Auā o loo faapea ona fetalai mai o Ieova i eunuka o e tausi i o'u sapati, ma latou mananao i mea ou te loto i ai, ma latou taofi mau i la'u feagaiga;

5 ou te avatu ia te i latou lava i lo'u fale ma totonu o o'u pa, o le faailoga ma le igoa e sili ona lelei i atalii ma afafine; ou te avatu ia te ia le igoa e faavavau e le aveeseina

6 lava. O tagata ese foi o e faatasi mai ia Ieova, ē o auaua ia te ia, ma alolofa i le suafoa o Ieova, e fai

7 mana auaua, o i latou uma o e tausi i le sapati a e le soli i ai, ma latou taofi mau i la'u feagaiga; ou

te aumaia i latou lava i lo'u mauga paia, ma a'u faafiafia ia te i latou i lo'u fale tatalo; o a latou taulaga

8 mu ma a latou taulaga e talia ia i lo'u fata faitaulaga; auā e ta'ua lo'u fale o le fale tatalo mo nuu uma. Ua fetalai mai le Alii o Ieova, o le na te faapotopotoina e ua

9 tulia o Isaraelu, Ou te toe faapotopotoina mai *nisi* ia te ia, e *faaopoopo* i e ua uma ona faapotopotoina ia te ia.

O outou manu uma o le vao e, o mai, ina aai, o outou manu uma o le vao matua. O ona tagata vaai,

10 ua tauaso i latou; o i latou uma latou te le iloa *se mea*; o uli gūgū i latou uma, latou te le lavā ou, o e fai miti, o e taoto, o fia momoe i

11 latou. O uli 'ai tetele i latou, latou te le iloa se ma'ona; o i latou foi o leoleo mamoe, latou te le iloa faautauta, ua faasaga i latou uma i o latou lava ala, ua taitasi ma faasaga i lana lava oloa, e le faapito lava.

O mai ia, ou te aumaia le uaina, 12 tatou te inu ia onā i le 'ava; e pei o le aso nei foi a taeao; e silisili ese ona lelei.

Ua faasino mai e Ieova le amio leaga a le nuu; ua faamafanafana i ona tagata.

UA fano le ua amiotonu, a e leai 57 sē mafaufau i ai; ua aveeseina foi tagata alolofa, a ua leai sē manatunatu ua aveeseina le ua amiotonu ai le leaga. Eulu atu o ia i le manuia, 2 latou te malolo i o latou moega, o i latou ia o e savavali ma le tonu.

3 A o outou, ina faalatalata mai ia iinei, o outou tama a le fafine iite i ao, o le fanau a le mulilua ma le
 4 fafine talitane. Tou te faatauemu ea ia te ai? E faamaga o outou gutu ia te ai? tou te faaeto mai o outou laulaufaiva ia te ai? E le o le fanau fouvale ea outou? o le fanau e
 5 pepelo? O loo faatupu le manao i atua i lalo o laau uma e tauluulu ola; o loo fasioti le fanau i alia i
 6 lalo o maluapapa. O maa lamolemole o le alia o lou vaega lea, o ia lava e fai mou tofi; ua e liligi atu ai lava le taulaga i mea e inu, ua e avatu foi le taulaga i mea e 'ai. Ou
 7 te loto mälle ea ona o ia mea? Ua e tuuina lou moega i le mauga maualuga ma le tele; ua e alu ae
 8 foi i ai e fai taulaga. Ua e tuuina lau faamanatuga i tua o le puipui ma le pou o le faitotoa; auä ua e faaali oe i le tasi a e le o a'u; ua e alu ae; ua e faalauteleina lou moega; ua e faia se faagaiga ma i latou; ua e manao i lo latou moega,
 9 ua e filifilia le mea e tuu ai. Ua e alu atu i le tupu ma le uu, ua e faateleina ou uu manogi, ua e tuuina atu ou sävali i mea mamao, ma ua e faaleaga oe ia te oe e oo ifo i seoli.
 10 Ua lailoa oe i le mamao o lou ala; ua e le fai ane, E le aoga; ua e maua le malosi o lou lima, o le mea
 11 lea ua e le faavaivai ai. Na e atuavale ia te ai, ma e mata'u, ina ua e pepelo, ma e le manatua a'u, ma e le mafaufau? na a'u le faalologo ea mai anamuä lava? a ua e le mata'u ia te au. Ou te faaali atu lau amiotonu ma au galuega; e le aoga foi
 12 ia mea ia te oe. A e alaga, ia laveai au aofaga ia te oe; e sitia i latou uma e le matagi, e avea i le mänava; a o le ua faatuatua ia te au e maua e ia le nuu e fai mona tofi lo'u
 13 mauga paia. E fai ane foi se tasi, Faalaulelei, ina faalaulelei ia, teu ia lea, ia outou aveescina mea e tausui ai i le ala o lo'u nuu. Auä o loo faapea ona fetalai mai o le ua Maualuga ma ua Silisili, o le äfo e faavavau, e paia lona suafa, Ou te nofo i le mea maualuga ma le paia, ma te nonofo foi ma le ua momomo ma ua maualalo lona loto, e faamafanafana i e ua loto maualalo, ma

faamafanafanaina loto o e ua loto momomo. Auä ou te le finau e faa- 16 vavau, ou te le ita pea lava pea; auä e faavaivai le loto i o'u luma, o agaga foi na a'u faia. O le agasala 17 o lona matapeapea na ou ita ai, na ou taia foi o ia; na ou lasi, ma ou ita; auä na savali o ia ma le finau vale i le ala o lona lava loto. Ua ou 18 iloa ona ala, ou te faamalolo foi ia te ia; ou te ta'ita'iina o ia, ou te toe avatu foi faamafanafanaga ia te ia, ma e ua faanoanoa faatasi ma ia. O 19 loo ou te faia le fua o laugutu, O le filemu, o le filemu i le ua mamao, atoa ma le ua lata mai, ua fetalai mai ai Ieova; ou te faamaloloina foi o ia. A o e amio leaga e tusa i 20 latou ma le sami ua sousou, e le mafai ona to'a filemu; a e lafoia ae e le suäsami le cleele ma le palapala. Ua fetalai mai lo'u Atua, E leai se 21 filemu i e amio leaga.

*O le aoga o Isaraelu i lo latou faa-
 tagä anaana i le Atua.*

IA alaga tele, aua le leo itiiti, ia e 58 leo tele e pei o se pu; ma e faaali atu i lo'u nuu o latou solitulafono, ma e faaali atu i le aiga o Iakopo a latou agasala. A ua latou saili mai ia te au i lea aso ma lea aso, ua latou fia iloa o'u ala; e pei o se nuu ua faia le amiotonu, ma latou le lafoai le faatonuga a lo latou Atua; ua latou fesili mai ia te au i faamasinoga tonu, ua latou faalatalata atu i le Atua ma le fiafia. Se a le mea ua matou anapopogi ai, a e te le silasila mai? se a le mea ua faatigaina ai i matou e i matou, a e te le silasila? Faauta, o le aso e anapopogi ai outou, ua outou maua ai le fiafia, ma outou faatauanauna a outou au-
 auna ia faia a outou galuega uma. Faauta, ua outou anapopogi ia finau 4 ai, ma misa ai, ma ia tu'i ai i le lima e fai ai le amio leaga; aua tou te anapopogi e pei o le aso, e lagona ai o outou leo i le mea maualuga. E 5 faapena ea le anapogi ou te loto i ai; o le aso e faatiga ai le tagata ia te ia lava? e punou ai ea lona ulu e pei o le fiso? e folia lona moega i le ie talatala ma le lefulefu? E te faaigoia ea lena mea o le anapogi ma le aso e fiafia i ai Ieova? E le o lena 6

ea le anapogi ou te loto i ai? na ia tatalaina fusi *na faia* i le amio leaga, e tatala fusi o le amo, e tuuina atu ia sa'oloto e ua faasauaina, ma ia
 7 outou gausia amo uma lava. E le o *lenei* ea? ona ia tofitofi au mea e 'ai i le ua fia 'ai, ia au mai i *lou fale* e ua matitiva *ma faasauaina*; a ē iloa le ua le lavalavā e te faaofuina o ia, aua foi e te lafi ia i latou o lou
 8 lava aiga. Ona gafoa mai ai lea o lou malamalama e pei o le tafa o ata, e taalise ona tupu mai foi o lou malolo; e alu atu foi lau amiotonu i ou luma, e muli'au mai le pupula
 9 o Ieova ia te oe. Ona e valaau lea, a e tali mai ai Ieova; e te alaga atu, a e fetalai mai o ia, O a'u lenei; pe afai e te faate'aeseina le amo ia te outou, o le tusi o le lima, ma le
 10 upu vale. Afai foi e te alofa atu i le ua fia'ai, ma e fafaga ia ma'ona o le ua tiga; ona alu ae lea o lou malamalama i le pouliuli, ma le
 11 pogisa e pei o le oauli ia. E ta'i-ta'iina foi oe e le aunoa e Ieova; e faamālie foi o ia ia te oe pe a oge vai, ma faamalosia ou ivi; e avea foi oe e pei se fanua ua faasūsūina, e pei o le punavai foi e le mate ona
 12 suāvai. O e *tutupu* mai ia te oe latou te ati ae mea na faatafunaina mai anamua; e te faatuuina faavae o lea tupulaga ma lea tupulaga; e igoa ai oe, O lē ati ae i solo, O le faaola i magāala *i mea* e nonofo ai.
 13 Afai e te liliu ese lou vae i le sapati, *a ē le faia* lou lava loto i lo'u aso sa; ma ē ta'ua le sapati, o le aso fiafia, le aso ua sa ia Ieova, ua mamalu; ma e faamamalu i ai, o loo e le faia au lava amio, o loo le maua ai lou lava fiafia, ma ē *le tautala* ai i *au* lava upu; ona e fiafia lava lea ia Ieova; ou te faatietie
 14 ane foi ia te oe i luga o mea maua-luluga o le lalolagi, ou te fafaga foi ia te oe i le tofi o Iakopo lou tamā; auā ua fetalai mai ai le fofoga o Ieova.

O le agasala e tigaina ai tagata.

59 FAAUTA, e lei faapuupuuna le aao o Ieova, ia le mafaola; e le tutuli foi ona taliga, ia le mafaafoga. A e peitai o a outou amio leaga ua fai ia ma pupuni i le va o

outou ma lo outou Atua, o a outou agasala foi ua 'alo ai ona fofoga ia te outou ua ia le faafofoga mai ai. Auā ua leaga o outou lima i le toto, ma outou tamatamai lima *ua leaga ia* i le amio leaga; ua tala pepelo o outou laugutu, ua tautala o outou laulaufaiva i le mea faapiopio. Ua leai se valaau i le amiotonu, ua leai se finau ma le faamaoni; ua latou faatuatua i le mea faatauva; ua tala pepelo, ua to i latou i le agasala, ma ua fanau mai le amio leaga. Ua latou togitogi i fua o le gata uogo, ua outoulalaga le apogaleveleve; o le na te 'aina ni o latou fua e oti o ia; o le *fua* ua solia e oso mai ai le gata. E le avea o latou apogaleveleve ma ofu; latou te le oofu foi i mea ua latou faia; o a latou galuega, o galuega ia a le amio leaga; o le amio faasaua ua i o latou lima. Ua taufetuli o latou vae i le mea leaga; ua latou faataalise e sassa ai le toto o e ua le sala; o latou manatu o manatu leaga ia; o le faatafunaina ma le lepetia o *mea* ua i o latou ala ia. Ua latou le iloa le ala e manuia ai, ua leai se tonu i mea latou te faia; ua latou faapiopioina o latou lava magāala; o i latou uma o e savavali ai, latou te le iloa se manuia. O le mea lea ua mamao ai ma i matou le faamasinoga, ua le maua mai foi i matou e le amiotonu; ua matou faatalitali i le malamalama, faauta foi, o le pouliuli; *ua faatalitali* i le pupula mai, *a* ua matou savavali i le pogisa. Ua matou tautāgotago atu i le pa e pei o e tauaso; ua matou tautāgotago atu lava e pei o e ua leai ni mata; ua matou tausuai i le oauli e pei o le segisegi; ua *matou* i mea o i ai le manuia, e pei o e ua oti. Ua gu i matou uma lava e pei o urosa; ua matuā tagi foi i matou e pei o lupe; ua matou faatalitali i le faamasinoga, a e leai; *ua faamoemo* i le faaolataga, *a* e mamao ma i matou. Auā ua faateleina a matou solitulafono i ou luma; ua molia foi i matou e a matou agasala; auā o loo ia te i matou a matou solitulafono; ua matou iloa foi a matou amio leaga; o le solitulafono ma le pepelo ia Ieova; o le ē ese i

Io matou Atua; o le tautala faa-
saa ma le upu faafouvale; o le
manatunatu ma le tautala mai i upu
14 pepelo mai le loto. Ua faafoisia i
tua le faamasinoga, ua tu mamao
atu le amiotonu; auā ua pāū le faa-
maoni i le malae, e le mafai ona ulu
15 mai le amio sa'ou. Ua le iloa lava le
faamaoui; o le ua 'alo i le leaga ua
vetea ana mea. Ona silafia lea e
Ieova, ua leaga foi ia te ia ina ua
16 leai se faamasinoga. Na ia silafia
ua leai se tagata; ua ofo lava ina ua
leai se fautua; o le mea lea na fai
ai le olataga e lona lava aao; o lana
17 amiotonu foi na lāgomia ai o ia. Na
ia ofu i le amiotonu e pei se ufifata-
fata, sa i lona ao le puloutau o le
olataga; na ia ofu i ofu o le tau ma
sui e fai ma ofu; na ia ofu foi i le
18 maelega e pei se ofu talaloa. E pei
o a latou amio e faapea ona tau
mai e ia, o le toasa i e ua fai o ia
mo latou fili, o le tau i e ita ia te
ia; na te tau atu lava i nuu tu
19 matafaga. E pau mai i sisifo, latou
te matatau i le suafa o Ieova; e
pau mai foi i le mea e alu ae ai le
la, e matatau i latou i lona mamalu;
a oo mai e pei se vaitafe le ua ita
mai, ona faatua lea o sē tagavai e
tetea atu ia te ia e le Agaga o Ieova.
20 E afio mai foi le Faaola i Siona, e
afio mai foi i liliu mai nai le solitu-
lafono o loo ia Iakopo, ua fetalai
21 mai ai Ieova. A o a'u, o la'u fea-
gaiga leni e faia ma i latou, ua
fetalai mai ai Ieova, O lo'u Agaga
o loo i luga ia te oe, ma a'u upu ua
ou tuuina atu ai i lou gutu, e le
te'a ese ia i lou gutu ma gutu o lau
fanau, ma gutu o le fanau a lau
fanau, e afua mai i na ona aso, a e
oo i le faavavau, ua fetalai mai ai
Ieova.

*O te tupu tele o le upu a le Atua, ma
le manuia o ona tagata.*

60 TULAI ia, ina malamalama ia,
auā ua oo mai lou malamalama; ua
alu ae foi le pupula o Ieova i ou
2 luga. Auā faata mai, e ufitia le
lalolagi i le pouliuli, e ufitia foi nuu
i le pogisa; a e afio ae Ieova i ou
luga, ma le pupula o Ieova e aliali
3 mai lea i ou luga. E o mai nuu ese
i lou malamalama, o tupu foi e o

mai i latou i le pupula o lou alu ae.
Ia e fetepai i itu uma, ma e vaai, o
4 loo faapotopoto mai i latou uma; ua
latou o mai ia te oe, o au tama tane
e o mai i latou i mea mamao, e afisi
foi au tama fafine i lou itu. Ona e
5 vaai ai lea, ma e olioli; e polepole
oe, ma fiasia tele lou loto; auā e
liua mai ia te oe le oa o le sami; e
oo mai ia te oe le oloa o nuu ese.
E ufitia oe i le vao kamela e tele, o
6 kamela taanoa o Mitiana ma Efa; o
i latou uma mai Seepa e o mai;
latou te aumaia auro ma pulu li-
pano, latou te tala fiasia i viiga o
Ieova. E faapotopotoina ia te oe
7 lafu mamoe uma o Kitara; e auau-
na ia te oe mamoe poa o Nepaiota,
latou te o ae, e talileleia i lo'u fata
faitaulaga; ou te faamatagofie foi
le fale o i ai lo'u matagofie.

O ai ea i latou na o loo felele i
8 pei se ao, e pei o lupe foi i o latou
faitotoa? Auā e faatalitali nuu tu
9 matafaga ia te au, e muamua foi
vaa o Tasesa, e aumaia lau fanau i
mea mamao, o a latou ario ma a
latou auro e faatasi ma i latou; ona
o le suafa o Ieova lou Atua, ma le
Paia o Isaraelu, auā ua ia faama-
tagofie ia te oe. E atiina ae ou pa
10 e tagata ese; e auuina mai o latou
tupu ia te oe; auā o lo'u ita na a'u
taia ai oe; a o lo'u alofa ou te alofa
ai lava ia te oe. E avanoa pea lava
11 ou faitotoa, e le punitia i le ao ma
le po; ina ia aumaia ia te oe le oloa
o nuu ese, ma ia ta'ita'iina ai o latou
tupu. Auā e fano le nuu ma le
12 malo ua le mafai ona auuina ia te
oe; e matuā faatafunaina ia nuu.
E o mai ia te oe mea e fa'ua ai Le-
13 panona o le perosi, ma le titara, ma
le tasura e faatasi, e faamatagofie
a'i le mea e i ai lo'u malumalu; ou
te faalaleleia foi le mea e tu ai o'u
vae. O le fanau o e na faasaua ia
14 te oe latou te o mai, ma latou ifo ia
te oe; o i latou uma e na 'ino'ino ia
te oe, latou te ifo atu i ou alofivae;
latou te faaigoa ia te oe, O le aai a
Ieova, O Siona o le aai a le Paia o
Isaraelu. Na fai oe ma nuu lafoai-
15 ina ma le inosia, ua leai foi se ui ai,
a o leni e faia oe e a'u ma nuu ma-
tagofie e faavavau, ma nuu e olioli
ai i lea tupulaga ma lea tupulaga.

- 16 E te susu i le suāsusu o nuu ese, e te susu foi i susu o tupu; e te iloa foi o a'u o Ieova o lou Faaola, ma le na faatauina oe, o le Malosi o Iakopo. Ou te aumaia le auro e sui a'i le 'apa memea; ou te aumaia foi le ario e sui a'i le uamea, ma le 'apa memea e sui a'i laau, ma uamea e sui a'i maa; e avea foi e a'u ou alii ia filemu, ma ou faipule ia amiotonu.
- 17 E le toe lagona le sauaga i lou laueleele; o le faatafunaina ma le lepetia o mea e le lagona ia i lou nuu; a e faaigoaina e oe ou pa, O le olataga, ma ou puipui, O le viiga. E le toe faia le la mou malamalama i le ao; e le faamalalama foi ia te oe le masina i lona susulu mai; a e faia Ieova mou malamalama e faavavau, e fai foi lou Atua mou matagofie. E le toe goto lou la, e le toe mavae atu foi lou masina; auā e faia Ieova mou malamalama e faavavau; e uma foi aso o lou faanoanoa. O lou nuu foi e amiotonu i latou uma lava; e fai mo latou le nuu e faavavau; o le tātupu o la'u faatoaga, o le galuega a o'u lima, e fai mo'u viiga. O le toaitiiti e fai ma toaafē, ma le ua faatauva e fai ma nuu malosi; o a'u o Ieova, ou te faavave ona fai i ona lava aso.

O le manuia e maua mai le Mesia e lona nuu.

- 61 UA i o'u luga le Agaga o le Alii o Ieova; auā ua faauuina a'u e Ieova e tala'i le tala lelei i e ua tiginina, ua ia auina mai a'u e fufusi i e loto momomo, e tala'i le saolotoga i le tafeaga, ma le matuā tatalaina o e ua fusifusia. E tala'i le tausaga e talileleia mai ai e Ieova, ma le aso e tau ai ma sui e lo tatou Atua; e faamatalaloto i e faanoana uma lava; e avatu le fiafia i e faanoana i Siona, e foaiina atu ia i latou le matagofie e sui a'i le lefulefu, o le uu o le olioli e sui a'i le faanoanoa, o le ofu e fai a'i viiga e sui a'i le loto faavaivai; e igoa i latou, O laau o le amiotonu, o le faatoaga a Ieova, e fai mona viiga.
- 4 Latou te atiina ae foi mea na faatafunaina mai le vavau; latou te faatuina mea na faatuufuaina anamua; latou te toe faia aai sa faa-

tafunaina o mea sa tuufua i lea tupulaga ma lea tupulaga. E tutū tagata ese ma latou leoleo i a outou lafu mamoe, o tagata o nuu ese e fai i latou ma a outou galuefanua ma a outou galuevine. A o outou, e igoa outou, O faitaulaga a Ieova; e ta'ua outou, O auuina a lo tatou Atua; tou te aai mea lelei a nuu ese, e fai foi ma outou o a latou oa. E tailua ni mea e sui a'i lo outou masiasi; latou te olioli foi i lo latou vaega e sui a'i le mā; auā e fai mo latou tofi le tailua i lo latou nuu; e ia te i latou le olioli e faavavau. Auā o a'u o Ieova, ou te fiafia i le faamasinoga, ou te 'ino'ino i mea ua faoa faaletaupulea; ou te avatua lo latou tau ma le faamaoni; ou te osia le feagaiga e faavavau ma i latou. E iloga la latou fanau i nuu ese, e iloga foi ē tutupu ia te i latou i totonu o nuu; e iloa i latou e i latou uma o e vaai i ai, o i latou lava o le fanau ua faamanuia e Ieova.

Ou te matuā fiafia ia Ieova, e 10 olioli lo'u loto i lo'u Atua; auā ua na faaofuina a'u i ofu o le olataga, ua na faapulupuluina a'u i le ofu o le amiotonu; e pei o le faatoafaiavā ua pulou o ia pei se faitaulaga; e pei o le faatoanofotane foi ua teuteu o ia i ana teuga. Auā e pei 11 ona faatupuina e le laueleele lona fua, e pei ona faatupuina foi e le faatoaga mea ua totō ai, e faapea lava ona faatupuina e le Alii o Ieova o le amiotonu ma le viiga i luma o nuu uma.

O le manuia ma le mamalu o Siona.

OU te le faalologo auā o Siona, 62 ou te le mapu foi auā o Ierusalemā, seia alu atu lana amiotonu e pei o se mea pupula, ma lona olataga e pei o le sulu ua mumū. E vāai nuu ese i lau amiotonu, ma tupu uma latou te vāai i lou mamalu; e igoa foi oe i le igoa fou, e ta'ua mai e le fofoga o Ieova. E fai oe ma pale matagofie i le aao o Ieova, ma pulou o le tupu i le alofilima o lou Atua. E le toe ta'ua oe, Ua lafoaiina; e le toe ta'ua foi lou laueleele, Ua tuufua; a e peitai e igoa oe, Ua ia te ia lo'u fiafia; e igoa foi lou lauele-

- ele, O le nofo tane; auā e fiafia
 5 leova ia te oe, e nofo tane foi lou
 lauleelele. Auā e *pei* o le taulealea
 ua fai avā i le taupou, e *faapea* au
 tama tane ona fai avā ia te oe; e *pei*
 ona fiafia foi o le faatoafaiavā i lana
 avā, e *faapea* ona fiafia o lou Atua
 ia te oe.
- 6 Ierusalema e, ua ou tofia ē leoleo
 i luga o ou pa, latou te le faalologo
 e atoa le ao e atoa foi le po, a e
 faapea lava pea; o outou o e ta'u-
 ta'uina Ieova, aua ne'i filemu outou;
- 7 aua foi ne'i tuu atu ia te ia ia
 filemu, seia faamauiina e ia, ma seia
 faia Ierusalema ma viiga i le lalo-
 8 lagi. Ua tauto Ieova i lona aao
 taumatau ma lona aao malosi, Ou
 te le toe avatu lava lau saito e 'ai
 mā e ita ia te oe; e le inumia foi e
 le fanau a le tagata ese lau uaina sa
 9 tigmaia ai oe. A e peitai o e faa-
 putuina latou te aai ai, ma latou
 vivii ia Ieova; o e taulia mai latou
 te feinu ai i o'u lotō paia.
- 10 Ui atu, ina ui atu ia i faitotoa,
 teu le ala o le nuu; faalaulelei, ina
 faalaulelei ia le ala tele, ia au ese ai
 maa; ia faatu i luga se tagavai mo
 11 le nuu. Faauta, ua faailoa e Ieova
 e oo i le tuluiga o le lalolagi, Fai
 atu i le tama fafine a Siona, Faauta,
 ua oo mai lou Faaola; faauta, o loo
 ia te ia lana tau, ua i ona luma foi
 12 le totogi o lana galuega. E igoa foi
 i latou, O le nuu paia; O e ua faa-
 tauina e Ieova; e igoa foi oe, O le
 aai e uia, O le aai e le lafoaiina.
- Ua solipalaina e le Atua e ua ita i
 lona nuu.*
- 63 O AI ea lenei lē afio mai mai
 Etoma, *ua afio mai* mai Posara ma
 ofu mūmū; o le ua matagofie lona
 ofu; o lē afio mai i le tele o lona
 malosi? O a'u lea, o lē tautala i le
 amiotonu, o le ua malosi e faaola.
- 2 Se a le mea ua mūmū ai lou ofu,
 ma ou ofu e *pei* o le ua soli i le
 3 soligāvine? Ua ou solia toatasi le
 tuugāuaina, a o le nuu sa leai so
 latou e toatasi ia te au; na ou solia
 i latou i lo'u ita, ma a'u solia lava i
 latou i lo'u tiga; na pisia o'u ofu i
 o latou toto, ua leaga ai o'u ofu
 4 uma. Auā sa i lo'u loto le aso e
 tau i ai ma sui; ua oo foi i le tau-
 saga o e ua faatauina e a'u. Na a'u
 5 vaai, a ua leai se fesoasoani; na ou
 ofo lava ina ua leai se lagolago mai
ia te au; ona faia lea e lo'u lava
 lima le faaolataga ma a'u; na lāgo-
 6 mia foi a'u e lo'u lava ita. Na ou
 solia le nuu i lo'u ita, na ou faaonā
 ia te i latou i lo'u tiga; na ou sasaa-
 ina foi o latou toto i le eleele.
- Ou te vivii i le alofa o Ieova, o
 7 viiga o Ieova, e tusa ma mea uma
 ua foai mai e Ieova ia te i latou,
 ma lona agalelei tele lava i le aiga o
 Isaraelu, ua na foai mai ia te i latou
 e tusa ma lona alofa mutimutivale,
 e tusa foi ma le tele o lona alofa.
 Auā na fetalai o ia, O lo'u lava nuu
 8 i latou; o le fanau e le pepelo; na
 fai foi o ia mo latou Faaola. O
 9 latou puapuaga uma na le fai ai o ia
 mo latou fili; na faaolaina i latou e
 le agelu mai ona luma; na ia faa-
 tauina i latou i lona alofa ma lona
 agalelei; na ia siitia i latou ma ave
 ia i latou i aso uma anamua. A o i
 10 latou, na latou fouvale, ma latou
 faatigaina lona Agaga Paia; ona
 liliu ai lea o ia ua toasa ia i latou, o
 ia lava na tau ma i latou. Na ia
 11 manatua aso anamua, o Mose ma
 lona nuu. O ifea le na faaae mai
 ia te i latou mai le sami, faatasi ma
 le leoleo a lona lafu mamoe? O
 ifea le na tuu lona Agaga Paia i
 totonu ia te ia? o le na ta'ita'i *ia te*
 12 *i latou* i le lima taumatau o Mose,
 ma lona aao mamalu, na vaea e ia
 le sami i o latou luma, ina ia faia
 mo ia le suafa e faavavau? o le na
 ta'ita'i ia te i latou i mea loloto, e
 13 *pei* o le solofanua i le vao, na latou
 le tausuai. E *pei* o le lafu manu
 14 ua alu ifo i le vanu, ua avane le
 malologa ia te i latou e le Agaga o
 Ieova; sa faapea ona e ta'ita'ina
 o lou nuu e fai mo oe le suafa
 mamalu.
- Silasila mai ia mai le lagi, ma e
 15 silafia mai lou afioaga paia ma le
 matagofie. O ifea lou maelega ma
 lou malosi? o le tagi o lou alo ma
 lou alofa ia te au ua taofia ea ia?
 Auā o oe lava lo matou Tamā; e ui
 16 lava ina le iloa o i matou e Aper-
 amo, ua le vaai mai foi Isaraelu ia
 te i matou, o oe Ieova o lo matou
 Tamā oe, o le na faatauina i matou;

17 mai anamuā lava lou suafa. Ieova e, se a le mea ua e faaseseina ai i matou i ou ala? *ma* e faamaaaaina o matou loto ina ia le matatau ia te oe? Foi mai ia ona o au anauna, o
18 itu aiga o lou tofi. E itiiti ona aso na faia *ai* e lou nuu paia mo i latou; o e ita mai ia te i matou ua
19 latou solia lou malumalu. Ua fai i matou e *pei* o i latou na e le pule i ai talu anamua; e lei ta'ua lou suafa i luga o i latou.

O le tatalo ina ia toe manuia lo latou nuu.

64 E! LE fia masae o le lagi ia te oe, ma ia e afio ifo, ina ia tafe ifo
2 mauga i ou luma. E *pei* o le afi e faamu a'i laau iti, o le afi e pupuna a'i le vai, e faailoa atu lou suafa i e ita ia te oe; e gatete nuu ese i ou
3 luma. Na e faia mea matantia sa le manatua e i matou; na e afio ifo, sa tafe ifo mauga i ou luma.
4 Talu mai le vavau e lei faalogo, e lei lagona *e tati*ga, e lei vaaia e mata se *tasi* atua ua na o oe, na te faia *mea lelei* mo le ua faamoemoe ia te
5 ia. Lua te fetalaia ma le ua olioli ma le ua faia le amiotonu; o e manatua oe i ou ala; faauta, ua e toasa, auā ua agasala i matou; o i ai le faavavau, e faaolaina foi i
6 matou. O i matou nei e tusa ma le mea leaga i matou uma; o a matou amiotonu uma e tusa ia ma le ie o le ma'i; ua mamae i matou uma e *pei* o le lau laau, o a matou amioletonu e *pei* se matagi ua lelea
7 ai i matou. Ua leai foi sē valaau i lou suafa, ua *leai* sē ala mai e taofi atu ia te oe; auā ua 'alo'ou fofoga ia te i matou, ua e liua faasuavai i matou ona o a matou amio leaga.
8 A o lenei, Ieova e, o oe lava lo matou Tamā; o i matou nei o le omea, a o oe. le Tufuga; o le galuega a ou
9 aao i matou uma. Ieova e, aua ne'i faasilisili lou toasa, aua foi ne'i manatua a matou amio leaga e oo i le faavavau; faauta, se'i e sisila mai,
10 o lou nuu i matou uma. O ou aai paia o le vao tuufua lea; o Siona o le vao tuufua lea; o Ieruselema o le mea faatafunaina lea. O lo matou fale paia ma le matagofie sa
11 vivii ai o matou tamā ia te oe, ua

mu lea i le afi; o a matou mea faafiafia uma ua faatafunaina ia. Ieova 12 e, e te taofi ea lou toasa i ia mea? e te le fetalai ea? e te matuā faatiga tele mai ea ia te i matou?

O le finau vale o le nuu na faatigaina ai i latou. O le manuia tele o le a maua.

UA ou faalogo atu i e na le fesili 65 mai; ua maua a'u e i latou na le saili mai ia te au; na ou fai atu i le nuu na le igoa i latou i lo'u igoa, Faauta, o a'u lenei! Ua ou faaloa- 2 loa atu o'u lima i aso uma i le nuu finau vale, o e savavali i le ala e le lelei, e tusa ma o latou lava manatu; o le nuu e faaonoono mai pea lava 3 ia te au i o'u luma, o loo latou fai taulaga i faatoaga, ma latou faamu mea manogi i luga o maaomea; ua 4 latou nonofo i tuugamau, ua atoa le po o i ai i latou i mea lilo; ua latou aai i tufaaga o puaa; o le sua foi o mea leaga ua i a latou ipu ia; o e 5 fai ane, Alu ese oe; aua e te faalatalata mai ia te au, auā e sili ona paia o a'u ia te oe. O i latou ia o le asu i lo'u isu; o le afi e mu i aso uma. Faauta, ua tusia le upu i o'u 6 luma; ou te le faalologo, a e peitai ou te faui atu, ou te faui atu lava i o latou fatafata, o a outou amio 7 leaga, faatasi ma le amio leaga a o outou tamā, ua fetalai mai ai Ieova, o i latou e na faamuina mea manogi i luga o mauga, ma latou faifaia a'u i luga o mea manualuluga; ou te 8 fuatia atu foi a latou amioga anamua i o latou fatafata.

O loo faapea ona fetalai mai o Ieova, E *pei* ona maua o le suāvine i le fuifui vine, ona latou fai ane lea, Aua le faamaumauina, auā o loo i ai le manuia; e faapea ona ou faia ona o a'u auauna, e le faamaumauina i latou uma. Ou te faatu- 9 puina foi le fanau ia Iakopo, mai ia Iuta foi le na te fai mona o'u mauga; o e na filifilia e a'u latou te fai ia mo latou; o a'u auauna foi latou te nonofo ai. E faia Saronā 10 ma lotoā o lafū mamoe, ma le vanu o Akori e faia lea ma mea e taoto ai lafū manu, mo lo'u nuu e na saili mai ia te au.

A o outou o e lafoai ia Ieova, ma 11

faagalogo i lo'u mauga paia; o e
 12 laulau le 'ai mo Kato, ma faatumu
 te taulaga i mea e inu mo Meni, ou
 te faitauna atu outou mo le pelu,
 tou te punonou uma lava ia fasia;
 auā na ou valaau, a ua outou le tali
 mai; na ou fai atu, a ua outou le
 faalogo mai; ua outou faia foi le
 mea ua leaga ia te au, ma outou
 13 filifilia le mea ou te le fasia i ai;
 o le mea lea, o loo faapea ona fetala
 lai mai ai o le Alii o Ieova, Faauta
 mai, e aai a'u auauna, a o outou
 tou te fia aai; faauta, e feinu a'u
 auauna, a o outou tou te fia inu;
 faauta, e olioli a'u auauna, a o outou
 14 tou te mamā; faauta, e alalaga a'u
 auauna ona o le loto fiasia, a o outou
 tou te faataio ona o le loto tiga, ma
 outou uio ona o le loto momomo.
 15 E tuu foi o outou igoa e fai a'i
 fetuu a e ua filifilia e a'u; e fasiotia
 foi outou e le Alii o Ieova; a e faa-
 igoa e ia o ana auauna i se tasi igoa.
 16 O lē faamanuia o ia e ia i le nuu na
 te faamanuia o ia ia te ia i le Atua
 e faamaoni; ma le na te tauto i le
 nuu e tauto o ia i le Atua e faama-
 oni; auā ua galo muai puapuaga,
 17 auā foi ua lilo ia mea ia te au. Auā
 faauta mai, ou te faia le lagi fou ma
 le lalolagi fou; e le toe manatua
 mea na muamua, e le alu ae foi i le
 18 loto. A e peitai ia outou olioli ma
 fiasia e faavavau i le mea ou te faia;
 auā faauta, ou te faia Ierusalem
 ma faafiasia, *ou te faia* foi lona nuu
 19 ma faaolioli. Ou te fiasia foi i
 Ierusalem, ma a'u olioli i lo'u nuu;
 e le toe lagona ai le leo o sē tagi,
 20 ma le leo o sē alaga. E le toe i ai i
 lea mea le tama meamea, po o le
 toaina ua le atoatoa ona aso; auā
 e oti le taulealea ua selau ona tau-
 saga; a o le ua agasala ua selau ona
 21 tausaga, e fetuuina o ia. Latou te
 faia fale, ma latou mau ai; latou te
 totō tovine, ma latou aai i o latou
 22 fua. Latou te le fai *fale* ina ia mau
 ai nisi; latou te le totō ina ia 'ai
 ai nisi; auā e pei o aso o le laau
 aso o lo'u nuu; e uma lava i e ua
 filifilia e a'u o mea na faia e o latou
 23 lima. Latou te le galulue fua, latou
 te fananau, *a e le tupu ai* le atuatu-
 vale; auā o le fanau ua faamanuia
 e Ieova i latou, atoa ma i latou e

tutupu mai ia te i latou. A o lei 24
 valaau lava i latou, ou te tali atu; a
 o tautala mai i latou, ou te faalogo
 atu lava. E aai faatasi le luko ma 25
 le tamai mamoe, e 'aina 'au o saito
 e le leona e pei o le povi; a o le
 gata e fai mana mea e 'ai le efu-
 efu; latou te le faia se mea leaga,
 latou te le faaumatia foi se mea i
 lo'u mauga paia uma lava, ua fetalai
 mai ai Ieova.

*Ua aoiaina ē finau vale. E manuia
 Siona.*

O LOO faapea ona fetalai mai o 66
 Ieova, O le lagi o lo'u nofoa lea, o
 le lalolagi o le mea e tu ai o'u vae
 lea; o ifea le fale tou te faia mo
 a'u? o ifea foi le mea ou te malolo
 ai? Na faia ia mea uma e o'u lima; 2
 sa i ai lava ia mea uma, ua fetalai
 mai ai Ieova; a o lenei le *tagata* ou
 te vaai i ai, o le ua faamaulo ma
 le loto tiga, o le ua gatete foi i la'u
 upu.

O le ua fasi le povi, o le fasi 3
 tagata lea; o le ua fai taulaga i le
 tamai mamoe, o lē vaea le ua o le
 uli lea; o le ua faia le taulaga i mea
 e 'ai, *ua faitaulaga* lea i le toto o le
 puaa; o le ua fai le faamanatuga i
 le pulu lipano, o le faamanū lea i le
 tupua; o i latou nei foi, ua latou
 filifilia o latou lava ala; ua fiasia foi
 o latou loto i a latou mea inosia. O 4
 a'u foi, ou te filifili i mea latou te
 tiga ai, ou te faaoo foi ia te i latou
 o mea latou te fefefe ai; auā na ou
 valaau, a ua leai se na tali mai; na
 ou fai atu, a ua latou le faalogo
 mai; ua latou faia le mea leaga i
 o'u luma, ua latou filifilia foi le mea
 ou te le fasia i ai.

Faalogo mai ia i le upu a Ieova, 5
 outou o e gatete i lana upu, O outou
 uso, o e 'ino'ino ia te outou, ma
 tutuli ia te outou ona o lo'u igoa, ua
 latou fai ane, Ia viia Ieova; matou
 te vaia foi lo outou olioli, a e mamā
 lava i latou.

O le leo o le vāvāō mai le aai! o 6
 le leo mai le malumalu! o le siufo-
 foga o Ieova, o loo tau ai le tau i
 e ita ia te ia. Ua ia fanau mai a o 7
 lei faamāsuisui; na ia fanau mai le
 tama tane a o lei oo ina faatiga. O ai 8
 ea ua faalogo i se mea faapena? O

- ai ea ua vaai i ni mea faapena? E faatiga ea se nuu i le aso e tasi? E fanaua mai loa ea se nuu? auā na faatiga, ua fanaua mai foi Siona
- 9 ana tama tane. Ou te faafaatiga, a ou te le faafanau ea? ua fetalai mai ai Ieova; ou te faafanau, ma a'u punitia? ua fetalai mai ai lou Atua.
- 10 Ia fiafia faatasi ma Ieruselema, ma ia olioli ia te ia outou uma o e alolofa ia te ia; ia matuā olioli faatasi ma ia, outou uma sa faanoanoa
- 11 ona o ia; ina ia outou fesusui, ma ia malilie i le susu o lona faamafanafana mai; ina ia matuā fesusui lava, ma ia outou fiafia i le tele o
- 12 lona mamalu. Auā o loo faapea ona fetalai mai o Ieova, Faauta, ou te faatupuina le manuia ia te ia e pei o se vaitafe, ma le mamalu o nuu ese e pei o le alia ua oso i tua; tou te fesusui foi; e afisi outou i lona itu, e faaolioliina foi i ona vae.
- 13 E pei o le tagata ua faamaiseina e lona tinā, e faapea ona ou faamaise ia te outou; e faamaiseina lava
- 14 outou i Ieruselema. Tou te vaaia foi, e olioli ai o outou loto, e tupu olaola foi o outou ivi e pei o le vao mu'a; e iloa le aao o Ieova e ana auauna; a e matuā toasa o ia i e ita
- 15 ia te ia. Auā faauta, e afio mai Ieova i le afi, e pei o le asiosio foi ona nofoa faataavalevale, ina ia faafoi atu lona tiga i le toasa, ma lana
- 16 aoaiga i le mumū o le afi. Auā e faasala Ieova i tagata uma i le afi atoa ma lana pelu; e tele foi le fasi a Ieova.
- 17 O e latou te faasaina i latou lava, ma latou faamamāina i latou lava i faatoaga, o loo mulimuli i le tasi i totonu, o e aai i tufaaga o puaa, ma le mea e inosia, ma le imoa, e fano faatasi i latou, ua fetalai mai ai Ieova. A o a'u, ua oo mai i o'u
- 18 luma a latou galuega ma o latou manatu, e faapotopotoina ai o nuu ese uma ma gagana; latou te o mai ma latou iloa lo'u mamalu. Ou te
- 19 tuuina atu foi ia te i latou le faailoga; a o i latou ua sao, ou te auina atu ni o latou i nuu ese, o Tasesa, ma Pula, ma Luti, o e lolo'u le au-fana, o Tupalu ma Iavana, o nuu tu matafaga e mamao, o e ua le lagona le tala ia te au, ma latou le iloa lo'u mamalu; latou te ta'u atu foi lo'u mamalu i nuu ese. Latou te aumaia
- 20 foi o outou uso uma mai nuu uma, o le taulaga ia Ieova, i luga o solofanua, ma nofoa faataavalevale, ma fata, ma falata, ma kamela i lo'u mauga paia o Ieruselema, ua fetalai mai ai Ieova; e pei ona aumaia e le fanauga a Isaraelu o le taulaga i le
- 21 ipu mamā i le fale o Ieova. Ou te aumaia foi ni o latou e fai ma faia-
taulaga e fai foi ma sa Levī, ua fetalai mai ai Ieova. Auā e pei ona
- 22 tumau i o'u luma o le lagi fou ma le lalolagi fou ou te faia, ua fetalai mai ai Ieova, e faapea ona tumau o a outou fanau ma lo outou igoa. O
- 23 lea masina faatoa vaaia, ma lea masina faatoa vaaia, o lea sapati ma lea sapati e o mai ai tagata uma lava e ifo mai i o'u luma, ua fetalai mai ai Ieova. Latou te o atu foi,
- 24 ma latou matamata i tino o tagata oti ē sa fouvale ia te au; auā e le mamate o latou ilo, e le tineia foi lo latou afi; e inosia foi i latou e tagata uma lava.

O LE TUSI A
LE PEROFETA O
I E R E M I A .

*O le tofia o Ieremia e le Atua e fai
ma perofeta.*

1 O UPU a Ieremia, le atalii o
Hilikia, o le tasi o le au faitaulaga,
o e na i Anatota i le nuu o Penia-
2 mina. Na oo mai le afiga a Ieova
ia te ia i ona po o Iosia, le atalii o
Amona, le tupu o Iuta, i le tausaga
e sefulu ma le tolu o lana nofoaiga.
3 Na oo mai foi i ona po o Ioakima,
le atalii o Iosia, le tupu o Iuta, ua
oo i le gataaga o le tausaga e sefulu
ma le tasi o Setekaia le atalii o
Iosia, le tupu o Iuta, ua oo foi i le
tafeaga o Ierusalemia i le lima o
4 masina. Na oo mai ia te au le afiga
5 a Ieova, ua faapea mai, Na a'u
iloa oe a o lei faia oe e a'u i le ma-
nava; na a'u faapaiaina oe a o lei
fanau mai oe, na a'u tofia oe e fai
6 ma perofeta i nuu. Ona a'u fai atu
ai lea, Aue, le Alii e Ieova, faauta,
ou te le iloa ona tautala, auā o a'u
7 o le tama itiiti. Ona fetalai mai ai
lea o Ieova ia te au, Aua e te faa-
pea, O a'u o le tama itiiti; auā o i
latou uma ou te auina atu i ai oe, e
te alu lava i ai, o mea uma foi ou te
fai atu ai ia te oe, e te fai atu ai
8 lava. Aua e te fefe ia te i latou;
auā ou te ia te oe e laveai ia te oe,
9 ua fetalai mai ai Ieova. Ona faa-
loaloa ai lea e Ieova o lona aao, ua
pai mai i lo'u gutu; ua fetalai mai
foi Ieova ia te au, Faauta, ua ou
10 tuuina atu a'u upu i lou gutu. Faa-
uta, ua ou tofia oe i le aso nei e pule
i nuu ma malo, ina ia e liaiina, ma
lepetia, ma faaumatia, ma sōloia, ia
faatuina foi ma totōina.

11 Na oo mai foi le afiga a Ieova ia
te au, ua faapea mai, Ieremia e, o le
a ea le mea ua e vaai i ai? Ona ou
fai atu lea, Ou te vaai atu i le laau

o le sekati. Ona fetalai mai ai lea 12
o Ieova ia te au, Ua lelei lau vaai;
auā ou te mataala ina ia faia a'u
upu. Na oo mai foi le afiga a Ie- 13
ova ia te au, o le atu lua lea, ua
faapea mai, O le a ea le mea ua e
vaai i ai? Ona ou faapea atu lea,
Ua ou vaai atu i le ulō ua alu ae ai
le ausa, o lona gutu foi ua faasaga
mai mai le itu i matu. Ona fetalai 14
mai ai lea o Ieova ia te au, O le itu
i matu e oso mai ai le leaga i luga o
i latou uma lava o e nonofo i le
nuu. Auā faauta, ou te valaau i 15
aiga uma lava o malo i le itu i matu,
ua fetalai mai ai Ieova; e o mai foi
i latou, ma latou taitasi ma tuu lona
nofoālii i puipui o faitotoa o Ierusa-
lema, e lata ane foi i ona pa uma ua
soo ai, e lata ane foi i aai uma o
Iuta. Ou te faasala foi ia te i latou 16
i a latou amio leaga uma, o e ua
tuuā a'u, ma latou faamu mea ma-
nogi i atua ese, ma ifo atu i mea na
faia i o latou lava lima. A o oe, 17
ina fusi ia i lou sulugatiti, ma tulai
atu, ma fai atu ia te i latou mea
uma ou te fai atu ai ia te oe; aua e
te mata'u ia te i latou, ina ne'i ou
faamatauina oe i o latou luma.
Faauta foi, o a'u nei ua ou faia oe 18
i le aso nei ma aai nofo 'olo, ma pou
uamea, ma pa 'apa memea e tetee-
ina ai le nuu uma, o tupu o Iuta,
ma ona alii, ma faitaulaga, ma ta-
gata o le nuu. Latou te sii mai le 19
taua ia te oe, a e latou te le manu-
malo ia te oe; auā o a'u ou te ia oe
e laveai ia te oe, ua fetalai mai ai
Ieova.

O le aoaiga a le Atua ia Isaraelu.

NA oo mai foi le afiga a Ieova 2
ia te au, ua faapea mai, Ina alu ia 2
oe, ma e valaau atu i Ierusalemia, ia

- faapea atu i ai, O loo faapea ona fetalai mai o Ieova, Ou te manatua oe, o lou agalelei mai ina o e teine muli, ma lou alofa i ona po sa e faufautane ai, ma lou mulimuli mai ia te au i le vao, o le nuu e le totō-
- 3 ina ai ni mea. O Isaraelu sa paia o ia mo Ieova, o le faapolopolo o ia o ana mea e tutupu. E agasala i latou uma o e aai ai, e oo lava ia te i latou le leaga, ua fetalai mai ai
- 4 Ieova. Le aiga o Iakopo e, ma itu aiga uma o le aiga o Isaraelu, ina faalogologo mai ia outou i le afiga
- 5 a Ieova. O loo faapea ona fetalai mai o Ieova, Se a ea se amioletonu na iloa ia te au e o outou tamā, ina ua latou ō mamao ia te au, ma ua latou mulimuli atu i mea faatauvaa,
- 6 ma ua amio faatauvaa i latou? Ua le fai ane foi i latou, Po o fea o i ai Ieova, o le na aveina ae i tatou nai le nuu o Aikupito, ma na tā'ita'i ia te i tatou i le vao, o le nuu naumati e tele ai lua, o le nuu e lailoa ai tagata, ua i ai foi le ata o le oti, o le nuu foi e le uia e tagata, e leai foi
- 7 se tagata e mau ai? Na a'u faaooina mai foi outou i le fanua lafulemu, ina ia outou aai ai i ona fua ma ana mea lelei; ua outou o mai foi i lo'u nuu, ona leaga ai lea ia te outou, ma outou faia lo'u tofi ma mea e inosia. E lei fai ane faitaulaga, Po o fea o i ai Ieova? e lei iloa foi a'u e i latou o e a'oa'o i le tulafono; o le au leoleo mamoe ua latou foua a'u, o perofeta foi ua latou vavalo i le igoa o Paala, ma latou mulimuli atu i mea e le aoga. O le mea lea ou te toe finau ai lava ma outou, ua fetalai mai ai Ieova, ou te finau ma le fanau a outou fanau.
- 10 Auā ia o atu outou i nuu tu matafaga o Kitimo, ma vaavaai i ai; ma ia outou aauina atu nisi i Kitara, ma ia outou matuā mafaufau, ma vaavaai pe ai se mea e pei o lenei
- 11 mea. Po ua suia ea e se nuu o latou atua, a e le ni atua ia mea? A o lo'u nuu ua suia lo latou mamalu
- 12 i le mea e le aoga. Le lagi e, ina ofo ia i lenei mea, ia gatete lava, ma ia matuā fememeai, ua fetalai
- 13 mai ai Ieova. Auā e lua mea leaga ua faia e lo'u nuu; ua latou tuua a'u le puna o le vai ola, a ua latou
- eli mo i latou o vaieli, o vaieli mā-
vaevae e le tali ai ni vai.
- O le pologa ea Isaraelu? Na 14
fanau ea o ia i le aiga? Se a le
mea ua avea ai o ia ma tagata o
taua? Ua fetagisi atu ia te ia o 15
leona taanoa, ua leo tele i latou,
ma ua latou faatafunaina lona nuu;
ua susunuina foi ona aai, ua leai se
nifo ai. O le fanau a Nafi ma Ta- 16
penesa, o i latou lava latou te 'aina
lou tumuai. Ua e le faia ea lenei 17
mea ia te oe lava, ina ua e tuua Ie-
ova lou Atua i ona po na tā'ita'iina
ai oe e ia i le ala? O lenei, se a ea 18
sau mea e fai i le ala o Aikupito, e
te inu ai i le vai i Seora? Se a foi
sau mea e fai i le ala o Asuria, e te
inu ai i le vai o le vaitafe? E aoi 19
ia te oe lau lava amio leaga, e faa-
sala foi ia te oe ou liliu ese; o lenei,
ia e iloa, ma ia e manatu, auā o le
mea leaga ma le oona ina ua e tuua
Ieova lou Atua, ma ua e le mata'u
ia te au, ua fetalai mai ai le Alii o
Ieova o 'au. Auā talu anamua na 20
ou gauia lau amo, ma ou motusia
ou noanoaga; ona e fai mai ai lea,
Ou te le auauna atu; i le ua e tao-
to i luga o mauga mauaululuga uma,
ma lalo o laau lauolaola uma, ua e
mulilua ai. O a'u foi na ou totōina 21
oe o le vine Soreka, o le fua e ma-
tuā moni lava; ua faapefea foi ona
liua o oe ia te au ma lālā leaga o le
vine ese? Auā e ui lava ina e fu- 22
fulu ia te oe i le neteri, ma e avane
ai le moli e tele, ua tusia lau aga-
sala i o'u luma, ua fetalai mai ai le
Alii o Ieova. Pe faapefea ona e fai 23
mai, Ou te lei leaga, ou te lei muli-
muli atu ia Paala? Ina vaavaai atu
ia i lou ala i le vanu, ia iloa le mea
na e faia; o le kamela fafine muli
e tele vave ua femo'eai i ona ala, o 24
le asini o le vao ua masani ma le
vao, o le manao o lona loto ua ia
sogisogi ai le matagi; o ai se na te
mafaia ona faafoi ia te ia ai lona
manao? E le tigaina so latou o e
sailili ia te ia, latou te maua o ia i
lona masina. Taofi ia ou vae ne'i 25
le faaseevaeina, ma lou gutu ne'i
fiainu; a ua e fai mai, E le aoga; e
leai lava, auā ua ou loto i tane ese,
ou te mulimuli foi ia te i latou. E 26
pei ona mā o le gaoi ina ua maua o

ia, e faapea ona faamaina o le aiga o Isaraelu, o i latou, *ma* o latou tupu, *ma* o latou alii, *ma* o latou ositaulaga, *ma* o latou perofeta; 27 o e fai atu i le laau, O lo'u tamā oe; *ma* le maa, Ua e fanaua mai a'u; auā ua latou u mai ia te au o latou tua, a e le o latou mata; a o ona po o lo latou malaia e fai mai ai i latou, Ia e tulai mai, *ma* 28 faaola ia te i matou. A o ifea ea ou atua na e faia mo oe? Ina tulai ia o i latou, pe a mafaia e i latou ona faaola ia te oe i ona po o lou malaia; auā, Iuta e, o le tau aofai o ou aai o *le tau aofai* lea o ou atua. 29 Se a le mea tou te finau mai ai ia te au? Ua fouvale outou uma ia te au, ua fetalai mai ai Ieova. Na ou sasaina a outou fanau, a e le aoga; e lei talia e i latou le aoga; ua faaumatia o outou perofeta i la outou lava pelu, e pei o le leona na te faaumatia. 31 Le tupulaga e, ina mafaufau ia outou i le afiga a Ieova. Ua avea a'u ma vao ia Isaraelu? po o se nuu pogisa? Se a foi le mea ua fai mai ai lo'u nuu, Ua sa'oloto i matou, matou te le toe o atu ia te oe? Pe mafai ea e le taupou ona galo o ana teuga? pe *galo* ea i le faatoanofotane o ona fusi? A o lo'u nuu e le masino aso ua galo ai 33 a'u ia te i latou. Se a le mea ua e sauniuni ai lau amio e sailili ina ia manaomia ai oe? O le a foi ua e a'oa'o atu ai ou ala i *fafine* amio 34 leaga. Ua iloa i ou lava pito ofu le toto o le ola o e matitiva e le sala; e le o le matuā saili na ou 35 iloa ai, a ua i ai i ia mea uma. A ua e fai mai, E moni, e liliueseina lona toasa ia te au, auā ou te lei agasala. Faauta, ou te faamasino ia te oe, ina ua e faapea, Ou te lei 36 sala. Se a le mea e te fealuai soo ai e liliu ai lou ala? E masiasi foi oe ona o Aikupito, e pei ona e masi- 37 asi ona o Asuria. E te alu atu foi nai lea mea, *ma* ou lima i luga o lou ulu; auā ua faaleagaina e Ieova o ou faatuatuga, e te le manuia ai lava.

O le agasala tele a Iuta, ma le alofa o le Atua ia te i latou.

FAI mai, Afai e molia e se ta- 3 gata lana avā, *ma* ua alu ese o ia ia te ia, a e fai ma avā a se tasi, e toe alu atu ea o ia ia te ia? E le ma- tuā leaga ai ea lena nuu? A o oe, ua e talitane i tane e toatele, a ia e toe foi mai ia te au, ua fetalai mai ai Ieova. Ina faasaga ae ia ou mata 2 i mauga tula, *ma* vaavaai, po o ifea ea se mea ua e le mulilua ai? ua e lamalama i ala mo i latou, e pei o se tagata Arapi i le vao; ua leaga ia te oe le nuu i lou talitane *ma* lau amio leaga. O le mea lea ua taofia 3 ai le timu, ua lei foi ni timuga mulimuli; a ua ia te oe le muaulu o le fafine talitane, e le mafaia ona faamaina o oe. E te le valaau mai 4 ea ia te au e amata nei lava, Lo'u tamā e, o oe lava le taitai o a'u ina o ou teine muli? E faamoemoe ea lona toasa e faavavau? pe na te tausia pea lava i ai? Faauta foi, ua e tautala, ua e faia foi mea leaga, 5 *ma* e faamalosi i ai.

Na fetalai mai Ieova ia te au i 6 ona po o Iosia le tupu, Po ua e iloa ea le mea ua faia e Isaraelu, le ua liliu ese? Ua alu ia i luga o mauga mauululuga uma, *ma* lalo ifo o laau lauolaola uma, *ma* ua mulilua ai. Na ou fai atu foi ina ua uma ona ia 7 faia o ia mea uma, Ina e toe foi mai ia ia te au; a e lei toe foi mai lava ia, o lona uso faa'ole'ole foi o Iuta na ia iloa atu i ai. Ona ou iloa lea, 8 e ui lava i na mea uma na mulilua ai Isaraelu le ua liliu ese, na ou aleia ai o ia, *ma* ou avatu ia te ia le tusi alei, a ua le fefe lava lona uso faa'ole'ole o Iuta, a ua alu ia ua mulilua foi o ia. Ona o le leaga o 9 lona mulilua ua ia faaleaga ai le nuu, *ma* ua mulilua i maa *ma* laau. A e 10 ui lava i ia mea uma, e lei foi mai ia te au o lona uso faa'ole'ole o Iuta *ma* lona loto atoa, a ua pepelo o ia, o loo fetalai mai ai Ieova.

Ua fetalai mai Ieova ia te au, O 11 Isaraelu ua liliu ese ua sili o ia ona amiotonu ia Iuta le ua faa'ole'ole. Ina alu ia, *ma* e tala'i atu ia upu i 12 le itu i matu, ia faapea atu, Isaraelu e, le ua liliu ese, ina foi mai ia, o

- loo fetalai mai ai Ieova, ou te le
vaai ma le ita ia te outou; auā ou
te alofa lava a'u o loo fetalai mai ai
Ieova, e le tumau *lo'u ita* e faava-
13 vau. Tau ina e iloa lau agasala ua
e fouvale ai ia Ieova lou Atua, ua e
fealuai i *tane* ese i lalo o laau lau-
olaola uma; ua e le faalogo mai foi
i lo'u leo, o loo fetalai mai ai Ieova.
14 Le fanau liliu ese e, ina foi mai ia,
o loo fetalai mai ai Ieova; auā e ui
lava ina ou 'ino'ino ia te outou, a ou
te avea outou, e taitasi i aai ma le
taitoalua i aiga, ma a'u aumaia outou
15 i Siona. Ou te avatu foi ia te outou
leoleo mamoe e tatau ma lo'u loto,
latou te fafaga ia te outou i le potu
ma le faautauta.
- 16 A oo ina faatoateleina outou, ma
faauluolaina i le nuu i ia ona po, o
loo fetalai mai ai Ieova, ona latou
le toe fai ane lea, O le atolaau o le
feagaiga a Ieova; e le toe manatua;
e le toe ta'ua foi; e le asiasia; e le
17 toe faia lava. O ia ona po e ta'ua
ai e i latou o Ierusalem, O le no-
foālii o Ieova; e potopoto nuu ese
uma i le suafa o Ieova i Ierusalem;
latou te le toe savavali foi e tusa
ma le finau vale o latou loto leaga.
- 18 O ona po ia e savavali faatasi ai
le aiga o Iuta ma le aiga o Isaraelu,
e o mai faatasi foi i latou mai le nuu
i le itu i matu, i le nuu na ou foai-
19 ina atu e fai mo outou tamā. A o
a'u, na ou faapea atu, E faapefea
ona ou faatasia oe ma le fanau, ma
avatu ia te oe le nuu lelei, o le tofi
e matagofie, o 'au o atu nuu? Ona
ou faapea ai lea, E te valaau mai ia
te au, Lo'u tamā e; e te le toe liliu
ese foi ia te au. E moni, e *pei* o le
20 fafine ona amio faa'ole'ole i lana
tane, ua faapea ona amio faa'ole'ole
ia te au o outou, le aiga o Isaraelu
21 e, o loo fetalai mai ai Ieova. Na
lagona le leo i luga o mauga tula, o
le tagi *ma* le aioi atu o le fanauga a
Isaraelu; auā na latou faapiopio lo
latou ala, ua galo ia te i latou o Ie-
22 ova lo latou Atua. Ina toe foi mai
ia outou, le fanau liliu ese e, ou te
faamaloloina o outou liliu ese; sila-
sila mai ia te i matou, matou te o
atu ia te oe, auā o oe Ieova lo ma-
23 toul Atua. E moni, e le aoga *ona*
faatuatua i mauga, *ma* le tele o atu
- mauga; e moni, o loo ia Ieova lo
matou Atua ona faaolaina o Isara-
elu. Ua 'aina e le mea e masiasi ai 24
o mea sa tautigaina ai o matou tamā
talua ina o matou o taulelea; o a la-
toulafu mamoe ma a latou lafu
povi, o latou atalii ma o latou afa-
fine. Ua matou taoto ma lo ma- 25
toul masiasi, ua ufitia lava i matou
i lo matou mā; auā ua matou aga-
sala ia Ieova lo matou Atua, o i
matou atoa ma o matou tamā, talu
ina o matou o taulelea ua oo lava i
nei ona po, e lei faalogo foi i matou
i le siufofoga o Ieova lo matou Atua.
- O le apoapoiga o le Atua ia Isara-
elu ma Iuta ia salamo.*
- ISRAELU e, afai e te fia foi 4
nai, ina foi mai ia ia te au, o loo
fetalai mai ai Ieova; afai foi e te
tuueseaa au mea e inosia i o'u luma,
ona e le taase lava lea; e te tauto 2
foi i le faamaoni, ma le amio sa'o,
ma le amiotonu, O loo soifua Ieova;
o nuu ese foi e ta'uamuia i latou e
i latou ona o ia, ma latou mitamita
oua o ia.
- Auā o loo faapea ona fetalai mai 3
o Ieova i tagata o Iuta ma Ierusa-
lema, ina suatia ia lo outou fanua
vaoa, aua foi ne'i lulu a outou saito
i laau tuitui. Ia faaperitomeina 4
outou mo Ieova, ma ave ese le pa'u
o outou loto, outou tagata o Iuta,
ma e o nonofo i Ierusalem; ne'i
alu atu lo'u ita e pei o le afi, *ne'i*
mu foi a e le matineia e se tasi, ona
o le leaga o a outou amioga. Ia 5
outou ta'u atu i Iuta, ma ia outou
faailoa atu i Ierusalem; ia faapea
atu, Ia ilia le pu i le nuu, ia alalaga
tele, ma fai atu ai, Ina faapotopoto
mai ia, se'i tatou o atu ia i aai nofo 6
'olo. Ia faatuina le tagavai i Siona;
ia outou sosola, aua ne'i tutū mai;
auā o a'u ou te aumaia le malaia
mai le itu i matu, ma le olopalaina
e tele. Ua alu ae le leona ai le vao 7
filifili na i ai, o loo faasaga mai foi
le na te faaumatia nuu ese; o loo
sau ia ai le mea sa i ai e faatafua-
ina lou nuu; e fai ma mea tuufua
ou aai, e lei se nofo ai. Ia outou 8
fusi ia te outou i ie talatala ona o
lea mea, ma taufaitagitu'i, ma uio;
auā e le liliueseina ia te i tatou le

9 toasa tele o Ieova. O loo fetalai mai Ieova, O lea aso e matuā vaivai ai le loto o le tupu, ma loto o alii; e segia foi mauili o faitaulaga, ma
10 fememeai perofeta. Ona ou fai atu lea, Aue! le Alii e Ieova, e moni, ua e matuā olegia lenei nuu ma Ierusalem, ua faapea mai, E ia te outou le filemu, a ua oo lava le pelu
11 i le loto. O ia ona po e fai mai ai i lenei nuu ma Ierusalem, O le matagi vevai i mauga tula i le vao, i le ala o le tama fafine a lo'u nuu, a e le *se matagi* e faasavili a'i *saito*,
12 pe faamamā a'i; e oo mai ia te au le matagi e sili ona tele i ia *matagi*; o lenei foi, ou te faasala ia te i la-
13 tou. Faauta, e alu ae o ia e pei o ao, ma ona kariota e pei o le asiosio; e sili ona tele vavave o ana solofanua i aeto; o i talofa ia te i tatou! auā ua faatafunaina i tatou.
14 Ierusalem e, ina fufulu ia lou loto ai le leaga, ina ia faaolaina oe; pe tumau seia afea ou mafaua leaga i totou ia te oe? Auā ua fai mai le leo o le *tasi* mai Tanu, ua faailoa mai foi le malaia mai le
15 mauga o Efaraima. Ia outou fai atu i nuu ese; faauta, ia outou faailoa atu ia Ierusalem; o loo o mai mai le nuu mamao, o e vagaia o ia latou te alalaga foi i aai o Iuta.
17 Latou te siosioina o ia e pei o e leo lea fanua; auā ua ia fouvale ia te
18 au, o loo fetalai mai ai Ieova. O lou ala, ma au amioga ua oo mai ai ia mea ia te oe; o lau amio leaga lenei; auā o le mea oona *lea*, ua oo lava i lou loto.
19 Lo'u manava e, lo'u manava e! ua tiga lo'u loto i totou ia te au; ua tagi lo'u loto; ou te le mafaalologo; auā lo'u agaga e, ua e faalogo i le leo o le pu, *ma* le vāvāo o le
20 taua. Ua alalaga mai, o lea mea ua sofaia ma lea mea ua sofaia; auā ua faatafunaina le nuu uma; ua faafuasei ona faatafunaina o o'u fale ie, *ma* o'u ie puipui i le emo o le mata. Seia afea ona ou iloa ai le tagavai, *ma* ou faalogo atu i le leo o
21 le pu? Auā ua faavalelea lo'u nuu; ua latou le iloa lava a'u; o le fanau vālea lava i latou, e leai foi so latou mafaufau; e popoto i latou i fai mea leaga, a e latou te le iloa ona

fai o mea lelei. Na ou vaai atu i le nuu, faauta, ua tuufua ma le gaogao; *na ou vaai atu i le lagi*, ua leai foi se malamalama. Na ou vaai atu i le atu mauga, faauta foi, ua luluina, ua faagateteina foi o mauga uma. Na ou vaai atu, faauta foi, e leai se tagata, ua lele ese foi manu felelei uma. Na ou vaai atu, faauta foi, o le fanua sa lafulemu *ua avea* ma vao lafua; o ona aai uma foi ua fulisia i luma o Ieova ma lona toasa tele. Auā ua faapea ona fetalai mai o Ieova, E faatafunaina le nuu uma, a ou te le matuā faaumatia.

O le mea lea e faanoanoa ai le nuu, e pouliuli ai le lagi i luga; auā ua ou fai ane, ua ou manatu lava i ai e fai, ou te le salamo ai, ou te le liliu ese ai. E sosola aai uma ona o le vāvāo o e tietie i solofanua ma e fanafana i u; latou te o i le vao matua, ma faeai i luga o papa; e tuua aai uma, e le nofo ai foi se tagata. O oe na foi le ua faatafunaina, se a se mea e te faia? E ui lava ina e ofu oe i *ofu* mūmū; e ui lava ina e teuteu ia te oe i teuga i auro; e ui lava ina masae ou mata i le vali, e te faalalelei fua ia te oe; e inosia oe e i latou sa mananao ia te oe, latou te sailiili foi e fasioti ia te oe. Auā ua ou faalogo i le leo e pei o se fafine ua faatiga, o le tiga e pei o le fafine a fanau mai lana tama ulumatua; o le leo o le tama fafine a Siona; o loo gae ia, o loo faaloaloa e ia ona lima; ua faapea ane, Aue! talofa lava ia te au, auā ua vaivai lo'u loto ona o e fasioti tagata.

O le toasa o le Atua ia Iuta ona o a latou agasala.

IA outou fetaufetuliai i ala o Ierusalem, ma ia vaavaai, ma ia iloa, ma ia outou sailiili i ona malae, pe tou te maua ai se tagata, pe ai se tasi ua ia faia le mea tonu, ma ua taumafai ina ia faamaoni, ona ou faamagaloina ai lea o le aai. E ui lava ina ua latou faapea mai, O loo soifua Ieova; a ua latou tauto pepelo lava. Ieova e, e le *silasila* ea ou fofoga i le ua faamaoni? Ua e sasaina i latou, a ua le tiga i latou; ua e faaumatia i latou, a ua

- latou le mafafai ona talia o le
 aoaiga; ua latou faamaaa o latou
 mata e sili i le papa, ua latou le
 4 mafafai ona toe foi mai. Ona ou
 fai ane ai lea, Ai lava o tagata lau-
 tele i latou, e valelea i latou; auā
 latou te le iloa le ala o Ieova, *ma* le
 5 faamasinoga a lo latou Atua. Ou
 te alu lava a'u i alii, ou te tautala
 atu ia te i latou; auā o i latou ua
 latou iloa le ala o Ieova, *ma* le faa-
 masinoga a lo latou Atua; a e pei-
 tai o i latou, ua latou gausia lava le
 amo, *ma* latou motusi ese i noa-
 6 noaga. O le mea lea e oti ai i latou
 i le leona mai le vao, e fano i latou
 i le lukō o le afiafi; e lamalama le
 nameri i o latou aai; o i latou uma
 e o atu ai e saeia lava i latou; auā
 7 ua tele o latou solitulafono, ua atu
 lasi o latou liliu ese. E faapefea
 ona ou faamagalo ia te oe i lenei
 mea? Ua tuua a'u e lau fanau, a
 ua latou tauto i *mea* e le ni atua;
 na ou fafaga ia te i latou ua ma-
 oona, a ua latou mulilulua ma latou
 faapotopoto atu i le fale o le fafine
 8 talitane. Ua ni solofanua poa e
 pepeti i latou i le taeao, ua latou
 taitasi ma tāgi i le avā a lē la te
 9 tuaoi. Ou te le tauī atu ea *ia te i*
latou ona o ia mea, o loo fetalai mai
 ai Ieova; e le tauī atu ea ma sui e
 10 lo'u agaga i le nuu faapena? Ina
 aea ia e outou o ona pa, ma outou
 lepetia ai; a e aua tou te matuā
 faaumatia; ina aveeseina ia ona
 mcemoe, auā e le o a Ieova ia.
 11 Auā ua matuā amio faa'ole'ole mai
 ia te au le aiga o Isaraelu, ma le
 aiga o Iuta, o loo fetalai mai ai
 12 Ieova. Ua latou faafiti ia Ieova,
 ma latou fai atu, E leai o ia; e le
 oo mai foi ia te i matou se leaga, o
 le iloa foi e i matou le pelu, po o le
 13 oge; e faia foi perofeta ma matagi,
 e leai foi se upu ia te i latou; e
 14 faapea ona faia ia te i latou. Lenei
 la, o loo faapea ona fetalai mai o
 Ieova, le Atua o 'au, Ua outou fai
 mai lenei upu, faauta mai, o le mea
 lea ou te fai ai a'u upu i lou gutu
 ma afi, *e fai* foi lenei nuu ma fafie,
 15 e susunuina lava i latou. Faauta,
 le aiga o Isaraelu e, o loo ou aumaia
 se nuu ai le mea mamao e tau ma
 outou, o loo fetalai mai ai Ieova; o
- le nuu malosī lea, o le nuu o le
 vavau, o le nuu foi tou te le iloa la.
 latou gagana, tou te le lagona foi
 se mea latou te fai mai ai. O la 16
 latou utu u fanafana e pei o se tuu-
 gamau ua faamaga; o toa i latou
 uma. Latou te 'aina lau saito ma 17
 au mea e 'ai, o mea e 'ai ia a ou
 atalii ma ou afafine; latou te 'aina
 au lafu mamoe ma au lafu povi;
 latou te 'aina ou vine ma ou mati;
 latou te faatafunaina i le pelu cu
 aai nofo 'olo ua e faatuatua i ai. A 18
 o ia ona po ou te le matuā faaum-
 atia ai outou, o loo fetalai mai ai
 Ieova. A outou fai mai, Ona o le a 19
 ea ua faia e Ieova lo tatou Atua o
 ia mea uma ia te i tatou? Ona e
 fai atu ai lea ia te i latou, E pei ona
 outou tuua o a'u, ma outou auauna
 i atua ese i lo outou nuu, e faapea
 foi ona outou auauna atu i *tagata*
 ese i le nuu e le o lo outou.
 Ina ta'u atu ia lenei mea i le aiga 20
 o Iakopo, ma faailoa atu ai i Iuta,
 ia faapea atu, Ina faalogologo mai 21
 ia i lenei mea, o outou le nuu vālea
 ma le le mafaufau; e fai o latou
 mata, a e le vaai i latou; e fai foi o
 latou taliga, a e le faalogo i latou.
 22 Tou te le fefefe ea ia te au? o loo
 fetalai mai ai Ieova; tou te le
 gatete ea i o'u luma? o a'u na ou
 tuuina le oneone e fai ma tuaoi o
 le sami; o le tulafono e faavavau
 lea, e le masopoia; e ui ina fāti
 tetele mai ona galu, e le mafaia
 lava; e ui ina taalili mai, e le maso- 23
 poia lava. A o lenei nuu, ua i ai le
 loto vaogata ma le fouvale; ua liliu
 ese i latou, ma ua latou o. Ua latou 24
 le fai ifo foi i o latou loto, Se'i tatou
 matatau ia Ieova lo tatou Atua, o
 le na te foai mai le ua, o le uaga
 muamua ma le uaga mulimuli i ona
 lava aso; o le na te tausia foi mo i
 tatou ona vaiasosa ua atofaina e fai
 ai le seleselegāsaito.
 O a outou amio leaga ua liliu- 25
 eseina ai ia mea; o a outou agasala
 foi ua taofia ai mea lelei ai ia te
 outou. Auā ua i ai i lo'u nuu o 26
 tagata amio leaga; ua latou lama-
 lama e pei ona faapuga o e maillei
 manu; ua latou tuu le maillei, ua
 latou maua tagata. E pei ona tumu 27
 o le āoa i manu felelei, e faapea ona

tutumu o latou fale i le tau'ole'ole ;
 o le mea lea ua faasilisillina ai i
 28 latou, ma faatamaoigaina ai. Ua
 puputa i latou, ua usiusi; ua sili-
 musa i latou ona fai amio leaga; ua
 latou le fai le finauga, o le finauga
 lava a le ua aumatua, a ua manuia i
 latou; o le faamasinoga foi a e
 matitiva ua latou le faamasinoina.
 29 Ou te le tau i atu ea ia te i latou
 ona o ia mea? o loo fetalai mai ai
 Ieova; e le tau i atu ea ma sui e lo'u
 30 agaga i le nuu faapena? Ua faia i
 le nuu le mea e ofo ai ma le inosia;
 31 ua vavalo le au perofeta i mea
 pepelo, ua pule foi le au faitaulaga
 ma le usiusitai ia te i latou; ua loto
 foi lo'u nuu ina ia faapea; ia, se a
 se mea tou te faia i ona iuga?

*O le valoaga i le tana o le a sii atu i
 Iuta; ma le finau vale o le nuu.*

6 O OUTOU le fanauga a Penia-
 mina e, ia outou sosola nai totonu o
 Ierusalem; ia outou ilia le pu i
 Tikoa, ma faatu le faailoga i luga o
 Peteakarema; auā o loo faasaga
 mai le malaia ma le olopalaina e
 2 tele mai le itu i matu. Ou te faa-
 umatia le tama fafine a Siona, o le
 ua matagofie ma le faapelepeleina.
 3 E o mai ia te ia leoleo mamoe ma a
 latoulafu; latou te faatuina o latou
 fale ie e faataaliolio ai ia te ia; o
 mamoe latou te taitasi ma 'ai i le
 4 mea e nofo ai. Ina sauniuni ia e
 sii atu i ai le taua; tulai ia, ina
 tatou o ae i le aoauli. Oi talofa ia
 te i tatou! auā ua faliu le la, ua
 5 lafoia ata i le afafi. Tulai ia, ina
 tatou o ae i le po, ma tatou faa-
 umatia ona maota.
 6 Auā o loo faapea ona fetalai mai
 o Ieova o 'au, Ina ta mai ia laau, ma
 tanu ai le mea mautietie e tau ma
 Ierusalem; o le aai lea e faasala-
 laina; ua i totonu ia te ia o sauaga
 7 uma. Epei ona puna mai o le punā-
 vai lona suāvai, e faapea ona faa-
 punaia mai e ia o lona leaga; ua
 lagona i totonu ia te ia le faasaua
 ma le faatafunaga; ua i ai pea i o'u
 8 luma le ma'i ma le manua. Ieru-
 salema e, ia e talia le aoaiga, ina
 ne'i te'a ese lo'u loto ia te oe; ina
 ne'i ou faia oe ma faatafunaga, o le
 9 nuu e le āina. Ua faapea ona feta-

lai mai o Ieova o 'au, E faapei ona
 latou matua' aoa o i le vine, e faapea
 foi i e o totoe i Isaraelu; ina toe
 tuu mai ia lou lima, e pei o le ua
 tau vine ona toe tuu mai lona lima i
 ato. Po o ai ea ou te fai atu i ai, ma
 10 aoai atu i ai, ina ia latou faalogo
 mai? Faauta, e lei peritomeina o
 latou taliga, e le mafaia e i latou
 ona faalogo mai; faauta, ua fai le
 afioga a Ieova ma mea e tauemu i
 ai i latou; ua latou le fiafia i ai. O
 11 le mea lea ua tumu ai a'u i le toasa
 o Ieova; ua ou le lavā faatoatoa;
 ou te liligi ifo ai i luga o tama iti i
 fafo, e faatasi foi ma le faapoto-
 potoga o taulelea; e maua foi le
 tane atoa ma lana avā, o le toeaia
 atoa ma le ua tuu tulu'i ona tau-
 saga. E avea o latou fale mo nisi,
 12 atoa foi ma fanua, ma avā; auā ou
 te faaloaloa lo'u lima i luga o e
 nonofo i le nuu, o loo fetalai mai ai
 Ieova. Auā o latou tagatānuu atoa
 13 ma o latou alii ua matapeapea i oloa
 i latou uma; o perofeta foi atoa ma
 ositaulaga ua amio pepelo i latou
 uma. Ua latou fofa faatauva le
 14 manua o le tama fafine a lo'u nuu,
 ua faapea ane, E manuia, e manuia;
 a e leai se manuia. Ua latou mamā
 15 ea ona o le mea inosia ua latou faia?
 ua matua le mamā lava i latou, ua
 latou le iloa lava le masiasi; o le
 mea lea e pauu ai i latou faatasi
 ma e ua pauu; o ona po ou te asiasi
 ai ia te i latou, latou te tausuai ai,
 o loo fetalai mai ai Ieova. O loo faa-
 16 pea ona fetalai mai o Ieova, Ia
 outou tutū i ala, ma vaavaai, ma
 fesili i ala o le vavau, po o i fea le
 ala lelei, ma ia outou savavali ai,
 ona maua lea e outou o le malolaga
 mo outou agaga. A ua latou fai
 mai, Matou te le savavali i ai. Ua
 17 ou tofia foi tagata vaai mo outou, o
 e ua faapea mai, Ina faalogo ia i le
 leo o le pu. A ua latou fai mai,
 Matou te le faalogo i ai.

O lenei, ina faalogologo mai ia
 18 outou nuu ese, ia outou iloa foi o
 outou le faapotopotoga, le mea e ia
 te i latou. Le lalolagi e, ina faa-
 19 logologo mai ia, faauta, o a'u nei ou
 te faaooina atu le malaia i lenei nuu,
 o le fua'o latou lava mafaufauga,
 auā ua latou le faalogo i a'u upu; o

20 Ia'u tulafono foi ua latou lafoaiina
 lea. Se a le mea ua au mai ai ia te
 au pulu lipano mai Seepa, ma kani
 manogi mai le nuu mamao? O a
 21 outou taulaga mu e le talia ia, ma a
 le mea lea ua faapea ona fetalai mai
 ai o Ieova, Faauta, ou te tuuina atu
 i luma o lenei nuu o mea e tausuai
 ai, e tausuai ai tamā faatasi ma o
 22 latou atalii; e fano foi le tagata
 atoa ma lana uo. Ua faapea ona
 fetalai mai o Ieova, Faauta, o le a o
 mai tagata mai le nuu i le itu i
 23 matu, o le a lagaina mai le nuu tele
 mai tuluiga o le lalolagi; latou te
 tagofia le aufana ma le tao; ua saua
 i latou, ma latou le alolofa; e taalili
 o latou leo e pei o le sami; ua latou
 tietie foi i solofanua, ua sauniuni e
 24 pei o tagata i le taua, latou te tau
 ma oe, le tama fafine a Siona e. Ua
 tatou lagona le tala i ai; ua vaivai
 ai o tatou lima; ua maua i tatou i
 le puapuga, o le tiga e pei o le
 25 fafine o le a fanau mai. Aua tou te
 o i le fanua, aua foi le ui ane i le
 ala; auā ua i ai le pelu a le ua ita
 26 mai, ma le mata'u i itu uma. Le
 tama fafine a lo'u nuu e, ia e fusi ia
 te oe i le ie talatala, ma ia e taafili
 i le lefulefu; ia e faanoanoa e pei ona
 faanoanoa se tasi i lona atalii e toa-
 tasi, o le tagitu'i lotulotu; auā e
 faafuasei ona oo mai ia te i tatou le
 na te faatafunaina.
 27 Ua ou tofia oe o le tofotofa i lo'u
 nuu, o le 'olo, ina ia e iloa, ma tofo-
 28 tofo i lo latou ala. Ua matuā vaoga-
 tata i latou uma; ua feoai i latou
 ma feaveaveai; o 'apa memea ma
 uamea i latou; o i latou uma ua
 29 latou faataumaai mea. Ua mu le
 tapili, ua faaumatia le pulu i le afi;
 o lē fai mea uamea na te faa-
 teaseina fua le otaota; auā e le
 30 faateaseina tagata amio leaga. E
 ta'ua i latou o ario ua lafoaiina, auā
 ua lafoaiina i latou e Ieova.

*O le aoaiga a le Atua i le nuu ina ia
salamo i latou.*

7 O LE afioga na oo mai ia Ieremia
 2 mai Ieova ua faapea mai, Ina tulai
 ia i le faitotoa o le fale o Ieova, ma
 tala'i atu ai lenei upu, ia faapea atu,
 Ina faalogologo mai ia i le afioga a

Ieova, o outou o Iuta uma, o e ulu
 mai i nei faitotoa e ifo atu ai ia
 Ieova. O loo faapea ona fetalai mai
 3 o Ieova o 'au, le Atua o Isaraelu, Ia
 outou sauni lelei i o outou ala ma a
 outou amio, ona ou faatumauiina ai
 4 lea o outou i lenei mea. Aua tou te
 faatuatua i upu pepelo, o loo faapea,
 O le malumalu o Ieova, O le malu-
 malu o Ieova, O le malumalu o Ieova
 lenei. Auā afai tou te matuā sauni
 5 lelei i o outou ala ma a outou amio;
 afai foi tou te matuā faia le faa-
 masinoga i le tasi tagata ma le tasi
 tagata; *afai foi* tou te le faasana
 6 atu i le tagata ese, *ma* le ua auma-
 tuā, ma le fafine ua oti lana tane,
 ma outou le faamaligi le toto o e ua
 le sala i lenei mea, ma outou le
 mulimuli atu i atua ese e i ai le
 malaia; ona ou faatumauiina ai lea o
 7 outou i lenei mea, o le nuu na ou
 foaiina atu i o outou tamā e faa-
 vavau faavavau lava.

Faauta, ua outou faatuatua i upu
 8 pepelo, e le aoga. Tou te gaioi ea,
 9 ma fasioti tagata, ma mulilua, ma
 tauto pepelo, ma faamu mea manogi
 ia Paala, ma mulimuli atu i atua
 10 ese ua outou le iloa; ma outou o
 mai, ma tutū i o'u luma i lenei fale,
 o loo ta'ua ai lo'u igoa, ma outou
 fai mai, Ua laveaiina i matou, ina
 ia faia nei mea inosia uma? O lenei
 11 fale foi ua ta'ua ai lo'u igoa ua avea
 ea lea ma ana o tagata faasana i o
 outou manatu? Faauta mai, o a'u
 nei lava ua ou vaai atu i ai, o loo
 fetalai mai ai Ieova. A ia outou o
 12 i le mea sa a'u i ai i Sailo, na ou tuu
 ai lo'u igoa i le amataga, ma ia outou
 matamata i mea na ou fai i ai ona o
 le amio leaga a lo'u nuu o Isaraelu.
 O lenei, ua outou faia ia mea uma,
 13 o loo fetalai mai ai Ieova, ua ou
 tautala atu foi ia te outou, na ou
 ala tautala atu lava, a ua outou le
 faalogo mai; na ou valaau atu foi
 ia te outou, a ua outou le tali mai
 ai; o le mea lea ou te fai ai le fale
 14 ua ta'ua ai lo'u igoa, o le fale ua
 outou faatuatua i ai, ma le nuu ua
 ou foaiina atu ia te outou ma o outou
 tamā, e pei ona ou faia i Sailo. Ou
 15 te lafoai foi ia te outou i o'u luma,
 e pei ona ou lafoaiina o outou uso
 uma, o le fanauga uma a Efaraima.

16 O oe na foi, aua e te faatoga mai mo lenei nuu, aua foi e te faia se auega, po o se faatoga mo i latou, aua e te fautua mai ia te au; auā
 17 ou te le faalogo lava ia te oe. Ua e iloa atu ea mea ua latou faia i aai o
 18 Iuta, ma ala o Ierusalemā? Ua fai fafie e le fanau, ua tafu le afi e o latou tamā, ua lomi le paluga falaoa e fafine e fai a'i faapāpā areto mā le tupu fafine o le lagi, ua liligi foi taulaga i mea e inu i atua ese, ina ia latou faaonono mai ai ia te au.
 19 O a'u ea ua latou faaonono i ai? o loo fetalai mai ai Ieova; e le o i latou lava ea, ina ia masiasi ai i
 20 latou? O le mea lea o loo faapea ona fetalai mai ai o le Alii o Ieova, Faauta, ou te liligi ifo i luga o lenei mea lo'u ita ma lo'u tiga, i luga o tagata, ma luga o manu, i luga foi o laau i le fanua, ma le fua o le laueleele; e mu ai, a e le tineia lava.
 21 O loo faapea ona fetalai mai o Ieova o 'au, o le Atua o Isaraelu, Ia outou faaopoopo a outou taulaga mu i a outou taulaga, ma ia outou
 22 aai i tufaaga. Auā na ou le fai atu i o outou tamā, ma a'u le poloai atu ia te i latou i le aso na ou au mai ai ia te i latou ai le nuu o Aikupito, se
 23 upu i taulaga mu ma taulaga. A o le mea lava lenei na ou poloai atu ai ia te i latou, ua faapea atu, Ia outou faalogo mai i lo'u leo, ona fai ai lea o a'u mo outou Atua, e fai foi outou mo'u nuu; ma ia outou savavali i le ala uma na ou poloai atu ai ia te outou, ina ia manuia ai
 24 outou. A ua latou le faalogo mai, ma ua le uai mai o latou taliga, a ua latou savavali i mafaufauga ma le finau vale o latou loto leaga, ua latou tuumuli i tua, a ua le savavali i
 25 luma. Talu le aso na o mai ai o outou tamā ai le nuu o Aikupito, e oo i le aso nei, na ou aauina atu ai ia te outou a'u aauina uma o perofeta, na ou ala aauina atu i latou i
 26 lea aso ma lea aso; a ua latou le faalogo mai ia te au, ma ua le uai mai o latou taliga, a ua latou faamaaa o latou ua; ua amio leaga i latou e sili i o latou tamā. E te fai atu lava ia upu uma ia te i latou, a e latou te le faalogo mai ia te oe; e te valaau atu foi ia te i latou, a e

latou te le tali mai ia te oe. A ia e 28
 fai atu ia te i latou, O le nuu lava lenei ua le faalogo mai i le leo o Ieova lo latou Atua; ua le talia foi e i latou le aoaiga; ua fano le faamaoni, ma ua te'a lava i o latou gutu.

Ina sele mamā ia lou lauulu, ma 29
 lafoai, ma ia e faia i mauga tula le pese e aualofa a'i; auā ua teena e Ieova ma lafoaiina le tupulaga ua ia toasa i ai. Auā ua faia le mea 30
 leaga e le fanauga a Iuta i o'u luma, o loo fetalai mai ai Ieova; ua tuuina e i latou a latou mea e inosia i le fale ua ta'ua ai lo'u igoa, ina ia latou faaleagaina ai. Ua faia foi e 31
 i latou mea maualuluga i Tofeta, ua i le vanu o le atalii o Hinoma, e susunu ai o latou atalii ma o latou afafine i le afi; o le mea ou te lei poloai atu ai, ou te lei manatu foi i ai. O le mea lea, faauta, o le a oo 32
 mai ai ona po, o loo fetalai mai ai Ieova, e le toe igoa ai lea mea o Tofeta, po o le vanu o le atalii o Hinoma, a o le vanu o le fasi; latou te tanumia foi i Tofeta seia le toe ofi. E fai foi tino ua oti o lenei 33
 nuu ma mea e 'ai a manu felelei ma manu e tataa; e leai foi se na te tulia. Ou te faaiiua foi i aai o 34
 Iuta ma ala o Ierusalemā le leo fiafia ma le leo olioli, o le leo o le faatoafaiavā ma le leo o le faatoanofotane; auā e fai ma faatafunaga lenei nuu.

O le agasala a Iuta, ma le malaia o le a oo mai ai.

O LOO fetalai mai Ieova, O ia 8
 ona po e au mai ai ivi o tupu o Iuta, ma ivi o ona alii, ma ivi o faitaulaga, ma ivi o perofeta, ma ivi o e nonofo i Ierusalemā ai o latou tuugamau; latou te folasia ai foi i le la, ma le masina, ma 'au uma a le lagi, o mea na latou loto i ai, ma latou auauna i ai, ma latou mulimuli atu i ai, ma latou sailiili i ai, ma latou ifo i ai; e le aofia ia ivi, e le tanumia foi, a e fai ma otaota i luga o le laueleele. E sili le fia oti 3
 i le fia ola i e totoe uma, o e totoe o lenei aiga leaga, o e totoe i mea uma o le a ou tulia ai i latou, o loo fetalai mai ai Ieova o 'au.

- 4 Ia e fai atu foi ia te i latou; O loo faapea ona fetalai mai o Ieova, Latou te pauu ea, a e le toe tutū mai? E liliu ese ea o ia, a e le toe
- 5 liliu mai? Se a ea le mea ua liliu ese ai lenei nuu o Ierusalemā ma le liliu ese e le aunoa? Ua latou taofi mau i mea pepelo, ma latou le ma-
- 6 fafai ona toe liliu mai. Ua liliu atu *o'u taliga*, ma ou faalogologo atu; ua latou le tautala faamaoni; e leai se tagata ua salamo i lana amio leaga, ua faapea mai, Se a le mea ua
- 7 ou faia? Ua latou taitasi ma liliu atu i o latou taufetuliga, e pei ona oso atu o le solofanua i le taua. Ua
- 8 iloa e le kasita i le lagi ona lava po; o le manutagi foi, ma le pe'ape'a, ma le akuru, ua latou tausia le tau latou te o mai ai; a ua le iloa e lo'u
- 9 nuu le faamasinoga a Ieova. Pe faapefea ona outou fai mai, Ua popoto i matou, ua ia te i matou foi le tulafono a Ieova? Faauta, e
- 10 moni, ua na faia fua lava; o le peni a e tusiupu ua fai fua *lea*. Ua faamāina ē popoto, ua matatau i latou, ma ua maua; faauta, ua latou lafoai
- 11 le afioga a Ieova; se a foi se potō ua ia te i latou? O le mea lea ou te avatu ai a latou avā i nisi, *ma o*
- 12 *latou fanua i e latou te tulia i latou*; auā o tagatānuu atoa ma alii ua matapeapea i oloa i latou uma, o
- 13 perofeta atoa ma ositaulaga ua amio pepelo i latou uma. Ua latou fofa faatauvaā le manua o le tama fafine a lo'u nuu, ua faapea ane, E manuia,
- 14 e manuia; a e leai se manuia. Ua latou mamā ea ona o le mea inosia ua latou faiā? uā matuā le mamā lava i latou, ua latou le iloa lava le masiasi; o le mea lea e pauu ai i latou faatasi ma e ua pauu; o ona po e asiasia ai i latou latou te tau-
- 15 suai ai, o loo fetalai mai ai Ieova. Ou te matuā faaumatia i latou, ua fetalai mai ai Ieova; e leai ni fuifui i le vine, e leai foi ni mati i le mati, e mamae foi lau; o mea foi na ou faaiina atu ia te i latou e mavae ese ia ia te i latou.
- 16 Se a ea le mea ua tatou nofonofono ai? Ia outou potopoto, ma tatou o i aai nofo 'olo, ma tatou nofo faalologo ai; auā o Ieova lo tatou Atua ua faalologo ai i tatou, ua na faainumia
- foi i tatou i le vai oona, auā ua tatou agasala ia Ieova. Sa tatou faatali- 15
- tali i le manuia, a e leai se lelei *na maua*; sa faatalitali foi i ona po e faamaloloina ai, faauta foi, o le
- 16 mata'u. Ua lagona mai i Tanu le faafogifogi o ona solofanua; o le leo o le tagi o ona *solofanua* malolosi ua gatete ai le lauelele uma; ua oo mai foi i latou, ua latou faaumatia le nuu, ma mea ua tumu ai, o le aai foi, ma e nonofo ai. Auā
- 17 faauta, ou te aauina atu ia te outou o gata, o gata uogo, e le mafai ona faaoleoleina i latou, latou te feutia outou, o loo fetalai mai ai Ieova.
- 18 Ua fai lo'u olioli ma faanoanoa i totonu ia te au, ua vaivai lo'u loto i totonu ia te au. Faauta, o le leo o
- 19 le alaga o le tama fafine a lo'u nuu ai nuu mamao. E le o i Siona ea Ieova? e le o i ai ea lona Tupu? Se a ea le mea ua latou faanoono
- 20 mai ai ia te au i a latou tupua ua ta, ma mea ese e faatauvaā? Ua mavae ona po o le seleselegāsaito, ua uma le tausaga vevela, a e le faaolaina i tatou. Ua momomo lo'u
- 21 loto ona ua tu'imomoia o le tama fafine a lo'u nuu; ua ou faanoanoa; ua maua a'u i le fememeai. E leai
- 22 ea ni pulu pasama i Kiliata? e le o i ai ea se fomai? Se a foi le mea ua le faamaloloina ai le tama fafine a lo'u nuu?
- O le auega a Ieremia ona o le agasala a Iuta, ma lo latou malaia.*
- 9 E! fia liua lo'u ulu ma suāvai, ma o'u mata ma punaloimata, ina ia ou tagi i le ao ma le po ona o e ua fasiotia o le tama fafine a lo'u nuu. E! ta fia maua i le vao se fale api-
- 2 taga e api ai malaga; ina ia ou tuua lo'u nuu, ma alu ese ai; auā o tagata mulilulua i latou uma, o le faapotopotoga o tagata faa'ole'ole. Ua latou lolo'u o latou laulaufaiva
- 3 *e pei* o latou aufana, e tala pepelo ai; latou te le totoa i fai mea faamaoni i le nuu; auā ua ahualu la latou amio leaga, ma latou le iloa
- 4 a'u, ua fetalai mai ai Ieova. Ia outou taitasi ma faaeteete o ia ia te ia i lana uo, aua foi ne'i faatuatua i se uso e tasi; auā o uso uma e taitoatasi ma matuā sisio i lona uso,

ma uo uma e taitasi ma fealualuai
 5 ma feaveaveai. E taitoatasi i latou
 ma pepelo i lana uo, e le tautala foi
 i latou ma le faamaoni; ua latou
 faamasani o latou laulaufaiva i tau-
 6 mea faapiopio. O le mea e te nofo
 ai o loo i totonu o le nuu faa'ole'ole
 lea; o le faa'ole'ole latou te le ma-
 fafai ai ona iloa o a'u, ua fetalai mai
 7 ai Ieova. O le mea lea, o loo faa-
 peaa ona fetalai mai ai o Ieova o 'au,
 Faauta, ou te suesue ia te i latou,
 ma tofotofa ia te i latou; auā pe se
 a se isi mea ou te faia i le tama fa-
 8 fine a lo'u nuu? O latou laulauf-
 aiva o u fanafana ia e oti ai; e
 tautalatala faa'ole'ole; e taitasi ma
 tautala ma le filemu i lana uo i lona
 gutu, a o lona loto ua lamalama ia
 9 te ia. Ou te le tau'i atu ea ia te i
 latou ona o ia mea; o loo fetalai
 mai ai Ieova. E le tau'i atu ea ma
 sui e lo'u agaga i le nuu faapena?
 10 Ona o le atu mauga ou te faia le
 tagi ma le auega, o le pese foi e
 aualofa a'i ona o mea i le vao o ta-
 taa ai manu, auā ua susunuina, ua
 le uia e tagata; e le lagona ai le leo
 o manu; ua sosola manu felelei atoa
 11 ma manu vaefa, ua latou o. Ou te
 faia foi Ierusalema ma faupuegā-
 maa, o le mea e fale ai tanimo; ou
 te faatafunaina lava aai o Iuta, e le
 nofo ai se tasi.
 12 Po o ai le tagata poto, ia lagona
 e ia lenei mea? po o ai foi ua fetal-
 ai mai ia te ia le fofoga o Ieova, ia
 na faailoa mai ai le mea ua faa-
 umatia ai le laueleele, ua susunuina
 e pei o le vao, ua le uia e se tasi?
 13 Ua fetalai mai foi Ieova, Ua latou
 lafoaiina la'u tulafono na ou tuuina
 atu i o latou luma, ma latou le faa-
 logo i lo'u leo, ma latou le savavali
 14 i ai; a ua latou mulimuli atu i o
 latou loto finau vale, atoa ma Paala,
 na a'oa'oina ai i latou e o latou
 15 tamā; o le mea lea, o loo faapea
 ona fetalai mai ai o Ieova o 'au, le
 Atua o Israelu, Faauta, ou te fa-
 faga ia te i latou, o lenei lava nuu,
 i le laena, ma faainumia i latou i
 16 le vai oona. Ou te faataapeape-
 ina i latou i nuu ese na le iloa e
 i latou, po o latou tamā; ou te
 auina atu foi le pelu e mulimuli

ia te i latou, seia ou faaumatia i
 latou.

O loo faapea ona fetalai mai o 17
 Ieova o 'au, Iua mafaufau ia outou,
 ma ia outou aami atu i fafine pe-
 pese, ina ia latou o mai, ma ia outou
 feauina atu i fafine popoto, ina ia o
 mai foi i latou; ia latou faataalise 18
 mai, ma ia latou lagi le pese e au-
 alofa a'i mo i tatou, ia tafe ifo loi-
 mata i o tatou mata, ma ia maligi
 ifo le suāvai i o tatou laumata.
 Auā ua lagona atu le leo o le auega 19
 i Siona, E, ua faatafunaina i tatou!
 ua matuā mā lava i tatou, auā ua
 tuua e i tatou lo tatou laueleele, auā
 ua latou lepetia o tatou fale. O 20
 lenei, o outou fafine, ina faalogologo
 mai ia i le afiga a Ieova, ia lagona
 e o outou taliga le upu mai lona
 fofoga, ma ia outou a'oa'o atu i a
 outou tama fafine se fatu, ia taitasi
 foi ma a'oa'o atu i lana uo se pese e
 aualofa a'i. Auā ua alu ae le oti i 21
 o tatou faamalama, ua ulufale mai
 i o tatou maota, e fano ai tama iti i
 le ala, ma taulelea i malae. Ina fai 22
 atu ia, O loo faapea ona fetalai mai
 o Ieova, E pauu tino o tagata oti, e
 pei o otaota i luga o le laueleele, e
 pei o le fusi saito foi i tua o lē
 selesele, a e leai se na te faapu-
 tuina.

O loo faapea ona fetalai mai o 23
 Ieova, Aua ne'i mitamita le tagata
 poto i lona poto, aua ne'i mitamita
 le tagata malos i lona malos, aua
 ne'i mitamita foi le mauoa i ana
 oloa; a o lē mitamita, ina mitamita 24
 ia o ia i lenei mea, ina ua mafaufau
 o ia, ma ua iloa a'u, o a'u lava o
 Ieova, o lē faia le alofa, ma le faa-
 masinoga, ma le amiotonu i le lalo-
 lagi; auā o mea ia ou te fiafia i ai,
 o loo fetalai mai ai Ieova.

Faauta, e oo mai ona po, o loo 25
 fetalai mai ai Ieova, ou te tau'i atu
 ai ia te i latou uma o e ua perito-
 meina faatasi ma e ua le peritome-
 ina; o Aikupito, ma Iuta, ma Etoma, 26
 ma le faauga a Amoni, o Moapi foi,
 ma i latou uma o e sala a latou pito
 'ava, o e nonofo i le vao; auā o ia
 nuu uma ua le peritomeina, ma le aiga
 uma o Israelu e lei peritomeina o
 latou loto.

*E silisili ese Ieova, a e faatauvaava
lava tupua.*

- 10 INA faalogologo mai ia i le afoga
ua fetalai mai e Ieova ia te outou
2 le aiga o Isaraelu; o loo faapea cna
fetalai mai o Ieova, Aua ne'i a'oa'o
outou i tu a nuu ese, aua foi ne'i
matatau i faailoga i le lagi; auā ua
3 matatau i ai nuu ese. Auā ua faa-
tauvaava lava tu a nuu ese; auā ua ta
e se tasi le laau i le vao, o le galuega
a lima o le tufuga e fai i le mātau.
4 Ua latou faamatagofeina i ario ma
auro, ma latou faamauina ai i fao
5 ma samala, ina ia le gaioi. E pei
o le pama ua togitogi faamamau-
ina ia mea; latou te le tautala foi;
ea tuave i latou, auā latou te le ma-
fai ona savavali. Aua tou te fefefe
ia te i latou; auā latou te le mafai
ona agaleaga mai, e le mafai foi ona
6 agalelei mai. E leai lava sē tusa
ma oe, Ieova e; e sili lava oe, ma
7 lou suafa e sili lea ona malosī. O
ai ea se le mata'u ia te oe, le Tupu
o nuu e? Auā e ono lea ia te oe;
auā e leai sē tusa ma oe i e popoto
uma i nuu, ma o latou malo uma.
8 A e peitai ua valelea i latou uma, o
vale lava; o le ogālaau o ia lava le
9 aoai atu i mea faatauvaava. Ua au-
maia mai Tasesa le ario ua faasala-
falafaina, ma le auro mai Upasa, o
le galuega a le tufuga, o le galuega
foi a lima o le tufuga fai mea ua-
mea; o le *ie* uli ma le pāuli uā oofu
ai; o galuega a e popoto ia mea
10 uma lava. A o Ieova o le Atua
moni ia, o ia lava le Atua soifua,
ma le Tupu e faavavau; o lona
toasa e gatete ai le lalolagi, e le
lavā foi e nuu ona tali o lona toa-
11 tamai. Ia faapea ona outou fai atu
ia te i latou, O atua na le faia le
lagi ma le lalolagi, e fano i latou i
le lalolagi ma lalo foi o lona lagi.
12 Na faia e ia le lalolagi i lona mana,
na faatumauiina e ia le atu laulau i
lona poto, na fofolaina foi e ia le
13 lagi i lona faautauta. Ua tūlei mai
lona siufofoga, ona tele ai lea o le
vai i le lagi; e avae foi e ia o le
aumaia mai tuluiga o le lalolagi; e
faia e ia le uila atoa ma le ua, e
aumaia foi e ia le matagi mai ana
14 mea e teu ai oloa. Ua taitasi ma

valea tagata uma e leai *solatou* poto;
ua taitasi ma faamaina foi tufuga
fai mea uamea ona o le tupua ua
ta; auā o le mea pepelo lana tupua
uamea, e leai foi se mānava ia te i
latou. E faatauvaava ia mea, o le galu- 15
ega e tauemua; e fano lava i latou
i ona po e tauia ai i latou. E le pei 16
o ia mea le tofi o Iakopo; auā o ia
lava na faia mea uma; o Isaraelu
foi o le tootoo lea o lona tofi; o
Ieova o 'au o lona suafa lea.

Ina faapotopotoina ia o au mea 17
mai le nuu, o oe na lē nofo i le 'olo.
Auā o loo faapea ona fetalai mai o 18
Ieova, Faauta, o ona po nei lava, ou
te sasau ai i le maata e o nonofo i
le nuu, ma ou siosio ia te i latou ina
ia maua i latou.

Oi talofa ia te au i lo'u manua; e 19
matuā leaga lo'u manua; o a'u foi,
na ou faapea ane, E moni, o le pua-
puaga lava lenei, a e ou te faatoatoa
pea i ai. Ua faatafunaina lo'u fale 20
ie, ua motusia a'u maea uma, ua o
ese la'u fanau ia te au, o i latou foi
ua leai; e leai foi se tasi na te toe
toina lo'u fale ie, ma avae o'u ie
puipui. Auā ua valelea le au leoleo 21
mamoe, ma latou le saili ia Ieova;
o le mea lea e le manuia ai i latou, e
faataapeapeina foi la latou lafu ma-
moe uma. O le logo o le tala, faa- 22
uta, ua oo mai, o le vāvāō tele foi
mai le nuu i le itu i matu, e faia foi
aai o Iuta ma mea e faatafunaina, o
le mea e fale ai luko.

Ieova e, ua ou iloa e le o i le 23
tagata lona ala, e le o i le tagata e
savali ona faatonuina le mea e ui ai
o ia. Ieova e, ia e aoai mai ia te au, 24
tau lava ina faia ma le faatatau; a
e aua ma lou toasa, ina ne'i e faa-
toaitiitia o a'u. Ia e sasaaina atu 25
lou toasa i luga o atu nuu ua le iloa
oe, i luga foi o aiga ua le valaau atu
i lou suafa; auā ua latou 'aina Ia-
kopo, ua latou 'aina lava o ia, ma
ua faaumatia o ia, ma le mea sa
nofo ai o ia ua latou faatafunaina.

*O le apoapoiga a le Atua ia Iuta
ona o lo latou soli i lana feagaiga.*

O LE afoga na oo mai ia Ieremia 11
mai ia Ieova, ua faapea mai, Ina 2
faalogologo mai ia outou i upu o
lenei feagaiga, ma ia outou fai atu

- ai i tagata o Iuta, ma e o nonofo i
 3 Ierusalemā; ma ia e fai atu ia te i
 latou, O loo faapea ona fetalai mai
 o Ieova le Atua o Isaraelu, Ia malaia
 le tagata o le na te le faalogo i upu
 4 o lenei feagaiga, na ou poloai atu
 ai i o outou tamā i le aso na ou au
 mai ai i latou mai le nuu o Aiku-
 pito, mai le ogāumu e *tunu* ai uamea,
 ua faapea atu, Ina faalogo mai ia i
 lo'u leo, ma ia outou faia ia mea, e
 tusa ma mea uma ua ou polcai atu
 ai ia te outou; ona fai ai lea o
 outou mo'u nuu, e fai foi a'u mo
 5 outou Atua; ina ia ou faataunuina
 le tautoga, na ou tauto ai i o outou
 tamā, e foai atu ia te i latou le nuu
 ua tafe ai le suāsusu ma le meli, e
 pei ona fai i le aso nei. Ona ou tali
 atu ai lea, ua faapea atu, Ieova e,
 6 ina fai ia o lea. Ona fetalai mai ai
 lea o Ieova ia te au, Ina tala'i atu ia
 nei upu uma i aai o Iuta, ma ala o
 Ierusalemā, ia faapea atu, Ia outou
 faalogo i upu o lenei feagaiga, ma
 7 ia outou faia. Auā na ou matuā fai
 atu i o outou tamā i le aso na ou
 aveina ae ai i latou mai le nuu o
 Aikupito, ua oo lava i le aso nei, ua
 ou ala fai atu lava, ua faapea atu.
 8 Ina faalogo mai ia i lo'u leo. A ua
 latou le faalogo mai, ua le uai mai
 foi o latou taliga, a ua latou taitasi
 ma savali e tusa ma le finau vale o
 latou loto leaga; o lea ua ou faaoo
 ai i luga ia te i latou o upu uma o
 lenei feagaiga na ou poloai atu ai
 ia latou faia; a ua latou le faia lava.
 9 Ona fetalai mai lea o Ieova ia te
 au, Ua iloa le fouvale i tagata o
 Iuta, ma e o nonofo i Ierusalemā.
 10 Ua latou liliu atu i amio leaga a o
 latou tamā anamua, o e na le ma-
 fafai ona faalogo i a'u upu; ma ua
 latou mulimuli atu i atua ese e au-
 auna ia te i latou; ua solia e leaiga
 o Isaraelu ma le aiga o Iuta la'u
 feagaiga na a'u osia ma o latou
 11 tamā. O le mea lea, o loo faapea
 ona fetalai mai ai o Ieova, Faauta,
 ou te faaoo le malaia ia te i latou,
 latou te le mafaia ona sao ai; e ui
 lava ina latou alalaga mai ia te au,
 ou te le faalogo lava ia te i latou.
 12 Ona o ai lea o aai o Iuta ma e o
 nonofo i Ierusalemā, ma latou ala-
 laga i atua na latou faamu i ai mea
 manogi; a e latou te le faaola lava
 ia te i latou i ona po o lo latou
 malaia. Auā Iuta e, o le tau aofai 13
 o ou aai o le tau aofai lea o ou
 atua; ua outou faatuina foi fata
 faitaulaga mo le mea e masiasi ai, o
 fata faitaulaga lava e faamu ai mea
 manogi ia Paala, e *faatatau* i le tau
 aofai o ala i Ierusalemā. O oe na 14
 foi, aua e te faatoga mai mo lenei
 nuu, aua foi e te faia se auega, po o
 se faatoga mo i latou; auā ou te le
 faalogo ia te i latou i ona po latou te
 valaau mai ai ia te au ona o lo latou
 malaia. O a mea e fai e la'u pele i 15
 lo'u fale, a o faia e ia amio leaga e
 tele? ua mavae foi le tufaaga paia
 ia te oe; a ē fai mea leaga, ona e
 fiasia ai lea. Na faaigoā oe e Ieova, 16
 O le olive lauolaola, e matagofie, e
 lalelei ona fua; o le taalili tele lava
 ua faamuina ai ona lau i le afi, na
 gauia ona la. Auā o Ieova o 'au, o 17
 le na totōina oe, ua fetalai mai e ia
 le malaia o le a oo ia te oe, ona o le
 amio leaga a le aiga o Isaraelu ma le
 aiga o Iuta, na latou faia ia te i
 latou lava e faanoono ia te au i lo
 latou faamu mea manogi ia Paala.
 Ua faailoa mai e Ieova ia te au 18
 ina ia ou iloa; ona e faaalila mai ai
 lea ia te au o a latou amioga. A o 19
 a'u, ua pei o se tamai mamoe lata
 ua ta'ita'iina ia fasia; na ou le iloa
 foi ua mafaufau e i latou i ni toga-
 fiti e leaga ai a'u, ua *faapea*, Se'i
 tatou faaumatia le laau ma ona fua,
 ma tatou vavaeeseina o ia ai le nuu
 o tagata ola, ina ia le toe manatua
 lava lona igoa. A o oe, Ieova o 'au, 20
 o le faamasino amiotonu, o lē tofo-
 tofo i le manatu ma le loto, e iloa e
 a'u lau tau i ma sui ia te i latou; auā
 ua ou faaalila la'u finauga ia te oe.
 O le mea lea, o loo faapea ona 21
 fetalai mai ai o Ieova i tagata o
 Anatota, o e sailili e fasioti ia te oe,
 ua faapea, Aua e te vavalo mai i le
 suafa o Ieova, ina ne'i oti oe i o
 matou lima. O le mea lea o loo faa- 22
 pea ona fetalai mai ai o Ieova o 'au,
 Faauta, ou te tau i atua ia te i latou;
 e oti taulelea i le pelu; e oti foi o
 latou atalii ma o latou afafine i le oge.
 E leai ni o latou e totoe; auā ou te 23
 faaoo le malaia i tagata o Anatota,
 o le tausaga lava e tauia ai i latou.

Ua tuua e le Atua lona nuu ona o la latou amio leaga.

- 12 IEOVA e, e amiotonu oe, pe a ou finau atu ia te oe; tau ina ou tautala atu ia te oe i au faamasinoga. Se a ea le mea ua manuia ai le ala o tagata amio leaga, ua saogalemu i latou uma o e matuā faa'ole'ole?
- 2 Ua e totōina i latou, ua mau aa foi i latou; ua tutupu i latou, ma ua latou fua mai; ua latalata oe i o latou gutu, a e mamao i o latou
- 3 manatu. A o oe, Ieova e, o loo e silafia a'u, ua e sisila mai ia te au, ua e tofotofoina foi lo'u loto ua ia te oe; ia e vavaeeseina i latou e pei o mamoe a fūsia, ia e faasaina i latou
- 4 mo le aso e fafasi ai. Seia afea e faanoanoa ai le nuu, ma magumagu ai le vao iti o fanua uma ona o le amio leaga a e nonofo ai? Ua faaumatia manu vae fa ma manu felelei; auā ua latou fai ane, E le vaaia e ia lo tatou iuga.
- 5 Afai ua e taufetuli ma tagata e femoei i le elelee, ma ua e lailoa ia te i latou, pe faapefea ona e tausinio ma solofanua? Afai ua e nofo ma le le mata'u i le nuu e filemu ai, se a se mea e te faia i le matagofie
- 6 o Ioritana? Auā o ou uso lava ma le aiga o lou tamā, o i latou lava ua latou faa'ole'ole ia te oe; o i latou lava ua latou alalaga tele i ou tua; e ui ina latou tautala lelei ia te oe, aua ne'i e faatuatua ia te i latou.
- 7 Ua ou tuua lo'u fale, ua ou lafoaia lo'u tofi; ua ou tuuina atu le pele a lo'u loto i lima o e ita ia te ia.
- 8 Ua aveā lo'u tofi ia te au pei se leona i le vao; ua leo tele mai o ia ia te au, o le mea lea ua ou 'ino'ino
- 9 ai ia te ia. O lo'u tofi ua ia te au pei o le manu feai, o le sapua; o manu feai o i ona itu uma ua ita ia te ia; o mai ia, ina faapotopoto mai ia o mea ola uma o le vao, ma au-
- 10 maia i latou e aai ai. Ua faaumatia la'u tovine e leoleo mamoe e toatele, ua solia e i latou lo'u tofi, o lo'u tofi matagofie ua latou faia ma mea tuu-
- 11 fua ua faatafunaina. Ua faia ma mea faatafunaina, ua faanoanoa ia i o'u luma ina ua faatafunaina; ua faatafunaina le nuu uma, a e leai se
- 12 tagata ua mafaufau i ai. Ua o ae

tagata faatafunaina i mauga tula uma i le vao; ua 'ai le pelu a Ieova e afua mai i le tasi pito nuu e oo i le tasi pito nuu; e leai se filemu i se tagata e toatasi. Ua latou luluina 13 saito, a e latou te selesese mai ai laau tuitui; ua faatigaina i latou e i latou, a e le aoga ia te i latou; e mā foi i latou i mea e maua ia te outou, ona o le toasa tele o Ieova.

O loo faapea ona fetalai mai o Ieova i tagata amio leaga uma ua tuaoi ma a'u, o e pai atu i le tofi na a'u tofia ai lo'u nuu o Isaraelu, Faa-uta, ou te liaiina i latou ai lo latou lauelelee, ou te liaiina foi le aiga o Iuta ai totonu ia te i latou. A ma- 15 vae ona ou liaiina o i latou, ona ou toe alofa mutimutivale lea ia te i latou, ma ou faafoisia mai i latou, e taitoatasi i lona tofi, e taitoatasi foi i lona nuu. Afai e matuā a'oa'o lava i latou i ala o lo'u nuu, ia tauto i latou i lo'u igoa, e faapea, O loo soifua Ieova; e pei ona latou a'oa'o 16 atu i lo'u nuu ia tauto ia Paala; ona atiina ae lea o i latou i totonu o lo'u nuu. A e afai latou te le 17 faalogo mai, ona ou matuā liaiina lea o lea nuu, ma ou faaumatia, o loo fetalai mai ai Ieova.

O faatusa i le fusi lino ma fagu uaina.

UA faapea ona fetalai mai o Ie- 13 ova ia te au, Alu ia, ia e fai mo oe le fusi lino, ma fusi a'i lou sulugatiti, aua foi e te tuu i le vai. Ona 2 ou maua lea o le fusi e tusa ma le afioga a Ieova, ma ou fusi a'i lo'u sulugatiti. Ona foi faalua mai ai 3 lea o le afioga a Ieova ia te au, ua faapea mai, Ia e ave le fusi ua e maua o i ai i lou sulugatiti, ma e 4 tulai, ma alu i Eufirate, ma nanā ai i lea mea i se mea māvae o le papa. Ona ou alu ai lea, ma nanā ai i 5 Eufirate, e pei ona fetalai mai ai o Ieova ia te au. Ua mavae aso e 6 tele, ona faapea mai ai lea o Ieova ia te au, Ina tulai ia, alu i Eufirate, ma au mai ai le fusi na ou fai atu ai ia te oe e nanā i lea mea. Ona 7 a'u alu ai lea i Eufirate, ma a'u eli, ma avae nai lea mea le fusi na ou nanā ai; faauta foi, ua leaga le fusi, 8 ua le aoga i se mea e tasi. Ona

- tulei mai lea o le afiga a Ieova ia
 9 te au, ua faapea mai. Ua faapea
 ona fetalai mai o Ieova, E faapena
 ona ou faaleagaina le faamaualuga
 o Iuta, ma le faamaualuga tele o
 10 Ieruselema. O lenei nuu amio le-
 aga, ua le mafafai i latou ona faa-
 logo mai i a'u upu, ua savavali ma
 le loto finau vale, ma mulimuli atu
 i atua ese, e auauna ma ifo ia te i
 latou, e avea lava i latou e pei o
 lenei fusi, e le aoga i se mea e tasi.
 11 Auā e pei ona pipii le fusi i le suluga-
 gititi o le tagata, sa faapea ona a'u
 faapipii ia te au o le aiga uma o
 Isaraelu, ma le aiga uma o Iuta, o
 loo fetalai mai ai Ieova; ina ia fai i
 latou mo'u nuu, *ia fai foi* ma igoa,
 ma viiga, ma matagofie; a ua latou
 le faalogo mai.
 12 O le upu foi lenei e te fai atu ai
 ia te i latou, O loo faapea ona feta-
 lai mai o Ieova le Atua o Isaraelu,
 E faatutumuina fagu uma i le uai-
 na; latou te fai mai foi ia te oe, E
 le ua matou matuā iloa ea e faatu-
 tumuina fagu uma i le uaina? Ona
 13 e fai atu lea ia te i latou, o loo faa-
 pea ona fetalai mai o Ieova, Faauta,
 ou te faatutumuina i le onaga o i
 latou uma o e nonofo i lenei nuu,
 o tupu o e nonofo i le nofoālii o
 Tavita, atoa ma faitaluga, ma perofe-
 ta, ma i latou uma o e nonofo i
 14 Ieruselema. Ou te faafeto'ai i la-
 tou, o le tasi i le tasi, o tamā foi
 atoa ma fanau, o loo fetalai mai ai
 Ieova; ou te le faapelepele ia te i
 latou, pe faasacina, pe alofa atu, a
 e faaumatia i latou.
 15 Ia outou faalogologo mai, ma uai
 mai o outou taliga; aua tou te faa-
 maualuga, auā ua fetalai mai Ieova.
 16 Ia avatu le viiga ia Ieova lo outou
 Atua, manū o lei faapouliuligia e
 ia, manū o lei tausuai o outou vae i
 luga o mauga pouliuli, ma outou
 faatalitali i le malamalama, a ua
 liua lea e ia ma ata o le oti, ua fai
 17 ma pogisa tele. A e afai tou te le
 faalogo mai, ona tagi ai lea o lo'u
 loto i mea lilo ona o *lo outou* faa-
 maualuga, ma ou matuā tagi lava, e
 tafe ifo loimata i o'u mata, auā ua
 18 tāfea le lafu mamoe a Ieova. Ia
 fai atu i le tupu ma le sa'o tamaitai,
 Ia oulua faamaulalo, ia nofo i lalo
 auā e pauu ifo o oulua palealii
 matagofie i o oulua ao. Ua punitia
 aai o i le itu i toga, e le tatalaina e
 se tasi; ua tāfea Iuta uma, ua tāfea
 atoa uma lava. Ia e tepa ae, ma
 20 vaavaai atu i e ua o mai mai le itu i
 matu, Po o ifea le lafu mamoe na
 avatu ia te oe, o au mamoe mata-
 gofie? Pe se a ea lau na e te fai
 atu ai pe a tauia oe e ia? Auā na
 e a'oa'o atu ia te i latou e fai ma
 alii sili e pule ia te oe. E le maua
 ea oe e le tiga e pei o le fafine a
 fanau? Afai foi e te fai ifo i lou
 22 loto, Pe se a le mea ua oo mai ai ia
 te au ia mea? O le tele o lau aga-
 sala ua susueina ae ai ou pito ofu,
 ma faasaunoa ai i ou mulivae. E
 23 mafai ea ona liua e le Aitiope o
 lona pa'u, pe *liua* e le nameri ona
 ila? *A mafai lea*, ona mafai foi lea
 ona amio lelei o outou ua masani i
 amio leaga. Ou te faataapeape ia
 24 te i latou e pei o aputi o saito ua
 lelea i le matagi mai le vao. O lou
 25 tofi lenei, o le tofi mai ia te au ua
 fuatia mo oe, o loo fetalai mai ai
 Ieova; auā ua e faagalologo ia te
 au, a ua e faatuatua i le mea pepelo.
 O a'u lava, ou te susueina ae ou
 26 pito ofu i luga i ou mata, ina ia iloa
 ai lou mā. Ua ou iloa au muliluaga,
 27 ma au tagi faasolofanua, ma le leaga
 o lou talitane, *ma* ua mea faasoesa i
 luga o mauga i le vao. Ieruselema
 e, talofa ia te oe; e le faamamāina
 ea oe seia afea?
*O le oge tele i Iuta, ma le talosaga a
 Ieremia ia Ieova.*
 O LE afiga a Ieova na oo mai ia
 14 Ieremia ona o le la mala. Ua faa-
 noanoa Iuta, ma ua faavaivai ona
 faitotoa; ua faavauvau i latou *ua*
 punou i le eleele, ma ua alu ae le
 alaga o Ieruselema. Ua aauina atu
 3 e o latou alii o latou tagata i le vai;
 ua latou o atu i vaieli, ua le maua
 ni vai; ua latou toe foi mai ma a
 latou ipu e le iio; ua mamā i latou
 ma masiasi, ua latou ufufi foi i o
 latou ulu. Ua mamā i latou o e
 4 gālue fanua, ua ufufi i o latou ulu
 ona o le laueleele ua mavaevae, auā
 ua leai se ua i le nuu. O le aila
 5 lava ua fanau ia i le vao, ma ua
 tuua *lana tama*, auā ua leai se vao

6 mua. O asini foi o le vao ua tutū i mauga tula, na latou sogisogi i le matagi e pei o luko; ua avea o latou mata, auā e leai ni vao iti.

7 Ieova e, e ui lava ina ua molimau a matou agasala ia te i matou, ia e faia lava ona o lou suafa; auā ua tele lo matou liliu ese; ua matou

8 agasala ia te oe. Le faamoemoega o Isaraelu e, o lē faaola ia te ia i ona po o le puapuaga, se a le mea ua avea ai oe e pei o le tagata ese i le nuu, e pei o le tagata alu malaga

9 foi ua afe ane e moe i le po? Se a le mea ua avea ai oe e pei o le tagata ua segia lona mau, e pei o le toa e le mafaia ona faaola? a o oe, Ieova e, ua e ia te i matou lava, ua ta'ua i matou i lou suafa; aua e te tuua i matou.

10 O loo faapea ona fetalai mai o Ieova i lenei nuu, Ua fia feoi naua i latou, ua latou le taofia o latou vae, o le mea lea e le fiafia ai Ieova ia te i latou; e manatua nei e ia o a latou amio leaga, ma tauia a latou

11 agasala. Ona faapea mai ai lea o Ieova ia te au, Aua le tatalo mo lenei nuu ina ia lelei ai i latou. E

12 ui ina latou anapopogi, ou te le faalogi i lo latou alaga; e ui ina latou osia taulaga mu ma taulaga i mea e 'ai, ou te le talia; a ou te faaumatia i latou i le pelu, ma le oge, ma le

13 faamai. Ona ou faapea atu ai lea, Aue! le Alii e Ieova, faauta, ua fai mai perofeta ia te i latou, Tou te le iloa le pelu, e le oo foi le oge ia te outou, a ou te tuuina atu ia te outou le manuia faamaoni i lenei mea.

14 Ona fetalai mai lea o Ieova ia te au, O loo vavalu mai perofeta i mea pepelo i lo'u igoa; ua ou le aauina atu i latou, ma ou le poloai atu ia te i latou, ma a'u le tautala atu ia te i latou; ua latou vavalu ia te outou le faaaliga pepelo, ma le faataulāitu, ma le mea faatauva, ma le

15 pepelo o latou loto. O le mea lea o loo faapea ona fetalai mai ai o Ieova i perofeta ua vavalu i lo'u igoa, a o a'u ua ou le aauina atu i latou; a ua latou fai ane, E le oo mai le pelu ma le oge i lenei nuu; o le pelu ma le oge e faaumatia ai

16 ia lava perofeta. A o le nuu ua latou vavalu i ai, e lafoaiina i latou

i ala o Ierusalema ona o le oge ma le pelu; e leai se na te tanua i latou, o i latou, atoa ma a latou avā, ma o latou atalii, ma o latou afafine; ou te sasaaina atu foi a latou amio leaga i luga ia te i latou.

O le upu nei e te fai atu ai ia te i 17 latou, Ia tafe ifo loimata i o'u mata i le po atoa ma le ao, aua le mapu; auā ua tu'imomoia le tama teine taupou a lo'u nuu i le tu'imomomo e tele, o le manua e matuā leaga lava. Afai ou te alu atu i le vao, 18

faauta foi, o e ua fāsia i le pelu; a e afai ou te alu i le aai, faauta foi, o e ua vaivai i le oge; auā o perofeta atoa ma faitaulaga, ua latou feoi i le nuu ua latou le iloa. Ua 19

e matuā lafoaiina ea luta? Ua inosia ea Siona i lou finagalo? Se a le mea ua e sasaina ai i matou, ua

leai foi se *togafiti* e malolo ai i matou? Na matou faatalitali i le manuia, a e leai se lelei na maua; na *faatalitali* foi i ona po e faamalololoina ai, faauta foi, o le mata'u. Ie- 20

ova e, ua matou iloa la matou amio leaga, ma le amioletonu a o matou tamā; auā ua matou agasala ia te

oe. Aua e te 'ino'ino mai ia te i 21 *matou*, auā o lou suafa; aua e te faainosia le nofoāili o lou mamalu; ia e manatua, aua le tatalaina la

tou feagaiga ma oe. Pe ai se tasi 22 o mea faatauva o i nuu ese e mafaia ona faatotoina ifo o le ua? pe

mafaia ea e le lagi ona tuuina mai o timuga? E le o oe ea lea, Ieova e, lo matou Atua? O le mea lea matou te faatalitali ai ia te oe; auā o oe lava ua e faia ia mea uma.

O le malaia e oo ia Iuta.

UA faapea mai foi Ieova ia te 15

au, Afai ana tutū mai o Mose ma Samueli i o'u luma, ou te le loto lava i lenei nuu; ina tutuli ia ia te i latou i o'u luma, ia latou o ese.

Afai lapou te fai mai ia te oe, Ma- 2 tou te o ea ifea? Ona e fai atu ai lea ia te i latou, Ua faapea ona fetalai mai o Ieova, O e ua tuu mo

le oti tuu ia i le oti; o e ua tuu mo le pelu tuu ia i le pelu; o e ua tuu mo le oge tuu ia i le oge; ma e ua 3

tuu mo le tafeaga tuu ia i le tafeaga. Ou te tofia mea eseeese e fa e

oo ia te i latou, o loo fetalai mai ai Ieova; o le pelu e fasi a'i, ma uli e fesaei a'i, ma manu felelei, ma manu e tataa e aai ai ma faaumatia ai i latou. Ou te tuuina atu i latou ia faaatuatuvaleina i malo uma o le lalolagi, ona o Manase le atalii o Esekia le tupu o Iuta, auā o mea na ia faia i Ierusalema. Auā Ierusalema e, po o ai ea se alofa atu ia te oe? po o ai foi se faanoanoa ona o oe? po o ai foi se afe ane e ofo alofa ia te oe? Ua e lafoaiina a'u, o loo fetalai mai ai Ieova, ua e tumuli i tua; o lea ou te faaloaloa ai lo'u lima i luga ia te oe, ma ou faaumatia ai oe; ua ou lailoa i salamo.

Ou te faasaviligia i latou i le mea e faasavili a'i *saito* i faitotoa o le nuu; e aufanaua i latou ia te au, ou te faaumatia lo'u nuu, ina ua latou le toe foi mai i o latou ala. E toatele i o'u luma o latou fafine ua oti a latou tane, e sili i le oneone o le sami; ou te aumaia ia te i latou e tau ma le tinā, le taulealea na te faatafunaina i le tutonu o le la; e faafuasei ona a'u faaosoina atu ia te i latou o le mata'u ma le atuatuvaale. Ua vaivai o ia le na fanau mai ai le toaftitu; ua to lana mānava; ua goto lona la a o ao lava; ua mā, ma masiasi o ia; o e o totoe ia te i latou ou te tuuina atu i latou i le pelu i luma o e ita mai ia te i latou, o loo fetalai mai ai Ieova.

Oi talofa ia te au, lo'u tinā e, ina ua e fanaua mai a'u o le tagata finau ma le tagata e tupu ai misa i le nuu uma. Ua le talia e a'u le totogi faasili, ua ou le avatu foi le totogi faasili ia te i latou; a ua faafano mai i latou uma ia te au. Ua faapea mai Ieova, E moni, ou te laveaiina oe ia e manuia ai; e moni, o a'u lava e ala ai ona faatoga mai ia te oe o lē ita mai, i ona po o le leaga ma ona po o le puapuaga. E mafai ea ona gauia o le umea, o le umea mai le itu i matu, ma le 'apa memea? O au mea e tamaoaiga ai ma au oloa ou te tuuina atu ai e fai ma vete, e le o le tau, a e peitai ona o au agasala uma i lou nuu uma. Ou te ta'ita'ina e ua ita ia te oe i le nuu ua e le iloa; auā ua

tugia le afi i lo'u ita, e mu ai i luga ia te outou.

Ieova e, ua e silafia e oe; ia e manatua mai a'u, ma asiasi mai ia te au, ia e tau atu ona o a'u i e ua faasaua mai ia te au; o lou faatoatoa ia te i latou aua le aveescina ai a'u; ia e silafia ua ou onosai i le faalumaina ona o oe. Na maua au afioga, ona ou 'ai ai lea; sa ia te au lau afioga e fai ma mea e olioli ai ma fiafia ai lo'u loto; auā ua ta'ua a'u i lou suafa, Ieova e, le Atua o 'au. Ou te lei nofo i le faapopotoga o e tauemu, ma ou le fiafia i ai; ua ou nofo toatasi ona o lou aao; auā ua e faatumuina a'u i le ita. Se a le mea e tumau ai pea lo'u tiga, ma lo'u manua ua leaga lava, e le mafai ona faamamafuina? Ua avea lava oe ia te au e peiseai ua pepelo, o le vai ua pē. O le mea lea uā faapea ona fetalai mai ai o Ieova, Afai e te toe foi mai, ona ou toe faafoisia mai lea o oe, e te tu i o'u luma; afai foi e te faateaescina le lelei i le leaga, e avea oe e pei o lo'u gutu; e toe foi mai i latou ia te oe, a o oe e te le toe foi atu ia te i latou. Ou te fai foi oe ma pa memea malos i lenei nuu; latou te sii mai le taua ia te oe, a e latou te le manumalo ia te oe; auā o a'u nei, ou te ia te oe e faaola ia te oe, ma laveai ia te oe, o loo fetalai mai ai Ieova. Ou te laveai ia te oe ai lima o e amio leaga ma ou faaolaina oe ai lima o e sau.

O le malaia tele o Iuta ona o a latou agasala.

NA oo mai le afioga a Ieova ia te au, ua faapea mai, Aua e te fai avā, aua ne'i i ai foi ia te oe o atalii po o afafine i lenei mea. Auā ua faapea ona fetalai mai o Ieova i atalii ma afafine ua fananau i lenei mea, ma o latou tinā o e na fananau mai ai i latou, ma o latou tamā ua fanaua i latou i lenei nuu; e oti i latou i ma'i e oti ai; e leai ni e taufaitagitui ia te i latou; e le tanumia foi i latou; e avea i latou ma otaota i luga o le lauelele; e faaumatia i latou i le pelu, ma le oge, e fai foi o latou tino ua oti ma mea e 'ai mā manu felelei ma manu

- 5 e tataa. Auā ua faapea ona fetalai mai o Ieova, Aua e te ulufale i le fale o i ai le auega, aua foi e te alu e tagitu'i ai, aua foi e te faanoanoa ia te i latou; auā ua ou aveeseina lo'u manuia i lenei nuu, o le alofa lava, ma le alofa mutimutivale, o 6 loo fetalai mai ai Ieova. E oti alii atoa ma tagata nuu i lenei nuu; e le tanumia i latou, e le taufaitagitu'i nisi ona o i latou, e le selei foi o latou tino, e le sele mamā foi o latou ulu ona o i latou; e le tofitofia mea e 'ai o le faanoanoa ona o i latou e fai ma faamafanafana ia te i latou ona o le ua oti; latou te le avatu ia te i latou le ipu o le faamafanafanaga latou te inu ai ona o latou tamā, po o latou tinā. E te 8 le ulufale foi i le fale e fai ai le tausamiga, e le nonofo ma i latou e 9 'ai ai ma inu ai. Auā ua faapea ona fetalai mai o Ieova o 'au, le Atua o Isaraelu, Faauta, ou te faaiuina le leo fiafia, ma le leo olioli, o le leo o le faatoafaiavā, ma le leo o le faatoanofotane ai lenei mea i o outou luma, a o ola mai outou.
- 10 A uma ona ē faaali atu i lenei nuu ia upu uma, ma latou fai mai ia te oe, Se a le mea ua fai mai ai Ieova ia te i matou lenei malaia uma e tele? pe se a ea sa matou amioletonu? pe se a foi sa matou agasala ua matou agasala atu ai ia 11 Ieova lo matou Atua? Ona e faapea atu ai lea ia te i latou, Auā ua lafoaiina a'u e o outou tamā, o loo fai mai ai Ieova, a ua latou mulimuli atu i atua ese, ma auaina i ai, ma ifo atu ia te i latou, a ua lafoaiina a'u, ma ua le anaana i latou i 12 la'u tulafono. A o outou, ua faia e outou amio leaga e sili i o outou tamā; faauta foi, ua taitasi le tagata ma savali i le finau vale o lona loto leaga, ua le faalogo mai ia te 13 au. O lea ou te tutuli ai ia te outou ai lenei nuu i le nuu ua outou le iloa; o outou po o outou tamā; tou te auaina foi i lea mea i atua ese i le ao ma le po; auā ou te le 14 alofa ia te outou. A e ui i lea faauta, e oo mai ai ona po, o loo fetalai mai ai Ieova, e le toe fai ane ai tagata, O loo soifua Ieova, o le na aveina ae le fanauga a Isaraelu nai le nuu o Aikupito; a e faapea, O 15 loo soifua Ieova, o le na aveina ae le fanauga a Isaraelu nai le nuu i le itu i matu, ma nuu uma na ia tulia ai i latou; auā ou te faafoisia mai i latou i lo latou laueleele, na a'u foaiina atu ai i o latou tamā.
- Faauta, ou te auaina atu tagata 16 fai faiva e toatele, o loo fetalai mai ai Ieova, latou te fai faiva ia te i latou; e mulimuli ane ou te auaina atu tagata tuli manu e toatele, latou te tutuli ia te i latou mai atumauga uma, ma mauga uma, ma mavaevae o papa. Auā ua ou vai i o latou ala 17 uma; e le lilo i latou i o'u luma, e le natia foi la latou amioletonu ia te au. A e muamua ona ou taui faa- 18 luaina atu la latou amioletonu, ma la latou agasala; auā ua latou faaleagaina lo'u nuu, ua latou faatumuina lo'u tofi i tino o a latou mea leaga, ma a latou mea e inosia. Ieova e, o lo'u malosi ma lo'u 'olo, 19 o lo'u malu foi i le aso o le puapuga, e o mai ia te oe nuu mai tuluga o le lalolagi, ma latou fai mai, E moni, ua fai ma tofi o matou tamā mea pepelo, ma mea faatauavaa, ma mea e le o i ai se aoga. E faia 20 ea e le tagata o atua mo ia, a e le ni atua i latou? O le mea lea, faauta, 21 ou te faailoa atu ai ia te i latou, e atu tasi lava, ou te faailoa atu ia te i latou lo'u lima ma lo'u malosi; latou te iloa ai o Ieova o lo'u igoa lea.
- E le aoga ona faatuatua i tagata; auā ua i le Atua le faaolataga.*
- UA tusia le agasala a Iuta i le 17 peni uamea ma le mata o le samira; ua togitogi i le papatusi o latou loto, ma nifo o outou fata faitaulaga; a 2 o manatua e a latou fanau o latou fata faitaulaga, ma o latou tupua o Asaira i laau lauolaola i luga o mauga mauualuluga. Lo'u mauga e 3 o i le vao, ou te avatua au mea ma au oloa uma e fai ma vete, atoa ma au mea mauualuluga e fai ai agasala i lou nuu uma. O oe lava e tuua ai 4 e oe lou tofi na ou foaiina atu ai ia te oe; ou te tuuina atu foi oe e auaina i e ita ia te oe i le nuu ua e le iloa; auā ua tugia e outou le afi i lo'u ita e mu ai e faavavau. O loo faapea ona fetalai mai o 5

- Ieova, Ia malaia le tagata e faatua-
tua i tagata, ma ua fai tagata mona
lima a ua liliu ese lona loto ia
6 Ieova. E avea o ia e pei o le tula i
le vao, na te le iloa foi pe a oo mai
mea lelei; e mau ai o ia i mea paaa
i le vao, o le nuu naumati ma le le
7 āina. Amuia le tagata o lē faatuatua
ia Ieova, o le ua fai Ieova mona
8 faatuatuaga. Auā o ia e faapei o le
laau ua totō i tafatafa ane o le vai,
ua sosolo atu ona aa i tafatafa ane
o le vaitafe, na te le iloa foi pe a oo
mai le vevela, a e lauolaola ona lau;
e le atuatuave i le tausaga o le la
mala, e fua mai pea lava ona fua.
9 E sili le faa'olē'olē o le loto i mea
uma, ma ua matuā leaga lava; po o
ai na te mafaia ona iloa? O a'u o
10 Ieova o lē suesue i le loto, o lē tofo-
tofo i manatu, ina ia tuuina atu i
tagata taitasi e tusa ma ona ala, e
tusa foi ma le fua o ana amioga.
11 Ua moe le kōli i fua, a e le ni ona
fua; e faapea o ia e maua le oa, a e
le maua i le amiotonu, e tuu e ia
ana oa i le tautuluaga o ona aso, a e
avea o ia ma vale i lona gataaga.
12 O le mea o i ai lo tatou malumalu,
o le nofoālii mamalu lea ma le
13 maualuga mai le amataga. Ieova e,
le faamoemoe o Isaraēlu, e faamaina
i latou uma o e lafoai ia te oe; o i
latou e liliu ese ia te au e tusia i
latou i le elele, auā ua lafoaiina e i
latou o Ieova le puna o vai ola.
14 Ieova e, ia e faamalolo mai ia te au,
ona malolo ai lea o a'u; ia e faaola
mai ia te au, ona faaolaina ai lea o
15 a'u; auā o oe ou te vivii i ai. Faa-
uta, ua latou fai mai ia te au, O
fea o i ai le afioga a Ieova? Se'i oo
16 mai lava. A o a'u nei, ua ou le
popole ina ia le fai a'u ma leoleo
mamoe e mulimuli atu ia te oe; ua
ou le manao foi i le aso vale, ua
silafia e oe; o le mea ua alu atu i
17 o'ulaugutu; ua i ou luma lea. Aua
ne'i fai oe ma faamatau ia te au; o
18 oe lo'u malu i le aso vale. Ia faa-
maina i latou o e tuliloa mai ia te
au, a e aua le faamaina a'u; ia
matatau i latou, a e aua le mata'u
o a'u; ia faaootia ia te i latou le
aso vale, ma ia faaumatia i latou i
le malaia e sautualua.
19 Ua faapea ona fetalai mai o Ieova

ia te au, Alu ia, ina tu i le faitotoa
o tagata o le nuu, e ulu mai ai tupu
o Iuta ma o atu ai i latou; ia e tu
foi i faitotoa uma o Ierusalemā;
ma ia e faapea atu ia te i latou, Ia
20 outou faalogologo mai i le afioga a
Ieova, o outou tupu o Iuta, ma Iuta
uma atoa ma outou uma o e o
nonofo i Ierusalemā, o e ulu mai i
nei faitotoa; o loo faapea ona fetalai
21 mai o Ieova, Ia outou ia te outou,
ina ne'i ave se avega i le aso sapatī,
aua foi le au mai ai i faitotoa o
Ierusalemā; aua foi ne'i avatua se
22 avega nai o outou fale i le aso sapatī,
aua foi tou te fai ai se galuega e
tasi, a ia faapaiaina e outou le aso
sapatī, e pei ona ou fai atu ai i o
outou tamā. A ua latou le faalogo
23 mai, ma ua le uai mai o latou taliga,
a ua latou faamaaa o latou ua, ina
ia latou le faalogo mai, ma ia le
talia mai le aoaiga. Afai foi tou te
24 matuā faalogo mai ia te au, o loo
fetalai mai ai Ieova, ma outou le
aumaia se avega i faitotoa o lenei
aai i le aso sapatī, a e faapaiaina e
outou le aso sapatī, ma outou le fai
ai se galuega e tasi; ona o mai ai
25 lea i faitotoa o lenei aai o tupu ma
alii o nonofo i le nofoālii o Tavita, o
tietie i nofoa faataavalevale ma solo-
fanua, o i latou, ma o latou alii, o
tagata o Iuta, ma e o nonofo i
Ierusalemā; e āina foi lenei aai e
faavavau. E o mai i latou mai aai o
26 Iuta, ma mea ua vagavagai i Ierusa-
lema, ma le nuu o Peniamina, ma le
nuu maulalo, ma mauga, ma le itu i
toga, latou te aumaia taulaga mu,
ma taulaga, ma taulaga i mea e 'ai,
ma pulu lipano, o i latou foi e au
mai taulaga faaneene e i le fale o
Ieova. A e afai tou te le faalogo
27 mai ia te au, ma outou le faapaiaina
le aso sapatī, a ua ave ai se avega,
ma ua ulu mai i faitotoa o Ierusa-
lema i le aso sapatī; ona ou tūtuina
ai lea o le afi i ona faitotoa e susu-
nuina ai maota o Ierusalemā, e le
tinea lava.

*O le faatusa i le fai ipu omea. O le
tatalo a Ieremia.*

O LE afioga na oo mai ia Ieremia
mai ia Ieova, ua faapea mai, Ina
tulai ia, ma alu ifo i le fale o le fai
2

ipu omea, ona ou faailoa atu ai lea
 3 ia te oe i lea mea o a'u upu. Ona ou
 alu ifo ai lea i le fale o le fai ipu
 omea, faauta foi, o fai e ia lana
 4 galuega i luga o mea taavilivil. Ua
 leaga le ipu na ia faia i le omea i le
 lima o le fai ipu omea; ona toe fai
 ai lea e ia o le tasi ipu e tusa ma le
 manatu o le fai ipu omea ona fai.
 5 Ona oo mai lea o le afioga a Ieova
 6 ia te au, ua faapea mai, Le aiga o
 Isaraelu e, ou te le mafaia ea ona
 fai ia te outou e pei o lena fai ipu
 omea? o loo fetalai mai ai Ieova.
 Faauta, le aiga o Isaraelu e, e pei o le
 omea i le lima o le fai ipu omea, e
 7 faapea foi outou i lo'u lima. O le
 itu aso ou te tautala atu ai i se nuu,
 po o se malo, ia liaiina, ma lepetia,
 8 ma faaumatia; pe afai e liliu mai lea
 nuu na ou tautala i ai, nai la latou
 amio leaga, ona ou salamo ai lea i le
 malaia na ou manatu e faaoi i ai.
 9 O le itu aso foi ou te tautala atu ai
 i se nuu, po o se malo, e atiina ae
 10 ma faatotoina; a faia e i latou le
 amio leaga i o'u luma, ma latou le
 faalogo i lo'u leo, ona ou salamo ai
 lea i le manuia na a'u fai atu ai ou
 te faamanuiaina ai i latou.
 11 O lenei, ia e fai atu i tagata o Iuta
 ma e o nonofo i Ierusalem, ia faa-
 pea atu, Ua faapea ona fetalai mai o
 Ieova, Faauta, o a'u nei, ou te sauni
 atu le malaia ia te outou, ou te
 mafaufau foi i se togafiti ia leaga ai
 outou; o lenei, ia outou toe foi mai,
 taitasi le tagata ai lona ala leaga,
 ma ia outou sauni lelei o outou ala
 12 ma a outou amioga. A ua latou fai
 mai, E le aoga; auā matou te muli-
 muli atu i o matou mafaufauga, e
 taitasi foi ma fai e tusa ma le finau
 13 vale o lona loto leaga. O le mea lea
 o loo faapea ona fetalai mai ai o
 Ieova, Ia outou fesili atu i nuu ese,
 po o ai ua faalogo i mea faapenei?
 ua faia e le taupou o Isaraelu le mea
 14 e matuā inosia. E tuua ea e le
 kiona o Lapanona le papa i le vao?
 E pē ea le vai ese, ua mālulu, ua
 15 tafe mai? A ua faagalagaloina a'u
 e lo'u nuu, ua latou faamu mea
 manogi i le mea faatauva, ma ua
 faatausuaia i latou i o latou ala, o
 ala o le vavau, ina ia savavali i ala
 16 'alo, o le ala e le tanua; ina ia faia

lo latou nuu ma faatafunaga, ma
 mea e uisa ai e faavavau; o i latou
 uma e ui ane ai e taitasi ma ofo, ma
 lialiai lona ulu. E pei o le matagi 17
 mai sasae ou te faataapeapeina ai i
 latou i luma o e ita mai; ou te u
 atu ia te i latou lo'u tua, a e le o o'u
 mata i le aso o lo latou malaia.

Ona latou fai ane lea, O mai ia, ia 18
 tatou filifilia ni togafiti e leaga ai
 Ieremia; auā e le te'a le tulafono ai
 le faitaulaga, po o le mafaufau ai le
 tagata poto, po o le upu ai le pero-
 feta. O mai ia, ia tatou taia o ia i o
 tatou laulaufaiva; aua foi le liliu
 atu o tatou taliya i sana upu e tasi.
 Ieova e, ia liliu mai ou fofoga ia te 19
 au, ma e faafofoga mai i le leo o e
 finau mai ia te au. E tauia ea le 20
 lelei i le leaga? auā ua latou elia le
 lua ia ou oti ai. Ia e manatua na ou
 tu i ou luma e tautala mo i latou ia
 manuia ai, ina ia faaliliu ese lou
 toasa ia te i latou. O le mea lea ia 21
 e tuuina atu ai a latou fanau i le
 oge, ia tuuina atu foi i latou i le
 malosi o le pelu; ma ia ave a latou
 avā ma fafine ua aufanau, ma ia
 oti a latou tane; ma ia fasiotia a
 latou tane; ma ia fasia o latou tau-
 lelea i le pelu i le taua. Ia lagonā 22
 le alaga i o latou fale, pe a e faao
 faafuasei mai le 'au ia te i latou;
 auā ua elia e i latou le lua e maua
 ai a'u, ma ua latou nanā mailei mo
 o'u vae. A o oe, Ieova e, ua e silafia 23
 a latou pulega uma ia te au ia o'u
 oti; aua le ufitia a latou amioletonu,
 aua foi e te sōloiese a latou agasala
 i ou luma, a ia faatausuaia i latou i
 ou luma; ia faapea ona fai ia te i
 latou i ona po o lou toasa.

O le faatusa i le fagu omea ua taeia.

UA faapea ona fetalai mai o Ieova, 19
 Alu ia, ia e saili se fagu omea a le
 fai ipu omea, *tou te o* foi ma nisi
 toeaia o le nuu, ma nisi toeaia o
 le au faitaulaga; ma ia alu atu i le 2
 vanu o le atalii o Hinoma, i le mea
 e ui ai i le faitotoa o le fai ipu omea,
 ma ia e tala'i atu i lea mea o upu ou
 te fai atu ai ia te oe. Ia e faapea 3
 atu, O outou tupu o Iuta, ma e o
 nonofo i Ierusalem, ia outou faa-
 logologo mai i le afioga a Ieova; o
 loo faapea ona fetalai mai o Ieova o

2. le Atua o Isaraelu, Faaata, ou te faaoo mai le malaia i lenei mea, e taitasi uma o e faalogologo ai ma taalili ai ona taliga. Aua ua latou tuua a'u, ua latou liva foi lenei mea, ma ua latou faamu ai mea manogi i atua ese na latou le iloa, o i latou, po o latou tamā, po o tupu o Iuta; ma ua latou faatumuina lenei mea i

5 le toto o e le sala. Ua faia e i latou o mea maualuluga a Paala e susunu ai a latou fanau i le afi e fai ma taulaga mu ia Paala; o le mea na ou le poloai atu ai, pe fai atu ai, ou te

6 lei manatu foi i ai. O le mea lea faauta, o le a oo mai ai ona po, o loo fetalai mai ai Ieova, e le toe igoa ai lea mea o Tofeta, po o le vanu o le atalii o Hinoma, a o le vanu o le

7 fasi. Ou te faaleagaina le pule a Iuta ma Ierusalemā i lenei mea; ou te tuuina foi i latou ia fāsia i le pelu i luma o e ita ia i latou, ma lima o e saililili ia i latou ia oti; ou te tuuina atu foi o latou tino ua oti e fai ma mea e ai a manu felelei ma manu e

8 tataa. Ou te fai foi lenei aai ma faatafunaga, ma mea e uisa ai; o i latou uma e ui ane ai e taitasi ma

9 ofo ma uisa i ona mala uma. Ou te fagaina i latou i tino o latou atalii ma tino o latou afafine, e taitasi foi o i latou ma ai i le tino o le tasi ina ua siosioina, ma tigaina e faatigateleina ai i latou e i latou ua ita mai, ma e ua saili ia i latou ia oti. Ona e nutililili ai lea o le fagu i luma o

10 tagata latou te o ma oe, ma e fai atu ia te i latou, O loo faapea ona fetalai mai o Ieova o 'au, E faapea lava ona ou nutililili i lenei nuu ma lenei aai, e pei ona nutililili e se tasi

11 le ipu a le fai ipu omea, e le mafai ona toe faia; e tanumia foi i latou i Tofeta scia le toe ai se mea e tanu ai. E faapea ona ou faia i lenei nuu, ma e o nonofo ai, o loo fetalai mai ai Ieova, ma ou faia lenei aai ia pei

13 o Tofeta; e avea foi fale o Ierusalemā, ma maota o tupu o Iuta, e pei o le mea e ta'ua o Tofeta, ua leaga ia auā ua latou faamu mea manogi i luga o latou fale uma i 'au uma o le lagi, ma ua latou liligi atu taulaga i mea e inu i atua ese.

14 Ona sau ai lea o Ieremia mai Tofeta na auina atu ai o ia e Ieova

e vavalō ai; na tu o ia i le lotoā o le fale o Ieova, ma ua fai atu i le nuu uma. Ua faapea ona fetalai mai o Ieova o 'au, le Atua o Isaraelu, Faaata, ou te faaoo mai i lenei aai, ma ona faoa aai uma le malaia uma na ou fai atu ai; auā ua latou faamaaa o latou ua, ina ia latou le faalogologo ai i a'u upu.

*O le agaleaga o Pasura ia Ieremia.
O le tagi o Ieremia i mea leaga ua oo ia te ia.*

UA faalogologo Pasura, le atalii o Imere, le faitaulaga, o le matai sili ia i le fale o Ieova, ua vavalō Ieremia i ia upu. Ona taia lea o le perofeta o Ieremia e Pasura, ma ua tuuina o ia i laau faamau, sa i le faitotoa aupitoaluga o Peniamina, e lata ane i le fale o Ieova. Ua oo i le taeao, ona aumaia lea e Pasura o Ieremia nai laau faamau. Ona fai atu lea o Ieremia ia te ia, Ua le ta'ua lou igoa e Ieova o Pasura, a o Makorumisapipa. Auā o loo faapea ona fetalai mai o Ieova, Faaata, ou te faia oe ma mata'u ia te oe, ma au uo uma; e oti i latou i le pelu a ē ita mai ia te i latou, e iloa foi e ou mata; ou te tuuina atu foi Iuta uma i le lima o le tupu o Papelonā, e tāfea foi i latou e ia i Papelonā, ma fasia i latou i le pelu. Ou te tuuina atu foi le oloa uma o lenei aai, ma mea uma o i ai sa tautigaina ai, ma oloa tāua uma o i ai, ma ca uma a tupu o Iuta ou te tuuina atu lava i lima o e ita mai ia te i latou, latou te vetea, ma avea, ma la'u atu ai i Papelonā. A o oe, Pasura e, ma lou 'au aiga uma, e ō outou i le tafeaga; e oo foi oe i Papelonā, e te oti ai lava, e tanumia foi oe i lea mea, o oe ma au uo uma, o i latou na e vavalō i ai mea pepelo.

Ieova e, ua e faaleoleole ia te au, ona faaleoleina lea o a'u; ua sili ona e malosi ia te au, ma ua e manu-malo; ua fai a'u ma mea e tapisa ai i aso uma, ua tauemu mai ia te au tagata uma. Auā a ou tautala atu, ua ou alaga, ua ou valaau, o le saua ma le faatafunaga; auā ua avea le afioga a Ieova ma mea e faalumaina ai a'u, ma tauemua i aso uma. Ona ou fai atu lea, Ou te le ta'uta'uina o

- ia, ma ou le toe tautala i lona suafa. A o lo'u loto e peiseai o se afi mumū sa i ai, ua punitia i o'u ivi, ua lailoa a'u i onosai, ua ou le mafaia lava.
- 10 Auā ua ou faalogo i le faaleaga mai a le to'otele, ua siomia a'u i le mata'u, *ua fai ane i latou*, Ina outou ta'uta'u ina atu o ia, matou te ta'uta'uina atu foi o ia. O tagata uma o a'u uo o lamalama mai pea ia te au, *ua faapea*, Atonu e faaoleoleina o ia, ma tatou manumalo ia te ia, ma
- 11 tatou tau i ma suiia te ia. A ua ia te au Ieova e pei o le toa e matautia; o le mea lea e tausuai ai e o tuliloa mai ia te au, e le manumalo i latou; e matuā faamaina i latou; auā e le manuia i latou; e le faagalagaloia lo latou masiasi e faavavau. Ieova o 'au e, o lē tofototofo i e ua amiotonu, o lē silasila i manatu ma loto, ia ou iloa lau tau i ma sui ia te i latou; auā ua ou faaalila la'u
- 13 finauga ia te oe. Ina pepese ia ia Ieova, ia outou vivii atu ia Ieova; auā ua laveaiina e ia ia ola le ua mativa ai lima o e amio leaga.
- 14 Ia faafanoia le aso na fanau mai ai a'u; aua le faamanuiaina le aso na fanauina ai a'u e lo'u tinā. Ia faafanoia le tagata na avatu le tala i lo'u tamā, na faapea atu, Ua fanau ia te oe le tama tane; ua matuā faafafafa ia te ia. Ia avea lea tagata e pei o aai na faaumatia e Ieova, ma ua le salamo ai o ia; ia faalogo foi e ia i le alaga i le taeao, ma le vāvāo i
- 17 le tutonu o le la; auā na le fasiotia a'u ina o i le manava; po ua avea lo'u tinā ma tuugamau ia te au, ma lona manava e to pea e faavavau.
- 18 Se a le mea na ou sau ai mai le manava e iloa ai le tiga ma le faanoanoa, e mavae ai foi o'u aso ma le mā?
- O le fesili a Setekaia pe faapefea le taua, ma le tali a Ieremia ia te ia.*
- 21 O LE afioga a Ieova na oo ia Ieremia, ina o aauina atu ia te ia e le tupu o Setekaia o Pasura le atalii o Malekia, atoa ma Sefanaia le atalii o Maaseia le faitaulaga, ua faapea atu, Se'i e fesili atu ia Ieova mo i tatou; auā o loo ua sii mai le taua ia te i tatou e Nepukanesa le tupu o Pape-lonia; atonu e faia e Ieova ia
- te i tatou e tusa ma ona vavega uma, ina ia alu ese ai o ia ia te i tatou. Ona fai mai ai lea o Ieremia ia te i latou, Ia faapea ona outou fai atu ia Setekaia, O loo faapea ona fetalai mai o Ieova le Atua o Israel, Faaata, ou te faaliliueseina auupega o le taua o i o outou lima, ua outou tau a'i ma le tupu o Pape-lonia ma tagata o Kaletaia, o e vagaia outou i tuapa, ma ou faapotopoto ia te i latou i totonu o lenei aai. O a'u nei foi, ou te tau ma outou i le lima faaloaloa, ma le lima malosi, o le tiga foi, ma le ita, ma le ita tele. Ou te taia e o nonofo i lenei aai, o tagata atoa ma manu, e oti i latou i le faamai tele. O loo fetalai mai Ieova, E mulimuli ane ou te tuuina atu Setekaia le tupu o Iuta, ma ana auauna, ma le nuu, ma e o totoe i lenei aai i le faamai, ma le pelu, ma le oge, i le lima o Nepukanesa le tupu o Pape-lonia, ma lima o e ita ia te i latou, ma lima o e sailili ia te i latou ia oti; e fasia i latou i le pelu, e le faasacina e ia o i latou, e le faapelepele, e le alofa lava.
- E te fai atu foi i lenei nuu, O loo faapea ona fetalai mai o Ieova, Faaata, ou te tuuina atu i o outou lima le ala o le ala, ma le ala o le oti. O lē nofo i lenei aai e oti o ia i le pelu, ma le oge, ma le faamai; a o lē alu atu, ma vavae atu i tagata o Kaletaia o e vagaia outou, e ala o ia, e avea foi lona ola ma ana vete. Auā ou te faasaga atu i lenei aai ia leaga ai, a e le ina ia manuia ai, o loo fetalai mai ai Ieova; e tuuina atu ai i le lima o le tupu o Pape-lonia, e susunuina foi e ia i le afi.
- A ia e fai atu i le aiga o le tupu o Iuta, Ina faalogologo ia outou i le afioga a Ieova; Le aiga o Tavita e, o loo faapea ona fetalai mai o Ieova, Ia faia le faamasinoga i le taeao, ma ia laveaiina le ua faoa ana mea ai le lima o le tagata saua, ina ne'i alu atu lo'u ita e pei o le afi, ma mu ai, a e le mafai ona tineia e se tasi, ona o le leaga o a outou amioga.
- Faaata, o oe lē nofo i le vanu, o le papa o i le mea laugatasi, ua ou tiga ia te oe, o loo fetalai mai ai Ieova; o e fai ane, Po o ai ea e o

14 ifo e tau ma i tatou? po o ai foi e ulufale mai i o tatou fale? Ou te tau ai atu ia te outou e tusa ma le fua o a outou amioga, o loo fetalai mai ai Ieova; ou te faamuina foi le afi i lona vao, e faumatia ai foi ona itu uma.

O le aoiaga a Ieova ia Saluma, ma Ioakima, ma Konia.

- 22 UA faapea ona fetalai mai o Ieova, Ina e alu ifo ia i le fale o le tupu o Iuta, ma ia e fai atu lenei upu i lea 2 mea, ia e faapea atu, Ia outou faalogologo mai i le afoaga a Ieova, o oe le tupu o Iuta, o lē tietie i le nofoālī o Tavita, ma au auaua, ma lou 3 nuu o e ulu mai i nei faitotoa; o loo faapea ona fetalai mai o Ieova, Ia outou faia le faamasinoga ma le amiotonu, ma ia laveaiina le ua faoa ana mea ai le lima o le tagata saua; aua le agaleaga atu, aua le faasaua atu i le tagata ese, ma le ua mātuaoti, ma le fafine ua oti lana tane; aua foi tou te faamaligiina i lenei mea le toto o e ua le sala. 4 Auā afai tou te matuā faia lenei mea, ona ulufale mai ai lea i faitotoa o lenei fale o tupu o e tietie i le nofoālī o Tavita, o tietie i nofoa faataavalevale ma solofanua, e taitasi ma ana auaua, ma lona nuu. 5 A e afai tou te le faalogo i nei upu, ou te tauto a'u ia te au, o loo fetalai mai ai Ieova, e avea lenei fale ma 6 faatafunaga. Auā ua faapea ona fetalai mai o Ieova, i mea a oo i le aiga o le tupu o Iuta, Ua o Kiliata oe ia te au, o le tumutumu o Lepanona; a e peitai e moni, ou te faia 7 oe ma vao, o aai e le āina. Ou te tofia tagata faumatia mea ia tiga ai oe, e taitasi le tagata ma ana auupega; latou te tatuuina o ou 8 arasi silisili, ma lafo i le afi. E tele nuu e ui ane i lenei aai, ma fai ane le tasi i le tasi, Se a le mea ua faapea ai ona fai e Ieova i lenei aai 9 tele? Ona fai atu ai lea e i latou, Auā ua tuua e i latou le feagaiga a Ieova lo latou Atua, a ua latou ifo i atua ese, ma auaua i ai. 10 Aua tou te fetagisi ona o le ua oti, aua le faanoānoa ona o ia; a ia tagi tele ona o lē alu ese; auā e le toe foi mai o ia, e le toe iloa foi e ia le

nuu na fanau ai o ia. Auā ua faa- 11 pea ona fetalai mai o Ieova ia Saluma le atali o Iosia le tupu o Iuta, o le na fai ma tupu e sui a'i Iosia lona tamā, o le ua alu atu nai le mea nei; e le toe foi mai o ia i lea mea; auā e oti o ia i le mea ua 12 latou avea ai o ia, a e le toe iloa mai e ia lenei nuu.

Oi talofa i le ua faia lona fale ma 13 le amioletonu, ma ua faia ona potu aupitoaluga ma le amio le tatau; ua fai fua e ia mana auaua lē la te tuaoi, ma ua le avatu ia te ia lona totogi; ua faapea ane o ia, Ou te 14 faia mo a'u le fale tele, ma potualuga e tetele; ua faia foi faamalama mo ia, ma ua tapapa i arasi, ma vali i le vali mūmū. Efai ea oe ma tupu 15 ina ua e finau e fai fale arasi? O lou tamā na le 'ai ea o ia ma inu, ma faia le faamasinoga ma le amiotonu? ona manuia ai lea o ia. Na faa- 16 tonuina e ia le finauga o e ua puapugaina ma e ua matitiva; ona manuia ai lea o ia. E le o le iloa ea o a'u lena? o loo fetalai mai ai Ieova. A ua na ona faasaga o ou 17 mata ma lou loto i lau oloa, ma le faamaligiina o le toto o le ua le sala, ma le faasaua, ma le faatigaina, ia faia. O le mea lea o loo faapea ona 18 fetalai mai ai o Ieova i mea a oo ia Ioakima le atali o Iosia, le tupu o Iuta, Latou te le taufaitagitu'i ia te ia, e faapea, Aue! lo'u uso e. Aue! le tuafafine e. Latou te le taufaitagitu'i ia te ia e faapea, Aue! le alii e. Aue! le mamalu e. E tanumia o 19 ia e pei ona tanua o le asini; e tosina ma tiaiina i tua o faitotoa o Ierusalem.

Ina alu ae ia i Lepanona, ma 20 alaga, ia e leo tele i Vasana, ia e alaga foi mai Aperima; auā ua faumatia o i latou uma sa mananao ia te oe. Na a'u fai atu ia te oe ina o 21 ē manuia; a ua e fai mai, Ou te le faalogo atu. O lau masani lea talu ina e itiiti, ua e le faalogo i lo'u leo. E fagina au leoleo mamoe uma i le 22 matagi; e o i le tafeaga o e mananao ia te oe; ona e mā ai lava lea, ma masiasi ona o au amio leaga uma. O oe na lē mau i Lepanona, ma fai 23 lou ofaga i arasi, talofa lava ia te oe pe a oo ia te oe le faatiga, o le tiga

24 e pei o le fafine a fanau mai. O loo fetalai mai Ieova, O loo ola a'u, pe afai ana fai Konia le atalii o Ioakima le tupu o Iuta ma faamaufasailoga i lo'u lima taumatau; a ou te se'iesea
 25 oe ai lea mea. Ou te tuuina atu foi oe i lima o e saili ia te oe ia oti, ma lima o i latou ua e mata'u i ai, o le lima foi o Nepukanesa le tupu o Papelonía, ma lima o tagata o Kale-
 26 taia. Ou te tutuli ia te oulua ma lou tinā na fanaua oe e o i le nuu ese na le fananau ai oulua; e oti foi
 27 oulua i lea mea. A o le nuu uanau- nau o latou loto e toe foi mai i ai,
 28 latou te toe foi mai lava i ai. O le ipu inosia ea ma le taeia lenei tagata o Konia? O le ipu ea o ia ua le fasia i ai? Se a le mea ua
 29 tulia ai i latou, o ia, ma lana fanau, ma ua lafoaiina i latou i le nuu na
 30 latou le iloa? Le lalolagi e, le lalo- lagi e, le lalolagi e, ina faalogologo mai ia i le asoga a Ieova. O loo
 faapea ona fetalai mai o Ieova, Ia outou tusia lenei tagata e aufanaua, o le tagata e le manuia i lona olaga; auā e le manuia se tasi o lana fanau, e le tietie i le nofoālii o Tavita, pe toe pule i Iuta.

E toe faapotopotoina le nuu. O le valoga i le La laau. O le malaia e oo i perofeta pepelo.

23 OI talofa i le au leoleo mamoe o e ua fano ai ma faataapeapeina mamoe na ou fagina! o loo fetalai
 2 mai ai Ieova. O le mea lea ua faapea ona fetalai mai ai o Ieova le Atua o Isaraelu i le au leoleo mamoe o e leoleo i lo'u nuu, Ua outou faataapeapeina la'u lasu mamoe, ma tulia i latou, ma ua le asiasi ia te i latou; faauta, ou te tau i atu ia te outou ona o le leaga o a outou ami-
 3 oga, o loo fetalai mai ai Ieova, Ou te faapotopoto foi i e totoe o la'u lasu mamoe mai nuu uma na ou tulia ai i latou, ma ou toe faafoi mai ia te i latou i o latou lotoā; latou te fanafanau ai ma uluola ai.
 4 Ou te tofia foi mo i latou o leoleo mamoe e leoleo ia te i latou; latou te le toe fefefe, latou te le matatau foi, e leai so latou e le iloa o loo fetalai mai ai Ieova.
 5 Faauta, e oo mai ona aso, o loo

fetalai mai ai Ieova, ou te faatupu- ina ai mo Tavita le La laau amiotonu, e pule foi le Tupu, e manuia o ia, e faia foi e ia le faamasinoga ma le amiotonu i le lalolagi. O lana nofoaiga e faaolaina ai Iuta, e nofo foi Isaraelu ma le filemu; o le suafa foi lenei e ta'ua ai o ia, O IEOVA LA TATOU AMIOTONU. O le mea lea faauta, o loo fetalai mai ai Ieova, e oo mai ona po e le toe fai ane ai tagata, O loo soifua Ieova, o le na aveina ae le fanauga a Isaraelu nai le nuu o Aikupito; a e faapea, O loo soifua Ieova, o le na aveina ae, ma le na aumaia le fanau a le aiga o Isaraelu mai le nuu i le itu i matu, ma nuu uma na a'u tulia ai i latou; e nonofo foi i latou i lo latou lauleele.

Ua momomo lo'u loto i totonu ia te au ona o perofeta; ua gatete o'u ivi uma; ua avea a'u e pei o le tagata onā, e pei o le tagata ua faaiina i le uaina, ona o Ieova ma ana asoga paia. Auā ua tumu le nuu i e mulilulua; auā ua faanoanoa le nuu ona ua faafanoina; ua magumagu mea i le vao e tataa ai manu, auā ua leaga lo latou taufetuliga, ua le tonu foi lo latou malosí. Auā o perofeta atoa ma faitaulaga ua faalematau i latou; ua iloa e a'u la latou amio leaga i lo'u lava fale, o loo fetalai mai ai Ieova. O le mea lea e avea ai lo latou ala ia te i latou e pei o mea masesee e le pouliuli; e tulia i latou, ma latou pauu i ai; auā ou te faaooina le malaia i luga ia te i latou, o le tausaga lea e asiasia mai ai i latou, o loo fetalai mai ai Ieova. Ua ou iloa le faavalea o perofeta o Samaria; ua latou vavalalo i le igoa o Paala, ma faaseseina lo'u nuu o Isaraelu. Ua ou iloa foi le mea e inosia i perofeta o Ierusalem; ua latou mulilulua, ma sava- vali ma le pepelo; ua faamalolosia foi e i latou lima o e amio leaga, ina ia le toe foi mai se tasi ai lana amio leaga; ua avea i latou uma ia te au e pei o Sotoma, ma e o nonofo ai e pei o Komoro. O le mea lea ua faapea ona fetalai mai ai o Ieova o 'au i perofeta, Faauta, ou te fafaga ia te i latou i le laena, ma faainu ia te i latou i vai oona; auā o perofeta

- o Ierusalem a ua oo atu ai le amio
16 faalematau i le nuu uma. O loo faapea ona fetalai mai o Ieova o 'au, Aua tou te faalogologo i upu a perofeta o e vavalō ia te outou; ua latou faasese ia te outou e fai mea faatauvaa; ua latou tautala atu i le faaaliga mai o latou lava loto, a e le mai le fofoga o Ieova. O loo tautala atu pea i latou i e 'ino'ino mai ia te au, O loo fetalai mai Ieova, E manuia outou; ma ua latou faapea atu ia te i latou uma o e savavali e tusa ma le finau vale o latou loto, E le oo ia te outou se malaia.
- 18 A o ai ea ua tu atu a o fai le pule a Ieova, ma ua iloa ma faalogologo i lana afoga? Po o ai ua uai atu *ona taliga* i ana afoga, ma faalogologo i ai? Faauta, ua alu atu le afā mai ia Ieova i le toasa, o le afā fulifaō; e pesi tetele mai i luga o ulu o e amio leaga. E le toe liliu le toasa o Ieova, seia faia e ia, seia faataunuina foi e ia manatu o lona finagalo; tou te matuā mafaufau i ai i aso amuli. Ua ou le aauina atu o ia perofeta, a ua latou taufetuli; ua ou le tautala atu ia te i latou, a ua
- 22 latou vavalō. A e afai ana latou tutu mai a o fai la'u pule, po ua latou faailoa atu a'u upu i lo'u nuu, ma latou faafoi ia te i latou ai o latou ala leaga, ma le leaga o a latou amioga. O a'u ea o le Atua e latalata, a e le o le Atua e mamao? o
- 24 loo fetalai mai ai Ieova. Pe mafai ea e se tagata ona lasi i mea lilo, ou te le iloa ai o ia? o loo fetalai mai ai Ieova. E le o tutumu ea le lagi ma le lalolagi ia te au? o loo fetalai mai ai Ieova. Ua ou faalogo i mea ua fai atu ai perofeta, o e ua vavalō ma le pepelo i lo'u igoa, ua faapea atu, Ua fai la'u miti, ua fai la'u miti. E i ai *lenei mea* seia afea i loto o perofeta, o e vavalō mai ma le pepelo, o perofeta lava i latou o le pepelo ua i o latou loto? o loo manatu i latou ia faagaloina e lo'u nuu o lo'u igoa i a latou miti ua latou talatala atu ai o le tasi i le tasi, e pei ona faagalogo e o latou
- 28 tamā o lo'u igoa ona o Paala. O le perofeta ua na fai le miti, ia talatala atu *lana* miti; ma le ua ia te ia la'u upu, ia talatala atu e ia la'u upu ma le faamaoni. E tusa ea le 'au o saito i le fua o le saito? o loo fetalai mai ai Ieova. E le pei o le 29 afi ea la'u upu? o loo fetalai mai ai Ieova; e le pei o le samala foi e tu'imomoia ai le papa? O le mea 30 lea faauta, e fai ai mo'u fili o perofeta, o e o fegaoiai a'u upu, o loo fetalai mai ai Ieova. O loo fetalai 31 mai Ieova, Faauta, e fai mo'u fili o perofeta, o e tautala i o latou laulaufaiva, ua faapea atu, Ua fetalai mai o ia. Faauta, e fai mo'u fili i 32 latou o e vavalō i miti pepelo, o loo fetalai mai ai Ieova, ma latou talatala atu ai, ma faaseseina ai lo'u nuu i a latou upu pepelo, ma lo latou mitamita vale; a o a'u na ou le aauina atu i latou, ma a'u lei fai atu ia te i latou; o le mea lea e le aoga ai lava i latou i lenei nuu, o loo fetalai mai ai Ieova.
- A fesili mai foi ia te oe lenei nuu, 33 po o le perofeta, po o le faitaulaga, e faapea mai, Se a ea le avega mai ia Ieova? Ona e tali atu ai lea ia te i latou, Se a se avega? Ou te lafoaiina outou, o loo fetalai mai ai Ieova. A o le perofeta, po o le fai- 34 taulaga, po o le nuu, e fai mai, O le avega mai ia Ieova; ou te tau atu lava i lena tagata atoa ma lona aiga. Ia faapea ona outou tautala atu, o 35 le tagata i lē la te tuaoi, ma le tagata i lona uso, Se a le tali mai ia Ieova? se a foi le afoga mai ia Ieova? Tou te le toe ta'uta'ua foi 36 le avega mai ia Ieova; auā e taitasi le tagata ma fai lana lava upu ma avega ia te ia; auā ua faanigaeseina e outou afoga a le Atua soifua, o Ieova o 'au, lo tatou Atua. Ia 37 faapea ona e fai atu i le perofeta, Se a le tali mai ia Ieova ia te oe? se a foi le afoga mai ia Ieova? A 38 e afai tou te fai ane, O le avega mai ia Ieova; o le mea lea ua faapea ona fetalai mai ai o Ieova, Auā ua outou fai ane lenei upu, O le avega mai ia Ieova, a ua ou avatu le feau ia te outou, ua faapea atu, Aua tou te fai ane, O le avega mai ia Ieova; o le mea lea faauta, ou te 39 matuā faagaloina ai outou, ma ou lafoaiina ai outou ai o'u luma, atoa ma le aai na ou foaiina atu ia te outou ma o outou tamā. Ou te 40

faaeina atu foi ia te outou le luma e faavavau, ma le masiasi e faavavau, e le galo lava.

O le faatusa i mati lelei ma mati leaga.

- 24 UA faaali mai e Ieova ia te au, faauta foi, o ato mati e lua, ua tuu i luma o le malumalu o Ieova, ina ua mavae ona tafea e Nepukanesa le tupu o Papelonía, o Iekonia le atalii o Ioakima le tupu o Iuta, ma alii o Iuta, atoa ma tufuga, ma e galulue i uamea, mai Ierusalemá, 2 ma ua avea i latou i Papelonía. O le tasi ato mati e matuá lelei, e pei o mati muai otata; a o le tasi ato mati e matuá leaga, e le mafai ona 3 'aina ina ua leaga. Ona faapea mai lea o Ieova ia te au, Ieremia e, se a ea se mea ua e iloa? Ona ou faapea atu lea, O mati; o mati lelei, e matuá lelei ia; a o *mati* leaga, e matuá leaga ia, e le mafai ona 'aina, 4 ina ua leaga. Ona oo mai ai lea o le afioga a Ieova ia te au, ua faapea mai, 5 Ua faapea ona fetalai mai o Ieova le Atua o Isaraelu, E pei o ia mati lelei, e faapea ona ou faailogaina o le tafeaga o Iuta, ua ou aauina atu nai lenei mea i le nuu o 6 Kaletaia, ina ia lelei ai i *latou*. Ou te faasaga atu o'u mata ia te i latou ia lelei ai, ma ou faafoisia mai i latou i lenei nuu; ou te atiina ae i latou, a e le lepetia; ou te totōina 7 i latou, a e le liaiina. Ou te avatu foi ia te i latou le loto e iloa ai a'u, o a'u lava o Ieova; e fai foi i latou mo'u nuu, e fai foi a'u mo latou Atua; pe a latou toe foi mai ia te au ma o latou loto atoa. 8 E pei o mati leaga, e le mafai ona 'aina, ina ua leaga; ua faapea ona fetalai mai ai o Ieova, E faapea ona ou tuuina atu o Setekaia le tupu o Iuta, ma alii ua ia te ia, ma e o totoe i Ierusalemá, o e o totoe i lenei nuu, ma e o nonofo i le nuu o 9 Aikupito; ou te tuuina atu i latou ia faaatuatuvaieina, *ma* ia malaia i malo uma o le lalolagi, e fai a'i luma, ma upu faatusa, *ma* tauemuga, na faafanoga, i mea uma ou te tulia ai i latou. Ou te aauina atu ia te i latou le pelu, ma le oge, 10 ma le faamai, seia faaumatia i latou

i le lauleelele na ou foaiina atu ai ia te i latou ma o latou tamā.

O le aafiaga o tagata o Iuta. O le faatafunaina o Papelonía ma isi nuu.

- O LE afioga na oo mai ia Ieremia 25 i le nuu uma o Iuta i le fa o tausaga o Ioakima le atalii o Iosia, le tupu o Iuta, o le tausaga muamua lea o Nepukanesa le tupu o Papelonía, na fai atu ai le perofeta o Ieremia i le nuu uma o Iuta ma i latou uma sa nonofo i Ierusalemá, ua faapea atu, E afua i le tausaga e sefulu ma le tolu o Iosia le atalii o Amone, le tupu o Iuta, e oo i le aso nei, o tausaga ia e lua sefulu ma le tolu, ua oo mai ai ia te au le afioga a Ieova, ua ou fai atu ai foi ia te outou, ua ou ala fai atu lava; a ua outou le faalogo mai. Ua aauina atu ia te outou e Ieova o ana auauna uma, o perofeta, ua ala aauina atu lava i *latou*; a ua outou le faalogo mai, ma ua le uai mai o outou taliga e faalogologo mai ai. Ua latou faapea atu, Ia outou taitasi ma liliu mai i lona ala leaga, ma le leaga o a outou amioga, tou te nonofo ai i le lauleelele ua foaiina mai e Ieova ia te outou ma o outou tamā mai le vavau e oo i le faavavau. Aua le mulimuli atu i atua ese e auauna i ai, ma ifo i ai; aua nei faaonoono foi ia te au i mea e faia e o outou lima, ona ou le faatigaina lea o outou; a ua outou le faalogo mai ia te au, o loo fetalai mai ai Ieova; o lea ua outou faaonoono mai ai ia te au i mea e faia e o outou lima, ia tiga ai outou. O le mea lea ua faapea ona fetalai mai ai o Ieova o 'au, Ua outou le faalogo mai i a'u upu, o loo fetalai mai ai Ieova, faauta, o le mea lea ou te avatu ai le feau, ma aami atu i aiga uma o i le itu i matu, ma Nepukanesa le tupu o Papelonía la'u auauna, ou te aumaia foi i latou e tau ma lenei nuu, ma e o nonofo ai, ma ia nuu uma ua vagavagai, e faaumatia lava i latou, ma faia i latou ma mea faatafunaina, ma mea e uisa ai, ma mea gaogao e faavavau. Ou te faaumatia le leo 10 fiafia ia te i latou, ma le leo olioli, o

- le leo o le faatoafaiavā, ma le leo o le faatoanofotane, o le taalili o maaolo, ma le malamalama o le
11 lamepa. E avea lenei laueleele uma ma mea gaogao, *ma* mea faatafunaina; a e auauna ia nuu i le tupu o Papelonía i tausaga e fitu-
12 gafulu. A faatoatoaina tausaga e fitugafulu, ona ou tauí atu ai lea i le tupu o Papelonía, ma lena nuu, o loo fetalai mai o Ieova, ona o la latou agasala; o le laueleele lava o Kaletaiá, ou te faia lea ma mea
13 faatafunaina e faavavau. Ou te faaoo foi i lena nuu o a'u upu uma na ou fai atu e oo i ai, o *upu* uma lava ua tusia i lenei tusi na valoia e
14 Ieremia i atu nuu uma. Auā e faapologaina i latou, o i latou lava, o atu nuu e tele, ma tupu sili, ou te tauí atu foi ia te i latou e tusa ma la latou amioga, e tusa foi ma mea ua faia e o latou lima. Auā ua faapea ona fetalai mai o Ieova le Atua o Isaraelu ia te au, Ia e ave le ipu uaina o *lo'u* nei ita ai lo'u lima, ma faainu a'i atu nuu uma ou te
16 auina atu ai oe ia te i latou. Latou te feinu, ma tautevateva, ma faavālea, ona o le pelu ou te auina atu
17 ai ia te i latou. Ona ou talia ai lea o le ipu ai le aao o Ieova, ma ou faainu a'i atu nuu uma na auina i
18 ai a'u e Ieova; o Ierusalemá, ma aai o Iuta, ma ona tupu, *ma* ona alii, e faia i latou ma mea gaogao, *ma* mea faatafunaina, *ma* mea e uisa ai, ma faafanoga e pei ona fai i le aso nei; o Farao, o le tupu o Aikupito, ma ana auauna, ma alii
20 ua ia te ia, ma lona nuu uma; o tagata eseese uma, ma tupu uma o le nuu o Usa, ma tupu uma o le nuu o Filistia, ma Asekelona, ma Kasa, ma Ekerona, ma e o totoe o
21 Asetota; o Etoma, ma Moapi, ma
22 le fanauga a Amoni; o tupu uma foi o Turo, ma tupu uma o Saitonu, ma tupu o nuu tu matafaga i tala atu o le sami; o Titana, ma Tema, ma Pusa, ma i latou uma o e sala a
24 latou pito *ava*; o tupu uma foi o Arapi, ma tupu uma o tagata eseese
25 o e mau i le vao; o tupu uma foi o Semeri, ma tupu uma o Elama, ma
26 tupu uma o Metai; ma tupu uma o le itu i matu, o e latalata ma e ma-
- mao, o le tasi ma le tasi, ma malo uma o le lalolagi o i le fogāeleele; a e mulia'i inu le tupu o Sesaka ia te i latou. E te fai atu foi ia te i
27 latou, Ua faapea ona fetalai mai o Ieova o 'au, le Atua o Isaraelu, Ia feinu outou, ma ia onā, ma ia puai, ma ia pauū, aua foi le toe tutū, ona o le pelu ou te auina atu ai ia te outou. A e afai latou te le mafafai
28 ona tali i le ipu ai lou lima e feinu ai, ona e fai atu ai lea ia te i latou, O loo faapea ona fetalai mai o Ieova o 'au, Tou te matuā feinu lava. Auā faauta, ou te amata ona
29 faaoo o le malaia i le aai ua igoa i lo'u igoa, a o outou, e faasaoina ea outou? E le faasaoina lava outou; auā ou te valaau atu i le pelu e oo ia te i latou uma o e ua nonofo i le lalolagi, o loo fetalai mai ai Ieova o 'au.
- O oe foi, ia e vavalu ia te i latou
30 i nei upu uma, ma e faapea atu ia te i latou, E leo tele mai Ieova mai lugā, ma tūlei mai lona siufofoga ai lona afioaga paia; e matuā leo tele mai i lona afioaga; e alaga o ia, e pei o i latou o e soli *fua vine*, ia te i latou uma o e nonofo i le lalolagi. E oo le vāvāo i tuluiga o le lalo-
31 lagi; auā o loo ia Ieova le finauga ma nuu ese, e faamasinoina e ia tagata uma; e tuuina atu e ia o e amio leaga i le pelu, o loo fetalai mai ai Ieova. O loo faapea ona
32 fetalai mai o Ieova o 'au, Faauta, e alu atu le malaia e afua i le tasi nuu e oo atu i le tasi nuu, e tupu mai le afā tele mai tuluiga o le lalolagi. O le fasi a Ieova i lea aso
33 e afua mai i le tasi pito lalolagi e oo atu i le tasi pito lalolagi; e leai ni e taufaitagitū i ia te i latou, e le afia i latou, e le tanumia foi i latou; e fai i latou ma otaota i luga o le laueleele. Outou leoleo mamoe, ia
34 outou uio, ma alalaga: outou tā'ita'i o le lafu, ia outou taafili i le *lefulefu*, auā ua oo i o outou aso e fāsia ma faataapeapeina ai outou; e pauū outou e pei o le ipu matagofie. E
35 le maua e leoleo mamoe se mea e sola i ai, e le sao foi tā'ita'i o le lafu. E *lagona* le leo o le alaga o leoleo
36 mamoe, ma le uio o tā'ita'i o le lafu; auā ua faaumatia e Ieova o mea e

37 tataa ai o latou *lafu*. O mea sa
tataa ai manu ma le filemū, ua faa-
umatia ia ona o le toasa tele o
38 Ieova. Ua tuua lona apitaga, e pei
o le leona; auā e avea lo latou nuu
ma faatafunaga ona o le ita faasaua,
ma lona ita tele lava.

Ua faamasinoina Ieremia.

26 O LE amataga o le nofoaiga a Ica-
kima le atalii a Iosia, le tupu o Iuta,
na oo mai ai lenei afoga mai ia
2 Ieova, ua faapea mai, O loo faapea
ona fetalai mai o Ieova, ia e tu atu i
le lotoā o le fale o Ieova, ma fai atu
i aai uma o Iuta, o e o mai e tapuai
i le fale o Ieova, upu uma ou te
poloai atu ai ia te oe e fai atu ia te
i latou, aua lava le tuua se upu;
3 atonu pe latou te faalogo ai, ma
latou taitasi ma liliu ese i lona ala
leaga, ina ia ou salamo i le malaia
ua ou manatu e faaoo ia te i latou,
ona o le leaga o a latou amioga.
4 E te fai atu foi ia te i latou, O loo
faapea ona fetalai mai o Ieova, Afai
tou te le faalogo mai ia te au, ma le
savavali e tusa ma la'u tulafono ua
5 ou tuuina i o outou luma, e le faa-
logo i upu a a'u aaua le au perofeta,
na aauina e a'u ia te outou;
na ou ala aauina i latou, a ua outou
6 le faalogo mai; ona ou faia lea o
lenei fale ia pei o Sailo, ou te faia
foi lenei aai ma faafanoga i atu nuu
7 uma o le lalolagi. Ua faalogo le au
faitaulaga, ma perofeta, ma le nuu
uma, ia Ieremia, o loo fai atu ia upu
8 i le fale o Ieova. Ua uma ona fai
atu e Ieremia o mea uma na poloai
mai ai Ieova na te fai atu i le nuu
uma, ona pue atu ai lea ia te ia e le
au faitaulaga, ma perofeta, ma le
nuu uma, ua faapea atu, E otī lava
9 oe. Se a ea le mea ua e vavalō mai
ai i le suafa o Ieova, ua faapea mai,
E avea lenei fale e pei o Sailo, o
lenei aai foi e faatafunaina ia, e leai
se nofo ai? Ua faapotopotoina le
nuu uma ia Ieremia i le fale o Ieova.
10 Ua faalogo alii o Iuta i ia mea,
ona latou o ae ai lea mai le fale o le
tupu, i le fale o Ieova, ma latou
nonofo i le mea e ui ai i le faitotoa.
11 fou o le fale o Ieova; ona fai atu ai
lea o faitaulaga ma perofeta i alii
ma le nuu uma, ua faapea atu, E

tatau ona otī o lenei tagata, auā ua
na vavalō i mea leaga e oo i lenei
aai, e pei ona faafofoga i ai o outou.
Ona fai atu ai lea o Ieremia i alii 12
uma ma le nuu uma, ua faapea atu,
Ua auina mai a'u e Ieova e vavalō i
lenei fale ma lenei aai i upu uma ua
outou faalogo i ai. O lenei, ia outou 13
sauni lelei o outou ala ma a outou
amioga, ma ia outou faalogo i le
suifofoga o Ieova lo outou Atua;
ona salamo ai lea o Ieova i le malaia
na ia fetalai mai e oo ia te outou.
A o a'u nei, faauta, ua i o outou 14
lima a'u; ia outou faia ia te au e
pei ona lelei ma tonu ia te outou;
tau ina ia outou matuā iloa, afai tou 15
te fasioti ia te au, ona outou fafee
ai lea o le toto o le tagata ua le sala
i luga ia te outou, atoa ma lenei
aai, ma e o nonofo ai; auā e moni
lava, ua auina mai a'u e Ieova ia te
outou e fai atu ia upu uma i o outou
luma. Ona fai atu ai lea o alii ma 16
le nuu uma i faitaulaga ma perofeta;
E le tatau ona otī o lenei tagata,
auā ua tautala mai o ia ia te i tatou
i le suafa o Ieova lo tatou Atua.
Ona tulai mai ai lea o isi tagata, o 17
toeaina o le nuu, ma latou fai atu i
le faapotopotoga uma o le nuu, ua
faapea atu, Na vavalō mai Mika le 18
Morese, i ona po o Esekia le tupu o
Iuta, ua na fai mai foi i le nuu uma
o Iuta, ua faapea mai, O loo faapea
ona fetalai mai o Ieova o 'au, E fai
Siona ma fanua e suatia, e fai foi
Ieruselema ma faupuegāmaa, o le
mauga foi o i ai le fale, e fai lea ma
mea maualuluga i le vao matua. 19
Pe na fasiotiā lava ea o ia e Esekia
le tupu o Iuta ma Iuta uma? Na
le mata'u ea o ia ia Ieova, ma aiai
atu i luma o Ieova; ona salamo ai
lea o Ieova i le malaia na ia fetalai
mai ia te i latou? A faapea, ona
agasala tele ai lea o i tatou i o tatou
agaga. Sa i ai foi le tasi tagata na 20
vavalō mai i le suafa o Ieova, o Uria,
le atalii o Semaia, mai Kiriata-
iarima, na vavalō mai o ia i mea
leaga e oo i lenei aai, ma lenei nuu
e pei o upu uma a Ieremia; na faa- 21
fofoga i ana upu o Ioakima le tupu,
ma toa uma sa ia te ia, ma alii uma,
ona saili ai lea le tupu e fasioti ia
te ia; a ua faalogo i ai Uria, ona

22 mata'u ai lea o ia, ua sola, ma alu atu i Aikupito. Ona aauina atu lea e Ioakima le tupu nisi tagata i Aikupito, o Elenatana le atalii o Akepora, ma nisi tagata faatasi ma ia i Aikupito. Na latou aumaia Uria mai Aikupito, ma latou au mai ia te ia i le tupu o Ioakima; ona ia fasi lea ia te ia i le pelu, ma na tuuina atu lona tino ua oti i tuuga-
24 mau o tagatānuu. A ua fesoasoani Aikamo le atalii o Safana ia Ieremia, ina ia le tuuina atu o ia i lima o le nuu e fasioti ia te ia.

O le faatoilaloina o malo uma e Nepukanesa.

27 O LE amataga o le nofoaiga a Ioakima le atalii o Iosia, le tupu o Iuta, na oo mai ai lenei afioga ia Ieremia mai ia Ieova, ua faapea mai, Ua faapea ona fetalai mai o Ieova ia te au, Ia e faia mo oe noanoaga ma amo, ma faaee ai i luga o lou ua; ia e avatu ai foi i le tupu o Etoma, ma le tupu o Moapi, ma le tupu o le fanauga a Amoni, ma le tupu o Turo, ma le tupu o Saitonu, i lima o sāvali, o e o mai i Ierusalem a ia Setekaia le tupu o Iuta; ia e fai atu foi ia te i latou, ia latou faapea atu i o latou alii, O loo faapea ona fetalai mai o Ieova o 'au, le Atua o Isaraelu, Ia faapea ona outou
5 fai atu i o outou alii, O a'u nei, ua ou faia le lalolagi, o tagata ma manu ua i luga o le fogāleele, i lo'u mana tele, ma lo'u lima faaloaloa; ua ou tuuina atu ai foi i le ua tatau ma
6 lo'u manatu. O lenei, ua ou tuuina atu e a'u o ia nuu uma i le lima o Nepukanesa le tupu o Papelonía, la'u auauna; o manu feai foi ua ou tuuina atu ai ia te ia, e auauna ia te
7 ia. E auauna lava atu nuu uma ia te ia, ma lona atalii, ma le atalii o lona atalii, seia o i ona lava po o lona nuu; ona auauna lea o ia i nuu
8 e tele ma tupu sili. A o le nuu ma le malo e le mafai ona auauna i lena Nepukanesa le tupu o Papelonía, e le tuuina atu foi o latou ua i le amo a le tupu o Papelonía, ou te tau i atu i lena nuu i le pelu, ma le oge, ma le faamai, o loo fetalai mai ai Ieova, seia ou faaumatia i latou i lona lima.
9 O lenei, aua ne'i outou faalogo i o

outou perofeta, ma o outou taulaitu, ma o outou fai miti, ma o outou tagata e iite i ao o le lagi, ma e fai togafti faataulaitu ia te outou, o i latou o e fai atu ia te outou, ua faapea atu, E le fai ma auauna outou i le tupu o Papelonía. Auā o mea 10 pepelo ua latou vavalu ai ia te outou, ina ia avemamao ina outou i lo outou lauelele; ia ou tulia foi outou, ma ia faaumatia outou. A o le nuu, e 11 tuuina o latou ua i le amo a le tupu o Papelonía, ma auauna ia te ia, ou te tuuina atu i latou ia nofo pea i lo latou lauelele, o loo fetalai mai ai Ieova, latou te galulue ai, ma latou nofo ai.

Na a'u fai atu foi ia Setekaia, le 12 tupu o Iuta, e tusa ma ia upu uma, ua faapea atu, Ia outou tuuina o outou ua i le amo a le tupu o Papelonía, ma auauna ia te ia ma lona nuu, ia ola ai outou. Se a ea le mea 13 tou te fia oti ai, o oe ma lou nuu, i le pelu, ma le oge, ma le faamai, e pei ona fetalai mai ai o Ieova i le nuu e le auauna i le tupu o Papelonía? Aua tou te faafofoga i upu 14 a perofeta, o e fai mai ia te outou, ua faapea mai, E le fai outou ma auauna i le tupu o Papelonía; auā o mea pepelo ua latou vavalu ai ia te outou. Auā o loo fetalai mai 15 Ieova, ua ou le aauina atu i latou, a ua latou vavalu i le pepelo i lo'u igoa; ina ia ou tulia outou, ma ia faaumatia outou, o outou, ma perofeta o e vavalu ia te outou. Na ou 16 fai atu foi i faitaulaga ma lenei nuu uma, ua faapea atu, O loo faapea ona fetalai mai o Ieova, Aua tou te faalogo i upu a o outou perofeta, o e vavalu ia te outou, ua faapea mai, Faauta, e taalise ona toe aumaia mai Papelonía o ipu o le fale o Ieova; auā o mea pepelo ua latou vavalu ai ia te outou. Aua tou te 17 faalogo ia te i latou; ia outou auauna i le tupu o Papelonía, ia ola ai outou; se a le mea e fai ai lenei aai ma faatafunaga? Afai foi o perofeta i latou, pe afai foi ua ia te i latou le afioga a Ieova, se'i latou faatoga atu ia Ieova o 'au, ina ia le oo atu i Papelonía o ipu o totoe i le fale o Ieova, ma le fale o le tupu o Iuta, ma Ierusalem. Auā o loo 19

faapea ona fetalai mai o Ieova o 'au,
i pou, ma le vai, ma tuugataelega,
20 ma toe ipu ua tuu i lenei aai, o mea
ia na le avea ai e Nepukanesa le
tupu o Papelonía i lona avo faa-
tagataotaua ia Iekonia le atalii o
Ioakima, le tupu o Iuta, ma alii uma
o Iuta ma Ierusalemā mai Ierusa-
21 lema i Papelonía. Auā o loo faapea
ona fetalai mai o Ieova o 'au, le
Atua o Isaraelu, i ipu ua totoe i le
fale o Ieova, ma le fale o le tupu o
22 Iuta, ma Ierusalemā, e aveina atu ia
mea i Papelonía, e i ai foi i lea mea
seia oo i le aso ou te asiasi atu i ai, o
loo fetalai mai ai Ieova; ona ou toe
aumaia lea, ma faafoisia mai ia mea
i lenei mea.

*O le valoaga pepelo o Hanania,
ma lona oti.*

28 O LEA lava tausaga, o le ama-
taga o le nofoaiga a Setekaia, le
tupu o Iuta, o lona fa o tausaga, ma
le lima o masina, na fai mai ai ia te
au o Hanania le atalii o Asura le
perofeta, o le Kipeona, i le fale o
Ieova, i luma o faitaulaga ma le
2 nuu uma, ua faapea mai, O loo faa-
pea ona fetalai mai o Ieova o 'au, le
Atua o Isaraelu, ua faapea mai, Ua
ou gauia le amo a le tupu o Pape-
3 lonía. A o lei mavae tausaga e lua
ou te toe aumaia i lenei mea o ipu
uma o le fale o Ieova, na aveesea e
Nepukanesa le tupu o Papelonía ai
lenei mea, ma na avatu ai i Pape-
4 lonía; ou te faafoisia mai foi i lenei
mea o Iekonia, le atalii o Ioakima,
le tupu o Iuta, ma le tafeaga uma a
Iuta, na o atu i Papelonía, o loo
fetalai mai ai Ieova; auā ou te
gauia le amo a le tupu o Papelonía.
5 Ona fai atu ai lea o Ieremia le
perofeta ia Hanania le perofeta i
luma o faitaulaga, ma luma o le nuu
uma o e na tutū mai i le fale o
6 Ieova; ua fai atu lava Ieremia le
perofeta, Amene; ia faapea ona fai
e Ieova; ia faamauiina e Ieova au
upu ua e vavalō ai, i le toe aumaia
ipu o le fale o Ieova, ma le tafeaga
7 uma mai Papelonía i lenei mea. A
se'i e faalogo mai i lenei upu ou te
fai atu ai nei i ou luma, ma luma o
8 le nuu uma, O perofeta na muamua
ia te au, na muamua foi ia te oe,

talū mai anamua lava, ua latou
vavalō i nuu e tele, ma malo tetele,
i taua, ma malaia, ma faamai; o le
9 perofeta ua vavalō i le manuia, a
taunuu le upu a lea perofeta, ona
iloa ai lea, e moni, o le perofeta lea
ua auina mai e Ieova. Ona tago ai
10 lea o Hanania le perofeta i le amo
nai le ua o Ieremia le perofeta, ma
na gauia. Ona fai mai ai lea o
11 Hanania i luma o le nuu uma, ua
faapea mai, O loo faapea ona fetalai
mai o Ieova, E faapea lava ona ou
gauia le amo a Nepukanesa le tupu
a Papelonía i ua o nuu uma, a o lei
mavae tausaga e lua. Ona alu ese
ai lea o Ieremia le perofeta.

A ua oo mai le afoga a Ieova ia
12 Ieremia, ina ua mavae ona gauia e
Hanania le perofeta o le amo nai le
ua o Ieremia le perofeta, ua faapea
mai, Ina alu ia ma fai atu ia Hana-
13 nía, ia faapea atu, O loo faapea ona
fetalai mai o Ieova, Ua e gauia amo
laau; a e te faia amo uamea e sui
a'i. Auā o loo faapea ona fetalai
14 mai o Ieova o 'au, le Atua o Isara-
elu, Ua ou faaetia le amo uamea i
ua o ia nuu uma, ina ia latou auaua
ia Nepukanesa le tupu o Papelonía;
latou te auaua foi ia te ia; ua ou
tuuina atu foi ia te ia o manu feai.
Ona fai atu ai lea o Ieremia le pero-
15 feta ia Hanania le perofeta, Hanania
e, ina faalogologo mai ia; e lei
auina mai oe e Ieova; a ua e faatu-
puina i lenei nuu le faatuatua i le
pepelo. O le mea lea, o loo faapea
16 ona fetalai mai ai o Ieova, Faauta,
ou te lafoai ia te oe ai le fogāelele,
e te oti i le tausaga nei; auā ua e
tautala i le fouvale ia Ieova. Ona
17 oti ai lea o Hanania le perofeta i lea
lava tausaga, i le fitu o masina.

*O le tusi a Ieremia i le tafeaga i
Papelonía.*

O UPU nei a le tusi na avatua e
29 Ieremia le perofeta ai Ierusalemā i
e na totoe o toeaina na tāfea, ma
faitaulaga, ma perofeta, ma le nuu
uma lava, na tāfea ia Nepukanesa
mai Ierusalemā i Papelonía; ina ua
2 mavae ona o atu nai Ierusalemā o
Iekonia le tupu, ma le sa'o tamaitai,
ma eunuka, ma alii o Iuta ma Ieru-
salemā, o tufuga foi, ma e galuhue i

3 uamea. Na ave e Eliasa le atalii o Safana, ma Kemaria le atalii o Hilikia, o e na aauina e Setekaia le tupu o Iuta i Papelonía ia Nepukanesa le tupu o Papelonía ua faapea, O loo faapea ona fetalai mai o Ieova o 'au, le Atua o Isaraelu, i le tafeaga uma, na ou faatāfea mai 4 Ierusalemā i Papelonía, Ia outou fāi fale, ma nonofo ai; ma ia outou totōina faatoaga, ma aai ai ona fua; 5 ina fai avā ia outou, ma ia fananau ai atalii ma afafine ia te outou; ia outou aumaia foi avā mā o outou atalii, ma fai ni taue mā o outou afafine, ina ia latou fananau mai tama ma teine; ia faatoateleina outou i lea mea, a e aua le faatoa- 6 ititia. Ia outou sailili foi ia manuia le aai ua ou faatāfea ai outou; ma ia outou tatālo atu ia Ieova mo lena aai; auā o lona manuia e manuia ai 7 outou. Auā o loo faapea ona fetalai mai o Ieova o 'au, le Atua o Isaraelu, Aua ne'i faaseseina outou e o outou perofeta ua ia te outou, ma o outou taulāitu; aua foi ne'i faalogo i miti, 8 ua faia talu outou; auā ua latou vavalō i le pepelo ia te outou i lo'u igoa; ou te lei aauina atu i latou, o 9 loo fetalai mai ai Ieova. Auā o loo faapea ona fetalai mai o Ieova, A faatoatoaina tausaga e fitugafulu i Papelonía, ona ou asiasi ai lea ia te outou, ma ou faatanuuina la'u upu 10 lelei ia te outou, i le faafoisia mai outou i lenei mea. Auā o a'u nei, 11 ua ou iloa manatu ua ou manatu ai ia te outou, o manatu i le manuia, a e le o le malaia, o loo fetalai mai ai Ieova, e foaiina atu ia te outou le 12 iuga e i ai le faamoemoe. Ona outou valaau ai lea ia te au, e o foi outou ma tatālo ia te au, ou te faa- 13 logo foi ia te outou. E saili mai outou ia te au, tou te maua foi, pe a outou saili mai ia te au ma outou 14 loto atoa. E maua lava a'u e outou, o loo fetalai mai ai Ieova; ou te faafoisia ia outou tafeaga, ma ou faapotopotoina outou ai nuu uma, ma mea uma na ou tulia ai outou, o 15 loo fetalai mai ai Ieova; ou te faafoisia foi outou i le mea ua ou faatāfea ai outou.

15 Ua outou fai ane, Ua faatuina mo i tatou e Ieova o perofeta i Papelo-

nia; o le mea lea o loo faapea ona 16 fetalai mai ai o Ieova i le tupu, o lō tietie i le nofoālii o Tavita, ma le nuu uma o loo nonofo i lenei aai, o outou uso ia e na le o atu faatasi ma outou i le tafeaga; o loo faapea 17 ona fetalai mai o Ieova o 'au, Faauta, ou te aauina atu ia te i latou o le pelu, ma le oge, ma le faamai, ou te faia foi i latou ia pei o mati e matuā leaga, e le mafai ona 'aina, ina ua leaga. Ou te tuliloa foi ia te i latou 18 i le pelu, ma le oge, ma le faamai, ou te tuuina atu foi i latou ia faa- atuatuvalaina i malo uma o le lalo- lagi, e fai ma faafanoga, ma mea e ofo ai, ma uisa ai, ma fai a'i luma, i nuu uma ua ou tulia ai i latou. Auā 19 ua latou le faalogo i a'u upu, o loo fetalai mai ai Ieova, na ou avatua ia te i latou i a'u auauna o le au perofeta, na ala aauina i latou; a ua outou le faalogo lava, o loo fetalai mai ai Ieova. A o outou, ia 20 outou faalogo mai i le afioga a Ieova, o outou uma o le tafeaga e na aauina atu e a'u mai Ierusalemā i Papelonía.

O loo faapea ona fetalai mai o 21 Ieova o 'au, le Atua o Isaraelu, ia Aapo le atalii o Kulaia, ma Setekaia le atalii o Maaseia, o e vavalō i le pepelo ia te outou i lo'u igoa, Faauta, ou te tuuina i laua i le lima o Nepukanesa le tupu o Papelonía, na te fasiotia i laua i o outou luma; e avea foi i laua e fai a'i faafanoga 22 e le tafeaga uma o Iuta, o i Papelonía, e faapea, Ia faia oe e Ieova ia pei o Setekaia, ma ia pei o Aapo o e na tunua e le tupu o Papelonía i le afi; auā na la fai le mea leaga i 23 Isaraelu, ma la mulilulua ma avā a ē sa latou tuaoi, ma la fai upu i lo'u igoa i le pepelo, na ou le polōai atu ai ia te i laua; ua ou iloa ma moli- mau ai, o loo fetalai mai ai Ieova.

Ia e fai atu foi ia Semaia o le 24 Neelami, ia faapea atu, O loo faapea 25 ona fetalai mai o Ieova o 'au, le Atua o Isaraelu, ua faapea mai, Auā ua e aumaia tusi i lou igoa i le nuu uma o loo i Ierusalemā, ma Sefanaia, le atalii o Maaseia le faitaulaga, ma faitaulaga uma, ua faapea atu, Ua tofia oe e Ieova e fai ma faitau- 26 laga e sui a'i Ioiata le faitaulaga,

- ina ia faia ni e pule i le fale o Ieova, i tagata e taitoatasi ua valea, ma fai o ia e ia ma perofeta, ma ia e tuuina atu o ia i laau faamau, ma
- 27 le fale puipui. O lenei, se a le mea ua e le aoai atu ai ia Ieremia le Anatota, o le ua fai o ia e ia ma
- 28 perofeta ia te outou? Auā lava ua au mai ai lana feau ia te i matou i Papelonía, ua faapea mai, E tuai lenei *tafeaga*; ia outou fāi fale, ma nonofo ai, ma ia outou totōina faa-
- 29 toaga, ma aai ai o latou fua. Ua faitau e Sefanaia le faitaulaga lenei tusi i taliga o Ieremia le perofeta.
- 30 Ona oo mai ai lea o le afiga a
- 31 Ieova ia Ieremia, ua faapea mai, Ia e avatu le feau ia te i latou uma o le tafeaga, ia faapea atu, O loo faapea ona fetalai mai o Ieova ia Semaia, le Neelami, Ua vavalō ia te outou Semaia, a o a'u, na ou le auina atu o ia, ua faatupuina foi e ia ia te outou le faatuatua i le pe-
- 32 pelo; o le mea lea o loo faapea ona fetalai mai ai o Ieova, Faauta, ou te tauī atu ia Semaia le Neelami, ma lana fanau; e le i ai ia te ia se tasi e nofo faatasi ma lenei nuu; e le iloa foi e ia le manuia ou te faia mo lo'u nuu, o loo fetalai mai ai Ieova; auā ua ia tautala i le fouvale ia Ieova.
- O upu faamafanafana a Ieova ia Iuta.*
- 30 O LE afiga na oo mai ia Ieremia
- 2 mai ia Ieova ua faapea mai, O loo faapea ona fetalai mai o Ieova, le Atua o Isaraelu, ua faapea mai, Ina tusi ia i le tusi, o upu uma ua
- 3 o fai atu ai ia te oe. Auā o loo fetalai mai Ieova, Faauta, o le a oo mai ona po, ou te faafoisia mai ai le tafeaga o lo'u nuu o Isaraelu ma Iuta, o loo faapea mai ai Ieova; ou te toe faafoisia mai i latou i le laueleele na ou foaiina atu ai i o latou
- 4 tamā, e fai foi lea mo i latou. O upu foi nei ua fetalai mai ai Ieova
- 5 ia Isaraelu ma Iuta. E moni, o loo faapea ona fetalai mai o Ieova, Ua tatou lagona le taalili o le gatete, o
- 6 i ai le mata'u, a e le o le filemu. O le mea lea ina fesili atu ai ia, ma ia outou vaavaai, pe fanau ea se tane? O le a ea le mea ou te iloa atu ai i
- tane uma, e taitasi ma ona lima i ona itu, e pei o se fafine a fanau; o mata uma foi ua liua, ua matamata vale lava? Aue! auā o le aso tele
- 7 lea, e leai sona tusa; o ona po lava ia o le puapuga o Iakopo; a e faaolaina ai o ia. O loo fetalai mai
- 8 foi Ieova o 'au, O le aso lava lea ou te gauia ai lana amo i lou ua, ou te motusiesea foi ou noanoaga, e le toe auauna foi o ia i *tagata* ese. A e
- 9 latou te auauna ia Ieova lo latou Atua, ma Tavita lo latou tupu, ou te faatuina ai mo i latou.
- O oe foi, Iakopo e, la'u auauna,
- 10 aua e te fefe, o loo fetalai mai ai Ieova; aua foi e te mata'u o oe Isaraelu e; auā faauta, ou te faaola ia te oe ai le *nuu* mamao, ma lau fanau ai le nuu ua tāfea ai i latou; e foi mai lava Iakopo, e toto'a foi o ia, ma nofo filemu, e leai foi se tasi e faamatau ia te ia. Auā o loo feta-
- 11 lai mai Ieova, ou te ia te oe e faaola ia te oe; e ui lava ina ou matuā faaumatia nuu uma na ou faataapeapeina ai oe, a e ou te le matuā faaumatia oe, ou te aoai faatatau foi ia te oe, a e ou te le matuā faasoina oe. Auā o loo faapea ona
- 12 fetalai mai o Ieova, E le mafai ona fōia lou manua, e matuā leaga lou manua. E leai se tasi e faia lau
- 13 finauga, ia fusia lou *manua*; e le ia te oe ni fusi e malolo ai. Ua faa-
- 14 galagaloina oe e i latou uma sa mananao ia te oe; ua latou le saili ia te oe; auā ua ou taia oe i le ta a le ua ita, *ma* le aoaiga a le ua saua, ona o le tele o lau amioletonu; ua faateleina au agasala. Pe se a le
- 15 mea ua e alaga mai ai ona o lou manua? E matuā tele lou tiga ona o le tele o lau amioletonu; ua faateleina au agasala, *o le mea lea* na ou faia ai ia mea ia te oe. A e ui i
- 16 lea e faaumatia ai i latou uma o e faaumatia oe; o i latou uma foi ua saua ia te oe, e ō lava i latou uma i le tafeaga; o e ua faoa ua mea, e faoa lava a latou mea; o i latou uma ua vetea oe, ou te tuuina atu ia vetea i latou. Auā ou te faama-
- 17 loloina oe, ou te fofōina ou manua, o loo fetalai mai ai Ieova; auā ua latou ta'ua oe, O le ua tulia; O Siona
- 18 lena, e leai se tasi ua saili atu i ai.

- 18 O loo faapea ona fetalai mai o Ieova, Faauta, ou te toe faafoisia mai le tafeaga o fale ie o Iakopo, ma ou alofa atu i ana mea e nofo ai; e faatuina foi le aai i le mea maupuepue sa i ai, e aina foi le
- 19 maota e pei o ona tuga tuai. E tupu mai ai foi le viiga, ma le leo o e sisiva; ou te faatoateleina i latou, a e le faatoaititina i latou; ou te faatupuina foi lo latou mamalu, a e le faaleaogaina i latou. O a latou fanau e pei o anamua i latou, ou te faatumauiina foi i o'u luma lo latou faapotopotoga, ma ou tau'i atu ia te i latou uma o e faasaua ia te i latou.
- 20 O lo latou alii o lo latou lava ia, ma le na te pule ia te i latou e tupu mai o ia mai ia te i latou; ou te faalatalatana mai o ia, ona faalatalata mai ai lea o ia ia te au; auā o ai ea o ia ua faamalosi i lona loto e faalatalata mai ia te au? o loo fetalai mai ai Ieova. E fai foi outou mo'u nuu, o a'u foi e fai mo outou
- 21 Atua. Faauta, ua alu atu le afā mai ia Ieova i le toasa, o le afā fulifaō; e pesi tetele mai i luga o
- 22 ulu o e amio leaga. E le toe liliu le toasa tele o Ieova, seia faia e ia, seia faataunuina foi e ia manatu o lona finagalo; tou te mafaufau i ai i aso amuli.

E toe manuia Isaraelu.

- 31 O LOO fetalai mai Ieova, O ona po ia e fai a'u ma Atua i aiga uma o Isaraelu, e fai foi i latou mo'u
- 2 nuu. O loo faapea ona fetalai mai o Ieova, Na maua le alofa i le vao e le nuu na totote i le pelu, o Isaraelu lava, ina ua ou alu atu e faanofo fitemu ia te ia. Na faaali mai Ieova ia te au anamua, *ua faapea mai*, O le alofa e faavavau, ua ou alofa atu ai ia te oe; o le mea lea ua ou faafualoaina ai lo'u alofa ia
- 3 te oe. Le taupou o Isaraelu e, ou te toe ati ae ia te oe, ona atiina ae ai lea o oe; e te toe teuteu ia te oe i au topa, e te alu atu foi e siva faatasi ma i latou o e sisiva. E te toe totō tovine i mauga o Samaria; e totō ai mea e tagata gāluē fanua,
- 4 ma latou faatatagaina ai. Auā e oo i le aso e valaau ai tagata leoleo i le mauga o Efaraima, Ina tulai ia outou,

se'i tatou o ae i Siona ia Ieova lo tatou Atua. Auā o loo faapea ona fetalai mai o Ieova, Ia outou alalaga ma le olioli ia Iakopo, ma ia outou alalaga, i le nuu e sili; ina faailoa atu ia, ia outou vivii atu, ma ia outou fai atu, Ieova e, ia e faaola i lou nuu, o e ua totote ia Isaraelu. Faauta, ou te aumaia i latou ai le nuu i le itu i matu, ma ou faapoto-

5 poto ia te i latou ai tuluiga o le lalolagi; e faatasi foi ma i latou le tauaso ma le pipili, o le fafine ua to e faatasi ma le fafine o le a fanau; e toe foi mai iinei le faapotopotoga e toatele lava. Latou te o mai ma

6 le tagi, ou te ta'ita'ina foi i latou o latou aioi mai; ou te aumaia i latou i vaitafe i le ala sa'o, latou te le tau-suai ai; auā o a'u, o le tamā a'u o Isaraelu, o Efaraima foi o la'u ulu-matua ia.

Ina faalogologo mai ia i le afoga a Ieova, outou nuu e, ma ia outou ta'u atu ai i nuu tu matafaga e mamao, ia faapea atu, O le na faataapeapeina Isaraelu, na te faapotopotoina i latou, ma leoleo ia te i latou e pei o le leoleo mamoe i lona lafu. Auā ua laveaiina Iakopo e Ieova, ua na faatauina foi o ia ai le lima o le ua sili lona malosi ia te ia. E o mai foi i latou ma latou alalaga fiafia i le mea maua i luga o Siona, latou te gasolo ane i mea lelei a Ieova, ia maua ai le saito, ma le uaina, ma le suānuu, o tamai mamce foi, ma *tamai* povi; o latou loto foi e pei o se faatoaga ua faasūsūina; e le toe vaivai lava i latou. Ona

7 olioli ai lea o le taupou i le siva, o taulelea foi faatasi ma toeaia; ou te liua foi lo latou faanacanoa i le fiafia, ma ou faamatalaloto ia te i latou, ou te faafafia ia te i latou sa tuga i latou. Ou te faamalihie manao o le au faitaulaga i mea lololo, e mālīe foi lo'u nuu i a'u mea lelei, o loo fetalai mai ai Ieova.

O loo faapea ona fetalai mai o Ieova, Ua lagona le leo i Rama, o le auega, o le tagi lotulotu lava; ua tagi Rasela ona o lana fanau, e le mafai foi ona faanaina o ia ona o lana fanau, auā ua leai i latou. O loo faapea ona fetalai mai o Ieova, Soia e te tagi, aua foi *le tafe ifo o*

- loimata i ou mata ; auā o loo fetalai mai Ieova, e fai le tau i lau galuega, e toe foi mai lava i latou ai le nuu o e ita mai. E fai foi le faamoemoe i lou iuga, ua fetalai mai ai Ieova, e toe foi mai lava lau fanau i lo latou laueleele.
- 18 Ua ou faalogo lava ia Efaraima ua faanoanua o ia, ua faapea, Ua e aoi mai ia te au, ua aoiina foi a'u, e pei o le tama ea ia e fiafia i ai? auā o oe, Ieova e, o lo'u Atua oe.
- 19 Auā na faaliliuina a'u, mulimuli ane, ona ou salamo ai lea ; na a'oa'oina a'u, mulimuli ane, ona ou pōpō ai lea i lo'u vae ; na a'u mā, ma a'u masiasi, auā na a'u tauave le luma na fai ina o taulealea o a'u.
- 20 O le atalii pele ea Efaraima ia te au? o le tama ea ia e fiafia i ai? auā talu ina ou tautala ia te ia ; ua ou matuā manatunatu pea ia te ia ; o le mea lea ua tagi ai lo'u loto ia te ia ; ou te matuā alofa lava ia te ia, o loo fetalai mai ai Ieova. Ina faatuina ia mo oe ni faailoga i le ala, ina faatu ia mo oe ni laau ; ia faasaga lou loto i le ala tele, o le ala lava na e alu atu ai ; ina foi mai ia, le taupou o Isaraelu e, ina foi
- 22 mai ia i ou aai nei. E te fealualuai seia afea, oe na le tama fafine liliu ese? auā ua faia e Ieova le mea fou i le lalolagi, e siosioina le tane e le fafine. O loo faapea ona fetalai mai o Ieova o 'au, le Atua o Isaraelu, E toe faia e i latou lenei upu i le nuu o Iuta ma ona aai, pe a ou faafoisia mai lo latou tafeaga, Ia faamanuia Ieova ia te oe le fale e i
- 24 ai le amiotonu, o le mauga paia. E nonofo ai foi Iuta ma ona aai uma faatasi, o tagata galue fanua, ma ē feoi ma lafu. Auā ua ou faamālie i le tagata ua lailoa, ua ou faamalilieina loto vaivai uma. Ona ou ala ai lea, ma ou vaai, ua mālie lava a'u i a'u moe.
- 27 O loo fetalai mai Ieova, Faauta, e oo lava i ona aso ou te totōina ai le fua o tagata ma le fua o manu i le aiga o Isaraelu, ma le aiga o Iuta.
- 28 E pei ona ou lamalama ia te i latou, ina ia ou liaiina ma lepetia, ia ou sōloia foi, ma faaumatia, ma faatigaina ; e faapea foi ona ou leoleo ia
- te i latou, ia ou atiina ae, ma totōina, ua fetalai mai ai Ieova. E le toe fai mai i latou i ia ona po, Ua 'aina e tamā o vine moto, a e magiagia ai nifo o le fanau. A e taitasi le tagata ma oti ona o ana agasala ; o tagata uma ua aai vine moto, e taitasi ma magiagia ai ona lava nifo.
- O loo fetalai mai Ieova, Faauta, e oo i ona aso ou te osia ai le feagaiga fou ma le aiga o Isaraelu, ma le aiga o Iuta. E le pei o le feagaiga na ou osia ma o latou tamā i le aso na ou tago ai i o latou lima e aumaia ai i latou mai le nuu o Aikupito ; o la'u feagaiga lea na latou solia, o a'u foi na ou 'ino'ino ai ia te i latou, ua fetalai mai ai Ieova ; a o lenei le feagaiga ou te osia ma le aiga o Isaraelu, pe a mavae ia aso, o loo fetalai mai ai Ieova, ou te tuuina la'u tulafono i totonu ia te i latou, ma ou tusi ai i o latou loto ; e fai foi a'u mo latou Atua, o i latou foi e fai mo'u nuu. E le toe a'oa'o atu foi le tagata i lē la te tuaoi, ma le tagata i lona uso, e faapea atu, Ia outou iloa Ieova ; auā e iloa a'u e i latou uma lava, o tagata nuu atoa ma alii, o loo fetalai mai ai Ieova ; auā ou te faamagalo i a latou amio leaga, ma ou le toe manatua a latou agasala.
- O loo faapea ona fetalai mai o Ieova, o le ua tuuina le la e fai ma malamalama i le ao, o tulafono foi i le masina ma fetu e fai ma malamalama i le po ; o le e laolao ai le sami pe a ū mai ona peau ; o Ieova, o 'au, o lona suafa lava lea ; afai e mavae ia tulafono ai o'u luma, ua fetalai mai ai Ieova, ona mavae ai lea o le fanau a Isaraelu, ia le toe fai ma nuu i o'u luma e faavavau. O loo faapea ona fetalai mai o Ieova, Afai e mafai ona fuaia le lagi i lugā, afai foi e mafai ona suesueina o faavae o le lalolagi i lalō, ona ou lafoaiina lea o le fanau uma a Isaraelu ona o mea uma ua latou faia, ua fetalai mai ai Ieova.
- Faauta, e oo i ona aso, o loo fetalai mai ai Ieova, e faatuina ai le aai mo Ieova, e afua mai i le 'olo o Hananiah e oo atu i le faitotoa o le tulimanu. E toe alu atu le maea e fua a'i, e ui tonu atu i luga o le

mauga o Karepa, e faataamilo atu
40 foi i Koata. E faapaiaina foi mo
Ieova le vanu uma ua i ai tino o
tagata oti, ma le lefulefu, ma fanua
uma, e oo i le alia o Ketarono, e oo
foi i le tulimanu o le faitotoa o solo-
fanua i sasae; e le toe liaiina ia, e
le toe sôloia foi e oo i le faavavau.

*Ua tuuina Ieremia i le fale puipui.
Ua faatau e ia le fanua na fetalai
mai ai Ieova.*

32 O LE afioga na oo mai ia Iere-
mia mai ia Ieova i le sefulu o tau-
saga o Setekaia le tupu o Iuta, o le
sefulu ma le valu o tausaga lea o
2 Nepukanesa. O ona po ia na vagaia
ai Ierusalem a le itu taua a le tupu
o Papelonía; sa puipuia foi Ieremia
le perofeta i le lotoā o le fale puipui
sa i le fale o le tupu o Iuta.
3 Auā na puipuia o ia e Setekaia le
tupu o Iuta, ua ia faapea, Se a ea le
mea ua e vavalu ai, ua faapea mai,
O loo faapea ona fetalai mai o Ieova,
Faauta, ou te tuuina atu lenei aai i
le lima o le tupu o Papelonía, na te
4 aea; e le sao foi Setekaia le tupu o
Iuta ai lima o Kaletaia, a e tuuina
lava o ia i le lima o le tupu o
Papelonía, la te tautala faafesaga'i
5 ma ia, ma la feiloa'i ma ia; e ta'i-
ta'iina foi e ia o Setekaia i Pape-
lonía, e i ai foi o ia i lea mea seia ou
asiasi atu ia te ia, ua fetalai mai ai
Ieova; e ui lava ina outou tau ma
Kaletaia e le manuia outou.
6 Ua fai atu Ieremia, Ua oo mai le
afioga a Ieova ia te au, ua faapea
7 mai. Faauta, e sau ia te oe o
Hanameali, le atalii o Saluma, o le
uso o lou tamā, e faapea mai, Ia e
faatau mo oe lo'u fanua o loo i
Anatota; auā ua ia te oe le pule i le
8 faatau e faatau ai. Ona sau ai lea
ia te au i le lotoā o le fale puipui o
Hanameali, le atalii o le uso o lo'u
tama, e pei o le afioga a Ieova, ua
faapea mai ia te au, Se'i e faatau
lo'u fanua, o loo i Anatota o i le nuu
o Peniamina; auā e au le pule e fai
mou le fanua, e ou foi le faatau;
ina faatau ia mo oe. Ona ou iloa
9 ai lea, o le afioga a Ieova lea. Ona
ou faatauina lea mai ia Hanameali,
le atalii o le uso o lo'u tamā, o le
fanua o loo i Anatota, ma ou fuatia

ia te ia o tupe, o sekeli ario e se-
fulu ma le fitu. Ona ou tusia lea 10
i le tusi, ma ou faamaufaaailogaina
ai, ma ou amia mai molimau, ma
ou fuatia le ario i le fua faatau-
tau. Ona ou ave ai lea o le tusi 11
o le faatau, o le ua faamaufaa-
ilogaina e tusa ma le poloaiga ma
tulafono, atoa ma le ua le faamau-
ina; ua ou ave foi le tusi o le faatau 12
ia Paruka, le atalii o Neria, le atalii
o Maaseia, i luma o Hanameali, le
atalii o le uso o lo'u tamā, i luma
foi o molimau na tusi i le tusi o le
faatau, i luma foi o tagata Iuta
uma sa nonofo i le lotoā o le fale
puipui. Ua ou matuā fai atu foi ia 13
Paruka i o latou luma, ua faapea
atu, O loo faapea ona fetalai mai o 14
Ieova o 'au, le Atua o Isaraelu, Ia e
ave nei tusi, o lenei lava tusi o le
faatau, o le ua faamaufaaailogaina,
atoa foi ma lenei tusi ua le faamau-
ina, ia e tuu ai foi i se ipu omea,
ina ia tumau i aso e tele; auā o loo 15
faapea ona fetalai mai o Ieova o
'au, le Atua o Isaraelu, E toe faa-
tauina i le nuu nei o fale, ma fanua,
ma tovine. Ua ou tuuina le tusi o 16
le faatau ia Paruka le atalii o Neria,
mulimu'i ane ona ou tatalo atu lea
ia Ieova, ua faapea atu, Aue! le 17
Alii e Ieova, faauta, o oe na e faia
le lagi ma le lalolagi i lou malosi
tele, ma lou aao faaloaloa, e le fai-
gata foi ia te oe se mea e tasi; ua o 18
alofa i afe o *tupulaga*, ua e tau'i atu
foi le amioletonu a tamā i fatafata
o a latou fanau pe a mavae atu i
latou; o le Atua sili, ma le malosi,
o Ieova o 'au, o lona suafa lea, e 19
sili i faautauta, e silisili foi i au
mea e fai; auā ua silasila ou fofoga
i ala uma o tagata; e tuuina atu i
tagata taitasi e tusa ma ona ala, e
tusa foi ma le fua o ana amioga; o 20
le na faatuina foi o faailoga ma va-
vega i le nuu o Aikupito, ua oo i le
aso nei, ma le nuu o Isaraelu, atoa
ma nuu o tagata ese; ua e faia foi
mo oe le suafa, e pei ona faia i le
aso nei. Na e aumaia foi lou nuu 21
o Isaraelu mai le nuu o Aikupito,
ma faailoga, ma vavega, ma le aao
malosi, ma le aao faaloaloa, ma mea
matua matautia. Ua e foaiina mai 22
foi ia te i latou lenei nuu, na e

- tauto ai i o latou tamā e foai ia te i
latou, o le nuu o tafe ai le suāsusu
23 ma le meli; na latou o mai ai, ma
fai ai mo latou; a ua latou le faa-
logo i lou siufofoga, ma latou le
savavali e tusa ma au tulafono; ua
latou le faia mea ma na e poloai
ai ia te i latou ia faia; o le mea lea
ua e faaoo ai nei mea leaga uma ia
24 te i latou. Faauta mai, o mea
mautietie, ua oo mai lava i le aai e
aea a'i; ua tuuina foi le aai i lima o
Kaletaia, o e ua faasaga tau mai ai,
auā o le pelu, ma le oge, ma le faa-
mai; o le mea lava na e fetalai ia ua
25 oo; faauta mai foi, ua e silafia. A
o oe, le Alii e Ieova, ua e fetalai
mai ia te au, Ia e faatau le fanua
mo oe i tupe, ma aami atu molimau;
a o le aai, ua tuuina atu lea i
lima o Kaletaia.
- 26 Ona oo mai ai lea o le afiga a
Ieova ia Ieremia, ua faapea mai,
27 Faauta, o a'u lava o Ieova, o le
Atua o tagata uma; pe faigata ea
28 ia te au se mea e tasi? O lea o loo
faapea ona fetalai mai ai o Ieova,
Faauta, ou te tuuina atu lenei aai
i lima o Kaletaia, ma le lima o
Nepukanesa le tupu o Papelonia, e
29 aea ai foi e ia; e o mai foi Kaletaia,
o e tau ma lenei aai, ma latou faa-
mu lenei aai i le afi, e susunuina ai
lava e i latou, atoa ma fale na faa-
muina ai mea manogi i o latou luga
ia Paala, ma latou liligi ifo ai tau-
laga i mea e inu i atua ese, ina ia
30 latou faaonono mai ia te au. Auā
ua na o mea leaga ua faia i o'u luma
e le fanauga a Isaraelu ma le fanauga
a Iuta talu ina o taulelea i latou;
auā ua na ona faaonono mai o le
fanauga a Isaraelu ia te au i galuega
a o latou lima, ua fetalai
31 mai ai Ieova. Auā ua faia lenei aai
ia te au ma mea ou te tiga ai, ma
mea ou te ita ai, talu mai le aso na
faia ai, ua oo lava i le aso nei, ina ia
32 ou aveeseina ai i o'u luma; ona o
amio leaga uma a le fanauga a Isaraelu,
ma le fanauga a Iuta, ua latou faia
e faaonono ai ia te au, o i latou, o latou
tupu, o latou alii, o latou faitaulaga,
ma o latou perofeta, ma tagata Iuta,
33 atoa ma e o nonofo i Ieruselema. Ua u mai ia
te au o latou tua, a e le o latou
- mata; ua ou a'oa'o atu ia te i latou,
ua ou ala a'oa'o atu ai lava, a ua
latou le faalogo lava ina ia talia
mea ua a'oa'o'ina atu ai; a ua latou
34 tuuina a latou mea e inosia i le fale
ua ta'ua ai lo'u igoa, ina ia latou
faaleagaina ai. Ua faia foi e i latou
35 mea mauululuga ia Paala, ua i le
vanu o le atalii o Hinoma, ina ia
latou faau ane o latou atalii ma o
latou afafine i le afi ia Moloka; o le
mea lava ou te lei poloai ai ia te i
latou, ou te lei manatu foi i ai; ua
faia e i latou lenei mea e inosia e
faatupuina ai le agasala ia Iuta.
- A o lenei, o loo faapea ona fetalai
36 mai o Ieova, le Atua o Isaraelu, i le
aai nei, o loo ua outou fai mai ai,
Ua tuuina atu ia i le lima o le tupu
o Papelonia i le pelu, ma le oge, ma
le faamai; faauta, ou te faapoto-
37 poto ia te i latou ai nuu uma ua ou
tulua ai i latou i lo'u tiga, ma lo'u
ita, ma le ita tele; ou te faafosisia
mai i latou i lenei mea, ma ou faa-
nonofoina ai i latou ma le filemu;
e fai foi i latou mo'u nuu, e fai foi
38 a'u mo latou Atua. Ou te foaiina
39 atu ia te i latou le loto e tasi, ma le
ala e tasi, ina ia latou matatau ia te
au i aso uma lava, ia lelei ai i latou,
atoa foi ma a latou fanau pe a mavae
atu i latou; ou te osia foi le
40 feagaiga e faavavau ma i latou, ou
te le liliu ese ai ia te i latou, a ou
te agalelei atu ia te i latou; ou te
tuuina atu foi le mata'u ia te au i o
latou loto, ina ia latou le liliu ese ia
te au. Ou te fasia lava ia te i latou,
41 ma ou agalelei atu ia te i latou, ma
ou totōina i latou i lenei nuu ma le
faamaoni, ma lo'u loto atoa, ma lo'u
agaga atoa. Auā o loo faapea ona
42 fetalai mai o Ieova, E pei ona ou
faaoo i lenei nuu lenei malaia tele
uma, e faapea foi ona ou faaoo ia te
i latou le manuia uma ua ou folafolaina
ia te i latou. E faataulia
43 foi fanua i le nuu nei, ua outou faapea
mai ai, Ua faatafunaina ia, e le o i ai
se tagata, po o se manu; ua
tuuina atu ia i lima o Kaletaia. E
44 faataulia e i latou fanua i tupe, ma
latou tusia ai i tusi, ma faamaufaa-
ilogaina ai, ma aami molimau i le
nuu o Peniamina, ma mea e vagavagai
i Ieruselema, ma aai o Iuta;

ma aai i atu mauga, ma aai i le itu maualalo, ma aai i le itu i toga; auā ou te faafoisia lava lo latou tafeaga, ua fetalai mai ai Ieova.

O le ae mai o le tafeaga. O le afio mai o le Mesia.

- 33 NA oo mai foi le afioga a Ieova ia Ieremia, o le atu lua lea, a o pui-puia pea o ia i le lotoā o le fale
2 pui-pui, ua faapea mai, O loo faapea ona fetalai mai o Ieova le na te faia, o Ieova le na te saunia, ina ia faatumauiua; o Ieova o lona suafa
3 lea; ia e valaau mai ia te au, ona ou tali atu ai lea ia te oe, ma ou faaali atu ia te oe o mea tetele ma
4 le faigata, o mea ua e le iloa. Auā o loo faapea ona fetalai mai o Ieova, le Atua o Isaraelu, i fale o lenei aai, ma fale o tupu o Iuta, ua sōloia i
5 mea mautietie, ma le pelu; ua latou o mai e tau ma Kaletaiā, ma faatumu ia te i latou i tino o tagata oti e ua fāsia e a'u i lo'u tiga, ma lo'u ita, auā ua 'alo o'u mata i lenei aai, ona o a latou amio leaga uma.
6 Faauta, ou te faia se fusi o lona ma'i, ma se togafiti e malolo a'i; ou te faamalolo lava ia te i latou, ma ou faaali atu ia te i latou le silisili o le manuia ma le faamaoni. Ou te faafoisia foi le tafeaga o Iuta, ma le tafeaga o Isaraelu, ma ou atiina
7 ae i latou e pei o anamua. Ou te faamamā ia te i latou i a latou amioletonu uma, na latou agasala ai ia te au; ou te faamagalo i a latou amioletonu uma, na latou agasala ai ia te au, ma latou fouvale ai ia te au. E fai foi i latou ma igoa
8 fiafia ia te au, e fai foi ma viiga, ma matagofie i nuu uma o le lalolagi, o e faalogo i mea lelei uma ou te faia ia te i latou; latou te fefefe foi, ma latou gatete, auā o mea lelei uma, i le ma le manuia uma ou te faia mo i latou.
10 O loo faapea ona fetalai mai o Ieova, E toe lagona i lenei mea ua outou faapea mai ai, Ua faatafunaina ia, e le o i ai se tagata, e le o i ai foi se manu, o aai o Iuta, o ala foi o Ierusalema o loo faatafunaina nei, e le o i ai se tagata, e leai foi
11 se nofo ai, e le o i ai foi se manu, e

lagona ai le leo fiafia ma le leo oli-oli, o le leo o le faatoafaiavā ma le leo o le faatoanofotane, o le leo o e fai mai, Ia outou vivii atu ia Ieova o 'au, auā e lelei Ieova, auā e faavavau lava lona alofa; o i latou ia o e avatua le taulaga faaneene i le fale o Ieova. Auā ou te faafoisia le tafeaga o le nuu, e pei o anamua, ua fetalai mai ai Ieova. O loo faapea ona fetalai mai o Ieova o 'au, O lenei mea, o loo faatafunaina nei, e le o i ai se tagata po o se manu, ma ona aai uma, e i ai mea e nonofo ai leoleo mamoe, o e ave i ai lafu mamoe e tagto ai. E toe ui ane lafu mamoe i lalo o lima o le na te faitaulia, o loo fetalai mai ai Ieova, i aai i atu mauga, ma aai i le itu maualalo, ma aai i le itu i toga, i le nuu foi o Peniamina, ma mea e vagavagai i Ierusalema, ma aai o Iuta. Faauta, e oo lava i ona aso, o loo fetalai mai ai Ieova, ou te faataunuuiua ai le upu lelei na ou folafolaina i le aiga o Isaraelu ma le aiga o Iuta. O ia ona po, ma lena lava tausaga, ou te faatupuina ai ia Tavita o le La laau amiotonu; e faia foi e ia le faamasinoga ma le amiotonu i le nuu. O ona po ia e faaolaina ai Iuta, e nofo ai foi Ierusalema ma le filemu; o le igoa foi lenei e ta'ua ai o ia, O IEOVA LA TATOU AMIOTONU. Auā o loo faapea ona fetalai mai Ieova, E le motu le gafa o Tavita i le nofoālii o le aiga o Isaraelu; e le motu foi i o'u luma le gafa o le au ositaulaga, o sa Levī, e osi ai taulaga mu, ma susunu taulaga i mea e 'ai, ma osi taulaga i aso uma.

Na oo mai foi le afioga a Ieova ia Ieremia, ua faapea mai, O loo faapea ona fetalai mai o Ieova, Afai tou te mafaia ona lepeti i la'u feagaiga ma le ao, ma la'u feagaiga ma le po, ina ia le toe ai se ao, po o se po i ona lava itu aso; ona mafai ai lea ona lepeti o la'u feagaiga ma Tavita la'u auauna, ina ia le ia te ia se atalii e fai ma tupu i lona nofoālii; atoa foi ma sa Levī, le au ositaulaga, o a'u auauna. E pei ona le mafaitauiua o 'au a le lagi, ma ona le mafuatia le oneone o le sami; e faapea ona ou faatoateleina o le

- fanau a Tavita la'u auaua, ma sa
Levi o e auaua ia te au.
- 23 Na oo mai foi le afiga a Ieova ia
24 Ieremia, ua faapea mai, E te le iloa
ea mea ua tautala ai lenei nuu, ua
faapea, O aiga e lua na filifilia e Ie-
ova, ua lafoaiina i latou e ia? Ua
latou 'ino'ino foi i lo'u nuu, ina ia le
25 toe fai ma nuu i o latou luma. O
loo faapea ona fetalai mai o Ieova,
Afai ua lei sa'u feagaiga ma le ao
ma le po, *afai foi* ua le faia e a'u
26 tulafono i le lagi ma le lalolagi; ona
lafoaiina lea e a'u o le fanau a Iako-
po, ma Tavita la'u auaua, ou te le
ave *foi* nisi o ana fanau e fai ma
alii e pule i le fanau a Aperamo,
ma Isaako, ma Iakopo; auā ou te
faafoisia mai lo latou tafeaga, ma
ou alofa atu ia te i latou.
- O le feau a Ieova ia Setekaia. O le
amio pepelo a Iuta.*
- 34 O LE afiga na oo mai ia Ieremia
mai ia Ieova, a o tau ma Ierusalem
ma ona aai uma o Nepukauesā le
tupu o Papelonía, ma lana itu taua
uma, ma malo uma o le lalolagi na
ia pule i ai, ma nuu uma, ua faapea
2 mai, O loo faapea ona fetalai mai o
Ieova, le Atua o Isaraelu, Ina alu ia
ma fai atu ia Setekaia le tupu o
Iuta, ia faapea atu ia te ia, O loo
faapea ona fetalai mai o Ieova, Faa-
uta, ou te tuuina atu lenei aai i le
lima o le tupu o Papelonía, e susu-
3 nuina ai foi e ia i le afi; o oe foi e
te le sao i lona lima, a e puea lava
oe, ma tuuina i lona lima; e fesila-
fa'i oulū ma le tupu o Papelonía,
lua te tautala faafesaga'i ma ia, e
4 te maliu atu foi i Papelonía. A ia
e faafofoga mai i le afiga a Ieova,
Setekaia e, le tupu o Iuta; o loo
faapea ona fetalai mai o Ieova ia te
5 oe, E te le maliu i le pelu; e te
maliu ma le filemu; e pei ona mu-
ina o afi mo ou tamā, o tupu ana-
mua sa muamua ia te oe, e faapea
foi ona latou muina o le afi mo oe;
latou te taufaitagitu'i foi ona o oe,
e faapea, Aue! le alii e; auā ua ou
fai atu le upu, ua fetalai mai ai Ie-
6 ova. Ona fai atu ai lea o Ieremia
le perofeta ia Setekaia le tupu o
7 Iuta ia upu uma i Ierusalem, ina
o tau le itu taua a le tupu o Pape-
- lonia ma Ierusalem, ma aai uma sa
totoe i Iuta, o Lakisa ma Aseka;
auā o aai nofo 'olo ia sa totoe i aai
o Iuta.
- O le afiga na oo mai ia Ieremia 8
mai ia Ieova, ina ua mavae ona
osia o le feagaiga e Setekaia le tupu
ma le nuu uma sa i Ierusalem, e
tala'i atu ia te i latou le saolotoga;
ia latou taitasi ma tuusaolotoina 9
lana auaua tane, ma lana auaua
fafine, o le tane Eperu, ma le fafine
Eperu; ina ia le faapologaina e so
latou se tagata Eperu, lona uso.
Ua faalogo alii uma, ma le nuu 10
uma na faia le feagaiga, ia latou
taitasi ma tuusaolotoina lana auau-
na ta e, ma lana auaua fafine,
ina ia latou le toe faapologaina i
latou; ona latou ususitai ai lea,
ma tuuina atu i latou ia o. A e 11
mulimuli ane ua latou toe faafoisia
mai auaua tane ma auaua fafine
na latou tuusaolotoina; ma latou
faapologaina i latou e fai ma auau-
na tane ma auaua fafine. Ona oo 12
mai ai lea o le afiga a Ieova ia
Ieremia mai ia Ieova, ua faapea
mai, O loo faapea ona fetalai mai o 13
Ieova, le Atua o Isaraelu, O a'u
lava, na a'u osia le feagaiga ma o
outou tamā i le aso na ou aumai ai
i latou mai le nuu o Aikupito, o le
mea sa nofo pologa ai, ua faapea,
A atoa tausaga e fitu, ia outou tai- 14
tasi ma tuuina atu e alu lona uso o
le Eperu, o le na faatauina ia te oe;
e auaua o ia ia te oe i tausaga e
ono, ona e tuusaolotoina ai lea o ia;
a e lei faalogo mai o outou tamā ia
te au, e lei uai mai foi o latou taliga.
O outou foi, na outou liliu mai i 15
ona po nei, ma outou faia le mea
tonu i o'u luma, i lo outou tala'i atu
le saolotoga o le tasi i le tasi; na
outou osia foi le feagaiga i o'u luma
i le fale ua ta'ua ai lo'u igoa. A ua 16
outou liliu ese, ma faaleagaina lo'u
igoa, ma taitasi ma faafoisia mai
lana auaua tane, ma lana auaua
fafine, na tuusaolotoina i la latou
faitalia, ua outou faapologaina i la-
tou e fai ma auaua tane ma auau-
na fafine ia te outou. O le mea lea 17
o loo faapea ona fetalai mai ai o
Ieova, Ua outou le faalogo mai ia
te au e tala'i atu le saolotoga, o le

tagata i lona uso, ma le tagata i lē
la te tuaoi; faauta, ua fetalai mai
Ieova, Ou te tala'i atu ia te outou
le saolotoga, i le pelu, ma le faamai,
ma le oge; ou te tuuina atu foi
outou ia faaatuatuvaieina i malo uma
18 o le lalolagi. Ou te tuuina atu foi
ia tagata ua solia la'u feagaiga, o e
ua le faataunuina upu o le feagaiga
na latou osia i o'u luma, o le tamai
povi na latou isiluaina, ma latou ui
19 aane i le va o mea na isiluaina, o alii
o Iuta, ma alii o Ierusalemā, o eu-
nuka, ma faitaulaga, ma tagata uma
o le nuu, na ui aane i le va o le tamai
20 povu na isiluaina; ou te tuuina atu
lava i latou i lima o e ita ia te i la-
tou, ma lima o e saili e fasioti ia te
i latou; o latou tino foi ua oti e fai
ma mea e 'ai i manu felelei, ma
21 manu e tataa. Ou te tuuina atu foi
o Setekaia le tupu o Iuta, ma alii
ua ia te ia, i lima o e ita ia te i
latou, ma lima o e saili e fasioti ia
te i latou, ma lima o le itu taua a
le tupu o Papelonā, o e ua o ae nai
22 ia te outou. Faauta, ou te fai atu,
ua fetalai mai Ieova, ma ou faafoisia
mai i latou i lenei aai; latou te sii i
ai le taua, latou le aea foi, ma susu-
nuina i le afi; ou te tuuina atu foi
o aai o Iuta, ia faatafunaina, ia leai
sē nofo ai.

*O le usiusitai o sa Rakapā i le polo-
aiga a lo latou tamā.*

35 O LE afiga na oo mai ia Ieremia
mai ia Ieova, i ona po o Ioakima le
atalii o Iosia le tupu o Iuta, ua faa-
2 pea mai, Ina alu ia oe i le aiga o sa
Rakapā, ma tautala atu ia te i latou,
ma au mai ia te i latou i le fale o
Ieova, i se tasi potu, ma avatu ia te
3 i latou le uaina e inu ai. Ona ou
ave ai lea o Iaasenaia le atalii o
Ieremia, le atalii o Havasinia, ma
ona uso, ma ona atalii uma, ma le
4 aiga uma o sa Rakapā; ma ou au
mai ia te i latou i le fale o Ieova, i
le potu o atalii o Hanana le atalii o
Iketalia, o le tagata o le Atua, sa
tuaui ma le potu o alii, na i ai i luga
o le potu o Maaseia le atalii o Sa-
5 luma, o le leoleo o le faitotoa; ona
ou tuuina atu lea i luma o le fanau-
ga a le aiga o sa Rakapā o ipu faa-
ofuofu ua tutumu i uaina, ma ipu e

inu ai; ma a'u fai atu ia te i latou,
Ia outou feinu i le uaina. A ua la- 6
tou fai mai, Matou te le inu uaina;
auā na poloi mai ia te i matou o
Ionatapa le atalii o Rakapa, o lo
matou tamā, ua faapea mai, Aua
tou te inu uaina, o outou, ma o
outou fanau, e oo i le faavavau;
aia foi tou te fai se fale, aua tou te
7 lulu saito, aua tou te tofō se tovine,
aia foi ne'i ia te outou ia mea; auā
e nonofo outou i fale ie i o outou
aso uma; ina ia tele ni aso e ola ai
outou i le laueleele tou te āumau
ai. Ua matou usiusitai i le upu a 8
Ionatapa le atalii o Rakapa, lo ma-
tou tamā, i mea uma na ia poloi
mai ai ia te i matou, aua matou te
inu uaina i o matou aso uma, o i
matou, ma a matou avā, o matou
atalii foi, mā o matou afafine; aua 9
foi matou te fai fale e nonofo ai;
e le ia te i matou foi se tovine, po o
se fanua, po o saito; a ua matou 10
nonofo i fale ie; ua matou usiusitai,
ma matou faia e tusa ma mea uma
na poloi mai ai Ionatapa lo matou
tamā ia te i matou. Na oo foi ina 11
sau o Nepukanesa le tupu o Pape-
lonia i le nuu, ona matou faapea ai
lea, Ina o mai ia, se'i tatou o i Ieru-
salema auā o 'au a Kaletaia, ma 'au
a Suria; o le mea lea ua matou
nonofo ai i Ierusalemā.

Ona oo mai ai lea o le afiga a 12
Ieova ia Ieremia, ua faapea mai, O 13
loo faapea ona fetalai mai o Ieova o
'au, le Atua o Isaraelu, Ia e alu, ma
e fai atu i tagata o Iuta, ma e o
nonofo i Ierusalemā, E le talia ea e
outou mea ua a'oa'oina atu, ia faa-
logo ai i a'u upu? ua fetalai mai ai
Ieova. O upu a Ionatapa le atalii o 14
Rakapa, na ia poloi atu ai i ona
atalii, e aua le inu uaina, ua tausia
lava, ua latou le inu ai ua oo lava i
le aso nei, auā ua latou usiusitai i le
poloaiiga a lo latou tamā; a o a'u
nei, ua ou fai atu ia te outou, ua ou
ala fai atu lava; a ua outou le faa-
logo mai ia te au. Ua ou aauina atu 15
foi ia te outou o a'u aauina uma o
perofeta, ua ou ala aauina lava i
latou, ua faapea atu, Ia outou toe
foi mai taitasi le tagata ai lona ala
leaga, ia outou sauni lelei foi a
outou amioga, aua foi tou te muli-

- mul i atu i atua ese e auauna i ai, ona nonofo ai lea o outou i le lauleele na ou foaiina atu ai ia te outou ma o outou tamā; a ua le uai mai o outou taliga, ma outou le faalogo mai ia te au. Auā ua tausia e atalii o Ionatapa le atalii o Rakapa le poloaiga a lo latou tamā, na ia poloai atu ai ia te i latou; a o lenei nuu, ua latou le faalogo lava ia te au; o le mea lea o loo faapea ona fetalai mai ai o Ieova, le Atua o 'au, le Atua o Israelu, Faauta, ou te faaoo ia Iuta, ma i latou uma o e nonofo i Ierusalem, le malaia uma na ou fai atu ai e oo ia te i latou; auā na ou fai atu ia te i latou, a ua latou le faalogo mai; na ou valaau foi ia te i latou, a ua latou le tali mai.
- 18 Ua fai atu foi Ieremia i le aiga o sa Rakapā, O loo faapea ona fetalai mai o Ieova o 'au, le Atua o Israelu, Ua outou usiuitai i le poloaiga a Ionatapa lo outou tamā, ma ua outou tausia ana poloaiga uma, ma ua outou faia e tusa ma mea uma na ia poloai mai ai ia te outou;
- 19 o le mea lea o loo faapea ona fetalai mai ai o Ieova o 'au, le Atua o Israelu, E le motu le gafa o Ionatapa le atalii o Rakapa, a e tu mai sona tagata i o'u luma i aso uma lava.
- Ua susunuina e le tupu le tusi o valoaga a Ieremia na tusia e Paruka.*
- 36 O LE fa o tausaga o Ioakima le atalii o Iosia le tupu o Iuta, na oo mai ai lenei afoga ia Ieremia mai ia Ieova, ua faapea mai, Ia e ave se tusi taai, ma e tusi i ai upu uma ua ou fai atu ai ia te oe ia Israelu, ma Iuta, ma nuu uma, e afua i ona po na ou tautala atu ai ia te oe, ona po lava o Iosia, e oo i le aso nei. Atonu e faalogo le aiga o Iuta i le malaia uma ou te manatu e faaoo ia te i latou; ina ia latou toe foi mai, taitasi le tagata ai lona ala leaga, ma ou faamagaloina atu i la latou amio-
- 4 letonu ma la latou agasala. Ona valaau ai lea o Ieremia ia Paruka le atalii o Neria; ua tusia foi i le tusi taai e Paruka mai le fofoga o Ieremia o afoga uma a Ieova, na ia fetalai mai ai ia te ia. Ua fai atu foi Ieremia ia Paruka, ua faapea atu, Ua puipua a'u; ou te le mafai ona alu atu i le fale o Ieova; a ia e alu, ma faitau i le tusi taai, ua e tusia mai lo'u gutu, o afoga a Ieova i luma o le nuu i le fale o Ieova i le aso e anapopogi ai; e te faitauina foi i luma o Iuta uma o e o mai o loo latou aai. Atonu latou te faapauu ma tatalo i luma o Ieova, ma latou toe foi mai, taitasi le tagata ai lona ala leaga; auā ua tele le tiga ma le toasa ua fetalai mai ai Ieova i lenei nuu. Ua faia foi e Paruka le atalii o Neria e tusa ma mea uma na fai atu ai Ieremia le perofeta; ua ia faitau i le tusi o afoga a Ieova i le fale o Ieova.
- O le lima o tausaga o Ioakima le atalii o Iosia le tupu o Iuta, o le iva o masina, ua latou tala'i atu ai le anapogi i luma o Ieova i tagata uma o i Ierusalem, ma tagata uma na o mai i Ierusalem mai aai o Iuta. Ona faitau ai lea o Paruka i le tusi, a o faalogo ai le nuu uma, o upu a Ieremia i le fale o Ieova, i le potu o Kimaria le atalii o Safana le tusi-upu, i le lotoā i luga, i le mea e ui ai i le faitotoa fou o le fale o Ieova. Ua faalogo Mekaio le atalii o Kimaria, le atalii o Safana, i afoga uma a Ieova nai le tusi; ona alu ifo ai lea o ia i le fale o le tupu, i le potu o le tusiupu; faauta foi, sa nonofo ai o alii uma, o Elisama le tusiupu, ma Tilaia le atalii o Semaia, ma Elenatana le atalii o Akepora, ma Kimaria le atalii o Safana, ma Setekaia le atalii o Hanania, ma alii uma. Ona ta'u atu ai lea e Mekaio ia te i latou o upu uma na ia faalogo ai, ina o faitau e Paruka le tusi i luma o le nuu. Ona auina atu ai lea e alii uma o Ieuti le atalii o Netania, le atalii o Selemia, le atalii o Kusi, ia Paruka, ua faapea atu, Ia e au mai i lou lima le tusi taai sa e faitauina i luma o le nuu, ma e sau. Ona ave ai lea e Paruka le atalii o Neria le tusi taai i lona lima, ma ua alu atu ia te i latou. Ona latou fai mai ai lea ia te ia, Sei e nofo i lalo, ma faitau mai a o matou faalogo atu. I le ua faitau ai e Paruka o faalogo mai i latou. Ua latou faalogo i ia upu uma, ona latou fefefe

ai lea, o le tasi ma le tasi, ma latou
 fai mai ia Paruka, Matou te ta'u atu
 17 lava ia upu uma i le tupu. Ua latou
 fesili mai foi ia Paruka, ua faapea
 mai, Ina ta'u mai ia ia te i matou,
 pe na faapefea ea ona e tusia o ia
 18 upu uma mai lona fofoga? Ona fai
 atu ai lea o Paruka ia te i latou, Na
 ia fai mai ia te au ia upu uma ai
 lona fofoga, ona ou tusia ai lea i le
 19 tusi i le vaitusi. Ona fai mai ai lea
 o alii ia Paruka, Ina alu ia, lua te
 lalafi, oulua ma Ieremia, aua ne'i
 iloa e se tasi po o fea lua te i ai.
 20 Ua latou o atu i le tupu i le
 lotoa, a ua latou tuu le tusi taai i le
 potu o Elisama le tusiupu; ua latou
 faaali atu foi ia upu uma i luma o le
 21 tupu. Ona auina atu ai lea e le
 tupu o Ieuti e aami atu le tusi taai;
 i le ua au mai ai e ia ai le potu o
 Elisama le tusiupu; ona faitau ai
 lea e Ieuti i luma o le tupu, ma
 luma o alii uma o e na tutu i tafa-
 22 tafa o le tupu. Sa nofo foi le tupu
 i le fale o le tau maalili i le iva o
 masina, sa mu foi *le afi* i le taigaafi
 23 i ona luma. Ua oo ina ua faitaulia e
 Ieuti ni atu upu se tolu pe fa, ona
 titipi ai lea e ia i le polo o le tusi
 upu, ma na lafo i le afi sa i le tai-
 gaafi, ua oo ina faaumatia le tusi
 24 taai uma i le afi sa i le taigaafi. E
 lei fefefe i latou, e lei saeia foi e i
 latou o latou ofu, o le tupu, ma ana
 auauna uma, na faalogo i ia upu
 25 uma. A e peitai na aiai atu Elena-
 tana, ma Tilai, ma Kimaria i le
 tupu, aua na te susunuina le tusi
 taai; a e lei faalogo o ia ia te i
 26 latou. A ua fai atu le tupu ia Iera-
 maelu le atalii o le tupu, ma Seraia
 le atalii o Aserielu, ma Selemia le
 atalii o Apitelu, latou te pupue ia
 Paruka le tusiupu, ma Ieremia le
 perofeta; a ua natia i laua e Ieova.
 27 Ona oo mai ai lea o le afioga a
 Ieova ia Ieremia, ina ua uma ona
 susunuina e le tupu o le tusi taai,
 ma upu na tusia e Paruka mai le
 28 gutu o Ieremia, ua faapea mai, Ina
 toe ave ia e oe se isi tusi taai, ma e
 tusi i ai upu muamua uma na i ai i
 le tusi taai muamua, na susunuina
 29 e Ioakima le tupu o Iuta. E te fai
 atu foi ia Ioakima le tupu o Iuta,
 O loo faapea ona fai mai o Ieova,

Ua e susunuina lena tusi taai, ua e
 faapea mai, Se a ea le mea na e
 tusia ai, ua faapea, E sau lava le
 tupu o Papelonia, ma faaumatia
 lenei nuu, ma aveeseina ai tagata
 atoa foi ma manu? O le mea lea o 30
 loo faapea ona fetalai mai o Ieova
 ia Ioakima le tupu o Iuta, E le ia te
 ia se tasi e tietie i le nofoalii o
 Tavita; e tuulafoaiina foi lona tino
 ua oti i le vevela i le ao, ma le
 malulu i le po. Ou te tau'i atu foi 31
 ia te ia, ma ana fanau, ma ana au-
 auna, a latou amioletonu; ou te
 faaoo foi ia te i latou, ma e o nonofo
 i Ierusalem, ma tagata o Iuta, le
 malaia uma na ou fai atu ai ia te i
 latou; a ua latou le faalogo mai.

Ona ave ai lea e Ieremia o se isi 32
 tusi taai, ma na avatu ai i le tusi-
 upu, o Paruka le atalii o Neria; ua
 tusi i ai foi e ia mai le gutu o Iere-
 mia, o upu uma o le tusi na susunu-
 ina i le afi e Ioakima le tupu o Iuta;
 ua toe faaopoopoina foi i ai nisi upu
 faapea e tele.

*Ua tuuina atu Ieremia i le fale
 puipui.*

UA pule foi Setekaia le tupu le 37
 atalii o Iosia e sui'ai Koniale atalii
 o Ioakima, ua tofia foi o ia e fai ma
 tupu i le nuu o Iuta e Nepukanesa
 le tupu o Papelonia. A e le faalogo 2
 o ia, po o ana auauna, po o tagata
 o le nuu, i afioga a Ieova, na ia fetalai
 mai i le perofeta o Ieremia. Ua 3
 auina mai e Setekaia le tupu o
 Iukali le atalii o Selemia, ma Sefa-
 naia le atalii o Maaseia le faitaulaga,
 ia Ieremia le perofeta, ua faapea
 mai, Ia e faatoga mo i matou ia
 Ieova lo latou Atua. A ua fealuai 4
 faasa'oloto Ieremia i le nuu; au'e
 lei tuuina atu o ia e i latou i le fale
 puipui. Ua o mai le itu taua a 5
 Farao mai Aikupito; ua faalogo foi
 Kaletaia e na vagaia Ierusalem i
 le tala ia te i latou, ona latou o ese
 ai lea i Ierusalem. Ona oo mai ai 6
 lea o le afioga a Ieova ia Ieremia le
 perofeta, ua faapea mai, O loo faa- 7
 pea ona fetalai mai o Ieova, le Atua
 o Isaraelu, Ia faapea ona outou fai
 atu i le tupu o Iuta, o le na auina
 mai outou ia te au e fesili mai ia te
 au, Faauta, o le itu taua a Farao, o

loo ua o mai e fesoasoani ia te outou,
e foi atu i latou i lo latou nuu o
8 Aikupito. A e toe foi mai Kaletaia,
ma latou tau ma le aai nei, e aea ai
foi e i latou, ma latou susunuina ai
9 i le afi. O loo faapea ona fetalai
mai o Ieova. Aua nei olegia outou
e outou, e faapea, E matuā o ese
Kaletaia ia te i tatou; auā latou te
10 le o ese lava. Auā pe afai ana fāsia
e outou le itu taua uma a Kaletaia
o e ua tau ma outou, ma ua totoe ia
te i latou na o tagata manunua,
latou te tutū taitasi i lona fale ie,
ma latou susunuina lenei aai i
le afi.
11 Ua o ese le itu taua a Kaletaia i
Ierusalemā ona o le itu taua a
12 Farao, ona alu atu ai lea o Ieremia
nai Ierusalemā, e alu i le nuu o
Peniamina, ia maua e ia lona tofi i
13 lea mea i totonu o le nuu. Ua i ai
foi o ia i le faitotoa o Peniamina, ua
i ai foi le alii leoleo, o lona igoa o
Iria, le atalii o Selemia, o le atalii o
Hanania; ona pue ai lea o ia ia
Ieremia le perofeta, ua faapea atu,
14 O le a e sola ia Kaletaia. A ua fai
atu Ieremia, Tala pepelo; ou te le
sola ia Kaletaia. A e le faalogo o
ia ia te ia; a ua pue Iria ia Ieremia,
15 ma au mai ia te ia i alii. Ua ita
foi alii ia Ieremia, ma latou fasi ia
te ia, ma tuuina atu o ia i le fale
puipui i le fale o Ionatana le tusi-
upu; auā na latou faia lea ma fale
16 puipui. Ua ulu atu Ieremia i le
fale puipui i ana lava ua i ai, ua
nofo foi Ieremia i lea mea i aso e
17 tele; ona aau mai lea e Setekaia le
tupu nisi e aami ia te ia; ua fesili
faalilolilo foi le tupu ia te ia i lona
fale, ua faapea mai, Pe ai ea se
afoga mai ia Ieova? Ona fai atu
ai lea o Ieremia, E i ai lava; ua fai
atu foi o ia, E tuuina oe i le lima o
18 le tupu o Papelonā. Ua fai atu
foi Ieremia ia Setekaia le tupu, Se
a ea se mea ua ou agaleaga ai ia te
oe, po o au anauna, po o lenei nuu,
ina ua outou tuuina o a'u i le fale
19 puipui? O fea o i ai foi a outou
perofeta, na vavalo ia te outou, ua
faapea, E le sau le tupu o Papelo-
nia e tau ma outou ma le nuu nei?
20 O lenei, le alii e le tupu, ia e faafo-
foga mai, ia paū atu i ou luma la'u

faatōga; aua nei e faafoi atu ia te
au i le fale o Ionatana le tusiupu,
nei ou oti ai. Ona poloai ane lea o 21
Setekaia le tupu ia latou tuuina o
Ieremia i le lotoā o le fale puipui,
ia avatu foi ia te ia i lea aso ma lea
aso se potoi areto mai le ala o e fai
areto, seia uma le areto uma lava o
i le aai. Ona nofo ai lea o Ieremia
i le lotoā o le fale puipui.

*Ua tuuina Ieremia i le lua. Ua
aveina ae o ia e Epetemeleka.*

UA faalogo Sefatia le atalii o 38
Matana, ma Ketalia le atalii o
Pasura, ma Iukali le atalii o Sele-
mia, ma Pasura le atalii o Malekia,
i upu ua fai atu ai e Ieremia i le
nuu uma, ua faapea atu, O loo faa- 2
pea ona fetalai mai o Ieova, O lē
nofo i le aai nei e oti ia i le pelu, ma
le oge, ma le faamai; a o lē alu atu
i tagata o Kaletaia e ola ia; e avea
foi lona ola ma ana vete, e ola foi
ia. O loo faapea ona fetalai mai o 3
Ieova, E tuuina lava lenei aai i lima
o le itu taua a le tupu o Papelonā,
latou te aea ai. Ona fai atu ai lea 4
o alii i le tupu, Ia fasiotia lava lenei
tagata; auā lava o ia lē faavaivaia
lima o tagata tau o e totoe i lenei
aai, ma lima o le nuu uma, i lona
tautala atu ia te i latou e tusa ma 5
ia upu; auā e le saili lenei tagata
ia manuia lenei nuu, a ia malaia.
Ona fai mai ai lea o Setekaia le 6
tupu, Faauta, o loo i o outou lima o
ia; auā e le mafai i le tupu se mea
pe a le tataui ia te outou. Ona latou
fetagofi ai lea ia Ieremia, ma tuuina
atu o ia i le lua a Malekia le atalii
o le tupu, sa i le lotoā o le fale pui-
pui; ua latou tuutuu ifo ia Ieremia
i maea. E leai foi se vai i le lua,
na o palapala; ua goto foi Ieremia
i le palapala.

UA faalogo Epetemeleka le tagata 7
Aitiope, o le eunuka e i le fale o le
tupu, ua tuuina ifo Ieremia i le lua,
ua nofo foi le tupu i le faitotoa o
Peniamina, ona alu atu ai lea o 8
Epetemeleka ai le fale o le tupu, ua
tautala atu i le tupu, ua faapea atu,
Le alii e le tupu, ua amio leaga ia 9
tagata i mea uma ua latou faia ia
Ieremia le perofeta, o le ua latou
tuuina ifo i le lua; e oti foi o ia i le

mea ua i ai i le fia 'ai; auā e leai ni
 10 areto o totoe i le aai. Ona fai atu
 ai lea o le tupu ia Epetemeleka le
 Aitiope, ua faapea atu, Tou te o ma
 oe tagata e toatolugafulu, ai le mea
 nei, ma aveina ae Ieremia le perofeta
 ai le lua, manū o lei oti o ia.
 11 Ona o ai lea o Epetemeleka ma ia
 tagata, ua latou o atu i le fale o le
 tupu i lalo o le mea e teu ai oloa,
 mā latou au mai mai lea mea ie
 pala masaesae ma ofu pala masae-
 sae, ua latou tuuina ifo ia mea i
 12 maea ia Ieremia i le lua. Ua fai
 ane foi Epetemeleka le Aitiope ia
 Ieremia, Ia e tuu na ie pala ma-
 saesae mā ofu masaesae i lalo o
 ou aoao i maea. Ona faapea ai
 13 lea ona fai e Ieremia. Ona latou
 sisi ai lea ia Ieremia i maea, ma
 avae ia te ia ai le lua; ona nofo ai
 lea o Ieremia i le lotoā o le fale
 puipui.
 14 Ona feauina lea e Setekaia le tupu,
 ma na aami atu ia Ieremia le perofeta
 e sau ia te ia, i lona tolu o faitotoa
 i le fale o Ieova; ua fai atu
 foi le tupu ia Ieremia, Ou te fesili
 atu ia te oe i se mea; aua e te natia
 15 se mea ia te au. Ona fai mai ai lea
 o Ieremia ia Setekaia, Afai ou te
 ta'uatua ia te oe, e te le fasiotia ea
 a'u? afai foi ou te faatonuina atu
 ia te oe, e te le faalogo mai ia te
 16 au. Ona tauto faalilolilo ai lea o
 Setekaia le tupu ia Ieremia, ua faa-
 pea, O loo soifua Ieova, o le na faia
 i taua nei, ou te le fasiotia oe, ou te
 le tuuina atu foi oe i lima o ia tagata
 17 ua saili e fasiotia oe. Ona fai mai
 ai lea o Ieremia ia Setekaia, O loo
 faapea ona fetalai mai o Ieova, le
 Atua o 'au, le Atua o Isaraelu, Afai
 e te matuā alu atu i alii mai le tupu
 o Papelonía, ona soifua ai lea o oe,
 e le faamuina foi lenei aai i le afi;
 a e soifua oe, atoa foi ma lou aiga.
 18 A e afai e te le alu atu i alii mai le
 tupu o Papelonía, ona tuuina atu ai
 lea o lenei aai i lima o Kaletaia, ma
 latou faamuina i le afi, o oe foi e te
 19 le sao i o latou lima. Ona fai atu
 ai lea o Setekaia le tupu ia Ieremia,
 Ou te fefe i tagata Iuta ua sosola
 atu i Kaletaia, ne'i latou tuuina atu
 a'u i o latou lima, ma latou faaleaga
 20 ja te au. A ua fai mai Ieremia, E

le tuuina atu oe e i latou. Ia e faa-
 fofoga mai i le siufofoga o Ieova ou
 te fai atu ai ia te oe; ona manuia
 ai lea o oe, ma e soifua. A e afai e
 te le mafai ona maluu atu, o lenei le
 21 upu ua faailoa mai ai e Ieova ia te
 au; faauta foi, o fafine uma ua to-
 22 toe i le fale o le tupu o Iuta, e ta-
 ta'iina i latou i alii mai le tupu o
 Papelonía, latou te fai ane foi, Na
 faaosoina oe e au uo, ua latou manu-
 malo foi ia te oe; ua goto ou vae i
 le palapala, a ua tuumuli i latou.
 E aveina atu foi au avā uma ma au
 23 fanau ia Kaletaia; o oe foi e le sao
 oe i o latou lima, a e puea oe e le
 lima o le tupu o Papelonía; o oe foi
 e mu ai lenei aai i le afi. Ona fai
 24 atu ai lea o Setekaia ia Ieremia,
 Aua ne'i iloa e se tasi o ia upu, ona
 e le oti ai lea. Pe afai foi e faalogo
 25 alii ua ta tautalatala ma oe, ma la-
 tou o ane ia te oe, ma fai ane ia te
 oe, Ina ta'u mai ia ia te i matou o
 mea na e fai atu ai i le tupu, aua le
 natia ia te i matou, ona matou le
 fasioti ai lea ia te oe; pe se a foi le
 mea na fai mai ai le tupu ia te oe;
 ona e fai atu ai lea ia te i latou, Na
 26 a'u fai la'u faatoga i luma o le tupu,
 aua na te faafoisia a'u i le fale o
 Ionatana, ne'i ou oti i lea mea.
 Ona o mai ai lea o alii uma ia Iere-
 27 mia, ma fesili mai ia te ia; ona ta'u
 atu ai lea o ia ia te i latou, e tusa
 ma ia upu uma na fai mai ai le
 tupu. Ona latou o ese ai lea ia te
 ia ua le toe tautala; auā na le la-
 gona se tasi le tautalaga. Ua nofo
 28 Ieremia i le lotoā o le fale puipui
 ua oo i le aso na aea ai Ierusalemā;
 na i ai foi o ia ina ua aea Ierusalemā.

*Ua aea Ierusalemā. Ua alofagia
 Ieremia e Kaletaia.*

O LE iva o tausaga o Setekaia le
 39 tupu o Iuta, o le sefulu o masina,
 na o mai ai Nepukanesa le tupu o
 Papelonía, ma lana itu taua uma, i
 Ierusalemā, ma latou vagaia. O le
 2 tausaga o Setekaia e sefulu ma le
 tasi, o le fa o masina, ma le aso iva
 o le masina, na lepetia ai le aai.
 Ona o mai ai lea o alii uma ua i le
 3 tupu o Papelonía, ma latou nonofo
 i le faitotoa i totonu, o Nekala-
 4 sarsa, o Samekanepo, o Sasekimo

o le matai o eunuka, o Nekala-saresa
o le matai o makoi, ma nisi alii uma
4 ua i le tupu o Papelonía. Ua iloa i
latou e Setekaia le tupu o Iuta, ma
'au uma, ona latou sosola ai lea, ma
latou tuua le aai i le po, *ua ui* i le
ala o le fanua o le tupu i le faitotoa
i le va o pa e lua; ua alu atu foi o
5 ia i le ala i le eleele laugatasi. Ona
tuliloa ai lea e le itu taua a Kale-
taia ia te i latou, ua latou maua atu
ia Setekaia i le eleele laugatasi o
Ieriko; ua latou pue ia te ia, ona
latou avatu ai lea o ia ia Nepukanesa
le tupu o Papelonía i Ripelu, i le
nuu o Amato, ona faasala ai lea o ia
6 ia te ia. Ua fasiotia foi e le tupu o
Papelonía o atalii o Setekaia i ona
luma i Ripelu; ua fasiotia foi e le
tupu o Papelonía o alii uma o Iuta.
7 Ua ia faatauaso foi ia Setekaia, ma
fusifusi ia te ia i faamau 'apa memea
8 e lua e ave ia te ia i Papelonía. Ua
susunuina foi e Kaletaia le fale o le
tupu, ma fale o le nuu i le afi, ma
9 latou sôloia le pa o Ierusalemá. A
o e na totoe o le nuu sa i ai pea i le
aai, ma e na sosola na sosola ia te
ia, ma e na totoe o le nuu sa i ai
pea, na táfēa i latou i Papelonía e
Nepusatana, lē pule i le 'au e faa-
10 feao. A ua tuua i le nuu o Iuta e
Nepusatana lē pule i le 'au e faafeao,
nisi o le nuu o e matitiva, e leai sa
latou mea, ua ia foi atu foi ia te i
latou o tovine ma fanua i lea aso.
11 Na poloi foi Nepukanesa le tupu
o Papelonía ia Nepusatana lē pule i
le 'au e faafeao ia Ieremia, ua faapea
12 atu, ia e ave ia te ia, ia e tausi foi
ia te ia, aua ne'i fai se mea leaga ia
te ia; a e pei ona fai mai o ia ia te
13 oe, ia faapea ona e fai ia te ia. Ua
aauina atu foi *nisi* e Nepusatana lē
pule i le 'au e faafeao, ma Nepusa-
pana o le matai o eunuka, ma Ne-
kala-saresa o le matai o makoi, ma
alii uma ua i le tupu o Papelonía;
14 ua latou aauina atu, ma latou aami
atu ia Ieremia ai le lotoā o le fale
puipui, ona latou tuuina atu lea o ia
ia Ketalia le atalii o Aikamo, le ata-
lii o Safana, ia na au mai ia te ia i
le fale; ona nofo ai lea o ia faatasi
ma le nuu.
15 Na oo mai le afioga a Ieova ia
Ieremia, ina o puipua o ia i le lotoā

o le fale puipui, ua faapea mai, Ina 16
alu ia, ma e fai atu ia Epetemeleka
le Aitiope, ia faapea atu, O loo faa-
pea ona fetalai mai o Ieova o 'au,
le Atua o Isaraelu, Faauta, ou te
faaoo a'u upu i lenei aai ia malaia,
a e le ina ia manuia; e oo foi ia i ou
luma i lea aso. A e ou te laveai ia 17
te oe i lea aso, o loo fetalai mai ai
Ieova, e le tuuina foi oe i lima o
tagata ua e fefe ai. Auā ou te faa- 18
saoina lava oe, e te le oti foi i le
pelu, a e aveá lou ola māu vete;
auā ua e faatuatua ia te au, o loo
fetalai mai ai Ieova.

*Ua tuuasolotoina Ieremia. Ua alu
ia ia Ketalia.*

O LE afioga na oo mai ia Ieremia 40
mai ia Ieova, ina ua mavae ona tuu-
ina atu o ia mai Rama e Nepusatana
lē pule i le 'au e faafeao, ina o maua
o ia e ia, a o fusifusia o ia i maea
uamea faatasi ma le tafeaga uma
a Ierusalemá ma Iuta e na táfēa i
Papelonía. Ona ave ai lea e lē pule 2
i le 'au e faafeao ia Ieremia, ma ua
faapea mai ia te ia, O Ieova, lou
Atua, na fetalai mai lenei malaia i
lenei mea. O Ieova foi ua faaoo ai, 3
ma na faia e pei ona fetalai mai ai
o ia; auā na outou agasala ia Ieova,
ma outou le faalogo i lona siufofoga,
o le mea lea ua oo ai ia te outou
lenei mea. O lenei, faatu mai, ua 4
ou tatalaina oe i lenei aso ai maea
uamea sa i ou lima. Afai e lelei ia
te oe ona ta o ma a'u i Papelonía;
sau ia, ou te tausi ia te oe; a e afai
e leaga ia te oe ona ta o ma a'u i
Papelonía, soia; ina vaai atu ia, o
loo i ou lumá le nuu uma; o le mea
ē lelei ma tataui ia te oe ona alu i
ai, o le mea lea ia e alu i ai. A o 5
lei tali atu o ia, *na ia faapea mai*,
Ina foi atu ia ia Ketalia le atalii o
Aikamo, o le atalii lea o Safana, o
le ua tofia e le tupu o Papelonía e
pule i aai o Iuta, ma ia e nofo ma
ia faatasi ma le nuu; a le o lea, o le
mea e tataui ia te oe ona e alu i ai,
ina alu lava ia i ai. Ona foi mai
ai lea ia te ia e lē pule i le 'au e
faafeao o mea e 'ai, ma se mea
alofa, ma na tuuina o ia e alu,
Ona alu ai lea o Ieremia ia Ketalia 6
le atalii o Aikamo i Mesepa; ua

nofo foi ma ia, faatasi ma le nuu o e na totoe i le nuu.

- 7 O alii uma na ave 'au o e sa i le vao, o i latou ma o latou tagata, ua faalogo i latou ua tofia e le tupu o Papelonía o Ketalía le atalii o Aikamo e pule i le nuu, ua na tofia foi o ia e pule i tane, ma fafine, ma tama iti, o isi foi o e matitiva o le nuu, o i latou na le tafea i Papelonía; ona latou o mai ai lea ia Ketalía i Mesepe, o Isamaeli le atalii o Netanaia, ma Ioanana ma Ionatana o atalii o Kareá, ma Seraia le atalii o Tanumeta, o atalii foi o Efai le Netopa, ma Iaasenaia le atalii o le Maaka, o i latou ma o latou tagata. Ona tauto ai lea o Ketalía le atalii o Aikamo, le atalii o Safana ia te i latou ma o latou tagata, ua faapea atu, Aua tou te fefefe i auaua ia Kaletaia; ia outou nonofo i le nuu, ma auaua i le tupu o Papelonía, ona manuia ai lea o outou. O 'a'u nei foi, faauta, ou te nofo i Mesepe, e tu ai i luma o Kaletaia o e o mai ia te i matou; a o outou, ia outou faapotopoto uaina, ma fua otata, ma suāuu, ma tuu ai i a outou fagu, ia outou nonofo foi i a outou aai ua outou maua. O tagata Iuta uma foi na i ai i Moapi, ma le nuu o le fanauga a Amoni, ma Etoma, ma e na i ai i nuu uma, ua latou faalogo ua tuua e le tupu o Papelonía e na totoe o Iuta, ma ua tofia e ia e pule ia te i latou o Ketalía le atalii o Aikamo, le atalii o Safana; ona foi mai ai lea o Iuta uma i mea uma na tulia ai i latou, ma latou o mai i le nuu o Iuta ia Ketalía i Mesepe, ma latou faapotopoto i uaina ma fua otata e matua tele. O Ioanana foi le atalii o Kareá, ma alii uma na ave 'au, sa i le vao, ua latou o mai ia Ketalía ia Mesepe; ona latou fai mai lea ia te ia, Ua e silafia lava ea ua auina mai e Paaliso le tupu o le fanauga a Amoni, o Isamaeli le atalii o Netanaia e fasioti ia te oe? A e lei talia la latou tala e Ketalía le atalii o Aikamo. Ona fai faalilolilo mai ai lea o Ioanana le atalii o Kareá ia Ketalía i Mesepe, ua faapea mai, Se'i ou alu, ma ou fasi ia Isamaeli le atalii o Netanaia, e le iloa foi e se tasi; se a ea le mea na

te fasioti ai ia te oe, e faataapeapeina ai Iuta uma ua faapotopotoina ia te oe, e faaumatia foi o Iuta ua totoe? Ona fai atu ai lea o Ketalía le atalii o Aikamo ia Ioanana le atalii o Kareá, Aua e te fai lena mea; auā o le mea pepelo ua e fai mai ai ia Isamaeli.

Ua fasia Ketalía e Isamaeli.

UA oo i le fitu o masina, ona o mai ai lea o Isamaeli le atalii o Netanaia, le atalii o Elisama, o le aiga to tino o le tupu, ma alii sa i le tupu, ma tagata e toasefulu faatasi ma ia, ia Ketalía le atalii o Aikamo i Mesepe; ua latou aai foi faatasi i lea mea i Mesepe. Ona tulai ai lea o Isamaeli le atalii o Netanaia, ma ia tagata e toasefulu na ia te ia, ma latou fasi ia Ketalía le atalii o Aikamo le atalii o Safana, i le pelu, na fasiotia e i latou o ia na tofia e le tupu o Papelonía e pule i le nuu. Ua fasia foi e Isamaeli o Iuta uma sa ia Ketalía i Mesepe, ma Kaletaia, o tagata tau, ua latou maua i lea mea. Ua oo i le lua o aso talu ona fasiotia e ia o Ketalía, ma ua le iloa e se tasi; ona o mai ai lea o tagata mai Sekema, ma Sailo, ma Samaria, o tagata e toavalugafulu, ua tafi a latou 'ava, ma ua saei o latou ofu, ua selei foi i latou e i latou, sa i o latou lima o taulaga i mea e 'ai ma pulu lipano, e avatua i le fale o Ieova. Ona alu atu ai lea ai Mesepe o Isamaeli le atalii e Netanaia, e faafetaiai ia i latou, ua savali ia ma tagi fano; ua oo ina fetaii o ia ma i latou, ona fai atu ai lea o ia ia te i latou, Ina o mai ia ia Ketalía le atalii o Aikamo. Na oo foi i latou i totonu o le aai, ona fasiotia ai lea o i latou e Isamaeli le atalii o Netanaia *ma lafo ia te i latou* i totonu o le lua, o ia lava, ma tagata na ia te ia. A e peitai sa ia te i latou o tagata e toasefulu, na fai mai ia Isamaeli, Aua e te fasiotia i matou; auā ua ia te i matou mea ua natia i le vao, o saito, ma karite, ma suāuu, ma meli; ona tuu lea e ia, ua na le fasiotia i latou faatasi ma o latou uso. O le lua foi na lafo i ai e Isamaeli tino o tagata oti uma na ia fasia ona o Ketalía, o le lua

- lea na faia e Asa le tupu, ona o Paasa le tupu o Isaraelu; na faatumuina ai e Isamaeli le atalii o Netanaia i e na fasia. Ona ave ai lea faatagataotaua e Isamaeli o e na totoe uma o le nuu na i Mesepa, o afafine foi o le tupu, ma le nuu uma na totoe i Mesepa, na tuuina atu e Nepusatana le pule i le 'au e faafeao ia Ketalia le atalii o Aikamo e pule ai; ua ave i latou faatagataotaua e Isamaeli le atalii o Netanaia, ua alu atu foi ia e sopoia atu i le fanauga a Amoni.
- 11 A ua faalogo e Ioanana le atalii o Karea, ma alii uma sa ia te ia na ave 'au, i le leaga uma na faia e
- 12 Isamaeli le atalii o Netanaia, ona latou ave ai lea o tagata uma, ma latou o e tau ma Isamaeli le atalii o Netanaia, na latou maua foi o ia e
- 13 lata ane i le vai tele i Kipeona. Ua iloa e le nuu uma sa ia Isamaeli, o Ioanana le atalii o Karea, ma alii uma sa ia te ia na ave 'au, ona latou fiasia ai lea. Ua liliu mai foi le nuu uma na ave faatagataotaua e Isamaeli ai Mesepa, ma latou foi mai, ma o mai ia Ioanana le atalii o
- 14 Karea. A ua sola Isamaeli le atalii o Netanaia ma tagata e toavalu ai Ioanana, ua alu atu foi ia i le fanauga a Amoni. Ona ave ai lea e Ioanana le atalii o Karea, ma alii uma sa ia te ia na ave 'au, o e na totoe uma o le nuu, o e na ia faafoisia mai ai ia Isamaeli le atalii o Netanaia nai Mesepa, ina ua uma ona fasia e ia o Ketalia le atalii o Aikamo, o toa malolos, ma fafine, ma tama iti, ma eunuka, o e na ia faafoisia mai mai Kipeona; ona latou o ai lea, ma latou nonofo i le fale o Kimeama, o loo lata ane i Peteleema, o le a o atu lava i Aikupito, ona o Kaletai; auā sa fefefe i latou ia te i latou, ona ua fasia e Isamaeli le atalii o Netanaia o Ketalia le atalii o Aikamo, o le na tofia e le tupu o Papelonia e pule i le nuu.
- Ua fai atu e na totoe o Iuta ia Ieremia, na te tatalo ia Ieova mo i latou.*
- 42 UA faalatalata mai alii uma na ave 'au, ma Ioanana le atalii o Karea, ma Iaasenaia le atalii o Hosaia, ma le nuu uma, o tagata nuu atoa ma alii, ma latou fai mai ia Ieremia le perofeta, Se'i paū atu i ou luma la matou faatoga, ma ia e tatalo ia Ieova lou Atua mo i matou, o i matou nei uma o e totoe; auā o i matou o totoe e toaitiiti, sa toatele, e pei ona sisila ou fofoga ia te i matou; ina ia faasino mai ia te i matou e Ieova lou Atua se ala matou te savavali ai, ma se mea matou te faia. Ona fai atu ai lea o Ieremia le perofeta ia te i latou, Ua ou faalogo lava, faauta mai, ou te tatalo ia Ieova lo outou Atua e tusa ma a outou upu; o upu uma foi e tali mai ai Ieova ia te outou ou te ta'u atu ai ia te outou; ou te le natia se upu ia te outou. Ona latou fai mai ai lea ia Ieremia, Ia fai Ieova ma molimau moni ma le faamaoni ia te i tatou, pe afai matou te le faia lava e tusa ma mea uma e auina mai ai oe e Ieova lou Atua ia te i matou. Pe lelei, pe leaga, matou te faalogo lava i le siufofoga o Ieova lo tatou Atua, matou te auina atu ai oe ia te ia; ina ia manuia i matou pe a matou faalogo i le siufofoga o Ieova lo tatou Atua.
- Ua mavae po e sefulu, ona oo mai ai lea o le afoga a Ieova ia Ieremia. Ona valaau ai lea o ia ia Ioanana le atalii o Karea, ma alii uma ua ia te ia na ave 'au, ma le nuu uma, o tagata nuu atoa ma alii; ua fai atu foi o ia ia te i latou, O loo faapea ona fetalai mai o Ieova, le Atua o Isaraelu, o le na outou auina atu ai a'u e momoli atu la outou faatoga i ona luma; afai tou te nonofo pea i lenei nuu, ona ou atina ae lea o outou, a e ou te le lepetia, ou te totōina foi outou, a e ou te le liaiina; auā ua ou salamo i le malaia ua ou faia ia te outou. Aua tou te fefefe i le tupu o Papelonia, o le ua outou fefefe i ai; aua lava tou te fefefe ia te ia, o loo fetalai mai ai Ieova; auā ou te ia te outou e fa'ola ia te outou, ma laveai ia te outou ai lona lima. Ou te alofa ia te outou, e alofa mai ai o ia ia te outou, ma faafoisia outou i lo outou laueleele. A e afai tou te fai mai, Matou te le nonofo i lenei nuu; e le faalogo foi outou i le siufofoga o Ieova lo outou

- 14 Atua, o loo faapea outou, E leai lava; a e matou te o i le nuu o Aikupito, matou te le iloa ai taua, ma matou le logona ai le leo o le pu, matou te le oge foi i mea e 'ai;
- 15 matou te nonofo foi i lea mea; o le mea lea ia outou faalogologo mai ai nei i le afoga a Ieova, o outou o e totoe o Iuta, o loo faapea ona fetalai mai o Ieova o 'au, le Atua o Isaraelu, Afai tou te matuā faasaga outou e o atu i Aikupito, ma outou o atu ai e āumau ai; ona maua ai lea o outou e le pelu ua outou matatau ai i lea mea, o le nuu o Aikupito lava; o le oge foi ua outou atuatuvaile ai, e maua ai lava outou i lea mea, o Aikupito lava;
- 16 tou te oti foi i lea mea. E faapea tagata uma latou te faasaga e o atu i Aikupito, e āumau ai i lea mea; e oti i latou i le pelu, ma le oge, ma le faamai; e leai so latou e toe, pe sao i le malaia ou te faaoo ai i luga ia te i latou. Auā o loo faapea ona fetalai mai o Ieova o 'au, le Atua o Isaraelu, E pei ona ou liligi ifo lo'u tiga ma lo'u ita i luga o e sa nonofo i Ierusalem, e faapea foi ona ou liligi ifo lo'u ita i luga ia te outou, pe a o atu outou i Aikupito; e fai foi outou ma faafanoga, ma mea e ofo ai, e fai a'i foi fetuu, ma luma; e le toe iloa foi e outou lenei mea.
- 17 Ua fetalai mai Ieova ia te outou o e totoe o Iuta, Aua tou te o i Aikupito; ia outou iloa lava, ua ou matuā fai atu ia te outou i le aso nei. Auā ua sese outou tou te tigaina ai, ina ua outou auina atu o a'u ia Ieova lo outou Atua, ua faapea mai, Ina tatalo ia mo i matou ia Ieova lo tatou Atua; e pei o mea uma foi e fetalai mai ai Ieova lo tatou Atua, ia faapea ona e ta'u mai ai ia te i matou, ona matou
- 18 faia lea. Ua ou ta'u atu ai foi ia te outou i le aso nei; a e peitai ua outou le faalogo i le siufofoga o Ieova lo outou Atua, i se mea e tasi na auina mai ai a'u e ia ia te outou.
- 19 O lenei, ia outou iloa lava, e oti outou i le pelu, ma le oge, ma le faamai, i le mea tou te fia o atu i ai, e āumau ai.

Ua o atu i Aikupito e na totoe o Iuta.

UA uma ona tautala atu o Iere-
mia i le nuu uma i upu uma a Ieova
lo latou Atua, na auina mai ai o ia
e Ieova lo latou Atua ia te i latou,
o ia upu uma lava, ona fai mai ai
lea o Asaraia le atalii o Hosaia, ma
Ioanana le atalii o Karea, ma ta-
gata faamaualuluga uma, ua faapea
mai ia Ieremia, O le pepelo ua e fai
mai ai; e lei auina mai oe e Ieova
lo tatou Atua, ia faapea mai, Aua
tou te o atu i Aikupito e āumau ai;
a o Paruka le atalii o Neria, ua ia
faaosoina oe ia te i matou, ina ia
tuuina atu i matou i lima o Kale-
taia, e fasioti i matou, ma tāfea i
matou i Papelonía. O lenei, ua le
faalogo Ioanana le atalii o Karea,
ma alii uma na ave 'au, ma le nuu
uma, i le siufofoga o Ieova, ia latou
nonofo i le nuu o Iuta; a o Ioa-
nana le atalii o Karea, ma alii uma
na ave 'au, ua latou ave i e na totoe
uma o Iuta, o e na foi mai ai nuu
uma na tulia ai i latou, e nonofo i
le nuu o Iuta; o tane, ma fafine,
ma tama iti, ma afafine o le tupu,
ma tagata uma na tuua e Nepusa-
tana le pule i le 'au e faafeao ia
Ketalia le atalii o Aikamo, le atalii
o Safana, atoa ma Ieremia le pero-
feta, ma Paruka le atalii o Neria.
Ona latou o atu ai lea i le nuu o
Aikupito; auā na latou le faalogo i
le siufofoga o Ieova; ua oo atu lava
i latou i Tapenesa.

Ona oo mai ai lea o le afoga a
Ieova ia Ieremia i Tapenesa, ua
faapea mai, Ina ave ia i ou lima ni
maa tetele, ma tanu ai i le paluga
panisina i le mea e tunu ai maa-
omea, o loo i ai i le mea e ui ai i le
fale o Farao i Tapenesa, i luma o
tagata o Iuta; ia e fai atu foi ia te
i latou, O loo faapea ona fetalai mai
o Ieova o a'u, le Atua o Isaraelu,
Faauta, ou te auina atu e aami la'u
auauna o Nepukanesa le tupu o
Papelonía, ma ou tuuina lona nofo-
ālii i luga o ia maa ua ou tanua; na
te fofola foi lona ie matagofie i o
latou luga. E sau foi o ia, na te
fasia le nuu o Aikupito; na te tuu-
ina atu foi o e ua tofia ia oti, i le

oti, ma e ua tofia i le tafeaga, ia tūfea, ma e ua tofia i le pelu, *ia oti* 12 i le pelu. Ou te tūtū foi le afi i fale o atua o Aikupito; na te susu- nuina foi i latou, ma avea i latou o tagata o taua; na te taaia foi le nuu o Aikupito, e pei ona taaia e le leoleo mamoe lona ofu; e alu ese 13 foi o ia i lea mea ma le filemu. Na te tu'iniiniā foi tupua o le fale o le la, o loo i ai i le nuu o Aikupito; o fale foi o atua o Aikupito, na te susu- nuina i le afi.

O le malaia o Iuta sa i Aikupito ona o a latou agasala.

44. O LE upu na oo mai ia Ieremia ia Iuta uma sa nonofo i le nuu o Aikupito, sa nonofo i Mekatala, ma Tapenesa, ma Nafi, ma le nuu o 2 Patoro, ua faapea mai, O loo faapea ona fetalai mai o Ieova o 'au, le Atua o Israhelu, Ua outou vaaia le malaia uma na ou faaoo i luga o Ierusalemā, ma luga o aai uma o Iuta; faauta foi, ua faatafunaina i le aso nei, e leai foi se tagata ua 3 nofo ai; ona o a latou amio leaga na latou faia, e faaonoono mai ai ia te au, ina ua latou o e faamu mea manogi e auauna ai i atua ese, o e na latou le iloa, o i latou, *po* o outou, *po* o outou tamā. Na a'u aau- 4 ina atu foi ia te outou a'u auauna uma o perofeta, na ou ala aauina atu i *latou*, ua faapea atu, Aua lava ne'i outou faia lena mea inosia, o le 5 mea lava ou te 'ino'ino i ai. A e lei faalogo mai i latou, ma ua le uai mai o latou taliga, ina ia liliu mai i a latou amio leaga, aua le faamu 6 mea manogi i atua ese. O lea ua liliuina ifo ai lo'u ita ma lo'u tiga, ma ua mu ai i aai o Iuta, ma ala o Ierusalemā; ua faatafunaina foi ia, ua tuufua, e pei ona fai i le aso nei. 7 O lenci, o loo faapea ona fetalai mai o Ieova, le Atua o 'au, le Atua o Israhelu, Se a le mea ua outou fai ai le leaga tele e malaia ai outou, ia faaumatia ia te outou le tane ma le fafine, o le tama itiiti ma le tama meamea, ai totonu o Iuta, ina ia le 8 faatotoeina ni o outou; ina ua outou faaonoono mai ia te au i mea ua faia e o outou lima, ua faamu mea manogi i atua ese i le nuu o

Aikupito, ua outou o i ai e āuman ai, ina ia faaumatia outou, ma ia fai outou ma faafanoga e fai a'i luma foi i nuu uma o le lalolagi? Po ua 9 galo ea ia te outou amio leaga a o outou tamā, ma amio leaga a tupu o Iuta, ma amio leaga a latou avā; ma o outou amio leaga, ma amio leaga a outou avā, na latou faia i le nuu o Iuta, ma ala o Ierusalemā? E le tigaina o latou *loto* e oo i le 10 aso nei, ma latou le fefefe, ma latou le savavali i la'u tulafono, ma a'u sauniga, na ou tuuina atu i o outou luma, ma luma o outou tamā. O le mea lea o loo faapea ona fetai 11 lai mai ai o Ieova o 'au, le Atua o Israhelu, Faauta, ou te faasaga o'u mata ia te outou e malaia ai outou, ina ia faaumatia Iuta uma. Ou te 12 ave foi i e o totoe o Iuta, o e ua faasaga o latou mata e o atu i le nuu o Aikupito e āuman ai, e faaumatia foi i latou uma i le nuu o Aikupito; e oti i latou i le pelu ma le oge, e faaumatia i latou, o tagatā- nuu atoa ma alii; e oti i latou i le pelu ma le oge; e fai foi i latou ma faafanoga, ma mea e ofo ai, ma mea e fetuu ai, ma fai a'i luma. Auā ou te tau ai atu i e o nonofo i le 13 nuu o Aikupito, e pei ona ou tau ai atu i Ierusalemā i le pelu, ma le oge, ma le faamai; o e na totoe o 14 Iuta, na o mai e āuman i lenci mea i le nuu o Aikupito, e leai se tasi e sao pe totoe, e toe foi atu i le nuu o Iuta, o le mea ua latou mananao tele ai e toe foi atu e nonofo ai; auā e leai ni e foi atu, na o e sosola lava.

Ona tali mai ai lea ia Ieremia o 15 tagata uma o e na iloa ua faamuina mea manogi e a latou avā i atua ese, ma fafine uma na tutū mai, o le faapotopotoga tele, o le nuu uma foi sa nonofo i le nuu o Aikupito, i 16 Patoro, ua faapea mai, O le upu ua e fai mai ai ia te i matou i le suafa o Ieova, matou te le faalogo ai lava ia te oe; a e peitai matou te faia 17 lava mea uma ua matou fai atu ai, e faamu mea manogi i le tupu fafine o le lagi, ma sasaa i ai taulaga i mea e inu, e pei ona matou faia, o i matou, ma o matou tamā, o matou tupu, ma o matou alii, i aai o Iuta,

ma ala o Ierusalema; auā o ona po
ia sa maoona ai i matou i mea e 'ai,
sa mauia foi, ma matou le iloa se
18 malaia. A e talu ina matou tuua
ona faamu o mea manogi i le tupu
fafine o le lagi, ma sasaa atu ia te
ia taulaga i mea e inu, ua matou
matitiva i mea uma, ua faaumatia
19 foi i matou i le pelu ma le oge. Na
matou faamu mea manogi i le tupu
fafine o le lagi, ma matou sasaa ia
te ia taulaga i mea e inu, sa le i ai
ea a matou tane ina ua matou faia
mo ia ni faapāpā areto e anauna ia
te ia, ma matou sasaa ia te ia tau-
20 laga i mea e inu? Ona fai atu ai
lea o Ieremia i le nuu uma, o tane,
ma fafine, ma le nuu uma e na tali
mai ia te ia i lea upu, ua faapea
21 atu, O mea manogi na outou faa-
muina i aai o Iuta, ma ala o Ierusa-
lema, o outou, ma o outou tamā,
ma o outou tupu, ma o outou alii,
ma tagata o le nuu na le manatua
ea e Ieova lea mea? na le mafaufau
22 ea o ia i ai? Na le toe lavā onosai
Ieova, ona o le leaga o a outou
amioga, ona o mea inosia na outou
faia; o le mea lea ua fai ai lo outou
nuu ma mea gaogao, ma mea e ofo
ai, ma faafanoga, e leai sē nofo ai,
23 e pei ona fai i le aso nei. Auā ua
outou faamu mea manogi, auā foi
ua outou agasala ia Ieova, ma ua
outou le faalogo i le siufofoga o
Ieova, ma outou le savavali i lana
tulafono, ma ana sauniga, ma ana
polaiga; o mea ia ua oo ai lenei
malaia ia te outou, e pei ona fai i le
24 aso nei. Ua fai atu foi Ieremia i le
nuu uma, ma fafine uma Ina faa-
logologo mai ia i le afioga a Ieova,
o outou Iuta uma, o i le nuu o Ai-
25 kupito; o loo faapea ona fetalai
mai o Ieova o 'au, le Atua o Isa-
raelu, ua faapea mai, O outou ma a
outou avā, ua outou tautala mai i o
outou gutu, ua faataunuina foi i o
outou lima, ua faapea mai, Matou
te faia lava a matou tautoga ua ma-
tou tauto ai, e faamu mea manogi i
le tupu fafine o le lagi, ma sasaa ia
te ia taulaga i mea e inu; e faatu-
mauina lava e outou a outou tau-
toga, e matuā faia foi e outou a
26 outou tautoga. O le mea lea ia
faalogologo mai i le afioga a Ieova,

o outou Iuta uma o e o nonofo i le
nuu o Aikupito; Faauta, ua ou tauto
a'u i lo'u igoa tele, o loo fetalai mai
ai Ieova, e le toe ta'ua lo'u igoa i le
gutu o se tasi tagata o Iuta o loo i
ai i le nuu o Aikupito uma, e faa-
pea, O loo soifua le Alii o Ieova.
Faauta, ou te mataala ia malaia i 27
latou, a e le ina ia mauia; e faa-
umatia tagata uma o Iuta o e o i le
nuu o Aikupito i le pelu, ma le faa-
mai, seia faaumatia lava i latou. A 28
o e sao i le pelu latou te foi atu nai
le nuu o Aikupito i le nuu o Iuta, e
toaitiiti i latou; e iloa foi e Iuta
uma o e totoe, e ua o atu i le nuu o
Aikupito e āumau ai, po o upu a ai
e taunuu, po o a'u, po o a latou.
O lenei foi le faailoga ia te outou, 29
ua fetalai mai ai Ieova, e tauia ou-
tou e a'u i lenei mea, ina ia outou
iloa e matuā taunuu a'u upu ia te
outou ia malaia ai outou. O loo 30
faapea ona fetalai mai o Ieova, Faa-
uta, ou te tuuina atu Farao Hofero
le tupu o Aikupito i lima o e ua ita
mai ia te ia, ma lima o e saili e fasi-
oti ia te ia; e pei ona ou tuuina atu
o Setekaia le tupu o Iuta i le lima
o Nepukanesa le tupu o Papelonia,
o le na ita mai ia te ia, ma na saili
e fasioti ia te ia.

*Ua faamafanafana le Atua ia Pa-
ruka.*

O LE upu na fai atu ai Ieremia le 45
perofeta ia Paruka le atalii o Neria
ina o tusia e ia ia upu mai le gutu o
Ieremia i le tusi, i le fa o tausaga o
Ioakima le atalii o Iosia le tupu o
Iuta, ua faapea atu, O loo faapea 2
ona fetalai mai o Ieova le Atua o
Israelu ia te oe, Paruka; na e faa- 3
pea, Oi talofa ia te au! auā ua faa-
poopoina e Ieova le faanoanoa i
lo'u tiga; ua ou lailoa i lo'u mapui-
tiga, ou te le maua foi sina mapu.
Ia faapea ona e fai atu ia te ia, O 4
loo faapea ona fetalai mai o Ieova,
Faauta, o le mea na ou atiina ac,
ou te lepetia, o le mea foi na ou
totōina, ou te liaiina, o lenei nuu
uma lava lea. O oe foi, ua e saili 5
ea mo oe mea tetele? Aua e te
sailia; auā faauta, ou te faaoo le
malaia i luga o tagata uma, ua
fetalai mai ai Ieova; a ou te avatu

ia te oe lou ola e fai ma vete i mea
uma e te alu i ai.

*O le valoaga i le malaia a oo i
Aikupito.*

- 46 O LE afiga a Ieova na oo mai
ia Ieremia le perofeta i mea a oo i
2 nuu ese, o Aikupito ma le itu taua
a Farao Neko le tupu o Aikupito, sa
latalata ane i le vaitafe o Eufirate i
Karekimisa, o e na fasia e Nepu-
kanesa le tupu o Papelonia i le fa o
3 le tupu o Iuta. Ina sauni ia e outou
le talita ma le talipupuni, ma faa-
4 latalata atu i le taua. Ina nonoa ia
solofanua i *kariota*; ma ia tietie
outou i solofanua, ma tutū atu ma
o *outou* puloutau; ina faapupula ia
o tao, ma ia oofu i ofutau uamea.
5 O le a ea le mea ua ou iloa atu ai i
latou ua matautua? Ua liutuaina,
na fasia foi o latou toa, ma ua alu
lo latou tuli, ua latou le tepa i tua;
o i ai le mata'u i itu uma, ua fetalai
6 mai ai Ieova. E le sola le tagata
tele vave, e le sao foi le toa; e tau-
suai i latou, ma latou pauu i le itu i
matu, e lata ane i le vaitafe o Eufi-
7 rate. O ai ea lenei ua alu ae e pei
ona oso o se vaitafe, ua fāti tetele
8 mai lona vai e pei o tafega? O loo
alu ae Aikupito e pei *ona oso* o se
vaitafe, ua fāti tetele mai *lona* vai
e pei o tafega; ua faapea foi o ia,
Ou te alu ae, ou te ufitia le lalolagi;
ou te faaumatia le aai, ma e o no-
9 nofo ai. Ina tietie ia outou i solo-
fanua; ma ia matuā feasofai kari-
ota; ina o atu ia o toa; o tagata
Aitiope, ma Futu, o e masani ma le
talita; ma Luti, o e masani ona
10 lolo'u o le aufana. Auā o le aso
lenei o le Alii o Ieova o 'au, o le aso
o le tau i ma sui, e tau i atu ai i e ua
ita ia te ia; e 'ai foi le pelu, ma
ma'ona, ma onā i o latou toto; auā
o loo i le Alii o Ieova o 'au ona fai
o le taulaga i le nuu i le itu i matu
e lata ane i le vaitafe o Eufirate.
11 Le taupou e, le tama teine a Aiku-
pito, ina alu ae ia oe i Kiliata, ma
au mai pulu pasama; ua e faa-
teleina vailaau a e fai fua; e leai se
12 togafiti e malolo ai oe. Ua lagona e
nuu ese lou faamaina, ua tumu foi
le lalolagi i lau alaga; auā ua tau-

suai le toa i le toa, ua pauu faatasi i
laua.

O le afiga na fetalai mai ai Ieova 13
ia Ieremia le perofeta, ina ua sau o
Nepukanesa le tupu o Papelonia e
fasi le nuu o Aikupito. Ia outou ta'u 14
atu i Aikupito, ma faailoa atu i
Mekatala, ma faailoa atu i Nafi, ma
Tapanesa; ia outou faapea atu, Ina
tu mai ia, ma ia e sauni; auā e 'ai e
le pelu i ou itu uma. O le a ea le 15
mea ua taatitia ai e ua malolosi ua
ia te oe? e lei tutū i latou, auā ua
tuleia i latou e Ieova. Ua faatoa- 16
teleina e ia o e ua tausuai, ua pauu
lava i latou le tasi i luga o le tasi;
ona latou faapea ai lea, Ina tulai ia,
se'i tatou foi atu i lo tatou nuu, ma
le laueleele na fananau ai i tatou,
ona o le pelu sau. Na latou alalaga 17
i lea mea, O Farao le tupu o Aiku-
pito, ua malaia, ua mavae ona po na
atofaina. O loo fetalai mai le Tupu, 18
o Ieova o 'au lona suafa, Ou te ola
a'u, e sau ia, e pei o Tapura i le atu
mauga, ma Karamelu i tai. O oe na 19
le tama fafine ua nofo i Aikupito,
ina sauni ia o mea e *alu* ma oe i le
tafega; auā e gaogao Nafi, ma faa-
tafunaina, e leai se nofo ai. O Aiku- 20
pito o le povi fafine e matuā tino
lelei, a e oo mai lava le malaia mai
le itu i matu. O ona tagata foi na 21
faaoloatauaina, o loo i totonu ia te
ia e pei ni povi ai le fale povi; a ua
liutuaina lava i latou, ua latou sosola
faatasi, ua latou le tutū; auā ua oo
mai ia te i latou le aso o lo latou
malaia, o ona po e asia mai ai i
latou. E alu atu lona leo e pei se 22
gata; auā latou te o mai ma 'au,
ma latou o mai ia te ia ma mātāu,
e pei o tagata ta laau. Latou te ta 23
lona vao, ua fetalai mai ai Ieova, auā
e le masuesueina; auā e sili ona tele
i latou i sē akерise, e le mafaitaula
foi i latou. Ua faamaina le tama 24
fafine a Aikupito; e tuuina atu foi
o ia i lima o tagata mai le itu i
matu. O loo fetalai mai Ieova o 'au, 25
le Atua o Isaraelu, Faatau, ou te
taui atu ia Amoni i No, ma Farao,
ma Aikupito, ma ona atua, ma ona
tupu; o Farao lava, ma i latou o e
faatuatua ia te ia; ou te tuuina atu
foi i latou i lima o e saili e fasioti ia 26
te i latou, ma le lima o Nepukanesa

le tupu o Papelonía, ma lima o ana auauna; e mulimuli ane ona toe áina ai lea, e pei o ona po anamua, ua fetalai mai ai Ieova.

- 27 A o oe; Iakopo e, la'u auauna, aua e te fefe; aua foi e te mata'u o oe Israelu e, auá faauta, ou te faola ia te oe ai le nuu mamao, ma lau fanau ai le nuu ua táfefa ai i latou; e foi mai lava Iakopo, e toto'a foi o ia ma nofo filemu, e leai foi se tasi e faamatau ia te ia.
- 23 O oe Iakopo e, la'u auauna, ua fetalai mai Ieova, aua e te fefe; auá ou te ia te oe; e ui lava ina ou matuá faaumatia nuu uma ua ou tulia ai oe, a e ou te le matuá faaumatia oe; ou te aoai faatatau foi ia te oe, a e ou te le matuá faasaoina oe.

O le malaia a oo ia Filisitia.

- 47 O LE afioga a Ieova ua oo mai ia Ieremia le perofeta ia Filisitia, a o lei fasía Kasa e Farao. O loo faapea ona fetalai mai o Ieova, Faauta, e oso mai le vai mai le itu i matu, e fai foi ma vaitafe e lofia ai; e lofia ai le nuu, ma mea ua tumu ai, o le aai foi, ma e o nonofo ai; ona alalaga ai lea o tagata, ma uio atoa uma o e nonofo i le nuu. Ona o le pāo o le pāuū o atigivae o ona *solo-fanua* malolosi, ma le osooso o ona kariota, ma le taalili o ana mea taavavale, e le tetepa i tua o tamā i a latou fanau, auá e vaivai o latou lima; ona o le aso o le a oo mai e faatafunaina ai Filisitia uma, e vaeeseina fesoasoani uma ua totoe i Turo ma Saitonu; auá e faatafunaina e Ieova o Filisitia, o e ua totoe o le nuu tuloto o Kafetori. Ua selemamāina *ulu o e i Kasa*; ua faaumatia Asekelona ma e o totoe i lo latou vanu; e te selei ea ia te oe seia afea? Aue! le pelu a Ieova e, e te le mapu ea seia afea? ia e foi atu i lou faamoega, ina malolo ia, ma ia e alāla. Pe faapefea ona e mapu? auá o Ieova ua ia fai atu i ai e tau ma Asekelona, ma nuu tu matafaga, ua ia totofi i ai i lea mea.

O le malaia a oo ia Moapi.

- O LOO faapea ona fetalai mai o Ieova o 'au, le Atua o Israelu, ia Moapi, Oi talofa ia Nepo! auá ua faatafunaina ia; ua faamaina Kiriataima, ua aea; ua faamaina Mesekavo, ma ua faamatautia. E le toe viia Hesepona e Moapi, ua fai togafiti i latou e malaia ai o ia; *ua latou faapea*, Ina o mai ia, ia tatou faaumatia o ia, ia le toe fai ma nuu; Matameni e, e fano lava oe; e mulimuli atu le pelu ia te oe, O le leo o le alaga mai Horonaima, *o i ai le faatafunaga* ma le malaia tele. Ua malaia Moapi; ua pa mai le alaga a ona tama iti. Auá ua latou o ae lava i le aega o Luita o fetagisi; o le ifo a'i foi mai Horonaima, ua lagona ai e ua ita mai le alaga ina ua malaia. Ina sosola ia, ia sao outou, ma ia avea outou e pei o le tula i le vao. Ua e faatuatua i mea ua e faia, ma au oloa, o le mea lea e puea ai lava oe; e alu atu foi Kimosa i le tafeaga, o ana faitaulaga ma ona alii faatasi ma ia. E sau foi le na te faatafunaina i aai uma, e leai se aai e sao; e fano foi le vanu, e faaumatia foi le eleele laugatasi, auá ua fetalai mai ai Ieova. Ia fai ni apaau mo Moapi, ina ia lele o ia ma alu ese; auá e fai ma faatafunaga ona aai, e leai se nofo ai. Ia faafanoina le na te faia le galuega a Ieova ma le faavaivai, ia faafanoina le ua taofia lana pelu ai le toto.
- Ua nofo filemu Moapi talu ina o taulealea o ia, ua nofo o ia i luga o lona 'alu, e lei fesaaa'iina o ia ai lea ipu i lea ipu, e lei alu foi o ia i se tafeaga; o le mea lea ua tumau ai lona nanamu, ma le liua lona manogi. O le mea lea faauta, e oo ai i ona po, ua fetalai mai Ieova, ou te aauina atu ai ia te ia nisi latou te faataoto ia te ia, ma saa ai ana ipu, ma taei i ona fagu. E mā foi Moapi ia Kimosa, e pei ona mā o le aiga o Israelu ia Peteli, o lo latou faatuatuga. Pe faapefea ona outou fai mai, O toa i matou, o tagata malolosi e tau ai le taua? Ua faatafunaina Moapi, ma ua o ae ona aai; o ona taulelea foi na filifilia

- ra o ifo i latou ia fasiotia, o loo fetalai mai ai le Tupu, o Ieova o
16 'au lona suafa. O le malaia o Moa-
pi ua latalata ona oo mai, o le mea
foi e leaga ai o ia e vave mai lava
17 lea. O outou uma o e vagavagai ia
te ia, ia outou faanoanoa ona o ia;
o outou uma foi o e iloa lona igoa,
ia outou faapea atu, E! ua gausia
le tootoo malosi, o le laau mata-
18 gofie. O oe na le tama fafine ua
nofo i Tipona, ina alu ifo ia ai le
mamalu, ma nofo i *le nuu* naumati;
aũ e alu ae ia te oe lē faatafunaina
19 Moapi, na te faaumatia ou 'olo. O
oe na ua nofo i Aroeru, ia e tu i le
ala, ma vaai atu; fesili atu i le na
sola, ma le ua sao, ia faapea atu, Po
20 o le a ea le mea ua fai? Ua faama-
ina Moapi; aũ ua lafoia o ia; ina
uio ia outou ma alalaga; ina ta'uina
atu i Arinona, ua faatafunaina Moa-
21 pi, ua oo foi le sala i le eleele lau-
gatasi; o Holona, ma Iaesa, ma
22 Mefata, ma Tipona, ma Nepo, ma
23 Petetipelata, ma Kiriataima, ma
24 Petekamulo, ma Petemeona, ma
Kiriota, ma Posara, ma aai uma i
le nuu o Moapi, e ua mamao, ma e
25 ua lata mai. Ua vavaeeseina le nifo
o Moapi, ma lona lima ua gausia, o
26 loo fetalai mai ai Ieova. Ia outou
faainu ia te ia ia onā; aũ ua ia
faamaualuga ia Ieova; e taafili
Moapi i lona puaiga, e fai lava o
27 ia ma tauemuga. E lei faia ea Isa-
raelu ma tauemuga ia te oe? na
maua ea o ia faatasi ma tagata
gaoi? aũ e iloga ona e tautala ia
28 te ia; ua e lialiai *lou ulu*. O outou
o e nonofo i Moapi, ia outou tuua
aai, ma outou mau i le papa; ia pei
o le lupe foi outou, o le ua fai lona
29 ofaga i itu o le gutu o le lua. Ua
matou faalogo i le faamaualuga o
Moapi, o *lona* matuā faamaualuga
ma lona faasausili, ma lona faasiaia,
ma lona faamaualuga, ma le faafe-
30 feteina o lona loto. O loo fetalai
mai Ieova, O a'u nei ua oo iloa lona
ita, a e faatauvaā lava; o ana mea
31 faatauvaā e le faia lava ia. O le
mea lea ou te uio ai ona o Moapi,
ma ou alaga ona o Moapi uma; e
oi o ia ona o tagata o Kiriaresa.
32 Le vine e o Sepema, ou te tagi ona
o oe ma le tagi o Iasaru; ua sopoia
le sami e ou moemoe, ua oo atu i le
sami o Iasaru; ua osofia e le na te
faatafunaina ou fua otata, ma lou
taugāvine. Ua aveesea le fiafia ma
33 le olioli i le fanua lafulemu, o le nuu
o Moapi lea; ua ou faaiuina le uai-
na i le soligāvine; e le solia ma le
alaga fiafia; o le alaga fiafia e le se
alaga fiafia lea. Ona o le alaga a
34 Hesepona ua latou fevalaauai e oo
i Eleale, e oo lava i Iaesa, e afua
mai i Soara e oo i Horonaima, o le
povi fafine ua tolu ona tausaga;
aũ ua avea le vai o Nimara lava
ma mea naumati. Ua fetalai mai
35 Ieova, ou te faaumatia i Moapi, lē
fai taulaga i le mea maualuga, ma
lē faamu mea manogi i ona atua.
O le mea lea e tagi ai lo'u loto e pei
36 o fagufagu ona o Moapi, e tagi ai
foi lo'u loto e pei o fagufagu ona o
tagata o Kiriaresa; aũ o le tele o
mea na na maua ua fano. Aũ ua
37 selemamāina o *latou* ulu uma, ma
ua sala 'ava uma; ua selei foi lima
uma, ua *fusia* sulugatiti i ie tala-
tala. E pa le lauaitu i luga o fale
38 uma i Moapi, ma ona malae uma;
aũ ua ou nutililia Moapi, e pei o se
ipu e le fiafia i ai, ua fetalai mai ai
Ieova. Latou te uio e *faapea*, E!
39 ua faatafunaina o ia. E! ua liu-
tuaina Moapi ma le mā. E fai foi
Moapi ma tauemuga ma mea e ma-
tatau ai ia te i latou i ona itu uma.
Aũ o loo faapea ona fetalai mai o
40 Ieova, Faauta, e lele o ia e pei o le
aeto ma fālō ona apaaui i luga o
Moapi. Ua aea Kiriota, ua maua
41 foi 'olo, e avea loto o toa o Moapi i
lea lava aso e pei o le loto o le fafine
ua faatiga. E faaumatia Moapi, e
42 le fai ma nuu, aũ na ia faamaualuga
ia Ieova. E ia te oe lē nofo i Moapi,
43 le mata'u, ma le lua, ma le mailē,
ua fetalai mai ai Ieova. O le ua
44 sola i le mata'u e pa'u ia i le lua; o
le ua alu ae ai le lua e lāvea o ia i
le mailē; aũ ou te faaoa ia Moapi
lava le tausaga e tauia mai ai i la-
45 tou, ua fetalai mai ai Ieova. O i
latou na sosola, ua latou tutū i le
paolo o Hesepona, ua leai *so latou*
malosi; a ua alu atu le afi ai Hese-
pona, ma le afi mumū mai totonu o
Sekono, ua mu ai le itu o Moapi, ma
le tumuai o tagata vāvāō. Moapi 46

e, oi talofa ia te oe! ua faaumatia le nuu o Kimosa; auā ua avea ou atalii i le tafeaga, ma ou afafine i le tafeaga. A e peitai ou te faafoisia le tafeaga a Moapi i ona po amuli, ua fetalai mai ai Ieova. Ona gata lea o le faasalaina o Moapi.

Ole malaia e oo ia Amoni, ma Etoma, ma Tamaseko, ma Kitara, ma Hasaro, ma Elama.

49 UA faapea ona fetalai mai o Ieova i le fanauga a Amoni, E leai ea ni atalii o Isaraelu? e leai ea sona sulī? Se a foi le mea ua fai ai Kato e Malekama mona, ua nonofo 2 foi ona tagata i ona aai? O le mea lea faauta, e oo ai i ona po, ua fetalai mai ai Ieova, ou te faafaalogoina le alaga o le taua i Rapa, o le aai o le fanauga a Amoni; e fai ia ma mea mautietie, o le faatafunaga lava, e susunuina ona faoa aai i le afi; ona fai ai lea e Isaraelu o i latou mona, o e sa fai o ia mo i 3 latou, ua fetalai mai ai Ieova. Hesepona e, ina uio ia, auā ua faatafunaina o Ai; ina alalaga ia, outou tama fafine o Rapa, ina lavalava ia o outou i ie talatala; ina taufaitagitu'ia, ma fetaufetuliai i aupa; auā e alu Malekama i le tafeaga, o ona faitaulaga atoa ma ona alii faatasi ma ia. Se a le mea ua e mitamita ai i vanu, o lou vanu ua tafe, o oe na le tama fafine ua liliu ese? o lē faatuatua i ana oloa, ua faapea 5 mai, O ai ea e sau ia te au? Ua fetalai mai le Alii, o Ieova o 'au, Faauta, ou te faaoo ia te oe le mata'u, mai ia te i latou o i ou itu uma lava; e tulia foi outou e taitoafasi i le mea ua i ona luma; e leai foi se tasi e faapotopoto i e ua 6 sosola. E mulimuli ane ona ou faafoisia mai lea o le tafeaga o le fanauga a Amoni, ua fetalai mai ai Ieova. 7 O loo faapea ona fetalai mai o Ieova o 'au ia Etoma, E le toe ai ea se poto i Timanu? ua fano ea le faautauta ai tagata mafafau? ua 8 mavae ea lo latou poto? O outou o e nonofo i Titana, ina sosola ia outou, ina liliu ia, ia outou nonofo i mea maualea; auā ou te faaoo le malaia o Esau i ona luga, o ona po 9 lava ou te tau ai ia te ia. Ana

o atu ia te oe o e tau vine, po ua latou le faatotoe ea ni toe fuifui vine? ana o atu ia te oe o e gaioi i le po, po ua latou le faaumatia ea mea e tusa ia i latou? Auā ua ou suena 10 Esau, ua ou faaalua foi ana mea lilo, na te le mafaia ona lasi; ua faaumatia lana fanau, ma ona uso, ma i latou sa tuaoi ma ia; o ia foi ua leai. Ina tuua ia au tama ua aumatuā, ou te faaola ia te i latou; ia faatuatua mai foi ia te au ou fafine ua oti a latou tane. Auā o loo faapea ona fetalai mai o Ieova, Faauta, o i latou e le tatou ona latou inu i le ipu, ua latou inu ai lava; a o oe, e faasaoia ea oe? e le faasaoia lava oe, auā e te matuā inu lava. Auā ou te tauto lava a'u ia te au, 13 ua fetalai mai ai Ieova, e fai lava Posara ma mea e ofo ai, ma fai ai luma, ma mea gaogao, ma faafanoga; e fai foi ona aai uma ma faatafunaga e faavavau. Ua ou faa- 14 logo i le tala mai ia Ieova, ua auina atu foi le sāvali i nuu ese, ua faapea atu, Ina faapotopoto ia outou, ma ia outou o mai ia te ia, ma ia tulai atu outou e tau ai le taua. Auā faauta, 15 ua ou faia oe ia faatauvaa i nuu, ia inosia oe e tagata. O lou matautia, 16 ma le faamaualuga o lou loto ua faaseseina ai oe, o oe o loo nofo i ana o le papa, o le ua nofoia ai le mea maualea o le mauga; e ui ina maualea le mea e te tuu ai lou ofaga e pei o le aeto, ou te lafo ia te oe i lalo i lea mea, o loo fetalai mai ai Ieova. E fai foi Etoma ma faatafunaga; o i latou uma e ui ane ai e taitasi ma ofo, ma uisa i ona mala uma. Epei o le faaumatia o Sotoma 18 mo Komoro, ma e sa latou tuaoi, o loo faapea mai ai Ieova, e le nofo ai se tasi i lea mea, e le mau ai foi se atalii o se tagata. Faauta, e alu ae o ia e pei o le leona ai le matagofie o Ioritana, i le mea malosī e mau ai; auā ou te faaoso ia te ia ia faavave ona alu ese o ia ia te ia, e pei o le emo o le mata; o ai foi le tagata filifilia ou te tofia e tau ma ia? auā po o ai ea e tusa ma a'u? o ai foi e atofa ni aso ia te au? o ai foi lena leoleo mamoe e mafai ona tu i o'u luma? O le mea lea ia 20 outou faalogologo mai ai i le pule a

Ieova ua ia pule ai ia Etoma, ma ona mafaufauga ua ia mafaufau ai ia leaga ai e o nonofo i Timanu, E moni, e tosina i latou e le aupito itiiti o le lafu mamoe; e moni, na te faatafunaina i o latou luga le mea latou te mau ai. O le taalili o lo latou paū ua luluina ai le lalolagi; o le leo foi o lona alaga ua lagona
 21 lea i le sami Ulaula. Faauta, e alu ae o ia ma lele e pei o le aeto, e fālō foi e ia ona apaau i luga o Posara; e avea foi loto o toa o Etoma i lea lava aso, e pei o le loto o le fafine ua faatiga.
 23 O le upu ia Tamaseko. Ua faamaina Amato, ma Arepa; auā ua latou faalogo i le tala leaga; ua liu suāvai i latou; o loo i le sami le atuatuvaile; e le mafai ona toā filemu. Ua faavaivai Tamaseko, ua liliu o ia a sola, ua maua o ia i le mata'ū; ua maua foi o ia i le puapuaga ma le faatiga, e pei o le fafine o le a fanau. Pe faapefea ona le tuua le aai sa viia, le aai na ou fiafia i ai? O le mea lea e pauu ai ona taulelea i ona malae, e fano foi i lea lava aso ona tagata tau uma,
 27 ua fetalai mai ai Ieova o 'au. Ou te faamu foi le afi i le pa o Tamaseko, e faaumatia ai foi maota o Peniata.
 28 O loo faapea ona fetalai mai o Ieova ia Kitara, ma malo o Hasora, e na fasia e Nepukanesa le tupu o Papelonía, Ina tulai ia outou, ia o ae i Kitara, ma ia outou faaumatia
 29 tagata i sasae. Latou te faoa o latou fale ie ma o latou lafu mamoe; latou te avea foi mo i latou o latou ie puipui, ma a latou mea uma, ma a latou kamela, e alalaga foi i latou ona o i latou, O i ai le mata'ū i itu uma. O outou o e nonofo i Hasora, ina sosola ia, ia outou matuā sosola lava, ia outou nonofo i mea maulalo, o loo fetalai mai ai Ieova; auā ua pulea outou e Nepukanesa le tupu o Papelonía, ua na mafaufau foi i se
 31 togafiti e leaga ai outou. Ina tulai ia, ma ia outou o ae i le nuu ua filemu, o e nonofo faatalanoa, ua fetalai mai ai Ieova, e leai ni o latou puipui, e leai foi ni faamau faalava, ua nonofo i latou na o i latou lava.
 32 O a latou kamela foi e fai ia ma vete, ma a latou lafu e tele e fai ma

mea faoa; ou te faataapeapeina foi i mata matagi uma o i latou o e sala a latou pito 'ava; ou te aumaia foi lo latou malaia ai ona itu uma, o loo fetalai mai ai Ieova. E fai foi
 33 Hasora ma mea e fale ai luko, o le faatafunaga e oo i le faavavau; e le nofo ai se tagata i lea mea, e le mau ai foi se atalii o se tagata.

O le afioga a Ieova na oo mai ia Ieremia le perofeta ia Elama, i le amataga o le nofoaiga a Setekaia le tupu o Iuta, ua faapea mai, O loo faapea ona fetalai mai o Ieova o 'au, Faauta, ou te gausia, le aufana a Elama, o le mea sili lea e malolosi ai i latou. Ou te aumaia foi matagi e fa mai itu e fa o le lagi i luga o Elama, ma ou faataapeapeina i latou i ia matāmatagi uma; e leai foi se nuu e le oo atu i ai tagata Elama ua tulia. Ou te faamatatau foi Elama i luma o e ita mai ia te i latou, ma luma o e saili e fasioti ia te i latou; ou te faao le malaia i o latou luga, o lo'u ita tele, ua fetalai mai ai Ieova; ou te aveina atu foi le pelu e mulimuli atu ia te i latou, seia ou faaumatia i latou. Ou te tuuina lo'u nofoālii i Elama, ou te faaumatia foi i lea mea le tupu ma alii, ua fetalai mai ai Ieova. A e oo i ona po amuli, ona ou faafoisia mai ai lea o le tafeaga a Elama, ua fetalai mai ai Ieova.

O le malaia e oo i Papelonía.

O LE afioga na fetalai mai ai Ieova ia Papelonía ma le nuu o Kaletaia, na aumaia e le perofeta o Ieremia. Ina tāu atu ia outou i atu nuu, ma faailoa atu ai; sii i luga foi le tagavai; ina faailoa atu ia, aua le natia; ia outou faapea atu, Ua aea Papelonía, ua faamaina Pele, ua matautuia Merota; ua faamaina ona tupua, ua matautuia ana tupua. Auā e alu ae e tau ma ia le nuu ai le itu i matu, o le na te faia lona laueleele ma faatafunaga, e leai foi se nofo ai; ua sosola tagata atoa ma manu, ua latou ō.

O na ona po, ma lena tausaga, ua fetalai mai Ieova, e o mai ai le fanauga a Isaraelu, o i latou ma le fanauga a Iuta faatasi, latou te fetagisi fano mai; latou te o ane,

- ma saili ia Ieova lo latou Atua.
- 5 Latou te fesili i le ala i Siona, o faasaga mai iinei o latou mata, *ua faapea*, Ina o mai ia, se'i faatasi atu i tatou ia Ieova i le feagaiga e faa-
- 6 vavau, e le galo lava. O lo'u nuu ua se lafu mamoe ua sē i latou; ua faaseseina i latou e o latou leoleo, ma latou faaliliuina i latou i le atu mauga; ua latou feoai i lea mauga ma lea mauga, ua galo ia i latou le
- 7 mea sa latou taoto ai. O i latou uma na maua i latou, ua latou 'aina i latou; na fai ane foi o e na sana mai ia te i latou, Matou te le nofo sala, auā ua latou agasala ia Ieova, o le mea e mau ai lē amiofonu, o Ieova, o le faamoemoe o latou tamā.
- 8 Ina sosola ia ai totonu o Papelonía, ma o atu ia nai le laueleele o Kale-taia; ia outou faapei o 'oti poa i
- 9 luma o le lafu. Auā faauta, ou te faaosoina, ma aveina ae le faapoto-potoga o atu nuu tetele mai le nuu i le itu i matu, e tau ma Papelonía; latou te sauniuni e *tau* ma ia; e aea foi o ia ai lena mea; o a latou u fanafana e pei o *u fanafana* a le toa
- 10 poto; ua le foi fua mai. E fai foi Kaletaia ma vete; e malilie atoa uma o e vetea o ia, ua fetalai mai ai
- 11 Ieova. Auā na outou fiasia, auā na outou olioli, o outou na vetea lo'u tofi; auā ua outou osooso e pei o le povi fafine i le vao, ma outou tagi
- 12 e pei o *solofanua* malolosi; e matuā ma lo outou tinā; e masiasi lava le na fanauina outou; faauta, e fai le nuu aupito mulimuli ma vao lafu-lafua *ma* nuu naumati, ma toafa.
- 13 E le āina ia ona o le toasa o Ieova, a e faatafunaina uma lava; o i latou uma o e ui ane i Papelonía e taitasi ma ofo, ma uisa i ona mala uma.
- 14 Ina sauniuni ia outou e tau ma Papelonía i ona itu uma; o outou uma o e lolo'u aufana, ina fanafana atu ia ia te ia, aua ne'i tuu ni u fanafana; auā ua na agasala ia
- 15 Ieova. Ia outou alalaga ia te ia i ona itu uma; ua na tuuina mai lona lima; ua pauu ona faavae, ua sōloia ona pa; auā o le tau i ma sui lenei a Ieova; ia outou tau i atu ia te ia; e pei ona faia e ia, ia faapea ona
- 16 outou faia ia te ia. Ia vavaeeseina i Papelonía lē lulu saito, atoa foi ma lē tago i le selesaito, i ona po o le seleselega; latou te taitasi ma liliu i lona lava nuu, latou te taitasi foi ma sola i lona lava laueleele, ai luma o le pelu saua.
- O Israelu o le *lafu* mamoe o ia 17
ua faataapepeina; ua tulia o ia e leona; o lē na muai 'ai ia te ia, o lē tupu o Asuria lea; a o lē mulimuli, o lenei tupu o Papelonía o Nepukanesa lea, ua pagugu e ia ona ivi. 18
le mea lea o loo faapea ona fetalai mai ai o Ieova o 'au, le Atua o Israelu, Faauta, ou te tau i atu i le tupu o Papelonía ma lona nuu, e pei ona ou tau i atu i le tupu o Asuria. Ou te faafoisia Israelu i 19
le mea na ia mau ai; e 'ai o ia i Karamelu ma Vasana, e ma'ona foi o ia i le mauga o Efaraima ma Kili-ata. O na ona po, ma lena tausaga, 20
ua fetalai mai Ieova, e sailia ai le amioletonu a Israelu, a e leai; e *sailia* foi agasala a Iuta, a e le maua; auā ou te faamagaloina atu ia te i latou o e ua faatotceina e a'u.
- Ina alu ae ia i le nuu o Meratai- 21
mo e tau ma ia, ma e o nonofo i Pekota; ia e faatafunaina ma matuā faaumatia o mulimuli atu ia te i latou, ua fetalai mai ai Ieova; ia e fa'a foi i ai e tusa ma mea uma na ou fai atu ai ia te oe. O loo i le 22
nuu le vāvāo o le taua, ma le olopaina e tele. E! ua gauia ma nutililia le samala o le lalolagi uma. E! ua avea Papelonía ma mea e ofo 23
ai i atu nuu. Papelonía e, ua ou 24
tuu le maillei mo oe, ua maua ai oe, a ua e le iloa; ua maua oe, ua puea foi, auā na e sii le taua ia Ieova. Ua tatalaina e Ieova lana mea e teu 25
ai *auupega*, ua na au mai ai auupega o lona toasa; auā o le galuega lena ua i le Alii o Ieova o 'au i le nuu o Kaletaia. Ina o mai ia ia te ia ai 26
mea aupito mamao, ina tatalaina ia ona fale e tuu ai mea e 'ai; ia outou faafaupue ia te ia ia pei o faupuegā-saito, ma matuā faaumatia o ia; aua ne'i ai se mea e totoe ia te ia. Ina 27
faaumatia ia o ana povi poa taanoa uma, ia latou o ifo ia fasia; ci talofa ia te i latou! auā ua oo mai lo latou aso, o ona po e tauia ai i latou. O 28
le alaga o e ua sosola ma ua sao ai le nuu o Papelonía, e ta'u atu i

- Siona le tau i ma sui a Ieova lo t-
 29 lona malumalu. Ia faalaei 'au i e
 fanafana u e tau ma Papelonía, o i
 latou uma o e lolo'u le aufana; ia
 outou to lauapi e vagavagai ia te ia,
 aua ne'i ai sē sao; ia outou tau i atu
 ia te ia e tusa ma ana galuega; e
 pei o mea uma na ia faia, ia faapea
 ona outou faia ia te ia; auā ua faa-
 maualuga o ia ia Ieova, le Paia o
 30 Isaraelu. O le mea lea e pauu ai o
 ona taulelea i ona malae, e fano foi
 i lea lava aso ona tagata tau uma,
 31 ua fetalai mai ai Ieova. *O oe* na le
 ua faamaualuga, faauta, ou te faia
 oe mo'u fili, ua fetalai mai ai le Alii,
 o Ieova o 'au; auā ua oo mai lou
 aso, o ona po ou te tau i atu ai ia te
 32 oe. E tausui ma paū le ua faa-
 maualuga, e leai foi se na te faatulai
 ia te ia; ou te faamuina le afi i ona
 aai, e susunuina ai ona itu uma.
 33 O loo faapea ona fetalai mai o
 Ieova o 'au, Na sauaina faatasi le
 fanauga a Isaraelu ma le fanauga
 a Iuta; o i latou uma e na avea
 i latou o tagata o taua na latou
 taofi mau ia te i latou; ua latou
 le mafafai ona tuuina i latou ia ō.
 34 E malosi le na te togilaina i latou,
 o Ieova o 'au o lona suafa lea; e
 matuā faia e ia la latou finauga, ina
 ia faanofosilemuina e ia le lalolagi,
 ia faagateteina foi e o nonofo i
 Papelonía.
 35 Ua fetalai mai Ieova, *E oo* le pelu
 ia Kaletaia, ma ē nonofo i Papelonía,
 ma ona alii, ma ona tagata popoto.
 36 O le pelu i e pepelo, e faavālea foi
 i latou; o le pelu i ona toa, e mata-
 37 tau ai foi i latou. O le pelu i ana
 solofanua, ma ona kariota, ma ta-
 gata eseese uma ua i totonu ia te
 ia; e avefa foi i latou ma fafine; o
 38 le pelu i ana oloa, e vetea foi ia. *E*
oo le reveli i lona vai, ona mate ai
 lea; auā o le nuu lava lea o tupua
 ua ta, ua latou mitamita vale foi i
 39 mea matautia. O le mea lea e no-
 nofo ai manu feai o le vao, faatasi
 ma aie, e mau ai foi iaena; e le toe
 āina e faavavau; e le mau ai lava se
 tasi i lea tupulaga ma lea tupulaga.
 40 E pei o le faaumatia e le Atua o
 Sotoma ma Komoro, ma e na latou
 tuaoi, o loo fetalai mai ai Ieova, e
 le nofo ai se tasi, e le mau ai foi se
 atalii o se tagata. Faauta, e o mai 41
 le nuu ai le itu i matu, o le nuu
 tele; e faaosoina foi tupu e toatele
 ai tuhuiga o le lalolagi. Latou te 42
 'u'u le aufana ma le tao; ua saua i
 latou, ma latou le alolofa; e taalili
 o latou leo e pei o le sami, ua latou
 tietie i solofanua, o sauniuni e pei o
 tagata e ō i le taua, ina ia tau ma
 oe, le tama fafine a Papelonía. Ua 43
 faalogo le tupu o Papelonía i le
 tala ia te i latou, ona vaivai ai lea o
 ona lima; ua maua foi o ia i le pua-
 puaga, o le tiga foi e pei o se fafine
 o le a fanau. Faauta, e alu ae o ia 44
 e pei o le leona ai le matagofie o
 Ioritana, i le mea malosi e mau ai;
 a e ou te faaoso ia te i latou ia faa-
 vave ona o ese ia te ia, e pei o le
 emo o le mata; o ai foi le tagata
 filifilia ou te tofia e tau ma ia? auā
 po o ai ea e tusa ma a'u? o ai foi e
 atofa *ni aso* ia te au? o ai foi lena
 leoleo mamoe e mafai ona tu i o'u
 luma? O le mea lea ia outou faa- 45
 logologo mai ai i le pule a Ieova ua
 ia pule ai ia Papelonía, ma ona ma-
 fafanga ua ia mafafau ai ia leaga
 ai le nuu o Kaletaia, E moni, e to-
 sina i latou e le aupito ititi o le lafu
 mamoe; e moni, na te faatafunaina
 i o latou luga le mea e mau ai. O 46
 le taalili ina ua maua Papelonía, ua
 luluina ai le lalolagi, ua lagona foi
 le alaga i nuu ese.
O isi upu i le malaia a oo i Papelonía.
 O LOO faapea ona fetalai mai o 51
 Ieova, Faauta, ou te faaosoina le
 matagi e faaumatia ai Papelonía,
 atoa foi ma i latou o e nonofo i
 totonu o e laga mai ia te au. Ou 2
 te auuina atu i Papelonía o e faa-
 savili *saito*, latou te faasaviligia o ia,
 ma matuā sasaina atu lona nuu;
 auā latou te tau ma ia i ona itu uma
 i le aso o le malaia. Ia lolo'u le ta- 3
 gata fanafana u lana aufana, e *fana*
 atu ai i le ua lolo'u mai lana aufana,
 ma le ua mitamita i lona ofutua
 uamea; aua foi ne'i faasoina ona
 taulelea; ia matuā faaumatia ana 4
 'au uma lava. E pauu foi e ua fasi-
 otia i le nuu o Kaletaia, ma e ua
 tu'ia ua ati e *pauu* i ona ala. Auā 5
 e ui lava ina tumu lo latou nuu i le

- agasala i le Paia o Isaraelu, e le tuua Isaraelu, po o Iuta e lona Atua, o
6 Ieova o 'au. Ina sosola ia outou ai totonu o Papelonía, ia taitasi ma faasaoína lona ola; aua ne'i fano outou i lana agasala; auā o le tausaga lenei o le tau'i ma sui a Ieova; na te tau'i atu ai ia te ia lona tau'i.
7 O Papelonía o le ipu auro lea i le aao o Ieova, ua onā ai le lalolagi uma; ua feinu nuu i lona uaina; o le mea lea ua faavalea ai nuu. Ua faafuasei ona paū o Papelonía, ua momomo; ina uio ia outou ona o ia; ina avatu ia ni pulu pasama i lona tiga, atonu e malolo ai o ia.
9 Na tatou fofoina Papelonía, a e lei malolo ai o ia; ina tatou tuua ia o ia; ma taitasi ma alu i lona nuu; auā o lana sala ua pai atu i le lagi, ua maualuga e oo i ao. Ua faaalía e Ieova la tatou amiotonu; ina o mai ia, se'i tatou ta'uta'u atu i Siona le galuega a Ieova lo tatou
11 Atua. Ina faapupulaina ia o u fanafana; ina faatumuina ia o talita; ua faaosoina e Ieova loto o tupu o Metai; auā o lona finagalo e tau ma Papelonía, ia faaumatia ia; auā o le tau'i ma sui lenei a Ieova, o le tau'i ma sui lava ona o lona malumu.
12 Ina sii ia i luga o le tagavai i pa o Papelonía, ia faamalosia le leoleoga, ia tofia tagata leoleo, ia tofia 'au e tanu; auā ua finagalo lava Ieova, ma na faia le mea na ia fetalai mai ai i e o nonofo i Papelonía. O oe na le mau i le vai tele, ua tamaoaiga i oloa, ua oo mai lou iuga, le fua o lou matapeapea. Ua tauto Ieova o 'au ia te ia lava, *ua faapea*, E moni, ou te faatumuina oe i tagata, e pei o le sē aleka; e pa
15 foi la latou alaga ia te oe. Na faia e ia le lalolagi i lona mana, na faatumuina e ia le atu laulau i lona potu, na fofolaina foi e ia o le lagi i lona faautauta. Ua tūlei mai lona siufofoga, ona tele ai lea o le vai i le lagi; e avae foi e ia o le ausa mai tuluiga o le lalolagi; e faia e ia le uila atoa ma le ua, e aumaia foi e ia le matagi mai ana mea e
17 teu ai oloa. Ua taitasi ma valea tagata uma e leai so latou potu; ua taitasi ma faamaina foi tufuga fai mea uamea, ona o le tupua ua ta; auā o le mea pepelo lana tupua uamea, e leai foi se mánava ia te i latou. E faatauvaá ia mea, o le
18 galuega e tauemua; e fano lava i latou i ona po e tauia ai i latou. E le pei o ia mea le tofi o Iakopo; auā o ia lava na faia mea uma; o Isaraelu foi o le tootoo o lona tofi lea; o Ieova o 'au, o lona suafa lea.
O oe o la'u uatogi, o le auupega o le taua; o oe ua ou tu'imomomoina ai nuu; o oe foi ua ou faaumatia ai malo; o oe foi ua ou tu'imomomoina ai le solofanua ma lē tietie ai; o oe foi ua ou tu'imomomoina ai le kariota ma lē tietie ai; o oe foi ua ou tu'imomomoina ai le tane ma le fafine; o oe foi ua ou tu'imomomoina ai le toeaina ma le tama itiiti; o oe foi ua ou tu'imomomoina ai le taulealea ma le taupou; o oe foi ua ou tu'imomomoina ai le leoleo mamoe ma lana lafu; o oe foi ua ou tu'imomomoina ai le tagata galuefanua ma ana povi e lua; o oe foi ua ou tu'imomomoina ai ta'ita'i ma faipule. Ua ou tauia foi i Papelonía, ma i latou uma o e nonofo i Kaletaiá, la latou amio leaga uma ua latou faia i Siona i outou luma, ua fetalai mai ai Ieova. Faauta, ou te faia oe mo'u fili, o loo fetalai mai ai Ieova, o oe na le mauga na te faaumatia; o le faaumatia ai le lalolagi uma; ou te faaloaloa lo'u lima i luga ia te oe, ma ou fuli ifu ia te oe mai papa, ma ou faia oe ma mauga ua nu. Latou te le avea se
26 maa ia te oe e fai ma tulimanu, po o se maa e fai ma faavae; auā e fai oe ma faatafunaga e faavavau, ua fetalai mai ai Ieova. Ia outou sii i luga le tagavai i le lalolagi, ia ilia le pu i nuu, ia outou sauniuni nuu e tau ma ia, ia faalaei'au i malo o Ararata, ma Meni, ma Asekeneso e tau ma ia; ma ia tofia alii e pule i 'au e tau ma ia; ia o ae foi solofanua e pei o le sē aleka taufulufulu. Ia sauniuni nuu e tau ma ia, o tupu o Metai, ma ona ta'ita'i, ma ona faipule uma, ma le nuu uma ua ia pule i ai. E gatete le laueleele
29 ma le tiga; auā e tumau le pule a Ieova i Papelonía, e fai le nuu o Papelonía ma faatafunaga, e leai se nofo ai. Ua tuua le taua e toa o

- Papelonia, ua latou nonofo i 'olo ;
 ua mavae lo latou malosī ; ua avea
 i latou ua ni fafine ; ua susunuina
 ana mea e mau ai ; ua gauia ona
 31 faamau faa'lava. E momo'e le ta-
 gata tele vave e faafetaiai i le tagata
 tele vave, o lē ave feau foi e faafetaiai
 i le ave feau, e ta'u atu i le
 32 tupu o Papelonia ua matuā aea lana
 aai ; ua maua foi ala, ua faamuina
 u i le afi, ua atuatuva le tagata tau.
 33 Auā o loo faapea ona fetalai mai o
 Ieova o 'au, le Atua o Isaraelu, O
 le tama fafine a Papelonia e pei o
 le mea e soli ai saito o ia i ona po e
 solia ai ; e toe itiiti ane, ona oo ai
 lea i ona po e selesele ai ia te ia.
 34 Ua 'aina a'u, ua faaumatia e Nepu-
 kanesa le tupu o Papelonia, ua faia
 a'u e ia ma ipu e. le i'ō, ua na folo-
 ina a'u e pei o le tanimo, ua na faa-
 tumuina lona manava i a'u mea faa-
 35 fiafia ; ua na tulia lava a'u. E fai
 ane le ua nofo i Siona, O le sauaina
 o a'u ma lo'u tino ia i luga o Pape-
 lonia lea ; e fai ane foi Ierusalema,
 Ia i luga o e nonofo i Kaletaiā lo'u
 36 toto. O le mea lea o loo faapea
 ona fetalai mai ai o Ieova, Faauta,
 ou te faia lau finauga, ou te matuā
 tauī foi ma sui ona o oe ; ou te faa-
 mateina lona vai, ma faamatutuina
 37 lona vaipuna. E fai foi Papelonia
 ma faupuega maa, o le mea e fale
 ai luko, o le mea foi e ofo ai, ma
 38 uisa ai, e leai foi sē nofo ai. Latou
 te fetagisi faatasi e pei o leona taa-
 noa, latou te leo tetele foi e pei o
 39 tamai leona. Ou te saunia a latou
 tausamiga a o vevela i latou, ou te
 faainu foi ia te i latou ia onā, ina ia
 latou olioli, ma momoe i le moe e
 faavavau, ma latou le ala mai, ua
 40 fetalai mai ai Ieova. Ou te aveina
 ifo i latou e pei o tamai mamoe ia
 fasia, e pei o mamoe poa foi ma 'oti
 41 poa. E! ua aea Sesaka ; ua maua
 le na viia e le lalolagi uma. E! ua
 avea Papelonia ma mea e ofo ai
 42 nuu. Ua alu ae le vai i luga o
 Papelonia ; ua uftia o ia i le tele o
 43 ona peau. Ua fai ona aai ma faata-
 funaga, o le fanua naumati, ma le
 lafulafua ; o le nuu e leai se tagata
 e nofo ai, e le ui ane ai foi se atalii
 44 o se tagata. Ou te tauī atu ia Pele
 i Papelonia ; ou te to ae i lona gutu
 le mea na ia foloia ; e le toe gasolo
 atu foi ia te ia o nuu ; e solo i lalo
 foi le pa o Papelonia. Lo'u nuu e, 45
 ina o ese atu ia i totonu ia te ia,
 ma ia taitasi ma faasaoina lona ola
 ai le toasa tele o Ieova. Aua ne'i 46
 faavaivai o outou loto, aua ne'i ou-
 tou fefefe i le tala e lagona i le
 nuu ; auā e sau le tala i lea tau-
 saga, e mulimuli ane foi le tala i le
 tasi tausaga, e i ai foi le sauā i le
 nuu, e tauva lea faipule ma lea fai-
 pule. O le mea lea faauta, e oo 47
 mai ai ona po ou te tauī atu ai i
 tupua na ta a Papelonia ; e faama-
 iua lona nuu uma ; e pauu foi i to-
 tonu ia te ia ona tagata uma ua
 fasiotiā. Ona alalaga fiafia ai lea o 48
 le lagi, ma le lalolagi, ma mea uma
 ua i ai, ona o Papelonia ; auā e o
 mai ia te ia tagata faatafunā mai le
 itu i matu, ua fetalai mai ai Ieova.
 E paū lava Papelonia, outou tagata 49
 o Isaraelu ua fasia ; e pauu foi faa-
 tasi ma Papelonia o tagata ua fasia
 i nuu uma lava. O outou ua sao i 50
 le pelu, ina o ia outou, aua le tutū ;
 ia outou manatua Ieova ai le nuu
 mamao, ia outou manatunatu foi i
 Ierusalema. Ua faamaina i matou, 51
 auā ua matou faalogo i le luma ; ua
 uftia o matou tama i le masiasi ;
 auā ua ulu atu tagata ese i mea
 paia i le fale o Ieova. O le mea lea 52
 faauta, e oo mai ai ona po, ua fetā-
 lai mai Ieova, ou te tauī atu ai i
 ona tupua ua ta ; e feoi foi tagata
 manuuā i lona nuu uma. E ui 53
 lava ina alu ae o Papelonia i le lagi,
 e ui lava ina teua foi e ia le 'olo i le
 mea maualuga e malosī ai o ia, e
 o atu mai ia te au o e faatafunā ia
 te ia, ua fetalai mai ai Ieova. O le 54
 leo o le alaga mai Papelonia, ma le
 olopalaina tele mai le nuu o Kale-
 taia ; auā ua faatafunaina Papelonia 55
 e Ieova, ma ua faaumatia e ia le leo
 tele nai ia te ia ; ua taalili mai ona
 galu e pei o le vai e tele, ua vagana
 mai o latou leo ; auā ua oo ia te ia, 56
 o Papelonia lava, o le na te faata-
 funaina ; ua puea ona tagata totoa,
 ua gauia a latou aufana ; auā o Ie-
 ova le Atua o ia e tauī atu, e matuā
 tauī atu e ia. Ou te faainu ia onā 57
 ona alii, ma ona tagata popoto, ma
 ona ta'ita'i, ma ona faipule, ma ona

- toa; latou te momoe i le moe e faa-
vavau, ma latou le ala mai, ua feta-
lai mai ai le Tupu, o Ieova o 'au, o
58 lona suafa lea. O loo faapea ona
fetalai mai o Ieova o 'au, E matuā
sōloia i lalo pa o Papelonía lautele
e susunuina i le afi ona puipui
maualuluga; o nuu e galulue fua i
latou, o tagata foi e galulue ma le
afi, ma lailoa i latou.
- 59 O le upu na fai atu ai Ieremia le
perofeta ia Seraia le atalii o Neria,
le atalii o Maaseia, ina ua alu atu o
ia faatasi ma Setekaia le tupu o
Iuta i Papelonía, i le fa o tausaga o
lana nofoaiga. O Seraia foi o le
60 alii filemu ia. Na tusia e Ieremia
i le tusi e tasi o le malaia uma o le
a oo i Papelonía, o ia upu uma ua
61 tusia ia Papelonía. Ua fai atu foi
Ieremia ia Seraia, A ē oo i Pape-
lonía, ma e vaai, ma faitau i nei
62 upu uma, ona e fai atu ai lea, Ieova
e, ua e fetalai mai i lenei mea ina
ia faaumatia, ina ia leai sē nofo ai,
o se tagata po o se manu, a e fai ia
63 ma faatafunaga e faavavau. A uma
foi ona e faitauina o lenei tusi, ia e
nonoa ai se maa, ma lafoina i totonu
64 o Eufirate; e te fai atu foi, E faa-
pea ona goto o Papelonía, ma lē toe
ea i le malaia ou te faaoo ai i ona
luga; e lailoa foi i latou. Ona gata
lea o upu a Ieremia.
- O le malaia na oo ia Setekaia le tupu
o Iuta, atoa ma Ierusalem.*
52. O LE tausaga o Setekaia e lua-
fulu ma le tasi na fai ai o ia ma
tupu; e sefulu ma le tasi tausaga
na fai ai o ia ma tupu i Ierusalem;
o le igoa o lona tinā o Hamutala, le
2 afafine o Ieremia le Lipena. Na ia
faia le amio leaga i luma o Ieova,
pei o mea uma na faia e Ioakima.
3 Aua o le toasa o Ieova ia Ierusa-
lema ma Iuta, ua iu ai ina lafoaiina
i latou ai ona luma, na foua ai foi
le tupu o Papelonía e Setekaia.
- 4 O le iva o tausaga o lana nofo-
aiga o le sefulu o masina, o le aso e
sefulu o le masina, na sau ai Nepu-
kanesa, le tupu o Papelonía, i Ieru-
salema, o ia ma ana 'au uma; ua to
lauapi foi e tau ma ia, ua latou fai
5 foi 'olo e vagaia ai. Na vagaia le
aai ua oo i le sefulu ma le tasi o
tausaga o le tupu o Setekaia. O le
6 fa o masina foi, o le aso iva o le
masina na velavela ai le oge i le
aai, ua leai foi se mea e 'ai mā ta-
gata o le nuu. Na lepetia le aai,
7 ona sosola ai lea o 'au uma, ma la-
tou tuua le aai i le po, ua ui i le ala
i le faitotoa i le va o pa e lua, e
latalata i le fanua o le tupu; (na
vagaia foi le aai e Kaletaia;) na
latou o foi i le ala i le eleele lauga-
tasi. Ona tuliloa ai lea e le itu
8 taua a Kaletaia i le tupu, ma latou
maua atu ia Setekaia i le eleele
laugatasi o Ieriko; na taapeape foi
lana itu taua uma na ia te ia. Ona
9 latou pue ai lea i le tupu, ma avatu
ia te ia i le tupu o Papelonía i Ri-
pelu, i le nuu o Amato; ona faasala
ai lea o ia ia te ia. Ua fasioti foi e
10 le tupu o Papelonía i atalii o Sete-
kaia i ona luma; ua ia fasioti foi i
alii uma o Iuta i Ripelu. Ua ia
11 faatauaso foi ia Setekaia, ma fusi-
fusi ia te ia i faamau 'apa memea e
lua; ua ave foi ia te ia e le tupu o
Papelonía i Papelonía, ma na tuuina
atu ia te ia i le fale puipui, ua oo
lava i le aso na oti ai o ia.
- O le lima o masina, o le aso e
12 sefulu o le masina, o le tausaga e
sefulu ma le iva lea o le tupu o
Nepukanesa, o le tupu o Papelonía,
na sau ai i Ierusalem o Nepusa-
tana, lē pule i le 'au e faafeao, o le
na tu i luma o le tupu o Papelonía;
na ia susunuina le fale o Ieova, ma
13 le fale o le tupu, atoa ma fale uma
o Ierusalem; o fale tetele uma foi
ua susunuina e ia i le afi. Na sōloia
14 foi pa uma na faataalioloiina ai Ie-
rusalema e 'au uma a Kaletaia, sa i
le na pule i le 'au e faafeao. O isi
15 foi o e matitiva o le nuu, ma e na
totoe o le nuu sa i ai pea i le aai, ma
e na sosola, na sosola atu i le tupu o
o Papelonía, ma e na totoe o le vao
tagata, na tāfea i latou e Nepusa-
tana lē pule i le 'au e faafeao. A
16 ua tuua e Nepusatana lē pule i le
'au e faafeao, nisi o e matitiva o le
nuu, e fai ma teu vine, ma ē galulue
i le fanua. O pou 'apa memea foi
17 sa i le fale o Ieova, ma tuugātanoa,
atoa ma le vai 'apa memea sa i le
fale o Ieova, na taei e Kaletaia i le
latou ave le 'apa memea uma i

- 18 Papelonía. Na latou ave foi o ulo, ma suo, ma seelamepa, ma ipu, ma ipu e asu a'i, atoa ma mea 'apa me-
mea uma lava na latou fai a'i sau-
niga. O tanoa foi, ma salefu, ma
ipu, ma ulo, ma tuugā lamépa, ma
ipu e asu a'i, ma ipu e sasaa a'i; o
le auro o mea *na faia* i auro, ma le
ario o mea *na faia* i ario, na ave e
20 le alii e pule i le 'au e faafeao. O
pou e lua, o le vai e tasi, ma povi
'apa memea e sefulu ma le lua sa i
lalo, *ma le tuugātanoa*, na faia e le
tupu o Solomona mo le fale o Ie-
ova; ua le fuatia lava le mamafa o
21 'apa memea o na mea uma. O pou
foi, o le umi o le tasi pou o kupita
e sefulu ma le valu; o le fua foi na
faataaliolio ai, e sefulu ma le lua o
kupita ia; o lona mafafia e tusa lea
ma le lautele o le alofilima; sa faa-
22 ōō lava. O le kapetala 'apa memea
foi na i ona luga; o le umi o le tasi
kapetala e lima kupita, o le mea
faauepega atoa ma rimoni sa i le
kapetala e faataaliolio ai, o 'apa
memea uma ia; e faapei o ia mea
foi sa i ai i lona lua o pou, atoa foi
23 ma rimoni. Na i ai foi rimoni e
ivagafulu ma le ono i itu; o rimoni
uma sa i luga o le mea faauepega, e
tasi le selau o faataaliolio ai.
- 24 Na ave foi e le alii e pule i le 'au
e faafeao o Seraia le faitaulaga sili,
ma Sefanaia le faitaulaga e aupito
ane ia te ia, atoa ma leoleo o faito-
25 toa e toatolu; na ia ave foi nai le
aai le tasi auaina sili na tofia e
pule i 'au; ma tagata e toafitu o e
na iloa fofoga o le tupu, na maua i
latou i le aai; ma le alii sili i e tusi-
'au, o le na faapotopoto i tagata o
le nuu; atoa ma tagata o le nuu e
toaonogafulu, sa maua i latou i to-
tonu o le aai. Na ave foi i latou e 26
Nepusatana lē pule i le 'au e faa-
feao, ma na avatua i latou i le tupu
o Papelonía i Ripelu. Ona fasia ai 27
lea o i latou e le tupu o Papelonía,
ua na fasioti ia te i latou i Ripelu, i
le nuu o Amato, na tāfea foi Iuta
nai lo latou laueleele.
- O le nuu leni na tāfea ia Nepu- 28
kanesa; o le fitu o tausaga *na tāfea*
ai tagata Iuta e tolu o afe ma le
toaluafulu ma le toatolu. O le tau- 29
saga o Nepukanesa e sefulu ma le
valu, *na tāfea ai* nai Ierusalema, o
tagata e toavalugalau ma le toato-
lugafulu ma le toalu. O le lua 30
sefulu ma le tolu o tausaga o Nepu-
kanesa na tāfea ai ia Nepusatana lē
pule i le 'au e faafeao, o tagata
Iuta e toafitu galau ma le fa o se-
fulu ma le toailima. O le atoa o
tagata e toafa gaafe ma le toaono
galau.
- Ua oo i le toluafulu ma le fitu o 31
tausaga o le tafeaga a Ioakina le
tupu o Iuta, o le sefulu ma le lua
foi o masina, *o le aso* e luafulu ma
le lima o le masina, ona faaeaina ai
lea o le ulu o Ioakina le tupu o Iuta
e Evilemarota, le tupu o Papelonía,
i le tausaga na fai ai o ia ma tupu,
ma na aumaia o ia nai le fale puipui;
na ia tautala ma le alofa ia te 32
ia, ua tuu atu foi lona nofoālii ia
sili i nofoālii o tupu na ia te ia i
Papelonía; na ia sui foi ona ofu sa 33
ofu ai i le fale puipui; na 'ai foi o
ia e le aunoa i ona luma i aso uma
o lona ola. O lana tufaaga foi, o le 34
tufaaga e le aunoa, na tuuina atu ia
te ia e le tupu o Papelonía i lea aso
ma lea aso, ua oo lava i le aso o
lona oti, o aso uma o lona ola.

LE AUEGA

A LE PEROFETA O IEREMIA.

O le malaia o Ierusalemā ona o le agasala.

- 1 E! UA nofo toatasi le aai sa tumu i tagata; ua se fafine ua oti lana tane le sa mamalu i nuu; o le sa'o tamaitai i nuu ua fai o ia ma lē
- 2 ua avatu taulaga. UA matuā tagi o ia i le po, ua i ai foi i ona alafau o ona loimata; o i latou uma e sa mananao ia te ia ua lei so latou e faamafanafana ia te ia; ua faa'ole-
- 3 'ole ana uo uma ia te ia, ua avea i latou ma e ita ia te ia. UA tāfea Iuta ona o le puapuaga, ma le galu-ega tele; ua nofo o ia i nuu ese, ua le maua e ia se malologa; atoa uma e na tuliloa ia te ia ua latou maua atu ia te ia i mea va apiapi.
- 4 UA faanoanoa ala o Siona ina ua lei ni e o mai i le tausamiga; ua taaligoligoa ona faitotoa uma; ua mapuitiga ona faitaulaga, ua tiga
- 5 ona taipou, ua ogotia foi o ia. UA sili e ua faasaua ia te ia, ua manuia e ua ita ia te ia; auā ua faatigaina o ia e Ieova ona o le tele o lona solitulafono; ua o ana tama i le
- 6 tafeaga i luma o e ua faasaua. UA mavae le matagofie uma o le tama fafine a Siona; o ona alii ua pei o aila ua le maua se vao e 'ai ai, ua latou o ua lei so latou malosi i
- 7 luma o lē tuliloa mai. O ona po o le puapuaga o Ierusalemā ma lona agaleagaina ua manatua e ia ana mea e fiafia i ai sa ia te ia i ona po anamua, ina o pauu ona tagata i le
- 8 lima o le na ita mai, a e lei sona fesoasoani; na iloa mai e ua ita ia te ia, sa featani i latou i lona faata-
- 9 auā ua latou iloa lona le lavalavā; o ia foi, ua mapuitiga o ia, ma ua 'alo i tua. UA i ona pito ofu lona leaga; ua le manatua e ia o lona iuga, o lea ua matuā faamaulaloina ai o ia; e lei sē faamafanafana ia te ia. Ieova e, ina silasila mai ia i lo'u puapuaga, auā ua faasausili le ua ita mai. UA faaloaloa e le ua ita
- 10 mai o lona lima i ana mea faafiafia uma; auā ua iloa e ia o nuu ese ua ulufale atu i lona malumalu o e na e poloai i ai, aua ne'i latou o ane i lau faapotopotoga. UA mapuitiga
- 11 ona tagata uma, ua latou sailiili i mea e 'ai; ua latou aveina atu a latou mea uma e fiafia i ai e faatau ai mea e 'ai e faafoisia ai le ola. Ieova e, ina silasila mai ia, ma ia e silafia; auā ua ta'ufaatauvaaina o a'u. Se mea māmā ea lenē ia te
- 12 outou, o outou uma o e ui ane i le ala? Ina vaavaai mai ia, ma ia outou iloa pe ai se tiga e tusa ma lo'u tiga ua oo ia te au, ua faatiga-
- 13 ina ai a'u e Ieova i le aso o lona toasa matuā tele. UA ia tuuina ifo le afi mai luga i o'u ivi, ua faiaina; ua ia fofolaina le upega mo o'u vae, ua ia faafoisia a'u i tua; ua ia faa-
- 14 nofotoatasiina a'u, o loo ua vaivai i le aso atoa. UA fusia le amo a o'u solitulafono e lona lava aao; ua filia, ua oo lava i lo'u ua; ua ia faa-
- 15 vaivaia lo'u malosi; ua tuuina a'u e le Alii i lalo i o latou lima ou te le mafai ai ona tulai. UA faaleaoga-
- 16 ina e le Alii o'u tagata malosisi uma o i totonu ia te au; ua ia tala'i le faapotopotoga e tetee ia te au ia tu'imomomo i o'u taulelea; ua se soligāvine, ua solia ai e le Alii le taipou, o le tama fafine a Iuta. Ona o nei mea ua ou tagi ai; o o'u
- 17 mata, ua tafe ifo le vai i o'u mata;

- auā ua vava mamao ma a'u o sē faamafanafana ia te au e faafoisia mai ai lo'u ola; ua nonofo la'u fanau ua na o i latou, auā ua malo
 17 le ua ita mai. Ua faaloaloa atu e Siona ona lima, a e leai se faamafanafana ia te ia; ua poloai Ieova i e ita ia Iakopo i ona itu uma; ua fai Ierusalemia ia te i latou e pei o
 18 se fafine ua faanofoeseina. Ua amio-tonu Ieova; auā ua ou fouvale i lana poloaiga; ina faalogologo mai ia outou tagata uma, ma ia outou vaa-
 19 vai mai i lo'u tiga; o o'u taipou ma o'u taulelea ua o i latou i le tafeaga. Na ou valaau atu i e na mananao mai ia te au, a ua latou
 20 faa'ole'ole mai ia te a'u; o a'u faitaulaga ma o'u toeaia ua oti i latou i le aai, a o latou saili i ni mea e 'ai mā latou, ina ia faafoisia ai lo latou
 21 ola. Ieova e, ina silasila mai ia; auā ua ou puapuaga; ua sapotu vale lo'u manava; ua matuā tiga lo'u lotu i totonu ia te au; auā ua ou matuā fouvale; o fafo ua āufanaua i le pelu, o i fale ua peiseai o le oti.
 22 Ua latou faalogo ua mapuitiga a'u nei, ua leai se faamafanafana mai ia te au; ua faalogo i latou uma e ua ita ia te au i lo'u malaia; ua fiafia i latou ina ua e faia; e te faaootia mai le aso na e fetalai mai ai, e avea ai i latou e pei o a'u nei. Ia oo la latou amio leaga uma i ou luma, ma ia e faia ia te i latou e pei ona e faia ia te au ona o o'u solitulafono uma; auā ua tele o'u mapuitiga, ua vaivai foi lo'u lotu.

Ua tagi Ieremia i le Atua ona o Ierusalemia.

- 2 E! UA faapouliuligia e le Alii i lona toasa o le tama fafine a Siona; ua ia lafo i lalo le matagofie o Isaraelu mai le lagi i le lalolagi; ua le manatua foi e ia le mea e tu ai ona
 2 aao i le aso o lona toasa. Ua faaumatia e le Alii, a e lei faapelepeleina e ia o fale uma o Iakopo; ua lepetia e ia i lona toasa o 'olo o le tama fafine a Iuta; ua ia faagatasia ma le eleele, ua faalecagaina e ia o le
 3 malo atoa ma ona alii. Ua vavaeeseina e ia i lona toasa tele o nifo uma o Isaraelu; ua faafoi atu e ia lona aao taumatau i luma o e ita

mai; ua mu foi o ia e pei o se afi mumū ia Iakopo, ua susunu ai i itu uma. Ua lolou e ia lana aifana pei
 4 o se ua ita mai; ua mau lona aao taumatau e pei o se ua ita mai, ua ia fafasi foi i e matagofie uma lava i le fale o le tama fafine a Siona; ua sasaaina e ia o lona toatamai e pei o se afi. Ua avea le Alii e pei o
 5 se ua ita mai; ua faaumatia e ia o Isaraelu, ua faaumatia e ia ona maota uma; ua faaumatia ona 'olo, ua faateleina e ia le faanoanoa ma le faavauvau o le tama fafine a Iuta. Ua ia liaiina lava o lona āi e peiseai
 6 o se āi o se faatoaga; ua ia faaumatia le mea e potopoto ai; ua faafaagaloina e Ieova i Siona o le tausamiga, ma le sapati; o lona toasa matuā tele ua ia 'ino'ino ai i le tupu ma le faitaulaga. Ua tuu-
 7 lafoaina e le Alii o lona fata faitaulaga, ua ia 'ino'ino i lana mea paia, ua tuina atu e ia pa o ona maota i lima o e ita mai; ua latou leo tetele i le fale o Ieova, e pei ona faia i le aso o le tausamiga. Na manatu Ieova na te faaumatia
 8 le 'olo o le tama fafine a Siona; ua ia faataoto le fua; ua le faafoi atu lona aao a ua faaumatia; ua faa-
 9 faanoanoaina e ia le pa ma le 'olo; ua faavaivai faatasi ia. Ua gogoto ona puipui i le eleele; ua faaumatia ma ua gāugau ona faamau faalava; o lona tupu ma ona alii ua i nuu ese i latou; ua leai se tulafono; o ona perofeta foi ua le maua e i latou se faaaliga mai ia Ieova. Ua nonofo i
 10 le eleele, ua faalologo toeaia o le tama fafine a Siona; ua latou tuu le efuefu i luga i o latou ulu; ua latou fufusi ia te i latou i le talatala; ua punou ulu o taipou o Ierusalemia i le eleele. Ua avea o'u
 11 mata i le tagi, ua sapotuvale lo'u manava, ua masaa lo'u ate i le eleele, ona ua tu'imomomo le tama fafine a lo'u nuu; ina ua matapogia tama iti ma tama meamea i ala o le aai. Ua latou fai atu i o latou tinā,
 12 Po o fea o i ai se saito ma se uaina? ina o matapogia i latou pei o se ua manua i ala o le aai, ina o mavae o latou ola i fatafata o latou tinā. Pe se a se mea ou te ta'u atu ia te
 13 oe? Pe se a se mea ou te faatusaina

- ia te oe, le tama fafine a Ierusalem a? Pe se a se mea ou te faatatauina ia te oe, e faamafanafanaina ai oe, le taupou e, le tama fafine a Siona? Aua e tele loui manua pei o le sami; po o ai na te
- 14 foia oe? Ua vaaia e au perofeta o mea pepelo ma mea faatauva mo oe; ua latou le faaalai ua agasala, ina ia faafoisia lau tafeaga; a ua latou vaaia mo oe o avega pepelo
- 15 ma mea e faasese ai. Ua pāti lima ia te oe o i latou uma e ui anei i le ala; ua latou uisa, ma latou lialiai o latou ulu i le tama fafine a Ierusalem, *ua faapea ane*, O le aai ea lenei sa ta'ua ua atoatoa ona matagofie; o lē sa fiasia i ai le lalolagi uma? O e ita ia te oe ua faamamaga o latou gutu ia te oe; ua latou uisa, ua latou lilivau o latou nifo; ua latou fai mai, Ua tatou faaumatia o ia; e moni, o lenei le aso sa tatou faatalitali i ai; ua tatou
- 17 maua mai, ua tatou iloa. Ua faia e Ieova le mea sa na finagalo i ai; ua faataunuu e ia le upu sa ia fetalai mai i aso anamua; ua ia lepetia, ua leai foi sona alofa mai; o ia ua faafiasaina ai ona o oe o le ua ita mai, ua ia faamaualugaina le nifo o
- 18 e fai oe mo latou fili. Sa alalaga o latou loto i le Alii, Le aupa e o le tama fafine a Siona, ia tafe ifo loimata e pei o se alia i le ao atoa ma le po; aua lava e te malolo; aua le
- 19 mapu ou tamatamai mata. Ina tulai ia, ina valaau atu i le po i le amataga o leoleoga; ia e sasaina atu lou loto e pei o se vai i luma o le Alii; ina sisii atu ia o ou lima ia te ia ina ia ola au tama iti ua mata-pogia i le fia 'ai i tuluiga o ala una.
- 20 Ieova e, silasila mai ia, ma ia e silafia le ua e faia nei mea i ai. Pe aai ea e fafine a latou fanau o tama iti ua sapaia? Pe fasiotia ea i le malumalu o le Alii o le faitaulaga
- 21 ma le perofeta? Ua taatitia i fafo i le eleele o tama ma toeaina; o o'u taupou ma o'u taulelea ua fasiotia i le pelu; ua e fasiotia i latou i le aso o lou toasa; ua e
- 22 fasia, ua e le faasaoina. Ua e tala'ina e pei o le aso o le tausamiga i mea ou te mata'u ai i itu uma; sa leai foi se na sao po o se na toe i le
- aso na toasa ai Ieova; o e na ou sapaia ma ou tausua, ua faaumatia i latou e le ua ita mai.
- O le faanoanoa ma le tatalo i le Atua.*
- O A'U le tagata ua iloa le pua-puaga i le sasa o lona toasa. Ua ia ta'ita'i ma au mai ia te au i le pouliuli, a e le o le malamalama. E moni, ua ia toe liliu mai lona aao e aoi ia te au i le aso atoa. O ia ua agosi ai o'u aano ma o'u pa'u; ua gauia e ia o'u ivi. Ua ia ati ae 'olo e tau ma a'u, ua ia siomia a'u i le mea oona ma le tiga. Ua ia faanofoina a'u i mea pogisa, e pei o e ua oti anamua. Ua ia puipua a'u i itu uma, ou te le mafai ona alu atu ai; ua faamamafaina e ia o'u noanoaga 'apa memea. A ou alaga atu foi ma uio, ua ia pupuni mai i la'u tatalo. Ua ia punitia o'u ala i maa talai, ua ia faapiopioina o'u magaala. O le urosa lamalama o ia ia te au, o le leona foi i mea lilo. Ua ia faaliliu ese o'u ala, ua ia saeia a'u; ua ia faanofotoatasiina o a'u. Ua lolou e ia lana aufana, ua ia faatuina a'u e pei o se manulauti e fana i ai. Ua lavea ia te ia o'u fatuga'o i ana u fanafana. Ua fai a'u ma tauemuga i lo'u nuu uma, o la latou pese i le aso atoa. Ua ia fagaina a'u ia ma'ona i mea oona, ua ia faainu ia te au ia onā i le laena. Ua ia faamomomo o'u nifo i ilili, ua ia uftia a'u i le lefulefu. Ua e teena a'u ia mā tetea ma le filemu; ua galo ia te au le manuia. Ona ou faapea ifo lea, Ua faaumatia lo'u faatuatuaga ma lo'u faamoemoega mai ia Ieova. Ia e manatu i lo'u puapuga ma lo'u agaleagaina, o le laena ma le rosa. Ia e manafua lava, ua faano'uno'u lo'u loto i totonu ia te au. O le mea lenei ua toe manatu i ai lo'u loto, o le mea lea e faamoemoe ai a'u. O le alofa o Ieova ua le faaumatia ai i tatou, ona ua le mavae o lona alofa mutimutivale; e fou mai ia i taeao uma; e tele lou faamaoni. Ua faapea ifo lo'u loto, O lo'u tofi o Ieova lea, o le mea lea ou te faamoemoe ai ia te ia. O loo agalelei Ieova i e faatalitali ia te ia, o le tagata e saili ia te ia. E lelei ona faamoemoe ma

- le faalologo i le olataga mai ia
 27 Ieova. E lelei i le tagata ina ia
 tauave e ia le amo ina o taulealea.
 28 E nofo toatasi o ia ma faalologo, ina
 29 ua faaeetia i luga ia te ia. E tuu e
 ia lona gutu i le efufu, pe na te
 30 maua se faamoemoe. E tuu atu e ia
 o lona alafau i lē tu'i mai, e faa-
 31 tumuina o ia i le faalumaina. Auā
 e le tuulafoaiina e faavavau e le
 32 Alii; auā e ui lava ina faatiga mai
 o ia, e toe alofa mutimuti vale mai o
 ia e tusa ma le tele o lona alofa.
 33 Auā e le fiafia o ia ona faapua-
 puagaina pe faatigaina tagata.
 34 O le soli i lalo o ona vae o e noatia
 35 uma o le nuu, o le faapiopioina o le
 faamasinoga o le tagata i luma o le
 36 Silisili ese, o le faaseseina o le ta-
 gata i lana finauga; o mea ia e le fia
 37 silasila i ai le Alii. Po o ai o ia e
 fai atu, ona oo ai lea, a e lei fetalai
 38 mai ai le Alii? E le tūilei ifo ea i le
 fofoga o le Silisili ese o mea leaga
 39 atoa ma le lelei? Pe se a le mea ua
 muimui ai le tagata ola, o le tagata
 40 ona o lana sala? Se'i tatou suesue i
 o tatou ala ma filifili, ma ia tatou
 41 toe foi atu ia Ieova. Se'i tatou sii
 atu o tatou loto faatasi ma o tatou
 42 lima i le Atua o i le lagi. Ua solitu-
 lafono i matou, ma ua fouvale i
 43 matou; ua e le faamagalō mai. Ua
 e ufitia i matou i le toasa, ma e tuli-
 44 loa ia i matou; ua e fasiotia, ua le
 alofa mai. Ua e ufitia oe i le ao, ina
 45 ia le sao atu ai le tatalo. Ua e faia
 i matou ma otaota, ma mea e inosia
 46 i luma o nuu. O i latou uma o e ita
 mai ia te i matou ua faamamaga o
 47 latou gutu ia te i matou. Ua ia te
 i matou le fefe ma le lua, o le faa-
 48 tafunaina ma le lepetia o mea. Ua
 tafe ifo vaitafe i o'u mata ona ua
 49 tu'imomomo le tama fafine a lo'u
 nuu. Ua tafe ifo loimata i o'u mata,
 50 ua le mapu, ua le aunoa lava, seia
 silasila ifo Ieova, ma ia silafia mai
 51 mai le lagi; o o'u mata e tiga ai lo'u
 loto, ona o tama fafine uma a la'u
 52 aai. O e ita fua mai ia te au, ua
 latou matuā tuli mai ia te au, e pei
 53 se manu lele. Ua latou faaumatia
 lo'u ola i le lua; ua lafo mai le maa
 54 i luga ia te au. Na lofia lo'u ulu i le
 vai, na ou faapea ifo, Ua ou fano.
 55 Ieova e, na ou valaau atu i lou
 suafa ai le lua e maulalo. Na e faa- 56
 fofogaina lo'u leo; aua ne'i 'alo ou
 fofoga i lo'u mapuitiga ma la'u
 alaga. Na e faalatalata mai ia te au 57
 i le aso na ou valaau atu ai ia te oe;
 na e fetalai mai, Aua le fefe. Le 58
 Alii e, ua e faia la'u finauga; ua e
 togilolaina a'u. Ieova e, ua e silafia 59
 le agaleagaina o a'u; ia e faia lo'u
 faamasinoga. Ua e silafia uma lava 60
 lo latou fia tau mai, ma o latou
 mafaufauga uma ia te au. Ieova e, 61
 ua e faafogogaina lo latou faaluma
 mai, ma o latou mafaufauga uma ia 62
 te au; o upu a e laga mai ia te au,
 ma le mea ua latou mafaufau i ai ia 63
 te au i le aso atoa. A latou nonofo
 i lalo pe tutū i luga, ia e silasila, ua 64
 fai la latou pese ia te au. Ieova e,
 ia e tau mai ia te i latou, e tusa ma 65
 mea ua faia e o latou lima. Ia e
 tuuina atu ia te i latou o le loto 66
 faalogogata, ia e faafano ia te i
 latou. Ia e tuliloa ia te i latou i lou
 toasa, ia e faaumatia i latou ai lalo o
 le lagi o Ieova.
- O le tagi a Siona ona o lona malaia.*
- E! UA faalafulafu le auro, ua 4
 liua le auro lelei; ua sasaaina maa
 paia i tuluiga o ala uma. O tama 2
 pele a Siona, e tutusa ma le auro
 lelei, E! ua faatatauina i latou ma
 fagu omea ua faia e lima o lē fai 3
 ipu omea. O luko lava e tuu atu o
 latou susu, ua latou faasusu i a latou
 toloi; a o le tama fafine a lo'u nuu 4
 ua saua pei o iaena o i le vao. Ua
 pipii le laulaufaiva o le tama mea-
 mea i lona gutu i le fia inu; ua faa-
 5 toga atu tama iti i le mea e 'ai, a
 ua le tufatufa atu e se tasi mā la-
 6 tou. O e na aai i mea lelei ua fano
 i latou i le ala; o e na tausia i ie
 7 ulaula ua taoto i latou i faatāfuna.
 Ua tele foi le sala a le tama fafine
 a lo'u nuu i le sala a Sotoma le na
 faaumatia e pei o le emo o le mata,
 na le oo i ai ni lima. Na mamā ona 7
 naseri e sili i le kiona, na sinasina i
 latou o sili i le suāsusu, sa matagofie
 o latou tino e sili i le penina, o le
 8 safaira o lo latou lalelei lea. Ua
 uliuli o latou tino e sili i mea uli, ua
 le iloa i latou pe a feoai; ua pipii o
 latou pa'u i o latou ivi, ua popo, ua
 9 pei o se laau. E sili ona lelei o i

- latou ua fasiotia i le pelu i e ua oti i le oge; auā o i latou ia ua mole i latou ua otilaina ina ua leai ni mea e tutupu i le fanua. Ua tunu e lima o fafine alolofa o a latou lava fanau, sa fai ma mea e 'ai mā latou i le malaia o le tama fafine a lo'u nuu. Ua faauma mai e Ieova lona toatamai, ua sasaaina e ia le tele o lona toasa; ua tūtū e ia le afi i Siona, ua susunuina ai ona faavae.
- 12 O tupu o le lalolagi ma i latou uma o nonofo i le atu laulau, sa le manatu i latou e mafai ona sao mai i foitotoa o Ierusalemā o e na fai o ia ma fili ma e na ita mai. Ona o agasala a ona perofeta ma amioletonu a ona faitaulaga e na faamaligi le toto o e amiotonu i totonu ia te ia; sa fesēsēai i latou i ala o tauaso i latou, sa leaga i latou i le toto, ua le mafai ai tagata ona papai atu i o latou ofu. Ina o ese ia outou o e le mamā, sa alalaga atu ai tagata ia te i latou, O ese ia, ina o, aua le papai mai; a o sosola i latou ua latou fesēsēai lava; na faapea ane tagata i nuu ese, Latou te le toe nonofo ai. O fofoga o Ieova ua taape ai i latou, e le toe silasila mai o ia ia te i latou; na le ava i latou i faitaulaga, na le alolofa i latou i toeaina. A o tumau i matou sa fole o matou mata i vaai i lo matou fesoasoani le aoga; sa vaavaai atu i matou i o matou fale matāmoe i le nuu e le mafai ona faaola mai.
- 18 Sa latou tuli tatao i o matou tula-gāvae, sa le mafaoai ai i matou i o matou ala; ua lata mai lo matou iuga, ua atoatoa o matou aso; auā ua oo lo matou iuga. Sa sili ona tele vavave o e na tuliloa mai ia te i matou i aeto o le lagi; sa latou saga tuliloa mai ia te i matou i atu mauga, sa latou lamalama mai ia te i matou i le vao. O le mānava o matou pogaiisu, o le na faauuina e Ieova, na maua o ia i a latou lua, o le na matou fai ane ai, E nonofo i matou i lona paolo i nuu ese. Ina olioli ia ma e fiafia oe le tama fafine a Etoma e, o loo nofo i le nuu o Usa; e oo atu ia te oe lava le ipu; e onā ai oe, ma e faalelavalavā ai.
- 22 Le tama fafine a Siona e, ua faatutaina lau sala, na te le toe faatāfeaina oe; le tama fafine a Etoma e, na te taui atu lau amioletonu, na te faaalua au agasala.
- O le tatalo a Siona i le Atua.*
- IEOVA e, ia e manatua le mea ua oo ia te i matou; ina e silasila mai ia, ma ia e silafia le faalumaina o i matou. Ua avea lo matou tofi mo tagata ese, ma o matou fale mo nuu ese. Ua mātuaoti i matou, ua leai ni tamā; o matou tinā ua pei o fafine ua oti a latou tane. Ua matou feinu i vai ua faatauina i tupe; o la matou fafie ua aumaia i le faatau. Ua faasauaina i matou i le ano i o matou ua; ua lailoa i matou, ua leai sina mapu ia te i matou. Ua matou tuuina atu le lima ia Aikupito ma Asuria, ina ia maoona ai i mea e 'ai. Ua agasala o matou tamā, ua leai foi i latou; a o i matou, ua tauave e i matou a latou sala. Ua pule auaua ia te i matou; ua leai se tasi e laveai ia te i matou ai o latou lima. O le toa'i ua matou maua ai la matou mea e 'ai, ona o le pelu ua i le vao. Ua mu o matou pa'u e peiseai se ogaumu, ona ua velavela o le oge. Ua latou fetoso fafine i Siona, o taupou foi i aai o Iuta. Na faatautauina alii i o latou lima; sa le ava i toeaina. Na latou aveina atu taulelea e olo i maalo; na taupāu foi tama i avegāfafie. Ua tuua e toeaina o le faitotoa, o taulelea foi ua tuu a latou pese. Ua mavae le fiafia o matou loto; ua liua la matou siva ma faanoanoa. Ua paū le palealii i lo matou ulu; oi talofa ia te i matou nei, auā ua agasala i matou. O le mea lea ua vaivai ai o matou loto; o mea ia ua faapouliuligia ai o matou mata; auā o le mauga o Siona ua tuufua, ua feoai ai alope. O oe, Ieova e, tumau oe e faavavau; o lou nofoālii e auga tupulaga lea. Po o le a ea le mea e te faagalagaloina ai o i matou e faavavau? e te tuua ea o i matou i aso e tele? Ieova e, ia e faaliliuina o i matou ia te oe, ona faaliliuina ai lea o i matou; ia e faafouina o matou aso e pei o anamua. Auā ua e matuā lafoai ia te i matou; ua toasa tele lava oe ia te i matou.

O LE

TUSI A LE PEROFETA O

ESEKIELU.

O mea na faaalua ia Esekielu i le vaitafe o Kepara.

- 1 O LE tolugafulu o tausaga, o lona fa o masina, o le aso lima o le masina, na ou i ai ma le tafeaga e lata ane i le vaitafe o Kepara, ua avanoa mai le lagi, ona ou iloa lea o faaaliga mai le Atua.
- 2 O le lima o aso o le masina, o lona lima o tausaga lea o le tafeaga a le
- 3 tupu o Ioakina, na oo mai ai lava le afioga a Ieova ia Esekielu le atalii o Posai le ositaulaga, i le nuu o Kaletaia e lata ane i le vaitafe o Kepara; na i luga foi ia te ia le aao o Ieova i lea mea.
- 4 Na ou vaai, faauta foi, o le afā o loo sau i le itu i matu, o le ao tele, ma le afi, o loo mu lava e ia ia ia, o le pupula foi ua faataalioliaina ai le ao, mai totonu foi e tino mai e peiseai o le 'apa pupula mai totonu o
- 5 le afi. Mai totonu foi le faatusa o mea ola e fa, o lo latou tino lenei, o
- 6 le faatusa o le tagata i latou. Taitasi foi o i latou ma ona mata e fa,
- 7 taitasi foi ma ona apaau e fa. O latou vae, o vae sasa'o ia, ma o latou alofivae e pei o alofivae o le tamai povi, ua eemo mai pei o le tino o le
- 8 'apa memea ua faapupulaina. Ua i ai foi lima o tagata i lalo o latou apaau i o latou itu e fa; ua ia te i latou e fa, o latou mata ma o latou
- 9 apaau. Ua faasooina o latou apaau o le fasi i le fasi; e lei liliu i latou ina o latou ō; a ua latou taitasi ma
- 10 alu tonu atu i ona luma. O le faatusa foi o latou mata, ua ia te i latou e fa o mata o le tagata, ma
- 11 mata o le leona i le itu taumatau; ua ia te i latou foi e fa mata o le povi i le itu tauagavale; ua ia te i

latou mata lava ia; a o latou apaau ua faloina i luga; taitasi ma fesootai apaau e lua, o apaau e lua foi ua ufitia ai o latou tino. Ua latou taitasi ma alu tonu atu i ona luma; o le mea a alu i ai le agaga, ua o i ai i latou, ua latou le liliu i lo latou o atu. O le faatusa foi o mea ola, ua latou tino mai e pei o malala ola o le afi ua mu, ua tino mai e pei o lamepa; ua fealualuai ia i le va o mea ola; ua pupula foi le afi, ma ua emo mai le uila ai totonu o le afi. Ua fetaufetuliai foi o mea ola, ua tino mai e pei o le uila.

Ua ou vaavaai i mea ola faauta foi, o le mea taavale e tasi ua tu i le laueleele i tafatafa o mea ola, ma ona mata e fa. O le tino mai foi o mea taavavale ma o latou gaosiga ua pei o le tino mai o le tasesa; ua tutusa i latou e fa; o latou tino mai ma o latou gaosiga ua peiseai se mea taavale i totonu o le mea taavale. Ua latou o i o latou itu e fa ina ua latou o, ua latou le liliu ina ua latou o. O mea foi e lio a'i i latou ua maualuluga lava, ua tupu ai le mata'u; ua soo foi mea e lio a'i i latou i mata, ua faataalioliaina ai i latou e fa. A ō atu mea ola, ona o foi lea o mea taavavale i o latou tafatafa; a siitia foi mea ola i le fogaleelele, ona siitia ai lea o mea taavavale. O le mea a alu i ai le agaga ua o i ai i latou, o le mea lea a alu i ai lo latou agaga. Ua siitia i luga foi o mea taavavale i o latou tafatafa; auā na i ai le agaga o mea ola i mea taavavale. A o atu i latou, ona o atu ai lea o i latou nei; a tutū foi i latou, ona tutū ai lea o i latou nei; a siitia foi i latou i luga o le fogaleelele, ona siitia lea o mea taavavale faatasi ma i latou;

auā na i ai le agaga o mea ola i mea taavavale.

- 22 O le va i lagi i luga o ulu o mea ola ua tino mai ua pei o le maa tioata matautia, ua folasia i luga o latou ulu i o latou luga ae. Ua sasa'o foi o latou apaau i lalo o le va i lagi, ua faafesagai; taitasi i latou ma apaau e lua, ua ufufitai a'i i latou e i latou; taitasi foi ma apaau e lua, ua ufitai a'i e i latou
- 24 o latou tino. Na ou lagona le taalili o latou apaau ina ua latou o atu, ua pei o le taalili o vai e tele, pei o le siufofoga o Le e ona le malosi uma lava; o le taalili ua pei o le taalili o se itu taua; a tutū i latou, ona tutuu lea i lalo e i latou o latou apaau. Na i ai foi le taalili mai le va i lagi i luga o latou ulu; a tutū i latou, ona tutuu lea i lalo e i latou
- 26 o latou apaau. O i luga foi o le va i lagi i luga o latou ulu, ua i ai le faatusa o le nofoālii, ua tino mai e pei o le maa safaira; o i luga foi o le faatusa o le nofoālii le faatusa ua tino mai e pei o le tagata i ona lava luga. Na ou iloa foi pei o le tino o le 'apa pupula, ua tino mai e pei o le a'i ua faataaliolio i totonu, ua tino mai i lona sulugātiti e oo ae i luga; ua tino mai foi i lona sulugātiti e oo ifo i lalo, na ou iloa ua tino mai e pei o le a'i, na i ai foi le
- 28 pupula ua faataaliolioina ai. Pei o le tino mai o le nuana e i le ao i le aso ua, e faapea ona tino mai o lona pupula o faataaliolioina ai. O lona tino mai lea o le faatusa o le pupula o Ieova. Na ou iloa ai, ona ou faapa'i fao ai lea, ona ou lagona lea le siufofoga o le tasi ua fetalai mai.

O le tofia o Esekielu.

- 2 UA ia faapea mai ia te au, Le atalii e o le tagata, ina tulai ia i luga i ou vae, ou te fai atu ai ia te oe
- 2 Ua ulu mai foi le Agaga i totonu ia te au ina o fetalai mai o ia ia te au, ua ia faatuina mai foi a'u i luga i o'u vae, ona ou faalogo atu lea i le
- 3 na fetalai mai ia te au. Ona fetalai mai lea o ia ia te au, Le atalii e o le tagata, ou te auina atu oe i le fanauga a Israelu, o le nuu fouvale, o e ua fouvale mai ia te au; o i latou, atoa ma o latou tamā, ua

latou solia a'u tulafono, ua oo mai i lenei lava aso. O tagata mata le mamā, ma le loto maaa, ou te auina atu ai oe ia te i latou; e te fai atu ia te i latou, Ua faapea ona fetalai mai ai o le Alii o Ieova. O i latou foi, pe latou te faalogo, pe leai, auā o le aiga fouvale i latou, latou te iloa sa i ai le perofeta ia te i latou. O oe na foi, le atalii o le tagata, aua e te fefe ia te i latou, aua foi e te fefe i a latou upu, e ui ina ua outou i ai ma e o fouvale ma mea matuitui, ma outou nonofo ma akarava, aua e te fefe i a latou upu, aua foi e te mata'u i o latou mata, e ui lava o le aiga fouvale i latou. Ia e fai atu lava a'u upu ia te i latou, pe latou te faalogo, pe leai, auā ua fouvale lava i latou. A o ce le atalii o le tagata, faalogo mai ia i le mea ou te fai atu ai ia te oe, Aua e te fouvale oe, e pei o lena aiga fouvale; ina faamaga ia o lou gutu, ma e 'ai le mea ou te avatu ai ia te oe. Ua ou vaai, faauta foi, o le lima ua tuu mai ia te au; faauta foi, ua i ai le tusi taai. Ua ia fofolaina ai i ou luma, ua tusia ai i totonu ma tua, ua tusi ai o auega, ma faanoanoaga, ma lauaitu.

Ua faatonu mai ia Esekielu lana galuega e fai.

UA fetalai mai o ia ia te au, Le atalii e o le tagata, ina 'ai ia le mea e te maua; 'ai ia lena tusi taai, i le e alu, ma fai atu i le aiga o Israelu. Ona ou faamaga lea o lo'u gutu, ona ia fafaga lea ia te au i lena tusi taai. Ua ia fetalai mai foi ia te au, Le atalii e o le tagata, ina tali ia o lou manava, ia ma'ona ai lou alo i lena tusi taai ua ou avatua ia te oe; ona ou 'ai ai lea, ua sua-malie i lo'u gutu e pei o le meli. Ua fetalai mai foi o ia ia te au, Le atalii e o le tagata, alu ia oe, ina alu i le aiga o Israelu, ma e tautala atu i a'u upu ia te i latou. Auā e le auina atu oe i se nuu gagana ese ma upu faigata, a o le aiga o Israelu; e le o nuu e tele, ma gagana ese, ma upu faigata e te le malagona ai a latou upu. Ana ou auina oe ia te i latou, po ua latou faalogo lava ia te oe. A o le aiga o Israelu, e le

- mafafai i latou ona faalogo ia te oe, auā latou te le mafafai ona faalogo mai ia te au; auā ua muaulu malō, ma loto maaa le aiga uma o Isaraelu. Faautea, ua ou faia ou mata ia malosi, ina ia fesagai ma o latou mata, ma lou muaulu ia malō, ina ia fesagai ma o latou muaulu. Ua ou faia lou muaulu ia pei o le samira ua sili le malō i le papa; aua e te fefe ia te i latou, aua foi e te mata'u i o latou mata, e ui lava o le aiga fouvale i latou. Ua ia fetalai mai foi ia te au, Le atalii e o le tagata, o a'u upu uma ou te fai atu ai ia te oe, ia talia i lou loto, ma faalogo ai ou taliga. Alu ia, ina e alu atu i le tafeaga o tagata o lou nuu, ma e tautala atu ia te i latou, ma e fai atu ia te i latou, O loo faapea ona fai mai o le Alii o Ieova, pe latou te faalogo mai, pe leai.
- Ona siitia lea o a'u i luga e le Agaga, ona ou faalogo atu lea i o'u tua i le leo o le taalili tele, ua faapea mai, Ia viia le mamalu o Ieova mai lona afioga. Ua ou faalogo foi i le taalili o apaau o mea ola ua fepa'iai, ma le taalili o mea taavavale e lata ane i ai, ma le leo o le taalili tele. Ua siitia a'u e le Agaga, ua ia ave ia te au, ua ou alu ma le tiga ma le ita o lo'u loto; a ua malosi mai le aao o Ieova i luga ia te au.
- Ona ou oo atu lea i le tafeaga i Teleapipa i e nonofo e lata ane i le vaitafe o Kepara, auā na latou nonofo i lea mea; na ou nofo foi ia te i latou i aso e fitu e fememeai.
- Ua mavae aso e fitu, ona oo mai lea o le afioga a Ieova ia te au, ua faapea mai, Le atalii e o le tagata, ua ou faia oe ma tagata vaai i le aiga o Isaraelu; o le mea lea ia e faalogo mai ai le upu a lo'u gutu, ma e apoapoai atu ia te i latou mai ia te au. A ou fai atu i le ua amio leaga, E oti lava oe; a ē le apoapoai atu ia te ia, ma ē le fai atu i ai e apoapoai atu i le ua amio leaga ia liliu ese i lona ala leaga, ina ia ola ai o ia; e oti lena tagata amio leaga i lana amioletonu, a o lona toto ou te tau i atu lea ia te oe. A e afai e te apoapoai atu i le ua amio leaga, a e lē liliu ese o ia i lana amio leaga ma lona ala leaga, e oti o ia i lana amioletonu; a o oe, ua laveaina oe ia te oe. A liliu ese foi le ua amioletonu i lana amioletonu, a e fai le amioletonu, ona ou tuuina lea i ona luma se mea e tausui ai, e oti o ia; e oti o ia i lana agasala ona ua ē le apoapoai atu ia te ia, e le manatua ana amioletonu sa na faia; a o lona toto ou te tau i atu lea ia te oe. A o oe, afai e te apoapoai atu i le ua amioletonu ina ia le agasala le ua amioletonu, e le agasala foi o ia, e ola lava o ia, ina ua apoapoaiina o ia; o oe foi, ua laveai oe ia te oe.
- Na i luga foi ia te au le aao o Ieova i lea mea; na ia fetalai mai foi ia te au, Ina tulai ina alu atu i le fanua laugatasi, ou te fai atu ai ia te oe i lea mea. Ona ou tulai ai lea, ma ou alu atu i le fanua laugatasi; faauta foi, o le pupula o Ieova ua tu mai ai, pei o le pupula na ou iloa e lata ane i le vaitafe o Kepara; ona ou faapa'u fao ai lea. Ona ulu mai lea o le Agaga i totonu ia te au, na ia faatuina mai au i luga i o'u vae, na ia fetalai mai foi ia te au, ua faapea mai ia te au, Ina alu ia oe, ina puipui ia oe ia te oe i lou fale. O oe na foi le atalii o le tagata, faauta, latou te fusifusi ia te oe i maea, latou te nonoa ai lava ia te oe, e te le alu atu foi ia te i latou. Ou te faapipii ae foi lou laulaufaiva i lou gutu, ina ia gūgū ai oe, e le faia foi oe ma tagata aoi ia te i latou; auā o le aiga fouvale i latou. A ou fai atu ia te oe, ona ou faagaganaina lea o oe, e te fai atu foi ia te i latou, O loo faapea ona fai mai o le Alii o Ieova, O lē faalogo mai, ina faalogo mai ia o ia; a o le ua leai, ia leai pea ia; auā o le aiga fouvale i latou.
- Ua faaalua ia Esekielu le malaia tele o le a oo ia Ierusalem.*
- O OE foi le atalii o le tagata, ina au mai ia se maaomea ma tuu ai i ou luma, ma e tusi i ai le aai o Ierusalem; ia e vagaia, ma ia e fai se 'olo e tau ai, ma e tanu ai se mea mautietie, ia e to lauapi foi i ai, ma avane i ai mea e lepeti a'i, ia soo ai. Ia e au mai foi se uamea salafa, ma e faatu ai e fai ma pa uamea i lo

- oulua va ma le aai ; ia e matuā faa-
saga i ai, e vagaia foi ia, e vagaia
foi e oe. E fai lea ma faailoga i le
4 aiga o Isaraelu. O oe foi ia e taoto
i lou itu tauagavale, ma ia e faaetia
ai le amio leaga a le aiga o Isaraelu,
5 o ona aso atoa e te taoto ai e tau
ia ia te oe a latou amio leaga, Auā
ua ou faatatau atu ia te oe tausaga
o a latou amio leaga, o ona aso atoa
e tolu selau ma le ivagafulu o aso, e
tau ai ia te oe le amio leaga a le
6 aiga o Isaraelu. A faaiuina ia *aso*
ona e toe taoto lea i lou itu tauma-
tau, ia tau ai ia te oe le amio leaga
a le aiga o Iuta i aso e fagafulu ; ua
ou faatatauina atu ia te oe o le aso
ma le tausaga o le aso ma le tau-
7 saga. E te matuā faasaga atu ai i
le vagaia o Ierusalem, e te to ese
le ofu i lou lima, ma e vavalo i lona
8 malaia. Faauta foi, ou te fusufusi
ia te oe i maea, e te le feliliuai ai
seia faaatoaina e oe o aso e te vagai
ai.
- 9 Ia e avane mā oe o saito, ma
karite, ma fua o fue, ma atasema,
ma tokana, ma kaseme, ma e tuu ai
i se tanoa e tasi, ma fai a'i ni mea e
ai mā oe, e faatatau i ona aso atoa
e te taoto ai i lou itu ; e tolu selau
10 ma le ivagafulu o aso e te 'ai ai. O
lau mea e 'ai foi e te 'ai ai, e fuatia
lea o le aso ma sekeli e lua sefulu ;
11 e te 'ai ai e auauai i aso. E fuatia
foi le vai e te inu ai, o lona vaega e
ono o le sinu ; e te inua e auauai i
12 aso. O potoi karite e te 'ai ai, e te
tunua foi i otaota mai tagata i o la-
13 tou luma. Ua fetalai mai foi Ieova,
E faapea lava ona aai o le fanauga
a Isaraelu i a latou mea e 'ai e leaga
14 i nuu ese ou te tulia ai i latou. Ona
ou fai atu ai lea, Aue le Alii e Ie-
ova ! faauta, e lei leaga lava a'u i *se*
mea e 'ai, auā talu ina ou ititi ua oo
mai i nei ona po ou te lei 'ai se mea
na mate fua, po o se mea na saeia,
e lei toia lava lo'u gutu i se tufaaga
15 o manu leaga. Ona fetalai mai ai
lea o ia ia te au, Faauta, ua ou avatu
ia te oe otaota o povi e sui a'i ota-
ota o tagata, e te sauni ai au mea e
16 'ai. Ua fetalai mai foi o ia ia te au,
Le atalii e o le tagata, faauta, ou te
gausia le tootoo o le mea e 'ai i
Ierusalem, latou te aai ma le atu-
- atuale a latou mea e 'ai ua fuatia ;
latou te inu foi ma le fememeai o
latou vai ua fuatia ; ina ia oge i la-
17 tou i mea e 'ai ma vai, e taitasi foi
ma fememeai uma, ma tauāu ina
faaumatia i latou i a latou amioleaga.
- Ua faaalua le malaia o Ierusalem i
le fuataoto o le lauulu.*
- O OE foi le atalii o le tagata ia e
avane mā oe se polo maai, ia e avane
mā oe se tafi a le sala 'ava, ma tafi a'i
lou ulu ma lau 'ava ; ia avane foi mā
oe se fua faatautau e fua a'i, ma e
vaevae ai. O lona tolu o vaega e te
2 sunua i le afi i le aai pe a atoa aso e
vagai ai ; e te ave foi le tasi ona
vaega, ma tipitipisoloina i le polo ;
o le isi ona tolu o vaega e te faata-
apeapeina i le matagi ; ou te to ae
foi le pelu e mulimuli atu i ai. E
3 te au mai ai foi ni nai *lauulu* ititi,
ma e fusi ai i lou pito ofu. E te toe
4 au mai ai foi nisi, ma lafo i le afi,
ma e susunuina i le afi ; e alu atu ai
le afi i le aiga uma o Isaraelu.
- Ua faapea ona fetalai mai o le
5 Alii o Ieova, O Ierusalem lena ua
ou tuuina o ia i totonu o nuu ese,
ma nuu o vagavagaia o ia. Ua fou-
6 vale o ia i a'u faamasinoga, ua sili
ona amio leaga i nuu ese. Ua fou-
vale foi i a'u tulafono e sili i nuu ua
vagavagaia o ia ; auā ua latou 'ino-
'ino i a'u faamasinoga, ma latou le
7 savavali i a'u tulafono. O le mea
lea o loo faapea ona fetalai mai ai o
le Alii o Ieova, Ona ua sili o lo outou
faanununu i nuu ua vagavagaia
outou, ma ua outou le savavali i a'u
tulafono, ma ua le faia a'u faamasi-
noga, ma ua le fai e tusa ma tu a
nuu ua vagavagaia outou ; o le mea
lea o loo faapea ona fetalai mai ai o
le Alii o Ieova, Faauta o a'u, o a'u
lava, ou te faasaga atu ia te oe, ma
ou faao atu sala ia te oe i luma o
nuu ese. Ou te faia foi ia te oe se
9 mea ou te lei faia, ou te le toe faia
foi se mea faapea, ona o au mea
uma e inosia. O le mea lea e 'aina
10 ai e tamā o latou atalii i totonu ia
te oe, e 'aina foi e atalii o latou
tamā ; ou te faaooina foi sala ia te
oe, ou te faataapeapeina foi i mata-
matagi uma e o totoe uma o ia te
oe. O le mea lea o loo fetalai mai
11

- ai le Alii o Ieova, O loo ola a'u, e moni, ona ua leaga ia te oe lo'u malumalu i au mea leaga uma, ma au mea e inosia uma, o a'u foi ou te faatoaitiitiina oe, ou te le faasao, ou te le faapelepeleina lava. E oti lona 5
12 tolu o vaega o ia te oe i le faamai, e faaumatia foi i le oge i latou i totonu ia te oe; e fasia foi le tasi vaega i le pelu i mea uma e siosioina ai oe; ou te faataapepeina le isi ona tolu o vaega i matāmatagi uma, ou te to 6
13 ae foi le pelu e mulimuli atu ia te i latou. Ou te faauma atu lo'u ita, e tumau foi lo'u tiga tele ia te i latou, ona to'a filemu ai lea o a'u; ona iloa ai lea o i latou, o a'u o Ieova na ou fai atu i lo'u fuā ina ua ou faauma 7
14 atu lo'u ita tele ia te i latou. Ou te faia foi oe ma mea ua faatafunaina ma luma i nuu ese e vagavagaia oe, i luma o i latou uma o e ui aue 8
15 ai. E fai foi oe ma luma, ma upu faifai, ma faa'o'a'o, ma mea e ofo ai i nuu ese e vagavagaia oe, ina ua ou faaocina sala ia te oe i lo'u ita ma lo'u tiga, ma aociga e matuā ogo lava. O a'u o Ieova o lē fai atu ai. 9
16 Pe a ou fana atu ia te i latou i a'u u fanafana, o le oge e malaia ai i latou, e fano ai i latou, ou te faaocina atu ai foi e fano ai outou; ou te faateleina le oge ia te outou, ma ou gausia le tootoo o la outou mea 10
17 e 'ai. Ou te faaoo atu foi ia te outou le oge ma manu feai, e au-fanaua ai oe, e ui atu ia te oe le faamai ma le toto; ou te faaoo atu foi le pelu ia te oe. O a'u o Ieova o lē fai atu ai.

O le faatafunaina o le nuu o Israelu.

- 6 UA oo mai foi le afiga a Ieova 2
2 ia te au, ua faapea mai, Le atalii e o le tagata, ina faasaga ia ou mata i mauga o Israelu, ma vavalō atu 3
3 ia te i latou, ia e faapea atu, Mauga o Israelu e, faalogo mai ia i le afiga a le Alii o Ieova; o loo faapea ona fetalai mai o le Alii o Ieova i le atu mauga ma mauga, o vaitafe, atoa ma vanu; Faauta, o a'u nei ou te faaoo le pelu ia te outou, ma ou faaumatia a outou 4
4 mea mauualuluga. E faatafunaina a outou fata faitaulaga, e lepetia foi a outou tupua o le la, ma ou lafoina o outou tagata fasia i luma o a outou tupua. Ou te tuuina atu foi tino 5
ua oti o le fanauga a Isaraelu i luma o a latou tupua, ma ou faataapeapeina o outou ivi ia soo ai a outou fata faitaulaga. E faatafunaina aai i mea uma tou te nonofo ai, e faaumatia foi mea mauualuluga, ina ia faatafunaina, ma faaumatia a outou fata faitaulaga, ma ia lepetia, ma faaiuina a outou tupua, ia vavacina i lalo a outou tupua o le la, ma ia tinea a outou galuega. E pauu 7
foi e ua fasia i totonu ia te outou, tou te iloa ai o a'u o Ieova. A e peitai ou te faatotoeina ni o outou ia sao i le pelu i nuu ese, pe a faataapeapeina outou i nuu. E manatu 8
mai foi ia te au ni o outou e sao i nuu e tāfea i ai i latou, pe a ou faamomomoina o latou loto mulilulua ua o ese ai ia te au, ma o latou mata mulilulua na mulimuli atu ai i a latou tupua; e 'ino'ino foi i latou ia te i latou ona o mea leaga ua latou faia i a latou mea inosia uma. Ona iloa ai lea e i latou o a'u o Ieova, na ou le fai atu fua, ou te 10
faia lenei mea leaga ia te i latou. Ua faapea ona fetalai mai o le Alii o Ieova, Ina pati ia ou lima, ma tatū lou vae, ma fai atu, Aue i mea uma e inosia ma le leaga a le aiga o Isaraelu! e oti i latou i le pelu, ma le oge, ma le faamai. O le ua ma- 12
mao e oti ia i lē faamai, o le ua lata-lata mai e fasia ia i le pelu, o le ua toe ma ua sao e oti ia i le oge; ou te faauma atu lo'u tiga ia te i latou. 13
Ona iloa ai lea e outou o a'u o Ieova, ina ua i ai o latou tagata fasia i le va o a latou tupua e soo ai a latou fata faitaulaga, i luga o mauga mauualuluga uma, i tumutumu uma o mauga, ma lalo o laau tauuluuola uma, ma lalo o ele felefele uma, o mea na latou avatu ai mea manogi lelei i a latou tupua uma. Ou te 14
faaloaloa atu foi lo'u lima i luga ia te i latou, ma ou faia le nuu ma mea gaogao, e sili i le gaogao o le vao o i Tipelata, i mea uma latou te nonofo ai; ona latou iloa ai lea o a'u o Ieova.

O le faaiuina o le faatafunaga o le nuu o Isaraelu.

7 UA oo mai foi le afiga a Ieova
2 ia te au, ua faapea mai, O oe na le
atalii o le tagata, o loo faapea ona
fetalai mai o le Alii o Ieova i le lau-
eleele o Isaraelu, O le iuga, ua oo
mai lava le iuga i pito nuu e fa o le
3 nuu. Ua oo nei lava ia te oe le
iuga, ou te faaoo atu foi ia te oe lo'u
ita, ma ou faamasino ia te oe e tusa
ma au amio, ou te tau'i atu foi ia te
4 oe i au mea e inosia uma. Ou te le
faasaina lava oe, ou te le faapele-
peleina foi *oe*; a e peitai a'u, ou te
tau'i atu ia te oe i au amio, ma au
mea e inosia e i totonu ia te oe;
ona outou iloa ai lea o a'u lava o
5 Ieova. Ua faapea ona fetalai mai
o le Alii o Ieova, O le mea leaga, o
le mea leaga tasi, faauta, ua oo
6 mai. O le iuga ua oo mai, ua oo
mai lava le iuga; o loo ala ia na
moe, ua faasaga ia te oe; faauta, ua
7 oo mai. Ua oo mai le taeao ia te
oe, o lē nofo i le nuu; ua oo mai ona
po, ua taunuu mai le aso e atuatu-
vale ai, a e le o le taalili mai o
8 mauga. O lenei, ua latalata ona ou
sasaa atu o lo'u tiga i luga ia te oe,
ma faaiu atu lo'u ita ia te oe; ou te
faamasino ia te oe e tusa ma au
amio, ma ou tau'i atu ia te oe o au
9 mea uma e inosia. Ou te le faasao-
ina, ou te le faapelepeleina; ou te
tau'i atu ia te oe e tusa ma au amio,
ma au mea e inosia e i totonu ia te
oe; ona iloa ai lea e outou o a'u o
10 Ieova o le taia *oe*. Faauta, i le aso,
faauta, ua oo mai; ua alu atu le
taeao; ua fuga mai le tootoo, ua
11 tupuolaola le faamaualuga. Ua
tulai le sau, ua fai ma tootoo o le
amio leaga; e leai so latou e *toe*, po
o so le vao tagata o i latou, po o so
latou lava; e leai foi se auega ona o
12 i latou. Ua oo mai ona po, ua lata-
lata mai lava le aso; aua le olioli lē
faatau mai, aua foi le faanoanoa lē
faatau atu; auā o le ita ua i luga o
13 le vao tagata uma o i latou. Auā e
ui ina ola pea i latou, e le toe foi le
na faatau atu i le mea na faatauina;
auā ua faasaga le faaaliga i lona
vao tagata uma, e le toe foi ia; e

leai foi se na te faamalosi ia te ia i
lana lava amio leaga. Ua latou ilia 14
le pu ia sauniuni mea uma; a e leai
se alu atu i le taua; auā ua i ai lo'u
ita i luga o lona vao tagata uma.
O loo i tuāpa le pelu, o loo i totonu 15
le faamai ma le oge; o le ua i le vao
e oti i le pelu, o le ua i le aai e fano
ia i le oge ma le faamai. A o e sao, 16
e sao lava i latou, e i ai foi i latou i
mauga e pei o lupe i vanu, e taitoa-
tasi o i latou uma ma oi ona o lana
amio leaga. E vaivai lima uma, e 17
liu suāvai foi tulivae uma. E lava- 18
lava i latou i ie talatala, e ufitia i
latou i le mata'u, e mā o latou mata
uma, e selemamāina foi o latou ulu
uma. E lafoai e i latou a latou 19
ario i fafo, ma a latou auro e fai ma
mea leaga ia; o a latou ario ma a
latou auro e le mafai ai ona laveai-
ina o i latou i le aso o le ita o Ieova;
e le malilie ai i latou, e le maoona ai
foi o latou manava; auā ua fai a
latou amio leaga ma mea e tausuai
ai. O le matagofie foi o a latou 20
teuga ua latou faia lea ma mea e
faamaualuluga a'i; ua latou fai ai
foi tupua o a latou mea e inosia
ma a latou mea leaga; o le mea
lea ua ou fai ai ia mea ma mea
leaga ia te i latou. Ou te tuuina 21
atu ai foi i lima o tagata ese ia ve-
tea, ma tagata amio leaga o le lalo-
lagi ia faoa, ma latou solia lava.
Ou te liliu ese ia te i latou; ona 22
latou solia lea o la'u mea lilo; auā
e ulu ane i ai tagata sau, ma latou
solia. Ina fai ia o se ma'a uamea; 23
auā ua tumu le nuu i amio e *tatau*
i ai le oti, ua tumu foi le aai i le
saua. O le mea lea ou te au mai ai 24
e ua sili ona leaga i nuu ese e fai mo
latou o latou fale; ou te faaiuina
foi le faamaualuga o e malolosi; e
solia foi a latou mea paia. O loo 25
sau le malaia; e sailili e i latou le
filemu, a e leai. E fetaulai malaia, 26
e fetaulai tala, ona saili lea e i latou
i le perofeta se mea na te faaaliga
mai; a e mavae le tulafono nai le
ositaulaga, ma le pule nai toeaina.
E faanoanoa le tupu, e ofu le alii 27
sili i le fememeai, e gatete lima o
tagata o le nuu; ou te tau'i atu ia te
i latou e tusa ma a latou amio, ma
ou faamasino ia te i latou e tusa ma

a latou amioga; latou te iloa ai o a'u lava o Ieova.

O le tupua e tupu ai le fuā.

- 8 O LE ono o tausaga, o lona ono o masina, o lona lima o aso o le masina na ou nofo ai i lo'u fale, sa nonofo foi toeaina o Iuta i o'u luma, na oo mai ai le aao o le Alii o Ieova
2 i luga ia te au. Ona ou vaai lea, faauta, o le faatusa e tino mai ua pei o le afi; ua tino mai lona sulugatiti e oo i lalo e pei o le afi; ua tino mai foi lona sulugatiti e oo ae i luga ua pei o le pupula o le lagi, e
3 pei o le tino o le 'apa pupula. Na ia tuu mai le faatusa o le lima, ma tago mai ia te au i le fuafuati laululu o lo'u ulu; ona siitia lea o a'u e le Agaga i luga i le va o le lagi ma le lalolagi, ma ua ave ia te au i faaliga mai le Atua i Ierusalem, i le puipui o le faitotoa aupito i totonu e faasaga i le itu i matu, o le mea e nofo ai le tupua o le fuā, o le na te
4 faatupuina le fuā. Faauta foi, sa i ai le pupula o le Atua o Isaraelu, ua tino mai ia e pei ona ou iloa i le fanua laugatasi.
5 Ona fetalai mai lea o ia ia te au, Le atalii e o le tagata, ina tepa ae ia i le ala i le itu i matu. Ona ou tepa ae lea i le ala i le itu i matu, faauta foi i le itu i matu, i le faitotoa o le fata faitaulaga, o lona tupua o le
6 fuā i le mea e ui atu ai. Ua fetalai mai foi o ia ia te au, Le atalii e o le tagata, ua e iloa ea mea o loo faia e i latou; o mea tetele e inosia o loo faia e le aiga o Isaraelu iinei, ina ia ou faamamāo ma lo'u malumalu? a ia e toe liliu ane e te iloa ai mea e inosia e sili.
7 Ua ia au mai foi ia te au i le faitotoa o le lotoā, ona ou vaai lea,
8 faauta, o le pu i pa. Ona fai mai lea o ia ia te au, Le atalii e o le tagata, ua eli ia i le pa; ona ou elia lea o le pa, faauta foi, o le faitotoa. Ona fetalai mai lea o ia ia te au, Ina ulu atu ia, ina vaai i mea leaga e inosia ua latou faia iinei.
10 Ona ou ulu atu ai lea, ona ou vaai lea; faauta foi, o faatusa o mea fetolosi, ma manu vaefa leaga uma, ma tupua uma a le aiga o Isaraelu, ua tusia i le pa ua matuā soo ai lava.

O loo tutū foi i o latou luma o 11 tagata e toafitugafulu o toeaina o le aiga o Isaraelu, o loo o tu foi laase-naia le atalii o Safana i totonu ia i latou; o le tagata ma lana ipu e mu ai mea manogi ua i lona lima, o loo alu ae foi le asuasua tele o mea manogi. Ona ia fetalai mai lea ia te au, Le atalii e o le tagata, ua e iloa ea le mea o loo faia e toeaina o le aiga o Isaraelu i le pouliuli, taitoatasi le tagata i potu o ana faatagata? auā ua latou faapea, E le iloa i tatou e Ieova; ua lafoaina e Ieova le lalolagi. Ua ia fetalai mai foi ia te 13 ia, Ia e toe liliu ane e te iloa ai mea e inosia e sili o loo latou o faia.

Ona ia avea lea o a'u i le puipui o 14 le faitotoa o le fale o Ieova e fesagai ma le itu i matu; faauta, o loo nonofo ai fafine, o loo fetagisi ona o Tamusa. Ona ia fetalai mai lea ia 15 te au, Le atalii e o le tagata, ua e iloa ea lona? ia e toe liliu ane, e te iloa ai mea e inosia e sili i na mea. Ona ia avea lea o a'u i le lotoā 16 tuloto i le fale o Ieova, faauta i le faitotoa o le malumalu o Ieova, i le va o le faapaologa ma le fata faitaulaga, o tagata pe toaluafulu ma le tolima, ua u atu o latou tua i le malumalu o Ieova, a ua uai o latou mata i sasae, o latou ifo atu i le la i sasae. Ona fetalai mai lea o ia ia 17 te au, Le atalii e o le tagata, ua e iloa ea lona? se mea māmā ea i le aiga o Iuta ina ua faia o mea e inosia o loo latou o faia iina? auā ua latou faatumuina le nuu i le saua, ua latou toe liliu foi e faaonoono mai ia te au; faauta foi, ua latou avae le la laau i o latou isu. O le mea lea ou te tau ai ma le 18 ita tele; ou te le faasaoina, ou te le faapelepeleina; e ui ina latou valaau mai ia te au ma le leo tele, ou te le faalogo atu lava ia te i latou.

O le fasiga o e na tapuai i tupua.

UA ia valaau mai foi ma le leo 9 tele, o loo ou faalogo atu, ua faapea mai, Ia faalatalata mai o e tau ai i le aai, ia taitasi ma lana mea e fasi a'i i lona lima. Faauta foi, ua o mai tagata e toaono i le ala o le faitotoa aupitoaluga e fesagai ma le itu i 2 matu, taitasi ma lana mea e ta a'i i

lona lima; a o le tasi tagata o i latou ua ofu i le ie lino, ua tau i lona itu le fagu vaitusi a le tusiupu, ua latou ulufale atu, ona latou tutū lea e lata ane i le fata 'apa memea.

3 Ona alu ae lea o le pupula o le Atua o Isaraelu nai luga o le kerupi sa i ai i ona luga, *ua oo* i le faitotoa o le fale. Na ia valaau i le tagata ua ofu i le ie lino, o le ua tau i lona itu le

4 fagu vaitusi a le tusiupu. Ona fetalai mai lea o Ieova ia te ia, Ina ui ane ia i totonu o le aai, i totonu lava o Ierusalem, ma e faailogaina mauulu o tagata o e mapuitiga, ma feui ona o mea inosia uma ua latou

5 fai i ai. Ua ia fai atu foi ia i latou na, o loo ou faalogo atu, Ui ane ia outou i le aai, ia mulimuli atu ia te ia, ma ia outou fafasi; aua tou te

6 faasaoina, aua le faapelepeleina. Ia outou matuā fasiotia lava toeaina, *ma* taulelea, *ma* taupou, *ma* tama iti, *atoa* *ma* fafine; a e aua le faalatalata i se tagata ua i ai le faailoga; ia amata foi i lo'u malumalu. Ona latou amata lea i tagata o

7 toeaina lava o e na i luma o le fale. Ua ia fai atu foi ia te i latou, Ina outou faaleaga ia le fale, ma faatutumuina lotoā i e ua fāsia; ina o

8 atu ia outou. Ona latou o atu ai lea, ua latou fafasi i le aai. O loo latou o fafasi, ua tuua a'u, ona ou faapaū fao ai lea, ma ou alaga atu, ua faapea atu, Aue, le Alii e Ieova! e te

9 faaumatia ea e ua totoe uma ia Isaraelu ina o e sasaina o lou toasa i luga o Ierusalem? Ona fetalai

10 mai ai lea o ia ia te au, Ua matuā silisili lava le amio leaga a le aiga o Isaraelu atoa ma Iuta, ua tumu le nuu i le toto, ua tumu le aai i le amio faapiopio; auā ua faapea i

11 latou, Ua lafoai e Ieova le lalolagi; ua le silafia lava e Ieova. O a'u nei foi, ou te le faasaoina, ou te le faapelepeleina; ou te tau i atu a latou

12 amio i luga i o latou ulu. Faauta foi, o le tagata ua ofu i le ie lino, o le ua tau le fagu vaitusi i lona itu, ua fai mai o ia, ua faapea, Ua ou faia e pei ona e fetalai mai ai ia te au.

O le faaaliga o malala ola.

ONA ou vaai lea, faauta foi i le 10
va i lagi ua i luga o ulu o kerupi, e peiseai o le maa safaira, e tino mai e peiseai o le faatusa o le nofoālii ua tu mai i luga ia te i latou. Ua fetalai atu foi o ia i le tagata ua ofu i le ie lino, ua faapea atu, Ulu atu ia i le va o mea taavavale i lalo o le kerupi, ma e faatumuina lou lima i malala ola ai le va o kerupi, ma saaluu solo ai i luga o le aai. Ona ulu ane lea o ia o loo ou vaai atu. Ua tutū foi kerupi i le itu tau-

3 matau o le fale, ina o ulu atu ai le tagata; ua faatumuina le lotoā tuloto i le ao. Ona alu ae lea o le pupula o Ieova nai luga o le kerupi, *ua oo* i le faitotoa o le fale; ua faatumuina foi le fale i le ao, ua tumu

4 foi le lotoā i le pupula matagofie o Ieova. Ua logona foi le taalili o apaau o kerupi, *ua oo* lava i le lotoā

5 aupito i fafo, ua pei o le siufofoga o le Atua e ona le malosia uma lava pe a fetalai mai o ia. Ua uma foi ona

6 ia fetalai atu i le tagata ua ofu i le ie lino, ua faapea atu, Ina ave ia se afi ai le va o mea taavavale, ai le va o kerupi; ona ulu ane lea o ia, ma tu e lata ane i le mea taavale. Ona

7 tago atu lea o le lima o le kerupi ai le va o kerupi i le afi ai le va o kerupi, ua avae ai, ma avane i lima o le ua ofu i le ie lino; ua talia e ia, ona alu atu lea o ia.

8 Ua iloa i kerupi le faatusa o le lima o le tagata i lalo o latou apaau. Ona ou vaai lea faauta, o mea taavavale e fa i tafatafa o kerupi, taitasi le mea taavale i tafatafa o kerupi taitasi; ua tino mai foi o mea taavavale e pei o le tino o le maa tasesa. O latou tino mai foi, ua

9 tino faatasi i latou uma e fa, ua peiseai o le mea taavale i totonu o le mea taavale. A latou o, ua latou

10 o i o latou itu e fa, ua latou le liliu ina ua latou o, a o le mea na faasaga i ai le ulu ua latou mulimuli atu i ai; ua latou le liliu ina ua latou o. O latou tino uma, ma o

11 latou tua, ma o latou lima, ma o latou apaau, atoa ma mea taavavale ua tutumu ia i mata, ua soo lava, o mea taavavale lava na ia te i latou e

- 13 fa. A o mea taavavale, ua valaau
le tasi ia te i latou, o loo ou faalogo
 14 atu, Le mea taavale e. Ua tofu i
 latou taitasi ma mata e fa; o le ua
 muamua i mata, o mata o le kerupi
 lea, o lona lua o mata, o mata o le
 tagata lea, o lona tolu, o mata o le
 leona lea, o lona fa, o mata o le aeto
 15 lea. Ua siitia foi kerupi i luga. (O
 le mea ola lea na ou iloa i le vaitafe
 16 o Kepara.) A ō foi kerupi, ua o foi
 mea taavavale i o latou tafatafa; a
 faloina i luga e kerupi o latou apaau
 ina ia o ae i luga nai le lalolagi, e le
 liliu ese i o latou tafatafa ia lava
 17 mea taavavale. A tutū i latou, ona
 tutū lea o i latou nei; a aveina ae
 foi i latou i luga, ona aveina ae lea
 ō i latou nei; auā ua i ai le agaga o
 18 le mea ola ia te i latou. Ona alu atu
 lea o le pupula o Ieova ai le faitotoa
 o le fale, ma ua tu i luga ae o
 19 kerupi. Ona faloina lea i luga e
 kerupi o latou apaau, ua o ae mai le
 lalolagi, o loo ou vaai i ai; ua latou
 o atu ua faatasi ma i latou mea
 taavavale, ua latou tutū foi i le
 puipui o le faitotoa o le fale o Ieova
 e faasaga i sasae; ua i luga lava ia
 te i latou le pupula o le Atua o
 20 Isaraelu. O le mea ola lea na ou
 iloa i lalo o le Atua o Isaraelu i le
 vaitafe o Kepara; na ou iloa o
 21 kerupi lava i latou. Ua taitasi ma
 ona mata e fa, e taitasi foi ma ona
 apaau e fa; o le faatusa foi o lima
 o le tagata na i lalo o latou apaau
 22 lea. O le faatusa foi o latou mata,
 o mata ia na ou iloa e lata ane i le
 vaitafe o Kepara, o latou tino mai,
 ma i latou lava; e taitasi ma alu
 tonu atu i ona luma.
- O le amio leaga a le au faipule o
 Isaraelu, ma lo latou malaia.*
- 11 UA siitia foi a'u i luga e le Agaga,
 ua ia ave ia te au i le faitotoa o le
 fale o Ieova i sasae e faafesagai ma
 le itu i sasae; faauta foi, o tagata e
 toluafulu ma le tolima i le puipui
 o le faitotoa; ua ou iloa foi o ia te
 i latou o Iasenaia le atalii o Asura,
 ma Pelatia le atalii o Penaia, o alii
 2 o le nuu. Ona fetalai mai lea o ia
 ia te au, Le atalii e o le tagata, o
 tagata ia e tautogafiti i mea leaga,
 ma latou pule i pulega leaga i le aai
 nei; o e faapea atu, E-le latalata
 mai; ina fai fale ia; o le ulo lenei
 aai, a o le tufaaga i tatou. O le
 mea lea ia e vavalo atu ai ia te i
 latou, le atalii e o le tagata, ia e
 vavalo atu ia. Ona oo mai ai lea o
 le Agaga o Ieova ia te au, ua ia
 fetalai mai foi ia te au, Fai atu ia, O
 loo o faapea mai Ieova, Ua faapea
 ona fai mai outou, le aiga o Isaraelu
 e; auā ua ou iloa mea uma lava e
 tutupu i o outou manatu. Ua outou
 faatoateleina o outou tagata fasiotia
 i lenei aai, ua outou faatutumuina
 ona ala i e ua fasiotia. O le mea
 lea o loo faapea mai ai le Alii o
 Ieova. O outou tagata ua fasiotia,
 ua outou tunina ai, o tufaaga i latou,
 a o lenei aai o le ulo lea; a e ou te
 aveeseina ai outou. Ua outou fefefe
 i le pelu; ou te faaoo atu lava le
 pelu ia te outou, o loo fetalai mai ai
 le Alii o Ieova. Ou te aveeseina ai
 outou ma ou tuuina atu outou i
 lima o tagata ese, ou te faaoina
 foi sala ia te outou. E oti outou i le
 pelu; ou te faasalaina outou i le
 tuaoi o Isaraelu; ona outou iloa ai
 lea o a'u lava o Ieova. E le fai
 lenei aai, ma ulo ia te outou, e le
 fai foi outou ma tufaaga o i ai; ou
 te faasalaina outou i le tuaoi o Isaraelu;
 e iloa ai foi e outou o a'u
 lava o Ieova; aua ua outou le sava-
 vali i a'u tulafono, e lei faia foi a'u
 faamasinoga, a ua outou fai e tusa
 ma tu o nuu ese e vagavagaia outou.
- Ua oti Pelatia le atalii o Penaia o
 loo ou vavalo atu. Ona ou faapa'i
 fao ai lea, ma ou alaga atu ua leo
 tele, ua faapea atu, Aue, le Alii e
 Ieova e! e te faaumatia ea e o to-
 toe ia Isaraelu? Ona oo mai lea o
 le afiga a Ieova ia te au, ua faapea
 mai, Le atalii e o le tagata, o ou
 uso, o ou uso lava, o tagata o lou
 aiga, ato ma le aiga uma o Isaraelu,
 o i latou uma lava, o i latou ia
 ua fai atu i ai e o nonofo i Ierusa-
 lema, Ina o ese atu ia outou, ia ma-
 mao ia Ieova; ua tuuina mai ia i
 matou le nuu nei e fai mo matou.
 O le mea lea ia e fai atu ai, O loo
 faapea mai le Alii o Ieova; E ui ina
 ua ou avemamaoina i latou i nuu
 ese, e ui ina ua ou faataapeapeina i
 latou i nuu eseese, e fai a'u ma

- malumalu ia te i latou i nai tausaga
 17 i nuu latou te o i ai. O le mea lea
 ia e fai atu ai, O loo faapea mai le
 Alii o Ieova, Ou te faapotopotoina
 mai outou nai nuu ese, ma aofai
 mai ia te outou ai nuu esese ua faa-
 taapeapeina ai outou, ma ou avatu
 ia te outou le laueleele o Isaraelu.
 18 Latou te o mai ai, ma latou aveese-
 ina mea leaga uma o i ai, atoa ma
 19 mea uma e inosia. Ou te foai atu
 foi ia te i latou le loto e fasi, ma ou
 foai atu le loto fou i totonu ia te
 outou; ou te aveeseina le loto fatu
 ai totonu i o latou tino, ma ou foai
 20 atu le loto aano ia te i latou; ina ia
 latou savavali i a'u tulafono, ma
 taus i a'u faamasinoga, ma latou
 faia; e fai foi i latou mo'u nuu, e
 21 fai foi a'u mo latou Atua. *A o i
 latou o e mulimuli atu o latou loto
 i loto o a latou mea leaga ma a la-
 tou mea e inosia, ou te tau'i atu a
 latou amio i luga i o latou ulu, o loo
 fetalai mai ai le Alii o Ieova.*
 22 Ona siitia lea i luga e kerupi o
 latou apaau, ma mea taavavale i o
 latou tafatafa; ua i o latou luga ae
 le pupula o le Atua o Isaraelu.
 23 Ona alu ae lea o le pupula o Ieova
 nai totonu o le aai, ua tu i luga o le
 mauga o loo i le itu i sasae o le aai.
 24 Ona siitia lea o a'u e le Agaga, ua
 avea foi a'u e le Agaga o le Atua i
 le faaaliga i Kaletaia ia te i latou o
 le tafeaga. Ona alu ae lea nai ia
 25 te au le faaaliga na ou iloa. Ona
 ou tala atu ai lea ia te i latou o i le
 tafeaga o mea uma na faaaliga mai e
 Ieova ia te au.
*O le tafea o e na totoe i le nuu o
 Isaraelu i Papelonía.*
 12. UA oo mai foi le afioga a Ieova
 2 ia te au, ua faapea mai, Le atalii e
 o le tagata, o loo e nofo i le aiga
 fouvale ua ia te i latou mata e vaai,
 a ua latou le vaai ai; ua ia te i la-
 tou taliga e faalogo, a ua latou le
 faalogo, ai; auā o le aiga fouvale
 3 lava i latou. O le mea lea, le atalii
 e o le tagata, ia e sauni ai mo oe o
 mea e alu ma oe i le tafeaga, ma ia
 e alu atu i le ao i o latou luma, e te
 alu ese i le mea ua e mau ai i se
 fasi mea i o latou luma; e ui lava o
 le aiga fouvale i latou, atonu latou
 te mafaufau ai. E te tautuu atu
 foi au mea i le ao i o latou luma, e
 pei o mea e ave i le tafeaga. E te
 alu atu foi i le pouliuli i o latou
 luma, e pei o e o atu i le tafeaga.
 E te eli le pa i o latou luma, ma
 5 tautuu atu ai. E te faafuataina ia
 6 mea i lou ua i o latou luma, ma e
 avatu ai i le afiafi; e te ufiufi ou
 mata ia e le iloa ai le elelee; auā
 ua ou fai oe ma faailoga i le aiga o
 Isaraelu. Ona ou faia lea e pei ona
 7 poloaiina mai o a'u; na ou tautuu
 atu a'u mea i le ao pei o mea e ave
 i le tafeaga; na ou eli le pa i le afi-
 afi i lo'u lima; na ou tautuu atu ai
 i le pouliuli, ma ou faafuata i lo'u
 ua i o latou luma.
 Ua oo mai ai le afioga a Ieova ia
 8 te au i le taeao, ua faapea mai, Le
 9 atalii e o le tagata, e lei faapea mai
 ea ia te oe le aiga o Isaraelu, le aiga
 fouvale, Se a ea le mea ua e faia?
 Ia e fai atu ia te i latou, O loo faa-
 10 pea mai le Alii o Ieova, O le avega
 lenei i le alii sili o Ierusalemā, ma le
 aiga uma o Isaraelu, o e ua ia te i
 latou. Fai atu ia, O a'u nei o le
 11 faailoga ia te outou; e pei ona ou
 faia, e faapea ona faia ia te i latou;
 e o faatagataotaua i latou i le tafe-
 aga. O le alii sili foi o loo ia te i
 12 latou, na te faafuataina mea i lona
 ua i le pouliuli, ma alu atu, latou te
 elia le pa e tautuu atu ai; na te
 ufiuia ona mata, ia na le iloa le
 13 elelee i ona mata. Ou te folasia
 la'u upega ia te ia, e lavea foi o ia i
 la'u maillei; ou te aumaia foi o ia i
 Papelonía o le nuu o Kaletaia; e
 14 oti ai o ia, a e na te vaai i ai. Ou
 te faataapeapeina imatāmatagi uma
 i latou uma o e ua ia te ia e fesoa-
 soani ia te ia, atoa ma ana 'au uma;
 ou te to ae foi le pelu e mulimuli
 atu ia te i latou. Ona latou iloa ai
 15 lea o a'u lava o Ieova, pe a ou faa-
 taapeapeina i latou i nuu ese, ma
 faasalalauina i latou i nuu esese.
 A e ou te faatotoeina ni o latou ta-
 16 gata e toaititi ai le pelu, ma le oge,
 ma le faamai; ina ia latou talatala
 atu i a latou mea inosia uma i nuu
 latou te o i ai; latou te iloa foi o
 a'u lava o Ieova.
 Ua oo mai foi le afioga a Ieova ia
 17 te au, ua faapea mai, Le atalii e o
 18

- le tagata, ia e 'ai au mea e 'ai ma le
 19 gatete, ma e inu i lou vai ma le te-
 temu ma le atuatuva'e. Ia e fai atu
 foi i tagata o le nuu, O loo faapea
 ona fetalai mai o le Alii o Ieova i e
 o nonofo i Ierusalemā, ma le lau-
 elelee o Isaraelu; latou te aai a
 latou mea e 'ai ma le atuatuva'e,
 ma feinu i o latou vai ma le feme-
 meai, ina ia faatafunaina lo latou
 nuu ia tea mea ua tumu ai, ona o
 le sauā o i latou uma o e nonofo ai.
 20 O aai ua āina e faagaogaoina ia, e
 faatafunaina foi le nuu; ona outou
 iloa ai lea o a'u lava o Ieova.
- 21 Ua oo mai foi le afiga a Ieova ia
 22 te au, ua faapea mai, Le atalii e o
 le tagata, se a ea lena faatusa ua ia
 te outou i le nuu o Isaraelu, ua
 faapea mai, Ua faalevaleva aso, ua
 23 iuvale faaaliga uma? O le mea lea
 ia e fai atu ai ia te i latou, Ua faa-
 peā ona fetalai mai o le Alii o Ieova,
 Ou te faate'aina lena faatusa, latou
 te le toe faia lea faatusa i Isaraelu;
 a ia e fai atu ia te i latou, Ua lata-
 24 lata ona aso, ma le taunuuga o faa-
 aliga uma. Auā e le toe ai lava se
 faaaliga faatauvaā, ma se togafiti
 faataulāitu faa'ole'ole i le aiga o
 25 Isaraelu. Auā o a'u o Ieova ou te
 tautala atu, o le upu foi ou te tau-
 tala atu ai e taunuu lea, e le toe
 faatuai; auā o outou lava aso, le
 aiga fouvale e, ou te tautala atu ai
 le upu, ma ou faataunuina lava, o
 loo fetalai mai ai le Alii o Ieova.
- 26 Ua oo mai foi le afiga a Ieova ia
 27 te au, ua faapea mai, Le atalii e o le
 tagata, faauta, o loo fai mai le aiga
 o Isaraelu, O le faaaliga o loo iloa e
 ia, mo aso amuli lava ia, ua ia vavalo
 28 foi i ona po e mamao atu. O le
 mea lea ia e fai atu ai ia te i latou,
 O loo faapea ona fetalai mai o le
 Alii o Ieova, E le toe faatuai lava se
 tasi o a'u upu; a o le upu ua ou fai
 atu ai e faia lava, o loo fetalai mai
 ai le Alii o Ieova.
- O le toasa o Ieova i perofeta pepelo.*
- 13 UA oo mai le afiga a Ieova ia te
 2 au, ua faapea mai, Le atalii e o le
 tagata, ia e vavalo i perofeta o Isa-
 raelu o e vavalo, ma ia e fai atu ia
 te i latou o vavalo mai o latou lava
 loto, Faalogologo mai ia outou i le
 afiga a Ieova; o loo faapea ona
 fetalai mai o le Alii o Ieova, Oi
 talofa i perofeta valelea o e ususi-
 tai i o latou lava loto, a e lei vaaia e
 i latou se mea. Isaraelu e, ua faa-
 pei o alope i le vao ou perofeta.
 Ua outou le o ae i mea ua lepetia,
 ua outou le ati ae foi le pa mo le
 aiga o Isaraelu, ina ia tutū ai i le
 taua i le aso o Ieova. Ua latou
 vaaia le mea faatauvaā ma ua fai
 togafiti faataulāitu pepelo, ua faa-
 peā, O loo fetalai mai Ieova; a e
 lei aauna i latou e Ieova; ua latou
 faatupuina foi le faanoemoē e faa-
 taunuina le upu. E lei vaaia ea e
 outou le faaaliga faatauvaā, ma
 outou faia le togafiti faataulāitu ina
 ua outou fai atu, O loo fetalai mai
 Ieova; a e ou te lei fai atu lava?
 O le mea lea ua faapea ona fetalai
 mai ai o le Alii o Ieova, Ona ua
 outou fai atu le mea faatauvaā, ma
 ua vaaia mea pepelo; o le mea lea,
 faauta, ou te fai ai outou mo'u fili,
 o loo fetalai mai ai le Alii o Ieova.
 E oo foi lo'u lima i perofeta o e
 vaaia le mea faatauvaā, ma fai toga-
 fiti faataulāitu pepelo; e le i ai
 latou i le saofaiga a lo'u nuu, e le
 tusia foi i latou i le tusi o le aiga o
 Isaraelu, latou te le oo foi i le lau-
 elelee o Isaraelu; e iloa ai foi e
 outou o a'u lava o le Alii o Ieova.
 Ua latou faaseseina lo'u nuu, o loo
 faapea atu, E manuia; a e lei se
 manuia; ua ati ae e le tasi le pa,
 faauta foi, ua vali e nisi i le pani-
 sina; o le mea lea, o le mea lava
 lea, ia e fai atu ai ia te i latou o e
 vali i le panisina, e sōloia; e to ti-
 muga tetele; o oe foi le uato'a
 tetele, e to ifo oe; e lepetia foi le pa
 i le afā. Faauta foi, a solo le pa, e
 12 le fai atu ea ia te outou, O ifea ea
 le panisina na outou vali a'i? O le
 13 mea lea ua faapea ona fetalai mai
 ai o le Alii o Ieova, Ou te lepetia
 lava i le afā i lo'u ita tele, e to
 timuga tetele i lo'u ita tele, ma uato'a
 tetele i lo'u ita tele, e faaumatia ai.
 Ou te lepetia ai lava le pa na outou
 14 valia i le panisina, ou te faagatasia
 lava ma le elelee, e aliali ai ona
 faavae; e solo lava ia, e faaumatia
 ai foi outou i totonu; e iloa ai e
 outou o a'u lava o Ieova. Ou te 15

- faauma atu ai lo'u ita tele i le pa, atoa ma i latou o e na latou valia i le panisina ou te fai atu foi ia te outou, Ua leai se pa, ua leai foi e na valia ; o perofeta ia o Isaraelu o e vavalo ia Ierusalem, ma ē iloa faa-aliga o le manuia mo ia, a e leai se manuia, ua fetalai mai ai le Alii o Ieova.
- 16 O oe foi le atalii o le tagata, ia e faasaga atu i le fafine o lou nuu, o e vavalo mai o latou lava loto ; ma ia e vavalo atu ia te i latou, ma e fai atu, O loo faapea ona fetalai mai o le Alii o Ieova, Oi talofa i fafine o e su'i aluga mo tulilima uma, ma fai pulou mo ulu o tupulaga uma e maillei a'i tagata. Tou te taumaillei ea i tagata o lo'u nuu, tou te faaolaina ea foi o i latou o e o ane ia te outou? Tou te faaleagaina ea a'u i lo'u lava nuu ona o luutaga o karite, ma fāsi areto, ina ia fasiotia ai tagata e le tatau ona oti, ma faaolaina tagata e le tatau ona ola, i lo outou tala pepelo atu i lo'u nuu o e faalogo atu i la outou tala pepelo.
- 20 O le mea lea, ua faapea ona fetalai mai ai o le Alii o Ieova, Faauta, ou te fai mo'u fili o outou aluga tou te maillei a'i agaga ina ia felelei ai i latou, ou te saeia lava ai o outou lima, ma tuuina atu i latou e ō, o agaga ia tou te taumaillei ai ina ia felelei. Ou te saeia foi o outou pulou, ma laveaina lo'u nuu ai o outou lima, e le toe i ai lava i latou i o outou lima ina ia maillei ai ; tou te iloa ai foi o a'u lava o Ieova. Ua outou faatigaina loto o e amiotonu i upu pepelo, o e ua le faatigaina e a'u ; ma ua outou faamalosi i lē amio leaga, ia le liliu ai o ia ai lana amio leaga ina ia faaolaina o ia. O le mea lea tou te le toe vania le mea faatauva, pe fai togafiti faatau-lāitu, auā ou te laveaina lo'u nuu ai o outou lima ; tou te iloa ai o a'u lava o Ieova.
- O le toasa o le Atua i e saili ia te ia ma le pepelo.*
- 14 UA o mai foi ia te au nisi toeaina o Isaraelu, ua nonofo mai i o'u luma. Ona oo mai lea o le afiga a Ieova ia te au, ua faapea mai, Le atalii e o le tagata, ua faatuina e ia tagata o a latou tupua i o latou loto, ma ua tuuina i o latou luma la latou agasala e tausuai ai ; latou te fesili mai ea ia te au? O le mea lea ia e tautala atu ai ia te i latou, ma fai atu ia te i latou, O loo faapea ona fetalai mai o le Alii o Ieova, Ai se tagata o le aiga o Isaraelu na te faatuina ana tupua i lona loto, ma tuuina i ona luma lana agasala e tausuai ai, ma alu ane i le perofeta ; o a'u o Ieova, ou te tali atu i lē alu ane, e tusa ma le tele o ana tupua ; ina ia maua le aiga o Isaraelu i o latou lava loto, auā ua o ese i latou uma ia te au ona o a latou tupua. O le mea lea ia e fai atu ai i le aiga o Isaraelu, O loo faapea ona fetalai mai o le Alii o Ieova, Liliu mai ia, ina liliu ese i a outou tupua, ia liliu ese o outou mata i a outou mea inosia uma. Auā ai se tagata o le aiga o Isaraelu, po o se tagata ese o āumau i Isaraelu, na te alu ese ia te au, ma faatuina ana tupua i lona loto, ma tuuina i ona luma lana agasala e tausuai ai, ma alu ane i le perofeta e fesili atu ai ia te au, o a'u o Ieova, o a'u lava, ou te tali atu ia te ia. Ou te fai lena tagata mo'u fili, ou te fai foi o ia ma faailoga, ma upu faatusa, ou te vavaeeseina foi o ia i lo'u nuu ; tou te iloa ai o a'u lava o Ieova. A e afai e sese se perofeta i se upu ua ia fai atu ai, o a'u o Ieova ua oo faaseseina lena perofeta, ou te faaloaloa atu foi lo'u lima ia te ia, ma faaumatia o ia ai lo'u nuu o Isaraelu. E tau'i atu lava a latou agasala ; e tusa le tau'i o le perofeta ma le tau'i o lē fesili ia te ia ; ina ia le toe sese le aiga o Isaraelu i lo latou o ese ia te au, ma ia le toe leaga i latou i o latou solitulafono uma ; a ia fai i latou mo'u nuu, ma ia fai a'u mo latou Atua, ua fetalai mai ai le Alii o Ieova.
- Ua oo mai foi le afiga a Ieova ia te au, ua faapea mai, Le atalii e o le tagata, a agasala mai se nuu ia te au ina ua matuā amio leaga lava, ma ou faaloaloa atu i ai lo'u lima, ma gausia le tootoo o lana mea e 'ai ; ma tuu atu ai le oge, ma faaumatia tagata atoa ma manu o i ai ; ana i ai tagata ia e toatolu, o Noa, o

- Tanielu, ma Iopu, e laveaiina e i latou na o latou lava ola i la latou amiotonu, ua fetalai mai ai le Alii o
- 15 Ieova. Afai ou te tuuina atu manu feai e ui ai i le nuu, ma faaumatia ai tagata, ia gaogao, ma ia le toe uia
- 16 ona o manu; *ana* i ai ia tagata e toatolu, ua fetalai mai ai le Alii o Ieova, o loo ola a'u, e le laveaiina e i latou o atalii, po o afafine, na o i latou lava e laveaiina, a e faagao-
- 17 gaoina lava le nuu. Afai foi ou te faaoo atu le pelu i lena nuu, ma ou fai atu, Le pelu e, ina ui atu ia i le nuu; ou te faaumatia ai tagata atoa
- 18 ma manu; *ana* i ai ia tagata e toatolu, ua fetalai mai ai le Alii o Ieova, o loo ola a'u, latou te le lave-
- 19 aiina o atalii po o afafine, na o i latou lava e laveaiina. Afai foi ou te tuu atu i lena nuu se faamai, ma ou sasaaina atu i ai lo'u ita tele i le
- 20 *faamaligi* o toto, e faaumatia ai tagata atoa ma manu; *ana* i ai o Noa, ma Tanielu, ma Iopu, ua fetalai mai ai le Alii o Ieova, o loo ola a'u, e le laveaiina e i latou se atalii, po o se afafine; latou te laveaiina na o latou lava ola i la latou amio-
- 21 tonu. O le mea lea ua faapea ona fetalai mai ai o le Alii o Ieova; E le atili ai ea pe a ou tuuina atu i Ierusalem sala ogo e fa ua ia te au, o le pelu, ma le oge, ma le manu feai, ma le faamai e faaumatia ai
- 22 tagata atoa ma manu? Faauta foi, e faasaoina i ai si ona toe, e ta'ita'iina atu ai i latou, o atalii atoa ma afafine; faauta, e o mai i latou ia te outou, e iloa e outou a latou amio-
- 23 ma a latou mea e fai; ona faamafanafanaina ai lea o outou i le leaga ua ou faaoo i Ierusalem, atoa uma foi mea ua ou faaoo i ai. Latou te faamafanafana ia te outou pe a outou iloa a latou amio ma a latou mea e fai; ona outou iloa ai lea, ou te lei fai fua mea uma na ou fai i ai, o loo fetalai mai ai le Alii o Ieova.

Ua faatusaina Ierusalem i le la vine.

- 15 UA oo mai foi le afiga a Ieova ia te au, ua faapea mai, Le atalii e o le tagata, se a ea le mea e sili ai le laau o le vine i laau uma, po o se la

lava o i laau o le vao? E ave ea sina ona laau e fai a'i se galuega? pe fai a'i se tautaulaga e tautau ai se mea? Faauta, e lafo i le afi e fai ma fafie, e susunu foi i le afi ona pito e lua, e mu foi lona ogaloto; e aoga ea ia i se galuega? Faauta, sa le fai a'i se galuega ina o atoatoa, e le atili faapea ai ea ona le fai a'i o se galuega ina ua mu i le afi, ma ua susunuina. O le mea lea o loo faapea ona fetalai mai ai o le Alii o Ieova, E pei o le laau o le vine i laau o le vao, ua ou tuuina atu ai mo le afi e fai ma fafie, e faapea foi ona ou tuuina atu e o nonofo i Ierusalem. Ou te fai foi i latou mo'u fili, latou te o atu nai le afi, a e faaumatia i latou i le afi; ona outou iloa ai lea o a'u lava o Ieova, pe a ou fai i latou mo'u fili. Ou te tuuina atu foi le nuu ia faatafunaina, auā ua matuā agasala i latou, o loo fetalai mai ai le Alii o Ieova.

O le faataoto i le tama teine faatoa fanau na lafoai.

UA oo mai foi le afiga a Ieova ia te au, ua faapea mai, Le atalii e o le tagata, ia e faailoa atu ia Ierusalem o ana mea e inosia, ma e fai atu ai, O loo faapea ona fetalai mai o le Alii o Ieova ia Ierusalem, O lou tupuga ma lou fanau mai, nai le nuu o Kanana ia; o lou tamā o lo sa Amorī, o lou tinā o lo sa Hetī. O lou fanau mai foi, o le aso na fanau ai oe na le taia lou pute, e lei mulumuluina foi oe i le vai ia faamamāina ai oe; e lei faamasimaina oe i le masima, ma ua le auia lava oe. E lei se na ia alofa ia te oe e fai ai se tasi o ia mea ia te oe, e agalelei ia te oe; a e peitai na lafoaiina oe i le fogāelele, na inosia ai oe i le aso na fanau ai oe. Na ou ui ane i le mea sa e i ai, na ou iloa foi oe o taatia i lou toto, ona ou fai atu ai lea ia te oe ina ua e i lou toto, Ola ia; na ou fai atu lava ia te oe ina ua e i lou toto, Ola ia. Na ou faatoateleina oe e pei o moe-moe o le vao, na e tupu lava ua matua, ma ua e matuā lalelei lava; ua popona ou susu, ua tupu ou fulu-fulu, a o oe sa le ufitia ma le lavavā. Na ou ui ane i le mea sa e i

- ai, ma ou vaai ia te oe, faauta, o lou
tausaga, o le tausaga o le alofa lea,
ona ou faaafu lea ia te oe i lo'u pito
ofu e ufitia ai lou le lavalavā; na ou
tauto foi ia te oe, ma ta osia le fea-
gaiga ma'u, ona fai ai lea oe mo'u,
ua fetalai mai ai le Alii o Ieova.
- 9 Na ou mulumulu ia te oe i le vai,
ma ou faamamāina lou toto sa ia te
oe ma ou uu ia te oe i le suāuu.
- 10 Na ou faaofuina oe i le ofu lanu
eseese, ma ou faaseeina oe i le pa'u
takesa, ma ou fusi ia te oe i le ie
vavae, ma ou ufufi ia te oe i le
silika. Na ou teu foi ia te oe i mea
e matagofie a'i, ma ou avane tau-
lima i ou lima, ma le asoa i lou ua.
- 12 Na ou avane foi le mama i lou isu,
ma mama taliga i ou taliga, ma le
pale lalelei i lou ulu. Na teua lava
oe i auro ma ario; o ou ofu foi, o le
ie vavae, ma le silika, ma le ie lanu
eseese; o le falaoa lelei foi, ma le
meli, ma le uu na e 'ai ai; na ma-
tuā lalelei lava oe, na manuia foi oe
na fai ma malo. Na oo atu foi i
nuu ese le logo o lou lalelei; auā
sa atoa lea i lou matagofie na ou
tuuina atu ai ia te oe, o loo fetalai
mai ai le Alii o Ieova. A e peitai
na e faatuatua i lou lalelei, ma e
mulilua ona o lou logo, ma sasaa
atu au muliluga ia te i latou uma
na ui ane; na fai ia mo i latou. Na
e aveia foi ni ou ofu ma teteuina ai
au mea mauululuga lanu eseese, ma
e talitane ai; e lei oo mea faapea, i
- 17 le e le faia lava. Ua e aveia foi au
mea matagofie na fai i a'u auro, ma
a'u ario na ou avatu ia te oe, ma ua
e faia faatusa o tane ma oe, ma
talitane ia i latou. Ua e aveia foi
ou ofu lanu eseese, ma faaofu a'i i
latou, ma ua e tuuina atu o'u uu
ma a'u mea manogi i luma ia te i
latou. O a'u mea e 'ai foi na ou
foai atu ia te oe, o falaoa lelei, ma
uu, ma meli na ou fagina ai oe, ua
e laulauina foi i o latou luma e fai
a'i se mea manogi lelei. Sa faapea
lava, o loo fetalai mai ai le Alii o
Ieova. Ua e aveia foi au tama tane,
ma au tama teine na e fanau mai
ia te au, ma ua e fai i latou ma tau-
laga ia te i latou ina ia faaumatia ai.
O le mea māmā ea lea i lou talitane,
ina ua e fasioti i la'u fanau; ma ua
- e tuuina atu i latou ia faaui ane i
latou i le afi mo i latou? O au mea
e inosia uma ma lou talitane uma,
na e le manatua ona aso a o e teine
itiiti, ina ua le ufitia ai oe, ma ua le
lavalavā, ma ua taatia i lou toto.
Ua uma foi ona e fai o au amio
leaga uma, (O talofa, oi talofa ia te
oe! o loo fetalai mai ai le Alii o
Ieova;) ona e fai ai lea mo oe o le
fale taā, ma ua e fai mea mauululu-
ga i malae uma. Ua e fai au mea
mauululuga i tuluga o ala uma, ua
e faainosia lou lalelei, ua talia foi i
latou uma na ui ane ai, ma ua e
faateleina lava lou talitane. Ua e
mulilua i tagata Aikupito ua outou
tuaoi, o e tino latetele, ma ua faa-
teleina lou talitane e faaonoono
mai ai ia te au. Faauta foi, ua ou
faaloaloa atu lo'u lima i luga ia te
oe, ma ua ou faaitiitia au mea e 'ai
e tatau mā oe, ua ou tuuina atu foi
oe i le pule a e ua 'ino'ino ia te oe,
o afafine ia o Filisitia o e ua māmā
i au amio ulavale. Ua e talitane
foi i tagata Asuria ina ua e le mālīe
lava, ua e talitane lava ia te i latou,
a e te le āu mālīe lava. Ua e faa-
teleina foi lou talitane i le nuu o
Kanana ua oo i Kaletaiā, a ua e le
mālīe ai lava. Ua faapea ona vai-
vai o lou loto! o loo fetalai mai ai
le Alii o Ieova, ina ua e faia o ia
mea uma, o mea lava ua fai e le
fafine talitane ma le faamatāitu;
ina ua e fai lou fale taā i tuluga o
ala uma, ma ua e fai au mea mau-
ululuga i malae uma, mona ua e le
faapei o se talitane le ua tetee i le
totogi; a e pei o le avā ua mulilua,
o lē talia tane ese a e tuu lava lava
tane. E avatua totogi i fafine tali-
tane uma, a o oe ua e foai atu au
totogi ia te i latou uma o e mana-
nao ia te oe, ma ua e tau i te i
latou ia latou o ane ia te oe mai itu
uma ona o au muliluga. Ua ese
lava oe i nisi fafine i lou talitane,
ina ua leai se mulimuli atu ia te oe
e faitaaga ai; ma ua e avatu se to-
togi, a e leai se totogi e avane ia te
oe; o le mea lea ua ese ai oe.
- O le mea lea, le fafine talitane e,
ia e faalogo mai ai i le afioga a Ie-
ova. O loo faapea ona fetalai mai
o le Alii o Ieova; ua e sasaa atu au

- tupe, ma ua faaalua lou tino i lou talitane ua fai ma ē ua e manao i ai, atoa ma au tupua uma e inosia, ma le toto o au fanau, na e avatu ia te i latou; faauta, o le mea lea ou te faapotopotoina ai i latou uma ua e manao i ai, o i latou ua e fiafia i ai, ma i latou uma ua e naunau i ai, atoa ma i latou uma ua e 'ino'ino i ai; ou te faapotopotoina lava i latou ia te oe mai itu uma ia leaga ai oe, ma ou faaalua ia te i latou lou tino, ina ia latou iloa lou tino uma.
- 37 Ou te faasala foi ia te oe, e pei ona faasalaina o fafine mulilulua, ma e ua faamaligi toto, ma ou avatu ia te oe le toto i le ita tele ma le fuā.
- 38 Ou te tuuina atu foi oe i o latou lima, latou te lepetia lou fale taā, ma lafo i lalo au mea mauualuluga; latou te toeseina foi ou ofu, ma ave au mea matagofie, latou te tuua oe e le ufiufitia ma le lavalavā. Latou te ta'ita'iina ae le motu o tagata ia te oe, latou te fetogi ia te oe i maa, ma latou fasiotia oe i a latou pelu. Latou te susunu foi ou fale i le afi, latou te faasalaina foi oe i luma o fafine e toatele; ou te faagataina lou talitane, e te le toe avatu lava se totogi. Ou te faaiiina ai lo'u ita tele ia te oe, ona mavae ai lea o lo'u fuā ia te oe; ona ou filemu ai lea, ma ou le toe ita lava. Ua e le manatua aso ina o e teine itiiti, a ua e faaonoono mai ia te au i ia mea uma; faauta, o le mea lea ou te tau'i atu ai lau amio i luga o lou ulu o loo fetalai mai ai le Alii o Ieova, e le toe fai lea mea leaga e faapoopo i au mea uma e inosia.
- 43 Faauta, o i latou uma o e fai upu faatusa latou te fai le faatusa ia te oe, e faapea ane, E pei o le tinā lana tama. O le tama oe a lou tinā, o le na 'ino'ino i lana tane ma lana fanau; o le uso foi oe o ou uso o e na 'ino'ino i a latou tane ma a latou fanau; o lo outou tinā o lo sa Heti, o lo outou tamā o lo sa Amorī.
- 44 O lou uso e matua, o Samaria lea, o ia ma ana tama fafine ua nofo i lou itu tauagavale; ma lou uso itiiti o lē nofo i lou itu taumatau, o Sotoma lea ma ana tama. A ua e le savali i o latou ala, ua e le fai foi e tusa ma a latou mea e inosia, a ua e 'ino'ino i lea e peiseai se mea itiiti, e sili lava ona leaga o au amio uma i a latou. Ua fetalai mai le Alii o Ieova, O loo ola a'u, e lei faia e Sotoma lou uso, o ia ma ana tama, e pei ona faia e oe ma au tama. Faauta, o le agasala nei a lou uso o Sotoma, na ia te ia ma ana tama, o le faamauualuga, o le tele o mea e 'ai, ma le matuā nofonofo faatalanoa, na ia le fesoasoani foi i lē puapuga, ma lē mativa. Sa latou faamauualuluga, ma fai mea e inosia i o'u luma; o le mea lea na ou aveeseina ai i latou e tusa ma mea na ou iloa.
- 49 E lei faia e Samaria le vaeluagalemu o au agasala; a ua e faateleina au mea e inosia, ua sili lava ia te i latou; o au mea e inosia uma ua e faia ua ta'uamitonuina ai ou uso. O oe foi o le ua faasalaina atu ou uso, ia ia te oe lou lava mā ona o au agasala uma ua e fai, e sili ona leaga i ā latou; e sili ona amiotonu i latou ia te oe; o oe foi ia e masiasi, ma ia ia te oe lou mā ina ua e ta'uamitonuina ou uso. Ou te faafoisia la latou tafeaga, o le tafeaga foi a Sotoma ma ana tama, ma le tafeaga a Samaria ma ana tama; atoa ma le tafeaga a lou nuu ua tafea e faatasi ma i latou; ina ia e mā lava, ma ia e masiasi, ona o mea uma ua e faia i lou faamafanafana atu ia te i latou. E toe foi ou uso o Sotoma ma ana tama i ona tuga tuai, o Samaria foi ma ana tama e toe foi i ona tuga tuai i latou; o oe foi ma au tama e toe foi outou i ona tuga tuai. A e lei ta'ua lou uso o Sotoma i lou gutu i ona po o lou faamauualuga, a o lei faaalua lau amio leaga, e pei o ona po na faifaia ai oe e tama fafine a Suria, atoa ma i latou i ona itu uma, o afafine o Filisitia, o e na 'ino'ino ia te oe i itu uma. O lau amio leaga ma au mea e inosia ua tauia ia te oe, o loo fetalai mai ai Ieova. Auā ua faapea ona fetalai mai o le Alii o Ieova, Ou te fai lava ia te oe e pei ona e faia, ua e faaleagaina le tauto i lou soli o le feagaiga. A e ou te manatua la ta feagaiga ma a'u i ona po ina o e teine itiiti, ou te faatumau-

ina foi ia te oe le feagaiga e faava-
 61 vau. Ona e manatua ai lea au amio,
 ona e masiasi ai lea pe a e talia ou
 uso o e matutua ia te oe atoa ma e
 iti ia te oe; ou te avatua foi i latou
 ia te oe e fai ma au tama, a e le o
 62 lau feagaiga e ala ai. Ou te faatu-
 mauina foi la ta feagaiga ma oe; e
 63 te iloa ai o a'u lava o Ieova; ina ia
 e manatunatu, ma ia e mā, ma ia le
 toe tautala lava ona o lou masiasi,
 pe a ou faamagalo atu ia te oe i mea
 uma ua e faia, o loo fetalai mai ai
 le Alii o Ieova.

*O faataoto i aeto e lua, ma le vine,
 ma le arasi.*

17 UA oo mai le afioga a Ieova ia te
 2 au, ua faapea mai, Le atalii e o le
 tagata, ia e fai atu se tupua, ma
 sauni atu se faataoto i le aiga o
 3 Isaraelu; ia faapea atu, O loo faa-
 pea ona fetalai mai o le Alii o
 Ieova, O le aeto tele, ua tetele ona
 apaau, ma fulu apaau uumi, ua ulu-
 ulu ona fulufulu, ma pulepule, na
 4 sau i Lepanona, ma na ave le moe-
 moe o le arasi. Na ia fati le tumu-
 tumu o ona moemoe, ma na avea i
 le nuu faatauoa; ua ia tuu ai i le aai
 5 o tagata faatauoa. Na ia ave foi
 nisi fatu o le nuu, ma na totōina ai
 i le fanua lafulemu, ua ia tuuina i
 tafatafa o le vai tele, ua tuu ai e
 6 *pei* o se sapaapa. Ua tupu foi, ma
 ua avea ma vine sosolo, ua maulalo
 lona tumutumu, ua sasau ane ona
 la ia te ia, ua i ai foi ona aa i lalo ia
 te ia; ua avea ma vine, ua tutupu
 7 ai la, ma matala mai ona lau. Na i
 ai foi le tasi aeto tele, ua tetele ona
 apaau, e tele foi ona fulufulu;
 faauta foi, o lea vine ua sosolo atu
 ona aa ia te ia, ua sasau atu foi ona
 la ia te ia, ia na faasūsū i ai i utu o
 8 lana faatoaga. Na totōina i le
 fanua lelei e lata ane i le vai tele,
 ina ia tutupu ona la, ma ia fua mai,
 9 ia fai foi ia ma vine tele. Ia e fai
 atu, o loo faapea ona fetalai mai o
 le Alii o Ieova, E manuia ea ia? E
 le liaiina e ia ona aa, ma salaesea
 ona fua, ina ia mago ai? E mago
 lau uma lava i ona la laau, a e le o
 le lima malosi, po o tagata e toatele
 10 e liaiina ai ona aa. Faauta foi, e
 manuia ea ia ina ua totōina? E le

matuā mago ea pe a agi mai i ai le
 matagi mai sasae? E mago lava i
 utu na ia tupu ai

Ua oo mai foi le afioga a Ieova ia 11
 te au, ua faapea mai, Ina fai atu ia 12
 i le aiga fouvale, Ua outou le iloa
 ea le uiga o ia mea? fai atu ia,
 Faauta, na sau le tupu o Papelonía
 i Ierusalema, na ia avea lona tupu,
 ma ona alii, na ia ave ia te i latou
 faatasi ma ia i Papelonía; na ia ave 13
 foi le tasi o le fanau a le tupu, ma
 osia le feagaiga ma ia, ma fai atu ia
 te ia ia tanto; na ia avea foi alii
 sili o le nuu; ina ia fai ma malo 14
 faatauva, ia le toe faamaualuga o
 ia, a ia tumau pe a anaana i lana
 feagaiga. A ua ia fouvale ia te ia i 15
 lona auuina atu o lana sāvali i
 Aikupito ina ia tuu mai ia te ia o
 solofanua ma tagata e toatele. E
 manuia ea ia? E sao ea lē fai mea
 faapea? E soli ea e ia le feagaiga
 a e faasaoia? Ua fetalai mai le 16
 Alii o Ieova, O loo ola a'u, e moni,
 o le mea o i ai le tupu na tofia o ia
 ma tupu, e ana le tautoga na ia faa-
 leaoga i ai, e ana foi le feagaiga na
 ia solia, e oti o ia i Papelonía i le
 mea o i ai o ia. O Farao foi, ma 17
 lana itu taua e toatele, ma ana 'au
 e tele, e le aoga ia ia te ia i le taua
 i le tanu o mea mautietie, ma le
 faiga o 'olo e faaumatia ai tagata e
 toatele. Ua ia faaleaoga le tauto i 18
 lona soli o le feagaiga; faauta foi,
 na ia avatu lava lona lima, ua ia faia
 ia mea uma, na te le sao lava. O le 19
 mea lea ua faapea ona fetalai mai
 ai o le Alii o Ieova, O loo ola a'u, e
 moni, o le tauto i lo'u *igoa* ua ia
 faaleaogaina, ma la'u feagaiga ua ia
 solia, ou te matuā tau ai ai i lona
 ulu. Ou te folasia la'u upega ia te 20
 ia, e lāvea o ia i la'u maille, ou te
 ave foi ia te ia i Papelonía, ma ou
 faasalaina o ia i lea mea, ona o lana
 agasala ua ia agasala mai ai ia te
 au. O ona tagata uma e sosola, 21
 ma ana 'au uma e oti i latou i le
 pelu; e faataapeapeina foi o totoe
 i matāmatagi uma, tou te iloa ai o
 a'u lava o Ieova ua ou fai atu ai.

Ua faapea ona fetalai mai o le 22
 Alii o Ieova, Ou te ave e a'u le moe-
 moe o le arasi mauaialuga, ma ou
 totōina; ou te fati foi se mea mu'a-

mu'a ai le tumutumu o ona moe-
 moe, ma ou totōina i le mauga e
 23 sili ona mauauluga. O le mauga
 mauauluga o Isaraelu ou te totōina
 ai; e tutupu ai la, ma fua mai, e
 aveai foi ma arasi tele; e i ona lalo
 ifo o manu felelei uma e uiga eseese,
 latou te aofaga i le paolo o ona la.
 24 E iloa ai laau uma o le vao, o a'u
 o Ieova, ua ou faamaulaloina le laau
 mauauluga, *ma* ou faamaulugaina le
 laau mauauluga, ua ou faamagoina le
 laau mata, ma ou faalauolaolaina le
 laau na mago. O a'u o Ieova, na
 ou fai atu, ma ou faia lava.

Ua tonu mea uma e faia e Ieova.

18 UA oo mai foi le afoga a Ieova ia
 2 te au, ua faapea mai, Se a le mea ua
 outou fai ai lenei faatusa i le lau-
 eelele o Isaraelu, e faapea, Ua 'aina
 e tamā o vine moto, a e magiagia ai
 3 nifo o le fanau? O loo ola a'u, o
 loo fetalai mai le Alii o Ieova, e le
 toe fai lava e outou lena faatusa i
 4 Isaraelu. Faauta, o agaga uma, o
 o'u lava i latou; e pei o le agaga o
 le tamā ona fai mo'u, e faapea foi le
 agaga o le atalii; o le tagata e
 5 agasala e oti ia. A e afai e amio-
 tonu te tagata, ma ua faia e ia le
 6 amio e tatau, ma le amiotonu, ua ia
 le 'ai i luga o mauga, ua ia le tepa
 ae i tupua o le aiga o Isaraelu, ua ia
 le faaleagaina le avā a le tasi tagata,
 ua ia le faalatalata ane i se fafine
 7 o loo ona o faia le ma'fi, ua ia le
 faasaua i se tasi, ua ia toe avatu le
 mea na tuu faafaatau e le ua aita-
 lafu ia te ia, ua ia le fao se mea a se
 tasi, ua avatu ana mea e 'ai i le ua
 fia 'ai, ua faaofuina foi le ua le lava-
 8 lavā; e lei avatu se mea e au mai ai
 se totogi faasili, e lei talia se mea e
 faasili, ua faafoi lona lima ai le
 amioletonu, *ma* ua fai faamasinoga
 9 tonu i lea tagata ma lea tagata, ua
 ia savali i a'u tulafono, ua anaana i
 a'u faamasinoga; e faia ma le faa-
 maoni, ua amiotonu o ia; e ola lava
 ia, o loo fetalai mai ai le Alii o
 Ieova.
 10 Afai e fanaua e ia se atalii e sau,
 ma le faamaligi toto, ma ua faia se
 11 tasi o ia mea, ua ia le faia foi ia mea
 tatau uma, a ua 'ai i luga o mauga,
 ma ua faaleagaina le avā a le tasi
 tagata, ua ia faasaua i le ua pua-
 puaga ma le ua mativa, ua ia fao
 mea, e lei toe avatu le mea na tuu
 faafaatau, ua tepa ae i tupua, ma
 ua fai mea e inosia, ua ia avatu
 13 mea e au mai ai se totogi faasili, ua
 ia talia foi mea e faasili, pe ola ea
 ia? E le ola lava; ua ia faia ia mea
 uma e inosia, e matuā oti lava o ia;
 e ia te ia lava lona toto.
 Faauta foi, a fanaua e ia sona
 14 atalii, a vaai e ia i agasala uma e
 faia e lona tamā, ma ua mafaufau,
 ma ua le faia e ia mea faapea; e lei
 15 'ai i luga o mauga, e lei tepa ae i
 tupua o le aiga o Isaraelu, e lei
 faaleagaina le avā a le tasi tagata,
 e lei faasaua foi o ia i se tasi, e lei
 16 taofia le mea na tuu faafaatau, e
 lei faoa foi se mea, a ua foai atu ana
 mea e 'ai i le fia 'ai, ma ua faaofuina
 e ia le ua le lavalavā, ua ia faafoi
 17 lona lima ai le ua puapugatia, ua
 le talia se totogi faasili. po o se mea
 e faasili, ua usiuitai i a'u faama-
 sinoga, ma savali i a'u tulafono; e
 le oti o ia ona o le agasala a lona
 tamā, a e ola lava ia. A o lona
 18 tamā, ona ua ia matuā faasaua, ua
 ia faoa mea a le tasi tagata; ma ua
 fai le mea e le lelei i lona nuu,
 faauta, e oti o ia i lana agasala.
 A ua outou fai mai, E le tauia i
 19 se a i le atalii le agasala a le tamā?
 Afai e faia e le atalii le amio tatau
 ma le amiotonu, ua tausii a'u tula-
 fono uma, ma ua faia, e ola lava ia.
 O le tagata e agasala e oti lava ia;
 20 e le tauia le agasala a le tamā i le
 atalii, e le tauia foi le agasala a le
 atalii i le tamā; o le amiotonu a le
 ua amiotonu e i ona luga lava lea, o
 le amio leaga foi a le ua amio leaga
 e i ona luga lava lea. A e afai e
 21 liliu ese le ua amio leaga ai ana
 agasala uma ua na faia, ma tausii
 a'u tulafono uma, ma faia e ia le
 amio tatau ma le amiotonu, e ola
 lava ia, e le oti. O ana solitulafono
 22 uma na ia faia e le ta'uta'ua ia te
 ia; o lana amiotonu ua ia faia, e ola
 ai o ia. O loo fetalai mai le Alii o
 23 Ieova, Ou te fiasia ea i le oti o le ua
 amio leaga? *ou te le fiasia* ea pe a
 liliu ese i lona ala ia ola ai o ia? A
 24 a afai e liliu ese le ua amiotonu i
 lana amiotonu, ma ua fai amio

- leaga, ma ua fai e tusa ma mea uma e inosia e faia e le ua amio leaga, e ola ea ia? O lana amiotonu uma na ia faia, e le manatua; o lana agasala ua ia agasala ai, ma ona sese ua ia sese ai, ona o ia mea e oti ai o ia.
- 25 A ua outou fai mai, E le tusa le ala o le Alii. Ina faalogologo mai ia, le aiga o Isaraelu e, E le tusa ea lo'u ala? E le ua le tutusa ea o
- 26 outou ala? A liliu ese le ua amiotonu i lana amio, ma ua fai amio leaga, ma oti ai; o lana lava amio leaga ua ia fai e oti ai o ia. A liliu ese foi le ua amio leaga i lana amio leaga na ia faia, ma ua fai le amio tatau ma le amiotonu, e faaolaina e
- 28 ia lona agaga. Auā ua ia mafaufau, ma liliu ese i lona solitulafono uma
- 29 na ia faia, e ola lava ia, e le oti. A ua fai mai le aiga o Isaraelu, E le tusa le ala o le Alii. Le aiga o Isaraelu e, e le tutusa ea o'u ala? E le ua le tutusa ea o outou ala?
- 30 O le mea lea ou te faamasino ai ia te outou, le aiga o Isaraelu, taitoatasi e tusa ma ona ala, o loo fetalai mai ai le Alii o Ieova. Liliu mai ia, ina liliu ese i o outou solitulafono uma; ona le faia lea o le agasala
- 31 ma mea e tausui ai outou. Ina lafoai ia o outou solitulafono uma ua outou solitulafono ai, ma ia fai mo outou se loto fou, ma se agaga fou; auā pe se a ea le mea tou te fia oti ai, le aiga o Isaraelu e? Auā ou te le fiafia lava i le oti o lē oti, o loo fetalai mai ai le Alii o Ieova; o lenei, liliu mai ia outou tou te ola ai.
- O le auaga mo alii sili o Isaraelu.*
- 19 O OE foi, ia e sauni se pese e aualofa a'i ona o alii sili o Isaraelu, ma ia faapea atu, Po o ai lou tinā? O le leona fafine; na ia taoto faatasi ma leona, na ia tausi ana tama faatasi ma leona taanoa. Na ia avatu le tasi o ana tama; ua avea ia ma leona taanoa, ua a'oa'o i saei manu, ua 'ai tagata. Ua oo lona logo i nuu ese; na maua o ia i la latou lua, ona latou ave lea ia te ia ma le mama e
- 5 *ta'i* a'i i le nuu o Aikupito. Ua iloa foi e ia ua ia faatalitali a ua faaumatia lona faatuatuaga, ona avea lea e ia o le tasi o ana tama, ua fai
- 6 ai o ia ma leona taanoa. Ona fe-
- alualuai lea o ia faatasi ma leona, ua avea ma leona taanoa, ua a'oa'o i saei manu, ua 'ai tagata. Na ia iloa
- 7 o latou maota ua gaogao, na ia faatafunaina foi o latou aai, o le taalili foi o leona tagi na gaogao ai le nuu, ma mea ua tumu ai. Ona faasaga
- 8 lea ia te ia o nuu mai itu malo i itu uma, ua folasia lo latou upega ia te ia; ua maua o ia i la latou lua. Ona
- 9 latou tula lea ia te ia i le fale puipui ma le mama i *lona isu*, ua latou ave foi ia te ia i le tupu o Pape-lonia; na latou ave ia te ia i 'olo, ina ia le toe logona lava lona leo i mauga o Isaraelu.
- E tusa lou tinā ma le vine e pei o
- 10 oe, sa totō e lata ane i vai, na fua ia, ua lauolaola ona la, auā o vai ina tele. Na ia te ia o laau malolosi e
- 11 fai ma tootoo o faipule, na maua-luga foi lona umi i totonu o la felefele; na tu mai foi o ia i lona maua-luga i totonu o la tetele. A e
- 12 peitai na liaiina ia i le ita tele, na lafotuina i le elele, ua mago lona fua i le matagi mai sasaē, ua gauia ona laau malolosi, ua mamago, ua susunuina i le afi. A o ona po nei
- 13 ua totōina ia i le vao, o le nuu naumati, ua leai se vai. Na alu atu foi
- 14 le afi ai le laau i ona la, ua susunu ai ona fua; o le mea lea e le toe ai se laau malosi ia te ia e fai ma tootoo e pule; o le mea e tagi ai lea, e fai pea foi ma mea e tagi ai.
- E le mafai e Ieova ona fesili mai o toeaina o Isaraelu ia te ia.*
- O LONA fitu o tausaga, o lona
- 20 lima foi o *masina* o le *aso* e sefulu o le masina, na o mai ai nisi toeaina o Isaraelu e fesili ia Ieova, ua latou nonofo mai i o'u luma. Ona oo mai
- 2 ai lea o le afioga a Ieova ia te au, ua faapea mai, Le atalii e o le tagata,
- 3 fai atu ia i toeaina o Isaraelu, ia faapea atu ia te i latou, O loo faapea ona fetalai mai o le Alii o Ieova, Ua outou o mai ea e fesili mai ia te au? O loo ola a'u, ou te le mafai ona outou fesili mai ia te au, o loo fetalai mai ai le Alii o Ieova. E te
- 4 le faamasino ea ia te i latou, le atalii e o le tagata, e te le faamasino ea? Faailoa atu ia te i latou mea e inosia na faia e o latou tamā; ma
- 5

- ia e faapea atu ia te i latou, O loo faapea ona fetalai mai o le Alii o Ieova, O le aso na ou filifili ai ia Israelu, ma ou sii ai lo'u lima i le fanau a le aiga o Iakopo, ma ou faailoaina atu o ia ia te i latou i le nuu o Aikupito, ina ua ou sii lo'u lima ia te i latou, ua faapea atu, O a'u o Ieova lo outou Atua. O lea lava aso na ou sii ai lo'u lima ia te i latou e aumaia i latou ai le nuu o Aikupito e o atu i le nuu na ou sailia mo i latou, e tafe ai le suāsusu ma le meli, ua sili ona matagofie o lea nuu i nuu uma. Na au fai atu foi ia te i latou, Ia taitasi le tagata ma lafoai mea inosia ua i ona luma, aua foi le faaleaga outou ia te outou i tupua o Aikupito; o a'u o Ieova lo outou Atua. A ua latou fouvale ia te au, ua le mafafai foi ona faalogo mai ia te au; ua le taitasi ma lafoaiina e i latou o mea inosia sa i o latou luma, ua le tuua foi tupua o Aikupito. Ona ou fai atu ai lea, Ou te sasaa atu lo'u ita tele i luga ia te i latou, e faataunu'u atu ai lo'u ita ia te i latou i le nuu o Aikupito. A e peitai na ou faia ona o lo'u igoa, ina ia le faaleagaina ai i luma o nuu ese sa latou i ai, na ou faailoaina atu ai foi a'u ia te i latou i o latou luma i lo'u aumaia o i latou ai le nuu o Aikupito.
- Na ou aumaia i latou ai le nuu o Aikupito, ma ou ta'ita'iina i latou i le vao. Na ou tuuina atu foi ia te i latou a'u tulafono, ma ou faailoa atu ia te i latou a'u faamasinoga, o mea ia a faia e le tagata, e ola ai lava ia. Na ou avatu foi ia te i latou o'u sapati, e fai ma faailoga ia te au ma i latou, ia latou iloa ai o a'u o Ieova lē faapaiaina i latou.
- A ua fouvale le aiga o Israelu ia te au i le vao, ua le savavali i latou i a'u tulafono, a ua latou 'ino'ino i a'u faamasinoga, o mea ia a faia e le tagata, e ola ai lava ia; ua latou matuā solia foi o'u sapati. Ona ou fai atu ai lea, Ou te sasaa atu lo'u ita tele i luga ia te i latou i le vao e faaumatia ai i latou. A e peitai na ou faia ona o lo'u igoa, ina ne'i faaleagaina ai i luma o nuu ese, na ou aumaia i latou i o latou luma.
- O a'u foi, na ou sii lo'u lima ia te i latou i le vao, ou te le faaoo ia te i latou i le nuu na ou foaiina atu ai ia te i latou, e tafe ai le suāsusu ma le meli, ua sili ona matagofie o lea nuu i nuu uma; auā na latou 'ino'ino i a'u faamasinoga, ma ua le savavali i a'u tulafono; a ua latou solia o'u sapati, auā na mulimuli atu o latou loto i a latou tupua. A e ui lava i lea na ou faasaoina i latou ia le fano i latou, ma ou le faaumatia i latou i le vao. Na ou fai atu foi i a latou fanau i le vao, Aua fou te savavali i tu a o outou tamā, aua foi le usiusitai a latou masani, aua ne'i faaleagaina outou i a latou tupua. O a'u o Ieova lo outou Atua, ia outou savavali i a'u tulafono, ma tausi i a'u faamasinoga, ma outou faia. Ia outou faapaiaina foi o'u sapati; e fai foi ia ma faailoga ia te au ma outou, ia iloa ai e outou, o a'u lava o Ieova lo outou Atua. A ua fouvale le fanau ia te au; ua latou le savavali i a'u tulafono, ma ua le tausi i a'u faamasinoga ia usiusitai i ai, o mea ia a faia e le tagata, e ola ai lava ia; na latou solia o'u sapati. Ona ou fai atu ai lea, Ou te sasaa atu lo'u ita tele i luga ia te i latou, e faaiiina atu ai lo'u ita ia te i latou i le vao. A e ui lava i lea na ou faafoisia lo'u lima, ma ou faia ona o lo'u igoa, ina ne'i faaleagaina ai i luma o nuu ese na ou aveina atu ai i latou i o latou luma. Na ou sii foi lo'u lima ia te i latou i le vao, ou te faataapeapeaina i latou i nuu ese, ma ou faasalalauina i latou i nuu esee; auā na latou le faia a'u faamasinoga, ma ua latou 'ino'ino i a'u tulafono, ma latou solia o'u sapati, na faasaga foi o latou mata i tupua a o latou tamā. O le mea lea na ou tuuina atu ai ia te i latou o tulafono e le lelei, ma faamasinoga latou te le ola ai na ou faaleaga foi ia te i latou i a latou lava tau-laga i lo latou faau i ane i ulumatua uma i le afi, ina ia ou faatafunaina i latou, ina ia latou iloa o a'u lava o Ieova.
- O le mea lea, le atalii e o le tagata, ia e fai atu ai i le aiga o Israelu, ia faapea atu ia te i latou, O loo faapea ona fetalai mai o le

- Alii o Ieova, Na faifaia lava a'u e o outou tamā i lenei mea foi, ua latou matuā agasala lava ia te au.
- 23 Na ou aumaia i latou i le nuu na ou sii ai lo'u lima ou te avatua mo i latou, ona latou vaavaai atu lea i mauga mauaululuga uma, ma laau tauuluuluola uma, na latou osi ai a latou taulaga, ma latou avatu ai a latou taulaga e faaonoono ai; na latou tuu atu ai foi a latou mea manogi lelei, ma latou liligi ai a
- 29 latou taulaga i mea e inu. Ona au fai atu ai lea ia te i latou, Se a le mea mauaululuga tou te o atu i ai? Ua ta'ua lona igoa o Le mea mau-
- 30 luga, ua oo mai i le aso nei. O le mea lea ia e fai atu ai i le aiga o Isaraelu, O loo faapea ona fetalai mai o le Alii o Ieova, Ua leaga ea outou e pei o le tu a outou tamā? Ua mulilulua ea foi outou o muli-
- 31 muli atu i a latou mea inosia? Auā o lo outou avatua o a outou taulaga, ma lo outou faaui ane o a outou fanau i le afi ua outou faaleagaina ai outou i a outou tupua uma, ua oo mai i lenei aso; tou te fesili mai ea ia te au nei, le aiga o Isaraelu e? O loo fetalai mai ai le Alii o Ieova,
- 32 O loo ola a'u, ou te le mafai lava ona outou fesili mai ia te au. O le mea foi e tupu i o outou manatu, e le oo lava, ua outou faapea ane, E aveia i matou e pei o nuu ese, e pei o aiga o nuu eseese e auauna i laau ma maa. O loo fetalai mai le Alii
- 33 o Ieova, O loo ola a'u, ou te pule lava ia te outou ma le lima malosi, ma le lima faaloaloa, ma le ita tele ua sasaaina atu. Ou te aumaia
- 34 outou ai nuu ese, ma ou faapotopotoina outou ai nuu eseese ua faataapeapeina ai outou, ma le lima malosi, ma le lima faaloaloa, ma le
- 35 ita tele ua sasaaina atu. Ou te aumaia foi outou i le vao o nuu, ma ou faamasino ia te outou i lea mea, o tatou o fesagai ma a'u. E pei ona ou faamasino i o outou tamā i le vao o le nuu o Aikupito, e faapea
- 36 ona ou faamasino ia te outou, o loo fetalai mai ai le Alii o Ieova. Ou te faaui ane foi ia te outou i lalo o le tootoo, ma ou faaooina outou i le
- 37 noataga o le feagaiga; ou te faate'aeseina foi ia te outou o e fou-

vale, ma ē agasala ia te au; ou te aveina atu i latou ai le nuu o loo latou āumau ai, a e latou te le o mai i le laueleele o Isaraelu; tou te iloa ai o a'u lava o Ieova.

O loo faapea ona fetalai mai o le Alii o Ieova, O outou le aiga o Isaraelu; o ia outou, ina taitasi ma auauna i ana tupua; a e mulimuli ane, afai tou te le faalogo mai ia te au, aua tou te toe faaleagaina lo'u igoa paia i a outou taulaga ma a outou tupua. Aua o lo'u mauga

40 paia, o le mauga mauauluga i Isaraelu, o loo fetalai mai le Alii o Ieova, e auauna mai ai le aiga uma o Isaraelu ia te au, o i latou uma foi i le nuu; ou te talia i latou i lea mea, ma ou fai atu e au mai i lea mea a outou taulaga, ma mea faapolo-

41 poloina i a outou taulaga, atoa ma a outou mea paia uma. Ou te talia outou ona o la outou mea manogi lelei, pe a ou aumaia outou ai nuu, ma faapotopotoina outou mai nuu eseese na faataapeapeina ai outou; e faapaiaina foi a'u e outou i luma o nuu ese. Tou te iloa o a'u lava o

42 Ieova, pe a ou aumaia outou i le laueleele o Isaraelu, o le nuu na ou sii ai lo'u lima, ou te avatua i o outou tamā. Tou te manatunatu

43 ai i a outou amio uma, ma a outou mea uma na fai, sa leaga ai outou; ona 'inc'ino ai lea o outou ia te outou ona o a outou mea leaga uma ua outou faia. E iloa foi e

44 outou, o a'u lava o Ieova pe a ou faia ia te outou ona o lo'u igoa, e le tusa ma a outou amio leaga, ma a outou mea leaga ua fai, le aiga o Isaraelu e, o loo fetalai mai ai le Alii o Ieova.

Ua oo mai foi le afioga e Ieova ia te au, ua faapea mai, Le atalii e o le tagata, ia e faasaga atu ou mata i le itu i toga, ma faapa'u atu lau upu i le itu i toga, ma vavalo atu i le vao matua i le fanua i le itu i toga; ma fai atu i le vao matua i le itu i

47 toga, Faalogo mai ia i le afioga a Ieova, O loo faapea ona fetalai mai o le Alii o Ieova, Faauta, ou te tūtū le afi ia te oe, e susunuina ai laau mata uma ua ia te oe, atoa ma laau mamago uma; e le tineia le afi e mu saesae, e mu ai mata uma i le

- 48 itu i toga, e oo i le itu i matu. E iloa foi e tagata uma o a'u o Ieova, ua ou tūtūina; e le tinea lava.
- 49 Ona ou fai atu ai lea, Aue, le Alii e Ieova e! ua latou fai mai ia te au, E le tautala mai ea o ia i faataoto?

O le faatafunaina o Ierusalem.

- 21 UA oo mai foi le afiga a Ieova ia te au, ua faapea mai, Le atalii e o le tagata, ia faasaga ou mata i Ierusalem, ma faapa'u atu lau upu i mea paia, ma ē vavalō atu i le laueleele o Isaraelu, ma ē fai atu i le laueleele o Isaraelu, O loo faapea ona fetalai mai o Ieova, Faauta, ua ou fai oe mo'u fili, ou te to ae la'u pelu ai lona faamoega, ma ou faaumatia le ua amiotonu, ma le ua amio leaga ua ia te oe. O le a ou faaumatia le ua amiotonu, ma le ua amio leaga ua ia te oe, o le mea lava lea e alu atu ai la'u pelu ai lona faamoega i tagata uma, e pau mai i le itu i toga, e pau mai i le itu i matu; e iloa ai e tagata uma, o a'u o Ieova, ua ou toina ae la'u pelu ai lona faamoega; e le toe foi ane ai lava. O oe foi, le atalii o le tagata, ia e mapuitiga ona ua gau o lou papatua; ia e mapuitiga ma le oono tele i o latou luma. A latou fai mai foi ia te oe, Pe se a le mea e te mapuitiga ai? E te tali atu, Ona o le tala, auā o le a oo mai; e liu suāvai loto uma, e vaivai lima uma, e faavaivai loto uma, e liu suāvai foi tulivae uma; faauta, o loo sau, e faataunuina lava, o loo fetalai mai ai le Alii o Ieova.
- 8 Ua oo mai foi le afiga a Ieova ia te au, ua faapea mai, Le atalii e o le tagata, ia e vavalō, ia faapea atu, O loo faapea ona fetalai mai o Ieova, Fai atu ia, O le pelu, o le pelu ua faamaaia, ma ua faapupulaina. Ua faamaaia ina ia tele ai le fasi, ua faapupulaina, ia pupula; a tatou olioli ea? O le tootoo o lo'u atalii
- 11 ua faaleagaina ai laau uma. Ua ia avatu ai ia faapupulaina, ina ia umia i le lima; ua faamaaia lena pelu, ma ua faapupulaina, ina ia tuuina atu i le lima o le na te fasioti.
- 12 Alaga ia, ma uio, le atalii e o le tagata, auā e i ai ia i lo'u nuu, e i ai i alii sili uma o Isaraelu; ua tuuina

atu i latou i le pelu faatasi ma lo'u nuu; o le mea lea ia e pōpō ai i lo'u vae. Auā ua tofotofoina ia. I 13 le faapefea pe a faaleagaina le tootoo e le pelu? E mavae lava ia, o loo fetalai mai ai le Alii o Ieova. O 14 oe na foi, le atalii o le tagata, ia e vavalō atu, ma ia e pati lima, ma ia foi faalua le pelu, ia faatolu lava, o le pelu ua oti ai e ua fasiā; o le pelu lea o le ua fasiā, le ua sili, e pūpū atu ia te i latou. Ua ou tuu atu le 15 pelu matautia i o latou faitotoa uma, ina ia faavaivai ai o latou loto, ma ia faateleina le malaia. Aue! ua faapupulaina ia, ua saunia e fasi a'i. Alu ia i lea itu po o lea itu, o 16 le itu taumatau, po o le itu tauagavale, so se mea ua faasaga i ai ou mata. O a'u foi, ou te pati lima, 17 ma ou faaiuina lo'u ita; o a'u o Ieova, ua ou fai atu ai.

Ua oo mai foi le afiga a Ieova ia te au, ua faapea mai, O oe na foi, le atalii o le tagata, ia e tofosi i ala e lua e oo mai ai le pelu a le tupu o Papelonía; e o mai i laua mai le nuu e tasi, filifili ia oe i se mea, filifili i le tuluga o le ala i le aai. Ina 20 tofosi ia se ala e oo mai ai le pelu i Rapa o le fanauga a Amoni, ma Iuta i Ierusalem a nofo 'olo. Auā 21 na tu le tupu o Papelonía i fetauligāla i le mea e vala lua ai le ala, e fai togafiti faataulāitu, na ia luluina ana u fanafana, na ia fesili atu i tupua, na ia iloilo i le ate. Na i 22 lona itu taumatau le togafiti faataulāitu ia Ierusalem e faatu atu ai mea e lepeti a'i, e tautala atu ai i le taua, e alalaga atu ai ma le leo tele, e faatu atu i faitotoa o mea e lepeti a'i, e tanu ai se mea mautietie, ma 23 fai ai se 'olo. E fai foi lea ia te i latou e peiseai se togafiti faataulāitu pepelo i le manatu o e na tauto i tautoga ia te i latou; a e manatua e ia o amio leaga ina ia pūea i latou. O le mea lea o loo 24 faapea ona fetalai mai ai o le Alii o Ieova, Ua manatua a outou amio leaga ona o outou, ina ua mānu a outou solitulafono, ma ua aliali mai a outou agasala i a outou mea uma e fai; ona ua manatua outou, e pūea outou i le lima.

O oe na foi, le alii sili o Isaraelu, 25

o lē faalematau ma le amio leaga, ua oo mai lona aso, o ona po e iu ai
 26 le amio leaga. Ua faapea ona fetalai mai o le Alii o Ieova, Ave ese ia le pulou ie, to ese ia le palealii; e le o lea lenēi mea; e faamaualugaina le ua maulalo, a e faamaualaloina
 27 le ua maualuga. Ou te fulisia, fulisia, fulisia, e le toe i ai lava lea, seia afio mai o ia ua i ai le tonu, ona ou avatua ai lea ia te ia.
 28 O oe na foi, le atalii o le tagata, ia e vavalō, ia faapea atu, O loo faapea ona fetalai mai o le Alii o Ieova i le fanauga a Amoni, ma la latou faifai, fai atu lava i ai, O le pelu, o le pelu, ua to ae e fasi a'i; ua faapupulaina e faaumatia ai ona o le
 29 pupula; ina o latou vaaia le mea faatauvaa e fai atu ai ia te oe, ina o latou valoia le mea pepelo ia te oe, e tuu atu oe i luga o ua o e ua
 30 fasia, e ua amio leaga, o e ua oo mai lo latou aso, o ona po e iu ai le amio leaga. Ou te faafoisia ea le
 31 pelu i lona faamoega? Ou te faasalaina oe i le mea na tupu ai oe, o le nuu na fanau ai oe. Ou te sasaa
 32 foi lo'u ita i luga ia te oe, ou te tapili le afi o lo'u ita ia te oe, ma ou tuuina atu oe i lima o tagata vale-lea, ua popoto i fasi tagata. E foi
 33 oe ma fafie mo le afi; e i ai lou toto i totonu o le nuu; e le toe manatua lava oe; auā o a'u o Ieova ua ou fai atu ai.

O agasala a Ieruselema, ma lona faasalaina.

22. UA oo mai foi le afioga a Ieova ia te au, ua faapea mai, O oe na, le atalii o le tagata, e te faamasino ea? e te faamasino ea i le aai o e totolima? e te faaali atu ia te ia o
 3 ana mea inosia uma, ma e faapea atu, O loo faapea ona fetalai mai o le Alii o Ieova, Ua faamaligi le toto
 4 e le aai i totonu ia te ia, ia oo mai ai ona aso, ma ua faia foi tupua mo ia, ia leaga ai o ia. Ua e nofo sala
 5 i le toto ua e faamaligiina; ua leaga foi oe ia te oe i tupua ua e faia; ua faalatalataina e oe ou aso, ua e oo
 6 lava i ou tausaga; o le mea lea ou te tuu atu ai oe e fai ma luma i nuu
 7 ese, ma tauemuga i nuu uma. O e

latalata mai ia te oe, atoa ma ē mamao, latou te tauemu ia te oe lē ua ta'uleagaina, ma ua tele lou atu-tuvalu. Faauta, o alii o Isaraelu o ia te oe e taitasi ma faamalosi e faamaligi i ai le toto. Ua ia te oe
 7 i latou o e faaletaualoa i le tamā ma le tinā; ua ia te oe i latou o e faasatia i le tagata ese; ua ia te oe i latou o e faasaunoa i le ua aumatuā ma le fafine ua oti lana tane. O a'u mea paia ua e 'ino'ino i ai,
 8 ma o'u sapatu ua e solia. O ia te oe tagata e feaveaveai ia faamaligi ai le toto; o ia te oe foi o e aai i luga o mauga; o ia te oe o e fai mea
 9 leaga lava. O ia te oe foi ē faate-lenoa i o latou tamā; o ia te oe ē faaleaga le fafine o faanofoesaina
 10 ona o lona leaga. Ua fai foi e le tasi mea e inosia i le'avā a le tasi tagata; ma ua faaleaga e le tasi i le ulavale le avā a lona lava atalii; ua
 11 ia te oe foi le ua ia faaleagaina lona lava tuafafine, o le afafine o lona tamā. O ia te oe e ua talia mea
 12 alofa e faamaligi ai le toto; ua e talia foi le totagi faasili ma mea faasili; ma ua e fao faasaua mea a le tasi tagata, a ua e faagalogalo
 13 mai ia te au, o loo fetalai mai ai le Alii o Ieova. Faauta foi, ua ou pati lima i au mea ua maua i le faamanumanu, atoa ma le toto o loo
 14 i totonu ia te oe. E lavā ea e lou loto? E malolosi ea ou lima i le aso ou te faasala ai ia te oe? O a'u
 15 o Ieova, ua ou fai atu ai, ou te faia lava. Ou te faataapeapeaina oe i nuu ese, ma ou faasalalauina oe i nuu esee, ma ou faaumatia lou
 16 leaga ia te'a ma oe. E faaleagaina lava oe e oe i luma o nuu ese, e te iloa ai o a'u lava o Ieova.

Ua oo mai foi le afioga a Ieova ia te au, ua faapea mai, Le atalii e o le tagata, ua avea le aiga o Isaraelu, ma otaota o uamea ia te au; o 'apa memea i latou uma, ma 'apa sinasina, ma uamea, ma pulu i totonu o le ogaumu; o otaota o ario lava i latou. O le mea lea ua faapea ona fetalai mai ai o le Alii o Ieova, ua
 19 avea outou uma ma otaota o uamea, o le mea lea, faauta, ou te faapopotoina ai lava outou i totonu o Ieruselema. E pei ona faapoto-
 20

- potoina o ario, ma 'apa memea, ma uamea, ma pulu, ma 'apa sinasina i totonu o le umu, e tapili ai le afi ia liu suāvai; e faapea ona ou faapotopotoina o outou i lo'u ita ma lo'u tiga, ma ou tuu ai outou ia liu suāvai. Ou te faapotopotoina lava outou, ma ou tapili i le afi o lo'u ita ia te outou, e liu suāvai outou i
- 22 totonu ia te ia. E pei ona liu suāvai o ario i totonu o le ogaumu, e faapea foi ona liu suāvai o outou i totonu ia te ia; e iloa ai e outou, o a'u o Ieova, ua ou sasaa atu lo'u ita tele i luga ia te outou.
- 23 Ua oo mai foi le afioga a Ieova ia te au, ua faapea mai, Le atalii e o le tagata, ia e fai atu ia te ia, O oe na o le laueleele e le faamamāina, ma le le timuia i le aso o le toatamai.
- 24 E i ai le fouvalega o ana perofeta i totonu ia te ia, e pei o le leona tagi ona saeia o mea; ua latou faaumatia tagata; ua latou ave oloa ma mea tāua; ua latou faatoateleina ona fafine ua oti a latou tane i totonu ia te ia. Ua solia e ana faitaulaga o la'u tulafono, ua latou faaleaga foi a'u mea paia, ua latou le faailogaina mea paia, ma mea e le paia, ua latou le faailoa foi ona eseese o mea leaga, ma mea e mamā, ua latou liliu ese o latou mata i o'u sapatu, ma ua solia a'u e i latou. O ona alii i totonu ia te ia, latou te faapei o luko o loo saei manu, e faamaligi toto, ma faaumatia tagata ia maua ai mea i le sau. Ua vali foi ana perofeta ia te i latou i le panisina, ua vaaia mea faatauvaa, ma vavalu i mea pepelo ia te i latou, ua faapea atu, O loo faapea ona fetalai mai o le Alii o Ieova, a e lei fetalai mai lava Ieova.
- 29 Ua faasaua lava tagata o le nuu, ma ua latou fao mea; ua latou faatiga i e ua puapugatia ma e ua matitiva; ua latou faasaua foi i le tagata ese a e lei faamasinoina. Na ou saili ia te i latou se tagata na te atiaeina le pa, ma tu i le mea ua lepetia i o'u luma mo le nuu, ina ia ou te faaumatia ai; a e ou te lei maua lava. O le mea lea ou te liligi atu ai lo'u ita i luga ia te i latou, ma ou faaumatia i latou i le afi o lo'u ita; ou te tauia a latou amio i luga
- i o latou ulu, o loo fetalai mai ai le Alii o Ieova.
- O le leaga tele o Ierusalem ma Samaria.*
- UA oo mai foi le afioga a Ieova ia te au, ua faapea mai, Le atalii e o le tagata, o fafine e toalua, o tama a le fafine e toatasi, na la talitane i Aikupito; na la talitane a o teine muli i laua; na omia ai o laua susu; na tatao ai susu o laua o taupou. O la igoa foi, o Aola le matua, ma Aolipa lona uso; na fai foi i laua ma'u, na la fananau foi tama tane ma tama teine. A o laua igoa, o Aola o Samaria lea, o Aolipa o Ierusalem lea. Na mulilua Aola ina o fai ma'u; na ia tu'inanau atu foi i e na mananao ia te ia, o Asuria o e vāvā lalata ma ia. Ua oofu i latou i ofu uli, o ta'ita'i, ma faipule, o taulelea aulelei i latou uma, o 'au o tietie i solofanua. Na ia talitane ia i latou, o i latou uma o aupito sili i tagata o Asuria, ma i latou uma na ia tu'inanau i ai; na faaleagaina o ia e ia i a latou tupua uma. Na ia le tuua lona talitane mai Aikupito; auā na latou momoe ma ia ina o teine muli, na latou tatao foi ona susu o taupou o ia, ma sasaa a latou faitaaga i luga ia te ia. O le mea lea na ou tuuina atu ai o ia i lima o e na mananao ia te ia, o lima lava o tagata o Asuria, na ia tu'inanau i ai. O i latou na latou faatelenoa ia te ia; na latou ave foi ana tama tane ma ana tama teine; na latou fasioti foi ia te ia i le pelu, ona logologoa lea o ia i fafine ina ua latou faasalaina o ia.
- Ua iloa e lona uso o Aolipa, ona faasili lea e ia o lona tu'inanau i le tu'inanau o lona uso, ma lona talitane na sili i le talitane o lona uso. Na ia tu'inanau i tagata o Asuria, o e vava lalata ma ia, o ta'ita'i ma faipule o loo oofu faamatagofie lava, o 'au o tietie i solofanua, o taulelea 'aulelei i latou uma. Ona ou iloa lea ua leaga o ia, ua tasi lava lo laua ala. Ua faateleina e ia lona talitane; auā na ia iloa tane na tusia i le pa, o faatagata foi o Kaletai, ua tusia i le vali mūmū, ua fusia o latou sulugatiti i fusi, ua i o latou

- ulu o pulou lanu eseese, e tino mai i alii ta'ita'i 'au i latou uma, e pei o tagata Papelonía o Kaletaia ia, o le nuu na fanau ai i latou. Ua ia vaai atu i ai, ona ia tu'inanau atu ai lea ia te i latou; na ia aauina atu foi auauna ia te i latou i Kaletaia.
- 16 Ona o mai ai lea o tagata o Papelonía ia te ia i le moega e faatasi ai, ona latou faaleaga lea ia te ia i a latou faitaaga, ona leaga ai lea o ia ia te i latou, ona liliu ese ai lea o lona loto ia te i latou. Na ia faaalía lona talitane, na ia faaalía foi lona le lavalavā; ona liliu ese ai lea o lo'u loto ia te ia, e pei ona liliu ese
- 17 o lo'u loto i lona uso. A ua ia faateleina lona talitane i lona manatu i ona po ina o teine muli o ia, na ia talitane ai i le nuu o Aikupito.
- 20 Auā na ia tu'inanau atu ia latou momoe ma ia, o latou tino e pei o le tino o le asini, ma le sua o latou tino e pei o le sua o le tino o le solofanua.
- 21 Ua e toe manatua mea leaga na e faia ina o e teine muli, ina ua omia ou susu e tagata o Aikupito ona o ou susu ina o e teine muli. O le mea lea, Aolipa e, o loo faapea ona fetalai mai ai o le Alii o Ieova, Faauta, ou te faasoos e tau ma oe e sa mananao ia te oe, o e ua liliu ese ai lou lotó, ou te aumaia i latou mai
- 23 itu uma, latou te tau ma oe; o tagata o Papelonía, atoa ma Kaletaia uma, o Pekota, ma Soa, ma Koa, o tagata uma o Asuria e faatasi ma i latou; o taulelea aulelei, o ta'ita'i, ma faipule i latou uma, o e ave 'au ma e ta'ua, o tietie i latou
- 24 uma i solofanua. E o mai i latou ia te oe ma aupega, *ma* kariota, ma mea taavavale, ma 'au o nuu; latou te vagaia oe ma le talipupuni, ma le talita, ma le puloutau; ou te tuuina foi le faamasinoga i o latou luma, latou te faamasino ia te oe e tusa
- 25 ma a latou faamasinoga. Ou te faaoo atu lo'u fuā ia te oe, latou te faasaua lava ia te oe; latou te fisiesea lou isu, ma ou taliga; e oti i le pelu e ua totoe ia te oe; latou te ave au tama tane ma au tama fafine, e faaumatia foi i le afi e ua totoe ia te oe. Latou te toese foi ia te oe ou ofu, ma ave au teuga
- matagofie. Ou te faaiuina lou leaga 27 ma lou talitane mai le nuu o Aikupito; ona e le toe faasaga ae lea o ou mata ia te i latou, ma ē le toe manatua lava Aikupito. Auā o loo 28 faapea ona fetalai mai o le Alii o Ieova, Faauta, ou te tuuina atu oe i lima o e ua e 'ino'ino i ai, o lima o e ua liliu ese ai lou loto. Latou te 29 'ino'ino lava ia te oe, latou te ave foi au mea uma sa e tautiga ai, latou te tuua oe e le ufufitia ma le le lavalavā; e faaalía foi le leaga o lou talitane, o lou ulavale atoa ma au faitaaga. Ou te faia ia mea ia te 30 oe, auā ua e mulimuli atu i nuu ese e faitaaga ai, o i latou ia ua leaga ai oe i a latou tupua. Ua e savali i le 31 ala o lou uso; o le mea lea ou te tuuina atu ai lana ipu i lou lima. Ua faapea ona fetalai mai o le Alii 32 o Ieova, E te inu i le ipu a lou uso, e loloto ma le tele, e fai oe ma mea e featani ai ma tauemuina ai; e tele lava mea o i ai. E faatumuina oe i 33 le onaga ma le faanoanoa, o le ipu o le fememeai ma le faatafunaga, o le ipu a lou uso o Samaria. E te inu ai 34 ma mitia lava, e te taci foi i ona taega ipu, ma e sacia ou lava susu; auā o a'u ua ou fai atu ai, o loo faapea mai ai le Alii o Ieova. O le mea 35 lea o loo faapea ona fetalai mai ai o le Alii o Ieova, Ua e faagalogalo mai ia te au, ma ua e lafoaiina a'u i ou tua, o le mea lea ia tau ai ia te oe o lou ulavale, ma au faitaaga. Ua 36 fetalai mai foi Ieova ia te au, Le atalii e o le tagata, e te *le* faamasino ea ia Aola ma Aolipa, ma e faaali ia te i laua a laua mea e inosia? Auā ua la mulilulua, ua i ai foi le 37 toto i o laua lima; ua la mulilulua i a la tupua; o a laua fanau foi na la fanau mai ai ia te au, ua la faauiane i *le afi*, ia faaumatia ai mo i latou. Ua la faia foi lenei mea ia te 38 au; ua la faaleagaina lo'u malumalu i lea lava aso, ma o'u sapatu ua la solia; ua la fasia a laua fanau mo 39 tupua, ona o mai ai lea o i laua i lo'u malumalu i lea lava aso e soli ai; fauta foi, na faapea ona la faia i totonu o lo'u fale. I le ma 40 lea foi, ua oulua feauina tane ia o mai i le mea mamao, na auina atu ia te i latou le auauna, faauta foi,

- na latou o mai; na e taele ona o i latou, ma e valia ou mata, ma e teuteu i mea e faamatagofie a'i.
- 41 Na e nofo foi i luga o le moega lalelei, ua saunia le laulau i ona luma, na e faaeeina i ona luga a'u
- 42 mea manogi, ma a'u suāuu. Na ia te ia foi le leo o le vao tagata ua nonofo faatalanoa; na aumaia foi ia te ia e faatasi ma tagata lautele, o tagata Sepea mai le vao, sa i ai taulima i o latou lima, ma pale
- 43 matagofie i o latou ulu. Ona ou fai atu ai lea ia te ia le ua loa ona fai
- 44 pea o muliluaga, Latou te faitaaga lava ea ma ia, o ia foi *ma i latou?*
- 44 A ua latou o ane lava ia te ia, e pei ona latou o ane i le fafine talitane, na faapea ona latou o ane ia Aola
- 45 ma Aolipa, o fafine ulavavale. O tagata amiotonu latou te faamasino ia te i laua, e pei ona faamasino o fafine mulilulua, e pei ona faamasino foi o fafine e faamaligi toto; auā o fafine mulilulua i laua, ua i ai foi le
- 46 toto i o laua lima. Auā o loo faapea ona fetalai mai o le Alii o Ieova, Ou te aveina ae le motu o tagata ia te i laua, ou te tuuina atu foi i laua ia faasaunoaina, ma ia vetea *a laua*
- 47 *mea*. E fetogia i laua e le motu o tagata i maa, e taia i laua i a latou pelu; latou te fasiotia foi a laua tama tane ma a laua tama fafine, ma susunuina o laua fale i le afi.
- 48 Ona ou faagataina lea o le ulavale i le nuu, ina ia a'oa'o ai fafine uma ia le toe fai e pei o lo oulua ulavale.
- 49 Latou te tau ai lava lo oulua ulavale ia te oulua, e tau ai foi ia te oulua le agasala i a oulua tupua; ona oulua iloa ai lea o a'u lava o le Alii o Ieova.

O le malaia o Ierusalem.

- 24 UA oo mai foi le afioga a Ieova ia te au i le iva o tausaga i le sefulu o masina, i le *aso* e sefulu o le masina, ua faapea mai, Le atalii e o le tagata, ia e tusia le igoa o le *aso*, o lenei lava *aso*; na papai le tupu o Papelonia i Ierusalem i lenei lava
- 3 *aso*. Sauni atu ia se faataoto i le aiga fouvale, ma fai atu ia te i latou, O loo faapea ona fetalai mai o le Alii o Ieova, Faee ia se ulu, ina
- 4 faee ia, ma liligi i ai se vai. Faa-

potopoto i ai ona tufaaga, o tufaaga lelei uma; o le alagavae, ma le alagalima, ina faatumu ia i ivi e sili ona lelei. Ina ave ia e ua sili ona lelei o le lafu mamoe, ma faaputunia ivi i ona lalo, ia faavevela ia, ia pupuna, ma ia latou tunua ivi o i ai.

O le mea lea ua faapea ona fetalai mai ai o le Alii o Ieova, Oi talofa i le aai o e totolima, o le ulu ua i ai lona otaota, ma ua le te'a ese ai lona otaota. Ina to ae ia tufaaga taitasi, aua ne'i fai i ai se vili. Auā o loo i totonu ia te ia le toto o lana *fasi*; na ia tuu ai i luga lava o le papa ila; ua ia le sasaa i ai i le eleele e ufitia ai i le efuefu. Ua ou

8 tuuina le toto o lana *fasi* i luga o le papa ila, ia le ufitia, ina ia faatupuina ai le ita, ia matuā tau ai atu ai. O le mea lea o loo faapea ona fetalai mai ai o le Alii o Ieova, Oi talofa i le aai o e totolima; o a'u, ou te faateleina le faaputugafasie. La'u

10 tele ane ia o fasie, ina faamumū ia le afi, ia faaumatia le aano, ia matuā faamanogi i ai, o ivi foi ia susunuina. I le faaee ane ai e le sua, i

11 luga i ona malala, ina ia vevela lona 'apa memea, ma ia aasa, ia usi ai lona leaga i totonu, ia faaumatia lona otaota. Ua lailoa lava ia i

12 galuega mamafa, a e lei mavae atu lona otaota tele ia te ia; e i le afi lona otaota. E i ai le ulavale i lou

13 leaga, auā ua ou faamamāina oe, a e lei mamā oe; e le toe faamamāina lava oe i lou leaga, seia ou faataunu atu lo'u ita ia te oe. O a'u

14 o Ieova ua ou fai atu, e oo lava, ou te faia lava; ou te le tuua, ou te le faasaoina, ou te le salamo; latou te faamasino ia te oe e tusa ma ou ala, ma au mea ua e faia, ua fetalai mai ai le Alii o Ieova.

Ua oo mai foi le afioga a Ieova ia te au, ua faapea mai, Le atalii e o le tagata, faauta, o le a ou aveeseina ia te oe, i le mala, le ua e fiafia i ai; a e te le tagitu'i, e te le tagi, e le maligi ifo foi ou loimata. Ia e oi

17 lemu, aua le faanoanoa i e ua oti, nonoa ia lou pale ia te oe, ma faasee ou vae, aua le ufitia lou laugutu aupitoaluga, aua foi e te 'ai le mea e 'ai a tagata. Ona ou tautala atu

18 lea i le nuu i le taeao, na oti foi la'u

avā i le afaifi; ona ou fai lea i le
 19 taeao e pei ona poloaia mai ai o
 a'u. Ona fai mai ai lea o le nuu ia
 te au, E te le faaali mai ea ia te i
 20 matou ua e faia? Ona ou fai atu ai
 lea ia te i latou, Na oo mai le afiga
 21 a Ieova ia te au, ua faapea mai, Fai
 atu ia i le aiga o Isaraelu, O loo
 faapea ona fetalai mai o le Alii o
 Ieova, Faauta, ou te faaleagaina lo'u
 malumalu, o lo outou malosi tou te
 mitamita ai, o le mea ua outou fia-
 fia i ai, ma le mea ua naunau i ai o
 outou loto; o outou atalii foi ma o
 outou afafine o e ua tuua e outou,
 22 e oti i latou i le pelu. Tou te fai
 foi e pei ona faia e a'u; tou te le
 ufitia o outou laugutu aupitoaluga,
 23 tou te le aai foi le mea e 'ai a ta-
 gata. E i ai o outou pale i o outou
 ulu, ma o outou seevae i o outou
 vae; tou te le tagitu'i, tou te le
 fetagisi; a e tauāu ina faaumatia
 outou ona o a outou agasala, tou te
 24 feoi foi le tasi i le tasi. O lea e fai
 ai Esekielu ma faailoga ia te outou:
 e faapei o mea uma ua faia e ia e
 faapea foi ona faia e outou; a oo
 mai lea mea, ona outou iloa ai lea o
 a'u lava o le Alii o Ieova.
 25 O oe na foi le atalii o le tagata, o
 le aso ou te aveeseina ai ia te i la-
 tou lo latou malosi, o le fiafia i lo
 latou mamalu, o le mea ua latou
 fiafia i ai, o le mea ua naunau i ai o
 latou loto, o latou atalii ma o latou
 26 afafine, e le sau ea ia te oe le ua sao
 27 i lea aso e logologo ai ia te oe? O
 le aso lea e faagaganaina ai oe i le
 ua sao mai, ona e tautala lea, ma e
 le toe faalologo; e fai foi oe ma faa-
 iloga ia te i latou; ona iloa ai lea e
 i latou o a'u lava o Ieova.

*O le faatafunaina o Amoni, ma Moa-
 pi, ma Etoma, ma Filisitia.*

25 UA oo mai foi le afiga a Ieova ia
 2 te au, ua faapea mai, Le atalii e o
 le tagata, ia faasaga ou mata i le
 fanauga a Amoni, ma valalo atu ia
 3 te i latou; ma fai atu i le fanauga
 a Amoni, Faalogo mai ia i le afiga
 a le Alii o Ieova. O loo faapea ona
 fetalai mai o le Alii o Ieova, Sa
 e fai mai, Ue! i lo'u malumalu ina
 ua faaleagaina, ma le laueleele o

Isaraelu ina ua faatafunaina, ma le
 aiga o Iuta ina ua latou o i le ta-
 feaga; o le mea lea, faauta, ou te
 4 tuuina atu ai oe i tagata mai sasae
 e fai mo latou tofi, latou te faatuina
 o latou 'olo i lou nuu, ma fai o latou
 fale i lou nuu; latou te aai foi i au
 fua, ma inu i lau suāsusu. Ou te
 5 tuuina foi Rapa e fai ma lotoā a
 kamela, ma le laueleele o le fanauga
 a Amoni e fai ma mea e taoto ai
 lafu mamoe; tou te iloa ai o a'u
 lava o Ieova. Auā ua faapea ona
 fetalai mai o le Alii o Ieova, Na e
 6 pati lima, ma tatū lou vae, ma ua e
 olioli ma le matuā 'ino'ino lava o
 lou loto i le laueleele o Isaraelu; o
 7 le mea lea, faauta, ou te faaloaloa
 ai lo'u lima i luga ia te oe, ma ou
 tuuina atu oe e fai ma vete mo nuu
 ese, ou te vavae ese ia te oe i nuu,
 e fano foi oe ia te au ai atu nuu;
 ou te faaumatia oe; ona e iloa ai
 lea o a'u lava o Ieova. Ua faapea
 8 ona fetalai mai o le Alii o Ieova, Ua
 fai mai Moapi ma Seira, Faauta, e
 tusa le aiga o Iuta ma nuu uma.
 O le mea lea, faauta, ou te faa-
 9 avanoaina ai le itu o Moapi i aai, o
 ona aai foi i ona tuaoi, o le mata-
 gosie foi o le nuu, o Petesemota, o
 Paalameona, ma Kiriataima; ou te
 10 faaavanoa ai i tagata mai sasae, ma
 ou tuuina atu ai e faatasi ma le
 fanauga a Amoni e fai mo latou
 tofi, ina ia le toe manatua le fanaug-
 a a Amoni i nuu. Ou te faasalaina
 11 foi ia Moapi; ona latou iloa ai lea o
 a'u lava o Ieova.

Ua faapea ona fetalai mai o le
 12 Alii o Ieova, Ua matuā tau mai sui
 e Etoma i le aiga o Iuta, ma ua
 matuā nofo sala lava, ua latou tau
 13 atu lava ia te i latou; o le mea lea
 ua faapea ona fetalai mai ai o le
 Alii o Ieova, Ou te faaloaloa atu foi
 lo'u lima i luga o Etoma, ma ou
 faaumatia tagata atoa ma manu o i
 ai; ou te faatafunaina ai, e pau mai
 i Timanu, e pau atu i Titana, e oti i
 latou i le pelu. Ou te faaoo foi le
 14 tau i Etoma i le lima o lo'u nuu o
 Isaraelu; latou te faia ia Etoma e
 tusa ma lo'u ita, e tusa foi ma lo'u
 ita tele, latou te iloa ai le tau mai
 ia te au, o loo fetalai mai ai le Alii
 o Ieova. Ua faapea ona fetalai mai 15

o le Alii o Ieova, Ua tauī atu e Filisitia, ua matuā tauī ma sui ma le 'ino'ino o le loto e faaumatia ai i
 16 le itatuu; o le mea lea ua faapea ona fetalai mai ai o le Alii o Ieova, Faauta, ou te faaloaloa atu lo'u lima i luga o Filisitia, ma ou faaumatia Kereti, e fano foi ia te au e o totoe
 17 i nuu tu matafaga. Ou te faaoo atu ia te i latou le tauī teie ma aoaiga e ogo lava; latou te iloa ai o a'u lava o Ieova, pe a ou faaoo atu ia te i latou le tauī mai ia te au.

O le faatafunaina o Turo.

26 O LONA sefulu ma le tasi o tausaga, o le aso muamua o le masina, ua oo mai ai le afioga a Ieova ia te au, ua faapea mai, Le atalii e o le tagata, ua fai mai Turo ia Ierusalem, Ue! ua lepetia o ia na fai ma faitotoa o nuu, ua liliu mai o ia ia te au, e faatamaoagaina ai a'u; ua faatafunaina ia. O le mea lea na faapea ona fetalai mai ai o le Alii o Ieova, Turo e, faauta, ou te fai oe mo'u fili, ou te aveina ae nuu e tele, latou te tau ma oe, e pei ona fafati
 4 mai o galu o le sami. Latou te sōloia pa o Turo, ma lepetia ona 'olo, ou te fafiesea lona laueleele,
 5 ou te faia foi o ia ma papa ila. E avea ia ma mea e fofola ai upega i totonu o le sami; auā o a'u ua ou fai atu, o loo fetalai mai ai le Alii o Ieova; e avea foi o ia ma vete mo
 6 nuu ese. O ana tama teine foi o e o i uta e fasiotia i latou i le pelu; ona latou iloa ai lea o a'u lava o
 7 Ieova. Auā ua faapea ona fetalai mai o le Alii o Ieova, Faauta, ou te ta'ita'ina mai i Turo o Nepukanesa le tupu o Papelonía, o le tupu o tupu, mai le itu i matu, ma solofanua, ma kariota, ma e tietie i solofanua, ma 'a'u, ma tagata e toa-
 8 tele. Na te fasiotia au tama teine o i uta; na te faia se 'olo ia te oe, ma tanu se mea mautietie ia te oe, ma faatuina se talipupuni ia te oe.
 9 Na te faatuina atu foi i au pa o mea e lepeti a'i, na te lepetia foi ou 'olo
 10 i ana mea maamaai. O ana solofanua ina tele e ufitia ai oe i le efufu; o le taalili o e tietie i solofanua, ma mea taavavale, ma kariota e luluina ai au pa i lona ulu atu i ou

faitotoa, e pei ona ulu atu o tagata i le aai ua lepetia. E solia ou ala
 11 uma i atigivae o ana solofanua; na te fasiotia ou tagata i le pelu, e lafoina i lalo i le elelee tupua e i ai lou malosi. Latou te faoa lou oa, ma
 12 fai ma vete au mea e faatau; latou te lepetia au pa, ma sofaia ou fale lalelei; o ou maa foi, ma ou laau, ma lou elelee latou te lafo i totonu
 13 o le sami. Ou te faaiuina le taalili o au pese; o le leo foi o ou kitara e le toe lagona lava. Ou te faia oe
 14 ma papa ila; e avea oe ma mea e folasia ai upega; e le toe faia lava oe; auā o a'u o Ieova ua ou fai atu ai, o loo fetalai mai ai le Alii o Ieova. Ua faapea ona fetalai mai o
 15 le Alii o Ieova ia Turo, E le luluina ea nuu tu matafaga i le taalili o lou pa'u, pe a uio ē manunua, pe a to fasi i totonu ia te oe? Ona o ifo ai
 16 lea o alii sili uma o nuu tu matafaga ai o latou nofoālii, ma latou tuueseina o latou ofu talaloa, ma toeseina o latou ofu lanu eseese; latou te oofu i le gatete, latou te nonofo i le elelee, ma saga gatete
 17 pea, ma fememeai ona o oe. Latou te sauni foi se pese e aualofa a'i ia te oe, ma latou fai ane ia te oe, E! ua faaumatia oe, sa mau ai tautai, o le aai ta'ua, o le na malosi i le sami, o ia ma e na nonofo ai, o e na faaoo lo latou matautia ia te i latou uma
 18 o e na nonofo ai. Ona gatete ai lea o nuu tu loto i le aso e pa'u ai oe; o nuu tu loto o i le sami, latou te atuatuvaie ina ua e mavae atu. Auā ua faapea ona fetalai mai o le
 19 Alii o Ieova, A oo ina ou fai oe ma aai faatafunaina e pei o aai ua le āina; a oo ina ou faaalua ae le moana i luga ia te oe, ma ufiufitia ai oe i le sami tele; ma ou ave ifo
 20 ia te oe i lalo, e faatasi ma e o ifo i le lua, o nuu o le savau ia, ma tuuina oe i mea aupitoalalo o le elelee, o mea ua gaogao talu anamua, e faa-
 21 tasi ma e o ifo i le lua, ina ia le āina oe; ou te tuuina foi le mamalu i le nuu o tagata ola. Ona ou faia lea o oe ma mea e ala ai le mata'u, e le toe ai lava oe; e sailia oe a e le toe maua lava e faavavau, ua fetalai mai ai le Alii o Ieova.

O le tamaoaiiga ma le mamalu o Turo; o lona malaia.

27 UA oo mai foi le afiga a Ieova
 2 ia te au, ua faapea mai, O oe na le
 atalii o le tagata, ia e sauni se pese
 3 e aualofa a'i ia Turo; ma ia e fai atu
 ia Turo, O oe o lē nofo i le mea e ui
 atu ai i le sami, o le faatauoa o nuu
 mo nuu tu matafaga e tele, ua faa-
 4 peea ona fetalai mai o le Alii o Ieova,
 Turo e, ua e fai mai, O a'u ua ato-
 5 atoa lo'u matagofie. Ua i totonu o
 le sami ou tuaoi, ua faaatoatoaina e
 6 ou tufuga lou matagofie. Na latou
 faia ou laupapa uma i perosi mai
 Senira; na latou ave foi arasi mai
 7 Lepanona e fai a'i ou fanā. O aluna
 mai Vasana na latou fai a'i ou foe;
 ua faia ou nofoa i nifo elefane ua
 faamatagofie a'i i tasura mai nuu tu
 8 loto o Kitimo. O le ie vavae lanu
 eseese mai Aikupito na e sisi e fai
 ai mou la; o le ie uli ma le ie pāuli
 mai nuu tuloto o Elisa na ufitia ai
 9 oe. O tagata o Saitonu ma Arati,
 na fai i latou mou auvaa; o ou
 tagata popoto, Turo e, o e na ia te
 10 oe, sa fai mou tautai. O toeaia o
 Kavali ma ona tagata popoto na fai
 mou tufuga monomono vaa; o vaa
 uma o le sami ma o latou auvaa na
 11 ia te oe e faatau ai lou oloa. Sa i
 lou itu taua o tagata o Peresia, ma
 Luti, ma Futu, e fai mou tagata
 tau; na latou tautau le talita ma le
 puloutau i totonu ia te oe; na latou
 12 faamatagofie ai oe. O tagata o
 Arati ma lou itu taua, sa latou i ai
 i luga i ou pa i itu uma, na i ai foi
 o Kamati i ou 'olo; na latou tautau
 faataaliolio o latou talita i ou pa;
 13 na latou faaatoatoaina lou mata-
 gofie. O Tasesa, o le faatauoa lea
 ia te oe, ina ua tele o oloa uma; o
 ario, o uamea, o 'apa sisina, ma
 pulu, na latou faatau ai i au faatau-
 14 gāoa. O Iavana o Tupalu, mā
 Meseko, o faatauoa ia ia te oe, na
 latou faatau tagata, ma ipu 'apa
 15 memea i ou faataugāoa. Na faatau
 sa Tokaremo i ou faataugāoa, o
 solofanua, ma solofanua e tietie ai
 16 atoa ma falata. O le fanauga a
 Titana o faatauoa i latou ia te oe;
 o nuu tu matafaga e tele na fai ma
 mea e faatau ai au mea na fai, na

latou au mai ia te oe o nifo elefane
 ma apeni e tau'i a'i. O Suia o le 16
 faatauoa lea ia te oe ina ua tele o
 au mea na e faia, na latou faatau i
 ou faataugāoa, o le nofeka, ma te
 pāuli, ma ofu lanu eseese, ma ie
 vavae, ma ramuta, ma maa mūmū.
 O Iuta foi ma le nuu o Isaraelu, 17
 o faatauoa ia ia te oe; na latou faatau
 i ou faataugāoa o le saito Meniti,
 ma panaka, ma meli, ma suūu, ma
 pulu pasama. O Tamaseko o le 18
 faatauoa lea ia te oe i le tele o au
 mea na e faia, ina ua tele foi o oloa
 uma, o uaina o Elepona, ma fulufulu
 mamoe sina. O Vetana ma Iavana-
 19 meusala, na latou faatau i ou faa-
 tangāoa, o uamea gaosia, ma kesia,
 ma kani sa i ai i ou faataugāoa. O 20
 Titana o le faatauoa lea ia te oe i
 ofu matagofie mo e tietie i solo-
 fanua. O Arapi, ma alii uma o 21
 Kitara, o faatauoa ia ia te oe, o
 tamai mamoe, ma mamoe poa, ma
 'oti poa; o mea ia na latou faatau
 ai ia te oe. O tagata faatauoa o 22
 Seepa ma Ragama, o faatauoa ia ia
 te oe; o mea manogi uma e sili, ma
 maa tāua uma, ma auro na latou
 avane i ou faataugāoa. O Karana, 23
 ma Kane, ma Etena, o faatauoa o
 Seepa, ma Asura, ma Kilemata, o
 faatauoa ia ia te oe. O i latou ia 24
 na faatau ia te oe o mea matagofie,
 o ofu uli, ma ofu lanu eseese, ma
 ofu lelei silisili ua saisaitia i maea,
 ua mau, sa i ai i au mea faatau.
 O vaa o Tasesa na latou pepese ia te 25
 oe i lou faataugāoa; na faatamao-
 aigaina foi oe, na matuā mamalu
 lava oe i totonu o le sami.

O lou auvaa ua latou aveina oe i 26
 le moana sausau; ua lepetia lava oe
 i totonu o le sami i le matagi mai
 sasae. O lou oloa, ma ou faataugā- 27
 oa, o au mea faatau, o lou auvaa,
 ma ou tautai, o ou tufuga mono-
 mono vaa, ma tagata e faatau lou
 oloa, ma ou tagata tau uma o ia te
 oe, atoa ma ou tagata uma lava o
 loo ia te oe, e fano i latou i totonu
 o le sami i le aso e malaia ai oe. O 28
 le taalili o le alaga o ou tautai e
 luluina ai ou tuafanua. O i latou 29
 uma foi o e alo foe, o auvaa, ma
 tautai uma o le sami e o ae i latou
 ai o latou vaa, ma tutū i le lau-

- 30 eleele. Latou te leo tetele ona o
oe, ma tagiaue faalotulotu, latou te
31 asu ae le efuefu i o latou ulu; latou
te taafilifili i le lefulefu. Latou te
selemamaina o latou lauulu ona o
oe, ma latou lavalava i ie talatala;
latou te fetagisi foi ona o oe ma le
tiga tele o le loto, *ma le tagitu'i*
32 faalotulotu. Latou te faia le pese
e aualofa a'i ona o oe, o latou o
pepese, *e faapea ane*, O se fea nuu e
tusa ma Turo, e tusa ma le ua fano
33 i totonu o le sami? O le tautuu
ae o lou oloa ai le sami na e faa-
malilie ai nuu e tele; o lou oloa ma
au mea faatau ina tele na e faata-
34 maoaigaina ai tupu o le lalolagi. A
ua lepetia nei oe i le sami i le lolo-
to o le moana; ua fano ai au mea
faatau, ma ou tagata uma i totonu
35 ia te oe. O i latou uma o e nonofo
i nuu tu matafaga ua fememeai i
latou ona o oe, o latou tupu foi ua
matuā fefefe, ua soona gatete lava.
36 O tagata faatauoa i nuu ua uisa i
latou ia te oe; ua avea oe ma mea
e ala ai le mata'u, e le toe ai lava oe
e faavavau.

*O le malaia o le tupu o Turo; o le
malaia o Saitonu, ma le manu'a o
Isaraelu.*

- 28 UA oo mai foi le afioga a Ieova
2 ia te au, ua faapea mai, Le atalii e
o le tagata, ia e fai atu i le alii o
Turo, Ua faapea ona fetalai mai o
le Alii o Ieova, Ua faamaualuga
lou loto, ma ua e fai mai, O a'u o
le atua, ua ou nofo i le nofoa o le
atua i le sami; ua e faatusa foi lou
loto i le finagalo o le Atua, a o le
3 tagata lava oe, e le o le Atua. Faa-
uta, ua sili lou poto i lo Tanielu; e
leai foi se mea lilo e lilo ia te oe.
4 O lou poto ma lou faautauta ua e
maua ai oloa; ua e maua auro ma
5 ario i au mea e teu ai oloa. O lou
poto ina tele, ma lou faatauina o
mea ua e faateleina ai au oloa, ma
ua faamaualugaina lou loto i au
6 oloa. O le mea lea o loo faapea
ona fetalai mai ai o le Alii o Ieova,
Ua e faatusa lou loto i le finagalo o
7 le Atua; faauta, o le mea lea ou te
au mai ai tagata ese ia te oe, o e ua
matautia i nuu; latou te to ae foi a
latou pelu ia leaga ai le matagofie o
lou poto, latou te faaleagaina lou
matagofie. Latou te ave ifo oe i le
lua, e te oti oe e pei ona oti o e ua
fasia i totonu o le sami. E te fai
mai pea ea i luma o lē fasioti ia te
oe, O a'u o le atua? a o le tagata
lava oe i le lima o lē fasi ia te oe, a
e le o le Atua. E te oti e pei ona
oti o e lē peritomeina i lima o tagata
ese; auā o a'u nei ua ou fai atu ai,
o loo fetalai mai ai le Alii o Ieova.
Ua oo mai foi le afioga a Ieova ia
te au, ua faapea mai, Le atalii e o le
tagata, ia e sauni atu se pese e au-
alofa a'i i le tupu o Turo, ma fai atu
ia te ia, O loo faapea ona fetalai
mai o le Alii o Ieova, O oe na, ua e
faamau faailogaina le atoatoa; ua
tumu oe i le poto, ua atoatoa foi lou
matagofie. Sa i Etena oe i le faa-
toaga a le Atua, na liloia oe i maa
tūua uma, o le salikea, ma le topasi,
ma le ialoma, ma le tasesa, ma le
soama, ma le iasepi, ma le safaira,
ma le nofeka, ma le pereketa, ato
ma auro; na fai au topa ma au
fagufagu; na saunia ia i le aso na
faia ai oe. O oe o le kerupi ua faa-
uuina, o lē faamalumalu; na ou
tuuina oe, sa e i luga o le manga
paia o le Atua; sa e fealualuai i le
va o maa o le afi. Na atoatoa ona
lelei o au sauniga talu le aso na faia
ce, ua oo i le aso na iloa ai lau amio
leaga. O lou faatauina o oa ina
tele ua faatumuina ai oe i le saua,
ma ua e agasala; o le mea lea ou te
faaleagaina ai oe, ia te'a ese i le
manga o le Atua; ou te faaumatia
oe le kerupi faamalumalu nai le va
o maa o le afi. Na faamaualugaina
lou loto i lou matagofie; ua e faa-
maumau lou poto ma lou matagofie;
ou te lafoina oe i lalo i le eleele; ou
te tuuina atu oe i luma o tupu ina
ia latou vaavaai ia te oe. O au
amio leaga ina tele, ma le pepelo i
lou faatauina o mea, ua e faaleaga-
ina au mea paia, o le mea lea ou te
faatupuina ai se afi ai totonu ia te
oe, e faaumatia ai oe, ou te avea oe
ma lefulefu i le fogāelele i luma o
i latou atoa o e vaavaai ia te oe.
O nuu uma e iloa oe e fememeai i
latou uma ona o oe; e avea foi oe
ma mea e ala ai le mata'u e le toe
ai lava oe e faavavau.

- 20 Ua oo mai foi le afiga a Ieova ia
21 te au, ua faapea mai, Le atalii e o le
tagata, ia e faasaga i Saitonu, ma
22 vavalo atu i ai; ma e fai atu, O loo
faapea ona fetalai mai o le Alii o
Ieova; Faauta, Saitonu e, ou te fai
oe mo'u fili; e viia foi a'u i totonu
ia te oe; latou te iloa foi o a'u lava
o Ieova pe a uma ona ou faaoo sala
ia te ia, ma ua faapaiaina o a'u i
23 totonu ia te ia. Auā ou te auina
atu ia te ia le faamai ma le toto i
ona ala; o e ua manunua e oti i
latou i totonu ia te ia i le pelu e
faasaga mai i itu uma; latou te iloa
ai o a'u lava o Ieova.
24 E le toe ai i le aiga o Isaraelu se
laau talatala e tiga ai, po o se laau
matuitui e ogotia ai mai ia te i la-
tou uma o e vagavagai ia te i latou,
o e 'ino'ino ia te i latou; latou te
iloa ai foi o a'u lava o le Alii o Ie-
25 ova. Ua faapea ona fetalai mai o
le Alii o Ieova, A ou faapotopoto-
ina le aiga o Isaraelu ai nuu o loo
faataapeapeina ai i latou, ma faa-
paiaina a'u ia te i latou i luma o
nuu ese; ona latou nonofo ai lea i
lo latou laueleele na ou foai atu ai i
26 la'u auaua o Iakopo. Latou te no-
nofo ai foi ma le filemu, latou te fai
fale, latou te fai tovine foi, ma la-
tou nonofo ma le filemu, pe a uma
ona ou faaoo sala ia te i latou uma
o e 'ino'ino ia te i latou i itu uma;
ona latou iloa ai lea o a'u lava o
Ieova lo latou Atua.

O valoaga i Aikupito.

- 29 O LONA sefulu o tausaga, o lona
sefulu foi o *masina*, o le *aso* e sefulu
ma le lua o le masina, na oo mai ai
le afiga a Ieova ia te au, ua faapea
2 mai, Le atalii e o le tagata, ia e faa-
saga atu ia Farao le tupu o Aiku-
pito, ma vavalo atu ia te ia atoa ma
3 Aikupito uma; ia e fai atu, ia faa-
pea atu, O loo faapea ona fetalai
mai o le Alii o Ieova, Faauta, ou te
fai oe mo'u fili, Farao e, le tupu o
Aikupito, le tanimo tele, o lē taoto
i totonu o ona vaitafe, o le fai mai,
O lo'u vaitafe, o lo'u lava lea, na ou
4 faia mo a'u. Ou te tuu ane mātau
i ou auvae, ma ou faapiiina i'a o i
ou vaitafe i ou una, ou te avae foi
ia te oe ai totonu o ou vaitafe; o i'a
uma foi o ou vaitafe e pipii ia i ou
una. Ou te tuua foi oe i le vao, o
oe ma i'a uma o ou vaitafe; e paū
oe i le fogāleelele, e le faapotopoto-
ina oe, e le aofia foi; ua ou tuuina
atu oe e fai ma mea e 'ai a manu
feai e tātata, ma manu felelei. E
6 iloa ai foi ē nonofo i Aikupito uma
o a'u lava o Ieova, auā sa fai i latou
ma tootoo u i le aiga o Isaraelu.
Na latou tago atu i lou lima, ona
7 gausia lea o oe, ona masae ai lea o
latou tau'au uma; ua latou tootoo
ia te oe, ona gausia lea o oe, ona
tuu atu lea o i latou e tutū *na*
o i latou lava. O le mea lea o
8 loo faapea ona fetalai mai ai o le
Alii o Ieova, Faauta, ou te faaocina
atu le pelu ia te oe, ma ou faaumatia
ai tagata atoa ma manu o ia te oe.
E faatafunaina, ma faagaogaina le
9 nuu o Aikupito; latou te iloa ai foi
o a'u lava o Ieova; auā na ia fai ane,
E o'u le vaitafe, na ou faia. Faauta,
10 o le mea lea ou te fai ai oe mo'u fili
atoa ma ou vaitafe; ou te matua
faagaogaina ma faatafunaina le nuu
o Aikupito, e pau atu i Mekatala e
pau mai i Seveni, e oo lava i le tuaoi
o Aitiope. E le ui atu ai vae o ta-
11 gata; e le ui atu ai foi vae o manu;
e le āina foi ia i tausaga e fagafulu.
Ou te faatafunaina le nuu o Aiku-
12 pito faatasi ma nuu ua faatafunaina;
o ona aai foi faatasi ma aai ua
faagaogaina; e faatafunaina ai i
tausaga e fagafulu; ou te faataape-
apeina Aikupito i nuu, ma ou faa-
salalauina i latou i nuu eseese.
A ua faapea ona fetalai mai o le
13 Alii o Ieova, A mavae tausaga e
fagafulu, ona ou faapotopotoina lea
o Aikupito ai nuu na faataapeapeina
ai i latou. Ou te faaea le tafeaga o
14 Aikupito, ma ou faafoisia i latou i
le nuu o Patoro, o le nuu o lo latou
tupuaga, e aveai foi i latou i lea mea
ma malo faatauva. E sili ona faa-
15 tauvaa ia i malo, e le toe faamaua-
luga ia i nuu; auā ou te faatoa-
itiitiina i latou, ia latou le toe pule
i nuu. E le toe fai foi i latou ma
16 faatuatuaga o le aiga o Isaraelu, e
faaminatuina ai a latou amio leaga
i lo latou faasaga atu i ai; a e iloa e
i latou o a'u lava o le Alii o Ieova.
O lona lua o sefulu ma le fitu o 17

- tausaga, o lona *masina* muamua, o le *aso* muamua o le masina, na oo mai ai le afioga a Ieova ia te au, ua
- 18 faapea mai, Le atalii e o le tagata, na pule Nepukanesa le tupu o Papelonia i lana itu taua ia latou faia le galuega tele i Turo; na tutula ai ulu uma, na fatuamoa foi o latou ua; a e leai se totogi ia te ia ma lana itu taua i Turo i le galuega na
- 19 ia fai ai. O le mea lea ua faapea ona fetalai mai ai o le Alii o Ieova, Faauta, ou te avatu ia Nepukanesa le tupu o Papelonia le nuu o Aikupito; na te avea lona vao tagata, na te vetea foi le vete ma faoa le oloa; e fai foi ia ma totogi i lana itu taua.
- 20 Ua ou avatu ia te ia le nuu o Aikupito ona o le galuega na ia faia; auā na latou galulue mo a'u, ua fetalai mai ai le Alii o Ieova.
- 21 O lea lava aso ou te faatupuina ai le nifo o le aiga o Isaraelu; ou te tuu atu foi ia te oe e tautala ia te i latou; ona latou iloa ai lea o a'u lava o Ieova.

O le faatafunaina o le nuu o Aikupito.

- 30 UA oo mai foi le afioga a Ieova ia te au, ua faapea mai, Le atalii e o le tagata, ia e vavalalo atu, ma ia e fai atu, Ua faapea ona fetalai mai o le Alii o Ieova, Ina uio ia ontou, Aue
- 3 le aso e! Auā ualatalata mai le aso; ua latalata mai le aso o Ieova, o le aso faamalumalu; e fai lea ma ona
- 4 po o nuu ese. E oo foi le pelu i Aikupito; e i ai foi le mata'u tele i Aitioppe pe a pauu e ua fasia i Aikupito; latou te avea foi lona vao tagata; o ona faavae foi e fulisia ia.
- 5 O Aitioppe ma Futu, ma Luti, ma tagata eseese atoa uma, ma Kupu, ma tagata o le nuu o le feagaiga, e oti faatasi ma i latou i le pelu.
- 6 Ua faapea ona fetalai mai o Ieova, O i latou o e lagolago ia Aikupito e pauu i latou; e mavae foi lona malosi e mitamita ai; e pau atu i Mekatala e pau mai i Seveni, e oti ai i latou i le pelu, ua fetalai mai ai le Alii o Ieova. E faatafunaina foi i latou faatasi ma nuu ua faatafunaina, e faatasia foi ona aai i aai
- 7 ua faagaogaoina. Latou te iloa ai o a'u lava o Ieova pe a ou tuuina atu

se afi i Aikupito, pe a momomo foi ona fesoasoani uma. O lea aso e o

9 atu ai a'u sāvali i vaa, e faagateteina ai Aitioppe faatalanoa, e oo foi le mata'u tele ia te i latou, e pei o le aso o Aikupito; auā faauta, o loo o saū. Ua faapea ona fetalai mai o le

10 Alii o Ieova, Ou te faaumatia le vao tagata o Aikupito i le lima o Nepukanesa le tupu o Papelonia. E fa'itai'ina o ia ma ona tagata e faatasi ma ia, o e ua matautia i nuu, e faaumatia ai le nuu; latou te to ae a latou pelu i Aikupito, ma faatumuina le nuu i le fasi. Ou te faa-

12 mamate i vaitafe, ou te faatauina atu foi le nuu i lima o tagata amioleaga; ma ou faatafunaina i lima o tagata ese le nuu ma mea ua tumu ai; o a'u o Ieova ua ou fai atu ai. O loo faapea ona fetalai mai o le

13 Alii o Ieova, Ou te faaumatia tupua, ou te faaiuina lava tupua ai Nafi; e le toe ai foi se ali o le nuu o Aikupito; ou te faatupuina foi le mata'u i le nuu o Aikupito. Ou te faata-

14 funaina foi Patōro, ma ou tuuina atu le afi i Soana, ma faao sala i No. Ou te sasaaina atu foi lo'u ita

15 tele i luga o Sina, le malosi o Aikupito; ou te faaumatia foi le vao tagata o No. Ou te tuu atu foi le

16 afi i Aikupito; e faatigateleina Sina; e lepetia No; e puapuagatia foi Nafi i aso fai soo. O tuulelea o

17 Avane ma Pepeseta e oti i latou i le pelu; e tūfea foi ia nuu. E faa-

18 pouliuligia foi le ao i Tapenese, pe a ou gausia amo a Aikupito i lea mea, e faaiuina foi lona malosi e mitamita ai; e ufitia ia i le ao, o ana tama fafine foi e tūfea i latou. Ou

19 te faao lava sala i Aikupito; ona latou iloa ai lea o a'u lava o Ieova.

20 O lona tausaga e sefulu ma le tasi, o le *masina* muamua, o le *aso* e fitu o le masina, na oo mai ai le afioga a Ieova ia te au, ua faapea mai, Le atalii e o le tagata, ua ou

21 gausia le lima o Farao le tupu o Aikupito; faauta foi, e le fusia ia malolo ai; e le avane foi i ai se fusi e fusi ai ia malosi ai e 'u'u ai le pelu. O le mea lea ua faapea ona

22 fetalai mai ai o le Alii o Ieova, Faauta, ou te faia Farao le tupu o Aikupito mo'u fili, ou te gagauina

ona lima, o le ua malosi, atoa ma le
 23 na gagauina; ou te faapaūina foi le
 pelu ai lona lima. Ou te faataape-
 apeina foi Aikupito i nuu, ou te
 24 faasalalauina foi ilatou i nuu eseese.
 A e ou te faamallosia foi lima o le
 tupu o Papelonía, ma ou tuu ane
 la'u pelu i lona lima; a e ou te
 gagauina lima o Farao, ona oi ai lea
 o ia i ona luma, i le oi o le ua
 25 manua. A e ou te faamallosia lima o
 le tupu o Papelonía, a o lima o
 Farao e gagase lava ia; latou te
 iloa ai o a'u o Ieova, pe a ou tuu
 atu la'u pelu i le lima o le tupu o
 Papelonía, a e faaloaloa atu ai e ia
 26 i le nuu o Aikupito. Ou te faata-
 apeapeina foi Aikupito i nuu, ma
 faasalalau ia te i latou i nuu eseese;
 ona latou iloa ai lea o a'u lava o
 Ieova.

*O le malaia o Farao ona o lona faa-
 maualuga.*

31 O LONA sefulu ma le tasi o tau-
 sago, o lona tolu o masina, o le aso
 muamua o le masina, na oo mai ai le
 asago a Ieova ia te au, ua faapea
 2 mai, Le atalii e o le tagata, ia e fai
 atu ia Farao le tupu o Aikupito, ma
 ona tagata e toatele. Pē faatusaina
 3 oe ia te ai i lou mamalu? Faauta,
 o Asuria o le arasi ia i Lepanona,
 ua matagofie ona la, ua malu foi
 lona paolo, ua tele foi lona maua-
 luga; sa i totonu o la felefele lona
 4 tumutumu. O le vai na tupu tele ai
 o ia, o vai loloto foi na maualuga ai
 o ia, o ona vaitafe na tafe faataa-
 milomilo i lana faatoaga, ma ona
 vaita'i na tafe atu i laau uma o le
 5 vao. O le mea lea na faasilisili ai
 lona maualuga i laau uma o le vao,
 na tele foi ona lālā, ma ona la na
 loloa i le vai tetele i lona tupu atu.
 6 Na ofaga manu felelei uma i ona
 lālā, na fanafanau foi manu tataa
 uma i lalo ifo o ona la; sa nonofo
 foi nuu tetele uma i lalo ifo o lona
 7 paolo. Na matagofie foi o ia i lona
 tele, ma le loloa o ona la; auā na i
 8 ai ona aa i tafatafa o vai tetele. Na
 le lilo lava ia i arasi o i le faatoaga
 o le Atua; na le tutusa perosi ma
 ona lālā; na le tutusa foi aremoni
 ona la; e leai foi se tasi laau i le
 faatoaga o le Atua na tusa ma ia i

lona matagofie. Na ou faamata- 9
 gofieina o ia i le tele o ona la, na
 matataua ai ia te ia o laau uma o 10
 Etena i le faatoaga o le Atua. O le
 mea lea o loo faapea ona fetalai
 mai ai o le Alii o Ieova, Na faa-
 silisili oe i lou maualuga, ma ua avea
 i luga lona tumutumu i totonu o la
 felefele, ua faamaualugaina foi lona
 loto i lona sili. O le mea lea ua ou 11
 tuuina atu ai o ia i le lima o le ua
 malosi silisili i nuu; na te faia lona
 lava loto ia te ia; ua ou tulieseina o
 ia, ona o lana amio leaga. O tagata 12
 ese o e ua matautia i nuu, na latou
 tuu i lalo ia te ia, ma latou tuua o
 ia; ua pauu foi ona la i mauga ma
 vanu uma, ua gauia foi ona la i
 tafatafa o vaitafe uma o le nuu; ua
 o ese foi tagata uma o le nuu nai
 lalo ifo o lona paolo, ma latou tuua
 lava o ia. E nonofo foi manu fele- 13
 lei uma i ona luga a o taatia; e i ai
 foi i ona la o manu tataa uma. Ina 14
 ia le faasilisili se tasi lava laau i
 tafatafa o vai ona o lo latou maua-
 luluga, pe avea i luga o latou tumu-
 tumu i totonu o la felefele; pe tutū
 i luga i latou ia te i latou i lo latou
 sili o i latou uma o e inu vai; auā
 ua tuuina atu i latou uma ia ma-
 mate i mea maualo o le lalolagi, e
 faatasi ma le fanau a tagata, e faa- 15
 tasi foi ma e o ifo i le lua. Ua faa-
 pea ona fetalai mai o le Alii o Ieova,
 O le aso na alu ifo ai o ia i seoli na
 ou faatupuina ai le faanoanoa; na
 ou ufiufitia vai loloto ona o ia, na ou
 taofi ona tafega, na punitia foi vai
 tetele, na ou faatupuina foi le faa-
 noanoa o Lepanona ona o ia; na
 matapogia ai laau uma o le vao ona 16
 o ia. Na ou faagateteina foi nuu i
 le taalili o lona paū, ina ua ou lafo-
 ina o ia i lalo i seoli faatasi ma e o
 ifo i le lua; o laau uma foi o Etena
 o e silisili ma lelei i Lepanona, o i
 latou uma e inu vai, ua faamafana-
 fanaina i latou i mea maualo o le
 lalolagi. O i latou lava, na latou o 17
 ifo faatasi ma ia i seoli ia te i latou
 o e ua fasia i le pelu; o lona lima
 foi, o e sa nonofo i lalo ifo o lona
 paolo i nuu. Pe faatusaina oe ia te 18
 ai i le mamalu ma le tele i laau o
 Etena? a e lafaina oe i lalo faatasi
 ma laau o Etena i mea maualo o le

lalolagi; e te taatia faatasi ma ē le peritomeina, ma e ua fasia i le pelu. O Farao lea ma lona vao tagata uma, o loo fetalai mai ai le Alii o Ieova.

O le auega i le malaia o Aikupito.

- 32** O LONA tausaga e tasi le sefulu ma le lua, o lona masina e tasi le sefulu ma le lua, o le *aso* muamua o le masina, na oo mai ai le afioga a
- 2 Ieova ia te au, ua faapea mai, Le atalii e o le tagata, ia e sauni atu se pese e aualofa a'i ia Farao le tupu o Aikupito, ma ia e faapea atu ia te ia, Ua tusa oe ma se tamai leona i nuu, ua e tusa foi ma le tanimo i le vai; ua e oso ae i ou vaitafe, ma faagaepuina le vai i ou vae, ma solia
- 3 o latou vaitafe. Ua faapea ona fetalai mai o le Alii o Ieova, O le mea lea ou te folasia ai la'u upega i luga ia te oe, o i ai le asfia o nuu e tele, latou te aveina ae oe i la'u upega.
- 4 Ona ou tuua lea o oe i le nuu, ou te lafoaiina oe i le fogaeleele, ou te faanonofoina manu felelei uma ia te oe, ma ou fafaga ia maona ia te oe manu tataa o le lalolagi uma.
- 5 Ou te tuuina lou tino i luga o mau-ga, ma ou faatumuina vanu i lou
- 6 mauuluga. Ou te faasūsūina i lou toto le nuu ua e aau ai, e oo lava i mauga; e tutumu foi vaitafe ia te
- 7 oe. Ou te ufiufitia le lagi pe a ou tineia oe, ou te faapogisaina foi ona fetu; ou te ufitia le la i le ao, e le
- 8 susulu mai foi le masina. O mala-malama pupula uma o le lagi, ou te faapouliuligia ia i luga ia te oe, ou te tuuina atu foi le pouliuli i lou nuu, o loo fetalai mai ai le Alii o
- 9 Ieova. Ou te faatigaina foi loto o nuu e tele pe a ou faaooina atu lou malaia i nuu ese, o nuu eseese foi
- 10 ua e le iloa. Ou te faafememeaiina nuu e tele ona o oe, e matuā fefefe lava o latou tupu ona o oe, pe a ou feliuliuai la'u pelu i o latou luma; e taitasi i latou ma saga gatete pea
- 11 ona o lona lava ola, i le aso o lou paū. Auā ua faapea ona fetalai mai o le Alii o Ieova, E oo atu le pelu a le tupu o Papelonía ia te oe.
- 12 Ou te fasiotia le vao tagata ua ia te oe i pelu a e malolosi, o e ua matautia i nuu, o i latou uma; latou te

faaumatia le mamalu o Aikupito; e fano foi lona vao tagata. Ou te 13 faaumatia foi ana manu uma ai tafatafa o vai tetele; e le toe faagaepuina lava e vae o tagata, e le faagaepuina foi e atigivae o manu. Ona ou faatoaina ai lea o latou vai 14 *ia manino*, ma ou faatafeina o latou vaitafe faapei o le suānuu, o loo fetalai mai ai le Alii o Ieova. A ou 15 faatafunaina le nuu o Aikupito, ma ua aunoa le nuu ma mea sa tumu ai, a ou fasiotia i latou uma ua nonofo ai, ona latou iloa ai lea o a'u lava o Ieova. O le pese a aualofa 16 a'i lea latou te pepese ai ona o ia; o tama fafine a nuu ese latou te lagi le pese e aualofa a'i ona o ia; latou te lagi le pese e aualofa a'i ona o ia, ona o Aikupito, ma lona vao tagata uma, o loo fetalai mai ai le Alii o Ieova.

O lona tausaga e tasi le sefulu 17 ma le lua, o lona *aso* e tasi le sefulu ma le lima o le masina, na oo mai ai le afioga a Ieova ia te au, ua faapea mai, Le atalii e o le tagata, ia e 18 aue ona o le vao tagata o Aikupito, ma lafo ia te i latou o ia atoa ma tama fafine o nuu malolosi i mea maulalo o le lalolagi, faatasi ma ē ō ifo i le lua. Ua sili ea oe ia te ai i 19 le matagofie? Alu ifo ia; ia e taatia faatasi ma e ua le peritomeina. Latou te pauu faatasi ma e ua fasia 20 i le pelu; ua tuuina atu o ia i le pelu; ina tosaina atu o ia atoa ma lona vao tagata uma. O e ua sili ona 21 malolosi i le au malolosi latou te tautala mai totonu o seoli ia te ia, atoa ma e fescasoani ia te ia; ua o ifo i latou, ua taatia ua le peritomeina, ua fasia i le pelu. O i ai Asuria 22 ma ona tagata uma; ua vagavagai ona tuugamau ia te ia; ua fasia uma i latou, ua oti i le pelu. O loo 23 i ai ona tuugamau i itu o le lua, o loo vagavagai foi ona tagata i lona tuugamau; ua fasia i latou uma, ua oti i le pelu, o e na faatupuina le mata'u i le nuu o tagata ola. O i 24 ai Elama ma lona vao tagata uma o loo vagavagai i lona tuugamau, ua fasia uma i latou, ua oti i le pelu, o e ua o ifo ua le peritomeina i mea maulalo i le elelee; o e na faatupuina lo latou matautia i le nuu o

- tagata ola; a ua oo ia te i latou lo
 25 le lua. Ua fai e i latou lona moega
 faatasi ma e ua fasia, atoa ma lona
 vao tagata uma; ua vagavagai ona
 tuugamau ia te ia; o i latou uma e
 le peritomeina, ua fa ia i le pelu;
 auā sa i ai lo latou matautia i le
 nuu o tagata ola; ua oo foi ia te i
 latou lo latou mā e faatasi ma ē ō
 26 ifo i le lua; ua tuuina atu o ia faa-
 tasi ma e ua fasia. O i ai Meseko,
 ma Tupalu, ma lona vao tagata uma;
 o loo vagavagai o latou tuugamau ia
 te ia; o i latou uma e le peritome-
 ina, ua fasia i le pelu; auā sa i ai lo
 latou matautia i le nuu o tagata ola.
 27 Latou te le taatitia ea faatasi ma e
 malolosi e ua pauu ua le peritome-
 ina, o e ua o ifo i seoli ma a latou
 auupega? ua avane a latou pelu e
 aluga a'i, a ua i ai a latou agasala i
 luga o latou ivi; auā sa i ai lo latou
 matautia i le malolosi i le nuu o ta-
 28 gata ola. E gāugau lava oe e faa-
 tasi ma e ua le peritomeina, e te
 taatia faatasi ma e ua fasia i le pelu.
 29 E i ai Etoma, ma ona tupu, ma ona
 alii sili uma o e ua tuuina ma lo la-
 tou malosi faatasi ma e ua fasia i le
 pelu; latou te taatitia faatasi ma e
 ua le peritomeina, atoa ma i latou o
 30 ē ō ifo i le lua. O i ai foi alii o le
 itu i matu, o i latou uma, atoa ma
 Saitonu uma, o e ua o ifo faatasi ma
 e ua fasia; o lo latou matautia ona
 o lo latou malosi ua latou masiasi
 ai; ua latou taatitia foi ua le peri-
 tomeina, faatasi ma e ua fasia i le
 pelu, ua oo foi ia te i latou lo latou
 mā faatasi ma e ua o ifo i le lua.
 31 E iloa i latou e Farao, ona faama-
 fanafanaina ai lea o ia i lona vao
 tagata uma o e ua fasia i le pelu, o
 Farao ma lana itu taua uma, o loo
 32 fetalai mai ai le Alii o Ieova. Auā
 ua ou faaooina atu lo'u matautia i
 le nuu o tagata ola; e faataatiaina
 o ia faatasi ma e ua le peritomeina,
 e faatasi ma e ua fasia i le pelu, o
 Farao atoa ma lona vao tagata
 uma, ua fetalai mai ai le Alii o
 Ieova.

*Ua apoapoaiina Esekieleu. Ua tonu
 mea uma e faia e le Atua.*

UA oo mai foi le afioga a Ieova 33
 ia te au, ua faapea mai, Le atalii e 2
 o le tagata, fai atu ia i tagata o lou
 nuu, ia faapea atu ia te i latou,
 A ou faaooina atu le pelu i se
 nuu, afai e avea e tagata o lea
 nuu se tagata o lo latou nuu, ma
 latou tofia o ia e fai mo latou tagata
 vaai; a iloa atu e ia le pelu o lco 3
 sau i le nuu, afai na te ilia le pu,
 ma faailoa atu i le nuu; o se na te 4
 lagona le leo o le pu, a e le anaana
 i ai; a oo ane le pelu, ma oti ai o ia,
 e i luga o lona lava ulu lona toto.
 Na ia lagona le leo o le pu, a ua le 5
 anaana i ai; e ia te ia lava lona
 toto; a o le na te anaana e faasao- 6
 ina e ia lona ola. A e afai e iloa e
 le tagata vaai le pelu o loo sau, a e
 le ilia e ia le pu, ma ua le faailoa
 atu i le nuu; a oo mai le pelu, ma
 oti ai se tasi o i latou, ua oti o ia i
 lana amio leaga; a o lona toto ou
 te tauiatua lea i le tagata vaai.

O oe foi le atalii o le tagata, ua 7
 ou tofia oe e fai ma tagata vaai i le
 aiga o Isaraelu; o le mea lea ia e
 faalogo mai ai i le upu a lo'u gutu,
 ma e apoapoai atu ia te i latou i
 upu atu ia te au. A ou fai atu i le 8
 ua amio leaga, Le tagata amio leaga
 e, e te oti lava oe; afai e te le tau-
 tala atu e apoapoai atu ai i le ua
 amio leaga, ia liliu ese i lona ala; e
 oti lena tagata amio leaga i lana
 amio leaga; a o lona toto ou te
 tauiatua lea ia te oe. A o oe, afai e 9
 te apoapoai atu i le ua amio leaga,
 ia liliu ese o ia i lona ala; afai na te
 le liliu ese i lona ala, e oti o ia i lana
 amio leaga; a ua faasaoina e oe lou
 lava agaga. O oe na foi, le atalii o 10
 le tagata, fai atu ia i le aiga o Isa-
 raelu, Ua fai mai la outou upu, ua
 faapea mai, Afai ua ia te i matou o
 matou solitulafono, ma a matou
 agasala, ma tauāu ina faaumatia ai
 i matou, pe matou te ola ea faa-
 pefea? Fai atu ia ia te i latou, O 11
 loo fetalai mai le Alii o Ieova, Ou te
 ola a'u, ou te le fiafia lava i le oti o
 lē amio leaga, a ia liliu mai lē amio
 leaga ai lona ala, ma ola ai; liliu ia
 outou, ina outou liliu ese ia i o

- outou ala leaga; auā pe se a ea le mea tou te fia oti ai, le aiga o Isaraelu e?
- 12 O oe foi le atalii o le tagata, fai atu ia i tagata o lou nuu, E le lavaiaina le ua amiotonu i lana amiotonu i le aso e solitulafono ai o ia; e le paū foi le ua amio leaga i lana amio leaga i le aso e liliu ese ai o ia i lana amio leaga; e le ola foi le ua amiotonu i lana amiotonu i le aso e agasala ai o ia. A ou fai atu i le ua amiotonu, e ola lava ia; afai e faalagolago ia i lana amiotonu, ma ua fai le amio leaga, ona le manatua lea o ana amiotonu uma, a e oti o ia
- 13 ona o amio leaga ua ia faia. A ou fai atu foi i le ua amio leaga, E oti lava oe; afai e liliu ese ia i lana agasala, ma ua fai e ia le amio tatau ma le amiotonu; afai e faafoi le ua amio leaga le mea e tuu faafaatau, ma toe avane le mea na ia fao, ma ia savali i sauniga e ola ai, ma ua le fai le amio leaga; e ola lava ia, e le
- 14 oti. O ana agasala ua ia faia e le ta'uta'ua ia te ia; ua ia fai le amio tatau ma le tonu; e ola lava ia.
- 15 A ua fai mai tagata o lou nuu, E le tusa le ala o le Alii; a o i latou, e le tusa lo latou ala. A liliu ese le ua amiotonu i lana amiotonu, ma ua faia e ia le amio leaga, ona oti ai
- 16 lava lea o ia. A e afai e liliu ese le ua amio leaga ai lana amio leaga, ma ua faia e ia le amio tatau ma le amiotonu, ona ola ai lava lea o ia.
- 17 A ua outou fai mai, E le tusa le ala o le Alii. Le aiga o Isaraelu e, ou te faamasinoina outou taitoatasi e tusa ma ona ala.
- 18 O lona sefulu ma le lua o tausaga o lo matou tafeaga, o lona sefulu o masina, o le aso e lima o le masina. na sau ai ia te au le tasi na sao mai Ierusalem, ua faapea mai, Ua fasia
- 19 le aai. Na i ai foi le aao o Ieova ia te au i le afiafi, a o lei oo mai le na sao; na ia faagaganaina foi a'u, ua oo ina sau o ia ia te au i le taeao; ua faagaganaina a'u, ua ou le toe
- 20 faalologo. Ona oo mai lea o le afioga a Ieova ia te au, ua faapea mai, Le atalii e o le tagata, o loo fai mai i latou o e o nonofo i mea gaogao i le laueleele o Isaraelu, ua faapea mai, Sa toatasi Aperamo, na fai foi
- mona le nuu; a e toatele i tatou; ua tuuina mai le nuu mo i tatou e fai mo tatou. O le mea lea ia e fai atu ai ia te i latou. O loo faapea ona fetalai mai o le Alii o Ieova, Ua outou aai mea o i ai le toto, ma ua outou vaavaai i o outou tupua, ma outou faamaligi toto; a e fai ea mo outou le nuu? Ua outou tutū ma a outou pelu, ua outou fai mea e inosia, ua outou taitasi ma faaleagaina le avā a le tasi tagata; a e fai ea mo outou le nuu? Ia faapea ona e fai atu ia te i latou, Ua faapea ona fetalai mai o le Alii o Ieova, Ou te ola a'u, o i latou o e ua i ai i mea gaogao e oti lava i latou i le pelu, o le ua i le vao ou te tuuina atu lava o ia i manu feai ia 'aina; o i latou foi o e ua i 'olo ma ana e oti lava i latou i le faamai. Ou te matuā faatafunaina lava le nuu, ma ou faaiuina lona malosi e mitamita ai; e faatafunaina foi mauga o Isaraelu, e le uia lava e se tasi. Ona latou iloa ai lea o a'u lava o Ieova, pe a ou matuā faatafunaina le nuu ona o a latou mea uma e inosia ua latou faia.
- O oe foi le atalii o le tagata, o loo tautalatala pea tagata o lou nuu ia te oe e lata ane i pa ma faitotoa o fale, o loo fetautalatalai i latou o le tasi i le tasi, ua faapea, O mai ia, se'i faalogologo pe se a se afioga ua tūlei mai mai ia Ieova. Latou te o mai foi ia te oe pei ona o mai o lo'u nuu, latou te nonofo foi i ou luma e pei o lo'u nuu, latou te faalogologo foi i au upu, a e latou te le mafafai ona anaana i ai; auā ua latou alolofa fua i o latou gutu, a ua mafuli o latou loto i lo latou manumanu. Faauta foi, ua tusa oe ia te i latou ma se pese mālīe a le ua leo mālīe, ma lē ta mālīe i le laupese; auā latou te faalogologo i au upu, a e latou te le anaana i ai. A taunuu lea mea, faauta e taunuu lava, ona latou iloa ai lea sa i ai le perofeta ia te i latou.
- Ua aoiaina leoleo amio leaga. O le alofa o le Atua i ona tagata.
- UA oo mai foi le afioga a Ieova ia te au, ua faapea mai, Le atalii e o le tagata, ia e vavalu atu i leoleo ma-

- moe o Isaraelu, ina vavalu atu ia, ma e fai atu ia te i latou, o leoleo mamoe lava, Ua faapea ona fetalai mai o le Alii o Ieova, Oi talofa i leoleo mamoe o Isaraelu o e fafaga ia te i latou lava! E le tatau ea i leoleo mamoe ona fagina o le lafu?
- 3 Ua outou aai le ga'o, ma oofu i le fulufulu, ua outou fasia e ua pepeti, a ua outou le fafaga i le lafu. Ua outou le faamalosi e ua vaivai; ua outou le faamalolo i le ua ma'i; ua outou le fusia foi le ua gau; o le ua tulia ua outou le toe aumaia, o le ua sē ua outou le sailia; a ua outou pule faamalosi ma faasaua ia te i latou. Na faataapepeina foi ilatou ina ua lei se leoleo mamoe; na fai foi i latou ma mea e 'ai ma manu feai uma o le vao, ina ua faataapepeina i latou. Na sē la'u lafu i mauga uma, ma mea mauualuluga uma; na faataapepeina foi la'u lafu i le fogāelele uma, a e lei se na suesue i ai, e lei foi se na sailia.
- 7 O le mea lea, leoleo mamoe e, ia outou faalogo mai ai i le afiga a Ieova; ua fetalai mai le Alii o Ieova, Ou te ola a'u, na avea lava la'u lafu ma mea e saeia, na avea foi la'u lafu ma mea e 'ai a manu feai uma o le vao, ina ua lei se leoleo mamoe, ua le sueina foi e a'u leoleo mamoe la'u lafu, a o leoleo mamoe ua fafaga i latou ia te i latou lava, a e lei fagina e i latou la'u lafu; o le mea lea, leoleo mamoe e, ia outou faalogo mai ai i le afiga a Ieova; ua faapea ona fetalai mai o le Alii o Ieova, Faauta, ou te faia ia leoleo mamoe mo'u fili; ou te sueina atu foi la'u lafu ia te i latou, ou te faateaina i latou ia le toe fafaga le lafu; o leoleo mamoe foi latou te le toe fafaga lava ia te i latou; auā ou te laveaiina la'u lafu i o latou gutu, ina ia le fai i latou ma mea e 'ai mālatou. Auā ua faapea ona fetalai mai o le Alii o Ieova, Faauta, o a'u, o a'u lava, ou te sueina la'u lafu, ou te matuā suesue lava i ai. Epei o le leoleo mamoe ona sueina o lana lafu i le aso o i ai o ia i lana lafu ua taapeape; e faapea ona ou sueina la'u lafu, ma ou laveaiina i latou ai mea uma ua salalau ai i latou i le aso faamalu-
- malu ma le pogisa. Ou te aumaia 13 foi i latou nai nuu, ma ou faapopotoina i latou mai nuu eseese; ou te aumaia i latou i lo latou lava lauleelele, ma fagina i latou i mauga o Isaraelu; i tafatafa o vaitafe, ma mea uma e āina o le nuu. Ou te 14 fafaga ia te i latou i le taaga lelei, e i ai o latou lotoā i mauga mauualuluga o Isaraelu; latou te taoto ai i le lotoā lelei, o le taaga lelei foi e aai ai i latou i mauga o Isaraelu. Ou te fagina la'u lafu, o a'u foi e 15 taoto ai i latou, o loo fetalai mai ai le Alii o Ieova. Ou te sailia foi le ua sē, ou te aumaia le ua tulia, ou te fusia le ua gau, ou te faamalosi le ua vaivai; a o le ua peti ma le ua malosi ou te faaumatia ia, ou te fagina i latou i le faamasinoga. Ua faapea ona fetalai mai o le Alii 17 o Ieova, O outou o la'u lafu e, faauta, ou te faamasino i manu ma manu, o mamoe poa ma 'oti poa. O le mea māmā ea ia te outou ina 18 ua le na ona outou aai i taaga lelei, a ua outou solia i o outou vae o mea ua totoe i taaga; ua le na ona outou inu foi i vai manino, a ua outou faagaepu i o outou vae o vai ua totoe? O la'u lafu foi ua latou 19 aai mea ua solia i o outou vae; ma latou inu le vai ua faagaepuina i o outou vae. O le mea lea ua faapea 20 ona fetalai mai ai o le Alii o Ieova ia te i latou, Faauta, o a'u, o a'u lava, ou te faamasino i manu pepeti ma manu paece. Ua outou tūlei i 21 o outou itu, ma outou alagalima, ma ua outou suatia e ua vaivai uma i o outou nifo, ua oo ina outou faataapepeina i latou i tuāpa. O le 22 mea lea ou te faaolaina ai la'u lafu, e le toe fai lava i latou ma mea e saeia; ou te faamasino foi i lea manu ma lea manu. Ou te faatuina foi le leoleo mamoe e tasi ia te i latou, na te fagina i latou, o la'u auaua o Tavita; o ia na te fagina i latou, e fai foi o ia ma leoleo mamoe ia te i latou; o a'u nei foi o 24 Ieova e fai a'u mo latou Atua, o la'u auaua foi o Tavita e fai o ia ma alii sili ia te i latou; o a'u o Ieova ua ou fai atu ai. Ou te osia 25 foi ma i latou le feagaiga e manuia ai, ou te faaumatia manu feai i le

- nuu; latou te nonofo sifilemu ai i le vao, ma momoe i le vao matua.
- 26 O i latou ma mea o vagavagai lo'u mauga ou te avea ia ma mea e manuia ai; ou te faatotō ifo le ua i ona lava po; e i ai uaga e manuia
- 27 ai. E fua mai le laau o le fanua lona fua; e fua mai foi le laueleele lona fua; latou te nonofo filemu foi i lo latou nuu; ona latou iloa ai lea o a'u lava o Ieova pe a ou gagauina a latou amo, ma ou laveaiina i latou ai lima o e na faapologaina i
- 28 latou. E le toe fai lava i latou ma mea e saeia i nuu ese, e le 'aina foi i latou e manu feai e tataa; a e latou te nonofo sifilemu, e leai foi se
- 29 na te faamatau ia te i latou. Ou te faatupuina foi mo i latou le faatoaga e ta'ua, e le toe faaumatia i latou i le fia 'ai i le nuu, e le toe oo lava ia te i latou le faamasiasiga o nuu
- 30 ese. Ona latou iloa ai lea o a'u lava o Ieova lo latou Atua, ou te ia te i latou; o i latou foi le aiga o Isaraelu o lo'u nuu lava i latou, o loo fetalai mai ai le Alii o Ieova.
- 31 O outou foi la'u lafu, o le lafu o la'u taaga, o tagata lava outou; o a'u foi o lo outou Atua, o loo fetalai mai ai le Alii o Ieova.

O le faatafunaina o Etoma.

- 35 UA oo mai foi le afiga a Ieova ia te au, ua faapea mai, Le atalii e o le tagata, ia e faasaga atu i le mauga o Seira, ma vavalu atu i ai,
- 2 fai atu foi i ai, Ua faapea ona fetalai mai o le Alii o Ieova, Faauta, le mauga o Seira e, ua ou fai oe mo'u fili, ou te faaloaloa atu foi lo'u lima i luga ia te oe, ma ou matuā faata-
- 4 funaina lava oe. Ou te faagaogaoina ou aai, e faatafunaina lava oe, ona e iloa ai lea o a'u lava o Ieova.
- 5 Auā ua ia te oe le itatuu, ma ua e tuuina atu le fanauga a Isaraelu i le malosi o le pelu i ona po o lo latou malaia, o ona po foi na iu ai le
- 6 amio leaga. O le mea lea o loo fetalai mai ai le Alii o Ieova, Ou te ola a'u, o'u te tuuina atu oe i le toto, e tuliloa foi le toto ia te oe; na e le 'ino'ino i le toto, o lea e tuliloa ai le toto ia te oe. Ou te matuā faatafunaina le mauga o Seira, ma ou faaumatia o ia o le alu atu i
- ai, atoa ma le toe foi mai. Ou te faatutumuina foi ona mauga i ona tagata ua fasia; o ou mauga, ma ou vanu, ma ou vaitafe uma, e pauu ai i latou o e ua fasia i le pelu. Ou te faatafunaina oe e faavavau, e le toe āina ou aai; ona outou iloa ai lea o a'u lava o Ieova. Ua e faapea, O ia nuu e lua, ma o la laueleele e lua e fai mo'u, matou te nonofo ai; a e peitai ua i ai Ieova. O le mea lea ua fetalai mai ai le Alii o Ieova, Ou te ola a'u, ou te faia ia te oe e tusa ma lou ita, e tusa foi ma lou mataua na e faia i lou 'ino'ino ia te i latou; ou te faailoa atu foi o a'u ua ia te i latou, pe a ou faasalaina oe. Ona e iloa ai lea o a'u lava o Ieova, ua ou faalogoina au upu faifai uma ua e fai atu ai i mauga o Isaraelu, ua faapea, Ua faatafunaina ia, ua tuuina mai ia te i matou e fai ma mea e 'ai. Ua outou tatala faasausili ia te au, ua faateleina foi a outou upu ia te au; ua ou faalogo ai lava. Ua faapea ona fetalai mai o le Alii o Ieova, A olioli le lalolagi uma, ou te faatafunaina oe. E pei ona e olioli ina ua faatafunaina o le tofi o le aiga o Isaraelu, e faapea ona ou faia ia te oe; e faatafunaina oe le mauga o Seira, atoa ma Etoma uma, o le nuu uma lava; ona latou iloa ai lea o a'u lava o Ieova.

Ua faamafanafanaina Isaraelu.

- O OE foi le atalii o le tagata, ia e vavalu atu i mauga o Isaraelu, ma e fai atu, Mauga o Isaraelu e, faalogologo mai ia i le afiga a Ieova. Ua faapea ona fetalai mai o le Alii o Ieova, Ua fai mai ia te outou le ua ita mai, Ue! ua fai mo i matou mea maualuga o le vavau; o le mea lea ia e vavalu atu ai, ma e fai atu, Ua faapea ona fetalai mai o le Alii o Ieova, Ua latou faatafunaina outou, ma naunau i le fia maua outou i itu uma, ina ia fai outou mo e o totoe o nuu ese, ma ua ta'uta'uina outou e tagata faitala, ma ua ta'uleagaina e le nuu; o le mea lava lea, mauga o Isaraelu e, ia outou faalogologo mai ai i le afiga a le Alii o Ieova, Ua faapea ona fetalai mai o le Alii o Ieova i mauga, ma mauga iti, ma

vaitafe, ma vanu, ma mea gaogao
 ua faatafunaina, ma aai ua tuufua,
 ua faoa, ma ua tauemua e i latou
 5 ua totoe o nuu ese i itu uma. O le
 mea lea ua faapea ona fetalai mai
 ai o le Alii o Ieova, O le afi lava o
 lo'u fuā ua ou fai atu ai i e ua totoe
 o nuu ese, atoa ma Etoma uma, o e
 ua avea lo'u laueleele e fai mo la-
 tou, ma le fiafia o le loto atoa, ma
 le 'ino'ino o loto, ina ia faoa e fai
 6 ma vete. O le mea lea ia e vavalu
 atu ai i le laueleele o Isaraelu, ma
 fai atu i mauga, ma mauga iti, ma
 vaitafe, ma vanu, O loo faapea ona
 fetalai mai o le Alii o Ieova, Faau-
 uta, o lo'u fuā ma lo'u ita tele ua
 ou tautala atu ai; auā ua oo ia te
 7 outou le faamasiasiga o nuu ese. O
 le mea lea ua faapea ona fetalai mai
 ai o le Alii o Ieova, Ua ou sii lo'u
 lima, ua faapea, O nuu ese o vaga-
 vagai ia te outou, e masiasi lava i
 8 latou. A o outou manga o Isaraelu
 e, e tutupu o outou la laau, e fua
 mai foi a outou fua mā lo'u nuu o
 Isaraelu; auā ua latalata ona latou
 9 o mai. Auā faauta, ou te i ai ia te
 outou, ou te faasaga atu foi ia te
 outou, ona galueaiina lea outou ma
 10 faatoaina. Ou te faauluolaina foi
 tagata ia te outou, o le aiga uma o
 Isaraelu, o lona atoatoa lava; e
 āina foi aai, e atiina ae foi mea ua
 11 faatafunaina. Ou te faauluolaina o
 tagata atoa ma manu ia te outou;
 e uluola lava i latou ma fananau; o
 a'u e āinaina ai outou e pei o ona
 tuga tuai ia te outou, ou te agalelei
 foi ia te outou e sili i lo outou uluai
 āina; ona outou iloa ai lea o a'u
 12 lava o Ieova. Ou te faafeoaiina
 tagata i luga ia te outou, o lo'u lava
 nuu o Isaraelu; e fai oe mo latou, e
 fai foi oe mo latou tofi, e te le toe
 faaumatia lava tagata ai ia te i latou.
 13 Ua faapea ona fetalai mai o le
 Alii o Ieova, Ua latou faapea atu ia
 te outou, O oe ua e 'ai tagata, ma
 14 ua e faaumatia tagata o ou nuu; o
 le mea lea e te le toe 'ai tagata ai
 lava, e te le toe faaumatia foi tagata
 ai ou nuu, o loo fetalai mai ai le
 15 Alii o Ieova. O a'u foi e le toe
 lagona ai le faamasiasiga o nuu ese,
 e le toe oo atu lava ia te oe le faa-
 luma mai o tagata, e le toe faa-

tausuaiaina foi ou nuu, o loo fetalai
 mai ai le Alii o Ieova.

Ua oo mai foi le afiga a Ieova ia 16
 te au, ua faapea mai, Le atalii e o le 17
 tagata, sa mau le aiga o Isaraelu i lo
 latou lava laueleele, ona leaga ai lea
 ia te i latou i a latou amio ma a
 latou mea na fai; sa tusa a latou
 amio i o'u huma ma le leaga o le
 fafine ua nofo ese. O le mea lea na 18
 ou sasaa ai lo'u ita i luga ia te i
 latou, ona o le toto na latou faa-
 maligiina i luga o le elelee, ona o a
 latou tupua foi na latou faaleagaina
 ai le nuu. Na ou faataapeape foi ia 19
 te i latou i nuu ese, ma faasalalauina
 i latou i nuu eseese; na ou faasala
 foi ia te i latou e tusa ma o latou
 ala, e tusa foi ma a latou mea na fai.
 Ua latou oo atu i nuu ese, na latou 20
 o i ai, ona ta'uvaleina ai lea o lo'u
 igoa paia ona o i latou, ina ua faapea
 ane ia te i latou, O le nuu lea o
 Ieova, ua latou o mai nai lona lau-
 elelee. A e peitai na ou alofa ona o 21
 lo'u igoa paia, o le na ta'uvaleina e
 le aiga o Isaraelu i nuu ese na latou
 o i ai. O le mea lea ia e fai atu ai i 22
 le aiga o Isaraelu, Ua faapea ona
 fetalai mai o le Alii o Ieova, Ou te
 le faia lea mea ona o outou, le aiga
 o Isaraelu e, a o lo'u igoa paia o le
 ua outou ta'uvaleina i nuu ese ua
 outou o i ai. Ou te faapaiaina lo'u 23
 igoa mamalu ua ta'uvaleina i nuu
 ese, o le ua ta'uvaleina lava e outou
 i totonu ia te i latou; e iloa ai foi e
 nuu ese o a'u lava o Ieova, o loo
 fetalai mai ai le Alii o Ieova, pe a
 ta'upaiaina o a'u ia te outou i o
 outou huma. Auā ou te avea outou 24
 ai nuu ese, ma ou faapotopotoina
 outou mai nuu eseese uma, ma ou
 aumaia outou i lo outou laueleele.
 Ona ou sausauna lea o outou i le 25
 vai manino, ona mamā ai lea o
 outou; ou te faamamāina foi outou
 i lo outou leaga uma, ma a outou
 tupua uma. Ou te avatu foi ia te 26
 outou le loto fou, ma ou tuu i
 totonu ia te outou le agaga fou; ou
 te aveesea le loto maa ai o outou
 tino, ma ou avatu ia te outou le
 loto aano. Ou te tuuina atu lo'u 27
 Agaga i totonu ia te outou, tou te
 savavali ai i a'u tulafono, tou te
 anaana foi i a'u faamasinoga, ma

28 outou faia. Tou te nonofo foi i le nuu na ou foaiina atu i o outou tamā; e fai foi outou mo'u nuu, e
 29 fai foi a'u mo outou Atua. Ou te faaolaina foi outou ai lo outou leaga uma; ou te valaau foi i le saito, ma ou faatuputeleina, a e ou te le tuu
 30 atu se oge ia te outou. Ou te faatuputeleina foi fua o laau, ma mea e tutupu i le eleele, ina ia le toe oo ia te outou le faaluma mai o nuu
 31 ese ona o le oge. Ona outou manatunatu ai lea i o outou lava ala leaga ma mea sa outou faia e le o i ai se lelei, tou te 'ino'ino ai lava outou ia te outou ona o a outou amio leaga, atoa ma a outou mea e
 32 inosia. O loo fetalai mai le Alii o Ieova, Ia iloa e outou ou te le faia ia mea ona o outou; ia outou mamā ma ia outou masiasi ona o outou
 33 ala, le aiga o Isaraelu. Ua faapea ona fetalai mai o le Alii o Ieova, O le aso ou te faamamāina ai outou i a outou amio leaga uma, o a'u e āina ai a outou aai, e atiina ae foi
 34 mea ua faatafunaina. E galueaiaina foi le laueleele sa faatafunaina, sa faatafunaina lava i luma o i latou uma e na ui ane ai. Ona latou fai
 35 aue lea, O lenei laueleele sa faatafunaina, ua avea e pei o le faatoaga o Etena; o aai foi sa gaogao, ma faatafunaina, ma lepetia, ua
 36 nofo 'olo i latou ua āina. Ona iloa ai lea e nuu ese o e totoe i o outou itu uma, o a'u o Ieova ua ou atiiua ae mea sa lepetia, ma faatoaina le
 37 mea sa faatafunaina; o a'u o Ieova ua ou fai atu ai, ou te faia lava. O loo faapea ona fetalai mai o le Alii o Ieova, E ui i lea, a e sailia mai pea o a'u e le aiga o Isaraelu, ia faia ia mea mo i latou; ou te faatoateleina
 38 foi i latou e pei se lafu tagata. E pei o le lafu paia, e pei o le lafu o Ierusalemia i ona tausamiga, e faapea ona faatutumuina o aai gaogao i lafu tagata; latou te iloa ai o a'u lava o Ieova.

O le faaaliga o ivi mamago.

37 NA i luga ia te au le aao o Ieova; na ia aveina atu a'u i le Agaga o Ieova, ma na tuuina a'u i le fanua
 2 laugatasi, ua tumu i ivi. Ua ia taitaiina ane ai a'u ia faataamilo-

milo ai lava; faauta foi, ua matuā tele lava i le fogāeleele; faauta foi, ua matuā mamago lava. Ona fai
 3 mai lea o ia ia te au, Le atalii e o le tagata, e mafai ea ona toe ola o ia ivi? Ona ou tali atu ai lea, Le Alii e Ieova e, ua e silafia lava oe. Ona
 4 fetalai mai ai lea o ia ia te au, Ia e vavalo atu i na ivi, ma fai atu i ai, Ivi mamago e, faalogologo mai ia i le afiga a Ieova. Ua faapea ona fetalai mai o le Alii o Ieova i na
 5 ivi; Faauta, ou te faaulu ane le mānava i totonu ia te outou, ona outou ola ai lea; ou te avane foi ua ia te outou, ma ou faatupuina ae
 6 aano ia te outou, ma uufiifi ia te outou i pa'u, ou te tuuina atu foi le mānava i totonu ia te outou, e ola foi outou; ona outou iloa ai lea o a'u lava o Ieova. Ona ou vavalo atu ai lea e pei ona poloaia o a'u; ua
 7 ou vavalo atu, a e gāsēsē; faauta foi, o le gaoioi, ona fesootai lea o ivi, o le ivi i lona ivi. Ua ou vaai
 8 atu, faauta, ua tupu ae ua ma aano ia te i latou, ua ufitia foi i latou i pa'u; a ua leai se mānava i totonu ia te i latou. Ona fetalai mai lea o
 9 ia ia te au, Vavalo atu ia i le mānava le atalii e o le tagata, ina vavalo atu ia, ma ē faapea atu i le mānava, O loo faapea ona fetalai mai o le Alii o Ieova, Mānava e, ina sau ia mai matāmatagi e fa, ma ia mānava atu i ia tagata fāsia, ia
 10 latou ola ai. Ona ou vavalo atu lea e pei ona poloaia o a'u, ona ulu ane lea o le mānava i totonu ia te i latou, ona latou ola ai lea, ma tutū i luga i o latou vae, o le itu taua e
 11 matuā tele lava. Ona fetalai mai lea o ia ia te au, Le atalii e o le tagata, o ia ivi o le aiga uma ia o Isaraelu; faauta, ua latou fai mai, Ua mamago o matou ivi, ua faaumatia lo matou faamoemoe; ua fano lava i matou. O le mea lea ia e vavalo atu ai, ia
 12 faapea atu ia te i latou, Ua faapea ona fetalai mai o le Alii o Ieova, Faauta, lo'u nuu e, ou te lagaina o outou tuugamau, ou te avae outou ai o outou tuugamau, ma aumaia outou i le laueleele o Isaraelu. Lo'u
 13 nuu e, tou te iloa o a'u lava o Ieova, pe a ou lagaina o outou tuugamau, ma avae outou ai o outou tuugamau.

- 14 Ou te tuuina atu foi lo'u Agaga i totonu ia te outou, e ola ai foi outou, ou te faanofofilemuina foi outou i lo outou lava laueleele; ona outou iloa ai lea o a'u lava o Ieova, ua ou fai atu ai, ou te faia foi, o loo fetalai mai ai Ieova.
- 15 Ua oo mai foi le afiga a Ieova ia te au, ua faapea mai, O oe na foi, le atalii o le tagata, ia e avane se laau e tasi, ma tusi ai, Mo Iuta, ma le fanauga a Isaraelu o e 'au ia te ia; i le e avane foi se tasi laau, ma tusi ai, Mo Iosefa, o le laau a Efaraima, atoa ma le aiga uma o Isaraelu o e 'au ia te ia. Ia e faapoopoina le tasi i le tasi ia fai ma laau e tasi mo oe; ona avea lea o i laua ma laau e tasi i lou lima. A fai mai foi tagata o lou nuu ia te oe, e faapea mai, E te le faaali mai ea ia te i matou le uiga o ia mea? ia e fai atu ia te i latou, O loo faapea ona fetalai mai o le Alii o Ieova, Faauta, ou te ave le laau o Iosefa, o le ua i le lima o Efaraima, ma itu aiga o Isaraelu o e 'au ia te ia, ma ou tuuina i latou e faatasi ma ia, e faatasi lava ma le laau o Iuta, e avea foi i latou ma laau e tasi, e fai foi ma laau e tasi i lo'u lima. O laau foi e te tusi ai, e i ai ia i lou lima i o latou luma. Ia e fai atu foi ia te i latou, O loo faapea ona fetalai mai o le Alii o Ieova, Faauta, ou te aveina atu le fanauga a Isaraelu ai nuu ese ua latou o i ai, ma ou faapotopotoina mai i latou ai lea itu ma lea itu, ma ou aumaia i latou i lo latou lava laueleele. Ou te faia foi i latou ma nuu e tasi i le laueleele i mauga o Isaraelu; o le tupu foi e tasi e fai ma tupu ia te i latou uma; e le toe avea i latou ma nuu e lua, e le toe vaeluaina lava i latou e fai ma malo e lua. E le toe leaga lava i latou ia te i latou i a latou tupua, po o a latou mea inosia, po o se tasi o latou solitulafono; a e ou te faaolaina i latou ai mea uma latou te nonofo ai, ua latou fai ai le agasala, ou te faamamaina foi i latou; e fai i latou mo'u nuu, e fai foi a'u mo latou Atua.
- 24 O la'u auauna foi o Tavita e fai o ia ma tupu ia te i latou; e tasi foi le leoleo mamoe ia te i latou uma; e savavali foi i latou i a'u faamasi-
- noga, ma tausi i a'u tulafono, ma latou faia. Latou te nonofo foi i le nuu na ou foaiina ia Iakopo la'u auauna, sa mau ai o outou tamā; latou te mau ai, o i latou, ma a latou fanau, ma le fanau a latou fanau e oo i le faavavau; e fai foi la'u auauna o Tavita mo latou alii sili e faavavau. Ou te osia foi ma i latou le feagaiga e manuia ai; e fai foi ma feagaiga ia te i latou e faavavau; ou te faanofomauina i latou, ma faatoateleina i latou, ou te tuu foi lo'u malumalu ia te i latou e faavavau. E i ai foi lo'u fale ia te i latou; e fai foi a'u mo latou Atua, e fai foi i latou mo'u nuu. E iloa ai foi e nuu ese o a'u lava o Ieova o le faapaiaina Isaraelu, pe a i ai lo'u malumalu i totonu ia te i latou e faavavau.

O Koku ma lana itu taua.

UA oo mai foi le afiga a Ieova ia te au, ua faapea mai, Le atalii e o le tagata, ia e faasaga atu ia Koku, o le nuu o Makoku, le alii sili o Rosi, ma Meseko, ma Tupalu, ma vavalu atu ia te ia, ma e fai atu, Ua faapea ona fetalai mai o le Alii o Ieova, Faauta, ua fai oe mo'u fili, Koku e, o le alii sili o Rosi, ma Meseko, ma Tupalu. Ou te faafoi ia te oe, ma tuuina mama i ou auvae, ma ou ta'ita'i atu ia te oe, ma lau itu taua uma, o solofanua, ma e o tietie i solofanua, o i latou uma o oofu i ofutau atoatoa, o le vao tagata e toatele lava, ma talita, ma talipupuni, ua 'u'u i latou uma i pelu; o Peresia, ma Aitiope, ma Futu, faatasi ma i latou; ua tofu i latou uma ma le talipupuni ma le puloutau; o Komeru ma ana 'au uma; o le aiga foi o Tokaremo mai le itu i matu ma ana 'au uma, o nuu e tele lava e faatasi ma oe. Sauni ia, ina e sauni ia oe, o oe ma lou vao tagata uma, o e ua faapotopotoina ia te oe, ia fai foi oe ma leoleo ia te i latou. A mavae aso e tele ona asia ai lea o oe; o ona tausaga amuli e te sau ai i le nuu ua faafoisia nai le pelu, ua faapotopotoina nai nuu e tele i mauga o Isaraelu, ua faatafunaina pea lava; a e aumaia mai nuu eseese, latou te nonofo ma le filemu o i latou uma.

- 9 E te alu ae, e te oo mai e pei o se afā; e tusa oe ma le ao e ufitia ai le nuu, o oe, ma au 'au uma, ma
10 nuu e tele e faatasi ma oe. Ua faapea ona fetalai mai o le Alii o Ieova, O ona po lava ia, e tutupu ai mea i lou loto, e te mafaufau foi i
11 se manatu leaga; e te faapea ifo, Ou te alu ae i le nuu o aai e le nofo 'olo; ou te alu ia te i latou o e o fifilemu, o e nonofo faatalanoa, o i latou uma o nonofo ua leai so latou pa, e leai foi ni a latou faamaufaa-
12 lava, po o puipui, ina ia avea le vete, ia avea foi mea e faoa; e faasaga lou lima i mea sa faatafunaina, o loo āina, o le nuu foi ua faapotopotoina nai nuu ese, ua i ai manu ma oloa, o loo o nonofo i le totonu-
13 galemu o le lalolagi. O Seepa, ma Titana, ma e faatauoa o Tasesa, ma ana leona taanoa uma, e fai atu latou ia te oe, Ua e sau ea e ave vete? ua e faapotopotoina ea au 'au e ave mea ua fao? e ave ario ma auro, e ave manu ma oloa, e ave ai le vete tele?
- 14 O le mea lea, le atalii e o le tagata, ia e vavalu atu ai, ma ia e fai atu ia Koku, Ua faapea ona fetalai mai ai o le Alii o Ieova, O ona po o nonofo ai ma le filemu lo'u nuu o
15 Israelu, e te le iloa ea? E sau lava oe ai lou nuu i le itu i matu, o oe ma nuu e tele e faatasi ma oe, o tietie uma i latou i solofanua, o le vao tagata e toatele lava, ma le itu
16 taua e matuā tele. E te alu ae foi e tau ma lo'u nuu o Israelu, e pei o le ao e ufitia ai le nuu; o ona aso amuli e taunuu ai; ou te aumaiā foi oe i lo'u laueleele, ina ia iloa ai a'u i nuu ese, pe a faapaiaina a'u ia te
17 oe Koku e, i o latou luma. Ua faapea ona fetalai mai o le Alii o Ieova, E le o oe ea o le na ou fai atu ai anamua i a'u auana o le au perofeta o Israelu, o e na vavalu i ia ona po o tausaga, Ou te au mai ai
18 oe e tau ma i latou? O loo fetalai mai foi le Alii o Ieova, O ia lava ona po e alu atu ai Koku i le laueleele o Israelu, e matuā tupu ai
19 lo'u ita tele. O lo'u fuā foi, o le afi lava o lo'u ita ua ou fai atu ai, O le aso lea e i ai lava le mafuie tele i le
20 nuu o Israelu; ona gatete ai lea i o'u luma o i'a o le sami, ma manu felelei, ma manu feai o le vao, ma mea fetolofi uma e fetolofi i le eleele, atoa ma tagata uma o i le fogāelele, e solo foi mauga, e mafuli foi mea matomato, e sōloia foi pa uma e oo i le eleele. Ou te valaau foi i le pelu i o'u mauga uma ia oo ia te ia, o loo fetalai mai ai le Alii o Ieova; e taitoatasi foi ma faasaga lana pelu i le tasi. Ou te faasala foi ia te ia i le faamai ma le toto; ou te faatotō ifo foi i luga ia te ia ma ana 'au, atoa ma nuu e tele ua ia te ia, le timuga tetele, ma uato'a tetele, o le afi, ma le teio. Ou te faasili-siliina o a'u e a'u, ma ou faapaiaina o a'u; e iloa foi a'u i luma o nuu e tele, e iloa ai lava e i latou o a'u lava o Ieova.

O le fanoga o Koku.

O OE foi le atalii o le tagata, ia e vavalu atu ia Koku, ma fai atu, O loo faapea ona fetalai mai o le Alii o Ieova, Faauta, ou te fai oe mo'u fili Koku e, le alii sili o Rosi, ma Meseko, ma Tupalu; ou te faafoisia oe ma ou ta'ita'iina oe, ou te faaae mai foi ia te oe ai le itu i matu, ma aumai ia te oe i mauga o Israelu; ou te ta foi lau aufana ia *paū* ese i lou lima tauagavale, ma ou faapaū-eseina au u fanafana i lou lima tau-matau. E te paū i mauga o Israelu, o oe, ma au 'au uma, ma nuu o loo ia te oe; ou te tuina atu oe i manu feai felelei uiga eseese, ma manu feai o le vao, ia 'aina ai lava oe. E te paū lava i le fogāelele; auā o a'u lava ua ou fai atu, o loo fetalai mai ai le Alii o Ieova. Ou te lafo atu foi se afi ia Makoku, atoa ma e o nonofo faatalanoa i nuu tu matafaga; latou te iloa ai o a'u lava o Ieova. Ou te faailoa atu foi lo'u igoa paia i totonu o lo'u nuu o Israelu; ou te le toe mafai ona ia faaleagaina lo'u igoa paia; e iloa foi e nuu ese o a'u lava o Ieova, o le Paia o Israelu. Faauta, ua oo mai, ua uma ona fai, o loo fetalai mai ai le Alii o Ieova; o le aso lava lea na ou fai atu ai. E o atu foi o o nonofo i aai o Israelu, ma latou faamu ma susunu le auupega, o talita, ma talipupuni, o aufana foi, ma

- u fanafana, o tao foi, ma tao e velo; latou te faamuina ai i le afi i tausaga e fitu. Latou te le ave foi ni laau ai le vao, latou te le ta foi ni laau i le vao matua; auā latou te faamu le auupega i le afi; latou te vetea foi mea a latou o e sa vetea a latou mea, latou te fao foi mea a e sa faoa a latou mea, o loo fetalai mai ai le Alii o Ieova.
- 11 O lea aso foi ou te tuu atu ai ia Koku i lea lava mea se mea e fai ma tuugamau i Israelu, o le vanu e ui ai tagata i le itu i sasae o le sami; e punitia ai e o ui atu ai; latou te tatanu foi ia Koku ma lona vao tagata uma i lea mea; latou te faaigoa ai foi, O le vanu o Hamona-
- 12 Koku. E fitu masina e tatanu ai i latou e le aiga o Israelu, ina ia faamamāina ai le laueleele. E tatanu foi i latou e tagata uma o le nuu; e fai foi ma mea e ta'ua ai i latou, o le aso foi e viia ai a'u, o loo fetalai mai ai le Alii o Ieova. Latou te tofia foi isi tagata e fai mo latou faiva ona feoi solo i le nuu, latou te faatasi ma e ui ane latou te tanumia e o totoe i le fogāleelele, ia faamamāina ai; a mavae masina e fitu ona latou suesue lea. A o atu foi ē ui ane i le nuu, a iloa e se tasi se ivi o se tagata, ona faatuina ai lea e ia se faailoga, seia tanu ai e i latou o e tanumia tagata i le vanu o
- 16 Hamona-Koku. E igoa foi le aai ia Hamona. Latou te faamamāina ai foi le nuu.
- 17 Ua faapea foi ona fetalai mai o le Alii o Ieova, O oe le atalii o le tagata, ia e fai atu i manu felelei uiga esee, ma manu feai uma o le vao, Ia aofai mai outou, ina o mai ia, faapotopoto mai ia outou i itu uma i la'u faigaai ou te faia ma outou, o le faigaai tele i mauga o Israelu, tou te aai ai tino ma inu toto. Tou te aai tino o e malolosi, ma inu le toto o alii sili o le lalolagi, o mamoe poa, ma tamai mamoe, ma 'oti poa, ma povi poa, o manu pepeti o
- 19 Vasana i latou uma. Tou te aai ga'o seia outou maona, ma outou inu toto seia outou malilie i la'u faigaai ou te saunia ma outou. Tou te maona ai i la'u laoi i solofanua, ma e tau i kariota, ma e malolosi,
- atoa foi ma le 'au tau uma lava, o loo fetalai mai ai le Alii o Ieova. Ou te faailoa atu foi lo'u mamalu i luma o nuu ese; e iloa foi e nuu uma la'u faamasinoga ua ou faia, ma lo'u lima ua ou faaoa ia te i latou. E iloa ai foi le aiga o Israelu, o a'u o Ieova lo latou Atua, e amata i lea aso e faapea lava pea. E iloa foi e nuu ese, na tāfea le aiga o Israelu ona o a latou amio leaga, ina ua latou agasala mai ia te au, o le mea lea na 'alo ai o'u mata ia te i latou, ma ou tuuina atu i latou i lima o e na ita ia te i latou; na oti foi i latou uma i le pelu. Ua ou faia ia te i latou e tusa ma lo latou leaga, ma o latou solitulafono, ua 'alo ai foi o'u mata ia te i latou. O le mea lea ua faapea ona fetalai mai ai o le Alii o Ieova, Ou te faafoisia nei le tafeaga a Iakopo, ou te alofa foi i le aiga uma o Israelu, ou te fuā foi ona o lo'u igoa paia; ina ua uma ona tauave e i latou lo latou faamasiasiga, ma a latou amio leaga uma na latou agaleaga mai ai ia te au, ina o latou nonofo ma le filemu i lo latou laueleele, e leai foi se na faamata'u ia te i latou. A oo ina ou faafoisia mai i latou i nuu ese, ma ou faapotopotoina i latou ai nuu o e na fai i latou mo latou fili, a faapaiaina foi a'u ia te i latou i luma o nuu e tele, ona latou iloa ai lea o a'u lava o Ieova lo latou Atua, o le na tāfea ai i latou i nuu ese, ma ou faapotopotoina i latou i lo latou lava laueleele, ma ou le toe tuua lava so latou i ia mea. E le toe 'alo lava o'u mata ia te i latou, ina ua ou liligi ifo lo'u Agaga i luga o le aiga o Israelu, o loo fetalai mai ai le Alii o Ieova.
- O le faaaliga o le malumalu fou.
- O LONA lua o sefulu ma le lima o tausaga o la matou tafeaga, o le amataga o le tausaga, o le aso e sefulu o le masina, o le tausaga e sefulu ma le fa talu ona malai o le aai, o lena lava aso, na i ai le aao o Ieova i luga ia te au, ma na aveina atu i ai o a'u. O faaaliga mai le Atua na ia aveina ai a'u i le nuu o Israelu, ma tuuina ai a'u i luga o le mauga maualuga lava, o i ai i le

- itu i toga se fale e peiseai se aai.
- 3 Na ia aveina atu ai a'u, faauta foi, o le tagata, o lona tino mai ua pei o le tino o le 'apa memea, sa i lona lima le manoa lino, ma le u e fua a'i, o tu o ia i le faitotoa. Ua fai mai foi le tagata ia te au, Le atalii e o le tagata, ia vaavaai ou mata, ma ia faalogologo ou taliga, ia e tuu foi i lou loto o mea uma ou te faaali atu ai ia te oe; auā ua aumaia oe iinei ina ia ou faaali atu ai ia te oe; ia e ta'u atu i le aiga o
- 5 Isaraelu o mea uma e te iloa. Faauta foi, o le pa ua soo ai le fale i fafo, o i ai foi i le lima o le tagata le u e fua a'i, e ono kupita lona *umi*, o kupita e i ai le kupita, ma le alofilima; ua ia fua le lautele o le pa e tasi le u, ma lona maualuga e tasi
- 6 le u. Ona alu ane lea o ia i le faitotoa o loo faasaga i sasae, ma alu ae i lona ala faaapefai; ua ia fuatia foi le faitotoa, o le u e tasi lona lautele; ma le tasi faitotoa, e tasi
- 7 foi le u lona lautele. O potu foi *taitasi* e tasi le u lona *umi*, e tasi le u foi lona lautele; o le va foi o potu e lima kupita ia; o le faitotoa foi i tala ane o le faapaologa o le fale i totonu e tasi lona u. Ua ia fuatia
- 8 foi le faapaologa o le fale i totonu, o le u e tasi. Ona fuatia lea e ia le faapaologa o le puipui, e valu ona kupita, ma ona pou e lua ona kupita; na u i totonu foi le faapaologa
- 10 o le puipui. O potu foi o le faitotoa i sasae sa taitolu i itu; ua gatasitasi le fua o ia *potu* e tolu; ua gatasitasi foi le fua o pou i le tasi
- 11 itu ma le tasi itu. Ua ia fuatia le lautele o le puipui e sefulu ona kupita; o lona *umi* foi o le puipui e sefulu ma le tolu ona kupita.
- 12 Sa i ai foi le mea avanoa i luma o potu i itu taitasi e tasi lona kupita; o potu foi taiono kupita i lea itu ma
- 13 lea itu. Ona fuatia lea e ia le puipui mai le falealuga o le tasi potu e oo i le falealuga o le tasi; o lona lautele e lua sefulu ma le lima o kupita ia; ua faafesagai faitotoa.
- 14 Ua ia fai foi pou e onogafulu o kupita; ua oo foi i le pou o le lotoā
- 15 o le puipui e soo ai. E afua mai foi i luma o le puipui e ulu atu ai e oo i luma o le faapaologa o le puipui i
- totonu, e lima sefulu o ona kupita. Na i ai foi o faamalama puipua i 16 potu, sa i ai foi i pou i totonu o le puipui ua soo ai, ua faapea foi ma faapaologa; na i ai faamalama ua soo ai i totonu; na i ai foi pama i pou.
- Ua ia au mai foi ia te au i le lotoā 17 aupito i tua, faauta foi, o potu ma le paepae ua faia mo le lotoā ia soo ai; e tolu sefulu o potu na i le paepae. O le paepae foi i tafatafa o 18 puipui na feagai ma le umi o puipui, o le paepae aupitoalalo lea. Ona fuatia lea e ia o le lautele, e 19 afua mai i luma o le puipui aupitoalalo e oo i ona luma o le lotoā tuloto i ona tua mai, e selau ona kupita i sasae atoa foi ma le itu i matu. Ua ia fuatia foi le umi ma le lautele 20 o le puipui o le lotoā aupito i tua, o le faasaga i le itu i matu. O ona 21 potu foi sa taitolu i lea itu ma lea itu; o ona pou foi ma ona faapaologa sa tusa ma le fua o le uluai puipui, e lima sefulu o kupita, o lona umi lea, e lua sefulu ma le lima o kupita o lona lautele lea. O 22 ona faamalama foi, ma ona faapaologa, ma ona pama, sa tutusa ma le fua o le puipui o le faasaga i sasae; na latou o ae foi i ai i tulaga e fitu o le ala faaapefai; sa i ai foi ona 23 faapaologa i o latou luma. O le puipui foi o le lotoā tuloto, na faafesagai ma le puipui i le itu i matu ma le itu i sasae; ua ia fuatia foi e afua mai i le tasi puipui e oo i le tasi puipui e selau ona kupita.
- Ua ia ta'itai'ina foi a'u i le itu i 24 toga, faauta foi, o le puipui o faasaga i le itu i toga; ua ia fuatia foi ona pou ma ona faapaologa e tusa ma ia fua. O faamalama foi sa i ai 25 atoa mona faapaologa e soo ai e pei o ia faamalama; o lona umi e lima sefulu o kupita, o lona lautele e lua sefulu ma le lima o kupita. E fitu 26 foi tulaga faaapefai e ui ae ai, o ona faapaologa foi o i o latou luma; na i ai foi pama e taitasi i itu i ona pou. *Na i ai* foi le puipui i le 27 lotoā tuloto o faasaga i le itu i toga; na ia fuatia foi, e afua mai i le tasi puipui e oo i le tasi puipui ua faasaga i le itu i toga, e selau ona kupita.

- 28 Ua ia au mai foi ia te au i le lotoā tuloto o le puipui i le itu i toga ; ua ia fuatia foi le puipui i le
 29 itu i toga e tusa ma ia fua ; o ona potu foi, ma ona pou, ma ona faapaologa, sa tutusa ma ia fua ; o faamalama foi sa i ai atoa ma ona faapaologa e soo ai ; e lima sefulu o kupita, o lona umi lea, e lua sefulu ma le lima o kupita o lona
 30 lautele lea. O faapaologa foi e soo ai e lua sefulu ma le lima o kupita o lona umi lea, e lima kupita foi o
 31 lona lautele lea. O ona faapaologa na faasaga i le lotoā aupito i tua ; na i ai foi pama i ona pou ; e valu foi tulaga faaapefai e ui ae ai.
 32 Ua ia aumaia foi a'u i le lotoā tuloto o faasaga i sasae ; ona fuatia lea e ia o le puipui e tusa ma ia fua.
 33 O ona potu foi, ma ona pou, ma ona faapaologa, sa tutusa ma ia fua ; o faamalama foi sa i ai, ma ona faapaologa e soo ai, e lima sefulu o kupita, o lona umi lea, e lua sefulu ma le lima o kupita o lona lautele
 34 lea. Na faasaga ona faapaologa i le lotoā aupito i tua ; na i ai foi pama i ona pou i lea itu, ma lea itu ; e valu foi tulaga faaapefai e ui ae ai.
 35 Ua ia au mai foi ia te au i le puipui i le itu i matu, ma na fuatia ai e tusa ma ia fua. O ona potu, ma ona pou, ma ona faapaologa, ma ona faamalama e soo ai, e limagafulu o kupita o lona umi lea, o lona lautele e lua sefulu ma le lima
 37 o kupita. O ona pou foi na faasaga ia i le lotoā aupito i tua ; na i ai pama i ona pou i lea itu ma lea itu ; e valu tulaga faaapefai na ui ae ai. O potu ma o latou ala, na i tafatafa o pou ia o faitotoa, na latou mulumulu ai le taulaga mu.
 39 Na i ai foi i le faapaologa o le puipui o laulau e lua i le tasi itu, ma laulau e lua i le isi itu e fasi ai le taulaga mu, ma le taulaga mo le agasala, ma le taulaga mo le sese.
 40 O i le itu foi i tua e ui ae ai le ala o le faitotoa i le itu i matu na i ai laulau e lua ; o i le tasi itu foi i le faapaologa o le puipui na i ai laulau e lua. E fa laulau na i le tasi itu, e fa foi laulau i le isi itu i tafatafa o le puipui ; e valu ia laulau na
 latou fasi ai *taulaga* i o latou luga. O laulau ia e fa mo le taulaga mu, 42 o maa talai na *fai a'i*, e tasi le kupita ma le vaeluagalemu o le kupita, o le umi lea, e tasi foi le kupita ma le vaeluagalemu o le kupita o le lautele lea, o le kupita e tasi o le mauulaga lea ; na latou faaee ai foi mea ua latou fasi ai taulaga mu ma *isi taulaga*. Na i ai foi tafatafa e faamaui 43 ina ai ua *faasaga* i totonu, ua soo ai, e tasi le alofilima o latou lautele ; sa i luga foi o laulau tufaaga o le taulaga.
 O potu o le au pepese sa i ai ia i 44 tua o le puipui tuloto i le lotoā tuloto, i tafatafa o le puipui i le itu i matu, na faasaga foi ia i le itu i toga ; o le tasi i tafatafa o le puipui i sasae, ua faasaga i le itu i matu. Ona faapea mai lea o ia ia te au, O 45 lenei potu o lē faasaga i le itu i toga, mo le au ositaulaga lea o e anaana i le tausiga o le fale. A o 46 le potu o lē faasaga i le itu i matu, mo le au ositaulaga lea o e anaana i tausiga o le fata faitaulaga, o le fanauga ia a Satoka e o le fanauga a Levi, o e faalatalata ia Ieova e auaina ia te ia. Na ia fuatia le 47 lotoā, o lona umi e selau kupita, e selau kupita foi o lona lautele lea, na gatasitasi ona itu e fa ; o le fata faitaulaga foi na i lumā fale.
 Ua ia au mai foi ia te au i le faapaologa o le fale, ua ia fuatia pou o le faapaologa, e lima kupita i le tasi itu, e lima foi kupita i le isi itu ; o le lautele foi o le puipui e tolu kupita i le tasi itu, e tolu foi kupita i le isi itu. O le umi o le faapaologa e lua sefulu kupita lea, o lona lautele foi e sefulu ma le tasi kupita ; 49 *ua ia au mai foi ia te au* i le tulaga o le ala faaapefai na latou ui ae ai ; na i ai foi pou i tafatafa o pou, o le tasi i le tasi itu, o le tasi foi i le isi itu.
 O fua ma sauniga eseese o le 50 malumalu.
- ONA aumaia lea o a'u e ia i le 41 malumalu, ma ia fuatia pou, e ono kupita o lona lautele i le tasi itu, e ono foi kupita o lona lautele i le isi itu, o le lautele lea o le fale fetafai. O le lautele foi o le faitotoa e sefulu 2

- ona kupita; o ona itu foi o le faitotoa e lima kupita i le tasi itu, e lima foi kupita i le isi itu; ua ia fuatia foi le umi o le malumalu, e fagafulu o kupita, ma lona lautele e lua
- 3 sefulu o kupita. Ona alu ane lea o ia i totonu, ua ia fuatia le pou o le faitotoa, e lua ona kupita; ma le faitotoa foi e ono ona kupita, ma le lautele o le faitotoa e fitu ona kupita. Ua ia fuatia foi lona umi e lua sefulu ona kupita, ma le lautele e lua sefulu ona kupita, i luma o le malumalu; ua ia fai mai foi ia te au, O le mea e sili ona paia lenei.
- 5 Ona ia fuatia lea o le pa o le fale, e ono ona kupita; ma le lautele o potu i itu, e fa ona kupita, ua soo ai le fale i itu uma. O potu i itu, e atu tolu ia, taitasi i luga o le tasi, e taitolugafulu i itu; na latou sosoo ane i le pa o le fale mo potu i itu, na soo ai, ina ia faamauina ai, a ua le
- 7 faamauina i le pa o le fale. Na i ai foi le ala faataamilomilo i potu i itu, ua āu ina lautele i lona alu ae; auā ua alu ae pea le ala faataamilomilo i le fale e faataamilomilo ai i le fale; o le mea lea na āu ai ina lautele o le fale i lona alu ae i luga, e afua i le fogāfale aupitoalalo, e oo i le aupitoaluga e ui ai i le ogaloto.
- 8 Na ou iloa foi le maualuga o le fale i ona itu uma; o faavae o potu i itu, o le u atoa lea, e i ai kupita tetele e
- 9 ono. O le mafiasia o le pa sa i le potu o itu i tuāfalo, e lima ona kupita; sa i ai i totonu le mea na toe i potu o itu sa i le fale. O le va foi o potu, e lua sefulu o kupita ia, ua soo ai lava le fale i itu uma.
- 11 O faitotoa foi o potu o itu na faasaga ia i le mea na toe, o le tasi faitotoa na faasaga i le itu i matu, a o le tasi faitotoa na faasaga i le itu i toga, o le lautele foi o le mea na toe, e lima ona kupita i itu uma.
- 12 A o le fale na i luma o le mea na vavaeeseina i le itu i sisifo, e fitu sefulu o kupita lona lautele; o le pa foi o le fale e lima kupita lona mafiasia i itu uma, o lona umi foi e
- 13 ivagafulu o ona kupita. Ua ia fuatia lava le fale, e selau kupita, o lona umi lea; o le mea na vavaeeseina foi, ma le fale atoa, ma ona pa, e
- 14 selau kupita, o lona umi lea. O le lautele foi o lona lumāfale, ma le mea na vavaeina i le itu i sasae, e selau ona kupita. Ua ia fuatia foi le umi o le fale i luma o le mea na vavaeina, o lē i ona tua, ma fogāfale i le tasi itu ma le tasi itu, e selau ona kupita, o le malumalu tuloto foi ma faapaologa o le lotoā. O faitotoa foi, ma faamalama puipuia; ma fogāfale e soo ai o latou pae fale e tolu, o feagai ma le faitotoa, na tapapa i laupapa, na soo ai, na afua mai i lalo e oo ae i faamalama, na tapapa foi faamalama. O ona luga ae foi o le faitotoa, e oo i totonu o le fale tuloto, atoa ma fafo, o le pa uma foi e soo ai i totonu ma fafo na fuatia lava. Na fai foi kerupi ma pama, na i ai foi pama taitasi i va o kerupi; taitasi foi kerupi ma ona mata e lua; ua feagai foi mata o le tagata ma le pama i le tasi itu, ua feagai foi mata o le leona taanoa ma le pama i le isi itu; ua faia i le fale uma i ona itu uma. E afua mai i lalo e oo i ona luga ae o le faitotoa, atoa ma le pa o le malumalu, sa fai ai kerupi ma pama. Sa faatafafa foi o pou o le faitotoa o le malumalu; o lona lumāfale foi o le mea paia, ua tino mai e pei ona tino mai *anamua*. O le fata laau e fai ai taulaga e tolu kupita lona maualuga, o lona umi foi e lua kupita lea; o ona tulimanu foi, ma lona umi, ma ona itu, o laau ia; ua ia faapea mai foi ia te au, O le lau-lau lenei o loo i luma o Ieova. Sa i ai puipui e lua i le malumalu ma le mea paia. Sa tailua foi puipui faitotoa, o puipui feafeai; e lua puipui mo le tasi faitotoa, e lua foi mo le isi. Na fai foi i puipui o le malu-malu o kerupi ma pama, e pei ona faia i pa; na i ai foi laupapa mafiasia i luma o le faapaologa i fafo. Na i ai foi faamalama puipuia, ma pama i le tasi itu ma le isi itu, i itu o le faapaologa, ma potu i itu o le fale, ma laupapa mafiasia.
- O potu o ositaulaga ma le fua o le lotoā aupito i tua.*
- ONA ia aumaia lea o a'u i le lotoā aupito i tua, i le ala e faasaga i le itu i matu; na ia au mai foi ia te au i le potu i luma o le mea

vavaeina, na i luma o le fale i le itu
 2 i matu. O lona umi o le mea e oo
 atu i le faitotoa i le itu i matu e
 selau ona kupita, o le lautele foi e
 3 limagafulu ona kupita. E feagai
 ma kupita e lua sefulu sa i ai i le
 lotoā tuloto, e feagai foi ma le pae-
 pae sa i le lotoā aupito i tua, sa i ai
 fogāfale o feagai ma fogāfale e tai-
 4 tolu o pae fale. Na i ai i luma o
 potu le mea e fealuai ai e sefulu ona
 kupita lona lautele o faasaga i
 totonu, o le ala e tasi le kupita; o
 latou faitotoa foi ua faasaga i le itu
 5 i matu. A ua maualalo potu aupito-
 aluga; auā o fogāfale ua faaititiina
 ai i latou o e na aupitoalalo, ma e
 6 na i le ogaloto o le fale. Auā e
 tolu pae fale i latou, a e leai ni o
 latou pou e pei o pou o lotoā; o le
 mea lea na sili ai ona faavāiti i latou
 7 e na i latou o e na aupitoalalo, ma e
 na i le ogaloto o le fale. O le pa foi na i
 tua e lata ane i potu, ua faasaga i le
 lotoā aupito i tua i luma o potu, e
 limagafulu o kupita, o lona umi lea.
 8 Auā o le umi o potu na i le lotoā
 aupito i tua e limagafulu ona kupita
 ia; faauta foi, e selau kupita i luma
 9 o le malumalu. Na i ai foi le ala i
 le itu i sasae i lalo o ia potu, i le
 mea e ui atu i ai pe a sau mai le
 10 lotoā aupito i tua. Na i ai potu i le
 mafafia o le pa o le lotoā i le itu i
 sasae, i luma o le mea vavaeeseina,
 11 i luma foi o le fale. O le ala foi i o
 latou luma e pei ona tino mai o
 potu sa faasaga i le itu i matu, e
 tusa ma ia lona umi, e tusa ma ia
 foi lona lautele; o latou ala uma e
 ui atu ai e tusa ma o latou uiga, e
 12 tusa foi ma o latou faitotoa. E tusa
 foi ma faitotoa o potu sa faasaga i
 le itu i toga; na i ai le faitotoa i le
 mea e amata mai ai le ala, o le ala i
 luma tonu o le pa e faasaga i sasae,
 pe a ulu atu ai i latou.
 13 Ona fai mai lea o ia ia te au, O
 potu o i le itu i matu, ma potu i le
 itu i toga ua i luma o le mea ua
 vavaeeseina, o potu paia ia e aai ai
 i mea e sili ona paia e le au ositau-
 laga o e faalatalata ia Ieova; e tuu
 ai foi e i latou mea e sili ona paia,
 ma le taulaga i mea e'ai, ma le tau-
 laga mo le agasala, ma le taulaga
 14 mo le sese; auā e paia lea mea. A

ulufale atu ai ositaulaga, ona latou
 le o ese lea i le mea paia e o atu ai
 i le lotoā aupito i tua, a e latou te
 tuuina ai o latou ofu latou te au-
 auna a'i; auā ua paia ia; latou te
 oofu foi i nisi ofu, ma latou faalata-
 lata i mea e fai ma le nuu.

Ua uma ona fuatia e ia o le fale 15
 tuloto, ona ia aumaia lea o a'u i le
 ala i le puipui e faasaga i sasae; ua
 ia fuatia foi ona itu uma. Ua ia 16
 fuatia le itu i sasae i le u e fua a'i,
 e lima selau o u i le u e fua a'i, ua
 soo ai. Ua ia fuatia le itu i matu, e 17
 lima selau o u i le u e fua a'i, ua soo
 ai. Ua ia fuatia le itu i toga, e 18
 lima selau o u i le u e fua a'i. Ua 19
 ia liliu ane i le itu i sisifo, ua ia
 fuatia ai o u e lima selau i le u e fua
 a'i. Ua ia fuatia ona itu e fa; na i 20
 ai le pa e soo ai e lima selau lona
 umi, e lima selau foi lona lautele, e
 va a'i le mea e paia ma le mea e le
 paia.

*Ua toe foi le pupula o Ieova i le
 malumalu.*

UA ia ta'ita'i foi ia te au i le 43
 puipui, o le puipui lea ua faasaga i
 sasae; faauta foi, o le pupula o le 2
 Atua o Isaraelu ua afio mai mai
 sasae; o lona siufofoga foi e pei o
 le taalili o le vai e tele; ua mala-
 malama foi le lalolagi i lona pupula.
 E pei ona tino mai o le faaaliga na 3
 ou iloa, e pei o le faaaliga lava na
 ou iloa ina ua ou sau e faaumatia le
 aai; o faaaliga foi e pei o le faaa-
 liga na ou iloa i le vaitafe o Kepara;
 ona ou faapaūfao ai lea. Ua afio 4
 mai foi le pupula o Ieova i le fale
 na ala mai i le faitotoa e faasaga i
 sasae. Ona siitia lea o a'u e le 5
 Agaga, ua ia au mai foi ia te au i le
 lotoā tuloto; faauta foi, ua tumu le
 fale i le pupula o Ieova. Ona ou 6
 faalogo atu lea, ua tūlei mai lona
 siufofoga ia te au ai totonu o le
 fale; ua tu mai foi le tagata i o'u
 tafatafa, ua ia faapea mai foi ia te 7
 au, Le atalii e o le tagata, o le mea
 e i ai lo'u nofoālii, ma le mea e tutū
 ai o'u alofivae, ou te nofo ai e faa-
 tasi ma le fanauga a Isaraelu e faa-
 vavau, e le toe faaleagaina foi lo'u
 igoa paia e le aiga o Isaraelu, o i
 latou ma o latou tupu i a latou.

- faitaaga, e le *toe leaga* foi i tino oti
o latou tupu i a latou mea maualu-
luga, i lo latou tuuina o lo latou
faitotoa i tafatafa o o'u faitotoa, ma
la latou pou o le faitotoa i tafatafa
o a'u pou, o le pa foi na va a'i i latou
ma a'u, ua faaleagaina foi lo'u igoa
paia i a latou mea e inosia ua latou
faia; o le mea lea ua ou faaumatia
ai i latou i lo'u ita. O lenei, ia latou
lafaai a latou faitaaga, ma tino oti
o latou tupu, ia mamao ia te au, ona
ou nofo ai lea faatasi ma i latou e
faavavau.
- O oe na le atalii o le tagata, ia e
faaali atu le fale i le aiga o Isaraelu,
ina ia latou masiasi i a latou amio
leaga; ia latou fuatia foi lena faa-
tusa. Afai foi e masiasi i latou
ona o mea uma ua latou faia, ina
faailoa atu ia ia te i latou le tino
o le fale, ma lona faatusa, ma ona
ala e ulufafo ai, ma ona ala e ulu-
fale mai ai, ma ona tino mai uma,
ma ona sauniga uma, ma ona tino
mai uma, ma aua tulafono uma; ia
e tusi ai i o latou luma, ina ia latou
tausia lona tino mai uma, ma ona
sauniga uma, ma latou faia. O le
tulafono lenei o le fale, O le tumu-
tumu o le mauga, o ona tuaoi uma
e faataamilomilo ai, e matuā paia
lava ia. Faauta, o le tulafono lea o
le fale.
- O fua nei o le fata faitaulaga i
kupita; o le kupita e i ai le kupita
ma le alofilima; e tasi le kupita o le
taele, o lona lautele foi e tasi le
kupita, o le pale foi e siosioina ai
ona tafatafa, e tasi le āga; o le mea
aupitoaluga lea o le fata faitaulaga.
- E afua mai i le taele i le eleele, e
oo i le tafatafa faasili aupitoalalo, e
lua kupita, o lona lautele foi e tasi
le kupita; e afua mai foi i le tafa-
tafa faasili aupito ititi, e oo i le
tafatafa faasili aupito tele e fa
kupita, o lona lautele foi e tasi le
kupita. O le fata faitaulaga foi e
fa ona kupita; e fa foi nifo e tutū
ae i le fata faitaulaga. O le umi
foi o le fata faitaulaga e sefulu ma
le lua *ona kupita*, o lona lautele e
sefulu ma le lua, e gatasitasi ona
itu e fa. O le tafatafa faasili foi e
sefulu ma le fa *o kupita* lona umi, e
sefulu ma le fa lona lautele i ona
- itu e fa; o lona tafatafa foi e sio-
sioina ai, o le vaeluagalemu lea o le
kupita, ma lona taele e tasi le
kupita e soo ai; o lona ala faaapefai
foi e faasaga i sasae.
- Ua fai mai foi o ia ia te au, Le
atalii e o le tagata, o loo faapea ona
fetalai mai o le Alii o Ieova, O tula-
fono ia i le fata faitaulaga i le aso
latou te faia ai e sauni ai taulaga i
ona luga, e sausu foi toto i ona
luga. E te avatu se povi poa taanoa
i ositaulaga o sa Levi, o le faauaga a
Satoka o e faalatalata mai ia te au
e auauna ia te au, e fai ma taulaga
mo le agasala, ua fetalai mai ai le
Alii o Ieova. E te ave foi nisi o
lona toto, ma tuu ai i ona nifo e fa,
ma tulimanu e fa, o le tafatafa faa-
sili, ma le pale e siosio ai; e te faa-
mamāina ai, ma fai ai se togiola.
E te ave foi le povi poa o le taulaga
mo le agasala, e susunu ai i le mea
sa tofia i le fale i tua o le mea paia.
O le aso lua e te avatu ai se tamai
'oti e sao ona lelei, e fai ma taulaga
mo le agasala; latou le faamamāina
foi le fata faitaulaga, e pei ona
latou faamamāina i le povi poa. A
uma ona faamamāina, e te avatu se
povi poa taanoa e sao ona lelei, ma
se mamoe poa o le lafu e sao ona
lelei. E te avatu ai i luma o Ieova,
e luluina i ai foi e ositaulaga se
masima, ma latou avatu ai e fai ma
taulaga mu ia Ieova. E fitu aso e
te sauni ai se 'oti taitasi i aso e fai
ma taulaga mo le agasala; latou te
saunia foi se povi poa taanoa, ma se
mamoe poa o le lafu e sao ona lelei.
E fitu aso latou te fai ai le togiola
mo le fata faitaulaga, ma faamamā
i ai; e fai foi le tofia o i latou. A
mavae ia ona aso, ona faia lea e
ositaulaga a outou taulaga mu ma
outou taulaga faafetai i luga o le
fata faitaulaga, e afua i le aso valu
e oo i aso e lumanai; ona ou talia
lea o outou, ua fetalai mai ai le Alii
o Ieova.
- Ua aoiaina e o sa Levi; o mea e
faia e i latou.
- ONA ia toe faafoi mai lea ia te
au i le ala o le faitotoa o le mea
paia aupito i tua, e faasaga i sasae;
a ua punitia ia. Ona fetalai mai lea

a Ieova ia te au, E punitia lenei faitotoa, e le tatalaina lava, e le ulu atu i ai se tagata; auā ua ulufale mai ai Ieova le Atua o Isaraelu o le mea lea e punitia ai ia. Mo le alii sili lea; o le alii sili e nofo ai o ia e 'ai ai mea e 'ai i luma o Ieova; na te ulu ane i le ala o le faapaologa o lea faitotoa, na te ulufafo foi i lea lava ala.

4 Ua ia au mai foi ia te au i le ala o le faitotoa i le itu i matu i lumāfale; ona ou vaai lea, faauta foi, ua tumu le fale o Ieova i le pupula o Ieova, ona ou faapaūfao ai lea.

5 Ona fetalai mai lea o Ieova ia te au, Le atalii e o le tagata, ia e tuu i lou loto, ma ia vaavaai ou mata, ia faalogologo foi ou taliga i mea uma ou te fai atu ai ia te oe i sauniga uma o le fale o Ieova, ma ana tula-fono uma; ia e manatunatu i mea e ulufale mai ai i le fale, atoa ma mea e ulufafo ai i le malumalu. E te fai atu foi i e fouvale, o le aiga lea o Isaraelu, Ua faapea ona fetalai mai o le Alii o Ieova, Le aiga o Isaraelu e, soia, ina tuu ia a outou mea

7 e inosia uma, ona ua outou aumaia o tagata ese, o e le peritomeina loto, e le peritomeina foi tino, ia i ai i lo'u malumalu, ia faaleagaina ai lo'u lava fale, ina ua outou aumaia o a'u mea e 'ai, o le ga'o ma le toto, ua outou solia foi la'u feagaiga i a outou mea uma e inosia. Ua outou le anaana foi i le tausiga o a'u mea paia; a ua outou tofia mo outou lava o e tausia a'u mea e tausia i lo'u malumalu.

9 Ua faapea ona fetalai mai o le Alii o Ieova, E le ulufale mai i lo'u malumalu se tagata ese, e le peritomeina le loto, e le peritomeina foi le tino, o tagata ese uma, o e o i ai i le fanauga a Isaraelu. O sa Levī foi o e ua o mamao ia te au ina ua o ese o Isaraelu, o i latou na o ese ia te au e mulimuli atu i a latou tupua; e oo lava ia te i latou

11 le tau'i o a latou agasala. A e fai i latou ma auauna i lo'u malumalu, e leoleo i puipui o le fale, ma auauna i le fale; latou te fasia le taulaga mu, ma le taulaga mo le nuu, latou te tutū foi i o latou luma e auauna

12 ia te i latou. Auā na latou auauna

ia te i latou i luma o a latou tupua, o i latou foi na agasala ai le aiga o Isaraelu; o le mea lea ua ou sii ai i luga lo'u lima ia te i latou, o loo o fetalai mai ai le Alii o Ieova, e oo ia te i latou le tau'i o a latou agasala. Latou te le faalatalata mai foi ia te au e fai le faiva o le ositaulaga ia te au, e le faalatalata foi i latou i se tasi o a'u mea paia i le mea e sili ona paia; a e i ai ia te i latou lo latou mā, ma a latou mea e inosia ua latou faia. A e ou te fai i latou ma e tausī i a'u mea e tausia i lo'u fale i galuega uma o i ai, atoa ma mea uma e fai.

A o le au ositaulaga o sa Levī, o le fanauga a Satoka, o e na anaana i le tausiga o lo'u malumalu, ina ua o ese le fanauga a Isaraelu ia te au, latou te faalatalata mai ia te au o auauna ia te au, e tutū foi i latou i o'u luma e au mai ai ia te au le ga'o ma le toto, o loo o fetalai mai ai le Alii o Ieova. O i latou ia e ulufale i lo'u malumalu, o i latou foi e faalatalata mai i la'u laulau e auauna mai ai ia te au, latou te tausī foi i a'u mea e tausia. A latou ulufale mai i faitotoa o le lotoā tuloto, e oofu i latou i ofu lino; e le oofu lava i latou i se ofu fulufulu mamoe pe a latou auauna i totonu o faitotoa o le lotoā tuloto, ma totonu o le fale. E pulou i latou i pulou lino, e oofu foi i ofuvae lino; e le fusi i latou i se mea e tupu ai le afu. A latou o atu i le nuu i le lotoā aupito i tua, o le lotoā lava e aupito i tua, latou te to ese o latou ofu na latou auauna a'i, ma tuu ai i potu sa, a e latou oofu i nisi ofu; latou te le faapaiaina foi le nuu i o latou ofu. Latou te le tafi foi o latou ulu, e tuu foi o latou fuafuati lauulu ia uūmi, latou te sele o latou lauulu. E le inu uaina foi se tasi ositaulaga lava pe a latou ulufale mai i le lotoā tuloto. Latou te le fai avā foi i se fafine ua oti lana tane, po o se fafine ua aleia; a e latou te fai avā i taupou o le fanau a le aiga o Isaraelu, po o se fafine ua oti lana tane sa nofo i se ositaulaga. Latou te a'oa'o foi i lo'u nuu ia masino mea paia ma mea e le paia, ina ia latou iloa le mea e le mamā ma le mea e

24 mamā. O finauga foi latou te tutū ai e fai le faamasinoga; latou te faamasino i ai e tusa ma a'u faamasinoga; latou te tausia a'u tula-fono, ma a'u sauniga i tausamiga uma e fai ia te au; latou te faa-
 25 paiaina foi o'u sapatu. Latou te le papai ane i se tagata oti, e leaga ai i latou; a e le sa ona leaga i latou ona o le tamā, po o le tinā, po o se atalii, po o se afafine, po o se uso, po o se tuafafine e lei nofo tane.
 26 A uma ona faamamāina o ia, ona latou faitauina lea ia te ia o aso e
 27 fitu. O le aso foi na te ulufale ai i le malumalu, i le lotoā tuloto, e au-auna i le malumalu, na te aumaia lana taulaga mo le agasala, o loo o
 28 fetalai mai ai le Alii o Ieova. E fai foi lea ma tofi mo i latou; o a'u o lo latou tofi; tou te le avatu se tofi ia te i latou i Isaraelu; o a'u lava o
 29 lo latou tofi. Latou te aai le taulaga i mea e 'ai, ma le taulaga mo le agasala, ma le taulaga mo le sese; o mea uma foi e faatoina i
 30 Isaraelu e fai ia mā latou. O le faa-polopolo o le uluai fua uma i mea uma, ma taulaga uma i mea uma i a outou taulaga uma, e fai ia mā ositaulaga; tou te avatu foi a outou uluai palugāfalaoa i le ositaulaga, ina ia faatumauina e ia le manuia i
 31 lou aiga. E le aai foi le au ositaulaga se mea e tasi ua mate fua, po o se mea ua saeia, o se manu lele, po o se manu vaefa.

O le vaevaeina o le laueleele.

45 A OUTOU vaevaeina le laueleele i le vili e fai ma tofi, tou te avatua se taulaga ia Ieova, o le mea paia mai le laueleele; o lona umi e lua sefulu o afe ma afe e lima o u, o lona umi lea, o lona lautele foi e sefulu afe. E paia foi lea i ona itu
 2 uma e soo ai. E i ai i lea mea se fasi fanua mo le malumalu, tailima selau o u i ona itu, e gatasitasi ona itu e fa; e lima sefulu foi o kupita e fai mona tuāfanua e faataaliolio
 3 ai. O lenei fua foi e te fuaia mai ai se mea, o lona umi e lua sefulu afe ma afe e lima, a o le lautele e sefulu afe; e i ai le malumalu, o le
 4 mea e sili ona paia. E fai lenei tofi paia o le laueleele mo le au ositau-

laga, o e au-auna i le malumalu, o e faalatalata atu e au-auna ia Ieova; e fai foi ma mea e tutū ai o latou fale, o le mea paia foi e tu ai le malumalu. O le lua sefulu o afe
 5 ma afe e lima o lona umi, ma le sefulu afe o lona lautele, e fai lea mo sa Levī, o e au-auna i le fale, e fai ma tofi e fai ai potu e lua sefulu. Tou te tuu ane foi le tofi o le
 6 aai e lima gaafe lona lautele, e lua sefulu afe ma afe e lima lona umi, e faafesagai ma le taulaga o le tofi paia, e fai foi lea mo le aiga uma o Isaraelu. E i ai foi se tofi mo le
 7 alii sili i le tasi itu, ma le isi itu o le taulaga o le tofi paia ma le tofi o le aai i luma o le taulaga o le tofi paia i luma foi o le tofi o le aai, e
 8 pau mai i le itu i sisifo, e pau mai foi i le itu i sasae; o lona umi foi e faafeagai lea ma le tasi tofi, e pau mai i le tuaoi i sisifo, e pau mai i le tuaoi i sasae. E fai lona tofi i le
 9 laueleele o Isaraelu; e le toe faasaua foi a'u alii i lo'u nuu; o le laueleele foi latou te tuuina atu i le aiga o Isaraelu, e faatatau i o latou itu aiga.

Ua faapea ona fetalai mai o le 9 Alii o Ieova, Soia, outou alii o Isaraelu e; ina tuu ia le faasaua ma le faasaunoa, a ia fai amio tatau ma amiotonu; soia tou te tulia o'u tagata, o loo o fetalai mai ai le Alii o Ieova. Ia ia te outou le fua faa-
 10 tautau e tatau, ma le efa e tatau, ma le paita e tatau. O le efa ma le paita e tasi lo laua fua, ina ia i ai somera e sefulu i le paita, ia i ai foi efa e sefulu i le somera; e faatatauina lona fua i le somera. O le se-
 11 keli e lua sefulu o kire ia; e lua sefulu o sekeli, e lua sefulu ma le lima o sekeli, e tasi le sefulu ma le lima o sekeli, e fai ia mo outou mina.

O le taulaga lenei tou te avatua; 13 o vaega e ono o le efa ai le somera o saito, ma vaega e ono o le efa ai le somera o karite. O le tulafono foi 14 i le suānu, o le paita o suānu tou te avatua vaega e sefulu o le paita ai le kori, o le somera e i ai paita e sefulu; auā o le sefulu o paita o le somera lea. O se tamai mamoe e 15 tasi mai le lafu mai le lua o selau

- mai taaga lelei o Isaraelu, e fai ia ma taulaga i mea e 'ai, ma taulaga mu, ma taulaga faafetai, e fai foi ma togiola mo i latou, o loo fetalai
- 16 mai ai le Alii o Ieova. O tagata uma o le nuu, latou te faia lenei taulaga faatasi i le alii sili o Isaraelu. E a le alii sili *ona avatu* o taulaga mu, ma taulaga i mea e 'ai, ma taulaga i mea e inu i tausamiga, ma masina faatoa vaaia, ma sapati, ma tausamiga uma o le aiga o Isaraelu; na te saunia le taulaga mo le agasala, ma le taulaga i mea e 'ai, ma le taulaga mu, ma taulaga faafetai, e fai ai se togiola mo le aiga o Isaraelu.
- 18 Ua faapea ona fetalai mai o le Alii o Ieova, O le uluai *masina*, o le *aso* muamua o le masina, e te ave ai se povi poa taanoa e sao ona lelei, e te faamamāina ai le malumalu; e ave foi e le ositaulaga nisi toto o le taulaga mo le agasala, ma avane ai i pou o le fale, ma tulimanu e fa o le tafatafa faasili o le fata faitaulaga, ma pou o le faitotoa o le lotoā tuloto. E faapea ona e faia i le *aso* fitu o le masina mo le tagata e sese, atoa ma le ua valea; e faapea ona outou fai ai se togiola mo le fale.
- 21 O le *masina* muamua, o lona aso e sefulu ma le fa o le masina, tou te fai ai le paseka, o le tausamiga e fitu ona aso; tou te aai ai areto e le faafefefeina. E saunia e le alii sili i lea aso mo ia, ma tagata uma o le nuu o se povi poa e *fai* ma taulaga
- 23 mo le agasala. O aso e fitu o le tausamiga na te sauni ai se taulaga mu ia Ieova, o povi poa ma mamoe poa e sao ona lelei, ia taifitu i aso i aso lava e fitu; ma se tamai 'oti i lea aso ma lea aso e fai ma taulaga
- 24 mo le agasala. Na te saunia foi le taulaga i mea e 'ai, o le efa e *tasi* i le povi poa, o le efa foi i le 'oti poa, ma le sinu o suāuu i le efa. O le *masina* e fitu, o lona aso e sefulu ma le lima o le masina, na te faia e tusa ma ia mea, i le tausamiga i aso e fitu, e tusa ma le taulaga mo le agasala, e tusa foi ma le taulaga mu, e tusa ma le taulaga i mea e 'ai, e tusa foi ma le suāuu.

O isi upu faatonu i a le malumalu, ma sauniga e fai i ai.

UA faapea ona fetalai mai o le Alii o Ieova, O le puipui o le lotoā tuloto le ua faasaga i sasae, e punitia ia i aso e ono e fai ai galuega; a o le sapati e avanoa ai, atoa ma le aso o le masina faatoa vaaia e avanoa ai. E ulufale le alii sili i le ala o le faapaologa o le puipui i fafo, ma tu i le pou o le faitotoa, e sauni foi e ositaulaga lana taulaga mu, ma ana taulaga faafetai, e tapuai foi o ia i tala ane o le faitotoa, ona alu lea o ia; a e le punitia le faitotoa seia oo i le afasi. E tapuai foi tagata o le nuu i lenei faitotoa i luma o Ieova i sapati ma masina faatoa vaaia. O le taulaga mu e avatua e le alii sili ia Ieova i le aso sapati, e ono tamai mamoe ia e sao ona lelei, ma se mamoe poa e sao ona lelei. O le taulaga i mea e 'ai, o le efa lea i le mamoe poa, o le taulaga i mea e 'ai i tamai mamoe e faatatau i mea ua ia te ia, o le sinu o suāuu foi i le efa. O le aso foi o le masina faatoa vaaia e *avatu ai* le povi poa taanoa e sao ona lelei, ma tamai mamoe e ono, ma se mamoe poa; e sao ona lelei i latou. Na te saunia foi le taulaga i mea e 'ai, o le efa e tasi i le povi poa, ma le efa foi i le mamoe poa; a e *avane* i tamai mamoe e faatatau i mea ua na maua, o le sinu o suāuu foi i le efa.

A ulufale le alii sili, na te ui ane i le ala o le faapaologa o *lena* puipui, na te ulufafo ai foi i lena lava ala. A o ane tagata o le nuu i luma o Ieova i tausamiga, o lē ulufale i le ala o le faitotoa i le itu i matu e tapuai, e ulufafo ia i le ala o le faitotoa i le itu i toga; o lē ulufale foi i le faitotoa i le itu i toga, e ulufafo ia i le ala o le faitotoa i le itu i matu; na te le ulufafo i le ala o le faitoa na ia ulufale ai, a e ulufafo o ia i le mea e feagai ai. A o le alii 10 sili, a latou ulufale, e ulufale o ia faatasi ma i latou; a latou ulufafo, e ulufafo foi o ia.

O tausamiga ma faapotopotoga e 11 fai ai le taulaga i mea e 'ai, o le efa lea i le povi poa, o le efa foi i le mamoe poa, a o tamai mamoe e

- faatatau i mea ua ia te ia, o le sinu
 12 foi o suāuu i le efa. A sauni foi le alii sili se taulaga mu e manatu fua o ia ona fai, po o taulaga faafetai na te manatu fua ona fai ia leova, e faaavanoaina mo ia le faitotoa e faasaga i sasae, na te saunia foi lana taulaga mu, ma ana taulaga faafetai e pei ona fai i le aso sapatu; ona ulufafo ai lea o ia; ona punitia lea o le faitotoa ina ua ulufafo atu o ia.
 13 E te sauni foi i aso uma le taulaga mu ia leova, o le tamai mamoe e tasi lona tausaga e sao ona lelei, e te sauni ai i lea taeao ma lea taeao.
 14 E te sauni ai foi se taulaga i mea e 'ai i lea taeao ma lea taeao, o lona vaega e ono o le efa, o lona vaega foi e tolu o le sinu o suāuu e palu a'i le falaoa lelei; o le taulaga i mea e 'ai e le aunoa, o le sauniga ia leova e faavavau. Latou te saunia lave le tamai mamoe, ma le taulaga i mea e 'ai, ma le suāuu i lea taeao ma lea taeao, o le taulaga mu e le aunoa.
 16 Ua faapea ona fetalai mai o le Alii o leova, A avatu e le alii sili se mea alofa i se tasi o ona atalii e fai lea ma tofi o ona atalii; e fai lea mo i latou ona o le tofiga. A e afai na te avatu se mea alofa ai lona tofi i se tasi o ana auauna, e fai lea mona seia oo i le tausaga e sa'oloto ai, ona toe iu ane lea i le alii sili; a o lona tofi e fai lea mona atalii, o i latou lava. E le avea foi e le alii sili se mea ai le tofi o le nuu, e tuli ese ai i latou i lo latou tofi; a e na te avane tofi o ona atalii ai ana lava mea ua maua; ina ia le faataapea-peina ai lo'u nuu i o latou tofi.
 19 Ona ia au mai lea ia te au i le ala o i le tafatafa o le faitotoa i potu paia o le au ositaulaga e faasaga i le itu i matu; faauta foi, o i ai le tasi mea i itu e lua i sisifo. Ona fai mai lea o ia ia te au, O le mea lenei e tunu ai e ositaulaga le taulaga mo le sese, ma le taulaga mo le agasala, latou te tao ai foi le taulaga i mea e 'ai; ina ia latou le avatu ai i le lotoā aupito i tua e faapaiaina ai le nuu.
 21 Ona ia aumpaia lea o a'u i le lotoā aupito i tua, ua ia ta'ita'i foi ia te au i pito lotoā e fa; faauta foi, ua
 22 taitasi le pito lotoā ma se lotoā. O

pito e fa o le lotoā, sa i ai lotoā ua sosoo ai, e fagafulu o kupita lona umi, e tolu gafulu o kupita lona lautele; o ia pito e fa e tasi lo latou fua. Na i ai foi le aupā ua soo ai, 23 ua soo ai lava ia lotoā e fa, na fai foi mea e tunu ai mea i lalo ifo o aupā ua soo ai. Ona fai mai lea o 24 ia ia te au, O mea ia a latou o e tutunu mea, e tutunu ai taulaga a le nuu e i latou o e auauna i le fale.

O le faaaliga o le vai na alu ae ai le malumalu; o tuaoi o le fanua.

ONA toe faafoi lea o ia ia te au i 47 le faitotoa o le fale; faauta foi, ua alu ae le vai i lalo o le faitotoa o le fale i sasae; auā na faasaga ona lumā fale i sasae, na alu ifo foi le vai na i lalo, mai le itu taumatau o le fale i le itu i toga o le fata faitaulaga. Ona ia aveina atu lea o a'u i le ala o le faitotoa i le itu i matu, na ia ta'ita'i faataamilo ia te au i le ala i tua i le faitotoa aupito i tua i le ala e faasaga i sasae; faauta foi, ua tafe atu ai le vai i le itu taumatau. 3 Ua alu ane i le itu i sasae le tagata sa i lona lima le manoa, ona ia fuatia lea o kupita e afe, ona ia ta'ita'iina lea o a'u i le tasi itu o le vai; ua gata le vai i tapuvae. 4 Ua ia toe fuatia se afe o kupita, ona ia ta'ita'iina lea o a'u i le tasi itu o le vai; ua gata le vai i tulivae. Ua ia toe fuatia se afe o kupita, ua ia ta'ita'iina foi o a'u i le tasi itu; ua gata le vai i le sulugatiti. 5 Ua ia toe fuatia se afe o kupita; ua avea ma vaitafe ou te le toe mafai ona asa; auā ua loloto le vai, o le vai e aaui ai, o le vaitafe e le mafai ona asa. 6 Ua ia fai mai foi ia te au, Le atalii e o le tagata, ua e iloa ea? Ona ia ta'ita'iina lea o a'u, ma faafoi mai ia te au i le auvai o le vaitafe. 7 Ua ou toe foi, faauta, o laau e tele lava i le auvai o le vaitafe, o i le tasi itu, ma le isi itu. 8 Ona fai mai lea o ia ia te au, E tafe atu ia vai i le itu i sasae, ma tafe ifo i le lauelele mafolafola, ma oo i le sami; a oo atu i le sami, ona faamagaloina ai lea o le suāsami. 9 O mea ola uma foi, e fetolofi i mea uma e oo i ai le vaitafe, e ola ia; e matua tele foi i'a; auā e oo i ai ia vai, ma faamaga!o-

- ina ai; e ola ai foi mea uma e oo
 10 atu i ai le vaitafe. E tutū ai foi ē
 fai faiva, e pau mai i Enoketi e oo i
 Enokelima; e fai ma mea e fofola
 ai upega; o ona i'a foi e uiga eseeese,
 e pei o i'a o le sami tele, e matuā
 11 tele lava. A o ana mea ē palapalā
 ma ona fusi e le toe faamagaloina;
 12 a e tuuina atu i le masima. O le
 auvai o le vaitafe i lea itu mā lea
 itu, e tutupu ai laau uma e 'aina, e
 le mamae o latou lau, e le uma lava
 o latou fua; taitasi le masina ma
 lona fuata, anā e tafe atu o latou
 vai ai le malumalu; e fai foi o latou
 fua ma mea e 'ai, ma o latou lau e
 fai ma vailaau.
 13 Ua faapea ona fetalai mai o le
 Alii o Ieova, O le tuaoi lenei tou te
 tofosi ai mo outou le laueleele, e
 faatatau i itu aiga e sefulu ma le
 lua o Isaraelu; e lua tofi mo Iosefa.
 14 Tou te fai tofi ai, o le tasi e tusa
 ma le tasi, o le mea na ou sii ai lo'u
 lima ou te foai atu ai i o outou
 tamā; e mana foi e outou lenei
 laueleele e fai mo outou tofi.
 15 O le tuaoi foi lenei o le laueleele
 i le itu i matu, e amata mai i le
 sami tele i le ala o Hetelona, i le
 16 mea e ui atu ai i Setata; o Amato,
 o Perōta, o Seperimo, o loo i le va o
 le tuaoi o Tamaseko ma le tuaoi o
 Amato, o Hasaratikona, o loo i le
 17 tuaoi o Haurana. O lona tuaoi, e
 pau mai i le sami o Hasarenafa le
 tuaoi o Tamaseko, mai le itu i matu
 e faasaga i le itu i matu, ma le tuaoi
 18 o Amato. O le itu i matu *lea*. O le
 itu i sasae foi tou te fuatia, e amata
 mai i Haurana, ma Tamaseko, ma
 Kiliata, ma le laueleele o Isaraelu i
 Ioritana, e pau mai i le tuaoi i le
 sami i sasae. O le itu i sasae *lea*.
 19 O le itu i toga e faasaga i le itu i
 toga, e pau mai i Tamara, e pau
 mai i le vai o Meripa i Katesa i le
 alia e oo i le sami tele. O le itu *lea*
 20 i le itu i toga. O le itu i sisifo, o
 le sami tele *lea*, e pau mai i le
 tuaoi e oo i le mea e feagai ma le
 ala e ui atu ai i Amato. O le itu i
 21 sisifo *lea*. Tou te vaevaeina lona
 laueleele ia te outou, e faatatau i
 22 itu aiga o Isaraelu. Tou te vaevae-
 ina ai i le *vili* e fai ma tofi mo
 outou, atoa ma tagata ese o e āu-

mau ia te outou, o e fanaua tama i
 lo outou nuu; e avea foi i latou ia
 te outou e tusa ma tama a le eleele
 i le fanauga a Isaraelu, latou te fai
 tofi faatasi ma itu aiga o Isaraelu.
 O le itu aiga e āumau ai le tagata 23
 ese, tou te avatu ai ia te ia lona
 tofi, o loo fetalai mai ai le Alii o
 Ieova.

*O tofi o itu aiga o Isaraelu, ma fai-
 taulaga, ma sa Levi.*

O IGOA ia o itu aiga. E pau mai 48
 i le tuluiga o le itu i le itu i matu, e
 oo atu i le auala o Hetelona, e ui
 atu ai i Amato, o Hasarenana o le
 tuaoi o Tamaseko i le itu i matu, e
 oo atu i tala ane o Amato; o ona
 itu ia i sasae ma sisifo, o le tofi *lea*
 o Tanu. E soo foi tuaci ma Tanu, 2
 e pau mai i le itu i sasae, e pau mai
 i le itu i sisifo, o le tofi *lea* o Asera.
 E soo foi tuaoi ma Asera, e pau mai 3
 i le itu i sasae, e pau mai i le itu i
 sisifo, o le tofi *lea* o Nafatali. E 4
 soo foi tuaoi ma Nafatali, e pau
 mai i le itu i sasae, e pau mai i le
 itu i sisifo, o le tofi *lea* o Manase.
 E soo foi tuaci ma Manase, e pau 5
 mai i le itu i sasae, e pau mai i le
 itu i sisifo, o le tofi *lea* o Efaraima.
 E soo foi tuaoi ma Efaraima, e pau 6
 mai i le itu i sasae, e pau mai i le
 itu i sisifo, o le tofi *lea* o Reupena.
 E soo foi tuaci ma Reupena, e pau 7
 mai i le itu i sasae, e oo i le itu i
 sisifo, o le tofi *lea* o Iuta. E soo foi 8
 tuaoi ma Iuta, e pau mai i le itu i
 sasae, e pau mai i le itu i sisifo,
 e i ai le taulaga tou te avatu, e
 lua sefulu afe ma afe e lima o u
 lona lautele, o lona umi foi e pei o
 isi tofi, e pau mai i le itu i sasae, e
 pau mai i le itu i sisifo; e tu loto ai
 le malumalu. O le taulaga tou te 9
 avatu ia Ieova, o lona umi e lua
 sefulu afe ma afe e lima o u, o lona
 lautele e sefulu afe. E faia foi *lea* 10
 ma taulaga paia mo le au ositau-
 laga; o lona umi i le itu i matu e
 lua sefulu afe ma afe e lima o u, o
 lona lautele i le itu i sisifo, e sefulu
 afe, o lona lautele i le itu i sasae, e
 sefulu afe, o lona umi i le itu i toga
 e lua sefulu afe ma afe e lima; e tu
 loto ai le malumalu o Ieova. E fai 11
 ia mo le au ositaulaga, o e ua faa-

- paiaina o le fanauga a Satoka, o e nā tausi i a'u mea e tausia, o e nā le o ese ina ua o ese le fanauga a Isaraelu, e pei o sa Levī ona o ese.
- 12 O le taulaga o le laueleele ua avatua, e avea ma mea e matuā paia lava ia te i latou, e soo tuaoi ma sa
- 13 Levī. E feagai ma le tuaoi o le au ositaulaga se mea a sa Levī, o lona umi e lua sefulu afe ma afe e lima o u, o lona lautele e sefulu afe; o lona umi atoa e lua sefulu afe ma afe e lima, o lona lautele foi e sefulu afe. Latou te le faatauina atu ai lava sina fasi *fanaua*, pe fesuiaina, pe avea le faapolopolo o le laueleele; auā ua paia ia ia Ieova.
- 15 O le lima gaafe ua totoe i le lautele i luma o le lua sefulu afe ma afe e lima, e fai lea ma *mea* tataga mo le aai, e fai ma mea e nonofo ai, e fai foi ma tuāfanua; e tu loto ai le aai. O ona fua foi nei; o le itu i matu e fa gaafe ma le lima o selau, o le itu i toga e fa gaafe ma le lima o selau, o le itu i sasae e fa gaafe ma le lima o selau, o le itu i sisifo e fa gaafe ma le lima o selau. O tuāfanua o le aai e lua selau ma le limagafulu i le itu i matu, e lua selau ma le limagafulu i le itu i toga, e lua selau ma le limagafulu i le itu i sasae, e lua selau ma le limagafulu foi i le itu i sisifo. O lona toe e tuaoi ma le taulaga o le tofi paia, e sefulu afe lona umi i sasae, e sefulu afe foi i sisifo, e feagai foi ia ma le taulaga o le tofi paia; o mea e tutupu ai e fai lea ma mea e 'ai mā e auaina i le aai.
- 19 O e auaina i le aai latou te auaina i ai mai itu aiga uma o Isaraelu.
- 20 O le taulaga atoa, e lua sefulu afe ma afe e lima i le tasi itu, e lua sefulu afe foi ma afe e lima i le isi itu; tou te avatu le taulaga paia e gatasitasi uma ona itu e fa, e faatasi ma le tofi o le aai. E fai foi le mea ua toe mo le alii sili i le tasi itu ma le isi itu o le taulaga paia, ma le tofi o le aai i luma o le lua sefulu afe ma afe e lima o le taulaga i le tuaoi i le itu i sasae, ma le itu i sisifo i luma o le lua sefulu afe ma afe e lima i le tuaoi i le itu i sisifo, e feagai ma tofi o le alii sili; e fai foi ia ma taulaga paia; e tu loto ai
- le malumalu o le fale. E pau mai i 22 le tofi o sa Levī, e pau mai foi i le tofi o le aai, (e i ai le tofi o le alii sili,) i le va o le tuaoi o Iuta ma le tuaoi o Peniamia, e fai lea mo le alii sili.
- O itu aiga foi o totoe, e pau mai 23 i le itu i sasae, e pau mai i le itu i sisifo, o le tofi lea o Peniamina. E 24 soo foi tuaoi ma Peniamina, e pau mai i le itu i sasae e pau mai i le itu i sisifo, o le tofi lea o Simeona. E soo foi tuaoi ma Simeona, e pau 25 mai i le itu i sasae, e pau mai i le itu i sisifo, o le tofi lea o Isakara. E soo 26 foi tuaoi ma Isakara, e pau mai i le itu i sasae, e pau mai i le itu i sisifo, o le tofi lea o Sepulona. E soo foi 27 tuaoi ma Sepulona, e pau mai i le itu i sasae, e pau mai i le itu i sisifo, o le tofi lea o Kato. E soo foi tuaoi 28 ma Kato i le itu i toga, e faasaga i le itu i toga, e pau mai i le tuaoi i Tamara, e pau mai i le vai o Meripakatesa, ma le alia e oo i le sami tele. O le laueleele lea tou te vaevaeina i 29 le vili i itu aiga o Isaraelu e fai ma tofi, o latou tofi foi ia, ua fetalai mai ai le Alii o Ieova.
- O mea ia e o atu ai le aai; o le 30 itu i matu e fa afe ma le lima selau o lona fua lea. O puipui foi o le 31 aai e igoa ia i igoa o itu aiga o Isaraelu; e tolu puipui i le itu i matu; o le puipui o Reupena o le tasi lea, o le puipui o Iuta o le tasi lea, o le puipui o Levi o le tasi lea. O le 32 itu i sasae e fa gaafe ma le lima o selau o lona fua lea; e tolu foi puipui; o le puipui o Iosefa o le tasi lea, o le puipui o Peniamina o le tasi lea, o le puipui o Tanu o le tasi lea. O le itu i toga, e fa gaafe 33 ma le lima o selau o lona fua lea; e tolu foi puipui; o le puipui o Simeona o le tasi lea, o le puipui o Isakara o le tasi lea, o le puipui o Sepulona o le tasi lea. O le itu i 34 sisifo e fa gaafe ma le lima selau o lona fua lea ma o latou puipui e tolu; o le puipui o Kato o le tasi lea, o le puipui o Asera o le tasi lea, o le puipui o Nafatali o le tasi lea. O lona faataamilosaga, e sefulu afe 35 ma afe e valu o lona fua lea; o le igoa foi o le aai, e afua mai i lea aso, O LOO AFIO AI IEOVA.

TANIELU.

O le tafeaga i Papelonía.

- 1 O LE tausaga e tolu o le nofo-
aiga a Ioakima le tupu o Iuta na
sau ai Nepukanesa le tupu o Pape-
lonia i Ierusalemá ma na vagaia.
- 2 Ona tuuina atu lea e le Alii i lana
pule o Ioakima le tupu o Iuta, faa-
tasi ma nisi ipu o le fale o le Atua,
na ia ave foi ia mea i le nuu o
Senara i le fale o lona atua; ua na
ave foi ipu i le fale oloa o lona atua.
- 3 Ona fai atu lea o le tupu ia Asepe-
nasa, le alii e pulse i ana eunuka, ia
te au mai nisi o le fanauga a Isara-
elu, o le fanau lava a le tupu, atoa
- 4 foi ma nisi alii; o tama e le ponā
lava, a ua aulelei, o e ua atamamai
lava, ma ua iloa mea uma, o e ua
popoto lava, ma ua tatau ona latou
tutū i le maota o le tupu, ia a'oa'oina
foi i latou i tusi ma le gagana a
- 5 Kaletaia. Ua poloai foi le tupu ia
latou aai i lea aso ma lea aso i mea
taumafa a le tupu, atoa ma le uaina
e inu ai o ia, ia tausia i latou i tau-
saga e tolu; a mavae ia, ona latou
- 6 tutū ai lea i luma o le tupu. Sa ia
i latou nisi o le fanauga a Iuta, o
Tanielu, o Hanania, o Mesaelu, atoa
- 7 ma Asaria. Ua faaigoa foi ia te i
latou e le alii e pulse i eunuka; ua
na faaigoa ia Tanielu o Peletisara, a
o Hanania o Sataraka lea, o Mesaelu
foi o Mesako lea, o Asaria foi o
- 8 Apeteniko lea. A ua manatu Tani-
elu, o le a le leaga o ia i mea tau-
mafa a le tupu, po o le uaina e inu
ai o ia; ona aioi atu ai lea o ia i le
alii e pulse i eunuka ina ia le leaga ai
- 9 o ia. Na faatupuina e le Atua le
alofa mutimutivale o le alii e pulse i
eunuka ia Tanielu. Ona faapea atu
- 10 lea o le alii e pulse i eunuka ia Tani-
elu, Ou te fefe a'u i lo'u alii le tupu,
na ia pulse i a outou mea e 'ai, ma a
outou mea e inu; e iloa i se a e ia o
outou mata ua fole, ua le pei o tama
ua outou tupulaga? o le a alataia ai
ona vaea o lo'u ulu e le tupu ona o
outou. Ona faapea atu lea o Tanielu 11
ia Melesara, o le na tofia e le alii e
pulse i eunuka e pulse ia Tanielu, *ma*
Hanania, *ma* Mesaelu, ma Asaria;
ia e tofototofo i au nei anauna i po e 12
sefulu, ia latou au mai ai ia te i
matou ni fua o laau e aai ai, ma vai
e inu ai. Ona e silasila lea i o matou 13
mata, ma mata o tama o e aai i mea
taumafa a le tupu, ona e faia lea i
au anauna e tusa ma lau silafaga.
Ona usiusitai lea o ia ia te i latou i 14
lena mea, na ia tofototofo foi ia te i
laton i po e sefulu. Ua mavae po e 15
sefulu, ona iloa lea ua sili ona lalelei
o latou mata mona tino lelei i tama
uma e na aai i mea taumafa a le
tupu. Ona avesaina ai lea e Mele- 16
sara a latou mea taumafa mai *le*
tupu, atoa ma le uaina na fai a inu
ai i latou, ua avatu fua o laau mā
latou. A o ia tama e toafa ua foai- 17
ina e le Atua ia te i latou le faauta-
uta ma le atamai i tusi uma lava,
atoa ma le potō; a o Tanielu ua
poto ia i faaaliga uma lava ma
miti. Ua mavae foi aso na fai atu 18
ai le tupu e au mai ai i latou, ona
au mai ai lea o i latou e le alii e
pulse i eunuka i luma o Nepukanesa.
Ona tautalatala ai lea o le tupu ma 19
i latou; a ua le maua se tasi o i
latou e tusa ma Tanielu, *ma* Hana-
nia, *ma* Mesaelu, ma Asaria; ona
latou tutū ai lea i luma o le tupu.
O mea uma lava e *ao ai* le potō ma 20
le faautauta na fesili atu ai le tupu
ia te i latou, ua iloa ai e ia ua sātua-
sefulu ona sili o lo latou *poto* i
taulāitu, ma vaafaatau uma i lona

21 malo uma lava. Sa i ai Tanielu ua oo i le tausaga muamua o Kuresa le tupu.

O le miti a Nepukanesa.

2 UA lua tausaga o le nofoaiga a Nepukanesa, ona fai ai lea o miti a Nepukanesa, ua atuatuvaile ai lona finagalo, ua le iloa e ia sina moe.
 2 Ona fai atu lea o le tupu e aami i taulaitu, ma vaafaatau, ma e fai togafiti faataulaitu, atoa ma le au Kaletaia, e faailoa mai i le tupu ana miti; ona latou o mai ai lea ma
 3 tutū i luma o le tupu. Ona fai atu lea o le tupu ia te i latou, Ua fai la'u miti, ua atuatuvaile ai lo'u loto
 4 i le fia iloa le miti. Ona faapea mai ai lea o le au Kaletaia i le tupu i le upu Arama, Le tupu e, ia soifua oe e faavavau. Ia e fetalai mai le faalepo i au auauna, ona matou
 5 faaali atu ai lea o le uiga. Ua tali atu le tupu, ua faapea atu i le au Kaletaia, Ua mavae atu ia te au le mea; afai tou te le faailoa mai ia te au le miti ma lona uiga, o le a vaevaeniniina outou, e fai foi o outou
 6 fale ma faatāfuna. A e afai tou te faailoa mai le miti ma lona uiga, tou te maua mai ia te au o mea alofa, ma le tau, atoa ma le mamalu tele; o lenei, ia outou faailoa mai ia te au
 7 le miti ma lona uiga. Ua toe tali mai i latou, ua faapea mai, Ina fetalai mai ia le tupu i ana auauna le faalepo, ona matou faailoa atu ai
 8 lea o lona uiga. Ua tali atu le tupu, ua faapea atu, Ua ou iloa lava tou te faatuatuai, auā ua outou iloa ua
 9 mavae atu ia te au le mea. A e afai tou te le faailoa mai ia te au le miti, e tasi lava le tulafono ia te outou; auā ua outou saunia upu pepelo ma le faa'ole'ole e fai mai ia te au, seia faatuatuai; o lenei, ina outou ta'u mai ia te au le miti, ona ou iloa ai lea ua outou mafaia ona faailoa mai ia te au lona uiga.
 10 Ona tali mai ai lea o le au Kaletaia i le tupu, ua faapea mai, E leai se tagata i le lalolagi na te mafaia ona faailoa mai le mea a le tupu; o le mea lea e leai ai se tupu, po o se alii, po o se faipule ua ia fetalai mai se mea faapena i se taulaitu, po o se vaafaatau, po o se Kaletaia.

O le mea foi ua fetalai mai ai le 11
 tupu, e faigata; e leai lava se tasi na te mafaia ona faailoa atu i le tupu, na o atua lava, latou te le mau faatasi ma tagata. O le mea lava 12
 lea na ita ai, ma matuā lili ai le tupu, ua fai atu foi ia faaumatia le au popoto uma o i Papelonua. Ona 13
 oo atu ai lea o le poloaiga ia fasiotia le au popoto; ona latou saili ai lea ia Tanielu ma ana uo ia fasiotia. Ona tali atu lea o Tanielu ma le 14
 faautauta ma le poto ia Arioka le pule i le 'au e faafeao i le tupu, o le na alu atu e fasioti i le au popoto o i Papelonua; ua tautala atu ia, ua 15
 faapea atu ia Arioka, le ua i ai le pule mai le tupu, Pe se, a le mea ua tele vave ai le poloaiga a le tupu? Ona faailoa lea o le mea e Arioka ia Tanielu. Ona ulufale atu ai lea 16
 o Tanielu, ma faatoga atu i le tupu, se'i faatuatuai, ona faailoa ai lea o le uiga i le tupu. Ona alu atu ai 17
 lea o Tanielu i lona fale, ma na faailoa atu le mea ia Hanania, ma Mesaelu, ma Asaria, o ana uo, ina 18
 ia latou faatoga atu ia alofa mai le Atua o le lagi i lenei mea ua lilo, ia le faaumatia Tanielu ma ana uo faatasi ma le au popoto uma o i Papelonua. Ona faaali mai ai lea i 19
 le faaaliga i le po ia Tanielu o le mea sa lilo; ona faamanū ai lea o Tanielu i le Atua o le lagi. Ua fai 20
 atu Tanielu, ua faapea atu, Ia viia le suafa o le Atua e faavavau, e faavavau lava; auā e ona le poto ma le mana. O ia foi na te liua 21
 tausaga ma tau; e aveeseina e ia o tupu, e tofia foi e ia o tupu; e foaiina mai e ia le poto i e o popoto, ma le malamalama i e o iloa mafau-fau. O ia ua te faaaliga mai mea 22
 loloto ma mea ua lilo; ua na silafia le mea o loo o i le pouliuli, o le malamalama foi la te mau faatasi ma ia. Ou te faamanū ma vivii atu ia 23
 te oe, le Atua o o'u tamā, o le ua foaiina mai ia te au le poto ma le malosi; ua e faailoaina mai nei foi ia te au le mea sa matou aioli atu ai ia te oe; auā ua e faailoa mai ia te i matou le mea a le tupu.

Ona ulufale atu ai lea o Tanielu 24
 ia Arioka, le na tofia e le tupu e faaumatia le au popoto o i Pape-

lonia; ua alu atu ia ma faapea atu
ia te ia, Aua le faaumatia le au
popoto o i Papelonia; ta o ma oe i
luma o le tupu, ona ou faailoa ai
25 lea o le uiga i le tupu. Ona faa-
taalise lea ona ulu atu o Arioka ma
Tanielu i luma o le tupu, ua na
faapea atu ia te ia, Ua ou maua le
tagata o le tafega o Iuta na te
26 faailoa atu le uiga i le tupu. Ona
fai mai lea o le tupu, ua faapea mai
ia Tanielu o le ua igoa ia Peletisara,
Ua e mafaia ea ona faailoa mai ia
te au le miti na a'u ilon, atoa ma
27 lona uiga? Ua tali atu Tanielu i
luma o le tupu, ua faapea atu, E le
mafai i e popoto, ma vaafaatau, ma
taulaitu, ma e o popoto i fetu, ona
faaali atu i le tupu o le mea a le
28 tupu ua lilo na ia fetalai atu ai. A
o i ai le Atua i le lagi, o le na te
faaalia mea ua lilo, ma faailoa mai
ia Nepukanesa le tupu o mea e oo
mai i aso amuli. Sa faapea lau
faalepo ma le mea na e silafia i lou
29 tofaga. O oe, le tupu e, sa tutupu
ou manatu i luga o lou tofaga i mea
e oo mai i aso amuli. O le na te
faaali mai mea ua lilo ua ia faailoa
mai ia te oe o mea o le a oo mai.
30 O a'u foi, e lei faaalia mai ia te au
lenei mea sa lilo ona o se poto ua ia
te au e sili i tagata ola uma, na o
lenei, ona ia faailoa i le tupu le
uiga, ma ia e silafia manatunatu o
31 lou finagalo. O oe, le tupu e, na e
silafia, faauta foi o le tasi tupua
tele; o lenei tupua tele sa maeu
lona matagofie, na tu i ou luma,
32 sa matautia foi lona tino mai. O
le ulu o lenei tupua, o le auro lelei
lea; o lona fatafata ma ona lima,
o le ario ia; o lona manava ma
ona ogavae o le 'apa memea ia.
33 O ona vae, o uamea ia, o ona tapu-
vae o uamea isi mea, a o omea
34 isi mea. Na e silasila ua tofia le
maa a e lei tofia i lima, na lavea ai
le tupua i ona tapuvae na fai i ua-
mea ma omea, ua nutililii ai ia mea.
35 Ona nutililii faatasina ai lea o le
uamea, o le omea, o le 'apa memea,
o le ario, atoa ma le auro, ua pei o
le aputi i le mea e soli ai saito, ua
lelea i le matagi, ua le maua lava se
mea latou te i ai; a o le maa na
lavea ai le tupua ua ave a lea ma

mauga tele, ua tumu ai le lalolagi
uma. O le faalepo lena, o le a ma- 36
tou ta'uina atu foi i le tupu lona
uiga. Le tupu e, o oe o le tupu o 37
tupu; auā ua foaiina mai ia te oe e
le Atua o le lagi le malo, ma le
malosi, ma le mamalu, ma le viiga;
ua na avatu foi ia te oe mea uma e 33
mau ai tagata, ma manu o le vao,
ma manu felelei, ua tuuina atu ia
mea uma i lau pule; o le ulu auro
o oe lava lea. A mavae atu oe, 39
ona tu lea o le tasi malo, e le tusa
ma oe; ma le tasi o lona tolu foi o
malo, o le 'apa memea lea, e pule
foi lea i le lalolagi uma. O lona fa 40
foi o malo e malosi ia pei o le ua-
mea; auā e nutililii ma tu'imomo-
mo mea uma i le uamea, e pei o le
uamea ona tu'imomomo o ia mea
uma e faapea lea malo ona nutililii
ma tu'imomomo. E vaevaeina foi 41
le malo, auā na e silafia tapuvae
ma tamatamai vae o uamea isi mea,
a o isi mea o omea a le fai ipu
omea; a e peitai e i ai lava ia te ia
le malosi o le uamea, auā na e sila-
fia le uamea ua filogia ma le omea
a le fai ipu. O tamatamai vae foi 42
o uamea isi mea a o omea isi mea, e
faapea lava le malo, e malosi nisi
mea a e vaivai nisi mea. Na e sila- 43
fia le uamea ua fefiloi ma le omea a
le fai ipu, e faapea foi ona filogia o
i latou ma le fanau a tagata; a e
latou te le pipii le tasi i le tasi, e
pei ona le filogia foi o le uamea ma
le omea. O ona po o ia tupu e faa- 44
tuina ai e le Atua o le lagi o le malo
e le faaumatia e faavavau; o lea
malo foi, e le tuuina atu ia i se tasi
uuu, na te tu'imomomoina ma faa-
umatia ia malo uma lava, a o ia e
tumau lava e faavavau; e pei ona 45
e silafia na tofia le maa i le mauga,
a e lei tofia i lima, ma na tu'imomo-
moina le uamea, le 'apa memea, le
omea, le ario, atoa ma le auro. O
mea ia ua faailoa mai ai e le Atua
silisili i le tupu o mea e oo mai
amuli; e moni lava le li'a, e faa-
maoni foi lona uiga.

Ona faapaū fao ai lea o Nepuka- 46
nesa le tupu, ua ifo ia Tanielu, ua
ia fai atu latou te avatu ia te ia se
taulaga atoa ma mea manogi. Ona 47
fai atu lea o le tupu ia Tanielu, ua

faapea atu, E moni, o lo outou
Atua o le Atua o atua ia, ma le
Alii o tupu, o lē faaali foi i mea ua
lilo, auā ua e mafaia ona faaali o
48 lenei mea sa lilo. Ona avatu ai lea
e le tupu o le mamalu tele ia Tani-
elu, ua na foai atu foi ia te ia mea
alofa e tele *ma* le sili, na ia tofia foi
o ia e pule i le itu malo uma o Pape-
lonia, ia sili foi o ia i e pule i le au
49 popoto uma o Papelonía. Ua faa-
toga atu Tanielu i le tupu, ona ia
tofia lea o Sataraka, o Mesako, ma
Apeteniko latou te pule i sauniga a
le itu malo o Papelonía; a o Tani-
elu, sa *nofo* o ia i le faitotoa o le
tupu.

O le tupua na faia e Nepukanesa.

3 NA faia e Nepukanesa le tupu o
le tupua auro, e onogafulu kupita o
lona umi lea; e ono kupita o lona
lautele lea; na ia faatuina i le fanua
laugatasi o Turu i le itu malo o
2 Papelonía. Ua tuu sāvai e Nepu-
kanesa le tupu ia faapotopotoina
alii sili, o faipule, o e pule i nuu, o
faamasino, o e tausī tupe, o e po-
poto i tulafono, o e faamatala tula-
fono, atoa ma faipule uma o itu
malo, ia o mai i le faasaina o le
tupua na faatuina e Nepukanesa le
3 tupu. Ona potopoto mai ai lea o
alii sili, o faipule o e pule i nuu, o
faamasino, o e tausī tupe, o e popoto
i tulafono, o e faamatala tulafono,
atoa ma faipule uma o itu malo, *ua*
o mai i latou i le faasaina o le tupua
na faatuina e le tupu o Nepukanesa;
ona latou tutū ai lea i luma o le
tupua na faatuina e Nepukanesa.
4 Ona alaga atu lea o lē tala'i ua leo
tele, O le upu ia te outou nuu e, *ma*
5 atu nuu, ma gagana eseese. Se itu
aso tou te lagona ai le leo o le pu,
le faaili, le kitara, le sapeka, le sani-
teri, le sumefono, atoa ma laaupese
uiga eseese uma, tou te faapau ai
ma ifo i le tupua auro ua faatuina e
6 le tupu o Nepukanesa. Ai se tasi
e le faapaū ma ifo e lafoina o ia i
lea lava itu aso i totonu o le oga-
7 umu e mu ai le afi. O lenei foi, ua
oo ina lagona e tagata uma le leo o
le pu, le faaili, le kitara, le sapeka,
le saniteri, atoa ma laaupese uiga
eseese uma, ona faapau ai lea o

nuu uma, ma atu nuu, ma gagana
eseese, ua latou ifo i le tupua auro
na faatuina e le tupu o Nepukanesa.

Ona o ane ai lea o tagata Kale- 8
taia ua latou momoli i sa Iutā. Ua 9
latou tautala atu, ua faapea atu i le
tupu o Nepukanesa, Le tupu e, ia
soifua oe e faavavau. Le tupu e, 10
na faia e oe le tulafono i tagata
uma ia faapanu ma ifo i le tupua
auro pe a lagona le leo o le pu, le
faaili, le kitara, le sapeka, le sani-
teri, le sumefono, atoa ma laaupese
uiga eseese uma lava. Ai se tasi ua 11
le faapaū ma ifo, e lafoina o ia i to-
tonu o le ogaumu o mu ai le afi. O 12
i ai tagata o sa Iutā, o e na tofia e
oe e pule i sauniga o le itu malo o
Papelonía, o Sataraka, o Mesako,
ma Apeteniko; le tupu e, ua le ava
ia tagata ia te oe, latou te le auau-
na i ou atua, ua le ifo foi i latou i le
tupua auro ua e faatuina. Ona fai 13
atu ai lea o Nepukanesa ma le lili-
vau ma le ita tele ia ta'ita'iina mai
Sataraka, *ma* Mesako, ma Apeteniko.
Ona latou ta'ita'iina ai lea o ia ta-
gata i luma o le tupu. Ua fai atu 14
Nepukanesa, ua faapea atu ia te i
latou, Sataraka e, Mesako e, ma
Apeteniko, pe se matuā manatu ea
tou te le auaina o'u atua, ma
outou le ifo i le tupua auro na a'u
faatuina? O lenei, afai ua saunia 15
outou pe a outou lagona le leo o le
pu, le faaili, le kitara, le sapeka, le
saniteri, le sumefono, atoa ma laau-
pese uiga eseese uma, tou te faa-
pauu ma ifo i le tupua ua a'u faia,
e lelei; a e afai tou te le ifo, e lafo-
ina outou i lena lava itu aso i totonu
o le ogaumu e mu ai le afi; o ai foi
se Atua na te laveaiina outou ai la'u
pule? Ua tali mai Sataraka, Me- 16
sako, ma Apeteniko, ua faapea mai
i le tupu, Nepukanesa e, e le aoga
ona matou tali atu ia te oe i lenei
mea; afai o lea, ua mafai lo matou 17
Atua, matou te auaina i ai, ona
laveai mai ia te i matou ai le oga-
umu e mu ai le afi, na te laveaiina
mai lava i matou ai lau pule le tupu.
A e peitai, a le o lea, ia e silafia e 18
oe le tupu e, matou te le auaina i
ou atua; o le tupua auro foi ua e
faatuina, matou te le ifo i ai. Ona 19
tumū ai lea o Nepukanesa i le ita

tele, ua ese le tu o ona fofoga ia Sataraka, *ma* Mesako, *ma* Apeteniko; ua tautala atu ia, ua faapea atu, ia faaasala le ogaumu, ia faafitu ona sili i le ua masani ai ona tafuina. Ona fai atu ai lea o ia i tagata e sili ona totoa i ana 'au latou te fusifusi ia Sataraka, *ma* Mesako, *ma* Apeteniko, ia lafoina i le ogaumu e mu ai le afi. Ona fusifusia ai lea o ia tagata, atoa *ma* o latou ofuvae, *ma* o latou ofu tino, *ma* o latou ofu talaloa, atoa *ma* o latou ofu, *ma* ua lafoina i totonu i le ogaumu e mu ai le afi. Ua tauanau le poloaiga a le tupu, *ma* le ogaumu ua aasa tele lava, o le mea lea na fano ai i le mumū o le afi o ia tagata e na avae ia Sataraka, *ma* Mesako, *ma* Apeteniko. A o ia tagata e toatolu, o Sataraka, o Mesako, *ma* Apeteniko, ua pau i latou o fusifusia i totonu o le ogaumu e mu ai le afi. Ona matuā ofo ai lea o Nepukanesa le tupu, ua vave ona tulai, ua fai atu, ua faapea atu i ana tulafale, Pe na tatou le lafoina ea tagata e toatolu o fusifusia i totonu o le afi? Ua tali mai i latou, ua faapea mai i le tupu, Le tupu e, sa faapea lava. Ua tali atu o ia, ua faapea atu, Faauta, ua ou iloa tagata e toafa, ua tatalaina, ua feoai i totonu o le afi, ua le afaina lava i latou; ua tino mai lona toafa ua pei o se alo o le Atua. Ona faalatalata atu lea o Nepukanesa i le gutu o le ogaumu e mu ai le afi, ua fai atu ia, ua faapea atu, Sataraka e, Mesako, *ma* Apeteniko, o auuuna a le Atua silisili, o mai ia, ina o mai. Ona o mai ai lea o Sataraka, Mesako, *ma* Apeteniko mai totonu o le afi. Ona faapotopotoina ai lea o alii sili, o faipule, o e pule i nuu, atoa *ma* tulafale a le tupu, ua latou mata-mata i ia tagata ua le mafaia i le afi ona muina o latou tino, e leai foi so latou lauulu ua mu, e lei liua foi o latou ofuvae, ua le namu afi lava i latou.

Ua fai atu Nepukanesa, ua faapea atu, Ia faafetaia le Atua o Sataraka, Mesako, *ma* Apeteniko, o le na auina mai lana agelu, ua laveaiina ai ana auuuna e na faatuatua ia te ia, ua liliuina foi le upu a le tupu,

ma ua latou tuuina atu o latou tino ina ne'i latou auuuna *ma* ifo i se tasi atua, tau lava o lo latou lava Atua. O le mea lea ou te pule ai, 29 Ai se nuu, po o se atu nuu, po o se gagana ese, na te faia se upu vale i le Atua o Sataraka, Mesako, *ma* Apeteniko, e vaevaeniniina i latou, e fai foi o latou fale *ma* faatāfuna; auā e leai se isi atua na te mafaia ona laveaiina faapena. Ona tomai 30 lea o Sataraka, Mesako, *ma* Apeteniko i le itu malo o Papelonía, i le pule a le tupu.

O le miti e lua a Nepukanesa.

O A'U o Nepukanesa le tupu, o 4
la'u upu leni i nuu uma, *ma* atu nuu, *ma* gagana eseese o e nonofo i le lalolagi uma, ia tupu tele so outou manuia. Sa a'u manatu e tataua ona a'u faailoa atu faailoga *ma* vavega na faia ia te au e le Atua silisili ese. O ona faailoga ua matuā 3
tetele, o ona vavega ua mamana lava ia; o lona malo o le malo e faavavau lea, o lana pule e āu tupu-laga lea. O a'u o Nepukanesa sa a'u filemu i lo'u fale, sa a'u manuia foi i lo'u maota. Na fai la'u miti 5
na ou fefe ai, o o'u manatunatu foi i lo'u moega atoa *ma* mea na ou vaaia sa ou atuatuvaile ai. Ona a'u 6
pule lea ia aumaia i o'u luma le au popoto uma o i Papelonía, ina ia latou faailoa mai ia te au le uiga o le miti. Ona o mai ai lea o tau-lāitu, *ma* vaafaatau, *ma* le au Kale-taia, atoa *ma* e o popoto i fetu, ona a'u ta'uina atu lea o le miti ia te i latou, a ua latou le faailoa mai ia te au lona uiga. Mulimuli ane, ua sau 8
i o'u luma Tanielu, o lona igoa o Peletisara, ua i ai le igoa o lo'u atua, o loo i ai foi le agaga o atua paia, ona a'u ta'uina atu lea ia te ia la'u miti, *ua faapea atu*, Peletisara e, o le matai o tau-lāitu, auā ua ou iloa o loo ia te oe le agaga o atua paia, e leai se mea lilo e faigata ia te oe; ia e ta'u mai ia te au o faaaliga na ou vaaia i la'u miti, atoa *ma* lona uiga. O faaaliga ia na a'u iloa i 10
lo'u moega; faauta, na a'u iloa le laau i totonu o le lalolagi, ua tele lava lona maualuga. Ua tupu tele 11
le laau, *ma* ua malosi, o lona maua-

- luga foi ua oo i le lagi, ua iloa mai o ia i le tuluiga o le lalolagi uma.
- 12 Ua matagofie ona lau, ma lona fua ua tele, ua i ai foi mea e 'ai mā mea uma; ua faapaoloina i ona lalo ifo o manu o le vao; o ona la ua toaga i ai manu felelei, ua aai ai lava o mea ola uma. Na ou vaaiā i faaaliga i lo'u moega, faauta, o le leo-
leo, o le ua paia, ua alu ifo ia mai le
14 lagi. Ua alaga tele o ia, ua faapea atu, Ina tuu ia i lalo le laau, ma vavae ese ona la; ina lulu ese ia ona lau, ma faataapeape ona fua; ina ia sosola manu ai ona lalo ifo,
15 ma manu felelei ai ona la. A o le tagutugutu o lona pogai, tuu ai pea ia i le eleele, *ia mau* ai i le fusi uamea ma le 'apa memea i le mutia o le vao; ia faasūsūina ai foi i le sau mai le lagi, ia fai foi lona tofi faatasi ma manu o le vao, seia mavae atu ona tausaga e fitu. Le tupu e, o lona uiga lenei, o le
24 pule lava lenei a lē Silisili ese ua oo atu i lo'u alii le tupu; e tulia oe ia te'a ma tagata, a e mau oe faatasi ma manu o le vao; e te taumafa i le mutia e pei o povi, e sūsū oe i le sau mai le lagi, e mavae atu ai ou tausaga e fitu, seia e silafia ua pule
25 lē Silisili ese i le malo o tagata, na te tuuina atu ai foi i le ua ia finagalo i ai. Na fetalaiā mai foi e tuu
26 ai pea le tagutugutu o lona pogai; e tumau pea lau nofoaiga, e fai mo oe pe a e silafia ua pule *Le o i* le lagi. O lenei, le tupu e, ia malie
27 la'u upu ia te oe, ia e lafoai au agasala, a e fai le amiotonu, ia e lafoai au amio faapiopio, a e alofa i e matitiva, pe mafai ona faalevaleva ane ai lou filemu.
- Na oo ia mea uma ia Nepukanesa
28 le tupu. Ua mavae masina e sefulu
29 ma le lua ona fealuai ai lea o ia i luga o le maota o le malo i Pape-
30 lonia. Ua fai ane le tupu, ua faa-
pea ane, E le o Papelonia tele ea lenei, na a'u faia i lo'u malosi tele lava, e fai ma fale o le malo, ia viia ai foi lo'u mamalu? A o tautala
31 mai le tupu, ua tūlei ifo le siufofoga mai le lagi, *ua faapea mai*, Nepuka-
nesa e, le tupu, o le' fai atu nei ia te oe, ua te'a ma oe le malo. E
32 tulia oe ia te'a ma tagata, e te mau faatasi ma manu o le vao, e te 'ai i le mutia e pei o povi, e mavae atu ai ou tausaga e fitu, seia e iloa ua pule lē Silisili ese i le malo o tagata, na te tuuina atu i ai foi i le ua ia finagalo i ai. O lea lava itu aso na
33 taunuu ai le upu ia Nepukanesa; ona tulia lea o ia i tagata, ua 'ai foi o ia i mutia pei o povi, ua sūsū lona
- 13 mea ola uma. Na ou vaaiā i faaaliga i lo'u moega, faauta, o le leo-
leo, o le ua paia, ua alu ifo ia mai le
14 lagi. Ua alaga tele o ia, ua faapea atu, Ina tuu ia i lalo le laau, ma vavae ese ona la; ina lulu ese ia ona lau, ma faataapeape ona fua; ina ia sosola manu ai ona lalo ifo,
15 ma manu felelei ai ona la. A o le tagutugutu o lona pogai, tuu ai pea ia i le eleele, *ia mau* ai i le fusi uamea ma le 'apa memea i le mutia o le vao; ia faasūsūina ai foi i le sau mai le lagi, ia fai foi lona tofi faatasi ma manu o le vao, seia mavae atu ona tausaga e fitu. Le tupu e, o lona uiga lenei, o le
24 pule lava lenei a lē Silisili ese ua oo atu i lo'u alii le tupu; e tulia oe ia te'a ma tagata, a e mau oe faatasi ma manu o le vao; e te taumafa i le mutia e pei o povi, e sūsū oe i le sau mai le lagi, e mavae atu ai ou tausaga e fitu, seia e silafia ua pule
25 lē Silisili ese i le malo o tagata, na te tuuina atu ai foi i le ua ia finagalo i ai. Na fetalaiā mai foi e tuu
26 ai pea le tagutugutu o lona pogai; e tumau pea lau nofoaiga, e fai mo oe pe a e silafia ua pule *Le o i* le lagi. O lenei, le tupu e, ia malie
27 la'u upu ia te oe, ia e lafoai au agasala, a e fai le amiotonu, ia e lafoai au amio faapiopio, a e alofa i e matitiva, pe mafai ona faalevaleva ane ai lou filemu.
- Na oo ia mea uma ia Nepukanesa
28 le tupu. Ua mavae masina e sefulu
29 ma le lua ona fealuai ai lea o ia i luga o le maota o le malo i Pape-
30 lonia. Ua fai ane le tupu, ua faa-
pea ane, E le o Papelonia tele ea lenei, na a'u faia i lo'u malosi tele lava, e fai ma fale o le malo, ia viia ai foi lo'u mamalu? A o tautala
31 mai le tupu, ua tūlei ifo le siufofoga mai le lagi, *ua faapea mai*, Nepuka-
nesa e, le tupu, o le' fai atu nei ia te oe, ua te'a ma oe le malo. E
32 tulia oe ia te'a ma tagata, e te mau faatasi ma manu o le vao, e te 'ai i le mutia e pei o povi, e mavae atu ai ou tausaga e fitu, seia e iloa ua pule lē Silisili ese i le malo o tagata, na te tuuina atu i ai foi i le ua ia finagalo i ai. O lea lava itu aso na
33 taunuu ai le upu ia Nepukanesa; ona tulia lea o ia i tagata, ua 'ai foi o ia i mutia pei o povi, ua sūsū lona

- tiño i le sau mai le lagi, ua oo ina
tutupu o lona lauulu ua pei o *fulu-fulu*
o aeto, ma ona matiuu ua pei o *atigivae*
o manu felelei.
- 34 Ua uma ia aso, ona ou faasaga ae
ai lea o'u mata i le lagi, o a'u o
Nepukanesa, ona a'u toe atamai ai
lea; ona ou faafetai ai lea i lē Sili-
sili ese, ua ou faaneenee atu foi ma
vivii atu ia te ia o lē soifua e faava-
vau, o lana pule o le pule e faavavau
lea, o lona malo foi e āu tupulaga
35 lava lea. O i latou uma o e nonofo
i le lalolagi, ua peiseai ua leai i la-
tou; ua ia faia foi e tusa ma lona
finagalo i 'au o le lagi, atoa ma e o
nonofo i le lalolagi; e leai se tasi
na te taofia lona aao, pe fai atu ia te
36 ia, O le a ea le mea e te fai na? O
ona po lava ia ua ou toe atamai ai;
ua toe foi mai ia te au lo'u mamalu
ma lo'u matagofie, ina ia mamalu ai
lo'u malo; o o'u tulafale foi ma alii
sa ia te au, ua latou saili ia te au,
ua faatumauiua foi a'u i lo'u malo,
ma ua faapoopoina mai ia te au le
37 mamalu e tele. O lenei, o a'u o
Nepukanesa ou te faamanū atu, ma
vivii atu, ma faaneenee atu i le
Tupu o le lagi, e faamaoni ana
galuega uma, ma ona ala ua tonu;
na te mafaia foi ona faamaulaloina
e o savavali ma le faamaualuga.
- O le upu na tusia i le panisina i le
pa puipui.*
- 5 NA faia e Pelesara le tupu le fai-
gā'ai tele ma alii e toaafe sa ia te ia,
ua na inu uaina foi i luma o le toa-
2 afe. Ua fai ane Pelesara, a o inu
uaina, ia aami i ipu auro ma ario na
aumaia e Nepukanesa lona tamā nai
le malumalu i Ieruselema, ina ia
feinu ai le tupu, ma alii sa ia te ia,
ma ana avā, atoa ma ana palake.
3 Ona latou au mai ai lea o ipu auro
na aumaia nai le malumalu o le fale
o le Atua i Ieruselema, ona feinu ai
lea o le tupu, ma alii sa ia te ia, ma
4 ana avā, atoa ma ana palake. Sa
latou feinu uaina, ma latou vivii
atu i atua auro, ma ario, o 'apa me-
5 mea, o uamea, o laau, ma maa. O
lea lava itu po na oo mai ai tama-
tamai lima o le tagata, ma ua tusi i
le panisina o le pa puipui ua feagai
ma le tuugalamepa i le maota o le
tupu; ūa iloa foi e le tupu o le lima
ua tusi. Ona liua lea o fofoga o le
tupu, ua atuatuvaale o ia i lona ma-
natunatu, ua tatalaina sootaga o
lona papatua, o ona tulivae foi ua
faafetoai le tasi i le tasi. Ua valaau
atu le tupu ua leo tele, ia o mai
vaafaatau, ma le au Kaletaia, atoa
ma e popoto i fetu; ua fai atu le
tupu, ua faapea atu i le au popoto
o Papelonía, O le tagata na te fai-
taulia lena tusi, ma faailoa mai ia
te au lona uiga, e faaofuina o ia i
le ofu pauli, e asoa o ia i le filifili
auro, e pule foi o ia i le malo na o
le toalua e sili ia te ia. Ona o mai
8 ai lea o le au popoto uma o le tupu,
a ua le mafaia i latou ona faitau o
le tusi, ma faailoa i le tupu lona
uiga. Ona atuatuvaale tele ai lea o
le tupu o Pelesara, ua liua ona fo-
foga, ua fememeai foi alii sa ia te
ia.
- Ua ulufale atu le sa'o tamaitai i 10
le fale e fai ai taumafataga, ona o
upu a le tupu ma alii sa ia te ia; ua
fai atu le sa'o tamaitai, ua faapea
atu, Le tupu e, ia soifua oe e faava-
vau; aua ne'i atuatuvaale i lou ma-
natunatu, aua foi ne'i liua ou fofoga.
O loo i ai i lou malo le tasi tagata o
i ai le agaga o atua paia, sa iloa foi
ia te ia i ona po o lou tamā o le ma-
lamalama, ma le mafaufau, ma le
poto e tusa ma le poto o atua; na
tofia o ia e lou tamā le tupu o Ne-
pukanesa, o lou lava tamā le tupu e
fai ma matai o taulaitu, ma vaafa-
tau, ma le au Kaletaia, ma e popoto
i fetu. Auā sa iloa i lena Tanielu, 12
o le na faaigoaina e le tupu, o Pele-
tisara, o le atamai tele, ma le poto,
ma le mafaufau, e faamatalaina e
ia o li'a, na te matea mai tupua, e
talatalaina e ia mea faigata; o lenei,
ia valaauina Tanielu na te faailoa
mai le uiga. Ona aumaia lea o 13
Tanielu i luma o le tupu; ona fai
atu lea o le tupu, ua faapea atu ia
Tanielu, O oe ea o Tanielu mai le
taseaga o sa Iutā na aumaia e lo'u
tamā le tupu mai Iuta? Ua ou 14
faalogo i le tala ia te oe, ua ia te oe
le agaga o atua, atoa ma le mala-
malama, ma le mafaufau, ma le poto
ua sili ua ia te oe. Ua uma ona au-
maia i o'u luma le au popoto, o vaa-

- faatau, ina ia latou faitau ai lenei
tusi, ma faailoa mai ia te au lona
uiga; a ua le mafaia e i latou ona
16 faailoa mai o le uiga o le upu. A
ua ou faalogo i le tala ia te oe, ua e
mafaia ona faamatala uiga, ma tala-
talaina mea faigata; o lenei, afai ua
e mafaia ona faitau mai o le tusi,
ma faailoa mai ia te au lona uiga, e
faaofuina oe i *le ofu* pāuli, e asoa
foi oe i le filifili auro, e pule foi oe i
le malo na o le toalua e sili ia te oe.
- 17 Ona tali mai lea o Tanielu, ua faa-
pea mai i luma o le tupu, Tuu ai
pea ia te oe au mea alofa, ia e avatu
i se tasi au tau; a o le tusi ou te
faitaunu atu lava i le tupu, ma faa-
18 iloa ia te ia lona uiga. O oe na le
tupu e, na foaiina e le Atua silisili
ia Nepukanesa lou tamā o le malo,
ma le mamalu, ma le viiga, ma le
faaneeneega; o le mamalu foi na
19 ia foaiina atu ia te ia, sa gatete ai
ma matatau ai i ona luma o nuu,
ma atu nuu, ma gagana eseese; na
ia fasia le na ia finagalo i ai, na ia
faaola foi i le na ia finagalo i ai; na
ia faaeaina le na ia finagalo i ai, na
ia faamaulaloina foi le na ia finagalo
20 i ai. A ua oo ina faamaualugaina
o lona loto, ma ua maa lona loto e
faamaualuga ai, ona tūleia lea o ia
ai lona nofoālii, na aveeseina foi ia
21 te ia lona mamalu. Sa tulia foi o
ia ua tēfa ma tagata, o lona loto sa
liua ua pei o le loto o le manu, sa
mafuta faatasi o ia ma asini o le
vao; sa taumafa o ia i le mutia pei
o povi, sa sūsū foi lona tino i le sau
mai le lagi, ina seia silafia e ia ua
pule le Atua silisili i le malo o ta-
gata, na te tofia i ai le ua ia finagalo
22 i ai. O oe foi lona alo, Pelesara e,
e ui lava ina e silafia ia mea uma, e
23 te lei faamaulaloina lou finagalo, a
ua e faamaualuga oe i le Alii o le
lagi; ua aumai foi i ou luma o
ipu o lona mahumalu, ua inu ai
uaina e oe, ma alii ua ia te oe, o ou
faletua, ma au palake; ua e vivii
atu foi i atua ario, ma auro, ma
memea, ma uamea, ma laau, ma
maa, e le vaai i latou, e le lagona, e
le iloa *ni mea*; a o le Atua ua i lona
aao lou mānava, ua ia te ia foi ou
24 ala uma, e te lei vivii atu i ai. E i
ai ona tuuina mai e ia o le lima;
- ona tusia ai lea o lenei tusi. O le-
25 nei le tusi na tusia, MENE, MENE,
TI KELE, UPERESA. O le uiga lenei
26 o le upu, MENE, Ua faitaulia e le
Atua lou malo, ua faaiiina. TE-
27 KELE, Ua fuatia oe i le fuafaatau-
tau, a ua iloa oe ua mamasagia.
PERESA, Ua vaevaeina lou malo; ua
28 foaiina atu ia Metai ma Peresia.
Ua fai atu Pelesara, ona latou faa-
29 ofu ai lea ia Tanielu i le *ofu* pāuli,
ma le filifili auro e asoa ai, ma ua
latou tala'i atu ia pule o ia i le ma-
lo na o le toalua e sili ia te ia. O
30 le po lava lea na fasiotia ai Pelesara
le tupu o Kaletai. Na maua le
31 malo o Tariu le Metai i le onoga-
fulu ma le lua o ona tausaga.

Ua lafo Tanielu i le lua o leona.

UA finagalo Tariu ia tofia e pule
i le malo o alii sili e tasi le selau
ma le toluafulu, latou te i ai i le
malo uma lava. Ua tofia foi alii
2 silisili e toatolu, ua i ai Tanielu;
latou te pule i ia alii sili, ina ia
logologo mai ia alii sili ia te i latou,
ina ia le māumau mea a le tupu.
A ua sili lenei Tanielu i alii silisili
3 ma alii sili, ina ua tele lona atamai,
sa manatu foi le tupu ia tofia o ia e
pule i le malo uma. Ona tausaili
4 lea e alii silisili ma alii sili ina ia
maua se mea a le malo e faalani ai
se sala ia Tanielu; a ua le maua e i
latou se mea e faalani ai po o se
mea leaga e tasi; auā sa faamaoni
o ia, ua le maua foi sona sese e tasi,
5 po o se mea leaga. Ona faapea atu
ai lea o ia tagata, E le maua e i ta-
tatu se mea leaga i lenei Tanielu, pe
afai tatou te le maua se mea ia te
ia i le tulafono a lona Atua. Ona
6 lolofi atu ai lea o ia alii silisili ma
alii sili i le tupu, ua faapea atu ia te
ia, Le tupu e, Tariu, ia soifua oe e
faavavau; ua uma ona filifili o alii
7 silisili uma o le malo, o faipule, ma
alii sili uma, o tulafale, atoa ma e
pule i nuu, ia faatuina se tulafono
a le tupu, ma ia faamauina se vavao,
ai se tasi na te faatoga atu se mea
mai se tasi atua, po o se tagata, a e
tau lava o oe e *faatoga i ai*, le tupu
e, i po e tolugafulu, ia lafoina o ia i
le lua o leona. O lenei, le tupu e,
8 ia e faamauina le vavao, ma tusi le

- tusi, ina ia le tälaina, faapei o tula-
fouo a Metai ma Peresia ua le tälai-
9 ina. O le mea lea na tusi ai e le
tupu o Tariu le tusi ma le vavao.
- 10 Ua iloa e Tanielu ua tusia le tusi,
ona alu atu ai lea o ia i lona fale,
ua avanoa faamalama o lona potu e
faasaga i Ierusalem, ua ta'i foi faa-
tolu i aso ona tootuli o ia i ona
tulivae, ma tatalo, ma faafetai i
luma o lona Atua, faapei, ona ma-
sani ai o ia.
- 11 Ona lolofi ane ai lea o ia tagata,
ua maua Tanielu o loo o tatalo ma
faatoga atu i luma o lona Atua.
- 12 Ona latou o atu ai lea, ua faapea
atu i le tupu i a le vavao a le tupu,
E lei tusia ea e oe le vavao, ai se
tasi tagata e faatoga atu i se tasi
atua, po o se tasi tagata, a e tau
lava o oe e faatoga i ai, le tupu e,
1 po e tolugafulu, e lafoina o ia i le
lua o leona? Ua tali mai le tupu,
ua faapea mai, E moni lava lea mea,
faapei o tulafono a Metai ma Pere-
13 sia e le tälaina. Ona latou tali atu
lea, ua faapea atu i le tupu, O lona
Tanielu, o le tagata o le tafeaga o
Iuta, e le ava o ia ia te oe, le tupu
e, ma le vavao na e tusia, a ua tata-
14 lo o ia ta'i foi faatolu i aso. Ua
faalogo le tupu i na upu, ona tiga
tele ai lea o ia ia te ia lava, ua nau-
nau o ia ia laveaiina o Tanielu; ua
oo ina goto le la o taumafai pea
15 lava ia ina ia laveai ia te ia. Ona
lolofi ane ai lea o ia tagata i le tupu,
ua faapea atu i le tupu, Le tupu e,
ia e silafia le tulafono a Metai ma
Peresia, e le tälaina lava se vavao,
po o se tulafono ua faamauiina e le
16 tupu. Ua fai atu le tupu, ona latou
ta'ita'iina ane ai lea o Tanielu, ua
lafo ia te ia i le lua o leona. Ua
fai atu le tupu, ua faapea atu ia
Tanielu, O lou Atua, o le ua e au-
auna i ai e le aunoa, o ia na te laveai-
17 ina oe. Ua au mai foi le maa, ua
tuu ai i le gutu o le lua, ona faamau-
faailogaina lea e le tupu i lana ma-
ma, atoa ma le mama a alii sa ia te
ia, ina ne'i liua le pule ia Tanielu.
- 18 Ona alu atu lea o le tupu i lona
maota ua le taumafa ia i lea po; e
lei foi ni laupese na avane i ona
luma, ma ua te'a ia te ia le moe.
- 19 Ua tulai le tupu i le vave ao, ua
faataalise atu i le lua o leona. Ua 20
oo ia i le lua, ona alaga atu lea o ia
ma le leo faamamai ia Tanielu; ua
fai atu le tupu, ua faapea atu ia
Tanielu, Tanielu e, le auaina a le
Atua soifua, ua mafai ea e lou Atua,
o le ua e auaina i ai e le aunoa, ona
laveai ia te oe ai leona? Ona tali 21
mai lea o Tanielu i le tupu, Le tupu
e, ia soifua oe e faavavau, ua auina 22
mai e lo'u Atua o lana agelu, ua
punitia ai gutu o leona, ua le afaina
ai a'u; auā ua silafia e ia ua lei sa'u
amio i ona luma; e lei foi se mea
leaga ua a'u faia i ou luma, le tupu.
Ona fiasia tele lea o le tupu ona o 23
ia, ua ia fetalai atu ia aveina ae
Tanielu ai le lua; ona aveina ae ai
lea o Tanielu ai le lua, ua le afaina
lava o ia, auā na ia faatuatua i lona
Atua. Ua fai atu le tupu, ona ta'i- 24
ta'iina mai ai lea o ia tagata e na
molia Tanielu, ma ua lafo ia te i
latou, atoa ma a latou fanau, ma a
latou avā i le lua o leona; ua ma-
numalo leona ia te i latou, ua lamu-
pala o latou ivi uma, a o lei oo ifo i
latou i le taele o le lua.
- Ona tusi atu lea o le tupu o Tariu 25
i nuu uma, ma atu nuu, ma gagana
eseese o e nonofo i le lalolagi uma,
ua faapea atu, Ia tupu tele so outou
manuia. Ou te pule ina ia gatete 26
ma matatau i luma o le Atua o Ta-
nielu o tagata i itu malo uma i lo'u
malo; auā o ia o le Atua e soifua, e
tumaui o ia e faavavau, e le faama-
tia lona malo ma lana pule e oo i le
gataaga. E ana e faaola ma laveai, 27
ua faia foi e ia faailoga ma vavega i
le lagi ma le lalolagi, o le na laveai
ia Tanielu ai lima o leona. Sa ma- 28
nuia foi lenei Tanielu i le nofoaiga
a Kuresa le Peresia.
- O manu e fa na iloa e Tanielu.
- O LE tausaga muamua o Pele- 7
sara le tupu o Papelonua na iloa e
Tanielu le miti ma faaaliga i lona
moega, ona tusia lea e ia le miti, ua
na ta'u atu foi i mea uma. Ua fai 2
atu Tanielu, ua faapea atu, Na a'u
ilola i mea na faaali mai i le po, faa-
uta foi, o matagi e fa o le lagi ua
pesi tetele atu i le sami tele. Ona 3
o ae ai lea mai le sami o manu feai

- tetele e fa, ua eseece le tasi i le tasi.
- 4 O le muamua, ua pei se leona ia, ua fai foi apaau o le aeto; na a'u vaa-vaai ina seia fufutiesea ona apaau, sa siitia foi ai le fogāelelele, sa faa-tuina lava i ona vae, pei se tagata, ma ua foaiina atu i ai le loto o le
- 5 tagata. Faauta foi, o le tasi manu feai, o lona lua lea, ua pei o le uro-sa, ua tulai atu i le tasi itu; ua i lona gutu o ivi asoaso e tolu, ua u ai i ona nifo, ua latou fai atu i ai, ua faapea atu, Tulai ia, ina e 'ai
- 6 tino e tele. Mulimuli ane i lea mea na ou vaai atu, faauta foi, o le tasi pei o le nameri, ua i lona tua foi o apaau e fa o le manu lele; ua i ai foi i le manu feai o ulu e fa; sa
- 7 tuuina atu foi i ai le pule. Mulimuli ane i lea mea na ou iloa i faa-aliga i le po, faauta mai, o lona fa o manu feai, ua matautia ma ua maa, ua matuā malosi lava; ua i ai foi nifo uamea tetele, ua ia 'aina ma lamupalaina, a o mea ua totoe, ua na soli i ona vae. E ese lava ia i manu feai uma na muamua ia te ia, sa i ai foi nifo e sefulu i lona ulu.
- 8 Na a'u manatunatu i nifo, faauta foi, o le tasi nifo itiiti ua tupu ae i le va o ia nifo, ona fa'iesea lea i ona luma o nifo e tolu sa luai tutū; faauta foi, ua i lenei nifo o mata e pei o mata o le tagata, atoa ma le gutu ua tautalatala i upu faasau-sili.
- 9 Na ou vaavaai ina seia tuu mai o nofoālii, ua tietie mai foi Lē ua mai anamuā ona aso, ua sinasina lona ofu e pei o le kiona, ma ona lauao e pei o le fulufulu mamoe e lelei; o lona nofoālii o le afi mumū ia, ua se afi ua mu ana mea e taavalevale
- 10 afi. Ua tafe mai le afi ua alu atu nai ona luma, ua afe ni afe o e au-auna ia te ia, e mano ni mano o e laulaututū i ona luma; ua nofoia le faamasinoga, ma ua fofola tusi.
- 11 Ona ou vaavaai atu ai lea ona o upu faasausili na tautala mai e le nifo ua ou vaai atu ina seia fasimatea le manu feai, ua faumatia foi lona tino, ma ua lafoina i le afi mumū.
- 12 A o isi manu feai ua totoe, ua ave-eseina la latou pule; a ua faafualoa-ina lo latou ola, ua oo i le tausaga
- 13 ma le tau. Na ou iloa i faaaliga i le po, faauta foi, ua afio mai i ao o le lagi Lē e pei o le Atalii o le taga-ta, ua oo foi ia i Lē ua mai anamua ona aso, ua latou momoli ia te ia i ona luma. Ua foaiina atu ia te ia
- 14 le pule, ma le viiga, ma le malo, ina ia aauana ia te ia o nuu uma, ma atu nuu, ma gagana eseece; o lana pule o le pule e faavavau lea, e le mavae atu ia, o lona malo foi e le faaumatia.
- O a'u o Tanielu sa tigaina lo'u
- 15 loto i totonu ia te au, o faaaliga na ou iloa na ou atuatuvaile ai. Ua ou
- 16 soso atu i le tasi o e ua laulaututū, ma fesili atu ia te ia i le uiga o ia mea uma. Ona fa'u mai ai lea o ia ia te au, ua faailoa mai foi ia te au le uiga o ia mea. O ia manu tetele
- 17 e fa i latou o tupu ia e toafa o le a tutū mai i le lalolagi. A e maua le
- 18 malo e le au paia a lē Silisili ese, e fai foi mo i latou le malo e faavavau, e faavavau lava. Ona a'u fia iloa
- 19 lea o le uiga o lona fa o manu, o le ua uiga ese lava i nisi manu uma, ua matautia tele lava, o ona nifo o ua-meia ia, o ona atigivae o 'apa memea ia; ua 'ai, ua lamupala, ua soli foi i ona vae mea na totoe. Na a'u fia
- 20 iloa foi le uiga o nifo e sefulu ua i lona ulu, atoa ma le tasi ua tupu ae, ua pauu ai nifo e tolu i ona luma; o le nifo foi lea sa i ai mata, ma le gutu o loo tautala afi upu faasau-sili, o lona tino mai foi ua sili ona
- 21 tele i nisi uma. Na ou iloa atu ua fai taua foi lena nifo i le au paia, ma ua manumalo ia te i latou; ina
- 22 seia afio mai Lē ua mai anamuā ona aso, ma ua tuuina atu le faamasino-ga i le au paia a lē Silisili ese; ua oo mai foi ona po ua maua mai ai le malo e le au paia. Ua fai mai o
- 23 ia ua faapea mai, O lona fa o manu, o lona fa lea o malo i le lalolagi, e ese lea i malo uma, na te 'aina foi le lalolagi uma, ma soli i ai, ma olopalaina. O ona nifo foi e sefulu
- 24 o lenei malo, o tupu e sefulu ia, o le a tutū mai; e mulimuli ane foi ia te i latou ona tu mai o le tasi, e ese ia i e na muamua, e faatoilalo-ina e ia o tupu e toatolu. Na te
- 25 faia upu i lē Silisili ese, ma faa-umatia le au paia a lē Silisili ese, e manatu o ia e faaliliu i tausaga ma

tulafono; e tuuina atu foi i latou i lana pule seia mavae le tausaga, ma tausaga, ma le vaeluagalemua o le
 26 tausaga. A e nofoia le faamasinoga, ona aveeseina ai lea e i latou o lana pule, ia faaiuina ma faaumatia
 27 ia oo i le iuga. O le malo, ma le pule, atoa ma le mamalu o le malo i lalo ifo o le lagi uma, e tuuina atu ia i le nuu o le au paia a lē Silisili
 28 ese, o lona malo, o le malo e faava-
 vau lea, e auuina ma usiusitai ia te ia o pule uma lava. Ona gata lea o lea mea; o a'u o Tanielu sa tele lo'u
 atuatuvaile i o'u manatunatu, sa liua foi o'u mata; a ua taofi lenei mea i lo'u loto.

O le mamoe poa ma le 'oti.

8 O LE tolu o tausaga o le nofo-
 aiga a le tupu o Pelesara, o a'u o Tanielu, na ou iloa le faaaliga, e mulimuli ane i le na ou luai iloa.
 2 Na ou iloa foi le faaaliga, na ou iloa ai a o i ai a'u i Susana i le maota, ua i ai i le itu malo o Elama; na ou iloa foi i le faaaliga sa a'u i ai e lata
 3 ane i le vaitafe o Ulai. Na ou tepa ae, ona ou iloa lea, faauta foi, ua tu i tafatafa o le vaitafe o le mamoe poa, ua i ai nifo e lua, o nifo foi ua uumi, a ua sili ona umi o le tasi i le
 4 ia. Na ou iloa ua sua le mamoe poa i sisifo, ma le itu i matu, atoa ma le itu i toga; ua leai foi se manu e tasi ua mafai ona tu i ona luma, ua
 5 leai foi se na te laveai mai ai lona lima; a ua ia fai mea ua ia loto i ai, ma ua faasilisili lava ia. O a'u sa a'u manatunatu, faauta foi, o le
 6 'oti poa ua sau mai sisifo i le fogā-eleele uma, a ua le pai i le laueleele; ua i ai foi i le 'oti le nifo tele i le
 7 va o ona mata. Ua alu atu lava ia i le mamoe poa ua i ai nifo e lua, o le na a'u iloa o tu i tafatafa o le vaitafe, ua oso atu ia te ia ma lona
 8 malosi tele. Na ou iloa o ia, ua ia faalatalata atu i le mamoe poa, ua matuā lili ia te ia, ma na tuia le mamoe poa, ua gaugau ai ona nifo e lua; ua le lavā lava le mamoe poa
 9 ona tu i ona luma, a ua na lafotuina ia i le eleele, ma soli ia te ia; ua leai lava se na te laveaiina le mamoe
 10 poa ai lona lima. Ona faasilisili

lava lea o le 'oti poa; ua oo ina malosi o ia, ona gauiesea lea o le nifo tele; a ua tutupu ae ni nifo tetele e fa e sui a'i, ua faasaga foi i matagi e fa o le lagi. Ua tupu ae
 9 foi ai totonu o le tasi o i latou o le tasi nifo itiiti, ua tupu tele lava ia i le itu i toga, ma sasae, atoa ma le
 10 nuu matagofie. Ua tupu tele foi o ia, ua oo i 'au a le lagi, ma ua na lafotu ifo i le eleele nisi 'au atoa ma
 11 nisi fetu, ma na soli i ai. Ua faasilisili o ia ua oo lava i le ave 'au, na ia aveesea le taulaga e fai i aso fai
 12 soo, ua ia lafotuina foi lona malumu paia. Ona tuuina atu lea o 'au, atoa ma le taulaga e fai i aso
 13 fai soo mo agasala, ua ia lafotuina le upu moni i le eleele, ua ia fai foi lona loto, ma ua manuia. Ona ou
 14 faalogo lea, ua tautala le tasi o le au paia, ua fai ane foi se tasi o le au paia ia te ia lava na tautala, Seia
 15 afea ea le faaaliga i la le taulaga e fai i aso fai soo, ma le agasala e faatafuna ai, ona tuuina atu lea o le malumalu atoa ma 'au ia solia lava?
 16 Ona faapea mai lea o ia ia te au, Seia atoa afiafi ma taeao e lua afe ma le tolu o selau, ona faapaiaina ai lea o le malumalu.

Na a'u iloa le faaaliga, o a'u lava
 17 o Tanielu, ona a'u suesue ai lea o le uiga, faauta foi, ua tu mai i o'u luma se tasi ua tino mai pei se tagata. Ona a'u lagona lea o le leo o le
 18 tagata i le va o auvai o Ulai, ua valaau, ua faapea ane, Kaperielu e, ia e faamatalaina le faaaliga i lenei tagata. Ua ia sau e lata ane i le
 19 mea na a'u tu ai; ua sau lava ia, ona a'u fefe ai lea, ua ou faapaū fao; ona faapea mai lea o ia ia te au, Ia e iloa, le atalii e o le tagata,
 20 auā o ona po o le iuga e taunuu ai le faaaliga. O loo o tautala mai o ia ia te au, ua ou moe gase faafaō lava i le eleele; a ua pai mai o ia ia te au, ma na faatuina a'u i luga.
 21 Ua ia faapea mai foi, Faauta mai, ou te faailoa ia te oe mea e tutupu i ona po e taufaai ai le toasa; auā o ona po ua tuupoina e oo ai le iuga. O le mamoe poa na e iloa ua i ai nifo e lua, o tupu ia o Metai ma Peresia. O le 'oti taufulufulu foi, o le tupu lea o Iavana; a o le nifo

tele o i le va o ona mata, o le tupu
 22 muamua lea. Ua gau foi lena *nifo*,
 a ua tutū mai ai *isi* e fa e sui *a'i*, e
 tutū mai malo e fa mai le atu nuu,
 23 a e le o i ai lona malosi. A oo i le
 gataaga o latou malo, pe a faaatoa-
 toaina *agasala* a e *agasala*, ona tu
 mai ai lea o le tupu mata sauā, na
 24 te iloa foi upu e faigata. E tele
 lona malosi, a e le o lona lava ma-
 losi; e faasilisili lava ia ona faa-
 umatia, e manuia ia, e fai foi *lona*
loto, na te faaumatia i e malolosi,
 25 atoa ma le nuu paia. O lona faa-
 utauta foi na te faamanuia ai ana
 sauniga pepelo; e faasilisili o ia i
 lona *loto*, na te faaumatia foi tagata
 o toatele, a o maninoa; e tulai atu
 foi o ia i le Alii o alii; e olopalaina,
 26 a e le se lima e *olopalaina ai*. O le
 faaaliga o le afiafi ma le taeao sa
 ta'ua, ua faamaoni lea; ia e pupuni
 foi le faaaliga, auā e tele ona aso.
 27 O a'u o Tanielu, sa ou vaivai, na ou
 ma'i foi i *isi* aso; ona ou tulai lea,
 ma a'u faia le feau a le tupu; na ou
 ofo tele i le faaaliga, a ua le iloa e
 se fasi.

*O le tatalo a Tanielu, ma vaiasosa e
 fitugafulu.*

9 O LE tausaga muamua o Tariu
 le atalii o Asueru, o le na tupu mai
 Metai, sa fai o ia ma tupu i le malo
 2 o Kaletaiā, o le tausaga muamua o
 lana nofoaiga, o a'u o Tanielu na
 a'u iloa ai i tusi le faitau o tausaga
 na fetalaiā mai e Ieova ia Ieremia le
 perofeta, ia faaatoaina ai le faatafu-
 naina o Ierusalemā, o tausaga e
 3 fitugafulu ia. Ona ou faasaga lea i
 le Alii le Atua e saili i le tatalo, ma
 le faatoga, ma le anapogi, ma le ie
 4 talatala, ma le lefulefu. Na a'u
 tatalo ia Ieova lo'u Atua, ma ou
 faaali atu, ua ou faapea atu, Le Alii
 e, o le Atua e sili ma le matautia, o
 lē taus i le feagaiga, ma le alofa i e
 alofa atu ia te ia, atoa ma e o tausi-
 5 usi i ana poloaiga. Ua matou aga-
 sala, ma ua fai mea leaga, ma ua
 matou agaleaga, ua fouvale foi ina
 ua te'a ese ma au poloaiga ma au
 6 faamasinoga. E lei faalogo i matou
 i au auauna le au perofeta, o e na
 tautala mai i lou suafa i o matou
 tupu, ma o matou alii, ma o matou

tamā, atoa foi ma tagata uma o le
 nuu. Le Alii e, ua ia te oe le amio- 7
 tonu, a ua ia te i matou le masiasi,
 pei ona i ai i ona po nei, ua i tagata
 o Iuta, ma e sa nonofo i Ierusalemā
 ma Isaraelu uma, o e ua latalata
 mai, atoa ma e ua mamao i nuu
 uma na e tulia ai i latou, ona o a
 latou agasala na latou agasala ai ia
 te oe. Le Alii e, ua ia te i matou 8
 le masiasi, o matou tupu, ma o ma-
 tou alii, atoa ma o matou tamā, auā
 ua matou agasala ia te oe. O loo i 9
 le Alii, lo matou Atua, le alofa mu-
 timutivale ma le faamagaloina o
sala, auā ua matou fouvale ia te ia.
 E lei faalogo foi i matou i le siufo- 10
 foga o Ieova lo matou Atua, e sava-
 vali i ana tulafono, na ia tuuina mai
 ia i matou e ana auauna le au perofeta.
 O Isaraelu uma foi, ua latou 11
 solia au tulafono, ma ua o ese, ua le
 fia faalogo i lou siufofoga; o lea ua
 faaooina mai ai ia te i matou le
 fetuu, ma le malaia ua tusia i le
 tulafono a Mose le auauna a le Atua,
 auā ua matou agasala ia te ia. Ua 12
 ia faataunuu ana afoga na ia fetalai
 mai ia te i matou, atoa ma o matou
 faamasino o e na faamasino ia i
 matou, ina ua ia faaoo mai ia i
 matou le malaia tele; auā e lei faia
 se mea i lalo o le lagi uma faapei
 ona faia i Ierusalemā. E pei ona 13
 tusia i le tulafono a Mose, ua *faapea*
 lava ona oo mai ia te i matou o nei
 mala uma; a ua matou le aioi atu i
 luma o Ieova lo matou Atua, ina ia
 matou liliu ese i a matou agasala,
 ma mafaufau i lou faamaoni. Na 14
 silasila foi Ieova i le malaia, ma ua
 faaooina mai ai lava ia te i matou;
 auā ua amiotonu Ieova lo tatou
 Atua i ana galuega uma ua ia faia;
 a ua matou le faalogo i lona siufo-
 foga. O lenei, le Alii e, lo matou 15
 Atua, o le na aumaia lou nuu ma le
 aao malos i ai le nuu o Aikupito, ua
 e maua foi viiga e pei ona *fai* i nei
 ona po; a matou agasala, ua matou
 amio leaga. Le Alii e, ou te aioi 16
 atu ia te oe, ona o lau amiotonu
 uma, ia e liliueseina lou toatamai
 ma lou toasa ai lau aai o Ierusalemā,
 o lou mauga paia; auā o a matou
 agasala, ma amioletonu a o matou
 tamā ua *avea* ai Ierusalemā atoa ma

- lou nuu ma luma e i latou uma o e
 17 vagavagai mai ia te i matou. O lenei, lo matou Atua e, ia e faafofoga mai i le tatalo a lau auuana, atoa ma ana faatoga, ma ia malamalama atu ou fofoga i lou malumalu ua faatafunaina, ona o le Alii.
- 18 Lo'u Atua e, ia e liliu mai ou fofoga, ma faafofoga mai; ia sisila mai ou fofoga, ma e silasila mai i lo matou faatafunaina, atoa ma le aai ua faaigoa i lou suafa; auā matou te le avatu lo matou aioi i ou luma ona o a matou amiotonu, a o lou alofa tele. Le Alii e, ia e faafofoga mai. Le Alii e, ia e faamagalo mai. Le Alii e, ia e faasagasaga mai, ma e faia lava; aua le faatuatuai, ona o lau afio lava, lo'u Atua e, auā ua igoa i lou suafa lau aai ma lou nuu.
- 20 O loo ou tautala atu ma tatalo, ma ta'uta'u atu a'u agasala, ma le agasala a lo'u nuu o Isaraelu, o loo fai foi lo'u aioi i luma o Ieova lo'u Atua mo le mauga paia o lo'u Atua;
- 21 o loo ou tautala lava i le tatalo, ua pai mai ia te au le tagata o Kaperielu, o le na a'u luai iloa i le faaaliga, o loo lele faataalise mai i le
- 22 itu la o le taulaga afiafi. Na ia a'oa'o mai, ma ua tautala mai ia te au, ua faapea mai, Tanielu e, ua a'u sau nei e a'oa'o ia te oe e te poto ai.
- 23 Na amataina au faatoga ona oo mai ai lea o le poloaiga; i le ua ou sau ai e faailoa atu ia te oe, auā ua alofateleina oe; o lenei, ia e iloa le
- 24 upu, ma mafaufau i le faaaliga. Ua atofaina vaiasosa e fitugafulu i lou nuu ma lau aai paia, e faauma ai le solitulafono, ma faaiu ai agasala; e fai ai foi le togioa mo agasala, ma faaooina mai ai le amiotonu e faavavau, e faamaufaailogaina foi le faaaliga ma le valoaga, e faauuina
- 25 ai foi le mea e silisili ona paia. Ia e iloa foi ma e manatunatu, e afua mai i le oo atu o le poloaiga ia toe faia ma ia atiina ae Ierusalema, e oo atu i le Mesia le Alii, e fitu vaiasosa ma vaiasosa e onogafulu ma le lua, e toe faia le ala tele ma le pa i
- 26 ona po lava o le puapuaga. A mavae vaiasosa e onogafulu ma le lua, ona fasiotia ai lea o le Mesia, a e leai se mea ia te ia; o le nuu o le alii o le a maliu mai, latou te faa-
- umatia le aai ma le malumalu, o lona iuga foi ua se tafega lea; ua tuu le pule ia faatafunaina e oo i le iuga o le taua. Na te faatumauina foi le feagaiga i tagata e toatele i le vaiasosa e tasi; o le vaeluagalemu foi o le vaiasosa na te faagata ai le taulaga, atoa ma le mea foaifuaia, e i ai foi i le itu o le malumalu mea e inosia e faatafunaina a'i, seia oo i le iuga o le mea ua tuu pule i ai, ma ua faaoo i le na te faatafunaina.

O le faaaliga na iloa e Tanielu.

O LE tolu o tausaga o Kuresa le tupu o Peresia sa faaali mai ai le tasi mea ia Tanielu, o le ua igoa ia Peletisara; e moni le upu, a e tele taua; na ia iloa foi le mea, ma na iloa le faaaliga. O ona po ia, o a'u o Tanielu sa ou faanoanoa ai i vaiasosa atoatoa e tolu; e leai se mea lelei na a'u 'ai ai, e leai foi se aano o manu, po o se uaina na oo i lo'u gutu, na ou le uu ai lava, ua oo ina mavae atu vaiasosa e tolu. O le aso e luafulu ma le fa o le masina muamua, sa a'u i ai i le auvai o le vaitafe tele, o Hitekeli lea. Ona a'u tepa ae lea ma ou vaai, faauta foi, o le tasi tagata ua ofu i le iē lino, ma ua fusi lona sulugattiti i le auro lelei o Upasa. O lona tino foi ua pei o le tasesa lea, ma ona fofoga ua tino mai pei o le uila, ma ona mata ua pei o lamepa mumū ia, o ona lima foi ma ona vae ua pei o 'apa memea ua faapupulaina, o le siufofoga o lana fetalaiga ua pei o le taalili o le vao tagata e toatele. A ua na o a'u lava o Tanielu na iloa le faaaliga; auā o tagata sa matou i ai na le iloa e i latou le faaaliga, a ua ootia, i latou i le tetemu tele lava, na latou sosola foi ia lalafi ai i latou. Ua tuua toatasi lava na o a'u, ona a'u iloa lea o lona mea tele na faaaliga mai, ona leai lea o se toe malosi ia te au; ua mavae lo'u matagofie, ua ou pulavale, ua leai lava se malosi ua toe ia te au. Ua ou lagona le siufofoga o lana afoga; ua ou lagona le siufofoga o lana afoga, ona ou moegase ai lea o a'u ua fao, ua fao lava i le elelee. Faauta foi, ua pai mai ia te au le lima, ma faatootuli ia te au i o'u

- 11 tulivae ma o'u alofilima. Ona ia faapea mai lea ia te au, Tanielu e, o le tagata ua alofateleina, ia e mafaufau i upu ou te fai atu ai ia te oe, ma ia e tu i luga; auā ua auina mai nei a'u ia te oe. Ua uma ona fetalaia mai ia te au o nei upu, ona ou
- 12 tu ai lea, ua ou gatete. Ona faapea mai ai lea o ia ia te au, Tanielu e, aua le fefe; auā talu le luai aso na e sauni ai lou loto e mafaufau ma faatigaina oe e oe i luma o lou Atua, sa faafogaina au upu, ua
- 13 a'u sau foi ona o au upu. A o le alii o le malo o Peresia na ia tetee ia te au i po e luafulu ma le tasi; faauta foi, o Mekaeli o so le au alii sili ia, na ia maliu mai e fesoasoani mai ia te au; na tuua foi a'u i lea
- 14 mea faatasi ma tupu o Peresia. O lenei, ua a'u sau e faailoa atu ia te oe mea e tutupu i lou nuu i ona po amuli; auā e tuai ona po o le faa-
- 15 aliga. Ua ia fetalai mai na upu ia te au, ona ou faasaga lea o'u mata i le eleele, ua ou le magagana.
- 16 Faauta foi, o le tasi e pei se tagata ua pai mai i o'u laugutu; ona ou tautala atu lea, ua faapea atu i le ua tu mai i o'u luma, Le alii e, ua a'u puapugatia ona o le faaaliga, ua leai, se malosi ua toe ia te au.
- 17 Ua mafai faapefea le auaua na lo'u nei alii ona tautala ma lo'u nei alii? auā o a'u ua leai lava so'u malosi, ua leai foi se mānava ua toe ia te
- 18 au. Ona toe pai mai lea ia te au o le tasi ua tino mai pei se tagata, ua
- 19 ia faamalosi mai ia te au. Ua faapea mai o ia, O oe o le tagata ua alofateleina, aua e te fefe, ia e manuia, ia e faamalosi, ia e faamalosi lava. Ua mavae mai lana fetalaiga ia te au, ona ou malosi ai lea, ma a'u faapea atu, Ina fetalai mai ia lo'u alii; auā ua e faamalosi mai ia
- 20 te au. Ona faapea mai ai lea o ia, Ua e iloa ea le mea ua a'u sau ai ia te oe? o lenei, o le a a'u toe foi e tau ma le alii o Peresia; faauta foi, a a'u alu atu, ona sau ai lea o le alii
- 21 o Iavana. A e peitai ou te faaali atu ia te oe le mea ua tusia i le Tusi e faamaoni; ua leai foi se tasi e fesoasoani mai ia te au i na mea, ua na o Mekaeli lo outou alii.

O le malo o Peresia, atoa ma isi malo.

O A'U foi, na a'u tu atu i le 11
tausaga muamua o Tarius le Metai,
e fesoasoani ma faamalosi ia te ia.
O lenei foi, ou te faaali atu ia te oe 2
le upu moni. Faauta, e toe tutū
mai tupu o Peresia e toatolu, a o
lona toafa e sili lava ia ona mauoa
ia te i latou uma; o lona malosi foi,
e maua i lona oloa, na te lagaina
mai ai i latou uma e tau ma le malo
o Iavana. E tulai foi le tupu lima 3
malosi, e pule lava ia i malo e tele,
ma fai mea na te loto i ai. A oo 4
ina tulai o ia, ona lepetia lea o lona
malo, ma vaevaeina i matagi e fa o
le lagi, a e le fai ma ana fanau, e le
tusa foi ma lana pule e pule ai o ia;
auā e liaiina lona malo, e fai foi mo
nisi a e le o i latou. E malosi foi le 5
tupu o le itu i toga, ma le tasi alii e
ia te ia; e sili foi lona malosi i lona,
e pule foi ia; o lana pule, o le pule
tele lea. A oo i le tuluiga o tau- 6
saga, la te sosoo faatasi; auā o le
afafine o le tupu o le itu i toga e
sau o ia i le tupu o le itu i matu e
fai ai se leleiga; a e le tumau ia te
ia le lima malosi, e le tumau foi o
ia, po o lona malosi; a e tuuina atu
o ia, atoa ma i latou e molia o ia,
ma lē fanaua e ia, atoa ma le na te
faamalosi o ia i ia ona po. A o le 7
tātupu o ona aa e tu mai ai se tasi i
lana nofoaiga, e sau foi o ia ma 'au,
ma alu atu i le 'olo o le tupu o le
itu i matu, e fai lona loto ia te i
latou ma manumalo ai. Na te avea 8
foi faatagataotaua i Aikupito o latou
atua, ma o latou alii, atoa ma o latou
ipu manaomia o ario ma auro; e
tumau foi o ia i tausaga e sili i
tausaga o le tupu o le itu i matu.
E alu atu foi o ia i le malo o le tupu 9
o le itu i toga, ma toe foi i lona
lava nuu. A o ona atalii la te laga 10
mai, ma la faapotopototo le vao 'au e
tele; ona matuā sau ai lea o le tasi,
e lofia ai e ia le nuu ma ui ane ai;
ona toe laga mai lea o ia e oo i lona
'olo. E matuā ita foi le tupu o le 11
itu i toga, ona alu atu lea o ia la te
tau ma le tupu o le itu i matu; na
te aveina atu 'au e tele lava; a e
tuuina atu i lana pule le vao 'au e

- 12 tele. A aveesea foi ia 'au e tele ona faamau alugaia ai lea o lona loto; e manomano foi o e lafotuina e ia, a
- 13 e le malosi ai o ia. Auā e toe foi mai le tupu o le itu i matu, na te aveina atu 'au e sili ona tele i e na muamua; a mavae isi tausaga e sau ai lava o ia ma 'au e tele, atoa ma le oloa tele. 'Oa ona po foi e toatele latou te tutū atu e teteē atu i le tupu o le itu i toga; e faamau aluga foi tagata e i lou nuu, latou te faataunu ai le faaaliga, a e pauu i
- 14 latou. Ona sau ai lea o le tupu o le itu i matu, e tanu e ia se mea mau-puepue, na te aea aai nofo'olo; o 'au foi a le itu i toga, atoa ma ona tagata ua filifilia latou te le teteē atu, e leai lava se malosi e teteē atu
- 15 ai. O lē alu atu ia te ia na te faia mea ua ia loto i ai, e leai foi se tasi e tu i ona luma; e tu lava ia i le nuu matagofie, e faaumaina foi i lona lima. E faasaga foi o ia ina ia alu atu ma le 'au tau o lona malo uma, e faatasi foi ma ia e amiotonu, ma na faia lava; na te avatu foi ia te ia le teine muli ina ia leaga ai *le loto o le teine*; a e le tumau ai o ia, e le 'au faatasi foi ma ia. Ona faasaga lea o ia i nuu tu tai, ma na faoanu e tele; a o le tasi alii na te faaiuina e ia lona gao; na te faaliliu atu foi ia te ia lea mea, a e le
- 16 gaogaoina ai o ia. Ona toe faasaga lea o ia i le 'olo o lona nuu; a e tausuai o ia ma paū, e le toe iloa foi o ia. A e tu mai se tasi i lana nofoaiga, o le na te faau ane le faau taulaga i le nuu matagofie o lona malo; a e mavae nai aso ona fano ai lea o ia, a e le o se ita po o se taua.
- 17 Ona tu mai lea i lana nofoaiga o le e inosia, latou te le tuuina atu ia te ia le mamalu o le malo; a e sau faafillemu ia, o faaoleolega foi na te maua mai ai le malo. O 'au foi a e lolofi mai e lofia ai i latou mai ona luma, e faaumatia ai i latou, atoa ma le alii o le feagaiga. A uma foi ona sosoo ma ia, e fai mea pepelo lava ia; auā e alu ae lava ia, o se nuu itiiti foi e malosi ai o ia.
- 18 E alu atu o ia ma le fillemu i mea e sili ona lelei o le itu malo; na te faia foi mea na le faia e ona tamā, po o tamā o ona tamā; na te tufatufaina ia te i latou o mea faoa, ma vete, atoa ma oloa, na te taumafau-fau i lona loto e aea ai 'olo, seia oo i se aso. E faamalosi atu foi o ia ma lona loto atoa e tau ma le tupu o le itu i toga, ma le itu taua e toatele; o le tupu foi o le itu i toga e laga mai o ia i le taua, ma le itu taua tele ma le malosi tele lava; a e le tumau o ia, auā latou te tau-pulepule ia te ia. O e aai i ana mea taumafa, e fano ai o ia, e lolofi mai foi ana 'au; e toatele foi e fasiotia. E finagalo ia tupu e lua e fai mea leaga, la te tala pepelo i le laoi e tasi; a e le manuia ai, auā e oo lava le iuga i ona po ua atofaina ai. Ona toe foi ai lea o ia i lona nuu ma le oloa tele; e ita foi o ia i le feagaiga paia; na te faia foi lona loto, ona toe foi lea o ia i lona nuu. O ona po ua tuupoina e toe foi mai ai o ia, ma alu atu i le itu i toga; a e le iu faapei o le na muamua, po o lē muli-muli. Auā e alu atu le fua Kitimo e teteē atu ia te ia; e tigaina ai lona loto, ona toe foi mai ai lea, e ita atu foi o ia i le feagaiga paia; na te faapea lava ona fai, na te toe foi mai ma faasaga lona manatu i e ua lafoai le feagaiga paia. O 'au foi latou te 'au ma ia, latou te faaleagaina le malumalu e malu ai, latou te aveeseina foi le taulaga fai soo, ma tuuina ai le mea inosia e faatafunaina ai. O e agasala i le feagaiga e leaga i latou ia te ia i faaoleolega; a o le nuu o e ua iloa lo latou Atua latou te faamalolosi ma fai mea tetele. O e ua popoto i le nuu latou te a'oa'oina atu i tagata e toatele; a o aso e tele e pauu ai i latou i le pelu ma le afi, ma le tafeaga, ma le veteina. A pauu foi i latou, latou te maua se fesoasoani, o se fesoasoani itiiti; a e toatele e pipii atu ia te i latou ma faaoleolega. E pauu foi nisi o e popoto, e tofotofoina ai i latou, ma faamamāina ai, ma faasinasinaina ai, seia oo i ona po o le iuga; auā e lei oo i ona po ua tuupoina. O le tupu foi na te faia e tusa ma lona loto, ma faamau aluga o ia e ia, ma faasili ia te ia i atua uma; na te faia upu faasausili i le Atua o atua, e manuia foi o ia seia atoatoa le toasa; auā e

- faia lava le mea ua tuu i ai le pule.
 37 Na te le manatu i le Atua o ona tamā, *na te le manatu* i le manao i fafine, na te le manatu foi i se tasi atua; auā e faasilisili o ia e ia i mea uma. E ava o ia i le atua o'olo i le mea e nofo ai o ia; o le atua foi sa le iloa e ona tamā na te ava i ai, *ma avatu i ai* auro, ma ario, ma maa tūa, atoa ma mea matagofie. E faia lava lea e ia i 'olo e sili ona malolosi, i le atua ese, o le e manatua e ia *ma* faasilisili ona ava i ai; na te tuuina atu foi ia te i latou le pule i tagata e toatele, na te vae-vaeina foi le laueleele e maua ai le tau. A oo i ona po o le iuga, ona sii atu lea ia te ia o le taua e le tupu o le itu i toga; e pei se afā ona oso atu ia te ia o le tupu o le itu i matu ma kariota, ma e o tietie i solofanua, atoa ma vaa e tele; na te oo atu foi i nuu, ma lolofi i ai, ma ui ane ai. E oo atu foi o ia i le nuu matagofie, e faaumatia foi *nuu* e tele; a e sao nai lona lima o nuu ia, o Etoma, ma Moapi, atoa ma e ua sili i le fanauga a Amoni. Na te faaoo atu lona lima i nuu, e le sao
 43 foi le nuu o Aikupito. A e pule o ia oloa, o auro, ma ario atoa ma mea matagofie uma o Aikupito; e mulimuli atu foi ia te ia o Lipua ma
 44 Aitiopē. A o tala mai sasae, ma le itu i matu e atuatuvaie ai o ia; ona alu atu ai lea o ia ma le ita tele ia faaumatia ma fasiotia tagata e toatele. Na te faatuina fale ie o lona maota i le va o sami, i le mauga matagofie ma le paia; a e oo atu i lona iuga, e leai foi se tasi e fesoa-soani ia te ia.

O puapuaga ma ona po e gata mai ai.

- 12 O ONA po foi ia e tulai ai Mekali, o le alii sili, o le na te tulai ona o tagata o lou nuu; e oo mai foi aso vale, e leai sona tusa talu ona faatoa tupu o nuu, ua oo i ia lava aso; o ona po foi ia e laveaiina ai ou tagata, o i latou uma o e ua tusia i le
 2 tasi. E toatele foi o e momoe i le cfuefu o le eleele latou te ala mai,

o isi i le ola e faavavau, a o isi i le faalumaina ma le inosia e faavavau. O e popoto foi, e fepulafi i latou faapei o le pupula o le lagi; o i latou foi ua faaliliu ai tagata e toatele ia amiotonu, e pei o fetu i latou e faavavau faavavau lava. A o oe Tanielu e, ia e pupuni o ia upu, ma faamaufaailogaina le tasi, seia oo i ona po o le iuga; e fetaufetuliai tagata e toatele, e tupu tele foi le malamalama.

O a'u o Tanielu, na a'u vaai atu, faauta foi, o isi e toalua ua tutū mai, o le tasi i le auvai i le itu vai mai o le vaitafe, a o le tasi i le auvai i lela itu o le vaitafe. Ona faapea atu lea o le tasi i le tagata ua ofu i le ie lino, ua i luga o le vai o le vaitafe, Pe oo mai afea le iuga o ia mea e ofo ai? Ona a'u faalogo lea i le tagata ua ofu i le ie lino, ua i luga o le vai o le vaitafe, ua sii i luga i le lagi lona lima taumatau ma lona lima tauagavale, ua tauto foi o ia i le soifua e faavavau, e oo ia mea i le tausaga, ma tausaga, ma le vaeluagalemu o le tausaga; a uma foi ona faataapeapeina le malosi o le nuu paia, ona taunuu foi lea o na mea uma. Na a'u faalogo foi, a ua ou le lagona; ona ou faapea atu lea, Le alii e, pe se a le iuga o ia mea? Ona faapea mai lea o ia, Tanielu e, ina alu ia; auā ua punitia ma faamaufaailogaina o upu seia oo i ona po o le iuga. E toatele e faamamāina, ma faasinasinaina, ma tofotofoina; a e agasala o e agasala, e le lagona foi so latou e toatasi o e agasala; a o e popoto e lagona lava i latou. E afua i ona po e aveeseina ai le tauilaga e fai i aso fai soo, e oo foi i le tuuina atu o le mea inosia e faatafunaina ai, e atoa aso e tasi le afe, ma le lua o selau ma le ivagafulu. Amuia o lē faatalitali atu ma aulia atu ona aso e afe ma le tolu o selau, ma le tolugafulu ma le lima. A o oe ia e alu atu seia oo i le iuga; auā e te malolo, e te tu mai foi i lou tofi pe a oo i le iuga o aso.

O LE

TUSI A LE PEROFETA O

HOSEA.

O le fanau a Hosea.

- 1 O LE afioga a Ieova na oo atu ia Hosea le atalii o Peri, i ona po o Usia, Iotama, Aasa, ma Esekia, o tupu o Iuta; o ona po foi o Ierepoamo le atalii o Ioasa le tupu o Isaraelu.
- 2 O le amataga o le afioga a Ieova ia Hosea. Ua fetalai mai Ieova ia Hosea, Alu ia oe, ia e fai avā i le fafine talitane, ma ia fai māu le fanau a le faitaaga, auā ua matuā faitaaga lava le nuu, *ua o ese ia Ieova.*
- 3 Ona alu lea o ia ua fai mana avā o Komeri le afafine o Tipelaima, ua to ai foi o ia, ua fanau mai ai
- 4 lona atalii. Ua fetalai mai foi Ieova ia te ia, Ia e faaigoā ia te ia, o Isereelu; auā e toe itiiti, ona ou tauī atu ai lea o le toto o Isereelu i le aiga o Ieu, ou te faaumatia foi le
- 5 malo o le aiga o Isaraelu. O lea aso ou te gauia ai le aufana a Isarelu i le vanu o Isereelu.
- 6 Ua toe to foi o ia, ua fanau ai le tama teine; ona fetalai mai lea o Ieova ia te ia, Ia e faaigoā ia te ia, o Loruama; auā ou te le toe alofa atu i le aiga o Isaraelu, a e ou te
- 7 matuā aveesea i latou. A o le aiga o Iuta, ou te alofa i ai, ou te faaola ia te i latou ona o Ieova lo latou Atua; ou te le faaola ia te i latou i le aufana, po o le pelu, po o le taua, po o solofanua, po o 'au e tietie i
- 8 solofanua. Ua ia faate'a Loruama ma le susu; ona to ai lea o ia, ua
- 9 fanau mai ai le tama tane. Ona faapea mai ai lea a le Atua, Ia e faaigoā ia te ia, o Loama; auā e le so'u nuu outou, e le so outou Atua
- 10 foi a'u. A o le faitau aofai o le fanauga a Isaraelu e pei o le one-one o le sami ia, e le mafuatia, e le

mafaitaulia; o i le mea foi na faapeaina atu ai ia te i latou, E le so'u nuu outou, e iu ina faapeaina atu ai ia te i latou, O atalii o le Atua soifua outou. Ona faapoto- 11
potoina faatasi ai lea o le fanauga a Iuta, atoa ma le fanauga a Isaraelu, latou te tofia foi le ta'ita'i e toatasi mo i latou, latou te o ae foi ma le nuu; auā e sili le aso o Isereelu.

O le amio faapaupau a le nuu.

IA outou faapea atu i o outou 2
uso, Ama e; ia faapea atu foi i o outou tuafafine, Ruama e. Ia outou 2
finau atu i lo outou tinā, ina finafinau atu ia; auā e le o la'u avā ia, e le o lana tane foi a'u; ina lafoai ia e ia ana faitaaga ai ia te ia, ma ana mulilua foi ai le va o ona susu; ne'i ou talaeseina ona ofu, ma tuu 3
atu ia te ia pei ona i ai i le aso na fanau mai ai o ia, e avea foi o ia pei o se vao, ma avea foi pei o se nuu naumati, ma ou faaumatia o ia i le fia inu. Ou te le alofa atu i 4
lana fanau, auā o le fanau a le faitaaga i latou. Auā ua faitaaga lo 5
latou tinā, ua agavale lava le na fanaua i latou; auā na ia faapea mai, Ou te mulimuli atu i e o mananao ia te au, o e o au mai a'u mea e a'i, ma o'u vai, ma a'u fulu-fulu mamoe, ma a'u lino, ma a'u suānuu, ma a'u mea e inu. O le 6
mea lea, faauta, ou te pupuni ai lou ala i laau tuitui, ou te siosioina foi o ia i le pa, ia le iloa e ia ona ala. 7
E mulimuli atu lava o ia i e o mananao ia te ia, a e le maua atu i latou e ia; e sailiili o ia ia te i latou, a e le iloa; ona faapea mai ai lea o ia, Ou te alu, ou te toe foi i la'u tane muamua, auā sa sili lo'u manuia anamua, i lo'u manuia i nei

- 8 ona po. Auā na le iloa e ia, o a'u lava sa foaiina atu ia te ia o saito, ma uaina, ma suāuu; na a'u faateleina foi ana ario, ma ana auro na latou saunia mo Paala. O le mea lea ou te toe foi ai, ma ave ese la'u saito i ona lava aso, ma la'u uaina i ona lava po; ou te aveesea foi a'u fulufulu mamoe, ma a'u lino, *sa tuuina* 10 *atu* e ufufi a'i lona le lavalavā. O lenei, ou te faaali lana amio ulavale i luma o e o mananao ia te ia, e leai foi se tasi na te laveaiina o ia ai lo'u lima. Ou te faaumatia foi lona fiafia uma lava, o ana tausamiga, ma ona masina faatoa vaaia, ma ona sapatī, atoa ma ona nuu uma. Ou te faaumatia ona vine, ma ona mati, na ia faapea mai ai, O o'u tauī lava ia na au mai ia te au e i latou ua mananao ia te au; e aveā foi i latou ia te au ma vao matua, e 'aina i latou e manu feai. Ua fetalai mai Ieova, Ou te tauī atu ia te ia ona o ona po o Paala, na ia faamu ai mea manogi ia te i latou; na ia tiftifi foi ia te ia i ona mama, ma ona teuga, na ia mulimuli atu foi i e na mananao ia te ia, a ua faagalogalo lava ia te au. A e peitai a'u faauta, ou te faaoleole ia te ia, ma ta'itai ia te ia i le vao, ou te faamafanafana ia te ia. Ou te tuuina atu foi ia te ia ana tovine i lea mea, ma le vanu o Akori e fai ma faitotoa e faamoemoe ai; e pese foi o ia i ai, faapei ona fai i ona po ina o teine muli o ia, pei o aso foi na sau ai o ia i le nuu o Aikupito. 16 O loo faapea mai Ieova, O le aso lava lea e oo ai ona e faaigoa ia te au, O Ise; e te le toe faaigoa ia te au, O Paale. Auā ou te aveesea i lona gutu o igoa o Paala, e le toe ta'ua lava i latou i o latou igoa. O le aso foi lea matou te osi ai ma i latou le feagaiga ma manu feai, ma manu felelei, ma mea fetolofi i le elelee; ou te gausia foi le aufana ma le pelu, ma le taua ai le nuu, o a'u e taooto ai i latou ma le filemu. 19 Ta te osi sa ta feagaiga ma a'u e faavavau; ta te osi sa ta feagaiga ma a'u i le amiotonu, ma le faamasinoga, ma le agalelei, ma le alofa. 20 Ta te osi sa ta feagaiga ma a'u ma le faamaoni; e te iloa foi Ieova. O loo faapea mai Ieova, O lea aso, 21 ou te tali atu ai, ou te tali atu i le lagi, o ia foi na te tali atu i le lalolagi. E tali atu foi le lalolagi i le saito, ma le uaina, ma le suāuu; o i latou foi latou te tali atu ia Iserelelu. Ou te totōina o ia i le elelee e fai mo'u; ou te alofa foi i le sa le alofagia; ou te faapea atu foi i le ua le so'u nuu, O lo'u nuu oe; ona latou faapea mai ai lea, O lo matou Atua.
- O le leaga o Isaraelu.*
- UA fetalai mai Ieova ia te au, Ia e toe alu, ia e loto atu i se fafine o le ua loto i ai *lana* uo, a o le fafine mulilua ia, e pei ona alofa o Ieova i le fanauga a Isaraelu o e faasagasaga i atua ese, ma mananao i ipu uaina. Ona ou faatauina ai lea o ia ma'u i tupe e sefulu ma le lima, ma le omera o karite, ma le leteka o karite. Na a'u fai atu foi ia te ia, E te nofo faatali mai ia te au i aso e tele, aua e te faitaaga, aua e te nofo i se tane; ou te *nofo faatali* foi ia te oe. Auā e tele aso e nonofo ai le fanauga a Isaraelu, e leai se tupu, e leai se ali, e leai se tau-laga, e leai se fata faitaulaga, e leai foi se efota po o se tupua. E mulimuli ane, e toe foi mai le fanauga a Isaraelu, latou te saili ia Ieova lo latou Atua, ma Tavita lo latou tupu; latou te matatau foi ia Ieova ma lona agalelei i ona po e gata ai.
- O le toasa o le Atua i e agasala.*
- LE fanauga a Isaraelu e, ia outou faalogologo mai i le afoga a Ieova; auā o loo ia Ieova le finauga ma e o nonofo i le nuu; auā e leai se faamaoni, e leai se alofa, e leai foi se na te iloa le Atua i le nuu. O loo o tauto, ma tala pepelo, ma fasioti tagata, ma gaioi, ma mulilua, ua latou faasaua lava, ua fepaia'i toto. O le mea lea e faanoanoa ai le nuu, e tauāu ina vaivai o i latou uma o e nonofo ai; atoa ma manu vaefa, ma manu felelei, e mavae atu foi lava o i'a o le sami. A e aua ne'i i ai se tagata e finau atu, ma aoai atu i se tasi tagata; auā o lou nuu ua pei o e fefinauai ma le ositaulaga. O lea

e te paū ai i le ao, e pauu foi le perofeta faatasi ma oe i le po; ou
 6 te fasioti foi lou tinā. Ua faaumatia lo'u nuu ina ua leai se potō; o oe foi na e teteē atu i le potō, o le mea lea ou te teteē atu ai ia te oe, e le fai oe ma ositaulaga ia te au; ua e faagalologo le tulafono a lou Atua, o a'u foi, ou te faagalologo i
 7 lau fanau. E pei ona faatoateleina o i latou, ua faapea ona agasala mai o i latou ia te au; ou te liliu i le mā
 8 lo latou mamalu. Ua latou aai le agasala a lo'u nuu, ma ua latou
 9 naunau i lo latou leaga. E oo ina gatusa lava o le nuu ma le ositaulaga; ou te tauī atu foi ia te i latou a latou amio, ou te tauī foi ia te i
 10 latou a latou mea ua fai. Auā latou te aai, a e le maona; e faitaaga i latou, a e le faatoateleina; auā ua
 11 le toe usiusitai i latou ia Ieova. O le faitaaga, ma le uaina, ma le uaina fou e aveeseina ai le loto. O
 12 lo'u nuu ua latou fesili i lo latou laau; ua faasino mai ai lo latou tootoo ia te i latou; auā o le fia faitaaga ua faaseseina ai i latou, ma
 13 ua latou o ese nai lo latou Atua e faitaaga ai. Ua latou faitaulaga i tumutumu o mauga, ma faamu mea manogi i mea maupuepue, ma lalo ifo o aluna, ma lipeno, ma tapeneto, auā ua lelei lo latou paolo; o le
 14 mea lea e faitaaga ai o outou afafine, e mulilulua foi a outou avā. Ou te le faasalaina o outou afafine
 15 pe a latou faitaaga, ma a outou avā pe a latou mulilulua; auā o i latou lava ua latou o ese faatasi ma fafine faitaaga ua latou faitaulaga faatasi ma fafine talitane; o le nuu foi ua
 16 le mafaufau e pauu i latou. Israelu e, e ui ina e faitaaga, a e aua ne'i agasala Iuta; aua tou te o
 17 mai i Kilikala, aua tou te o ae i Petavene, aua foi tou te tauto, O loo soifua Ieova. Auā e faapei ona
 18 vaogata o se povi fafine taanoa, ua faapea ona vaogata o Israelu; a e faagaina i latou i nei ona po e Ieova e faapei o se tamai mamoe i le mea
 19 lautele. Ua pipi Efaraima i tu-pua; ina tuu ai pea ia ia te ia. A uma lo latou inuga'ava, ua matuā
 20 faitaaga i latou; ua loto atu o latou alii i mea e masiasi ai. Ua saisaitia

o ia e le matagi i ona apaa, e masiasi foi i latou ona o a latou taulaga.

O le toasa o le Atua i tagata uma o Israelu.

LE au ositaulaga e, faalogologo
 mai ia i lenei mea. Le aiga o Is-
 raelu e, ina faalogologo mai ia. Le
 aiga o le tupu e, ina liliu mai ia o
 outou fofoga, auā ua faasalaina ou-
 tou, ua avea outou ma matāsele i
 Mesepa, ma upega ua folasia i Ta-
 pora. Ua faateleina le fasi e i la-
 2 tou ua liliu ese, a o a'u, ou te aoai
 atu ia te i latou uma. O a'u ua ou
 3 iloa Efaraima, o Israelu foi ua le
 lilo lava ia ia te au; auā, Efaraima
 e, ua e faitaaga nei, ua leaga Isra-
 4 elu. Latou te le sauniuni a latou
 galuega ina ia latou liliu mai i lo
 latou Atua; auā o i totonu ia te i
 latou le fia faitaaga, latou te le iloa
 Ieova. Ua molimau le faamaualuga
 o Israelu i o latou luma, e pauu
 Israelu ma Efaraima i a latou aga-
 sala; e paū foi Iuta faatasi ma i
 latou. Latou te o atu ma a latou
 6 mamoe ma a latou povi e sailiili atu
 ai ia Ieova; a e latou te le maua;
 ua afio ese o ia ia te i latou. Ua
 7 pepelo i latou ia Ieova; auā ua
 fanau e i latou a latou tama ese;
 o le a 'aina nei i latou, atoa ma o
 latou tofi i le masina e tasi.

Ia outou ilia le sofao i Kipea, ma
 le pu i Rama; ia outou alalaga i
 Petavene; Peniamina e, o loo muli-
 muli atu o ia ia te oe. E faatafunai
 9 ina Efaraima i ona po o le aoaiga;
 ua ou faailoaina atu i itu aiga o
 Israelu, o le upu moni lava. O
 10 alii o Iuta sa faapei o tagata e sii le
 tuaoi i latou; ou te liligi atu lo'u
 ita faapei o le vai ia te i latou. Ua
 11 faasauaina Efaraima, ua lomina i le
 faamasinoga; auā ua usiusitai o ia
 ma lona loto i le poloaiga. O a'u
 12 foi e pei o se mogamoga i Efaraima;
 e pei o se mea e pala foi i le aiga o
 Iuta. Na iloa e Efaraima lona ma'i,
 13 na iloa foi e Iuta lona manua, ona
 alu lea o Efaraima i Asuria, na alu
 lana feau ia Iarepa le tupu; a ua le
 mafai lava ia te ia ona faamalolo ia
 te outou, pe faamafuina o outou
 manua. Auā e avea a'u e pei o se
 14

leona ia Efaraima, e pei o se leona taanoa foi i le aiga o Iuta; o a'u lava ou te saeia ma alu ese, ou te aveesea, e leai foi se na te laveaina.

- 15 Ou te alu, ou te toe foi lava i le mea ou te nofo ai, seia faasalaina lava i latou, ma latou saili ia te au; latou te vave saili ia te au pe a puapua-gatia i latou.

E tatau ina salamo a e aua le aga-leaga pea.

- 6 O MAI ia, ina tatou toe foi atu ia Ieova; auā o ia ua na saeia, na te faamaloloina foi i tatou; ua ia fasia, 2 na te fofoina foi i tatou. Na te faaolaina mai i tatou pe a mavae aso e lua; a oo i lona tolu o aso na te faatutūina i tatou, tatou te ola 3 mai ai i ona luma. Tatou te iloa foi o loo o tatou tausisi atu ia iloa Ieova; ua saunia lona afio atu e pei o le taeao, e afio mai foi o ia ia te i tatou e pei o le ua, e pei o le timu mulimuli ma le timu muamua i le elele.

- 4 Efaraima e, se a ea se mea ou te faia ia te oe? Iuta e, se a ea se mea ou te faia ia te oe? auā ua pei o le puao i le taeao la outou amio lelei, e pei o le sau foi i le vave ao 5 ona mavae atu. O le mea lea ua ou fasia ai i latou e le au perofeta, ua ou fasiotia i latou i upu a lo'u gutu; o au faamasinoga foi o le 6 malamalama e alu atu lea. Auā o le alofa ou te loto i ai, a e le o le taulaga; ia iloa foi le Atua e sili 7 lea i lo'u mānatu i taulaga mu. A ua latou soli le feagaiga, e pei o Atamu; ua latou pepelo ia te au i 8 lea mea. O Kiliata o le aai lea o e fai amio leaga, o loo leaga, i le toto. 9 Faapei ona lamalama i se tagata o e fao mea, e faapea foi le au ositaulaga ona fasioti tagata i le ala i Sekema; auā ua ulavale i latou. 10 Ua a'u iloa i le aiga o Isaraelu le mea e matuā leaga; ua i ai le faitaaga o Efaraima, ua leaga Isaraelu. 11 Iuta e, ua tuu mo oe lava le sele-selegāsaito ina ua ou faafoisia le tafeaga a lo'u nuu.

O agasala a Isaraelu, ma le toasa o le Atua.

NA fai a a'u faamaloloina o Isa- 7 raelu, onā mānu mai ai lea o le leaga o Efaraima ma amio leaga a Samaria; auā ua latou fai le amio pepelo; e ulufale mai le gaioi, a e osofia i fafo e le au fao mea. Latou 2 te le faapea ifo i o latou loto, Ou te manatua la latou amio leaga uma; o lenei, ua siosiomia i latou i a latou lava galuega, ua i o'u luma ia mea. Latou te faafiafia le tupu i a 3 latou amio leaga; atoa ma alii i a latou tala pepelo. Ua mulilulua i 4 latou uma; pei se ogaumu i latou ua faaaasaina e le fai areto; ua le toe tafu pe a uma ona lolomi o le palugāfalaoa seia faafefeteina. O 5 le aso o lo tatou tupu na mama'i ai alii i le oona o uaina; na ia faaloaloa atu lona lima faatasi ma ē tau- 6 emu. Auā ua latou faalatalata ma o latou loto, e pei o se ogaumu, a o latou o lamalama; ua aoina o moe 7 lo latou fai areto, ua mu i le taeao pei se afi mumū. Ua aasa i latou uma e pei o se ogaumu, ua latou faaumatia o latou alii faamasino; 8 ua pauu o latou tupu uma, e leai so latou e valaau ia te au. O Efarai- 9 ma ua numia o ia e ia faatasi ma le nuu; o Efaraima o le potoi areto ia e lei liua. Ua faaumatia e tagata 10 ese lona malosi, a ua le iloa e ia; ua pule le sinā o lona lauulu, a ua le iloa e ia. Ua molimau le faamau- 11 alaga o Isaraelu i o latou luma; e ui lava i ia mea uma, ua latou le toe foi ia Ieova lo latou Atua, ua latou le saili foi ia te ia. O Efarai- 12 ma foi e pei o se lupe valea ia, e leai sona mafaufau; latou te valaau ia Aikupito, ua o foi i latou i Asu- 13 ria. A latou o, ou te lafo la'u upega i luga ia te i latou; ou te lafo i lalo ia te i latou pei ni manu felelei; ou te sasa foi ia te i latou e pei ona faalogo i ai lo latou poto- 14 potoga. O i talofa ia te i latou! auā ua sosola ese i latou ia te au; ia malaia i latou! auā ua latou fou- 15 vale ia te au; na ou togiola foi ia te i latou, a ua latou tala pepelo ia leaga ai a'u. Ua le valaau mai i 14 latou ia te au ma o latou loto, ina

ua latou uio i o latou moega ; latou te faapotopoto i saito ma uaina ;
 15 latou te o ese ia te au. O a'u foi, na ou a'oa'o atu, na ou faamalosiina o latou lima, a ua latou taupulepule i mea e leaga ai a'u. Ua latou toe
 16 foi, a e le o lē Silisili ese ua latou foi i ai ; e pei o le aufana pepelo i latou ; e pauu o latou alii i le pelu ona o le faasiasia o latou laulau-faiva ; e fai mō latou gao lea mea i le nuu o Aikupito.

O mea leaga e tutupu ona o amio leaga.

8 IA e ili le pu ; e sau o ia e pei o se aeto i le aiga o Ieova ; auā ua latou soli la'u feagaiga, ma ua latou
 2 fouvale i la'u tulafono. E alalaga i latou ia te au, Lo matou Atua e, o Isaraelu i matou, ua matou iloa
 3 oe. Ua lafoaiina e Isaraelu le mea lelei ; e tuliloaina o ia e le na ita ia
 4 te ia. Ua latou tofia tupu a e le mai ia te au ; ua latou tofia alii a e le iloa e a'u ; o latou ario, ma o latou auro ua latou fai a'i tupua mo i latou, ina ia faaumatia ai i latou.
 5 Samaria e, ua lafoaiina oe e lau tamai povi ; ua tupu lo'u ita ia te i latou ; pe latou te le mafai seia
 6 afea ona mamā ? Auā mai ia Isaraelu lava ia ; na faia o ia e le tufuga ; e le o le Atua lava ia, o le mea lea e nutililiina ai le tamai povi o
 7 Samaria. Na latou luluina le matagi, o le mea lea latou te selesese mai ai le afā ; ua lei sona tino ; e le tupu se saito i le fuga, a e afai e
 8 fua, e aina e tagata ese. Ua faaumatia Isaraelu ; latou te i ai nei i nuu ese, e pei o se ipu e lei te fiafia i ai. Auā ua latou o ae i Asuria,
 9 ua se asini o le vao ua nofo toatasi ; ua faaloaina e Efaraima e o manao ia te ia. A e ui ina latou faaloaina nuu ese, ou te faapotopoto nei ia te i latou ; e le pine ona tiga o i latou ona o le avega mai le tupu
 11 o alii. Ua faia e Efaraima fata faitaulaga e tele, e agasala ai ; o le mea lea ua avega ai fata faitaulaga ma
 12 mea e agasala ai o ia. Ua ou tusi atu ia te ia o mea tetele i la'u tulafono ; a ua ta'u ia mea o mea ese.
 13 Latou te fai taulaga i manu e fai ma taulaga mo a'u, ma latou aai ai ;

a ua le talia i latou e Ieova ; e manatua nei e ia a latou amio leaga, ma tau i a latou agasala ; latou te toe foi i Aikupito. Auā ua faagalogalo e Isaraelu i Lē na faia o ia, ua faatuina e ia o malumalu ; o Iuta foi ua ia faateleina o aai nofo 'olo ; ou te tuina atu le afi i ana aai, e faaumatia ai ona maota.

O le puapuaga o Isaraelu ona o a latou agasala.

ISARAEU e, aua e te fiafia ma le olioli, faapei o isi nuu ; auā ua e alu ese i lou Atua e faitaaga ai ; ua e fia fai tui i mea uma e sasa ai saito. E le fagina i latou i le mea e sasa ai saito ma le soligavine, e oge ai uaina fou. Latou te le nofo i le nuu o Ieova, a e toe foi Efaraima i Aikupito, latou te aai
 mea leaga i Asuria. Latou te le fai taulaga ia Ieova i uaina, e le fiafia o ia ia te i latou ; o a latou taulaga, e ia te i latou ia, peiseai o mea e 'ai a e faanoanoa, o i latou uma e aai ai e leaga ai i latou ; auā o ia latou mea e 'ai mā latou e le oo atu lea i le fale o Ieova. Se a se mea tou te faia i le aso e fai ai le tausamiga, ma le aso e fai ai le taulaga ia Ieova ? Auā, faata mai, ua o i latou nei malaia ; e faapotopotoina i latou e Aikupito, e tanumia i latou e Mafi ; o mea matagofie o i ai o latou ario e vaoa ia i laau ogoogo ; e i ai i o latou fale o laau talatala. Ua oo mai ona po e tau ai, ua oo mai ona po e tofogi ai ; e iloa e Isaraelu ; ua valea le perofeta, ua valea lava le vaafaatau, ona o le tele o lau amio leaga, ma le 'ino'ino tele. O loo faatalitali Efaraima faatasi i lo'u Atua ; ua se mallei o e fāi manu le perofeta i ana amio uma ; o le 'ino'ino i le fale o lona Atua. Ua matuā amio leaga i latou, faapei ona fai i ona po o Kipea ; e manatua e ia a latou agasala, e tau atu i a latou amio leaga. Na ou maua Isaraelu, e pei o fuifui vine i le vao ; na ou iloa o outou mātua e pei o uluai mati i le mati ina ua faatoa fua mai ; a ua o i latou ia Paalapeoro, ua ravae atu i latou i le mea e masiasi ai ; ua inosia i latou e tusa ma le mea ua latou nau-

- 11 nau i ai. O Efaraima e lele ese lo latou mamalu faapei o le manu lele, ai le fanauga, ma le manava, ma le
 12 faatoa afuafua. E ui ina latou tau-si a latou fanau, ou te aveescina i latou i tagata; oi talofa lava ia te i latou, pe a a'u alu ese ia te i latou.
 13 Ua totōina Efaraima i le mea mata-gofie, faapei ona ou iloa o Turo; a o Efaraima na te ta'ita'iina atu lana
 14 fanau i le fasioti tagata. Ieova e, ia e avatu ia te i latou; se a foi se mea e te avatua? Ia e avatu ia te i latou le manava fanau le au, ma
 15 susu e le susua. O loo i Kilikala lo latou leaga uma; auā na ou 'ino-
 'ino ia te i latou i lea mea, ou te tulia i latou ai lo'u fale ina ua leaga mea ua latou faia; ou te le toe alofa ia te i latou; o latou alii uma,
 16 o e fouvale i latou. Ua taia Efaraima, ua mago lo latou pogai; latou te le fua mai ni fua; afai foi latou te fananau, ou te fasioti la latou
 17 fanau pele. E lafoaiina i latou e lo'u Atua, auā ua latou le faalogo ia te ia; e taase i latou i nuu ese.

O le aoiaga ia Isaraelu.

- 10 O ISARAELU, o le vine ia e mīfālā; ua ia fua mai ni fua e fai mona; faapei ona tele o lona fua, ua faapea ona faateleina e ia o fata faitaulaga; faapei ona lelei o lona laueleele, ua faapea ona latou gaosi
 2 lelei o tupua. Ua faalotoloto lua i latou; ua nofo sala nei i latou; na te lepetia a latou fata faitaulaga, na
 3 te faaumatia a latou tupua. Auā e faapea mai nei i latou, Ua leai se tupu ia te i matou, auā ua matou le matatau ia Ieova; se a foi se mea e faia e le tupu ia i matou?
 4 Ua latou fai mai upu, ua tauto pepelo, ua osi le feagaiga; e tupu ae foi le faamasinoga, e pei o laau
 5 oona i utu o fanua. E fefefe e ua nonofo i Samaria ona o tamai povi o Petavene; auā e fetagisi ai ona tagata, o ona ositaulaga foi e na fiafia i ai; auā o lona mamalu ua
 6 te'a ma ia. E avea foi lenei mea i Asuria e fai ma mea alofa i le tupu o Iarepa; e mā Efaraima, e masiasi foi Isaraelu ona o lana lava pule.
 7 O Samaria ua fano lona tupu, e pei
 8 o si fasi laau i le fogāvai. E faa-

umatia foi mea mauaulaga i Avene, o le agasala a Isaraelu; e tutupu ae le laau tuitui ma le laau talatala i o latou fata faitaulaga; latou te fai atu foi i mauga, Ina tanu mai ia ia te i matou. *E faapea foi i mea mau-puepue, Ina mafuli mai ia i luga ia te i matou.* Isaraelu e, talu mai
 9 ona po o Kipea ua e agasala ai; ua latou tutumau ai; nale oo atu ia te i latou i Kipea le taua i tagata aga-leaga. O lo'u loto, ou te aoi ia te
 10 i latou; e faapotopotoina foi tagata e tau ma i latou, pe a ou fusifusi ia te i latou ona o a latou agasala e lua. O Efaraima foi o le povi fafine
 11 ia ua a'oa'oina, ua fia soli *saito* lava; a ua ou alu atu lava a'u i lona ua lalelei; ou te faatietie *se tasi* ia Efaraima, e suatia le eleele e Iuta e faamāluluina e Iakopo lona lau-eleele. Ia outou lulu *saito* mo outou
 12 ma le amiotonu, ia outou selesele mai ma le amio lelei; ia outou suatia lo outou fanua vaoa; auā *ua oo i* ona po e saili atu ai ia Ieova, seia afio mai o ia, ma faatotō ifo le amiotonu i luga ia te outou. Ua
 13 outou suatia le agasala, ua outou selesele mai le leaga; ua outou aai le fua o le pepelo; auā na e faatua-tua i lou ala, ma le toatele o ou tagata totoa. O lea e tupu ai le
 14 vāvāō i ou tagata, e faaumatia ou 'olo uma lava, e pei ona faaumatia e Salemana o Petarepelu i le aso na tau ai le taua; na palasi le tinā faa-tasi ma *ana* tama. E faapea lava
 15 ona faia ia te outou i Peteli ona o la outou amio e matuā leaga; e matuā fano lava le tupu o Isaraelu i le taeao.

O le alofa o le Atua ia Isaraelu.

O ONA po na tama itiiti ai Isa-
 11 raelu, na ou alofa atu ia te ia, na ou valaauina foi lo'u atalii nai Aiku-pito. Na latou alalaga ia te i latou,
 2 a ua latou o ese ia te i latou; na latou fai taulaga ia Paala, ma faamu mea manogi i tupua ua ta. Na ou
 3 a'oa'oina Efaraima ia savali, o loo o tautaita'i ia te i latou i o latou lima; a ua le iloa e i latou ona ou faamaloloina o i latou. Na ou to-
 4 sina i latou i maea a le tagata, o maea alofa lava; na ou i ai ia te i

latou e pei o e sii ae le amo ai o
latou aulamū, na au tuuina atu foi
5 mea e 'ai ia te i latou. E le toe foi
o ia i le nuu o Aikupito, a e avea le
Asuria mona tupu; auā ua le mafa-
6 fai i latou ona toe foi atu. E tumau
le pelu i ona aai, e faaumatia ai foi
ona ia, ma fano ai, auā o a latou
7 lava filifiliga. Ua naunau lo'u nuu
e liliu ese ia te au; latou te valaau
e i ai e o mai i lē Silisili ese, a e leai
8 se tasi e vivii atu ia te ia. Efaraima
e, ou te mafai faapefea ona tuu atu
ia te oe? Isaraelu e, ou te tuuina
atu oe faapefea? ou te mafai faa-
pefea ona tuuina atu o oe e pei o
Atama? ou te tuuina atu oe faape-
fea e pei o Sepoima? Ua liua lo'u
loto i totonu ia te au; atoa foi ma
lo'u alofa mutimutivale ua tupu.
9 Ou te le faaoo lo'u ita tele; ou te le
toe faaumatia Efaraima; auā o a'u
o le Atua, a e le se tagata, o le Paia
o loo i totonu ia te oe; ou te le alu
10 atu ma le ita. Latou te mulimuli
atu ia Ieova, e tagi lava ia e pei o se
leona; a tagi o ia, ona taalise mai
11 ai lea o le fanau mai sisifo. Latou
te taalise mai e pei o se manu lele
mai Aikupito, e pei o se lupe foi
mai le nuu o Asuria; ou te faano-
nofo foi ia te i latou i o latou fale,
12 ua faapea mai ai Ieova. Ua siosio
Efaraima ia te au i le pepelo, o le
aiga foi o Isaraelu ua siosio ia te au
i le 'ole'ole; a ua pule pea Iuta faa-
tasi ma le Atua, ua faamaoni ia
faatasi ma le au paia.

*E tatau ina salamo o e fai mea
leaga.*

12 O LOO 'ai Efaraima le matagi,
ua naunau atu o ia i le matagi mai
sasae; ua faateleina e ia le pepelo
ma le malaia i aso uma lava; ua
osia foi la latou feagaiga ma Asuria,
2 ma ua avatu i Aikupito suāu. Ua
ia Ieova le finauga ma Iuta, na te
faasalaina Iakopo e tusa ma ana
amio; na te tauī atu ia te ia e tusa
3 ma ana galuega. Na ia tago i le
mulivae o lona uso a o i ai i le ma-
nava; o lona malosi na ia malo ai i
4 le Atua. Na ia malo i le agelu, na
manumalo ai lava; na ia tagi, ma
aiōi atu ia te ia; na ia iloa ia te ia i
Peteli, na tūlei mai ai foi lona siu-

fofoga ia te i tatou. O Ieova lava 5
o le Atua o 'au; o Ieova o lona
suafa lea e manatua ai o ia. O 6
lenei, ia e toe foi i lou Atua; ia e
tausi le alofa ma le faamasinoga,
aua le aunoa ona e faatalitali atu i
lou Atua. O le faatauoa ia, o i lona 7
lima o fua faatautau faaletatau; e
fiafia o ia i le faasaua. Ua faapea 8
mai foi a Efaraima, E moni, o a'u
o le mau mea, ua ou maua oloa mo
a'u; latou te le iloa se leaga ia te
au, se mea o se agasala i a'u galuega
uma. O a'u foi o Ieova lou Atua 9
talū mai le nuu o Aikupito, ou te
toe faanofo ia te oe i fale ie faapei
o ona po o le tausamaga. Na ou 10
tautala atu i perofeta, na ou faatele-
ina faaaliga; o le au perofeta foi na
ou sauni atu ai upu faataoto. Ua 11
leaga lava Kiliata, e pepelo lava i
latou; latou te fai taulaga i povi
poa i Kilikala; o latou fata faitau-
laga foi, e pei o faupuegāmaa ia i
atu pue o le laueleele. Na sola 12
Iakopo i le nuu o Suria; na auauna
Isaraelu e maua ai lana avā; na ia
leoleo mamoe e maua ai lana avā.
O le perofeta na aveina ae ai Isara- 13
elu e Ieova mai Aikupito; o le
perofeta foi na leoleoina ai o ia.
Na matūā faanoono Efaraima ia te 14
ia, o le mea lea na te tuu ai pea
lona toto ia te ia; o lona luma foi e
faafoisia ia te ia e lona Alii.

Ua mavae atu le manu'a o Efaraima.

NA tautala Efaraima ona tupu 13
ai lea o le tetemu, sa mamalu o ia i
Isaraelu; a ua oo ina agasala o ia i
Paala, ona oti ai lea. A o nei ona 2
po ua latou saga agasala pea, ua la-
tou faia mo i latou o tupua uamea, o
tupua ua faia i o latou ario, e tusa
ma lo latou manatu; o le galuega a
tufuga na mea uma; ua faapea la
latou upu i ai, Iafeasogi ma tamai
povi tagata o e fai taulaga. O le 3
mea lea e avea ai i latou e pei o le
puao i le taeao, e pei o le sau foi
i le vave ao ona mavae atu; e
pei o le aputi ua lelea i le matagi
i le mea e sasa ai saito, e pei o le
asu foi ai le alaasu. A o a'u o 4
Ieova, o lou Atua talū mai le nuu o
Aikupito, e te le iloa se tasi Atua
na o a'u; e leai fci se isi faaola, na

5 o a'u. Na ou iloa oe i le vao, o le
 6 nuu naumati. E pei ona fagaina o
 i latou, sa faapea ona ma'ona o i
 latou; sa ma'ona i latou, ona faa-
 maualulugaina lea o latou loto; o
 le mea lea na latou faagalagalo ai
 7 ia te au. O lea ua avea ai a'u ia te
 i latou e pei o se le'cna; ou te lama-
 lama e pei o se nameri i le auala.
 8 Ou te oso atu ia te i latou e pei o
 se urosa ua avea *ana tama*, ou te
 saeia mea e ufitai o latou fatu; ou
 te 'aina i latou i lea mea e pei o se
 leona; e saeia i latou e le manu
 feai.
 9 Isaraelu e, ua malaia oe ia te oe;
 10 a ua ia te au lou fesoasoani. O ifea
 o i ai nei lou tupu le na tefaaolaina
 oe i o outou aai uma? o *ifea* ou
 faamasino foi na e fai mai ai, Au
 mai ia te au se tupu atoa ma ni
 11 alii? Na ou avatu ia te oe le tupu
 i lo'u tiga; na ou aveeseina foi o ia
 12 i lo'u ita. Ua fusifusi faatasi le
 leaga o Efaraima; ua teua lana
 13 agasala. E oo ia te ia le faatiga o
 le fafine o le a fanau mai; o ia o le
 tama faalemafaufau, aua e le tatau
 ona tuai mai o ia nai le mea e o ifo
 14 ai tama. Ou te laveai ia te i latou
 ai le malosi o le tuugamau; ou te
 faaola ia te i latou ai le oti. Le oti
 e, o fea o i ai le malaia mai ia te oe?
 Le tuugamau e, o fea o i ai se mea
 e fano ai mai ia te oe? e lilo ia te
 15 au le salamo. E ui ina faaulolaina
 o ia i luma o ona uso, e agi mai le
 matagi mai sasae, o le matagi o
 Ieova e oso atu ia ai le vao, e pe
 lona vaieli, e mate foi lona punavai;
 na te faaumatia le oa o mea uma e
 16 manaomia. E faasalaina Samaria,

auā ua ia fouvale i lona Atua; o le
 pelu latou te pauu ai; e palasi a
 latou tama meamea, e faatiaaina o
 latou fafine ua totō.

O le faamafanafanaga.

ISARAEU e ina toe foi mai ia **14**
 ia Ieova lou Atua; auā o lau aga-
 sala ua e paū ai. Ina sauni atu ia **2**
 ni a outou upu ma toe foi atu ia
 Ieova. Ia outou faapea atu ia te
 ia, Ia e ave ese agasala uma, ma
 talileleia mai, matou te avatua lava
 taulaga o matou laugutu. E le faa-
 olaina i matou e Asuria; matou te **3**
 le tietie i solofanua; matou te le
 toe faapea ane lava i galuega a o
 matou lima, O matou atua ia; auā
 e alofagia e oe le mātuaoti. Ou te **4**
 faamaloloina lo latou liliu ese; ou
 te alofa fua ia te i latou; auā ua
 liliueseina lo'u ita ia te i latou. E **5**
 avea a'u ma sau ia Isaraelu; e fuga
 mai o ia e pei o le susana, e sosolo
 ona aa e pei o Lepanona. E tutu- **6**
 pu ae ona tātupu, e pei o le olive
 lona matagofie; e manogi foi ia e
 pei o Lepanona. O i latou o e no- **7**
 nofo i lalo ifo o lona paolo, e toe
 ola mai i latou e *pei o* saito, e fua
 mai e pei o le vine; e ta'ua o ia e
 pei o le uaina o Lepanona. E *faa-*
pea mai a Efaraima, Se a ea sa'u **8**
 toe mea e *fai i* tupua? Ua ou tali
 atu, ma vaavaai atu ia te ia; e pei
 o se perosi lauolaola a'u nei; e
 maua lau fua mai ia te au. Po o **9**
 ai se tasi ua pota? e iloa lava e ia
 na mea; po o ai lē faautauta? e
 iloa ai e ia; auā ua tonu ala o Ie-
 ova, e savavali ai e ua amiotonu; a
 o e fouvale, e tautevateva ai i latou.

O LE

TUSI A LE PEROFETA O

IOELU.

O le toasa o le Atua.

1 O LE afioga a Ieova na oo ia Io-
 elu, le atalii o Petuelu.
2 Outou tōeaina e, ina faalogologo

mai ia i lenei mea, o outou uma o e
 nonofo i le nuu, ia outou liliu mai o
 outou taliga; pe na i ai le mea nei
 i ona po o outou, po o ona po o
 outou tamā? Ia outou talatala **3**

atu ai i la outou fanau; *ia tala-*
tala foi la outou fanau i la latou
 fanau, ma la latou fanau i se tasi
 4 tupulaga. O mea na tuua e le sē
 kasama ua 'aina ia e le sē akerise;
 o mea na tuua e le sē akerise ua
 'aina ia e le sē aleka; o mea foi na
 tuua e le sē aleka ua 'aina ia e le sē
 5 kasili. Ala mai ia outou ua onā,
 ma fetagisi; ia uio foi outou uma o
 e inu uaina, auā tou te le toe feinu
 6 lava i le suāvine. Auā ua alu ae le
 nuu ese i lo'u laueleele, e malolosi i
 latou, e le mafaitaulia lava; o latou
 nifo o nifo o leona *ia*, ua i ai foi gao
 7 peiseai o *gao* o se leona tele. Ua
 fano ia te i latou la'u vine, ua fo'ea
 e i latou la'u mati, ua matuā fo'ea
 lava e i latou, ua lafotuina foi; ua
 sinasina ai ona la.
 8 Ia e tagiaue, e pei o se taupou ua
 fusia i le ie talatala ona o lana tane
 9 *sa fai* a o teine muli o ia. Ua leai
 ni toe taulaga i mea e 'ai ma tau-
 laga i mea e inu i le fale o Ieova;
 ua faanoanoa le au faitaulaga o e
 10 auana ia Ieova. Ua fano le fanua,
 ua faanoanoa le laueleele; auā ua
 fano le sāito; ua velasia le uaina, o
 le a uma le suāuu.
 11 Le au galulue fanua e, ia outou
 mamā ia. O outou o e teuteu vine,
 ia outou uio, ona o le sāito ma le
 karite; auā ua māumau le sāito o
 12 le fanua. Ua mago le vine, ua ma-
 mae le mati, o le rimoni, ma le
 pama, ma le tapua, ma laau uma o
 le vao ua mamago ia; auā ua ma-
 vae atu le fiafia o tagata.
 13 Le au faitaulaga e, ia outou fu-
 fusi ia te outou ma faanoanoa; ia
 uio outou o e auana i le fata fai-
 taulaga; o mai ia, ia aoina outou o
 oofu i le ie talatala, o outou o e au-
 ana i lo'u Atua; auā ua leai ni toe
 taulaga i mea e 'ai ma taulaga i
 mea e inu i le fale o lo outou Atua.
 14 Ia outou atofaina ni aso e anapogi
 ai; ia outou tala'iina se faapotopo-
 toga, ia outou faapotopotoina le au
 toeaina, *atoa* ma i latou uma e o
 nonofo i le nuu, i le fale o Ieova lo
 outou Atua; ma ia outou alalaga
 ia Ieova.
 15 Aue, le aso e! auā ua latalata
 mai le aso o Ieova, e oo mai e pei o
 se malaia ai Le e ona le malosi uma

lava. E le ua fano ea mea e 'ai i o 16
 tatou luma, ua aveeseina foi le fia-
 fia ma le olioli i le fale o lo tatou
 Atua? Ua pala fatu sāito i lalo 17
 ifo o ona eleele, ua faatafunaina fale
 sāito, ua lepetia fale oo, auā ua ma-
 gumagu le sāito. Ua fetagisi naua 18
 manu vaefa, ua puapuagatia lafu
 povi, auā ua leai ni a latou mea e
 'ai; ua fano foi lafu mamoe. Ieova 19
 e, ou te valaau ia te oe, auā ua 'aina
 e le afi mea e tataa ai *manu* i le vao,
 ua mu i le afi laau uma o le vao. E 20
 fetagisi foi ia te oe o manu vaefa o
 le vao; auā ua pepē vaitafe, ua
 'aina foi e le afi mea e tataa ai
manu i le vao.

E faigata le toasa o le Atua.

IA outou ilia le pu i Siona, ia taa- 2
 lili i lo'u mauga paia, ia tetemu i
 latou uma o e nonofo i le nuu; auā
 o le a oo mai le aso o Ieova, auā ua
 latalata mai. O le aso pouliuli ma 2
 le pogisa, o le aso malumalu ma le
 pogisa lava, e pei o le malamalama
 o le taeao ona sosolo i mauga; o le
 nuu tele ma le malolosi, e leai sona
 tusa mai le vavau; a mavae ia e le
 toe faapea lava i lea tupulaga ma
 lea tupulaga. O loo i o latou luma 3
 le afi e fano ai, o loo i o latou tua
 foi le afi mumū; o le fanua i o latou
 luma e pei o le faatoaga i Etena ia,
 a o latou tua, ua faalalaoia ia; e
 leai lava se mea e sao ia te i latou.
 E tino mai i latou e faapei ona tino 4
 mai o solofanua; pei o e tietie i
 solofanua, e faapea lava ona latou
 taufetuli. Latou te taufaioso, e pei 5
 o le taalili o kariota i tumutumu
 mauga, e pei o le taalili o le mu o
 le afi e susunuina ai tagutugutu o
 sāito, e pei o le nuu malosi ua pae
 tau. E gatete tagata i luma ia te i 6
 latou, e sesega mata o tagata uma.
 Latou te taufetuli e pei o tagata 7
 totoa; latou te tausili i le aupā e
 pei o tagata tau; latou te savavali
 taitasi i lona ala, latou te le 'alo foi
 ai le mea e ui ai i latou. E le tulei 8
 le tasi i le tasi; latou te savavali
 taitasi i lona ala; a latou pauu foi i
 tao e le manunua ai. Latou te fe- 9
 moei i le aai; latou te taufetuli foi
 i le aupā; latou te feaei i fale; la-
 tou te ulufale atu i faamalama e pei

- 10 o se gaioi. E tetemu le lalolagi i o latou luma; e luluina le lagi; e pouliuli le la ma le masina, o fetu
 11 foi e le toe fepulafi mai. O Ieova foi na te tūlei mai lona siufofoga i ana 'au; auā e matuā tele lava lana itu taua; auā e malosī o ia le na te faataunuina lana afigoga; auā e mafa le aso o Ieova, e matuā matautia, po o ai se na te mafaia ona talia?
- 12 O lenei, ua faapea mai Ieova, Ia outou toe foi mai ia te au ma o outou loto atoa, ma le anapogi, ma
 13 le fetagisi, ma le tagiaue; ia outou saeia o outou loto, a e le o outou ofu, ma toe foi ia Ieova lo outou Atua; auā e alofa fua, ma alofa mutimutivale o ia, e tele gese lona toasa, ua telē foi lona alofa, e salamo ia ona o le leaga. Po o ai se tasi ua iloa, pe toe foi mai o ia, ma salamo, ma tuuina mai le manuia pe a mavae atu ia mea o le taulaga lea i mea e 'ai ma le taulaga i mea e inu ia Ieova lo outou Atua?
- 15 Ia outou ilia le pu i Siona, ia outou atofaina ni aso e anapogi ai, ia outou tala'iina se faapotopotoga.
 16 Ia outou faapotopotoina le nuu, ia outou faapaiaina le potopotoga, ia outou faapotopotoina toeaina, ia afia tama iti, atoa ma e o fesusu; ia alu atu le faatoafaiavā ai lona potū, ma le faatoanofotane ai lona afeafe.
- 17 Ia fetagisi le au ositaulaga o auuina a Ieova, i le va o le faapaaloga ma le fata faitaulaga, ma ia latou faapea atu, Ieova e ia e faasaoina lou nuu, aua foi e te tuuina atu lou tofi ia faalumaina, ina ne'i fai ma faatusa o nuu ese; latou te faapea i se a i nuu, O ifea lo latou Atua?
- 18 Ona fuā lea o Ieova ona o lona nuu, na te alofa mutimutivale i ona tagata. E tali mai Ieova, ma faapea mai i lona nuu, Faauta mai, ou te foaiina atu ia te outou o saito, ma uaina, ma suāuu tou te maona ai; ou te le toe tuuina atu ia te outou
- 20 ia faalumaina e nuu ese. Ou te faate'a mamao ia te outou o 'au mai le itu i matu, ou te tulia i latou i le nuu naumati ma le gaogao, e faasaga o latou mata i le sami i sasae; e u foi o latou tua i le sami tupito, e alu ae foi lo latou elo, e alu ae foi ma lona saugā, auā o mea tetele ua ia faia.
- Le fanua e, aua e te fefe; ia e fiafia ma olioli, auā e faia e Ieova mea tetele. O manu vaefa o le vao e, aua tou te fefese, auā ua tupu le mutia i mea e tataa ai manu o le vao, auā ua fua mai le laau i lona fua, o le mati atoa ma le vine ua matuā fua mai lava. O outou foi o le fanua a Siona e, ia outou fiafia ma olioli ia Ieova lo outou Atua; auā ua ia foaiina faatatau mai ia te outou le uaga muamua, na te faato-tōina ifo foi le ua mo outou, o le uaga muamua, atoa ma le uaga mulimuli i le masina muamua. E tutumu mea e sasa ai saito i saito, e taumasuasua o latou tuugāuaina i le uaina ma le suāuu. Ou te tui atu ia te outou o tausaga na 'aina e le sē akерise, ma le sē aleka, ma le sē kasili, ma le sē kasama, o la'u itu taua tele na ou auina atu ia te outou. Tou te aai lava, ma maona ai, tou te vivii atu foi i le suafa o Ieova lo outou Atua, o le ua faia vavega ia te outou; e le mā foi lo'u nuu e faavavau. Tou te iloa foi, ou te ai ia Isaraelu, o a'u lava o Ieova lo outou Atua, a e leai se tasi; e le mā lo'u nuu e faavavau.
- Mulimuli ane, e iua ina ou liligi ifo ai lo'u Agaga i luga i tagata uma; ona perofeta ai lea o outou atalii ma o outou afafine, e fai miti o outou toeaina, e iloa faaliga e o outou taulelea. Ou te liligi ifo foi lo'u Agaga i auuina ma auuina fafine, i ia ona aso. Ou te tuuina atu foi vavega i le lagi ma le lalolagi, o le toto, ma le afi, ma le asu faaniutu. E muamua ona liua le la i le pouliuli, ma le masina i le toto, i le oo ai i le aso tele ma le silisili o Ieova. E iu foi ina faaolaina o i latou uma lava o e valaau atu i le suafa o Ieova; auā e i ai le faaolataga i le mauga o Siona ma Ierusalemā, faapei ona fetalai mai ai o Ieova, e i ai foi i e ua totoo o i latou ia e valaauina e Ieova.
- O le toasa o le Atua i e o agaleaga i ona tagata.
- FAAUTA mai, o ia ona aso ma lea tausaga, pe a ou faafoisia le ta-

- 2 feaga o Iuta ma Ierusalema, ou te faapotopotoina ai nuu uma lava, ou te aveina ifo i latou i le vanu o Iosefatu, ou te faasalaina ai i latou ona o lo'u nuu, ma lo'u tofi o Isaraelu o e na faataapeapeina e i latou i nuu ese, o lo'u fanua foi na latou tofitofia. Ua latou fai le vili e maua ai lo'u nuu; ua latou tuuina atu se tama e fai ma tau o se fafine talitane, ua avatu foi se teine ma tau o uaina latou te feinu ai.
- 4 Turo e, ma Saitonu, ma le itu uma o Filisita e, se a la outou na ia te au? tou te au mai ea se tau i ia te au? afai tau te tau mai ia te au, ou te taalise ona faafoi faafuasei
- 5 lo outou tau i o outou ulu. Auā ua outou ave la'u ario ma la'u auro, o a'u mea lelei ma le aoga tele ua avatu ai i o outou malumalu; o le fanau a Iuta ma le fanau a Ierusalema ua outou faatauina i le fanau a Iavana, ina ia outou ave mamao ia te i latou i o latou nuu. Faauta mai, ou te lagaina i latou ai le mea ua outou faatauina atu i ai i latou, ou te faafoisia foi lo outou tau i o outou ulu. Ou te faatau atu o outou atalii ma o outou afafine, i le pule a le fananga a Iuta, latou te faatau atu foi ia te i latou i Sepea, o le nuu mamao; auā ua fetalai mai ai Ieova.
- 9 Ia outou tala'iina atu leni mea i nuu ese, ia outou sauniuni le taua, ia outou lagaina tagata toto'a, ia faalatalata mai, ma o ae o tagata tau uma lava. Ia outou tu'itu'i le uamea o outou suotosina e fai ma pelu, ma a outou polo teu vine e fai ma tao; ia faapea mai le ua vaivai,
- 11 Ua malosi a'u. Outou nuu uma e, ia outou faapotopototo, ma soloai mai, ia outou faapotopototo foi ai itu uma; Ieova e, ia e faaoo ifo i lea mea au 'au malosi. Ia laga mai o nuu ese, 12 ma o ae i le vanu o Iosefatu; auā ou te nofo ai e faamasino i nuu uma mai itu uma. Ia outou tuu atu le selesaito, auā ua afu saito; o mai ia, ina outou o ifo; auā ua tumu le mea e soli ai vine, ua taumasuasua o latou tuugāuaina; auā ua tele lo latou leaga. E toatele lava tagata 14 i le vanu e faasalaina ai, auā ua latalata mai le aso o Ieova i le vanu e faasalaina ai. E faapouliuligia le la 15 ma le masina, o fetu foi e le toe fepulafi mai.
- E faataio foi Ieova mai Siona, e 16 tūlei ifo lona siufofoga ai Ierusalema; e luluina le lagi ma le lalolagi, a o Ieova, o le malu o ia o lona nuu, ma le 'olo o le fananga a Isaraelu. Tou te iloa foi o a'u o Ieova 17 lo outou Atua, o lē nofo i Siona lo'u mauga paia; ona paia lea o Ierusalema, o tagata ese foi latou te le toe ui atu ai lava. A oo foi i lea aso, 18 ona tautulu mai lea o suāvine i mauga, e tafe foi le suāsusu i mauga iti, o alia uma foi o Iuta e tafe mai ai suāvai; e tafe mai se punāvai ai le fale o Ieova, e faasūsū ai le vanu o Setima. E faatafunaina 19 Aikupito, e ave'a Etoma ma laueleele gaogao, ona o le faasaua i le fananga a Iuta, auā ua latou faamaligiina i lo latou nuu le toto o e le sala. A 20 e tumau Iuta e faavavanu, o Ierusalema foi i lea tupulaga ma lea tupulaga. Ou te faamamā lo latou toto 21 sa le faamamāina e a'u; o a'u lava o Ieova o lē nofo i Siona.

O LE

TUSI A LE PEROFETA O

AMOSA.

O le toasa o le Atua ia Suria ma isi nuu.

- 1 O UPU a Amosa o le na i ai i le au fagamanu i Tiko'a, na ia iloa ai ia

Isaraelu, i ona po o Usia le tupu o Iuta, o ona po foi o Ierepoamo le atalii o Ioasa, le tupu o Isaraelu; e lua tausaga na va a'i lea mea i le oo mai le mafuie. Ua ia faapea 2

mai, E leo tele mai Ieova mai Siona, e tūlei ifo foi lona siufofoga mai Ierusalemā; e faanoanoa foi mea e tataa ai manu a e fagamanu, e mago
 3 foi le tumutumu o Karamelu. O loo faapea mai Ieova, E tolu agasala a Tamaseko, e fa foi, ou te le liliu ese ai lana sala; auā na latou solia ia Kiliata i uamea e soli ai
 4 saito. A e ou te tuuina atu le afi i le fale o Asaeli, e faaumatia ai foi maota o Peniata. Ou te gauia foi le faamaufaalava o Tamaseko, ou te faaumatia le ua mau i le vanu o Avene, atoa ma le ua 'u'u le tootoo i Pete-etena; e tāfea foi le nuu o Suria i Kira, o loo fetalai mai ai Ieova.
 6 O loo faapea mai Ieova, E tolu agasala a Kasa, e fa foi, ou te le liliu ese ai lana sala; auā na latou faatāfeaina le tafeaga atoatoa ia
 7 tuuina atu ai i Etoma. A e ou te tuuina atu le afi i le pa o Kasa, e faaumatia ai ona maota. Ou te faaumatia foi le ua mau i Asetota, ma le ua 'u'u le tootoo i Asekelona; ou te liliu atu lo'u lima i Ekerona, e fano e ua totoe o Filisitā, o loo o
 9 fetalai mai ai le Alii o Ieova. O loo faapea mai Ieova, E tolu agasala a Turo, e fa foi, ou te le liliu ese ai lana sala; auā na latou tuuina atu le tafeaga atoatoa i Etoma, mona ua le manatua le feagaiga a uso.
 10 A e ou te tuuina atu le afi i le pa o Turo, e faaumatia ai ona maota.
 11 O loo faapea mai Ieova, E tolu agasala a Etoma, e fa foi, ou te le liliu ese ai lana sala; auā na ia tuliloa i le pelu lona uso, na ia le alofa lava, na saei pea lava lona ita; na ia tausī pea lava lona ita tele.
 12 A e ou te tuuina atu le afi i Timanu, e faaumatia ai maota o Posara. O loo faapea mai Ieova, E tolu agasala a le fanauga a Amoni, e fa foi, ou te le liliu ese ai lana sala; auā na latou faatiaua i fafine totō i Kiliata, ina ia faateleina e i latou lo
 14 latou laueleele. A e ou te tūtū se afi i le pa o Rapa, e faaumatia ai ma le alaga ona maota, i le aso e tau ai le taua, ma le afā i le aso e i ai le asiosio. E alu i le tafeaga Malekama, o ia atoa ma alii ua ia te ia faatasi ma ia, o loo fetalai mai ai Ieova.

O le toasa o le Atua ia Moapi, ma Iuta, ma Israelu.

O LOO faapea mai Ieova, E tolu agasala a Moapi, e fa foi, ou te le liliu ese ai lana sala; auā na ia susunuina ivi o le tupu o Etoma na liu panisina. A e ou te tuuina atu le afi i Moapi, e faaumatia ai maota o Kiriota; e oti Moapi i le vāvāō, ma le alaga, ma le leo o le pu. Ou te faaumatia le faamasino o i lea mea, ou te fasiotia faatasi ma ia o alii uma, o loo fetalai mai ai Ieova.

O loo faapea mai Ieova, E tolu agasala a Iuta, e fa foi, ou te le liliu ese ai lana sala; auā na latou lafoai le tulafono a Ieova, e lei tausī foi e i latou ana poloaiga; ua faaseseina i latou i a latou mea pepelo, sa nau-nau atu i ai o latou tamā. A e ou te tuuina atu le afi i Iuta, e faaumatia ai maota o Ierusalemā.

O loo faapea mai Ieova, E tolu agasala a Israelu, e fa foi, ou te le liliu ese ai lana sala; auā na latou faatauina atu le ua amiotonu i ario, ma le ua mativa i seevae e lua. O e naunau atu i le efuefu o le laueleele i ulu o e matitiva, ma latou liliu ese le ala o e agamalu; e alu ane foi le tagata atoa ma lona tamā i le teine e toatasi, ina ia ta'uvaleina ai lo'u igoa paia. Ua latou taotoo foi i ofu ua tuu faafaatau i tafatafa o fata faitaulaga uma; ma ua latou inu uaina a e ua faasalaina i le fale o latou atua.

A o a'u, na ou faaumatia le sa Amori ai o latou luma, o lona mau-aluga e pei o le mau-aluga o arasi ia, sa malosī foi o ia e pei o aluna; na ou faaumatia foi lona fua i luga ma ona aa i lalo. Na ou aveina ae foi outou ai le nuu o Aikupito; na ou ta'ita'iina outou i tausaga e fagafulu i le vao e maua ai le laueleele o le sa Amori. Na ou faatuina ni o outou atalii e fai ma perofeta, ma ni o outou taulelea e fai ma naseri. Le fanauga a Israelu e, e le ua faapea lava ea? o loo fetalai mai ai Ieova. A ua outou avatua uaina i le au naseri e inu ai, ma vavao atu i le au perofeta, o loo faapea atu, Aua le vavalo mai. Faauta, ou te taomia outou i lalo, e pei ona tao-

mia o le *eleele* i le fata faataavale-
 14 vale ua tumu i fusi saito. E iu vale
 le solaaga o le tele vave, e le faatele-
 ina e le ua malosi lona malosi; o le
 toa foi na te le faasaoina lona lava
 15 ola. O le ua fai aufana e le tumau
 ia; ma le ua momoe tele vave e le
 sao ai o ia; o le tiette i le solofanua
 e le faasaoina ai foi e ia lona ola.
 16 O le toa ua sili lona loto tele, e sola
 le lavalava o ia i lea aso, o loo
 fetalai mai ai Ieova

*O le toasa o le Atua ma mea na ala
 mai ai.*

3 LE fanauga a Isaraelu e, ia outou
 faalogologo mai i lenei upu, o loo
 fetalai mai ai Ieova ia te outou,
 atoa ma le aiga uma na ou aveina
 ae ai le nuu o Aikupito; o loo faa-
 2 pea mai, Ua na o outou lava ua ou
 iloa i aiga uma o le lalolagi; o le
 mea lea ou te faasalaina ai outou
 3 ona o a outou agasala uma. E feoi
 faatasi ea se toalua, pe a le loto
 4 gatasi i laua? E tagi ea le leona i
 le vao, pe a lei se mea ua na saeia?
 E lagona atu ea le leo o le tamai
 leona ai lona lua, pe afai ua na le
 5 maua se mea? E lavea ea le manu
 lele i le maille i le laueleele, a ua
 lei se maille mo ia? E avae ea le
 maille ai le laueleele, a ua le maua se
 6 mea? E ilia ea le pu i le aai, a e le
 atuatuvaale ai tagata? E tupu ea se
 malaia i le aai, a e le faia e Ieova?
 7 E le faia lava se mea e le Alii o
 Ieova, a e faaalua lona fiafialo i
 8 ana auaua o perofeta. Ua tagi le
 leona, po o ai se le fefe? ua fetalai
 mai le Alii o Ieova, po o ai se le
 vavalo?
 9 Ia outou tala'ina atu i maota o
 Asetota, ma maota i le nuu o Aiku-
 pito, ma ia outou faapea atu, Ia
 outou faapotopoto mai i mauga o
 Samaria, ma vaavaai atu ai i vavāo
 tetele o i ai, atoa ma sauaga o i ai.
 10 Auā o loo fetalai mai Ieova, Latou
 te le iloa ona fai mea tonu, o e faa-
 putu i o latou maota o mea e maua i
 11 le sauua ma le vete. O le mea lea o
 loo faapea mai ai le Alii o Ieova,
 O le ua ita mai e fealua i o ia i le
 nuu; e aveesea foi e ia lou malosi
 12 ai ia te oe, e vetea ou maota. O loo
 faapea mai Ieova, Faapei ona fao e

le leoleo mamoe o alaga e lua, po o
 se fasi taliga i le gutu o le leona, e
 faapea ona laveaiina o le fanauga a
 Isaraelu o e nonofo i Samaria, i le
 pito moega, ma Tamaseko foi i le
 moega. Ia outou faalogologo, ma 13
 faailo atu i le aiga o Iakopo, o loo
 faapea mai le Alii o Ieova, o le Atua
 o 'au. O le aso ou te tau atu ai 14
 agasala a Isaraelu ia te ia, ou te
 asiasi foi i fata faitaulaga i Peteli;
 e vavaeseina foi nifo o fata faitau-
 laga, ona pau ai lea i le eleele. Ou 15
 te taia le fale o le tausaga maalili,
 atoa ma le fale o le tausaga vevela;
 e faaumatia fale nifo elefane, e
 mavae atu foi o fale tetele, o loo
 fetalai mai ai Ieova.

O le aoiaga ia Isaraelu.

IA outou faalogologo i lenei upu 4
 o outou povi fafine o Vasana, o loo
 i le mauga o Samaria, o e faasana i
 e vaivai, ma faasaunua i e matitiva,
 o e faapea atu i o latou matai, Au
 mai ia, matou te feinu ai. Ua tauto 2
 le Alii o Ieova i lona paia, faatua, e
 oo mai aso ia te outou na te aveese-
 ina ai outou i mātāu, ma la outou
 fanau i mātāu i'a. Tou te o atu foi 3
 i mea ua lepetia, taitasi i le mea ua
 ia lumanai ai, e lafoaiina outou ai le
 maota, o loo fetalai mai ai Ieova.

Ia outou o mai i Peteli, ma fai ai 4
 amio leaga; ina faatele ia agasala i
 Kilikala; ia outou avatu i taeao a
 outou taulaga, ma mea e sefulu ai
 a outou mea i lona tolu o tausaga.
 Ina fai ia se taulaga faafetai i mea 5
 ua faafefeteina; ia outou tala'ina
 taulaga e faia ma le loto, ia outou
 logo atu ai; auā o lo outou loto
 lea, le fanauga a Isaraelu e, o loo
 fetalai mai ai le Alii o Ieova.

O a'u foi, ua ou avatu ia te outou 6
 nifo mamā i a outou aai uma, ma le
 oge i mea e 'ai i o outou nuu uma;
 a ua outou le toe foi mai lava ia te
 au, o loo fetalai mai ai Ieova. Ua 7
 ou taofia foi le ua ia te outou, a e
 toe tolu masina i le oo ai le sele-
 selegāsaito; ua ou faatotō ifo le ua
 i le tasi aai, a o le isi aai ua ou le
 faauaina; ua uaina le tasi pito nuu,
 a o le nuu e lei uaina ua mago lea.
 Ona o atu ai lea o aai pe lua pe tolu 8
 i le tasi aai e inu vai ai; a ua le

- malilie; a ua le toe foi mai lava outou ia te au, o loo fetalai mai ai
- 9 Ieova. Ua ou taia outou i le mamae ma le polopologā; ua 'aina e le sē kasama o outou faatoaga, ma o outou tovine, ma o outou mati, ma o outou olive; a ua le toe foi mai outou ia te au, o loo fetalai mai ai
- 10 Ieova. Ua ou auina atu ia te outou le faamai, e pei ona i ai i Aikupito; ua ou fasia i le pelu o outou taulelea, o outou solofanua foi ua aveesina; ua ou faaoo aei o outou pogaiisu le elo o a outou toagālauapi; a ua outou le toe foi mai ia te au, o loo
- 11 fetalai mai ai Ieova. Ua ou faaumatia nisi o outou, faapei ona faaumatia e le Atua o Sotoma ma Komoro; e pei o le motumotu o le afi outou ua seia mai le afi; a ua outou le toe foi mai ia te au, o loo
- 12 fetalai mai ai Ieova. O le mea lea e faapea ai ona ou faia ia te oe Isaraelu e, Ou te fai lenei mea ia te oe, o le mea lava lea Isaraelu e, ia e sauni ai lua te fetai ai ma lou Atua.
- 13 Auā faauta mai, o le na faia mauga, ma na faia le matagi, ma ua faailoa ina atu i le tagata lona manatu, o le na te liua le taeao i le pouliuli, o lē savali i luga o mea mauaululuga o le lalolagi, o Ieova, o le Atua o 'au, o lona suafa lea.
- O le apoapoiaga ia Isaraelu ia latou salamo.*
- 5 LE aiga o Isaraelu e, ia outou faalogologo i lenei upu ou te sauni atu ai ia te outou, o le pese e au alofa a'i lava. Ua pa'i le taupou o Isaraelu, e le toe tulai; ua taatia o ia i lona laueleele, e leai se na te
- 3 faatulaiina o ia. Auā o loo faapea mai le Alii o Ieova, O le aai na o atu ai le toaafe, e totoe le toaselau; i le ma le aai na o atu ai le toaselau, e totoe le toatinoagafulu i le
- 4 aiga o Isaraelu. Auā o loo faapea mai Ieova i le aiga o Isaraelu, Ia outou saili mai ia te au, tou te ola ai. A e aua le saili ia Peteli; aua le o i Kilikala, aua foi le ui atu i Peresepa; auā e matuā tāfea Kilikala, e iu vale Peteli. Ia outou saili ia Ieova, tou te ola ai, ina nei oo atu o ia pei se afi i le aiga o Iosefa, ma faaumatia ai, e leai foi se
- tasi i Peteli na te tinea. O outou o e liliu le faamasinoga i laena, ma lafo i lalo le amiotonu i le eleele, ia
- 8 outou saili i le na na faia Kima ma Kisila; o le na te liua le ata o le oti i le taeao, ma faapouliuligia le ao peiseai ua po; o le na te valaauina le suāsami o le sami, ma liligi ifo ai i le fogāelele; o Ieova o lona suafa lea. O le na te faaoo faafuasei atu
- 9 le faatafunaga i le ua malosi, ona oo atu ai lea o le faatafunaga i le 'olo. Ua latou ita atu i le ua aoai i le faitotoa; ma ua latou 'ino'ino i le ua tautala faamaoni. O lenei foi, ua outou soli i le ua vaivai, mona ua outou tali foi ia te ia o taulaga
- 10 saito; o le mea lea e ui ina faia e outou o fale maa talai, a e tou te le nonofo ai; ua outou totōina tovine lelei, a e tou te le inu uaina ai. Auā
- 12 ua ou iloa a outou agasala ua matuā tele, ma a outou amio e matuā leaga; o loo faasaua i le ua amiotonu, ua talia se tau, ma ua faafoi atu i e ua matitiva o i le faitotoa. O le mea lea e faalōlogo ai le ua
- 13 poto i ia ona po; auā e leaga ia ona po.
- Ia outou saili i le lelei, a e le o le
- 14 leaga, ina ia ola ai outou; ona i ai lea ia te outou o Ieova o le Atua o 'au, e pei ona outou fai mai ai. Ia
- 15 outou 'ino'ino i le leaga, a e loto atu i le lelei, ma ia outou faatumau le faamasinoga i le faitotoa; atonu e alofa Ieova le Atua o 'au i e ua totoe ia Iosefa. O le mea lea o loo
- 16 faapea mai ai Ieova, le Atua o 'au, o le A'i lava, E pa le lauaitu i ala uma lava; latou te faapea ane i ala tele uma, Aue! aue! latou te valaau foi i lē galue i fanua ia te faanoanoa; ma e ua iloa pese e au alofa a'i, ia tagitu'i i latou. E pa
- 17 foi le lauaitu i tovine uma, auā ou te ui atu ia te oe, o loo fetalai mai ai Ieova. Talofa ia te outou o e
- 18 mananao i le aso o Ieova! Se a ea lona aoga ia te outou? O le aso o Ieova, o le pouliuli lea, a e le o le malamalama. E pei o le tagata ua
- 19 sola ese i le leona, a ua la fetai ai ma le urosa; pe ulufale atu i le fale, ma totoo ai lona lima i le pa puipui, ona utia ai lea o ia i le gata. E le
- 20 o le pouliuli ea le aso o Ieova, a e le

malamalama; e pogisa lava, e leai
 21 sona pupula? Ua ou 'ino'ino, ua
 leaga ia te au o outou tausamiga;
 22 ou te le fiafia i o outou faapotopo-
 toga. E ui ina outou au mai ia te
 au o taulaga mu, ma a outou tau-
 laga i mea e 'ai, ou te le talia; o le
 23 taulaga faafetai i a outou manu
 pepeti, ou te le vaai atu i ai. Ia e
 ave ese ia te au le taalili o ou pese;
 o le leo mālīe foi o au napeli ou te
 24 le faalogo ai. A ia tafe ifo le faa-
 masinoga e pei o vai, ma le amio-
 tonu e pei o le vai e tafe tetele
 25 lava. Le aiga o Isaraelu e, pe na
 outou au mai ea ia te au o taulaga,
 ma taulaga i mea e 'ai i le vao i
 26 tausaga e fagafulu? Na outou tau-
 ave lava le malumalu o lo outou
 Moloka, ma Kiuna, o outou tupua,
 o le fetu o lo outou atua na outou
 27 faia mo outou. Ou te faatāfaina
 outou i ona tala atu o Tamaseko, o
 loo fetalai mai ai Ieova, o le Atua o
 'au, o lona suafa lea.

*O le leaga o Isaraelu ma le malaia e
 tupu ai.*

6 TALOFA i e o faatalanoa i Siona,
 ma e o nonofo faatalanoa i le mauga
 o Samaria, e ua ta'ua i atu nuu sili-
 2 sili, na o i ai le aiga o Isaraelu. Ia
 outou o atu i Kalene, ma vaavaai
 atu, i le tou o atu ai i Amato tele;
 i le o ifo ai i Kata i Filisitia; e sili
 ea lo latou lelei i na malo, pe sili ea
 ona tele o lo latou laueleele i lo
 3 outou laueleele? *Talofa* i e ua
 manatu ua mamao le aso vale, ma
 faalatalata mai le nofoa o i ai le
 4 faasaua; o e taooto i moega nifo
 elefane, ma latou taooto i o latou
 moega; ma aai i tamai mamoe o le
 lafu, ma tamai povi ai le fale povi;
 5 o e pepese faatasi ma le leo o le
 napeli, ma latou sauni mo i latou
 6 laapese, e pei o Tavita; o e inu
 uaina i ipu tetele, ma uu ia te i
 latou i uu e sili ona lelei; a ua le
 tiga i latou ona o le malaia o Iose-
 7 fa. O le mea lea e tāfea ai nei i
 latou, e muamua i e tāfea, e mavae
 atu le alaga fiafia o e taooto.
 8 Ua tauto le Alii o Ieova i lona
 soifua, o loo fetalai mai ai Ieova le
 Atua o 'au, Ua ou 'ino'ino i le ma-
 malu o Iakopo, ua ou 'ino'ino foi i

ona maota; o le mea lea ou te
 tuuina atu ai le aai atoa ma mea
 ua tumu ai. Afai foi e totoo tagata 9
 e toatinoagafulu i le fale e tasi, la-
 tou te oti ai lava. E siitia se tasi e 10
 le uso o lona tamā, o le na te susunu
 foi ia te ia, e au mai ai ivi ai le fale;
 na te faapea atu i le ua i mea aupito
 i totonu o le fale, Pe ai se tasi ua i
 ai pea ia te oe? Ona tali atu foi
 lea o ia, E leai lava. Ona faapea
 mai lea o ia, Faalologo ia auā e le
 tatau ona ta'ua o le suafa o Ieova.
 Auā faauta mai ea, ua poloai atu 11
 Ieova, na te taia foi le fale tele ia
 solo, ma le fale itiiti ia lepetia. E 12
 taufetuli ea solofanua i le papa? pe
 suatia ai ea e se tasi i povi? auā ua
 outou liu i rosa le faamasinoga, ma
 le fua o le amiotonu i laena. O 13
 outou o e fiafia i se mea faatauva,
 o e faapea mai, Po ua le maua mai
 ea i lo tatou malos o nifo mo i tat-
 14 tou? A o lenei, faauta mai, le
 aiga o Isaraelu e, ou te faatūina se
 tasi nuu, latou te fai oe mo latou
 fili, o loo fetalai mai ai Ieova le
 Atua o 'au; latou te faasaua ia te
 outou, e pau mai i le mea e ui atu
 ai i Amato, e pau mai i le vaitafe o
 le vao.

O mea faigata e tutupu i Isaraelu.

UA faapea ona faailoaina mai ia 7
 te au e le Alii o Ieova; faauta, na
 ia faatupuina o sē akerise i ona faa-
 toa tutupu ae o le vao mulimuli;
 faauta foi, o le vao mulimuli ia, a
 ua mavae atu seleselegāmūtia a le
 tupu. Ona oo lea ina uma ona aai 2
 o le vao iti o le fanua, ona ou faa-
 pea atu ai lea, Le Alii Ieova e, ou
 te aiai atu ia e faamagalo mai. Pe
 tulai ia te ai Iakopo, auā ua vaivai
 lava ia? Ua salamo Ieova i lena 3
 mea; ua faapea mai Ieova, E le
 oo. Ua faapea ona faailoaina mai
 ia te au e le Alii o Ieova; faauta,
 na valaau atu le Alii o Ieova ia
 tauia i le afi i le ua faaumatia le
 moana tele, ma faaumatia ai le tasi
 mea. Ona ou fai atu lea, Le Alii 5
 Ieova e, ou te aiai atu, ina soia; pe
 tulai ia te ai Iakopo, auā ua vaivai
 lava ia? Ua salamo Ieova i lenei 6
 mea; ua faapea mai le Alii o Ieova,
 E le oo foi lenei mea. Sa faapea 7

ona faailoaina mai e ia ia te au ; faauta, ua tu le Alii i le aupa tu sa'o, ua i ai i lona aao o le fua faa-
 8 tautau. Ona fetalai mai lea o Ieova ia te au, Amosa e, se a ea se mea ua e iloa? I le ua ou faapea atu, O le fua faatautau. Oua fetalai mai ai lea o le Alii, Faauta, ou te tuu se fua faatautau i totonu o lo'u nuu o Israelu, ou te le toe soipoia lava.
 9 E faatafunaina mea maualuluga a Isaako, e faatafunaina foi malumalu o Israelu; ou te tulai atu ma le pelu i le aiga o Ierepoamo.
 10 Ona alu lea o le feau a Amasia le ositaulaga a Peteli ia Ierepoamo le tupu o Israelu, ua faapea atu, Ua fouvale Amosa ia te oe i le aiga o Israelu, ua le lavā onosai le nuu i
 11 ana upu uma. Auā ua faapea mai Amosa, E malui Ierepoamo i le pelu, e matuā tā'ita'iina Israelu faatagata o taua ai lo latou lava laueleele. Ua faapea mai foi, Amasia ia Amosa, Le tagata vaai e, alu ia, ina sola oe i le nuu o Iuta, mā e 'ai
 13 i lea mea, ma vavalo ai. A e aua e te toe vavalo i Peteli; auā o le malumalu lea o le tupu, o le maota
 14 foi o le tupu. Ona tali atu lea o Amosa ua faapea atu ia Amasia, Ou te le se perofeta a'u nei, ou te le se atalii foi o se perofeta; a o le fagamanu a'u, ma le galue i sukamoru.
 15 A ua avea a'u e Ieova sa ou mulimuli i le lafu mamoe, ma ua faapea mai Ieova ia te au, Alu ia, ina e
 16 vavalo i lo'u nuu o Israelu. O lenei, ina e faalogo mai ia i le afioga a Ieova. Ua e fai mai, aua le vavalo ia Israelu, aua foi le tautala atu i
 17 le aiga o Isaako. O le mea lea o loo faapea mai ai Ieova, E avea lau avā ma fafine faitaaga i le aai, e pauu foi i le pelu o ou atalii ma ou afafine, e vaeveaina i le fua lou fanua; e oti foi oe i le nuu leaga; e matuā tāfea Israelu ai lona laueleele.

Ua latalata le malaia o Israelu.

8 UA faapea ona faaalua mai ia te au e le Alii o Ieova; faauta mai, o le ato fua otatā. Ona faapea mai lea o ia, Amosa e, pe se a ea se mea ua e iloa? I le ua ou tali atu, O le ato fua otatā. Ona faapea mai ai

lea o Ieova ia te au, Ua oo mai le iuga i lo'u nuu o Israelu, ou te le toe soipoia lava. E fai ma uio pese o le maota i lea aso, o loo fetalai mai ai le Alii o Ieova; e i ai i mea uma tino o tagata oti e tele, e lafoaina ma le le feganavai.

Ia outou faalogologo i lenei mea, o outou o e faasaua i e matitiva, ina ia faaumatia lava le au matitiva o le nuu, o loo faapea mai, Pe mavae atu afea le masina faatoa vaai ia tatou faatau ai saito? *pe mavae afea* foi le sapati ia tatou tatalaina atu ai saito? o loo faaititiina foi le efa, ma faateleina le sekeli, o loo fai fua faaletatau e pepelo ai. Tatou te faatau foi tagata matitiva i ario, ma le tagata vaivai i seevae e lua; tatou te faatau atu foi saito leaga.

Ua tauto Ieova i le mamalu o Iakopo, E le galo lava ia te au e faavavau a latou galuega mea. E le gatete ea le laueleele ona o lenei mea, ma faanoanoa ai i latou uma o e nonofo ai? e le matuā alu ae ea e pei o se vaitafe? e le lafoaina ea ia ma lusia, e pei o le vaitafe o Aikupito? O loo fetalai mai le Alii o Ieova, O lea aso ou te faagotoina ai le la i le aoauli, ou te faapouliuligia foi le lalolagi i le ao malamalama. On te liu i faanoanoaga a outou
 10 tausamiga, *ou te liliu* foi o outou pese uma i auega; ou te faalavalava foi sulugatiti uma i le ie talatala, o ulu foi o tagata uma e selemamaina ia; ou te faia lea mea ia pei o le pese e aualofa a'i ona o le atalii e toatasi, o lona iuga foi, o le aso vale lava lea.

O loo faapea mai le Alii o Ieova, Faauta, e oo mai aso ou te tuuina atu ai le oge i le nuu; e le se oge i mea e 'ai, po o se gālala i le fia inu vai, a o le *oge* i le faalogologo i afioga a Ieova. Latou
 12 te feoi e pau mai i le tasi vasa e oo atu i le isi vasa, e pau mai i le itu i matu e oo atu i le itu i sasae latou te feoi ai e sailiili atu ai le afioga a Ieova, a e le maua. E vai
 13 vai i le fia inu i lea aso o taupou lalelei atoa ma taulelea. O i latou
 14 o e tauto i le agasala a Samaria, ma faapea atu, Tanu e, ua soifua lou atua; i le ma lea, Ua ola le ala

o Peresepa; e pauu lava i latou, latou te le toe tutulai.

E malaia lava Isaraelu.

- 9 NA ou iloa le Alii, o loo tu i luga o le fata faitaulaga; ma ua faapea mai o ia, Ina ta ia le laau faalava o le faitotoa, ia luluina ai o pou; ia gaugau ai i luga o latou ulu uma; ou te fasioti foi i le pelu e ua totoe o i latou; ai so latou e sola e le sao ia, ai so latou e sola ese e le laveaina o ia. Afai latou te eli ia oo i seoli, e aumaia i latou e lo'u lima ai lea mea; afai latou te feaei i le lagi, ou te aveina ifo i latou ai lea mea. Afai latou te lalafi i le tumutumu o Karamelu, ou te suesue ai, ma au mai ai i latou ai lea mea; afai foi e lalafi i latou ai o'u luma i le loloto o le sami, ou te fai atu ai i le gata, ona utia ai lea o i latou e ia.
- 4 Afai foi e tafea i latou i luma o e o fai i latou ma fili, ou te fai atu ai i le pelu, ona fasiotia ai lea o i latou; ou te faasaga atu i ai, ina ia malaia o i latou, a e le ona ia manuia.
- 5 O le Alii, o Ieova o 'au o ia o le pai atu i le laueleele, ona liu suāvai ai lea, e faanoanoa foi i latou uma o e nonofo ai; e matuā alu ae e pei o se vaitafe, e lofia o ia e pei o le vaitafe o Aikupito. O ia lava o le na te faia ona afioaga i le lagi, ma na faavaeina lana faaputugāmea i le lalolagi; o le na te valaauina i le suāsami o le sami, ma faamaligi ai i le fogāleelele; o Ieova, o lona suafa lea.
- 7 O loo faapea mai Ieova, Le fa-nauga a Isaraelu e, e le ua pei o tagata Aitiopie ea outou ia te au?

Pe nā le aveina ae Isaraelu e a'u ai le nuu o Aikupito? o Filisitia foi ai Kafetori, ma Suria ai Kira? Faa-uta, ua faasaga fofoga o le Alii o Ieova i le malo amio leaga, ou te faaumatia ai ai le fogāleelele; na o le aiga o Iakopo ou te le matuā faaumatia, o loo fetalai mai ai Ieova. Faauta mai foi, ou te fai atu, ou te luluina foi le aiga o Isaraelu i nuu uma, e pei ona luluina o *saito* i le lulu, a e le paū sina fua i le elelee. E oti i le pelu o i latou uma o lo'u nuu o e agasala, o e faapea ane, E le aulia mai le malaia, pe maua mai i tatou.

O le aso lea ou te faatuina ai le fale apitaga o Tavita ua paū; ou te pupuni i ana mea ua lepetia; o ana mea foi ua solo ou te atiina ae, ou te atiina ae e pei ona *faia* i ona po anamua. Ina ia fai mo latou tofi e ua totoe o Etoma, atoa ma nuu uma, o e ua faaigoaina i lo'u igoa, o loo fetalai mai ai Ieova o le na te faia lenei mea. O loo faapea mai Ieova, Faauta, e oo mai ona aso e aulia ai lē suatia le fanua i le selesele *saito*, ma lē solivine i le lulu *saito*; e tau-tulu mauga i le suāvine, e tafea ai mea maupuepue uma. Ou te faa-foisia mai le tafeaga o lo'u nuu o Isaraelu, ona latou faatuina ai lea o aai ua faatafunaina, ma nonofo ai; latou te totōina foi tovine, ma inu uaina ai; latou te fai foi faatoaga, ma aai ai ona fua. Ou te totōina i latou i lo latou laueleele; e le toe liaiina i latou ai lo latou laueleele na ou foaiina atu ai ia te i latou, o loo fetalai mai ai Ieova lou Atua.

O LE

TUSI A LE PEROFETA O

OPETAIA.

O le malaia o Etoma ma le manuia o Isaraelu.

- 1 O LE faaaliga ia Opetaiā.
O loo faapea ona fetalai mai o le

Alii o Ieova ia Etoma, Ua tatou faalogo i le tala mai ia Ieova, ua auina atu foi le sāvali i nuu ese, Tulai ia outou, ina tatou sii atu i ai le taua. Faauta, ua ou faia oe ia

- faatauvaai i nuu, ua matuā inosia
3 lava oe. O le faamaualuga o lou
loto ua faaseseina ai oe, o oe o loo
nofo i ana o le papa; e mauualuga le
mea e nofo ai o ia; o le faapea i
lona loto, O ai se na te lafo ia te
4 au i lalo i le elelee? E ui lava ina
maualuga le mea e te *nofo* ai pei o
le aeto, ma e tuu lou ofaga i fetu, o
loo fetalai mai Ieova, ou te lafo ia
5 te oe i lalo i lea mea. Ana o atu ia
te oe o gaoi, ana o *atu* o e fao mea
i le po, (aue! ua faaumatia oe,) po
ua latou le gaoi ea mea e tusa ia i
latou? Ana o atu ia te oe o e tâu
vine, po ua latou le faatotoe ea nai
6 toe fuifui vine? E! ua suena lava
7 Esau; ua sailia ana mea lilo. Ua
molina oe i le tuaoi lava e tagata
uma na outou fai ai mavaega, ua
faa'ole'ole ia te oe, ua manumalo
foi ia te oe tagata sa outou nofo
lelei; o e na *aai* i au mea e 'ai ua
latou tuu le mailai i lalo ia te oe.
8 E leai se mafaufau ia te ia. O loo
fetalai mai Ieova, Ou te le faaumatia
ea i lea aso tagata popoto i
Etoma, ma ou *faaumatia* le mafau-
fau ai le mauga o Esau?
9 Timanu e, e matatau ou tagata
totoa, ina ia faaumatia tagata uma
ai le mauga o Esau ina ua fasiotia.
10 E matuā faamāina oe ona o *lou* saua
i lou uso o Iakopo; e faaumatia foi
11 oe e faavavau. O le aso sa e tu ai
e faafeagai, o le aso sa ave ai faa-
tagataotaua ana 'au e tagata ese, na
ulu atu ai foi tagata ese i ona faito-
toa, ma latou fai ai le vili i Ierusa-
lema, sa i *ai* lava oe faapei o so
12 latou. A ua le tatau ina ua e mai-
moa i le aso o lou uso, o le aso o
lona puapuaga; ua le tatau foi ina
ua e faatuumana i le fanauga a Iuta
i le aso na fano ai i latou; ua le ta-
tau foi ina ua e tautala faasiasia i le
aso o le puapuaga. Ua le tatau ina
13 ua e ulu atu i le faitotoa o lo'u nuu
i le aso o lo latou malaia; ua le
tatau ina ua e maimoa, o oe lava, i
lo latou tiga i le aso o lo latou ma-
laia; ua le tatau foi ina ua e tago i
o latou oloa i le aso o lo latou ma-
14 laia. Uale tatau foi ina ua e tu i le
mafegāala e fasioti ai ona tagata na
sao; ua le tatau foi ina ua e tuuina
atu i *nuu ese* ona tagata na totoe i
le aso o le puapuaga. Auā e lata-
15 lata le aso o Ieova i nuu uma; e
faia ia te oe e pei ona e faia; e toe
iu atu ia te oe mea na e faia. Auā
16 e pei ona outou feinu i luga o lo'u
mauga paia, e *faapea* ona feinu pea
lava nuu uma, latou te feinu lava ia
inu tele, e avea i latou e peiseai ua
leai lava i latou. A e peitai e i ai i
17 le mauga o Siona e ua sao, e paia foi
ia; o le aiga foi o Iakopo e fai mo i
latou lava o a latou lava mea. E
18 fai foi le aiga o Iakopo ma afi, e fai
foi le aiga o Iosefa ma afi mumū, a
e fai le aiga o Esau ma tagutugutu
o saito; latou te faamu foi ia te i
latou, ma faauma ia te i latou; e
leai foi sē toe i le aiga o Esau; auā
ua fetalai mai ai Ieova. O i *latou*
19 foi o i le itu i toga e fai mo i latou
le mauga o Esau; o i *latou* foi o i le
itu maulalo e *fai mo i latou le nuu* o
Filisitia; e fai foi mo i latou le lau-
elelee o Efaraima, ma le laueleele
o Samaria; e *fai* foi Kiliata mo
Peniamina. O le tafeaga foi o
20 lenei itu taua a le fanauga a Isara-
elu e ua i sa Kananā e oo i Sarefata
o le tafeaga foi o Ierusalemā o i
Sefarata, e fai mo i latou o aai o i
le itu i toga. E o ae foi faaola i le
21 mauga o Siona, ina ia faasalaina le
mauga o Esau; e fai foi le malo mo
Ieova.

IONA.

*Ua auina Iona e Ieova i Nineva.
Ua maua e le afā ina o sola i
Tasesa.*

- 1 UA oo mai le afoga a Ieova ia Iona le atalii o Amitai, ua faapea
- 2 mai, Ina tulai ia, ina alu i Nineva le aai tele, ma alaga atu i ai; auā ua oo mai a latou agasala i o'u luma.
- 3 A ua tulai Iona e sola i Tasesa ai luma o Ieova, ua alu ifo foi o ia i Iopa, ma na maua le vaa a alu i Tasesa; ona avatu ai lea e ia o le
- 4 totogi, ma alu ifo i ai, e o mai i latou i Tasesa ai luma o Ieova. A ua tuuina ifo e Ieova le matagi tetele i le vasa, ona afā tetele ai
- 5 lea i le vasa, se manū a lepetia le vaa. Ona matatau ai lea o le auvaa, ma latou taitasi ma valaau i lona
- 6 atua; ua latou lafo foi le oloa na i le vaa i le sami, e faamāmāina ai. A e peitai o Iona na alu ifo o ia i
- 7 totonu lava o le vaa; na taoto foi o ia, ma moegase. Ona alu atu lea o le aliivaa ia te ia, ma fai atu ia te
- 8 ia, A faapefea ea oe, lē moe gase? ina tulai ia, ina valaau i lou Atua, atonu e manatu mai le Atua ia te i
- 9 tatou, ina ia le oti i tatou. Ona latou fetautalatalai lea, Ina o mai ia, se'i tatou faia le vili, ina ia tatou
- 10 iloa po o ai ua oo mai ai lenei malaia ia te i tatou. Ona latou faia lea o le vili, ua faasaga foi le vili ia Iona. Ona latou fai atu ai lea ia te ia, Ina ta'u mai ia ia te i matou, po o ai ua oo mai ai lenei malaia ia te i tatou? o le a ea lou faiva? o fea
- ea na e sau ai? o ifea ea lou nuu? o ai ea tagata na e tupu mai ai?
- 9 Ona fai mai ai lea o ia ia te i latou, O a'u o le Eperu; ou te mata'u ia Ieova le Atua o le' lagi, o le na faia
- 10 le sami ma le eleele matutu. Ona

matuā fefefe ai lea o ia tagata, ma latou faapea atu ia te ia, Se a lenei mea ua e faia? Auā na iloa ia tagata ua sola o ia ai luma o Ieova, auā na ia ta'u atu ai ia te i latou. Ona latou fai atu ai lea ia te ia, Se 11 a se mea matou te faia ia te oe, ina ia malū ai le sami mo i matou? Auā ua tuputupu pea le sousou o le vasa. Ona fai mai lea o ia ia te 12 i latou, Ina sii ia ia te au, ma lafo ifo ia te au i le sami, ona malū ai lea o le vasa ia te outou; auā ua ou iloa o a'u ua oo mai ai lenei afā tetele ia te outou. A ua taualo faa- 13 malosilava o ia tagata, ina ia toe oo i uta; a ua le mafaia e i latou, auā ua tuputupu pea le sousou o le vasa sa tiga ai i latou. Ona latou valaau 14 atu lea ia Ieova, ua faapea atu, Matou te aioi atu ia te oe, Ieova e, aua ne'i fano i matou ona o le ola o lenei tagata o le aveesea, auā foi ne'i faaee i luga ia i matou le toto o le tagata e le sala; auā o oe Ieova e, ua e faia le mea ua e finagalo i ai. Ona latou sii ae lea ia Iona, ma lafo 15 ia te ia i le sami, ona mavae lea o le sousou o le sami. Ona matuā 16 matatau ai lea o ia tagata ia Ieova, ma latou faia le taulaga ia Ieova, ma latou tauto i ni tautoga. Na 17 tofia e Ieova le i'a tele e foloina Iona. Na i ai foi Iona i le manava o le i'a e tolu ao e tolu foi po.

O le tatalo a Iona.

NA tatalo foi Iona ia Ieova lona 2
Atua i le manava o le i'a, ua faapea 2
atu, Na a'u valaau atu ia Ieova ona o lo'u puapuaga, ua na faafofoga mai foi ia te au; na ou alaga atu nai le mea maulalo i tuugamau, ua e faafofoga i lo'u leo. Na e lafoina 3
a'u i le moana, i totonu lava o le

sami; na siosioina lava a'u e le au; na lofia a'u i ou galu ma ou peau
 4 uma lava. Ona ou faapea ai lea, Ua lafoaiina a'u ai luma o ou fofoga; a ou te toe faasaga atu i lou
 5 malumalu paia. Ua siosioina a'u e le sami, na manū a'u oti; ua ufitia a'u i le moana, ua fusia lo'u ulu i le
 6 limu. Ua ou alu ifo i vae mauga; ua faamauina faamau o le lalolagi i luga ia te au e faavavau; a e te ave-
 ina ae lo'u ola ai le lua, Ieova e lo'u
 7 Atua. Na ou manatua Ieova ina o vaivai o lo'u loto i totonu ia te au; na oo atu foi la'u tatalo ia te oe i
 8 lou malumalu paia. O e ua anaana i mea faatauavaa ma le pepelo ua lafoaiina e i latou o mea e manuia
 9 ai i latou. A o a'u, ou te faitaulaga ia te oe ma le upu faafetai; ou te faia le mea na ou tauto ai. Mai ia
 Ieova le olataga.
 10 Ua fetalai atu Ieova i le i'a, ona luai lea e ia o Iona i le elelee matutu.

O le tala'iga a Iona i Nineva. O le salamo o Nineva.

3 ONA oo mai lea o le afioga a Ieova ia Iona, o le foi faalua mai
 2 lea, ua faapea mai, Ina tulai ia, ina alu i Nineva le aai tele, ma tala'i
 3 atu i ai le tala'iga ou te fai atu ai ia te oe. Ona tulai ai lea o Iona, ua
 alu i Nineva, e faapei ona fetalai mai o Ieova. O le aai matuā tele
 4 lava Nineva, e tusa ma le savaliga o aso e tolu. Ua amata ona ulu
 5 atu o Iona i le aai, o le savaliga o le aso e tasi, na alaga foi o ia, ua
 faapea atu, E toe fagafulu po ona faaumatia lea o Nineva. Ona tali-
 6 tonu ai lea o tagata o Nineva i le Atua, ua tala'i atu foi e i latou la
 latou anapogi, ua latou oofu foi i le ie talatala, o alii atoa ma tagatā-
 7 nuu. Auā ua oo le tala i le tupu o Nineva, ona tulai ai lea o ia i lona
 nofoāili, ma tuu ese ia te ia lona ofu tele, ona ufitia lea o ia e ia i le
 8 ie talatala, ma nofo i le lefulefu.
 9 Ua ia tala'i atu, ma faailo atu i Nineva i le pule a le tupu ma alii
 sa ia te ia, ua faapea atu, Aua ne'i 'ai sina mea e tagata, po o manu,
 po o lafu povi, po o lafu mamoe; aua lava ne'i latou aai, aua foi latou

te inu vai; a ia ufitia lava tagata
 8 ma manu i ie talatala, ma ia latou matuā alalaga atu i le Atua; ia la-
 tou taitasi foi ma liliu mai i lana amioga leaga, ma le faasaua ua i o
 9 latou lima. O ai se na te iloa, atonu e liliu mai le Atua, ma salamo,
 ma liliu ese i lona toasa mamafa, ina ia le fano ai i tatou. Ua silafia
 10 e le Atua a latou galuega, ina ua liliu ese i latou i lo latou ala leaga;
 ona salamo ai lea o le Atua i le malaia na ia fetalaia mai na te faia
 ia te i latou; e lei faia,

O le ita o Iona, ma le aoiaga a le Atua ia te ia.

UA matuā leaga lava lenei mea
 4 ia Iona, ua ita lava o ia. Ona tata-
 2 lo ai lea o ia ia Ieova, ua faapea atu, O lenei, Ieova e, e le o la'u upu ea
 lenei ina ou i ai i lo'u nuu? O le mea foi lea na ou muai sola ai i
 Tasesa; auā ua ou iloa oe o le Atua alofa fua, ma le alofa mutimuti-
 vale, e tele gese lou toasa, ua tele foi lou alofa, ua e salamo foi ma ua
 le faaoo le malaia. O lenei foi, Ie-
 3 ova e, ou te aioi atu ia te oe, ia e ave ese lo'u ola; auā e lelei ona ou
 4 oti, a e leaga ona ou ola. Ona fetalai mai ai lea o Ieova, Ua lelei ea
 lou ita?

Ona alu atu lea o Iona ai le aai, ua nofo foi i le itu i sasae o le aai, ua na faia foi mo ia i lea mea le fale
 apitaga, ua nofo i ona lalo i le p-
 5 olo, seia iloa e ia pe se a se mea e oo i le aai. Na saunia foi e Ieova le
 6 Atua le kikaiona, ua na faasosolo i ai i luga o Iona, e fai ma faapaologa
 i luga o lona ulu, e laveai ia te ia i lona tiga. Ona matuā fiasia ai lea
 o Iona ona o le kikaiona. Ua oo
 7 ina malama ae o le taeao, ona saunia lea e le Atua o le anufe; ua atia foi
 e le anufe o le kikaiona, ona mago ai lea. Ua alu ae le la, ona saunia
 8 lea e le Atua o le matagi vela mai sasae; ona ogotia ai lea o le ulu o
 Iona i le la, ona vaivai ai lea o ia, ma ia faatoga atu ia oti o ia, ua ia
 faapea atu, E lelei ona ou oti, a e
 9 leaga ona ou ola. Ona fetalai mai lea o le Atua ia Iona, E lelei ea lou
 ita ona o le kikaiona? Ona fai atu

lea o ia, Ou te ita tele lava, e oo
10 lava i le oti. Ona fetalai mai lea o
Ieova, Ua e alofa i le kikaiona, o le
mea na e le galue ai, pe faatupuina;
o le mea na tupu i le po e tasi, na
11 mamae foi i le po e tasi. O a'u foi

ou te le alofa ea i Nineva le aai
tele, o loo i ai tagata e sili *ona toa-*
tele i le selau afe ma afe e lua fulu,
o e le iloa o latou lima taumatau po
o latou lima tauagavale; ma manu
vaefa foi e tele.

O LE

TUSI A LE PEROFETA O

M I K A .

O le toasa o le Atua ia Iuta ma Isaraelu ona o a latou amio.

- 1 O LE afiga a Ieova na oo mai ia
Mika le Morese i ona po o Iotama,
ma Aasa, ma Esekia, o tupu o Iuta,
na ia iloa i mea a Samaria ma Ieru-
2 salema. Faalogologo mai ia outou
nuu uma; faasaga mai ia le lalolagi
e, atoa ma mea ua tumu ai, seia fai
e le Alii o Ieova ana mau ia te outou,
o le Alii lava ai lona malumalu paia.
3 Auā faauta, o loo afio mai Ieova ai
lona afoaga, e afio ifo o ia, ma soli i
4 mea mauululuga o i le lalolagi. E
liu suāvai mauga i lalo ia te ia, e
māvaevae vanu, pei o le pulu i le afi,
faapei o le vai ua tafe ifo i le tofē.
5 Ona o le solitulafono a Iakopo e oo
ai ia mea uma, ona o agasala foi a
le aiga o Isaraelu. Se a ea le solitu-
lafono a Iakopo? E le o Samaria
ea? O a ea foi mea mauululuga a
6 Iuta? E le o Ierusalemā ea? O le
mea lea ou te fai ai Samaria ma fau-
puegāmaa i le fanua, ma mea e totō
ai vine, ou te tuleia foi i lalo i le
vanu ona maa, ou te faataatitiafua-
7 ina ona faavae. E nutininiia foi
ona tupua ua ta uma, e susunuina
foi ona tauī uma i le afi, ou te faa-
tafunaia foi ona tupua uma; auā
o le tauī o le fafine talitane na ia
faaputuina ai, e toe foi atu foi ia
mea i le tauī o le fafine talitane.
8 O le mea lea ou te tagitu'i ai, ma
ou uio, ou te fealuai ma le le ofu
ma le le lavalavā; ou te tagi pei o

luko, ma ou faanoanoa pei o iaena.
Auā e leaga ona manua; auā ua oo
lava i Iuta; ua pāia lava le faitotoa
o lo'u nuu, o Ierusalemā lava. Aua
ne'i ta'uatua i Kato, aua ne'i feta-
gisi i Ako; ia e taafili i le efuefu i
Petofira. Ina ui ane ia e le o lava-
lavā ma le mā, o ce na lē mau i
Safiri; e lei alu atu le ua mau i Sa-
anana; o le auega a Peteseli e ave-
eseina ia ia te outou le mea e tu ai
o ia. Ua faanoanoa lava le ua mau
12 i Marota ona o le manuia; auā ua
oo ifo le malaia mai ia Ieova i le
faitotoa o Ierusalemā. O oe lē mau
13 i Lakisa, ia e nonoa le nofoa faataa-
vavevale i le solofanua televave; (o
ia o le amataga o le agasala i le
tama fafine a Siona;) auā ua iloa i
totonu ia te oe solitulafono a Isara-
elu. O le mea lea e te avatu ai se
tusi alei ia Morese-Kato; e fai foi
fale o Akasepa ma pepelo i tupu o
Isaraelu. I le ma lea, o oe na o lē
15 mau i Maresa, ou te au mai ia te oe
o le na te fai *oe* mona; e oo lava ia
i Atulama le mamalu o Isaraelu.
Ia e tafi lou lauulu ma ia e sele ma-
16 mā ona o au fanau pele, ia e faalau-
tele le mea ua tafia pei o le aeto;
auā ua tāfea ese i latou ia te oe.

O le aoaiga ona o le amio leaga.

OI talofa i e mafaufau i amiole-
tonu, ma latou saunia mea leaga i o
latou moega; pe a malama ae le
taeao ua latou faia, auā ua mafai ia
te i latou. Ua latou mananao foi i 2

fanua, ma latou fao ai faasaua, atoa
ma fale, ma latou aveā; ua latou
saua atu i le tagata ma lona aiga, o
3 le tagata ma lona tofi. O le mea
lea o loo faapea mai ai Ieova, Faa-
uta, o loo ou te mafaufai i se mea
leaga i lenei lava aiga, tou te le
mafa'i ona 'alo ese ai o outou ua;
4 tou te le savavali foi ma le faasia-
sia; auā e leaga ia ona po. E sau-
nia se faataoto ia te outou i lea aso,
e pese le pese e aualofa a'i tele lava,
e faapea, Ua matuā faatafunaina i
tatou; ua suia e ia le tofi o lo'u
nuu; aue! ua ia aveeseina ai ia te
au, ua na tufatufa i o tatou fanua
5 ia ia liliueseina. O le mea lea o le
a leai ai ia te oe se na te lāfolafoina
se maea pe a fai le vili i le faapoto-
potoga a Ieova.
6 Ua latou faapea mai i e vavalō
mai, Aua ne'i outou vavalō. Latou
te le vavalō ia te i latou nei, e le
7 mavae le masiasi. Oi! o upu faa-
pea a le aiga o Iakopo! E vaivai ea
le Agaga o Ieova? O ana ea ia
galuega? O a'u upu e le lelei ai ea
8 le ua savali ma le amiotonu? A ua
tulai lo'u nuu talu mai anamua pei
o se ua ita mai lava; ua outou fao
le pulupulu atoa ma le ofu tele ia te
i latou o e ui ane ma le faatalanoa,
9 o e ua foi mai i le taua. Ua outou
tulua fafine o lo'u nuu i o latou fale
e fiafia i ai; ua outou ave ese foi
lo'u mamalu i a latou fanau e faa-
10 vavau. Tutū ia i luga outou, ina o
ese ia; auā e le o lo outou malologa
lenei; ua leaga, o le mea lea e
malaia ai outou, e matuā tele foi le
11 malaia. Ai se tagata e savali e *tusa*
ma lona loto ma le faa'ole'ole e
pepelo mai, e faapea mai, Ou te
vavalō ia te oe i le uaina ma le 'ava;
e aveā lava ia ma perofeta i lenei
12 nuu. Iakopo e, ou te faapotopoto
lava ia te outou uma lava; ou te
aofaiina lava e o totoe o Isaraelu,
ou te faatasia i latou pei o le lafu
mamoe i Posara, pei o le lafu manu
i totonu o le mea e fafaga ai, latou
te soona ualolo ona o le vao tagata.
13 Ua alu ae i o latou luma le na te le-
petia, ua latou lepeti, ma latou ui ane
i le faitotoa, ua latou o atu ai lava, e
afio atu foi lo latou Tupu i o latou
luma, e muamua foi Ieova i a te i latou.

*O le upu e aoi atu i alii o le nuu
ma perofeta pepelo.*

SA a'u faapea atu foi, Faafofoga 3
mai ia outou matai o Iakopo, ma
outou faipule o le aiga o Isaraelu,
E le o ia te outou ea ona iloa le faa-
masinoga? O outou o loo 'ino'ino 2
i mea lelei, ma fiafia i mea leaga, o
loo outou sae ese o latou pa'u, atoa
ma aano i o latou ivi. O e aai foi i 3
tino o lo'u nuu, ma saeeseina o latou
pa'u, ma gauia o latou ivi, e vaevaea
lava pei o mea e tuu i le ulo, pei o
tufaaga foi i totonu o le pani. Ona 4
latou alalaga atu ai lea ia Ieova, a
e le faafofoga mai ai o ia ia te i
latou; a e 'alo ese ona fofoga ia te
i latou i ia lava ona po, auā ua leaga
lava a latou mea e fai.

O loo faapea mai Ieova i perofeta 5
o e faasese i lo'u nuu, o e fēu i o
latou nifo, ma latou alalaga atu, O
le manuia; a o le ua le avane mea i
o latou gutu, latou te sauni lava le
taua ia te ia. O le mea lea e pogia 6
ai outou ma le leai o se mea e vaaiā,
e oo foi le pouliuli ia te outou ma le
leai o se iite; e goto foi le la i ia
perofeta, e pogisa foi le ao ia te i
latou. Ona masiasi ai lea o tagata 7
vaai, e fememeai ai foi o e iite;
latou te ufiufi foi i a latou 'ava, o i
latou uma lava, auā e leai se tali
mai le Atua. A e peitai o a'u, e 8
monī lava, ua faatumuina a'u i le
mana e le Agaga o Ieova, o le faa-
masinoga foi, ma le malosi, e faailoa
atu ai ia Iakopo o lana solitulafono,
e faailoa atu foi ia Isaraelu o lana
agasala. Ina faafofoga mai ia i le 9
mea nei o outou matai o le aiga o
Iakopo, ma outou faipule o le aiga
o Isaraelu, o e 'ino'ino i le faamasi-
noga, ma faapiopio i mea tonu uma;
o e ati ae Siona i le toto, ma Ieru- 10
salema i le amio leaga. O ona ma-
tai ua latou faamasino i le fia fai
taui, o ana ositaulaga foi ua latou
a'oa'o i le fia fai taui, ma ana perofeta
ua latou iite i le fia fai tupe;
a ua latou faalagolago ia Ieova, ma
faapea ane, E le o ia te i tatou ea
Ieova? e le oo mai se mea leaga ia
te i tatou. O le mea lea e fai ai 12
Siona ma fanua e suatia ona o outou,
e fai foi Ierusalem ma faupuegā-

maa, o le mauga foi o *i ai* le fale e fai lea ma mea maualuga i le vao matua.

O le valoaga i le manuia e oo i aso amuli.

- 4 A O aso e gata ai e oo ina faatumaia ai le mauga o *i ai* le fale o Ieova i tumutumu o mauga, e faamaualugaina foi ia sili i mauga iti, ona gasolo ane lea o nuu i ai.
- 2 E o mai lava nuu ese e tele, ma latou faapea ane, O mai ia, tatou o ae ia i le mauga o Ieova, o le fale foi o le Atua o Iakopo; e a'oa'o mai ai o ia ia te i tatou i ona ala, ona tatou savavali ai lea i ona ala; auā e alu atu le tulafono mai Siona, o le asiloga foi a Ieova mai Ierusalemā. E faamasino foi o ia i nuu e tele, e aoi atu foi i nuu malolosi e mamao; ona latou tui ai lea i a latou pelu e fai ma uamea o suotosina, o latou tao foi e fai ma polo teu vine; e le sii atu foi le pelu e le tasi nuu i le tasi nuu, latou te le
- 4 toe a'oa'o foi i taua. A e taitasi ma nofo i lalo o lona vine, ma lalo o lona mati; e leai foi se na te faamatau mai; auā ua faapea ona tūlei mai ai le siufofoga o Ieova o 'au.
- 5 Auā o nuu uma e taitasi ma savali i le igoa o latou atua, o i tatou foi, tatou te savavali i le suafa o Ieova lo tatou Atua e faavavau faavavau
- 6 lava. O loo faapea mai Ieova, O lea aso ou te faapotopototo ai le nuu ua setusetu, ou te asofaiina faatasi foi le nuu ua tulia, ma le nuu ua
- 7 ou faatigaina. Ou te faatototo *nisi* o le nuu ua setusetu, *ou te faia* foi ma nuu malosi e ua tāfea mamao, e pule foi Ieova ia te ilatou i le mauga o Siona e amata i ona po nei, e oo i
- 8 le faavavau. O oe foi le 'olo o le lafu mamoe, o le mauga o le tama fafine a Siona, e oo mai lava ia te oe, e oo mai lava le muai pule; e oo mai le malo o le tama fafine
- 9 a Ierusalemā. O lenei, se a le mea e te alaga tele ai? E leai ea se tupu ia te oe? Ua fano ea lou faipule? ina ua maua oe i tiga pei o se fafine a fanau mai. Le tama fafine a Siona e, ina faatiga ia, ma ia fanau mai, pei o le fafine a fanau mai; auā e te alu ese nei i le aai a

e mau i le vao, e te co lava i Pape-lonia; e laveaiina oe i lea mea, e laveai Ieova ia te oe i lea mea ai lima o i latou o e ita mai ia te oe. Ua faapotopotoina nei foi o nuu e 11 tele o le a tau ma oe, o e faapea ane, Ia leaga o ia; se'i vaai foi o tatou mata i Siona. A o i latou, 12 latou te le iloa manatu o Ieova, latou te le iloa foi lana pule; auā e faapotopotoina i latou e ia pei o fusi saito i le mica e soli ai saito. Le tama fafine a Siona e, tu ia i 13 luga, ma soli; auā ou te faia lou nifo ma uamea, ou te faia foi ou atigivae ma 'apa memea; e te tu'imomomoina nuu e tele; ou te faatoina foi mo Ieova a latou vete, atoa ma a latou oloa mo le Alii o le lalolagi uma.

O le valoaga i le asio mai o le Mesia, ma le manuia e tupu ai.

O LENEI, ina faalaei 'au ia o oe 5 le tama fafine e ana 'au; ua ia sio-sioina i tatou i le taua; latou te ta i le tootoo le faamasino o Isaraelu i lona alafau. A o oe, Peteleema- 2 Efarata, e itiiti oe i afe o Iuta, a e tupu mai ia te oe mo a'u o le na te fai ma faipule ia Isaraelu, o lona tupu mai talu mai anamuā lea, talu 3 mai ona po o le vanau lava. A e peitai e tuua i latou e ia seia oo i ona po e fanau mai ai o ia o le a fanau; ona toe foi mai ai lea i le fanauga a Isaraelu o e totote i ona uso. 4 E tu foi o ia ma leoleo *ia te i latou* i le mana o Ieova, ma le mamalu o le suafa o Ieova lona Atua, ona latou nofo mai ai lea; auā o ona po 5 ia e mamalu ai o ia e oo i tuluiga o le lalolagi. E fai foi o ia ma manuia. Pe a sau Asuria i lo tatou laueleele, pe a soli foi e ia o tatou 6 maota, ona tatou tofosi ai lea o leoleo e toafitu e tetee ia te ia, ma alii si'e toavalu. Latou te faasauoa foi le nuu o Asuria i le pelu, ma le nuu o Nimarota i ona lava faito- 7 toa; na te laveai foi *ia te i tatou* ai Asuria, pe a oo mai o ia i lo tatou laueleele, pe a soli foi o ia i lo tatou nuu. E i ai foi e ua totote o Iakopo 7 i nuu e tele e pei o le sau mai ia Ieova, pei o le ua foi i luga o vao iti, o le mea e le faatalitali i tagata,

- e le faatalitali foi i le fanau a t-
 8 gata. E i ai foi e ua totoe o Iakopo
 i nuu ese, o nuu e tele e pei o le
 leona i manu o le vao, pei o le leona
 taanoa i lafu mamoe; pe a ui ane o
 ia na te soli, ma saei, e leai foi se
 9 na te laveaiina. E taualuga lou
 lima i e faasaua mai ia te oe, e faa-
 umatia foi e ua ita mai uma lava ia
 te oe.
 10 O loo faapea mai Ieova, O lea aso
 ou te faaumatia ai au solofanua o ia
 te oe, ou te faaumatia foi ou kariota.
 11 Ou te faaumatia foi aai o lou nuu,
 ou te matuā sōloia foi ou 'olo uma.
 12 Ou te faaumatia togafiti faataulāitu
 ai lou lima, e le i ai foi ia te oe ni e
 13 iite i ao o le lagi. Ou te faaumatia
 foi au tupua ua ta, atoa ma au tu-
 pua maa; ona e le toe ifo ai lea i
 14 galuega a ou lima. Ou te lepeti foi
 i au tupua o Asaira i totonu ia te
 15 oe, ma ou faatafunaina ou aai. Ou
 te tau i atu ma le ita e matuā tele i
 nuu ese o e ua le faalogo mai.

*Ua aoi atu le Atua ia te i latou ona
 o amio eseese.*

- 6 INA faalogo mai ia i le mea o
 loo fetalai mai ai Ieova, Tu ia i luga,
 ina finau atu ia i luma o mauga,
 ia faalogo foi mauga iti i lou leo.
 2 Outou mauga e, faalogo mai ia i le
 finauga a Ieova, outou faavae tu-
 mau foi o le lalolagi; auā ua ia
 Ieova le finauga ma lona nuu, e
 3 fefinauai o ia ma Isaraelu. Lo'u
 nuu e, se a ea sa'u mea ua ou faia
 ia te oe? ua ou faatiga ia te oe i ni
 4 a? ina momoli ia o a'u. Auā na ou
 faaae mai ia te oe ai le nuu o Aiku-
 pito, ma ou faola ia te oe ai le mea
 sa nofo pologa ai, na ou aauiina foi
 i ou luma o Mose, ma Arona,
 5 Miriama. Lo'u nuu e, ina e mana-
 tua ia le mea sa filifilia e Palako le
 tupu o Moapi, ma le mea sa tali atu
 ai ia te ia e Palaamo le atalii o Pe-
 oro, ia e manatua i mea na faia e
 afua i Setima e oo i Kilikala; ina
 ia e iloa le agalelei o Ieova.
 6 Ou te alu atu ma ni a i luma o
 Ieova, ou te ifo atu ma ni a i le
 Atua maualuga? Ou te alu atu ea
 i ona luma ma taulaga mu, ma ta-
 mai povi e tasi lo latou tausaga?
 7 E fiafia ea Ieova i afe o mamoe poa,

ma manomano alia o tafe suāuu?
 Ou te tuuina atu ea la'u ulumatua
 e sui a'i lo'u solitulafono, o la'u
 fanau to tino e sui a'i le agasala a
 lo'u agaga? Sole, ua faaali atu e ia
 ia te oe le mea lelei; se a foi se
 mea e finagalo ai Ieova ia te oe, pe
 a le o ia mea, ia fai le amiotonu, ia
 naunau i le alofa, ma ia feooai ma
 lou Atua ma le loto faamaulalo?

O loo alaga le siufofoga o Ieova i
 le aai, (o le ua potō e iloa e ia lou
 suafa;) Ia outou faalogo i le sasa
 ma le ua pule mai ai. O loo i ai
 pea ea i le fale o le tagata amio
 leaga o le faaputugāoloa e maua i
 le amio leaga, ma le efa faaaimago
 e inosia? Ou te amio sao ea a o
 loo i ai fua faatautau faaletatau, ma
 le taga o loo i ai maa faaaimago?
 Ua tutumu ona tagata mauoa i le
 faasaua, ua tala pepelo foi i latou o
 e mau ai, o latou laulaufaiva foi i
 o latou gutu ua faa'ole'ole ia. O
 lenei foi, ou te ta ia te oe e tupu ai
 lou ma'i, ou te faatafunaina oe ona
 o au agasala. E te 'ai, a e le ma'ona
 ai, o lou fia 'ai e ia te oe lea; e te
 tua au mea, a e le faasaoia ai; o
 mea foi ua e faasaoia ou te tuuina
 atu ai i le pelu. E te lulu saito, a
 e te le seleseleina; e te soli olive, a
 e te le uu oe i le suāuu; atoa ma le
 suāvine, a e te le inu i le usaina.
 Auā ua tausiusi sauniga a Omeri,
 ma mea uma ua faia e le aiga o
 Aapo, ua outou savavali foi i a la-
 tou pule, ina ia ou faatafunaina ai
 oe, ma ia fai ma mea e uisa ai e o
 mau ai; tou te tauave foi le luma
 o lo'u nuu.

*Ua latou tagi ina ua toaitiiti, ona
 saili ai lea i le Atua, a e le faa-
 lagolago i tagata.*

AUE a'u nei! auā ua avea a'u
 pei o le fuata ua uma ona faaputu-
 ina, pei o toe fuifui vine i le taugā-
 vine; e leai se fuifui vine e 'ai ai; na
 ou manao i le mati e muai matua.
 Ua fano le ua agalelei nai le nuu; e
 leai se tasi tagata ua amiotonu; latou
 te lamalama uma ina iafasioti tagata;
 ua latou taitasi ma tuli lona uso ma
 le upega. Ua matuā faia mea leaga
 i o latou lima; ua fai atu le alii sili
 atoa ma le faamasino i se tau; ua

- tautala atu foi le matai tagata i lona manumanu; o lea ua latou
 4 faapiopio ai. O so latou e lelei e tusa ia ma le laau tuitui; o sē amio-
 tonu e sili ona *matuitui* o ia i le āi laau tuitui; o loo oo mai le aso o
 ou tagata vaai, o lou asiasiga lava; e i ai nei lava lo latou fememeai.
 5 Aua ne'i outou faatuatua i le uo, aua ne'i faalagolago i le aumeama-
 mae; ia e leoleo i puipui o lou gutu
 6 i lau avā pele. Auā o loo 'ino'ino le atalii i le tamā, o le tama teine
 ua tu o ia e tetee i lona tinā, o le avā a le tama tane e *tetee atu o ia* i
 le tinā o lana tane; o e ua ita i le tagata, o tagata ia o lona lava aiga.
 7 A o a'u, ou te faatalitali ia Ieova, ou te faamoemoe i le Atua o lo'u
 olataga; e faafofoga mai lo'u Atua
 8 ia te au. Aua e te mitamita ia te au, o oe na, le ua ita mai ia te au;
 e ui lava ina ou paū, ou te toe tu lava i luga; e ui lava ina ou nofo i
 le pouliuli, a o Ieova o lo'u malamama
 9 lama ia. Ou te faatoatoa i le toa-
 tamai o Ieova, auā ua ou agasala atu ia te ia; seia faia e ia la'u
 finauga, ma na faia foi lo'u faa-
 masinoga; na te faaooina a'u i le malamalama, ou te iloa lana amio-
 10 tonu. E iloa ai foi e le ua ita mai ia te au, e liloia foi o ia i le mā, o le
 na fai mai ia te au, O ifea ea Ieova lou Atua? E iloa o ia e o'u mata,
 e solia nei o ia pei o le palapala i le
 11 ala. O le aso e atiina ae ai ou pa, o le aso lea e avea mamao ai le tula-
 fono. O lea aso latou te o mai ai 12
 lava ia te oe nai Asuria, atoa ma aai o Aikupito, mai Aikupito lava e oo
 i le vaitafe, mai le tasi sami e oo i le tasi sami, mai le tasi mauga e oo
 i le tasi mauga. A e faatafunaina 13
 le nuu ona o e mau ai, ona o le fua o a latou amio.
 Ia e leoleo i lou nuu ma lou toc- 14
 too, o le lafu mamoe o lou tofi; o e nofo ese i le vao, i Karamelu; ia la-
 tou aai i Vasana ma Kiliata, pei o ona po anamuā lava. Faapei o ona 15
 po sa e sau ai i le nuu o Aikupito, ou te faaali atu i ai vavega. E iloa 16
 e nuu ese, ona masiasi ai lea o i latou i lo latou malosi uma; latou
 te ufiufi ai o *latou* gutu i o *latou* lima, e tutuli foi o latou taliga.
 Latou te etoeto i le efuefu pei o le 17
 gata; e pei o mea fetolofi i le laueleele latou te tetemu ai i mea ua
 puipuia mo i latou; latou te mata-
 tau ia Ieova lo tatou Atua; latou te fefefe foi ia te oe. O ai ea se 18
 Atua e tusa ma oe o le faamagalō agasala, ma ua le manatua solitula-
 fono a e o totoo o lona tofi? Na te le faamoemoe pea i lona toasa, auā
 e fiafia o ia i le alofa. E toe alofa 19
 mai o ia ia te i tatou, e faatoilaloia e ia a tatou amioletonu; e te lafo
 foi a latou agasala uma i mea lolo-
 to o le sami. E te faaoo le faama- 20
 oni ia Iakopo, o le alofa ia Aperamo, sa e tauto ai i o matou tamā
 talu mai ona po anamua.

O LE

TUSI A LE PEROFETA O

NAUMA.

E faaolaina e Ieova ona tagata, a e faasala i e ita ia te ia.

- 1 O LE avega ia Nineva. O le tusi o le faaaliga ia Nauma le Elekosi.
 2 O Ieova o le Atua fuā ia, o lē tui ma sui, o Ieova o lē tui ma

sui ma lē matuā toasa; e tui ma sui Ieova i e ita ia te ia, o loo faamoemoe foi o ia i e ua fai o ia ma o latou fili. O Ieova e tele gese lona 3
 toasa, a e tele lona mana; na te le faasaoina lava e ua agasala; o Ieova o loo i ai lona ala i le asiosio ma le

afā, o ao o le efuefu ia o ona aao.
 4 E aoai e ia i le sami, ma faamateina ai, na te faamamateina foi o vaitafe uma. E mamae Vasana ma Karamelu, e mamae foi fuga o Lepanona.
 5 E gatele manga ia te ia, e liu suāvai mauga iti; e mafuie le elele i ona luma, o le lalolagi foi atoa ma i
 6 latou uma o e nonofo ai. O ai se tu i luma o lona toasa? O ai foi se tu i luga pe a tupu lona maemaea?
 7 Ua sasaa atu lona toatamai e pei o le afi, ua fulisia papa e ia. O loo agalelei Ieova, o le 'olo ia i le aso o le puapuaga; o loo silafia e ia e o
 8 faatuatua ia te ia. O le tafe e losia ai na te faaumatia ai le mea o i ai le aai, e tuliloaina e le pouliuli e ua ita ia te ia.
 9 Se a ea se mea ua outou mafau-fau ai ia Ieova? E faaumatia lava e ia; e le tupu faalua mai le puapuaga. E ui lava ina filia i latou e pei o laau talatala, ma latou matuā onā i le inugāuaina, a e faaumatia i latou pei o tagutugutu o saito e
 11 matuā magumagu lava. Ua sau mai ia te oe o ia o le ua mafaufau i mea leaga e faia ia Ieova, o le faipule amio leaga. O loo faapea mai Ieova, E ui lava ina atoatoa i latou, ma ua faapea ona toatele, a e faapea lava ona fāfia i latou, ona mavae atu ai lea o ia. Na a'u faatigaina oe; a
 13 e ou te le toe faatigaina ce. Auā ou te gauia nei lana amo o ia te oe, 14 ou te motusi foi ou noanoaga. Ua fetalai Ieova ia te oe, E le toe totōina nisi o lou igoa; ou te vavaeeseina le tupua ua ta ma le tupua uamea i le fale o ou atua; ou te fai ai lou tuugamau; auā ua leaga lava
 15 oe. Faauta ea, o i luga o mauga o vae o lē fai mai le tala lelei, o lē logologo mai i le manuia; Iuta e, ia e fai au tausamiga, ia e avatu mea na e tauto ai; auā e le toe ui atu lava ia te oe le tagata amio leaga; ua matuā fano o ia.

O le valoaga i le faatolaloina ma le faatafunaina o Nineva.

2 UA alu ae i ou lava luma le na te faataapeapeina; ina leo'eo ia le 'olo, vaavaai i le ala, ia fusi ae sulugatiti, 2 ia matuā faateleina lou malosi. Auā e ui lava ina tafia i latou e i latou o

e tafi, ma latou faataumafoi foi a latou la laau, a e toe faafoisia e Ieova le mamalu o Iakopo, e faapea foi le mamalu o Isaraelu. O talita 3 o ona tagata totoa ua faalanu ula-ula ia, o tagata fitafita foi ua oofu i latou i ofu mūmū; e *fepulafi* faaafi o uamea o kariota i le aso e sauniuni ai o ia; e fuafua foi o latou tao. E matuā feasofai kariota i ala tele, 4 e soona fetaufetuliai i malae; e tino mai pei o sulu, e tele vavave pei o le uila. Ua manatua e ia ona alii sili, ua latou tautevateva i lo latou savali, ua latou faatelelise i lona pa, ua saunia foi le talipupuni. Ua tatalaina puipei o vaitafe, ua sōloia foi le maota. Na faatumauina o ia, 7 a ua faalelavalavaina, ua ta'ita'iina ae o ia, ua gaegae foi ana auaua fafine e pei o leo o lupe, latou te taufaitu'i i o latou fatafata. O 8 Nineva foi na faapei o le vaipea ia talu mai anamua, a ua latou sosola lava. Tutū mai ia, ina tutū mai; a e leai se tepa i tua. Ia outou 9 vete ario, ina vete ia o auro; e le uma le oloa lelei, ua faulai mea uma e manaomia. Ua gaogao, ua faa- 10 gaogaoina, ua faatafunaina; ua faavaivai le loto, ua gatete tulivae, ua tiga tele tua uma, o latou mata uma foi ua matamatavale. O ifea ea le 11 ana o leona, ma le mea na aai ai leona taanoa, o le mea na fealuai ai le leona, le leona avilu, atoa ma le tamai leona, e leai foi se tasi na faamatau atu ai? Na saei e le 12 leona ia maona ai ana fanau, ua na titina manu foi mo ana leona fafine, ua na faatumuina ona lua i mea na maua, o ona ana foi ua faatumuina ia i mea ua saeia. O loo faapea 13 mai o Ieova o 'au, Faauta, ou te tetee ia te oe, ou te susunu foi ia liu asu ona kariota, e faaumatia au leona taanoa i le pelu; ou te aveeseina foi i le nuu au mea na saeia; e le toe lagona foi leo o au sāvali.

O le valoaga i le malaia o Nineva.

OI talofa i le aai o e fasi tagata! 3 ua tumu lava i le pepelo ma le saua; ua le aveeseina ai lava le mea na saeia. O le paō o le sasa, o le taalili o mea taavalevale, o solofanua 2 ua feasofai, ma kariota ua osooso.

- 3 *Ua i ai* le oso ae o e ua tietie i solofanua, ma le fepulafi mai o pelu, o le emoemo mai foi o tao; o le toatele foi o e ua fāsia, ma le faupu-ega o tagata oti; e le masino tagata oti, ua latou tautevateva i o latou
4 tagata oti. Ona o le tele o le talitane o le fafine talitane o le ua lalelei, o le tamaitai taulāitu, o le ua faatau atu nuu i lona talitane atoa ma aiga i ana togafiti faataulāitu.
5 O loo faapea mai Ieova o 'au, Faauta, ou te fai oe mo'u fili, ou te susue ae foi ou lavalava, ma *lafo* ae i ou mata, ou te faaali atu lou tino i atu nuu, e *faaali* foi lou mā i
6 malo. Ou te lafo mea leaga i luga ia te oe, ou te faainosia foi oe, ma
7 ou faia oe ma mataaga. Ona oo ai lea ina sosola ese ia te oe o i latou uma o e vaai atu ia te oe, ma latou faapea ane, Ua faatafunaina Nineva! o ai se faamafanafana i ai? Po ifea
8 ou te saili ai *nisi* e faamatalaloto ia te oe? Pe sili ea oe ia Noamoni, o le sa nofo i vaitafe, sa siomia foi i le vai, o lona malosi o le vai tele
9 lea, sa i ai lona pa i le vai tele? O Aitiopo o lona malosi lea, atoa ma Aikupito, sa le masino foi *ona tagata*; o Futu ma Lipua o ou fesoa-soani ia. A ua tāfea o ia, ua alu o ia faatasi ma e ua faatagataotauaina; o ana tama iti foi sa palasi i tuluiga o ala uma; sa fai foi le vili i ona alii mamalu, sa nonoa foi ona
11 alii sili uma i maea uamea. O oe

foi e te inu ia onā; e te lafi lava; o oe foi e te saili se 'olo ona o le ua ita ia te oe. O ou 'olo uma ua ni
12 mati ia, o loo i ai fua e muai matua; afai e luluina, ona toulua ai lea i le gutu o le 'ai ai. Faauta, o lou nuu
13 i totonu ia te oe ua ni fafine lava, e matuā avanoa faitotca o lou nuu i e o fai oe ma fili, e susunuina au faamaufaalava i le afi. Ia e utuina
14 vai, auā o le a siosioina oe, ina teu ia ia malolosi ou 'olo; alu ia i le palapala, ina soli ia le omea, ia teu ia malosi le mea e tunu ai maaomea. E susunuina oe i le afi i lea mea, e
15 fasia oe i le pelu, na te 'aina lava oe pei o le sē aleka, ia faatoateleina oe pei o le sē aleka, ia faatoateleina oe pei o le sē akerise. Ua e faatoateleina
16 ou tagata faatau e sili i fetu o le lagi; ua salalau sē aleka, ona lele ese ai lea. O ou alii sili e pei o le sē
17 akerise ia, ma ou alii e pulea 'au e pei o le sē akerise aupito tetele ia, o e nonofo i āi i le aso maalili, ua alu ae le la, ona sosola ai lea, e le iloa foi le mea latou te i ai. Le tupu o
18 Asuria e, o loo momoe ou leoleo mamoe, o taoto ou alii sili; ua faataapeapeina lou nuu i mauga, e leai foi se na te faapotopotoina i latou. E leai sina feoloolo o lou malaia, e
19 matuā leaga lou manua; o i latou uma o e faalogologo i le tala ia te oe, latou te pati lima ia te oe; auā o ai se fasi ua le oo i ona luga lau
20 amio leaga e le aunoa?

O LE

TUSI A LE PEROFETA O

SAPAKUKA.

O le valoaga i le faatafunaina o le nuu o Isaraelu e Kaletaita.

- 1 O LE avega na vaaia e le perofeta o Sapakuka.
2 Ieova e, ou te valaau seia afea, a e te le faafofoga mai; ou te alaga atu ia te oe *ona* o le sauaga, a e te

le faaola mai? Se a ea le mea ua e
3 faaali mai ai ia te au le amio leaga, ma e silasila i le puapuga? e i 'o'u luma le faatafunaina ma le sauva, e i ai foi le fefinauiga ma le faatupuina o le misa. O le mea lea ua faaleaogaina ai le tulafono, ua le faia
4 foi le faamasinoga faamaoni; auā

ua siosioina le ua amiotonu e le ua amio leaga, o le mea lea ua fai ai le faamasinoga faapiopio.

- 5 Ia outou vaai atu i nuu ese, ma ia outou iloa, ma ia matuā taufaifofo lava; auā ou te faia se galuega i ona aso o outou, e ui lava ina talaina atu, tou te le talitonu ai lava.
- 6 Auā faauta, ou te lagaina Kaletaia, o le nuu sauua ma le tele vavave, o loo latou o atu i le lautele o le lalolagi, e fai mo latou o mea e nonofo ai, a e le ni o latou nuu. O i latou e matautia ma le fefefe i ai o tagata; e tupu mai ia te i latou lava lo latou faamasinoga ma lo latou mamalu.
- 8 E sili ona tele vavae foi a latou solofanua i nameri, e sili ona feai foi i luko i le afafi; e faalialia foi a latou 'au e tietie i solofanua, o a latou 'au foi e tietie i solofanua e o mai i le mea mamao; latou te felelelei pei o aeto e tele vavave e aai ai.
- 9 Latou te o uma mai ina ia sauua; o le faasaga mai o latou mata e pei o le matagi mai sasae; latou te faapotopotoina tagata o taua e pei o le oneone. Latou te tauemu i tupu, latou te tapisa foi i tamaalii; latou te tapisa i 'olo uma, auā latou te tanu ai le ecelele, ma latou aea.
- 11 Ona atili nautau ai lea o i latou, ona latou o atu lea, ma latou nofo sala ai, o loo faapea ane, O lo latou malosia lea i lo latou atua.
- 12 Ieova e, lo'u Atua, le Paia e, e te le mai le faavavau ea? matou te le oti; Ieova e, ua e tuu ia te i latou e faaoo ai sala, le Papa e, ua e tofia i latou e fai ai aoaiga. E sili ona manino ou fofoga, e te le fia silasila i le amio leaga, e le mafai foi ona e silasila i le agasala; se a ea le mea e te silasila ai i e o fai amio faa'ole'ole, ma ē le fetalai ina o fasioti e le tagata agasala le tagata e sili ona amiotonu ia te ia? ma ē faia tagata ia pei o i'a o le sami, pei o mea fetolofi, e leai so latou faipule? Ua latou avae ia te i latou uma i le mātau, ua aofia i latou i lo latou upega, ua taenafi foi ia te i latou i lo latou tufi; o le mea lea ua latou
- 16 fiasia ai, ma ua mitamita lava. O le mea lea latou te fai ai taulaga i lo latou upega, latou te faamu ai foi mea manogi i lo latou tufi; auā

o ia mea e lelei ai a latou mea ua maua, e lololo ai foi a latou mea e 'ai. O le mea ea lea latou te sasaa 17 atu ai lo latou upega, ma le le mapu ona fasioti pea lava i atu nuu?

O le valoaga i le malaia o Kaletaia.

OU te tu i le mea ou te leoleo ai, 2 ou te tu foi a'u i le 'olo, ou te vavaai foi ina ia ou iloa pe se a se mea e fetalai mai ai o ia ia te au, pe se a foi se mea ou te tali atu ai i la'u finauga. Ua tali mai foi Ieova 2 ia te au, ua faapea mai, Ia e tusi le faaaliga, ia e togitogi i papa, ina ia momo'e o ia le na te faitauina. Auā 3 o le faaaliga ua tuuina mo ona aso ua tuupoina, a e tautala mai pe a oo i le iuga, e le pepelo lava; e ui lava ina tuai mai, a ia faatalitali pea i ai; auā e oo mai lava, e le faatua mai. Faauta, o le ua faafefeteina e le tonu lona loto i totonu ia te ia; a o le ua amiotonu e ola ia i lona faatuatua. A e moni 5 lava, o le uaina o le faa'ole'ole lea; o le tagata faafefeteina e le nofo foi o ia i lona fale, na te faateleina lona manao pei o seoli, e pei o le oti lava ia, e le maona lava; na te faapotopotoina nuu uma lava ia te ia, na te aofaia foi ia te ia nuu uma. E le sauni ea e i latou uma le faa- 6 taoto ia te ia, atoa ma le pese faatauemu foi ia te ia, ma latou faapea atu, O i talofa i le na te faaputu mea e le ni ana mea! Seia afea? O i talofa foi ia te ia o le na te faafau- 7 pue ia te ia oloa ese! E le faafua- sei ea ona tulai atu i latou o e a feutia oe, ma latou ala mai o e faatigaina oe, ona ave lea o oe ma vete mā latou? Sa e vetea nuu e 8 tele, o le mea lea e vetea ai oe e nuu uma o totoe; ona o le toto o tagata, ma le sauua i le nuu, ma le aai, ma i latou uma o e nonofo ai.

Oi talofa i le na te maua i le amio 9 leaga le oloa mā lona aiga, ina ia tuu lona ofaga i le mea maua luga, ina ia laveaina o ia i le malaia! Ua e 10 filifili se mea e oo ai le mā i lou lava aiga, i lou faaumatia o nuu e tele; ua e agasala foi ia te oe lava. Auā 11 e alaga mai le maa ai le pa puipui, o le faalava foi ai le laau e tali atu i ai. Oi talofa i le na te faia se aai 12

- i le toto, ma faatumauiua se aai i le
 13 amioletonu! Faauiua, e le mai ia
 Ieova o 'au ea ona ia galulue tagata
 mā le afi, ma ia lailoa nuu ia i latou
 14 lava i mea le aoga lava? Auā e
 tumu le lalolagi i le malamalama o
 le mamalu o Ieova, faapei ona ufitia
 15 o le *iliti* tai i le suāsami. Oi talofa
 i le na te faainu i le tasi tagata, o oe
 o lē liligi atu lau mea oona *ia te ia*,
 ua e faaonā foi *ia te ia*, ina ia e vaai
 16 atu i lo latou le lavalavā. E tumu
 oe i le mā e le o le mamalu; ia e
 inu foi oe, ma ia aliali lou le perito-
 meina; e liliu atu ia te oe le ipu a
 le aao taumata o Ieova, e i ai foi
 le puaiiga e faamāina ai i luga o lou
 17 mamalu. Auā e liloia oe i le sauā
na faia i Lepanona, ma le faauma-
 tia o manu e matuā matatau ai i
 latou; ona o le toto o tagata, ma
 le sauā i le nuu, ma le aai, ma i
 18 latou uma o e nonofo ai. Se a ea
 le aoga o le tupua ua ta ina ua taia
 e le na na faia; o le tupua uamea,
 ma le a'oa'o i le pepelo, ina ua faa-
 tuatua le na faia i lana mea na fai,
 ia fai ai e ia tupua e le magagana?
 19 Oi talofa i le na te fai atu i le laau,
 Ala mai ia; ma le maa e le maga-
 gana, Tulai mai ia! E a'oa'o mai
 ea lena mea? Faauiua ia te ia, ua
 ufitia i le auro ma le ario, a e leai
 lava se mānava i totonu ia te ia.
 20 A o Ieova ua i lona malumalu paia
 o ia; ina faalologo ia le lalolagi
 uma i ona luma.

O le tatalo a Sapakuka.

- 3 O LE tatalo a le perofeta o Sa-
 2 pakuka, *na fai* ma pese. Ieova e,
 ua ou faalogo i le tala ia te oe, ua
 ou mata'u ai; Ieova e, ia e toe faa-
 olaolaina lau galuega i ia tausaga, o
 ia tausaga ia e faailoa mai ai; ia e
 3 manatu i le alofa a o e toasa. Na
 afio mai le Paia mai Timanu, *na*
 afio mai foi le Paia mai le mauga o
 Parana. Selā. Sa ufitia le lagi i
 lona pupula, o lona viiga foi sa tu-
 4 mu ai le lalolagi. O le pupula foi
 sa faapei o le la, sa oo mai 'ave ai
 lona aao, sa i ai foi le ufiufi o lona
 5 mana. Sa muamua atu le faamai i
 ona luma, sa mulimuli foi ia te ia le
 6 ma'i vevela Sa tu o ia ma fuafua le
 lalolagi; na ia silasila mai, ma na

faagateteina nuu ese; na faataa-
 peapeaina ai foi mauga o le vavau;
 na faamaualaloina ai mauga iti o le
 vavau; o ona ala ia mai le vavau.
 Na ou iloa fale ie o Kusa ua pua-
 puagatia; na gatete ie puipui o le
 nuu o Mitiana. Na toatamai ea
 Ieova i vaitafe? pe na e toasa ea i
 vaitafe? pe na e maemaea ea i le
 sami, ina ua e tietie i au solofanua
 ma ou nofoa faataavalevale o le
 faaolataga? Na to ese lava le faa-
 moega o lau aufana, o tautoga *na e*
 fetalai mai ai i itu aiga. Selā. Na
 e vaevaea le lalolagi i vaitafe. Na
 10 iloa oe e mauga, ua latou gatete ai;
 ua tafe ane le tafega o vai; na
 gagana mai le moana, ua na sisii
 i luga ona lima. Sa tutū pea le la
 11 *ma* le masina i le mea la te mau ai;
 o le malamalama o au u fanafana
 na latou savavali ai, *ma* le malama-
 lama o lou tao pupula. Sa e afio
 12 atu i le lalolagi ma le toatamai, sa e
 soli nuu ese i lou toasa. Sa e afio
 13 atu e faaola i lou nuu, e faaola i le
 na e faauiua; sa e foa le ulu i le
 fale o lē amio leaga, i lou faataatia
 fua le faavae ia oo i le ua lava.
 Selā. Sa e sosoa le alii sili o ona
 ta'ita'i i ona lava tao; sa latou feo-
 sofi mai pei se afā e faataapeape ia
 te au; sa fai mo latou mitamita le
 faaumatia faalilolilo o le tagata ma-
 tiva. Sa e afio i totonu o le sami
 15 ma au solofanua, *sa e afio* foi i le
 faupuegāvai e tele.

Na ou faalogo ai, ona sapotuvale
 16 ai lea o lo'u manava, sa tete o'u lau-
 gutu i le leo; ua oo mai ai le pala i
 o'u ivi, ua ou tetemu ai lava; a e
 filemu a'u i le aso o le puapuga, pe
 a alu ae o ia i le nuu e sii mai le
 taua ia te i tatou. E ui lava ina le
 17 fuga mai le mati, e leai foi ni fua i
 vine, e iu vale le fua o le olive, e le
 tupu mai foi ni mea e 'ai i le fanua;
 e faaumatia le lasu mamoe i le lotoā
 e leai foi ni povi i le fale povi; a e
 18 peitai a'u, ou te olioli lava ia Ieova,
 ou te fiafia lava i le Atua o lo'u
 faaolataga. O Ieova le Allii, o lo'u
 19 malosi ia, na te faia o'u vae e pei o
 vae o aila, o ia foi ou te savali ai i
 a'u mea mauululuga.

Ma le usu pese i nekina.

TUSI A LE PEROFETA O

SEFANAIA.

O le aaiaga ia Iuta ona o a latou agasala.

1 O LE afiga a Ieova na oo mai ia Sefanaia le atalii o Kusi, o le atalii lea o Ketalia, o le atalii lea o Amaria, o le atalii lea o Esekia, i ona po o Iosia le atalii o Amone le tupu o Iuta.

2 Ua fetalai mai Ieova, Ou te matuā faaumatia mea uma i le fogā-

3 eleele. Ou te faaumatia tagata ma manu vaeafa, ou te faaumatia manu felelei atoa ma i'a o le sami, o mea foi e tausuai ai atoa ma tagata amio leaga, ou te faaumatia foi tagata i le fogāeleele, ua fetalai mai ai Ie-

4 ova. Ou te faaloaloa atu foi lo'u lima i luga o Iuta, ma luga o i latou uma o e nonofo i Ierusalemā, ou te faaumatia foi i lenei mea o toe mea a Paala, o le igoa foi o faitaulaga i

5 tupua faatasi ma ositaulaga; o i latou foi o e ifo i 'au o le lagi i luga o fale; o i latou foi o e ifo ma tauto

6 ia Ieova, a e tauto foi ia Moloka; o i latou foi o e liliu ese ia Ieova, ma e o le saili ia Ieova, pe fesili ia te ia.

7 Ina faalologo ia i luma o le Alii o Ieova, auā ua latalata le aso o Ieova; auā ua sauni e Ieova le taulaga, ua

8 faapaiaina e ia e na ia tala'iina. O le aso o le taulaga a Ieova ou te tau ai i ali i sili ma alo o le tupu, atoa foi ma i latou uma o e

9 oofu i ofu o nuu ese. O lea lava aso ou te tau ai i latou uma lava o e feosofi i le faitotoa, ma faatumu le fale o latou alii i le sau ma le pepelo.

10 O loo fetalai mai Ieova, O lea aso e i ai le leo o le alaga i le faitotoa o i'a, ma le uio i le lua o aai, ma le

11 taalili o le lepetia o mea e tele i mauga. Ina uio ia outou o e mau i

Metesa, auā ua faaumatia le nuu uma o Kanana; ua fasiotia i latou uma o e ave avega o ario. Ona po 12 foi ia ou te suesue ai Ierusalemā i sulu, ona ou tau ai atu lea i tagata o e ua to'a i luga o 'alu o a latou uaina, o loo faapea i o latou loto, E le faia e Ieova se mea lelei, na te le faia foi se mea leaga. E avea foi o 13 latou oloa ma vete, o latou fale foi e avea ia ma mea gaogao; latou te faia fale, a e latou te le mau ai; latou te faia tovine foi, a e latou te le feinu ai uaina. O loo latalata 14 mai le aso tele o Ieova, e lata mai lava, o loo matuā tele vave mai lava, o le taalili o le aso o Ieova; e matuā tagiaue ai le toa. E fai lea aso 15 ma aso o le toasa, o le aso o le puapuga ma le tiga, o le aso o le faatafunaina ma le faagaogaoina, o le aso o le pouliuli ma le pogisa, o le aso o ao ma le faamalumalu, o le 16 aso o le pu ma le pāpā o alaga i le tana, e sii i ari nofo 'olo atoa ma 'olo mauululaga. Ou te faatiga foi 17 i tagata, latou te savavali ai pei o tagata tauaso, auā ua latou agasala atu ia Ieova; e faamaligiina o latou toto pei o le efuefu, e fai o latou 18 tino foi pei o otaota. E le mafai lava i o latou ario ma o latou auro ona laveai ia te i latou i le aso o le toasa o Ieova; a e faaumatia le nuu uma i le afi o lona fuā; auā e matuā faafuasei ona faaumatia e ia o i latou uma o e nonofo i le nuu.

O le apoapoaiaga ia Isaraelu ia latou salamo; o le malaia e oo i nuu ese.

IA outou faapotopoto outou, ina faapotopotoina ia outou, le nuu e le manaomia; manū o lei fanau mai 2 le pule; o loo mavae atu le aso pei o aputi o saito; manū o lei oo mai 2

le toasa tele o Ieova ia te outou ;
 3 manū o lei oo mai ia te outou le
 aso o le toasa o Ieova. Ia outou
 saili ia Ieova, outou uma ua aga-
 malu i le nuu, o e ua faia lana faa-
 masinoga ; ia outou saili le amio-
 tonu, ia outou saili le agamalu,
 4 tonu e lilo ai outou i le aso o le
 toasa o Ieova. Auā e tuulafoaiina
 Kasa, e avea foi Asekelona ma mea
 gaogao ; o Asetota latou te tulia o
 ia i le tutonu o le la, e liaiina foi
 5 Ekerona. Oi talofa i e nonofo i
 nuu tumatafaga, o le nuu o Kereti !
 o loo faasaga ia te outou le afoa a
 Ieova ; Kanana e, le nuu o Filistitia,
 ou te faaumatia oe, e iu ina leai se
 6 nofo ai. E avea foi nuu tu mata-
 faga ma lotoā a manu, ma vaieli o e
 7 leoleo manu, ma lotoā mamoe. E
 avea foi le nuu mo e o totoe o le
 aiga o Iuta, latou te aai ai ; o le afa-
 ai latou te taotoo ai i fale o Ase-
 kelona ; auā e asiasi Ieova lo latou
 Atua ia te i latou ma faafoisia mai
 8 la latou tafeaga. Ua ou, faalogo
 atu i le faifai mai a Moapi, ma le
 faaleaga mai a le fanauga a Amoni,
 ua latou faifai mai ai i lo'u nuu, ma
 latou faamaualuluga mai ai i lo la-
 9 tou tuaoi. O le mea lea, o loo
 faapea mai ai Ieova o 'au le Atua o
 Isaraelu, Ou te ola a'u, e avea lava
 Moapi pei o Sotoma, o le fanauga a
 Amoni foi pei o Komoro, o le mea
 e i ai le vao ogogo, ma lua o masi-
 ma, o le mea gaogao foi e faavavau ;
 o e o totoe o lo'u nuu latou te vetea
 i latou, o e totoe foi o o'u tagata
 latou te fai i latou mo i latou lava.
 10 E oo lea mea ia te i latou ona o lo
 latou faamaualuluga, auā na latou
 faifai ma faamaualuga i le nuu o
 11 Ieova o 'au. E matautia Ieova e i
 latou ; auā na te faaumatia atua
 uma o le lalolagi ; e ifo tagata ia te
 ia taitasi i le mea e nofo ai, o nuu
 tumatafaga uma o nuu ese.
 12 Outou Aitiopie foi e fasiotia outou
 13 i la'u pelu. Na te faaloaloa atu foi
 lona aao i le itu i matu, ma faa-
 umatia Asuria ; e fai foi e ia o Ni-
 neva ma mea gaogao, o le nuu
 14 naumati pei o le vao. E taotoo foi
 i ai lafu o manu vaefa uma o nuu
 ese ; o le kati ma le kifota la te
 momoe i tumutumu o ona pou ; e

tagi le leo o manu i faamalama, e
 gaogao faitotoa ; auā e aliali mea
 ua fai i arasi. O le aai mitamita 15
 lena sa nofo faatalanoa, o le sa faa-
 pea ifo i lona loto, O a'u lava, e
 leai se tasi, na o a'u ; oi ! ua faapea
 ona fai ma mea gaogao ; o le mea e
 taotoo ai manu feai ; e taitasi ma
 uisa o e ui ane ai, e tusi atu ai o
 latou lima.

*O le aoaiga ia Ierusalem ; o le
 manuia atali.*

OI talofa i le aai fouvale ma le 3
 leaga, o le aai saua ! Na ia le faa- 2
 logo i le leo ; na ia le talia le aoaiga ;
 na ia le faatuatua ia Ieova, na ia le 3
 faalatalata atu i lona Atua. O ona
 alii sili i totonu ia te ia o leona fe-
 tagisi i latou ; o ona faamasino o
 luko o le afaai i latou ; ua latou le 4
 paagugu ni ivi i le taeao. O ana
 perofeta o tagata mitamita vale i
 latou ma le faa'ole'ole ; o ana osi-
 taulaga ua latou soli le malumalu,
 ua latou soli le tulafono. O Ieova 5
 le amiotonu o loo i totonu ia te ia,
 e le faia e ia se amioletonu ; o lea
 taeao ma lea taeao na te faamala-
 malama mai ai lana faamasinoga, e
 le aunoa lava ; a o le tagata amiole- 6
 tonu na te le iloa mā. Ua ou faa-
 umatia nuu ese ; ua faatafunaina o
 latou 'olo ; ua ou faagaogaina o
 latou malae, ua leai se ui ai ; ua
 faaumatia a latou aai, ua le i ai se 7
 tagata, ua leai foi se mau ai. Na
 ou fai atu, Tau ina e mata'u mai ia
 te au, ia e talia le aoaiga, ona le
 faaumatia ai lea o le mea e mau ai
 o ia, e le oo foi se mea e tasi ua ou
 faasalaina atu ai ia te ia ; a ua latou
 ala tulai, ua latou fai ia leaga a
 latou mea uma ua fai.

O lenei, ia outou faatalitali ia te 8
 au, o loo fetalai mai ai Ieova, ia oo
 i le aso ou te tulai atu ai i le vete ;
 auā ua tonu ia te au e faapotopto-
 ina nuu ese, e aofia lava malo ; ina
 ia sasaa atu i luga ia i latou lo'u ita,
 o lo'u ita tele uma lava ; auā e
 faaumatia le lalolagi uma i le afa o 9
 lo'u fuā. Auā o cna po ia ou te
 liliu atu ai i nuu o le gagana lelei,
 ina ia latou valaau uma lava i le
 suafa o Ieova, ma auauna ia te ia
 ma le loto gatasi. O i tala atu o 10

- vaitafe o Aitiope e au mai ai le tau-
laga ia te au e o'u tagata o ole mai,
o le afafine lava o o'u tagata ua
11 faasalalauina. O lea aso e te le mā
ai ona o sau amioga e tasi ua e fou-
vale ai ia te au; auā o ona po ia ou
te aveeseina ai i totonu ia te oe o i
latou o ia te oe o e mitamita faa-
maualuga; ona e le toe faamaualuga
12 ai lea i lo'u mauga paia. Ou te
faatotoe i totonu ia te oe o le nuu
agamalu ma le mativa, latou te faa-
tuatua foi i le suafa o Ieova. O e
13 totoe o Isaraelu latou te le faia
amioletonu, latou te le tala pepelo
foi; e le iloa foi i o latou gutu le
laulaufaiva faa'ole'ole; a e latou te
aai, ma taotoo, e leai foi se faamatau
mai.
14 Le tama fafine a Siona e, ia e
pese. Isaraelu e, ia e alaga; le
tama fafine a Ierusalemā e, ia e
fiafia, ma olioli lava ma le loto atoa.
15 Ua faaolaina e Ieova au sala, ua na
aveeseina le na fai oe ma ona fili;
o le Tupu o Isaraelu, o Ieova, o loo
i ai o ia i totonu ia te oe, e te le toe

iloa ai se malaia. O lea aso o le a 16
faapea atu ai i Ierusalemā, Aua e
te fefe; Siona e, aua ne'i vaivai ou
lima. O Ieova lou Atua i totonu 17
ia te oe o lē malosi ia; na te faa-
olaina; e olioli o ia ia te oe ma le
fiafia; o lona alofa e le fetalai ai o
ia; e olioli lava o ia ia te oe ma le
ofa fiafia. Ou te faapotopotoina i 18
latou ua faanoanoa ona o tausa-
miga, (o ou tagata i latou,) ua ma-
fatia i le luma ona o ia. Faaui, o 19
ona po ia ou te faatiga ai ia te i
latou uma o e faasaua ia te oe; ou
te faaolaina foi le ua setusetu, ou te
faapotopotoina foi le ua tulia, ou te
avatu foi ia te i latou le viiga ma le
igoa i nuu uma lava sa faamāina ai
i latou. O ona po ia ou te au mai 20
ai outou, o ona po foi lava ou te
faapotopotoina ai outou; ou te ava-
tu ai lava ia te outou le igoa ma le
viiga i nuu uma o le lalolagi, pe
a ou faafoisia la outou tafeaga, o
outou o vaai i ai, o loo fetalai mai
ai Ieova.

O LE

TUSI A LE PEROFETA O

HAKAI.

*O le faatamala o le nuu, ua le faia
ai le malumalu.*

- 1 O LE lua o tausaga o le tupu o
Tariu, o lona ono o masina, o le aso
muamua o le masina, na au mai ai
le afiga a Ieova e le perofeta o
Hakai ia Serupapelu le atalii o Sa-
latielu, le alii e pule ia Iuta, atoa
ma Iosua le atalii o Iosataka o le
faitaulaga sili, o loo faapea mai,
2 Ua faapea ona fetalai mai o Ieova
o 'au, o loo faapea mai, Ua fai mai
lenei nuu, E lei oo i ona aso, o aso
3 e fai ai le fale o Ieova. Ona au mai
ai lea o le afiga a Ieova e le per-
4 feta o Hakai, o loo faapea, O ona
po nei ca tou te nonofo ai i o outou

fale ua tāpapa, a o lenei fale ua faa-
tafunaina. O lenei, o loo faapea 5
ona fetalai mai o Ieova o 'au, Ia
outou mafaufau i o outou ala. Ua 6
outou totō mea e tele, a e itiiti mea
ua outou au mai ai; ua outou aai, a
e lei maoona ai outou; ua outou
feinu, a e lei malilie ai outou; ua
outou oofu, a e lei mafanafana ai
outou; o le ua galue foi i se tau, e
fai lana tau e fafao i le taga ua
pūpū solo.

O loo faapea ona fetalai mai o 7
Ieova o 'au, Ia outou mafaufau i o
outou ala. Ina o ae ia outou i le 8
mauga, ma outou aumaia laau, ma
outou faia le fale; ona ou fiafia lea
i ai, e viia ai foi au, ua fetalai mai

- 9 ai Ieova. Ua outou faamoemoe i mea e tele, faauta foi, ua itiiti; ua outou aumaia i fale, ona a'u ulafia lea; ai se a? o loo fetalai mai ai Ieova o 'au. Auā o lo'u fale o loo ua faatafunaina lea, a e taitasi outou ma momo'e atu i lona lava fale.
- 10 O le mea lea ua taofia ai e le lagi i o outou luga, ina ne'i *totō mai* ai le sau; o le laueleele foi ua taofi e ia
- 11 ona fua. Ua ou valaau foi i le lā-mala i luga o le eleeele ma luga o mauga, ma luga o le saito, ma luga o le uaina, ma luga o le suāuu, ma luga o mea e tutupu i le eleeele, ma luga o tagata, ma luga o manu vae-fa, ma luga o galuega uma a o outou lima.
- 12 Ona faalogo ai lea o Serupapelu le atalii o Salatielu, ma Iosua le atalii o Iosataka le faitaulaga sili, atoa ma e na totoe uma o le nuu, i le siufofoga o Ieova lo latou Atua, ma upu a le perofeta o Hakai, e tusa ma mea na auina mai ai o ia e Ieova lo latou Atua; ua matataui foi le nuu ia Ieova. Ona fai mai lea o Hakai le sāvali a Ieova i le feau a Ieova i le nuu, ua faapea mai, O loo fetalai mai Ieova, O a'u, ou te ia te outou. Ona lagaina ai lea e Ieova o le loto o Serupapelu le atalii o Salatielu, o le alii e pule ia Iuta, ma le loto o Iosua le atalii o Iosataka le faitaulaga sili, ma loto o e na totoe uma o le nuu; ua latou o mai, ma latou faia le galuega o le
- 15 fale o Ieova o 'au o lo latou Atua, i le aso e luafulu ma le fa, i le onoga masina, i le lua o tausaga o Tariu le tupu.
- Ua faamalosiā le nuu i le galuega o le matumalu.*
- 2 O LE fitu o masina, o le aso e lua sefulu ma le tasi i le masina, na au mai ai le afoga a Ieova e le perofeta o Hakai, o loo faapea mai, Ina e fai atu lava ia Serupapelu le atalii o Salatielu, le alii e pule ia Iuta, ma Iosua le atalii o Iosataka le faitaulaga sili, atoa ma e ua totoe o le nuu, ia faapea atu. O ai ea so outou ua toe, o le na iloa lenei fale i lona muai matagofie? Pe se a lo outou vaai nei i ai? E le ua peiseai ua leai ea i o outou manatu, pe a faatusa ma lena? A o lenei, ia e faamalosi o oe o Serupapelu, ua fetalai mai ai Ieova; ma ia e faamalosi o oe o Iosua le atalii o Iosataka le faitaulaga sili; ma ia faamalolosi outou tagata uma o le nuu, ua fetalai mai ai Ieova, ma ia outou galulue; auā o a'u, ou te ia te outou, ua fetalai mai ai Ieova o 'au. O le feagaiga na ou osia ma outou ina ua o mai outou nai Aikupito, atoa ma lo'u Agaga o loo tumau ia te outou; aua le fefefe outou. Auā o loo faapea ona fetalai mai o Ieova o 'au, E toe tasi, e toe itiiti lava, ona ou luluina ai lea o le lagi, ma le lalolagi, ma le sami, atoa ma le eleeele matutu. Ou te luluina foi nuu uma; ona oo mai ai lea o mea ua manaomia e nuu uma; ou te faatumuina foi lenei fale i le pupula, ua fetalai mai ai Ieova o 'au. O loo ia te au le ario, o loo ia te au foi le auro, ua fetalai mai ai Ieova o 'au. E sili le mamalu e lenei fale ua mulimuli i le na muamua, ua fetalai mai ai Ieova o 'au; ou te avatu foi le manuia i le mea nei, ua fetalai mai ai Ieova o 'au.
- O le aso e luafulu ma le fa, o le ivaga masina o le lua o tausaga o Tariu, na au mai ai le afoga a Ieova e le perofeta o Hakai, o loo faapea mai, Ua faapea ona fetalai mai o Ieova o 'au, E sili ia i faitaulaga i le tulafono, ia faapea, Afai e ave e se tasi se tufaaga paia i lona pito ofu, ona pai atu lea o lona pito ofu i se areto, po o se mea ua tunua, po o se uaina, po o se suāuu, po o se tasi mea e 'aina, pe faapaiaina ai ea ia mea? Ona tali mai lea o faitaulaga, ua faapea mai, E leai. Ona fai atu lea o Hakai, Afai ua pai atu le ua leaga i le tagata oti i se mea o ia mea, pe leaga ai ea ia mea? Ona tali mai lea o faitaulaga, ua faapea, E leaga ai. Ona tali atu lea o Hakai, ua faapea atu, Ua faapena nei tagata, ua faapena foi lenei nuu i o'u luma, o loo fetalai mai ai Ieova; ua faapena foi mea uma ua faia e o latou lima, o mea foi ua latou avatua iina ua leaga lava ia.
- O lenei foi, ia mafaufau lava outou, ia afua mai i lenei lava aso e oo i aso ua tuanai, a o lei faaetia se

13 maa i luga o le tasi maa i le malu-
malu o Ieova; e afua mai i ia ona
po, na alu ane ai le tagata i le faa-
putugāsaito, o fuataga e luafulu, a
ua i ai na o le sefulu; na alu ane le
tagata i le tuugāuaina e asu ai tumu
e limagafulu ai le tuugāuaina, a ua
17 i ai na o le luafulu. Na ou taia
outou i le mamac, ma le polopologa,
ma le uato'a, i galuega uma a outou
lima; a ua outou le foi mai ia te
18 au, ua fetalai mai ai Ieova. Sefi
mafaufau lava outou, ia afua mai i
lenei lava aso, e oo i aso ua tuanai, o
le aso e luafulu ma le fa i le ivaga
masina, talu le aso na faavaeina ai
le malumalu o Ieova; ina outou
19 mafaufau ia. E i ai pea ea le saito
i le fale saito? Ua oo foi i lenei aso
ua le fua mai le vine, ma le mati, ma
le rimoni, ma le olive; e amata mai

i lenei lava aso ona ou faamanuia ia
te outou.

Ua oo mai foi le afiga a Ieova, o 20
le atu lua lea, ia Hakai i le aso e
luafulu ma le fa o le masina, o loo
faapea mai, Fai atu ia Serupapelu 21
le alii e pule ia Iuta, ia faapea atu,
Ou te luluina le lagi ma le lalolagi;
ou te fulisia le nofoalii o malo; ou 22
te faaumatia foi le malosi o malo o
nuu ese; ou te fulisia foi kariota ma
ē tietie ai; e pauu solofanua ma ē
tietie ai, e fegaseai i latou i a latou
pelu. Ua fetalai mai Ieova o 'au, O 23
lea lava aso ou te avea ai oe la'u
auauna o Serupapelu le atalii o
Salatielu, ua fetalai mai ai Ieova;
ou te faia oe e pei se faamaufaa-
iloga; auā ua ou filifilia oe, ua feta-
lai mai ai Ieova o a'u.

O LE

TUSI A LE PEROFETA O

SAKARIA.

O mea nā vaaia e Sakaria.

1 O LE valuga masina, o le lua o
tausaga o Tariu, na tūlei mai ai le
afiga a Ieova ia Sakaria le perofeta
le atalii o Parakaio, o le atalii ia o
2 Ito, o loo faapea mai, Sa matuā
3 toasa Ieova i o outou tamā. E te
fai atu foi ia te i latou, O loo faapea
ona fetalai mai o Ieova o 'au, Ia
outou foi mai ia te au, ua fetalai
mai ai Ieova o 'au; ona ou foi atu
lea ia te outou, ua fetalai mai ai
4 Ieova o 'au. Aua tou te faapei o
outou tamā, o e na valaauina e perofeta
anamua, na faapea, O loo faapea
ona fetalai mai o Ieova o 'au,
Ina foi mai ia i o outou ala leaga,
ma a outou galuega leaga; a e lei
faalogo mai i latou, ma lei uai mai o
latou taliga ia te au, ua fetalai mai
5 ai Ieova. O outou tamā po o fea o
i ai i latou? o le au perofeta foi, e
6 faavavau ea ona ola o i latou? A e

peitai o a'u upu ma a'u tulafono, na
ou poloai atu ai i a'u auuina le au
perofeta, na le maua atu ai ea o
outou tamā? ona latou foi mai ai
lea, ma latou fai mai, E pei ona
finagalo o Ieova o 'au, e fai ia te i
matou, e tusa ma o matou ala ina o
matou galuega, ua faapea lava ona
faia e ia ia te i matou.

O le aso e luafulu ma le fa, o le 7
masina e sefulu ma le tasi, o le ma-
sina o Sapata lea, o le tausaga e lua
o Tariu, na tūlei mai ai le afiga a
Ieova ia Sakaria le perofeta le atalii
o Parakaio, o le atalii ia o Ito, o loo
faapea mai, Na ou vaai i le po; 8
faauta foi, o le tagata o loo tietie i
le solofanua mūmū, o loo tu foi o ia
i le ulu atasi, i le paolo; o loo i ona
tua foi o solofanua mūmū ma e eefu,
ma e sisina. Ona ou fai atu lea, Le 9
alii e, o a ea nei mea? Ua fai mai
ia te au le agelu na ma tautala, Ou
te faailoa ia te oe le uiga o nei mea

- 10 Ona tali mai lea o le tagata sa tu i le ulu atasi, ua faapea mai, O i latou ia ua auina e Ieova e feoai i le
11 lalolagi. Ona tali mai lea o i latou i le agelu a Ieova, sa tu i le ulu atasi, ua faapea mai, Ua matou feoai lava i le lalolagi; faauta foi, o loo nofonofo le lalolagi uma, ua fililemu
12 lava. Ona fai atu lea o le agelu a Ieova, ua faapea atu, Ieova o 'au e, se'i afea ona e le alofa ia Ierusalem ma aai o Iuta, ua e toasa i ai i ia
13 tausaga e fitugafulu? Ua tali mai Ieova i le agelu na ma tautala, i upu lelei ma upu faamafanafana.
14 Ua fai mai foi ia te au le agelu na ma tautala, Ia e alaga, ia faapea atu, O loo faapea ona fetalai mai o Ieova o 'au, Ua ou maelega ona o Ierusalem ma Siona i le maelega
15 tele. Ua ou matua ita lava i nuu ese o e nofonofo faafililemu; auā na itiiti lo'u ita, a o i latou, ua latou faateleina le malaia. O le mea lea,
16 o loo faapea ona fetalai mai ai o Ieova, Ua ou foi atu i Ierusalem ma le alofa; e fai ai lo'u fale, ua fetalai mai ai Ieova o 'au; e faataotoina foi le fua i luga o Ierusalem.
17 Ia e toe alaga, ia faapea atu, O loo faapea ona fetalai mai o Ieova o 'au, E toe oso i tua o'u aai ona o le manu'a; e toe faamafanafana Ieova ia Siona, na te toe filifili foi ia Ierusalem.
18 Ua ou tepa ae foi i luga, ua ou
19 vaai, faauta, o nifo e fa. Ona ou fai atu lea i le agelu na ma tautala, O a ea ia mea? Ua fai mai o ia ia te au, O mea ia, o nifo na faataapeapeina ai Iuta, ma Israelu, ma
20 Ierusalem. Ua faaali mai foi e Ieova ia te au o tufuga e toafa.
21 Ona ou fai atu lea, Ua o mai i latou na e fai i ni a? Ua tali mai o ia, ua faapea mai, O nifo ia na faataapeapeina ai Iuta, ua oo ina leai se tasi na ea i luga lona ulu; a ua o mai i latou nei e faamatau ia te i latou, e lafo i lalo nifo o nuu ese, e na sii i luga lo latou nifo i le lauelele o Iuta e faataapeapeina ai.

Ua fuatia Ierusalem. Ua faaolaina Siona.

- 2 UA ou tepa ae foi i luga, ua ou vaai, faauta, o le tagata ma le maea

e fua a'i i lona lima. Ona ou fai atu ai lea, Po o fea e te alu i ai? Ua fai mai o ia ia te au, *Ou te alu, ou te fuatia Ierusalem*, ia iloa pe faapefea lona lautele, pe faapefea foi lona umi. Faauta foi, ua alu atu le agelu na ma tautala; o le tasi agelu foi ua alu ane e faafetai ai ia te ia. Ua ia fai ane ia te ia, Momo'e ia, ina fai atu i lona taulealea, ia faapea atu, E āina Ierusalem e oo i faoa aai, ona o le tele o tagata ma manu e i ai. O a'u foi, ua fetalai mai Ieova, e fai a'u ma pa a'i e siosio a'i, e fai foi a'u ma pupula i totonu ia te ia. Sole e! sole e! sosola mai ia outou, ai le nuu i le itu i matu, ua fetalai mai ai Ieova; auā na ou faataapeape ia te outou, e pei o matāmatagi e fa, ua fetalai mai ai Ieova. E! Siona e, ia e laveai oe ia te oe, o lē nofo faatasi ma le tama fafine a Pape-lonia. Auā o loo faapea ona fetalai mai o Ieova o 'au, E mulimui ane i le mamalu, ua ia auina mai o a'u i nuu ese na vetea a outou mea; auā o lē pai atu ia te outou, ua pāia e ia le tamatamai mata o lona fofoga. Auā faauta, ou te siisii atu lo'u lima i luga ia te i latou; e fai foi i latou ma vete i o latou pologa; ona outou iloa lea, ua auina mai a'u e Ieova o 'au. Le tama fafine a Siona e, ia e alaga, ma ia olioli; auā faauta, ou te alu atu, ma ou nofo i totonu ia te oe, ua fetalai mai ai Ieova. E faapoopoina atu nuu ese e tele ia Ieova i lea aso; e fai i latou mo'u nuu, ou te nofo foi i totonu ia te oe; ona e iloa ai lea ua auina a'u ia te oe e Ieova o 'au. E maua e Ieova o Iuta, o lona tofi i le lauelele paia; e toe filifilia foi e ia o Ierusalem. Faalologo ia o tagata uma i luma o Ieova; auā ua tulai mai o ia nai lona malumalu paia.

O Iosua. O le La laau.

UA ia faaali mai foi ia te au o Iosua le faitaulaga sili, o loo tu i luma o le agelu a Ieova; o Satani foi, o loo tu o ia i lona itu taumatau e tetea atu ia te ia. Ona fetalai atu lea o Ieova ia Satani, Ia aoai atu Ieova ia te oe Satani, ia aoai atu ia te oe Ieova, o le ua filifili i Ierusa-

lema; e le o le motumotu ea lenei
 3 na seia mai le aſi? Ua ofu Iosua i
 ofu eleelea; ua tu foi o ia i luma o
 4 le agelu. Ua ia tali atu, ma fetalai
 atu i e na tutū mai i ona luma, o loo
 faapea, Ave ese ia o ofu eleelea ua
 ofu ai o ia. Ua ia fetalai atu foi ia
 te ia, Faauta, ua ou aveesea au
 amioletonu i ou luga; ou te faaofu
 5 foi ia te oe i le ofu matagofie. Ona
 ou fai atu lea, Ia latou faaee le pu-
 lou lelei i luga o lona ulu. Ona
 latou faaee ai lea o le pulou lelei
 i lona ulu, ma faaofu ia te ia i ofu;
 o loo tu mai foi le agelu a Ieova.
 6 Ua matuā fai atu le agelu a Ieova
 7 ia Iosua, o loo faapea, O loo faapea
 ona fetalai mai o Ieova o 'au, Afai
 e te savali i o'u ala, afai foi e te ta-
 usiusi i a'u sauniga, ona e faamasino
 ai lea i lo'u fale, ma e leoleo i o'u
 lotoā; ou te tuu atu foi ia te oe
 ta'ita'i mai ia te i latou nei o e tutū
 8 mai. Ia e faalogo mai Iosua e, le
 faifaulaga sili, o oe atoa ma e ua ia
 te oe, o e nonofo i ou luma; auā e
 fai ma faailoga nei tagata; faauta
 foi, ou te aumaia la'u auauna o le
 9 LA LAU. Auā faauta, o le maa na
 ou tuuina atu i luma o Iosua, e i le
 maa e tasi mata e fitu; faauta, ou
 te togitogi i ai ona togitogiga, ua
 fetalai mai ai Ieova o 'au; ma ou
 ave ese le amioletonu a le nuu nei i
 10 le aso e tasi. Ua fetalai mai Ieova
 o 'au, O lea aso tou te taitasi ai ma
 valaaui i lana uo i lalo o le vine ma
 lalo o le mati.

*O le tuugālamēpa auro, ma olive e
 lua.*

4 Ua foi mai le agelu na ma tau-
 tala, ua ia fafagu mai ia te au, e
 pei o le tagata ua fagua na moe.
 2 Ona fai mai lea o ia ia te au, O le a
 ea ua e vaaia? Ona ou fai atu lea,
 Ua, ou iloa, faauta, o le lāmepa ua
 auro atoatoa, ma lona tuugāsuānuu i
 ona luga, mona tuugālamēpa e fitu
 i ona luga, ma ala e taifitu i tuugā-
 3 lamēpa o loo i ona luga; ma olive e
 lua i ona tafatafa, o le tasi i le itu
 taumatau o le tuugāsuānuu, ma le
 4 tasi i lona itu tauagavale. Ua ou
 toe fai atu i le agelu na ma tautala,
 ua faapea atu, Le alii e, o a ea ia
 5 mea? Ona tali mai lea o le agelu

na ma tautala, ua faapea mai ia te
 au, E te le iloa ea po o a mea nei?
 Ona ou fai atu lea, Le alii e, *ou te le*
 6 *iloa*. Ua tali mai o ia, ua fai mai
 ia te au, o loo faapea mai, O le
 aſioga lenei a Ieova ia Serupapelu,
 o loo faapea mai, E le o le fitaſita,
 e le o le malosi, a o lo'u Agaga, ua
 fetalai mai ai Ieova o 'au. O ai ea
 7 oe le mauga tele e? e faalaugatasia
 oe i luma o Serupapelu; na te au-
 maia foi le maa *tulimani* aupitoa-
 luga, o loo alalaga, Le alofa tunoa
 e! ia ia te ia le alofa tunoa. Ua oo
 8 mai foi ia te au le aſioga a Ieova, o
 loo faapea mai, O lima o Serupapelu
 na faavaina ai le fale nei, o ona
 lima foi e faauma a'i; e te iloa ai
 foi, ua auina mai a'u ia te outou e
 Ieova o 'au. Auā po o ai ea ua
 10 'ino'ino i le aso o mea iti? Latou
 te ſiaſia ina ua latou vaai i le fua faa-
 tautau i le lima o Serupapelu; o i
 latou nei e fitu, o ſofoa o Ieova i
 latou, o ſetauſetuliai i le lalolagi
 uma. Ua ou fai atu foi ia te ia, o
 11 loo faapea, O a ea na olive e lua i
 le itu taumatau o le lāmepa, ma
 lona itu tauagavale? Ona ou fai
 12 atu faalua lea ia te ia, o loo faapea
 atu, O a ea magāolive e lua, o loo
 liligi nai ia te i laua lava le *uu* auro
 i ala auro e lua? Ona fai mai lea
 13 o ia ia te au, o loo faapea mai, E te
 le iloa ea po o a ia mea? Ona ou
 fai atu lea, Le alii e, *ou te le iloa*.
 Ona fai mai lea o ia. O tagata
 14 faauuina i laua nei, o loo tutū i
 luma o le Alii o le lalolagi uma.

O le tusi ua lele, ma le eſa.

ONA ou toe tepa ae lea ma ou
 5 iloa, faauta, o le tusi taai ua lele.
 Ua ia fai mai ia te au, O le a ea ua
 2 e iloa? Ona ou fai atu lea, Ua ou
 iloa le tusi taai ua lele; o lona umi,
 o kupita e luafulu, o lona lau e
 ſefulu kupita ia. Ua fai mai o ia
 3 ia te au, O le faafano lenei o le a
 alu atu i le fogāelele uma lava;
 auā e taitasi uma o e gaui ma taſia
 o ia ai lenei mea, e pei o *le tusi*; e
 taitasi uma foi o e tauto ma taſia
 o ia ai le mea nei, e pei e *le tusi*. Ua
 4 fetalai mai Ieova o 'au, Ou te au-
 maia; e oo atu lava ia i le fale o le
 gaui, ma le fale o le ua tauto pepelo

i lo'u igoa; e tumau ai i totonu o lona fale, ma faaumatia ai ona laau ma ona maa.

- 5 Ua alu ane foi le agelu na ma tautala, ua fai mai o ia ia te au, Ia e tepa i luga, ma e vaai, po o le a
6 lena o loo alu atu. Ua ou fai atu, O le a lena? Ua fai mai o ia, O le efa lena o loo alu atu; ua fai mai foi o ia, O lona tino mai lena i le
7 nuu uma. Faauta foi, o le taleni o pulu ua siitia; o le fafine foi lenei o loo nofo i totonu o le efa. Ua ia
8 fai mai foi, O le amio leaga lenei; ona ia lafotuina lea o ia i totonu o le efa, ma na lafo le fua pulu i le gutu o le efa.

- 9 Ua ou tepa foi i luga, ona ou iloa lea, faauta, o fafine e toalua na o atu; ua i ai foi le matagi i o la apaau; auā sa ia te i laua o apaau, pei o apaau o le kasita; ua la siitia le efa i le va o le lalolagi ma le
10 lagi. Ona ou fai atu lea i le agelu na ma tautala, Po o fea la te ave i ai le efa? Ona fai mai lea o ia ia te au, *O le a ave* ina ia fai se fale mōna i le nuu o Senara; e faatu ai, ma faamau ai i lona lava taele.

O kariota. O palealii o Iosua.

- 6 ONA ou toe tepa ae lea, ma ou iloa, faauta, o kariota e fa, ua o atu nai le va o mauga e lua; o mauga
2 foi, o mauga 'apa memea ia. O i le kariota muamua o solofanua mūmū: o i le lua o kariota o solofanua uliuli; o i le tolu o kariota o solofanua
3 sisina; o i le fa o kariota o solofanua pulepule e malolosi. Ona ou
4 fai atu lea, ua faapea atu i le agelu na ma tautala, Le alii e, o a ea ia mea? Ona tali mai lea o le agelu,
5 ua fai mai ia te au, O i latou ia o agaga e toafa o le lagi, ua o atu sa tutū i luma o le Alii o le lalolagi
6 uma. O le ua i ai solofanua uliuli e alu atu ia i le nuu i le itu i matu; ma ē sisina e mulimuli atu i ai; a o
7 e pulepule e o atu ia i le nuu i le itu i toga. Ua o atu foi ē malolosi, ua fia o ina ia feoai i le lalolagi.
8 Ua ia fai atu foi, O ia, ina feoai i le lalolagi. Ona feoai lea o i latou i le lalolagi. Ona ia valaau mai lea ia te au, ma tautala mai ia te au, o loo faapea mai, Vaai ia i e ua o atu i le

nuu i le itu i matu; ua maona ai lo'u loto i le nuu i le itu i matu.

- Ua tūlei mai foi le afiga a Ieova 9
ia te au, o loo faapea mai; Ave ia 10
nisi o i latou nai le tafeaga o sa Heletai o sa Toviā, atoa ma o sa Itaiā; o i latou ia na o mai i Pape-lonia; e te alu lava oe i lea aso, e te ulu atu i le fale o Iosia le atalii o Sefanaia; e te avatu foi ario ma 11
auro, ma ia e fai a'i pale, ma faaee ai i le ulu o Iosua le atalii o Iosataka le faitaulaga sili. E te fai atu 12
foi ia te ia, ia faapea, Ua faapea ona fetalai mai o Ieova o 'au, o loo faapea mai, Faauta, o le tagata o le LA LAU lona igoa; e tupu ae o ia ai le mea e pogai mai ai; e faia foi e ia le malumalu o Ieova; o ia 13
lava na te faia le malumalu o Ieova; e ia te ia foi le mamalu, e tietie foi o ia ma pule i luga o lona nofoālii e fai foi o ia ma faitaulaga i luga o lona nofoālii; e i ai foi le pule o le manuia ia te i laua. E i 14
ai foi ia pale mo Elemi, ma Tovia, ma Itaiā, ma Heni le atalii o Sefanaia, e fai ma faamanatuga i le malumalu o Ieova. O e mamao foi 15
latou te o mai e fai le malumalu o Ieova; ona iloa ai lea e outou, ua auina mai a'u ia te outou e Ieova o 'au; e oo foi lenei, pe afai tou te matuā faalogo i le siufofoga o Ieova lo outou Atua.

O anapogi o le nuu; o a latou agasala ua tiga ai i latou.

- O LE tausaga e fa o Tariu le 7
tupu, ua tūlei mai ai le afiga a Ieova ia Sakaria i le aso e fa, i le iva o masina, o Kiselu lea. Ua 2
auina atu o Peteli o Saresa, ma Rekemeleki, ma ona tagata e faalau-lelei i le finagalo o Ieova; o loo fai 3
mai i faitaulaga e ua i ai i le fale e Ieova o 'au, atoa ma perofeta, o loo faapea mai, Ou te tagi ea i le masina e lima, ma ou nofo ese, pei ona ou faia i ia tausaga ua tele? Ona 4
oo mai lea o le afiga a Ieova o 'au ia te au, o loo faapea mai, Fai atu i tagata uma o le nuu, atoa ma faitaulaga, ia faapea atu, Na outou anapogi ma fetagisi i le lima ma le fitu o masina i ia tausaga e fitugafulu, na outou anapogi ai ea ia te 5

6 au? na outou aai foi, ma outou
feinu, e le o outou lava ea sa aai, o
7 outou foi sa feinu? E le o upu ea
ia sa valaau ai Ieova i perofeta ana-
mua, ina o āina o Ierusalemā ma ua
manuia, mōna aai ua vagavagai i ai,
ma le itu i toga ma le itu maualalo
sa āina ia.

8 Ua tūlei mai foi le afiga a Ieova
9 ia Sakaria, o loo faapea, Ua faapea
ona fetalai mai o Ieova o 'au, o loo
faapea mai, Ia faamasino i le faa-
masinoga tonu, ma ia agalelei ma
10 alofa o le tasi i le tasi; aua le faa-
saa i fafine ua oti a latou tane ma
e ua mātua-oti, o le tagata ese ma
le ua mativa; aua foi le manatu-
natu i o outou loto i se mea leaga e
11 fai e le tasi i le tasi. A ua latou le
mafafai ona uai mai o *latou taliga*,
ma ua liu tua mai i latou ma le
finau vale; ma o latou taliga ua
faatulituli ia ina ia latou le faalogo.
12 Ua latou faia foi o latou loto mā
samira, ina ia le faalogo i latou i le
tulafono ma afiga na auina mai ai
e Ieova o 'au e lona Agaga i pero-
feta anamua; o lea na tele ai le
13 toasa mai ia Ieova o 'au. O lenei,
e pei ona valaau o ia, a e lei faa-
logologo mai i latou; e faapea foi
ona valaau o i latou, a e ou te lei
faalogo i ai, ua fetalai mai ai Ieova
14 o 'au. Na a'u faataapeape ia te i
latou i nuu uma na latou le iloa; sa
tuufua le nuu i o latou tua, ua le
fealuai ai se tasi; na faia e i latou
le nuu matagofie ma mea tuufua.

O le toe manuia o Ierusalemā.

8 UA oo mai foi le afiga a Ieova o
2 'au, o loo faapea mai, O loo faapea
ona fetalai mai o Ieova o 'au, Na
ou maelega ia Siona ma le maelega
tele; na ou maelega foi ia te ia ma
3 le ita tele. O loo faapea ona feta-
lai mai o Ieova, Ua ou foi atu i
Siona, ou te mau foi i totonu o
Ierusalemā; e igoa Ierusalemā, O
le aai e faamaoni; o le mauga foi
o Ieova o 'au, e *igoa lea*, O le mauga
4 paia. O loo faapea ona fetalai mai
o Ieova o 'au, E toe nonofo toaina
ma loomatutua i malae o Ierusa-
lema; o le tagata foi ma lona toc-
too i lona lima ona o le tele o *latou*
5 tausaga. E tutumu foi malae o le

aai i tama iti ma teine iti o loo taa-
alo i ona malae. O loo faapea ona
6 fetalai mai o Ieova o 'au, E ui lava
ina faigata i le manatu o e ua totoo
o lenei nuu i ia ona aso, pe faigata
ea foi i lo'u manatu? ua fetalai mai
ai Ieova o 'au. O loo faapea ona
7 fetalai mai o Ieova o 'au Faauta, ou
te faaola i lo'u nuu nai le nuu e alu
ae ai le la, ma le nuu e alu ifo ai.
8 Ou te au mai na i latou, latou te
nonofo ai i totonu o Ierusalemā; e
fai foi i latou mo'u nuu, e fai foi
a'u mo latou Atua i le faamaoni ma
le amiotonu.

O loo faapea ona fetalai mai o
9 Ieova o 'au, Ia malolosi o outou
lima o e faalogologo mai i nei ona
po i upu nei i fofoga o perofeta, o
na i ai i ona aso na faavaeina ai le
fale o Ieova o 'au, o le malumalu,
ina ia faia; auā a o lei oo i ia ona
10 aso sa lei se tau i le tagata, po o
se tau i le manu; e lei foi se
filemu i le na fealuai, ona o le na
ita mai; na ou faacso foi i tagata
uma ia feteenai i latou. A o nei
11 ona po, ou te le pei o aso anamua i
e ua totoo i le nuu nei, ua fetalai
mai ai Ieova o 'au. Auā e i ai le
12 fua o le toalemu; e fua mai e le
vine i ona lava fua, e fua mai foi le
laueleele i ona lava fua, o le lagi
foi e totō ifo ai lona sau; ou te
avatua foi ia mea uma i e ua totoo
o lenei nuu e fai mā latou. E pei
13 ona fai outou ma fetuu i nuu ese, o
oe le aiga o Iuta, ma oe le aiga o
Israelu, e faapea ona ou faola ia
te outou, e fai ai outou ma faama-
nuia; aua le fefefe; ia malolosi o
outou lima. Auā o loo faapea ona
14 fetalai mai o Ieova o 'au, E pei ona
ou manatu e faatiga ia te outou, ina
ua faaonoono mai o outou tamā ia
te au, ua fetalai mai ai Ieova o 'au,
ma ou lei salamo ai; e faapea ona
15 ou toe manatu i nei ona aso e aga-
lelei atu ia Ierusalemā ma le aiga o
Iuta; aua tou te matatau. O mea
16 nei tou te faia, Ia outou tautala i
upu moni o le tasi i le tasi, ma ia
faamasino i le faamaoni ma le faa-
masinoga e lelei ai i o outou faito-
toa. Aua le manatunatu i o outou
17 loto i se mea leaga e *fai* e le tasi i
le tasi; aua foi le fiafia i le tauto

- pepelo; auā o mea uma ia ou te
 18 'ino'ino i ai, ua fetalai mai ai Ieova.
 19 Ua oo mai foi le afoa a Ieova o
 'au ia te au, o loo faapea mai, O loo
 faapea ona fetalai mai o Ieova o 'au,
 O le anapogi i le *masina* e fa, ma le
 anapogi i le *masina* e lima, ma le
 anapogi i le *masina* e fitu, ma le
 anapogi i le *masina* e sefulu, e fai
 ma fiafia ia, ma olioli, ma aso o tau-
 samiga lelei i le aiga o Iuta; a ia
 outou fiafia i le upu moni ma le
 20 manuia. O loo faapea ona fetalai
 mai o Ieova o 'au, E toe o mai nuu
 21 ma tagata o aai e tele; e o atu ta-
 gata o le tasi *aai* i le tasi *aai*, o loo
 faapea, O mai ia, ina tatou o e faa-
 laulelei i le finagalo o Ieova, ma
 saili ia Ieova o 'au; ou te alu foi
 22 a'u. E o mai foi nuu e tele, ma
 nuu malolosi e saili ia Ieova o 'au
 i Ierusalemā, e faalaulelei foi i le
 23 finagalo o Ieova. O loo faapea ona
 fetalai mai o Ieova o 'au, O ia ona
 aso e tago atu ai tagata e toatinoā-
 gafulu ai gagana uma o nuu ese;
 latou te tago atu lava i le pito *ofu*
 o le sa Iutā ma faapea atu, Tatou
 te o ma outou; auā ua matou faa-
 logo, o loo ia te outou le Atua.
O le malii mai o le tupu i Siona.
 9 O LE avega o le afoa a Ieova i
 le nuu o Hataraka, a o Tamaseko o
 lona malologa; auā e *uai* atu ia
 Ieova o mata o tagata, mai itu aiga
 2 uma o Isaraelu. O Amato foi o
 loo tuaci ai; o Turo ma Saitonu e
 3 ui lava ona sili lona potu. Ua faia
 foi o Turo le 'olo mōna, ma ua faa-
 faupue le ario e pei o le efu, ma le
 4 auro e pei o le elelee i fafo. Faauta,
 e tulia o ia e le Alii; na te taia foi
 lona malosi ia *pau* i le sami; e faa-
 5 umatia foi o ia i le afi. E vaai atu
 i ai Asekelona, ona mata'u ai lea; o
 Kasa foi e *vaai i ai o ia*, ona tiga
 tele ai lea, atoa ma Ekerona; auā
 ua faamāina lona faatuatuaga, e
 fancia foi le tupu o Kasa, ma Ase-
 6 kelona e le āina ia. E mau le tagata
 ese i Asetota; ou te faaumatia foi
 7 le matagofie o Filisitia. Ou te ave-
 esea lona toto ai lona gutu, atoa ma
 ana mea e inosia nai le va o ona
 nifo; e faatoeina foi o ia lava mo lo
 tatou Atua; e fai o ia e pei se alii
 ia Iuta, a o Ekerona e pei o le sa
 Iepusē o ia. Ou te to lauapi i lo'u
 8 fale e *sioma'i* ona o le itu tana, i lo
 latou alu atu ma lo latou foi mai; e
 le toe alu atu lave lē faasau ia te i
 latou; auā o lenei, ua vaavaai o'u
 lava mata.
 Ia e matuā fiafia o oe le tama
 9 fafine a Siona; ia alaga fiafia o oe
 le tama fafine a Ierusalemā; faa-
 uta, o le a alu atu lou Tupu ia te
 oe; o ia o le amiotouu ma le faaola;
 e agamalu o ia, o loo tietie i le asini,
 o le tamai asini foi. Ou te faauma-
 10 tia le kariota i Efaraima, ma le
 solofanua i Ierusalemā, e faaumatia
 foi le aufana o le tana; na te tau-
 tala foi i le leleiga i nuu ese; o lana
 pule e pau mai i le sami e oo atu i
 le sami, e pau mai i le vaiata e oo
 i tuluiga o le lalolagi. O oe foi, ona
 11 o le toto o lau feagaiga, ou te tuu
 atu ai ou tagata ua noanoa e o ese
 i le lua e le i ai se vai. Ina foi mai
 12 ia i le 'olo, outou ua noanoa ua i ai
 le faamoemoe; o lenei lava aso ou
 te ta'utino atu, ou te toe avatu faa-
 lua ia te oe. Auā ua ou lo'u ia Iuta
 13 mo a'u; ua ou tuu Efaraima i le *fu'a*
 o le aufana; ou te faaso atu foi i
 ou tagata Siona e, e tetea atu i ou
 tagata Iavana e; ou te faia foi oe
 peiseai se pelu a se toa. E vaaiā
 14 Ieova i o latou luga; e alu atu lana
 u e pei o le uila; e ili mai le pu e
 le Alii o Ieova; e alu atu foi ia i
 afā o le itu i toga. O Ieova o 'au, o
 15 ia na te faamamalu ia te i latou;
 latou te aai, ma soli i lalo i maa o
 le maatā; latou te feinu, latou te
 pisapisaō pei o e *inu* uaina; e faa-
 tumuina i latou, pei o se ipu, pei o
 tulimanu o le fata faitaulaga. E
 16 faaolaina i latou e Ieova lo latou
 Atua i lena aso; e pei o le lafu
 mamoe lona nuu; auā e *fai i latou*
 ma maa o le palealii; o loo siitia i
 luga i latou i lona laueleele. Auā
 17 ua tele naua lona lelei, e tele naua
 lona matagofie; e faamalosiā tau-
 lelea i le saito, ma taupou e *faa-*
malosiā ia i le uaina.
E toe faaolaina lona nuu e le Atua.
 OLE atu ia outou ia Ieova, ina
 10 ia ua i ona po o le uaga mulimuli;
 e faia e Ieova uila, ma foaiina atu

timuga tetele ia te i latou, o mutia
 2 o le fanua ia te i latou uma. Auā
 ua tautala tupua i mea le aoga, ma
 e fai togafiti faataulāitu ua latou
 vaaia le pepelo, ma latou tala mai
 miti pepelo, ma latou faamafana-
 fana fua; o le mea lea ua o ese ai i
 3 latou pei o mamoe sa tigaina ina ua
 leai se leoleo. Na tupu lo'u ita i le
 au leoleo mamoe; ou te tau i atu foi
 i 'oti poa; auā ua asiasi mai Ieova
 o 'au i lona lafu o le aiga o Iuta; e
 faia foi i latou e ia pei o lana solo-
 4 fanua matagofie i le taua. Mai ia te
 ia le tulimanu, mai ia te ia le fao,
 mai ia te ia le aufana o le taua, mai
 ia te ia foi e o atu ai faipule uma
 5 faatasi. Latou te pei o toa, o loo
 soli i le palapala i fafo i le taua;
 latou te tau foi, auā e ia te i latou
 Ieova; a e faamāina ē tietie i solo-
 6 fanua. Ou te faamallosia le aiga o
 Iuta, ma le aiga o Iosefa ou le faa-
 olaina lea; ou te faanofomauina foi
 i latou, auā ua ou alofa mutimuti-
 vale i ai; e avea i latou, e peiseai
 na ou le lafoaiina i latou; auā o a'u
 o Ieova lo latou Atua, ou te talia i
 7 latou. E pei o le fitafita sa Efara-
 imā, e fiasia foi o latou loto, e pei o
 e imi uaina; e vaai i ai a latou fanau
 ma latou fiasia, e olioli lava o latou
 8 loto ia Ieova. Ou te mapumapu
 atu ia te i latou, ma ou faapotopoto-
 ina i latou; auā ua ou faatauina i
 latou; e faatoateleina foi i latou, e
 pei ona faatoateleina i latou ana-
 9 mau; ma ou totōina i latou i nuu;
 a e manatua a'u e i latou i mea
 mamao; latou te ola foi faatasi ma
 a latou fanau, ma latou toe foi mai.
 10 Ou te faafaisia mai i latou nai le
 nuu o Aikupito, ma ou faapotopoto-
 ina i latou mai Asuria; ou te aumaia
 i latou i le nuu o Kiliata ma Lepa-
 nona, e le maua foi se mea latou te
 11 nonofo ai. Na te ui ane i le sami
 ma le puapuaga; na te taia foi peau
 o le sami; e faapa'umatuina mea
 loloto uma i le vaitafe; e faamau-
 laloina foi le faamauuluga o Asuria;
 o le tootoo foi o Aikupito e mavae
 12 atu lea. Ou te faamallosia i latou ia
 Ieova; latou te savavali foi i lona
 suafa, ua fetalai mai ai Ieova.

*O le malaia e oo mai ia Iuta, ina
 ua le talia le afioga a le Atua.*

LEPANONA e, ina to mai ia ou 11
 puipui, e susunuina ai i le afi ou
 arasi. Ina uio ia le perosi e, auā 2
 ua paū le arasi, auā ua fanoia la'u
 sili; uio ia, aluna o Vasana e, auā
 ua paū le vao na le masaoia. O i 3
 ai le leo o le uio o leoleo mamoe,
 auā ua faaumatia lo latou mata-
 gofie; o i ai le leo o le fetagisi o
 leona taanoa, auā ua faaumatia le
 matagofie o Ioritana. O loo faapea 4
 ona fetalai mai o Ieova lo'u Atua,
 Ia e leoleo i le lafu mamoe o le a
 fasia. O e o latou le lafu, latou te 5
 fafasi ia te i latou, a e le nofo sala
 ai i latou; o e faatau foi ia te i latou,
 ua taitasi o i latou ma fai ane, Faa-
 fetalai ia Ieova, auā ua faatamaoigai-
 na a'u; o latou leoleo mamoe foi,
 latou te le alofoa ia te i latou. Auā 6
 ou te le toe alofa i e nonofo i le nuu
 na, ua fetalai mai ai Ieova; faauta
 foi, ou te tuuina atu tagata o le tasi
 i le lima o le tasi, ma le lima o lona
 tupu; latou te tu'ipalaina le nuu, a
 e ou te le laveai ia te i latou ai o 7
 latou lima. Ua ou leoleoina le lafu
 mamoe o le a fasia, o le lafu mamoe
 e matuā malaia; ua ou ave foi ma'u
 tootoo e lua; ua ou faaigoaina le
 tasi, o Matagofie; a o le tasi ua ou
 faaigoaina, o Noataga; ona ou leo- 8
 leo ai lea i le lafu mamoe. Ua ou
 faaumatia leoleo mamoe e toatolu i
 le masina e tasi; ua tiga lo'u loto
 ia i latou, ua 'ino'ino foi o latou loto
 ia te au. Ona ou fai atu ai lea, Ou 9
 te le leoleo ia te outou; o lē a mate
 ina mate ia; o lē a faaumatia, ia
 faaumatia lava ia; a o e ua totee ia
 taitasi ma 'ai le tino o le tasi. Ona 10
 ou tago ai lea i lo'u tootoo, o Mata-
 gofie lea, ma ou gausia; ina ia tatala
 la'u feaiga na matou osia ma nuu
 uma; ona tatalaina ai lea i lea aso; 11
 ona iloa lelei ai lea e le lafu mamoe
 malaia, o e ua usiusitai mai ia te
 au, o le afioga lava lea a Ieova. Ona 12
 ou fai atu lea ia te i latou, Afai e
 lelei ia te outou, aumaia o lo'u tau;
 a e afai e leai, soia; ona latou fua
 mai ai lea o lo'u tau, o tupe e fua-
 tolu. Ona fetalai mai lea o Ieova 13
 ia te au, Ina lafo atu ia i lē fai ipu

omea; se tau e lelei naua, ua faatu-
saina ai a'u e i latou! Ona ou tago
ai lea i tupe e fuatolu, ma ou lafoia
atu i le fale o Ieova i lē fai ipu
14 omea. Ona ou gausia lea o le tasi
o'u tootoo, o Noataga lea, ina ia ou
motusia le taunusoga o Iuta ma Isa-
15 raelu. Ua fetalai mai foi Ieova ia
te au, Ina e toe ave ia o mea a le
16 leoleo mamoe valea; auā faauta, o
a'u ou te faatuina se leoleo mamoe
i le nuu, na te le asiasi i e a fano;
na te le sailia le ua sē; na te le fōia
le ua gau; o le ua tu na te le faga-
ina; a o le tino o le ua peti na te
17 'aina lava lea, mo latou atigivae na
te tafa'iescina. Oi talofa i le leoleo
mamoe le aoga, na te tuua le lafu
mamoe! e i ai le pelu i lona lima
atoa ma lona mata taumatau; e
matuā gase lava lona lima, ma lona
mata taumatau e matuā puaoa
lava lea.

*O le toa āina o Ierusalemā. O le
salamo o le nuu.*

- 12 O LE avega o le afoaga a Ieova ia
Israelu; o loo fetalai mai Ieova le
ua faamafolafola le lagi, ma faa-
vaeina le lalolagi, na ia faia foi le
agaga o le tagata i totonu ia te ia;
2 faauta, o a'u lava ou te faia Ieru-
salema ma ipu e tautevateva ai nuu
uma o vagavagai; e i ai foi ia Iuta
3 pe a vagaia Ierusalemā. O lea aso
foi ou te fai ai Ierusalemā ma maa
mamafa i nuu uma; atoa uma o e
sii i ai, e matuā manunua ai i latou;
a e faapotopotoina nuu uma lava o
4 le lalolagi latou te tau. Ua fetalai
mai Ieova, O le aso lava lea ou te
taia ai solofanua uma i le atuatu-
vale, ma e o tietie ai i le faavalema-
losi; a o le aiga o Iuta, ou te vaa-
vaai lava i ai; o solofanua uma a
5 nuu ou te taia ia i le tauaso. O alii
o Iuta latou te faapea i o latou loto,
E fai mo'u malosi o e nonofo i
Ierusalemā ia Ieova o 'au lo latou
6 Atua. O le aso lea ou te faia ai o
alii o Iuta e pei o le taigaafi i laau,
e pei o le sulu foi ua mu i le fusi
saito; latou te faaumatia nuu uma
e siosio mai i le itu taumatau ma le
itu tauagavale; e toe mau foi Ieru-
salema i lona lava nuu o Ierusalemā.
7 E faaolaina foi e Ieova o fale ie o

Iuta, e muamua lava, ina ia le faa-
silisili le viiga o le aiga o Tavita, ma
le viiga o e nonofo i Ierusalemā ia
Iuta. O lea aso e faamamalu mai ai
8 Ieova i e o nonofo i Ierusalemā; o
so latou ua vaivai i lea aso e pei o
Tavita ia; o le aiga o Tavita, e pei
o le Atua ia, e pei o le agelu a Ieova
i o latou luma. O lea aso foi ou te
9 saili ai ia faaumatia nuu uma lava o
e o mai e tau ma Ierusalemā. Ou
te liligi ifo i luga o le aiga o Tavita,
ma luga o e nonofo i Ierusalemā le
agaga o le alofa tunoa ma talosaga,
latou te vaavaai mai ia te au na
latou tu'ia; latou te tagitu'i foi ia
te ia, e pei ona tagitu'i i le atalii e
toatasi, ma latou faanoanoa ia te ia,
e pei ona faanoanoa i le ulumatua.
O lea aso e tele ai le taufaitagitu'i i
11 Ierusalemā, e pei o le tagitu'i i
Atatarimoni i le vanu o Mekito. E
12 taufaitagitu'i le nuu e tagi a aiga;
o le aiga o sa Tavitā, na o i latou,
ma a latou avā, ua na o i latou; o le
aiga o sa Natanā, na o i latou, ma a
latou avā, na o i latou; o le aiga o
13 sa Levī, ua na o i latou, ma a latou
avā, na o i latou; o le aiga o Semi,
na o i latou, ma a latou avā, na o i
latou. O aiga uma o e totoe, o aiga
14 taitasi na o i latou, ma a latou avā
na o i latou.

O le vaipuna mo agasala.

O LEA aso e i ai le vaipuna ua
13 suena mo le aiga o Tavita ma e o
nonofo i Ierusalemā, mo le agasala
atoa ma mea leaga. Ua fetalai mai
2 Ieova o 'au, O lea aso ou te tinea ai
igoa o tupua i le lalolagi, e le toe
manatua i latou; atoa foi ma perofe-
ta ma le agaga leaga, ou te faa-
te'aeseina ia i le lalolagi. Afai foi e
3 toe vavalo se tasi, ona fai atu ai lea
ia te ia o lona tamā ma lona tinā na
fanaua mai ai o ia, E te le ola; auā
ua e tala pepelo i le suafa o Ieova;
ona tutu'i ai lea ia te ia e lona tamā
ma lona tinā na fanaua mai ai o ia,
4 pe a vavalo mai ai o ia. O lea aso
foi e taitasi le perofeta ma mā ai o
ia i lana mea na vaaia, pe a faia lana
valoaga; latou te le oofu foi i se
5 ofu taufulufulu e pepelo ai. E fai
mai foi o ia, Ou te le se perofeta
a'u; o a'u le tagata e galue i fanua;

auā na faapologaina a'ū, talu ina ou
 6 taulealea. Ona fai mai lea o *se tasi*
 ia te ia, O a ea ia manua i ou lima?
 Ona fai atu lea o ia, *O mea ia na*
 manua ai a'ū i le fale o a'ū uo.
 7 Ala mai ia, le pelu e, i lo'u leoleo
 mamoe, ma le tagata ma te faatasi
 ma a'ū, ua fetalai mai ai Ieova o
 'au; ina ta ia o le leoleo mamoe, ona
 faataapeapeina ai lea o le au ma-
 moe; ona faafoi atu lea o lo'u lima
 8 i e iti. Ua fetalai mai Ieova, E oo
 ina vavaeeseina i le nuu uma lava
 ona vaega e lua, e fano lava ia; a e
 9 faatotoeina ai lona tolu o *vaega*. Ou
 te avane lona tolu o *vaega* i le afi;
 ou te faate'aese ai le elelee ia te i
 latou, e pei ona faate'aeseina ai le
 elelee o le ario; ou te tofotofoina i
 latou, e pei ona tofotofoina o le
 auro; e valaau i latou i lo'u igoa;
 o a'ū foi, ou te tali atu ai ia te i
 latou; ou te fai ane, O lo'u nuu lava
 i latou; a e fai mai i latou, O Ieova
 o lo'u Atua lava o ia.

*O le malo o le Mesia. O le tavi o e
 ita ia Ierusalem. O lo latou liliu
 mai i le Alii.*

14 FAAUTA, o le a oo mai le aso o
 Ieova, e tufaina ai i totonu ia te oe
 2 o lou oa o le a vetea. Auā ou te
 faapopotoina nuu uma e tau ma
 Ierusalem; e aea le aai, e vetea foi
 fale, ma fetosina fafine, e ta'ita'i
 faatagataotauaina le tasi vaega o le
 aai; a o e totoe o le nuu, e le faa-
 3 te'aeseina i latou i le aai. Ona afio
 atu lea o Ieova e tau ma ia nuu, pei
 o le aso na tau ai o ia i le aso o le
 4 taua. E tu ona aao i lea aso i luga o
 le mauga o Olive, o loo feagai ma
 Ierusalem i gagae; e vaeluaina foi
 le mauga o Olive i totonu i sasae
 ma sisifo, o le vanu tele lava; e te'a
 atu le tasi itu o le mauga i le itu i
 5 toga. Ona outou sosola lea i le vanu
 o i o'u mauga; auā e pāia Asela i le
 vanu o mauga; tou te sosola foi, pei
 ona outou sosola i le mafuie i ona
 po o Usia le tupu o Iuta; e afio mai
 lava Ieova lo'u Atua *ma le au paia*
 6 uma faatasi ma oe. E oo lava i lea
 aso, e le i ai le malamalama o mea
 7 aoga, a o le pouliuli lava; a e oo

mai le aso, e tasi lava ia, (ua silafia
 lava e Ieova,) e le o le ao, e le o le
 po; a e a oo i le itu aso afiai e
 malamalama ai. O lea aso foi e alu
 8 atu ai le vai ola nai Ierusalem; o le
tasi ona vaega e *tafe atu* i le sami i
 sasae, a o le *isi* ona vaega e *tafe atu*
 i le sami i sisifo; o le tausaga vevela
 ma le tausaga maalili e fai ai *ia mea*.
 E fai foi Ieova ma Tupu i le lalolagi
 9 uma lava; o lea aso ua na o Ieova
 ai lava, ma lona suafa e āu tasi lea.
 E liua le nuu uma pei o le *fanua*
 10 laugatasi, e pau mai i Kepa e oo i
 Rimoni i le itu i toga o Ierusalem;
 e faaeaina foi o ia, ma nofo i lona
 lava nuu, e pau mai i le faitotoa o
 Peniamina e oo i le mea *sa i ai* le
 faitotoa anamua, e oo i le faitotoa o
 tulimanu; e pau mai foi i le 'olo o
 Hananiali, e oo i le tungāuaina a le
 11 tupu. Latou te nonofo ai, e le toe
 ai se faafanoga; e nofo lava Ierusa-
 lema ma le filemu.

O lenei le mala e taia a'i e Ieova
 12 o nuu uma e tau ma Ierusalem; e
 lāuvale lava o latou tino, a o tutū i
 o latou vae; e totō o latou mata i
 mea e tutū ai, ma o latou laulau-
 faiva e faaumatia ia i o latou gutu.
 O lea aso foi e i ai ia te i latou le
 13 atuatuva tele mai ia Ieova; ona
 taitasi ai lea ma tago o le tasi i le
 lima o le tasi; e taitasi foi ma si i
 luga o latou lima o le tasi i le tasi.
 O Iuta foi e 'au i laua ma Ierusa-
 14 lema; e faaputuina oloa o nuu uma
 e ua vagavagai, o auro, ma ario, ma
 ofu e tele lava. E faapea foi ona i
 15 ai le mala i le solofanua, ma le
 falata, ma le kamela, ma le asini,
 atoa ma manu uma e i ai i ia toagā-
 lauapi, e tusa ma lenei mala. O e
 16 totoe uma lava i nuu uma o e o mai
 e tau ma Ierusalem, latou te o ae
 lava i lea tausaga ma lea tausaga e
 ifo i le Tupu, o Ieova o 'au; e fai ai
 foi le tausamiga o fale apitaga. A
 17 o le le alu ae ai itu aiga o le lalolagi
 i Ierusalem e ifo i le Tupu, o Ieova
 o 'au, ona leai lea o se uaga ia te i
 latou. A e afai e le alu ae le itu
 18 aiga o Aikupito, ma latou le o mai,
 e leai foi *se uaga* ia te i latou; ona i
 ai lea o le mala e taia a'i e Ieova o
 nuu o e le o ae e fai le tausamiga o
 19 fale apitaga. O le sala lena a Aiku-

- pito, ma le sala a nuu uma, o e le o ae e fai le tausamiga o fale apitaga.
- 20 O lea aso e i ai i tagitagi uamea o solofanua, E PAIA IA IEOVA; o ulo foi i le fale o Ieova, e tutusa ia ma
- 21 ipu i luma o le fata faitaulaga. O ulo uma foi i Ierusalem ma Iuta, e paia lava ia ia Ieova a'a'u; o i latou uma o e fasi manu, latou te o mai ma ave nisi *ulo*, ma tunu ai; e le toe i ai lava se sa Kananā i le fale o Ieova o 'au i lea aso.

O LE

TUSI A LE PEROFETA O

MALAKI.

O le aaciga ona o taulaga leaga.

- 1 O LE avega o le afiga a Ieova ia
- 2 Israelu na aumaia e Malaki. Ua ou alofa atu ia te outou, ua fetalai mai ai Ieova; a ua outou fai mai, Ua e alofa mai ia i matou i ni a? E le uso ea Esau ma Iakapo? ua fetalai mai ai Ieova; a ua ou alofa
- 3 ia Iakopo, ma ou 'ino'ino ia Esau; ua faia foi e a'u ona mauga ma mea tuufua, *ua faia* foi lona tofi ma fale i mea gaogao. Ua fai mai Etoma, Ua faatafunaina i matou, a e matou te toe faia *fale* ua masofasofa; o le mea lea, o loo faapea ona fetalai mai ai o Ieova o 'au, Latou te faia, a o a'u, ou te lepetia, e ta'ua i latou, O le lauelele o e amio leaga, ma Le nuu e toasa i ai Ieova e faavavan.
- 5 E vaai foi i ai o outou lava mata, ona outou faapea ai lea, Ia viia Ieova mai le lauelele o Israelu.
- 6 E ava le atalii i lona tamā, e *ava* foi le auauna i lona alii; afai o a'u o le tamā, o ifea ni o'u ava? afai foi o a'u o le alii, o ifea lo'u matautia? ua fetalai mai ai Ieova o 'au ia te outou faitaulaga o e 'ino'ino i lo'u igoa; a ua outou fai mai, Ua matou 'ino'ino i lou suafa i ni a?
- 7 Ua 'ino'ino ina ua outou au mai o mea e 'ai ua leaga i la'u fata faitaulaga; a ua outou fai mai, Ua leaga oe ia te i matou i ni a? *Ua leaga* ina ua outou fai ane, O le laoi a Ieova, o le mea faatauva lava lea.
- 8 A outou aumaia le *mea* tausao e fai ma taulaga, e le leaga ea? A outou

aumaia le *mea* pipili ma le *mea* e ma'i, e le leaga ea? Se'i avatu ia i le alii e pule ia te oe; pe fiasia mai ea o ia ia te oe? pe talia mai oe e ia? ua fetalai mai ai Ieova o 'au. O lenei, ia outou ole atu i luma o le Atua ina ia alofa mai o ia ia te i tatou; ua tupu mai ia te outou lenei mea; pe na te talia mai ea outou? ua fetalai mai ai Ieova o 'au.

O ai lava so outou na te punitia *fua* faitotoa? Tou te le tafu fua *le afi* i la'u fata faitaulaga; e leai lava so'u fiasia ia te outou ua fetalai mai ai Ieova o 'au; ou te le talia foi se taulaga ai o outou lima. Auā e fua *mai i le mea* e alu ae ai le la, e oo i *le mea* e alu ifo ai, e viia ai lo'u igoa i nuu ese; e aumaia foi le mea manogi e mu i lo'u igoa i nuu uma lava, atoa ma le taulaga lelei; auā e viia lo'u igoa i nuu ese, ua fetalai mai ai Ieova o 'au. A o outou, ua outou faaleagaina ai, ina ua outou fai ane, Ua leaga le laoi a Ieova; mōna fua, o ana mea e 'ai *lea*, o le mea faatauva lava. Ua outou fai ane foi, Aue, o le mea tiga naua! ma outou 'ino'ino i ai ua fetalai mai ai Ieova o 'au; ua outou aumaia foi le *mea* ua faoa, ma le *mea* pipili, ma le *mea* e ma'i; ua outou au mai ai ma taulaga? Ou te talia ea lea mea ai o outou lima? ua fetalai mai ai Ieova. A ia faafanoina le *14 tagata* pepelo ua i ai le poa i lona lafū, a ua tauto o ia ma fai taulaga i le Alii i le mea leaga; auā o le Tupu sili lava a'u, ua fetalai mai ai

Ieova o 'au; e matautia lava lo'u igoa i nuu ese.

O le aoaiga i faitaulaga. O le aoaiga ona o avā ese.

2 O LENEI foi, ua ia te outou le au faitaulaga lenei poloaiga. Afai **2** tou te le faalogalo mai, afai foi tou te le mafaufau iua ia aumaia le viiga i lo'u igoa, ua fetalai mai ai Ieova o 'au, ona ou auina atu ai lea o le faafanoga ia te outou, ma ou faafanoia mea tou te manuia ai; a ua ou faafanoia lava; auā na outou le **3** mafaufau i ai. Faauta, ou te aoai atu i le fua *saito* ona o outou; ou te palasi foi le otaota o *manu* i o outou mata, o le otaota o *taulaga* o a outou tausamiga, e aveesea foi outou faa- **4** tasi ma lea mea. Tou te iloa ai, ua ou avatu lenei poloaiga ia te outou; auā sa ia Levi la'u feagaiga, ua fetalai mai ai Ieova o 'au. Sa ia te ia la'u feagaiga o i ai le ola ma le manuia; na a'u avatu ia mea ia te ia ona o lona mata'u na mata'u ai o ia ia te au; ua ia matuā mata'u i lo'u **6** igoa. O le mataupu o le faamaoni sa i lona gutu lea; na le iloa foi se mea le tonu i ona laugutu; na savavali faatasi ma a'u i le amio filemu ma le amio sa'o; na ia faaliliuina **7** foi ē toatele nai le amioletonu. Auā o laugutu o le faitaulaga e tausia ai le poto, latou te sailia foi le tulafono ai lona gutu; auā o le sāvali o ia a Ieova o 'au. A o outou, ua outou o ese i le ala, ma outou faatausuai i e toatele i le tulafono; ua leaga ia te outou le feagaiga a Levi, **9** ua fetalai mai ai Ieova o 'au. O a'u foi, ua ou tuuina atu outou ia inosia ma ta'ufaatauvaaina outou e le nuu uma, e pei ona outou le tauti i o'u ala, ma outou faailogaina tagata i le **10** tulafono. E le ua toatasi ea le Tamā o i tatou uma lava. E le faia ea i tatou e le Atua e toatasi? Pe se a le mea ua tatou faa'ole'ole ai le tasi i le tasi i lo tatou soli o le **11** feagaiga a o tatou tamā? Ua faa'ole'ole Iuta, ua faia foi i Isaraelu ma Ieruselema le mea e inosia; auā ua solia e Iuta le mea ua paia ia Ieova, o le mea ua ia alofaina; ua ia fai avā foi i le afafine o le atua **12** ese. E varacecina e Ieova le ta-

gata ua faia lenei mea, o le ua mataala, ma le ua tali atu ai fale ie o lakopo; atoa ma le ua avatu le taulaga ia Ieova o 'au. Ua atu lua **13** ona faia e outou o lenei mea, o loo liloia ai le fata faitaulaga o Ieova i loimata, o le tagi, ma le auega; o le mea lea ua le toe silafia ai la outou taulaga, e le talileleia foi mai o outou lima. A ua outou fai mai, **14** Ai se a foi? Auā o Ieova, o ia ua fai ma molimau ia te oe ma lau avā sa e fai a o ē taulealea, o le ua e faa'ole'ole i ai; a o ia sa lua mafuta, o le avā foi o ia o lau feagaiga. Na **15** ia le faia ea le toatasi? A ua ia te ia foi ona toe o le agaga. Se a foi ua toatasi ai? Ina ia saili le fanau amio Atua; o lenei, ia faateete outou i o outou loto, ina ne'i faa'ole'ole se tasi i lana avā na fai a o taulealea. Auā ou te 'ino'ino i le **16** alei, ua fetalai mai ai Ieova le Atua o Isaraelu; auā ua ufufi e ia lona ofu i le faasaua, ua fetalai mai ai Ieova o 'au; o le mea lea ia outou faateete ai i o outou loto, a e aua tou te faa'ole'ole. Ua outou faa- **17** tigi ia Ieova i a outou upu; a ua outou fai mai, Ua matou faatiga ia te ia i ni a? Ua faatiga ia te ia ina ua outou fai ane. O i latou uma o e fai mea leaga, e lelei i latou i luma o Ieova, ua fiafia foi o ia ia i latou; pe faapea ane outou, O ifea le Atua, o lē faamasino?

O le valoaga i le afio mai o le Alii.

FAAUTA, ou te tuuina atu la'u **3** sāvali, na te sauni le ala i o'u luma; e faafuasei foi ona oo mai i lona malumalu o le Alii, o le ua sailia e outou, o le Agelu lava lea o le feagaiga, o le ua outou naunau i ai; faauta, e afio mai lava o ia, ua fetalai mai ai Ieova o 'au. A o ai se na **2** te lavā tali le aso o lona afio mai? o ai foi se na te tulai pe a faaalai mai o ia? auā o ia e tusa ma le afi a lē tunu auro; e tusa foi ma le moli a lē tāofu; e nofo o ia, o lē **3** tunu ma faamamā i le ario; na te faamamāina le fanauga a Levi, na te faate'a ese foi le elelea ia te i latou e pei o le auro ma le ario; latou te avatu ai ia Ieova le taulaga e fai i le amiotonu. Ona mālē ai **4**

- lea ia Ieova o le taulaga a Iuta ma Ierusalemā, e pei o aso o le vavau, e pei o tausaga anamua. Ou te faalatalata foi ia te outou i le faamasinoga; e vave foi ona fai o a'u ma molimau i e fai togafiti faataulāitu, ma ē mulilulua, ma ē tanto pepelo, ma ē faasaua i le tau i le auauna tauia, o le fafine ua oti lana tane, ma le ua mātuaoti, atoa ma ē faapiaina le faamasinoga o le tagata ese; ua latou le matatau foi ia te au, ua fetalai mai ai Ieova o 'au.
- 6 Auā o a'u o Ieova, ou te le liliu; o le mea lea ua le faaumatia ai outou
- 7 le fanauga a Iakopo. Talu mai aso o outou tamā, ua outou tete'a ese ai i a'u tulafono, ma outou le tausiusi i ai. Foi mai ia ia te au, ona ou foi atu lea ia te outou, ua fetalai mai ai Ieova o 'au. A ua outou fai
- 8 mai, Matou te foi atu ma ni a? Pe faoa e le tagata mea a le Atua? a o outou, ua outou faoa a'u mea. A ua outou fai mai, Ni a ea au mea ua matou faoa? *Ua outou faoa mea e sefulu a'i a outou mea, atoa ma taulaga.*
- 9 Ua matuā faafanoina outou, o le nuu uma lava, auā ua outou
- 10 faoa a'u mea. Ina aumaia mea e sefulu a'i a outou mea uma lava i le fale e tuu ai mea; ina ia i ai mea e 'ai i lo'u fale; ma ia outou tofotofa mai ai ia te au i lenei mea, ua fetalai mai ai Ieova o 'au; pe ou te le toina pupuni o le lagi mo outou, ma sasaa atu le manuia mo outou, ina seia silisili ona tele. Ou te aoi atu, ona o outou, le na te 'aina mea; na te le faaumatia le fua o lo outou laueleele; e fua mai foi le vine i o outou fanua, ua fetalai mai ai Ieova o 'au. E faaamua foi ia te outou e nuu uma lava; auā e fai outou ma nuu e moomia, ua fetalai mai ai Ieova o 'au.
- 13 Ua mamafa a outou upu ia te au, ua fetalai mai ai Ieova; a ua outou fai mai, Se a sa matou upu ua fai
- 14 atu ai ia te oe? Ua outou fai ane, E le aoga ona auauna i le Atua; se a foi se mea ua maua ina ua tatou

tausiusi i ana sauniga, ma tatou feoi ma *ofu* eleele i luma o Ieova o 'au? O lenei, ua tatou faaamua i e faamaualuluga; ua atiina ae foi e ua fai amio leaga; ua latou tofotofa lava i le Atua, a e sao i latou. Ona fetalatalalai lea e na matatau ia Ieova; ua liliu mai foi e Ieova *ona fafoga*, ma ua faafafoga mai; ona tusia lea o le tusi e faamanatu i ona luma, mo e matatau ia Ieova, ma mafaufau i lona suafa. E fai foi i latou ma'u oloa tāua, ua fetalai mai ai Ieova o 'au, i le aso ua ou tofia; ou te alofa foi ia te i latou, e pei ona alofa o le tagata i lona atalii ua auauna ia te ia. Ona outou toe iloa lea e eseese lē amiotonu ma lē amio leaga; e ese le ua auauna i le Atua, ma le ua le auauna ia te ia.

E muamua ona sau Elia, i le oo ai i le aso o Ieova.

AUĀ faauta, o le a oo mai le aso e mu ai pei se umu; ona fai ai lea ma tagutugutu o saito o e faamaualuluga uma, atoa ma ē fai amio leaga uma; e susunuina foi i latou i le aso o le a oo mai, ua fetalai mai ai Ieova o 'au; e le faatoeina ai mo i latou se aa po o se la laau. A o outou o e matatau i lo'u igoa, e alu ae ia te outou le La o le amiotonu; e i ai foi le mea e malolo ai i ona apaau; e o atu foi outou ma osooso, pei o tamai povi mai le fale povi. Ona outou solia lea o e amio leaga; auā e fai i latou ma efuefu i lalo o outou alafivae i le aso ua ou tofia, ua fetalai mai ai Ieova o 'au.

Ia outou manatunatu i le tulafono a Mose la'u auauna, na ou poloai atu ai ia te ia i Horepa ia Isaraelu uma, o tulafono ma faamasinoga.

Faauta, ou te auina atu ia te outou o Elia le perofeta, a o lei oo mai le aso o Ieova e sili, ma le mataut'a. Na te faaliliuina loto o mātua i fanau, ma loto o fanau i o latou mātua; ne'i ou alu atu, ma ou taia le riuu i le faafanoga.

O LE

FEAGAIGA FOU

A LO TATOU ALII

O IESU KERISO,

UA

FAASAMOAINA.

LONDON:

PRINTED FOR THE

BRITISH AND FOREIGN BIBLE SOCIETY,
BLACKFRIARS.

MDCCCLXXXVII.

THE NEW TESTAMENT

IN

THE SAMOAN LANGUAGE

BY

SAMOAN NEW TESTAMENT.

TRANSLATED

—

BY

THE

AMERICAN BOARD OF COMMISSIONERS AND FOREIGN MISSIONARIES

AMERICAN BOARD OF COMMISSIONERS AND FOREIGN MISSIONARIES

AMERICAN BOARD OF COMMISSIONERS AND FOREIGN MISSIONARIES

O LE EVAGELIA

A MATAIO.

O le gafa o Iesu.

- 1 O LE tusi i le gafa o Iesu Keriso,
o le atalii o Tavita, o le atalii ia o
2 Aperaamo. Na fanaua e Aperaamo
o Isaako; na fanaua foi e Isaako o
Iakopo; na fanaua e Iakopo o Iuta
3 ma ona uso; na fanaua e Iuta o
Faresa ma Sera mai ia Tamara; na
fanaua e Faresa o Esaroma; na
4 fanaua e Esaroma o Arama; na
fanaua e Arama o Aminatapu; na
fanaua e Aminatapu o Naasona;
na fanaua e Naasona o Salemona;
5 na fanaua e Salemona o Poasa mai
ia Raava; na fanaua e Poasa o Opet
a mai ia Ruta; na fanaua e Opet
6 o Iese; na fanaua e Iese o le tupu
o Tavita; na fanaua e le tupu o
Tavita o Solomona mai le *avā* a
7 Uria; na fanaua e Solomona o Re
opoamo; na fanaua e Reopoamo o
8 Avia; na fanaua e Avia o Asa; na
fanaua e Asa o Iosefatu; na fanaua
e Iosefatu o Iorama; na fanaua e
9 Iorama o Usia; na fanaua e Usia
o Iotama; na fanaua e Iotama o
Aasa; na fanaua e Aasa o Esekia;
na fanaua e Esekia o Manase; na
10 fanaua e Manase o Amone; na fa
naua e Amone o Iosia; na fanaua e
Iosia o Iekonia ma ona uso, ina a
12 tafea i Papelonía. Ua oo le tafeaga
i Papelonía, ona fanaua ai lea e Ie
konía o Salatielu; na fanaua e Sala
13 tielu o Serupapelu; na fanaua e
Serupapelu o Apiuta; na fanaua e
Apiuta o Eliakimo; na fanaua e
14 Eliakimo o Asora; na fanaua e
Asora o Satoka; na fanaua e Sa
toka o Akeimo; na fanaua e Akei
15 mo o Eliuta; na fanaua e Eliuta o
Eleasaro; na fanaua e Eleasaro o
Matano; na fanaua e Matano o
16 Iakopo; na fanaua e Iakopo o Io
sefa le tane a Maria, na fanaua ai
IESU, o le ua igoa ia Keriso.

O lenei, o tupulaga uma e afua 17
mai ia Aperaamo e oo ia Tavita, e
sefulu ma le fa ia tupulaga; e afua
foi ia Tavita e oo i le tafeaga i Pa
pelonia, e sefulu ma le fa ia tupu
laga; e afua foi i le tafeaga i Pape
lonia e oo i le Keriso, e sefulu ma
le fa ia tupulaga.

Sa faapea ona fanau mai o Iesu 18
Keriso. Sa faufautane lona tinā o
Maria ia Iosefa, ua iloa ua to o ia i
le Agaga Paia, a o lei faatasi i laua.
O Iosefa foi lana tane o le tagata 19
amiotonu ia, e lei loto foi o ia ina
faamasiasi ia te ia i luma o tagata,
ua ia manatu e faatea lemu ia te ia.
A o manatunatu o ia i na mea, faa
20 uta, ua faaali mai ia te ia le agelu a
le Alii i le miti, ua faapea mai, Io
sefa e, le atalii o Tavita, aua e te
fefe ina au mai ia te oe o Maria lau
avā; auā o lana to mai le Agaga
Paia lea. E fanau mai e ia le tama 21
tane, e te faaigoa foi ia te ia o Iesu;
auā e faaola e ia lona nuu ai a latou
agasala. Ua oo nei mea uma ina ia 22
taunuu ai le afiga a le Alii i le
perofeta, ua faapea mai, Faauta, e 23
to le taupou, ma fanau mai le tama
tane, latou te faaigoa foi ia te ia o
Emanuelu; o lona uiga pe a faa
matalaina, Ua ia te i tatou le Atua.
Ua ala Iosefa, sa moe, ona faia lea 24
e ia e pei ona fai mai ai ia te ia o le
agelu a le Alii; ua na au mai lana
avā. A e la te lei feiloai ua oo ina 25
fanau mai e ia o lana tama tane
ulumatua; ua ia faaigoa foi ia te ia
o IESU.

O le malaga a makoi e saili ia Iesu.

UA fanau Iesu i Peteleema i Iu
taia i ona po o Herota le tupu, faa
2 uta, ua oo mai ai makoi mai sasae i
Ierusalema, ua faapea mai, Po o fea 2
o i ai le ua fanau mai o le tupu o
taga'a Iutaia? auā ua matou vaia

- lona fetu i sasae, ua matou o mai ai
 3 e ifo atu ia te ia. Ua faalogi i ai Herota le tupu, ona atuatuvaile ai lea o ia atoa foi ma Ierusalemua uma.
 4 Ona ia faapotopotoina ai lea o le au faitaulaga sili uma ma le au tusiupu o le nuu, ua fesili atu ia te i latou,
 5 po o fea e fanau ai le Keriso. Ona latou fai mai ai lea ia te ia, O Peteleema i Iutaia; auā ua faapea ona
 6 tusia e le perofeta, O oe foi Peteleema i le nuu o Iuta, e te le topito ona faatauvaai alii o Iuta; auā e
 7 tupu mai ia te oe le faipule, o le na te pule i lo'u nuu o Isaraelu. Ua
 8 aami lemu ane e Herota o makoi, ona matuā susesue ai lea ia te i latou i ona po na iloa ai le fetu. Ona ia
 9 aauina atu ai lea o i latou i Peteleema, ua faapea atu, O atu ia outou, ina matuā saili ia i le tama itiiti;
 10 pe a outou iloa, ia outou faailoa mai ia te au, o a'u foi ou te alu atu ai e ifo atu ia te ia. Ua latou faalogo
 11 atu i le tupu, ona latou o ai lea, faauta foi, o le fetu na iloa e i latou i sasae, ua muamua atu ia te i latou,
 12 ua oo ina tu mai i luga o le mea ua i ai le tama itiiti. Ua latou iloa le fetu, ona matuā tele ai lea o lo latou fiafia. Ua latou ulufale atu i le
 13 fale, ua latou iloa ai le tama itiiti ma Maria lona tinā, ona latou faapauu ai lea, ma ifo atu ia te ia; ua
 14 talai foi o latou oloa, ona latou avatu ai lea ia te ia o mea alofa, o le auro, ma le pulu lipano, ma le pulu
 15 muro. Ua faailoa ia te i latou i le miti, aua ne'i foi atu ia Herota, ona latou o atu ai lea i lo latou nuu i le
 16 tasi ala. Ua o i latou, faauta, o le agelu a le Alii ua faaali mai ia Iosefa i le miti, ua faapea mai, Tulai ia, ina
 17 ave le tama itiiti ma lona tinā, ma sosola i Aikupito, ma nonofo ai seia ou fai atu ia te oe; auā o le a saili
 18 Herota i le tama itiiti ina ia fasioti ia te ia. Ua tulai ia, ua ave le tama itiiti ma lona tinā i le po, ona o atu
 19 lea i Aikupito. Sa i ai foi o ia ua oo ina oti o Herota; ina ia taunuu ai le afoga a le Alii i le perofeta, ua
 20 faapea mai, Na ou valaauina lo'u atalii ai Aikupito. Ua iloa e Herota ua olegia o ia e makoi, ona tele ai lea o lona ita, ua aauina atu e ia
 nisi e fasioti i tama tane uma i Peteleema e oo i ona tuaoi uma, e afua i e ua lua o latou tausaga atoa ma e ua pito ane i ai, e faatatau i ona po na na matuā sueina atu ai i makoi. Ona taunuu lea o le upu a
 21 le perofeta o Ieremia, ua faapea mai, Ua lagona le leo i Rama, o le auega; o le fetagisi, ma le tagitu'i tele; ua tagiaue Rasela i lana fanau, e le mafai foi ona faanaina o ia, ona o i latou ua leai.
 22 Ua oti Herota, faauta, o le agelu a le Alii ua faaali mai ia Iosefa i le miti i Aikupito, ua faapea mai, Tulai ia, ina ave le tama itiiti ma lona tinā, ina o atu ia i le nuu o Isaraelu; auā ua oti e na sailia le tama itiiti e fasioti. Ona tulai ai lea o ia, ua
 23 ave le tama itiiti ma lona tinā, ona o ai lea i le nuu o Isaraelu. A ua faalogo o ia ua fai ma tupu i Iutaia o Arekilao o le sui o Herota lona tamā, ona fefe ai lea i alu i ai. A e peitai ua faailoa ia te ia i le miti, ona alu ai lea o ia i le nuu o Kalilaia. Ua oo foi i le tasi aai e igoa
 24 ia Nasareta, ua nofo ai; ina ia taunuu ai o le upu a le au perofeta, E igoa o ia o le Nasareta.

O le tala'iga a Ioane le papatiso.

O ONA po ia na sau ai Ioane le papatiso, ua tala'i atu i le vao o Iutaia, ua faapea atu, Ina salamo ia outou; auā ua latalata mai le malo o le lagi. Auā o ia lava lenei na
 25 fai mai ai le perofeta o Isaia, ua faapea mai, O le leo o le ua alaga i le vao, Ina teuteu ia outou le ala o le Alii, ia faalaulelei ona ala. A o
 26 Ioane ia, sa ofu i le fulufulu kamele, ma le fusi pa'u i lona sulugātiti; a o ana mea e 'ai, o sē aketise ma le meli vao ia.

Ona o atu ai lea ia te ia o Ierusalemua, ma Iutaia uma, atoa ma le itu uma o Ioritana; ua papatisoina foi i latou i Ioritana e ia, ua faaali atu e i latou a latou agasala. Ua na
 27 iloa atu le au faresaiio ma le au satukaio e toatele ua o mai i lana papatisoga, ona ia faapea atu ai lea ia te i latou, Fanau a gata feai e, o ai ea ua na faali atu ia te outou ia sosola ese i le toasa atali? Ia outou fua mai ni fua e tatau ma
 28

9 le salamo; aua foi ne'i outou matsu e faapea ifo i o outou loto, O Aperamo, o ia o lo matou tamā; auā ou te fai atu ia te outou, e ma-
 10 faia lava e le Atua ona faatupuina mai i nei maa ni fanau mā Aperamo. O loo tuu nei foi le mātāu i tafu'e o laau; o laau uma foi e le fua mai i fua lelei, e taia ma lafoina
 11 i le afi. O a'u nei, ou te papatiso atu ia te outou i le vai ina ia salamo; a e peitai o lē mulimuli mai e silisili o ia ia te au, e le aoga a'u ona tauave i ona see vae; o ia lea na te papatisoina atu ia te outou i
 12 le Agaga Paia ma le afi. O i lona aao lana asu, na te faamamāina ai lana faaputugāsaito; na te faapopotoina foi ana saito i le fale saito, a e susunuina le otaota o saito i le afi e le matineia.
 13 Ona malii atu ai lea o Iesu mai Kalilaia i Ioritana ia Ioane, ia papatisoina ai e ia. A ua varao e Ioane ia te ia, ua faapea mai, E ao ona e papatisoina mai o a'u, a ē malii mai
 14 ea oe ia te au? A ua tali atu Iesu, ua faapea atu ia te ia, Tuu mai nei pea ia; auā e faapea ona tatau ia te i tatou ona faataunuina o mea tonu
 15 uma. Ona tuu mai lea ia te ia. Ua papatisoina Iesu, ona malii ae loa lea o ia nai le vai, faauta foi, ua faaavanoaina le lagi ia te ia, ua ia iloa atu foi le Agaga o le Atua ua afio ifo e peiseai se lupe, ua oo i ona
 16 luga. Faauta foi, o le siufofoga mai le lagi, ua faapea mai, O lo'u atalii pele lenā, ua ou fiafia lava ia te ia.

O le faaososoga na oo ia Iesu i le vao.

4 ONA aveina ae lea o Iesu i le vao e le Agaga, ina ia faaososoina e le
 2 tiapolo. Ua faalaina ia i po e fagafulu ma ao efagafulu, mulimuli ane
 3 ona fia taumafa ai lea o ia. Ona alu ane lea ia te ia o lē faaososo, ua faapea mai, Afai o oe le Alo o le Atua, ina fetalai atu ia i liu areto
 4 nei maa. Ona tali atu ai lea o ia, ua faapea atu, Ua tusia, E le na o mea e 'ai e ola ai le tagata, a o afioga uma e tūlei mai i le fofoga o le
 5 Atua. Ona ave ai lea o ia e le tiapolo i le aai paia, ua ia faatūina foi

ia te ia i le tumutumu o le malumalu, ona fai mai lea o ia ia te ia, 6
 Afai o oe le Alo o le Atua, oso ia oe i lalō; auā ua tusia, E poloi o ia i ana agelu ia te oe, latou te ave ia te oe i o latou lima, ne'i tū'ia lou vac i se maa. Ua fetalai atu Iesu ia te ia, 7
 Ua tusia foi, Aua e te tofotofa i le Alii lou Atua. Ona toe ave lea o ia e le tiapolo i le mauga matuā maua- 8
 luga, ua ia faali foi ia te ia malo uma o le lalolagi ma o latou matagofie; ona fai mai lea o ia ia te ia, 9
 Ou te avatua nei mea uma ia te oe, pe afai e te faapaū ma ifo mai ia te au. Ona fetalai atu lea o Iesu ia te ia, Ina alu ese ia oe Satani; auā ua tusia, E te ifo atu i le Alii lou Atua, uana o ia lava e te auauna i ai. Ona 11
 tuua ai lea o ia e le tiapolo, faauta foi, ua o mai agelu ma auauna mai ia te ia.

Ua faafofoga Iesu ua tuuina atu 12
 Ioane i le fale puipui, ona malii atu ai lea o ia i Kalilaia; ua tuua e ia o 13
 Nasareta, ua malii atu o ia ma nofo i Kapanaumi ua tu matafaga, i le tuaoi o Sepulona ma Nafatali; ina 14
 ia taunuu ai le upu a le perofeta o Isaia, ua faapea mai, O le nuu o 15
 Sepulona, ma le nuu o Nafatali, o le ala i le vai i tala ane o Ioritana, o Kalilaia o nuu ese, o le nuu sa nofo 16
 i le pouliuli, ua latou iloa le malamalama tele; o i latou foi sa nonofo i le nuu ma le ata o le oti ua alu ae le malamalama ia te i latou.

Talu mai ai na afua ona tala'i atu 17
 e Iesu, ua faapea atu, Ina salamo ia outou; auā ua latalata mai le malo o le lagi. Ua savali ane Iesu e latalata ane i le vai o Kalilaia, ona silafia lea e ia o le uso e toalua, o Simona ua igoa ia Peteru, ma Aneterea lona uso, ua la lafo le upega i le vai, aua o tagata fai faiva i laua. Ona fetalai 19
 atu lea o ia ia te i laua, Ina mulimuli mai ia ia te au, ou te faia oulua ma fai faiva i tagata. Ona la tuua loa 20
 lea o laua upega, a e mulimuli atu ia te ia. Ua tuanai foi e ia lea mea, 21
 ona silafia lea e ia o le isi uso e toalua, o Iakopo le atalii o Sepetaio, ma Ioane lona uso, ua i le vaa ma lo la tamā o Sepetaio, ua latou fai masae o latou upega; ua ia valaau-
 ina atu foi ia te i laua. Ona la tuua 22

loa lea o le vaa ma lo la tamā, a e mulimuli atu ia te ia.

- 23 Ua faataamilo Iesu i Kalilaia uma, ua ia a'oa'o i o latou sunako, ua ia tala'i atu foi le tala lelei o le malo, ma faamalolo e ia o ma'i uma ma
- 24 ma'i tiga uma o le nuu. Ua oo atu ai lona logo i Suria uma, ona latou au mai ai lea ia te ia o e ua mamai atoa uma, o e ua i ai ma'i eseese, ma e ua puapugatia, ma e ua uluitino-ina e temoni, ma e ua ma'i māliu, atoa ma e ua mamai i le supā; ona
- 25 faamaloloina lea o i latou e ia. Ona mulimuli atu lea ia te ia o le motu o tagata e toatele mai Kalilaia, ma Tekapoli, ma Ierusalemā, ma Iutaia, ma ona tala atu o Ioritana.

O le lauga a Iesu i le mauga.

- 5 UA silasila atu ia i le motu o tagata, ona maliliu ae lea o ia i le mauga; ua nofo ai i lalo, ona o mai
- 2 ai lea o ona soo ia te ia; ua ia fetalai atu, ma a'oa'o ia te i latou,
- 3 ua faapea atu, Amuia ē loto mau-lalo; auā e o latou le malo o le lagi.
- 4 Amuia ē faanoanoa; auā e faama-malu; auā e fai mo latou tofi le nuu.
- 6 Amuia ē fia aai ma fia inu i le amio-tonu; auā e maonoa i latou. Amuia
- 7 ē alolofa atu; auā e alofaina ma'i i latou. Amuia ē loto mamā; auā
- 8 latou te iloa atu le Atua. Amuia ē faatupuina le filemu; auā e ta'ua i
- 10 latou o atalii o le Atua. Amuia ē sauaina ona o le amiotonu; auā e o
- 11 latou le malo o le lagi. Amuia outou pe a latou upu leaga, ma faasaua ia te outou, ma latou tuuaina pepelo outou i mea leaga uma ona o a'u.
- 12 Ia outou olioli ma fiafia lava; auā o i le lagi lo outou tau'i e tele; auā na faapea ona latou faasaua i perofeta e na muamua ia te outou.
- 13 O outou, o le masima o le lalolagi outou; a e afai e magalo le masima, pe se a se mea e faamāi a'i? E leai se mea e toe aoga ai, na ona lafoai-
- 14 ina i fafo, ma solia e tagata. O outou, o le malamalama o le lalolagi outou. E le mafai ona lilo le aai ua
- 15 tu i luga o le mauga. Latou te le tūtūina foi le lamepa i le tuu ai i lalo o le mea e fua a'i saito, a e tuu i luga lava o le tuugālamepa ia

pupula atu ai i e o i le fale uma. Ia 16 faapea ona pupula atu lo outou malamalama i luma o tagata, ina ia latou iloa la outou amio lelei, latou te vivii atu ai i lo outou Tamā o i le lagi.

Aua ne'i outou manatu ua ou sau 17 e tatalaina le tulafono po o le au perofeta; ou te lei sau e tatalaina, a ia faataunuuna. Auā e moni, ou 18 te fai atu ia te outou, e mavae atu le lagi ma le lalolagi, a e le mavae atu lava se iota po o sina fāsi matai-tusi o le tulafono, seia taunuu mea uma. O lenei, o se na te tatalaina 19 se *poloaiga* e tasi e aupito itiiti o nei poloaiga, ma faapea ona a'oa'o i tagata, e ta'ua ia e aupito itiiti i le malo o le lagi; a o se anaana ma a'oa'o ai, e ta'ua ia e sili i le malo o le lagi. Auā ou te fai atu ia te 20 outou, a le sili la outou amiotonu i la le au tusiupu ma le au faresaio, e le sao atu lava outou i le malo o le lagi. Ua outou faalogo, na fai mai 21 i e anamua, Aua e te fasioti tagata; ai se fasioti tagata, e nofo sala o ia i le faamasinoga. A o a'u, ou te fai 22 atu ia te outou, ai se ita fua i lona uso, e nofo sala o ia i le faamasinoga; ai se fai atu foi i lona uso, Raka, e nofo sala o ia i le fono; ai se fai atu foi, Le vale e, e nofo sala o ia i le afi o Kēna. Pe afai foi e te 23 avatu lau taulaga i le fata faitaulaga, ona e manatua ai lea ua i lou uso se mea e tiga ai o ia ia te oe, ina tuu ia i lea mea o lau taulaga i 24 luma o le fata faitaulaga, a e alu oe ia muai faalelei i lou uso, i le e sau ai, ma avatu lau taulaga. Ia vave 25 ona oulua lelei ma loo tagi i ana mea ua ia te oe, manū o i le ala oulua ma ia; ina ne'i tuuina atu oe i le faamasino e le ua tagi i ana mea, e tuuina atu foi oe e le faamasino i le auaua, ona tuuina atu lea o oe i le fale puipui. E moni, ou te fai atu 26 ia te oe, e te le toe ulufafo ai lava, seia e avatu tupe uma lava. Ua 27 outou faalogo, na fai mai i e anamua, Aua e te mulilua. A ou te fai 28 atu a'u ia te outou, ai se vaai atu i le fafine ina ia manao i ai, ua uma ona mulilua ma ia i lona loto. Afai 29 foi e te tausuai i lou mata taumatau, ina sali ese ia, ma e lafoai; auā e

lelei ina fano se tasi ou fāsi tino, a
 e leaga pe a lafoina lou tino uma i
 30 Kēna. Afai foi e te tausuai i lou
 lima taumatau, ina tutū ese ia, ma
 e lafoai; auā e lelei ina fano se tasi
 ou fāsi tino, a e leaga pe a lafoina
 31 lou tino uma i Kēna. Sa fai mai foi,
 Ai se faatea i lana avā, ia avatu ia
 32 te ia le tusi alei. A ou te fai atu a'u
 ia te outou, ai se faatea lana avā, a
 e lei mulilua ia, ua ia faamulilua ia
 te ia; ai se fai mana avā le ua faa-
 teaina, ua mulilua foi o ia.
 33 Ua faalogo foi outou, na fai mai
 i e anamua, Aua e te tauto pepelo;
 a ia e avatu i le Alii o mea e te
 34 tauto ai. A ou te fai atu a'u ia te
 outou, aua lava ne'i tauto; aua *le*
tauto i le lagi, auā o le nofoalii lea o
 35 le Atua; po o le lalolagi, auā o le
 mea e tu ai ona aao lea; po o Ieru-
 salema, auā o le aai lea a le Tupu
 36 silisili. Aua foi ne'i e tauto i lou
 ulu, auā e te le mafaia ona faasina-
 sina, pe faaulili se lauulu e tasi.
 37 A ia faapea ia outou upu, Ioe, ioe;
 E leai, e leai; auā o le *upu* e sili i na
 38 *upu*, mai le leaga lava ia. Ua outou
 faalogo, na fai mai, E suia le mata
 i le mata, e suia foi le nifo i le nifo.
 39 A ou te fai atu a'u ia te outou, aua
 ne'i outou tetee atu i le leaga; ai se
 na te po mai ilou alafau taumatau,
 40 ia e liliu atu ia te ia le isi. O lē fia
 fai se faamasinoga ma oe e ave lou
 ofu tino, ia e tuu atu foi i ai ma lou
 41 ofu tele. Ai se na te tananau mai
 lua te o ma ia i le maila e tasi, ina
 42 o ia oulua ma ia i *maila* e lua. Ia e
 avatu i le ua ole mai ia te oe; aua
 foi e te liliu ese i le ua fia nonō tupe
 43 ia te oe. Ua outou faalogo, na fai
 mai, Ia e alofa atu i lē lua te tuaoi,
 a ia 'ino'ino i le ua ita mai ia te oe.
 44 A ou te fai atu a'u ia te outou, ia
 outou alolofa atu i e ua ita mai ia
 te outou, ia outou faamanuia atu i
 e ua fetuu mai ia te outou, ia outou
 agalelei atu i e ua 'ino'ino mai ia te
 outou, ia outou tatalo foi mo e ua
 tuua'i fua mai ma faasaua mai ia te
 45 outou; ina ia faia outou ma atalii o
 lo outou Tamā o i le lagi, o le na te
 faaoso i lona la i e ua amio leaga
 atoa ma e ua amio lelei; ua ia faa-
 totō ifo foi le ua i e ua amiotonu,
 46 atoa ma e ua amioletonu. Auā afai

tou te alolofa atu i e ua alolofa mai
 ia te outou, se a ea se tau'i tou te
 maua ai? e le faia ea e le au telona
 o lea lava mea? Pe afai tou te faa- 47
 pito lo outou fealofani o i outou
 uso, se a se mea sili ua outou faia?
 e le faapea ea ona faia e le au
 telona? O lenei, ia atoatoa ona 48
 lelei o la outou amio, e pei o lo
 outou Tamā o i le lagi e atoatoa
 ona lelei o ia.

*O isi upu o le lauga a Iesu i le
 mauga.*

IA outou, ne'i avatu ni a outou 6
 mea alofa i luma o tagata, ina ia
 iloa ai e i latou; a faapea, ona leai
 ai lea o so outou tau'i mai lo outou
 Tamā o i le lagi. O lea a e avatu 2
 ai ni mea alofa, aua ne'i e ilia le pu
 i ou luma, pei ona faia e tagata
 pepelo i sunako ma ala, ina ia viia o
 i latou e tagata. E moni, ou te fai
 atu ia te outou, ua maua e i latou
 lo latou tau'i. A ē avatu ni mea 3
 alofa, aua ne'i iloa e lou lima taua-
 gavale le mea ua faia e lou lima
 taumatau; ina ia lilo au mea alofa;
 4 o lou Tamā foi, o lē silafia i le mea
 lilo, o ia lava na te avatu faaaliali
 se tau'i ia te oe.

Pe a e tatalo, aua ne'i e pei o 5
 tagata pepelo, auā ua latou fia tutū
 ma tatalo i sunako ma fetaulaigā-
 ala, ina ia iloa i latou e tagata. E
 moni, ou te fai atu ia te outou, ua
 maua e i latou lo latou tau'i. A o 6
 oe, pe a e tatalo, ina ulu atu ia i
 lou afeafe, ma pupuni lona puipui,
 i le e tatalo ai ilou Tamā o i le mea
 lilo; o lou Tamā foi o lē silasila i le
 mea lilo, na te avatu faaaliali se
 tau'i ia te oe. A outou tatalo, aua 7
 ne'i tāutu i a outou upu, e pei o nuu
 ese; auā fa tei latou, o le tele o a
 latou upu e talia ai i latou. O lenei,
 aua ne'i outou faapei o i latou; auā 8
 ua silafia e lo outou Tamā mea ua
 outou matitiva ai, a o lei ole atu
 outou ia te ia. O lenei, ia faapea 9
 outou ona tatalo, Lo matou Tamā
 e, o i le lagi, ia paia lou suafa. Ia 10
 oo mai lou malo. Ia faia lou fina-
 galo i le lalolagi, e pei *ona faia* i le
 lagi. Ia e foai mai ia te i matou i 11
 le aso nei a matou mea e 'ai e tatau
 ma le aso. Ia e faamagalo ia te i 12

- matou i a matou agasala, e pei o i matou foi ona matou faamagaloina atu i e ua agaleaga mai ia te i matou.
- 13 Aua foi e te ta'ita'ina i matou i le tofotofoga; a ia e laveai ia i matou ai le leaga. Auā e ou le malo, ma le mana, atoa ma le viiga, e faavavau
- 14 lava, Amene. Auā afai tou te faamagaloina atu tagata i a latou agasala, e faamagaloina foi outou e lo
- 15 outou Tamā o i le lagi. A e afai tou te le faamagaloina atu tagata i a latou agasala, e le faamagaloina foi e lo outou Tamā a outou agasala.
- 16 Pe a outou anapopogi, aua ne'i outou mata faanoanoa pei o tagata pepelo; auā ua latou faalaleaga o latou mata, ina ia iloa e tagata ua latou anapopogi. E moni, ou te fai atu ia te outou, ua maua e i latou lo
- 17 latou tau. A o oe, pe a e anapogi, ia uu lou ulu, ma mulumulu ou
- 18 mata; ina ia le iloa e tagata ua e anapogi, na o lou Tamā o i le mea lilo; o lou Tamā foi o loo silasila i le mea lilo, na te avatu faaaliali se tau i ia te oe.
- 19 Aua tou te tolo'a'i oa mo outou i le lalolagi, o i ai le mogamoga ma le ele e faaumatia ai; o i ai foi tagata gaoi e eli atu, ma gaoi ai.
- 20 A ia outou tolo'a'i oa mo outou i le lagi, e le o i ai se mogamoga, po o se ele e faaumatia ai; e le o i ai foi tagata gaoi e eli atu, ma gaoi ai.
- 21 Auā o le mea ua i ai lo outou oa, e
- 22 i ai atoa foi ma o outou loto. O le lamepa o le tino, o mata ia; pe afai foi e lelei ou mata, e malamalama
- 23 uma ai lou tino. A e afai e leaga ou mata, e pouliuli uma ai lou tino. O lenei, afai e pouliuli le malamalama ua i totonu ia te oe, ona matuā tele
- 24 ai lea o le pouliuli. E leai se na te mafaia ona auauna i alii e toalua; auā e 'ino'ino o ia i le tasi, a e alofa atu i le tasi; a le o lea, e faapiipii atu ia i le tasi, a e faaleaoga i le tasi. Tou te le mafaia ona auauna
- 25 i le Atua atoa ma mamone. O le mea lea ou te fai atu ai ia te outou, aua ne'i outou popole i o outou ola, i mea tou te aai ai, ma mea tou te inu ai, po o outou tino, i mea tou te oofu ai. E le sili ea le ola i le mea
- 26 e 'ai, ma le tino i le ofu? Ia outou vaavaai i manu felelei; latou te le lulu saito, pe selesese, pe faaputu i fale saito, a e fagina i latou e lo outou Tamā o i le lagi. E le siliea lo outou lelei i lo latou? O ai ea so
- 27 outou na te mafaia i lona popole ona faafeleina le umi o lona olaga i le kupita e tasi? Se a foi le mea
- 28 tou te popole ai i ofu? Ia outou mafaufau i lautalotalo o le vao, pe faapefea ona tupu; latou te le galulue, latou te le milo foi; a ou te fai
- 29 atu ia te outou, o Solomona ma lona matagofie tele na le ofu o ia pei o le tasi o na mea. Afai e faa-
- 30 pea ona faaofuina e le Atua le vao o le fanua, o ola mai i le asō, a e lafoina a taeao i le ogaumu; e le sili ea ona faaofuina o outou e faa-
- 31 tuatua itiiti? O lenei, aua ne'i outou popole, ma faapea ane. Ni a mea tatou te aai ai, ni a foi mea
- 32 tatou te inu ai, ni a foi mea tatou te oofu ai? auā o mea uma ia ua sailia e nuu ese. Auā ua silafia e lo outou
- 33 Tamā o i le lagi e aoga ia mea uma ia te outou. A ia outou muai saili le malo o le Atua ma lana amiotonu; ona faapoopoina atu lea o ia mea
- 34 uma ia te outou. O lenei, aua tou te popole i le aso a taeao; auā e popole le aso a taeao i ana lava mea. E tatau i le aso lona lava leaga.
- O isi upu o le lauga a Iesu i le maua.*
- AUA tou te faamasino atu, ina
- 7 ne'i faamasinoina outou. Auā o le
- 2 faamasinoga tou te faamasinoina atu ai, e faamasinoina ai outou; o le fua foi tou te fuaina atu ai, e toe fuaina mai ai ia te outou. Se a le
- 3 mea e te vaai atu ai i si fāsi laau i le mata o lou uso, a e te le iloa e oe le utupoto i lou lava mata? Pe
- 4 faapefea foi ona e fai atu i lou uso, Tuu mai ia, so'u eu ese le fāsi laau i lou mata; faauta foi, o i lou lava
- 5 mata le utupoto? O oe na le pepelo, ia e muai tiai le utupoto i lou lava mata, ona e iloa lelei ai lea e eueseina atu le fāsi laau i le mata o
- 6 lou uso. Aua tou te avatu le mea paia i uli; aua foi tou te lafo a outou penina i luma o puaa, ne'i latou soli ai i o latou vae, ma liliu mai, i le saeia ai outou. Ia outou ole atu,
- 7

ona foaiina mai ai lea ia te outou; ia outou saili, ona outou maua ai lea; ia outou tu'itu'i atu, ona toina
 8 ai lea ia te outou. Auā ai se ole atu, e maua e ia; o lē saili foi, e iloa e ia; e toina foi i lē tu'itu'i
 9 atu. O ai foi se tagata o outou pe a ole mai lona atalii se areto, na te
 10 avane ea ia te ia se maa? a ole mai foi se i'a, na te avane ea ia te ia se
 11 gata? O lenei, o outou e leaga, afai ua iloa e outou ona avatu o mea lelei mā a outou fanau, e le sili
 ea ona foaiina mai e lo outou Tamā o i le lagi o mea lelei i e ole atu ai
 12 ia te ia? O mea uma foi tou te loto i ai ia faia e tagata ia te outou, ia faapea lava ona outou faia ia te i
 latou; auā o le tulafono lea ma le au perofeta.
 13 Ia outou ulu atu i le faitotoa va apiapi; auā e va tele le faitotoa, e lautele foi le ala e tau atu i le malaia, e toatele foi i latou o e ui atu
 14 ai. Auā e va apiapi le faitotoa, e lauitiiti foi le ala e tau atu i le ola, e toaitiiti foi i latou o e maua. Ia outou ma perofeta pepelo, o e o
 15 mai ia te outou i ofu faamamoe, a o totonu o luko feai lava i latou.
 16 Tou te iloa i latou i o latou fua. Pe tau mai ea tagata se fuifui vine mai le laau tuitui, po o mati mai le
 17 laau talatala? E faapea foi laau lelei taitasi ma fua mai i fua lelei; a o le laau leaga e fua mai i fua
 18 leaga. E le mafai i le laau lelei ona fua mai i fua leaga, e le mafai foi i le laau leaga ona fua mai i fua
 19 lelei. O laau uma e le fua mai i fua lelei, e taia ia ma lafoina i le
 20 afi. O lea foi tou te iloa ai i latou i o latou fua.
 21 E le sao atu i le malo o le lagi i latou uma o e fai mai ia te au, Le Alii e, le Alii e; na o le na te faia le finagalo o lo'u Tamā o i le lagi.
 22 E toatele latou te fai mai ia te au i lea aso, Le Alii e, le Alii e, matou te lei perofeta ane ea i lou igoa, o lou igoa foi na matou tulia ai temoni, o lou igoa foi na matou fai ai
 23 vavega e tele? Ona ou ta'utino atu ai lea ia te i latou, Ou te lei iloa lava outou; ina o ese ia outou ia te au, o outou o e fai amio leaga.
 24 O lenei, ai se faalogo i a'u upu

nei, ma faia e ia, ou te faatusaina o ia i le tagata poto, ua na faia lona fale i luga o le papa; ona to mai
 25 lea o uaga, ua oo mai foi tafega, ua agi mai foi o matagi, ua pesi mai i lea fale, a e lei pa'i lava ia; auā ua faavaeina i luga o le papa. Ai se
 26 faalogo foi i a'u upu nei, a e le faia, e faatusaina o ia i le tagata valea, na na faia lona fale i luga o le one-
 27 one; ona to mai lea o uaga, ua oo mai foi tafega, ua agi mai foi o matagi, ua pesi mai i lea fale, ona pa'i ai lea, ua nutipalaina lava.

Ua faaiu e Iesu o nei upu, ona
 28 matuā taufaifofo ai lea o le motu o tagata i lana mataupu; auā ua ia
 29 a'oa'o ia te i latou e pei o se ua i ai le pule, a e le pei o le au tusiupu.

O vavega na faia e Iesu.

UA maliu ifo ia i le mauga, ona
 8 mulimuli mai ai lea ia te ia o le motu o tagata e toatele. Faauta
 2 foi, ua sau le lepela, ua ifo mai ia te ia, ua faapea mai, Le Alii e, a ē
 finagalo i ai e te mafaia lava ona faamamā mai ia te au. Ona aapa
 3 atu lea e Iesu o lona aao, ua pa'i atu ia te ia, ua faapea atu, Ou te
 loto i ai; ina mamā ia oe. Ona mamā loa lea o lona lepela. Ona
 4 fetalai atu lea o Iesu ia te ia, Ia oe, ne'i e ta'u atu i se tasi; a ia e alu, ina faaali oe i le faitaulaga, ma e
 avatu le taulaga na poloi ai Mose, e fai ma faailoga ia te i latou.

Ua oo atu Iesu i Kapanauami, ona
 5 sau ai lea ia te ia o le ta'ita'i o le toaselau, ua aioi mai ia te ia, ua faapea mai, Le Alii e, ua taoto la'u
 6 auauna i le fale e ma'i i le supa, ua matua tiga lava. Ona fetalai atu lea o Iesu ia te ia, O le a a'u alu
 7 atu e faamalolo ia te ia. Ua tali mai le ta'ita'i o le toaselau, ua faapea mai, Le Alii e, e le aoga a'u ona
 8 e ulufale atu i lalo ifo o lo'u fale; tau lava ina oo mai sau fetalai, e malolo ai la'u auauna. Auā o a'u
 9 foi o le tagata ua pule i ai le tasi, ua ou pule foi i le 'au tau; a a'u fai atu i le tasi, Ina alu ia, ona alu
 10 ai lea; ma le tasi, Ina sau ia, ona sau ai lea; ma la'u auauna, Ina faia lenei mea, ona fai ai lea. Ua
 11 faafofoga i ai Iesu, ona ofo ai lea,

- ua faapea atu foi i e ua mulimuli mai, E moni, ou te fai atu ia te outou, ou te lei iloa ia Isaraelu lava se faatuatua e faapena ona tele.
- 11 Ou te fai atu foi ia te outou, e toatele e o mai mai sasae ma sisifo, e taooto e aai faatasi ma Aperaaamo, ma Isaako, ma Iakopo, i le malo o le lagi; a o tagata o le malo, e tulia i latou i le pouliuli i fafo, e i ai le taufaitagiane ma le lilivau o nifo.
- 13 Ona fetalai atu ai lea o Iesu i le ta'ita'i o le toaselau, Ina alu ia, e pei ona e faatuatua, ia faapea lava ona faia mo oe. Ona malolo ai lea o lana auaua i lea lava itu aso.
- 14 Ua ulufale atu Iesu i le fale o Peteru, ona silafia ai lea e ia le tinā o lana avā ua taoto i le ma'i vela.
- 15 Ua pa'i atu o ia i le lima o le fafine, ona te'a lava lea o le ma'i vela ia te ia; ona tul'ai lea o ia, ua auaua ia te i latou. Ua oo i le afiasi, ona latou au mai ai lea ia te ia o tagata e toatele ua uluitinoia e temoni; ona ia tulia ai lea o agaga i le upu lava, ua faamaloloina foi e ia o i latou uma na mamai. Ona taunuu ai lea o le upu a le perofeta o Isaia, ua faapea mai, O ia lava na na aveina o tatou vaivai, ma na tauave o tatou ma'i.
- 18 Ua silafia e Iesu le motu o tagata e toatele ua vagavagai mai ia te ia, ona fetalai atu ai lea o ia ia o atu i le tasi itu. Ona sau ai lea o le tasi tusiupu, ua faapea mai ia te ia, Le a'oa'o e, ou te mulimuli atu ia te oe i mea uma e te maluu atu i ai. Ona fetalai atu ai lea o Iesu ia te ia, E fai lua o alope, e fai foi mea e momoe ai manu felelei; a o le Atalii o le tagata, e leai se mea e moe ai o ia. Ua fai mai foi ia te ia o le tasi o ona soo, Le Alii e, tuu mai ia ia te au, so'u muai alu e tanu i lo'u tamā. A ua fetalai atu Iesu ia te ia, Mulimuli mai ia ia te au, a e tuu pea ia i e ua oti e tanu i o latou tagata oti.
- 23 Ua maluu ae ia i le vaa, ona mulimuli atu ai lea ia te ia o ona soo.
- 24 Faauta foi, ua to mai le afā tele i le vai, ona osofia mai ai lea o le vaa e peau; a ua tofa o ia. Ona o mai ai lea o ona soo, ua fafagu ia te ia, ua faapea mai, Le Alii e, ia e faaola mai ia te i matou, o le a matou fano. Ona fetalai atu ai lea o ia ia te i latou, Se a le mea ua outou matatau ai, outou e faatuatua ititi? Ona tulai ai lea o ia, ua vavao i le matagi ma le vai, ona tele ai lea o le malū. Ona tauaifo ai lea o tagata, ua faapea ane, Ua silisili lava lenei Alii! auā ua usiusitai ia te ia le matagi ma le vai.
- Ua oo atu ia i le tasi itu i le nuu o Kerckese, ona fetalai ai lea ma ia o tagata e toalu ua uluitinoia e temoni, ua o mai mai tuugamau, ua matuā faavalemalosi i laua, e le mafai ai se tasi ona ui ane i lea ala. Faauta foi, ua alalaga i laua, ua faapea mai, Se a lau na ia te i matou nei, Iesu e, le Alo o le Atua? Ua e maluu mai ea iinei, e te faatiga ia te i matou a o lei oo i ona po? Ua mamao ane foi ma i latou le lafu puā e tele o tataa. Ua aioi mai temoni ia te ia, ua faapea mai, Afai a ē tulia i matou i fafo, tuu mai ia ia te i matou e o atu i le lafu puā. Ona fetalai atu ai lea o ia ia te i latou, Ina o ia. Ona latou o i fafo ai lea, ua o atu i le lafu puā; faauta foi, ua feosofi ifo le lafu puā uma i le tofē i le vai, ua mamate ai i le vai. Ona sosola ai lea o e sa fagina, ua oo i le aai, ma tala atu ai mea uma, atoa ma mea ua oo i e sa i ai temoni. Faauta foi, ua uma mai le aai e faafetaiai ia Iesu; ua latou iloa o ia, ona latou aioi mai ai lea ia alu ese o ia i lo latou nuu.
- O le faamaloloina o le supa, atoa ma isi vavega na faia e Iesu.*
- ONA maluu ae lea o ia i le vaa, ua maluu atu i le tasi itu, ona oo lea i lana lava aai. Faauta foi, ua latou au mai ia te ia le tagata supa, ua taoto i le moega; ua silafia foi e Iesu lo latou faatuatua, ona fetalai atu ai lea o ia i le supa, Lo'u atalii e, ina faalototele ia oe, ua faamagaloina au agasala. Faauta foi, ua faapea ifo nisi o le au tusiupu i o latou loto, Ua upu leaga lenei tagata i le Atua. Ua silafia e Iesu o latou manatunatu, ona faapea atu lea o ia, Se a le mea ua manatunatu leaga ai o outou loto? auā po o le fea le faigofie? po o le fai atu, Ua

- faamagaloina au agasala; po o le
 6 fai atu, Tulai ia, ina savali? A e
 peitai ina ia iloa e outou o i ai i le
 Atalii o le tagata i le lalolagi le pule
 e faamagalo ai agasala, (ona fetalai
 atu ai lea o ia i le supa,) Ina tulai
 ia, ina ave lou moega, ma alu i lou
 7 fale. Ona tulai ai lea o ia, ua alu i
 8 lona fale. Ua iloa e le motu o ta-
 gata, ona taufaifo ai lea; ua latou
 vivii atu i le Atua le ua foaiina mai
 le pule faapena i tagata.
 9 Ua maliu ese Iesu i lea mea, ona
 silafia ai lea e ia o le tagata ua nofo
 i le fale e tali ai taulaga, o Mataio
 lona igoa; ua faapea atu ia te ia,
 Ina mulimuli mai ia ia te au. Ona
 tulai ai lea o ia, ua mulimuli atu ia
 10 te ia. Ua taoto o ia i le fale e tau-
 mafa, faauta foi, o le au telona e
 toatele ma e ua agasala ua o mai
 ai, ua latou taoto e aai faatasi ma
 11 Iesu ma ona soo. Ua iloa e le au
 faresaio, ona latou fai atu ai lea i
 ona soo, Se a le mea ua aai faatasi
 ai la outou a'oa'o ma le au telona
 12 ma e ua agasala? A ua lagona e
 Iesu, ona fetalai atu ai lea o ia ia te
 i latou, E le aoga le foma'i i e ma-
 13 lolo, na o e mamai. Ina o ia, ina
 a'oa'o po o le a le uiga o lea upu,
 Ou te loto i le alofa, a e le o le tau-
 laga; auā ou te lei sau e valaau i e
 ua amiotonu, a o e ua agasala ina ia
 latou salamo.
 14 Ona o mai ai lea o soo o Ioane ia
 te ia, ua faapea mai, Se a le mea ua
 anapopogi soo ai i matou ma le au
 faresaio, a o ou soo, e le anapopogi
 15 i latou? Ona fetalai atu ai lea o
 Iesu ia te i latou, E mafai ea ona
 faanoanoa o aumea a le faatoafaiavā
 i ona aso o ia te i latou o le faatoa-
 faiavā? A e oo mai ona aso e ave-
 eseina ai ia te i latou o le faatoa-
 faiavā, ona latou anapopogi ai lea.
 16 E lei se tasi na te fonoa le matuā
 ofu i le ie fou; auā e masae le ofu
 i lona fonu, ona atili ai lea ona masae.
 17 E le utusia foi le uaina fou i
 fagu pa'u tuai; a faapea, ona pāpā
 ai lea o fagu pa'u, ona masaa lea o
 le uaina, e māumau foi fagu pa'u;
 a e utusia le uaina fou i fagu pa'u
 fou, ona faatau saogalemu ai lea.
 18 Ua fetalai atu ia i ia upu ia te i
 latou, faauta, ua sau le alii, ua ifo

mai ia te ia, ua faapea mai, Ua oti
 nei lava lo'u afafine; a ia e maliu
 atu, ma faaee lou aao i luga ia te ia,
 ona ola ai lea o ia. Ona tulai ai lea 19
 o Iesu, ua mulimuli atu ia te ia o ia
 ma ona soo.

Faauta foi, o le fafine na i ai le 20
 puna toto i tausaga e sefulu ma le
 lua, ua alu ane ia i ona tua, ua ia
 pa'i ane i le tuupao o lona ofu; auā 21
 ua fai ifo ia i lona loto, Afai ou te
 pa'i atu tau o lona ofu, ou te ola ai.
 A ua fāliu Iesu, ua silafia o ia, ona 22
 faapea atu ai lea o ia, Lo'u afafine
 e, ina faalototele ia oe, ua e ola i
 lou faatuatua. Ona ola ai lea o le
 fafine talu lea lava itu aso. Ua 23
 ulufale atu Iesu i le fale o le alii,
 ona silafia ai lea e ia o e ili fagufagu
 ma le motu o tagata ua pa le lau-
 aitu, ua faapea atu o ia ia te i latou, 24
 Ina o ese ia; auā e lei oti le teine,
 ua na ona moe. Ona latou tapisa
 mai ai lea ia te ia. Ua tulia le 25
 motu o tagata, ona ulu atu ai lea o
 ia, ua tago i lona lima, ona tulai ae
 lea o le teine. Ona logo atu lea o 26
 lenei mea i lea nuu uma.

Ua maliu ese Iesu i lea mea, ona 27
 mulimuli mai ai lea ia te ia o tauaso
 e toalua, ua alalaga, ua faapea mai,
 Le alo e o Tāvita, ia e alofa mai ia
 te i maua. Ua ulufale ia i le fale, 23
 ua o mai ai ia te ia o ia tauaso; ona
 fetalai atu ai lea o Iesu ia te i laua,
 Ua ouluna faatuatua mai ea ia te au
 ou te mafaia lenei mea? Ona la fai
 mai ai lea ia te ia, Ioe, le Alii e.
 Ona pa'i atu ai lea o ia i o la mata, 29
 ua faapea atu, E pei ona ouluna faa-
 tuatua, ia faapea lava ona faia ia te
 ouluna. Ona pupula ai lea o laua 30
 mata. Ona matuā fetalai atu lea o
 Iesu ia te i laua, ua faapea atu, Ia
 ouluna, ne'i faailoa atu i se tasi. A 31
 ua la o ma faalauaitale le tala ia te
 ia i lea nuu uma.

Ua la o, faauta, ua latou au mai 32
 ia te ia le tagata gūgū, ua uluitino-
 ina e le temoni. Ua tulia le te- 33
 moni, ona tautala mai ai lea o le
 gūgū. Ona taufaifo ai lea o le
 motu o tagata, ua faapea ane, E lei
 iloa mai anamua se mea faapena i
 Isaraelu. A ua fai ane le au fare- 34
 saio, O le temoni sili ua tulia ai e ia
 o temoni.

- 35 Ua faataamilo Iesu i aai uma ma faoa aai, ua a'oa'o i o latou sunako, ma tala'i i le tala lelei o le malo, ua ia faamalolo foi i ma'i uma, ma
 36 ma'i tiga uma o le nuu. Ua silafia e ia le motu o tagata, ona mutimuti vale ai lea o lona alofa ia te i latou, ona ua lailoa i latou ma tuulafoai-ina, e pei o mamoe e leai so latou
 37 leoleo. Ona fetalai atu ai lea o ia i ona soo, E tele le saito e seleseleina, a o le au fai galuega e toaititi
 38 ia; o lea ia outou aioi atu ai i le Alii e ana le saito e seleseleina, ina ia auuina mai e ia ni e galulue i lana saito e seleseleina.

Ua auuina e Iesu ona soo e a'oa'o atu i le nuu.

- 10 UA valaau atu e ia ona soo e toasefulu ma le toalua, ona tuu atu lea e ia ia te i latou le pule i agaga leaga, ina ia tutuli ia te i latou, ma faamalolo i ma'i uma ma
 2 ma'i tiga uma. O igoa nei o le au aposetolo e toasefulu ma le toalua; e muamua Simona e igoa ia Peteru, ma Aneterea lona uso, o Iakopo le
 3 *atalii* o Sepetaia ma Ioane lona uso, o Filipo ma Patolomaio, o Toma ma Mataio le telona, o Iakopo le *atalii* o Alefaio ma Lepaio e igoa ia Ta-
 4 taio, o Simona le Kanana ma Iuta le Sekara, o ia foi na faalata ia te
 5 ia. Ua auuina atu e Iesu o lenei toasefulu ma le toalua, ua ia fetalai atu ia te i latou, ua faapea atu, Aua
 6 tou te ui i se ala o nuu ese, aua foi tou te o atu i se aai o Samaria; a e
 7 lelei ona outou o atu i mamoe o le aiga o Isaraelu ua le iloa. A outou
 8 o, ia outou tala'i atu, ia faapea atu, Ua latalata mai le malo o le lagi.
 9 Ia outou faamalolo i e mamai, faamamā leplela, faatutū i e ua oti, tutuli i temoni. Ua maua fua e
 9 outou, ia outou foaifuaia atu. Aua ne'i teu ma outou o auro, po o ario, po o 'apa memea i o outou fusi.
 10 Aua foi le *ave* se taga i le malaga, aua foi le tailua o ofu tino, po o see vae, po o se tootoo; auā e tatau
 11 ona *avatu* le mea e 'ai i le fai galuega. O se aai po o se faoa aai tou te
 12 oo atu i ai, ia fesili po o ai se i ai ua tatau; ia outou nonofo ai i le tou o
 12 ai. A outou ulufale atu i se aiga, ia outou ofo alofa atu i ai, Pe afai foi
 13 ua tatau lea aiga, ia oo atu i ai la outou faamanuia; a e afai ua le tatau, ia toe foi mai ai ia te outou la
 14 outou faamanuia. Ai se le talia outou, pe le faalogo i a outou upu, a outou o atu nai lea fale po o lea
 15 aai, ia outou tūtū atu le eleele nai o outou vae. E moni, ou te fai atu ia
 15 te outou, O le aso faamasino e felooloo ai Sotoma ma Komoro i lea lava aai.
 16 Faauta, ou te aau atu ia te outou e pei o mamoe i le va o luko; o lenei, ia outou atamamai pei o gata, a ia
 17 ffilemu e pei o lupe. Ia outou ma tagata; auā latou te tuuina
 18 atu outou i fono, ma latou sasa ia te outou i o latou sunako. E
 18 ta'ita'iina atu foi outou i luma o alii ma tupu ona o a'u, e fai ma molimau ia te i latou atoa ma nuu
 19 ese. Pe a latou tuuina atu outou, aua tou te popole pe faapefea, pe se
 20 a foi tou te fai atu ai; auā e foaiina mai ia te outou i lea lava itu aso se
 20 upu tou te fai atu ai. Auā e le o outou e tautala atu ai, a o le Agaga
 21 o lo outou Tamā e tautala mai ai i totonu ia te outou. E tuuina atu le
 21 uso e le uso ia oti, e *tuuina* atu foi le fanau e le tamā; e tutū atu foi
 22 le fanau i o latou matua ina ia fasiotia i latou. E inosia foi outou
 22 e tagata uma ona o lo'u igoa; a o lē tumau seia oo atu i le gataaga, e
 23 faaolaina o ia. Pe a latou faasaua ia te outou i le tasi aai, ia outou
 23 sosola i se tasi; auā e moni, ou te fai atu ia te outou, e le soo aai o
 24 Isaraelu ia te outou seia sau le Atalii o le tagata. E le sili le soo i
 24 le a'oa'o, e le sili foi le auuana i lona alii; tau lava ina avea le soo ia faa-
 25 pei o lona a'oa'o, o le auuana foi ia faapei o lona alii. Afai ua latou
 26 ta'ua le matai o le aiga o Pelese-pulo, pe le sili ona latou faapea atu
 26 i lona aiga i se a? O lenei, aua tou te matatau ia te i latou; auā e leai
 27 se mea o loo ufiufitia e le faaalua, e leai foi se mea lilo e le faailoaina.
 27 O la'u e fai atu ia te outou i le pouliuli, tou te ta'u atu lea i le
 28 malamalama; o le mea foi ualagona i o outou taliga, ia outou tala'i atu
 28 i luga o fale. Aua foi tou te mata-

tau i e fasioti le tino, a e latou te le mafaia ona fasioti le agaga; a e lelei ona outou matatau i le ua mafai ona fano ia te ia le agaga
 29 ato ma le tino i Kēna. E le faa-
 tauhia ea ni manu iti se lua i le
 asari? e leai foi so laua e paū i le
 elelee e aunoa ma lo outou Tamā.
 30 A o outou lauulu lava ua faitaulia
 31 uma ia. O lea aua tou te matatau
 32 ai; e sili outou i manu iti e tele. O
 lenei, ai se na te ta'uta'u a'u i luma
 o tagata, o a'u foi ou te ta'uta'uina
 o ia i luma o lo'u Tamā o i le lagi.
 33 Ai se faafiti foi ia te au i luma o
 tagata, ou te faafitia foi o ia i luma
 34 o lo'u Tamā o i le lagi. Aua tou te
 manatunatu ua ou sau e avatu le
 filemu i le lalolagi; ou te lei sau e
 35 avatu le filemu, a o le pelu. Auā ua
 ou sau e faamasesei le tagata ma
 lona tamā, o le tama teine foi e
 faamasesei ma lona tinā, o le avā
 foi e faamasesei ma le tinā o lana
 36 tane. E fai foi le tagata ma fili o
 37 lona aiga. O le ua tele lona alofa i
 lona tamā po o lona tinā, a e itiiti
 ia te au, e le aoga lea ia te au; o le
 ua tele foi lona alofa i lona atalii po
 o lona afafine, a e itiiti ia te au, e
 38 le aoga foi lea ia te au. O se le ave
 lona satauro, ma le lē mulimuli mai
 ia te au, e le aoga foi lea ia te au.
 39 O lē maua lona ola, e māumau ai ia
 te ia; a o le faamāumau i lona ola
 40 ona o a'u, e maua e ia. O lē talia
 outou, ua talia e ia o a'u; o lē talia
 foi a'u, ua talia e ia o le na auina
 41 mai a'u. O lē talia foi o se perofeta
 i le igoa o le perofeta, e maua e ia
 le tau i le perofeta; o lē talia foi
 se tagata amiotonu i le igoa o le
 tagata amiotonu, e maua e ia le
 42 tau i le tagata amiotonu. Ai se
 avane foi tau lava se ipu vai mālulu
 e inu ai se tasi o i latou nei e faa-
 tauvaa i le igoa o le soo, e moni, ou
 te fai atu ia te outou, e le māumau
 lona tau.

*O le fesu a Ioane ia Iesu ma lana
 tali ia te ia.*

11 UA uma ona poloi e Iesu i ona
 soo e toasefulu ma le toalua, ona
 maliu ese ai lea o ia i lea mea, e
 a'oa'o atu ma tala'i atu i o latou aai.
 2 Ua lagona e Ioane i le fale puipui

o galuega a Keriso, ona auina mai
 ai lea e ia ni ona soo se toalua, ua
 faapea mai ia te ia, O oe ea lē maliu
 3 mai, pe matou te faatali i se tasi?
 4 Ona tali atu ai lea o Iesu, ua faapea
 atu ia te i laua, Ina o atu ia oulua,
 ma faailoa atu ia Ioane o mea na
 oulua faalogo i ai, ma vaai i ai; ua
 5 pupula tauaso ma ua savavali pipili,
 ua faamamāina lepele ma ua logo
 tutuli, ua faatutūina o e na oti ma
 ua folafolaina foi le tala lelei i e
 matitiva. E manuia foi se le tausuai
 6 ia te a'u. Ua la o, ona oo ane lea o
 7 le lauga a Iesu i le motu o tagata ia
 Ioane, Na outou o atu ea i le vao e
 matamata i ni a? o le u ea ua lulu-
 ina e le matagi? Pe na outou o
 8 lava e matamata i ni a? o le tagata
 ea ua ofu i ofu malulu? faauta, o e
 oofu i ofu malulu o i maota o tupu i
 latou. A o le a ea na outou o atu e
 9 matamata i ai? o le perofeta ea?
 E moni, ou te fai atu ia te outou, E
 sili lava ia i le perofeta. Auā o ia
 10 lea ua tusi mai i ai, Faauta, ou te
 auina atu la'u sāvali i ou luma, o le
 na te teuteua lou ala i ou luma. E
 11 moni, ou te fai atu ia te outou, e lei
 tu mai i e na fananau i fafine sē sili
 ia Ioane le papatiso; a o lē aupito
 itiiti i le malo o le lagi, e sili lea ia
 te ia. Na afua mai i ona po o Ioane
 12 le papatiso, ua oo i nei ona po, ua
 taufaao ai le malo o le lagi, o loo ua
 avea faamalosi foi e i latou o taufaao.
 Auā ua vavalo mai le au perofeta
 13 uma ma le tulafono, ua oo lava ia
 Ioane. Afai foi tou te loto ina talia,
 14 o Elia lava lea na tuu e sau. O le
 15 ua i ai taliga e faalogo ai, ina faa-
 logo mai ia o ia. Ou te faatusaina i
 16 ni a lenei tupulaga? E tusa ia ma
 tama iti ua nonofo i malae, ma
 valaau atu i a latou aumea, ua faa-
 17 pea atu, Ua matou faaili atu ia te
 outou, a e tou te lei saasaa mai; ua
 matou tagi aue ia te outou, a e tou
 te lei taufaitagitu'i mai. Auā na
 18 sau Ioane, e lei 'ai, e lei inu foi ia;
 ona latou fai ane ai lea, Ua ia te ia
 le temoni. Ua sau foi le Atalii o le
 19 tagata, ua 'ai o ia ma inu; ona latou
 fai ane ai lea, Faauta, o le tagata
 'ai tele ma le inu uaina, o le u a
 telona ma ē agasala. A e ta'uamio-
 tonuina le poto e ana tama.

20 Ona faasa'i atu ai lea o ia i aai na
fai ai le tele o ona vavega, auā latou
21 te lei salamo. Oi talofa ia te oe
Koasini! oi talofa ia te oe Petesaita!
auā ana faia i Turo ma Saitonu o
vavega na faia ia te outou, po ua
22 leva ona latou salamo i le ie tala-
tala ma le lefulefu. O lea ou te fai
atu ai ia te outou, E feoloolo Turo
ma Saitonu i le aso faamasino ia te
23 outou. O oe foi Kapanaumi, ua faa-
eaina e oo i le lagi, e lafotuina oe i
lalo lava i seoli; auā ana faia i
Sotoma o vavega na faia ia te oe, po
24 ua tumau ia ua oo i nei ona po. O
lea foi ou te fai atu ai ia te outou, E
feoloolo le nuu o Sotoma i le aso
25 faamasino ia te oe. O lea lava itu
aso ua fetalai atu ai Iesu, ua faapea
atu, Ou te faafetai ia te oe, *lo'u*
Tamā e, le Alii o le lagi ma le lalo-
lagi, ina ua e nanā ia mea i e popoto
ma e atamamai, a ua faaalua atu ia
26 mea i tama valevale. O lea lava,
lo'u Tamā e, auā o lou finagalo lava
27 lea. Ua tuuina mai mea uma ia te
au e *lo'u* Tamā; e leai foi se tasi ua
iloa le Atalii, ua na o le Tamā; e
leai foi se tasi ua iloa le Tamā, ua
na o le Atalii, ma se ua loto le Atalii
28 e faaali atu i ai. Ia outou o mai ia
te au, o outou uma o e tigaina ma
mafatia i avega, o a'u foi e ma-
29 lolo ai outou. Ia outou amoina la'u
amo, ma ia outou faaa'oa'o ia te au,
auā o a'u lē agamalu ma le loto
30 maulalo; ona maua lea e outou o le
malologa mo outou agaga. Auā e
avegofie la'u amo, o la'u avega foi e
māmā ia.

*Ua faatonu atu e Iesu i mea e tusa
ona fai i le sapati.*

12 O IA ona aso ua ui atu ai Iesu i
tosaito i le sapati; ua fia aai foi ona
soo, ona ooti ai lea e i latou o 'au
2 saito, ma aai ai. Ua iloa atu e le au
faresaio, ona latou faapea atu ai lea
ia te ia, Faauta, ua faia e ou soo le
3 mea e sa ona fai i le sapati. A ua
fetalai atu o ia ia te i latou, E lei
faitaulia ea e outou le mea na faia e
Tavita, ina ua fia 'ai o ia, atoa ma i
4 latou sa ia te ia; na ulufale ia i le
fale o le Atua, na 'ai foi e ia areto
ua laulauina i luma, o mea e sa ona
'ai ai o ia, atoa ma i latou sa ia te ia,

e gata lava i le au faitaulaga? E lei 5
faitaulia ea foi e outou i le tula-
fono, o sapati *uma* ua solia ai le
sapati e le au faitaulaga i le malu-
malu, a e le sala i latou? Ou te fai 6
atu foi ia te outou, O iinei le ua sili
i le malumalu. Ana outou iloa le 7
uiga o lea *upu*, Ou te loto i le alofa,
a e le o le taulaga, po ua outou le
faasalaina o e le sala. Auā o le 8
Atalii o le tagata, o le Alii lava ia o
le sapati.

Ua maliu ese ia i lea mea, ona 9
ulu atu ai lea o ia i lo latou sunako.
Faauta foi, sa i ai le tagata ua gase 10
lona lima; ona latou fesili mai ai
lea ia te ia, ua faapea mai. E tatau
ea ona faamalolo i le sapati? ina ia
latou momoli ia te ia. Ona fetalai 11
atu ai lea o ia ia te i latou, O ai ea
so outou e ana le mamoe e tasi,
afai foi e paū o ia i le lua i le sa-
pati, e le tago ea i ai, ma avae i
luga? e le sili lava ea le tagata i le 12
mamoe? o lea e tatau ai ona aga-
lelei i le sapati. Ona fetalai atu ai 13
lea o ia i le tagata, Ina faaloaloa ia
o lou lima. Ona faaloaloa ai lea e
ia, ona toe lelei ai lea, ua pei o le
tasi. A ua o i fafo le au faresaio, 14
ona latou taupulepule ai lea ia te
ia, ina ia latou fasioti ia te ia. A 15
ua silafia e Iesu, ona maliu ese ai
lea o ia i lea mea; ua mulimuli mai
foi ia te ia le motu o tagata e toa-
tele; ona faamaloloina ai lea e ia o 16
i latou uma; ua matua fetalai atu
foi o ia ia te i latou, aua ne'i latou
faalaua'i tele ia; ina ia taunuu ai le 17
upu a le perofeta o Isaia, ua faapea
mai. Faauta, o la'u auauna na ou 18
filifilia, o la'u pele o loo fiafia i ai
lo'u loto; ou te tuuina atu lo'u
Agaga i ona luga, e faailoa atu e ia 19
le faamasinoga i nuu ese; e le finau
ia, e le alaga foi o ia, e le lagona foi
lona leo e se tasi i ala. E le gagau 20
e ia le u ua gapēpē, e le tinei foi e
ia le vavae ua mu itiiti; seia faa-
manumalo e ia le faamasinoga. O 21
lona igoa foi e faamoemoe i ai nuu
ese.

Ona aumaia lea ia te ia o le ta- 22
gata ua uluitinoina e le temoni, o le
tauasao foi o ia ma gūgū; ona faa-
maloloina ai lea e ia o ia, ona tau-
tala ai lea ma vaai lē sa tauasao ma

23 gūgū. Ona taufaiofo ai lea o le motu o tagata uma, ua faapea ane, E le o le atalii ea lenei o Tavita?

24 A ua lagona e le au faresaio, ona latou fai ane ai lea, Ana le se anoa Pelesepulo le alii o temoni, e le tulia e lena tagata o temoni. A ua silafia e Iesu o latou manatunatu, ona fetalai atu ai lea o ia ia te i latou, O malo uma ua fevaevaeai e faaumatia ia; o aai uma foi po o aiga e fevaevaeai e lē tumau ia. Afai foi e tulia e Satani ia Satani, ona fevaevaeai lea o ia ia te ia; pe faapefea foi ona tumau o lona malo?

27 Afai foi o Pelesepulo ou te tulia ai e a'u temoni, po o ai ua tulia ai temoni e a outou fanau? O le mea lea e fai ai i latou ma faamasino ia te outou. A e afai o le Agaga o le Atua ou te tulia ai e a'u o temoni, ua oo mai lava ia te outou le malo o le Atua. E mafai faapefea se tasi ona ulu atu i le fale o le tagata malosi, mā vete ana mea? seia muai fusufusia le tagata malosi, i le vete ai lona fale. O se le 'au ia te au, e 'au ese lea ia te au; o se le faaputu faatasi ma a'u, e faataapeape lea.

31 O le mea lea ou te fai atu ai ia te outou, O agasala uma mā upu leaga e faamagaloina ia i tagata; a o le upu leaga i le Agaga, e le faamagaloina lea i tagata. Ai sē fai upu i le Atalii o le tagata, e faamagaloina lea; a o lē fai upu i le Agaga Paia, e le faamagaloina lea i le olaga nei po o lē atali. Ia outou ta'ua le laau e lelei, ia lelei foi ma ona fua; a le o lea, ia outou ta'ua le laau e leaga, ia leaga foi ma ona fua; auā o ona fua ua iloga ai le laau. Fanau a gata feai e, outou o loo leaga, e mafai faapefea ona outou upu lelei? auā o le tele o mea i le loto e tautala mai ai le gutu. Ua au mai mea lelei e le tagata amio lelei i mea lelei ua teu i lona loto; o le tagata amio leaga foi, ua au mai mea leaga i mea leaga ua teu i lona loto. A ou te fai atu ia te outou, o upu faatauvaā uma e faia e tagata, latou te talatala atu ai le tala i le aso

37 faamasino. Auā o au upu e ta'u-amiotonuina ai oe, o au upu foi e faasalaina ai oe.

38 Ona tali mai ai lea o isi o le au

tusiupu ma le au faresaio, ua faapea mai, Le a'oa'o e, ua matou fia iloa se faailoga ia te oe. A ua tali atu o ia, ua faapea atu ia te i latou, O le tupulaga leaga ma le mulilulua ua latou sailia mai se faailoga; a e leai se faailoga e avatua i ai, ua na o le faailoga o Iona le perofeta. Auā e pei o Iona sa i le manava o le i'a tele i ao e tolu ma po e tolu, e faapea foi ona i ai o le Atalii o le tagata i lalo i le elelee i ao e tolu ma po e tolu. E tutū mai tagata o Nineva i le faamasinoga faatasi ma le tupulaga nei, e faasala i ai; auā na latou salamo i le tala'iga a Iona; faauta foi, o iinei lē sili ia Iona. E tutū mai faatasi le tupu fafine o le itu i toga ma le tupulaga nei i le faamasinoga, e faasala i ai; auā na sau o ia mai le gataaga o le lalolagi e faalogologo i le poto o Solomonua; faauta foi, o iinei lē sili ia Solomonua. Pe a alu i fafo i le tagata le agaga leaga, ona fealuai ai lea o ia i nuu naumati, ua saili se malologa, a e le maua. Onā faapea ane ai lea o ia, Ou te foi atu i lo'u fale na ou sau ai; ua alu i ai, ona iloa ai lea ua tuufua, ua uma foi ona tafitafi ma teuteu. Ona alu ai lea o ia, ua na aumaia isi agaga e toafitu e sili lo latou leaga i lona, ona latou ulufale atu ai lea, ua nonofo ai; ona sili ai lea o le leaga o le iuga o lea tagata i lona amataga. E faapea foi ona fai i lenei tupulaga leaga.

Ua tautala ia i le motu o tagata, faauta, ua tutū mai i fafo o lona tinā ma ona uso, ua fia tautala ma ia. Ona fai mai ai lea o le tasi ia te ia, Faauta, ua tutū mai i fafo lou tinā ma ou uso, ua fia tautala ma oe. Ona tali atu ai lea o ia, ua faapea atu i le na ta'u mai ia te ia, O ai ea lo'u tinā? o ai foi o'u uso? Ona faaloaloa ai lea e ia o lona aao i ona soo, ua faapea atu, Faauta, o lo'u tinā ma o'u uso, Auā o lē faia le finagalo o lo'u Tamā o i le lagi, o lo'u uso lea, ma lo'u tuafafine, ma lo'u tinā.

O faataoto e tele na fetalai atu ai Iesu i le motu o tagata.

O LEA lava aso ua ulufafo ai Iesu nai le fale, ua nofo i lalo e

- 2 latalata ane i le vai; ona faapoto-
poto mai ai lea ia te ia o le motu o
tagata e toatele, o le mea lea na
malu ae ai o ia i le vaa, ua nofo ai;
ua tutū mai foi le motu o tagata
- 3 uma i le auvai. Ona fetalai atu lea
o ia ia te i latou i mea e tele i faa-
taoto, ua faapea atu, Faauta, ua alu
atu le tagata lulu saito e lulu ai
- 4 saito. Ua ia lulu saito, ua paū ai
isi i le auala; ona o ane lea o manu
- 5 felelei, ma aai ai. Ua paū foi isi i
le mea papa, e itiiti le elelee sa i ai;
ona vave tupu ai lea, ona o le elelee
- 6 ina itiiti; ua alu ae le ia, ua velasia;
ona magumagu ai lea, ona ua leai
- 7 ni aa. Ua paū foi isi i le vao tui-
tui, ua tutupu ae foi le vao tuitui,
- 8 ona fetinaia ai lea. A ua paū isi
i le elelee lelei, ona fua mai ai lea e
taiselan i nisi ma taionogafulu i
- 9 nisi ma taitolugafulu i nisi. O le
ua i ai taliga e faalogo ai, ina faa-
logo mai ia o ia. Ona o mai ai lea
- 10 o ona soo, ua faapea mai ia te ia,
Se a le mea ua e fetalai atu ai ia te
- 11 i latou i faataoto? Ona tali atu ai
lea o ia, ua faapea atu ia te i latou,
Ua foaiina atu ia te outou ia outou
- 12 iloa mea lilo a le malo o le lagi, a
ua le foaiina atu ia te i latou. Auā
o le ua i ai mea, e foaiina atu ia te
- 13 mea ua ia te ia. O le mea lea ou te
tautala atu ai ia te i latou i faata-
oto, auā o lo latou vaai latou te le
- 14 vaai ai, o lo latou faalogo foi, latou
te le faalogo ai, pe lagona. Ua tau-
nuu ai ia te i latou le valoaga a Isa-
- 15 ia, ua faapea mai, E faalogo lava
outou, a e tou te le lagona; e ma-
tuā vaavaai foi outou, a e tou te le
- 16 iloa. Auā ua mafafia loto o lenei
nuu, ma ua faalogo gata o latou ta-
liga i faalogo, ua moeini foi o latou
- 17 mata; ne'i vaai o latou mata, ma
faalogo o latou taliga, ma lagona o
latou loto ma liliuina i latou, ma ou
- 18 faamaloloina i latou. Amuia o ou-
tou mata, auā ua vaavaai; ma o
- 19 outou taliga, auā ua faalogo; auā e
moni, ou te fai atu ia te outou, E
toatele perofeta ma tagata amio-
- 20 tonu sa naunau i le fia iloa o mea
ua outou vaai i ai, a e lei iloa; *na*
latou fia faalogo foi i mea ua outou
- faalogo i ai, a e lei faalogo ai lava.
O lenei, ina faalogologo mai ia ou-
tou i le faataoto i le tagata lulu
saito. A faalogo se tasi i le upu o
le malo, a e le lagona, ona alu ane
ai lea o le ua leaga, ua fao le mea
sa luluina i lona loto; o le mea lea
sa luluina i le auala. A o le mea sa
luluina i le mea papa, o le tagata
lea ua faalogo i le upu, ona talia loa
lea ma le fiafia; a ua leai ni aa ia te
ia, ua faaletumau ia; auā pe a tupu
le puapuaga, po o le sauaga ona o
le upu, ona tausui loa lea o ia. O
le mea sa luluina i le vao tuitui, o
ia lea ua faalogo i le upu, a o le
loto popole i mea a lenei lalolagi,
ma le pepelo o le oa ua fetinaia
ai le upu, ona le fua mai lava lea.
A o le mea sa luluina i le elelee
lelei, o ia lea ua faalogo i le upu,
ma lagona ai; ua fua mai lava ia, e
taiselan i nisi, e taiono gafulu i nisi,
e taitolugafulu foi i nisi.
- Ua sauni atu e ia le tasi faataoto
ia te i latou, ua faapea atu, Ua faa-
tusaina le malo o le lagi i le tagata
na luluina le saito lelei i lona fanua;
ua momoe tagata, ona alu ane ai
lea o le ua ita mai ia te ia, ua na
luluina le titania i totonu o le saito,
ona alu ese ai lea o ia. Ua totago
ae le saito, ma fua mai, ona iloa ai
lea o le titania. Ona o mai ai lea o
auauna a le matai o le aiga, ua faa-
pea mai ia te ia, Le alii e, e le o le
saito lelei ea na e luluina i lou
fanua? O lenei, pe naifea nei tita-
nia? Ona fai atu ai lea o ia ia te i
latou, Ua fai lenei mea e se tagata
ua ita mai. Ona fai mai ai lea o
auauna ia te ia, E te finagalo ea
matou te o atu e veleeseina ia mea?
A ua fai atu ia, Aua; ina ne'i outou
liai ma le saito pe a outou vele ese
le titania. Tuu ia, ia tupu lua pea
seia oo i le seleselega; a oo atu i
ona po e selesele ai, ou te fai atu ai
i e selesele, Ia outou muai faapoto-
poto mai le titania, ma outou fusia
i fusi e susunu ai; a o le saito, tou
te faaputuina lea i lo'u fale saito.
- Ua sauni atu e ia le tasi faataoto
ia te i latou, ua faapea atu, E tusa
le malo o le lagi ma le fua o le
sinapi, na ave e le tasi tagata, ma
totō i lona fanua; e itiiti lava ia i

- fua o laau uma; pe a uma ona tupu, e sili ia i laau afu, e iu ina fai ma laau tele, e o mai ai manu felelei, ma latou momoe i ona la.
- 33 Ua fetalai atu e ia le tasi faataoto ia te i latou, E tusa le malo o le lagi male mea faafefete, na ave e le fafine, ma tuu i totonu o le falaoa e tolu tumu, ua oo ina faafefeteina uma ai.
- 34 Ua fetalai atu Iesu ia mea uma i le motu o tagata i faataoto, ua na o faataoto na fetalai atu ai o ia ia te i latou. Ina ia taunuu ai o le upu a le perofeta, ua faapea mai, Ou te tautala atu i faataoto, ou te ta'u atu mea na lilo talu ona faavaeina o le lalolagi.
- 36 Ona tuuna ai lea e Iesu o le motu o tagata, ua ulufale atu ai i le fale; ona o mai ai lea ia te ia o ona soo, ua faapea mai, Ia e faamatala mai ia te i matou le faataoto i le titania i le fanua. Ona tali atu ai lea o ia, ua faapea atu ia te i latou, O lē lulu le saito lelei, o le Atalii lea o le tagata; a o le fanua, o le lalolagi lea; o le saito lelei, o tagata ia o le malo; o le titania, o le fanua ia a le ua leaga; o le ua ita mai na na luluina ia mea, o le tiapolo lea; o le seleselega, o le gataaga lea o le lalolagi; o e selesela, o agelu ia. O lea e pei ona faaputuina ai o le titania, ma susunuina i le afi, e faapea foi ona faia i le gataaga o lenei lalolagi. E aauina atu e le Atalii o le tagata ana agelu, latou te faapopotoina nai lona malo mea uma e tausui ai ma ē amio leaga. E lafoina i latou i totonu o le ogāumu aasa; e i ai le tagiaue ma le lilivau o nifo. Ona pupula ai lea o e amiotonu e pei o le ia i le malo o lo latou Tamā. O le ua i ai taliga e faalogo ai, ina faalogo mai ia o ia.
- 44 E tusa foi le malo o le lagi i le oa ua natia i le fanua; ua iloa e le tasi, ona nanā ai lea e ia; ua alu foi ma le fiafia, ma faatau atu ana mea uma, i le faatau a'i mai lea fanua.
- 45 E tusa foi le malo o le lagi ma le tagata faatauoa, ua sailiili penina lelei; ua iloa e ia le tasi penina tau tele, ona alu ai lea o ia, ua faatau atu ana mea uma, i le faatau a'i mai.
- E tusa foi le malo o le lagi ma le 47 upega ualalo i le vai, ua maua ai i'a escese uma. Ua tumu, ona latou 48 toso ae ai lea i le matafaga, ua nonofo ma fafao i'a lelei i ola, a o i'a leaga ua lafoai. E faapea foi i le 49 gataaga o le lalolagi; e o atu le au agelu e vavae ese i e amio leaga ma e amiotonu, ona latou lafoina lea ia 50 te i latou i le ogāumu aasa; e i ai le tagiaue ma le lilivau o nifo. Ona 51 fetalai atu lea o Iesu ia te i latou, Ua outou lagona ea nei mea uma? Ua latou fai mai ia te ia, Ioe, le Alii e. Ona fetalai atu lea o ia ia 52 te i latou, O lenei, o tusiupu uma o e ua a'oa'o'ina i le malo o le lagi, e tusa i latou ma le matai o le aiga, ua au mai mea fou ma mea tuai mai lona fale oloa. Ua faai e Iesu nei 53 faataoto, ona malia ese ai lea o ia i lea mea.
- Ua oo atu ia i lona lava nuu, ona 54 a'oa'o atu ai lea o ia ia te i latou i lo latou sunako; ua latou tauaiafo ai, ua faapea ane, Po o fea na maua ai e lenei tagata lenei pota ma ia vavega? E le o le atalii ea lenei o 55 le tufuga? e le o Maria ea le igoa o lona tinā, o ona uso foi o Iakopo, ma Iose, ma Simona, ma Iuta? E 56 le o ia te i tatou ea ona tuafāfine uma? po o fea foi na maua ai e lenei tagata nei mea uma? Ona 57 latou tausui ai lea ia te ia. A ua fetalai atu Iesu ia te i latou, E leai se perofeta e le mamalu, ua na o lona lava nuu ma lona aiga e le mamalu ai. Ua le tele foi ni vavega 58 na na faia i lea mea, ona o lo latou le faatuatua.
- O le fasiga o Ioane le papatiso; o vavega ua faia e Iesu.*
- O IA ona po ua lagona ai e le 14 tupu o Herota le tala ia Iesu; ona 2 fai atu lea o ia i ana auuina, O Ioane le papatiso lona; ua tu mai o ia i e ua oti; o le mea foi lea ua fai ai vavega e ia. Auā na pue e Herota 3 ia Ioane, ua fusifusi foi ia te ia, ma tuuina atu o ia i le fale puipui, ona o Herotia le avā a Filipo lona uso. Auā na fai atu Ioane ia te ia, E sa 4 ona fai o ia mau avā. Ua ia fia 5 fasioti ia te ia, a ua mata'u i le motu o tagata, auā o la latou taofi o le

- 6 perofeta ia. Ua oo ina fai le faa-
manatuga o le aso na fanau mai ai
Herota, na saasaa i o latou luma le
tama teine a Herotia, na ia faafiafia
7 foi ia Herota. O le mea lea na ia
matuā fai atu ai ia teia ma le augani
na te avatu ia te ia se mea na te ole
8 mai ai. A o ia, ua faaosoina e lona
tinā, ua fai atu, Ia e au mai iinei ia
te au le ulu o Ioane le papatiso i se
9 tanoa. Ona tiga ai lea o le tupu; a
ona o le augani, ma e ua taooto e
aai faatasi ma ia, ua ia poloai atu e
10 avatua. Ona auina atu ai lea e ia *se*
tasi, ua vavae mai le ulu o Ioane i
11 le fale puipui. Ona au mai ai lea o
lona ulu i le tanoa, ua avane i le
teine, ua na aveina atu foi i lona
12 tinā. Ona o ane ai lea o ona soo,
ua ave le tino, ua tanu ai; ua latou
13 o mai foi, ma ta'u mai ia Iesu. Ua
faafofoga i ai Iesu, ona maliu ese ai
lea o ia i lea mea i le vaa i le mea
tuufua ua na o ia. Ua faalogo ai le
motu o tagata, ona latou mulimuli
atu ai lea ia te ia, ua ui a uta mai
aai.
- 14 Ua maliu atu Iesu, ua na silafia
le motu o tagata e toatele, ona
mutimuti vale ai lea o lona alofa ia
te i latou, ua faamalolo foi e ia o
15 latou ma'i. Ua oo i le afiasi, ona o
mai ai lea o ona soo ia te ia, ua faa-
pea mai, O le mea tuufua lenei, ua
leva foi le aso; ia e tuuina atu le
motu o tagata, ina ia latou o i aai e
16 faatau ni mea e 'ai mā latou. A ua
fetalai atu Iesu ia te i latou, E le
aoga ona latou o; ia outou avane *ni*
17 *mea* latou te aai ai. Ona latou fai
mai lea ia te ia, E lei ni a tatou
mea iinei, ua na o areto e limagafua
18 ma i'a e lua lau. Ua fetalai atu o
ia, Aumaia iinei ia te au. Ona feta-
19 lai atu ai lea o ia i le motu o tagata
ia latou taooto i le mutia. Ona tago
lea o ia i areto e limagafua ma i'a e
lua lau, ua tepa ae i le lagi, ua faa-
fetai; ua ia tofitofi foi i areto, ma
avatu i le au soo, *ona avatu ai lea* e
20 le au soo i le motu o tagata. Ona
aai ai lea o i latou uma lava, ua
maoona; ua latou fu'e foi toe 'aiga,
ua tutumu ai ato e sefulu ma le lua.
21 O i latou foi na aai pe limagaaf e
tane, a e lei *faitaulia* fafine ma
tama iti.

Ona uunai loa lea o Iesu i ona 22
soo e o ae i le vaa, e muamua atu
ia te ia i le tasi itu, seia tuuina atu
e ia le motu o tagata ia ō. Ua tuu- 23
ina atu e ia le motu o tagata ia ō,
ona maliu ae lea ua na o ia i le
mauga e tatalo. Ua oo i le afiasi,
ua na o ia sa i ai. A o le vaa ua i 24
totonu o le vasa ua felafoaia i le
sou; auā ua agi mai i luma le ma-
tagi. Ua maliu atu Iesu ia te i 25
latou i le leoleoga e fa o le po, ua
savali i luga o le vai. Ua iloa mai 26
e le au soo o ia ua savali i luga o le
vai, ona latou atuatuvaale ai lea, ua
faapea ane, O le aitu; ona latou
uio ai lea i le matatau. Ona feta- 27
lai atu loa lea o Iesu ia te i latou,
ua faapea atu, Ia outou loto tetele;
o a'u lava, aua tou te matatau. Ua 28
tali mai Peteru ia te ia, ua faapea
mai, Le Alii e, afai o oe, ia e fetalai
mai ia te au, ou te alu atu ia te oe i
luga o le vai. Ona fetalai atu ai 29
lea o ia, Ina sau ia. Ona alu ifo ai
lea o Peteru nai le vaa, ua savali i
luga o le vai e alu ia Iesu. Ua vaai 30
ia i le matagi ua tetele, ona fefe ai
lea; ona afua ai lea ona goto, ua
alaga, ua faapea mai, Le Alii e, ia e
faaola mai ia te au. Ona aapa atu 31
loa lea e Iesu o lona aao, ua tago ia
te ia, ua faapea atu ia te ia, O oe
na lē faatuatua itiiti, se a le mea ua
e masalosalo vale ai? Ona ia o ae 32
lea i le vaa, ona malū ai lea o le
matagi. Ona o mai ai lea o e na i 33
le vaa, ua ifo mai ia te ia, ua faapea
mai, E moni, o oe lava o le Alo o le
Atua.

Ua o atu i latou i le tasi itu, ua 34
oo i le nuu o Kenesareta. Ua iloa 35
mai o ia e tagata o lea nuu, ona
latou feau atu ai lea i lea itu uma
lava, ua latou au mai ai ia te ia o e
mamai uma lava; ma ua latou aiai 36
mai ia te ia, tau lava ina latou pa-
pai i le tuupao o lona ofu; ua faa-
maloloina foi o i latou uma e na
papai mai i ai.

*O le sese o le au faresaio. O le
navega i mea e 'ai.*

Ona o mai ai lea ia Iesu o tusiupu 15
ma faresaio mai Ieruselema, ua faa-
pea mai, Se a le mea ua soli ai e ou
soo le uputuu a ē anamua? auā ua 2

le fafano o latou lima pe a latou
 3 aai. A ua tali atu ia, ua faapea
 atu ia te i latou, Se a le mea ua soli
 ai e outou foi le poloaiga a le Atua
 4 i a outou uputuu? Auā ua poloai
 mai le Atua, ua faapea mai, Ia e
 ava i lou tamā ma lou tinā; i le ma
 lea, O lē upu leaga i le tamā po o
 5 le tinā, ia fasiotia lava ia. A ua
 outou fai mai, Ai se fai ane i le
 tamā po o le tinā, ai se mea ua ia
 te au e aoga ia te oe, o le taulaga
 6 lea; ona le toe ava lea o ia i lona
 tamā po o lona tinā. Ua faapea
 ona outou faaleaogaina le poloaiga
 7 a le Atua i a outou uputuu. O ou-
 tou tagata pepelo, e tatau lava ia te
 outou le valoaga a Isaia, ua faapea
 8 mai, Ua faalatalata mai ia te au
 lenei nuu i o latou gutu, ma vivii
 mai ia te au i o latou laugutu, a o
 latou loto ua taumamao ia te au.
 9 E tapuai fua mai i latou ia te au i
 lo latou fai ma mataupu o poloaiga
 10 a tagata. Ona valaau atu lea o ia i
 le motu o tagata, ua fetalai atu ia
 te i latou, Faalogo mai ia, ma ia ou-
 11 tou lagona. E le o le mea ua tuu i
 le gutu e leaga ai le tagata, a o le
 mea e sau mai le gutu, o lea ua le-
 12 aga ai le tagata. Ona o mai ai lea
 o ona soo ia te ia, ua fai mai ia te
 ia, Ua e silafia ea ua tiga le au fare-
 saio i lo latou faalogo i lea upu?
 13 A ua tali atu ia, ua faapea atu, O
 laau uma e lei totōina e lo'u Tamā
 14 o i le lagi, e liaiina ia. Tuu pea ia
 i latou, o tauaso i latou e ta'ita'i i e
 ua tauaso; afai foi e ta'ita'iina le
 tauaso e le tauaso, ona la pauu uma
 15 ai lea i le lua. Ona tali mai ai lea
 o Peteru, ua faapea mai ia te ia, Ia
 e faamatala mai ia te i matou lena
 16 faataoto. Ona fetalai atu ai lea o
 Iesu, Tou te le āu lagona foi ea e
 17 outou? Tou te le āu iloa ea, o mea
 uma ua tuu i le gutu, ua oo ia i le
 manava, ona lafoaiina lea i le māli-
 18 uga? A o mea e sau mai le gutu,
 ua alu ae ia mai le loto, o mea ia e
 19 leaga ai le tagata. Auā e alu ae
 mai le loto o le manatu leaga, o le
 fasioti tagata, o le muliluā, o le fai-
 taaga, o le gaoi, o le molimau pepelo,
 20 ma le upu leaga. O mea ia e leaga ai
 le tagata; a o le 'ai ma lima e lei
 fafano, e le o lea e leaga ai le tagata.

Ua malii ese Iesu i lea mea, ona 21
 oo atu ai lea o ia i le laueleele o
 Turo ma Saitonu. Faauta foi, o le 22
 fafine o Kanana ua sau mai lea lava
 itu, ua alaga mai ia te ia, ua faapea
 mai, Le Alii e, le alo o Tavita, ia e
 alofa mai ia te au; ua leaga lava
 la'u tama teine i le temoni ua i ai.
 A ua leai se upu na ia tali atu ai ia
 te ia. Ona o mai ai lea o ona soo,
 ua aioi mai ia te ia, ua faapea mai,
 Ia e tuuina atu ia te ia e alu, auā
 ua mulimuli mai o ia, ma alaga mai
 ia te i tatou. A ua tali atu ia, ua 24
 faapea atu, E lei auina mai a'u i
 nisi, a e tau lava o mamoe o le aiga
 o Israelu ua le iloa. Ona sau ai 25
 lea o ia, ua ifo ia te ia, ua faapea
 mai, Le Alii e, ia e fesoasoani mai
 ia te au. Ona tali atu ai lea o ia, 26
 ua faapea atu, E le tatau ona ave le
 mea e 'ai a le fanau, ma lafo i uli.
 Ona fai mai ai lea o ia, Le Alii e, e 27
 moni a oe; auā foi ua aai e uli o
 momoi mea ua pauu i laulau a o
 latou tāula. Ona tali atu ai lea o 28
 Iesu, ua faapea atu ia te ia, Funa e,
 ua tele lou faatuatua; e pei o lou
 manao, ia faapea lava ona faia ia te
 oe. Ona malōlo ai lea o lana tama
 teine i lea lava itu aso.

Ua malii ese Iesu i lea mea, ona 29
 oo atu ai lea o ia e lata ane i le vai
 o Kalilaia; ua malii ae i le mauga,
 ua nofo ai i lalo. Ona o mai ai lea 30
 ia te ia o le motu o tagata e toa-
 tele, ua ia te i latou o e pipili, o e
 tauaso, o e gūgū, o e mumutu, atoa
 ma nisi e toatele, ua latou tuu atu
 ia i latou i vae o Iesu; ona faama-
 31 lolo ai lea e ia o i latou. Ona tau-
 faifo ai lea o le motu o tagata ina
 ua latou iloa atu o e sa gūgū ua
 tautala, o e sa mumutu ua atoatoa,
 o e sa pipili ua savavali, o e sa tau-
 aso foi ua vaai; ona latou vivii atu
 ai lea i le Atua o Israelu. Ona 32
 valaau atu ai lea o Iesu i ona soo,
 ua faapea atu, Ou te alofa atu i le
 motu o tagata, auā o le aso tolu
 lenei o tatou nonofo ma i latou, e
 leai foi ni a latou mea e 'ai. Ou te
 le mafai ona tuuina atu ia te i latou
 e ō mātelaina, ne'i latou lailoa i le
 ala. Ona fai mai ai lea o ona soo ia 33
 te ia, Tatou te maua ifea ca i le vao
 ni areto e tele, ina ia maoona ai le

- motu o tagata ua toatele naua?
- 34 Ona fetalai atu ai lea o Iesu ia te i latou, E fia ea ni a outou areto? Ona latou fai mai ai lea, E fitu, ma
- 35 nai i'a lāuiti. Ona fetalai atu ai lea o ia i le motu o tagata ia latou tao-
- 36 oto i lalo; ona tago ai lea o ia i areto e fitu ma i'a, ua faafetai, ma tofitofi, ona avatu ai lea e ia i ona soo, *ona avatu ai lea e le au soo i le*
- 37 *motu o tagata.* Ona aai ai lea o i latou uma lava, ua maoona; ua latou fu'e foi i toe'aiga, ua tutumu
- 38 ai e te e fitu. O i latou foi na aai e toafagaafe o tane, a e lei *faitaulia*
- 39 *fafine* ma tama iti. Ua tuuina atu e ia le motu o tagata e ō, ona maliu ae ai lea o ia i le vaa, ua alu atu i le nuu o Makatala.
- O le faailoga; o le mea faafefete; o le upu a Peteru; o le valoaga a Iesu.*
- 16 ONA o mai ai lea o le au faresaio ma le au satukaio, ua latou faaososo ia te ia, ua fai mai ia faaali atu ia te i latou se faailoga mai le lagi.
- 2 A ua tali atu o ia, ua faapea atu ia te i latou, A oo i le afiasi ua outou fai ane, E laofie; auā ua mūmū mai
- 3 le lagi. O le taeco foi ua outou *fai ane*, E uaga le asō; auā ua mūmū mai, ma faamalumalu ifo le lagi. O outou tagata pepelo, ua outou iloa
- 4 ona mātauina amio a le lagi, a o faailoga o tausaga tou te le mafaia ea? O le tupulaga leaga ma le mulilulua ua saili mai se faailoga; a e leai se faailoga e avatu i ai, ua na o le faailoga o Iona le perofeta. Ona tuua ai lea e ia o i latou, ua maliu ese.
- 5 Ona oo atu ai lea o ona soo i le tasi itu, ua galo ia te i latou ona
- 6 ave ni areto. Ua fetalai atu Iesu ia te i latou, Ia outou, ia matuā 'alo ese i le mea faafefete a le au faresaio ma le au satukaio. Ona latou felafolafoi ai lea, ua faapea ane, *O lana fetalai*
- 7 *lea ina ua tatou le au mai ni areto.* A ua silafia e Iesu, ona fetalai atu ai lea o ia ia te i latou, Se a le mea ua outou felafolafoi ai, o outou e faatuatua ititi, ina ua le aumaia e outou ni areto?
- 9 Tou te le āu lagona ea, tou te le manatua foi i areto e lima ma le
- toalimagaafe, pe fia ato na outou fu'e ai? o areto foi e fitu ma le
- 10 toafagaafe, pe fia ete na outou fu'e ai? E le lagona faapefea outou, e
- 11 le o le areto na ou fai atu ai ia te outou, ia matuā 'alo ese i le mea faafefete a le au faresaio ma le au satukaio? Onā latou lagona ai lea,
- 12 e le o le mea faafefete o le areto na fetalai atu ai o ia ia matuā 'alo ese ai, a o le matanpu a le au faresaio ma le au satukaio.
- Ua maliu atu Iesu i le lauelele o
- 13 Kaisareia Filipino, ona fesili atu ai lea o ia i ona soo, ua faapea atu, Pe se a le upu a tagata ia te au le Atalii o le tagata, po o ai? Ona latou fai mai
- 14 ai lea, *O le upu a isi, o oe o Ioane le papatiso; a o isi, o Elia, a o isi, o Ieremia,* po o se tasi o le au perofeta. Ona fetalai atu lea o ia ia te i
- 15 latou, A o outou, pe se a la outou upu ia te au, po o ai? Ona tali mai
- 16 ai lea o Simona Peteru, ua faapea mai, O oe o le Keriso, o le Alo o le Atua soifua. Ona tali atu ai lea o
- 17 Iesu, ua faapea atu ia te ia, Amuia oe Simona Pāiona; auā e le se tagata na ia faaali atu ai ia te oe, a o lo'u Tamā o i le lagi. Ou te fai
- 18 atu nei a'u ia te oe, O Peteru oe, ou te ati ae foi la'u ekalesia i luga o lenei papa, e le mafaia foi e faitotoa o seoli ona manumalo i ai. Ou te
- 19 avatu foi ia te oe ki o le malo o le lagi; o se mea foi e te fusifusia i le lalolagi, e fusifusia foi lea i le lagi; o se mea foi e te tālā i le lalolagi, e tatalaina foi lea i le lagi. Ona vavao
- 20 atu ai lea e ia i ona soo, aua ne'i latou ta'uta'u atu i se tasi, o ia o Iesu le Keriso.
- O ona po ia na amata ai e Iesu
- 21 ona faailoa atu i ona soo, e tataua ona alu o ia i Ierusalema, e faatigaina foi i mea e tele e toeaina ma le au faitaulaga sili, ma le au tusi-upu, e fasiotia foi o ia, e faatuina foi o ia i le aso tolu. Ona ta'ita'i
- 22 ane ai lea e Peteru, ia te ia, ua vavao ia te ia, ua faapea mai, Le Alii e, ia mamao ia te oe lea mea; e le oo lena mea ia te oe. Ona fāliu atu ai
- 23 lea o ia, ua faapea atu ia Peteru, Satani e, ina alu ia oe i o'u tua, ua fai oe ma mea ou te tausui ai; auā e le o mea a le Atua ua e loto i ai, a

- 24 o mea a tagata. Ona fetalai atu ai
lea o Iesu i ona soo, Ai se tasi e fia
mulimuli mai ia te au, aua ne'i usi-
usitai o ia ia te ia, a ia ave e ia lona
satauro, i le mulimuli mai ai ia te
25 au. Auā ai se fia faasaogalemuina
lona ola, e māumau ai ia te ia; a o
le faamāumau lona ola ona o a'u, e
maua ai e ia. Auā se a le aoga i le
26 tagata pe afai na te maua le lalolagi
uma, a e māumau lona ola? se a foi
se mea e avatu e le tagata e togiola
27 a'i lona ola? Auā e sau le Atalii o
le tagata faatasi ma ana agelu i le
mamalu o lona Tamā; ona tauia lea
e ia e taitasi e tusa ma lana galuega.
28 E moni, ou te fai atu ia te outou, O
loo tutū mai iinei nisi e le oo ia te i
latou le oti, seia latou vaايا le
Atalii o le tagata ua sau i lona
malo.

*O le liueseina o Iesu; o le vavega; o
le taulaga.*

- 17 UA mavae atu aso e ono, ona o
ai lea o Iesu ma Peteru, ma Iakopo,
ma Ioane lona uso, ua ia avae ia te
i latou i le mauga māualuga ua na
2 o i latou lava. Ona liua ai lea o ia i
o latou luma, ua pupula mai ona
fofoga e pei o le la, ua sisina mai foi
ona ofu e pei o le malamalama.
3 Faauta foi, ua faaali mai Mose ma
Elia ia i latou, ua latou fetautala-
4 tala'i ma ia. Ona fai mai ai lea o
Peteru, ua faapea mai ia Iesu, Le
Alii e, e lelei ona tatou nonofo
iinei; a ē finagalo i ai, matou te faia
iinei ni fale apitaga se tolu; mo oe
le tasi, mo Mose le tasi, mo Elia foi
5 le tasi. Faauta, o le ao pupula ua
ufitia ai i latou a o tautala ia; fa-
auta foi, o le siufofoga mai le ao ua
faapea mai, O lo'u Atalii pele lena,
ou te fiasia ia te ia; ia outou faa-
6 logo ia te ia. Ua faalogo ai le au
soo, ona latou faapau faō ai lea,
7 ua matuā matatau lava. Ona malii
atu ai lea o Iesu ua pa'i atu ia te i
latou, ua faapea atu, Ina tutū ia
outou; aua foi tou te matatau.
8 Ona tetepa ae ai lea o latou mata,
ua latou le iloa atu se tasi, ua na o
9 Iesu lava. Ua latou oifo i le mauga,
ona vavao atu ai lea o Iesu ia te i
latou, ua faapea atu, Aua ne'i outou
ta'u atu i se tasi le mea na vaايا,

seia toe tu mai le Atalii o le tagata
mai e ua oti. Ona fesili mai lea o
10 ona soo ia te ia, ua faapea mai, Se a
le mea ua fai mai ai le au tusiupu, e
ao ina muai sau o Elia? Ona tali
11 atu ai lea o Iesu, ua faapea atu ia
te i latou, E muai sau lava Elia, ma
toe fuatai mea uma. A ou te fai atu
12 ia te outou, Ua mavae ona sau o
Elia, e lei iloa foi o ia e i latou, a ua
latou faia ia te ia o mea uma ra
latou loto i ai; e faapea foi le Atalii
o le tagata o le faatigaina e i latou.
Ona iloa ai lea e le au soo, o Ioane
13 le papatiso ua fetalai atu ai o ia ia
te i latou.

Ua latou oo atu i le motu o tagata,
14 ona sau ai lea ia te ia o le tasi ta-
gata, ua tootuli ia te ia, ua faapea
mai, Le Alii e, ia e alofa mai i lo'u
15 atalii, ua ma'i māliu, ua tiga lava;
auā ua paū soo ia i le afi, ua faapea
soo foi i le vai. Na ou au mai ia te
16 ia i ou soo, a ua latou le mafaia ona
faamalolo ia te ia. Ona tali atu ai
17 lea o Iesu, ua faapea atu, Le tupu-
laga le faatuatua ma le faapiopio,
ou te i ai ia te outou seia afea? ou
te faapalepale ia te outou seia afea?
au mai ia o ia iinei ia te au. Ua
18 vavao atu Iesu ia te ia, ona alu ai
lea i fafo o le temoni sa ia te ia;
ona malolo ai lea o le tama talu i
lea lava itu aso. Ona o ane ai lea o
19 le au soo ia Iesu ua na o i latou, ua
faapea ane, Se a le mea na matou le
mafai ai ona tulia o ia? Ona fetalai
20 atu ai lea o Iesu ia te i latou, Ona o
lo outou le faatuatua; auā e moni,
ou te fai atu ia te outou, afai e tusa
lo outou faatuatua ma le fua o le
sinapi, e fai atu outou i lenei mauga,
Alu atu ia oe i lela mea; ona alu
atu ai lea; e leai foi se mea tou te
le mafaia. A ua na o le tatalo ma
21 le anapogi e o ese ai mea faapena.

Ua latou ui ane i Kalilaia, ona
22 fetalai atu lea o Iesu ia te i latou,
O le a tuuina atu le Atalii o le tagata
i lima o tagata; latou te fasioti foi
23 ia te ia, a e toe faatuina o ia i le aso
tolu. Ona matuā tiga ai lea o i
latou.

Ua latou oo atu i Kapanauimi, ona
24 o mai ai lea ia Peteru o e tali tau-
laga, ua faapea mai, E le faia ea le
taulaga e lo outou a'oa'o? Ua fai 25

- atu ia, E fai lava. Ua ulufale atu ia i le fale, ona tomua atu ai lea o le fetalai a Iesu ia te ia, ua faapea atu, Simona e, pe ni a fa oe? e tali telo ma taulaga mai ia te ai e tupu o le lalolagi? o a latou fanau ea, 23 po o tagata ese? Ona fai mai ai lea o Peteru ia te ia, O tagata ese. Ona fetalai atu ai lea o Iesu ia te ia, 27 O lea foi ua saoloto ai le fanau. A o lenei, ne'i latou tausui ia i tatou, ina alu ia oe i le vai, ma lafo ai se mātāu, o le uluai i'a e te maua, ia e tago i ai, ma fafasi lona gutu, ona e maua ai lea o le setatara; ia e ave lea, ma avatu ia te i latou mā oe ma a'u.
- Ua a'oa'o atu Iesu ia loto mauulalo. O mea e tausui ai. O le alofa i e agaleaga mai.*
- 18 O LEA itu aso ua o ane ai le au soo ia Iesu, ua faapea ane, O ai ea 2 e sili i le malo o le lagi? Ona valaau atu ai lea o Iesu i le tama itiiti, ua 3 faatu ia te ia i o latou luma, ua faapea atu, E moni, ou te fai atu ia te outou, a le liua outou, ma ave ia pei o tama iti, tou te le sao lava i le 4 malo o le lagi. O lenei o sē faamaulalo o ia ia te ia e pei o le tama itiiti nei, e sili lea i le malo o le lagi. 5 Ai se talia se tama itiiti faapenei 6 ona o lo'u igoa, ua ia talia a'u; ai se na te faatausui se tasi o i latou nei e faatauvaa o e faatuatua ia te au, e lelei i lea tagata pe ana nonoa se maalo tele i lona ua, ma faagotoina 7 o ia i le moana loloto. Oi talofa i le lalolagi i mea e tausui ai! auā e oo mai lava mea e tausui ai e ao ai; a e ui lava i lea, oi talofa i lea tagata e oo mai ai le mea e tausui ai. Afai 8 foi e te tausui i lou lima po o lou vae, ina tutū ese ia, ma e lafoai; e lelei ona e sao i le ola a ua lima mutu, pe pipili, a e leaga pe a lafoina oe i le afi e faavarau ma ou lima e 9 lua ma ou vae e lua. Afai foi e te tausui i lou mata, ina sali ese ia, ma e lafoai; e lelei ona e sao i le ola ma le mata e tasi, a e leaga pe a lafoina oe ma ou mata e lua i le afi 10 o Kēna. Ia outou, ne'i tou faaleaogaina se tasi o i latou nei e faatauvaa; auā ou te fai atu ia te outou, o a latou agelu i le lagi e le aunoa ona latou vaavaai i fofoga o lo'u Tamā o i le lagi. Auā ua sau le 11 Atalii o le tagata e faaola i le na le iloa. Pe ni a fa outou? ai se tagata 12 o i ai mamoe e selau, afai e sē le tasi, na te le tuua ea le ivagafulu ma le iva i mauga, a e alu o ia e saili i le na sē? Afai foi na te maua, 13 e moni, ou te fai atu ia te outou, e tele lona olioli i lea, a e itiiti i le ivagafulu ma le iva e lei sē. E faa- 14 pea lo outou Tamā o i le lagi, e le finagalo ia ina ia fano se tasi o i latou nei e faatauvaa. Afai e aga- 15 leaga mai lou uso ia te oe, ia e alu, ma aoi ia te ia tau lava o oulua ma ia. Afai e faalogo mai o ia ia te oe, 16 ua e maua lou uso. A e afai e le faalogo mai o ia, lua te o ma se tasi, po o se toalua, ina ia faamaoni ai upu uma i le mau a le toalua, po o le toatolu. A le faalogo lava o ia ia 17 te i laua, ia e fa'u atu i le ekalesia; pe afai e le faalogo lava o ia i le ekalesia, ia ave a o ia ia te oe, ia pei o le faapaupau, po o le telona. E 18 moni, ou te fai atu ia te outou, O mea uma tou te fusifusia i le lalolagi, e fusifusia ia i le lagi; o mea uma foi tou te tālā i le lalolagi, e tatalaina ia i le lagi. Ou te fai atu 19 foi ia te outou, Afai e loto gatasi se toalua o outou o i le lalolagi i se mea la te ole atu ai, e faia lea mo i lava e lo'u Tamā o i le lagi. Auā o le 20 mea ua faapotopoto ai se toalua, po o se toatolu i lo'u igoa, ou te i ai faatasi ma i latou.
- Ona alu ane ai lea o Peteru ia te 21 ia, ua faapea ane, Le Alii e, e agaleaga mai faafia ea lo'u uso ia te au, ma ou faamagalo ia te ia? seia atu fitu ea? Ua fetalai atu Iesu ia te 22 ia, Ou te le fai atu ia te oe, seia atu fitu, a ia fitugafulu ni fitu. O le 23 mea lea e tusa ai le malo o le lagi ma le tasi tupu, o le na manatu e faamasino i mea ua i ana auauna. Ua amata e ia ona faamasino, ona 24 au mai ai lea ia te ia o le tasi ua i ai ana taleni e sefulu afe. Ua le 25 maua e ia ni mea e tau ai, ona fai atu lea o lona alii ia faatauina o ia, ma lana avā, ma ana fanau, atoa ma ana mea uma, ina ia tau ai mai. Ona faapaū ai lea o le auau- 26 na, ua ifo ia te ia, ua faapea mai, Le

alii e, ia e faapalepale mai ia te au,
 27 ou te tau i atu ai au mea uma. Ona
 mutimuti vale ai lea o le alofa o le
 alii o lea auaua, ua tuu atu o ia ia
 saoloto, ma faamagalalo atu ana tupe
 28 ua i ai. Ona alu atu lea o lea auau-
 na ua i iloā e ia le tasi o ona uso a
 auaua ua i ai ana tenari e selau ;
 ona pue lea ma titina ia te ia, ua
 faapea atu, Ina tau i mai ia a'u mea
 29 ua ia te oe. Ona faapa'u atu ai lea
 o lona uso a auaua i ona vae, ua
 aoi atu ia te ia, ua faapea atu, Ia e
 faapalepale mai ia te au, ou te tau i
 30 atu au mea uma. A ua le mafai o
 ia ; a ua alu ma tuu atu ia te ia i le
 fale puipui, seia tauia mai ana mea.
 31 Ua iloā e ona uso a auaua o mea
 na faia, ona latou matuā tiga ai lea ;
 ua latou o atu, ma ta'u atu i lo la-
 tou alii o mea uma lava na faia.
 22 Ona valaau atu ai lea o lona alii ia
 te ia, ua faapea atu ia te ia, Le au-
 auna leaga e, na a'u faamagaloina
 atu a'u mea uma ua ia te oe, ina ua
 33 e aoi mai ia te au ; e le tataua ea
 ona e alofa atu i lou uso a auaua, e
 pei o a'u foi na ou alofa atu ia te
 34 oe? Ona ita ai lea o lona alii, ua
 tuu atu ia te ia i e faataumaai, seia
 35 tauia mai ana mea uma. E faapea
 foi ona faia ia te outou e lo'u Tamā
 o i le lagi, pe afai tou te le taitasi
 ma faamagalalo ma o outou loto atoa
 i o outou uso pe a latou agaleaga
 mai.

*O le aleia o le avā ; ua faamanuia i
 tama iti ; o le taulealea mauoa.*

19 UA faai'u e Iesu o ia upu, ona
 tuua lea e ia o Kalilaia, ua oo atu i
 le laueleele o Iutaia i tala atu o Io-
 2 ritana. Ua mulimuli mai foi ia te
 ia le motu o tagata e toatele ; Ona
 faamalolo lea e ia ia te i latou i lea
 3 mea. Ona o mai ai lea ia te ia o
 faresaio, ua faaososo mai ia te ia,
 ua faapea mai ia te ia, Pe sa ea i se
 tasi ona faatea o lana avā ona o
 4 mea uma? Ona tali atu ai lea o ia,
 ua faapea atu ia te i latou, Tou te
 lei faitaulia ea, o le na faia tagata
 i le amataga, na ia faia i laua o le
 5 tane ma le fafine, na ia fetalai ane
 foi, O le mea lea e tuua ai e le tane
 o lona tamā ma lona tinā, a e faa-
 tasi ma lana avā ; ona avea lea o i

laua o le tino e tasi? O lea e le 6
 toe toalua ai, a o le tino e tasi i
 laua ; o lenei, o e ua faatasia e le
 Atua, aua ne'i faateaeaeina e se
 tagata. Ona latou fai mai ai lea ia 7
 te ia, Se a foi le mea na poloai mai
 ai Mose e avatu le tusi alei e faatea
 ai ia te ia? Ona fetalai atu ai lea 8
 o ia ia te i latou, Ona o outou loto
 ina maaa na tuu mai ai e Mose ia te
 outou e faatea i a outou avā ; a e
 lei faapea talu mai i le amataga.
 Ou te fai atu foi ia te outou, Ai se 9
 faatea i lana avā, a o lei mulilua ia,
 ma fai avā i se tasi, ua mulilua ia ;
 o se fai avā i le na faate'aina, ua
 mulilua foi lea. Ona fai mai ai lea 10
 ona soo ia te ia, Afai e faapea le tu
 a le tane ma le fafine, e ao ina le fai
 avā. A ua fetalai atu ia ia te i la- 11
 tou, E le mafai ona talia lena upu e
 tagata uma, ua na o e ua foaiina
 atu i ai ; auā o i ai eunuka o e faa- 12
 pea ina fanau mai ; o i ai foi eunuka
 o e ua faaeunukaina e tagata ; o i
 ai foi eunuka o e ua faaeunukaina i
 latou e i latou, ona o le malo o le
 lagi. Ai se na te mafaia ona talia,
 ina talia lea e ia.

Ona au mai ai lea ia te ia o tama 13
 iti, ina ia faaee ona aao ia te i latou,
 ma tatalo ; ona vavao atu ai lea o
 ona soo ia te i latou. A ua fetalai 14
 atu Iesu, Ina tuu mai ia o tama iti
 e o mai ia te au, aua le vaoia i la-
 tou ; auā e faapei o i latou nei o e
 o i le malo o le lagi. Ua faaee ona 15
 aao ia te i latou, ona malii ese ai
 lea o ia i lea mea.

Faauta foi, ua sau le tasi tagata, 16
 ua faapea mai ia te ia, Le a'oa'o
 lelei e, se a se mea lelei ou te faia
 ou te maua ai le ola faavavau?
 Ona fetalai atu ai lea o ia ia te ia, 17
 Se a le mea e te ta'ulelei mai ai
 a'u? e leai se tasi e lelei, ua na o le
 toatasi, o le Atua lea. Afai e te fia
 oo i le ola, ia e tausi i poloaiga. Ua 18
 fai mai o ia ia te ia, Po o le fea?
 Ona faapea atu ai lea o Iesu, Aua
 e te fasioti tagata ; aua e te muli-
 lua ; aua e te gaoi ; aua e te moli-
 mau pepelo ; ia e ava i lou tamā 19
 ma lou tinā ; ma ia e alofa atu i lē
 lua te tuaoi, ia pei o oe lava ia te
 oe. Ona fai mai ai lea o le taulea- 20
 lea ia te ia, Ua ou tausia na mea

- uma talu ina ou ititi, se a se mea o
 21 toe ou te lei faia? Ua tali atu Iesu
 ia te ia, Afai e te manao ina ia atoa-
 toa ona lelei o lau amio, ia e alu ma
 e faatau atu au mea, i le e avatu ai
 i e matitiva; ona ia te oe lea o le
 22 faulaigāoloa i le lagi, i le e sau ma
 mulimuli mai ia te au. Ua faalogo
 le taulealea i lea upu, ona alu ese
 ai lea o ia ma le tiga, auā e tele
 23 lava ana mea. Ona fetalai atu ai
 lea o Iesu i ona soo, E moni, ou te
 fai atu ia te outou, e faigata ona sao
 atu o le mauoa i le malo o le lagi.
 24 Ou te fai atu foi ia te outou, e fai-
 gogie ona ui atu o se kamela i le pu
 o le au, a e faigata ona sao o le
 25 mauoa i le malo o le Atua. Ua faa-
 logo ai ona soo, ona latou matuā
 taufaiofo ai lea, ua faapea ane, Afai
 o lea, o ai se tasi e mafai ona faa-
 26 olaina? Ona silasila atu ai lea o
 Iesu, ua faapea atu ia te i latou, E
 le mafaia e tagata lenei mea, a e
 27 mafaia mea uma e le Atua. Ona
 tali mai ai lea o Peteru, ua faapea
 mai ia te ia, Faauta, ua matou tuua
 mea uma, a e matou mulimuli atu
 ia te oe; se a foi se mea matou te
 28 maua? Ona fetalai atu ai lea o
 Iesu ia te i latou, E moni, ou te fai
 atu ia te outou, o outou ua muli-
 muli mai ia te au, pe a tietie le
 Atalii o le tagata i lona nofoālii
 mamalu i le toefuataiga, tou te tie-
 tie ai foi i nofoālii e sefulu ma le
 lua, e faamasino ai i itu aiga o Isa-
 29 raelu e sefulu ma le lua. Ai se
 tasi ua ia tuua o fale, po o uso, po
 o tuafāfine, po o le tamā, po o le
 tinā, po o le avā, po o le faau, po
 o fanua ona o lo'u igoa, e maua e ia
 e taisautuaselau, e fai foi mona tofi
 30 le ola faavavau. A e toatele o e ua
 muamua e avea ma mulimuli; o e
 ua mulimuli foi e avea ma muamua.

*O le faataoto i le tovine; o le loto
 maulalo; o tauaso e toalua.*

- 20 AUĀ e tusa le malo o le lagi ma
 le tasi matai na alausu atu e tautala
 ma nisi e faigaluega i lona tovine a
 2 e tau i atu. Ua tautala o ia ma ē
 faigaluega, o le aso ma le tenari;
 ona aauina atu ai lea e ia o i latou i
 3 lana tovine. O le itu aso foi e tolu
 ua alu atu ai o ia, ona iloa atu ai lea
 e ia o isi ua tutū i le malae e leai se
 galuega; ona fai atu ai lea o ia ia te
 i latou, Ina o atu ia outou foi i le
 tovine, a e ou te avatu ia te outou
 se mea e tusa. Ona latou o atu ai
 lea. Ua toe alu atu ia i le itu aso e
 ono, ma le iva, ua faapea foi ona
 fai. O le itu aso foi e sefulu ma le
 tasi ua alu atu ai o ia, ona iloa atu
 ai lea e ia nisi ua tutū e leai se
 galuega, ua na fai atu foi ia te i
 latou, Se a le mea tou te tutu mai
 ai iinei i le aso uma e leai se galu-
 ega? Ua latou fai mai ia te ia, E
 leai se na fai mai ia te i matou. Ua
 fai atu ia ia te i latou, Ina o atu ia
 o outou foi i le tovine, a e maua e
 outou se mea e tusa. Ua oo i le
 afiafi, ona fai atu ai lea o le alii e
 ana le tovine i lana auauna e pule,
 Valaau ia i e faigaluega, ma avatu
 le tau i ia te i latou, ia afua i e na
 mulimuli, ia oo i e na muamua. Ua
 o mai foi o e na o ane i le itu aso e
 sefulu ma le tasi, ua taitasi ma
 latou maua le tenari. Ona o mai
 ai lea o e na muamua, fa te i latou
 e sili sa latou mea e maua; a ua
 taitasi foi o i latou ma maua le
 tenari. Ua maua ai e i latou, ona
 latou muimui ai lea i le matai, ua
 faapea mai, E tasi lava le itu aso na
 galulue ai i latou nei na mulimuli,
 a ua e faatusaina i latou ma i matou
 o e na tigaina i le galuega ma le
 vela o le aso. Ona tali atu ai lea
 o ia i le tasi o i latou, ua faapea
 atu, Sole, e leai sa'u agaleaga ia te
 oe; ta te lei tautala ea i le tenari e
 tasi? Ina tago ia i lau mea, ma
 alu; o la'u pule lea e avatu lava i
 lenei na mulimuli e pei o a oe lava.
 E le faitalia ea a'u ona pule i a'u
 lava mea? e te faaūū mai ea ina ua
 ou agalelei? E faapea ona muamua
 o e na mulimuli, e mulimuli foi e na
 muamua; auā e toatele e ua tala'ina,
 a e toaititi e ua filifilia.

Ua maliu ae Iesu i Ierusalem, 17
 ona ave ai lea e ia o le au soo e
 toasefulu ma le toalua i le ala ua na
 o i latou lava, ua faapea atu ia te i
 latou, Faauta, o le a tatou o ae i
 Ierusalem, e tuuina atu ai le Atalii
 o le tagata i le au faitaulaga sili,
 ma le au tusiupu, latou te faasala ia
 te ia ia oti; latou te tuuina atu foi 19

- ia te ia i nuu ese, ina ia latou faa-
tauemu, ma sasa, ma faasatauro ia
te ia; a e toe faatuina o ia i le aso
tolu.
- 20 Ona sau ai lea o le tinā o atalii o
Sepetaio, faatasi ma ana tama tane,
ua ifo ma ole mai ia te ia i se mea.
- 21 Ona faapea atu ai lea o ia ia te ia,
Se a se mea e te manao i ai? Ua
fai mai o ia ia te ia, Ia e fetalai ane,
ia nonofo a'u nei tama e toalua, o
le tasi i lou itu taumatai, o le isi
foi i lou itu tauagavale i lou malo.
- 22 Ona tali atu ai lea o Iesu, ua faapea
atu, Lua te le iloa le mea lua te ole
mai ai na. Lua te mafaia ea ona
inu i le ipu o le a'a'u inu ai, ma ia
papatisoina oulua i le papatisoga o
le a papatisoina ai a'u? Ua la fai
mai ia te ia, Ma te mafaia. Ona fetai-
lai atu ai lea o ia ia te i laua, Lua te
feinu lava i la'u ipu, o le papatisoga
foi e papatisoina ai a'u e papatisoina
ai oulua; a o le nofo ilo'u itu tauma-
tau ma lo'u itu tauagavale, e le o ia
te au lea ona avatu, a e tau lava o e
ua saunia mo i latou lea mea e lo'u
- 24 Tamā. Ua faalogo ai le toasefulu,
ona tiga ai lea o latou loto i lea uso
e toalua. A ua valaau atu Iesu ia
te i latou, ona faapea atu lea o ia,
Ua outou iloa o alii o nuu ese ua
aliitai i latou, o e ua sili foi ua pule
ia te i latou; a e le faapea outou;
a o sē fia sili ia te outou, ia fai o ia
ma a outou auuana; o sē fia muamua
foi ia te outou, ia fai o ia ma a
outou tautua. E pei o le Atalii o
le tagata e lei sau ia ina ia auuana
mai tagata ia te ia, a ia auuana
atu ia, ma foaiina atu lona ola e fai
ma togila e sui a'i tagata e toatele.
- 29 Ua latou o atu nai Ieriko, ona
mulimuli mai ai lea ia te ia o le
motu o tagata e toatele. Faauta
foi, ua nonofo i le au ala tagata
tauas o toalua, ua la faalogo ua
malu ane Iesu, ona la alalaga mai
ai lea, ua faapea mai, Le Alii e, le
alo o Tavita, ia e alofa mai ia te i
maua. Ona vavao ai lea e le motu o
tagata ia te i laua, ia la faalogo; a
ua atili ai ona alalaga o i laua, ua
faapea mai, Le Alii e, le alo o Tavita,
ia e alofa mai ia te i maua. Ona
tu ai lea o Iesu, ua valaau atu ia te
i laua, ona faapea atu lea o ia, Se a
- se mea lua te mananao i ai ou te
faia mo oulua? Ona la fai mai ai 33
lea ia te ia, Le Alii e, ia pupula o
maua mata. Ona mutimuti vale ai 34
lea o le alofa o Iesu, ua pa'i atu i o
la mata; ona vaai loa ai lea o la
mata, ona la mulimuli mai ai lea ia
te ia.
- Ua oo atu Iesu i Ierusalema; o le
tuliga o e na faatau i le malu-
malu; o le faataoto i e aifanua.*
- UA latalata i latou i Ierusalema, 21
ua oo i Petefake i le mauga o Olive,
ona auuina atu ai lea e Iesu ona soo
e toalua, ua faapea atu ia te i laua, 2
Lua te o atu i le aai ua lumanai
oulua, ona iloa atu loa lea e oulua o
le asini ua nonoa, o lana tama foi
ua faatasi ma ia; lua te tatalaina, i
le ta'itai mai ai ia te au. Afai foi 3
e fai ane se tasi se upu ia te oulua,
ia oulua fai atu, E manao i ai le
Alii; ona tuu loa mai ai lea e ia.
Ua oo nei mea uma, ina ia taunuu 4
ai le upu a le perofeta, ua faapea
mai, Ia outou fai atu i le tama fafine
a Siona, faauta, o loo afio mai ia te 5
oe lou Tupu, ua agamalu o ia, o loo
tietie i le asini, o le tamai asini foi.
Ona o ai lea o ia soo, ua faia foi e i 6
laua pei ona fetalai atu ai o Iesu ia
te i laua. Ua la ta'itaiina mai foi 7
le asini ma le tamai asini, ua faaee
i ai o latou ofu, ma faatietie ai o ia.
O le toatele o le motu o tagata ua 8
fofola o latou ofu i le ala; o isi foi
ua latou sala i lālā o laua ma folasia
ai le ala. O le motu o tagata ua 9
muamua, ma e ua mulimuli, ua ala-
laga i latou, ua faapea mai, Osana i
le alo o Tavita; ia manuia lē afio
mai i le suafa o le Alii. Osana i
mea e aupito i luga. Ua oo ia i 10
Ierusalema, ona vefesi ai lea o le
aai uma, ua faapea ane, O ai ea
lenei? Ona faapea atu ai lea o le 11
motu o tagata, O Iesu lenei le
perofeta mai Nasareta i Kalilaia.
Ua ulufale atu Iesu i le malu- 12
malu o le Atua, ona ia tulia uma lea
i fafo o e na fefaatauai i le malu-
malu, ma na fuli i lalo laulau a e
na faatau tupe, ma nofoa o e na
faatau lupe. Ua faapea atu o ia ia 13
te i latou, Ua tusia, E ta'ua lo'u
fale, o le fale tatalo; a ua faia e

- 14 outou ma ana o e fao mea. Ona o
mai ai lea ia te ia i le malumalu o e
tauaso ma e pipili, ua na faamalolo
15 ia te i latou. Ua iloa atu e le au
faitaulaga sili ma le au tusiupu o
vavega ua faia e ia, o tama foi ua
alalaga i le malumalu, ua faapea
ane, Osana i le alo o Tavita; ona
16 matua tiga ai lea o i latou, ona faa-
pea mai ai lea o i latou ia te ia, Ua
e lagona ea a latou upu? Ona feta-
lai atu ai lea o Iesu ia te i latou,
Ioe; tou te lei faitaula lava ea, Ua
e saunia le viiga mai gutu o tama
17 meamea ma tama fesusui? Ona
tuua lea o i latou e ia, a e maliu atu
i tua o le aai ua oo i Petania, ua
nofo ai.
- 18 O le taeao ua foi atu ai o ia i le
19 aai, ua fia taumafa. Ua silafia e ia
le mati e tasi i le auala, ua oo atu i
ai, a e lea se mea na maua ai, ua na
o lau; ona faapea atu ai lea o ia i
ai, Aua ne'i toe tutupu ni ou fua e
oo i le faavavau. Ona mago loa
20 lea o le mati. Ua iloa atu e le au
soo, ona latou tauaifofo ai lea, ua
faapea ane, Ua faapea ona vave
21 mago o le mati nei! A ua tali atu
Iesu, ua faapea atu ia te i latou, E
moni, ou te fai atu ia te outou,
Afai ua ia te outou le faatuatua, ma
outou le masalosalo, ona faia lea e
outou e le na o le mea ua faia i le
mati, a e afai tou te fai atu i lenei
mauga, Ia siitia oc, ma lafoina i le
22 sami, ona faia lava lea. O mea
uma foi tou te ole mai ai i le tatalo
ua i ai le faatuatua, e maua lava e
outou.
- 23 Ua ulufale atu ia i le malumalu,
ua a'oa'o, ona o mai ai lea ia te ia o
faitaulaga sili, ma toeaia o le nuu,
ua faapea mai, O le a ea le pule e
te fai ai na mea? o ai foi na na
24 tuuina atu ia te oe lenei pule? Ona
tali atu lea o Iesu, ua faapea atu ia
te i latou, Ou te fesili atu foi a'u ia
te outou se upu e tasi; afai tou te
ta'u mai lea ia te au, ona ou ta'uina
atu lea le pule ou te fai ai nei mea.
- 25 Se papatisoga ea a Ioane maifea?
mai le lagi ea, pe mai tagata? Ona
latou felafolafolai ai lea, ua faapea
ane, Afai tatou te fai atu, Mai le
lagi; ona fai mai ai lea o ia ia te i
tatou, Se a foi le mea tou te lei
talitonu ai ia te ia? Afai foi tatou
26 te fai atu, Mai tagata; ua tatou fe-
fefe i le motu o tagata; auā o la
latou lea taofi uma ia Ioane, o le
perofeta ia. Ona latou tali mai ai
27 lea ia Iesu, ua faapea mai, Matou te
le iloa. Ona fetalai atu ai lea o ia
ia te i latou, Ou te le ta'u atu foi ia
te outou le pule ou te fai ai nei
mea. Pe ni a fa outou? O le tasi
28 tagata e toalua ona atalii; ua alu
atu ia i le ulumatua, ua faapea atu,
Sole, ina alu ia i le asō, se'i e galue
i la'u tovine. Ona tali mai ai lea o
29 ia, ua faapea mai, Ou te musu; a e
mulimuli ane ua salamo ia, ua alu.
Ona alu atu ai lea o ia i le tasi, ua
30 faapea foi lana upu *ia te ia*. Ona
tali mai ai lea o ia, ua faapea mai,
Le alii e, ou te alu; a ua le alu lava
ia. O ai ea so laua na faia le loto
31 o lo la tama? Ona latou faapea
mai ai lea ia te ia, O le ulumatua.
Ona faapea atu lea o Iesu ia te i
latou, E moni, ou te fai atu ia te
outou, E muamua atu telona ma
fafine talitane ia te outou i le malo
o le Atua. Auā na sau Ioane ia te
32 outou i le ala o le amiotonu, a e tou
te lei talitonu ia te ia; a ua tali-
tonu ia te ia telona ma fafine tali-
tane; ua outou iloa foi, a e lei
mulimuli ona salamo outou, ina ia
talitonu ai ia te ia.
- Ia outou faalogo mai i le tasi faa-
33 taoto. O le tasi matai na fai le
tovine, ua ia lotoāina i le āi, ua eli
ai le soligāvine, ua faia foi le 'olo,
ua tuuina atu e ia i e galulue i vine,
ona alu malaga ai lea o ia i le nuu
ese. Ua latalata ona po e matua ai
34 le fuata, ona aauina atu ai lea e ia
o ana auauna i e galulue i vine, ia
maua ona fua. Ona pupue ai lea o
35 e galulue i vine i ana auauna, ua la-
tou sasa i le tasi, ma fasioti le isi,
ma fetogi le tasi i maa. Ona toe
36 aauina atu ai lea e ia o isi auauna e
sili ona toatele i e na muamua; a
ua faapea lava a latou amio ia te i
latou. A e mulimuli ane ua auina
37 atu ai e ia o lona atalii ia te i latou,
ua faapea ane, Latou te ava mai i
lo'u atalii. A o ia tagata galulue i
38 vine, ua iloa atu lona atalii, ona la-
tou fetatalatalai ai lea, O le suli
lenei; o mai ia, tatou te fasiotia o

- ia, a e fai mo i tatou lona fanua.
- 39 Ona latou pue ai lea ia tē ia, ua lafo ia te ia i tua o le tovine, ona
- 40 latou fasiotia ai lea. O lenei, pe a sau le alii e ona le tovine, se a se mea na te faia i na tagata galulue i
- 41 vine? Ona latou fai mai ai lea ia te ia, E matuā faaumatia e ia na tagata amio leaga; ona tuuina atu ai lea e ia o le tovine i nisi tagata galulue i vine, latou te avatu ia te
- 42 ia ona fua i ona tausaga. Ua fetalai atu Iesu ia te i latou, Tou te lei faitaulia lava ea i Tusi, O le maa na lafoaiina e tufuga fai fale, ua fai lea ma tulimanu aupitoaluga; o le mea lea na faia e le Alii, tatou te
- 43 ofo ai pe a vaavaai atu i ai? O le mea lea ou te fai atu ai ia te outou, E aveese le malo o le Atua ia te outou, a e tuuina atu i se nuu e au
- 44 mai ai ona fua. O sē paū foi i luga o lea maa, e gāugau ai o ia; a o se tasi e paū ifo i ai *le maa*, e nutipalaina ai o ia. Ua faalogo faitaulaga sili ma faresaio i ana faataoto, ona latou iloa ai lea, o i latou lava ia na
- 46 ia fetalai mai ai. Ona latou fia pue ai lea ia te ia, a ua latou fefefe i le motu o tagata; auā o la latou taofi, o le perofeta o ia.
- O le faataoto o le tausamaaga; o taulaga ia Kaisara; o le toe ola mai o tagata oti.*
- 22 ONA toe sauni ai lea e Iesu o faataoto, ua faapea atu ia te i latou,
- 2 E tusa le malo o le lagi ma le tasi tupu ua na faia le tausamaaga o
- 3 lona atalii; ua aauna atu e ia ana auauna e fai atu i e na tala'iina ia o mai i le tausamaaga; a ua latou le mafafai ina o mai. Ua toe aauna atu e ia nisi auauna, ua faapea atu, Ia outou fai atu i e na tala'iina, Faauta, ua ou saunia mea e taumafa, ua fafasi a'u povi ma a'u mea pepeti, ua saunia foi mea uma; ina o mai ia i le tausamaaga. A ua latou faatāla ese mai, ua taitasi ma alu, o le tasi i lona fanua, ma le
- 6 tasi i lana faatau. A o isi, ua latou pupue i ana auauna, ua faaleaga ma fasiotia. Ua faalogo ai le tupu, ona matuā ita ai lea o ia; ua aauna atu e ia ana'au, ua faaumatia na tagata fasi tagata, ma susunu la latou aai.
- Ona fai atu ai lea o ia i ana auauna, 8
Ua saunia lava le tausamaaga, a ua le aoga e na tala'iina. O lenei, ia 9
outou o atu i ala tele, o i latou uma tou te iloa ai, tou te tala'i i ai le tausamaaga. Ona o atu ai lea o ia 10
aauauna i ala, ua latou faapotopoto uma e na latou iloa, o e leaga atoa ma e lelei; ona tumu ai lea o le mea na fai ai le tausamaaga i e na taoto e aai ai. Ona ulufale atu ai 11
lea o le tupu e vaavaai atu i e na taoto e aai ua iloa atu ai e ia o le tasi tagata ua le ofu i le ofu o le tausamaaga. Ona fai atu ai lea o 12
ia ia te ia, Sole, pe faapefea ona e ulufale mai iinei ua le ia te oe le ofu o le tausamaaga? Ona le gagana ai lea o ia. Ona fai atu ai lea o le 13
tupu i auauna, Ia outou fusifusia ona vae ma ona lima, ma ave o ia, ma lafo i le pouliuli i fafo, e i ai le taufaitagiaue ma le liliu o nifo. Auā e toatele e ua tala'iina a e toa- 14
itiiti e ua filifilia.
- Ona o ane ai lea o le au faresaio, 15
ma taupulepule pe faapefea ona latou mailē ia te ia i ana upu. Ona 16
latou aauna mai ai lea ia te ia o latou soo faatasi ma le au Herotiano, ua faapea mai, Le a'oa'o e, ua matou iloa o oe le faamaoni, ua e a'oa'o foi i le ala o le Atua ma le faamaoni, e te le mata'u foi i se tasi; auā e lei faailogaina e oe se tagata. O lenei, ia e ta'u mai ia te i matou, pe se a lau taofi? pe sa ea ona avatu o taulaga ia Kaisara pe lei? A ua silafia e Iesu o latou 18
loto leaga, ua faapea atu, O outou tagata pepelo, se a le mea ua outou tofototofo mai ai ia te au? Faaali 19
mai ia ia te au se tupe o le taulaga. Ona latou avane ai lea ia te ia o se tenari. Ona fetalai atu lea o ia ia te i latou, O ai ea e ona lenei faatagata ma lenei tasi? Ua latou fai 21
mai ia te ia, E o Kaisara. Ona fetalai atu ai lea o ia ia te i latou, O lenei, o mea a Kaisara, ia outou avatu ia Kaisara; a o mea a le Atua ia avatu ia i le Atua. Ua latou 22
faalogo ai, ona latou tauaiofo ai lea; ua latou tuua ia, a e o ese.
- O lea aso ua o mai ai ia te ia 23
satukaio, o e taofi, e lei se toe tu; ua latou fesili mai ia te ia, ua faa- 24

- pea mai, Le a'oa'o e, ua fai mai
Mose, Afai e oti se tasi e leai sana
fanau, ia fai lana avā ma avā a lona
uso, ia tupu ai se gafa mo lona uso.
- 25 Sa ia te i matou le au uso e toafitu;
na fai avā le ulumatua, ua oti foi o
ia; e leai foi sana fanau, o lea na
tuuina atu ai lana avā mā lona uso.
- 23 Na faapea foi o lona lua, ma lona
27 toatolu, ua oo lava i le toafitu. A
28 e muliai oti foi le fafine. O lenei,
a oo i le toe tu, o ai so latou o le
toafitu e fai māna le avā? auā na
29 fai avā uma ai. Ona tali atu ai lea
o Iesu, ua faapea atu ia te i latou,
Ua outou sese lava, ina ua outou le
iloa upu o Tusi, ma le mana o le
30 Atua. Auā a oo i le toe tu latou te
le fai avā, pe nofo tane, a e latou te
31 pei o agelu a le Atua o i le lagi. A
o le toe tufū mai o e ua oti, tou te
lei faitau ai ea le afioga a le Atua
32 ia te outou, ua faapea mai, O a'u
nei o le Atua o Aperaaamo, o le
Atua foi o Isaako, o le Atua foi o
Iakopo? o le Atua e le se Atua ia
33 o e ua oti, a o e ola. Ua faalogo ai
le motu o tagata, ona latou tau fai-
ofo ai lea i lana mataupu.
- 34 Ua faalogo le au faresaio ua 'le
mautali ia te ia le au safukaio, ona
latou faapotopoto mai ai lea i lea
35 mea, ona fesili faatofotofo mai ai
lea ia te ia o so latou, o le a'oa'o e,
36 tulafono, ua faapea mai, Le a'oa'o e,
o le fea poloaiga o i le tulafono ua
37 sili? Ona fetalai atu ai lea o Iesu ia
te ia, E te alofa atu i le Alii lou
Atua ma lou loto atoa, ma lou agaga
38 atoa, ma lou manatu atoa. O le
39 poloaiga muamua lena ma le sili. E
faapena foi lona lua, E te alofa atu
i lē lua te tuaoi, ia pei o oe lava ia
40 te oe. O nā poloaiga e lua ua autu
ai le tulafono uma ma le au perofeta.
- 41 Ua faapotopoto le au faresaio, ona
fesili atu ai lea o Iesu ia te i latou,
42 ua faapea atu, Se a la outou taofi i
le Keriso? se atalii ea ia o ai? Ona
latou fai mai ai lea ia te ia, O le alo
43 o Tavita. Ona fetalai atu ai lea o ia
ia te i latou, O lenei, pe faapefea
ona ta'ua e Tavita e le Agaga, o ia
44 o lona Alii, ua faapea mai, Ua fetalai
ane le Alii i lo'u Alii, Ia e nofo i
lo'u itu taumatau, seia ou faia e ua
fai oe mo latou fili ma mea e tu ai
ou vae. O lenei, afai ua ta'ua o ia e 45
Tavita, o le Alii, pe faapefea ona
fai o ia mona atalii? A e leai se 46
tasi ua na mafaia ona tali māi se
upu ia te ia; talu lea aso e le toe
faamalosai ona fesili mai se tasi ia te
ia i se mea.
- O le amio leaga a le au tusiupu ma le
au faresaio.*
- ONA fetalai atu ai lea o Iesu i le 23
motu o tagata ma ona soo, ua faa- 2
pea atu, Ua tietie le au tusiupu ma
le au faresaio i le nofoa o Mose; o 3
lea ia outou anaana ai ma ia outou
faia mea uma latou te fai atu ai ia
te outou e anaana i ai; a e aua tou
te faaa'oa'o i a latou amio; auā ua
latou fai atu, a e latou te le faia.
Auā ua latou saisai avega mamafa 4
ma le avegata, ma latou faaee i ua o
tagata; a e latou te le mafafai ina
faagaoioi ai i so latou tamatamai
lima. Ua latou fai a latou galuega 5
uma, ina ia iloa ai e tagata; ua
latou faalatele i a latou filateri, ma
faatele i tuupao o latou ofu. Ua 6
latou fiasia foi i le mea sili e taoto
ai i faigaai, ma nofoa sili i sunako,
ma ia alofaina i latou i malae, ia 7
ta'ua foi i latou e tagata, Rapi e,
rapi e. A o outou, aua ne'i ta'ua 8
outou o rapi; auā e toatasi la outou
a'oa'o, o le Keriso lea; a o outou
uma o le au uso outou. Aua foi 9
ne'i tou ta'ua se tasi i le lalolagi o
lo outou tamā; auā e toatasi lo
outou Tamā, o i le lagi ia. Aua foi 10
ne'i ta'ua outou o a'oa'o; auā e toa-
tasi la outou a'oa'o, o le Keriso lea.
A o lē sili ia te outou e fai lea ma 11
outou auauna. O sē faamaualuga 12
o ia ia te ia, e faamaualaloina lea; a
o sē faamaualalo o ia ia te ia, e faa-
maualugaina lea.
- Oi talofa ia te outou tusiupu ma 13
faresaio, tagata pepelo! auā ua
outou pupuni le malo o le lagi i
tagata; auā tou te le ulu atu i ai
outou, ua outou vavao foi i e aulu atu
i ai. Oi talofa ia te outou tusiupu 14
ma faresaio, tagata pepelo! auā ua
outou faauma fale o fafine ua oti a
latou tane, ua faaleleva foi a outou
tatalo e fai ma ufufi; o le mea lea
e atili ai lava ona faasalaina outou.
Oi talofa ia te outou tusiupu ma 15

faresaió, tagata pepelo! auã ua soo le sami ma le laueleele ia te outou ina ia lotu mai o se tasi; pe a maua foi o ia, ona outou faia lea o ia ma tagata o Kēna ua sili ona leaga ia te outou. Oĩ talofa ia te outou ta'ita'i tauaso! o e fai mai, Ai sē tauto i le malumalu, ua leai lea; a o sē tauto i le auro o le malumalu, ua mau lea.

16 Tagata vālea e ma le tauaso; auã o le fea ua sili, o le auro ea, po o le malumalu ua paia ai le auro? I le ma lea, Ai sē tauto i le fata faitaulaga, ua leai lea; a o sē tauto i le taulaga ua i ona luga, ua mau lea.

17 Tagata vālea e ma le tauaso; auã o le fea ua sili, o le taulaga ea, po o le fata faitaulaga ua paia ai le taulaga? O lenei, o lē tauto i le fata faitaulaga, ua ia tauto i ai, ma mea uma ua i ona luga; o lē tauto foi i le malumalu, ua ia tauto i ai, ma

18 loo afio ai. O lē tauto foi i le lagi, ua ia tauto i le nofoālii o le Atua, ma loo tietie ai. Oĩ talofa ia te outou tusiupu ma faresaió, tagata pepelo! ua outou avatu mea e sefulu a'i o le mili, ma le aneto, ma le kumina, a ua tuu e outou o mea silisili o i le tulafono, o le amiotonu, ma le alofa, ma le faamaoni; e tatau pe ana faia nei mea, a e aua

19 foi le tuu na mea. O outou ta'ita'i tauaso, ua outou faapilia le namu, a ua outou folo atoa le kamela. Oĩ talofa ia te outou tusiupu ma faresaió, tagata pepelo! ua outou faamamā i le tua o le ipu ma le tanoa, a o totonu ua tutumu i mea ua faa

20 ma le amio leaga. O oe na le faresaió tauaso, ia e muai faamamā i totonu o le ipu ma le tanoa, ina ia mamā atoa ma le tua. Oĩ talofa ia te outou tusiupu ma faresaió, tagata pepelo! auã e tutusa outou ma tuugamau ua faasinasinaina, o loo matagofie i fafo, a o totonu ua tutumu i ivi o tagata oti, ma mea

21 leaga uma. E faapea foi outou, o fafo ua mataamiotonu i luma o tagata, a o totonu, ua tutumu outou i le pepelo ma le amioletonu. Oĩ talofa ia te outou tusiupu ma faresaió, tagata pepelo! auã ua outou ati ae tuugamau o perofeta, ua outou teuteu foi loa o tagata amio-

22 tonu, ma outou faapea ane, Ana

matou i ai i ia ona po o matou tamā, po ua matou le 'au faatasi ma i latou i le fāsiga o perofeta O 31 lea, ua molia ai outou e outou, o fanau outou a e na fasiotia perofeta. O outou foi, ia outou faatumuina le 32 fua a o outou tamā. O outou gata, 33 o fanau a gata feai, pe faapefea ona outou sosola i le faasala i Kēna? Faa'uta mai, o le mea lea ou te 34 aa'ina atu ai ia te outou o perofeta, ma tagata popoto, ma tusiupu; o isi o i latou tou te fāsiotia ma faasatauroina; a o isi, tou te sasaina i o outou sunako, ma tulituliloa ia te i latou i lea aai ma lea aai; ina ia 35 oo ia te outou le toto uma o e amiotonu ua faamaligiina i le lalolagi, e afua i le toto o Apelu le tagata amiotonu, e oo i le toto o Sakaria le atalii o Parakaio, na outou fasiotia i le va o le malumalu ma le fata faitaulaga. E moni, ou te fai atu ia 36 te outou, e oo mai nei mea uma i luga o lenei tupulaga. Ierusalema 37 e, Ierusalema e, o lē fasiotia perofeta, ma fetogi i maa i e ua aa'ina atu ia te oe; ua tele lava o'u manao e faapotopoto i lau fanau, e pei o le moa ona ofaofatai i lana toleai i lalo i ona apaau a e lei mafafai outou. Faa'uta, ua tuua lo outou fale, e 38 faatafunaina. Auã ou te fai atu ia 39 te outou, tou te le toe iloa mai a'u, seia outou fai mai, Ia manuia lē maliu mai i le suafa o le Alii.

Ua ravaló mai Iesu i le faatafunaina o le malumalu.

ONA ulufafo lea o Iesu, ua maliu 24 ese i le malumalu; ona o mai ai lea o ona soo ia te ia e faasino ia te ia i fale o le malumalu. A ua fetalai atu Iesu ia te i latou, Ua outou le iloa ea nei mea uma? E moni, ou te fai atu ia te outou, e le toe ai se maa i luga o le tasi maa, a e uma ona sōloia i lalo. Ua nofo o ia i le mauga o Olive, ona o mai ai lea o le au soo ia te ia ua na o i latou, ua faapea mai, Ia e fetalai mai ia te i matou pe oo afea ia mea? pe se a foi le faailoga o lou maliu mai, ma le gataaga o le lalolagi? Ona tali 4 atu ai lea o Iesu, ua faapea atu ia te i latou, Ia outou, ne'i faaseseina outou e se tasi. Auã e toatele e o 5

- mai i lo'u igoa, ua faapea ane, O a'u
nei o le Keriso; latou te faaseseina
6 foi tagata e toatele. E faalogo
outou i taua ma tala o taua; ia
outou, ne'i tou atuatuva; auā e ao
ona taunuu o nei mea uma, a e lei
7 oo i le gataaga. Auā e sii le taua e
le tasi nuu i le tasi nuu, ma le tasi
malo i le tasi malo; ona oo mai ai
lea o oge, ma faamai, ma mafuie i
8 lea mea ma lea mea. O na mea
uma o le amataga ia o puapuaga.
9 Ona latou tuuina atu ai lea o outou
i le puapuaga, ma latou fasiotia
outou; e inosia foi outou e nuu
10 uma ona o lo'u igoa. O ona po ia e
tausuai ai tagata e toatele, e faalata
le tasi i le tasi, ma feitagai i latou.
11 E tutū mai foi perofeta pepelo e
toatele, latou te faasese foi i tagata
12 e toatele. E maalili foi loto o tagata
e toatele, ona ua tupu tele o le amio
13 leaga. A o lē tumau seia oo i le
14 gataaga, e faaolaina lea. E tala'iina
atu foi lenei tala lelei o le malo i le
atu laulau uma, e fai ma molimau i
nuu uma; ona oo mai ai lea o le
gataaga.
- 15 Pe a iloa foi e outou le mea e
inosia e faatafunaina a'i, na fai mai
ai e le perofeta o Tanielu, ua tu i le
mea paia, (ina mafaufau ia o lē fai-
16 tau;) o e o i Iutaia i ia ona po, ia
17 latou sosola i mauga; o le ua i luga
o le fale, aua ne'i alu ifo ia e ave se
18 mea ai lona fale; o le ua i le vao
foi, aua ne'i foi atu e ave ona ofu.
19 Oi talofa foi i fafine totō, ma ē
20 failele i ia ona po. A ia outou ta-
talo ina ne'i outou sosola i le tau-
21 saga maalili, po o le sapati. Auā o
ia ona po e oo ai le puapuaga tele,
e leai sona tusa talu le amataga o
le lalolagi, ua oo lava i ona po nei;
22 e le toe faapea foi amuli. A le
faapuupuina foi ia aso, e le faaola-
ina se tasi; a e faapuupuina ia aso
23 ona o e ua filifilia. Afai e fai ane
se tasi ia te outou i ia ona po, Faa-
uta, o iinei le Keriso, po o iila; aua
24 tou te faalogo i ai. Auā e tutū mai
Keriso pepelo, ma perofeta pepelo,
latou te faia foi faailoga tetele ma
vavega, ina ia faasese ai i e ua fili-
25 filia lava, pe afai e mafai ai. Faa-
uta, ua ou muai ta'uina atu ai ia te
26 outou. O lea, afai latou te fai mai
ai ia te outou, Faauta, o i le vao ia;
aua tou te o atu i ai; faauta, o i se
afeafe ia; aua tou te faalogo i ai.
Auā e pei ona emo mai o le uila i 27
sasae, ma malamalama atu i sisifo;
e faapea foi ona sau o le Atalii o le
tagata. Auā o le mea ua i ai le ta- 28
gata oti, e aofaga i ai aeto. A ma- 29
vae atu le puapuaga o ia ona aso,
ona faapogisaina loa lea o le la, e le
susulu mai foi le masina, e pauu foi
fetu mai le lagi, e luluina foi 'au a
le lagi. Ona iloa ai lea i le lagi o 30
faailoga o le Atalii o le tagata; ona
taufaitagitu'i ai lea o itu aiga uma
o le lalolagi; latou te iloa atu foi le
Atalii o le tagata ua sau i ao o le
lagi ma le mana ma le mamalu tele.
E aauina atu foi e ia o ana agelu 31
ma le leo tele o le pu, latou te faa-
potopoto foi i e ua filifilia e ia mai
matāmatagi e fa, e amata i le tasi
tulu'iga o le lagi, e oo i le tasi
tulu'iga.
- Ia outou mataulia le faataoto i le 32
mati; pe a faatoa tutupu ona ta-
tupu, ma matala mai ona lau, tou
te iloa ai ua latalata le tausaga
vevela. E faapea foi outou, pe a 33
outou iloa ia mea uma, tou te iloa
ai, ua latalata ia, ua i faitotoa lava.
E moni, ou te fai atu ia te outou, E 34
le mavae atu lava lenei tupulaga,
seia oo mai nei mea uma. E mavae 35
atu le lagi ma le lalolagi, a o a'u
upu e le mavae atu lava ia. A o 36
lea aso ma lea itu aso e le iloa e se
tasi, e le iloa lava e agelu i le lagi,
ua na o lo'u Tamā lava. A e pei o 37
ona po o Noa, e faapea foi pe a sau
le Atalii o le tagata. Auā e pei 38
ona faia i ona po a o lei oo le lolo,
ua latou aai ma inu, ua latou fai
avā foi ma faaavaga, ua oo lava i le
aso na ulu atu ai Noa i le vaa, na le 39
iloa foi e i latou ina seia oo le lolo,
ma aveesea i latou uma; e faapea
foi pe a sau le Atalii o le tagata.
O ia ona po e i ai i le vao o tagata 40
e toalua, e ave le tasi, a e tuua le
tasi. E olo faatasi fafine e toalua i 41
le mea e olo a'i saito, e ave le tasi,
a e tuua le tasi. O lea, ia outou 42
mataala ai; auā tou te le iloa po o
le fea itu aso e sau ai lo outou Alii.
Ia outou iloa lenei mea, ana iloa e 43
le matai o le aiga po o le fea itu po

- e sau ai le gaoi, po ua na leoleoina,
 44 a e le tuua e ia lona fale ia elia. O le mea lea ia outou nofo sauni ai; auā o le itu aso tou te le manatunatu ai e sau ai le Atalii o le tagata.
 45 O ai foi le auaua faamaoni ma le mafaufau, ua tofia e lona alii e pule i ana auaua, ia avatu a latou mea e 'ai i ona itu aso? Amuia lea auaua, pe a sau lona alii e maua o
 47 ia o loo faapea ona fai. E moni, ou te fai atu ia te outou, e tofia o ia e pule i ana mea uma. A e afai e fai ifo lea auaua leaga i lona
 49 loto, E faatuai mai lo'u alii; ona fasi ai lea o ia i ona uso a auaua, ua aai foi ma inu faatasi ma e inu
 50 ia onā; e sau lava le alii o lea auaua i le aso e le faatalitali atu ai o ia, o le itu aso foi e le iloa ai e ia,
 51 ona matuā faasala lea ia te ia, ma avatu ia te ia lona tofi faatasi ma tagata pepelo; e i ai le taufaitagiaue ma le lilivau o nifo.

*O le faataoto i taupou e toasefulu;
 o le alii ma ana auaua; o le faamasinoga.*

- 25 O IA ona po e tusa ai le malo o le lagi ma taupou e toasefulu, o e na ave a latou lamepa, ma latou o atu e faafetaiai i le faatoafaiavā.
 2 Ua popoto le toalima o i latou, a e
 3 vālea le toalima. O e vālea ua ave a latou lamepa, a e lei avefa ma ni
 4 suāuu. A o e popoto ua ave ni suāuu i a latou fagu faatasi ma a
 5 latou lamepa. Ua tuai mai le faatoafaiavā, ona taufaitulemomoe ai lea o i latou uma, ua momoe lava.
 6 A ua oo i le tulua o po, ona sau ai lea o lē alaga, Faau'a, ua sau le faatoafaiavā; ina o ia outou e faafetaiai ia te ia. Ona tutū ai lea o ia taupou uma lava, ma teuteu a
 8 latou lamepa. Ona fai atu ai lea o e vālea i e popoto, Au mai ni a outou suāuu mā matou; auā o le a
 9 mamate a matou lamepa. A ua tali mai o e popoto, ua faapea mai, Ne'i le lava ia i matou ma outou; a e lelei ona outou o i e faatau ma
 10 faatau mai ai ni a outou. Ua latou o e faatau, onā sau ai lea o le faatoafaiavā; o e ua saunia foi ua latou ulufale atu faatasi ma ia i le tausamaaga, ona pupuni ai lea o le

faitotoa. E mulimuli ane, ona o 11 mai ai lea o isi taupou, ua faapea mai, Le Alii e, le alii e, ia e tatala atu le *puipui* mo i matou. A ua 12 tali atu o ia, ua faapea atu, E moni, ou te fai atu ia te outou, ou te le iloa outou. O lea, ia outou mataala 13 ai, auā tou te le iloa le aso po o le itu aso e sau ai le Atalii o le tagata.

E faapei o le tagata foi na alu 14 malaga, ua valaau i ana auaua, ona tuuina atu ai lea e ia o ana mea ia te i latou. Ua avatu e ia 15 taleni e lima i le tasi, a e lua a le tasi, a e tasi i le tasi; ua faatatau i le mea ua mafai ai e le tagata; ona alu loa lea o ia i lana malaga. Ona 16 alu ai lea o le na i ai taleni e lima na faatau atu ai, ua maua ai foi isi taleni e lima. Ua faapea foi o le 17 na i ai taleni e lua, ua maua ai foi e ia le tasi lua. A o le na i ai le tasi, 18 ua alu ma eli i le eleele, ua nā ai ario a lona alii. Ua mavae po e 19 tele, ona sau ai lea o le alii o ia auaua, ua faamasino i ana mea ua ia te i latou. Ona sau ai lea o le ua i 20 ai taleni e lima, ua au mai isi taleni e lima, ua faapea mai, Le alii e, na e tuuina mai ia te au taleni e lima; faauta, ua ou maua ai isi taleni e lima. Ona fai atu ai lea o lona alii 21 ia te ia, Ua lelei ia, le auaua lelei e, ma le faamaoni, ua e faamaoni i nai mea itiiti, ou te tofia oe e pule i mea e tele; ina ulufale mai ia i le fiafia o lou alii. Ua sau foi le ua i ai 22 taleni e lua, ua faapea mai, Le Alii e, na e tuuina mai ia te au taleni e lua; faauta, ua ou maua ai isi taleni e lua. Ona fai atu ai lea o lona 23 alii ia te ia, Ua lelei ia, le auaua lelei e, ma le faamaoni, ua e faamaoni i nai mea itiiti, ou te tofia oe e pule i mea e tele; ina ulufale mai ia i le fiafia o lou alii. Ua sau foi 24 le ua i ai le taleni e tasi, ua faapea mai, Le alii e, na ou iloa o oe o le tagata faigata, ua e selesese i le mea e te lei luluina ai saito, ua e faapotopoto foi i le mea e te lei faataapeapeina ai mea; ona ou fefe 25 ai lea, ua ou alu ma ou nā lau taleni i le eleele; faauta, o lau mea lea. Ona tali atu ai lea o lona alii, 26 ua faapea atu ia te ia, Le auaua

leaga e, ma le paie, ua e iloa ou te
selesele i le mea na ou le luluina ai
saito, ou te faapotopototo foi i le mea
27 na ou le faataapeapeina ai mea; o
lea, e tatau ai pe ana e tuuina atu
la'u ario i e faatau tupe, po ua ou
sau, ona ou maua ai lea o la'u mea
28 ma lona tau. O lenei, ia outou fao
le taleni nai ia te ia, ma avatu i le
29 ua i ai taleni e sefulu. Auā o se ua
i ai ni mea, e foaiina atu ia te ia e
atili tele ai ana mea; a o le ua le i
30 ai ni mea, e faa le mea ua i ai. Ia
outou tulia foi le auauna le aoga i
le pouliuli i fafo, e i ai le faufai-
tagiaue ma le lilivan o nifo.
31 Pe a sau le Atalii o le tagata i
lona mamalu, ma le au agelu paia
uma faatasi ma ia, ona tietie ai lea o
32 ia i lona nofoālii mamalu; e faa-
potopotoina foi i ona luma o nuu
uma lava; ona tuueseeseina lea o i
latou e ia, e pei o le leoleo mamoe
ona tuueseeseina o mamoe ma 'oti;
33 ona tuu ai lea e ia o mamoe i lona
itu taumatau, a o 'oti i lona itu
34 tauagavale. Ona fai atu ai lea o le
Tupu i e o i lona itu taumatau, O
mai ai, o outou ua faamanuiaina e
lo'u Tamā, ia fai mo outou tofi le
35 malo ua saunia mo outou a o lei
faavaeina le lalolagi; auā na ou fia
'ai, ona outou avane ai lea ni mea
ou te 'ai ai; na ou fia inu, ona
outou avane ai lea *ni vai* ou te
36 inu ai; sa fai a'u ma tagata ese,
ona outou talia lea o a'u; na ou le
lavalavā, ona outou faaofuina lea o
a'u; na ou ma'i, ona outou asiasia
mai lea o a'u; na ou i le fale puipui,
ona outou o ane ai lea ia te au.
37 Ona tali mai ai lea ia te ia o e amio-
tonu, e faapea mai, Le Alii e, o ana-
fea na matou iloa ai oe ua fia 'ai,
ma matou fagina oe? po o fia inu,
38 ma matou avane e te inu ai? O
anafea foi na matou iloa ai oe o le
tagata ese, ma matou talia oe? po
o le le lavalavā, ma matou faaofuina
39 oe? O anafea foi na matou iloa ai
oe ua ma'i, po o i le fale puipui, ma
40 matou o atu ai ia te oe? Ona tali
atu ai lea o le Tupu, e faapea atu
ia te i latou, E moni, ou te fai atu
ia te outou, auā na faia e outou i le
tasi o e aupito itiiti o o'u uso nei, o
41 a'u lea na outou faia i ai. Ona fai

atu foi lea o ia i e o i lona itu tau-
agavale, O outou ua faafanoina, o ese
atu ia ia te au i le afi e faavavau, ua
saunia mo le tiapolo ma ana agelu.
Auā na ou fia 'ai, a e tou te lei avane 42
ni mea ou te 'ai ai; na ou fia inu, a
e tou te lei avane *ni vai* ou te inu
ai; sa fai a'u ma tagata ese, a e lei 43
talia a'u e outou; na ou le lavalavā,
a e tou te lei faaofuina a'u; na ou
ma'i, na a'u i le fale puipui foi, a e
tou te lei as'asia a'u. Ona tali mai 44
ai lea o i latou foi ia te ia, e faapea
mai, Le Alii e, o anafea na matou
iloa ai oe ua fia 'ai, pe fia inu, po o
se tagata ese, pe le lavalavā, po o
ma'i, po o i le fale puipui, ma matou
lei auauna atu ia te oe? Ona tali 45
atu ai lea o ia ia te i latou, e faapea
atu, E moni, ou te fai atu ia te
outou, auā na outou le faia i le tasi
o e aupito itiiti o i latou nei, o a'u
lea ua outou le faia i ai. Ona o atu 46
ai lea o i latou nā i le sala e faava-
vau; a o e amiotonu e o atu i le ola
e faavavau.

*Ua taupulepule le au faitaulaga sili
ia Iesu e fasioti ia te ia.*

UA faai e Iesu o ia upu uma, 26
ona fetalai atu ai lea o ia i ona soo,
Ua outou iloa a mavae aso e lua ona 2
fai ai lea o le paseka, e tuuina atu
ai le Atalii o le tagata ina ia faasa-
tauroina. O ona po ia ua faapoto- 3
poto ai le au faitaulaga sili, ma le
au tusiupu, ma toeaia o le nuu i le
maota o le faitaulaga sili, e igoa ia
Kaiafa; ua latou taupulepule i se 4
maile e mafai ai ona pue, ma fasioti
ia Iesu. A ua latou faapea ane, Aua 5
le faia i le tausamiga, ina ne'i faa-
nunununu ai le nuu.

Sa i Petania Iesu i le fale o 6
Simona le lepera, ona sau ai lea ia
te ia o le fafine ma le fagu alapasa
ua i ai le suānu manogi tau tele, ona
liligi ai lea e ia i lona ao a o taoto 8
ia e taumafa. Ua iloa e ona soo, 8
ona tiga ai lea o latou loto, ua latou
faapea ane, Se a le mea ua faamāu-
mau ai lena mea? auā ana faatauina 9
lena suānu manogi po ua tele sona
tau, e foaiina atu ai i e matitiva.
A ua silafia e Iesu, ona faapea atu 10
ai lea o ia ia te i latou, Se a le mea
ua outou faalavelave ai i le fafine?

- auā o le mea lelei ua na faia ia te
 11 au nei. Auā tou te nonofo pea ma
 e matitiva; a o a'u nei, tatou te le
 12 nonofo pea ma a'u. Auā ua liligi e
 ia lenei suāu manogi i lo'u tino e
 fai ma faataimuaga o lo'u tanuga.
 13 E moni, ou te fai atu ia te outou, o
 nuu uma i le lalolagi e tala'iina atu
 i ai lenei tala lelei, e ta'ua ai le mea
 ua faia e lenei fafine, e faamanatu
 a'i ia te ia.
 14 Ona alu ai lea o le tasi o le toa-
 sefulu ma le toalua, e igoa ia Iuta
 15 le Sekara, i le au faitaulaga sili, ua
 faapea atu, Se a le mea tou te au
 mai ma'u, ou te faalataina ai o ia ia
 te outou? Ona latou avane ai lea
 16 ia te ia o tupe e tolugafulu. Talu
 ai lea aso ua lamalama e ia se itu
 aso e faigofie ai ona faalataina o ia.
 17 O le muai aso o areto e le faafefe-
 teina ua o mai ai le au soo ia Iesu,
 ua faapea mai ia te ia, Po o fea le
 mea e te finagalo i ai matou te sau-
 18 nia e te taumafa ai le paseka? Ona
 faapea atu ai lea o ia, Ina o atu ia i
 le aai i le tasi tagata, ma fai atu ia
 te ia, Ua fai mai le a'oa'o, ua lata-
 lata o'u aso; matou te fai ai le
 19 paseka ma o'u soo i lou fale. Ona
 faia lea e ona soo e pei ona fetalai
 atu ai Iesu, ua saunia foi le paseka.
 20 Ua oo i le afasi, ona taoto ai lea
 o ia e taumafa faatasi ma le toase-
 21 fulu ma le toalua. O loo latou aai,
 ona fetalai atu ai lea o ia, E moni,
 ou te fai atu ia te outou, e faalata-
 22 ina a'u e so outou. Ona latou
 matuā tiga ai lea, ua latou taitasi
 ma fai mai ia te ia, Le Alii e, o a'u
 23 ea? Ona tali atu ai lea o ia, ua
 faapea atu, O lē fufui faatasi lona
 lima ma lo'u i le tanoa, o ia lea na
 24 te faalataina a'u. E alu lava le
 Atalii o le tagata e pei ona tusia ia
 te ia; a o le tagata na te faalataina
 le Atalii o le tagata oi talofa ia te
 ia! e lelei i lea tagata pe ana le
 25 fanau mai o ia. Ona tali mai ai lea
 o Iuta le na faalataina ia, ua faapea
 mai, Rapi e, o a'u ea? Ua fetalai
 atu o ia ia te ia, O lena lava.
 26 O loo latou aai, a e tago Iesu i le
 areto, ua faafetai, ona tofitofi ai lea,
 ma avatu i le au soo, ua faapea atu,
 Ina tago ia, ina zai; o lo'u tino
 27 lenei. Ua tago foi o ia i le ipu, ua
 faafetai, ona avatu ai lea e ia ia te
 i latou, ua faapea atu, Ina inu ia
 outou uma i ai; auā o lo'u toto 28
 lenei, o le toto o le feagaiga fou, ua
 faamaligiina mo tagata e toatele e
 faamagalo a'i agasala. Ou te fai atu 29
 foi ia te outou, ou te le toe inu lava
 i lenei fua o le vine, seia oo i lea aso
 ou te inu ai le uaina fou faatasi ma
 outou i le malo o lo'u Tamā. Ua 30
 uma ona fai o a latou pese, ona
 latou o atu ai lea i le mauga o
 Olive.
 Ona fetalai atu ai lea o Iesu ia te 31
 i latou, E tausuai outou uma ona o
 a'u i lenei lava po; auā ua tusia, Ou
 te taia le leoleo mamoe, ona taape-
 ape ai lea o le lafu mamoe. A e a 32
 mavae lo'u toe tu, ona ou muamua
 atu ai lea ia te outou i Kalilaia.
 Ona tali mai ai lea o Peteru, ua 33
 faapea mai ia te ia, E ui lava ina
 tausuai o tagata uma ona o oe, ou
 te le tausuai lava a'u. Ona fetalai 34
 atu ai lea o Iesu ia te ia, E moni, ou
 te fai atu ia te oe, o lenei lava po, a
 o lei vivini mea, e te faafti faatolu
 mai ai ia te au. One fai mai ai lea 35
 o Peteru ia te ia, E ui ina tā oti lava
 faatasi ma oe, ou te le faafti lava ia
 te oe. Ua faapea foi ona fai mai o
 le au soo uma lava.
 Ona oo ai lea o Iesu faatasi ma i 36
 latou i le fanua ua igoa ia Ketese-
 mane; ua faapea atu foi o ia i le au
 soo, Ia outou nonofo iinei, seia ou
 alu atu iilā ou te tatalo. Ua o ane 37
 o ia ma Peteru ma atalii o Sepetaio
 e toalua, ona tiga lea o ia ma atuatu-
 vale. Ona fetalai atu ai lea o ia ia 38
 te i latou, Ua matuā tiga lo'u loto
 e oo i le oti; ia outou nonofo pea
 iinei, ma ia tatou mataala faatasi
 ma a'u. Ua maluu faaitiiti atu i 39
 luma, ona faapaū fao ai lea o ia ma
 tatalo, ua faapea atu, Lo'u Tamā e,
 afai e mafai, ia ave ese lenei ipu ia
 te au; a e aua le faia lo'u loto, a o
 lou finagalo. Ona maluu ane lea o 40
 ia i ona soo, ua maua i latou o mo-
 moe, ona fetalai atu ai lea o ia ia
 Peteru, Pe faapena ea ona outou le
 lavā ona tatou mataala faatasi ma
 a'u i le itu po e tasi? Ia outou 41
 mataala ma tatalo, ina nei oo mai
 le faaososoga ia te outou; ua manao
 i ai le loto, a o le tino ua vaivai.

- 42 Ua toe maliu ane ia o le atu lua lea, ia e le au soo uma, a e sosola i latou.
- 43 Ua tatalo, ua faapea atu, Lo'u Tamā e, a le mafai ona ave ese o lenei ipu ia te au seia ou inu ai, ia faia lou finagalo. Ona maliu ane ai lea o ia ua maua i latou ua toe momoe; auā
- 44 ua maa o latou laumata. Ona tuua lea o i latou e ia, ua toe maliu ane, ua tatalo o le atu tolu lea, ua
- 45 fetalai atu i le upu lava e tasi. Ona maliu ane ai lea o ia i ona soo, ua faapea atu ia te i latou, Ina momoe pea ia, ma malolo; faauta, ua latalata le itu po e faalataina ai le Atalii o le tagata i lima o tagata agasala.
- 46 Ina tufū ia, tatou o; faauta, ua latalata mai o ia na te faalataina a'u.
- 47 Faauta, o loo fetalai o ia, a sau Iuta, o le tasi o le toasefulu ma le toalua, ua faatasi mai foi ma ia le motu o tagata e toatele, mai le au faitaulaga sili ma toeaia o le nuu, ua ia te i latou o pelu ma uatogi.
- 48 Na tuuina atu foi e le na faalataina o ia le faailoga ia te i latou, ua faapea atu, O lē ou te sogi atu i ai, o ia lea; ia outou pue ia te ia. Ona sau loa lea o ia ia Iesu, ua faapea mai, Rapi e, si o'u alofa; ona sogi ai lea o ia ia te ia. Ona fetalai atu ai lea o Iesu ia te ia, Sole, se a le mea ua e sau ai? Ona latou o mai ai lea, ua tago atu o latou lima ia
- 49 Iesu, ua latou pue ia te ia. Faauta foi, o le tasi o e na ia Iesu, ua tago ia i lana pelu, ua se'i, ona ia taia lea o le auauia a le faitaulaga sili,
- 50 ua tipiesea lona taliga. Ona fetalai atu lea o Iesu ia te ia, Ina toe sulu ia o lau pelu i lona faamoega; auā o i latou uma o e tago i le pelu,
- 51 e oti i latou i le pelu. Fa te oe ea ou te mafaia ona aioi atu nei i lo'u Tamā, ona auuina mai ai lea e ia ia te au o agelu e sili ona toatele
- 52 i lekeona e sefulu ma le lua? Ona faapefea lea ona taunuu o Tusi, e tatau ona oo ia mea? O lea itu po ua fetalai atu ai Iesu i le motu o tagata, Ua outou o mai ea ma pelu ma uatogi e pue mai ai ia te au, peiseai o se fao mea? sa tatou nonofo ma outou i le malumalu, ma ou a'oa'o atu ai i aso fai soo, a e
- 53 tou te lei pueina ai a'u. A ua oo ia mea uma ina ia taunuu ai Tusi a le au perofeta. Ona tuua ai lea o ia e le au soo uma, a e sosola i latou.
- O e na pue ia Iesu ua latou ta'i ta'i ia te ia ia Kaiafa le faitaulaga sili, na faapotopoto ai le au tusiupu ma toeaia. A ua mulimuli mamao mai Peteru ia te ia, ua oo i le maota o le faitaulaga sili, ua ulufale atu i ai, ua nofo foi o ia faatasi ma auauia, ia iloa ona iu. A o le au faitaulaga sili, ma toeaia, ma le tau-pulega uma, ua latou saili ni e molimau pepelo ia Iesu, ina ia latou fasioti ia te ia; a e lei maua; e ui lava ina o mai molimau pepelo e toatele, a e lei maua lava. E mulimuli ane ua o mai molimau pepelo e toalua, ua faapea mai, Na fai mai lenei tagata, Ou te mafaia ona lepeti o le malumalu o le Atua, ma ou toe faia i aso e tolu. Ona tu ai lea i luga o le faitaulaga sili, ua faapea mai ia te ia, E lei ai sau tali? Pe se a le mau a nei tagata ia te oe? A ua le fetalai Iesu. Ona fai mai ai lea o le faitaulaga sili, ua faapea mai ia te ia, Ou te fai atu ia te oe ia e tauto mai ia te i matou i le suafa o le Atua soifua, po o oe le Keriso, o le Alo o le Atua. Ona fetalai atu ai lea o Iesu ia te ia, O lea lava; ou te fai atu foi ia te outou, E mulimuli ane tou te iloa ai le Atalii o le tagata e nofo i le itu taumatau o le e ona le mana, e sau foi o ia i ao o le lagi. Ona saeia ai lea e le faitaulaga sili ona lava ofu, ua faapea ane, Ua upu leaga o ia i le Atua; se a se toe aoga o molimau ia te i tatou? faauta, ua outou faalogo nei i ana upu leaga i le Atua. Pe ni a fa outou? Ona latou tali mai ai lea, ua faapea mai. E tatau ona oti o ia. Ona latou faifaeau ai lea i ona fofoga, ua faufaitu'i foi ia te ia; ua faufai-po atu foi isi, ua faapea mai, Keriso e, ina iite mai ia te i matou, po o ai na na fasia oe?
- A o Peteru sa nofo o ia i fafo i le maota; ona alu atu ai lea o le tasi auauia teine ia te ia, ua faapea atu, O oe foi, sa oulua faatasi ma Iesu le Kalilaia. Ona faafiti lea o ia i latou luma atoa, ua faapea ane, Ou te le iloa le mea e te fai mai ai na. Ua ulufafo ia i le faapaologa, ona

iloe mai ai lea o ia e le tasi *auauna teine*, ua na fai atu i e ua i ai, O lenei *tagata* foi sa la faatasi ma
 72 Iesu le Nasareta. Ona toe faafiti ai lea o ia ma le augani, Ou te lei
 73 iloe lea tagata. Ua toe itiiti, ona o ane ai lea o e na tutū mai, ua faapea mai ia Peteru, E moni, o oe lava lo latou; auā o iloe oe i lau
 74 gavana. Ona augani ai lea o ia ma tauto, *ua faapea atu*, Ou te le iloe lava lea tagata. Ona vivini loa lea
 75 o moa. Ona manatua lea e Peteru o le upu na fetalai atu ai Iesu ia te ia, E le vivini moa seia e faafiti faatolu mai ia te au. Ona ulufafo ai lea o ia, ua tagi lotulotu.

O le faasatauroina o Iesu.

27 UA ao, ona taupulepule ai lea o le au faitaulaga sili uma ma toeaina o le nuu ia Iesu ina ia fasioti ia te
 2 ia; ua latou noanoa ia te ia, ona latou ta'ita'i ai lea ia te ia, ma tuu atu ai ia Ponotio Pilato le alii.
 3 Ua iloe e Iuta, o le na faalataina o ia, ua faasalaina o ia, ona salamo ai lea o ia, ua toe ave tupe e tolugafulu i le au faitaulaga sili ma toe-
 4 aina, ua faapea atu, Ua ou agasala, ina ua ou faalata le ua le sala. A ua latou faapea mai, Sa matou mea
 5 ea lena? faitalia lava oe. Ona lafo ai lea e ia o tupe i le malumalu, ua alu ese; ona alu ai lea o ia ua noa
 6 o ia e ia. Ona tago ai lea o le au faitaulaga sili i tupe, ua faapea ane, E sa ona tuu ia mea i le mea e teu
 7 ai oloa, auā o le tau o le toto. Ua latou filifili, ona faatau a'i lea o le fanua o le fai ipu omea, e tatanu ai
 8 tagata ese. O le mea lea ua igoa ai lea fanua, O le fanua o le toto, ua
 9 oo lava i nei ona po. Ona taunuu ai lea o le upu a le perofeta o Iere-
 10 mia, ua faapea mai, Ua latou tago i tupe e tolugafulu, o le tau lea o le na faatatauina, na faatatauina e
 11 nisi o le fanauga a Isaraelu; ona latou faatau a'i lea o le fanua o le fai ipu omea, e pei ona fetalai mai ai ia te au o le Alii.
 11 Ua tu Iesu i luma o le alii; ona fesili mai ai lea o le alii ia te ia, ua faapea mai, O oe ea o le tupu o tagata Iutaia? Ona fetalai atu ai lea

o Iesu ia te ia, O lea lava. Ua mo- 12
 moli ia te ia e le au faitaulaga sili ma toeaina, a ua leai sana tali. Ona 13
 fai mai ai lea o Pilato ia te ia, Ua e le faalogo ea i le tele o mea ua latou molimau mai ai ia te oe? A ua le 14
 tali atu ia ia te ia i se upu e tasi; ona matuā ofo ai lea o le alii.

Ua masani le alii e tatala atu i 15
 lea tausamiga ma lea tausamiga i le motu o tagata se tasi tagata ua noanoatia, o le ua latou loto i ai. O 16
 ona po ia sa i ai ia te i latou le tagata ua noanoatia ua logologo, e igoa ia Parapa. O lea na fai atu ai 17
 Pilato ia te i latou, ina ua potopoto i latou, Po o ai tou te loto i ai ou te tatalaina atu ia te outou? o Parapa ea? po o Iesu le ua igoa ia Keriso? Auā ua na iloe o le ma- 18
 taua ua latou tuuina atu ai o ia. Ua 19
 tietie o ia i le nofoa faamasino, ona sau ai lea o le feau mai lana avā, ua faapea mai, Ne'i mao i lea tagata amiotonu; auā na ou matuā tigaina analeila i le miti ia te ia. A ua faa- 20
 oso e le au faitaulaga sili ma toeaina i le motu o tagata ia latou fai atu, o Parapa, a ia fasiotia Iesu. Ona 21
 fai atu ai lea o le alii, ua faapea atu ia te i latou, O ai so laua tou te loto i ai ou te tatalaina atu ia te outou? Ona latou fai mai ai lea, O Parapa. Ona fai atu ai lea o Pilato ia te i 22
 latou, Se a foi le mea ou te faia ia Iesu o le ua igoa ia Keriso? Ona fai mai ai lea o i latou uma ia te ia, Ia faasatauroina ia. A ua fai atu 23
 le alii, Pe se a foi se leaga ua ia faia? A ua atili ai ona alalaga i latou, ua faapea mai, Ia faasatauroina ia. Ua iloe e Pilato, ua le aoga 24
 lana upu, a e atili ai le vāvaō, ona tago ai lea o ia i le vai, ua fafano ai ona lima i luma o le motu o tagata, ua faapea atu, Ou te mamā a'u i le toto o lenei tagata amiotonu; faitalia lava outou. Ona tali mai ai 25
 lea o le nuu uma, ua faapea mai, Ia i luga ia i matou, ma a matou fanau lona toto. Ona tatalaina atu ai lea 26
 e ia o Parapa ia te i latou, a ua saina e ia o Iesu, ma tuuina atu o ia ia faasatauroina.

Ua ta'ita'iina Iesu e le 'au a le 27
 alii i le maota o le alii, ona latou faapotopotoina ai lea ia te ia o le

- 28 'au uma. Ua latou toeseina ona ofu, ona latou faaofuina ai lea o ia i le
29 ofu mūmū. Ua latou taataai foi laau tuitui ua fai a'i le pale, ona latou faaee ai lea i lona ao, *ua tuu* foi le u i lona aao taumatau; ona latou tootuli ai lea i ona luma, ua faatauemu mai ia te ia, ua faapea mai, Talofa, le tupu o tagata Iutaia!
30 Ua feanu i latou ia te ia, ona latou tago ai lea i le u, ma ta i lona ao.
31 Ua uma ona latou faatauemu mai ia te ia, ona latou tatala ese lea o le ofu, ma faaofu ia te ia i ona lava ofu; ona latou ta'ita'i atu ai lea ia te ia ia faasatauroina. Ua latou o atu, ona iloa ai lea e i latou o le tagata Kurene, e igoa ia Simona, ua latou faatauanau ia te ia ia ave lona satauro. Ua latou oo atu i le mea ua igoa ia Kolokota, o lona uiga, O le mea o i ai le ulupoo; ona latou avatu lea ia te ia le vineta ua fefiloi ma le laau oona, ia inu ai; ua tofotofa e ia, a ua le mafai ona inu ai.
35 Ua latou faasatauro ia te ia, ona tufatufa ai lea e i latou o ona ofu, ua latou fai ai le vili; ina ia taunuu ai le upu a le perofeta. Ua latou tufatufaina o'u ofu mo i latou, ua latou faia foi le vili i lo'u ofu tino.
36 Ua latou nonofo i lea mea ua leoleo ia te ia. Ua latou tuu foi i luga ae o lona ao le tasi i le mea na inolia ai o ia, O IESU LENEI, O LE
38 TUPU O TAGATA IUTAIA. Ona latou faasatauro lea faatasi ma ia tagata fao mea e toalua, o le tasi i le itu taumatau, ma le tasi i le itu tauagavale. Ua upu leaga ia te ia o e na ui ane, ma lialiai o latou ulu, ua faapea mai, O oe na, o lē lepeti i le malumalu, ma toe faia i aso e tolu, ina faaola ia oe ia te oe. Afai o oe le Alo o le Atua, ina alu ifo ia
41 i le satauro. Ua faapea foi ona faatauemu o le au faitaulaga sili, ma le au tusiupu, ma toeaia, ua faapea
42 ane, Na ia faaolaina isi tagata, e le mafaia e ia ona faaola ia te ia. Afai o le Tupu o Isaraelu o ia, ina alu ifo nei lava o ia i le satauro, ona
43 tatou talitonu ai lea ia te ia. Na faatuatua ia i le Atua, ina laveai mai nei o ia ia te ia, afai e finagalo o ia ia te ia; auā na ia fai mai, O
44 a'u o le Atalii o le Atua. Ua faapea foi ona upu leaga ia te ia o tagata fao mea ua faasatauroina ma ia.
Ua fua mai i le itu aso e ono, ua 45 pogisa uma ai le nuu, ua oo lava i le itu aso e iva. Ua lata i le itu aso 46 e iva, ona alaga ai lea o Iesu ma le leo tele, ua faapea atu, Eli, Eli, lama sapatani? o lona uiga lenei, Lo'u Atua e, lo'u Atua e, se a le mea ua e tuulafoai mai ai a'u? Ua 47 faalogo ai nisi o e na tutū mai, ona latou faapea atu ai lea, Ua valaau atu lenei *tagata* ia Elia. Ona mo- 48 mo'e loa ai lea o so latou, ua tago i le omomi, ua fufui ai i le vineta, ma tuu i luga i le *pito* laau, ua faainu ia te ia. A ua faapea ane i 49 latou uma, Tuu ai pea ia, se'i tatou iloa pe sau Elia na te faaolaina o ia. Ua toe alaga Iesu ma le leo tele, 50 ona tuuina atu ai lea e ia o lona agaga. Faautea foi, ua saeluaina le 51 ie puipui o le malumalu, ua amata ifo i luga, ua oo i lalo; ua luluina foi le eleele, ua mavaevae foi papa; ua avanoa foi tuugamau, ua toe 52 tutū mai foi tino o tagata paia e toatele na momoe, na mavae foi 53 lona toe tu mai, ona latou o mai ai lea nai tuugamau, ma latou o atu i le aai paia, ua iloa i latou e tagata e toatele. O le ta'ita'i foi o le toase- 54 lau, ma e na leoleo ia Iesu faatasi ma ia, na latou iloa le mafuie ma mea na faia, ona latou matuā mata- tau ai lea, ua faapea ane, E moni, o le Alo lava lenei o le Atua. Sa i ai 55 foi fafine e toatele na vaavaai mamao mai, o i latou ia na mulimuli mai ia Iesu mai Kalilaia, ma au- auna mai ia te ia; sa i ai ia te i 56 latou o Maria le Makatala, ma Maria le tinā o Iakopo ma Iose, o le tinā foi o atalii o Sepetaio.
Ua oo i le afafai, ona sau ai lea o le 57 tasi tagata mauoa, o le Arimataia, e igoa ia Iosefa, o ia foi o le soo o Iesu; ua alu atu o ia ia Pilato, ua 58 faanoi atu ai i le tino o Iesu. Ona fai atu ai lea o Pilato ia tuu ane le tino. Ua ave e Iosefa le tino, ona 59 aui ai lea i le ie lino e mamā. Ua 60 tuu ai i lona tuugamau fou na foa i le papa; ua fuli atu e ia le maa tele i le gutu o le tuugamau, ona alu ai lea o ia. Sa i ai Maria le Makatala, 61

ma le isi Maria, sa la nonofo feagai ma le tuugamau.

- 62 O le taeao, o le *aso* lea e tuaoi ma le *aso* o le sauniga, ua faapotopoto atu ai ia Pilato le au faitaulaga sili
- 63 ma le au faresaio, ua faapea atu, Le alii e, ua matou manatua, na fai mai lena tagata pepelo, ina o ola mai o ia, A mavae *aso* e tolu ou te toe tu mai ai. O lenei, ia e fetalai ane, ia faamauina le tuugamau seia oo i le *aso* tolu, ina ne'i o atu ona soo i le po, ma gaoi ia te ia, ma latou fai atu i le nuu, Ua toe tu mai ia nai e ua oti; ona sili ai lea o le pepelo e
- 65 mulimuli i le na muamua. Ona fai ane ai lea o Pilato ia te i latou, Ua ia te outou leoleo, ina o ia, faitalia
- 66 lava outou ona faamau ai. Ona latou o ai lea, ua faamauina le tuugamau, ua faamaufaaailoga i le maa, ma *tuu ai* tagata e leoleo.

O le toe tu mai o Iesu.

- 28 UA mavae le sapati, ua tafa ata o le uluai *aso* o le vaisapati, ona o atu ai lea o Maria le Makatala, ma le isi
- 2 Maria e asiasi i le tuugamau. Faauta foi, ua to le mafuie tele; auā na alu ifo le agelu a le Alii mai le lagi, ua alu atu, ma fuli ese le maa i le gutu o le *tuugamau*, ma tietie i ona
- 3 luga. E pei o le uila lona tino mai, ma ona ofu ua sinasina pei o le
- 4 kiona; ua tetemu foi i le matatau ia te ia o e na leoleo, ua liua i latou
- 5 e pei o tagata oti. Ona fai atu ai lea o le agelu i fafine, ua faapea atu, Aua lua te matatau oulua; auā ua ou iloa ua oulua sailia mai Iesu
- 6 na faasatauroina. Ele o iinei o ia; auā ua toe tu mai o ia, pei ona fetalai atu ai o ia. O mai, ina mata-mata i le mea na *tuu ai* le Alii.
- 7 Ina o atu ia ia vave, lua te ta'u atu i ona soo, ua toe tu mai o ia nai e ua oti; faauta foi, e muamua atu ia ia te outou i Kalilaia; tou te iloa ai

o ia i lea mea; faauta, ua ou fai atu ia te oulua. Ona la vave o ai lea nai le tuugamau ma le fefe ma le fiafia tele; ua la taufetuli e ta'u atu ai i ona soo. Ua la o e ta'u atu ai i ona soo, faauta foi, ua fetaiai Iesu ma i laua, ua faapea atu, Si o'u alofa. Ona la o mai ai lea ua fetagofi i ona vae, ma ifo mai ia te ia. Ona fetalai atu ai lea o Iesu ia te i laua, Aua lua te matatau; ina o atu ia, lua te ta'u atu i o'u uso, ina ia latou o atu i Kalilaia, latou te iloa mai ai a'u.

Ua la o; faauta, ua o atu i le aai nisi o e na leoleo, ua ta'u atu i le au faitaulaga sili mea uma ua faia. Ona latou faapotopoto ai lea faatasi ma toeaina, ua latou filifili, ona avatu ai lea o tupe e tele i le 'au, ua faapea atu, Ia outou ta'uta'u atu, Na o mai ona soo i le po ua gaoi ia te ia, a o matou momoe. Afai e faalogo i ai le alii, matou te faaleoleole atu ia te ia, ma faasao ia te outou. Ona latou talia lea o tupe, ma latou faia e pei ona a'oa'oina ai o i latou; ua salalau foi lea tala i tagata Iutaia ua oo mai lava i nei ona po.

Ona o atu ai lea o le au soo e toasefulu ma le toatasi i Kalilaia, i le mauga na poloai atu ai Iesu ia te i latou. Ua latou iloa o ia, ona latou ifo mai ai lea ia te ia; a ua masalosalo nisi. Ona maliu ane ai lea o Iesu, ua fetalai atu ia te i latou, ua faapea atu, Ua tuuina mai ia te au le pule uma lava i le lagi ma le lalolagi. O lenei, ia outou o atu e fai nuu uma lava ma soo, ma papatiso atu ia te i latou i le suafa o le Tamā, ma le Atalii, ma le Agaga Paia; ia outou a'oa'o atu ia te i latou ia tausi i mea uma ua ou fai atu ai ia te outou; faauta foi, ou te ia te outou i *aso* uma lava, e oo lava i le gataaga o le lalolagi. Amene.

O LE EVAGELIA

A

MAREKO.

O Ioane le papatiso, ma le papatisoina o Iesu.

- 1 O LE amataga o le tala lelei ia
- 2 Iesu Keriso o le Alo o le Atua. E
- pei ona tusia i le au perofeta, Fa-
- uta, ou te auina atu la'u sāvāli e
- muamua atu i ou luma, na te teu-
- 3 teua lou ala i ou luma. O le leo o
- le ua alaga i le vao, Ina teuteu ia
- outou le ala o le Alii, ia faalaulelei
- 4 ona ala. Sa faia e Ioane lana papa-
- tisoga i le vao, ma tala'i atu ai le
- papatisoga o le salamo ina ia faama-
- 5 galoina agasala. Ua o atu foi le
- nuu uma o Iutaia ia te ia, atoa ma
- tagata o Ierusalema, ma ua papati-
- soina i latou uma e ia i le vaitafe o
- Ioritana, ua faaali atu a latou aga-
- 6 sala. Ua ofu Ioane i le fulufulu
- kamela, ma le fusi pa'u i lona sulu-
- gātiti; a o ana mea e 'ai o sēakerise
- 7 ma le meli vao ia. Ua tala'i atu ia,
- ua faapea atu, O loo mulimuli mai
- le tasi, e silisili o ia ia te au, ou te le
- aoga a'u e punou ifo ma tatala le
- 8 nonoa o ona see vae. O a'u nei, ou
- te papatiso atu ia te outou i le vai;
- a o ia, na te papatisoina outou i le
- Agaga Paia.
- 9 O ona po ia ua maliu atu ai Iesu
- mai Nasareta o i Kalilaia, ua papa-
- tisoina foi o ia e Ioane i Ioritana.
- 10 Ua maliu ae o ia nai le vai, ona iloa
- loa lea e ia o le lagi ua masae, ma
- le Agaga ua afio ifo i ona luga, e
- 11 peiseai se lupe. Ua oo mai foi le
- siufoga mai le lagi, ua faapea mai,
- O lo'u Atalii pele oe, ou te fiafia ia
- 12 te oe. Ona avea loa ai lea o ia e le
- 13 Agaga i le vao. Sa i ai foi o ia i le
- vao i po e fagafulu, ua faaososoina
- e Satani; sa i ai ma manu feai, sa
- auauna foi agelu ia te ia.
- 14 Ua tuuina atu Ioane i le fale

puipui, ona maliu atu lea o Iesu i
 Kalilaia, ua tala'i atu ai le tala lelei
 i le malo o le Atua, ua faapea atu,
 Ua oo mai ona po, ua latalata mai
 15 le malo o le Atua; ina salamo ia,
 ma talitonu i le tala lelei. Ua savali
 16 ane ia e latalata ane i le vai o Kali-
 laia, ona silafia lea e ia o Simona ma
 Aneterea lona uso, ua la fafo le
 upega i le vai; aā o tagata fai
 faiva i laua. Ona fetalai atu lea o
 17 Iesu ia te i laua, Ina mulimuli mai
 ia ia te au, ou te faia oulua ma fai
 faiva i tagata. Ona la tuua loa lea
 18 o la upega, a e mulimuli atu ia te
 ia. Ua tuuina atu teisi lea mea, ona
 19 silafia lea e ia o Iakopo le atalii o
 Sepetaio ma Ioane lona uso, ua i le
 vaa, ua fai masae o latou upega;
 ua valaau atu loa o ia ia te i laua; 20
 ona la tuua lea o lo la tamā o Sepe-
 taio i le vaa faatasi ma auuuna, ua
 la mulimuli atu ia te ia.

Ua o foi i latou i Kapanaumi; 21
 ona maliu atu loa lea o ia i le sunako
 i le sapati, ua a'oa'o ai. Ua matuā 22
 ofo foi i latou i lana mataupu; aā
 ua ia a'oa'o ia te i latou e faapei o
 se ua i ai le pule, a e le pei o le au
 tusiupu. Sa i ai foi i lo latou su- 23
 nako le tagata ua i ai le agaga
 leaga; ua alaga foi o ia, ua faapea 24
 mai, Aue, Iesu e le Nasareta! se a
 lau na ia te i matou? ua e maliu
 mai ea ia fanoia i matou? ua ou 25
 iloa oe, o le Paia oe o le Atua. Ona
 vavao atu lea o Iesu ia te ia, ua
 faapea atu, Ina faalologo ia, ma e
 alu i fafo nai ia te ia. Ona faataa- 26
 fiti lea o le agaga leaga ia te ia, ua
 alaga foi ma le leo tele, ona alu lea
 o ia i fafo nai ia te ia. Ona taufai- 27
 ofo ai lea o i latou uma, ua latou
 fesili ai le tasi i le tasi, ua faapea,
 Pe se a lenei? se a foi lenei mata-

upu fou? auā ua pule ia i agaga leaga, ma fetalai atu i ai, ona latou
28 faalogo lava lea ia te ia. Ona logo atu loa lea o le tala ia te ia i le nuu uma o Kalilaia.

29 Ua latou ulufafo i le sunako, ona o atu loa lea i le fale o Simona ma Aneterea, ua o faatasi ma Iakopo ma Ioane. Sa taoto ai foi le tinā o

30 le avā a Simona i le ma'i vevela; ona latou ta'uina atu loa lea o ia ia te ia.

31 Ona sōsō atu lea o ia ia te ia, ua tago ifo i lona lima, ua faatu ia te ia i luga; ona mavae loa lea o lona ma'i vevela, ona auauna lea o ia ia te i latou.

32 Ua oo i le afiafi i le goto o le ia, ona latou au mai lea ia te ia o e mamai uma, atoa ma e ua uluitinoina e temoni.

33 Ua potopoto uma ane foi le aai i le faitotoa.

34 Ona ia faamaloloina lea o tagata e toatele na mamai i ma'i esee, ua ia tulia foi temoni e toatele, ua ia le tuu atu foi i temoni e tautala, auā ua latou iloa o ia.

35 O le taeao ua ala po ai o ia, ona ulufafo lea o ia ma maliu atu i le mea tuufua, ma talotalo ai.

36 Ua mulimuli atu foi ia te ia o Simona ma i latou sa ia te ia. Ua latou maua o ia, ona latou fai mai lea ia te ia, O loo saili tagata uma ia te

37 oe. Ona fetalai atu lea o ia ia te i latou, Ina tatou o atu ia i aai e latalata mai, ia ou tala'i atu i ai *le tala lelei*, auā o le mea lea na ou sau ai.

38 Ua ia tala'i foi i o latou sunako i Kalilaia uma, ma tutuli temoni. Ua sau le lepela ia te ia, ua aioi ia te ia, ma tootuli ia te ia, ma ua faapea mai,

39 Afai ua e finagalo *i ai*, e te mafaia ona faamamā ia te au. Ona muti-

40 muti vale lea o le alofa o Iesu ia te ia, ua aapa atu lona aao, ua pa'i atu ia te ia, ma fetalai atu ia te ia, Ou te loto *i ai*, ina mamā ia oe.

41 Ua fetalai atu o ia, ona te'ā loa lea o le ma'i lepela ia te ia, ona mamā ai lea o ia. Ona matuā vavao atu lea o ia ia te ia, ma tuuina atu loa ia te

42 ia e alu. Ua faapea atu foi ia te ia, Ia oe, ne'i e ta'u atu sina tala i se tasi; a ia e alu, ina faaali oe i le ositaulaga; ma avane o mea na poloai ai Mose mo lou faamamāina,

43 e fai ma faailoga ia te i latou. A ua alu atu ia, ona matuā tala'i atu

lea ma faasalalau le tala, o lea e lei toe mafai ai o ia ona maliu faaali i le aai; a ua nofonofo i mea tuufua, ua latou o ane foi ia te ia mai itu uma.

Ua faamaloloina le supā; ua vala'auia Mataio; o mea e le sa i le sapati.

UA mavae isi aso, ona toe maliu 2

atu lea o ia i Kapanaumi; ua ave foi le logo ua i ai o ia i le fale. Ona 2

potopoto loa mai lea o tagata e toatele, ua le toe ofi, ua le ofi lava i se mea e latalata i le faitotoa, ona folafola atu lea e ia le upu ia te i latou.

A ua o mai nisi ia te ia, ua au mai le tagata supā, o loo fataina mai e le toafā.

3 Ua le mafai foi i latou 4

ona faalatalata atu ia te ia, auā le motu o tagata, ona latou tatala lea o le ufi o le fale sa i ai o ia, ua faasosofa i ai, ona latou tuutuu ifo ai lea o le moega o taoto ai le supā.

5 Ua silafia e Iesu lo latou faatuatua, 5

ona fetalai atu lea o ia i le supā, Lo'u atalii e, ua faamagaloina au agasala.

6 Sa nonofo mai ai nisi o le 6

au tusiupu, sa manatunatu ifo i o latou loto, Se a le mea ua upu leaga ai faapea lenei tagata i le Atua?

7 E mafaia ea ia te ai ona faamagaloina o agasala, ua na o le toatasi o le Atua lea?

8 Ua silafia loa e Iesu i 8

lona finagalo ua faapea ona latou manatunatu i o latou loto, ona fetalai atu ai lea o ia ia te i latou, Se a le mea ua outou manatunatu ai ia mea i o outou loto?

9 Po o le fea e 9

faigofie? po o le fai atu i le supā, Ua faamagaloina au agasala; po o le fai atu, Ina tulai ia, ma ave lou moega, ma savali?

10 A e peitai ina 10

ia outou iloa o i ai i le Atalii o le tagata i le lalolagi le pule e faamagalo ai agasala, (ua fetalai ane ia i le supā.)

11 Ou te fai atu ia te oe, Ina 11

tulai ia, ina ave lou moega, ma alu atu i lou fale. Ona tulai loa lea o ia, 12

ua ave foi lona moega, ma savali ane i luma o i latou uma. Ona ofo tele ai lea o i latou uma, ma vivii atu i le Atua, ua faapea, Ua tatou le iloa mai anamua se mea faapena.

13 Ua toe maliu ane ia e latalata 13

ane i le vai, ona o mai lea o le motu o tagata uma ia te ia, ona a'oa'o

- 14 atu lea o ia ia te i latou. Ua maliu
ane o ia, ona silafia lea e ia o Levi o
le *atalii* o Alefaio, ua nofo i le fale
e tali ai taulaga, ona fetalai atu lea
o ia, Mulimuli mai ia ia te au. Ona
tulai lea o ia, ua mulimuli atu ia te
15 ia. Ua taoto o ia i lona fale e tau-
mafa, e toatele foi telona ma e aga-
sala ua taotoo e aai faatasi ma Iesu
ma ona soo; auā e toatele i latou,
ua latou mulimuli atu foi ia te ia.
16 Ua iloa e le au tusiupu ma le au
faresaio o ia o loo taumafa faatasi
ma telona ma tagata agasala, ona
latou fai atu lea i ona soo, Se a le
mea e 'ai ai o ia ma inu faatasi ma
17 telona ma e ua agasala? Ua lagona
e Iesu, ona fetalai atu lea o ia ia te
i latou, E le agaga le fomai i e malolo,
na o e mamai; ua ou le sau e
valaau i e amiotonu, a o e agasala
ina ia salamo.
18 Sa anapopogi le au soo o Ioane,
ma *soo* o le au faresaio; o le mea lea
ua latou o mai ai, ma fai mai ia te
ia, Se a le mea e anapopogi ai le au
soo o Ioane ma *soo* o le au faresaio,
a o ou soo e le anapopogi i latou?
19 Ona fetalai atu lea o Iesu ia te i
latou, Pe mafai ea aumea a le faa-
toafaiavā ona anapopogi ina o ia te
i latou le faatoafaiavā? Latou te
le mafai ona anapopogi i ona aso o
20 ia te i latou le faatoafaiavā. A e
oo i ona po e aveeseina ai le faa-
toafaiavā ia te i latou, ona latou
21 anapopogi ai lea i na ona aso. E leai
foi se tasi na te fonoa le matuā ofu
i le ie fou; a faapea, e masae le
matuā *ofu* i le fono fou, ona atalii
22 ai lea ona masae. E le utufia foi e
se tasi le uaina fou i fagu pa'u
tuai; a faapea, e pāpā ai fagu pa'u
i le uaina fou, ona masaa lea o le
uaina, e māumau foi fagu pa'u; a e
peitai ia utufia le uaina fou i fagu
pa'u fou e tataui ai.
23 Ua ui ane o ia i le sapati i tosaio,
ona ooti fano lea o ona soo i 'au
24 saito. Ona fai atu lea o le au fare-
saio ia te ia, Faauta, se a le mea
latou te fai ai le mea e sa ona fai i
25 le sapati? Ona fetalai atu lea o ia
ia te i latou, Ua outou le faitauina
ea le mea na faia e Tavita, ina ua
leai ni na mea, ua fia 'ai foi o ia
26 atoa ma i latou sa ia te ia, ua ulu
atu o ia i le fale o le Atua i ona po
o Aviata le ositaulaga sili, ua ia 'ai
foi areto e laulauina i luma, ma
avane i e sa ia te ia? O mea e sa
ona 'ai ai o se tasi, na o le au ositau-
laga lava. Ua ia fetalai atu foi ia 27
te i latou, Ua faia le sapati mo
tagata, a ua le faia tagata mo le
sapati. Lenei la, o le Atalii o le 28
tagata, o le Alii lava lea o le sapati.
- O le lima gase ma nisi ma'i ua faa-
maloloina; o le tofia o le au apose-
tolo.*
- UA toe ulu atu ia i le sunako, sa 3
i ai foi le tagata ua gase lona lima. 2
Ona latou lamalama lea ia te ia, pe
na te faamaloloina o ia i le sapati,
ina ia latou molia o ia. Ua fetalai 3
atu ia i le tagata ua gase lona lima,
Ina tulai mai ia i totonu. Ona 4
fetalai atu lea o ia ia te i latou, Pe
sa ea le agalelei i le sapati, po o le
agaleaga; o le faaola, po o le fasi-
oti? A ua latou faalologo. Ua ia 5
silasila solo ia te i latou ma le
toasa, ina ua tiga o lona finagalo,
auā o latou loto ua maaa, ona fet-
alai atu lea o ia i le tagata, Ina faa-
loaloa ia lou lima. Ona faaloaloa 6
ai lea e ia, ona toe lelei ai lea o lona
lima, ua pei o le tasi. Ona o i fafo
lea o le au faresaio, ua taupulepule
loa i latou ma le au Herotiano ia te
ia, ina ia latou fasioti ia te ia.
A o Iesu, ua maliu atu ia ma ona 7
soo e latalata ane i le vai; ua muli-
muli atu foi ia te ia le motu o
tagata e toatele mai Kalilaia, ma
Iutaia, ma Ierusalem, atoa ma 8
Itumaia, ma tala atu o Ioritana,
atoa ma i latou mai le itu o Turo
ma Saitonu, e toatele lava ua o mai
ia te ia, ina ua latou faalogo i ia
mea sa na faia. Ua fetalai atu foi 9
o ia i ona soo ia faatali mai se vaa
laitiiti ia te ia, auā o le motu o
tagata ina ne'i fetaomi mai i latou
ia te ia. Auā e toatele na ia faa- 10
maloloina, o lea ua fetaomi mai ai
ia te ia e na maua e ma'i tiga, ina ia
latou papai mai ia te ia. O agaga 11
leaga foi, ua latou iloa mai o ia, ona
faapauu lea o latou i ona luma,
ma latou alalaga, ua faapea mai, O
oe lava o le Alo o le Atua. A ua 12

- matuā vavao atu o ia ia te i latou, aua ne'i latou faaalua o ia.
- 13 Ua maliu ae ia i le mauga, ona valaau atu lea o ia i e ua ia finagalo i ai; ona latou o mai lea ia, te ia.
- 14 Ona tofia lea e ia le toatinoagafulu ma le toalua, ina ia latou faatasi ma ia, ia na auina atu foi i latou e tala'i i le tala lelei; ina ia tuuina atu foi le pule ia te i latou, latou te faamalolo ai ma'i, ma tutuli ai temoni. Ua ia faaigoa ia Simona o
- 16 Peteru; ma Iakopo le atalii o Sepe- taio, ma Ioane le uso o Iakopo; ua ia faaigoa foi ia te i laua o Poaneki, o lona uiga, O tagata faititili; ma
- 18 Aneerca, ma Filipino, ma Patolomaio, ma Mataio, ma Toma, ma Iakopo le atalii o Alefaio, ma Tataio, ma
- 19 Simona o le Kanaua, ma Iuta le Sekara, o le na faalataina o ia.
- 20 Ua o atu i latou i le fale; ona toe potopoto mai lea o le motu o tagata, ua le mafai ai i latou ona aai. Ua faalogo ai lona aiga, ona latou o
- 22 atu ai lea e pue ia te ia; auā na latou faapea ane, ua valea o ia. A o le au tusiupu e na o ifo mai Ieru- salema, ua faapea ane i latou, O ia
- 23 te ia Pelesepu, o le alii foi o temoni, e tuli ai e ia o temoni. Ua valaau atu ia ia te i latou, ona fetalai atu lea ia te i latou i faa- taoto, E mafai faapefea e Satani
- 24 ona tulia o Satani? Afai foi e fevaevaeai se malo, e le mafai ona tumau o lona malo. Afai foi e
- 25 fevaevaeai se aiga, e le mafai ona tumau o lona aiga. Afai foi e tetea
- 26 atu Satani ia te ia lava, ma fevae- vaeai o ia, ona le mafai ai lea ona tumau o ia, a e oo i lona iuga. E
- 27 leai se na te mafaia ona ulu atu i le fale o le tagata malos, ma vete ana mea, seia lua'i noanoatia le tagata
- 28 malos, i le vete ai lona fale. E moni, ou te fai atu ia te outou, E faamagaloina agasala uma a tagata, atoa ma upu leaga uma latou te
- 29 upu leaga ai; a o lē upu leaga i le Agaga Paia, e le faamagaloina o ia, a le tu a le tu lava; a e peitai e
- 30 tatau ia te ia le sala e faavavau. Na ia faapea atu, auā na latou fai mai, O ia te ia le agaga leaga.
- 31 Ona o mai ai lea o ona uso ma lona tinā, ua tutū i fafo, ma feau

atu ia te ia, ma valaau atu ia te ia. Ua nonofo vagavagai ia te ia le 32 motu o tagata, ua latou fai ane foi ia te ia, Faauta, o lou tinā ma ou uso o i fafō, o saili ia te oe. Ona 33 tali atu lea o ia ia te i latou, ua faa- pea atu, O ai ea lo'u tinā? O ai foi o'u uso? Ona silasila solo ai 34 lea o ia i e nonofo vagavagai ia te ia, ua faapea atu, Faauta i lo'u tinā ma o'u uso. Auā o lē faia le fina- 35 galo o le Atua o lo'u uso lea, ma lo'u tuafafine, ma lo'u tinā.

O faataoto i le tagata lulu saito, ma le fua sinapi.

UA toe amata o ia ona a'oa'o atu 4 e latalata i le vai, ua potopoto mai ai ia te ia le motu o tagata e toa- tele; o le mea lea na maliu ae ai o ia i le vaa, ua nofo ai i le vai; a o le motu o tagata uma sa i le auvai i latou. E tele mea ua ia a'oa'o atu 2 ai ia te i latou i faataoto, ua faapea atu foi o ia ina ua a'oa'o atu, Ina faalogologo mai ia outou; faauta, o le tagata lulu saito, ua alu atu ia e lulu ai saito. Ua ia lulu saito, 4 ona paū lea isi i le auala, ona o ane lea o manu felelei, ua aai ai. Ua 5 paū foi isi i le mea papa, e itiiti lava le elelee sa i ai; ona tupu lise lea ia, auā o le elelee ina itiiti. Ua 6 alu ae le ia, ua velasia ai, ona magu- magu ai lea, ona ua leai ni aa. Ua 7 paū foi isi i le vao tuitui, ua tutupu ae le vao tuitui, ona fetainaia ai lea, e lei fua mai lava. A ua paū isi i 8 le elelee lelei, ua tutupu ae, ma tupu tele, ua fua mai, e taitolu sefulu i nisi, e taiono sefulu i nisi, a e taiselau i nisi. Ua ia fetalai atu 9 foi ia te i latou, O le ua i ai taliga e faalogo ai, ina faalogo mai ia o ia.

Ua toatasi ia, ona fesili ane lea ia 10 te ia o e ua faatasi ma ia, atoa ma le toatinoagafulu ma le toalua i le faataoto. Ona fetalai atu lea o ia 11 ia te i latou, Ua foiaina atu ia te outou ina ia outou iloa mea lilo a le malo o le Atua; a o i latou o i tua, ua fai atu mea uma ia te i latou i faataoto; ina ia latou le iloa i lo 12 latou matuā vaai; ina ia latou le lagona foi i lo latou matuā faalogo- logo; ina ne'i liliuina i latou, ma faamagaloina a latou agasala. Ua 13

- ia fetalai atu foi ia te i latou, Tou te le iloa ea lenei faataoto? Pe faapefea foi ona outou iloa o faataoto uma? O lē lulu saito, e lulu ia i le upu. O i latou ia i le auala e luluina ai le upu; a latou faalogo ai, ona alu ane loa lea o Satani, ma aveeseina le upu na luluina i o latou loto. E faapea foi i latou na luluina i le mea papa, o i latou ia ua faalogo i le upu, ona talia loa lea ma le fiafia. A e peitai ua leai ni o latou aa, ua faaletumau i latou; pe a tupu le puapuaga, po o le sana ona o le upu, ona latou tausui loa lea. O i latou foi sa luluina i le vao tuitui, o i latou ia e na faalogo i le upu, a o le loto popole i mea a lenei lalolagi, ma le pepelo o le oa, ma le tuinanau i nisi mea, ua oo atu i totonu o le loto, ua fetinaia ai le upu, ona le fua mai lava lea.
- 20 A o i latou na luluina i le elelee lelei, o i latou ia e ua faalogo i le upu, ma latou talia, ma fua mai e taitolugafulu i nisi, e taiono sefulu i nisi, e taiselau foi i nisi.
- 21 Ua fetalai atu foi o ia ia te i latou, E au mai na ea se lamepa ina ia tuuina i lalo o le mea e fua a'i saito, po o i lalo o le moega? E le faatuina ea i luga o le tuugālamapa?
- 22 Auā e leai se mea lilo e le faaalua; e leai foi se mea e nātia, a e iu ina faailoa lava. O le ua i ai taliga e faalogo ai, ina faalogo mai ia o ia.
- 24 Ua ia fetalai atu foi ia te i latou, Ia outou i mea tou te faalogo i ai; o le fua tou te fua atu ai, e toe fuaia mai ai ia te outou; o outou o e faalogologo, e faaopoopoina ia te outou. Auā o le ua i ai mea, e avatua pea ia te ia; a o le ua leai ni ana mea, e aveeseina le mea ua ia te ia.
- 26 Ua ia fetalai atu foi, O le malo o le Atua ua faapei o le tagata ua na luluina saito i le elelee. Ua moe foi o ia i le po, ma ala i le ao; a ua totogo ae le saito, ma tutupu, ua na le iloa pe na faapefea ia; auā ua tupu fua ia i le elelee; e muamua ōna lau, ona oo lea i lona faga mai, mulimuli ane foi ua i ai saito matua. A afu le saito, ona selesele loa lea, auā ua oo i ona po e selesele ai.
- Ua fetalai atu foi o ia, Se a se mea tatou te faatusa i ai le malo o le Atua? se a foi se faataoto tatou te faatusaina ai? E tusa ia ma le fua o le sinapi; a totōina i le elelee, e sili ona laitiiti i fua uma e tutupu i le elelee. Pe a totōina foi, ona tupu ae lea, ua avea foi ma laau tele, ua sili i laau uma e afu, ua fai foi ōna la tetele, e mafai ai manu felelei ona momoe i lalo o lona paolo.
- Ua ia fetalai atu foi le upu ia te i latou i faataoto faapena e tele, e faatatau i mea ua mafai ona latou lagona. Ua na o faataoto na ia fetalai atu ai ia te i latou; a e peitai na ia faamatalatalaina mea uma i ona soo i tua.
- O lea lava aso, ua oo i le afiafi, ona fetalai atu lea o ia ia te i latou, Ina tatou o atu ia i le tasi itu. Ua latou tuua le motu o tagata, ua i le vaa o ia, ona latou avea loa lea o ia; ua faatasi foi ma ia isi vaa iti. Ona to mai lea o le afā, o le matagi tele lava; ona fati mai ai lea o peau i totonu o le vaa, ua tumu ai. A o ia sa i le taumuli, ua tofa i le aluga; ona latou fafagu lea ia te ia, ma fai mai ia te ia, Le a'oa'o e, e te le manatu mai ea ia te i matou a fano? Ona tulai lea o ia, ma na vavao atu i le matagi, ua fetalai atu foi i le vai, Faalologo ia, ina malū ia. Ona mate lea o le matagi, i le ua matuā malū. Ona fetalai atu lea o ia ia te i latou, Se a le mea tou te fefefe ai faapea? se a le mea tou te le faatuatua mai ai? Ona matuā tatatau lava lea o i latou, ma fetautalatalai i latou, Po o ai lava lenei, ina ua faalogo lava le matagi ma le vai ia te ia?
- O le fanaega a temoni na uluitinoina ai le lafu puua.*
- UA oo atu i latou i le tasi itu o le vai, i le laueleele o Katara. Ua maliu atu ia nai le vaa, ona fetaii loa lea ma ia o le tagata mai tuugamau, ua ia te ia le agaga leaga, sa mau o ia i tuugamau; e le mafai foi se tasi ona noanoatia o ia i maea uamea lava. Auā ua atu lasi ona noanoatia o ia i mea e faamau a'i vae, atoa ma maeā uamea; a ua

- motumotusia e ia o maea uamea, ua tu'ipalaina foi mea e faama'i a'i vae; e leai foi se na ia mafaia ona
5 faalata ia te ia. Sa i ai pea lava o ia i tuugamau ma mauga i le po ma le ao; sa alaga, ma selei o ia ia te
6 ia i maa. Ua iloa mamao mai e ia o Iesu, ona momo'e mai lea, ma ifo ia
7 te ia, ua alaga mai foi o ia ma le leo tele, ua faapea mai, Se a lau na ia te au nei, Iesu e, le Alo o le Atua silisili ese? ou te fai atu ia te oe ia e tauto mai i le *suafa* o le Atua, e
8 te le faatiga mai ia te au. Auā ua fetalai atu o ia ia te ia, Alu ia i fafo i le tagata, o oe na le agaga leaga.
9 Ua fesili atu foi o ia ia te ia, Po o ai lou igoa? Ona tali mai lea o ia, ua faapea mai, O Lekeono lo'u igoa; auā e toatele i matou. Ua matuā
10 aoi mai foi o ia ia te ia ina ia na le auesaina i latou i lea nuu. Sa i ai foi le lafu puaa e tele, ua tataa e
12 lata ane i mauga. Ua aoi mai foi temoni uma ia te ia, ua faapea mai, Ia e aauina i matou i puaa, matou
13 te uluitino ai. Ona tuu atu loa lea e Iesu ia te i latou. Ua o i fafo agaga leaga, ona latou uluitino lea i puaa; ona feosofi ifo ai lea o le lafu i le tofi i le vai, pe atoa le lua o afe i latou; ona malelemo ai lea i
14 le vai. Ona sosola lea o e sa fagina puaa, ma tala atu ai i le aai ma ona faoa aai; ona latou o mai lea e matamata i le mea ua faia. Ua
15 latou o mai foi ia Iesu, ma ua iloa o ia sa uluitinoia e temoni, sa i ai le lekeono, ua nofo i lalo o ia, ua ofu foi, ma ua atamai; ona latou mata-
16 tau ai lea. O e na iloa, ua latou faamatala atu ia te i latou i le uiga o le mea na faia i le na uluitinoia, atoa ma puaa. Ona latou aoi atu
17 lea ia te ia ina ia malii ese atu ia i lo latou nuu. Ua malii ae o ia i le vaa, ona aoi mai lea ia te ia o le na uluitinoia ina ia faatasi ma ia.
19 A o Iesu ua le mafai, a ua fetalai atu ia te ia, Alu atu ia oe i lou fale, i lou aiga, ma ia e ta'u atu ia te i latou mea tetele ua faia e Alii ia te oe, ma lona alofa ia te oe. Ua
20 alu foi o ia, ma na tala'i i Tekapoli o mea tetele ua faia e Iesu ia te ia; ona ofo ai lea o tagata uma.
21 Ua toe foi atu Iesu i le vaa i le tasi itu, ona potopoto mai lea o le motu o tagata e toatele ia te ia, sa latalata ane o ia i le vai. Faa'uta
22 foi, ua sau le tasi o e pule i le sunako, o Iairo lona igoa; ua na iloa o ia, ona faapa'u ai lea i ona vae; ua ia matuā aoi mai foi ia te ia, ua faapea mai, O le a oti nei lava si o'u afafine, ina e malii atu, ma ia e faa-
23 ee ou aao i luga ia te ia e malolo ai, ona ola ai lea o ia. Ona la malii atu lea ma ia; ua mulimuli atu foi ia te ia le motu o tagata e toatele, ma latou fetaomi lava ia te ia.
O le tasi fafine foi, ua ia te ia le 25 puna toto i tausaga e sefulu ma le lua, e tele foi mea na ia tiga ai i fomai e toatele, ua uma atu ai foi ana oloa, a e lei aoga lava ia te ia, a e peitai ua atili ai lona ma'i, ua faa-
27 logo o ia ia Iesu, ona alu ane lea i ona tua, i totonu lava o le motu o tagata, ua pa'i ane i lona ofu; auā
28 ua faapea o ia, Afai ou te pa'i atu tau lava o ona ofu, ona ou malolo ai lea. Ona utu loa lea o lona puna
29 toto; ona iloa lea e ia lona tino ua faamaloloina i lona ma'i tiga. Ua
30 silafia loa e Iesu i lona lava finagalo, ua alu atu le mana nai ia te ia, ona fili lea o ia i le motu o tagata, ua faapea atu, Po o ai ea na pa'i mai i o'u ofu? Ona fai mai lea o ona soo
31 ia te ia, Ua e silafia le motu o tagata, o loo fetaomi mai i latou ia te oe, a e te fetalai mai ea, Po o ai na pa'i mai ia te au? Ua silasila solo
32 foi o ia ina ia silafia le na faia lea mea. A o le fafine, ua mata'u ma gatete, ua na iloa le mea ua faia ia te ia, ua sau ma faapa'u o ia i ona luma, ma ta'utino atu le tonu ia te ia. A ua fetalai atu ia te ia, Lo'u
34 afafine e, ua e ola i lou faatuatua; ina alu ia oe ma le manuia, ma ia e malolo i lou ma'i tiga. Ua o mai
35 nisi mai le *fale* o le ua pule i le sunako, a o fetalai mai o ia, ua faapea mai i latou, Ua oti lou afafine; se a le mea e te faalavelave ai pea i le a'oa'o? A o Iesu ua faafefoga i
36 le tala ua ta'uina mai ai, ona fetalai atu loa lea o ia i le ua pule i le sunako, Aua e te mata'u; tau lava ina e faatuatua. Ua le mafai o
37 ia ona ia mulimuli atu se tasi ia te ia na o Peteru, ma Iakopo, ma

- 38 Ioane le uso o Iakopo. Ua oo i le fale o lē pule i le sunako, ona silafia lea e ia o le lauaitu, ma e o tau-
 39 faitagi, ma e o taufaiaue tele. Ua ulufale atu ia, ona faapea atu lea ia te i latou, Se a le mea ua outou pisaō ai, ma outou fetagisi ai? e le
 40 oti le teine, ua na ona moe. Ona latou tapisa ai lea ia te ia. A ua ia tulia i latou uma i fafo, ona ave lea e ia le tamā o le teine, atoa ma lona tinā, ma e na o mai ma ia ua ulu atu foi i le mea ua taoto ai le teine.
 41 Ona tago ifo lea o ia i le lima o le teine, ma fetalai atu ia te ia, Talita kumi; (o lona faamatalaga lenei, Funā e, ou te fai atu ia te oe, ia e
 42 tulai). Ona tulai loa lea o le teine ua savali, auā ua sefulu ma le lua ona tausaga; ua segia lea o latou mau.
 43 Ua matuā vavao o ia ia te i latou, ne'i iloa e se tasi lea mea; ua fetalai atu foi, ia avatua ia te ia sina ana mea e 'ai.

Ua aauina atu le au aposetolo; o le fasiga o Ioane le papatiso.

- 6 UA tuua e ia lea mea, ona maliiu atu lea i lona lava nuu; ua muli-
 2 muli atu foi ona soo ia te ia. Ua oo i le sapati, ona a'oa'o atu lea e ia i le sunako, e toatele o e na faalogo ai, ua ofo i latou, ua faapea atu, Maifea na maua ai e lenei tagata ia mea? se a foi lenei poto ua tuuina atu ia te ia, ina ua faia e ona lima vavega e faapena ona tele? E le o
 3 le tufuga ea lenei, le tama a Maria, o lona uso foi o Iakopo, ma Iose, ma Iuta, ma Simona? e le o iinei foi ea ia te i tatou ona tuafāfine?
 4 Ona latou tausui ai lea ia te ia. A ua fetalai atu Iesu ia te i latou, E leai se perofeta e le mamalu, ua na o lona lava nuu, ma lona aiga, ma
 5 lona fale e le mamalu ai. Ona le mafaia lea e ia ona fai o se vavega i lea mea, ua o nai tagata mamai e toaititi ua ia faaee ai ona lima, ma
 6 faamaloloina. Ua ofo foi o ia i lo latou le faatuatua; ona faataamilo lea o ia i faoa aai, ma a'oa'o atu.
 7 Ua valaau atu ia i le toatinoagafulu ma le toalua, ona aau atu lea ia te i latou e taitoalua, ua ia tuu atu foi ia te i latou le pule i agaga
 8 leaga; ma na fetalai atu ia te i la-

tou, aua latou te ave se mea i a latou malaga, tau lava o le tootoo e tasi; aua se taga, aua ni mea e 'ai, ia leai foi ni tupe i o latou fusi, a ia
 9 faaseevaeina o latou vae; aua foi le tailua o ofu e ofu ai. Ua fetalai
 10 atu foi o ia ia te i latou, O se mea tou te ulu atu ai i se fale, ia outou nonofo ai i le tou o ai. Ai se le
 11 talia outou, pe le faalogo ia te outou, a outou o ese i lea mea, i le tou tūtū atu ai le elele nai o outou vae, e fai ma molimau ia te i latou; e moni, ou te fai atu ia te outou, e
 feoloolo Sotoma ma Komoro i le aso faamasino, i lea lava aai. Ona
 12 latou o atu ai lea ma tala'i atu ina ia latou salamo. E toatele foi te-
 13 moni ua latou tulia, e toatele foi o e na mamai ua latou faauuina i le suāuu, ma faamaloloina.

Ua faalogo ai le tupu o Herota, 14
 (auā ua ta'ua lona suafa,) ona fai ane lea o ia, Ua tulai Ioane le papatiso nai e ua oti, o le mea lea ua fai ai e ia o vavega. Ua fai ane isi, O Elia lena; a o isi, ua faapea ane, O le perofeta ia, pe faapei o se tasi o le au perofeta. A ua faalogo
 15 ai Herota, ona fai ane lea, O Ioane lena sa ou vavaeeseina lona ulu; ua toe tulai ia nai e ua oti. Auā sa
 16 aauina nisi e Herota e pue ia Ioane, ma noanca ia te ia i le fale puipui, ona o Herotia le avā a Filipino lona uso, ina ua fai o ia māna avā. Auā
 17 sa fai atu Ioane ia Herota, E sa ona e fai avā i le avā a lou uso. O
 18 lea na ita ai Herotia ia te ia, na ia fia fasioti foi ia te ia, a ua le mafai; auā sa mata'u Herota ia Ioane, ina
 19 ua iloa o le tagata amiotonu o ia, ma le paia; sa leoleo foi o ia ia te ia, na faalogo foi ia te ia, ma na faia mea e tele, ma faalogo ia te ia
 20 ma le fiafia. Ua oo i le aso e paganoa, o le aso lea e fai ai le faamana-
 21 tuga o le fanau mai o Herota, na fai ai e ia le talisuga tele i alii sili, ma alii o 'au e taitoaafe, ma matai sili o Kalilaia. Ua ulufale foi le
 22 tama teine a Herotia ua saa, ua faafiafia ai ia Herota, atoa ma i latou sa taoto e aai faatasi ma ia; ona fai atu ai lea o le tupu i le teine, Ia e fai mai ia te au se mea e te manao i ai, ou te avatu lava ia te

- 23 oe; ua ia augani foi ia te ia, So se mea e te fai mai ai, ou te avatua lava ia te oe, e oo lava i le vaeluaga-
- 24 lemu o lo'u malo. Ona ulufalo lea o ia, ma fai atu i lona tinā, Se a se mea ou te fai atu i ai? Ua fai mai o ia, O le ulu o Ioane le papatiso.
- 25 Ona ulufale loa lea o ia i le tupu, ua tele lise, ua fai atu ia te ia, ua faapea atu, Ou te manao ina ia e au mai nei lava le ulu o Ioane le papatiso i se tanoa. Ona tiga tele ai lea o le tupu; a ona o lana angani, ma e ua taotoo e aai faatasi ma ia, ua ia le mafai ona faafiti atu ia te ia.
- 27 A ua auina loa e le tupu le tasi o le 'au e faafeao, ua fai atu ia aumaia lona ulu. Ona alu ai lea o ia, ma vavaeeseina lona ulu i le fale pui-pui.
- 28 Ua ia au mai foi lona ulu i le tanoa, ua avane i le teine; ua avatu foi e le teine i lona tinā. Ua faalogo ai ona soo, ona o ane lea o i latou, ma ave lona tino, ma tuu ai i le tuugamanu.
- 30 Ua potopoto mai le au aposetolo ia Iesu, ua latou talatala mai foi ia te ia i mea uma, o mea na latou faia, atoa ma mea na latou a'oa'oina. Ona fetalai atu lea o ia ia te i latou, Ina o mai ia, tau lava o i tatou, i se mea tuufua, se'i tou mapu ae teisi; auā e toatele e na feoi ai, ua le mafai ai i latou ona aai. Ona latou o atu ai lea ua na o i latou i le vaa i le mea tuufua. A ua vaai atu le motu o tagata ina ua latou o, e toatele foi ua iloa o ia; ona latou taufetuli atu ai lea mai aai uma, ua ui a uta, ua muamua ia te i latou;
- 34 ua tolo'a'i mai ia te ia. Ua maliu atu Iesu, ua na silafia le motu o tagata e toatele, ona mutimuti vale ai lea o lona alofa ia te i latou, auā ua faapei o mamoe i latou e leai so latou leoleo; ona a'oa'o atu lea o ia ia te i latou i mea e tele. Ua leva-leva le aso, ona o mai ai lea o ona soo ia te ia, ua faapea mai, O le mea tuufua lenei, ua levaleva foi le aso; ina e tuuina atu i latou ina ia latou o atu i faoa aai ma aai ua latalata mai, ma faatau ai ni a latou mea e 'ai; auā ua leai sa latou mea e aai ai. A ua tali atu ia ia te i latou, ua faapea atu, Ina avatu ia e outou ni mea e 'ai mā latou. Ona latou fai mai lea ia te ia, A matou o ea e faatau ni mea e 'ai e tusa ma tenari e lua selau, ma avatu ai ia te i latou e aai ai? Ona fetalai atu ai 38 lea o ia ia te i latou, Pe fia a outou areto? ina o ia se'i iloilo. Ua latou iloa, ona fai mai ai lea, E lima, ma i'a-e lua lau. Ona fetalai atu lea o 39 ia ia te i latou, ia latou fai atu i tagata uma, ia taotoo i latou i vasega i le mutia. Ona taotoo ai lea o i 40 latou i vasega, e taitoaselau, ma taitoalimagafulu. Ua tago o ia i areto e lima ma i'a e lua lau, ona tepa ae lea i le lagi, ua faafetai; ona tofi-tofi lea i areto, ma avatu i ona soo, latou te laulau atu ai ia te i latou; ma i'a foi e lua lau ua na tufatufa atu ai ia te i latou uma. Ona aai 42 uma lea o i latou, ua maona. Ua latou fu'e foi i ato e sefulu ma le lua, ua tutumu i toe mea, atoa ma fāsi i'a. O i latou na aai i areto, pe 44 limagaafe o tane.
- Ona uunai loa lea o ia i ona soo 45 ina ia latou o ae i le vaa, ma muamua atu i le tasi itu i Petesaita, ina seia tuuina atu e ia le motu o tagata ia ō. Ua faamāvae o ia ia te i 46 latou, ona maliu atu lea o ia i le mauga e tatalo. Ua oo i le afiafi, 47 ua i totonu o le vasa le vaa; a ua toatasi o ia i uta. Ua silafia e ia i 48 latou ua tigaina i taualo, auā ua agi mai i luma le matagi; ona maliu atu lea o ia ia te i latou i le leoleoga e fa o le po, ua savali i luga o le vai, o le a maliu loa. A o i latou 49 ua iloa o ia ua savali i luga o le vai, fa i latou se aitu; ona latou uio ai lea. Auā ua iloa o ia e i latou uma, 50 ua atuatuvaale ai; ona fetalai atu loa lea o ia ia te i latou, ua faapea atu ia te i latou, Ia outou loto tetele; o a'u lenei, aua tou te matatau. Ona maliu ae lea o ia i 51 luga o le vaa ia te i latou, ona malū ai lea o le matagi; ona matuā segia ai lea o latou mau, ua latou ofo ai. Auā ua le manatunatu i areto, ina 52 ua maaa o latou loto. Ua latou o 53 atu i le tasi itu, ua oo i le nuu o Kenesareta, ua latou tūta atu i ai. Ua latou o atu nai le vaa, ona latou 54 iloa loa lea o ia; ona taufetuli mai 55 ai lea o i latou i lona itu uma, o mea uma na faalogo i ai latou o i ai

56 o ia, ua au mai ai i luga o moega e ua mamai. O mea uma foi ua ia malii atu i ai, po o faoa aai, po o aai tetele, po o aai, ua latou tuu ai e mamai i malae, ma aiai mai ia te ia, ina ia latou papai atu tau lava o le tuupao o lona ofu; o e na papai ia te ia, na malolo ai i latou uma.

O le mea e leaga ai tagata; o le faaalaina o isi tagata mamai.

- 7 UA potopoto ane ia te ia le au faresaio, ma nisi o le au tusiupu, o e na o mai mai Ierusalem. Ua latou iloa nisi o ona soo ua aai i latou ma o latou lima ua leaga, (o lona uiga, ua le fafanoina,) ona latou faaleaga ai lea ia te i latou.
- 3 Auā o le au faresaio, atoa ma Iutaia uma, e le aai i latou ina seia uma ona fafano lelei i o latou lima; o loo taofi i latou i uputuu a ē anamua.
- 4 A o mai foi i latou mai le malae, pe afai latou te le mulumulu, ua le aai lava; o isi foi mea e tele ua latou talia, ma taofi i ai, o le fufuluina o ipu e inu ai, ma ipu, ma ipu 'apa
- 5 memea, atoa ma moega. Ona fesili ane lea o le au faresaio ma le au tusiupu ia te ia, Se a le mea e le usiusitai ai ou soo i uputuu a ē anamua, a ua latou aai ma o latou lima
- 6 e le fafanoina? Ona tali atu lea o ia ia te i latou, ua faapea atu, Ua tatau lelei le valoaga a Isaia ia te outou tagata pepelo, e pei ona tusia, Ua vivii mai lenei nuu ia te au i o latou laugutu, a o latou loto
- 7 ua taumamao ia te au. E tapuai fua mai i latou ia te au i lo latou fai ma mataupu o poloaiga a tagata.
- 8 Auā ua outou tuua le poloaiga a le Atua, a e taofi i uputuu a tagata, o le fufuluina o ipu ma ipu e inu ai, atoa foi ma nisi mea faapena e tele
- 9 ua outou faia. Ua fetalai atu foi o ia ia te i latou, Ua lelei lo outou faaleaogaina le poloaiga a le Atua, ina ia outou taofi a outou uputuu.
- 10 Auā ua fai mai Mose, Ia e ava i lou tamā ma lou tinā; i le ma lea, O lē fai upu leaga i le tamā po o le tinā,
- 11 ia fasiotia lava ia. A ua outou fai mai, Afai e fai ane se tagata i le tamā po o le tinā, Ai se mea ua ia te au e aoga ia te oe ua kopano lea,
- 12 (o lona uiga, o le taulaga;) ona

outou le toe tuuina atu lea ia te ia, ina ia faia se mea mā lona tamā po o lona tinā; ua outou faaleaogaina 13 ai le afioga a le Atua i a outou uputuu, ua outou tuuina mai. O isi foi mea faapena e tele ua outou faia. Ona valaau atu lea o ia i le motu o tagata uma, ua fetalai atu ia te i latou, Faalogo uma mai ia outou ia te au, ma ia outou lagona. E leai 15 se mea o loo i fafo o le tagata e alu ane i totonu ia te ia e mafai ona leaga ai o ia; a o mea e sau mai totonu ia te ia, o mea ia e leaga ai le tagata. O le ua i ai taliga e faa- 16 logo ai, ina faalogo mai ia o ia. Ua 17 ulufale atu o ia i le fale, ua tuua le motu o tagata, ona fesili ane lea o ona soo ia te ia i le uiga o le faataoto. Ona fetalai atu lea o ia ia te i 18 latou, E faapea foi ea outou ona valelea? Tou te le iloa ea, o mea i fafo uma e alu ane i totonu o le tagata e le mafai ona leaga ai o ia? auā e le oo ia mea i lona loto, a o 19 le manava; e oo ane foi i fafo i le māliuga, o lea e te'a ai o mea e 'ai uma. Ua fetalai atu foi o ia, O le 20 mea e sau ai totonu o le tagata, o le mea lea e leaga ai le tagata. Auā 21 e alu ae mai le loto o le tagata o le manatu leaga, o le mulilua, o le faitaaga, o le fasioti tagata, o le gaioi, 22 o le manumanu, o le amio leaga, o le pepelo, o le mataitu, o le mataua, o upu leaga, o le faamaualuga, o le le mafaufau. O ia mea leaga uma 23 e sau mai totonu, ma leaga ai le tagata.

Ua tulai o ia nai lea mea, ona 24 malii ane lea i le laueleele o Turo ma Saitonu; ua ulu atu ia i le fale, ua finagalo foi ina ia le iloa o ia e se isi; a e le mafai ona faailoina o ia; auā o le fafine ua i lana tama teine 25 le agaga leaga, ua na faalogo i le tala ia te ia, ona sau ai lea o ia ia te ia, ua faapaū mai i ona vae; (o 26 le fafine Eleni ia, na fanau i Suria Foinie,) ua ia faatoga ia te ia, ina ia tulia i fafo le temoni i lana tama. A ua fetalai atu Iesu ia te ia, Seia 27 lua'i maona le fanau auā e le tatau ina ave mea e 'ai a le fanau, ma lafo i uli. Ona tali mai lea o ia ia te ia, 28 ua faapea mai, Le Alii e, moni a oe; a o uli i lalo o le laoi e aai i latou

29 i momoi mea a tama. Ona fetalai
atu ai lea o ia ia te ia, Ina alu ia ona
o lau upu lena; ua te'a le temoni sa
30 i totonu i lau tama teine. Ona alu
atu lea o ia i lona fale, ua maua ai
lana tama teine o taoto i luga o le
moega, a ua te'a le temoni.
31 Ona toe tuua lea e ia o le itu o
Turo ma Saitonu, ua oo atu i le vai
o Kalilaia; ua ui atu i le itu o Tekapoli.
32 Ona latou au mai lea ia te ia
le tagata tutuli, ua leo oolo; ua
latou aioi foi ia te ia ina ia faaee e
33 ia lona aao i luga ia te ia. Ona
ta'ita'i ese lea o ia ia te ia i le motu
o tagata, ua tuu ona tamatamai
lima i totonu o ona taliga, ua feanu
foi, ma pa'i ane i lona laulaufaiva.
34 Ua silasila ae ia i le lagi, ua oi, ona
ia fetalai atu lea ia te ia, Efata, o
35 lona uiga, ia avanoa. Ona pūpū loa
lea o ona taliga, ua matala foi le
noanoaga o lona laulaufaiva, ona
36 tautala lelei mai ai lea. Ona ia
vavao atu lea foi ia te i latou, aua
latou te ta'u atu i se tasi; a e ui
lava ina vavao e ia ia te i latou, ua
atili ai ona latou tala'i atu ai lava;
ua faapea atu na le ofo ua matuā
tele, Ua mālīe lava ana mea uma
ua fai; ua ia faalogoa e sa tutuli, atoa
ma e sa gūgū ua ia faagaganaina.

Ua faaina le motu o tagata e Iesu.

8 O IA ona aso ua matua toatele
ai le motu o tagata, ua leai foi ni a
latou mea e 'ai, ona valaau atu ai
lea o Iesu i ona soo, ua fetalai atu
2 ia te i latou, Ou te alofa atu i le
motu o tagata, auā o le aso tolu
lenei o matou o nonofo ma a'u, e
3 leai foi ni a latou mea e 'ai; afai
foi ou te tuuina atu ia te i latou e ō
i o latou aiga, o matelaina, e lailoa i
latou i le ala; auā e mamao mea na
4 o mai ai nisi o i latou. Ona tali
mai lea o ona soo ia te ia, Maifea
e mafai ai se tasi ona fafaga ia te
5 i latou i areto i lenei vao? Ona
fesili atu lea o ia ia te i latou, Pe
fia ea ni a outou areto? Ona latou
6 fai mai lea, E fitu. Ona fetalai atu
lea o ia i le motu o tagata ia latou
taoto i lalo; ona tago lea o ia i
areto e fitu, ua faafetai, ua tofitofi,
ma avane i ona soo, latou te laulau-
ina atu; ona latou laulauina atu ai

lea i le motu o tagata. Ua ia te i 7
latou foi nai i'a lauiti, ua ia faafetai
foi, ona fetalai atu lea ia laulauina
atu foi ia mea. Ona latou aai lea, 8
ua maoona; ona latou fu'e lea o toe
'aiga ua fitu ete. O i latou foi na 9
aai pe fa afe; ona ia tuuina atu lea
ia te i latou e ō.

Ua malii ae loa foi o ia ma ona 10
soo i le vaa, ua oo atu i le laueleele
o Tamanuta. Ona o mai lea o le au 11
faresaio, ua fesilisili ia te ia, ma
saili ia te ia se faailoga mai le lagi,
ua faaososo ia te ia. Ona oi lea o 12
ia i lona finagalo, ua faapea atu, Se
a le mea ua saili ai lenei tupulaga i
le faailoga? E moni, ou te fai atu
ia te outou, E leai lava se faailoga e
avatua i lenei tupulaga. Ona tuua 13
lea o i latou e ia, ua toe malii ae i
le vaa, ua malii atu o ia i le tasi itu.

Ua galo ia te i latou ona ave ni 14
areto, ua na o le areto e tasi ua ia
te i latou i le vaa. Ua apoapoi 15
atu foi o ia ia te i latou, ua faapea
atu, Ia outou, ia matuā 'alo ese i le
mea faafefete a le au faresaio, ma
le mea faafefete a Herota. Ona 16
latou felafolafoai ai lea, ua faapea
ane, *O lana fetalaiga lea* ona ua leai
ni a tatou areto. Ua silasila e Iesu, 17
ona fetalai atu ai lea o ia ia te i
latou, Se a le mea tou te felafola-
foai ai, ina ua leai ni a tatou areto?
Tou te le āu iloa ea, tou te le lagona
foi? ua maaa pea ea o outou loto?
O ia te outou mata, tou te lei vaai 18
ai ea? o ia te outou taliga foi, tou
te le lagona ai ea? tou te le mana-
tua foi? Na ou tofitofi areto e lima 19
i le lima o afe o tagata, pe fia ea
ato sa tutumu i toe 'aiga na outou
fu'ea? Ona fai mai lea o i latou ia
te ia, E sefulu ma le lua. Atoa ma
le fitu, i le fa o afe, e fia ete sa
tutumu i toe 'aiga na outou fu'ea?
Ona latou fai mai lea, E fitu. Ona 21
fetalai atu lea o ia ia te i latou. Pe
faapefea ona outou le lagona?

Ua oo ia i Petesaita, ona latou au 22
mai lea o le tauaso ia te ia, ma la-
tou aioi ia te ia ina ia pa'i ane ia te
ia. Ona tago atu lea o ia i le lima 23
o le tauaso, ua ta'ita'i ane ia te ia i
tua o le aai. Ua feanu foi ia i ona
mata, ona faaee lea e ia o ona aao i
luga ia te ia, ua fesili atu i ai, po ua

- 24 na iloa se mea. Ua tepa ae o ia, ona fai mai lea o ia, Ua ou iloa atu tagata ua faapei o laau, o loo sava-
- 25 vali. Ona toe faaee atu lea e ia o ona aao i ona mata, ua fetalai atu ia te ia, ia tepa ae; ona toe lelei lea o ia, ua na iloa lelei foi o tagata
- 26 uma. Ona au atu lea o ia ia te ia i lona aiga, ua faapea atu, Aua e te alu ane i le aai, aua foi e te ta'ua i se tasi i le aai.
- 27 Ua maliu atu Iesu ma ona soo i aai o Kaisareia Filipo; ua i le ala i latou, ona fesili atu lea o ia i ona soo, ua faapea atu ia te i latou, Pe se a le upu a tagata ia te au nei, po
- 28 o ai? Ona latou tali mai lea, O Ioane le papatiso; a o isi, o Elia; o isi foi, o le tasi o le au perofeta.
- 29 Ona fetalai atu lea o ia ia te i latou, A o outou na, se a la outou upu ia te au nei, po o ai? Ona tali mai lea o Peteru, ua faapea mai ia te ia,
- 30 O oe o le Keriso. Ona vavao atu lea o ia ia te i latou, ina ne'i latou ta'u atu o ia i se tasi. Ona amata ai lea e ia ona a'oa'o atu ia te i latou, e tatau ona tiga le Atalii o le tagata i mea e tele; e lafoaiina foi o ia e toeaina, ma le au faitaulaga sili, ma le au tusiupu, e fasiotia foi o ia; a mavae aso e tolu, i le toe tu
- 32 mai. Ua ia faaali tino lava lena upu; ona ta'ita'i ane lea o Peteru ia te ia, ua vavao ia te ia. A o ia ua fili, ma silasila ane i ona soo, ona vavao atu lea o ia ia Peteru, ua faapea atu, Ina alu ia i o'u tua Sata-ni e; auā e te le loto i mea a le
- 34 Atua, a o mea a tagata. Ona valaau atu lea o ia i le motu o tagata, atoa ma ona soo, ua fetalai atu ia te i latou, Ai se fia mulimuli mai ia te au, aua ne'i usiusitai o ia ia te ia, a ia ave e ia lona satauro, i le mulimuli mai ai ia te au. Auā ai se fia faasaogalemuina lona ola, e māumau ai ia te ia; a o lē faamāumau lona ola ona o a'u ma le tala lelei, e faasaoina e ia. Auā se a le aoga i le tagata, pe afai na te maua le lalo-
- 37 lagi uma, a e māumau lona ola? se a foi se mea e avatu e le tagata e togiola a'i lona ola? Auā ai sē mā ia te au, ma a'u upu i lenei tupu-laga mulilulua ma le agasala, o mū foi le Atalii o le tagata ia te ia, pe
- a sau o ia faatasi ma ana agelu paia i le mamalu o lona Tamā.
- O le liliueseina o Iesu; o le tagata na uluitinoina e temoni ua faamaloloina.*
- UA fetalai ane foi o ia ia te i 9
latou, E moni, ou te fai atu ia te outou, o loo tutū mai nisi iinei, e le oo ia te i latou le oti, seia latou vaaia le malo o le Atua ona oo mai ma le mana.
- Ua mavae aso e ono, ona o ai lea 2
o Iesu ma Peteru, ma Iakopo, ma Ioane; ua ia avae ia te i latou i le mauga mauualaga, ua na o i latou lava; ona liua lea o ia i o latou luma. Ua pupula ona ofu, ua ma- 3
tuā pa'epa'e lava pei o le kiona; e leai foi se tagata taofu i le lalolagi na te mafaia ona faasinatina faa-pena. Ua faaali mai foi ia te i 4
latou o Elia ma Mose; ua fetautalatala'i i latou ma Iesu. Ona fai mai lea o Peteru ia Iesu, ua faapea 5
mai, Rapi e, e lelei ina tatou nonofo iinei; se'i matou faia foi ni fale apitaga se tolu; o le tasi mo oe, o le tasi mo Mose, o le tasi mo Elia. Auā ua ia le iloa se upu e fai atu, 6
ina ua matautua i latou. Ua oo mai foi le ao ua ufitia ai i latou; 7
ona tūlei mai lea o le siufofoga mai le ao, ua faapea mai, O lo'u Atalii pe le lena, ina faalogo ia outou ia te ia. Ona faafuasei lea ona vaavaai 8
solo o i latou, ua le toe iloa se tasi, ua na o Iesu lava ma i latou. Ua o 9
ifo i latou i le mauga, ona vavao atu lea o ia ia te i latou, ne'i latou ta'u atu i se tasi o mea sa latou vaaia, seia tu mai le Atalii o le tagata nai e ua oti. Ona latou ta- 10
ofi ai lea i lea upu, ma fesueai, pe se a le toe tu mai nai e ua oti. Ona 11
latou fesili lea ia te ia, ua faapea mai, Se a le mea e fai mai ai le au tusiupu, e ao ona muai sau o Elia? Ona tali atu lea o ia, ua faapea atu 12
ai ia te i latou, E lua'i sau lava Elia, ma toe fuatai mea uma; pei ona tusia foi i le Atalii o le tagata, e tiga o ia i mea e tele, e inosia foi o ia. A ou te fai atu ia te outou, ua 13
mavae ona sau o Elia, ua latou faia foi ia te ia mea una na latou loto i ai, pei ona tusia ia te ia.

- 14 Ua oo atu ia i le au soo, ona silasila atu lea i le motu o tagata e toatele ua vagaia i latou, ma le au tusiupu ua fesilisili ia te i latou.
- 15 Ua iloa o ia e le motu o tagata uma, ona taufaiofo loa ai lea o i latou, ua latou taufetuli mai, ma fealofani
- 16 ma ia. Ua fesili foi o ia i le au tusiupu, Pe se a se mea tou te fesili ai ia te i latou? Ona tali mai lea o lē tasi o le motu o tagata, ua faapea mai, Le a'oa'o e, ua ou au mai ia te oe lo'u atalii ua i ni le agaga gūgū ;
- 18 so se mea e pue ai ia te ia, ona lafotu ai lea ia te ia, ua fāuā le gutu, ua lilivau ona nifo, ua tino vale ai foi o ia ; ua uma foi ona ou fai atu i ou soo ina ia latou tulia o ia, a ua
- 19 le mafaia e i latou. Ona tali atu lea o ia ia te ia, ua faapea atu, Le tupulaga le faatuatua e, tatou te i ai ma outou seia afea? ou te faapalepale ia te outou seia afea? ina
- 20 au mai ia o ia ia te au. Ona latou aumaia lea o ia ia te ia ; ua na iloa o ia, ona faataafiti loa lea ia te ia e le agaga, i le ua paū ia i le eleele, ona taafilifili ai lea o ia, ma fāuā
- 21 lona gutu. Ona fesili atu lea o ia i lona tamā, Talu mai anafea ona oo o lona mea ia te ia? Ua fai mai o ia, Talu ina o tama itiiti. Ua lafo
- 22 soo foi o ia ia te ia i le fii, ato ma le vai, ina ia fano ai o ia ; a e peitai, ai se mea e te mafaia, ia e alofa mai ia te i matou, ma ia e fesoa-
- 23 soani mai ia te i matou. Ona fetalai atu lea o Iesu ia te ia, Afai ua o mafaia ona faatuatua, e mafaia mea
- 24 uma lava i lē faatuatua. Ona alaga loa lea o le tamā o le tama, ua fai mai ma le tagi, Le Alii e, ua ou faatuatua ; ia e fesoa-soani i lo'u le
- 25 faatuatua. Ua silafia e Iesu ua taufetuli mai le motu o tagata, ona vavao atu lea o ia i le agaga leaga, ua faapea atu ia te ia, O oe na, le agaga gūgū ma le tutuli, ou te fai
- 26 atu lava ia te oe, ina e alu i fafo ia te ia, aua foi e te toe alu i totonu ia te ia. Ona alaga lea o *le agaga*, ma faataafiti tele ia te ia, ona alu lea i fafo ; ona liua lea o ia peiseai ua
- 27 oti ; ona fai mai ai lea tagata e toatele, Ua oti lava ia. A o Iesu ua tago ifo ia i lona lima, ma faatu ia
- 28 te ia, ona tulai lea o ia. Ua maliu
- ane Iesu i le fale, ona fesili lea o ona soo ia te ia ina ua na o i latou, Se a le mea na matou le mafai ai ona tulia o ia? Ona fetalai atu lea 29 o ia ia te i latou, Ua na o le tatalo ma le anapogi e mafai ai ona o ese o mea faapena.
- Ua tuua foi e i latou lona mea, 30 ua ui ane i Kalilaia ; o lona finagalo foi ina ia le iloa o ia e se tasi. Auā 31 ua ia a'oa'o atu i ona soo, ma fetalai atu ia te i latou, Ua tuuina atu le Atalii o le tagata i lima o tagata, latou te fasioti foi ia te ia ; a uma foi ona fasia o ia, e toe tu mai o ia i le aso tolu. A o i latou ua le iloa 32 lea upu, ua matatau foi e fesili ia te ia.
- Ua oo ia i Kapanaumi, sa i le 33 fale, ona fesili lea o ia ia te i latou ; Pe se a na outou fefinauai ai i le ala? A o i latou ua faalologo ; auā 34 sa latou fefinauai i le ala po o ai so latou e sili? Ua nofo ia i lalo, ona 35 valaau atu lea i le toatinogafulu ma le toalua, ua fetalai atu ia te i latou, Afai e fia muamua se tasi, e avea o ia ma mulimuli i tagata uma, ma auauna a tagata uma. Ona tago 36 lea o ia i le tama itiiti, ua faatu ia te ia i o latou luma ; ua nā siitia o ia i ona lima, ona fetalai atu lea ia te i latou, Ai sē talia se tama itiiti 37 faapenei i lo'u nei igoa, ua talia e ia o a'u ; ai se talia a'u, e le o a'u ua ia talia, a o ia na auina mai a'u. Ona fai mai lea o Ioane ia te ia, ua 38 faapea mai, Le a'oa'o e, na matou iloa le tasi ua tutuli temoni i lou suafa, ua ia le mulimuli mai ia te i tatou ; na matou vaoia o ia, auā ua ia le mulimuli mai ia te i tatou. A 39 ua fetalai atu Iesu, Aua le vaoia o ia ; auā e leai se tagata na te faia se vavega i lo'u nei igoa, na te mafaia ona vave tautala i se upu leaga ia te au. Auā foi o le lē 'au ese ia 40 te i tatou, e 'au faatasi lea ma i tatou. O se na te avatua foi se ipu 41 vai ia te outou i lo'u nei igoa, auā e o Keriso outou ; e moni, ou te fai atu ia te outou, e le māumau ia te ia lona tani. Ai se na te faatausu- 42 aiina se tasi o i latou nei e faatau- vaa o e faatuatua mai ia te au, e lelei ia te ia pe ana noatia se maalo i lona ua, ma lafoina o ia i le

43. moana. A faatausuaiina foi oe e
lou lima, ina tutū ese ia; e lelei
ona e sao i le ola a ua e lima mutu,
a e leaga ona lima lua, a e alu i
Kēna, i le afi e le mafai ona tineia;
44 o i ai e le mamate o latou ilo, e le
45 tineia foi le afi. A faatausuaiina
foi oe e lou vae, ina tutū ese ia; e
lelei ina e sao i le ola ua pipili, a e
leaga ona lua ni vae, a e lafoina oe
i Kēna, i le afi e le mafai ona tine-
46 ia; o i ai e le mamate o latou ilo, e
47 le tineia foi le afi. A faatausuaiina
foi oe e lou mata, ina sali ese ia; e
lelei ina e sao i le malo o le Atua
ma le mata e tasi, a e leaga ona
lafoina oe ma ou mata e lua i le afi
48 o Kēna; o i ai e le mamate o latou
49 ilo; e le tineia foi le afi. Auā e
taitasi uma ma faamasimaina i le
afi, e taitasi foi taulaga uma ma
50 faamasimaina i le masima. O le
mea lelei le masima, a e afai e ma-
galo le masima, se a se mea tou te
faamāi ai? Ia ia te outou le ma-
sima, ma ia fifilemu outou ia te
outou.

*E sa ona aleia o le ava; o le alofa o
Iesu i tama iti; o le faalavelave o
le oa.*

10 UA tulai o ia nai lea mea, ua oo
atu i le laueleele o Iutaia i tala atu
o Ioritana; ona toe faapotopoto mai
lea o le motu o tagata ia te ia, ua
na toe a'oa'o atu foi ia te i latou,
faapei ona masani ai.
2 Ua o mai faresaio, ua fesili ia te
ia, o tofotofo ia te ia, E tatau ea
3 ina faatea e le tane lana avā? Ona
tali atu ai lea o ia ia te i latou, ua
faapea atu, Se a le mea ua poloni
4 ai Mose ia te outou? Ona fai mai
ai lea o i latou, Na tuu mai e Mose
ia te i matou, ia matou tusia se tusi
5 alei, ma faatea ia te ia. Ona tali
atu lea o Iesu, ua faapea atu ia te i
latou, Ona o le maaa o outou loto,
na ia tusi atu ai lena poloaiga ia te
6 outou; a e peitai talu le amataga o
mea na faia, na faia i laua e le Atua
7 o le tane ma le fafine. O le mea
lea e tuua ai e le tane lona tamā
ma lona tinā, a e faatasi ma lana
8 avā, ona avea lea o i laua ma tino e
tasi; o lea e le toe tealua ai i laua,
9 a e peitai ua tino e tasi; o lenei, o

e ua faatasia e le Atua, aua le faa-
te'aeseeseina e se tagata. Ua toe
10 fesili ane ona soo ia te ia i lena mea
i le fale. Ona fetalai atu ai lea o
11 ia ia te i latou, Ai sē faatea i lana
avā, a e fai avā i le tasi, ua mulilua
o ia e agaleaga atu ai ia te ia. Afai
12 foi e faatea e le fafine lana tane,
a e fai ma avā a se tasi, ua mulilua
o ia.

Ona latou au mai lea o tama iti
13 ia te ia, ina ia pa'i ane o ia ia te i
latou; a ua vavao atu le au soo i e
na aumaia. A ua silafia e Iesu, ona
14 tiga ai lea o lona finagalo, ua na
fetalai atu foi ia te i latou, Ina tuu
mai ia o tama iti o e mai ia te au;
aua le vavao ia te i latou; auā e
faapei o i latou nei o e o i le malo o
le Atua. E moni, ou te fai atu ia
15 te outou, Ai se le talia le malo o le
Atua faapei o se tama itiiti, e le
sao lava ia i ai. Ona siitia lea e ia
16 o i latou i ona lima, ua faaee foi
ona aao i luga ia te i latou, ma faa-
manuia ia te i latou.

Ua maliu ane ia i le ala, ona mo-
17 mo'e mai ai lea o le tasi, ua tootuli
ia te ia, ma fesili mai ia te ia, Le
a'oa'o lelei e, se a se mea ou te faia
ina ia ou maua ai le ola e faavavau?
A ua fetalai atu Iesu ia te ia, Se a
18 le mea e te fa'ua mai ai a'u ua
lelei? e leai se tasi e lelei, na o le
toatasi lava, o le Atua lea. Ua e 19
iloa tulafono, Aua e te mulilua;
aua e te fasioti tagata; aua e te
gaoi; aua e te molimau pepelo;
aua e te agaleaga; ia e ava i lou
tamā ma lou tinā. Ona tali mai
20 lea o ia, ua faapea mai ia te ia, Le
a'oa'o e, ua ou tausia na mea uma,
talu ina ou itiiti. Ua silasila atu
21 Iesu ia te ia, ua alofa atu ia te ia,
ua fetalai atu foi ia te ia, E tasi le
mea e le o ia te oe. Ina alu ia, faa-
tau atu ua mea uma, ma avatu i e
ua matitiva, ona e maua lea o le oa
i le lagi; i le ē sau ai, ma ave le
satauro, a e mulimuli mai ia te au.
Ona faanoanoa lea o ia ona o lea
22 upu, ua alu ese foi ma le tiga, auā
ua tele ana oloa. Ona silasila solo
23 lea o Iesu, ua fetalai atu i ona soo,
E matuā faigata ona sao atu o e
maua o i le malo o le Atua. Ona ofo
24 ai lea o le au soo i lana fetalaiaga.

A ua toe tali atu Iesu ia te i latou, ua faapea atu, La'u fanau e, e matuā faigata i e faatuatua i le oa ona sao
 25 atu i le malo o le Atua. E faigofie i le kamela ona ui atu i le pu o le au, a e faigata i le mauoa ona sao
 26 i le malo o le Atua. Ona latou matuā taufaifo ai lea, ua latou felafolafoai foi, ua faapea, Afai o lea, o ai se tasi e mafai ona faaolaina? A ua silasila atu Iesu ia te i latou, ua faapea atu, E le mafaia e tagata, na o le Atua; auā e mafaia mea uma e le Atua. Ona fai mai lea o Peteru ia te ia, Faauta, ua matou tuua mea uma, a e mulimuli atu ia te oe. Ona tali atu lea o Iesu, ua faapea atu, E moni, ou te fai atu ia te outou, ai se tasi ua ia tuua le fale, po o uso, po o tuafāfine, po o le tamā, po o le tinā, po o le avā, po o le fanau, po o fanua,
 30 ona o a'u ma le tala lelei, e maua lava e ia taisautuaselau i lenei olaga, o fale, ma uso, ma tuafāfine, ma tinā, ma fanau, ma fanua, atoa foi ma sauaga, a o le ola atali e maua ai le ola e faavavau. A e peitai e toatele o e ua muamua e ave a mulimuli; o e ua mulimuli foi e ave a muamua.
 32 Sa i le ala i latou, ua o ae i Ierusalemā, o muamua foi Iesu ia te i latou; ua ofo i latou, ua latou mulimuli atu foi ma le mata'u. Ona toe ave lea e ia le toasefulu ma le toalua, ua ta'u atu ia te i latou mea
 33 a o ia te ia, *ua faapea atu*, Faauta, a tatou o ae nei i Ierusalemā, e tuuina ai le Atalii o le tagata i le au faitaulaga sili, ma le au tusinpu; latou te faasala ia te ia, ia oti, latou
 34 te tuuina atu foi o ia i nuu ese, e faatauemu i latou ia te ia, e sasa foi ia te ia, e feanu foi ia te ia, ma fasioti ia te ia; a e toe tu mai o ia i le aso tolu.
 35 Ua o mai ia te ia o Iakopo ma Ioane, o atalii o Sepetaio, ua faapea mai, Le a'oa'o e, ua ma manao ina ia e faia mo i maua le mea a ma ole
 36 atu ai. Ona fetalai atu lea o ia ia te i laua, Se a le mea lua te manao i ai ou te faia mā oulua? Ona
 37 la fai mai lea ia te ia, Ia e tuu mai ia te i maua, ma te nonofo o le tasi i lou itu taumatau, ma le tasi i lou

itu tauagavale i lou mamalu. A ua 38 fetalai atu Iesu ia te i laua, Lua te le iloa le mea lua te ole mai ai na. E mafai ea e oulua ona inu i le ipu ou te inu ai; ma ia papatisoina i le papatisoga e papatisoina ai a'u? Ona la fai mai lea ia te ia, Ma te 39 mafaia. Ona fetalai atu lea o Iesu ia te i laua, Lua te inu lava i le ipu ou te inu ai; atoa ma le papatisoga e papatisoina ai a'u e papatisoina ai oulua; a o le nofo i lo'u itu tau- 40 matau ma lo'u itu tauagavale, e lē o ia te au lea ona avatu, a e tau lava o e ua saunia mo i latou lea mea. Ua faalogo ai le toasefulu, 41 ona tiga ai lea o latou loto ia Iakopo ma Ioane. A ua valaau atu Iesu ia 42 te i latou, ona faapea atu lea o ia ia te i latou, Ua outou iloa o alii o nuu ese ua aliitai i latou; o e ua sili foi o i latou, ua pule ia te i latou; a e le faapea outou; a o se fia 43 sili ia te outou, ia fai o ia ma a outou auaua; o sē fia muamua foi ia 44 te outou, ia fai o ia ma tautua a outou uma. Auā foi o le Atalii o le tagata na le sau o ia ina ia auaua tagata ia te ia, a e peitai ia auaua o ia, ma foaiina atu lona ola o le 45 togiola e sui a'i tagata e toatele.
 Ua oo i latou i Ieriko, o le a tuanai 46 atu foi Ieriko e ia, atoa ma ona soo, ma le motu o tagata e toatele, a ua nofo mai i le auala o Patimaio le tauaso, le atalii o Timaiio, o faatoga i mea māna; ua faalogo o ia o i ai 47 Iesu le Nasareta, ona alaga mai ai lea, ua faapea mai, Iesu e, le alo o Tavita, ia e alofa mai ia te au. Ona 48 matuā vavao atu lea o tagata e toatele ia te ia, ina ia faalologo ia; a o ia ua atili ai ona alaga, Le alo o Tavita e, ia e alofa mai ia te au. Ua tu Iesu, ma fetalai atu ia va- 49 laaula o ia; ona latou valaau atu lea i le tauaso, ua faapea atu ia te ia, Ia e loto tele, ina tu ia, o loo valaau o ia ia te oe. Ona tiai lea e 50 ia lona ofu, ua tu i luga, ua sau ia Iesu. Ona fetalai atu lea o Iesu, ua faapea atu ia te ia, Se a se mea e te manao i ai ou te faia ia te oe? Ona fai mai lea o le tauaso ia te ia, Raponi e, ia vaai o'u nei mata. Ona 52 fetalai atu lea o Iesu ia te ia, Ina alu ia; ua e ola oe i lou faatuatua.

Ona vaai loa lea o ona mata; ona mulimuli atu ai lea o ia ia Iesu i le ala.

O le malaga a Iesu i Ierusalem; o le mati ua le fua.

- 11 UA faalatalata atu i latou i Ierusalem, ua oo i Petefake ma Petania, i le mauga o Olive, ona aauina atu
- 2 lea e ia ona soo e toalua, ua faapea atu foi ia te i laua, O ia oulua i le aai lua te lumanai; a oo i ai, lua te maua loa ai le tamai *asini* o loo noatia, e leai se tagata na tietie i ai; lua te tatalaina ma au mai.
- 3 Afai foi e fai ane se tasi ia te oulua, Se a le mea lua te fai ai lea mea? ia oulua fai atu, E manao i ai le Alii; ona tuuina mai loa lea e ia.
- 4 Ona o ai lea o i laua, ua maua le tamai *asini* o noatia i le faitotoa i fafo i le fetaulaiga ala, ona la tatalaina lea. Ona fai ane lea ia te i laua o isi o e na tutū ai, Se a le mea lua te tatala ai le tamai *asini*?
- 6 Ona la fai atu lea ia te i latou pei ona poloai mai o Iesu; ona latou
- 7 tuuina mai lea ia te i laua. Ona la ta'ita'iina mai lea o le tamai *asini* ia Iesu, ua lafo foi o latou ofu i ona
- 8 luga, ona tietie ai lea o ia. E toatele ua latou fofolaina o latou ofu i le ala; a o isi ua latou ta ifo la o
- 9 laau ma fola i le ala. Ua alalaga foi e na muamua, ma e na mulimuli, ua faapea, Osana! Ia manuia lē afio
- 10 mai i le suafa o le Alii. Ia manuia le malo o lo tatou tamā o Tavita, e oo mai i le suafa o le Alii; Osana i
- 11 mea e aupito i luga! Ua oo Iesu i Ierusalem, ona *maliu* ane lea i le malumalu; ua na silasila solo i mea uma; ua oo i le afiafi, ona *maliu* atu lea o ia i Petania, faatasi ma le toatinoagafulu ma le toalua.
- 12 O le taeao ua o mai ai i latou mai
- 13 Petania ua fia taumafa o ia. Ua silasila atu ia i le mati o mamao atu, ua i ai lau, ona *maliu* ane lea o ia i ai, pe maua ai sina mea; ua oo i ai, ona leai lava lea o se mea na ia maua, na o lau; auā e lei oo mai
- 14 ona po o mati. Ona fetalai atu lea o Iesu, ua faapea atu i ai, Aua le toe 'aina lava e se tagata sina ou fua e oo i le faavavau; ua faalogo ai foi
- 15 ona soo. Ua latou oo i Ierusalem;

ua ulufale Iesu i le malumalu, ona tulia lea e ia i fafo o e na fefaatauai i le malumalu, ma fuli i lalo laulau o e na faatau tupe, ma nofoa o e na faatau lupe. Ua ia le mafai foi ina 16 ia ui ane se tasi i le malumalu ma se avega. Ua 'a'oa'atu foi o ia ia te i 17 latou, ua faapea atu, E le ua tusia ea, E ta'ua lo'u fale o le fale tatalo mo nuu uma? a ua faia e outou ma ana o e fao mea. Ua faalogo ai le 18 au tusiupu ma le au faitaulaga sili, ona latou saili ai lea, pe faapefea ona latou fasioti ia te ia; auā ua latou matatau ia te ia, ina ua ofo le motu o tagata uma i lana mataupu. Ua oo i le afiafi, ona *maliu* atu lea 19 o ia i tua o le aai.

O le taeao ua ui ane ai i latou, ua 20 iloa le mati ua mago, e oo lava i ona aa. Ona manatua ai lea e Peteru, ua 21 fai mai ia te ia, Rapi e, faauta i le mati na e tu'itu'ia, ua mago. Ona 22 tali atu lea o Iesu ia te i latou, ua faapea atu, Ia outou faatuatua i le Atua; auā e moni, ou te fai atu ia 23 te outou, ai sē fai atu i lenei mauga, Ia siitia oe, ma ia lafoina i le sami, ma le le masalosalo lona loto, a e peitai e faatuatua ia e taunuu lava mea na ia fai atu ai, ona faia lea mo ia o le mea na te fai atu ai. O le 24 mea lea ou te fai atu ai ia te outou, o mea uma lava tou te ole mai ai i a outou tatalo, ina faatuatua ia o le a maua e outou, ona faia lava lea mo outou. A outou tutū ma tatalo, ai 25 se mea tou te tiga ai i se tasi, ia outou faamagaloina; ina ia faamagaloina foi e lo outou Tamā o i le lagi a outou agasala. Afai foi tou 26 te le faamagaloina, e le faamagaloina e lo outou Tamā o i le lagi a outou agasala.

Ua toe oane i latou i Ierusalem, 27 ua savali o ia i le malumalu, ona o mai lea ia te ia o ositaulaga sili, ma tusiupu, ma to'eaina, ua faapea mai ia te ia, O le a ea le pule e te fai ai ia mea? po o ai foi na ia avatu ia te oe lena pule e te fai ai ia mea? 28 Ona tali atu lea o Iesu ia te i latou, ua faapea atu, Ou te fesili atu foi se upu e tasi ia te outou, ia outou tali mai ai ia te au; ona ou ta'u atu ai lea ia te outou le pule ou te fai ai nei mea. O le papatisoga a Ioane, 30

- pe mai le lagi ea? pe mai tagata?
 31 ina tali mai ia ia te au. Ona latou felafolafoai lea, ua faapea ane, Afai tatou te fai atu, Mai le lagi; ona fai mai lea o ia, Se a foi le mea na
 32 outou le talitonu ai ia te ia? A e peitai a tatou fai atu, Mai tagata; ua latou matatau i le nuu; auā ua taofi uma i latou ia Ioane, o le perofeta aiā ia. Ona latou tali mai lea ia Iesu, ua faapea mai, Matou te le iloa. Ona tali atu lea o Iesu ia te i latou, ua faapea atu, Ou te le ta'u atu foi ia te outou le pule ou te fai ai nei mea.

O le faataoto i le tovine; o mea a Kaisara; o le sese o le au satukaio ma le au tusiupu.

- 12 ONA fetalai atu lea o ia ia te i latou i faataoto, Na totō e le tasi tagata le tovine, ua ia lotoāina i le āi, ua eli foi le mea e tali ai le suāvine, ua fai foi le 'olo, ua tuuina atu i e galulue i vine, ona alu mālaga lea o ia i le nuu ese. Ua fai le fuata, ona auina atu lea e ia le auaua i e galulue i vine, ina ia maua ni fua o le tovine i e galulue i vine. A ua latou pue ia te ia, ma
 4 sasa, ma aufuaina mai o ia. Ona toe auina atu lea e ia o le tasi auaua ia te i latou; ona latou fetogi lea ia te ia i maa, ua foa lona ulu, ma auina mai o ia ua agaleagaina.
 5 Ua toe auina atu foi e ia le tasi; ua latou fasiotia lava o ia; o isi foi e toatele, ua latou sasaina nisi, a ua
 6 fasioti nisi. Ona toe lea ia te ia na o lona atalii e toatasi, ua faapelepeleina e ia, ua muliai auina atu o ia ia te i latou, ua faapea ana,
 7 Latou te ava mai i lo'u atalii. A o ia tagata galulue i vine, ua latou fetatalatala'i, O le suli lenei; ina o mai ia, tatou fasioti ia te ia, ona fai ai lea o le fanua mo i tatou.
 8 Ona latou pue lea ia te ia, ma
 9 fasioti, ma lafo i tua o le tovine. O lenei, se a se mea e faia e le alii e ona le tovine? E sau o ia, ma faaumatia na tagata galulue i vine, ma tuu ane le tovine i nisi. Ua outou le faitau ea lenei upu a le Tusi, O le maa na lafoaiina e tufuga fai fale, ua fai lea ma maa tulimanu
 11 aupitoaluga; o le mea lea na faia e

le Alii, tatou te ofo ai pe a tatou vaavaai atu i ai? Ona latou fia pue
 12 ai lea ia te ia, a ua latou matatau i le vao tagata; auā ua latou iloa, na ia faatu le faataoto ia te i latou; ua latou tuua o ia, a e o ese.

Ona latou auina mai lea ia te ia
 13 nisi o le au faresaio ma nisi o le au Herotiano, latou te mailēi ia te ia i ana upu. Ua latou oo mai, ona
 14 faapea mai lea ia te ia, Le a'oa'o e, ua matou iloa ua e faamaoi lava, ma ua e le mata'u i se tasi, auā ua e le faailogaina se tagata; a e peitai ua e a'oa'o faamaoni lava i le ala o le Atua; pe sa ea ona avatu le taulaga ia Kaisara pe leai? a matou avatu ea? pe matou te le avatu? A ua silafia e ia lo latou
 15 pepelo, ona fetalai atu ai lea ia te i latou, Se a le mea tou te tofotofoma i ai ia te au? ina au mai ia ia te au se tenari, se'i ou matamata i ai. Ona latou avane lea. Ona fetalai
 16 atu lea o ia ia te i latou, O ai ea e ona lenei faatagata, ma lenei tusi? Ona latou fai mai lea ia te ia, E o Kaisara. Ona tali atu lea o Iesu ia
 17 te i latou, ua faapea atu, Iua avatu ia o mea a Kaisara ia Kaisara; ia avatu foi mea a le Atua i le Atua. Ona latou ofo ai lea ia te ia.

Ona o mai lea ia te ia o satukaio, 18 o e taofi, e leai se toe tu; ua latou fesili mai ia te ia, ua faapea mai, Le a'oa'o e, ua tusi mai Mose ia te i matou, Pe a oti le uso o le tasi tagata, ma tuu ai lana avā a e leai se fanau, ona fai lea o lana avā ma avā a lona uso, e faatupuina ai se gafa mo lona uso. Ia, sa i ai le au uso e
 20 toafitu; na fai avā le ulumatua, ua oti foi, ua leai se fanau. Ona fai
 21 avā lea ia te ia o lē aupito ane i ai, ua oti foi ia, ua leai foi sana fanau; ua faapea foi lona toatolu. Atoa
 22 uma le toafitu ua fai avā ia te ia, a ua leai lava se fanau. A e muliai oti le fafine. O lenei, a oo i le toe
 23 tu, pe a toe tu mai i latou, o ai so latou e ana le avā; auā sa fai avā le toafitu ia te ia? Ona tali atu lea
 24 o Iesu ia te i latou, ua faapea atu, E le o lenei ea ua outou sese ai, ina ua outou le iloa upu o Tusi, ma le mana o le Atua? auā pe a latou toe
 25 tutū mai i e ua oti, latou te le fai

- avā pe nofo tane ; a e peitai latou
 26 te faapei o agelu o i le lagi. A o e
 ua oti, ma lo latou toe tu, ua outou
 le faitau ai ea i le tusi a Mose, i le
 laau talatala, na fetalai mai le Atua
 ia te ia, ua faapea, O a'u o le Atua
 o Aperaamo, o le Atua foi o Isaako,
 27 o le Atua foi o Iakopo? E le o le
 Atua ia o e ua oti, a o le Atua o e ola ;
 o lea, ua tele ai lava lo outou sese.
 28 Ua sau foi le tasi o le au tusiupu,
 ua faalogo ane i la latou fesilisili,
 ua na iloa ua mālīe ana sa tali atu
 ai ia te i latou, ona fesili mai lea o
 ia ia te ia, Po o le fea poloaiga e
 29 sili i *poloaiga* uma? Ona tali atu
 lea o Iesu ia te ia, E sili lenei i
 poloaiga uma, Faalogo mai ia Isa-
 raelu e ; o le Alii lo tatou Atua, o
 30 le Alii e toatasi ia. Ia e alofa foi i
 le Alii lou Atua ma lou loto atoa,
 ma lou agaga atoa, ma lou manatu
 atoa, ma lou malosi atoa. O le
 31 poloaiga sili lea. E faapena foi
 lona lua, o lenei, Ia e alofa atu i lē
 lua te tuaoi, ia pei o oe lava ia te
 oe. E leai lava se tasi poloaiga e
 32 sili i na *poloaiga*. Ona fai mai lea
 o le tusiupu ia te ia, Mālīe a oe le
 a'oa'o e, o le tonu lea ua e fetalai
 mai na ; auā e toatasi lava le Atua ;
 33 e leai lava se tasi ua na o ia. Ia
 alofa foi ia te ia ma le loto atoa,
 ma le manatu atoa, ma le agaga
 atoa ma le malosi atoa ; ma ia alo-
 fa i lē la te tuaoi e pei o ia lava ia
 te ia, e sili lea i taulaga ma atoa,
 34 ma taulaga uma. Ua silafia e Iesu
 ua tali mai o ia ma le atamai, ona
 fetalai atu lea ia te ia, E te le vava
 mamao oe ma le malo o le Atua.
 Talu ai ua le toe faamalosi se tasi
 e fesili ia te ia.
 35 Ua a'oa'o Iesu i le malumalu, ona
 fetalai atu lea o ia, ua faapea atu,
 Pe faapefea ona fai mai o le au
 tusiupu, o le Keriso o le atalii ia o
 36 Tavita? auā ua fai mai Tavita lava
 e le Agaga Paia, Ua fetalai mai le
 Alii i lo'u Alii, Ia e nofo i lo'u itu
 taumatau, seia ou faia e ua ita mai
 37 ia te oe ma mea e tu ai ou vae. O
 lenei, ua ta'ua o ia e Tavita lava, o
 le Alii ; pe faapefea ona avea o ia
 mona atalii? Ua faalogo foi ma le
 fiafia le motu o tagata e toatele ia
 te ia.

Ua fetalai atu foi o ia ia te i la- 33
 tou i lana a'oa'o atu Ia outou i le au
 tusiupu, o e ua fia evaeva ma ofu
 tatapuvae, ma ia alofaina i latou i
 malae, atoa ma nofoa sili i sunako, 39
 ma mea sili e taoto ai i faigaai. Ua 40
 latou faauma fale a fafine ua oti a
 latou tane, ma faalevaleva le tatalo
 e fai ma ufufi, e atili ai ona faa-
 salaina o i latou.

Sa nofo Iesu e feagai ma le mea 41
 e teu ai tupe, ua silafia foi e ia le
 vao tagata o lafo tupe i le mea e
 teu ai tupe ; e toatele foi o e mau-
 oa, ua tele a latou ua lafo i ai. Ua 42
 alu ane foi le tasi fafine mativa ua
 oti lana tane, ua lafo ane ai tupe
 iti e lua, o le kotane e tasi ia. Ona 43
 valaau atu lea o ia i ona soo, ua
 fetalai atu ia te i latou, E moni, ou
 te fai atu ia te outou, o mea a lena
 fafine mativa ua oti lana tane, ua
 lafo i le mea e teu ai tupe, ua sili ia
 i a latou uma na lafo i ai ; auā o i 44
 latou uma, ua latou lafo nisi mea
 mai a latou mea ua tele ; a o ia ua
 mativa ua ia lafo ana mea uma sa
 ia te ia, o ana mea uma e ola ai.

*O le valoaga a Iesu i le faaumatia o
 le malumalu.*

UA ulufafo o ia i le malumalu, 13
 ona fai mai lea o le tasi o ona soo
 ia te ia, Le a'oa'o e, ina silasila ia
 i nei maa ua tetele lava, ma nei
 fale, ua tetele lava! A ua tali atu 2
 Iesu ia te ia, ua faapea atu, Ua
 e iloa ea nei fale tetele? e le tuua
 le tasi maa i luga o le tasi maa, a e
 uma lava ona sōloia i lalo. Ua no- 3
 fo o ia i le mauga o Olive, e feagai
 ma le malumalu, ona fesili lemu lea
 ia te ia o Peteru, ma Iakopo, ma
 Ioane, ma Aneterea, Se'i e ta'u mai 4
 ia te i matou, pe fai afea ia mea?
 pe se a foi le faailoga pe a lata ona
 taunuu o ia mea uma? Ona tali 5
 atu lea o Iesu ia te i latou, ua faa-
 pea atu, Ia outou, ne'i faaseseina
 outou e se tasi ; auā e toatele e o 6
 mai i lo'u nei igoa, ma faapea aue,
 O a'u o ia, latou te faaseseina foi
 tagata e toatele. Pe a tou faalogo 7
 i taua mā tala o taua, aua tou te
 atuatuvaile ; auā e tupu lava ia mea ;
 a e lei oo i le gataaga. Auā e sii 8
 le taua e le tasi nuu i le tasi nuu, o

le tasi malo foi i le tasi malo ; e i ai
foi mafuie i lea mea ma lea mea, e
i ai foi oge ma fouvale ; o amataga
9 ia o puapuaga. Ia outou ia te ou-
tou ; auā e tuuina atu outou e i
latou i fonu, ma sasaina outou i
sunako ; e tutū foi outou i luma o
alii ma tupu ona o a'u, e fai ma
10 molimau ia te i latou. Ia muai
tala'iina foi le tala lelei i nuu uma
11 lava e ao ai. Pe a latou ta'ita'iina
ma tuuina atu outou, aua ne'i muai
manatu i sa outou e fai atu ai, aua
foi le lua'i fatufatua'i ; a o se mea
e foaiina ia te outou i lena itu aso,
o lea tou te fai atu ai ; auā e le o
outou e fai atu ai, a o le Agaga
12 Paia. E tuuina atu foi le uso e le
uso ia oti, e tuuina atu foi e le tamā
lona atalii, e tutū atu foi le fanau i
o latou mātua, ina ia fasiotia i latou.
13 E inosia foi outou e tagata uma ona
o lo'u igoa ; a o lē tumau seia oo i le
iuga, e faaolaina lea.
14 Pe a outou iloa le mea e inosia e
faatafunaina a'i, ua fai mai ai e Tani-
nielu le perofeta, ua tu i le mea e
le tatau ai, (o lē faitau ia mafaufau
ia ;) o e o i Iutaia i ia ona po, ia la-
15 tou sosola i mauga ; o le ua i luga o
le fale, aua ne'i alu ifo ia i le fale,
aua foi ne'i ulu ai e ave se mea ai
16 lona fale ; o le ua i le vao foi, aua ne'i
17 toe foi o ia e ave lona ofu. Oi ta-
lofa foi i fafine totō, ma ē failele i
na ona aso ! Ia outou tatalo ina
ne'i sosola outou i le tausaga maa-
19 lili ; auā o ia ona aso e i ai le pu-
puaga, e leai sona tusa talu lava le
amataga o mea na faia e le Atua,
ua oo mai i ona po nei, e le toe faa-
20 pea foi amuli. Afai foi e le faapu-
puuina ia aso e le Alii, e leai se
tagata e faaolaina ; a e peitai ona o
le au filifilia ua filifilia e ia ua ia
21 faapuupuina ai ia aso. Afai foi e
fai ane se tasi ia te outou i ia ona
po, Faauta, o iinei le Keriso ; pe
faapea, Faauta, o iilā ; aua ne'i faa-
22 logo i ai. Auā e tutū mai Keriso
pepelo, ma perofeta pepelo, ma la-
tou faia faailoga ma vavega, ina ia
faasese a'i e ua filifilia lava, pe afai
23 e mafai ai. Ia outou ; faauta, ua
ou muai ta'uina atu ia te outou ia
24 mea uma. O aso foi ia pe a mavae
atu lena puapuaga, e faapogisaina ai

le la, e le susulu mai foi le masina,
e pauu mai fetu o le lagi, e luluina 25
foi 'au a le lagi. Ona iloa atu lea e 26
i latou o le Atalii o le tagata ua sau
i ao ma le mana tele ma le mamalu.
Ona aauina mai lea e ia o ana agelu, 27
latou te faapotopotoina e ua filifilia
e ia mai matāmatagi e fa ; e amata
i le tulu'iga o le lalolagi e oo atu i
le tulu'iga o le lagi.

Ia outou mātai i le faataoto i le 28
mati ; pe a faatoa tutupu ona tatu-
pu, ma matala mai ona lau, ona
outou iloa ai lea ua latalata mai le
tausaga vevela. E faapea foi outou, 29
pe a iloa ia mea ua tutupu mai, ia
outou iloa ua latalata mai ia, ua i
faitotoa lava. E moni, ou te fai atu 30
ia te outou, E le mavae lenei tupu-
laga, seia taunuu ia mea uma. E 31
mavae atu le lagi ma le lalolagi ; a
e peitai a'u upu, e le mavae lava ia.
A o lea aso ma lea itu aso e le iloa e 32
se tasi, e le iloa lava e agelu i le
lagi, po o le Atalii ; ua na o le Tamā
lava. Ia outou, ina matala ia ma 33
tatalo, auā tou te le iloa pe oo mai
afea ia aso. Faapei o se tagata na 34
alu malaga, na ia tuua lona fale ma
avane le pule i ana auauna, ua tai-
toatasi foi ma lana lava galuega, ma
ua fai atu i le leoleo faitotoa ina ia
matala o ia. O lea, ia matala ai 35
outou ; auā tou te le iloa po o afea
e sau ai le Alii o le aiga, po o le affi,
po o le taotuluaga o le po, po o
le vivini o mout, po o le taeao ; ne'i 36
faafuasei ona sau, e maua mai outou
o momoe. O le mea ou te fai atu 37
ia te outou, ou te fai atu ai i tagata
uma, Ina matala ia.

*O le faamanatuga, ma le faalataina
o Iesu.*

UA mavae po e lua ona oo lea i 14
le paseka, ma areto e le faafefete-
ina ; ona saili lea e le au faitaulaga
sili ma le au tusiupu, pe faapefea
sa latou maille e pue ai ia te ia, ma
fasiotia. A ua latou faapea ane, 2
Aua le faia i le tausamiga, ne'i faa-
nunununu ai le nuu. Sa i Petania 3
o ia i le fale o Simona le lepela, o
taoto i le taumafataga, ona sau lea
o le fafine ma le fagu alapasa, ua i
ai le uu nato tau tele ; ua tatae le
fagu, ma liligi ai i luga o lona ao.

- 4 Sa i ai nisi na tiga ai o latou loto, ma latou faapea ane, Pe se a le mea ua māumau ai faapea le uu manogi?
- 5 auā ana faatauina lena mea, po ua maua ai tenari e tolu selau ma ona tupu, e foaiina atu ai i e matitiva; ona latou muimui lea i le fafine.
- 6 A ua fetalai atu Iesu, Tuupea ia ia te ia; se a le mea tou te faalavelave ai ia te ia? o le mea lelei ua faia e ia ia te au nei. Auā tou te nonofo pea ma e matitiva, o aso uma foi tou te loto i ai ua outou mafaia ona agalelei atu ia te i latou; a o a'u nei, tatou te le nonofo pea ma outou.
- 8 Ua faia e ia le mea ua ia mafai ai; ua na uuina lo'u tino e fai ma faataimuaga o lo'u tanuga. E moni, ou te fai atu ia te outou, o nuu uma lava i le lalolagi e tala'iina i ai lenei tala lelei, e ta'ua ai foi lenei mea ua faia e ia, e faamanatu a'i ia te ia.
- 10 Ona alu lea o Iuta le Sekara, o le tasi o le toatinoagafulu ma le toalua, i le au faitaulaga sili, e faalatala ina ai o ia ia te i latou. Ua latou faalogo ai, ona fiasia lea, ma latou folafola ni tupe ia te ia; ona lamlama lea e ia o se itu aso e faigofie ai ona faalatala o ia.
- 12 O le aso muamua o areto e le faafefeteina, e osi ai le paseka, ua fai mai ai ona soo ia te ia, Po o fea e te finagala i ai, matou te o e sauni e te taumafa ai le paseka? Ona aau atu lea e ia o ona soo e toalua, ma na fetalai atu ia te i laua, Ina o ia oulua i le aai, tou te fetatai ai ma le tagata o ave le vai omea, lua te mulimuli atu ia te ia; e iloga foi le mea na te ulufale atu i ai, fai ane ia i le matai o le aiga, O loo fai mai le a'oa'o, O ifea le afeafe e api ai malo, ou te 'ai ai le paseka ma o'u soo? Na te faaali ane ia te oulua le afeafe tele e aupito i luga, ua uma ona teu; lua te sauni ai mo i tatou. Ona o atu ai lea o ona soo, ua oo i le aai, ua iloa atu ai foi e pei ona fetalai atu ai o ia ia te i laua; ona la sauniuni lea o le paseka.
- 17 Ua oo i le afiafi, ona maliu ane lea o ia ma le toatinoagafulu ma le toalua. O loo taoto i latou ma aai, ona fetalai atu lea o Iesu, E moni, ou te fai atu ia te outou, o le tasi o outou o lē 'ai faatasi nei ma a'u, o ia na te faalatala a'u. Ona tiga 19 lea o i latou, ua latou taitasi ma faapea mai ia te ia, O a'u ea? *ua fai mai* foi le tasi, O a'u ea? Ona 20 tali atu lea o ia ia te i latou, ua faapea atu, O le tasi o le toatinoagafulu ma le toalua, o lē fufui faatasi nei o ma *lima* i le tanoa. E alu lava 21 le Atalii o le tagata faapei ona tusia ia te ia; a o le tagata na te faalatala le Atalii o le tagata oi talofa ia te ia! e lelei i lea tagata pe ana le fanau mai o ia.
- O loo aai i latou, a e tago Iesu i 22 le areto, ua faafetai, ona tofitofi lea, ma avatu ai ia te i latou, ua faapea atu, Ina tago ia, ina aai, o lo'u tino lenei. Ua tago foi o ia i le ipu, ua 23 faafetai, ma avatu ai ia te i latou, ua latou inu uma i ai. Ua fetalai 24 atu foi o ia ia te i latou, O lo'u toto lenei, o le *toto* o le feagaiga fou, ua faamaligiina mo tagata e toatele. E moni, ou te fai atu ia te outou, ou 25 te le toe inu lava i le fua o le vine, seia co i lea lava aso ou te inu ai le *uaina* fou i le malo o le Atua. Ua 26 uma ona faia o a latou pese, ona latou o atu lea i le mauga o Olive.
- Ona fetalai atu lea o Iesu ia te i 27 latou, Tou te tausuai uma ona o a'u i lenei po; auā ua tusia, Ou te taia le leoleo mamoe, ona taapeape ai lea o mamoe. A e peitai a mavae 28 lo'u toe tu, ona ou muamua atu ai lea ia te outou i Kalilaia. A ua fai 29 mai Peteru ia te ia, E ui lava ina tausuai o tagata uma, ou te le *faapea* lava a'u. Ona fetalai atu lea o 30 Iesu ia te ia, E moni, ou te fai atu ia te oe, O lenei aso, o le po nei lava, a o lei oo i le vivini faalua o moa, e te faafiti faatolu mai ia te au. Ona atili ai lea ona fai mai o 31 ia, E ui lava ina ta oti faatasi ma oe, ou te le faafiti lava ia te oe. Ua faapea foi ona fai mai o i latou uma.
- Ua latou oo atu i le fanua, o 32 Ketesemane lona igoa; ona fetalai atu lea o ia i ona soo, Ina nonofo ia outou iinei, se'i ou tatalo. Ua o 33 ane foi o ia ma Peteru, ma Iakopo, ma Ioane, ona matautua lea o ia, ma atuatuale. Ona fetalai atu lea o 34 ia ia te i latou, O loo matuā tiga

- lava lo'u loto e oo i le oti; ina nonofo ia outou iinei, ma mataala.
- 35 Ua faaitiiti atu ia i luma, ona faapa'u lea o ia i le eleele, ma tatalo ina ia mavae atu lea itu aso ia te ia, pe afai e mafaia. Ua faapea atu, 50
- 36 Ava, lo'u Tamā e, e te mafaia e oe mea uma lava; ia e aveeseina lenei ipu ia te au; a e aua le faia lo'u 51
- 37 loto, a o lou *finagalo*. Ona maliu ane lea o ia, ua maua i latou o momoe; ona fetalai atu lea o ia ia Peteru, Simona e, ua e moe ea? e te le lavā ea ona mataala i le itu po e tasi? Ina mataala ia, ma tatalo, 52
- 38 ne'i oo mai le faaososoga ia te outou; ua manao i ai le loto, a o le tino ua vaivai. Ua toe maliu atu o ia, ua toe tatalo, ua fetalai atu le 53
- 40 upu lava e tasi. Ua toe foi mai o ia, ua toe maua i latou o momoe, auā ua maaa o latou laumata; ua latou le iloa foi pe se a latou te tali 54
- 41 atu ai ia te ia. Ua toe foi mai o ia ia te i latou, o le atu tolu lea, ua faapea atu foi o ia ia te i latou, Ina momoe pea ia, ma malolo; soia; ua oo mai le itu po; faauta, ua tuuina atu le Atalii o le tagata i lima 55
- 42 o tagata agasala. Ina tutū ia, ia tatou o. Faauta, ua latalata mai o ia na te faalataina a'u. O loo fetalai o ia a e sau loa Iuta, o le tasi o le toatinoagafulu ma le toalua, ua faatasi mai foi ma ia le motu o tagata e toatele mai le au ositaulaga sili, ma le au tusiupu, ma toeaina, ua ia te i latou o pelu ma 56
- 44 uatogi. Na tuuina atu e le na faalataina o ia le faailoga ia te i latou, ua faapea atu, O lē ou te sogi atu i ai, o ia lea; tou te pue ia te ia, ma 57
- 45 ta'ita'iina atu, ma taofimaui. Ua oo mai o ia, ona soso mai loa lea ia te ia, ua fai mai, Rapi e, rapi e; ua 58
- 46 sogi ane foi ia te ia. Ona oo atu lea o latou lima ia te ia, ua latou pue foi ia te ia. O le tasi o i latou o e na tutū i ai, ua ia toina lana pelu, ua ta le auuna a le ositaulaga sili, ua tipiesea lona taliga. Ona fetalai atu lea o Iesu ia te i latou, ua faapea atu, Ua outou o mai ea ma pelu ma uatogi e pue mai ai ia te 59
- 49 au, peiseai se fao mea? Sa tatou faatasi ma a'u i le malumalu, sa ou a'oa'o atu ai i aso fai soo, tou te lei 60
- pueina ai a'u; a ua faia ina ia tau-nuu ai Tusi. Ona tuua ai lea o ia e 50 i latou uma, ua sosola. A ua muli muli atu ia te ia le tasi taulealea, ua pulupulu lona tino i le ie lino, ua pue atu foi e taulelea ia te ia; a ua 52
- tuua e ia le ie lino, ua sola ia te i latou ua le lavalavā.
- Ona latou ta'ita'i lea ia Iesu i le ositaulaga sili; ua potopoto uma atu foi ia te ia le au faitaulaga sili, ma toeaina, ma le au tusiupu. Ua 54
- mulimuli mamao mai foi Peteru ia te ia, ua oo lava i le maota o le ositaulaga sili; ua nofo ai i lalo faatasi ma auuna, ma mumuli i le afi.
- A o le au ositaulaga sili, ma le 55
- taupulega uma, ua latou saili i mau ia Iesu, ina ia fasioti ia te ia; a e lei maua lava. Auā e toatele ua 56
- latou molimau pepelo ia te ia, a e le tutusa a latou mau. Ona tutū 57
- lea o isi, ma molimau pepelo ia te ia, ua faapea atu, Na ma faalogo 58
- atu ia te ia, ua faapea mai, Ou te lepetia lenei malumalu na faia e lima, ma ou toe faia se tasi i aso e tolu, e lei faia e lima. A ua le 59
- tutusa a la mau i lea mea. Ona tu 60
- lea o le ositaulaga sili i totonu, ua fesili mai ia Iesu, ua faapea mai, E te le tali mai ea sina upu? Pe se a le mau a nei tagata ia te oe? A ua 61
- le fetalai o ia, ua lei foi sana tali. Ona toe fesili mai lea o le ositaulaga sili ia te ia, ua faapea mai ia te ia, O oe ea o le Keriso, o le Alo o Lē viia? Ona fetalai atu lea o Iesu, 62
- O a'u lava lea; tou te iloa foi le Atalii o le tagata e nofo i le itu taumatau o Le e ona le mana, e sau foi o ia i ao o le lagi. Ona saeia 63
- lea e le ositaulaga sili o ona lava ofu, ua faapea ane, Se a ea le toe aoga ia te i tatou o molimau? Ua 64
- outou faalogo i le upu leaga i le *Atua*. Pe ni a fa outou? Ona fai mai lea o i latou uma, E tatau ona oti o ia. Ona feanu ai lea o isi ia te ia, ma ufiufi i ona fofoga, ma tu'i ia te ia, ua faapea mai foi ia te ia, Ina iite mai ia; o le au auuna foi, ua latou taufaipo mai ia te ia.
- Sa i lalo Peteru i le maota; ona 66
- alu atu ai lea o le tasi auuna teine a le ositaulaga sili; ua iloa e ia o 67
- Peteru o loo mumulu, ua na vaai

atu foi ia te ia, ua faapea atu, O
oe foi sa oulua faatasi ma Iesu le
68 Nasareta. A o ia ua faafiti, ua faa-
pea, Ou te lei iloa o ia, ou te le la-
gona foi le mea ua e fai mai na.
Ona alu atu lea o ia i fafo i le faa-
paologa o le lotoā, ona vivini lea o
69 moa. Ua toe iloa o ia e le auauna
teine, ona fai atu lea o ia i e ua
tutū mai, O le tasi lena o i latou.
70 Ona toe faafiti lea o ia. Ua toe
ititi ona toe fai atu lea o e tutū
mai ia Peteru, E moni, o oe lava lo
latou; auā o le Kalilaia oe, ua tusa
71 ai lau gagana. Ona augani lea o ia
ma tauto, *ua faapea*, Ou te le iloa
lava lea tagata tou te fai mai ai na.
72 Ona vivini faalua lea o moa. Ona
manatua lea e Peteru o le upu na
fetala'i atu ai Iesu ia te ia, E le vi-
vini faalua moa, seia e faafiti faa-
tolu mai ia te au. Ua manatunatu
ifo ia, ona tagi ai lea o ia.

O le faasatauroina o Iesu.

15 UA ao, ona taupulepule loa lea o
le au ositaulaga sili, atoa ma toea-
ina, ma le au tusiūpu, ma le taupu-
lega uma, na latou noanoa ia Iesu,
ma ta'ita'i atu ia te ia, ma tuuina
2 atu ia Pilato. Ona fesili mai lea o
Pilato ia te ia, O oe ea o le tupu o
tagata Iutaia? Ona tali atu lea o
ia ia te ia, ua faapea atu, O lea
3 lava. Ua momoli foi ia te ia e le
4 au ositaulaga sili i mea e tele. Ona
toe fesili mai lea o Pilato ia te ia,
ua faapea mai, E te le tali mai lava
ea? Faauta i le tele o mea ua la-
5 tou molimau ai ia te oe. A ua le
tali atu e Iesu sina upu; o le mea
lea ua ofo ai Pilato.
6 O lea tausamiga ma lea tausa-
miga, ua ia tatalaina atu ai ia te i
latou se tasi pagota, latou te fai
7 ane ai. Sa i ai le tasi ua igoa ia
Parapa, ua noatia faatasi ma e na
fouvale ma ia, e na fasioti tagata i
8 le fouvale sa fai. Ona alalaga atu
ai lea o le motu o tagata, ma fai atu,
ina ia faia e ia ia te i latou, faapei
9 ona masani ai o ia. Ona tali atu
lea o Pilato ia te i latou, ua faapea
atu, Tou te loto ea ina ia ou tatala-
ina atu ia te outou le tupu o tagata
10 Iutaia? Auā ua na iloa o le mataua
na tuuina atu ai o ia e le au ositau-

laga sili. A o le au ositaulaga sili, 11
ua latou faaosoi i le motu o tagata,
ina ia tatalaina mai e ia o Parapa ia
te i latou, a e tuu pea *Iesu*. Ona 12
toe tali atu ai lea o Pilato ia te i
latou, ua faapea atu, Se a foi se
mea tou te loto i ai ou te faia ia te
ia e ta'ua e outou o le tupu o tagata
Iutaia? Ona latou toe alalaga ai 13
lea, Ina faasatauro ia ia te ia. Ona 14
fai atu lea o Pilato ia te i latou, Se
a foi se mea leaga ua na faia? A
ua atili ai ona latou alalaga, Ina
faasatauro ia ia te ia. Ua loto 15
Pilato e faalotomālie i le motu o
tagata, ua ia tatalaina atu ai Parapa
ia te i latou; ua uma ona sasaina o
Iesu e ia, ona ia tuuina atu lea o ia
ia faasatauroina.

Ona ta'ita'iina atu lea o ia e le 16
'au i le maota, o le maota lea o le
alii, ua latou faapotopotoina foi le
'au uma. Ona latou faaofu lea ia 17
te ia i le ofu pāuli, ma latou taataai
laau tuitui ua fai a'i le pale, ua faa-
paleina ai o ia. Ona latou alolofa 18
mai lea ia te ia, *ua faapea mai*, Ta-
lofa le tupu o tagata Iutaia! Ua 19
latou ta foi i lona ao i le u, ma
feanu ia te ia, ma tootuli ma ifo ia
te ia. Ua uma ona latou faatauemu 20
ia te ia, ona latou toeseina lea o le
ofu pāuli ia te ia, ma faaofu ia te ia
i ona lava ofu; ona latou ta'ita'i
atu lea ia te ia ia faasatauroina o
ia. Ua alu ane le tasi tagata, o 21
Simona le Kurene, ua sau mai le
vao, o le tamā foi o ia o Alesana
ma Rufo, ona latou faatauana lea
ia te ia, ina ia ave e ia o lona sa-
tauro. Ua latou ave foi ia te ia i 22
Kolokota, o lona uiga pe a faama-
talaina, O le mea o i ai le ulupoo;
ona latou avane lea ia te ia le usina 23
ua fefiloi ma le muro, e inu ai; a ua
le talia e ia. Ua uma ona latou 24
faasatauroina o ia, ona latou tufa-
tufa lea i ona ofu, ma fai ai le vili,
e iloa ai le mea a le tagata. O le 25
itu aso e tolu na latou faasatauro
ai ia te ia. Ua tusia foi le tasi i le 26
mea na molia ai o ia, O LE TUPU
O TAGATA IUTAIA. Ua latou 27
faasatauro foi faatasi ma ia tagata
fao mea e toalua; o le tasi i lona
itu taumatau, ma le tasi i lona itu
taugavale. Na taunuu ai le Tusi, 28

ua faapea, Na faitauina o ia faatasi
 29 na pagotata. O i latou foi na ui
 ane, ua latou upu leaga ia te ia, ma
 lialiai o latou ulu, ua faapea mai,
 30 Ue! o oe na o lē lepeti le malu-
 malu, ma toe faia i aso e tolu, ina
 faaola ia oe ia te oe, ma alu ifo i le
 31 satauro. Ua faapea foi le au osi-
 taulaga sili ua faatauemu i latou
 faatasi, atoa ma le au tusiupu, ua
 faapea ane, Na ia faaolaina isi ta-
 32 gata, na te le mafaia ona faaola o
 ia ia te ia. Ina alu ifo nei lava le
 Keriso, le tupu o Isaraelu, i le sa-
 tauro, tatou te iloa ai, ma tatou
 talitonu ai. O e na faasatauroina
 foi faatasi ma ia, ua la upu leaga ia
 te ia.
 33 Ua oo i le itu aso e ono, ona
 pogisa uma ai lea o le nuu, ua oo
 34 lava i le itu aso e iva. O le itu aso
 e iva foi ua alaga ai Iesu, ua leo
 tele, ua faapea atu, Eloi, Eloi, lama
 sapatani? o lona uiga pe a faama-
 talaina, Lo'u Atua e, lo'u Atua e,
 se a le mea ua e tuulafoai mai ai
 35 a'u? Ua faalogo ai nisi o e na tutū
 mai, ona latou faapea ane ai lea,
 Faaute, o loo valaau atu o ia ia
 36 Elia. Ona momo'e lea o le tasi, ma
 fufui le omomi i le vineta, ua tuu i
 luga i le pito laau, ma faainu ia te
 ia, ua faapea atu, Tuu pea ia; se'i
 tatou iloa pe sau Elia e ave ifo ia
 te ia.
 37 Ua alaga Iesu ua leo tele, ona to
 38 ai lea o lana mānava. Ona saelua-
 ina lea o le ie puipui o le malumalu,
 ua amata ifo i luga, ua oo lava i
 39 lalo. O le ta'ita'i o le toaselau, o
 le na tu atu i ona luma, ua iloa e ia
 ua faapea ona alaga o ia, ona to lea
 o lana mānava ona faapea atu ai
 lea o ia, E moni, o le Alo o le Atua
 40 lenei tagata. Sa i ai foi fafine o
 matamata mamao mai, sa i ai foi ia
 te i latou o Maria le Makatala, ma
 Maria le tinā o Iakopo le itiiti ma
 41 Iose, atoa ma Salome; o e na muli-
 muli atu ia te ia ina o i Kalilaia o
 ia, ma auauna ia te ia; atoa ma isi
 fafine e toatele, o e na o ae faatasi
 ma ia i Ierusalema.
 42 Ua oo i le afiafi, (auā o le aso e
 sauni ai lea, o le aso lea i tua atu o
 43 le sapati), ua alu ane ai Iosefa le
 Arimataia, o le tasi faipule sili, o ia

foi sa faatalitali i le malo o le Atua,
 ua faamalosi o ia ona alu atu ia
 Pilato, ma faanoi atu ai i le tino o
 Iesu. Ona ofo lea o Pilato ina ua
 44 vave malui o ia; ua na valaau atu
 foi i le ta'ita'i o le toaselau, ma
 fesili atu i ai, po o ua leva lona
 45 malui. Ua iloa e ia i le ta'ita'i o le
 toaselau, ona avatu ai lea o le tino
 ia Iosefa. Na taulia foi e ia le ie
 46 lino, ua ave ifo foi ia te ia, ona aui
 lea i le ie lino, ua tuu foi ia te ia i
 le tuugamau na foa i le papa, ona
 fuli ane lea o le maa i le gutu o le
 47 tuugamau. Ua vaavaai foi Maria le
 Makatala, ma Maria le tinā o Iose i
 le mea na tuuina ai o ia.

*O le toe tu o Iesu nai e ua oti, ma
 lona toe foi i luga i le lagi.*

UA mavae le sapati, ona faatau
 16 lea e Maria le Makatala, ma Maria
 le tinā o Iakopo, ma Salome, o mea
 manogi, ina iā latou o atu e faauu
 ai ia te ia. O le taeao lava, o le aso
 2 muamua o le vaisapati, ua latou o
 atu ai i le tuugamau i le alu ae o le
 la. Na fetautalatala'i foi i latou,
 3 *ua faapea ane, O ai ea se na te*
fulieseina le maa mo i tatou i le
gutu o le tuugamau? Ua latou
 4 *vaavaai atu, ona iloa lea, ua uma*
ona fulieseina o le maa; auā ua
matuā tele ia. Ua ulu atu i latou i
 5 *le tuugamau, ona latou iloa lea o le*
taulealea o nofo i le itu taumatau,
ua ofu o ia i le ofu pa'epa'e tata-
puvae; ona latou matatau ai lea.
 6 *A ua fai atu ia ia te i latou, Aua*
tou te matatau; o loo outou saili ia
Iesu le Nasareta o le na faasa-
tauroina; ua tu o ia; e le o iinei;
ina matamata ia i le mea na latou
 7 *tuuina ai o ia. A ia outou o atu, ina*
ta'u atu i ona soo atoa ma Peteru, e
muamua atu o ia ia te i outou i
Kalilaia; tou te iloa ai o ia i lea
 8 *mea, faapei ona fetala'i atu ai o ia*
ia te outou. Ona latou vave o atu
 9 *ai lea i fafo, ma sosola ese i le tuu-*
gamau; ua maua foi i latou i le
gatete, ma le ofo tele lava; ua
latou le fai atu foi se upu i se tasi,
 10 *auā ua matatau.*

Ua tu mai o ia i le taeao lava o le
 9 uluai aso o le vaisapati, ona luati
 faaali lea o ia ia Maria le Makatala,

- o le na ia tuli ese ia te ia temoni e
10 toafitu. Ua alu atu ia, ma na ta'u
atu ai ia te i latou o e sa ia te ia, o
11 latou o faanoanoa ma fetagisi. O i
latou foi, ua latou faalogo i le tala
ua soifua o ia, ma ua iloa o ia e ia, e
12 lei talitonu ai i latou. Ua mavae
atu ia mea, ona faaali mai lea o ia,
ua ese mai lona tino, i le isi toalua
o i latou, o loo la savavali atu i le
13 faoa aai. Ona o lea o i laua, ma
ta'u atu ia te i latou uma; a e lei
14 talitonu i latou ia i laua. Mulimuli
ane ua faaali mai o ia i le toatino-
gafulu ma le toatasi o taoto i latou
e aai; ona a'ai atu lea o ia ia te i
latou ina ua le talitonu i latou, ma
ua loto maaa, auā ua latou le tali-
tonu ia te i latou o e na iloa o ia
15 ina ua toe tu mai. Ua fetalai atu
foi o ia ia te i latou, O atu ia outou
- i le lalolagi uma, ina tala'i atu ai le
tala lelei i tagata uma lava. O lē 16
faatuatua ma papatisoina, e faa-
olaina ia; a o le lē faatuatua, e
faasalaina ia. E mulimuli atu foi 17
nei faailoga i e faatuatua; e tutuli
e i latou temoni i lo'u igoa; e tau-
talatala i latou i gagana fou; e 18
fetagofi i latou i gata; afai foi
latou te inu i se mea e oti ai, latou
te le afaina ai lava; e faaee atu foi
o latou lima i luga o e mamai, ma
faamaloloina i latou.
- Ua mavae foi ona fetalai atu o le 19
Alii ia te i latou, ona aveina ae lea
o ia i le lagi, ona nofo ai lea o ia i
le itu taumatau o le Atua. Oua 20
latou o atu lea, ma tala'i atu i mea
uma; ua galue faatasi le Alii ma i
latou, ma ua faamaonia le upu i
faailoga ua mulimuli ane ai. Amene.

O LE EVAGELIA

A

LUKA.

*O le fanau mai o Ioane, ma le va-
loaga a Sakaria.*

- 1 E TOATELE ua taumafai ona
tusi faasolo le tala i mea ua mau-
tinoa e i tatou, e faapei ona tuuina
2 mai ia te i tatou e i latou na mata-
mata ai, ma auauna ai le upu talu
3 le amataga; o le mea lea ua ou
manatu ai, ona ua ou matuā sue i
mea uma lava talu le amataga, ou
te tusi faasolo atu ia te oe le alii e,
4 Teofilo, ina ia e silafia le faamaoni
o ia tala ua a'oa'oina ai oe.
- 5 O ona po o Herota le tupu o
Iutaia, sa i ai le tasi faitaulaga e
igoa ia Sakaria, sa i le vasega o
Avia; o lana avā foi o lo sa Aronā,
6 e igoa ia Elisapeta. Sa amiotonu i
laua i luma o le Atua, o savavali i
poloaiiga ma tulafono uma a le Alii
7 e le mata'uleagaina. E leai sa ia
fanau, ina ua pa o Elisapeta, ua la
- matutua uma lava. Ua faia e ia le 8
faiva o le faitaulaga i luma o le
Atua, e aua'i lona vasega, pei o le 9
tu a faitaulaga, o lona tofi e ulu i le
malumalu o le Alii e faamu ai mea
manogi; ua tatalo foi i fafo le 10
motu o tagata uma, i le itu aso e mu
ai mea manogi. Ona faaali lea ia te 11
ia le agelu a le Alii, o loo tu i le itu
taumatau o le fata e mu ai mea
manogi. Ua iloa e Sakaria, ona atu- 12
atuvale ai lea, ua oo ia te ia le
mata'u. Ua faapea mai le agelu ia 13
te ia, Sakaria e, aua e te mata'u;
auā ua faafogaina lau tatalo; e
fanau lau avā o Elisapeta sou atalii,
e te faaigoa ia te ia o Ioane. E ia 14
te oe le fiasia ma le olioli; e toatele
foi e fiasia i lona fanau mai. Auā e 15
sili o ia i luma o le Alii; e le inu o
ia i le uaina po o le 'ava; e faa-
tumuina foi o ia i le Agaga Paia o
afua ina fanau mai o ia. E faaliliu 16

- o ia le fanauga a Isaraelu e toatele i
 17 le Alii lo latou Atua. E muamua
 atu o ia i ona luma ma le loto o
 Elia ma lona faamalosi, e faaliliu e
 ia loto o mātua i le fanau, e faaliliu
 foi e ua faalogoga i le potō o e
 amiofonu; e sauni le nuu e faa-
 18 tatauiina mo le Alii. Ona fai atu lea
 o Sakaria i le agelu, Pe faapefea
 ona ou iloa le mea nei? auā ua ou
 toeaina, o la'u avā foi ua loomatua
 19 ia. Ua tali mai le agelu, ua faapea
 mai ia te ia, O a'u o Kaperielu, o lē
 tu i luma o le Atua; ua auina mai
 a'u e fai atu, ma ta'u atu ia te oe
 20 lenei tala lelei. Faauta foi, e gūgū
 oe, e te le magagana seia oo i le
 aso e fai ai nei mea, auā ua e le
 talitonu mai i a'u upu, o mea ia e
 21 taunuu lava pe a oo i ona po. O loo
 faatali le nuu ia Sakaria, ma ofo ina
 ua faatua i o ia i le malumalu. Ua
 22 alu ia i fafo, a ua le magagana ia te
 i latou; ua latou iloa ai ua na vaaia
 se faaaliga i le malumalu; a o ia ua
 genogeno atu ia te i latou, ua gūgū
 23 pea ia. Ua uma ona aso na fai ai le
 galuega, ona alu ai lea o ia i lona
 24 aiga. Ua mavae ia aso, ona to lea o
 Elisapeta lana avā, ua nofo faalilo o
 ia i ona masina e lima, ua faapea
 25 ane, Ua faapea ona faia e le Alii ia
 te au i ona aso ua silasila mai ai o
 ia, e ave ese ai lo'u luma i tagata.
 26 O le ono o masina ua auina mai
 ai e le Atua o le agelu o Kaperielu
 i le aai o Kalilaia, o Nasareta le igoa,
 27 i le taupou o le aiga o Tavita, ua
 faufautane i le tagata e igoa ia
 Iosefa; o Maria foi le igoa o le tau-
 28 pou. Ua ulufale mai le agelu ia te
 ia ona faapea mai lea o ia, Si o'u
 alofa ia te oe le ua alofaina, ua ia
 29 te oe le Alii; amuia oe i fafine. Ua
 vaai atu foi o ia, ona atuatuva lea
 o ia i lana upu, ua taumanatunatu
 foi o ia, pe se a le uiga o lenei alofa.
 30 Ua fai mai foi le agelu ia te ia,
 Maria e, aua e te fefe; auā ua alo-
 31 faina mai oe e le Atua. Faauta foi,
 o le a to oe, ma e fanauina se tama
 tane, e te faaigoga ia te ia o Iesu.
 32 E sili o ia, e ta'ua foi o le Alo o le
 Silisili ese; e foai atu e le Alii o le
 Atua ia te ia le nofoaiga a Tavita
 33 lona tamā; e fai o ia ma tupu i le
 aiga o Iakopo e faavavau; o lona
 malo foi e leai sona gataaga. Ona 34
 fai atu lea o Maria i le agelu, A faa-
 pefea le mea nei; auā ou te lei iloa
 se tane? Ua tali mai le agelu, ua 35
 faapea mai ia te ia, E afio ifo le
 Agaga Paia i luga ia te oe, e faa-
 malumalu ifo foi ia te oe le mana o
 le Silisili ese; o le mea lea e ta'ua
 ai le tama paia, o le Alo o le Atua.
 Faauta foi, o lou aiga o Elisapeta, ua 36
 to o ia ina ua loomatua, o le tama
 tane foi *lana tama*; o le onoga
 masina lenei i lē na ta'ua e pa; auā 37
 e leai lava se mea e tasi e le mafaia
 e le Atua. Ua fai atu Maria, Faauta, 38
 o a'u nei o le auauna a le Alii; ia
 faia ia te au e tusa ma lau fetalaiga.
 Ona alu ese ai lea o le agelu ia te ia.
 Ua tulai Maria i ia ona aso, ua 39
 faatelevave atu i le atu marga, i le
 tasi aai o Iuta; ua ulu atu foi o ia i
 le fale o Sakaria, ma alofa atu ia 40
 Elisapeta. Ua faalogo mai Elisa-
 peta i le alofa o Maria, ona osooso
 ai lea o le tama i lona manava; ua
 faatumuina foi Elisapeta i le Agaga
 Paia; ua alaga ia, ua leo tele, ua 42
 faapea mai, Amuia oe i fafine, amu-
 ia foi lē a fanau mai ia te oe. Pe 43
 faapefea foi lenei mea, ina ua sau le
 tinā o lo'u Alii ia te au nei? Faa- 44
 uta foi, ua oo mai le leo o lou alofa
 i o'u taliga, ona osooso ai lea o le
 tama i lo'u manava ma le olioli. E 45
 manuia foi le fafine e talitonu, auā
 e taunuu upu na fetalai mai le Alii
 ia te ia. Ona fai ane lea o Maria, 46
 Ua vivii atu lo'u loto i le Alii. Ua 47
 fiafia lava lo'u loto i le Atua lo'u
 Faaola; ina ua silasila mai o ia i 48
 lana auauna fafine ua faamaulalo-
 ina; auā e amata mai nei ona faa-
 amuia mai ia te au o tupulaga uma.
 Auā o Le e ona le mana, ua faia e 49
 ia mea silisili mo a'u; e paia foi
 lona suafa. O lona alofa foi i e 50
 matatau ia te ia e āu tupulaga lava
 lea. Ua faamalosi lona aao, ua faa- 51
 taapeapeina e ia o e faamaualuluga
 i manatu o latou loto. Ua tulei ifo 52
 e ia o alii nai o latou nofoālii, a ua
 faaeaina e ia o e faamaulalo. Ua 53
 fagaina e ia i mea lelei e sa fia aai,
 a o e mau mea ua afaufaina atu e ia.
 Ua fesoasoani ia i lana auauna o 54
 Isaraelu, ina ua manatu mai le alofa
 ia Aperaa mo ana fanau e faa- 55

vavau, pei ona fetalai mai o ia i o
 56 tatou tamā. Ua nofo Maria ma ia,
 pe tolu masina, ona foi ai lea o ia i
 lona aiga.
 57 Ua oo i le masina o Elisapeta e
 fanau ai, ona fanau ai lea e ia o le
 58 tama tane. Ua faalogo e ua latou
 tuaoi atoa ma lona aiga, ua alofa
 tele mai le Alii ia te ia, ona olioli ai
 59 lea o i latou faatasi ma ia. Ua oo
 i le aso valu, ona o mai lea o i latou
 e peritome ai le tama, o le a faaigoa
 e i latou ia te ia i le igoa o lona
 60 tamā, o Sakaria. Ona fai atu lea o
 lona tinā, ua faapea atu, Aua; e
 61 igoa lava o ia ia Ioane. Ona latou
 fai mai lea ia te ia, E leai se tasi o
 62 lou aiga e igoa i lea igoa. Ua latou
 genogeno atu i lona tamā, pe se a
 63 lona loto i sona igoa. Ona fai ane
 lea o ia i se papatusi e au mai, ona
 tusi ai lea e ia, ua faapea, O Ioane
 lona igoa. Ona latou ofo uma ai
 64 lea. Ona matala loa lea o lona leo
 ma lona laulaufaiva, ona tautala lea
 65 o ia, ma faafetai i le Atua. Ua oo
 ai le mata'u i e ua latou tuaoi uma,
 ua soo foi le atu mauga uma o Iuta-
 66 ia i le tala i nei mea uma. O i la-
 tou uma na faalogo ai ua mafaufau
 i ai, ua faapea ane, Pe iu ina faa-
 pefea lena tama? Ua ia te ia foi
 le aao o le Alii.
 67 Ua faatunuina Sakaria lona tamā
 i le Agaga Paia, ona perofeta ane ai
 68 lea o ia, ua faapea ane, Faafetai i le
 Alii le Atua o Isaraelu, ina ua asiati
 mai o ia, ma togiolaina lona nuu,
 69 ma ua faatuina le nifo o le olataga
 mo i tatou i le aiga o lana auaua o
 70 Tavita, (faapei ona fetalai mai e ia
 i fofoga o ana perofeta paia talu
 71 mai anamua,) o lo tatou olataga
 lava lea i e ua fai i tatou ma fili, ma
 lima o e ita mai uma lava ia te i ta-
 72 tou; i lona alofa i o tatou tamā, ma
 lona manatu mai i lana feagaiga
 73 paia; le tautoga na ia tauto ai ia
 74 Aperaaamo lo tatou tamā; e foai mai
 ina ia laveaiina i tatou mai lima o e
 ita mai, tatou te le fefefe ai, a e
 75 auaua ia te ia ma le paia ma le
 amiotonu i ona luma i aso uma o lo
 76 tatou ola. O oe foi le tama, e ta'ua
 oe o le perofeta a le Silisili ese, auā
 e te muamua atu i luma o le Alii e
 77 sauni i ona ala; e faailoa atu le

olataga i lona nuu i le faamagaloina
 o a latou agasala, ona ua mutimuti 78
 vale le alofa o lo tatou Atua, ua asi-
 asi mai ai le malamalama mai lugā,
 e faamalamalama ai i e nonofo i le 79
 pouliuli ma le ata o le oti, e ta'ita'i
 i o tatou vae i le ala o le manuia.

Ua tupu le tama, ma ua malosi 80
 lona loto; sa i le vao o ia, ua oo i le
 aso na faaalila ai o ia ia Isaraelu.

*O le poloaiga a Aokuso; o le fanau
 mai o Iesu.*

O ASO lava ia na oo mai ai le 2
 poloaiga a Kaisara Aokuso ia tusia
 uma ai le lalolagi. (Na faia lenei 2
 uluai tusi ina o pule Kurenio i Su-
 ria). Ua o uma atu foi i latou ia 3
 tusia, e taitasi i lana lava aai. Ua 4
 alu ae foi Iosefa mai Kalilaia, mai
 le aai o Nasareta, i Iutaia i le aai a
 Tavita, ua igoa ia Peteleema, auā o
 le aiga ia ma le gafa o Tavita, ia 5
 tusia faatasi ma Maria lana avā sa
 faufautane ia te ia, ua to o ia. Sa 6
 i ai i laua, ona oo lea i ona po e
 fanau ai o ia. Ua fanau e ia lana 7
 tama ulumatua, ua ia aui ia te ia i
 le ie, ma faataoto ia te ia i le fale
 povi, auā latou te le ofi i le fale e
 tali ai malo.

Sa i le vao o lea nuu leoleo ma- 8
 moe, sa nonofo ai ma leoleo po i lo
 latou lafu mamoe. Fautaua foi, ua 9
 tu mai ia i latou le agelu a le Alii,
 ua pupula faataaliolio mai foi ia te
 i latou le pupula o le Alii, ua matuā
 fefefe ai lava i latou. Ona fai mai 10
 lea o le agelu ia te i latou, Aua tou
 te matatau; auā faauta, ou te au
 mai ia te outou le tala lelei e olioli
 tele i le nuu uma; auā o le aso nei 11
 ua fanau ai i le aai a Tavita, lo ou-
 tou Faola, o le Alii ia o Keriso.
 O le faailoga lenei ia te outou, e 12
 iloa e outou le tama meamea ua aui
 i le ie, o loo taoto i le fale povi.
 Ona faafuasei lea ona faatasi mai 13
 ma le agelu o 'au mai le lagi e toa-
 tele, ua vivii i le Atua, ua faapea
 ane, O le viiga i le Atua i mea aupi- 14
 toaluga; ma le manuia i le lalolagi;
 o le finagalo alofa i tagata. Ua o i 15
 le lagi agelu sa ia i latou, ona fetau-
 talatala'i ai lea o leoleo mamoe, Ina
 tatou o ia i Peteleema, tatou te vaa-
 vaai i lenei mea ua faia, ua faailoa

- 16 mai ia te i tatou e le Alii. Ua latou faataalise atu, ona maua lea o Maria, ma Iosefa, ma le tama meamea o
17 taoto i le fale povi. Ua latou iloa, ona latou faailoa ai lea o le upu na ta'ua mai ia te i latou i lea tama.
18 O i latou uma e na faalogo ai, ua ofo i latou i mea ua ta'ua mai ia te i latou e leoleo mamoe. A o Maria ua taofi ia upu uma, ua mafaufau ai
20 lona loto. Ona foi mai lea o leoleo mamoe, o vivii ma faafetai i le Atua, ona o mea uma ua latou faalogo ai ma vaai i ai, pei ona ta'ua mai ia te i latou.
21 Ua oo i le aso valu e peritome ai le tama, ona faaigoaina ai lea o ia o Iesu, na faaigoa ai e le agelu a o lei
22 i le manava o lona tinā. Ua atoa ona aso o le faamamāina o ia, e tusa ma le tulafono a Mose, ona la au mai lea ia te ia i Ierusalemā, e
23 tuu atu ai i luma o le Alii; (pei ona tusia i le tulafono a le Alii, O tama tane ulumatua uma e taua i
24 latou e paia mo le Alii;) e avatu foi le taulaga, pei ona fai mai ai le tulafono a le Alii, O le uluga manutagi, po o tamai lupe e lua fua.
25 Faauta foi, sa i Ierusalemā le tagata e igoa ia Simeona; o le tagata amiotonu o ia ma le matafū i le Atua, sa faatalitali atu o ia i le faamafanafanaina o Israelu; ua i luga ia te ia le Agaga Paia. Ua iloa e ia i le Agaga Paia, e le oo ia te ia le oti seia muai iloa atu le Keriso o le
27 Alii. O le Agaga ua alu ai o ia i le malumalu; ua au mai le tama o Iesu e ona mātua, ia la faia ia te ia
28 faapei ona tatau i le tulafono, ona safaia lea e ia i ona lima, ua faafetai atu i le Atua, ua faapea atu,
29 Le Alii e, e te tuuina atu nei lau auauna ia alu ma le manuia pei o lau afioga; auā ua iloa e o'u mata
31 le faaalataga mai ia te oe, ua e saunia i luma o nuu uma lava; o le malamalama e faamalamalama a'i nuu ese, ma le mamalu o lou nuu o
33 Israelu. Ua ofo lava Iosefa ma lona tinā i mea ua ta'ua ia te ia.
34 Ua faamanuia atu Simeona ia te i laua, ua fai atu foi ia Maria lona tinā, Faauta, ua tuu le tama nei e pauu ai ma toe tutū ai tagata e toatele o i Israelu; e fai foi ma faa-
- iloga e faaleagaina; (e tūfia foi lou lava loto ia ati i le pelu), ina ia faaalia mai ai manatu o loto o tagata e toatele.
Sa i ai le perofeta fafine o Ana, o le afafine o Fanuelu o le itu aiga o Asera, ua loomatua ia, sa la nonofa ma lana tane talu ina o taupou, ua oo i lona fitu o tausaga. O ia foi le fafine nofo fua, pe atoa ona tausaga e valugafulu ma le fa, e lei alu ese ia i le malumalu, a ua auauna o ia i le Atua i anapogi ma talosaga i le ao ma le po. O lea lava itu aso, ua sau ai o ia, ua faafetai atu i le Alii, ma tautala ia te ia i tagata uma lava e na faatali atu i le togiola i Ierusalemā.
Ua uma ona faia e i laua o mea uma e tatau i le tulafono a le Alii, ona foi atu lea i Kalilaia, i la laua aai o Nasareta. Ua tupu le tama, ma ua malosilona loto, ua tumu i le poto; ua ia te ia foi le alofa o le Atua.
Ua o i Ierusalemā ona mātua i lea tausaga, ma lea tausaga i le tausamiga o le paseka. Ua oo i ona tausaga e sefulu ma le lua, ona o ae lea o i latou i Ierusalemā, e tusa ma le tu o le tausamiga. Ua mavae ona aso, ona foi mai lea o i laua, a ua nofo le tama o Iesu i Ierusalemā, a e lei iloa e Iosefa ma lona tinā. Fa te i laua o i le au malaga o ia; ua la po tasi i le ala, ona la saili lea ia te ia i lo la aiga ma e na latou masani. Ua le iloa o ia, ona la foi atu lea i Ierusalemā, o saili ia te ia. Ua mavae aso e tolu, ona la maua ai lea o ia i le malumalu o nofo i totonu o le au a'oa'o, o loo faalogo iloga ia te i latou, ma taufesili ia te i latou. Ua matuā ofo uma lava e na faalogo ia te ia i lona poto ma ana upu e tali. Ua la ofo ina ua iloa atu o ia e i laua; ona fai ane lea o lona tinā ia te ia, La'u tama e se a le mea ua e faapea mai ai ia te i maua? Faauta, o i maua ma lou tamā sa ma saili lava ia te oe ma le tiga. Ona fai atu lea o ia ia te i laua, Se a ea le mea na oulua saili mai ai ia te au? lua te le iloa ea e tatau ona ou i le fale o lo'u Tamā? A ua le lagona e i laua le upu ua fai mai ai o ia ia te i laua. Ua latou o

ifo ma i laua, ua oo i Nasareta, ua anaana o ia ia te i laua; a o lona tinā ua taofi ia mea uma i lona loto. 52 Ua tupu le poto ma le tino o Iesu, ua alofagia o ia e le Atua atoa ma tagata.

O le talatiga a Ioane, ma lana papatisoga.

- 3 O LE tausaga e tasi le sefulu ma le lima i le nofoaiga a Tiperio Kaisara, sa pule Ponotio Pilato i Iutaia, o Herota foi o le tupu ia o Kalilaia, ma Filipino lona uso o le tupu ia o Ituraia ma le nuu o Terekoniti, o Lusanio foi o le tupu ia o Apilene; 2 o Ana ma Kaiafa o faitaulaga sili i laua, ua oo ane ai le afiga a le Atua ia Ioane le atalii o Sakaria i le vao. 3 Ona alu atu ai lea o ia i le itu uma o Ioritana, ua tala'i atu le papatisoga o le salamo ina ia faamagaloina 4 agasala. Pei ona tusia i le tusi o upu a Isaia le perofeta, ua faapea mai, O le leo o le ua alaga i le vao, ina teuteu ia outou le ala o le Alii, 5 ia faalaulelei ona ala. E faatumuina o vanu uma, e faamaulaloina foi mauga ma mea maupuepue uma; e faasa'oina foi o mea piopio, ma mea gaoa e *fai* ma ala laulelei ia. 6 E vaaiā foi e tagata uma le faalagataga mai le Atua. Ua fai atu ia i le motu o tagata e na o mai e papatisoina e ia, fanau a gata faai e, o ai ea na na faaali atu ia te outou e 8 sosola ese i le toasa atali? Ia outou fua mai ni fua e tatau ma le salamo, a e aua tou te faapea ifo i o outou loto, O Aperaamo, o ia o lo matou tamā; auā ou te fai atu ia te outou, e mafaia lava e le Atua ona faatupuina mai i nei maa ni fanau mā 9 Aperaamo. O loo tuu nei foi le mātāu i tafu'e o laau; o laau uma foi e le fua mai i fua lelei, e taia ma lafoina i le afi. Ua fesili mai le motu o tagata ia te ia, ua faapea mai, Se a foi se mea matou te faia? 11 Ua tali atu ia, ua faapea atu ia te i latou, O le tagata e lua ona ofu tino, ia avane ia te ia e leai sona ofu; o le ua ia te ia mea e 'ai, ia 12 faapea foi ona fai. Ua o mai foi telona ia papatisoina, ua faapea mai ia te ia, Le a'oa'o e, se a se mea 13 matou te faia? Ona faapea atu

lea o ia ia te i latou, Aua tou te faasili i mea ua totogi mai ia te outou. Ua fesili foi ia te ia tagata 14 tau, ua faapea mai, Se a foi se mea matou te faia? Ona faapea atu lea o ia ia te i latou, Aua tou te faasaua i se tasi, aua tou te tuua'i fua se tasi; ia outou tali filemu i lo outou tau.

O loo faatalitali le nuu, ma manatunatu uma lava i o latou loto ia Ioane, po o ia le Keriso; ua tali 16 atu Ioane ia te i latou uma, ua faapea atu, O a'u nei lē papatiso atu ia te outou i le vai, a o lē maliu mai, e silisili o ia ia te au, e le aoga a'u ona tatala le nonoa o ona seevae; o ia lava na te papatiso ia te outou i le Agaga Paia ma le afi. O i lona 17 aao lana asu, e faamamā ai e ia lana faaputugāsaito; e faapotopoto foi e ia le saito i lona fale saito, a e susu-nuina le otaota o saito i le afi e le matineia. O isi foi upu faamafanafana e tele ua ia folafola ai le tala 18 lelei lelei i le nuu. A ua aoaiina le tupu o Herota e ia, ona o Herotia le avā a lona uso o Filipino, atoa foi ma mea leaga uma na faia e Herota; ua na faaopoopoina lenei mea i mea 20 uma, ua tuuina atu e ia o Ioane i le fale puipui.

Ua papatisoina le nuu uma, ona 21 papatisoina ai lea o Iesu, ua tatalo ia, ona faaavanoaina ai lea o le lagi, ona afio ifo lea o le Agaga Paia i 22 ona luga, ua tino mai e peiseai se lupe, ua oo mai foi le siufofoga mai le lagi, ua faapea mai, O lo'u Atalii pele oe, ua ou fiafia lava ia te oe. O Iesu foi, ua faatoa oo i le tolugafulu o ona tausaga, ua manatu foi 23 tagata, o ia le atalii o Iosefa, o le atalii ia o Heli, o le atalii ia o 24 Matata, o le atalii ia o Levi, o le atalii ia o Meleki, o le atalii ia o Iana, o le atalii ia o Iosefa, o le 25 atalii ia o Matatia, o le atalii ia o Amosa, o le atalii ia o Nauma, o le atalii ia o Eseli, o le atalii ia o Nagae, o le atalii ia o Maato, o le 26 atalii ia o Matatia, o le atalii ia o Semei, o le atalii ia o Iosefa, o le atalii ia o Iuta, o le atalii ia o 27 Ioana, o le atalii ia o Resa, o le atalii ia o Serupapelu, o le atalii ia o Salatielu, o le atalii ia o Neri,

28 o le *atalii* ia o Meleki, o le *atalii* ia
o Ati, o le *atalii* ia o Kosamo, o le
atalii ia o Elemotamo, o le *atalii* ia o
29 Eru, o le *atalii* ia o Iose, o le *atalii*
ia o Elisara, o le *atalii* ia o Iorimo,
o le *atalii* ia o Matata, o le *atalii* ia
30 o Levi, o le *atalii* ia o Simeona, o
le *atalii* ia o Iuta, o le *atalii* ia o
Iosefa, o le *atalii* ia o Ionano, o le
31 *atalii* ia o Eliakimo, o le *atalii* ia o
Melea, o le *atalii* ia o Mainano, o
le *atalii* ia o Matata, o le *atalii* ia o
32 Natano, o le *atalii* ia o Tavita, o le
atalii ia o Iese, o le *atalii* ia o
Opetā, o le *atalii* ia o Poasa, o le
atalii ia o Salemona, o le *atalii* ia
33 o Naasona, o le *atalii* ia o Aminā-
tapu, o le *atalii* ia o Arama, o le
atalii ia o Eseroma, o le *atalii* ia o
34 Faresa, o le *atalii* ia o Iuta, o le
atalii ia o Iakopo, o le *atalii* ia o
Isaako, o le *atalii* ia o Aperāamo, o
le *atalii* ia o Tara, o le *atalii* ia o
35 Nakori, o le *atalii* ia o Scruka, o le
atalii ia o Reu, o le *atalii* ia o
Peleko, o le *atalii* ia o Eperu, o le
36 *atalii* ia o Sela, o le *atalii* ia o
Kainano, o le *atalii* ia o Afasata, o
le *atalii* ia o Semu, o le *atalii* ia o
37 Noa, o le *atalii* ia o Iameko, o le
atalii ia o Metusela, o le *atalii* ia o
Enoka, o le *atalii* ia o Iareto, o le
atalii ia o Maalaelu, o le *atalii* ia o
38 Kainano, o le *atalii* ia o Enosa, o le
atalii ia o Setu, o le *atalii* ia o
Atamu, o le *atalii* ia o le Atua.

*O le faaososoina o Iesu, ma lona
manumalo i le tiapalo.*

4 UA foi ae Iesu mai Ioritana, ua
tumu o ia i le Agaga Paia, ona ave
2 lea o ia e le Agaga i le vao, ua faa-
ososoina e le tiapolo i aso e faga-
fulu. O aso lava ia e lei taumafa
ai e ia sina mea e tasi; ua mavae ia
aso, mulimuli ane ona fia taumafa
3 ai lea o ia. Ona fai mai lea o le
tiapolo ia te ia, Afai o oe le Alo o
le Atua, ina fetalai ane ia i lenei
4 maa ia liu areto. Ona tali atu lea
o Iesu ia te ia, ua faapea atu, Ua
tusia, E le na o mea e 'ai e ola ai le
tagata, a o afiga uma a le Atua.
5 Ona aveina ae lea o ia e le tiapolo i
le mauga maualuga, ma faaali ia te
ia malo uma o le lalolagi, ua se emo
6 lava. Ona fai mai lea o le tiapolo

ia te ia, Ou te avatua ia te oe lenei
pule uma, ma lo latou mamalu; auā
ua tuuina mai ia te au, ou te avatu
ai foi i lē ou te manao i ai; o lenei, 7
afai e te ifo mai ia te au, e fai ma
au nei mea uma. Ona tali atu lea 8
o Iesu, ua faapea atu ia te ia, Satani
e, ina alu ese ia oe i o'u tua; auā
ua tusia, E te ifo i le Alii lou Atua,
ua na o ia lava e te auaina i ai.
Ona ave ai lea o ia ia te ia i Ieru- 9
salema, ua faatu ia te ia i le tumu-
tumu o le malumalu, ona fai mai
lea o ia ia te ia, Afai o oe le Alo o
le Atua, ina oso ia oe i lalo i le mea
nei; auā ua tusia, E poloa'i o ia i 10
ana agelu ia te oe, e tausi ia te oe;
latou te ave ia te oe i o latou lima, 11
ne'i tū'ia lou vae i se maa. Ona 12
tali atu lea o Iesu, ua faapea atu ia
te ia, O loo faapea le upu, Aua e te
tofotofo i le Alii lou Atua. Ua faa- 13
uma e le tiapolo le tofotofoga uma,
ona alu ese ai lea ia te ia seia i se
aso.

Ona foi atu lea o Iesu i le mana 14
o le Agaga i Kalilaia; ua logo atu
foi le tala ia te ia ua soo ai lava le
itu uma. Ua a'oa'oa ia i o latou su- 15
nako, ua viia ai o ia e tagata uma.
Ua oo foi o ia i Nasareta, na tupu ai 16
o ia, ona ulufale lea o ia i le sunako
i le aso sapatī, o lana masani lea;
ua tu i luga foi e faitau. Ua tuuina 17
mai ia te ia le Tusi a le perofeta o
Isaia. Ona fofola lea e ia le Tusi,
ona maua ai lea o le mea ua tusia ai
lenei upu. Ua i o'u luga le Agaga o 18
le Alii, auā ua na faauu mai ia te au
e folafola le tala lelei i e matitiva;
ua auina mai a'u e ia e faamalolo i
e loto momomo, e tala'i le saolotoga
i le tafeaga, ma ia pupula mata o e
tauasō, e tuu saoloto i e ua faasaua- 19
ina, e tala'i le tausaga e finagalo
malie mai ai le Alii. Ua taai e ia le 20
Tusi, ona tuu atu ai lea i le auaina,
ua nofo i lalo; ona pulatoa mai lea
ia te ia o mata o tagata uma i le
sunako. Ona amata lea ona fetalai 21
atu o ia ia te i latou, O le aso nei ua
taunu ai lenei Tusi, o outou o faa-
alogologo ai. Ua latou vivii uma ia 22
te ia, ua ofo foi i upu alofa na pa'i
mai lona fofoga; ma ua latou fai
ane, E le o le *atalii* ea lenei o Iose-
fa? Ona fetalai atu lea o ia ia te i 23

- latou, E fai mai lava e outou lenei upu faatusa ia te au, Le fomai e, ina faamalolo ia oe ia te oe; o mea uma na faia i Kapanaumi, na matou faalogo i ai, ia e faia foi iinei i lou nuu
24 moni. Ua fetalai atu ia, E moni, ou te fai atu ia te outou, E le talia
25 se perofeta i lona nuu moni. E moni, ou te fai atu ia te outou; sa i Isaraelu i ona po o Elia, o fafine e toatele ai oti a latou tane, na punitia ai le lagi i tausaga e tolu ma masina e ono, ua oge tele ai le nuu
26 uma. A e lei auina atu Elia i so latou, ua na o Sarefata le aai o Saitonu, i le fafine ua oti lana tane.
27 Sa i Isaraelu foi lepela e toatele i ona po o le perofeta o Elisaia; a e lei faamamaina so latou, ua na o
28 Naamanu lava le Suria. Ua faalogo i latou uma ua i le sunako i nei mea, ona liliau ai lea o i latou. Ua latou
29 tutū mai, ma tuli ia te ia i tua o le aai, ua ta'ita'i foi ia te ia i le tofē o le mauga ua tu ai la latou aai, ina ia
30 latou faatito ifo ia te ia. A ua savali ane ia i o latou va, ua maliu ese.
31 Ona maliu ifo lea o ia i Kapanaumi, o le aai o Kalilaia; ua a'oa'o o ia ia te i latou i sapatī. Ua matuā
32 ofo i latou i lana mataupu; auā o lana fetalaiga ua i ai le pule. Sa i le sunako o le tagata ua i ai le agaga
33 o le temoni leaga; ua alaga mai foi o ia, ua leo tele, ua faapea mai, Aue! Iesu e, le Nasareta, se a ea lau na ia te i matou? Ua e maliu
34 mai ea ia fanoia i matou? Ua ou iloa oe, o le Paia oe o le Atua. Ona
35 vavao lea o Iesu ia te ia, ua faapea atu, Ina faalologo ia, ma ē alu i fafo nai ia te ia. Ona lafo i lalo lea o le temoni ia te ia i o latou luma; ona
36 alu lea i fafo ia te ia, ua le afaina lava ia. Ona ofo lea o i latou uma, ua fetautalatala'i foi, ua faapea ane,
37 O le a lenei mataupu? auā o le pule ma le mana ua fetalai atu ai o ia i agaga leaga, ona latou o ese lea i fafo.
38 Ona logo atu lava lea o le tala ia te ia i mea uma o lea itu.
39 Ua tuua e ia le sunako, a e ulu atu i le fale o Simona. Ua maua le tinā o le avā a Simona e le ma'i vevē, ua tele; ua latou faatoga atu ia te ia mo ia. Ona tu lea o ia i ona tafatafa, ua vavao le ma'i vevē, ona mavae ai lea; ona tulai
40 loa lea o ia, ua auaina ia te i latou. O i latou uma sa i ai tagata e maimai i ma'i esee, ua latou aumaia i latou ia te ia i le goto o le la; ua
41 pa'ipa'i tasi atu ona aao ia te i latou, ma faamalolo ia te i latou. Ua o atu foi temoni i fafo i e toatele, o alalaga, ua faapea mai, O oe lava le Keriso, le Alo o le Atua. Ona vavao lea o ia ia te i latou, ua ia le mafai ona latou tautala; auā ua latou iloa o ia o le Keriso.
42 Ua ao, ona ulufafo lea o ia, ua maliu atu i le mea tuufua; ua saili foi ia te ia le motu o tagata, ona o mai ai lea ia te ia, ma taofi ia te ia, ina ia le maliu ese o ia ia te i latou.
43 A ua fetalai atu ia ia te i latou, E tatau ona ou folafola le tala lelei o le malo o le Atua i nisi aai foi; auā o le mea lea na auina mai ai a'u. Ona tala'i atu lea o ia i sunako o
44 Kalilaia.
Ua a'oa'o Iesu mai luga o le vaa o Peteru.
45 Ua tu o ia i le auvai o le vai o Kenesareta, ua fetuleni mai foi le motu o tagata ia te ia e faalogologo i le afiga a le Atua. Ona silafia lea
46 i le vaa e lua ua talanai i le auvai, a ua o ese ai le au faiva, ua ta o latou upega. Ona maliu ae lea o ia i le tasi vaa, o le vaa lea o Simona, ma
47 faatoga atu ia te ia ia faaitiiti atu le vaa nai le auvai. Ona nofo lea o ia i lalo, ma a'oa'o atu nai le vaa i le motu o tagata. Ua uma lana
48 lauga, ona fetalai atu lea o ia ia Simona, Ina tuutuu atu ia i le loloto, ma tuu ifo ai o outou upega e maua ai ni i'a. Ua tali mai Simona,
49 ua faapea mai ia te ia, Le Alii e, ua atoa le po ua tigaina ai i matou, e leai ni mea ua maua; a ona o lau fetalaiga ou te tuu ifo ai le upega.
50 Ua uma ona latou faia o lea mea, ona latou siomia lea o le au i'a tele lava, ua māsae ai lo latou upega.
51 Ua latou genogeno atu i o latou o i le tasi vaa, e o mai e fesoascani ia te i latou; ona latou o mai lea, ua faatumu e i latou vaa uma e lua, ua tāli gogoto ai. Ua iloa e Simona
52 Peteru, ona faapaū lea o ia i tulivae o Iesu, ua faapea mai, Le Alii e, ina

- malii ese atu ia oe ia te au, auā o
 9 a'u le tagata agasala. Auā ua ofo
 o ia atoa ma i latou uma sa ia te ia,
 10 auā o le au i'a ua latou maua; ua
 faapea foi Iakopo ma Ioane, o atalii
 o Sepetaio, o i latou ua fai *faiva*
 faatasi ma Simona. Ona fetalai atu
 lea o Iesu ia Simona, Aua e te fefe,
 e amata i nei ona po ona e maua
 11 tagata. Ua tūta o latou vaa, ona
 latou tuu ai lea o mea uma, a e
 mulimuli atu ia te ia.
- 12 Sa i le tasi aai o ia, faauta o le
 tagata ua liloia i le lepela; ua iloa
 atu e ia o Iesu, ona faapaū fao ai
 lea o ia, ma aioi mai ia te ia, ua
 faapea mai, Le Alii e, a e finagalo i
 ai, e mafai lava ia te oe ona faa-
 13 mamā ia te au. Ona aapa atu lea
 e ia lona aao, ua pa'i atu ia te ia, ua
 faapea atu, Ou te loto i ai; ia ma-
 mā oe. Ona te'a ese loa lava lea o
 14 le ma'i lepela ia te ia. Ona fetalai
 atu lea o ia ia te ia, Aua le ta'u atu
 i se tasi; a ia e alu, ma faaali oe i
 le faitaulaga, ma avatu mo lou faa-
 mamāina e tusa ma le poloaiga a
 Mose, e fai ma faailoga ia te i latou.
- 15 A ua atili ai ona logo atu le tala ia
 te ia. Ona faapotopoto mai lea o
 le motu o tagata e toatele e faa-
 logologo ia te ia, ma ia faamalolo-
 16 ina e ia o latou ma'i. A ua malii
 ia i le mea tuufua ua tatalo ai.
- 17 Sa a'oa'o atu ia i le tasi aso, ua
 nonofo mai ai faresaio ma a'oa'o o
 le tulafono, e na o mai mai faoa
 aai uma o Kalilaia, ma Iutaia, ma
 Ierusalema; ua i ai foi le mana o le
 18 Alii e faamalolo ia te i latou. Faa-
 uta foi, o tagata o loo fata mai i le
 moega le tagata ua ma'i i le supa;
 ua latou mananao ina ia au mai ia
 19 te ia, ma tuu ifo i ona luma. A e
 lei iloa e i la'ou se mea e au mai ai
 ia te ia, ona o le motu o tagata, ona
 o ae lea o i latou i luga o le fale, ua
 tuutuu ifo ia te ia ma lona moega i
 20 ma omea o le fale i totonu i luma
 o Iesu. Ua silafia e ia lo latou faa-
 tuatua, ona fetalai atu lea o ia ia te
 ia, Sole, ua faamagaloina au agasala.
- 21 Ona manatunatu lea o le au tusiupu
 ma le au faresaio, ua faapea ane, O
 ai ea leni ua na upu leaga i le
 Atua? O ai na te mafaia ona faa-
 magaloina agasala, ua na o le Atua
- lava? Ua silafia e Iesu o latou 22
 manatunatu, ona tali atu ai lea o ia,
 ua faapea atu ia te i latou, Se a le
 mea tou te manatunatu ai i o outou
 loto? Po o le fea le faigofie? po o 23
 le fai atu, Ua faamagaloina au aga-
 sala; po o le fai atu, Tulai ia, ina
 savali? A e peitai ina ia iloa ai e 24
 outou o i le Atalii o le tagata le pule
 i le lalolagi e faamagalo ai agasala,
 (ua fetalai atu ia i le supa,) Ou te
 fai atu ia te oe, Tulai ia, ina ave lou
 moega, ma e alu i lou fale. Ona 25
 tulai loa lea o ia i o latou luma, ua
 ave le mea na taoto ai o ia, ona alu
 ai lea i lona fale, ua vivii atu i le
 Atua. Ua matuā ofo i latou uma, 26
 ma vivii atu i le Atua; ua latou
 matuā fefefe foi, ua faapea ane, Ua
 fāi ese na mea ua tatou iloa i le aso
 nei.
- Ua mavae ia mea, ona ulufafo ai 27
 lea o ia, ua silafia e ia le telona e
 igoa ia Levi, ua nofo i le fale o tali
 ai taulaga; ona faapea atu lea ia te
 ia, Ina mulimuli mai ia ia te au.
 Ona tuua lea e ia o mea uma, ua 28
 tulai ma mulimuli ia te ia. Ua faia
 foi e Levi le faigaai tele māna i lona
 fale; sa i ai telona o toatele lava,
 ma isi tagata e na taoto o aai faa-
 29 tasi ma i latou. A o latou tusiupu
 ma faresaio, ua latou muimui i ona
 soo, ua faapea atu, Se a le mea tou
 te aai ai ma feinu ai faatasi ma le
 au telona ma e ua agasala? Ua tali 31
 atu Iesu, ua faapea atu ia te i latou,
 O e malolo e le aoga i ai le fomai,
 na o e mamai. Ou te lei sau e 32
 valaau i e ua amiotonu, a o e ua
 agasala, ina ia latou salamo.
- Ua latou fai mai ia te ia, Se a le 33
 mea e anapopogi soo ai, ma tatalo
 ai le au soo o Ioane, ua faapea foi
 ma soo o le au faresaio, peitai ou
 34 soo, ua latou aai ma inu? Ona fetala
 i ai lea o ia ia te i latou, E
 mafai ea ona anapopogi o aumea a
 le faatoafaiavā, ina o ia te i latou le
 faatoafaiavā? A e co mai ona po e 35
 aveeseina ai ia te i latou le faa-
 toafaiavā, o ona po ia latou te
 anapopogi ai. Ua fetalai atu foi o 36
 ia ia te i latou i le faataoto, E leni
 se tagata na te fonoa le matuā ofu
 i le fasi ie o le ofu fou; a fa pea,
 ona masae lea i le mea fou, e le

tusa foi le fasi ie fou ma le mea
 37 pala. E leai foi se tasi na te utufia
 le uaina fou i fagu pa'u tuai; a
 faapea, ona pa ai lea o fagu pa'u i
 le uaina fou, ona masaa ai lea, e
 38 māumau foi fagu pa'u. A e peitai
 e utufia le uaina fou i fagu pa'u fou,
 39 ona faatau saogalemu ai lea. E
 leai foi se tagata e inu i le uaina
 tuai, ona manao loa lea i le uaina
 fou; auā ua fai mai o ia, Ua lelei le
 uaina tuai.

*Ua aoi Iesu i le au faresaio i lo
 latou valea i le uiga o le sapati.*

- 6 O LE sapati e tuaoi ma le aso
 muamua, ua savali ai o ia i tosaito;
 ona ooti ai lea e ona soo o 'au saito,
 ua mili ai i o latou lima, ma aai ai.
 2 Ona fai mai lea ia te i latou o isi o
 le au faresaio, Se a le mea tou te fai
 ai le mea e sa ona fai i le sapati?
 3 Ua tali atu Iesu, ua faapea atu ia te
 i latou, E lei faitau ea e outou le
 mea na faia e Tavita, ina ua fia 'ai
 4 o ia, atoa ma lana au malaga; ina
 ua ulu atu ia i le fale o le Atua, ma
 ua talia areto e laulauina i luma, ua
 'ai ai, ma avane i lana au malaga, e
 sa ona 'ai ai, uana o le au faitaulaga
 5 lava? Ua fetalai atu foi o ia ia te i
 latou, O le Atalii o le tagata, o le
 Alii lea o le sapati.
 6 O le tasi sapati foi ua ulu ai o ia i
 le sunako, ma a'oa'o atu; sa i ai le
 tagata ua gase lona lima taumatau.
 7 Ua lamalama ia te ia le au tusiupu
 ma le au faresaio, pe faamalolo e ia
 i le sapati, ina ia latou maua se mea
 8 e momoli ai o ia. A ua silafia e ia lo
 latou manatunatu, ona fetalai atu
 lea i le tagata ua gase lona lima,
 Ina tulai ia, ma tu mai i totou.
 9 Ona tulai loa o ia, ua tu mai. Ona
 fetalai atu lea o Iesu ia te i latou,
 Ou te fesili atu ia te outou i le mea
 e tasi, Pe tatau ea i le sapati ona
 agalelei, pe agaleaga? po o le faaola,
 10 po o le fasioti? Ua silasila solo o
 ia ia te i latou uma, ona fetalai atu
 lea i le tagata, Ina faaloaloa ia lou
 lima; ona faapea ai lea o ia; ona
 toe lelei ai lea o lona lima, e pei o
 11 le tasi. Ona matuā ita ai lea o i
 latou, ua fetautalatala'i i se mea
 latou te faia ia Iesu.
 12 O aso lava ia ua maluu ae ai o ia i
 le mauga e tatalo; ua aoina lana
 tatalo i le Atua. Ua ao foi, ona
 13 valaau atu lea o ia i ona soo, ua
 filifilia e ia ni o latou e toasefulu
 ma le toaula, ua faaigoa foi i latou
 e ia o aposetolo; o Simona, ua ia
 14 faaigoa atu foi ia te ia o Peteru, ma
 Aneterea lona uso, o Iakopo ma
 Ioane, o Filipo ma Patolomaio, o
 15 Mataio ma Toma, o Iakopo le atalii
 o Alefaio ma Simona ua igoa ia
 Selote, o Iuta foi le uso o Iakopo ma
 16 Iuta le Sekara, o ia lē faalata. Ua
 17 maluu ifo o ia faatasi mai i latou,
 ona tu lea o ia i le mea laugatasi,
 ma ona soo e toatele, ma le motu o
 tagata e toatele, mai Iutaia uma,
 ma Ierusalem, ma le itu i tai o
 Turo ma Saitonu, ua latou o mai e
 faalogologo ia te ia, ma ia faamalo-
 18 loina o latou ma'i; o ena tigaina foi
 i agaga leaga, ua faamaloloina foi i
 latou. Ua tausisi le motu o tagata
 19 uma e pa'i atu ia te ia; auā ua alu
 ane le mana nai ia te ia, ua faamalo-
 loina ai i latou uma.
 Ua silasila atu ia i ona soo, ma
 20 fetalai atu, Amuia outou e matitiva;
 auā e o outou le malo o le Atua.
 Amuia outou e fia aai nei; auā e
 21 maona outou. Amuia outou e tagi
 nei; aua e featani outou. Amuia
 22 outou pe a itagia outou e tagata, pe
 a faateaeeseina foi outou, ma faa-
 leagaina e i latou, ma lafoaina lo
 outou igoa, pei o se mea leaga, ona
 o le Atalii o le tagata. Ia outou
 23 olioli i lea aso, ma ia outou osooso
 ma le fiafia; auā faauta, o i le lagi
 lo outou tauu ua tele; auā sa faa-
 pea ona fai e o latou tamā i perofeta.
 A e peitai oi talofa ia te outou
 24 o e mauoa! auā ua outou maua lo
 outou lelei. Oi talofa ia te outou e
 25 ua maona! auā e fia aai outou.
 Oi talofa ia te outou o e featani
 nei! auā e faanoanoa outou, ma
 fetagisi. Oi talofa ia te outou pe a
 26 tautala lelei tagata uma ia te outou!
 auā sa faapea lava ona fai e o latou
 tamā i perofeta pepelo.
 A ou te fai atu ia te outou o e
 27 faalogo mai, Ia alofa atu i e o fai
 outou mo latou fili; ia agalelei atu
 i e ita mai ia te outou, ia outou
 28 faamanuia atu i e fetuu mai ia te
 outou, ia outou tatalo foi mo e

29 tuua'i fua mai ia te outou ; o lē po
ia te oe i le tasi alafau, ina liliu atu
i ai le tasi ; o lē ave ese lou ofu
tele, aua e te vaoia atu foi lou ofu
30 tino. Ina avatu ia i tagata uma o e
ole mai ia te oe ; o lē fao i au mea,
31 aua e te toe aamiina atu. Pei ona
outou loto i tagata ona ia latou
faia ia te outou, ia faapea lava ona
32 outou faia ia te i latou. Pe afai tou
te alofa atu i e alolofa mai ia te
outou, pe se a ea se faafetai ia te
outou i *lea mea*? auā ua alolofa atu
ē agasala i e alolofa mai ia te i latou.
33 Pe afai foi tou te agalelei atu i e
agalelei mai ia te outou, se a ea se
faafetai ia te outou i *lea mea*? auā
ua faia lea lava mea e ua agasala.
34 Pe afai tou te avatu tupe i o nono
mai, ma outou faamoemoe i ai e
toe maua mai ai, se a ea se faafetai
ia te outou i *lea mea*? auā e avatu
e tagata agasala tupe e nonoina e
tagata agasala ina ia latou maua
35 mai sona faatusa. Peitai outou, ia
outou alolofa atu i e o fai outou mo
latou fili, ma ia agalelei atu, ma ia
avatu tupe e nonoina, aua le faa-
moemoe i se mea e tasi e au mai ; e
tele ai so outou totogi, e avea foi
outou ma fanau a le Silisili ese ; auā
o ia le agamalu i e agavale, atoa ma
36 e amio leaga. O lenei, ia mutimuti
vale lo outou alofa, pei ona alofa
mutimuti vale o lo outou Tamā.
37 Aua tou te faamasino atu, ona le
faamasinoina mai ai lea o outou ;
aua tou te faasala, ona le faasalaina
mai ai lea o outou ; ia outou faa-
magaloina atu, e faamagaloina mai
38 ai outou. Ia outou foai atu, e
foaiina mai ai ia te outou ; e foai
mai e i latou i lo outou lava ie pulu-
pulu le fua lelei, e lolomi ma luluina,
e tumu ma solo i tua. Auā o le fua
tou te fuaina atu ai, e fuaina mai ai
ia te outou.
39 Ua fetalai atu ia le faataoto ia te
i latou, E mafai ea le tauaso ona
ta'ita'i i le tauaso? Ia te le pauu
40 uma lava ea i le utu? E le sili le
soo i lona a'oa'o, a ua taitais ma
faapei o lona a'oa'o o e ua atoatoa
41 ona lelei. Se a le mea e te vaai atu
ai i si fasi laau i le mata o lou uso,
a e le iloa e oe le utupoto i lou lava
42 mata? Pe mafai faapefea ona e fai

atu i lou uso, Lo'u uso e, ina tuu
mai ia so'u eu ese le fasi laau i lou
mata, a e le iloa e oe le utupoto
i lou lava mata? O oe na le pe-
pelo, ia e muai tiai le utupoto i lou
mata, ona e iloa lelei ai lea e e
ese le fasi laau i le mata o lou uso.
E leai foi se laau lelei e fua mai i
fua leaga ; e leai foi se laau leaga e
fua mai i fua lelei. Auā o laau tai-
tasi ma lona lava fua e iloa ai ; auā
e le tau e tagata fua o le mati i
laau tuitui, latou te le tau foi se
fuifui vine i le laau talatala. Ua
43 au mai mea lelei e le tagata amio
lelei i mea lelei ua teu i lona loto ;
o le tagata amio leaga foi ua au
mai e ia mea leaga i mea leaga ua
teu i lona loto ; auā o le tele o mea
i le loto e tautala mai ai lona gutu.
Se a ea le mea e ta'ua ai a'u e ou-
44 tou, Le Alii e, le Alii e, a e tou te
le faia mea ou te fai atu ai? O sē
45 sau ia te au ma faalogo i a'u upu,
ma faia e ia, ou te faailoa atu ia te
outou le ua tusa i ai o ia. E tusa
46 ia ma le tagata ua fai lona fale, ua
ia cli maualalo, ua tuu le faavae i
luga o le papa ; ona sau ai lea o le
tafe, ua fafati mai le vaitafe i lea
fale, ua le magaoi ai lava ; auā ua
faavaeina i luga o le papa. A o lē
47 faalogo, a e le faia, e tusa ia ma le
tagata ua fai lona fale i luga o le
eleele, e leai sona faavae ; ua fafati
mai i ai le vaitafe, ona paū loa lea,
ona matuā nutipalaina lea o lea
fale.

*Ua faamalolo e Iesu le auaua a le
alii o le toaselau.*

UA faauma e ia ana fetalaiiga
uma, o faalogo ai le nuu, ona malii
48 ai lea o ia i Kapanaumi. Ua ma'i
le auaua a le tasi ta'ita'i o le toa-
selau, sa faapelepeleina e ia, ua tāli
oti. Ua faalogo o ia ia Iesu, ona
49 auina mai lea e ia o toecaina o Iutaia
e aioi mai ia te ia ina ia malii atu
ma faacila lana auaua. Ua latou o
mai ia Iesu, ona latou matuā faa-
toga mai lea ia te ia, ua faapea mai,
Ua aoga o ia e te fai ai le mea nei ;
auā ua alofa mai o ia i lo tatou nuu,
50 ua na faia foi le sunako mo i ma-
tou. Ona malii atu ai lea o Iesu
51 ma i latou ; ua latalata ia i le fale,

- ona auina mai lea e le ta'ita'i o le
toaselau o ana uo ia te ia, ua faapea
mai ia te ia, Le Alii e, aua ne'i faa-
lavelaveina oe; auā ou te le aoga
7 ina ia ulu mai oe i lo'u fale. O lea
foi na ou manatu ai ou te le aoga
ona ou alu atu ia te oe; a ia oo mai
sau fetalai, e faamaloloina ai la'u
8 auauna. Auā o a'u foi le tagata ua
pule i ai le tasi, ua ou pule foi i le
'au tau; a a'u fai atu i se tasi, Ina
alu ia, ona alu ai lea; ma le tasi,
Ina sau ia, ona sau ai lea; ma la'u
auna, Ina faia lenei mea, ona
9 fai ai lea. Ua faafofoga Iesu i nei
mea, ona ofo ai lea ia te ia; ua
fāliu o ia, ma fetalai atu i le motu
o tagata e ua mulimuli mai ia te ia,
Ou te fai atu ia te outou, ou te lei
iloa ia Isaraelu lava se faatuatua e
10 faapena ona tele. O e na auina
mai ua foi atu i le fale, ona iloa lea
e i latou o le auauna sa ma'i, ua
malolo.
- 11 O le taeao ua malui ai o ia i le
aai, o Naina le igoa, ua o faatasi
ma ia ona soo e toatele, ma le motu
12 o tagata e toatele. Ua latalata ia i
le faitotoa o le aai, faauta foi, ua
fata mai le tagata oti, o le tama e
toatasi o ia a lona tinā, o ia foi le
fafine ua oti lava tane; ua ia te ia
13 foi tagata o le aai e toatele. Ua
silasila atu le Alii ia te ia, ona muti-
muti alofa lea o ia ia te ia, ua fetai
14 ai atu ia te ia, Aua e te tagi. Ua
malui ane ia, ua pa'i atu i le fata;
ona tutū mai ai lea o le au fata,
ona fetalai atu lea o ia, Le taulealea
e, ou te fai atu ia te oe, Ina tulai ia.
- 15 Ona nofo ai lea i luga o le na oti,
ua tautala; ona ia tuuina atu lea o
16 ia i lona tinā. Ua oo le mata'u ia
te i latou uma, ua latou vivii atu i
le Atua, ua faapea ane, Ua tu mai
ia te i tatou le perofeta sili; i le
ma lea, Ua asiasi mai le Atua i lona
17 nuu. Ua soo lava Iutaia uma ma le
itu uma i lenei tala ia te ia.
- 18 Ua faailoa atu ia Ioane nei mea
19 uma e ona soo. Ona valaau atu lea
e Ioane i ona soo se toalua, ua aau-
ina atu i laua ia Iesu, ua faapea
ane, Po o oe ea lē malui mai? pe
20 matou te faatali atu i se tasi? Ua
o mai ia tagata ia te ia, ua faapea
mai, Ua aauina mai i maua e Ioane
le papatiso ia te oe, ua fai mai, Po
o oe ea lē malui mai? pe matou te
faatali atu i se tasi? O lea lava itu 21
aso ua faamalolo ai e ia tagata e
toatele sa i ai ma'i, ma ma'i tiga,
ma agaga leaga; ua foai atu foi ina
ia vaai o e tauaso e toatele. Ona 22
tali atu lea o Iesu ia te i laua, ua
faapea atu, Ina o atu ia oulua, ma
faailoa atu ia Ioane o mea ua oulua
vaai i ai, ma faalogo i ai; ua pupula
tauaso, ua savavali pipili, ua faama-
māina lepela, ua logo tutuli, ua faa-
tutūina e na oti, ua folafolaina le
tala lelei i e matitiva. E manuia 23
foi se le tausui ia te a'u.
- Ua o e na auina mai e Ioane, ona 24
oo ane ai lea o lana lauga i le motu
o tagata ia Ioane, Na outou o i le
vao e matamata i ni a? o le u ea ua
luluina e le matagi? Pe na outou 25
o e matamata i ni a? o le tagata ea
ua ofu i ofu malulu? faauta, o e
ofu i ofu matagofie, ma ua solo
lelei, o i maota o tupu ia. Pe na 26
outou o e matamata i ni a? o le
perofeta ea? E moni, ou te fai atu
ia te outou, E sili lava ia i le pero-
feta. O ia lea ua tusi mai i ai, Faa- 27
uta, ou te auina atu la'u sāvāli i ou
luma, na te teuteua lou ala i ou
luma. Ou te fai atu foi ia te outou, 28
E leai se perofeta i e na fananau i
fafine e sili ia Ioane le papatiso; a
o lē aupito itiiti i le malo o le Atua,
e sili lea ia te ia. Ona ta'uamio- 29
tonuina ai lea o le Atua e le nuu
uma lava e na faalogo ai, atoa ma
le au telona, ina ua papatisoina i
latou i le papatisoga a Ioane. A o 30
le au faresaio ma le au a'oa'o tula-
fono, ua latou faaleaoga ia te i la-
tou le pule a le Atua, ina ua le
papatisoina i latou e ia. Ua fetalai 31
atu le Alii, Ou te faatusa i ni a ta-
gata o lenei tupulaga? latou te tusa
ma ni a? E tusa ia ma tama iti ua 32
nonofo i le malae, ma fevalaauai,
ua faapea ane, Ua matou faaili atu
ia te outou, a e tou te lei saasaa
mai; ua matou fetagisi atu ia te
outou, a e tou te lei taufaitagitu'i
mai. Auā na sau Ioane le papatiso, 33
ua le 'ai areto, ua le inu foi uaina;
ona outou fai ane lea Ua ia te ia le
temoni. Ua sau le Atalii o le ta- 34
gata, ua 'ai o ia ma inu; ona outou

fai ane lea, Faauta, o le tagata 'ai
tele ma le inu uaina, o le uo a
35 telona ma ē agasala. A ua ta'ua-
miotonuina le potō e ana tama uma.
36 Ua fai mai le tasi o le au faresaio
se'i la aai ma ia; ua malū atu ia i
le fale o le faresaio, ona taoto ai lea
37 o ia e taumafa. Faauta foi, o le
fafine o le aai, o ia o le fafine aga-
sala, ua iloa e ia ua taoto o ia e
taumafa i le fale o le faresaio, ona
au mai lea e ia o le fagu alapasa ua
38 tumu i le suānu manogi; ua tu foi
o ia i tua i ona vae, ua tagi, ua faa-
sisina ifo e ia loimata i ona vae, ua
sōloi ai i lona lava lauulu, ua sogi
foi i ona vae, ma faauuina i le suānu
39 manogi. Ua iloa e le faresaio na
fai atu ia te ia, ona faapea ifo ai
lea o ia i lona loto, A se perofeta
lenei, po ua iloa e ia lenei fafine,
ma lana amio, ua ia pa'i atu ia te
40 ia; auā o le fafine agasala ia. Ona
fetalai atu ai lea o Iesu ia te ia, ua
faapea atu, Simona e, o la'u upu ou
te fai atu ia te oe. Ua fai mai o ia,
41 Le a'oa'o e, fetalai mai ia. O ta-
gata e toalua sa la nonō mai tupe i
le tagata e toatasi; sa nonō mai le
tasi i tenari e lima selau, e a le tasi
42 e limagafulu. Ua leai ni a la tupe
e toe avatu, ona faamagalo fua lea
o ia ia te i laua uma. Ina fai mai
ia, po o ai so laua e tele lona alofa
43 ia te ia? Ua tali mai Simona, ua
faapea mai, Ai lava o lea na faama-
galoina atu ana mea e tele. Ua
fetalai atu ia ia te ia, Ua tonu lau
44 taofi. Ona fāliu atu lea o ia i le
fafine, ua fetalai atu ia Simona, Ua
e iloa ea le fafine nei? na ou ulu
mai i lou fale, e te lei au mai li vai
mo o'u vae; peitai o ia, ua faasisina
45 ifo e ia o loimata i o'u vae, ma sōloi
ai i lona lava lauulu. E te lei fea-
sogi mai ia te au; peitai o ia, ua le
aunoa ona sogi i o'u vae talu lava
46 ona ulufale mai o ia. E te lei faauu
mai i lo'u ulu i le suānu fua; peitai
o ia, ua faauu e ia i o'u vae i le
47 suānu manogi. O lea foi ou te fai
atu ai ia te oe, Ua faamagaloina
ana agasala e tele, auā ua alofa tele
mai o ia; a o le ua faamagaloina i
ai se mea itiiti, ua itiiti foi lona
48 alofa. Ua fetalai atu ia i le fafine,
49 Ua faamagaloina au agasala. O e

na taoto e aai ua latou faapea ifo
i o latou loto, O ai foi lenei o lē
faamagaloina agasala? Ua fetalai 50
atu o ia i le fafine, Ua e ola i lou
faatuatua; ina alu ia oe ma le
manuia.

O le faataoto i lē lulu sitō.

MULIMULI ane ua faataamilo o 8
ia i aai ma faoa aai, ua tala'i ma
folafola le tala lelei o le malo o le
Atua; ua faatasi foi ma ia le toase-
fulu ma le toalua, atoa ma nisi 2
fafine sa i ai agaga leaga ma ma'i,
a ua faamaloloina; o Maria ua ta'ua
o le Makatala, na ō i fafo ia te ia
temoni e toafitu, ma Ioana le avā 3
Kusa le auauna pule lea a Herota,
ma Susana; atoa ma isi fafine e
toatele, e na auauna atu ia te ia i a
latou mea.
Ua faapopotoina mai le motu o 4
tagata e toatele, ua o mai ia te ia mai
lea aai ma lea aai, ona fetalai atu lea
o ia le faataoto. Ua alu atu le tagata 5
lulu sitō e lulu ai ana sitō; ua ia
lulu sitō, ua pa'i ai isi i le auala;
ona solia lea, ua 'aina foi e manu
felelei. Ua pa'i isi i le mea papa; 6
ua tupu, ona magumagu ai lea, auā
e le su. A ua pa'i isi i le vao tuitui;
ua tutupu faatasi ia ma le vao tui- 7
tui, ona fetinaia ai lea. Ua pa'i
foi isi i le elele lelei; ua tupu, ua 8
fua mai taiselau i fua. Ua fetalai
atu ia i nei mea, ona alaga atu lea,
O le ua i ai taliga e faalogo ai, ina
faalogo mai ia o ia. A ua fesili mai 9
ona soo ia te ia, ua faapea mai, Se
a ea le faataoto nei? Ona fetalai 10
atu lea o ia, Ua foaiina atu ia te
outou ina ia outou iloa mea lilo a le
malo o le Atua; a ua fai atu i nisi
i faataoto; ina ia latou le vaai i lo
latou vaai, ina ia le lagona foi i lo
latou faalogo. O le faataoto lenei, 11
O le sitō, o le aīoga lea a le Atua.
O e i le auala, o e faalogo ia; ona 12
alu ane ai lea o le tiapolo, ma ave-
eseina le upu nai o latou loto, nei
faatuatua ma faolaina i latou. O 13
e i le mea papa, o i latou ia, pe a
faalogo i le upu, ua talia ma le
fiafia; a e leai ni o latou aa, ua faa-
letumau lo latou faatuatua, ua oo
atu i aso e faaososoina ai, ona o
ese ai lea. O le mea na pa'i i le 14

- vao tuitui, o i latou ia e ua faalogo, ua o atu ai, ona fetinaia ai lea i mea e popole ai, ma oloa, ma mea faafiafia o le olaga nei, ona le oo
15 lea ina matua o latou fua. Peitai o le mea na i le eleele lelei, o i latou ia e ua faalogo i le upu, ma taus i ai i le loto ua faamaoni ma le lelei, ona fua mai ai lea ma le onosai.
- 16 E leai se tagata na te tūtū se lamepa, ma ufiufi ai i le tanoa, pe tuu i lalo o le moega; a e tuu i luga o le tuugālamapa, ina ia iloa atu le malamalama e i latou ua ulufale
17 mai. Auā e leai se mea lilo e le faaalia; e leai foi se mea natia e le faailoa, a e iu ina faaalia. O lenei, ia outou, pe faapefea lo outou faalogo; auā o se ua i ai mea, e foaiina mai ia te ia; a o se ua le i ai mea, e aveeseina ia te ia o mea ua peiseai ua e ia te ia.
- 18 Ua o mai ia te ia lona tinā ma ona uso, a ua le masao mai ia te ia
20 ona o le motu o tagata. Ua fai mai nisi ia te ia, ua faapea mai, Ua tūtū lou tinā ma ou uso i fafo, ua
21 fia feiloai ma oe. Ua tali atu ia, ua faapea atu ia te i latou, O e faalogo i le afiga a le Atua, ma latou faia, o lo'u tinā ma o'u uso lava ia.
- 22 Ua maluu ae ia ma ona soo i le tasi aso i le vaa; ua fetalai atu foi o ia ia te i latou, Tatou o ia i le tasi itu vai, ona latou tuuvaa atu lea.
23 Ua alu lo latou vaa, a e tofa o ia, ona to ifo lea o le afā i le vai, ua osofia lo latou vaa, ua tāli goto.
24 Ona latou o ane lea ua fafagu ia te ia, ua faapea mai, Le Alii e, le Alii e, o le a matou fano. Ona tu lea o ia, ua vavao i le matagi ma peau o le vai; ona mavae ai lea, ua malū.
25 Ua fetalai atu ia ia te i latou, O ifea ea lo outou faatuatua? Ua matatau lava i latou ma ofo; ua fetautalatala'i i latou, O ai e lenei? auā ua fetalai o ia i le matagi ma le vai, ona usiusitai ai lea ia te ia.
26 Ua latou oo atu i le laueleele o Katara, o le itu vai lea ua feagai
27 ma Kalilaia. Ua maluu ae ia i uta, ona fetalai lea ma ia o le tasi tagata mai le aai ua leva ona ia te ia o temoni, ua le ofu o ia, ua le nofo
28 foi i se fale, a o tuugamau. Ua iloa mai e ia o Iesu, ona alaga mai lea o ia, ma faapaū mai i ona luma, ua fai mai ia te ia ma le leo tele, Se a lau na ia te au nei, Iesu e, o oe na le Alo o le Atua silisili ese? ou te aioi atu ia te oe, aua e te faatiga mai ia te au. Auā na fetalai o ia i
29 le agaga leaga e alu i fafo i le tagata. Auā na atu lasi ona pue ia te ia; ua fusifusia o ia i maea uamea, ma mea e faamau a'i vae ua leoleoina ai o ia, a ua motumotusia maea ia te ia, ona avea ai lea o ia e le temoni i le vao.) Ua fesili atu
30 Iesu ia te ia, ua faapea atu, O ai ea lou igoa? Ua fai mai o ia, O Lekeono; auā ua uluitino ia te ia temoni e toatele. Ua latou aioi mai ia te
31 ia, aua le fetalai o ia ia te i latou e o i le fafā. Sa i ai le lafu puāa e
32 tele, sa tataa i le mauga; ua latou faanoi mai ia te ia ia tuu atu latou te uluitino i ai. Ona tuu atu ai lea ia te i latou. Ona o lea o temoni i
33 fafo nai le tagata, a ua uluitino i puāa; ona feosofi ifo lea o le lafu i le tofē i le vai, ua malelemo ai. Ua iloa ē sa faga puāa i le mea ua
34 faia, ona sosola ai lea, ua o atu ua tala atu i le aai ma ona faoa aai. Ona latou o mai lea e matamata i
35 le mea ua faia; ua o mai ia Iesu, ua latou iloa atu le tagata ua o i fafo ia te ia temoni, o loo nofo o ia i vae o Iesu; ua ofu ia, ma ua atamai; ona latou matatau ai lea. O e na
36 iloa ua latou tala atu ia te i latou le mea na malolo ai le tagata sa uluitinoia. Ona aioi mai lea ia te ia o
37 le nuu uma o Katara, ina ia maluu ese o ia ia te i latou; auā ua oo ia te i latou le mata'u tele; ona maluu ae lea o ia i le vaa, ua toe foi atu. Ua aioi mai ia te ia le tagata ua o i
38 fafo ia te ia temoni, la te faatasi ma ia; a ua auina atu ia e Iesu, ua faapea atu, Ina foi atu ia oe i lou
39 aiga, ma ia faamatala atu i mea tetele ua faia e le Atua ia te oe. Ona alu ai lea o ia, ua tala'i i le aai uma i mea tetele na faia e Iesu ia te ia.
- Ua toe foi atu Iesu, ona talia ai
40 lea o ia e le motu o tagata; auā sa faatali mai i latou uma ia te ia. Faauta foi, ua sau le tagata e igoa
41 ia Iairo, o ia foi le tasi e pule i le

- sunako; ua faapaū ia i vae o Iesu, ma faatoga mai ia te ia ia maliu atu
 42 o ia i lona fale; auā o lona afafine e toatasi, po ua sefulu ma le lua ona tausaga, o le a oti ia. Ua maliu atu ia, a ua fetaomi mai ia te ia le motu
 43 o tagata. O le fafine sa ia te ia le puna toto i tausaga e sefulu ma le lua, ua uma atu ana mea i fomai, a
 44 ua le mafai ona malolo i se tasi, ua alu ane ia i ona tua, ma pa'i ane i le tuupao o lona ofu; ona utu loa
 45 lea o lona puna toto. Ona fetalai ane lea o Iesu, O ai ea na na pa'i mai ia te au? Ua faafiti mai tagata uma, ona fai mai lea o Peteru ma i latou sa faatasi ma ia, Le Alii e, ua fetaomi ma fetuleni mai le motu o tagata ia te oe, e te fetalai mai ea, O ai na na pa'i mai ia te au?
 46 Ua fetalai atu Iesu, Na pa'i mai lava se tasi ia te au; auā ua ou iloa ua alu atu le mana nai ia te au.
 47 Ua iloa e le fafine ua le lilo o ia, ona alu atu lea o ia ma le gatete, ua faapaū mai i ona luma, ma faamatala mai ia te ia i luma o le nuu uma le mea na pa'i atu ai o ia ia te ia, ma le faamaloloina loa o ia. Ona fetalai atu lea o ia ia te ia, Lo'u afafine e, ina faalototele ia oe; ua e ola i lou faatuatua; ina alu ia oe
 49 ma le manu'a. Ua sau le tasi mai le fale o le pule i le sunako a o fetalai o ia, ua fai mai ia te ia, Ua oti lou afafine; soia e te faalavelaveina le a'oa'o. Ua faafofoga i ai Iesu, ona tali atu lea o ia ia te ia, ua faapea atu, Aua e te fefe; tau ina e faatuatua, e ola ai o ia. Ua ulu atu ia i le fale, e le mafai ia te ia ona ulu atu se tasi, tau o Peteru, ma Iakopo, ma Ioane, o le tamā foi ma le tinā o le teine. Ua fetagisi i latou uma, ma tagitu'i ona o ia; a ua fetalai atu ia, Soia le fetagisi; e lei oti o ia, a ua moe. Ua latou tapisa ia te ia, auā ua latou iloa ua
 54 oti o ia. A o ia, ua na tulia i latou uma i fafo, ona tago atu lea o ia i lona lima, ua valaau, ua faapea atu, Fua e, ina tulai ia. Ua toe foi mai lona agaga, ona tulai loa lea o ia; ua fetalai atu foi o ia, ia avatu ni ana mea e 'ai. Ona matuā ofo ai lea o ona mātua; a ua vavao o ia ia te i laua, aua
 ne'i tala atu i se tasi le mea ua faia.
 Ua aauina atu e Iesu ana aposetolo e tala'i i le malo o te Atua.
 UA faapotopotoina e ia ona soo e toasefulu ma le toalua, ua tuu atu ia te i latou le mana ma le pule i temoni uma, ma ia faamalolo i ma'i. Ua aauina atu i latou e ia e tala'i i le malo o le Atua, e faamalolo foi i e mamai. Ua fetalai atu foi o ia ia te i latou, Aua tou te ave se mea i le malaga, po o tootoo, po o se taga, po o mea e 'ai, po o se tupe, aua foi ne'i tailua ofu tiuo. O se fale foi tou te ulu atu i ai, ia nonofo ai i le tou o ai lava. Ai se lē talia outou, a outou o ese i lea aai, ia tūtū atu le elele i o outou vae, e fai ma molimau ia te i latou. Ua latou o atu, ona faataamilo ai lea i lea aai ma lea aai e folafola le tala lelei, ma faamalolo i ma'i i mea uma.
 Ua faalogo le tupu o Herota i mea uma ua faia e ia, ona fememeai lea o ia, ina ua fai mai nisi, Ua tu mai Ioane i e ua oti; a o isi, Ua faaali mai Elia; a o isi, Ua toe tu mai le tasi o le au perofeta anamua. A ua fai ane Herota, Na ou vavaeeseina le ulu o Ioane; a o ai lenei ua ou faalogo ai i mea faapena? Ua manao o ia i le fia vaai ia te ia.
 Ua toe foi mai le au aposetolo, ma faamatala mai ia te ia mea uma ua latou faia; ona ave lea o ia te i latou, ua 5 na o i latou i se mea gaogao o le nuu, o Petesaita le igoa. Ua iloa e le motu o tagata, ona latou mulimuli atu lea ia te ia; ona talia lea o i latou e ia, ua fetalai foi ia te i latou i le malo o le Atua, ma faamalolo i e na fia faamaloloina. Ua taugagaifo le la, ona o mai lea ia te ia o le toasefulu ma le toalua, ua fai mai, Ia e tuuina atu le motu o tagata, ina ia latou o atu i aai ma faoa aai ua latalata mai, e api ai, ma maua ai mea e 'ai; auā o le mea gaogao ua tatou i ai nei. A ua fetalai atu ia te i latou, Ia outou avane ni mea e 'ai mā latou. Ona latou fai mai lea, E leai ni a tatou mea, na o areto e lima gafua, ma i'a e lua lau; se'i iloga matou te o e faatau ni mea e 'ai mā lenei nuu

- 14 uma. Auā o i latou pe toalima
gaafe o tane. Ua fetalai atu ia i
ona soo, Ia outou fai atu ia te i
latou ia taoto i vasega, e taitoa-
15 limagafulu. Ua latou faapea lava
ona fai, ma fai atu ia te i latou uma
16 ia taoto i lalo. Ona tago ai lea o
ia i areto e lima gafua, ma i'a e lua
lau, ua tepa ae i le lagi, ua faafetai,
ma tofitofi, ua avatu i ona soo, latou
te laulau atu ai i le motu o tagata.
17 Ua latou aai, ua maoona uma lava;
ona fu'e lea o a latou toe 'aiga, *ua
tumu* ato e sefulu ma le lua i fāsi
mea.
18 Ua tatalo toatasi o ia; sa faatasi
ma ia ona soo; ona fesili atu lea o
ia ia te i latou, ua faapea atu, Se a
le upu a tagata ia te au po o ai?
19 Ua latou tali mai, ua faapea mai, O
Ioane le papatiso; a o isi, o Elia; a
o isi, Ua toe tu mai le tasi o le au
20 perofeta anamua. Ua fetalai atu
ia ia te i latou, A o outou na, se a
la outou upu ia te au nei po o ai?
Ona tali mai lea o Peteru, ua faa-
pea mai, *O oe* o le Keriso o le Atua.
21 Ona vavao atu lea o ia ia te i latou,
ua fetalai atu, ne'i ta'uta'ua lea mea
i se tasi; ua faapea atu, E tatatau
ona tiga le Atalii o le tagata i mea
e tele, ma ia lafoaiina e toaina, ma
faitaulaga sili, ma le au tusiupu, ia
fasiotia foi; e faatuina foi o ia i le
23 aso tolu. Ua fetalai atu ia i tagata
Atua, A fia mulimuli mai se tasi ia
te au, aua le usiusitai o ia ia te ia, a
ia ave e ia lona satauro i aso fai soo,
24 i le mulimuli mai ai ia te au. Auā
ai sē fia faasaogalemuina lona ola, e
māumau ai ia te ia; a o lē faamāu-
mau i lona ola ona o a'u, e faasaoina
25 e ia. Auā se a le aoga i le tagata
pe afai na te maua le lalolagi uma,
a e faamāumau e ia ia ia, pe lafoai-
26 ina? Auā ai se mā ia te au ma a'u
upu, e mā foi ia te ia le Atalii o le
tagata, pe a sau o ia i lona mamalu,
ma lo le tamā, ma le au agelu paia.
27 E moni, ou te fai atu ia te outou, o
loo tutū mai nisi iinei, e le oo ia te
i latou le oti, seia latou vaaia le malo
o le Atua.
28 Ua mavae nei upu, po ua po valu,
ona ave lea e ia o Peteru, ma Ioane,
ma Iakopo, ua maliu ae i le mauga
29 e tatalo. O loo tatalo ia, a ua lūia
ona fofoga, ua pa'epa'e ma pupula
tele mai ona ofu. Faauta foi, ua 30
tatala ma ia o tagata e toalua, o
Mose ma Elia i laua, o e na faaali 31
mai ma le pupula; ua latou fetau-
talatala'i i lona maliu o le a faaiiina
i Ieruselema. A ua moe gagase Pe- 32
teru ma e ua faatasi ma ia; ua latou
ala, ona latou iloa lea o lona pupula,
ma tagata e toalua e ua tutu faatasi
ma ia. Ua oo ina la o ese ia te ia, 33
ona fai mai lea o Peteru ia Iesu, Le
Alia e, e lelei ina tatou nonofo iinei;
matou te faia foi ni fale apitaga se
tolu; mo oe le tasi, mo Mose le tasi,
mo Elia foi le tasi; ua le iloa e ia
le mea ua ia fai atu ai. O loo fai 34
mai ia mea, a e oo mai le ao, ma
ufitia i latou; ua latou matatau ina
a oo mai le ao. Ona oo mai lea o le 35
siufofoga mai le ao, ua faapea mai,
O lo'u Atalii pele lena; ia outou
faalogo ia te ia. Ua mavae atu le 36
siufofoga, ona iloa mai lea na o
Iesu. Latou te lei gagana lava, e
lei ta'u atu foi i se tasi i ia ona aso
se mea e tasi o mea ua latou vaai i
ai.
O le taeao ua latou o ifo ai i le 37
mauga, ona fetaiiai lea ma ia o le
motu o tagata e toatele. Faauta 38
foi, ua alaga mai le tasi mai le motu
o tagata, ua faapea mai, Le a'oa'o e,
ou te aioi atu ia te oe, e te silasila
mai i lo'u atalii; auā o ia lo'u atalii
toatasi. Faauta foi, ua pue ia te ia 39
e le agaga, ona alaga loa lea, ma
faataafiti ia te ia, ma ua fāuā lona
gutu, ua tu'i fulifuli ia te ia, toe
ina le alu ese ia te ia. Na ou aioi 40
atu foi i ou soo ia latou tuli ia te ia
i fafo; a ua le mafai lava ia te i la-
tou. Ua tali atu Iesu, ua faapea 41
atu, Le tupulaga lē faatuatua ma le
faapiopio, ou te i ai ia te outou, ma
onosai ia te outou seia afea? Ina
au mai ia lou atalii iinei. O loo 42
sau ia, a e lafotu ma faataafiti ia te
ia e le temoni. Ona vavao lea e
Iesu i le agaga leaga, ma ua faa-
malolo i le tama, ma toe tuu atu ia
te ia i lona tamā. Ua latou matuā 43
ofo uma i le vavega o le Atua. O
loo ofo i latou uma i mea uma na
faia e Iesu, ona fetalai atu lea o ia
i ona soo, Ia outou matuā faalogo- 44
logo i nei upu, auā o le a tuuina atu

le Atalii o le tagata i lima o tagata.
 45 A ua le iloa e i latou lea upu, ua lilo
 ia te i latou, o lea na latou le lagona
 ai lea mea; ua latou matatau foi e
 fesili ia te ia i lea upu.
 46 Ua tupu le finauga ia te i latou,
 47 po o ai so latou e sili. Ua silafia e
 Iesu le manatu o latou loto, ona
 tago lea o ia i le tama itiiti, ma faatu
 48 ia te ia i ona tafatafa. Ua fetalai
 atu o ia ia te i latou, Ai sē talia lenei
 tama itiiti i lo'u igoa, ua talia a'u e
 ia; ai sē talia foi a'u, ua talia e ia
 le na auina mai a'u; auā o le aupito
 itiiti ia te outou uma, e sili lava ia.
 49 Ona fai mai lea o Ioane, ua faapea
 mai, Le Alii e, na matou iloa le tasi
 na ia tulia temoui i lou suafa; ona
 matou vavao lea ia te ia, auā ua ia
 50 le mulimuli mai ia te i tatou. Ona
 fetalai atu lea o Iesu ia te ia, Aua
 tou te vacia; auā o le lē 'au ese ia
 te i tatou, e 'au faatasi lea ma i
 tatou.
 51 Ua oo atu i ona po e siitia ai o ia,
 ona matuā faasaga atu lea o ia a
 52 maliu atu i Ierusalem; ua aauina
 atu e ia nisi e muamua atu i le feau;
 ua latou o atu ma afe i le tasi aai o
 53 Samaria e sauni ai mo ia. A ua le
 talia o ia e i latou, auā ua faasaga
 54 atu lana malaga i Ierusalem. Ua
 iloa e ona soo o Iakopo ma Ioane,
 ona la fai mai lea, Le Alii e, pe e te
 finagalo, ma te fai atu ia alu ifo le
 afi mai le lagi, ia fano ai i latou, pei
 55 ona faia e Elia? A ua fāliu o ia, ma
 aoai ia te i laua, ua faapea atu, E le
 iloa e oulua le uiga o oulua loto;
 56 auā e lei sau le Atalii o le tagata e
 faaumatia le ola o tagata, a ia faa-
 olaina. Ona latou o atu lea i le tasi
 aai.
 57 Ua latou o i le ala, ona fai mai
 lea o le tasi ia te ia, Le Alii e, ou te
 mulimuli atu ia te oe i mea uma e
 58 te maliu atu i ai. Ona fetalai atu
 ai lea o Iesu ia te ia, E fai lua o
 alope, e fai foi mea e momoe ai
 manu felelei; a o le Atalii o le
 tagata, e lei se mea e moe ai o ia.
 59 Ua fetalai atu ia i le tasi, Ina muli-
 muli mai ia ia te au. A ua fai mai
 o ia, Le Alii e, tuu mai ia ia te au,
 se'i ou alu e muai tanu i lo'u tamā.
 60 A ua fetalai atu Iesu ia te ia, Ina
 tuu pea ia i e ua oti e tanu i o latou

tagata oti; a o oe, e te alu ma tala'i
 atu le malo o le Atua. Ua fai mai 61
 foi le tasi, Le Alii e, ou te mulimuli
 atu ia te oe; a ia tuu mai ia te au,
 se'i ou muai faamavae i lo'u aiga.
 Ua fetalai atu Iesu ia te ia, O lē 62
 tago lona lima i le suotosina, ma
 tepa i tua, e le tatau ia i le malo o
 le Atua.

*Ua aauina atu e Iesu le toaftugafulu
 e fai vavega, ma tala'i i le malo o
 le Atua.*

MULIMULI ane ua tofia e le 10
 Alii nisi e toaftugafulu, ua aauina
 atu o i latou e taitoalua ua muamua
 atu ia te ia, i aai uma ma mea uma o
 le a maliu atu i ai o ia. Ua fetalai 2
 atu foi o ia ia te i latou, E tele le
 saito e seleseleina, a o le au faiga-
 luega e toaititi ia; o lea ia outou
 aioi ai i le Alii e ana le saito e
 seleseleina, ina ia aauina mai e ia ni
 e galulue i lana saito e seleseleina.
 Ina o atu ia, faauta, cu te aauina 3
 atu outou pei o tamai mamoe i le
 va o luko. Aua tou te ave se ete 4
 tupe, po o se taga, po o seevae; aua
 foi tou te ofo alofa atu i se tasi i le
 ala. O le fale tou te ulu atu i ai,
 5 tou te muai fai atu, Ia manuia le
 aiga nei. Pe afai o i ai le tagata o 6
 le manuia, e oo atu ia te ia la outou
 faamanuia; a leai, e toe foi mai ai
 ia te outou. Ia outou nonofo i lea 7
 fale, ma aai ma inu i mea latou te
 avane; auā e tatau ona avatu i le
 faigaluega lona tau. Aua tou te 8
 feoai i lea fale ma lea fale. O le
 aai tou te oo atu i ai, ua latou talia
 foi outou, ia outou aai i mea e lau-
 lauina mai ia te outou; ia outou 9
 faamalolo foi i e mamai o i ai, ma ia
 fai atu ia te i latou, Ua latalata ia
 te outou le malo o le Atua. A o le 10
 aai tou te oo atu i ai, ua latou le
 talia foi outou, tou te o ai i o latou
 malae, ma faapea atu, O le eleele 11
 lava mai la outou aai, ua pipii mai
 ia te i matou, matou te sōloi atu ia
 te outou; a e peitai ia outou iloa
 lenei mea, ua latalata ia te outou le
 malo o le Atua. Ou te fai atu ia te 12
 outou, O lea aso e feoloolo ai Sotoma
 i lea lava aai. Oi talofa ia te oe 13
 Koasini! oi talofa ia te oe Pete-
 saita! auā ana faia i Turo ma Sai-

- tonu o vavega ua faia ia te outou, po ua leva ona latou salamo o nonofo i le ie talatala ma le lefulefu.
- 14 A e feoloolo Turo ma Saitonu i le faamasinoga ia te outou. O oe foi 28
- 15 Kapanaumi, ua faaeaina e oo i le lagi, e lafotuina oe i lalo lava i seoli. O lē faalogo ia te outou, ua 29
- 16 faalogo o ia ia te au; o lē faaleaoga ia te outou, ua ia faaleaoga ia te au; o lē faaleaoga foi ia te au, ua ia faaleaoga i le na auina mai a'u.
- 17 Ua toe foi mai le toafitugafulu ma le olioli, ua faapea mai, Le Alii e, ua usiusitai mai temoni ia te i 31
- 18 matou, ona o lou suafa. Ua fetalai atu ia ia te i latou, Na ou iloa Satani ua paū mai le lagi pei o le uila. Faauta, ou te foai ia te outou 32
- 19 le pule e soli ai gata ma akarava, ma le malosi uma o le fili; e leai lava se mea e leaga ai outou. A e 33
- 20 peitai aua tou te olioli i lenei mea, ina ua usiusitai agaga ia te outou; na o lenei tou te olioli ai, ina ua tusia o outou igoa i le lagi.
- 21 O lea lava itu aso ua matuā fiasia ai le finagalo o Iesu, ua faapea atu, Ou te faafetai ia te oe *lo'u* Tamā e, o le Alii o le lagi ma le lalolagi, ina ua e nanā ia mea i e popoto ma e atamamai, a ua faaalua atu ia mea i tama valevale; o lea lava *lo'u* Tamā, auā o lou finagalo lava lea.
- 22 Ua tuuina mai mea uma ia te au e *lo'u* Tamā; e leai se tasi ua iloa le Atalii, ua na o le Tamā; e leai foi se tasi ua iloa le Tamā, ua na o le Atalii, ma se ua loto le Atalii e faaali atu i ai. Ua fāliu ia i ona soo, ma fetalai lemu ane, Amuia mata 34
- 24 ua iloa mea tou te iloa; auā ou te fai atu ia te outou, e toatele perofeta ma tupu na fia matamata i nei mea ua outou iloa, a ua latou le iloa lava; na *latou* fia faalogo foi i nei mea ua outou faalogo ai, a e lei faalogo ai lava.
- 25 Faauta foi, ua tulai le tasi a'oa'o tulafono, ma tofotofa ia te ia, ua faapea mai, Le a'oa'o e, se a se mea ou te faia ina ia ou maua ai le ola e faavavau? Ua fetalai atu ia ia te ia, O le a ea ua tusia i le tulafono? 40
- 27 O le a lau faitau? Ua tali mai o ia, ua faapea mai, E te alofa atu i le Alii lou Atua ma lou loto atoa, ma lou agaga atoa, ma lou malosi atoa, ma lou manatu atoa; e te alofa atu foi i lē lua te tuaoi, ia pei o oe lava ia te oe. Ona faapea atu lea o ia ia te ia, Ua tonu lau tali; ia e faapea ona fai, e te ola ai. A ua faafatonu o ia, ua fai mai ia Iesu. O ai foi le tagata ma te tuaoi? Ua tali atu Iesu, ua faapea atu, O le tasi tagata na alu ifo mai Ierusalemā i Ieriko, ua maua o ia e tagata fao mea; ua latou toeseina ona ofu, ma fasi ia te ia, ua latou o, ua tuua ia, ua tāli oti. Ua soona alu ifo le tasi faitau-laga i lea ala; ua iloa atu ia te ia, ona ui ane lea o ia i le tasi itu ala. Ua faap: a foi le sa Levī, ua oo i lea mea, ua alu ane, ma matamata ai; ona ui ane foi lea o ia i le tasi itu ala. A o le tasi Samaria ua alu lana malaga, ua oo atu i le mea o i ai o ia, ua iloa o ia, ona mutimuti vale lea o lona alofa; ua alu atu, ma nonoa i ona manua, ua liligi foi i ai le suāuu ma le uaina; ua faatietie ia te ia i lana lava manu, ma ta'ita'i ia te ia i le fale e tali ai malo, ma tausi ia te ia. O le taeao o le a alu ia, ona to ae lea o tenari e lua, ma avatu i le matai e ona le fale, ua fai atu ia te ia, Ina e tausi ia te ia; ai se mea e te toe faatau ai, ou te tau i atu ia te oe pe a ou toe sau. Pe ni a fa te oe, o ai so latou nei o le toatolu ua fai ma tagata ia te tuaoi ma le na maua e tagata fao mea? Ua fai mai ia, O le na alofa atu ia te ia. Ona faapea atu ai lea o Iesu ia te ia, Ina alu ia, ma ia e faapea ona fai.
- Ua latou o, ona afe atu lea o ia i le tasi aai; o le tasi fafine foi e igoa ia Marena, ua na talia o ia i lona fale. O lona uso foi e igoa ia Maria, ua nofo o ia i lalo i tafatafa o vae o Iesu, ma faalogo i lana fetalaiga. A ua tiga Marena i le fatuaiga, ua tu mai, ma faapea mai, Le Alii e, e te le manatu mai ea, ina ua tuu mai e *lo'u* uso ia te au e sauni toatasi? ia e fetalai ane ia te ia, ia fesoasoani mai ia te au. A ua tali atu Iesu, ua faapea atu ia te ia, Marena e, Marena e, ua e popole, ma ua pūpū lou loto i mea e tele; a o le mea lava e tasi e ao ina ia maua; ua filifilia foi e

Maria lea mea lelei, e le aveeseina ia te ia.

Ua aao mai Iesu i le tatalo.

- 11 SA i le tasi mea o ia, ua tatalo, ua uma, ona fai mai lea ia te ia o le tasi o lona au soo, Le Alii e, ia e a'oa'o mai ia te i matou i tatalo; e faapei o Ioane foi ona a'oa'o i ona soo. Ua fetalai atu ia ia te i latou, Pe a outou tatalo, ia outou fai atu, Lo matou Tamā e o i le lagi, ia paia lou suafa. Ia oo mai lou malo. Ia faia lou finagalo i le lalolagi, e pei
- 3 ona faia i le lagi. Ia e foai mai ia te i matou i lea aso ma lea aso a matou mea e 'ai e tatau ma le aso.
- 4 Ia e faamagalo ia te i matou i a matou agasala; auā foi matou te faamagaloina atu ia i latou uma o e agaleaga mai ia te i matou. Aua foi e te taita'ina i matou i le tofo-tofoga; a ia e laveai mai ia i matou ai le leaga. Ua fetalai atu foi o ia ia te i latou, O ai so outou e ana le uo, e alu atu ia te ia i le tulua o po, ma fai atu ia te ia, Sole, se'i au mai ni areto e tolu gafua, a e tau'i atu; auā ua sau la'u uo ia te au i lana malaga, a e leai ni a'u mea e laulau
- 7 atu i ai; e tali mai o ia mai totonu o le fale, ua faapea mai, Aua e te faasoesa mai ia te au; ua uma ona pupuni o le faitotoa, ua matou taoto ma la'u fanau; ou te le mafai
- 8 ona tulai e avatu mā oe. Ou te fai atu ia te outou, E ui lava ina le tulai o ia, ma avatu ia te ia, ona o ia o lana uo, a e tulai, ma avatu mea uma e manao ai o ia, ona o lana
- 9 faatau'anau ane. Ou te fai atu foi a'u ia te outou, Ia outou ole atu, ona foaiina mai ai lea ia te outou; ia outou saili, ona outou maua ai lea; ia outou tu'itu'i atu, ona toina
- 10 mai ai lea ia te outou. Auā ai se ole atu, e maua e ia; o lē saili, e iloa e ia; o lē tu'itu'i, e toina mai ia
- 11 te ia. O ai se tamā ia te outou e avatu ea e ia i lona atalii se maa, pe a ole mai se areto? pe a ole mai se i'a, e avatu ea ia te ia se gata a e le
- 12 o se i'a? pe a ole mai se fuāmoa, e
- 13 avatu ea ia te ia se akarava? O lenei, o outou e leaga, afai ua iloa e outou ona avatu o mea lelei mā a outou fanau; e le sili ea ona foaiina

mai e lo outou Tamā o i le lagi le Agaga Paia i e ole atu ai ia te ia?

Sa tuli e ia le temoni, ua gūgū foi o ia; ua alu i fafo le temoni, ona gagana ai lea o le gūgū ua ofo ai lava le motu o tagata. Peitai o isi o i latou ua fai ane, O Pelesepuolo le alii o temoni, ua tulia ai e ia o temoni. O isi foi ua faaososo, ua saili mai ia te ia se faailoga mai le lagi. A ua silafia e ia o latou manatu, ona fetalai atu lea ia te i latou, O malo uma e fevaevaeai, e faaumatia ia; po o se aiga e fevaevaeai, e malaia lea. Afai foi e fevaevaeai Satani, pe faapefea ea ona tumau o lona malo? auā ua outou fai mai, o Pelesepuolo e tulia ai e a'u o temoni. Afai o Pelesepuolo e tulia ai e a'u o temoni, ia, po ai e tulia ai temoni e a outou fanau? o lea, e fai ai i latou ma faamasino ia te outou. A e afai o le aao o le Atua ou te tulia ai temoni, ua oo mai lava ia te outou le malo o le Atua. A leoleoina e le tagata malosi ma lana auupega lona fale, ona saogalemu ai lea o ana mea. A e afai e oso atu ia te ia le tasi e sili lona malosi ia te ia, ua manumalo i ai, ona fao ai lea o lana auupega uma na ia faatuatua i ai, ma tufatufa i ana mea na fao. O se le 'au ia te au, e 'au ese lea ia te au; o se le faaputu faatasi ma a'u, e faataapeape lea. Pe a alu le agaga leaga i fafo o le tagata, ua fealualuai ia i mea matutu, ua saili se mapusaga, a e le maua; ona fai ane lea, Ou te toe foi i lo'u fale na ou sau ai. Ua oo i ai, ona iloa ai lea, ua uma ona tafitafi ma teuteu. Ona alu ai lea o ia, ua na aumaia isi agaga e toafitu, e sili lo latou leaga i lona; ona latou ulufale ai lea, ua nonofo ai; ona sili ai lea o le leaga o le iuga o lea tagata i lona amataga.

O loo fetalai ane ia i nei mea, a ua alaga tele mai ai le tasi fafine mai le motu o tagata, ua faapea mai ia te ia, Amuia le manava na fanau mai ai oe, ma susu na e susu ai. A ua fetalai atu ia, E moni, a e sili ona manuia o e faalogo i le afoaga a le Atua, ma tausii i ai. Ua lofofi mai le motu o tagata, ona fetalai atu ai lea o ia, O le tupulaga leaga

- lenei, ua saili mai se faailoga, a e le
 avatu i ai se faailoga, tau lava o le
 30 faailoga o Iona le perofeta. Auā pei
 o Iona ona fai ma faailoga ia Nineva,
 e faapea foi le Atalii o le tagata i le
 31 tupulaga nei. O le tupu fafine o le
 itu i toga e tulai o ia i le faamasi-
 noga ma tagata o le tupulaga nei, e
 faasala foi o ia ia te i latou; auā na
 sau ia mai le gataaga o le lalolagi e
 faalogo i le poto o Solomona; faa-
 32 uta foi, o iinei lava lē sili ia Solo-
 mona. E tutū tagata o Nineva i le
 faamasiuoga faatasi ma le tupulaga
 nei, e faasala i ai; auā na latou
 salamo i le tala'iga a Iona; faauta
 foi, o iinei lava lē sili ia Iona.
 33 E leai se tūtū i le lamepa, ma tuu
 i le mea lilo, po o i lalo o le mea e
 fua a'i saito, a e tuu i luga lava o le
 tuugālamepa, ina ia iloa mai ai le
 34 malamalama i le ulufale mai. O
 mata, o le lamepa lea o le tino; o
 lenei, pe afai ua lelei ou mata, e
 malamalama uma ai lou tino; a e
 afai ua leaga, e pouliuli ai lou tino.
 35 O lenei, ia oe, ne'i pogisa le mala-
 36 malama ua i totonu ia te oe. Afai
 foi ua malamalama lou tino uma, e
 leai sona pouliuli, e malamalama
 uma ai, pei ona faamalalamama mai
 ia te oe o le lamepa i lona pupula
 mai.
 37 Ua fetalai o ia, a e fai mai le tasi
 faresaio ia te ia, la te aai ma ia;
 ona ulufale lea o ia, ua taoto e tau-
 38 mafa. Ua iloa e le faresaio, ona
 ofo lava lea ina ua le muai mulu-
 39 mulu ia, i le 'ai ai. Ua fetalai atu
 le Alii ia te ia, Outou faresaio, ua
 faamamaina lava e outou le tua o le
 ipu ma le tanoa, peitai o totonu o
 outou ua tutumu i mea ua faoa ma
 40 le amio leaga. Outou na o valea!
 o le na faia le tua, e lei faia ea foi e
 41 ia o totonu? A ia outou avatu a
 outou mea e fai ma mea alofa;
 faauta foi, e mamā ai mea uma ia
 42 te outou. Oi talofa foi ia te outou
 faresaio! auā tou te avatu mea e
 sefulu a'i le mili, ma le pekano, ma
 laa uma e afu, a ua tuua e outou
 le faamasinoga ma le alofa i le Atua;
 e tatau pe ana faia nei mea, a e aua
 43 foi le tiu na mea. Oi talofa ia te
 outou faresaio! auā ua mananao
 outou i nofoa sili i sunako, ma ia
 alofaina i malae, Oi talofa ia te 44
 outou tusiupu ma faresaio, tagata
 pepelo! auā tou te tutusa ma tuu-
 gamau e lilo; o tagata foi o e ua
 savavali i o latou luga, ua le iloa e
 i latou. Ona fai mai lea o le tasi o 45
 le au a'oa'o tulafono, ua faapea mai
 ia te ia, Le a'oa'o e, ua e faaleaga
 mai ia te i matou i lau e fai mai na.
 Ua fetalai atu ia, Oi talofa ia te 46
 outou foi le au a'oa'o tulafono! auā
 ua faaee atu e outou avega mamafa
 i tagata, a o outou, tou te le tago
 lava i na avega i so outou tama-
 tamai lima. Oi talofa ia te outou! 47
 auā ua outou ati ae tuugamau o
 perofeta; o outou tamā foi, na latou
 fasioti ia te i latou. Ua molimau 48
 lava outou i le amio a o outou tamā,
 ma fiafia i ai; auā na latou fasioti ia
 te i latou, a e tou te ati ae o latou
 tuugamau. O lea foi ua fetalai mai 49
 ai le poto o le Atua, Ou te aauina
 atu ia te i latou perofeta ma apose-
 to'o; e fasioti foi e i latou, ma faa-
 saua i nisi; ina ia suea i le tupulaga 50
 nei le toto o perofeta uma ua faa-
 maligiina talu ona faavaeina o le
 lalolagi; e afua mai i le toto o 51
 Apelu, e oo atu i le toto o Sakaria,
 na fasiotia i le va o le fata faitau-
 laga ma le malumalu; e moni, ou
 te fai atu ia te outou, e suea lava ia
 i lenei tupulaga. Oi talofa ia te 52
 outou le au a'oa'o tulafono! auā ua
 avea e outou le ki o le malamala-
 ma; tou te le ulu atu ai, tou te
 vavao foi i e a ulu atu. Ua fetalai 53
 atu ia i ia upu ia te i latou, ona ma-
 tuā ita lea o le au tusiupu ma le au
 faresaio; ona latou fesili faaososo
 lea ia te ia i mea e tele, o lamalama 54
 ia te ia, ma saili e taofi i se upu mai
 lona fofoga, ina ia latou momoli ia
 te ia.
- Ua apoapoai Iesu i ona soo ina ia
 latou 'alo ese i le pepelo.*
- UA faapotopoto mai le motu o 12
 tagata e manomano a o faia ia mea,
 ua latou fesoliai ai, ona oo atu lea o
 lana lauga i ona soo, Ia outou matuā
 'alo ese i le mea faafefete a le au
 faresaio, o le pepelo lea. Auā e 2
 leai se mea o loo ufiufitia, e le faa-
 alia; e leai foi se mea lilo e le faa-
 iloaina. O lea foi, o mea uma ua 3

outou fai atu ai i le pouliuli, e logo-
ina lea i le malamalama; o le mea
foi ua outou tala lemu atu i afeafe,
4 e tala'iina lea i luga o fale. A ou
te fai atu ia te outou na a'u uo, aua
tou te matatau ia te i latou o e
fasioti le tino; a mavae lea, ua leai
5 se toe mea latou te mafaia. A e ou
te faasino atu ia te outou i lē tou
te matatau i ai; ia outou matatau
ia te ia, a mavae ona fasioti e ia, e
ana le pule e lafo atu i Kēna; e
moni, ou te fai atu ia te outou, ia
6 outou matatau ia te ia. E le faa-
taulia ea manu iti e lima gafua i
asari e lua? e leai foi so latou e
7 tasi ua galo i luma o le Atua. A o
outou lauulu lava ua faitaulia uma
ia. O lena, aua tou te matatau ai;
8 ua sili outou i manu iti e tele. Ou
te fai atu foi ia te outou, O sē
ta'ua a'u i luma o tagata, e ta'ua
foi o ia e le Atalii o le tagata i luma
9 o agelu a le Atua. A o lē faafiti
mai ia te au i luma o tagata, e faa-
fitia o ia i luma o agelu a le Atua.
10 O sē lafo foi se upu i le Atalii o le
tagata, e faamagaloina lea; a o lē
upu leaga i le Agaga Paia, e le faa-
magaloina lea. Pe a ta'i'a'iina
11 outou i sunako, ma alii, ma faipule,
aua tou te popole i sa outou e tali
atu, pe faapefen, pe se a foi tou te
12 fai atu ai; auā e a'oa'o le Agaga
Paia ia te outou i lea lava itu aso i
upu e tatau ona fai atu ai.
13 Ua fai mai ia te ia le fasi mai le
motu o tagata, Le a'oa'o e, ia e
feta'ai ane i lo'u uso, ina ia vaalua-
14 ina mai le tofi ia te au. A ua fetalai
atu o ia ia te ia, Sole, o ai ea le na
fai a'u ma faamasino ma pule ia te
15 outou? Ua fetalai atu foi o ia ia
te i latou, Ia outou, ia leoleo outou
ia te outou auā le matapeapea; auā
e le ola se tasi i le tele o ana mea
16 ua ia te ia. Ua fetalai atu ia ia te i
latou le faataoto, ua faapea atu, Na
fua tele mai le fanua o le tasi tagata
17 mauoa; ona manatunatu ifo lea o
ia, ua faapea, Se a se mea ou te faia
auā e leai sa'u mea e faaputu ai a'u
18 fua? Ua fai ane foi o ia, O lena
le mea ou te faia; ou te sa'ena o'u
fale saito, a e faia ia tele; ou te
faaputu i ai a'u fua ma a'u mea
19 lelei uma. Ou te fai ifo foi i lo'u

agaga, Lo'u agaga e, ua ia te oe
mea lelei e tele ua teuina mo tau-
saga e tele; ina nofonofo filemu ia,
ina 'ai ia, ma inu ma ia e olioli.
A ua fetalai atu le Atua ia te ia, O 20
oe na le vale, e aamiina atu lou
agaga nai ia te oe i le po nanei; a
e fai ma ai mea ia ua e saunia? O 21
loo faapea foi lē faaputu oa ia te ia,
a e le mauoa i le Atua.
Ona fetalai atu lea o ia i ona soo, 22
O lea ou te fai atu ai ia te outou,
aua tou te popole i lo outou ola, i
mea tou te aai ai, po o le tino, i mea
tou te ofu ai. Ua sili le ola i le 23
mea e 'ai, ua sili foi le tino i le ofu.
Ia outou mafaufau i oreva; latou te 24
le lulu saito, latou te le selesele foi;
e leai lava so latou afeafe, po o se
fale saito, a e fagina i latou e le
Atua; e le sili ea lo outou lelei,
manu? O ai ea so outou u' mafai 25
ia te ia i lona popole ona faateleina
le umi o lona olaga i le kupita e tasi?
Afai foi tou te le mafai i se mea 26
itiiti lava, se a le mea tou te popole
ai i nisi mea? Ia outou mafaufau i 27
lautalo alo pe faapefea ona tupu;
latou te le galue, e le milo foi; a ou
te fai atu ia te outou, e lei ofu lava
Solomona ma lona matagofie tele
pei o le tasi o na mea. Afai e faapea 28
ona faaofuina e le Atua le va'o o i le
fanua, o ola mai i le asō, a e lafoina
a taeao i le ogāumu; e le sili ea ona
faaofuina outou e ia o outou e faatua-
tua itiiti? O outou foi, aua tou te 29
saili pe ni a tou te ari ai, ni a foi
tou te inu ai; aua foi le feave'iina
o outou loto. Auā o mea uma ia ua 30
sailia e nuu o le lalolagi; ua silafia
foi e lo outou Tamā o ia mea e aoga
ia te outou. A ia outou saili le 31
malo o le Atua; ona faaopocpoina
ai lea o ia mea uma ia te outou.
Aua e te fefe oe le lafu mamoe 32
itiiti e; auā ua finagalo lo outou
Tamā e foai mai le malo ia te outou.
Ia outou faatau atu i a outou mea, 33
tou te avatu ai e fai ma mea alofa;
ia fai outou ni o outou taga e ana-
gata, o le oa i le lagi e le uma lava,
e le tātāi ane i ai se gaoi, e le atia
foi e se mogamoga. Auā o le mea 34
o i ai lo outou oa, e i ai atoa foi ma
o outou loto. Ia fusia o outou sulu- 35
gātiti, ma ia mumū a outou lamepa;

- 33 o outou foi, ia outou faapei o tagata e faatali atu i lo latou alii, seia foi mai o ia mai le tausamaaga; ia latou to loa mai le puipui ia te ia
- 37 pe a sau, ma tu'itu'i mai. Amuia ia auauna e maua i latou e lo latou alii, o mataala pe a sau. E moni, ou te fai atu ia te outou, e fusi e ia ona ofu, ma fai atu ia te i latou ia taooto e aai, ma alu ane lava, ma auauna ia te i latou. Pe afai e sau ia i le leoleoga e lua o le po, pe sau i le leoleoga e tolu, a maua o i latou
- 39 o faapea, amuia ia auauna. A ia outou iloa lenei mea, ana iloa e le matai o le aiga le itu po e sau ai le gaioi, po ua na leoleoina, a e le tuua
- 40 e ia lona fale ia elia. O lenei, ia outou nofo sauni; auā o le itu aso tou te le manatunatu ai, e sau ai le Atalii o le tagata.
- 41 Ona fai mai lea o Peteru ia te ia, Le Alii e, ua e fetalai mai ea lona faataoto ia te i matou, po o tagata
- 42 uma? Ona fetalai atu lea o le Alii, O ai foi le auauna e pule, ua faamauoni ma le mafaufau, ua tofia e lona alii e pule i ana auauna, ia avatu mea e 'ai ia te i latou i ona itu aso?
- 43 Amuia lea auauna, pe a sau lona alii e maua ia o loo faapea ona fai.
- 44 E moni, ou te fai atu ia te outou, na te tofia o ia e pule i ana mea
- 45 uma. A e afai e fai ifo lea auauna i lona loto, E faatuai mai lo'u alii; ona fasi ai lea o ia i auauna tane ma auauna fafine, e 'ai foi, ma inu,
- 46 ma onā. E sau lava le alii o lea auauna i le aso e le faatalitali atu ai o ia, o le itu aso foi e le iloa ai e ia; ona matuā faasala lea ia te ia, ma avatu lona tofi faatasi ma e le faa-
- 47 logo. O lea auauna foi ua na iloa le finagalo o lona alii, a e lei sauni lava ia, e lei faia foi mea e tatau ma lona finagalo, e tele ona sasaina.
- 48 A o le ua le iloa, ua faia foi e ia mea e tatau ina sasaina ai, e māmā ona sasaina o ia. Auā o le ua foaiina atu i ai o mea e tele, e sueina atu foi ia te ia o mea e tele; o ia foi ua tuuina atu i ai o mea e tele, latou te fai atu ia te ia e au mai
- 49 mea e sili ona tele. Ua ou sau e lafo le afi i le lalolagi; se a se mea ou te toe manao i ai, pe ana mu nei
- 50 lava? O lo'u papatisoga o le a papatisoina ai a'u; ua ou matuā tiga lava seia faaiuina. Fa te outou 51 ea ua ou sau e avatu le filemu i le lalolagi? Ou te fai atu ia te outou, e leai; a o le fevaevaeai. Auā e 52 amata i nei ona po e i ai i le fale e tasi tagata e toailima e fevaevaeai i latou, o le toatolu e faamasei ma le toailima, o le toailima foi e faamasei ma le toatolu. E fevaevaeai 53 tamā ma le atalii, o le atalii foi ma le tamā; o le tinā ma le tama teine, o le tama teine foi ma le tinā; o le tinā o le tane ma le avā a lana tama, o le avā foi ma le tinā o lana tane.
- Ua fetalai atu foi o ia i le motu o 54 tagata, Pe a outou iloa le ao o loo alu ae i sisifo, ona outou fai ane loa lea, Anei e ua; ona taunuu foi lea. A agi mai foi le toga, ua outou fai 55 ane, Anei e la; ona taunuu foi lea. O outou tagata pepelo, ua outou 56 iloa ona mātāuina le amio a le lagi ma le lalolagi; se a foi le mea tou te le mātāuina ai le uiga o lenei tausaga? Se a foi le mea tou te le 57 filifili ai e outou i mea tonu? Pe a 58 lua ō i le alii ma lē ua e aitalafu ai, ia e taumafai lava i le ala ina ia oulua lelei ma ia; ne'i toso o ia ia te oe i le faamasino, e tuu atu foi le faamasino ia te oe i le auauna, ona tuuina atu lea oe e le auauna i le fale puipui. Ou te fai atu ia te 59 oe, e te le toe ulufafu ai, seia e avatu tupe uma lava.
- Ua tala'i Iesu i le salamo.
- O IA ona aso ua o mai ai isi ta- 13 gata, ua tala mai ia te ia i tagata Kalilaia, ina ua fesilo e Pilato lo latou toto ma le toto o a latou tau- 2 laga. Ona tali atu lea o Iesu, ua faapea atu ia te i latou, Fa te outou ea, ua sili ona agasala ia Kalilaia i tagata Kalilaia uma, ina ua tigaina i latou i mea faapena? Ou te fai 3 atu ia te outou, e leai; a e afai tou te le salamo, e faapena lava ona fano outou uma. I le ma le toase- 4 fulu ma le toavalu sa paū i o latou luga le 'olo i Seloā, ua latou oti ai; fa te outou ea, ua sili a latou aga- 5 sala i tagata uma e na nonofo i Ieruselema? Ou te fai atu ia te outou, e leai; a e afai tou te le

6 salamo, e faapena lava ona fano outou uma. Ua fetalai atu ia le faataoto nei, Sa i le tasi tagata le mati, na totō i lana tovine; ua alu atu ia 7 e saili ai ni fua, a e lei maua. Ona fai atu lea o ia i le galue vine, Faauta, ua ou sau i ia tausaga ua tolu e saili ni fua i lenei mati, a ou te lei maua lava; ina tuu ia i lalo; se a foi le mea e faaleaoga ai le fanua? 8 Ua tali mai o ia ia te ia, ua faapea mai, Le alii e, tuu pea ia i lenei tausaga foi, seia ou eli faataaliolio i ai, ma avane i ai otaota. Afai foi e 9 fua mai, e *lelei*; pe afai e leai, e mulimuli ane ona e tuu ai lea i lalo. 10 Sa a'oa'o ia i le tasi sunako i le sapati. Faauta foi, sa i ai le fafine 11 ua ia te ia le agaga e vaivai ai i ona tausaga ua sefulu ma le valu, ua faano'uno'u lava ia, e le mafai lava 12 ona tu sa'o i luga. Ua silafia o ia e Iesu, ona valaau atu lea o ia ia te ia, ua faapea atu, Funa e, ua tatala- 13 ina lou vaivai. Ua faaee atu e ia ona aao ia te ia; ona faasa'oloina lea o ia, ua vivii atu foi o ia i le 14 Atua. Ona tautala mai ai lea o lē pule i le sunako, ua ita ina ua faamalolo Iesu i le sapati, ua fai ane ia i le motu o tagata, E ono ia aso e tatau ona galulue ai; o aso ia tou te o mai ai ia faamaloloina, a e aua 15 lava i le sapati. Ua tali atu le Alii ia te ia, ua faapea atu, O oe na le pepelo; e le ua taitasi ea o outou i le sapati ma tatala i lana povi, po o lana asini i le fale povi, ma ta'ita'i 16 e faainu? A o le fafine nei, o le afafine o Aperaaamo, ua noanoatia e Satani, faauta ona tausaga ia ua sefulu ma le valu, e le tatau ea ona tatalaina o lenei noanoaga ia te ia i 17 le aso sapati? Ua fetalai ane ia na upu, ona mamā uma ai lea o e ita mai ia te ia; a ua olioli lava le motu o tagata uma ona o ia mea silisili uma na faia e ia. 18 Ua fetalai ane foi o ia, E tusa le malo o le Atua i ni a? ou te faatatau i ai i ni a? E tusa ia ma le fua o le sinapi, ua ave e le tasi tagata, ma lafo i lona fanua; ua tupu, 20 ua avea ma laau tele; ua momoe foi manu felelei i ona la. Ua toe fetalai atu foi o ia, Ou te faatatau 21 le malo o le Atua i ni a? E tusa ia

ma le mea faafefete, na ave e le fafine ma tuu i totonu o le falaoa e tolu tumu, ua oo ina faafefeteina uma ai.

Ua ui ane foi o ia i aai ma faoa 22 aai, ua a'oa'o fano, o alu malaga atu i Ierusalem. Ua fai mai le 23 tasi ia te ia, Le Alii e, e toaitiiti ea e faaolaina? Ona fetalai atu lea o ia ia te i latou, Ia outou sinafinau 24 ina ia ulu atu i le faitotoa va apiapi; auā ou te fai atu ia te outou, e toatele latou te saili ina ia ulu atu, a e le mafai lava. A uma ona 25 tulai o le matai o le fale, ma pupuni le faitotoa, ona outou tutū lea i fafo, ma turitu'i i le faitotoa, e faapea mai, Le Alii e, le Alii e, ia e to mai ia te i matou; a e tali atu ia, e faapea atu ia te outou, Ou te lei 26 iloa outou pe maifea. Ona fai mai ai lea outou, Na matou aai ma inu i ou luma; na e a'oa'o foi i o matou ala. Ona faapea atu lea o ia, Ou 27 te fai atu ia te outou, ou te lei iloa outou pe maifea; ina o ese ia outou ia te au, o outou uma o e fai amio leaga. E i ai le taufaitagiaue ma le 28 lilivau o nifo, pe a iloa e outou o Aperaaamo, ma Isaako, ma Iakopo, ma le au perofeta uma i le malo o le Atua, a o outou ua tulia i fafo. E o atu tagata mai sasae, ma sisifo, 29 ma le itu i matu, atoa ma le itu i toga, e taooto e aai i le malo o le Atua. Faauta foi, o e mulimuli e 30 avea ia ma muamua; o e muamua foi e avea ia ma mulimuli.

O lea lava aso ua o mai ai isi o le 31 au faresaio, ua fai mai ia te ia, Alu ia oe, ina alu lava; auā o Herota ua na fia fasioti ia te oe. Ona fetalai atu lea o ia ia te i latou, Ina o ia, fai atu i lea alope, Faauta, ou te tuli i fafo temoni, ou te faamalolo foi i e mamai i le asō ma taecao, a oo i e luā ou te faaiuina ai. Peitai e 32 tatau ona ou fealualuai i le asō, ma taecao, atoa ma e luā; auā e le ma- faia lava ona fano se perofeta i se tasi mea na o Ierusalem lava. Ie- 34 rusalem e, Ierusalem e, o lē fasiotia perofeta, ma fetogi i maa e na aauina atu ia te oe; ua tele lava o'u manao e faapotopoto i lau fanau, e pei o le moa ona ofaofatai i lana toloai i lalo i ona apaau, a e le ma-

35 fafai outou. Faauta, e tuua lo outou fale, e faatafunaina; a e moni ou te fai atu ia te outou, tou te le iloa mai lava a'u, seia oo atu i le aso tou te fai ane ai, Ia manuia lē malii mai i le suafa o le Alii.

Ua faamalolo e Iesu le ma'i i le sapati.

14 UA oo i le tasi sapati, ua malii atu ai o ia i le fale o le tasi alii o le au faresaio e taumafa ai, ona latou 2 lamalama lea ia te ia. Faauta foi, sa i ona luma le tasi tagata ua ma'i 3 i le fula. Ua fetalai atu Iesu i le au a'oa'o tulafono ma le au faresaio, ua faapea atu, Pe sa ea ona faamalolo 4 i ma'i i le sapati? Ua latou faalologo lava. Ona tago atu lea o ia ia te ia, ua faamalolo ia te ia, ma tuu 5 atu e alu. Ua fetalai atu foi o ia ia te i latou, ua faapea atu, O ai so outou ua i ai se asini po o se povi, ua paū i le lua, e le sisi ae loa i luga 6 i le aso sapati? A ua latou le mafai ona tali mai ia te ia i na mea. 7 Ua fetalai atu ia le faataoto i e na tala'iina, ina ua silafia e ia o i latou ua filifili i mea sili e taoto ai; 8 ua faapea atu ia te i latou. Pe a fai atu se tasi ia te oe e alu i le faigaai, aua e te taoto i le mea sili, ne'i i ai foi se tasi ua tala'iina e ia 9 ua sili ia te oe; ona alu atu lea o le na tala'i ia te ouluva ma ia, ma fai atu ia te oe, Ina sōsō atu ia ma le alii nei; ona e alu ai lea ma le mā 10 i le mea e aupito faatauva. Peitai o oe, pe a tala'iina oe, e te alu e taoto i le mea e aupito faatauva; ina ia fai atu le na tala'i ia te oe, pe a sau o ia, Sole, ina alu ae ia oe i le mea e sili; ona mamalu ai lea oe i luma o e taoto e aai faatasi ma oe. 11 Auā so se faamaualuga e ia ia te ia, e faamaualoina lea; a o lē faamaualo e ia ia te ia, e faamaualugaina 12 lea. Ua fetalai atu foi o ia i le na tala'i mai ia te ia, Pe a e sauni se faigaai, po o se talisuaga, aua e te tala'i i au uo, po o ou uso, po o tagata o lou aiga, po o tagata mauoa tou te tuaoi, ne'i latou toe tala'i mai foi ia te oe, ona tauia mai lea o 13 oe. Peitai o oe, pe a e sauni le faigaai, ina tala'i ia i e matitiva, i e 14 mumutu, i e pipili, ma e tauaso; e

manuia ai oe; auā latou te le mafai ona tau mai ia te oe; a e tauia oe i le toe tutū mai o e amiotonu.

O le tasi o e na taoto e aai ma 15 ia, ua faalogo o ia i na mea, ona fai mai lea o ia ia te ia, Amuia lē 'ai i le malo o le Atua. A ua fetalai 16 atu o ia ia te ia, Na saunia e le tasi tagata le talisuaga tele, na tala'i atu foi e ia i tagata e toatele; ua 17 oo foi i le itu aso e fai ai le talisuaga, ona auina atu lea e ia o lana auaua e fai atu i e na tala'iina, Ia outou o mai, auā ua uma ona saunia o mea uma. Ona latou fealoalofai 18 ai lea, ua tasi le loto. Ua fai mai le tasi ia te ia, Ua ou faatau le fanua, e tatau ona ou alu atu e matamata ai; *se'i e faapea*, ia tuu mai ia te au. Ua fai mai foi le tasi, Ua ou faatau 19 povi e lima ni tailua, ou te alu e faataitai i ai; *se'i e faapea*, ia tuu mai ia te au. Ua fai mai foi le 20 tasi, Ua ou fai avā; o le mea lea ou te le mafai ai ona alu. Ua alu atu 21 lea auaua ua faamatala atu ia mea i lona alii. Ona ita ai lea o le matai o le aiga, ua fai atu ia i lana auaua, Ina alu ia ia vave i ala ma alātua o le aai, ma ia au mai iinei i e matitiva, ma e mumutu, ma e pipili, atoa ma e tauaso. Ona fai mai 22 lea o le auaua, Le alii e, ua uma ona faia o le mea na e poloai mai ai, a e lei nofoia le fale. Ua fai 23 atu le alii i le auaua, Ina alu atu ia i ala tele ma magāala, ma ia pulunaunau atu latou te o mai, ina ia tumu lo'u nei fale. Auā ou te fai 24 atu ia te outou, E leai lava se tasi o ia tagata e na tala'iina, e 'ai i la'u talisuaga nei.

Ua o faatasi ma ia le motu o 25 tagata e toatele; ona fāliu lea o ia, ma fetalai atu ia te i latou, Afai e sau se tasi ia te au, a e le 'ino'ino i lona tamā, ma le tinā, ma le avā, ma le fanau, ma uso, ma tuafāfine e oo lava i lona ola, e le mafai ona fai o ia mo'u soo. O se le ave lona 27 satauro, ma ua *le* mulimuli mai ia te au, e le mafai ona fai o ia mo'u soo. O ai foi so outou ua fia fai se 23 'olo, e le muai nofo i lalo e faitau tupe e totogi a'i, po ua lava ana mea e faauma ai? ina nei tauemu 29 mai ia te ia o tagata uma e maimoa,

ina ua tuu le faavae, a e le mafai
 30 ona faauma ai, e faapea mai, O le
 tagata lenei, na amata ona fai, a e
 31 lei mafai ona faauma. Po o ai le
 tupu, o le a alu atu e tau ma le tasi
 tupu, e le muai nofo i lalo e filifili,
 pe mafai ia te ia ma ona tagata e
 sefulu afe, ona tau ma le ua sau e
 tau ma ia, ua ia te ia tagata e lua
 32 sefulu o afe? pe afai e leai, e tuu
 atu e ia le sāvali, manū o mamao
 33 ia, e faatoga atu ia ola le taua. E
 faapea foi so outou e le lafoai ana
 mea uma, e le mafai ona fai o ia
 34 mo'u soo. O le mealelei le masima;
 a e afai e magalo le masima, pese a
 35 se mea e faamāi a'i? E le aoga ia
 i le fanua, e le aoga foi e fai ma
 otaota e nasu a'i; a ua lafoaiina i
 fafo. O lē ua i ai taliga e faalogo
 ai, ina faalogo mai ia o ia.

O le faataoto i le mamoe na sē.

15 UA faalatalata ia te ia le au
 telona uma ma e agasala, e faalogo-
 2 logo ia te ia. Ona muimui ai lea o
 le au faresaio ma le au tusiupu, ua
 faapea ane, Ua talia e lenei tagata
 o e agasala, ua aai faatasi foi o ia
 3 ma i latou. Ona fetalai atu ai lea
 o ia lenei faataoto ia te i latou, ua
 4 faapea atu, O ai ea so outou e ana
 mamoe e selau, afai e le iloa le tasi,
 e le tuua e ia le ivagafulu ma le iva
 i le vao, a e alu ma saili i le na le
 5 iloa, seia maua? A maua, ua faa-
 6 fuata ma le olioli. A oo atu foi i
 lona aiga, ua faapotopoto ai ana
 uo ma e tuaoi ma ia, ua fai atu ia
 te i latou, Ia tatou olioli ia; auā ua
 7 ou maua la'u mamoe na le iloa. Ou
 te fai atu ia te outou, e faapea foi
 ona tele o le olioli i le lagi i le tagata
 agasala e toatasi e salamo, a e itiiti
 i e amiotonu e toaivagafulu ma le
 8 toaiva e le tusa i ai le salamo. O ai
 ea foi le fafine e ana tupe e fuaga-
 fulu, afai e le iloa ia te ia le tasi
 tupe, e le tūtū ea se afi, ma tafitafi
 le fale, ma matuā saili i ai, seia
 9 maua? A maua, ua faapotopoto
 ai ana uo ma e tuaoi ma ia, ua fai
 atu, Ia tatou olioli ia; auā ua ou
 maua le tupe na le iloa ia te au.
 10 Ou te fai atu ia te outou, ua faapea
 le olioli i luma o agelu a le Atua,

ona o le tagata agasala e toatasi ua
 salamo.

Ua fetalai atu o ia, O le tasi 11
 tagata e toalua ona atalii. Ua fai 12
 atu le uii i lona tamā, Sena e, ia e
 au mai ia te au lo'u tofi o le oa;
 ona vaelua lea e ia o ana mea ia te
 i laua. Ua mavae nai aso, ona faa- 13
 potopoto ai lea e le uii mea uma, ua
 alu malaga i le nuu mamao, ua faa-
 taapeape ai ana mea i lea nuu, ua
 soona ulavale. Ua uma atu ana 14
 mea, ona oge tele ai lea o lea nuu;
 ona faatoga mativa ai lea o ia. Ua 15
 alu ia ua nofo i le tasi tagata o lea
 nuu, ua ia auina foi o ia i ona fanua
 e fafaga ai puaa. Ua tupu lona 16
 manao i atigi mea e 'aina e puaa ia
 ma'ona ai o ia; e leai lava se tasi ua
 avane *sina mea* ia te ia. Ona atamai 17
 ai lea o ia, ua faapea ane, E lē toa-
 tele ea o auaua a lo'u tamā ua
 faulai a latou areto ua totote; a o
 au, ou te matelaina. O le a a'u 18
 tulai ma alu i lo'u tamā, ou te fai
 atu ia te ia, *Lo'u* tamā e, ua ou
 agasala i *Lē* o i le lagi, atoa ma ou
 luma; ua ou le toe aoga ona ta'ua o 19
 lou atalii; ia e avefa a'u ia pei o se
 tasi o au auaua. Ona tulai lea o 20
 ia, ua alu i lona tamā. Ua iloa
 mamao atu foi o ia e lona tamā,
 ona mutimuti vale lea o lona alofa,
 ua momo'e atu ia, ua fusi ia te ia,
 ma sogi atu ia te ia. A ua fai mai 21
 le atalii ia te ia, *Lo'u* tamā e, ua ou
 agasala i *Lē* o i le lagi, atoa ma ou
 luma, ua ou le toe aoga ona ta'ua o
 lou atalii. A ua fai atu le tamā i 22
 ana auaua, Au mai ia le ofu tata-
 puvae e aupito lelei, ma faaofu ia
 te ia; ma ia tuu se mama i lona
 lima, ma faasee i ona vae; au mai 23
 ia foi le tamai povi peti, ma fasi-
 tatou te aai ma olioli; auā o lo'u 24
 atalii lenei, na oti, ua toe ola mai;
 na le iloa foi o ia, a ua maua. Ona
 latou olioli ai lea. Sa i le vao lona 25
 atalii ulumatua; ua sau ia, ua lata-
 lata mai i le fale, ona faalogo ai lea
 o ia i laaupese ua ta, ma le siva.
 Ua valaau atu ia i le tasi auaua, ua 26
 fesili atu, po o le a le uiga o nei
 mea. Ua fai mai o ia ia te ia, Ua 27
 sau lou uso; ua fasi ai foi e lou
 tamā le tamai povi peti, ina ua toe
 oo mai o ia o ola. Ona ita ai lea o 28

ia, e le mafaia ona ulufale i ai; ona alu atu ai lea o lona tamā i fafo, ua
 29 faaoleole ia te ia. Ona tali mai ai lea o ia, ua faapea mai i lona tamā, Faauta, o tausaga ua tele, ua ou auauna ai ia te oe, ua leai lava sau poloaiga ua ou solia; e te lei au mai lava se tamai 'oti ma a'u, matou
 30 te olioli ai ma a'u uo. Peitai o lou atalii lena, sa na faaumatia au mea faatasi ma fafine talitane, ua sau o ia, ona e fasi lea le tamai povi peti
 31 māna. Ua fai atu ia ia te ia, Tā e, ta te nonofo pea ma oe, o a'u mea
 32 uma foi, o āu ia. Ua tatau foi ona tatou fiafia ma olioli, auā o lou uso lena na oti, a ua toe ola mai; na le iloa foi, a ua maua.

O faataoto i le auauna ua amioletonu, ma le mauoa.

16 UA fetalai atu foi o ia i ona soo, O le tasi tagata mauoa sa i ai le auauna e pule; na molia o ia ia te
 2 ia, ua ia faamāumau ana mea. Ua na valaau atu ia te ia, ua fai atu i ai, O le a lenei mea ua ou faalogo ai ia te oe? Tala mai ia le tala i mea na e pule i ai; auā ou te le mafai ona e toe fai ma auauna e pule.
 3 Ona fai ifo ai lea o le auauna i lona loto, Se a se mea ou te faia? auā o le a faateaina a'u e lo'u alii i le faiva o auauna e pule; ou te le mafai ona
 4 eli; ou te mā i faatoga. Ua ou iloa le mea ou te faia, ina ia talia a'u i o latou aiga, pe a tuueseina a'u i le
 5 faiva o auauna e pule. Ona ami-ami lea e ia o tagata taitasi uma e na i ai mea a lona alii, ua fai atu ia i le tasi, Pe fia mea a lo'u alii ua ia
 6 te oe? Ona fai mai ai lea o ia, O paita o suāuu e selau. Ua fai atu ia ia te ia, Ina tago ia i lau tusi, ia vave nofo i lalo, ma tusi e lima
 7 sefulu. Ona fai atu lea o ia i le tasi, Pe fia mea ua ia te oe? Ua fai mai o ia, O kori o saito e selau. Ona fai atu lea o ia ia te ia, Ina tago ia i lau tusi, ma tusi e valu
 8 sefulu. Ua vivii atu le alii i le auauna amioletonu, auā ua na toga-fiti poto: auā e sili le poto o tagata o le olaga nei, i lo latou tupulaga, i
 9 lo tagata o le malamalama. Ou te fai atu foi ia te outou, O le mamone o le amioletonu ia outou fai ai uo

mā outou, ina ia latou talia mai outou i fale e faavavau, pe a tuueseina outou. O lē faamaoni i le mea
 10 itiiti, e faamaoni foi o ia i mea e tele; o lē amioletonu i le mea itiiti, e amioletonu foi o ia i mea e tele.
 11 Afai foi tou te lei faamaoni i le mamone o le amioletonu, o ai se na te tuu atu ia te outou le oa moni e
 12 tausi? Afai foi ua outou le faamaoni i mea a le tagata ese, o ai se na te tuu atu ia te outou a outou lava mea? E le mafai se auauna
 13 ona auauna i alii e toalua; auā e 'ino'ino o ia i le tasi, a e alofa atu i le tasi; a le o lea, e faapii atu ia i le tasi, a e faaleaoga i le tasi. Tou te le mafaia ona auauna i le Atua atoa ma mamone.

Ua faalogo le au faresaio i ia mea
 14 uma, o i latou foi ua matapeapea; ona latou tauemu ai lea ia te ia. Ona fetalai atu lea o ia ia te i latou,
 15 O outou ua faafiaamiotonu outou i luma o tagata; a ua silafia e le Atua o outou loto; auā o le mea e sili ona lelei i tagata, e inosia lea i luma o le Atua. O le tulafono ma
 16 le au perofeta na oo lava ia ia Ioane; talu ai ia ona po ua folafolaina le tala lelei o le malo o le Atua, ua taufoa foi e tagata uma. E mavaegosie atu le lagi ma le
 17 lalolagi, a e le iuvale sina fāsi mataitusi e tasi o le tulafono. O sē
 18 faatea i lana avā, a e fai avā i se tasi, o le mulilua lea; o sē fai avā i le ua faateaina e lana tane, o le mulilua foi lea.

O le tasi tagata mauoa, ua ofu i
 19 le ofu pāuli, ma le ie vavae, ua taleleleia lava ia i aso uma. O le tasi
 20 tagata mativa foi e igoa ia Lasalo, ua taatia i lona faitotoa, ua lilo i le papala, ua manao tele ia e 'ai mo-
 21 moi mea na pauu ifo i le laoa i le mauoa; a ua o mai uli ua etoeto ona papala. Ua oo foi ina oti o le
 22 tagata mativa, ona avea lea o ia e agelu i le fatafata o Aperaamo. Ua oti foi le mauoa, ona ua tanu; ua i
 23 seoli ua faataugaina, ona tepa ae ai lea o ia, ua na iloa mamao atu ia Aperaamo ma Lasalo i lona fatafata; ua alaga atu foi o ia, ua fai
 24 atu, Lo'u tamā e, Aperaamo, ia e alofa mai ia te au, ma ia e auina

mai Lasalo, na te fufui i le tumu-
tumu o lona tamatamailima i se vai,
e faamālulu a'i lo'u nei laulaufaiva;
25 auā ua ou puapuaga i le mumū o le
afi nei. Ona fai ane lea o Aperamo,
Lo'u atalii e, ia e manatu, na e
maua au mea lelei i lou olaga, na
maua foi e Lasalo o mea leaga; a o
lencei, ua faaolioliina ia, a ua puapua-
26 gaaina oe. E le gata i nei mea
uma, a ua tumau le vanu tele i lo
tatou va; o le mea lea e le masao
ai o e ua iinei ua fia o atu ia te outou;
e le masao mai foi o e ua iina
27 ia te i matou nei. Ona fai atu lea
o ia, *Lo'u* tamā e, ou te faatoga atu
ia te oe, ina ia e auina atu o ia i le
aiga o lo'u tamā; auā e toailima o'u
28 uso; ina ia molitino atu ia ia te i
latou, nei latou o mai foi i lencei
29 mea puapuaga. Ua fai ane Aperamo
ia te ia, O ia te i latou Mose
ma le au perofeta, ia latou faalogo i
30 ai. A ua faapea atu ia, *Lo'u* tamā
e, Aperamo, aua; a e afai e alu
atu se tasi ia te i latou nai e ua oti,
31 e salamo ai i latou. Ua fai ane o
ia ia te ia, Pe afai latou te le faalogo
ia Mose ma le au perofeta, e
ui lava ina tu mai se tasi nai e ua
oti, latou te le mafafai lava.

Ua fetalai mai Iesu i le leaga o le faatausua'i.

17 UA fetalai atu o ia i le au soo, E
le mafai lava ona le oo mai o mea e
tausua'i ai; oi talofa foi i le e oo
2 mai ai. E lelei pe ana noatia i lona
ua se maaolo tele, i le lafo ai o ia i
le sami, a e leaga lava ona faatau-
sua'iina e ia so latou nei e faatauvaa.
3 Ia outou ia te outou. Pe afai a e
agaleaga mai lou uso ia te oe, ia e
aoai atu ia te ia; pe afai e salamo
4 ia, ia e faamagalo atu ia te ia. Pe
afai e foi faafitu i le aso ona agaleaga
mai o ia ia te oe, ma foi faafitu i le
aso ona liliu mai ia te oe, ua faapea
mai, Ua ou salamo; ia e
5 faamagalo atu ia te ia. Ona fai
mai lea o le au aposetolo i le Alii,
Ia e faatuputeleina lo matou faa-
6 tuatua. Ua fetalai atu le Alii, Afai
ua tusa lo outou faatuatua ma le
fua o le sinapi, po ua outou fai atu
i lencei sukamina, Ia liaiina oe, ma
ia totōina i le sami; ona anaana

mai lava lea ia te outou. O ai foi
so outou e ana le auaina o suatia
le elele, po o leoleo i mamoe, e fai
atu ea, pe a sau o ia mai le vao, Sau
loa ia, ina taoto e'ai? a e le fai atu
8 ea ia te ia, Ina sauni mai ia sa'u
sua, ma ia fusi ou ofu, i le laulau
mai o mea, se'i 'ai ae a'u ma inu; a
mavae lea, i le 'ai ai oe ma inu? E
9 faafetai atu ea ia i lea auaina, ina
ua fai mea na fai atu ai ia te ia?
Ai lava e leai. E faapea foi outou,
10 pe a uma ona fai o mea uma na po-
loaiina atu ia te outou, tou te fai
ane, O auaina le aoga i matou nei;
auā o mea e tatau ona matou fai, o
mea ia ua matou faia.

Ua alu malaga atu ia i Ierusalem,
ua ui ai i Samaria ma Kalilaia.
Ua oo atu ia i le tasi aai, ona fetalai
12 ai lea ma ia o tagata lepela e toa-
tinoagafulu, ua tutū mamao mai i
latou. Ua latou alalaga mai, ua
13 faapea mai, Le Alii e, Iesu, ia e
alofa mai ia te i matou. Ua silafia
14 e ia, ona fetalai atu lea o ia ia te i
latou, Ina o ia, ia faaali atu outou i
faitaulaga. Ua latou o, ona faama-
māina lea o i latou. O le tasi o i
15 latou, ua na iloa ua faamaloloina ia,
ona toe foi mai lea o ia, ua vivii atu
i le Atua ma le leo tele; ua faapaū
16 fao ia i ona vae, ua faafetai mai ia
te ia; o le Samaria foi o ia. Ona
17 fetalai atu lea o Iesu, ua faapea atu,
E lei faamamāina ea le toatinoaga-
fulu? a o ifea le toaiva? Ua le
18 iloa ni e toe foi mai e vivii atu i le
Atua, na o lencei tagata ese. Ua
19 fetalai atu o ia ia te ia, Ina tulai ia,
ina alu; ua e ola i lou faatuatua.

Ua fesili mai ia te ia le au fare-
saio, Pe oo mai afea le malo o le
Atua? Ua tali atu ia ia te i latou,
ua faapea atu, E le oo mai le malo
o le Atua ma le vaaia e mata. E
21 le fai ane foi tagata, Faauta, o iinei!
pe faapea, Faauta, o iila! auā faa-
uta, na i ai lava ia te outou le malo
o le Atua. Ua fetalai atu ia i le au
22 soo, E oo mai lava ona po tou te
mananao tele ai ia iloa se aso e tasi
o le Atalii o le tagata, a e le iloa.
A fai mai tagata ia te outou, Faauta
23 o iinei; pe faapea, Faauta o iila;
aua tou te o i ai, pe mulimuli atu i
ai. Auā e pei ona emo mai o le
24

- nila mai le tasi itu lagi, e malamama-
lana atu i le tasi itu lagi; e faapea
foi le Atalii o le tagata i lona aso.
25 A e tatata ona muai tiga o ia i mea
e tele, ma lafoaiina e lenei tupulaga.
26 Pei ona faia foi i ona aso o Noa, e
faapea lava ona fai i ona aso o le
27 Atalii o le tagata. Na aai i latou
ma inu, na latou fai avā foi ma la-
tou faaavaga, ua oo lava i le aso na
ulu ai Noa i le vaa, ona oo mai ai
lea o le lolo, ua fano ai i latou uma.
28 E pei ona faia foi i ona aso o Lota;
ua latou aai, ua inu, ua faatau, ua
avane e faatau, ua totō mea, ma fai
29 fale; a o lea lava aso na alu ese ai
Lota i Sotoma, ua to faaua mai le
afi ma le teio mai le lagi, ua fano ai
30 i latou uma. E faapea lava i le aso
e faaalua mai ai le Atalii o le tagata.
31 O le ua i luga o le fale i lea aso, ma
ana mea ua i le fale, aua le alu ifo
ia e ave; e faapea foi le ua i le vao,
32 aua le toe foi mai o ia. Ia outou
33 manatua le avā a Lota. O sē saili
ia saogalemu lona ola, e māumau ai
ia te ia; a o sē faamāumau ai, e faa-
34 saoina e ia. Ou te fai atu ia te ou-
tou, O lea lava po, e i le moega e
tasi tagata e toalua; e ave le tasi,
35 a e tuua le tasi. E olo faatasi fafine
e toalua; e ave le tasi, a e tuua le
36 tasi. E i le vao tagata e toalua; e
37 ave le tasi, a e tuua le tasi. Ua
latou fai mai ia te ia, ua faapea mai,
Le Alii e, po o fea e fai ai? Ua
fetalai atu ia ia te i latou, O le mea
o i ai le tino, e aofaga i ai aeto.

*O le nanati o le fafine ua oti lana
tane i le faamasino amioletonu.*

- 18 UA fetalai atu foi o ia le faataoto
ia te i latou, ina ia tatalo soo e ta-
tau ai, a e aua le faavaivai; ua faa-
pea atu, Sa i le tasi aai le faamasino,
ua le mata'u i le Atua, e le ava foi
3 i tagata; sa i lea aai foi le tasi fa-
fine ua oti lana tane, ua alu atu ia
te ia, ua faapea atu. Ia e faamasino
4 atu i le ua i ai a'u mea. O nai aso
e lei mafai ai o ia; a e mulimuli
ane ua faapea ifo o ia i lona loto, E
ui lava ina ou le mata'u i le Atua,
5 ma a'u le ava i tagata, a e peitai
ona o le faasoesa mai ia te au o le
fafine nei ua oti lana tane, ou te
faamasino i ana mea, ina ne'i faa-
tiga mai ia te au i lona sau soo.
Ona fetalai atu ai lea o le Alii, Ia 6
outou faalogo mai i le upu a le
faamasino amioletonu. E ui lava 7
ina tuai mai le Atua i e na ia fili-
filia, o loo alalaga i latou ia te ia i
le ao ma le po, pe le faamasino ea o
ia i a latou mea? Ou te fai atu ia 8
te outou, e vave ona faamasino e ia
o a latou mea. Peitai a sau le Ata-
lii o le tagata, e iloga ea e maua e
ia le faatuatua i le lalolagi.
Ua fetalai atu foi o ia lenei faa- 9
taoto i nisi tagata e na faatuatua ia
te i latou fa'i ua amiotonu, a e faa-
leaogaina nisi; Na o ae i le malu- 10
malu tagata e toalua e tatalo, o le
faresai o le tasi, a o le telona le tasi.
Na tulai le faresai, ua tatalo lemu 11
atu i nei upu, Le Atua e, ou te faa-
fetai atu ia te oe, ina ua ou le pei o
isi tagata, o e fao mea, o e amio
leaga, o e mulilulua, e le pei o lela 12
telona foi. E tailua i vaiasosa ona
ou anapogi, ou te avatu mea e se-
fulu a'i mea uma ou te maua. O le 13
telona foi, ua tu mamao atu, e le
mafaia ona tepa ae ona mata i le
lagi, a ua pōpō lona fatafata, ua
faapea atu, Le Atua e, ia e alofa
mai ia te au le tagata agasala. Ou 14
te fai atu ia te outou, na alu ifo
lena tagata i lona fale ua ta'uamio-
tonuina, a e le faapea le isi; auā o
sē faamaualuga ia te ia, e faamau-
laloia lea; a o lē faamaulalo ia te
ia, e faamaualugaina lea.
Ua latou au mai tama meamea ia 15
te ia, ina ia pa'i ane o ia ia te i la-
tou; ua iloa e le au soo, ona latou
vavao lea ia te i latou. A o Iesu, 16
ua valaau atu o ia ia te i latou, ua
faapea atu, Ina tuu mai ia o tama
iti e o mai ia te au, a e aua tou te
vavao o ia te i latou; auā e faapei o i
latou nei o e o i le malo o le Atua.
E moni, ou te fai atu ia te outou, 17
Ai se le tali i le malo o le Atua e
pei o se tama itiiti, e le sao lava
ia i ai.
Ua fesili mai foi ia te ia le tasi 18
alii, ua faapea mai, Le a'oa'o lelei
e, se a le mea ou te faia, ou te maua
ai le ola e faavavau? A ua fetalai 19
atu Iesu ia te ia, Se a le mea e te
ta'ulelei mai ai a'u? e leai sē lelei,
na o le toatasi, o le Atua lea. Ua 20

e iloa poloaiga, Aua e te mulilua; aua e te fasioti; aua e te gaoui; aua e te molimau pepelo; ia e ava i lou
 21 tamā ma lou tinā. Ona fai mai lea o ia, Ua ou tausia ia mea uma talu
 22 lava ina ou itiiti. Ua faafofoga Iesu i ia upu, ona fetalai atu lea ia te ia, Ua toe o le mea e tasi e te lei maua; ia e faatau atu i au mea uma, ma ia e tufatufaina i e matitiva, ona ia te oe lea o le faulaigā-
 23 oloa i le lagi; ile e sau, ma mulimuli mai ia te au. Ua faalogo o ia i na upu, ona tige tele ai lea o ia; auā o
 24 le mauoa tele lava ia. Ua silafia e Iesu o ia ua tige tele ona fetalai atu lea o ia, O le mea faigata nauā
 25 ona sao atu o e mauoa i le malo o le Atua! E faigofie ona ui atu o le kamela i le pu o le au, a e faigata
 26 ona sao atu o le mauoa i le malo o le Atua. O e na faalogo i ai ua fai mai, Afai o lea, o ai se tasi e mafai
 27 ona faaalaina? Ua fetalai atu ia, O mea e le mafaia e tagata, e mafaia e le Atua. Ona fai mai lea o
 28 Peteru, Faauta, ua matou tuua mea uma, a e matou mulimuli atu ia te
 29 oe. Ona fetalai atu lea o ia ia te i latou, E moni, ou te fai atu ia te outou, Ai se tagata ua tuua e ia le
 30 fale, po o mātua, po o uso, po o le avā, po o le fanau, ona o le malo o le Atua, e maua e ia o mea sautua-
 31 lasi i nei ona po, o le ola foi e faavavau i le olaga atali.
 32 Ua ave e ia le toasefulu ma le toalua, ua fetalai ia te i latou, Faauta, o le a o ae i tatou i Ierusalemā,
 33 e taunuu ai o mea uma ua tusia e le au perofeta i le Atalii o le tagata. Auā e tuina atu ia i nuu
 34 ese, e faatauemuina, e faaleagaina, e feanu foi i latou ia te ia, latou te sasa foi ma fasioti ia te ia; a o le
 35 aso tolu e toe tu mai ai o ia. E lei lagona lava e i latou ia mea; ua lilo foi lena upu ia te i latou, e lei
 36 iloa e i latou o mea na fetalai mai.
 37 Ua latalata ia i Ieriko, a au nofo i le auala le tasi tauaso o faatoga i
 38 mea; ua faalogo o ia i le motu o tagata ua savavali ane, ona fesili lea a ia, pe se a lea. Ua latou fai
 39 atu ia te ia, o Iesu le Nasareta ua malii ane. Ona alaga mai ai lea o ia, ua faapea mai, Iesu e, le alo o

Tavita, ia e alofa mai ia te au. Ua 39
 vavao ia te ia e na muamua, ina ia faalologo o ia; peitai o ia ua atili ai
 ona alaga, Le alo o Tavita e, ia e alofa mai ia te au. Ua tu Iesu, ma 40
 fetalai atu ia ta'ita'iina mai o ia ia te ia. Ua latalata mai o ia, ona fesili atu lea o ia ia te ia, ua faapea
 41 atu, Se a le mea e te manao i ai ou te faia mo oe? Ua fai mai o ia, Le Alii e, ia vaai o'u nei mata. Ona
 42 fetalai atu lea o Iesu ia te ia, Ina vaai ia ou mata; o lou faatuatua ua e ola ai. Ona vaai loa lea o ona
 43 mata, ua mulimuli atu ia te ia, ua vivii atu i le Atua; ua iloa atu ai e le nuu uma, ona latou vivii atu lea
 i le Atua.

Ua valaauina Sakaio le telona e Iesu.

UA oo atu ia i Ieriko, ua ui ane i 19
 ai, faauta foi, o le tagata ua igoa ia Sakaio, o ia o le telona sili, o le
 mauoa foi o ia. Ua fia maimoa o 2
 ia ia Iesu pe faapefa o ia; a e le mafaia ona o le motu o tagata; auā
 o le tagata saasaa o ia. Ua momoe 3
 ia i luma, ua ae i le laau o le sukamoru, e vaavaai ifo ai ia te ia; auā
 o le a ui ane ai. Ua oo atu Iesu i 4
 lea mea, ona tepa ae lea o ia, ua silafia o ia, ona fetalai atu lea ia te
 ia, Sakaio e, ia e vave ifoifo ia i 5
 lalo, auā e tatau ona ou nofo i lou fale i le aso nei. Ona vave alu ifo
 ai lea o ia, ua tali mai ia te ia ma 6
 le fiafia. Ua muimui uma e na iloa, 7
 ua faapea ane, Ua alu atu ia i le tagata agasala e api ai. A ua tu mai
 Sakaio, ua faapea mai i le Alii, Faauta, le Alii e, o le a ou vaeluaina
 atu a'u mea i e matitiva; afai foi 8
 ua tige se tasi i lo'u tuua'i ane, ou te tau'i atu ai e taifā. Ua fetalai
 9 ane Iesu ia te ia, Ua oo mai le faalolagata i le aiga nei i le asō, ina ua
 fai o ia ma atalii o Aperaamo. Auā 10
 ua sau le Atalii o le tagata e saili ma faaola i le na le iloa.

Ua latou faalogo i na mea, ona 11
 toe fetalai atu lea o ia i le faataoto, ina ua latalata ia i Ierusalemā, auā
 foi fa te i latou o le a faaalila loa mai le malo o le Atua. O lea foi 12
 ua fetalai atu ai o ia, Na alu le tasi alii i le nuu mamao e maua ai sona

ao e fai ai o ia ma tupu, i le toe foi
 13 mai. Ua valaau e ia i ana auuana
 e toasefulu, ua avatu ia te i latou
 mina e fuagafulu, ua fai atu foi ia
 te i latou, tou te faatau a'i seia ou
 14 toe sau. A ua itagia o ia e lona
 nuu, ua latou auina atu foi le sāvali
 e mulimuli atu ia te ia, ua faapea
 atu, Matou te le mananao i lona
 15 tagata e fai mo matou tupu. Ua
 toe foi mai o ia ina ua maua lona
 ao e fai ai o ia ma tupu, ona fai ane
 ai lea, ia valaauina ia auuana na ia
 avatu i ai tupe ia o mai ia te ia, ina
 ia iloa e ia taitasi a latou faatau po
 16 ua faapefea. Ona sau ai lea o le
 tasi, ua faapea mai, Le alii e, o lau
 mina ua maua ai isi mina e fuaga-
 17 fulu. Ona fai atu lea o ia ia te ia,
 Ua lelei ia, le auuana lelei e, ua e
 faamaoni i le mea itiiti lava, o lea
 18 ia e pule ai i aai e sefulu. Ua sau
 foi le tasi, ua faapea mai, Le alii e,
 o lau mina ua maua ai mina e lima
 19 gafua. Ua fai atu foi o ia i lona,
 20 Ina pule foi ia oe i aai e lima. Ua
 sau foi le tasi, ua faapea mai, Le
 alii e, faauta, o lau mina lenei, sa ia
 21 te au na teu i le solosolo; auā na
 ou mata'u lava ia te oe, auā o oe le
 tagata faigata; ua e avae le mea na
 o le tuuina i lalo, ua e selesele foi i
 22 le saito e te lei luluina. Ona fai
 atu lea o ia ia te ia, Le auuana
 leaga e, o lau upu lava ou te faa-
 sala ai ia te oe; ua e iloa lava, o a'u
 o le tagata faigata, o lē avae le mea
 na ou le tuuina i lalo, o lē selesele
 23 foi i le saito na au le luluina. Se a
 le mea na e le avatu ai la'u ario i le
 fale e faatau ai tupe, po ua ou sau
 ona ou maua ai lea atoa ma lona
 24 tau? Ua fai atu ia i e na tutū
 mai, Ia outou fao le mina ua ia te
 ia, ma avatu i le ua i ai mina e
 25 fuagafulu. (Ua latou fai mai ia te
 ia, Le alii e, ua ia te ia mina e
 26 fuagafulu.) Auā ou te fai atu ia te
 outou, O le o i ai mea, e avatu i ai;
 a o le ua leai sana mea, e faoa mea
 27 ua ia te ia. Peitai o i latou ua fai
 a'u mo latou fili, e na le mafafai
 ona fai o a'u mo latou tupu, ia ou-
 tou ta'ita'i mai iinei, ma fasioti ia
 28 te i latou i o'u luma. Ua mavae
 atu ia upu ona muamua atu ai lea o
 ia, ua maluu ae i Ierusalema.

Ua latalata i ai Petefake ma 29
 Petania i le mauga, o Olive le igoa,
 ona aau atu lea e ia o ona soo e
 toalua, ua faapea atu, Lua te o atu 30
 i le aai oulua o lumanai; a oulua
 oo i ai, lua te iloa le tamai *asini* ua
 noatia, e lei tietie ai lava se tasi
 tagata, lua te talaina, i le ta'ita'i
 mai. Afai foi e fesili mai se tasi ia 31
 te oulua, Se a le mea lua te tatala
 ai le *asini*? lua te fai atu ia te ia,
 ia faapea atu, E manao i ai le Alii.
 Ua o e na auuina atu, ona la maua 32
 ai lea, pei ona fetalai mai o ia ia te
 i lona. O tatala e i lona le tamai 33
asini, ua fai mai ia te i lona tagata
 e a latou le mea, Se a le mea lua te
 tatala ai le tamai *asini*? Ona la 34
 fai atu lea, E manao i ai le Alii.
 Ua la ta'ita'i mai i ai ia Iesu; ua 35
 latou lafo o latou ofu i luga i le
 tamai *asini*, ona latou faatietie ai
 lea o Iesu. O maluu ane ia, a ua 36
 latou fofola o latou ofu i le ala.
 Ua latalata ia ua i le ifoafi o le 37
 mauga o Olive, ona afua ai lea o le
 olioli o le au soo uma e toatele, ua
 latou vivii atu i le Atua ma le leo
 tele, auā o vavega uma na vaaia e i
 latou; ua faapea ane, Ia manuia le 38
 tupu o loo maluu mai i le suafa o le
 Alii; o le manuia i le lagi, o le
 viiga foi i mea aupitoaluga. Ona 39
 fai mai lea ia te ia o isi o le au
 faresaiio mai le motu o tagata, Le
 a'oa'o e, ia e aoi atu i ou soo. Ona 40
 tali atu lea o ia ia te i latou, ua faa-
 pea atu, Ou te fai atu ia te outou,
 a le feganavai i latou nei, e alalaga
 mai lava o maa.
 Ua latalata ia, ua silafia e ia le 41
 aai, ona tagi ai lea o ia, ua faapea 42
 ane, Ana e iloa, o oe lava i lenei lou
 lava aso, o mea e te manuia ai! A
 o lenei ua lilo ia te oe. Auā e oo 43
 mai ia te oe ona aso e tanu ai le
 mea mautietie e sio ai ia te oe e i
 latou ua ita ia te oe, latou te siaina
 lava ia te oe, e puipui ia te oe i itu
 uma; latou te faagatasi foi ia te oe 44
 ma le elelee, atoa ma lau fanau i
 totonu ia te oe; latou te le tuua foi
 se maa i luga o le tasi maa i totonu
 ia te oe; auā ua le iloa e oe ona po
 ua asia mai ai oe.
 Ua ulu atu ia i le malumalu, ona 45
 tulia lea i fafo e ia o e na fefaa-

46 taua'i; ua faapea atu ia te i latou,
Ua tusia, O lo'u fale o le fale tatalo
lea; a ua outou faia ma ana o e fao
47 mea. Ua a'oa'o ia i aso fai soo i le
malumalu. A o le au faitaulaga sili,
ma le au tusiupu, atoa ma alii o le
48 nuu, ua latou fia fasioti ia te ia; a
e lei maua e i latou se mea e fai ai;
auā ua naunau le nuu uma i le fia
faalogo atu ia te ia.

*O le faataoto i le tovine; o le taulaga
ia Kaisara; o le toe tu o e ua oti.*

20 O LE tasi o ia aso, a o a'oa'o ia i
le nuu i le malumalu, ma folafola i
le tala lelei, ua tutū mai ai ia te ia
faitaulaga sili, ma tusiupu, ma toe-
2 aina. Ona latou fai mai lea ia te ia,
ua faapea mai, Fai mai ia ia te i
matou, se a le pule e te fai ai na
mea; po o ai foi na ia ayatu ia te
3 oe lenei pule? Ua tali atu ia, ua
faapea atu ia te i latou, Ou te fesili
atu foi ia te outou se upu e tasi;
4 tou te fai mai ai ia te au, Mai le
lagi ea le papatisoga a Ioane, pe
5 mai tagata? Ona latou felafolafoai
lea, ua faapea ane, Afai tatou te fai
atu, Mai le lagi; ona fai mai ai lea
o ia, Se a foi le mea tou te lei tali-
6 tonu ai ia te ia? A tatou fai atu,
Mai tagata; ona fetogi mai ai lea o
le nuu uma ia te i tatou i maa; auā
o la latou lea taofi, o Ioane o le
7 perofeta ia. Ona latou tali mai lea,
8 Matou te le iloa pe maifea. Ona
fetalai atu lea o Iesu ia te i latou,
Ou te le ta'u atu foi ia te outou le
pule ou te fai ai nei mea.
9 Ona fetalai atu lea o ia i lenei
faataoto i le nuu, Na fai e le tasi
tagata le tovine, ua tuu atu ai i e
galulue i vine, ona alu malaga lea o
10 ia i le nuu ese ua fāi po. Ua fai le
fuata, ona auina atu, lea e ia o le
auauna i e galulue i vine, ia latou au
mai ia te ia ni fua o le tovine; a o
e galulue i vine ua latou sasaina o
11 ia, ma aufuaina mai o ia. Ua toe
auina atu e ia le tasi auina; ua
latou sasa ma agaleaga ia te ia, ona
12 latou aufuaina mai lea o ia. Ua
toe auina atu e ia lona toatolu, ua
latou fasia o ia ua manua, ma latou
13 tulieseā. Ona fai ane ai lea o le alii
e ona le tovine, Se a se mea ou te
faia? Ou te auina atu lo'u atalii

pele; atonu latou te ava mai ia te
ia, pe a iloa mai o ia. A ua iloa atu
14 o ia e tagata galulue i vine, ona
latou fetautalatala'i ai lea, ua faa-
pea ane, O le suli lena; o mai ia,
ina tatou fasioti ia te ia, e maua ai
le fanua mo i tatou. Ua latou tuli
15 ia te ia i tua o le tovine, ma latou
fasiotia. Se a foi le mea e faia ia te
i latou e le alii e ona le tovine? E
16 alu atu ia ma faauma ia tagata
galulue i vine, e tuu atu foi le
tovine i nisi tagata. Ua latou faa-
logo atu, ona latou fai mai lea, Aua
ne'i faapea. Ona silasila lea o ia ia
17 te i latou, ua faapea atu, Se a foi
lenei upu ua tusia, O le maa na
lafoaiina e tufuga fai fale, ua avea
lea ma maa tulimanu aupitoaluga?
O sē paū i luga o lea maa, e gaugau
18 ai o ia; a o se tasi e paū ifo i ai le
maa, e nutipalaina ai o ia. Ua fia
19 pue ia te ia le au faitaulaga sili ma
le au tusiupu i lea lava itu aso; a
ua latou matatau i le nuu, auā ua
latou iloa ua faatu e ia lena faataoto
ia te i latou.

Ua latou lamalama ma auina atu
20 nisi e vaavaai ia te ia, ua latou faa-
taga amiotonu, ina ia latou maua ai
sana upu e tuu atu ai ia te ia i le
lima ma le pule a le alii. Ua latou
21 fesili mai ia te ia, ua faapea mai, Le
a'oa'o e, ua matou iloa ua e tautala
ma a'oa'o mai ma le tonu, e le faa-
ilogaina e oe se tagata, a ua e a'oa'o
i le ala o le Atua ma le faamaoni.
Pe sa ea ona matou avatu le taulaga
22 ia Kaisara, pe leai? A ua silafia e ia
23 la latou togafiti, onā fetalai atu ai
lea o ia ia te i latou, Se a le mea
tou te tofotofa mai ai ia te au?
Faaali mai ia ia te au se tenari. O
24 ai ea e ona le faatagata ma le tusi
e i ai? Ua latou fei mai ia te ia, E
o Kaisara. Ona fetalai atu lea o ia
25 ia te i latou, O mea a Kaisara ia
outou avatu ia Kaisara; a o mea a
le Atua avatu ia i le Atua. Latou
26 te le mafai lava ona maua o ana
upu i luma o le nuu; ua latou ofo i
lana tali, ua latou faalologo ai.

Ua o mai ia te ia isi o le au satu-
27 kaio o e taofi e leai se toe tu; ua
latou fesili mai ia te ia, ua faapea
28 mai, Le a'oa'o e, ua tusi mai Mose
ia te i matou, pe afai e oti le uso o

le tasi tagata ua fai lana avā, a ua
 oti ia e leai sana fanau, ia fai avā
 lona uso i le fafine, ina ia tupu ai se
 29 gafa o lona uso. Ia, e toafitu le au
 uso; na fai avā le ulumatua, ua oti
 30 e leai sana fanau. Ona fai avā lea i
 le fafine o le aupito ane i ai, ua oti
 31 foi o ia e leai sana fanau. Ua fai
 avā foi i ai lona toatolu, ua faapea
 foi ua oo i lona toafitu, ua latou oti
 32 ua leai ni a latou fanau. A e muliai
 33 oti foi le fafine. A oo foi i le toe tu,
 o ai so latou e ana le avā? auā na
 34 fai avā ai le toafitu. Ona tali atu
 lea o Iesu, ua faapea atu ia te i
 latou, O tagata, o le olaga nei, ua
 35 fai avā ma nofo tane i latou; a o e
 ta'uaogaina ia maua e i latou lea
 olaga, ma le toe tu mai o e ua oti,
 36 latou te le fai avā, pe nofo tane; e
 le mafai foi ona toe oti o i latou;
 auā ua latou tutusa ma agelu; o
 fanau foi i latou a le Atua, o tagata
 37 o le toe tu. A o le faatuina o e ua
 oti, ua faailoa mai *lea mea* e Mose i
 le laau talatala i lona ta'ua o le Alii
 o le Atua o Aperamo, o le Atua foi
 38 o Isaako, o le Atua foi o Iakopo. E
 le o le Atua ia o e ua oti, a o e ola;
 39 auā ua ola uma ia te ia. Ona tali
 mai ai lea isi o le au tusiupu, ua faa-
 pea mai, Le a'oa'o e, ua tonu lau
 40 upu. E mulimuli ane latou te lei
 toe faamalosi ona fesili mai ia te ia
 se mea e tasi.
 41 Ona fetalai atu lea o ia ia te i
 latou, Pe faapefea ona fai mai
 tagata, o le Keriso o le Atalii ia o
 42 Tavita? A ua fai mai e Tavita lava
 i le tusi o salāmo, Na fetalai atu le
 Alii i lo'u Alii, Ina nofo ia oe i lo'u
 43 itu taumatau, seia ou faia e ua fai
 oe mo latou fili ma mea e tu ai ou
 44 vae. O lenei, ua ta'ua o ia e Tavita
 o lona Alii, pe faapefea ona fai
 45 mona atalii? Ona fetalai atu lea o
 ia i ona soo, a o faalogo mai le nuu
 46 uma, Ia outou i le au tusiupu e ua
 fia evaeva ma ofu tatapuvae, ua
 manao foi ia alofagia i latou i malae,
 ma nofoa sili i sunako, ma mea sili
 47 e taooto ai i faigaai; o e faauma
 fale o fafine ua oti a latou tane, ua
 faalevaleva foi a latou tatalo e fai
 ma ufuufi; e atili ai ona faasalaina
 o i latou.

*Ua vavalō mai Iesu i le faatafunaina
 o le malumalu, atoa ma Ierusalem.*

UA tepa ae ia, ua silafia o e mauoa, 21
 o lafo a latou taulaga i le mea e teu
 ai tupe. Ua silafia foi e ia le tasi 2
 fafine mativa ua oti lana tane, ua
 lafo i ai tupe iti e lua. Ona fetalai 3
 atu lea o ia, E moni, ou te fai atu ia
 te outou, o mea a lenei fafine mativa
 ua oti lana tane ua lafo i ai, ua sili
 lea i a latou uma. Auā o i latou 4
 uma, ua latou lafo atu i taulaga a
 le Atua nisi *mea* mai a latou mea
 ua tele; a o ia ua mativa, ua lafo
 e ia ana mea uma e ola ai sa ia
 te ia.
 Ua tautalatala nisi i mea a le 5
 malumalu, i lona teuteuina i maa
 lalelei ma taulaga, ona fetalai atu
 lea o ia, O ia mea ua outou vaavaai 6
 i ai, e oo mai lava ona aso e le toe
 ai se tasi maa i luga o le tasi maa, a
 e uma ona sōloia i lalo. Ona latou 7
 fesili mai ai lea ia te ia, ua faapea
 mai, Le a'oa'o e, e taunuu ea ia mea
 afea? se a foi le faailoga pe a tāli
 taunuu ai ia mea? Ua fetalai atu 8
 ia, Ia outou, ne'i faaseseina outou;
 auā e toatele e o mai i lo'u igoa, e
 taitasi ma faapea ane, O a'u o ia;
 ua latalata foi ona po; aua foi tou
 te mulimuli atu ia te i latou. Pe a 9
 outou faalogo i taua ma fouvalega,
 aua tou te atuatuva'e; auā e ao ina
 muai taunuu mai o ia mea, a e le
 oo loa mai le gataaga. Ona fetalai 10
 atu lea o ia ia te i latou, Esii le taua e
 le tasi nuu i le tasi nuu ma le tasi
 malo i le tasi malo. E i ai mafuie te- 11
 tele i lea mea ma lea mea, o oge foi,
 ma faamai; ma faateite ma faailoga
 tetele mai le lagi. A o lei oo nei 12
 mea, latou te pupue ma faasaua ia
 te outou, e tuuina atu ia te outou i
 sunako ma fale puipui, latou te
 ta'ita'ina atu outou i tupu ma alii
 ona o lo'u igoa. E oo ia mea ia te 13
 outou e fai ma molimau. O lenei, 14
 ia tuu i o outou loto, tou te le muai
 mafaufau i se upu tou te tali atu ai.
 Auā ou te avatu mo outou le upu 15
 ma le poto, e leai so latou o e finau
 mai ia te outou na te mafaia ona
 tali mai, pe tete'e mai ia te outou.
 E tuuina atu foi outou e mātua, ma 16
 uso, ma aiga, ma uo; o isi foi o

17 outou e fasiotia e i latou. E inosia
foi outou e tagata uma ona o lo'u
18 igoa. A e leai lava so outou lauulu
19 e tasi e pa'u. O lo outou onosai ia
maua ai lo outou ola.
20 A iloa e outou ua siosiomia Ieru-
salema i 'au o le tana, ia outou iloa
i lea aso ua latalata lona faatafuna-
21 iua. O lea aso, o e ua i Iutaia ia
latou sosola i mauga; o e ua i
totonu o lea aai, ia latou o ese; o e
ua i le vao foi, aua ne'i latou o atu
22 i totonu o le aai. Auã o ona aso ia
e faasalaina ai, ina ia taunuu mai o
23 mea uma ua tusia. O'i talofa i
fafine ua totō, atoa foi ma ē failele
i ia lava aso; auã e oo le puapuaga
tele i le nuu, ma le toasa i le nuu
24 nei. E oti i latou i le mata o le
pelu; e tāfea foi i nuu uma; e solia
foi Ieruselema e nuu ese, seia faai-
25 ina tausaga o nuu ese. E i ai foi
faailoga i le la, ma le masina, ma
fetu; o i le lalolagi foi le atuatuva-
le o nuu i le fememeai; e ū foi le sami
26 ma le sousou; e oti foi tagata i le
matatau ma le faatalitali i mea e
oo mai i le lalolagi; auã e luluina
27 'au a le lagi. Ona iloa atu ai lea e
i latou o le Atalii o le tagata e sau i
le ao, ma le mana ma le mamalu
28 tele. A afua ona faia o ia mea, ia
tepa ae outou, ma ia ea i luga o
outou ulu; auã e latalata ina fao-
laina outou.
29 Ua fetalai atu ia ia te i latou i le
faataoto; Ina vaai ia i le mati atoa
30 ma laau uma; pe a faatoa matala
mai lau, ua outou vaai, ona outou
iloa ai lea ua latalata le tausaga
31 vevē. Ia faapea foi outou, pe a
iloa e outou ia mea ua faia, ia outou
iloa ua latalata le malo o le Atua.
32 E moni, ou te fai atu ia te outou, E
le mavae atu lenei tupulaga, seia
33 taunuu mea uma. E mavae atu
lava le lagi atoa ma le lalolagi;
peitai o a'u upu, e le mavae atu lava
34 ia. Ia outou, ne'i faamamafaina o
outou loto, ma le faaniniva, ma le
ouã, ma le popole i mea a le olaga
nei, ne'i faafuasei mai lea aso ia te
35 outou. Auã e pei o se mailei ona
oo mai ai i e nonono uma lava i le
36 fogāelele uma. O lea ia outou
matala ai ma tatalo e le aunoa, ina
ia ta'uaogaina outou e sao mai ia

mea uma ua tāli oo mai, ma ia tutū
i luma o le Atalii o le tagata.

Sa masani ia i a'oa'o atu i le malu- 37
malu i le ao; a o le po, ua maluu
atu ai ia i tua, ma nofo i le mauga
o O'live le igoa. Ua malama ae le 38
taeao, ona o ane ai lea ia te ia o le
nuu uma i le malumalu e faalogo-
logo ai ia te ia.

*O le faamanatuga; o le faalataina
o Iesu.*

UA latalata le tausamiga o areto 22
e le faafefeteina, e ta'ua o le paseka.
Ona saili lea e le au faitaulaga sili 2
ma le au tusiupu pe faapefea ona
latou fasioti ia te ia; auã ua latou
matatau i le nuu. Ona uluitino ai 3
lea o Satani ia Iuta e ta'ua o le
Sekara, o le tasi lea o le toasefulu
ma le toalua. Ua alu ia, ua tau- 4
talatala ma le au faitaulaga sili ma
ta'itai o 'au i se togafiti na te faa-
lataina ai o ia ia te i latou. Ona 5
latou fiasia lea, ua latou tautalatala
ma ia e avatu ai tupe. Ua lelei ia 6
te ia, ona lamalama lea o ia se itu
aso e faigofie ai, na te faalataina ai
o ia ia te i latou, a o le i ai le motu
o tagata.

Ona oo mai ai lea o le aso o areto 7
e le faafefeteina, e tataua ona fasi ai
o le paseka. Ona aauina atu lea e 8
ia o Peteru ma Ioane, ua faapea
atu, Lua te o e sauni le paseka mo
i tatou, tatou te aai ai. Ona la fai 9
mai ai lea ia te ia, O ifea e te fina-
galo i ai ma te saunia? Ona feta- 10
lai atu lea o ia ia te i laua, Faauta,
a oo oulua i totonu o le aai, tou te
fetatai ma le tagata o ave le vai
omea, lua te mulimuli atu ia te ia i
le fale e ulu atu ai o ia. Lua te fai 11
atu i le matai o le aiga, Ua fai mai
le a'oa'o ia te oe, Po o ifea le afeafe
e api ai malo, ina ia matou aai ai le
paseka, o a'u ma o'u soo? Ona 12
tusi atu ai lea e ia o le afeafe tele
aupitoaluga ua uma onateu; lua te
sauni ai le paseka. Ona la o ai lea, 13
ua iloa ai pei ona fetalai atu o ia ia
te i laua; ona la sauni ai lea o le
paseka.

Ua oo i le itu aso, ona taoto ai 14
lea o ia e taumafa, sa faatasi ma ia
le au aposetolo e toasefulu ma le
toalua. Ua fetalai atu ia ia te i 15

- latou, O lo'u manao, ua tele lava
lo'u manao e muai 'ai lenei paseka
ma outou, a o lei oo i lo'u tiga.
- 16 Auā ou te fai atu ia te outou, ou te
le toe 'ai ai lava, seia oo ina faai-
ina i le malo o le Atua. Ona tago
- 17 ai lea o ia i le ipu, ua faafetai, ua
fetalai atu, Ia outou tago i lenei
ipu, ma ia tufatufa ane ia te outou;
- 18 auā ou te fai atu ia te outou, ou te
le inu lava i le fua o le vine, seia oo
- 19 mai le malo o le Atua. Ona tago ai
lea o ia i le areto, ua faafetai, ua
tofitofi, ma avatu ia te i latou, ua
faapea atu, O lo'u tino lenei, ua
foaiina atu mo outou; toutē faia le
mea nei e fai ma faamanatuga ia te
- 20 au. Sa faapea foi ona tago i le ipu,
ina ua uma ona tālisua, ua faapea
atu, O lenei ipu o le feagaiga fou
lea i lo'u toto, ua faamaligiina mo
- 21 outou. A e peitai, faauta mai, o ia
te au i le laulau nei le lima o lē
faalata ia te au. E alu lava le Atalii
o le tagata e pei ona tofia; a o lea
tagata na te faalataina o ia, oi talofa
- 23 ia te ia! ona latou fesueai ai lea, po
o ai so latou o le a na faia lea mea.
- 24 Sa latou fefinauāi foi po o ai so
25 latou e sili. A ua fetalai atu ia ia
te i latou, O tupu o nuu ese ua
aliitai i latou; o e pule foi ia i latou
- 26 ua ta'ua i latou o e agalelei. A e le
faapea outou; peitai o lē sili ia te
outou, ia aveā o ia ia pei o le aupito
itiiti; o lē pule foi, ia pei o le au-
auna ia. Auā po o ai lē sili; o lē
- 27 taoto ea e 'ai, po o lē auaua mai?
E le o lē taoto e 'ai ea? A o a'u
nei, o loo ia te outou pei o le auaua
- 28 lava. O outou foi, ua outou tumau
29 ia te au i o'u tofotofoga. E faapei
ona tofia mai e lo'u Tamā o le malo
ia te au, e faapea foi ona ou tofia
- 30 outou, ina ia outou aai ma inu i la'u
laoai i lo'u malo, ma ia nonofo i
nifoālii, ma faamasino atu i itu
aiga o Isaraelu e sefulu ma le lua.
- 31 Ua fetalai atu le Alii, Simona e,
Simona e, faauta, ua manao tele
Satani ia te outou, ia lulu ia te outou
- 32 pei o le saito; a ua ou faatoga mo
oe, ina ne'i mavae lou faatuatua; a
o oe foi, pe a liua mai oe, ona e
- 33 faamalosi ai lea i ou uso. Ua fai
mai o ia ia te ia, Le Alii e, ua ou
sauni ta te o faatasi ma oe i le fale
- puipui atoa ma le oti. Ona fetalai 34
atu lea o ia, Peteru e, ou te fai atu
ia te oe, e le vivini moa i le po
nei, seia e faafiti faatolu mai e te
le ilba a'u. Ua fetalai atu ia ia te 35
i latou, Na ou auina atu ia te
outou e leai sa outou ete tupe, po o
se 'ato, po o seevae, pe na outou
matitiva ea i se mea e tasi? Ua fai
mai i latou, E leai lava. Ona fetalai 36
atu ai lea o ia ia te i latou, A o
lenei, ai se tagata e ana se ete tupe,
ina tago ia i ai, e faapea foi sana
'ato; o le tagata foi e leai sana pelu,
ia avatu lona ofu e faatau a'i mai.
Auā ou te fai atu ia te outou, e 37
tatau ona taunuu mai ia te au o le
mea ua tusia, o lea, Na faitauina
foi o ia faatasi ma e pagotata; auā
foi o le a faaiuina mea ua tusia ia
te au. Ua latou fai mai, Le Alii e, 38
faauta, o pelu nei e lua. Ona feta-
lai atu lea o ia ia te i latou, Soia.
- Ua malii atu o ia i fafo, ua sava- 39
li atu i le mauga o Olive, ua faapea
lana masani; ua mulimuli atu foi
ona soo ia te ia. Ua oo atu ia i lea 40
mea, ona fetalai atu lea o ia ia te i
latou, Ia outou tatalo ne'i oo mai le
faaososoga ia te outou. Ona malii 41
ese lea o ia ia te i latou, e pei o le
togi o le maa ona manao, ona too-
tuli ai lea o ia ua tatalo, ua faapea 42
atu, Lo'u Tamā e, a e finagalo i ai,
ia e ave ese lenei ipu ia te au; a e
aua le faia lo'u loto, a o lou finagalo.
- Ona faali mai ai lea ia te ia o le 43
agelu mai le lagi, ua faamalosi ia te
ia. Ua puapuaga o ia, ua atili ai 44
lana tatalo; o lona afu foi ua pei o
'alu'alu toto ua pa'i ifo i le elelee.
- Ua tulai o ia sa tatalo, ona malii 45
atu lea i ona soo, ua maua i latou
ua momoe ina ua tiga i le alofa.
Ona fetalai atu lea o ia ia te i latou, 46
Se a le mea tou te momoe ai? ina
tulai ia, ina tatalo, ne'i oo mai le
faaososoga ia te outou.
- O loo fetalai ia, faauta, o le motu 47
o tagata, ma lē ua igoa ia Iuta, o le
tasi o le toasefulu ma le toalua, ua
muanua mai o ia ia te i latou, ma
soso mai ia Iesu e sogi ia te ia. A 48
ua fetalai atu Iesu ia te ia, Iuta e,
e te faalataina ea le Atalii o le ta-
gata ma le sogi? Ua iloa e i latou 49
ua faatasi ma ia o le mea o le a fai,

ona latou fai mai ai lea ia te ia, Le Alii e, pe matou te taia ea i le pelu?

50 O le tasi tagata o i latou, ua ta e ia le auaua a le faitaulaga sili, ua tipisea lona taliga taumatau. Ona fetalai atu lea o Iesu, ua faapea atu, Tuu mai ia, seia *faia* lenei mea.

51 Ona tago ai lea o ia i lona taliga, ua faamalolo ia te ia. Ua fetalai atu Iesu i le au faitaulaga sili, ma ta'ita'i o 'au o le malumalu, ma toea, e na o mai ia te ia Ua outou o mai ma pelu ma uatogi, peiseai o se puega o se fao mea? Sa tatou i le malumalu ma outou i aso fai soo, e lei oo mai lava o outou lima ia te au; a o lo outou itu po lenei, ma le pule a le pouliuli.

52 Ona latou pue lea ia te ia, ua ta'ita'i ma ave ia te ia i le fale o le faitaulaga sili. A ua mulimuli mamao atu Peteru. Ua latou tafu le afi i totonu o le maota, ua latou nonofo i lalo, ua nofo foi Peteru faatasi ma i latou. A ua iloa atu o ia e le tasi auaua teine o nofo mai i tafatafa o le afi, ona pulatoa lea ia te ia, ua faapea ane, O lenei tagata foi sa faatasi ma ia. A ua faafiti atu o ia ia te ia, ua faapea atu, Funai e, ou te le iloa o ia. Ua to'e ititi, ona vaai mai lea o le tasi ia te ia, ua faapea mai, O oe foi le tasi o i latou. Ona fai atu lea o Peteru, Sole, e le o a'u. Ua mavae, pe atoa le itu po e tasi, ona matu'a fai mai ai lea o le tasi, ua faapea ane, E moni lava, sa ia te ia lenei tagata; au'a o le Kalilaia foi o ia. Ona fai atu lea o Peteru, Sole, ou te le iloa le mea e te fai mai na. Ona vivini loa lea o moa, a o tautala o ia. Ona fāliu lea o le Alii, ua silasila atu ia Peteru. Ona manatu mai ai lea o Peteru i le fetalaiiga a le Alii, na ia fetalai mai ia te ia, E le vivini moa seia e faafiti faatolu mai ia te au. Ona alu ai lea o Peteru i fafo, ua tagi lotulotu ia.

53 O tagata ua taofi ia Iesu, ua latou tauemu ma sasa ia te ia. Ua latou u'ufu'i ona *fofoga*, ona po mai ai lea i ona fofoga, ua fesili mai foi ia te ia, ua faapea mai, E te iite mai, po o ai na po atu ia te oe? O isi foi upu e tele ua latou upu leaga ai ia te ia.

Ua ao, ona faapotopoto ai lea o le taupulega o le nuu, o le au faitaulaga sili, ma le au tusiupu, ona ta'ita'i atu lea ia te ia i la latou fono, ua faapea mai, Afai o oe o le Keriso, fai mai ia ia te i matou. Ona fetalai atu lea o ia ia te i latou, Pe afai ou te fai atu ia te outou, tou te le talitonu mai lava; afai foi ou te fesili ia te outou, tou te le tali mai lava, pe tatala mai ia te au. E amata i nei ona po ona nofo o le Atalii o le tagata i le itu taumatau o le Atua mamana. Ona fai mai lea o i latou uma, O oe foi ea le Alo o le Atua? Ua fetalai atu ia ia te i latou, O a'u lea ua outou fai mai ai na. Ona latou fai ane ai lea, Se a le aoga o sa tatou toe molimau? au'a o i tatou lava, ua tatou faalogo i lana lava upu.

Ua faamasinoina Iesu, ma ua faasatauroina.

UA tutū i luga i latou uma lava, 23
 ua ta'ita'i ia te ia ia Pilato. Ona 2
 latou momoli ai lea ia te ia, ua faapea atu, Na matou iloa lenei tagata ua ia faasese i le nuu, ua vavao foi ona avatu o taulaga ia Kaisara, ua faapea mai, o ia lava o le Tupu, o Keriso. Ona fesili mai lea o Pilato 3
 ia te ia, ua faapea mai, O oe ea o le tupu o tagata Iutaia? Ua tali atu ia ia te ia, ua faapea atu, O lea lava. Ona fai ane lea o Pilato i le 4
 au faitaulaga sili ma le motu o tagata, Ou te le iloa se mea e sala ai lenei tagata. A ua latou finau pea, 5
 ua faapea mai, Ua faaoso e ia i le nuu, ua a'oa'o i Iutaia uma, ua afua mai i Kalilaia ua oo mai iinei. Ua 6
 faalogo Pilato ia Kalilaia, ona fesili ane lea o ia, pe se tagata Kalilaia o ia. Ua iloa e ia, o ia mai le itu malo 7
 o Herota, ona avatu lea o ia ia Herota, o ia foi sa i Ierusalemia i ia ona po. Ua iloa atu e Herota ia 8
 Iesu, ona fiasia tele ai lea o ia; au'a ua leva ona fia matamata ia te ia, ona o mea e tele ua logo mai ia te ia; ua faamoemoe foi o ia na te vaavaai i se faailoga e faia e ia. Ua fesili mai o ia ia te ia i upu 9
 tele; a e lei tali atu e ia se upu ia te ia. Ua tutū i luga le au faitaulaga sili ma le au tusiupu, ua nau- 10

- 11 nau lo latou momoli ia te ia. Ua faaleaogaina o ia e Herota ma lana 'au, ma tauemu mai ia te ia, ua latou faaofu foi ia te ia i le ofu pupula, ona toe au mai ai lea o ia ia
- 12 Pilato. Ua toe lelei o Pilato ma Herota i lea lava aso: auā sa muai feitagai i laua.
- 13 Ona faapotopoto lea e Pilato le au faitaulaga sili, ma le au faipule, ma
- 14 le nuu, ona fai atu lea o ia ia te i latou, Ua outou au mai lenei tagata ia te au, e peiseai se faasese i le nuu; faauta mai foi, ua ou suesue ia te ia i o outou luma, ou te lei iloa se mea e sala ai lenei tagata i mea ua outou molia mai ai ia te ia.
- 15 A ua le *iloa* foi e Herota; auā na ou aauina atu outou ia te ia; faauta foi, e leai se mea ua faia e ia e tusa ai ona oti o ia. O lenei foi, ou te aoai atu ia te ia, i le ou tatalaina atu ai. (E ao ina tatalaina e ia o se tasi tagata ia te i latou i le tausamiga.) A ua alaga mai le motu o tagata uma lava, ua faapea mai, Ave ese ia lena *tagata*, a ia tatala mai Parapa ia te i matou. (O le *tagata* lea na tuuina i le fale puipui, ona o le fouvale sa faia i le aai, ma le fasioti tagata.) Ona toe tautala atu ai lea o Pilato, ina ua
- 21 faia tatalaina atu Iesu. A ua latou leo tetele mai, ua faapea mai, Ina faasatauro ia, ina faasatauro ia ia te ia. Ua fai atu faatolu foi o ia ia te i latou, Se a foi lona leaga vā na faia? Ou te lei iloa se mea e faasalaina ai o ia ia oti; o lea foi ou te aoai atu ai ia te ia, i le ou tatalaina
- 23 atu ai. A ua latou faatauanaui mai ma leo tetele, o fai mai ia faasatauroina ia; ua malo o latou leo ma *leo* o le au faitaulaga sili. Ua fai atu e
- 25 Pilato, ia faia lo latou monao. Ua tatalaina e ia ia te i latou o le na tuuina atu i le fale puipui ona o le fouvale ma le fasioti tagata ua latou fai mai ai; a ua tuuina atu e ia o Iesu i lo latou manao.
- 26 Ua latou ta'ita'i atu ia te ia, ona latou pue atu lea ia Simona, o le tasi Kurene ua sau mai le vao; ua latou faaee ia te ia le satauro e faafuata ai ma mulimuli ia Iesu. Ua mulimuli atu ia te ia le motu o tagata e toatele, ma fafine, e ua tau-
- faitagitu'i, ma taufaitagiaue ia te ia. A ua fāliu Iesu ia te i latou, ua fetalai atu, Tama fafine a Ierusalem e, soia le tagi ia te au, a ia outou tagi ia te outou, atoa foi ma a outou fanau. Faauta foi, e oo mai ona aso, e fai mai ai tagata, Amuia e ua pa, ma fafine e lei fananau, ma susu e lei susuina. Ona fai atu lea o tagata i mauga, Mafuli mai ia ia te i matou; e *fai atu* foi i mea maupuepue, Ina utiufi ifo ia ia te i matou. Auā afai e faia nei mea i le laau mata, se a se mea e fai i le *laau* mago?
- O isi foi pagotata e toalua, ua ta'ita'iina atu faatasi ma ia, ia fasiotia. Ua latou oo atu i le mea e ta'ua o le mea o i ai le ulupoo, ua latou faasatauro ia te ia i lea mea, ma e pagotata, o le tasi i le itu tau-matau, ma le tasi i le itu tau-gavale. Ona fetalai atu lea o Iesu, *Lo'u* Tamā e, ia e faamagaloina atu ia te i latou; auā ua latou le iloa le mea ua latou faia. Ua tufatufa e i latou ona ofu, ona fai ai lea o le vili. Ua tutū mai le nuu, ma matamata mai. O le au faipule foi ua tauemu mai ia te ia faatasi ma i latou, ua faapea mai, Na faaolaina e ia nisi tagata, ina faaola ia o ia ia te ia, pe afai o le Keriso lena ua filifilia e le Atua. Ua tauemu mai foi ia te ia tagata tau; ua o aue ia te ia, ma avatu i ai le vineta, ua faapea atu, Afai o oe o le tupu o tagata Iutaia, ina faaola ia oe ia te oe. Na tusia foi le tusi i ona luga, i le upu a Eleni, ma Roma, ma Eperu, O LE TUPU LENEI O TAGATA IUTAIA.
- O le tasi foi o e na pagotata ua faatauina ua upu leaga o ia ia te ia, ua faapea mai, Afai o oe o le Keriso, ina faaola ia oe ia te oe atoa ma i maua nei. A ua tali atu le tasi, ua vavao ia te ia, ua faapea atu, E te le mata'u ea i le Atua, ina ua tatou sala faatasi? Ua tonu lava la ta *sala*; auā ua tauia mai i taua e tusa ma mea na ta faia; a o ia nei, e leai se mea e le tusa na faia e ia. Ona fai mai lea o ia ia Iesu, Le Alii e, ia e manatua mai a'u, pe a e afio mai i lou malo. Ona fetalai atu ai lea o Iesu ia te

- ia, E moni, ou te fai atu ia te oe, o le asō ta te faatasi ai ma oe i parataiso.
- 44 Ua oo i le itu aso po ua ono, ona pogisa uma ai lea o le nuu, ua oo
- 45 lava i le itu aso e i va. Ua faapouliuliina foi le la; o le ie puipui foi o le malumalu ua saelugalemuina.
- 46 Ona valaau ai lea o Iesu, ua leo tele, ua faapea atu, *Lo'u Tamā* e, ou te tuuina atu lo'u nei agaga i ou aao; ua na fetalai ia upu, ona to ai
- 47 lea o lana mānava. Ua iloa e le tā'itai o le toaselau le mea ua faia, ona vivii atu lea o ia i le Atua, ua faapea atu, E moni, o le tagata amiotonu lenei. O tagata uma e
- 48 ua faapotopoto e maimoa i lea mea, ua vaavaai i mea ua faia, ona pōpō lea o i latou i o latou lava fatafata,
- 49 ma toe foi atu. Ua tutū mamao atu foi tagata uma e sa masani ma ia, atoa ma fafine e na mulimuli mai ia te ia mai Kalilaia, ua vaavaai mai i latou i ia mea.
- 50 Faauta foi, o le tagata e igoa ia Iosefa, o le faipule ia, o le tagata
- 51 amio lelei ma le tonu; (e lei faapoopoo o ia i la latou pule ma la latou mea na fai,) o le Arimataia o ia, o le aai lea o tagata Iutaia, o ia foi sa faatalitali atu i le malo o le
- 52 Atua. Ua alu atu o ia ia Pilato,
- 53 ma faanoi atu i le tino o Iesu. Ua na ave ifo ai, ona aui lea i le ie lino, ona tuu ai lea i le tuugamau na foa i le papa, e lei tuu ai lava se tasi.
- 54 O le aso lea o le sauniga, ua latalata
- 55 le sapati. Ua mulimuli atu foi fafine e na o mai ma ia mai Kalilaia, ua latou vaavaai i le tuugamau, ma
- 56 le tuuina ai o lona tino. Ua latou toe foi atu, ua sauni mea manogi ma suāuu manogi; ua latou malolo foi i le sapati, e tusa ma le poloaiga.
- O le toe tu o Iesu nai e ua oti.
- 24 O LE uluai *aso* o le vaisapati, ua latou o atu ai i le tuugamau i le tafa o ata, ua ave mea manogi na latou saunia, o isi foi *fafine* sa faatasi ma i latou. Ua iloa e i latou
- 2 ua fulieseina le maa nai le tuugamau; ona latou ulu atu lea i totonu, a e lei iloa le tino o le Alii o Iesu.
- 4 Ua fememeai i latou i lenei mea, faauta foi, ua tutū mai ia te i latou
- tagata e toalua ua oofu i ofu pupula. Ua matatau i latou, ua punou foi o latou mata i le eleele, ona la fai mai lea ia te i latou, Se a le mea tou te saili ai le ua soifua i e ua oti? E le o iinei o ia, a ua tu; ia outou manala i lona fetalai atu ia te outou, ina o i Kalilaia o ia, ua faapea atu, E tatau ona tunina atu o le Atalii o le tagata i lima o tagata agasala, ma ia faasatauroina, ma toe tu mai i le aso tolu. Ona latou manatu ai lea i lana fetalai ga. Ua latou toe foi mai nai le tuugamau, ona latou faamatala mai lea o ia mea uma i le toasefulu ma le toatasi, atoa ma i latou uma. O
- 10 Maria foi le Makatala, ma Ioana, ma Maria *le tinā* o Iakopo, ma i latou uma sa ia te i latou, o i latou ia e na faamatala mai ia mea i le au apusetolo. Ua latou manatu foi
- 11 i a latou upu e peiseai se talanoaga; latou te lei talitonu foi ia te i latou. A ua tu i luga Peteru, ua
- 12 momo'e i le tuugamau; ua punou foi, ua iloa e ia o le aso tuu faatasi; ona alu ai lea o ia, ua ofo i le mea ua faia.
- Faauta foi, ua o le toalua o i latou i lea aso i le aai. O Emau le igoa, o lo la va ma Ierusalem e onogafulu o setatio. Sa fetautalatala'i i laua i ia mea uma ua faia. Ua la fetautalatala'i, ma fesueai,
- 15 ona faalatalata mai ai lea o Iesu, ua o faatasi ma i laua. Aua punitia
- 16 o laua mata, o lea ua le iloa ai o ia e i laua. Ua fetalai atu ia ia te i laua, O a ea ia upu ua oulua felafolafoai ai, o oulua o savavali, ma ua mata faanoanoa? O le tasi o
- 18 i laua e igoa ia Kaleopa, ua tali mai ia te ia, ua faapea mai, Pe na o oe ea lē ānumau i Ierusalem ma le le iloa o mea ua tutupu ai i ona po nei? Ona fetalai atu lea o ia ia te
- 19 i laua, O a mea? Ona la fai mai ai lea ia te ia, O mea ia Iesu le Nasareta, o le perofeta lea sa malosi i mea na na faia, atoa ma ana upu i luma o le Atua ma le nuu uma; na
- 20 tuuina atu foi o ia e le au faitaulaga sili ma o tatou faipule, ia faasalaina o ia ia oti, ma ua latou faasatauroina o ia. Sa matou faamoe-
- 21 moe foi, o ia lava o le a togilaina

- Isaraelu; a e le gata i ia mea uma, o lona aso tolu le aso talu ona faia 37
 22 o na mea. A ua matou ofo lava i nisi fafine o i matou sa i le tuugamau i le tafa o ata; e lei iloa e i 38
 23 latou lona tino, a ua latou o atu, ma faapea atu, ua iloa e i latou agelu na faaali mai, e na fai mai, ua 39
 24 soifua o ia. O isi foi o matou, na latou o i le tuugamau, ua faapea foi ona iloa e i latou, pei ona fai mai ai o fafine; a e lei iloa e i latou 40
 25 o ia. Ona fetalai atu lea o ia ia te i laua, O tagata valea, ma loto faigata ona talitonu i mea uma ua fai 41
 23 mai ai e le au perofeta. E le tatau ea ona tiga o le Keriso i mea faapena, i le oo ai o ia i lona mamalu? 42
 27 Ona faamatala ai lea e ia ia te i laua o mea ua *tusia* ia te ia i Tusi uma, ua amata mai ia Mose atoa 43
 28 ma le au perofeta uma. Ua latou faalatalata atu i le aai ua latou o i ai; a o ia ua aga atu peiseai a alu 44
 29 loa. A ua la pulunaunau ia te ia, ua faapea mai, Tatou te nonofo ma i maua nei; auā ua taugagaifo le 45
 30 la, ua lata i le asiasi. Ona ulufale atu lea o ia, latou te nonofo. Ua taoto ia e taumafa faatasi ma i laua, ona tago ai lea i le areto, ua faafetai, ua tofitofi, ma avatu ia te 46
 31 i laua. Ona pupula ai lea o laua mata, ua la iloa o ia; a ua mou o ia nai ia i laua. Ona la fetautalatala'i 47
 32 lea, E lei mu ea o ta loto i totonu ia i taua, ina ua fetalai o ia ia te i taua i le ala, ina ua faamatala mai 48
 33 foi e ia o Tusi ia te i taua? Ua la tutu i luga i lea lava itu aso, ua toe foi atu ai i Ierusalem, ua maua atu 49
 foi e i laua o le toasefulu ma le toatasi ua faapotopoto faatasi ma e na ia i latou; o faapea mai i latou, E 50
 34 moni, ua toe tu le Alii, ua faaali foi o ia ia Simona. O i laua foi ua la faamatala atu mea na faia i le 51
 35 ala, mona ua iloa foi o ia e i laua ina o tofitofi le areto. 52
 36 O tautalatala i latou i nei mea, a a ua tu mai Iesu lava i o latou luma, ua fetalai atu ia te i latou, Ia outou 53

manuia. Ua fefese i latou, ua matuā 37
 matatau lava, fa te i latou o le agaga ua latou vaaia. Ua fetalai 38
 atu foi o ia ia te i latou, Se a le mea ua outou atuatuvaale ai? se a foi e tutupu ai masalo i o outou loto? Ia outou vaavaai mai i o'u lima ma 39
 o'u vae, auā o a'u lava lenei; ia outou tagotago mai ia te au, ma ia vaavaai mai; auā o le agaga e leai sona aano ma ni ivi, pei o a'u nei ua outou vaavaai i ai. Ua uma ona 40
 fetalai atu, ona faaali atu ai lea e ia ia te i latou o ona lima ma ona vae. A o lei talitonu i latou ona ua olioli, 41
 ma ua ofo, ua fetalai atu ia ia te i latou, O iina ea ni a outou mea e 'ai? Ona latou avatu ai lea ia te ia 42
 se fāsi i'a tunu, ma se fāsi melikerio. Ua tago ia i ai, ma taumafa ai i o 43
 latou luma. Ua fetalai atu ia ia te i latou, O upu ia na ou fai atu ai ia te outou, ina o ou ia te outou; e tatau ona taunuu o mea uma ua 44
 tusia ia te au i le tulafono a Mose, ma le au perofeta, ma salāmo. Ona 45
 tatalaina lea e ia o latou loto, ina ia latou lagona ai Tusi. Ua fetalai atu 46
 foi o ia ia te i latou, Ua faapea ona tusia, e faapea foi ona tatau ina tiga o le Keriso, ma toe tu nai o ua oti i le aso tolu; ina ia tala'iina foi 47
 le salamo ma le faamagaloina o agasala i nuu uma i lona igoa, e amata mai i Ierusalem. O moli- 48
 mau foi outou i nei mea. Faauta 49
 foi, ou te auina mai ia te outou le na folafolaina e lo'u Tamā; a ia outou nonofo i le aai o Ierusalem, seia maua e outou le mana mai 50
 luga.

Ua ave e ia ia te i latou i tua, ua 50
 oo lava i Petania; ona sisii ai lea o ona aao, ma faamanuia ia te i latou. Ua oo ina o faamanuia e ia ia te i 51
 latou, ona tēa ese lea o ia ia te i latou, ua siitia i le lagi. Ua latou 52
 ifo ia te ia, ona toe foi mai lea i Ierusalem ma le olioli tele; sa i le 53
 malumalu i latou e le aunoa, o latou o vivii ma faafetai atu i le Atua. Amene.

O LE EVAGELIA

A

IOANE.

Ua liu tino tagata le Lokou.

- 1 SA i le amataga, le Lokou, sa i le
 2 Atua le Lokou, o le Atua foi le
 3 Lokou. O ia lava sa i le Atua i le
 4 amataga. Na ia faia mea uma lava;
 5 e leai foi se mea e tasi na faia e lei
 6 faia e ia. Sa ia te ia le ola; o le ola
 7 foi o le malamalama lea o tagata.
 8 Ua pupula mai foi le malamalama i
 9 le pouliuli, a e lei talia e le pouliuli.
 10 Na auina mai le tagata mai le
 11 Atua, o Ioane lona igoa. Na sau o
 12 ia o le molimau, ina ia molimau i le
 13 malamalama, ina ia talitonu i ai o
 14 tagata uma lava ia te ia. E le o le
 15 malamalama ia, a *ua sau* o ia ina ia
 16 molimau i lea lava malamalama. O
 17 le malamalama moni lea, na te faa-
 malamalamaina tagata uma lava i
 lona maliu mai i le lalolagi. Sa i le
 lalolagi o ia, na ia faia foi le lalo-
 lagi; a e lei iloa lava ia e le lalolagi.
 Ua maliu mai o ia i lona lava *nuu*, a
 e lei talia o ia e ona lava *tagata*. A
 o i latou uma e na talia o ia, ma
 faatuatua i lona suafa, na ia avatu i
 ai o lea manuia, ia avea i latou ma
 fanau a le Atua. O i latou, e le o le
 toto na fanau ai, e le o le manao foi
 o le tino e le o le loto foi o le tagata,
 a o le Atua lava. Ua liu tino tagata
 le Lokou, sa mau foi o ia ma i tatou,
 (na matou matamata i lona mamalu;
 o le mamalu lava lea o le Alo e
 toatasi o le Tamā,) ua tumu o ia i le
 alofa tunoa ma le faamaoni.
 Ua molimau Ioane ia te ia, ma
 alaga atu, ua faapea, O ia lenei sa
 a'u fai atu ai, O lē mulimuli mai, e
 sili o ia ia te au, auā o ia na mua-
 mua ia te au. O lona tumu ua maua
 ai e i tatou uma lava le alofa tunoa,
 e faaopoopo i le alofa tunoa. Auā
 na tuuina mai e Mose le tulafono, a

o le alofa tunoa ma le mea moni,
 mai ia Iesu Keriso ia. E lei vaaia 18
 lava le Atua e se tasi; o le Alo e
 toatasi o loo i le fatafata o le Tamā,
 o ia ua na faailoa mai o ia.

O le molimau lenei a Ioane, ina 19
 ua auina mai e tagata Iutaia o
 ositaulaga ma o sa Levī mai Ierusa-
 lema, ina ia latou fesili mai ia te ia,
 O ai ea oe? Ona ta'utino lea o ia, e 20
 lei faafiti, a ua ta'utino atu, E le o
 le Keriso a'u. Ua fesili mai foi i 21
 latou ia te ia, A o ai foi? O Elia ea
 oe? Ua fai atu ia, E le o lea. O le
 perofeta ea oe? Ua tali atu o ia, E
 leai. Ona latou fai mai ai lea ia te 22
 ia, O ai ea oe? ina ia matou ave le
 tali i e na auina mai i matou; se a
 ea sau upu ia te oe? Ona faapea 23
 atu ai lea o ia, O a'u o le leo o lē
 alaga i le vao, Ina faalaulelei ia le
 ala o le Alii, faapei ona fai mai ai o
 le perofeta o Isaia. O i latou foi na 24
 auina mai, o isi o le au faresaio i
 latou. Ona latou fesili lea ia te ia, 25
 ua faapea mai ia te ia, Se a foi le
 mea e te papatiso ai, pe afai e le o
 le Keriso oe, e le o Elia, e le o lea
 perofeta? Ua tali atu Ioane, ua faa- 26
 pea atu, Ou te papatiso i le vai; a o
 loo tu mai i totonu ia te outou le
 tasi, tou te le iloa o ia. O ia lea o 27
 loo mulimuli mai, e sili lava o ia ia
 te au; ou te le aoga ona ou tata-
 laina le nonoa o lona seevae. O mea 28
 ia na faia i Petapara, i tala atu o
 Ioritana, sa papatiso ai Ioane.

O le taeao ua vaai atu ai Ioane ia 29
 Iesu o maliu mai ia te ia ona fai ane
 lea, Fautai i le Tamai mamoe a le
 Atua, na te aveesea le agasala a le
 lalolagi. O ia lea na ou fai atu ai, O 30
 loo mulimuli mai le tagata, e sili o
 ia ia te au, auā o ia na muamua ia
 te au. Ou te lei iloa foi o ia; a e 31

- peitai ina ia faaalua o ia ia Isaraelu, o le mea lea na ou sau ai e papatiso i le vai. Ua molimau foi Ioane, ua faapea, Na ou iloa le Agaga ua afio ifo mai le lagi, peiseai se lupe, 32
 33 ua nofo i ona luga. Ou te lei iloa o ia, peitai o ia na auina mai a'u e papatiso i le vai, na fetalai mai o ia ia te au, O le e te iloa le Agaga ua afio ifo i ai, ma nofo i luga ia te ia, o ia lava lea na te papatiso i le 34
 Agaga Paia. Ua ou vaaia foi ma ou molimau o ia lava le Alo o le Atua. 35
 36 O le taeao sa toe tu ai Ioane ma nisi ona soo e toalua; ua ia vaai foi ia Iesu o savali ane, ona faapea atu lea o ia, Faauta i le Tamai mamoe 37
 a le Atua. Ua faalogologo foi ona soo e toalua i lana upu, ona la mulimuli mai ai lea ia Iesu. Ua fāliu 38
 Iesu, ua silafia i laua ua mulimuli mai, ona fetalai atu lea o ia ia te i laua, Se a ea la oulua feau? Ua fai mai i laua ia te ia, Rapi e, (o lona uiga pe a faamatalaina, le a'oa'o 39
 e,) o fea e te mau ai? Ua fetalai atu ia ia te i laua, O mai ia, ina matamata. Ua la o ane, ma matamata atu i le mea ua mau ai o ia; ona latou nonofo lea ma ia i le aso, 40
 aua o le itu aso po ua oo i le sefulu. O Aneterea, o lea uso o Simona Peteru, o le tasi lea o i laua na faalogologo ia Ioane, ma mulimuli mai 41
 ia Iesu. Ua ia uluai maua lona lava uso o Simona, ona fai atu lea ia te ia, Ua ma maua le Mesia, (o lona 42
 uiga o le Keriso.) Ua ia aumaia foi o ia ia Iesu; ua silasila atu Iesu ia te ia, ona fetalai atu lea, O Simona oe, o le atalii o Iona, o le a igoa oe ia Kefa, (o lona uiga o Peteru.) 43
 O le taeao ua finagalo ai Iesu e maliu atu i Kalilaia ua na silafia Filipino, ona fetalai atu lea o ia ia te ia, Mulimuli mai ia ia te au. O le 44
 Petesaita foi Filipino; o le aai lea a Aneterea ma Peteru. Ua maua Natanielu e Filipino, ona fai atu lea ia te ia, Ua matou maua o ia le ua 45
 tusia e Mose i le tulafono, atoa ma le au perofeta, o Iesu lea, o le atalii o Iosefa, o le Nasareta. Ua fai 46
 mai Natanielu ia te ia, E mafai ea ona tupu o se mea lelei mai Nasareta? Ua fai atu Filipino ia te ia, 47
 Ina sau ia, ina matamata. Ua sila-
- fia Iesu o Natanielu o loo sau ia te ia, ona fetalai ane lea ia te ia, Faauta, o le Isaraelu moni, e leai sona pepelo. Ua fai mai Natanielu ia te 48
 ia, Na e silafia a'u ifea? Ua tali atu Iesu, ua faapea atu ia te ia, Na ou iloa oe i lalo o le mati, a o lei valaau atu lava Filipino ia te oe. Ona tali 49
 mai lea o Natanielu, ua faapea mai ia te ia, Rapi e, o oe lava o le Alo o le Atua, o oe lava le Tupu o Isaraelu. Ua tali atu Iesu, ua faapea 50
 atu ia te ia, Ua e talitonu ea aua na ou fai atu ia te oe, na ou iloa oe i lalo o le mati? e te vaaia mea e silisili i nei mea. Ua fetalai atu foi 51
 o ia ia te ia, E moni, e moni, ou te fai atu ia te outou, e mulimuli ane e vaaia e outou le lagi ua avanoa; o agelu foi a le Atua e o ae ma ifoifo i luga o le Atalii o le tagata.
- Ua liliu e Iesu le suavai e fai ma uaina.*
- UA oo i le aso tolu, ona fai ai lea 2
 o le tausamaaga i Kana i Kalilaia; 2
 sa i ai foi le tinā o Iesu. Na tala'ina foi Iesu ma ona soo i le tausamaaga. Ua uma foi le uaina, ona 3
 fai atu lea o le tinā o Iesu ia te ia, Ua leai sa latou uaina. Ua fetalai 4
 mai Iesu ia te ia, Funā e, se a ea lau na ia te au? e lei oo i lo'u itu aso. Ua fai ane lona tinā i auāuna, 5
 O se mea lava e fai mai ai o ia ia te outou, ia outou faia. Sa i ai vai 6
 maa tetele e ono, e tailua pe taitolu paita i vai, pei o le tu o le faamamaina o Iutaia. Ua fetalai atu Iesu 7
 ia te i latou, Ina faatutumu ia o vai i suāvai. Ona latou faatutumuina lea, ua oo lava i lau. Ua fetalai atu 8
 ia ia te i latou, Ina asu ane ia, ina ave i lē pule i le tausamaaga. Ona latou avatua lea. Ua tofo foi lē 9
 pule i le tausamaaga i le vai ua liu uaina, (a ua na le iloa le mea na maua ai, a o auāuna na asu le vai 10
 ua latou iloa,) ona valaau atu lea o lē pule i le tausamaaga i le faatoa-faiavā, ua fai atu ia te ia, E mua-mua ona au mai e tagata uma o le uaina lelei; pe a tele foi le inu i ai o tagata, ona au mai ai lea o le uaina lelei; 11
 a ua tuu e oe le uaina lelei, ua oo mai i lenei itu aso. Na faia e Iesu lenei uluai faailoga i

- Kana i Kalilaia, ma faaali mai ai lona mamalu; ona talitonu ai lea o ona soo ia te ia.
- 12 Mulimuli ane ua malii ifo ai i Kapanau, o ia ma lona tinā, ma ona uso, ma ona soo; a e lei nonofo ai i ni aso e tele. Ua lata mai foi le paseka a Iutaia; ona malii ae lea o Iesu i Ierusalemā. Ua na silafia i le malumalu o e faatau povi, ma mamoe, ma lupe, ma e faatau tupe
- 13 o nonofo mai ai. Ua ia faia le sasa i maea tua iti, ona tutuli atu ai lea ia te i latou uma lava i fafo o le malumalu, o mamoe atoa ma povi; ua sasaa ifo foi tupe a tagata faatau
- 14 tupe, ma fuli atu laulau. Ua faapea atu foi o ia i e faatau lupe, Ave ese ia nei mea; aua le fai le fale o lo'u Tamā ma fale faatau oa. Ona manatu ai lea o ona soo i le upu ua tusia, Ua 'aina lava a'u i le manao
- 15 tele i lou fale. Ona fai mai ai lea o tagata Iutaia, ua faapea mai ia te ia, Se a se faailoga e te faaali mai ia te i matou, ina ua e faia nei mea?
- 16 Ua tali atu Iesu, ua faapea atu ia te i latou, Ina lepeti ia o lenei malumalu, ona ou toe faia lea i aso e tolu. Ona fai mai lea o Iutaia, E faagafulu ma le ono o tausaga o fai lenei malumalu, pe e te toe faia foi e oe i aso e tolu? A o lona tino, o le malumalu lea na ia fetalai mai
- 17 ai. Na tu mai o ia nai e ua oti ona manatu ai lea o ona soo ua na fetalai mai lenei upu ia te i latou; ona latou talitonu lea i le Tusi, ma le fetalai a Iesu ua ia fetalai mai ai.
- 18 Sa i Ierusalemā o ia i le paseka, i le tausamiga, ona toatele ai lea o e na talitonu i lona suafa, ina ua latou vaai atu i faailoga na ia faia. A o Iesu, e lei faalagolago o ia ia te i latou, auā ua na silafia tagata uma
- 19 lava. E le aoga foi ia te ia ina ia molimau o se tasi ia te ia i amio a tagata; auā foi ua na silafia mea o i loto o tagata.
- O fetalai a Iesu ma Nikotemo.*
- 3 O LE tasi tagata o lo le au faisaio, o Nikotemo lona igoa, o le tasi lea faipule o Iutaia; ua alu ane o ia ia Iesu i le po, ua fai mai ia te ia, Rapi e, ua matou iloa o oe o le a'oa'o ua malii mai mai le Atua; auā e le mafai e se tasi ona fai o ia faailoga e te faia, ana le ia te ia le Atua. Ua tali atu Iesu, ua faapea atu ia te ia, E moni, e moni, ou te fai atu ia te oe, a le toe fanau le tagata, e le mafai ona iloa e ia o le malo o le Atua. Ua fai mai Nikotemo ia te ia, E mafai ea faapefea ona fanau o le tagata ua toecaina? E mafai ea ona toe ofi i le manava o lona tinā, e fanau mai ai? Ua tali atu Iesu, E moni, e moni, ou te fai atu ia te oe, afai e le fanau se tasi i le vai ma le Agaga, e le mafai ona sao o ia i le malo o le Atua. O le ua fanau mai i la le tino, o le tino lea; o le ua fanau mai foi i la le Agaga, o le agaga lea. Aua e te ofo auā na ou fai atu ia te oe, E ao ina toe fanau mai outou. E agi le matagi i le mea e loto i ai o ia, e te faalogo foi i lona agi, a e te le iloa le mea na sau ai, ma le mea e alu atu i ai; e faapea i latou uma o e ua fanau mai e le Agaga. Ua tali mai Nikotemo, ua faapea mai ia te ia, E mafai faapefea ia mea ona fai? Ona tali atu lea o Iesu, ua faapea atu ia te ia, O oe o le a'oa'o o Isaraelu, a e te lei iloa ea nei mea? E moni, e moni, ou te fai atu ia te oe, matou te tautala i mea ua matou iloa, matou te molimau foi i mea ua matou vaavaai i ai; a e le talia mai e outou la matou mau. Afai ua ou fai atu ia te outou i mea o i le lalolagi, a e le talitonu mai outou, pe faapefea ona outou talitonu pe a a'u fai atu ia te outou i mea o i le lagi? E lei foi se tasi na alu ae i le lagi, na o ia na alu ifo mai le lagi, o le Atalii lea o le tagata o loo i le lagi. E pei ona siitia i luga e Mose o le gata i le vao, e ao ina faapea ona siitia i luga o le Atalii o le tagata; ina ia le fano le tasi e faatuatua ia te ia, a ia maua le ola e faavavau. Auā ua faapea lava ona alofa mai o le Atua i le lalolagi, ua ia au mai ai lona Atalii e toatasi, ina ia le fano se tasi e faatuatua ia te ia, a ia maua e ia le ola e faavavau. Auā e lei auina mai e le Atua lona Atalii i le lalolagi ina ia faasalai i le lalolagi, a ia faaolaina le lalolagi ia te ia. O le faatuatua ia te ia, e le faasalaina o ia; a o le lē faatuatua,

- ua nofosala nei lava o ia, auã e lei faatuatua lava ia i le igoa o le Atalii e toatasi o le Atua. O le faasala foi lenei, iua ua oo mai le malamalama i le lalolagi, a o tagata, e sili lo latou manao i le pouliuli i *lo latou manao* i le malamalama; auã e leaga a latou amio. Auã o i latou uma o e fai mea leaga e 'ino'ino i latou i le malamalama, e le o mai foi i le malamalama, nei faailoa a latou amio.
- 21 A o lē ua faamaoni ana mea e fai, e sau lava o ia i le malamalama, ia faaalua ana amio ina ua tataui i le Atua.
- 22 Mulimuli ane, ua maliiu atu Iesu ma ona soo i le nuu o Iutaia; ua nofo ai ma i latou, ma papatiso ai.
- 23 Sa papatiso foi Ioane i Ainona, e lata ane i Salima, auã e tele ai vai; na o mai foi tagata, ua papatisoina ai. Auã ona po ia e lei tuuina lava
- 25 Ioane i le fale puipui. Ona fesinau-ai lea o isi soo o Ioane ma Iutaia i le faamamāina. Ua latou o mai ia Ioane, ma fai mai ia te ia Rapi e, o lē sa oulua i ai ma ia i tala atu o Ioritana, na e molimau i ai, faauta, o loo papatiso ia, ua o atu foi ia te ia tagata uma lava. Ona tali atu lea o Ioane, ua faapea atu, E le mafai e le tagata ona ave se mea māna pe a le foaiina mai ia te ia mai le lagi. O outou lava o a'u molimau na ou fai atu, E le o le Keriso a'u nei; a ua auina mai lava a'u e mua-mua ia te ia. O le tagata e ana le faatoanofotane, o le faatoafaiavā lea; a o le uo a le faatoafaiavā, e tu mai ma faalogo ia te ia, e tele lona olioli i le leo o le faatoafaiavā; o lea foi ua atoatoa ai lo'u nei olioli. E ao ina tupu pea o ia; peitai a'u nei, e tauāu ina itiiti o a'u. O lē maliiu mai mai luga, e sili o ia i mea uma. O lē mai le lalolagi, o lo le lalolagi lava ia, e tautala foi o ia i la le lalolagi; a o lē maliiu mai mai le lagi, e sili o ia i mea uma lava.
- 32 O mea foi ua na silafia ma faafoga i ai, o loo molimau o ia i ia lava mea; e leai foi se fasi e talia lana mau. O lē talia lana mau ua na faailoa lana taofi, e faamaoni lava le Atua. Auã o le ua auina mai e le Atua, ua fetalai lava ia i le afioga a le Atua; auã e le foi faa-
- tatauina le Agaga e le Atua *ia te ia*. E alofa le Tamā i le Alo, ua tuu mai foi mea uma i lona aao. O lē faatuatua i le Alo, ua ia te ia le ola e faavavau; a o le le faatuatua i le Alo e le iloa e ia le ola, a o le toasa o le Atua o loo tumau lava i ona luga.

O le malaga i Kalilaia.

UA silafia e le Alii ua faalogo e le au faresaio, e toatele soo ua faia e Iesu ma papatisoina, a e toaititi a Ioane; (peitai o Iesu, e lei papatiso e ia, na o ona soo,) ona tuua lea e ia o Iutaia, a ua toe maliiu atu i Kalilaia. E ao ina ui atu o ia i Samaria. Ua oo atu ia i le tasi aai o Samaria, o Sukara le igoa, e lata-lata ane i le fanua na avatu e Iakopo i lona atalii o Iosefa. Ua i ai le vai-puna o Iakopo. Ua le lavā foi Iesu i lana malaga, ona nofo ai lea o ia i luga o le vai, ua oo i le itu aso po ua ono. Ua sau le fafine o Samaria e utu vai. Ua fetalai atu Iesu ia te ia, Au mai ia ia te au, ou te inu. (Auã ua o atu ona soo i le aai e faatau ai ni mea e 'ai.) Ona fai mai lea o le fafine o Samaria ia te ia, Pe faapefea ona e fai mai i se mea e inu ia te a'u, o le fafine o Samaria, a o oe o le Iutaia? auã e leai ni mea e feaveai a Iutaia ma Samaria. Ua tali atu Iesu, ua faapea atu ia te ia, Ana e iloa le mea foi fua a le Atua, ma le ua fai atu ia te oe, Au mai ia te au, ou te inu; po ua e ole mai ia te ia, ona foi atu lea e ia ia te oe o le vaiola. Ua fai mai le fafine ia te ia, Le Alii e, e leai sau mea e utu ae ai, e maulalo foi le vaieli; e te maua ea ifea lena vaiola? E sili ea oe i lo matou tamā o Iakopo, na na tuu mai ia te i matou le vaieli, ua inu ai foi o ia, ma lana fanau, ma ana manu? Ua tali atu Iesu, ua faapea atu ia te ia, O lē inu i lenei vai e toe fia inu ia. A o sē inu i le vai ou te avatu ia te ia, e le toe fia inu ia e faavavau; a o le vai ou te avatu ia te ia, e avea i totonu ia te ia o le vaipuna, e puna i luga i le ola e faavavau. Ua fai mai le fafine ia te ia, Le Alii e, au mai ia te au lena vai, ina ia ou le toe fia inu, ina ia ou le toe sau foi iinei e

- 16 utu vai. Ua fetalai atu Iesu ia te ia, Alu ia oe, valaau i lau tane, i le
 17 toe sau iinei. Ua tali mai le fafine, ua faapea mai, E leai sa'u tane. Ona fetalai atu lea o Iesu ia te ia, Ua tonu lau upu, E leai sau tane;
 18 auā sa ia te oe tane e toalima; o ia foi ua ia te oe i ona po nei, e le sau tane lea; o le mea moni lava ua
 19 e fai mai na. Ua fai mai le fafine ia te ia, Le Alii e, ua ou iloa nei o oe
 20 o le perofeta. O matou tamā sa tapuai i lenei mauga; a ua outou fai mai, o Ierusalem le mea e tusa
 21 ai ona tapuai ai. Ua fetalai atu Iesu ia te ia, Funa e, talitonu mai ia ia te au, e oo mai ona aso, tou te tapuai i le Tamā e le *gata* i lenei
 22 mauga, po o Ierusalem. Tou te tapuai ma le le iloa; a ua matou tapuai ma le iloa; auā mai ia Iutaia
 23 le faaolataga. A e oo mai ona aso, ua oo nei foi i ai, o e tapuai faamaoni latou te tapuai i le Tamā i le agaga ma le faamaoni; auā o loo saili le Tamā i e tapuai faapena ia
 24 te ia. O le Atua o le agaga lava ia; o e tapuai ia te ia, e tatau ona tapuai atu ai i le agaga ma le faamaoni.
 25 Ua fai mai le fafine ia te ia, Ua ou iloa o le a maliu mai le Mesia, (o lē ua igoa ia Keriso,) pe a maliu mai o ia, e faailoa mai mea uma ia te i
 26 matou. Ona fetalai atu lea o Iesu ia te ia, O a'u lava lenei, o lē tautala
 27 atu ia te oe. Ona o mai lea o ona soo, ua ofo ina ua tautala i laua ma le fafine; a e lei faapea mai se tasi, Pe se a se mea e te saili na? pe
 28 *faapea*, O le a le mea ua oulua tautala ai ma ia? Ona tuu lea e le fafine o lana vai, a e alu atu i le aai, ua fai atu i tagata, Ina o mai ia; ina vaai i le tagata ua na ta'ua mai ia te au o mea uma lava ua ou faia; pe le o le Keriso ea lea? Ona latou o ai lea i tua o le aai, ua o mai ia te ia.
 31 A o fai lea mea, ua aiōi mai ona soo ia te ia, ua faapea mai, Rapi e, ina taumafa ia. A ua fetalai atu o ia ia te i latou, O ia te au mea e 'ai
 32 tou te le iloa. Ona fetautalatala'i lea o le au soo, Pe na au mai e se tasi sana mea e 'ai. Ua fetalai atu Iesu ia te i latou, O la'u mea e 'ai, ia ou faia le finagalo o le na auina mai
 a'u, ma faaiu lana galuega. Tou te 35 le fai ane ea, E toe fa masina, i le oo ai i le seleselegāsaito; faauta, ou te fai atu ia te outou, ina tepa ae ia o outou mata, ma vaavaai i le fanua ua sinasina mai nei i le seleselegāsaito. O lē selesele foi, e maua 36 lana tologi, ma faaputu le fua e oo i le ola faavavau; ina ia faatau olioli o lē lulu saito ma lē selesele. O lenei mea foi ua faamaoni ai le 37 upu, Ese lē lulu saito ese lē selesele. Ua ou auina atu outou e selesele i le mea sa outou le galulue ai; na galulue isi tagata, a ua oo atu outou i la latou galuega.
 E toatele Samaria i lea aai na 39 faatuatua ia te ia, ona o le upu a le fafine na ia fai atu, Ua na ta'ua mai ia te au o mea uma lava ua ou faia. Ua o mai foi tagata o Samaria ia te 40 ia, ona latou aiōi mai lea ia te ia, latou te nonofo ma i latou; ona nofo ai lea o ia i lea mea i aso e lua. Ua atili ai ona toatele o e na faatuatua *ia te ia* ona o lana fetalaiga; ua fai atu foi i latou i le fafine, E 42 le ona o lau upu ua matou faatuatua ai nei *ia te ia*; auā o i matou lava ua matou faalogologo, ua matou iloa foi, e moni lava, o le Faaola lenei o le lalolagi, o le Keriso lava. Ua mavae ia aso e lua, ona tuua ai 43 lea e ia o lea mea, a e maliu atu i Kalilaia; auā ua fetalai lava Iesu, 41 E le mamalu se perofeta i lona lava nuu. Ua oo foi o ia i Kalilaia, ona 45 talia mai lea o ia e tagata o Kalilaia, auā na latou vaai atu i mea uma lava na ia faia i Ierusalem i le tausamiga; auā o i latou foi, na o atu i latou i le tausamiga.
 Ona toe maliu atu ai lea o Iesu i 46 Kana i Kalilaia, na ia liua ai le suāvai ma uaina. O le tasi alii foi ua ma'i lona atalii i Kapanaumi; ua faalogo o ia ua maliu mai Iesu 47 mai Iutaia i Kalilaia, ona sau ai lea o ia ia te ia, ma faatoga mai ia te ia, ia maliu ifo e faamalolo i lona atalii, auā ua tāli oti. Ona fetalai 48 atu lea o Iesu ia te ia, Afai tou te le vaavaai i faailoga ma vavega, tou te le talitonu lava. Ua fai mai le 49 alii ia te ia, Le Alii e, se'i e maliu ifo, manū o lei oti si ou atalii. Ona 50 fetalai atu lea o Iesu ia te ia, Alu

- ia oe, ua ola lou atalii. Ua talitonu le tagata i le upu na fetalai atu ai Iesu ia te ia, ona alu ai lea o ia.
- 51 O alu ifo o ia ua fetaiai ma ana auana, ona latou ta'u atu lea ia te ia, ua faapea atu, Ua ola lou atalii.
- 52 Ona fesili atu lea o ia ia te i latou, po o le fea itu aso na afua ai ona faafeoloolo. Ua fai mai i latou ia te ia, Na mavae lava auanafi lona ma'i
- 53 vevela i le itu aso e fitu. Ona iloa lea e le tamā, o le itu aso lava lea na fetalai atu ai Iesu ia te ia, Ua ola lou atalii. Ona talitonu lea o ia, atoa ma lona aiga uma. O le lua lea o faailoga na faia e Iesu, ina ua maliu mai o ia nai Iutaia i Kalilaia.
- O le vavega na faia e Iesu i Petesa.*
- 5 UA mavae ia mea, ona oo lea i le tausamiga o Iutaia; ua maliu ae ai
- 2 Iesu i Ierusalemā. O i Ierusalemā le taelega, e latalata i le faitotoa mamoe, o Petesa lona igoa i le upu
- 3 Eperu, e lima ona faapaologa. Sa taoto ai tagata e toatele o e mamai, o e tauaso, o e pipili, ma e ma'i tino vale; o faatalitali ai le gaepu o le
- 4 vai; auā a oo i ona aso, ua alu ifo ai le agelu i le taelega, ma faagaepu le vai; i le o le ua muamua ifo, ina o gaepu o le vai, ua malolo ai o ia i le
- 5 ma'i na ma'i ai o ia. Sa i ai foi le tasi tagata na ma'i i tausaga e
- 6 tolugafulu ma le valu. Ua silasila atu Iesu ia te ia o taoto; ua silafia foi ua loa ona ia te ia o le ma'i, ua fetalai atu ia te ia, E te fia malolo
- 7 ea? Ua tali mai ia te ia le na ma'i, Le Alii e, e lei lava se tagata na te tuuina ifo a'u i le taelega, pe a gaepu le vai; a alu ifo a'u e muamua ifo le tasi ia te au. Ua fetalai
- 8 atu Iesu ia te ia, Ina tu ia i luga, ave ia lou moega, ma ia e savali.
- 9 Ona malolo loa lea o le tagata; ua ave lona moega, ma ua savali. O le
- 10 sapati foi lea aso. O le mea lea ua fai mai ai Iutaia i le tagata na faamaloloina, O le sapati lenei, e sa
- 11 ona e ave ai lou moega. Ua tali atu o ia ia te i latou, O le na faamalolo mai ia te au, ua fetalai mai o ia ia te au, Ave ia lou moega, ma ia e
- 12 savali. Ona fesili mai lea o i latou ia te ia, O ai ea le tagata na fai atu ia te oe, Ave ia lou moega, ma ia e savali? A e lei iloa e le na faamaloloina po o ai, auā ua maliu ese lemu Iesu; auā na i ai le motu o tagata i lea mea. Ua mavae ia mea, ua silafia o ia e Iesu i le malumalu, ona fetalai atu lea o ia ia te ia, Faautea, ua e malolo oe; aua e te toe agasala, ne'i oo atu ia te oe se leaga e sili i lena. Ua alu atu le
- 13 tagata, ma faailoa atu i tagata Iutaia, o Iesu na faamalolo ia te ia. O le mea lea na faasaua ai Iutaia ia Iesu, ua saili foi e fasioti ia te ia, auā na ia fai nei mea i le sapati.
- Ona tali atu lea o Iesu ia te i
- 17 latou, O loo galue lo'u Tamā e oo mai lava i le aso nei; o loo galue foi a'u. O le mea lea ua atili ai ona saili o Iutaia e fasioti ia te ia, auā e le gata ina soli e ia le sapati, a ua fetalai mai o ia, o le Atua lona lava
- 18 Tamā; ua ia faafusa o ia ma le Atua. Ona fetalai atu lea o Iesu ia te i latou, ua faapea atu, E moni, e moni, ou te fai atu ia te outou, e le mafai e le Atalii ona fai o se mea, na o ia lava; a o mea na te vaai atu i le Tamā o faia; o mea foi o faia e ia, o loo faia foi ia lava mea e le
- 19 Atalii. Auā o loo alofa le Tamā i le Atalii, ua faaali mai foi ia te ia mea uma lava e faia e ia; e faaali mai foi e ia ia te ia galuega silisili i ia
- 20 galuega, ina ia outou ofo ai. Auā faapei ona toe faatutū ma faaola e le Tamā i e ua oti; e faapea foi ona faaola e le Atalii o i latou ua ia loto i ai. Auā e le faamasino e le Tamā
- 21 i se tasi, a ua ia tuu mai i le Atalii, le faamasinoga uma lava; ina ia ava tagata uma lava i le Atalii, faapei ona latou ava i le Tamā. O le le ava i le Atalii, e lē ava lea i le Tamā na auina mai o ia. E moni, e moni, ou
- 22 te fai atu ia te outou, o lē faalogo mai i la'u upu, ma talitonu ia te ia na na auina mai a'u, ua ia te ia le ola e faavavau; e le oo foi ina faasalaina o ia, a ua oo atu ia i le ola, sa i le oti, E moni, e moni, ou te fai
- 23 atu ia te outou, e oo i le aso, ua oo nei foi i ai, e faalogo mai ai e ua oti i le leo o le Atalii o le Atua; o e faalogo ai foi, e ola ai i latou. Aua
- 24 faapei o le Tamā e i tototonu ia te ia lava le ola; e faapea foi ona foi

mai e ia i le Atalii, ia i totonu ia te
 27 ia lava le ola. Ua foai mai foi ia te
 ia le pule, ina ia fai e ia le faamasi-
 noga, auā o ia o le Atalii o le tagata.
 28 Aua tou te ofo i lenei mea, auā e oo
 mai le aso e faalogo ai i lona leo o i
 latou uma ua i tuugamau, ma latou
 29 o mai ai; o e na amio lelei, e toe
 tutū i le ola; a o e na amio leaga, e
 30 toe tutū i le faasala. Ou te le
 mafaia ona fai o se mea e tasi, na o
 a'u; e faatatau la'u faamasi-noga i
 lo'u faalogo; ua tonu lava la'u faa-
 masinoga, auā ou te le usiusitai i
 lo'u lava loto, a o le finagalo o le
 31 Tamā, o le na auina mai a'u. Afai
 ou te molimau a'u ia te au, e le
 32 moni la'u mau; o loo molimau le
 tasi ia te au, ua ou iloa foi e moni le
 mau o loo molimau o ia ia te au.
 33 Na outou auina atu *nisi* ia Ioane,
 na na molimau foi i le upu moni.
 34 A e le aoga ia te au le molimau a
 tagata; peitai ou te fai atu nei mea
 ia te outou ina ia faaolaina outou.
 35 O le lamepa o ia, sa mumū ma
 pupula mai; sa outou loto foi i nai
 isi aso e olioli i lona malamalama.
 36 A ua ia te au le molimau e sili ia
 Ioane; auā o galuega na tuuina mai
 ia te au e le Tamā ia ou faaumaina,
 o galuega lava ia ou te faia, e moli-
 mau mai ia ia te au ua auina mai
 37 a'u e le Tamā. O le Tamā foi na
 auina mai a'u, o ia lava ua molimau
 ia te au. E lei faalogo lava outou i
 lona siufofoga, e lei vaavaai atu foi
 38 i lona tino mai. E le tumau foi
 lana afioga i totonu ia te outou;
 auā o le na ia auina mai, tou te le
 talitonu i ai.
 39 E suesue outou i Tusi, auā ua
 outou manatu tou te maua ai le ola
 e faavavau; o *Tusi* foi ia o loo moli-
 mau ia te au; a e le mafafai outou
 ina o mai ia te au, ia outou maua ai
 41 le ola. Ou te le manao i le viiga
 42 mai tagata. A e peitai ua ou iloa
 lava outou, e lei so outou alofa i le
 43 Atua i totonu ia te outou. Ua ou
 sau i le suafa o lo'u Tamā, a e lei
 talia a'u e outou; afai e sau se tasi
 i lona lava igoa, ona talia lava lea o
 44 ia e outou. E mafai faapefea ona
 talitonu outou o e mananao i le
 viiga o le tasi i le tasi; a o le viiga
 mai le Atua e toatasi lava, tou te le

sailia? Aua tou te masalo ou te 45
 molia outou i le Tamā; o i ai le tasi
 o lē molia outou, o Mose lea, ua
 outou faatuatua i ai. Auā afai ana 46
 outou talitonu ia Mose, po ua outou
 talitonu mai ia te au; auā na tusia
 a'u e ia. A e afai tou te le talitonu 47
 i ana tusi, pe faapefea ona outou
 talitonu i a'u upu?

Ua faaina tagata i le vao.

UA mavae ia mea, ona malii atu 6
 lea o Iesu i le tasi itu o le vai o
 Kalilaia, o le vai lea o Tiperia. Ona 2
 mulimuli atu lea ia te ia le motu o
 tagata e toatele, auā na latou mata-
 mata i ona faailoga sa faia i e na
 mamai. Ua malii ae Iesu i le 3
 mauga, ua nofo i lalo, o ia ma ona
 soo. Ua latalata le paseka, o le 4
 tausamiga lea o Iutaia. Onatepa ae
 ai lea o Iesu ona fofoga, ua silasila
 atu foi, ua o mai ia te ia le motu o
 tagata e toatele, ona fetalai atu lea
 o ia ia Filipo, O ifea tatou te faa-
 tauina mai ai ni areto, ina ia aai ai i
 latou nei? Ua faapea atu Iesu, o 6
 lana tofotofa ia te ia; auā ua silafia
 lava e ia le mea o le a na faia. Ua 7
 tali mai Filipo ia te ia, E le lava
 areto, *pe a faatauina* i tenari e lua
 selau, ina ia tofu i latou ma sina
 mea itiiti. Ona fai mai lea ia te ia o 8
 le tasi o ona soo, o Aneterea, o le
 uso o Simona Peteru, O loo iinei 9
 le tama o ia te ia areto karite e
 lima, ma nai i'a iti e lua lau; a e
 aumā ea ia mea ia i latou e toatele?
 Ona faapea atu lea o Iesu, Ia outou 10
 fai ane ia taooto tagata. E tele foi
 le mutia ilea mea. Ona latou taooto
 ai lea, o le tau aofai o tane, pe lima
 o afe. Ona tago lea o Iesu i areto, 11
 ua faafetai, ona tufatufa lea i ona
 soo, a e *tufatufa* e ona soo i e taoo-
 to. Ua faapea foi ma i'a, ua *avatu*
 faitalia i latou. Ua maoona lava i 12
 latou, ona fetalai ane lea o ia i ona
 soo, ia faapotopoto toe 'aiga, ne'i ai
 ni mea e māumau. Ona faapoto 13
 poto ai lea, ua tutumu ai 'ato e sefu-
 lu ma le lua i toe 'aiga o areto karite
 e lima, o mea ia na totoe i e na aai.
 Ua iloa ia tagata le faailoga na faia 14
 e Iesu, ona faapea lea o i latou, E
 moni, o lea lava perofeta lenei, o lē
 malii mai i le lalolagi. Ua silafia 15

foi e Iesu, o le a o mai i latou e pue ia te ia, ina ia latou faia o ia ma tupu, ona toe maliu ese ai lea o ia e toatasi i le mauga.

16 Ua oo i le afiafi, ona o ifo lea o
17 ona soo i le vai, ua o ae foi i le vaa, ona latou o lea i Kapanaumi i le tasi itu o le vai. Ua pouliuli foi, a e lei maliu atu lava Iesu ia te i latou. Ua sousou foi le vai i le matagi ua agi tetele. Ua taualo i latou, pe lua sefulu ma le lima, pe tolugafulu o setatio, ona iloa atu lea o i latou ia Iesu, o savali lava i luga o le vai, ua latalata atu foi o ia i le vaa; ua latou fefefe ai. A ua fetalai atu ia ia te i latou, O a'u lava lenei; aua tou te fefefe. Ona talia lea o ia e i latou i le vaa ma le fiafia; ona oo atu loa lea o le vaa i le nuu ua latou o i ai.

22 O le taeao ua iloa ai e le motu o tagata e na tutū i le tasi itu o le vai ua leai se tasi vaa i lea mea, na o lea na o ai ona soo, e lei o faatasi foi o Iesu ma ona soo i le vaa, na o ona soo lava na o ai; (a ua o mai nisi vaa nai Tiperia, e lata ane i le mea na latou aai ai, ina ua faafetai e le Alii,) ua iloa e le motu o tagata e lei i ai Iesu, e lei i ai foi ona soo, ona o ai lea o i latou foi i vaa, ma o atu i Kapanaumi, o saili ia Iesu. Ua iloa o ia e i latou i le tasi itu o le vai, ona faapea mai lea o i latou ia te ia, Rapi e, na e maliu mai ea iinei anafea? Ua tali atu Iesu ia te i latou, ua faapea atu, E moni, e moni, ou te fai atu ia te outou, e lei saili mai outou ia te au, auā na outou vāai mai i faailoga, a e peitai ua outou aai i areto, ma outou maona ai. Aua tou te galulue i mea e 'ai e pala, a o mea e 'ai e tumau i le ola e faavavau, e foaiina atu ia te outou e le Atalii o le tagata; auā ua faaalitinoina mai o ia e le Atua le Tamā. Ona faapea mai lea o i latou ia te ia, Se a se mea matou te faia, ina ia matou galulue i galuega a le Atua? Ua tali atu Iesu, ua faapea atu ia te i latou, O lenei le galuega a le Atua, ia outou faatua-tua ia te ia ua auina mai e ia. Ona faapea mai lea o i latou ia te ia, Se a se faailoga e te faia matou te vaai atu i ai, ma faatuatua ai ia te oe?

Se a se galuega e te faia? Na aai 31 e o matou tamā le manai i le vao, faapei ona tusia, Na ia avatua ia te i latou le areto mai le lagi e aai ai. Ona fetalai atu lea o Iesu ia te i 32 latou, E moni, e moni, o i te fai atu ia te outou, E le o Mose na avatu ia te outou lena areto mai le lagi; peitai o lo'u Tamā, na te avatu ia te outou le areto moni mai le lagi; auā o le areto mai le Atua, o le mea 33 ua alu ifo mai le lagi lea, ma au mai le ola i le lalolagi. Ona fai mai lea 34 o i latou ia te ia, Le Alii e, au mai ia te i matou lena areto, aua le au-noa. Ua fetalai atu Iesu ia te i 35 latou, O a'u nei le areto o le ola; o lē sau ia te au, e le laina lava ia; o lē faatuatua foi ia te au, e le toe fia inu lava ia. A ua ou fai atu ia te 36 outou, ua outou vaavaai mai ia te au, a e tou te lei faatuatua mai lava. O i latou uma ua foaiina mai 37 ia te au e le Tamā, e o mai i latou ia te au; o ia foi e sau ia te au, ou te le tulia lava i fafo. Auā ou te 38 lei alu ifo mai le lagi e fai lo'u lava loto, a o le finagalo o le ua auina mai a'u. O lenei foi le finagalo o le 39 Tamā o le ua auina mai a'u, ia le māmāu lava se tasi ua ia foaiina mai ia te au, a ia ou toe faatuina o ia i le aso gataaga. O lenei foi le 40 finagalo o le ua auina mai a'u, ia maua le ola e faavavau e i latou uma o e vaai i le Atalii, ma faatua-tua ia te ia, ou te toe faatuina foi i latou i le a'o gataaga. Ona mui- 41 mui ai lea ia te ia o Iutaia, auā ua fetalai atu ia, O a'u le areto ua alu ifo mai le lagi; ua faapea ane foi i 42 latou, E le o Iesu ea lenei le atalii o Iosefa, ua tatou iloa lona tamā ma lona tinā? o lenei foi, pe faapefea ona fai mai o ia, ua ou alu ifo mai le lagi? Ona tali atu lea o 43 Iesu ia te i latou, ua faapea atu, Aua tou te muimui. E le mafai se tasi ona sau ia te au, pe a le tosina mai e le Tamā ua auina mai a'u; ou te toe faatuina foi o ia i le aso gataaga. Ua tusia i le au perofeta, 45 E a'oa'o'ina i latou uma lava e le Atua. O lenei, o i latou uma o e faalogo i le Tamā, o e a'oa'o'ina foi, e o mai i latou ia te au; a e le ona 46 ua vaai se tasi i le Tamā; na o ia

mai le Tamā, ua vaai atu lava ia i
 47 le Tamā. E moni, e moni, ou te fai
 atu ia te outou, o lē faatuatua mai
 ia te au, ua ia te ia le ola e faava-
 48 vau. O a'u o le areto o le ola. Na
 49 aai e o outou tamā le manai i le
 50 vao, a ua oti i latou. O lenei le
 areto ua alu ifo mai le lagi; ai se
 51 'ai ai ona le oti lea o ia. O a'u le
 areto ola na alu ifo mai le lagi; pe
 a 'ai se tasi i lenei areto ona ola ai
 lea o ia e faavavau. O le areto foi
 ou te avatua, o lo'u tino lea, ou te
 52 avatua ma ola o le lalolagi. Ona
 fefinauai ai lea o Iutaia, ua faapea
 aane, E mafai faapefea e lenei tagata
 ona au mai o lona tino ia te i tatou,
 53 tatou te aai ai? Ona fetalai atu
 lea o Iesu ia te i latou, E moni, e
 moni, ou te fai atu ia te outou, afai
 tou te le aai i le tino o le Atalii o le
 tagata, a le inu foi i lona toto, ua
 54 le i totonu ia te outou le ola. O lē
 'ai i lo'u tino ma inu i lo'u toto, ua
 ia te ia le ola e faavavau; ou te toe
 faatuina foi o ia i le aso gataaga;
 55 auā o lo'u tino o le mea e 'ai moni
 lea, o lo'u toto foi o le mea e inu
 56 moni lea. O lē 'ai i lo'u tino ma
 inu i lo'u toto, e tumau o ia ia te
 57 au, o a'u foi ia te ia. E faapei ona
 soifua o le Tamā ua na auina mai
 a'u, o loo ola foi a'u i le Tamā; e
 faapea foi o lē 'ai ia te au, e ola lea
 58 ia te au. O lenei le areto ua alu
 ifo mai le lagi, e le pei o outou
 tamā na aai le manai, a ua oti i
 latou; o lē 'ai i lenei areto e ola ia
 59 e faavavau lava. O mea ia na fetai-
 lai ai Iesu ina o a'oa'o o ia i le
 sunako i Kapanaumi.

60 Ua faalogologo ai isi ona soo e
 toatele, ona faapea ai lea o i latou,
 O le upu faigata lena; o ai ea se
 na te mafaia ona faalogologo i ai?
 61 Ua silafia e Iesu o le tagata, o alu
 faa-galo, ua muimui ona soo i lena mea,
 ona fetalai atu ai lea o ia ia te i
 latou. Tou te tausui ea i lena
 62 mea? *Pe faapefea* pe a outou vaai
 atu i le Atalii o le tagata, o alu ae
 63 ia i le mea sa i ai anamua? O le
 agaga lea e tupu ai le ola, e le aoga
 le tino i se mea; o upu ou te fai
 atu ia te outou, o le agaga ia, o le
 64 ola foi ia. Peitai o isi o outou e le
 talitonu lava; auā ua silafia e Iesu

talū lava le amataga o isi o e na le
 talitonu, ma le tasi na te faalataina
 o ia. Ua ia fetalai atu foi, O le 65
 mea lea na ou fai atu ai ia te outou,
 e le mafai e se tasi ona sau ia te au,
 pe a le foaiina atu ai ia te ia, e lo'u
 Tamā.

Talu ai ua o ese isi o ona soo e 66
 toatele i tua, a e lei toe feoi i la-
 tou ma ia. Ona faapea atu lea o 67
 Iesu i le toasefulu ma le toalua, Pe
 tou te fia o ese foi? Ona tali mai 68
 lea o Simona Peteru ia te ia, Le
 Alii e, a matou o ea ia te ai? o ia
 te oe upu o le ola e faavavau. Ua 69
 matou talitonu, ma ua matou iloa o
 oe o le Keriso, o le Alo o le Atua
 soifua. Ua tali atu Iesu ia te i 70
 latou, Na ou le filifilia ea outou e
 toasefulu ma le toalua? a o le tasi
 o outou o le tiapolo ia. Ua fetalai 71
 atu ai o ia ia Iuta le atalii o Simona
 le Sekara; auā o ia o le a na faala-
 taina o ia, o le tasi foi lea o le
 toasefulu ma le toalua.

O le tausamiga o fale apitaga.

UA mavae ia mea, ona femaliuai 7
 ai lea o Iesu i Kalilaia; auā e lei
 finagalo o ia e femaliuai i Iutaia,
 auā ua mananao tagata Iutaia e fia
 fasioti ia te ia. Ua latalata le tau- 2
 samiga o Iutaia, o le tausamiga o
 fale apitaga. O le mea lea ua fai 3
 mai ai ona uso ia te ia, Ia e tuua
 lenei mea, ma e alu ane i Iutaia,
 ina ia vaavaai atu foi ou soo i au
 galuega e te faia. Auā e lei se 4
 tasi e fai faalilolilo se mea pe a
 manao o ia i le fia faaalua o ia; afai
 ua e faia ia mea, ia e faaalua oe e oe
 i le lalolagi. Auā o ona uso foi, 5
 latou te lei talitonu ia te ia. Ona 6
 fetalai atu ai lea o Iesu ia te i
 latou, E lei oo mai o'u aso; a o
 aso uma lava e tatau mo outou.
 E le mafai le lalolagi ona 'ino'ino 7
 ia te outou; a e 'ino'ino mai ia
 te au, auā ou te molimau i ai ua
 leaga ana amio. O ae ia outou i 8
 lea tausamiga; ou te le alu ae nei i
 lea tausamiga, auā e lei oo mai o'u
 po. Ua ia fetalai atu ia mea ia te i 9
 latou, a ua nofo pea o ia i Kalilaia.
 Ua o ae ona uso, ona maluu ae lea 10
 o ia i le tausamiga, e lei faalii, a e
 peiseai ua faalilolilo. Ona tausaili 11

ai lea o Iutaia ia te ia i le tausamiga, ua faapea ane, O ifea o i ai o ia? Ua tele foi le femusuai o le motu o tagata ia te ia; ua faapea isi, O le tagata lelei o ia; a ua faapea isi, E leai, a ua ia faasese i le nuu. A e lei tautala faali se tasi ia te ia, ona o le mata'u ia Iutaia.

Ua oo i le *aso* tuloto o le tausamiga, ua maliu ae ai Iesu i le malumalu, ua a'oa'o ai. Ona ofo ai lea o Iutaia, ua faapea ane, Pe faapefea ea ona poto o lenei tagata, a e lei a'oa'oina o ia? Ua fetalai atu Iesu ia te i latou, ua faapea atu, O la'u mataupu, e le o sa'u lava, a o lana auina mai a'u. Ai se tasi e fia fai lona finagalo, e iloa ai e ia le mataupu, pe mai le Atua, pe ou te tautala fua lava a'u. O lē tautala fua ia te ia, ua saili e ia lona lava viiga; a o lē saili ia viia le na auina o ia, e faamaoni lea, e leai foi sana amioletonu. E lei tuuina atu ea e Mose le tulafono ia te outou, a e leai se tasi o outou e anaana i le tulafono; pe se a le mea tou te fia fasioti ai ia te au? Ona tali mai lea o le motu o tagata, ua faapea mai, O ia te oe le temoni; o ai ea e fia fasioti ia te oe? Ua tali atu Iesu ia te i latou, ua faapea atu, Ua ou faia le galuega e tasi, na outou ofo ai uma lava. O lea na tuu atu ai e Mose le peritome ia te outou, (e le ona ua mafua ia Mose, a o tamā,) o le sapati foi tou te faaperitomeina ai tagata. Pe afai e peritomeina se tagata i le sapati, ne'i solia le tulafono a Mose, pe se a le mea tou te ita mai ai ia te au, auā na ou faamaloloina le tino atoa o le tagata i le sapati? Aua le soona faamasino, a ia faamasino i le faamasinoga tonu.

Ona faapea ane lea o isi tagata o Ieruselema, E le o ia ea lenei latou te fia fasiotia? Faauta foi, o loo tautala faaali lava o ia, a e le fai atu sa latou upu ia te ia; po ua iloa lava e le au faipule o le Keriso moni lava lenei? Peitai ua tatou iloa le mea ua sau ai lenei tagata; a o le Keriso, pe a maliu mai o ia, e leai se tasi na te iloa pe maifea o ia. Ona alaga lea o Iesu, ina o

a'oa'o i le malumalu, ua faapea atu, Ua outou iloa a'u, ua iloa foi e outou le mea ua ou sau ai; ou te lei sau fua lava a'u, a ua moni lava o ia ua auina mai a'u, e lei iloa o ia e outou; a o a'u, ua ou iloa o ia, auā mai ia te ia lava a'u; o ia foi ua auina mai a'u. Ona latou fia pue lea ia te ia; a e lei oo se lima o se tasi ia te ia, auā e lei oo i ona po. A e toatele ua talitonu ia te ia nai le motu o tagata, ma latou faapea ane, Pe a maliu mai le Keriso, e tele ea faailoga e faia e ia i faailoga ua faia e lenei tagata? Ua faalogo le au faresaio i le femusuai o le motu o tagata ia te ia i ia mea; ona auina lea e le au faresaio ma le au ositaulaga sili o auauna e pue ia te ia. Ona faapea atu lea o Iesu ia te i latou, Tce itiiti nai aso ou te i ai ia te outou i lo'u alu atu ai ia te ia ua auina mai a'u. E saili outou ia te au, a e le iloa a'u; o le mea foi ou te i ai a'u, tou te le mafai ona o i ai. Ona faapea ane lea o Iutaia o le tasi i le tasi, Po o fea a alu i ai o ia, e le mafai ai ona tatou iloa o ia? Pe alu ia i e ua taapeape i Eleni, e a'oa'o ai foi i Eleni? O le a lena upu na ia fai mai ai, E saili outou ia te au, a e le iloa a'u; o le mea foi ou te i ai a'u, tou te le mafai ona o i ai?

O le toe aso, o le *aso* tele o le tausamiga, ua tulai ai Iesu, ma alaga, ua faapea atu, Afai e fia inu se tasi, ina sau ia ia te au e inu ai. O se faatutua ia te au, e faapei ona fai mai o le Tusi, E tafe mai o vaitafe mai totonu ia te ia, o le vai ola lava. Ua fetalai atu o ia lena upu i le Agaga, e maua e i latou ua faatutua ia te ia; auā o ona po ia e lei maua ai le Agaga Paia. auā e lei oo Iesu i lona mamalu. E toatele o le motu o tagata ua faalogo i lea upu, ona faapea ai lea o i latou, E moni, o lea lava perofeta lenei. Ua faapea foi isi, O le Keriso lenei; a ua faapea isi, Pe tupu mai le Keriso mai Kalilaia? ua le fai mai ea le Tusi, e tupu mai le Keriso mai le fanauga a Tavita, mai Peteleema foi, o le aai, sa i ai Tavita? Ua vaeluaina ai le motu o tagata ia te ia. Ua fia pue atu ia te ia nisi o i

- latou, a e lei tago atu se lima o se tasi ia te ia.
- 45 Ua foi atu auauna i le au ositau-
laga sili ma le au faresaio; ona
faapea mai ai lea o i latou ia te i
latou, Pe se a le mea ua outou le
46 ta'ita'i mai ai ia te ia? Ona tali
atu lea o auauna, Ua leai lava se
tagata e tautala pei o lena tagata.
47 Ona tali mai lea o le au faresaio ia
te i latou, Po ua faaseseina foi ou-
48 tou? Po ua talia o ia e se tasi o le
au faipule, po o *se tasi* o le au fare-
49 saio? A o lena vao tagata ua le
iloa le tulafono, ua fetuuina lava i
50 latou. Ua fai atu Nikotemo ia te
i latou, o ia na alu ia te ia i le po, o
51 le isi foi o i latou, Pe faasalaina ea
se tagata i la tatou tulafono, a o
lei muai faalogologo ia te ia, ma
52 iloa ana mea ua faia? Ona tali
mai lea o i latou, ua faapea mai ia
te ia, E te se Kalilaia ea foi oe?
Ia e saili ma ia e iloa, e le tu mai
53 lava se perofeta mai Kalilaia. Ona
taitasi lea ma alu i lona fale.
- O le fafine na mulilua. O aoiya
a Iesu ia Iutaia.*
- 8 ONA maliu atu lea o Iesu i le
2 mauga o Olive. O le segisegi o le
taeao na toe maliu ane ai Iesu i le
malumalu; ua o mai foi le nuu
uma ia te ia; ona nofo lea o ia i
lalo, ma a'oa'o atu ia te i latou.
3 Ua ta'ita'aina mai e le au tusiupu
ma le au faresaio le fafine ua maua
ina o mulilua; ua tuuina o ia e i
4 latou i totonu; ua faapea mai i
latou ia te ia, Le a'oa'o e, na maua
lenei fafine ina o mulilua ua mau-
5 tinoa lava. Ua poloi Mose ia te i
tatou i le tulafono ia fetogi i maa o
e faapea; a o oe, pe se a se mea e
6 te fetalai mai i ai? Ua latou faa-
pea mai e tofotofa ia te ia, ina ia
maua e i latou se mea e molia ai o
ia; a ua punou Iesu, ma tusi i lona
7 tamatamai lima i le elelee. A ua
latou fesili atu pea lava ia te ia;
ona toe nofo lea o ia i luga, ma
faapea atu ia te i latou, O so outou
e leai sana agasala, ia lua'i togi se
8 maa ia te ia. Ona toe punou lea o
9 ia, ma tusi i le elelee. Ua latou
faalogo i ai, ua iloa a latou agasala
i o latou loto fuatia ifo; ona taitoa-
- tasi lea o i latou ma alu i fafo, e
afua mai i toeaia, ua oo atu i e
aupito iti. Ua tuua na o Iesu lava,
ma le fafine o loo tu i totonu. Ua 10
toe nofo i luga Iesu, ua silafia ua
leai se tagata, ua na o le fafine
lava, ona fetalai atu lea o ia ia te
ia, Funa e, o ifea ea i latou e na
molina oe? ua le faasala mai ea se
tasi ia te oe? Ua fai mai o ia, Le 11
Alii e, e leai lava se tasi. Ona feta-
lai atu lea o Iesu ia te ia, Ou te le
faasala foi ia te oe; alu ia oe, aua e
te toe agasala.
- Ona toe fetalai atu lea o Iesu ia 12
te i latou, ua faapea atu, O a'u nei
o le malamalama o le lalolagi; o lē
mulimuli mai ia te au, e le savali o
ia i le pouliuli, a e ia te ia le mala-
malama o le ola. Ona fai mai lea 13
o le au faresaio ia te ia, Ua e moli-
mau oe ia te oe; e le faamaoni lau
mau. Ua tali atu Iesu ia te i latou, 14
ua faapea atu, E ui lava ina ou mo-
limau a'u ia te au, a e faamaoni
lava la'u mau; auā ua ou iloa le
mea na ou sau ai, ma le mea ou te
alu i ai; a ua outou le iloa le mea
na ou sau ai, ma le mea ou te alu i
ai. Tou te faamasino faaletino; ou 15
te le faamasino i se tasi. A e afai 16
ou te faamasino e moni la'u faa-
masinoga; auā ou te le toatasi lava
a'u, peitai o i maua ma le Tamā ua
auina mai a'u. Ua tusia i la outou 17
tulafono, E moni le mau a tagata e
toalua. O a'u nei lē molimau ia te 18
au, o loo molimau foi ia te au le
Tamā ua auina mai a'u. Ona latou 19
fai mai lea ia te ia, O ifea lou Tamā?
Ua tali atu Iesu, E lei iloa e outou
o a'u, po o lo'u Tamā; ana iloa e
outou o a'u, po ua iloa foi e outou
o lo'u Tamā. Ua fetalai atu Iesu i 20
nei mea i le mea e teu ai oloa, ina o
a'oa'o atu ia i le malumalu; a e lei
puea o ia e se tasi, auā ua le oo i
ona po.
- Ona toe fetalai atu lea o Iesu ia 21
te i latou, Ou te alu ese, ona outou
saili lea ia te au, a e oti outou i a
outou agasala; e le mafai e outou
ona ō i le mea ou te alu i ai. Ona 22
fai ane lea o Iutaia, E fasioti ea o ia
ia te ia? ina ua faapea mai o ia, E
le mafai e outou ona ō i le mea ou
te alu i ai. Ua fetalai atu foi o ia 23

- ia te i latou, O outou o lalo nei, o a'u mai lugā; o outou e ō le lalolagi
 24 nei, e le so le lalolagi a'u. O lea ua ou fai atu ai ia te outou, E oti outou i a outou agasala; auā a outou le talitonu, o a'u lenei o ia, ona oti lea
 25 o outou i a outou agasala. Ona fai mai ai lea o i latou ia te ia, O ai ea oe? Ona fetalai atu lea o Iesu ia te i latou, O a'u le ua ou fai atu ai
 26 ia te outou talu le amataga. E tele mea ua ia te au e tautala atu ai ma faamasino ai ia te outou; a o ia ua auina mai a'u, e moni lava o ia. O mea ua ou faalogo ai ia te ia, o mea
 27 ia ou te fai atu ai i le lalolagi. E lei iloa e i latou ua ia fetalai ia te i latou i le Tamā. Ona fetalai atu
 28 lea o Iesu ia te i latou, Pe a siitia i luga e outou le Atalii o le tagata, ona iloa lea e outou o a'u lenei o ia; ou te le fai fua foi se mea, a e peitai, faapei ona a'oa'o mai e lo'u
 Tamā ia te au, o mea ia ou te tautala
 29 atu ai. O ia foi ua auina mai a'u o loo ia te au ia; e le tuua a'u e toatasi e le Tamā, aua ou te faia pea
 30 lava o mea e lelei ia te ia. Ua fetalai atu ia i nei mea, ona toatele ai lea o e na talitonu ia te ia.
 31 Ona fetalai atu lea o Iesu ia Iutaia, e ua talitonu ia te ia, Afai tou te tumau pea i la'u mataupu, o
 32 o'u soo moni outou. E iloa foi e outou le mea moni, e tuu sa'oloto
 33 foi outou e le upu moni. Ona tali mai lea o i latou ia te ia, O i matou nei o le fanau a Aperaaamo, e lei fai lava i matou ma pologa o se tasi; pe faapefea ona e fai mai, E tuu sa'oloto outou? Ua tali atu Iesu
 34 ia te i latou, E moni, e moni, ou te fai atu ia te outou, o sō faia le agasala, o le pologa lea o le agasala. O le pologa foi, e le tumau
 35 pea ia i le aiga; a o le atalii, e tumau pea lava ia. O lenei, pe a tuu sa'oloto outou e le Atalii, ona sa'oloto faamaoni ai lea o outou.
 37 Ua ou iloa o le fanau outou a Aperaaamo; a ua outou fia fasioti ia te au, auā ua le i ai la'u upu i totonu
 38 ia te outou. O a'u nei ou te tautala i mea ua ou iloa i lo'u Tamā; o outou foi tou te faia mea ua outou
 39 iloa mai lo outou tamā. Ona tali mai lea o i latou ia te ia, ua faapea
- mai, O Aperaaamo lo matou tamā. Ua fetalai atu Iesu ia te i latou, Afai o le fanau outou a Aperaaamo, po ua faia e outou o le amio a
 40 Aperaaamo. A ua outou fia fasioti ia te au le tagata ua tautala atu ia te outou i le upu moni, sa ou faalogo ai mai le Atua; e lei faia lea e
 41 Aperaaamo. Ua faia lava e outou 41 amio a lo outou tamā. Ona faapea mai lea o i latou ia te ia, E le ni tama toifale i matou; o tasi lo matou Tamā, o le Atua lea. Ona
 42 fetalai atu lea o Iesu ia te i latou, Afai o lo outou Tamā le Atua, po ua outou alofa mai ia te au, auā ua ou sau mai le Atua, ma ou sau iinei; auā foi ou te lei sau fua, a o ia lava
 43 ua auina mai a'u. Se a le mea e le lagona ai e outou la'u nei upu? auā tou te le mafaia ona faalogo i la'u mataupu. O outou nai lo outou
 44 tamā le tiapolo, tou te fia faia foi mea e tu'inanau i ai lo outou tamā. O le fasioti tagata ia talu le amataga, e lei tumau lava ia i le upu moni, auā e le o i totonu lava ia te ia le upu moni; a tautala ia i le tala pepelo, o lana lava lea e tautala
 45 a'i, auā o le pepelo ia, ma le tamā o le pepelo. A o a'u nei, tou te le talitonu mai ia te au, auā ou te fai
 46 atu le upu moni. O ai ea so outou na te faailoa mai sa'u agasala? Afai foi ou te tautala i le mea moni, pe se a le mea tou te le talitonu mai ia te au? O lē mai le Atua, e faa-
 47 logo ia i afioga a le Atua; o le mea lea tou te le faalogo ai, auā e le mai le Atua outou. Ona tali mai lea o
 48 Iutaia, ua faapea mai ia te ia, E le ua tonu ea la matou upu, O le Samaria oe, o loo ia te ce foi le temoni? Ua tali atu Iesu, E le ia
 49 te au le temoni; a ou te ava lava a'u i lo'u Tamā; tou te le ava mai foi ia te au. Ou te le saili foi i so'u
 50 viiga; o le tasi o loo saili, o loo faamasino foi. E moni, e moni, ou te fai atu ia te outou; ai se tausi i la'u upu, e le iloa e ia le oti, e oo i le faavavau. Ona fai mai lea o Iutaia
 52 ia te ia, O lenei ua matou iloa ua ia te oe le temoni; ua oti Aperaaamo ma le au perofeta, a ua e fai mai
 51 oe, Ai se tausi i la'u upu e le oo le oti ia te ia e oo i le faavavau. Ua 53

sili ea oe i lo matou tamā o Aperamo, ua oti o ia? ma le au perofeta, ua oti i latou; po o ai ea oe e fai
 54 fua lava oe ia te oe? Ua tali atu Iesu, Afai ou te vivii a'u ia te au, e le aoga la'u viiga; o lo'u Tamā o ia na te viia mai a'u, ua outou fai mai,
 55 o lo outou Atua lea. E lei iloa foi o ia e outou, a ua ou iloa lava o ia; afai foi ou te fai atu, ua ou le iloa lava o ia, ona avea lea o a'u o le pepelo, e pei o outou; peitai ua ou iloa lava o ia, ou te tausi foi i lana
 56 afioga. O Aperamo lo outou tamā, na matuā fafia o ia ina a iloa e ia lo'u nei aso, na ia iloa foi, ma olioli
 57 ai. Ona faapea mai lea o Iutaia ia te ia, E lei oo i le limagafulu o ou tausaga, po ua e iloa ea Aperamo?
 58 Ua faapea mai Iesu ia te i latou, E moni, e moni, ou te fai atu ia te outou, sa a'u i ai, a o lei leai se
 59 Aperamo. Ona latou fetagofi lea i maa e fetogi ia te ia. Ona lasi lea o Iesu, ua ulufafo i le malumalu, ua ui ane i totonu ia te i latou, ma maliu ese ai.

O le faapupulaina o mata o le tauaso.

9 UA maliu ane o ia, ua silafia le tagata ua tauaso talu ina fanau
 2 mai. Ona fesili mai lea o ona soo ia te ia, ua faapea mai, Rapi e, po o ai ea na agasala, po o ia nei, po o ona mātua, ina ua fanau mai o ia o
 3 tauaso? Ua tali atu Iesu, E lei agasala lenei tagata, po o ona mātua; a e peitai ina ia faaalai ai o galuega
 4 a le Atua ia te ia. E tatou ona ou faia galuega a le ua auina mai a'u, manū o ao; e oo i le po, e le mafaia
 5 e se tasi ona galue ai. Manū ou i ai i le lalolagi, o a'u o le malamalama o le lalolagi. Ua fetalai atu nei upu,
 6 ona feanu ifo lea o ia i le elele; ona faia lea o le palapala i le fcaruga, ua nini mata o le tauaso
 7 i le palapala; ona faapea atu lea o ia ia te ia, Alu ia, ina mulumulu i le taelega i Seloā, (o lona uiga pe a faamatalaina, O le auina.) Ona alu
 8 lea o ia, ua mulumulu, ua toe foi mai, ua vaai. Ona fai ane lea o e na tuaoi ma ia, ma e na muai iloa o ia ina o tauaso, E le o ia ea lenei sa
 9 nofo ma ole atu i mea? Ua faapea

isi, O ia lenei; a ua faapea isi, Ua foliga ia te ia; a o ia ua fai mai, O a'u lava lenei. Ona fai atu lea o i
 10 latou ia te ia, Pe na faapefea ona faapupulaina ou mata? Ua tali
 11 mai o ia, ua faapea mai, O le tasi tagata e igoa ia Iesu ua na faia le palapala, ua nini a'i o'u mata; ua fai mai foi ia te au, Alu ia i le taelega i Seloā, ma ia mulumulu ai. Ona ou alu ai lea, ma ou mulumuluina, ona ou vaai ai lea. Ona fai atu
 12 lea o i latou ia te ia, Po o fea o i ai o ia? Ua faapea mai o ia, Ou te le iloa.

Ua latou ta'ita'iina le sa tauaso i
 13 le au faresaio. O le sapati foi na 14 fai ai e Iesu le palapala, ma faapupulaina ona mata. Ona toe fesili
 15 lea o le au faresaio ia te ia, pe na faapefea ona vaai o ia. Ua faapea mai o ia ia te i latou, Na tuu mai e ia le palapala i o'u mata, na ou mulumuluina, o lenei ua ou vaai.
 16 Ona fai ane lea o isi o le au faresaio, E le mai le Atua lenei tagata, auā ua le tausi e ia le sapati. Ua faapea isi, Pe mafai faapefea e se tagata agasala ona fai o faailoga faapena? O lea ua vaeluaina ai i latou. Ona toe faapea atu lea o i
 17 latou i le tauaso, Pe se a lau upu ia te ia, auā ua faapupula e ia i ou mata? Ua faapea mai o ia, O le perofeta lava ia. A e lei talitonu
 18 Iutaia o ia sa tauaso, ma ua vaai, seia valaauina e i latou o mātua o le na faapupulaina ona mata. Ona
 19 latou fesili atu lea ia te i laua, ua faapea atu, Po o la oulua tama lenei, lua te fai mai ai, sa tauaso ina o fanau mai? Pe na faapefea ona vaai nei? Ua tali mai ona mātua
 20 ia te i latou, ua faapea mai, Ua ma iloa o la ma tama lenei, na tauaso foi ina o fanau mai; a e ma te lei
 21 iloa pe na faapefea ona vaai nei; ma te lei iloa foi po o ai le na faapupulaina ona mata. Ua matua ia; ia outou fesili atu ia te ia, na te tautala mai lava o ia. Ua faapea
 22 ona fai atu ona mātua, auā ua la fefefe ia Iutaia; auā foi ua iū le fili-filiga a Iutaia, afai e ta'ua e se tasi, o le Keriso ia, ona tulia ai lea o ia i le sunako. O le mea lea ua faa-
 23 pea atu ai ona mātua, Ua matua ia,

- 24 ia outou fesili atu ia te ia. Ona latou toe valaau lea i le tagata sa tauaso, ma faapea atu ia te ia, Avatu ia le viiga i le Atua; ua matou iloa o le tagata agasala lenei. Ona tali mai ai lea o ia, ua faapea mai, ou te le iloa pe se tagata agasala o ia; o le mea e tasi ua ou iloa o a'u le tauaso, 25 ua ou vaai nei. Ona toe faapea atu lea o i latou ia te ia, Pe se a se mea na ia faia ia te oe? Pe na faapefaea ea ona faapupulaina e ia ou mata? Ua tali mai o ia ia te i latou, Ua uma ona ou ta'u atu ia te outou, a e tou te lei faalogo mai lava. Pe se a le mea tou te toe fia faalogo mai ai? Tou te mananao 26 ea ia fai outou mona soo? Ona upu leaga lea o i latou ia te ia, ua faapea atu, O oe lona soo; a o i matou nei, o soo o Mose i matou. 27 Ua matou iloa, na fetalai mai le Atua ia Mose; a o lenei tagata matou te le iloa pe maifea ia. Ua tali mai le tagata, ua faapea mai ia te i latou, O le mea e ofo ai lenei, ina ua le iloa e outou pe maifea o ia, a ua faapupula mai e ia o'u mata. 28 Ua tatou iloa e le faafofoga le Atua i e agasala; a e peitai a mata'u se tasi i le Atua, ma fai lona finagalo, ona faafofoga mai lea o ia ia te ia. 29 E lei faalogo lava talu mai le vavau, ona faapupulaina e se tasi o mata o le na fanau mai o tauaso. Ana le mai le Atua lenei tagata, na te le mafaia se mea e tasi ona fai. Ua latou tali atu, ua faapea atu ia te ia, Ua fanau mai oe ua tumu i le agasala, e te a'oa'o mai ea ia te i matou? Ona latou tulia lea o ia i tua. 30 Ua faafofoga Iesu ua latou tulia o ia i tua; ua ia silafia o ia, ona faapea atu lea ia te ia, Po ua e talitonu i le Atalii o le Atua? Ua tali mai o ia, ua faapea mai, Le Alii e, o ai ea o ia, ina ia ou talitonu ia te ia? Ua fetalai atu Iesu ia te ia, Ua e vaai ia te ia, o ia foi lenei ua tautala ma oe. Ona faapea mai lea o ia, Le Alii e, ua ou talitonu lava; 31 ona ifo lea o ia ia te ia. Ona faapea ane ai lea o Iesu, O le faamasinga, o le mea lea ua ou sau ai i le lalolagi nei; ina ia latou vaai o e le vaavaai, ia faatauasoina foi i latou o e vaai. Ua faalogo mai i ia mea nisi o le au faaresaio sa latou i ai ma ia, ona faapea mai lea o i latou ia te ia, O i matou foi, ua matou tauaso ea? Ua faapea atu Iesu ia te i latou, Afai ana outou tauaso, po ua leai sa outou agasala; o lenei, o loo faapea outou, Matou te vaai; o lea o tumau ai pea la outou agasala. 32

O Iesu le leoleo mamoe lelei.

E MONI, e moni, ou te fai atu ia te outou, o le le ui atu i le faitotoa i totou o le lotoa mamoe, a e alu ae i ai i se tasi mea, o le gaioi lea ma le fao mea. A o le ui atu i le faitotoa, o le leoleo mamoe lava lea. E to mai ia te ia le puipui e le leoleo faitotoa; e faalogo foi mamoe i lona leo; e valaau e ia i ana lava mamoe i o latou igoa; na te ta'ita'i atu foi ia te i latou. Pe a tuuina atu e ia ana lava mamoe, e muamua atu ia i ai; ona mulimuli atu ai lea o mamoe ia te ia, auā ua latou iloa lona leo. A e le mulimuli atu i latou i se tagata ese, a e sosola ese ia te ia; auā latou te le iloa leo o tagata ese. Ua fetalai atu Iesu ia te i latou lenei faataoto, a e lei lagona e i latou mea ua ia fetalai atu ai ia te i latou. Ona toe fetalai atu lea o Iesu ia te i latou, E moni, e moni, ou te fai atu ia te outou, o a'u nei o le faitotoa o mamoe. O i latou uma e na muamua ia te au, o gaioi i latou ma fao mea; a e lei faalogo mamoe ia te i latou. O a'u nei o le faitotoa; afai e ui mai se tasi ia te au, e faaolaina ia, e alu atu ma ulu fafo, e maua foi e ia le mea e 'ai. O le gaioi, e leai se tasi mea e sau ai na ona ia gaioi, ma fasi, ma faaumatia; ua ou sau ina ia latou maua le ola, ia maua atili ai lava. O a'u le leoleo mamoe lelei; e tuu atu e le leoleo mamoe lelei o lona ola e sui a'i mamoe. A o le auuana, e le o le leoleo foi o ia, e le ana le lafu mamoe; ua vaai atu ia i le loko ua sau, ona lafoai lea e ia o mamoe, a e sola; ona puea lea o mamoe e le loko, ma faasalalauina. E sola le auuana, auā o le auuana lava ia, e le manatu foi o ia i mamoe. O a'u nei o le

leoleo mamoe lelei; ua ou iloa a'u mamoe, ua iloa foi a'u e a'u mamoe; 15
 15 pei ona silafia a'u e le Tamā ma ou iloa le Tamā. Ou te tuuina atu foi
 16 lo'u ola e sui a'i mamoe. Ua ia te au foi isi mamoe e le o i lenei lotoā; e tatau ona ou ta'ita'iina mai o i latou foi, e faalogo foi i latou i lo'u leo; ona tasi ai lea o le lafu mamoe, ma le leoleo mamoe e toatasi.
 17 O le mea lea e alofa mai ai le Tamā ia te au, auā ou te tuuina atu lo'u
 18 ola, ina ia ou toe au mai ai. E leai se tasi na te aveeseina ia te au, a e peitai a'u, ou te tuuina atu e a'u lava. O ia te au le pule e tuuina atu, o ia te au foi le pule e toe au mai ai; ua ou maua lena poloaiga mai lo'u Tamā. Ona toe vaeluaina
 19 lea o Iutaia i ia upu. Ua faapea ane nisi o i latou e toatele, Ua ia te ia le temoni, o le vale foi o ia; pe se a le mea tou te faalogologo ai ia te ia?
 20 A ua faapea ane nisi, E le ni upu ia a se tagata ua uluitinoia; e mafai ea e se temoni ona ia faapupulaina mata o tauaso?
 21 Ua fai i Ieruselema le tausamiga o le faaulufalega, o ona po foi o le
 22 tausaga maalili. Ua femaliuati Iesu i le malumalu i le faapaaloga o
 23 Solomona. Ona vagavagai lea o Iutaia ia te ia, ua latou faapea mai ia te ia, A faaletonu o matou manatu ia te oe seia afea? Afai o oe o le Keriso, ia matuā ta'utino mai ia te i matou.
 24 Ua tali atu Iesu ia te i latou, Ua uma ona ou ta'u atu ia te outou, a ua outou le talitonu mai lava. O galuega ou te faia i le suafa o lo'u Tamā, e molimau mai ia ia te au.
 25 A ua outou le talitonu mai lava outou; auā e le ni a'u mamoe outou, pei ona a'u fai atu ia te outou.
 26 O a'u mamoe e faalogo mai i latou i lo'u leo, ua ou iloa foi i latou, ua latou mulimuli mai foi ia te au; ou te avatu foi le ola e faavavau ia te i latou; latou te le fano lava e oo i le faavavau, e le mafai lava e se tasi ona fao ia te
 27 i latou ai lo'u lima. O lo'u Tamā o le na foaiina mai i latou ia te au, e sili o ia i nisi uma lava; a le mafai e se tasi ona faoa i latou i le lima o lo'u Tamā.
 28 O a'u nei ma le Tamā, e tasi lava i maua.

Ona toe fetagofi lea o Iutaia i 31
 maa, e fetogi ia te ia. Ona faapea 32
 atu lea o Iesu ia te i latou, E tele galuega lelei ua ou faaalua ia te outou mai lo'u Tamā; o se fea ea o ia galuega tou te fetogi mai ai ia te au.
 33 Ua tali mai Iutaia ia te ia, ua faapea mai, E le se galuega lelei matou te fetogi ai oe, a o le upu leaga; auā o oe o le tagata, a ua e fai oe ma Atua. Ua tali atu Iesu 34
 ia te i latou, E lei tusia ea i la outou tulafono, Na ou fai atu O atua outou? Afai na ta'ua e ia o atua i 35
 latou e ua i ai le afiga a le Atua, e le mafai foi ona faaleaogaina le Tusi; tou te faapea ea i le ua faa- 36
 paiaina ma auina mai e le Tamā i le lalolagi, Ua e upu leaga, auā ua ou fai atu, O a'u nei o le Atalii o le Atua?
 37 Afai ou te le faia galuega a lo'u Tamā, aua tou te talitonu mai ia te au.
 38 A e afai ou te faia, e ui lava ina outou le talitonu mai ia te au, ia outou talitonu i galuega; ina ia iloa e outou, ma ia talitonu, o i totonu ia te au le Tamā, o a'u foi o i totonu ia te ia.
 39 Ona toe fia pue lea o i latou ia te ia; a ua maluu ese o ia i o latou lima.
 40 Ua toe maluu ane o ia i tala atu o Ioritana, i le mea na uluai papatiso ai e Ioane; ua nofo foi o ia i lea mea.
 41 Ona o mai lea ia te ia o tagata e toatele, ua faapea foi i latou, E leai lava se faailoga na faia e Ioane; a o mea uma na fai mai ai e Ioane ia te ia nei, e moni ia. E 42
 toatele foi e na talitonu ia te ia i lea mea.

Ua toe faaolaina Lasalo.

SA ma'i le tasi tagata, o Lasalo 11
 le Petania, o le aai a Maria ma lona uso o Mareta. O Maria foi lea na na uu le Alii i le un manogi, ua sōloi foi ona vae i lona lauulu, ua ma'i lona tuagane o Lasalo. Ona ave lea o le feau a ona tuafāfine ia te ia, ua faapea mai, Le Alii e, faauta, o loo ma'i le ua alofaina e oe.
 2 Ua faafofoga e Iesu, ona faapea lea o ia, O lenei ma'i e le iu ina oti, a ona o le viiga o le Atua, ina ia viia ai o le Atalii o le Atua. Ua alofa lava 5
 Iesu ia Mareta, ma lona uso, atoa ma Lasalo. Ua faafofoga o ia ua 6

- mafi o ia, ona nofo pea ai lea o ia, e
 7 lua aso, i le mea sa i ai. Mulimuli
 ane ona faapea atu ai lea o ia i ona
 8 soo, Ia tatou toe o i Iutaia. Ua fai
 mai ona soo ia te ia, Rapi e, na se'i
 saili nei Iutaia e fetogi ia te oe i
 maa, e te toe maliiu atu ea i ai?
 9 Ona tali atu lea o Iesu, E le ua se-
 fulu ea ma le lua ona itu aso i le
 ao? Afai e savali se tasi i le ao, e
 le tausuai o ia, auā e vaai o ia i le
 10 malamalama o lenei lalolagi. A e
 afai e savali se tasi i le po, e tausua-
 ai o ia, auā e leai se malamalama ia
 11 te ia. Ua fetalai atu ia upu, a e
 mulimuli ane ua faapea atu o ia ia
 te i latou, O loo moe la tatou uo o
 Lasalo; a e ou te alu e fafagu ia te
 12 ia. Ona faapea mai lea o ona soo,
 13 Le Alii e, afai o moe ia, e ola. Ua
 fetalai Iesu i lona oti, a ua latou
 masalo ua fetalai o ia i le taoto ma
 14 moe. Ona tātutino atu lea e Iesu
 15 ia te i latou, Ua oti Lasalo. Ou te
 olioli foi ona o outou, ina ua ou le i
 ai, ina ia outou talitonu mai; a e
 16 tatou o ia ia te ia. Ona fai atu lea
 o Toma, o le na igoa ia Titumo, i
 lona ua uso a soo, Ia tatou o foi, ina
 ia tatou oti faatasi ma ia.
 17 Ua oo atu Iesu, ona silafia lea ua
 18 aso fa o ia i le tuugamau. Ua vava
 lalata Petania ma Ieruselema, pe
 sefulu ma le lima o setatio lo la va.
 19 E toatele foi o Iutaia ua o atu ia
 Mareta ma Maria, ina ia faamafana-
 fana ia i laua ona o lo la tuagane.
 20 Ua faalogo Mareta ua maliiu mai
 Iesu, ona alu ai lea na te faafetaiai
 ia te ia; a ua nofo Maria i le fale.
 21 Ona faapea mai lea o Mareta ia Iesu,
 Le Alii e, ana e iinei, po ua le oti
 22 lo'u tuagane. A e ui lava i lea, ua
 ou iloa o mea uma e te faatoga atu
 ai i le Atua, e foaiina mai e le Atua
 23 ia te oe. Ua fetalai atu Iesu ia te
 24 ia, E toe tu mai lou tuagane. Ua
 fai mai Mareta ia te ia, Ua ou iloa e
 toe tu mai lava ia i le toe tu i le aso
 25 gataanga. Ua fetalai atu Iesu ia te
 ia, O a'u nei o le toe tu ma le ola;
 o lē faatuatua mai ia te au, e ui
 26 lava ina oti, a e ola lava ia. O ta-
 gata ola uma o faatuatua mai ia
 te au, e le oti lava e oo i le faava-
 va; po ua e talitonu mai ea i lena
 27 mea? Ona faapea mai lea o ia ia
 te ia, Ioe, le Alii e, ua ou talitonu
 lava, o oe le Keriso le Alo o le Atua,
 o lē maliiu mai i le lalolagi. Ua ia
 28 fai mai na upu, ona alu ane lea o ia,
 ma valaau lemu i lona uso o Maria,
 ua faapea atu, Ua oo mai le a'oa'o,
 ua valaau ia te oe. Ua faalogo ai o
 29 ia, ona vave tu lea i luga, ua alu ia
 te ia. A o Iesu e lei maliiu ane i le
 aai, a ua i le mea na la fetaiai ai ma
 Mareta. O tagata Iutaia foi sa i le
 31 fale ma ia, ma faamafanafana ia te
 ia, ua latou vaai atu ia Maria ua
 vave tu i luga, ma alu i fafo, ona
 mulimuli atu lea o i latou ia te ia,
 ua faapea ane, O le a alu ia i le tuu-
 gamau e tagi ai. Ua oo foi Maria i
 32 le mea sa i ai Iesu; ua vaai mai ia
 te ia, ona faapaū mai lea o ia i ona
 vae, ua faapea mai ia te ia, Le Alii
 e, ana e iinei, po ua le oti lo'u tuu-
 gane. Ua silafia e Iesu o ia ua tagi,
 33 ma Iutaia ua o mai ma ia ua feta-
 gi i, ona tiga tele lea o lona fina-
 galo, ma ua ātu lava o ia; ona
 34 faapea atu lea, O fea na outou
 tuuina ai o ia? Ua faapea mai i
 latou ia te ia, Le Alii e, maliiu mai
 ia, e te silasila i ai. Ua tagi Iesu.
 35 Ona faapea ane ai lea o Iutaia,
 36 Faauta i le tele o lona alofa ia te
 ia! A o isi o i latou, ua faapea
 37 ane, E lei mafai ea e lenei tagata
 na ia faapupula mata o le tauaso,
 ona vavao foi le oti o lenei tagata?
 38 Ua toe tiga tele le finagalo o Iesu,
 ona oo lea o ia i le tuugamau. O le
 ana lea, ua tuuina foi le maa i lona
 39 gutu. Ua fetalai atu Iesu, Ave ese
 ia le maa. Ona fai mai lea ia te ia
 o Mareta le tuafafine o le ua oti,
 Le Alii e, ua oo ina manogi, auā o
 lona po fa lenei. Ua fetalai atu
 40 Iesu ia te ia, Pe na ou le fai atu ea
 ia te oe, Afai e te talitonu, ona e
 iloa lea o le mamalu o le Atua?
 Ona latou ave ese lea o le maa i le
 41 mea na tuu ai le ua oti. Ona tepa
 ae lea o fofoga o Iesu, ua faapea
 atu, *Lo'u Tamā* e, ou te faafetai atu
 ia te oe, auā ua e faafofoga mai ia
 te au. Ua ou iloa foi, e te faafo-
 42 foga mai ia te au e le aunoo; a e
 peitai ua ou fai atu ai, ona o le
 motu o tagata o loo vagavagai, ina
 ia talitonu i latou ua e auina mai
 a'u. Ua ia fetalai atu ia upu, ona
 43

- alaga lea o ia ua leo tele, Lasalo e,
 44 ina sau ia i fafo. Ona alu ai lea i fafo o le na oti, ua fusifusia ona vae ma ona lima i ie na tanumafi, ua fusi foi ona mata i le solosolo. Ona fetalai atu lea o Iesu ia te i latou, Tatala ia ia te ia, ina tuu atu
 45 ia e alu. Ona talitonu ai lea ia te ia o Iutaia e toatele, o i latou ia na o mai ia Maria, ina ua latou vaai
 46 atu i mea ua faia e Iesu. A o isi o i latou, ua latou o atu i le au faresaio, ma ta'u atu ia te i latou mea ua faia e Iesu.
 47 Ona faapotopoto lea o le fono e le au ositaulaga sili ma le au faresaio, ua latou faapea ane, Se a sa tatou mea e fai? auā ua faia faa-
 48 iloga e tele e lea tagata. Afai e faapenei ona tatou tuu ai pea o ia, e talia o ia e tagata uma lava; e o mai foi tagata Roma, ona faaumatia lea o la tatou nei mea atoa ma lo
 49 tatou nuu. A o le tasi o i latou, o Kaifasa, o le ositaulaga sili ia i lea lava tausaga, ua fai atu o ia ia te i latou, Tou te le iloa lava se mea e
 50 tasi; tou te le mafaufau foi, e aoga ia te i tatou ona oti o le tagata e toatasi ma sui o le nuu, ina ia le
 51 fano le nuu uma lava. E lei fua mai ia te ia ona fai atu o lea mea, a ona o ia o le ositaulaga sili i lea lava tausaga, na ia vavalo ai, o le a
 52 maliu Iesu e sui ai le nuu. E le gata foi ona sui ai o lea nuu, a ia faapotopotoina ia faatasi le fanau a
 53 le Atua ua taapeape. Talu foi i lea aso ua latou taupulepule ai e
 54 fasioti ia te ia. O le mea lea ua le toe femaliuai faaaliali ai Iesu i tagata o Iutaia, a ua maliu ese ia i lea mea i le laueleele e lata ane i le vao, i le aai e igoa ia Efaraima, ua nofo ai ma ona soo.
 55 Ua lata mai le paseka a tagata Iutaia, e toatele mai ogānuu ua o ae i Ierusalem a o lei oo i le paseka, ina ia latou faamamā ia te i
 56 latou. Ona latou saili lea ia Iesu, ua fetautalatalai foi ina o latou o tutū i le malumalu, Pe ni a faoutou? E le sau ea ia i le tausamiga?
 57 Sa tuu foi le poloai a le au ositaulaga sili ma le au faresaio, afai ua iloa e se tasi se mea o i ai o ia, ia faailoa atu, ina ia latou pue ia te ia.

Ua maliu atu Iesu i Ierusalem.

- UA maliu atu Iesu i Petania, a o
 toe ono aso i le fai ai le paseka, sa i
 ai Lasalo na oti, na ia toe faatu ia
 te ia nai e ua oti. Ona sauni ai lea
 e i latou o le faigaai mā ia i lea
 mea; na auauna ai foi Mareta; a o
 Lasalo, o ia o le tasi o e na taooto e
 aai faatasi ma ia. Ona tago ai lea
 o Maria i le litara o le uu nato tau
 tele; ua ia uu ai vae o Iesu, ma sō-
 loi ona vae i lona lauulu; ua tumu
 foi le fale i le manogi o le uu. Ona
 fai ane lea o le tasi o ona soo, o
 Iuta le atalii o Simona le Sekara, o
 lē faalata ia te ia, Pe se a le mea
 na le faatau ai lena uu manogi i
 tenari e tolu selau, ma avatu ai i e
 matitiva? Ua le faapea ane ia, ina
 ua alofa o ia i e matitiva, a ona o ia
 o le gaoi, ua ia te ia foi le ete, ma
 na tauave mea na fafao ai. Ona
 faapea mai ai lea o Iesu, Tuu pea
 ia ia te ia; ua teu e ia lenei mea
 mo le aso o le faataimuaga o lo'u
 tanuga. Auā tou te nonofo pea ma
 e matitiva, a e tatou te le nonofo
 pea ma a'u.
 Ua iloa e le motu o tagata Iutaia
 e toatele, ua i ai o ia i lea mea; ona
 o atu ai lea o i latou; e le ona o
 Iesu lava, a ia latou iloa foi Lasalo,
 na ia toe faatuina nai e ua oti. A
 10 ua taupulepule le au ositaulaga sili,
 e fasioti foi ia Lasalo. Auā e toa-
 11 tele Iutaia na o ese ona o ia, ma
 latou faatuatua ia Iesu.
 O le taeao ua faalogo ai e le motu
 12 o tagata ua o mai i le tausamiga, ua
 maliu mai Iesu i Ierusalem, ona
 13 ave lea e i latou o lau o pama, ma o
 mai e faafetaiai ia te ia; ona latou
 alalaga lea, Osana! Ia manuia lē
 afio mai i le suafa o le Alii, o le
 Tupu o Isaraelu. Ua maua e Iesu
 14 le tamai asini, ona tietie ai lea, faa-
 pei ona tusia, Aua e te fefe, o oe le
 15 tama fafine a Siona; faauta, e afio
 mai lou Tupu, o loo tietie i le tamai
 asini. Ua le iloa e ona soo ia mea
 16 i le fuataiga; a ua oo Iesu i lona
 mamalu, ona latou manatua lea ua
 tusia ia mea ia te ia; ua latou faia
 foi ia mea ia te ia. Ona molimau
 17 ai lea o le motu o tagata sa latou i
 ai ma ia, ina ua valaauina e ia o

- Lasalo nai le tuugamau, ma toe
 18 faatu mai ia te ia nai e ua oti. O
 le mea lea ua faafetaiai ai ia te ia
 le motu o tagata, auā ua latou faa-
 logo atu na ia faia lena faailoga.
 19 Ona fetautalatala'i ai lea o le au
 faresaio, Tou te le iloa ea, ua le
 aoga sa outou mea e fai? Faauta,
 ua mulimuli atu le lalolagi ia te ia.
 20 Sa i ai isi Eleni faatasi ma e na o
 21 ae i le tausamiga e tapuai. O i
 latou ia ua o ane ia Filipino, o le
 Petesaita i Kalilaia ia, ua latou ole
 atu ia te ia, ua faapea atu, Le alii e,
 22 matou te fia feiloai ma Iesu. Ona
 alu ane lea o Filipino, ua ta'u atu ia
 Aneterea; ona ta'u atu ai lea e
 23 Aneterea ma Filipino ia Iesu. Ua
 tali atu Iesu ia te i laua, ua faapea
 atu, Ua oo mai ona po e oo ai le
 Atalii o le tagata i lona mamalu.
 24 E moni, e moni, ou te fai atu ia te
 outou, Afai a e le paū le fua o le
 saito i le eleele ma pala ai, e tumau
 pea o le mea e tasi; a e afai e pala,
 25 ona fua mai ai lea o fua e tele. O
 lē faapelepele i lona ola, e faamāu-
 mau e ia i ai; a o lē 'ino'ino i lona
 ola i lenei lalolagi, e leoleo ai e ia e
 26 oo i le ola faavavau. A fia auaina
 mai se tasi ia te au, ia mulimuli
 mai o ia ia te au; o le mea ou te i
 ai a'u, e i ai foi la'u auaina; pe a
 auaina mai foi se tasi ia te au, ona
 27 viia lea o ia e le Tamā. O loo ātu
 ne'i lo'u loto, pe se a foi se mea ou
 te fai atu? *Lo'u* Tamā e, faaola
 mai ia te au ai lenei itu aso; a o le
 mea lava lea na ou oo mai ai i lenei
 28 itu aso. *Lo'u* Tamā e, ia e tuuina
 atu le mamalu i lou suafa. Ona oo
 mai ai lea o le siufofoga mai le lagi,
 Ua ou tuuina atu le mamalu, ou te
 toe tuuina atu foi i ai le mamalu.
 29 Ona faapea ai lea o le motu o ta-
 gata sa tutū ma faalogologo i ai, O
 loo ua faititili; a ua fai mai nisi,
 30 Ua fetalai se agelu ia te ia. Ona
 fetalai atu lea o Iesu, ua faapea atu,
 E lei oo mai lenei siufofoga ona o
 31 a'u, a ona o outou. O loo faasala-
 iua nei lenei lalolagi; e tulia nei le
 32 alii o lenei lalolagi. O a'u foi, afai
 e siitia au ai le eleele, ou te tosina
 33 uma mai tagata ia te au. Ua feta-
 lai ane ia lea upu e faailoa ai le
 uiga o lona malii o le a malii ai o
 ia. Ua tali mai le motu o tagata ia 34
 te ia, Ua matou faalogo i le tula-
 fono, e tumau pea le Keriso e faa-
 vavau; pe faapefea foi ona e fai
 mai, E tatau ona siitia i luga o le
 Atalii o le tagata? O ai ea lenei
 Atalii o le tagata? Ona fetalai atu 35
 lea o Iesu ia te i latou, E toe ititi
 nai aso e i ai ia te outou le malama-
 lama; savavali ia manū o ia te ou-
 toutou le malamalama, ne'i maua outou
 e le pogisa; o lē savali i le pogisa e
 le iloa e ia le mea e alu i ai. Ia 36
 outou talia le malamalama, manū o
 ia te outou le malamalama, ina ia
 avea o outou ma fanau a le ma-
 lamalama. Ua fetalai atu ia mea e
 Iesu, ona malii ane lea o ia ua lafi
 ia i latou.
 Ua ia faia faailoga e tele lava i o 37
 latou luma, a e lei talitonu i latou
 ia te ia, ina ia taunuu ai le upu a 38
 Isaia le perofeta, ua ia faapea mai,
 Le Alii e, o ai ea ua talitonu i la
 matou *upu* e taugologologo atu? ua
 faaalua foi ia te ai le aao o le Alii?
 O lenei, e le mafai e i latou ona 39
 talitonu, auā ua toe faapea mai
 Isaia, Ua ia faatauasoia o latou 40
 mata, ma na faamaaaina o latou
 loto, ne'i vaai o latou mata, ma
 lagona o latou loto, ne'i liliuina foi
 i latou, ma a'u faamaloloina i latou.
 Na fai mai ia upu e Isaia ina ua 41
 vaai atu o ia i lona mamalu, ma
 tautala mai ia te ia. A e peitai e 42
 toatele alii ua talitonu ia te ia; a e
 le'i ta'u atu ai, ona o le au faresaio,
 ne'i tulia i latou i le sunako. Auā 43
 ua sili lo latou manao i le viiga mai
 tagata, i le viiga mai le Atua.
 Ua alaga atu Iesu, ua fetalai atu, 44
 O lē faatuatua mai ia te au, e le
 faatuatua mai o ia ia te au, a e ia te
 ia ua auina mai a'u. O lē vaai mai 45
 foi ia te au, e vaai atu o ia ia te ia
 ua auina mai a'u. Ua ou sau o le 46
 malamalama i le lalolagi, ina ia le
 tumau pea i le pouliuli se tasi e
 faatuatua mai ia te au. Afai foi e 47
 faalogologo se tasi i a'u upu, a e le
 talitonu i ai, ou te le faasala ia te
 ia; auā ou te lei sau e faasala i le
 lalolagi, a ia ou faalaina le lalo-
 lagi. O lē faaleaoga ia te au, ma 48
 ua le talia a'u upu, o ia te ia le tasi
 na te faasalaina ia; o le upu ua ou

49 tautala atu ai, e faasala lea ia te ia i le aso gataaga. Auā ou te le tautala fua na o a'u; a o le Tamā ua auina mai a'u, na ia tuu mai le poloaiga ia te au i mea ou te fai atu ai, ma mea ou te tautala atu ai.

50 Ua ou iloa foi o lana poloaiga o le ola faavavau lea. O lenei, o mea ou te tautala atu ai, faapei ona fetalai mai ai le Tamā ia te au, e faapea ona ou tautala atu ai.

Ua mulumuluina e Iesu o vae o ona soo.

13 A O lei oo i le tausamiga o le paseka, ua silafia e Iesu ua oo mai ona po e tuua ai e ia lenei lalolagi, a e maliu atu i le Tamā; ua na alofa i ona tagata o i le lalolagi, ua ia alofa ia i latou ua oo i le gataaga.

2 Ua fai le talisuaga, a ua tuu e le tiapolo i le loto o Iuta le Sekara, *le atalii* o Simona ia faalata ia te ia;

3 ua silafia e Iesu ua tuuina mai e le Tamā mea uma lava i ona aao, ua maliu mai foi o ia mai le Atua, o le a toe maliu atu foi o ia i le Atua;

4 ona tu lea o ia i luga a o fai le talisuaga, ua tuu ese ona ofu, ua tago foi i le ie sōloi, ua fusi ia te ia.

5 Ona liligi lea e ia o le vai i le ipu e mulumulu ai, ua mulumulu i vae o ona soo, ma sōloi ai i le ie sōloi ua ia fusia ai. Ona oo atu lea o ia ia Simona Peteru; a ua fai mai o ia ia te ia, Le Alii e, e te mulumulu ea o'u vae? Ua tali atu Iesu ia te ia, ua faapea atu, O le mea ou te faia, e te le iloa nei, a e mulimuli ane e te iloa. Ua fai mai Peteru ia te ia, E te le mulumulu lava o'u vae e oo i le faavavau. Ua tali atu Iesu ia te ia, Afai ou te le mulumulu ia te oe, e leai sou tofi faatasi ma a'u. Ona faapea mai lea o Simona Peteru ia te ia, Le Alii e, aua lava na o o'u vae, a o o'u lima foi, atoa ma lo'u ulu. Ona faapea atu lea o Iesu ia te ia, O le ua taele, ia tau o ona vae, a e mamā uma ai, e le aoga ona mulumulu uma. Ua mamā foi outou, a e le o outou

11 uma lava. Auā ua silafia e ia le na te faalataina o ia; o le mea lea na ia fetalai atu ai, Ua le mamā outou uma lava.

12 Ua uma ona mulumuluina e ia o

latou vae, ua tago foi i ona ofu, ma toe taoto, ona faapea atu lea o ia ia te i latou, Ua outou iloa ea le mea ua ou faia ia te outou? Tou te ta'ua mai a'u, o le a'oa'o ma le Alii; ua lelei foi la outou e fai mai na, auā o a'u lava lea. O lenei, afai o a'u le Alii, ma le a'oa'o, ua ou mulumuluina o outou vae, e tatau ona outou femulumuluai o outou vae. Auā ua ou avatu le faa-a'oa'o ia te outou, e pei ona ou faia ia te outou, ia faapea lava e outou ona fai. E moni, e moni, ou te fai atu ia te outou, e le sili le auaina i lona alii; e le sili foi le ua auina i le e ana le feau. Afai ua outou iloa ia mea, amuia outou pe a outou faia. E le o outou uma ou te fai atu ai, ua ou iloa i latou na ou filifilia; a e peitai ia taunuu ai le Tusi, O le 'ai faatasi ma a'u ua aa mai o ia ia te au i lona mulivae. Ou te fai atu nei lava ia te outou, a o lei oo mai, ina ia outou talitonu pe a taunuu, o a'u lava o ia. E moni, e moni, ou te fai atu ia te outou, o lē talia se tasi ou te auina atu, e talia e ia o au; o lē talia foi o a'u, e talia e ia le ua auina mai a'u.

Ua fetalai atu e Iesu ia mea, ua ātu ai lona finagalo, ona ta'utino atu lea o ia, ua faapea atu, E moni, e moni, ou te fai atu ia te outou, e faalataina a'u e se tasi o outou na. Ona fevaiaia lea o le au soo, ma latou masalosalo pe na fetalai mai o ia ia te ai. Ua taoto ane foi i le fatafata o Iesu le tasi o ona soo, o le ua alofaina e Iesu. Ona nego-
24 nego lea o Simona Peteru ia te ia, e fesili atu po o ai ua ia fetalai i ai. Ua faalagolago mai o ia i le fatafata o Iesu, ona fai mai lea ia te ia, Le Alii e, o ai ea? Ua tali atu Iesu, O le ou te avatu i ai sina mea e 'ai pe a uma ona ou fuia, o ia lea. Ona fuifui lea e ia o le mea e 'ai, ma avatu ia Iuta le Sekara, *le atalii* o Simona. Ua mavae atu lea o Iesu ia te ia, O le mea e te faia, ia vave ia ona fai. A e lei iloa e se tasi o i latou sa taoto le mea ua ia fetalai atu ai lea upu ia te ia. Auā ua

- masalo isi ua fetalai atu Iesu, ina ua ia Iuta le ete tupe, Ina faatau mai ia ni mea e tatou ia te i tatou i le tausamiga; pe avatu se mea i e matitiva. Ua talia foi e ia le mea e 'ai, ona alu loa lea o ia i fafo; ua po.
- 30 Ua alu ia i fafo, ona faapea atu lea o Iesu, Ua viia nei le Atalii o le tagata, ua viia foi le Atua ia te ia.
- 31 Afai e viia le Atua ia te ia, e viia foi o ia e le Atua ia te ia lava, e vave foi ona vivii o ia ia te ia. *Lafu* fanau e, e toe itiiti nai *aso* ou te i ai ia te outou, tou te saili mai ia te au, a e pei ona ou fai atu ia Iutaia, O le mea ou te alu i ai, tou te le mafai ona o i ai; e faapea foi ona ou fai atu nei ia te outou. O le poloaiga fou ou te tuu atu ai ia te outou, ia outou fealofani; faapei ona ou alofa atu ia te outou, ia fealofani foi outou. O le mea lea e iloa ai e tagata uma lava o o'u soo outou, pe afai ua outou fealofani.
- 32 Ua fai mai Simona Peteru ia te ia, Le Alii e, po o fea e te maliliu atu i ai? Ua tali atu Iesu ia te ia, O le mea ou te alu i ai, e te le mafai ona mulimuli atu nei ia te au; a o se aso e te mulimuli atu ai ia te au.
- 33 Ua fai mai Peteru ia te ia, Le Alii e, pe se a le mea ou te le mafai ai ona mulimuli atu nei ia te oe? ou te tuuina atu lo'u ola ona o oe.
- 34 Ua tali atu Iesu ia te ia, E te tuuina atu ea lou ola ona o a'u? E moni, e moni, ou te fai atu ia te oe, e le vivini moa, seia e faafiti faatolu mai ia te au.
- Ua faamafanafana atu Iesu i ona soo.*
- 14 AUA le atuatuvaale o outou loto; ia outou faatuatua i le Atua, ia faatuatua mai foi ia te au. E tele mea e nonofo ai i le maota o lo'u Tamā; ana leai, po ua ou fai atu ia te outou; ou te alu e sauni se mea e nonofo ai outou. Afai foi ou te alu ma sauni se mea e nonofo ai outou, ou te toe sau, ou te talia foi outou ia faatasi ma a'u; ina ia i ai outou i le mea ou te i ai a'u. Ua outou iloa le mea ou te alu i ai, ua outou iloa foi le ala. Ua fai mai Toma ia te ia, Le Alii e, matou te le iloa le mea e te maliliu atu i ai, matou te mafaia faapefea ona iloa o le ala? Ua fetalai atu Iesu ia te ia, O a'u nei le ala, ma le upu moni, ma le ola; e le alu atu lava se tasi i le Tamā, pe a le *ui mai* ia te au. Ana iloa e outou o a'u, po ua iloa foi e outou lo'u Tamā; e amata nei foi ona iloa o ia e outou; tou te vaai foi ia te ia. Ua fai mai Filipo ia te ia, Le Alii e, ia e faailoa mai le Tamā ia te i matou, ona gata ai lea o matou manao. Ua fetalai atu Iesu ia te ia, Filipo e, ua loa lava ona ou i ai ia te outou, a e te lei iloa ea a'u? O le ua vaai mai ia te au, ua vaai o ia i le Tamā; pe se a foi e te fai mai ai, Faailoa mai le Tamā ia te i matou? E te le talitonu ea, o a'u o i totonu o le Tamā, o le Tamā foi o i totonu ia te au? O upu ou te tautala atu ai ia te outou, ou te le tautala fua na o a'u; a o le Tamā o loo nofo i totonu ia te au, o ia lava na te faia ia galuega. Ia outou talitonu mai ia te au, o a'u o i totonu o le Tamā, o le Tamā foi o i totonu ia te au; a le o lea ia outou talitonu mai ia te au ona o ia galuega. E moni, e moni, ou te fai atu ia te outou, o lē talitonu mai ia te au, e faia lava e ia o galuega ou te faia; e fai foi e ia mea e sili i ia mea, auā ou te alu i lo'u Tamā. O mea uma foi tou te ole atu ai i lo'u igoa, ou te faia lava; ina ia viia le Tamā ona o le Atalii. Afai tou te ole atu i se mea i lo'u igoa, ou te faia lava.
- Afai tou te alofa mai ia te au, ia outou tausi mai i a'u poloaiga. Ou te fai atu foi i le Tamā, ona foai mai ai lea e ia ia te outou le tasi Fesoasoani, ina ia tumau pea o ia ia te outou e faavavau; o le Agaga lea e *tupu mai ai* le upu moni, e le mafai e le lalolagi ona talia o ia, auā, ua le vaia o ia, ua le iloa foi o ia; a o outou, ua outou iloa o ia, auā e tumau pea ia ia te outou, e i ai foi o ia i totonu ia te outou. Ou te le tuua outou o mātuaoti, ou te sau ia te outou. E toe itiiti ona le vaai mai lea o le lalolagi ia te au, a e vaai mai pea outou ia te au; ou te ola a'u, o le mea lea e ola ai outou. O lea aso e iloa ai e outou,

- ou te i totonu o lo'u Tamā; o outou
foi o i totonu ia te au, o a'u foi o i
21 totonu ia te outou. O le ua ia te
ia a'u poloaiga ma tausi i ai, o ia
lea e alofa mai ia te au; o lē alofa
mai foi ia te au, e alofaina o ia e
22 lo'u Tamā; ou té alofa foi ia te ia,
ma ou faaali ia te ia. Ua fai mai
ia te ia Iuta, (e le o le Sekara lea,)
Le Alii e, pe se a le mea o le a e
23 faaali mai ai oe ia te i matou, a e le
o le lalologi? Ona tali atu lea o
Iesu, ua faapea atu ia te ia, Afai e
alofa mai se tasi ia te au, e tausia e
ia la'u upu; e alofa foi lo'u Tamā
24 ia te ia; e o mai foi i maua ia te ia,
matou te nonofo ma ia. O le le
alofa ia te au, e le tausia e ia a'u
upu; o le upu foi tou te faalogo-
25 logi i ai, e le sa'u lea, a o *le upu* a
le Tamā ua auina mai a'u.
- 25 O mea ia ua ou fai atu ia te outou,
26 manū o tatou o nonofo. A o le Fe-
soasoani, o le Agaga Paia lea, e au-
ina mai e le Tamā i lo'u igoa, o ia
lava na te a'oa'o ia te outou i mea
uma lava; e faamanatu mai foi o ia
ia te outou i mea uma ua ou fai atu
27 ai ia te outou. Ou te tuuina atu ia
te outou le manuia; o lo'u manuia
ou te avatu ai ia te outou; ou te le
avatu ia te outou faapei ona avatu
e le lalologi. Aua le atuatuva'e o
outou loto, aua foi tou te matatau.
- 28 Ua outou faalogo mai, ua ou fai atu
ia te outou, Ou te alu, ma ou toe
sau ia te outou. Ana outou alofa
mai ia te au, po ua outou olioli i
lo'u fai atu, Ou te alu atu i le
29 Tamā; auā e sili lo'u Tamā ia te
au. Ua ou fai atu nei foi ia te
outou a o lei taunuu; ina ia outou
30 talitonu mai pe a taunuu. Ou te le
toe tautala atu ia te outou i ni upu
e tele; auā o le a sau le ali i lenei
lalologi, a e le maua e ia se mea ia
31 te au. Peitai ona ia iloa e le lalo-
lagi, ou te alofa i le Tamā faapei
ona poloi mai foi o le Tamā ia te
au, e faapea lava ona ou faia. Tutū
ia i luga, ina tatou o ese ia.

O le vine moni ma ona la.

- 15 O A'U nei o le vine moni, a o lo'u
2 Tamā o lē galue vine ia. O la uma
lava o ia te au e le fua, e aveeseina
e ia; a o *la* uma e fua, e teuteu e

ia, ina ia fua mai ai atili. Ua uma
ona faamamāina o outou i le upu
na ou tautala atu ai ia te outou.
Ina tumau ia o outou ia te au, o
4 a'u foi ia te outou. Faapei o le la
e le mafai ona fua pe a na o ia, pe
afai e le mau i le vine; e faapea foi
outou, pe afai tou te le tumau ia te
au. O a'u nei o le vine, o la outou.
5 O lē tumau ia te au, ma a'u ia te ia,
o ia lava e fua tele mai; auā e le
mafaia e outou ona fai o se mea e
tasi pe a a'u le i ai. Afai e le tu-
6 mau se tasi ia te au, ona lafoaiina
lea o ia i tua pei o le la laau, ma
faapopoina, ona faapotopotoina ai
lea e tagata, ma lafo i le afi, ua su-
sunu ai. Afai tou te tumau ia te
7 au, a tumau foi a'u upu ia te outou,
o mea uma lava tou te mananao i
ai, tou te ole atu ai, ona faia lea mo
outou. E viia lo'u Tamā i lenei
8 mea, pe a outou fua tele mai; ona
fai ai lea outou mo'u soo. Faapei
ona alofa mai o le Tamā ia te au, e
faapea lava ona ou alofa atu ia te
outou; ia tumau pea outou i lo'u
alofa. Afai tou te tausia a'u polo-
9 aiga, ona tumau lea o outou i lo'u
alofa; pei ona ou tausia poloaiga a
lo'u Tamā, ma ou tumau i lona
alofa. Ua ou fai atu nei mea ia te
10 outou, ina ia tumau ai lo'u olioli ia
te outou, ia atoa'oa foi lo outou
olioli. O la'u poloaiga lenei, ia outou
11 fealofani, pei ona ou alofa atu
ia te outou. E le sili lava le alofa
12 o se tasi i lenei *alofa*, ia tuuina atu
e se tasi lona ola e sui a'i ana uo.
O a'u uo outou, pe afai tou te faia
13 mea uma lava ou te fai atu ai ia te
outou. Ou te le toe ta'ua outou o
14 auauna, auā e le iloa e le auauna
mea e faia e lona alii; a ua ou ta'ua
outou o uo, auā ua ou faailoa atu ia
te outou mea uma na ou faalogo ai
i lo'u Tamā. Ua le filifilia a'u e
15 outou, a ua filifilia outou e a'u; ua
ou tuuina atu foi outou, ia outou ō,
ma ia outou fua mai ni fua, ma ia
tumau o outou fua; ina ia foaiina
atu ia te outou e le Tamā mea uma
lava tou te ole atu ai ia te ia i lo'u
16 igoa. Ou te fai atu ia te outou ia
mea, ina ia outou fealofani.

Afai e 'ino'ino mai le lalologi ia
17 te outou, ua outou iloa ua muamua

ona 'ino'ino mai ia te au, i lona
 19 'ino'ino ia te outou. Afai a ni ta-
 gata o le lalolagi outou, po ua alofa
 mai le lalolagi i ona tagata; a e le
 ni o le lalolagi outou, a ua ou fili-
 filia outou nai le lalolagi, o le mea
 20 lea e 'ino'ino ai le lalolagi ia te
 outou. Ia outou manatua le upu
 na ou fai atu ai ia te outou, E le
 sili le auaina i lona alii. Afai ua
 latou faasaua mai ia te au, e faa-
 saua foi ia te outou; afai ua latou
 21 tausia la'u upu, latou te tausia foi
 ia outou. A e faia e i latou ia mea
 uma ia te outou ona o lo'u igoa, auā
 e lei iloa e i latou o ia ua auina mai
 22 a'u. Afai ana a'u le sau ma tautala
 atu ia te i latou, po ua lei sa latou
 agasala; a o lenei, e lei se mea e
 23 ufiufi a'i la latou agasala. O lē 'ino-
 'ino mai ia te au, ua 'ino'ino foi o ia
 24 i lo'u Tamā. Ana a'u lei faia ia te
 i latou o galuega e lei faia lava e se
 tasi, po ua lei sa latou agasala; a
 o lenei, ua latou vaai mai, ma latou
 'ino'ino mai ia te au atoa ma lo'u
 25 Tamā. A e peitai ia taunuu ai le
 upu ua tusia i la latou tulafono, Ua
 latou 'ino'ino mai fua lava ia te au.
 26 A malii mai le Fesoasoani, o le ou
 te auina mai ia te outou mai le
 Tamā, o le Agaga *lea e tupu mai ai*
 le upu moni, o lē malii mai mai le
 Tamā, o ia lava e molimau ia te au.
 27 Tou te molimau foi, auā ua outou
 faatasi ma a'u talu le amataga.

O le mavaega a Iesu.

16 UA ou fai atu nei mea ia te outou,
 2 ina nei tausuai outou. E tulia outou
 i sunako e i latou; a e oo lava i le
 aso e manatu ai se na te fasioti ia
 te outou, ua na faia le taulaga i le
 3 Atua. E faia foi e i latou ia mea ia
 te outou, auā latou te lei iloa le
 4 Tamā atoa ma a'u. A ua ou fai atu
 ia te outou nei mea, ina ia outou
 manatua pe a oo i le aso, na a'u fai
 atu ai ia te outou. Ou te lei fai
 atu nei mea ia te outou i le ama-
 5 taga, auā na ou i ai ia te outou. A
 ou te alu atu nei ia te ia na auina
 mai a'u; e lei fesili mai foi se tasi
 6 o outou, Po o fea e te alu i ai? A
 ua tutumu o outou loto i le faanoa-
 noa, ina ua ou fai atu nei mea ia te
 7 outou. A e peitai a'u, o le upu

moni lava ou te fai atu ai ia te
 outou, e aoga ia te outou pe a a'u
 alu ese; auā afai ou te le alu ese, e
 le malii mai le Fesoasoani ia te ou-
 8 tou; a e afai ou te alu, ou te auina
 mai o ia ia te outou. A malii mai
 foi o ia, na te faailoa atu i le lalo-
 lagi le agasala, ma le amiotonu, ma
 le faamasinoga. O le agasala, auā
 9 ua le faatuatua ia te au; o le amio-
 10 tonu, auā ou te alu atu i lo'u Tamā,
 tou te le toe vaai mai foi ia te au;
 o le faamasinoga, auā ua faamasino-
 11 ina le alii o le lalolagi nei.

Ua totoe ia te au mea e tele e fai
 12 atu ai ia te outou, a e tou te le ma-
 faia ona talia i nei ona po. A e a
 13 malii mai o ia, o le Agaga *lea e tupu*
mai ai le upu moni, e ta'ita'i e ia ia
 te outou i upu moni uma; auā e le
 tautala fua ia na o ia, a o mea uma
 e faalogo i ai o ia, e tautala a'i lava,
 ma faailoa mai ia te outou mea e oo
 mai. O ia lava e vivii mai ia te au,
 14 auā e maua e ia mai ia te au, ma
 faailoa atu ai ia te outou. O mea
 15 uma lava o i le Tamā, o ia te au foi
 ia; o le mea lea na ou fai atu ai, e
 maua e ia mai ia te au, ma faailoa
 atu ai ia te outou. E toe itiiti ona
 16 outou le vaai mai ai lea ia te au; e
 toe itiiti foi ona outou toe vaai mai
 ai lea ia te au, auā ou te alu atu i
 le Tamā. Ona fetautalatala'i lea o
 17 isi ona soo, Pe se a lenei mea ua ia
 fetalai mai ai ia te i tatou, E toe
 itiiti ona outou le vaai mai ai lea ia
 te au; e toe itiiti foi ona outou toe
 vaai mai ai lea ia te au, auā ou te
 alu atu i le Tamā? Ona latou faa-
 18 pea ane lea, Pe se a lenei mea ua ia
 fetalai mai ai, E toe itiiti? Tatou
 te lei iloa le mea ua ia fetalai mai
 ai. Ua silafia e Iesu lo latou fia
 19 fesili mai ia te ia; ona faapea atu
 lea o ia ia te i latou, Pe tou te fela-
 folafafoai ea i le mea na ou fai atu
 na, E toe itiiti ona outou le vaai
 mai ai lea ia te au; e toe itiiti foi
 ona outou toe vaai mai ai lea ia te
 au? E moni, e moni, ou te fai atu
 20 ia te outou, e tagi outou ma taufai-
 tagiaue, a e olioli le lalolagi; e tiga
 outou, a e liua lo outou tiga ma oli-
 21 oli. A fanau se fafine ua tiga ai o
 ia, auā ua oo i lona aso; a uma ona
 fanau mai o lona tama, ua le toe

- manatu e ia lona tiga, ona o le olioli, ina ua fanau mai le tagata i le
 22 lalolagi. O lenei foi, ua maua nei outou e le tiga; a e tatou te toe feiloai ma a'u, ona olioli ai lea o outou loto, e le aveeseina foi e se
 23 tasi lo outou olioli. O lea aso tou te le toe fesili mai ai ia te au i se mea e tasi. E moni, e moni, ou te fai atu ia te outou, o mea uma tou te ole atu ai i le Tamā i lo'u igoa, e
 24 foai mai e ia ia te outou. Ua oo mai nei lava tou te lei ole atu i se mea i lo'u igoa; ina ole atu ia, ona outou maua ai lea, ina ia atoatoa ai
 25 lo outou olioli. Ua ou tautala atu ia te outou i nei mea i upu faatusa; a e oo atu i ona aso ou te le toe tautala ai ia te outou i upu faatusa; a e ou te matuā faailoa atu ia te outou
 26 *mataupu* i le Tamā. O lea aso e ole atu ai outou i lo'u igoa; ou te le fai atu foi ia te outou ou te faa-
 27 toga i le Tamā mo outou; auā e alofa mai lava le Tamā ia te outou, ina ua outou alofa mai ia te au, ma ua outou talitonu o a'u nei ua ou
 28 sau mai le Atua. Ua ou sau mai le Tamā, ma ou sau i le lalolagi; o le a a'u toe tuua le lalolagi, ma alu atu
 29 i le Tamā. Ona fai mai lea o ona soo ia te ia, Faauta, o lenei, ua e tat'utino mai lava, ua e le fetalai mai
 30 i le upu faatusa. O lenei, ua matou iloa ua e silafia mea uma lava, e le aoga foi ia te oe ina fesili atu se tasi ia te oe; o le mea lea ua matou talitonu ai, na e malui mai mai le
 31 Atua. Ua tali atu Iesu ia te i latou,
 32 Ua outou talitonu mai nei ea? Faauta, e oo i le aso, ua oo nei foi i ai, e taapeape ai outou, e taitasi *ma alu* i lona aiga, a e tuua a'u e toatasi; a ou te le toatasi lava, auā ua ia te
 33 au le Tamā. Ua ou fai atu nei mea ia te outou, ina ia outou maua le manuia ia te au; e maua foi outou e le puapuaga i le lalolagi, a ia outou loto tetele, ua ou manumalo i le lalolagi.
- O le tatalo a Iesu i lona Tamā.*
- 17 UA fetalai atu ia mea e Iesu, ona tepa ae lea o ona fofoga i le lagi, ua faapea atu, *Lo'u* Tamā e, ua oo mai le aso. Tuu mai ia le viiga i lou Atalii, ina ia tuu atu foi e lou Ata-
- lii le viiga ia te oe. Auā ua e foai
 mai ia te ia le pule i tagata uma
 lava, ina ia avatu e ia le ola e faa-
 vavau ia te i latou uma lava na e
 foaiina mai ia te ia. O le ola e faa-
 vavau foi lenei, ia latou iloa oe le
 Atua moni e toatasi, atoa ma le ua
 e auina mai, o Iesu Keriso lea. Ua
 ou tuu atu le viiga ia te oe i le lalo-
 lagi; ua ou faaumaina le galuega
 na e tuuina mai ia te au, ou te faia.
 O lenei foi, *lo'u* Tamā e, ia e tuu
 mai ia te au le manuia faatasi ma
 oe, o le manuia lava sa ia te i taua
 ma oe, a o lei faia le lalolagi. Ua
 ou faaali atu lou suafa i tagata na
 e foai mai ia te au ai le lalolagi; sa
 fai i latou mou, ua e foaiina mai foi
 i latou ia te au, ua latou tausia foi
 lau afoga. O lenei, ua latou iloa o
 mea uma na e foaiina mai ia te au,
 mai ia te oe lava ia; o upu foi na e
 tuu mai ia te au, ua ou tuuina atu
 ia te i latou; ua latou talia foi, ma
 ua latou iloa, e moni ua ou sau mai
 ia te oe; ua talitonu foi i latou ua
 e auina mai a'u. Ou te tatalo mo i
 latou; ou te le tatalo mo le lalolagi,
 a o i latou na e foaiina mai ia te au,
 auā o ou *tagata* lava i latou. O a'u
 mea uma, o au lava ia; o au mea, o
 a'u lava ia; ua viia foi a'u ia te i
 latou. Ou te le i ai pea i le lalo-
 lagi, a o i latou, e i le lalolagi lava i
 latou; ou te alu atu foi ia te oe. Le
 Tamā paia e, ia e tausii ia i latou i
 lou suafa o e na e foai mai ia te au,
 ina ia tasi o i latou, faapei o i taua.
 Ua ou tausii i latou i lou suafa, ina
 ua ou ia te i latou i le lalolagi; ua
 ou leoleo i e na e foai mai ia te au,
 e leai foi so latou ua fano, na o le
 tagata o le malaia, ia taunuu ai le
 Tusi. O lenei, ou te alu atu ia te
 oe, ou te fai atu foi nei mea a o ou
 i le lalolagi, ina ia maua e i latou
 lo'u olioli ia atoatoa ai i totonu ia
 te i latou. Ua ou tuu atu lau afio-
 ga ia te i latou; ua 'ino'ino foi le
 lalolagi ia te i latou, auā e le ni o le
 lalolagi i latou, faapei o a'u, ou te
 le so le lalolagi a'u. Ou te le ole
 atu ina ia e ave ese ia te i latou i le
 lalolagi, a ia e tausii ia te i latou ina
 ne'i leaga. E le ni o le lalolagi i
 latou, faapei o a'u foi, ou te le so le
 lalolagi a'u. Ia e faapaiaina i latou

i lau upu moni; o lau afiga o le
 18 upu moni lea. Faapei ona e auina
 mai a'u i le lalolagi, ua faapea foi
 a'u ona auina atu o i latou i le lalo-
 19 lagi. Ou te faapaia foi a'u e sui a'i
 i latou, ina ia faapaia ona o i latou i
 20 le upu moni. E le faapito la'u ta-
 talo mo i latou nei, a o i latou foi e
 faatuatua ia te au ona o la latou
 21 upu; ina ia tasi i latou uma, faapei
 o oe le Tamā o i totonu ia te au, o
 a'u foi o i totonu ia te oe, ina ia
 tasi i latou i totonu ia te i taua;
 ina ia talitonu le lalolagi ua e auina
 22 mai a'u. O le manuia foi ua e foai
 mai ia te au, ua ou foai atu ia te i
 latou, ina ia tasi o i latou, faapei o i
 23 taua ua tasi; o a'u o i totonu ia te
 i latou, o oe foi o i totonu ia te au,
 ina ia faaatoatoaina i latou ia tasi;
 ina ia iloa ai foi e le lalolagi, na e
 auina mai a'u, ma e alofa mai ia te
 i latou, faapei ona e alofa mai ia te
 24 au. *Lo'u* Tamā e, o lo'u loto lenei
 ia te i latou ua e foaiina mai ia te
 au, ina ia latou faatasi ma a'u i le
 mea ou te i ai, ina ia latou vaaia
 lo'u manuia na e foaia mai ia te
 au; auā ua e alofa mai ia te au a o
 25 lei faavaeina le lalolagi. Le Tamā
 amiotonu e, e lei iloa oe e le lalo-
 lagi, a o a'u, ua ou iloa oe; ua iloa
 foi e i latou nei, ua e auina mai a'u.
 26 Ua ou faailoa atu foi lou suafa ia te
 i latou, ou te faailoa atu ai foi; ina
 ia i totonu ia te i latou le alofa ua
 e alofa mai ai ia te au, o a'u foi i
 totonu ia te i latou.

O le faamasinoina o Iesu.

18 UA fetalai atu ia upu, ona malii
 atu ai lea o Iesu ma ona soo i le
 tasi itu o le alia o Ketarono, ua i ai
 le fanua, ua latou o i ai ma ona soo.
 2 Ua iloa foi lea mea e Iuta le na faa-
 lalaina o ia; auā na malii atu soo i
 3 ai Iesu faatasi ma ona soo. Ua
 maua foi e Iuta le 'au ma auaina
 mai le au ositaulaga sili ma fare-
 saio, ona alu atu lea o ia i lea mea
 ma sulu, ma lamepa, ma le auupega.
 4 Ua silafia foi e Iesu mea uma o le a
 oo ia te ia, ua malii atu, ma faapea
 atu ia te i latou, O ai ea tou te saili
 5 na? Ua latou tali mai ia te ia, O
 Iesu le Nasareta. Ona fetalai atu
 lea o Iesu ia te i latou, O a'u lenei.

Ua tutū faatasi foi ma i latou o
 Iuta le na faalatalaina ia. Ua faapea 6
 atu *Iesu* ia te i latou, O a'u lenei;
 ona tuumuli ai lea o i latou, ua
 pauu foi i le eleele. Ona toe fesili 7
 atu lea o Iesu ia te i latou, O ai ea
 tou te saili na? Ua fai mai i latou,
 O Iesu le Nasareta. Ona tali atu 8
 lea o Iesu, Ua uma ona ou fai atu
 ia te outou, o a'u lenei; o lenei, afai
 tou te saili mai ia te au, tuu pea ia
 i latou nei, ia latou o; ina ia tau- 9
 nuu ai le upu na ia faapea atu ai, O
 i latou na e foai mai ia te au, e lei
 fano so latou e toatasi. O Simona 10
 Peteru foi, ua i ai le pelu, ua se'i e
 ia, ma taia a'i le auaina a le ositau-
 laga sili, ua tipiese lona taliga tau-
 matau; o Maliko le igoa o le au-
 aina. Ona fetalai atu lea o Iesu ia 11
 Peteru, Ina sulu ia lau pelu i lona
 faamoega; ou te le inu ea i le ipu
 ua au mai ia te au e *lo'u* Tamā?
 Ona pue atu lea e le 'au, ma le 12
 ta'ita'i, ma auaina a Iutaia ia Iesu,
 ma noanoa ia te ia. Ona latou 13
 uluai ta'ita'iina lea o ia ia Ana, auā
 o le tamā ia o le avā a Kaiafa, o le
 ositaulaga sili lea i lea tausaga.
 O Kaiafa poi lea na fai atu ia Iutaia, 14
 ua aoga pe a fano se tagata e tcatasi
 e sui a'i le nuu.

Ua mulimuli atu ia Iesu Simona 15
 Peteru ma le tasi soo; ua iloa foi
 lea soo e le ositaulaga sili; ua ulu-
 fale o ia faatasi ma Iesu i le maota
 o le ositaulaga sili; a o Peteru, ua 16
 tu o ia i fafo i le faitotoa. Ona
 alu ane lea i fafo o le isi soo na iloa
 e le ositaulaga sili, ua tautala ane i
 le leoleo faitotoa, ma ua mai ia
 Peteru i le fale. Ona faapea mai 17
 lea o le auaina teine na leoleo i le
 faitotoa ia Peteru, E le o oe ea le
 tasi soo o lena tagata? Ua fai atu
 ia, E le o a'u. Ua tutū mai tautua 18
 ma auaina, ua latou tafu le afi ma-
 lala, auā ua maalili, ua latou mu-
 mulu ai; ua tu foi Peteru faatasi
 ma i latou, ua mumulu ai.

Ona fesili mai lea o le ositaulaga 19
 sili ia Iesu i ona soo ma lana mata-
 upu. Ua tali atu Iesu ia te ia, Ua 20
 ou tautala faaali i tagata uma; ua
 ou a'oa'o soo i sunako ma le malu-
 malu, e faapotopoto soo ai Iutaia;
 a ou te lei tautala faailolilo i se

- 21 mea e tasi. Pe se a le mea e te fesili mai ai ia te au? Ia e fesili i e na faalogo ai, se mea na ou tau-tala atu ai ia te i latou; faauta, ua
- 22 latou iloa mea na ou fai atu ai. Ua fetalai atu o ia ia mea, ona po mai lea ia Iesu o le tasi auauna sa tu ai, ua faapea mai, E te tali atu ea faa-pea i le ositaulaga sili? Ona tali
- 23 atu lea o Iesu ia te ia, Afai ua le-aga la'u upu, ia molimau i lona le-aga; a e afai ua lelei, se a le mea ua e po mai ai ia te au? Ua auina
- 24 o ia e Ana ia Kaiafa le ositaulaga sili, o noanoatia. Sa tu ai Simona Peteru, ua mumulu; ona latou fai mai lea ia te ia, E le o oe ea le tasi
- 25 o ona soo? Ua faafiti atu ia, ua fai atu, E le o a'u. Ua fai mai ia te ia
- 26 le tasi auauna o le ositaulaga sili, o le aiga o le na tipiesea lona taliga e Peteru, Ou te lei vaai atu ea ia te
- 27 oe faatasi ma ia i le fanua? Ona toe faafiti atu lea o Peteru, ona vivini loa lea o moa.
- 28 Ona latou ta'ita'iina lea o Iesu nai ia Kaiafa i le maota o le alii; ua ao foi; a e lei ulufale i latou i le maota o le alii, ne'i leaga i latou,
- 29 ona le mafai lea ona aai i le paseka. Ona alu ai lea i fafo o Pilato ia te i latou, ua fai atu, Se a se mea ua
- 30 outou momoli ai i lona tagata? Ua latou tali mai, ua faapea mai ia te ia, Afai ana le pagota o ia, po ua
- 31 matou le tuuina atu o ia ia te oe. Ona fai atu lea o Pilato ia te i latou, Ina ave ia e outou ia te ia,
- 32 ina faamasino ia te ia i la outou tulafono. Ona fai mai lea o Iutaia ia te ia, E sa ona matou fasioti o se
- 33 tasi. Ua taunuu ai le fetalaiga a Iesu, na fetalai atu ai o ia, ina ua ta'u atu le uiga o lona maliu o le a
- 34 maliu ai o ia. Ona toe ulufale lea o Pilato i le maota o le alii, ua valaau ia Iesu, ua fai mai ia te ia, O
- 35 oe ea le tupu o tagata Iutaia? Ua tali atu Iesu ia te ia, Pe se upu mai ia te oe lea *upu*, pe na ta'ua a'u e nisi ia te oe? Ua tali mai Pilato,
- 36 Ou te se Iutaia ea? Ua tuuina mai oe ia te au e lou nuu ma le au ositaulaga sili; pe se a le mea ua e faia? Ua tali atu Iesu, E le mai le lalolagi nei lo'u malo; afai ana mai le lalolagi nei lo'u malo, po ua
- tau a'u auauna, ina ne'i tuuina atu a'u ia Iutaia; a o lenei, e le mai iinei lo'u malo. Ona fai mai lea o
- 37 Pilato ia te ia, O lona foi, e te se tupu ea oe? Ua tali atu Iesu, O lea lava, o a'u o le Tupu. O le mea lenei na fanau mai ai a'u, o le mea
- 38 foi lenei na ou sau ai i le lalolagi, ina ia ou molimau i le upu moni. O i latou uma lava o i le upu moni, e faalogo mai i latou i lo'u leo. Ua
- 39 fai mai Pilato ia te ia, Po o le a le upu moni? Ua fai mai lea *upu*, ona toe alu lea o ia i fafo ia Iutaia, ua fai atu foi ia te i latou, Ou te lei
- 40 iloa se mea e sala ai o ia. A o la outou tu lea, ia ou tatalaina atu ia te outou se tasi tagata i le paseka; o lenei, pe tou te mananao ea ina
- 41 ia ou tatalaina atu ia te outou le tupu o tagata Iutaia? Ona toe alalaga lea o i latou uma lava, ua
- 42 faapea atu, Aua lava lona, a o Parapa. O le fao mea foi Parapa.

O le faasatauroina o Iesu.

ONA ave lea e Pilato ia Iesu, ua

1 sasa foi ia te ia. Ua taatai foi e le 'au o laau tuitui, ua fai a'i le

2 pale, ua faaee i lona ao, ua faaofu foi ia te ia i le ofu pāuli. Ona latou fai atu lea, Talofa! le tupu o

3 tagata Iutaia. Ua latou po atu foi ia te ia. Ona toe alu lea o Pilato i

4 fafo, ma fai atu ia te i latou, Faa-uta, ou te ta'ita'iina atu o ia i fafo ia te outou, ina ia outou iloa ou te

5 lei iloa se mea e sala ai o ia. Ona maliu atu lea o Iesu i fafo, ua pale i le pale tuitui, ma *ofu* i le ofu pāuli. Ua fai atu foi Pilato ia te i

6 latou, Faauta i le tagata! Ua vaai atu ia te ia le au ositaulaga sili ma auauna, ona alalaga lea o i latou,

7 ua faapea, Ina faasatauro ia, faasatauro ia. Ua fai atu Pilato ia te i latou, Ina ave ia e outou ia te ia,

8 ma ia outou faasatauroina; auā ou te lei iloa se mea e sala ai o ia. Ua

9 tali mai Iutaia ia te ia, O ia te i matou le tulafono, e tusa foi i la matou tulafono ona i oti o ia, auā

ua fai o ia e ia ma Alo o le Atua. Ua faalogo atu Pilato i lea upu, ua

atili ai lona mata'u; ona toe ulu atu lea o ia i le maota o le alii, ua

fai mai ia Iesu, Se fea ea oe? A o

- Iesu, e lei tali atu lava ia te ia.
- 10 Ona faapea mai lea o Pilato ia te ia, E te le gagana mai ea ia te au? Po ua e le iloa, o ia te au le pule e faasatauro ia te oe, o ia te au foi le
- 11 pule e tatala ia te oe? Ua tali atu Iesu, E leai sau pule ia te au, ana le tuuina mai ia te oe mai lugā; o le mea lea e tele ai lona leaga na ia
- 12 tuuina mai a'u ia te oe. Talu ai ona saili e Pilato e tatala ia te ia; a ua alalaga Iutaia, ua faapea atu, Afai e te tatalaina lona tagata, e te
- 13 le alofa ia Kaisara; o sē fia fai ma tupu, e fou o ia ia Kaisara. Ua faalogo atu Pilato i lea upu, ona ta'ita'i lea e ia ia Iesu i fafo; ua
- 14 nofo foi o ia i le nofoa faamasino i le mea e ta'ua, o le Paepae, a o le upu Eperu, o Kapata. O le aso o
- 15 le sauniga o le paseka *lea aso*, o lona itu aso foi pe ono; ua fai mai o ia ia Iutaia, Faauta i lo outou
- 16 tupu. A ua alalaga i latou, Ave ese ia, ave ese ia; ina faasatauro ia te ia. Ua faapea mai Pilato ia te i
- 17 latou, Ou te faasatauro ea i lo outou tupu? Ua tali atu le au ositaulaga ia te ia, E leai so matou tupu, na o
- 18 Kaisara. Ona ia tuuina atu lea o ia ia te i latou, ina ia faasatauroina.
- 19 Ona ave lea o Iesu e i latou, ua ta'ita'ina atu; ua ave e ia lona satauro, ua maliu atu foi i le mea e ta'ua, O le mea o i ai le ulupoo, ua
- 20 igoa i le upu Eperu, o Kolokota.
- 21 Ua latou faasatauro ia te ia i lea mea, atoa ma isi tagata e toalua faatasi ma ia, o le tasi i le tasi itu, ma le isi i le isi itu, a o i totonu
- 22 Iesu. Ua tusia foi e Pilato o le tasi faailoga, ma tuu i luga i le satauro; o le upu *lenēi* ua tusia, O IESU LE NASARETA, O LE
- 23 TUPU O TAGATA IUTAIA. Ona faitaulia lea o lea faailoga e Iutaia e toatele, anā o le mea na faasatauroina ai Iesu, e lata ane lea i le aai; ua tusia foi i le upu a Eperu,
- 24 ma Eleni, ma Roma. Ona faapea atu lea o le au ositaulaga o Iutaia ia Pilato, Aua e te tasi, O le tupu o tagata Iutaia; a ia faapea, Ua fai mai o ia, O a'u o le tupu o tagata
- 25 Iutaia. Ua tali atu Pilato, O le mea ua ou tusia, ua ou tusia lava.
- 26 Ua faasatauroina Iesu e tagata
- tau, ona latou ave lea o ona ofu, ua vaefāina, taitasi le tagata tau ma lana mea; i le ma le ofu tino; a e leai se su'iga i le ofu tino, ua lalaga atoatoa, e afua mai i le pito i luga.
- 27 Ona fetautalatala'ī lea o i latou, Aua latou te saeia, a se'i tatou fai ai le vili, po o ai le fai mona; ina ia taunuu ai le Tusi, ua faapea mai, Ua latou tufatufaina o'u ofu ia te i latou, ua latou faia foi le vili i lo'u ofu tino. O mea lava ia na faia e tagata tau.
- 28 Sa tutū latalata ane i le satauro o Iesu lona tinā, ma le uso o lona tinā, o Maria *le avā* a Kalopa, ma Maria le Makatala. Ua silasila atu
- 29 Iesu i lona tinā, ma le soo ua alofa ina e ia, ua tutū mai, ona fetalai atu lea o ia i lona tinā, Sena e, faauta, o lau tama. Ua faapea atu
- 30 foi i lea soo, Faauta, o lou tinā. Talu foi lea itu aso ua ave o ia e lea soo i lona aiga. Mulimuli ane ua silafia e Iesu ua uma ona taunuu o mea uma, ua ia fetalai ane, Ou te fia inu; ina ia taunuu ai le Tusi.
- 31 Sa i ai foi le fagu ua tumu i le vineta; ua latou fufui le omomi i le vineta, ua tuu i luga i le isopo, ma tuu atu ai i lona fofoga. Ua
- 32 talia le vineta e Iesu, ona fetalai ane lea o ia, Ua taunuu; ua faa-gaugau lona ao, ona tuuina atu lea o lona agaga.
- 33 Ona faatoga atu lea o Iutaia ia Pilato ia gauia o latou vae, ia ave-eseina foi i latou, ina ia le tumau pea o tino i luga o satauro i le sapatī, auā o le aso o le sauniga lea, (o le aso sili foi lea sapatī.) Ona
- 34 o ane lea o tagata tau, ua gaui i vae o le tasi ma le tasi o e na faasatauroina faatasi ma ia. A ua oo i latou ia Iesu, ua latou iloa ua maliu lava ia, ona le gauia ai lea o ona vae; a o le tasi tagata tau ua tutu'i
- 35 lona itu i le tao; ona sisina loa mai lea o le toto ma le vai. O ia na matamata i ai, ua molimau ai, e moni foi lana mau; ua iloa lava e ia e moni lava lana upu, ina ia outou talitonu ai. Auā ua faia ia mea
- 36 ia taunuu ai le Tusi, E le gauia sona ivi. Ua toe faapea foi le tasi Tusi, E vaai atu i latou ia te ia na latou
- 37 tufia.

- 38 Ua mavae ia mea, ona faanoi atu
lea o Iosefa le Arimataia ia Pilato,
ina ia ave ese e ia le tino o Iesu; (o
ia o le soo o Iesu, a e faalilolilo ona
o le fefe ia Iutaia;) ua tuuina mai
foi e Pilato. Ona alu ane lea o ia,
39 ua ave le tino o Iesu. Ua alu ane
foi Nikotemo, o le na muai alu ia
Iesu i le po, ua na ave foi le muro
fefiloi ma le aloa, po ua selau litara.
40 Ona la ave lea o le tino o Iesu, ua
teuteu i le ie e tanuma'i atoa ma
mea manogi, faapei o le tu a Iutaia
41 i le faataimuaga o le tanuga. Sa i
le mea na faasatauroina ai o ia o le
fanua; ua i lea fanua foi le tuuga-
mau fou, e lei tuuina ai lava se tasi.
Ona la tuuina ai lea o Iesu i lea
mea, ona o le sauniga a tagata
Iutaia; auā ua latalata mai le
tuugamau.
- O le toe soifua mai o Iesu.*
- 20 O LE uluai aso o le vaisapati, i le
taeao, a o pouliuli lava, ua alu ane
ai Maria le Makatala i le tuuga-
mau; ua vaai atu i le maa ua ave-
eseina i le tuugamau. Ona momo'e
2 lea o ia, ua alu ia Simona Peteru
ma le tasi soo sa alofaina e Iesu, ua
fai atu ia te i laua, Ua latou ave-
eseina le Alii i le tuugamau; ma-
tou te le iloa foi le mea ua latou
3 tuuina ai o ia. Ona o atu lea o
Peteru ma le tasi soo, ua la o atu i
4 le tuugamau. Ua taufetoli i laua
uma; a o le tasi soo, ua momo'e
5 atu ua muamua ia Peteru, ua muai
oo i le tuugamau. Ua punou o ia,
6 ona iloa ai lea o ie na tanuma'i ua
tuu; a e lei ulu atu ai o ia. Ona
oo atu lea o Simona Peteru, sa
mulimuli atu ia te ia, ua ulu atu ia
i totonu i le tuugamau, ua vaai atu
7 i ie na tanuma'i ua tuu, ma le solo-
solo sa i lona ao, e lei tuu faatasi
ma ie na tanuma'i, a ua tuu ese, ma
8 taataai i le tasi mea. Ona ulu atu
lea o le tasi soo na muai oo i le
tuugamau, ua vaai atu, ona talitonu
9 lea o ia. Auā o ona po ia e lei iloa
ai e i latou le Tusi, ia toe tu o ia
10 nai e ua oti e tatau ai. Ona toe o
11 lea o ia soo i o laua aiga; a o Maria,
ua tu o ia i fafo e lata ane i le tuu-
gamau, ua tagi ai. Ua tagi o ia ma
12 punou i le tuugamau, ona iloa atu
lea e ia o agelu e toalua *ua oofu* i
ofu sisina, ua nonofo i le mea na
tuu ai le tino o Iesu; o le tasi e i
ulu, o le tasi e i vae. Ua la fai mai 13
ia te ia, Funa e, se a le mea e te
tagi ai? Ua faapea atu ia ia te i
laua, Auā ua latou ave ese lo'u Alii,
ou te lei iloa foi le mea ua latou
tuuina ai o ia. Ua ia fai atu na 14
upu, ona fāliu lea i tua; ona iloa
atu lea e ia o Iesu ua tu mai; a e
lei iloa e ia o Iesu lava lea. Ua 15
fetalai atu Iesu ia te ia, Funa e, se
a le mea e te tagi ai? O ai ea e te
sailia? A o le fafine, fa te ia o le
leoleo ia o le fanua, ua fai mai ia te
ia, Le Alii e, afai ua e ave ese ia te
ia, ta'u mai ia ia te au po o fea le
mea ua e tuuina ai o ia; ona ou
aveeseina lea o ia. Ua fetalai atu 16
Iesu ia te ia, Maria e. Ona fāliu
lea o ia, ua fai mai ia te ia, Raponi
e, (o lona uiga, Le a'oa'o e). Ua 17
fetalai atu Iesu ia te ia, Aua e te
tago mai ia te au, auā ou te lei alu
ae lava i lo'u Tamā; a ia e alu i o'u
uso, ma fai atu ia i latou, Ou te alu
ae i lo'u Tamā ma lo outou Tamā,
o lo'u Atua ma lo outou Atua. Ua 18
alu atu Maria le Makatala, ua faa-
iloa atu i le au soo, ua iloa ia e le
Alii, ua fetalai mai foi e ia o ia mea
ia te ia.
- Ua oo i le afiafi, o le uluai aso lea 19
o le vaisapati, ua punitia faitotoa o
le mea na potopoto ai le au soo, ona
o le fefe ia Iutaia; ua maliu atu
Iesu, ua tu i totonu; ona fetalai
atu lea o ia ia te i latou, Ia outou
manuia. Ua ia fetalai atu lea mea, 20
ona faaali atu lea ia te i latou o ona
lima ma lona itu. Ona olioli ai lea
o le au soo ina ua latou vaai atu i le
Alii. Ona toe fetalai atu lea o Iesu 21
ia te i latou, Ia outou manuia. Faa-
pei ona auina mai o a'u e le Tamā,
e faapea foi ona ou auina atu ou-
tou. Ua ia fetalai atu lea mea, ona 22
mānava atu lea o ia, ma faapea atu
ia te i latou, Ia outou talia le Aga-
ga Paia. O i latou uma lava tou te 23
faamagaloina ai a *latou* agasala, e
faamagaloina ia ia i latou; o i latou
uma lava tou te tuu pea i ai a *latou*
agasala, e tuu pea lava ia.
- A o Toma o le tasi o le toe sefulu 24
ma le toalua, ua igoa ia Titumo, e

lei i ai o ia ma i latou ina ua maliu
 25 atu Iesu. Ona fai atu lea o le au
 soo uma ia te ia, Ua matou iloa atu
 le Alii. A ua fai mai o ia ia te i
 latou, Afai ou te le vaai atu i ona
 lima, i mea na tutu'i ai fao, ma tuu
 lo'u tamatamai lima i mea na tutu'i
 ai fao, ma tuu lo'u lima i lona itu,
 26 ou te le talia lava. Ua mavae aso
 e valu, ua toe faatasi ona soo i le
 fale, ua faatasi ai foi i latou ma
 Toma; ua maliu atu Iesu, a o pu-
 puni faitotoa, ua tu foi o ia i totonu,
 ma fetalai atu, Ia outou manuia.
 27 Ona fetalai atu lea o ia ia Toma, Au
 mai ia lou tamatamai lima iinei, va-
 ai mai foi i o'u lima; au mai ia foi
 lou lima, ma tuu mai i lo'u itu;
 aua foi e te masalo vale, a ia e tali-
 tonu. Ona tali mai lea o Toma, ua
 faapea mai ia te ia, Lo'u Alii e, ma
 28 lo'u Atua e. Ua fetalai atu Iesu ia
 te ia, Toma e, ua e talitonu, auā ua
 e vaai mai ia te au. Amuia o e le
 vaai mai, a e talitonu mai pea.
 30 O isi foi faailoga e tele na faia e
 Iesu i luma o ona soo, e lei tusia i
 31 lenei tusi. A ua tusia ia mea, ina
 ia talitonu ai outou, o Iesu o le Ke-
 riso lava ia, o le Alo o le Atua; ina
 ia maua ai foi le ola i lona suafa e
 outou o e talitonu.

O fetalaiaga a Iesu i ona soo.

21 UA mavae ia mea, ona toe faaali
 lea o Iesu i le au soo i le vai o Ti-
 peria; ua faapea ona faaali o ia.
 2 Sa faatasi Simona Peteru, ma Toma
 ua igoa ia Titumo, ma Natanielu o
 le Kana i Kalilaia, ma *atalii* o Se-
 petaio, ma ni i o ona soo e toalu.
 3 Ua fai atu Simona Peteru ia te i
 latou, Ou te alu, ou te fagota. Ua
 fai mai i latou ia te ia, Tatou te o
 foi ma oe. Ua latou o atu, ona la-
 tou o ae loa lea i le vaa; a e lei
 4 maua se *i'a* e tasi i lea po. Ua oo i
 le taeao, ua tu Iesu i le auvai, a e
 5 lei iloa e le au soo o Iesu lea. Ona
 fetalai atu lea o Iesu ia te i latou,
 Le fanau e, pe ai ea ni a outou mea
 e 'ai? Ua latou tali mai ia te ia, E
 6 leai. Ua fetalai atu o ia ia te i la-
 tou, Ina lafo ia le upega i le itu i
 matau o le vaa, ona outou maua ai
 lea. Ona latou lafo lea; a ua le
 toe mafai e i latou ona toso ae, ona

o taumafa o i'a. Ona fai atu lea o
 lena soo ua alofaina e Iesu ia Peteru,
 O le Alii lea. Ua faalogo Simona
 Peteru, o le Alii ia, ona ofu lea o ia
 i lona ofu, auā na faasau o ia; i le
 ua oso i le vai. A ua o mai isi soo
 8 i le vaa itiiti; auā e le vava mamao
 ma uta, pe lua selau o kupita; ua
 toso mai le upega, ua i ai i'a. Ua
 9 latou tūta, ona iloa lea o le afi ma-
 lala, o le i'a foi ua tunu ai, ma le
 areto. Ua fetalai atu Iesu ia te i
 10 latou, Au mai ia nisi i'a ua outou
 maua nei. Ona alu ane lea o Si-
 11 mona Peteru, ma toso mai le upega
 i uta, ua tumu i i'a tetele; e lau se-
 lau, ma le lau lima, ma le tolugalau;
 e ui lava ina tele o *i'a*, a e lei masae
 lava le upega. Ua fetalai atu Iesu
 12 ia te i latou, O mai ia, ina aai; a e
 lei faamalosi se tasi o le au soo e
 fesili atu ia te ia, O ai ea oe? auā
 ua latou iloa, o le Alii lava ia. Ona
 13 maliu ane lea o Iesu, ua tago i le
 areto, ma avatu ia te i latou; ua
 faapea foi ma le i'a. O lona faaali
 14 faatolu mai lea o Iesu i ona soo,
 talu ona toe tu mai o ia nai e ua oti.

Ua uma ona latou aai, ona feta-
 15 lai atu lea o Iesu ia Simona Peteru,
 Simona e, *le atalii* o Iona, pe sili
 mai lou alofa ia te au, i o latou
 nei? Ua fai mai o ia ia te ia, Ioe,
 le Alii e, ua e silafia, ou te alofa ia
 te oe. Ona fetalai atu lea o ia ia te
 ia, Ia e fafaga i a'u tamai mamoe.
 Ua toe fetalai atu faalua o ia ia te
 16 ia, Simona e, *le atalii* o Iona, pe e
 te alofa mai ia te au? Ua fai mai
 o ia ia te ia, Ioe, le Alii e, ua e sila-
 fia, ou te alofa ia te oe. Ona feta-
 lai atu lea o ia ia te ia, Ia e leoleo i
 a'u mamoe. Ua fetalai faatolu atu
 17 o ia ia te ia, Simona e, *le atalii* o
 Iona, pe e te alofa mai ia te au?
 Ua tiga Peteru, auā ua ia fetalai
 faatolu ia te ia, Pe e te alofa mai ia
 te au? Ua fai mai ia te ia, Le Alii
 e, ua e silafia mea uma lava, ua e
 silafia, ua ou alofa lava ia te oe.
 Ona fetalai atu lea o Iesu ia te ia,
 Ia e fafaga i a'u mamoe. E moni,
 18 e moni, ou te fai atu ia te oe, ua e
 fusi oe ina o e taulealea, ma e fe-
 aluai i mea na e loto i ai; a e pe a e
 toeaia, e te faaloaloa ou lima, e
 fusifusi foi ia te oe e se tasi, e ave

- 19 foi oe i le mea e te le loto i ai. Ua ia fetalai atu lea upu e faailoa atu ai le uiga o lona oti e vivii atu ai o ia i le Atua. Ua fetalai atu lea mea, ona faapea atu lea o ia ia te ia, Ia e mulimuli mai ia te au. Ua fāliu Peteru, ona vaai atu lea o ia i le soo ua alofaina e Iesu, o loo mulimuli mai, o ia foi na faalagolago i le fatafata o Iesu ina o fai le talisuaga, na na fai atu foi, Le Alii e, o ai ea e faalataina oe? Ua iloa atu o ia e Peteru, ona fai mai lea o ia ia Iesu, Le Alii e pe faapefea o ia nei?
- 22 Ua fetalai atu Iesu ia te ia, Afai ou te loto ina ia tumau pea o ia seia ou sau, pe se a lea mea ia te oe? Ia e mulimuli mai oe ia te au. Ona salalau ai lea o lenei tala i le au uso, E le oti lava lea soo; a e lei faapea atu Iesu ia te ia, E le oti ia; a e faapea, Afai ou te loto ina ia tumau pea o ia seia ou sau, pe se a lea mea ia te oe? O le soo lena o lē moli-mau i ia mea, ma na tusia ia mea; ua tatou iloa foi e moni lava lana mau. O isi mea foi e tele na faia e Iesu, afai e tusia uma lava, o la'u taofi e le mafai ona ofi i le lalolagi ia tusi pe a tusia. Amene.

o

GALUEGA

A LE AU APOSETOLO.

O le afio ae o Iesu i le lagi ina ua toe soifua mai; o le tofiga o Matatia.

- 1 TEOFILO e, na ou tusi le muai tala i mea uma lava na amata ona faia e Iesu ma a'oa'o atu, e oo i le aso na aveina ae ai o ia, ina ua uma ona poloai atu e le Agaga Paia i le au aposetolo e na filifilia e ia. Na faailoa atu foi o ia e ia ia te i latou ua soifua ia, ina ua mavae o lona tiga, ua faamaonia i faailoga faamaoni e tele; e fagafulu po ua iloa ai o ia e i latou, ma na fetalai atu i mea a le malo o le Atua. Sa faapotopoto foi o i latou ma ia, ona fetalai atu lea o ia ia te i latou, ia le tuua Ierusalem, a ia faatali i le mea na folafolaina e le Tamā, ua outou faalogo ai ia te au. Auā na papatiso lava Ioane i le vai; a o outou, e papatisoina outou i le Agaga Paia e le tele ni aso e va a'i. Ua potopoto i latou, ona latou fesili ai lea ia te ia, ua faapea mai, Le Alii e, o na po nei ea e te toe fuatai mai ai le malo ia Isaraelu? A ua fetalai atu o ia ia te i latou, E le tusa ona outou iloa o ona po ma ona tausaga ua tuu e le Tamā i lana lava pule. A e maua e outou le mana, pe a afio ifo le Agaga Paia i luga ia te outou; e fai foi outou ma molimau ia te au i Ierusalem ma Iutaia uma lava, ma Samaria, e oo lava i le tulutiga o le lalolagi. Ua fetalai atu ia i ia mea, ona siitia lea o ia, o latou o vaavaai atu; ua avea foi o ia i le ao nai o latou luma. Ua latou tulimatai ae i le lagi, a o afio ae o ia, faauta foi, o tagata e toalua ua tutū mai ia te i latou ma ofu sisina. Ua la fai mai, O outou tagata Kalilaia e, se a le mea tou te tutū ai, ma vaavaai i le lagi? O Iesu lena, ua aveina ae nai ia te outou i le lagi, e faapea ona toe afio mai o ia, pei o lona afio atu i le lagi na outou vaavaai i ai. Ona latou toe foi atu lea i Ierusalem nai le mauga e igoa ia Olive, e latalata lea i Ierusalem, o le savaliga o le sapatī lo la va. Ua latou oo atu, ona o ae lea o i latou i le afeafea aupitoaluga, ua nonofo ai Peteru, ma Iakopo, ma Ioane, ma

Aneterea, o Filipo ma Toma, o Patolomaio ma Mataio, o Iakopo *le atalii* o Alefaio ma Simona le Selote, ma Iuta *le uso* o Iakopo. Ua finafinau pea i latou nei uma lava ma le loto gatasi i le tatalo ma le'ai oi, atoa ma fafine, ma Maria le tinā o Iesu, atoa foi ma ona uso.

14 ma Iuta *le uso* o Iakopo. Ua finafinau pea i latou nei uma lava ma le loto gatasi i le tatalo ma le aoi, atoa ma fafine, ma Maria le tinā o Iesu, atoa foi ma ona uso.

15 O ona po ia na tulai ai Peteru i luma o le au soo, (o le aofai o igoa o e na i ai po ua toaselau ma le toaluafulu;) ua faapea atu. Sema e, le au uso e, ua tatau ona taunuu o lenei Tusi, sa muai fetalai mai e le Agaga Paia i le fofoga o Tavita ia Iuta, sa fai ma ta'ita'i ia te i latou e na pue ia Iesu. Auā na faitauina o ia faatasi ma i matou, na tofia foi o ia i lenei faiva. Na faatau foi e lenei tagata le fanua i le tofogi o le amio leaga; na tito foi o ia, ua pa ai lona manava, ua masaa ai i fafo lona gaau uma lava. Ua iloa foi lenei mea e i latou uma ua nonofo i Ierusalem, o le mea lea ua igoa ai lea fanua i la latou lava gagana, o Akeletama, o lona uiga, O le fanua o le toto. Auā ua tusia i le tusi o salāmo, Ia tuufua le mea ua nofo ai o ia, aua foi ne'i ai se mau ai; i le ma lea, Ia fai lona faiva mo se tasi.

21 O lenei, e tatau ona fai ma molimau faatasi ma i matou nei, i lona toe tu, o se tasi o ia tagata sa feoai ma i tatou i ona po uma lava, a o femaliuai le Alii o Iesu ma i tatou, e afua mai i le papatisoga a Ioane, e oo lava i le aso na aveina ae ai o ia nai ia te i tatou. Ona tuu mai lea e i latou o le toalu, o Iosefa e igoa ia Pasapa, ua igoa foi ia Iuso, atoa ma Matatia. Ua fatalo foi i latou, ua faapea atu, Le Alii e, o oe o lē silafia loto o tagata uma lava, ia e faailoa mai po o ai so laua nei ua e filifilia, na te maua le tofi o lenei faiva o le aposetolo, na lafoaiina e Iuta ina ia alu o ia i lana lava mea e nofo ai. Ona fai ai lea o la la vili, ona faasaga ai lea o le vili ia Matatia; ua faitauina o ia faatasi ma le au aposetolo e toatinoagafulu ma le toatasi.

*O le Agaga Paia ua foaiina mai; e
toatele ua liliu ai i le Atua.*

UA oo atu foi i le aso Penetekoso, 2
sa i ai i latou uma lava i le mea e 2
tasi ma le loto gatasi. Oua faafua-
sei mai lea o le taalili mai le lagi, 3
peiseai o le matagi ua agi tele mai, 4
ua tumu uma ai le fale sa latou
nonofo ai. Ua iloa foi e i latou o 3
laulaufaiva peiseai o le afi ua vae-
vaeina, ua nofo i o latou luga taitoa-
tasi. Ua faatutumuina foi i latou 4
uma i le Agaga Paia, ua afua ai ona
tautala i gagana eseese, pei ona foai-
ina mai o le Agaga o le gagana ia 5
te i latou. Sa nonofo i Ierusalema
tagata Iutaia e ua matatau i le Atua, 6
mai nuu uma lava o le lalolagi. Ua
lagona foi lenei taalili, ona faapoto-
poto mai ai lea o le motu o tagata,
ua fememeai, ina ua taitasi ma faa-
logo atu ia te i latou ua tautala mai 7
i lana lava gagana. Ua segia uma
o latou mau, ma latou ofo ai, ua
fetautalatalai, Faaata, e le o Kali-
laia ea i latou uma o e tautala mai 8
nei? e faapefea foi ona tatou tai-
tasi ma faalogo atu i lana lava ga-
gana na tupu ma ia? o Patia, ma 9
etai, ma Elama, ma i latou e no-
nofo i Mesopotamia, ma Iutaia ma
Kapatokia, o i Pono ma Asia, o i 10
erukia ma Pafulia, o i Aikupito
ma nuu o Lipua ua tuaoi ma Kurene,
o e ua āumau foi mai Roma, o Iutaia 11
ma e ua lotu mai, o Kereta ma
Arapi; ua tatou faalogo atu ia te i
latou o loo tautala mai i a tatou
lava gagana i vavega o le Atua. 12
Ua segia o latou mau uma, ma
fememeai i latou, ua fetautalatalai,
Se a le uiga o lenei mea? Peitai o 13
isi, ua tauemu i latou, ua faapea
ane, Ua onā nei tagata i le uaina
suamalie.

Ona tulai lea o Peteru atoa ma 14
le toatinoagafulu ma le toatasi, ua
fai atu ma le leo tele, ua faapea atu
ia te i latou, Sema e, o outou Iuta-
ia e, atoa foi ma e ua nonofo i Ieru-
salem uma lava, ia iloa e outou
lenei mea, ma ia faafofoga mai i a'u
upu. Auā ua le onā nei tagata, pei 15
ona outou masalosalo i ai; auā o le
itu aso e tolu lenei; a o le mea 16
lenei ua fai mai ai e le perofeta o

- 17 Ioelu, O ona aso e gata ai, o loo faapea mai le Atua, e iu ina ou liligi ifo ai lo'u Agaga i luga o tagata uma lava; ona perofeta mai lea o outou atalii ma o outou afafine, e iloa faaaliga e o outou taulelea, e
- 18 fai miti foi o outou toeaia. O ia aso foi ou te liligi ifo ai lo'u Agaga i luga o a'u auuana tane, ma a'u auuana fafine, latou te perofeta mai ai. Ou te faia foi vavega i le lagi i luga, ma faailoga i le lalolagi i lalo, o le toto, ma le afi, ma le asuasua e faaniutu. E muamua ona liua o le ia i le pouliuli, ma le masina i le toto, i le oo ai i le aso tele ma le silisili o le Alii. E iu foi ina faaolaina o i latou uma lava o e valaau atu i le suafa o le Alii. Sema e, o outou Isaraelu e, faalogo mai ia i nei upu; o Iesu o le Nasareta, o le tagata ua faasinoina e le Atua ia te outou i mea mamana, ma vavega, ma faailoga ua faia e le Atua i o outou luma e ia, pei ona outou iloa foi; o ia ua tuuina mai e le pule tonu ma le silafaga a le Atua anamua, na maua o ia e outou, ma outou faamau i le laua ma fasioti i lima o
- 24 tagata faaletaupulea; o ia ua faatuuina mai e le Atua, ua na tatata i puapuaga o le oti, auā na le mafai ona taofina ai o ia. Auā ua fai mai Tavita ia te ia, Na ou ilo atu le Alii i o'u luma e le auua; auā o i lo'u itu taumatau o ia, ina nei faagaetia a'u. O le mea lea ua fiafia ai lo'u loto, ma olioli ai lo'u lau-laufaiva; e malolo ai foi lo'u tino
- 27 ma le faatalitali; auā e te le tuua a'u i le tuugamau; e te le tuu atu foi lou Tagata Paia ia oo i ai le pala. Ua e faailoa mai ia te au ala o le ola; e te faatuu mai ia te au i le fiafia i ou luma. Sema e, le au uso e, se'i ou matuā fai atu ia te outou i lea tupuga o Tavita, ua maluu o ia, ua tanumia foi, ua ia i tatou lona tuugamau ua oo mai i ona po nei.
- 30 O leni foi, auā o le perofeta o ia, ma ua iloa e ia na matuā tauto mai le Atua ia te ia, na te faatuina le Keriso mai lana fanau i la le tino, e tietie ai o ia i lona nofoālii; ua muai iloa e ia, o lea ua na fai mai ai i le toe tu mai o le Keriso, ua le tuua o ia i le tuugamau, ua le oo foi le pala i lona tino. O Iesu lava lena ua toe faatuina e le Atua; o molimau i matou uma i lena mea. O leni foi, ona ua siitia o ia i luga e le aao taumatau o le Atua, ma ua maua e ia mai le Tamā o le Agaga Paia na folafolaina, ua liligi ifo ai e ia leni mea ua outou iloa ma faalogo ai nei. Auā e lei alu ae Tavita i le lagi, a ua fai mai o ia, Ua fetalai mai le Alii i lo'u Alii, Ia e nofo i lo'u itu taumatau, seia ou fai o e ita ia te oe ma mea e tu ai ou vae. O leni foi, ia matuā iloa e le aiga uma o Isaraelu, o Iesu lava lena na faasatauroina e outou, ua faia lea e le Atua ma Alii ma Keriso.
- Ua faalogo mai i latou, ona tuia lea o latou loto, ua latou fai mai ia Peteru ma le au aposetolo uma, Sema e, le au uso e, se a se mea matou te faia? Ona fai atu lea o Peteru ia te i latou, Ina salamo ia, ma ia taitasi ma papatisoina outou uma i le suafa o Iesu Keriso, mo le faamagaloina o agasala; ona maua lea e outou o le mea foai fua mai, o le Agaga Paia lea. Auā o ia te outou ma a outou fauau le mea ua folafolaina mai, atoa ma e o mamao uma lava, o i latou uma e valaauina e le Alii lo tatou Atua. O isi upu foi e tele ua ia molitino atu ma apoapoai atu ai, ua faapea atu, Ia faaolaina outou ai leni tupulaga faapiopio. Ona papatisoina lea o e na talia lana upu ma le fiafia; o lea aso foi ua faapoopoina ai pe tolu afe o tagata.
- Ua tumau pea i latou i le mataupu a le au aposetolo, ma le mafuta faatasi, ma le tofitofiga o le areto, ma talotaloga. Ua oo foi le fefe i tagata uma; ua faia foi e le au aposetolo vavega ma faailoga e tele. Ua faatasi foi e ua faatuatua lava, ua tuu tele a latou mea uma lava; ua faatau atu foi o latou fanua ma oloa, ma ua tufatufa le tau o ia mea i tagata uma, ua faatatau i le mativa o le tagata. Ua latou nonofo pea ma le loto gatasi i le malumalu i lea aso ma lea aso, ua tofitofi foi le areto i lea fale ma lea fale, ua latou aai a latou mea e 'ai ma le fiafia ma le loto faamaoni, ua latou vivii atu i le Atua, ma ua

alofaina e le nuu uma lava. Ua faaopoopoina i le ekalesia e le Alii i aso fai soo o e ua faaolaina.

O le pipili ua faamaloloina; ma le lauga a Peteru.

- 3 UA o ae faatasi Peteru ma Ioane i le malumalu i le itu aso e fai ai le
2 tatalo, o le *itu aso* e iva lea. Ua ave foi le tasi tagata ua pipili talu ina fanau mai, ua tuuina ifo o ia e i latou i aso fai soo i le faitotoa o le malumalu ua igoa i le Matagofie, e faatoga atu i se mea alofa i e ulu
3 atu i le malumalu; ua iloa mai e ia o Peteru ma Ioane a ulu atu i le malumalu, ona faatoga lea o ia i
4 se mea alofa. Ona pulatoa lea o Peteru ma Ioane ia te ia, ua faapea
5 atu, Vaai mai ia ia te i maua. Ona naunau mai lea o ia ia te i laua, fā'i e maua se mea mai ia te i laua.
6 Ona fai atu lea o Peteru, E leai sa'u ario po o sa'u auro; a o le mea ua ia te au, ou te avatu lea ia te oe, O le suafa o Iesu Keriso o le Nasareta, ina tu ai ia i luga, ina savali.
7 Ua tago atu foi o ia i *lona* lima tau-matau, ua faatu ia te ia i luga; ona faamallosia loa lea o ona vae ma
8 ponaponāvae. Ua oso ia i luga ma tu, ua savali foi, ua ulu faatasi foi ma i laua i le malumalu, o loo savali ia, ma oso, ma vivii atu i le
9 Atua. Ua iloa mai foi e le nuu uma o ia o loo savali ma vivii atu i
10 le Atua. Ua latou iloa o ia lava sa nofo i le faitotoa Matagofie o le malumalu, *ma faatoga atu* i mea alofa; ua matuā ofo i latou, ua segia o latou mauili i le mea ua oo
11 ia te ia. Ua pipii atu ia Peteru ma Ioane le pipili ua faamaloloina, ua femoei mai le nuu uma lava ia te i latou i le faapaologa e igoa i le *faapaologa* o Solomona, ua ofo tele.
12 Ua iloa e Peteru, ona fai atu lea o laua lauga i le nuu, Sema e, o outou Isaraelu e, se a le mea tou te ofo ai i lenei *mea*? se a foi tou te pulatoa mai ai ia te i maua, peiseai o so maua mana, *ma sa maua* amio
13 Atua ua savali ai o ia nei? O le Atua o Aperamo, ma Isaako, ma Iakopo, o le Atua o tatou tamā, ua tuuina atu e ia le mamalu i lana Auauna o Iesu; o ia na outou tuu-

ina atu, ma outou faafiti ia te ia i luma o Pilato, a ua manatu o ia e tatalaina atu ia te ia. Peitai outou, 14
ua outou faafiti atu lē Paia ma lē Amiotonu, a ua outou fai atu ia tuuina mai ia te outou lē fasioti tagata; ua fasioti foi e outou le Alii 15
o le ola, o ia ua toe faatuina e le Atua nai e ua oti; o molimau i matou nei i lena mea. O lona suafa 16
foi, ona o le faatuatua i lona suafa, ua faamallosia e ia lenei tagata ua outou vaavaai i ai, ma outou iloa; o le faatuatua mai ia te ia, ua foi atu ai ia te ia lenei faamalosi o lona tino i o outou luma uma lava. O 17
lenei, le au uso e, ua ou iloa na faia e outou ma le le iloa, e faapea foi o outou alii. A o ia mea na muai faailoa mai e le Atua i fofoga o ana perofeta uma lava, e tiga le Keriso, ua faapea lava ona faataunuuna e ia. O lenei, ina salamo ia outou 19
ma outou liliu, ina ia sōloiesea a outou agasala, ina ia oo mai ai o tausaga e filemu ai mai luma o le Alii; ina ia auina mai foi e ia le na 20
muai tala'iina ia te outou, o Iesu Keriso lea; e tataua ona nofo o ia i 21
le lagi seia oo i tausaga e toe fuatai ai mea uma lava, ua fetalai mai e le Atua i fofoga o ana perofeta paia uma lava talu mai anamuā. Auā 22
na fai mai lava Mose i o *tatou tamā*, E faatuina e le Alii lo outou Atua le perofeta mo outou o so outou uso, e faapei o a'u nei; tou te faalogo ia te ia i mea uma lava na te fai mai ai ia te outou. E iu foi ina 23
faaumatia nai le nuu o tagata uma lava o e le faalogo i lena perofeta. O perofeta uma foi e na fai mai, e 24
afua ia Samuelu, ma e na mulimuli mai, o i latou uma lava, ua muai faailoa mai i latou i nei aso. O 25
fanau outou a le au perofeta, ma le feagaiga sa faia e le Atua ma o tatou tamā, ua faapea mai ia Aperamo, O so lau fanau foi e manuia ai aiga uma lava o le lalolagi. O le 26
Atua foi, ua na faatuina mai lana Auauna o Iesu, ua auina mai o ia e muamua mai ia te outou, e faamanuia mai ia te outou i le faaliliueseina outou taitais i a outou amic-leaga.

O le tuuina o Peteru ma Ioane i le fale puipui; o le tatalo a le ekalesia.

- 4 O LOO o tautala atu i laua i le nuu, ona tutū mai lea ia te i laua o faitaulaga, ma le ta'ita'i o le 'au o
 2 le malumalu, atoa ma satukaio, ua tiga i latou ona ua la a'oa'o atu i le nuu, ma tala'i atu le toe tu mai ia
 3 Iesu nai e ua oti. Ua pupue ia te i laua, ma tuu atu i le fale puipui seia oo i le taeao; auā ua afiafi
 4 lava. E toatele o e na faalogologo i le upu ua talitonu i latou; o le tau aofai foi o tagata po ua lima gaafe.
 5 Ua oo i le taeao, i le faapotopotoina i Ierusalem o latou alii, ma le
 6 au toeaina, ma le au tusiupu, ma Ana le faitaulaga sili, ma Kaifa, ma Ioane, ma Alesana, atoa uma lava ma le aiga o le au faitaulaga
 7 sili. Ua latou tuu ia te i laua i totonu, ona latou fesili mai lea, O le a ea le mana, po o le igoa o ai, na oulua fai ai lenei mea? Ona
 8 fai atu lea o Peteru ia te i latou, ua tumu o ia i le Agaga Paia, O outou alii o le nuu, ma toeaina o Isaraelu,
 9 afai e faamasinoina i maua i lenei aso i le alofa ua faia i le tagata
 10 ma'i, po o le a ua malolo ai o ia; ia iloa e outou uma, atoa ma le nuu uma o Isaraelu, o le suafa o Iesu Keriso o le Nasareta, o le na faasatauroina e outou, o le ua toe faatutina e le Atua nai e ua oti, o ia lava
 11 ua tu mai ai lenei tagata ua malolo i o outou luma. O le maa lenei na faaleaogaina e outou tufuga fai fale, ua avea ia ma tulimanu aupi-
 12 toaluga. E leai foi se tasi ua i ai le ola; e leai lava se isi igoa i lalo o le lagi ua foaiina mai i tagata e mafaia ona faaolaina ai o i tatou.
 13 Ua vaai i latou i le faamalosi o Peteru ma Ioane, ma ua iloa o tagata e lei a'oa'oina i laua ma le valelea, ua latou ofo ai; ua latou iloa foi o i laua sa latou faatasi ma Iesu. Ua iloa atu foi e i latou le tagata ua faamaloloina ua tutū faatasi ma i laua, ua le mautali i latou.
 14 Ua fai mai ia te i laua e o ese ia i le fono; ona fetatalatalai lea o i
 16 latou, ua faapea, Se a se mea tatou

te faia i nei tagata? auā ua matuā iloa e o nonofo i Ierusalem uma lava ua faia lava e i laua le faailoga sili; e le mafai foi sa tatou upu e toe fai atu. A e peitai ina nei alualu ona salalau i le nuu, ia tatou matuā faamatau atu ia te i laua, ia soia lava le toe tautala i se tasi tagata i lena igoa. Ua aami atu ia te i laua, ona vavao lea ia te i laua, aua lava nei tautala atu pe a'oa'o atu i le igoa o Iesu. A ua tali atu Peteru ma Ioane, ua faapea atu ia te i latou, Pe tonu i luma o le Atua, ona ma faalogo ia te outou, a e ma te le faalogo i le Atua, ina fili-fili ia outou. Auā ma te le mafaia ona le tautala i mea ua ma vaai i ai ma faalogo i ai. Ua latou toe faamatau mai ia te i laua, ona tuu lea o i laua e ō, ua le maua e i latou se mea e faasalaina ai i laua, ona o le nuu; auā ua vivii tagata uma lava i le Atua, ona o le mea ua faia. Auā ua fagafulu tausaga ma ona tupu o le tagata sa fai i ai lena faailoga ua malolo ai.

Ua tuuina mai i laua e ō, ona la o atu lea i o latou, ma la faamatala atu ia te i latou mea uma lava na fai mai ai ia te i laua e le au faitaulaga sili ma toeaina. Ua faalogo i ai i latou, ona latou valaau lea i le Atua ma le loto gatasi, ua faapea atu, Le Alii e, o le Atua oe, o le na faia le lagi, ma le lalolagi, ma le sami, ma mea uma lava o i ai; o le na fetalai mai i le fofoga o lau auauna o Tavita, Se a le mea ua lilivau ai nuu ese, ma mafaufau ai nuu i mea e le aoga? Ua tutū mai tupu o le lalolagi, ua faapotopoto faatasi foi alii e tetee atu i le Alii ma lona Keriso. Auā e moni lava, na faapotopotoina o Herota, ma Ponotio Pilato, atoa ma nuu ese, ma le nuu o Isaraelu, i lau Auauna paia o Iesu, ua e faauuina; latou te faia mea uma lava na tuu anamua i lōu aao ma lau pule ia faia. O lenei, le Alii e, ia e silasila i lo latou faamatau mai; ma ia e foai mai i au auauna, ina ia latou matuā tautala i lau afioga ma le faamalosi, i le faaloaloa mai o lou aao e faamalolo ai, ina ia faia foi o faailoga ma vavega i le suafa o lau Auauna paia o Iesu.

- 31 Ua mavae atu la latou tatalo, ona luluina lea o le mea ua faapotopoto ai i latou; ua tutumu foi i latou uma i le Agaga Paia, ma ua tautala atu i le afioga a le Atua ma le faamalosii.
- 32 Ua tasi lava le loto ma le manatu o e faatuatua uma lava; ua le fai mai foi e se tasi i se isi ana mea, o lana lea; a ua tuu tele a latou mea uma. Ua molitino atu e le au aposetolo ma le mana tele i le toe tu mai o le Alii o Iesu; ua alofateleina
- 34 foi i latou uma. Ua leai foi so latou e mativa; auā o i latou ua i ai fanua po o fale, ua latou faatauina, ua au mai foi le tau o mea na faatauina, ma tuu mai i le au aposetolo e pule; ua tufatufa ia te i latou taitoatasi e faataata i le mativa o le tagata. O Iose foi, ua faaigoaina e le au aposetolo o Panapa, (o lona uiga pe a faamatalaina, O le tagata faamafanafana,) o le sa Levī, o le tagata na fanau i Kuperu, sa ia te ia le fanua, ua ia faatauina, ua aumaia foi tupe o le tau, ma tuu mai i le au aposetolo e pule.
- O le pepelo ma le oti o Anania ma Safaira; o le tuuini o le au aposetoli i le fale puipui.*
- 5 A O le tasi tagata o Anania lona igoa, ma Safaira lana avā, na ia 2 faatau atu le fanua. Ua tuu faanānā foi māna nisi mea o le tau, ua iloa foi e lana avā, ua aumaia foi nisi mea ma tuu mai i le au aposetolo e pule. A ua fai atu Peteru, Anania e, se a le mea ua faatumu ai e Satani lou loto e te pepelo ai i le Agaga Paia, ma e tuu ai ma oe
- 4 nisi mea o le tau o le fanua? A o tumau e lei faatauina, e le o lou lava ea? ua uma foi ona faatauina, e lei i lau pule ea? Se a le mea ua tuu ai lenei mea i lou loto? ua e le
- 5 pepelo i tagata, a o le Atua. Ua faalogo Anania i ia upu, ona paū lea o ia i lalo, ua to lana mānava; ona oo ai lea o le mata'ū tele ia te i latou uma o e na faalogo i nei mea.
- 6 Ona tutū lea i luga o taulelea, ua teuteu ia te ia, ma ave i fafo ua tanu ai. Ua mavae atu ona itu aso pe tolu, i le ulufale mai ai lana avā, e
- 8 lei iloa e ia le mea ua faia. Ua fai atu Peteru ia te ia, Fai mai ia te au, pe na oulua faatau atu ea le fanua i ia lava mea? Ua fai mai ia, Ioe, o lea lava. Ona fai atu lea o Peteru 9 ia te ia, Se a le mea ua oulua loto gatasi ai e tofotofa i le Agaga o le Alii? faauta, o tutū mai i le faitotoa i latou e na tanu lau tane, latou te ave foi ia te oe i fafo. Ona paū loa 10 lea o ia i ona vae, ua to lana mānava; ua ulufale mai taulelea, ma latou iloa o ia ua oti, ona latou ave lea ia te ia i fafo, ua tanu ai i tafatafa o lana tane. Ua oo foi le mata'ū tele 11 i le ekalesia uma lava, ma i latou uma e na faalogo i nei mea.
- Ua faia e lima o le au aposetolo 12 faailoga ma vavega e tele i luma o le nuu. Sa i le faapaologa o Solomona foi i latou uma lava ma le loto gatasi. A o isi tagata, ua leai 13 so latou ua faamalosii e faatasi ma i latou; a ua viia i latou e le nuu; ua atili ai ona faapoopoina i le Alii 14 e ua faatuatua, o taumafa o tane atoa ma fafine; ua oo ina au mai e 15 i latou i e mamai i malae, ma faataoto ai i moega ma fata, tau lava ina ia faapaoloina ai nisi o i latou i le ata o Peteru pe a ui ane. Ua o 16 mai foi le motu o tagata mai aai ua vagavagai i Ierusalem, ua au mai e i latou e ua mamai ma e ua tiginaina i agaga leaga; ua faamaloloina i latou uma lava.
- Ona tutū lea i luga o le faitaulaga 17 sili, ma i latou uma ua ia te ia, o le itu aiga lea a le au satukiaio, ua matuā matataua lava i latou; ua 18 latou pupue atu foi i le au aposetolo, ma tuu atu ia te i latou i le fale puipui o le nuu. A ua to mai 19 puipui o le fale e le agelu a le Alii i le po, ua na tāitāi ia te i latou i fafo, ma faapea atu, Ina o ia outou, 20 ina tutū i le malumalu ma tautala atu i le nuu i upu uma lava o lenei olataga. Ua faalogo ai i latou, ua 21 latou ulufale lea i le malumalu i le tafa o ata, ma a'oa'oa ai. Ona sau lea o le faitaulaga sili ma i latou sa ia te ia, ua faapotopoto e i latou le fono, atoa ma le taupulega uma lava o le fanauga a Isaraelu, ona aau atu lea nisi i le fale puipui e tāitāi mai ia te i latou. Ua oo atu auauna, 22 ua latou le maua ia te i latou i le fale puipui; ona toe foi mai lea, ma

23 tala mai, ua faapea mai, Na matou
 iloa le fale ua puipui ma ua mausali
 lava, ma leoleo ua tutū i fafo i luma
 o faitotoa; ua matou to atu, a ua le
 24 maua e i matou se tasi i totonu. Ua
 faalogo i nei upu le faitaulaga, ma
 le ta'ita'i o le 'au o le malumalu,
 atoa ma le au faitaulaga sili, ua
 latou masalosalo i nei mea, pe iu i
 25 ni a. Ona sau lea o le tasi, ma tala
 mai ia te i latou, ua faapea mai,
 Faauta, o tagata sa outou tuu i le
 fale puipui, o loo i le malumalu i
 latou, o tutū ma a'oa'o atu i le nuu.
 26 Ona alu lea o le ta'ita'i o le 'au, o ia
 ma anauna, ua ta'ita'i mai ia te i
 latou, a e lei faia ma le faamalosi;
 auā ua fefefe i latou i le nuu, ina
 27 ne'i fetogia i latou i maa. Ua latou
 ta'ita'i mai ia te i latou, ona tuu atu
 ai lea i luma o le fono; ona fesili
 mai lea o le faitaulaga sili ia te i
 28 latou, ua faapea mai, Pe na matou
 le matuā fai atu ea ia te outou ia
 soia le toe a'oa'o i lena igoa? faauta
 foi, ua outou faatumu i Ierusalem
 i la outou mataupu, ma outou fia
 faaoo mai i luga ia i matou le toto
 29 o lena tagata. Ona tali atu lea o
 Peteru ma le au aposetolo ua faapea
 atu, E tusa ona sili o lo matou ana-
 ana i le Atua i lo matou anaana i
 30 tagata. O le Atua o tatou tamā ua
 na toe faatu mai ia Iesu, le na fasi-
 otia e outou i lo outou faatautau i
 31 le laau. O ia ua aveina ae e le Atua
 i lona aao taumatau o le Alii i le ma
 le Faaola, na te avatua ia Isaraelu
 le salamo ma le faamagaloina o aga-
 32 sala. O ana molimau foi i ia mea o
 i matou, atoa foi ma le Agaga Paia,
 le ua foaiina atu e le Atua i e
 anaana ia te ia.
 33 Ua faalogo i latou, ona matuā
 lotoa ai lea, ua latou taupulepule e
 34 fasioti ia te i latou. Ona tulai lea o
 le tasi faresaio i le fono, o Kamali-
 elu le igoa, o le a'oa'o i le tulafono,
 ua viia e le nuu uma lava, ua fai atu
 o ia, ia tuu atu le au aposetolo i
 35 fafo seia toe itiiti ane; ona fai atu
 lea o ia ia te i latou, Outou Isaraelu
 e, ia outou ma mea a outou faia i
 36 nei tagata. Auā o aso ua mavae na
 tu mai ai Tiuta, sa fai atu e sili lava
 o ia; na pipii foi ia te ia o tagata pe
 toafagalau pe a faitauina; na fasi-

otia o ia, na taapeape foi, ma iu
 vale i latou uma lava e na anaana
 ia te ia. Ua mavae lea tagata, ona 37
 tu mai lea o Iuta o le Kalilaia i ona
 po na tusia ai le nuu; ua na ta'ita'i
 ese le nuu e toatele ua mulimuli ia
 te ia; ua oti foi o ia, ua faasalalau-
 ina foi i latou uma lava e na anaana
 ia te ia. O lenei, ou te fai atu ia te 38
 outou, faamamao ia ma nei tagata,
 ma ia tuu pea ie te i latou; auā
 afai ua tupu mai tagata lena sau-
 niga ma lena galuega, e faaumatia
 ia; a e afai ua tupu mai le Atua, 39
 tou te le mafai ona faaumatia; ina
 ne'i iloa ua outou fai taua i le Atua
 lava. Ua usiusitai i latou ia te ia; 40
 ua aami foi le au aposetolo, ua sasa
 ia te i latou, ma fai atu, ia soia le
 tautala i le igoa o Iesu; ona tuuina
 atu lea ia te i latou e o. Ona o lea 41
 o i latou nai luma o le fono, ua oli-
 oli ina ua ta'uaogaina i latou ia faa-
 leagaina ona o lona suafa. Ua le 42
 mapufoi i latou i aso uma ona a'oa'o
 atu, ma tala'i atu i le malumalu, ma
 lea fale ma lea fale le tala lelei ia
 Iesu Keriso.

O le filifilia ma le tofia o tiakono e toafitu.

O ONA po ia ua faatoateleina ai 6
 le au soo, ua tupu ai le muimui o
 Elenisi ia Eperu, auā ua galo o latou
 fafine ua oti a latou tane i le tufa-
 tufaina o mea i aso fai soo. Ona 2
 tala'iina lea e le toatinoagafulu ma
 le toalua o le toatele o le au soo, ua
 faapea atu, E le tatau ona matou
 tuua o le afioga a le Atua, a e tufa-
 tufa i oloa. O lenei, le au uso e, 3
 ina filifili ia ni o outou se toafitu e
 ta'uleleia, e tutumu i le Agaga Paia
 ma le poto, ia matou tofia i latou i
 lenei faiva. A o i matou, matou te 4
 finafinaui le talotaloga ma le auauna
 i le upu. Ua lelei foi le upu i le 5
 toatele uma lava; ona filifili lea e i
 latou ia Setefano, o le tagata ua
 tumu i le faatuatua ma le Agaga
 Paia, ma Filipino, ma Pokoro, ma
 Nikanora, ma Timona, ma Pamena,
 ma Nikolao o le Anetioka sa lotu i
 le lotu a sa Iuta; ua latou tuu atu 6
 ia te i latou i luma o le au aposet-
 tolo; ona tatalo lea, ma faaee o
 latou lima i o latou luga. Ua tupu 7

foi le afioga a le Atua; ua matuā faatoateleina le au soo i Ierusalemā; ua anaana foi faitaulaga e toatele lava i le faatuatua.

- 8 A o Setefano, ua tumu o ia i le faatuatua ma le mana, ua na faia vavega ma faailoga tetele i luma o le nuu. Ona tutū mai lea o isi o le sumako e tū'ua o le *sunako* o Lipe-tino, o Kurene foi, ma Alesania, ma i latou mai Kilikia ma Asia, ua fefi-nauai ma Setefano. Ua le mafaia foi e i latou ona tetele atu i le poto
- 11 ma le Agaga ua na tautala ai. Ona latou fai lemu atu lea i tagata, *ia latou molia o ia*, ia faapea, Ua matou faalogo atu ia te ia ua fai upu leaga ia Mose atoa ma le Atua. Ua latou faaoso i le nuu, ma toeaina, ma le au tusiupu; ona tutū mai lea o i latou, ua pue ma ta'ita'i aue ia te ia i le fono. Ua tuu atu foi e i latou molimau pepelo, latou te faapea atu, E le mapu lava lena tagata i le fai upu leaga i lenei mea paia ma le tulafono. Auā ua matou faalogo ia te ia, ua faapea mai, E faaumatia e lena Iesu o le Nasareta lenei mea, ma faaliliu e ia tu sa tuuina mai e
- 15 Mose ia te i tatou. Ua pulatoa ia te ia o i latou uma ua nonofo i le fono, ua iloa e i latou ona mata, ua peiseai o fofoga o se agelu.

O le lauga a Setefano; ma lona fasiaga.

- 7 ONA faapea mai lea o le faitaulaga sili, E moni ea, ua faapea na mea? Ona fai atu lea o ia, Soma e, le au uso e, ma tamā e, ina faafofoga mai ia. Na faaali le Atua e ona le mamalu i lo tatou tamā o Aperaaamo, ina o i Mesopotamia o ia, a o lei oo i lona nofo i Karana,
- 3 ua na fetalai mai foi ia te ia, Ina tuua ia o lou nuu ma lou aiga, a e alu atu i le nuu ou te faasino atu ai ia te oe. Ona tuua lea e ia o le nuu o Kaletaia, a e nofo i Karana; ua oti lona tamā, ona ia aumaia lea o ia nai lea mea e nofo i le nuu nei,
- 5 ua outou nonofo ai. Ua na le avatu foi ia te ia se tofi i ai, e leai lava se mea e tusa ma se tulagāvae; a ua folafola mai, na te avatua ia te ia e fai mona fanua, atoa ma lana fanau pe a mavae atu o ia, a o leai sana

fanau. Na faapea foi ona fetalai 6
mai o le Atua, E āumau lana fanau i le nuu ese; latou te faapologaina ma faasaunoa ia te i latou i tausaga e fagalau. Na faapea mai foi le 7
Atua. Ou te faasala i le nuu latou te nofo pologa ai; a mavae foi ia mea e o mai i latou, ma latou auuana mai ia te au i lenei nuu. Na ia 8
tuuina atu foi ia te ia le feagaiga o le peritome; ona fanau ai lea o lona *atalii* o Isaako, ua ia peritomeina ai o ia i le aso valu; o le *atalii* foi o Isaako, o Iakopo; o *atalii* foi o Iakopo e toasefulu ma le toalua, o tupuga ia. O le au tupuga foi, ina 9
o matataua ia Iosefa, ua latou faatau atu ia te ia i Aikupito; a ua ia te ia le Atua, ua na laveai foi ia te ia i 10
ona puapuaga uma lava, ma foi mai ia te ia ia alofagia ma ta'upotoina i luma o Farao le tupu o Aikupito; ua na tofia foi o ia e pule i Aikupito, atoa ma lona aiga uma. Ua oo le oge ma le puapuaga tele i 11
le nuu o Aikupito uma lava atoa ma Kanana; ua le maua foi ni mea e 'ai e o tatou tamā. A ua faalogo e 12
Iakopo ua i Aikupito saito, ona auu atu lea e ia o tatou tamā, o le muai o atu lea. O lo latou foi faalua ua 13
faailoa ai Iosefa i ona uso, ua faaalia foi le aiga o Iosefa ia Farao. Ona feau atu lea e Iosefa, ua aami i 14
lona tamā o Iakopo, atoa ma lona aiga uma lava, e toafitugafulu ma le toalima o tagata. Ona alu ifo lea 15
o Iakopo i Aikupito, ua oti ai o ia, atoa ma o tatou tamā; ua molia foi 16
i latou i Sukema, ma ua tuuina i le tuugamau na faatau e Aperaaamo i le tau ario nai le fanau a Emoro le tamā o Sukema. A ua latalata le 17
tausaga na folafolaina, sa tauto ai le Atua ia Aperaaamo, ona tutupu lea o le nuu, ma ua faatoateleina i Aikupito, ua oo i le nofo mai o le 18
tasi tupu, sa le iloa e ia Iosefa. Ua 19
na togafitileagaina o tatou aiga, ma faasaunoa atu i o tatou tamā, ia tuulafoai a latou tama meamea, ina ne'i ola i latou.

O ona po ia na fanau ai Mose, ua 20
maeu le tino lelei; e tolu masina foi ua tausai ai o ia i le aiga o lona tamā; ua tuulafoaina foi o ia, ua 21
avae e le afafine o Farao, ua na

- tausi foi ia te ia e fai mana tama.
- 22 Na a'oa'oina foi Mose i le poto uma lava o Aikupito; ua malosi i *ana*
- 23 upu ma *ana* mea na faia. Ua oo i le fagafulu o ona tausaga, ona manatu ai lea o ia e asiasi atu i ona
- 24 uso o le fanauga a Isaraelu. Ua iloa atu foi e ia o le tasi ua agaleagaina, ua na fesoasoani i ai, ma tau'i atu i lona agaleagaina, ma fasi
- 25 i le Aikupito. Fa te ia e iloa e ona uso e faaola le Atua ia te i latou i lona lima; a ua le iloa e i latou.
- 26 O le taeao foi ua tu atu ai o ia i le toalua o i latou o tau, ua na pupulu ai ia lelei, ua faapea atu, Soma e, o le uso oulua; se a le mea ua feaga-
- 27 leagai ai oulua ia te oulua? A o le na agaleaga atu i le tasi, ua na tetee atu ia te ia, ua faapea mai, O ai ea na fai oe ma alii ma faamasino ia
- 28 te i matou? Pe e te fia fasioti ea ia te au, pei ona e fasioti i le Aiku-
- 29 pito ananafi? Ona sola lea o Mose i lea upu, ua aumau ai i le nuu o Mitiana, ua fanau ai ona atalii e toalua.
- 30 Ua mavae foi tausaga e fagafulu, ona faaali lea ia te ia o le agelu a le Alii i le afi mumū i le laau talatala
- 31 i le vao o le mauga o Sinai. Ua vaaia e Mose, ona ofo ai lea i le mea ua vaaia; ua faalatalata atu o ia e matamata i ai, ona tūlei mai lea o le siufofoga o le Alii ia te ia,
- 32 O a'u o le Atua o ou tamā, o le Atua o Aperaamo, o le Atua foi o Isaako, o le Atua foi o Iakopo. Ona gatete lea o Mose, ua le mafai ona faamalosi e matamata i ai. Ona fetalai mai lea o le Alii ia te ia,
- 33 Tatala ia ou seevae; auā o le mea ua e tu ai o le eleele paia lea. Ua ou matuā vaavaai i le agaleagaina o lo'u nuu o i Aikupito, ua ou faalogo foi i le latou feoi, ua ou alu ifo foi e laveai ia te i latou. O lenei, sau ia, ou te auina atu oe i Aikupito.
- 34 O Mose lenā sa teena e i latou, sa faapea atu, O ai se na faia oe ma alii ma faamasino? na auina o ia e le Atua e fai ma alii ma faaola, i le lima o le agelu sa faaali ia te ia i le
- 35 laau talatala. O ia lava na ta'ita'ina atu ia te i latou, a ua uma ona fai vavega ma faailoga i le nuu o Aikupito, ma le samī Ulaula, atoa
- ma le vao i tausaga e fagafulu. O 37 Mose lea, sa fai atu i le fanauga a Isaraelu, E faatuina e le Alii lo outou Atua le perofeta mo outou o so outou uso, pei o a'u nei; tou te faalogo ia te ia. O ia sa i le ekalesia i 38 le vao faatasi ma le agelu na fetalai mai ia te ia i le mauga o Sinai, sa faatasi foi ma o tatou tamā; ua na talia foi afoga o le ola e au mai ai ia te i tatou. Ua le loto o tatou 39 tamā ina auuana ia te ia, a ua tetee atu ai, ma toe foi atu i o latou loto i Aikupito, ua faapea atu ia Arona, 40 Ina faia ia atua mo i tatou, latou te muamua atu ia i tatou; auā o lena Mose, sa ta'ita'ina i tatou nai le nuu o Aikupito, tatou te le iloa se mea ua oo ia te ia. Na faia foi e i 41 latou i ia ona po le tamai povi, ua latou fai foi le taulaga i le tupua, ua olioli foi i latou i galuega a o latou lava lima. Ona liliu ese lea o 42 le Atua, ma tuu atu ia te i latou e auuana i 'au o le lagi; pei ona tusia i le tusi a le au perofeta, Le aiga o Isaraelu e, na outou au mai ea manu ua fasia ma taulaga ia te au i ona tausaga e fagafulu i le vao? Na 43 tauave lava e outou le malumalu o Moloka, ma le fetu o lo outou atua o Refana, o faatusa na outou faia tou te ifo i ai; o le mea lea ou te avea ai outou e nonofo i tala atu o Papelonía. Sa i o tatou tamā i le 44 vao le fale fetafai sa i ai le mau, pei ona poloa'i mai ai o ia le na fetalai mai ia Mose, ia faia e ia pei o le faatusa na vaaia e ia. Na talia lea 45 e o tatou tamā atoa ma Iosua, ma latou aumaia i le lauelele o nuu ese, na tulia e le Atua i luma o tatou tamā, ua oo i ona po o Tavita. O ia na alofa'ina e le Atua, ua na 46 faatoga atu foi ia maua e ia se mea e afio ai le Atua o Iakopo. A ua 47 faia e Solomona le fale mona. A e 48 peitai o le Silisili ese, e le afio o ia i malumalu e faia e lima, pei ona fai mai le perofeta, O le lagi o lo'u no- 49 foālii lea, o le lalolagi foi o le mea e tu ai o'u vae lea; o loo faapea mai le Alii, pe faapefea se fale tou te faia mo a'u? po o ifea se mea ou te nofo ai? E le faia ea e o'u lima 50 nei mea uma?
- O outou, e ua maaa ua, ma ua le 51

peritomeina o loto ma taliga, ua outou tetee atu pea lava i le Agaga Paia; pei o outou tamā ua faapea
 52 foi outou. O ai so le au perofeta e lei sauā i ai o outou tamā? ua fasiotia foi e i latou e na muai tala'i i le afio mai o lē Amiotonu; o ia ua outou faalataina ma fasiotia
 53 nei; o outou, e ua maua le tulafono i sauniga a agelu, a ua le taofia.
 54 Ua faalogo i latou i ia upu, ona matuā lotoa lea o i latou; ua liliu
 55 vau foi o latou nifo ia te ia. A ua tumu o ia i le Agaga Paia, ua pulatoa i le lagi, ua iloa atu le pupula o le Atua, ma Iesu o loo tu i le itu taumatau o le Atua, ona fai atu lea,
 56 Faauta, ua ou iloa le lagi ua avanoa, ma le Atalii o le tagata o loo tu i le itu taumatau o le Atua. Ona alalaga lea o i latou ma le leo tele,
 57 ua pupuni o latou taliga, ma feosofi mai ia te ia ma le loto gatasi, ua tulei atu foi ia te ia i tua o le aai, ona latou fetogi lea ia te ia i maa; ua tuu atu foi e molimau o latou ofu i le taulealea, o Saulo le igoa, e
 59 leoleo ai. Ua fetogi foi i latou ia Setefano, o valaau o ia, ua faapea atu, Le Alii e Iesu, ia e talia mai
 60 lo'u nei agaga. Ua tootuli foi o ia, ma alaga atu ma le leo tele, Le Alii e, aua e te tuuina atu lenei agasala ia te i latou. Ua uma atu lea upu, ona moe ai lea o ia.

O le faasalalauina o le ekalesia sa i Ierusalem.

8 SA loto gatasi foi Saulo ma i latou i lona fasiga. O lea lava aso ua tupu ai le sauā tele i le ekalesia i Ierusalem; na faasalalauina foi i latou uma i nuu o Iutaia ma Samaria, ua toe na o le au aposetolo.
 2 Ua ave foi Setefano e tanu e tagata ua matatau i le Atua, ua matuā tau-
 3 faitagitui i latou ia te ia. A ua soona sauā Saulo i le ekalesia, ua ulufale ia i lea fale ma lea fale, ma fetoso mai i tane ma fafine, ma tuu-
 4 ina atu i le fale puipui. Ua o solo foi e na faasalalauina, ma latou folafola atu le tala lelei o le upu.
 5 Ua alu ifo foi Filipino i le aai o Samaria, ua tala'i atu Keriso ia te i
 6 latou. Ua naunau le motu o tagata ma le loto gatasi i upu na fai atu e

Filipo, ua latou faalogologo ma vaa-
 vaai i faailoga ua faia e ia. Auā ua
 7 ō i fafo agaga leaga i tagata e toa-tele sa i ai, ua alalaga ma le leo tele; ua faamaloloina foi e sa mamai i le
 8 supa ma pipili e toatele. Ua tele lava le olioli i lea aai. A o le tasi
 9 tagata, o Simona le igoa, sa muai fai togafiti faataulāitu i lea aai ua faatupu ai le ofo o le nuu o Samaria,
 10 ua ia faapea, o ia lava o le silisili; ua naunau atu i latou uma lava ia te ia, o tagatānuu atoa ma alii, ua faapea ane, O le mana tele o le Atua lenei tagata. Ua latou naunau ia te
 11 ia, auā ua leva lona faatupuina o le ofo ia te i latou i ana togafiti faataulāitu. Ua talitonu i latou ia
 12 Filipino o folafola le tala lelei i mea a le malo o le Atua, ma le suafa o Iesu Keriso, ona papatisoina lea o i
 13 latou, o tane atoa ma fafine. O Simona foi, ua talitonu ia; ua papatisoina foi o ia, ona faatasi atu lea o ia ia Filipino, ua matuā ofo, ina o matamata i faailoga ma vavega tele ua faia. Ua faalogo foi le au apo-
 14 setolo i Ierusalem, ua talia e Samaria le afioga a le Atua, ona latou aauina atu lea o Peteru ma Ioane ia te i latou. Ua o mai foi i laua, ona
 15 tatalo lea mo i latou, ina ia maua e i latou le Agaga Paia; auā o ona po
 16 ia e lei afio ifo ai o ia i se tasi o i latou; ua na ona papatisoina o i latou i le suafa o le Alii o Iesu. Ona
 17 la faaee atu lea o laua lima ia te i latou, ona maua lea e i latou o le Agaga Paia. Ua vaaia foi e Simona,
 18 o le faaee o lima o aposetolo ua foai atu ai le Agaga Paia, ona au mai ai lea e ia o tupe ia te i laua, ua faapea mai, Au mai ia te au foi
 19 lona pule, ina ia maua le Agaga Paia e le tagata ou te faaee i ai o'u lima. A ua fai atu Peteru ia te ia,
 20 Ia lano lau ario faatasi ma oe, auā ua e manatu e faatauina le mea foai fua a le Atua i tupe. E leai sau
 21 mea po o sou tofi i lenei mea; auā e le tonu lou loto i luma o le Atua. O lenei, ia e salamo i lou nei leaga,
 22 ma e faatoga atu i le Atua, pe mafaia ona faamagaloina le manatu o lou loto. Auā ua ou iloa ua e i ai i
 23 le au oona, ma le ta'ui e le amioleaga. Ona tali atu lea o Simona, 24

- ua faapea atu, Faatoga ia oulua i le Alii mo a'u, ina ia le oo mai ia te au se mea e tasi o ia mea ua oulua
25 fai mai na. Ua uma foi lo laua molitino ma tautala atu i le afiga a le Alii, ona la toe foi atu lea i Ierusalem, ua folafola le tala lelei i aai e tele o Samaria.
- 26 Ua fai mai foi le agelu a le Alii ia Filippo, ua faapea mai, Ina tu ia, ina alu i le itu i toga, i le ala e alu ifo mai Ierusalem i Kasa; o le mea ua
27 tuufua lea. Ona tu lea o ia i luga, ua alu; faauta foi, o le tagata Aiti-ope, o le eunuka, o le auaua sili a Kanake le tupu fafine o Aitiopo, le na tausi ana oloa uma lava; na alu
28 atu o ia i Ierusalem e tapuai ai. Ua toe foi mai o tietie i lona nofoa faataavalevale, ma faitau i le perofeta o Isaia. Ua fai mai le Agaga
29 ia Filippo, Faalatalata atu ia, ma e faatasi i lona nofoa faataavalevale. Ona momo'e atu lea o Filippo, ua faa-
30 logo atu ia te ia o faitau i le perofeta o Isaia, ona fai atu lea o ia, Po ua e lagona ea i mea ua e faitauina? Ua fai mai o ia, Ou te mafaia faa-
31 pefea, pe a le faasino mai se tasi ia te au? Ua na fai mai foi ia Filippo ia alu ae la te nonofo ma ia. O le
32 fuaiupu foi o le tusi ua na faitau ai, o lenei, Pei o le mamoe ua ta'ita'iina ia fasia; pei o le tamai mamoe foi i luma o le sele fulufulu e le tagi, e faapea foi o ia ua le tautala mai.
- 33 O ona po o lona faamaulaloina na aveesea ai lona faamasinoga; o ai foi se na te talaina lana tupulaga? auā ua aveesea lona ola i le lalolagi.
- 34 Ua fai mai e le eunuka ia Filippo, ua faapea mai, So'u fesili atu ia te oe, ua fai mai lenei mea e le perofeta ia te ai? ia te ia ea, po o se tasi
35 tagata? Ona tautala atu lea o Filippo, ua afua i lea lava Tusi ona folafola ia te ia o le tala lelei ia
36 Iesu. Ua o ane foi i laua i le ala, ua oo i le tasi vai; ona fai mai lea o le eunuka, Faauta, o le vai; se a ea se mea e vaoia ai a'u e aua le papatisoina o a'u? Ua fai atu e Filippo,
37 Afai ua e talitonu ma le loto atoa, e mafai ai lava. Ua tali mai o ia, ua faapea mai, Ou te talitonu o Iesu Keriso o le Alo o le Atua ia.
38 Ona fai atu lea o ia ia faapau mai le nofoa faataavalevale; ona o ifo lea o i laua uma i le vai, o Filippo ma le eunuka; ua na papatiso foi ia te ia. Ua o ae i laua nai le vai,
39 ona segia lea o Filippo e le Agaga o le Alii; ua le toe iloa ia e le eunuka, ua alu foi ia i lana malaga ma le olioli. A ua iloa Filippo i Asota;
40 ua alu foi o ia, ma folafola solo le tala lelei i aai uma lava, ua oo lava ia i Kaisareia.

O le tofia o Saulo e fai ma aposetolo.

A UA mapugatamai pea o Saulo i le faamatau ma le fasioti i le au soo o le Alii, ua alu atu ia i le faitaulaga sili, ua faatoga atu ia te ia i tusi e ave i sunako i Tamaseko, pe afai na te maua ai nisi o lona lotu, o tane atoa ma fafine, ia fusufusi ma ta'ita'i mai i latou e ia i Ierusalem. Ua alu atu o ia ua latalata i Tamaseko, ona faafuasei mai ai lea ona pupula faataalioho mai ia te ia o le malamalama mai le lagi; ona paū lea o ia i lalo i le elele, ua faalogo atu i le siufofoga, o loo faapea mai ia te ia, Saulo, Saulo e, se a le mea ua e sau mai ai ia te au? Ona fai atu lea o ia, Le Alii e, o ai ea oe? Ona fetalai mai lea o le Alii, O a'u o Iesu ua e sau mai ai i; o le mea faigata ia te oe ona aa i tui. Ua gatete ia, ma ua mata'u, ua faapea atu, Le Alii e, se a le mea e te finagalo i ai ou te faia? Ona fetalai mai lea o le Alii ia te ia, Tu ia oe i luga, ina alu ia i le aai, ona ta'uina atu lea ia te oe o le mea e tusa ona e faia. A ua tutū i luga tagata ua o malaga ma ia, ua le mafeganavai; ua lagona lava i latou i le siufofoga, a e le iloa atu se tasi. Ua tu i luga Saulo nai le elele; ua pupula ona mata, a ua le iloa se tasi; ua fetagofi i latou i ona lima, ua ta'ita'i ia te ia i Tamaseko. Ua tolu foi aso e le o vaai ai o ia, ua le 'ai, e lei inu. Sa i Tamaseko le tasi soo, o Anania le igoa; ua fetalai mai foi le Alii ia te ia i le faaliga, Anania e. Ua tali atu o ia, Le Alii e, o a'u lenei. Ona fetalai mai lea o le Alii ia te ia, Ina tu ia i luga, ina alu i le ala o lona igoa o Sa'o, ina saili le tagata i le fale o Iuta, o Saulo le igoa, o le Taso; auā faauta mai, o loo tatalo

- 12 ia; ua na iloa atu foi i le faaaliga le tagata, o Anania le igoa, o loo ulufale atu, ma faaee lona lima i
 13 ona luga, ina ia toe vaai o ia. Ona tali atu lea o Anania, Le Alii e, ua ou faalogo i tagata e toatele i lena tagata, i mea leaga e tele ua na faia
 14 i ou tagata paia i Ierusalem; e ana foi le pule mai le au faitaulaga sili, e fusifusi uma lava i e ua valaau i lou suafa iinei. A ua fetalai mai le Alii ia te ia, Ina alu ia; auā o le ipu lava o ia ua filifilia ma'u e momoli lo'u igoa i luma o nuu ese, ma tupu, ma le fanauga a Isaraelu.
 16 Auā ou te faailoa atu ia te ia mea e tele e tusa ona tiga ai o ia ona o
 17 lo'u igoa. Ona alu lea o Anania, ua ulu atu i le fale, ua na faaee atu foi ona lima i luga ia te ia, ua faapea atu, Lo'u uso e Saulo, ua auina mai a'u e le Alii o Iesu, sa faaali ia te oe i le ala na e sau ai, ina ia e toe vaai, ma ia faatumuina oe i le
 18 Agaga Paia. Ona pauu loa lea o mea nai ona mata peiseai ni una; ona toe vaai loa lea o ia, ua tu foi
 19 i luga, ma ua papatisoina. Ua 'ai, ona malosi ai lea o ia. Ua faatasi foi Saulo ma le au soo e na i Tamaseko i nai isi aso. Ona tala'i loa lea e ia i sunako o le Keriso, o ia
 21 lava o le Alo o le Atua. Ua matuā ofo i latou uma e na faalogo ai, ua faapea ane, E le o ia ea lenei sa sau i Ierusalem i e valaau i lea lava igoa, ma ua sau iinei ina ia fusifusi, ma ta'ita'i ia te i latou i le
 22 au faitaulaga sili? A ua atili ai le faamalosi o Saulo, ua fememeai ai Iutaia sa nonofo i Tamaseko ina ua faaalitino atu e ia, o le Keriso lava lenei.
 23 Ua fāi po, ona taupulepule lea o
 24 Iutaia e fasioti ia te ia; ua iloa e Saulo la latou taupulepulega. A ua lamalama i latou i faitotoa o le aai i le ao ma le po, ina ia fasioti ia te
 25 ia. A ua ave le au soo ia te ia i le po, ma tuu ifo i le pa o le aai, ua
 26 tuutuu ifo i le ato. Ua oo Saulo i Ierusalem, ona taumafai lea se'i faatasi atu o ia i le au soo; a ua fefefe i latou uma lava ia te ia, fa te i latou e le se soo o ia. A ua
 27 ave e Panapa ia te ia, ma ta'ita'iina atu i le au aposetolo, ua na tala atu
 foi ia te i latou i lona iloa o le Alii i le ala, ma lona fetalai mai ia te ia, ma lana tautala faamalosi i le suafa o Iesu i Tamaseko. Sa feoai foi o
 28 ia ma i latou i Ierusalem, ma tautala faamalosi i le suafa o le Alii o Iesu; ua tautala foi o ia, ma fefinau-
 29 ai ma le au Elenisi; a ua latou taumafafia e fasioti ia te ia. Ua
 30 iloa foi e le au uso, ona ave ifo lea e i latou ia te ia i Kaisareia, ona auina atu lea o ia i Taso. Ona
 31 ffilemu lea o ekalesia i Iutaia uma lava, ma Kalilaia, ma Samaria, ua faamafanafanaina i latou; ua savavali foi ma le mata'u i le Alii, ma ua faatoateleina i le fesoasoani o le Agaga Paia.
 Ua alu solo Peteru i mea uma
 32 lava, ua alu ifo foi o ia i le au paia ua nonofo i Lita. Ua na iloa ai le
 33 tasi tagata o Ainea le igoa, e valu ona tausaga o taoto i lona moega, ua ma'i o ia i le supa. Ua fai atu
 34 foi Peteru ia te ia, Ainea e, ua faamaloloina oe e Iesu le Keriso; ina tu ia i luga, ma teu lou moega. Ona
 35 tu loa lea o ia i luga. Ua iloa atu foi o ia e i latou uma e ua nonofo i Lita ma Sarona, ua liliu ai i latou i le Alii.
 Sa i Iopa le tasi soo fafine o Ta-
 36 pita le igoa, e ta'ua pe a faamatalaina, o Toreka; ua tele ana galuega lelei ma mea alofa na ia faia. O ia
 37 ona po ua ma'i o ia, ua oti ai; ua uma foi ona latou mulumulu ia te ia i le vai, ona tuu lea ia te ia i le afeafe aupitoaluga. Ua felatai Lita
 38 ma Iopa, ua faalogo le au soo o i ai Peteru, ona latou aau atu ai lea o tagata e toalua ia te ia, ua ole atu aua le faatuai ona alu atu ia te i latou. Ona tu lea o Peteru i luga,
 39 ua o ma i laua. Ua oo atu o ia, ona aveina ae lea o i latou ia te ia i le afeafe aupitoaluga; ua tutū mai foi fafine uma lava ua oti a latou tane, o fetagisi mai, ma faaali mai ofu tino ma ofu tetele sa faia e Toreka, ina o ia te i latou o ia. A
 40 ua tuli atu Peteru ia te i latou uma lava i fafo, ona tootuli lea o ia, ma tatalo; ona faasaga atu lea o ia i le oti, ua faapea atu, Tapita e, ina tu ai i luga. Ua pupula o ia; ua na iloa Peteru, ona nofo lea i luga.

- 41 Ona tago atu lea o Peteru i lona lima, ua na faatu ia te ia; ua valaau foi o ia i le au paia ma fafine ua oti a latou tane, ua tuu atu ia te ia ua
 42 ola. Ua iloa ai e Iopa uma lava; ua faatuatua foi tagata e toatele i
 43 le Alii. Ona nofo ai lea o ia i Iopa e tele aso i le tasi tagata o Simona le igoa, o le fai pa'u o manu.

O te tala ia Konelio.

- 10 SA i Kaisareia le tasi tagata o Konelio le igoa, o le ta'ita'i o le toaselau i le 'au e igoa i le 'au a
 2 Italia; o le tagata amio Atua, ma le mata'u i le Atua, atoa ma lona aiga uma, o lē avatu mea alofa e tele i le nuu, ma ua tatalo i le Atua e le
 3 aunoa. Ua na iloa tino i le faaaliga, i le itu aso pe iva, o le agelu a le Atua ua ulufale mai ia te ia, ua faa-
 4 pea mai ia te ia, Konelio e. Ua pulatoa o ia ia te ia, ona fefe ai lea, ua faapea atu, Le alii e, se a ea? Ua fai mai o ia ia te ia, Ua o ae au
 5 faamanatuga i luma o le Atua. O lenei, aau atu ia ni tagata i Iopa e
 6 aami ia Simona e igoa ia Peteru; o loo nonofo ia ma le tasi Simona o le fai pa'u o manu, e latalata i le sami lona fale; o ia na te ta'u atu ia te
 7 oe mea e tusa ona e faia. Ua alu le agelu sa tautala ma Konelio, ona valaau lea o ia i ana auama e toalua, ma le tagata tau e amio Atua o le
 8 tasi o i latou e le te'a ia te ia; ua ia faamatala ia te i latou mea uma, ona aau atu lea o ia ia te i latou i
 9 Iopa. O le taeao, a o i le ala i latou, ma ua latalata i le aai, ua alu ae ai Peteru i luga o le fale e tatalo i le
 10 itu aso pe ono. Ua matelaina o ia, ua manatu e 'ai; o latou o sauni, ua
 11 oo ia te ia le faalii; ua vaai atu i le lagi ua avanoa, ma le tasi mea ua alu ifo ia te ia, pei se ie lautele, ua noatia i ona pito e fa, ma tuutuu ifo
 12 i le lalolagi; ua i ai manu vaefa uma lava e tataa, ma manu feai, ma mea fetolofi, ma manu felelei. Ona tūlei mai lea o le siufofoga ia te ia, Peteru e, ina tu ia i luga, ina fasi,
 14 ma 'ai. A ua fai atu Peteru, Le Alii e, aua lava; auā ou te lei 'ai lava se mea e sa, po o se mea e
 15 leaga. Ua foi faalua mai le siufo- foga ia te ia, O mea ua faamamāina e le Atua, aua e te ta'ua e sa. Ua
 16 fai faatolu mai lenei mea; ona toe avae lea o le mea i le lagi.
 Ua masalosalo Peteru i lona lava
 17 loto pe se a lea faaaliga ua iloa e ia, faauta foi, o tagata na aauina e Konelio, sa latou saili i le fale o Simona, ua tutū mai i le faitotoa, o
 18 valaau ma fesili, po o nofo ai Simona e igoa ia Peteru. Ua manatunatu
 19 ifo Peteru i le faaaliga, a e fetalai mai le Agaga ia te ia, Faauta, o loo saili mai tagata e toatolu ia te oe. A e tu ia i luga, ina alu ifo, tou te o
 20 ma i latou, aua lava le masalosalo vale; auā ua aauina i latou e a'u lava. Ona alu ifo lea o Peteru i
 21 tagata na aauina e Konelio ia te ia, ua fai atu ai, Faauta, o a'u lenei ua outou saili na; se a le mea ua outou o mai ai? Ona fai mai lea o i latou,
 22 O Konelio le ta'ita'i o le toaselau, o le tagata amiotonu, ma le mata'u i le Atua, ua ta'uleleia e le nuu o Iutaia uma lava, na poloaia o ia mai le Atua e le agelu paia e aami ia te oe, e te alu i lona fale, ia faa-
 23 logo o ia i upu ua ia te oe. Ona fai atu lea o ia ia te i latou e o mai i le fale, ua na talia foi i latou. O le taeao foi ua latou o ai ma Peteru, ua o foi faatasi ma ia nisi o le au
 24 uso mai Iopa. O le tasi taeao foi ua oo atu ai i latou i Kaisareia. Ua faatali foi Konelio ia te i latou, ua faapotopotoina e ia lona aiga ma ana aumea mamae. Ua ulufale atu
 25 Peteru, ona faafetaiai lea o Konelio ia te ia, ua faapa'i o ona vae, ua ifo ia te ia. A ua faatu e Peteru ia te
 26 ia, ua faapea atu, Ina tu ia i luga; o a'u nei lava o le tagata. Ua ulu-
 27 fale lea, o loo tautala i luga, ua iloa e ia e toatele ua faapotopotoina. Ua fai atu o ia ia te i latou, Ua
 28 outou iloa lava ua sa i le tagata Iutaia ona faatasi pe faalatalata i le tagata ese; a ua faasino mai e le Atua ia te au aua ou te ta'uina atu
 29 ua sa pe leaga se tasi tagata. O le mea lea ua ou sau ai ma le fe'alo-
 'alofai, ina ua aami atu o a'u; o lenei, ou te fesili atu, se a le mea ua outou aami atu ai a'u? Ona fai
 30 mai lea o Konelio, Anā po fa sa ou anapogi ai, na o o i le itu aso faa-

- penei; o le itu aso e iva foi sa ou tatalo ai i lo'u fale, faauta foi, na tu mai le tagata i o'u luma ma le ofu
- 31 pupula, ua na fai mai, Konelio e, ua faafogaina lau tatalo, ua manatua foi au mea alofa i luma o le Atua.
- 32 O lenei, ia e aauina atu *nisi* i Iopa, e aami ia Simona, e igoa ia Peteru; o loo nofo o ia i le fale o Simona, le fai pa'u o manu, e latalata i le sami; a sau o ia, na te tautala mai
- 33 ia te oe. O lea na ou aauloaina atu ai *nisi*; ua lelei lava ina ua e malii mai. O lenei, o loo iinei i matou uma lava i luma o le Atua e faalogo- logo atu i mea uma lava ua poloi mai ai le Atua ia te oe.
- 34 Ona oo atu lea o le lauga a Peteru, ua faapea atu, E moni, ua ou iloa e
- 35 le faailogaina tagata e le Atua; a e peitai o le mata'u ia te ia i nuu uma lava, ma fai le amiotonu ua talia i
- 36 latou e ia. Ua outou iloa le upu na molia e ia i le fanauga a Israelu, ua folafola ai le tala lelei o le manuia ia Iesu Keriso, o le Alii ia o tagata
- 37 uma lava; o le upu lea sa i Iutaia uma, na afua i Kalilaia, ina ua mavae o le papatisoga sa tala'iina e
- 38 Ioane; o Iesu o le Nasareta, o le na faauuina e le Atua i le Agaga Paia ma le mana, o ia sa femaliuai ma agalelei ma faamalolo atu i e na faatoilaloina uma lava e le tiapolo;
- 39 auā sa ia te ia le Atua. O molimau foi i matou i mea uma lava na faia e ia i le nuu o Iutaia atoa ma Ieru- salema; o le na fasiotia foi e i latou i lo latou faatautau i le laau.
- 40 O ia na toe faatuina e le Atua i le aso tolu, ma na faaalitinoina o ia, e le o le nuu, uma lava, a o molimau na uluai filifilia e le Atua, o i matou nei lava sa matou aai ma feinu ma ia, ina ua toe tu mai o ia i e ua oti.
- 42 Ua na poloi mai foi ia te i matou e tala'i atu i le nuu, ma molitino atu, o ia lava le ua tofia e le Atua e fai ma faamasino i e o la ma e ua
- 43 oti. Ua molitinoina mai o ia e le au perofeta uma, ona o lona suafa e maua ai le faamagalo o agasala a ē faatuatua ia te ia uma lava. Ua tautala atu Peteru i nei upu, a e
- 44 afo ifo le Agaga Paia ia te i latou uma lava o e ua faalogo i le upu.
- 45 Ona matuā ofo lea e na peritomeina o e faatuatua, o e na o mai ma Peteru, ina ua liligi ifo i nuu ese le alofa o le Agaga Paia. Auā ua
- 46 latou faalogo atu ia te i latou ua tautala mai i gagana eseese, ma vivii atu i le Atua. Ona fai atu lea o Peteru, E mafai ea e se tasi ona
- 47 vavao i le vai, ina ia le papatisoina ai i latou nei, o e ua maua le Agaga Paia pei o i tatou nei? Ua fai atu
- 48 foi o ia ia papatisoina i latou i le suafa o le Alii. Ona aoi lea o i latou ia te ia ia latou nonofo ma ia i nisi aso.
- O le faatonu atu a Peteru i lona alu atu i nuu ese.*
- UA faalogo e le au aposetolo ma
- 49 le au uso o i Iutaia, ua talia e nuu ese le afoga a le Atua. Ua alu ae
- 50 foi Peteru i Ierusalem, ona fefinauai lea ma ia o le au peritome, ua faapea mai, Na e alu atu i tagata
- 51 e le peritomeina, na outou aai foi faatasi ma i latou. Ona afua lea o
- 52 Peteru ona folafola faasolo ia te i latou, ua faapea atu, O a'u nei, sa
- 53 ou tatalo i le aai o Iopa; na ou iloa le faaaliga ina ua faalia mai, o le tasi mea ua alu ifo pei se ie lautele, ua tuutuu ifo mai le lagi i ona pito
- 54 e fa; ua oo lava ia te au; ua ou pulatoa ma manatunatu i ai, ona ou
- 55 iloa atu lea o manu vaefa e tataa, ma manu feai, ma mea fetolofi, ma manu felelei. Na ou faalogo atu foi
- 56 i le siufofoga, ua faapea mai ia te au, Peteru e, ina tu ia i luga, ina fasi, ma 'ai. A ua ou fai atu, Le
- 57 Alii e, aua lava; auā e lei to'ia lava lo'u gutu i sina mea e 'ai e sa, po o se mea e leaga. A ua toe tali mai
- 58 ia te au le siufofoga mai le lagi, O mea ua faamamāina e le Atua, aua e te ta'ua e sa. Na faia faatolu
- 59 lenei mea, ona toe sisi lea o mea uma lava i le lagi. Faauta foi, sa
- 60 tutū loa mai tagata e toafolu i le fale na ou i ai na aauina ia te au mai Kaisareia. Na fai mai le
- 61 Agaga ia te au matou te o ma i latou, aua lava le masalosalo vale. Na matou o foi ma le au uso nei e
- 62 toaono, na matou ulu atu foi i le fale o le tagata. Ua na tala mai ia
- 63 te i matou i lona iloa atu i le agelu na tu mai i lona fale, ma fai atu ia

- te ia, Ina aau atu ia ni tagata i Iopa, e aami ia Simona e igoa ia
 14 Peteru; na te fai mai upu ia te oe, e faaolaina ai oe atoa ma lou aiga
 15 uma lava. Na amata ona ou tautala atu, ona afio ifo lea o le Agaga Paia ia te i latou, faapei ona afio ifo
 16 ia te i tatou i le amataga. Ona ou manatua lea o le afoga a le Alii, ua faapea mai, Na papatiso lava Ioane i le vai, a e papatisoina outou i le
 17 Agaga Paia. O lenei, afai e tusa le alofa ua foaiina mai e le Atua ia te i tatou atoa ma i latou, ina ua faatuatua i le Alii o Iesu Keriso, o ai ea afu nei ou te mafaia ona vavao
 18 atu i le Atua? Ua latou faalogo mai i ia upu, ona latou faalologo lea, ua vivii atu foi i le Atua, ua faapea ane, E moni, ua foai atu e le Atua i nuu ese le salamo e ola ai.
 19 Na o atu foi e na faasalalauina i le sauaga na tupu ina *ua oti* o Setefano, ua oo lava i Foinie, ma Kuperu, ma Anetioka, ua le tautala atu i le upu i se tasi na o tagata
 20 Iutaia lava. O tagata Kuperu ma Kurene foi nisi o i latou, ua oo foi i latou i Anetioka; ua tautala i tagata Elenisi, ma folafola atu le tala lelei i le Alii o Iesu. Sa ia te i latou le aao o le Alii; ua talitonu foi le vao tagata e toatele, ma liliu mai i le Alii. Ua logo atu le tala i ia mea i taliga o le ekalesia o i Ierusalem; ona aau atu lea e i latou ia Panapa, ia alu atu o ia ia oo lava i
 23 Anetioka. Ua oo atu o ia, ma ua iloa le alofa tunoa o le Atua, ona olioli lea o ia, ma apoapoai atu ia te i latou uma lava, ia mau o latou loto
 24 ina ia pipii atu i le Alii. Auā o le tagata amio lelei o ia, ua tumu i le Agaga Paia ma le faatuatua; ua faapoopoina ai foi tagata e toatele lava i le Alii. Ona alu lea o Panapa i Taso e saili ia Saulo. Ua na maua o ia, ona aumaia lea o ia i Anetioka. Ua la faatasi ma le ekalesia ua atoa le tausaga, ma a'oa'o atu i tagata e toatele lava; na uluai igoa foi le au soo o Kerisiano i Anetioka.
 27 O ona po ia na o ifo ai perofeta
 28 mai Ieruselema i Anetioka, Na tu i luga foi le tasi o i latou, o Akapo le igoa, na faailoa e ia mai le Agaga
- le oge tele o le a tupu i le lalolagi uma; sa taunuu ai foi i le nofoaiga a Kaisara Kalaotio. Ona filifili lea
 29 taitoatasi o le au soo, ia faatatau i mea ua manuia ai, e avatu ai se alofa i le au uso o nonofo i Iutaia; ua fai ai foi e i latou, ua momoli e Panapa ma Saulo i toeaina.
O le sauā o Herota i le ekalesia; ma lona oti puapuga.
 O ONA po ia na pupue ai e le
 12 tupu o Herota nisi o le ekalesia ina ia faasaua i ai. Ua na fasioti foi ia
 2 Iakopo le uso o Ioane i le pelu. Ua iloa foi e ia ua fafia ai Iutaia,
 3 ona faasosolo ai lea ona pue ia Peteru lava. (O ona aso ia o areto e le faafefeteina) Ua pue ia te ia, ona
 4 tuu ai lea i le fale puipui, ma tuuina atu i tagata tau e taitoafā i vasega e fa e leoleo ia te ia; ua manatu ia e ta'ita'i ane ia te ia i le nuu pe a mavae le paseka. O lenei, ua leoleoina Peteru i le fale puipui; a ua faia le tatalo faatauina i le Atua e le ekalesia mo ia. Ua oo ina a ta'ita'i e Herota ia te ia i fafo, o lea
 6 lava po na moe ai Peteru i le va o tagata tau e toalua, ua noanoatia o ia i maea uamea e lua; o leoleo foi i luma o le faitotoa, ua leoleo i latou i le fale puipui. Faauta foi, o
 7 le agelu a le Alii ua tu mai, ua pupula mai foi le malamalama i le fale; mai na ta ia Peteru i lona itu, ma fafagu ia te ia, ua faapea atu, Ina tu ia i luga, ia vave. Ona pauu ifo lea o maea uamea nai ona lima. Ua fai atu le agelu ia te ia, Fusi ia ou ofu, ma faamau ifo ou sevae. Ua faapea foi ona faia e ia. Ua na fai atu foi ia te ia, Ina pulupulu ia lou ofu, ma mulimuli mai ia te au. Ona alu lea o ia i fafo, ua mulimuli
 9 atu ia te ia; ua le iloa e ia ua moni le mea ua faia e le agelu; fa te ia ua vaia le faaaliga. Ua mavae i
 10 tua ia te i laua le muai leoleoga ma lona lua, ona oo lea o i laua i le puipui uamea e o atu ai i le aai; ua matala fua lea ia te i laua; ona la o atu lea i fafo, ma savali atu i le ala e tasi; ona tuua loa lea o ia e le agelu. Ua faatoa mau manatu ai
 11 Peteru, ona faapea lea o ia, Ua oo iloa nei, e moni, ua auina mai e le

- Alii lana agelu, ma ua laveai mai o ia ia te au ai le lima o Herota, ma le faatuatuaga uma lava o le nuu o
- 12 Iutaia. Ua mafaufau ai o ia, ona alu lea i le fale o Maria le tinā o Ioane, ua igoa ia Mareko; e toatele sa faapotopotoina ai, ma latou tata-
- 13 lo. Ua tu'itu'i atu foi Peteru i le puipui o le ala, ona sau lea o le tasi teine, o Rosa le igoa, na te asia mai.
- 14 Ua iloa foi e ia le leo o Peteru, ua le toina le puipui ona o le olioli, a ua momo'e i le fale, ma fai atu ua
- 15 tu mai Peteru i le faitotoa. Ua fai mai i latou ia te ia, Ua e valea. A ua finau atu pea ia, e moni lava. Ona faapea mai lea o i latou, O lana
- 16 agelu ia. A ua tu'itu'i atu pea Peteru; ona tatala lea e i latou, ua iloa atu ia te ia, ona matuā ofo ai
- 17 lea o i latou. A ua tālo atu o ia i lona lima ia te i latou soia le tau-tala, ona folafola lea e ia ia te i latou lona ta'ita'iina mai e le Alii nai le fale puipui. Ua na fai atu foi, Ia outou tala atu ia mea ia Iakopo ma le au uso. Ona alu atu lea o ia i fafo, ua alu i le tasi mea.
- 18 Ua ao, ona tele ai lea o le atuatu-vale o tagata tau, pe na faapefea
- 19 Peteru. Ua saili foi e Herota ia te ia, ua le maua, ona faamasino lea o ia i leoleo, ma fai atu ia ta'ita'iina i latou ia oti. Ona alu lea o ia nai Iutaia i Kaisareia, ua nofo ai.
- 20 Ua ita tele Herota ia Turo ma Saitonu; a ua latou o mai ia te ia ma le loto gatasi, ua latou faaoleole atu foi ia Pāso lē leoleo i le tofaga o le tupu, ona latou ole atu lea ia toe lelei ma ia; auā na fagina lo
- 21 latou nuu e le nuu o le tupu. O le aso foi na atofaina, ua ofu ai Herota i ona ofu alii, ma nofo i le nofoālii,
- 22 ua lauga atu ia te i latou. Ona alalaga lea o le nuu, O le siufofoga o se atua, a e le se leo o se tagata.
- 23 Ona taia loa lea o ia e le agelu a le Alii, auā ua le avatu e ia le viiga i le Atua; ona atirolaina lea o ia i anufe ua oti ai.
- 24 A ua tupu le afiga a le Atua ma
- 25 ua faateleina. Ua toe foi mai Panapa ma Saulo nai Ierusalem, ina ua uma o la la feau, ua latou o mai ma Ioane ua igoa ia Mareko.

O le aauina atu o Paulo ma Panapa i nuu ese.

SA i le ekalesia i Anetioka nisi perofeta ma a'oa'o; o Panapa, ma Simeona ua igoa ia Nikeru, ma Lukio le Kurene, o Manaena sa tausia faatasi o ia ma Herota le tupu, atoa ma Saulo. O latou o auauna i le Alii ma anapopogi, ona fetalai mai lea o le Agaga Paia, Totofi ia mo a'u o Panapa ma Saulo i le galuega ua ou valaauina ai i laua. Ona anapopogi lea o i latou ma tatala, ma faaee o latou lima ia te i laua, ona tuuina atu lea o i laua e ō. O lenei, ua aauina nei tagata e le Agaga Paia, ona o lea o i laua i Selukeia; ua folau atu nai lea mea i Kuperu. Ua i Salamina, ona la folafola ai lea o le afiga a le Atua i sunako o tagata Iutaia; ua auauna foi Ioane ia te i laua. Ua latou sopo itu i le motu, ua oo atu i Pafu, ua iloa ai e i latou le tasi makoi, o le perofeta pepelo, o le Iutaia, o Paiesu lona igoa; sa i ai o ia i le suikonesula, o Sekio Paulo, o le tagata faautauta lea; ua aami lenei tagata ia Panapa ma Saulo, ua manao i le fia faalogo i le afiga a le Atua. A o Elima le makoi, (auā o le uiga lea o lona igoa,) ua tetea mai o ia ia te i laua, ua fia faaliliu ese atu e ia i le suikonesula i le faatuatua. A o Saulo, (o Paulo foi lea,) ua tumu ia i le Agaga Paia, ua pulatoa ia te ia, ona faapea atu lea o ia, O oe na ua tumu i le pepelo uma ma le ulavale uma, o le atalii o le tiapolo, o lē 'ino'ino i le amiotonu uma lava; e te le se'i soia ea lou faapiopio i ala tonu o le Alii? Faauta nei, o le a oo ia te oe le aao o le Alii, e tauaso oe, e te le vaai i le la seia se aso. Ona pa'i loa lea ia te ia o le popogi ma le pouliuli; ona fealuai lea o ia, ma saili ni tagata e ta'ita'i ia te ia. Ua iloa foi e le suikonesula le mea ua faia, ona talitonu lea o ia, ua matuā ofo i le mataupu a le Alii.

Ua tuuvaa atu Paulo ma lana au malaga i Pafu, ua oo i latou i Pereka i Pafulia; ua tuua foi i laua e Ioane, ua toe foi o ia i Ierusalem. Ua tuua foi Pereka e i laua,

- ona la oo lea i Anetioka i Pisitia, ua
ulufale i laua i le sunako i le aso
15 sapati, ua nonofo i lalo. Ua uma
foi ona faitau i le tulafono ma perofeta,
ona aau atu lea e ua pule i le
sunako nisi ia te i laua, ua faapea
atu, Sema e, le uso e, afai ua ia te
oulua se upu faamafanafana i le
16 nuu nei, ina fai mai ia. Oua tu lea
o Paulo i luga, ma tãlo atu lona
lima, ua faapea atu, Outou Isaraelu
e, ma outou o e matataui i le Atua,
17 faafofoga mai ia. O le Atua o lenei
nuu o Isaraelu na filifilia e ia o
tatou tamã; ma ua faaeaina le nuu
ina o ãumau i latou i le nuu o
Aikupito, ua ia ta'itafi ese atu ai
18 foi ia te i latou i le aao malosi. Ua
ia onosai foi i a latou amio i le vao
i ona tausaga pe fagafulu. Ua uma
19 foi ona oloina e ia o nuu e fitu i le
laueleele o Kanana, ona tufatufa ai
lea o latou laueleele ia te i latou.
20 Ua mavae foi o ia mea, ona tuu atu
lea e ia o faamasino *mo i latou*, e oo
lava i le perofeta o Samuelu, i tau-
saga pe fa o selau ma le limagafulu.
21 Mulimuli ane ua latou faatoga i se
tupu; ona tuu atu lea e le Atua ia
te i latou o Saulo, le atalii o Kiso, o
le tagata o le itu aiga o Peniamina,
22 i tausaga e fagafulu. Ua na ave
ese foi ia te ia, ona faatuina lea e
ia o Tavita e fai mo latou tupu; ua
ia molitino foi ia te ia, ua faapea
ane, Ua ou maua Tavita le *atalii* o
Iese, o le tagata e tusa ma lo'u nei
loto, na te faia o mea uma lava ou
23 te manao i ai. O le aiga o lenei
tagata ua faatuina ai e le Atua ia
Isaraelu le Faaola o Iesu, pei ona
24 folafolaina e ia; ina ua muai tala'i
e Ioane, a o lei maliu mai o ia, i le
papatisoga o le salamo i le nuu o
25 Isaraelu uma lava. Ua fai mai
Ioane a o faauma e ia lona faiva, O
ai ca a'u nei i o outou manatu? E
le o ia a'u nei. A e peitai, faauta
mai, o loo mulimuli mai le tasi, ou
te le aoga ona ou tatala i lona see-
26 vae. Sema e, le au uso e, o fauau
a sa Aperaamõ, atoa ma e o mata-
tau i le Atua o ia te outou, ua molia
mai le upu o lenei olataga ia te
27 outou. Aua o i latou o e nonofo i
Ierusalem, ma o latou alii, ina ua
le iloa e i latou o ia, ma upu a le au
perofeta ua faitauina i lea sapati
ma lea sapati, ua taunuu ai ia te i
latou i lo latou faasala *ia te ia*. E 28
ui lava ina ua le maua e i latou se
mea e tatou ona oti ai o ia, a ua
latou fai atu ia Pilato ia fasiotia o
ia. Ua faaiui foi e i latou mea uma 29
lava na tusia ia te ia, ona ave ifo
lea e i latou ia te ia i le laau, ua
tuu i le tuugamau. A ua toe faatu 30
mai le Atua ia te ia i e ua oti; e 31
tele aso na iloa ai o ia e tagata na o
ae ma ia nai Kalilaia i Ierusalem; o
ana molimau i latou i le nuu. Ua 32
ma folafola atu foi le tala lelei ia te
outou i le mea na folafolaina atu i
o *tatou tamã*; ua faaoo lea e le 33
Atua ia te i tatou o a latou fanau,
i lona toe faatuina o Iesu; pei ona
tusia foi i le salamo e lua, O lo'u
Atalii oe, ua fanaua oe e a'u i le aso
nei. Ona ua toe faatuina mai o ia 34
ia te ia i e ua oti, ia le toe foi atu
lava i le mea e pala ai, o lea ua faa-
pea ona fetalai mai ai o ia, Ou te
foai atu ia te outou mea paia a Ta-
vita ua faamaoni lava. O le mea 35
foi lea ua fetalai mai ai o ia i le tasi
salãmo, E te le tuu atu lou *tagata*
paia ia oo i ai le pala. O Tavita 36
foi, ina ua uma ona auauna i le
finagalo o le Atua i lona lava tupu-
laga, ua moe ia, ma ua faatasiina
atu i ona tamã, ua oo foi ia te ia le
pala. A o le na toe faatuina mai e 37
le Atua, ua le oo ia te ia le pala.
O lenei, sema e, le au uso e, ia ou- 38
tou iloa ua folafolaina ia te outou
le faamagaloina o agasala ona o
lenei *tagata*; o tagata uma foi o e 39
faatuatua e ta'uamiotonuina i latou
ia te ia i mea uma lava na le mafai
ona ta'uamiotonuina ai outou i le
tulafono a Mose. O lenei, ia outou, 40
ne'i oo ia te outou le mea ua fai
mai ai perofeta, O outou o e 'ino- 41
'ino, ina vaai mai ia, ma ofo, ma
mou ia; aua ou te faia lava e a'u se
galuega i ona aso o outou, o le
galuega e ui ina faamatalaina ai ia
te outou e se tasi, tou te le talitonu
i ai.
Ua o i latou i fafo o le sunako o 42
tagata Iutaia, ona faatoga atu lea e
tagata o nuu ese ia folafolaina mai
ia upu ia te i latou i le sapati atali.
Ua tuua le faapotopotoga, ona mu- 43

limuli lea ia Paulo ma Panapa o tagata e toatele o Iutaia ma e ua lotu ua matatau i le Atua; ua la tautala atu, ma apoapoi ia te i latou, ina ia tumau i le alofa tunoa
 44 o le Atua. Ua oo i le sapati ona tãli o uma mai lea o le nuu e faa-
 45 logo i le afiga a le Atua. Ua iloa e Iutaia le motu o tagata, ona matuã matataua lea o i latou, ma latou upu ese mai i mea ua fai atu ai Paulo, ua upu ese ma upu leaga
 46 ia Iesu. Oua faamalosi atu lea o Paulo ma Panapa, ua faapea atu, Ua tataua lava ona ua muai folafolaina atu le afiga a le Atua ia te outou; a ua outou tetee mai ai, ma ua tafuleaogaina outou e outou i le ola e faavavau, faauta, o le mea lea ma te liliu atu ai i tagata o nuu
 47 ese. Auã ua faapea ona poloi mai o le Alii ia te i matou, Ua ou tofia oe e fai ma malamalama o nuu ese, ina ia aveá oe ma faaolataga e oo i
 48 le tulu'iga o le lalolagi. Ua faalogo tagata o nuu ese, ona olioli ai lea, ma vivii atu i le afiga a le Alii; ua faatuatua foi i latou uma lava e ua saunia i le ola e faavavau. Ua logo
 49 atu foi le afiga a le Alii i lea nuu uma lava. A ua faalalo ane e Iutaia i fafine e matatau i le Atua, ma sa'o tamaitai, ma sa'o alii o le aai, ma latou faatupu le sauaga ia Paulo ma Panapa, ma tutuli atu ia te i
 51 laua i lo latou tuaoi. A ua tütü atu e i laua le elelee nai o laua vae ia te i latou, ona o atu ai lea o i
 52 laua i Ikonio. A ua tutumu le au soo i le olioli ma le Agaga Paia.

O le sauá na oo ia Paulo ma Panapa i Ikonio ma Lusa.

14 SA i Ikonio i laua, ua ulufale faatasi i le sunako o tagata Iutaia, o upu foi na la lauga a'i, ua faatuatua ai Iutaia ma Eleni e toatele
 2 lava. A e peitai o Iutaia le faalogo, ua latou faaoso atu ma faaifa atu i loto o tagata o nuu ese i le au uso.
 3 O le mea lea ua nonofo loa ai i laua, ma tautala faamalosi atu i le afiga a le Alii, ua molimau mai o ia i le upu o lona alofa tunoa, ma ua foai ia faia faailoga ma vavega i
 4 o laua lima. A ua vaeluaina le motu o tagata i le aai; ua ia Iutaia

nisi, ua i aposetolo nisi. Ua tau-
 pulepule foi tagata o nuu ese, atoa ma Iutaia ma o latou alii, e faasaua ma fetogi ia te i laua i maa; ona
 6 iloa ai lea o i laua, ona la sosola ai lea i Lusa ma Teipe, o aai ia o Lukaonia, ma nuu e vagavagai; ua
 7 folafola i ai le tala lelei.

Sa nofo foi i Lusa le tasi tagata
 8 ua le lavã i ona vae, ua pipili talu lava ona fanau mai, e lei savali lava. Ua faalogo mai lenei tagata
 9 ia Paulo o loo tautala; ua pulatoa atu o ia ia te ia, ua iloa foi ua ia te ia le faatuatua e malolo ai, ua fai
 10 atu ma le leo tele, Ina tu sa'o ia ou vae i luga. Ona oso lea o ia ma savali. Ua iloa foi e le motu o tagata le mea ua faia e Paulo, ona
 11 alalaga lea, i le gagana a Lukaonia, ua faapea ane, Ua afio ifo atua ia te i tatou ua pei ni tagata. Ua
 12 faaigoa atu foi e i latou ia Panapa, o Seu; a o Paulo, o Hereme ia, auã o ia o le 'autu o upu. A o le fai-
 13 taulaga a Seu, o le na i luma o la latou aai *lona malumalu*, ua au mai e ia o povi poa ma pale i faitotoa, o le a osi taulaga o ia atoa ma le
 14 motu o tagata. Ua faalogo i ai aposetolo, o Panapa ma Paulo, ona la saeia lea o laua ofu, ma feosofi
 15 atu i le motu o tagata, o loo alalaga i laua, ua faapea atu, Alii e, se a le mea ua outou fai ai na mea? O
 tagata lava i maua nei e tutusa ma outou, ua ma folafola atu le tala lelei ia te outou, ia outou *lafoai* nei
 mea le aoga, ma liliu mai i le Atua soifua, o le na faia le lagi, ma le lalolagi, ma le sami, ma mea uma
 16 lava o i ai; o le na tuufaitalia nuu uma lava o augätagata ua mavae
 17 atu, latou te sãvavali i o latou lava ala. E ui lava i lea, ua le tuu e ia o ona faailoga, i lona agalelei mai,
 ma foai mai o ua mai le lagi ia te i tatou, ma tausaga o fuata a le tau, ma ona ua faamalilie i o tatou loto
 18 i le mea e 'ai ma le olioli. O loo fai atu nei upu, se manũ a le mavavau ai i le motu o tagata ia soia
 19 le fai taulaga mai ia te i laua.

A ua o mai tagata Iutaia mai Anetioka ma Ikonio, ua latou faalalo ane i le motu o tagata, ua uma
 foi ona fetogi ia Paulo i maa, ona

- latou toso lea ia te ia i tua o le aai,
 20 fa te i latou ua oti o ia. Ua vagavagai o ia e le au soo, ona tu lea o ia i luga, ua alu i le aai; o le taeao foi ua la o atu ai ma Panapa i Teipe.
 21 Ua uma foi ona la folafola le tala lelei i lea aai, e toatele ua fai ai ma soo, ona la toe foi lea i Lusa, ma
 22 Ikonio, ma Anetioka, ua faamalosi i loto o le au soo, ma apoapoi atu ia tumau i le faatuatua; *ua faapea atu* foi, O puapuaga e tele e tatau ona tatou sao atu ai i le malo o le
 23 Atua. Ua uma ona tofia e i laua o toeaina mo i latou i lea ekalesia ma lea ekalesia, ua tatalo ma anapopogi, ona la tuuina atu lea o i latou
 24 i le Alii ua latou faatuatua i ai. Ua uma ona la ui ane i Pisitia, ona oo
 25 lea i Pafulia. Ua la tautala atu foi i le upu i Pereka, ona la o ifo lea i
 26 Ataleia; ona folau atu ai lea o i laua nai lea mea i Anetioka, sa *la o atu* ai ina ua tuuina atu ai i laua i le alofa tunoa o le Atua ona o le
 27 galuega sa la faia. Ua oo foi i laua, ona la faapotopotoina lea o le ekalesia, ma faamatalaina atu mea uma na faia e le Atua e i laua, ma lona faaavanoa le faitotoa o le faatuatua
 28 mo nuu ese. Ua la nonofo ai foi i po e tele faatasi ma le au soo.

O le finauga i le peritome.

- 15 NA o ifo foi nisi tagata mai Iutania, ma latou a'oa'o atu i le au uso, *e faapea atu*, Afai e le peritomeina outou pei o le tu a Mose, e le mafai
 2 ona faaolaina o outou. Sa tele le upu ese ma le fefinauai o i latou ma Paulo ma Panapa, ona latou tofofi lea ia Paulo ma Panapa, atoa ma isi o i latou, ia o ae i le au apotetolo ma toeaina i Ierusalemia i
 3 lenei finauga. Ua molia foi i latou e le ekalesia, ua ui atu i latou i Foinie ma Samaria, ua faamatalaina atu ai le liliu mai o nuu ese; na faatupu atu foi le olioli tele i le au
 4 uso uma lava. Ua oo i latou i Ierusalemia, ona talia lea o i latou e le ekalesia, ma le au apotetolo, ma toeaina, ua la folafolaina atu mea e
 5 tele ua faia e le Atua e i laua. Ona tutū mai lea o isi o le itu aiga a le au faresaio e ua faatuatua, ua faapea ane, E tatau ona peritomeina i

latou, ma fai atu ia te i latou ia tausi le tulafono a Mose.

- Ona faapotopoto lea o le au apotetolo ma toeaina e filifili i lenei mea. Ua tele le fefinauai, ona tu
 7 lea o Peteru i luga, ua faapea atu ia te i latou, Le au uso e, ua outou iloa ua leva ona filifili e le Atua so tatau, ia logona mai e tagata o nuu ese le upu o le tala lelei i lo'u nei
 8 gutu, ma latou talitonu i ai. O le Atua foi o lē silafia loto, ua moli-mau o ia ia te i latou i lona foai atu o le Agaga Paia ia te i latou, pei o i
 9 tatou nei. Ua na le faaeseseina foi o i tatou ma i latou i lona faamamāina o latou loto i le faatuatua. O
 10 lenei, se a le mea tou te faaonono atu ai i le Atua i lo outou faaee atu i ua o le au soo le amo ua le lavā tauave e o tatou tamā po o i tatou
 11 nei? A e peitai ua tatou taofi, o le alofa tunoa o le Alii o Iesu Keriso e faaolaina ai i tatou, faapei o i latou lava. Ona faalologo lea o le
 12 toatele uma lava, ma faalogologo mai ia Panapa ma Paulo, o loo faamatalaina atu o faailoga ma vavega e tele ua faia e le Atua i nuu ese e i laua. Ua uma a la upu, ona fai
 13 mai lea o Iakopo, ua faapea mai, Sema e, le au uso e, faalogo mai ia ia te au; ua talaina mai e Simona i
 14 le uluai silasila o le Atua i nuu ese e maua ai se nuu mo lona suafa. Ua 'au faatasi foi ma lenei mea upu
 15 a le au perofeta, pei ona tusia. A mavae nei mea ou te foi atu, ma ou
 16 toe fai le fale ie o Tavita ua paū, ma ou toe ati ae mea lepetia o i ai, ma toe faatuina; ina ia saili atu i
 17 le Alii tagata ua totoe, ma nuu uma lava o e ua faaigoaina i lo'u igoa; ua fetalai mai ai le Alii, o le na te faia nei mea uma. Ua silafia e le
 18 Atua ana galuega uma lava talu mai le vavau. O lenei, o lo'u lea
 19 manatu, ia soia le faalavelave i tagata o nuu ese ua liliu mai i le Atua; a ia tusi atu ia te i latou, ia
 20 taumamao i latou i mea leaga e fasia mo tupua, ma le faitaaga, ma mea titiina, ma le toto. Auā talu o tupu-
 21 laga anamua ua ia Mose e ua tala'i ia te ia i lea aai ma lea aai, o faitauina i sunako i sapatu uma lava.
 22 Ona lelei ai lea i le au apotetolo,

- ma toeaia, atoa ma le ekalesia uma, e filifili ma aauina atu i Anetioka faatasi ma Paulo ma Panapa, ni o latou tagata, o Iuta e igoa ia Pasapa atoa ma Sila, o tagata ua ta'ua i le 23 au uso; ua tusi atu nei upu ia ave e i latou, O loo alolofa atu le au aposetolo, ma toeaia, atoa ma le au uso i le au uso o tagata o nuu ese o i Anetioka, ma Suria, ma 24 Kilikia. Ua matou faalogo atu, ua faatupuina lo outou atuatuva e nisi e na o atu sa ia te i matou, i a latou upu, ma latou faaliliu ese o outou loto, ua faapea atu, Ia peritomeina outou, ma ia tausi le tula- 25 fono; matou te lei poloai atu ai; o le mea lea ua lelei ai ia i matou nei ua faapotopotoina ma le loto gatasi, e filifili ma aauina atu ia te outou tagata faatasi ma o matou *uso* pele 26 o Panapa ma Paulo, o tagata ia ua tuulafoaiina o laua ola ona o le sua- 27 fa o le tatou Alii o Iesu Keriso. O le mea lea ua matou aau atu ai ia Iuta ma Sila, la te ta'u atu foi i a 28 laua upu i ia lava mea. Auā ua lelei i le Agaga Paia ma i matou nei, ia le faaee atu se tasi avega ia 29 te outou, na o nei mea e tata; ia faamamā outou i mea e fasia mo tupua, ma le toto, ma mea titina, ma le faitaaga; afai tou tetaumamā ma nei mea, e lelei ai outou. Ia outou manuia.
- 30 Ua tuuina atu i latou e 5, ona oo atu lea o i latou i Anetioka; ua faapotopototo mai foi e i latou le motu o 31 tagata, ua tuu atu ai le tusi. Ua latou faitauina, ona olioli lea o i 32 latou ona o le faamafanafanaga. O Iuta foi ma Sila, auā o perofeta i laua, ua la faamafanafana atu, ma faamalosi atu i le au uso i upu e 33 tele. Ua la fai po ai, ona tuuina atu lea o i laua e le au uso ia o ma 34 le manuia, i le au aposetolo. A ua 35 lelei ia Sila e nofo ai pea. O Paulo foi ma Panapa ua nonofo i laua i Anetioka, ma isi foi e toatele, ua a'oa'oa ma folafola atu le afiga a le Alii.
- 36 Ua mavae isi aso, ona fai atu lea o Paulo ia Panapa, Ina ta foi atu ia, ta asiasi atu i o ta uso i aai uma lava sa ta tala'i i ai le afiga a le 37 Alii, pe faapefea i latou. A ua loto
- Panapa ia latou o ma Ioane, o le ua igoa ia Mareko. A ua manatu Pau- 38 lo, e le tataua ona latou o ma le na alu ese ia te i laua i Pafulia, ma ua le o ma i laua i le galuega. Ona 39 tiga tele lea o loto, ua te'a esee ai i laua; ona la o lea o Panapa ma Mareko ua folau atu i Kuperu; 40 ua filifilia e Paulo ia Sila, ma alu atu, ua tuuina atu o ia e le au uso i le alofa tunoa o le Atua. Ua ui ane 41 o ia i Suria ma Kilikia, ua faamalosi i ekalesia.

O le malaga a Paulo i Maketonia.

UA oo ifo foi o ia i Teipe ma 16 Lusa; faauta foi, sa i ai le tasi soo, o Timoteo le igoa, o le tama a le fafine Iutaia e faatuatua, a o lona tamā o le Eleni ia; ua ta'uleleia o ia e le au uso i Lusa ma Ikonio. 2 Ua manao Paulo la te o ma ia, ona ia peritomeina lea ia te ia, ona o tagata Iutaia o i ia nuu; auā ua iloa e i latou uma lava o le Eleni lona tamā. Ua ui ane i latou i aai, 4 ma latou tuuina atu ia te i latou tuugafono, na tuu e le au aposetolo ma toeaia o i Ierusalemā, latou te tausia. Ua faamalosi foi ekalesia 5 i le faatuatua, ma ua faatoateleina i lea aso ma lea aso.

Ua mavae ona latou ui ane i 6 Ferukia ma le nuu o Kalatia, a ua vaoia e le Agaga Paia aua latou te tautala i le upu i Asia; ua oo foi i 7 latou i Musia, ona taumafai ai lea e i latou ona o atu i Pitunia; a ua le mafai le Agaga ona latou o. Ona ui faatafatafa ane lea o i latou i Musia, ua oo ifo i Teroa. Ua iloa 9 foi e Paulo le faaaliga i le po; o le tasi tagata Maketonia ua tu mai, ma aiai mai ia te ia, ua faapea mai, Sau ia i Maketonia, ma fesasoani mai ia te i matou. Ua iloa e ia le 10 faaaliga, ona sauni loa lea o i matou e o atu i Maketonia, ua manatu lava i matou, ua valaauina i matou e le Alii e folafola atu le tala lelei ia te i latou. Ona matou tuuvaa ai 11 lea i Teroa, ma folau tonu atu i Samotake, o le taeao foi ua oo ai i Neapoli; ona toe oo atu ai lea i 12 Filipi, o le muai aai lea o lea itu o Maketonia, o le Kolone; ua matou nonofo foi i lea aai isi aso. Ua o foi 13

i matou i le aso sapat i tua o le aai
i le auvai o le vaitafe, o le mea ua
masani ona fai ai o tatalo; ua
nonofo foi i matou i lalo, ma tau-
tala atu i fafine e na potopoto ai.
14 Ua faalogo mai foi ia te i matou le
tasi fafine ua mata'u i le Atua, o
Litia le igoa, o le faatau ie pāuli, o
Tuatira lona nuu; ua tatalaina e le
Alii lona loto ia naunau i upu na
15 tautala a'i Paulo. Ua papatisoina o
ia atoa ma lona aiga, ona aioi mai
lea o ia, ua faapea mai, Afai ua
outou manatu o a'u o lē faatuatua i
le Alii, o mai ia i lo'u fale, ma
nonofo ai. Ua pulutia foi i matou
16 e ia. Ua o atu i matou i le tatalo,
ona fetaia'i lea ma i matou le tasi
auauna teine ua i ai le aitu vavalu,
ua na maua oloa e tele ma ona alii
17 i ana valoaga. Ua femulimuliai o ia
ia Paulo ma i matou, ma alaga, ua
faapea ane, O auuuna nei tagata a
le Atua silisili ese, latou te tala'i
18 mai ia te i tatou le ala o le ola. Ua
faapea ona fai e ia i aso e tele. A
ua tiga Paulo, ua fāliu atu, ma ua
fai atu i le aitu, Ou te fai atu ia te
oe i le suafa o Iesu Keriso, alu ia i
19 fafo ia te ia. Ona alu ai lea o ia i
fafo i lea lava itu aso. Ua iloa foi
e ona alii ua alu ese le faatuatuaga
e maua ai a latou oloa, ona pupue
ai lea e i latou ia Paulo ma Sila, ma
fetoso ia te i laua i le malae i luma
20 o alii. Ua ta'ita'i foi ia te i laua i
faamasino, ua faapea atu, Ua matuā
faasoesa mai nei tagata, i lo tatou
21 nuu o tagata Iutaia foi i laua, ua
folafola mai foi e i laua o tu e sa
ona talia pe faia e i tatou tagata
22 Roma. Ua feosofi mai le motu o
tagata ia te i laua, ua saei ese atu e
faamasino o laua ofu, ua fai atu foi
23 ia sasa ia te i laua i laau. Ua latou
sasa ia te i laua, e tele o la ta, ona
tuu atu lea i le fale puipui, ua fai
atu i le leoleo o le fale ia leoleo
24 lelei ia te i laua; ua oo lea poloaiga,
ona tuu atu lea o ia ia te i laua i le
potu tuloto, ma faamau i o la vae i
25 laau. O le tulua o po ma ao ua
tatalo ai ma pepese o Paulo ma Sila
i le Atua; ua faalogo foi ia te i laua
26 e ua noanoatia. Ona faafuasei mai
lea o le mafuie tele, ua luluina ai
faavae o le fale puipui; ua toloaina

mai ai o puipui uma, ua maunuunu
ai foi o latou noanoaga uma lava.
Ua ala le leoleo o le fale puipui na 27
moe, ua na iloa faitotoa o le fale ua
avanoa, ona se'i lea e ia o le pelu, a
fasi o ia e ia, fa te ia ua sosola e na
noanoatia, A ua alaga Paulo ma le 28
leo tele, ua faapea atu, Aua nei
faia e oe se mea e leaga ai oe; auā
o iinei i matou uma lava. Ona fai 29
atu lea o ia e au mai ni afi, ona oso
mai lea o ia, ma faapa'i i luma o
Paulo ma Sila ma le gatete. Ua na 30
aumaia foi i laua i fafo, ua faapea
mai, Alii e, se a le mea e tatou ona
ou faia ou te ola ai? Ua fai atu i 31
laua, Ina faatuatua ia i le Alii o
Iesu Keriso, e ola ai oe atoa ma lou
aiga. Ona la tautala atu lca i le 32
afioga a le Alii ia te ia, ma i latou
uma ua i lona fale. Ua na au mai 33
foi ia te i laua i lea lava itu po, ma
mulumulu atu o la ta; ona papa-
tisoia loa lea o ia ma lona aiga
uma. Ua na aveina ae foi ia te i 34
laua i lona fale, ma laulau atu mea
e 'ai, ua olioli o ia ma lona aiga
uma, ua faatuatua i le Atua.

Ua ao, ona auuina mai lea e faa- 35
masino o auuuna, ua faapea mai,
Tuu atu ia o ia tagata ia o. Ona 36
fai ane lea e le leoleo o le fale puipui
nei upu ia Paulo, Ua auuina
mai e faamasino ia tuuina atu oulua
ia o; o lenei, o atu ia, ina o ma le
manuia. A ua fai atu Paulo ia te i 37
latou, Ua sasa mai i latou ia te i
maua nei i luma o le nuu a o lei
faasalaina, o i maua o tagata Roma,
ona latou tuu mai lea ia i maua i le
fale puipui; latou te tuu lemu atu
nei ea ia te i maua? Aua lava; a
o i latou, se'i o mai lava i latou e
avatu ia te i maua i fafo. Ona 38
molia lea e auuuna o ia upu i faa-
masino; ona fefefe lea o i latou, ina
ua lagona o tagata Roma i laua.
Ona o mai lea o i latou, ma ole mai 39
ia te i laua, ua avatu foi ia te i laua i
fafo, ma aioi mai ia la o ese atu i le
aai. Ona o lea o i laua i fafo o le 40
fale puipui, ua ulufale i sa Litiā;
ua feiloai foi ma le au uso, ma la
faamafanafana atu ia te i latou, ona
ō lea o i laua.

O le malaga a Paulo i Tesalonía, ma Perea, ma Atenai.

- 17 UA tuanai Amefipoli ma Apolonia, ona oo lea o i laua i Tesalonía, ua i ai le sunako o tagata
 2 Iutaia. Ua ulufale foi Paulo ia te i latou, o lana lea masani, e tolu foi sapatu ua lauga atu o ia ia te i latou
 3 i Tusi, ua faamatala ma faasino atu, na tataua ona tiga o le Keriso, ma toe tu mai i e ua oti; ma ua faapea atu, O Iesu lenei ou te folafola atu
 4 ai ia te outou, o le Keriso ia. Ua talitonu mai foi nisi o i latou, ma ua faapoopoina i latou ia Paulo ma Sila; o Eleni foi o e matatau i le Atua e toatele lava, ma sa'o tamaitai e toatele foi. A o Iutaia e le faalogo ua matatau i latou, ua faatasi mai ia te i latou nisi tagata leaga o e tafafao vale, ona faanununu lea e i latou, ma faapisapisao i le aai; ona feosofi lea i le fale o Iasona, ua saili ia te i laua
 6 ia ta'ita'ina i fafo i le nuu. Elei maua i laua, ona fetoso mai lea e i latou ia Iasona ma nisi o le au uso i le au faipule o le nuu, o loo alalaga atu, O tagata nei o e ua faatupu le fouvale i le lalolagi uma, ua latou oo
 7 mai foi iinei; ua talia i latou e Iasona. Ua faaturiese foi i latou nei uma lava i poloaiga a Kaisara, ua fai mai, o Iesu o le tasi lea tupu.
 8 Ua latou faatupu ai le atuafale i le motu o tagata atoa ma le au faipule o le nuu, o e ua faalogo i nei mea. Ua tuutotogi i latou ia Iasona ma nisi, ona tuu atu lea ia te i latou
 10 e o. Ona momoli atu loa lea e le au uso ia Paulo ma Sila i le po i Perea; ua oo i ai i laua, ona la ulufale lea i le sunako o tagata Iutaia.
 11 Ua sili ona amio lelei o i latou nei i tagata Tesalonía; auā ua latou talia le upu ma le siasia tele, ua saili i Tusi i lea aso ma lea aso, pe moni ia mea. O le mea lea ua talitonu ai i latou e teatele lava, ma sa'o tamaitai Eleni, atoa ma tane e toatele.
 13 A ua iloa e tagata Iutaia o i Tesalonía, ua folafolaina le afioga a le Atua e Paulo i Perea, ona o atu ai lea o i latou, ma faasoo i le motu o tagata i lea mea. Ona aau atu loa lea e le au uso ia Paulo, a latou o ifo

i tai; a ua nonofo ai pea o Sila ma Timoteo. O e na momoli foi ia Paulo ua latou o ma ia i Atenai; ua poloa'i mai foi ia te i latou e fai atu ia Sila ma Timoteo, ia vave mai lava i laua ia te ia; ona latou foi lea.

Ua faatali atu Paulo ia te i laua i Atenai, ua tiga tele ifo lona loto, o matamata o ia i le aai ua tumu i tupua. Ua ia lauga foi i le sunako ia Iutaia ma e o matatau i le Atua, ua tautala foi ma e na feiloai ma ia i le malae i aso fai soo. Ona finafinau mai lea o isi o le au faopoto o le itu aiga o Epikuro, ma le itu aiga o Setoiko; ua fai mai foi nisi, Pe ala i se a le fai mai o lenei tagata sii i le lau? a ua fai mai isi, Ai se folafola mai i atua ese; aua ua na folafola atu ia te i latou le tala lelei ia Iesu ma le toe tu mai. Ua ave i latou ia te ia, ua ta'itai atu i Areopako, ua faapea mai, Se'i matou iloa pe se a lenei mataupu fou ua e tautala a'i? Auā ua e molia mai nisi mea ese i o matou nei taliga; o lea ua matou fia iloa ai pe se a le uiga o nei mea. Auā ua leai se isi mea ua faia e tagata Atenai uma atoa ma tagata ese e āumau ai, na ona tala atu ma faalogo mai sina tala faatoa iloa.

Ona tu atu ai lea o Paulo i Areopako, ua faapea atu o ia, O outou Atenai e, ua ou iloa i mea uma lava ua sili la outou tapuai i atua. Auā na ou ui ane, ma ou matamata i a outou mea paia, ona ou iloa atu lea o le fata ua tusi i ai, MO LE ATUA E LE ILOA. O lenei, o ia ua outou tapuai i ai ma le le iloa, ou te faailoa atu ai ia te outou. O le Atua na faia le lalolagi ma mea uma lava o i ai, ona o le Alii o ia o le lagi ma le lalolagi, e le afio o ia i malumalu e faia e lima; e le o lima o tagata e auauna ai ia te ia, peiscāi ua mativa o ia i se mea e tasi; o loo foai mai e ia le ola, ma le mānava, ma mea uma lava i le vao mea atoa; ua faia foi e ia nuu uma o tagata i le toto e tasi, ia nonofo i le fogaeleele uma lava, ua na tuu foi tausaga na tofia anamua, ma tuaoi o mea latou te nonofo ai; ina ia latou saili i le Alii, pe mafai ona latou tautāgotago

- ma latou iloa o ia; a e peitai e le
mamao o ia ma i tatou taitoatasi.
- 28 Auā o ia o loo ola ai i tatou, ma
gaioi ai, o loo i ai foi i tatou talu o
ia; pei ona fai mai foi e isi o outou
fatu pese, Auā o lana fanau i tatou.
- 29 O lenei, ona o le fanau a le Atua i
tatou, e le tatau ona tatou manatu
ua tusa le Atua i se auro, po o se
ario, po o se maa, ua talaiia i le
faiva ma le fuafua o le tagata. Na
faapalepale le Atua i ona po o le
vālea; a o loo fetalai mai nei i
tagata uma i nuu uma lava ia sala-
mo; auā ua faatuina e ia le aso e
faamasinoina ai le lalolagi ma le
tonu, e le tagata ua tofia e ia; o
loo faamaoni mai ai e ia i tagata
uma lava i lona toe faatu mai ia te
ia i e ua oti. Ua faalogo e i latou
i le toe tu mai o e ua oti, ona tau-
emu mai ai lea o isi, a ua fai mai
isi, Matou te toe faalogo atu ia te
oe i lona upu. Ona alu atu lea o
34 Paulo nai o latou luma. A ua pipii
mai nisi tagata ia te ia, ma ua tali-
tonu mai; e i ai Taionusio le Are-
opako, ma le fafine ua igoa ia
Tamari, o isi foi faatasi ma i laua.
- O mea na faia e Paulo i Korinito.*
- 18 UA mavae atu ia mea, ona alu
atu ai lea o Paulo nai Atenai, ua oo
2 i Korinito; ua na iloa foi le tasi
tagata Iutaia, o Akula le igoa, na
fanau i Pono, na sei sau mai Italia,
ma lana avā o Pisila; (auā na poloai
mai e Kalaotio ia o ese atu i Roma
tagata Iutaia uma lava;) ua alu atu
3 o ia ia te i laua; ona ua tasi foi lo
latou faiva, ua nofo o ia ia te i laua,
ma galue; auā o lo latou faiva le
4 fai fale ie. Ua lauga foi o ia i le
sunako i lea sapati ma lea sapati,
ma pulunaunau atu ia Iutaia atoa
5 ma Eleni. A ua o mai Sila ma
Timoteo mai Maketonia, ona tinoū
lea o le loto o Paulo, ua ta'utino
atu i tagata Iutaia o Iesu o le Keriso
6 lea. Ua faatu'iese mai i latou ma
upu leaga, ona lulu atu lea e ia o
ona ofu, ua fai atu ia te i latou, O
lo outou na toto e i luga o outou
ulu lea; ou te mamā; e afua i le
7 aso nei ona ou alu i nuu ese. Ona
alu atu ai lea o ia, ua ulu atu i le
fale o le tasi tagata mata'u i le Atua
o Iuso le igoa, ua soo ane i le sunako
lona fale. O Kiripo foi le pule i le
sunako, ua faatuatua i le Alii o ia
ma lona aiga uma; e toatele foi
tagata Korinito o e na faalogo ua
faatuatua i latou, ma ua papatisoina.
Ona fetalai mai lea o le Alii ia
Paulo i le faaaliga i le po, Aua e te
fefe, a ia e tautala atu, aua le faalo-
logo; auā ou te ia te oe, e leai foi
se tasi e oso mai ia te oe e faasaua
ia te oe; auā e toatele o'u tagata o
i lenei aai. Ua ia nofo atu ai pea o
le tausaga atoa ma masina e ono, ua
a'oa'o atu ia te i latou i le afioga a
le Atua.
- Ua fai Kaliona ma suikonesula i
Akaia, ona feosofi mai lea o Iutaia
ia Paulo ma le loto gatasi, ua ta'ita'i
i latou ia te ia i le nofoa faamasino,
ua faapea ane, Ua ole lenei *tamaloa*
i tagata ia tapuai i le Atua ma le le
tusa i le tulafono. O le a oo atu le
lauga a Paulo, a ua fai mai Kaliona
i tagata Iutaia, Iutaia e, afai o se
saua, po o se ulavale leaga, e tatau
ona ou usiuitai ia te outou; peitai
afai o se suega i se mataupu, ma
igoa, ma la outou tulafono, fitalia
lava outou; auā ou te le mafai ona
fai a'u ma faamasino i na mea. Ona
tuli atu lea e ia ia te i latou i le
nofoa faamasino. Ona pue lea e
Eleni uma lava ia Sosene lē pule i
le sunako, ua fasi ia te ia i luma o
le nofoa faamasino. A ua le manatu
e Kaliona i se tasi mea o ia mea.
- Ua nofo pea Paulo i aso e tele,
ona faamāvae atu lea o ia i le au
uso, ua latou folau atu i Suria, o i
latou ma Pisila ma Akula; ua na
sele mamā lona lauulu i Kenikerea;
auā ua na fai lana tautoga. Ua oo
i gatai o Efeso, ona tuua lea e ia o
i laua i lea mea; a ua ulufale o ia i
le sunako, ma lauga ia Iutaia. Ua
aioi i latou ia te ia ia toe nofo i
nai ona aso ma i latou; ua le mafai
o ia. A ua faamāvae o ia ia te i
latou, ua faapea atu, E tatau lava
ina ou i ai i le tausamiga o le a fai
i Ieruselema; a ou te toe foi mai ia
te outou, po a finagalo i ai le Atua.
Ona tuuvaa atu lea o ia i Efeso.
Ua oo atu i Kaisareia, ua alu ae, ma
alofa atu i le ekalesia, ona alu ifo
lea o ia i Anetioka. Ua fai po foi,

ona alu atu lea o ia, ua alu solo i le nuu o Kalatia ma Ferukia, ua faamallosia e ia le au soo uma.

24 Ua sau foi i Efeso le tasi tagata Iutaia, o Apolo le igoa, o Alesania na fanau ai, o le tagata mau upu,

25 ma le poto i Tusi. Ua a'oa'oina lenei tagata i le ala o le Alii; ua malosi foi lona loto, ua tautala atu o ia ma matuā a'oa'o atu i upu a le Alii, na o le papatisoga a Ioane ua

26 iloa e ia. Ua afua foi ona tautala faamalosi o ia i le sunako; ua faalogo atu Akula ma Pisila ia te ia, ona la ave lea ia te ia, ma faamatala atu atili le ala o le Atua ia te ia.

27 Ua loto o ia e alu atu i Akaia, ona tusi atu lea o le au uso, ma aoi atu i le au soo ia talia mai o ia; ua oo foi o ia, ona fesoasoani tele lea o ia i e na faatuatua ona o le alofa

28 tunoa. Auā ua finau māua'i o ia i tagata Iutaia ma le faamalosi i luma o le nuu, ua faasino atu i Tusi, o Iesu o le Keriso lea.

O le galuega a Paulo i Efeso, ma le faanununu o le nuu e Temetiu.

19 O ONA po na i ai Apolo i Korinito, ua tuanai ai e Paulo nuu mau-aluluga, ona oo lea i Efeso; ua na

2 iloa ai isi soo, ona fai atu lea o ia ia te i latou, Na maua ea e outou le Agaga Paia ina ua outou faatuatua? Ua fai mai i latou ia te ia, Na

3 matou le lagona lava po ua faaiina le Agaga Paia. Ona fai atu lea o

4 ia ia te i latou, Pe na papatisoina outou i le a? Ua fai mai i latou, O le papatisoga a Ioane. Ona fai atu

5 lea o Paulo, Na papatiso lava Ioane i le papatisoga o le salamo, ua fai atu i le nuu, ia faatuatua i latou i lē

6 mulimuli mai, o le Keriso o Iesu lea. Ua faalogo ai i latou, ona

7 papatisoina lea i le suafa o le Alii o Iesu. Ua faae atu foi e Paulo

8 ona lima ia te i latou, ona oo lea o le Agaga Paia ia te i latou; ona

9 tautala lea i gagana esee, ma perofeta i latou. O ia tagata uma,

10 pe toatinoagafulu ma le toalua i latou. Ua ulufale foi o ia i le

11 sunako, ma lauga faamalosi atu, ma tautalatala, ma faaoleole ia i latou

12 i mea a le malo o le Atua, i masina e tolu. A ua loto fatu nisi, ma ua

le talitonu, o upu leaga mai i lenei lotu i luma o le toatele; ona alu ese lea o ia ia te i latou, ma ua vavae ese le au soo, ua tautalatala o ia i lea aso ma lea aso i le fale a'oga o le tasi tagata e igoa ia Turano.

13 E lua tausaga na faia lenei mea; o 10 lea na faalogo ai i le afiga a le Alii o Iesu o i latou uma lava e ua no-

14 nofo i Asia, o Iutaia atoa ma Eleni. Ua faia foi e le Atua vavega sili i 11

12 lima o Paulo; o lea ua avea ai solo solo ma ie tali otaota nai lona tino

13 i e mamai, ona mavae ai lea o latou ma'i, ua o i fafo foi ia te i latou

14 agaga leaga. Ona faamalosi lea o 15 isi o le au taulaitu Iutaia, o e na feoi, ua latou ta'u atu le suafa o le

16 Alii o Iesu i luga i e ua i ai agaga leaga, ua faapea atu, Matou te

17 matuā fai atu ia te outou i le suafa o Iesu, o le ua tala'iina e Paulo. Ua faia foi lenei mea e nisi tagata

18 o atalii e toafitu o Seva, o le Iutaia, o le faitaulaga sili. A ua tali mai

19 le agaga leaga, ua faapea mai, Ua ou iloa Iesu, ua ou iloa foi Paulo, a

20 o ai ea outou na? Ona oso mai ai 16 lea o le tagata ua i ai le agaga leaga,

21 ua manumalo ia i latou, ua faiaina lava i latou ia te ia; ona sosola ai

22 lea o i latou i fafo o le fale ua le lavalavā ma ua manunua. Ua iloa

23 lenei mea e i latou uma lava e ua nonofo i Efeso, o Iutaia atoa ma

24 Eleni; ona oo lea o le mata'u ia te i latou uma lava, ua viia foi le suafa

25 o le Alii o Iesu. Ua o mai foi i 18 latou e toatele o e ua faatuatua,

26 ma faaali mai ma ta'u mai a latou amio. E toatele foi o e na fai

27 togafiti faataulaitu na faapotopoto e i latou a latou tusi, ma susunu ai

28 i luma o tagata uma; ona latou faitau lea i a latou faatusa, ua iloa

29 ai ua lima sefulu o afe o tupe ario. O lea ua matuā tupu tele ai ma ua

30 manumalo le afiga a le Alii. Ua mavae ia mea, ona tuu lea e

31 Paulo i lona loto, a uma ona ui ane i Maketonia ma Akaia, e alu i Ieru-

32 salema, ua faapea o ia, A mavae ona ou i ai, e tatau ona ou asiasi i Roma. Ona aauina atu lea e ia i Maketonia

33 tagata e toalua o e na auauna ia te ia, o Timoteo ma Erato, a o ia ua

fai po ona nofo i Asia. O ona po ia

- ua tupu ai le faanunununu tele ona
24 o lenei lotu. Auā o le tasi tagata,
o Temetiu le igoa, o lē fai mea ario,
le na fai malumalu ario o Tiana, ma
ua maua ai le oloa tele mo tufuga;
25 ua faapotopoto e ia ia te i latou,
atoa ma le au faigaluega i mea faa-
pena, ua fai atu, Soma e, ua outou
iloa o lenei faiva ua tatou tamao-
26 aiga ai; ua outou iloa foi ma outou
faalogo, e le gata i Efeso, a ua tāli
soo Asia uma lava ona faaliliuese-
ina ai e lona Paulo le vao tagata e
toatele i lona ole, ua faapea atu, e
27 le ni atua e ua faia e lima. E le
gata ona māumau o lo tatou nei
faiva, o le a tuulafoaiina, a e peitai
e ta'uleaogaina foi le malumalu o le
atua fafine silisili o Tiana, o le a
faaumatia foi lona mamalu, o loo
tapuai i ai Asia uma lava atoa ma
28 le lalolagi uma. Ua faalogo i latou,
ona tutumu ai lea o i latou i le feli-
li, ua alalaga, ua faapea atu, E sili-
29 sili Tiana o Efeso. Ua matuā lolofi
mai le aai atoa, ua pupue atu foi ia
Kaio ma Aritako, tagata Maketonia,
o tagata o le malaga a Paulo, ona
feosofi lea o i latou ma le loto gatasi
30 i le fale mataaga. Ua fia ulufale
atu Paulo i le nuu, a ua le mafafai
31 le au soo. O isi alii foi o Asia o e
na alofa ia te ia, na latou sau atu
nisi ia te ia e ole atu, aua le faa-
malosi ona alu i le fale mataaga.
32 Ua alalaga nisi i le tasi mea, ma
nisi i le tasi mea; auā ua soona ve-
vesi le faapotopotoga; ua le iloa foi
e le toatele le mea na potopoto ai i
33 latou. Ua faatu atu foi e i latou ia
Alesana nai le motu o tagata, ina
ua tuuina atu o ia e Iutaia. Ona
tālo atu lea o Alesana lona lima, ua
34 na fia faatonu atu i le nuu. Ua iloa
e i latou o le Iutaia o ia, ona tasi ai
lea o latou leo ona lava, pe lua itu
aso ua alalaga ai i latou, Ua silisili
35 Tiana o Efeso. Ua faafilemuina
le motu o tagata e le tusiupu, ona
fai atu lea o ia, Sema e, o outou
Efeso e, o ai lea tagata e le iloa o
loo anauna lenei aai o Efeso i le
malumalu o le atua fafine silisili o
Tiana, ma le *tupua* na paū ifo mai
36 ia Seu? O lenei, ona ua le mafai
ona upueseina o nei mea, e tusa ona
outou nonofo sa'o, ma ia aua le so-
- ona fai se mea. Auā ua ta'itai mai 37
e outou nei tagata, e le ni e fao i
mea sa, pe upu leaga i latou i lo
outou atua fafine. O lenei, afai ua 38
ia Temetiu ma lana au tufuga se
mau i se tasi, ua tuu aso e fai ai
fono, o i ai foi suikonesula; ia mo-
moli ai le tasi i le tasi. Peitai ane, 39
afai tou te sue i nisi mea, e faatonu-
ina lea i le fono e tala'ina. Auā 40
nei molia i tatou ona o le taalili
vale i lenei aso, ina ua leai lava sa
tatou upu e mafai ona tatou faa-
tonu atu ai lenei nunu vale. Ua 41
uma atu ia upu, ona faatu'ina lea e
ia o le faapotopotoga.
- O le malaga a Paulo; ma lana
apoapoai atu i faifeau o Efeso.*
- UA uma le taalili vale, ona aami 20
lea e Paulo o le au soo, ma faamā-
vae atu ia te i latou, ona alu lea o
ia ua aga atu i Maketonia. Ua tua- 2
nai e ia ia nuu, ua uma foi ona apo-
apoai atu ia te i latou i upu e tele,
ona oo lea o ia i Eleni. Ua tolu ai 3
ona masina; ua taupulepule foi Iu-
taia ia te ia, ina a folau atu o ia i
Suria; ona loto lea o ia e toe foi
ma ui ane i Maketonia. O lana au 4
malaga e o ma ia i Asia, o Sopata le
Perea, o Aritako ma Sekuno, o Tes-
salonia ia; ma Kaio le Teipe, ma
Timoteo; i le ma Tuiko ma Tofimo,
o Asia ia. Na muamua atu i latou 5
nei, ma faatali mai ia te i matou i
Teroa. Ua mavae foi aso o areto e 6
le faafefeteina, ona matou folau atu
lea nai Filipi, ua oo ia te i latou i le
po lima i Teroa; e po fitu o matou
o nonofo ai. O le uluai aso o le 7
vaisapati, ua faapotopotoina ai le
au soo e tofitofi le areto, ua lauga
atu Paulo ia te i latou, o le a alu o
ia i le taeao; ua faalevaleva foi e ia
lana lauga ua oo i le tulua o po. 8
Ua tele foi lamepa i le afeafe aupi-
toaluga ua faapotopototo ai i latou.
Sa nofo foi le tasi taulealea, o Euti- 9
ko le igoa, i le faamalama, ua maua
e le moe gase; ua loa foi le lauga a
Paulo, ua oo lava ia te ia le moe,
ona paū ifo lea o ia mai luga i le
tolu o pae o le fale, ua sii ae foi o
ia ua oti. Ona alu ifo lea o Paulo, 10
ua faā i luga ia te ia, ua fusi foi ia
te ia, ma fai atu, Soia le fetagisi,

- 11 auā o loo ia te ia lona ola. Ua toe alu ae foi o ia i luga, ua tofitofi le areto, ma ua 'ai, ma ua talatala leleva ua oo ina ao, ona alu lea o ia.
- 12 Ua au mai foi e i latou le tama ua ola, ua matuā faaolioliteleina ai i latou.
- 13 Ua matou muamua foi i le vaa, ua matou folau atu i Aso, a matou talia mai ai Paulo; auā na faapea
- 14 ona saunia e ia, a ui a uta o ia. Ua fetalai foi o ia ma i matou i Aso, ona matou talia lea o ia, ona oo lea
- 15 i Metulene. Ua toe folau atu ai, ua oo i matou i le taeao i gatai o Kioi; ona matou oo atu lea i le tasi aso i Samo; ua nonofo i matou i Tokulio, ona oo lea o i matou i le
- 16 isi aso i Meleto. Auā ua manatu Paulo e folau loa e le afe i Efeso, ina ne'i faalevaleva o lona nofo i Asia; auā o loo faavave o ia, pe mafai ona oo i Ieruselema i le aso Penetekoso.
- 17 Ua naunia atu foi e ia nisi nai Meleto e o i Efeso, e aami toeaia o le ekalesia. Ua oo mai i latou ia te ia, ona fai atu lea o ia ia te i latou, Ua outou iloa, talu le aso na ou faatoa sau ai i Asia, o la'u amio i tausaga uma ina o ou ia te outou,
- 19 na ou auaina i le Alii ma le loto maulalo lava, ma le maligi tele o loimata, ma faaososoga na oo ia te au ona o le taupulepulega a Iutaia; ma lo'u lei natia se mea aoga, ina ne'i le faailoa atu ma a'oa'o atu ia te outou i luma o le nuu, atoa foi
- 21 ma lea fale ma lea fale, ua ou molitino ia Iutaia atoa ma Eleni le salamo i le Atua, ma le faatuatua i lo tatou Alii o Iesu Keriso. Faauta foi, ou te alu nei, ua tinoū le loto, i Ieruselema, ou te le iloa se mea e
- 23 oo mai ia te au i lea mea; na o lenei, o loo molitino mai e le Agaga Paia i lea aai ma lea aai, o loo faapea mai, ua faatali mai nonoaga
- 24 ma puapuaga ia te au. A e ou te le manatua se tasi mea, o lo'u lava ola foi ou te le naunau i ai, se'i ou faauma lo'u momo'e ma le olioli, atoa ma le faiva ua ou maua mai le Alii o Iesu, ou te molitino atu le tala lelei o le alofa tunoa o le Atua.
- 25 Faauta nei foi, o a'u nei ua ou iloa, e le toe iloa lava o'u mata e outou uma sa ou fea'uai ai, ma tala'i le malo o le Atua. O lea ou te ta'utino atu ai ia te outou i lenei lava aso, ou te mamā a'u i le toto o tagata uma. Auā ua ou le natia se mea, ina ne'i le faailoa atu ia te outou le finagalo uma o le Atua. O lenei, ina tausi ia outou ia te outou, atoa ma le lafu mamoe uma lava ua tofia ai outou e le Agaga Paia e fai ma leoleo, ia leoleo atu i le ekalesia a le Atua, ua faatauina e ia mona i lona lava toto. Auā o a'u nei, ua ou iloa lenei mea, pe a mavae ona ou alu, e oo mai ia te outou loko sau o e le faasaoina le lafu mamoe. E tupu mai foi ia te outou lava tagata e tautala mai i mea faapiopio, e fetoso ese ai le au soo ia mulimuli ia i latou. O le mea lea ia outou mataala ai, ma ia manatu e tolu tausaga ou te lei mapu ai i le po ma le ao i lo'u apaopoi atu ma loimata i tagata taitoatasi. O lenei, le au uso e, ou te tuunia atu outou i le Atua, ma le upu o lona alofa tunoa, o le na te mafaia ona ati ae ia te outou, ma foi atu ia te outou le tofi faatasi ma i latou uma lava e ua faapaiaina. Na ou le manao i se ario, po o se auro, po o se ofu o se tasi. Ua outou iloa foi, sa auaina mai nei lima i mea e tatou i lo'u tino, atoa ma e sa ia te au. Ua ou faaali atu ia te outou mea uma lava, ia faapea ona outou galulue ia fesosoani i e ua vaivai e tatau ai, ma ia outou manatu i le afiga a le Alii o Iesu, na fetalai mai e ia, E sili le manuia o le na te foi atu, i le manuia o le na te talia mai. Ua mavae atu ia upu, ona tootuli lea o ia, ma tatalo faatasi ma i latou uma. Ua fetagisi tele i latou uma lava, ma fusi ia Paulo, ma faafeasogi ia te ia. Ua sili lava lo latou tiga i lea upu ua ia fai atu ai, latou te le toe iloa ona mata. Ona momoli lea e i latou ia te ia i le vaa.
- O le malaga a Paulo i Ieruselema; ua puea ai o ia.*
- UA matou te'a ma i latou, ona tuuvaa atu lea ma folau tonu atu i Ko, o le taeao foi ua oo ai i Roto, ora toe o atu ai lea i Patara. Ua maua foi le vaa o le a folau atu i

- Foinie, ona matou o ai lea, ua tuu-
 3 vaa atu. Ua matou iloa atu Kuperu, ma tuanai ane i ai i le itu tauagavale, ona folau atu lea i Suria, ma matou o ae i uta i Turo; auā
 4 e avae ai le uta a le vaa. Ua maua foi e i matou nisi soo, ona matou nonofo ai lea i aso e fitu; ua latou fai mai ia Paulo i le Agaga, aua ne'i alu ae i Ierusalemā. Ua uma ia aso ia te i matou, ona matou o lea, ma o atu; ua momoli i matou e i latou uma, atoa ma avā ma fanau, ua oo i tua o le aai; ona tootuli lea o i matou i le matafaga, ua tatalo.
 6 Ua uma ona taumāvae, ona o ae lea o i matou i le vaa; a ua toe foi atu i latou i o latouū.
 7 Ua matou o mai i Turo ua oo i Tolumai, ua gata ai la matou folau-ga, ona matou fealofani lea ma le au uso, e tasi lo matou aso sa nonofo ai ma i latou. O le taeao ua o atu ai i matou o le au malaga a Paulo, ua oo i Kaisareia; ua matou ulu atu i le fale o Filipo lē folafola le tala lelei, o le tasi o ia o le toa-fitu; ua matou nonofo foi ia te ia.
 9 Sa i lenei tagata afafine e toafa, o
 10 taupou, o e perofeta. Ua tele aso o matou o nonofo ai, ona sau lea o le tasi perofeta mai Iutaia, o Akapo
 11 le igoa. Ua oo mai o ia ia te i ma-tou, ona to ae lea o le fusi o Paulo, ma fusifusi ifo i ona lava lima ma vae, ua fai mai, O loo faapea mai le Agaga Paia, E faapea ona fusifusi i Ierusalemā e Iutaia le tagata e ona lenei fusi, ma latou tuu atu ia te ia i lima o nuu ese. Ua faalogo atu i
 12 matou i na upu, ona aioi atu lea o i matou, atoa ma i latou o lea nuu, e aua le alu ae o ia i Ierusalemā. A
 13 ua tali mai Paulo, Tou te fetagisi ma faatiga tele mai lo'u loto i se a? auā ua ou sauni lava a'u e le gata ina fusifusia, a ia ou oti lava i Ieru-salemā, ona o le suafa o le Alii o
 14 Iesu. Ua le mafaia o ia, ona faa-logolo lea o i matou, ua faapea ane,
 15 Ina faia ia le sinagalo o le Alii. Ua mavae ia aso, ona taoso lea o i ma-tou, ma o ae i Ierusalemā. Ua o
 16 foi ma i matou nisi soo mai Kaisa-reia; ua au mai ma i latou le tasi tagata Kuperu, o Nasona, o le soo mai anamua, matou te api ma ia.
- Ua oo foi i matou i Ierusalemā, 17
 ona talia mai lea o i matou e le au uso ma le fiafia. O le taeao ua o 18
 atu ai Paulo ma i matou ia Iakopo; ua i ai foi toeaia uma. Ua fealo- 19
 fani o ia ma i latou, ona laulau tasi atu lea e ia mea uma lava na faia e le Atua i nuu ese i lana galuega. Ua faalogo ai i latou, ona vivii lea 20
 o i latou i le Alii; ua fai atu foi ia te ia, Lo matou uso e, ua e iloa ia mano e tele o Iutaia ua faatuatua; o loo maelega foi uma lava i latou i le tulafono. Ua talaina oe ia te i 21
 latou, ua e a'oa'o atu ia Iutaia uma i nuu ese ia latou lafoai ia Mose, ua e vavao le peritomeina o a latou fanau, ma le anaana i ia tu. O 22
 lenei, pe faapefea? e faapotopoto mai lava le toatele; auā o le a faa- logo i latou ua e sau. O lenei, e te 23
 faia lenei mea matou te fai atu ai ia te oe; o loo ia i matou tagata e toa- fa ua fai la latou tautoga; ia e faa- 24
 tasi mai ia te i latou, ma ia e faamamā ia te oe faatasi ma i latou, ma e avane ni oloa mo latou, ina ia latou tafi i o latou lauulu, e iloa ai e tagata uma e le moni se tasi mea o ia mea ua talaina ai oe ia te i la- 25
 tou; a ua tusa lau lava amio ma le tulafono. A e peitai o nuu ese e ua faatuatua, ua matou tusi i ai ua 26
 pule atu, aua le anaana i latou i se mea faapea, tau lava ona ia mamā i latou i taulaga i tupua, ma le toto, ma mea ua titina, ma le faitaaga. Ona ave lea e Paulo o ia tagata, o 26
 le taeao foi ua faamamāina ai o ia faatasi ma i latou ua ulufale atu i le malumalu, ua faailoa atu le faa- iuina o aso o le faamamāina seia fai ni taulaga mo i latou, o le tagata ma lana taulaga. Ua tāli uma ona 27
 aso e fitu, ua vaavaai Iutaia mai Asia ia te ia i le malumalu, ona ului atu lea o i latou i le motu o tagata uma, ma latou pue ia te ia, ua alalaga, Sema e, o outou Isara- 28
 elu e, fesoasoani mai ia. O le tama- loia lenei, na te acao atu i tagata uma i mea uma lava ia liliu ese i lenei nuu, ma le tulafono, ma lenei mea; ma ua au mai Eleni i le malu- 29
 malu, ma ua soli e ia lenei mea paia. (Auā na muai iloa e i latou
 ia Tofimo le Efeso sa faatasi ma ia

- i le aai, fa te i latou ua aumaia o ia e Paulo i le malumalu.) Ua vevesi foi le aai uma lava, ua femo'e mai ai le nuu; ua pue foi i latou ia Paulo, ma toso ia te ia i fafo o le malumalu; ona punitia loa lea o faitotoa. O loo naunau i latou e fasioti ia te ia, a ua logo ae i le alii e pule i 'au, ua matuā lolofi mai
- 32 Ierusalem uma lava. Ona au mai loa lea e ia o 'au ma ta'ita'i o toase-lau, ua momo'e ifo ia te i latou; ua latou iloa atu foi le alii e pule i 'au ma 'au, ona tuu lea e i latou o lo latou taufaitu'i ia Paulo. Ona faa-latalata mai lea o le alii e pule i 'au, ua pue mai ia te ia, ma fai ane ia fusifusia o ia i maea uamea se lua; ua fesili mai po o ai o ia, pe se a
- 34 foi le mea ua na faia. Ua alalaga mai foi nisi o le motu o tagata i le tasi mea, ma nisi i le tasi mea; ua le mafai ona iloa e ia le tonu ona o le taalili vale, ona fai ane lea o ia ia ave ia te ia i le 'olo. Ua oo foi o ia i le ala faaapefai, ua iu ina avae o ia e le 'au, ona o le faamalosi mai o le motu o tagata. Auā ua mulimuli mai le motu o tagata, ma alalaga mai, Aveese ia te ia.
- 37 O le a ta'ita'iina Paulo i le 'olo, ua fai atu o ia i le alii e pule i 'au, Pe tusa ona ou fai atu se upu ia te oe? Ua fai mai o ia, Ua e iloa ea le upu Eleni? E le o oe ea lea tagata Aikupito, le na faatupu le fou-vale i ona po ua mavae, ma ta'ita'i tagata faasaua e toafa afe i le vao?
- 39 A ua fai atu Paulo, O a'u lava o le tagata Iutaia, o le Taso i Kilikia, e le se nuu faatauva lo'u nuu; ou te aioi atu foi ia te oe, ia e tuu mai ia te au so'u tautala atu i le nuu. Ua tuu mai foi o ia ia te ia, ona tu lea o Paulo i le ala faaapefai, ua tālo atu lona lima i le nuu. Ua matuā faalologo, ona tautala atu lea o ia i le upu Eperu, ua faapea atu.
- O le lauga a Paulo, ua i'a ai Iutaia.*
- 22 SEMA e, le 'au uso e, ma tamā, faafofoga mai ia i la'u nei faatonu 2 atu ia te outou. (Ua faalogo i la-tou o loo tautala mai o ia ia te i latou i le upu Eperu, ona atili ai lea ona lologo o i latou; ona fai atu 3 lea o ia,) O a'u lava o le tagata Iutaia, na fanau i Taso i Kilikia, na tausia a'u i lenei aai, ua a'oa'oina i le a'oga a Kamalielu i le tonu o le tulafono a o tatou tamā, sa ou ma-elega i la le Atua, pei o outou uma lava i lenei aso. Na ou sau atu i lenei lotu ina ia oti i latou, sa ou fusifusia ma tuuina atu i fale pui-pui o tane atoa ma fafine; pei ona molimau mai foi ia te au nei e le faitaulaga sili, atoa ma toeaina uma; sa ou maua mai ai foi tusi i le au uso, ma ou alu atu i Tamaseko e fusifusi i e o i ai, ma ta'ita'i mai ia te i latou i Ierusalem ina ia faa-salaina i latou. Ua ou alu a'u, ma ua latalata i Tamaseko, o le tutonu o le la ua faafuasei ai ona pupula faataalioho mai ia te au o le mala-malama tele mai le lagi. Ona ou paū lea i lalo i le elelee, ma ou faa-logo atu i le siufofoga, ua faapea mai ia te au, Saulo, Saulo e, se a le mea ua e sau mai ai ia te au? Ona ou tali atu lea, Le Alii e, o ai ea oe? Ua fetalai mai o ia ia te au, O a'u lava o Iesu le Nasareta, ua e sau mai i ai. Ua iloa lava e i latou sa ia te au le malamalama, ua matatau ai; a ua le lagona e i latou le siufofoga o le na fetalai mai ia te au. Ona ou fai atu lea, 10 Le Alii e, se a le mea ou te faia? Ona fetalai mai lea o le Alii ia te au, Tulai ia oe, ina alu i Tamaseko, e ta'uina atu ai ia te oe o mea uma lava ua tofia ia te oe e te faia. Ua 11 ou le toe vaai ona o le pupula o lea malamalama; ona ta'ita'iina ai lea o a'u e i latou sa ia te au, ua ou oo atu i Tamaseko. O le tasi tagata, 12 o Anania, o le tagata amio Atua e tusa ma le tulafono, ma ua ta'u-leleia e Iutaia uma ua mau ai, na sau o ia ia te au, ua tu mai, ma faa-pea mai, Lo'u uso e, Saulo, ina toe vaai ia. Ona ou vaai atu lea ia te ia i lea lava itu aso. Na fai mai 14 foi o ia, Ua tofia oe e le Atua o tatou tamā, ia e iloa lona finagalo, ma e vaaiā lē Amiotonu, ma ia e faalogo atu i lona siufofoga. Auā 15 e fai oe māna molimau i tagata uma lava i ia mea na e vaaiā ma e faalogo i ai. O lenei foi, se a le mea e te faatuai ai? Tulai ia, ma ia papatisoina oe, ma ia fufuluese-

ina au agasala i lou valaau i le
 17 suafa o le Alii. Na ou foi atu i
 Ieruselema, sa ou tatalo i le malu-
 malu, ona faalia mai ai lea ia te au ;
 18 na ou iloa atu o ia ua fetalai mai ia
 te au, Ia vave, ma e taalise alu ese
 i Ieruselema, auā latou te le talia
 19 lau molimau ia te au. Ona ou fai
 atu lea, Le Alii e, ua iloa lava e i
 latou sa ou masani ina tuu i fale
 puipui ma sasa i lea sunako ma lea
 20 sunako i e faatuatua ia te oe ; sa
 maligi foi le toto o lau molimau o
 Setefano, sa tu ai foi a'u, ma loto
 gatasi i lona fasiga, sa ou leoleo foi
 21 i ofu o e na fasioti ia te ia. Ona
 fetalai mai lea o ia ia te au, Alu atu
 ia ; auā o a'u, ou te auina atu oe i
 nuu ese e mamao.
 22 Ua faalogo mai i latou ia te ia ua
 oo i lena upu, ona alalaga mai lea o
 i latou, ua faapea mai, Ave ese ia
 lena tamaloa i le lalolagi ; auā e le
 23 tatau ona ola o ia. O latou o pisa-
 pisao, ma lafo i lalo o latou ofu, ma
 24 lafo ae le efuefu i luga, ua fai atu
 le alii e pule i 'au ia ave ia te ia i le
 'olo, ua fai atu foi ia inoino ia te ia
 ma sasa, ina ia iloa e ia le mea ua
 latou alalaga mai ai faapea ia te ia.
 25 Ua noanoa ia te ia i fusi, ona fai
 atu lea o Paulo i le ta'ita'i o le toa-
 selau o le na tu mai E le ua sa ea
 ia te outou ona sasa le tagata Roma
 26 ua le faasalaina ? Ua faalogo atu
 le ta'ita'i o le toaselau, ona alu lea
 o ia ma ta'u atu i le alii e pule i
 'au, ua faapea atu, Ia oe i le mea a
 o faia ; auā o le tagata Roma lena.
 27 Ona sau ai lea o le alii e pule i 'au,
 ua faapea mai ia te ia, Fai mai ia te
 au, o le Roma ea oe ? Ua fai atu o
 28 ia, E. Ona tali mai lea o le alii e
 pule i 'au E tele tupe na faatau a'i
 e a'u ina ia faia a'u ma tagata o lea
 nuu. A ua fai atu e Paulo, O a'u
 29 na fanau ai. Ona o ese loa lea ia
 te ia o e na fai a inoino ia te ia ; na
 fefe foi le alii e pule i 'au, ina ua
 iloa o le Roma o ia, ma ua na noa-
 noa ia te ia.
 30 O le taeao ua fia iloa ai le faama-
 oni o le mea na molia ai o ia e
 Iutaia, ona tatala lea o ia o ona
 noanoaga, ma poloai atu i faitau-
 laga sili ma la latou fononua ia o
 mai ; ona ta'ita'i ifo lea o ia ia

Paulo, ma tuu atu ia te ia i o latou
 luma.

*O le faamasinoina o Paulo ; o le
 lamalama mai o Iutaia ia te ia.*

ONA matuā vaai lea o Paulo i le **23**
 fononua, ua faapea atu, Le au uso e,
 ua ou matuā faia la'u amio i luma
 o le Atua ma le loto fuaifua ifo e
 lelei, ua oo mai lava i le aso nei.
 Ona fai mai lea o le faitaulaga sili **2**
 o Anania i e ua tutū ane ia po atu i
 lona gutu. Ona fai atu lea o Paulo **3**
 ia te ia, O oe na le pa faasinasinai-
 iua ; o le a po atu le Atua ia te oe ;
 e te nofo ea e faamasino mai ia te
 au e tusa ma le tulafono, a ua e soli
 tulafono i lou fai ane ia po mai ia
 te au ? A ua fai mai e ua tutū **4**
 ane, Ua e faifai ea i le faitaulaga
 sili a le Atua ? Ona fai atu lea o **5**
 Paulo, Le au uso e, ou te lei iloa o
 ia o le faitaulaga sili ; auā ua tusia,
 Aua e te upu leaga i le alii o lou
 nuu. Ua iloa foi e Paulo o satu- **6**
 kaio nisi o i latou, a o faresaio nisi,
 ona alaga lea o ia i le fononua, Sema e,
 le au uso e, o a'u nei o le faresaio,
 o le atalii o le faresaio ; o le faa-
 moemoemo i le toe tu mai o e ua oti
 ua faamasinoina ai a'u. Ua fai atu **7**
 e ia lena upu, ona tupu ai lea o le
 fefinau ai i le au faresaio ma le au
 satukaio ; ona vaeluaina lea o le **8**
 faapotopotoga. Auā e faapea le
 au satukaio, e leai se toe tu mai, e
 leai foi se agelu, po o se agaga ; a
 ua taofi e le au faresaio i mea uma
 e lua. Ua tupu foi le pisapisao **9**
 tele ; ona tutū i luga lea o le au
 tusiupu o le vaega o le au faresaio,
 ua matuā finafinau atu, ua faapea
 atu, Matou te le iloa se leaga i lenei
 tagata ; a e afai ua tautala mai se
 agaga, po o se agelu ia te ia, soia
 tatou te fai taua i le Atua. Ua tele **10**
 lava le fefinau ai, ua fefe foi le alii
 e pule i 'au nei fesaciiaina Paulo e
 i latou, ua fai atu o ia i le 'au tau e
 o ifo, ma toso mai ia te ia nai ia i
 latou, ma ta'ita'i mai i le 'olo. Ua **11**
 oo i le po, ona tu mai ai lea o le
 Alii ia te ia, ua faapea mai, Paulo
 e, ina faalototele ia oe ; auā e pei
 ona e molitino i mea ia te au i
 Ieruselema, e tusa foi ona faapea
 ona e molimau i Roma.

- 12 Ua ao, ona 'au faatasi lea o isi Iutaia ua tuufeaugani i latou, ua faapea, latou te le aai pe feinu seia
- 13 latou fasioti ia Paulo. Ua toafagafulu ma ona tupu o i latou na 'au
- 14 faatasi i lenei augani. Ua o atu i latou i faitaulaga sili ma toeaina, ua fai atu, Ua tuufeaugani i matou i le anatema, matou te le aai lava i sina mea seia matou fasioti ia
- 15 Paulo. O lenei, ia faailoa atu e outou atoa ma le fono i le alii e pule i 'au, ina ia ta'ita'i ifo o ia ia te ia taeao ia te outou, peiseai a outou matuā suesue i mea ia te ia; a o i matou, ua sauniuni i matou e fasioti ia te ia, a o lei latalata o ia.
- 16 Ua lagona e le tama a le tuafafine o Paulo le lamalamaina, ona alu atu lea o ia, ua ulufale i le 'olo, ma ta'u atu ia Pau'o. Ona valaau lea e Paulo i se ta'ita'i o toaselau, ua fai atu i ai, Ta'ita'i atu ia lenei taulealea i le alii e pule i 'au; auā ua ia te ia se mea e ta'u atu ia te ia.
- 18 Ona ave lea o ia ia te ia, ua ta'ita'i atu i le alii e pule i 'au, ua faapea atu, Na valaau mai ia te au e Paulo le ua fusifusia, ua aioi mai ou te ta'ita'i mai lenei taulealea ia te oe.
- 19 Ona tago lea o le alii e pule i 'au i lona lima, ua o ane na o i lava, ma fesili atu, Se a sau mea e ta'u mai ia te au? Ua fai mai o ia, Ua 'au faatasi tagata Iutaia e faatoga atu ia te oe ina ia e ta'ita'i ifo taeao ia Paulo i le fono, peiseai a latou matuā suesue se tasi mea ia te ia.
- 21 A e aua e te ususal atu ia te i latou; auā o loo lamalama mai ia te ia o latou tagata e toafagafulu ma ona tupu, ua tuufeaugani i latou, latou te le aai pe feinu seia uma ona latou fasioti ia te ia; ua sauniuni nei foi i latou, ma ua faatalitali mai i sau fetalaiaga. Ona tuu atu lea e le alii e pule i 'au i le taulealea, ua fai atu ia te ia, Soia e te fai atu i se tagata lava ua e faailoa mai nei mea ia te au. Ua valaau atu foi o ia i ni ta'ita'i o toaselau e toalua, ua fai atu, Ina sauni ia le 'au tau e toalua selau, e o i Kaisareia, ma ē tietie i solofanua e toafitugafulu, ma ē fai tao e toalua selau, i le itu po e tolu; ia sauni foi manu ia latou faatietie ai ia Paulo, ma avatu ia te ia ia saogalemu atu i le alii o Filiki. Ua ia tusi le tusi, ua faapea le upu ua tusia, *O 'au o Kalaotio Lusua*, o loo ou alofa atu i le alii silisili o Filiki. Na puea lenei tagata e Iutaia, na fai a fasiotia e i latou; ona ou tulai atu lea ma le 'au tau, ma laveai ia te ia, na ou iloa o le Roma o ia. Ua ou fia iloa le mea na molia ai o ia e i latou, ona ou ta'ita'i ifo lea ia te ia i la latou fono; ona ou iloa lea o suega i la latou tulafono na molia ai o ia; a ua leai lava se mea na molia e tatou ona oti ai, pe fusifusia ai o ia. Ua faailoa mai foi ia te au o le a oo le pule a Iutaia i le tagata, ona ou auina atu loa lea o ia ia te oe, ma poloai atu i e na ta'ua mai ia te ia e ta'u atu i ou luma ana mea. Ia e manuia.
- Ona ave lea e le 'au tau ia Paulo, pei ona poloaiina mai ai o i latou, ua momoli atu ia te ia i le po i Anipateri. O le taeao, ua foi mai ai i latou i le 'olo ua tuua e o tietie i solofanua ia o atu i latou ma ia. Ua latou oo i Kaisareia, ona avatu lea o le tusi i le alii, ua tuu atu foi ma Paulo ia te ia. Ua faitau e le alii, ona fesili mai lea po o fea lona nuu. Ua iloa ai foi mai Kilikia o ia; ona fai mai lea o ia, Ou te faalogologo atu ia te oe pe a oo mai e na molia oe. Ona fai atu lea ia leoleoina o ia i le maota o Herota.
- O le molia o Paulo ma lana tali.*
- UA mavae aso e lima, ona alu ifo lea o le faitaulaga sili o Anania, atoa ma toeaina, ma le tasi fai lauga o Titulo *le igoa*, ua latou faaali atu i le alii mea ua ia Paulo. Ua amia o ia, ona afua lea e Titulo ona molia o ia, ua faapea atu, Le alii e Filiki, o loo ia te i matou le filemu tele ona o oe, o loo faia foi mea e 'au tonu lelei i lenei nuu i lau sauniga poto, ua matou tali lelei atu ai i aso uma, ma nuu uma, ma le faamanū tele atu. A e peitai ina ne'i ou faalavelave pea ia te oe, ou te aioi atu, se'i e faafofoga mai i lou alofa ia te i matou nai upu itiiti. Auā ua maua e i matou lenei tagata o le faasoesa, ma le faatupu le fouvale i tagata Iutaia ua e le lalolagi

uma, ma le ta'itafi i le itu aiga o le
 6 au Nasareta; na taumafai foi o ia e
 soli i le malumalu; ua matou pue
 atu foi ia te ia, na fai a matou faa-
 masino ia te ia e tusa ma la matou
 7 tulafono; a ua oo ane Lusía le alii
 e pule i 'au, ma ave ia te ia ma le
 faamalosí tele nai o matou lima.
 8 Na poloi atu o ia ia te i latou e na
 molía o ia e o mai ia te oe; o lou
 faamasino ia te ia e mafai ai ona e
 silafia lelei mea uma lava ua matou
 9 molía ai o ia. Ua 'au faatasi ai
 tagata Iutaia, ua fai atu, ua faapea
 lava na mea.
 10 Ua geno mai le alii ia Paulo e fai
 mai, ona tali atu lea o ia, Ua ou
 iloa ua tele tausaga o ē faamasino ai
 i lenei nuu, ua atili ai lo'u fiafia e
 11 faatonuina atu a'u mea; auā ua
 mafai ona e silafia, ua na o aso e
 sefulu ma le lua talu ona ou alu ae
 12 i Ierusalemā e tapuai. Na le maua
 foi a'u e i latou i le malumalu, po o
 sunako, po o le aai, o finau ma se
 tasi, po o faanununu i le motu o
 13 tagata; latou te le mafaia foi ona
 faamaoni o ia mea ua latou molía ai
 14 a'u. A ou te ta'utino atu lenei mea
 ia te oe, ou te auauna i le Atua o
 matou tamā, e tusa ma le lotu ua
 ta'ua e i latou o le *lotu ua vavae*; o
 loo talitonu i mea uma lava ua tusia
 i le tulafono atoa ma le au perofeta;
 15 o loo ia te au le faamoemoe i le
 Atua, ua taofia foi e i latou nei, o le
 a toe tutū mai e ua oti, o e ua amio-
 16 tonu atoa ma e ua amioletonu. O
 le mea lea ou te taumafai ai a'u, ina
 ia maua e a'u le loto fuatia ifo e
 lelei i le Atua atoa ma tagata, e le
 17 aunoa. Ua mavae tausaga e tele,
 ona ou alu lea e avatu mea alofa i
 18 lo'u nuu atoa ma taulaga. A o
 faia ia mea, ua iloa a'u e nisi tagata
 Iutaia mai Asia, ua faamamāina a'u
 i le malumalu; ua le nūnu mai
 19 tagata, ua leai se pisao. E tusa pe
 ana iinei o i latou i ou luma, ia
 molía a'u, pe a na i ai sa latou mau
 20 ia te au. A leai, se'i fai mai lava i
 latou nei, pe na iloa e i latou sa'u
 amioletonu, ina o ou tu i luma o le
 21 fono. Pe na o lea upu e tasi, na ou
 alaga atu ai ina o ou tu i o latou
 luma, O le toe tu mai o e ua oti ua faa-
 masinoina ai a'u e outou i le aso nei.

Ua faalogo Filiki i nei upu, ona 22
 faatuai mai lea o ia ia te i latou, ina
 ua iloa lelei e ia le uiga o lea lotu,
 ua faapea atu, Pe a maliu mai le
 alii e pule i 'au, o Lusía, ou te
 matuā suesue i a outou mea. Ua 23
 na poloi atu foi i le ta'itafi o le
 toaselau e leoleo atu ia Paulo, a ia
 faalualuai, ma ia aua le vavao atu i
 se tasi o lona aiga e auauna atu, pe
 alu atu ia te ia.

Ua mavae isi aso, ona o mai lea o 24
 Filiki ma Tusila lana avā, o le fafine
 Iutaia, ma ua aami mai ia Paulo, ia
 faalogo mai ia te ia i le *mataupu* a le
 faatuatua ia Keriso. Ua lauga atu 25
 o ia i le amiotonu, ma le le gaōiā,
 ma le faamasinoga atali, ona gatete
 ai lea o Filiki, ua fai mai, Se'i e alu
 atu i le aso nei, seia ou maua foi se
 aso e aunoa, i lo'u toe aami atu ia te
 oe. Ua faamoemoe foi o ia i ni tupe 26
 e foaiina atu e Paulo māna, ina ia
 tuu atu ai ia te ia e alu; o le mea
 lea ua atili ai ona aami soo ia te ia,
 ma tautala ma ia. A ua mavae tau- 27
 saga e lua, ona suia lea o Filiki e
 Pokio Feso; ua loto foi Filiki e faa-
 fiafia ia Iutaia, ona tuu lea e ia ia
 Paulo o fusifusia.

O le molía o Paulo i luma o Feso.

UA oo foi Feso i lona itu malo, 25
 ua mavae aso e tolu, ona alu ae lea
 o ia nai Kaisareia i Ierusalemā.
 Ona faailoa atu lea ia te ia e le 2
 faitaulaga sili ma alii o Iutaia ia
 Paulo, ua ole atu foi i latou ia te ia,
 ma latou aioi ia alofa mai i mea o ia 3
Paulo, ia aami atu ia te ia e sau i
 Ierusalemā; o lamalama i latou e
 fasioti ia te ia i le ala. A ua tali 4
 mai Feso, e leoleoina Paulo i Kaisa-
 reia, a o ia, e le pine ona alu atu i
 ai. Ua na fai atu foi, Ia o ifo ni o 5
 outou alii, ma latou molía lenei
 tagata, pe afai o i ai se mea. Ua 6
 nofo foi o ia ia te i latou i aso e
 sefulu ma ona tupu, ona alu ifo lea
 i Kaisareia; o le taeao ua nofo ai o
 ia i le nofoa faamasino, ma fai atu
 ia ta'ita'ina mai Paulo. Ua oo mai 7
 o ia, ona vagavagai ai lea o Iutaia o
 e na o mai i Ierusalemā, ua molía
 Paulo i mea e tele ma le mamafa, ua
 latou le mafaia ona faamaoni. Ua 8
 faatonu e ia ia ia, *ua faapea atu*, Ua

ou le agasala lava i le tulafono o Iutaia, po o le malumalu, po o Kaisara. A o Feso, ua loto o ia e faafiafia atu i tagata Iutaia, ua fai mai ai o ia ia Paulo, ua faapea mai, Ua e loto ea ina e alu ae i Ierusalem, ia faamasinoina ai oe i nei mea i o'u luma? Ona fai atu lea o Paulo, O loo tuu nei a'u i luma o le nofoa faamasino o Kaisara, e tatau ona faamasinoina ai o a'u; ua ou le faia lava se mea le tonu ia Iutaia, ua e matuā silafia lava. Auā afai ua ou amioleaga, po ua ou faia se mea e tatau ona ou oti ai, ou te le musu lava ina ou oti; a e afai e le moni se tasi o ia mea ua latou molia ai a'u, e le mafaia ona tuuina atu o a'u e se tasi ia te i latou. Oute valaau ia Kaisara. Ua fetautalatalai Feso ma ē pule, ona tali mai lea o ia, Ua e valaau ea ia Kaisara? e te alu lava ia Kaisara.

13 Ua mavae isi aso, ona o mai lea o le tupu o Akeripa ma Perenike i 14 Kaisareia e fealofani ma Feso. Ua tele aso o nonofo ai i laua, ona faailoa atu lea e Feso i le tupu le talaia Paulo, na faapea atu, Ua tuu e 15 Filiki le tasi tagata o fusifusia; sa a'u i Ierusalem, foi, na faailoa mai ai e le au faitaulaga sili ma le au toeaina o Iutaia, sa faitoga mai foi 16 ia faasala ia te ia. Ona ou tali atu ai lea ia te i latou, E le o le tu lea a Roma e tuu atu se tasi tagata ia oti, seia fesagai le ua molia ma e na momoli ia te ia, ma ia faitalia o ia ona faatonu mai o le mea ua molia 17 ai o ia. Ua oo mai foi i latou iinei, ua ou le faatua lava, ua ou nofo i le taeao i le nofoa faamasino, ma fai atu ia ta'ita'iina mai le tagata. 18 Na tutū mai e na molia o ia, ua le molimau mai e i latou se tasi o ia 19 mea na ou manatu i ai; a ua molia o ia e i latou i nisi suega i la latou tapuaiga, ma le tasi tagata e igoa ia Iesu, ua oti, ua fai mai Paulo ua 20 ola o ia. Na ou masalo pe faapefea le suega i lea mea, ona ou fesili atu lea, po ua loto o ia ina alu atu i Ierusalem, ia faamasinoina ai o ia 21 i ia mea. Ona valaau atu lea o Paulo ia taofia o ia ina ia faamasinoina e Aokuso; ona ou fai atu lea ia leoleoina o ia, seia ou auina atu o

ia ia Kaisara. Ona fai mai lea o 22 Akeripa ia Feso, Ou te fia faalogo atu foi a'u i lena tagata. Ua fai atu o ia, A taeao e te faafofoga ai ia te ia.

O le taeao foi, ua oo mai ai Akeripa ma Perenike, ma le faalialia tele, ua ulufale i le mea e faalogo ai, atoa ma alii e pule i 'au, ma alii o le aai, ona fai atu lea o Feso, ona ta'ita'iina mai ai lea o Paulo. Ona 24 fai atu lea o Feso, Le tupu e Akeripa, atoa ma outou alii uma o tatou o faatasi nei, ua outou silasila i lena tagata, ua aiai mai ai ia te au le nuu uma o Iutaia i Ierusalem, atoa foi ma iinei, ua alalaga mai e le tatau ona toe ola o ia. A o 25 a'u ou te le iloa se mea ua na faia e tatau ai le oti, ua valaau foi e ia nei lava ia Aokuso, ua ou manatu ai e momoli atu ia te ia. Ua leai foi se mea ua ou mautinoa ia te ia e tusi atu ai i le alii. O le mea lea ua ou ta'ita'i mai ai ia te ia i o outou luma, amaise oe na le tupu o Akeripa, ina ia ou maua se mea e tusi atu ai, pe a uma ona faamasinoina. Auā o 27 lo'u manatu e le tusa ona momoli atu o se tagata o fusifusia, a e le faailoa atu o mea ua ta'ua ia te ia.

O le lauga a Paulo i luma o Feso ma Akeripa.

ONA fai mai lea o Akeripa ia 26 Paulo, Faitalia oe ona e faatonu mai ia te oe. Ona faaloaloa atu lea e Paulo lona lima, ma faatonuina atu o ia e ia. Le tupu e Akeripa, 2 ou te manatu ou te manuia ina a ou faatonuina atu ia a'u nei i ou luma i lena aso, i mea uma ua molia ai a'u e Iutaia; amaise ua e silafia i tu ma suega uma lava o loo ia Iutaia. O le mea lea ou te aiai atu ai ia te oe ia e faafofoga mai ia te au ma le onosai. Ua iloa e Iutaia uma la'u amio 4 sa faia talu ina o ou itititi, i lo'u lava nuu o i Ierusalem, talu i le amata; ua latou iloa foi a'u nei talu 5 mai anamuā, pe afai ana fia molimau mai i latou, o le itu aiga e matuā faigata o la tatou tapuaiga sa ou i ai a'u o le faresai. Ua 6 fonotia nei foi a'u ona o le faatua-tuaga na folafolaina e le Atua i o tatou tamā; o loo faamoemoe i ai o 7

- tatou itu aiga e sefulu ma le lua, ma latou auaua ma le naunau i le po ma le ao, ina ia latou maua. Le tupu e Akeripa, ona o lea faamoe-moe ua molia ai a'u e Iutaia. Afai ua toe faatuina mai e le Atua e ua oti se a le mea ua outou manatu ai e le mafai ona talia o lea mea? O au nei foi, na ou manatu ifo e tusa ona ou faatu'ieseina o mea e tele i
- 10 le suafa o Iesu le Nasareta. Sa ou fai ai foi i Ierusalem; na ou mata foi le pule mai le au faitaulaga sili, ona ou puipuia lea o le au paia e toatele i fale puipui; na fiasiotia foi
- 11 i latou, ua ou faapoopoo i ai. Na ou tau'i soo atu foi ia te i latou i sunako uma lava, ma ou tauanau atu ai ia latou upu leaga ia Iesu; na ou faavalemalosi atu foi ia te i latou, ua ou saua atu ua oo lava i
- 12 aai ese. O mea ia, le tupu e, na ou alu atu ai i Tamaseko ma le pule ma le feau mai le au faitaulaga sili,
- 13 o le tutonu o le la, na ou iloa atu ai i le ala le malamalama mai le lagi, ua sili lona pupula i le la, ua pupula faataaliolio mai ia te au ma
- 14 la matou au malaga. Ua pauu i matou uma i lalo i le-eleele, ona ou faalogu atu lea i le siufofoga ua fetalai mai ia te au, ua faapea mai i le upu Eperu, Saulo, Saulo e, se a le mea ua e saua mai ai ia te au? o le mea faigata ia te oe ona e aa i
- 15 tui. Ona ou fai atu lea, Le Alii e, o ai ea oe? Ona fetalai mai lea o
- 16 ia, O a'u o Iesu ua e saua i ai. A e tulai ia i luga o ou vae; auā o le mea lea ua faaali ai a'u ia te oe, ia tofia oe e fai ma auaua ma moli-mau i mea ua e vaaiā, atoa ma mea
- 17 e toe faaali ai a'u ia te oe; ma ou laveai ia te oe ai le nuu nei, atoa ma nuu ese, ou te auina atu ai nei oe,
- 18 e faapupula i o latou mata, ia liliu mai mai le pouliuli i le malamalama, mai le pule foi a Satani ia liliu i le Atua; latou te maua ai le faamagaloina o agasala, ma le tofi faatasi ma i latou ua faapaiaina i le faatuatua ia te au. O lenei, le tupu e Akeripa, na ou le augata i le faa-
- 20 aliga mai le lagi; a ua ou muai folafola atu ia te i latou i Tamaseko, atoa ma Ierusalem, ona oo lea i le nuu uma lava o Iutaia, atoa ma nuu
- ese, ina ia salamo i latou, ma liliu mai i le Atua, ma ia latou faia amio e tatau ma le salamo. Ona o nei 21 mea ua pue mai ai Iutaia ia te au i le malumalu, ma latou taumafai ona fiasioti ia te au. O lea foi na maua ai e a'u le fesoasoani mai le Atua, ou te tumau ai ua oo i lenei aso, o loo molimau i tagatānuu ma alii, ou te le fai atu se tasi mea na o ia mea ua ta'u mai e le au perofeta ma Mose o le a taunuu; e tiga 23 le Keriso, e muai toe tu mai foi o ia i e ua oti, ma folafola e ia le malamalama i le nuu nei atoa ma nuu ese.
- Ua faapea ona faatonuina atu o 24 ia, ua fai mai ai Feso ma le leo tele, Paulo e, ua e valea; o le tele o lou sue i tusi ua avea ai oe ma vale. A 25 ua tali atu o ia, Le alii e Feso, ou te le valea, a ou te tautala atu i upu moni ma le faautauta. Auā o loo 26 silafia e le tupu nei mea ou te tautala faamalosi atu nei i ai; auā ua oo iloa lelei ua le lilo se tasi mea o ia mea ia te ia; auā na le faia faalilolilo lenei mea. Le tupu e Ake- 27 ripa, ua e talitonu ea i le au perofeta? Ua ou iloa lava ua e talitonu. Ona fai mai lea o Akeripa ia Paulo, o se mea itiiti ona e faaliliuina lea o a'u e fai ma Kerisiano. Ona fai atu 29 lea o Paulo, Ou te aioi atu lava i le Atua, ia le o se mea itiiti, po o se mea tele, a ia pei o a'u nei, e le na o oe, a e atoa foi ma e o faafofoga mai uma lava ia te au i lenei aso, ia faapea lava outou, a e tuu pea ia o nei fusi. Ua faapea atu o ia, ona 30 tulai lea o le tupu ma le alii, ma Perenike ma e sa unono ma i latou. Ua o ane i latou, ona fetautalatalai 31 lea, ua faapea ane, Ua le faia e lenei tagata se mea e tatau ai le oti, po o le fusifusia. Ona fai atu lea o 32 Akeripa ia Feso, Ana le valaau lenei tagata ia Kaisara, po ua mafai ona tuu atu ia te ia e alu.

O le folauga a Paulo i Roma.

UA tuu ina a folau atu i matou i 27 Italia, ona latou tuuina atu lea o Paulo ma isi tagata o fusifusia i le ta'ita'i o le toaselau, o Iulio le igoa, o i le 'au a Aokuso. Ona o ae lea o 2 i matou i le vaa Afamutiu, ma tuu-

- vaa atu, a folau ane i nuu o Asia; sa faatasi foi ma i matou o Aritako
 3 le Maketonia mai Tesalonía. O le taeao foi ua o ae ai i uta i matou i Saitonu. Ua agalelei mai foi Iulio ia Paulo, ma tuu atu ia te ia e alu i ana uo e tali i o latou alofa mai.
 4 Ua tuuvaa atu ai foi, ma matou folau faatafatafa ane i Kuperu, ina ua matagi vale. Ua uma ona folau i le vasa faa-Kilikia, ma faa-Pafulia, ona oo lea o i matou i Mura, o i
 6 Lukia. Ua maua ai foi e le ta'itafi o le toaselau le vaa Alesania o le a folau atu i Italia; ua na tuu atu i
 7 ai i matou. Ua telegese ona matou folau ua tele aso, na fai a le oo i matou i gatai o Nitoi, ina ua le mafai i le matagi, ona matou folau atu lea i Kereta, i gatai o Salamone;
 8 se manū a le tuuna lea i tua, ona matou oo lea i le mea e igoa i Ava matagofie; e latalata i ai le aai o
 9 Lasea. Ua uma aso e tele, ma ua oo i ona po e afatia ai folauga, ua mavae foi po o le anapogi, ona apopoi atu lea o Paulo ia te i latou,
 10 ua faapea atu Alii e, o lo'u manatu o le a tele le leaga ma māumau o mea i lenei folauga, e le gata i le uta ma le vaa, a e atoa ma o tatou
 11 ola. A ua usiusitai le ta'itafi o le toaselau i le tautai ma le alii e ona le vaa, a e lei *usiusitai* i upu a Paulo,
 12 Ua le lelei foi le taulaga e nonofo ai vaa i le tausaga e afā ai, ona fai mai lea o le manatu o le toatele e tuuvaa atu ai, ma taumafai pe oo i Foinie e nofo ai i le tausaga e afā ai; o le taulaga lea i Kereta, e feagai ma sisifo i le itu i toga, e feagai
 13 foi ma sisifo i le itu i matu. Ua agi mālīe mai foi le toga, fa te i latou ua maua lo latou manatu, ona tuuvaa lea, ma folau ane e latalata
 14 i Kereta. Ua le pipine ona pesi mai ai o le afā tetele, o Eurokuto le
 15 igoa. Ua avea le vaa, ma ua le mafai ona faasaga i le matāmatagi, ona matou tuu atu ai lea, ma ua
 16 lelea. Ua lelea faatafatafa ane i le tasi motu itiiti, o Kalāuta le igoa, na fai a le mafai ona mautaoifi e i
 17 matou i le tulula; ua sisi ai i luga e i latou; ona fai lea e i latou ni togafiti, ma saisai ifo le vaa; ua fefefe foi nei lafoia i le oneone feaveai,
 ona latou tuu ifo lea o mea i luga o le fanā, ona lelea ai lea. Ua matuā 18 felafoaiina i matou i le afā, ona lafoai lea e i latou i le taeao *le uta*; o le aso tolu ua matou lafoai ai i o
 19 matou lava lima le vao mea na i le vaa. Ua tele aso o le iloa ai le la
 20 po o fetu, ma ua to ifo le afā tele ia i matou, ona iu lea ina aveesea uma lava o lo matou faamoemoe i le ola.
 Ua leva foi le le manatu i mea e 21 'ai, ona tu atu lea o Paulo ia i latou, ua fai atu, Alii e, ua tatau pe ana outou usiusitai mai ia te au, ma le le tuuvaa mai i Kereta, ona le mativa ai lea o outou i lenei leaga ma nei mea ua māumau. O lenei foi, 22 ou te apoapoi atu ia te outou ia outou faamalosi; auā e lei so outou ola e māumau, na o le vaa. Auā sa tu mai ia te au anapo le 23 agelu a le Atua, e ona a'u, ou te auaua i ai, ua faapea mai, Paulo e, 24 aua e te fefe; e tatau ona e tu i luma o Kaisara; faauta foi, ua foi atu e le Atua ia te oe o i latou uma ua folau ma oe. O lenei, alii e, ia 25 outou faamalosi; auā ou te talitonu i le Atua, o le a faapea lava pei ona fetalai mai ai ia te au. A e ao ina 26 lafoia o i tatou i le tasi motu. Ua 27 oo foi i le sefulu ma le fa o po, o loo felafoaiina i matou i le vasa Ateria, o le tulua o po ua masalo ai tautai ua latou faalatalata atu i se nuu; ona fuatia ifo lea, ua iloa ai ua lua-fulu gafa; ua faaitiiti atu, ona toe fuatia ifo lea, ua iloa ai ua sefulu ma le lima gafa. Ona fefefe lea 29 nei lafoia i se gaoā, ona lafo ifo lea e i latou o taula e fa i le taumuli, ma ua tatalo i latou ina ia ao. Ua 30 manatu le auvaa e sosola ese i le vaa, ma ua tuuina ifo le tulula i le sami, peiseai a latou ave ifo ni taula i le taumua; ua fai atu Paulo i le 31 ta'itafi o le toaselau ma tagata tau, Afai e le tumau i latou na i le vaa, e le mafai ona faaolaina o outou. Ona vavae ese lea e tagata tau o 32 maea o le tulula, ua tuu atu ia tafea.
 A o lei oo i le ao, ua aiioi atu ai 33 Paulo ia te i latou uma e aai, ua faapea atu, O le sefulu ma le fa lenei o aso ua outou faatalitali ai ma le le manatunatu lava i mea e

- 34 'ai, ua le aai foi sina mea. O le mea lea ou te aioi atu ai ina ia outou aai; auā e aoga lea tou te ola ai; auā e leai se laulu o outou ulu e paū. Ua fai atu ia upu, ona tago lea o ia i le areto, ma faafetai atu i le Atua i luma o i latou uma, ona tofofi lea e ia, ma afua ona 'ai.
- 36 Ona faamalosi ai lea o i latou uma
- 37 lava, ona aai ai lea o i latou. E toalua selau ma le toafitugafulu ma le toaono tagata, o i matou uma
- 38 lava e na i le vaa. Ua maona i le mea e 'ai, ona latou faamāmā lea i le vaa, ua lafo ifo le saito i le sami.
- 39 Ua ao, ona le iloa lea e i latou le igoa o le nuu; a ua latou iloa atu le tasi faga oneone, ua latou manatu, pe mafai ona faaoso i ai o le
- 40 vaa. Ona latou sala ese lea o taula, ma tuu atu i le sami, ma tatala fusi o foeuli, ua sisi le la taumua i le matagi, ma faasaga i le matāfaga.
- 41 Ua lafoai foi i le totolo oneone, ona to'a ai lea o le vaa, ona pipii mau lea o le taumua, ma ua mausali lava; a ua malepe le taumuli i le malosi o
- 42 le galu. Ua pule tagata tau ia fasiotia e ua fusifusia, ne'i aau atu se
- 43 tasi ma sola. A ua lotō le ta'ita'i o le toaselau e faaola ia Paulo, ua vavao atu ai e ia la latou pule; ma ua fai atu i e ua iloa feausi e muai fesofoi ifo, ma o atu i uta; a o e totoe, o isi i luga o laupapa, ma nisi i luga o mea sa i le vaa. Ua iu ina sao uma atu ai i uta.

Ua alofaina Paulo e le nuu o Melita; ua oo atu i Roma.

- 28 UA sao atu i latou, ona iloa lea o Melita le igoa o le motu. Ua maeu lava le alolofa mai o le nuu ese ia i matou; auā ua latou tafu le afi, ma talia mai i matou uma lava, ona o le uaga ua to ifo, ma le maalili.
- 3 Ua faaputu e Paulo le avegāfasi, ma faaee i le afi, ona sau ai lea o le gata uogo ona o le vela, ma pipii
- 4 i lona lima. Ua vaai mai le nuu ese i le mea feai o tautau ifo i lona lima, ona fetautalatalai lea o i latou, O le fasioti tagata lava lena, e ui lava ina ua sao o ia mai le sami, a e le mafai i le toasa ona ola o ia.
- 5 A ua lulu atu e ia le mea feai i le
- 6 afi, ua le lagona se leaga. Ua faa-
- tali i latou fa'i e fulafula, pe paū i lalo ma lipiola; a ua leva ona latou faatali, ma ua iloa atu ua le oo se mea leaga ia te ia, ona liliu lea o latou manatu, ua faapea ane, o se atua lava ia. Ua latalata i lenei mea fanua o le alii o le motu, o Popilio le igoa; ua na talia i matou, ua matou api i lona fale, ua agalelei mai o ia i aso e tolu. Ua taoto foi le tamā o Popilio i le ma'i vela ma le sana toto; ua alu atu Paulo ia te ia, ma ua tatalo, ona faaee lea e ia o ona lima i luga ia te ia, ua faamalolo ai ia te ia. Ua faia foi lenei mea, ona o mai ai lea o e na mama'i uma lava i le motu, ma ua faamaloloina. Ua latou alolofa mai foi ia i matou i mea lelei e tele; ua oo ina a matou tuuvaa atu, ua faaee e i latou i luga o le vaa o mea e aoga.
- Ua mavae masina e tolu, ona matou tuuvaa atu lea i le vaa Alesania, sa i le motu i le tausaga e afā ai, o lona faailoga o Seukuroi. Ua o ae i uta i Surakusa, ona matou nonofo ai lea i aso e tolu. Ona folau faatatafatafa ane ai lea, ua oo i gatai o Rekiu; ua mavae ai foi le aso e tasi i le agi mai ai le toga, ona oo lea o i matou i le aso lua i Puteoli. Ua iloa ai ni o matou uso, ua pulutia ai i matou e nonofo ma i latou i aso e fitu; ona o atu lea o i matou i Roma. Ua logona le tala ia i matou e le au uso o i ai, ona latou o mai lea e faafetaiai mai ia i matou, ua oo mai lava i Apio Fero, ma Fale faata e tolu; ua vaai atu Paulo ia te i latou, ona faafetai lea i le Atua, ma loto tele ai.
- Ua oo i matou i Roma, ona tuu atu lea e le ta'ita'i o le toaselau i e ua fusifusia i le alii e pule i 'au; a ua tuu atu o ia ia Paulo e nofo i lona lava fale ma se tagata tau e leoleo ia te ia. Ua mavae aso e tolu, ona faapotopoto mai lea e Paulo alii o Iutaia; ua potopoto mai, ona fai atu lea o ia ia te i latou, Sema e, le au uso e, e ui lava ina ou lei faia se mea faaletatau i le nuu ma le tu o tatou tamā, na tuuina atu a'u o fusifusia mai Ierusalem i lima o Roma; ua faamasino mai i latou ia te au, ora

- loto lea e tuuina mai a'u e alu, auā
 19 ua leai sa'u amio e tatau ona ou
 oti ai. A ua faatu'iese mai Iutaia,
 ona le mataofia lea o la'u valaau ia
 Kaisara; a e le o ia te au se mea e
 20 momoli ai lo'u nuu. O le mea lea
 ua ou aami atu ai ia te outou, se'i
 tatou feiloai ma fetautalatalai; auā
 ona o le faamoemoe o Isaraelu ua
 fusifusia ai a'u i lenei maea uamea.
 21 Ona fai mai lea o i latou ia te ia,
 Ua matou le maua ni tusi mai Iuta-
 ia ia te oe, e lei sau foi se tasi o tatou
 uso e tala mai pe fai mai se mea
 22 leaga o ia te oe. A o lo matou
 manao nei, se'i faalogo atu ia te oe
 i lau taofi; auā ua iloa e i matou ua
 talaeseina lena lotu i nuu uma lava.
 23 O le aso na tuu e i latou, ua o mai
 ai tagata e toatele ia te iai lana api;
 ua faamatala atu e ia, ma molitino
 atu i le malo o le Atua ia te i latou,
 ma pulunaunau atu ia te i latou i
 mea ia Iesu, mai le tulafono a Mose
 atoa ma le au perofeta, e afua i le
 24 taeao e oo i le afiafi. Ua talitonu
 foi nisi i upu ua fai atu, a ua le talia
 e nisi. Ua taofi eseese i latou, ona
 o ese lea, a ua uma ona fai atu e
 Paulo le upu e tasi, Ua lelei lava le
 upu na fetalai mai ai le Agaga Paia
 e le perofeta o Isaia i o tatou tamā,
 ua faapea mai, Ina alu ia i lena nuu,
 ma fai atu, O lo outou faalogo e faa-
 logo ai outou, a e le lagona; o lo
 outou vaai foi e vaai ai outou, a e le
 iloa. Auā ua mafafia le lotu o lena
 nuu, ma ua faalogo gata o latou
 taliga i faalogo, ua moeiini o latou
 mata; ne'i vaai o latou mata, ma
 faalogo o latou taliga, ma lagona
 o latou lotu, ma liliuina i latou,
 ma ou faamaloloina i latou. O
 lenei, ia iloa e outou ua molia le
 olataga mai le Atua i nuu ese, latou
 te faalogo ai lava. Ua mavae atu
 ana upu nei, ona o ese lea o tagata
 Iutaia, ua tele ai lo latou fefinauai.
 Ua nofo foi Paulo i tausaga atoa e
 lua i lona fale e totogi, ua na talia
 uma lava e na ulufale ia te ia, ua
 tala'i le malo o le Atua, ma a'oa'o
 atu i mea a le Alii o Iesu Keriso ma
 le faamalosi lava, e lei vaoia.

O LE TUSI A

LE APOSETOLO O PAULO IA

R O M A .

*O le faiva o Paulo ma le uiga o le
 tala lelei; o le malaia o nuu ese i
 le agasala.*

- 1 O A'U o Paulo, o le auauna a
 Iesu Keriso, na valaauina e fai ma
 aposetolo, ua tofia e tala'i le tala
 2 lelei a le Atua, (na ia muai ta'uina
 3 mai e ana perofeta i Tusi paia,) i
 lona Alo o Iesu Keriso lo tatou Alii,
 o le na fanau mai i le aiga o Tavita
 4 i la le tino, o le na faasinotonuina
 mai o le Alo o le Atua o ia ma le
 mana, i la le agaga e paia lea, i le
 5 toe tu mai nai e ua oti; ua matou
 maua mai ia te ia le alofa tunoa ma
 le faiva o le aposetolo, ina ia iu ina

anaana i le faatuaia o nuu uma
 lava, ona o lona suafa; e i ai foi
 outou o e ua valaauina e Iesu
 Keriso. O la'u tusi lenei ia te outou
 uma lava o i Roma, o e ua alofaina
 e le Atua, o e ua valaauina e fai ma
 tagata paia; ia ia te outou le alofa
 tunoa ma le manuia mai le Atua lo
 tatou Tamā, atoa ma le Alii o Iesu
 Keriso.

E muamua ona ou faafetai atu i
 lo'u Atua ia Iesu Keriso, ona o outou
 uma, ina ua ta'ua lo outou faatua-
 tua i le lalolagi uma lava. Auā ua
 silafia mai e le Atua, o ia ou te
 auauna i ai i lo'u agaga, i le tala
 lelei i lona Alo, e le aunoa ona ou

10 ta'uta'ua outou, ua ou aïoi atu ai i
a'u talosaga e fai soo, pe mafai lava
ona ou manuia i le finagalo o le
Atua, ia le pine ona ou alu atu ai ia
11 te outou; auã ou te naunau tele i le
fia feiloai ma outou, ina ia ou avatu
ia te outou se mea alofa i la le
12 Agaga, e faatumauiua ai outou; o
lona uigalenei, ina ia tatou fefaama-
fanafanai i le tatou faatuatua, o
13 outou atoa ma a'u. Le au uso e, ou
te loto ina ia outou iloa, ua tele o'u
manatu ou te alu atu ia te outou, (a
ua taofia a'u ua oo mai i ona po
nei,) ina ia ou maua sina fua ia te
14 outou, faapei o isi nuu. Ua ia te au
mea a Eleni atoa ma nuu ese, o e
15 popoto atoa ma e valelea; o le mea
lea ou te naunau ai, ia ou folafola
le tala lelei ia te outou foi o le Roma.
16 Auã ou te le mā i le tala lelei ia
Keriso; auã o le mana lava lea o le
Atua e ola ai i latou uma o e faa-
tuatua, e muamua le Iutaia, atoa
17 ma le Eleni. Auã ua faaalua mai ai
le amiotonu a le Atua i le faatua-
tua, ina ia faatuatua ai, pei ona
tusua, E ola le tagata amiotonu i le
18 faatuatua. Ua faaalua mai foi le
toasa o le Atua mai le lagi i le amio
faalemataua ma le amio leaga uma
lava a tagata, o e taofi i le upu moni
19 ma le amioletonu. Auã o mea a le
Atua e mafai ona iloa ua faaalua
mai ia te i latou; auã ua faaalua
20 mai e le Atua ia te i latou; auã o
ana mea e le vaaiatalu ona faia o le
lalolagi, e vaaiatava ia i le mafaufau
i mea na faia, o lona mana lava lea
e faavavau ma lona Atua; o lea foi
21 ua le mautali ai i latou. Auã foi
na iloa e i latou le Atua, a ua le
vivii ma faafetai atu ia te ia, ia tusa
i le Atua; a e peitai ua faavale-
leaina i latou i le latou taumasalosa-
loga, ua faapouliuligia foi o latou
22 loto vālea; ua vālea i latou, a o
23 faafiapopoto i latou, ua latou fesui-
iai foi le mamalu o le Atua soifua pea
lava ma le faatagata o le tino o le
tagata iu vale, ma mauu felelei, ma
24 manu vaefa, ma mea fetolofi. O
lea foi na tuuina atu ai i latou e le
Atua i le amio leaga, i le ta'inanau
o latou loto, latou te fefaleagainai
25 o latou lava tino; o i latou ia o e ua
fesuiiai le upu moni i le Atua ma le

upu pepelo; ua latou matatau foi
ma auauna i mea na faia, a ua tuua
o ia na na faia, o ia o lē vīa e faa-
vavau. Amene. O le mea lea na 26
tuuina atu ai i latou e le Atua i
manao e masiasi ai; auã o latou
fafine foi, ua latou fesuiiai le tu e
tatau ma le tu e le tatau; e faapea 27
foi tane, ua tuua e i latou le tu e
tatau i le fafine, ina ua mu i lo latou
femanaoai; o tane ua fefaiiai i latou
i mea e masiasi ai; ua tauia foi i
latou i o latou lava tino e tusa ma lo
latou sese. Ua latou le loto foi e 28
taofi i le mataupu i le Atua, o lea
ua tuuina atu ai i latou e le Atua i
le loto leaga, latou te fai ai mea e le
tusa; o loo tutumu i latou i amio 29
leaga uma lava, o le faitaaga, o le
amio ulavale, o le manumanu, o le
loto leaga; o loo tumu saisai i le
mataua, o le fasioti tagata, o le misa,
o le 'ole'olega, ma le faatātala; o 30
tuaupua i latou, o e fai tala leaga, o
e 'ino'ino i le Atua, o e faasiasia, o
e faasaua, o e faafasilisili, o e fia
fai togafiti i mea leaga, o e le ana-
ana i mātua, o e valelea, o e tuu- 31
mavaega, o e le lotoaiga, o e le
faamolemoleina, ma ē faalealolofa;
o i latou ia ua iloa le tonu mai le 32
Atua, e tatau ai ona oti o e fai mea
faapena, e le gata ona latou faia o
ia mea, a e fiafia lava i latou i e ua
faia.

*Aua le faamauluga nisi, auã o le
faasala tonu a le Atua e oo i ta-
gata uma lava.*

O LE mea lea ua e le mautali ai 2
oe le tagata o lē faasalaina atu, auã
o lou faasalaina atu i se tasi, ua e
faasalaina ai oe e oe; auã o oe lē
faasalaina atu, ua e faia ia lava mea.
2 Ua tatau iloa foi, e tatau lava ma
le upu moni le faasala a le Atua i e
fai mea faapena. Le tagata e, o lē 3
faasalaina atu i e fai mea faapena,
a ua e faia ia lava mea, o lou lea
manatu ea e te sao lava oe i le faa-
sala a le Atua? po ua faatauvaā ca 4
ia te oe le faulai o lona agamalu,
ma lona faapalepale, ma lona onosai,
o loo e le iloa e ta'ita'iina oe e le
agamalu o le Atua i le salamo? a e 5
peitai o lou loto maaa ma le le
salamo, e te faaputu ai ea mo oe le

- toasa i le aso o le toasa ma le faaa-
 6 liga o le faasala tonu a le Atua, o le
 na te tuuina atu le tau i taitasi i
 tagata e tusa ma a latou galuega?
 7 *E tuuina atu foi le ola e faavavaui*
 e tumau pea i galuega lelei, ua latou
 saili ai le viiga, ma le mamalu, ma
 8 le le iu vale; a o le toatamai ma le
 toasa i e finau vale, ma e le gauai i
 le upu moni, a e gauai i le amio
 9 leaga; o le puapuaga ma le atu-
 atuvale itagata uma lava o e fai
 amio leaga, e muamua le Iutaia,
 10 atoa ma le Eleni; a o le viiga, ma
 le mamalu, ma le manuia ia te i
 latou uma o e fai amio lelei; e mu-
 amua le Iutaia, atoa ma le Eleni.
 11 Auā e le faailogaina e le Atua ni
 12 tagata; auā atoa uma e ua agasala
 e le o i ai le tulafono, e fano i
 latou ua le o i ai le tulafono; atoa
 uma foi e ua agasala ua i ai le tula-
 13 fono, e faasalaina i latou i le tula-
 fono; (auā e le ta'uamiotonuina i
 luma o le Atua e ua faalogologo atu
 i le tulafono, a e peitai o e anaana
 i le tulafono, e ta'uamiotonuina i
 14 latou. Auā pe a fai fua e nuu ese e
 le o i ai le tulafono o mea e tusa ma
 le tulafono, e ui ina le o i ai le tula-
 fono, ua avea i latou ma tulafono ia
 15 te i latou; o i latou ia ua iloa mai
 ai le galuega o le tulafono ua tusia
 i o latou loto, e o faatasi ai foi o
 latou loto fuatia ifo, o loo sefaa-
 leagai foi, pe sefaatonuai o latou
 16 manatu;) *a e faasalaina i latou i le*
aso e faamasinoina ai e le Atua e
Iesu Keriso mea lilo a tagata, e tusa
ma la'u tala lelei.
 17 Faauta, ua igoa oe o le Iutaia, o
 loo e faalagolago foi i le tulafono,
 18 ma e mitamita i le Atua, ua e iloa
 foi lona finagalo, ua masino foi ia te
 oe mea uiga eseese, ina ua a'oa'oina
 19 oe i le tulafono; o loo e taofi foi, o
 oe o le ta'itafi o tauaso, o le mala-
 20 malama i e o i le pouliuli, o le a'oa'o
 i e valelea, o le a'oa'o i tama iti, ina
 ua e maua o le tino o le potō ma le
 21 upu moni i le tulafono. Lenei foi,
 o oe lē a'oa'o atu i le tasi tagata, e
 te le a'oa'o ea oe ia te oe? o oe lē
 lauga atu, Aua le gaioi, e te gaioi ea
 22 oe? o oe lē fai ane, Aua le mulilua,
 e te mulilua ea oe? o oe lē matuā
 'ino'ino i tupua, e te faoa ea mea

sa? o ce lē mitamita i le tulafono, 23
 e te faalemigao ea i le Atua i lou
 soli i le tulafono? auā ua upule- 24
 againa le suafa o le Atua talu outou
 i nuu ese, faapei ona tusia. Auā e 25
 aoga le peritome, pe afai e te ana-
 ana i le tulafono; a e afai e te soli
 i le tulafono, ua avea ai lou peri-
 tome ma faaleperitomeina. O lenei, 26
 afai e tausia e le le peritome upu
 tonu o le tulafono, e le ta'uperito-
 meina ea lona le peritome? O le 27
 ua tupu mai foi ma le le peritome-
 ina, a ua anaana lava i le tulafono,
 e faasala e ia ia te oe lē soli i le
 tulafono, ua ia te oe le Tusi ma le
 peritome. Auā e le o le Iutaia le 28
 ua vaaia, e le o le peritome foi le ua
 vaaia i le tino; a e peitai o le ua le 29
 vaaia, o le Iutaia lava lea; o le peri-
 tome foi, ua i le loto lea, o loo i la
 le agaga lea, e le o i la le tusi; o
 lona viiga e le mai tagata, a e mai
 le Atua.

*Ua nofo sala tagata uma; na o e faa-
 tualua e ta'uamiotonuina i latou.*

O LENEI, se a ea se mea e sili ai 3
 le Iutaia? pe aoga i ni a le perito-
 me? E tele lava i mea uma; a e 2
 muamua lenei, ona ua tuuina atu ia
 te i latou o afioga a le Atua. A 3
 faapefea? afai ua le faamaoni nisi,
 pe faaleagaina ea le faamaoni o le
 Atua i lo latou le faamaoni? Aua 4
 ne'i faapea; ia tuu le faamaoni i le
 Atua, a o le pepelo i tagata uma
 lava; pei ona tusia, Ina ia ta'u-
 amiotonuina oe i au afioga, ma ia 5
 e malo pe a faamasinoina oe. A e
 afai e faalitinoina le amiotonu a le
 Atua i la tatou amioletonu, se a ea
 sa tatou upu e fai? Ua amioletonu
 ea le Atua, o le na te tuuina mai le
 toasa? (O upu a tagata ou te fai
 atu ai nei.) Aua ne'i faapea; a 6
 faapea, pe faapefea ona faamasino-
 ina le lalolagi e le Atua? Auā a 7
 faateleina le faamaoni o le Atua e
 tupu ai lona viiga ona o lo'u pepelo
 e faasalaina a'u i se a, pei o se ua
 agasala? A e le se'i faapea ea, (pei 8
 ona upuleagaina i matou, pei ona
 fai ane foi e nisi, ua faapea la ma-
 tou upu.) Ia tatou fai mea leaga,
 ina ia tupu ai mea lelei? E tusa ai
 la latou sala.

9 O lenei, pe faapefea? ua matou
silisili ea? E leai lava; auā ua
uma ona molia e i tatou o Iutaia
atoa ma Eleni, o loo nofo sala i
10 latou uma lava; faapei ona tusia,
E leai sē amiotonu, e leai lava se
11 tasi, e leai se na te lagona, e leai sē
12 saili i le Atua. Ua latou o ese uma
lava, ua leaga faatasi i latou, e leai
se ua amio lelei, ua leai lava se tasi.
13 Ua se tuugamau ua faamaga o la-
tou faai, ua 'ole'ole o latou laulau-
faiva, o i o latou laugutu le mea
14 oona o le asipi. Ua tumu o latou
gutu i le fetuu ma le upu faafusu.
15 Ua tele vavave o latou vae e sasaa ai
16 le toto. O i o latou ala le olopala-
17 ina ma le puapuagatia; ua latou le
18 iloa foi le ala o le manuia. E leai
19 lava so latou mata'u i le Atua. O
lenei, ua tatou iloa, o mea uma ua
fai mai e le tulafono, ua fai mai
lava i e ua i ai le tulafono, ina ia
punitia ai gutu uma lava, ma ia
nofo sala le lalolagi uma i luma o
20 le Atua. Auā e le ta'uamiotonuina
se tagata e toatasi i ona luma i ga-
luega o le tulafono; auā o le tula-
fono e iloa lelei ai le agasala.
21 A o lenei, ua faaalai mai le amio-
tonu a le Atua, e le o i ai le tula-
fono, ua molimau i ai e le tulafono
22 atoa ma le au perofeta; o le amio-
tonu lea a le Atua i le faatuatua ia
Iesu Keriso, e oo i tagata uma, mo
tagata uma foi o e faatuatua; auā
23 e le eseese lava. Auā ua agasala
tagata uma lava, ma ua le oo i le
24 viiga mai le Atua; ua ta'uamiotonu-
ina fua i lona alofa tunoa i le togiola
25 e a Keriso Iesu, o le ua tuuina mai
i luma e le Atua, o le e finagalo
mālie ai i le faatuatua i lona toto;
ina ia faaalitinoina mai lana amio-
tonu i le le tauia o agasala ua ma-
26 vae, i le faapalepale o le Atua; ina
ia faaalitinoina mai *foi* lana amio-
tonu i ona po nei, ina ia iloa ai o ia
o le amiotonu, ma ua ta'uamiotonu-
ina e ia le ua faatuatua ia Iesu. O
lenei, o ifea le mitamita? Ua vaoia.
I se faa tulafono? *o le tulafono* i
galuega ea? E leai, a o le tulafono
28 i le faatuatua. O lenei, ua tatou
taofi, e ta'uamiotonuina le tagata i
le faatuatua, e le o i ai galuega o le
29 tulafono. Na o Iutaia ea e Atua i

le Atua? e le atoa ea foi ma nuu
ese? Ioe, atoa foi ma nuu ese.
Auā foi o le Atua e tasi lava na te 30
ta'uamiotonuina i le faatuatua le ua
peritomeina, atoa ma le ua le peri-
tomeina, ua i ai le faatuatua. O 31
lenei, e faaleaoga ea e i tatou le
tulafono i le faatuatua? Aua ne'i
faapea; a ua tatou faatumauina ai
le tulafono.

*Na ta'uamiotonuina Aperaaamo i le
faatuatua.*

O LENEI, pe se a sa tatou upu i 4
mea na maua i la le tino e lo tatou
tamā o Aperaaamo? Auā ana ta'u- 2
amiotonuina Aperaaamo i galuega, po
ua ia te ia se mea e mitamita ai; a
ua leai i luma o le Atua. Auā se a 3
ea ua fai mai ai le Tusi? Na faa-
tuatua Aperaaamo i le Atua, ona
ta'ua ai lea ia te ia e fai ma amio- 4
tonu. A o le tologi o le faigaluega,
e le ta'ua lea o le alofa tunoa, a o 5
le tau lava. A o le ua le galue, a e
faatuatua i le na te ta'uamiotonu-
ina le ua faalemata'u, ua ta'ua lona 6
faatuatua o le amiotonu. Faapei
ona faaamuia foi e Tavita o le ta- 7
gata ua ta'ua i ai e le Atua le amio-
tonu, e le o i ai galuega, Amuia e
ua faamagaloina o latou solitula- 8
fono, ma ua ufitia a latou agasala.
Amuia le tagata e le ta'usalaina o 9
ia e le Alii. O lenei, *pe gata* ea i
le ua peritomeina lenei faaamuia?
e le oo foi ea i le ua le peritomeina?
Auā ua faapea i tatou, Ua ta'ua le
faatuatua o Aperaaamo o le amio- 10
tonu. Pe na ta'ua ina ua a? ina
ua peritomeina ea o ia, pe lei peri-
tomeina? E lei *ta'ua* ina ua peri- 11
tomeina, a *ua ta'ua* ina ua le peri-
tomeina. Ua na maua foi le faailoga
o le peritome, o le faamaoni mai lea 12
o le amiotonu i le faatuatua a o lei
peritomeina o ia; ina ia avea o ia
ma tamā o e faatuatua uma lava o
e le peritomeina; ia ta'uamiotonu-
ina i latou foi; *ia fai* foi ma tamā 13
o e ua peritomeina, e le gata lava i
e ua peritomeina, a e peitai o e
savavali i tulagāvae o le faatuatua
o lo tatou tamā o Aperaaamo, a o
lei peritomeina o ia. Auā e lei fola-
folaina atu ia Aperaaamo, po o lana
fanau, e fai mona tofi le lalolagi i

- le tulafono, a e maua i le amiotonu
 14 ua i le faatuatua. Auā pe afai ua
 tofia e ua i le tulafono, ua faale-
 aogaina ai le faatuatua, ua faaleiua
 15 foi le folafolaga. Auā o le tulafono
 e tupu mai ai le toasa; auā pe a
 leai se tulafono, ua leai sē soli i ai.
 16 O le mea lea e maua ai i le faatua-
 tua le mea na folafolaina, ina ia
 maua i le alofa tunoa; ina ia tu-
 mau lea i le aiga uma lava, e le tuli
 i le ua i le tulafono a e oo i le ua i le
 faatuatua o Aperamo, o le tamā o ia
 17 o i tatou uma lava, (pei ona tusia,
 Ua ou tofia oe e fai ma tamā o nuu
 e tele,) i luma o le Atua, o lea na ia
 faatuatua i ai, o le faaola o e ua
 oti, ma le na te valaauina mea ua
 18 leai, peiseai ua i ai. Na ia faatua-
 tua ma le faamoemoe, (a ua leai se
 mea e faamoemoe i ai,) ina ia avea
 o ia ma tamā o nuu e tele, pei ona
 fetalai mai, E faapea lava lau fa-
 nau. E lei vaivai foi lona faatua-
 19 tua, e lei manatu foi i lona tino ua
 oti, po ua selau ona tausaga, ma le
 manava foi o Sara ua oti; e lei ma-
 20 salo vale ia ma le le faatuatua i le
 mea na folafolaina e le Atua, a ua
 malosi tele o ia i le faatuatua ua
 21 vivii atu i le Atua, ua na mautinoa
 foi, e mafai ia te ia ona faia o le
 22 mea na folafolaina e ia. O lea foi
 ua ta'ua ai lona faatuatua o le amio-
 23 tonu. A e lei tusia ona o ia lava,
 24 Ua ta'ua ia te ia; peitai ona o i ta-
 tou foi, o le a ta'ua i ai, o i tatou o
 e faatuatua i le na faatu mai i lo
 25 tatou Alii o Iesu nai e ua oti; na
 tuuina mai o ia ona o a tatou aga-
 sala, ma toe faatuina mai ina ia
 ta'uamiotonuina ai i tatou.

O le alofa tunoa na tupu ai le ola.

O Atamu o le faatusa o Iesu.

- 5 O LENEI, ua ta'uamiotonuina i
 tatou i le faatuatua, o lea ua tatou
 lelei ai ma le Atua, ona o lo tatou
 2 Alii o Iesu Keriso; o ia foi ua
 tatou maua mai ai le ta'ita'iga i
 lenei alofa tunoa, tatou te i ai i le
 faatuatua; o loo mitamita foi i ta-
 3 tou ma le faamoemoe i le manuia
 mai le Atua. E le gata foi i lea, a
 ua tatou mitamita foi i puapuaga,
 ina ua tatou iloa o le puapuaga e
 4 tupu ai le onosai, o le onosai e tupu

ai le mautinoa, o le mautinoa e tupu
 ai le faamoemoe; o le faamoemoe
 5 foi e le mā ai, auā ua faamaligi mai
 le alofa o le Atua i o tatou loto e le
 Agaga Paia ua foaiina mai ia te i
 tatou. Auā na malii Keriso i ona
 6 po e tatau ai, ina o vaivai pea i
 tatou, o le sui o ia o e faalematau.
 Auā e toe ina le mafai ona oti o se
 7 tasi e sui a'i le ua amiotonu; a o le
 ua agalelei, atonu pe faamalosi se
 tasi ona oti e sui a'i o ia; a ua faa-
 8 alitinoina mai e le Atua lona lava
 alofa ia te i tatou, ina ua malii
 Keriso ma sui o i tatou, a o tatou
 agasala pea. O lenei, ua ta'uamio-
 9 tonuina nei i tatou i lona toto, e le
 faaolaina ea i tatou e ia ai le toasa
 i se a? Auā afai ua lelei i tatou
 10 ma le Atua i le malii o lona Alo,
 ina o fai i tatou mona fili, e matuā
 faaolaina lava i tatou i lona soifua,
 o i tatou ua lelei ma ia. A e le
 11 gata i lea, a ua tatou mitamita foi i
 le Atua, ona o lo tatou Alii o Iesu
 Keriso, o ia ua tatou maua mai ai
 nei le leleiga.

O lenei, faapei ona oo mai o le
 12 agasala i le lalolagi i le tagata e
 toatasi, o le oti foi ona o le agasala,
 ona oo mai ai lea o le oti i tagata
 uma lava, auā ua agasala uma lava;
 (auā sa i le lalolagi le agasala ua oo
 13 i ona po o le tulafono; a e le tafa-
 salaina pe a leai se tulafono; peitai
 14 na malo le oti, talu ia Atamu e oo
 ia Mose, ua oo lava i e na le agasala
 e pei o le solitulafono o Atamu, o
 le faatusa o ia o lē a malii mai; a
 15 e le pei o le agasala le mea e foai-
 fuaina mai; auā afai ua oti le toa-
 tele i le agasala a le toatasi, e faa-
 silisili lava i le toatele le alofa tunoa
 o le Atua, ma le mea e foaifuaina
 mai i le alofa tunoa, ua i le tagata
 e toatasi, o Iesu Keriso lea. A e le
 16 pei o le toatasi na agasala le mea e
 foaifuaina mai; auā o i le agasala e
 tasi le faasala, e oo ai le sala; a o i
 agasala e tele le mea e foaifuaina
 mai, ina ia ta'uamiotonuina. Auā
 17 afai o le toatasi na malo ai le oti i
 le agasala a le toatasi, o silisili lava
 ona malo ma ola e ua maua le faulai
 mai o le alofa tunoa atoa ma le
 mea alofa o le amiotonu lea, ona o
 le toatasi, o Iesu Keriso.) O lenei 18

foi, faapei ona faasalaina o tagata uma lava i le agasala e tasi, e faapea foi ona ta'uamiotonuina o tagata uma lava i le amiotonu e tasi, 19
 20 *tatou te ola ai.* Auā faapei ona avea ma agasala o le toatele i le le anaana o le tagata e toatasi, e faapea foi ona avea ma amiotonu o le toatele i le anaana o le toatasi. Na faaopoopoina foi le tulafono ina ia faatele ai le agasala; peitai ua sili-sili lava le alofa tunoa, ina o faateleina le agasala. O lenei, e pei ona malo o le agasala e oo i le oti, faapea foi ona malo o le alofa tunoa e le amiotonu e oo i le ola e faavavau, i lo tatou Alii o Iesu Keriso.

Ua fai ma auauna a le amiotonu le ua ta'uamiotonuina i le faatuatua.

6 O LENEI, se a ea sa tatou upu? Tatou te nonofo pea ea i le agasala, ina ia faatele ai le alofa tunoa? 2
 2 Aua ne'i faapea. O i tatou ua oti i la le agasala, pe faapefea ona tatou 3
 3 ola pea i ai? Tou te lei iloa ea, o i tatou nei uma na papatisoina ia Keriso Iesu, na papatisoina i tatou 4
 4 i lona maliu? O lenei, ua tatanu faatasi i tatou ma ia i le papatisoga i lona maliu; ina ia tatou savavali i le ola toefuataiina, pei ona toe faatuina mai o Keriso nai e ua oti, i le 5
 5 mana o le Tamā. Auā afai ua faatasi i tatou i le faatusa i lona maliu, e faapea foi i tatou i lona 6
 6 toe tu mai. Ua tatou iloa lenei mea, na faasatauroina faatasi ma ia lo tatou tagata tuai, ina ia faaumatia ai le tino o le agasala, ina ia le toe faapologaina i tatou i le agasala. Auā o le ua oti ua tuusaunoa 7
 8 ia nai le agasala. Afai foi ua oti faatasi i tatou ma Keriso, ua tatou taofi, tatou te ola foi faatasi ma ia. 9
 9 Ua tatou iloa ua toe tu mai Keriso nai e ua oti, e le toe maliu lava o ia, e le toe pule le oti ia te ia. Auā o lona maliu, ua tasi lona maliu i la le agasala; a o lona soifua, e soifua 11
 11 lava ia i la le Atua. Ia faapea foi la outou taofi, ua outou oti i la le agasala, a ua outou ola lava i la le Atua i lo tatou Alii o Keriso Iesu. 12
 12 O lenei, aua ne'i malo le agasala i o outou tino auga vale, i lo outou 13
 13 gauai i ai i ona tu'inanau; aua foi

ne'i tuuina atu o outou tino i le agasala e fai ma auupega a le amioleaga; a ia outou tuuina atu outou i le Atua, e pei o e ua ola nai e ua oti, ma ia tuuina atu outou tino i le Atua e fai ma auupega a le amiotonu. Auā e le pule le agasala ia 14
 14 te outou; auā ua outou le nonofo i le tulafono, a o le alofa tunoa.

O lenei, pe faapefea? tatou te 15
 15 agasala ea, ina ua tatou le nonofo i le tulafono, a o le alofa tunoa? Aua ne'i faapea. Tou te lei iloa ea, 16
 16 o lē tou te tuuina atu i ai outou e fai ma auauna e anaana i ai, o ana auauna outou tou te anaana i ai, po o le agasala e oo ai le oti, po o le anaana e oo ai le amiotonu? A ia 17
 17 faafetai i le Atua, e ui lava ina fai outou ma auauna a le agasala, a ua outou gauai nei ma le loto i le faa-a'oa'o o le mataupu na tuuina atu ia te outou. Ua tuusaunoa foi outou 18
 18 nai le agasala, a ua fai ma auauna a le amiotonu. O upu a tagata ou te fai atu ai nei, ona o le vaivai o outou tino; auā faapei ona outou tuuina atu o outou tino e fai ma auauna a le amioleaga ma le ulavale, e ulavale ai; ia faapea foi ona tuuina atu nei o outou tino e fai ma auauna a le amiotonu, e iu i le faapaiaina. Auā sa aunoa outou ma le 20
 20 amiotonu, ina o auauna outou i le agasala. Ni a foi ni fua na ia te 21
 21 outou anamua i na mea ua outou mamā ai i nei ona po? Auā o le iuga o ia mea o le oti lea. A o 22
 22 lenei, ua tuusaunoa outou nai le agasala, ma ua fai ma auauna a le Atua, ua ia te outou ni a outou fua e oo ai i le faapaiaina o lona uiga foi o le ola e faavavau. Auā o le 23
 23 oti, o le totogi lea o le agasala; a o le ola e faavavau, o le mea foaifuaina mai lea e le Atua, i lo tatou Alii o Keriso Iesu.

O le taua o manao leaga ma manao lelei.

LE au uso e, tou te lei iloa ea, 7
 (auā ou te fai atu i e ua iloa le tulafono,) e pule le tulafono i le tagata i aso uma e ola ai o ia? Auā o le 2
 2 fafine nofo tane, ua noanoa ia e le tulafono i lana tane a o ola o ia; a e afai ua oti le tane, ona talaina lea

- 3 o ia ai le *tulafono* i le tane. O lenei
fui, afai e nofo tane o ia i se tasi, a
o ola *lana* tane, e ta'ua ia o le muli-
lua; peitai ane, afai ua oti *lana*
tane, ona tuusaunoo lea o ia i le
tulafono; i le, a nofo o ia i se tasi
4 tane e le mulilua ai o ia. E faapea
foi outou o'u uso e, ua oti outou i
la le tulafono, i le tino o Keriso;
ina ia outou nonofo i le tasi, o le
na toe tu mai nai e ua oti, ina ia fua
5 mai ai i tatou ni fua i le Atua. Auā
ua galulue manao leaga talu le tula-
fono, i o tatou tino, ina o i la le
tino i tatou, e fua mai ai ni fua e
6 oti ai; a o lenei, ua tatalaina i tatou
nai le tulafono sa taofia ai i tatou,
ina ua tatou oti, o lea ua tatou
aauana ai i la le agaga fou, a e le i
la le tusi tuai.
- 7 O lenei, se a ea sa tatou upu? O
le agasala ea le tulafono? Aua ne'i
faapea. E moni lava, ana le se
anoa le tulafono, po ua ou le iloa le
agasala; auā ana le fai mai le tula-
fono, Aua e te tu'inanau, po ua ou
8 le iloa le tu'inanau. A ua maua e
le agasala se togafiti i le poloaiga,
ona faatupu ai lea i totonu ia te au
o tu'inanau uma lava. Auā ua oti
9 le agasala, a o leai se tulafono. Sa
ou ola foi anamua, ina ua le oo mai
le tulafono; a ua oo mai le polo-
aiga, ona toe ola mai ai lea o le
10 agasala, ona ou oti lea. Ua iloa foi
e a'u o le poloaiga na *sauina* e ola
11 ai, o lea ua oo mai ai le oti; auā na
maua e le agasala le togafiti, ona
faasese mai ai lea o ia ia te au e le
poloaiga, o lea foi na fasioti ai o ia
12 ia te au. O lenei foi, e paia lava le
tulafono, ma le poloaiga e paia, e
13 tonu, ma ua lelei. Ia, ua avea ea le
mea lelei ma mea e oti ai a'u? Aua
ne'i faapea; a o le agasala, ina ia
14 iloa mai o le agasala lea, o le na te
faatupuina le oti ia te au i le mea
lelei, ina ia iloa i le poloaiga, o le
15 agasala, e matuā agasala lava. Auā
ua tatou iloa o loo i la le Agaga le
tulafono, a o a'u ou te i la le tino,
ua faatauina atu a'u e fai ma tagata
16 o le agasala. Auā ou te le iloa mea
ou te faia; auā o le mea ou te faia
ou te le loto i ai, a o le mea ou te
17 'ino'ino i ai o lea ou te faia. Afai
foi ou te faia le mea ou te loto i ai,
- ma te 'au upu faatasi ma le tula-
fono, e lelei ia. O lenei, e le o a'u
17 e toe faia lea mea, a o le agasala o
loo nofo i totonu ia te au. Auā ua
18 ou iloa e leai se mea lelei ua nofo i
totonu ia te au, o lo'u tino lea;
auā ua ia te au le loto atu, a ou te
lei iloa ona fai o le mea lelei; auā
19 ou te le faia o le mea lelei ou te
loto i ai, a o le mea leaga ou te le
loto i ai, o le mea lea ou te faia.
Afai foi ou te faia le mea ou te le
20 loto i ai, ua le o a'u e toe faia, a o
le agasala o loo nofo i totonu ia te
au. O lenei, ua ou iloa *peiseai* se
21 tulafono ua ia te au; pe a ou loto
atu i le lelei e fai, ua ia te au le
leaga. Auā ou te fiasia i le tula-
fono a le Atua i le tagata i totonu.
A ua ou iloa le tulafono ese i o'u
23 tino, o loo tau le taua i le tulafono
a lo'u mafaufau, ua fai foi a'u ma
tagata o taua i le tulafono a le aga-
sala o loo i o'u tino. Aue o a'u le
24 tagata malaia! o ai sē laveai ia te
au ai le tino o lenei oti? Ou te
25 faafetai lava i le Atua, auā o Iesu
Keriso lo tatou Alii. O lenei foi, o
a'u nei lava ou te auauna i le tula-
fono a le Atua i lo'u mafaufau, a o
le tulafono a le agasala i lo'u tino.
- O le manuia o le tagata ua tu'u-
amitonuina i le faatuatua.
- O LENEI, ua leai se faasala i e o
8 ia Keriso Iesu, o e le savavali i la le
tino, a e i la le Agaga; auā o le
2 tulafono a le Agaga o le ola ua ia
Keriso Iesu ua tuusaunoo mai lea
ia te au nai le tulafono a le agasala
ma le oti. Auā o le mea na le
3 mafaia i le tulafono, ina ua vaivai
ia ona o le tino, ua *faia lea* e le
Atua i lona auina, mai o lona lava
Alo, ua tino tagata agasala, o le
4 *taulaga* foi mo agasala, na ia faasa-
laina ai le agasala i le tino; ina ia
atoatoa ai le amiotonu i la le tula-
fono ia i tatou, o e le savavali i la le
5 tino, a e i la le Agaga. Auā o e i
la le tino e loto atu i latou i mea a
le tino; a o e i la le Agaga e loto
6 atu i mea a le Agaga. Auā o le
loto i la le tino o le oti lea; a o le
loto i la le Agaga o le ola lea ma le
7 manuia; auā o le loto i la le tino o
le ita lea i le Atua; auā e le ususi-

- tai i le tulafono a le Atua, e lo mafai
 8 foi i ai. O i latou foi o i la le tino, e
 9 le mafai ona fiafia i ai le Atua. A o
 outou, tou te le i la le tino, a e i la le
 Agaga, pe afai e nofo le Agaga o le
 Atua i totonu ia te outou. Ai se
 tasi ua le ia te ia le Agaga o Keriso,
 10 e le fai lea mona. A e afai ua i
 totonu ia te outou Keriso, ua oti ai
 le tino ona o le agasala, a ua ola le
 11 agaga ona o le amiotonu. A e afai
 e nofo i totonu ia te outou le Agaga
 o le na toe faatu mai ia Iesu nai e
 ua oti, e faaola mai foi o outou tino
 auga vale e le na toe faatu mai ia
 Keriso nai e ua oti, e lona Agaga o
 loo nofo i totonu ia te outou.
 12 O lenei, le au uso e, ua ia te i
 tatou e tau atu, a e le o le tino,
 13 tatou te amio ai i la le tino; auā
 afai tou te amio i la le tino, e oti ai
 outou; a e afai e fasiotia e outou
 amioga a le tino e le Agaga, tou te
 14 ola ai. Auā o i latou uma ua ta'i-
 ta'iina e le Agaga o le Atua, o atalii
 15 i latou o le Atua. Auā ua outou le
 maua le agaga o le pologa, e toe
 fefese ai; a ua outou maua le Agaga
 o tamafai, tou te valaau atu ai, Ava,
 16 le Tamā e. O loo molimau mai lea
 lava Agaga i o tatou agaga, o fanau
 17 i tatou a le Atua. Afai foi o fanau
 i tatou, o suli foi, o suli lava o le
 Atua, o suli faatasi ma Keriso; pe
 afai tatou te tiga faatasi ma ia, ina
 ia faamanuiaina foi i tatou faatasi
 18 ma ia. Auā o lo'u manatu e le tatau
ona faatusaina le tiga i nei ona po
 ma le manuia atali e faaalua mai ia
 19 te i tatou. Auā o loo faatalitali
 mea uma na faia ma le naunau i le
 20 faaalua mai o atalii o le Atua. Auā
 ua faatoilaloina mea uma na faia i
 le iu vale, (e le o lona lotu lea, a e
 peitai ona o ia na na faatoilaloina
 21 ai,) ma le faamoemoe ia tuusaunoa
 ia lava mea na faia ia le faapologa-
 ina e le iu vale, a e oo i le saolotoga
 o le fanau a le Atua e manuia ai.
 22 Auā ua tatou ilca, ua oi faatasi, ma
 oono faatasi mea uma lava na faia,
 23 ua oo mai lava i ona po nei. E le
 gata foi i lea, a o i tatou lava ua i
 ai mea faapolopolo a le Agaga, tatou
 te feoi, o i tatou lava i totonu ia te
 i tatou, o loo faatalitali atu ia avea
 ma tamafai, o le faaolaina lea o
 tatou tino. Auā e faaolaina i tatou
 24 i le faamcemoe; a o le faamoemoe
 ua vaia, e le o le faamoemoe lea;
 auā pe faapefea ona toe faamoemoe
 se tasi i le mea ua vaia? A e pei-
 25 tai a tatou faamoemoe i le mea ua
 le vaia, tatou te faatalitali atu i ai
 ma le onosai. E faapea foi le Agaga
 26 onā fesoasoani mai i lo tatou vai-
 vai; auā tatou te le iloa mea tatou
 te ole atu ai ma le tusa, a e peitai o
 le Agaga, e fautua o ia mo i tatou i
 le oi e le mafai ona talatalaina. A
 27 o lē suesue i lotu, ua silafia e ia le
 finagalo o le Agaga; auā o loo fau-
 tua o ia mo le au paia e tusa ma le
 28 *finagalo* o le Atua. Ua tatou iloa
 foi e galulue faatasi mea uma e lelei
 ai i latou e ua alofa atu i le Atua, o
 e ua valaauina i lona finagalo. Auā
 29 o e na silafia e ia anamua, na ia tofia
 anamua foi, ia foliga i latou i lona
 Alo, ia foliga ia te ia, ina ia avea o
 ia ma ulumatua o le au uso e toa-
 tele; o e na tofia anamua e ia, na
 30 valaauina foi i latou e ia; o e ua
 valaauina e ia, ua ta'uamiotonuina
 foi i latou e ia; o e ua ta'uamiotonu-
 ina e ia, ua faamanuiaina foi i
 latou e ia.
 O lenei, se a sa tatou upu i nei
 31 mea? Afai ua 'au ma i tatou le
 Atua, o ai sē faasaga tau mai ia i
 tatou? O ia lava sa na le faasaga
 32 ina lona lava Alo, a ua tuuina mai o
 ia e sui a'i i tatou uma lava, e le
 foai fua mai ea e ia ia te i tatou
 mea uma lava faatasi ma ia i se a?
 O ai se na te molia le au filifilia a le
 33 Atua? O le Atua o lē ta'uamiotonu-
 ina mai, o ai se na te faasalaina
 34 mai? O Keriso o ia na maliu, a ua
 toe tu mai lava o ia; o loo i le itu
 taumatau foi o le Atua, o loo fau-
 tua foi o ia mo i tatou. O ai se na
 35 te faateaseseina mai i tatou i le alofa
 o Keriso? o le puapuaga ea, po o le
 atuatuvaile, po o le saua, po o le
 oge, po o le lavalavā, po o le paga-
 tia, po o le pelu? Faapei ona
 36 tusia, Ona o oe ua fasiotia ai i ma-
 tou i aso uma, ua faatatauina i
 matou e pei o mamoe ā fasia. A ua
 37 tatou manumalo ai i nei mea uma
 lava, ona o ia ua alofa mai ia te i
 tatou. Auā ua ou mauinoca, e le
 38 mafaia e le oti, po o le ola, po o

agelu, po o alii, po o e malolosi, po o mea i nei ona po, po o mea atali,
 39 po o le maualuga, po o le loloto, po o se tasi mea na faia, *e le mafaia e ia mea* ona faataeseina mai i tatou i le alofa o le Atua, o loo ia Keriso Iesu lo tatou Alii.

O le alofa o le Atua ua filifilia ai ma fauolaina ai tagata.

9 O LE upu moni ou te fai atu ai i luma o Keriso, ou te le pepelo, ua molimau mai ia te a'u lo'u loto
 2 fuatia ifo i le Agaga Paia, e tele lo'u faanoanoa, e le aunoa foi le puapuga o lo'u loto; auā ou te mafaia ona fia anatema o a'u ia te'a ma Keriso e sui a'i o'u uso, o lo'u aiga i
 4 la le tino; o sa Israelū i latou, o tamafai i latou, ua i ai foi le mamalu, ma feagaiga, ma sauniga o le tulafono, ma le tapuaiga, ma upu na
 5 folafolaina; o ia te i latou tupuga, mai ia te i latou foi le Keriso i la le tino, o lē pule aoao ia, o le Atua e
 6 viia e faavavau. Amene. A e le peiseai ua iu vale le afoga a le Atua; auā o tagata mai ia Israelu,
 7 e le o Israelu i latou uma lava; e le o le fanau foi i latou uma, auā na tupu mai ia Aperaaamo i latou, a e
 8 faapea mai, E valaauina lau fanau ia Isaako. O lona uiga lenei, o le fanau a le tino, e le o le fanau a le
 9 Atua i latou; a e peitai o le fanau o i le upu ua folafolaina, e ta'ua i
 10 latou o le fanau. Auā o lenei le upu na folafolaina, E faapena i le la
 11 tausaga, ou te sau ai, e maua foi e Sara sana tama tane. E le na o lea, a ua to foi Repeka i le tasi, o lo
 12 matou tamā o Isaako lea; a o lei fauau mai ana tama, a o lei fai foi e i laua se mea lelei, po o se mea
 13 leaga, ina ia tumau le finagalo o le Atua i la le filifiliga, e le ona o galuega, a ona o le na valaau mai,
 14 na fetalai atu ia te ia, E auaua le ulumatua i le uii. Pei ona tusia, Ua
 15 ou alofa ia Iakopo, a ua ou 'ino'ino ia Esau.

14 O lenei, se a ea sa tatou upu? O i le Atua ea le amioletonu? Aua
 15 ne'i faapea. Auā na ia fetalai atu ia Mose, Ou te alofa atu i le ou te fia alofa atu i ai, ou te alofa mutimuti vale foi i le ou te fia alofa mutimuti

vale i ai. O lenei, e le mai le ua 16
 manao, e le mai le ua tausinio, a e mai le Atua o lē alofa mai. Auā ua
 17 faapea mai le Tusi ia Farao, O lenei lava le mea ua ou faatu ai ia te oe, ina ia ou faaalua lo'u mana ia te oe, ina ia ta'ua foi lo'u igoa i le lalolagi
 18 uma lava. O lenei, e alofa ia i le ua ia finagalo i ai; a e faamaaa e ia i le ua ia finagalo i ai. Anei e te fai mai
 19 ia te au, Pe se a le mea e aoai mai ai pea ia? auā o ai se ua tetee atu i lona finagalo? Soia, o oe le tagata,
 20 o ai ea oe o lē finau atu i le Atua? E fai atu ea le mea na faia i le na faia o ia, Se a ca ua e fai ai a'u faapea? O le fai ipu omea e le pule ea
 21 o ia i le omea, e fai ai i le paluga e tasi o le tasi ipu o le mea lelei, a o le tasi o le mea faatauva? Afai
 22 ua onosai le Atua, ma ua matuā faapalepale i ipu o le toasa ua faatatauina i le malaia, ina ua finagalo o ia e faaali mai ai lona toasa, ma faailoa mai ai lona mana; e faailoa
 23 mai ai foi le faulai o lona viiga i ipu o le alofa, na ia muai saunia e oo i le manuia; o i tatou foi na valaauina e ia, e le gata i Iutaia, a e atoa
 24 foi ma nuu ese. Pei ona fetalai mai o ia i le Hosea, Ou te ta'ua lea nuu o lo'u nuu, sa le so'u nuu; ou te
 25 ta'ua foi o ia ua alofaina, sa le alofaina. O i le mea sa faapea atu ai ia te i latou, E le so'u nuu outou, e iu foi ina ta'ua i latou, o atalii o le
 26 Atua soifua. Ua alaga foi Isaia ia Israelu, E ui lava ina faapei o le oneone i le sami le toatele o le
 27 fanauga a Israelu, e faaolaina e ua totoe; auā e faauma e ia le mea, ma faasaasaina i le amiotonu, e faasaasaa e le Alii ona faia o le mea i
 28 le nuu. Pei ona fai mai foi anamua e Isaia, Ana le faatotoeina e le Alii o Sapaota ni fanau mo i tatou, po
 29 ua ave a i tatou e pei o Sotoma, ma faatatauina i tatou ia Komoro. O lenei, se a ea sa tatou upu? Ua
 30 maua le amiotonu e nuu ese na latou le saili i le amiotonu, o le amiotonu lava lea e maua i le faatuatua. A o Israelu na saili i le
 31 tulafono o le amiotonu, e lei oo i latou i le tulafono o le amiotonu. Ona o le a ca? Ona ua le sailia i le
 32 faatuatua, a e peiseai o galuega o le

33 tulafono; auã na latou tausuai i le maa e tausuai ai. Pei ona tusia, Faaata, ou te tuu i Siona le maa e tausuai ai, ma le papa e tautevateva ai; e le mã foi se fasi e faatuatua ia te ia.

O le valaauina o nuu ese.

10 LE au uso e, o le manao lava lenei o lo'u loto, ma la'u tatalo i le Atua mo Isaraelu, ia faaolaina i 2 latou. Auã ou te molimau ia te i latou, ua latou maelega i la le Atua, 3 a e le tusa ma le poto. Auã ua le iloa e i latou le amiotonu mai le Atua, ma ua saili e faatu la latou lava amiotonu, ua latou le ususitai 4 ai i le amiotonu mai le Atua. Auã o le iuga o le tulafono o Keriso lea, e oo mai ai le amiotonu i faatuatua uma lava. Auã ua tusia e Mose 5 le amiotonu e maua i le tulafono, O le tagata na te faia ia mea, e ola ai 6 lava ia. A o le amiotonu e maua i le faatuatua, ua faapea ona fai mai, Ana le faapea ifo i lou loto, O ai se alu ae i le lagi? (o lona uiga, ina ia 7 aami ia Keriso ia malii ifo;) pe faapea, O ai se alu ifo i le mea loloto? (o lona uiga, ona ia aami ia 8 Keriso ia malii ae nai e ua oti;) a o le a ua fai mai ai? Ua latalata ia te oe le upu, o i lou gutu ma lou loto; o le upu lea o le faatuatua o 9 matou o tala'i atu ai; afai e te ta'utino i lou gutu i le Alii o Iesu, ma talitonu i lou loto ua toe faatuina mai o ia e le Atua nai e ua 10 oti, e faaolaina ai oe; auã o le loto e talitonu ai, e oo mai ai le amiotonu; a o le gutu e ta'utino ai, e oo 11 mai ai le ola. Auã ua faapea mai le Tusi, E le mã se fasi e faatuatua ia 12 te ia. Auã e le eseese le Iutaia ma le Eleni; auã o le Alii e toatasi o tagata uma e faulai lona alofa ia te i latou uma lava o e valaau atu ia te 13 ia; auã e faaolaina i latou uma o 14 e valaau i le suafa o le Alii. O lenei, pe faapefea ona latou valaau atu i le ua latou le faatuatua i ai? pe faapefea foi ona latou faatuatua i le ua latou le faalogo atu i ai? pe faapefea foi ona latou faalogo atu, 15 pe a lei se tala'i atu? pe faapefea foi ona latou tala'i atu, pe afai ua le aauina atu i latou? Pei ona tusia,

E matagofie nana o latou vae o e au mai le tala lelei i le manuia, o e au mai le tala i mea lelei. A e lei usi- 16 usitai i latou uma lava i le tala lelei; auã ua faapea mai Isaia, Le Alii e, o ai ea ua talitonu i la matou upu e taulogologo atu? O lenei, e tupu le 17 faatuatua i le taulogologo atu, o le taulogologo atu foi o i le afioga a le Atua lea. A e ou te fai atu, Ua 18 latou le faalogo mai ea? E moni, ua oo lo latou leo i le lalolagi uma lava, o a latou upu foi i tuluiga o le atu laulau. A e ou te fai atu, E lei 19 iloa ea e Isaraelu? Ua muai fai mai Mose, Ou te faatupu le fuã ia te outou e le nuu ua le se nuu, ou te faanoono ia te outou i le nuu valea. A ua faamalosi lava Isaia, 20 ua faapea mai, Ua maua a'u e i latou na le saili mai ia te au; ua faalia a'u i e na le fesili mai ia te au. A ua faapea mai o ia ia Isaraelu, 21 Ua ou faaloaloa atu o'u lima i aso uma i le nuu faalogo gata ma le finau mai.

O le faateaesoina o Isaraelu.

O LENEI, ou te fai atu, Ua lafo- 11 aiina ea e le Atua lona lava nuu? Aua nei faapea; auã foi o le Isaraelu a'u nei, o le fanau a Aperamo, o le itu aiga o Peniamina. E 2 lei lafoaiina e le Atua lona nuu na ia silafia anamua. Ua outou le iloa ea le mea ua fai mai ai le Tusi i le tala ia Elia? ina ua momoli atu e ia ia Isaraelu i le Atua, ua faapea atu, Le Alii e, ua fasiotia e i latou au perofeta, ma ua sölöia ou fata faitaulaga; na o a'u lava ua toe, ua latou saili foi e fasioti ia te au. A ua faa- 4 pefea ea le tali mai a le Atua ia te ia? Ua ou faatoe mo'u e toafitugaafe o tagata, o e ua le tootuli lava ia Paala. O lenei, e faapea foi i nei ona po, ua i ai e ua totoe e tusa ma le filifiliga o le alofa tunoa. Afai foi o le alofa tunoa, ua le o 6 galuega; ana faapea, po ua le toe ta'ualofatunoina le alofa tunoa; afai foi o galuega, ua le o le alofa tunoa; ana faapea, po ua le toe ta'ugaluegaina le galuega. O lenei, 7 pe faapefea ea? E lei maua e Isaraelu le mea ua ia sailia, a ua maua e i latou ua filifilia, a ua faamaaaina

8 loto o e ua totoe. Pei ona tusia, Ua tuu atu e le Atua ia te i latou le loto moe gase, o mata latou te le vaai ai, ma taliga latou te le faalogo
 9 ai, ua oo i ona po nei. Ua fai mai foi Tavita, la liua lo latou laulau ma mailei, ma matāsele, ma mea e tausuai ai, ia fai foi ma tau i te i
 10 latou; ia faapouliuligia o latou mata ina ia le vaai, ia faano'uno'u o
 11 latou tua e le aunoa. O lenei, ou te fai atu, Ua tausuai ea i latou ina ia latou pauu? Aua ne'i faapea; a o la latou agasala, ua oo ai le ola i nuu ese, e faatupu ai lo latou losi-
 12 losi. A e afai ua fai la latou agasala ma tamaoiga o le lalolagi, *afai* foi ua fai le faamativaina o i latou ma tamaoiga o nuu ese, e le atili ai ea ona faapea o lo latou manuia? Auā ou te fai atu ia te outou o nuu ese, auā o a'u o le apo-
 13 setolo o nuu ese, ou te vivii i lo'u faiva; pe mafai ia te au ona faa-
 14 tupuina le losilosi i lo'u aiga, ma ou faaolaina nisi o i latou. Auā afai ua maua le leleiga e le lalolagi ina ua lafoaiina i latou, pe faapefea lo latou amiga? E le o le ola ea
 15 lea nai e ua oti? Afai foi e paia mea faapolopoloia, e faapea foi le paluga uma; a paia le pogai, e faa-
 16 pea foi ona la. Afai foi na gau ese nisi ona la, a o oe o le olive vao, ua faapipiina oe ia faatasi ma i latou, ma ua tofua faatasi *ma i latou* i
 17 le pogai ma le sua o le olive, aua e te faasiasia i ona la; afai foi e te faasiasia, *ia e manatu* ua le ola le pogai ia te oe, a ua e *ola* i le pogai.
 18 Auei e te faapea mai, Ua gauieseina ona la, ina ia faapipiina ai a'u.
 19 Mālie; a ua gauieseina i latou ona o le le faatuatua, a o loo tumau oe ona o le faatuatua; aua e te faa-
 20 maualuga, a ia e fefe. Auā afai ua le faasaoia e le Atua o la na tupu mai ai, ia oe, ne'i le faasaoia oe.
 21 Faauta foi i le agamalu ma le toasa o le Atua; o e na pauu e oo ai le toasa; a e oo ia te oe le agamalu, pe afai e te tumau pea i lona agamalu; a le faapea e gauieseina oe.
 22 O i latou foi, pe afai e le tumau pea i le le faatuatua, e toe faapipiina i latou; auā e mafaia e le Atua
 23 ona toe faapipiina i latou. Auā

afai ua salaeseina oe nai le olive vao, na e tupu mai ai, ma ua faapipiina oe i le olive lelei, na e le tupu mai ai, e le toe faapipiina ea o la na tupu mai ai i lo latou lava olive i se a? Auā le au uso e, ou te loto
 25 ina ia outou iloa lenei mea lilo, ina ne'i tou faafiapopoto; ua faamaa-
 26 ina loto o isi Isaraelu, seia oo ina ulufale mai le atoatoa o nuu ese; ona faaolaina lea o Isaraelu atoa
 27 uma, pei ona tusia, E malii mai le Faola mai Siona, na te faateaseina le amio faalematau ia Iakopo; o la'u foi lenei feagaiga ma i latou,
 28 pe a aveeseina e a'u a latou agasala. O fili i latou i la le tala lelei, ona o outou; a ua alofaina i latou i la le filifiliga, ona o tupuga. Auā e le
 29 salamo lava le Atua i ana mea e foaifuaina mai ma lana valaau. Auā
 30 faapei o outou foi, sa outou le faalogo anamua i le Atua, a o lenei, ua alofaina outou ona ua latou le faalogo; e faapea foi i latou ua latou
 31 le faalogo i nei ona po, ina ia alofaina i latou foi ona o le alofaina o outou. Auā ua punitia e le Atua
 32 tagata uma lava i le le faalogo, ina ia alofaina e ia tagata uma lava. Aue! le loloto o le tamaoiga o le
 33 poto atoa ma le silafaga a le Atua. E le masuesueina ana faamasinoga; e le mafai foi ona iloa ona ala. Auā
 34 o ai ea se ua iloa le finagalo o le Alii? po o ai foi se ua pulega faa-
 35 tasi ma ia? po o ai se na muai avatua *ni mea* ia te ia, a e tauia mai ai ia te ia? Auā ua fua mai ia te
 36 ia, ma ua faia e ia, e iu atu foi ia te ia mea uma; ia ia te ia le viiga e faavavau lava. Amene.

O le aioi atu a Paulo i le ekalesia ia lelei a latou amio.

O LENEI, le au uso e, ou te aioi
 12 atu ia te outou, ona o le alofa muti-
 muti vale o le Atua, ia outou tuuina atu o outou tino i le Atua, o le tau-
 laga ola, *ma* le paia, *ma* le mālie, o le mea lea e tatau ai ona outou faia. Aua foi tou te amio faatasi ma
 2 lenei lalolagi, a e peitai ia liliuina i le toe fuataina o outou loto, ina ia outou suesue pe se a le finagalo o le Atua, o mea ua lelei, ma le mālie, ma le atoatoa. Auā o le
 3

afofa tunoa ua tuuina mai ai ia te au, ou te fai atu ai ia te outou uma, aua le faasili le manatu o se tasi i le mea ua tatou ona manatu ai, a ia māmā le manatu, ia tusa ma le tofiga o le faatuatua ua taitasi
4 ma tofu ai mai le Atua. Auā faapei o itu tino e tele i le tino e tasi, a e le tasi se faiva i itu tino uma;
5 e faapea i tatou nei le toatele, ua tino e tasi ia Keriso, ma ua fefaa-
6 feagai ai itu tino. O loo eseese foi a tatou mea e tufaina mai i le alofa tunoa ua foaiina mai ia te i tatou; po o le perofeta, ia faatatauina ma
7 le tofi o le faatuatua; po o le tiakono, ia faia le faiva o le tiakono; po o le apoapoai, ia apoapoai o ia; o le foai mea ia faia ma le matamau; o lē pule, ia faia ma le filigā; o le fai mea alofa, ia faia ma le loto fiafia.
9 Aua nei faatagā alofa; ia ‘ino-‘ino i le leaga, ia pipii i le lelei.
10 Ia fefaapelepelei i le fealofani o uso; ia tausolomua ona ava o le tasi i le tasi. Aua le faavaivai i le filigā, ia malosi le loto, ia auauna i le Alii. Ia olioli i le faamoemoe, ia onosai i le puapuga, ia finafinai i le tatolo. Ia tufatufa atu ni a outou mea i le mativa o le au paia, ia tausisi i le alofa i tagata esc. Ia faamanuia atu i e faasaua mai ia te outou, ia faamanuia lava, a e aua le fetuu. Ia outou olioli faatasi ma e ua olioli, ia outou tagi foi faatasi ma e ua fetagisi. Ia gatasitasi o outou manatu; aua le manatu i mea silisili, a ia feoi ma e ua faamaulalo; aua le faafiapopoto. Aua le tau i le leaga i le leaga i se tasi; ia sauniuni mea e tusa i luma o tagata uma lava. Afai e mafai ia te outou, ia outou nofo lelei ma tagata uma lava. Le au pele e, aua le tau i sui, a ia outou tuu atu i le toasa; auā ua tusia, Ua faapea mai le Alii, O ia te au le tau i sui, ou te tau i sui. O leni, a matelaina le ua ita mai ia te oe, fafaga ia te ia; a fia inu ia, avatu ia te ia e inu ai; auā o le amio faapea e faafaupue ai malala
21 ola i luga i lona ulu. Aua le faatoilaloina oe i le leaga, a ia e faatoilaloina le leaga i le lelei.

*O le amio e tatau ona fai i alii ma
tagata uma lava.*

IA usiusitai tagata uma i faipule
silisili; auā e leai se pule pe a le
mai le Atua; o pule uma lava o loo
fai nei, ua faatuina e le Atua. O
lenei, o le na te tetee i le pule, na
tetee e ia i le sauniga a le Atua; o
e tetee foi e sala lava i latou. Auā
o alii, e le se faamatau i latou i e
amio lelei, na o e amio leaga. O
loo manao ea, ia e le fefe i le pule?
ia e amio lelei, ona taʻuleleia mai
lea o oe e ia. Auā o le auaua ia a
le Atua ia te oe, ia lelei ai; a e afai
e te amio leaga, ia e fefe ai, auā e le
fai fua e ia *lava* pelu; auā o le au-
auna o ia a le Atua, o le na te tui
atu le toasa i lē amio leaga. O lenei,
e tatau ona usiusitai, e le gata ona
o le toasa, a e peitai ona o le loto
fuaia ifo. O le mea foi lea tou te
avatu ai taulaga, auā o auaua i la-
tou a le Atua, o loo finafinau i lenei
lava mea. O lenei, ia avatu i tagata
uma lava a latou mea; o le taulaga
i e *ua tatau i ai* le taulaga; o le telo
i e *ua tatau i ai* le telo; o le mataʻu
i e *ua tatau i ai* le mataʻu; o le faa-
aloalo i e *ua tatau i ai* le faaaloalo.
Aua neʻi ia te outou se mea e tasi a
se tasi tagata; a e tau lava o le fe-
alofani; auā ai sē alofa atu i se tasi
tagata, ua atoatoa ona faia e ia o le
tulafono. Auā o *upu* ia, Aua le
mulilua, Aua le fasioti tagata, Aua
le gaioi, Aua le molimau pepelo,
Aua le tuʻinanau; afai foi ua toe
se isi poloaiga, o loo ua aofia lava
i lenei upu, Ia e alofa atu i lē lua
te tuaoi, ia pei o oe lava ia te oe.
E le galeaga atu le alofa i lē la te
tuaoi, o lenei, o le alofa o le atoatoa
lea o le tulafono.

Ia faapea foi, ina ua tatou iloa 11
ona po, ua oo i le itu po e ala ai e
na momoe; auā ua latalata nei ia
te i tatou le ola, sa' mamao ina o
tatou uluai faatuatua. Ua leva le 12
po, ua lata mai le ao; o lea ia tatou
faatea ese ai galuega o le pogisa, a
ia tatou oofu i ofu tau o le mala-
malama. Ia tatou savavali ma le 13
matagofie e tusa i le ao; aua le
poula ma le onā, aua le faitaaga ma
le matāitu, aua le femisai ma le

14 mataua. A ia outou oofu i le Alii o Iesu Keriso; aua foi le sauniuni mo le tino, e oo ai ona tu'inanau.

Aua le fefaasalai i mea ua taofi eese ai.

- 14 IA outou talia le ua vaivai i le faatuatua, a e le ina ia faamasinoina 2 o masalosalo. O le taofi o le tasi, e 'aina mea uma lava; a e 'aina e le ua vaivai na o mea e tutupu i le 3 lauelele. Aua ne'i ta'ufaatauvaa-ina lē 'ai i le le 'ai ma le ua le 'ai, auā ne'i faasala o ia i le ua 'ai; auā 4 ua talia o ia e le Atua. O ai ea oē lē faasala atu i le auauna a le tasi? E tumau ia pe pa'i i lona lava ali; a e faatumauiua lava ia, auā e ma- 5 faia e le Atua ona faatumauiua ia te ia. O le manatu o le tasi, e sili le tasi aso i le tasi aso; a o le manatu o le isi, ua tutusa aso uma lava. Ia 6 taitoatasi ma mautiua lona lava manatu. O lē anaana i le aso, e anaana o ia i ai ona o le Alii; o le le anaana foi i le aso, e le anaana i ai o ia ona o le Alii; o lē 'ai, e 'ai o ia ona o le Alii, auā ua faafetai i le Atua; o le lē 'ai foi, e lē 'ai o ia ona o le Alii, ua ia faafetai foi i le Atua. 7 Auā e leai so tatou e ola mo ia lava, e le oti foi se tasi mo ia lava; auā 8 afai tatou te ola, tatou te ola mo le Alii, pe afai e oti, e oti mo le Alii; o lenei, pe ola pe oti i tatou, o 9 tagata lava o le Alii i tatou. Auā o le mea lava lea na maluu ai Keriso, ma ua toe tu mai ai, ma ua soifua ai, ina ia faia o ia ma Alii i e ua oti 10 atoa ma e o la. O oe na, se a le mea e te faasala ai i lou uso? o oe na foi, pe se a le mea e te ta'ufaatauvaaina ai lou uso? auā tatou te laulaututū uma lava i luma o le 11 nofoa faamasino o Keriso. Auā ua tusia, Ua fetalai mai le Alii, Ou te ola a'u, e tootuli mai ia te au o tulivae uma lava, e ta'uta'u mai foi 12 o laulau faiva uma lava i le Atua. O lenei, e taitasi i tatou ma tala i lana 13 amio i le Atua. O lenei, aua ne'i tatou toe fefaasalai; a e lelei ina ia manatu i lenei lava mea, aua ne'i tuu ane e se tasi se mea e tausuai ai, po o se mea e tautevateva ai lona 14 uso. Ua ou iloa ma ou mautinoa i le Alii o Iesu, e leai se mea e leaga

fua; peitai o se ua manatu ua leaga le mea, ona leaga ai lea ia te ia. A 15 e afai e faatigaina lou uso i au mea e 'ai, ua e le toe amio alofa; aua le fano i au mea e 'ai o ia na maluu ai Keriso. O lenei, aua nei ta'uleaga- 16 ina lo outou lelei. Auā o le malo o le Atua, e le o mea e 'ai ma mea e inu; a o le amiotonu, ma le filemu, ma le olioli i le Agaga Paia. Auā o 17 le ua auauna atu ia Keriso i ia mea, ua fafia i ai le Atua, ua ta'uleleia foi o ia e tagata. O lenei, ia tatou 18 tausisi i mea e tupu ai le filemu, ma mea e fefaamafanafanai. Aua le lepetia le galuega a le Atua ona o mea e 'ai; e mamā mea uma a e leaga i le tagata o lē 'ai ma le tau- 19 suai. E lelei pe a le 'ai ni aano o manu, ma ia le inu uaina, po o se tasi mea e tausui ai lou uso, pe 20 tautevateva ai, pe vaivai ai. Ua mau ea lou taofi? ia ia te oe lava ia i luma o le Atua; amuia le ua le faasalaina o ia e ia i le mea ua manatu o ia e tatau. A o lē masalo- 21 salo, ua faasalaina ia pe afai e 'ai, auā e le o lana taofi lea; o mea uma lava e le ala mai i le taofi, o le aga- 22 sala lea.

O le tala i le galuega a Paulo.

O I tatou o e malolosi ia tatou 15 fesoasoani i le vaivai o e ua le lavā e tatau ai; a e aua ne'i faafiafia i o tatou lava loto. Auā ia taitasi o i 2 tatou mā faafiafia i lē la te tuaoi ina ia lelei ai o ia, e faamafanafanaina ai. Auā o Keriso lava e lei faafiafia 3 o ia i lona lava finagalo; a e pei ona tusia, Ua oo mai ia te au upu faifai a latou e na faifai atu ia te oe. O 4 mea uma foi na tusia anamua, na tusia ia e a'oa'o mai ai ia te i tatou; ina ia tatou maua le faamoemoe e 5 tupu mai i le onosai, ma le faamafanafana mai o Tusi. Ia foai atu foi ia te outou e le Atua o ia e tupu 6 mai ai le onosai ma le faamafanafana, ina ia gatasitasi o outou loto e tusa ma le finagalo o Keriso Iesu; ina ia vivii outou i le Atua, le Tamā 7 o lo tatou Alii o Iesu Keriso, ma le loto e tasi, ma le upu e tasi. O lea ia outou talia ai le tasi e le tasi, faapei o Keriso foi ona talia o i tatou, e oo ai le viiga i le Atua.

8 Ou te fai atu foi, ua avea Iesu Keriso ma auuuna o le peritomega, ona o le faamaoni o le Atua, ina ia faamauina ai mea na folafolaina i
 9 tupuga; ina ia vivii foi nuu ese i le Atua ona o le alofa, pei ona tusia. O le mea lea ou te ta'uta'ua ai oe i nuu ese, ou te pese atu foi i lou suafa. Ua toe faapea foi, Ia olioli outou nuu ese faatasi ma lona nuu;
 10 i le ma lea, Ia vivii atu i le Alii outou nuu uma, ia faaneenee atu ia te ia outou tagata uma lava. Ua toe faapea mai foi Isaia, E i ai le Aa o Iese; o ia foi na te tulai e pule i nuu ese, e faatuatua ia te ia nuu ese. O le Atua foi e *tupu* mai ai le faamoemoe, ia faatutumuina outou e ia i le olioli uma atoa ma le filemu, ina ua faatuatua; ina ia tele lava lo outou faamoemoe ona o le mana o le Agaga Paia.
 14 O'u uso e, ua ou mautinoa, o a'u nei lava, ua tutumu outou foi i le agalelei, ua apepele i le potu uma lava, ua outou mafaia foi ona apo-
 15 apoai le tasi i le tasi. Ua ou tusi atu nisi mea ia te outou, le au uso e, ma le faamalosi, i lo'u faamanatu atu ia te outou, ona o le alofa tunoa ua foaiina mai ia te au e le Atua;
 16 ina ia avea a'u ma auuuna a Iesu Keriso i nuu ese, ou te faia le faiva o ositaulaga i le tala lelei a le Atua; ina ia talileleia le taulaga a nuu ese, ina ua faapaiaina e le Agaga Paia.
 17 O lea ia ia te au ni mea e mitamita ai ona o Keriso Iesu, i mea tau le
 18 Atua. Auā ou te le faamalosi ona ta'u atu i mea e lei galue ai Keriso ia te au, ia iu ina gauai o nuu ese, i le upu ma le amio, i le mana o faailoga ma vavega, i le mana o le Agaga o le Atua; o lea e afua mai ai i Ierusalem, ma faataamilomilo e oo i Iluriko, ua ou matuā folafola
 20 le tala lelei a Keriso. A e faapea ona ou loto malosi e tala'i le tala lelei i mea sa le ta'ua ai le suafa o Keriso; ina nei ou ati ae i luga o le faavae o se tasi tagata. A e peitai e faapei ona tusia, E vaavaai i latou o e na le tala'iina i ai *le tala* ia te ia; e lagona e i latou o e na le
 22 faalogo atu i ai. O lea foi e tele mea sa le mafai ai ia te au ona alu
 23 atu ia te outou. A o lenei, ua leai

se toe mea ou te faia i nei nuu, ma ua tele tausaga sa ou matuā fia alu atu ai ia te outou; a a'u alu malaga 24 i Sepania, ona ou alu atu ai lea ia te outou; auā ou te faamoemoe ou te asiasi atu ia te outou i la'u malaga, e molia foi a'u e outou i lea mea pe a ou muai mālīe teisi i lo tatou feiloai ma outou. A o le a 25 a'u alu malaga nei i Ierusalem, ou te auuuna atu ai i le au paia; auā 26 ua loto Maketonia ma Akaia e sauni se alofa fai tele i e matitiva o le au paia o i Ierusalem. Ua latou loto 27 foi i ai; sa ia te i latou foi a latou mea; auā afai ua molia i nuu ese e i latou a latou mea i la le Agaga, e tatau ina latou faia se taulaga ia te i latou i mea a le tino. O lenei, pe 28 a ou faauma lenei mea, ma faasao-galemua atu lenei fua ia te i latou, ou te ui atu ai ia te outou *pe a ou alu* atu i Sepania. Ua ou iloa foi, 29 pe a ou alu atu ia te outou, ou te alu atu ma le atoatoa o le manuia o le tala lelei a Keriso. Le au uso e, 30 ou te aioi atu ia te outou, ona o lo tatou Alii o Iesu Keriso, ma le alofa o le Agaga, ia outou matuā finafinau faatasi ma a'u i talosaga i le Atua mo a'u; ina ia laveaiina a'u i 31 e ua le faatuatua o i Iutaia, ia talileleia foi e le au paia la'u feau i Ierusalem; ina ia ou alu atu ia te 32 outou ma le olioli, i le finagalo o le Atua, ina ia tatou fefaamafanafanai mā outou. Ia ia te outou uma lava 33 le Atua e ona le manuia. Amene.

O le moliga o le alofa; ma le viiga i le Atua.

OU te faailoa atu ia te outou lo 16 tatou tuafafine o Fipe, o le tiakono lea o le ekalesia o i Kenikerea; ina 2 ia talia o ia e outou i le Alii, faapei ona tatou i le au paia, ia outou fescasoani foi ia te ia i se mea a outou e aoga ia te ia; auā foi e toatele ua ia fescasoani i ai, atoa ma a'u nei. Ua ou alofa atu ia 3 Pisila ma Akula, na la fai galuega faatasi ma a'u i le *galuega* a Keriso Iesu. O i laua ia na la tuu atu o 4 la ua e sui a'i a'u, ia a'u ola; e le na o a'u e faafetai ia te i laua, a e atoa ma ekalesia uma i nuu ese. *Ua ou alofa atu* foi i le ekalesia o i 5

- lo laua fale. Ua ou alofa atu ia Epaineto, o le pele a a'u, o le faa-
6 polopolo o ia ia Keriso i Akaia. Ua
ou alofa atu ia Maria, o le na galue
7 tele mo i matou. Ua ou alofa atu
ia Aneroniko ma Iunia, o o'u aiga,
sa matou faatasi ma a'u i le fale
puipui; ua logoleleia i laua e apose-
tolo, sa la i ai ia Keriso na muamua
8 ia te au. Ua ou alofa atu ia Ame-
9 pelia, o le pele a a'u i le Alii. Ua
ou alofa atu ia Upano, le na galue
faatasi ma i matou i le *galuega* a
Keriso; o Sataku foi o le pele a
10 a'u. Ua ou alofa atu ia Apele, ua
ta'uleleia o ia o ia Keriso. Ua ou
11 alofa atu i sa Arisopolō. Ua ou
alofa atu ia Herotiona, mā te aiga.
Ua ou alofa atu i e o sa Nakisō, o e
12 ua i le Alii. Ua ou alofa atu ia
Tufaina ma Tufosa, o fafine na
galulue i la le Alii. Ua ou alofa
atu ia Peseti, o le pele, o le na
13 galue tele i la le Alii. Ua ou alofa
atu ia Rufo, na filifilia e le Alii, i le
ma lona tinā, o lo'u *tinā* foi lea.
14 Ua ou alofa atu ia Asugerito, *ma*
Fegona, *ma* Herema, *ma* Pateropa,
ma Heremea, ma le au uso o ia te i
15 latou. Ua ou alofa atu ia Filoloko
ma Iulia, o Nereu foi ma lona tua-
fafine, ma Olumepa, ma le au paia
16 atoa uma o ia te i latou. Ia outou
fealofani i lefeasogi paia. O loo
alolofa atu ia te outou ekalesia a
Keriso.
17 Ou te aioi atu foi ia te outou, le
au uso e, ia outou vaavaai i e faa-
tupu fevaevaeniga, ma mea e tau-
suai ai; o mea ia e le tusa ma le
mataupu ua a'oa'oina ai outou; ia
outou liliu ese foi ia te i latou.
Auā o e faapea, e le anauna i latou 18
i lo tatou Alii o Iesu Keriso, a o
latou lava manava; ma latou faa-
sese i loto o tagata ua le manatu
leaga, i lo latou faaneene ma alofa
faavivii. Auā ua logo atu i tagata 19
uma lava lo outou usiusitai; o lea
ou te olioli ai ona o outou. Ou te
manao foi ia popoto outou i mea
lelei, a ia valelea i mea leaga. Ele 20
pine foi ona solia o Satani i lalo o
outou vae e le Atua e ona le ma-
nuia. Ia ia te outou le alofa tunoa
o lo tatou Alii o Iesu Keriso.
Amene. O loo alolofa atu ia te ou- 21
tou o Timoteo, ma te galulue faa-
tasi ma a'u; o Lukio foi, ma Iasona,
ma Sosepatero, o o'u aiga i latou.
O a'u ne'i o Tesio, o le ua tusi 22
lenei tusi, ua ou alofa atu ia te ou-
tou i la le Alii. O loo alofa atu ia 23
te outou Kaio, o le talia a'u atoa
ma le ekalesia uma. O loo alolofa
atu ia te outou o Erato o le tulafale
sili o le aai, atoa ma Kuato le uso.
Ia ia te outou uma lava le alofa 24
tunoa o lo tatou Alii o Iesu Keriso.
Amene.
Ia viia le na te mafaia ona faa- 25
tumau ia te outou, e tusa ma la'u
tala lelei, ma le tala'iga o le tala ia
Iesu Keriso, e tusa ma le faaaliga o
le mea lilo sa natia i tausaga o le
vavau; a ua faaali mai nei i tusi a 26
perofeta, e tusa ma le poloaiga a le
Atua e faavavau, o loo ua faailoa
mai i nuu uma, ia iu ina usiusitai i
le faatuatua; o le Atua poto ia e 27
toatasi, ia ia te ia le viiga ia Iesu
Keriso e faavavau. Amene.

O LE TUSI

MUAMUA A LE APOSETOLO O PAULO IA

KORINITO.

O le alofa o Paulo, ma lana aoai i le ekalesia i Korinito.

- 1 *O A'U* o Paulo na valaauina i le finagalo o le Atua e fai ma aposetolo a Iesu Keriso, atoa ma Sosene le uso; *o la ma tusi lenei* i le ekalesia a le Atua o loo i Korinito, o e ua faapaiaina ia Keriso Iesu, ua valaauina e fai ma tagata paia, atoa uma ma e valaau atu i le suafa o lo tatou Alii o Iesu Keriso i mea uma, o lo latou Alii atoa ma lo tatou. Ia ia te outou le alofa tunoa ma le manuia mai le Atua lo tatou Tamā, ma le Alii o Iesu Keriso.
- 4 Ou te faafetai atu i lo'u Atua e le aunoa ona o outou, auā o le alofa tunoa o le Atua ua foaiina mai ia te outou ia Keriso Iesu; ina ua faatamaoagaina outou e ia i mea uma, i le upu uma lava ma le poto uma; faapei ona faamaonia le moli-mau ia Keriso ia te outou; o lea na outou le matitiva ai i se mea alofa e tasi; o loo faatalitali outou i le faaaliga o lo tatou Alii o Iesu Keriso; o ia foi na te faatumauiina outou seia oo atu i le inga, ina ia leai se mea e faasalaina ai outou i le aso o lo tatou Alii o Iesu Keriso.
- 9 E faamaoni le Atua, ua valaauina outou e ia ina ia mafuta faatasi ma lona Alo o Iesu Keriso lo tatou Alii.
- 10 Le au uso e, ou te aiōi atu ia te outou i le suafa o lo tatou Alii o Iesu Keriso, ina ia tasi la outou upu uma lava, ina ne'i i ai ni maseiga ia te outou; a ia maopoopo lava i le loto e tasi ma le manatu e tasi.
- 11 Auā ua ta'ua mai outou, o'u uso e, ia te au e o sa Keloē, o ia te outou misa. O la'u upu lenei, ua taitoa-tasi outou ma faapea ane, O a'u o

lo sa Paulō, O a'u o lo sa Apolō, O a'u o lo sa Kefā, O a'u o lo sa Kerisō. Po ua felefele ea Keriso? 13 Pe na faasatauroina ea Paulo e sui a'i outou? Pe na papatisoina ea outou i le igoa o Paulo? Ou te faafetai atu i le Atua ou te lei papatisoina so outou, na o Kiripo ma Kaio; ina ne'i fai mai se tasi na ou papatiso atu i lo'u nei igoa. Na ou papatisoina foi le aiga o Setefana; a ou te le iloa pe ai se tasi na ou papatisoina. Auā e lei auina mai a'u e Keriso e papatiso, a ia folafola atu le tala lelei, e le o le poto i upu, ina ne'i faaleaogaina le satauro o Keriso. Auā o le mataupu i le satauro, o le valea lea i e o malaia; a o le mana o le Atua ia te i tatou ua faaolaina. Auā ua tusia, Ou te faaumatia le poto o e popoto, ma ou faaleaogaina le atamai o e atamamai. Po o ifea le tagata poto? Po o ifea le tusiupu? Po o ifea le filifiliga o lenei lalolagi? E le ua aveā ea e le Atua le poto o lenei lalolagi ma valea? Auā o le poto o le Atua, ina ua le iloa le Atua e le lalolagi i lo latou poto, ua finagalo ai le Atua ia faaolaina i le valea o le tala'iga e ua faatuatua. Auā o loo fai mai Iutaia i se faailoga, ma Eleni o loo saili i latou i le poto; a o i matou, ua matou tala'i atu ia Keriso na faasatauroina, o le mea e tausuai ai Iutaia, ma le valea ia Eleni; a e peitai o e ua valaauina o Iutaia atoa ma Eleni, ua fai Keriso ma mana o le Atua, ma poto o le Atua ia te i latou. Auā o le valea o le Atua e sili lona poto i tagata; o le vaivai foi o le Atua e sili lona malosi i tagata. Auā ua outou iloa lo outou valaauina, le au uso e; e le toatele o e popoto i la le

27 tino, e le toatele faipule, e le toa-
tele alii; a e peitai ua filifilia e le
Atua mea vālea a le lalolagi, ina ia
faamāina ē popoto, ma mea vaivai a
le lalolagi ua filifilia ia e le Atua e
28 faamāina ai mea malolosi; ma mea
a tagata nuu, ma mea faatauua a le
lalolagi, ua filifilia ia e le Atua, atoa
ma mea e lei, ina ia faaleaogaina e
29 ia mea o i ai; ina nei mitamita se
30 tagata e toatasi i ona luma. A ua
fua mai ia te ia ona i ai outou ia
Keriso Iesu, o le ua avea ai mo
tatou poto mai le Atua, o le amiotonu
foi, ma le paia, ma le faaolataga;
31 ina ia faapei ona tusia, O lē mita-
mita, ia mitamita o ia i le Alii.

*O le uiga o folafolaga na faia e
Paulo.*

2 O A'U nei foi, le au uso e, ou te
lei alu atu ma le sili o le upu ma le
poto, ina ua ou alu atu ia te outou i
lo'u tala'i atu ia te outou le mau a
2 le Atua. Auā na tonu lo'u manatu,
ou te le iloa se tasi mea ia te outou
tau lava o Iesu Keriso, o ia lava na
3 faasatauroina. Na ou i ai foi ia te
outou ma le vaivai, ma le mata'u
4 ma le gatete tele; e lei *sauni* atu
foi la'u upu, ma la'u tala'iga i upu
mālie o le poto o tagata, a e peitai
o le faasino mai e le Agaga ma le
5 mana; ina ia le i ai lo outou faa-
tutua i le poto o tagata, a o le
mana o le Atua.
6 A e matou te tautala atu i le poto
i e ua uma ona a'oa'oina; a e le o le
poto o lenei lalolagi po o *le poto* o
alii o lenei lalolagi ua faaleaogaina;
7 a e peitai matou te tautala atu i le
poto o le Atua i le upu lilo sa natia,
na tofia e le Atua anamuā anamuā
8 lava, ina ia tatou manuia ai; o le
mea na le iloa e se alii e tasi o
lenei lalolagi; auā ana latou iloa,
po ua latou le faasatauroina le Alii
9 e ona le manuia. A e pei ona tusia,
O mea e lei vaia e mata, e lei
lagona foi e taliga, e lei oo foi i le
loto o se tagata, o mea *ia* ua saunia
e le Atua mo i latou o e alofa ia te
10 ia. A ua faaalii mai *ia mea* e le
Atua ia te i matou e lona Agaga;
auā e suesue ifo le Agaga i mea
uma, o mea loloto foi a le Atua.
11 Po o ai foi se tagata ua iloa mea a

le tagata, ua na o le agaga o le
tagata o loo i totonu ia te ia? E
faapea foi ona le iloa e se tasi mea
a le Atua, ua na o le Agaga o le
Atua. A ua maua e i matou e le o
12 le agaga o lenei lalolagi, a o le
agaga mai le Atua, ina ia matou
iloa mea ua foaifuaia mai e le
Atua ia te i matou. O ia mea foi
13 matou te tautala atu ai i upu e
a'oa'oina mai e le Agaga Paia, a e le
o upu e a'oa'oina ai i le poto o
tagata, o loo faamatalaina mea faa-
leagaga i *upu* faaleagaga. A e le
14 talia e le tagata faaletino o mea a le
Agaga o le Atua; auā o mea vālea
ia ia te ia, na te le mafai foi ona
iloa, auā e faamasinoina faaleagaga.
A o le tagata faaleagaga e faamasino
15 e ia i mea uma, a e le faamasinoina
o ia e se tasi. Auā po o ai ua na
16 iloa le finagalo o le Alii na te a'o-
a'oina atu o ia? A ua tatou maua le
finagalo o Keriso.

*O faifeau o le au faigaluega i latou a
le Atua.*

O A'U foi, le au uso e, na ou le
3 mafaia ona tautala atu ia te outou
faapei o e faaleagaga, a e peitai pei
o e faaletino, pei o tama meamea ia
Keriso. Na ou fafaga ia te outou i
2 le suāsusu, a e le o mea aano; auā
na outou le lavā i ona po ia, i le tou
te le lavā foi ua oo mai i ona po nei;
auā ua faaletino pea outou; auā ina
3 o i ai ia te outou le mataua, ma le
misa, ma fevaevacaiga, ua le faa-
letino ea outou, ma savavali i la
tagata? Auā ina o fai mai le tasi,
4 O a'u o lo sa Paulō; ma le tasi, O
a'u o lo sa Apolō, ua le faaletino ea
outou? O ai foi Paulo? O ai ea
5 Apolo? E le o auaua lava ea na
outou faatutua ai, pei ona foi e le
Alii taitasi *ia te i maua*? Na ou
6 totōina, na faasūsūina e Apolo; a e
peitai o le Atua ua faatupuina. O
7 lenei, e le o lē totō, e le o lē faa-
sūsū; a e peitai o le Atua o le na
te faatupuina. A o lē totō foi ma
8 lē faasūsū, e tasi lava i laua; a e
taitasi ma lona lava tau e maua, e
tusa ma lana lava galuega. Auā o
9 le au faigaluega i matou faatasi ma
le Atua; o outou o le faatoaga a le
Atua o outou o le fale o fai o le

10 Atua. E tusa ma le alofa o le Atua
na foaiina mai ia te au, pei o se
autu o tufuga e poto, na ou tuu le
faavae, o le tasi foi o loo ati ae; a
ia taitoatasi ma faaeteete pe faape-
11 fea ona ati ae. Auā e le mafaia e se
tasi ona tuu se isi faavae i le ua
uma ona tuuina, o Iesu le Keriso
12 lea. A e afai e ati ae e se tasi i
lenei faavae o auro, o ario, o maa
tāua; o laau, o vaofali, po o tagu-
13 tugutu o saito; e faalia galuega a
tagata taitoatasi; e faailoa foi e le
aso, auā e faaalua i le afi; e tofoto-
faina foi galuega a tagata taitoatasi
14 i le afi po ua faapefea. Afai e
tuman le galuega a se tasi na ia ati
ae, e maua e ia le tau. Afai e faa-
muina le galuega a se tasi, e māu-
mau ana mea; peitai ane e sao o ia,
16 a e pei o *se na* ui mai i le afi. Tou
te le o iloa ea o le malumalu outou
o le Atua, o loo nofo foi le Agaga o
17 le Atua i totonu ia te outou? Afai
e faaleaga e se tasi le malumalu o le
Atua, e faaleagaina lena tagata e le
Atua; auā e paia le malumalu o le
18 Atua, o outou lava ia. Aua nei ai
se tasi e faaseseina o ia e ia. Afai
ua ia te outou se tasi o manatu e
poto ia i lenei lalolagi, ia avea ia ma
19 vale, ina ia poto ai o ia. Auā o le
poto o lenei lalolagi o le valea lea i
luma o le Atua; auā ua tusia, E
maua e ia o e popoto i a latou lava
20 togafitiga; i le ma lea, Ua silafia e
le Alii manatunatu o e popoto, ua
21 faatauvaa ia. O lenei, aua le mita-
mita se tasi i tagata; auā o mea
22 uma o a outou ia, po o Paulo, po o
Apolo, po o Kefa, po o le lalolagi,
po o le ola, po o le oti, po o mea i
nei ona po, po o mea atali; o mea
23 uma lava o a outou ia; e o Keriso
foi outou; e o le Atua foi Keriso.

*O le tautiga o le au aposetolo i le
galuega.*

4 IA faapea ona manatu o tagata ia
te i matou, o auauna a Keriso, o
aunauna foi e tausi i upu lilo a le
2 Atua. O lenei, e susesueina i auauna
tausi mea ina ia iloa ai le tagata ua
3 faamaoni. A o le mea matuā māmā
lava ia te au ona faamasinoina o a'u
e outou, po o le faamasinoga a
tagata; ou te le faamasino lava a'u

ia te a'u. Auā ou te le iloa ifo i lo'u 4
loto so'u sese, a e le ta'uamiotonuina
a'u i lea mea; a o le na te faa-
masinoina a'u o le Alii lea. O lenei, 5
aua tou te faamasino i se tasi mea
a o le oo mai ona po, seia afio mai
le Alii, o le na te faamalamalamaina
mea lilo o i le pouliuli, ma faaalua
filifiliga o loto; e i ai ona taitasi ma
ta'uleleia e le Atua.

Le au uso e, ua ou faatatauina ia 6
mea ia te i maua ma Apolo ona o
outou; ina ia a'oa'oina ai outou ia i
maua, ia le sili lo outou manatu i le
mea ua tusia, ina nei ai so outou e
fefete le loto ona o le tasi, a e *faa-*
siasia i le isi. Auā o ai ea na te 7
faaseseina oe? se a foi se mea ua ia
te oe e lei foaiina atu? A e afai na
foaiina atu ia te oe, se a le mea ua
e mitamita ai, peiseai e lei foaiina
atu lava? Ua maona nei outou, 8
ua tamaoiga nei, ua avea outou ma
tupu a e le o i ai matou; a ni tupu
outou po ua lelei lava lea ia te au,
ina ia avea foi i matou ma tupu
faatasi ma outou. Auā o lo'u ma- 9
natu ua tuuina atu i matou le au
aposetolo e le Atua ia mulimuli,
pei o e ua tofia ia oti; auā ua avea
i matou ma mataaga i le lalolagi, o
agelu atoa ma tagata. O loo valelea 10
i matou ona o Keriso, a o outou o
loo atamamai ia Keriso; o loo vai-
vai i matou, a ua malolosi outou;
ua mamalu outou, a ua faaletau-
aloaina i matou. Ua oo mai i lenei 11
lava itu aso, ua matou fia aai, ma
fia inu, ma ua le lavalavā, ma tau-
faitu'ina, ma maumau solo; o loo 12
tautiga i matou o galulue i o matou
lava lima; o loo agateleina i matou,
matou te upu lelei atu; o loo sau-
ina i matou, matou te onosai; o loo 13
faifaia i matou, matou te aioi atu;
ua matou pei o otaota o le lalolagi,
o le punefu foi o mea uma, ua oo
mai lava i ona po nei. Ou te le tusi 14
atu na mea e faamāina ai outou, a e
peitai ou te apoapoai atu ia te outou
o la'u lava fanau pele. Auā e ui ina 15
toamano o ta'ita'i tama ia te outou
ia Keriso, a e peitai e le toatele o
outou tamā; auā na ou fanaua outou
i le tala lelei ia Keriso Iesu. O 16
lenei, ou te aioi atu ia te outou, ia
outou faaa'oa'o ia te au. O le mea 17

lea ua ou auina atu ai Timoteo ia te outou, o lo'u atalii pele lea ma le faamaoni i le Alii, o le na te faamanatuina outou i la'u amio i *le galuega* a Keriso, pei ona ou a'oa'o
18 i mea uma i ekalesia uma. O loo fefete loto o isi, peiseai a ou le alu
19 atu ia te outou. A e vave ona ou alu atu ia te outou, a finagalo i ai le Alii; ona ou iloa ai lea e le o le upu a e loto fefete a o lo *latou*
20 malosi. Auā o le malo o le Atua e
21 le o i le upu, a o le malosi. Po o le fea tou te loto i ai? ou te alu atu ea ia te outou ma le sasa, po o le alofa ma le loto agamalu?

Ia tuu i tua le tagata amio leaga.

5 UA salalau le tala o ia te outou le-faitaaga, o le faitaaga faapea foi e le o ta'ua i nuu ese, ina ua fai avā
2 le tasi i le avā a lona tamā. O outou foi, ua outou loto fefete ea? a e tou te le faanoanoa ea, ina ia tuu-eseina ia te outou le ua faia lena
3 mea? O a'u foi, o loo le i ai lo'u tino ia te outou, a ua ia te outou lo'u loto, ua uma ona ou faamasino i le ua faia faapea lena mea, peiseai
4 ua ou i ai lava, pe a faapotopotoina outou faatasi ma lo'u loto, ma le mana o lo tatou Alii o Iesu Keriso, o le suafa o lo tatou Alii o Iesu Ke-
5 riso, tou te tuuina atu ai le ua faapea ia Satani, e fano ai le tino, ina ia sao le agaga i le aso o le Alii o
6 Iesu. E le tusa lo outou mitamita. Tou te le iloa ea o se mea faafefete itiiti, e faafefeteina ai le palugāfa-
7 laoa uma lava? O le mea lea ia outou faatea ese ai le mea faafefete tuai, ina ia avea outou ma paluga fou, ona ua lei o se mea faafefete
8 ia te outou; auā foi o Keriso la tatou paseka ua fasia mo i tatou.
9 O lenei, aua tatou te faia le tau-samiga ma le mea faafefete tuai, po o le mea faafefete o le loto leaga ma le amio leaga; a ia *faia* ma le mea e le faafefeteina, o le loto lelei ma le faamaoni.
9 Ua ou tusi atu ia te outou i la'u tusi, aua tou te feoi ma e faitaaga.
10 A e le matuā faapea foi i e faitaaga i lenei lalolagi, atoa ma e matapeapea, ma e fao mea, ma e ifo i tupua; ana faapea, e ao ina outou o ese atu

i le lalolagi. A o lenei, ua ou tusi 11
atu ia te outou, ai se tasi ua ta'u-usoina a e faitaaga, pe matapeapea, pe ifo i tupua, pe agatele, pe onā, pe fao mea; aua lava ne'i tou feoi, aua foi tou te aai faatasi ma le o faapea. Auā o ia te au ea ona faa-
12 masino i e ua i tua? Tou te le faamasino ea i e ua i loto pa? A o
13 e i tua, e faamasinoina i latou e le Atua. O lenei, ia faateaceseina e outou lena tagata amio leaga ia te outou.

Aua le fai finauga e le au uso i luma o faapaupau; ia sosola ese i le faitaaga.

AI so outou la te fai se finauga 6
ma se isi i se tasi mea, e faamalosi ea ia ina ia faamasinoina i luma o e amioletonu, a e le o luma o le au paia? Tou te le iloa ea e faamasinoina le lalolagi e le au paia? afai foi e faamasinoina le lalolagi e outou, e le tusa ea outou ona fai o faamasinoga i mea aupito iti? Tou
3 te le iloa ea tatou te faamasino i agelu? e le *faamasino* ea i mea a le olaga nei i se a? O lenei, pe afai
4 ua ia te outou faamasinoga i mea a le ola nei, ina tofia ia o e ua ta'u-faatauvaaina i le ekalesia latou te faamasino i ai. Ou te faapea atu
5 ia te outou ina ia outou mamā. E moni ea? e leai ea sē poto e toatasi o ia te outou, o le na te mafaia ona faamasino i mea a lona uso? A e
6 peitai ua fai finauga a le uso, ma *ua faia* lea mea i luma o e le talitonu. O lenei, ua outou matuā sese lava,
7 ina ua ia te outou finauga o le tasi i le tasi. Tou te le onosai ea i le agaleaga i se a? Tou te le onosai i se a pe a gaoia a outou mea? A e
8 peitai ua outou agaleaga atu ma faagaioi, ma *ua faia* ia mea i le au uso. Tou te le iloa ea, o e amio
9 leaga e le fai mo latou tofi le malo o le Atua? Aua ne'i faaseseina outou; o e faitaaga, ma e ifo i tupua, ma e mulilulua, ma e tauā-tane, ma e faasotoma, ma e gaoi, 10
ma e matapeapea, ma e onā, ma e agatele, ma e fao mea, e le fai mo latou tofi le malo o le Atua. Sa
11 faapea foi nisi o outou; a ua taele outou, a ua faapaiaina outou, a ua

- ta'namiotonuina outou i le suafa o le Alii o Iesu, i le Agaga foi o lo tatou Atua.
- 12 Ua tataga mea uma ia te au, a ua le aoga mea uma; ua tataga mea uma ia te au, a o a'u, e le faiaina
- 13 a'u i se tasi mea. E tatou mea e 'ai i le manava, e tatou foi le manava i mea e 'ai; a e faatau faaumatia e le Atua o lena atoa ma ia mea. A e le tatou le tino i le faitaaga, a e tatou i le Alii; e tatou foi le Alii
- 14 i le tino. A o le Atua ua na toe faatuina le Alii, na te toe faatuina foi i tatou i lona lava mana.
- 15 Tou te le iloa ea, o outou tino o itu tino o Keriso ia? O lenei, ou te ave ea itu tino o Keriso a e faia ma itu tino o le fafine talitane? Aua ne'i
- 16 faapea. Tou te le iloa ea, ua tino e tasi le ua faatasia ma le fafine talitane? auā o loo faapea mai, E avea
- 17 i laua ma tino e tasi. A e peitai ua agaga e tasi le ua faatasia ma le
- 18 Alii. Ina sosola ese ia outou i le faitaaga. Ua auliuligia le tino i agasala uma e faia e tagata; a o lē faitaaga, e agasala ia i lona lava
- 19 tino. Tou te le iloa ea, o lo outou tino o le malumalu lea o le Agaga Paia ua i totonu ia te outou, o loo ua ia te outou mai le Atua, e le aiā
- 20 foi outou ia te outou? Auā ua faatauina outou i le tau; o lenei, ia outou vivii atu i le Atua i o outou tino ma o outou agaga, o mea a le Atua ia.
- O le amio a le tane ma le avā.*
- 7 A. O mea na outou tusi mai ai, e lelei ona le tago se tagata i se fafine; a ona o le faitaaga, ia taitasi le tane ma lana lava avā, ia taitasi foi le fafine ma lana lava tane. Ia avatu le tane i le avā le agalelei e tatou ai,
- 4 ia faapea foi le avā i le tane. E le pule le avā i lona lava tino, na o le tane; e faapea foi le tane, e le pule
- 5 ia i lona lava tino, na o le avā. Aua ne'i faafiti le tasi i le tasi, seia iloga lava lua te loto gatasi ai i nai aso, ina ia oulua faasaga i le anapogi ma le tatalo; ma ia toe faatasi ane i le mea e tasi, ina ne'i faaososo mai
- 6 Satani ia te oulua, ona o lo oulua le lavā onosai. O le mea tuufaitalia
- 7 ou te fai atu ai, e le se poloaiga. A
- o lo'u loto ia faapei o a'u nei tagata uma; a e peitai e taitoatasi ma lana lava mea alofa e maua mai le Atua, e taitasi ma lona uiga, o lea ma lea.
- O la'u lenei upu i tagata taataa- noa ma fafine ua oti a latou tane, e lelei ona latou nonofo pea pei o a'u nei. Peitai afai latou te le lavā oono, ia fai avā ma nofotane i latou, auā e lelei ona fai avā, a e leaga ona mu. Ou te fai atu foi i e ua fai avā ma nofotane, e le o a'u, a o le Alii, Aua le te'a ese le avā i lana tane, afai foi e te'a, ia nofo fua pea ia, pe toe lelei ma lana tane; aua foi le molia e le tane lana avā. A o isi, o la'u lenei upu ia te i latou, e le a le Alii; ai se tasi o le au uso ua i ai le avā le talitonu, ua loto ina la nonofo ma ia, aua le molia o ia; o se fafine foi o i ai le tane le talitonu, ua loto ina la nonofo ma ia, aua le faatea ia te ia. Auā e faapaiaina le tane le talitonu i le avā; e faapaiaina foi le avā le talitonu i le tane; ana le o lea po ua leaga a outou fanau; a o lenei, e paia i latou. Peitai afai e te'a ese le le talitonu, ia te'a ese pea ia. E le faapologaina se uso, po o se tuafafine, pe a faapeaina; a ua valaauina i tatou e le Atua i le filemu. Ua e iloa faapefea o oe le avā, pe ola lau tane ia te oe? ma oe le tane, ua e iloa faapefea, pe ola lau avā ia te oe? A ia taitoatasi ma savali pei ona tufatufa mai e le Atua ia te ia; ia taitoatasi pei ona valaauina o ia e le Alii. Ua faapea foi ona ou faatonuina i ekalesia uma lava. A valaauina se tasi ua peritomeina; aua ne'i liliu i le le peritome; a valaauina se tasi ua le peritomeina, aua ne'i peritomeina o ia. E le aoga lava le peritome, e le aoga foi le le peritome; ua na o le tasi i poloaiga a le Atua. Ia taitasi ma nofo pea i le mea na valaauina ai o ia. Ua valaauina ea oe ina o fai ma pologa? aua e te manatu i ai; peitai a mafai ona e maua le sa'olotoga, ina fai ia o lea e lelei ai; auā o le ua valaauina i le Alii ina o fai ma pologa, o le sa'oloto ia a le Alii; e faapea foi le ua valaauina ina o sa'oloto, o le pologa ia o Keriso. Ua faatauina outou i le tau, aua

- ne'i avea outou ma pologa o tagata.
- 24 Le au uso e, ia taitoatasi ma nofo pea i luma o le Atua i le mea na valaauina ai o ia.
- 25 A o taupou, ua ou le maua se poloaiga a le Alii *ia te i latou*; a ou te ta'u atu lo'u taofi, o a'u foi ua alofagia e le Alii, ou te faamaoni ai.
- 26 O la'u taofi foi, e lelei lena mea ona o le faigata i ona po nei, e lelei foi i le tagata pe a faapea. Ua noatia ea oe i le avā? aua e te saili ina ia tatalaina; ua tatalaina ea oe i le avā? aua e te saili i se avā. A e ui lava ina e fai avā e te le agasala ai; afai foi e nofotane le taupou e le agasala ai o ia; a e oo i e ua faapea le puapuaga i le tino. A e ou te le faamamafa atu ia te outou. A o la'u lenei e fai atu ai, le au uso e, ua itiiti ona aso ua totoe; o lenei, o e ua fai avā, ia peiseai ua le fai avā; o e taufaitagi, ia peiseai ua le taufaitagi; o e taufaiolioli, ia peiseai ua le taufaiolioli; o e faatau, ia peiseai ua le maua *ni mea*; o e fetagofi i mea a le lalolagi nei, ia peiseai ua le fetagofi i ai; auā o le a mavae atu le tu o le lalolagi nei.
- 32 Ou te loto lava ina ne'i popole outou. Ua popole le taataanoa i mea a le Alii i se mea e fiafia mai i ai le
- 33 Alii; a o le ua fai avā, e popole ia i mea a le lalolagi i se mea e faafiafia ai le avā. E ese lē nofotane, a e ese le taupou; ua popole lē nofo fua i mea a le Alii, ina ia paia o ia, o le tino atoa ma le agaga; a o lē nofotane, e popole ia i mea a le lalolagi i se mea e faafiafia ai le tane. O la'u lenei upu e fai atu ia te outou e aoga ai ia te outou; e le ina ia ou lafo se matāsele ia te outou, a e peitai ina ia matagofie ai; ina ia auauna lelei foi i le Alii ma
- 36 le loto le fetosoaiina. Afai foi e manatu se tasi ua faaleono lana amio i lona *afafine* taupou, afai ua matua lava ia, ma ona ua tataua ona ia faapea, ina fai ia e ia le mea e loto i ai, e le agasala ia; ia nofo o ia i lana tane. A o le ua mau lona loto, e leai se mea e faigata i ai, ua ia te ia foi le pule i lona lava loto, ma ua tonu lona loto i lenei mea ona ia taofi i lona *afafine* taupou, ua lelei lana mea e fai. O lenei, o

lē faaavaga i lona *afafine* ua lelei lana mea e fai, a o le le faaavaga *ia te ia* ua sili ona lelei lana mea e fai.

Ua noatia le fafine i le tulafono i 39 aso uma e ola ai lana tane; a e afai ua oti lana tane, ua sa'oloto o ia e nofotane i le ua loto i ai, tau lava i le ua i le Alii. A e afai e nofo *fua* 40 pea ia, e sili lona manuia, o la'u taofi lea; o lo'u manatu foi ua ia te au le Agaga o le Atua.

O mea e fasia mo tupua.

A O mea e fasia mo tupua, ua 8 tatou iloa, auā ua tofu i tatou ma le poto; e faafefete le poto, a o le alofa e faamafanafana lea. Afai 2 foi e manatu se tasi ua na iloa se mea, e lei iloa lava e ia se mea e tasi pei ona tataua ona iloa; a e afai e alofa atu se tasi i le Atua, ua silafia lena tagata e ia. A o le 'ai i 4 mea e fasia mo tupua, ua tatou iloa o le mea faatanuvaa i le lalolagi le tupua; e leai foi se tasi Atua, ua na o le toatasi lava. Auā e ui lava 5 ina o i ai e ua ta'ua o atua, o i le lagi ma le lalolagi, (ona ua i ai atua e toatele, ma alii e toatele,) a e peitai ua ia te i tatou le Atua e toatasi o le Tamā ia, e fua mai ia te ia mea uma, o i tatou foi *ua fai* mo 7 ia; ma le Alii e toatasi o Iesu Keriso, ua faia e ia mea uma, o i tatou foi *ua faia* e ia. A ua le tofu 7 poto tagata; o loo aai nisi ma le manatu ifo i le tupua, ua oo mai lava i ona po nei, e pei o se mea ua fasia mo tupua, ua leaga ai foi lo latou manatu ifo ina ua vaivai. E 8 le lelei i tatou i luma o le Atua ona o le mea e 'ai; auā pe afai tatou te aai, e le sili ai lo tatou lelei; pe afai foi tatou te le aai, e le sili ai lo tatou leaga. A ia outou faateete, 9 ne'i avea la outou nei faitalia ma mea e tausuai ai e ua vaivai. Auā 10 a vaai se tasi ia te oe ua i ai le poto, o loo e taoto e 'ai i le fale o le tupua, e le faamalosiā ea le manatu ifo o le ua vaivai, ina ia 'ai e ia i mea e fasia mo tupua? O lou poto 11 foi e fano ai le uso vaivai, o le na maliu ai Keriso mo ia. A faapea 12 foi ona outou agasala i le au uso, ma faatausuai lo latou manatu ifo vaivai, ua outou agasala ia Keriso.

13 O lenei, afai e tausuai lo'u uso ona o le mea e 'ai, ou te le toe 'ai lava i tino o manu e oo i le faavavau, ina ne'i tausuai ai lo'u uso ia te au.

Ia alofaina le ua fai le galuega a le Atua.

- 9 OU te le se aposetolo ea? ou te le se sa'oloto ea? ou te lei vaaia ea Iesu Keriso lo tatou Alii? e le o la'u galuega ea outou i le Alii?
- 2 Tuu ia nisi tagata, ou te se aposetolo lava ia te outou; auā o le faamaufaaailoga outou o lo'u aposetolo i le Alii. O la'u lena tali i e faamasino mai ia te au. E le o la matou faitalia ea ona aai ma iu?
- 3 E le o la matou faitalia ea, pe matou te feaveai se tuafafine o le avā, pei o aposetolo uma, ma uso o le
- 6 Alii, ma Kefa? Pe na o i maua ma Panapa, e le sa ma faitalia ea ona
- 7 tuu o galuega faaletino? O ai ea sē alu i le taua, a e le tauia o ia? O ai ea se na te faia se tovine, a e le 'ai i ona fua? Po o ai ea se na te leoleoina se lafu mamoe, a e le
- 8 'ai i le suāsusu o le lafu? Ou te fai atu ea nei mea i upu a tagata? e le o fai mai foi ea le tulafono nei
- 9 mea? auā ua tusia i le tulafono a Mose, Aua e te fusi le gutu o le povi a o solisolia e ia saito. O povi
- 10 ea e manatu i ai le Atua? po ua na le fetalaia mai ea ona o i tatou lava? Ona o i tatou foi ua tusia mai ai, auā e tatou i le na te suatia le eleele, ia suatia ma le faamoe-moe, o lē solisolia foi saito, ia solisolia ma le faamoemoe, ina ia maua
- 11 le mea ua faamoemoe i ai. Afai ua matou lulu atu mā outou mea faaleagaga, o le mea tele ea pe a matou selesese mai a outou mea faaletino?
- 12 A pule isi ia te outou, e le sili ea ona pule o i matou? A e le faia e i matou lena pule; a ua matou oono i mea uma, ina ne'i matou tuuina atu se mea e faalavelave ai
- 13 le tala lelei ia Keriso. Tou te le iloa ea, o e galulue i mea paia latou te aai i mea mai le malumalu? o e auauna i le fata faitaulaga ua latou tofu i tufaaga faatasi ma le fata.
- 14 Ua faapea foi le poloaiga a le Alii i e folafola le tala lelei e maua mea a le tino i le tala'iga o le tala lelei.

A ou te le faia se mea e tasi o na mea, ou te le tusi atu foi nei mea ina ia faapea ona fai ia te au; auā e lelei ina ou oti, a e leaga ina faaleagaina e se tasi lo'u mitamita. Auā afai ou te folafola le tala lelei, e le se mea lea ou te mitamita ai, auā ua leai sa'u faitalia i lea mea; oi talofa foi ia te au, pe a ou le folafolaina le tala lelei. Aua afai ou te faia lenei mea ma le loto, ua ia te au le tau; peitai ane, a ou le faia ma le loto, ua tuuina mai ia te au e fai ma auauna tasi mea. O lenei, se a ea lo'u tau? O lenei, pe a ou folafolaina atu le tala lelei, ia ou avatu le tala lelei a Keriso ma le le tauia mai; ina ia ou le faia la'u pule i le tala lelei. Auā e ui ina ou sa'oloto mai tagata uma, ua faapologaina a'u e a'u mo tagata uma, ina ia atili ai ona toatele ou te maua. Sa ou faapei o se Iutaia ia Iutaia, ina ia ou maua ni Iutaia; ua ou faapei o sē nofo i le tulafono i e nonofo i le tulafono, ina ia ou maua ni e nonofo i le tulafono; ua ou faapei o sē le nofo i le tulafono i e ua le nofo i le tulafono, (e le ona ua ou le nofo i le tulafono i le Atua, a ua ou nofo i le tulafono ia Keriso,) ina ia ou maua ni e ua le nofo i le tulafono. Ua ou faapei o sē vaivai i e ua vaivai, ina ia ou maua e ua vaivai; ua ave'a a'u ma mea uma mo tagata uma, ina ia iu lava ina ola nisi ia te au. Ou te faia foi le mea nei ona o le tala lelei, ina ia tatou tofufufusia faatasi ma a'u. Tou te le iloa ea, o e tau-sinio i le ala tanu, e tausinio uma i latou, a e maua le tau i le toatasi? Ia faapea ona outou tausinio, ina ia outou maua. O i latou uma o e fai aigofie e fai faatatau i mea uma lava; o i latou foi ua latou faapea ina ia maua le pale palagofie, a o i tatou, ina ia maua le pale e le pala lava. O a'u nei foi, ua faapea ona ou momo'e e le ma le faaletonu; ua faapea ona ou tu'i, e le pei o se tu'i le matagi. A ou te faatoilalo ina lo'u nei tino, ma a'u fai ai ma pologa, ina ne'i iu ina le faamaoni a'u, o a'u sa tala'i atu i isi tagata.

Ia taumanao i taulaga i tupua.

10 LE au uso e, ou te loto ina ia outou iloa, sa i lalo o le ao o tatou tamā uma, ma ui ane uma i le sami, 2 ma papatisoina uma ia Mose i le ao 3 ma le sami, ma aai uma i le mea e 4 'ai e tasi faaleagaga, ma feinu uma 4 i le vai e tasi faaleagaga; auā na latou inu i le papa faaleagaga sa mulimuli atu ia te i latou, o lena 5 papa foi o Keriso lea; a e peitai o le toatele o i latou ua le fiafia i ai le 6 Atua, auā na faataatitia solo o latou 6 tino i le vao. Na fai foi na mea ma faailoga mo i tatou, ina ne'i tatou tu'inanau atu i mea leaga, pei ona 7 tu'inanau lava i latou. Aua foi tou te ifo i tupua, pei o isi o i latou, pei ona tusia, Sa nonofo le nuu i lalo ma aai ma inu, ona latou tutū lea i 8 luga e sisiva. Aua foi tatou te faitaaga, pei ona faitaaga o isi o i latou, ma fano ai i le aso e tasi e lua 9 sefulu o afe ma afe e tolu. Aua foi tatou te faaonoono ia Keriso, pei ona faaonoono o isi o i latou, ma 10 fano ai i gata. Aua foi tou te muimui, pei ona muimui o isi o i latou, ma fano ai i le na te olopalaina. 11 Na oo na mea uma ia te i latou e fai ma faailoga; ua tusia foi e fai ma apoapoaigna mo i tatou o e ua 12 aulia mai ai tausaga e gata ai. O lenei, o lē manatu o loo o tu ia, ina 13 faaeteete ia ne'i paū. Ua le maua outou e se tofotofoga e ese i lo tagata; a ua faamaoni le Atua, o le na te le tuuina atu outou i le tofotofoga e sili i se mea ua outou lavatia, a e sauni foi faatasi ma le tofotofoga se mea e sao ai, ina ia outou 14 lavā oono. O le mea lea, au pele e, ia outou sosola ese ai i le ifo i tupua. 15 Ou te fai atu i e o mafaufau; ina manatunatu ifo ia outou i la'u e fai 16 atu. O le ipu o le faafetai o tatou o faafetai ai, e le o le mafuta faatasi ea lea ma le toto o Keriso? O le areto tatou te tofitofi ai, e le o le mafuta faatasi ea lea ma le tino o 17 Keriso? Auā o i tatou le toatele, o le areto e tasi ma le tino e tasi i tatou; auā ua tofufusia i tatou 18 uma i le areto e tasi. Faauta mai ia Israelu i la le tino; o e o aai taulaga, ua latou le tofua i tufaaga

faatasi ma le fata faitaulaga? Se 19 a foi ou te fai atu ai? O se mea aoga ea le tupua? po o se mea aoga le mea ua fasia mo tupua? *E leai,* 20 a o mea ua fasia e nuu ese, ua fasia e i latou mo temoni, a e le o le Atua; ou te le loto foi ina ia outou mafuta faatasi ma temoni. Tou te 21 le mafaia ona inu i le ipu a le Alii atoa ma le ipu a temoni; tou te le mafaia ona faatofutofusia i le laoi a le Alii atoa ma le laoi a temoni. Tatou te faaonoono ea i le Alii? 22 Ua sili ea lo tatou malos i lona?

Ua tataga mea uma ia te au, a 23 ua le aoga mea uma; ua tataga mea uma ia te au, a ua le faamafanafana mea uma. Aua le saili se tasi i lona lava *lelei*, a ia taitasi ma *saili* i le *lelei* o le isi. O mea 24 uma ua faatauina i le mea e faatau ai mea e 'ai, ia outou aai ai; aua lava le fesili ona o le loto fuatia ifo; auā o le lalolagi e o le Alii 25 lea, atoa ma mea ua tumu ai. Afai foi e tala'iina outou e se tasi o e le lotu, ma outou fia o atu ai, ia outou aai i mea uma ua laulauina mai ia te outou; aua lava le fesili ona o le loto fuatia ifo. A e afai e faapea 26 mai se tasi ia te outou, O le mea nei ua fasia mo le tupua; aua tou te aai ai, ona o le na faaali mai ai, auā foi o le loto fuatia ifo; auā o le lalolagi e o le Alii lea, atoa ma mea 27 ua tumu ai. O le loto fuatia ifo ou te fai atu ai, e le o lo'u, a o lo le tasi; auā se a le mea e faamasinoina ai lo'u sa'olotoga i le loto fuatia ifo o le tasi? O a'u foi, afai ou te 28 'ai ma le faafetai, se a le mea ua upuleagaina ai a'u ona o le mea ua ou faafetai atu ai? O lenei, pe tou 29 te aai, pe tou te inu, po o se tasi mea tou te faia, ia outou faia mea uma lava ia viia ai le Atua. Aua 30 le avea outou ma mea e tautevateva ai Iutaia, po o Eleni, po o le ekalesia a le Atua; faapei o a'u nei foi, 31 ou te faafiafia atu i tagata uma i mea uma lava, o loo le sailia e a'u so'u lava lelei, a o lo le toatele, ina ia faaolaina ai i latou.

O le pulouina o fafine i le lotu. O le tu o le faamanatuga.

- 11 IA outou faaa'oa'o mai ia te au, pei o a'u ia Keriso.
- 2 Le au uso e, ou te vivii atu ia te outou, ina ua outou manatua mai a'u i mea uma, ma outou taofi mau poloaiga, pei ona ou tuuina atu ai ia te outou. A ou te loto ina ia outou iloa, o le ulu o tane taitoatasi o Keriso lea, o le ulu o le avā o le tane lea, a o le ulu o Keriso o le
- 4 Atua lea. Ai se tane e tatalo pe perofeta ma lona ulu ua ufufitia, ua faalemigao ia i lona ulu. Ai se fafine foi e tatalo pe perofeta ma lona ulu e le ufufitia, ua faalemigao ia i lona lava ulu; auā o le mea e tasi lava lea ma le tasi o lona lauulu.
- 6 Auā a le ufufitia le fafine ia sele mamā lona lauulu; a e afai o le mea e masiasi ai ona sele mamā pe tasi, ia ufufitia lava ia. Auā e le tatau i le tane ona ufufitia e ia lona ulu, auā ua foliga o ia i le Atua, ma lē e viia ai o ia; a o le fafine o ia lē
- 8 e viia ai le tane. Auā e le mai le fafine le tane, a o le fafine, mai le tane ia. Auā foi na le faia le tane ona o le fafine, a o le fafine ona o le tane. O le mea lea e tatau ai i le fafine ina ia i ai le ufufi i lona
- 11 ulu, ona o agelu. A e ui lava ina faapea, e leai se tane pe a le o i ai le fafine, e leai foi se fafine pe a le o i ai le tane, i le Alii; auā pei ona tupu mai o le fafine mai le tane, e faapea foi le tane i le fafine; a o mea uma lava mai le Atua ia. Ina manatunatu ifo ia outou, pe tatau ona tatalo o le fafine i le Atua ma
- 14 le le ufufitia. E le a'oa'o mai ea le mafaufau ia te outou, a uumi le lauulu o le tane, o le mea lava lea e mā ai o ia? A e afai e uumi le lauulu o le fafine, o le mea lea e viia ai o ia; auā ua foi mai lona lauulu e
- 16 fai ma ufufi ia te ia. A e afai e fia finau se tasi, e leai se tu faapea ia i matou, e leai foi i ekalesia a le Atua.
- 17 A ou te le vivii atu ia te outou i le mea ou te fai atu ai nei, ona ua le iu i se lelei la outou faapotopoto, a e iu i le leaga. Auā e muamua lea, ua logo mai ia te au, pe a potopoto

outou i le ekalesia, ua ia te outou maseiga; ua ou taofi foi e moni nisi mea; auā e ao ina tupu o feyaveaeniga ia te outou, ina ia faaalia o e ua faamaoni o ia te outou.

O lenei, pe a potopoto outou i le mea e tasi, e le faapea outou ina ia outou aai i le talisuaga a le Alii. Auā a aai, ua taitoatasi ma muai fai lana lava talisuaga; ua laina le tasi, ua mālile le tasi. E leai ea lava ni o outou fale tou te aai ai ma inu ai? po ua faatauvaa ea ia te outou le ekalesia a le Atua, ma outou faamāina e ua matitiva? Se a ea se upu ou te fai atu ai ia te outou? Ou te vivii atu ea ia te outou i lona mea? Ou te le vivii lava.

O a'u foi, na ou maua mai le Alii le mea na ou tuuina atu ai ia te outou, O lea lava po na faalataina ai le Alii o Iesu, na ia tago ai le areto, ua ia faafetai, ona tofitofi ai lea, ma fai atu, Ina tago ia, ina aai; o lo'u tino lenei ua tofitofi ma sui o outou, ia outou faia lenei mea ma faamanatuga ia te au. Ua ia faapea foi i le ipu ina ua uma ona aai, ua faapea atu, O le ipu lenei o le feagaiga fou lea i lo'u toto; ia outou faia lenei mea ma faamanatuga ia te au i aso uma tou te feinu ai. Auā o aso uma tou te aai ai i lenei areto, ma feinu i lenei ipu, tou te faailoa atu ai le maluu o le Alii scia afio mai o ia. O lenei, ai sē 'ai i lenei areto, pe inu i le ipu a le Alii ma le faaletatau, e nofo sala o ia i le tino ma le toto o le Alii. A ia susesue ifo le tagata ia te ia, i le 'ai ai o ia i lenei areto, ma inu i lenei ipu. Auā o lē 'ai ma inu faaletatau ua 'ai o ia ma inu i lona lava faasala, ina ua le faautauta o ia i le tino o le Alii. O le mea lea ua mamai ai ma vaivai ai ni o outou e toatele, ma nisi e toatele ua latou momoe. Auā afai ana tatou faamasino ia te i tatou, po ua le faasalaina i tatou. A ua aoiina i tatou e le Alii ina ua faasalaina, ina ne'i matuā faasalaina i tatou faatasi ma le lalolagi. O lenei, o'u uso e, pe a outou faapotopoto e aai, ia faatalitali outou le tasi i le tasi; afai foi e fia 'ai se tasi, ina 'ai ia i lona lava fale; ina ne'i avea la outou potopotoga ma

mea e faasalaina ai outou. O mea o totoe ou te faatonu i ai pe a ou alu atu.

O mea alofa ua foaiina mai e le Agaga.

- 12 A O mea faaleagaga, le au us oe, ou te loto ina ia iloa ai e outou.
 2 Ua outou iloa sa fai ma nuu ese outou, sa tosina foi i tupua le gagana, pei ona soona tosina o outou.
 3 O lenei, ou te faailoa atu ia te outou, e leai lava se tagata e tautala i le Agaga ole Atua na te ta'uanate-maina o Iesu; e leai foi se tasi na te mafaia ona ta'ua o Iesu o le Alii,
 4 a le se anoa le Agaga Paia. E matalasi mea alofa, a e tasi lava le
 5 Agaga ia; e matalasi foi faiva, a e
 6 tasi lava le Alii ia; e matalasi foi mea mamana, a e tasi lava le Atua, o le na te matuā galue i mea uma i
 7 tagata uma lava. Ua foaiina taitasi i tagata le faaaliga o le Agaga e
 8 aoga ai. Auā ua foaiina mai i le tasi le upu o le potō e le Agaga; e i le tasi le upu o le malamalama, e tusa
 9 ma le Agaga e tasi; e i le tasi le taofi tonu e le Agaga e tasi; e i le tasi o mea alofa e faamalolo a'i ma'i
 10 e le Agaga e tasi; e i le tasi na te faia vavega; e i le tasi o le perofeta; e i le tasi o suega o agaga; e i le tasi gagana eseese; e i le tasi o le faamatalaga o gagana. E matuā
 11 galue foi na mea uma e lea lava Agaga e tasi, o loo o tufatufa i tagata ia taitasi ma lana mea, pei
 12 ona finagalo i ai o ia. Auā pei o le tino ua tasi ia, ma ona itu tino e tele, a o itu tino uma, e ui iua tele, o le tino e tasi lava ia; e faapea
 13 lava Keriso. Auā foi o le Agaga e toatasi na papatisoina ai i tatou uma i le tino e tasi, po o Iutaiā, po o Eleni, po o pologa, po o sa'oloto; ma ua faainumia i tatou uma i le
 14 Agaga e toatasi. Auā foi o le tino e le se itu tino e tasi lea, a e peitai
 15 o itu tino e lasi. Afai e fai mai le vae, Ona ua le o le lima a'u, ou te le so le tino; e moni ea, e le o lo
 16 le tino ia? Afai e fai mai le taliga, Ona ua le o le mata a'u, ou te le so le tino; e moni ea, e le o lo le tino
 17 ia? Afai o mata uma le tino, pe faapefea ona faalogo? Afai na o le

faalogo lava, pe faapefea ona sogi? A o lenei, ua tuuina e le Atua itu tino e taitasi *ma lana tu* i le tino, pei ona finagalo i ai o ia. Afai foi o mea uma o le itu tino e tasi ia, pe faapefea le tino? A o lenei, e lasi itu tino, a e tasi lava le tino ia. E le mafai foi i le mata ona fai ane i le lima, E leai sou aoga ia te au; e le mafai foi i le ulu ona fai ifo i vae, Lua te le aoga ia te au. A e sili lava itu tino e ta'ua e vaivai ona sili o lo latou aoga; ma itu tino ua ta'ua e i tatou e matagā, ua sili lo tatou ta'ulelei i ai; ma e ua ta'ufaatauvaina, ua sili ona ta'uleleia ia; a o tatou *itu tino* ua ta'uleleia, e leai se mea e mativa ai i latou; a ua faatatauina e le Atua le tino uma, ua ia tuuina foi le ava i le *itu tino* ua vaivai; ina ne'i i ai i le tino se maseiga, a ia fetausiai faatasi uma itu tino. Pe afai e tiga le tasi itu tino, ia tiga faatasi ai itu tino uma lava; pe viia le tasi itu tino, ia olioli faatasi ai itu tino uma lava. A o outou, o le tino o Keriso outou, ma itu tino taitoatasi. Ua faatuina foi e le Atua i le ekalesia e muamua o aposetolo, o lona lua o perofeta, o lona tolu o a'oa'o, pito ane i ai o e fai vavega, i le ma mea alofa e faamalolo a'i ma'i, o e fesoasoani, o ta'ita'i, o gagana eseese. O aposetolo uma ea? o perofeta uma ea? o a'oa'o uma ea? o fai vavega uma ea? ua tofu uma ea ma mea alofa e faamalolo a'i ma'i? e tautala uma lava ea i gagana eseese? e faamatala uma ea? Ia outou naunau i mea alofa e sili; a e peitai ou te faasino atu ia te outou le ala e silisili lava.

Ua sili le lelei o le alofa.

AFAI ou te tautala i gagana a tagata atoa ma agelu, a e leai so'u alofa, ua ave'a a'u ma 'apa memea taalili, po o se sumepalo tagitagi. Afai foi o ia te au ona perofeta ane, ma le iloa o mea lilo uma, ma le potō uma lava; afai foi o ia te au le faatuatua uma e ave ese ai mauga, a e leai so'u alofa, ou te le aoga lava. Afai foi ou te tufatufaina a'u mea uma e fagaina a'i *e matitiva*; afai foi ou te tuuina atu lo'u tino ina ia susunuina, a e leai so'u alofa,

- 4 e leai lava sona aoga ia te au. E onosai le alofa, e agamalu, e le losilosi le alofa, e le mitamita vale le alofa, e le faafefeteina, e le amio matagā, e le sailia e ia ana lava mea, e le faaitaitagofie, e le tuuina
- 6 atu i nisi le leaga, e le fiafia i le amio leaga, a e fiafia i le faamaoni, e ufiufi i mea uma, e talitonu i mea uma, e faamoemoe i mea uma, e onosai i mea uma. E le uma le alofa; a e pe ni perofetaga, e faaleagaina ia; pe ni gagana, e mavae ia; po o le poto, e faaleagaina lea.
- 9 Auā ua tatou iloa faaleatoa, ma tatou perofeta faaleatoa; a e peitai pe a oo mai le atoatoa, ona faaleagaina lea o le mea faaleatoa.
- 11 Ona po na ou itiiti ai, na ou tautala ai faatamaitiiti, na ou manatunatu faatamaitiiti, na ou filifili faatamaitiiti; a ua oo ina ou tagata matua, ona ou tiai lea o mea a tamaiti.
- 12 Auā o ona po nei tatou te vaavaai ai faanenefu i le faaata, a o ia ona po tatou te fesagai ai; o nei ona po ou te iloa ai faaleatoa, a o ia ona po ou te iloa tino ai, pei ona iloatinoina
- 13 o a'u. A o lenei, o tumau le faatuatua, ma le faamoemoe, ma le alofa, o na mea e tolu; a o le sili o na mea o le alofa lea.
- O le tu i mea faaleagaga i le ekalesia.*
- 14 IA outou tausisi i le alofa; ia naunau foi i mea faaleagaga, a e sili lea ina ia outou perofeta ane.
- 2 Auā o lē tautala i le gagana ese, e le tautala ia i tagata, a o le Atua; auā e leai se lagona, a e tautala ia i le Agaga i mea lilo; a o lē perofeta ane, e tautala ia i tagata, ina ia faamafanafana ai, ma apoapoai ai,
- 4 ma fetomai ai. O lē tautala i le gagana ese e faamafanafana e ia ia te ia; a o lē perofeta ane, e faamafanafana ia i le ekalesia. Ou tē loto ina ia outou tautala uma i gagana eseese, a e sili lo'u loto ina ia outou perofeta ane; auā e sili lē perofeta ane i lē tautala i gagana eseese, pe a le faamatalaina e ia, ina ia faamafanafanaina le ekalesia. A o lenei, le au uso e, afai ou te alu atu ia te outou ma tautala i gagana eseese, se a ea so'u aoga ia te outou, pe afai ou te le tautala atu ia te
- outou i le faaaliga, po o le poto, po o le perofeta ane, po o le a'oa'o atu? O mea foi e le ola ua taalili mai leo, po o le fagufagu, po o le kitara, a le fefatifatiai leo, e iloa ea faapefea le mea ua ilia mai, po o le mea ua taia mai? Auā foi a faaletonu le leo o le pu, o ai ea se na te sauni e tau! E faapea foi outou, afai tou te le sauniuni atu i o outou laulaufaiva ni upu matala, e iloa ea faapefea le upu ua tautala ai? auā e tautala atu outou i le gaogao. Atonu e tele lava leo i le lalolagi, a e tofu ma lona uiga. O lenei, afai ou te iloa le uiga o le leo, ua avea a'u ma tagata o le nuu ese i lē tautala mai; o lē tautala mai foi, o le tagata o le nuu ese o ia ia te au. Ia faapea foi outou, ina ua outou naunau i mea faaleagaga, sailili ia ina ia sili outou i le faamafanafanaina o le ekalesia. O lenei, o lē tautala i le gagana ese, ina tatalo ia o ia, ina ia mafai ona faamatalaina e ia. Auā afai ou te tatalo i le gagana ese, ua tatalo ai lo'u agaga, a ua le fua mai ni fua e lo'u mafaufau. Ia, a faapefea? ou te tatalo i le agaga, ou te tatalo foi i le mafaufau; ou te pese i le agaga, ou te pese foi i le mafaufau. A le faapea, pe a ē faafetai i le agaga, pe faapefea ona amene mai i lau faamanū o lē nofo i le mea e nofo ai le tagata valea, ina ua le lagona e ia lau upu? auā ua mālile lava lau faamanū, a ua le faamafanafanaina le tasi. Ou te faafetai i lo'u Atua, ina ua tele la'u tautala i gagana eseese, a e itiiti a outou uma lava; a e peitai ou te loto ina ia ou tautala i le ekalesia i ni upu se lima ma lo'u mafaufau, ina ia ou a'oa'o atu i nisi, a e ou tē loto i ni upu se mano i se gagana ese. Le au uso e, aua tou te faatamaiti i le mafaufau; peitai ane ia outou faatameamea i le leaga, a ia outou tagata matutua i le mafaufau. Ua tusia i le tulafono, Ua fetalai mai le Alii, Ou te tautala atu i lenei nuu i gagana eseese ma laugutu ese; a e ui lava ina faapea, latou te le faalogo mai lava ia te au. O lenei, o gagana eseese, e le fai ma faailoga ia i e faatuatua, a o e le faatuatua; a o le perofeta ane, e le

23 *se faailoga* lea mo e le faatuatua a o e faatuatua. Afai foi e faapotopoto le ekalesia uma i le mea e tasi, ma latou tautala uma i gagana eseese, a ulufale atu ni e valelea, po o e le faatuatua, e le ta'uvaleleaina ea
 24 outou e i latou? A e afai e perofeta ane uma, a e ulufale atu se tasi, o se le faatuatua, po o se valea, ua aoiina o ia e *i latou* uma, ua faa-
 25 masinoina e *i latou* uma, ua aliali mai ai foi mea lilo o i lona loto, ona faapaū fao ai lea o ia, ma ifo atu i le Atua, ma talatala, e moni, o ia te outou le Atua.
 26 O lenei, le au uso e, pe faapefea? Pe a outou potopoto, ua tofu outou ma le pese, ua i ai le mataupu, ua i ai le gagana, ua i ai le faaaliga, ua i ai le faamatalaga; ia faia mea uma
 27 e iu ai i le faamafanafanaina. Afai e tautala se tasi i le gagana ese, ia tautala se toalua, po o se toatolu e gata ai, ma ia feauai; ma ia faamatala e se tasi. A e afai e leai se na te faamatalaina, aua le tautala o ia i le ekalesia; a ia tautala o ia ia te ia ma le Atua. Ia tautala perofeta e toalua, pe toatolu, ma ia faamasino-
 28 ina e nisi. A e afai ua faaaliga se mea i se tasi o loo nofo mai, ia faa-
 29 lologo le na muamua. Auā tou te mafaia ona perofeta uma taitoatasi, ina ia a'oa'oina uma, ma ia faama-
 30 fanafanaina uma. E usiusitai foi agaga o perofeta i perofeta. Auā o le Atua, e le o le Atua ia o le faaso-
 31 esa, a o le filemu; faapei o i ekalesia uma o le au paia. Aua le tautala o outou fafine i ekalesia; auā e le tuuina ia te i latou e tautala; a ia latou usiusitai, pei ona
 32 fai mai ai foi o le tulafono. Afai foi ua latou fia iloa se tasi mea, ia latou fesili atu ai i a latou lava tane i o latou fale; auā o le mea matagā
 33 ona tautala o le fafine i le ekalesia.
 34 Na alu atu ea le upu a le Atua nai ia te outou? po ua na o outou ea na
 35 oo atu i ai? Ai se tasi ua ta'ua o le perofeta, po o le ua i ai le Agaga, ia iloa lelei e ia, o mea ou te tusi atu nei ia te outou, o poloaiga ia a
 36 le Alii. A e afai e le iloa e se tasi, ia le iloa pea e ia. O lenei, le au uso e, ia outou naunau ina ia perofeta; aua foi ne'i vavao le tautala i

gagana eseese. Ia faia mea uma 40
 lava ma le matagofie ma le sauni lelei.

O le toe tu o e ua oti.

LE au uso e, ou te faailoa atu ia 15
 te outou le tala lelei na ou folafola-
 ina atu ia te outou, na outou talia
 foi, o loo tumau i ai foi outou, ua 2
 ola ai foi outou; pe afai tou te taofi
 mau i le mataupu na folafolaina e
 a'u ia te outou; pe afai ua outou le
 talia fua. Auā na ou tuuina atu ia 3
 te outou mea muamua o mea foi ia
 na ou maua foi e a'u; na maliu
 Keriso ma sui o a tatou agasala,
 pei ona tusia; na tanu foi o ia, ma 4
 toe tu mai i le aso tolu, pei o upu ua
 i Tusi. Na iloa foi o ia e Kefa, ona 5
 iloa lea e le toasefulu ma le toalua.
 Ona toe iloa lea o ia e le au uso e
 lima selau ma ona tupu ina ua faa-
 tasi; o le toatele foi o i latou o ola
 mai, ua oo i ona po nei; a o isi ua
 momoe. Ona toe iloa lea o ia e 7
 Iakopo, ona iloa lea e le au aposetolo
 uma. E mulimuli lava ona 8
 iloa o ia e a'u nei, e peiseai se tama
 fanau le au. Auā o a'u o le aupito
 itiiti o le au aposetolo; e le aoga
 ona ta'ua o a'u o le aposetolo, auā
 na ou sau atu i le ekalesia a le 10
 Atua. A o le alofa tunoa o le Atua
 ua ou faapenei ai a'u; o lona alofa
 tunoa foi o ia te au, e le faaleaoga-
 ina lea, a ua sili la'u galuega i a
 latou uma; a e peitai e le o a'u, a o
 le alofa tunoa o le Atua ua ia te au.
 O lenei, po o a'u, po o i latou, e 11
 faapea ona matou tala'iina atu, sa
 faapea foi ona outou talitonu.
 Afai foi ua tala'iina Keriso ua ia 12
 toe tu mai nai e ua oti, pe faapefea
 ona fai mai o isi o outou, e leai se
 toe tu mai o e ua oti? A e afai e leai 13
 se toe tu mai o e ua oti, po ua le toe
 faatuina mai Keriso; afai foi ua le 14
 toe faatuina mai Keriso, po ua faa-
 leaoga la matou tala'i, ua faaleaoga
 foi lo outou faatuatua. Ua avea
 foi i matou ma molimau pepelo i a
 le Atua; auā ua molimau i matou i
 le Atua, na ia toe faatuina mai
 Keriso, o le na le toe faatuina e ia,
 pe afai e moi e le toe tutū mai e ua
 oti. Auā afai e le toe tutū mai e 16
 ua oti, po ua le toe faatuina ma

- 17 Keriso. Afai foi ua le toe faatuina
Keriso, ua faaleaoga lo outou faa-
18 tuatua, ua nofo sala pea outou; i
le ma lea foi, ua fano e ua momoe
19 ia Keriso. Afai e gata i lenei olaga
mea tatou te faamoemoe i ai ia
Keriso, ua sili lo tatou malaia i
20 tagata uma lava. A o lenei, ua toe
faatuina mai Keriso i e ua oti, ua
avea ma faapolopolo o e ua momoe.
21 Auā ua oo mai le oti talu le tagata,
ua oo mai foi le toe tutū o e ua oti
22 talu le tagata. Auā faapei ona oti
uma ia Atamu, e faapea foi ona
23 faaolaina uma ia Keriso. A e peitai
e taitoatasi ma lona lava tofi; o le
faapolopolo o Keriso lea, mulimuli
ane o e o ia Keriso e toe tutū i lona
24 afio mai. Ona oo ai lea i le gata-
aga, e tuuina atu ai e ia le malo i le
Atua, o le Tamā lea, pe a uma ona
faaumatia e ia o alii sili uma, ma
25 faipulē uma, ma e malolosi. Auā
e tatau ona pule o ia, seia tuuina e
ia ona fili uma lava i lalo o ona vae.
26 O le toe fili e faaumatia, o le oti
27 lea; auā, Ua tuuina e ia o mea uma
i lalo o ona vae; a e peitai ina ua
fai mai, Ua tuuina i lalo mea uma
ia te ia, ua iloa tino ai, ua vavae atu
le na ia tuuina i lalo o mea uma ia
28 te ia. Pe a uma foi ona tuuina i
lalo ia te ia o mea uma, ona tuuina
i lalo foi lea o le Alo lava i le na
tuuina i lalo ia te ia o mea uma, ina
ia pule aoao le Atua i le aoao o mea.
29 A faapea, pe faapefea e ua papati-
soina ma sui o e ua oti? Afai e
moni, e le toe tutū e ua oti, ona o
le a ea ua papatisoina ai i latou ma
30 sui o e ua oti? Se a foi e pagatia
31 ai i matou i itu aso uma lava? Ou
te augani i le mitamita ua ia te au
ona o outou ia Keriso Iesu lo tatou
32 Alii, ou te oti i aso fai soō. Se a ea
se aoga ia te au ona ua ou tau ma
manu feai i Efeso, pei o le tu a
tagata, pe afai e le toe tutū e ua
oti? ina tatou aai ma inu, auā o a
33 taeao tatou te oti ai. Aua ne'i faa-
seseinā outou, O le fe'ai ma e amio
34 leaga e leaga ai amio lelei. Ina ala
mai ia i le amiotonu, a e aua ne'i
agasala; auā ua pouliuli nisi i la le
Atua; ou te faapea atu ia te outou
e faamā ia te outou.
35 A e fai mai se tasi, Pe faapefea
ona toe tutū mai o e ua oti? se a
foi le uiga o le tino latou te o mai
ai? O oe na le valea; o le mea e
36 luluina e oe e le ola lea pe afai e le
pala. O le mea foi e te lulu, ua e
37 le luluina le tino e tupu ai; a o le
fua lava, atonu se saito, po o se
tasi o ia mea. A e avane i ai le tino
38 e le Atua, pei ona sinagalo i ai o ia;
o fua foi taitasi ma lona lava tino.
39 Ua le tino e tasi tino uma lava; a
e ese le tino o tagata, ese le tino o
manu, ese le tino o i'a, ese le tino o
40 manu felelei. E i ai foi tino faale-
lagi ma tino faalelalolagi; a e ese
le matagofie o le faalelagi, ese lo le
faalelalolagi. E ese le pupula o le
41 la, ese foi le pupula o le masina, ese
foi le pupula o fetu; auā ua ese le
pupula o le tasi fetu i lo le tasi
fetu. E faapea foi le toe tutū mai
42 o e ua oti; e luluina ma le pala, e
toe faatuina mai ma le le pala; e
43 luluina ma le matagā, e toe faatu-
ina mai ma le matagofie; e luluina
ma le vaivai, e toe faatuina mai ma
le malosī; e luluina le tino faale-
44 tino, e toe faatuina mai o le tino
faaleagaga; e i ai le tino faaletino,
e i ai foi le tino faaleagaga. E faa-
45 pea foi ona tusia, Na faia Atamu le
uluai tagata ma tagata ola; a o le
Atamu mulimuli, o le Agaga faaola
o ia. A e peitai e le muamua le
46 faaleagaga, a o le faaletino; ona
mulimuli ai lea o le faaleagaga. E
47 faaleelele le uluai tagata, na fua
mai i le eleele; a o le tagata muli-
muli, o le Alii lea mai le lagi. Pei
48 o le faaleelele, e faapea lava o e
faaleelele; pei o le faalelagi, e
faapea lava o e faalelagi. Faapei
49 ona foliga o i tatou i le faaleelele,
e faapea lava ona foliga o i tatou i
le faalelagi. Le au uso e, o la'u
50 upu lenei, e le mafaia ona aveā o le
malo o le Atua ma tofi o i latou ua
i ai tino aano ma toto; e le fai foi
le ola pea ma tofi o le iu vale.
Faauta mai, ou te ta'u atu ia te
51 outou le mea lilo; e le momoe i
tatou uma, a e liua i tatou uma, e
52 faafuasei lava, o le emo o le mata,
pe a ilia le pu faauma; auā e ilia
lava, e toe tutū mai ai e ua oti ma
le ola pea, e liua foi i tatou. Auā
53 e tatau ona ofu o lenei tino iu vale

i le *tino* ola pea, ia ofu foi lenei *tino*
 54 oti i le *tino* le oti lava. Pe a ofu
 foi lenei *tino* iu vale i le *tino* ola
 pea, a ofu foi lenei *tino* oti i le *tino*
 le oti lava, ona taunuu ai lea o le
 upu ua tusia, Ua faaumatia le oti i
 55 le manumalo. Le oti e, o fea o i ai
 lou tui? Le tuugamau e, o fea o i
 56 ai lou manumalo? O le tui o le oti,
 o le agasala' lea, o le malosi foi o le
 57 agasala o le tulafono lea; a e faa-
 fetai i le Atua, o le na te foaiina
 mai le manumalo ia te i tatou talu
 58 lo tatou Alii o Iesu Keriso. O
 lenei, o'u uso pele e, ia outou tu-
 mau, ma le le faagaetia, ia alualu
 lo outou faamalosi i le galuega a le
 Alii ma le le aunoa ina ua outou
 iloa e le se mea faaleaoga lo outou
 tautiga i le Alii.

*O sauniga esee, ma le moliga o le
 alofa.*

16 A O le aotelega mo le au paia, pei
 ona ou poloi atu i ekalesia i Kala-
 2 tia, ia faapea foi outou ona fai. O
 le aso muamua o lea vaisapati ma
 lea vaisapati, ia outou taitasi ma
 tuu ane ai ni ana mea, ia faatatau
 mea e teu ma lona manuia ina ne'i
 faia ni aotelega pe a ou alu atu.
 3 Pe a ou alu atu, ona ou auina atu
 lea ma le tusi o i latou e filifilia e
 outou, latou te momoli atu i a ou-
 4 tou mea alofa i Ierusalem; a e
 afai e tatau ona ou alu foi, matou
 5 te o faatasi ma a'u. Ou te alu atu
 foi ia te outou pe a ou ui ane i Ma-
 ketonia; auā ou te ui ane lava i
 6 Maketonia. Atonu foi tatou te mau
 ma outou, pe seia te'a mai le tau-
 saga maalili; ina ia molia e outou
 la'u malaga i se mea ou te alu i ai.
 7 Auā ou te le loto ina ou afe atu e
 asiasi ia te outou i nei ona po; a e
 ou te faamoemoe ina ia levalava
 ane lo'u nofo ia te outou, pe a fina-
 8 galo i ai le Alii. A e ou te nofo
 pea i Efeso seia oo i penetekoso.

Auā ua faaavanoa mo a'u le faito- 9
 toa lautele ma le matuā aoga, e
 toatele foi o e faatu'i ese.

Afai e alu atu Timoteo, ia outou 10
 faaeteete ina ia ia te outou o ia ma
 le le mata'u; aua ua faia e ia le
 galuega a le Atua pei o a'u nei
 11 lava; o le mea lea aua ne'i ta'ufaa-
 tauvaaina ai o ia e se tasi, a ia molia
 mai o ia e outou ma le saogalemu,
 seia oo mai o ia ia te au; auā ou te
 faatalitali atu ia te ia ma le au uso.
 O lo tatou uso foi o Apolo, sa tele 12
 lo'u aioi atu ia te ia, ina ia latou o
 atu ma le au uso ia te outou; a e
 le loto lava ia ina alu atu i ona po
 nei, a e alu atu pe a oo mai ona po
 e tatau ai. Ina mataala ia outou, 13
 ia outou tumau i le faatuatua, ia
 outou faatamane, ia faamalolosi
 outou. Ia faia uma a outou mea 14
 i le alofa.

Le au uso e, ua outou iloa le aiga 15
 o Setefana, o le faapolopolo i latou i
 Akaia, ma ua tuuina atu i latou e i
 latou e auuina i le au paia; ou te aioi
 atu ia te outou, ia outou usiuitai i e o 16
 faapea, atoa ma i latou uma o e fe-
 soasoani mai ma tautigaina. Ua ou 17
 fiafia i le oo mai o Setefana ma Fo-
 tunato ma Akaiko, auā ua latou
 faaatoatoa mai a outou mea sa to-
 18 toe; auā ua latou faamafanafanaina
 lo'u loto, atoa ma lo outou; o le
 mea lea ia outou tali lelei ai i e ua
 faapea. O loo alolofa atu ia te ou- 19
 tou ekalesia o i Asia. O loo alolofa
 tele ia te outou i le Alii o Akula ma
 Pisila, ma le ekalesia i lo la fale.
 O loo alolofa atu ia te outou le au 20
 uso uma. Ia outou fealofani i le
 feasogi paia.

O a'u o Paulo, si o'u alofa atu ia 21
 te outou i la'u lava tusilima. Ai se 22
 tagata e le alofa i le Alii o Iesu
 Keriso ia anatema maranata lava ia.
 Ia ia te outou le alofa tunoa o le 23
 Alii o Iesu Keriso. Ia ia te ou- 24
 tou uma lo'u alofa ia Keriso Iesu.
 Amene.

O LE TUSI

E LUA A LE APOSETOLO O PAULO IA

KORINITO.

O le tala'iga a Paulo i Korinito.

- 1 *O A'U* o Paulo, o le aposetolo a Iesu Keriso i le finagalo o le Atua, ma lo tatou uso o Timoteo; o la matusi lenei i le ekalesia a le Atua o i Korinito, atoa ma le au paia uma o
- 2 i Akaia uma lava. Ia ia te outou le alofa tunoa ma le manuia mai le Atua lo tatou Tamā, atoa ma le Alii o Iesu Keriso.
- 3 Ia faamanuina le Atua, o le Tamā o lo tatou Alii o Iesu Keriso, o le Tamā e ona le alofa mutimuti vale, o le Atua foi e ana le faamafanafanaga uma; o le na te faamafanafanaina mai ia te i matou i lo matou puapuaga uma lava, ina ia matou mafaia ona faamafanafana atu ia te i latou ua maua i se tasi lava puapuaga, i le faamafanafanaga ua faamafanafanaina ai i matou e le Atua.
- 5 Auā pei ona tele ia i matou o tiga ona o Keriso, ua faapea foi ona tele o le faamafanafanaina o i matou e
- 6 Keriso. Pe afai ua puapuagatia i matou, ua faapeaina ona o le faamafanafanaina ma faaolaina o outou, o loo matuā galue ma le onosai i ia lava tiga ua matou tiga ai; pe afai foi ua faamafanafanaina i matou, ua faapeaina ona o le faamafanafanaina ma faaolaina o outou. Ua tumau foi lo matou faatuatua ia te outou; o loo matou iloa, faapei ona faatasia outou i tiga, e faapea foi i
- 8 le faamafanafanaina. Auā, le au uso e, matou te loto ina ia outou iloa lo matou puapuaga na oo mai ia te i matou i Asia, sa silisili ona mafatia tele ai o i matou, e lei au i ai lo matou malos, na oo lava ina
- 9 matou masalo ai a matou oti. A o i matou, sa i o matou loto le manatu o le a oti, ina nei matou faatuatua

ia te i matou, a ia faatuatua i le Atua na te toe faatuina e ua oti; o le na laveai mai ia i matou ai le 10 oti e matuā leaga, o loo laveai mai nei foi, ua matou faamoemoe foi ia te ia, na te laveai mai pea ia te i matou. O outou foi o loo fesoasoani 11 mai i le tatalo mo i matou, ina ia faafetai atu le toatele ona o i matou i le alofa na oo mai ia te i matou ona o le toatele.

Auā o lenei le mea matou te 12 mitamita ai, o le mau a lo matou loto fuatia ifo, o le faamaoi ma le loto lelei e tatai i le Atua, e le o le poto faaletino, a o le alofa tunoa o le Atua ua fai ai la matou amio i le lalolagi, a e sili lava ia te outou. Auā matou te le tusi atu ni mea ia 13 te outou e ese i ia mea ua outou faitau ai, ma outou talia; ou te faamoemoe foi tou te talia ai seia oo i le gataaga; pei ona outou talia 14 mai o i matou a e le atoa i ai, o i matou tou te mitamita ai, pei o outou foi matou te mitamita ai i le aso o le Alii o Iesu. O le faatuatua 15 foi lenei sa ou manatu ai ou te muai alu atu ia te outou, ina ia outou maua faalua se alofa; ou te 16 ui atu ai ia te outou i Maketonia, i le toe sau mai Maketonia ia te outou, ona molia ai lea o a'u e outou i Iutaia. O lenei, pe ai ea sa'u 17 manatu faaletonu ina ua faapea ona ou filifili? pe ou te filifili ea i la le tino i mea ou te filifili ai, ina ia ia te au le ioe, ioe, ma le leai, leai? A e faamaoi le Atua, sa le ioe ma 18 leai la matou upu ia te outou. Auā o le Alo o le Atua, o Iesu Keriso, o le na tala'iina atu ia te outou e i matou, o a'u, ma Siluano, ma Timoteo, sa le ioe ma leai ia, a ua ioe ia te ia. Auā o mea uma ua folafola- 20

- ina e le Atua, ua ioe ia ia te ia, ua amene foi ia te ia, e iu atu i le viiga i le Atua ona o i matou. O lē faatumauina foi i matou faatasi ma outou ia Keriso, ma na faauuina i tatou, o le Atua lea; o le ua faamaufaaailogaina mai i tatou, ma ua foaiina mai le faamaoni o le Agaga i o tatou loto.
- 23 Ou te augani foi, ia sisila mai le Atua i lo'u nei agaga, o lo'u faapelepele ia te outou, na le oo ai la'u malaga i Korinito. E leai foi so matou fia pule i lo outou faatuatua, a o fesoasoani i matou i lo outou olioli; auā o le faatuatua tou te tumau ai.

O le alofa tele o Paulo ia te i latou, ma le tagata na pa'i.

- 2 SA faapea foi lo'u lava manatu, ou te le toe alu atu ia te outou ma le tiga. Auā afai ou te faatiga ia te outou, po o ai se na te faafiasia mai ia te au, afai e le o ia ua faatigaina e a'u? Sa ou tusi atu foi lea lava mea ia te outou, ina ne'i ou alu atu ona maua lea o a'u e le tiga mai ia te i latou e tatau ona ou olioli ai; ou te faatuatua lava ia te outou uma, o lo'u nei fiasia, o le fiasia lea o outou uma. Auā o le puapuaga tele atoa ma le atuatuvaale o le loto na ou tusi atu ai ia te outou ma loimata e tele; e lei ina ia faatigaina outou, a ia outou iloa ai lo'u alofa ua matuā tele ia te outou.
- 5 O lenei, afai ua faatupuina le tiga e se tasi, ua ia le faatiga ia te au na o a'u; a e peitai (ina ne'i ou faamamafa atu), atoa ma outou uma. Soia le faia se tasi mea i lena tagata, tau lava o lena sala na faasalaina ai o ia e le toatele. A o lenei, ia outou faanagalo atu ma faamafanafana atu i lena tagata, ina ne'i tofatumoanaina o ia i le tiga matuā tele. O lea ou te aioi atu ai ia te outou ina ia faamauina lo outou alofa ia te ia. O le mea lava lea na ou tusi atu ai, ina ia ou iloa le faailoga ia te outou, po ua outou anaana i mea uma. O le ua outou faamagalo atu i ai se mea, o a'u foi lea; auā afai ua ou faanagalo atu se mea, o le ua ou faama-

galo atu i ai, ua ou faia lea ona o outou i luma o Keriso; ina ne'i 'ole'olegia i tatou e Satani; auā tatou te le vālea i ana togafiti.

Na ou alu atu foi i Teroa ona o le tala lelei ia Keriso, na toina mai foi ia te au se faitotoa e le Alii, a ou te lei iloa sina filemu i lo'u loto, ina ua ou le maua lo'u uso o Tito; a ua ou faamavae atu ia te i latou, ona ou alu atu lea i Maketonia. Ua faafetai i le Atua, o le ua matou manumalo ai pea lava ona o Keriso, o le ua matou faaali atu ai foi i nunuma le manogi o le mataupu ia te ia. Auā o le nanamu i matou ia Keriso i le Atua i e o faaolaina, atoa ma e o malaia; o le manogi o le oti e oo i le oti i nisi; a o le manogi o le ola e oo i le ola i nisi. Po o ai foi se tusa ma nei mea? Auā o i matou nei, e le pei o le toatele o e o faaifilogia le afiga a le Atua; a ua matou tautalatala atu mai le loto lelei, mai le Atua foi, o i luma o le Atua, o i matou ua ia Keriso.

O le lelei silisili ese o le sauniga o le tala lelei.

A MATOU toe amata ea ona ta'ulelei i matou ia te i matou? pe aoga ea ia te i matou, pei o isi, ni tusi e ta'ulelei ai e avatu ia te outou? po o tusi e ta'ulelei ai mai ia te outou? O outou o la matou tusi, o tusia i o matou nei loto, ua iloa ma faitaulia e tagata uma. O loo faaalia outou, o outou o le tusi a Keriso ua saunia e i matou, e lei tusia i le vaibusi, a o le Agaga o le Atua soifua; ua le tusia i papatusi maa, a o papatusi aano o le loto. O loo ia te i matou lenei faatuatua aga i le Atua talu lava o Keriso; auā e le mafai pe a na o i matou ona manatunatu i se mea, peiseai na ia te i matou, a o le Atua e mafai ai i matou; o ia foi na sauni i matou ia tatau ona fai ma anauna o le feagaiga fou, e le o le tusi, a o le Agaga; auā e a le tusi e fasioti, a e a le Agaga e faaola. A e afai sa faapea le mamalu o le sauniga na oo mai ai le oti, na togia ai i mataitusi i maa, ua le mafai ai le fanauga a Isaraelu ona pulatoa atu i fofoga

II. KORINITO, 4, 5.

o Mose ona o le pupula o ona fofoga,
 8 o le pupula lea e faaumatia; e le
 matuā sili ea le mamalu o le sau-
 9 niga ua oo mai ai le Agaga? Auā
 afai sa mamalu le sauniga na oo mai
 ai le faasala, e matuā sili lava ona
 10 mamalu o le sauniga ua oo mai ai le
 amiotouu. Auā foi o le mea na
 mamalu e leai sona mamalu i lenei
 mea, ona o le mamalu e silisili ese.
 11 Afai foi sa mamalu le mea e faa-
 umatia, e matuā sili le mamalu o le
 12 mea e tumau. O lenei, ona ua ia te
 i matou o lenei faamoemoe, matou
 13 te matuā faaalitino; a e le pei o
 Mose, na tuu e ia le ufufi i ona
 fofoga, ina ia le mafai ona pulatoa
 ai o le fanauga a Isaraelu i le iuga
 14 o le mea ua faaumatia; a e peitai
 sa faatauasoina o latou manatu;
 auā ua oo mai i nei ona po o tumau
 pea lea lava ufufi pe a faitauina le
 feagaiga tuai, e lei faailoa ua faa-
 15 umatia lea talu Keriso. A ua oo i
 nei ona po, o loo i ai lava le ufufi i
 o latou loto pe a faitauina Mose.
 16 A e peitai pe a liliu i le Alii, ona
 17 aveeseina ai lea o le ufufi. O le
 Alii foi o le Agaga ia; o le mea o i
 ai le Agaga o le Alii, o i ai le sa'olo-
 18 toga. A o i tatou uma, o loo vaa-
 vaai i tatou i le pupula o le Alii e
 peiseai o i se faaata ma o tatou
 mata, e le ufufi, ua liua ai i tatou
 ua foliga i ai nai le pupula e oo i
 le pupula, faapei ona mai le Alii le
 Agaga.

*O puapuga o Paulo, ma lona filigā
 i le tala lelei.*

4 O LE mea lea matou te le faa-
 vaivai ai, o i matou ua i ai lenei
 2 faiva, ina ua alofaina i matou; a ua
 matou lafoai mea lilo e mamā ai, e
 le o savavali ma le amio pepelo, e
 le o faafilogia e i matou le afioga a
 le Atua; a ua faailoa matou e i
 matou i le loto fuatia ifo o tagata
 uma i luma o le Atua i lo matou
 3 faaali atu le upu moni. Afai foi
 ua ufufi la matou tala lelei, ua
 4 ufufi ia i e u fano; ua faatauaso-
 ina manatu o i latou o e le talitonu
 e le atua o le lalolagi nei, ina nei
 pupula atu ia te i latou le malama-
 lama o le tala lelei i le mamalu o
 Keriso, ua tusa o ia ma le Atua.

Auā matou te le tala'ina i matou, 5
 a o Keriso Iesu le Alii; o i matou
 nei foi o a outou auauna ona o Iesu.
 Auā o le Atua o le na fai atu ia 6
 pupula mai le malamalama mai le
 pouliuli, ua faapupula mai e ia i o
 matou loto, ina ia malamalama e
 iloa ai le mamalu o le Atua i fofoga
 o Iesu Keriso.

A ua ia te i matou lenei oa i ipu 7
 omea, ina ia i le Atua le matuā tele
 o le mana, a e le mai ia te i matou.
 Ua puapugatia i matou i mea uma, 8
 a e le faaatuatuvaleina; ua feme-
 meai, a e le matuā fememeai; ua 9
 sauaina, a e le tuulafoaina; ua lafo-
 tuina i lalo, a e le fano; o loo tau- 10
 ave i le tino e le aunoa le fasiotia o
 le Alii o Iesu, ina ia faaalia foi le
 soifua o Iesu i o matou tino. Auā 11
 o i matou nei o loo ola ua tuuina
 atu pea lava i le oti ona o Iesu, ina
 ia faaalia foi le soifua o Iesu i o
 matou tino augavale. O lenei, ua 12
 galue le oti i totonu ia te i matou,
 a o le ola i totonu ia te outou. O 13
 loo ia te i matou lea lava loto faa-
 tuatua, pei ona tusia, Ua ou faatua-
 tua, o le mea lea na ou tautala atu ai;
 o i matou foi ua matou faatuatua, o
 le mea lea ua matou tautala atu ai.
 Ua iloa e i matou, o ia na toe faatu 14
 i le Alii o Iesu, e toe faatutūina foi
 e ia i matou ia Iesu, ma tuuina atu
 i matou faatasi ma outou. Auā ona 15
 o outou o mea uma, ina ia faatele ai
 le viiga i le Atua e le faafetai o le
 toatele ona o le alofa tunoa ua ma-
 tuā tele. O le mea lea matou te le 16
 faavaivai ai; auā e ui lava ina tau-
 āu ina uma lo matou tagata i fafo,
 ua faafouina lē i totonu i lea aso
 ma lea aso. Auā o lo matou pua- 17
 puaga mamasagia ma le vave mavae,
 e tupu mai ai mo i matou le manuia
 mamafa e matuā silisili ese lava ma
 le faavavau; o loo matou le mana- 18
 tunatu i mea ua vaaia, a o mea e le
 vaaia; auā o mea ua vaaia e gata
 mai ia, a o mea e le vaaia e faavavau
 ia.

*O le faatuatua o Paulo i le manuia
 e faavavau.*

AUĀ ua matou iloa afai e lepe- 5
 tia lo matou fale apitaga faalelalo-
 lagi, ua ia te i matou le fale mai le

Atua, o le fale e lei faia e lima, e
 2 faavavau i le lagi. Auā foi ua ma-
 tou feoi i lenei *fale*, o loo naunau
 tele i le fia faaofuina i lo matou fale
 3 mai le lagi; afai foi o faaofuina i
 matou, e le maua i matou e le lava-
 4 lavā. Auā o i matou o i lenei fale
 apitaga, ua feoi i matou o loo ma-
 fatia; e le ona ua matou loto ina ia
 toeseina ofu, a ia faaofunina, ina ia
 tofatumoanaina le iu vale i le ola.
 5 O ia foi ua saunia i matou mo lenei
 lava mea, o le Atua ia, o ia foi ua
 foai mai le faamaoni o le Agaga ia
 6 te i matou. O lenei, ua matou loto
 tetele e le aunoa, ona ua iloa, a o
 matou o nonofo i le tino, a nofo
 7 eseese i matou ma le Alii; (auā o
 le faatuatua ua matou savavali ai, a
 8 e le o le tino mai o mea;) ua matou
 loto tetele ma ua sili lo matou ma-
 nao ia o ese i matou i le tino, a ia
 9 nonofo i matou ma le Alii. O lenei,
 pe matou te nonofo ai, pe matou te
 le nonofo ai, ua matou loto malosi
 ina ia fiafia mai o ia ia te i matou.
 10 Auā tatou te tutū atu uma lava i
 luma o le nofoa faamasino o Keriso
 e tatau ai; ina ia taitasi ma talitali
 i mea *na faia* i le tino, e pei o mea
 11 na faia, pe lelei pe leaga. O lenei,
 ona ua matou iloa le matautia o le
 Alii, ua matou pulunaunau atu ai i
 tagata; ua silafia i matou e le Atua,
 o la'u taofi foi ua iloa i matou i o
 12 outou loto fuatia ifo. Auā e le toe
 ta'uleleia matou e i matou ia te out-
 ou, a ua matou avatu ia te outou
 se mea tou te mitamita ai ona o i
 matou, ina ia ia te outou *se mea* e
 13 *fai atu* ai i e o mitamita i a le tino,
 a e le o le loto. Auā pe afai ua
 matou vālea, ona o le Atua *lea*; pe
 afai ua matou atamamai, ona o outou
 14 *lea*. Auā ua pulunaunauina i matou
 i le alofa o Keriso; o loo manatu faa-
 pea i matou, afai na maliu le toatasi
 o le sui o *tagata* uma, ua oti lava
 15 *tagata* uma; na maliu foi o ia ona o
tagata uma, ina ia le usiusitai pea o
 e ola ia te i latou, a o ia o le na
 maliu ma toe tu mai o le sui o i
 16 latou. O lenei, e amata i nei ona
 po ona matou le toe iloa se tasi i la
 le tino; e ui lava ina iloa e i matou
 o Keriso i la le tino, a o lenei, ma-
 17 tou te le toe iloa. O lenei, afai o

ia Keriso se tasi, o le tagata fou ia;
 ua mavae mea tuai, faauta, ua faa-
 fouina mea uma. O mea uma foi 18
 mai le Atua ia, ua uma ona faaleleia
 e ia o i tatou ia te ia talu Iesu Ke-
 riso, ua tuuina mai foi ia te i matou
 le galuega o le leleiga. O lenei, sa 19
 ia Keriso le Atua, ua faaleleia e ia
 le lalolagi ia te ia, ua le ta'ua a la-
 tou agasala ia te i latou; ua ia tuu-
 ina mai foi ia te i matou le upu o le
 leleiga. O lenei, o sāvali i matou a 20
 Keriso, peiseai ua aiōi mai le Atua
 ia te outou e i matou; matou te ole
 atu, o sui i matou o Keriso, ia outou
 lelei ma le Atua. Auā o ia na le 21
 iloa le agasala, na faia lea e ia ma
 agasala, o le sui o i tatou; ina ia
 avea i tatou ma amiotonu a le Atua
 ia te ia.

*O le faamaoni o Paulo i le tala'iga
 o le tala lelei.*

O LENEI foi, o i matou o faiga- 6
 luega faatasi *ma ia*, ua matou aiōi
 atu *ia te outou*, ina ne'i talia fua e
 outou le alofa tunoa o le Atua.
 (Auā ua faapea mai o ia, O le tau- 2
 saga e talia ai na ou faalogo ai ia te
 oe, o le aso foi e faaolaina ai na ou
 fesoasoani ai ia te oe. Faauta, o
 lenei le tausaga e talileleia mai ai;
 faauta, o lenei le aso e faaolaina ai.)
 Ua matou le tuuina atu se mea e 3
 tasi e tausuai ai, ina ne'i ta'uleaga-
 ina le galuega; a o mea uma lava 4
 ua faailoa ai i matou o auauna a le
 Atua i matou, i le onosai tele, i
 puapuaga, i malaia, i atuatuvaile, i 5
 sasaina, i tūuina i fale puipui, i faa-
 letaupulea, i galuega, i mataala, i
 anapopogi, i le amio mamā, i le potō, 6
 i le faapalepale, i le agamalu, i le
 Agaga Paia, i le alofa moni, i le upu 7
 moni, i le mana o le Atua, e le au-
 upega o le amiotonu i le itu tauma-
 tau atoa ma le itu tauagavale, i le 8
 viia ma le faaleagaina, i le ta'ule-
 leia ma le ta'uleagaina; peiseai o e
 faasese, a e faamaoni lava; peiseai 9
 ua le iloa, a ua lāu iloa; peiseai a
 oti, faauta foi, o loo ola i matou;
 peiseai ua aoiaina, a e le fasiotia;
 peiseai o faanoanoa, a o loo olioli 10
 pea; peiseai o matitiva, a ua matou
 faatamacaigaina nisi e le toatele;
 peiseai e leai sina mea o ia te i

- matou, a o loo ia te i matou mea uma.
- 11 Outou Korinito e, ua matou matuā tautala atu ia te outou, ua faateleina o matou loto ia te outou. E le o i matou ua outou atuatuvaie ai, a o outou lava loto ua outou atuatuvaie ai. (Ou te fai atu ia te outou pei o *ia'u* fanau,) ia faateleina mai foi o outou loto e tau'i mai ai.
- 14 Aua tou te amo faalēgatasi ma e le talitonu; auā pe faapefea ona faatasi o le amiotonu ma le amio leaga? Pe faapefea foi ona mafuta o le malamalama ma le pouliuli? Pe faapefea foi ona loto gatasi o Keriso ma Pelialo? Pe faapefea foi ona tofusia faatasi o lē talitonu ma le na le talitonu? Pe faapefea foi ona loto faatasi o le malumalu o le Atua ma tupua? auā o outou le malumalu o le Atua soifua, pei ona fetalai mai o le Atua, Ou te nofo i totonu ia te i latou, ou te savali foi i totonu ia te i latou; e fai a'u mo latou Atua, e fai foi i latou mo'u tagata. O lea ia o mai ai outou nai totonu ia te i latou, ma ia outou vavae mai, ua fetalai mai ai le Alii, aua foi tou te papai atu i se mea leaga; ona ou talia ai lea o outou, e fai foi a'u mo outou Tamā, e fai foi outou mo'u atalii ma o'u afafine, ua fetalai mai ai le Alii e ona le malosi uma lava.

O le uiga o le salamo.

- 7 O LENEI, le au pele e, ona ua ia te i tatou o ia upu ua folafolaina mai, ia tatou faamamā ia te i tatou i mea uma e leaga ai le tino atoa ma le agaga, ia faatoatoaina lo outou faapaiaina i le mata'u i le Atua.
- 2 Ia outou tali lelei mai ia te i matou; matou te lei agaleaga atu i se tasi, matou te lei faaleagaina se tasi, matou te lei olegia se tasi.
- 3 Ou te le faapea atu e aoai ia te outou; auā ua uma ona ou muai fai atu, o loo i o matou loto outou, tatou te oti faatasi ma ola faatasi.
- 4 E tele lo'u faamalosi atu ia te outou, ua tele lo'u mitamita ona o outou; ua faatumuina a'u i le mafanafana, ou te matuā olioli tele lava i lo matou puapuaga uma.

- Auā na matou o mai i Maketonia sa leai se mapu i o matou tino, a e peitai sa puapuagatia i matou i mea uma, o taua i fafo, o i totonu o mata'u. A o le Atua o le na te faamafanafanaina e ua faamaulaloina, na ia faamafanafana mai ia te i matou i le oo mai o Tito; e le na o lona oo mai, a e peitai o le faamafanafanaga foi na faamafanafanaina ai o ia e outou, i lona ta'u mai ia te i matou lo outou naunau tele, lo outou tagi tele, lo outou maelega mai ia te au; o le mea lea sa atili ai lo'u olioli. Auā afai na ou faatiga ia te outou i le tusi, ou te le salamo ai, e ui lava ina ou salamo ai; auā ua ou iloa sa faatigaina outou i lona tusi, na o sina itu aso. O lenei, ou te olioli, e le ona ua outou tiga, a ona ua iu lo outou tiga i le salamo; auā na faatigaina outou e tusa i le Atua, ina ne'i leaga outou ia i matou i se mea e tasi. Auā o le tiga e tusa i le Atua e tupu ai le salamo e oo i le ola e le toe salamo ai; a o le tiga faalelalolagi e tupu ai le oti. Faa-uta foi i lenei lava mea, na tiga outou e tusa i le Atua, ua tele lava le filigā na tupu ai ia te outou, i le ma le faatonu, i le ma le loto tiga, i le ma le mata'u, i le ma le naunau tele mai, i le ma le maelega, i le ma le tau'i atu. Ua uma ona faailoa outou e outou ua outou mamā i lona mea. O lenei, e ui lava ina ou tusi atu ia te outou, na ou le faia ona o ia na agaleaga, e le ona o ia foi na agaleagaina, a e peitai ina ia faaali atu ia te outou lo matou filigā ona o outou, i luma o le Atua. O le mea lea na faamafanafanaina ai i matou i le faamafanafanaina o outou; sa matuā tele lo matou olioli, ua atili ai ona o le olioli o Tito, auā sa to'afilemu lona loto ia te outou uma. Auā afai na ou mitamita ia te ia i se mea ona o outou, ou te le mā ai; a e pei ona moni o upu uma na matou tautala atu ai ia te outou, e faapea foi lo matou mitamita ia Tito, ua iu ina faamamoni lea, ua atili ai ona mutinutivale o lona alofa ia te outou, i lona manatua o le anaana o outou uma, ina ua talia o ia e outou ma le ma-

16 ta'u ma le gatete. O lea ou te olioli ai ina ua ou faatuatua ia te outou i mea uma.

O le matamau o ekalesia i Maketonia.

8 LE au uso e, matou te faailoa atu ia te outou le alofa tunoa o le Atua ua fosiina mai i ekalesia i Maketonia; auā na tofotofoteleina i latou i puapuaga ua atili ai lo latou olioli, atoa ma lo latou mativa matuā tele, ua sili ai le faulai o lo latou matamau. Auā ou te molimau, na latou loto fua i ai e tusa i a latou mea e sili foi i a latou mea. Ua matuā aioi mai ia te i matou ina ia talia e i matou le mea alofa, o le alofa fai tele lea e fesoasoani i le au paia. E le na o lea, pei ona matou faatuatua i ai, a ua muai tuuina atu i latou e i latou i le Alii, ma i matou foi i le finagalo o le Atua. Ua iu ina matou aioi atu ia Tito, e pei ona amataina e ia o lenei mea alofa, ia faapea foi ona faaiiua ai e ia ia te outou. O lenei, e pei ona faulai o mea uma ia te outou, o le faatuatua, ma le upu, ma le poto, ma le filigā uma, atoa ma lo outou alofa mai ia te i matou, ia faapea foi ona faulai ia te outou o lenei mea alofa. E le sa'u upu poloai lenei ou te fai atu ai, a ona o le filigā o isi, e tofotofoto foi pe moni lo outou alofa. Auā ua outou iloa le alofa tunoa o lo tatou Alii o Iesu Keriso, sa tamaoai ia, a ua faamativaina ona o outou, ina ia faatamaoagaina outou i lona mativa. Ou te fai atu la'u manatu ia te outou i lenei mea; auā e aoga lenei mea ia te outou o e na muai amataina e le na ona fai, a ua loto foi i ai talu le tausaga ua mavae. 11 O lenei foi, ia outou faauma ona fai, faapei ona outou fiafia i le loto i ai, ia faapea foi ona outou faia i mea ua ia te outou. Auā afai ua i ai le loto fiafia, e talileleia lea, e tusa ma mea ua ia te ia, a e le tusa ma mea e le o ia te ia. Auā ou te le manao ina ia mapu nisi, a e lailoa 12 outou; a e fai faatatau, ina ia fesoasoani lo outou tamaoai i lo latou matitiva i nei ona po, ma ia fesoasoani lo latou tamaoai i lo outou matitiva i se aso, ina ia fai faatatau;

pei ona tusia, O le na i ai mea e 15 tele, e leai sana mea ua toe; o le na i ai mea e itiiti, e leai se mea ua mativa ai o ia.

Faafetai i le Atua, o le ua tuuina 16 lea lava filigā i le loto o Tito ona o outou. Auā ua ia talia le aioi, a ua 17 sili lona maelega, ua fua lava ia te ia lona alu atu ia te outou. Ua 18 matou auina atu faatasi ma ia lo tatou uso ua viia i le tala lelei i ekalesia uma; e le na o lea, a ua fili 19 filia foi o ia e ekalesia matou te o malaga ma ia e ave lenei mea alofa ua auauna i ai i matou, e iloa ai le viiga o le Alii lava, atoa ma lo outou loto fiafia; o loo faaeteete i 20 matou i lenei mea, ne'i ta'uleagaina i matou e se tasi i lenei faulai o mea matou te auauna i ai; o loo 21 sauniuni mea matagofie, e le na o luma o le Alii, a e atoa ma luma o tagata. Ua matou aau faatasi ma 22 i laua lo matou uso, ua matou iloa soo lona filigā i mea e tele, a o lenei, ua atili ai ona filigā ona o lona faatuatua tele ia te outou. A fesili 23 mai se tasi ia Tito, ua ma faatasi ma a'u, ua ma fai galuega faatasi foi ia te outou; a fesili foi i o matou uso, o auauna i latou a ekalesia, e viia ai Keriso. O lenei, ia outou faaali 24 atu ia te i latou, i luma foi o ekalesia, se faailoga o lo outou alofa, ma lo matou mitamita ona o outou.

Ia faia le mea alofa ma le matamau.

A E le aoga ona ou tusi atu ia te 9 outou i le alofa i le au paia; auā ua 2 ou iloa lo outou loto fiafia na ou mitamita ai ia te outou ia Maketonia, ina ua saunia Akaia talu le tausaga ua mavae; o lo outou maelega foi na tupu ai le losilosi i le toatele. A ua ou auina atu le au 3 uso lena, ina ne'i faaleaogaina lo matou mitamita ia te outou i lenei mea, a ia uma ona outou saunia, pei ona ou fai atu ai; ina ne'i faamāina i matou, (a e tuu pea ia outou,) i lenei faamalosi i le mitamita, pe 4 afai matou te o atu ma ni Maketonia, ona iloa ai lea o outou ua le uma ona saunia. O le mea lea na 5 ou manatu ai, e tatau ona ou aioi atu i le au uso lena, latou te mua-

II. KORINITO, 10.

mua atu ia te outou, ia muai sauni-
 uni ai la outou mea alofa, na ta'ua
 mai anamua; ina ia uma ona sauni
 o le mea, e pei o se mea alofa lava,
 a e le pei o se mea *na tupu* i le
 6 matapeapea. A o *la'u lenei e fai*
atu, o le ua itiiti ana saito e lulu, e
 itiiti foi ana e selesele mai; a o le
 ua tele ana e lulu, e tele foi ana e
 7 selesele mai. Ia taitoatasi *ma foi*
 e pei ona filifili i lona loto; aua ma
 le tiga, aua foi ma le faatauanauiua;
 auā e alofa le Atua i le ua foi ma
 8 le loto mālie. E mafai foi e le Atua
 ona faafaulai ia te outou o mea
 alofa uma; o loo faalavaiua i aso
 uma o mea uma ia te outou i mea
 una lava, ina ia faulai ia te outou o
 9 galuega lelei uma. Pei ona tusia,
 Ua ia faasalalauina *ana mea*; ua ia
 avatu i e matitiva, e tumau lana
 10 amiotonu e faavavau. O lenei, o le
 ua foi tele mai saito i le ua lulu ai,
 ma le mea e 'ai e 'ai ai, ia foi mai
 e ia, ma ia faateleina la outou fua,
 ma faatupu e ia le fua o la outou
 11 amiotonu; o loo faatamaoagaina
 outou i mea uma lava, e iu ai i le
 matamau uma, e tupu ai le faafetai
 12 i le Atua ona o i matou. Auā o le
 sauniga alofa o lenei galuega, e le
 na ona maua mai ai e le au paia o
 mea na latou matitiva ai, a e faatele
 ai *le viiga* i le Atua i le tele o le
 13 faafetai; o loo vivii atu i latou i le
 Atua, ona o le faailoga i lenei sau-
 niga alofa; auā ua ta'ua mai ai lo
 outou gauai i le tala lelei ia Keriso,
 ma le matamamau o le alofa fai tele
 ia te i latou atoa ma tagata uma;
 14 o la latou tatalo foi mo outou, o loo
 naunau tele atu ai ia te outou, ona
 o le alofa tunoa o le Atua ua matuā
 15 tele ia te outou. Faafetai i le
 Atua i lana mea foi fua e le
 mafaamatalaina.

O le pule a Paulo, ma lona uiga.

10 O A'U lava o Paulo o lē faamau-
 lalo pe a a'u i ai ia te outou, a e
 faamalosi pe a ou le i ai ia te outou,
 ou te aioi atu ia te outou ona o le
 2 agamalu ma le alofa o Keriso; ou
 te ole atu lava ina ne'i ou fai faa-
 malosi pe a ou i ai ia te outou, ma
 le faamalosi ou te manatu e matuā
 faamalosi atu ai i nisi, o e mana-

tunatu ia te i matou peiseai ua
 matou savavali faaletino. Auā e ui 3
 lava ina matou savavali i le tino,
 matou te le tau faaletino; auā o 4
 aupega a lo matou nei taua e le
 faaletino ia, a e faamalololia el e
 Atua e lepetia ei 'olo; o loo lepeti i 5
 lalo masalosologa, ma mea maualu-
 luga uma ua faasiasia i le mataupu
 a le Atua, o loo faatoilaloina ma-
 natu uma ia anaana ia Keriso; o 6
 loo nofo sauni foi i matou e tau atu
 i le le anaana uma, pe a faaatoa-
 toaina lo outou anaana.

Tou te vaavaai ea i la le tino? 7
 Afai e taofi se tasi o ia o le sa
 Kerisō, se'i toe manatu ifo ia, e pei
 o ia o lo sa Kerisō, e faapea foi i
 matou o sa Kerisō. Auā e ui lava 8
 ina faatele anc teisi lō'u mitamita i
 le pule o ia te i matou, ua foaiina
 mai ia te i matou e le Alii e ati ae,
 a e le ina ia lepetia outou, ou te le
 mā ai; ina ne'i peiseai ou te faa- 9
 matau ia te outou i tusi. Auā ua 10
 faapea *a nisi*, O ana tusi e mamafa
 ma malolosi ia; a o lona tino pe a
 nofo mai e vaivai lea, ma lana upu
 e faatauva lea. Ia manatua lenei 11
 mea e lea tagata, pei o i matou i le
 upu i tusi ina o matou le i ai, matou
 te faapea foi i le amio pe a matou i
 ai. Auā matou te le faamalosi ina 12
 faatasia, pe faatusatusaina ai matou
 ma nisi, o e vivii i latou ia te i latou;
 a o i latou, o loo fefuafuai i latou ia
 te i latou, ma fefaatusatusai i latou
 ia te i latou, e le popoto i latou. A 13
 e matou te le mitamita i mea ua le
 fuatia mai, a e peitai e tusa i le fua
 o le matāgaluega ua tofia mai o le
 Atua ia te i matou, o le fua e oo
 atu lava ia te outou. (Auā matou 14
 te le fua faasili, peiseai ua matou le
 oo atu ia te outou, a ua matou oo
 atu lava ia te outou i le tala lelei a
 Keriso.) O loo matou le mitamita i 15
 mea ua le fuatia mai, o galuega ia a
 isi tagata; a o loo faamoemoe i
 matou e faateleina ia te outou la
 matou matāgaluega, e atili ai pe a
 tupu lo outou faatuatua, matou te 16
 folafola atu ai le tala lelei i nuu i
 tala atu o outou, o loo le mitamita i
 le matāgaluega a le tasi tagata ua
 uma ona saunia. A o lē mitamita, ia 17
 mitamita o ia i le Alii. Auā e le 18

talia o le ua vivii o ia ia te ia, a o le ua viia e le Alii.

O le maelega alofa o Paulo i le ekalesia i Korinito.

- 11 O LO'U manao ia outou onosai teisi ia te au i lo'u valea; ia onosai
2 mai lava ia te au. Auā ua ou maelega alofa ia te outou i le maelega e tatau i le Atua; aua ua uma ona ou faufautane ia te outou i le tane e tortasi, ina ia ou momoli ia te outou
3 o le taupou faamaoni ia Keriso. A e ou te fefe, ina ne'i pei ona faasecina o Eva e le gata i lana togafiti, e faapea ona faaleagaina o outou manatu ina ia le tonu ia Keriso.
4 Aua afai e tala'iina atu e sē alu atu, se Iesu e ese i le na matou tala'iina atu, pe talia e outou se agaga e ese i le ua outou talia, po o se tala lelei e ese i le ua outou talia, po ua lelei
5 ina ia onosai i ai. Auā o lo'u lea manatu, e leai se mea e tasi ou te
6 itiiti ai i aposetolo silisili. Afai foi ou te valea i le upu, *ou te le valea* i le poto; peitai ua uma ona faailoaina i matou ia te outou i mea
7 uma. Ua ou faia ea se agasala, ina ua faamaulaloina a'u e a'u, ina ia faamaulalugaina outou, auā na ou tala'iina atu ia te outou le tala lelei
8 a le Atua mā le le tauia mai? Na ou faa mea a isi ekalesia i le faaoloaga na ou talia, ina ia anauna
9 atu ai ia te outou. Na ou i ai ia te outou ma le mativa, sa le tigaina se tasi ia te au; auā o mea na mativa ai a'u, na faalavaina mai ia e le au uso na o mai mai Maketonia; na ou faaeteete ina ne'i tigaina outou ia te au i se mea e tasi, ou te faaeteete
10 foi i ai. O loo ia te au le upu moni a Keriso, e le vaioa a'u i lenei mita-
11 mita i nuu o Akaia. Ina ua a ea? ina ua ou le alofa atu ea ia te outou?
12 Ua silafia le Atua. A o le mea ua ou faia, ou te faia pea lava lea, ina ia le maua ia te au se mea e ala ai se upu e i latou ua fia maua se mea e ala ai se upu, ina ia faailoaina i latou ua pei o i matou i le mea ua
13 latou mitamita ai. Auā o i latou, o aposetolo pepelo i latou, o le au faigaluega 'ole'ole, ua liua i latou
14 e i latou ma aposetolo a Keriso. E le se mea foi lea e cfo ai, auā o

Satani lava, ua liua o ia e ia ma agelu o le malamalama. O lenei, e 15
le se mea tele pe a liua ana auauna peiseai o auauna a le amictonu i latou; o lo latou iuga e tusa ma a latou galuega. O lenei foi, ou te fai 16
atu, aua ne'i manatu mai se tasi ia te au, o le valea a'u; a e afai o lea, ia talia mai a'u e outou pei se vale, 17
seia ou mitamita ane teisi. O la'u e fai atu ai nei, ou te le fai atu i la le Alii, a e peiseai o faavalea i lenei faamalosi i le mitamita. Ona ua 18
mitamita nisi e toatele i la le tino, ou te mitamita ai foi. Auā ua outou onosai ma le fiafia i e valelea, o loo 19
popoto outou. Auā ua outou onosai pe a faapologa mai se tasi ia te 20
outou, pe a 'aina outou e se tasi, pe a ave e se tasi a outou mea, pe a faamauluga se tasi, pe a po atu se tasi i o outou mata. Ou te tautala 21
atu i le faaleagaina, peiseai na matou vaivai; ai se mea e faamalosi ai se tasi, (ou te fai atu ma le valea,) 22
ou te faamalosi ai foi. O Eperu ea i latou? o a'u foi lea. O Isaraelu ea i latou? o a'u foi lea. O fanau a 23
Aperaamo ea i latou? o a'u foi lea. O auauna ea i latou a Keriso? (ou te tautala pei se vale,) ua sili a'u; 24
ua sili i galuega, ua matuā tele i sasaina, ua tele ona tuuina i fale puipui, ua atu lasi i oti, ua atu lima 25
ona sasaina o a'u e Iutaia, e taifagafulu i le iva o'u ta, ua atu tolu ona sasaina o a'u i laua, ua tasi le fetogia 26
o a'u i maa, ua atu tolu ona malaia o folauga sa ou i ai, ua atoa le po ma le ao sa ou i le vasa; ua atu lasi 27
a'u malaga se manū a'u leaga i vaifate, se manū a'u leaga i e fao mea, se manū a'u leaga i tagata o lo'u lava nuu, se manū a'u leaga i tagata 28
o nuu ese, se manū a'u leaga i le aai, se manū a'u leaga i le vao, se manū a'u leaga i le vasa, se manū a'u leaga i uso pepelo; na ou i le 29
galuega mamafa ma le tiga, o le mataala soo, o le fia 'ai ma le fia inu; o le anapogi soo, o le maalili ma le le lavalava. Tuu ia o isi mea, 30
a o le mea e mafatia ai a'u i aso fai soo, o le popole lea ona o ekalesia uma. Po o ai le ua vaivai, ou te le vaivai ai? Po o ai le ua tausuai, ou te le tiga ai? Afai e tatau ina ia ou 30

II. KORINITO, 12, 13.

mitamita, ou te mitamita i mea ou
 31 te vaivai ai. O le Atua o le Tamū
 lava o lo tatou Alii o Iesu Keriso, o
 lē viia e faavavau lava, ua silafia e ia
 32 ou te le pepelo lava. O i Tamaseko,
 o le alii nofo faiaai mai Areta le
 33 tupu, na ia lamalama i le aai o Ta-
 maseko ua fia pue ia te au; sa tuu-
 tuuina ifo a'u i le ato i le faamalama
 i le pa, na ou sao ai i ona lima.

*O le mitamita o Paulo i ona pu-
 puaga.*

12 A E le tatau ona ou mitamita; a
 o le a oo atu la'a upu i mea na vaaia
 2 ma faaaliga mai le Alii. Ua ou iloa
 le tasi tagata o Keriso, ua tasi le
 sefulu ma le fa o tausaga talu ona
 segia o ia i le lagi tua tolu, (ou te
 le iloa pe na i le tino, ou te le iloa
 pe lei i le tino; ua silafia le Atua.)
 3 Ua ou iloa foi lena tagata, (ou te
 le iloa pe na i le tino o ia, pe lei
 4 i le tino; ua silafia le Atua.) Na
 segia o ia i parataiso, ma na faa-
 logo i upu e le mata'uta'ua, e le
 tatau foi i se tagata ona tautala i ai.
 5 O lena tagata ou te mitamita ai, a
 ou te le mitamita ia te au, tau lava
 6 o mea ua ou vaivai ai. Auā afai ana
 ou fia mitamita, po ua ou le valea
 ai; auā o le upu moni ou te fai atu
 ai; a e soia, ina ne'i sili le manatu
 o se tasi ia te au i mea e vaai mai e
 ia ia te au, po o mea e faalogo mai
 7 e ia ia te au. Ina ne'i faamaualuga
 a'u i le silisili ese o mea na faaaliga
 mai, sa tuuina mai ia te au le mea
 matuitui i le tino, o le agelu a
 Satani, e tu'i mai ia te au, ina ne'i
 8 o faamaualuga. Na ou aioi faatolu
 atu i le Alii ona o lea mea, ina ia alu
 9 ese ia te au. Ona faapea mai ai lea
 o ia ia te au, O lo'u nei alofa tunoa
 e lava lea e fesoasoani ia te oe; auā
 o le vaivai e faatoaina ai lo'u mana.
 O lea ua tele ai lava lo'u fiafia i le
 mitamita i mea ua ou vaivai ai, ina
 ia tumau i o'u luga le mana o
 10 Keriso. O lea ou te fiafia ai i mea e
 vaivai ai, o le faaleaga mai, o malaia,
 o le agatele mai, o le atuatuvaletu ona
 o Keriso; auā pe a ou vaivai, ona ou
 11 malosia ai lea. Ua avea a'u ma vale
 i lo'u mitamita; a ua tosina a'u e
 outou; auā ana viia a'u e outou po
 ua tatau ai; auā e ui lava ina ou

faatauavaa lava, e leai se mea ou te
 itiiti ai i aposetolo silisili. Na faia 12
 lava faailoga o le aposetolo ia te
 outou i le onosai uma, i faailoga, ma
 vavega, ma mea mamana. Se a se 13
 tasi mea na le tusa ai outou ma nisi
 ekalesia, na o lea ina ua le tigaina
 outou ia te au? Ina faamagalō mai
 ia ia te au i lena agaleaga. Faauta, 14
 ua atu tolu lo'u sauni ou te alu atu
 ia te outou; ou te le faatiga foi ia
 te outou; auā ou te le saili i a outou
 mea, a e peitai o outou lava; auā e
 le tatau ona faaputu oa e le fanau
 mo mātua, a o mātua mo le fanau.
 Ou te matuā fiafia lava e faauma a'u 15
 mea, ia faaumatia foi a'u ona o
 outou agaga; auā e ui lava ina atili
 ai ona ititi ona alofagia o a'u, a e
 matuā tele pea lo'u alofa atu ia te
 outou. Ina tuu ia o lea. 16
 mafatia outou ia te au; a o la'u fai
 togafiti ua maua ai outou e a'u i le
 'ole'ole. Pe na ou saili mea ia te 17
 outou ma le 'ole'ole e so latou na ou
 auina atu ia te outou? Na ou aioi 18
 ia Tito, na ou auina atu foi i laua
 ma le tasi uso. Pe na saili mea ea
 Tito ia te outou ma le 'ole'ole? na
 matou le savavali ea ma le loto e
 tasi? na matou le tulagāvae faatasi
 ea.

O lenei, fa te outou ea matou te 19
 faatonu atu la matou amio ia te
 outou? o loo i luma o le Atua, o
 matou o tautala atu ai nei o i matou
 ua ia Keriso; le au pele e, ua faia
 ia mea uma e faamafanafanaina ai
 outou. Auā ou te fefe ne'i iloa 20
 outou e a'u, e le faapei ona ou loto
 i ai, pe a ou alu atu, ne'i iloa foi a'u
 e outou, e le pei ona outou loto i
 ai; ne'i ia te outou o mi'a, o faama-
 tataua, o faalotoa, o finau vale, o
 upuesega, o tuaupua, o loto faafe-
 feteina, o faaletaupulea; ina ne'i 21
 faamaualaina a'u e lo'u Atua ona o
 outou, i lo'u toe alu atu ia te outou;
 ona ou faanoanoa lea i nisi e toatele
 o e na agasala anamua, ma ua le
 salamo i le amio leaga, ma le fai-
 taaga, ma le matāitu na latou faia.

Ia latou suesue ia te i latou.

O LE atu tolu lenei o le a ou alu 13
 atu ai ia te outou. E maua upu
 uma i le mau a le toalu po o le

- 2 toatolu. Na ou ta'u atu anamua, ou te muai ta'u atu faalua nei foi, (peiseai ua ou i ai, a ou te le i ai foi,) ou te tusi atu nei i e na agasala anamua ma e o totoe atoa uma, pe afai ou te toe alu atu, ou te le faa-
- 3 māmā lava; ina ua outou saili mai i se faailoga, po ua tautala Keriso i totonu ia te au, o le ua le vaivai ia te outou, a e malosi i totonu ia te
- 4 outou. Auā e ui lava ina ua faasatauroina o ia i le vaivai, a e peitai ua soifua ia i le mana o le Atua; auā o i matou foi, ua matou vaivai ina ua ia te ia, a ua matou ola faatasi ma ia i le mana o le Atua ia te
- 5 outou na. Ina tofototo ia outou ia te outou, po ua outou i le faatua-tua; ina suesue ifo ia ia te outou; pe tou te le iloa ea o outou loto, ua i totonu ia te outou o Iesu Keriso,
- 6 pe afai ua le pepelo outou? A o lo'u lea taofi, e iloa mai i matou e
- 7 outou ua le pepelo i matou. O lenei, ou te tatalo atu i le Atua, ina ne'i tou faia se mea leaga; e le ina ia iloa mai i matou ua faamaoni, a e ui lava ina peiseai ua pepelo i ma-
- tou, ina ia outou faia le mea lelei. Auā matou te le mafaia se mea e le tatau ma le upu moni, a o mea e tatau ma le upu moni. Auā matou te olioli pe a ua vaivai i matou a e malolosi outou; o lenei foi le mea ua matou tatalo atu ai, ina ia faaatoatoaina outou. O le mea lava lea ou te tusi atu ai na mea, o loo le i ai a'u ia te outou, ina ne'i ou fai faamalosi pe a ou i ai ia te outou, e tusa ma le pule ua tuuina mai e le Alii ia te au e ati ae ai ia te outou, a e le ina ia lepetia i lalo.
- Le au uso e, o le toe upu lenei; ia outou manuia, ia faaatoatoaina outou, ia faamafanafanaina outou, ia loto gatasitasi outou, ia outou ffilemu; ona ia te outou lea o le Atua e ona le alofa ma le manuia. Ia outou fealofani i lefeasogi paia. O loo alolofa atu ia te outou le au paia uma. Ia ia te outou uma lava le alofa tunoa o le Alii o Iesu Keriso, ma le alofa o le Atua, atoa ma le mafuta faatasi ma le Agaga Paia. Amene.

O LE TUSI A

LE APOSETOLO O PAULO IA

KALATIA.

Ua acai Paulo ia Kalatia ina ua sese i latou.

- 1 O A'U o Paulo o le aposetolo, (e le mai tagata, e lei tofia foi e se tagata, a o Iesu Keriso, ma le Atua le Tamā, o le na toe faatuina mai o ia i e ua oti,) atoa ma le au uso uma lava o e ua ia te a'u o la matou tusi
- 2 lenei i ekalesia i Kalatia. Ia ia te outou le alofa tunoa ma le manuia mai le Atua le Tamā, ma lo tatou
- 3 Alii o Iesu Keriso, o le na foaiina mai o ia e ia ona o a tatou agasala, ina ia laveai mai o ia ia i tatou ai le olaga leaga ua i ai nei, e tusa ma le
- sinagalo o le Atua, o lo tatou lava Tamā. Ia ia te ia le viiga e faava-vau faavavau lava. Amene.
- Ua ou ofo ina ua faapea ona vave liliueseina o outou i le na valaauina outou i le alofa tunoa o Keriso a e faasaga i le tala lelei e ese; e le se tasi tala lelei foi lea, a o isi tagata ua faaatuatuva le ia te outou, ma fia faaliliueseina le tala lelei a Keriso. A e peitai e ui lava ina tala'iina e i matou, po o se agelu mai le lagi, ia te outou se tala lelei e ese i lea na tala'iina ātu ai e i matou ia te outou, ia anatemala ia. Pei ona matou muai fai atu, ou te toe fai atu

- ai nei foi, Afai e tala'iina atu e se
isi ia te outou se tala lelei e ese i
lea na outou talia, ia anatema ia.
- 10 Auā, ou te faaaviavi ea i ona po nei
i tagata, po o le Atua; Ou te saili
ea ina ia ou faafiafia i tagata? Auā
afai ana ou faafiafia pea i tagata, po
ua le fai a'u ma auauna a Keriso.
- 11 Le au uso e, ou te faailoa atu ia
te outou, e le faatatauina i tagata
le tala lelei sa tala'iina atu e a'u;
12 auā e lei maua lea e a'u mai se ta-
gata, e lei a'oa'oina ai foi a'u, ua na
o le faaaliga a Iesu Keriso *na ou*
13 *maua ai*. Auā ua outou faalogo i
la'u amioga anamua ina ou i le lotu
a Iutaia, sa ou matuā sau lava i le
ekalesia a le Atua, ma faatauga i ai.
- 14 E sili foi lo'u alualu i le loto a Iuta-
ia i nisi e toatele o lo'u nuu na ma-
toui tupulaga faatasi, ma a'u matuā
15 naunau i uputuu a o'u tamā. A o
le Atua o le na filifilia a'u talu ina
fanau mai o a'u, ma na valaauina
a'u i lona alofa tunoa, na finagalo o
16 ia, ina ia faaali mai lona Alo i toto-
nu ia te au, ina ia ou folafolaina atu
i nuu ese le tala lelei ia te ia, ona
17 ou le filifili lea ma tagata, ou te lei
alu ae loa foi i Ierusalemia e i na
muai aposetolo ia te au, a e peitai
na ou alu i Arapi, ona ou toe foi lea
18 i Tamaseko. Na mavae tausaga e
tolu, ona ou alu ae lea i Ierusalemia
ina ia ma feiloai ma Peteru, ua po
sefulu ma le lima o ma nonofo ai;
19 a e ma te lei feiloai ma se tasi o le
au aposetolo, ua na o Iakopo le uso
20 o le Alii. O mea foi ou te tusi atu
ai nei ia te outou, faauta mai ia, *ou*
te fai atu i luma o le Atua, ou te le
21 pepelo lava. Mulimuli ane ona ou
alu atu lea i nuu o Suria ma Kili-
22 kia; sa le iloa o'u mata e ekalesia i
23 Iutaia o e ua ia Keriso; ua na ona
latou faalogo, O le na faasaua ana-
mua ia te i tatou, o loo folafola atu
e ia i nei ona po le tala lelei o le
faatuatua sa na faataugaina ana-
24 mua; ona latou vivii ai lea i le
Atua ona o a'u.

*O le malaga a Paulo i Ierusalemia;
o lona aoai atu ia Peteru.*

- 2 MULIMULI ane, ua mavae tau-
saga e sefulu ma le fa, ona ma toe
o ae lea i Ierusalemia, o i maua ma

Panapa, ua matou o foi ma Tito.
Na ou alu ae e tusa ma le faaaliga,
ma a'u faailoa atu ia te i latou le
tala lelei ou te tala'iina atu i nuu
ese, a *ua fai* lemu atu i e ua ta'ua,
ina nei le aoga la'u momo'e nei, po
o le momo'e ua mavae. A e peitai
o Tito na ma faatasi ma a'u, o le
Eleni foi o ia, e lei tauanauina o ia
ia peritomeina. *Sa faapea* foi ona
o uso pepelo e na faaofia faaleiloga,
o tagata ia na o ane faaleiloga e
tilotilo i lo tatou sa'olotoga ua ia te
i tatou ia Keriso Iesu, ina ia latou
faapologaina i tatou. A e matou te
lei gauai ma ua *le* usiustai ia te i
latou i sina itu aso, ina ia tumau ia
te outou le tonu o le tala lelei. O i
latou foi o e ua ta'ua, (pe na faape-
fea i latou anamua, e le sa'u mea
lea, e le faailogaina foi se tagata e
le Atua;) e leai lava se mea na faa-
opoopo mai ia te au e i latou ua
ta'ua; a e le na o lea, a ua latou
iloa ua tuuina mai ia te au le tala
lelei mo ē le peritomeina, *pei ona*
tuuina ia Peteru mo ē peritomeina,
(auā o lē na galue i totonu ia Pe-
teru i le faiva o le aposetolo mo ē
peritomeina, o ia lava na galue i
tononu ia te au *i le faiva o le apo-*
setolo mo nuu ese,) na latou iloa foi
le alofa tunoa ua foaiina mai ia te
au, ona latou fetagofi lea i lima
taumatau o le faatasiga ia te i maua
ma Panapa e Iakopo, na Kefa, atoa
ma Ioane, o ē na ta'upoutuina, ina
ia ma o i nuu ese, a o i latou *ia o i e*
ua peritomeina; tau lava ina ia ma
manatua o e matitiva, o le mea foi
lea na ou naunau i ai e fai. A ua
alu atu Peteru i Anetioka, ona ou
matuā finau atu lea ia te ia i ona
lava luma, auā ua tatau ona aoaiina
o ia Auā a o lei o mai nisi mai
Iakopo, ua aai faatasi o ia ma ta-
gata ese; a ua latou oo mai, ona
'alo lea o ia, ma vavae ese o ia, ina
ua fefe i ē ua peritomeina, ona pe-
pelo lea faatasi ma ia o isi Iutaia
uma, ua oo ina tosinā o Panapa
lava i lo latou pepelo. A ua ou iloa
latou te lei savavali tonu e tusa ma
le upu moni a le tala lelei, ona ou
fai atu lea ia Peteru i luma o i la-
toui uma, O oe le Iutaia, afai e te
amio faanuuese, a e le faa-Iutaia, se

a le mea ua e tauanau atu ai i nuu
 15 ese ia latou faa-Iutaia? O i tatou
 o Iutaia moni, a e le ni tagata aga-
 16 sala mai nuu ese, ua tatou iloa e le
 ta'uamiotonuina se tagata i galuega
 o le tulafono, a o le faatuatua ia
 Iesu Keriso; o i tatou foi ua tatou
 faatuatua ia Keriso Iesu, ina ia ta'u-
 amiotonuina i tatou i le faatuatua
 ia Keriso, a e le o galuega o le tula-
 fono; auā e le ta'uamiotonuina se
 tagata e tasi i galuega o le tulafono.
 17 A e afai o i tatou o mananao i le fia
 ta'uamiotonuina ia Keriso, ua iloa o
 tagata agasala i tatou lava, po ua
 fai ai ea Keriso ma anauna a le aga-
 18 sala? Auā ne'i faapea. Auā pe
 afai ou te toe ati ae i mea na ou
 lepetia, ou te faaalitinoia a'u e a'u
 19 o lē solitulafono a'u. Auā o a'u, na
 ou oti i la le tulafono ona o le tula-
 20 fono, ina ia ou ola i la le Atua. Ua
 faasatauroina faatasi i maua ma Ke-
 riso; a e ou te le toe ola a'u, a o
 Keriso o loo ola i totonu ia te au;
 o le ola foi ou te ola ai nei i le tino,
 ou te ola ai lava i le faatuatua i le
 Alo o le Atua, o le na alofa mai ia
 te au, ma foaiina mai o ia e ia e fai
 21 mo'u sui. Ou te le faaleaogaina le
 alofa tunoa o le Atua; auā ana oo
 mai le amiotonu i le tulafono, po
 ua maliu fua Keriso.

O le faatuatua e ta'uamiotonuina ai.

3 KALATIA valea e, o ai ea na ia
 pelogia outou, ina ia le anaana ou-
 tou i le upu moni, ua tusia ia te
 outou i o outou lava luma o Iesu
 2 Keriso ua faasatauroina? Ua na o
 le mea nei ou te fia iloa ia te outou,
 pe na maua e outou le Agaga i ga-
 luega o le tulafono, po o le taulogo-
 3 logo atu i le faatuatua? Tou te
 faapea ea ona valelea? Na amata-
 ina outou i le Agaga, pe faaiiua
 4 nei ea outou i le tino? Pe na tiga-
 ina fua ea outou i ia mea e tele
 lava? pe afai e moni ua tigaina
 5 fua. O le ua avatu ia te outou le
 Agaga, ma na faia vavega ia te ou-
 tou, o galuega ea o le tulafono ua
 ia fai ai, po o le taulogologo atu i
 6 le faatuatua? Faapei o Aperaaamo
 na faatuatua i le Atua, ona ta'ua ai
 7 lea ia te ia e fai ma amiotonu. O
 lenei, ia iloa e outou, o e faatuatua

o atalii i latou o Aperaaamo. Na 8
 iloa foi anamua i le Tusi, o le faa-
 tuatua e ta'uamiotonuina ai nuu
 ese e le Atua, na ia folafolaina ai
 anamua le tala lelei ia Aperaaamo,
 ua faapea, E manuia nuu uma lava
 ia te oe. O lenei, ua manuia e ua 9
 faatuatua faatasi ma Aperaaamo le
 na faatuatua. Auā o i latou uma o 10
 e faalagolago i galuega o le tulafono,
 ua faafanoia i latou; auā ua tusia,
 Ia faafanoia i latou uma o e le tu-
 mau i mea uma lava ua tusia i le
 tusi o le tulafono ia faia. A ua 11
 iloa lelei, e le ta'uamiotonuina se tasi
 i luma o le Atua i le tulafono; auā,
 E ola le tagata amiotonu i le faa-
 tuatua. E le aiā le faatuatua i le 12
 tulafono; a e peitai, O le tagata na
 te faia ia mea e ola ai lava ia. Na 13
 faatauina mai i tatou e Keriso ai le
 faafanoga o le tulafono, ina ua faa-
 fanoia o ia mo i tatou; auā ua
 tusia, E faafanoia i latou uma o e
 ua faatauina i le laau; ina ia oo 14
 ai i nuu ese le manuia o Aperaaamo
 ia Keriso Iesu, ina ia tatou maua i
 le faatuatua le na folafolaina o le
 Agaga lea.

Le au uso e, (o upu a tagata ou 15
 te fai atu ai nei,) e ui lava na o le
 feagaiga a le tagata, afai ua faa-
 mauina e leai se na te tatalaina, pe
 na te faaopoopoina ai se mea. Na 16
 fetalaiā mai folafolaga ia Aperaaamo,
 ma so lana fanau; e lei faapea mai,
 O le fanau, peiseai e toatele, a e
 toatasi, O so lau fanau, o Keriso
 lava lea. Ia, o la'u upu lenei; o le 17
 feagaiga na faamauina anamua e le
 Atua ia Keriso, e le mafai ona tata-
 laina lea e le tulafono na mulimuli
 ai i ona tausaga e fagalau ma le
 tolagafulu, ina ia faaleaogaina ai le
 mea na folafolaina. Auā afai ua 18
 ala mai le tofi i le tulafono, ua le
 ala mai i le upu na folafolaina; a e
 peitai na foaifuaia atu e le Atua
 ia Aperaaamo i le mea na folafola-
 ina. O lenei, se a le aoga o le tula- 19
 fono? Na faaopoopo mai lea ona
 o solitulafono, ina seia maliu mai le
 fanau na folafola i ai, sa saunia e
 agelu na aumaia e le tautuu upu.
 A e leai se tautuu upu pe a na o le 20
 toatasi, a e toatasi le Atua. Lenei 21
 foi, e 'au ese ea le tulafono i mea

- na folafolaina e le Atua? Aua
ne'i faapea. Auā, afai ana tuuina
mai se tulafono e mafai ona faa-
olaina ai, po ua oo mai lava le amio-
tonu i le tulafono. A e peitai ua
punitia e le Tusi tagata uma lava i
le agasala, ina ia foaiina mai i e
faatuatua le mea na folafolaina e
maua i le faatuatua ia Iesu Keriso.
- 23 A o lei oo mai le faatuatua, na tao-
fia i tatou i le pule a le tulafono, sa
punitia ina seia faaalua le faatuatua
a oo mai. O lenei, ua fai mo tatou
ta'ita'itama le tulafono, *na te ta'i-
ta'iina i tatou ia Keriso, ina ia ta'u-*
amiotonuina i tatou i le faatuatua.
- 25 A ua oo mai le faatuatua, o lenei
ua le toe pule ia te i tatou le ta'i-
ta'itama; auā o atalii o le Atua
outou uma lava i le faatuatua ia
27 Keriso Iesu. Auā o outou uma
lava na papatisoina ia Keriso ua ou-
tou oofu ia Keriso; e le o i ai se
28 Iutaia po o se Eleni, e le o i ai se
pologa po o se sa'oloto, e le o i ai se
tane po o se fafine; auā ua tasi
lava outou uma ia Keriso Iesu.
- 29 Afai foi e o Keriso outou, e moni,
o le fanau outou a Aperaaano, o sulī
foi e tusa ma le mea na folafolaina.
- O tamafai i tatou sa nofo pologa i
le tulafono.*
- 4 OU te fai atu foi, o aso uma o
itiiti ai le sulī, e ui lava o ia e ana
mea uma, e leai se mea e ese ai o ia
2 ma le pologa; a e pule ia te ia faa-
tamā ma auauna e pule, seia oo atu
3 i ona po na tuupoina e le tamā. Sa
faapea foi i tatou ina o tama iti, sa
nofo pologa i tatou i mataupu mua-
4 mua a le lalolagi. A ua oo atu i le
faatoaga o tausaga, ona auina mai
lea e le Atua o lona Alo, na fanau
i le fafine, na fanau ua nofo i le
5 tulafono; ina ia faatau mai e ia i e
na nofo i le tulafono, ia avea i tatou
6 ma tamafai. O atalii outou, o le
mea lea ua auina mai ai e le Atua
le Agaga o lona Alo i o outou loto, o
7 valaau, Ava, le Tamā e. O lea e
te le se pologa ai i ona po nei, a o
le atalii; a e afai o le atalii, o le sulī
8 foi o le Atua ia Keriso. E moni, o
ia onā po ua le iloa ai e outou le
Atua na fai ai outou ma pologa i
9 mea e leai lava so latou atua; a o
- nei ona po ina ua outou iloa le
Atua, a e moni ua iloa lava outou e
le Atua, pe faapefea ona outou toe
lilii i mataupu muamua e vaivai
ma faatauva, ua outou toe mana-
nao ea ia outou toe nofo pologa i
ai? Tou te anaana i aso, ma masina, 10
ma tau, ma tausaga. Ou te fefe ia
11 te outou, ina ne'i iu ina faaleaogaina
la'u galuega na ou faia ia te outou.
- Le au uso e, ou te aioi atu ia te 12
outou, ia faapei o a'u outou, auā o
a'u ua pei o outou; na le agaleaga-
ina a'u e outou i se mea e tasi. Ua 13
outou iloa foi na ou folafola anamua
le tala lelei ia te outou ina ua vaivai
lo'u tino; o le tofototofo foi sa ia te 14
au i lo'u tino e lei ta'ufaatauvaina
lea e outou, pe inosia e outou, a ua
outou talia mai a'u peiseai se agelu
a le Atua, peiseai o Keriso Iesu.
Pe faapefea foi lo outou manuia sa 15
fai mai? auā o la'u mau lenei ia te
outou, ana outou mafaia, po ua
outou sasali mai o outou mata, ma
foai mai ia te au. Ia, ou te se ita 16
atu ea ia te outou i lo'u ta'uina atu
ia te outou le upu moni? Latou te 17
maelega ia te outou, a e faaletatau;
a e peitai latou te fia faateaeaina
outou, ina ia outou maelega ia te i
latou. A e lelei ona maelega i le 18
mea lelei e le aunoa, aua ne'i gata
ina o ia te outou o a'u. La'u fanau 19
e, ou te toe oono ai i o'u faatiga,
seia tino Keriso i totonu ia te outou,
ou te loto ina ia ou i ai ia te outou 20
i ona po nei, ma tautala faatatau
atu, auā ua faaletonu lo'u manatu
ia te outou.
- Ina ta'u mai ia ia te au outou o e 21
fia nonofo i le tulafono, tou te le
faalogo atu ea i le tulafono? Auā 22
ua tusia, sa ia Aperaaano atalii e
toalua, o le tasi na fanau mai i le
fafine nofo pologa, a o le tasi i le
fafine o le tama a le eleele. A e 23
peitai o le tama a le fafine nofo po-
loga, ua fanau lea i la le tino; a o
le tama a le fafine o le tama a lo
eleele, na fanau ia ona o le mea na
folafolaina. Ua fai ma mea faata- 24
oto ia mea; auā o fafine nei o fea-
gaiga e lua ia; o le tasi mai le
mauga o Sinai, e fanau mai tama e
fai ma pologa, o Akara lea; auā o 25
Akara lenei o le mauga o Sinai ia i

Arapi; ua le tutusa ma Ieruselema i ona po nei, ua nofo pologa atoa
 26 ma lana fanau; a o Ieruselema i lugā o le tama a le eleele ia, o le
 27 tinā o i tatou uma lava ia. Auā ua tusia, Ia e olioli oe le fafine e pa sa le fanau; ia e uio ma leo tele oe sa le faatiga; auā ua tele le fanau a le
 28 ua nofo fua i la le nofo tane. A o i tatou, le au uso e, o fanau i tatou
 29 e *tusa* ma le mea na folafolaina, pei o Isaako; a e faapei ona sau a o le na fanau i la le tino i le na fanau i la le Agaga i ia ona po, e faapea foi i ona po nei. A e peitai se a ea e fai mai ai le Tusi? Ina tutuli ia le fafine nofo pologa ma lana tama; auā e le tofia le tama a le fafine nofo pologa faatasi ma le tama a le fafine
 31 o le tama a le eleele. O lenei, le au uso e, e le ni fanau i tatou a le fafine nofo pologa, a o le fafine o le tama a le eleele.

O le uiga o amioga i la le Agaga.

5 O LENEI, ia outou tumau i le sa'olotoga ua faasa'oloto mai ai Keriso ia te i tatou; a e aua ne'i toe taofia outou i le amo o le pologa.
 2 Faaata mai ea, o a'u o Paulo, ou te fai atu ia te outou, afai e peritomeina outou, e le aoga lava Keriso ia te outou. Ou te toe molitino atu i tagata uma ua peritomeina, ua ia te i latou ona faia o mea uma lava o i le tulafono. O outou o loo ua ta'uamiotonuina i le tulafono, ua tete'a ese lava outou ma Keriso, ua
 3 pauu outou nai le alofa tunoa; auā o le Agaga matou te faatalitali atu ai i le faamoemoe i le amiotonu ua
 4 i le faatuatua; auā e leai se aoga o le peritome po o le le peritomeina i e o ia Keriso Iesu, tau lava o le faatuatua e matuā galue i le alofa.
 5 Sa outou taufetuli lelei po o ai ea ua faafelavei ia te outou, ia outou
 6 le anaana i le upu moni? E le mai le na valaauina outou lenei faaoleole. E faafefeteina le palugā *fala*oa
 7 lava i sina mea itiiti e faafefete a'i. Ou te matuā faatuatua ia te outou i le Alii, tou te le loto i se tasi mea; a o le na te faatuatuavaleina outou e oo ai lana sala, e le
 8 faailogaina se tasi. A o a'u, le au uso e, afai ou te tala'i pea i le peri-

tome, se a ea le mea e faasauaina ai pea a'u? afai o lea, ua faaumatia le mea e tausui ai i le satauro. O 12 lo'u manao ia vavaeseina i latou e i latou o e faagaetitia outou.

Auā le au uso e, ua valaauina 13 outou i le sa'olotoga; tau lava ina ne'i *avea* le sa'olotoga ma togafiti a le tino; a ia outou auaina le tasi i le tasi i le alofa. Auā ua atoatoa 14 le tulafono uma lava i le upu e tasi, o lenei, Ia e alofa atu i lē lua te tuaoi, ia pei o oe lava ia te oe. A 15 e afai tou te feūtai ma fe'ainai, ia outou ina ne'i faaumatia outou ia te outou.

Ou te fai atu, ia outou savavali i 16 la le Agaga, ona le faia lea e outou o le tu'inanau o le tino. Auā o le 17 tino ua tu'inanau lea e tete'e atu i le Agaga, ua tu'inanau foi le Agaga e tete'e atu i le tino; ua fete'eina foi ia mea, o le mea lea tou te le fai ai mea tou te loto i ai. A e afai e 18 ta'ita'iina outou e le Agaga, ua le nonofo outou i le tulafono. Ua 19 iloa tino foi galuega a le tino, o mea faapenei; o le mulilua, o le faitaaga, o le amio leaga, o le mata'itu, o le 20 ifo i tupua, o le fai togafiti faatau-lāitu, o le feitagai, o le femisai, o le losilosi vale, o le lotoa, o le finau vale, o le fevaevaeaiga, o maseiga, o le mataua, o le fasioti tagata, o le 21 onaga, o le poula, ma mea faapena; ou te muai ta'u atu nei ia te outou, pei ona ou fai atu anamua, o e faia mea faapena, e le fai le malo o le Atua mo latou tofi. A o le fua o 22 le Agaga o le alofa, o le olioli, o le filemu, o le onosai, o le mataalofa, o le agalelei, o le faamaoni, o le agamalu, ma le le gaoiā; e le faatula- 23 fonoina mea faapena. A o e o ia 24 Keriso, ua faasatauroina e i latou le tino, ma ona manao, ma ona tu'inau. Afai ua tatou ola i le Agaga, 25 ia tatou savavali foi i le Agaga. Aua ne'i *avea* i tatou ma ē mita- 26 mita vale, *aua ne'i* feluiai, *aua ne'i* felosiai.

O upu apoapoi.

LE au uso e, afai e maua se ta- 6 gata i se tasi agasala, o outou o i la le Agaga ia outou faafoi mai le ua faapeaina ma le loto o le agamalu,

- ma ia faaeteets oe ina ne'i faaoso-
 2 osoina foi oe. Ia outou fesui i a
 outou avega e ave, ma ia faapea
 ona outou faia le tulafono a Keriso.
 3 Auā pe a manatu se tasi o le tagata
 aoga ia, a e leai, ua pelogia o ia e ia
 4 i lona manatu. A ia taitoatasi ma
 faamasino i lana lava galuega, ona
 ia te ia lea o se mea e mitamita ai
 5 ia te ia lava, a e le o se tasi. Auā
 e taitasi ma ave i lana lava avega.
 6 A o le ua a'oa'oina i le upu, ia tufa
 atu e ia mea lelei uma lava i le ua
 7 a'oa'o mai. Aua ne'i faaseaina ou-
 toutou, e le ulagia le Atua auā o le
 mea e luluina e le tagata, o le mea
 8 lava lea e seleseleina mai ai e ia; o
 sē lulu i la lona tino, e selesele mai
 ai e ia i la le tino le mea e pala; a
 o sē lulu i la le Agaga, e selesele
 mai ai e ia i la le Agaga le ola faa-
 9 vavau. Aua ne'i tatou faapalapala
 i le amio lelei; auā o ona po e tatou
 ai tatou te selesele mai ai, pe afai
 10 tatou te le faavaivai. O lenei, ia
 tatou agalelei, ia faatatau *i mea e
 tutupu* i lea aso ma lea aso, i tagata
 uma lava, a e faasili i le aiga o le
 faatuatua.
 11 Faauta i le tetele o mataitusi ua

ou tusi atu ia te outou i lo'u lava
 lima. O i latou uma o e fia ta'u- 12
 leleia e tagata, latou te faatauana
 ia peritomeina outou, ua na o lea,
 ina ne'i faasauaina i latou ona o le
 satauro o Keriso. Auā foi o i latou 13
 o e ua peritomeina, latou te le
 anaana i le tulafono; a e peitai
 latou te loto ina ia peritomeina ou-
 toutou, ina ia latou mitamita ai i o ou-
 toutou tino. A o a'u, aua ne'i ou mita- 14
 mita *i se mea*, tau lava o le satauro
 o lo tatou Alii o Iesu Keriso, o ia
 ua faasatauroina ai le lalolagi ia te
 au, o a'u foi i le lalolagi. Auā e le 15
 aoga le peritome, po o le le peri-
 tomeina i e ua ia Keriso Iesu, tau
 lava ina ia faafouina *i latou*. O i 16
 latou uma foi o e savavali e faata-
 tau i lenei mataupu, ia ia te i latou
 le manuia ma le alofa, ia i ai foi i le
 Isaraelu o le Atua.

E amata i ona po nei, aua le toe 17
 faalavelave se tasi ia te au; auā o
 a'u ou te tauave i faailoga o le Alii
 o Iesu i lo'u nei tino. Le au uso e, 18
 ia i ai i o outou agaga le alofa
 tunoa o lo tatou Alii o Iesu Keriso.
 Amene.

O LE TUSI A

LE APOSETOLO O PAULO IA

E F E S O.

*O le manuia tele lava o e ua filifilia
 e le Atua.*

- 1 O A'U o Paulo, o le aposetolo a
 Iesu Keriso i le finagalo o le Atua,
 o *la'u tusi lenei* i le au paia o i
 Efeso, o e faatuatua foi ia Keriso
 2 Iesu; ia ia te outou le alofa tunoa,
 ma le manuia mai le Atua lo tatou
 Tamā, atoa ma le Alii o Iesu
 Keriso.
 3 Ia faafetaia le Atua, o le Tamā o
 lo tatou Alii o Iesu Keriso, o le ua
 faamanuia mai ia i tatou i mea uma

lava e manuia ai i la le Agaga, i
 mea o i le lagi, ona o Keriso; faa- 4
 pei ona ia filifili mai ia i tatou ona
 o ia, a o lei faavaeina le lalolagi,
 ina ia paia i tatou ma ia le mata'u-
 leagaina i ona luma, i le alofa; ua 5
 na tofia i tatou anamua, ina ia avea
 ma tamafai māna, ona o Iesu Keriso,
 e tusa ma le pule tunoa a lona fina-
 galo; ina ia viia ai lona lava alofa 6
 tunoa ua silisili, o lea ua agalelei
 fua mai ai o ia ia te i tatou, ona o
 le ua alofagia; o ia foi ua tatou 7
 maua ai le togiola i lona toto, o le

faamagaloina o agasala, e tusa ma
 8 le oloa faulai o lona alofa tunoa, ua
 ia faafaupue tele mai ai ia i tatou,
 i le potu uma atoa ma le faautauta;
 9 ina ua faailoa mai ia te i tatou le
 mea lilo sa i lona finagalo, e tusa
 ma lana lava pule tunoa, na ia tuu
 10 ai i lona lava *finagalo*; ina ia na
 faaopoopoina ia Keriso i le sauniga
 i le faaatoaga o tausaga, o i latou
 uma lava o i le lagi, atca ma i latou
 11 o i le lalolagi; o ia lava ua matou
 maua ai le tofi, o i matou na tofia
 anamua, e tusa ma le finagalo o le
 ua matuā galue i mea uma lava, e
 12 tusa ma le pule a lona finagalo; ina
 ia avea i matou ma ala e viia ai
 lona mamalu, o i matou o e na muai
 13 faamoemoe ia Keriso; e i ai foi outou
 ia te ia, ina ua outou faalogolo
 logo i le upu o le mea moni, o le
 tala lelei lea o lo outou olataga, ua
 outou faatuatua ia te ia, ona faa-
 mauaailogaina ai lea o outou e le
 Agaga Paia, o le na folafolaina mai;
 14 o le faamaoni o ia o lo tatou tofi,
 seia iu ina faaolaina a ua faatauina,
 ina ia viia ai lona mamalu.
 15 Ua ou faalogologo i lo outou faa-
 tuatua i le Alii o Iesu, ma lo outou
 16 alofa i le au paia uma lava, o le
 mea lea ou te le mapu ai i le faa-
 fetai ona o outou, o ta'uta'ua outou
 17 i a'u tatalo; ina ia foai atu ia te
 outou e le Atua o lo tatou Alii o
 Iesu Keriso, o le Tamā e ona le
 mamalu, le Agaga e ona le potu ma
 le faaaliga, ina ia outou iloa lelei o
 18 ia; ia faapupulaina mata o outou
 loto, ina ia outou iloa le uiga o le
 faamoemoe ua i lona valaau mai,
 ma le uiga o le faulaigamea lelei o
 i lana tofiga ua silisili mo le au
 19 paia; ma le uiga o le silisili ese
 lava o lona mana ua ia i tatou o e
 faatuatua, e tusa ma le galuega a
 20 lona mana tele lava, na ia matuā
 galue ai ia Keriso, ina ua toe faatu-
 ina mai o ia nai e ua oti, ma faanofo
 ia te ia i lona itu taumatau i mea o
 21 i le lagi, e silisili lava i alii sili uma
 lava, ma faipule, ma e ua malolosi,
 ma alii, ma igoa uma lava e ta'ua, e
 le gata i le olaga nei, a e oo foi i le
 22 atali; ua ia tuu foi mea uma lava i
 lalo o ona vae, ma tuuina atu o ia e
 fai ma ulu o mea uma lava mo le

ekalesia, o lona tino lea, o le tumu 23
 o le na te faatumuina mea uma lava
 i mea uma.

*O le faaolaina o tagata nai le aga-
 sala.*

O OUTOU foi lava o e na oti i 2
 amio leaga ma agasala, na outou 2
 savavali ai anamua, e tusa ma le tu
 a lenei lalolagi, e tusa ma le ta'itai
 o le au faipule i le va nimonimo, o
 le agaga lea o loo matuā galue nei i 3
 e ua faalogogata; o i tatou foi, na
 amio faatasi i tatou uma lava ma i
 latou anamua, ina ua tatou nonofo
 i tu'inanau o tatou tino, na faia foi
 e i tatou o mea na loto i ai le tino
 atoa ma le mafaufau, na fanau mai
 foi i tatou o le fanauga a le toasa, 4
 faapei o isi atoa foi. A o le Atua,
 ua i ai le faulai o le alofa, ona o
 lona lava alofa tele na ia alofa mai 5
 ai ia i tatou, a o oti lava i tatou i
 amio leaga, ua na faaola mai ia i
 tatou faatasi ma Keriso; (o le alofa
 tunoa ua faaolaina ai outou;) ua na 6
 toe faatutū faatasi mai foi, ma faa-
 nonofo faatasi i tatou ma Keriso
 Iesu i mea o i le lagi; ina ia faaalii 7
 i tupulaga atali le silisili ese o le
 faulai o lona alofa tunoa, i le aga-
 lelei mai ia te i tatou, ia Keriso
 Iesu. Auā o le alofa tunoa ua faa- 8
 olaina ai outou i le faatuatua; e le
 mai ia te outou foi lea, a o le mea
 ua foaiina mai e Atua; e le ona 9
 o galuega, ina ne'i mitamita se tasi.
 Auā o lana lava galuega i tatou, na 10
 faia i tatou ia Keriso Iesu, ina ia
 faia galuega lelei, na saunia anamua
 e le Atua, ina ia tatou savavali ai.

O lenei, ia outou manatu, sa faa- 11
 paupau outou anamua i la le tino,
 ua ta'ua outou o e le peritomeina e
 i latou o e ua ta'ua ua peritomeina
 i le tino, ua faia e lima; o ona po ia 12
 sa le i ai ia te outou Keriso, sa
 tagata ese outou i le sauniga o le
 malo o Isaraelu, o tagata ese foi i
 feagaiga ua i ai le mea na folafolaina,
 sa leai so outou faamoemoe,
 sa aunoa foi ma le Atua i le lalolagi.
 A o ona po nei, ona o Keriso Iesu, o 13
 outou sa vava mamao anamua ua
 faalatalataina mai ai i le toto o
 Keriso. Auā o ia tatou te lelei ai, 14
 ua na faia ia tasi e sa faalua, na na

sōloia foi le pa vaeloto sa vaeluaina
 15 ai; ua ia faaumatia foi i lona lava
 tino le feitagai, o le tulafono lea i
 poloaiga i upu faasino; ina ia liliu
 e ia lava lea toalua ia fai ma tagata
 16 fou e tasi, ia tupu ai le filemu; ma
 ia faaleleia ma le Atua ē sa toalua,
 i le tino e tasi, ona o le satauro, ina
 17 ua faaumatia ai le feitagai. Na
 malii mai foi o ia, e folafola mai le
 tala lelei o le leleiga ia te outou sa
 vava mamao, atoa ma e ua latalata.
 18 Auā ua faatau maua e i tatou uma
 ona o ia o le ta'ita'iga i le Tamā, e
 19 le Agaga e toatasi. O lenei, e le toe
 tagata ese outou, po o e ua āumau,
 a ua nuu faatasi ma le au paia, o le
 20 aiga foi o le Atua; o loo ua atiina
 ae i luga o le faavae o le au aposet-
 tolo, atoa ma le au perofeta, o le
 maa tulimanu o Iesu Keriso lava
 21 lea; ua faatatauina ia te ia le fale
 atoa, o loo alu ae, ina ia fai ma malu-
 22 malu paia i le Alii; o outou foi ua
 atiina ae faatasi outou ia te ia e le
 Agaga, e fai mā afioaga o le Atua.

*O le alofa o le Atua i nuu faapau-
 pau.*

3 ONA o lea mea, o a'u o Paulo o
 le ua noanoatia ona o Keriso Iesu,
 2 ona o outou o nuu ese; auā ua
 outou faalogologo i le sauniga o le
 alofa tunoa o le Atua ua tuuina mai
 3 ia te au mo outou; ina ua na faailoa
 mai ia te au i le faaaliga, o le mea
 sa lilo, (faapei ona a'u muai tusia i
 4 ni upu itiiti, pe a faitaulia e mafai
 ai outou ona iloa ai lo'u loto matala
 5 i le upu ia Keriso sa lilo,) sa le faa-
 iloa atu i nisi tupulaga o le fanauga
 a tagata, faapei ona faaali mai nei e
 le Agaga, i ana aposetolo paia, ma
 6 ana perofeta paia; ia avea nuu ese
 ma suli faatasi ma tino e tasi, ma ia
 tofusua faatasi i lana sa folafola mai
 7 ona o Keriso, i le tala lelei; ua fai
 ai a'u ma auauna, e tusa ma le mea
 foaifuaina mai i le alofa tunoa o le
 Atua, ua na foaiina mai ia te au i le
 8 galuega tele a lona mana; ua au
 mai ia te au le aupito itiiti lava i le
 au paia uma lenei lava alofa tunoa,
 ina ia ou folafola atu i nuu ese le
 oloa faulai o Keriso e le masuesue-
 9 ina lava; e faamalalamalamaina atu
 foi i tagata uma le uiga o le mafuta

faatasi i le mea lilo sa natia talu
 mai i tupulaga *anamua* e le Atua, o
 le na faia mea uma lava e Iesu
 Keriso; ina ia iloa nei e alii sili ma
 10 le au faipule i mea o i le lagi, i le
 ekalesia, le poto uiga ecese o le
 Atua, e tusa ma lona finagalo talu
 11 anamua lava, na ia faia e Keriso
 Iesu lo tatou Alii; o ia ua tatou
 12 maua ai le faamalosia, ma le ta'ita-
 'iga ma le loto tele, i le faatuatua ia
 te ia. O lenei, ou te aioi atu, aua
 13 ne'i faavaivai ina ua puapugatia
 a'u ona o outou, auā o le mea tou
 te mitamita ai lena. O le mea lea
 14 ou te tootuli ai i le Tamā o lo tatou
 Alii o Iesu Keriso, o ia ua faaigoaina
 15 ai le aiga uma o i le lagi atoa ma le
 lalolagi; ina ia foaiina ia te outou e
 16 tusa ma le faulai o lona viiga, ia
 faamalosia outou i le mana e lona
 lava Agaga, i le tagata i totonu;
 ia nofo mau Keriso i o outou loto i
 17 le faatuatua, ina ia mauaa outou,
 ma ia faavaeina i le alofa, tou te
 18 mafai ai ona iloa lelei e outou atoa
 ma le au paia uma, o le uiga o le
 lautele, ma le umi, ma le loloto, ma
 le maualuga, ia iloa foi le alofa o
 19 Keriso ua silisili ese e le mailoa, ia
 faatutumuina outou i le tumu uma
 lava o le Atua. Ia ia te ia o le na
 20 te mafaia ona faia o mea uma e
 faasilisili lava i mea tatou te ole atu
 ai ma mafaufau i ai, e tusa ma le
 mana o loo matuā galue i totonu ia
 te i tatou, ia ia te ia le viiga i le
 21 ekalesia ona o Keriso Iesu, i auga-
 tupulaga uma, e faavavau faavavau
 lava. Amene.

*Ia loto gatasi. Ia toe fuataiina le
 amio.*

O LENEI, o a'u o le ua noanoatia
 4 ona o le Alii, ou te aioi atu ia te
 outou ia outou savavali ia tusa ma
 le valaau ua valaauina ai outou, ma
 2 le loto maulalo lava ma le agamalu,
 ma le onosai, ia outou faapalepale
 le tasi i le tasi ma le alofa, ia tau-
 3 mafaia e outou ona taofi o le loto
 gatasi i le Agaga i le noataga o le
 filemu. E tasi le tino, e tasi foi le
 4 Agaga, faapei ona valaauina o outou
 i le faamoemoe e tasi ua valaauina
 ai outou; e tasi le Alii, e tasi le faa-
 5 tuatua, e tasi le papatisoga; e
 6

tasi le Atua, o le Tamā foi lea o tagata uma lava, o lē pule i mea uma lava, o le ua i ai i mea uma lava, o loo i totonu foi ia te outou
 7 uma. A ua au mai ia te i tatou taitoatasi o le alofa tunoa, e faa-tatauina ma le mea foaifua mai
 8 e Keriso. O le mea lea ua fetalai mai ai o ia, Na afio ae o ia i luga, ma na ta'ita'i faatagataotaua i le tafeaga; ua na foaiina foi mea alofa
 9 i tagata. Ia, o le upu lea, Na ia afio ae, se a lona uiga, pe afai e le o lea, ua muai ona afio ifo o ia i mea
 10 mauaui le le lalolagi? O le na afio ifo, o ia lava lea na afio ae i luga o lagi uma lava, ina ia faatumuina e
 11 ia o mea uma lava. Na ia tuuina mai foi nisi e fai ma aposetolo, o isi foi e fai ma perofeta, o isi foi e folafola le tala lelei, o isi foi e fai
 12 ma leoleo atoa ma a'oa'o; ina ia faafoatoaina ai le au paia, latou te fai ai le galuega a auaua, ia atiina
 13 ae ai le tino o Keriso; seia tatou oo atu o i tatou uma lava ma le lotogatasi i le faatuatua ma le iloa lelei o le Alo o le Atua, ina ia fai ma tagata matua ia oo i le fua o le ua matua, e tatau ma le tumu o Keriso;
 14 ina ia le toe tama ninii i tatou o loo felafoaiina e pei o peau, ma feaveaiina i matagi uma lava o matāupu, i le pepelo o tagata, i togafiti leaga
 15 ua saunia e faasese ai. A ia amio faamaoni i le alofa, ia tutupu i tatou ia te ia i mea uma, o le ulu lava ia,
 16 o ia foi o Keriso; e mai ia te ia ona tupu o le tino uma lava, o loo o faa-tatauina ma faasooina i ua uma lava e fescasooi i ai, e tusa ma le galuega i le fua o itu tino taitasi, ia iu ina atiina ae le tino e ia ia ia i le alofa.
 17 O lenei, ou te fai atu ia te outou, ma ta'utino atu lenei mea i luma o le Alii, aua tou te toe savavali faapei o isi nuu faapaupau uma, o e savavali i le valea o latou loto, o loo faapouliuligia o latou mafaufau, o liliueseina i latou i le ola o i le Atua, ona o le valea ua ia i latou, ona o le
 18 maaa o latou loto; ua latou le lagona se mea, ua tuuina atu i latou ia i latou i le matāitu e fai mea leaga uma lava ma le tu'inanau i ai.
 20 A o outou, ua le a'ea'oina outou

faapena i le matāupa a Keriso, ina 21 ua outou faalogologo ia te ia, ma ua a'oa'oina i lana matāupu, e tusa ma le upu moni o loo ia Iesu; ina ia 22 outou to ese le tagata tuai o loo ua leaga, e tusa ma le amioga faaana-mua, e tusa ma tu'inanau e faasese ai; a ia toe fuataina manao o outou 23 loto, ma ia oofu outou i le tagata 24 fou ua faia e foliga i le Atua, i le amiotonu ma le amio lelei e faamaoni.

O lenei, ia outou tuu ese le pepelo, 25 ia tautalatala faamaoni taitasi ma lē la le tuaoi; auā o itu tino lava i tatou o le tasi i le tasi. A outou ita, 26 aua le agasala ai; aua ne'i goto le la o ita pea outou. Aua foi ne'i tuuina 27 atu e outou se mea e mauu ai le tiapolo. O lē gaoi ua ne'i toe gaoi, 28 a e lelei ina faamalosai o ia i galuega a ona lima i mea aoga, ia maua e ia se mea e avatu i le ua mativa. Aua 29 ne'i alu atu se upu leaga ai o outou gutu, na o le upu lelei e ati ae ai i mea e aoga, e tupu ai le lelei i faalogologo i ai. Aua foi tou te faatiga 30 i le Agaga Paia o le Atua, ua faamaufaaailogaina ai outou ia te ia seia oo i le aso e faaalaina ai. Ia te'a 31 ma outou upu faafusuua uma lava, ma le lotoa, ma le ita, ma le leo tele, ma le upu leaga, atoa ma le loto leaga uma lava. A ia outou 32 feagaleleiai, ia femutimutivaleai lo outou alofa, ia fefaamagaloi outou, faapei ona faamagaloina outou e le Atua ia Keriso.

O le apoapoaiga i amio e tatau.

O LENEI, ia faaa'oa'o outou i le 5 Atua, faapei o le fanau pele; ma ia 2 savavali i le alofa, faapei o Keriso foi na ia alofa mai ia i tatou, ua na foai mai foi e ia ia te ia e sui ai i tatou, o le taulaga ma le togilola i le Atua o le mea manogi lea; a o le 3 faitaaga, ma mea leaga uma, ma le manumanu, aua ne'i ta'ua lava ia te outou, e pei ona tatau i e ua paia. O le anovale foi, ma upu faa-tauvaa, ma le faaulaula, o mea ia e le tatau; a o le faafetai e lelei lava lea. Auā ua outou iloa lenei mea, 5 ai sē faitaaga, po o sē fai mea leaga, po o sē manumanu, (o le ifo i tupua lava lea,) e le maua e i latou se tofi

i le malo o Keriso, o le Atua lea.
 6 Aua ne'i faaseseina outou e se tasi i upu faatauva; auā o mea ia e oo mai ai le toasa o le Atua i e faalogogata. O lenei, aua ne'i faatasi outou ma i latou; auā sa outou pouliuli anamua, a o lenei ua outou malamalama i le Alii; ina savavali ia pei o e ua malamalama; (auā o le fua o le Agaga, o le agalelei uma lava lea, ma le amiotonu, ma le faamaoni;) ia susesue outou pe se a se mea e fiafia i ai le Alii. Aua foi tou te amio faatasi ma galuega le aoga a le pouliuli, a e lelei ona outou aoi atu. Auā o mea ua faia faalilolilo e i latou, ua matagā lava ona tautalatala i ai. A o mea uma lava ua aoiaina, ua faaalai mai ia i le malamalama; auā o mea uma e faaalai, o le malamalamalea. O le mea lea ua fai mai ai, Ala ia oe e moe na ma e tulai mai i e ua oti, ona faamalamalama mai lea o Keriso ia te oe. O lenei, ia faaeteete outou ina ia outou savavali ma le faautauta, aua ne'i faapei o e valelea, a ia faapei o e popoto; ia faaaogaina e outou aso o lenei olaga, auā o ona po nei ua leaga. O lenei, aua ne'i faavalea outou, a ia outou iloa le finalago o le Alii. Aua foi ne'i onā outou i le uaina, o le mea e ulavale ai; a ia faatumuina outou i le Agaga. Ia outou fetautalatalai i salāmo, ma pese, ma si'a faaleagaga, ia faaneene atu ma pepese atu i le Alii i o outou loto. Ia faafetai pea lava ona o mea uma i le Atua le Tamā, i le suafa o lo tatou Alii o Iesu Keriso. Ia usiusitai le tasi i le tasi ma le mata'u i le Atua.
 22 O outou fafine, ia outou usiusitai i a outou lava tane, faapei ona usiusitai i le Alii. Auā o le tane o le ulu ia o le avā, pei o Keriso foi o le ulu ia o le ekalesia, o ia foi o le faaola o le tino. O lenei, faapei ona usiusitai o le ekalesia ia Keriso, ia faapea foi fafine i a latou lava tane i mea uma lava. O outou tane, ia outou alolofa atu i a outou lava avā, faapei o Keriso foi ona alofa mai i le ekalesia, ma foaiina mai e ia ia te ia e fai mona sui; ina ia faapaiaina ai, ina ua faamamaina i le faataeleina i le vai atoa ma le

upu; ina ia na tuuina atu o ia ia te ia, o le ekalesia matagofie lava, e leai sona ila, po o se maanumini po o se tasi mea faapena, a ia paia ma ia le ponā. O loo faapea ona tatou ona alolofa o tane i a latou lava avā, faapei o latou lava tino; o lē alofa i lana lava avā, o loo alofa o ia ia te ia lava; auā e leai lava se tasi e ita i lona lava tino; a e peitai na te fafaga ma tausi atu i ai, faapei o le Alii foi ona tausi i le ekalesia; auā o itu lava i tatou o lona tino, ma lona aano, ma ona ivi. O le mea lea e tuua ai e le tane o lona tamā ma lona tinā, a e faatasi ma lana avā, ona ave'a ai lea o i laua o le tino e tasi. O le mea matuā lilo lenei; a ou te talaina atu nei ia Keriso atoa ma le ekalesia. A o outou, ia taitasi outou ma alofa i lana lava avā faapei o ia lava ia te ia; o le fafine foi ia ava o ia i lana tane.

*O le amio a le fanau ma auaina;
 o le aupega faaleagaga.*

O OUTOU le fanau, ia outou faalogoi o outou mātua i le Alii, auā o le mea tonu lava lea. Ia e ava i lou tamā ma lou tinā; o le uluai tulafono lea ua i ai le mea ua folafolaina; ina ia manuia ai oe, ma ia e nofo tulu'i ai i luga o le laueleele. O outou tamā foi, aua ne'i tou faanoono atu i a outou fanau, a ia tausi atu i ai i aoiaga ma apoapoaiga a le Alii.

O outou pologa, ia outou faalogoi o outou ali i la le tino, ma le mata'u ma le gatete, i le faamaoni o outou loto, e peiseai ua faalogo ia Keriso. Aua ne'i faatagā auaina, pei o e faafiafia i tagata, a ia faapei o auaina a Keriso, o e fai le finalago o le Atua ma le loto, ma le fiafia, o loo auaina atu ai i le Alii, a e le o tagata; o loo outou iloa o le na te faia se amio lelei, e maua lava e ia mai le Alii e tusa ma lea lava amio, pe se nofo pologa o ia, po o se sa'oloto. O outou ali foi, ia outou faia ia lava mea ia i latou, ina tuu ia le faamata'u, ina ua outou iloa o lo outou lava Alii o loo i le lagi o ia, e le faailogaina foi se tasi e ia.

- 10 O'u uso e, o le toe upu lenei, ia
outou loto tetele i le Alii, ma le
11 malosi o lona mana. Ia oofu outou
i ofutau atoatoa mai le Atua, ina ia
outou mafaia ona tetele atu i toga-
12 fiti a le tiapolo. Auā tatou te le
tau ma tagata, a o alii sili, ma fai-
pule, ma alii o le pouliuli o lenei
lalolagi, atoa ma agaga leaga i mea
13 o i le lagi. O le mea lea ia outou
tago ai i ofutau atoatoa mai le
Atua, ina ia outou mafaia ona te-
tee atu pe a oo i le aso vale, pe a
uma ona outou faia o mea uma, tou
14 te tutumau ai lava. O lenei, ina
tutumau ia outou o fusia o outou
sulugātiti i le faamaoni, ia oofu foi
outou i le uffatafata o le amiotonu;
15 ma ia faaseevaeina o outou vae i le
sauniga o le tala lelei o le filemu;
16 ia faaopoopo i na mea uma ona tago
atu i le talipupuni o le faatuatua,
tou te mafai ai ona tinei o u fana-
fana mu uma lava a loo leaga;
17 ma ia outou ave le puloutau o le
olataga, ma le pelu a le Agaga, o
18 le asoga lea a le Atua. Ia outou

tatalo i le Agaga i aso uma lava i
talotaloga ma faatoga uma; ia ou-
tou mataala pea i lenei lava mea,
ma matuā tausisi i le faatoga mo
tagata paia uma lava; mo a'u foi, 19
ina ia tuuina mai le upu ia te au,
ina ia ou faamalosi ona tautala atu
ma faailoa atu le upu o le tala lelei
sa lilo, o le upu lava lea ua noanoa- 20
tia ai a'u le sāvali, ina ia ou faamalosi
ai ona tautala, pei ona tataua ona ou
tautala atu ai.

O Tuiko, o le uso pele ia, ma le 21
aauauna faamaoni i le Alii, e faailoa
atu e ia ia te outou o mea uma, ina
ia outou iloa mea uma o ia te au, o
mea ou te faia; ua ou auina atu o 22
ia ia te outou ona o lea lava mea,
ina ia outou iloa a matou mea, ma
ia faamatalalotoina ai o outou loto.
Ia i le au uso le manuia, ma le 23
alofa, atoa ma le faatuatua mai le
Atua le Tamā; ma le Alii o Iesu
Keriso. Ia i ai le alofa tunoa ia i 24
latou uma o e alolofa tumau i lo
tatou Alii o Iesu Keriso. Amene,

O LE TUSI A

LE APOSETOLO O PAULO IA

FILIPPI.

*O le faafetai a Paulo ona o le galu-
ega a le Atua i Filipi, ma lana
tatalo mo i latou.*

- 1 O I maua o Paulo ma Timoteo, o
aauauna a Iesu Keriso, o la ma tusi
lenei i le au paia uma lava o ia
Keriso Iesu, o e o i Filipi, atoa ma
2 epikopo ma tiakono; ia ia te outou
le alofa tunoa, ma le manuia mai
le Atua lo tatou Tamā, atoa ma le
Alii o Iesu Keriso.

- 3 Ou te faafetai atu i lo'u Atua i
4 o'u manatu uma ia te outou, e le
aunoa la'u faatoga ma le fiasia, i a'u
5 tatalo uma mo outou uma lava, ona
o lo outou mafuta faatasi i la le tala

lelei, talu mai le uluai aso, ua oo
mai i le aso nei; ua ou mautinoa 6
lenei lava mea, o ia na amataina le
galuega lelei i totonu ia te outou, e
faaatoatoaina ai lava e ia e oo atu
lava i le aso o Iesu Keriso; faapei 7
ona tataua ona ou manatu i lenei
mea ia te outou uma; auā ua tuuina
ai outou i lo'u loto i lo'u nei noa-
noataga, ma la'u faatonu atu, atoa
ma lo'u faamaoni atu i le tala lelei,
o loo tofusua faatasi i tatou uma
lava ma a'u i le alofa tunoa ua ia te
au. Auā ua silafia mai e le Atua ia 8
te au, ua tele lo'u naunau ia te
outou uma lava i le alofa mutimuti
vale o Iesu Keriso. O la'u tatalo 9

foi lenei, ia faatuputeleina pea lava lo outou alofa, ma le iloa lelei, atoa
 10 ma le faautauta uma; ina ia masino ia te outou mea uiga eseese, ina ia avea outou ma ē faamaoni, ma le le ta'uleagaina pe a oo i le aso o
 11 Keriso; ia tutumu outou i fua o le amiotonu mai ia Iesu Keriso, ina ia viia ai ma faaneeneina ai le Atua.
 12 Le au uso e, ou te manao ia iloa e outou, o mea na oo ia te au, ua iu
 13 ina tupu atili ai le tala lelei. O lea ua faaalai ai lo'u noanoataga ona o Keriso, i le fale, uma o le 'au e leo-
 14 leo atoa ma isi mea uma. O le toatele foi o le au uso o i le Alii o loo matuā faatuatua ona o lo'u noa-
 noataga; ua atili ai ona latou faa-
 15 malosi e tautala i le upu ma le le mata'u. O isi foi ua tala'i ia Keriso ma le mataua lava, ma le finau vale,
 16 a o isi ua tala'i i le loto lelei. O e tala'i ia Keriso ma le finau vale, e le faia ma le faamaoni, o loo o ma-
 natunatu i latou e faapoopo ai le
 17 puapuaga i lo'u noanoataga; a o e tala'i ma le alofa, ua iloa e i latou ua faatuina a'u ina ia ou faatonu
 18 atu le tala lelei. O lenei, pe faape-
 19 fea? e ui lava i togafiti uma, pe faatagā fai, pe fai ma le faamaoni, ua tala'iina atu ai Keriso, o le mea
 20 lea ua ou olioli ai, e moni ou te oli-
 21 oli ai lava. Auā ua ou iloa e iu lea mea i lo'u manuia, ona o la outou faatoga, ma le fesoasoani mai o le
 22 Agaga o Iesu Keriso: e tusa ma lo'u faanaunau atu, ma lo'u faamoe-
 23 moe, ina ia ou le mā i se mea e tasi, a ia ou matuā faamalosi faapei ona ou faia e le aunoa, e faapea foi i
 24 nei ona po, ina ia viia ai Keriso i lo'u tino, i le ola po o le oti. Auā
 25 o lo'u ola ua ia Keriso lea; a o lo'u oti, o lo'u manuia lea. Afai ou te
 26 ola i le tino, o le fua lea o la'u galu-
 27 ga; a ou te le iloa po o le fea mea ou te filifilia. Auā ua ou faaletonu i manatu e lua; o loo ia te au le
 28 naunau ia ou alu, ia faatasia a'u ma Keriso; o le mea lea e sili ona lelei.
 29 Peitai ia a'u tumau i le tino, o le mea lea e sili ona aoga ia te outou.
 30 Ua ou mautinoa lenei mea, ou te tumau, tatou te tutumau faatasi foi
 31 uma, ina ia alualu outou ma ia fiafia i le faatuatua; ina ia faatuputeleina

ai lo outou olioli ia Keriso Iesu ona o a'u, i lo'u toe alu atu ia te outou. Tau ina ia tusa la outou amio ma le
 27 tala lelei ia Keriso, pe afai ou te alu atu ma feiloai ma outou, pe ou te nofo ese, ia ou iloa pea sina tala ia te outou, ua outou tumau i le
 28 loto gatasi, ma le manatu e tasi, o loo finau faatasi mo le faatuatua ua i le tala lelei; o loo le faamatatau-
 29 ina outou i se mea e tasi e i latou o e tetee mai; auā o le faailoga lea ia te i latou o le malaia, a o le faa-
 30 iloga o le ola ia te outou, e mai le Atua foi lea. Auā ua foaifuaina ia te outou ona o Keriso, e le na ona ia faatuatua ia te ia, a ia faatigaina
 31 foi outou ona o ia; ua ia te outou foi lea lava taua, pei o lea na outou vaai mai ai ia te au, o loo outou faalogologo nei foi o ia te au.

Ia loto gatasi, ma ia loto maualalo.

O LENEI, afai a e ai se faama-
 2 fanafana ia Keriso, afai a e ai se faamatalaloto i le alofa, afai a e ai se mafuta faatasi ma le Agaga, afai
 a e ai se alofa mutimuti vale ma se
 3 loto alofa, ina faaatoatoa mai ia e outou lo'u olioli, ina ia gatasitasi o
 4 outou manatu, ia ia te outou le alofa faatasi, ma le loto gatasitasi, ma le manatunatu i le mea e tasi. Aua
 5 ne'i faia se mea e tasi ma le finau vale, ma le mitamita fua; a ia tai-
 6 tasi outou ma manatu ma le loto maualalo, ua sili nisi uma ia te ia. Aua ne'i taitasi ma vaavaai i
 7 ana lava mea, a ia taitasi ma vaavaai i mea a isi. Ia ia te outou foi lea
 8 lava manatu sa ia Keriso Iesu, o ia sa uiga faatasi ma le Atua, e lei manatu ia o se mea faoa ina ia tusa
 9 lava o ia ma le Atua; a ua faamaulalo e ia ia te ia, ua uiga o ia faatasi ma le pologa, ina ua faia o ia faapei
 10 o se tagata; na iloa foi o ia ua tino mai i le tagata, ua faamaulalo e ia ia te ia, ua na anaana ua oo ina
 11 maliu, o le maliu lea i le satauro. O le mea lava lea ua matuā faaecaina ai o ia e le Atua, ma foaiina atu ai ia te ia o le suafa e silisili i suafa
 12 uma lava; ina ia tootuli o tulivae
 13 uma lava i le suafa o Iesu, o e o i le lagi, ma e o i le lalolagi, ma e o i lalo o le lalolagi; ma ia ta'uta'u

atu e laulaufaiva uma lava o Iesu
 Keriso o le Alii lava ia, ia iu ina
 12 viia ai le Atua le Tamā. O lenei,
 a'u pele e, faapei ona outou anaana
 mai e le aunoa, e le gata ina o tatou
 nonofo ma outou, a o lenei ua atili
 ai ina ua ou le i ai ia te outou, ia
 outou galulue aiai ma le mata'ua
 atoa ma le gatete, ina ia faaolaina
 13 outou. Auā o le Atua, o ia lē
 galue i totonu ia te outou i lona
 finagalo alofa, ina ia outou loto ma
 14 galulue i ai. Ia outou faia mea
 uma lava ma le le muimui, ma le le
 fefinauai; ina ia avea outou ma e ua
 le mata'uleagaina, ma e ua sao le
 amio, o le fanau a le Atua, e le ponā
 i luma o le tupulaga amio faapiopio
 ma le finau vale; ua pupula ia te i
 latou la outou amio, faapei o mea e
 16 faamalamalama a'i le lalolagi, o loo
 taofia e outou le upu o le ola, e fai
 ma mea ou te olioli ai i le aso o
 Keriso, ina ua ou le momo'e faale-
 17 aoga, pe galue faaleaoga. Afai foi e
 faamaligiina lo'u toto i luga o le
 taulaga ma le galuega i lo outou
 faatuatua, ou te olioli ai, tatou te
 olioli faatasi foi ma outou uma lava.
 18 O le mea lava lea ia outou olioli ai,
 tatou te olioli foi faatasi ma a'u.
 19 A e ou te faamoemoe i le Alii o
 Iesu ou te vave auina atu Timoteo
 ia te outou, ina ia fiasia au nei foi,
 pe a a'u iloa se tala ia te outou;
 20 auā e le o ia te au se tasi ma te
 loto faatasi, na te tausia faamaoni
 21 mea e manuia ai outou. Auā e saili
 e i latou uma a latou lava mea, e le
 22 o mea a Keriso Iesu. A ua outou
 iloa lona faamaoni, na ia auauna
 faatasi ma a'u i le tala lelei, e pei o
 23 se atalii i lona tamā. O ia foi, ou te
 faamoemoe, ou te auina atu loa, pe a
 24 ou iloa pe faapefea a'u. A e peitai ou
 te faatuatua lava i le Alii, ou te vave
 25 alu atu foi a'u. A ua ou manatu, e
 tatau ina auina atu ia te outou o Epa-
 feroti, o lo'u uso lea ma le na ma
 galulue faatasi, ma le na ma matātau
 faatasi, a o lo outou faifeau, ma lē
 26 auauna mai i lo'u mativa. Auā sa
 naunau atu ia ia te outou uma lava,
 na atuatuvaile foi o ia, auā na outou
 27 faalogologo ua ma'i o ia. Auā foi
 sa ma'i lava o ia, na fai a oti; a ua
 alofa le Atua ia te ia, a e le gata ia

te ia, a o a'u foi, ina nei faaopoopo-
 ina mai ia te au o lea faanoanoa ma
 lea faanoanoa. O lea na atili ai ona 28
 ou faataalise ona auina atu o ia, ina
 ia olioli outou pe a outou toe feiloai
 ma ia, ia faafeoloolo ai foi lo'u faa-
 noanoa. O lea ia outou talia ai o ia 29
 i le Alii ma le olioli uma lava, ma
 ia faapelepeleina e outou e ua faa-
 pea. Auā na fai a oti o ia ona o le 30
 galuega a Keriso, e lei faapelepele-
 ina foi e ia lona ola, a seia faaatoa-
 toaina e ia mea sa totoe i lo outou
 auauna mai ia te au.

*Ua faaleagaina mea uma, tau o
 Iesu e naunau i ai.*

O'U uso e, o mea nei ua totoe; 3
 ia outou olioli i le Alii. E le se
 mea ua ou musu ai ona tusi atu o
 ia lava mea ia te outou, a o le mea
 tou te saogalemu ai. Ia outou i 2
 uli, ia outou i e fai galuega leaga,
 ia outou i e ua katatomeina; auā o 3
 le au peritomeina i tatou, o e au-
 auna i le Atua ma le loto, ma mita-
 mita ia Keriso Iesu, a e le faatuatua
 i la le tino. A ua ia te au foi le 4
 faatuatuaga i la le tino; auā afai e
 manatu se tasi o ia te ia le faatu-
 tuaga i la le tino, e tele mea faa-
 5 pea ia te au; na peritomeina i le po
 vala, o le aiga o Isaraelu, o le itu
 aiga o Peniamina, o le Eperu o sa
 Eperu, o la le tulafono o le faresaio
 a'u; o lo'u maelega na ou faasaua 6
 ai i le ekalesia; o la le amiotonu foi
 i le tulafono, e lei mata'uleagaina
 a'u. A e peitai o mea uma sa aoga 7
 ia te au, ua ou manatu ua le aoga
 ia mea ona o Keriso. O lenei foi, e
 moni lava, o lo'u manatu ua le aoga
 mea uma lava ona o le silisili ese o
 le poto i la Keriso Iesu lo'u Alii;
 ona o ia ua ou faaleagaina mea
 uma, ma ou manatu o otaota lava
 ia mea, ina ia ou maua Keriso, ia
 maua foi a'u ua ia te ia, e le ia te
 au sa'u amiotonu nai le tulafono, a
 e peitai na o lea o loo i le faatuatua
 ia Keriso, o le amiotonu lea mai le
 Atua i le faatuatua; ina ia ou iloa 9
 o ia, ma le mana o lona toe tu mai,
 ma ia faatasi a'u i ona tiga, ona ua
 faatusaina a'u ia te au i lona maliu,
 pe mafai lava ia te au ona oo atu i 11
 le toe tu mai o e ua oti. E le pei- 12

- seai ua ou maua nei, po ua ou ato-
atoa ona lelei nei; a ou te tausisi
atu pea pe mafai ona ou maua o le
mea na maua ai a'u e Keriso Iesu.
- 13 Le au uso e, ou te le manatu ua ou
maua, a o le mea e tasi *ou te faia*,
ou te faagalogalo i mea ua tuanai,
ou te *momoe* punou a'i foi i mea o
- 14 lumanai, ou te tausisi atu i le faa-
iloga, *ia maua* ai le tau i na valaau-
ina ai a'u mai lugā e le Atua ia
- 15 Keriso Iesu. O lenei, o i tatou
uma o e ua atoatoa ona lelei, ia
tatou manatunatu i lenei mea; afai
foi e ese so outou manatu i se isi
mea, e faaalua mai e le Atua lea
- 16 lava mea ia te outou. A o le mea
ua tatou oo i ai, ia savavali faatatau
lea lava mataupu, ia manatunatu i
lea lava mea.
- 17 Le au uso e, ia outou faaa'oa'o
faatasi mai ia te au, ia outou vaa-
vaai foi i e o savavali faapea, faapei
ona fai o i matou ma faaa'oa'o ia te
- 18 outou. Auā o loo savavali isi e
toatele, na ou fai atu soo ai ia te
outou, ou te toe fai atu nei foi ma
le tagi, ua latou fai mo latou fili le
- 19 satauro o Keriso; o le malala, o lo
latou iuga lea; o le manava, o lo
latou atua lea; o le mea latou te
vivii ai, o le mea e masiasi ai lea;
e loto i latou i mea a le lalolagi.
- 20 Aua o lo tatou nuu moni ua i le
lagi lea, o loo faatalitali mai ai i
tatou i le Faala, o le Alii o Iesu
- 21 Keriso; na te liua o tatou nei tino
ua leaga, ina ia faia ia faatatau i
lona tino matagofie, e tusa ma le
mana na te mafaia ai ona faatoilalo-
ina o mea uma ia te ia lava.
- O le alofa o le ekalesia ia Paulo.*
- 4 O LENEI, o'u uso e, o e ou te
alofa ma naunau i ai, o lo'u fiafia
ma lo'u pale le au pele, ia faapea
- 2 ona tumau o outou i le Alii. Ou te
aiotai ia Evotia, ou te aiotai atu foi
ia Sunetui, ia tasi lo la manatu, i le
- 3 Alii. Ou te faatoga atu foi ia te
oe, lo'u fesoasoani faamaoni, ia e
fesoasoani ia te i laua, o e na finau
faatasi ma a'u i le tala lelei, atoa
ma Kelemene ma nisi uma e na
galulue faatasi ma a'u, ua i le tusi
- 4 o le ola o latou igoa. Ia outou oli-
oli i le Alii aua le aunoa; ou te toe
fai atu, ia outou olioli. Ia iloa lo
outou agamalu e tagata uma lava;
ua lata mai le Alii. Aua ne'i po-
pole outou i se mea e tasi, a ia faa-
iloga atu o outou manao i mea uma
lava i le Atua, i le tatalo, ma le
faatoga, atoa ma le faafetai. O le
manuia foi mai le Atua, o loo silisili
lava i mea uma e manatu i ai, e
leoleoina ai o outou loto atoa ma o
outou mafaufau ia Keriso Iesu.
- Le au uso e, o le toe upu lenei; o
mea uma ua moni, o mea uma ua
ta'uleleia, o mea uma ua tonu, o
mea uma ua mamā, o mea uma ua
matagofie, ma mea uma ua logo-
leleia, afai foi o se isi amio lelei, po
o se tasi mea e viia, ia outou ma-
natunatu i ia lava mea. O mea foi
ua a'oa'oina ai outou, ma outou
talia, ma outou faalogo i ai, ma out-
ou vaai mai ia te au, ia outou faia
ia lava mea; ona ia te outou lea o
le Atua e ona le manuia.
- A ua ou fiafia tele i le Alii, auā o
ona po nei ua toe tupu mai ai lo
outou manatunatu mai ia te au; sa
outou manatunatu foi i ai, a ua le
maua e outou se ala. Ou te le fai
atu ona o le mativa, auā ua a'oa'
a'oina a'u ia to'a filemu lo'u loto i
mea ua ia te au. Ua ou iloa le
mativa, ua ou iloa foi le mauoa, o i
mea uma lava ou te i ai, ma mea
uma e oo ia te au na a'oa'oina ai
a'u ia ou ma'ona, ma ou fia 'ai, ia
faulai mai mea, ma ia oge mea. Ou
te mafaia mea uma lava i le faama-
losi mai o Keriso ia te au. A e ui
lava i lea na outou agalelei, ina ua
outou alolofa mai i lo'u puapuga.
Ua outou iloa foi, outou Filipi e, o
le amataga o le tala lelei, ina ua ou
alu atu nai Maketonia, e leai se
ekalesia na alofa mai ai ia te au i le
mataupu o le foai mai ma le talia o
mea, na o outou lava. Auā foi a o
i Tesalonia a'u, na outou avatu mea
na ou mativa ai, ua atu tasi, ma le
atu lua foi. E le ina ua ou saili se
mea alofa, a ou te saili le fua e atili
ai ona ta'uleleia ai outou. A na ia
te au mea uma, ua tele lava, ua
atoa mea ia te au, ina ua maua e
a'u mai ia Epaferoti o mea mai ia
te outou, o mea manogi lelei, o le
taulaga e talia ma le mālīe i le

- 19 Atua. A o lo'u Atua e faaatoa e ia ia te outou mea uma e matitiva ai outou, e tusa ma le faulai o lona
 20 viiga, ia Keriso Iesu. Ia i le Atua lo tatou lava Tamā le viiga e faa-
 vavau faavavau lava. Amene.
 21 Ua ou alofa atu i le au paia uma

o ia Keriso Iesu; o alolofa atu ia te outou le au uso uma ua ia te au. O alolofa atu ia te outou le au paia uma, a e sili lava i latou o i le aiga o Kaisara. Ia ia te outou uma lava le alofa tunoa o lo tatou Alii o Iesu Keriso. Amene.

O LE TUSI A

LE APOSETOLO O PAULO IA

KOLOSE.

O le faafetai a Paulo ona o lo latou faatuatua; ma lana tatalo mo i latou.

- 1 O A'U o Paulo, o le aposetolo a Iesu Keriso, i le finagalo o le Atua, o i maua ma Timoteo, o le uso lea,
 2 o la ma tusi leni i le au paia i Kolose, o le au uso faamaoni foi o ia Keriso; ia ia te outou le alofa tunoa ma le manuia mai le Atua lo tatou Tamā, atoa ma le Alii o Iesu Keriso.
 3 Ma te faafetai atu i le Atua, o le Tamā o ia o lo tatou Alii o Iesu Keriso, o loo tatalo atu e le aunoa
 4 mo outou, talu ona ma faalogologo i lo outou faatuatua ia Keriso Iesu, ma lo outou alofa i le au paia uma
 5 lava; ona o le faamoemoe ua teu mo outou i le lagi; ua outou faalogologo i ai anamua i le upu o le
 6 mea moni ua i le tala lelei, o loo i ai ia te outou, e pei ona i le lalolagi uma lava; o loo fua mai ai foi le fua, faapei ona faia ia te outou foi talu le aso na outou faalogologo ai,
 7 ma iloa lelei ai ma le faamaoni le alofa tunoa o le Atua; faapei ona a'oa'oina foi outou e Epafara, o lo maua fesoasoani pele ia, o le auau-
 8 na faamaoni o ia a Keriso ia te outou, o ia foi na faailoa mai ia te i maua o lo outou alofa mai i le
 9 Agaga. O le mea lea o i maua foi na te lei mapu ai lava i le tatalo mo outou, talu le aso na ma faalogologo ai, ma te aioi atu foi ina ia

atoatoa ona outou iloa lelei o lona finagalo, i le poto uma atoa ma le mafaufau faaleagaga; ia outou sava-
 10 vali e tusa ma le Alii, ina ia fiasia mai o ia ia te outou i mea uma, ma ia outou fua mai galuega lelei uma lava, ma ia tupu pea lo outou iloa lelei o le Atua; ia faamalositia outou
 11 i le malosi uma lava, e tusa ma lona malosi ua silisili, e iu i le onosai uma lava ma le faatoatoa atoa ma le fiasia; o loo faafetai atu i le
 12 Tamā ua na saunia i tatou ia tatau ona tofusia i tatou i le tofi o le au paia o i le malamalama; o ia ua na
 13 laveai mai ia te i tatou nai le pule a le pouliuli, a ua na aumaia i latou i le malo o lona lava Alo pele; o ia
 14 ua tatou maua ai le togiola i lona toto, o le faamagaloina lea o agasala; o ia foi ua tusa ma le Atua e
 15 le vaaiā, o le ulumatua o mea uma lava ua faia; auā na faia e ia o mea
 16 uma lava, o mea i le lagi ma mea i le lalolagi, o mea o vaaiā ma mea e le o vaaiā, o nofoālii, ma alii, ma alii sili, ma faipule; na faia e ia mea uma lava, na faia foi mo ia;
 17 o ia foi o le uluai o mea uma lava, o loo faatumauiina foi mea uma lava ia te ia; o le ulu foi o ia o le tino,
 18 o le ekalesia lea; o le amataga foi o ia, o le ulumatua o e ua oti, ina ia fai o ia ma faasilisili i mea uma
 19 lava. Auā ua finagalo le Tamā ia mau i totonu ia te ia le tumu atoa-
 20 toa; ina ia faaleleia e ia o mea uma

lava ma ia, ina ia lelei ia te ia lava i
le toto o lona satauro, o mea i le
21 lalolagi atoa ma mea o i le lagi. O
outou foi sa tagata ese anamua, sa
fai o ia mo outou fili i o outou loto
i le amio leaga; a o lenei, ua lelei
22 outou ma ia i lona tino tagata, ina
ua malii, ina ia tuuina atu outou e
ia, o le au paia, o e le mata'uleaga-
ina, ua leai foi se mea e faasalaina
23 ai i ona lava luma; pe afai lava tou
te tutumau i le faatuatua, o faavae-
ina, ma mausali, ma le le faateaese-
ina outou i le faamoemoe o i le tala
lelei na outou faalogologo i ai, sa
tala'iina atu foi i tagata uma lava i
le lalolagi; o a'u o Paulo ua fai a'u
24 ma auaua i ai. Ou te olioli nei i
mea ou te tiga ai ona o outou, ou te
faaatoa foi i lo'u tino o mea ua to-
toe i puapuaga o Keriso ona o lona
25 tino, o le ekalesia lea; ua fai a'u
ma auaua i ai, e tusa ma le sauniga
a le Atua, ua tuuina mai ai ia te au
mo outou, ina ia matuā folafolaina
26 le afioga a le Atua; o le upu lilo
lea, sa natia talu mai i augātagata
ma tupulaga ua mavae, a o ona po
nei ua faaalii mai ai i ona tagata
27 paia; na finagalo foi le Atua ona
faailoa atu i ai le uiga o le silisili o
le lelei o lenei upu lilo o i nuu ese,
o Keriso lea o loo ia te outou o le
28 faamoemoe i le manuia; o ia lava
matou te tala'iina atu, ma apoapoi
atu i tagata uma, ma a'oa'o atu ai i
tagata uma i le potō uma lava, ina ia
tuuina atu e i matou o tagata uma
ua atoatoa ona lelei ia Keriso Iesu;
29 o le mea lea ou te galue ai ma fina-
finau e tusa ma lana lava galuega,
o loo galue lava i totonu ia te au
ma le mana.

*Ia tutumau i le mea moni, aua nei
tut'it'ieseina i mataupu ese.*

2 AUA ou te manao ina ia iloa e
outou ma i latou o i Laotikaia atoa
ma i latou e ua le iloa mai a'u i le
2 tino; ina ia faamafanafanaina o la-
tou loto, o faasooina i le alofa, ina
ia maua ai le oloa uma o le mauti-
noa i le loto matala, ina ia iloa lelei
le upu a le Atua sa lilo, o le Tamā
3 lea, atoa ma Keriso; ua ia te ia le
oloa uma o le potō atoa ma le ma-

lamalama, ua lilo ai. O le upu lea
4 ou te fai atu na, ina nei faaseseina
outou e se tasi i upu faaoleole. Auā
5 e ui lava ina ou le i ai ia te outou i
le tino, a e peitai ou te i ai ia te
outou i le agaga, o loo ou fiafia ma
o'u vaai atu i lo outou sauniuni
lelei, ma le mausali o lo outou faa-
tuatua ia Keriso. O lenei, faapei
6 ona outou talia o le Alii Keriso
Iesu, ia savavali ai outou o ia te ia;
ia maua outou ma ia atiina ae ia te
7 ia, ma ia faatumauiina i le faatuatua,
faapei ona a'oa'oina o outou, ia faa-
tele i ai ma le faafetai.

Ia outou, nei faatagataotauaina
8 outou e se tasi i le potō le aoga e
faasese ai, e tusa ma le uputuu a
tagata, e tusa ma mataupu muamua
a le lalolagi, a e le tusa ma mata-
9 upu a Keriso; auā o loo mau i totonu
ia te ia le tumu uma lava o le itu
Atua ua i lona tino; o loo ua faa-
10 atoatoaina foi outou ia te ia; o le
ulu ia o alii sili uma lava atoa ma
faipule; ua faaperitomeina foi ou-
11 tou ia te ia i le peritomega e lei
faia e lima, i le toeseina o le tino o
agasala o i le tino i le peritomega
mai ia Keriso; na tanumia outou
faatasi ma ia i le papatisoga, o lea
foi ua outou toe tutū mai ia faatasi
ma ia i le faatuatua i le mana o le
Atua, o le na faatu mai ia te ia i e
ua ofi. O outou foi sa oti i amio
12 leaga ma le le peritomeina o outou
tino, na ia faaola mai faatasi ma ia,
ina ua faamagaloina mai a outou
agasala uma lava; ina ua sōloia le
13 tusilima na sala ai tatou i tulafono
sa tetee mai ia te i tatou, ua aveese-
ina ai foi nai le vaeloto, ma faamaui-
ina ai i fao i le satauro; ua uma
14 ona tuueseina e ia o alii sili ma fai-
pule, ona faaalii mai lea o i latou
ia iloa uma, ua manumalo o ia ia te
i latou i lea lava mea.

O lenei, aua nei faamasino atu
16 se tasi ia te outou i mea e aai ai, po
o mea e inu ai, po o mea ia o tausamiga,
po o masina faatoa vaaia, po
o sapatī; o ata lava ia o mea atali,
17 a o le tino, e a Keriso lava lea. Aua
18 nei faa'ole'ole se tasi ia te outou i
le tau i lona fia faalalolalo, ma le
ifo atu i agelu, o loo susesue i mea
ua ia le vaaia, o loo faafefetefuaina

- 19 lona lava mafaufau faaletino; ua le taofi mau foi i le ulu, ua tausia ai ma faamalosia ai le tino uma, i mea e soo ai atoa ma ua, o loo tupu ai, ina ua faatupuina mai e le Atua.
- 20 O lenei, afai ua outou oti faatasi ma Keriso i mataupu muamua a le lalolagi, se a le mea tou te usiusitai atu ai i tulafono, peiseai ua nonofo
- 21 outou i le lalolagi? (Aua ne'i pa'i atu i ai, aua ne'i tofo, aua ne'i tago; 13
- 22 o mea uma ia e uma ai pe a tago-fia;) e tusa ma poloaiga ma mea e
- 23 a'oa'o atu e tagata; o mea ia e ta'ua ai le pota, ma le faafiaamioatua, ma le faamaulalo, ma le faasaunua o le tino, a e le o le tausi i ai e ma'ona ai le tino.
- Ia tatou loto i mea i luga; ia lasoai mea leaga, a ia finau i mea lelei.*
- 3 O LENEI, afai ua toe faatuina outou faatasi ma Keriso, ia outou saili i mea o i luga, o i ai Keriso, o loo tietie i le itu taumatau o le
- 2 Atua. Ia outou loto lava i mea i
- 3 luga, a e le o mea i le lalolagi; auā ua oti outou, ua lilo foi lo outou ola
- 4 faatasi ma Keriso i le Atua. Pe a faaali mai Keriso lo tatou ola, ona iloa ai lea o outou faatasi ma ia i le manuia.
- 5 O lenei, ia outou fasiotia o outou itu tino o i le lalolagi, o le faitaaga, o le amio leaga, o le faamatāitu, o le tu'inanau leaga, ma le matapea-
- 6 pea, (o le ifo i tupua lava lea); o mea ia e oo mai ai le toasa o le
- 7 Atua i e le faalogo; o outou foi na outou savavali ai foi anamua, a o outou nonofo ai; a o ona po nei ia
- 8 tuu ese ai e outou lava o nei mea uma, o le ita, o le lotoa, o le loto leaga, o le upu leaga, ma le upu
- 9 matagā ai o outou gutu. Aua le fetapuelpeloai, ina ua toeseina e outou le tagata tuai atoa ma ana
- 10 amio, a ua outou oofu i le tagata fou, o le ua faafouina i le pota, e faatatau ia foliga i le na faia o ia.
- 11 E le o i ai se Eleni po o se Iutaia, o sē peritomeina po o sē le peritomeina, o se tagata o nuu ese po o se Sekutia, o se pologa po o se sa'o-
- 12 loto; a ua ia Keriso mea uma, o i ai foi o ia i mea uma lava. O lenei, ia oofu outou i le alofa mutimuti vale, ma le agalelei, ma le loto mau'alo, ma le agamalu, ma le onosai, faapei o e ua filifilia e le Atua, o e ua paia ma ua alofaina; ia fefaapale-
- 13 paleai, ma ia fefaamagalolai outou, pe afai ua agaleagaina se tasi e se tasi; faapei ona faamagalo mai Keriso ia te outou, ia faapea foi outou. A o le alofa, e lautua lea i
- 14 nei mea uma, o le fusi lea e atoatoa ona lelei a'. Ia pule foi le filemu
- 15 mai le Atua i o outou loto, o le mea lea ua valaauina ai outou e fai ma tino e tasi; ma ia outou saga faafetai. Ia nofo le afioga a Keriso i
- 16 totonu ia te outou ia tele lava, i le pota uma lava, ia outou a'oa'o ma apoapoai le tasi i le tasi i salāmo, ma pese, ma siva faaleagaga, o loo pepese atu ai ma le faafetai i le
- 17 Alii i o outou loto. O mea uma foi tou te faia i le tautalatala, po o le amio, ia faia uma lava ia mea i le suafa o le Alii o Iesu, ma le faafetai i le Atua le Tamā ona o ia.
- 18 O outou fafine, ia outou usiusitai atu i a outou lava tane, pei ona tatou i le Alii. O outou tane, ia
- 19 outou alolofa atu i a outou avā, aua foi ne'i faaonoono ia te i latou. O
- 20 outou le fanau, ia outou faalogo i o outou mātua i mea uma; auā o le mea mālīe lea i le Alii. O outou
- 21 tamā, aua ne'i faaita i a outou fanau, ina ne'i faapalapala i latou. O outou pologa, ia outou faalogo i
- 22 mea uma i o outou matai i la le tino, aua ne'i fantagā auaua, faapei o e faafiafia i tagata, a ia faia ma le loto faamaoni, o loo tatatau i le Atua. O mea uma lava tou te faia, ia faia
- 23 ma le loto, peiseai ua faia i le Alii, a e le o tagata; auā ua outou iloa,
- 24 e maua e outou mai le Alii o le tau, o le tofi lea; auā ua auaua outou i le Alii o Keriso. O lē amioletonu e
- 25 maua e ia le tau o lana amioletonu; e le faailogaina foi se tasi.
- Ia finau i le tatalo, ma ia lelei le amio.*
- O OUTOU ali, ia outou avatu
- 4 mea e tatou ma mea e tusa i a outou pologa, auā ua outou iloa o ia te outou foi le Alii i le lagi.
- Ia outou finafinau i le tatalo, ia
- 2 mataala i lea mea ma le faafetai.

I. TESALONIA, 1.

- 3 Ina tatalo ia mo i matou foi, ina ia faaavanoa mai e le Atua se faitotoa o le upu mo i matou, e tautala atu ai i le upu ia Keriso sa lilo, ona o 4 lea foi ua noanoatia ai a'u, ina ia ou faailoa atu ai, faapei ona tatau ona 5 ou tautala atu ai. Ia savavali ma le poto i e o i tua, ma faaagaina e 6 outou aso o *lenei olaga*. Ia le aunoa a outou upu ma le alofa, ia faamāi i le masima, ia iloa e outou ona fai faatatau se tali i tagata e taitoatasi uma.
- 7 O mea uma lava o ia te au e faailoa atu ia te outou e Tuiko, o le uso pele ia ma le auauna faamaoni, ma le na *ma* auauna faatasi i le Alii; 8 ua ou auina atu o ia ia te outou ona o lenei lava mea, ina ia iloa e ia o mea o i ai ia te outou, ma ia faamafanafana atu e ia i o outou loto; 9 *la te* o ma Onesemo, o le uso faamaoni lea ma le pele, o lo outou foi ia, la te faailoa atu ia te outou o 10 mea uma o *faia* iinei. O loo alofa atu ia te outou o Aritako, o le ua ma faatasi ma a'u i le fale puipui, atoa ma Mareko, o le aiga ia o Panapa, (na poloa'ina outou ia te ia, a alu atu o ia ia te outou, ia 11 outou talia o ia;) o loo alofa atu foi Iesu, o le ua igoa ia Iuso, o i le au peritomeina i latou; na o i latou lava na galulue faatasi *ma a'u* i le malo o le Atua, na fai foi i latou ma faamatalaloto mai ia te au. O 12 loo alofa atu ia te outou o Epafara, o lo outou lava o ia, o le auauna a Keriso, o loo finafinau e le aunoa i tatalo mo outou; ina ia outou tumau ua atoatoa ona lelei, ma ua mautinoa le finagalo uma lava o le Atua. Auā o la'u mau ia te ia, ua 13 tele lava lona maelega mo outou, atoa ma i latou o i Laotikaia, ma i latou o i Iarapoli. O loo alofa atu 14 ia te outou o Luka le fomai pele, atoa ma Tema. Ua ou alofa atu i le 15 au uso i Laotikaia, o Numefa foi, atoa ma le ekalesia o i lona fale. Pe a uma ona faitau e outou o lenei 16 tusi, ia faitauina foi e le ekalesia i Laotikaia, ia outou faitau foi le tusi mai Laotikaia. Fai atu foi ia Are- 17 kipa, ia oe i le faiva na tuuina atu ia te oe i le Alii, ina ia e faaiuina. O le alofa atu lenei o *a'u* o Paulo i 18 lo'u lava lima. Ia outou mānatua mai lo'u noanoaga. Ia ia te outou le alofa tunoa. Amene.

O LE TUSI

MUAMUA A LE APOSETOLO O PAULO IA

TESALONIA.

O le tupuga o le lotu i Tesalonia.

- 1 *O I* matou, o Paulo, ma Siluano, ma Timoteo o la matou tusi lenei i le ekalesia o tagata Tesalonia, o i le Atua le Tamā, ma le Alii o Iesu Keriso. Ia ia te outou le alofa tunoa, ma le manuia mai le Atua lo tatou Tamā atoa ma le Alii o Iesu Keriso.
- 2 Matou te faafetai pea lava i le Atua, ona o outou uma lava, o loo 3 ta'uta'ua outou i a matou tatalo, e le aunoa ona matou mānatua la 4 outou galuega i le faatuatua, ma le faamalosi i le alofa, ma le tumau pea i le faamoemoe i lo tatou Alii o Iesu Keriso, i luma o le Atua o lo tatou Tamā lea; ina ua matou iloa 5 le filifilia o outou, le au uso e, o e ua alofagia e le Atua. Auā e lei oo atu la matou tala lelei ia te outou na o le upu, a o le mana, ma le Agaga Paia, atoa ma le mautinoa lava ina ua outou iloa la matou amio ona o outou, a o matou i ai ma outou; sa 6 outou faaa'oa'o mai foi ia te i matou, atoa ma le Alii, ina ua outou talia

I. TESALONIA, 2.

le upu i le puapuaga tele, ma le
 7 olioli mai le Agaga Paia; o lea ua
 avea ai outou ma faaa'oa'o i e ua
 faatuatua uma lava o i Maketonia
 8 atoa ma Akaia; auā ua logo atu nai
 ia te outou le afiga a le Alii, e le
 gata i Maketonia ma Akaia, a ua
 salalau atu foi i mea uma lava *letala*
i lo outou faatuatua i le Atuā; o
 lea e le aoga ai sa matou upu e fai
 9 atu ai. Auā o i latou lava ua iloa ai
 le tala ia te i matou i le uiga o lo
 matou oo atu ia te outou na, ma lo
 outou liliu mai i le Atua nai tupua,
 ina ia outou auauna ile Atua soifua
 10 ma le ua moni, ma ia faatali atu i
 lona Alo mai le lagi, o le na toe
 faatuina mai e ia nai e ua oti, o
 Iesu lea, o lē laveai mai ia i tatou
 ai le toasa atali.

O le amio a Paulo a o i Tesalonia.

2 AUĀ o outou lava, le au uso e,
 ua outou iloa o lo matou oo atu ia
 2 te outou, e lei faaleagaina lea; a e
 ui lava ina muamua ona tigaina o i
 matou, ma faaleagaina i Filipi, pei
 ona outou iloa ua matou faamalosi
 ona o lo tatou Atua e tautala atu ia
 te outou i le tala lelei a le Atua ma
 3 le finafinau tele lava. Auā o lo
 matou apoapoi atu ia te outou e
 lei *faia lea* ma le sese, po o le amio
 4 leaga, po o le faa'ole'ole. A e pei-
 tai, faapei ona tatou i le finagalo o
 le Atua na te tuuina mai ia te i
 matou le tala lelei, e faapea foi ona
 matou tautala atu ai; e le ina ia
 fiasia mai tagata, a o le Atua, o lē
 5 tofotofo mai i o matou loto. Auā
 matou te lei fai lava se upu e faa-
 viivii atu ai, faapei ona outou iloa,
 pe *faia* se ufiufi o le manumanu;
 6 ua silafia e le Atua; e ui lava ina
 mafai ia te i matou ona ia mafatia
 ai outou, auā o aposetolo i matou a
 Keriso, a e matou te le saili le viiga
 mai tagata, po o outou po o isi
 7 tagata. A ua matou agamalu ina
 ua matou i ai ia te outou na, faapei
 o se failele na te tausi lelei i ana
 8 lava tama; sa faapea lava lo matou
 maelega i le alofa ia te outou, na
 matou manao i le fia avatu ia te
 outou e le na o le tala lelei i le
 Atua, a o matou lava ola foi, auā na
 9 alofaina outou e i matou. Auā le

au uso e, ua outou mānatua la ma-
 tou galuega mamafa ma le tiga;
 auā sa matou galulue ai i le po atoa
 ma le ao, ina ne'i mafatia so outou,
 na matou tala'i atu ai ia te outou le
 tala lelei a le Atua. Ua iloa outou 10
 atoa ma le Atua, sa matou amio
 Atua, ma amiotonu, ma le le mata'ule-
 leagaina, ina o matou i ai ia te outou
 o e faatuatua. Pei ona outou iloa, 11
 sa *matou i ai* ia te outou taitasi, pei
 o le tamā i lana lava fanau, na ma-
 tou apoapoi atu ia te outou, o
 faamafanafana atu foi, ma ta'utino
 atu, ina ia outou savavali ia tatou i 12
 le Atua, o le na valaauina outou i
 lona malo ma lona manuia. O le 13
 mea lea matou te faafetai ai i le
 Atua, o i matou lava e le aunoa,
 auā na talia e outou le afiga a le
 Atua na outou faalogo mai ai ia i
 matou, ua le talia e outou o le upu
 a tagata, a e peitai o le upu a le
 Atua, (e moni lava lea,) ua matuā
 galue foi lea i totonu ia te outou o
 e faatuatua. Auā le au uso e, na 14
 outou faaa'oa'o i ekalesia a le Atua
 o i Iutaia, o loo ia Keriso Iesu; auā
 o outou foi na tigaina outou i ia
 lava mea i tagata o lo outou lava
 nuu, faapei *ona tigaina* o i latou foi
 ia Iutaia; o e na fasioti i le Alii, o 15
 Iesu lava, atoa ma a latou lava
 perofeta, na faasaua mai foi i latou
 ia i matou; e le fiasia i ai le Atua,
 ua fai foi tagata uma lava mo latou
 fili; ua vavao mai ia i matou, ana 16
 matou te tautala atu i nuu ese, ina
 ia faalaina ai i latou; ua faatoa
 ai e i latou e le aunoa a latou aga-
 sala; a ua oo ia te i latou le toasa e
 faaumatia ai.

O i matou foi, le au uso e, o loo 17
 tete'aeseina o i matou ma outou i ni
 nai aso itiiti, i le tino a e le o le
 loto, ua atili ai ona matou tauma-
 faia ma le naunau tele ona ia tatou
 feiloai ma outou. O lea na matou 18
 fia o atu ai ia te outou, o a'u lava o
 Paulo, ua atu tasi ma atu lua, a ua
 faalavelave mai Satani ia tei matou.
 Auā se a ea so matou faamoemoe, 19
 ma se fiasia, ma se pale e mitamita
 ai? E le o outou ea i luma o lo
 tatou Alii o Iesu Keriso, i lona afio
 mai? Auā o outou lava o lo matou 20
 viiga ma lo matou olioli.

O le fiasia o Paulo, ina ua iloa le tala i la latou amio.

o le Atua lo latou Tamā, pe a afio mai lo tatou Alii o Iesu Keriso, faatasi ma ona au paia uma.

O apoapoaiga.

3 O LEA ua lelei ai ia te i matou ona ia tuua ai i matou i Atenai, tau o i matou, ina ua matou le toe mafai ona onosai; a ua matou auina atu Timoteo lo matou uso, o le auaua foi o ia a le Atua, o lē galue faatasi ma i matou i le tala lelei ia Keriso, ina ia faatumauina outou e ia, ma ia faamafanafana atu ia te 3 outou i lo outou faatuatua; ina ne'i faagaetia se tasi i nei puapuaga; auā ua outou iloa ua tofia i tatou i 4 lenei lava mea. Auā foi o ona po sa i ai i matou ia te outou, na matou muai fai atu ai ia te outou, o le a oo mai le puapuaga, ua faapea ona 5 taunuu lava, ua outou iloa foi. O le mea lea na ou le toe mafai ai ona onosai, ona auina atu lea e a'u, ina ia ou iloa lo outou faatuatua, ne'i faaososoina outou e lē faaososo, ona faaleagaina ai lea o la matou 6 galuega. A o lenei, ua sau Timoteo ia te i matou nai ia te outou, ua au mai foi le tala lelei ia te i matou i lo outou faatuatua, ma lo outou alofa, ma lo outou manatu lelei mai e le aunoa ia te i matou, o loo faanaunau foi outou ina ia tatou feiloai ma outou, pei o i matou ona fia 7 feiloai ma outou; o le mea lea, le au uso e, na faamafanafanaina mai ai i matou ona o outou, i lo matou puapuaga uma lava, atoa ma lo matou tiga, ona o lo outou faatuatua. 8 Auā o lenei, ua matou ola, pe afai 9 tou te tumau i le Alii. Se a foi se faafetai matou te mafaia ona tuuina atu i le Atua ona o outou, auā o le olioli uma lava matou te olioli ai i 10 luma o lo tatou Atua? o loo matou matuā ole atu ai i le po atoa ma le ao, ina ia tatou feiloai ma outou, e faaatoatoaina ai mea e lei atoa i lo 11 outou faatuatua. A ia ta'ita'iina la matou malaga ia te outou e le Atua lava, lo tatou Tamā, atoa ma 12 lo tatou Alii o Iesu Keriso. Ia faatele foi e le Alii, ma ia faasilisili ona tele o lo outou alofa, o le tasi i le tasi, atoa ma tagata uma, faapei o i matou nei lava ia te outou; 13 ina ia faatumauina o outou loto e le mata'uleagaina i le amio lelei i luma

O LENEI, le au uso e, o le toe 4 upu lenei, matou te aioi atu ma apoapoi atu ia te outou ona o le Alii o Iesu, faapei ona talai e outou mai ia te i matou le uiga o le ala e tatau ona outou savavali ai, ia fiasia mai ai le Atua ia te outou, ia faasilisili pea i ai outou. Auā ua outou 2 iloa ia poloaiga na matou tuuina atu ai ia te outou mai le Alii o Iesu. O le finagalo foi lenei o le Atua, ia faapaiaina outou, ina ia faamamao outou ma le faitaaga; ia taitasi 4 outou ma iloa ona fai o lana lava ipu ma le faapaiaina ma le ta'uleleia, aua ma le tu'inanau o le manao, 5 faapei o nuu ese ua le iloa le Atua. Aua ne'i sopo tapulaa se tasi, ma 6 agaleaga i lona uso i lenei mea; auā o le Alii na te tau atu ma sui i nei mea uma, faapei ona matou muai fai atu ai, ma ta'utino atu ia te 7 outou. Auā e lei valaauina i tatou e le Atua ia amio leaga, a ia faapaiaina lava. O lenei, o lē faaleaga 8 mai, ua ia le faaleaga i tagata, a o le Atua le ua foai mai lona Agaga Paia ia te i matou.

A e le aga ona ou tusi atu ia te 9 outou i le mataupu o le alofa i le au uso; auā ua a'oa'oina outou lava e le Atua ia fealofani. Auā foi ua 10 faapea lava ona outou faia i le au uso uma lava o i Maketonia atoa uma. A e matou te apoapoi atu ia te outou le au uso e, ia faasilisili pea i ai; ma ia outou taumafai ina 11 ia outou nofo ffilemu, ia faia a outou lava feau, ma ia galulue i o outou lava lima, pei ona matou fai atu ai ia te outou; ina ia outou 12 savavali ma le matagofie i e o i tuā, ma ia le matitiva outou i se mea e tasi.

Ou te loto ina ia outou iloa, le au 13 uso e, i le mataupu i e o momoe, ina ne'i outou faanoanoa, pei o isi e leai so latou faamoemoe. Auā afai 14 tatou te talitonu, ua maliu Iesu ma toe tu mai, e faapea foi ona aumaia e le Atua faatasi ma ia e o momoe ona o Iesu. Matou te fai atu foi 15

I. TESALONIA, 5.

lenei mea ia te outou i le afoa a le Alii, o i tatou o e ola ma totoe pe a afio mai le Alii, tatou te le muamua i e o momoe. Auā e afio ifo mai le 16
lagi le Alii lava, ma le alaga, ma le leo o le agelu sili, ma le pu a le Atua; e muamua foi ona toe tutū 17
mai o e ua oti o ia Keriso; ona faafuasei lea ona aveina ae o i tatou o e ola ma totoe, faatasi ma i latou i ao, ina ia fetaiai ma le Alii i le va nimonimo; ona tatou faatasi pea 18
lava lea ma le Alii. O lenei, ia outou fefaamafanafanai i nei upu.

O apoapoaiga.

5 A O aso ma tausaga, e le aoga ia te outou, le au uso e, ona ou tusi 2
atu ai ia te outou. Auā ua outou iloa lelei lava, o le aso o le Alii e pei o le gaioi i le po, e faapea ona oo 3
mai ai; auā pe a latou fai ane, O loo fitemu, ua le afaina, ona oo lea ia te i latou o le fano faafuasei, faapei o le faatiga o le fafine to a fanau 4
mai, latou te le sosola ai lava. A o outou, le au uso e, tou te le o i le pouliuli, ia maua mai ai outou e 5
lena aso, pei o se gaioi. O tagata o le malamalama outou uma lava, ma tagata o le ao; tatou te le o i le po 6
ma le pouliuli. O lea, aua ne'i tatou momoe ai faapei o isi, a ia tatou 7
mataala, ma ia faautauta. Auā o e momoe, e momoe i latou i le po; o e inu ia onā, e onā i latou i le po; 8
a o i tatou nei o e o le ao, ia faautauta i tatou, ia tatou oofu i le uffatafata o le faatuatua ma le alofa, ma le puloutau o le faamoemoe i le 9
ola. Auā e lei tofia i tatou e le Atua i le toasa, a ia maua le ola 10
ona o lo tatou Alii o Iesu Keriso, o le na malieu e sui a'i tatou, ina ia tatou ola faatasi ma ia, pe tatou te

mataala, pe tatou te momoe. O 11
lea ia outou feapoapoi ai, ma ia fefaamafanafanai, faapei ona outou faia lava.
Matou te aioi atu foi ia te outou, 12
le au uso e, ia outou iloa e o galulue ia te outou, ma pule ia te outou i la le Alii, ma latou apoapoi atu ia te outou; ia matuā mānatua i latou 13
ma le alofa, ona o la latou galuega. Ia outou nonofo fefilemuai. 14
Matou te aioi atu foi ia te outou, le au uso e, ia outou apoapoi atu i e amio faapiopio, ia faamafanafana i e loto iti, ia fesoasoani i e o vaivai, ia outou onosai i tagata uma lava. Ia outou, ne'i tau'i atu e se tasi le 15
leaga i le leaga i se tasi tagata, a ia outou tausisi e le aunoa i le mea lelei, o le tasi i le tasi, atoa ma tagata uma lava. Ia outou saga olioli 16
pea lava. Ia tatalo e le aunoa. 17
Ia outou faafetai i mea uma lava, 18
auā o le finagalo lea o le Atua ia te outou, ia Keriso Iesu. Aua tou te tineia le Agaga. Aua le ta'ufaa- 19
tauvaa i perofetaga. Ia tofotofo 20
i mea uma lava, ia taofi mau i le mea lelei. Ia mamao outou ma 22
mea leaga eseese uma lava. Ia 23
atoatoa ona faapaiaina o outou e le Atua lava e ona le manu'a; ia tau- 24
sia lava lo outou agaga atoa uma, i le ma le loto, atoa ma le tino, ia le mata'uleagaina, i le afio mai o lo tatou Alii o Iesu Keriso. E faa- 25
maoni lava o le ua valaauina outou, o le na te faia lava. Le au uso e, 26
ia outou tatalo mo i matou. Ia alolofa atu i le au uso uma i le feso- 27
sogi paia. Ou te matuā fai atu ia te outou i le *suafa* o le Alii, ia faitaulia lenei tusi i le au uso paia 28
uma lava. Ia ia te outou le alofa tunoa o lo tatou Alii o Iesu Keriso. Amene.

E LUA A LE APOŞETOLO O PAULO IA

TESALONIA.

O le fiafia o Paulo ina ua latou tumau.

- 1 *O I matou, o Paulo, ma Siluano, ma Timoteo, o la matou tusi lenei i le ekalesia o tagata Tesalonia, o i le Atua lo tatou Tamā, ma le Alii o*
- 2 *Iesu Keriso. Ia ia te outou le alofa tunoa ma le manuia mai le Atua lo tatou Tamā, ma le Alii o Iesu Keriso.*
- 3 *E tatau ona matou faafetai e le aunoa i le Atua ona o outou, le au uso e, e faapei ona tusa, auā ua tupu tele lava lo outou faatuatua, ua faateleina foi lo outou fealofani*
- 4 *o outou uma lava taitoatasi. O lea matou te mitamita ai ia te outou o i matou nei lava, i ekalesia a le Atua, ona o lo outou onosai ma lo outou faatuatua, i ona po o sauaga uma ma puapuaga ua outou faatoatoa*
- 5 *ai; o le faailoga lea o le faamasi-noga tonu a le Atua, ina ia ta'u-aogaina outou i le malo o le Atua, o le mea lea e tigaina ai outou.*
- 6 *Auā ua tonu i le Atua e tau i le puapuaga i e ua faapuapuagaina ai*
- 7 *outou; e ia te outou foi o e puapuagaina, o le mapusaga faatasi ma i matou, pe a faaalua le Alii o Iesu mai le lagi, faatasi ma agelu o lona*
- 8 *malosi, i le afi mumū, na te tau i ma sui i e ua le iloa le Atua, ma ua le anaana i le tala lelei a lo tatou Alii*
- 9 *o Iesu Keriso; e faasalaina i latou lava i le fanoga e faavavau lava, ia te'a ma le Alii ma le mamalu o lona*
- 10 *malosi; pe a afio mai o ia ina ia viia i ona lava tagata paia, ma ia ofo ia te ia i lona aso ia te i latou uma o e faatuatua, auā na outou talitonu*
- 11 *mai lava i la matou mau. O le mea foi lea matou te faatoga atu ai e le aunoa mo outou, ina ia ta'u-*

aogaina outou e lo tatou Atua ia valaauina, ma ia faaatoatoaina e ia ma le malosi le loto fiafia uma o le agalelei, ma le galuega a le faatuatua; ina ia viia ona o outou le 12 suafa o lo tatou Alii o Iesu Keriso, ma outou foi ona o ia, e tusa ma le alofa tunoa o lo tatou Atua, ma le Alii o Iesu Keriso.

O mea e muai oo mai, i le toe afio mai ai Iesu.

O LENEI, matou te aioi atu ia 2 te outou, le au uso e, i le mataupu i le afio mai o lo tatou Alii o Iesu Keriso, ma lo tatou faapotopotoina ia te ia; ina ne'i vave luluina o 2 outou loto, pe faaatuatuvaleina i se agaga, po o se upu, po o se tusi, peiseai nai ia i matou, peiseai ua oo mai le aso o Keriso. Aua ne'i faa- 3 sese se tasi ia te outou i se togafiti e tasi; auā e le oo mai lona aso, seia muai ona taunuu o le tete'a ese, ma ia faaalua mai o le tagata o le aga- 4 sala, o le tagata lea o le malaia, o le tete'e atu, ma faamaualugaina e ia ia te ia e sili i mea uma lava ua ta'uatua, ma mea uma ua ifo i ai tagata, o lea ua tiet'e ai o ia i le 5 malumalu o le Atua, peiseai o le Atua o ia, o loo faaali mai o ia, o le Atua lava o ia. Tou te le manatu 5 ea, na ou fai atu ia mea ia te outou, a o tatou i ai ma outou? O lenei 6 foi, ua outou iloa le mea o loo faa-lavelave, ina ia faaalua mai o ia i ona lava aso. Auā o loo galue nei 7 lava le mea lilo a le amio leaga, na ona seia aveeseina le o faalavelave. Ona faaalua mai ai lea o le ua amio 8 leaga, e fano o ia i le Alii, i le mā-nava mai o lona fofoga, ma faa-umatia i le faaali mai o lona afio; 9 o lona sau foi e pei o le galuega a 9

II. TESALONIA, 3.

Satani, i le mana uma, ma faailoga,
 10 ma vavega pepelo, ma mea faasese
 uma o le amio leaga i e a fano; auā
 ua latou le talia le upu moni ma le
 11 fiafia i ai, ina ia faaolaina ai i latou.
 O le mea foi lea e auina atu ai e le
 12 Atua ia te i latou le galuega e faa-
 sese ai, ina ia latou talia le mea pe-
 13 pelo; ina ia faasalaina o i latou
 uma lava o e le talia le upu moni, a
 e fiafia i le amioleaga. A o i matou
 e tatau ona matou faafetai i le Atua
 e le aunoa ona o outou, le au uso e,
 e ua alofagia e le Alii, auā na filifili
 le Atua ia te outou nai le amataga
 14 ia faaolaina i le faapaiaina e le Aga-
 ga, ma le talitenu i le upu moni, na
 valaauina ai outou e ia i la matou
 tala lelei, ina ia maua le manuia o
 15 lo tatou Alii o Iesu Keriso. O le
 mea lea le au uso e, ia outou tumau
 ai, ma ia taofi mau i upu tuu na
 a'oa'oina ai outou i la matou upu
 16 ma la matou tusi. O lo tatou Alii
 lava o Iesu Keriso, atoa ma le Atua
 lo tatou Tamā, o le ua alofa mai ia
 te i tatou, ma na foai mai le faama-
 tala loto e faavavau, ma le faamoe-
 moe lelei i le alofa tunca, ia faama-
 17 fanafana atu e ia i o outou loto, ma
 ia faatumauiina outou i upu lelei
 uma ma galuega *lelei uma*.

*Ia latou tatalo mo Paulo; ma ia
 latou 'alo i e paie.*

3 O LE toe upu lenei, le au uso e,
 ia outou tatalo mo i matou, ia tele
 vave ma ia mamalu le afiga a le
 Alii, e faapei ona fai ia te outou;
 2 ia laveaiina foi i matou ai tagata
 amio leaga ma e agasala; auā e le
 3 o i tagata uma le faatuatua. A o
 loo faamacni le Alii, na te faatu-
 mauina outou, ma leoleoina ina ne'i
 4 leaga. Matou te faatuatua foi i le
 Alii ia te outou, o loo faia e outou
 o mea na matou fai atu ai ia te
 5 outou, i le tou te faia pea lava; ia

ta'ita'i tēnu foi e le Alii o outou
 loto i le alofa o le Atua ma le ono-
 sai o Keriso.

Matou te fai atu ia te outou, le 6
 au uso e, i le suafa o lo tatou Alii o
 Iesu Keriso, tou te vavae ese i uso
 uma o e amio faapiopio, ma le le
 tusa ma le uputuu na latou maua
 ia te i matou. Auā ua outou ilca 7
 lava, e tatau ona outou faaa'oa'o
 mai ia te i matou; auā sa matou le
 amio faapiopio ina o ia te outou.
 Matou te lei aai fua foi se mea e 'ai 8
 a se tasi, a ua matou galulue i le
 galuega mamafa ma le tiga i le po
 ma le ao, ina ne'i mafatia so outou.
 E le ina ua leai sa matou pule, a e 9
 peitai ia avea i matou ma faaa'oa'o
 ia te outou, ina ia outou faaa'oa'o
 mai ia te i matou. Auā sa tatou i 10
 ai ma outou, ua matou fai atu lenei
 mea ia te outou, pe afai e le fia
 galue se tasi, aua ne'i 'ai foi o ia.
 Auā ua matou faalogo o ia te outou 11
 nisi ua amio faapiopio, e le o galu-
 lue lava, a e matamata fua i galuega
 a nisi. Matou te fai atu i e o fa- 12
 pea, ma aici atu i ai, ona o lo tatou
 Alii o Iesu Keriso, ia latou galulue
 ma le nofo fifilemu, ma ia latou aai
 i a latou lava mea e 'ai. A o outou 13
 le au uso e, aua ne'i outou faavaivai
 i le amio lelei. Pe afai e le gauai 14
 se tasi i la matou upu i lenei tusi,
 ia faailogaina lea tagata; aua foi
 tou te feoai ma ia, ina ia masiasi ai
 o ia. Aua foi tou te manatu o ia o 15
 le fili, a ia outou apoapoai atu ia te
 ia pei o le uso. O lenei, o le Alii 16
 lava e ona le manuia, ia foaiina atu
 e ia le manuia ia te outou e le
 aunoa i mea uma lava. Ia ia te
 outou uma lava le Alii.

O le alofa o a'u o Paulo ua tusia i 17
 lo'u lava lima, o le faailoga lea i a'u
 tusi uma lava; ou te tusi faapea
 lava. Ia ia te outou uma lava le 18
 alofa tunoa o lo tatou Alii o Iesu
 Keriso. Amene.

A LE APOSETOLO O PAULO IA

TIMOTEO.

O le amio e tatau i le faiva o faifeau.

- 1 *O A'U o Paulo, o le aposetolo a Iesu Keriso, e tusa ma le poloaiga a le Atua lo tatou Faaola, ma le Alii o Iesu Keriso lo tatou faamoe-*
- 2 *moe; o la'u tusi lenei ia Timoteo lo'u lava atalii i le faatuatua; ia ia te oe le alofa tunoa, ma le alofa, ma le manuia mai le Atua lo tatou Tamā, atoa ma Keriso Iesu lo tatou Alii.*
- 3 *Faapei ona ou aioi atu ia te oe, i lo'u alu atu i Maketonia, e te nofo i Efeso, ia faapea ona e faia, ina ia e vavao atu i nisi, aua foi ne'i latou*
- 4 *a'oa'o i upu ese; aua ne'i manatu i latou i tala o le vavau ma tala i gafa e leai ni ona gataaga, o mea ia e tupu ai finauga, a e le o le faamafanafanaga mai le Atua o loo i le*
- 5 *faatuatua. A o le iuga o le poloaiga, o le alofa lea ai le loto mamā, ma le loto fuatia ifo ua lelei, ma le*
- 6 *faatuatua faamaoni; ua sese ai nisi i ia mea, ua latou liliu ane i upu le*
- 7 *aoga; ua mananao i latou e fai ma a'oa'o i le tulafono, a ua latou le iloa mea latou te tautalatala i ai, ma mea latou te finau faamalos i*
- 8 *ai. Ua tatou iloa lava o le mea lelei le tulafono, pe afai e faia e se*
- 9 *fasi o mea e tatau i ai; o loo iloa lenei mea, ua le faatuina mai le tulafono mo le ua amiotonu, a o e faaletaupulea ma e soli i tulafono, o e faalematau ma e agasala, o e*
- 10 *ami leaga ma e ulavavale, o e fasi tamā ma e fasi tinā, o e fasioti tagata, o e faitaaga, o e faasotoma, o e gaioi tagata, o e tala pepelo, o e tauto pepelo; afai foi o i ai se toe*
- 11 *mea e faatu'ese ai i le mataupu e ola ai, e tusa ma le tala lelei silisili*

a le Atua manuia, ua tuuina mai ia te au. Ou te faafetai atu foi ia 12
Keriso Iesu lo tatou Alii, o le na faamalosia a'u, na ia manatu ua faamaoni a'u, i lona tofia a'u i lenei faiva; o a'u sa muai faifaifai, ma 13
faasaua, ma faatātutala; a ua alofagia a'u, auā na ou faia faapea i lo'u le iloa ma le le talitonu. Ua silisili 14
foi ona tele o le alofa tunoa o lo tatou Alii, ua tupu mai ai lo'u faatuatua atoa ma le alofa o loo ia Keriso Iesu. O le upu moni lenei, 15
e tatau lava ona matuā talia, na malii mai Keriso Iesu i le lalolagi, na te faaolaina o e agasala; ua sili musa a'u nei ia i latou. A o lenei 16
lava le mea na alofaina ai a'u, ina ia muamua ona faaalii mai ia te au e Iesu Keriso le onosai tele lava, ia avea a'u ma faata'ita'i o e a faatuatua ia te ia amuli, e maua ai le ola e faavavau. O lenei, ia i ai i le 17
Tupu o le vavau, o le o soifua pea lava, o le le o vaaia, o le Atua poto e toatasi, ia ia te ia le mamalu atoa ma le viiga e faavavau faavavau lava. Amene. Lo'u atalii e, Timo- 18
teo, ou te tuuina atu lenei poloaiga ia te oe, pei o muai valoaga ia te oe, ina ia e tau ai le taua lelei; o 19
loo ia te oe le faatuatua ma le loto fuatia ifo e lelei, ua lafoaiina e nisi, o e ua faavaatu'ia i latou i la le faatuatua; e i ai Umenai o ma Alesana, 20
o e ua ou tuuina atu ia Satani, ina ia a'oa'o'ina i laua, aua ne'i upu leaga.

Ia faatoga atu mo tagata uma; o teuga a fafine.

O LENEI, e muamua i mea uma 2
ou te apoapoai atu ia faia olega, ma tatalo, ma faatoga, ma faafetai mo tagata uma lava; mo tupu ma i 2

latou uma ua i ai le pule, ina ia
tatou nonofo ma le le atuatuva le
le filemu, i le amio Atua uma lava
3 ma le amio matagofie; auā o le mea
lelei lea ma le mālie i luma o lo
4 latou Faaola le Atua, o lē finagalo
ina ia faaolaina o tagata uma lava,
ma ia oo ina iloa lelei le upu moni.
5 Auā e toatasi le Atua, e toatasi foi
le puluvaga i le Atua ma tagata, o
6 le tagata o Keriso Iesu lea; o le na
foaifuaina e ia ia te ia e fai ma
togiola mo tagata uma lava, e fai
ma molimau i ona lava po e tatau
7 ai; na tofia a'u mo lenei mea, o lē
tala'i ma le aposetolo, (o le upu
moni ou te fai atu ai ia Keriso, ou
te le tala pepelo,) o le a'oa'o o nuu
ese i le faatuatua ma le upu moni.
8 O lenei, o lo'u manao ia tatalo o
tane i mea uma lava, o loo sisii i
luga o lima le agasala, ma ia le ita,
9 ma ia le masalosalo. Ia faapea foi
fafine, ia latou teuteu ia i latou i
ofu e onomea, ma ia le teuanoai, a
ia faamatuāfafine; aua ne'i teteu ma
le lauulu fili, po o auro, po o pe-
10 nina, po o ofu tau tele; a o galuega
lelei, (o le mea lea e tatau i fafine
ua ta'ua latou e i latou o e amio
11 Atua.) Ia a'oa'o'ina le fafine, a ia le
tautala o ia, ma ia usiusitai lava.
12 Auā ou te le tuuina atu i se fafine
ia a'oa'o atu, pe pule i le tane, a ia
13 nofo faalologo lava. Auā ua mua-
muu ona faia o Atamu, a e mulimuli
14 Eva. E lei 'olegia foi Atamu, a ua
'olegia le fafine, ona solitulafono
15 lea o ia; a e faaolaina ia i le fa-
nauga o tama, pe afai e tutumau
pea i latou i le faatuatua, ma le
alofa, ma le amio lelei, atoa ma le
faamatuāfafine.

*O le galuega ma le amioga a epikopo
ma tiakono.*

3 O LE upu moni lenei, afai e nau-
nau se tasi i le faiva o le epikopo, e
2 manao o ia i le galuega lelei. O
lenei, e tatau i le epikopo ia le
mata'uleagaina, o lē faiaivā i le fa-
fine e toatasi, o lē mataala, o lē faa-
utauta, o lē amio lelei, o lē alofa i
tagata ese, o le na te mafaia ona
3 a'oa'o atu. E le se inu tele i uaina,
e le se fasi tagata, e le manumanu
i oloa; a e agamalu, e le se fai

4 finauga, e le se matapeapea i tupe;
o lē pule lelei i lona lava aiga, o loo
ua usiusitai mai ia te ia o lana fanau
5 ma le fifilemu lava. (Auā afai e le
iloe e se tasi ona pule i lona lava
aiga, pe faapefea ona tausia e ia le
ekalesia a le Atua?) E le se faatoa
6 lotu, ne'i faafefeteina lona lotu, ona
paū lea o ia i le faasala a le tiapolo.
E tatau ona ia logoleleia o ia e i
7 latou o i tuā, ne'i upuleagaina o ia
ma paū i le mailai a le tiapolo. O
8 tiakono foi, ia faapea ona faatoe-
aina i latou, e le faagutugutulua, e
le fia inu uaina e tele, e le manu-
manu i oloa; o loo latou taofi i le
9 upu o le faatuatua sa lilo, i le lotu
fuatia ifo ua mamā. A o i latou foi
10 ia muamua ona tofotofoina o i latou,
ona latou faia ai lea o le faiva o le
tiakono, ina ua le mata'uleagaina.
O fafine foi, ia faapea lava ona faa-
11 matuāfafine i latou, e le ni faa-
tuaupua, a ia mataala, ia faamaoni i
mea uma lava. O tiakono, ia taitasi
12 ma lana avā e toatasi, ia pule lelei i
la latou fanau ma o latou lava aiga.
Auā o e ua lelei ona fai o le faiva o
13 le tiakono e fai mo i latou lava le
mamalu lelei, ma le faamalosi tele i
le faatuatua o loo ia Keriso Iesu.
Ou te tusi atu ia mea, ia te oe, o loo
14 faamoemoe a'u ou te vave alu atu ia
te oe; a e afai ou te tuai atu, ia e
15 iloa ai lau amio e tatau i le fale o le
Atua, o le ekalesia lea a le Atua
soifua, o le pou tu foi lea ma le lagoon
o le upu moni. Ua leai foi se
16 taofi ese, e sili lava lenei upu lilo i
la le amio Atua, Ua faali mai le
Atua i le tino tagata, ua faaalila lana
amiotonu e le Agaga, ua vaia e
agelu, ua tala'iina atu i nuu ese, ua
faatuatua i ai o e o i le lalolagi, ua
aveina ae i le manuia.

*O le apoapoaiga ia tumau i le galu-
ega.*

4 A O loo ta'utino mai e le Agaga,
e o ese nisi i le faatuatua i tausaga
amuli, latou te faalogo i agaga e
2 faasese ma mataupu a temoni; ona
o le pepelo o tagata tala pepelo, o e
ua faamuina o latou lava lotu fuatia
3 ifo i le uamea aasa; latou te vavao
i le faiaivā, ma faasa isi mea e 'ai, o
mea lava ua faia e le Atua ia talia

I. TIMOTEO, 5.

ma le faafetai e i latou ua faatua-
tua, ma latou iloa le upu moni.
4 Auā o mea uma ua faia e le Atua, e
lelei lava ia, e le lafoaiina foi se tasi
5 mea, a ia talia ma le faafetai; auā
ua faapaiaina i le afoaga a le Atua
6 ma le tatalo. Afai e te tuuina atu
na mea i le au uso, e fai ai oe ma
auauna lelei a Iesu Keriso, e tausia
oe i upu o le faatuatua ma le ma-
7 tauapu lelei ua e taofi i ai. A o tala
leaga o le vavau a fafine valevale-
matua, ia e 'alo ese ai; a ia e faa-
8 masani i le amio Atua. Auā e itiiti
le aoga o le faamasani i la le tino;
a o le amio Atua e aoga lea i mea
uma lava, o loo i ai le mea ua fola-
folaina mai i la le olaga nei atoa ma
9 lē atali. E moni lava le upu, e tatau
10 foi ona matuā talia. Aua o le mea
lava lea tatou te galulue ai, ua upu-
leagaina mai ai foi i tatou, auā tatou
te faamoemoe i le Atua soifua, o ia
o le Faaula o tagata uma, a e sili
11 lava o e ua faatuatua. Ia e matuā
fai atu na mea, ma e a'oa'o atu ai.
12 Aua ne'i 'ino'ino se tasi i lou tau-
lealea, a ia fai oe ma faaa'oa'o i e ua
faatuatua, i le upu, *ma* le amio, *ma*
le alofa, *ma* le loto, *ma* le faatuatua,
13 *ma* le le gaoiā. Ia e faasaga i le
faitau, *ma* le apoapoai atu, *ma* le
14 a'oa'o atu, seia ou alu atu. Aua ne'i
e faatalale i le mea alofa na tuuina
atu ia te oe i le valoaga ma le faace
15 atu o lima o toeaina. Ia e mafaufau
i ia mea, ia e faamasani ai; ina ia
iloa ai e tagata uma o oe o le alu-
16 alu. Ia oe lava ia te oe, atoa ma
lau e a'oa'o atu, ia e tumau pea i
ai; auā a ē fai lena mea, e faaolaina
ai oe e oe atoa ma e ua faalogologo
ia te oe.

*O le amio e tatau i fafine ua oti a
latou tane.*

5 AUA e te aoi atu i se toeaina, a
ia aioi atu i ai, peiseai se tamā; o
2 taulelea *foi*, peiseai o uso; o loo-
matutua, peiseai o tinā; o fafine
muli *foi*, peiseai o tuafafine ia, ma
3 ia le gaoiā lava. Ia ava i fafine ua
oti a latou tane, o e ua ausage lava.
4 Afai foi o i ai i se fafine ua oti lana
tane ni ana tama po o fanau a ana
tama, ia a'oa'oina i latou ia muamua
ona agalelei i lo latou lava aiga, ma

taui atu i o latou mātua; auā o le
mea lelei lea ma le mālīe i luma o
le Atua. A o le ua oti lana tane ua
ausage ma ua tuua toatasi, ua faa-
moemoe ia i le Atua, ma tumau pea
i le faatoga ma le tatalo i le po atoa
ma le ao. A o lē fiafia i la le tino, e
ui lava ina ola, ua oti ia. Ia e matuā
fai atu ia mea, ina ia le mata'u-
leagaina i latou. A e afai e le
tausi e se tasi i lona aiga, *afai* foi e
le sili *ona tausī* i e mau ma ia, ua
faafitia e ia le faatuatua, e sili foi
lona leaga i le ua le faalogo. Aua
ne'i faitauina se fafine ua oti lana
tane seia oo i ona tausaga e onoga-
fulu, sa toatasi foi lana tane; o loo
ta'uleleia foi ona o ana galuega
lelei, pe afai ua tausia e ia ni fanau,
pe afai ua na alofa i tagata ese, pe
afai ua na mulumulu i vae o *tagata*
paia, pe afai ua na agalelei atu i e ua
puapuagatia, pe afai ua na tausisi i
galuega lelei uma lava. A o fafine
muli ua oti a latou tane, aua le talia
i latou, auā pe a fia sa'oloto i latou
nai ia Keriso, ona fia nofotane ai lea
o i latou; o loo i ai le faasala, ina
ua latou lafoai i lo latou uluai faa-
maoni. E le na o lea, a e masani foi
i latou ma le paie, e feoi i lea fale
ma lea fale; e le gata foi ina latou
paie, a e soona tautala, ma mata-
mata fua i galuega a nisi, ma tau-
talatala i mea le tatau. O lenei, ou
14 te loto ia nofotane o fafine muli, ia
fanau ai tama, ia matai i latou i o
latou aiga, ina ne'i tuuina atu i loo
tetea mai se mea e tasi e ta'ulea-
gaina ai i latou. Auā ua uma le
15 liliueseina o isi ua mulimuli ia
Satani. Ai se tane faatuatua, po o
16 se fafine faatuatua o i ai ni fafine ua
oti a latou tane, ia latou tausia i
latou aua ne'i mafatia ai le ekalesia;
ina ia latou tausia fafine ua ausage
lava.

O toeaina o e pule lelei, ia ta'u-
aogaina i latou ona faateleina atu i
ai o le mamalu, a e faasili i e galulue
i le upu atoa ma le a'oa'o atu. Auā
18 o loo fai mai le Tusi, Aua ne'i e
fusi le gutu o le povi a o solisolia e
ia le saito; i le ma lea, E tatau *ona*
avatu i le faigaluega o lona tau.
Aua ne'i talia se mau i se toeaina,
19 vagana o i ai se mau a le toalu po

- 20 o le toatolu. Ia aoai atu i e agasala i luma o tagata uma, ina ia
 21 matatau ai nisi uma lava. Ou te matuā fai atu lava *ia te oe* i luma o le Atua, ma le Alii o Iesu Keriso, ma le au agelu na filifilia, ina ia e tausi i na mea ma ia le muai faasala, aua foi le faia se mea ma le
 22 faailogaina se tasi. Aua e te rave faaee atu lima i se tasi; aua foi le 'au faatasi i agasala a isi tagata. Ia taofi oe, ia te oe ina ia sao *lau* amio.
 23 Aua e te toe inu le vai auli, a ia e inu sina uaina itiiti, ona o lou ma
 24 nava ma lou ma'i e tupu soo. E iloa tino agasala a isi tagata, e muamua atu i le faamasinoga; a o
 25 *agasala* a isi e mulimuli atu. E faapea foi galuega lelei *a isi*, e iloa tino ia; o mea foi e le o faapea e le mafai ona natia ia.

O pologa ma matai. Ua vaoia le matapeapea.

- 6 O POLOGA uma o e o i lalo o le amo, ia latou manatu e tatau ona
 2 ava lava i o latou lava matai, ina ne'i upuleagaina le suafa o le Atua ma *lana* mataupu. A o i latou ua i ai matai faatuatua, aua ne'i latou ta'ufaatauvaaina i *latou*, auā o uso i latou; a ia atili ona anauna i ai, auā ua faatuatua ma ua alofaina i latou e ua talia le galuega lelei. Ia e a'oa'o atu ma apoapoi atu i ia
 3 mea. Afai e a'oa'o ese se tasi, ma le le gauai i upu e ola ai a lo tatou Alii o Iesu Keriso, ma le mataupu
 4 e tatau ma le amio Atua, ua faafefeteina o ia, ua le iloa se mea, a ua se ma'i lona suesue ma lona finau i upu e tupu mai ai le mataua, *ma* le misa, *ma* faifaiga, *ma* masalosalo
 5 leaga, o finauvalega o tagata loto leaga, o e ua tetea ma le upu moni, o e ua manatu o le mea e maua ai le oloa o le amio Atua lea; ia e 'alo
 6 ese i tagata faapea. A o le amio Atua ma le loto mälle, o le oloa
 7 tele lava lea. Auā tatou te lei au mai lava se mea e tasi i le lalolagi, ua mautinoa foi tatou te le mafai
 8 ona ave ese ai o se mea. Afai ua maua e i tatou o mea e aai ai ma mea e oofu ai, ia gata ai o tatou manao. A o e manao i le fia mauoa, e maua i latou i le faaosoosoga, ma le mailei, ma tu'inanau e tele e valea ai ma leaga ai, o mea ia e goto ai tagata i le fanoga ma le malaia. Auā o le manao i tupe,
 9 o le pōgai lea o mea leaga uma lava; ua mananao tele i ai nisi, ona sese ai lava lea o i latou i *le upu* o le faatuatua, ua tu'ia ai ua ati i latou e i latou i puapuaga e tele. A o oe, le tagata o le Atua e, ia e
 10 sola ese i ia mea; a ia e tausisi atu i le amiotonu, *ma* le amio Atua, *ma* le faatuatua, *ma* le alofa, *ma* le onosai, *ma* le agamalu. Ia e tau le
 11 taua lelei i la le faatuatua, tago atu ia i le ola faavavau, na valaauina ai foi oe, ma ua e ta'utino atu i le ta'utinoga lelei i luma o molimau e toatele. Ou te fai atu lava ia te oe
 12 i luma o le Atua, o lē faaola i mea uma, *i luma* foi o Keriso Iesu, o le na molimau i le ta'utinoga lelei ia Ponotio Pilato, ia e taofi *lenei* polo-
 13 aiga ma le le ponā, *ma* ia le mata'u-leagaina, seia oo atu i le faaali mai o lo tatou Alii o Iesu Keriso. E
 14 faailoa mai lea mea e ia i ona lava aso, o ia o le Alii e manuia mona ua toatasi, o le Tupu o tupu, ma le Alii o alii; o loo na o ia o lē soifua
 15 pea lava, o lē afio i le malamalama e le masao i ai *se tasi*; e lei vaoia o ia e se tasi tagata, e le mafai foi ona vaai i ai; ia ia te ia le viiga ma le malosi e faavavau. Amene.
 16 Ia e matuā fai atu i e mauoa i lenei olaga, aua ne'i faamaualuluga i latou, aua foi le faatuatua i le oloa e faaletumau, a o le Atua soifua, o loo foi tele mai ia i tatou mea uma lava e faafiafia ai; ina ia
 17 latou agalelei atu, ia tamaoaiga i galuega lelei, ia mataalofa, ia latou avatu fua a latou mea, ia latou teua
 18 oloa mo i latou lava, o le faavae lelei mo aso atali, ina ia latou fetagofi atu i le ola e faavavau.
 19 Timoteo e, ia e tausi i le mea na tuuina atu ia te oe, ma 'alo'alo ese i upu leaga ma le le aoga, ma finauga i mea ua igoa pepelo ai o le
 20 potō; o isi o e na taofi ai, ua sese ai i latou i *le upu* o le faatuatua. Ia ia te oe le alofa tunoa. Amene.

O LE TUSI

E LUA A LE APOSETOLO O PAULO IA

TIMOTEO.

O le alofa o Paulo ia Timoteo, Ua apoapoi atu ia te ia.

- 1 O A'U o Paulo, o le aposetolo a Iesu Keriso i le finagalo o le Atua, ina ia folafolaina le ola o loo ia
- 2 Keriso Iesu; o la'u tusi lenei ia Timoteo lo'u atalii pele; ia ia te oe le alofa tunoa, ma le alofa, ma le manuia mai le Atua le Tamā, atoa ma Keriso Iesu lo tatou Alii.
- 3 Ou te faafetai atu i le Atua, o le ou te auuna i ai ma le loto fuaia ifo ua mamā pei ona maua mai o'u tupuga, ina ua ou manatua oe e le aunoa i a'u faatoga i le po ma le
- 4 ao; o loo ou faanaunau e feiloai ma oe, auā ua ou manatu i ou loimata, ina ia tumu ai a'u i le olioli;
- 5 ua ou manatua le faatuatua faamaoni ua ia te oe, sa muai i ai ia Loi o le tinā o lou tinā, atoa ma Eunike lou tinā; o la'u taofi o loo ia te oe
- 6 foi. O le mea lea ou te faamanatu atu ai ia te oe ia toe faamumū le mea alofa mai le Atua, o loo ia te oe lea i le faaee atu o o'u lima.
- 7 Auā ua le foaiina mai e le Atua ia te i tatou le Agaga e mata'u ai, a o le Agaga e faamalosi ai, ma alofa
- 8 ai, ma mafaufau tonu ai. O lenei, aua e te mā i le molimau i lo tatou Alii, po o ona o a'u o loo noanoatia ona o ia; a ia tiga faatasi i tatou
- 9 ona o le tala lelei, e tusa ma le mana o le Atua, o le na faaola mai ia i tatou, ma valaau mai i le valaau paia, e le tusa ma a tatou galuega, a e tusa ma lona lava finagalo ma lona alofa tunoa na foaiina mai ia i
- 10 tatou ia Keriso Iesu talu mai le vavau, a ua faailoa mai nei i le faaalua mai o lo tatou Faola o Iesu Keriso, o le ua faaumatia lava le

faamalamalamaina mai lea e ia i le tala lenei, ua tofia ai a'u o lē tala'i, 11
ma le aposetolo, ma le a'oa'o i nuu 12
ese. O le mea lea ua tigaina ai a'u i ia mea; a ou te le mā lava, auā 13
ua ou iloa o ia ua ou faatuatua i ai, ma a'u mautinoa ua mafaia lava e ia ona leoleo i le mea na ou tuuina 14
atu ai ia te ia e oo atu i lea lava aso. O matua o upu e ola ai, na e 15
faalogologo mai ai ia te au, ia e taofia i le faatuatua ma le alofa ia Keriso Iesu. O le mea lelei ua 16
tuuina atu ia te oe ia e tausia i le fesoasoani o le Agaga Paia o loo 17
nofo i totonu ia i tatou. Ua e iloa lenei mea, o i latou uma o i Asia ua 18
lafoai ia te au, e i ai Fogelu ma Emokene. Ia alofa atu le Alii i le aiga o Oneseoro; auā na ia faama-
fanafana soo mai ia te au, e lei mā foi o ia i lo'u maea uamea, a e pei-
tai na i Roma o ia, ona matuā saili mai lea o ia ia te au, i le ua maua. Ia foaiina atu e le Alii ia te ia ia maua le alofa mai le Alii i lea lava aso. Ua e iloa lelei o mea e tele na ia auuna mai ai ia te au i Efeso.

O apoapoiaga ina ia tumau i le galuega.

O LENEI, o oe lo'u atalii e, ia 2
faamalosi oe i le alofa tunoa o loo ia Keriso Iesu. O mea foi na e 2
faalogologo mai ai ia te au i molimau e toatele, ia e tuuina atu ai i tagata faamaoni, o e ua mafaia ona a'oa'oina atu i nisi. O lenei, ia e 3
onosai i mea e tiga ai, faapei o se tagata tau e lelei a Iesu Keriso. E 4
lei sē tau i le taua na te faalavelavea e ia ia te ia i mea a lenei olaga, ina ia faafiafia o ia i lē na filifili ia te ia e fai ma tagata tau. Afai foi 5
e finau se tasi i le fia malo, le faa-

II. TIMOTEO, 3.

paleina o ia pe a le finau e tusa ma
6 tulafono. O lē galue i fanua e ta-
7 tau ona muai maua e ia le fua. Ia
e mafaufau i mea ou te fai atu na;
ona foaiina atu ai lea e le Alii ia te
8 oe le loto matala i mea uma. Ia e
manatua Iesu Keriso o le fanau lava
a Tavita, ua faatuina mai o ia nai e
ua oti, e tusa ma la'u tala lelei;
9 ona o lea ua tigaina ai a'u, ua oo
ina noanoatia o a'u, peiseai se pa-
gota; a o le afoaga a le Atua e le
10 noatia lava lea. O le mea lea ou te
onosai ai i mea uma ona o le au fili-
filia, ina ia maua e i latou lava le
ola o loo ia Keriso Iesu ma le ma-
nuia e faavavau. O le upu moni
11 lenei; auā pe afai tatou te oti faa-
tasi ma ia, tatou te ola faatasi ai
12 foi; pe afai tatou te onosai, e fai
foi i tatou ma tupu faatasi ma ia;
pe afai tatou te faafiti ia te ia, e
13 faafiti foi o ia ia te i tatou; afai e
le faamaoni i tatou; e faamaoni
pea lava ia, e le mafaia e ia ona
faafiti ia te ia.
14 Ia e faamanatu ia te i latou i ia
mea, ma ta'utino i luma o le Alii,
aia ne'i latou fefinau ai i upu e leai
se aoga, a e faaseseina ai o e faa-
15 logologo i ai. Ia e taumafai ina ia
avea oe ma le ua fiafia mai i ai le
Atua, o le faigaluega e leai se mea
e mā ai, na te vavaetonuina le upu
16 moni. A ia e taumamao ma upu
leaga ma le le aoga; auā e tupu
17 atili ai le amio faalematau, o a latou
upu foi e aati pei o se papala; e i ai
18 Umenio ma Fileto; o i laua ia ua
sese i le upu moni, o loo faapea ane,
Ua mavae lava le toe tu; ua faaliliu
19 ese ai nisi tagata i le faatuatua. A
e ui lava i lea o le faavae mau o le
Atua e tu lava lea, o loo i ai lenei
faailoga, Ua silafia e le Alii ona
lava tagata; atoa ma lea, Ia o ese i
le amio leaga i latou uma o e ta'u-
20 ta'u le suafa o Keriso. A e le na o
ipu auro ma ario ua i le fale tele, a
o ipu laau ma omeca; o isi ua ta'u-
21 leleia, a o isi ua ta'uleagaina. O
lenei, ai se tasi e faamamā ia te ia
ai nei mea, e fai o ia ma ipu e ta'u-
leleia, e faasaina, e aoga foi mo le
alii, ua saunia mo galuega lelei
22 uma. Ia e sola ese i tu'inanau o
taulelea, ia e tausisi i le amiotonu,

ma le faatuatua, ma le alofa, atoa
ma le filemu, faatasi ma i latou o e
valaau i le Alii ai le loto mamā. A
23 o sailiga valea ua le a'oa'oina mai,
ia e 'alo ese ai, auā ua iloa o mea ia
e tupu ai le fefinauiga. Auā e le
24 tatau ona finau o le auaua a le
Alii, a ia agamalu i tagata uma, ia
mafaia ona a'oa'o atu, ma ia onosai,
ia a'oa'o atu ma le agamalu i e o
25 finau mai; pe mafai lava le Atua
ona foai atu ia te i latou le salamo,
ina ia latou iloa lelei le upu moni;
ia latou ala mai foi na moe i le mai-
26 lei a le tiapolo, o e ua maua e ia, ina
ia faia lona lava finagalo.

*O valoaga i mea e tutupu. O le aoga
o Tusi Paia.*

A E ia e iloa e oe lenei mea, o
3 ona aso e gata ai e oo mai ai aso
faigata; auā e aveca tagata ma e
2 alolofa i latou ia i latou, o e mana-
nao i tupe, o e loto vii, o e faamau-
aluga, o e upu leaga, o e le faalogo
i mātua, o e le faafetai, o e amio
leaga, o e le lotoaiga, o e tuumavae-
3 ga, o e faatuaupua, o e le taoifi ma-
nao o le tino, o e faasaua, o e le
alolofa i tagata amio lelei, o e faa-
4 lata, o e soona fai, o e ua faafefete-
ina, o e ua tele le manao i mea
faafiafia e leai se manao i le Atua;
o e ua peiseai ua amio Atua, a o le
5 mana ua i lea mea ua latou teena;
ia e 'alo ese lava i tagata faapena.
E i ai foi nisi o e ulu atu i fale, ma
ave faatagataotaua fafine valelea,
6 ua mafatia i agasala, o e ua ta'itai-
eseina e tu'inanau eseese, ua a'oa'o-
7 ina e le aunoa, a e le āu mafai ona
oo ina iloa lelei o le upu moni.
8 Faapei o Iani ma Iameri e na tetea
atu ia Mose, e faapea foi i latou ia
ona tetea atu i le upu moni, o taga-
ta ua loto leaga, o e ua le faamaoni
i la le faatuatua. A e le alualu pea
9 i latou, auā e iloa lelei lava lo latou
valea e tagata uma, faapei o i laua.
A o oe, ua e iloa lelei o la'u mata-
10 upu, o la'u amio, o le loto mau, o le
faamaoni, o le faapalepale; o le
alofa, ma le onosai, o sauaga ma mea
11 tiga, o mea ia na oo mai ia te au i
Anetioka, ma Ikonio, ma Lusa; o
sauaga faapena na tigaina ai a'u; a
o le Alii na ia laveai mai ia te au i

II. TIMOTEO, 4.

- 12 *na mea* uma lava. O i latou uma
foi o e loto ina nonofo ma le amio
Atua ia Keriso Iesu, e sauaina i
13 latou. A o tagata amio leaga ma e
taupelopelo, e alualu pea lava lo
latou leaga, o loo faasese atu, ua
14 faaseseina foi i latou. A o oe, ia e
tumau i mea ua a'oa'o'ina ai oe, ma
ua mautinoa ia te oe, ina ua e iloa o
15 ia na a'oa'o atu ai ia te oe; talu foi
ina o e tama itiiti ua e iloa Tusi
Paia, e mafaia ona faapoto ai ia te
oe e iu ai i le ola i le faatuatua ua
16 ia Keriso Iesu. O Tusi Paia uma
lava e mai le Agaga o le Atua ia, e
aoga foi ia e a'oa'o ai, e aoai ai, e
faatonu ai, e faapoto ai foi i le amio-
17 tonu, ina ia atoatoa ona lelei ai o le
tagata o le Atua, ia saunia lava ia i
galuega lelei uma lava.

*Ua fai atu Paulo ia faamalosi
Timoteo.*

- 4 O LENEI ou te matuā fai atu ia
te oe i luma o le Atua ma le Alii o
Iesu Keriso, o le na te faamasino-
ina o e ola atoa ma e ua oti, pe a oo
2 i lona faaali mai ma lona malo; ia
e tala'i atu le upu, ia e faamalosi i
ona aso e taugalemu ai, ma ona aso
e le taugalemu ai, ia e faatonu atu,
ia e aoai atu, ia e apoapoai atu ma
le onosai uma atoa ma le a'oa'o atu.
3 Auā e oo i ona po latou te le mafa-
fai ai ona talia o le mataupu e ola
ai, a e tusa ma o latou lava tu'ina-
nau, latou te faapotopoto ai a'oa'o
mo i latou, ina ua feū o latou tali-
4 ga; latou te liliu ese foi o latou
taliga i le upu moni, a e liliu atu i
5 tala o le vavau. A o oe, ia e faa-
utauta i mea uma lava, ia e onosai
i mea e tiga ai, ia e fai le galuega a
lē folafola le tala lelei, ia e matuā
6 faaiiina lau faiva. Auā o a'u ua
faamaligiina nei *lo'u toto*, ua lata
7 ona po ou te alu ai. Ua ou tau le
taua lelei, ua iu ia te au le tausi-
nioga, ua ou taofi i *le upu* o le faa-
- tuatua. O lenei, ua teuina mo a'u 8
le pale o le amiotonu, e foaiina mai
ia te au i lea lava aso o le Alii le
faamasino amiotonu; e le gata foi
ia te au, a o i latou uma lava o e
fiafia i lona faaali mai.
Ia ē taumafai ona sau ia te au ia 9
vave lava; auā ua tuulafaoiina a'u 10
e Tema, ina ua manao ia i lenei
olaga, ua alu foi i Tesalonia; o
Kerese *ua alu ia* i Kalatia, o Tito
ua alu ia i Talamatia; na o Luka o 11
loo ia te au. Ia oulua o mai ma
Mareko; auā e aoga ia ia te au i le
galuega. Ua ou auina atu Tuiko i 12
Efeso. A ē sau, ia e au mai le ofu 13
talaloa na tuu e a'u i Teroa, o loo ia
Kaapo, atoa ma tusi, a e tautuana
a pa'u e tusi ai *ne'i tuu*. E tele 14
mea leaga na faia ia te au e Alesana
le fai mea 'apa memea; ia tauī atu
e le Alii ia te ia e tusa ma ana
galuega. Ia oe foi ia te ia, auā ua 15
na matuā tetee mai i a tatou upu.
O la'u uluai faatonu atu e lei faa- 16
tasi mai ai se tasi ia te au, a ua
laloai mai e tagata uma lava ia te
au; ana nei tauina atu ia te i la-
tou a e peitai sa ia te au le Alii, ma 17
na faamalosi mai ia te au; ina ia
faaatoatoaina e a'u le tala'iga, ina
ia faalogologo i ai o nuu uma lava;
ua laveaiina foi a'u ai le gutu o le
leona. E laveai mai foi le Alii ia te 18
au ai mea leaga uma, ma faaola mai
ia te au ia oo i lona malo i le lagi;
ia ia te ia le viiga e faavavau faa-
vavau lava. Amene.
Ua ou alofa atu ia Piseka ma 19
Akula, ma le aiga o Oneseforo. Ua 20
nofo pea Erato i Korinito; a o
Tosimo na tuua o ia e a'u i Meleto o
ma'i. Ia e taalise mai a o lei oo i le 21
tausaga maalili. O alolofa atu ia te
oe o Eupolo, ma Paute, ma Lino, ma
Kalaotia, ma le au uso uma lava.
Ia i ai i lou agaga le Alii o Iesu 22
Keriso. Ia ia te outou le alofa
tunoa. Amene.

O LE TUSI A

LE APOSETOLO O PAULO IA

TITO.

*O le apoapoai ia Tito ia faamalosi
o ia i lana galuega.*

- 1 O A'U o Paulo, o le auauna a le
Atua, ma le apostolo a Iesu Keriso,
ona o le faatuatua o e ua filifilia e le
Atua, ma le iloa lelei o le upu moni
2 e iu ai i le amio Atua, i le faamoe-
moe i le ola e faavavau, na folafola-
lana mai talu mai tausaga o le
vavau e le Atua e le mafai ona tala
3 pepelo; a ua faaila mai lana lava
afoga i ona po e tatau ai i le tala-
'iga ua tuuina mai ia te au, e tusa
4 ma le poloaiga a le Atua lo tatou
Faola; o *la'u tusi lenei* ia Tito *la'u*
lava atalii i la le faatuatua ua tuu
tele, *ia ia te oe* le alofa tunoa, *ma* le
alofa, *ma* le manuia mai le Atua le
Tamā, atoa ma le Alii o Iesu Keriso
lo tatou Faola.
- 5 O le mea lenei na ou tuu ai oe i
Kereta, ina ia e faatonuina mea ua
totoe, ma ia e tofa toeaia i lea aai
ma lea aai, faapei ona ou fai atu ai
ia te oe; ai se tasi e le mata'ulea-
6 gaina, o le tane a le fafine e toatasi,
o i ai ana fanau e faatuatua, e lei
ta'ua i latou ua ulavavale pe soli i
7 tulafono. Auā e tatau lava i le
epikopo ona le mata'uleagaina o ia,
auā o ia le auauna e tautasi i mea a le
Atua; e le finau vale, e le itagofie,
e le inu tele i uaina, e le fasi tagata,
8 e le manumanu i oloa; a o lē alofa i
tagata ese, o lē alofa i e amio lelei,
o lē faautauta, o lē amiotonu, o lē
9 amio Atua, *ma* le le gaoiā; o lē
taofi mau i le upu moni, faapei ona
a'oa'oina o ia, ina ia mafaia e ia ona
apoapoi atu i le mataupu e ola ai,
10 ma aoi atu i e finau mai. Auā e
toatele o e solitulafono ua tautala-
tala i upu le aoga ma faasese atu, a
11 e sili musa le au peritome; e tatau

ina punitia o latou gutu; ua latou
faaliliu ese i nisi aiga atoa, o loo
a'oa'o i mea le tatou, ina ua mata-
peapea i le oloa. Sa faapea mai le 12
tasi o i latou, o sa latou lava pero-
feta, O tagata Kereta, e sagasaga
tala pepelo lava i latou, o manu
fesi leaga, o e usuusua'i ina 'ai. O 13
le molimau moni lava lea. O le mea
lea ia maamaai ona e aoi atu ai ia
te i latou, ina ia latou faamaoni i le
faatuatua; aua nei taofi i tala o 14
vavau faa-Iutaia, ma poloaiga a ta-
gata o e liliu ese i le upu moni. Ua 15
mamā mea uma i e ua *loto* mamā, a
o *e lotu* eleelea ma le le faatuatua, e
le mamā ia te i latou se mea e tasi,
a ua eleelea o latou mafaufau atoa
ma o latou *loto* fuatia ifo. Ua 16
latou ta'uane ua latou iloa le Atua,
a e faafiti ia te ia i a latou galuega,
o inosia i latou ma faalogogata,
latou te le faamaoni foi i se galuega
lelei e tasi.

*O apoapoai e fai atu i tagata
eseese.*

A O oe, ia e tautala atu i mea e 2
tusa ma le mataupu e ola ai; *fai atu*
i toeaia ia mataala i latou, ia faa- 2
toeaia, ia faautauta, ia faamaoni i
le faatuatua, *ma* le alofa, *ma* le ono-
sai. Ia faapena foi loomatutua, ia 3
amio i latou i le amio Atua, aua
nei faatuaupua, aua nei faapolo-
gaina i latou i le uaina, a ia fai ma
a'oa'o i mea lelei, ina ia latou a'oa'o 4
atu i fafine muli latou te alofa atu i
a latou tane, ia alofa atu i a latou
fanau, ia faautauta i latou, ia le 5
gaoiā, ia tautasi lelei i o latou aiga, ia
agalelei, ia usiustai atu i a latou
lava tane, ina nei upuleagaina le
afoga a le Atua. Ia faapea foi ona 6
e apoapoi atu i taulelea, ia faa-

7 utauta i latou. Ia avea oe ma faa-
a'oa'o o galuega lelei i mea uma
lava; ia e a'oa'o i le mataupu ma le
8 faamaoni, ma le faatoeaina, ma le
upu e ola ai, e le mata'uleagaina,
ina ia faamāina ai o lē tete mai, ina
ua le maua e ia se mea leaga e tala-
9 tala ane ai ia te outou. *Apoapoi*
atu i pologa ia ususitai i latou i o
latou lava matai, ia latou taumafai
ona faafiafia i ai i mea uma lava, aua
10 ne'i faatau upu i ai. Aua ne'i latou
gaoi, a ia faaalua e i latou ua latou
faamaoni'ai, ina ia viia ai i mea
uma lava talu o i latou le mataupu
11 a le Atua lo tatou Faaola. Auā o le
alofa tunoa o le Atua ua au mai ai
le olataga, ua faaalua mai lea i ta-
12 gata uma lava, o loo a'oa'o mai ai
ia te i tatou, ia tatou tete'a ese ma
le faalematau atoa ma tu'inanau
faalelalolagi, a ia tatou nonofo ma
le faautauta ma le amiotonu atoa
13 ma le amio Atua i lenei olaga; o
faatitali atu i le faatuatuaga e
manuia ai, o le faaalua lea o le
pupula o le Atua silisili, o lo tatou
14 Faaola o Iesu Keriso lea; o le na
foaiina mai o ia e ia mo i tatou, e
togiola a'i i tatou ai le solitulafono
uma lava, ma ia faamamāina mai e
ia e fai mona, o lona lava nuu, e
15 maelega i galuega lelei. Ia e tau-
tala atu i ia mea, ma apoapoi atu,
ma aoai atu ma le pule lava. Aua
ne'i inosia oe e se tasi.

*O mea e a'oa'o'ina atu, ma mea e le
a'oa'o'ina atu.*

3 IA e faamanatu atu ia i latou ia
latou ususitai i alii sili ma faipule,
ia gauai i alii, ia nofo sauniuni foi i
2 latou i galuega lelei uma lava, aua
ne'i upu leaga i se tasi, aua ne'i
faamisa, a ia faapalepale, ma ia
faaali atu le agamalu uma i tagata
3 uma lava. Auā o i tatou foi, sa
vālea i tatou anamua, ma faalogo-

gata, ma faaseseina, sa auauna i
tu'inanau ma mea eseese e fiafia ai,
sa nonofo ma le loto leaga ma le
mataua, sa inosia ma feitagai. A ua
faaalua mai le agalelei ma le alofa i
tagata o lo tatou Faaola le Atua,
ona faaola mai ai lea o ia ia i tatou,
e le ona o galuega o i le amiotonu
sa tatou faia, a e tusa ma lona lava
alofa i le faataeleina i le toefua-
taiina ma le faafuina e le Agaga
Paia, ua na faamaligi tele mai i luga
ia i tatou, ona o Iesu Keriso lo tatou
Faaola; ina ia ta'uamiotonuina i
tatou i lona lava alofa tunoa, ia fai
i tatou ma suli e tusa ma le faa-
moemoe i le ola e faavavau. O le
upu moni lena ou te loto foi ina ia e
matuā faamalosi atu i ia mea, ina ia
naunau i latou o e ua faatuatua i le
Atua ona ia faia galuega lelei; e
lelei lava ia mea ma aoga i tagata.
A ia taumamao ma sailiga valea ma
tala tupuga, ma le femisaiga, ma le
finauaiga i la le tulafono; auā o
upu le aoga ia ma le faatauva. O
le tagata na te faatupu le fevae-
vaeaiga ia e 'alo ese ia te ia pe a
uma atu ia te ia le aoaiga e atu tasi
pe atu lua; auā ua iloa o le tagata
faapena ua liliueseina lava o ia, ma
ua agasala, ua faasalaina o ia e ia.

A ou auina atu ia te oe o Aretima,
po o Tuiko ia e faataalise ona sau ia
te au i Nikopoli; auā ua tonu lo'u
manatu ou te nofo ai i le tausaga
maailili. Ia e matuā fesoasoani i le
malaga a Sena le a'oa'o tulafono,
atoa ma Apolo, ina ia le mativa i
laua i se mea e tasi. Ia a'oa'o'ina
foi o latou uso ia faia e i latou galu-
ega lelei e maua ai mea aoga, ina
ne'i le fua mai i latou. O i latou
uma lava o ia te au o loo alolofa
atu i latou ia te oe; ua ou alofa
atu ia i latou o e alolofa mai ia te i
matou i le faatuatua. Ia ia te
outou uma lava le alofa tunoa.
Amene.

O LE TUSI A

LE APOSETOLO O PAULO IA

FILEMONI.

*O le fiafia o Paulo ia Filemoni.
Ua faatoga atu mo Onesemo.*

- 1 *O A'U* o Paulo, o le ua noanoatia ona o Keriso Iesu, o Timoteo foi lo tatou uso, o la ma tusi lenei ia Filemoni o le pele na tatou galulue
- 2 faatasi; ma Afia le pele, ma Arekipa o le na tatou matātau faatasi,
- 3 atoa ma le ekalesia i lou fale; ia ia te outou le alofa tunoa ma le manuia mai le Atua lo tatou Tamā, atoa ma le Alii o Iesu Keriso.
- 4 Ou te faafetai atu i lo'u Atua, o loo ou ta'uta'ua oe e le aunoa i a'u
- 5 tatalo, ina ua ou faalogo i lou alofa ma le faatuatua o ia te oe i le Alii o Iesu, atoa ma le au paia uma;
- 6 ina ia galue lava lou mafuta faatasi i le faatuatua, ina ia matuā iloa mea lelei uma o ia te outou ia Keriso
- 7 Iesu. Auā lo'u uso e, ua tele lo matou fiafia ma le mafanafana ona o lou alofa, ina ua faamafanafanaina
- 8 le au paia ona o oe. O lenei, e ui lava ina ua ia te au le pule lava mai ia Keriso e poloai atu ai ia te oe i
- 9 mea e tatau, a e ou te aioli atu ona o le alofa, o a'u nei lava o Paulo le toeaina, o le ua noanoatia nei foi
- 10 ona o Iesu Keriso. Ou te aioli atu ia te oe mo lo'u atalii o Onesemo, o le na fanaua e a'u, a e noanoatia
- 11 a'u, sa le aoga o ia ia te oe, a o lenei
- 12 e aoga tele ia te oe atoa ma a'u, ou te faafoi atu ia te ia; ina e talia
- 13 mai o ia, o lo'u lava tino ia. Na ou loto ina ia taofi pea ia te ia ma te nonofo ma a'u, ina ia fai mou sui,

na te anauna mai ia te au i o'u noanoataga ona o le tala lelei. A ou 14
te le fia faia se mea e tasi pe a le to
mai sau pule, ina ne'i pei o se mea
ua faatauanauina lou agalelei mai, a
ia faia ma le loto. Auā atonu o le 15
mea lea na te'a ese ai o ia i sina itu
aso, ina ia e toe maua o ia e faa-
vavau; e le toe faapei o se pologa, 16
a e sili i le pologa, o le uso pele ia
ia te au lava; e le sili ea ona faapea
ia te oe i la le tino atoa ma la le
Alii? O lenei afai e te manatu i la 17
ta uo, ia e talia mai o ia e pei o a'u
lava. A e afai na ia agaleaga ia te 18
oe, po ua ia te ia sau mea, ia e tuu
mai lea mea ia te au. O a'u o 19
Paulo, ua ou tusi atu i lo'u lava
lima, ou te tauai atu lava; a e ou te
le fai atu, e tatau ona e tuuina mai
oe lava ia te au. E moni, lo'u uso 20
e, se'i e faafiasia mai ia te au i le
Alii, ina faamafanafana mai ia i lo'u
loto i le Alii. Ua ou tusi atu ia te 21
oe, auā ou te faatuatua i lou gauai
mai, ua ou iloa e te faia mea e sili
lava i mea ou te fai atu ai. Tasi 22
foi lea mea, ia e sauni se mea ou te
noso ai; auā ou te faamoemoe e
tuuinaatua a'u ia te outou, ona o
a outou tatalo. O loo alofa atu 23
ia te oe o Epafara, o loo noanoatia
faatasi ma a'u ona o Keriso Iesu.
O loo alolofa foi Mareko, ma Ari- 24
tako, ma Tema, ma Luka, e ua galu-
lue faatasi ma a'u. Ia i o outou 25
agaga le alofa tunoa o lo tatou Alii
o Iesu Keriso. Amene.

O LE TUSI A

LE APOSETOLO O PAULO IA

EPERU.

O le silisili ese o Iesu i agelu.

- 1 O LE Atua, o le na fetalai mai anamua i o tatou tamā e le au perofeta, na auaua'i mai i togafiti eseese,
- 2 ua fetalai mai o ia ia i tatou i nei ona aso e gata ai e lona Alo, o le ua tofia e ia e fai mea uma lava mona
- 3 tofi, na ia faia foi e ia mea uma; o ia o le pupula o lona mamalu ma ua matuā tusa lava ma ia, o loo o faatumauina e ia mea uma lava i lana
- 4 ese o i lugā; ua faapea ona silisili ese o ia i agelu, pei ona sili o lona
- 5 suafa ua maua i o latou. Auā o anafea ea na fetalai atu ai o ia i se tasi o le au agelu, O lo'u Atalii oe,
- 6 foi o ia mo'u Atalii? Ua faapea mai foi o ia i lona toe au mai o lana ulumatua i le lalolagi, Ma ia ifo
- 7 agelu uma lava a le Atua ia te ia. O agelu foi ua fetalai mai ai o ia,
- 8 Ua faia e ia ana agelu o matagi, ma ana auaua o le afi mumū; a ua
- 9 faapea mai i le Alo, O lou nofoālii, le Atua e, e faavavau faavavau lava
- 10 lea; o le tootoo o lou malo, o le tootoo o le amiotonu lea. Ua e
- 11 fiafia i le amiotonu, a ua e 'ino'ino i le amio leaga; o le mea lea, ua
- 12 faauuina ai oe e le Atua, o lou lava Atua i le suāuu o le olioli e sili i e
- 13 tou te faatasi. I le ma lea, Le Alii e, na e faavaeina le lalolagi i le
- 14 amataga, o lagi foi o galuega ia a ou
- 15 aao; e faaumatia ia mea, a o oe e te
- 16 tumau pea; e pala ia mea uma lava
- 17 pei o se ofu, pei o se ie pulupulu e
- 18 te taataaia, e liua foi ia; a o oe, e
- 19 te le liliu lava, e leai foi se iuga i ou

tausaga. A o anafea na fetalai atu 13
ai o ia i se tasi o le au agelu, Ina
nofo ia oe i lo'u itu taumatau, seia
ou faia e ua fai oe mo latou fili ma
mea e tu ai ou vae? E le o agaga 14
e auaua ea i latou uma, ua auuina
e auaua ona o i latou o e a maua
le ola?

O le apoapoaiaga ia matuā saili i le ola.

O LE mea lea e tatau ona atili 2
ai ona tatou naunau i mea ua tatou
faalogologo i ai, ne'i te'a ia i tatou.
Auā afai na faamauina le upu na 2
molina mai e agelu, taitasi foi soli
tulafono ma faalogogata ma oo i ai
le tau i tusa ai, pe sao faapefea i 3
tatou pe a faatamala i le olataga e
matuā tele? sa muai fetalai mai e
le Alii, ona faamaonia mai lea ia i 4
tatou e i latou sa faalogo ia te ia;
ua molimau mai foi le Atua faatasi
ma i latou i faailoga ma vavega, i
mea mamana eseese foi, ma mea
alofa mai le Agaga Paia, e tusa ma
lona lava finagalo.

Auā ua le tuuina atu e ia i agelu 5
e pule i le sauniga atali, o loo ma-
tou o tautala nei i ai; a ua molitino 6
mai e le tasi i le tasi upu, ua faapea
mai, Se a ea le tagata ua e manatu
mai ai ia te ia; po o le atalii o le
tagata ua e asiasi mai ai ia te ia?
Ua e faamaulalo ane teisi o ia i 7
agelu; ua e faapale ia te ia i le
mamalu ma le viiga, ua e tofia foi o
ia e pule i galuega a ou aao; ua e 8
tuuina foi o mea uma lava i lalo o
ona vae. O lenei, ina ua tuuina o
mea uma i lalo ia te ia, ua le tuua e
ia se mea e tasi e lei tuuina i lalo ia
te ia; a ua le vaiaia nei e i tatou o
mea uma lava ona tuuina i lalo ia
te ia. A ua tatou iloa o ia o le na 9

faamaulaloina teisi i agelu, o Iesu
lea, ua faapaleina i le mamalu ma
le viiga, ona o le tiga o le oti, ina ia
oo ia te ia le oti ona o tagata uma i
10 le alofa tunoa o le Atua. Auā o le
na fai mea uma lava mona, sa na
faia foi mea uma lava e ia, na tatau
ia te ia i lona ta'ita'iina o atalii e
toatele i le manuia, ona faatoatoa-
ina ai o le Alii o lo latou olātaga ona o
11 tiga. Auā o le na te faapaiaina mai
atoa ma i latou uma e ua faapaiaina,
e tasi lo latou tupuga; o le mea lea
e le mā ai o ia ia ta'ua i latou o ona
12 uso, o loo faapea mai, Ou te ta'u
atu lou suafa i o'u uso; ou te pese
atu viiga ia te oe i totonu o le eka-
13 lesia. Ua toe faapea mai, Ou te
faatuatua ia te ia. I le ma lea,
Faauta mai, o a'u nei ma le fanau
ua foaiina mai e le Atua ia te au.
14 O lenei, ina ua i ai i le fanau le tino
tagata ola, na faapea foi ona ua i ai
ia te ia, ina ia faaumatia e ia i lona
mallu o le ua i ai le malo e oti ai, o
15 le tiapolo lea, ma tuusaunoaina ai i
latou uma o e na faapologaina i o
latou olaga uma ona o le mata'u i le
16 oti. Auā e moni, e le fesoasoani o
ia i agelu, peitai ane o le fanau a
Aperaamo o loo fesoasoani o ia i ai.
17 O le mea lea ua tatau ai ina ia aveā
o ia ia faapei o ona uso i mea uma
lava, ina ia faia o ia ma faitaulaga
sili e alofa ma faamaoni i mea a le
Atua, ina ia faia e ia se togiola mo
18 agasala a le nuu. Auā na tigaina o
ia ina o tofotofoina, o le mea lea ua
mafa'i ai o ia ona fesoasoani i e ua
tofotofoina.

Ua silisili ese le Mesia ia Mose.

3 O LENEI, le au uso paia e, e ua
tofutofusia i le valaau mai le lagi,
ina mafaufau ia i le aposetolo ma
faitaulaga sili ua ta'uta'uina e i ta-
2 tou, o Keriso Iesu lea; ua faamaoni
i le na tofia o ia, pei o Mose foi i
3 lona aiga uma. Auā e ta'uaogaina
o ia i le mamalu e sili i lo Mose, pei
ona sili o le viiga o lē saunia *le fale*
4 i lo le fale. Auā e taitasi fale ma
saunia e se tasi; a o le na te saunia
5 mea uma lava o le Atua lea. Na
faamaoni lava Mose i lona aiga uma,
o le auauna ia, ina ia molimau o ia i
6 mea o le a talaina mai; peitai ane o

Keriso, o le Alo ia e pule i lona lava
aiga; o lona aiga i tatou, pe afai
tatou te taofi mau i le faamalosi
ma le mitamita i le faamoemoe seia
oo i le gataaga. O le mea lea, pei
7 ona fetalai mai ai le Agaga Paia, O
le aso nei afai tou te faalogo ai i
lona siufofoga, aua tou te faamaaa
8 i o outou loto, pei o le faaonoono i
le aso na faaososo ai i le vao; sa
9 faaososo mai ai o outou tamā ia te
au, sa tofotofu mai ai ia te au,
a ua latou iloa a'u galuega i ona
tausaga e fagafulu; o le mea lea
10 na ou 'ino'ino ai i lona tupulaga, ma
ou fai ane, Ua sese pea lava i o la-
tou loto, ua le iloa e i latou o'u ala;
ona ou tauto ai lea i lo'u ita, Latou
11 te le sao atu lava i lo'u malologa.
Le au uso e, ia outou, ne'i ai i so
12 outou le loto leaga ma le le talitonu,
tou te o ese ai i le Atua soifua; a
13 ia outou fefamafanafanai i lea aso
ma lea aso, manū o ta'ua o le aso
nei, ina ne'i loto fatu so outou i le
14 pepelo o le agasala; auā e mafuta
faatasi o i tatou ma Keriso, pe afai
tatou te taofi mau lava i lo tatou
muai faatuatua e oo i le gataaga;
Manū o fai mai, O le aso nei afai
15 tou te faalogo ai i lona siufofoga,
aua tou te faamaaa i o outou loto,
pei o le faaonoono. Auā o ai ea i
16 latou e na faaonoono ina ua latou
faalogologo? e le o i latou uma ea
e na o atu nai Aikupito *sa ta'ita'i-*
ina e Mose? O ai foi i latou sa
17 'ino'ino o ia i ai i ona tausaga e
fagafulu? e le o i latou ea e na
agasala, sa oti o latou tino i le vao?
O ai foi i latou na ia tauto i ai,
18 latou te le sao atu i lona malologa?
e le o i latou ea e na faalogogata?
O lenei, ua tatou iloa na le mafai
19 ona sao atu i ai i latou ona o le le
talitonu.

O le malologa e maua i le faatuatua.

O LENEI, ia tatou fefefe, ina ua
4 tuuina mai pea o le upu ua folafola
mai ia sao atu ai i lona malologa,
ne'i ai so outou e faaleoo atu i ai.
Auā foi ua tala'iina mai i tatou i le
2 tala lelei e pei o i latou; a ua le
aoga le upu na latou faalogologo i
ai, ina ua le faatatauina ma le faa-
tuatua i e na faalogologo i ai. Auā 3

tatou te sao atu i le malologa, o i tatou o e ua faatuatua, pei ona fetalai mai o ia, Pei ona ou tauto i lo'u ita, Latou te le sao atu lava i lo'u malologa; o le malologa lava lea i le galuega na faia ina ua uma ona
 4 faavaeina o le lalolagi. Auā ua fai mai i le tasi upu i le aso fitu, ua faapea mai, Na malolo foi le Atua
 5 i le aso fitu i ana galuega uma. Ua toe faapea foi i lenei upu, Latou te
 6 le sao atu lava i lo'u malologa. O lenei, ua tuuina mai pea ona ia sao atu i ai o isi, mona ua le sao atu i ai o e na muai tala'iina i ai le tala
 7 lelei ona o le faalogogata, ona toe tuupo ai lea o ia i le tasi aso i lana na fetalai mai e Tavita, O le aso nei, ina ua mavae o ia tausaga e tele, pei ona fetalai mai, O le aso nei afai tou te faalogo ai i lona siufofoga, aua tou te faamaaa i o
 8 outou loto. Auā ana faaoo e Iosua ia i latou i le malologa, po ua le toe
 9 ta'uina e le Atua o se tasi aso. O lenei, ua tuuina mai pea o le malologa faasapati mo tagata o le Atua.
 10 Auā o le ua sao atu i lona malologa, ua malolo foi o ia i ana lava galuega,
 11 faapei o le Atua i ana lava. O lenei, ina tatou finafinau ia ina ia sao atu i lona malologa, ne'i ai se tasi e pa'i i lona faaa'oa'o i lo latou faalogogata. Auā o loo ola le afiga a le
 12 Atua, o loo matuā galue foi, o loo sili foi lona maai i pelu uma e faatau maai itu, o loo vaevae foi e oo lava i le vavaeeseina o le loto ma le agaga, o gaugātino foi ma aano o
 13 ivi, o loo faamasino foi i manatu ma filifliga o le loto; e le lilo foi se tasi mea na faia i ona luma, a ua taatia fua ma ua aliali mai o mea uma lava i lana silafaga, tatou te ta'u atu ia te ia a tatou amio.
 14 O lenei, ua ia i tatou le faitaulaga silisili, ua afo atu i le lagi, o Iesu le Alo o le Atua, ia tatou taofi mau ai i la tatou e ta'utino atu. Auā e le
 15 ia te i tatou se faitaulaga sili e le mafaia ona tiga alofa faatasi ma i tatou o i tatou vaivai, a ua faaosoosoina o ia i mea uma pei o i tatou,
 16 a ua leai se agasala ia te ia. O le mea lea ia tatou faalatalata atu ai ma le faamalosi i le nofoālii o le alofa tunoa, ina ia alofaina ai o i

tatou, ia maua ai foi le alofa tunoa e fesoasoani mai i ona aso e tatau ai.

O le mamalu o le faiva o le faitaulaga ua i le Mesia.

AUĀ o faitaulaga sili uma lava
 5 ua filifilia mai i tagata, ua tofia i latou mo tagata i mea a le Atua, ina ia faitaulaga i latou i mea alofa
 2 ma taulaga ona o agasala, latou te mafaia ona agamalu i e ua valelea
 3 ma e ua sese, ina ua siosiomia foi i latou i le vaivai; ona o lenei mea
 3 foi e tusa ona faitaulaga ai o i latou e totogi a'i agasala a le nuu, ia faapea foi ona fai mo i latou lava. E
 4 le fai fua foi e se tasi lenei faiva mamalu, tau o le ua filifilia e le
 5 Atua, e faapei o Arona foi. E faapea foi Keriso na le faamaualugaina o ia e ia ina ia fai o ia ma faitaulaga sili, a o ia sa fetalai mai ia
 6 te ia, O lo'u atalii oe, ua ou fanaua oe i le aso nei. E pei ona fetalai mai ai foi o ia i le tasi upu, O le faitaulaga oe e faavavau, e uiga faatasi
 7 ma Mekisateko. O ia lenei sa tatolo atu i ona po na tino tagata mai ai, ma aioi atu ma le tagi tele ma loimata i le na mafaia ona faaola ia
 8 te ia nai le oti, na faafogaina foi o ia i le mea na ia fefe ai. E ui lava o ia o le Alo, a o mea sa tiga
 9 ai o ia na a'oa'oina ai o ia ia usi-usitai, ua faatoatoaina foi o ia, ona avea ai lea o ia ma tupuga o le ola
 10 e faavavau ia i latou uma o e usi-usitai ia te ia; ua ta'ua e le Atua o le faitaulaga sili, e uiga faatasi ma Mekisateko.

Ua ia i matou upu e tele ia te ia, e faigata foi ona faamatalaina, ina ua avea outou ma tagata a'oa'ogata. Auā foi ana fai outou ma a'oa'o po
 12 ua tatau ai ina ua leva, a e ao ina toe a'oa'oina outou e se tasi i mataupu muamua o le afiga a le Atua; ua avea foi outou ma e o tusa i ai
 13 le suāsusu, a e le o mea aano. Auā o i latou uma ua faasusuina i le sua susu, e le atamamai i latou i le upu o le amiotonu; auā o tama meamea
 14 i latou; a o mea aano, mā e matutua ia, o i latou ua masani ona lagona ina ua a'oa'osoina e iloa ai le lelei ma le leaga.

Ia tumau i le faatuatua, auā e faamaoni le Atua.

- 6 O LE mea lea ina tatou tuua ai ia o mataupu muamua a Keriso, a ia tatou faaoo atu i le faaatoatoaga; aua le toe tuuina i lalo le faavae o le salamo i galuega e oti ai, ma le 2 faatuatua i le Atua, o le mataupu i papatisoga, ma le faaee atu o lima, ma le toe tutū mai o e ua oti, ma le 3 faamasinoga e faavavau. Tatou te faia foi lena mea, pe a finagalo i ai 4 le Atua. Auā e le mafaia ia te i latou e na muai faamalalamaina, na latou tofo foi i le mea foaifuaina mai i le lagi, ma ua faatufutofusia i 5 le Agaga Paia, o e ua tofo foi i le upu lelei a le Atua ma le mana o le 6 ola atali, ma ua pauu i latou, e le mafaia ona toe faafouina o i latou ina ia salamo, ina ua toe faasatauroina e i latou lava le Alo o le Atua, ma faainosia o ia i luma o tagata. 7 Auā o le elele e inu i le ūa e paū soo i ai, ma tutupu ai fua e aoga ia te i latou o e galulue i ai, ua maua 8 le manuia mai le Atua; a o le mea e tutupu mai ai laaū tuitui ma anaoso, ua lafoaiina lea, ua latalata foi ina fetuuina, o lona iuga ia susunuina. A o outou, le au pele e, e ui 9 lava ina ua faapea ona matou tautala atu ai, matou te mautinoa i mea e sili ona lelei mai ia te outou, 10 o mea foi ua i ai le ola. Auā e le amioletonu le Atua, na te le faagalagaloina la outou galuega ma le faamalosi i le alofa ua outou faaali mai ai i lona suafa, auā na outou 11 auauna i le au paia, i le o loo outou auauna i ai. A ua matou mananao tele ina ia outou taitasi ma faaali mai lea lava filigā, ina ia mautinoa le faamoemoe e oo i le gataaga; 12 ina ia le paie, a ia faaa'oa'o i e ua maua i le faatuatua ma le onosai mea na folafolaina. Auā a o folafola mai e le Atua ia Aperaaamo, ua le mafaia ona tauto o ia i se tasi e sili ia te ia, o lea na tauto ai o ia ia 14 te ia lava, ua faapea mai, E moni lava, ou te matuā faamanuia ia te oe, ma ou matuā faatoateleina lau 15 fanau. Na onosai lava o ia, ona maua lea e ia o le mea na folafola 16 ina. Auā e tauto tagata i se tasi e

sili, o le tauto foi e faamaoni ai, o le iuga lea o fesinauaga uma ia i latou; e faapea foi le Atua, ina ua 17 finagalo ai o ia e faailoa atili ai i e ua tofia i mea na folafolaina, o lana lava pule e le mafaia ona liua na ia faaopoopo i ai le tauto, ina ia ia i 18 tatou o mea e lua e le mafai ona liua, e le mafai ona pepelo ai le Atua, tatou te maua ai le faamafanafanaga tele, o i tatou o e ua sosola e tago atu i le faamoemoega ua tuu i o tatou luma; ua ia i tatou 19 lena faamoemoega pei se taula o le agaga, e le matosina ma ua mau-sali, e oo foi i totonu i tala atu o le ie puipui, o le mea ua afio atu ai 20 Iesu, o le ua muamua atu mo i tatou; ua fai o ia ma faitaulaga sili e faavavau, e uiga faatasi ma Mekisateko.

O le faiva o le faitaulaga o Iesu e uiga faatasi ma Mekisateko.

AUĀ o lenei Mekisateko, o le 7 tupu o Salema, o le faitaulaga a le Atua silisili ese, o le na fetai ai ma Aperaaamo ina o foi mai o ia mai le fasiga o tupu, ma na faamanuia atu ia te ia; sa foai atu foi e Aperaaamo ia te ia mea e sefulu a'i o mea uma, (o le uiga muamua o lona igoa, o le tupu o le amiotonu, i le ma le tupu o Salema o le tupu o le filemu lea;) e leai sona tamā, e leai sona tinā, e 3 leai ni ona tupuga, e leai se amataga i ona aso, po o se gataaga i lona soifua, a ua faapei o le Alo o le Atua, ua tumau o ia o le faitaulaga e faavavau. O lenei, ina manatunatu ia i le sili o lena alii, sa foaina atu ia te ia e lea tupuga o 4 Aperaaamo o mea e sefulu a'i mea na faoa. O i latou foi o le fanauga a Levi, o e ua fai le faiva o ositaulaga, ua poloaiina i latou i le tulafono ia fai mā latou mea e sefulu a'i mea a le nuu, o latou uso lava ia, a o i latou foi na tutupu mai le 6 tino o Aperaaamo; a o ia e le mai ia i latou lona tupuga, na ia maua mea e sefulu a'i mea mai ia Aperaaamo, ma na faamanuia atu i le na i ai upu na folafolaina. Ua lāuiloa 7 foi, e faamanuia le ititi e le sili. O i lenei mea foi o loo talia mea e sefulu a'i mea e tagata e oti; peitai 8

o i le la mea e talia e le ua ta'ua
 9 mai lava o loo ola ia. Afai foi e
 tusa ona ou faapea atu, o Levi o lē
 talia o mea e sefulu a'i mea, na ia
 avatua mea e sefulu a'i mea e Ape-
 10 raamo; auā sa i le tino o lona tamā
 o ia ina o faafetaiai Mekisateko ia
 11 te ia. O lenei, afai na faaatoatoa-
 ina o mea i le faiva o faitaulaga
 faa-Levi, (auā na maua e le nuu le
 tulafono faatasi ma lea,) pe se a
 le toe aoga ona faatuina o le tasi
 faitaulaga, e uiga faatasi ma Meki-
 sateko, a e le ta'ua i le uiga faatasi
 12 ma Arona? Auā afai ua liua le
 faiva o faitaulaga, e ao lava ina
 13 liua le tulafono. Auā o ia ua ta'ua
 mai i ai o nei mea, o so le tasi itu
 aiga ia, e leai so latou na auauna i
 14 le fata faitaulaga; auā ua iloa tino
 lava na tupu mai ia Iuta lo tatou
 Alii, o le itu aiga lea na le ta'uina
 mai ai e Mose se upu i le faiva o
 15 faitaulaga. Ua atili ai foi ona iloa
 tino, pe afai ua faatuina le tasi fai-
 16 taulaga pei o Mekisateko, e le o se
 tulafono o se poloaiga faaletino ua
 fai ai o ia, a o le mana o le ola e le
 17 uma; auā o loo molimau mai o ia,
 O le faitaulaga oe e faavavau, e
 18 uiga faatasi ma Mekisateko. Auā
 foi ua tatalaina le poloaiga na mua-
 mua, ona o lona vaivai ma lona le
 19 aoga. Auā na le faaatoatoaina se
 mea e tasi i le tulafono, a o le faa-
 opopo o le faamoemoega e sili ona
 lelei na faaatoatoaina ai; ona o lea
 ua tatou faalatalata atu ai i le
 20 Atua. Pei ona sili foi o le ua i ai
 21 le tautoga; (auā ua faia i latou ma
 faitaulaga a e leai se tauto; peitai
 ane o ia na faia ma le tauto e le na
 fetalai atu ia te ia, Ua tauto le Alii,
 e le salamo ai lava ia, O le faitaula-
 22 laga oe e faavavau, e uiga faatasi
 ma Mekisateko;) e faapea foi ona
 faia o Iesu ma faataununga o le
 23 feagaiga e sili ona lelei. E toatele
 foi i latou sa fai ma faitaulaga, auā
 na le mafai ona tumau o i latou ona
 24 o le oti; peitai o ia ua tumau e
 faavavau, o le mea lea ua i ai ia te
 ia le faiva o faitaulaga e tumau
 25 pea; o le mea foi lea e mafai ai ia
 te ia ona faaola pea lava i e faalata-
 lata atu i le Atua ona o ia, auā o
 loo soifua pea ia e fautua mo i la-

tou. Auā e tatau ona ia ia i tatou 26
 o se faitaulaga sili faapena, e paia,
 e agamalu, e leai sona leaga, e tau-
 mamao ma ē agasala, e silisili foi ia
 i luga o lagi; e le aoga ia te ia i aso 27
 fai soo, pei o ia faitaulaga, e mua-
 mua ona fai o taulaga mo ana lava
 agasala, ona fai ai lea mo agasala a
 le nuu; auā ua atu tasi lava ona
 faia e ia o lea mea ina ua avatua o
 ia e ia ma taulaga. Auā o le tula- 28
 fono e faatuina ai tagata o i ai le
 vaivai, e fai ma faitaulaga sili; a o
 le upu o le tauto na mulimuli i le
 tulafono, ua faatuina ai le Alo ua
 faaatoatoaina e faavavau.

*O le faiva o faitaulaga o le Mesia
 ma le feagaiga e faavavau.*

O LE aano lenei o mea o loo tau- 8
 tala ai nei, ua ia i tatou le faitaulaga
 sili e faapena, o le ua nofo i le itu
 taumatau o le nofoālii o lē Silisili
 ese o i le lagi, o le auauna i le mea 2
 paia, ma le fale fetafai moni, sa faa-
 tuina e le Alii, a e le o tagata. Auā 3
 ua tofia faitaulaga sili uma ina ia
 faitaulaga i mea alofa ma taulaga;
 o le mea lea e ao ai ina ia i ai foi i
 faitaulaga sili o se mea e fai-
 4 taulaga a'i. Auā afai ana i ai o ia i
 le lalolagi, po ua le fai o ia ma fai-
 taulaga, auā o loo i ai faitaulaga o e
 faitaulaga i mea alofa e tusa ma le
 tulafono, o e o auauna i le mea 5
 faaa'oa'o ma le ata o mea faalelagi,
 pei ona a'oa'oina o Mose e le Atua,
 ina a fai le fale fetafai; auā na
 fetalai mai o ia, Ia oe, ne'i e le faia
 mea uma lava e pei o le faatusa sa
 faaali atu ia te oe i le mauga; a o 6
 lenei, ua maua e ia le faiva e sili, e
 pei ona faia o ia ma puluvaga o le
 feagaiga e sili ona lelei, o le ua faa-
 mauina i mea na folafolaina e sili
 ona lelei. Auā ana sao ona lelei o le 7
 feagaiga na muamua, po ua le sailia
 sona lua. Auā ua ta'ua e ia ua le sao 8
 le na muamua, ona fetalai atu lea o
 ia ia te i latou, O loo fetalai mai le
 Alii, Faauta mai, e oo mai, ona aso
 ou te osi ai se feagaiga fou ma le
 aiga o Isaraelu atoa ma le aiga o
 Iuta; e le pei o le feagaiga na ou 9
 faia ma o latou tamā, i le aso na ou
 tago atu ai i o latou lima e ta'itafi
 atu ia te i latou nai le nuu o Aiku-

pito; auā o loo fetalai mai le Alii, na le tumau i latou i la'u feagaiga, ona ou tuulafoai ai lea ia te i latou; 10 a o le feagaiga lenei ou te faia ma le aiga o Isaraelu pe a mavae atu ia aso, o loo fetalai mai ai le Alii, ou te tuuina atu a'u tulafono i o latou mafaufau, ma ou tusia i o latou loto; e fai foi a'u mo latou Atua, e 11 fai foi i latou mo'u nuu. Latou te le a'oa'o atu foi taitasi i lē la te tuaoi, ma taitasi i lona uso, e faapea atu, Ia e iloa le Alii; auā e iloa a'u e tagata uma lava, o tagatānuu atoa 12 ma alii; auā ou te faamagalo i a latou amioleaga, ou te le toe manatua foi a latou agasala ma o latou 13 solitulafono. O lana fetalaiaga lea, O le *feagaiga* fou, ua ta'utu'ai ai e ia o le ua muamua; a o le mea ua ta'utu'ai ma ua tauāu ina vaivai, ua latatala lea ina mavae.

Ua faasiliga ese le taulaga a Iesu i a le tulafono.

9 O LENEI foi, sa i le *feagaiga* na muamua o sauniga e auāuna a'i, ma 2 le mea paia faalelalagi. Auā na saunia le potu i luma, e ta'ua o le mea paia, sa i ai le tuugālamēpa, ma le laoi, ma le areto e laulauna i 3 luma; o ona tala atu foi o le lua o ie pui'pui sa i ai le potu e ta'ua o le 4 mea e sili ona paia, sa i ai le ipu auro e faamu ai mea manogi, ma le atolaau o le feagaiga ua liloia i auro, sa i ai le ipu auro faaofuofu sa i ai le manai, ma le tootoo o Arona sa tupu, ma papamaa o le feagaiga; 5 sa i ona luga foi kerupi pupula, sa maluia ai le nofoa o le alofa; o mea ia e le mafai ona talatala taitasi atu 6 ai nei. O lenei, ua faapea ona saunia o ia mea, ona ulufale soo lea o faitaulaga i le potu i luma, ma faia ai 7 a latou galuega; a o le potu i tua, e taitasi i tausaga ma foi faatasi i ai na o le faitaulaga sili, e le aunoa ma le toto, sa faitaulaga ai o ia mo ia lava, atoa foi ma agasala a le nuu; 8 ua faailoa mai ai e le Agaga Paia, e lei faaalua le ala i le mea e sili ona paia, ina o tu pea le muai fale fetafai; o le faatusa lea e oo mai i nei 9 ona po, o loo avatu ai mea alofa ma taulaga, e le mafaia ona faatoatoaina i la lona loto fuatia ifo o lē

auauna i ai, o i ai na o mea e 'ai, 10 ma mea e inu, ma fuluga eseese i le vai, ma faatonuga faaletino, na faatuina seia oo i ona po o le toe fuataiga. A o Keriso ua maluu mai, o 11 le faitaulaga sili i mea lelei atali, ua ui ane i le fale fetafai e sili ona lelei ma ona atoatoa, e le faia e lima, o lona uiga e le *faia* faalelalagi nei, ona ulu faatasi lava 12 lea o ia i totonu o le mea paia, e le ma le toto o 'oti ma tamai povi, a o lona lava toto, ua na maua le togila e faavavau mo i tatou. Auā afai o 13 toto o povi poa, ma 'oti, ma le lefulefu o le povi fafine taanoa, ua sausuau atu ai i e ua leaga, e faapaiaina ai e oo i le faamamāina o le tino, e 14 le sili ea ona faamamāina o outou loto fuatia ifo ai galuega e oti ai, i le toto o Keriso, o le na avatua o ia e ia e le Agaga e faavavau e fai ma taulaga e le ponā i le Atua, ina ia outou auāuna i le Atua soifua? O 15 le mea foi lea o loo fai ai o ia ma puluvaga o le feagaiga fou, ona o lona maluu foi e togila a'i agasala na faia a o i le muai feagaiga, ia maua ai e i latou ua valaauina o le tofi e faavavau na folafolaina. Auā 16 pe a fai se tofiga, se'i iloga e oti lē ana le tofiga, ona oo ai lea; auā e 17 faamaonia se tofiga ona o e ua oti, ina ua le aoga a o ola mai lē ana le tofiga. Auā na le faamauina le na 18 muamua a o le o i ai se toto; auā 19 ua uma ona ta'uaina atu e Mose i le nuu uma lava o poloaiga uma e tusa ma le tulafono, ona tago atu lea o ia i le toto o tamai povi ma 'oti, atoa ma le vai, ma fulufulu mamoe e mūmū, ma isopo, ua ia sausuauina atu ai le Tusi, atoa ma le nuu uma lava, ua fai atu, O le toto 20 lenei o le feagaiga ua poloaina atu e le Atua ia te outou; o le fale fetafai foi atoa ma mea uma e auāuna a'i na ia sausuauina atu ai faapea i le toto. Na toe ina uma 22 foi o mea uma ona faamamāina i le toto e tusa ma le tulafono; a le o i ai foi se faamaligiina o le toto, ua lei foi se faamagaloina. O le mea 23 lea sa tatatau ai ona faamamāina o faatusa o mea o i le lagi i ia mea; a o mea faalelalagi lava e faamamāina i taulaga e sili ona lelei i ia mea.

24 Auā ua le ulu atu Keriso i le mea
paia ua faia e lima, o le faatusa lea
o le mea moni, a o le lagi lava, ina
ia iloa ai nei o ia i luma o le Atua
25 mo i tatou; a e le ina ia avatu soo
o ia e ia ma taulaga, pei o le fai-
taulaga sili ona ulu atu i le mea
paia i lea tausaga ma lea tausaga
26 ma le toto ese; auā ana faapea po
ua tataua ona tigaina faalasi o ia
talua ona faavaeina o le lalolagi; a
o lenei, ua tasi lava le faaalai mai o
ia i le faaatoaga o tausaga, ina ia
aveeseina le agasala, ina ua faia o ia
27 e ia ma taulaga. Pei ona tofia foi
mo tagata ia tasi lo latou oti, a e
28 mulimuli ane o le faamasinga; na
faapea foi Keriso, ua tasi lava ona
avatu o ia ma taulaga, ina ia
aveina ai agasala a le toatele, e
faaali foi o ia ia te i latou o e faa-
talitali atu ia te ia i lona foi faalua
mai, e le ina ia aveina agasala, a ia
latou ola ai.

*O le taulaga na faia e Iesu ua ave-
eseina ai agasala.*

10 AUĀ o le tulafono ua i ai le ata
o mea lelei atali, a e le o le matuā
tusa o ia mea, e le mafaia lava i ia
taulaga o loo avatua soo lava i lea
tausaga ma lea tausaga ona faaatoa-
2 toaina o e faalatalata i ai. Ana
mafaia po ua tuua ia taulaga, auā
ana uma ona faamamāina o e na
auauna ai, po ua le toe iloa agasala
3 i le loto fuaia ifo; a o ia *taulaga* na
faamanatu ai agasala i lea tausaga
4 ma lea tausaga; auā e le mafai ona
aveeseina o agasala i le toto o povi
5 poa ma 'oti. O le mea lea ua fetalai
mai ai o ia i lona malū mai i le lalo-
lagi, O manu fasia atoa ma taulaga
ua e le finagalo i ai, a ua saunia e oe
6 le tino mo a'u; o taulaga mu ma
taulaga mo agasala ua e le fiafia i ai;
7 ona ou fai ane lea, Le Atua e, sila-
sila mai ia, ou te alu atu e faia lou
finagalo; (ua tusia a'u i le Tusi
8 taai.) Ua muamua ona fetalai mai,
O manu fasia, o taulaga foi, ma tau-
laga mu, ma *taulaga* mo agasala ua
e le finagalo i ai, ma e le fiafia i ai, o
mea ia ua faia e tusa ma le tula-
9 fono; ona toe fetalai mai lea, Le
Atua e, silasila mai ia, ou te alu atu
e faia lou finagalo; ua aveeseina ai

e ia le mea na muamua, ina ia faa-
tumauina o lona lua. O le finagalo
lea ua faapaiaina ai i tatou i le tau-
laga i le tino o Iesu Keriso na fai
faatasi.

Ua tutū foi faitaulaga uma ua
11 auuina i lea aso ma lea aso, o loo
avatu soo ia lava taulaga e le mafaia
lava ona aveeseina ai o agasala;
12 peitai ane o ia, na avatua e ia le
taulaga e tasi mo agasala, ona nofo
lea o ia i le itu taumata o le Atua
e faavavau, o loo faatalitali atu ai
13 pea, seia aveia i latou o e fai o ia mo
latou fili ma mea e tu ai ona aao.
Auā o le taulaga e tasi ua faaatoa-
14 toaina ai e ia e faavavau o e ua
faapaiaina. O loo molimau mai ai
15 foi le Agaga Paia ia i tatou; auā ua
uma ona muai fetalai mai o ia, O le
16 feagaiga lava lenei ou te faia ma i
latou pe a mavae atu ia aso, o loo
fetalai mai ai le Alii, ou te tuuina
atu a'u tulafono i o latou loto, ma
ou tusi ai i o latou mafaufau; o a
17 latou agasala foi ma o latou solitula-
fono ou te le toe manatua lava. O
18 lenei, o le mea o i ai le faamagaloina
o ia mea, ua leai se toe taulaga mo
le agasala.

O lenei, le au uso e, ua tatou sa'o-
19 loto e ulu atu i le mea e sili ona
paia ona o le toto o Iesu, i le ala
20 fou e ola ai, ua faapaiaina e ia mo i
tatou i le ie puipui, o lona lava tino
lea, mona ua *ia i tatou* le faitaulaga
21 sili e pule i le fale o le Atua, ina
tatou faalatalata atu ia ma le loto
faamaoni i le faatuatua ua mauti-
noa lava, o sausauna o tatou loto
nai le manatu ifo ua leaga, o taelea
foi o tatou tino i le vai manino;
ina tatou taofi mau ia i le faamoe-
23 moe ua tatou ta'utino atu ma le le
fefeifoiaia; auā e faamaoni o ia ua
folafola mai; ia tatou manatunatu
24 foi le tasi i le tasi, ina ia taufaatupu
ai le alofa ma galuega lelei; aua le
25 lafoaiina le faapotopotoina o i tatou,
pei o le masani o isi, a ia fefaama-
fanafanai; ia atili ai foi ona faapea
ina ua outou iloa o le aso o loo tau-
lata mai. Auā afai tatou te agasala
26 ma le loto i ai pe a uma ona talia o
le malamalama o le upu moni, ua le
toe lava se taulaga mo agasala, na
27 o le faatali ma le mata'u tele i le

- faasala, ma le toasa e mumū e susu-
 28 nu ai i e o tete e atu. O le na faa-
 leaogaina le tulafono a Mose na oti
 o ia i le mau a le toalua po o le toa-
 29 tolu, ua le alofagia; pe ni a fa outou
 i le sili o le mamafa o le tau i e ta'u-
 tatauina ai le ua soli le Alo o le
 Atua, ma ua ta'ulepaiaina e ia le
 toto o le feagaiga na faapaiaina ai o
 ia, ma ua upu leaga i le Agaga o le
 30 alofa tunoa? Auā ua tatou iloa le
 na fetalaia mai, O loo faapea mai le
 Alii, O ia te au le tau i ma sui, ou te
 tau i atu. I le ma lea, E faamasino
 31 e le Alii lona lava nuu. O le mea e
 mata'u tele ai ona maua e aao o le
 32 Atua soifua. A ia outou manatu i
 aso anamua, ina o faamalamalama-
 ina outou, na outou onosai ai i le
 33 taua tele o tiga; ina ua faia outou
 ma mataaga i upu faifai ma pua-
 puaga, tasi lea mea; i le ma lenei,
 ina ua faatasia outou ma e na faa-
 34 peaina; auā na outou alolofa mai i
 o'u noanoataga, ma outou onosai i
 le vetega o a outou oloa ma le olioli,
 ua iloa e outou ua ia te outou le
 oloa i le lagi e sili ona lelei ma le
 35 tumau. O le mea lea aua le lafoai
 ai o outou faamalosai, ua i ai le tau i
 36 e tele. Auā ua aoga ia te outou le
 onosai, ina ia maua e outou le mea
 na folafolaina, pe a uma ona faia e
 37 outou le finagalo o le Atua. Auā e
 toe itiiti itiiti lava, ona oo mai ai
 lea o lē maliu mai, e le faatuai mai
 38 lava. A e ola lē amiotonu i le faa-
 tuatua; i le ma lea, A tuumuli, e
 39 le fiafia lava lo'u loto ia te ia. A o
 i tatou e le ni e tuumuli i le malaia,
 a e faatuatua e ola ai le agaga.

*O le uiga o le faatuatua, ma le
 amio e tupu ai.*

- 11 A O le faatuatua, o le faalagolago
 lea i mea ua faamoemoe i ai, o le
 mautinoa lea o mea e le o vaia.
 2 Auā ona o lea na ta'uleleina ai o e
 3 anamua. O le faatuatua ua tatou
 iloa ai na faia mea uma i le afiga
 a le Atua; na le faia foi mea ua
 4 vaia i mea ua aliali mai. O le faa-
 tuatua na avatu ai e Apelu i le
 Atua le taulaga e sili ona lelei i la
 Kaino; ona o lea ua ta'ua ai o ia
 ua amiotonu, o loo ta'uleleia ana
 taulaga e le Atua; o le mea lea ua
 tautala mai ai pea o ia ua oti. O
 le faatuatua na aveeseina ai Enoka
 ina ia le oo ia te ia le oti, na le iloa
 foi o ia, auā na avea o ia e le Atua;
 auā a o lei aveeseina na ta'ua ai o
 ia o le ua fiafia i ai le Atua. A lei
 foi se faatuatua e le mafai ona fia-
 fia mai o ia; auā e tatou i lē alu
 atu i le Atua ona talitonu o loo soi-
 fua o ia, o ia foi na te tauia mai o e
 matuā saili ia te ia. O le faatuatua
 na fausia ai e Noa le vaa ina ua
 mata'u, e ola ai lona aiga, ina ua
 a'oa'oina e le Atua i mea e lei vaaia
 i ia ona po, na ia faasalaina ai le
 lalolagi, ua na maua ai foi le amio-
 tonu, o le amiotonu lea e i le faatua-
 tua. O le faatuatua na anaana ai
 8 Aperaamo, ina ua valaauina o ia e
 alu i le mea o le a maua e fai mona
 fanua, na ia alu foi e lei iloa po o
 fea a alu i ai. O le faatuatua sa
 9 āumau ai o ia i le nuu na folafola-
 ina, ina o fai mo tagata ese, sa nofo
 i fale ie, atoa ma Isaako ma Iakopo,
 o e na tofia faatasi ma ia i lea lava
 mea na folafolaina; auā na ia faa-
 10 talitali atu i se aai ua faavaeina, o
 lona mataisau ma le tufuga o le
 Atua lea. O le faatuatua foi na
 11 maua ai e Sara lava le malosi e fa-
 nau ai, na fanau foi o ia ina ua
 mavae tausaga o lona malosi, auā
 na manatu o ia e faamaoni mai o ia
 na folafola mai. O le mea lea sa
 12 tutupu mai ai mai le toatasi, o ia
 foi na oti i na mea, o le toatele pei
 o fetu o le lagi, pei o le oneone foi
 i le matafaga e le mafaitaulia. Na
 13 oti i latou nei uma lava o faatua-
 tua, e lei maua mea na folafolaina,
 a ua iloa ai e i latou a e mamao, na
 mautinoa foi, ma latou talia ma le
 fiafia, ma latou ta'utino mai o ta-
 gata ese i latou ma āumau i le lalo-
 lagi. Auā o i latou o e fai mai upu
 14 faapena, ua latou matuā faailoa
 mai o loo saili e i latou lo latou
 lava nuu. Auā foi ana manatua e
 15 i latou le nuu ua latou o mai ai, po
 ua mafaia e i latou ona toe foi atu i
 ai; a o lenei, ua latou naunau lava
 16 i le nuu e sili ona lelei, o le faale-
 lagi lea; o le mea lea e le mā ai le
 Atua ia te i latou, ina ia ta'ua o ia
 o lo latou Atua; auā ua saunia e ia
 o le aai mo i latou.

17 O le faatuatua na fai taulaga ai
Aperaamo ia Isaako, ina o tofotofo-
ina o ia, o le na talia foi upu na
folafolaina ua ia avatu ma taulaga
18 o lona atalii e toatasi, sa fetalai mai
le *Atua* ia te ia, E valaauina lau fa-
19 nau ia Isaako. Ua manatu o ia e
mafaia e le *Atua* ona toe faatu mai
ia te ia nai e ua oti, na ia maua mai
20 ai foi o ia i le faatusa. O le faatua-
tua na faamanuia atu ai Isaako ia
21 Iakopo ma Esau i mea atali. O le
faatuatua na faamanuia taitasi atu
ai e Iakopo i atalii o Iosefa, ina a
oti o ia, na ifo foi o ia ma tōonai i
22 le ulu o lona tootoo. O le faatua-
tua na faamanatu mai ai e Iosefa,
ina a oti, i le o ese atu o le fanauga
a Isaraelu, ma na poloai atu ai *ia i*
23 *latou* i ona ivi. O le faatuatua sa
natia ai Mose i masina e tolu e ona
mātua, ina ua fanau mai o ia, auā
na ia iloa o ia o le tama tino lelei;
na le fefefe foi i laua i le poloaiga a
24 le tupu. O le faatuatua na le mafai
ai Mose, ina ua matua o ia, ona ia
ta'ua o ia o le tama a le afafine o
25 Farao, ua filifili e ia ia agaleagaina
o ia faatasi ma tagata o le *Atua* e
lelei ai, a e aua le ia te ia le fiasia i
26 le agasala e vave mavae; ua mana-
tu o ia i le upu faifai ona o Keriso
o le oa lea e sili i faaputugāoa o
Aikupito; auā sa faanaunau o ia i
27 le taui. O le faatuatua na tuuina
ai e ia o Aikupito, ua le fefe i le ita
o le tupu; auā na faamalosi o ia
28 pei o sē iloa atu i le le o vaia. O
le faatuatua na ia fai ai le paseka,
ma le sausuina atu o le toto, ina
ia le papai ane ia i latou o le na
29 fano ai ulumatua. O le faatuatua
ua latou ui ai i le sami Ulaula pei o
le elelee matutu; ua taumafai i ai
tagata Aikupito, ona malelemo ai
30 lea o i latou. O le faatuatua na
solo ai pa o Ieriko, ina ua faataa-
miloaina i ona aso e fitu. O le faa-
31 tuatua, na le oti faatasi ai Raava le
fafine talitane ma e na le faalogo,
ina ua talifilemuina e ia e na asiasi
32 i le nuu. Se a foi la'u e toe fai
atu? auā e saasaa le aso e tala atu
ai ia Kitiona, ma Parako, ma Sama-
soni, ma Iefata, ma Tavita, ma Sa-
33 muelu, ma le au perofeta; o e na
faatoilaloaina malo i le faatuatua, na

fai ai amiotonu, na maua ai mea na
folafolaina, na pupuni ai gutu o le-
ona, na tinei ai le malosi o le afi, 34
na sao ai i le mata o le pelu, na
faamalosi ai i latou sa vaivai, na
avea ai ma fitafita i taua, na tutuli
ai 'au a nuu ese; na maua mai e 35
fafine o latou tagata oti ina ua toe
tu mai; na faataugaina nisi, ua le
talia e i latou le olataga, ina ia
maua e i latou le toe tu mai e sili
ona lelei; na tofotofoina isi i tau- 36
emuga, ma sasaina, atoa ma noa-
noataga, ma tuuina i fale puipui;
na fetogia i latou i maa, na vaevae- 37
esea i 'ili, na tofotofoina, na oti i
latou na fasia i le pelu; na feoai
solo ma oofu i pa'u mamoe ma pa'u
oti; o mativa i latou, ma puapuaga-
tia, ma faasaunoaina; (e le aoga le 38
lalolagi ona i ai o i latou;) na feoai
solo i latou i vao, ma mauga, ma
ana, ma lua i le elelee. O i latou 39
uma ia o e na ta'uleleia ona o le
faatuatua, na le maua e i latou le
mea na folafolaina; ina ua saunia e 40
le *Atua* se tasi mea e sili ona lelei
mo i tatou, ina ia le faaatoatoaina i
latou pe a le i ai i tatou.

*Ia tumau i le faatuatua, ma le
onosai, ma le amio Atua.*

O LENEI, o i tatou foi, o loo ua 12
vagavagaia e le faapotopotoga o e
matamata mai e faapea ona toatele,
ina tatou tuu ese ia o mea mamafa
uma, atoa ma le agasala e faalave-
lavecogofie ai i tatou, ia tatou taufe-
tuli ma le onosai i le ala tanu o i o
tatou luma, ma ia vaavaai atu ia 2
Iesu o le na te ta'ita'iina ma le na
te faaatoatoaina le faatuatua; o le
na onosai i le satauro, na faatauva
ia te ia le mā, ona o le olioli sa tuu
i ona luma, ua nofo foi o ia i le itu
taumatau o le nofoālii o le *Atua*.
Auā, ia outou mafaufau i le na ono- 3
sai i le faatu'i ese faapena ia te ia o
e agasala, ne'i faavaivai o outou
loto ma outou le lavatia. Ua oo i 4
nei ona po ua outou le tetee atu e
oo i le faasasaaina o outou toto i lo
outou tetee atu i le agasala; ua 5
galo foi ia te outou le apoapoiga o
loo fetalai mai ia te outou pei *ona*
tautala i fanau, Lo'u atalii e, aua le
faatauva i lou manatu le aoga a

le Alii; aua foi le faavaivai pe a
 6 aoaiina oe e ia. Auā o le ua alo-
 fagia e le Alii, ua aoai atu o ia ia te
 ia; ua sasaina foi e ia atalii uma ua
 7 talia e ia. Afai e talia e outou le
 aoaiga, o loo tausi mai le Atua ia te
 outou pei *ona tausi* i atalii; auā o
 ai se atalii ua le aoaiina e lona
 8 tamā? A e afai e aunoa outou ma
 le aoaiga, ua tofusua ai le *fanau*
 uma lava, o tama to i fale outou, a
 9 e le ni atalii. Auā foi sa ia i tatou
 tamā o tatou tino e na aoai mai ia i
 tatou, sa tatou faalogo i ai; a e le
 sili ea i se a ona tatou usiusitai i le
 Tamā o *tatou* agaga tatou te ola ai?
 10 Auā o i latou na latou aoai mai ia i
 tatou i nai aso itiiti i lo latou faita-
 lia; peitai ane o ia, *ua aoai mai* o ia
 e aoga ia i tatou, ina ia tofusua i
 11 tatou i lana amio lelei. O aoaiga
 uma foi a o i ai, e le manatu i ai o
 se mea e olioli ai, a o le mea e faa-
 noanoa ai; a e mulimuli ane e fua
 mai ai le fua o le amiotonu e manuia
 12 ai e ua a'oa'oina ai. O le mea lea
 ina faamalosi ai ia i lima ua gagase
 13 ma tulivae ua vaivai; i le ma lea,
 Ina fai ia o ala laulelei mo o outou
 vae, ne'i mapeva le *vae* ua pipili, a
 14 e lelei ina faamaloloina. Ia outou
 tausisi i le filemu ma tagata uma
 lava, i le ma le amio lelei, a aunoa
 ma lea, e leai se tasi na te iloa atu
 15 le Alii. Ia outou faaeteete ia te
 outou, ne'i ai se tasi e le maua atu
 le alofa tunoa o le Atua; ne'i ai se
 aa oona e tupu ae e faasoesa *ia te*
outou, ma leaga ai nisi e toatele;
 16 ne'i ai se faitaaga, po o se faatalale
 i mea paia, pei o Esau, o le na avatu
 lona tofi o le ulumatua e faatau a'i
 17 le 'ai e tasi. Auā ua outou iloa e
 mulimuli ane, ina ua manao o ia ia
 maua le faamanuia, ua teena o ia;
 auā e ui lava ina ua matuā faatoga
 ma loimata, a ua le maua e ia se
 mea e liliu ai le loto o *lona tamā*.
 18 Auā ua outoule oo mai i le mauga
 e mafai ona pa'i i ai, ma le afi
 mumū, ma ao uliuli, ma le pogisa,
 19 ma le afā, ma le taalili o le pu, ma
 le siufofoga ua fetalai mai, sa aioi
 atu e na faalogo i ai, aua le toe
 20 faapoopo i ai se upu; (auā na le
 lavatia i latou i le mea na poloa'ina,
 Afai foi o se manu e papai atu i le

mauga, e fetogia i maa, pe soso'a
 ia ati i se tao. Na faapea foi ona
 21 matautia o le mea na iloa, na fai
 mai ai e Mose, Ou te fefe lava ma
 ou gatete;) a ua oo outou i le
 22 mauga o Siona, ma le aai o le Atua
 soifua, o Ierusalemā faalelagi, ma
 agelu e manomanō, o le faapoto-
 23 potoga atoatoa ma le ekalesia o le
 au ulumatua e ua tusia i le lagi, ma
 le Atua o le faamasino aoao, ma
 agaga o e ua amiotonu ua faaatoa-
 toaina, ma Iesu le puluvaga o le
 24 feagaiga fou, ma le toto e sausu
 ai, o loo tala mai i mea e sili ona
 lelei i lo le *toto* o Apelu; ia outou,
 25 ne'i liliu ese outou ia te ia o loo
 fetalai mai. Auā afai na le sao i
 latou e na liliu ese i le na fetalai i
 le lalolagi, e matuā *le sao* lava i
 tatou pe a liliu ese ia te ia o *loo*
fetalai mai mai le lagi; o lona siu-
 26 fofoga na luluina ai le lalolagi i ia
 ona po; a ua folafola mai nei e ia,
 ua faapea mai, E toe tasi ona ou
 luluina, e le na o le lalolagi, a e
 atoa foi ma le lagi. O lenei *upu*
 27 foi, E toe tasi, ua faailoa mai ai le
 aveesega o ia mea e mafai ona lulu-
 ina, e pei o mea ua faia, ina ia
 tutumau o mea e le mafai ona lulu-
 28 ina. O lenei, ua maua e i tatou le
 malo e le mafai ona luluina, ia tatou
 faafetai ai, tatou te auuina ai i le
 Atua ma le migao, ma le mata'u ia
 29 fiafia mai ai o ia. Auā foi o lo tatou
 Atua o le afi maamaai ia.

O apoapoiga i mea eseese.

IA tumau le faalofani o le au
 13 uso. Aua le galo le alofa i tagata
 ese; auā o lea ua talia ai e isi o
 2 agelu ma le le iloa. Ia manatua e
 3 ua noanoatia, peiseai ua noanoatia
 outou faatasi ma i latou; *ia ma-*
natua foi e ua agaleagaina, auā o
 4 loo i le tino foi outou. Ia lelei
 le faiaavā i *tagata* uma, o le moega
 foi *ia* leai sona leaga; e faasa-
 laina e le Atua o e faitaaga ma e
 mulilulua. Ia aunoa a outou amio
 5 ma le matapeapea; ia gata ia o
 outou manao i mea ua ia te outou;
 auā ua fetalai mai o ia, Ou te le
 tuua lava oe, ou te le tulafoai lava
 ia te oe. O le mea lea tatou te
 6 mafai ai ona fai atu ma le faama-

- losi, O le Alii o lo'u fesoasoani ia, ou te le fefe lava i se mea e faia e
 7 tagata ia te au. Ia outou manatua o outou ta'ita'i, o e ua folafola atu le afoa a le Atua ia te outou; ia outou faaa'oa'o i lo latou faatuatua, ma ia mafaufau i le iuga o a latou
 8 amio. O Iesu Keriso e le liu lava ia o ananafi, ma le asō, e oo foi i le
 9 faavavau. Aua le feaveaaina outou i mataupu ese ma uiga eseese; auā e lelei ina faatuma'ina o le loto i le alofa tunoa, e le o mea e 'ai, ua
 10 leai se aoga i e ua taofi i ai. Ua ia i tatou le fata faitaulaga, e le tatau ona 'ai i mea o i ai ē o auaua i le
 11 fale fetafai. Auā o ia manu ua ave o latou toto i le mea paia e le faitaulaga sili e fai ma taulaga mo agasala, ua susunu o latou tino i tua o le toagālauapi. O lea na tiga ai
 12 Iesu i tua o le faitotoa o le aai, ina ia faapa'aina ai e ia o le nuu i lona lava toto. O le mea lea ina tatou o
 13 atu ai ia te ia i tua o le toagālauapi, ma ia tatou onosai i le upu faifai
 14 pei o lona faifaiga; auā ua leai so tatou aai tumau iinei, a ua tatou
 15 saili i lē atali. O lenei, o ia tatou te avatu soo ai le taulaga o le viiga i le Atua, o le fua lea o tatou laugutu, o loo faafetai atu i lona suafa.
 16 Aua le galo ia te outou ona agalelei ma alolofa atu; auā o taulaga faapena e fiafia ai le Atua.
 17 Ia outou usiusitai i o outou ta'ita'i

ma outou gauai i ai; auā o loo leoleo i latou mo o outou agaga, latou te tala atu le tala i ai, ina ia faia ma le olioli, a e aua ma le tiga; auā e le aoga lea ia te outou. Ia
 18 outou tatalo mo i matou; auā o loo taofi i matou ua ia te i matou le loto fuatia ifo lelei, o loo loto i matou e amio lelei i mea uma lava; ua atili lo'u aioi atu ia te outou e fai
 19 lena mea, ina ia vave ona toe tuuina atu ai o a'u ia te outou.

A o le Atua e ona le manu'a, o le
 20 na toe faatuina mai nai e ua oti le Leoleo mamoe sili, o lo tatou Alii o Iesu, ona o le toto o le feagaiga e faavavau, ia faaatoatoaina outou e
 21 ia i galuega lelei uma lava, ina ia outou faia lona finagalo, ia galue o ia i totonu ia te outou le mea e mālīe i ona luma, ona o Iesu Keriso; ia ia te ia le viiga e faavavau faavavau lava. Amene.

Le au uso e, ou te aioi atu ia te
 22 outou, ia outou talia lenei upu apoapoi; auā foi ua ou tusi faasaasaa
 23 atu ia te outou. Ia outou iloa ua tuuina atu lo tatou uso o Timoteo, afai e vave sau ia, ma te asiasi atu ia te outou ma ia. Ua ou alofa atu
 24 i o outou ta'ita'i uma, atoa ma le au paia uma lava. O loo o alolofa atu i latou o i Italia ia te outou. Ia
 25 ia te outou uma le alofa tunoa. Amene.

O LE TUSI

A LE APOSETOLO O

IAKOPO.

O le tofotofoga ma ona uiga. O le anaana i le upu.

- 1 O A'U o Iakopo, o le auaua a le Atua ma le Alii o Iesu Keriso, o ou alofa atu i itu aiga e sefulu ma le
 2 lua ua faasalalauina. O'u uso e, ia outou manatu, o le mea e fiafia tele ai pe a maua outou i tofotofoga

escese; ina ua outou iloa o le tofotofoina o lo outou faatuatua e tupu ai le onosai; a ia atoatoa le galuega
 4 a le onosai, ina ia atoatoa ai ma ia sao ona lelei ai outou, ia leai se mea e tasi e mativa ai. A e afai ua leai se poto i so outou, ina ole atu ia i le Atua, o lē foai tele mai i tagata
 5 uma ma le le toe ta'uta'ua; ona

- 6 foaiina mai ai lea ia te ia. A ia ole
atu ma le faatuatua, aua lava ne'i
masalosalo; auā e lē masalosalo e
tusa ia ma le peau o le sami ua
sousedu i le matagi ma felafolafoai-
7 ina. Aua lava ne'i manatu lea ta-
gata na te maua se mea e tasi mai
8 le Alii; o le tagata faalotolotua e
9 faaletumau ia i ona ala uma. Ia
olioli le uso mativa ina ua faamaua-
10 lugaina o ia; a o le manoa ia *olioli*
o ia ina ua faamaulaloina; auā e
11 mavae atu ia pei o fuga o laau; auā
pe a alu ae le ia ma le vevela, ona
mamae ai lea o le vao, ua malili foi
lona fuga, ma ua faaumatia lona
matagofie; e faapea foi ona mavae
atu o le tagata mauoa i ona ala.
12 Amuia le tagata o lē onosai i le
faaososoga; auā a uma ona tofo-
tofoina e maua e ia le pale o le ola,
ua folafolaina mai e le Alii i e alo-
13 lola atu ia te ia. A faaososoina
se tasi, aua le faapea, Ua faaososo-
ina a'u mai le Atua; auā e le mafai
ona faaososoina o le Atua i mea
leaga, e le faaososo atu foi o ia i
14 se tasi; a ua taitasi ma faaososo-
ina, pe a tosina ma maileia i lona
15 lava tu'inanau; pe a to le tu'inanau
ona fanau mai ai lea o le agasala; a
matua le agasala ona fanaua mai ai
16 lea o le oti. O'u uso pele e, aua
17 ne'i sese outou; o mea lelei uma e
foaifuaina mai, atoa ma mea alofa
uma e atoatoa ona lelei, mai luga
lava ia, e alu ifo mai le Tamā o
malamalama, e le o ia te ia se mea
18 faaletumau, po o sina liliu itiiti; o
lona finagalo na fanau ai i tatou i
le upu moni, ina ia fai i tatou ma
faapolopolo o ana lava mea na fai.
19 O lenei, o'u uso pele e, ia taitasi
le tagata ma faataalise ona faalogo-
logo, ia faagesegese ona tautala atu,
20 ia faagesegese ona ita. Auā e le
tupu le amiotonu mai le Atua i le
21 ita o tagata; o lea foi ia lafoai ai
mea eleelea uma ma le leaga e sili-
sili, ia talia ma le faamaulalo le
upu ua totōina, o lea e mafai ai ona
22 faalaina o outou agaga. A ia fai
outou ma e anaana i le upu, a e aua
le na ona faalogologo i ai, o faasese-
23 ina ai outou e outou. Auā ai se
tasi e faalogologo i le upu a e le
anaana i ai, e tusa ia ma le tagata
- ua vaavaai i le faaata i ona lava
mata na fanau ma ia; auā ua vaa- 24
vaai o ia ia te ia, ona alu ese lea,
ua galo loa le uiga o ona mata; a o 25
lē matuā matamata i le tulafono o
le sa'olotoga ua atoatoa ona lelei,
ma ua tumau i ai o ia, e le se faa-
logologo ma le faagalagalo lena ta-
gata, a o le anaana i le galuega, e
manuia o ia i lona lava anaana. Ai 26
se tasi o ia te outou e manatu ifo o
ia o le tagata amio Atua, a e le
taofi i lana upu, a e faaseseina e ia
lona lava lotu, ua le aoga lana amio
Atua. O lenei lava le amio Atua e 27
lelei ma le faamaoni i luma o le
Atua o le Tamā lea, ina ia tauasiasi
atu i e mātua oti ma fafine ua oti a
latou tane i o latou tiga, ia leoleo
foi o ia ia te ia, ina ne'i pisia mai o
ia i le lalolagi.
- Aua le faailogaina tagata. O le
uiga o le faatuatua.*
- O'u uso e, aua tou te faailoga 2
tagata i lo outou taofi i le *matapu*
o le faatuatua i lo tatou Alii ma-
malu o Iesu Keriso. Auā afai e 2
ulu atu se tagata i la outou faa-
potopotoga ma ni mama auro i ona
lima ma le ofu pupula, a e ulu atu
ai foi se tagata mativa ma le ofu
leaga, ona outou faaaloalo atu lea 3
ia te ia ua ofu i le ofu pupula, ma
faapea atu i ai, Ina alāla ia oe i
lenei mea lelei; a e fai atu i le ta-
gata mativa, Ina tu ia oe iina, pe
noso ia iinei i lalo o le mea e tu ai
o'u vae; e le ua filitaa ea outou ia 4
te outou lava, ma outou fai ma
faamasino e leaga o outou manatu?
O'u uso pele e, faalogologo mai ia; 5
e le ua filifilia ea e le Atua o e
matitiva i lenei lalolagi, o tama-
oiga i le faatuatua, ua tofia foi i
latou i le malo ua ia folafolaina mai 6
i e alolofa ia te ia? Peitai outou,
ua outou faaletaulalo le tagata ma-
tiva. E le ua faasaua ea o e tama-
oiga ia te outou, ma latou fetoso ia 7
te outou i le faamasinoga? E le
ua upu leaga ea i latou i le suafa
lelei ua igoa a'i outou? Afai foi 8
ua atoatoa ona anaana o outou i le
tulafono silisili, e tusa ma le Tusi,
Ia e alofa atu i lē luga se tuaoi, ia
pei o oe lava ia te oe, tou te amio

- 9 lelei ai; a e afai tou te faailogaina tagata, ua outou agasala ai, ua faa-
 10 iloaina ai i le tulafono o solitulafono outou; auā o sē tausi le tula-
 fono uma, a e agasala i se mea e tasi, ua nofo sala ia i mea uma.
 11 Auā o ia na fetalai mai, Aua le mulilua, ua fetalai mai foi o ia, Aua le fasioti tagata; afai e te le muli-
 lua, a ua e fasioti tagata, ua fai oe ma solitulafono. Ia faapea ona
 12 outou tautala, ia faapea foi ona outou faia, pei o e a faamasinoina i le
 13 tulafono o le sa'olotoga; aua o le alofa, e le alofagia o ia i le faa-
 masinoga; a o lē alofa, e olioli ia pe a faamasinoina.
 14 O'ū uso e, se a le aoga pe a fai mai se tasi ua ia te ia le faatuatua, a e le ia te ia galuega? e mafai ea le faatuatua ona faaola ia te ia?
 15 Afai ua le ofu se uso po o se tuafafine, ua leai foi sana mea e 'ai i lea
 16 aso ma lea aso, a fai atu so outou ia te i latou, Iua o ia outou ma le manuia, ia mafanafana, ma ia maona, a ua le foai atu ia te i latou ni mea e tatau i le tino, se a lona
 17 aoga? E faapea foi le faatuatua, pe afai e le i ai galuega, e mate
 18 lava ia'ina ua na o ia. A e fai mai se tasi, O ia te oe le faatuatua, o ia te au foi galuega; ia, ina faali mai ia ia te au lou faatuatua i au galuega, ou te faaali foi ia te oe lo'ū
 19 faatuatua i a'ū galuega. Ua e talitonu e toatasi lava le Atua; ua lelei lava lea; ua talitonu foi temoni
 20 ma latou tetemu. Le tagata valea e, e te le fia iloa ea ua mate lava le faatuatua pe a leai ni galuega? E lei ta'uamiotonuina ea lo tatou tamā o Aperamo i galuega, ina ua avatu e ia o Isaako lona atalii i luga
 22 o le fata faitaulaga? E te le iloa ea, na galulue faatasi le faatuatua ma ana galuega, o galuega foi ua
 23 atoatoa ai le faatuatua? Sa taunuu ai foi le Tusi, ua faapea mai, Na faatuatua Aperamo i le Atua, ona ta'ua ai lea ia te ia e fai ma amiotonu; sa ta'ua foi o ia o le uo a le
 24 Atua. O lenei, ua outou iloa ua ta'uamiotonuina le tagata i galuega,
 25 a e le na o le faatuatua. E faapea foi Raava le fafine talitane, e lei ta'uamiotonuina ea o ia i galuega,
- ina ua talia e ia e na aauina atu, na ia au ese atu ai foi *ia te i lava* i le tasi ala? E faapei o le tino ua oti ia pe a te'a le agaga, e faapea foi le faatuatua ua mate pe a leai ni galuega.
- O le laulaufaiva ma le leaga e tupu mai ai.*
- O'U uso e, ana le toatele outou e fai ma a'oa'o, iua ua tatou iloa e atili ai ona faasalaina o i tatou. Auā o mea e tele e sese ai i tatou uma; a le sese se tasi i le upu, o le tagata lea ua sao, na te mafaia foi ona taofi i le tino uma. Faauta, ua tatou avane faagutu i gutu o solofanua, ia latou usiuisitai mai ia te i tatou, ua tatou liliu ai foi o latou tino uma. Faauta mai foi i vaa, e ui lava ona tetele, ma faalelelelea i matagi tetele, e liua i le foeli ititi lava i le mea e manao i ai le tautai. E faapea foi le laulaufaiva, o le mea ititi lei, a ua lafo upu faasili. Faauta, o le afi ititi e mu ai le vao laau e tele. O le laulaufaiva o le afi lea, o le faupuega o amio leaga; ua faapea ona tuuina le laulaufaiva i o tatou itu tino, o loo leaga ai le tino uma, ua faamuina ai le olaga nei uma lava; ua faamuina foi *lena* mai Kēna. E mafai ona faalataina, ua uma foi ona faalataina i le poto o tagata, o *manu* amio eseese o manu feai ma manu felelei, o mea fetolofi ma mea ola i le sami. Peitai e le mafai e se tasi tagata ona faalata i le laulaufaiva; o le mea leaga e le mataofia, ua tumu i le mea oona e oti ai; o lea ua tatou vivii a'i i le Atua le Tamā, o lea foi ua tatou fetuu a'i i tagata ua faia e foliga i le Atua; e luai mai i le gutu e tasi le vivii ma le fetuu. O'ū uso e, e le tusa ona faia faapea o na mea. O le puna foi, e puna mai ai ea i le gutu e tasi le vai suamalie ma le vai oona? O'ū uso e, e mafai ea i le mati ona fua mai ai o le olive, po o le vine e *fua* mai ai le mati? e faapea foi ua leai se puna e puna mai ai le vai māi ma le vai magalo.
- O ai ea so outou ua poto ma ua malamalama? Ina faali mai ia e ia ai le amio lelei o ana lava galuega

14 i le agamalu o i ai le potō. A e afai o ia te outou le finau leaga ma le misa i o outou loto, soia le mitamita, *aua* foi le pepelo e faaleaga ai
15 le upu moni. E le o le potō lenei ua alu ifo mai lugā; a o la le lalolagi ia, o le mea faaletino, o le faatemoni *ia*. Auā o le mea e i ai le mataua ma le misa, o i ai le feavauai ma mea leaga uma. A o le potō mai lugā e muamua ona mamā, i le ua filemu, e agamalu, e ganagofie, e tumu i le alofa ma fua lelei, e le
18 alofa faapito, e le faatagā fai. Ua luluina foi le fua o le amiotonu ma le filemu e i latou o e faatupuina le filemu.

O le aoiaga i nisi amio leaga.

4 MAIFEA taua ma misa o ia te outou? E le o lenei ea, mai o outou manao leaga o loo tau i o outou
2 tino uma? Ua outou tu'inanau, a e lei maua; ua outou fasioti ma outou losilosi, a e tou te le mafai ona maua; ua outou femisai ma fai taua, a e lei maua, ina ua outou le
3 ole atu; ua outou ole atu, a e lei maua, auā ua ole atu ma le faaletataua, ina ia faauma ai *ia mea* i o
4 outou manao leaga. O outou tane mulilulua e, ma fafine mulilulua e, tou te le iloa ea o le fefaaauoai ma le lalolagi o le ita lea i le Atua? O
5 lenei, o sē fia upu ma le lalolagi, ua avea o ia ma ita i le Atua. Fa te outou ea ua fai mai fua le Tusi, O le loto o loo nofo i totonu ia te outou ua naunau ia i le mataua?
6 A ua foi mai e ia le alofa tunoa e sili; o lea ua faapea mai ai, E tetee atu le Atua i e faamaualuga, a e foai mai le alofa tunoa i e faamaualo.
7 O le mea lea ia outou gauai ai i le Atua; ia outou tetee atu i le tiapolo, ona sola ese ai lea o ia ia te
8 outou. Ia outou faalatalata atu i le Atua, ona faalatalata mai lea o ia ia te outou. Tagata agasala e, ina fafano ia o outou lima, o outou e faalotolotolua e, ina faamamā ia
9 o outou loto; ia puapugatia outou, ma ia faavauvau, ma fetagisi; ia liua o outou 'atafata ma faavauvau, ma lo outou fiasia i le faanoanoa;
10 ina faamaualalo ia i luma o le Alii,

ona faamaualugaina lea o outou e ia.

Le au uso e, aua tou te fefaiupu- 11 ai; o lē fai upu i lona uso, ma faamasino i lona uso, ua fai upu o ia i le tulafono, ma faamasino i le tulafono; afai foi ua e faamasino i le tulafono, e te le se anaana i le tulafono, a o le faamasino i *ai*. E toa- 12 tasi lava lē fai tulafono na te mafaia ona faaola ma fasioti; o ai ea oe e te faamasino i se tasi?

Faauta mai ia, outou o e fai'ane, 13 O le asō po o taeao tatou te o atu ai i lea aai, po o le tasi aai, ma nonofo ai i le tausaga e tasi, ma faatau, ma maua ai oloa; a e le iloa e 14 outou se mea e tupu a taeao. Auā pe se a lo outou ola? O le puao lava lea, ua aliali mai se itu aso iti- 15 iti, ona mou ai lea. A e tatau ona outou faapea, A finagalo i ai le Alii, tatou te ola ai, ma tatou faia lea mea ma lea mea; a o lenei, ua outou mitamita i a outou *upu* faamaualuga; e leaga le mitamita faa- 16 pena uma lava. O lenei, o le ua iloa e fai le mea lelei, a e le faia, o le agasala lea ia te ia.

O le toasa o le Atua i e saua; o le onosai; o le aoga o le tatalo.

FAAUTA mai ia; outou e ta- 5 maoaiga, ia outou fetagisi ma uio ona o puapuga o le a oo mai ia te outou. Ua pala la outou oloa, ua
2 atiatia o outou ofu i mogamoga; ua elea o outou auro ma ario; e fai
3 foi ma molimau ia te outou o latou ele, e 'aina ai o outou tino pei o se afi; ua outou faaputu mea i ona
4 aso e gata ai. Faauta, o le totogi o e galulue, e na faaputu le fua o outou fanua, ua taofia e outou, ua
5 alaga ia; o le alaga foi o e na selesele saito ua faafogaina lava e le Alii o Sapaota. Ua outou nonofo i
6 le nuu ma le sololelei, ma le fiasia i la le tino; ua fafagaina outou e outou, faapei o *manu* mo le aso e
7 fafasi ai. Ua outou faasala ma fasioti lē amiotonu, ua le tetee mai o ia ia te outou.

O lenei, le au uso e, onosai ia 7 seia oo i le afio mai o le Alii. Faauta, e faatali lē galue fanua i le fua

- aoga o le eleele, e faatalitali i ai, seia maua le uaga muamua ma lē
 8 mulimuli; ia onosai foi outou, ia faatumauina o outou loto, auā ua
 9 latalata le afio mai o le Alii. Le au uso e, aua tou te femuimuiai, ne'i faasalaina outou; faauta, ua tu mai le faamasino i luma o le faitotoa.
 10 O'u uso e, ia outou faaa'oa'o i le faatoatoa i le leaga, atoa ma le onosai o le au perofeta, e na tautala mai i le suafa o le Alii. Faauta, ua tatou ta'uamuia i e onosai; ua outou faalogologo i le onosai o Iopu, ua outou iloa foi le iuga i la le Alii, ina ua mutimuti vale tele le Alii ma le alofa naunau. O'u uso e, e muamua lava i mea uma *lenei*, aua lava ne'i outou tauto, po o i le lagi, po o i le fanua, po o se tasi lava tautoga; a e tau lava o la outou ioe, ioe, ma la outou leai, e leai; ina ne'i faasalaina ai outou. Ua tigaina ea so outou? ina tatalo ia. Ua fiafia ea se tasi? ina pese ia. Ua ma'i ea

so outou? ina aami atu ia i toeaina o le ekalesia, ia latou tatalo mo ia, pe a uma ona faauu ia te ia i le suānu i le suafa o le Alii. O le 15 tatalo foi e faia i le faatuatua e faaolaina ai le ma'i, e faatuina foi o ia e le Alii; afai foi ua agasala, e faa-magaloina ia. Ia fefaaaliai a outou 16 agasala, ma tatalo le tasi mo le tasi, ina ia faamaloloina outou. Ua aoga tele le tatalo faatauana a le tagata amiotonu. O Elia o le tagata ia e 17 tusa ma i tatou, ua matuā tatalo o ia ina ia le ua; ona le uaina ai lea o le fanua i tausaga e tolu ma masina e ono. Ua toe tatalo foi, ona 18 to ifo ai lea o le ua mai le lagi, ona fua mai ai lea o le eleele i ona lava fua. Le au uso e, ai se tasi o ia te 19 outou ua sese i le upu moni, a ua faafoi mai se tasi ia te ia, ia iloa e 20 ia, o lē faafoi mai le tagata agasala nai lona ala sese, e faaolaina e ia le agaga nai le oti, e uāfufi foi o ia le vao agasala.

O LE TUSI

MUAMUA A LE APOSETOLO O

PETERU.

O le faafetai i le Atua ona o mea ua faaifuaia mai. Ia nonofo ma le amio Atua.

- 1 O A'U o Peteru, o le aposetolo a Iesu Keriso, o la'u tusi *lenei* i e ua āumau, ma ua faataapeapeina i Pono, ma Kalatia, ma Kapatokia,
 2 ma Asia, ma Pitunia, o e ua filifilia e tusa mona muai silafia e le Atua le Tamā, i le faapaiaina e le Agaga, ia iu ai i le gauai ma le saaluuga o le toto o Iesu Keriso; ia faateleina ia te outou le alofa tunoa ma le manuia.
 3 Ia faafetaia le Atua, le Tamā o lo tatou Alii o Iesu Keriso, o le na fanaufouina i tatou ona o lona alofa tele, ina ia iu i le faamoemoe ua ola,

i le toe tu mai o Iesu Keriso nai e ua oti, ia iu i le tofi e le pala, e leai se leaga o i ai, e le mamae lava, o loo teu i le lagi mo i tatou, o e o leoleoina e le mana o le Atua, i le faatuatua, ia iu i le ola ua saunia, e faaalua mai i ona po e gata ai. O 6 lea ua outou olioli ai, e ui lava ona faanoanoa o outou i nai aso nei, (pe afai e tatau ai,) i tofotofoga eseese. O le tofotofoga foi o lo outou faa- 7 tuatua, e silisili ona aoga i le auro e faaumatia, e ui lava ina tofotofoina i le afi, e avea ma mea e iu i le viiga, ma le mamalu, ma le manuia pe a faaalua mai Iesu Keriso; e le o iloa atu outou ia te ia, a ua alolofa ia te ia; e le o vaai 8 atu nei foi ia te ia, a o loo faatuatua

I. PETERU, 2.

- ia te ia, tou te olioli ai ma le fiafia e le matalatalaina, e silisili ese lava ;
 9 e maua foi le iuga o lo outou faa-
 tuatua, o le faaolaina lea o outou
 10 agaga. O le olataga lea na tau-
 sailiili i ai ma tausuesue i ai o pero-
 feta, o e na valoia mai le alofa tunoa
 11 e oo ia te outou na, o e na sailiili po
 o afea ona po, ma le uiga o ona po
 na faailoa mai e le Agaga o Keriso
 sa i totonu ia te i latou, ina ua
 muai faailoa mai o tiga o Keriso, ma
 12 le mamalu e mulimuli ane i ai ; na
 faaalai mai ia te i latou e le ona o i
 latou, a o i latou, na latou tuuina
 mai ai ia mea, o mea ia ua faa-
 matalaina atu nei ia te outou e i
 latou o e folafola atu le tala lelei ia
 te outou, ma le Agaga Paia ua
 auina mai mai le lagi ; o mea ia e
 naunau i ai le au agelu i le fia
 matamata i ai.
- 13 O lenei, ia outou fusi ae i sulu-
 gatiti o outou mafaufau, ia faa-
 utatia, ia atoatoa ona faamoemoe, i
 le alofa tunoa e molia mai ia te
 outou pe a faaalai mai Iesu Keriso.
- 14 Ia pei o fanau gauai, aua ne'i faa-
 tusaina outou e outou i o outou
 15 tu'inanau tuai, a o vālea outou ; a e
 pei ona paia o ia na valaauina outou,
 ia faapea foi outou ona paia i a
 16 outou amio uma ; auā ua tusia, Ia
 paia outou, auā o a'u nei e paia
 17 lava a'u. Afai foi tou te valaau atu
 i le Tamā o le na te le faailogaina
 tagata, o le na te faamasino e tusa
 ma le galuega a tagata e taitoatasi,
 ia outou nonofo ma le mata'u, a o
 18 outou o āumau iinei. Auā ua outou
 iloa e lei togilaina outou i mea e
 pala, o le ario po o le auro, nai la
 outou amio le aoga na tuuina mai e
 19 o outou tamā ; a o le toto tāua o
 Keriso pei o lo le tamai mamoe e
 le ponā lava, e leai foi sona leaga ;
 20 na silafia lava e ia anamua a o lei
 faavacina le lalolagi, a ua faaalai
 mai i ona po nei e gata ai ona o
 21 outou o e faatuatua i le Atua talu o
 ia, na ia toe faatu mai ia te ia nai e
 ua oti, ma na avatu le mamalu ia te
 ia, ina ia i ai i le Atua lo outou faa-
 22 tuatua ma lo outou faamoemoe. Ua
 outou faamamā i o outou loto i le
 gauai i le upu moni e le Agaga, ua
 iu i le alofa faamaoni i le au uso, o
- le mea lea ia matuā fealofani ai
 outou ai le loto naunau ; ua fanau- 23
 fouina outou e le o le fua e pala, a
 o le fua e le pala lava, o le afioga a
 le Atua lea ua ola ma ua tumau e
 oo i le faavavau. Auā o tagata uma 24
 lava e tusa ia ma le mutia, o le
 matagofie uma foi o tagata e pei o
 le fuga o le vao ; e magumagu le
 mutia, e toulu foi ona fuga ; a o le 25
 afioga a le Alii e tumau lea e faa-
 vavau lava. O le afioga foi lea ua
 folafolaina atu ia te outou na.
- O Iesu le faavae. O le amio e tatau
 i tagata eseese.*
- O LENEI, ia tuueseina e outou 2
 le loto leaga uma lava, ma le faa-
 'ole'ole uma, ma le taupelopelo, ma
 le mataua, ma tautatalalaga leaga
 uma lava ; faapei o tama meamea 2
 faatoa fanau mai ia naunau outou i
 le suāsusu e le suia o le upu, ina ia
 outou tutupu ai, pe afai ua outou 3
 iloa e agalelei lava le Alii. Ua 4
 outou o mai ia te ia, o le maa ola o
 ia na lafoaiina e tagata, a ua filifilia
 e le Atua, ua tāua lava, o outou foi, 5
 ua atiina ae outou pei o maa ola, o
 le fale faaleagaga, o le au ositau-
 laga paia, e avatu taulaga faale-
 agaga e mālīe i le Atua ona o Iesu 6
 Keriso. Auā foi ua i le Tusi, Faa-
 uta, ou te tuu i Siona le maa tuli-
 manu ua filifilia, ma le tāua ; e le
 ma foi sē faatuatua ia te ia. O 7
 lenei, ua ia te outou o e faatuatua
 lenei mamalu ; a o e faalogogata, O
 le maa na lafoaiina e tufuga fai fale,
 ua avea lava lea ma tulimanu aupito-
 aluga, ma maa e tausuai ai, ma papa 8
 e tautevateva ai ; o e tausuai i latou
 ua faalogogata i le upu, na tofia foi
 i latou i lea lava mea. A o outou o 9
 le tupulaga ua filifilia outou, o tupu
 ma ositaulaga, o le nuu paia, ma le
 nuu na faataua mai, ina ia outou
 ta'uta'u atu ona lelei na ia valaau ia
 te outou nai le poulini e oo i lona
 lava malamalama e matuā ofo ai ; o 10
 e na le fai ma nuu anamua, a o ona
 po nei ua fai ai ma nuu o le Atua ;
 o e na le alofaina, a o lenei ua
 alofaina lava.
- Le au pele e, ou te aioli atu ia te 11
 outou o tagata ese ma e āumau, ia
 mamao outou ma tu'inanau o le

- tino, o mea ia e tau ma le agaga.
- 12 Ia lelei a outou amio i luma o nuu ese, o le mea latou te fai upu leaga ai ia te outou, peiseai o tagata amio leaga outou, latou te vaavaai ai i a outou amio lelei, ona latou vivii atu ai lea i le Atua i le aso e asiasi mai
- 13 ai. O lenei, ia outou usiusitai atu i tofiga uma a tagata auā o le Alii;
- 14 po o le tupu ina ua sili; po o alii, o i latou ua auaina mai e ia ina ia faasalaina ai ē amio leaga, a ia viia ē amio lelei. Auā o le finagalo lea o le Atua, o la outou amio lelei ia faalologo ai le valea o tagata pouliuli; pei o e sa'oloto, a e aua ne'i fai le sa'olotoga ma ufiufi o le loto leaga, a ia faapei o auauna a le
- 17 Atua. Ia outou ava i tagata uma; ia alolofa atu i le au uso; ia mata-tau i le Atua; ia ava i le tupu.
- 18 O outou auauna, ia outou usiusitai ma le mata'u uma i o outou matai, aua ne'i gata ai i e agalelei ma e
- 19 agamalu, a o e amio paa foi. Auā o le mea lenei e mālīe, pe afai o le loto fuatia i la le Atua e onosai ai se tasi i le tiga, o loo faatigaina fua
- 20 lava o ia. Auā pe se a se viiga e maua pe afai tou te onosai pe a tu'ia outou ona o le agasala? a e afai tou te onosai pe a tigaina outou a o amio lelei, o le mea lava
- 21 lea e mālīe i le Atua. Auā na valaauina outou ona o lea lava mea; auā na tigaina Keriso lava o le sui o outou, ua tuuina mai ai e ia le faaa'oa'o mo outou, ina ia outou
- 22 mulinuli atu i ona tulagāāao. O le na le agasala lava, na le iloa foi se
- 23 pepelo i lona fofoga; o le sa agateleina, a e lei toe agatele atu, na faatigaina o ia, a e lei faamatau atu, a ua tuuina atu o ia e ia i le na te
- 24 faamasino tonu. O le na aveina e ia lava a tatou agasala i lona lava tino i luga i le laau, ina ia tete'a outou ma agasala, tatou te nofo ai i le amiotonu, O ona faalavalava ua
- 25 malolo ai i tatou. Auā o outou sa faapei o mamoe na sē, a o lenei ua toe liliu mai outou i Le na te leo-leoina ma tausia o outou agaga.

*O le amio e tatau i avā ma tane.
Ia loto tetele pe a faasauaina.*

IA faapea outou fafine, ia usiusitai i a outou lava tane, afai foi e le faalogo nisi i le upu, ia maua i latou i le amio lelei a avā, a e leai se upu, pe a latou vaai ane i a outou amio le gaoiā ma le mata'u. Aua ne'i faia i le tino a latou teuga, o le fili lea o le lauulu, ma le teuteu i auro, ma le oofu i ofu; a o le tagata lilo o le loto, *ia teua lea* i le mea e le pala, o le loto agamalu ma le filemu, o le mea tau tele lava lea i luma o le Atua. Auā sa faapea foi fafine paia anamua ona teuteu ia i latou, o e na faamoemoe i le Atua, na usiusitai i latou i a latou lava tane. Sa faapea Sara onā faalogo ia Aperaamo, na ia ta'ua o ia o le alii; ua fai foi outou ma ana tama, pe a agalelei ma le le mata'u i se mea e tasi e mata'u ai. Ia faapea outou tane, ia nonofo faatasi *ma i latou* ma le poto, ia ava i le avā, auā o le ipu ia ua sili ona vaivai *ia te oe*, mona ua tofia faatasi i le ola e foaifuaina mai, ne'i faalavelaveina a outou tatalo.

O le iuga lenei, ia loto gatasi outou uma, ia fealofani, ia alolofa i le au uso, ia mutimuti vale i le alofa, ia agalelei; aua le tau i atu le leaga i le leaga, po o le agatele mai i le agatele atu; a ia outou faamanuia atu, ina ua iloa o le mea lenei na valaauina ai outou, ina ia maua e outou le manuia. Auā o lē fia manao i le ola, ma ia iloa aso lelei, soia *le tautala* lona laulaufaiva i upu leaga, ma ona laugutu aua le tautalatala faa'ole'ole. Ia 'alo ese i le leaga, a ia fai mea lelei; ia saili i le filemu ma tausisi i ai. Auā o fofoga o le Alii o *loo faasaga* i e amiotonu, e *liliu* mai foi ona taliga i a latou faatoga. A o fofoga o le Alii o *loo faasaga* ma le toasa i e fai amio leaga. O ai foi na te agaleaga ia te outou, pe afai tou te faaa'oa'o i loo lelei? A e afai e tigaina outou ona o le amiotonu, amuia outou, Aua foi tou te fefefe i lo latou faamatau mai, aua foi le atuatuva. A ia paia le Alii le Atua i o outou loto. Ia saunia pea lava outou e tali atu

- ma le agamalu ma le mata'u ia i latou uma o e fesili mai ia te outou i le uiga o le faamoemoe o loo ia te outou. Ia ia te outou le loto fuatia ifo lelei, o le mea foi latou te faaleaga ai ia te outou, peiseai ua outou amio leaga, ia masiasi i latou o e tuua'i fua ia outou amio lelei o ia Keriso. Auā afai e finagalo le Atua ia tīgaina outou ona o le amio lelei, e sili ona lelei o lea i le *tīgaina* ona o le amio leaga. Auā o Keriso foi na tīgaina o ia faatasi mo agasala, o le amiotonu o le sui o le amioletonu, ina ia ta'itā'iina e ia o i tatou i le Atua; na fasiotia o ia i le tino, a ua faaolaina mai i le Agaga; na ia maliu atu ai, ma tala'i atu ai i agaga i le fale puipui; o e na le faalogo anamua, ina o faatalitali mai le onosai o le Atua anamua i ona po o Noa, a o sauni ai le vaa, na faasao-ina ai tagata e toaititi, e toavalu lava ia, i le vai. O le faatusa foi lea mea o le papatisoga, o loo faaola mai ai nei ia i tatou, (e le o le faateaseina o le elele o le tino, a o le tali a le loto fuatia ifo lelei i le Atua,) i le toe tu mai o Iesu Keriso; o ia o loo i le itu taumatau o le Atua, ina ua afio ae o ia i le lagi, ua toilalo ia te ia o agelu, ma faipule, atoa ma ē malolosi.

O apoapoaiga eese.

- 4 O LENEI, ua tīgaina Keriso i le tino o le sui o i tatou, ia fai ai ma auupega ia te outou foi lea lava loto, auā o le ua tīga i le tino, ua tuu e ia le agasala; ina ia le toe usiusitai o ia i tu'inanau o tagata, i ona tausaga ua totoe i le tino, a ia *usiusitai* i le finagalo o le Atua. Auā ia gata ia i aso ua mavae o le olaga nei ona fai ai e i tatou o le manao o e faapaupau, sa savavali i le faamatāitu ma tu'inanau, ma le inu tele i uaina, ma poula, ma inugāava, ma le ifo i tupua e soli ai tulafono. O le mea lea e ofo ai ma faifai ai i latou, auā tou te le faufetuli ma i latou i lea lava uluvale silisili; latou te tala atu le tala i le ua saunia e faamasino i e ola ma e ua oti. O le mea lea na folafola atu ai le tala lelei i e ua oti, ina ia faasalaina i latou i le tino i la tagata, a e ola ai i le agaga i la le Atua.
- A ua lata mai le gataaga o mea uma lava; o lena, ia faautauta ai, ma ia mataala outou ma le tatalo. Ia muamua i mea uma ona maua e outou o le alofa naunau o le tasi i le tasi, auā o le alofa e ufiufi ai agasala e tele; ia outou talia malaga o outou ma le le muimui. Ia taitoa-tasi ma auauna o le tasi i le tasi i lea lava mea, e pei ona maua e ia o le mea alofa, e pei o auauna pule e lelei i le alofa tunoa uiga eeseese o le Atua. Afai e tautala se tasi, ia tusa ma afioga a le Atua; afai e auauna se tasi, ia tusa ma le malosi ua foaiina mai e le Atua, ina ia viia le Atua i mea uma lava, ona o Iesu Keriso; ia ia te ia le viiga ma le malosi e faavavau faavavau lava. Amene.
- Ie au pele e, aua tou te ofo i le tofotofoga pei o le afi, ua oo ia te outou e fai ma tofotofoga ia te outou, peiseai o se mea fou ua oo ia te outou; a e faapei ona tofusia o outou faatasi i tīga o Keriso, ia outou olioli ai, ina ia fiafia outou ma le olioli tele pe a faaalai mai lona mamalu. Afai e upuleagaina outou ona o le suafa o Keriso, amuia outou; auā o loo tumau ia te outou le Agaga mamalu o le Atua; o loo faifaia o ia e i latou, a ua viia e outou. Aua foi ne'i ala ona faatigaina so outou ina ua fasioti tagata, pe gaoi, pe amio leaga, po ina ua asiasi fua i mea a isi tagata; a e afai e *faatigaina se tasi* auā o ia o le Kerisiano, aua le masiasi ai o ia, a ia vivii atu i le Atua ona o lea lava mea. Auā o ona po nei e amata ai le faamasinoga i le aiga o le Atua; afai foi e muamua ia i tatou, pe se a le gataaga o e faalogogata i le tala lelei a le Atua? Pe afai foi e toe ina le mafai ona faaolaina o lē amiotonu, po o ifea e tu mai ai o le faalematatau ma le agasala? O lenei, o i latou ua tīgaina e tusa ma le finagalo o le Atua, ia latou tuuina atu ma le amio lelei o latou lava ola i le na faia mea uma, o ia e faamaoni.

II. PETERU, 1.

*Ia fagaina le lafu mamoe. Ia ma-
taala. Ia tetee atu i le tiapolo.*

- 5 OU te aioi atu i toeaina o ia te outou, o a'u foi o le toeaina, ma le molimau i tiga o Keriso, ma le ua tofusua faatasi i le manuia o le a
- 2 faaalua mai; ia outou leoleo i le lafu mamoe a le Atua o ia te outou, ia tautai i ai ma le loto, a e le o le faa-
tauanauina; aua foi ne'i faia ma le
- 3 fia fai oloa, a o le loto fiafia. Aua foi ne'i faapei o e faamalo i le tofi o le Atua, a ia fai outou ma faaa'oa'o
- 4 i le lafu mamoe. Pe a faaali mai foi le Leoleo mamoe silisili, e maua e outou le pale pupula e le mamae lava.
- 5 Ia faapea o outou taulelea, ia usi-
usitai i toeaina; ia usiuitai outou uma lava o le tasi i le tasi, ia oofu outou i le loto mauilalo; auā, E tetee atu le Atua i e faamaualuga, a e foaiina mai le alofa tunoa i e
- 6 faamaulalo. O le mea lea ia faa-
maulalo ai outou i lalo o le aao malosi o le Atua, ina ia faamaualu-
gaina outou e ia i ona po e tatau ai.
- 7 Ia tuuina atu ia te ia mea uma tou te popole ai, auā o loo manatu mai o ia ia te outou.

Ia outou faautauta, ia outou ma- 8
taala, ona o le ua fai outou mona
fili, o le tiapolo lea, o loo fealualuai
o ia e pei o se leona tagi, ua saili se
tasi e 'aina e ia; ia outou tetee atu 9
ia te ia, ma ia mausali outou i le
faatuatua, iua ua outou iloa o loo
taufaaatoaina ia lava mea tiga i lo
outou au uso o i le lalolagi.

A o le Atua e ona le alofa tunoa 10
uma lava, o le na valaauina i tatou
ia iu atu i lona manuia faavavau o
ia Keriso Iesu, pe a tigaina outou i
nai aso, ia faaatoatoaina outou e ia
lava, ia faatumauiina ia faamalosiā,
ma ia faavacina outou; ia ia te ia 11
le viiga ma le malosi e faavavau
faavavau lava. Amene.

O Siluano, o lo'u taofi o le uso 12
faamaoni o ia, ua ou tusi atu ai nai
upu ititi ia te outou, e apoapoai atu
ma ta'utino atu ai, o le alofa tunoa
moni lenei o le Atua ua outou tu-
mau ai nei. O loo alofa atu ia te 13
outou le ekalesia i Papelonina na
filifilia faatasi ma outou, atoa ma
lo'u atalii o Mareko. Ia fealofani 14
outou i le feasogi alofa. Ia manuia
outou uma lava o e o ia Keriso Iesu.
Amene.

O LE TUSI

E LUA A LE APOSETOLO O

PETERU.

*Ua faamafanafana atu i e faatua-
tua ina ia tumau ia Iesu.*

- 1 O A'U o Simona Peteru, o le
aauauna ma le aposetolo a Iesu Ke-
riso, o lo'u tusi lenei i e ua maua le
faatuatua e tusa lona lelei ma lo
matou, i le amiotonu o lo tatou
Atua, o lo tatou Faala lea o Iesu
- 2 Keriso. Ia faateleina ia te outou
le alofa tunoa ma le manuia i lo
outou iloa lelei le Atua, atoa ma lo
tatou Alii o Iesu.

Faapei ona foaiina mai ia te i ta- 3
tou ai lona mana Atua o mea uma,
e oo ai i le ola ma le amio Atua, i
lo tatou iloa lelei o le na valaau mai
ia i tatou i lona lelei e silisili lava.
Ona o lea ua ia folafolaina mai ai o 4
mea e silisili ese lava ma le aoga,
ina ia tofusua faatasi ai outou i le
amio Atua, ina ua sosola ese outou
i le amio leaga o i le lalolagi i le
tu'inauau. O le mea lava lea ia 5
outou matuā faamalosi ai lava, ina
ia faapoopoina le amio lelei i lo

- outou faatuatua, *ia faaopoopo* foi
6 le potō i le amio lelei, *ia faaopoopo*
foi le le gaoiā i le potō, ma *ia faa-*
opoopo le onosai i le le gaoiā, o le
7 amio Atua foi i le onosai, *ia faaopoo-*
po foi le alofa i le au uso i le amio
Atua, o le alofa foi i le alofa i le au
8 uso. Auā pe a maua e outou ia
mea, ma ua faateleina, ona avea ai
lea o *outou* ma e ua le paie, a o e
fua mai le iloa lelei o lo tatou Alii
9 o Iesu Keriso. Auā o ia e le o i ai
nei mea, ua tauaso ia, ua faasegose-
go, ua faagalagalo foi e ia o le faa-
10 mamāina o ana agasala tuai. O
lenei, le au uso e, ia atili ai ona faa-
malolosi outou ia faamauina lo out-
ou valaauina ma lo outou filifilia,
auā pe a outou faia ia mea tou te le
11 iu vale lava. Auā a faapea, ona
matuā faaofia ai lea o outou i le ala
o le malo e faavavau o lo tatou
Alii o lo tatou Faaola lea o Iesu
Keriso.
12 O le mea lea ou te le faatamala
ai, e ui lava ina ua iloa e outou, ma
ua faatumauina i lenei lava upu
moni, a e saga faamanatu atu ia te
13 outou i na mea. O lo'u manatu
foi e tatau ina ia ou faamalosi atu
ia te outou i lo'u faamanatu atu i
aso uma ou te i ai i lenei fale api-
14 taga; ina ua ou iloa e vave ona tuu-
eseina o lo'u nei fale apitaga, faapei
ona faailoa mai ia te au e lo tatou
15 Alii o Iesu Keriso. Ou te matuā
taumafai foi ina ia mafaia e outou
ona manatu soo i ia mea pe a ma-
16 vae lo'u alu ese i le *olaga nei*. Auā
e lei usiusitai i matou i tala o le va-
vau ua fatua ma le potō, ina ua
matou faailoa atu ia te outou le
mana ma le afio mai o lo tatou
Alii o Iesu Keriso; peitai na ma-
tōu vaavaai atu i lona lava mamalu.
17 Auā na maua e ia mai le Atua le
Tamā o le mamalu ma le viiga, ina
ua tūlei mai ia te ia le siufofoga
lava nai le mamalu silisili ese, *ua*
faapea mai, O lo'u Atalii pele lenei,
18 ou te fiafia lava ia te ia. O le siu-
fofoga lava lea na matou faalogo-
logo ai, na tūlei mai mai le lagi, ina
o matou i ai ma ia i le mauga paia.
19 O loo ia te i tatou foi le upu o le
valoaga e sili lona mausali, e lelei
ona outou naunau i ai, e pei o se

lamepa e mumū i le mea pogisa,
seia tafa mai ata, seia alu ae foi le
fetu ao i o outou loto. Ia muai iloa 20
lenei mea, ua lexi se valoaga o i le
Tusi e faamatalafuaina. Auā e le 21
o le loto o tagata na tuu mai ai le
valoaga anamua, a o tagata paia o
le Atua na talatalaina mai ina ua
osofia mai e le Agaga Paia.

O a'oa'o pepelo, ma a latou amio.

SA i ai foi i le nuu o perofeta 2
pepelo, e pei ona i ai ia te outou, o
a'oa'o pepelo, latou te faatupuina
faalilolilo o vaeveaga e fano ai, ma
latou faafiti i le Alii na ia faatau
mai ia te i latou, o i latou lava e oo
mai ai ia i latou le malaia e vave
mai lava. E toatele foi latou te 2
mulimuli atu i a latou mea e fano
ai, talu o i latou e upuleagina ai le
ala o le upu moni. O le matapea- 3
pea foi e fai ai outou e i latou ma
mea faatau i a latou upu pepelo;
e le tuai mai ia te i latou le sala na
fetalaia mai talu anamua, o lo latou
malaia foi e le moe lea. Auā afai 4
na le faasaoina e le Atua le au age-
lu o e na agasala, a ua na tuuina
atu i latou i maea uamea o le pogisa
i seoli, ina ia taofia i latou e oo i le
faamasinoga; e lei faasaoina foi le
lalogagi tuai, na o Noa lē tala'i le 5
amiotonu, o lona toavalu lea na
faalaina, ina ua au mai le lolo i le
lalogagi faalematau; o aai foi o So- 6
toma ma Komoro ua na tauu ai i
ai i le olapalaina, ina ua lelefu, ua
tuu ma faailoga i e faalematau i
aso amuli; na ia laveai foi ia Lota 7
o le amiotonu, sa tiga i le amio faa-
matāitu a e faaleaupulea; (auā o
lea tagata amiotonu, sa tiga lona
leto faamaoni a o nofo faatasi ma i
latou, i lona vaai atu ma faalogo
atu i lea aso ma lea aso, i a latou
amio faaleaupulea;) ua silafia e le 9
Alii se mea e laveai mai ai i e amio
Atua ai le faaosoosoga, a e taofi i e
amio leaga e oo i le aso faamasino
ina ia faasalaina i latou; a e sili 10
lava i latou o e mulimuli atu i la le
tino i le tu'inanau i le fia ulavale,
ma latou ta'ufaatauvaai i alii; ua
faamalosi, ua finau vale, ma ua le
fefe ona upu leaga i e ua mamalu.
A o agelu e sili ona malosi ma le 11

mana, e le molimau lava se upu le-
aga e faasala ai ia te i latou i luma o
12 le Alii. A o i latou nei, faapei o
mea ola e tutupu ma le le o i ai se
mafaufau, na faia ina ia puea ma
fasimatea, latou te faifai i mea la-
13 tou te le iloa, e fano lava i latou i
lo latou lava leaga; e maua e i
latou le tau i o le amioletonu; fa te
i latou o le mea e fiafia ai le solole-
lei i le ao, o ila i latou ma mea e
pona ai, o loo sololelei lava i o latou
lava faasese, ina o fai faigaa i latou
14 faatasi ma outou; ua tutumu o
latou mata i le fafine mulilua, e le
mafai foi ona mapu i le agasala,
latou te maileia tagata ua le faatu-
mauina, o ia te i latou le loto ua
masani i le matapeapea, o tagata ua
15 faafanoina; ua tuua e i latou le ala
tonu, ua sese i latou, ua mulimuli
atu i le ala o Palaamo *le atalii* o
Posoru, o le na manao i le totogi o
16 le amioletonu. A ua aoaina o ia
ona o lona lava solitulafono, ua ga-
gana mai i le leo o le tagata le manu
le tautala, ua na vavao atu i le va-
17 lea o le perofeta. O puna o vai i
latou e le o i ai se vai, o ao ua lelea
i le afā, ua tuu mo i latou le pogisa
18 o le pouliuli e faavavau. Auā o loo
tautala i latou i *upu* faasausili ma
le le aoga, latou te maileia i tuīna-
nau o le tino *ma* le faamataitū o e
na matuā sosola ese i e ua nonofo
19 ma le sese. Ua latou folafola atu
ia te i latou le sa'olotoga, a o i la-
tou lava ua fai ma pologa o le amio
leaga; auā pe a toilalo se tasi i se
tasi, ua nofo pologa o ia ia te ia.
20 Auā afai na latou sosola ai mea
leaga a le lalolagi ina ua iloa lelei o
le Alii o le Faaola lea o Iesu Keriso,
a e toe faalavelaveina, *ma* toilalo i
latou i na mea, ona tele ai lea o le
leaga o lo latou iuga i lo *latou* ama-
21 taga. Auā e lelei pe a na latou le
iloa le ala o le amiotonu, a e leaga
ina ua latou iloa, ma toe liliu ese i
le poloaiga paia sa tuuina mai ia te
22 i latou. A ua taunuu ia te i latou
le upu faataoto moni, Ua toe foi le
ulī i lona lava puaiga; i le ma lea,
O le puā na faataeleina *ua toe foi*
ia e taafili i le palapala.

O le toe afio mai o le Alii.

LE au pele e, ou te tusi atu ia te 3
outou lenei tusi e lua, o *ia tusi*, ou
te faamafanafana atu ai i o outou
loto faamaoni i *lo'u* faamanatu atu;
ina ia outou manatu ai i upu na 2
muai fai mai e le au perofeta paia,
ma le poloaiga a matou o aposetolo
a le Alii o le Faaola lea; ua mua- 3
mua, ona iloa o lenei mea, e o mai
i ona aso e gata ai o e tauemu, la-
tou te savavali e tusa ma o latou
lava tuīnanau; e faapea mai foi i 4
latou, O ifea o i ai le upu na folafolaina ai lona afio mai? auā talu
ona momoe o le augātāmā, ua tutu-
mau pea o mea uma talu ona faatoa
faia. Auā latou te mananao ia lilo 5
lenei mea ia te i latou, sa i ai le lagi
talu anamua, o le lalolagi foi na i le
moana lea, ua faatumauiina foi i le
moana, ona o le afioga a le Atua, o 6
lea *mea* foi sa faaumatia ai le lalo-
lagi tuai ina ua lofia i le vai; a o le 7
lagi nei ma le lalolagi ua tuu ona o
lea lava afioga, ia taofia mo le afi i
le aso e faamasino ai ma fano ai ta-
gata faalematau. A e aua ne'i lilo 8
ia te outou, le au pele, lenei mea e
tasi, e tusa i luma o le Alii le aso e
tasi ma tausaga e afe, o le afe foi o
tausaga e tusa ma le aso e tasi. E 9
le faatuai mai le Alii i le mea na
folafolaina mai, faapei o le manatu
a isi tagata i le faatuai; a e peitai
ua onosai mai lava o ia ia i tatou,
ona ua le finagalo ia fano se tasi, a
ia oo uma lava i le salamo. A e 10
sau le aso o le Alii pei o se gaioi i le
po, e mavaeeseina ai le lagi ma le
gogolo tele, e te'a eseese ai foi o
mea na fai a'i ina ua mu; o le lalo-
lagi foi ma galuega o i ai e susunu-
ina lava. O lenei, o le a te'a eseese 11
nei mea uma, pe faapefea la outou
amio e tatau ai i le amio lelei ma le
amio Atua; o loo faatalitali ma 12
naunau atu ia aulia mai le aso o le
Atua, e te'a eseese ai le lagi ina ua
mu, e liu suāvai foi o mea na fai a'i
ina ua mu? A e faatalitali i tatou 13
i le lagi fou ma le lalolagi fou, pei o
lana na folafola mai, e mau ai le
amiotonu. O lenei, le au pele e, 14
ua outou faatalitali i ia mea, o lea
ia outou finafinau ai lava ina ia

maua outou e ia ma le manuia, ua
le ponā, ma le le mata'uleagaina.
15 Ia outou manatu o le onosai o lo
tatou Alii o le olataga lea; faapei
ona tusi atu ia te outou e Paulo lo
tatou uso pele, e tusa ma le potō
16 ua foaiina atu ia te ia; faapei o ana
tusi uma lava, o loo talatalaina ai
nei mea; o i ai nisi upu faamatala-
gata, ua faauigaeseina e tagata e
lei a'oa'oina, ma ua le faatumauina,
faapea o isi Tusi foi e oo ai le latou

lava malaia. O lenei, le au pele e, 17
ia outou faaeteete ia te outou, auā
ua muai iloa e outou, ne'i ta'ita'iese-
ina outou i le sese o e faaletaupu-
lea, tou te pau ai i le mea sa outou
tumanu ai. A ia tutupu outou i le 18
alofa tunoa ma le potō i a lo tatou
Alii o lo tatou Faaola lea o Iesu
Keriso. Ia ia te ia le viiga i ona
po nei, ma ia oo i le faavavau lava.
Amene.

O LE

ULUAI TUSI A LE APOSETOLO O

IOANE.

*O Iesu le Faaola; e mafuta faatasi
ma ia o e amio lelei.*

1 O LE mea sa i ai talu le ama-
taga, na matou faalogologo i ai, na
matou vaavaai atu i ai o matou
mata, na matou matamata ai, na
tagotago foi o matou lima i a le
2 Lokou o le ola; (ua faaalua mai foi
le ola, na matou vaai atu, matou te
molimau foi i ai, ma ua matou ta'u
atu ia te outou le ola e faavavau, o
lena sa i le Tamā, a ua faaalua mai
3 ia te i matou;) o le mea na matou
vaavaai i ai ma faalogologo i ai,
matou te ta'u atu ia ia te outou,
ina ia outou mafuta faatasi ma i
matou; o loo matou mafuta faatasi
foi o i le Tamā lea atoa ma lona
4 Alo o Iesu Keriso. Matou te tusi
atu foi nei mea ia te outou ina ia
5 atoatoa ai lo outou fiafia. O lenei
foi le feau na matou faalogologo ai
mai ia te ia, ua matou faailoa atu ai
foi ia te outou, o le malamalama
lava le Atua, a e leai lava se pouli-
6 uli o ia te ia. Afai tatou te fai atu,
ua tatou mafuta faatasi ma ia, a e
savavali i tatou i le pouliuli, ua ta-
tou pepelo ai, ua tatou le faia foi le
7 upu moni. A e afai tatou te sava-
vali i le malamalama, faapei ona i

ai o ia i le malamalama, ona tatou
mafuta faatasi ai lea o le tasi ma le
tasi, o le toto foi o Iesu Keriso lona
Alo e faamamāina ai i tatou i aga-
sala uma lava. Afai tatou te faa- 8
pea, E leai sa tatou agasala, ua sese
ai i tatou ia i tatou, e le o i totonu
ia te i tatou le upu moni; a e afai 9
tatou te faali a tatou agasala, e
faamaoni o ia, ma le amiotonu e
faamagalo ai a tatou agasala, ma
faamamā mai ia i tatou i amiole-
tonu uma lava. Pe afai tatou te 10
faapea, Tatou te lei agasala, ua ta-
tou fai ai o ia ma pepelo, e le o i
totonu ia te i tatou lana afioga.

*O le anaana i poloaiga a le Atua; o
le alofa i le au uso.*

SI a'u fanau e, ou te tusi atu nei 2
mea ia te outou, ina ne'i agasala
outou; pe afai foi e agasala se tasi,
o ia te i tatou le fautua i luma o le
Tamā, o Iesu Keriso lea, o lē amio-
tonu. O le togiola foi o ia mo a 2
tatou agasala, e le gata foi i a tatou,
a e atoa foi ma agasala a le lalolagi
uma lava. O le mea foi lea tatou 3
te iloa ai ua tatou iloa o ia, pe afai
tatou te tausi i ana poloaiga. O sē 4
faapea, Ua ou iloa o'ia, a e le tausi
e ia i ana poloaiga, o le pepelo lava

- lea, e le o i totonu ia te ia le upu
 5 moni. A o lē tausi i lana afioga, e
 moni, ua atoatoa le alofa i le Atua
 i totonu ia te ia. O le mea lea ua
 tatou iloa ai o i totonu ia te ia i ta-
 6 tou. O lē faapea o loo tumau ia i
 totonu ia te ia, e tatau ona savali o
 lena tagata faapei ona savali o ia.
 7 Le au uso e, ou te le tusi atu ia te
 outou se poloaiga fou, a o le polo-
 aiga tuai, ua ia te outou talu le
 amataga; o le poloaiga tuai o le
 upu lea ua outou faalogologo ai talu
 8 le amataga. Ou te tusi atu foi le
 poloaiga fou ia te outou, ua moni
 lea mea ia te ia, atoa ma outou,
 auā o loo mavae atu le pouliuli, a
 ua pupula mai nei lava le malamala-
 9 lama moni. O lē faapea, o i le
 malamalama o ia, a o loo ita i lona
 uso, o i le pouliuli lava ia ua oo mai
 10 i ona po nei. O sē alofa i lona uso,
 o loo tumau ia i le malamalama, e
 leai foi se mea ia te ia e tausuai ai.
 11 A o lē ita i lona uso, o i le pouliuli
 o ia, o loo savali foi i le pouliuli,
 e le iloa foi e ia le mea e alu i ai,
 auā ua faatauasoina ona mata e le
 pouliuli.
 12 Le fanau e, ou te tusi atu ia te
 outou, auā ua faamagaloina a outou
 13 agasala ona o lona suafa. Outou
 tamā e, ou te tusi atu ia te outou,
 auā ua outou iloa o ia o loo i ai talu
 le amataga. Taulelea e, ou te tusi
 atu ia te outou, auā ua outou manu-
 malo i loo leaga. Tama iti e, ou te
 tusi atu ia te outou, auā ua outou
 14 iloa le Tamā. Outou tamā e, ua a'u
 tusi atu ia te outou, auā ua outou
 iloa o ia o loo i ai talu le amataga.
 Taulelea e, ua ou tusi atu ia te
 outou, auā o malolosi outou, o loo
 tumau foi ia te outou le afioga a le
 Atua, ua outou manumalo foi i loo
 15 leaga. Aua tou te mananao i le
 lalolagi, po o mea o i ai i le lalolagi.
 Pe afai e manao se tasi i le lalolagi,
 e le o ia te ia le alofa i le Tamā.
 16 Auā o mea uma lava o i le lalolagi,
 o le tu'inanau o le tino, ma le tu'ina-
 nau o mata, ma le faalialia o lenei
 olaga, e le mai le Tamā ia, a e mai
 17 le lalolagi. O le a mavae atu foi le
 lalolagi, atoa ma lona tu'inanau, a o
 lē fai le finagalo o le Atua, e tumau
 18 lea e faavavau. Tama iti e, o ona
 aso nei e gata ai, faapei ona outou
 faalogo ai foi o loo sau le aneti-
 keriso, o loo i ai nei foi anetikeriso
 e toatele; o le mea lea ua tatou
 19 iloa ai o ona aso nei e gata ai. Na
 latou o ese ia i tatou, a e lei ni o
 tatou i latou; auā pe afai ni o
 tatou i latou, po ua latou tumau ma
 i tatou; a ua *o ese i latou* ina ia
 faaalua ai e le ni o tatou i latou
 uma. A o outou, o ia te outou le
 20 faauuina mai le Paia, ua outou iloa
 ai foi mea uma. Ua ou le tusi atu
 21 ia te outou, auā ua outou le iloa le
 upu moni, a e peitai ina ua outou
 iloa lava, *ua iloa* foi e leai se tala
 pepelo mai le upu moni. O ai ea le
 22 tagata pepelo, pe afai e le o le ua
 faafiti, *ua faapea*, E le o le Keriso
 o Iesu? O le anetikeriso lava lea o
 le ua faafiti i le Tamā atoa ma le
 Alo. Ai se faafiti i le Alo, e le o ia
 23 te ia le Tamā; (o le ua ta'uta'ua le
 Alo, ua ia te ia foi le Tamā.) O
 24 lenei, o le mea ua outou faalogologo
 i ai talu le amataga, ia tumau lava
 lea ia te outou; afai e tumau ia te
 outou le mea ua outou faalogologo i
 ai talu le amataga, ona outou tumau
 ai lea i le Alo atoa ma le Tamā. O
 25 le mea foi lenei na folafola mai e ia
 ia te i tatou, o le ola e faavavau.
 Ua ou tusi atu ia mea ia te outou i
 26 e o faasese atu ia te outou. O le
 27 faauuina foi ua outou maua mai ia
 te ia, e tumau lea ia te outou, e le
 aoga foi ona a'oa'oina atu e se tasi
 ia te outou; a e faapei ona a'oa'o
 atu ia te outou e lea lava faauuina
 i mea uma lava, e moni foi lea, a e
 leai sona pepelo; faapei ona a'oa'o
 atu foi ia te outou, ia outou tumau
 lava ia te ia. O lenei foi, le fanau e,
 28 ia outou tumau ia te ia, ina ia maua
 ai e i tatou le faamalosi pe a faaali
 mai o ia, ia le faamāina foi i tatou
 i ona luma i lona afio mai. Afai ua
 29 outou iloa o lē amiotonu ia, ua
 outou iloa ai o i latou uma o e fai le
 amiotonu ua fanau mai i latou ia
 te ia.

*O le alofa tele o le Atua ua fai ai i
 tatou ma ana fanau.*

FAAUTA i le silisili o le alofa ua
 foaiina ma e le Tamā ia te i tatou,
 ina ua ta'ua i tatou o le fanau a le

Atua; o le mea lea e le iloa ai i tatou o le lalolagi, auā na le iloa o
 2 ia. Le au pele e, o le fanau i tatou a le Atua i nei ona po, a e lei faaalua mai nei le uiga o i tatou a amuli; a ua tatou iloa, pe a faaali mai o ia, ona foliga ai lea o i tatou ia te ia, auā tatou te iloa tino ai lava o ia.
 3 O i latou uma foi o i ai lenei faamoemoe ia te i latou, ua taitasi ma faamamāina o ia e ia, faapei ona
 4 mamā o ia. O i latou uma lava o e fai le agasala, ua latou soli foi i tulafono; o le agasala o le solitu-
 5 lafono lava lea. Ua outou iloa foi na faaalua o ia ina ia aveeseina e ia a tatou agasala; e le o ia te ia foi
 6 se agasala. E le agasala se tasi o e tumau ia te ia; o sē agasala ua le vaai o ia ia te ia, ua le iloa foi o ia
 7 e ia. Le fanau e, aua ne'i faasese se tasi ia te outou; o lē fai le amiotonu, o le amiotonu lea, faapei ona
 8 amiotonu o ia. O lē fai le agasala, mai le tiapolo lava ia; auā ua agasala le tiapolo talu le amataga. O le mea lava lea na faaalua mai ai le Alo o le Atua, ina ia faaumatia e ia
 9 galuega a le tiapolo. O i latou uma o e ua fanau mai i le Atua, latou te le faia le agasala; auā o loo tumau i totonu ia te i latou lana fua; e le mafai foi ona agasala, auā ua fanau
 10 mai i latou i le Atua. O le mea lea ua iloa ai le fanau a le Atua ma le fanau a le tiapolo. O i latou uma o e le fai le amiotonu, e le mai le Atua i latou, atoa ma ē le alolofa i
 11 o latou uso. Auā o le poloaiga lenei ua outou faalogologo i ai talu
 12 le amataga, ia tatou fealofani. E le pei o Kaino na i loo leaga, na fasioti foi i lona lava uso; se a foi le mea na ia fasioti ai ia te ia? Ona o lana amio ina leaga, a o le
 13 amio a lona uso a tonu. O'u uso e, aua tou te ofo pe a ita mai le lalolagi ia te outou. O i tatou, ua
 14 tatou iloa ua oo i tatou i le ola sa i le oti, auā o loo alolofa i tatou i le au uso; o se le alofa i le uso, o loo
 15 tumau ia i le oti. O i latou uma o e ita i o latou uso, o fasioti tagata i latou; ua outou iloa foi e leai sē fasioti tagata e tumau ia te ia le ola e faavavau. O le mea lava lenei ua
 16 tatou iloa ai le alofa, ina ua tuuina

atu e ia o lona lava sōifua e sui a'i i tatou; e tatau foi ona tatou tuuina atu lo tatou ola e sui a'i le au uso. O sē ua i ai le oa a le lalolagi nei, 17 pe a iloa atu e ia lona uso ua mativa, a e punitia lona loto alofa ia te ia, pe faapefea ona tumau o le alofa i le Atua i lea tagata? Ia'u fanau e, 18 aua ne'i tatou alolofa tau o le upu ma le gutu, a o le amio ma le faamaoni. O le mea foi lea ua tatou 19 iloa ai ua i le upu moni i tatou, e mautinoa foi o tatou loto i ona luma. Auā pe afai e faasala o tatou loto 20 ia i tatou, ua sili lava le Atua i o tatou loto, ua silafia foi e ia mea uma. Le au pele e, afai e le faasala 21 o tatou loto ia i tatou, e maua ai e i tatou le faamalosi i luma o le Atua. O mea uma foi tatou te ole atu ai, e 22 maua mai ia te ia, auā ua tatou tausi i ana poloaiga, tatou te faia foi mea e lelei i ona luma. O lenei 23 foi lana poloaiga, ia tatou faatua-tua i le suafa o lona Alo o Iesu Keriso, ma ia tatou fealofani, faapei ona tuuina mai e ia o le poloaiga ia i tatou. O lē tausi foi i ana polo- 24 aiga, o loo tumau lea i totonu ia te ia, o ia foi o i totonu ia te ia; o le mea foi lenei ua tatou iloa ai o loo tumau o ia i totonu ia i tatou, auā o le Agaga ua ia foaiina mai ia te i tatou.

Aua ne'i talia a'oa'o uma, a ia mualua ona tofotofa i ai.

LE au pele e, aua tou te faalogo i 4 agaga uma lava, a ia outou tofotofa i agaga pe mai le Atua i latou; auā e toatele perofeta pepelo ua o atu i le lalolagi. O le mea lenei tou te 2 iloa ai le Agaga o le Atua, O agaga uma o e ta'utino, ua maluu mai Iesu Keriso i le tino, mai le Atua lava i latou. A o agaga uma o e le 3 ta'utino, ua maluu mai Iesu Keriso i le tino, e le mai le Atua i latou; o lo le anetikeriso lava lenei ua outou faalogo ai o le a sau, o loo i ai nei lava i le lalolagi. O outou, le 4 fanau e, mai le Atua lava outou, ua outou manumalo foi ia te i latou, auā e sili o ia ua ia te outou, i le ua i le lalolagi. O i latou, e o le lalolagi lava i latou, o le mea lea o loo 5 tautalatala ai i latou i la le lalolagi;

e faalogo atu foi le lalolagi ia te i
 6 latou. O i matou, mai le Atua lava
 i matou, o le ua iloa le Atua e faa-
 logo mai o ia ia te i matou; o le le
 mai le Atua e le faalogo mai o ia ia
 te i matou; o le mea lea ua tatou
 iloa ai le agaga moni ma le agaga
 sese.
 7 Le au pele e, ia tatou fealofani;
 auā mai le Atua le alofa; o i latou
 uma foi o e alolofa ua fanau mai i
 latou mai le Atua, ua iloa foi e i
 8 latou le Atua. O se le alofa ua le
 iloa e ia le Atua; auā o le Atua, o
 9 le alofa lava ia. O le mea lava lenei
 ua faaalua mai ai le alofa o le Atua
 ia te i tatou, ina na auina mai e le
 Atua lona Alo e toatasi i le lalolagi,
 10 ina ia tatou ola ia te ia. O le alofa
 lava lenei, e le ona ua tatou alofa i
 le Atua, a ua alofa mai o ia ia te i
 tatou, ua na auina mai foi lona Alo
 11 o le togiola mo a tatou agasala. Le
 au pele e, afai ua faapea ona alofa
 mai o le Atua ia te i tatou, e tatau
 12 ai ona tatou fealofani. E lei vaia
 lava le Atua e setasi; a tatou fealo-
 fani, ua tumau le Atua i totonu ia
 te i tatou, ua atoatoa foi le alofa ia
 13 te ia i totonu ia i tatou. O le mea
 lava lenei ua tatou iloa ai ua tumau
 i tatou i totonu ia te ia, o ia foi i
 14 totonu ia i tatou, auā o lona Agaga
 ua ia foaiina mai ia te i tatou. O i
 matou foi, ua matou vaia, ua matou
 molimau ai foi, na auina mai e le
 Tamā o le Alo, o le Faaloa o le lalo-
 15 lagi. O sē ta'utino atu, o Iesu o le
 Alo o le Atua o ia, o loo tumau le
 Atua i totonu ia te ia, o ia foi o i
 16 totonu o le Atua. O i tatou foi, ua
 tatou iloa ma ua faatuatua i le alofa
 ua i le Atua ia te i tatou. O le
 Atua, o le alofa lava ia; o lē tumau
 i le alofa, ua tumau ia i totonu o le
 Atua, o le Atua foi o i totonu ia te
 17 ia. O le mea lava lenei ua atoatoa
 ai le alofa ia te i tatou, ina ia tatou
 maua le faamalosi i le aso o le faa-
 masinoga; auā e pei o ia, e faapea
 18 foi i tatou i lenei lalolagi. E lei se
 fefe i le alofa, a o le alofa atoatoa e
 faateaseina ai le fefe; auā o le
 mea tiga le fefe; o le ua fefe, e le
 19 faatoatoaina o ia i le alofa. O i
 tatou, ua tatou alolofa ia te ia, auā
 na ia muai alofa mai ia te i tatou.

Pe afai e faapea mai se tasi, Ou te 20
 alofa i le Atua, a e ita i lona uso, o
 le pepelo lava ia; auā o le le alofa i
 lona uso ua ia vaai atu i ai, pe mafai
 faapefea ona alofa o ia i le Atua ua
 ia le vaai atu i ai. O lenei foi le 21
 poloaiga ua tatou maua mai ia te ia,
 o lē alofa i le Atua ia alofa foi o ia i
 lona uso.

*O lē alofa i le Atua, e alofa lea i
 lana fanau.*

O I latou uma o e talitonu, o Iesu 5
 o le Keriso lava lea, ua fanau mai i
 latou mai le Atua; o i latou uma
 foi o e alolofa i lē ana le fanau, e
 alolofa foi i latou i lana fanau. O 2
 le mea lava lenei ua tatou iloa ai e
 alolofa i tatou i le fanau a le Atua,
 pe a tatou alolofa i le Atua, ma
 tausi i ana poloaiga. Auā o lenei 3
 lava le alofa i le Atua, ia tatou tausi
 i ana poloaiga; e le mamafa foi ana
 poloaiga. Auā o i latou uma o e 4
 fanau mai i le Atua, e manumalo i
 latou i le lalolagi; o lenei foi le
 manumalo e manumalo ai i le lalo-
 lagi, o lo tatou faatuatua lava. O 5
 ai se na te manumalo i le lalolagi,
 pe afai e le o lē talitonu, o Iesu o le
 Alo lava ia o le Atua? O ia lava 6
 lenei, o le na malii mai ma le vai
 atoa ma le toto, o Iesu Keriso lava;
 e le tuli i le vai, a o le vai atoa ma
 le toto; o le Agaga foi o loo moli-
 mau mai, auā o le Agaga e faama-
 oni lava ia. Auā e toatolu o e 7
 molimau i le lagi, o le Tamā, ma le
 Lokou, atoa ma le Agaga Paia; o i
 latou nei foi e toatolu e toatasi lava
 ia. E tolu foi e molimau mai i le 8
 lalolagi, o le Agaga, ma le vai, atoa
 ma le toto; o lea tolu foi e auga
 atu ia i le mea e tasi. Afai e talia 9
 o i tatou le molimau a tagata, e sili
 le molimau a le Atua; auā o lenei
 lava le molimau a le Atua na ia
 molimau mai ai i lona lava Alo. O 10
 lē faatuatua i le Alo o le Atua ua i
 totonu ia te ia le molimau; o le le
 talitonu i le Atua ua ia faia o ia ma
 pepelo; auā e lei talitonu ia i le
 mau na molimau mai ai e le Atua i
 lona lava Alo. O lenei foi le mau, 11
 ua foaiina mai e le Atua ia te i tatou
 le ola e faavava; o le ola lava
 lea ua i lona Alo. O le o ia te ia le 12

- Alo, o ia te ia le ola; o le e le o ia te ia le Alo o le Atua, e le o ia te ia le ola.
- 13 Ua ou tusi atu nei mea ia te outou o e faatuatua i le suafa o le Alo o le Atua, ina ia outou iloa ai ua ia te outou le ola e faavavau, ina ia outou faatuatua foi i le suafa o le
- 14 Alo o le Atua. O lenei foi le faamalosi ua tatou maua i ona luma, pe afai tatou te ole atu ai se mea e tusa ma lona finagalo, e faafofoga
- 15 mai o ia ia te i tatou. Afai foi ua tatou iloa, e faafofoga mai o ia ia te i tatou i se mea tatou te faatoga atu ai, ua tatou iloa e maua e i tatou mea tatou te faatoga atu ai ia
- 16 te ia. Afai ua iloa e se tasi lona uso ua na fai se agasala e le iu i le oti, ia faatoga o ia *mo ia*, ona foaiina mai lea o le ola ia te ia mo e
- agasala e le iu i le oti. O i ai le agasala e iu i le oti; ou te le fai atu ia outou faatoga atu mo lea *agasala*. O amioletonu uma lava, o 17 agasala ia; o i ai foi le agasala e le iu i le oti. Ua tatou iloa e le agasala se tasi o e ua fanau mai i le Atua; a o le ua fanau mai i le Atua, e tausi o ia e ia, e le tago foi loo leaga ia te ia. Ua tatou iloa e mai 19 le Atua lava i tatou, a o le lalolagi uma o loo nofo *toilalo* i loo leaga. Ua tatou iloa foi ua maliu mai le 20 Alo o le Atua, ua ia foaiina mai foi le mafaufau ia te i tatou, ina ia tatou iloa ai loo moni, o i ai foi i tatou i loo moni, o i lona Alo o Iesu Keriso. O lenei lava le Atua moni, ma le soifua e faavavau. Le fanau 21 e, ia leoleo outou ia te outou ia taumamau i tupua. Amene.

O LE TUSI

E LUA A LE APOSETOLO O

IOANE.

Ia tumau i le faatuatua.

- 1 O A'U o le toeaina, o la'u tusi lenei i le tamaitai ua filifilia, ma ana tama, ou te alofa faamaoni i ai; e le na o a'u foi, a o i latou uma
- 2 o e ua iloa le upu moni; ona o le upu moni o loo tumau ia te i tatou, e ia te i tatou foi e faavavau. Ia ia te outou le alofa tunoa, ma le alofa, ma le manuia mai le Atua le Tamā, atoa ma le Alii o Iesu Keriso, o le Alo o le Tamā, i le faamaoni atoa
- 4 ma le alofa. E tele lava lo'u fiafia ina ua ou iloa ni au fanau o e savavali i le upu moni, faapei o le poloaiga ua tatou maua mai le Tamā.
- 5 O lenei, le tamaitai e, ou te ai'oi atu ia te oe, (ou te le tusi atu ia te oe e peiseai o se poloaiga fou, a o lea lava ua ia te i tatou talu le amataga,)
- 6 ia tatou fealofani. O lenei lava le alofa, ia tatou savavali e tatau ma ana poloaiga; o lenei lava le poloaiga, faapei ona outou faalogō i ai talu le amataga, ina ia outou sava-
- vali ai. Auā e toatele o e faasese 7 ua o atu i le lalolagi, o e le ta'u tino ua maliu mai Iesu Keriso i le tino; o le faasese lava lea ma le anetikeriso. Ia outou ia te outou, nei 8 maumau a matou guluega na matou faia, a ia maua le tau atoa. O 9 i latou uma lava o e tumavaega, a e le tumau i le mataupu ia Keriso, e le o ia te i latou le Atua; o lē tumau i le mataupu ia Keriso, e ia te ia lava le Tamā atoa ma le Alo. Pe a alu atu ia te outou se tasi a e 10 le molia lenei lava mataupu, aua tou te talia o ia i o outou fale, aua foi tou te ofo alofa ia te ia; auā o 11 sē ofo alofa atu ia te ia, e faatasi ai o ia ma ana galuega leaga. O ia te 12 au mea e tele e tusi atu ai ia te outou, a ou te le fia tusi atu i le laupepa ma le vaitusi; a ou te faamoemoe ou te alu atu ia te outou, ia tatou fetautalatalai, ina ia atoa-toa ai lo tatou fiafia. O loo alolofa 13 atu ia te oe tama a lou uso ua filifilia. Amene.

III. IOANE; IUTA.

O LE TUSI

E TOLU A LE APOSETOLO O

IOANE.

O le tusi ia Kaio.

- 1 *O A'U* le toeaia, *o la'u tusi lenei*
ia Kaio, o le pele, o le ou te alofa
2 faamaoni i ai. Le pele e, ia e manuia i mea uma, ma ia e malolo, faapei ona manuia o lou agaga.
3 Auā ua tele lava lo'u fiasia ina ua o mai le au uso, ma faailoa mai lou faamaoni, ina ua e savali i le upu
4 moni. E leai so'u fiasia e sili i lenei, pe a ou faalogo ua savavali la'u
5 fanau i le upu moni. Le pele e, ua e faamaoni lava i mea uma o faia e
6 oe i le au uso atoa ma tagata ese, o e ua faailoa mai lou alofa i luma o le ekalesia; afai e te fesoasoani i lo latou moliga e tusa i le Atua, e lelei
7 lau mea e fai. Auā na latou o atu ona o lona suafa, e lei talia sina
8 mea mai nuu ese. O lea e tatau ai ona tatou talia tagata faapea, ina ia tatou fai ma fesoasoani i le upu
9 moni. Na ou tusi atu i le ekalesia, a o Tioterifi, o lē fia sili ia te i latou,

e le talia i matou e ia. O le mea 10
lea, pe a a'u alu atu, ou te faamanatu ai lana amio o loo faia e ia, o loo tuaupua mai ia i matou i upu leaga; e le gata foi i ia mea, a e le talia lava e ia le au uso, e vavao atu foi i e loto i ai, na te faateaina foi i latou i le ekalesia. Le pele e, 11
aia e te faaa'oa'o i le leaga, na o le lelei. O lē amio lelei, mai le Atua lava lea; peitai o lē amio leaga, e lei iloa atu lava e ia le Atua. Ua 12
logoleleia Temetiu e tagata uma lava, atoa ma le upu moni lava; o i matou foi matou te molimau i ai, ua outou iloa foi e moni la matou mau.

Ua ia te au mea e tele e tusi atu 13
ai, a ou te le fia tusi atu ia te oe i le vaitusi ma le fulu tusi. Auā ou 14
te faamoemoe o le a vave feiloai i taua, ina ia ta fetautalatalai. Ia ia te oe le manuia. O loo alolofa atu le aumea mamae ia te oe; ua ou alofa i le aumea mamae uma lava.

O LE TUSI

A LE APOSETOLO O

IUTA.

Ua apoapoai atu ia tumau i le faatutaua.

- 1 *O A'U* o Iuta, o le auaua a Iesu Keriso, o le uso foi o Iakopo, *o la'u tusi lenei* i e ua faapaiaia e le Atua le Tamā, ma leoleoina e Iesu Keriso
2 ma valaauina. Ia faateleina ia te outou le alofa, ma le manuia, ma le agalelei.

Le au pele e, o loo ou matua faa- 3
malosi e tusi atu ia te outou i le faaolataga ua tun tele, e tatau ai lava ona ou tusi atu ia te outou ia apoapoai atu ia outou faamalolosi ona finau mo le faatuatua na tuuina mai faatasi i le au paia. Auā 4
ua o ane faaleiloga o isi tagata, ua leva foi ona muai tusia o i latou ia oo i lenei lava faasala, e faalematau

- i latou, ua liua e i latou le alofa
tunoa o lo tatou Atua i le faamata-
itu, ma ua latou faafiti i le Alii tasi,
o le Atua, ma lo tatou Alii o Iesu
5 Keriso. Ou te fia faamanatu atu
foi ia te outou i le mea na outou
iloa anamua, na faaolaina e le Alii
le nuu ai le nuu o Aikupito, a e
mulimuli ane ua faaumatia e ia o e
6 na le faatuatua. O agelu foi o e
na le taofi i lo latou mamalu, a ua
tuua e i latou le mea sa latou nofo
ai, ua taofia e ia i noanoataga e
faavavau i lalo o le pogisa, seia oo i
7 le faamasinoga o le aso tele. E pei
o Sotoma ma Komoro, ma aai sa
vagavagai ai, ua faitaaga pei o i la-
tou, ma mulimuli atu i nisi tino, o
lea ua tuu mai ai i latou e fai ma
faailoga, ua faasalaina i latou i le
8 afi e faavavau. E faapea foi lava o
ia tagata moemiti, latou te faaleaga
le tino, ma latou ta'ufaatauvaai i
alii, ma upu leaga i e ua mamalu.
9 A o Mekaeli o le agelu silisili, ina
ua la finau ma le tiapolo na ia finau
i le tino o Mose, ua na le faamalosi
ona lafo atu o se upu leaga e faa-
sala *ia te ia*, a ua na faapea atu, Ia
10 aoi le Alii ia te oe. A o ia tagata,
latou te upu leaga i mea latou te le
iloa, o mea foi e iloa fua e i latou, e
pei o mea ola e leai se mafaufau,
latou te faaleaga ia te i latou i ia
11 lava mea. Oi talofa ia te i latou!
auā ua latou savavali i le ala o
Kaino, ma feosofi atu i le sese o
Palaamo ona o le totogi, ua fano
12 foi i latou i le fouvale o Koru. O
papa i latou i o outou faigaai alofa,
pe a latou aai faatasi ma outou ma
le le mata'u, ua na ona aai lava i
latou; o ao *i latou* e le o i ai se vai,
ua feleleaiina i magari; o laau ua
malili o latou lau, ua le fua, ua
13 mate faalua, ua liaiina lava; o peau
sousou o le sami, ua faapunaia ae
mea e masiasi ai i latou; o fetu
feoai ua tuu mo i latou le pogisa o
- le pouliuli e faavavau. Na valoia 14
foi i latou e Enoka, o le toafitu lea
talua mai ia Atamu, ua faapea ane,
Faauta, e afio mai le Alii ma ona
au paia e manomano, e faamasino 15
ai i *tagata* uma, ma faasalaina ai e
ua amio faalematau uma lava o ia i
latou, ona o a latou galuega faale-
matau uma ua latou faia ma le faa-
lematau, ona o a latou upu faatau-
tala foi na fai ia te ia e tagata aga-
sala ua faalematau. O e muimui i 16
latou *ma* faameo, o loo o savavali i
latou e tusa ma o latou tu'inanau,
ma ua tantala mai o latou gutu i
upu faasausili, o loo faaneenee atu
foi i latou i alii e maua ai ni mea.
- A o outou le au pele e, ia outou 17
manatua upu na fai mai anamua e
le au aposetolo a lo tatou Alii o
Iesu Keriso; na latou fai atu ia te 18
outou, E i ai i ona aso e gata ai o
tagata tauemu, o e savavali e tusa
ma o latou lava tu'inanau ma le
faalematau. O tagata lava ia ua 19
latou vavae ese, ua amio faaletino,
ua le i ai le Agaga. A o outou le 20
au pele e, ia outou ati ae ia te ou-
tou i lo outou faatuatua e silisili
ona paia, o le Agaga Paia tou te
tatalo ai, ia outou faatumau ia te 21
outou i le alofa o le Atua, *ma* faa-
talitali atu i le alofa o lo tatou Alii
o Iesu Keriso, e oo atu i le ola e
faavavau. Ia outou alofa atu i nisi 22
ma ia faatatau; a o isi ia outou 23
faaola *ia i latou* ma le mata'u, ia
se'i ia te i latou mai le afi, ma ia
outou 'ino'ino i le ofu ua pisia i le
tino.
- O lenei, ia ia te ia na te mafaia 24
ona leoleo ia te outou ina ne'i pauu,
ma tuuina atu ia te outou ua le
ponā i luma o lona lava mamalu ma
le fiafia tele, ia i le Atua poto e 25
toatasi o lo tatou Faaola, le viiga
ma le mamalu, o le malosi ma le
pule, i nei ona po, ma ia oo i le
faavavau lava. Amene.

FAAALIGA

A IESU KERISO IA IOANE.

O le tusi a Ioane i ekalesia e fitu o i Asia.

- 1 O LE faaaliga a Iesu Keriso, na tuuina atu e le Atua ia te ia ina ia faaali mai i ana auauna o mea e tusa ona vave oo mai, ua auina mai foi e ia lana agelu e faailoa mai ai i
- 2 lana auauna o Ioane, o le na moli-mau i le afiga a le Atua, ma le mau ia Iesu Keriso, o mea uma foi na ia
- 3 vaايا. Amuia lē faitau, atoa ma e faalogologo i upu o lenei valoaga, ma tausi i mea ua tusia ai; auā ua latalata ona po.
- 4 O a'u o Ioane o la'u tusi lenei i ekalesia e fitu o i Asia; ia ia te outou le alofa tunoa ma le manuia mai ia te ia o loo soifua, na soifua foi, o le a afio mai; mai Agaga foi e toafitu o i luma o lona nofoālii;
- 5 mai ia Iesu Keriso foi, o le molimau faamaoni, o le ulumatua o e ua oti, ma le pule i tupu o le lalolagi. O le na alofa mai ia te i tatou, na ia fufulu mai foi ia te i tatou i a tatou
- 6 agasala i lona lava toto, na ia faia foi i tatou ma tupu ma faitaulaga i le Atua o lona lava Tamā, ia ia te ia le viiga ma le malosi e faavavau faavavau lava. Amene.
- 7 Faauta, o loo afio mai o ia ma ao, e iloa atu foi o ia e mata o tagata uma, atoa ma e na tu'ia o ia; e taufaitagitu'i foi itu aiga uma o le lalolagi ona o ia. E moni, Amene.
- 8 O a'u le Alefa ma le Omeka, o le amataga ma le gataaga, ua fetalai mai ai le Alii, o loo soifua, na soifua foi, o le a afio mai, e ona le malosi uma lava.
- 9 O a'u o Ioane, o lo outou uso ma le ua faatasi ma outou i le puapua-ga, ma le malo, atoa ma le onosai o Iesu Keriso, na a'u i le motu e

igoa ia Patamo ona o le afiga a le Atua ma le mau ia Iesu Keriso. Na ou i le Agaga i le aso o le Alii; 10
ona ou faalogo ai lea i o'u tua i le leo tele e pei o se pu, ua faapea mai. O a'u le Alefa ma le Omeka, 11
o le muamua ma le mulimuli; i le ma lea, O mea e te vaايا ia e tusi i se tusi, ma avatu i ekalesia o i Asia, o Efeso, ma Semurana, ma Pere-kamo, ma Tuatira, ma Sarataisa, ma Filatelefaia, ma Laotikaia. Na ou 12
fāliu atu e vaai i le leo na tautala mai ia te au; ua ou fāliu, ona ou iloa atu lea o tuugālamepa auro e fitu. Ua i totonu foi i tuugālamepa 13
e fitu le tasi e pei o le Atalii o le tagata, ua ofu ia i le ofu tatapuvae, ua fusia foi lona fatafata i le fusi auro; ua sinasina foi lona ao ma 14
ona lauao e pei o le fulufulu mamoe ona sinasina, e pei o le kiona lava; o ona fofoga foi e pei o le mumū o le afi; ma ona vae e pei o le 'apa 15
pupula, e peiseai ua mu i le ogā-umu; o lona siufofoga foi e pei o le taalili o vai e tele; ua i lona aao 16
taumatau o fetu e fitu; ua alu atu foi ai lona fofoga o le pelu e faa-taumaai ona itu e maamaai lava; o 17
ona fofoga foi e pei o le pupula o le la ina o mu toto'a. Ua ou iloa atu ia te ia, ona ou paū ifo lea i ona vae e peiseai ua oti; a ua ia faaee 18
mai lona aao taumatau i luga ia te au, ua faapea mai ia te au, Aua e te fefe; o a'u le muamua ma le muli-
muli; o lē ola nei lava, sa ou oti, faauta foi, ou te ola e faavavau faa-
vavau lava; Amene, o ia te au foi ki o seoli ma le oti. Ia e tusi i mea 19
na e iloa, ma mea o i ai nei, atoa ma mea e tutupu amuli; o le uiga lilo o 20
fetu e fitu na e iloa i lo'u lima taumatau, ma tuugālamepa auro e fitu.

O fetu e fitu o agelu ia a ekalesia e fitu ; o tuugālamepa foi e fitu na e iloa, o ekalesia ia e fitu.

O tusi i agelu a ekalesia o i Efeso, ma Semurana, ma Perekamo, ma Tuatira.

- 2 IA e tusi i le agelu a le ekalesia o i Efeso, O mea nei ua fai mai ai lē 'u'u i fetu e fitu i lona lima tau-matau, o lē savali i totonu o tuugā-
2 lamepa auro e fitu. Ua ou iloa i au galuega, ma lou tiga, ma lou onosai, ina ua e le lavatia i e ua leaga ; ua e tofotofoi foi i e ua fai mai o aposetolo i latou, a e leai lava, ua e
3 iloa foi o tagata pepelo i latou, ma ua e lavatia, ua ia te oe foi le onosai, ua e tautiga ona o lo'u igoa, e
4 te lei faavaivai lava. A ua ou iloa se mea ia te oe, ona ua e tuua o lou uluai alofa. O lenei, ia e manatua le mea na e paū mai ai, ma ia e salamo, ma e faia au uluai galuega ; afai e leai, ona ou vave alu atu lea ia te oe, ou te aveesea lau tuugā-lamepa i le mea e tuu ai, pe afai e te
5 le salamo. A ua ia te oe lenei mea, ina ua e 'ino'ino i galuega a le au Nikalaitai, o a'u foi ou te 'ino'ino i
6 ai. O le ua i ai taliga, ina faalogo mai ia o ia i le mea ua fetalai mai ai le Agaga i ekalesia, O lē manumalo, ou te avatua ia te ia e 'ai i le laau o le ola o i totonu o le parataiso o le Atua.
8 Ia e tusi foi i le agelu a le ekalesia o i Semurana, O mea nei ua fai mai ai lē muamua ma lē muli-
9 muli, o le na oti, a ua ola mai, Ua ou iloa au galuega, ma lou puapua-ga, ma lou mativa, (a ua e tamao-aiga,) ma le upu faifai a ē ua fai mai o Iutaia i latou, a e leai lava, a
10 o le sunako o Satani i latou. Aua lava e te fefe i mea o le a e tiga ai. Faauta, o le a tuuina atu ni o outou e le tiapolo i le fale puipui, ina ia tofotofoina ai outou ; e po agafulu foi e puapugatia ai outou. Ia e faamaoni seia oo i le oti, ona ou avatu ai lea ia te oe o le pale o le
11 ola. O le ua i ai taliga, ina faalogo mai ia o ia i le mea ua fetalai mai ai le Agaga i ekalesia, O lē manumalo, e le afaina lava o ia i le oti faalua.

Ia e tusi foi i le agelu a le eka- 12 lesia o i Perekamo, O mea nei ua fai mai ai le ua i ai le pelu e faatau maai ona itu ua maamaai lava, Ua 13 ou iloa au galuega, ma le mea ua e nofo ai, o i ai le nofoālii o Satani, ua e taofi mau foi i lo'u igoa, ma ua e le faafitia le faatuatua ia te au i ia ona po lava na i ai Anetipa o lo'u molimau o le na faamaoni, sa fasiotia o ia na ia te outou i le mea o nofo ai Satani. A ua ia te au ni nai 14 mea ia te oe, ona ua ia te oe o e ua taofi i le mataupu a Palaamo, o le na a'oa'o ia Palako e tuu atu le mea e tausuai ai i luma o le fanauga a Isaraelu, ona ia aai i mea ua fāsia mo tupua ma ia latou faitaaga. E 15 faapea foi ona ia te oe o e ua taofi i le mataupu a le au Nikalaitai ; o le mea ou te 'ino'ino i ai. Ina e 16 salamo ia ; afai e leai, ona ou vave alu atu lea ia te oe, ou te tau foi ma i latou i le pelu ai lo'u gutu. O le 17 ua i ai taliga, ina faalogo mai ia o ia i le mea ua fetalai mai ai le Agaga i ekalesia, O lē manumalo, ou te avatua ia te ia le manai lilo e 'ai ai ; ou te avatu foi ia te ia le maa sinasina, ua tusia foi i le maa le igoa fou, e le iloa e se tasi ua na o le ua maua.

Ia e tusi foi i le agelu a le ekale- 18 sia o i Tuatira, O mea nei ua fai mai ai le Atalii o le Atua, o le e pei o le mumū o le afi ona mata, o ona vae foi e pei o le 'apa pupula, Ua ou 19 iloa au galuega ma lou alofa, ma lou auauna mai, ma lou faatuatua, ma lou onosai, ma au galuega, ua sili mea mulimuli i mea na muamua. A ua ia te au ni nai mea ia te oe, 20 ona ua e tuu pea le fafine o Iesepela, ua ta'ua o ia e ia o le perofeta fafine, e a'oa'o ma faasese i a'u auauna, ina ia faitaaga, ma aai mea ua fāsia mo tupua. Ua ou tuu atu 21 foi ni ona aso ia salamo ai i lana faitaaga, a ua le salamo lava o ia. Faauta, o a'u ou te lafo ia te ia i le 22 moega, atoa ma e ua mulilulua ma ia, ina ia puapugateleina, pe afai latou te le salamo i a latou galuega ; ou te fāsia foi ana fanau ia oti ; e 23 iloa foi e ekalesia uma, o a'u lava o lē susesue i manao ma loto ; ou te avatua foi ia te outou taitoatasi e

- 24 tusa ma a outou galuega. A ou te
fai atu ia te outou, atoa ma nisi o i
Tuatira, o e ua le i ai lenei mata-
upu, ma ua latou le iloa mea loloto
a Satani, (pei ona ta'ua e i latou,) 9
Ou te le tuuina atu se isi avega ia
25 te outou; a e peitai o le mea ua ia
te outou ia outou taofi mau ai, seia
26 ou alu atu. O lē manumalo foi, ma
tausi i a'u galuega seia oo i le gata-
aga, ou te avatua ia te ia e pule i
27 nuu ese; e pule foi o ia ia te i latou
i le tootoo uamea; e nutipalaina i
latou pei o ipu a lē fai ipu omea, e
pei o a'u foi ona ou maua mai i lo'u
28 Tamā; ou te avatua foi ia te ia le
29 fetu ao. O le ua i ai taliga, ina faa-
logo mai ia o ia i le mea ua fetalai
mai ai le Agaga i ekalesia.

*O tusi i agelu a ekalesia o i Sara-
taisa ma Filatelefaia, ma Laotikaia.*

- 3 IA e tusi foi i le agelu a le ekale-
sia, o i Sarataisa, O mea nei ua fai
mai ai le ua i ai Agaga e toafitu o
le Atua, ma fetu e fitu, Ua ou iloa
au galuega, ua ia te oe le igoa ua e
2 ola, a ua e oti. Ia e mataala, ma
ia e faatumauiua mea ua totoo o le
a mate; auā ou te lei iloa au galue-
3 ga ona atoatoa i luma o le Atua. O
lea foi ia e manatu ai i mea ua e
maua ma ua e faalogo ai, ma ia e
taoifina ai, ma ia e salamo. Afai foi
e te le mataala, ou te alu atu ia te
oe e pei o se gaioi, e te le iloa foi le
itu aso ou te alu atu ai ia te oe.
4 Ua ia te oe ni nai tagata i Sarataisa
lava, o e ua le faaleelelea o latou
ofu; latou te savavali ma a'u i ofu
5 sisina, auā ua tatau ai i latou. O lē
manumalo, e faaofuina o ia i ofu
sisina; ou te le sōloiesea foi lona
igoa i le tusi o le ola, a e ou te ta'u
atu lona igoa i luma o lo'u Tamā,
6 ma luma o ana agelu. O lē ua i ai
taliga, ina faalogo mai ia o ia i le
mea ua fetalai mai ai le Agaga i
ekalesia.
7 Ia e tusi foi i le agelu a le ekale-
sia o i Filatelefaia, O mea nei ua fai
mai ai le Paia, o le faamaoni ia, o
le ua i ai le ki a Tavita, o le na te
talā, a e leai se na te faamauiua; o
le na te faamauiua foi, a e leai se na
8 te tatalaina; ua ou iloa au galuega; 14
faauta, ua ou tuuina atu i ou luma
le faitotoa ua avanoa, e leai foi se
na te mafaia ona punitia; auā ua ia
te oe sina malosi itiiti, ma ua e tau-
sia la'u upu, ma ua e le faafitia lo'u
igoa. Faauta, ou te tuuina atu i 9
latou o i le sunako o Satani, o e
o fai mai o Iutaia i latou, a e leai
lava, a ua pepelo i latou; faauta,
ou te ta'ita'i ia te i latou ina ia
latou o atu i ou luma, ma ifo atu i
ou vae; latou te iloa foi o a'u ua
ou alofa atu ia te oe. Ua e tausia 10
le upu o lo'u onosai, o lea foi ou te
tausia ai ia te oe i le itu aso e tofo-
tofoina ai, a oo mai i le lalolagi
uma, e tofotofa ai i e o nonofo i le
lalolagi. Faauta, ou te vave alu 11
atu; ia e taofi mau i le mea ua ia
te oe, ne'i aveia e se tasi lou pale.
O lē manumalo, ou te faia lea ma 12
pou tu i le malumalu o lo'u Atua, e
le toe ulufafo lava ia, ou te tusi foi
i ai le suafa o lo'u Atua, ma le igoa
o le aai a lo'u Atua, o Ierusalemā
fou lea e alu ifo nai le lagi mai lo'u
Atua, atoa foi ma lo'u igoa fou. O 13
le ua i ai taliga, ina faalogo mai ia
o ia i le mea ua fetalai mai ai le
Agaga i ekalesia.
Ia e tusi foi i le agelu a le ekale- 14
sia o i Laotikaia, O mea nei ua fai
mai ai le Amene, o le molimau
moni ma le faamaoni, o le amataga
o mea na faia e le Atua, Ua ou iloa 15
au galuega, e te le maalili, e te le
vevela foi; ou te loto ina ia e mal-
alili, pe vevela; o lenei, ua e faale- 16
ogalua, e te le maalili, e te le vevela
foi, o le mea lea ou te luai atu ai ia
te oe i lo'u gutu Auā ua e fai mai, 17
Ou te se mauoa, ua faatamaoai-
ina a'u, ou te le mativa foi i se mea
e tasi; a ua e le iloa o oe o le mala-
ia, ma le pagatia, ma le mativa, ma
le tauaso, ma le le lavalava; ou te 18
fai atu ai ia te oe, ia e faatau atu ia
te au le auro ua faamamāina i le afi,
ina ia e tamaoai ai; ma ofu sisina
ina ia e ofu ai, ina ne'i iloa le mā o
lou le lavalavā; ma le vaimata e
nini a'i ou mata, ina ia e pupula ai.
Ou te aoai mata ma sasa ia i latou 19
uma ou te alofa i ai; o lenei, ia e
vilivilitai, ma ia e salamo. Faauta, 20
ou te tu atu i le puipui ma tu'itui
atu; ai se tasi e faalogo mai i lo'u

leo, ma tatata mai le puipui, ou te ulufale atu ia te ia, ma te tali sua
 21 foi ma ia, o ia foi ma a'u. O lē manumalo ou te avatua ia te ia ma te nonofo faatasi ma a'u i lo'u nofoālii, e pei o a'u foi ona ou manumalo, ua ma nonofo foi faatasi ma
 22 lo'u Tamā i lona nofoālii. O le ua i ai taliga, ina faalogo mai ia o ia i le mea ua fetalai mai ai le Agaga i ekalesia.

Ua iloa e Ioane le nofoālii o le Atua o i le lagi.

4 UA mavae atu ia mea, ona ou iloa atu lea, faauta, o le faitotoa ua avanoa i le lagi, o le uluai leo foi na ou faalogo ai e pei o le pu ona tatata mai ia te au, ua faapea mai, Ina sau ia i luga nei, ou te faaali atu ai ia te oe mea e tusa ona tutupu amuli. Ona a'u i le Agaga loa
 2 lea; faauta foi, ua tu mai le nofoālii i le lagi, ua tietie foi le tasi i le
 3 nofoālii; o lē tietie mai foi ua pei o le maa iasepi ma le salikea lona tino mai; ua siosioina foi le nofoālii e le nuanua e pei o le samaraki
 4 lona tino mai. Ua siosioina foi le nofoālii e nofoālii e luafulu ma le fa; na ou iloa foi o toeaina e toaluafulu ma le toafa o tietie i ia nofoālii, ua oofu i ofu sisina; ua i o
 5 latou ulu foi o pale auro. Ua oo mai foi uila, ma faititili, ma leo mai le nofoālii; o lamepa foi e fitu o mumū i luma o le nofoālii, o Agaga
 6 ia e toafitu o le Atua. Ua i luma foi o le nofoālii le sami tioata, e pei o le maa tioata; ua i totonu o le nofoālii ma ua liliolina le nofoālii e mea ola e fa ua tutumu i mata i
 7 luma atoa ma tua. O le mea ola muamua e pei o le leona, o lona lua o mea ola e pei o se povi taanoa, o lona tolu o mea ola e pei o le tagata ona mata, o lona fa foi o mea ola e
 8 pei o le aeto ua lele. O mea ola foi e fa e taitasi ma ona apaau e ono, ua faataalilolio ai, ma ua mata atoa i latou i totonu; latou te le mapu lava i le ao ma le po i le fai atu, E
 9 paia, e paia, e paia le Alii le Atua e ona le malosi uma lava, o le na soifua, o loo soifua foi, o le a afio mai.
 9 A vivii foi, ma faaneene, ma faafetai atu mea ola i le o tietie i le

nofoālii, o lē soifua e faavavau e faavavau lava, ona faapa'i ai lea o
 10 toeaina e toaluafulu ma le toafa i luma o lē tietie i le nofoālii, ma ifo atu i lē soifua e faavavau e faavavau lava, ma lafo o latou pale i luma o le nofoālii, o loo faapea atu, Le Alii e, e tatau lava oe ina ia tuu
 11 atu ia te oe le viigia, ma le faaneeneega, ma le mana; auā na e faia mea uma lava, ona o lou finagalo foi e i ai i latou ma ua faia.

O le tusi ua faamauina i faamau e fitu.

NA ou iloa foi i le aao taumatau o lē tietie i le nofoālii, o le tusi ua
 5 tusia i totonu ma le tua, ua faamauina i faamaufaaailoga e fitu. Na ou
 2 iloa foi le agelu malosi na tala'i atu ma le leo tele, O ai ea e tatau ona fofola e ia o le tusi, ma tatata ona faamaufaaailoga? A e leai se tasi
 3 le lagi, po o le lalolagi, po o lalo o le lalolagi, ia te mafaia ona fofolaina le tusi, pe vaai i ai. Ona ou
 4 tagi tele ai lea, ina ua le maua se tasi e tatau ai ona fofolaina e ia ma faitau le tusi, pe vaai i ai. Ona fai
 5 mai ai lea ia te au o le tasi o le au toeaina, Aua e te tagi; faauta, ua manumalo le Leona o le itu aiga o Iuta, o le Aa o Tavita, e fofola i le
 6 tusi, ma tatata i ona faamaufaaailoga e fitu. Na a'u iloa foi, faauta, ua tu mai i le va o le nofoālii ma mea
 7 ola e fa, e i ona tua foi le au toeaina, o le Tamai mamoe e peiseai na fasia, e fitu ona nifo ma ona
 8 mata e fitu, o Agaga ia e toafitu o le Atua ua aauina atu i le lalolagi uma. Ua alu atu ia, ma to mai le
 9 tusi nai le aao taumatau o lē tietie i le nofoālii. Ua to mai e ia le tusi, ona faapa'i ai lea o mea ola e fa ma toeaina e toaluafulu ma le toafa i luma o le Tamai mamoe, ua tofu i latou ma le kitara, ma le ipu auro ua tumu i mea manogi e mu, o talosaga ia a le au paia; ua latou pepese foi i le pese fou, ua faapea
 9 atu, Ua tatau lava oe ina ia e tagoi le tusi, ma tatata i ona faamaufaaailoga; auā na fasia oe, ua e faatauina foi i matou i lou lava toto mo le Atua, mai itu aiga uma, mā gāgana eseese, ma nuu, atoa ma atu

- 10 nuu ; ua faia foi e oe i matou ma
tupu ma faitaulaga i lo matou Atua ;
e fai foi i matou ma tupu i le lalo-
lagi. Na a'u iloa atu foi, ma ou
faalogo i le leo o agelu e toatele, o
e ua faataaliolio i le nofoālii, ma le
leo o mea ola e fa atoa ma le au
toeaina ; o lo latou faitau aofai ua
12 mano ni mano, ma afe ni afe, o loo
faapea atu ma le leo tele, Ua tatou
lava le Tamai mamoe na fasia iua ia
tuuina atu ia te ia le mana, ma le
oa, ma le poto, ma le malosi, ma le
faaneeneega, ma le viiga, ma le faa-
manū. Na ou faalogo foi i mea
13 uma na faia o i le lagi, ma le lalo-
lagi, ma lalo ifo o le lalolagi, ma
mea foi o i le sami, atoa ma mea
uma o i ai i ia mea, o loo faapea
atu, Ia ia te ia o lē tietie i le nofo-
ālii atoa ma le Tamai mamoe le
faamanū, ma le faaneeneega, ma le
viiga, ma le malosi e faavavau faa-
vavau lava. Ona fai atu lea o mea
14 ola e fa, Amene ; ona faapaū lea o
toeaina e toluafulu ma le toafa ma
ifo atu i lē soifua e faavavau e faa-
vavau lava.

O le tatalaina o faamaufaaailoga.

- 6 NA a'u iloa atu foi ua tatalaina e
le Tamai mamoe le tasi o faamau-
faailoga, ona ou faalogo ai lea i le
tasi o mea ola e fa, ua leo i le faiti-
tili, ua faapea mai, Sau ia ina vaai.
2 Ona ou vaai ai lea, faauta foi, o le
solofanua sinasina, ua i ai le aufana
i loo tietie ai ; ua avatu foi ia te ia
le palealii ; ona alu atu lea o ia, o
loo manumalo, o le a manumalo pea
3 ia. Ua tatalaina foi e ia o lona lua
o faamaufaaailoga, ona ou faalogo ai
lea i lona lua o mea ola, o loo faapea
4 mai, Sau ia ina vaai. Ona alu atu
lea o le isi solofanua mūmū ; ua
avatu foi *le pule* i loo tietie ai na te
aveeseina le filemu i le lalolagi, a e
latou te fefasiai ai ; ua avatu foi ia
te ia le pelu tele.
5 Ua tatalaina foi e ia o lona tolu o
faamaufaaailoga, ona ou faalogo ai
lea i lona tolu o mea ola, o loo faa-
pea mai, Sau ia ina vaai. Ona ou
vaai lea, faauta foi, o le solofanua
uliuli ; ua i le lima o loo tietie ai le
6 fua faatautau. Na ou faalogo foi i
le leo mai le va o mea ola e fa, ua

faapea mai, *O le tau* o le koini o le
saito o le tenari lea, *o le tau* o koini
e tolu o le karite o le tenari foi lea ;
a e aua e te faaleaga i le suāuu ma
le uaina.

Ua tatalaina foi e ia o lona fa o
faamaufaaailoga, ona ou faalogo ai
lea i le leo o lona fa o mea ola, ua
faapea mai, Sau ia ina vaai. Ona ou
vaai lea, faauta, o le solofanua sama-
sama, ma lē tietie ai, o lona igoa o
le Oti, ua mulimuli atu foi Seoli ia
te ia ; ua avatu foi ia te i laua le
pule e fasioti i lona fa o vaega o le
lalolagi i le pelu, ma le oge, ma le
oti, atoa ma manu feai o le vao.

Ua tatalaina foi e ia o lona lima
o faamaufaaailoga, ona ou iloa lea o i
lalo ifo o le fata faitaulaga o agaga
o e na fasiotia ona o le afoga a le
Atua, ma le mau na latou taofi mau
ai ; ua latou alalaga foi ma le leo
tele, ua faapea atu, Le Alii e, le
paia ma le faamaoni e te le faa-
masino ea ma tau i lo matou toto i
e nonofo i le lalolagi seia afea ? Ua
foaiina atu ia te i latou taitoatasi
ofu sisina ; ua fai atu foi ia te i
latou ia latou faatalitali lemu seia
toe itiiti, seia atoatoa mai ai o latou
uso a auaua atoa ma o latou uso, o
le a fasiotia pei o i latou lava.

Na a'u iloa atu foi ua tatalaina e
ia o lona ono o faamaufaaailoga, faa-
uta foi, o le mafuie tele, o le la foi
ua liua ua uliuli e pei o le ie fulu-
fulu talatala, o le masina foi ua
liua e pei o le toto, o fetu foi o le
lagi ua pauu i le lalolagi, e pei o
le mati ona toulou o ona fua moto
pe a luluina e le matagi tetele ; ua
mavae atu foi le lagi pei o se tusi
ua taaia, o mauga ma motu uma foi
ua aveeseina i mea sa i ai ; o tupu
foi o le lalolagi, ma alii sili, ma e ua
tamaoiga, ma ta'ita'i o 'au e tai-
toafe, ma e ua malosi, ma pologa
uma, atoa ma tama a le elele uma
ua latou lalafi i ana ma papa o
mauga ; ua latou fai atu foi i mauga
ma papa, Mafuli mai ia ia te i
matou, ma tanumai i matou ai le
silafaga a lē tietie i le nofoālii, ma
le toasa o le Tamai mamoe ; auā
oo mai le aso tele o lona toasa, o ai
foi se na te mafaia ona tu atu ?

Ua faailogaina auuuna a le Atua.

- 7 UA mavae atu ia mea, ona a'u iloa ai lea o agelu e toafa o tutū mai i itu o fa o le lalolagi, o taofi i matagi e fa o le lalolagi, ina ia le agi atu le matagi i le fanua, po o le sami, po o se laau e tasi. Ua a'u iloa foi le tasi agelu ua ui ae i le mea e alu ae ai le la, ua ia te ia le faamaufaaailoga a le Atua soifua; ua alaga ia ma le leo tele i agelu e toafa na tuuina atu ia i latou ia
- 3 faaleaga i le fanua ma le sami, ua faapea atu, Aua tou te faaleaga i le fanua, po o le sami, po o laau, seia matou faamaufaaailogaina auuuna a
- 4 lo tatou Atua i o latou muaulu. Na ou faalogo foi i le faitau aofai o e na faamaufaaailogaina; e selau afe ma afe e fagafulu ma afe e fa o e ua faamaufaaailogaina i itu aiga
- 5 uma o le fanauga a Isaraelu; e sefulu afe ma afe e lua o e ua faamaufaaailogaina i le itu aiga o Iuta; e sefulu afe ma afe e lua o e ua faamaufaaailogaina i le itu aiga o Reupena; e sefulu afe ma afe e lua o e ua faamaufaaailogaina i le itu aiga o Kato; e sefulu afe ma afe e lua o e ua faamaufaaailogaina i le itu aiga o Asera; e sefulu afe ma afe e lua o e ua faamaufaaailogaina i le itu aiga o Nafatali; e sefulu afe ma afe e lua o e ua faamaufaaailogaina i le itu aiga o Manase; e sefulu afe ma afe e lua o e ua faamaufaaailogaina i le itu aiga o Simeona; e sefulu afe ma afe e lua o e ua faamaufaaailogaina i le itu aiga o Levi; e sefulu afe ma afe e lua o e ua faamaufaaailogaina i le itu aiga o Isakara; e sefulu afe ma afe e lua o e ua faamaufaaailogaina i le itu aiga o Sepulona; e sefulu afe ma afe e lua o e ua faamaufaaailogaina i le itu aiga o Iosefa; e sefulu afe ma afe e lua o e ua faamaufaaailogaina i le itu aiga o Peniamina.
- 9 Ua mavae atu ia mea, ona ou iloa lea, faauta foi i le motu o tagata e toatele mai atu nuu uma, ma aiga, ma nuu, ma gagana eseese, e le ma faitaula e se tasi, o loo tutū i latou i luma o le nofoālii ma luma o le Tamai mamoe, ua oofu i latou i ofu sisina, ua i ai foi lau pama i o latou

lima; ua latou alalaga foi ma leo 10 tetele, ua faapea atu, *O i ai le faaolataga i lo tatou Atua o lē tietie i le nofoālii, atoa male Tamai mamoe.* Ua tutū faataaliolio agelu uma i le 11 nofoālii ma le au toeaina ma mea ola e fa, ua latou faapaū fao i luma o le nofoālii, ma ifo atu i le Atua, ua faapea atu, Amene; Ia i lo tatou 12 Atua le faamanū, ma le viiga, ma le poto, ma le faafetai, ma le mamalu, ma le mana, ma le malosi e faavavau faavavau lava. Amene. Ona fai mai ai lea o le tasi o le au 13 toeaina, ua faapea mai ia te au, *O i latou ia e ua oofu i ofu sisina, o ai ea i latou, po o fea foi na latou o mai ai?* Ona ou faapea atu ai lea 14 ia te ia, *Le Alii e, ua e silafia. Ona faapea mai ai lea o ia ia te au, O i latou ia o e o mai nai le puapuaga tele, ua ta foi o latou ofu, ma ua faasinasinaina o latou ofu i le toto o le Tamai mamoe. O le mea lea ua* 15 *latou i luma ai o le nofoālii o le Atua, ua latou auuuna foi ia te ia i lona malumalu i le ao ma le po; o lē tietie foi i le nofoālii e mau ma i latou. Latou te le toe fia aai, e le* 16 *toe fia inu foi e le ogotia i latou i le la, po o se tasi vevela; auā o le* 17 *Tamai mamoe o loo i luma o le nofoālii na te fafaga ia i latou, ma ta'ita'i ia te i latou i puna o vai ola; e sōloieseina foi e le Atua o loimata uma nai o latou mata.*

Ua tatalaina lona fitu o faamaufaaailoga.

UA tatalaina foi e ia o lona fitu o 8 faamaufaaailoga, ona lologo ai lea o e i le lagi pe atoa le vaeluagalemu o 2 le itu aso e tasi. Na a'u iloa foi agelu e toafitu o e tutū i luma o le 3 Atua, ua avatu foi ia te i latou pu e fitu. Ua sau foi le tasi agelu, ma tu mai i le fata faitaulaga, ua ia te ia 4 le ipu auro e faamu ai mea manogi; ua avatu ia te ia mea manogi e tele, ina ia avatu ai atoa ma talo- 5 saga a le au paia uma i luga o le fata auro ua i luma o le nofoālii. O le asu foi o le mea manogi ua i le lima o le agelu ua alu ae, atoa ma talosaga a le au paia, i luma o le 4 Atua. Ua tago foi le agelu i le ipu 5 e faamu ai mea manogi, ua ia faa-

tumuina ai i le afi ai le fata faitau-
laga, ua lafo ifo ai i le lalolagi; ona
i ai lea o leo, ma faititili, ma uila,
ma le mafuie.

- 6 O agelu e toafitu ua i ai pu e fitu,
7 ua latou sauniuni e ili. Ua ili foi e
le agelu muamua le pu, ona i ai lea
o le uato'a ma le afi ua fefiloi ma le
toto, ua lafo ifo i le lalolagi; ona
susunuina ai lea o lona tolu o vaega
o laau, ma ua susunuina vao iti lau-
8 olaola uma lava. Ua ili foi e lona
toalua o agelu le pu, ona i ai lea
peiseai se mauga tele ua mu i le afi,
ua lafo ifo i le sami; ona liu toto
lea o lona tolu o vaega o le sami.
9 Ona mamate ai lea o lona tolu o
vaega o mea ola o i le sami, atoa ma
lona tolu o vaega o vaa ua faa-
10 umatia. Ua ili foi e lona toatolu o
agelu le pu, ona pa'i ai lea nai le
lagi o le fetu tele, ua mu e pei o se
lamepa, ma ua pa'i ifo i lona tolu o
vaega o vaitafe, atoa ma puna'o vai.
11 Ua igoa le fetu i le Oona; ona
faaonaina ai lea o lona tolu o vaega
o vai, ua oti foi tagata e toatele i le
12 vai, ina ua faaonaina. Ua ili foi e
lona toafa o agelu le pu, ona taia ai
lea o lona tolu o vaega o le la, ma
lona tolu o vaega o le masina, atoa
ma lona tolu o vaega o fetu, ina ia
faapouliuligia o lona taitolu o latou
vaega, e lei malamalama foi o lona
tolu o vaega o le ao, ua faapea foi
13 ma le po. Na ou iloa, ma ou faa-
logo i le tasi agelu ua lele i le tau-
lotoaiga o le lagi, ua faapea mai ma
le leo tele, Aue, aue, aue i e o
nonofo i le lalolagi, ona o isi iligāpu
a agelu e toatolu o le a ilia mai.

*Ua ilia pu e lona toalima ma lona
toaono o agelu.*

- 9 UA ili foi e lona toalima o agelu
le pu, ona ou iloa ai lea o le fetu ua
pa'i nai le lagi i le lalolagi; ua
tuuina atu foi ia te ia le ki o le to
2 e le gata. Ua tatata foi e ia le to e
le gata; ona alu ae ai lea o le asu ai
le to e pei o le asu o se umu tele, ua
faapouliuligia ai le la ma le lagi ona
3 o le asu o le to. Ua o atu foi sē
akerisi nai le asu i luga o le lau-
eleele; ua tuuina atu ia te i latou
le malosi e pei o le malosi o akarava
4 o le vao; ua fai atu foi ia te i latou

aua nēi latou faaleaga i vao iti o le
fanua, po o se mea lauolaola e tasi,
po o se laau e tasi; tau lava o
tagata ua le i ai i o latou muauulu le
faamaufaaaloga a le Atua. Ua tuu- 5
ina atu ia te i latou aua nēi fasiotia
i latou, tau lava ina faatigaina i
masina e lima; o latou tiga foi e
pei o le tiga o le tagata pe a tuia e
le akarava. O ona po ia e saili ai e 6
tagata le oti, a e latou te le maua;
e naunau foi i latou ina ia oti, a e
sola ese le oti ia te i latou. O sē 7
akerisi foi ua tino mai e pei o solo-
fanua ua saunia i le taua; o latou
ulu foi ua peiseai ua i ai palealii e
pei o auro, ma o latou mata e pei o
mata o tagata; ua ia te i latou foi 8
lauulu e pei o lauulu o fafine, ma o
latou nifo e pei o nifo o leona; ua 9
ia te i latou foi uffatatafa e pei o
uffatatafa uamea; ua palalu foi o
latou apaau e pei o le taalili o
kaioti ma solofanua e tele pe a
taufetuli e tau. Ua ia te i latou o iu 10
e pei o iu o akarava, ua i ai foi tui i
o latou iu; ma ua ia te i latou le
malosi e faaleaga ai tagata i masina
e lima. Ua ia te i latou foi le tupu, 11
o le agelu lea o le to e le gata; o
lona igoa i le upu Eperu o Avatonu,
a o lona igoa i le upu Eleni o
Apoluonu. Ua mavae atu le aue e 12
tasi; faauta, ua totoe aue e lua e
mulimuli ane i le oo mai.

Ua ili foi e lona toaono o agelu le 13
pu, ona ou faalogo ai lea i le leo mai
nifo e fa o le fata auro o i luma o le
Atua, ua faapea atu i lona toaono o 14
agelu ua i ai le pu, Tatata ia agelu e
toafa o e ua fusifusia i le vaitafe
tele o Eufirate. Ona talatalaina ai 15
lea o ia agelu e toafa o e ua saunia
i le itu aso, ma le aso, ma le masina,
ma le tausaga, ina ia latou fasiotia
lona tolu o vaega o tagata. O le 16
faitau aofai o le 'au tau o e ua tietie
i solofanua e lua mano o mano; ua
ou faalogo foi i le faitau aofai o i
latou. E faapea foi ona a'u iloa o 17
solofanua i le mea na vaaia, ma e
ua tietie ai, ua i ai uffatatafa afi,
ma le uakini, ma le teio; o ulu foi
o solofanua e pei o ulu o leona, ua
alu atu nai o latou gutu le afi, ma
le asu, ma le teio. O mea ia e tolu
na fasiotia ai lona tolu o vaega o 18

- tagata, o le afi, ma le asu, ma le teio na alu atu nai o latou gutu.
- 19 Auā ua i o latou gutu ma o latou iu le latou malosī; auā o latou iu e pei o gata ia, ua i ai ulu, o mea foi ia latou te faaleaga ai tagata. O tagata foi na totoe o e lei fasiotia i nei mala, latou te lei salamo i galuega a o latou lima, o lo latou ifo i temoni, ma tupua auro, ma ario, ma 'apa memea, ma maa, ma laau, o mea ia e le mafaia ona vaai, pe
- 20 tagata foi na totoe o e lei fasiotia i nei mala, latou te lei salamo i galuega a o latou lima, o lo latou ifo i temoni, ma tupua auro, ma ario, ma 'apa memea, ma maa, ma laau, o mea ia e le mafaia ona vaai, pe
- 21 faalogo, pe savavali; latou te lei salamo foi i o latou fasioti tagata, ma a latou togafiti faataulaitu, ma la latou faitaaga, ma o latou gaoui.

O le agelu malosi ma le tusi ua i lona lima.

- 10 NA a'u iloa atu foi le tasi agelu malosi ua alu ifo mai le lagi, ua ofu i le ao, ua i lona ulu le nuanua, o ona fofoga foi e pei o le la, o ona
- 2 vae foi e pei o pou tu afi; ua i lona lima foi le tusi itiiti ua fofola; ua tu lona vae taumatau i le sami, ma
- 3 lona vae tauagavale i le fanua, ua alaga foi ia ma le leo tele, e pei o le leona pe a tagi; ua alaga ia, ona feganavai mai ai lea o faititili e fitu
- 4 i o latou lava leo; ua feganavai mai faititili e fitu i o latou lava leo, na fai a a'u tusia; ona ou faalogo ai lea i le leo mai le lagi, ua faapea mai ia te au, Ina faamaufailogaina ia o na mea na feganavai mai ai o faititili e fitu, aua ne'i e tusia na mea.
- 5 O le agelu foi na iloa e a'u ua tu i le sami ma le fanua, ua sii ae e
- 6 ia lona lima i le lagi, ma ua tauto i le o soifua e faavavau faavavau lava, o le na faia le lagi ma mea o i ai, ma le fanua ma mea o i ai, ma le sami ma mea o i ai, e le toe ai ni
- 7 aso; a e peitai a oo i ia ona po o le leo o lona toafitu o agelu, pe a ilia e ia le pu, ona taunu ai lea o le mea lilo a le Atua, e pei ona folafolaina mai e ia i ana auaina le au perofeta.
- 8 O le leo foi na ou faalogo ai mai le lagi, ua toe tautala mai ia te au, ua faapea mai, Alu ia, ina tago i le tusi itiiti ua fofola, o i le lima o le agelu o loo tu i le sami ma le fanua.
- 9 Ona ou alu atu ai lea i le agelu, ma ou fai atu ia te ia, Au mai ia te au le tusi itiiti. Ona faapea mai ai lea
- o ia ia te au, Ina tago ia i ai, ma e 'aina; e oona i lou manava, a e suamalie i lou gutu e pei o le meli. Ona ou tago ai lea i le tusi itiiti nai
- 10 le lima o le agelu, ma a'u 'aina; ona suamalie ai lea i lo'u gutu e pei o le meli; ua uma ona ou 'ai ai, ona oona lea i lo'u manava. Ona faapea
- 11 mai ai lea o ia ia te au, E ao ina e toe vavalo i nuu, ma atu nuu, ma gagana eseese, ma tupu e toatele.

Ua vavalo mai molimau e toalua.

- ONA tuuina mai lea ia te au le u
- 11 e pei o se tootoo; ua tu mai foi le agelu, ua faapea mai, Tulai ia, ina fuatia ia le malumalu o le Atua, ma le fata faitaulaga, ma e o tapuai i ai; a o le lotoa o le malumalu e aupito i tua, lafoai lea, aua foi e te fuaina, auā ua tuuina atu i nuu ese; latou te solia foi le aai paia i masina e fagafulu ma le lua. Ou te tuuina
- 3 atu foi i a'u molimau e toalua, la te vavalo ai i aso e tasi le afe e lua selau ma le onogafulu, o oofu i laua i le talatala. O laau olive ia e lua,
- 4 ma tuugālamapa e lua ua tutū i luma o Atua o le lalolagi. Afai foi e
- 5 fia faaleaga se tasi ia te i laua, ona alu atu ai lea o le afi ai o la gutu, e faaumatia ai e ua fai i laua mo latou fili; afai foi e fia faaleaga se tasi ia te i laua, e tusa ona faapea ona fasiotia o ia. Ua ia te i laua le pule
- 6 e pupuni le lagi, ina ia le to ifo se ua i aso o la la valoaga; ua ia i laua foi le pule i vai e liu ai ma toto, e taia foi le lalolagi i mala uma, o lo la faitalia pe atu fia. Pe a uma ona
- 7 la faaiuina la la mau, ona sii mai lea o le taua ia te i laua e le manu feai le ua alu ae nai le to e le gata, e manumalo foi o ia ia te i laua, ma fasioti ia te i laua. O la tino foi e i
- 8 ai ia i le ala o le aai tele, o lona igoa faaleagaga, o Sotoma ma Aikupito, o le mea foi na faasatauroina ai lo tatou Alii. E tolu aso ma le vaelu-
- 9 agalemu o le aso e vaavaai ai i o la tino e nisi mai nuu, ma itu aiga, ma gagana eseese, ma atu nuu, a e latou te le mafafai ona ia tuuina
- 10 atu o la tino i tuugamau. E fiasia foi e ua nonofo i le nuu ona o i laua, ma latou olioli, ma feaveai mea alofa; auā na faatigaina e ua

- nonofo i le nuu e ia perofeta e toa-
 11 lua. A ua mavae aso e tolu ma le
 vaeluagalemu o le aso, ona ului-
 tinoina ai lea o i laua e le Agaga ola
 mai le Atua, ona la tutū i luga ai
 lea o la vae, ona oo ai lea o le
 mata'u tele i e na matamata ia te i
 12 laua. Ona la faalogo lea i le leo tele
 mai le lagi, ua faapea atu ia te i
 laua, Ina o mai ia i luga nei. Ona
 la o ae ai lea i le lagi i le ao, ua
 matamata foi ia te i laua o e na fai
 13 i laua mo latou fili. O le itu aso
 lava lea na to ai le mafuie tele, ua
 paū ai foi lona sefulu o vaega o le
 aai, ua oti foi i le mafuie tagata e
 toafitugaafe; ua matatau foi e na
 totoo, ona latou vivii atu lea i le
 14 Atua o le lagi. Ua mavae atu lona
 lua o aue; faauta, o lona tolu o aue
 e vave ona oo mai.
 15 Ua ili foi e lona toafitu o agelu le
 pu, ona i ai lea i le lagi o leo tetele,
 ua faapea mai, O malo o le lalolagi
 ua avea mo lo tatou Alii ma lona
 Keriso, e fai foi o ia ma tupu e faa-
 16 vavau faavavau lava. O toeaina foi
 e toaluafulu ma le toafa, o e nonofo
 i o latou nofoālii i luma o le Atua,
 ua latou faapaū fao, ma ifo i le
 17 Atua, ua faapea atu, Le Alii e, le
 Atua e ou le malosi uma lava, ua
 matou faafetai atu ia te oe, o lē
 soifua, o le na soifua, o le a afio
 mai, ina ua e tago i lou mana tele
 18 ma ua fai oe ma tupu. Ua ita foi
 nuu, ona oo mai lea o lou toasa, ma
 ona po e faamasinoina ai e ua oti,
 ma tau ai i au auaina e au perofe-
 ta, ma le au paia, ma e ua mata-
 tau i lou suafa, o tagatānuu atoa
 ma alii, e fano ai foi i latou o e na
 fano ai le lalolagi.
 19 Ua faaavancaina foi le malumalu
 o le Atua i le lagi, ona iloa atu ai
 lea o le atolaau o lana feagaiga i
 lona malumalu; ona tutupu lea o
 uila, ma leo, ma faititili, ma le ma-
 fuie, ma le uato'a tetele.

O le fafine na ofu i le la.

- 12 UA iloa foi le faailoga tele i le
 lagi, o le fafine ua ofu i le la, o i
 lalo o ona vae le masina, o i lona
 ulu foi le palealii fetu e sefulu ma
 2 le lua; ua to foi o ia; ua faatiga ma
 3 alaga i le tiga a fanau. Ua iloa foi

le tasi faailoga i le lagi, faauta foi,
 o le tarako tele e mūmū, e fitu ona
 ulu ma ona nifo e sefulu; ua i ona
 ulu o palealii e fitu. Ua toso e lona
 4 iu i lona tolu o vaega o fetu i le
 lagi, ma lafo ifo ia i latou i le lalo-
 lagi. Ua tu foi le tarako i luma o
 le fafine o le a fanau, ina ia 'ai e ia
 o lana tama pe a fanau. Ua fanau
 5 foi e ia o le tama tane, o le na te
 pule i nuu uma i le tootoo uamea;
 ona segia ae lea o lana tama i le
 Atua i lona nofoālii. Ona sola lea
 6 o le fafine i le vao, o i ai le mēa ua
 saunia e le Atua e nofo ai o ia, ina
 ia latou fafaga ai ia te ia i aso e
 tasi le afe ma le lua o selau ma le
 onogafulu.

Ua tau foi le taua i le lagi; o
 7 Mekaeli ma ana agelu ua latou tau
 ma le tarako, ua 'au foi le tarako
 ma ana agelu e tau ai le taua, a ua
 8 latou le manumalo, e le toe maua
 foi i le lagi se mea latou te nonofo
 ai. Ua lafo foi le tarako tele, o le
 9 gata tuai lea, ua igoa i le tiapolo, i
 le ma Satani, o lē faasee i le lalo-
 lagi uma; ua lafo ifo i le lalolagi,
 ua lafo foi ana agelu faatasi ma ia.
 Na ou faalogo foi i le leo tele i le
 10 lagi, ua faapea, O ona po nei ua oo
 mai ai le olataga, ma le mana, ma
 le malo o lo tatou Atua, ma le pule
 a lona Keriso; auā ua lafo i lalo le
 na molia o tatou uso, o le na molia
 i latou i luma o lo tatou Atua i le
 ao ma le po. A ua latou manu-
 11 malo ia te ia ona o le toto o le
 Tamai mamoe, ma le upu a la latou
 mau, ua latou le faapelepeleina foi
 lo latou ola ua oo i le oti. O le
 12 mea lea ia outou olioli ai, le lagi e
 atoa ma e ua nonofo ai. O i talofa
 ia te outou o e nonofo i le fanua
 ma le sami, auā ua alu ifo ia te
 outou le tiapolo ua lotoa tele, auā
 ua na iloa ua saasaa ona po. Ua
 13 iloa e le tarako ua lafo ifo o ia i le
 lalolagi, ona faasaua lea o ia i le
 fafine na na fanaua le tama tane.
 Ona foaiina atu lea i le fafine apaau
 14 e lua o le aeto tele, ina ia lele ai o
 ia ai luma o le gata i le vao i le
 mea e nofo ai o ia, e fagina ai o ia
 i le tausaga, ma tausaga, ma lona
 vaeluagalemu o le tausaga. Ona
 15 luai atu lea e le gata le vai, e pei o

- se vaitafe nai lona gutu i tua o le fafine, ina ia tafea o ia i le vai.
- 16 Ona fesoasoani ai lea o le fanua i le fafine, ua faamaga ae foi e le fanua lona gutu, ma ua inu i le vaitafe ua luai atu e le tarako nai lona gutu.
- 17 Ua ita foi le tarako i le fafine, ona alu atu ai lea o ia e tau le taua ma i latou ua totoe o lana fanau, o e ua tausi i poloaiga a le Atua, ma ua taofi le mau ia Iesu Keriso.

Ua alu ae nai le sami le manu feai e fitu ona ulu ma ona nifo e sefulu.

- 13 UA ou tu i le oneone i le matafaga; ona a'u iloa ai lea o le manu feai ua alu ae nai le sami, e fitu ona ulu ma ona nifo e sefulu; ua i ona nifo foi o palealii e sefulu, ua i ona ulu foi o le igoa faifai. O le manu feai foi na ou iloa, e pei o le nameri, o ona vae foi e pei o vae o le urosa, ma lona gutu e pei o le gutu o le leona. Ua tuuina atu foi ia te ia e le tarako lona malosi, ma lona nofo-
- 3 ālii, ma le pule tele. Na a'u iloa foi le tasi o ona ulu e peiseai ua foa a mate; a o lona foa na fai a mate ai ua mafu, ona ofo ai lea o le lalolagi uma ma latou mulimuli atu i le
- 4 manu feai. Ua latou ifo foi i le tarako o le na tuuina atu le pule i le manu feai, ua latou ifo foi i le manu feai, ua faapea atu, O ai sē tusa ma le manu feai? O ai se na te mafaia ona tau ma ia? Ua
- 5 avatu foi ia te ia le gutu e tautala ai i upu tetele ma upu faifai; ua tuuina atu foi ia te ia le pule e tau ai le taua i masina e fagafulu ma le
- 6 lua. Ona tautala lea o ia ua upu leaga i le Atua, ua ia upu leaga i lona suafa, ma lona fale fetafai,
- 7 atoa ma e ua nonofo i le lagi. Ua tuuina atu foi ia te ia ia tau le taua ma le au paia, ma ia manumalo ia te i latou; ua tuuina atu foi ia te ia e pule i itu aiga uma,
- 8 ma gagana eseese, ma nuu. Ua ifo foi ia te ia o i latou uma o e nonofo i le lalolagi, ē ua le tusia o latou igoa i le tusi o le ola a le Tamai mamoe na fasia talu ona faavaeina
- 9 o le lalolagi. Ai se tasi ua i ai ta-
- 10 liga, ina faalogo mai ia o ia. Ai se na te ta'ita'iina nisi faatagataotaua, e alu lava ia faatagataotaua; ai se

na te fasiotia i le pelu, e tusa ona fasiotia o ia i le pelu. O le mea lena ua i ai le onosai ma le faatutua o le au paia.

Na a'u iloa foi le tasi manu feai 11
ua alu ae nai le fanau, ua i ai foi
ona nifo e lua pei o nifo o se tamai
mamoe, a ua tautala ia pei o se
tarako. Ua fai foi e ia le pule uma 12
a le uluai manu feai i ona luma;
ma ua faia e ia ona ia ifo o le lalo-
lagi ma e ua nonofo ai i le uluai
manu feai, o le ua mafu lona foa na
fai a mate ai; ua faia foi e ia faa- 13
iloga tetele, o lea ua fai ai e ia, ina
ia alu ifo le afi mai le lagi i le lalo-
lagi i luma o tagata. Ua ia faasese 14
foi i e ua nonofo i le lalolagi ona o
ia faailoga ua tuuina atu ia te ia na
te faia i luma o le manu feai, o loo
fai atu ia i e ua nonofo i le lalolagi
latou te faia se faatagata o le manu
feai e ona le manua i le pelu a ua 15
ola. Ua tuuina atu foi ia te ia na
te avatua le mānava i le faatagata
o le manu feai, ina ia tautala le faa-
tagata o le manu feai, ma ia faia
ina ia fasiotia i latou uma o e le ifo
atu i le faatagata o le manu feai.
Ua faia foi e ia ona ia faailogaina o 16
tagata uma, o tagata nuu atoa ma
alii, o e mauoa ma e matitiva, o e
sa'oloto ma e pologa, ia faailogaina
i latou i o latou lima taumatau, po
o latou muaulu; ina ia le mafaia 17
ona faatau mai pe faatau atu e se
tasi, tau lava o e ua i ai le faailoga,
po o le igoa o le manu feai, po o le
faitau aofai o lona igoa. O le mea 18
lenei ua i ai le poto. O le ua i ai le
mafaufau ina faitau ia o ia i le fai-
tau aofai o le manu feai; auā o le
faitau aofai lea o le tagata; o lona
faitau aofai foi, E ono selau ma le
onogafulu ma le ono.

*O le Tamai mamoe ma ona tagata;
o le paū o Papelonía.*

NA a'u iloa, faauta foi, ua tu 14
mai le Tamai mamoe i le mauga o
Siona, ua faatasi foi ma ia tagata e
selau afe ma afe e fa sefulu ma le
fa o afe, ua tusia le suafa o lona
Tamā i o latou muaulu. Ua ou faa- 2
logo foi i le leo mai le lagi e pei o
le taalili o vai e tele, e pei o le taa-
lili foi o le faititili tetele; ua ou

faalogo foi i le leo o e ta kitara o
 3 loo ta i a latou kitara. Ua latou
 pepese foi e peiseai o se pese fou i
 luma o le nofoālii, ma luma o mea
 ola e fa, ma le au toeaina; e le
 mafaia foi e se tasi ona a'oa'o i lea
 pese, na o le selau afe ma afe e fa
 sefulu ma le fa o afe o e ua faatau-
 4 ina nai le lalolagi. O tagata ia e lei
 leaga i fafine; auā o taupou i latou;
 o i latou ia o e ua mulimuli atu i le
 Tamai mamoe i mea uma e alu i ai
 o ia; o i latou ia o e ua faatauina
 nai tagata, o e ua faapolopoloina mo
 5 le Atua ma le Tamai mamoe; e le
 iloa foi se pepelo i o latou gutu;
 auā e le ponā i latou i luma o le
 nofoālii o le Atua.
 6 Na a'u iloa foi le tasi agelu ua
 lele i le taulotoaiga o le lagi, ua ia
 te ia le tala lelei e faavavau e folā-
 folā atu i e nonofo i le lalolagi i atu
 nuu uma, ma itu aiga, ma gagana
 7 eseese, ma nuu, ua faapea atu ma
 le leo tele, Ia outou matatau i le
 Atua, ma avatu ia te ia le viiga, auā
 ua oo mai le itu aso o lana faamasi-
 noga; ma ia outou ifo i le na faia le
 lagi, ma le fanua, ma le sami, atoa
 8 ma puna o vai. Ona mulimuli atu
 ai lea o le tasi agelu, ua faapea atu,
 Ua pa'i, ua pa'i Papelonía o le aai
 tele, auā ua ia faaiinu i nuu uma i
 le uaina o le toasa i lana faitaaga.
 9 Ona mulimuli atu ai lea ia te i laua
 o lona toatolu o agelu, ua faapea
 atu ma le leo tele, Ai se tasi e ifo i
 le manu feai ma lona faatagata, ma
 talia le faailoga i lona muaulu po o
 10 lona lima, e inu lava ia i le uaina o
 le toasa o le Atua, ua liliaina atu e
 le suia i le ipu o lona toasa, e pua-
 puagatia foi ia i le afi ma le teio i
 luma o le au agelu paia ma luma o
 11 le Tamai mamoe; o le asu foi o lo
 latou puapuga e alu ae e faavavau
 faavavau lava; latou te le maua foi
 se filemu i le ao ma le po o e ua ifo
 i le manu feai ma lona faatagata,
 ma se na te talia le faailoga o lona
 12 igoa. O le mea lenei ua i ai le ono-
 sai o le au paia; o le mea lenei ua i
 ai e ua tausi i poloaiga a le Atua
 13 ma le faatuatua ia Iesu. Na ou
 faalogo foi i le leo mai le lagi, ua
 faapea mai ia te au, Ia e tusi, Amuia
 ē ua oti, o e ua oti o i le Alii e

amata i nei ona po. O lea lava, ua
 fetalai mai ai le Agaga, ina ua latou
 malolo i a latou galuega tiga; o a
 latou galuega foi e mulimuli ia te i
 latou.

Na a'u iloa faauta foi, o le ao 14
 sinasina, ua tietie foi i le ao le tasi
 ua pei o le Atalii o le tagata, ua i
 lona ao le palealii auro, ua i lona
 aao foi le selesaito maai. Ua alu 15
 atu foi le tasi agelu nai le malu-
 malu, ua alaga ma le leo tele i le ua
 tietie i le ao, Ina faaoo atu ia lau
 selesaito, ina sele, auā ua oo i ona
 po e te selesele ai, auā ua afu le
 saito o le lalolagi. Ona faaoo mai 16
 lea e le ua tietie i le ao lana sele-
 saito i le lalolagi, ua seleseleina ai
 le lalolagi.

Ua alu atu foi le tasi agelu nai le 17
 malumalu o i le lagi, ua ia te ia foi
 le selesaito maai. O le tasi agelu 18
 foi ua alu atu nai le fata faitaulaga,
 ua ia te ia le pule i le afi, ua alaga
 foi ia ma le leo tele i le ua i ai le
 selesaito maai, ua faapea atu, Ina
 faaoo atu ia lau selesaito maai, ina
 sala ia i fuifui vine o le vine o le
 lalolagi, auā ua otatā ona fuifui
 vine. Ona faaoo mai ai lea e le 19
 agelu o lana selesaito i le lalolagi, ua
 sala foi e ia le vine o le lalolagi, ua
 ia lafo atu foi i totonu o le soligā-
 vine tele o le toasa o le Atua. Ua 20
 solia foi le soligāvine i tua o le aai,
 ua alu atu foi le totonu i le soligāvine
 e oo i faagutu o solofanua, e tasi le
 afe ma le ono o selau o setatio ua
 pau mai ai.

*O agelu e toafitu ua i ai mala e fitu
 e faauma ai.*

NA ou iloa foi i le lagi le tasi 15
 faailoga tele e ofo ai, o agelu e toa-
 fitu ua i ai mala e fitu e gata ai;
 auā e faaiuina ai le toasa o le Atua.
 Na ou iloa atu foi ua peiseai o se 2
 sami tioata ua fefiloi ma le afi; o i
 latou foi na manumalo i le manu
 feai, ma lona faatagata, ma lona
 faailoga, ma le faitau aofai o lona
 igoa, ua tutū i latou i le sami tioata,
 ua ia te i latou kitara a le Atua.
 Ua latou pepese i le pese a Mose le 3
 auaua a le Atua, ma le pese a le
 Tamai mamoe, ua faapea atu, Le
 Alii e, le Atua e ou le malosi uma

lava, ua tetele au galuega e ofo ai; e tonu ma faamaoni ou ala, le Tupu 4 o le au paia ē. Le Alii e, o ai se le mata'ū ia te oe, ma vivii atu i lou suafa? auā ua na o oe e lelei; auā e o mai nuu uma lava, ma latou ifo i ou luma; auā ua faaalua au faamasinoga tonu.

5 Ua mavae nei mea, ona ou vaai lea, faauta foi, ua faaavanoaina i le lagi le malumalu o i le fale fetafai o 6 i ai le mau; ona o atu lea nai le malumalu o agelu e toafitu ua i ai mala e fitu, ua oofu i latou i ie lino e mamā ma le pupula, ua fusia foi 7 o latou fatafata i fusi auro. O le tasi foi o mea ola e fa ua ia avatu i agelu e toafitu o ipu auro e fitu, ua tutumu i le toasa o le Atua o lē soifua e faavavau faavavau lava. 8 Ua tumu foi le malumalu i le asu nai le pupula o le Atua atoa ma lona mana; e le mafaia foi e se tasi ona ulu atu i le malumalu, seia faai-uina mala e fitu a agelu e toafitu.

Ua faamaligiina e agelu e toafitu o a latou ipu.

16 NA ou lagona foi le leo tele mai le malumalu, ua faapea atu i agelu e toafitu, O ia, ina liligi atu ipu o le 2 toasa o le Atua i le lalolagi. Ona alu atu ai lea o lē muamua, ua liligi ifo lana ipu i le fanua; ona oo lea o le papala leaga e tiga ai tagata ua i ai le faailoga o le manu feai, atoa 3 ma ē ua ifo i lona faatagata. Ua liligi foi e lona toalua o agelu lana ipu i le sami; ona liu toto ai lea e pei o le toto o le tagata oti; ona mamate ai lea o mea ola uma o i le 4 sami. Ua liligi foi e lona toatolu o agelu lana ipu i vaitafe ma puna o 5 vai; ona liu toto ai lea. Na ou lagona foi le agelu e *pule* i vai ua faapea atu, Le Alii e, o lē amiotonu oe, o lē soifua, o le na soifua, ma lōo lelei, auā ua faapea ona e faasa- 6 laina. Auā na latou faamaligiina le toto o tagata paia ma perofeta, i le ua e avatu ai ia te i latou le toto e inu ai; auā ua tataua lea mo i latou. 7 Na ou lagona foi i le tasi mai le fata faitaulaga, ua faapea atu, E moni, le Alii e, le Atua e ou le ma- losi uma lava; e faamaoni ma le

tonu au faamasinoga. Ua liligi foi 8 e lona toafa o agelu lana ipu i le la; ua tuuina atu i ai ia mu ai tagata i le afi; ua mu foi tagata i le mu 9 tele, ona latou faifai lea i le suafa o le Atua e ana le pule i ia mala; a ua le salamo i latou e avatu ai le viiga ia te ia.

Ua liligi foi e lona toalima o age- 10 lu lana ipu i le nofoālii o le manu feai; ona faapouliuligia lea o lona malo; ona latou feati ai lea o latou laulaufaiua ona o le puapuaga; ua 11 latou faifai foi i le Atua o le lagi ona o latou puapuaga atoa ma o latou papala, ua le salamo foi i latou i a latou amio. Ua liligi foi e 12 lona toaono o agelu lana ipu i le vaitafe tele o Eufirate; ona mate ai lea o lona vai, ina ia saunia le ala o tupu mai *nuu* e alu ae ai le la. Ona ou iloa ai lea o agaga leaga e 13 toatolu e pei o rane *ua o mai* mai le gutu o le tarako, ma le gutu o le manu feai, atoa ma le gutu o le perofeta pepelo; auā o agaga ia o 14 temoni e fai faailoga, ua latou o atu i tupu o le lalolagi ma le atu laulau uma, e faapotopoto ia te i latou i le taua i le aso tele o le Atua e ona le malosi uma lava. (Faauta, ou te alu atu pei o se 15 gaoi; amuia lē mataala, ma tausi i ona ofu, ina ne'i savali o ia e lē lavalavā, ne'i latou iloa atu foi lona mā.) Na ia faapotopoto foi ia te 16 i latou i le mea ua igoa i le upu Eperu o Amaketo. Ua liligi foi e 17 lona toafitu o agelu lana ipu i le matagi; ona tūlei mai ai lea o le siufofoga tele mai le malumalu o i le lagi mai le nofoālii, ua faapea mai, Ua uma ona fai. Ona tutupu 18 ai lea o leo, ma faititili, ma uila, sa i ai foi le mafuie tele, e le faapea ona tele se mafuie ua tele naua talu ona i ai o tagata i le lalolagi. Ua 19 vaetoluina foi le aai tele, ua pauu foi aai o nuu; ua manatua Pape- lonia le *aai* tele i luma o le Atua, ina ia tuuina atu ia te ia o le ipu o le uaina o lona toasa mamafa. Ua 20 sosola foi motu uma, o mauga foi ua le iloa. Ua to mai foi ai le lagi 21 i luga o tagata le uato'a latetele, e pei o le taleni ona mamafa; ona faifai ai lea o tagata i le Atua ona

o le mala o le uato'a, auā ua matuā tele lea mala.

O le fafine ua tietie i le manu feai, e fitu ona ulu ma ona nifo o sefulu.

- 17 UA sau foi le tasi o ia agelu e toafitu sa i ai ipu e fitu, ua tautala mai ia te au, ua faapea mai ia te au, Sau ia, ou te faailoa ia te oe le faasalaina o le fafine talitane e sili, o 2 lē tietie i vai e tele; ua faitaaga ma ia o tupu o le lalolagi, ua onā foi e o nonofo i le lalolagi i le uaina o 3 lana faitaaga. Ua ia avea foi a'u i le vao i le Agaga; ona ou iloa lea o le fafine ua tietie i le manu feai mūmū, ua lilo i igoa faifai, e fitu 4 ona ulu ma ona nifo e sefulu. Ua ofu le fafine i le ie pāuli ma le mūmū, ua teuteu foi i auro, ma maa tūa, ma penina, ua i lona lima le ipu auro, ua tumu i mea e inosia 5 ma le leaga o lana faitaaga; ua tusia foi i lona muaulu le igoa, O LE MEA LILO, PAPELONIA LE AAI TELE, O LE TINA O FAFINE TALITANE MA 6 MEA E INOSIA I LE LALOLAGI. Na ou iloa foi le fafine ua onā i le toto o le au paia ma le toto o e na moli-mau ia Iesu; ua ou iloa atu ia te ia, ona ou matuā ofo tele ai lea. 7 Ona fai mai lea o le agelu ia te au, Se a le mea ua e ofo ai? Ou te ta'u atu ia te oe le uiga lilo o le fafine, ma le manu feai ua ia tietie ai, e fitu ona ulu ma ona nifo e 8 sefulu. O le manu feai na e iloa, sa i ai, ua le i ai foi, o le a alu ae foi o ia ai le to e le gata, e alu atu foi o ia i le malaia; o e nonofo i le lalolagi, (e lei tusia o latou igoa i le tusi o le ola talu ona faavaeina o le lalolagi,) latou te taufaiofo, pe a 9 iloa le manu feai sa i ai, ua le i ai foi, a e ui i lea o loo i ai lava. O le mea lenei ua i ai le atamai e ona le potō. O ulu e fitu o mauga ia e 10 fitu, ua nofo ai le fafine; o tupu foi ia e toafitu; o toalima ua pauu, o loo i ai le tasi, e lei oo mai nei foi le tasi; pe a oo mai e tusa ona saa- 11 saa ona po e tumau ai. O le manu feai foi sa i ai, ua le i ai foi, o lona toavalu lea, nai le toafitu foi o ia, e 12 alu atu foi o ia i le malaia. O nifo foi e sefulu na e iloa, o tupu ia e toasefulu, ua le oo ina maua o la-

tou malo, a e maua e i latou le pule pei o tupu e tasi le itu aso faatasi ma le manu feai. Ua loto 13 gatasi i latou nei, latou te avatu foi o latou malosi ma a latou pule i le manu feai. Latou te tau le taua 14 ma le Tamai mamoe, a e manumalo le Tamai mamoe ia te i latou, auā o le Alii ia o alii ma le Tupu o tupu; o e ua ia te ia foi ua valaauina i latou, ma filifilia, ma faamaoni. Ona fai mai lea o ia ia te au, O vai 15 na e iloa, o loo tietie ai le fafine talitane, o nuu ia, ma motu o tagata, ma atu nuu, ma gagana esee. O 16 nifo foi e sefulu na e iloa i le manu feai, latou te 'ino'ino i le fafine talitane, ma faasaunoa ia te ia, ma to ese ona ofu, latou te aai foi i lona tino, ma susunu ia te ia i le afi. Auā ua tuuina atu e le Atua i o la- 17 tou loto ia faia lona finagalo, latou te loto gatasi foi e avatu lo latou malo mo le manu feai, seia taunuu afioga a le Atua. O le fafine foi na 18 e iloa, o le aai tele lea, e i ai le pule i tupu o le lalolagi.

Ua paū Papelonia; ua olioli ai le au paia.

UA mavae ia mea, ona ou iloa 18 atu lea o le agelu o loo alu ifo i le lagi, ua ia te ia le pule sili; ua malamalama foi le lalolagi i lona pupula. Ua matuā alaga foi o ia ma 2 le leo tele, ua faapea ane, Ua paū, ua paū Papelonia le aai tele, ua avea foi o ia ma mea e nofo ai temoni, ma mea e puipui ai agaga leaga uma, o le mea foi e puipui ai manu felelele uma e leaga ma le inosia; auā ua feinu nuu uma i le 3 uaina o le toasa i lana faitaaga, ua faitaaga foi ma ia tupu o le lalolagi, o le faulaiga o ana mea faafiafia ua tamaoaiiga ai e ua faatau oa o i le lalolagi.

Ua ou faalogo foi i le tasi leo 4 mai le lagi, ua faapea mai, Lo'u nuu e, ia outou o ese ia te ia, ina ne'i faatasia outou i ana agasala, ina ne'i tofusia foi outou i ona mala; auā ua pa'i atu ana agasala 5 i le lagi, ua manatua foi e le Atua ana amioleaga. Ia outou tau i atu ia te ia ia pei ona tau i mai e ia ia te outou, ia outou tau i faalua ia te ia 6

- e tusa ma ana galuega; o le ipu foi na liligi mai ai e ia, ia outou liligi
 7 faalainaina atu ai ia te ia. E pei ona mitamita o ia ia te ia, mona ua faafiafia o ia ia te ia, ia faapea ona outou tuuina atu ia te ia o le puapuaga ma le faanoanoa. Auā ua faapea ifo ia i lona loto, Ou te nofo nei o le tupu fafine, ou te le se fafine ua oti lana tane, ou te le iloa
 8 lava se faanoanoa; o le mea lea e oo mai ai i le aso e tasi ona mala, o le oti, ma le faanoanoa, ma le oge; e susunuina foi o ia i le afi; auā e malosi lava le Alii le Atua o lē faasala ia te ia. O tupu foi o le lalolagi e na faitaaga ma faafiafia i latou faatasi ma ia, latou te faufaitagi ia te ia ma faufaitagitu'i ona o ia, pe a latou iloa atu le asu o lona
 10 susunuina; e tutū mamao i latou ona o le fefe i lona puapuaga, e faapea atu, Aue, aue Papelonía e, le aai tele ma le aai malosi! auā o le itu aso e tasi ua oo mai ai lau sala. O faatauoa foi i le lalolagi e faufaitagi i latou ma faanoanoa ona o ia; auā e le toe faatau e se tasi a
 12 latou oloa; o le oloa auro, ma ario, ma maa tāua, ma penina, ma ie vavae, ma ie pāuli, ma le silika, ma le ie mūmū, ma laau tuina uma, ma ipu nifo elefane uma, ma ipu laau matuā tāua uma, ma le 'apa memea,
 13 ma le uamea, ma le maremaru, ma kinamomi, ma mea manogi, ma le suāuu manogi, ma le pulu lipano, ma le uaina, ma le uu olive, ma le falaoa lelei, ma le saito, ma manu, ma mamoe, ma solofanua, ma nofoa faataavalevale, o tino foi atoa ma
 14 agaga o tagata. Ua te'a foi ma oe o fua na e tu'inanau i ai, ua te'a foi ma oe mea lalelei uma ma mea pupula, e te le toe maua lava ia mea.
 15 O e faatau ia mea, o e tamaoaiga ona o ia, latou te tutū mamao ma le fefe i lona puapuaga, o loo faufaitagi ma faanoanoa, o loo faapea atu, Aue, aue le aai tele, na ofu i le ie vavae ma le pāuli, ma le mūmū, na teteu foi i auro, ma maa tāua ma
 17 penina; auā o le itu aso e tasi ua faaumatia ai le oloa ua sili ona tele. O tautai uma, atoa ma tagata uma o i vaa, ma auvaa, atoa uma ma feoi i le vasa, ua tutū mamao i la-
 tou, ma latou alalaga ina o iloa mai le asu o lona susunuina, ua faapea, O fea se aai e tusa ma lenē aai tele? Ua latou lafo ae foi le elelee
 19 i o latou ulu, ua alalaga, ma faufaitagi, ma faanoanoa, ua faapea atu, Aue, aue le aai tele, na tamaoaiga ai i latou uma o e o i ai vaa i le vasa, ona o ana mea tāua; auā o le itu aso e tasi ua faatafunaina ai o ia. Ia e olioli ona o ia, le lagi e,
 20 atoa ma outou aposetolo paia ma perofeta; auā ua faasalaina o ia e le Atua ona o le faasalaina o outou e ia.
 Ua siitia foi e le tasi agelu malosi
 21 o le maa e pei o se maaolo tele, ma lafo i le sami, ua faapea atu, E faapea ona lafotuina o Papelonía le aai tele, e le toe iloa lava. E le toe
 22 lagona foi ia te oe le leo o e ta kitara, ma ē lagi siva, ma ē ili fagu-fagu, atoa ma ē ili pu; e le toe iloa foi ia te oe se tufuga e toatasi o se faiva e tasi, e le toe lagona foi ia te oe le taalili o le maaolo, e le toe
 23 pupula mai foi ia te oe se malamalama o se lamepa, e le toe lagona foi ia te oe le leo o le faatoafaiavā ma le faatoanofa tane; auā o ou tagata faatauoa o tagata sili ia o i le lalolagi, auā ua faaseseina nuu uma i au togafiti faataulāitu. Ua
 24 iloa foi ia te oe le toto o perofeta ma le au paia, ma i latou uma ua fasiotia i le lalolagi.
- Ua viia le Atua auā ua ia faamasino i le fafine talitane tele.*
- UA mavae nei mea, ona ou faa-
 logo lea e peiseai o le leo tele o le
 motu o tagata e toatele o i le lagi,
 ua faapea atu, Aleluia; ua i le Alii
 lo tatou Atua le olataga, ma le
 viiga, ma le faaneeneega, ma le
 mana; auā e faamaoni, e tonu foi
 ana faamasinoga; auā ua faasalaina
 e ia le fafine talitane e sili, o le na
 faaleagaina le lalolagi i lana faita-
 aga, ua ia tau i latou ia te ia lava le
 toto o ana auauna. Ua latou toe
 fai atu, Aleluia; ona alu ae ai lea o
 lona asu e faavavau faavavau lava.
 Ua faapaū toaina e toluafulu ma
 le toafa, ma mea ola e fa, ma ua
 ifo i le Atua o lē tietie i le nofoālii,
 ua faapea atu, Amene; Aleluia.

- 5 Ua oo mai foi le leo mai le nofoālii, ua faapea mai, Ia vivii atu i lo tatou Atua, o outou ana auauna uma, ma outou o e matataua ia te ia, o tagata nuu atoa ma alii. Ua ou faalogo foi e peiseai o le leo o le motu o tagata e toatele, e peiseai o le taalili o vai e tele, e peiseai o le taalili foi o faititili tetele, ua faapea atu, Aleluia; auā ua fai ma tupu le Alii le Atua e ona le malosi uma lava. Ia tatou fiafia ma olioli, ma tuu atu le viiga ia te ia; auā ua oo mai le tausamaaga o le Tamai mamoe, o lona faletua foi ua saunia o ia e ia. Ua tuuina atu foi ia te ia ina ia ofu o ia i le ie vavae e mamā ma le pupula; auā o le ie vavae o le amiotonu lea a le au paia. Ua fai mai foi o ia ia te au, Ia e tusi, Amuia e ua tala'iina i le tausamaaga o le Tamai mamoe. Ua fai mai foi o ia ia te au, O afoga moni ia a le Atua. Ona ou faapaū atu lea i luma o ona vae e ifo ia te ia; a ua fai mai o ia ia te au, Ia oe, aua lava; o a'u o lou uso a auauna, o so lou au uso foi ua i ai le mau ia Iesu; ia e ifo i le Atua; auā o le agaga o le valoaga o le mau lea ia Iesu.
- 11 Na a'u iloa atu le lagi ua avanoa, faauta foi, o le solofanua sinasina, o lē tietie ai foi na igoa ia o le Faamaoni ma le Moni, o le amiotonu foi na te faamasino ai ma tau ai le taua; ua pei o le mumū o le afi ona fofoga, ua i lona ao foi palealii e tele; ua ia te ia le suafa ua tusia e le iloa e se tasi ua na o ia lava; ua ofu foi o ia i le ofu ua fufui i le toto; ua faasuafaina o ia, O le Lokou o le Atua. O 'au foi o i le lagi ua mulimuli atu ia te ia i luga o solofanua sisina, ua oofu i latou i le ie vavae sinasina ma le mamā.
- 15 Ua alu atu foi le pelu maai nai i lona fofoga, ina ia taia a'i e ia o nuu; e pule foi o ia ia te i latou i le tootoo uamea; e soli foi e ia le soligāvine o le toasa mamafa o le Atua e ona le malosi uma lava. Ua ia te ia foi le suafa ua tusia i lona ofu ma lona vae, O LE TUPU o TUPU, MA LE ALII o ALII. Na a'u iloa foi le tasi agelu ua tu i le la; ua alaga foi o ia ma le leo tele, ua

faapea atu i manu uma e felelei i le taulotoaiga o le lagi, O mai ia, ina outou faapotopoto ane i le faigaai a le Atua silisili, ina ia outou aai i tino o tupu, ma tino o ta'ita'i o 'au taitoaafe, ma tino o tagata malolosi, ma tino o solofanua ma e ua tietie ai, ma tino o tagata uma, o e sa'oloto atoa ma pologa, o tagatānuu atoa ma alii. Ona ou iloa lea o le manu feai, ma tupu o le lalolagi, ma a latou 'au, ua faapotopotoina e tau ai le taua ma le ua tietie i le solofanua ma lana itu taua. Ona puea lea o le manu feai atoa ma le perofeta pepelo o le na fai faailoga i ona luma, o mea ia na faaseseina ai e ia o e ua i ai le faailoga o le manu feai, ma e ua ifo i lona faatagata; ua lafoolaina i laua i le lepa afi ua mu i le teio. A o e na toote, ua fasiotia i latou i le pelu ua alu atu nai le fofoga o le ua tietie i le solofanua; ona maona ai lea o manu felelei uma i o latou tino.

Ua fusifusia Satani i tausaga e tasi le afe.

Na a'u iloa foi le agelu ua alu ifo i le lagi, ua ia te ia le ki o le to e le gata, ua i lona lima foi le maea uamea tele. Ua pue foi e ia le tarako, o le gata tuai, o le tiapolo lea ma Satani, ua ia fusifusi foi ia te ia i tausaga e afe. Ua ia lafo foi ia te ia i le to e le gata, ua pupuni foi ia te ia, ma tuuina atu le faamaufaaailoga i ona luga, ina ia le toe faaseseina e ia o nuu, seia atoa ia tausaga e afe; a mavae foi ia, e tatau ona tatalaina o ia i nai aso. Na a'u iloa foi nofoālii, ma ua latou tietie ai, ua tuuina atu foi le faamasinoga ia te i latou; na a'u iloa foi agaga o e ua vavaeeseina o latou ulu ona o le mau ia Iesu ma le afoga a le Atua, o e na le ifo i le manu feai po o lona faatagata, na le talia foi le faailoga i o latou muauulu po o latou lima; ua latou ola foi, ma ua fai ma tupu faatasi ma Keriso i tausaga e afe; a o e toote o e ua oti, e lei toe ola i latou seia atoa ia tausaga e afe. O le uluai toe tu lena. Amuia mona ua paia le ua i ai se tofi i le uluai toe tu; e le oo

foi le pule a le oti faalua ia te i latou, a e avea i latou ma faitaulaga a le Atua ma Keriso, latou te fai ma tupu foi faatasi ma ia i tausaga e afe.

- 7 Pe a atoa foi ia tausaga e afe, ona tatalaina lea o Satani ai le mea
8 na puipuiina ai o ia. E alu atu foi o ia e faasese i nuu o i itu e fa o le lalolagi, o Koku ma Makoku, e faapotopototo ia te i latou i le taua, ua pei o le oneone o le sami i latou
9 ona toatele. Ua o ae foi i latou i le mafolafola o le lalolagi, ua latou siomia foi le toagālauapi a le au paia ma le aai ua faapelepeleina; ona alu ifo lea o le afi mai le Atua i le lagi, ua susunu ai ia te i latou;
10 o le tiapolo foi o le na faasese ia te i latou, ua lafoina o ia i le lepa afi ma le teio, o i ai le manu faai ma le perofeta pepelo; e puapugaina ai i latou i le ao ma le po e faavavau faavavau lava.
11 Na a'u iloa foi le nofoālii tele e sinasina, ma le o tietie ai, ua sosola ese le lalolagi ma le lagi i ona luma, e le iloa foi se mea e tu ai i laua.
12 Na a'u iloa foi o e na oti, o tagatānuu atoa ma alii, o tutū i luma o le Atua, ona fofola lea o tusi; ua fofola foi ma le tasi tusi, o le tusi lea o le ola; ona faamasinoina ai lea o e na oti i mea ua tusia i tusi,
13 e tusa ma a latou amio. Ua avae foi e le sami e na oti sa i ai, ua avae foi e le oti ma seoli e na oti sa i ai; e taitasi foi o i latou ma faamasinoina e tusa ma a latou amio.
14 Ua lafoina foi le oti ma seoli i le
15 lepa afi; o le oti faalua lea. Ai se tasi ua iloa ua le tusia i le tusi o le ola, ua lafoina lea i le lepa afi.

O le lagi ma le lalolagi fou.

- 21 ONA a'u iloa lea o le lagi fou ma le lalolagi fou; auā ua mavae atu le uluai lagi, ma le uluai lalolagi, ua
2 leai foi se toe sami. O a'u foi o Ioane na ou iloa le aai paia, o Ierusalemā fou, ua alu ifo mai le Atua i le lagi, ua saunia pei o se faatoanofotane ua teuteuina mo lana tane.
3 Na ou faalogo foi i le leo tele mai le lagi, ua faapea mai, Faauta, ua faatasi ma tagata le fale fetafai o le Atua, e mau foi o ia ma i latou; e

fai foi i latou mona nuu, e ia te i latou le Atua lava, o lo latou Atua ia. E sōloiesea foi e le Atua loimata uma i o latou mata; e leai foi se toe oti, po o se faanoanoa, po o se aue, e leai foi se toe puapuga; auā ua mavae atu mea muamua. Ua fetalai mai foi lē tietie i le nofoālii, Faauta, ou te faia ia fou mea uma lava. Ua fetalai mai foi o ia ia te au, Ia e tusi; auā o upu nei e moni ma le faamaoni ia. Ua fetalai mai foi o ia ia te au, Ua uma ona fai. O a'u le Alefa ma le Omeke, o le amataga ma le gataaga. O le ua fia inu ou te foaifuaina atu ia te ia ai le puna o le vai ola O lē manu-malo e maua e ia mea uma, e fai foi a'u mona Atua, e fai foi o ia mo'u atalii. A o e loto vaivai, ma e lē faalogo, ma e fai mea e inosia, ma e fasiotia tagata, ma e faitaaga, ma e faataulāitu, ma e ifo i tupua, atoa ma e tala pepelo uma, e fai o latou tofi i le lepa e mu i le afi ma le teio, o le oti faalua lea.

Ua aluane foi ia te au le tasi o ia agelu e toafitu o e sa i ai ipu e fitu na tutumu i mala e fitu e gata ai, na tautala mai foi o ia ia te au, ua faapea mai, Sa ia, ou te faaali atu ia te oe le faatoanofotane, o le faletua lea o le Tamai mamoe. Ua ia avea foi a'u i le Agaga i le mauga tele ma le maualuga, ua ia faaali foi ia te au Ierusalemā, o le aai tele ma le paia, o loo alu ifo i le lagi mai le Atua, ua i ai le pupula o le Atua; o lona pupula foi e pei o se maa tāua lava, e pei o se maa iasepi i lona faatioata mai; ua i ai foi le pa tele ma le maualuga, ua i ai puipui e sefulu ma le lua, ua i puipui foi agelu e toasefulu ma le toalua, ua tusia ai foi igoa, o igoa ia o itu aiga e sefulu ma le lua o le fanauga a Isaraelu, ua i sasaē o puipui e tolu, ua i le itu i matu o puipui e tolu, ua i le itu i toga o puipui e tolu, ua i sisifo o puipui e tolu. Ua i le pa foi o le aai o faavae e sefulu ma le lua, ua i ai foi igoa o le au aposetolo a le Tamai mamoe e toasefulu ma le toalua. O le na tautala ma a'u sa i ai le u auro e fua a'i e ia le aai, ma ona puipui, atoa ma ona pa. Ua faatu faatāfafa foi le aai, o lona umi

ua tusa ma lona lautele; ua fuatia
foi e ia o le aai i le u, e sefulu afe
ma afe e lua o setatio; o lona umi,
ma le lautele, ma le maualuga, ua
17 tutusa lava ia. Ua fuatia foi e ia
lona pa, e tasi le selau ma le faga-
fulu ma le fa o kupita, o le fua a le
18 tagata, o a le agelu lea. Ua ati foi
lona pa i maa iasepi; o le aai o le
auro lelei lea, ua pei o le tioata
19 manino. Ua teteu foi noopa o le
aai i maa tāua uma; o le noopa
muamua o le iasepi lea, o lona lua o
le safaira lea, o lona tolu o le kakito
20 lea, o lona fa o le samaraki lea; o
lona lima o le saritonu lea, o lona
ono o le salikea lea, o lona fitu o le
tasesa lea, o lona valu o le soama
lea, o lona iva o le topasi lea, o lona
sefulu o le kuasopera lea, o lona
sefulu ma le tasi o le uakini lea, o
lona sefulu ma le lua o le aselama
21 lea. O puipui foi e sefulu ma le lua
o penina ia e sefulu ma le lua; tai-
tasi le puipui ma le penina e tasi na
fai a'i; o le ala tele foi o le aai o le
auro lelei lea, e pei o le tioata
22 manino. Ou te lei iloa ai foi se
malumalu; auā o lona malumalu o
le Alii le Atua lea, e ona le malosi
uma lava, atoa ma le Tamai mamoe.
23 E le aoga foi i le aai ona pupula i ai
o le la, po o le masina; auā o le
pupula o le Atua ua faamalamala-
maina ai ia, o le Tamai mamoe foi
24 o lona lamepa lea. O nuu foi o e ua
faaolaina latou te savavali i lona
malamalama; o tupu foi o le lalo-
lagi latou te au mai i ai o latou
25 mamalu ma viiga. O ona puipui foi
e le punitia lava i le ao; auā e leai
se po i lea mea. Latou te au mai foi
26 i ai le mamalu ma le viiga o nuu.
27 E le sao atu lava i ai se mea leaga e
tasi, po o se na te faia se mea inosia,
po o se pepelo; na o i latou lava e
ua tusia i le tusi o le ola a le Tamai
mamoe.

O le vaitafe ma le laau o le ola.

22. ONA faaali mai lea e ia ia te au
le vaitafe manino o le vai o le ola, e
manino e pei o le maa tioata, ua
tase ifo mai le nofoālii o le Atua ma
2 le Tamai mamoe. O i le moa o lona
ala tele ma itu taitasi o le vaitafe le
laau o le ola, o loo fua mai i fuata e

sefulu ma le lua, e taitasi le masina
ma fua mai ai lona fuata; o lau foi
o le laau e faamalolo ai nuu. E leai
foi se toe faafano e tasi; e i ai foi le
3 nofoālii o le Atua ma le Tamai ma-
moe, o ana auaina foi latou te
auaina ia te ia; latou te vaavaai
4 atu foi i ona fofoga, e i ai foi i o
latou muaulu lona suafa. E leai
5 lava se po i lea mea; e le aoga foi ia
te i latou se lamepa, po o le mala-
malama o le la; auā o le Alii le
Atua na te faamalamalamaina i
latou; latou te fai ma tupu foi e
faavavau faavavau lava.

Ona fai mai lea o ia ia te au, O
upu e faamaoni ia ma le moni; o le
6 Alii foi le Atua o le au perofeta paia
ua auina mai e ia lana agelu e faa-
iloa mai i ana auaina mea e tusa
ona vave oo mai. Faauta, ou te
7 vave ala atu; amuia lē tausī i upu
o le valoaga o lenei tusi. O a'u foi
8 o Ioane, na ou vaai ma ou faalogo i
na mea; ua ou faalogo ma ou vaai,
ona a'u faapaū lea e ifo atu i vae o
le agelu na na faaali mai ia te au ia
mea. A ua fai mai o ia ia te au, Ia
9 oe, aua lava; auā o a'u o lou uso a
auaina, ma lo le au perofeta ou
uso, o lo latou foi o e tausī i upu o
lenei tusi; ia eifo i le Atua. Ua fai
10 mai foi o ia ia te au, Aua e te faa-
maufaailogaina upu o le valoaga o
lenei tusi; auā ua latalata ona aso.
O lē amioletonu ia amioletonu pea o
11 ia, o lē eleelea ia eleelea pea o ia, o
lē amiotonu ia amiotonu pea o ia, o
lē paia ia paia pea o ia. Faauta foi,
12 ou te vave ala atu; ua ia te au foi
le tauī ou te tauī taitasi atu ia tusa
ma lana amio ua fai. O a'u le Alefa
13 ma le Omeka, o le amataga ma le
gataaga, o le muamua ma le muli-
muli.

Amuia i latou o e faia ana polo-
14 aiga, ina ia taga ia i latou le laau o
le ola, ma ia latou ulu atu i le aai i
ona faitotoa. Aua i tuapā o uli, ma
15 e faataulāitu, ma e faitaaga, ma e
fasioti tagata, ma e ifo i tupua, atoa
uma lava e ua loto i le tala pepelo
ma latou faia.

O a'u o Iesu na ou auina atu la'u
16 agelu e molimau ia te outou i ia
mea i ekalesia. O a'u o le Aa ma le
fanau a Tavita, o le fetu ao pupula.

FAAALIGA, 22.

- 17 Ua fetalai mai le Agaga ma le faa-
toanofotane, Ina sau ia ; ina fai atu
foi ia o lē faalogo, Ina sau ia ; o lē
fia inu, ina sau ia, atoa ma lē manao
i ai, ina ave fua ia le vai o le ola.
- 18 Auā ou te ta'utino atu ia i latou
uma o e faalogo i upu o le valoaga o
lenei tusi, Ai se tasi e faaopoopo
mai *se upu* i nei upu, e faaopoopoina
atu e lē Atua ia te ia o mala ua
- 19 tusia i lenei tusi. Ai se tasi foi e ave
- ese *se upu* i upu o le tusi o lenei
valoaga, e aveeseina e le Atua lona
tofi i le tusi o le ola, ma le aai paia,
ma mea ua tusia i lenei tusi. Ua 20
fai mai lē molimau i nei mea, E
moni, ou te vave alu atu. Amene.
O lea lava, le Alii e Iesu, ia e afio
mai.
- Ia ia te outou uma le alofa tunoa 21
o lo tatou Alii o Iesu Keriso.
Amene.

